



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### **Usage guidelines**


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### **About Google Book Search**

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>











*Migne, Jacques*

# PATROLOGIÆ

## CURSUS COMPLETUS

SEU BIBLIOTHECA UNIVERSALIS, INTEGRÆ, UNIFORMIS, COMMODA, OECONOMICA,  
MONUMENTUM SS. PATRUM, DOCTORUM SCRIPTORUMQUE ECCLESIASTICORUM,

SIVE LATINORUM, SIVE GRÆGORUM,

QUI AB ÆVO APOSTOLICO AD TEMPORA INNOCENTII III (ANNO 1216) PRO LATINIS  
ET AD CONCILII FLORENTINI TEMPORA (ANN. 1439) PRO GRÆCIS FLORUERUNT.

### RECUSIO CHRONOLOGICA

OMNIUM QUÆ EXSTITERE MONUMENTORUM CATHOLICÆ TRADITIONIS PER QUINDECIM PRIORA  
ECCLESIE SÆCULA,

POST JUNCTAS EDITIONES ACCURATISSIMAS INTER SE CUMQUE NONNULLIS CODICIBUS MANUSCRIPTIS COLLATAS, PER QUAM  
DILIGENTER CASTIGATA; DISSERTATIONIBUS, COMMENTARIIS, VARIISQUE LECTIIONIBUS CONTINENTER ILLUSTRATA;  
OMNIBUS OPERIBUS POST AMPLISSIMAS EDITIONES TUM TRIBUS NOVISSIMIS SÆCULIS DEBENTUR ABSOLUTAS  
DETECTIS, AUCTA; INDICIBUS PARTICULARIBUS ANALYTICIS, SINGULOS SIVE TOMOS SIVE AUCTORES ALICUJUS  
MOMENTI SUBSEQUENTIBUS, DONATA; CAPITULIS INTRA IPSUM TEXTUM RITE DISPOSITIS, NECNON ET  
TITULIS SINGULARUM PAGINARUM MARGINEM SUPERIOREM DISTINGUENTIBUS SUBJECTAMQUE MATE-  
RIÆ SIGNIFICANTIBUS, ADORNATA; OPERIBUS CUM DUBIIS, TUM APOCRYPHIS, ALIQUA VERO  
AUCTORITATE IN ORDINE AD TRADITIONEM ECCLESIASTICAM POLLENTIBUS, AMPLIFICATA;  
SUCCENTIS ET AMPLIUS LOCUPLETATA INDICIBUS AUCTORUM SICUT ET OPERUM, ALPHABETICIS, CHRONOLOGICIS,  
STATISTICIS, SYNTHETICIS, ANALYTICIS, ANALOGICIS, IN QUODQUE RELIGIONIS PUNCTUM, DOGMATICUM, MORALE,  
LITURGICUM, CANONICUM, DISCIPLINARE, HISTORICUM, ET CUNCTA ALIA SINE ULLA EXCEPTIONE; SED PRÆ-  
SERTIM DUOBUS INDICIBUS IMMENSIS ET GENERALIBUS, ALTERO SCILICET RERUM, QUO CONSULTO,  
QUIQUID NON SOLUM TALIS TALISVE PATER, VERUM ETIAM UNUSQUISQUE PATRUM, NE UNO QUIDEM  
OMISSO, IN QUODLIBET THEMA SCRIPSERIT, UNO INTUITU CONSPICIATUR; ALTERO SCRIPTURÆ  
SACRÆ, EX QUO LECTORI COMPERIRE SIT OBVIUM QUINAM PATRES ET IN QUIBUS OPERUM  
SUORUM LOCIS SINGULOS SINGULORUM LIBRORUM S. SCRIPTURÆ VERSUS, A PRIMO  
GENESEOS USQUE AD NOVISSIMUM APOCALYPSIS, COMMENTATI SINT.  
SOLITO ACCURATISSIMA, CÆTERISQUE OMNIBUS FACILE ANTEPONENDA, SI PERPENDANTUR CHARACTERUM NITIDITAS  
CHARTÆ QUALITAS, INTEGRITAS TEXTUS, PERFECTIO CORRECTIONIS, OPERUM RECUSORUM TUM VARIETAS, TUM  
NUMERUS, FORMA VOLUMINUM PER QUAM COMMODA SIBIQUE IN TOTO PATROLOGIÆ DECURSU CONSTAN-  
TIS, PRETII EXIGUITAS, PRÆSERTIMQUE ISTA COLLECTIO, UNA, METHODICA ET CHRONOLOGICA,  
SEXCENTORUM FRAGMENTORUM OPUSCULORUMQUE HACTENUS HIC ILLIC SPARSORUM, PRIMUM AUTEM  
IN NOSTRA BIBLIOTHECA, EX OPERIBUS ET MSS. AD OMNES ÆTATES, LOCOS, LINGUAS FORMASQUE  
PERTINENTIBUS COADUNATORUM.

### SERIES LATINA

IN QUA PRODEUNT PATRES, DOCTORES SCRIPTORESQUE ECCLESIE LATINÆ  
A TERTULLIANO AD INNOCENTIUM III.

ACCURANTE J.-P. MIGNE,

BIBLIOTHECÆ CLERI UNIVERSÆ

SIVE CURSuum COMPLETORUM IN SINGULOS SCIENTIÆ ECCLESIASTICÆ RAMOS EDITORE.

### PATROLOGIÆ LATINÆ TOMUS CLXVI.

BALDRICUS DOLENSIS ARCHIEP. HONORIUS II, ROM. PONT. COSMAS PRAGENSIS. ALBERICUS  
AQUENSIS. DROGO, CARD. PETRUS LEONIS ET GREGORIUS S. R. E. LEGATI. FRIDERICUS  
COLON. ARCHIEP. S. HUGO GRATIAN., BRUNO ARGENTIN. EPISCOPI. S. STEPHANUS CISTERC. III,  
FRANCO AFFLIGEM., PONTIUS CLUNYAC., ABBAUDUS; RICHARDUS PRATEI L., G., ABBATES.  
DOMNIZO PRESB. CANUS. JOANNES MON. VIVIANUS PRÆMONST. JOANNES MICHAELSENSIS.  
GUALTERUS TARV. ET GALBERTUS BRUG. HUGO DE RIBODIMONTE.

PARISIIS

APUD GARNIER FRATRES, EDITORES ET J.-P. MIGNE SUCCESSORES,

IN VIA DICTA : AVENUE DU MAINE, 208,

BR  
60  
oM4  
t.166

---

Clichy. — Ex typis PAUL DUPONT, 12, via dicta Sac-d'Asnières. 212.11.93.

---

ALPHABET  
JOURNAL



SÆCULUM XII.

**BALDRICI**  
**DOLENSIS ARCHIEPISCOPI**  
**OPERA OMNIA**

ACCEDUNT

**HONORII II ROMANI PONTIFICIS**

EPISTOLE ET DIPLOMATA

NECNON

**COSMÆ PRAGENSIS, ALBERICI AQUENSIS**

**CHRONICA**

INTERMISCENTUR

DROGONIS CARDINALIS, PETRI LEONIS ET GREGORII S. R. E. LEGATORUM, FRIDERICI COLONIENSIS ARCHIEPISCOPI, S. HUGONIS GRATIANOPOLITANI, BRUNONIS ARGENTINENSIS, EPISCOPORUM, S. STEPHANI ABBATIS CISTERCIENSIS TERTII, FRANCONIS ABBATIS AFFLIGEMENSIS, PONTII ABBATIS CLUNIACENSIS, ABBAUDI ABBATIS, RICHARDI ABBATIS PRATELLENSIS, G. ABBATIS, DOMNIZONIS PRESBYTERI CANUSINI, JOANNIS MONACHI, VIVIANI PRÆMONSTRATENSIS, JOANNIS MICHAELENSIS, GUALTERI TARVANENSIS ET GALBERTI BRUGENSIS, HUGONIS DE RIBODIMONTE.

**OPUSCULA, DIPLOMATA, EPISTOLÆ**

**ACCURANTE J.-P. MIGNE**

*Bibliotheca Class. Patrum.*

SIVE CURSUM COMPLETORUM IN SINGULOS SCIENTIÆ ECCLESIASTICÆ RAMOS EDITORUM

---

**TOMUS UNICUS**

---

**PARISIIS**

**APUD GARNIER FRATRES, EDITORES. ET J.-P. MIGNE SUCCESSORES,**  
**IN VIA DICTA : AVENUE DU MAINE, 208**

1894

# ELENCHUS

## AUCTORUM ET OPERUM QUI IN HOC TOMO CLXVI CONTINENTUR

- COSMAS PRAGENSIS.  
Chronica Bohemorum, col. 9.
- ALBERICUS AQUENSIS.  
Historia Hierosolymitana, col. 389.
- FRANCO ABBAS AFFLIGEMENSIS.  
De gratia Dei, col. 715. — Epistolæ, col. 807. — Appendix. — Chronicon Affligemense, col. 813.
- HUGO DE RIBODIMONTE.  
Epistola ad G. Andegavensem, col. 833.
- PONTIUS ABBAS CLUNIACENSIS.  
Statuta, col. 839. — Donationes piæ, col. 841.
- PETRUS LEONIS ET GREGORIUS S. R. E. LEGATI.  
Epistolæ, col. 851.
- JOANNES MICHAELENSIS.  
Regula Templariorum, col. 853.
- GUALTERUS TARVANENSIS ECCLESIE CANONICUS ET GALBERTUS BRUGENSIS.  
De Vita et martyrio B. Caroli Boni, Flandriæ comitis, col. 873.
- BALDRICUS DOLENSIS ARCHIEPISCOPUS.  
Historia Hierosolymitana, col. 1037. — Acta Translationis capitis S. Valentini, col. 1151. — Vita S. Hugonis Rothomagensis archiepiscopi, col. 1163. — Itinerarium, sive epistola ad Fiscannenses, col. 1173. — Vita B. Roberti de Arbrissello, col. 1181. — Carmina, col. 1181. — Acta S. Valeriani martyris, col. 1209. — De visitatione infirmorum, col. 1211. — Diploma, col. 1211.
- HONORIUS II PONTIFEX ROMANUS.  
Epistolæ et privilegia, col. 1217.
- VIVIANUS PRÆMONSTRATENSIS.  
Harmonia, col. 1319.
- G. ABBAS.  
Epistola ad A. priorem S. Victoris Massiliensis, col. 1335.
- DOMNIZO PRESBYTER CANUSINUS.  
Vita Mathildis comitissæ, col. 1339.
- ABBAUDUS ABBAS.  
Tractatus de fractione corporis Christi, col. 1341.
- BRUNO ARGENTINENSIS EPISCOPUS.  
Epistolæ col. 1347.
- FRIDERICUS COLONIENSIS ARCHIEPISCOPUS.  
Epistolæ et diplomata, col. 1349.
- RICHARDUS ABBAS PRATELLENSIS.  
Prologus in Leviticum, col. 1357.
- S. STEPHANUS ABBAS CISTERCIENSIS III.  
Censura de aliquot locis bibliorum, col. 1373. — Sermo in obitu prædecessoris sui, col. 1375. — Epistolæ, col. 1375. — Charta charitatis, col. 1477. — Usus antiquiores ordinis Cisterciensis, col. 1383. — Exordium cœnobii et ordinis Cisterciensis, col. 1501.
- JOANNES MONACHUS.  
Epistola ad Adelberonem Trevirensen archiepiscopum, col. 1509.
- DROGO CARDINALIS.  
Sermo de passione Dominica, col. 1514. — Liber de creatione et redemptione primi hominis, col. 1547. — De septem donis sancti Spiritus, col. 1553. — Liber de divinis officiis, col. 1557.
- S. HUGO GRATIANOPOLITANUS EPISCOPUS.  
Excerpta e chartulario Gratianopolitano, col. 1565. — Epistolæ et diplomata, col. 1571.

ANNO DOMINI MCXXV

# COSMAS PRAGENSIS

## COSMÆ

### CHRONICA BOHEMORUM

(Edidit D. RODULPHUS KÖPKE ph. D., apud PERTZ, *Monum. Germ. hist. Script. t. IX, p. 1*)

#### PROLEGOMENA

##### COSMÆ PRAGENSIS ÆTAS, NATALES, RES GESTÆ.

Cosmas Pragensis, quem patris Bohemicae historiae Herodotique splendidissimis nominibus jure ornarunt viri, de perscrutandis Bohemorum rebus gestis optime meriti, inter Germanicarum etiam rerum scriptores, sive rerum materiam quam libro suo inclusit, sive viam et rationem quam in conscribenda historia ingressus est respicis, locum obtinet non sane sua laude fraudandum. Et haud immerito nos quoque nostris eum videmur ascribere posse, qui, etsi Bohemica gente oriundus, et divinarum et humanarum rerum societate cum imperio Germanico erat conjunctus. Quanquam enim Slavicus ejus sanguis odio magis quam amore efferbuit erga Germanos, quos patriæ habebat inimicos atque oppressores (1), tamen neque Germanici imperatoris summum imperium, a Bohemis etiam servandum, rejicere, neque Moguntini archiepiscopi ecclesiasticam disciplinam in dubium vocare audebat. Neque Bohemorum historiam componere licebat, Germanicarum rerum ratione habita omnino nulla; nam vix unam quidem alteramve pagellam complere poterat, quin in res a Germanis et gestas et conscriptas incideret nominaque Germanica litteris mandanda essent. Sit igitur hæc Bohemorum gloria

utilissimum rerum scriptorem sibi popularem datum esse, nobis vero hanc alteram relinquunt Cosmam, quod ipse testatur, Germanorum eruditione et litteris imbutum atque ad altiores sensus capessendos excoltum esse.

Sed alia est laus Bohemis minime eripienda. Germanus quidem erat qui primus Cosmæ chronicon luce publica donavit, at Bohemorum erant viri doctissimi qui in legendo eoque explicando summam operam atque diligentiam posuerunt eumque iterum iterumque novis curis perscrutantes, ita in interiores libri illius recessus penetrarunt ut Germanis viam præirent nobisque penè nihil relinquerent, quæ nova proferri possent. Primus enim Dobnerus (2), cui summa debet Bohemorum historia, sua doctrina Cosmæ vitam et librum illustravit, post Dobnerum Dobrowskius (3), — cui viro de historia Cechica meritissimo, quod Monumentis Germaniæ promiserat (4), novam Cosmæ editionem, utinam solvere licuisset! at fata obstabant; — post Dobrowskius qui in libro suo nova Bohemicae historiae fundamenta posuit Palackius (5). Post tot tantosque viros de rebus Bohemicis summe meritos, vix saniori consilio res nostra geri possit, quam si ea via quam tali

#### NOTÆ.

- (1) II, 8, 14.
- (2) Ad Hajecii Annales Bohemorum I, 172, sqq.
- (3) In præfatione ad scriptores Rerum Bohemicarum I, p. vii, sqq.
- (4) Archiv. IV, 35.
- (5) Würdigung der alten Böhemischen Geschichtschreiber, pag. 1. Minoris momenti sunt quæ priori tempore de Cosma dederunt Oudinus commen-

tar. De scriptor. eccles. II, 766; Fabricius, Bibliotheca Lat. mediæ et infimæ ætatis I, 331; Menkenius in præfatione ad tom. I script. Rer. Germ.; Ceillier XXI, 576, Hambergerus zuverlässige Nachrichten IV, 104; Pubitschka Geschichte von Böhmen IV, 225; Meinertus in Commentatione die Böhemischen Geschichtschreiber des ersten Zeitraums, Wiener Jahrbücher XV, Anzeigebblatt., pag. 27.

auctoritate præmuntiam videmus incedentes, illa A præsertim adnotamus quæ nobis aliter se habere videbantur.

Testimonia quæ nobis relicta sunt de vita Cosmæ, sunt quidem non ita pauca, sed, ut fere ubique accidere solet, in rerum scriptoribus qui non rebus gerendis, sed scribendis gloriam sibi comparare conati sunt, ex ipsius auctoris libro sunt illa petenda; nam paucissima sunt quæ, postero tempore, casu magis quam consilio ab aliis addita esse videmus. At de se ipse testimonia largiore sane manu libro inseruit quam apud alios fieri solet. Ex ipsius igitur verbis Vita ejus constituenda est.

Cosmas, circiter annum 1045 (.) haud ignobili loco (7) natus, ex gente quadam e Polonia adducta, ni fallor, originem traxit. Nam atavus ejus (8), presbyter qui paucis annis antequam Cosmas hanc lucem adeptus esset, adhuc erat inter vivos, a Bohemis qui cum S. Adalberti reliquiis in patriam victores redibant, cum nobilibus Polonorum turba anno 1059 Pragam captivus ductus est. Scholis Pragensibus erudiendus traditus est Cosmas, ut mox clericorum numero ascriberetur, et an 1074 adhuc in puerorum scholis deprehendimus eum hærentem.

Cum e litterarum rudimentis emerisset, Leordium se contulit Cosmas, quod tunc præ cæteris Lotharingiæ scholis lætissimis, auspiciis Franconis magistri florebat, ibique grammaticæ et dialecticæ operam assidue navavit. Quæ doctrinæ præsidia sibi compa-

(6) Testimonium quod de se ipse fecit Cosmas III, 59, ubi se, an 1125, octogenarium fuisse dici, secuti sunt Pelzelius, Dobrowskius, Palackius et omnes postea reliqui; quam sententiam, ut non omni dubio recto amplectar, his rationibus adducor: Cum illo enim alterum quod II, 34, an. 1074, attulit testimonium conciliari videtur non posse; nam vix patet quomodo vir ille quem obvium habet Cosmas eo loco, auctorem, virum juvenem, undetrigesimum annum ægentem, salutatione *bone puer* alloqui potuerit. Neque auctor se alium ac puerum eodem loco depinxit, ut satis apparet ex illis verbis: *nobis adhuc positus in scholis*, quod non ita ut videbatur. Palackio interpretandum, Cosmam magistri munere in illa schola functum esse. Qui, an. 1074, puer erat, eum ne an. 1045, natum esse credas? Solvendæ hujus difficultatis quam jam Dobnerus vidit ad Hajecium I, 174, unam viam videre mihi videor; non ita urgenda est loco III, 59, vox *octogenarius*; ita fortasse est explicanda ut statuamus quod aliis exemplis me probare non posse libere fateor, auctorem indicare voluisse septuagesimum vitæ annum se egressum jam octavum ætatis decennium intrasse. At ni fallor acrioribus cancellis hoc temporis spatium circumscribi potest. Adelungius, in Glossario manuali, exemplo quodam e diplomate petito probavit *bonos pueros* appellatos esse scholares. Itaque is sine dubio appellandus erat puer qui nondum id ætatis esset, ut ordinem sacrum adipisci posset, quo hoc efficitur quod, an. 1074, Cosmas vigesimum quintum ætatis annum nondum attigerit. Quæ omnia si tenemus natalis annus neque ultra annum 1050 rejiciendus, neque citra annum 1054 promovendus est.

(7) III, 51, adnotavit mortem Bertholdi clientis filii sui Heinrici, quod sane non fecisset, si oliens ille e vulgo quidam famulus fuisset. Patet etiam

averit testes sunt classicorum scriptorum lumina quibus librum suum frequentavit ipsaque scribendi ratio. Quantum litteratum amorem ibi in viscera receperit et senectutis usque terminum servaverit, ipsius docet justa ac plena laudatio, qua sub finem libri Franconi magistro monumentum condere conatus est (9). Quorum studiorum spatio decurso (10), in rerum publicarum luce eum videmus versantem. Vix dubitari potest qui in ducis aulam adscitus sit; publicis enim negotiis implicabatur quæ viro tantum a dnce probato committi posse viderentur. Cum, anno 1086, Moguntia congregata esset synodus, intererat solemnibus illis quibus Heinricus imperator Wratislaum ducem Bohemiæ regem fecit, ipsumque vidit imperatorem, sua manu diploma signantem quo Pragensi diocesi Moravia adjudicabatur finesque antiqui illius episcopatus confirmabantur (11). Gebhardi enim Pragensis in hoc itinere comes in interiorem illius episcopi amicitiam videtur admixtus esse, nam austeræ sanctæque ejus vitæ imaginem ea auctoritate nobis depinxit ut se hæc omnia vidisse affirmet (12). Anno 1091, miraculum quoddam Ss. Wenceslai et Adalberti vidit (13) et paulo post in Italiam profectus est; anno enim 1092, in cohorte episcoporum Cosmæ Pragensis (14) et Andreæ Olomucensis, qui ad investituram capessendam in Italiam iter faciebant Mantuam venit et Wratislaum regem mortuum esse Veronæ audivit (15). Neque minus eum anno 1094, iidem episcopi

## NOTE.

C aliunde clientes fuisse appellatos militum armigeros: si igitur Cosmæ filius inter milites referendus erat, ne pater quidem tam ignobili loco natus videretur esse posse.

(8) Pelzelius et Dobrowskius, loco II, 5, quo legimus: *Inter quos, heu! male captus, adductus est meus atavus, consors in clero, presbyter in officio*, non naturalem atavum, sed seniores tantum illorum clericorum indicari voluerunt, quorum numero ipse ascriptus erat Cosmas; quam sententiam exemplis non probarunt. Et sine dubio non de atavo, sed de proavo suo loquitur auctor; eodem fere modo eadem voce utitur II, 13, ubi B acizlaus dux proavos suos S. Wenceslaum et Boleslaum appellat atavos. Cfr. quoque II, 36, et quod de hoc loquendi usu minus accurato observavit Puhitschka (*Chronologische Geschichte von Böhmen* III, 157, 341). Itaque nihil repugnare videtur quin Cosmæ proavum illius captivitatis memoriam posteris suis reliquisset credamus.

(9) III, 59.

(10) Quod quo tempore factum sit non liquet. Conjecerim intra annos 1075 et 1084, quos alto silentio in chronico prætermisit; valde quoque dolendum Franconi magistri mortis annum plane ignorari. Sigbertus eum jam an. 1047 cluruisse scribit.

(11) II, 37, *quod ego vidi ipsum Cæsarem suis manibus adnotatum.*

(12) II, 47, *fari libet hæc quæ videmus ipsi.*

(13) II, 46, *quæ ipsi videmus.*

(14) Quod priore tempore nonnulli, e. g., Pontanus in Bohemia pia, p. 5, sibi persuaserunt Cosmam episcopum et Cosmam decanum unum eundemque esse, jam refutavit Balbinus in Epitome rerum Bohemicarum, p. 211.

(15) II, 49, 50, *ramur nostrus dicitur dicitur.*

Moguntiam mitterentur ut sacro ordine ab archiepiscopo Moguntino initiarentur, Cosmas eos comitabatur, ut ipse iis indicavit quæ de reditu in patriam litteris mandavit (16). Deinde, anno 1099, iterum sodalis factus est Hermanni novi episcopi Pragensis in adipiscendis sacris ordinibus; nam ambo et Hermannus et Cosmas a Seraphio archiepiscopo Strigoniensi ad eundem presbyteratus gradum in ipsa illius episcopi sede promoti sunt (17). Anno 1100, interfuit Pragæ consecrationi ecclesiæ S. Petri apostoli, et mirabili illi examini quo Hermannus episcopus fidem reliquiarum S. Ludmillæ probari jussit (18), et, an. 1108, crudelissimæ cladi, qua gens Wrssowicorum deleta est, testis interfuit (19). Ex quibus locis satis patet eum inter illos sine dubio fuisse S. Viti Pragensis capituli clericos, quibus in rebus Ecclesiæ administrandis summa esset auctoritas. Illorum numero, an. 1100, jam erat ascriptus. Cum enim Otto dux Moraviensis forum, in Skir Kostel villa a parentibus canonicis Pragensibus datum, iis auferre conaretur, Cosmas legatus missus est ad Wladislaum ducem, ut suo labore et prudentia damnum repararet; quem conatum ad felicissimum exitum perduxit (20). Decani tandem dignitatem eum inter annos 1119 et 1122 adeptum esse ex iis apparebit, quæ de tempore quo librum composuerit paulo infra dicemus. Vidit igitur Cosmas illa tempora quibus et Ecclesia et Romanum imperium vehementissime quasi procellis conquassabantur, virilique vigeat ætate cum de sacerdotum matrimonii acerbissima exorta esset quæstio; eo magis mirari subit eum hiis tempestatibus pene intactum retinuisse domi uxorem, eique ut fidelissimæ conjugi et omnium rerum suarum indimotæ comiti, ut ipsius verbis utar, anno 1117, post mortem versibus quibusdam in libro suo monumentum condidisse (21). Anno 1123, filii sui Heinrici mentionem fecit (22). Anno demum 1125, quo dux Sobeslaus in thronum evectus est, 24 Octob., diem obiit supremum Cosmas, ut alius in calce libri ejus adnotavit, cum vitam honoribus minime carentem ad octogesimum fere ætatis annum duxisset (23).

Eorum quæ apud populares et exterarum gentes audierat Cosmas, vel viderat, vel denique ipse rerum

(16) III, 3, *in medio pernoctavimus campo.*

(17) III, 9, *et me. . . promovit.*

(18) III, 11, *uti ipsi vidimus.*

(19) III, 24, *vidimus enim eos miserabiliter in forum trahi.*

(20) III, 33, *ego missus ex parte fratrum.*

(21) III, 43.

(22) III, 51. Idem est Henricus Zdik, qui postea an. 1126-1150 Olomucensis episcopi munere summa cum laude suorum functus, magna auctoritate in rebus publicis administrandis apud duces Bohemæ pollebat. Nomen ejus illis temporibus fuisse clarissimum ex haud paucis quæ attulerunt Cosmæ continuatores testimoniis apparet. De hac Heinrici origine, quam proposuit Palackius I, 440, dubitari non posse episcopi docet tabula donationis pro parentum animis factæ apud Bozekium cod. diplomat.

gerendarum particeps egerat. Vitæ suæ quasi summam chronicon Bohemæ confecit, quod, senex demum scribendum aggressus, senectutis vigentis maturum fructum posteris reliquit. Satis accurate tempus indicavit quo calamum ad scribendum sumpsit, quod in litteris ad Gervasium ita circumscriptis: « Est autem hæc chronica composita, regnante quarto Heinrico Romano imperatore, et gubernante sanctam Ecclesiam Dei papa Calixto, sub temporibus ducis Bohemorum Wladislai simul et præsulis Pragensis Ecclesiæ Hermanni. » Calixtus II vero pontificalem sedem adeptus est anno 1119, et obiit Hermannus episcopus, quod Cosmas ipse litteris mandavit, anno 1122 (24), quod temporis spatium Heinrici imperatoris et Bohemæ ducis mentione facta probatur. Quo cum bene convenit quod uno loco libri primi res, anno 1110, gestas attingit (25).

Tres quibus constat chronicon libros non uno tenore conscripsit, certe eos non uno eodemque tempore in lucem emisit. Singulis enim singulos libros quasi donum dedicavit. Primum librum Gervasio magistro, quem archigerontæ nomine ornat, cum epistola dedicatoria transmisit, ut ejus judicium eubiret, ex quo se totum pendere disertis verbis probat; illius jussu ad reliqua scribenda velle se præcingere aut gradum in calce libri primi sistere. Quod scripsit tempore quo nondum decanatus honorem adeptus erat, nam modesto titulo famuli sancti Wenceslai famulantium se appellat. Secundum illi dedicavit ejus hortatu hunc librum scribendum aggressus erat; eidem Clementi Brevnovensi abbati primum etiam librum quem « olim » Gervasio transmisserat, proposuit (26) At non ita longè post primum composuit secundum librum, et, ni fallor, ante mortem Hermanni episcopi, an. 1122. Tertii libri, quem præfatione tantum, non epistola dedicatoria munivit, ultimam partem post Hermanni obitum conscripsit (27), eumque usque ad an. 1125 deduxit. In morte Wladislai ducis calamum deponere voluit ut probatur versu illo:

*Sit libri finis nostri ducis est ubi finis* (28);

sed postea nonnulla alia quæ memoria digna videbantur addidit. Qua ex re apparet Cosmam verba supra laudata de tempore quo chronicon composi-

#### NOTÆ.

D Moraviæ I, pag. 264, in qua non quidem nomina, at Cosmæ et Bozetechæ dies supremi reperiuntur, qui accurate consentiunt cum illis apud Cosmam III, 43, 62. Quod sibi inxerunt de Heinrici origine ducali Augustinus, et post eum alii, nihil esse ab aliis jam satis probatum est. Vid. Augustini series episcoporum Olomucensium, ed. Richter Olomucii 1831, p. 22.

(23) III, 62. Consentit necrologium Bohemicum apud Dobnerum in Monumentis histor. Bohem. III, 15, ubi legitur: xii Kal. Nov., *Cosmas decanus Pragensis Ecclesiæ.*

(24) III, 49.

(25) I, 35; III, 32.

(26) II, prol.

(27) III, 49.

(28) III, 58.



tum sit, litteris ad Gervasium non post totum opus absolutum addidisse (29) : eodem sine dubio tempore quo liber primus ea conscripta sunt. Tres omnes denique libros Severo Melnicensi præposito cum litteris dedicatoriis transmisit, quas toti operi postea præfixit. Sed tam timido animo erat ut hoc potissimum a Severo peteret : « Sive enim vobis soli hæc seniles nugæ placeant sive displiceant, rogo, ne tertius eas oculus videat. » Itaque librum cum illo familiariter magis communicasse quam in lucem publicam misisse videtur. Scripsit has litteras, ut illas secundum librum præcedentes, cum jam ad S. Viti decanatum pervenisset. Quod igitur intra annos 1119 et 1122 factum sit necesse est. Res igitur ipsas, dum gerebantur, perscripsit, quod ad extremum vitæ tempus, donec morienti calamus excideret, fecisse videtur.

Præsidiorum genera quibus in scribendo usus est, diversa sunt : sunt enim scripta aut non scripta. Hæc etiam diversæ sunt naturæ ; sunt enim ea quæ vel vidit auctor ipse, vel ab oculatis testibus audivit, vel denique quæ ex fama populari et senum relatione hausit. Scripta vero præsidia sunt tabulæ publicæ, epistolæ, libri. Ex ipsa rerum natura patet, prius fontium genus in fine libri, posterius in initio sæpius adhibitum esse. Locis jam supra memoratis, quibus quæ ipse viderit Cosmas disertis verbis indicavit, nihil est addendum ; quæ vero posterioribus quinquaginta annis Pragæ gesta sunt, eorum sive ipsæ testis erat oculatus, sive tales auctores qui veras rerum causas et rationes cognoscerent, facillime sibi parare poterat. Itaque paucis hinc inde exceptis ab anno 1074 usque ad chronici finem ubique rerum æqualis et sæpissime testis oculatus scripsit. Quæ ex testium aliorum narrationibus hauserit, minime silentio textit : sub finem enim libri primi hæc scripsit : « Nunc auxiliante Deo et sancto Adalberto ea fert animus dicere quæ ipsimet vidimus, vel quæ ab his referentibus qui viderunt veraciter audivimus. » Priora verba alteram partem libri secundi respicere videntur ; quæ vero inde ab anno 1039, quo incipit liber secundus, gesta erant, sine dubio ex iis qui res ipsas viderant exquirere poterat. Laudat disertis verbis testium oculatorum narrationes ad annum 1109, de morte ducis Suato-

pluci (30), de Bohemorum clade anno 1124 (31), in historiola illa De læcivo presbytero (32). Quibuscum testium onis aliud historicæ auctoritatis genus conjungendum est, quo sæpissime usus est auctor. Sunt hæc diversi generis monumenta vel reliquæ quæ usque ad Cosmæ tempora sive revera servabantur sive ab hominibus religiosa quadam superstitione servata credebantur. Talia monumenta sunt Croconis castrum (33), tumulus sepulcralis filii ejus Kazi (34), cothurni principis Primisl (35), tumulus sepulcralis Tyri fortissimi viri, qui Neclanis ducis exercitui præerat (36), alnus quæ se laqueo suspendit Durinus (37), opus Romanum quo muniverat castellum Bunzlau Boleslaus dux (38), paramenta Sancto Adalberto ab Ottone imperatore donata (39), catena molendinaria quam Bracizlaus dux uno gladii ictu rupisse dicebatur (40), honores Davoræ posterisque ejus dati et usque ad Cosmæ tempora servati (41), calix cujus consecratione salvata est anima Heinrichi II imperatoris (42), denique Sancti Wenceslai monasterium ad Albim situm (43).

His scribendi præsiidiis accedunt fabellæ et fama popularis, quæ ex antiquis temporibus tradita hominum ore circumferebatur : laudatur a Cosma modo « senum fabulosa relatio (44), » modo « vero fidelium relatio (45), » modo quod « vulgo dicitur (46), » modo quæ « fama referente (47) » audivit. Ex hisce fontibus quæ de Bohemorum originibus, quæ de primis incolis, de filiabus Croconis, de Primislao principe et de Libussa, de Praga urbe condita, de bello inter virgines et juvenes Bohemorum, de Wlatislawo et Neclane, de Duringo falso pedagogo litteris tradidit, inde igitur, ex parte fortasse ex carminibus popularibus (48), hausit quæ in priore parte libri perscripsit (49). Quæ cum rerum materia, ex rumore populari desumpta, conjunxit Cosmas, ut rerum ordo potius videretur, ea quæ ex aliorum libris sibi comparaverat, quorum copia non est ista magna ut in docto viro exspectes. At cum in Bohemorum rebus describendis haberent nullum, cujus vestigia premeret, paucissima tantum ex libris petenda erant. Sunt hæc præsidia Reginonis et ejus continuatoris chronicon (50), cujus unum locum accurate ad verbum descripsit, Gumpoldi Vita sancti Wenceslai, quam laudavit potius quam exacri-

## NOTE.

- (29) Ut videbatur Pelzelio et Dobrowskio, p. xiv. D  
 (30) II, 27, ut post audivimus a referentibus.  
 (31) III, 56, solus presbyter evasit et nuntiavit.  
 (32) III, 62, ipse enim clam mihi narravit.  
 (33) I, 3, ex cujus vocabulo castrum jam arboribus oblitum in silva... situm esse dignoscitur.  
 (34) I, 4, usque hodie cernitur tumulus.  
 (35) I, 7, servantur Wisegrad... usque hodie.  
 (36) I, 12, et hodie nominatur... bustum Tyri.  
 (37) I, 13, alnus illa... quia juxta viam erat dicta est, etc.  
 (38) opere Romano, sicut hodie cernitur, I, 19.  
 (39) I, 38, usque hodie in Pragensi Ecclesia honorifice habentur.  
 (40) I, 40, quæ usque hodie cernitur.  
 (41) I, 34, ex tunc et usque modo per generationes ejus possident nepotes.  
 (42) I, 37, qui usque hodie... habetur Bamberg.  
 (43) II, 7, in quo sicut et hodie cernitur.  
 (44) I, prol.  
 (45) I, 13.  
 (46) I, 14.  
 (47) I, 10 ; III, 43.  
 (48) Hæc est sententia Palackii et Safariki in libro Die ältesten Denkmäler der Böhmisches Sprache p. 84 ; p. 179.  
 (49) I, 1-15.  
 (50) Etsi Palackio Würdigung, p. 22, aliter videbatur, attamen sine dubio loci I, III, 14 ex Reginone, I, 19, 20, ex continuatore petiti sunt.

psit (51), sancti Adalberti vita prior (52), sancti Udalrici Vita, quam modo nominavit (53) et nonnulla necrologia (54). Libris denique accedunt tabulæ publicæ et epistolæ, quas partim laudavit paucaque ex iis desumpsit, partim integras in textum recepit. Sunt hæ: Privilegium Ecclesiæ Moraviensis et epilógus Moraviæ, quorum præsidiorum, quæ nunc deperdita dolemus, modo mentionem fecit (55); in textum recepit falsam bullam, Joanni XIII pontifici suppositam, de condendo episcopatu Pragensi et de monasterio S. Georgii æque condendo, quo diplomate auctor ipse deceptus est (56), Heinrici IV imperatoris genuinum præceptum de restauranda Pragensis episcopatus diocesi (57). Litteræ vero sunt Boleslai I ducis ad Ottonem I imperatorem, de Dethmaro episcopo Pragensi constituendo (58), Boleslai ducis Polonorum ad Wladislaum ducem Bohemorum (59). Quibus num addere possim Mathildæ comitissæ epistolam ad Welfonem ducem valde dubito (60), quia ex parte homœoteleutis illis versibus conscripta est, quibus Cosmas utitur sæpissime. Neque aliter videtur statuendum de orationibus quas frequentissime reges et duces habentes fecit.

Jam altera exoritur quæstio, quomodo Cosmas tam amplam tamque uberein scribendi materiam digesserit, et quomodo fide historica usus in tanta rerum copia criticum judicium exercuerit. Neque hic sanum ejus consilium desiderabis, quo optime declaret se inter vera falsaque discernere posse, neque eum latere quantum æra lupinis distent. Omnem materiam satis apte in tres libros digessit, quorum primum usque ad Bracizlaum I ducem, alterum ducalis domus et Bohemorum gloriæ conditorem deduxit, id est usque ad annum 1039; secundum usque ad Bracizlaum II an. 1092, ita ut primo libro ea continerentur tempora, in quibus scribendis famam popularem vel aliorum libros secutus est; secundus liber quæ ab oculatis testibus audierat vel ipse juvenis viderat; tertius vero ea quæ vir et senex vel in patria vel apud exterarum gentes compererat. Bene scit antiquissima Bohemorum tempora ab omni scripta auctoritate esse destituta. Libere scribit ad Gervasium (61): « Annos autem Domini incarnationis idcirco a temporibus Borivoi primi ducis catholici ordinare cœpi, quia in initio hujus libri nec fingere volui nec chronicam reperire potui, ut quando vel quibus gesta sint temporibus scirem quæ ad præsens recitabis in sequentibus. »

Alioque loco de iisdem addit temporibus (62): « Quia non erat illo in tempore qui stylo acta eorum commendaret memoriæ. » Itaque bene cavet ne quæ ante et paulo post Borivoi ducis baptismum gesta sint ad certos annorum numeros revocet vel tempus accuratius describat, quod fieri non posse proficitur. « Inter hos autem annos, scribit (63), quos infra subnotavimus, facta sunt hæc quæ supra prælibavimus; non enim scire potuimus quibus annis sint gesta sive temporibus. » Quibus in describendis ad senum recurrit fabulosam narrationem, quam « non humanæ laudis ambitione, sed ne omnino tradantur relata oblivioni pro posse et nosse, et prout scire licuerit (64), » litteris mandaturus est, sancteque affirmat in his omnibus a se nihil fictum esse. Quam narrandi legem secutus hanc etiam accuratam in libro suo adhibuit curam, ne quid pro certo daret quod non satis expertum haberet, vel quæ aliqua dubitatione convelli posse viderentur. Quod haud paucis locis disertis verbis expressit. Modo « magis placuit tacere quam rem inexperitam dicere (65), » modo constitit ipsi incertum esse quomodo res se habuerint (66): quæque explorare penitus non poterat, se necire aperte dicit (67). At neque ex iis quæ bene comperta habebat magnam rerum copiam quasi sacco fundere volebat, sed modesto consilio nimiam rerum ubertatem succidit. Ne jam dicta repeteret, mavult « prætermittere quam fastidium legentibus ingerere, quia jam ab aliis scripta legimus (68), » et interdum « ubi plura poterant dici relatu digna, silentio ea tagenda videntur (69). Contra « nec traniliendum censet, quæ ab aliis prætermisimum videt (70). »

Prudens hoc et modestum scribendi consilium, quod præcipue in duobus prioribus libris secutus est, in libro tertio paulo mutavit, vel, ut verius dicam, justo plus pressit. Nimis enim cautum et quod vix exspectes timidum in rebus sui temporis litteris mandandis satis aperte se præbet. Difficilimum enim ei videbatur de suis æqualibus maxime, vero de recentioribus Bohemiæ ducibus ita referre, ut duplicem scopulum et adulationis et acerbatis evitaret. Hisce curis premitur liber tertius, ut in ipso proœmio latius exposuit his verbis: « Nam de modernis hominibus sive temporibus utilius est ut omnino taceamus quam loquendo veritatem, quia veritas semper parit odium, alicujus rei incurramus dispendium. Si autem a veritate deviantes aliter quam se

## NOTÆ.

(51) I, 15, 17, III, 55.

(52) I, 26, 29, 30.

(53) III, 42.

(54) Quæ fuisse monasteriorum S. Viti, S. Georgii, Brewnosensis et Melnicensis conjecit Minert I. 1.

(55) I, 15.

(56) I, 22, 34.

(57) II, 37.

(58) I, 23.

(59) III, 41.

(60) II, 32.

(61) I, prol.

(62) I, 9.

(63) I, 15.

(64) I, prol.

(65) I, 1.

(66) I, 12, 19, 36.

(67) I, 15, 18; II, 12; 40; III, 24, 58.

(68) I, 15, 27, 30.

(69) II, 26.

(70) I, 29.

res habeant scripserimus, cum pene omnibus notæ sint causæ, nihilominus adulationis et mendacii notam incidimus. Horum nos si ad liquidum stylo exsequamur acta, quia quædam non sunt cum Deo facta, procul dubio offensam non effugiemus quorundam qui adhuc superstites sunt homines;—par namque est vitium atque iudicium seu tacuisse veritatem, seu concessisse falsitatem. » Ex his omnibus hanc sibi scribendi normam duxit, quæ etsi tutiorem reddat rerum scriptorem, tamen non æque salutaris est rebus quæ posteris tradendæ sunt. « Unde videtur nobis multo tutius narrare somnium, cui nemo perhibet testimonium, quam præsentium gesta scribere hominum, quapropter posteris latius explananda eorum relinquamus facta. » Aliis locis eodem timore occupatus narrationis filum intercidit. De gentis Wrsowicorum interitu plura addere non audet, ne tragœdiam scripsisse videatur (71) : de Wladislai ducis virtutibus et gloria libere loqui non vult, « dum in hac vita conversatur, ne aut adulationis notam incurrat, aut dum minus de laudibus suis scribat derogationis offensam incidat (72) : Herimanni Pragensis episcopi virtutes intactas reliquit, etsi plures relatu dignas proferre posset, « propter instantis temporis homines qui nihil boni ipsi operantes aliorum benefacta credere audita reuunt (73), » et cur dux Borivoius his solio sublimatus et his reprobatus sit ei rimari non fas est (74). Quin eo usque adductus est, ut cum in primo libro se fingere nolle scripsisset, contraria pene de eodem Borivoio in hoc versu edixit.

*Nunc, mea musa, tuum digito compesce labellum.*

*Si bene docta sapis, caveas ne vera loquaris (75).*

Quæ gravissima verba ex ipsius Cosmæ indole ita videntur interpretanda, ut neque falsa fingere neque veras rerum causas, quas bene noverat, aperte edicere vellet. A saluberrimo vero, quod prius ingressus erat, consilio eum in libro tertio reuera recessisse in eo etiam cernitur quod totius chronici naturam et indolem in altera parte illius libri mutatam esse vix negabit quisquam. Si rationem qua opus suum conscripsit paulo accuratius examineris, vel sponte apparebit eum Bohemorum Annales, in quibus simpliciter singulis procederet annis, conscribere voluisse. Sed paulo aliter res in duobus prioribus cecidit. Interjecit quidem hinc inde abruptas quasdam notas, quæ ex Annalium natura nullo vinculo inter se continentur; ubi vero rerum gestarum copiam plena manu fundere vel poterat vel vo-

lebat, ipse largiore narrationis flumine quasi abruptus minus accurate arctos illos annorum terminos servavit liberoque animo jucunda narratione res exposuit. In tertio autem libro, quo ne omnia quæ sciret proderet timor vetabat, annorum seriem accuratius secutus, sæpius res minime inter se coherentes eodem calamo concepit, neque semel jejunam et aridam scribendi rationem iniit. Dilucide hoc apparet sub finem libri tertii, quem puerili pene de presbytero libidinoso historiola, tali libro plane indigna, conclusit (76).

At aliud restat quod silentio præteriri nequit. Non semper enim aut ubique Cosmas, quem tam providum scriptorem esse vidimus, ab erroribus gravioribus in rebus ipsis scribendis bene cavet, in quo sane venia ei danda est, cum in tam ampla rerum copia nusquam labi humanam indolem pene excedat. Sæpius in eum quem maxime vitare studebat incidit errorem, in temporibus enim accuratius describendis haud semel lapsus est, quod in antiquissimis temporibus, ubi probato carebat duce, non est sane mirandum, sed accidit etiam ubi jam clarior lux affulgebat. Falso, e. g., Borivoii ducis baptisma ad annum 894, S. Wenceslai ducis, qui obiit anno 935, mortem ad annum 929 revocavit (77); Pragensis episcopatus non anno 967, sed non ante annum 973 conditus est (78), Dethmarus primus episcopus Pragensis, non anno 969, quo vult Cosmas, sed a demum 982 diem obiit supremum (79); tempora itinerum Romanorum S. Adalberti confundit (80); falso Ottonis II imperatoris mortem ad annum 984, S. Adalberti anno 996 retulit (81); Jaromirum a fratre Udalrico regno expulsum esse dicit anno 1002, quod demum anno 1012 factum esse scimus (82); Juditham anno 1021 a Bracizlao raptam esse scribit, quod ante annum 1029 factum esse nequit (83); non satis accurate descripsit tempus quo Henricus III imperator bellum contra Bohemos gessit (84), falso ad annum 1074 refert prælium, a Wratislao duce et Leopoldo Austriæ marchione an. 1081 apud Meilberg commissum (85); quibus si quæris alia exempla sine ullo negotio addere possis. Neque minus quam tempora confundit homines; S. Adalbertum tertii Ottonis amicum facit Ottonis II (86), Boleslaum ducem Poloniæ cum Mesocone patre confundit (87); Pragam a Jaromiro an. 1002 expugnatam Udalrico fratri ejus falso ascribit (88), Henricum II filium facit Ottonis III (89), Juditham falso nominat filiam Ottonis marchionis

#### NOTÆ.

- (71) III, 24.  
 (72) III, 28.  
 (73) III, 49.  
 (74) III, 54.  
 (75) III, 46.  
 (76) III, 62.  
 (77) I, 14, 17.  
 (78) I, 22.  
 (79) I, 24.  
 (80) I, 28, 29.

- (81) I, 31.  
 (82) I, 36.  
 (83) I, 40.  
 (84) II, 42.  
 (85) II, 35.  
 (86) I, 28.  
 (87) I, 34.  
 (88) I, 36.  
 (89) I, 37.

cujus soror erat (90). Æque in errorem incidit in A constituenda genealogia Jaromiri et Udalrici, quos Boleslai II, filios Boleslai III fecit (91); Wladibojum Polonum in serie ducum Bohemorum silentio prætermisit (92) et sæpius in enarrandis his temporibus lapsus est. Minus accurate exposuit bella Bracislai I ducis cum Polonis et Ungaris (93), falsaque retulit de Casimiro duce Polonorum (94). Quod vero summpere in viro tam modesto tamque temperato mirari subit, uno alterove loco in recentioribus describendis temporibus sine dubio erravit, quia aut ira aut studio se abripi passus est, quamvis tam bene sibi cavisse videretur. Summe enim, in enarranda contentione de episcopatibus Prageusi et Olomucensi partibus, favet Gebhardi Pragensis episcopi, temerarii et sane crudelis viri, et quod jam observarunt Dobnerus et Palackius, in Wratislaum, ducem B forte ac strenuum, severiorem censuram ob id exercere videtur, quod hic Pragensibus episcopis in Olomucensibus æmulos excitaverit (95). Quod in Germanos acerbius invehitur, viro patriæ amore pleno facilius condonabis. In miraculis enarrandis modestum sanumque se præbet, et quæ ex illorum temporum indole nata litteris mandavit, uno duobusve fortasse exceptis, neque fidem neque sanam mentem excedunt (96).

Haud paucis doctrinæ præsiidiis instructum, Cosmam ad scribendum venisse veterum scriptorum luminibus satis probatur, quæ ita bene animo tenebatur calamo sponte exciderent. Poetas Latinos præ cæteris legit; Terentium (97), Virgilium (98), Horatium (99), Lucanum (100), Juvenalem (101), Statium (102), Prudentium (103); ex prosariis Sallustium (104) tantum et Boetium (105) deprehendere potuit. Rarius adhibuit auctores Christianæ antiquitatis, tamen Hieronymum (106) et Augustinum (107) uno alterove loco laudavit, neque ita sæpe Scripturæ sacræ locos attulit. Sermo neque purus neque

emendatus est, multaque insunt illis temporibus quibus non omnia ad grammatices normam revocarentur condonanda quidem, at nihilominus a iudice etiam minus severo castiganda. Alias bene et dilucide res gestas enarravit hominesque haud raro ita vivido colore depinxit ut epicum quoddam carmen legere tibi videaris, ideoque eum Bohemorum Herodoti nomine non indignum censeas. Ipsumque haud raro narrationis flumen ita abripuit ut hexametris, versibus dactylicis, sermone rhythmico et homœoteleuto, quo sæculi duodecimi scriptores sæpissime usos esse scimus, non modo ducum et regnum orationes, sed ipsam narrationem contexeret. De quibus versibus ad Clementem Brevnovensem abbatem ita scripsit: « Quod autem in quibusdam locis quasi metricos versus invenis, scias me scienter nescium fecisse, dum feci versus (108). » At vero cum pene totius operis dimidium sermone illo homœoteleuto compositum sit terminos nobis propositos excedere videbamus, si eum, quotiescunque occurrit, in textu nostro significaremus; quod paucis tantum locis fecisse sufficiebat.

Non desunt posteriorum temporum scriptores, qui in rebus enarrandis Cosmam sibi ducem sumpsissent, ejusque librum plus minusve expilarunt. Inter quos num illos referam, quorum sunt carmina popularia codicis reginæ Aulæ, an potius tum carminum illorum auctores, tum Cosmas veteres fabellas in ore populi versantes, secuti sint dicere dubito, meque peritioribus libenter relinquo judicandum; hoc unum persuasum habeo, Cosmam hanc quam nos habemus carminum recensionem secutum non esse (109). Reliquorum qui severa Cosmam exscripserunt nomina adnotavit in libro suo Palackius. Sunt vero annalista Saxo ex quo exempla afferre supervacaneum puto, Hildegardus Gradicensis qui scripsit annis 1127, 1147 (110), Annales Pragenses (111), monachus Opatovicensis (112),

## NOTÆ.

- (90) I, 40.  
 (91) I, 32.  
 (92) I, 34.  
 (93) I, 40.  
 (94) II, 2, qui errores omnes a Palackio in libro suo Würdigung, p. 25, enarrati antique recensiti sunt.  
 (95) II, 21.  
 (96) I, 37; II, 4, 34, 47, III, 11, 55.  
 (97) I, 13, III, prol.  
 (98) I, 1, 4, 10, 11, 40; II, 8, 12, 14, 33, 35, 39, 45; III, 3, 13, 17, 19, 20, 22, 23, 27, 29, 31, 49, 53, 59.  
 (99) Odas I, 1, 4, 9, 35; II, 10, 18, 35; sermones I, pr. 34, II, 1; epistolas I, prol. 9, 25; II, 14, 33; III, 29.  
 (100) II, 3, 10, 12, 14, 35, 39, 45; III, 12, 29.  
 (101) I, 9, 49, 38.  
 (102) I, 40.  
 (103) III, 19.  
 (104) I, 9, 11; II, 35, 39.  
 (105) I, 3, II, 23.  
 (106) I, 42.  
 (107) I, 4.  
 (108) II, pr.  
 (109) I, 4, 10, 12, 13, 36. Safarik und Palacki die

ältesten Denkmäler der Böhmischen Sprache, p. 179.

(110) Vide quod dedit Boczek cod. dipl. Moraviæ I, 114 sqq.

(111) Annales Pragenses inter Cosmæ fontes esse habendos persuadere mihi non possum, quin imo eos ex ipso Cosma promanasse credo. Ipse enim auctor disertis affirmat verbis chronicon, quo sit perscriptum quibus temporibus Bohemorum res antiquissimæ sint gestæ, se nusquam potuisse reperire. Falsas igitur notas chronologicas non ex sæculi decimi annalibus, in quibus vix essent ferendæ illæ, sed ex proprio edidit ingenio. At iidem errores chronologici, qui apud auctorem, unum alteriusque sæculi dimidium post originem Bohemicas scribentem, nemini sane scrupulum movebunt, et apud Cosmam et in annalibus deprehenduntur, verbaque ipsa hinc inde ita inter se consentiunt ut eorum, quæ Cosmas narravit, copiosissime annales videantur esse argumentum

(112) Inde ab anno 894; cf. etiam annos 1028, 1068, et alias; eum secutum esse codicem cum interpolacione Sasavensi probavit Palackius, p. 68, exemplo an. 1091, quod e textu interpolato petivit,

Marignola (113), Neplach Opatovicensis (114), A Pulkawa (115), Dalimilus et Hajecius (116). Quibus equidem alium auctorem Vitæ S. Adalberti versibus conscriptæ, quam Dobnerus ex Cosmæ codice Pragensi edidit (117), quam idem et post eum Dobrowskius et Palackius Cosmæ ipsi auctori ascribendam esse censuerunt. At excerpit, quicunque est illius Vitæ auctor, Cosmæ chronicon, quem ipsam auctorem esse vix mihi persuadeam. Dobnerus professus est, neque Cosmæ nomen illi libello præfixum esse, neque ullum in Vita ipsa deprehendi indicium quod Cosmam respiciat, nisi locos quosdam e chronico desumptos versibusque adaptatos; quod sane facili opera alius facere poterat, cum ipse rhythmicus illius sermo ut in justos plenoque versus transferretur invitare videretur. Verba vero quibus Cosmas Dobnero indicasse videbatur Vitam etiam S. Adalberti se conscripsisse, se bis dicta dicere nolle (118), ad vetustiores S. Adalberti Vitas sine ullo negotio referri posse nemo non videt. At non tanti momenti est scribendi generis similitudo quam in illis libris Dobnerus sibi investigasse videbatur, ut Cosmam et chronicon et vitam composuisse credam. Neque aliter statui videtur posse de continuatione Vitæ S. Wenceslai, quam in eodem codice repertam Pelzelius et Dobrowskius Cosmæ ascribendam esse censuerunt, at si codice ipso non inspecto talem sententiam ferre licet, nihil videtur esse nisi Cosmæ chronici fragmentum Vitæ illi affixum. Hæc hæc.

Cum morientis Cosmæ de manibus, qui ad diem supremum usque ad Bohemorum res gestas animum verterat, calamus quasi excidisset, alius existit rerum scriptor, qui si non eadem felici historiæ

mentum brevissimum. Sasavensem etiam continuationem, ut hæc hoc loco absolvam, ab annalium Pragensem auctore esse excerptam probatur locis 990 de Nemci urbe, 1055 de S. Procopio, 1130 de Meinhardo episcopo Pragensi, 1122 de Pribislava, 1134 de Joanne episcopo Pragensi undecima (ab hoc enim loco Pragenses episcopi numero signantur, ut in continuatione Sasavensi, quod antea neque apud Cosmam neque in annalibus factum est) 1139 de Silvestro, abbate Sasavensi, 1143 de matrimoniis clericorum. Annis 1160-1193 annalium scriptor Gerlacum, abbatem Muhlhusanum, videtur ante oculos habuisse, et ita ut nonnulla alia aliunde peteret quod etiam ex duplici de more Frederici I imperatoris narratione apparet, et ex *Heinrici ductis* anno 1182 facta mentione, quem anno demum 1193 ducatum adeptum esse scimus. Cum eundem dominum episcopum, suppresso nomine, appellat auctor, annales ante Heinrici mortem in ipsis non adnotatam, id est, annis 1193 et 1197 esse conscriptos eo facilius exoritur conjectura, cum qui sequuntur anni 1216-1220 ab alia, at cœva quidem manu sunt adjecta, ut observavit Pertz us, vir ill. Quæ omnia ideo hoc loco apponenda censeamus, quia in examinanda secunda Cosmæ continuatione, summi momenti, quod paulo infra patebit, sunt annales Pragenses.

(113) Pene ubique Cosmam excerpit in antiquissimis fabenis, Cf. etiam locos de S. Adalberto, de raptu Judithæ, de bello Heinrici III contra Bohemos, in Dobneri Monument. hist. Bohem. II, 140, 157,

conscribendæ indole ornatus, non sane minore, cum posterorum gratia historiæque utilitate partes ab illo relictas excepit. Hic est ille «Wissegradensis canonicus» qui, primi Cosmæ continuatoris nomine satis amplo appellatus, Bohemiæ Annales ab anno 1125 usque ad annum 1142 confecit, temporaque et res gestas Sobeslai I ducis, qui per quindecim annos usque ad 1140 non sine gloria Bohemis præerat, libro suo inclusit. Cum hoc præcipue auctor ante oculos habuisse videretur, ut summis laudibus eundem Sobeslaum efferret, Palackius uno libelli loco (119) fretus hanc proposuit conjecturam, fuisse Annalium scriptorem eundem Vincentium ducis capellanum, quem fidelissimum ei fuisse auctorem toto pectore affirmantem audimus. Sententia etsi valde arridet, tamen in medio relinquenda. Ipse auctor nomen suum videtur latere voluisse; nusquam enim neque in libro neque apud alios scriptores nomen deprehenditur. Natio est Bohemus, quod summo studio quo Bohemis contra Germanos favet (120), neque minus disertis verbis confirmavit (121) Wissegradensem eum fuisse canonicum, contra Pessinam (122) Dobrowskius (123) et Meinertum (124), qui Pragensem eum fuisse probare conati sunt, ex ipso libro evicit Palackius (125). Fuscus enim loquitur auctor de condito Wissegradensi monasterio, sacraque ornamenta, quibus Sobeslaus ecclesiam illam ornaverat, is tantum tam accurate describere poterat qui ea suis oculis quotidie videret (126). Accedit denique studium quo Wissegradenses canonicos Pragensibus prætulit, acerbissime enim nonnullos ex illis perstrinxit, quam in vituperationem fratres et collegas ab eo adductos esse vix censeas (127). Ideoque minime est dubitandum,

#### NOTÆ.

166, 169.

(114) Cf. annos 894, 984, 994, etc. Ibid. IV.

(115) Cf. fabellas antiquissimas, annos 967, 1002, 1021, etc. Ibid. tom III.

(116) Vide Palackii Würdigung, p. 115. Hajecius ipse Cosmam laudat auctorem.

(117) Monum. hist. Bohem. II, 1.

(118) I, 30.

(119) 1140, *noverat enim* (Sobeslaus) *referentibus sibi collateralibus suis capellanis B. Gregorium dixisse*, etc. Et paulo post: *Advocant Vincentium capellanum, quo alter fidelior sibi non erat*.

(120) E. g., 1126, in narrando bello Lotharii imperatoris et Sobeslai ducis.

(121) A. 1126 et 1136 recurring verba, *nec patres nostri nec avi nec atavi*; anno 1126 sunt ei Germani *hostes nostri*, et *nos, nostra gens*, 1137, sunt Bohemi.

(122) In glossa marginali ipsi codici metropolitano ascripta; vid. Pelzelii et Dobrowskii I, præf., p. xxxiii.

(123) I. I.

(124) Wiener Jahrbücher XV Anzeigeblatt. p. 31.

(125) Würdigung, p. 37.

(126) A. 1129. Illud locum, ubi verba quædam falsi præcepti de Ecclesia Wissegradensi recurring (vide Cosmam ad annum 1070), esse interpolatum argumentis nescio quibus sibi persuasit Meinert. I. I.

(127) A. 1131 et 1133. Anno 1130, se suosque (dicit *nos*) opponit Pragensibus canonicis, et an. 1131 episcopum Monasteriensem in Wissegradensi ecclesia missam legisse testatur.



quin verbis « hujus Ecclesiæ fautor » quibus anno 1137 usus est de Wissegradensi cogitaverit. Pauca tantum sunt dicenda de fontibus ex quibus hausit, pene ubique enim ex latissimo et limpidissimo ipsarum rerum gestarum flumine sua delibavit. Summæ enim veritatis speciem præ se fert narratio, et Annalium scriptor auctoritatem suam ipse disertis verbis indicavit. In rebus enarrandis pene nusquam quod equidem sciam erravit, ordinisque chronologici viam accuratissime insecutus, modesto temperatoque incedit gradu, et si non nativa sua venustate, ut Cosmas, lectorum animos allicit, minime tamen sua et diligentiae et utilitatis laude fraudandus est. Non uno loco ipsarum rerum se fuisse testem aperte docet, ut in caelestibus prodigiis describendis anno 1131 hæc verba « qualiter vidi » et « videntibus nobis » legimus. Neque minus oculatorum testimonium narrationibus historiam suam munivit. De pugna Chlumensi an. 1126 qui interfuerant sine dubio audivit narrantes (128), deque caelestibus apparitionibus quod alii viderint accurate refert (129). Quanta fuerit gratia Sobeslai apud Lotharium imperatorem quæ dissensio fuerit inter Wratislaum ducem Brunneensem et Heinricum episcopum Olomuensem « compertum habet (130). » Ex « veridicorum relato (131) » alia hausit, et quæ ipsi probata non erant se nescire aperte fatetur, vel verbis « si famæ creditur, ut fertur (132), » suspicionis quasi nota signavit. Et, ni fallor, quod summæ auctoritatis momentum libro addit, rebus ipsis currentibus Annales suos conscripsit, neque quæ audierat aut viderat ullo modo oblivioni obscurari passus est. Testes sunt rerum naturalium descriptiones accuratissimæ ipsaque auctoris verba. Ut suppleret quæ anno 1130 de duabus stellis in cælo visis scripserat, ad annum 1131 hæc verba addidit: « De ipsis postea nullo modo sermone meo aliquid explicare potui, quia diverse ibant. Sed interim dum ab aliis negotiis penitus otior — qualiter vidi explanabo. « Quo ex loco patet longius temporis spatium inter verba illa et hæc calamo concepta præteritis, Procerum consilia paulo ante Sobeslai mortem an. 1140 capta chartæ committere non audeat, « ne odium incurrat; » preces pro ejusdem ducis animæ salute conscriptæ recentissimæ mortis dolorem produunt; quibus sunt ad-

dicenda quæ de Heinrici episcopi Olomucensis itinere contra Prussos leguntur 1141, deque ejus re-ditu. Sermone usus est satis ouro et simplici; nonnulla, ut conjurationem contra Sobeslaum, dilucide exposuit. Neque scribendi caret præsiidiis; antiquarum litterarum cognitio non desideratur; ex annis 1134 et 1136. Horatium et Virgilium eum legisse patet.

Haud ita diu post canonicum Wissegradensem, quinquaginta fere annis post Cosmam, monachus Sasavensis quidam (133) ad annales conscribendos animum attendit, cujus neque nomen posteritati mandatum est, neque iempus quo librum composuerit accuratius circumscribi potest. Hoc unum ipsius verbis probatur eum illi monasterio S. Benedicti ordinis fuisse ascriptum (134), quod, a Sasavæ præterlabente fluvio qui in Moldavam effunditur, nomen traxit. Quod inter Bohemorum monasteria facile celeberrimum vel ideo mentione est dignissimum, quia quem anno 1038 (135) conditorem et auctorem invenit, S. Procopius sacra ritu ordineque Slavonico celebranda constituit, quæ usque ad sæculi undecimi finem, non sine summo monachorum periculo, ipso chronographo teste, servata sunt. Idemque erat Procopius, quem ex Bohemorum gente primum in sanctorum chorum pontifices Romani receperunt (136). Perduxit monachus Sasavensis chronicon usque ad annum 1162, sed minime hoc ipso anno calamus deposuit, sed circa annum 1170, ni fallor librum videtur conscripsisse: Sobeslaum II enim anno 1161 vinculis « multo tempore macerandum » traditum esse testatur. At ille non prius ex carcere quam ad solium vocatus est, quod anno demum 1173 factum esse soimus. Utrum vero verba illa ante vel post hunc annum scripta sint, ex ipsis elici nequit. Multos sine dubio annos ante annum 1173 apud Sasavenses monachus vitam degerat, Silvestri abbatis temporibus, qui 1134 1161 omnium summa cum laude monasterio præerat. Cujus laudes auctor tam plenis manibus fudit ut facile tibi persuadeas clarissimum abbatem non nisi ab illo qui in consuetudinem ejus receptus fuerit, ita celebrari potuisse (137). Præterea quæ ad annum 1097 leguntur non ante annum 1134 esse scripta ipse docet auctor (138), eumque rebus anno

## NOTE.

(128) *Nolo vultem vos latere..... quod audivi.*

(129) A. 1128 1139.

(130) A. 1135, 1136.

(131) A. 1137.

(132) A. 1133.

(133) Meinerti sententiam, l. l., p. 32, non ab uno auctore sed a pluribus hanc Sasavensem continuationem conscriptam esse, jure sine dubio refutavit Palackius Würdigung, p. 46. Eundem auctorem et scribendi ratio et ipsa verba produunt, cum ad superius dicta vel inferius dicenda sæpius respiciat; anno 1143 ud ea quæ anno 1097 dixit, 1123 et 1161 ad annum 1134.

(134) Reliquias sanctorum apud Sasavenses servatas locosque sanctos accuratissime descripsit anno

D 1095; an. 1155 legitur *fratres nostri*, an. 1156 *hoc in cænobio, apud nos.*

(135) Hunc annum ab ipso Sasavensi monacho traditum in constituendo tempore quo monasterium illud conditum sit excedere non possumus.

(136) Quod factum est anno 1204; vide, infra, Cosmæ continuationem secundam et Vitam S. Procopii in Act. SS. Jul. 2, 138, quæ, etsi Severo Pragensi episcopo dedicata, post Sasavensem monachum videtur esse conscripta. Palacky Würdigung, p. 51, 297.

(137) A. 1134.

(138) Accurate circumscripsit annos per quos Diethardus, qui obiit anno 1134, abbas Sasavensis munere functus sit.

1126 et 1132 gestis fuisse æqualem satis apparet. A Illo enim loco de pace a Sobeslao et Ottone haud diu servata his usus est verbis : « Gaudia nostra contrarius excepit successus ; » alteroque Groznatæ viduam, quæ illo anno obierat, se vidisse scribit. Ideoque eum æquæ ac Cosmæ librum senectutis fructum nobis reliquisse, et res dimidio ferme sæculo postquam gestæ essent memoriæ posteritatis commendasse conjicere licet. Itaque non sane mirandum quod hinc inde, etsi rarissime factum est, in errorem inciderit (139). Duplex consilium, si quæris, in chronico conscribendo videtur inisse; unum ut Cosmæ chronico supplementa nonnulla adjiceret eaque adderet quæ ab illo prætermissa videret, alterum ut ad sua usque tempora Bohemorum historiam deduceret; quod duplex consilium non æque feliciter cessit. Interpolationum enim pars prior minimi est momenti, cum auctori ipsi usque ad annum 1038 debeamus prorsus nihil. Quæ ad Sasavense monasterium non spectant interpolationes ex Annalibus Hersfeldensibus sibi petivit, quos Quedlinburgensium esse fontem docuit Waitz (140). Alii, si quid video, libri ab auctore in auxilium vocati non sunt; uno fortasse excepto necrologio Sasavensi (141). Ex tabulis Bracislai I foundationis præceptum monasterii Sasavensis ante oculos habuit ad annum 1038, tabulamque donationis Pribislavæ, femine nobilis, ad annum 1132. Qua in altera parte, ubi proprio Marte, patriæ historiam monachus conscribere conatus est, virum cordatum et eruditum haud uno loco loquentem audis, quem haud impari Cosmæ esse continuatorem vix negabis. Quæ de origine monasterii litteris mandavit et rumori populari et seniorum monachorum debet narrationibus, quos auctor verbis « ut fertur » et « veridica fidelium relatione » an. 1038 laudasse videtur. Amplam etiam scribendi materiam præbebant monacho Sasavensis monasterii loca sancta, quæ digito quasi monstravit his elocutionibus : « Ut hodie cernitur, sicuti hodierno die apparet (142). » Quæ inde ab an. 1126 legimus, omnia pene ex propriis hausit, in quibus fidem ejus probatam esse dicere non dubito. Hoc unum doleas quod eodem modo

quo Sasavensis monasterii originem 1038, Lotharii bellum cum Sobeslao duce 1126, Friderici I imperatoris expeditionem Italicam 1158, vitam moresque Silvestri abbatis 1134 descripsit, reliqua posteritati non tradiderit, sed pene ubique nimis narrandi brevitati studuerit. In schismate ecclesiastico, ne hoc præteream, quod illis temporibus ingruerat, ut facere solebant Bohemi, Friderici I et Victoris IV partes contra Alexandrum III tuetur (143). Eruditionis præsidis satis munitus est; ex Latinis poetis Juvenalis occurrit (144), ex Patribus ecclesiasticis Gregorius Magnus et Pater stupendus (145). Scribendi ratio est plana et dilucida, ni forte hoc vituperes, quod quidem ab illa laude abhorret, quod voces rariores et nescio quomodo obsoletas sectatus est.

Longe majorem affert dubitationem magna illa et ampla rerum Bohemicarum collectio ab anno 1140 1283, quam Cosmæ continuationem secundam ab editoribus appellatam « Pragensium canonicorum continuationis » communi nomine nos comprehendimus. Nam vel diligentissime excusso huic libello multi in hærent nodi difficillime solvendi illi, et gravissimæ exoriuntur quæstiones de singulis annalium partibus, deque via et ratione, qua illa rerum congeries composita, de auctoribus a quibus conscripta sit, et quid unicuique sit tribuendum. Quarum difficultatem tollendorum eo minor nobis relicta est spes, cum uno tantum Pragensi codice metropolitano innitatur hæc continuatio, neque hoc autographo, sed potius sæculi XIV mediæ apographo. Post primam continuationem relicto unius lineæ spatio vacuo, ut testatur Dobrowskius (146), amplior hæc continuatio secunda sine ulla inscriptione sequitur. Jam diu satis vexati sunt hujus libelli origine omnes qui rebus Bohemicis operam suam navarunt. Balbinus qui et vidit et legit hunc codicem, continuationis inde ab anno 1126 usque 1200 auctorem eundem esse sibi persuasit ac suspectum illum Jaroslau, monachum Strahoviensem, quem Hajecius in indice auctorum suo libro præmisso inter fontes se habuisse affirmat. Quæ sequuntur usque ad annum 1283, Jaroslai appendicam appellavit. Quam

## NOTÆ.

(139) Anno 1126. 1157.

(140) Neque annales Hildeshemenses esse Sasavensium interpolationum fontem cum Palackio, neque esse Quedlinburgenses cum Waitzio Archiv. VI, 690, mihi persuadere possum. Apud Sasavensem enim nonnulla leguntur quæ in illis, e.g., an. 989, 996, 997, alia quæ in his desiderantur; nam quæ desunt in nostro exemplari annalium Quedlinburgensium an. 963, 973, 97, apud Sasavensem hinc inde ad verbum cum annalibus Hildeshemensibus consentiunt. At quominus omnia ad Quedlinburgenses revocemus, variæ quædam lectiones, minime quidem illæ momenti, obstant, quæ cum Hildeshemensibus concinentes in illis locis deprehenduntur qui ad verbum in Quedlinburgensibus recurrunt. E.g., anno 958, eadem leguntur in annalibus Hildeshemensibus, Quedlinburgensibus et Sasavensibus, at in varia lectione *illis autem* consentiunt Sa-

Sasavensibus desideratur *autem*; an. 960, in verbis *paganico ritu*, ubi Quedlinburgenses exhibent *paganismo*, an. 986, in verbo *venit* contra Quedlinb. lectionem *vearexit*. At vero cum nemo facile opinetur monachum excripsisisse, et Hildeshemenses et Quedlinburgenses, hoc unum restare videtur, quod eum ex amborum fonte hausisse statuas.

(141) Cujus vestigia mihi deprehendisse video annis 1045, 1053, 1126, 1127, 1130, 1132-1134, 1139, 1140, 1142, 1147, 1150, 1155.

(142) Anno 1038. cf. etiam 1070, 1095, 1097, 1146.

(143) A. 1159.

(144) A. 1038.

(145) A. 1097, 1162.

(146) I, p. xxxiv.

sententiam et in ipsius codicis margine indicavit (147), et hinc inde in Epitome rerum Bohemicarum induit (148). Eamdem fere opinionem amplexus est Pessina de Czechorod, ita tamen ut in ipso codice, ad annum 1154, adnotaret reliqua a canonico Ecclesiæ Pragensis anonymo esse conscripta (149). At satis probant Pelzelius et Dobrowskius quæ ex fabuloso Jaroslao proposuerit Hajecius nusquam reperiri in hac continuatione, illamque Balbini conjecturam argumentis muniri posse plane nullis. Ipsis hæc placuit sententia, Pragensem canonicum rebus æqualem, ab an. 1249 usque 1283 res sui temporis scripsisse, quæ præcederent ex fontibus vetustioribus cum hausisse (150). Quod a Meinerto (151) ita est circumscriptum, cœvo auctori illa tantum deberi quæ ab anno 1260 legantur. Primus denique qui vera acri ingenio perspexit est Palackius (152), qui diversissima scribendi ratione indoleque narrationum annos 1250-1283 ad duobus Pragensibus canonicis esse conscriptos censuit et sæculo fortasse quarto decimo a compilatore quodam in unum librum esse conflatos (152).

Cum igitur in tanta rerum obscuritate ex codice nulla petenda sit lux, hæc una inveniendæ est viâ ut ipsam librum examinemus, num ex sermone coloraque narrationis singulisque quæ auctoris indolem produnt sententiis originis indicia fortasse elici possint. Quæ vero omnia in mediæ ævi scriptore quam sint dubia, in quorarius tantum certa quædam sibi constans reperiatur scribendi ratio, nemo non videt; itaque minime me tenet hæc opinio, ut meam quam proponam in sequentibus sententiam ab omni dubitatione liberam aut minime esse convellendam putem.

Unicuique totam annalium collectionem obiter inspicienti hoc unum vel sponte se offert, auctorem quicumque ille est, omnia quæ ab a. 1140 leguntur proprio Marte minime conscripsisse, quin imo apparet priorem partem, quam ab aliis mutuatus est, ab hac quæstione prorsus esse removendam. Omnia enim quæ de annis 1140-1193 scripsit, ex fontibus sibi derivavit qui et hodie adiri possunt, cum vetustioris Bohemorum historiæ scriptores clarissimos sibi duces sumpserit. Paucissimis mutatis vel in

compendium reductis ex Gerlaco abbate Muhlhusano (153), quod observarunt Pelzelius et Dobrowskius, annos 1140, 1171, 1176, 1182 sibi petivit, ex Vincentii, Danielis Pragensis episcopi capellani, libro de Friderici I expeditione Italica annos 1154-1159-1163 (154), ex obscurioribus Pragensibus annalibus annos 1160, 1164, 1168, 1172-1178, 1182-1186-1189-1198 in suum usum vertit, unum denique locum, in anno 1159, primo Cosmæ continuatori debere videtur. Amplior etiam deprehenditur lacuna; ab anno enim 1140 progreditur auctor ad 1154, reliquosque quos supra non memoravimus annos vacuos reliquit (15). Quibus omnibus sæculo decimo tertio vergente cum vixisse apparet, cum Gerlacum Chronicon suum post annum 1214 composuisse constat (156). At accuratius examinanti restant nihilominus nonnulla, paucissima quidem, quæ apud illos auctores non leguntur. In Vincentio describendo sine ullo dubio melioris notæ codice uti eligebat, quam is est quem typis reddidit Dobnerus, indeque hæud paucis variæ lectiones originem duxerunt; et alia ex aliis fontibus Vincentio adjecit, annos 1155, 1157, 1159. Longe majoris vero momenti sunt quæ Pragensibus annalibus interseruit, quæ de Sobeslao duce 1176 occurrunt, annos 1187, 1188, et a. 1192 de Wenceslao, Premislao et Heinricho ducibus paulo plenioris narrationem. Hæc vero omnia illud quod in annalibus Pragensibus habes redolent scribendi genus, et tam arcte cum illorum textu cohærent, ut certa mihi exoriatur persuasio ab uno eodemque auctore utramque historiæ particulam esse conscriptam, et sic demum ex Cosmæ continuatore annales Pragenses integros esse restituendos. Et illud quidem annalium exemplar, quod desinebat in anno 1193, ante oculos videtur habuisse, nam huc usque eos secutus est; quæ vero annis 1216-1220 in Pragensibus leguntur frustra apud auctorem quæris. Quod si vera sunt quæ proposui, amplior quædam annalium Pragensium exstabat recensio, quam quæ in codice Casinensi exhibetur, et hoc loco fragmenta nonnulla servata sunt eo minus contemnenda, cum haud ita multa historiæ Bohemicæ sæculi XII exeuntis præsidia exstant. Horum igitur ducum vestigia presso pede secutus

## NOTÆ.

(147) Hic videtur chronicon suum inchoare Jaroslavus Strahoviensis.

(148) p. 221 sqq.

(149) Pelzel et Dobrowski I, p. xxxvii. Cfr. præterea Pessinae Mars Maravicus, Pragæ 1677, f., pag. 293 sqq. et ejusdem Phosphorus septicornis, Prag. 1673, 4, p. 37, 558.

(150) I, p. xxxviii. At Pelzelius ipse priori tempore continuatori Jaroslai nomen dederat, in commentatione quæ est inscripta *Ob dem König Ottokar die Kaiserkrone angetragenen worden* in libro Bornii *Abhandlungen einer Privatgesellschaft in Bohmen*. Prag. II, 74.

(151) Wiener Jahrbücher XV, Anz. p. 36.

(152) Würdigung p. 94, quod certe confirmavit in commentatione *der Mongoleneinfall von 1241*, in libri *Abhandlungen der Königlich Bohmischen Gesellschaft der Wissenschaften ser. v, tom. II, 387*.

(153) Dobner, Monumenta histor. Bohem. I, 79 sqq.

(154) Ibid. I, 29 sqq.

(155) Arridet conjectura quam Pelzelius et Dobrowskius I, p. xxxvii, proposuerunt, ex itisse priori tempore codices in quibus ex Vincentii chronico expleta erat annorum 1142-1154 lacuna. Legitur enim, illis testibus, in Lupacii et Weleslawinæ Calendariis, Hroznatam comitem Hierosolymis reducem, Cosma auctore, 16 Oct. 1152 obiisse. At in nulla continuationum, quas illi ipsius Cosmæ nomine complectebantur, tale quid legitur quod revera apud Vincentium occurrit. Unde hoc efficitur nostrum codicem vetustioribus qui exstabant non respondisse, sed in illo textum esse paulo mutatum, quod, ni fallor, illi quam propositurus sum sententiæ fidem paulo majorem videtur afferre posse.

(156) Palacky Würdigung p. 81.

descendit compilator usque ad annum 1193, ubi ab illis eum destitutum esse et finis Pragensium annalium ipsæque res sequentes temere turbate certo certius probant.

At quæ tandem fuerunt in hac narrationis parte continuatoris præsidia? Et hæc est quæstio difficillime explicanda. Qui amplissimam rerum annis 1196-1283 gestarum perlustraverit materiam, hæc ab uno auctore scribi non potuisse facile apud animum constituet. Nam hoc primum mirari subit eadem res his terve recurrere, modo aliis verbis expressas, modo alios ad annos revocatas (157). Omnia porro quæ ab anno 1279 leguntur tam turpiter disjecta sunt, ut via quasi inexplicabili incedere tibi videaris. Quæ maxima ex parte ita inter se discrepant ut paucissima tantum in librarii incuriam, minime quidem negandam illam, rejici possint. Quis enim credat auctorem, nisi temerarius est et inconsultus compilator, uno quasi spiritu easdem res diversissime potuisse narrare? Sed aliud præcipit argumentum, neque id levissimi momenti: in omnibus enim quæ circiter inde ab anno 1212 usque ad finem legimus, testis oculatus vestigia certissima neminem facile fugiunt. Quæ, e. g., de excommunicatione Pragensibus ab Andrea episcopo imposita an. 1216 et 1217 habemus, temporis descriptione sunt munita tam accurata ut nemo, nisi æqualis, ita scripsisse censendus sit. Verba quæ ad annum 1261 leguntur « Cunctandam (reginam) recepimus » aperte produnt eum qui rebus ipsis interfuerat, et atrocissima anni 1283 fames ab eo tantum ita depingi potuit, qui nefanda horrendaque facta suis oculis viderat. At qui per septuaginta annos rerum gestarum memoriam posteritis testis oculatus mandare potuerit, profecto nemo est. Id ipsum secundam etiam continuationis partem ex diversis partibus confectam esse certissime probat, et ex diversa

scribendi ratione diversa auctorum ingenia feste elucet. Valde enim inter se differunt i quæ ab anno 1196-1248, et quæ annis 1149 narrantur; quinquaginta duo illi anni annalibus terdum brevissimis comprehenduntur, tri quinque anni posteriores copiosissima narre pene totum libellum sibi poscunt.

At singulas annalium partes paulo accuratius examinemus. Ab anno 1212-1249, ut in hac primum insistamus, auctoritatis non impugnetur speciem præse ferunt annales, et in tempore (158) et in locis sanctis Pragensibus accuratè scriptis (159). A canonico quodam Pragensi eccliam compositos ex annis 1235 et 1241 patet, quod Vitum canonicum, dein decanum capituli Pragensium factum esse legimus, quod tum demum illi mandatum esse potest, cum clarissimum non decanatu administrando sibi Vitus comparat. Ideoque hos annales ab illo auctore, cui sequi debemus, non conscriptos, sed in suum textum versos et cum propriis esse conjunctos ostendit. In sequentibus inde ab anno 1250, in quibus longe uberius promanat narrationis copia, hoc non facile lægetur usque ad annum 1278 circiter quales quæ singulis annis fuerint tempestates, quæ ceciderit grando, quales fuerint fœsses, summa diligentia ab auctore litteris esse mandatum facile unum prætermissit annum, quo de rebus naturalibus accuratissime et pene iisdem ubique non retulerit (160). In iis quæ in annotatione primum exemplis, nemo, opinor, ejusdem narrationis vestigia desideret manifestissima, quæ usque ad annum 1278, eundem auctorem dedere satis certo probari videtur. Et non mox tempestalibus et segetibus describitis eum constantem deprehendis, sed aliis etiam rebus minoris sunt momenti in historia conscribendam majorem quam rerum scriptorem decebat operam

## NOTÆ.

(157) Duplex exstat nota de Heinrici episcopi morte annis 1196 et 1198, illic Heinricus, hic Brasclaus appellatur; ad annos 1178 et 1199 Friderici episcopi mors adnotatur, 1183 et 1203 iisdem verbis Pragam a Moravia duce Conrado esse obsessam, item iisdem verbis an. 1184 et 1204 Bohemos cum Moravis bellum commisisse, 1190 et 1210 legimus Conradum in Apulia esse mortuum. Ubi hoc quoque compilatorem prodit quod anni singuli numeris inter se differunt vicenis. Bis legitur Premislaus ducem esse regem factum annis 1197 et 1199, Cyrimini camerarii exsilium an. 1211 et 1212 adnotatur; an. 1248 scribitur brevissime Wenceslaus regem esse solio pulsum, an. 1249 eum in seditione ab Otakaro filio mota minime solio esse pulsum, sed victorem exstitisse copiosissime narratu; victoria Otakari de Ungaris reportata an. 1261 primum obiter tantum memoratur, dein uberrima narratione exponitur. Bis leguntur anni 1182, 1199, 1249, 1156, 1264, 1266, 1271, 1278, 1281, ter vero recurrunt an. 1258 et 1282.

(158) A. 1216, 1217, 1227, 1228, 1230, 1236, 1240, 1248, 1249.

(159) A. 1226, 1228, 1232, 1234, 1244, 1245.

(160) Anno 1251 legitur: *Annona male provenit et præcipue hiemalis*. Anno 1252: *Hiemalia medio-*

*criter in plerisque partibus provenerunt, æstivali penitus defecerunt excepto milio. 1254: Male provenerunt annona autumnalis et fructus arborei penitus defecit. 1266: Annona, fructus arborum vinum male in Bohemia provenerunt propter grandis et siccitatis læsionem. 1270: Perit tota annona hiemalis quam vernalis fere per totam Bohemiam fructus arborum provenerunt mediocriter. An. 1271: Nix magna in plerisque partibus Bohemiarum dedit, qualem non meminit ætas nostra. 1252: in plerisque locis descendit. 1254: Cujus (vini) defectus quantitatem ætas nostra non meminit. Hoc anno gelu læsit fructus arboreos et vineæ et v. 1260: Hoc etiam anno sata læsa sunt et vineæ et fructus arborei, quædam siccitate, quædam grandis plerisque partibus. 1261: Sata diversi semini hiemalia quam æstivalia, in plerisque Bohemiarum partibus fere penitus perierunt, tum a grandine tum a late. 1251: Orta est magna vis ventorum... quæ gravi impulsu multa ædificia ruerunt. 1256: Magna vis ventorum. 1264: Magna vis ventorum ortu quibus interpellentibus multa ædificia, multa gratia corruerunt. 1250: Ædificia et gratia plerisque partibus diruta. 1257: Facta est maxima inuvas aquarum quæ gravia et grandia damna per Pragensem diocesem intulit. 1264: Facta est*

calamo excepit, ut ex verbis apparet ad annum A 1279 (180), de Brunone episcopo Olomusensi « nam moris ejus fuit semper et est, » qui, paulo post 18 Febr. 1281, diem supremum obiit (181). Annalium Pragensium partem secundam hanc continuationem inscripsimus.

Unus tandem restat auctor, itemque canonicus Pragensis, illum qui ad annum 1281 descenderat, excipiens; iterum recurrit usque ad annum 1279, ut illius annales quasi suppleret calamitatum et publicarum miseriarum narratione, quibus illo tempore pene obruta est Bohemia. Est hæc annalium Pragensium pars tertia. Tale infelicissimæ terræ nobis depinxit imaginem disertissimis et acerrimis verbis, quam profecto non sine vera animi commotione inspexeris. Vix igitur mineris eandem auctorem summo peneque capitali Germanorum odio se abripi passum esse (182), cujus apud priores vel levissimum vel pene nullum invenitur vestigium. Videtur fuisse auctor inter legatos capituli Pragensis ad episcopum Brandenburgensem missos, qui peterent ne penitus bona ejus diriperentur. « Quod quicumque audivit, » sunt verba ejus, « tinniverunt aures ejus. » Atrocissimas patriæ calamitates suis oculis vidit: « Et plura, inquit, et varia tormenta his temporibus audivimus et vidimus quam in codicibus legimus (183). » Est igitur scribendi ejus genus vehementissimum et violentum, flagratque quasi illo hostium patriæ odio. Et in hoc etiam suam ingressus est viam auctor quod sententias suas uberius exponere easque doctrina quadam ornare conatus est. Cujas rei testis est longa illa exemplorum ex Scriptura sacra petitorum series aliæque testimonia quæ, quod apud priores scriptores frustra quæris, ex Romanorum imperatorum legibus sunt deprompta. Eum et alias fuisse eruditum litterisque imbutum probatur Horatii, Ovidii et aliorum Romanorum poetarum luminibus, quæ cuiquam debeat me indagare non potuisse libere confiteor, locisque ex Gregorii Magni et Ekkehardi Uraugiensis libris desumptis (184).

Restant denique pauca quædam historiæ Bohemicæ fragmenta quæ ex parte a canonico Pragensi videntur conscripta, haud scio an ab uno illorum quos supra censuimus. Sunt hi loci: « 1258, consecratum est xvii Kal. Septembris, » et an. « 1266, iterum transeuntes — siliginis perierunt. » Ex parte monacho cuidam Strahoviensi videntur originem debere: an. « 1258, Dominus Conradus — montis Sion; 1253, xiv Kal. Novemb. — consumavit; » quas annotationes is qui annalibus ultimam adjecit manum

modo nescio quo corripuit aptisque locis iniecit.

Terminantur tandem annales in Cosmæ primis capitibus iterum repetitis, quæ catalogus principum Bohemorum inde a Primislao usque ad Wenceslaum II regem excipit. Quæ ab illo quem loco quarto posuimus auctore addita esse vix ac ne vix quidem mihi persuadere possum, cum laxioribus vel pene nullis cum præcedentibus jungantur vinculis, verbaque ipsa compilatoris ingenium prodere videntur. Plenam quam nos habemus continuationem hujus, ut ita dicam, epilogi auctorem ante oculos habuisse ex his apparet verbis se velle principum catalogum proponere, « ea tamen emendatione relicta, ut ubicunque in hiis scriptis lectori nodus dubietatis occurrerit, ad depellendum errorem recurrat superius ad scripta, ibi enim plenius inveniet adnotata. » Accedit ipse catalogus principum, qui totam Bohemiæ complectitur historiam quam Cosmas et continuatores ejus descriperunt. Ultimis denique verbis compilator totam annalium molem paulo dilucidius digerere conatus est. Ex tribus enim quas fecit historiæ partibus prima usque ad mortem Wratislavi I regis 1092 deducta, Cosmæ duos priores libros comprehendit, altera usque ad Wladislaum II regem 1140, tertium Cosmæ librum et primam continuationem complectitur; tertia vero, usque ad Wenceslaum II regem 1283, amplissimæ secundæ continuationi accuratissimæ respondet. Cur talis libro finis sit impositus his indicatur verbis: « Quia multorum hominum animos turbat sollicitatio de investiganda serie et descensione propaginis ducum ac regum regni Bohemici qualiter, » etc. At profecto non sine graviore causa erant hominum animi sollicitati, nam antiquissimæ Premislidarum stirpis ultimus erat Wenceslaus ille puer, cujus filius Wenceslaus III, anno 1289 natus (185), hominis animis curas illustrissimæ regni domus mox interitura sine dubio paulo eximebat. Est igitur, si quid video, catalogus et tota, quam habemus, annalium moles inter annos 1283 et 1289 confecta. Adde denique priorum annalium membra turpiter esse disjecta, novumque quasi rerum ordinem esse constitutum, ita ut quæ ex singulis annalibus sibi responderent, ea demum continuo quasi calami ductu essent conscripta; quæ qui secum reputaverit quin omnia illa a compilatore tantum tam misero modo potuerint confari minime dubitabit. Idemque sine dubio est, quod compilatorem maxime convenit, qui magnam illam quam, annis 1142-1196, deprehendimus lacunam, laciniis ex Vincentio, Gerlaco et annalibus Pragensibus cor-

## NOTÆ.

estus est honorabilis; Moguntinus archiepiscopus reverentissimus, Olomucensis honorabilis, Tobias divina favente clementia episcopus.

(180) Vide etiam vota de Tobia novo episcopo oblata 1279, sine dubio paulo post electionem scripta et quæ 1281 de Spakmanno ejusque sociis narrantur

(181) Richter, Ser. episcoporum Olomucensium. p. 67.

(182) Anno 1279: *Mos est Theutonicorum zelo*

*nimio sævire in Bohemos; 1281: Velut vespertilioes in aurora die lucescente se abscondunt, ita Theutonici, tanquam fumus evanescit, evanuerunt.*

(183) Anno 1279, ubi et hæc leguntur: *Hæc omnia hiis temporibus effluerunt in Bohemos, etc. — Convertat jam luctum nostrum in gaudium ut viventes laudemus eum omni tempore.*

(184) Annis 1279, 1282, 1283.

(185) Vide stemma apud Palackium II, 2.



ubi non minus gloriose refertur de pace inter reges Bohemiæ et Hungariæ facta, talesque occurrunt Otakari regis laudes: « Quis autem non possit mirari de tam magnifico rege, qui ab utero matris vocatus est rex aureus? » Eidem auctori haud immerito has continuationis partes vindicare ausim, quibus sterilis angustique historiæ compendii lines longe superat: quæ, annis 1254 et 1255, de Otakari expeditione contra Prutenos leguntur, quod et duplici hujus belli mentione satis confirmari videtur, anno 1271 Viti decani laudes, quæ plena manu funduntur, 1272, narrationem de Germanorum imperio Otakaro oblato (168), 1278, quæ de moribus Joannis episcopi Pragensis habentur, et ibidem in Otakarum panegyricum, et ut ita dicam threnodiam, qua atrox ejus mors post magnificam vitam acerbe plangitur (169). At haud parvam scribendi generis similitudinem idemque fere auctori ingenium in illis etiam partibus reperisse mihi videor, ubi eum in quibusdam Otakarum audimus viuperantem an. 1276, 1278 (170). Hic Rudolfum etiam regem nobis depingit « virum providum et discretum, » longeque abest quo patriæ hostem suo odio insectetur, optime potius virum cautum sibi que constantem Otakaro, viro audacissimo et splendidissimo, opposuit. Est hic etiam auctor canonicus Pragensis (171). Viti enim decani mores et vitam is tantum ita accurate poterat exprimere, qui clarissimi viri collega decani munus per longum tempus eum viderat administrantem. In reliquis quoque rebus scribendis fontes limpidiore ei adire licebat. De Hungarorum clade anno 1260 Otakari epistolam ad papam datam habebat ante oculos, et captorum Hungarorum testimonium vel ipse ex iis quæsit vel ab aliis accepit (172). Quin imo Otakarum regem habet testem (173) et de miraculis eodem die factis Joannem militem « virum omnimodis fide dignum » multosque alios audivit. Sæpius Otakarum vidit, ut testatur verbis de eo 1278: « Hæc vidimus et testi-

monium perhibemus. » Atrocissima regis clades et inexpugnabiles patriæ miseræ intimum ejus pectus vehementissime movent. In narrandis rebus est modestus et providus, beneque sibi cavet ne foret veri fines temere excedat, quod talibus indicavit locutionibus: « ni fallor, utrum per industriam an per errorem nescio (174), ad enarrandum manet difficile (175): de Otakari morte: nihil certi dicere » potest, « quia diversi diversa dicunt (176). » Et quantum, quod rerum scriptore est dignissimum, bene cavet ne odii aut adulationis notam incurrat (177), tamen uno alterove loco Otakari studio se abripi passus est, in eo quod regi Germanorum imperium « pluries » oblatum esse dicit, eumque, excepta clade ultima, ab hostibus nunquam victum esse affirmare ausus est (178). In chronologia interdum lapsus est; neque omnia quæ de pace anni 1276 inter reges constituta profert, ad veritatis normam exigi possunt.

Tertius, ni fallor, auctor conscripsit annos 1278-1281. Verum est, hinc inde reperiuntur locutiones quæ in prioribus etiam occurrunt partibus, at nihilominus aliud est scribendi genus, aliusque est quem sibi proposuit auctor finis. Primus omnia quæ in notitiam venerant annatibus suis complecti conatus est, alter ad res publicas et ad Otakari maxime sortem animum advertit, tertii, etsi suas habet laudes narratio, tamen a rebus publicis quæ uberrimam præbebant materiem se avertit, et in hoc potissimum videtur acquiescisse auctor, ut Tobiae episcopi Pragensis electionem posteris quam accurate traderet. Hic etiam singularis ejus est mos, qui apud reliquos nusquam occurrit, ut Prageniæ canonicorum mentionem facere non possit, quin honorifico quopiam titulo eos decoret (179), talibusque vocibus « humiliter devote, benigne, gratiose » sermonem suum exornet. Non modo canonici Pragenses quid fecerint vel senserint conscripsit auctor, canonicus ipse, imo quid ederint vel biberint posteritati tradidit. Eodem fere tempore quo res sunt gestæ eas

## NOTÆ.

(168) Iterum summis laudibus effertur; est rex serenissimus, rogatur ab electoribus quatenus dignaretur assumere apices imperatoris dignitatis; remunerat nuntios muneribus magnificis in auro, argento, etc.

(169) Eodem anno, XII Kal. Nov., fuit mensura. Ab uno eodemque hæc scripta esse ipsis auctoris verbis probari potest. De Vito decano 1271, scribit: Sed ne videar singularum virtutum ejus ipsi divinitus collatarum plenius facta prosequendo notam adulationis incurrere, stylo amoto malui posteris relinquere, etc.; de Otakaro 1278: stylo submoto, ne videar adulationis notam incurrere veritatem prosequendo, ejus facta... posteris relinquo; 1276: quæ ibidem... uctu sunt malui subdicere, ne forte singula ut fuerunt prosequendo aliquorum odium incurram; 1271, de Vito: Illuminabat enim mentes hominum utpote lucerna lucens; 1278 de Joanne episcopo: Lucerna lucens... illuminabat corda hominum; 1271, de Viti veritatis et justitiæ imitatione loquitur; 1278, est Joannes justitiæ sectator, veritatis imitator; Vitis dividebat etiam denarios pauperibus; 1278, Otakarum dividens cuilibet solidum denarium; 1271 de Vito: Elemosynas illius enarrabit omnis Ecclesia; 1278: Quantum largus fuerit mens humana nec enarrare potest.

(170) Anno 1272: Talibus dicitur usus fuisse sermonibus; 1276: Tale fertur dedisse responsum; 1278: Sua fata hunc continuo nolentem ducunt, volentem trahunt; 1260: Fata nolentem ducunt, volentem trahunt; 1278: El cecidit super militiam formido et pavor; 1260: timor et tremor super impios cedere.

(171) A. 1260: Jarosius... coram episcopo Pragensi et præposito et decano et canonicis in capitulo Prageniæ retulit viva voce.

(172) Anno 1260: Hiidem infideles et cæteri.. sicut ipsi postmodum retulerunt.

(173) Nam sicut sæpe dictus princeps Bohemiæ et alii principes, barones et milites communiter retulerunt. Auctorem ipsum prælio interfuisse ex verbis inter nos et se fluvio dicto Morava elicere nolim, est sine dubio vividius loquendi genus.

(174) A. 1260.

(175) A. 1277.

(176) A. 1278.

(177) A. 1271, 1276, 1278.

(178) A. 1272, 1278,

(179) Sunt ei 1278: Viri utique honesti et providi; 1279: Viri providi et eminentioris discretionis, eorum

calamo excepit, ut ex verbis apparet ad annum A 1279 (180), de Brunone episcopo Olomusensi « nam moris ejus fuit semper et est, » qui, paulo post 18 Febr. 1281, diem supremum obiit (181). Annalium Pragensium partem secundam hanc continuationem inscripsimus.

Unus tandem restat auctor, itemque canonicus Pragensis, illum qui ad annum 1281 descenderat, excipiens; iterum recurrit usque ad annum 1279, ut illius annales quasi suppleret calamitatum et publicarum miseriarum narratione, quibus illo tempore pene obruta est Bohemia. Est hæc annalium Pragensium pars tertia. Talem infelicissimæ terræ nobis depinxit imaginem disertissimis et acerrimis verbis, quam profecto non sine vera animi commotione inspexeris. Vix igitur mineris eandem auctorem summo peneque capitali Germanorum odio se abripi passum esse (182), cujus apud priores vel levissimum vel pene nullum invenitur vestigium. Videtur fuisse auctor inter legatos capituli Pragensis ad episcopum Brandenburgensem missos, qui peterent ne penitus bona ejus diriperentur. « Quod quicumque audivit, » sunt verba ejus. « tinniverunt aures ejus. » Atrocissimas patriæ calamitates suis oculis vidit: « Et plura, inquit, et varia tormenta his temporibus audivimus et vidimus quam in codicibus legimus » (183). « Est igitur scribendi ejus genus vehementissimum et violentum, flagratque quasi illo hostium patriæ odio. Et in hoc etiam suam ingressus est viam auctor quod sententias suas uberius exponere easque doctrina quadam ornare conatus est. Cujus rei testis est longa illa exemplorum ex Scriptura sacra petitorum series aliaque testimonia quæ, quod apud priores scriptores frustra quæris, ex Romanorum imperatorum legibus sunt deprompta. Eum et alias fuisse eruditum litterisque imbutum probatur Horatii, Ovidii et aliorum Romanorum poetarum luminibus, quæ cuiquam debeat me indagare non potuisse libere confiteor, locisque ex Gregorii Magni et Ekkehardi Uraugiensis libris desumptis (184).

Restant denique pauca quædam historiæ Bohemice fragmenta quæ ex parte a canonico Pragensi videntur conscripta, haud scio an ab uno illorum quos supra censuimus. Sunt hi loci: « 1258, consecratum est xvii Kal. Septembris, » et an. « 1266, iterum transeuntes — siliginis perierunt. » Ex parte monacho cuidam Strahoviensi videntur originem debere: an. « 1258, Dominus Conradus — montis Sion; 1253, xiv Kal. Novemb. — consumavit; » quas annotationes is qui annalibus ultimam adjecit manum

modo nescio quo corripuit aptisque locis iniecit.

Terminantur tandem annales in Cosmæ primis capitibus iterum repetitis, quæ catalogus principum Bohemorum inde a Primislao usque ad Wenceslaum II regem excipit. Quæ ab illo quem loco quarto posuimus auctore addita esse vix æ ne vix quidem mihi persuadere possum, cum laxioribus vel pene nullis cum præcedentibus jungantur vinculis, verbaque ipsa compilatoris ingenium prodere videntur. Plenam quam nos habemus continuationem hujus, ut ita dicam, epilogi auctorem ante oculos habuisse ex his apparet verbis se velle principum catalogum proponere, « ea tamen emendatione relicta, ut ubicunque in hiis scriptis lectori nodus dubietatis occurrerit, ad depellendum errorem recurrat superius ad scripta, ibi enim plenius inveniet adnotata. » Accedit ipse catalogus principum, qui totam Bohemiæ complectitur historiam quam Cosmas et continuatores ejus descripserunt. Ultimis denique verbis compilator totam annalium molem paulo dilucidius digerere conatus est. Ex tribus enim quas fecit historiæ partibus prima usque ad mortem Wratislai I regis 1092 deducta, Cosmæ duos priores libros comprehendit, altera usque ad Wladislaum II regem 1140, tertium Cosmæ libri et primam continuationem complectitur; tertia vero, usque ad Wenceslaum II regem 1283, amplissimæ secundæ continuationi accuratissimæ respondet. Cur talis libro finis sit impositus his indicatur verbis: « Quia multorum hominum animos turbat sollicitatio de investiganda serie et descensione propaginis ducum ac regum regni Bohemici qualiter, » etc. At profecto non sine graviore causa erant hominum animi sollicitati, nam antiquissimæ Premislidarum stirpis ultimus erat Wenceslaus ille puer, cujus filius Wenceslaus III, anno 1289 natus (185), hominis animis curas illustrissimæ regni domus mox interitura sine dubio paulo eximebat. Est igitur, si quid video, catalogus et tota, quam habemus, annalium moles inter annos 1283 et 1289 confecta. Adde denique priorum annalium membra turpiter esse disjecta, novumque quasi rerum ordinem esse constitutum, ita ut quæ ex singulis annalibus sibi responderent, ea demum continuo quasi calami ductu essent conscripta; quæ qui secum reputaverit quin omnia illa a compilatore tantum tam misero modo potuerint confari minime dubitabit. Idemque sine dubio est, quod compilatorem maxime convenit, qui magnam illam quam, annis 1142-1196, deprehendimus lacunam, laciniis ex Vincentio, Gerlaco et annalibus Pragensibus cor-

#### NOTÆ.

*estus est honorabilis; Moguntinus archiepiscopus reverentissimus, Olomucensis honorabilis, Tobias divina favente clementia episcopus.*

(180) Vide etiam vota de Tobia novo episcopo oblata 1279, sine dubio paulo post electionem scripta et quæ 1281 de Spakmanno ejusque sociis narratur

(181) Richter, Ser. episcoporum Olomucensium.

p. 67.

(182) Anno 1279: *Mos est Theutonicorum zelo*

*nimio sævire in Bohemos; 1281: Velut vesperationes in aurora die lucente se abscondunt, ita Theutonici, tanquam fumus evanescit, evanuerunt.*

(183) Anno 1279, ubi et hæc leguntur: *Hæc omnia hiis temporibus effluerunt in Bohemos, etc. — Convertat jam luctum nostrum in gaudium ut viventes laudemus eum omni tempore.*

(184) Annis 1279, 1282, 1283.

(185) Vide stemma apud Palackium II, 2.

reptis explevit. Quod eo tantum consilio factum est, ut prima continuatio quodam societatis vinculo jungeretur cum secunda, quod sane minime feliciter cessit. Eundem denique sapiunt auctorem verba illa post annum 1260, sine ullo cum reliquo textu vinculo, tanquam glossa inserta, de rebus adversis post illum annum ingruentibus, quæ verba postero demum tempore esse interjecta nemo non videt. Quæ vero ille in unam rerum congeriem confudit, nos digerere et extricare, et cuique quod ei debetur auctori restituere conati sumus.

Non deerant, ut hoc etiam paucis absolvam, posterorum temporum scriptores, qui has Cosmæ continuationes quasi uberrimum Bohemorum historiæ fontem adirent, suaque ex iis ducerent haustibus plenissimis. Quod mihi prius facile persuaseram, fore ut ex his forsasse annales integra qua essent ab auctoribus compositi forma, possent restitui, hanc spem ad effectum perducere non posse jam satis patet; omnes enim quos scio rerum scriptores hanc quam habemus annalium compilationem et legunt et in suum usum veterunt. Sunt hi Franciscus canonicus Pragensis (186), qui secundam tantum continuationem execripit, Neplach abbas Opatovicensis, qui continuatores omnes duces secutus est (187), Mari gnola, qui continuationem Wissegradensem et Pragensem ante oculos habebat (188), neque minus Pulkava et ante et post annum 1250 (189). At in partem priori nonnulla etiam alia apud hunc inveniuntur, quæ ita arte videntur coherere cum illis quæ ex continuatione Cosmæ desumpta sunt, ut hic forsasse genuinam annalium formam deprehendi conjicias, si quid certi statui posset de Pulkava ipso, antequam chronicon quod sub ejus nomine circumfertur, ad criticas normas accuratius exigeretur.

Jam videamus qui sint codices quibus novo quasi firmoque fundamento hanc Cosmæ editionem superstruere possumus. Longe sane majorem codicum messem habuimus, quam in priorum editorum manus venerant; duos codices habebant Freherus et Menkenius, sex codices Pelzelius et Dobrowekius, octo enumeravit Palackius, nos tredecim novimus codices, ex quibus tres, eosque antiquissimos, Lipsiensem, Budissinensem, Dresdensensem, contulimus ipsi,

A quatuor in favorem nostræ editionis vel contulerunt vel inspexerunt alii, reliquorum denique varias lectiones Pelzelii et Dobrowekii editio exhibebat vel notitiam saltem dabat Palackius. Quibus præsiis si Cosmæ textus non plane novus constitui poterat, longe tamen proprius accedit ad genuinam chronici formam, qua auctor ipse librum in lucem publicam emisit. Non quidem autographum, sed gravissimos duos codices adepti sumus, qui singulari quodam casu virorum doctorum notitiam plane effugisse videbantur. Itaque quomodo Cosmæ liber paulatim quasi excreverit ante lectorum oculos ponere non possumus; at eo usque codicem auxilio pervenimus ut duplicem chronici recensione faciam esse dicamus. Non ita quidem in rebus ipsis differunt duæ illæ editiones, sed si scribendi rationem respicias, secundam paulo limatiorem esse vix negabis. Haud raro enim ipse sine dubio auctor prioris vocis loco aliam posuit quæ sententiæ melius respondere videbatur.

Duo codicum genera constituimus, quorum unum A, priorem; alterum B, posteriorem textus recensione exhibet.

A genus uno tantum codice eoque antiquissimo constat Lipsiensi, sæc. XII, ex. membr. 8 (190), quem nobis gratiose transmisit conferendum vir ill. Gersdorf, bibliothecæ Lipsiensis præfectus. Codicem qui inscriptus est *Liber beatæ Mariæ virginis in Husborg* haud ita longe post Cosmæ obitum exaratum esse indicia nobis palæographica persuadent, et qui f. 136 adjectus est pontificum Romanorum catalogus, usque ad Adrianum IV, i. e. 1154 deductus. Ipsius auctoris mors ad annum 1125, ut in reliquis codicibus adnotata est. Codex plena et rotunda manu diligenter conscriptus est, linæ subfusco colore ductæ, haud raro manus cœva falsa correxit aut verba quæ librarium fugerant in margine opposuit. Nulli reliquorum hunc codicem fundamento fuisse, lacunæ nonnullæ edocent (191) in reliquis minime obviæ, variaque lectiones quæ in uno Lipsiensi occurrunt satis probant (192). Neque ultimum accedit hoc argumentum, quod in eodem codice collocatio verborum tam sæpe tamque multum a reliquis codicibus abhorret omnibus, ut jam in hoc uno peculiaria

#### NOTÆ.

(186) Annis 1265, 1278 vide apud Pelzelium et Dobrowskium, II.

(187) Canonicum Wissegradensem, annis 1129, 1130, monachum Saavensem 1139, 1140, 1161, 1162, canonicos Pragenses annis 1199-1271. Quibus addere juvat ea verba quibus suum fontem ad annum 1275 descripsit: *Et usque ad hunc annum quæ acta fuerunt in chronica scribuntur, cætera autem quæ sequuntur de quibusdam quaternis recollegi.* Cum illis confer Meinerti monachum Opatovicensem, *Weiner Jahrbücher* XLVIII. Anzeigbl.

(188) Annis 1126, 1127, 1130, 1138, 1142 et annis 1141, 1283.

(189) Vide, e. g., apud Pulkavam annos 1201, 1204, 1214, 1216, 1224.

(190) *Archiv.* VIII, 282.

(191) Haud raro unum alterumve desideratur ver-

bum, neque rarius sex septemve voces; e. g. I, 6. verba: *Jam ipsamque appropinquabant villæ ad quam ibant.* Ibid. versus:

*Et monstrant vestes sternuntque caballum.*

I, 13, verba: *Et vos vestrosque posteros a ventura clade quasi ex divino oraculo præmonitus protegi;* I, 29, verba: *Et hujus terræ ex dominis originem ducis.*

(192) I, pr. A habet *inbulo*, reliqui *delibulo*, I, 2, A *dolores*, reliqui *labores*; I, 4, A *rehabere*, reliqui *recuperare*; ibid. A *thoris*, reliqui *stratis*; I, 7, A *dedilos*, reliqui *commissos*; I, 18, A *reperire*, reliqui *percipere*; I, 26, A *pastoralem curam*, reliqui *virgam*; I, 33, A *misericiordiam*, reliqui *gratiam*; I, 38, A *pectora*, reliqui *corpora*; ibid. A *est*, reliqui *constituetur*; II, 15, A *negotia*, reliqui *judicia*; III, 51, A *manstl*, reliqui *conversatus est*.

rem textus recensioem cognoscas. Codicis specimen et Cosmæ imaginem in ultimo folio satis rude delineatam dedimus. Cum hoc codice una tantum consentit auctoritas quam

A° signavimus: est annalista Saxo, qui, paulo post annum 1137, ad verbum pene exscripsit Cosmam, sed non tam accurate ut ad textum restituendum adhiberi possit. Sed certissima deprehenduntur vestigia eum textum recensioem A ante oculos habuisse (193). Itaque paucis tantum locis lectionem annalistæ Saxonis apposuimus, ut in aperto sit quomodo duo illi codices inter se cohæreant.

B siglo omnes reliquos signavimus codices qui inter se consentientes recedunt a codice A, ex quibus primo loco habendus est:

1) Codex Budissinensis bibliothec. Gersdorf. msc. 7 mbr., sæc. XIII, formæ altioris quam longioris, 73 foliis exaratus, quorum ultima putredine valde sunt corrupta. Neque quod maxime dolendum est integer est codex; excisum est folium primum in quo epistolæ dedicatoriæ legebantur, dein post septimum unum et dimidium alterius desideratur; desunt omnia quæ II, 46, a verbis *quare jam certi de misericordia*, etc., usque ad verba *quorum succenderat animum*, etc., III, 45, leguntur. Manus sæc. XVII adnotavit: *Hic multa desunt*. Iterum desunt duo folia in quaternione octavo, duo alia in latere exteriori squalore obsita vestigia manus bibliopegæ produnt; involucri alius libri ea jam in hæsisse videntur, et reliqua ejusdem quaternionis folia turpiter disjecta sunt. Quæ omnia hanc nobis probare videntur opinionem, codicem, jam sæculo XVII dilaceratum et dein ut repararetur damnum forte fortuna conquisitum esse. Scriptus est litteris minusculis hæud parvis, satis pulchris; atramentum est subfuscum; hæud ita frequentia sunt scribendi compendia; i littera semper caret linea superiori, at scribitur i i; sæpissime occurrit e in fine verborum: *luce, apprime, curte*, eodem modo e loco æ, cesus, penitencia, c et ce pro t et ct: *porcio, electio*; accentus A non desideratur. Hinc inde capita

(193) E. g., apud annalistam Saxonem invenitur lectio quæ in uno codice A occurrit: I, 26, *curam*: I, 29, in utroque desunt verba *et hujus-ducis*; ibid. illi legunt, *recedunt*, reliqui *redeunt*; ibid. illis deest *maximo*; II, 46, illi habent *negotia*; II, 49, consentiunt in lectione *in post suo tempore*; III, 26, habent *coadunato iterum*; III, 51, *manst*.

(194-5) E. g., I, 10, scripsit *convincie* pro *conditione*; I, 12, *mirabiles* pro *miserabiles*; I, 21, *sociuntur* pro *sortiuntur*; I, 34, *concilio* pro *condicto*; I, 39, *correcta* pro *correpta*; ibid. *morte* pro *more*; I, 42, *concius* pro *tercius*; II, pr. *optari* pro *oplasti*, quibus accedunt alia.

(196) I, 41, unus A legit *magnus terror ingruerit*, B1 habet *magnus post te vel fragor vel terror ingruerit*, cui reliqui aut consentiunt aut solam vocem *fragor* exhibent; I, 42, A habet *vincendi conditio*, B1 et reliqui addunt *vel ratio*; ibidem lectio codicis A est *mausoleum in sæcula nominativum*, B1 eum quibusdam aliis exhibet *vel memoriale*, I, 43, A, *sub glacie nitida*; 4, *sub glacie novæ vel nitida*; ibid. A, *tradidit eam*; 4, *vel civitatem eam*: ibid. A, in

A voce *item* minio scripta signata at non numerata sunt; in distinguendis capitibus certa quædam lex frustra quæritur. In primo folio exstat tabula quædam eodem sine dubio tempore quo codex exarata, qua Lecho et Cecho satis nitide depicti videntur. Librarius sæpe erravit (194-5), et hoc argumento negligentie convincitur, quod glossas quas hinc inde in exemplo reperiebat, ita in textum recepit, ut priorem lectionem et glossam uno calami ductu scriberet; Bohemicæ etiam glossæ occurrunt manu paulo recentiori superscriptæ, quas suo loco apposuimus. Sed illæ ipsæ glossæ nobis persuadent melioris notæ hunc esse codicem. Hanc enim sententiam amplecti non dubitamus, post confectam codicis A recensioem, ubi non leguntur, ab ipso auctore additas esse illas glossas. Quæ ejus sunt naturæ, ut nemo unius dubitet quin ab ipso auctore, cum librum suum iterum iterumque limaret, sint appositæ: nam minime interpretationi inserviunt, sed hærebat auctor num ita an aliter meliori stylo scriberet. In omnes pene reliquos codices transierunt glossæ illæ, in uno codice A non leguntur (196); quid igitur clarius quam duas illas codicum familias esse constituendas? Cum igitur ex his omnibus dubitare non posse nobis videremur, quin librarius B1 codicem secutus sit, in quo servatæ erant secundæ curæ, quibus auctor librum suum emendavit, textus quasi fundamentum B1 posuimus; præsidia accedunt codices reliqui, ante omnes A, quem Cosmæ pene coævum in scribendis nominibus et Teutonicis et Bohemicis secuti sumus, quæ recentiorum Bohemorum more in reliquis scripta sunt. Reliquorum codicum origo in B1 quærenda non est; hæud ita paucæ enim exstant lectiones quæ in hoc uno B1 tantum occurrunt (197). At proxime accedit illi codici 1 alius quem signavimus numero.

2) Codex Pragensis metropolitanus, sæc. XIV, cujus uberrimam descriptionem dederunt Pelzelius et Dobrowskii in præfatione (198), quam hoc loco repetere liceat:

« Codex membranaceus inter annos 1320 et 1343

#### NOTÆ.

*domini sui vitam*; 1 addit *vitam vel necesse*, pro qua lectione sensu carente omnes reliqui codices exhibent *vel necem*; I, 30, A, *rapidis lupis*; 4, *rabulis vel cruentis lupis*, et reliqui omnes repetunt *cruentis*; I, 37, A, *ad venationem sæpe faciens*, 1 perverse, *venatum ire vellet ad venationem sæpe faciens*; ibid. A, *urgentes*; 4, *urgentes impingentes*; I, 37, A, *in caelestem patriam vel habitationem*, 1 omittit verba *patriam vel*; I, 40, A, *cupidinis*; 4, *Veneris*, sed manu coæva superscriptum *telo læsa cupidinis*; I, 41, A, *ecclesiæ injuriam*; 1: *damnum vel injuriam*; II, 3, A, *intrans*; 4, *adeunt intrans*; ibid. A, *ecclesiæ limina*; 4, *limina adila*: II, 39, A, *eventu prospero*; 4, *propicio vel prospero*.

(197) E. g., habet B 1, I, pr. *placere cupio*, reliqui *glisco*: I, 14, 1, *pariter*, reliqui *partim*; I, 30, 4, *deprecor*, reliqui *deprecamur*; I, 37, 1, *fulgurea*, reliqui *sulfurea*: I, 42, 4, *decet*, reliqui *par est*; I, 38, 1, *fundant*, reliqui *sudant*; I, 37, *candelabra aurea*, reliqui *argentea*; I, 42, 1, *ferentibus*, reliqui *referentibus*.

(198) P. xv.

« xriatus grandiusculis characteribus, qui in bi-  
 « bliothea capituli ecclesiæ metropolitanæ Pragæ  
 « sis servatur. In secundo folio, cui minio in infe-  
 « riori margine numerus I ascriptus est, inter alia  
 « primæ litteræ variis coloribus atque auro decora-  
 « tæ ornamenta duo conspiciuntur insignia, alte-  
 « rum capituli Pragensis, alterum baronum de  
 « Draziez, ramum virentem exhibens, e quorum  
 « familia fuerunt Joannes III († 1278), et Joannes  
 « IV († 1343), episcopi Pragenses. Descriptum vero  
 « fuisse codicem pro Joanne IV, episcopo Pragensi,  
 « qui etiam Francisco canonico conscribendæ par-  
 « tis secundæ chronici Pragensis auctor fuit, ex  
 « adnotato ad finem continuationis secundæ obitu  
 « Wilhelmi Leporis, an. 1320, certum est. Sunt  
 « autem in codice metropolitano non levia indicia  
 « eum e duobus voluminibus compactum esse. Nam  
 « et scriptura, qua Francisci chronicon, quod se-  
 « cundam partem chronici Pragensis appellat au-  
 « ctor, in eodem codice exaratum est, diversa est  
 « ab ea, qua prima pars, id est Cosmas cum con-  
 « tinuatoribus Pragensibus, perscripta est. Folia  
 « etiam membranæ aliter per lineas divisa sunt,  
 « ita ut quævis columna primæ partis triginta octo,  
 « secundæ vero partis quadraginta quatuor lineas  
 « contineat. Fasciculi quoque seu membranarum  
 « colligata, quorum sexdecim in primæ parte nu-  
 « merantur, in secunda rursus a principio seu nu-  
 « mero 1 computantur. Fuere tandem hæc duo vo-  
 « lumina in unum collecta, quod nunc centum no-  
 « naginta novem foliis minio notatis constat. —  
 « Cosmæ chronicon legitur a fol. 48 usque ad  
 « fol. 105. Sequuntur deinde continuatores ejus  
 « eadem manu et atramento usque ad fol. 148.  
 « In hujus folii utraque pagina manus priori re-  
 « centior, vetusta tamen, alio atramento aliisque  
 « litteris seriem episcoporum Pragensium usque ad  
 « Arnestum primum archiepiscopum ascripserat.  
 « Post hæc vestigium folii serius excisi apparot, quod  
 « erat octavum decimi sexti colligati seu, ut typo-  
 « graphi vocant, quaternionis. Videntur itaque nu-  
 « meri in inferiori margine minio exarati, quibus  
 « singula folia notata sunt, serius appositi: nam  
 « non computato folio exciso, continua serie usque  
 « ad finem progrediuntur. Folium, n. 149 notatur,  
 « quod est primum quaternionis primi secundæ  
 « partis, vacuum relictum est. A fol. 150 usque ad  
 « fol. 185, Francisci chronicon, seu secunda pars  
 « chronici Pragensis, diversis characteribus alioque  
 « atramento perscriptum est. Foliis 185 et 186, quæ-

(199) I, 1, falso legunt 1 et 2 *historiaca* pro *histo-  
 ricu*; I, 5, falso iidem *Herecynthium* pro *Berecyn-  
 hium*; ibid. iidem *thulitarium* pro *thalarium*; I, 13,  
 ambo falso *abscondens* pro *abscondens*. In codd. 1 et 2  
 tantum legitur glossa *telo lesa cupidinis*; II, 4, ambo  
*pariam* pro *paratum*; II, 39, ambo *arripiunt* pro *cor-  
 ripiunt*.

(200) Würdigung, p. 16.

(201) Würdigung, p. 13-15.

« dam memoriæ recentiores sæculi xvi de archiepi-  
 « scopis Pragensibus continentur; reliqua usque ad  
 « finem codicis vacua sunt.» In initio codicis legun-  
 « tur passionibus sancti Adalberti et S. Wenceslai. Pro-  
 « xime hunc codicem accedere ad 1, ex haud paucis  
 « locis patere videtur, ubi cum hoc uno et in veris et  
 « falsis consentit lectionibus (199). Sed aliud quoddam  
 « peculiare sui generis signum hic habet codex; sunt  
 « brevissimæ nonnullæ notulæ nullius sane momenti,  
 « quas Pelzelius et Dobrowskius cum meliores non  
 « haberent codices, Cosmæ ascripserunt, sed jam nemo  
 « unus dubitabit quin, cum in duobus antiquissimis  
 « codicibus non reperiantur, ab interpolatore quodam  
 « sæculi xiv ut videtur, insertæ sint; ideoque inter  
 « varias lectiones eas recepimus; leguntur autem ad  
 « annos 1008, 1011, 1014, 1015, 1023, 1032, 1041,  
 « 1053, 1061, 1081, 1084, ex annalibus nescio quibus  
 « descriptæ. In quibus notulis rejiciendis Palackium  
 « (200) minime fefellit iudicium; at omnes breves illas  
 « notas quibus largissimum narrationis flumen inter-  
 « ruptum videmus esse resecandas, vel ideo non cen-  
 « semus, quia in codicibus leguntur antiquissimis,  
 « quorum auctoritatem in tali argumento excedere  
 « non licet. Quod eo minus fieri poterat, cum auctorem  
 « ipsum in libro suo componendo annalium viam in-  
 « gressum esse jam supra probare conati sumus;  
 « itaque ubi alia quæ narraret non habebat brevissi-  
 « mas notas apponebat. Notulis illis supralaudatis  
 « probatissimum sane signum adepti sumus quo indi-  
 « catur duos alios codices arctissime cum illo cohærere.

2 (a) Codex Rudnicensis, sæc. xv, chart. in biblio-  
 « theca Lobkowitziana, quem anno 1823 in lucem pro-  
 « traxit Palackius: in eodem primi etiam continua-  
 « toris textus legitur. Descriptionem et varias nonnul-  
 « las lectiones dedit idem vir cl. in libro suo (201),  
 « quas suo loco in textum nostrum recepimus. Hunc  
 « codicem pene ubique repetere textum codicis 2 jam  
 « observavit Palackius; at etsi notulæ illæ supradictæ  
 « omnes repetitæ et eadem lectiones in utroque codice  
 « obviæ (202) sint, eum nihilominus ex illo non fluxisse  
 « probatur verbis *respondit -- præsullem* quæ an. 1440  
 « in hoc uno, minime vero in codice 2 leguntur.

2 (b) Codex Brewnoviensis, in bibliotheca monas-  
 « terii Brewnoviensis servatus, quem ita descripserunt  
 « Pelzelius et Dobrowskius (203): « Est in charta sæc.  
 « xvi scriptus in-fol. Hic codex, quamvis recentior,  
 « tamen eo summe æstimandus est, quod plurimas  
 « bonas lectiones continet. Neque dubitamus eum e  
 « vetustissimo optimæ notæ codice transumptum  
 « esse, quod ex antiqua nominum scriptione aliisque

#### NOTÆ.

(202) II, pr. ambo legunt *arvis* pro *armis*; II, 5,  
 ambo falso *Foromatas* pro *Soromatas*; II, 10, hi soli  
 legunt *fluvium quæ est circa Belinam* pro *quæ est  
 circa fluvium Belinam*; III, 42, hi soli habent corru-  
 ptum *seo* pro nomine: III, 60, ambo *incertum* pro  
*in entum*.

(203) P. xxiii.

« iudiciis certo cognovimus. Est quoque cum alio  
 « quodam antiquiore codice collatus a quodam dili-  
 « genti homine qui olim hoc codice usus est. Præ-  
 « ter integros tres chronici Cosmæ libros complecti-  
 « tur etiam codex iste Cosmæ continuatorem Pra-  
 « geneem primum, a principio usque ad verba: *In*  
 « *crastino autem Moravienses cum profugis Bohemis*  
 « et in margine inferiori hæc verba: *In Vladistaum*  
 « *et fratrem*, quæ initium sequentis folii, quod cum  
 « omnibus reliquis desideratur, exhibent. Est autem  
 « hæc Cosmæ continuatio ab alia manu, ea nempe  
 « quæ lectiones variantes in Cosmæ libris apposue-  
 « rat, descripta. Titulum præfixum habet « *Parali-*  
 « *pomena Cosmæ a monacho quodam, ut apparet, con-*  
 « *scripta.* » Notulæ brævisimæ codicis 2 repetuntur  
 ad annos 1015, 1026, 1032, 1841, 1052, 1085, 1084; ita  
 quæ in his non plane consentit cum 2, ex quo eum des-  
 criptum non esse et aliæ codicis probant lectiones  
 (204).

3) Codex Holmiensis, membr. sæc. XIII, quem  
 splendidissime exaratum — unam ulnam alteriusque  
 dimidium altum giganteum codicem nominare solent  
 — descripsit Debrowskius (205), nonnullasque dedit  
 varias lectiones. Est fundamentum Freheri editionis  
 anni 1607; cuius verba ex epistola dedicatoria ad  
 Petrum Wok de Rosenberg hoc loco repetere liceat:  
 « Hunc quoque fructum Bohemici et Polonici itineris,  
 « lustro superiore principis mei missu suscepti,  
 « tulisse gaudeo, quod dum in regia urbe Praga  
 « diversor, memorabile istud monumentum indige-  
 « næ vetustatis in manus meas bona fortuna detulit;  
 « idque integrum, cuius antea particulam cum  
 « Bohemicis meis vulgari in laude ponebam, utinam  
 « æque mendis nævisque liberum! Quamvis autem  
 « unico exemplari nitendum esset, quoque non feli-  
 « cissima manu e veteribus membranis descripto,  
 « dedi tamen diligenti relectione operam, ut detersis  
 « maculis, quantum hoc quidem tempore licebat,  
 « æqui lectoris oculos quam minimum offendere  
 « posset daturus etiam porro magis, si quis me pu-  
 « blicæ utilitatis studiosus, quod spero, aliis exem-  
 « plaribus juvare voluerit. » Codex postea a Suecis  
 deportatus hodie Holmiæ asservatur. Lectiones  
 Freherianas, cum ipsum codicem inspicere non con-  
 tingeret, siglo 3 signatas inter varias lectiones reti-  
 nuimus, sed non quidem omnibus locis, cum sæpis-  
 sime ex erroribus librarii vel typographi falsa lectio  
 originem duxerit. De veris hujus codicis lectionibus  
 sententiam ferre non est ita facile, quod non valde  
 est dolendum, cum satis constet eum codicibus a

nobis adhibitis A et f antiquiorem non esse. F natio  
 Wissegradensis in hoc codice non legitur, ut testatur  
 Dobrowskius. At desideratur historia quinque fra-  
 trum martyrum in Polonia (206), et lasciva illa de  
 presbytero (207). Codicem nihilominus familiæ B  
 ascribendum esse, quæ plerisque locis inveniuntur  
 glossæ probant (208). In haud paucis vero locis  
 concinit cum duobus codicibus sequentibus, quos 4  
 et 4<sup>a</sup> nominavimus.

3b) Codex Vindobonensis 7391, chart. sæc. XVI est  
 apographum codicis 3 an. 1574 confectum, quod  
 Vindobonæ inspexit ill. Pertz; lectiones ubi textus  
 poscere videbatur liberalissime nobiscum com-  
 municavit Imperialis bibliothecæ præfectus, ill.  
 Chmel:

4) Codex Dresdensis I, 43, fol. membr. in bibliotheca  
 Regia Dresdensi asservatur (209), quem inspiciendum  
 nobis liberalissime transmisit vir ill. Falkenstein.  
 Hunc codicem ante Menkenium qui varias dedit lec-  
 tionibus (210) et Debrowskius, qui eum sæc. XIII, scri-  
 ptum esse opinati sunt, jam viderant Lupacius, Georgius  
 Fabricius et Albinus (211). At scriptus est ille co-  
 dex sæc. XII. Binis columnis textus exaratus est  
 splendidissime, lineæ ductæ sunt atramento, litteræ  
 minusculæ pulcherrime scriptæ, litteræ initiales co-  
 loribus pictæ. Cosmæ textus 7 quaterniones et 6 fo-  
 lia complectitur. Breviationes neque frequentes ne-  
 que insolitæ sunt, frequentissimus est usus *e* pro *æ*;  
 rarius *e*, simplex *i* lineola non signatum, syllaba in  
 fine lineæ rupta tali signo *i* notatur. Compactus est  
 Cosmæ textus cum Sulini libro eoque Theophili de  
 coloribus, qui eodem modo eadem fere manu, scri-  
 pti sunt, et hic adnotatur manu coæva litteris uncialibus  
 librum esse monasterii Veterocellensis, inde-  
 que conjici posse videtur Cosmæ chronicon eodem lo-  
 co scriptum esse. In ligno libri involucro, leguntur  
 verba *Gesta* et quædam alia exstincta quæ legisse  
 mihi videor *Corb.* et nomen *Cosmas Pragensis*, scri-  
 ptum manu sæc. XV, quo tempore ligneum etiam il-  
 lud involucrum factum videtur. At gravissimi mo-  
 menti est codex ob interpolationes et continuationem  
 monachi anonymi, qui in monasterio ordinis S.  
 Benedicti Sasaviensi tempore Sylvestri abbatis me-  
 dio sæculo duodecimo vivebat. Descripta est hæc  
 continuatio usque ad annum 1162, quasi liber quar-  
 tus chronici Bohemorum, sed ita ut hic liber jam  
 ab ipsius Cosmæ verbis quæ leguntur III, 59, ini-  
 tium sumat. Interpolationes neque paucæ, neque  
 minoris sunt momenti; posteriores inde ab anno  
 1038, ubi fuit Sasaviensis monasterii fundatio nar-

## NOTE.

(204) I, 1, legit 2b. *terræ*, 2 et reliqui *orbis*; I, 3,  
*paupertatis amabilitatem*, 2 et reliqui *paupertatem*  
*amabilem*; 1, 5, *cibus* pro *herbis*; I, 6, *præsciis* pro  
*maiciis*; II, 4, *paratam*, 2 *partam*, II, 8, addit *Fran-*  
*ciæ* quod deest in reliquis, II, 40, *et resiliens* quod  
 desideratur in 2.

(205) Litterarische Nachrichten von einer Reise-  
 nach Schweden und Russland im J. 1792, p. 35.  
 Palacki Würdigung p. 7.

(206) I, 38.

(207) III, 62.

(208) I, 11, 12, 13.

(209) Archiv. VI, 225.

(210) Scriptores rerum Germanic. III.

(211) Pelzel. et Dobrowsk. in præf., p. xxviii,  
 Albinus in libro Neue Meissnische Cronik. Witten-  
 berg 1580, p. 737.

ratur, ipsum monasterium respiciunt; leguntur A vero interpolationes ad annos 958, 960, 962, 973, 975, 985, 986 990, 995, 998, 1034, 1045, 1053, 1070, 1088, 1099, 1095, 1097, 1116, 1122, 1123, 1125; quæ omnia e textu nostro removimus suoque loco una cum continuatione dabimus. Notulæ brevissimæ codicum 2 in his interpolationibus non inveniuntur, quo satis patet eum cum illis minime coherere. Ex alio codice interpolato eum descriptum esse vel inde apparet, quod quoties occurrit vox *dux, rex, episcopus*, nomen quod in suo exemplari sine dubio superscriptum legebat, librarius in textu addidit. Nihil omisit nisi versum unum I, 6, duosque illos versus ad annum 1117, quibus Cosmæ conjugem suam plangit, quorum loco duos alios in Hermannum episcopum Pragensem apposuit. Textus capita litteris rubris distincta, sed non numerata sunt, quæ in nostra editione retinimus; magnam partem concordant cum illis capitibus quæ item non numerata dederunt Pelzelius et Dobrowskius, quos secuti sumus iis locis ubi codex nos deseruit. Interpolationibus recisis textus satis purus est et emendatus, optimasque interdum suppeditat lectiones (212), e. g., II, 5, codex 4 et unus cum eo 4a habet verba *attavus meus*, quæ male in omnibus codicibus reliquis desiderata verum demum verborum sensum restituunt. Ex quo uno exemplo jam satis patet ex nullo eorum quos recensimus codicum hunc esse descriptum. Cum Holmiensi præ cæteris coherere videtur (213). Ex hoc codice descriptus est.

4a.) Codex Vindobonensis 1544-508, membr., sæc. XIII, qui priori tempore Pragæ in collegio Clementino apud Patres societatis Jesu asservatur, qua soluta a Petro Wokaun de Wokaunio anno 1780 bibliothecæ Cæsareæ Vindobonensi oblatus est, ut referunt Pelzelius et Dobrowskius (214), qui varias attulerunt lectiones ipsumque codicem ita descriperunt: « Est hic in membrana forma quarta nitidis characteribus sæculo XIII, quantum ex indicibus variis judicari potest, exaratus. Tractavimus et ipsi, quandiu Pragæ erat, hoc exemplar. Continet omnia illa additamenta; quæ monacho Sazaviensi in descriptione Dresdensis codicis tribuenda esse diximus. Dolendum est aliquot folia in hoc præstantissimo codice desiderari. Desunt enim ea

« omnia, quæ ab a. 923 usque ad a. 994, et verba: « . . . nores fugio, pompus sæculi despicio, etc. », leguntur. Singulare in eo est, quod nomina propria ducum aliarumque personarum superflue petat. In plerisque enim locis, in quibus Cosmas pronomine aut appellativo nomine ducis, de quo sermo est, ulitur ille proprium ducis nomen ad-jicere solet. » Nuperrime Vindobonæ codicem, qui præter Cosmæ textum vitam S. Elisabethæ et quasdam epistolas continet, inspexit III. Perizius. In omnibus pene lectionibus ita consentit cum codice 4, ut quod Pelzelius et Dobrowskius dicere dubitarunt, eum ex illo fluxisse jam mihi persuasum sit. Nova enim instituta Dresdensis codicis collatione pene rejicienda sunt exempla, quibus illi contrariam sententiam tueri posse sibi videbantur; nam ex Menkenii minus accurata collatione illa exempla originem duxerunt. Nostræ sententiæ exempla afferre supervacaneum putamus quæ unicuique legenti vel sponte se offerent.

C) Integris his Cosmæ codicibus accedunt nonnulli alii magna ex parte mutilati, ideoque non ubi-vis consultandi, at minime hanc ob causam rejiciendi, sunt enim ex parte antiquissimi.

5) Codex Brunnensis chart. fol. sæc. xv, hodie asservatus in museo Franciscano, quem Tribavia in Moravia anno 1219 detexit Meinertus (215), reliquis hujus notæ integrior est. In compendium rededit ille Cosmæ chronicon qui hunc codicem conscripsit; privilegia textui inserta pænitus recidit aut fragmenta ex iis delit, et alia quæ suo loco dedimus penitus suppressit (216). Nonnullæ ex glossis manu recentiori superscriptæ sunt (217).

6) Codex Carlowiensis chart. sæc. xv, his annumerandus est, quem contulit Bonaventura Piterus, præpositus monasterii Rayhradensis in Moravia, qui inter præsidia ad collectionem scriptorum rerum Bohemicarum quinquævetustissimos Cosmæ codices contulerat (218), probat hunc codicem canonicis monasterii S. Augustini in Carlow anno 1465 donatum esse (219). Ab oblivione obrutus codex in nescio cujus monasterii aut bibliothecæ latebris inventorem exspectat. Sed non est quod amissum hunc codicem valde doleamus; erat enim mutilus. Refert Palackius (220) præter alias nonnullas lacunas om-

## NOTÆ

(212) I, 30, addit vocem *possileam*, ubi unus 1 legit *habeam*, in reliquis omnibus desideratur verbum; cum A et 1 supplet lacunam II, 1, *moribus — placabiles*. Recte legit II, 16, cum A *ire prosperat*.

(213) I, 41, ambo legunt *urnas* pro *furvas*; I, 42, *ventris*, reliqui *noctis, corporis*, etc.; II, 39, soli legunt 3 et 4 *prospero* sine glossa; II, 42, in ambobus desideratur vox *damnum*; il 47, addunt vocem *regis*.

(214) P. xxix.

(215) Descripsit variasque lectiones dedit in Hormayri archiv für Geographie, Historie 1819, p. 65, quod 6; repetiit Palackius Vürdigung, p. 41.

(21) F. g., I 3, verba *ad stabula — habuere*,

I, 5, *vosipsos — tollat*; I, 38, omittitur historia quinque martyrum in Polonia.

(217) I, 12, 13,

(218) Dobner ad Hajecium I, 176.

(219) Pelzel et Dobrowski præfat., p. xxxii.

(220) Vürdigung, p. 15, testatur eques de Schwabenau in commentatione quadam de Conrado II, duce Znaymensi in Monatschrift des Böhmischen Museums, Jahrgang I Octob. p. 49, se vidisse Piteri apparatus, variasque lectiones codicis Carlowiensis fuisse appositæ, codicem ex parte fuisse mutilatum, ex parte interpolatum ex reliquis quæ referuntur satis patet. Num diploma Wissehradense quod ibidem se invenisse testatur in Piteri tantum apparatus an revera in codice ipso exstiterit, dici non potest.

nia desiderari quæ post annum 1091 legantur, id A (222). Constat 14 tantum foliis, diligenter exaratus est atramento subfusco, itemque linæ atramento ductæ, minio scriptæ sunt inscriptiones, quem cum prima Freheri editione in nostrum usum jam anno 1825 contulit vir clarissimus Engelhard leguntur versus :

Bawariæ gen-	} tis } tre } a } rat } e } e } ter } is } rum	Dux Heinricus duode-	} nus, } tus, } te. } ra. } tos. } re. } tam. } ret. } rum.
Vite laben-		(223) Generoso cernate ple-	
Nobilis ille pa-		Duce famoso genera-	
(224) Nobilis ex ma-		Regum de sanguine na-	
Emicat eximi-		Post illos nobilita-	
Plaudit ob hoc patri-		Felix hujus probita-	
Hic felix fue-		Olim de conjuge cla-	
(225) Filia regis e-		Ea quam mors dempsit ama-	
Heredes patri-		(226) Bis quatuor inde relic-	
Dux habet eximi-		Cultu probitatis amio-	
Incola Bawari-		Dominorum gaudet hono-	
Quas videt egregi-		Mire pollere deco-	
Gaudet et ipse pa-		Sobolem dum scit fore le-	
Pulchrior ut vari-		Vitam ducendo quie-	
Sic pater egregi-		Rosa floribus addita pa-	
Et vita vete-		Pueris vinctus bene cla-	
Atque siatum mise-		Nosset per scripta prio-	
		Per mores soiret eo-	

Quos versus ad Heinricum Leonem scriptos esse recte coniecisse videtur vir clarissimus Engelhard; quæ si ita se habent codex paulo post annum 1189 conscriptus est. Variarum lectionum messis tenuissima primam Freheri editionem non ita negligenter factam esse probat. Valde mutilavit Cosmæ chronicon librarius, nam vix decimam totius operis partem servavit; leguntur capita I, pr. — 15, 21-23; II, 37, 38; reliqua desiderantur omnia. Accedit vero supposititia bulla Alexandri II papæ de fundatione ecclesiæ Wissehradensis, quam genuinam esse nemo sane putet, qui eam paulo attentius legerit; inter varias eam recepimus lectiones (227). Ubi 7 cum reliquis codicibus conferri potest, textus non est ita rejiciendus, familiæ B eum annumerandum esse probant glossæ I, 13. Ejusdem denique notæ ultimus est quem habemus.

7 Codex Monacensis chart. sæc. xv, cujus descriptionem debemus viro clarissimo Fohringer. Est hic etiam cpdex valde mutilus falsæque Alexandri II bullam exhibet. Sed hic exstant nonnullæ aliæ chronici laciniæ quæ desunt in codice Argenteratensi. Continet codex Monacensis capita I, pr. — 19, excerptis annorum 895-929, I, 21-26, 29-34 usque ad verba VII *Kal. Mai.* dein sequitur bulla Wissehradensis, reliquæ desunt omnia. Itaque nemini, opinor communis horum codicum origo dubia videbitur. Et satis, ni fallor, apertum est illius Consilium qui Cosmæ chronico mutilato falsam Alexandri II bullam inseruit. In una hac supposita

tabula textus mutilus vertitur, quam falsarius quidam Wissehradensis haud ita longe post Cosmam intrusisse videtur eo consilio, ut vastiori origini ecclesiæ Wissehradensis Cosmam testem vindicaret. Cui proposito satis fecisse videbatur, si fetum suum laciniis quibusdam e chronico temere direptis misere vestiret et quasi exornaret.

Codices quos jam recensuimus et haud parvus numerus eorum qui in notitiam Pelzelii et Dobrowskii venerant, sed ab iis inveniri non poterant, probant Cosmæ chronicon diligentissime a posteris lectum esse. Tres codices conscribi jussit Carolus IV imperator, quod his verbis testatur Neplach ad annum 1125 (228): « Eodem tempore migravit ad superos Cosmas Ecclesiæ Pragensis decanus, qui scripsit chronicas de Bohemia, quas Plych decanus Pragensis a tinea et antiquitate putrefactas illustrissimi regis Bohemorum Caroli instantia tribus vicibus in membranis descripsit. » Quos codices exteris principibus dono datos esse, ideoque in Bohemia non latere conjecerunt Pelzelius et Dobrowskii. Porro codicem existisse in bibliotheca Bohuslai ab Hassenstein catalogus ejus docet, quam anno 1570 incendio consumptam esse legimus.

Editiones chronici Cosmæ exstant quinque, quarum duæ priores a Marquardo Frehero in lucem missæ sunt :

1) In rerum Bohemicarum scriptoribus Hanoviæ 1502, p. 1-14, quæ ut jam satis patet secundum codicem Argenteratensem data est, quamque codici

#### NOTÆ.

(222) Archiv. I, 392, VIII, 464.

(222) Archiv. V, 700, 701.

(223) I. e. schemate, hoc loco idem quod stemmate.

(224) Heinrico Superbo duce Bawariæ et Gertruda filia Lotharii imperatoris.

(225) Mathilda filia Henrici II, regis Angliæ, obiit

1189.

(226) Meihom. rer. German. III, 166.

(227) II, 26.

(228) Dobner monumenta hist. Bohem. t. IV. Qualis sit codex quem ante oculos habuit Simler in epitome bibliothecæ Conradi Gesneri Tiguri 1555 nescio.



magis exemplar quam veram chronici editionem A nominis.

2) Secundam editionem dedit an. 1607, Hanoviae typis Wecheliani p. 1-172, ex codice nunc Holmiensi tunc Pragensi, quod satis probavit Dobrowskius. Sed ex Holmiensi codice priorem illam editionem supplevit magis quam novam secundum integram auctoritatem constituit, falsam enim Alexandri II bullam ex codice Argentoratensi retinuit. Ut supra vidimus, Freherus ipse monuit librarium non felicissima manu codicem descripsisse; itaque nomina propria turpiter corrupta sunt, et sexcenties, e. g., legitur *tamen* ubi codices exhibent *enim*. Suis etiam conjecturis Freherus hinc inde indulsit, quod ipse in praefatione editionis satis aperte indicavit.

3) Tertia editio nihil est nisi secunda repetita, at in fronte libri legitur anni 1620 numerus.

4) Freherianum chronici textum in collectionis scriptorum rerum Saxoniarum tomo primo p. 1967-2132 repetivit an. 1728 Menkenius, qui postea in tomo tertio varias lectiones et interpolationes monachi Sasaviensis dedit ex codice Dresdensi. Ornavit praeterea editionem suam adnotationibus Christiani Theophili Schwarzii, Altorfensis professoris, ex quibus diligenter ex aliis chronicis conquisitis, paucas repetivimus, aliaque quae explicandis rebus inservire posse videbantur excerpimus, cum adnotationes ipsae nostrarum et indolem et terminos excederent.

5) Quintam editionem eamque optimam quae vel hodie sua laude minime fraudanda est dederunt Pragae 1783 Pelzelius et Dobrowskius in tomo primo scriptorum rerum Bohemicarum, p. 1-282, quam fundamento critico et apparatus codicum satis ample superstruxerunt. Nititur praecipue codice Pra-

gensi, cui Brewnoviensem et Freheri textus addiderunt editores, qui etiam summa diligentia omnia conquisierunt quae ad Cosmam pertinere videbantur. Quanto cum fructu variarum lectionum collectionem quam illi dederunt in nostram editionem ascivimus, unicuique vel obiter inspicienti apparebit. Ex illa enim editione eorum codicum lectiones desumpsimus qui, cum Pertzius v, ill. codicis metropolitani inspectione eam accuratissimam esse probasset, sine ullo fructu denuo evoluti videbantur.

Primus, quod sciam, qui continuationem fragmenta majora ex codice metropolitano publici juris fecit, erat Pessina de Czechorod, cui ad libros suos componendos hunc cum aliis ex tabulario capituli Pragensis in lucem protrahere licebat. Si ea quae in Phosphorsepticorni (229) et in Marte Moravico (230) typis exprimenda curavit, in uno loco colligis justam jam habes omnium continuationum partem; sed haud ita accurate haec edita sunt. Quod multo magis factum est in prima quam habemus editione integra quae in lucem prodit hac inscriptione *Continuatio Chronici Bohemici olim conscripti a Cosma nunc e codice manuscripto Pragensi producta, ed. Joach. Krakovski de Kollovath, praeside Baptista Piker. Viennae 1752.4.* Quam negligenter haec editio parata sit satis docuerunt Pelzelius et Dobrowskius, qui fedissimorum errorum catalogum confecerunt (231) Nos accuratam illorum virorum editionem secuti sumus, ascitis variis illis lectionibus quas ex codicibus aliis dedit Palakius, et vel sic priorum editorum repetenda est quaestio, minime omnibus locis verum auctoris sensum elici neque omnia librorum vitia emendari posse, quae fortasse alio quodam codice in bibliothecis adhuc latente sanabuntur.

Scribem Berolium mense Maio 1847.

RUDOLPHUS KOEPKE.

#### NOTÆ.

(229) E. g., p. 526, an. 1140, p. 182, an. 1249, an. 1261-1265, p. 370, an. 1271, p. 381, an. p. 536, an. 1271, 1281-1283.

(230) P. 346, an. 1249, p. 361, an. 1254, p. 368, (231) I, p. xxxix

1. Codex bibliothecæ universitatis Lipsiensis

COSMAS DECANVS.



Severus cesari ad castra clam noctu fugit  
ab urbe tamen ut ultimo ne qñ dño suo re  
bellis p̄uaret sedis honore pontificali. Cui  
videns dux Bracillaus nescit qd̄ faciat  
m̄tē dolo undiq; t̄bat iā periret. eundem  
pugnasse et cesarē. iā periret eū p̄cib; fuga  
et quē oī pugnando superat. atq; hūc  
reptat durā delectō cesari trā Bellagorū

*Sproullimo  
vita. du. c. 6  
quod. i. a. m. a. u. b. e.  
p. c. b. p. u. g. n. a. r. e.  
v. e. d.*

ad castra clā noctu fugit ab urbe t̄mēt ut etimo ne  
qñ dño suo rebellis p̄uaret sedis honore pontificali.  
Quod videns dux Bracillau. nescit qd̄ faciat m̄tē  
dolo undiq; turbat iā periret eū oī pugnasse et  
cesarē iā periret eū spreuisse montē. duci Okandi  
iā mauidit p̄cib; pugnare. q̄ eū p̄cib; superare quē oī  
pugnando superat. atq; hūc reptat durā delectare

incipit plogus in dno  
mcam boemore  
doy 140 Severo  
Viducensis ecclie p  
posito. ta interali qua  
pualit intelligenti p̄no.  
Cosmas p̄genda ecclie solo  
noie decanus. p̄ hūc ante fa



Hymne fecerunt aut oumus pellib  
utuntur p̄ uelub. Nec quisqua me  
um dicit nox̄. s; ad instar monasti  
q̄ uat; q̄cqd̄ habebant n̄ m̄. ore.  
p̄de & ope sonabant. Ad stabula  
ñ erant repagula. nec pot̄ inopi  
clauderant. quia neq; fuit neq; la

fuit hic insus gnationib; ad un  
quē p̄ sedus. veri sc̄l̄cul̄ opulentiā  
p̄ditus. iudicior; unde libatione dis  
cet̄ ad quē tam de p̄p̄s tribub;  
qm̄ ex tota p̄uencie pleb; uelut  
apes ad aluearia. trāoms ad dit̄m  
dā suolant iudicia. h̄c t̄nt̄ ac

## INCIPIT PROLOGUS.

AD SEVERUM MELNICENSEM (234) PRÆPOSITUM<sup>1</sup>.

Domno Melnicensis<sup>2</sup> ecclesie præposito Severo, A auctoritatis viro hæc mea senilia deliramenta offerre tam litterali scientia<sup>3</sup> quam spirituali intelligentia prædito, Cosmas Pragensis ecclesie solo nomine decanus, post hujus vitæ stadium in celesti regno bravium. Quanta mentis meæ devotione ac dilectione vestræ fraternitati<sup>4</sup> substernor, Deum testor, eloqui nequeo. Neque enim est magna dilectio, quam humana comprehendit ratio. Dilectio enim vera nichil proprium, nichil secretum aut occultum habere quit<sup>5</sup>, quod non ei promat, quem sincero affectu diligit. Ea mihi nisi affuisset<sup>6</sup>, nequaquam tantæ

præsumpsissem. Quærens enim quæsi, quid jocundum, quid ociosum vobis afferrem: set nichil tam ridiculosum quam opusculum meum inveni. Si enim suaviter ridemus, cum aliquem offendi pede ad lapidem videmus, quot<sup>7</sup> in hoc<sup>8</sup> opere meas offensiones, quot<sup>7</sup> grammaticæ artis synalimphas videbitis; de quibus si per<sup>9</sup> singula ridere velitis, ultra modum potestis uti proprietate hominis<sup>10</sup>. Sive enim vobis soli<sup>11</sup> hee seniles nugæ placeant sive displiceant, rogo ne tercius eas oculus<sup>12</sup> videat<sup>13</sup>.

## ITEM

AD MAGISTRUM GERVASIUM PRÆFATIO OPERIS SUBSEQUENTIS<sup>14</sup>.

Liberalium arcium quibusque studiis pleniter in- B Stacius Æacida, ita ipsi hoc meum opus habeant buto, et omnimodæ<sup>15</sup> scientiæ sapientia delibuto<sup>16</sup>, archigerontæ Gervasio (235), Cosmas, quod dicitur haud<sup>17</sup> dici dignus, Deo tamen et sancto Wenceslao<sup>18</sup> famulantium famulus, debitæ orationis munus et mutæ dilectionis pignus. Cum acceperis<sup>19</sup> hanc scedulam<sup>20</sup>, scias<sup>21</sup> quod tibi transmiserim Boemorum chronicam, quam ego nullo grammaticæ artis lepore politam, set simpliciter et vix lacialiter digestam, tuæ prudentiæ singulari examinandam deliberravi, quatinus tuo sagaci iudicio aut omnino abjiciatur ne a quoquam legatur: aut si legi adjudicatur, lima tuæ examinationis ad unguem<sup>22</sup> prius elimetur, aut potius, quod magis rogo, per te ex integro lacialius<sup>23</sup> enucleetur<sup>24</sup>. Nam id solum operæ præcium duxi in meo opere, ut vel tu, cui a Deo collata est sapientia, vel<sup>25</sup> alii pociores sapientia vel<sup>26</sup> scientia, sicut Virgilius habuit Trojæ excidia<sup>27</sup>, et

pro materia, quo et suam scientiam posteris notificent, et nomen sibi memoriale<sup>28</sup> in secula magnificent. Igitur hujus narrationis sumpsi exordium a primis incolis terræ Boemorum<sup>29</sup>, et per pauca quæ didici senum fabulosa relatione, non humanæ laudis ambitione, set ne omnino tradantur relata oblivioni, pro posse et nosse pando omnium bonorum dilectioni. Bonis<sup>30</sup> et peritis semper placere cupio<sup>31</sup>; idiotis autem et discolis displicere non pertimesco. Scio enim nonnullos affore æmulos, et eos emori risu subsannationis, cum viderint scema<sup>32</sup> hujus operationis; qui tantummodo docti sunt aliis derogare, et ipsi per se nichil<sup>33</sup> sapiunt erogare. De talibus canit propheta: *Sapientes sunt ut faciant mala, bene autem facere nesciunt* (Jerem. iv, 22). Hii namque ea solummodo linceis oculis (236) inspiciunt<sup>34</sup>, et in corde suo, velut in adamante, figunt memori-

## VARIÆ LECTIONES.

<sup>1</sup> Sic A. 1. *deest* Melnicensem 2. 4. 4(a). ad pr. Melnic. 2(a). Cosmæ Pragensis decani prologus in chronicam Boemorum ad Severum præpositum 3. Incipit prohemium in cronicam Bohemorum 5. Incipit prologus in chronicam Boemorum 7. prologus libri Boemorum 7(a). <sup>2</sup> Mylocensis 4(a) <sup>3</sup> scientia *omissum* 5. 7. <sup>4</sup> paternitati *except.* A. et 1. *rel.* <sup>5</sup> quid *corr.* quit A. <sup>6</sup> affuissent 4. 4(a). <sup>7</sup> quod *corr.* quot A. <sup>8</sup> ita A. 1. 2(a). 4. *deest rel.* <sup>9</sup> *deest* 7. <sup>10</sup> *addunt hic* 2. 2(a) v' *quo l legendum vale sive valet.* Vel 2(b). <sup>11</sup> Vel sive vobis enim soli 7. <sup>12</sup> oculus *deest* 4. 4(a). <sup>13</sup> Valet *addunt* 4. 4(a). <sup>14</sup> op. subseq. *desunt* 4. <sup>15</sup> omnino de 4. 4(a). <sup>16</sup> inbuto A. <sup>17</sup> aut *corr.* haud A. <sup>18</sup> Wincezlao 2(b). 4. 4(a) <sup>19</sup> accipi: s A. <sup>20</sup> cedulam 2. *schedulam* 2(b). <sup>21</sup> scito 2(b). 3. 4(a). 7. <sup>22</sup> unge *addito* A. <sup>23</sup> lacialius A. <sup>24</sup> enudetur A. <sup>25</sup> et 4(a). <sup>26</sup> s. v. A. et 1. *tantum* <sup>27</sup> excidia A. <sup>28</sup> mortale A. <sup>29</sup> boemiorum A *hoc loco.* <sup>30</sup> enim *except.* A et 1 *add. reliq.* <sup>31</sup> glisco *except.* A et 1. *rel.* <sup>32</sup> scema 2(b). *scenata* 4. 4(a). <sup>33</sup> boni *except.* A et 1. *add. rel.* <sup>34</sup> aspiciunt 4.

## NOTÆ.

(234) Melnek.  
(235) Sine dubio idem Gervasius canonicus et magister qui occurrit in Necrologio Bohemico apud

Dobnerum in Monumentis historicis Boemiæ II, 12.  
(236) Hor. serm. I, 2, 90.

ter quæ dicta sunt improprie, aut ubi mens mea dormitans titubavit. Quid mirum? *Quandoque bonus dormitat Homerus* (237). Horum ergo <sup>36</sup> nec invidiosis derogationibus perterreo <sup>36</sup>, nec yronicis adulationibus permulceor: qui volunt, legant, qui nolunt, abjiciant. Tu autem, frater karissime <sup>37</sup>, si me tuum amicum diligis, si meis precibus tangeris, præcinge lumbos mentis et accipe in manum ratorium <sup>38</sup>, calcem et calamum, ut quod superest radas, et quod non est desuper addas, improprie dicta proprietate muta <sup>39</sup>; ut sic mea inscientia <sup>40</sup> tua sublevetur <sup>41</sup> facecia. Non enim ab amico corrigi erubescō, qui etiam ab amicis <sup>42</sup> nimio affectu emendari exposco. Continet autem hic liber primus Boemorum gesta, prout mihi scire licuit, digesta usque ad tempora primi Bracislavi <sup>43</sup> filii ducis Odalrici <sup>44</sup>.

Annos autem dominicæ incarnationis <sup>45</sup> idcirco a temporibus Borivoy <sup>46</sup> primi ducis catholici ordinare cœpi, quia in initio hujus libri nec fingere volui, nec cronicam reperire potui, ut, quando vel quibus gesta sint temporibus scirem, quæ ad præsens recitabis in sequentibus. Vale et tuo jussu aut me ad cetera evolvenda præcingam, aut ibi gradum sistam et meis ineptis modum figam cœptis.

Vive, vale, mea ne rennues optata, set imple.

Est autem hæc chronica composita regnante quarto Heinrico Romano <sup>47</sup> imperatore, et gubernante sanctam ecclesiam Dei papa Kalisto <sup>48</sup> sub temporibus <sup>49</sup> ducis Boemorum Wladizlay <sup>50</sup>, simul et præsulis Pragensis ecclesiæ Hermanni, ut in sequentibus datur omnibus scire volentibus, quibus sint acta annis Christi vel indictionibus.

## INCIPIIT PRIMUS LIBELLUS IN CHRONICAM BOEMORUM

QUAM COMPOSUIT COSMAS PRAGENSIS ECCLESIAE DECANUS <sup>51</sup>

1. Post diluvii effusionem, post virorum maligna mente turrim ædificantium confusionem, humanum genus, quod tum <sup>52</sup> fere constabat in 72 viris, pro tam illicitis et temerariis ausis <sup>53</sup> cum divina ultione quot <sup>54</sup> capita virorum tot in diversa linguarum genera dividerentur, sicut historica <sup>55</sup> relatione didicimus, unusquisque eorum vagus et profugus, longe lateque dispersi, per diversa spacia terrarum errabant, ac de die in diem corpore decrescentes, in generationes et generationes multipliciter crescebant. Unde humanum genus, Dei nutu omnia disponente, in tantum diffusum <sup>56</sup> est per orbem terræ, ut post multa secula tandem has etiam in partes deveniret Germaniæ; cum enim (238) omnis illa <sup>57</sup>

B regio sub arctoo <sup>58</sup> axe Thanaytenus <sup>59</sup> et usque ad occiduum <sup>60</sup> sita, licet in ea singula propriis loca nominibus nuncupentur, generali tamen vocabulo Germania vocitatur <sup>61</sup>. Ad hoc ista retulimus, ut nostræ intentionis melius exequi possimus propositum. Veruntamen interim, priusquam ad exordium narrationis veniamus, situm terræ hujus Boemicæ <sup>62</sup> et unde nomen sit sortita, breviter exponere templatibimus.

2. In divisione orbis <sup>63</sup> secundum geometricos Asia nomine sub suo dimidium mundi obtinuit, et dimidium Europa et Affrica <sup>64</sup>. In Europa sita est Germania, cujus in partibus versus aquilonalem <sup>65</sup> plagam est locus late nimis diffusus <sup>66</sup>, cinctus <sup>67</sup> un-

### VARIAE LECTIONES.

<sup>36</sup> g. A. <sup>36</sup> pteor A. <sup>37</sup> charissime 2 (b). <sup>38</sup> rosarium 7. <sup>39</sup> mutam A. <sup>40</sup> inscitia *except.* A *et* 1. *rel.* <sup>41</sup> subvehatur 4. 4 (a). <sup>42</sup> ita A. 1. 2. 2 (a). 2 (b). 7. amico 4. 4 (a) inimicis Fr. <sup>43</sup> ita A. 1. Brziczislavi 2. Bracizlavi 2 (b). 7 (a). Bracizlai 4. 4 (a) Bratizlavi 7. <sup>44</sup> Odaldrici A. Udaldrici 2 (b) 7. Oaldrici 3. Odaldrici *apposito* u *super* O 4. 4 (a). Udaldrici 7 (a). <sup>45</sup> *post* incarnationis 2 (b). *habet tres astericos.* <sup>46</sup> Borivoy 2 (b). Boriwoi 4. Borivoy 4 (a) Borivoii 7 Borivoi 7 (a). <sup>47</sup> Romanorum 2 (b). 3. 4 (a). 7. <sup>48</sup> papa Kalisto *omissum* in 4. 4 (a). *secundo add.* 5 <sup>49</sup> tempore 2 (b). 3. 4 (a). 7. <sup>50</sup> Wladislai 2. <sup>51</sup> libellus in cronicam boemorum 1. Incipit liber primus chronicæ Boemorum 3. Incipit primus libellus Cosme decani Pragensis ecclesie in chronica Boemorum 4. Incipit chronica Boemorum, quam composuit Cosmas 7. <sup>52</sup> tamen 2 (a). <sup>53</sup> ausibus 4. 4 (a). <sup>54</sup> quod 1. <sup>55</sup> ystorica A. hystoriaca 1. historiaca 2. 2 (b). *deleto tamen a ante c.* <sup>56</sup> diffusum 1. <sup>57</sup> illa *omissum* 4. 4 (a). <sup>58</sup> arctoo A. 2. 4. (a). <sup>59</sup> Thanaytenos 1. Tanaytenus 2 (b). <sup>60</sup> occiduam 1. 4. 4 (a). <sup>61</sup> vocatur A. <sup>62</sup> Boemiæ 7. <sup>63</sup> terræ pro orbis 2 (b). <sup>64</sup> Affrica 1. <sup>65</sup> aquilonarem 4. *et sic deinceps.* <sup>66</sup> diffusus 1. <sup>67</sup> cinctusque 2 (b).

### NOTÆ.

(237) Hor. ep. ad Pisones 359.

(238) Sunt verba Pauli Diaconi Hist. Langob. I, 1, ab auctore ex Reginonis Chronico ad a. 889 desumpta.

dique montibus per gyrum, qui mirum <sup>66</sup> in modum extenduntur totius terræ <sup>69</sup> per circuitum, ut in aspectu oculorum quasi unus et continuus montem illam terram circueat <sup>73</sup> et muniat. Hujus terræ superficiem tunc temporis vastæ tenebant solitudines nemorum sine habitatore <sup>74</sup> hominum; nimis tamen sonoræ erant examinibus apum et diversarum modulationibus volucrum.

Feræ silvarum innumeræ ceu maris harenæ <sup>72</sup>, vel quot sunt stellæ in æthere <sup>73</sup>, nec ab ullo per terræ errabant per devia terræ, et bestiarum gregibus vix sufficiebat tellus. Ad numerum locustarum æstate per arva saltantium, vix poterant æquiparare <sup>74</sup> armenta jumentorum. Aquæ illic nimis perspicuæ et ad humanos usus sanæ; similiter et pisces, suaves et ad comedendum salubres. Mirares, et unde pendere potes quam in alto aere <sup>75</sup> hæc pondeat <sup>76</sup> regio, cum nulla peregrina hanc influat aqua (239). set quotquot amnes, parvi et immanes ex diversis montibus orti, a majori aqua quæ dicitur Labe recepti, usque aquilonale fluunt in mare. Et quia hæc <sup>77</sup> regio tempore in illo intemptata jacebat aratro, et homo qui temptaret adhuc eam non intrarat, de fertilitate sive sterelitate ejus magis placuit tacere, quam inexpertam <sup>78</sup> rem dicere. Has solitudines quisquis fuit ille hominum — incertum est <sup>79</sup> quot in animabus — postquam intravit, quærens loca humanis habitationibus oportuna, montes, valles, tesqua, tempe visu sagaci perlustravit, et ut reor, circa montem Rip <sup>80</sup> (240), inter duos fluvios, scilicet Ogram <sup>81</sup> (241) et Wiltavam <sup>82</sup> (242), primas posuit sedes, primas fundavit et ædes, et quos in humeris secum apportarat <sup>83</sup> (243), humi sisti penates gaudebat. Tunc senior, quem alii quasi dominum comitabantur, inter cetera suos sequaces

modico contenta sumptu,  
Cereris et Bachi munera haud norant  
Sera prandia solvebant glande  
Incorrupti <sup>100</sup> latices  
Ut solis splendor

sic arva et nemora, quin etiam et <sup>101</sup> ipsa connubia erant illis communia

sic affatur: *O socii non semel mecum graves labores <sup>84</sup> per devia nemorum perpessi (244), sistite gradum (245), vestris penatibus litate libamen gratum, quorum opem <sup>85</sup> per mirificam hanc vobis olim fato <sup>86</sup> prædestinatam tandem venistis ad patriam. Hæc est illa, hæc est illa <sup>87</sup> terra, quam sæpe me vobis promississe memini, terra obnoxia nemini, feris et volatilibus referta, nectare mellis et luctis humida, et ut ipsi <sup>88</sup> perspiciatis, ad habitandum aere jocunda. Aquæ ex omni parte copiosæ, et ultra modum piscosæ. Hic vobis nichil <sup>89</sup> deerit, quia nullus vobis oberit <sup>90</sup>. Set cum hæc talis, tam pulchra ac tanta regio in manibus vestris sit, cogitate aptum terræ nomen quod sit. Qui mox quasi ex divino commoniti oraculo: Et unde, inquit, melius vel aptius nomen iuveniemus, quam, quia tu, o pater diceris Boemus, dicatur <sup>91</sup> et terra Boemia?* Tunc senior motus sociorum augurio, cœpit terram osculari præ gaudio, gaudens eam ex suo nomine nuncupari; et surgens ac utrasque palmas tendens ad sidera (246), sic orsus <sup>92</sup> est loqui: *Salve, terra fatalis, mille votis quæsitâ nobis, olim diluvii tempore viduata hominæ, nunc, quasi monumenta <sup>93</sup> hominum, nos conserva incolomes, et multiplices nostram sobolem a progenie in progenies.*

3. <sup>94</sup> Quorum autem morum, quam honestorum vel quantæ simplicitatis <sup>95</sup> et quam admirandæ <sup>96</sup> probitatis tunc temporis fuerint homines, quamque inter se fideles et in <sup>97</sup> semetipsos misericordes, cujus etiam modestiæ, sobrietatis, continentiæ, si quis his modernis hominibus valde contraria imitantibus pleno ore narrare temptaverit, in magnum deveniret fastidium <sup>98</sup>. Propterea hæc prætermittimus, et pauca, ac quæ sunt vera, illius primæ ætatis de qualitate dicere cupimus. Felix (247) nimium erat ætas illa.

nec tumido inflata fastu <sup>99</sup>.  
quia neque erant.  
vel ferina carne.  
haustus dabant salubres.  
vel aquæ humor,

#### VARIÆ LECTIONES.

<sup>66</sup> inim. 4. mirum *deest* 4 (a). <sup>69</sup> e. t. mundi (*deletum*) terræ 1. <sup>70</sup> circueat A. <sup>71</sup> habitatione 2 (b). <sup>72</sup> arenæ 1. hethere A. heteræ *corr.* heteræ 1. <sup>74</sup> equipare *corr.* - i A. æquiparari 7. <sup>75</sup> æthere 2 (b). *scripto superius aere.* <sup>76</sup> penderat 7. <sup>77</sup> pendeat *addit* 5. <sup>78</sup> ineptam 4. 4 (a). <sup>79</sup> est *addit secunda manus* A. <sup>80</sup> Rip 1. Rzip 2. Rip *corr.* Rzip 2 (b). <sup>81</sup> Ogram 7. <sup>82</sup> ita A. 1. Wultanam 3. Wiltavam 5. Wltavam *rel.* <sup>83</sup> aportarat A. <sup>84</sup> dolores A. <sup>85</sup> ope 2 (b). 4. <sup>86</sup> fatum *corr.* fato A. <sup>87</sup> b. e. i. *secunda manu add.* A. *semel omissa* 2 (b), <sup>88</sup> pspi *corr.* ipsi A. <sup>89</sup> nihil 1. <sup>90</sup> quia — oberit *omissa* 4 (a). <sup>91</sup> et d. *corr.* d. et A. <sup>92</sup> ortus 1. <sup>93</sup> monum *corr.* monim A. <sup>94</sup> numeri capitum *desunt in codicibus, quorum loco 1. nonnunquam* ITEM *scrib. In capitibus adornandis cod. 4. secuti sumus, in quo singula capita non numeris at litteris majusculis coloratis perpetuo signata sunt.* <sup>95</sup> simplicitudinis *corr.* simplicitatis A. <sup>96</sup> ammir. A. <sup>97</sup> inter 1. <sup>98</sup> fastigium *corr.* fastidium A. <sup>99</sup> festu *corr.* festu 1. <sup>100</sup> incorrupte 4. 4 (a). incorrupti — somnos *desunt* 5. <sup>101</sup> quin et ipsa 3. quin etiam ipsa 7.

#### NOTÆ.

(239) Egram non ex eo quem noscimus fonte sed a Teplæ origine deduxit, qui paulo infra thermas Carolinas in Egram cadit. Vid. Dobneri comment. ad II jecii Annales II, 129.

(240) Mons Sancti Georgii inter ostia Egræ et Moldavæ fluviorum situs.

(241) Est fluvius Tepla et quæ eum excipit Egræ fluvii pars, Ogra ob calidas aquas voce Slavica nominata. Reliqua Egræ pars Cosmæ est Chub. Conf.

infra II, 37, et Dobner II, 130.

(242) Moldau.

(243) Virg., Æn. IV, 598.

(244) Hor., Od. I, 7, 31.

(245) Virg., Æn. VI, 465.

(246) Virg., Æn. V, 253, 356.

(247) Felix — glands sunt paucis mutatis versus Boethii de consolatione philosophiæ II, metrum 5.

Nam more pecudum singulas ad noctes novos in-  
eunt: <sup>102</sup> hymeneos <sup>103</sup>, et surgente aurora trium  
gratiarum copulam et secreta <sup>104</sup> amoris rumpunt <sup>105</sup>  
vincula; et ubi nox quemque occupat <sup>106</sup>, ibi fusus  
per herbam, frondosæ arboris sub umbra dulces  
carpebat somnos. Lanæ (248) vellini eis usus ac <sup>107</sup>  
vestia ignota, hieme ferinis aut ovinis pellibus  
utuntur <sup>108</sup> pro vestibus. Nec quisquam *meum* dicere  
norat <sup>109</sup>, set ad instar monasticæ vitæ, quicquid  
hæcebant, *nostrum* ore, corde et opere sonabant. Ad  
stabula <sup>110</sup> non erant repagula, nec portam inopi  
claudebant, quia neque <sup>111</sup> fur, neque latro, neque  
inops quisquam erat: nullum scelus aput eos furto  
gravius et latrocinio. Nullius gentis <sup>112</sup> arma videre,  
tantummodo sagittas, et has propter feriendas feras  
habuere. Quid plura? Proh dolor! prospera in con-  
traria, communia in propria cedunt; securam pau-  
peratam olim amabilem <sup>113</sup> quasi cœnosam rotam  
vitant et fugiunt, quia amor habendi sævior ignibus  
Æthiæ (246) in omnibus ardet. Hic ac talibus malis  
emergentibus, de die in diem pejus et pejus inju-  
riam, quam nemo prius inferre norat, alter ab altero  
sibi illatam patienter sufferebat, et cui querimoniam  
suam apploraret, iudicem nec principem habebat.  
Post hæc quicumque in sua tribu vel generatione,  
persona, moribus potior et opibus honoratior habe-  
batur, sine exactore, sine sigillo <sup>114</sup>, spontanea vo-  
luntate ad illum confluebant <sup>115</sup>, et de <sup>116</sup> dubiis  
causis ac sibi illatis injuriis salva libertate disputa-  
bant <sup>117</sup>. Inter quos vir quidam oriundus extitit no-  
mine Crocco <sup>118</sup>, ex cujus vocabulo castrum (250)  
jam arboribus obsitum in silva, quæ adjacet pago  
Stibrene <sup>119</sup>, situm esse dinoscitur. Vir fuit hic in  
suis generationibus ad unguem perfectus, rerum  
secularium opulentia præditus <sup>120</sup>, iudiciorum in  
deliberatione discretus, ad quem tam de propriis  
tribubus quam ex totius provinciæ plebibus velut  
apes ad alvearia, ita omnes ad dirimenta convola-  
bant <sup>121</sup> iudicia. Hic tantus vir ac talis, expers virilis  
fuit prolis; genuit tamen <sup>122</sup> tres natas, quibus natura

A non minores, quam solet viris, sapientiæ dedit di-  
vitiis.

4. Quarum major natu nuncupata est Kazi, quæ  
Medæ Golchicæ herbis et carmine <sup>123</sup> nec Pæonio <sup>124</sup>  
magistro arte medicinali cessit; quia sæpe Parcæ  
cessare <sup>125</sup> interterminali ab opere

Ipsaque fata <sup>126</sup> sequi fecit sua carmine <sup>127</sup> iussa.  
Unde et incolæ hujus terræ, quando aliquid est per-  
ditum, et quod se posse rehabere <sup>128</sup> desperant, tale  
proverbium de ea ferunt: *Illud nec ipsa potest recu-  
perare* <sup>129</sup> Kazi.

Ad Cereris natam hæc est ubi rapta tyrannam <sup>130</sup>  
ejus usque hodie cernitur tumultus, ab incolis <sup>13</sup>,  
terræ ob memoriam suæ dominæ <sup>132</sup> nimis alte con-  
gestus, super ripam fluminis Mæ <sup>133</sup> (251), juxta  
viam qua itur in partes provinciæ <sup>134</sup> Bechin <sup>135</sup>,  
per montem qui dicitur <sup>136</sup> Osseca <sup>137</sup> (252).

Laude fuit digna set natu Tetcka <sup>138</sup> secunda,

Expers et maris, emunctæ femina naris <sup>139</sup>,  
quæ ex suo nomine Tethin <sup>140</sup> (253) castrum natura  
luci firmissimum, præruptæ rupis in culmine juxta  
fluvium Mæam <sup>141</sup> edificavit. Hæc stulto et insipienti  
populo Oreadas <sup>142</sup>, Driadas <sup>143</sup>, Amadriadas <sup>144</sup>  
adorare et colere, et omnem superstitiosam set-  
ctam (254) ac sacrilegos ritus <sup>145</sup> instituit et docuit;  
sicut hactenus <sup>146</sup> multi villani velut pagani, hic  
latices seu ignes colit, iste lucos <sup>147</sup> et arbores aut <sup>148</sup>  
lapides adorat, ille montibus sive <sup>149</sup> collibus litat,  
alius quæ ipse fecit ydola surda et muta rogat et  
orat, ut domum suam <sup>150</sup> et se ipsum regant. Tertia  
natu <sup>151</sup> minor set prudentia major, vocitata est  
Lubossa <sup>152</sup>, quæ etiam urbem tunc potentissimam  
juxta silvam quæ tendit ad pagum Stebecnam <sup>153</sup>  
construxit, et ex suo nomine eam <sup>154</sup> Lubossin <sup>155</sup>  
vocitavit (255). Hæc fuit inter feminas una <sup>156</sup> prorsus  
femina in consilio provida, in sermone strenua,  
corpore casta, moribus proba, ad dirimenda populi  
iudicia nulli secunda, omnibus affabilis set plus  
amabilis, feminei sexus decus et gloria, dictans  
negotia providenter virilia. Set quia nemo ex omni

#### VARIE LECTIONES.

<sup>102</sup> novas vel incu: bant imineos 1. probant, ineunt 4. 4 (a) promebant 7. <sup>103</sup> ymneos corr. hymneos  
A. <sup>104</sup> ita A. ferea 1. ferrea rel. <sup>105</sup> rumpebant 7. <sup>106</sup> ocup. 1. occupaverat 4. <sup>107</sup> actui r. A.  
<sup>108</sup> utebantur 7. <sup>109</sup> noverat 4. <sup>110</sup> Ad stabula — habuere *desunt* 5. <sup>111</sup> nec ter II, <sup>112</sup> generis 3.  
<sup>113</sup> paupertatis amabilitatem 2 (b) <sup>114</sup> sigillo H. <sup>115</sup> confluebat A. <sup>116</sup> *deest* 4. <sup>117</sup> disputabat A. <sup>118</sup> Croh  
3, Crocco 4. 4 (a) <sup>119</sup> Ztibene 1. 7. Zibecne 4. 4 (a). Stibene 5. Ztibene 7 (a). <sup>120</sup> r. s. c. p. *desunt* 7. <sup>121</sup> con-  
volant 4 (a). <sup>122</sup> Im corr. In A. <sup>123</sup> gramine 4. <sup>124</sup> ponio 4. <sup>125</sup> cassare 2. <sup>126</sup> facta 1. <sup>127</sup> carmina 3.  
<sup>128</sup> habere A. <sup>129</sup> rehabere A. <sup>130</sup> tyrannam A. <sup>131</sup> accolis 4. ab colis 4 (a). <sup>132</sup> done 2. <sup>133</sup> Mzie 2.  
Mæ 2 (b). Mæ 4. 4 (a). 5. 7 (a). Alsæ 7. <sup>134</sup> *deest* A. <sup>135</sup> Behin 4. 4. 4 (a). <sup>136</sup> montes q. dicuntur A. <sup>137</sup> Ossiek  
2. <sup>138</sup> Tethka 1. 2 (b). 3. 7. Tetnka 4. 4 (a). Thetka 5. Thechka 7 (a) <sup>139</sup> maris corr. naris A. <sup>140</sup> Thethin  
1. Thethin 2 (b). 4. 4 (a). Tethin 7. Thechin 7 (a). <sup>141</sup> Mzam 2 (b). 4 (a). Osam 7. <sup>142</sup> Oriadas 4. 4 (a). <sup>143</sup> *deest* 1.  
<sup>144</sup> Driadas, Hamadr. *omissa* 4. 4 (a) <sup>145</sup> ritus corr. usus 1. <sup>146</sup> actenus A. <sup>147</sup> locus 1. <sup>148</sup> seu 7. <sup>149</sup> et  
A. <sup>150</sup> suam *omissum* 2. <sup>151</sup> *deest* 4. <sup>152</sup> ita A. 7. et sic *deinceps*. Libussie 2. Libussa 5. <sup>153</sup> Zibecnam  
1. 2 (b) 5. Zibecnam 2. Zubecnam 3. Zibecnam 4. 4 (a). Zibecnam 7. Zibecnam 7 (a). <sup>154</sup> *deest* A. <sup>155</sup> Lub-  
bossin 1. Libossin 2. Lubossam 7. 7 (a). Lubossin rel. <sup>156</sup> mira 1. 7.

#### NOTÆ.

(248) Elocutiones ex Reginone 887 desumptæ.  
(249) Boethius l. 1.  
(250) Krakow, baud procul ad urbe Rakonitz.  
(251) Mies qui ad Zbraslaw in Moldavam se præ-  
cipitat; vid. Dobner ad Hai. II, 116.  
(252) Wosek et Brdy. Vide commentationem Kro-  
pfi; Die älteste Eintheilung des Landes Bohmen,

in Jahrbucher des Bohmischen Museums II, 442.  
(253) Tetin haud procul a burbe Beraun murorum  
reliquias se vidisse testatur Dobner II, 117.  
(254) I. e. vitæ rationem.  
(255) Hanc urbem esse Libossin in dominio  
Smeona conjecit Palackius in libro Würdigung, etc  
p. 23.

parte beatus <sup>157</sup> (256), talis ac tantæ laudis femina, A heu dira conditio humana! fuit phitonissa <sup>158</sup>. Et quia populo multa et certa prædixit futura, omnia illa gens commune consilium iniens <sup>159</sup>, patris ejus post necem hanc sibi præfecit in judicem <sup>160</sup>. Et <sup>161</sup> tempestate inter duos cives, opibus et genere eminentiores et qui videbantur populi esse rectores, orta est non modica litigio agri contigui de termino <sup>162</sup>. Qui in tantum proruperunt in mutuam rixam, ut alter alterius spissam unguibus volaret in barbam, et nudis convitiis semetipsos turpiter digito sub nasum confundentes, intrant bachantes curiam, ac non sine magno strepitu adeunt dominam, et ut ratione justitiæ dubiam inter eos dirimat <sup>163</sup> causam suppliciter <sup>164</sup> rogant. Illa interim, ut est lasciva mollities mulierum quando non habet <sup>165</sup> quem timeat <sup>166</sup> virum, cubito subnixæ, seu puerum enixa, B alte in pictis stratis <sup>167</sup> nimis molliter accubabat <sup>168</sup>. Cumque <sup>169</sup> per callem justitiæ incedens <sup>170</sup>, personam hominum non respiciens <sup>171</sup>, lotius controversiæ inter eos ortæ causam ad statum rectitudinis perduerit, tunc is, cujus causa in judicio non <sup>172</sup> obtinuit palmam, plus justo indignatus terque <sup>173</sup> quaterque caput percussit, et more suo terram ter baculo <sup>174</sup> percussit, ac barbam pleno ore saliva conspergens <sup>175</sup> exclamavit <sup>176</sup> (257) : *O injuria viris haud toleranda! femina rimosa virilia judicia mente tractat dolosa. Scimus profecto quia femina sive stans <sup>177</sup> seu in solio residens <sup>178</sup> parum sapit <sup>179</sup>, quanto minus cum in stratis accubat? Revera tunc magis est ad accessum mariti apta, quam dictare militibus jura. Certum est enim, longos esse crines C omnibus vel breves sensus mulieribus. Satius est morti, quam viris lalia pati. Nos solos obprobrium nationibus et gentibus destituit natura, quibus deest rector et virilis censura et quos premunt femineæ jura. Ad hæc domina <sup>180</sup> illatam sibi contumeliam dissimulans, et dolorem cordis femineo pudore celans, subrisit et : Ita est, inquit, ut ais; femina sum, femina vivo, set*

*ideo parum sapere vobis videor, quia vos non in virga ferrea judico (258), et <sup>181</sup> quoniam sine timore <sup>182</sup> vivitis merito me despicitis. Nam ubi timor est, ibi <sup>183</sup> et <sup>184</sup> honor. Nunc autem necesse est valde ut habeatis <sup>185</sup> rectorem femina fortiolem <sup>186</sup>. Sic et columbæ olim albiculum (259) milvum <sup>187</sup>, quem <sup>188</sup> sibi elegerant <sup>189</sup> in regem, spreverunt, ut vos me spernitis, et accipitrem multo fortiolem <sup>190</sup> sibi ducem præfecerunt, qui fingens culpas tam nocentes quam innocentes cepit necare et ex tunc usque hodie vescitur columbis accipiter Ille nunc domum, ut quem vos cras eligatis in dominum, ego assumam mihi <sup>191</sup> in maritum. Interea prædictas advocat sorores, quas non impares agitabant furores, quarum magica arte et propria ludificabat populum per omnia; ipsa enim Lubossa fuit, sicut prædiximus, phitonissa, ut Chumæa Sybilla, altera venefica ut Cholchis <sup>192</sup> Medea, tertia malefica ut Æææ <sup>193</sup> Circes <sup>194</sup>. Illa nocte quid consilii inierint illæ tres Eumonides, aut quid secreti egerint, quamvis ignotum fuerit, tamen omnibus luce clarius manebat, cum soror earum Lubossa et locum ubi dux futurus latuit, et quis esset, nomine indicavit. Quis enim crederet quod de aratro sibi ducem prærogarent? Aut quis sciret, ubi araret qui rector populi fieret? Quid enim phitonice furor nescit? Aut quid est, quod magica ars non efficit <sup>195</sup>? Potuit Sybilla Romano populo seriem factorum fere usque in diem judicii prædicere, quæ etiam, si fas est credere, de Christo vaticinata est, sicut quidam doctor in sermone suæ prædicationis versus Virgilii <sup>196</sup> (260) ex persona Sibyllæ de adventu Domini compositos introducit. Potuit Medea herbis <sup>197</sup> et carmine sæpe e cælo Hyperionem <sup>198</sup> et Berecinthiam <sup>199</sup> deducere; potuit ymbres, fulgura et <sup>200</sup> tonitrua elicere <sup>201</sup> de nubibus; potuit regem Eiacum <sup>202</sup> de sene facere juvenem, Carmine Circes <sup>203</sup> socii Ulixis <sup>204</sup> conversi sunt (261) in diversas ferarum formas, et rex Picus in volucrem, quæ <sup>205</sup> nunc dicitur picus. Quid mirum? Quanta egerunt artibus*

#### VARIÆ LECTIONES.

<sup>157</sup> et addit A. <sup>158</sup> fitonissa 2. phytonissa 2 (b). phitonissa 4 (a). <sup>159</sup> inigens delete g A. <sup>160</sup> Et quia populo — in judicem omisa in 4. 4 (a). <sup>161</sup> Et 1. <sup>162</sup> continui determini: A. <sup>163</sup> diremit corr. dirimat A. <sup>164</sup> suppliciter 1. <sup>165</sup> hi A. <sup>166</sup> timeat A. <sup>167</sup> thoris A. <sup>168</sup> acubabat 1. <sup>169</sup> cum A. <sup>170</sup> ita corr. al. manus in 4. pro indecens, indecens 4 (a). <sup>171</sup> aspiciens 2. <sup>172</sup> manu secunda A. <sup>173</sup> ter. 4 4 (a). <sup>174</sup> baculis 2. <sup>175</sup> conspuens A. aspergens 4. 4 (a). <sup>176</sup> exclamat 2. 3. 4. 4 (a). <sup>177</sup> stat 4. 4 (a). <sup>178</sup> resideat corr. al. manus in 4. licet addunt 4. 4 (a). <sup>179</sup> sapiat 4. 4 (a). 7. <sup>180</sup> domina 1. Lubossa add. 4. 4 (a). <sup>181</sup> sed <sup>182</sup> sine dolore et timore 4. 4 (a). <sup>183</sup> manu secunda A. <sup>184</sup> est add. 3. 4 (a). <sup>185</sup> deest 1. 2. <sup>186</sup> ferociorem 1. 4. 7. <sup>187</sup> milvium 7. <sup>188</sup> que 1. <sup>189</sup> elegerunt 3. <sup>190</sup> ferociorem 1. 4. 7. <sup>191</sup> mihi deest A. 4. 4 4 (a). <sup>192</sup> Cholchis A. Chcohis 1. <sup>193</sup> Æ Æ Æ 2. 2. (a) 4 (a). <sup>194</sup> ita A. 1. <sup>195</sup> sufficit 2. <sup>196</sup> Virgili 1. Virgilii 2. <sup>197</sup> cibus 2 (b). <sup>198</sup> Yporionem A. <sup>199</sup> Herecinthiam 1. 2. <sup>200</sup> et deest A. <sup>201</sup> ducere 4. 4 (a). <sup>202</sup> Egacum 1. 2. 4. 7. <sup>203</sup> Cirnis 4 (a). <sup>204</sup> Ulixes 1. 2. <sup>205</sup> qui 4. 4 (a).

#### NOTÆ.

(256) Hor., Od. II, 46, 27.  
 (257) In carmine populari Judicium Libussæ (cfr. librum quem ediderunt viri clariss. Safarik et Palachy; Die Itesten Denkmäler der Böhmischen Sprache. Prag 1840), de cujus fide inter summos viros maxima exorta est contentio, hæc leguntur l. 1. p. 47:  
*Und cor Wuth erbebt alle Glieder,  
 Schwingt den Arm und brüllet gleich dem Ure.*

*Weh den Manneru, wenn ein Weib gebietet!*  
 (258) In carmine populari p. 48:  
*Wah!t den Mann euch unter eures gleichen,  
 Der euch herrsche mit dem Eisen.*  
 (259) Num legendum *albidulum*?  
 (260) Cf. Augustini exposit. ep. ad Roman. Opp. III, 2, p. 629, et Virg., Eclog. IV ad Pollionem.  
 (261) Virg., Eclog. VIII, 69, 70.

suis magi in Ægipto? qui pene totidem mira carminibus suis fecerunt, quot Dei famulus Moyses ex virtute Dei exhibuisse perhibetur. Hactenus hæc.

5. Postera die, ut jussum fuerat, sine mora convocant cætum, congregant populum; conveniunt simul omnes in unum, femina<sup>207</sup> residens in sublimi solio concionatur ad agrestes viros<sup>208</sup>: *O plebs miseranda nimis, quæ libera vivere nescit, et quam nemo bonus nisi cum vita amittit, illum vos non inviti libertatem fugitis, et insuetæ servituti colla sponte submittitis. Heu tarde frustra vos pænitebit, sicut pænitunt ranas<sup>209</sup>, cum<sup>210</sup> ydrus<sup>211</sup>, quem<sup>212</sup> sibi fecerant regem, eas necare cæpit. Aut si nescitis, quæ sunt<sup>213</sup> jura, temptabo vobis ea verbis dicere paucis. Imprimis<sup>214</sup> facile est ducem ponere, set difficile est positum deponere; nam qui<sup>215</sup> modo est sub vestra potestate, utrum eum constituatis ducem an non, postquam vero constitutus fuerit, vos et omnia vestra erunt ejus in potestate. Hujus in conspectu vestra febricitabant<sup>216</sup> genua, et muta sicco palato adhererebunt lingua. Ad cujus vocem præ nimio pavore vix respondebitis: « Ita domine, ita domine<sup>217</sup>, » cum ipse<sup>218</sup> solo suo nutu sine vestro præjudicio hunc dampnabit, et hunc obruncabit, istum in carcerem mitti, illum præcipiet in patibulo suspendi. Vos ipsos<sup>219</sup>, et ex vobis quos sibi libet, alios servos, alios rusticos, alios tributarios, alios exactores, alios tortores, alios<sup>220</sup> præcones, alios cocos seu pistores<sup>221</sup> aut<sup>222</sup> molendinarios faciet. Constituet etiam sibi tribunos, centuriones, villicos, cultores vinearum simul et agrorum, messorum segetum, fabros armorum, sutores pellium diversarum et coriorum. Filios vestros et filias in obsequiis suis ponet; de bubus etiam et equis sive equabus seu peccoribus vestris optima quæ-*

Vana vocat fama, nec non et<sup>218</sup> opinio falsa, equitatu phantasmatico solita sit ire illo,

quod Judæus credat<sup>249</sup> Apella (267). Quid tamen<sup>250</sup>? Procedunt nuncii sapienter indocti, vadunt scienter nescii, vestigia sequentes equi. Jamque montes transierant, jam<sup>251</sup> jamque ad propinquabant villæ ad

A que ad suam palatium<sup>223</sup> tollet. Omnia vestra quæ sunt potiora<sup>224</sup>, in villis, in campis, in agris, in pratis, in vineis auferet, et in usus suos rediget. Qui! multis moror? Aut ad quid<sup>225</sup> hæc, quasi vos<sup>226</sup> ut terream, loquor? Si persistitis in<sup>227</sup> incepto et non fullitis voto, jam vobis et nomen ducis et locum ubi est indicabo. Ad hæc vulgus ignobile confuso exultat<sup>228</sup> clamore; omnes uno ore ducem sibi poscunt dari. Quibus illa: En, inquit, en ultra illos<sup>229</sup> montes — et monstravit digito montes — est<sup>230</sup> fluvius non adeo magnus nomine Belina<sup>231</sup> (262), cujus super ripam dinoscitur esse<sup>232</sup>, villa, nomine Stadici<sup>233</sup> (263). Hujus in territorio<sup>234</sup> est novale unum, in longitudine et in latitudine<sup>235</sup> passuum; quod mirum in modum, cum sit inter tot<sup>237</sup> agros in medio positum, ad nullum tamen pertinet agrum (264). Ibi dux vester duobus variis bubus arat; unus bos præcinctus est albedine et albo capite<sup>238</sup>, aller a fronte post tergum<sup>239</sup> albus, et pedes posteriores habens albos. Nunc, si vobis placet, meum accipite thalarium<sup>240</sup> et clamidem ac mutatoria (265) ducæ digna, et pergite ac mandata populi atque<sup>241</sup> mea referte viro, et adducite vobis ducem et mihi maritum. Viro nomen est<sup>242</sup> Premizl<sup>243</sup>, qui super colla et capita vestra jura excogitavit plura — nam hoc nomen latino sonat præmeditans vel superexcogitans (166) Hujus proles posteru<sup>244</sup> hac<sup>245</sup> in omni terra in æternum regnabit<sup>246</sup> et ultra.

6. Interea destinantur qui jussa dominæ et plebis ad virum perferant nuncii; quos ut vidit domina quasi inscios de via cunctari: Quid, inquit, cunctamini? Ille securi, meum equum sequimini, ipse vos ducet<sup>247</sup> recta via et reducet, quia ab illo non semel illa via est trita.

quod ipsa domina semper in noctis conticinio et redire præ gallicinio:

quam ibant, tum<sup>252</sup> illis puer unus obviam currit, quem<sup>253</sup> interrogantes aiunt<sup>254</sup>: Heus bonæ indolis puer, estne villa ista nomine Stadici<sup>255</sup>: aut sic sit in illa vir nomine Premizl? — Ipsa est, inquit, quam

#### VARIÆ LECTIONES

<sup>207</sup> hab. corr. exh. A. <sup>207</sup> Lubossa add. 4. <sup>208</sup> dicens add. 4. 4 (a). <sup>209</sup> s. p. r. desunt 7. <sup>210</sup> que corr. cum A. <sup>211</sup> ydrus corr. ydra A. <sup>212</sup> manu secunda. <sup>213</sup> sint A. <sup>214</sup> Imprime corr. Imprimo 1. <sup>215</sup> namque 4. <sup>216</sup> febricitata habet 1. febricitata labentur 3. 7. <sup>217</sup> i d. semel legit A. <sup>218</sup> ipse deest 4. 4 (a). <sup>219</sup> deest A. vos ipsos — tolle: desunt 5. <sup>220</sup> alios omissum 4. 4 (a). <sup>221</sup> piscatores 4. 4 (a). <sup>222</sup> alios 7. <sup>223</sup> plurimum exceptis A. et 1. rel. <sup>224</sup> quæque pecora sunt 4. 4 (a). <sup>225</sup> ai q. ad h. 1. <sup>226</sup> vos uterream 1. <sup>227</sup> incepto 4. 4 (a). <sup>228</sup> exaltante 4. 4 (a). <sup>229</sup> vos A. <sup>230</sup> ubi 2. <sup>231</sup> Belena 7. <sup>232</sup> deest 4. 4 (a). <sup>233</sup> Ztadiczi 1. 3. 7. Ztadici 2. 4. <sup>234</sup> teritorio A. teritorio 1. <sup>235</sup> in deest 1 (b). et in lat. desunt 4. 4 (a). <sup>236</sup> XII. 1. 2. 7. <sup>237</sup> tantos 2. <sup>238</sup> et ad l. A. <sup>239</sup> tegrum 1. <sup>240</sup> ita A. thalarium 1. <sup>241</sup> ac A. 2. (b). <sup>242</sup> est deest A. <sup>243</sup> ita A. Primizl alii excepto 2. Prziemysl et sic porro. <sup>244</sup> postea 2 (b). <sup>245</sup> hæc. 1. <sup>246</sup> deest A. <sup>247</sup> ad lucet A. deducet 4 4 (a). <sup>248</sup> deest 4 (a) <sup>249</sup> deest 7. <sup>250</sup> tamen A. dum 7. <sup>251</sup> i. i. a. v. q. i. desunt A. <sup>252</sup> tunc 4. 4 (a). dum 7. <sup>253</sup> deest 4. <sup>254</sup> ad illum addunt 4. 4 (a). <sup>255</sup> ita A. Ztadici alii. Ztadiczi 7 (a).

#### NOTE.

(262) Bilin in regione Lutomericensi, qui apud D pulo vocatur. Cf. Palacky Geschichte von Bohmen I, 87 Aussig. in Albim exundat.

(263) Staditz.

(264) Campus nostris etiam diebus Konigsfeld a po-

(265) Scilicet indumenta.

(266) Cf. Dobner ad Hajecium II. 158.

(267) Hor. serm. I, 5, 400.



quæritis villa, et ecce vir Primizl prope in agro boves stimulat, ut, quod agit, citius opus<sup>256</sup> peragat. Ad quem nuncii accedentes inquirunt:

*Vir fortunate, dux nobis<sup>257</sup> diis generate!*

Et, sicut mos est rusticis, non sufficit<sup>258</sup> semel dixisse, set inflata bucca ingeminant:

*Salve dux, salve<sup>259</sup>, magna dignissime laude,*

*Salve boves, muta vestes, ascende caballum!*

Et<sup>260</sup> monstrant vestes sternuntque caballum. Domina nostra Lubossa et plebs universa<sup>261</sup> mandat, ut cito venias, et tibi ac tuis nepotibus fatale regnum accipias. Omnia nostra et nos ipsi in tua manu sumus, te ducem, te iudicem, te rectorem, te protectorem, te solum nobis in dominum eligimus. Ad quam vocem vir prudens<sup>262</sup>, quasi futurorum inscius<sup>263</sup>, substitit, et stimulum quem manu gestabat in terram fixit, et solvens boves: *Ile illuc inde venistis!* dixit; qui statim citius dicto ab oculis evanuerunt, et nusquam amplius comparuerunt. Corilus autem<sup>264</sup>, quam humi fixit, tres altas propagines, et quod est mirabilis, cum foliis et nucibus produxit. Viri autem illi<sup>265</sup> videntes hæc talia ita<sup>266</sup> fieri, stabant obstupefacti. Quos ille grata vice hospitem invitavit ad prandium, et de pera subere<sup>267</sup> contexta excutit<sup>268</sup> mucidum<sup>269</sup> panem et formatici partem, et ipsam perem in cespite pro mensa et super rude textum ponit et cætera<sup>270</sup>. Interea dum prandium sumunt<sup>271</sup>, dum aquam de amphora bibunt, duæ propagines sive<sup>272</sup> virgulta duo aruerunt et ceciderunt, set tertia multo altius et latius<sup>273</sup> accrescebat. Unde hospitibus major exerevit admiratio<sup>274</sup> cum timore. Et ille: *Quid admiramini?* inquit. *Sciatis ex nostra progenie<sup>275</sup> multos dominos nasci, set unum semper dominari. Atqui<sup>276</sup> si domina vestra non adeo de hac re<sup>277</sup> festinaret, set<sup>278</sup> per<sup>279</sup> modicum tempus<sup>280</sup> currentia fata expectaret, ut pro me tam cito<sup>281</sup> non mitteret: quot natos heriles natura proferret, tot dominos terra vestra haberet.*

7. Post hæc indutus veste principali et calciatus calciamento regali, acrem ascendit equum arator; tamen suæ sortis non inmemor, tollit secum suos coturnos ex omni parte subere consutos, quos fecit servari in posterum, et servantur Wissegrad<sup>282</sup> in camera ducis usque hodie et in sempiternum. Factum est autem, dum per compendia<sup>283</sup> viarum irent, nec tamen<sup>284</sup> adhuc illi nuncii cen ad novi-

atium dominum familiaris<sup>285</sup> loqui auderent, set sicut columbæ, si quando aliqua peregrina ad eas accedit, imprimis eam pavescunt, et mox in ipso volatu eam assuefaciunt<sup>286</sup> et<sup>287</sup> eam quasi propriam faciunt et diligunt; sic illi cum fabularentur equitantes et sermocinationibus iter abbreviarent, ac jocando<sup>288</sup> per scurilia verba laborem fallerent, unus, qui erat audacior et lingua promptior: *O domine, dic, inquit, nobis, ad quid hos coturnos subere consutos et ad nichilum nisi<sup>289</sup> ut projiciantur<sup>290</sup> aptos nos servare fecisti, non salis possumus admirari.* Quibus ille: *Ad hoc<sup>291</sup> inquit eos feci et faciam in ævum servari, ut nostri posteri sciant, unde sint<sup>292</sup> orti, et ut semper vivant pavidi et suspecti, nec<sup>293</sup> homines a Deo sibi commissos<sup>294</sup> injuste opprimant per superbiam, quia facti sumus omnes æquales per naturam. Nunc autem et mihi liceat vos vicissim<sup>295</sup> percontari utrum magis laudabile est, de paupertate ad dignitatem provehi, an de dignitate in paupertatem redigi? Nimirum respondeditis<sup>296</sup> mihi, melius esse provehi ad gloriam, quam redigi ad inopiam. Atqui sunt nonnulli parentela genti ex nobili. set post ad turpem inopiam redacti et miseri facti; cum suos parentes gloriosos fuisse et potentes aliis prædicant, haud ignorant, quod semetipsos inde plus confundunt et deturpant, cum ipsi per suam hoc amiserunt ignaviam, quod illi habuerunt per industriam. Nam fortuna semper hanc ludit aleam sua rota, ut nunc hos erigat ad summa, nunc illos mergat in<sup>297</sup> infirma. Unde fit, ut dignitas terrena, quæ erat aliquando ad gloriam, amissa sit ad inopiam. At vero paupertas per virtutem victa, non se celat sub pelle lupina, set victorem suum tollit ad sydera, quem olim secum traxerat ad infera<sup>298</sup>.*

8. Postea vero quam<sup>299</sup> iter emensi fuerant, et jam jamque prope ad urbem venerant, obviam eis domina stipata suis satellitibus accelerat, et inter se consortis dextris cum magna lætitia tecta subeunt, thoris discumbunt, Cerere et Bæcho corpora reficiunt, cetera noctis spatia Veneri<sup>300</sup> et Himeræo<sup>301</sup> indulgent. Hic vir, qui vere ex virtutis merito dicendus est vir, hanc efferam gentem legibus frenavit, et indomitum populum imperio domuit, et servituti qua nunc promitur subjugavit, atque omnia jura quibus hæc terra utitur et regitur, solus cum sola Lubossa dictavit (268).

#### VARIE LECTIONES.

<sup>256</sup> opus omittit 2. <sup>257</sup> nobis deest 4 4 (a). <sup>258</sup> sufficienti 1. <sup>259</sup> dux repetunt 4 4 (a). <sup>260</sup> Et—caballum in margine codicis A. scripta, desunt in 4. 4 (a). stenulantemque omnes except. A. <sup>261</sup> immensa 2. <sup>262</sup> Primizl add. 4. 4 (a). <sup>263</sup> præscius subducto inscius 2 (b). <sup>264</sup> autem deest A. <sup>265</sup> deest A. <sup>266</sup> ibi A. <sup>267</sup> subere 4. <sup>268</sup> excutit A. <sup>269</sup> ita A. 1. 2 (b). 3. mucidum in margine muscidum manu antiqua 2. muscidum 4. 4 (a), mucidum vel muscidum 7. <sup>270</sup> 7' (c). A. <sup>271</sup> dum prandium sumunt omissa 4, 4 (a). <sup>272</sup> seu 2 (b). sive virgula duo desunt 5. <sup>273</sup> altius A. <sup>274</sup> ammir-constantier A. 4. <sup>275</sup> propagine A. <sup>276</sup> at 2. <sup>277</sup> re deest 4 (a). <sup>278</sup> si 7. p. m. t. desunt 7. <sup>279</sup> per deest 4, 4 (a). <sup>280</sup> dum addit 1. <sup>281</sup> numeret 1. <sup>282</sup> WISSEGRAR. A. Wisegrad 1, 4, 7. <sup>283</sup> compita in margine 2. <sup>284</sup> tamen deest 4, nec non 4 (a). <sup>285</sup> familiaris 7. <sup>286</sup> assuefaciunt 2. <sup>287</sup> et e. tamquam A. 1. p. f. in margine addita A. <sup>288</sup> jocundo A. <sup>289</sup> nisi omisum 2. <sup>290</sup> propiciantur 1. <sup>291</sup> hæc. 1. <sup>292</sup> st. A. <sup>293</sup> corr. ne 1. ita 2. 4, neu 7. <sup>294</sup> deditos A. <sup>295</sup> vos vicissim desunt 2 vos invicem percontari 4, 4 (a) <sup>296</sup> respondetis 4, 4 (a). <sup>297</sup> ad A. 2 (b), <sup>298</sup> infirma 2. inferna 5. <sup>299</sup> cum 2 (b). <sup>300</sup> veri A. <sup>301</sup> imineo 1.

#### NOTE.

(268) Eadem fabella in vetustissimis etiam legum Bohemicarum collectionibus reperitur.

9. Inter hæc primordia legum quadam die prædicta domina, phitone concitata, præsentem viro suo Premizl et aliis senioribus populi<sup>302</sup> astantibus, sic est vaticinata<sup>303</sup>.

*Urbem conspicio fama quæ sydera tanget,  
Est locus in silva, villa<sup>304</sup> qui<sup>305</sup> distat ab ista<sup>306</sup>  
Terdensis stadiis, quem Wilitava<sup>307</sup> terminat undis.  
Hunc<sup>308</sup> ex parte aquilonum<sup>309</sup> valde munit<sup>310</sup> valle<sup>311</sup>  
profunda rivulus Brusnica<sup>312</sup>; at australi ex latere  
latus mons nimis petrosus, qui a petris dicitur Petrin<sup>313</sup>  
(269), supereminet loca. Loci autem mons curvatur  
in modum delphini marini porci, tendens usque  
in<sup>314</sup> prædictum annem. Ad quem cum<sup>315</sup> perveneritis,  
invenietis hominem in media<sup>316</sup> silva limen  
domus operantem. Et quia ad humile limen etiam  
magni domini se inclinant, ex eventu rei<sup>317</sup> urbem  
quam ædificabilis, vocabitis Pragam (270). Hac in  
urbe olim in futurum binæ<sup>318</sup> auræ ascendent oliuæ,  
quæ cacumine suo usque ad septimum<sup>319</sup> penetrabunt  
cælum, et per totum mundum signis et miraculis coruscabunt.  
Has in hostiis et muneribus colent et adorabunt  
omnes tribus terræ Boemiæ nationes reliquæ.  
Una ex his vocabitur<sup>320</sup> Major Gloria, altera<sup>321</sup> Exercitus  
Consolatio (271). Plura locutura erat, si non  
fugisset<sup>322</sup> spiritus pestilens et<sup>323</sup> prophetans a  
plasmate Dei. Continuo itur in antiquam silvam, et  
reperito dato signo in<sup>324</sup> prædicto loco urbem, totius  
Boemiæ dominam, ædificant<sup>325</sup> Pragam. Et quia  
ea tempestate virgines hujus terræ sine jugo pubescentes,  
veluti Amazones militaria arma affectantes et sibi  
ductrices facientes, pari modo uti tirones<sup>326</sup>  
militabant, venationibus per silvas viriliter insistebant,  
non eas viri, set ipsæmet<sup>327</sup> sibi viros, quos  
et quando voluerunt, accipiebant; et sicut gens  
Scitica Plauci<sup>328</sup> sive<sup>329</sup> Picanatici, vir et femina  
in habitu nullum discrimen habebant. Unde in tan-*

tum feminea<sup>330</sup> excrevit<sup>331</sup> audacia, ut in quadam rupe, non longe a prædicta urbe oppidum<sup>332</sup> natura loci firmum sibi construerent, cui a virginali vocabulo inditum est nomen Divin<sup>333</sup> (272). Quod videntes juvenes, contra eas nimio zelo indignantes, multo plures insimul conglobati non longius quam unius buccinæ<sup>334</sup> in altera<sup>335</sup> rupe inter arbusta ædificant urbem, quam moderni nuncupant Wissegrad, tunc autem ab<sup>336</sup> arbustis traxerat nomen Hrasten<sup>337</sup> (273). Et quia sæpe virgines solertiores ad decipiendos juvenes<sup>338</sup> fiebant<sup>339</sup>, sæpe autem juvenes virginibus fortiores<sup>340</sup> existebant, modo bellum, modo pax inter eos agebatur. Et dum interposita pace potiuntur, placuit utrisque paribus ut componerent<sup>341</sup> cibis<sup>342</sup> et potibus simbulum, et per tres dies sine armis sollempnem insimulagerant ludum in constituto loco. Quid plura? Non aliter juvenes cum puellis ineunt convivia, ac si lupi rapaces quærentes edulia<sup>343</sup>, ut<sup>344</sup> intrarent ovilia. Primum diem epulis et nimis potibus hylarem<sup>345</sup> ducunt.

Dumque volunt sedare sitim, sitis altera crevit, Lætitiâque suam juvenes vix noctis<sup>346</sup> ad horam differunt:

Nox erat et cælo fulgebat luna sereno (274);

Inflans tunc lituum, dedit unus eis ita signum, dicens:

*Lusistis satis, edistis satis atque<sup>348</sup> bibistis;*

*Surgite, vos rauco clamat Venus aurea sistro<sup>349</sup>.*

Moxque<sup>350</sup> singuli singulas rapuere puellas. Mane autem facto, jam pacis inito pacto, sublatis Cerere et Bacho ex earum oppido<sup>351</sup>, muros Lemniaco vacuos indulgent Vulcano. Et<sup>352</sup> ex illa tempestate, post obitum principis Lubossæ, sunt mulieres nostrates virorum sub potestate. Sed<sup>354</sup> quoniam omnibus.

#### VARIE LECTIONES.

<sup>302</sup> populis 1. <sup>303</sup> vocitata 4, 4 (a). <sup>304</sup> villa 1. <sup>305</sup> quæ 4 (a). <sup>306</sup> illa 2 (b). <sup>307</sup> ita A. Wilitava 4 (a). Wilitava rel. <sup>308</sup> Hanc 4, 4 (a). Nunc 7. <sup>309</sup> aquilonari 4, 7. <sup>310</sup> munitur 7. <sup>311</sup> valde 2, 2 (b). <sup>312</sup> ita A. Bruzinca 2. Bruznice 4, (a). Bruznica rel. <sup>313</sup> Paetrin 1. Petrin 2 (b), 4, 4 (a), 5. Petrun 7. <sup>314</sup> ad A. <sup>315</sup> dum 4, 4 (a). <sup>316</sup> medii 1. <sup>317</sup> regi corr. rei A. 1. <sup>318</sup> colonne additum delet A. <sup>319</sup> sempiternum A. <sup>320</sup> vocabitur deest 4. Wiceslaw et Woytiech addit manus seculi XV in 1. Wechlava, latine inserit 3. Wecezlava 3 (a). Weczlava corrigit D. <sup>321</sup> Tressivoya, latine inserit 3. Tiessivoya corr. D. <sup>322</sup> fuisset 2, 2 (a), 7. <sup>323</sup> sed 7. <sup>324</sup> deest A. <sup>325</sup> ædificavit 5, 7. <sup>326</sup> thyornos A. <sup>327</sup> semet A. <sup>328</sup> ita A. 1, 2, 4, 7. Planci ulii. <sup>329</sup> seu superscr. sive 2 (b). <sup>330</sup> femina addito rum 1. <sup>331</sup> exerevit 2. in marg. manu antiqua excrevit. <sup>332</sup> opidum A. <sup>333</sup> Devin 1, 7. Dewin 2 (b), 4, 4 (a). <sup>334</sup> bucinæ A. 1. <sup>335</sup> altâ corr. alta 1. <sup>336</sup> ab deest in 7. <sup>337</sup> Hrasten corr. Hrasten A. 5. Hurasten 1, 2, 2 (b), 7. Nura-sten 3. Wrasten 4, 4 (a). <sup>338</sup> virgines corr. juvenes 1. <sup>339</sup> f. s. a. i. in margines adtilu A. <sup>340</sup> ferocios 7. <sup>341</sup> componeret 7. <sup>342</sup> et cibis 4 (a). <sup>343</sup> edilia 2, ab antiqua manu u appositum. <sup>344</sup> ut in 2, erasum. <sup>345</sup> hilarem deest 4, 4 (a). <sup>346</sup> noctu A. 1, 2, noctu superscr. noctis 2 (b), noctis 4 (a). <sup>347</sup> ad horam deest A. <sup>348</sup> satsique 7. <sup>349</sup> sitro addito s A. <sup>350</sup> M. s. r. p. in margine addita A. <sup>351</sup> opido 1. <sup>352</sup> et A 1, 2, 4, <sup>353</sup> erant 2 (b). <sup>354</sup> et 7.

#### NOTÆ.

(269) Hodie mons S. Laurentii; Dobner ad Hajec. II, 119.

(270) Limen enim Bohemice sonat prag. cfr. Palacky 1, 88. Tid. etiam Pelzelii commentatio Ueber Ursprung und Namen der Stadt Prag. Neuere Abhandlungen der königl. Böhmisches Gesellschaft der Wissenschaften II, 112.

(271) Innuvit SS. Wenseslavum et Adalbertum; conf. de his etymologiis Dobnerum ad Hajec. III,

415. IV, 206.

(272) Devin igitur Bohemice idem est quod apud nostrates Magdeburgi. e. Parthenopolis. In Fuldensibus Annalibus 864. hæc leguntur: *Rasticen in quadam civitate, quæ lingua gentis illius Dewin, id est puella, dicitur, obsedit.*

(273) A Bohemico *Chrast*. DOBROW.

(274) Hor., Epod. 15, 1

Ire quidem restat, Numa quo devenit <sup>355</sup> et An-  
[cus (275),  
Premizl jam plenus dierum, postquam jura instituit  
legum, quem coluit vivus <sup>356</sup> ut deum, raptus est ad  
Cereris generum (276) Cui Nezamizl <sup>357</sup> successit  
in regnum. Hunc ubi mors rapuit, Mnata principales  
obtinuit fasces. Quo decedente ab hac <sup>358</sup> vita, Vo-  
gen <sup>359</sup> suscepit rerum gubernacula. Hujus post fa-  
tum Unezlau <sup>360</sup> rexit ducatum. Cujus vitam dum  
rumpunt Parcæ, Crezomisl <sup>361</sup> locatur sedis in  
arce <sup>362</sup>. Hoc sublato e <sup>363</sup> medio, Neclan <sup>364</sup> ducatus  
potitur solio. Hic ubi vita <sup>365</sup> decessit <sup>366</sup>, Gostivit <sup>367</sup>  
throno successit. Illorum igitur principum de vita <sup>368</sup>  
æque <sup>369</sup> et morte siletur. tum <sup>370</sup> quia ventri <sup>371</sup> et  
somnia dediti, inculti et indocti assimilati sunt pec-  
cori, quibus profecto contra naturam corpus volu-  
plati, anima fuit oneri (2.7), tum quia non erat illo  
in tempore, qui silo acta eorum commendaret <sup>372</sup>  
memoriæ. Sit silicamus de quibus siletur, et redea-  
mus unde paulo deviamus <sup>373</sup>.

10. Gostivit autem genuit Borwoy <sup>374</sup>, qui primus  
dux baptizatus est <sup>375</sup> a venerabili Metudio <sup>376</sup> epi-  
scopo in Moravia sub temporibus Arnolphi <sup>377</sup> impe-  
ratoris, et Zuatopluk <sup>378</sup> ejusdem Moraviæ regis (278).  
Nec superfluum esse judicavimus <sup>379</sup>, quod referente  
fama audivimus, huic operi nostro hoc in loco sum-  
matim literarum apicibus inserere bellum, quod-  
que <sup>380</sup> olim antea retro dierum, tempore ducis

A Neclan <sup>381</sup> in campo qui <sup>382</sup> dicitur Turzco <sup>383</sup> (279)  
consertum est inter Boemos et Luczanos <sup>384</sup> (280),  
qui nunc a modernis ab urbe Satec <sup>385</sup> (281) voca-  
tantur Satecenses <sup>386</sup>. Unde autem antiquitas <sup>387</sup>, nun-  
cupetur <sup>388</sup> ea <sup>389</sup> natio Luczano, nolumus præter-  
ire <sup>390</sup> sub silentio. Quippe illa distinguitur provin-  
cia quinque regionibus locorum per compendia.  
Prima regio est sita circa rivum nomine <sup>391</sup> Gutna <sup>392</sup>  
(282). Secunda ex utraque parte est fluvii Uzka <sup>393</sup>  
(283). Tertia extenditur per circuitum torrentis  
Brocnica <sup>394</sup>. Quarta, quæ et silvana dicitur, sita est  
infra terminos fluminis Msa <sup>395</sup>. Quinta <sup>396</sup>, quæ in  
medio est, dicitur <sup>397</sup> Luka <sup>398</sup>: pulcherrima visu et  
utillima <sup>399</sup> usu ac uberrima satis, nec non habun-  
dantissima pratis, unde et nomen ipsa regio traxit,  
quia luca latine pratium dicitur (284). Et quoniam <sup>400</sup>  
hæc regio primum, longe antequam Satec <sup>401</sup> urbs  
condita foret, est inhabitata hominibus, recte ejus  
incolæ sunt a <sup>402</sup> regione Luczane <sup>403</sup> nuncupati <sup>404</sup>.  
His præfuit dux nomine Wlaztizlav <sup>405</sup>, vir bellico-  
sus et in bellicis armis animosus <sup>406</sup>, ac <sup>407</sup> consiliis  
supra modum dolosus, satisque in præliis felix  
potuisset dici si sors suprema non clausisset eum sine  
infelici. Nam contra Boemos frequenter susceperat  
bellum, et semper Marte secundo atque diis auspi-  
cibus prævaluerat, terramque eorum sæpe ingressus  
cedibus, incendiis ac rapinis crudeliter devasta-  
rat <sup>408</sup> (285), et ipsos populi primates in tantum

#### VARIE LECTIONES.

<sup>354</sup> venit *addito al. manu* de A. venit 2 (b), 3, 4, nimia quo venit 4 (a), pervenit 7. <sup>355</sup> ita 1, 2 (b), 3, 4, 7, invisum deum A. nimis 2, unus 4 (a). <sup>357</sup> Nezamisl 1, Nezamysl 2. <sup>358</sup> hac *restituit alia manus* 1. <sup>359</sup> Voya 1, 2 (a), 3, 5, 7, Vogin 2, Moya 4, 4 (a), Voin 7 (a) <sup>360</sup> Unizlu 1, Winzlau 2 (b), Vitozlau 4, 4 (a), Unizlau 5, 7. <sup>361</sup> Crezomisl 1, 2 (b), 3, 7, Crezomysl 2, Kresomisl 4, 4 (a), Crezomiczl 7 (a). <sup>362</sup> s. i. a. l. A. <sup>363</sup> in 2 (b) <sup>364</sup> Neklan 2. <sup>365</sup> vira 1. <sup>366</sup> discessit *corr.* decessit A. discessit 1. <sup>367</sup> Hosti- vit 2, Gostivit 4. <sup>368</sup> de vita *desunt* 5. <sup>369</sup> æque *deest* 2 (b), 3, 4, 4 (a), 7. <sup>370</sup> tuum 1. <sup>371</sup> Veneri 4, 4 (a), <sup>372</sup> *corr.* 1. <sup>373</sup> paulo digressi sumus 4, 4 (d). <sup>374</sup> ita A. Borivoy 1, 3, 7, Borziwoy 2, Boriwoy 4. <sup>375</sup> e. b. A. <sup>376</sup> Methodio 3. Methudio 4, 4 (a). <sup>377</sup> Arnulfi 2 (b). <sup>378</sup> ita C. 4 (a), Zuatopluk 1, 2 (b), 7, Zwatopluk 2, Zvatopluk 4. <sup>379</sup> judicamus A. 7. <sup>380</sup> quidem 4, 4 (a). <sup>381</sup> Neclan 7. <sup>382</sup> quod 4 (a). <sup>383</sup> Turzko 1, 2, 2 (b). Jurko 7. <sup>384</sup> Lu- zlanos 7. <sup>385</sup> ita A. Satec 1, ita *deinceps* Satec 2, 2 (b), Satec 3, Satec 4, 4 (a), Satec 7. <sup>386</sup> Satecenses 3, 7, Satecenses 4, 4 (a). <sup>387</sup> antiquius C. <sup>388</sup> nuncupentur 7. <sup>389</sup> hæc A. <sup>390</sup> volumus præteriri 4, 4 (a). <sup>391</sup> *deest* A. <sup>392</sup> ita A. Buntua 2 (a), Guntua *rel.* <sup>393</sup> Uzka 1, Utka 3, 7, Uzka 4, 4 (a). Uzka 5. <sup>394</sup> Broczinka 2, Brocnisa 2 (b), Briznica 4 4 (a), Brocnice 5. <sup>395</sup> Mzie 2. <sup>396</sup> quinta 1. <sup>397</sup> dicitur *deest* 4, 4 (a). <sup>398</sup> Luca 1, 2, 4. <sup>399</sup> utilissima 3, ultima 7. <sup>400</sup> quando 7. <sup>401</sup> Satec 4 (a), *reliqui ut supra.* <sup>402</sup> a *deest* 7. <sup>403</sup> L. a. r. A. 2, Luczene 1. <sup>404</sup> nuncupati 1, 4, 4 (a), 7, nuncii patere 2. <sup>405</sup> Wlaztizlav 2 (b), Wraztizlav 57, Wlatizlaus 4, 4 (a). <sup>406</sup> et in — animosus *desunt* in 4, 4 (a), imbecillis armis animosus 7. <sup>407</sup> hæc 1. <sup>408</sup> de- vastaverat. 7.

#### NOTÆ.

(275) Hor., Epp. I, 6, 27.  
(276) Juvenal. X, 142.  
(277) Sallust., Catil., c. 2.  
(278) In chronologia constituenda erravit; obiit Methodius die 6 m. April 885, Arnulius regnum adeptus est a. 887, et Zuatopluk Marahensium dux mortuus est a. 894, testibus Fuldens. Annalibus. Eorumdem auctoritate, qua confirmatur Bohemorum ducis filiam a Marahensibus in matrimonium ductam esse a. 871, haud immerito rerum Bohemica- rum scriptoribus effici videbatur Borwoy ducem eodem fere tempore baptizatum esse; etsi aliter videbatur Dobnero III, 252. Cf. Dobrowski libellum Versuche die älteste Bohmische Gesch., etc. p. 49.  
(279) Haud procul a Praga urbe septentrionem versus Dobner ad Hjecium II, 68, hunc locum sibi reperiisse visus est.  
(280) Ex Cosmæ opinione Luczani igitur non erant Bohemi.

C (281) Saaz urbs ad Egram in circulo Saazenis.  
(282) Vix certi aliquid de his regionibus et fluviis afferri posse videtur; cf. tamen Dobner ad Hjecium III, 78. Gutna vel Guntua fluviolum Dobner in præcepto quodam Joannis regis a. 1332 dato deprehendit.  
(283) Si Dobnerum audis est Saa rivus qui paulo infra Satec in Egram exundat.  
(284) Wlaztizlavi terram in Sacensi, Raconicensi et Lutomericensi circulis quærendam esse conjicit Palacky.  
(285) Haud superfluum videtur hoc loco apponere quosdam versus ex carmine populari, in codice reginæ aulæ reperto, quo idem prælium Wlaslavi et Cestmiri (qui Cosmæ est Tiro) lingua Bohemica describitur; nonnulli enim versus cum verbis auctoris nostri nescio quomodo concinere videntur. In laudandis versibus secutus sum librum: Koniginhofer Handschrift aufgefunden und herausgegeben von W. Hanka, verdeutscht von Swoboda. Prag. 1829. Cum

præsidii attenuaverat<sup>409</sup>, ut parvo clausi in oppido, A quod dicitur Levigradec<sup>410</sup> (286), hostium incursiones timerent oppido. Hic condidit urbem, quam appellavit nomine suo Wlaztislav<sup>411</sup>, inter duos montes Meduez<sup>412</sup> (287) et Pripek<sup>413</sup> (288), scilicet in confinio<sup>414</sup> duarum provinciarum Belina (289) et<sup>415</sup> Lutomerici<sup>416</sup> (290), et posuit in ea viros<sup>417</sup> iniquos, ob insidias utriusque populi, quia hii adjuvabant partes Boemorum. Et sicut in omni vicissitudine rerum prosperitas elevat, adversitas humiliat cor hominum, ex nimia quam semper obtinuit in præliis prosperitate<sup>418</sup>, exaltatum est cor ducis et elevatum, ut mente feroci exardesceret omnem Boemiam ad obtinendum. Ah<sup>419</sup> ! mens hominum ignara futurorum sæpe suo fallitur augurio, sæpe fit, quod anteruinam<sup>420</sup> cor extollitur<sup>421</sup>, sicut ante letitiam sæpe humiliatur. Mox tumido inflatus fastu<sup>422</sup> superbiæ, scire volens virtus sua quantæ sit potentiæ, mitti gladium per omnes fines totius provinciæ, hac conditione<sup>423</sup> principalis sententiæ, ut quicumque<sup>424</sup> corporis statura præcellens gladii mensuram segnius jussu<sup>425</sup> egredere ad pugnam, procul dubio puniretur gladio. Quos<sup>426</sup> cicius<sup>427</sup> dicto ut vidit<sup>428</sup> in conducto coadunatos<sup>429</sup> loco, stans in medio agere, corona vulgi septus, clippeo<sup>430</sup> subnixus, manu<sup>431</sup> ense vibrans, sic est exorsus : *O milites, quibus ultima in manibus est victoria<sup>432</sup>, olim non semel vicistis, jam actum agitis. Quid opus est armis? Arma ad<sup>433</sup> speciem militiæ portare faciatis. Quin potius falcones<sup>434</sup>, nisos, herodios et omne<sup>435</sup> hujusmodi genus volatilium, quod magis aptum est ad jocunditatem et ludum, tollite vobiscum, quibus carnes<sup>436</sup> inimicorum, si forte sufficient, dabimus<sup>437</sup> ad vescendum. Teste Marte deo et mea domina Bel lona, quæ mihi fecit omnia bona, per capulum ensis mei juro quem manu teneo, quod pro infantibus eorum catulos canum penam ad ubera matrum. Levate signa, tollite moras ; semper nocuit differe paratis (291). Ille jam velociter*

*et vincite feliciter. Exoritur clamor ad æthera<sup>438</sup> (292) utilis et inutilis<sup>439</sup>, fortis et vilis<sup>440</sup>, potens et impotens, perstrepunt arma<sup>441</sup>, saltat scabiosa<sup>442</sup> equa, ut acer equus<sup>443</sup> in pugna.*

41. Interea quædam mulier, una de numero Eumenidum, vocans ad se privinum<sup>444</sup>, qui jam iturus erat ad prælium. *Quamvis, inquit, non est naturale novercis, ut benefaciant suis privignis, tamen non in memor consortii tui patis, cautum te faciam, quo<sup>445</sup> possis vivere si vis. Scias Boemorum strigas sive<sup>446</sup> lemures nostras prævaluisse votis Eumenides, unde nostris usque ad unum interfectis, dabitur Boemiis victoria<sup>447</sup>.*

*Hanc tu, quo tandem valeas evadere cladem, quem in primo congressu interficies<sup>448</sup> tibi adversantem, utramque sibi abscidens<sup>449</sup> aurem, mille in tuam cursam, et inter utrosque pedes equi in modum crucis evaginato ense terram lineabis. Ille enim faciens invisibiles ligaturas laxabis, quibus ira deorum vestri equi obligati<sup>450</sup> deficient<sup>451</sup> et cadent<sup>452</sup>, quasi ex longo itinere fatigati, moxque<sup>453</sup> insiliens equum, lerga vertes<sup>454</sup>, et si magnus post te fragor<sup>455</sup> ingruerit, nunquam retro aspicias, fugam sed acceleres, atque ita tu solus vix<sup>456</sup> effugies. Nam qui dii vobiscum<sup>457</sup> comitabantur<sup>458</sup> in prælium, versi sunt in auxilium inimicis vestris<sup>459</sup>.* A contra Boemis resistere non valentibus, hostibus quippe jam totiens triumphantibus<sup>460</sup>, una

Salus<sup>461</sup> erat victis nullam sperare salutem (293). Sed sicut semper infideles homines, et eoad malum proniores<sup>462</sup>, ubi deficient vires et bonæ artes, ilico ad deteriores pravitalis vertuntur partes : haud<sup>463</sup> aliter gens ista vanis<sup>464</sup> sacris dedita, plus mendaciis credula, jam desperantes viribus et armis militatibus, quandam adeunt sortilegam et consulunt eam atque instant ut edicat<sup>465</sup>,

Quid opus sit facto in tali discrimine rerum, Aut quos eventus futurum obtineat bellum.

#### VARIÆ LECTIONES.

<sup>409</sup> attenuerat corr. eadem manu attenuaverat 1, atenuarat 2. 7. <sup>410</sup> Levigradec 2. <sup>411</sup> Wlastilaw 2, Wlatizlau 2 (b). 4, 5, inserto tamen s ante t 4 (a), Wlatizlau 3, 7. <sup>412</sup> Meduez 1. Meduel 2. <sup>413</sup> Pripek 2, Pripec 4, 4 (a). <sup>414</sup> corr. 1, rubro atramento. <sup>415</sup> deest 1. <sup>416</sup> Luthomirici 4, 4 (a). <sup>417</sup> muros corr. alia manu viros 1. <sup>418</sup> prosperitatem 4 (a). <sup>419</sup> Ah! ah! 4, 4 (a). <sup>420</sup> corr. 1, minio <sup>421</sup> exaltatur 4, 4 (a). <sup>422</sup> fastu 4. <sup>423</sup> convincio 1. <sup>424</sup> qui 7. <sup>425</sup> jussu 4 (a). <sup>426</sup> quo f. <sup>427</sup> totius 4, 4 (a). <sup>428</sup> ut vidit corr. alia manu A. <sup>429</sup> corr. alia manu 1 <sup>430</sup> quæ deest A. <sup>431</sup> mano 1. <sup>432</sup> v. i. m. e. A. <sup>433</sup> et 1. <sup>434</sup> corr. A. <sup>435</sup> omnis 2. <sup>436</sup> canes corr. carnes A. <sup>437</sup> dapibus 1. 7. corr. A. <sup>438</sup> hethera 1. <sup>439</sup> corr. alia manu 1. <sup>440</sup> f. et v. desunt 1. <sup>441</sup> arma repetunt 1. 3. 7. <sup>442</sup> scabio 4. 4 (a). <sup>443</sup> u addit alia manu A. <sup>444</sup> ita A. et corr. 2. <sup>445</sup> ut 4. 4 (a). <sup>446</sup> sine 1. sive deest 4 (a). <sup>447</sup> v. B. A. <sup>448</sup> corr. alia manu 1. <sup>449</sup> abscidens 2 (b). 3. 4 (a). 7. <sup>450</sup> invisibiles — obligati omnia 2. <sup>451</sup> invicient 2. <sup>452</sup> c. et d. A. <sup>453</sup> que deest 2 (b). <sup>454</sup> vertens corr. vertes 1. <sup>455</sup> magnus terror ingruerit A. m. p. t. vel fragor vel timor 1. timor vel omnia in 2. 2 (b). m. p. t. timor vel fragor 3. 4. 7. ut fragor 5. <sup>456</sup> vix deest 2. <sup>457</sup> nobiscum 7. <sup>458</sup> comitantur 4. 4 (a). <sup>459</sup> nostris 7. <sup>460</sup> triumphantis 1. <sup>461</sup> soli alia manu superscr. salus 1. <sup>462</sup> promiores corr. alia manu 1 <sup>463</sup> aut corr. haud A. <sup>464</sup> vallis 1. <sup>465</sup> et d. 1.

#### NOTÆ.

hoc loco hi conferendi sunt versus p. 91 :  
*Brach* (scil. Wlaslaw) *mit Feuer und mit Schwert*  
*Oft herein in Nehlans Land.*  
(286) Lewy Hradek castrum in sinistra ripa Moldavæ fluvii, haud procul a Praga urbe. Cfr. Dobrowski Versuche p. 95.  
(287) Hodie Netluk in circulo Lutomericensi ; cfr. Schaller Topographie des Königreichs Bohmen

86.  
(288) Hodie Brisen : cf. ibid.  
(289) Bilin ad Bilam in circulo Lutomericensi.  
(290) Leitmeritz.  
(291) Lucan., Phars. I, 281.  
(292) Virg., Æn. II, 313, 338.  
(293) Virg., Æn. II, 354.

Illa, ut erat plena Phitone, ambigua <sup>466</sup> non tenuit eos diu verborum ambage: Si vullis, inquit, triumphum victoriæ consequi, oportet vos prius <sup>467</sup> jussa Deorum exsequi. Ergo litate <sup>468</sup> diis vestris asinum, ut sint et ipsi vobis in asylum. Hoc votum fieri summus Jupiter, et ipse Mars sororque ejus Bellona, atque gener Cereris jubet. Queritur interim miser asellus et <sup>469</sup> occiditur, et, ut jussum fuerat, in mille millies frustra conciditur, atque ab universo exercitu cicus dicto consumitur <sup>470</sup>. Quibus ita esu animatis asinino <sup>471</sup> — res similis prodigio — cerneret jætias phalanges et viros mori promptos ut silvaticos porcos; et sicut post <sup>472</sup> aquosam nubem fit sol clarior et visu jocundior, ita post nimiam inerciam exercitus ille fuit alacrior et ad pugnam audacior.

12. Interea dux eorum Neclan <sup>473</sup>, lepore pavidior et pardo <sup>474</sup> fuga velocior, pugnam inminentem per timuit, et ficta infirmitate in castro supradicto delituit. Quid facerent membra sine capite, aut milites in prælio sine duce? Erat ea tempestate quidam vir præcipuus honestate corporis, ætate et nomine Tyro, et ipse post duce[m] secundus imperio <sup>475</sup>, qui ad occursum mille obpugnantium in prælio nullum timere, nemini seivit cedere. Hunc dux clam ad se vocat et præcipit ut arma sua induat, et paucis clientibus id scientibus <sup>476</sup>, herilem equum jubet ut ascendat, atque vice sui <sup>477</sup> milites ad pugnam præcedat, quæ non longe ab urbe, sed quasi duobus stadiis distabat. Ventum erant ad campum ab utrisque exercitibus conditum; sed prius Buemi preoccupant collem in medio campo eminentem, unde et hostes præviderent adventantes (294, et is qui <sup>478</sup> æstimabatur <sup>479</sup> dux, stans in eminentiori loco, concionaretur <sup>480</sup> ad milites Tyro: Si fas, inquit, esset duci verbis addere virtutem militibus (295) multiplicibus vos tenerem sermonum <sup>481</sup> ambagibus. Sed quia hostis ad oculum stat, et breve tempus ad exortandum <sup>482</sup> extat

*Fas mihi sit vos vel paucis succendere dictis.*

*Omnibus in bello dimicandi par est devotio, sed impar vincendi ratio <sup>483</sup>. Illi paucorum pugnant pro*

*A gloria, nos pro patria dimicamus et populi atque nostra libertate (296) et salute ultima; illi ut rapiant aliena, nos ut defendamus dulcia pignora et cara connubia. Confortamini <sup>484</sup>, et estote viri. Nam deos vestros quos actenus habuistis offensos, placastis votis quibus placari voluerunt. Ergo timorem eorum ne timueritis, quia <sup>485</sup>, quibus in prælio <sup>486</sup> timor <sup>487</sup> officit <sup>488</sup> animo, maximo <sup>489</sup> versantur in periculo; audacia autem habetur pro muro (297), audacibus et ipsi dii <sup>490</sup> auxiliantur. Credite mihi, ultra illa castra vestra <sup>491</sup> salus posita est et gloria. At si terga hostibus vertitis, mortem tamen non effugietis. Set utinam mortem! verum pejus morte agetur; conjuges vestras in conspectu vestro violabant, et in sinu earum infantes ferro trucidabunt, et ad lactandum eis catulos dabunt, quia victis una est virtus, victoribus nil denegare.*

*B Interea dux Lucensis, ferocissimus mente, cum superbissimamente, quibus et hodie a malo innatum est superbire <sup>492</sup>, veniens ex adverso, ut vidit hostes non cedere loco, jubet suos paulisper stare illico, et quasi condolens super fata <sup>493</sup> inimicorum, his dictis acuit animos suorum <sup>494</sup>: O miserabiles <sup>495</sup> timidorum hominum manes, frustra prendunt <sup>496</sup> colles, quibus desunt vires et bellicæ artes, nec juvat collis, si est virtus debilis. Cernitis, quia in planis vobis non audent occurrere <sup>497</sup> campis, nimirum si non fallor, jam fugere parant. Sed vos, priusquam fugiant <sup>498</sup>, irruite super eos impetu repentino, et sub pedibus vestris ceu frivola stipularum ut conterantur, facite more solito. Parcite ne ignavorum sanguine polluatist fortia tela, sed potius submittite <sup>499</sup> quæ portatis volatilia, ut <sup>500</sup> perterrefaciatist <sup>501</sup> fulconibus pavidas acies ut columbas. Quod ut factum est, tanta fuit densitas diversarum <sup>502</sup> avium, ut sub pennis earum obscuraretur aer velut sub aquosa nube, vel nigra tempestatis tempore. Hoc cernens intrepidus Tyro, ceptum interrumpens colloquium ad suos dixit <sup>503</sup>, Si forte contigerit me mori in prælio, sepelite me in hoc colliculo, et construite mausoleum mihi <sup>504</sup> in secula <sup>505</sup> memoriale. Unde et hodie nominatur militis acerrimi bustum Tyri (298). Moxque prosiliens ceu maxima moles rupis, quæ <sup>506</sup> fulmine <sup>507</sup> rupta*

#### VARIÆ LECTIONES.

<sup>466</sup> ambiguitate omisa voce embage 7. <sup>467</sup> prius deest 2 (b). <sup>468</sup> libate 4. 4 (a). <sup>469</sup> et deest A. <sup>470</sup> corr. 1. <sup>471</sup> asineo 7. <sup>472</sup> per 7. <sup>473</sup> Nielan 4. 4 (a). <sup>474</sup> corr. alia manu A. partho al. m. superscr. pardo 4. <sup>475</sup> i. s. A. <sup>476</sup> id scientibus desunt 4. 4 (a). <sup>477</sup> sua A. <sup>478</sup> his omisso qui 7. <sup>479</sup> corr. 1. <sup>480</sup> concionatur corr. al. manu concionaretur A. <sup>481</sup> sermone 4. 4 (a). verborum 7. <sup>482</sup> ad exhort. omisa 7. <sup>483</sup> conditio vel ratio addunt 1. 3. 7. In 2. 5. supra vocem conditio alia manus antiqua adscripsit vel ratio, conditio A. et rel. <sup>484</sup> et nolite addit 1. <sup>485</sup> quia deest 4. 4. (a). <sup>486</sup> t. i. pr. A. <sup>487</sup> timor omisum 2. <sup>488</sup> efficit. 2. <sup>489</sup> mox uno A. <sup>490</sup> deest 1. <sup>491</sup> vestra deest 7. <sup>492</sup> corr. al. manu 1. <sup>493</sup> superscr. A. <sup>494</sup> eorum 7. <sup>495</sup> mirabiles 1. <sup>496</sup> pendunt 4 (a). <sup>497</sup> occurrere 4. (a). <sup>498</sup> corr. A. <sup>499</sup> submittite deest 4 (a). <sup>500</sup> in 2. <sup>501</sup> perire facialis A. <sup>502</sup> deest A. <sup>503</sup> d. a. s. A. <sup>504</sup> mihi deest 2. <sup>505</sup> i. s. nominativum A. vel memoriale nominativum 1. n. vel m. 2. 3. 7. vel mem. desunt 2 (b). 4. 1 (a). manu recentiori adscripta in 5. nominativum 4. 4. (a). <sup>506</sup> rupisque 1. <sup>507</sup> corr. al. manu 1.

#### NOTÆ.

(294) In carmine populari, p. 103 :

*Dort in weiter Flache arret ihrer  
Kriegesfreudig Wlaslaw.*

Et paulo infra verba Cestinari :

*Hier vom Berge hann uns Wlas. aw schen;  
Rasch hinab rings um den Berg gezogen.*

(295) Sallust., Cat. 58.

(296) Sallust., ibid.

(297) Sallust., ibid.

(298) Ostenditur in hunc diem crudi et abrupti saxi moles super sterilibus campis ad Tursko, quæ in busti hujus memoriam huc advoluta dicitur, quam et ipse spectavi oculis. DOBNER ad Hai. III, 108.

de summitate alti montis fertur per abrupta loca, A sternens omnia obstacula, haud aliter ruit fortissi-

Ac veluti, si quis in horto<sup>509</sup>

ita obstantium

donec plenus astilibus,

in media strage super magnam

Incertum est, quis, a quo, vel quali vulnere quisque

ceciderit, nisi hoc solum scimus pro certo, quia<sup>511</sup> Boemi potiti sunt<sup>512</sup> triumpho, Lucensibus<sup>513</sup> omnibus<sup>514</sup> interfectis usque ad unum<sup>515</sup>, præter illum videlicet quem noverca olim præmonuerat euntem ad prælium. Inque dum jussa peregit novercæ præpeti<sup>516</sup> elapsus fuga, dumque<sup>517</sup> concitus venerit ad domum, ecce uxor sua plangebatur defuncta. Quam ut videret vir suus, dum discooperuisset faciem ejus — res similes fictæ — visum est funus habere in femineo pectore vulnus et abscissas<sup>518</sup> aures. Tunc vir<sup>519</sup> recolens quod factum fuerat<sup>520</sup> in prælio, protulit aures de bursa cruentis<sup>521</sup> cum inauribus, atque recognovit hanc fuisse in specie illius<sup>522</sup> quem adversantem occidit in bello.

13. Post hæc intrantes Boemi in terram illam<sup>523</sup> et nullo resistente devastantes eam<sup>524</sup> civitates destruxerunt, villas combusserunt, spolia multa acceperunt (300). Inter quæ filium<sup>525</sup> herilem apud quandam vetulam mulierem inveniunt latitantem. Quem dux ut<sup>526</sup> vidit, quamvis paganus, tamen ut catholicus bonus, misericordia super eum motus etatule ejus<sup>527</sup> et formæ pepercit, et novam urbem in plano loco construens nomine Dragus<sup>528</sup> (301) super ripam fluvii Ogre<sup>529</sup> juxta pagum Postolopirth<sup>530</sup> (302), ubi nunc cernitur sanctæ Mariæ cænobium, tradidit<sup>531</sup> civitatem et puerum pedagogo, cui antea<sup>532</sup> pater suus eum<sup>533</sup> commiserat, nomine Duringo qui fuit de Sribia<sup>534</sup> genere (303), excedens hominem scelere, vir pejor pessimo<sup>535</sup> et omni

mus heros<sup>505</sup> Tyro in confertissimos hostium cu-neos (299).

tenera papavera succideret ferro,

metit ense capita hosticm ;

quasi herinatius,

struem<sup>510</sup> occisorum cecidit.

belua crudelior. Quod utique<sup>536</sup> factum est omnium consilio comitum<sup>537</sup>, ut populus<sup>538</sup> qui dispersus fuerat ad filium herilem, suum quippe principem, ceu spes ad suam materculam confluerent: tunc si quando resistere vellent in plano loco facile capi possent<sup>539</sup>, tum quia cum viro alienigena non tam cito conspiraret plebs indigena<sup>540</sup>. His ita<sup>541</sup> dispositis repedant ad propria cum magna leticia, atque victrices aquilas in sua referunt stacia<sup>542</sup>, Interea scelestus Zribin<sup>543</sup> ille, deterior infidele, perpetrat scelus crudele. Nam quadam die piscatores nunciant stacionem piscium non modicam in placida aqua sub glacie nitida<sup>544</sup>; erat enim glacies perspicua, quam nec adhuc<sup>545</sup> aura corruperat, nec pulvis<sup>546</sup> commaculaverat. Tunc ille Judas secundus<sup>547</sup> Durinch<sup>548</sup>, ratus esse congruum tempus ad excercendam suam nequiciam, quam dudum mala mente, malo<sup>549</sup> animo conceperat in Domini sui<sup>550</sup> necem, ait ad puerum: *Eamus<sup>551</sup> piscari*, quem fraude parabat necare<sup>552</sup>. Quo cum<sup>553</sup> pervenissent, inquit<sup>554</sup>: *O mi dominelle, perspice natantes ecce sub glacie pisces plus quam mille*. At ille, sicut erat puer, pueriliter genua flectens, dum inspicit sub glacie pisces, securus securim tenero collo<sup>555</sup> excepit et cui hostis pepercit, suus eum pedagogus<sup>556</sup> interfecit<sup>557</sup>. Diffugiunt omnes a tali spectaculo. At ille<sup>558</sup> plus quam parricida, quod non potuit uno ictu securis peragit cultello, caput suo dominello abscidens ut porcello, quod abscondens<sup>559</sup> sub clamide velut do-

#### VARIÆ LECTIONES.

<sup>505</sup> cres *superscr. al. manu* heros 1. <sup>509</sup> orto 4. <sup>510</sup> ita *corr.* A stragem A. strugem I. <sup>511</sup> quod 2(b). 4. 4(a). <sup>512</sup> *superscr. al. manu* <sup>513</sup> A Lucensibus 2. Lucensibus 2(b). <sup>514</sup> hominibus 1. <sup>515</sup> hunc *corr.* unum 1. <sup>516</sup> præpeti *corr. alia manu* præ ceteris 1. <sup>517</sup> deletum que A. <sup>518</sup> abscissas 2. 2(b) 3. 7. <sup>519</sup> deest 1. <sup>520</sup> erat 2(b). <sup>521</sup> cruentas 4. 4(a) <sup>522</sup> ejus 1. <sup>523</sup> B. intr. t. i. A. 4. B. t. i. intr. *reliq.* <sup>524</sup> deest 1. <sup>525</sup> deest 4. 4(a). <sup>526</sup> *superscr.* 1. <sup>527</sup> *omissum* 2. <sup>528</sup> Vragus 2(a). Oragus 7. <sup>529</sup> Ozgre 5. 7. <sup>530</sup> Postoloprt 2. Postolopirth 2(b). 7. Postoloporth 4. Postoloprh 4(a). Postolopert 5. <sup>531</sup> vel civitatem eam 1. et civitatem eam 3 7. eandem civitatem *omisso* eam 4. 4(a) <sup>532</sup> ante 4. 4(a). <sup>533</sup> deest 1. <sup>534</sup> Zribia 1. 2. 2(b). 3. 4(a) 7. Zurbia 4. Ztribia 5. <sup>535</sup> pessimus 1. <sup>536</sup> itaque 1. <sup>537</sup> deest 4. 4(a). <sup>538</sup> *recenti manu superscr.* 1. <sup>539</sup> tum si quando — capi possent, *desunt in* 3. 4. 4(a). 7. <sup>540</sup> *corr.* A. <sup>541</sup> hisque *def.* ita A. <sup>542</sup> stacia 2(b). 4. 4(a) spatia 3. 7. <sup>543</sup> Zirbin 4. (a) Zribni 7. <sup>544</sup> nitida A. nova vel nitida 1. s. g. nova 2. 3. 7. in 2(b). 5. a *correctore additum* nitida. n. nova 4. 4(a) <sup>545</sup> deest 4. 4(a) <sup>546</sup> pluvia *subducto* pulvis 2(b) <sup>547</sup> sceleratus *corr.* secundus 2(b). <sup>548</sup> Durinch 2(b). 5. Durinell 3. 7. During 4 Durinh 4(a) <sup>549</sup> que *deest in* 1. 2. 3. 7. <sup>550</sup> vitam A. vitam vel necesse 1. vel necem *rel.* <sup>551</sup> domne *addunt* 4. 4(a). <sup>552</sup> necari 2(b). 4. 4(a) <sup>553</sup> omnes 2. <sup>554</sup> inquit *corr. ex* inquit 2. ait 4. 4(a) <sup>555</sup> securi tenerum collum 4. 4(a) <sup>556</sup> pedagogus 4(a). <sup>557</sup> interfecit 7. <sup>558</sup> Zirbin *addunt* 4. 4(a) <sup>559</sup> abscidens A. 1. 2. 4.

#### NOTÆ.

(299) In carmine populari, p. 105.  
*Tras bricht mit hervor aus Waldsschatten,  
Tras erfasst de Feinds zahllose Haufen.*  
(300) In carmine populari, p. 107:  
*Und die reiche Beute*

*Blinkt vor Neklaus freudehellem Auge,*  
(301) Postero tempore Urahuss nominata.  
(302) Cfr. Dobner ad Haec. II, 302.  
(303) Ex Soraborum, ut videtur, populo oriundus.

mini sui pro honore, munda involvit sindone <sup>560</sup> ut ad ducem, qui sibi eum commiserat, infelix malo suo deferat. Fert sine mora funesta dona, sperans pro tali facto <sup>561</sup> innumera <sup>562</sup> consequi munera, et invenit ducem in Pragensi palatio cum omnibus residentem comitibus in concilio; atque optimum ratus fore, ut in conspectu omnium facinus suum referat in medium, intrat et salutatur ducem, et resalutatus stans exspectat, et ut data est sibi copia fandi, dixit: *En* <sup>563</sup> *ego, en ego* <sup>564</sup> *solus mea effeci securi, ut vos omnes dormitatis in utramque aurem securi* (304). *Sæpe enim una et minima scintilla* <sup>565</sup>, *quam incaute custos domus reliquit sub tenui favilla, excitat ignes magnos, et non solum domum, sed etiam involvit et comburit ipsos* <sup>566</sup> *domos dominos. Hunc ego scintillam præcavens et prævidens in futurum vobis nocituram extinxit, et* <sup>567</sup> *vos* <sup>568</sup> *vestrosque* <sup>569</sup> *posteror a ventura clade, quasi ex divino oraculo præmonitus,*

*Aufer ab aspectu nostro tua* <sup>574</sup> *dona scelestæ, tua scelera excedunt modum et veniam,*

*Ad hoc fugitium nec potest dignum excogitari præjudicium, nec par supplicium.*

*An putas, quod facere non potuissem*

*Nichi autem fuit licitum occidere inimicum,*

*Hoc quod peccasti peccatum*

*Certe quicumque te occiderit*

*non solum peccatum*

*quia et peccatum*

*et peccatum*

*pro utroque peccato triplicatum*

*Verum si pro hoc tam scelere immani aliquod a nobis donativum sperasti, scias tibi pro magno munere hoc dari, ut unum de tribus quam velis eligas mortem. Aut te præcipites ex alta rupe, aut te manibus tuis suspendas in quavis arbore, aut scelerosam vilam tuo finias* <sup>579</sup> *ense. Ad hæc vir* <sup>580</sup> *ingemiscens ait: Heu* <sup>581</sup> *quam male virum* <sup>582</sup> *habet, cum præter spem sibi event. Et statim abiens in alta* <sup>583</sup> *alno se suspendit laqueo; unde alnus illa quamdiu non cecidit, quia juxta viam erat, dicta est alnus Durinci* <sup>584</sup>. Et quoniam hæc antiquis referuntur evenisse temporibus, utrum sint facta an ficta, lectoris iudicio relinquimus. Nunc ea quæ vera fidelium re-

*protegi. Vos autem, qui estis capita terræ, hunc facto nomen invenite. Si est meritum, facile ut omnes sciant, quantum merui; aut si dicilis esse scelus, plus mihi debetis, quod vos ipsi non facitis scelus. An ideo debuistis infanti parcere, quia pater ejus vestrorum infantes interficere et catulos voluit ponere ad sugendum* <sup>570</sup> *vestras conjuges? Certe nec carnes suaves* <sup>571</sup> *rabidi nec suave lupi jus. Ecce paterni sanguinis ultor, vobis quandoque* <sup>572</sup>

*nociturus jacet sine vestro sanguine victus* <sup>573</sup>, *Quin ille potius, accipite regnum ocius, quod sine metu possidebitis in sempiternum felicitus. Et statim protulit caput in disco tenellum, in quo nichil adhuc vivi hominis fuit exterminatum, nisi tantum quod erat voce privatum. Expavit dux, corda tremuerunt comitum, confusum inhorruit murmur. Tunc dux torsit caput a munere nefando et solvit ora talia fando:*

*nec dignam inveniunt vindictam.*

*quod fecisti, si voluissem?*

*sed non tibi dominum.*

*majus* <sup>575</sup> *est, quam dici potest peccatum.*

*vel occidere te judicaverit* <sup>576</sup>,

*sed duplex incurrit peccatum,*

*quod occidaris* <sup>577</sup>,

*quod occidisti dominum,*

*portabit peccatum.*

latio commendat, noster stultus, licet obtusus tamen devotus, ad exarandum digna memoriæ se acuat <sup>578</sup>.

14. Anno dominicæ incarnationis 894, Borivoy <sup>585</sup> baptizatus est, primus dux <sup>587</sup> sanctæ fidei catholice (305). Eodem anno Zuatopulch <sup>588</sup>, rex Moraviæ, sicut vulgo dicitur, in medio exercitu suorum delituit et nusquam comparuit (306). Sed revera tum <sup>589</sup> in se ipsum <sup>590</sup> reversus, cum recognovisset <sup>591</sup> quod contra dominum suum imperatorem et compatrem Arnolphum <sup>592</sup> (307) injuste et quasi immemor beneficii arma movisset—qui sibi non solum Boemiam, verum etiam alias regiones, hinc usque ad flumen <sup>593</sup>

#### VARIÆ LECTIONES.

<sup>560</sup> corr. A. <sup>561</sup> corr. al. manu 1 <sup>562</sup> deest? <sup>563</sup> en en 1 <sup>564</sup> semel 4 (a). <sup>565</sup> scintillula corr. A. scintilla corr. alia manu 1. <sup>566</sup> deest A. <sup>567</sup> et vos — protegi desunt A. <sup>568</sup> et vosque omisso vestros 4. 4(a). <sup>569</sup> utrosque superscr. al. manu vestrosque 1. <sup>570</sup> sugendas 1. <sup>571</sup> deest A. <sup>572</sup> nobis quoque 3. 7. <sup>573</sup> corr. A. <sup>574</sup> deest 4. 4(a). <sup>575</sup> corr. A. <sup>576</sup> in syllaba alia manu superscr. A. <sup>577</sup> occideris 7. <sup>578</sup> corr. al. m. A. <sup>579</sup> finies A. <sup>580</sup> Zirbin add. 4. 4(a). <sup>581</sup> neu repetunt 4. 4(a). <sup>582</sup> vir 4. 4(a). <sup>583</sup> alto 4. 4(a). <sup>584</sup> Durinci 7. <sup>585</sup> hic in inferiori marg. 2 (b). alia manu scripta leguntur: quæ hic desunt adscribe. Est autem in chartula separata narratio de Borivoyii baptismo ex Christanno adjecta a verbis: at vero homines Bohemi ipso sub, etc. usque ad verba populum Christo Domini acquirentes D. <sup>586</sup> Borivy 1. Borivoy 4 <sup>587</sup> Buemiam in margine 2. alia manu. Boemorum addunt 4. 4(a). <sup>588</sup> Zuatopulch 4. Zuatoplick (2 b). 7. Zwatopluck 3. Zvatopluc 4. 4(a). <sup>589</sup> tum linea confossum alio atramento in 2. dum 7. refertur 5. <sup>590</sup> deest A. <sup>591</sup> cognov. A. <sup>592</sup> Arnolphum 2. 2 (b). <sup>593</sup> fluvium 7.

#### NOTÆ.

(304) Terentii Heautont. II, 3, 101.

(305) Anno 895 Borivoy ducem inter vivos non fuisse probant Annales Fuldenses, in quibus legitur Spitigneum et Witizlam Boemorum duces ad Arnul-

fum regem Radisbonam venisse.

(306) Nihil tale apud Regionem aut Fuldensem scriptorem exstat.

(307) Cf. Regino 890.

Ogram<sup>594</sup>, et inde versus Ungariam usque ad fluvium<sup>595</sup> Gron (303) subjugarat<sup>596</sup>, — penitentia ductus, mediæ noctis per opaca, nomine senciente<sup>597</sup>, ascendit equum, et transiens sua castra fugit ad locum in latere montis Zober situm<sup>598</sup>, ubi olim tres heremitæ inter magnam et inaccessibilem hominibus silvam ejus ope et auxilio ædificaverant<sup>599</sup> ecclesiam (309). Quo ubi pervenit, ipsius silvæ in abdito loco equum interfecit<sup>600</sup>, et gladium suum humi condidit, et ut lucescente die ad heremitas ascendit<sup>601</sup>, quis sit illis ignorantibus, est tonsuratus et heremitico habitu indutus, et quamdiu vixit omnibus incognitus mansit; ubi<sup>602</sup> cum jam se<sup>603</sup> mori cognovisset<sup>604</sup>, monachis semetipsum, quis sit, innotuit et statim obiit. Cujus (310) regnum filii ejus parvo<sup>605</sup> tempore sed minus feliciter tenuerunt, partim<sup>606</sup> Ungaris illud diripientibus, partim Teutonibus<sup>607</sup> orientalibus, partim Poloniensibus solentibus hostiliter depopulantibus.

15. Borivoy autem genuit duos filios Spitigneum<sup>608</sup> et Wratizlaum<sup>609</sup> ex ea quæ fuit filia Zlavoboris<sup>610</sup> comitis de castello Psow<sup>611</sup> (311) nomine Ludmila<sup>612</sup> (312). Quo feliciter universæ carnis viam ingresso, successit paternum in principatum Spitignev<sup>613</sup>; post cujus obitum obtinuit Wratizlav<sup>614</sup> ducatum (313), qui accepit uxorem nomine Dragomir de durissima gente Luticensi, et ipsam saxis duriorum ad credendum, ex provincia nomine Stodor<sup>615</sup> (314). Hæc peperit binos natos<sup>616</sup>, Wencezlaum<sup>617</sup> Deo et hominibus acceptabilem, et Bolezlaum<sup>618</sup> fraterna cede execrabilem. Qualiter autem gratia Dei semper præveniente et ubique subsequente, dux<sup>619</sup> Borivy adeptus sit sacramentum baptismi aut quomodo per ejus successores his in partibus de die in diem sancta processerit<sup>620</sup> religio catholicæ fidei, vel qui dux quas aut quot primitus ecclesias credulus erexit ad laudem Dei, ma-

luitimus<sup>621</sup> prætermittere quam fastidium legentibus ingerere, quia jam ab aliis scripta legimus: quædam in privilegio Moraviensis ecclesiæ, quædam in epilogo<sup>622</sup> ejusdem<sup>623</sup> terræ atque Boemiæ, quædam in vita vel passione sanctissimi nostri patroni et martiris<sup>624</sup> Wencezlai<sup>625</sup> (315); nam est escæ execrantur quæ sæpius sumuntur. Inter<sup>626</sup> hos autem annos quos infra subnotavimus<sup>627</sup> facta sunt hæc, quæ supra<sup>628</sup> prælibavimus: non enim scire potuimus, quibus annis sint gesta sive<sup>629</sup> temporibus<sup>630</sup>.

*Addit cod. 7 sequentia*: Interea deficiente nostra materia, quam nemo illius temporibus hominum, clericorum seu laicorum memoriæ commendavit posteriorum, rursus ad nobilia facta Romanorum imperatorum recurramus.

16. Anno dominicæ incarnationis 895.

Anno dominicæ incarnationis 896.

Anno dominicæ incarnationis 897.

Anno dominicæ incarnationis 898.

Anno dominicæ incarnationis 899.

Anno dominicæ incarnationis 900.

Anno dominicæ incarnationis 901.

Anno dominicæ incarnationis 902.

Anno dominicæ incarnationis 903.

Anno dominicæ incarnationis 904.

Anno dominicæ incarnationis 905.

Anno dominicæ incarnationis 906.

Anno dominicæ incarnationis 907.

Anno dominicæ incarnationis 908.

Anno dominicæ incarnationis 909.

Anno dominicæ incarnationis 910.

Anno dominicæ incarnationis 911.

Anno dominicæ incarnationis 912.

Anno dominicæ incarnationis 913.

Anno dominicæ incarnationis 914.

Anno dominicæ incarnationis 915.

#### VARIE LECTIONES.

<sup>594</sup> ita A. Ogram rel. <sup>595</sup> flumen 4. 7. <sup>596</sup> subjugaverat corr. al. manu l. <sup>597</sup> sciente corr. 1.3.7. <sup>598</sup> s. Z. A. <sup>599</sup> syllabæ erant al. manu additæ 1. ædificaverat 2. 4 (a). <sup>600</sup> interfecit 4, 4 (a). <sup>601</sup> accessit 1.2.4.7. <sup>602</sup> ita A. deest 1. nisi rel. <sup>603</sup> superscript. alia manu A. deest 1. addunt 4. 4 (a). <sup>604</sup> et addit A. <sup>605</sup> pauco 1. 2. 4. <sup>606</sup> pariter 1. <sup>607</sup> Theutonis 4. <sup>608</sup> ita A.2. Zpitigneum rel. <sup>609</sup> Wratizlaum 2 (b). 4 (a) 7. <sup>610</sup> Zlavoboris 2 (b). 3, 7. Zlavoboris 4.4 (a). <sup>611</sup> Psow 2, 2 (b), 4 (a), 5, 7. Peon. 3. <sup>612</sup> Ludmila 2 (b). Ludmilla 4. 4 (a). <sup>613</sup> Zpitignev 2 (b) 7. Zpitignem 3. <sup>614</sup> Wratizlav 2. Wratizlav 3. Wratizlav 4. 4 (a). <sup>615</sup> Stodor 7. <sup>616</sup> deest 1. <sup>617</sup> Wencezlaum 2. <sup>618</sup> Boleslaum 2. <sup>619</sup> deest 2 (b), 3, 5, 4 (a). <sup>620</sup> processit 2. <sup>621</sup> malumus 3. <sup>622</sup> epilogo 1. <sup>623</sup> dem addidit alia manus A. <sup>624</sup> Christi addunt 4, 4 (a). <sup>625</sup> Wencezlavi 1. <sup>626</sup> intra 7. <sup>627</sup> ita corr. al. manus 1, subnotamus 2, 4, 7. *Omissis verbis quos inf. subnot legit 2 (b), annum videlicet dom. incarn. 895, et annum 929. Inde annorum subnotationem omittit.* <sup>628</sup> scripta 3. <sup>629</sup> sunt gesta vel 2 (b). <sup>630</sup> Deficiunt in 7, omnia quæ leguntur usque ad annum 967. *Sequentium annorum numeri desunt 7 (a).*

#### NOTÆ.

(308) Gran. Vide Dobneri commentationem Von den G. renzen Altmahrens in Bronii Abhandlungen einer Privatgesellschaft in Bohmen VI.1. et Dobrowskii Bemerkungen über das alte Mährische Reich in Monatschrift des Böhmischen Museums I. Febr. p 64.

(309) Quo in monte postea conditum est monasterium S. Hippolyti. De eodem monte fusius disseruit notarius Belæ, c. 37. Schwandtner I, 24.

(310) Sequentia sunt verba Reginonis.

(311) Bssov. eo loco situm quo hodie Melnik urbs exstat.

(312) Jassu Dragomiræ nurus die 15 Sept. 927,

ut creditur, martyrio obiit. Cf. Dobner ad Haec. III, 544.

(313) Fenebris vix dispellendis horum principum tempora premuntur. Dobner III, 502. Spitignevi obitum ad a. 922. Wratizlavi ad a. 925 revocavit, quod vero conjectura magis quam certis argumentis innititur.

(314) Quæ Hevellum dicitur. Thietmar. IV, 20. Conf. quoque Adami Bremensis locum II, 48.

(315) Est Vita S. Wencezlavi quam conscripsit Gumpoldus episcopus Mantuanus Mon. Germ. SS. IV, 213.



Anno dominicæ incarnationis 916.

Anno dominicæ incarnationis 917 <sup>631</sup>.

Anno dominicæ incarnationis 918 <sup>632</sup>.

Anno dominicæ incarnationis 919 <sup>633</sup>.

Anno dominicæ incarnationis 920.

Anno dominicæ incarnationis 921.

Anno dominicæ incarnationis 922.

Anno dominicæ incarnationis 923 <sup>634</sup>.

Anno dominicæ incarnationis 924.

Anno dominicæ incarnationis 925.

Anno dominicæ incarnationis 926.

Anno dominicæ incarnationis 927.

Anno dominicæ incarnationis 928.

Anno dominicæ incarnationis 929. 4 Kalend. Octobris sanctus Wenczelus, dux Boemiorum, fraterna fraude martirizatus Bolezlav (316) in urbe <sup>635</sup>,

intrat perpetuam cœli feliciter aulam <sup>636</sup> (317).

Nam Bolezlav, haud <sup>637</sup> dignus dici sanotiviri germanus, quam <sup>637</sup> fraudulenter fratrem suum invitaverit ad convivium, quem potius machinabatur <sup>638</sup> obregni retinendi gubernacula <sup>639</sup> necandum, aut qualiter coram hominibus sed non apud Deum, dissimulaverit fratricidii reatum, sufficienter dictum puto in passionis ejusdem sancti viri tripudio (318). Cujus post vitæ bravium alter Cain Bolezlav heu! male adoptatum obtinuit ducatum. Hæc autem inter convivia quæ <sup>640</sup>, ut supra retulimus, fraterna cæde execrabilia, nascitur proles eximia ducis Bolezlai <sup>641</sup> ex conjugē egregia, cui ex eventu rerum nomen est inditum Ztrahquaz <sup>642</sup>, quod nomen sonat *terribile convivium*. Quod enim terribilius potest esse convivium, quam in quo <sup>643</sup> perpetratur fratricidium? Ergo dux Bolezlav, sceleris patrati <sup>644</sup> conscius, timens penas Tartari, mente semper recolens sagaci quoque modo possit Deus super hoc crimine placari, votum vovit Domino dicens: *Si iste meus filius* <sup>645</sup>, inquit, *superstes fuerit, ex toto corde meo Deo eum voveo, ut clericus sit et serviat Christo omnibus diebus vitæ suæ, pro meo peccato et hujus terræ pro* <sup>646</sup> populo.

48. Post <sup>647</sup> hæc genitor voti non immemor, cum

#### VARIÆ LECTIONES.

<sup>631</sup> DCCCCXII. 1. <sup>632</sup> DCCCCXIII. 1. <sup>633</sup> DCCCCXIV. 1. <sup>634</sup> *Ab hoc loco desunt in codice 4(a), aliquot folia usque ad verba: honores fugio, pompas seculi despicio, quæ a 994, I, 26, leguntur.* <sup>635</sup> urbem. *omisso* Boleslav 3. <sup>636</sup> in aulam 2. <sup>637</sup> *corr. al. manu A.* <sup>638</sup> *machinaretur. 1.* <sup>639</sup> *gubernaculum 2(b).* <sup>640</sup> *omissum 3, ut deest 4.* <sup>641</sup> Bolezlavi 1. <sup>642</sup> *ila A. 4. Ztrahkwaz 2. Strahquaz alii.* <sup>643</sup> *i. q. superscr. alia manu A.* <sup>644</sup> *c. sc. p. 1.* <sup>645</sup> *Strahquaz addet 4.* <sup>646</sup> *deest A.* <sup>647</sup> *Pot 1.* <sup>648</sup> *discederet 3.* <sup>649</sup> *Ratisbonam 2, hic et deinceps.* <sup>650</sup> *disciplinis et addit collator 2(b).* <sup>651</sup> *ibi ecclesiasticis — imbutas desunt 4.* <sup>652</sup> *reperire A.* <sup>653</sup> *superfer. alia manu 1.* <sup>654</sup> *Boemorum addit 4.* <sup>655</sup> *impetrat 2(b).* <sup>656</sup> *deest A.* <sup>657</sup> *corr. alia manu A. 1.* <sup>658</sup> *beati addit 4.* <sup>659</sup> *cum 2.* <sup>660</sup> *spiritalem 1, 4.* <sup>661</sup> *deest A.* <sup>662</sup> *tum — Dei desunt 4.* <sup>663</sup> *timorem et amorem A.* <sup>664</sup> *per addunt A. 2.* <sup>665</sup> *in deest 2,* <sup>666</sup> *ila A. deest rel.* <sup>667</sup> *deest 3.* <sup>668</sup> *corr. al. manu 1, repedabat 3.* <sup>669</sup> *incarnem. A.* <sup>670</sup> *Henrici A.* <sup>671</sup> *corr. A. Edgid rel deest 5.* <sup>672</sup> *quæ ad hunc et præcedentem annum leguntur, desunt 4.*

#### NOTÆ.

(316) Bunzlau.

(317) Cf. Gumpoldi Vita Wenczelavi c. 47-49. In constituenda chronologia longæ veritate aberravit Cosmas: S. Wencelavus interfectus est a. 935. Conf. Jahrbücher des deutschen Reichs unter den Sachs Kaisern. 1, 2, p. 7.

(318) I. e. in libro quo mors ejus celebratur.

(319) Michaeli, Ratisponensi episcopo et S. Emmerami abbati, qui munere suo functus et inde ab

A esset jam puer docibilis et multum parentibus amabilis, non ferens pater ut suis disceret <sup>648</sup> præ oculis, misit eum Radisponam <sup>649</sup> tradens sub regulares alas abbati sancti Emmerammis martiris (319). Ibi ecclesiasticis et regularibus <sup>650</sup> sanctionibus est imbutus <sup>651</sup>, ibi monachico habitu indutus, ibi usque ad virile robur est enutritus; de cætero ejus vitæ cursu in sequentibus sat manifestabitur. De actibus autem ducis Bolezlai nihil aliud dignum relatione percipere <sup>652</sup> potuit nisi unum, quod vobis operæ precium pandere duxi. Nam servus Dei Wenczelav ecclesiam in metropoli Praga sub honore sancti <sup>653</sup> Viti martyris constructam non tamen consecratam morte præventus, reliquit. Hanc ut consecrare dignaretur, qui tunc præerat Ratisponensi ecclesiæ præsul nomine Michael, dux <sup>654</sup> Bolezlav supplex, missis legatis cum magnis muneribus et majoribus promissionibus atque pollicitationibus, quo petitionem suam adimpleret, vix impetravit <sup>655</sup> (320). Quod utique <sup>656</sup> haud <sup>657</sup> annuisset præsul, nisi ob recordationem animæ et salutem <sup>657</sup> Wenczelai amici sui jam interfecti id deliberasset fieri, quia vir Dei Wenczelav, dum carne viguerat, nimio eum <sup>658</sup> effectu coluerat utpote patrem spiritualem <sup>659</sup> et benignissimum præsulem. Nam et <sup>660</sup> præsul Michael similiter hunc sibi adoptaverat in filium dilectissimum, tum <sup>661</sup> sæpe instruens timore et amore <sup>662</sup> Dei, tunc sæpe mittens ei <sup>663</sup> sua donaria, quibus maxime illo in tempore indigebat nova ecclesia Christi. Mox ubi dux est factus compos vcti, plebs universa et proceres atque clerici obviam advenienti episcopo ruunt devoti, et cum magno honore et læticia recipiunt eum in <sup>664</sup> metropoli Pragæ ædificia. Quid multa? 10 Kalend. Octobris dedicata est <sup>665</sup> S. Viti martyris <sup>667</sup> ecclesia, lætus repedit <sup>668</sup> præsul ad propria.

19. [Reg.] Anno dom. inc. <sup>669</sup> 930. Otto filius Heinrici <sup>670</sup> imperatoris, Eggid <sup>671</sup> filiam Anglorum regis, duxit uxorem.

Anno dom. inc. 931. Heinricus imperator regem Abotridorum et regem Danorum effecit Christianos <sup>672</sup>.

anno 944. Conf. Annales S. Emmerami minores Mon. Germ. I, 94.

(320) Gumpoldus ecclesiam temporibus S. Wenczelai a Tutone consecratam esse tradit, c. 15. Tuto vero obiit non post annum 932, quo successor ejus Isengrimus interfuit synodo Dingolivingæ; vid. Mansi XVIII, 361. Cæterum conf. quæ de hac re disseruit Dobner ad Hai. III, 624.

Anno dom. inc. 932 <sup>673</sup> 4 <sup>674</sup> Nonas Martii translatum est corpus S. Wenczelai martiris de Bolezlay <sup>675</sup> oppido in urbem Pragam invidi fratris odio (321). Siquidem frater ejus Bolezlaus de die in diem pejus faciens et pejus <sup>676</sup>, nulla compunctus sui facinoris pœnitentia, mente non <sup>677</sup> tulit <sup>678</sup> tumida, quod per martiris sancti <sup>679</sup> Wenczelai merita Deus declararet innumera ad ejus tumbam <sup>680</sup> miracula, clam sibi fidis clientibus mandat, quo eum in urbem Pragam transferentes, noctu in ecclesia sancti Witi humi condant, quatenus, si quæ Deus mira suis ostenderet ad gloriam sanctis, non ejus fratris, sed sancti Witi martiris ascriberetur meritis. Cætera ejus malefacta nec dux relatione digna, nec pro certo habui comperta. Unum tamen ejus satis audax et memorabile facinus quod retro dierum in juventute sua fecit, vestræ caritati referre cupimus. Fuit enim iste dux Bolezlaus — si dicendus est dux, qui fuit impius atque tyrannus sæviior Herode, truculentior Nerone, Decium superans scelerum immanitate, Diocletianum crudelitate, unde sibi agnomen <sup>681</sup> ascivit *sævus Bolezlaus* ut diceretur <sup>682</sup> — tantæ enim fuit severitatis, ut nichil consilio, nichil ratione regeret, sed omnia pro sua voluntate atque impetu animi ageret. Unde factum est ut in mente conciperet, quo sibi urbem Romano opere (322) conderet. Moxque populi primates <sup>683</sup> convocat in unum et usque ad unum, et deducens eos in lucum <sup>684</sup> juxta flumen Labe <sup>685</sup> (323) atque designans locum, operit eis sui cordis secretum <sup>686</sup>. *Hic inquit, colo et jubeo ut mihi <sup>687</sup> opere Romano ædificetis murum urbis nimis altum per girum. Ad hæc illi: Nos qui sumus, inquit, populi fauces (324) et tenemus dignitatum fasces, nos tibi abrenuntiamus, quia neque scimus neque volumus facere quod præcipis, neque enim patres nostri tale quid antea fecere <sup>688</sup>. Ecce in tuis conspectibus <sup>689</sup> assistimus <sup>690</sup>, et potius tuo gladio quam importabili servitutis jugo nostra colla submittimus. Pac quod velis, non enim tuis obtemperabimus <sup>691</sup> jussis.* Tunc dux <sup>692</sup> diram exarsit in iram, et prosiliens stetit in putrido truncato, qui forte tunc ibi jacuit in luco <sup>693</sup>, et evaginato gladio dixit: *O ignavi et patrum ignavorum filii S.*

#### VARIAE LECTIONES.

<sup>673</sup> DCCCCXXXI. 4. <sup>674</sup> intra nonas 3. <sup>675</sup> Bolezlau 1, et deinceps, <sup>676</sup> prius A. <sup>677</sup> nam 4. <sup>678</sup> intulit 1. <sup>679</sup> sui A. 4. <sup>680</sup> tumulum 3. <sup>681</sup> nomen 2, cognomen 2 (b). <sup>682</sup> dr A. <sup>683</sup> prim. pop. A. <sup>684</sup> ita 4, locum rel. <sup>685</sup> Albe 1, alia manu adscriptum. Albim 2 (b), <sup>686</sup> secreta 4. <sup>687</sup> deest 4. <sup>688</sup> corr. 1. <sup>689</sup> aspectibus 3. <sup>690</sup> consistimus 1. <sup>691</sup> obtemperamus 2, 2 (b). <sup>692</sup> Bolezlaus addit 4. <sup>693</sup> luto 2, luco 2 (b). *posito to super co.* <sup>694</sup> non addunt A. 1, 2 (b). 4. <sup>695</sup> cultores 3. <sup>696</sup> pili corr. piri 2 (b). <sup>697</sup> corr. A. <sup>698</sup> levi 1. <sup>699</sup> ac addit 4. <sup>700</sup> i. t. alia manu 1. <sup>701</sup> bolezlaus addit 4. <sup>702</sup> ita corr. 1, cinninos A. circinos rel. <sup>703</sup> amputat 1. <sup>704</sup> Bolezlai addit 4. <sup>705</sup> deest A. <sup>706</sup> superser. A. <sup>707</sup> Boleslaum 3. <sup>708</sup> *Sequentia desunt in cod. 7 (a), usque ad annum 967.* <sup>709</sup> Calliam 2. <sup>710</sup> ita A. h. l. Heinricus 3, et sic porro. <sup>711</sup> Ung. H. r. A. <sup>712</sup> plerosque 3. <sup>713</sup> in regnum add. 4. <sup>714</sup> dux Bavariorum 2 (b), rex Bavariorum 3. <sup>715</sup> deest A. <sup>716</sup> debellant 2. <sup>717</sup> Gisalbam 3, Gisalberti 4. <sup>718</sup> Eodem anno cometes apparuit. addit 4. <sup>719</sup> i. 941, desunt 1.

#### NOTÆ.

(321) Gumpoldi Vita S. Wenczelai, c. 23. Quod a. 938 factum sit necesse est, si revera tribus annis post martyrrium S. Wenczelai ossa ejus Pragam translata sunt.  
(322) I. e. urbem muris lapideis munitam, cfr.

*A non estis semiviri aut <sup>694</sup> non viliores <sup>695</sup> peripsimate piri <sup>696</sup>, factis dicta comprobate, et utrum gladio an servitutis <sup>697</sup> jugo sit <sup>698</sup> levius <sup>699</sup> colla submittere temptate.* Erat res spectaculo digna et audacis procacitate ducis ammiranda. Nam si mille dexteras in uno corpore <sup>699</sup> armatas haberet, non in tantum <sup>700</sup> tanta turba hominum trepidaret. Quos ut vidit dux <sup>701</sup> buxo præ timore pallidiores, unum, qui fuit primus inter seniores, apprehendens per cincinnos <sup>702</sup> verticis ut fortius valuit, percuciens amputavit <sup>703</sup> ceteri papaveris caput, et inquit:

*Sic volo, sic faciam, sit pro ratione voluntas (325),* Cæteri hoc cernentes sero pœnitentia ducti, occiderunt ad genua ducis <sup>704</sup> veniam cum lacrimis postulant. *Jam, inquit, domine, nostris parce culpis, B jam per omnia tuis obtemperabimus jussis, jam ultro <sup>705</sup> facimus quæcunque velis ne sis nobis ultra crudelis.* Et statim ad ducis voluntatem ædificant civitatem spisso et <sup>706</sup> alto muro, opere Romano, sicut hodie cernitur, quæ ex nomine sui conditoris Bolezlav <sup>707</sup> dicitur <sup>708</sup>.

20. [CONT. REGIN.] Anno dom. incarn. 933 Ungari orientales Francos et Alamanniam atque Galliam <sup>709</sup> devastantes, per Italiam redierunt.

Anno dom. inc. 934. Heinrichus <sup>710</sup> rex Ungaros <sup>711</sup> multa cæde prostravit, pluresque <sup>712</sup> ex iis comprehendit.

Anno dom. inc. 935. Heinrichus rex paralyti percutitur.

Anno dom. inc. 936. obiit Heinrichus rex, cui successit <sup>713</sup> filius ejus Otto imperator.

Anno dom. inc. 937. Arnolfus dux Bavariorum <sup>714</sup> obiit.

Anno dom. inc. 938. Ungari iterum a Saxonibus multa cæde devastantur, et <sup>715</sup> filii ducis Arnolphi regi rebellant <sup>716</sup> Ottoni.

Anno dom. inc. 939. Luduicus rex Gerpigam viduam Gisalberti <sup>717</sup> duxit uxorem <sup>718</sup>.

Anno dom. inc. 941. [CONT. REGIN.] Heinricho, fratri regie, Lothariensis ducatus committitur, et eodem anno inde expellitur.

Anno dom. inc. 941 <sup>719</sup>. Heinrichus frater re-

Thietmar. I., 10.

(323) Albia.

(324) I. e. caput, primates.

(325) Juvenal., sat. VI, 223.

gis <sup>730</sup> eum quibusdam Saxonibus contra regem A conspirat, sed nil nocere potuit.

Anno dom. inc. 942. sidus simile cometæ per 14 noctes visum est, et immensa mortalitas boum <sup>731</sup> secuta est.

Anno dom. inc. 943. Otto dux obiit, cui Conradus filius <sup>732</sup> Werinheri <sup>733</sup> in ducatum <sup>734</sup> successit.

Anno dom. inc. 944. Ungari a Carantanis <sup>735</sup> multæ cæde mactantur.

Anno dom. inc. 945. Bertholdus <sup>736</sup> dux Bawariensis <sup>737</sup> obiit, cui Heinricus frater regis successit.

Anno dom. inc. 946. Luduicus rex a suis <sup>738</sup> regno expellitur <sup>739</sup>.

Anno dom. inc. 947. Domna Edgid <sup>740</sup> regina B obiit.

Anno dom. inc. 948. sinodus in Inglenheim <sup>741</sup> a 34 numero <sup>742</sup> episcopis habita est.

Anno dom. inc. 949. Liudolfo filio regis Machtildis <sup>743</sup> filia nascitur.

Anno dom. inc. 950. dux Boemorum Bolezlaus regi rebellabat <sup>744</sup>, quem rex valida manu adiit sumeque per omnia dicioni subdidit <sup>745</sup>.

Anno dom. inc. 951. rex Otto in Italiam perrexit.

Anno dom. inc. 952 <sup>746</sup>.

Anno dom. inc. 953.

Anno dom. inc. 954.

Anno dom. inc. 955.

Anno dom. inc. 956.

Anno dom. inc. 957.

Anno dom. inc. 958.

Anno dom. inc. 959.

Anno dom. inc. 960.

Anno dom. inc. 961.

Anno dom. inc. 962.

Anno dom. inc. 963.

Anno dom. inc. 964.

Anno dom. inc. 965.

Anno dom. inc. 966.

21. Anno dom. inc. 967 <sup>747</sup>. Idus Julii dux, cui

agnomen <sup>738</sup> sævus Bolezlaus, male mercatum fraterno sanguine ducatum cum vita amisit. Cui filius ejus æquivocus in principatum successit, multum dissimilis patri moribus bonis et conversatione spiritali <sup>739</sup>. O mira Dei clemencia <sup>740</sup>! O quam incomprehensibilia ejus sunt judicia! ecce de rubo uva, de spinis rosa, de tribulis ficus gignitur <sup>741</sup> generosa: videlicet de fratricida prodit christiicola, de lupo agnus, de tyranno <sup>742</sup> modestus, de impio Bolezlaeo nascitur secundus Bolezlaus dux, nulli probitate secundus. Neque eum contaminat iniqui patris æquivocatio, in quo verus <sup>743</sup> Christi fervebat amor et pura dilectio <sup>744</sup>; nam sicut multi nomina sanctorum sortiuntur <sup>745</sup>, nec tamen sanctitatem <sup>746</sup> assequuntur, quoniam neque sanctitas neque iniquitas ex nomine, sed pro merito hæc utraque dinoscuntur <sup>747</sup> in homine <sup>748</sup>.

22. Erat autem iste <sup>749</sup> princeps, secundus Bolezlaus, vir christianissimus, fide catholicus, pater orphanorum <sup>750</sup>, defensor viduarum, gementium consolator, clericorum et peregrinorum pius susceptor, ecclesiarum Dei præcipuus fundator. Nam ut <sup>751</sup> privilegio ecclesie sancti Georii <sup>752</sup> legimus, 20 ecclesias christianæ religioni credulus erexit, et eas omnibus utilitatibus quæ pertinent ad ecclesiasticos usus sufficienter ampliavit. Hujus fuit germana soror nomine Mlada, virgo Deo devota, sacris litteris erudita <sup>753</sup>, christianæ religioni dedita, humilitate <sup>754</sup> prædita, alloquio blanda, pauperibus et orphanis faulrix larga, ac omni morum honestate decorata. Quæ dum causa orationis Romam veniret <sup>755</sup>, benigne ab apostolico (326) suscipitur: ubi tempore aliquanto degens, monasticis sat disciplinis imbuitur, et ad ultimum domnus papa suorum cardinalium consilio <sup>756</sup>, immo volens novæ ecclesie benigno <sup>757</sup> subvenire <sup>758</sup> suffragio, consecrat eam abbatissam <sup>759</sup>, mutato nomine Mariam <sup>760</sup>, dans ei sancti Benedicti regulam et abbaticam virgam. Post hæc nova abbatissa novam et sanctam illatura <sup>761</sup> Boemæ terræ monachicam <sup>762</sup> regulam, accepta licentia et benedictione apostolica, equitat in dulcem patriam cum suo comitatu valde læstifi-

#### VARIÆ LECTIONES.

<sup>730</sup> Ottonis addit supra textum 2 (b). <sup>731</sup> bovum 1. <sup>732</sup> filius — successit *desunt* 5. <sup>733</sup> Werinari A. Veneri 3; <sup>734</sup> ducatu 2 (b), 3. <sup>735</sup> Carinthiis 3. <sup>736</sup> Berdoldus 1, Bertoldus 2. <sup>737</sup> Bavarie 3. <sup>738</sup> a suis *desunt* A. assuis suo 1, 4. <sup>739</sup> exp. r. A. <sup>740</sup> Edid. *omisso* domina 3, domna Hedgyd 4. <sup>741</sup> Ingelenheim 3, Inglinheim 4. <sup>742</sup> numero *desunt* A. XXXIV 2 (a), 2 (b), 4, *sed in* 2 (b), *in margine*: alii 30. *In* 2, *post* Inglenheim omnia omisa sunt relicto *rasuræ* vestigio <sup>743</sup> Mechtildis 3. <sup>744</sup> rebellat A. rebellavit 3, <sup>745</sup> subjugavit 3. <sup>746</sup> Solos annorum 752-968 numeros exhibent antiquissimi duo codices A. 1, *desunt* prorsus in reliquis. *In* cod. 2, verba quæ sequuntur ad a. 967, de rubo uva — patris æquivocatio *perverse* distributa sunt per annos 952-957, quod miro errore inductus in textum recepit Dobrowski. Anno dom. inc. 951, *repetit* 4. <sup>747</sup> DCCCCLXII. Sequuntur in 4, anni dom. inc. 968, 969, 970, 971 *et* ad annum 972 *legitur* mors Bolextai. Quæ ad annum 967 *narrantur*, *leguntur etiam* in 7, 7 (a). <sup>748</sup> cognomen 2 (b). <sup>749</sup> spiritali 7, <sup>750</sup> el. D. A. <sup>751</sup> corr. A. <sup>752</sup> tyranno 1. <sup>753</sup> corr. A. <sup>754</sup> dilectio 1. <sup>755</sup> sociuntur 1. <sup>756</sup> sanctitate 7. <sup>757</sup> dinoscitur A. <sup>758</sup> nomine 4. <sup>759</sup> corr. A. <sup>760</sup> et addit A. <sup>761</sup> uti 2 (b) <sup>762</sup> Georgii 1. <sup>763</sup> s. l. e. *desunt* 5. <sup>764</sup> humilitati 2, humilitate — larga *desunt* 5. <sup>765</sup> ad limina sanctorum apostolorum Petri et Pauli *addit* 4. <sup>766</sup> ex c. card. A. <sup>767</sup> benigniss. 3. <sup>768</sup> *in margine* A. *appositum*. <sup>769</sup> corr. 1. <sup>770</sup> Maria 3. <sup>771</sup> alatura 1. <sup>772</sup> monachicam 1.

#### NOTÆ.

(326) Joanne XIII.

cato. Ventum erat ad regiam urbem Pragam, et dux Bolezlaus diu desideratam honorifice recepit sororem amantissimam, et inter se manibus conser- tis subeunt regalia; ubi simul residentes diu mutuis alternatim sermonibus dum fruuntur, dum multa quæ vidit Romæ sive <sup>763</sup> audivit relatione digna et admiratione <sup>764</sup>, fratri suo refert <sup>765</sup>, insu- per litteras ex parte apostolici sibi directas obtulit <sup>766</sup>, quarum formula hujusmodi fuit: *Johannes* <sup>767</sup>, *servus servorum Dei* <sup>768</sup>, *Bolezlao* <sup>660</sup> *catholicæ fidei alumno apostolicam benedictionem. Justum est benivolus aures justis accommodare petitionibus: quia Deus est justitia, et qui diligunt Deum* <sup>770</sup> *justifica- buntur, et omnia diligentibus Dei* <sup>771</sup> *justitiam coope- rantur in bonum. Filia nostra, tua relativa (527), nomine Mlada, quæ et Maria, inter cæteras haud* <sup>772</sup> *abnegandas petitiones cordi nostro dulces intulit ex parte tui preces, scilicet ut* <sup>773</sup> *nostro assensu* <sup>774</sup> *in tuo principatu ad laudem et gloriam Dei* <sup>775</sup> *ecclesiæ lice- ret fieri episcopatum. Quod nos utique læto animo suscipientes, Deo gratias* <sup>776</sup> *retulimus, qui suam ecclesiam semper et ubique dilatat et magnificat in om- nibus nationibus. Unde apostolica auctoritate et sancti Petri principis apostolorum potestate, cujus licet indigni, tamen sumus vicarii* <sup>777</sup>, *annuimus et collaudamus* <sup>778</sup> *atque incanonizamus, quo ad* <sup>779</sup> *ecclesiam sancti Viti et Wenceslai martirum* <sup>780</sup> *fiat sedes epi- scopalis; ad ecclesiam vero sancti Georii martiris, sub regula sancti Benedicti et obedientia filix nostræ, abbatissæ Mariæ, constituatur congregatio sanctimo- nialium* <sup>781</sup>. *Verum tamen non secundum ritus aut sciam Bulgarix gentis vel Ruzix* <sup>782</sup> (328), *aut Scla- vonicæ,* <sup>783</sup> *linguæ, sed magis sequens* <sup>784</sup> *instituta et decreta apostolica, unum potius locius ecclesiæ ad*

*placitum elegas in hoc opus clericum, Latinis ad prime litteris eruditum, qui verbi vomere novalia cordis gentilium scindere et triticum bonæ operationis serere atque manipulos frugum vestræ fidei Christo reportare sufficiat. Vale. Et statim, ut jussum fuerat, consilio ducis et abbatissæ sancti Viti* <sup>786</sup> *ecclesia* <sup>787</sup> *decer- nitur futuro episcopo (329), ecclesia vero sancti Georii martiris (330) ad præsens datur abbatissæ, ducis sorori, Mariæ.*

23. Igitur quidam de Saxoniam vir miræ eloquentiæ et literalis scientiæ, nomine Dethmarus <sup>788</sup>, presbi- ter promotione, monachus professione, olim in antea diebus causa orationis venerat Pragam: qui dum ducis secundi Bolezlai devenire <sup>789</sup> ad noti- ciam, in brevi tempore magnam ejus gratiam adeptus fuerat et amicitiam. Et quoniam Slavonicam perfecte <sup>790</sup> linguam sciebat, hunc per suos legatos dux advocat; clerum, primates terræ et populum convocat, atque suis precibus et monitis efficit, ut eum sibi in episcopum omnes communi assensu <sup>791</sup> eligant. Postera <sup>792</sup> autem die ut dici placuit, favori- rali <sup>793</sup> acclamatione ab omnibus in episcopum De- thmarus eligitur, ad imperatorem christianissimum Ottonem (331), filium Heinrichi imperatoris <sup>794</sup>, ex parte ducis et totius cleri atque plebis cum his transmittitur litteris <sup>795</sup>.

*O gloriosissime* <sup>796</sup> *imperator et Christianæ reli- gionis maxime cultor* <sup>797</sup>, *suscipe nostras clemens et totius cleri atque populi preces, et hunc virum per* <sup>798</sup> *omnia aprobatum* <sup>799</sup>, *nomine Dethmarum* <sup>800</sup>, *quem nobis in pastorem eligimus* <sup>801</sup>, *vestra sanctissima collaudatione ac* <sup>802</sup> *jussione, ut ordinetur in episco- pum, suppliciter exoramus.*

Tunc imperator, sicut erat divinæ legis amator

#### VARIÆ LECTIONES.

<sup>763</sup> seu 2 (b). <sup>764</sup> digna et admir. desunt 4. <sup>765</sup> corr. al. manu 1. <sup>766</sup> tradit 2 (b). supra vero obtulit. <sup>767</sup> episcopus addit 7. *epistola mutilata* in 5. <sup>768</sup> servorum Dei servus A. <sup>769</sup> duci addit 4. <sup>770</sup> eum 7. In 2 (b). *notavit collator*: alius eum. <sup>771</sup> Dei dilig. A. <sup>772</sup> corr. A. aud. 1, non 7. <sup>773</sup> in 1, corr. al. manu. ut. <sup>774</sup> assensu 1. <sup>775</sup> et addit 7. <sup>776</sup> grates 1, 4, 7. <sup>777</sup> v. s. A. <sup>778</sup> laudamus 2. <sup>779</sup> quod A 2 (b). <sup>780</sup> ut 1 A. 4, sancti V. W fiat 2, sanctorum Viti et Wenceslai martyrum 2 (b). 3, 7, sanctorum Vit. Wenc. Adalberti 4. <sup>781</sup> monialium. A. <sup>782</sup> et 2 (b). <sup>783</sup> Russiæ 3. Ruscix 4. <sup>784</sup> Slavonicæ 2 (b). <sup>785</sup> sequen- tes 4. <sup>786</sup> eccl. s. Viti A. <sup>787</sup> in margine A. *appositum* <sup>788</sup> Dietmarus 2. Diethmarus 7. <sup>789</sup> veniret 3 <sup>790</sup> 1. perf. A. perferre 1. <sup>791</sup> affectu A. consensu 2 (b). <sup>792</sup> r alia manu superscrit. 1. <sup>793</sup> favorabili 2 (b). <sup>794</sup> primi regis manus rec. *apposuit in margine* 7. <sup>795</sup> corr. 1. <sup>796</sup> O gloriosissime — exoramus *exciderunt* 5. <sup>797</sup> superscr. alia manu A. <sup>798</sup> verba per omnia — nobis *desiderantur* in A. quem *alia manu superscriptum*.. <sup>799</sup> probatum 3. <sup>800</sup> Diethmarum 1, et alias. <sup>801</sup> elegimus 2 (b). <sup>802</sup> deest 4.

#### NOTÆ.

(327) Cum Dobnero IV, 173. supplendum esset *filia*, ita ut bulla non Bolezlaio II, sed Bolezlaio pa- tri missa videri posset, nisi æque ac Cosmas Dob- nerus etiam supposita hac epistola deceptus esset. Genuinam hujus epistolæ originem primus in dubium vocavit Assemanus Orig. eccles. Stud. t. III, p. 11, p. 169, quod cum ille argumenta sua non attulisset satis mihi probasse videtur Pubitschka Gesch. von Bohmen III, 7; Palacky Wurdigung, p. 26, eorum sententiam amplexus est, quibus Cosmas verbis *formula hujusmodi fuit* indicasse videbatur, se non ex exemplari sed e memoria tantum textum reddi- disse.

(328) His verbis tenet falsatorem Pubitschka nam temporibus Joannis XIII papæ Bulgari catho- licæ Ecclesiæ addicti erant et Russi nondum profi- tebantur fidem Christianam.

(329) Minime anno 967, sed non ante annum 975 ope et consilio S. Wolfgangi, qui a. 972, sedem ratispo- nensem adeptus est, cathedra episcopalis Pragensis constituta est, cujus rei testis est Heinrichus IV in diplo- mate ab ipso Cosma II, 38 transcripto, quo legitur Pragensis episcopatum ab Ottone primo et a Bene- dicto papa (scilicet VI, qui sedit annis 972-974) confir- matum esse. Et large et acute de hac redisse- ruit Dobner IV, 213. Vide præterea Pubitschka III, 48. Othloni vitam S. Wolfgangi, c. 29 Mon. Ger- man SS IV, et Ann. S. Emmerami Mon. Germ. I. (330) A Wratislawo I duce in arce Pragensi con- stituta.

(331) Otholone teste I. I. tempore Ottonis medii i. c. II, primus episcopus Pragensis electus est, quod Palackio I, 229, paschali festo a. 973. quod Otto I Quædlinburgi celebravit, factum esse videbatur; cfr Ann. Quædlinb. Mon. Germ. SS. III.

consilio ducum et principum sed præcipue præsul, consulens saluti et novitati christianæ plebis, jussit Maguntinum archiepiscopum (332) qui tunc præerat curti, ut eum ordinaret in<sup>803</sup> episcopum. Tunc præsul<sup>804</sup> mitra redimitus novus novam redit lætus tocus Boemiæ in parrochiam, atque ut ventum est metropolim Pragam, juxta altare sancti Viti intronizatur ab omnibus<sup>805</sup> clero modulante: *Te Deum laudamus*. Dux autem<sup>806</sup> et primates resonabant: *Christe keinado*<sup>807</sup>, *kirie eleison*, und di *halligen alle helfuent unse*, *kirie eleison* et cætera; simpliciores autem et idiotæ clamabant *Kyrieleyson*<sup>808</sup>; et sic secundum morem suum totam illam diem hylarem sumunt<sup>809</sup>.

Anno dom. inc. 968 obiit Vok comes<sup>810</sup>.

24. Post hæc præsul Dethmarus ecclesias a fidelibus in multis locis ad Dei laudem constructas consecrat, et populum gentilem baptizans quam plurimum facit Christo fidelem: nec post multos dies, anno scilicet dom. inc. 969 (333), 4 Non. Jan. (334) vinculis carnis absolutus, talentum sibi creditum Christo reportavit centuplicatum<sup>811</sup>.

25. Interea rediens philosophiæ de castris, ubi (335) decem aut plus militarat<sup>812</sup> annis (336) secum haud<sup>813</sup> modicam libri copiam referens, aderat spectabilis heros, nomine Wogtech<sup>814</sup>, adhuc ordine subdiaconus; qui velut tener agnus inter oves sui pastoris super<sup>815</sup> morte mærentes, sedulus exhibebat exequias funebres; orationibus diurnis instans simul et nocturnis, animam patris universalis elemosinis commendabat Deo largis et precibus sacris. Quem dux Bolezlaus et ejus optimates<sup>816</sup> in tam bono opere devotum cernentes et in futurum devotiorem fore sperantes, gratia Spiritus sancti inspirante, juvenem<sup>817</sup> nimis renitentem rapiunt et adducunt in medium, atque inquirunt: *Notis, velis, noster episcopus eris, et Pragensis*<sup>818</sup> vel in-

*A* *virtus episcopus vocaberis. Tua nobilitas, tui mores et actus optime concordant cum honore pontificatus.*

*Tu nobis talos a vertice, notus ad imos* (337).

*Tu bene scis nobis pandere viam, qua itur ad caelestem patriam. Jussa tua nobis quam posse sequi, tam velle necesse est. Te dignum omnis clerus, te unversus idoneum episcopatu acclamat populus.* Facta est autem hæc electio non longe ab urbe Praga Levigradeo in oppido 11 Kal. Mart. eodem quo obiit Dethmarus episcopus anno<sup>819</sup>.

26. Ea<sup>820</sup> tempestate (338) rediens de Saraceno bello adiit<sup>821</sup> Veronam urbem præcellentissimus imperator Otto secundus, pacis amator, justiciæ cultor, gloriosissimo patre primo Ottone gloriosior<sup>822</sup>, qui in omnibus præliis exstitit victoriosissimus<sup>823</sup> victor. Ad quem Solavonica<sup>824</sup> manus Boemiarum electo pergit episcopo, ferens ex parte ducis legationem et tocus cleri atque populi petitionem, quo<sup>825</sup> imperiali nutu eorum communem confirmet<sup>826</sup> electionem. Igitur serenissimus<sup>827</sup> imperator condescendens eorum dignæ<sup>828</sup> petitioni 3 Non. Junii<sup>829</sup> dat ei annulum<sup>830</sup> et pastorem virgam<sup>831</sup>; et cujus suffraganeus erat, Willigisus<sup>832</sup> Maguntinus archipræsul<sup>833</sup> qui<sup>834</sup> ibi<sup>835</sup> forte aderat, jussu imperatoris consecrat eum in episcopatum nomine Adalbertum. Nam archipræsul<sup>834</sup> Adalbertus Magidburien-sis<sup>836</sup> ecclesiæ olim confirmans crismate, hoc proprio suo vocitari<sup>837</sup> eum nomine, Consecratus<sup>838</sup> autem 3 Kal. Julii<sup>839</sup> (339) cum suis sequacibus<sup>840</sup> equitat in<sup>841</sup> dulcem patriam, et ut pervenit ad<sup>842</sup> civitatem Pragam nudo pede et humili corde, clero et omni plebe præ læticia modulante<sup>843</sup>, episcopalem obsedit cathedram. Hujus tam præclari pastoris Adalberti consilio et prædictæ atque dilectæ suæ sororis abbatissæ Mariæ<sup>844</sup> interventu dux Bolezlaus, quicquid præsul Pragensis usque hodie in suo possidet vel obtinet episcopio, vel quicquid abbatissa optavit

#### VARIÆ LLECTIONES.

<sup>803</sup> deest A. <sup>804</sup> venerandus Diethmarus *addit* 4. <sup>805</sup> hominibus 7. <sup>806</sup> Bolezlaus *addit* 4. <sup>807</sup> Xpo keinando kiriel und digalliben alle helfuent unse kiriel. *Hæc est lectio antiquissimi col.* 1, *Christe keinado* et cætera *habent* 2, 2 (a), *Christe keinado desunt* 2, *sed in margine* 2 (b), *Christe keinado*. *Christe kreynat* et cætera 4. C. *keinado* e. c. 7, *Christo keinado* 7 (a). <sup>808</sup> kiriesu A. *krlesu* 1, 2 (b), 4, *kirie eleyson* 3, *krlesu* 7, *krlesu* 7 (a). <sup>809</sup> *In cod. 7, sequitur fundatio ecclesiæ Wissegradensis a. 1070; reliqua desunt omnia usque ad 11, 37.* <sup>810</sup> Wok comes A. 2 (b), *in margine*. *Wolkomes* 3, *comes Wok* 4. <sup>811</sup> centuplum A. <sup>812</sup> militaverat 3. *militavit* 4. <sup>813</sup> *corr.* A. <sup>814</sup> *ita* A. *Woytech* 2. *Woytech. alii.* <sup>815</sup> de A. A°. <sup>816</sup> obtinentes 1. <sup>817</sup> *waytech* *addit* 4. <sup>818</sup> *deest* A. *urbis* *addit* 4. <sup>819</sup> tempore et anno, *omisso* episcopus 3. anno *deest* 4. <sup>820</sup> vero *addit* 4. <sup>821</sup> abiit 1. <sup>822</sup> gloriosior 1. <sup>823</sup> *deest* A. *corr. al. man.* 1. <sup>824</sup> munifica 2. <sup>825</sup> qui 2. <sup>826</sup> *ita* A. 1. 3. *confirmaret* 2. *rel.* <sup>827</sup> serenissimus 1. <sup>828</sup> *deest* A. <sup>829</sup> *deest* 5. <sup>830</sup> an. dat ei A. <sup>831</sup> cura n A. A°. <sup>832</sup> Willigisus 2 (b). <sup>833</sup> archiepiscopus 4. <sup>834</sup> qui — archipræsul *alia manu in margine* A. *adscripta sunt.* <sup>835</sup> tunc *add.* 4. <sup>836</sup> Magburgensis 1. 3. <sup>837</sup> vocitaverat A. A°. <sup>838</sup> est autem sanctus Adalbertus *addit* 4. <sup>839</sup> *ita unus* 4. *reliqui omnes* 3. *Idus Junii.* <sup>840</sup> sequentibus 3. <sup>841</sup> suam *addit* 3. <sup>842</sup> sanctam *addit* 4. <sup>843</sup> *kyrieleyson* *addit* 4. <sup>844</sup> Mariæ ab. A.

#### NOTÆ.

(332) Ruothbertum.

(333) Iterum errat: Dethmarus episcopus usque ad annum 982 vitam duxit, ut patet ex Vita S. Adalberti c. 8. I. I. quod pluribus argumentis probavit Dobner ad Hai. IV. 284. Eumdem errorem jam annalista Saxo ad a. 982, Mon. Germ. SS. VI, in auctore nostro reprehendit.

(334) De die consentit Necrologium Bohemicum apud Dobnerum Monument. Bohem. II. 9.

(335) Magdeburgi Otrico magistro. Vid. Joan-

nis Canaparii Vita S. Adalberti c. 3 Mon. Germ. SS. IV. 582.

(336) *Quot annis studuerit incertum est.* Ibid., c. 5.

(337) Cfr. Hor., ep. II, 2, 4.

(338) *Ea tempestate — obsedit cathedram* ex vita S. Adalberti c. 8 desumpta sunt, paucis ab auctore de suo additis.

(339) Recte; consecratus est S. Adalbertus festo SS. apostolorum Petri et Pauli i. c. III Kal. Jul. confr. Vita Adalb., c. 8.

feri utilitatis in suo cœnobio, gratuita utri-  
concessit pietate et canonum sacra confirma-  
toritate <sup>816</sup>.

Anno dominicæ incarnationis 970.

▷ dominicæ incarnationis 971.

▷ dominicæ incarnationis 972 sanctus Oudal-  
nigravit a seculo <sup>817</sup> (340).

▷ dominicæ incarnationis 973.

▷ dominicæ incarnationis 974.

▷ dominicæ incarnationis 975.

▷ dominicæ incarnationis 976.

▷ dominicæ incarnationis 977, <sup>818</sup> obiit Du-  
, quæ, quia nimis improba fuit, jam mulier  
tætatis cum nupsisset Poloniensi duci (341),  
a capitis sui deposuit, et puellam coronam  
posuit: quod eral magna dementia mulieris.

▷ dominicæ incarnationis 978.

▷ dominicæ incarnationis 979.

▷ dominicæ incarnationis 980.

▷ dominicæ incarnationis 981 obiit Slavnic <sup>819</sup>,  
ancti Adalberti <sup>820</sup>, cujus de moribus et vita  
larima eniteant memoriæ <sup>821</sup> digna, ex qui-  
men ut referamus <sup>822</sup> pauca, cœpta inter-  
us nostra. Erat enim <sup>823</sup> vir lætissimus ad  
facie, in consiliis serenissimus mente <sup>824</sup>,  
is blandissimus <sup>825</sup>, locuples divitiis quam  
ibus tam spiritualibus. In domo <sup>826</sup> illius ho-  
<sup>827</sup> fulgebat et sincera di lectio, judiciorum  
do et procerum multi tudo <sup>828</sup>. In operibus  
at legum cognitio, pauperum refectio, mœ-  
n consolatio, peregrinorum receptio, vidua-  
orphanorum <sup>829</sup> defensio (342). Hujus <sup>830</sup> tam  
is ducis metropolis fuit Lubio (343), sita loco

A ubi amnis Cydlina <sup>831</sup> (344) nomen perdit suum, in-  
trans liberioris aquæ <sup>832</sup> in fluvium Labe. Habuit  
autem sui principatus hos <sup>833</sup> terminos. Ad occi-  
dentalem plagam contra Boemiam rivulum Suri-  
na <sup>834</sup> (345) et castrum quod est situm in monte  
Oseca <sup>835</sup> juxta flumen Msam <sup>836</sup>. Similiter plagam  
ad australem contra Teutonicos orientales has ur-  
bes habuit terminales: Hinov <sup>837</sup> (346), Dudlebi  
(347), Netolici <sup>838</sup> (348) usque ad mediam silvam.  
Item solis ad ortum contra Moraviæ regnum castrum  
sub silva situm, nomine Luthomisl <sup>839</sup> (349), usque  
ad aquilonalem plagam contra Poloniam castellum  
Cladsko <sup>841</sup>, (350), situm juxta flumen nomine Niz-  
zam <sup>842</sup> (351). Hic dux Slavnic, quamdiu vixit, felici-  
ter vixit.

2. Anno dominicæ incarnationis 982.

Anno dominicæ incarnationis 983.

Anno dominicæ incarnationis 984 obiit (352) Ro-  
mæ cæsar Otto secundus. Huic imperatori <sup>843</sup> (355)  
Adalbertus præsul Pragensis adeo luit familiaris et  
oarus obsequiis, ut in pascha Domini <sup>844</sup>, quod cele-  
bravit rex Aquisgrani in palatio coram omnibus  
episcopis, hac eum <sup>845</sup> officii celestidine sublimaret,  
quo sibi coronam imponeret et majorem missam  
celebraret, quod solum fas erat ut archiepiscopus  
faceret (354). Post festum vero, cum jam accipe-  
ret <sup>846</sup> a cæsare licentiam redeundi ad patriam  
sevocat <sup>847</sup> eum cæsar in secretarium, et faciens  
suorum confessionem peccaminum, commendat se  
piis recordationibus ejus orationum. Insuper dat ei  
paramenta, in quibus missam celebraret <sup>848</sup> in pa-  
scha, scilicet albam, dalmaticam, casulam, cappam  
ad rivulum Svitawa <sup>849</sup> qui est in media silva. Item

VARIE LECTIONES.

trisque A. <sup>846</sup> Relinqua usque ad annum 974 desunt in 7 (a). <sup>847</sup> Hæc verba desunt A. 2 (a). 5. <sup>848</sup>  
equantur, ad priorem annum leguntur in Frehero. <sup>849</sup> Zlaunik 1. 2 (b) Slawnik 2. Zlaunik dux 4.  
Kal. Apr. addit 4. <sup>851</sup> memoria 2 (b). <sup>852</sup> referamus 1. <sup>853</sup> deest A. <sup>854</sup> vitæ 3. <sup>855</sup> a. b. desunt  
in domo — defensio desunt 5. <sup>857</sup> honesta 4. et corrector 2 (b). <sup>858</sup> corr. al. man. 1. <sup>859</sup> et orph.  
4. <sup>860</sup> hius 4. <sup>861</sup> Cidlina 1. 3. Cidlinia 2. Cydlina 4. <sup>862</sup> atque 1. <sup>863</sup> os corr. al. manu hos 1.  
ina corr. 1. Surma 3. <sup>865</sup> Ossieka 2. <sup>866</sup> Mzie 2. <sup>867</sup> Chinov. 1. 2 (b). 4. Hinou 3. <sup>868</sup> Netholici  
oliczi 2. Netholici 2 (b). prius, sed correctum Netholici et deleto ultimo i supra scriptum e. Netholici 3.  
tomisl 1. 4. Lutomyzl 2 Lutomizl 2 (b). Lutomis vel, omisso nomine 3. <sup>870</sup> Zuitava 1. 2 (b). Zuitawa 2.  
ra 3. Zwitans 4. <sup>871</sup> Kladscho 1. 2 (b). Kladsco 2. Kladsco 3. Gleczech addit man. rev. 5. <sup>872</sup> Nizam  
1. man. Nizam 1. Mzam 2. Nizzam 3. Nizam 4. <sup>873</sup> secundus addit 4. <sup>874</sup> deest 3. <sup>875</sup> cum 2. <sup>876</sup>  
sset 3. <sup>877</sup> clam vocat 4. <sup>878</sup> celebravit 4. celebraret 3. cum correctore 2 (b).

NOTÆ

- 1) Odiit die 4 mens. Julii 973. Cfr. Gerhardi. D  
2) Ubialrici, c. 27, Mon. Germ. SS. IV, p. 414  
3) Mizeconi; conf. quæ apud Thietmarum IV,  
4) de Dubrauca illa, filia Boleslavi I, ducis Bo-  
hem leguntur, et Roepell, Geschichte von Po-  
62.  
5) Conf. Vita S. Adalberti c...  
6) Libiez in circulo Bidschowensi, cfr. Schal-  
VI, 21.  
7) Cydlina fluvius prope Libiez in Albim  
Ibid.  
8) Bila qui prope Aussig in Albim exundat.  
V, 16.  
9) Cheynow.  
10) Daudleb.

- (348) Netolizt.  
(349) Leutomischl.  
(350) Gletz.  
(351) Neisse.  
(352) Constat eum anno præcedenti obiisse.  
(353) Potius Oltoni tertio; cf. Vita S. Adalberti,  
c. 22.  
(354) Minime de coronatione Ottonis III, sed de  
impositione coronæ, quæ in diebus festis fieri sole-  
bat, cogitandum esse, ex ipsis auctoris verbis satis  
apparet; quod quo tempore factum sit non liquet.  
Ottonem, a. 995, Pascha Aquisgrani celebrasse ta-  
bulæ ejus probant ap. Boehmer reg., n. 746; eodem  
fere tempore S. Adalbertum in Germania fuisse, au-  
ctor Vitæ ejus innuere videtur c. 19, 20.

et faciterium <sup>879</sup>, quo ea habeat sui ob memoriam. Quæ usque hodie in Pragensi ecclesia honorifice habentur et dicuntur paramenta sancti Adalberti.

Anno dominicæ incarnationis 985 <sup>880</sup>.

Anno dominicæ incarnationis 986.

Anno dominicæ incarnationis 987 obiit Strezizilava <sup>881</sup> (355), sancti Adalberti mater venerabilis et Deo acceptabilis matrona, tantæ et tam sanctæ sobolis <sup>882</sup> dici mater et esse digna.

Anno dominicæ incarnationis 988.

Anno dominicæ incarnationis 989.

Anno dominicæ incarnationis 990 (356) sanctus Adalbertus Romæ ad sanctum Alexium, inscio abbate quis esset, factus est monachus.

Anno dominicæ incarnationis 991.

Anno dominicæ incarnationis 992.

Anno dominicæ incarnationis 993.

Anno dominicæ incarnationis 994.

29. Nec <sup>883</sup> transsiliendum censeo quod ab aliis prætermisum video. Nam præsul Adalbertus videns quod grex sibi commissus semper in præcipitum iret, nec eum ad rectam viam convertere quiret, timens ne et ipse cum pereunte <sup>884</sup> plebe periret, non ausus est cum eis amplius stare, nec passus est suam ulterius incassum prædicandi operam dare <sup>885</sup>. Sed cum jam jamque <sup>886</sup> Romam iter arripere vellet (357), forte fortuna tempore in ipso Strahquaz <sup>887</sup>, de quo supra retulimus, sui abbatis cum licentia venerat de Radisbona <sup>888</sup>, post multos annos visere patriam dulcem et cognatos atque fratrem suum Boemiæ ducem. Cum quo vir Dei præsul Adalbertus secretum percipit et colloquium tenuit, multa conquestus de infidelitate et nequicia populi, de incesta copula et super illicita discidia <sup>889</sup> (358) instantis conjugii, de inobedientia et negligentia cleri, de arrogantia et intollerabili potentia comitum. Ad ultimum omnem intentionem sui cordis sibi aperuit <sup>890</sup>, quod vellet Romam apostolicum (359) consultum ire, et ad gentem apostatricem <sup>891</sup> nunquam redire. Inter hæc et ad <sup>892</sup> hæc hæc addidit: *Et bene*

*est, inquit, quod tu frater nosceris esse ducis, et hujus terræ ex <sup>893</sup> dominis <sup>894</sup> originem ducis <sup>895</sup>: te plebs ista mavult <sup>896</sup> dominari, et tibi magis obedire quam mihi. Tu <sup>897</sup> consilio et auxilio tui <sup>898</sup> fratris superbos comprimere, negligentes arguere, inobedientes corrigere, infideles increpare poteris. Tua dignitas et scientia, tui habitus sanctimonia multum <sup>899</sup> concordant, ad pontificalia regimina. Quod ut fiat ego tibi cum <sup>900</sup> Dei voluntate et mea potestate concedo, et ut liceat me vivente istic episcopus ut sis, aput apostolicum omnibus votis intercedam <sup>901</sup>. Et quem forte manu tenebat episcopalem baculum, ponit sibi in sinum. Quem ille, quasi furibundus, in terram projecit, et hæc verba insuper adjecit: *Nolo ut <sup>902</sup> aliquam dignitatem habeam <sup>903</sup> in mundo <sup>904</sup>, honores**

*fugio <sup>905</sup>, pompas seculi despicio: indigno me judico episcopali fastigio, nec tantum pondus pastoralis curæ ferre sufficio. Monachus sum, mortuus sum: mortuos sepelire non possum. Ad hæc præsul <sup>906</sup> respondit: *Scias, frater <sup>907</sup>, scias, quod modo non facis cum bono, facies autem postea, sed cum tuo maximo <sup>908</sup> malo. Post hæc præsul <sup>909</sup>, ut proposuerat, Romam iter arripit, et gentem suis præceptis inobedientem relinquit <sup>910</sup>. Et quia tunc temporis dux non erat suæ potestatis, sed comitum <sup>911</sup>, comites versi in Dei odium, patrum iniquorum pessimi filii, valde malum operabantur facinus <sup>912</sup> et iniquum. Nam sub quadam festiva die <sup>913</sup> (360) furtim irrumpunt urbem Lubio, in qua fratres sancti Adalberti et milites urbis universi velut oves innocentes assistebant sacris missarum solemnibus festa celebrantes. At illi ceu lupi immanes urbis mœnia irrumpentes, masculum et feminam usque ad unum interficientes, quatuor <sup>914</sup> fratribus sancti Adalberti cum omni prole ante ipsum altare decollatis, urbem <sup>915</sup> comburunt, plateas sanguine perfundunt, et cruentis spoliis ac crudeli præda onerati <sup>916</sup> hilares ad proprias <sup>917</sup> redeunt <sup>918</sup> lares. Interfecti sunt autem in urbe Lubio quinque fratres sancti Adalberti <sup>919</sup> anno dom. incarn. 995, quorum nomina <sup>920</sup>**

#### VARIE LECTIONES.

<sup>879</sup> faciterium corrector 2. facitergium 3. <sup>880</sup> Numerus alia manu in margine A. adscriptus. <sup>881</sup> Zrezizlava 1. 2 (b). 4. Striezislava 2. Zrezizlana 3. Ztrelzislava 5. <sup>882</sup> corr. 1. <sup>883</sup> Hic iterum incipit cod. 7 (a). <sup>884</sup> perheunte 1. <sup>885</sup> corr. 1. <sup>886</sup> jamque deest 1. 3. <sup>887</sup> Zirahquaz 1. 4. <sup>888</sup> Radisbona 1. <sup>889</sup> dissidia 2 (b). 3. 4. <sup>890</sup> aperit A. A. <sup>891</sup> apostaticam 3. <sup>892</sup> superser. 1. <sup>893</sup> et corr. ex 1. <sup>894</sup> dominis corr. domini 1. <sup>895</sup> et hujus—ducis desunt A. A. <sup>896</sup> magis vult 4. <sup>897</sup> tu consilio—poteris desiderantur in 4. <sup>898</sup> deest A. A. <sup>899</sup> multum deest 2. <sup>900</sup> deest 3. <sup>901</sup> intendam 3. <sup>902</sup> ita A, 1. 4. <sup>903</sup> deest in omnibus cod., alia manu superser. 1. <sup>904</sup> possideam 4. <sup>905</sup> A verbis nores fugio continuatur chronicon in cod. 4 (a). <sup>906</sup> Adalbertus add. 4, 4 (a). <sup>907</sup> Zirahquaz add. 4, 4 (a). <sup>908</sup> deest A. A. <sup>909</sup> Adalbertus addit 4. <sup>910</sup> reliquit 2. <sup>911</sup> ducum A, ducis A. <sup>912</sup> scelus 4, 4 (a). <sup>913</sup> die festivo A. A., festivitate 4, 4 (a). <sup>914</sup> universis 3. <sup>915</sup> Lubio add. 4, 4 (a). <sup>916</sup> corr. al. manu 1. <sup>917</sup> ita A, 1. <sup>918</sup> recedunt A, A. <sup>919</sup> præsulis addunt 4, 4 (a). <sup>920</sup> quorum nomina deest 2. Per verba: Anno dom. incarn. 995 linea alio atramento ducta est.

#### NOTÆ.

(355) Ex caro genere Sclavorum nobilissima; conf. Brunonis Vita S. Adalberti, c. 1.

(356) Jau tempore Nativitatis Christi, a. 988, S. Adalbertus Romæ commoratus esse videtur; conf. Wilmanes Otto III, p. 92.

(357) Primum erat S. Adalberti iter Romanum;

itaque cum Cosma minime ad annum 994 referri potest.

(398) Vita S. Adalberti, c. 12.

(359) Joannem XVI annis 985-996 sedentem.

(360) S. Wenceslai; cfr. Brunonis Vita S. Adalberti, c. 21; sed hoc post secundum ejus iter Romanum factum est anno 996.

sunt hæc: Sobebor, Spitimir<sup>921</sup>, Dobrazlav<sup>922</sup>, Po- A metropolita Maguntinus sollicitus ne populus nu-  
rey<sup>923</sup>, Caelav<sup>924</sup>. per<sup>925</sup> Christo adquisitus, relapsus in antiquos

30. His ita<sup>925</sup> peractis, dux Bolezlaus inito con-  
silio cum clericis, Maguntinum præsulē<sup>926</sup> his  
sollicitat verbis: *Aut nostrum pastorem Adalbertum  
ad nos revoce, quod magis volumus, aut alium no-  
bis in loco sui ordines, quod inviti poscimus*<sup>927</sup>.  
*Nam*<sup>928</sup> *Christi ovilia adhuc in hac gente fidei novi-  
cia, nisi eis assit vigilans pastoris custodia, cruen-  
tis*<sup>929</sup> *lupis opima recta*<sup>930</sup> *flunt*<sup>931</sup> *edulia*<sup>932</sup>. Tunc

pereat sacrilegos ritus, mittens legatos ad aposto-  
licum clamat ut aut viduatæ Pragensi ecclesiæ ma-  
ritum remittat (361), aut alium in loco sui ordinari<sup>934</sup>  
permittat. Et quoniam servus Dei Adalbertus, jussu  
apostolici factus liber a custodia gregis dominici,  
in cœnobia sancti Alexii<sup>933</sup> cum senatoribus cœli  
infra amœnam curiam terreni conversabatur<sup>98</sup>  
Elisii,

Hunc domnus papa, suus et pius insimul abba (362),  
Talibus alloquiis<sup>937</sup> mœstum solantur amicis:

<i>O fili dulcissime</i>	<i>et frater amantissime</i> <sup>938</sup> .
<i>per caritatem Dei te deprecamur</i> <sup>939</sup>	<i>et per amorem proximi obtestamur,</i>
<i>ut ad tuam parrochiam</i> <sup>940</sup>	<i>dignanter redeas</i>
<i>regimenque tuarum ovium</i>	<i>diligenter recipias.</i>
<i>Si te audiverint, Deo gratias:</i>	<i>si te non audierint, fugientes te</i> <sup>941</sup> <i>fugias,</i>
<i>ne cum pereuntibus pereas,</i>	<i>et ad nationes exteras prædicandi licentiam habeas.</i>
<i>Hac præsul</i> <sup>942</sup> <i>valde</i>	<i>exhilaratus</i> <sup>943</sup> <i>sententia,</i>
<i>quod sibi sit</i> <sup>944</sup> <i>data docendi</i>	<i>exteras gentes licentia,</i>
<i>non sine magna mœsticia fratrum</i>	<i>du lcia linquit</i> <sup>945</sup> <i>consortia.</i>

Et cum viro summæ discretionis præsule (663), nomine urbis, in palatio rogat, quo per ejus missos scire  
Nothario<sup>946</sup>, adiens<sup>947</sup> archiepiscopum Maguntinæ posset, si se suus grex<sup>948</sup> recipere vellet<sup>949</sup>.

Quo facto, quid sibi suus grex responderit,  
aut quam ob causam eum non receperit,  
vel ad quas gentes inde transierit,  
quantæ etiam frugalitatis omnibus diebus sui episcopii fuerit,  
quanta morum honestate enituerit,  
scire poterit, qui vitam ejus seu<sup>950</sup> passionem legerit.  
Nam mihi jam dicta bis<sup>951</sup> dicere non placet ista.

Tunc Ztrahquaz<sup>952</sup> frater ducis, de quo supra me- B pravorum hominum invalescere potentiam, sicut in  
minimus, videns episcopum quasi jure et regulari- hac irregulari<sup>953</sup> electione ludicra<sup>957</sup> prævalere<sup>958</sup>  
ter<sup>959</sup> a sua plebe repudiatum, tumido fastu exarsit Cereris generi<sup>959</sup> (364). Nam fuit hic Ztrahquaz veste  
in episcopatum. Et quia facile est volentem cogere, compositus, mente tumidus, actibus dissipatus,  
protinus hunc ydiotam et sicophantam populus ne- oculis vagus, verbis vanus, moribus ypocrita, et  
quam in episcopalem levat<sup>954</sup> kathedram. Sic enim, tocus erroris mandrita, atque in omnibus operibus  
sic Deus sæpe<sup>955</sup> permittit per sui providentiam malis iniquorum archigeronta<sup>950</sup>.

Plura referre pudet Ztrahquaz de præsule pseudo.

#### VARIE LECTIONES.

<sup>921</sup> olim Spitimur 2. Spitimir 4, 4 (a).<sup>922</sup> Bobrazlav 1. 2 (b). Bohraslav olim in. 2. mutatum vero alterum  
b in b, deletum ra et superscriptum u. et ita correctum Bohuslav. Bohrazlav collator 2 (b). Drobozlav 3. Po-  
brazlav 4, 4 (a).<sup>923</sup> Poreli 3. <sup>924</sup> Cazlav. 1. rel. Czaslav 2, Chazlav. 5. <sup>925</sup> itaque 2 (a).<sup>926</sup> deest. A. <sup>927</sup> pos-  
simus corr. alia manu poscimus 1. <sup>928</sup> nam — edulia desunt 5. <sup>929</sup> rapidis vel rabidis cruentis 1.  
<sup>930</sup> rocte 2 (b), 4, 4 (a). <sup>931</sup> flent 2 (b), 3, 4, 4 (a). <sup>932</sup> edulia ? correctum alia manu edulia. <sup>933</sup> a addit 2.  
<sup>934</sup> suo ordinare 4, 4 (a). <sup>935</sup> confessoris add. 4, 4 (a). <sup>936</sup> conversabantur corr.-batur 1. <sup>937</sup> aloquiis  
1. <sup>938</sup> Adalberto addit 4 (a). <sup>939</sup> deprecor 1. <sup>940</sup> littera c. al. manu superscr. 1. <sup>941</sup> deest 4, 4 (a).  
<sup>942</sup> Adalbertus add. 4, 4 (a). <sup>943</sup> alia man. superscr. 1. <sup>944</sup> est 1. <sup>945</sup> liquit 2 (b). <sup>946</sup> Votharino corrector  
2 (b). Notario 4 (a). <sup>947</sup> deest 4, 4 (a). <sup>948</sup> Verba grex — suus alia manu in margine A. apposita. <sup>949</sup> corr.  
al. man. 1. <sup>950</sup> sive 2. <sup>951</sup> biis 1. <sup>952</sup> Strahquaz 2 et sic deinceps. <sup>953</sup> regaliter 2 (a). <sup>954</sup> locat 3. <sup>955</sup> Deus  
sic sæpe 3, sæpe deest 4, 4 (a), 5. <sup>956</sup> syllaba in al. manu superscr. A regulari 4, 4 (a). <sup>957</sup> ludrica A ludi-  
citus 3. <sup>958</sup> prævalere corr. alia man. prævalere A. prævalere 4, 4 (a). <sup>959</sup> genere corr. generi A. <sup>960</sup> ar-  
chigeron 4

#### NOTÆ.

(361) Vita S. Alaberti, c. 18.

(362) Leo abbas monasterii S. Alexii.

(363) Leodiensi; cfr. Vita S. Adalberti, c. 21;

sed quod factum est in secundo itinere Romano.  
a. 936; auctor duo illa itinera in unum confundit,  
(364) I. e. diaboli.



Sufficiunt <sup>961</sup> pro multis pauca. Ventum erat Maguntinæ sedis ad <sup>962</sup> archipræsulem <sup>963</sup>: ubi peractis omnibus quæ agenda erant per ordinem, sicut fieri solet, post examinationem episcopalem, choro le-

qui ordinandus erat Ztrabquaz dum <sup>965</sup> prosternitur in medio,  
heu dira condicio, arripitur atroci dæmonio:  
et quod servus, <sup>966</sup> Dei <sup>967</sup> olim sibi prædixerat clanculo,  
palam fit coram clero et omni populo.

Hactenus hæc inseruisse sufficiat <sup>968</sup> (365).

31. Anno dom. inc. 996 (366) postquam insignis signifer Christi, præsul Adalbertus, retibus fidei cepit Pannoniam simul et Poloniam, ad ultimum, dum in Pruzia <sup>969</sup> seminat verbum Dei, hanc præsentem vitam pro Christo feliciter terminavit martirio 9 Kalendas Maii, feria 6 <sup>970</sup>. Eo anno fuit pascha B 7 Kalendas <sup>971</sup> Maii (367).

Anno dom. inc. 997 sæpe memoratus dux Bolezlaus videns Pragensem ecclesiam suo pastore viduatam, dirigit legatos suos ad imperatorem tertium Ottonem, rogans <sup>972</sup>, ut Boemiensi ecclesiæ sponsum meritis dignum daret, ne <sup>973</sup> grex Christo noviter mancipatus redeat ad pristinos vanitatis ritus et ad iniquos actus; quippe profletur non haberi in tota Boemia tunc temporis clericum episcopatu dignum. Mox cæsar <sup>974</sup> augustus Otto sicut <sup>975</sup> erat in divinis humanisque rebus prudentissimus, annuens petitioni eorum cæpit curiosius cogitare, quem de suis potissimum in hoc tam arduum opus dirigeret clericum. Forte aderat in reguli curia (378) capellanus nomine Theadagus <sup>976</sup>, actibus probis et moribus decoratus, liberalibus studiis ad prime eruditus, genere de Saxonia, lingua perfecte <sup>977</sup> imbutus Sclavonica <sup>978</sup>. Hunc quia sors obtulerat, omnis regiæ aulæ ænatus et ipse cæsar valde lætificatus in pontificem Pragensis ecclesiæ eligit et collaudat, et mitens ad Maguntinum archipræsulem, quo eum celeter in episcopum consecrat, mandat.

Anno dom. inc. 998 Nenis Julii consecratus est Theadagus, honeste a clero et populo, <sup>979</sup> Pragensis ec-

clasiæ recipitur, atque cum magno gaudio ad cornu altaris sancti Viti intronisatur. Dux valde congratulatur quia pastor bonus suo gregi arridet, et grex lætus pastori novo <sup>980</sup> alludit.

32. Rexit autem iste excellentissimus princeps Bolezlaus post patris obitum 32 annis ducatum, quia quæ justiciæ, quæ catholicæ <sup>981</sup> fidei, quæ christianæ religionis sunt, erat ardentissimus executor, apud quem <sup>982</sup> nullus ecclesiasticam, nullus mundanam dignitatem obtinuit per pecuniam <sup>983</sup>. Fuit etiam <sup>984</sup>, ut res probat, in præliis victoriosissimus victor, sed victis clementissimus indultor atque præcipuus pacis amator. Cui erant maximæ opes, bellica instrumenta et dulcia armorum studia. Nam plus diligebat <sup>985</sup> ferri rigorem, quam auri fulgorem, in cujus oculis nemo utilis displicuit, nunquam inutilis placuit, suis mitis, hostibus terribilis fuit. Habuit autem hic gloriosissimus dux <sup>986</sup> Hemmam sibi in matrimonio junctam, quæ genere fuit cæteris nobilior (369), sed, quod magis laudandum est, nobilitate morum multo <sup>987</sup> præstantior. Ex qua duos (360) filios suscepit elegantissimæ indolis, scilicet Wencezlaum et Bolezlaum; sed Wencezlaus ab ineunte ætate hanc <sup>988</sup> fragilem vitam mutavit æternitate, Bolezlaus autem post discessum patris sedis suscepit gubernacula principalis, ut in sequentibus declarabitur <sup>989</sup>.

33. Factum est autem, cum appropinquarent <sup>990</sup> dies supra memorati ducis <sup>991</sup> Bolezlay, quo jam æternam commutaret morte vitam <sup>992</sup>, vocat æquivocum suum et superstitem natum <sup>993</sup>, et adstante conjuge Hemma <sup>994</sup> (371), et multa procerum tur-

#### VARIE LECTIONES.

<sup>961</sup> sufficiant 2 (b), 3, 4. <sup>962</sup> superscr. al. manu. A. <sup>963</sup> episcopum 3. <sup>964</sup> lætaminum corr. lætaminam 2 (b). lætamina 3. <sup>965</sup> deest. A. <sup>966</sup> servus corr. al. man. servus 1. <sup>967</sup> Adalbertus addunt 4, 4 (a). <sup>968</sup> sufficiant 3. hactenus — sufficior desunt 5. hactenus — 996 desunt 7 (a). <sup>969</sup> Brussia 2. 3. <sup>970</sup> Reliqua hujus libri pars penitus desideratur in 7 (a). Sequitur fundatio ecclesiæ Wissegradensis a. 1070. <sup>971</sup> v1 Cal. 3. <sup>972</sup> deest 3. <sup>973</sup> ut — non redeat 2. <sup>974</sup> addic. al. man. A. <sup>975</sup> deest 2. <sup>976</sup> Theadagus 4 3 et deinceps; corr. Theadagus 2 (b). <sup>977</sup> proferre 1, 3. <sup>978</sup> Slavica 4, 4 (a). <sup>979</sup> et populo omittit 2 (b)? <sup>980</sup> suo 2 (b). <sup>981</sup> catholice 1. <sup>982</sup> christianæ repetit 4. <sup>983</sup> pro pecunia 2 (b). 3. 4. 4 (a). <sup>984</sup> et 2 (b). 3. 4. 4 (a). <sup>985</sup> diligebant corr. — bat. 1. <sup>986</sup> Bolezlaus addunt 4 4 (a). <sup>987</sup> corr. al. man. 1. <sup>988</sup> hanc deest 2. 2 (b). 3. <sup>989</sup> declaratur A. <sup>990</sup> appropinquaret 3. <sup>991</sup> ducis deest. 2. 2 (b). 3. <sup>992</sup> com. m. v. aet. A. <sup>993</sup> natu 4 4 (a). <sup>994</sup> Hemina 2.

#### NOTÆ.

(365) Meram hoc fabellam esse Pubitschka probare conatus est III, 224.

(366) S. Adalbertus obiit anno 997; cfr. Palacky Wurdigung, p. 28.

(367) Vita S. Adalberti, c. 30. Pascha anni 906, die 12 mensis Aprilis celebratum est.

(368) Non in imperatoris sed in Bolezlavi II ducis aula verebatur Theadagus, qui monachus Novæ Corbeix arte medica peritus, duci sanitatem restituerat; cfr. Thietmar VII, 41; qui vero confirmat

ab Ottone Theadagum sedem Pragensem regendam accepisse.

(369) Dobner IV, 432, eam filiam Conradi regis Burgundiæ fuisse conjicit.

(370) Quatuor potius; præter nominatos Jaromirus et Udalricus, quos Bolezlavi III filios fuisse falso opinatur Cosmas, erant filii Bolezlavi II, teste Thietmaro V, 45.

(371) Valde vexavit Emmæ hujus origo satis obsequa a rerum Bohemicarum indagatores. Vid. Pubitschka III, 153; Palacky I.

ma <sup>996</sup>, jam interruptente <sup>996</sup> singula verba, prout potuit, his dulcem affatur filium dictis: *Si fas esset matri sui <sup>997</sup> uteri infanti, ut lactis ubera, sic sapientiae dare munera, non natura, sed homo creatus dominaretur in creatura. Atamen nonnulla Deus sua concessit hominibus dona, sicut Noe, Ysaac, Thobiaz atque Mathiaz, ita duntaxat, ut quos illi benedixerunt <sup>998</sup>, benedixit illis Deus, et quos præordinaverunt <sup>999</sup> ad bonæ conversationis vitam, contulit et illis Deus perseverantiam. Sic et hodie, fili mi, si non assit sancti Spiritus clementia, parum prodest meorum verborum iactantia. Duce te, inquit Deus constitui <sup>1000</sup>: noli extolli, sed esto quasi unus ex illis <sup>1001</sup>, id est <sup>1002</sup>, si te cæteris sublimiorem scias, mortalem tamen <sup>1003</sup> te esse <sup>1004</sup> cognoscas, nec <sup>1005</sup> dignitatis gloriam, qua in seculo sublimaris aspicias, sed opus, quod tecum ad inferos deportes, intendas. Hæc præcepta Dei in corde tuo scribe, et hæc mandata patris tui non omitte. Ecclesie limina frequenter visita, Deum adora, sacerdotes ejus honora, ne sis sapiens apud temetipsum. sed consule plures, si sapiant in id ipsum <sup>1006</sup>. Pluribus ut placeas, sed qualibus stude.*

*Omnia cum amicis, sed prius de ipsis tracta. Juste judica, sed non sine misericordia. Viduam et adrenam ne despice ad tuam <sup>1007</sup> stantes januam.*

*Dilige denarium, sed parce dilige formam.*

*Res enim publica, licet sit <sup>1008</sup> nimis adaucta, per formam <sup>1009</sup> nummis inais falsam cito erit ad nihilum redacta. Est aliqui, fili mi, quod Karolus, rex sapientissimus et manu <sup>1010</sup>, potentissimus, haud <sup>1011</sup> æquiparandus <sup>1012</sup> nobis hominibus valde humilibus, cum filium suum Pipinum post se in solio sublimandum diserneret, cur terribili eum <sup>1013</sup> sacramento constringeret, ne in regno suo subdola <sup>1014</sup> et prava tazatio <sup>1015</sup> ponderis <sup>1016</sup> aut monetæ fieret. Certe nulla clades <sup>1017</sup>, nulla pestilentia <sup>1018</sup> nec mortalitas, nec non si <sup>1019</sup> hostes totam terram rapinis <sup>1020</sup>, incendiis devastarent <sup>1021</sup>, magis populo Dei nocerent, quam frequens mutatio <sup>1022</sup> et fraudulenta pejoratio nummi. Quæ*

*pestis, aut quæ infernalis Herinis inclementius spoliata, perdit et attenuat christicolos, quam fraus in nummo herilis? Alqui <sup>1023</sup> post hæc senescente justitia et invalescente nequitia surgens non duces, sed fures, non rectores populi Dei, sed nequam exactores, avarissimi sine misericordia homines, Deum omnia cernentem non timentes <sup>1024</sup>, qui ter vel quater in anno monetam mutando <sup>1025</sup> erunt <sup>1026</sup> in laqueum <sup>1027</sup> diaboli <sup>1028</sup> ad perdicionem populi Dei. Talibus enim nequam artibus et per legum insolentiam coangustabunt hujus regni terminos, quos ego dilatavi usque ad montes, qui sunt ultra Krakov <sup>1029</sup> nomine Triti <sup>1030</sup> per Dei gratiam <sup>1031</sup> et populi oppulentiam. Nam*

*Divitiæ plebis sunt laus et gloria regis,*

*Nec sibi sed domino gravis est, quæ servit <sup>1032</sup> egestas (372)*

Plura locuturus erat: sed extrema hora dirigerunt <sup>1033</sup> principis ora, et citius dicto obdormivit in Domino, atque magnus super eum factus est planctus; dies autem sui obitus est 7 Idus Februarii anno Dom. inc. 999.

34. Eodem anno Gaudentius <sup>1034</sup>, qui et Radim <sup>1035</sup>, frater sancti Adalberti ordinatus est episcopus <sup>1036</sup> ad titulum Gnezdensis <sup>1037</sup> ecclesie (373). Hic gloriosissimus dux secundus Bolezlaus, vere et hodie haud <sup>1038</sup> plangendus satis <sup>1039</sup>, cujus memoria in benedictione est, in quantum ampliando dilataverit <sup>1040</sup> ferro sui terminos ducatus, apostolica testatur auctoritas in privilegio ejusdem Pragense episcopatus (374). Post cujus obitum filius ejus, tertius Bolezlaus (375), ut supra relatum est <sup>1041</sup>, successit in ducatum; sed non eisdem rerum successibus, nec paternis auspiciis terminos adquisitos obtinuit. Nam dux Poloniensis Mescio <sup>1042</sup> (376), quod non fuit alter dolosior homo, mox urbem Krakov (377) abstulit dolo, omnibus quos ibi invenit Boemiis <sup>1043</sup> extinctis gladio. Fuerunt autem duci <sup>1044</sup> Bolezlav <sup>1045</sup> ex conjugē nobili dus fratres <sup>1046</sup> sœimdæ <sup>1047</sup> matris gloria nati (378) scilicet Udalricus <sup>1048</sup> et Jaromir. Sed Jaromir juvenis patrie est nutritus in aula Udal-

#### VARIÆ LECTIONES.

<sup>996</sup> turpa. 2. <sup>996</sup> interruptente A. <sup>997</sup> suæ utii infantis 4. <sup>998</sup> benedixerit 2. corr. erunt 3. <sup>999</sup> præordinaverit 3. <sup>1000</sup> alia manus addit t. 2. <sup>1001</sup> eis 4. 4 (a). <sup>1002</sup> i. A. <sup>1003</sup> tamen add. alia. man. A. deest. 2 (b). 3. 4. 4 (a). <sup>1004</sup> ease deest 4 (a). <sup>1005</sup> ne 2. 2 (b). 3. <sup>1006</sup> sed — ipsum desunt A. <sup>1007</sup> corr. al. man. 1. <sup>1008</sup> deest 4. 4 (a). <sup>1009</sup> autem minio superscripsit recentior manus 1. <sup>1010</sup> deest 4. 4 (a). <sup>1011</sup> corr. A. Verbis haud — humilibus superscriptæ sunt in 2. hæ glossæ Bohemicæ gesto mi nizizi hide nemnoz-am si geczin wronolati. <sup>1012</sup> ita corr. A. equipperandus 1. <sup>1013</sup> cum terribili eum 2. 2 (b). eum terribili cum 3. <sup>1014</sup> superscripta glossa Bohemica chytra. <sup>1015</sup> glossa Boh. czena. <sup>1016</sup> glossa Boh. promiena. <sup>1017</sup> gl. Boh. waby zahuba. <sup>1018</sup> gl. Boh. mor. <sup>1019</sup> si 4. 4 (a), non a correctore 2 (b). subductum. <sup>1020</sup> et addunt. 2 (b). 3. gl. Boh. lupez-am. <sup>1021</sup> devastantes 3. <sup>1022</sup> In 2 difficilis lectio, ita ut potius invitatio quam immutatio legas. In margine vero mutatio. <sup>1023</sup> aut qui 4, 4 (a), <sup>1024</sup> metuentes 3. <sup>1025</sup> deest 5. <sup>1026</sup> ruunt 3, eunt 4, 4 (a). <sup>1027</sup> gl. Boh. kosidla. <sup>1028</sup> gl. Boh. diablowa. <sup>1029</sup> Crakov 1, et sic deinceps. Krakou 3. <sup>1030</sup> Triti A, Tryti 1, Tryri 2, Tryn 2 (b), sed corrector Trnin. Triti 3, Triti 4, 4 (a). <sup>1031</sup> misericordiam A. <sup>1032</sup> premit superscr. recentior manus 1, quem gravat qui s. 3, 4. <sup>1033</sup> dirigerat 3. <sup>1034</sup> archiepiscopus addit 4 (a). <sup>1035</sup> Radun 3. <sup>1036</sup> episcopus deest 4, 4 (a). <sup>1037</sup> Gnezdensis 1. <sup>1038</sup> corr. A. <sup>1039</sup> satis deest A, 1, 2, 2 (a), 4, 4 (a), 5, haud et satis desunt 2 (b). <sup>1040</sup> dilatando ampliaverit 2 (b). <sup>1041</sup> retulimus 4, 4 (a) <sup>1042</sup> Mesko 1, et ita porro. <sup>1043</sup> deest 3. <sup>1044</sup> deest A. <sup>1045</sup> Bolezlav 1. <sup>1046</sup> ducæ, omisso fratres 3. <sup>1047</sup> secundæ 2, 4 (a). <sup>1048</sup> Oodaldricus 1, Udalricus 2 (b), Oalrilcus 3, et sic deinceps. Odelricus 4. Oudalricus 4 (a), Dedalricus 5.

#### NOTÆ.

(372) Lucan., Phars. III, 152.

(373) Jam in tabula anni 999 Gaudentii archiepiscopi mentio fit; cfr. Wilmans Olto III, p. 113.

(374) Dubito num Cosmas ex descriptione diocesis Pragense in privilegio pontificis merito conjece- ra, Bolezlavum ferro regni fines ampliasset.

(375) Cognomento Rufus, teste Tietmaro V, 7.

(376) Imo Bolezlaus cognomine Chrabry, filius Mesconis.

(377) Krakau.

(378) Hoc falsum esse vide supra.

ricus <sup>1049</sup> autem a pueritia <sup>1050</sup> traditus erat imperatoris Henrici <sup>1051</sup> in curiam, quod addisceret mores <sup>1052</sup> et eorum <sup>1053</sup> astuciam ac Teutonicam linguam (379). Post hæc transacto non longo tempore (380) supradictus uterque dux Mescio et Boleslaus in condito <sup>1054</sup> loco conveniunt ad colloquium, et data fide ac juramento firmata inter se pace, dux Mescio invitatur Boleslaum, quo dignaretur venire ad suum <sup>1055</sup> convivium. At ille, sicut erat vir columbinus et sine felle (381), suorum consilio familiarum dixit se omnia facturum velle. Sed quæ pestis nocentior quam familiares inimici? Quorum quia non potuit contraire dolosis consiliis, immo jam suis fati, habet meus præsa ducis! vocat ad se nobiliores, et quos relicturus erat in regno, qui videbantur sibi fideliores, et his eos affatur dictis: *Si quid forte mihi, quod absit! alter et præter fidem atque spem in Polonia venerit, hunc <sup>1056</sup> meumnatum Jaromir vestræ fidei committo, et mei in loco ducem vobis relinquo.* Sicque dispositis regni negotiis ite cariturus lumine, et intrat urbem Kracov sinistro omine <sup>1057</sup> perit ducis Mescionis ad <sup>1058</sup> convivium. Nam mox inter prandendum pax, fides, jus hospitale rumpitur, dux Boleslaus capitur atque oculis privatur (382), suosque omnes alios trucidant <sup>1059</sup>, alios obtruncant, alios carceri tradunt. Interea iducis Boleslai domestici et familiares inimici, gens invisa, generatio mala, Wrisovici <sup>1060</sup> (383), operabantur <sup>1061</sup> abhominabile malum et antea retro seculis inauditum (384). Quorum primus et quasi caput locius iniquitatis erat Kochan <sup>1062</sup>, vir sceleratissimus et omnium malorum hominum pessimus. Illic et sui propinqui, homines iniqui <sup>1063</sup>, ducis cum filio Jaromir venientes venationis ad locum, qui dicitur Weliz <sup>1064</sup> (385), postquam referente fama perceperunt <sup>1065</sup> quæ facta sunt de duce in Polonia: *Quis iste est, inquit, homuncio <sup>1066</sup>*

*Alga qui (386), qui super nos debeat <sup>1067</sup> esse major et dominus vocari? An non invenitur inter nos melior qui et dignior sit dominari? Ah! mala mens, malus animus! Quod ruminant sotri, palam faciunt ebrui. Nam iniquitas eorum ut <sup>1068</sup> incaluit et assumpsit cornua mero, capiunt dominum suum et crudeliter ligant, atque nudum et resupinum per brachia et pedes ligneis <sup>1069</sup> clavis affigunt humi, et saltant saltu <sup>1070</sup> ludentes militari, saltantes in equis trans corpus sui <sup>1071</sup> heri <sup>1072</sup>. Quod videns unus de conversis <sup>1073</sup> nomine Dovoræ <sup>1074</sup>, velociter currans in Pragam.*

Quod factum fuerat ducis <sup>1075</sup> nunciavit <sup>1076</sup>

[amicis:

et eadem hora <sup>1077</sup> deducit eos ad turpe bravium sine mora. Quos <sup>1078</sup> ubi <sup>1079</sup> viderunt iniquitatis operarii armatos super se repente irruere, diffugiunt ut vespertiliones per silvarum latebras <sup>1080</sup>. At illi, ut invenerunt <sup>1081</sup> ducem male muscis laceratum, seminecem, nam <sup>1082</sup> ut examen apum, sic ascendebat agmen muscarum super corpus nudum, solventes eum et vehiculo ponentes deferunt Wissegrad <sup>1083</sup> in urbem. Servo autem Dovoræ, omni laude digno ducis amico, talis gratia redditur <sup>1084</sup> pro merito. Nam voce <sup>1085</sup> præconica <sup>1086</sup> indicitur ubique per fora, ut quam ipse Dovoræ tam ejus proles postera, sit inter nobiles et ingenuos <sup>1087</sup> in æternum et ultra. Insuper dant ei et dignitatem venationis, quæ pertinet ad curtem Stebecnam <sup>1088</sup> (387), quam ex tunc et usque modo per generationes ejus possident nepotes.

33. Dum hæc geruntur in Boemia, dux Mescio veniens cum valida manu Polonica invasit urbem Pragam, et per duo spacia annorum, scilicet anno dom. inc. 1000, anno dom. inc. 1001 obtinuit eam (388). Sed Wissegrad <sup>1089</sup> urbs duci suo fidelis <sup>1090</sup> mansit imperterrita et inexpugnabilis. Hisdem

#### VARIE LECTIONES.

<sup>1049</sup> Odaldricus 1. <sup>1050</sup> a pueritia *desunt* A. <sup>1051</sup> Henrici A. <sup>1052</sup> *ita corr.* 1, *morem* A, *rel.* <sup>1053</sup> *deest* A. <sup>1054</sup> concilio 1. <sup>1055</sup> ad s. ven A. <sup>1056</sup> *crasum* 1. <sup>1057</sup> homine 1. <sup>1058</sup> ad *deest* 4, 4 (a) <sup>1059</sup> alios trucidant *desunt* 4, 4 (a). <sup>1060</sup> Wrisovici 1, Wrissevi 2 (b), Versorvici 3, Wrisovici 4, 4 (a) <sup>1061</sup> operantur 4, 4 (a). <sup>1062</sup> c. *superscr. al. man.* A. Kohan 1, 2 (b), 4, 4 (a). Cohan 3. <sup>1063</sup> homines iniqui *desunt* A, 1. <sup>1064</sup> Veliz 2, Weliz 2 (b), 3. <sup>1065</sup> perceperat 3. <sup>1066</sup> h *superscr. al. manu* 1. <sup>1067</sup> debet A, 2, 4. <sup>1068</sup> *superscr.* A. <sup>1069</sup> ligneis *deest* 2 (b), 4, 4 (a). <sup>1070</sup> *deest* 4, 4 (a). <sup>1071</sup> *omittunt* 4, 4 (a). <sup>1072</sup> *eri corr.* heri *al. man.* 1, <sup>1073</sup> suis *addit.* 3. <sup>1074</sup> Dovoræ 2 (a). *et sic deinceps.* Dovoræ 4. <sup>1075</sup> duci 2. <sup>1076</sup> nunciat A, 2, 2 (b), 3, 4, 4 (a) <sup>1077</sup> ora *corr.* hora 1. <sup>1078</sup> Quod 4. <sup>1079</sup> *deest* 2 <sup>1080</sup> tenebras A. <sup>1081</sup> viderunt 4, 4 (a) <sup>1082</sup> *deest* 2. <sup>1083</sup> Wisegrad 1, Wisegrad 2. <sup>1084</sup> *deest* 2. <sup>1085</sup> *falso repetit* 1. *pro merito.* <sup>1086</sup> præconia A, 3, 4, 4 (a). <sup>1087</sup> ducis amicos *addit corr.* 2 (b). <sup>1088</sup> Stebecnam 2, Stebecnam 3, Stebecnam 4, 4 (a). <sup>1089</sup> Wisegrad 4, 4 (a). <sup>1090</sup> fideliter 3.

#### NOTÆ.

(379) Aufugerant in Germaniam, quia Boleslaus Jaromirum evirari, Udalricum in balneis suffocari jusserat; cfr. Thietmar. V, 15. Ex ipso rerum ordine patet Henricum illo tempore minime imperatorem, sed Bavarie ducem fuisse.

(380) I. e. anno 1003; fugit Cosmam, Boleslaum a. 1002 Bohemia expulsus et anno 1003 a Boleslavo Polono restitutum esse, cum medio tempore Wladiboi Polonus et Jaromir regnum paucos menses obtinuissent. De his omnibus cf. Thietmar. I. I.

(381) Thietmaro V, 7, est immensæ impietatis auctor; et merito; confer quod idem narrat V, 18.

(382) Obiit anno demum 1037, ut testantur Annales Pragenses.

(383) Est patronymicum, *fili posteri Wris*; cfr. Palacky Gesch. Bohmens, I, 163, 363.

(384) Quod quo tempore factum sit non satis liquet. Dobner V, 57 ad annum 1042 celus revocat.

(385) Postero tempore hoc loco præpositura exstatat S. Joanni Baptistæ dedicata, quæ haud procul a Rakoniez sita in bello Hussitico diruta est. Cfr. Pubitschka III, 205.

(386) Horgserm. II, 2, 8.

(387) Zbecna in circulo Sacensi.

(388) Annis 1003 et 1004 tenuit Pragam dux Polonie, vid. Annal. Quedlinburgenses et Thietmar. VI, 9.

<sup>1091</sup> vero diebus idem <sup>1092</sup> dux Mesco mittit legatos A ad imperatorem, dans ei et promittens <sup>1093</sup> infinitam pecuniam, quod filium ducis Boleslai, nomine Udalricum <sup>1094</sup> qui erat ejus in obsequio, catenatum mitteret <sup>1095</sup> in custodiam (389). O invictissima fames auri ! ubi est potentissimum jus Romani imperii ? Ecce possessor auri pressus ponderibus auri ducis obtemperat jussis, et tortor fit ac carceris mancipator auro corruptus imperator. Nec mirum, si ille paruit duci <sup>1096</sup>: cum nostris temporibus (390) Wacek <sup>1097</sup>, sub mola rusticana natus, tertium Henricum (391) regem potentissimum — o indignum <sup>1098</sup> facinus <sup>1099</sup> ! — catena aurea ut molossum traxit in Boemiam ; et quod jubet famulorum famulus, parat dominorum dominus, atque Borivoy <sup>1100</sup> ducem paret tenacem (392), virum veacem, usque ad genua compositum rex mittit in custodiam, ceu iniquum <sup>1101</sup> hominem et mendacem. Sed hæc in suo <sup>1102</sup> loco plenius exarabuntur stilo.

36. Factum <sup>1103</sup> est autem anno dom. inc. 1002 (393) jam Christo Boemos respiciente <sup>1104</sup>, et sancto Wenczelao suis auxiliante, incertum est nobis, utrum clam fuga elapsus an jussu imperatoris dimissus, dux Oudalricus (394) rediens in <sup>1105</sup> patriam, intrat munitissimum <sup>1106</sup> castrum, nomine Drevic <sup>1107</sup> (395), unde militem mittit <sup>1108</sup> sibi fidelem, et ammonet, quo intrans urbem Pragam per noctem clau-gore <sup>1109</sup> bucinæ perterrefaciat incautum hostem. Mox fidelis cliens jussa facit, et ascendens noctu in media urbe eminencio-rem locum, qui dicitur <sup>1110</sup> Zizi <sup>1111</sup> (396), tuba intonat et clara voce clamans ingeminat (397): *Fugiunt* <sup>1112</sup>, *fugiunt Polonii* <sup>1113</sup> con-

*fusi turpiter, irruite, irruite, armati Boemi acriter.* Ad quam vocem irruit super eos formido et pavor, quod erat mira Dei permissio et sancti Wenczelai intercessio. Diffugiunt omnes, alius oblitus sui, et <sup>1114</sup> armorum, nudus nudum insilit <sup>1115</sup> equum et fugit, alius ut dormivit, etiam <sup>1116</sup> sine braciis <sup>1117</sup> accelerat fugam. Fugientesque nonnulli præcipitantur de ponte, quia pons erat interruptus ad insidias hostibus: aliis fugientibus per <sup>1118</sup> præruptam viam, viam, quod vulgo dicitur per caudam urbis, in arcta posterula præ angustia exitus ibi innumeris oppressis (398), vix ipse dux Mesco cum paucis evasit. Sicque fuit, ut solet fieri, quando homines fugiunt <sup>1119</sup> præ timore — etiam ad motum auræ pavent, et ipse pavor timorem sibi anget, — ita, hos <sup>1120</sup> nemine persequente <sup>1121</sup>, videbantur eis saxa et parietes post se clamare et fugientes persequi. Postera luce dux <sup>1122</sup> Oudalricus <sup>1123</sup> intrat urbem Pragam, et eisdem <sup>1124</sup> familiaribus inimicis, de quibus supra retulimus, fraudulenter suggerentibus (399), fratrem suum Iaromir tercia die privat lumine (400). Huic ex legitimo matrimonio non est nata soboles propter infecunditatem conjugis; sed ex quadam femina nomine Bozēna <sup>1125</sup>, quæ fuit Cresinæ <sup>1126</sup>, filium præstantissimæ formæ suscepit, quem Bracizlau <sup>1127</sup> appellari fecit (401). Nam quadam die de venatu cum <sup>1128</sup> rediret per villam rusticanam, hanc quam prædiximus, feminam ad puteum lavantem pannos vidit, et intuitus eam a vertice usque ad talos, hausit pectore ignes amoris non modicos. Erat enim corporis ejus habitudo <sup>1129</sup> insignis, nive candidior, mollior cygno, nitidior ebore antiquo-

#### VARIÆ LECTIONES.

<sup>1091</sup> idem 1. <sup>1092</sup> i, *superscr. al. manu*, idem A. <sup>1093</sup> et promittens *desunt*. A. <sup>1094</sup> Oudalricum 1. <sup>1095</sup> filius ducis Boleslai — catenatus mitteretur 4, 4 (a). <sup>1096</sup> ob indignum 2, o dignum 4, (4 a.) <sup>1097</sup> scelus 4, *man.* <sup>1098</sup> Wacek 1, Wack 2, 2 (a), Wak 2 (b) Vecek 3. <sup>1099</sup> al manu *superscr. al.* <sup>1100</sup> Udalricum *corr. 2(b) deest.* 5. <sup>1101</sup> inimicum *alia manu superscr. iniquum A.* <sup>1102</sup> al manu *superscr. A.* <sup>1103</sup> actum 2 (b), 3. <sup>1104</sup> s s *superscr. al manu* 1. <sup>1105</sup> ad A, 2, 2 (b), 3. <sup>1106</sup> invictissimum 3. <sup>1107</sup> Drevic 3, Drevic 4, 4 (a). <sup>1108</sup> mittit mil. A. <sup>1109</sup> clangorem 2. <sup>1110</sup> qui dicitur *deest.* 2. <sup>1111</sup> Zizi *cum punctis super z utrumque* 2. Sizi 2 (a), Zizi 2 (b). *Corr. in margine addit*: modo Strahow vocitatur. Zicis 4, 4. <sup>1112</sup> fugiunt *semel* 4, 4 (a). <sup>1113</sup> Poloni 2 (b) 3. <sup>1114</sup> et *deest.* 4, 4 (a). <sup>1115</sup> in *addit* A. <sup>1116</sup> et 2 (b) 3. <sup>1117</sup> braciis *corr.* 2 (b), 3. <sup>1118</sup> per *deest* 4 (a). <sup>1119</sup> præ t, f, A. <sup>1120</sup> ita ut hos *eraso* ut A. ut hos 1, ita homines 3. ita hos *rell.* <sup>1121</sup> prosequente 2, 2 (b) 3. <sup>1122</sup> dux 1, A. <sup>1123</sup> Odalricus 1. <sup>1124</sup> His 2 (b), 3. <sup>1125</sup> Bozēna 2. <sup>1126</sup> Kresine 1, 2, Krezmae 3, Krizine 4, 4 (a). <sup>1127</sup> Brzieczislaum 2, Bratislau 2 (b), Brecis aum 3, Brazislaui 4 (a), Bratislav 5. <sup>1128</sup> *deest.* 4 (a). <sup>1129</sup> abitudine *corr. albitudo* 1, habitudo *rell.*

#### NOTÆ.

(389) Aliter rem se habuisse narrat Thietmar. V, 19; non a Polonorum parte stetit Henricus, sed exules Bohemorum principes adjuvit.

(390) Anno 1119; cfr. infra III, 32.

(391) Quintus est Henricus.

(392) Hor., od. III, 3, 1.

(393) Anno 1004.

(394) Thietmaro teste V, 9, Iaromirus erat qui Pragam expugnavit.

(395) Situm erat inter Rocow et Kornhaus, Palaschy I. 259.

(396) Qui nunc Strahovia dicitur, Pulkava.

(397) In carmine populari *Udalrich und Jarmir*. p. 155:

*Geht ein Hirt als früh der Morgen dämmert,  
Ruft hinauf, dass man das Thor ihm öffne.  
Hört des Hirten lauten Ruf die Wache,  
Öffnet ihm das Thor am Moldaustrome.*

*Auf die Brücke tritt der Hirt, laut bläst er.* — Teste Thietmaro campanis Wissegradensibus seditionis signum datum est.

(398) In carmine populari, l. 1.

*Schreck ergreift die Polenkrieger alle:*

*Ha, die Polen greifen nach den Waffen.*

*Ha, die Grafen führen mächt ge Streiche!*

*Und die Polen sprengen hierhin, dorthin,*

*Rennen im Gedröng zum Thor durch Gräben,*

*Rennen, rennen vor den tapfern Streichen.*

(399) Gente Wrissovici, cfr 1, 34.

(400) Octo annos Iaromirus Bohemiæ regnum tenuit, anno demum 1012 a fratre expulsus, lumine a 1034 privatus est. Thietmar. VI, 45, et Ann. Hildesheim.

(401) Cum Cosmæ hoc post ducatum adeptum factum esse videretur, Udalrici nuptiæ cum Bozēna sine dubio cum Dobnero post annum 1012 rejiciendæ sunt.

pulchrior saphiro. Hanc continuo mittens dux tulit in sua, nec tamen antiqua solvit conubia, quia tunc temporis, prout cuique placuit, binas vel ternas conjuges <sup>1130</sup> habere licuit: nec nefas fuit viro rapere alterius uxorem, et uxori alterius nubere marito. Et quod nunc ascribitur pudori, hoc tunc fuit magno dedecori <sup>1131</sup>, si vir una conjugē aut conjunx uno viro contenti viverent. Vivebant <sup>1132</sup> enim quasi <sup>1133</sup> bruta animalia, conubia habentes communia.

### 37. Eodem anno

Cæsar ab hoc mundo migravit tercius Otto, Vivat ut <sup>1134</sup> in cælis, ubi vivit quisque fidelis. Huic successit filius ejus <sup>1135</sup> (402) Henricus imperator, qui inter cætera <sup>1136</sup> quæ fecit in vita sua pro Christi nomine magnalia, construxit claustrum <sup>1137</sup> in quodam monte, non modico sumptu empto a possessore loci, nomine Pabo, unde traxit nomen <sup>1138</sup> Bamberck <sup>1139</sup>, quod est Pabonis mons. Ibi etiam constituit <sup>1140</sup> episcopatum quem in tantum ampliavit facultatibus et dignitatibus pontificalibus, ut in tota orientali Francia non ultimum, sed secundum post primum habeatur episcopium <sup>1141</sup>. Edificavit etiam <sup>1142</sup> ibi et templum miræ magnitudinis

Post rediens per Constantinopolim, ibi quidem erat <sup>1143</sup> heremita, ad quem ille veniens Hierosolimita, post multa et dulcia atque sancta colloquia, suppliciter rogabat eum, ut pro incolomitate imperatoris Henrici oraret Deum <sup>1144</sup>.

Ad quem ille: *Non est, inquit, pro incolomitate orandum, quia ex hac convalle lacrimarum translatus est jam in requiem beatorum.* At ille instat et rogat, ut sibi dicat, unde hoc sciat, Et ille: *Hac, inquit, proxima nocte, dum nec adeo vigilarum nec omnino dormirem, sustulit me alla visio ad magnum campum valde planum et nimis latum atque jocundum; et vidi*

A in honore <sup>1145</sup> sanctæ Mariæ Virginis et sancti Georgii Christi martiris, quod similiter in tantum adauxit dotalibus ecclesiæ et ornatibus auri et argenti et cæteris regalibus <sup>1146</sup> aparatibus, ut mihi videatur de his tacere melius, quam dicere minus et quam habeatur in re.

Utile de multis factum referam tamen <sup>1147</sup> unum. Haud <sup>1148</sup> longe ab urbe prædicta quidam erat anachoreta <sup>1149</sup>, sanctarum virtutum archimandrita, ad <sup>1150</sup> quem imperator, sæpe fingens quasi venatum ire vellet, sæpe <sup>1151</sup> faciens aliquam occasionem, clam cum solo cliente veniebat et se ejus orationibus commendabat. Hunc cum intellexisset cæsar <sup>1152</sup> quia <sup>1153</sup> causa orationis Hierosolymam <sup>1154</sup> ire vellet, committit ei dominici corporis et sanguinis calicem aureum, qui pro sui magnitudine, ut facile possit a quoquam levari, duas ex utroque latere habuit ansas, quod nos vulgo dicimus aures, quem ut intingat <sup>1155</sup> sub trina <sup>1156</sup> mersione in Jordane, ubi <sup>1157</sup> Christus baptizatus est a Johanne, præcipit imperator et rogat, dans ei pecuniam quantum sufficeret ad viam. Quid multa? Homo Dei vadit Ierosolimam, jussa facit ter mergens calicem Jordanis in unda <sup>1158</sup>.

transibat <sup>1159</sup> per Bulgariam. sancta degens vita <sup>1160</sup>

C ibi malignos spiritus terribissimos, quorum ex ore et naribus exibat sulfurea <sup>1161</sup> flamma, qui imperatorem Henricum per <sup>1162</sup> barbam invilum et quasi ad iudicium <sup>1163</sup> traherent <sup>1164</sup>: alii collum ejus furcis ferreis impingentes <sup>1165</sup> læti clamabant <sup>1166</sup>: « Noster est, noster est. » Quos a longe sequebatur sancta Maria et <sup>1167</sup> sanctus Georgius, quasi tristes et quasi eripere

## VARIÆ LECTIONES.

<sup>1130</sup> al. manu in margine A, appositum <sup>1131</sup> ita 1, 2 (b), 3, decorari corr. decori A. decori 2, 4, 4 (a), sed in posterioribus de erasum. <sup>1132</sup> videbant. A. corr. al man. vivebant. <sup>1133</sup> in margine A. alia manu appositum. <sup>1134</sup> deest. 4, 4 (a). <sup>1135</sup> filius ejus desunt. 2. <sup>1136</sup> cuncta 2. <sup>1137</sup> castrum 1, 2, 2 (b), 3, 4, 4 (a). <sup>1138</sup> n. tr. A. <sup>1139</sup> Babenberg 1, Pabenberg 3, Babenberg 4. <sup>1140</sup> construxit 1. <sup>1141</sup> episcopatum 2. <sup>1142</sup> edificavit etiam — monasterio desunt. 5. <sup>1143</sup> honorem 2 (b), 3. <sup>1144</sup> ita 1. regaliter rell. <sup>1145</sup> deest. A. <sup>1146</sup> corr. A. <sup>1147</sup> anachorita 1. <sup>1148</sup> at A. <sup>1149</sup> ita additis verbis ad venationem 1. sæpe ad venationem faciens A. 2, 2 (b). erronee adventionem 2. ad venationem iter 3. ad venatum ire vellet 4, 4 (a) <sup>1150</sup> Henricus addit. 4. <sup>1151</sup> quod 2 (b). <sup>1152</sup> Iherosolimam 4, 4 (a). Ierosolymam 2, 4. <sup>1153</sup> intingat 2 (b), 3. <sup>1154</sup> trina 2 (b), 3, 4, 4 (a). <sup>1155</sup> Jesus addit 4. <sup>1156</sup> undam 4, 4 (a) <sup>1157</sup> transiebat A. 4. <sup>1158</sup> er. quidam A. <sup>1159</sup> sanctam gerens vitam A. sanctam degens vitam 3. <sup>1160</sup> dominum A. <sup>1161</sup> fulgurea 1. <sup>1162</sup> et 1. <sup>1163</sup> et — iudicium desunt A. <sup>1164</sup> habebant 3. <sup>1165</sup> urgentes A. 4, 4 (a). impingentes urgentes 1. <sup>1166</sup> dicentes addunt corrector. 2 (b), 4, 4 (a). <sup>1167</sup> omissum 2.

## NOTÆ.

(402) Quam longe Cosmas hic a veritate aberraverit, neminem latet. Unde sequentem fabellam hauserit nescio. Eandem paulo ante Cosmam Leo Ostienseis II, 47, non de S. Georgio sed de S. Laurentio narravit, et post eum Adalbertus in Vita S. Henrici, c. 33. Ambo eandem fere rem longe aliis expresserunt verbis, ita ut nullum societatis vinculum inter tres hoc auctores intercedere possit. At eandem narrationem hanc ut apud Cosmam verba legimus apud Crusium in Anali-

bus Suevicis II, 186, qui hæc testatur: *Hæc in illo magno volumine, quibus ecclesiastica et monastica gens non tantum pro summa liberalitate grata esse erga benefactorem voluit, sed etiam alios proceres et divites ad similem et parem beneficentiam invitare.* Sed monasterium ubi hic libellus scriptus sit tacet. At cum Cosmæ sermo rhythmicus in eodem fragmento legatur, sine dubio non genuinum sed ex ipsius Chronico est desumptum.

*cum volentes et cum eis litigantes, donec suspensa est in medio campo trutina, cujus capacitas laetior fuit quam duo millaria* <sup>1168</sup>. *Ad sinistram maligna pars magna et immensa pondera et innumerabilia, quæ sunt* <sup>1169</sup> *mala opera, inponebant. At contra sanctum Georgium vidi monasterium magnum cum toto claustrum imponere, vidi aureas cruces preciosis lapidibus graves, vidi tot plenaria gemmis et auro grandia, vidi candelabra* <sup>1170</sup> *aurea et turibula atque pallia innumera* <sup>1171</sup>, *et quicquid boni rex in vita fecerat. Sed adhuc maligna pars præponderabat et clamabat: « Noster est, noster est* <sup>1172</sup>. » Tunc sancta Maria accepit aureum calicem magnum de manu sancti Georgii, et concutiens ter caput inquit: « Certe <sup>1173</sup> *non vester, sed noster est* <sup>1174</sup>; » *et cum magna indignatione projecit calicem ad parietem ecclesiæ, et* <sup>1175</sup> *fracta est una* <sup>1176</sup> *ansa calicis. Ad cuius tinnitum* <sup>1177</sup> *mox evanuit agmen ignium* <sup>1178</sup>, *et accepit sancta Maria per munus dexteram et sanctus Georgius per sinistram imperatorem* <sup>1179</sup>, *et eduxerunt* <sup>1180</sup> *secum, ut crederet, in cælestem* <sup>1181</sup> *habitationem. At ille Hierosolimita corde revolvens ea quæ dicta sunt, descendit ad sarcinas et invenit fractam calicis ansam, sicut prædixerat heremita. Qui usque hodie magni miraculi pro testimonio habetur Bamberg sancti Georgii* <sup>1182</sup> *in monasterio* <sup>1183</sup>.

Anno dominicæ incarnationis 1003. Hic interfecti sunt Wrissevici <sup>1184</sup> (403).

38. Anno dominicæ incarnationis 1004 <sup>1185</sup>. Benedictus cum sociis suis martirizatus est <sup>1186</sup>. Temporibus <sup>1187</sup> Henrici <sup>1188</sup> imperatoris, qui post Ottonem C

Nec fuit ulla quies, stant tota nocte lugentes

Tam proprium quam plebiculæ scelus atque reatum.

Nunc sonant pectora crebris tusionibus livida,  
nunc <sup>1206</sup> sudant <sup>1209</sup> corpora <sup>1210</sup> innumeris genuflexionibus <sup>1211</sup> fessa,  
nunc manibus expansis et oculis erectis,  
vivat ut in cælis precibus unusquisque instat anhelis.

Nunquam locuti sunt ad invicem, nisi venientem ad hospitem.

et ad hunc paucis. Vere legis factores, non auditores erant, vere semetipsos cum viciis et concupiscentiis mundi crucifigentes, et crucem Christi mente et corpore bajulantes, gratum Deo sacrificium non

tercium rex Romanum imparium, in partibus Poloniæ quinque fuere monacæi et heremitæ, veri <sup>1189</sup> Israelitæ, Benedictus, Matheus, Johannes, Ysaac, Cristinus <sup>1190</sup>, et sextus Barnabas: quorum non est inventus in ore dolus nec in manibus pravum opus. Horum de vita patrum scripturus multa, malui pauca, quia semper dulcius sumitur quæ parcus apponitur esca (404). Erat enim eorum <sup>1191</sup> conversatio laudabilis, Deo acceptabilis, hominibus admirabilis et eam sectari volentibus imitabilis <sup>1192</sup>. Nam ad <sup>1193</sup> hoc merita sanctorum <sup>1194</sup> ammiramur <sup>1195</sup>, ut eos imitando ipsi ammirabiles reddamur. Hos quippe viros quinque non <sup>1196</sup> incongrue æquipparare possumus sive quinque porticibus probaticæ piscinæ, sive quinque prudentibus virginibus oleo habundantibus misericordiæ <sup>1196</sup>, quia pauperes ipsi pauperibus Christi, quos in suis confovebant mansuionibus <sup>1197</sup>, prout poterant, subministrabant misericordiæ sumptibus. Ipsi autem virtus taliserat abinentiæ, ut alius bis, alius semel in sabbato, nullus tamen dietim <sup>1198</sup> sumeret cibum. Cibus autem eis <sup>1199</sup> holus propriis elaboratum manibus; panem raro habuere, sed pisces <sup>1200</sup> nunquam, legumina aut <sup>1201</sup> milium non <sup>1202</sup> nisi in <sup>1203</sup> pascha <sup>1204</sup> sumere licuit, lympham incorruptam, et hanc libant ad mensuram, carnis esca eis abhominabilis <sup>1205</sup> et femina visus execrabilis. Vestis hyrta et aspera <sup>1206</sup>, contexta de cauda et equinis <sup>1207</sup> jubis. In lectulo lapis pro sustentaculo capitis, et matta pro lectisterio, et hæc vetus nimis et singularis.

ex <sup>1212</sup> pecore alieno, sed ex corpore proprio offerrebant <sup>1213</sup>, quia cottidie vicissim vapulabant. Talis enim.

#### VARIELECTIONES.

<sup>1168</sup> millia 1. <sup>1169</sup> quæ sunt *desunt* 4, 4 (a). <sup>1170</sup> ita 1. cand. argentea A. 2, 2 (b), 3, 4, 4 (a) <sup>1171</sup> corr. 4. <sup>1172</sup> noster est *desunt* 1. <sup>1173</sup> superscr. 1. <sup>1174</sup> omissum 4, 4 (a). <sup>1175</sup> ubi 3. <sup>1176</sup> pars *add.* 2. <sup>1177</sup> tremi tum 3. <sup>1178</sup> superscr. 1. *alia manu.* <sup>1179</sup> Henricum *add.* 4, 4 (a). <sup>1180</sup> duxerunt A. 2, 2 (b), 3, 4, 4 (a). <sup>1181</sup> patriam vel hab. A. <sup>1182</sup> martiris 4. <sup>1184</sup> in ecclesia S. Georgii A. <sup>1184</sup> Wrissevici 1. *rell. ut supra.* <sup>1185</sup> sanctus *add.* 4, 4 (a). <sup>1186</sup> quinque fratres martyrizati sunt 3. <sup>1187</sup> sequentia omnia usque atque Johannes *desunt* 5. <sup>1188</sup> Heinridi 1. <sup>1189</sup> viri A. 2, 2 (b), 3. <sup>1190</sup> Crispinus 3. <sup>1191</sup> in margine A. *appositum.* <sup>1192</sup> quæ sequuntur, usque ad verba: Passi sunt autem *desunt* 3. *Post verba tamen sectari volentibus imitabili addit:* Hactenus hæc. <sup>1193</sup> ob A. <sup>1194</sup> eorum A. <sup>1195</sup> ammiramur 4 (a). <sup>1196</sup> Hunc locum ita dedit cod. A. Hos quippe viros V prudentibus virginibus oleo habundantibus misericordiæ et eos (*expunctum*) non (*alia manu superscriptum*) incongrue æquipparare possumus sive V portionibus (onibus *expunct. superscr.* tibus) probaticæ piscine quia, etc. <sup>1197</sup> eis *add.* 4, 4 (a). <sup>1198</sup> dietim 1. <sup>1199</sup> erat *addunt* 4, 4 (a). <sup>1200</sup> pisces 4, 4 (a). <sup>1201</sup> autem 1. <sup>1202</sup> deest 2. <sup>1203</sup> deest A. <sup>1204</sup> aut pentecosten *addunt* 4, 4 (a). <sup>1205</sup> habom. 1. <sup>1206</sup> et *addit* A. <sup>1207</sup> dequinis 1. <sup>1208</sup> tunc *corr.* nunc 1. <sup>1209</sup> fundant 1. <sup>1210</sup> pectora A. <sup>1211</sup> *corr. alia manu* A. <sup>1212</sup> *superscr. al. manu* A. <sup>1213</sup> offerrebant A.

#### NOTÆ.

(403) Sine dubio crudelissima est illa clades Boleslavi III jussu perpetrata, quam retulit Tietmarus V, 16.

(404) De iisdem viris sanctis egit Petrus Damiani in Vita S. Romualdi supra SS. t. IV, p. 852.

Mos erat illorum simul unaquaque <sup>1214</sup> dierum <sup>1215</sup>, A et stans cum flagello respondit: *Sicut*  
Post primam dorsum mollirier <sup>1216</sup> usque deorsum. *Vis, fiat*, Christumque rogat, fratremque flagellat,  
In faciemque cadens ad fratrem frater <sup>1217</sup> aiebat:  
*Si parcis peccas, cum tangis, ne michi parcas,* dicens:

*Hæc per facta* <sup>1217</sup> *pius solvat tua crimina* <sup>1218</sup> *Christus,*  
Atque cadens iterum præbet sua terra vicissim.  
*Nec Doluit, frater,* dum <sup>1220</sup> fratrem verberat alter,  
*Sed Miserere mei Deus* aut *Benedicite* cantat.  
Nam suffert leviter patitur quod quisque libenter.  
Horum Deus ex alto prospectans pacientiam  
et vitæ innocentiam, atque fidei et operis perseverantiam,  
cum jam laborum sanctorum suorum <sup>1221</sup>  
mercedem reddere vellet et ut per viam mirabilem  
eos ad patriam reduceret <sup>1222</sup> exultabilem.  
Dux Mesco audiens bonam famam eorum et conversationem sanctam,  
venit cum paucis, ut se commendaret hominibus sanctis.  
Et ut eorum <sup>1223</sup> cognovit inopiam, dat eis magnam census copiam (405),  
scilicet marsupium centum mercis plenum  
Et accipiens ab eis fraternitatem, et orationum communitatem.

lætus abiit ad suam aulam <sup>1224</sup> multum <sup>1225</sup> rogans et B quid nunquam habuerant. Stant stupefacti, et quia  
commendans se, ut sui habeant memoriam. At illi jam per dimidium annum nihil fuerant ad invicem  
nesciunt <sup>1226</sup>, quid faciant <sup>1227</sup> de pecunia, quia tale locuti, unus ex illis aperuit os, et ait:

*Est laqueus* <sup>1228</sup> *mortis argenti pondus et auri,*  
*et quibus super* <sup>1229</sup> *habundat* *mordax crumena,*  
*his non facile patebunt* *loca elysey amæna,*  
*sed horrore* <sup>1230</sup> *plena* *infernalis pæna*  
*illos cruciabit* <sup>1231</sup> *in Ethna* <sup>1232</sup>.  
*Nimirum hæc est temptatio* *humani generis inimici,*  
*ut nos faciat* *inimicos Christi.*  
*Nam qui amicus est mundi,* *inimicus constituetur* <sup>1233</sup> *Dei* <sup>1234</sup>.  
*Deo uamque* <sup>1235</sup> *contradicunt,* *qui ejus mandata non custodiunt.*  
*Nam Deus dixit:* *« Nemo potest* <sup>1236</sup> *duobus dominis servire, »*  
*et quasi exponens adjunxit:* *« Non potestis Deo servire et mammonæ (405). »*  
*Jam mammonæ erimus servi,* *qui hactenus fuimus parsymoniæ liberi*  
*An non ad morum auræ portans aurum pavebit?*  
*An non cantabit vacuus coram latrone viator* <sup>1237</sup> (406).  
*Nanne multoctens ad nos latrones venerunt* <sup>1238</sup>.

*et* <sup>1239</sup> *ob quam rem nos interficerent non inveniendes?* C <sup>1240</sup> *poliur ejiciatur cicius mortis* <sup>1241</sup> *fomentum, mali*  
*aliquando plagis nobis impostis, aliquando benedictionibus acceptis abierunt? Certe jam volat fama per mundum nos diligere mundum et ea quæ sunt mundi. Clamat contra nos et hæc ipsa, quæ nunquam sit tacere pecunia, et jam jamque aderit improba manus latronum in janua, quia quod faciunt domini sciunt plurimi, quin* *nutrimentum, animæ detrimentum, et referatur ad eum*  
*cujus est hob argentum. Et mittunt unum de fratribus, cui nomen Barnabas, qui semper exteriores tractabat causas, ut hæc* <sup>1242</sup> *ex parte fratrum referat duci: Licet nos peccatores et indigni sumus* <sup>1243</sup>, *tamen vestri memoriam in nostris orationibus habemus*

#### VARIÆ LECTIONES.

<sup>1214</sup> unaquæque 1, 2, 2 (b), 3, 4. <sup>1215</sup> die A. <sup>1216</sup> mollirier 2. *in textu. Alia manus ducta per vocem hanc linea in margine adscripta* detegunt. Mollire 4, 4 (a). <sup>1217</sup> frater fratri omissio ad 2. <sup>1218</sup> perfecta 2(b). præfata 4, 4 (a). <sup>1219</sup> tormina 2 (b). <sup>1220</sup> cum A. <sup>1221</sup> ipsorum pro sanctorum suorum 4, 4 (a). <sup>1222</sup> perduceret 2 (b). <sup>1223</sup> cum A. <sup>1224</sup> aulam curiam 1. *sed expuncta vox curiam.* <sup>1225</sup> multis 2 (b). <sup>1226</sup> nescientes A. <sup>1227</sup> facerent A. <sup>1228</sup> laqueus est A. 2. <sup>1229</sup> semper 4, 4 (a). <sup>1230</sup> horrore 4, 4 (a). <sup>1231</sup> cruciabat 2. <sup>1232</sup> Hetna 1. <sup>1233</sup> est A. constituitur 4, 4 (a). <sup>1234</sup> loco erasi verbi 1. <sup>1235</sup> autem corr. namque A. <sup>1236</sup> Non potestis A. <sup>1237</sup> cor. latr. viator A. <sup>1238</sup> veniunt 4, 4 (a). <sup>1239</sup> deest 2 (b). <sup>1240</sup> etiam addit 2. <sup>1241</sup> mortis A. <sup>1242</sup> deest 4, 4 (a). <sup>1243</sup> indignissimi A. simus 4.

#### NOTÆ.

(405) Secundum Romualdum aurum eis datum erat, ut Romam profecti coronam regiam sibi a summo pontifice impetrarent. (405\*) *Matth.* vi, 24. (406) *Juvenal.*, sat. X, 22.

*continuum. Argentum nunquam habuimus, nec habere volumus. Dominus enim noster Jesus Christus a nobis non argentum, sed bonæ operationis duplex exigit talentum Monachus si habet obulum, non valet obulum. Ecce quod tuum est accipe argentum, nobis illicita possidere non est licitum* <sup>1244</sup>. Illo abeunte ducis ad curiam, mox in prima noctis vigilia affuit manus inimica, et irrumpentes valvas <sup>1245</sup> domus subito, inveniunt eos cantantes et psallentes Domino. Quorum adactis gladiis inquit :

*Vivere si vultis cum pace bona, quod habetis Argentum nobis date nunc et parcite vobis. Scimus enim vere vos censum regis habere.*

At illi teste Deo jurant, censumque negant constanter et aiunt : *Pecunia, quam quæritis, jam est in camera ducis, quia non fuit necessaria nobis. Quod si non creditis, ecce domus nostra, quærite quantum placet vobis, tantummodo nolite male facere nobis* <sup>1246</sup>. At illi rigidiores saxis ; *Non est opus, inquit, verbis, aut nobis reddite ducis pecuniam, aut* <sup>1247</sup> *diram mortis subibitis sententiam, et statim crudeliter eos ligaverunt et per totam noctem diversis pœnis affecerunt, ad ultimum in ore gladii simul omnes interfecerunt. Sicque furor impiorum transexit eos ad regna polorum. Passi sunt autem hi fratres quinque, Benedictus, Matheus, Ysaac, Cristinus atque Johannes* <sup>1248</sup> *anno dominicæ incarnationis 1004, 3* <sup>1249</sup> *Idus Novembris.*

39. Anno dominicæ incarnationis 1005.

Anno dominicæ incarnationis 1006 <sup>1250</sup> princeps Hemma, feminei sexus gemma, febre correpta <sup>1251</sup>, a vinculis carnis est <sup>1252</sup> erepta. Cujus epitaphium <sup>C</sup> his versiculis aut vidi, aut vidisse me <sup>1253</sup> meminisse editum <sup>1254</sup> :

Quæ fuit ut <sup>1255</sup> gemma, vilis jacet en cinis Hemma.

Dic, precor, *Huic animæ da veniam, Domine.*

Anno dominicæ incarnationis 1007.

Anno dominicæ incarnationis 1008. \*

\* Stephanus rex Ungarorum claruit. 2. 2 (a).

Anno dominicæ incarnationis 1009.

Anno dominicæ incarnationis 1010.

Anno dominicæ incarnationis 1011. \*

\*\* Dedicatio Babinbergensis ecclesiæ 2. 2 (a).

Anno dominicæ incarnationis 1011.

Anno dominicæ incarnationis 1013.

Anno dominicæ incarnationis 1014. \*\*

\*\*\* Rex Henricus imperator consecratur 2. 2 (a).

Anno dominicæ incarnationis 1025 †

† Imperator Henricus Boleslaum Poloniæ ducem subegit. 2. 2 (a). 2 (b).

Anno dominicæ incarnationis 1046.

Anno dominicæ incarnationis 1017. 4 Junii <sup>1256</sup> (407) obiit Teadagus, quartus episcopus <sup>1257</sup> Pragensis ecclesiæ. Fuit autem hic <sup>1258</sup> Teadagus sancti præsulis Adalberti successor <sup>1259</sup> idoneus, corpore virgineus; moribus aureus, actibus purpureus, sui antecessoris sequens vestigia, commissa plebis persequens flagicia, et si non corpore, mente tamen tulit martirium : nec obiit more <sup>1260</sup> hominum, sed secutus Dominum in pace in idipsum dormit <sup>1261</sup> et requiescit, cui <sup>1262</sup> anno dom. inc. 1018 <sup>1263</sup> successit Heccardus <sup>1264</sup> præsul (408).

Anno dominicæ incarnationis 1019 <sup>1265</sup>.

Anno dominicæ incarnationis 1020.

40. Interea natus ducis Bracizlaus, de puericia transcendens in juventutem, ibat de virtute in virtutem ; cui præ cæteris prosperitas operis <sup>1266</sup>, proceritas corporis et formæ pulchritudine, ac virium <sup>1267</sup> sapientiæque magnitudo, in adversis fortitudo, in prosperis temperata inerat mansuetudo. Hisdem temporibus Teuthoniris in partibus fuit quidam comes valde potens, cognomine albus <sup>1268</sup> Otto, sanguine de regio prodiens stemmate patrio. Unica huius erat gnata <sup>1269</sup>, nomine Judita (409), pulchritudine

Sub Phebo cunctis quæ sunt prælata puellis : quam bonus pater et ejus optima mater, quo addiscret psalterium, tradiderant in cænobium quod dicitur Zuinprod <sup>1270</sup> (410), loci situ et mœnibus munitissimum. Sed quæ <sup>1271</sup> turres quamvis altissimæ, aut quæ mœnia firmissima <sup>1272</sup> amoris resistere et amantem possunt excludere <sup>1273</sup> ?

Omnia vincit amor (411) : rex et dux cedit amor. Igitur <sup>1274</sup> Bracizlaus, juvenum pulcherrimus, heros, acerrimus, multis referentibus audiens de nimia pulchritudine et morum probitate ac generositate parentelæ supra dictæ puellæ, ultra non habebat spiritum et intra semetipsum cœpit cogitare, utrum eam vi rapere <sup>1275</sup> temptet, an dotalibus conubia paret.

#### VARIE LECTIONES.

<sup>1244</sup> licet A. <sup>1245</sup> valvas 1. <sup>1246</sup> quicquam addit A. <sup>1247</sup> superscr. al. manu 1. <sup>1248</sup> quinque hæc nomina propria desunt 3. <sup>1249</sup> II. 2. 2 (b). Id. Nov. A. <sup>1250</sup> quæ sequuntur, priori anno in 4. 4 (a) annexa sunt. <sup>1251</sup> correctæ 1. <sup>1252</sup> deest 4 (a). <sup>1253</sup> me superscr. al. manu 1. omissum 2. <sup>1254</sup> omissum 3. <sup>1255</sup> in 1. <sup>1256</sup> ita 1. 2. IV. Id Junii desunt 4. 4 (a). <sup>1257</sup> sanctæ add. 4 4 (a). <sup>1258</sup> deest 4 <sup>1259</sup> in margine 1. al. man. <sup>1260</sup> morte 1. <sup>1261</sup> dormivit. 4. 4 (a) <sup>1262</sup> amen pro cui 2 (b). eodem anno 4. 4 (a). <sup>1263</sup> mill. XIX. 4. <sup>1264</sup> Eccardus 1. 4 (a). a recentiori manu correctum Erhardus. Ekkardus 2. Eckardus 4. <sup>1265</sup> desideratur hæc lin. 1. <sup>1266</sup> opis 3. <sup>1267</sup> virtutum 1. <sup>1268</sup> Albertus 3. <sup>1269</sup> nata A. 2, 4. 4 (a). <sup>1270</sup> Zuinprod 1. Zumbrod 3. Zuinbrod 4. 4 (a). <sup>1271</sup> deest 3. <sup>1272</sup> fortissima 4. <sup>1273</sup> extrudere 2. 2 (b). <sup>1274</sup> interea 4. 4 (a). <sup>1275</sup> capere A.

#### NOTÆ.

(407) Consentit Thietmarus VII, 41, et Necrologium Bohemicum.

(408) Antea abbas Nienborgensis. Consecratus est die 6 Oct. Thietmar. VII, 48.

(409) Erat filia Heinrici et soror Ottonis marchionis de Suinford. Vide stemma genealogicum quod

dedit Schwarz in adnotatione 108 ad Cosmam. Vide etiam Pubitschka III, 265.

(410) I. e. Suinford, ubi sanctimonialium monasterium ab. Ella, Judithæ avia, conditum fuisse probat Ann. Saxo ad a. 1015.

(411) Virg., eclog. X. 69.



Sed maluit viriliter agere quam supplicando colla A  
submittere. Perpendit enim innatam Teutonicis  
superbiam, et quod semper tumido fastu habeant  
despectui Sclavos et eorum linguam. Sed quanto fit  
semper difficilis aditus ad amorem, tanto amanti  
filius. Veneris ignem <sup>1276</sup> incutit validiorem. Flu-  
ctuatur <sup>1277</sup> mens juvenis igne succensa Veneris  
<sup>1278</sup>, velut ignibus aestuat Ethna. Et hanc <sup>1279</sup>  
apostropham <sup>1280</sup> eufonizat secum: *Aut ego conjugio  
fungar egregio, aut ego <sup>1281</sup> ludibrio mergar perpetuo,  
feri non poterit <sup>1282</sup>, ut mea non fuerit Juditha, no-  
bilibus edita natalibus, virgo spectabilis, multum  
amabilis, solis luce <sup>1283</sup> clarior, vita mihi carior;  
vivat ut superstes laus Deo sit perpes.* Et statim quos  
inter <sup>1284</sup> suos novit manu promptiores et sibi fide-  
liores, jubet probatos et laboris patientiores aptari  
equos, et fingit se ad imperatorem cito iturum et  
cicuis rediturum. Jussa viri faciunt, sed quid do-  
minus suos molitur nesciunt. Mirantur inter se  
quod tam celeriter vadunt, et quasi septem dierum  
iter agentes, vice hospitem <sup>1285</sup> intrant predicti  
cœnobii atrium. Interdixerat enim suis omnibus  
ducis natus, ne alicui eum, quis vel <sup>1286</sup> unde cesset,  
innotescerent, sed quasi unum ex ipsis se ipsum  
haberent. Cedat Ithacus callido ingenio investigasse  
naturam Thethidis <sup>1287</sup>, (412) nec se jactet <sup>1288</sup> Iliacus pa-  
stor Tyndaridem <sup>1289</sup> rapuisse Amiclis, quia hic ju-  
venis Bracizlaus ambos it præ <sup>1290</sup> et animositate et  
audacis facti immanitate. Nam postquam data est eis  
ibi pernoctandi licentia, sicut lupus, quando obam-  
bulat ovilia, quærens qua parte irrumpat ut nitidam  
rapiat agnam; sic et <sup>1291</sup> heros Bracizlaus visu <sup>1292</sup> C  
sagaci et animo illustri lustrans claustrum, vult vi  
irrumpere sed non audet, quia secum tantam coo-  
piam militum <sup>1293</sup> non habet. Forte fortuna affuit  
dies festa, et ecce mille votis optata cum suis com-  
vulis de claustro exit <sup>1294</sup> virgo Juditha, sicut puellæ  
solebant <sup>1295</sup> tenellæ ad vespere pulsare campanas

in medio ecclesiæ. Quam ut vidit audacissimus  
raptor, sui præ gaudio factus <sup>1296</sup> immemor, ceu  
lupus qui ex occulto irruit et rapit agnam, et con-  
scius facti fugit submitters caudam <sup>1297</sup>, petens  
ulteriorem latebram, sic et ille rapta virgine fugit:  
et ut venit ad portam, invenit eam catena <sup>1298</sup> mo-  
lendarum fune grossiori <sup>1299</sup> præstrictam et viam  
exeundi præclusam. Mox exempto gladio ut festu-  
cam præcidit acuto, quæ usque hodie cernitur sectio  
fortissimi ictus pro testimonio. Cæteris autem sociis  
id minime scientibus et adhuc in papilionibus man-  
nentibus, ab irruentibus inimicis comprehensis,  
aliorum erutis oculis et naribus abscisis, aliorum  
manibus et pedibus truncatis, dux cum paucis et  
virgine rapta per noctis vix evasit opaca. Rapta est  
autem virgo Juditha anno dominicæ incarnationis  
1021 (413). Et ne daretur <sup>1300</sup> Teutonicis justa  
occasio calumpniandi Boemorum, quasi, pro illata in-  
juria, ilico heros <sup>1301</sup> Bracizlaus cum nova <sup>1302</sup> nu-  
pta, patre salutato duce Oudalrico <sup>1303</sup>, recta via  
proficiscitur in Moraviam (414). Nam antea <sup>1304</sup>  
pater sibi totam illam terram tradiderat in potesta-  
tem, fugatis cunctis de civitatibus <sup>1305</sup> Poloniis <sup>1306</sup>  
(415), ex quibus multos comprehensos, centenos et  
centenos ordinatim catenatos vendi jusserat in  
Ungariam et ultra; quia revera post obitum secundi  
Bolezlai sicut urbem Pragam, ita totam Moraviam vi  
obtinuerant Polonii.

Anno dominicæ incarnationis 1022. in Polonia  
facta est persecutio christianorum <sup>1307</sup> (416).

Anno dominicæ incarnationis 1023. 6. Idus Au-  
gusti Occardus <sup>1308</sup> quartus episcopus <sup>1309</sup> Pragæ  
ecclesiæ transivit <sup>1310</sup> ab hac luce victurus perpe-  
ta vita <sup>1311</sup> (417). Fuit autem hic <sup>1312</sup> præsul <sup>1313</sup> contra  
potentes erectus, erga humiles et mansuetus <sup>1314</sup>  
pius <sup>1315</sup> et modestus, facundissimus prædicator,  
largus elemosinarum dator, dominicæ familiæ in  
mensura tritici fidelis dispensator. Hic constituit u

#### VARIE LECTIONES.

<sup>1276</sup> verba ignem — juvenis desiderantur 2; manu recenti in margine apposta sunt <sup>1277</sup> fluctuatque 2(b). 3.  
<sup>1278</sup> cupidinis A. in 1. verbis igne s. Ven. manu cœva superscriptum est telo lesa cupidinis. Eodem modo  
in 2. 5. telo igne 4. telo igne, subducta tamen voce telo, legit 4(a). <sup>1279</sup> ahnc. 1. apostropham 3. 4(a). <sup>1281</sup> deest 1.  
<sup>1282</sup> potuit 3. <sup>1283</sup> vice 3. <sup>1284</sup> deest. 1. <sup>1285</sup> hospitii 3. <sup>1286</sup> et A. 2. <sup>1287</sup> Thethidis 2 (b). Cheridis 3.  
Thechidis 4. Tchechidis 4 (a). <sup>1288</sup> jactet corr. recentiori manu jactet 1. <sup>1289</sup> i. Helenam superser. A. ul.  
manu. <sup>1290</sup> præit 3. 4 4 (a). <sup>1291</sup> sicut 2. sic omissum et 2 (b). 4. <sup>1292</sup> visu 4. 4 (a). <sup>1293</sup> deest 2. <sup>1294</sup> exiit 4.  
4 (a). <sup>1295</sup> corr. 1. <sup>1296</sup> omissum 4. 4 (a). <sup>1297</sup> causam v. sed s erasum. <sup>1298</sup> deest 3. <sup>1299</sup> deest 3. <sup>1300</sup> Et  
ne justa A. <sup>1301</sup> deest 4. <sup>1302</sup> deest 4. 4 (a). <sup>1303</sup> Odalrico 1. et sic deinceps. <sup>1304</sup> ante 2 (b). <sup>1305</sup> de civitati-  
bus desunt 4. 4 (a). <sup>1306</sup> Poloniis 1. 3. <sup>1307</sup> chr. pers. A. nihil ad hunc annum 4. 4 (a). <sup>1308</sup> Oggardus 2. Ok-  
kardus 2 (b). Ekardus 3. Ecardus 4. Heccardus 4 (a). <sup>1309</sup> sanctæ addunt. 4. 4 (a). <sup>1310</sup> transit 4. 4 (a). <sup>1311</sup>  
perpetua v. A. perpetem vitam 3. <sup>1312</sup> deest 4. <sup>1313</sup> Heccardus add. 4. 4 (a). <sup>1314</sup> mansuetus omissum et 4.  
4 (a). <sup>1315</sup> et deest 2. 2 (b). 3.

#### NOTÆ.

(412) Cfr. Statii Achill. II, 44.

(413) Hunc annum a Cosma falso prolatum esse  
sequentibus ipse probavit, quibus apparet Juditham  
post Moraviam a Bohemis expugnatam raptam esse.  
Moravia vero sine dubio eodem anno 1029 recepta  
est, quo Conradus II imperator armis contra Polonos  
movebat, quod probavit Dobner V, 156, et post eum  
Roepell I, 166. De filio Bracizlei et Judithæ anno  
1031 nato cfr. infra.

(414) Donatio quædam apud Boczek cod. dipl.  
Moraviæ 1, 111, sine notis chronologicis scripta est  
tempore quo dominus noster B. dux venit Olomucis

cum formosa sua conlectali coram choro terræ suæ  
nobiliū numero.

(415) Non de Poloniis solum, sed de Ungaris, qui  
illis Moraviam eripuerant, Bracizlaus victoriam  
reportasse, ipse testatur princeps ille in tabula qua-  
dam, qua se ducem Moraviensem appellat apud  
Boczek cod. dipl. Moraviæ I, 112; sed desunt notæ  
chronologicæ; actum est Olomuci. Quo loco Braciz-  
laus a, 1031 cum conjuge sua et filio Spitzigno  
habitasse probat alio tabula a. 1031 Boczek 1, 114.

(416) Confirmat Necrologium Bohemicum.

(417) Hoc factum est anno 1034. post mortem  
Miseconis II, cfr. Annales Hildesheim.

pro decimatione unusquisque, sive <sup>1316</sup> potens sive <sup>A</sup> dives sive pauper, tantum qui de suo p̄cedo <sup>1317</sup> vel allodio <sup>1318</sup> araturam haberet, duos modios quinque palmarum et duorum digitorum, unum tritici et alterum avenæ episcopo solveret. Nam antea, sicut primo episcopo Dethmaro <sup>1319</sup> constitutum erat, pro decimatione duos messis acervos dabant; dicimus enim <sup>1320</sup> acervum quinquaginta <sup>1321</sup> manipulos habentem. Hujus post obitum Izo <sup>1322</sup> obtinuit episcopium <sup>1323</sup>, qui ordinatus est ab eodem anno <sup>1324</sup> 4. Kal. Januarii ab archiepiscopo Maguntino <sup>1325</sup> (418).

41. Anno dominicæ incarnationis 1024. 4. Idus Julii obiit Heinricus rex <sup>1326</sup>.

Anno dominicæ incarnationis 1025. 15. Kal. Julii obiit Boleslaus rex <sup>1327</sup> (419).

Anno dominicæ incarnationis 1036.

(\* Conradus rex Romæ consecratur. 2, 2 (a). 2 (b).

Anno dominicæ incarnationis 1027.

Anno dominicæ incarnationis 1028.

Anno dominicæ incarnationis 1029.

Anno dominicæ incarnationis 1030. Hoc anno dux Bracizlaus <sup>1328</sup> magna cæde prostravit Ungaros et terram eorum usque ad urbem Strigoniam (420) devastavit. Eodem anno 3. Kal. <sup>1329</sup> Februarii Izo (421), quintus episcopus Pragæ ecclesiæ,

Transit <sup>1330</sup> ab hoc mundo bravo fruitur-  
[que <sup>1331</sup> jocundo.

Hic fuit nobilis genere, sed nobilior opere, qui prior fecit quæ faciendæ præcepit. Nam nulli magis est nota propria sedes, quam sibi carcer et infirmorum erant ædes. Nec eum <sup>1332</sup> latuit quot hominum capita vitæ sint reddita,

Vel quot mors animas ad furvas <sup>1333</sup> mittere  
[umbras.

Præterea solitus erat cotidie quater denos pauperes pascere, quibus habunde procurans cibum et potum ipse benedixit et ipse hilariter <sup>1334</sup> distribuit. Erat enim et corporis ejus pulchritudo insignis, caput capillo albius cigno, unde cognomen obtinuit, ut diceretur albus atque blandus episcopus Izo. Post hunc.

Severus præsul successit in ordine sextus,

qui tempore juventutis miræ eniteit decore agilitatis: quia quotquot erant in curia ducis, omnes suis præcellens obsequiis, sedulum suodominio et magis gratum, quia <sup>1335</sup> fidele, exhibebat servicium. Primus enim fuit officiis <sup>1336</sup> clericorum, nec minus deditus studiis laicorum; sæpè aderat comes individuis <sup>1337</sup> duci in venationibus, primus enim affuit in occisione silvatici apri, et abscidens ejus <sup>1338</sup> caudam, purgat et parat, ut ducem velle norat, paratamque venienti domino ad vescendum donat, unde dux Oudalricus sæpè sibi fertur dixisse:

*O Severe, dico tibi vere, pro hoc tam dulci edulio dignus es episcopo.* His atque hujusmodi studiis habuit gratiam ducis et placuit universis.

Anno dominicæ incarnationis 1831 <sup>1339</sup> sanctorum apostolorum Petri et Pauli in natalicio ordinatus est Severus episcopus a Maguntino archiepiscopo. Eodem anno natus est Spitzignen <sup>1340</sup> filius Bracizlai ducis.

Anno dominicæ incarnationis 1032. \*\*

\*\* Initium Szaviensis ecclesiæ <sup>1341</sup>. 2. 2 (a).

Anno dominicæ incarnationis 1031.

Anno dominicæ incarnationis 1034.

Anno dominicæ incarnationis 1035.

Anno dominicæ incarnationis 1036.

Anno dominicæ incarnationis 1037. obiit dux Boleslaus <sup>1342</sup> lumine orivarat <sup>1343</sup>.

42. Eodem anno 5. Idus Novembris (422) dux Oudalricus,

Inquens terrena captat celestia regna (423).

C Tunc Jaromir, de quo supra meminimus <sup>1344</sup>, lumine orbis, cui dux Oudalricus destinaverat <sup>1345</sup>, ut degeret <sup>1347</sup> Liza <sup>1348</sup> (424) in viculo <sup>1349</sup>, audiens quod frater suus ab hoc migrasset seculo, surgit dileculo, et imperat ut se deducant ad urbem Pragæ viculo Quo cum pervenit, jam fratrem suum ad ecclesiam delatum <sup>1350</sup> sancti Georgii <sup>1351</sup> invenit, ad cuius funus stans juxta feretrum, omnium circa astantium movit et concussit <sup>1352</sup> corda hujusmodi elegii lamento:

#### VARIE LECTIONES.

<sup>1316</sup> sive *omissum* 4. 4 (a). <sup>1317</sup> *al. manu superscr. A.* <sup>1318</sup> allidio 4 (a). <sup>1319</sup> Diethmaro 1. <sup>1320</sup> *desunt* A. 4. <sup>1321</sup> vel *pro* quinquaginta 3. *videtur in suo codice fuisse L quod scriba legiti* vel. <sup>1322</sup> Izzo 1. 2. 2 (b). 3. <sup>1323</sup> episcopatum A. 2. 3. <sup>1324</sup> *al. manu superscr. A.* <sup>1325</sup> ab arch. Mog. *desunt* 4. 4 (a). <sup>1326</sup> IV. Id. 1. — rex *desunt* 5. Theutonicorum *add.* 4. 4 (a). *transpositis aliquantum reliquis vocibus.* <sup>1327</sup> XV. Kal. I. — rex *desunt* 5. In 2 (b). *subducto rex supra adscriptum est dux. In 4 (a). rex recentius erasum.* <sup>1328</sup> Boleslaus 1. <sup>1329</sup> *ita* 1. Kal. corr. Id. A. <sup>1330</sup> hylarum 1. <sup>1331</sup> et *pro* quia 4. 4 (a). <sup>1332</sup> *is al. manu superscr. 1* <sup>1333</sup> *individuis A.* <sup>1334</sup> *desunt* A. <sup>1335</sup> 1032 4 (a). <sup>1336</sup> Zpitigneu 1. 2 (b). Zpitigneus 4. Spitzigneus 4 (a). *et sic porro.* <sup>1337</sup> *Ad sequentem annum* 2 (b): *Factum est initium etc.* <sup>1338</sup> Boleslaus 1. <sup>1339</sup> Mesko 2. 4 (a). <sup>1340</sup> *privavit* 4. 4 (a). <sup>1341</sup> *mem. Jaromir* A. <sup>1342</sup> *destinavit* 4. 4 (a). <sup>1343</sup> *expunct. et al. manu superscr. daretur A.* <sup>1344</sup> Licza 1. Lisza 2. 4. Lizza 3. <sup>1345</sup> *ita* 4. 4 (a). *vinculo rell.* <sup>1346</sup> *monasterium A. ecclesiam al. manu in margine appositum. in eod. desunt* 2. 2 (b). *sed corr. addidit ad monasterium* <sup>1347</sup> *martyris addunt.* 4. 4 (a). <sup>1348</sup> *convertit* 3.

#### NOTÆ.

(418) Probant Annales Quedlinburg.  
(419) Cfr. Roepell Gesch. Polens I, 162.  
(420) Gran, ubi Grana in Danubium exundat. Illud videtur bellum esse de quo vide supra not. 47.  
(421) Consentit Necrologium Bohemicum.

(422) De turpi ejus morte vid. Annal. Hildeshelm. 1034.

(423) Extrema Udalrici fata non bene nota sunt Cosmæ docent Annales Hildeshemenses.

(424) Lyva castrum.

*Ei mihi ! quid dicam, nisi sæpius : Heu mihi ! dicam !  
 Hei <sup>1353</sup> mihi ! germane, hey dira conditio mortis amaræ !  
 Mortuus ecce jaces, nec ego nec tu modo gaudes  
 Hujus terreni fugitivo <sup>1354</sup> culmine regni.  
 Nudius tercius <sup>1355</sup> dux nobilis, hodie truncus immobilis,  
 cras vermibus esca, post tenuis favilla <sup>1356</sup> et inanis eri: fabella.  
 Lumine privasti me, nec fratrem ut frater amasti,  
 Non fecisse modo quod fecisti mihi malles.  
 Nunc scio, si posses, mihi lumina reddere velles,  
 cum tua sunt <sup>1357</sup> nuda et <sup>1358</sup> aperta seu bene seu male facta.  
 Sed nunc ex toto tibi, frater, corde remitto,  
 Ut pietate sua Deus omnipotens tibi parcat,  
 Spiritus atque <sup>1359</sup> tuus post hac in pace quiescat.*

Post expletis <sup>1360</sup> rite funebriis <sup>1361</sup> exequiis <sup>1362</sup> accipit <sup>1363</sup> Bracizlaum fratrualem, et ducit eum ad sedem principalem: etsicut semper in electione ducis faciunt, per superioris <sup>1364</sup> aulæ cancellos decem milla nummorum aut plus per <sup>1365</sup> populum spargunt, ne <sup>1366</sup> ducem in solio comprimant, sed potius sparsos nummos rapiant. Mox duce locato in solio et facto silentio, tenens dextram sui fratruelis Jaromir dixit ad populum: *Ecce dux vester !* At illi <sup>1367</sup> bucolamant ter <sup>1368</sup>, *Krilessu* <sup>1369</sup>, quod est Kyrieleyson <sup>1370</sup>. Et iterum Jaromir ad populum: *Accedant, inquit, de gente Muncina* <sup>1371</sup> ! *accedant de gente Tepea* <sup>1372</sup> ! (425); et vocat eos nominatim, quos norat armis potentiores, fide meliores, militia fortiores et divitiis eminentiores. Quos ut sensit adesse, dixit: *Quoniam me mea facta non sinunt ut sim vester dux* <sup>1373</sup>, *hunc assignamus vobis in ducem* <sup>1374</sup> et collaudamus, quo ei obediatis, ut dignum est duci, et debitam fidelitatem exhibeatis, ut decet <sup>1375</sup> suo principi. Te autem, fili, moneo, et repetens iterum <sup>1376</sup> iterumque monebo, istos colas ut patres, hos diligas ut fratres, et id omnibus negotiis tibi consiliarios habeas. His urbes <sup>1377</sup> et populum ad regendum committas, per hos enim Boemix regnum stat et stetit atque stabit in sempiternum <sup>1378</sup>. Ast illos, qui sunt *Wrisovici, iniquorum patrum nequam* <sup>1379</sup> filii, nostri generis <sup>1380</sup> hostes domestici, familiares inimici,

*ut cænosam rotam devites et consortia eorum declines, quia nobis nunquam fuere fideles. Ecce me innocentem et suum principem inprimis ligaverunt et diversis affecerunt ludibriis, post sibi innatis versutiis et fraudulentis consiliis id egerunt, ut frater fratrem me hinc priveret oculis. Habeas, fili mi, semper in memoria sancti Adalberti præconia, qui eorum ob facta crudelia ter ut fiant super eos excidia sancta ore confirmavit (426), et excommunicavit eos in <sup>1381</sup> ecclesia. Quæ nutu Dei jam bis sunt facta, tercio ut fiant super eos excidia <sup>1382</sup>, adhuc sunt sollicita fata <sup>1383</sup>. At illi audientes hæc dissecabantur <sup>1384</sup> cordibus, et fremebant dentibus in eum ut leones: nec post multos dies Kohan, de quo supra retulimus, misso lictore <sup>1385</sup> suo, dum illo cæcus purgat ventrem in necessario noctis <sup>1386</sup> in hora, acutissima sica perforat eum in posteriora usque ad cordis <sup>1387</sup> interiora. Sicque justus vir, velut <sup>1388</sup> Dei martyr, dux Jaromir obiit anno dominicæ incarnationis 1038. pridie <sup>1389</sup> Nonas Novembris (427).*

Hactenus acta antiquitus liber continet primus. Sed quia, sicut ait beatus Hieronimus (428), aliter visa, aliter audita <sup>1390</sup>, aliter narrantur ficta <sup>1391</sup>, quæ melius scimus, melius et <sup>1392</sup> proferimus, nunc <sup>1393</sup> auxiliante Deo et sancto Adalberto ea fert animus dicere, quæ ipsimet vidimus, vel quæ <sup>1394</sup> ab his referentibus <sup>1395</sup> qui viderunt, veraciter audivimus.

EXPLICIT LIBER PRIMUS DE CHRONICIS BOEMORUM.

VARIE LECTIONES.

<sup>1353</sup> Heri 3. <sup>1354</sup> fruituri 4. 4 (a). <sup>1355</sup> concius 1. <sup>1356</sup> et jam es inserunt 4. 4 (a). <sup>1357</sup> sint 4. 4 (a). <sup>1358</sup> nuda et omissa 2 (b). <sup>1359</sup> utque 2 (b). <sup>1360</sup> hexpl. corr. expl. A. <sup>1361</sup> funebriis A 4. 4 (a). funebrie corr. funerilis 1. <sup>1362</sup> obsequiis 2 (b). <sup>1363</sup> accepit 2 (b). 3. 4. 4 (a). <sup>1364</sup> superiores 4 (a) <sup>1365</sup> in 2 (b). <sup>1366</sup> ut—non 2. <sup>1367</sup> isti 2 (b). 3. <sup>1368</sup> subclamabant 4. 4 (a). <sup>1369</sup> Krylesu 1. Krlesu 2 (b). Kirlessu 3. Krlessu 4. 4 (a). <sup>1370</sup> desunt A. <sup>1371</sup> Muncina 4. 4 (a). <sup>1372</sup> Tepea 2 (b). <sup>1373</sup> ducem corr. al. manu dux A. <sup>1374</sup> judicem 3. <sup>1375</sup> illa 1. manus coeva in rasura. par est rell. <sup>1376</sup> atque addit A. <sup>1377</sup> corr. 1. <sup>1378</sup> i. semp. desunt A. <sup>1379</sup> deest 2. <sup>1380</sup> generi 1. <sup>1381</sup> ex corr. 2 (b). <sup>1382</sup> ita 1. desunt in rell. omnibus. <sup>1383</sup> facta 1. <sup>1384</sup> disalceabantur 2. ab antiqua manu deletum ei in margine scriptum dissecabantur. <sup>1385</sup> litore corr. lictore 1. <sup>1386</sup> noctis corr. al. man. noctis A. <sup>1387</sup> noctis A. 1. al. manu superscriptum A. cordis. deest 2. corporis 2 (b). ventris 3. 4. 4 (a). <sup>1388</sup> vel et pridie superscr. eadem man. pridie A. deest 1. <sup>1389</sup> mandata recenti manu superscr. audita A. <sup>1390</sup> alia manus in 2. supra i apposuit A. <sup>1391</sup> deest A. <sup>1392</sup> nam. 1. <sup>1393</sup> quia 3. <sup>1394</sup> ferentibus 1.

NOTÆ.

(425) Ex Palackii sententia I, 168 scribendum est Muncin; sunt posteri Mun et Tepta.  
 (426) Cf. Brunonis Vita S. Adalberti, c. 21.

(427) Confirmat Necrologium Bohemicum.  
 (428) Opera Hier., ed. Vallarsi II, 521.

## INCIPIIT PROEMIUM

AD CLEMENTEM BREUNOVENSIS <sup>1395</sup> ECCLESIAE ABBATEM <sup>1396</sup>

Spirituali <sup>1397</sup> Breunensi <sup>1398</sup> cōnobii patri Cle- A menti, sic ex re nomen habenti, semper theorie <sup>1399</sup> inhærenti, Cosmas, haud dignus dici decanus, angelici <sup>1400</sup> consortia <sup>1401</sup> senatus. Cum multa mecum revolvens supersederem, quid potissimum caritatis viro tantæ sanctitatis transmitterem, quippe cui pondera auri et argenti sordent, solaque quæ sunt spiritualia placent, optimum fore <sup>1402</sup> duxi tuæ tantummodo voluntati obsequi. Intellexi enim per tuum <sup>1403</sup> clericum nomine Deocarum, qui mihi clam innotuit familiariter, quod meas nenas, quai olim Ger-

vasio <sup>1404</sup> scripseram, velles videre libenter. Hæc obblata occasione roboratus, immo cari amici persuasione compulsus, non solum quod optatis <sup>1405</sup>, verum etiam secundum ejusdem narrationis, ut ita dicam, libellum, quem similiter prout scire licuit <sup>1406</sup> a tempore Bracizlai, filii ducis Oudairici, usque ad ejus æquivocum filium regis Wratizlay digestum, tuæ paternitati pandere præsumo. Licet enim, pater o venerande, divinas non cesses epotare scripturas, et profundos philosophiæ semper exhaurias fontes, tamen hoc tam tenui liquore

Non dedigneris tua sacra proluere labra.

Sæpe enim fit, ut post fortia vina et soporifera <sup>1407</sup> pocula, naturalis quandoque homini incidat <sup>1408</sup> sitis, fitque <sup>1409</sup> haustus puri <sup>1410</sup> laticis suavior dulcibus poculis.

Sæpe fit ut Martis <sup>1411</sup> miles qui sudat in armis <sup>1412</sup>,

Gaudeat <sup>1413</sup> virgineis se commiscere <sup>1414</sup> choreis,

Aut juvat in circo <sup>1415</sup> puerili <sup>1416</sup> ludere throco <sup>1417</sup>.

Sic tu, o sanctissime pater, jam grandia et sillogistica volumina linque, et hæc mea opuscula

ubi nonnulla subsannatione et derisione <sup>1418</sup> digna invenie

quæ utique idcirco memoriæ commendes,

ut ea tibi a Deo collata sapientia quandoque ad unguem <sup>1419</sup> emendes.

Quod autem in quibusdam locis quasi metricos versus invenis, scias me scienter nescium fecisse, dum feci versus. Vale.

## INCIPIIT LIBER SECUNDUS <sup>1420</sup>.

1. Igitur dux Bracizlaus jam in paterna sede vi- B goratus, quam Deo tam hominibus beneplacitis actibus calcans vestigia <sup>1421</sup> patrum, et eos præcellens contigua arce <sup>1422</sup> virtutum, sicut sol in <sup>1423</sup> virtute sua sydereum <sup>1424</sup> lumen et lunæ nimio splendore

oboculit et ebebat <sup>1425</sup>, sic novus Achilles, novus Thitides <sup>1426</sup> Bracizlaus novis triumphis fortia acta et victoriosissimas atavorum palmas attenuat et obscurat. Nam Deus talem sibi gratiam contulit, ut quas singulis hominibus particulariter, has quoque huic indeficientes virtutes largitus est generaliter

Quippe hanc virtutum

ut in rebus rebellicis

corporis viribus

quadam speciali prerogativu sapientiæ præiret Salomon.

Unde factum est, ut in omnibus præliis victor existeret ceu Josue,

auro et argento

et undique inexhaustis

atque in largiendis

obtinuit accumulationem,

strennitate præcelleret Gedeonem

exsuperaret Samsonem,

victor existeret ceu Josue,

locuplecior esset regibus Arabia,

affluens divitiis,

innumeris non deficiens.

### VARIÆ LECTIONES

<sup>1395</sup> Breunensis 1. <sup>1396</sup> prohemium ad Clementem Breunensem abbatem 4. 4(a). <sup>1397</sup> Spirituali 2(b). 3. 4. 4(a). <sup>1398</sup> Breunovensis 4. <sup>1399</sup> theorie A. <sup>1400</sup> angelica 3. <sup>1401</sup> consortii 4. 4(a). <sup>1402</sup> omisum 4. 4(a). <sup>1403</sup> tyrum 2. <sup>1404</sup> magistro addunt 4. 4(a). <sup>1405</sup> optari 1. <sup>1406</sup> debuit 1. <sup>1407</sup> sopifera 4. 4(a). <sup>1408</sup> incidit 2. 2(b). 3. <sup>1409</sup> sicque 1. <sup>1410</sup> puræ 4. 4(a). <sup>1411</sup> mortis corr. fortis 1. <sup>1412</sup> mis al. man. superscr. 1. arvis 2. 2(a). 4. 4(a). <sup>1413</sup> ita 4. gaudet rell. <sup>1414</sup> commiscens 1. <sup>1415</sup> in c. desunt A. idcirco 4. 4(a). <sup>1416</sup> pueruli 4(a). <sup>1417</sup> trocho 3. <sup>1418</sup> irrisione 2(b). <sup>1419</sup> nem al. man. superscr. A. <sup>1420</sup> I. l. s. in chronica Boemorum 4. <sup>1421</sup> vestigium 3. <sup>1422</sup> arte 3. <sup>1423</sup> desst A. <sup>1424</sup> syderum 4. 4(a). <sup>1425</sup> ebethat 1. habetat 3. <sup>1426</sup> Tithides 2. Tithides 2(b). Tychides 4. 4(a). novus Tith, omissa 3.

assimiletur aquæ, quæ nunquam deficit amne.

Huic conjunx Juditha nobilissima genere, secundissima prolis germine,  
genuit quinque juvenes,  
et superemiuentes,  
sapientia singulares,  
moribus acceptabiles,  
in universa virtutum

corpore insignes  
ceu Ehenatiæ<sup>1427</sup> montes,  
probitate nulli comparabiles,  
in delinquentes placabiles<sup>1428</sup>,  
honestate laudabiles.

Fuit autem primogenitus<sup>1429</sup> nomine Spitignev, A secundus natu Wratizlav, tercius stemmate Conradus<sup>1430</sup>, quartus genitura Jaromir<sup>1431</sup>, quintus et ultimus Otto pulcherrimus. Horum<sup>1432</sup> de vita et gloria, prout affluet verborum copia, sufficienter in suis locis explicabitur. Quos adhuc positos annis<sup>1433</sup> in puerilibus sed studiis pollere<sup>1434</sup> virilibus pater valde miratur :

cernens egregium decus et per nobile fratrum (429) Nec minus angebant matrem sua gaudia lætam<sup>1435</sup> de tanto propectu<sup>1436</sup> filiorum et magnificæ gloriæ statu.

2. Ea<sup>1437</sup> tempestate (430) Kazimir<sup>1438</sup> Poloriensi nobilissimo duce ab subtracto luce, filii ejus Boleslav et Wladizlav (431) adhuc in infantia positus ad ubera lactis<sup>1440</sup>, una erat spes salutis in misera fuga fugientibus per diversa loca Poloniensibus. Quod animadvertens<sup>1441</sup> dux Bracizlans, quarto anno sui ducatus (432), optimum fore ratus ne differret oblatam occasionem calumpniaudi suis inimicis, immo ulciscendi de illatis injuriis, quas olim dux Mescio<sup>1442</sup> intulerat Boemis, quanto citius<sup>1443</sup> potuit, inito consilio cum suis, eos invadere statuit, statimque<sup>1444</sup> terribilem dicta sententiam, tocus Boemiæ per<sup>1445</sup> provinciam<sup>1446</sup> mittens in signum suæ jussionis torquem de subere<sup>1447</sup> tortum, ut quiconque exierit in castra segnius dato signaculo, secret procul dubio tali torque se<sup>1448</sup> suspendum in patibulo. Quibus in momento, in ictu oculi congregatis in unum et usque ad unum,

intrat terram Poloniæ suo viduatam principe et eam hostiliter invasit, ac velut ingens tempestat furit, sævit, sternit omnia; sic villas cædibus, rapinis, incendiis devastavit, in<sup>1449</sup> municiones irrupit. Krakov autem eorum metropolim ingressus a culmine subvertit, et spolia ejus obtinuit<sup>1450</sup>; insuper et veteres thesauros ab antiquis ducibus in ærario absconditos evolvit, scilicet aurum et argentum infinitum nimis. Similiter et cæteras urbes igne incendit et usque ad solum destruxit. Cumque pervenissent ad castrum Gedeo (433)<sup>1451</sup>, castellani et simul qui illuc confugerant villani<sup>1452</sup>, non valentes ferre impetum ducis, exeunt ei obviam suream gestantes virgam, quod erat signum dedicionis, et ut eos pacifice cum suis peccoribus et cæteris<sup>1453</sup> rerum appenditiis transferat in Boemiam, suppliciter rogant. Quorum dux petitionibus ad quiescens postquam perduxit<sup>1454</sup> eos in<sup>1455</sup> Boemiam, date eis partem silvæ, quæ vocatur Crinin<sup>1456</sup> (434), non modicam, constituens eis unum<sup>1457</sup> ex ipsis præfectum<sup>1458</sup> et judicem, et decernuit, ut sub lege quam in Polonia habuerant, tam ipsi quam eorum posteri in sempiternum vivant, atque nomine ab urbe derivato usque hodie nuncupantur Gedeane<sup>1459</sup> (435).

3. Nec<sup>1460</sup> longe a prædicta urbe ventum erat ad metropolim Gnezden (436), natura loci et antemurali firmam, sed facilem<sup>1461</sup> capi ab hostibus, raris<sup>1462</sup> eam inhabitantibus civibus, ubi tunc temporis<sup>1463</sup> in basilica sanctæ Dei genitris Mariæ perpetuæ Virginis preciosissimus<sup>1464</sup> quiescebat

#### VARIE LECTIONES.

<sup>1427</sup> Hematiæ 1. Hemacie 4. <sup>1428</sup> moribus — placabiles *desunt* 2, 2(b), 3. <sup>1429</sup> primus A. <sup>1430</sup> Chonradus 1, 2(a). Conradus 4, 4(a). <sup>1431</sup> Janimir 4(a). <sup>1432</sup> quorum A. <sup>1433</sup> annis *omissum* 3. <sup>1434</sup> studere A. <sup>1435</sup> læta 1. <sup>1436</sup> profectu 2(b) <sup>1437</sup> vero *adlit* 4. <sup>1438</sup> Casimir 4, 4(b). <sup>1439</sup> *deest* 1. <sup>1440</sup> nulla 4, 4(a). <sup>1441</sup> igitur advertens 4, 4(a) <sup>1442</sup> Bracizlaus *erasum* 1. <sup>1443</sup> quanto citius A. <sup>1444</sup> dux Bracizlaus *ad-* *dunt* 4 4(a) <sup>1445</sup> *deest* A. <sup>1446</sup> provinciæ A. <sup>1447</sup> subere 2, 2(b), 4, 4(a) *corr.* 1. *se deest* 4(a), 4. <sup>1448</sup> vi- *pro* in 4, 4(b). <sup>1449</sup> ti *superscr. al. man. A. in rassura* 1. <sup>1451</sup> *ita corr.* A. *pro* Gnezden. Gradec 1. Gdoc 2, 2(a). Gd<sup>re</sup> 2(b). Goc 4, 4a. <sup>1452</sup> ni *al. man. superscr.* 2. <sup>1472</sup> *corr.* A. cæterum 4, 4(a). <sup>1454</sup> duxit A, <sup>1455</sup> ad 2(b). <sup>1456</sup> dirum 2. *quamvis et legi possit* Ciruin; Cirnin 2b, 4. Ciruin 2b. <sup>1457</sup> u. eis A, <sup>1458</sup> per- *fectum corr.* præf. 1. <sup>1459</sup> Gedeane 2(b), 3, <sup>1460</sup> non A. <sup>1461</sup> facile 4, 4(a), <sup>1464</sup> ratis *al. manu superscr.* paucis 1. <sup>1463</sup> *deest* A. <sup>1463</sup> preciosissime 1.

#### NOTE.

(429) Hor., serm. H. 3, 243.

(430) Male confundit Cosmas res Polonorum; Kazimir obiit post Bracizlavum a. 1058, neque reliquit filios puero, sed ipse relictus est puer a patre Mæcone II; cfr. Martinus Gallus I, 48, ed. Bandikie.

(431) Præter hos duos alios habebat filios Kasimir Mæconem et Ottonem. Cfr. Martin. Gall. 119.

(432) i. e. ex ipsius Cosmæ computatione a. 1041; cfr. supra I, 42; sed hoc loco errat, ut ex accuratioribus notis de translatione S. Adalberti II, c, patet.

(433) Quod ubi situm fuerit non satis liquet; conjecerunt nonnulli esse Giecz, quam ducalem quondam arcem inter Gnesnam et Posnamiam sitam esse scribit Dlugosz. Cfr. Roepell I, 177.

(434) Quæ fuerit illa silva, non patet. Diversorum sententias apud Pubiteckam III, 301.

(485) Vel hodie duasextare villas in circulo Raconensi Hedecko Et Heodang observat Palacky I, 280.

(436) Gnesen.

thesaurus, scilicet beatissimi Adalberti martiris <sup>1445</sup> A corpus. Qua mox Boemii sine Marte <sup>1445</sup> potiuntur urbe, et cum magna leticia intrant <sup>1447</sup> sanctæ ecclesiæ adita <sup>1448</sup>, atque omni præda <sup>1449</sup> posthabita, solam sibi poscunt dari pro Christo passam sacri corporis preciosam massam. Quorum præsul Severus ut vidit temeritatem, et <sup>1470</sup> pronam in omne fas <sup>1471</sup> nefasque (437) sensit voluntatem, talibus alloquiis temptat eos revocare ab illicitis ausis <sup>1472</sup>: *Prætres mei et filii ecclesiæ Dei, non tam ex facili constat, sicut vos aestimatis, ut sacram corporis glebam, Dei virtutibus plenam, quis mortalium tam temere præsumat tangere. Timeo enim valde, ne percellamur aut mentis oblivione aut cæcitate aut aliqua membrorum debilitate, si id temere præsumpserimus <sup>1473</sup> agere. Quapropter <sup>1474</sup> prius triduo jejunante, de peccatis vestris pœnitentiam agite, et <sup>1475</sup> ab omnibus abominationibus, quis ipse abhominatus est in vobis, abrenunciate, et <sup>1476</sup> ex toto corde, quod eas ultra non faciatis, promittite. Spero enim in misericordia Dei et nostri patroni sancti Adalberti, quod non privabimur spe petitionis nostræ, si persistimus fidei <sup>1477</sup> id <sup>1478</sup> devotione et precum assidua oratione. At illis visa sunt præsulis verba quasi deliramenta, et continuo aures suas continentes <sup>1479</sup> fecerunt impetum: ut raparent sacrum corpus, et quia post altare <sup>1480</sup> juxta parietem conditum fuerat, et aliter evelli non poterat, nisi altare <sup>1481</sup> destrueretur <sup>1482</sup>, manus <sup>1483</sup> improbi cum mente ferina operantur profana; sed non deficit ultio divina. Nam in ipso <sup>1484</sup> opere suæ temeritatis steterunt sensibus obstupefactis <sup>1485</sup>, nec erat vox nec sensus nec visus per trium fere horarum spacia, donec iterum propiciante Dei gratia rehabuere pristina officia. Moxque licet sero pœnitentia ducti taciunt jussa episcopi, et quanto erant divino nutu evidentius castigati, tanto devotius perstabant precibus infatigati, triduo jejunantes et veniam postulantes.*

4. Tertia nocte Severo episcopo post matutinalem synaxim quiescenti sanctus præsul in visione apparens Adalbertus <sup>1486</sup>: *Dir, ait, ista nuci <sup>1487</sup> et ejus comitibus: Pater de cælis dabit quod petitis, si non*

*repetitis mala, quibus abrenuntiatis in fonte <sup>1488</sup> baptismatis <sup>1489</sup>. Hoc mane cum præsul <sup>1490</sup> innotesceret duci et ejus comitibus, mox ex hilarati intrantes ecclesiam sanctæ Mariæ, et ante sepulchrum <sup>1491</sup> sancti Adalberti <sup>1492</sup> humi <sup>1493</sup> prostrati, diu fusa communi oratione surgit dux <sup>1494</sup>, et stans in ambone <sup>1495</sup> hac rupit silentia voce <sup>1496</sup>: *Vultis prævaricatione vestras emendare, et a pravis operibus resipiscere? At illi obortis clamant <sup>1497</sup> cum lacrimis <sup>1498</sup>: Emendare varti sumus quicquid in sanctum Dei <sup>1499</sup> patres nostri vel nos <sup>1500</sup> prævaricali sumus, et a pravo opere omni, <sup>1501</sup> cessare. Tunc dux <sup>1502</sup> extendens manum suam super sacram tumbam, sic orsus <sup>1503</sup> est ad populi turbam <sup>1504</sup>: *Extendite, fratres <sup>1505</sup>, simul <sup>1506</sup> vestras ad Dominum <sup>1507</sup> dexteras et ad meos attedite sermones quos volo ut vestræ fidei sacramento confirmetis. Ergo hoc meum proximum <sup>1508</sup> et primum sit decretum, ut vestra concubia, quæ actenus habuistis ut lupanaria, et cetera <sup>1509</sup> brutis animalibus communia, amodo juxta canonum scita sint legitima, sint privata, sint insolubilia, ita duntaxat ut <sup>1510</sup> una vir conjuge et conjux viro uno contenti vivant. Si autem conjux virum aut vir conjugem spreverit, et rixa inter eos usque ad discidium effruberit <sup>1511</sup>, qui ex eis <sup>1512</sup> in priorem copulam legitime celebratum redire noluerit, nolo ut secundum ritum nostræ terræ hujus rei violator <sup>1513</sup> in servitutum redigatur, sed potius nostri immutabilis decreti per angariam, qualiscunque sit persona, redigitur in Ungariam, et nequaquam liceat ut precio se redimat aut in hanc terram redeat, ne unius contagio oviculæ totum Christi serpat per ovile. Severus episcopus dixit: *Quicumque aliter fecerit, anathema sit. Eadem sententia sint plectendæ virgines et viduæ et adulteræ, quæ nomen bonum amississe et pudorem corruptis ac per scortum conceptisae dinoscuntur. Nam cum liberum nubendi habeant arbitrium, cur comittunt adulterium et conceptus suos abortivant <sup>1514</sup>, quod est pessimum scelus scelerum? Tunc dux <sup>1515</sup> subjungens inquit: *Sivero mulier proclamaverit: <sup>1516</sup> pari vice non amari, sed inclementer a viro suo <sup>1517</sup> affligi et profligari <sup>1518</sup>, detur inter eos judicium Dei,*****

## VARIÆ LECTIONES.

<sup>1465</sup> deest 2. <sup>1466</sup> morte 1. <sup>1467</sup> adeunt intrant 1. supra intrant manus alia scripsit adeunt 2. <sup>1468</sup> limina adita 1. adita alia manu superscript. limina 2. adyla 2 (b). limina 4. <sup>1469</sup> corr. al. manu 1. <sup>1470</sup> et rasum 2. <sup>1471</sup> laque 4. <sup>1472</sup> corr. A. pro causis. <sup>1473</sup> præsumamus 2. <sup>1474</sup> karissimi addunt 4, 4 (a). <sup>1475</sup> et pœnitentiam agite ab omnibus 4, 4 (a). <sup>1476</sup> deest 2. <sup>1477</sup> federi 4, 4 (a). <sup>1478</sup> deest 2. <sup>1479</sup> continentes A. continuentes 2. <sup>1480</sup> litteræ ar al. manu superscr. 1. <sup>1481</sup> prius add 4, 4 (a). <sup>1482</sup> destrueret 2 (b), 3. <sup>1483</sup> ita 1, 2. <sup>1484</sup> ita corr. A. pro inpio. <sup>1485</sup> obstupefacti 4, 4 (a). <sup>1486</sup> sanctus Adalbertus in visione apparens 4, 4 (a). <sup>1487</sup> Bracizlao add 4, 4. <sup>1488</sup> fronte eraso r A. <sup>1489</sup> in baptisate A. A. <sup>1490</sup> Severus add. 4, 4 (a). <sup>1491</sup> superscr. 1. <sup>1492</sup> martyris add. 4, 4 (a). <sup>1493</sup> hu no 4, 4 (a). <sup>1494</sup> Bracizlaus pro dux 4, 4 (a). <sup>1495</sup> umbone 3. <sup>1496</sup> dicens add. 4, 4 (a). <sup>1497</sup> clamant reptitum 1 sed erasum. <sup>1498</sup> dicentes ad l. 4, 4 (a). <sup>1499</sup> Adalbertum add. 4, 4 (a): <sup>1500</sup> peccatores ad l. 4, 4 (a). <sup>1501</sup> animo 1. <sup>1502</sup> Bracizlaus add. 4, 4 (a). <sup>1503</sup> exoreus A. A. <sup>1504</sup> turbam corr. turbam 1. turmam 4, 4 (a). <sup>1505</sup> karissimi addunt 4, 4 (a). <sup>1506</sup> omissum 4, 4 (a). <sup>1507</sup> Deum add. 4, 4 (a). <sup>1508</sup> maximum A. A. 2, 2 (b), 3, 4 (a). <sup>1509</sup> sunt inserunt 4, 4 (a). <sup>1510</sup> al manu superscr. A. <sup>1511</sup> al manu. superscr. A. effruerit 2, 3. <sup>1512</sup> his A. A. <sup>1513</sup> prævaricator 4, 4 (a). <sup>1514</sup> avorcivant A. 3. <sup>1515</sup> Bracizlaus add. 4, 4 (a). <sup>1516</sup> perclamaverit 1. <sup>1517</sup> suo deest. 3. <sup>1518</sup> profligari corr. A. 4, 2.

## NOTÆ.

(437) Lucan.. Pharsal. V. 313; VI, 147.

et qui inventus fuerit reus, solvat pœnas rei. Similiter et de his, qui homicidiis infamantur archipresbyter comiti illius civitatis nomina eorum ascribat, et comes eos conveniat; et si sunt <sup>1519</sup> rebelles, in carcerem redigat, donec aut pœnitentiam dignam agant, aut si negant, ignito fero sive adjurata aqua, utrum culpabiles sint examinentur; fratricidas autem et parricidas sive sacerdotum interfectores et hujusmodi capitalibus criminibus irretitos, archipresbyter assigne eos comiti vel duci, sive <sup>1520</sup> per manus et ventrem farratos de regno ejiciat, ut ad instar Cain <sup>1521</sup> vagi et profugi circueant <sup>1522</sup> terram. Severus episcopus dixit: *Ista ducis deliberatio justa sit anathemate firma. Nam ad hoc vobis ducibus <sup>1523</sup> mucro pendet in femore, ut manus vestras sæpius <sup>1524</sup> lavetis peccatoris in sanguine. Iterum dux <sup>1525</sup>: Tabernam <sup>1526</sup>, inquit <sup>1527</sup>, quæ est radix omnium malorum, unde prodeunt furta, homicidia <sup>1528</sup>, adulleria <sup>1529</sup> et cætera mala, et qui parat et qui paratum <sup>1530</sup> comparat, Severus episcopus dixit: *Anathema sit. Et dux <sup>1531</sup>: Qui, inquit, comprehensus fuerit hujus violator decreti tabernarius, in medio foro ad palum suspensus, et usque ad fastidium præconis cæsus depiletur: res tamen ejus non infiscentur <sup>1532</sup>; sed potius <sup>1533</sup> tantum in terram projicitur <sup>1534</sup>, ne quis <sup>1535</sup> execrabili haustu <sup>1536</sup> polluator. Pollutores autem, si deprehensi <sup>1537</sup> fuerint, non prius de carcere exeunt, quam in fiscum ducis unusquisque 300 nummos componat. Severus episcopus dixit: *Quæ dux judicat, nostra auctoritas firmat. Adhuc dux <sup>1538</sup> prosequitur dicens: Fora autem dominicis diebus omnino ne fiant interdicimus, quæ ideo maxime in his celebrant regionibus, ut cæteris diebus suis vacent operibus. Si quis autem quam dominicis tam festis <sup>1539</sup> diebus publice ad ecclesiam feriari indictis in aliquo servili opere inventus fuerit, ipsum opus et quod in opere est inventum archipresbyter tollat jumentum <sup>1541</sup>, et 300 ducis <sup>1542</sup> in fiscum solvat nummos. Similiter et qui in agris sive in silvis suos sepeliunt mortuos, hujus rei præsumptores archidiacono <sup>1543</sup> bovem et 300 in fiscum ducis <sup>1544</sup> solvant <sup>1545</sup> nummos <sup>1546</sup>: mortuum tamen in poliandro <sup>1547</sup> fidelium humi condant denuo. Hæc sunt quæ odit Deus, hæc sanctus Adalbertus***

*Arlesus <sup>1548</sup>, nos <sup>1549</sup> suas deserit oves et adexteram maluit ire docturus gentes. Hæc ut ultra non faciamus, nostræ simul et vestræ fidei sacramento confirmamus. Sic ait aux. Et præsul <sup>1550</sup> sanctæ Trinitatis nomine invocato et malleo assumpto, cæteris <sup>1551</sup> clericis septem <sup>1552</sup> psalmos et alias huic sancto <sup>1553</sup> operi competentes orationes ymnizantibus, cœpit molliter destruere summa sepulchri, destruens eum usque ad ima thesauri sacri, et cum aperuissent sarcophagum, omnes qui in ecclesia aderant tanta fragrantia <sup>1554</sup> (438) suavissimi odoris sunt referti, ut per tres dies quasi opimis <sup>1555</sup> ferculis referti obliviscerentur cibo refici, quin etiam et <sup>1556</sup> infirmi sanati sunt eadem ora <sup>1557</sup> quam plurimi. Tunc dux <sup>1558</sup> et episcopus <sup>1559</sup> et pauci comitum inspicientes, ut viderunt sanctum Dei <sup>1560</sup> ita vultu et habitu clarum, et sic corpore integrum per omnia, ac si eadem die sacra missarum celebrasset solempnia, clerici *Te Deum laudamus*, laici *Kyrieleyson* <sup>1561</sup> modulantur, et resonant voces eorum usque ad ethera <sup>1562</sup>. His ita peractis, dux præ gaudio faciem perfusus lacrimis, sic orat <sup>1563</sup> <sup>1564</sup> *O Christi martir, beate Adalberte <sup>1565</sup>, nostri semper et ubique miserate <sup>1566</sup>, nunc solita nos respice pietate, et nobis peccatoribus prociptare, atque ad <sup>1567</sup> tuam sedem <sup>1568</sup> Pragensis ecclesie per nos quævis peccatores referri non dedignare. Mira res et valde stupenda, cujus tumbam nudius tercius contingere non poterant, continuo dux et episcopus sine impedimento corpus ejus sarcophago levant et serico cooperientes in superiori altari locant, ut plebs sua vota solvat <sup>1569</sup>, quæ Deo et ejus sancto voverat, atque eadem die <sup>1570</sup> compositæ sunt 200 marcæ altaris in arce <sup>1571</sup>.**

*O Deus omnipotens, mundum per secula revolvens, Qui semper regnas, solus qui cuncta gubernas, Nil fit, nec fuit in mundo nec erit, bone Christe,*

*tuo sine nutu. Quisnam mortalis hoc usquam credere posset, ut ad gentes apostatrices jam in celesti regno laureatus corpus suum referri sineret, quarum <sup>1572</sup> aspernatus facinora aufugit <sup>1573</sup> consortia, cum adhuc viveret. Sed si majora Dei et antiqua miracula <sup>1574</sup> perpendifimus, quomodo populus Israeliticus sic-*

#### VARIE LECTIONES.

<sup>1519</sup> al manu superscr. A. <sup>1520</sup> vel — sive A seu 2. (b). sive 3. <sup>1521</sup> canum 3. <sup>1522</sup> circuerant 4, sed corr. <sup>1523</sup> dulcibus corr. ducibus A. <sup>1524</sup> omissum 2. <sup>1525</sup> ait addit. 4 (a). <sup>1526</sup> taberna A. <sup>1527</sup> deest 4, 4 (a). <sup>1528</sup> homicidia 4 (a). <sup>1529</sup> fornicationes, ebrietates addunt. 4, 4 (a). <sup>1530</sup> partam A. 1, 2. <sup>1531</sup> iterum add. 4, 4 (a). <sup>1532</sup> confiscentur 2 (b). <sup>1533</sup> potius A. <sup>1534</sup> seu potius — projiciantur 3. <sup>1545</sup> de inserunt 4, 4 (a). <sup>1546</sup> hanetu corr. 1, pro hastu. <sup>1547</sup> de presensi 1. corr. at man. <sup>1548</sup> Bracizlaus, add. 4, 4 (a). <sup>1549</sup> tam dominicis, quam festivis 4, 4 (a). <sup>1540</sup> dom. diebus t. f. A. <sup>1541</sup> deest A. A. <sup>1542</sup> duci 4, 4 (a). <sup>1543</sup> archidiaconus 4 (a). <sup>1544</sup> duci 4, 4 (a). <sup>1545</sup> solvat 4. <sup>1546</sup> omissum 1, 2. <sup>1547</sup> r. al. manu superscr. A. 1 polyando 2, 4. <sup>1548</sup> perosus 2. <sup>1549</sup> vos 2 (b). <sup>1550</sup> Severus add. 4, 4 (a). <sup>1551</sup> omittunt 4, 4 (a). <sup>1552</sup> VI, 4 (a). <sup>1553</sup> deest 3. <sup>1554</sup> fragrantia 1, 4. <sup>1555</sup> optimis A. 4, 4 (a). <sup>1556</sup> et deest 2. <sup>1557</sup> ita 1. die rell. <sup>1558</sup> Bracizlaus add. 4, 4 (a). <sup>1559</sup> Severus add. 4, 4 (a). <sup>1560</sup> Adalbertum add. 4, 4 (a). <sup>1561</sup> kriles A. kyrt 4. <sup>1562</sup> hetâ 4. <sup>1563</sup> dicent<sup>5</sup> adiunt 4, 4 (a). <sup>1564</sup> deest 1. <sup>1565</sup> Adalbertus 1. <sup>1566</sup> miserere 3. <sup>1567</sup> deest 3. <sup>1568</sup> sanctæ addunt 4, 4 (a). <sup>1569</sup> solvant corr. solvat. A. <sup>1570</sup> deest 3. <sup>1571</sup> alt. in arce desunt A. <sup>1572</sup> quorum 4, 4 (a). <sup>1573</sup> aufugerat 2 (b). <sup>1574</sup> superscr. al. manu A.

#### NOTÆ.

(438) I. q. fragrantia.

eo vestigio transivit mare, qualiter de sicca rupe fluxerunt <sup>1576</sup> aquae, vel qualiter factor orbis apparuit in orbe natus ex Maria Virgine, non ammirari, sed potius Deo, qui fecit et facere potest quæ vult, nos decet humiliari et ejus gratiæ totum assignare; cujus gratia inspirante ascendit in cor ducis, ut similiter transferret <sup>1576</sup> corpus archiepiscopalis ejusdem civitatis, nomine Gaudencii (439) qui in eadem forte <sup>1577</sup> ecclesia quiescebat. Hic utique <sup>1578</sup> superius retulimus, non solum carnali verum et spirituali <sup>1579</sup> conjunctione <sup>1580</sup> frater sancti Adalberti et comes individuus in omni labore et erumna fuit, et si cum eo non corpore martirium <sup>1581</sup>, mentis tamen compassione tulit. Nec enim fieri poterat ut <sup>1582</sup> gladius animam ejus non petransiret, cum germanum suum rompheis paganorum in frustra <sup>1583</sup> concidi videret, et ipse pariter occidi valde optaret <sup>1584</sup>. Item <sup>1585</sup> visum est <sup>1586</sup> duci <sup>1587</sup> et episcopo, ut <sup>1588</sup> quinque fratrum reliquias sancto corpori adjunctas, quorum de vita ac passione satis supra retulimus <sup>1589</sup> (440). qui <sup>1590</sup> in eadem civitate sed in alia ecclesia quiescebant, pariter <sup>1591</sup> cum summa diligentia transferant. Quid multa?

5. Ventum erat cum omni sacra sarcina in prosperitate et lætitia Boemiam, et in vigilia <sup>1592</sup> sancti Bartholomei apostoli prope metropolium Pragam

Consors in clero, presbiter officio.

O dies illa, dies <sup>1603</sup> Boemis honoranda  
sacris mysteriis frequentanda,  
laudibus devotissime <sup>1604</sup> veneranda,  
divitibus lætabunda,

pauperibus jocunda,  
et omnibus bonis <sup>1605</sup> studiis excolenda,  
refulgent accumulata.

olim sacro duce <sup>1607</sup> sublimata,  
a Domino Deo tibi collata  
et per has binas

famas volas <sup>1609</sup> ultra Soromatas <sup>1610</sup> atque Sarigas <sup>1611</sup>.

Facta est autem hæc translatio beatissimi Christi martiris Adalberti anno dominicæ incarnationis

castra metati sunt circa rivulum Rokitnicam <sup>1599</sup> (441), ubi lucescente die clerus et universa plebs cum processione occurrit, cujus longam seriem latus vix explicuit campus. Talis enim processio fuit. Dux ipse et episcopus humeris subnixi dulce pondus portant martiris Christi Adalberti; post simul abbates ferebant reliquias quinque <sup>1596</sup> fratrum, deinde archipresbiteri gaudent onere Gaudencii archiepiscopi, quos electi 12 <sup>1595</sup> presbyteri, vix sustentantes pondus <sup>1596</sup> aurei crucifixi, sacuntur — nam dux Mescio ter <sup>1597</sup> semetipsum hoc apponderarat auro, — quinto <sup>1598</sup> loco fuerunt tabulas tres graves auro quæ circa altare, ubi sanctum corpus <sup>1599</sup> quievit, positæ fuerant. Erat enim major tabula quinque ulnarum in longitudine et decem palmarum in latitudine, valde adornata lapidibus preciosis et cristallinis saxis (442). Cujus inscriptus fuit in margine versus:

*Ter centum libras apponderat hoc opus auri.*

Postremo plusquam centum plaustris ducunt immensas campanas et omnes Poloniæ gazas, quas sequitur innumera nobilium virorum turma, asstricti <sup>1600</sup> manicis ferreis et contriti colla bagis <sup>1601</sup> (443), inter quos, heu! male captus, adductus est meus atavus <sup>1602</sup>.

et per sæcula memoriæ commendanda  
dignis præconis celebranda,

debilibus exoptanda,

ditione elemosinarum decoranda,  
in qua festis festa

O nimium <sup>1608</sup> felix metropolis Praga,  
nunc beato præsule <sup>1606</sup> decorata.  
excipis gaudia geminata,  
misericordiæ olivas

1039. (444) <sup>1612</sup> Kal. Septembris <sup>1613</sup>.

6. Sed his properis a Deo <sup>1614</sup> concessis impro-

#### VARIÆ LECTIONES

<sup>1575</sup> fluxerint 2 (b). <sup>1576</sup> transferat A. 2, 2 (b), 3, 4, 4 (a) <sup>1577</sup> fere A. <sup>1578</sup> ita 1. uti *rell.* <sup>1579</sup> spiritali 1 <sup>1580</sup> conjunctione 1, compunctione 4. <sup>1581</sup> sustinuit *addunt* 4, 4 (a) <sup>1582</sup> *deest* 1. <sup>1583</sup> frustra *erata* A. I. <sup>1584</sup> optarat *corr.* optaret A. <sup>1585</sup> iterum 1. <sup>1586</sup> nobilissimo *inserunt* 4, 4 (a). <sup>1587</sup> Bracizlao *addunt* 4, 4 (a) <sup>1588</sup> sanctorum martyrum *inserunt* 4, 4 (a). <sup>1589</sup> Deo donante *relaturi sumus* 3. <sup>1590</sup> non *al manu superscr.* A. <sup>1591</sup> par. q. A. <sup>1592</sup> vigiliis 4, 4 (a). <sup>1593</sup> Kocitnicam 2, Rokitnicam 2 (b). <sup>1594</sup> sanctorum *inserunt* 4, 4 (a). <sup>1595</sup> XX, 4, 4 (a). <sup>1596</sup> corpus 2. <sup>1597</sup> *deest*. 1. <sup>1598</sup> *to superscr. al. man. A.* <sup>1599</sup> positum *inserit* 2 (b). <sup>1600</sup> astrictis 4, 4 (a). <sup>1601</sup> bogis 4. <sup>1602</sup> meus atavus *desunt in* A. 1, 2, 2 (a) 2 (b) *legunt* 4, 4 (a). <sup>1603</sup> dies *deest*. 4, 4 (a). <sup>1604</sup> devotissimæ 1. <sup>1605</sup> *dest* 3. <sup>1606</sup> omnium A. *sed corr.* 2. <sup>1607</sup> Wenczelao *addunt* 4, 4 (a). <sup>1608</sup> Adalberto *addunt* 4, 4 (a) <sup>1609</sup> volat 4, 4 (a). <sup>1610</sup> ita 1. Solamatas A. Foramatas 2, 2 (a). Sarmatas 2 (b), Sauromatas 3. Soromatas 4, 4 (a). <sup>1611</sup> lazygas 3. <sup>1612</sup> 1030. 9. K. Sept. 2 (b). VIII. 4, 4 (a). <sup>1613</sup> regnante Domino nostro Jesu Christo, cui est honor et imperium in secula seculorum. Amen. *addunt* 4, 4 (a). <sup>1614</sup> Domino A.

#### NOTÆ.

(439) Hujus ossa loco reliquiarum S. Adalberti a Polonis pia fraude data et a Bohemis translata esse probare conatus est Dingosz et post eum alii; sed e parte Cosmæ Polonus stat auctor Martinus Gallus l. 19 Cf. Baldini Epitome rer. Bohem. III, 4. Dobner ad Halec. V. 235. Meinert Wiener Jahrbucher

XLVIII. Anz., 48.

(440) Cf. l. 38.

(441) Rokytnice.

(442) I. e. rebus?

(443) I. e. circulis ferreis.

(444) Consentiant Annales Pragenses.



bus delator non defuit <sup>1615</sup>, qui apostolico uti gesta hæc erant retulit <sup>1616</sup>, divinas sanctiones et sanctorum patrum traditiones violasse ducem Boemiæ et episcopum promulgavit; et sic hoc inultum dominus papa (445) prætermitteret, jura apostolicæ sedis per totum mundum observanda imminueret. Continuo sacer conventus celebratur, canones recitantur, sacræ Scripturæ scrutantur. Dux et episcopus, quamvis absens, de præsumptione arguitur: alti ducem omni dignitate privatum per tres annos in exilium decernunt, alii episcopum ab omni pontificali officio suspensum, quoad usque vivat, in clauetro monachorum degere judicant, alii ambos gladio anathematis feriendos clamant.

7. Interea legati ducis et episcopi Boemorum ex parte locius populi et ipsorum Romam adveniunt. ferentes mandata magis muneribus oblita <sup>1617</sup> quam facundiæ verbis <sup>1618</sup> polita. Quibus ubi data est copia fandi, in conspectu <sup>1619</sup> apostolici et sacri concilii tali sermone causam suæ legationis sunt prosecuti <sup>1620</sup>. *O fidei catholicæ et sedis apostolicæ sanctissime rector, et o patres in libro vitæ <sup>1621</sup> conscripti, quibus a Deo collata est potestas judicandi simul et miserendi, miseremini peccasse confitentibus, parcite penitentibus simul et veniam postulantibus. Falemur enim quod illicita et contra canonum statuta egimus, quia de tam <sup>1622</sup> longinquis, partibus ob tam breve temporis spacium ad tam sanctum negotium vestrum <sup>1623</sup> nequivimus habere nuncium. Sed quicquid est illud, quod fecimus, sciat, o patres, sciat <sup>1624</sup>, conscripti, nos non ex temeritate, sed pro magna utilitate Christianæ religionis atque bona intentione id fecisse. Aut, si unquam bona intencio cadit in vitium, o sanctissimi patres, secundum vestrum iudicium parati sumus nostrum emendare flagitium. Ad hæc apostolicus paucis: Si pœnitet, inquit, haud nocet error. Mox legati summoti a concilio <sup>1625</sup> potiuntur hospicio, sequenti die reddituri rationem in iudicio. Illa autem nocte ducis missi et episcopi, circueunt <sup>1626</sup> corruerunt pecunia cardinalium astuciam, auro subplantant justiciam, mercantur precio clementiam, muneribus leniunt <sup>1627</sup> judicalem sententiam. Postera autem die iterum legati sacri concilii in capitulo <sup>1628</sup> præsentatis, domus apo-*

stolicus os aperuit sacrum, ponderosis verbis et auctoritate plenum. *Sicut, inquit, pertinacibus in impietatis culpa <sup>1629</sup> est sævior exerenda <sup>1630</sup> vindicta, ita reatum suum recognoscentibus et pœnitentiam desiderantibus facilem præbemus assensum <sup>1631</sup>, est ab hoste <sup>1632</sup> inflictiis vulneribus misericordiæ adhibemus <sup>1633</sup> antidotum. Magnum enim peccatum est aliena rapere, sed majus christianos non solum spoliare, verum etiam captivare et captivos <sup>1634</sup> ceu bruta animalia vendere, nimis est abhominabile: quod vos perpetraste in Polonia, nobis relatum est per veridica nuncia. Quod autem nulli liceat sine nostra permissione de loco ad locum sacrum transferre corpus, testantur canones, prohibent <sup>1635</sup> patrum decreta, et præsumptores hujuscemodi <sup>1636</sup> rei divina jubent eloquia gladio anathematis ut feriantur. Sed quia vos sive per ignorantiam sive bonæ intentionis ob gratiam hanc rem fecistis, præcipimus <sup>1637</sup> ut pro hac tam temeri <sup>1638</sup> præsumptione dux vester et episcopus cœnobium omnibus ecclesiasticis usibus et honoribus sufficienter amplificatum in competenti <sup>1639</sup> loco construant, probatasque personis ac officia serventium clericorum ex more constituant, ubi Deo sedulum servitium tam pro vivis fidelibus quam pro defunctis in sempiternum exhibeatur, ut saltem vel sic in conspectu Dei reatus vestri transgressio deleatur. Mox legati valde <sup>1640</sup> exhilarati proficiscuntur et referunt duoi jussa apostolici. Quibus dux, velut divinis jussis obtemperans sub honore sancti Wencezlai martiris in urbe Boleslau <sup>1641</sup> juxta flumen Lebe (446), ubi idem sanctus <sup>1642</sup> olim feliciter consummavit martirium, venustissimum fabricavit cœnobium, in quo, sicut et hodie cernitur, Deo servit caterva fratrum numerosa, et habetur præposita et basilica valde religiosa (447).*

8. Anno domin. incarna. 1040. Fama, qua nullum pejus malum viget in mundo (448), et quæ mendaciis pinguescit, et miscens plura paucis, falsa veris, volando crescit, perfert ad aures imperatoris secund Heinrici (449) cencies plus, quam verum fuit, pondus auri et argenti Boemos de Polonia aportasse. Tunc imperator <sup>1643</sup> cœpit quærere occasiones adversus eos, quoquomodo <sup>1644</sup> ab eis quod sibi dictum fuerat <sup>1645</sup> eriperet aurum. Et mandans per quæ-

#### VARIE LECTIONES.

<sup>1615</sup> destitit 3. <sup>1616</sup> deest. 3. <sup>1617</sup> oblata A. <sup>1618</sup> facundia verborum 3. <sup>1619</sup> conspectum 2, 4, 4 (a) <sup>1620</sup> persecuti 3. <sup>1621</sup> deest A. <sup>1622</sup> terra 1. <sup>1623</sup> omittunt 4, 4 (a). <sup>1624</sup> ita 1. deest. in rel. <sup>1625</sup> ita A. ad concilio 4. negotio 2. concilio rel. <sup>1626</sup> circueunt A. <sup>1627</sup> emunt corr. 1. <sup>1628</sup> capitulo 4, 4 (a) <sup>1629</sup> impietatibus pro culpa 4, 4 (a). <sup>1630</sup> exercenda 2 (b), 4, 4 (a) <sup>1631</sup> ascensum 1. <sup>1632</sup> hostibus 2 (b) <sup>1633</sup> h. al manu superscr. 1. ut sæpius. <sup>1634</sup> captivos 2 (b). 3. <sup>1635</sup> perhibent 2 (b) <sup>1636</sup> hujusmodi 2 (b) 3. <sup>1637</sup> per sanctam obedientiam addunt 4, 4 (a). <sup>1638</sup> temera 3. <sup>1639</sup> compenti corr. al man. competenti A. <sup>1640</sup> deest 2. <sup>1641</sup> Boleslaw 2 Boleslai 3. Boleslai 4 (a). <sup>1642</sup> Wencezlas addunt 4, 4 (a). <sup>1643</sup> Henricus addunt 4, 4 (a). <sup>1644</sup> quomodo 2, 2 (b), 3, 4. <sup>1645</sup> ut addit A.

#### NOTÆ.

(445) Benedictus qui sedit a. 1033-1048.  
(446) Al-Bunzlau ad Albim.  
(447) Hæc res anno domini 1046 dijudicæ.

(498) Virg. Æn. IV, 174 175.  
(44) Henricos imperatores numerat Comas.

stationarios, ut argentum, quod in Polonia rapuerant, nisi infra statutum terminum usque ad unum obulum <sup>1646</sup> sibi mittant, minatur bellum. Ad hæc Sclavi inquam: *Semper salvo tenore nostræ legis fuimus et hodie sumus sub imperio Karoli regis et ejus successoribus, nostra gens nunquam exiit rebellis, et tibi in omnibus bellis mansit et semper manebit fidelis, si justiciam nobis tantum <sup>1647</sup> facere velis. Talem enim nobis legem instituit Pippinus (450), magni Karoli regis filius, ut annuatim imperatorum successoribus 120 boves electos et 500 marcas solvamus — marcæ nostræ monetæ 200 nummos dicimus (451) — hoc lætatur nostratum ætas in ætatem <sup>1648</sup>; hoc omni anno sine refragatione <sup>1649</sup> tibi solvimus et tuis successoribus solvere volumus. At si aliquo præter solitum legis <sup>1650</sup> jugo nos aggravare volueris, mori potius prompti sumus, quam insuetum ferre onus.* Ad hæc imperator respondit <sup>1651</sup>: *Regibus hic mos est semper aliquid novi legi addere anteriori, neque enim omnis lex est constituta tempore in uno, sed per successores regum crevit series legum. Nam qui regunt leges non reguntur legibus, quia lex, ut aiunt vulgo, cereum habet nasum <sup>1652</sup>, et rex ferream manum et longam, ut eam flectere queat, quo sibi placeat. Pippinus rex <sup>1653</sup> fecit quod voluit; vos autem nisi quod volo facialis, ostendam vobis, quot <sup>1654</sup> pictos habeam clipeos aut quid bello valeam.*

9. Et statim mittens litteras per totum regnum, valde fortem colligit exercitum (452). Altera via qua itur per <sup>1655</sup> Zribiam <sup>1656</sup>, et est exitus de silva in istam terram per castrum Hlumec <sup>1657</sup> (453), jussit Saxones intrare Boemiam, quorum tunc temporis dux <sup>1658</sup> erat Occardus <sup>1659</sup> (454), cui omnis Saxonia tanquam regi paruit per omnia. Fuit enim vir magis consilii, et in ordinandis <sup>1660</sup> regni negotiis

A singulari sollertia præditus et rebus bellicis a puericia deditus, sed nunquam belli felices obtinuit successus. Ipse autem cæsar castra metatus est ex utraque parte fluminis Rezne <sup>1661</sup> (455). Postera autem <sup>1662</sup> die pertransiens castrum Kamb <sup>1663</sup> (456) cum admovent aquilas silvæ quæ dirimit B-wariam atque Boemiam (457), ut <sup>1664</sup> cognovit quod obstruerent Boemii vias per silvam <sup>1665</sup> indignatus parum tacuit, concuciensque caput ter concipit iras (453) cætere <sup>1666</sup> dignas <sup>1667</sup>, atque in hæc verba solvitoræ: *Licet extruant muros silvis <sup>1668</sup> altiores, licet elevent turres sublimes usque ad nubes, uti frustra jacitur rele ante oculos pennatorum, sic nichil valent contra Teutonicos obpugnacula Boemorum <sup>1669</sup>*

*Aut si ascendent super nubila, aut si includant <sup>1670</sup>, se inter sidera, perditam et miseram gentem nihil ista juvabunt.*

Sic ait et jussit cunctos irrumpere silvam, et ipse <sup>1671</sup> eos præcedens ascendit montem <sup>1672</sup> altum in media silva situm, sedensque in tripodedit <sup>1673</sup> ad astantes totius regni principes:

*Hac in valle cohors ignava latet Boemorum, quasi mus agrestis in suis receptaculis antrorum.* Sed fefellit cæsarem sua opinio <sup>1674</sup>, nam ultra alterum montem fuit illorum monitio. Tunc unumquemque cæsar appellans nomine, prius marchiones, dehinc quosque nobiliores armatos præmittens, jubet pedestres ire in pugnam, his verbis pollicitans eis victoriam: *Non est, inquit, vobis opus laboriosa certamine; tantum descendite, certe ipsi fugient <sup>1675</sup> præ timore, nequeunt enim vestrum impetum ferre. Ite mei, ile, falcones, pavidas capite palumbes, et ut feroces leones, more luporum, qui dum irrumpunt ovilia ovium <sup>1676</sup>, non curunt de numero, et non nisi toto grege mactato pociuntur edulio.*

#### VARIAE LECTIONES.

<sup>1646</sup> obolum I. <sup>1647</sup> t. n. A. tantummodo 2 (b). <sup>1648</sup> nostrarum etas etatum A. ætate 2 (b), 3, 4, 4(a). <sup>1649</sup> refragatione A. 1. <sup>1650</sup> regis 4. <sup>1651</sup> respondens dixit 2 (b). <sup>1652</sup> quia ut — lex nasum desunt A. <sup>1653</sup> Franciæ addit 2 (b). <sup>1654</sup> quod corr. quot A. 1. quot super quod 2 (b). <sup>1655</sup> ad 2 (b). <sup>1656</sup> Zribiam 3. <sup>1657</sup> Hlymec I. Hlymec. 2. 2 (b). Hlumec 3. <sup>1658</sup> princeps 4, 4 (a). <sup>1659</sup> Okkardust 2. Okardus 3. semper <sup>1660</sup> ordinandi 4, 4 (a). <sup>1661</sup> Rezone I. <sup>1662</sup> vero A. <sup>1663</sup> ita corr. A. Kamb 1, 2, 2 (b). Kamba 4, 4 (a). <sup>1664</sup> quod inserit 2. <sup>1665</sup> silvas 4, 4 (a). <sup>1666</sup> cæsari 4, 4 (a). <sup>1667</sup> hæc verba a correctore in A. ita mutata: cepit irasci, syllabis con et sare erasis, vox dignas expuncta est. <sup>1668</sup> corr. al. man. 1. <sup>1669</sup> Boemii pugnare A. <sup>1670</sup> includent A. <sup>1671</sup> super addit A. <sup>1672</sup> magnum et inserunt 4, 4 (a). <sup>1673</sup> dux 4. dixit corr. man. recentior. <sup>1674</sup> oppinio A. <sup>1675</sup> fugiunt 4, 4 (a). <sup>1676</sup> omnium 4, 4 (a).

#### NOTÆ.

(450) Carolus erat, Caroli Magni filius, qui a. 850 expeditionem in Boemos fecit teste Einhardo in Annalibus.

(431) Bohner ad Haic. II, 433, docet nummum unum illorum temporum idem valuisse quod nostris diebus quatuor et dimidium nummos cruce signatus (Kreuzer), Bohemicum igitur censum fuisse 7500 florenos nostra monetæ.

(452) Primam Bohemicam expeditionem Hienrici III, a. 1039, auctor silentio transit, qua Bretelæus filium primogenitum obsidem dedit. Cfr. Hermann. Aug. a 1039.

(433) Nomen servatum esse in odierne Kuml; æstrique rudera in monte Geyersberg supers.

conicit Dobner V, 256. Vide quoque commentationem Kropffii in Monatschrift der Gesellschaft des vaterländischen Museums in Böhmen I, Decemb., p. 37.

(454) Marchio Misnensis.

(455) Reges.

(456) Kamb in Bavaria.

(457) De loco quo hæc Bohemorum victoria reportata sit fusius disseruit Dobner l. 1. In limitibus Bavaricæ et provinciæ Pilsensis, haud procul ab urbe Tause, prælium commissum esse putat.

(458) Cf. Ovid., Metamorph. II, 50. I 168 : 181.

10. Mox secundum jussum regis ruunt loricate  
 1677 agmina; de primo loco pugnae certant proceres,  
 Conspicuae 1678 nitent acies ut lucida glacies,  
 et ut sol refulsit eorum in arma, resplendent frondes  
 silvarum ab eis et cacumina montium. Descendentes  
 autem in vallem neminem inveniunt, quia hinc et  
 illinc spissa silva et impenetrabilia sunt loca; et  
 sicut solet in omni certamine fieri, subsequentes  
 etiam invitos impellunt ad pugnam praecedentes, sic  
 jam fatigati proceres iterum compelluntur 1679 a  
 subsequentibus transcendere alterum montem. Sed  
 jam aestu 1680 et siti sicco 1681 lingua adhaeret palato;  
 vires deficiunt, dexteræ languescunt, anhelitus  
 ægros de pectore trahunt, nec tamen sistere queunt  
 1682 gradum. Alii super scuta suas 1683 loricas deji-  
 ciunt, alii stant appodiatum arboribus, frustra in anem  
 auram captantes, alii jacuere ut trunci, homines  
 crassi et inuerti itinere certamine pedestri, et cum  
 applicuissent munitioni, exoritur undique clamor,  
 (459), ascendit ut nebula super silvam fatigato de  
 corpore vapor. Quod videntes Boemi ad breve tem-  
 pus hæsitaverunt, moxque, ut intellexerunt viribus  
 eos defecisse, audacter prosiliunt 1684 de munitione.  
 Audatiam

Dabat eis invicta soror fortunæ Bellona  
 O fors 1685 fortuna! nunquam es perpetuo bona  
 Instabilique rota magnates mergis in ima.  
 Fortunatorum en ora 1686 verenda virorum  
 Ungula ferrata 1687 saltantium fœdat equorum,  
 et ventres in deliciis ac lumbos baltheis bis 1688 cocco  
 1689 tinctis 1690 præcinctos 1691 runcinus 1692 (460) pede  
 rumpit, et distrahit intestina et exta ceu 1693 fasciam  
 aut ligamina cruris.

Plura referre pudet de tantæ 1694 nobilitatis  
 Morte repentina nec scriptis promere digna.  
 Tanta enim nobilitas ibi 1695 facta est strages viro-  
 rum, quanta nec in campis Emathiae 1696 (461), nec  
 in tempore Sillæ, nec aliqua 1697 mortalium peste,  
 nec hostili unquam gladio 1698, fertur simul Teuto-  
 nicorum interisse nobilitas. Interea cæsar sedens  
 montis in supercilio, suæ mentis fallitur augurio.  
 Nam dum suos vinci non æstimat ab hoste, victores

A ut vidit adesse cruentos, insiliens tergo sonipedis  
 1699, inoumbit jubeis et

Admovet 1700 lumbis calcar quadrupedis cæsar;  
 quem nisi habuisset promptum, eadem hora descen-  
 disse in orcum sine mora Romanus imperator (462).

11. Dum hæc ibi geruntur, Saxones cum duce  
 Okardo 1701 de quo supra dixi, Boemiam ingrediuntur  
 et unam parvam regionem, quæ est circa flu-  
 vium 1702 Belinam 1703, hostiliter demoluntur. Interea  
 dux eorum famam ut percepit sinistram, Sclavos  
 de cæsare habuisse victoriam, fixit 1704 gradum ad  
 pontem Gnevin 1705 (463) juxta fluvium Belinam  
 1706, valde sollicitus utrum bello fortunam temptaret,  
 an cum 1707 tanto dedecore 1708 repatriaret. Maluit  
 tamen prius experiri 1709 animum ducis, et per nun-  
 cios temptans eum verbis suadet amicis: *Qui te*

B *modo pugnando 1710 vicisse gaudes, si supplicando vi-*  
*cisses, melior multo 1711 victor 1712 fuisses; propterea*  
*noli temetipsum super te inaniter exaltare, quia durum*  
*est tibi contra stimulum calcitrare. Nam qui modo,*  
*quasi parcendo vobis et miserando, vestram terram*  
*cum paucis intrabat, ejus interim gratiam nisi inve-*  
*neritis 1713, cito cum tanta multitudine exercituum*  
*superveniet, quibus nec fontes vestri sufficient, et quos*  
*vestra terrula vix capiet; tunc erunt novissima pejora*  
*prioribus. Unde iterum admoneo te et consilium do,*  
*ne totum, quod possidere videris, amittas. Peginam*  
 1714 *pecuniam (464) quæ omnia superat, iratos plac-*  
*cat. inimicos reconciliat, per tibi fideles amicos 1715*  
*non modicam cæsari mittas, quatenus pro te ipsa*  
*intercedat et ejus tibi 1716 gratiam acquirat. Ad hæc*  
 C *dux Bracizlaus ira commotus salubres previt moni-*  
*tus, et innixus manum capulo sic ait: Dicite vestro*  
 1717 *Occardo 1718: Consilii satis 1719 est mihi, neve*  
 1720 *monendo profecisse putes. Audiant te 1721 Saxo-*  
*nes saxis rigidiores, et si qui sunt inconsulti 1722 ho-*  
*mines, qui te sapere aliquid putant. Ego autem, nisi*  
*his in tribus diebus hanc de mea provincia sine omni*  
*violen tia exeat, hoc 1723 ense caput tuum abscidam,*  
*et tua ora ponam tibi cæ posteriori.*

Cæsar in curte quid agatur, non mihi curæ  
 [est 1684.

#### VARIE LECTIONES.

1677 *ta alia manu superscr.* 1. 1678 *prospicua* A. 1679 *ita corr.* 1, coguntur *rell.* 1680 *deest* 3. 1681 *sicca*  
 2 (b). 1682 *queunt alia manu superscript.* A. *deest* 1, 2, 2 (b), 3; *valent* 4, 4 (a). 1683 *sua* A. 1684 *unt al. manu*  
*superscr.* 1. 1685 *sors* 4, 4 (a). 1686 *opera* A. *alia manu superscr.* t, *ut sit operta.* 1687 *ferrea* 4, 4 (a).  
 1688 *his* A. 1689 *qq;* *superscr. al. manu.* A. 1690 *tinctus* 2. 1691 *præcinctis* 4, 4 (a). 1692 *rancinus* 2 (b).  
 1693 *deest* A. 1694 *detente corr. al. man. detantæ* 1. 1695 *omittunt* 2 (b), 3. 1696 *Amathie* 4, 4 (a). 1697 *aquila*  
 2. 1698 *deest* 3. 1699 *semipedis* A, 1, 2, 3. 1700 *t alia manus minio superscr.* 1. 1701 *Okardo* 1.  
 1702 *omittit* 4 (a). 1703 *fluvium quæ est circa Belinam* 2, 2 (a), *fluvium, qui est circa Belinam* 2 (b). 1704 *fecit*  
*corr. al. manu, fixit* A. 1705 *Gneum* 3. *Ghnevin* 4, 4 (a). 1706 *Bilinam* 4 (a). 1707 *de addit* 4. 1708 *dolore* 2 (b).  
 1709 *experire corr. experiri* A. 1. 1710 *pugnare* 1. 1711 *al. manu superscr.* A. 1712 *omissum* 4, 4 (a). 1713 *ne*  
*syllaba al. man. superscr.* 1. 1714 *regina* 3. 1715 *repetit fideles sed expunxit* 1. 1716 *omittunt* 4, 4 (a). 1717 *ne*  
 1718 *Okardo* 2, *et deinceps.* *Ockardo* 4, 4 (a). 1719 *satis cons.* A. 1720 *ne* 2, *ne me* 4, 4 (a). 1721 *ne*  
 4. 1722 *inconsulta* 4, 4 (a). 1723 *corr.* 1. 1724 *superscr. al. man.* A.

#### NOTÆ.

(459) Virg., Æn. XII, 756.

(460) Equus.

(461) Lucan., Pharsal. I, 1.

(462) De Heinrici clade die 22 m. Aug. 1040 facta,

cf. Hermann Aug. et Ann. Sang. majores.

(463) Gnenin, Brûx, ad Bilam in circulo Satzensi;  
 cf. Pubitschka III, 319.

(464) Hor., epp. I, 6, 37.

Quamdiu in femore Bracizlai pendet ensis, non lac sed similis fluet sanguis ex latere cæsaris. Quæ cum <sup>1725</sup> duci <sup>1725</sup> relata fuissent, quamvis nimis ægre id tulisset, tamen invitus ceu lupus, qui, <sup>1726</sup> cum amittit prædam et investigantibus canibus submitbens caudam repetit silvam, sic dux Oocardus cum magno dedecore repedit in Saxoniam. Item relatum est duci Bracizlao <sup>1728</sup> de Pricos <sup>1729</sup> comite, qui præfuit <sup>1730</sup> Belino <sup>1731</sup> in urbe, quod corruptas Saxonum pecunia non stetisset ex adverso munkionie in custodia; sed, ubi sunt nemora hostibus pervia, ibi posuisset <sup>1732</sup> præsidia (465). Hunc enim dux præfecerat toti <sup>1733</sup> cohorti quæ fuit de Moravia, et tribus legionibus quæ fuerant <sup>1734</sup> missæ in auxillium de Ungaria (466). Quem statim <sup>1735</sup> dux <sup>1736</sup> iratus, erutis oculis, manibus et pedibus abscisis, iussit præcipitari <sup>1737</sup> in abyssum <sup>1738</sup> fluminis <sup>1739</sup>, anno dominicæ incarnationis 1041.

Imperator Henricus pugnat cum duce Bracizlao et turpiter fugatur. 2. 2 a. 2 b.

12. Anno dom. inc. 1042 (467). Henricus imperator, semper magnificus triumphator, volens ulcisci suorum ruinam inclitorum, intrat tribus itineribus terram Boemorum, et eam fere totam hostiliter devastat, ac multas civitates, quas illi defendere non valentes deseruerant, igne succendit. Et ut pervenit ad urbem Pragam, ante ipsam ex adverso fixit aquilas Sibenice <sup>1740</sup> in monticulo (468). Ibi nihil actum dignum relatu comperi <sup>1741</sup>, nisi quod præsul Severus.

Cæsaris ad castra clam noctu fugit ab urbe, timens, ut æstimo, ne quasi domino suo rebellis privaretur sedis honore pontificalis. Quod videns dux Bracizlao.

Nescit quid faciat, mentem dolor undique turbat. Jam pœnitet cum olim pugnasse contra cæsarem <sup>1742</sup> jam pœnitet cum sprevisse <sup>1743</sup> monita ducis Oocardi, jam mavult <sup>1744</sup> precibus pugnare, et eum <sup>1745</sup> precibus superare <sup>1746</sup> quem olim pugnando superarat; atque his verbis temptat diram deflectere

A cæsaris iram:

*Bella geris, cæsar, nullos habitura triumphos* (469).  
*Nostra* <sup>1747</sup> terra tua est camera, nosque tui sumus, et esse tui <sup>1748</sup> cupimus. Nam qui suos in subjectos sævit,

*Hoste crudeli crudelior noscitur esse;*  
*si spectas ad robur tui exercitus, nos tibi nec momenta rerum sumus. Cur ostendis potentiam tuam quasi contra folium, quod a vento rapitur? Nam ventus deficit ubi nichil sibi officit. Quod vis* <sup>1749</sup> ut sis, jam victor es,

*Jam tua jam cinge vitricia* <sup>1750</sup> tympora <sup>1751</sup> tauro [(470).

Insuper ei promittit mille et quingentas marcas denariorum, quod erat tributum trium annorum jam <sup>1751</sup> præteritorum (471).

Mox velut insignis cum flammis æstuat ignis, si quis nimiam de super fundit <sup>1752</sup> aquam, paulatim impetum ejus confundit, et prævalentibus undis deficit ignis:

*Haud secus* <sup>1753</sup> extinxit regina pecunia cæsaris [iram.

Nam qui olim hanc terram intraverat in mitis, accepta pecunia revertitur mitis, pace interposita.

13. Anno dominicæ incarnationis 1043 tanta famæ fuit in Boemis, ut tercia pars populi interiret famæ.

Anno dominicæ incarnationis 1044.

Anno dominicæ incarnationis 1045, obiit Gunter monachus 7 Idus Octobris (472).

Anno dominicæ incarnationis 1046, dedicatum est monasterium in urbe Bolezlao 14 Kal. Junii <sup>1754</sup> a Severo Pragensis <sup>1755</sup> ecclesiæ sexto episcopo (473)

Anno dominicæ incarnationis 1047.

Anno dominicæ incarnationis 1048.

Anno dominicæ incarnationis 1049.

Anno dominicæ incarnationis 1050.

Anno dominicæ incarnationis 1051.

Anno dom. inc. 1052. obiit Bozema <sup>1756</sup> conjunx

#### VARIÆ LECTIONES.

<sup>1725</sup> dum 2, 3. <sup>1726</sup> deest A. Ockardo addunt 4, 4 (a). <sup>1727</sup> deest 4. <sup>1728</sup> Bracizlavo 1. <sup>1729</sup> Pricos 4. Pricos 2, 2. (b). Pricos 3. <sup>1730</sup> fuit 4, 4 (a). <sup>1731</sup> Belin 1, 2, 4. Bolin 3. <sup>1732</sup> posuissent 1. <sup>1733</sup> tote 4, 4 (a) <sup>1734</sup> fuerunt 4, 4 (a). <sup>1735</sup> deest 4, 4 (a). <sup>1736</sup> Bracizlao addit. 4 (a). <sup>1737</sup> præcipitare 3. <sup>1738</sup> abissum 1. <sup>1739</sup> ad hanc rem pertinet annus dom. incarn. MXLI, add. 4, (a). <sup>1740</sup> Sibenice 1. Sybenice 4, 4 (a). <sup>1741</sup> comperit 4, 4 (a). <sup>1742</sup> jam pœnitet — cæsarem omissa 4, 4 (a). <sup>1743</sup> verba sprevisse — eum in marg. A. apposuit alia manus <sup>1744</sup> maluit 2, 2 (b), 3. <sup>1745</sup> exsuperare 4, 4 (a). <sup>1746</sup> nam 2, 2 (b), 3. <sup>1747</sup> deest A. <sup>1748</sup> deest A. <sup>1749</sup> vitrici 2 (b), 3. <sup>1750</sup> tympora 2, 2 (b), 4; tempora 3. <sup>1751</sup> deest 2 (b), 3, 4, 4 (a). <sup>1752</sup> fundat 2 (b), 3. <sup>1753</sup> secus corr. secus A. <sup>1754</sup> IV Calend. Januarii 3. <sup>1755</sup> a domino Severo sanctæ Pragensis 4, 4 (a). <sup>1756</sup> Bona al manu supr. rscr. zo A. Bozemia 2.

#### NOTÆ.

(465) Anno 1043 Eppo est præfectus Bilinensis; D vide tabulam Boczek I, 116.

(466) A Petro Ungarorum rege Bracizlai socio. Quæ cum Annales Hildesh. ad annum 1041 referant, dubitari non potest quin proditio comitis Pricos et numerus anni 1041 in textu ad II, 11 revocandus sit.

(467) Anno 1041 hæc gesta sunt; cfr. Herm. Aug. et Ann. Sang.

(468) Mons Zizka postea nominatus.

(469) Lucan., Phars. I, 12.

(470) Virg., Æn. V. 539.

(471) Autumno infestivitate S. Michaelis Henricum ad Pragam cum Bohemis pacem fecisse testatur annalista Saxo a. 1042.

(472) De Guntario eremita in silva Bohemica vide Herm. Aug. 1045; Vitam S. Godehardi ep. Hildesh. ap. Leibnitium I, 487, et præceptum Bratislai a. 1045, Boczek I, 120; Vitam S. Guntheri Act. SS. Oct. IV, 1068.

(473) Vide supra II, 7, et præceptum Bratislai Boczek, I, 125.

Oudalrici <sup>1757</sup> ducis, mater Bracizlai <sup>1758</sup>.

Anno dominicæ incarnationis 1053.

Sanctus Procopius abbas (474) obiit. 2.2 a. 2b.

Anno dominicæ incarnationis 1054. <sup>1759</sup> urbs Wratislav <sup>1760</sup> (465) et aliæ civitates a duce <sup>1761</sup> Bracizlao redditæ sunt Poloniis, ea conditione ut quem sibi tam suis successoribus quingentas marcas argenti et 30 auri annuatim solverent.

Anno dominicæ incarnationis 1055 <sup>1762</sup>.

Dux Bracizlaus <sup>1763</sup> virtutum culmine clarus

Gemma Boemorum <sup>1764</sup>, patrum lux clara suorum, cum adjuvante Deo totam sibi subjugasset Poloniam, nec non bis victor, jam tercia vice proposuerat invadere Pannoniam (476), dumque præcedens suum exspectat exercitum, Hrudim <sup>1765</sup> in urbe acri pulsatur ægritudine; quam ut sensit magis magisque ingravescere, et sui corporis vires evanescere, convocat eos qui forte aderant terræ <sup>1766</sup> primates, quibus astantibus verbis fatur talibus: *Quia mea fata vocant, et atra mors jam præ oculis volat, volo vobis assignare et vestræ fidei commendare, qui <sup>1767</sup> post me debeat rem publicam gubernare. Vos scitis quia nostra principalis <sup>1768</sup> genealogia, partim sterilitate, partim pereuntibus in <sup>1769</sup> immatura ætate, me usque <sup>1770</sup> ad unum <sup>1771</sup> fuit redacta. Nunc autem, ut ipsi cernitis, sunt mihi a Deo dati quinque nati, inter quos dividere regnum Boemix non videtur mihi esse utile, quia omne regnum in seipsum <sup>1772</sup> divisum desolabitur. Quia <sup>1773</sup> vero ab origine <sup>1774</sup> mundi, et ab initio Romani imperii, et usque ad hæc tempora fuerit fratrum <sup>1775</sup> gratia rara, læstantur nobis exempla rata. Nam Cain <sup>1776</sup> et Abel, Romulus et Remus, et mei atavi Bolezlaus et Sanctus Wenczelau, si specles quid fecerint <sup>1777</sup> fratres bini, quid facturi sunt quini <sup>1778</sup>? Hos ergo <sup>1779</sup> quanto potiores ac potentiores intueor, tanto mentis præsaga pejora augurior. Hæc mens <sup>1780</sup> semper pavida genitorum de incertis satis natorum! Unde prævidendum <sup>1781</sup> est ne post mea fata <sup>1782</sup> aliqua inter eos oriatu discordia propter*

*A obtinenda regni gubernacula. Qua de re rogo vos per Dominum <sup>1783</sup>, et obtestor fidei vestræ per sacramentum, quatinus inter meos natos sive nepotes semper major <sup>1784</sup> natu summum jus et solum obtineat in principatu, omnesque <sup>1785</sup> fratres sui, sive qui sunt orti herili de tribu, sint sub ejus dominatu (477). Credite mihi, nisi monarchos <sup>1786</sup> hunc regat ducatum, vobis principibus ad jugulum, populo ad magnum deveniet <sup>1787</sup> damnum (478). Dixerat, et inter astantium manus corporeos artu linquens petit ethera flatus ejus 4 Idus Januarii <sup>1788</sup> (479), ac magnus planctus est desuper illico factus <sup>1789</sup>. Quantæ autem dux iste Bracizlaus frugalitatis <sup>1790</sup>, vel quantæ discretionis in divinis legibus <sup>1791</sup> et humanis judiciis, aut quam largus dator <sup>1792</sup> elemosinarum et quam pius fautor ecclesiarum sive viduarum fuerit, facundia Tullii prius defecisset, quam singula ejus quæque merita explicuisset <sup>1793</sup>.*

4. Post ejus obitum filium ejus primogenitum nomine Spitigneu <sup>1794</sup> omnes Boemix gentis, magni et parvi, communi consilio et voluntate pari eligunt sibi in ducem <sup>1795</sup>, cantantes kirieleison cantilenam dulcem. Erat enim vir valde speciosus, cæsariæ pice nigrior atra, barba <sup>1796</sup> proluxa, facie læta <sup>1797</sup>, genæ ejus candidiores nive, et parum rubentes per medium. Quid plura?

Vir bonus et talos a vertice pulcher ad imos erat (480). Prima <sup>1798</sup> die qua intronizatus est, hic magnum et mirabile ac omnibus seclis memorabile fecit hoc sibi memoriale; nam quotquot inventi sunt de gente Teutonica, sive dives, sive pauper, sive <sup>1799</sup> peregrinus, omnes simul in tribus diebus jussit eliminari de terra Boemia (481), quin etiam et genitricem non tulit remanere suam, de qua supra meminimus (482), Ottonis natam, nomine Juditham. Similiter et abbatissam (482) sancti Georgii, Brunonis filiam, eliminat, quia hæc olim antea eum verbis offenderat acerbis. Nam dum pater ejus Bracizlaus reedificaret mœnia tocius urbis Pragæ per girum,

#### VARIE LECTIONES.

<sup>1757</sup> Odalrici 2, Udalrici 2 (b). <sup>1758</sup> hæc ad 1050, A. <sup>1759</sup> in margine superiore A. alia manu adscriptum sed falso MLIII. <sup>1760</sup> Wratislaw 2, Wratislai 3, Wratislau 2 (b), 4 (a). <sup>1761</sup> Boemico add. 2 (b), 4, 4 (a). <sup>1762</sup> Mill. LIII, al. manu superscr. A. <sup>1763</sup> Boemorum add. 4, 4 (a). <sup>1764</sup> Sclavorum 4, 4 (a). <sup>1765</sup> Chrudim 2, Hrudin 3. <sup>1766</sup> sui 2. <sup>1767</sup> erasum et superscr. A. <sup>1768</sup> deest A. <sup>1769</sup> deest 2, 3, 4, 4 (a). <sup>1770</sup> corr. al. man. A. <sup>1771</sup> imum 2. <sup>1772</sup> i. s. ipso al. man. in margine A. apposita. <sup>1773</sup> deest 2, 3, 4, 2 (b). <sup>1774</sup> oriente 1. <sup>1775</sup> omissum A. 1, 2, 2 (a), 4 (a), legunt 3, 4, et in margine 2 (b). <sup>1776</sup> Cain 1. <sup>1777</sup> fuerint pro fecerint 3. <sup>1778</sup> quinterni 3. <sup>1779</sup> ita 1, 4, ego rell. <sup>1780</sup> in al. man. superscr. 1. <sup>1781</sup> providendum A. <sup>1782</sup> facta corr. fata A. <sup>1783</sup> Deum 2 (b), 3. <sup>1784</sup> minor 3. <sup>1785</sup> et omnes 4. <sup>1786</sup> monarchos al. manu superscr. solus 1, nec monarchos 2 (b), si monarcha 3. <sup>1787</sup> deveniret eraso r 1. <sup>1788</sup> deest 4 (a). <sup>1789</sup> est hoc loco superscr. A. <sup>1790</sup> frugilitatis corr frugilitatis A. <sup>1791</sup> regibus 1. <sup>1792</sup> dator repetit 1. <sup>1793</sup> explicuissent A. <sup>1794</sup> Zpitigneu 1, 2 (b), Spitigneu 2, Zpitigneu 3, Zpitigneu 4, Spitigneu 4 (a), et sic porro. <sup>1795</sup> judicem omissio in 4 4 (a). <sup>1796</sup> barbara corr. barba A. <sup>1797</sup> lata 4. <sup>1798</sup> autem inserunt 4, 4 (a). <sup>1799</sup> seu 4.

#### NOTÆ.

(474) Szaviensis.

(475) Breslau.

(476) Dubitat Palacky I, 291, num Bratislaus vera bellum contra Ungaros tempore hiemali suscipere voluerit.

(477) Hanc legem Cosmas infra III, 13 vocat *justitiam Bohemorum*.

(478) Hunc rerum ordinem a Bratislao non in ipsa morte constitutum esse, docet tabula quædam a. 1054 scripta, in qua mentio fit Wratislai, filii ejus, ducis Moraviensis; Boczek I, 430.

D (479) Consentit Necrologium Bohemicum.

(480) Hor., opp. II, 2, 4.

(481) Sed non omnes Teutonicos expulit e Bohemia, potius Vitum abbatem Szaviensem Slavica natione oriundum munere privavit, et abbatem Teutonicum in monasterium induxit, ut refert monachus Szaviensis.

(482) I, 40.

(483) Dobner V, 329 ex diplomate quodam Ottocari I effecisse videtur ei nomen Adlaidæ fuisse.

et hic <sup>1800</sup> supradictus heros a patre sibi concessam Sateo <sup>1801</sup> haberet <sup>1802</sup> provinciam, forte <sup>1803</sup> exiit ut cum suis circa sancti Georgii claustrum componeret murum. Et cum nullo modo recte poni posset murus, nisi destrueretur fornax abbatissæ qui ibi <sup>1804</sup> forte stabat, jactata fune in media, tunc aliis hoc facere cunctantibus, accessit natus herilis, et quasi risum sibi faciens, cum magno cachinno <sup>1805</sup> jussit eum dejicere subito in torrentem Bruzincam <sup>1806</sup>, dicens: *Hodie domina abbatissa calidas non gustabit placentus.* Quod agnoscens abbatissa exiit irata de claustris, et valde moleste ejus dicta ferens, sic eum yronicis aggreditur et confundit dictis:

*Nobilis, insignis, vir fortis et inclitus armis.  
Quam magnas turres nunc expugnauit et urbes,  
Et sibi famosum fert de fornace triumphum,  
Tempora jam lauro victricia cingat et auro.  
Clerus multimodis campanis <sup>1807</sup> personet <sup>1808</sup> odas,  
Dux quia dejecit <sup>1809</sup> fornacem miraque fecit.  
Ah <sup>1810</sup> pudet effari <sup>1811</sup> quæ non pudet hunc operari.  
Corpore dirigit vir, vox et faucibus hæsit (484).  
Indignansque <sup>1812</sup> suam gemitu compescuit iram.  
[ (485).*

Hæc quoniam <sup>1813</sup> abbatissæ diota dux alta in mente reposita (486) reservarat <sup>1814</sup>, postquam est intronizatus, priusquam <sup>1815</sup> sancti Georgii ecclesiam intraret <sup>1816</sup>, abbatissam expellit <sup>1817</sup> mandans sibi talia <sup>1818</sup>: *Nunc potius convenit clerum resonare odas et pulsare campanas, cum abbatissa foras et <sup>1819</sup> de terra hac ejiatur <sup>1820</sup>, quam cum fornax ejus dejicitur. Ecce vir fortis et inclitus armis non turres, non urbes expugnando, seu te abbatissam <sup>1821</sup>, illius fornacis <sup>1822</sup> dominum, hodie ejiciendo <sup>1823</sup> fert <sup>1824</sup> famosum triumphum, et cingit tempora lauro.* Et ut jussum fuerat, super bigam imposita fertur velociter abbatissa, et citius dicto ejicitur hujus terræ de continio.

15. His ita <sup>1825</sup> peractis, vadit novus dux novum disponere Moraviæ regnum, quod olim pater ejus inter filios suos dividens, partem dimidiam <sup>1826</sup> Wratiz-

lao <sup>1827</sup> (487) partem alteram Chonrado <sup>1828</sup>, et Oltoni <sup>1829</sup> dederat; Jaromir autem adhuc deditus studiis inter scolares versabatur alas. Præmisit autem dux Spitzigneu illius terræ <sup>1830</sup> ad primates litteras, in quibus nominatim vocat trecentos viros, quos ipse novit <sup>1831</sup> meliores et nobiliores <sup>1832</sup> ex omnibus civitatibus, et ut sibi ad urbem Hrudim <sup>1833</sup> occurrerent <sup>1834</sup>, per salutem capitis sui mandat. Jussa viri faciunt, et jëm <sup>1835</sup> ultra portam custodiæ in agris Grutov <sup>1836</sup> (488) duoi obviam veniunt, quos statim dux <sup>1837</sup>, iratus quia non ad conductum locum occurrerant, jussit comprehendere, et catenatos misit ad custodiendum, dividens eos per singulas civitates Boemiæ, equos autem et arma eorum inter suos distribuit, et tenuit viam in Moraviam. Quod audiens frater ejus <sup>1838</sup> Wratizlaus valde eum timuit, et secessit in partes Pannoniæ <sup>1839</sup> (489), relicta conjugis Olomuc <sup>1840</sup> (490) in urbe. Quem rex Andreas grantanter suscepit, et quandiu secum <sup>1841</sup> fuit, honorifice eum habuit. Ergo dux Spitzigneu, postquam ad suum placitum <sup>1842</sup> omnia ordinavit in Moravia, fratres suos accepit, ut essent secum in curia, Conracum <sup>1843</sup> præficiens venatoribus, Ottonem vero posuit super pistores atque cocos magistrum <sup>1844</sup>. Nurus autem suam comprehensam misit in quoddam castrum <sup>1845</sup> munitissimum nomine <sup>1846</sup> Lescen <sup>1847</sup> (491), committens eam ad custodiendum comiti nomine <sup>1848</sup> Mztis <sup>1849</sup>, quam illa, non ut decuit talem dominam, custodivit, nam omni nocte ejus pedem suo cum pede <sup>1850</sup> munivit compede. Quod vir ejus audiens ægre tulit, et quid mercedis comiti pro tam temerari factis postea reddiderit, in sequentibus patebit (492).

16. Post unum veromensem <sup>1851</sup> evolutum interventu Severi episcopi et comitum nurum suam dimittit, et <sup>1852</sup> dans ei conductum, fecit eam <sup>1853</sup> redire ad suum maritum. Quæ quoniam <sup>1854</sup> vicina partui erat, dum ire properat <sup>1855</sup>, matricem viciat, et infra spacium trium dierum spiritum <sup>1856</sup> exalat pulcherrima mulierum <sup>1857</sup>, quia non potuit <sup>1858</sup> uteri expo-

#### VARIÆ LECTIONES.

<sup>1806</sup> hæc 1. <sup>1801</sup> Satec 2. Satec 2. Satec 2(b), Sathc 4, 4(a) <sup>1802</sup> h superscr. al. man. 1. <sup>1803</sup> sorte 2. 4. <sup>1804</sup> corr. A. omittunt 4. 4(a) <sup>1805</sup> chachinno 1, 4. a( <sup>1806</sup> Brusnicam 1, Bruznicam 2(b), 4. 4(u) Brucitucam 3. <sup>1807</sup> campanas corr. campanis A. campanas 4. 4(n) <sup>1808</sup> personat 3. <sup>1809</sup> dejicit 4(a). <sup>1810</sup> Ach 4. <sup>1811</sup> ea fari 4, 4. <sup>1812</sup> n. superscr. 1. indignansque 3. <sup>1813</sup> quum 2(b), 3. <sup>1814</sup> reservaret 1. <sup>1815</sup> pq 1. <sup>1816</sup> intrat A, intraret 4, 4(n) ad addit 1. <sup>1817</sup> ita A. superscripsit alta manus et coeva illa; deest in rell. <sup>1818</sup> 3. sic legit; abbatissæ mandat talia. <sup>1819</sup> omittunt 4, 4(a). <sup>1820</sup> ejicitur d. t. A. <sup>1821</sup> m superscr. al. manu A. abbatissa 3. <sup>1822</sup> n superscr. 1. <sup>1823</sup> ejici ipio 1. <sup>1824</sup> corr. 1. <sup>1825</sup> corr. A. itaque 1. <sup>1826</sup> corr. A. <sup>1827</sup> Wratizlavo 1. <sup>1828</sup> Conrado A. 2, Chunrado 2(b), 4(a), Cunrado 4. <sup>1829</sup> Oltoni 1. <sup>1830</sup> al. man. superscr. C. <sup>1831</sup> vidit 2. <sup>1832</sup> et nobiliores omissa 4, 4(a) <sup>1833</sup> Grudim 1. <sup>1834</sup> ita A. occurrant rell. <sup>1835</sup> etiam 4, 4(a). <sup>1836</sup> Grutov 2, 2(b). Chruton 3. Grothou 4, 4(n) <sup>1837</sup> Spitzigneus addunt 4, 4(a) <sup>1838</sup> suis A. <sup>1839</sup> Polonæ 4, 4(a). <sup>1840</sup> Olomucz 2, 4, 4(a) <sup>1841</sup> corr. A. <sup>1842</sup> palatium 4, 4(n) <sup>1843</sup> Cunratum 1, Conradum 4, 4(a). <sup>1844</sup> posuit pistorum atque cocorum magistrum 4. 4(a) <sup>1845</sup> castellum A. <sup>1846</sup> omittit 3. <sup>1847</sup> Lesczen 2. <sup>1848</sup> omittit 4(a) <sup>1849</sup> Mztis 1, 2, 4. <sup>1850</sup> cum pede desunt 2. <sup>1851</sup> messem. n. superscr. al. man. 1. <sup>1852</sup> manna alia et coeva superscr. A; deest in rell. <sup>1853</sup> deest 4; 4(a). <sup>1854</sup> quia 4, 4(a) <sup>1855</sup> te al. man. corr. ire 1. dum te properat 2. 2(b), dum properat 3. <sup>1856</sup> spiritus 2. <sup>1857</sup> corr. 1. <sup>1858</sup> poterat 3.

#### NOTE.

(484) Virg., Æ. III, 48.  
(485) Lucan., Phars. IX, 166.  
(486) Virg., Æn. I, 26.  
(487) Wratizlaus sedem habebat Olomuci, Conradus Znamy, Otto Brunnæ; cfr. Boczek I, 429.  
(488) Campi Grutauienses, ultra Chrudim oppidum siti; longius quam dux jusserat iter fecerunt

D Moravienses. Vid. Pubitschka III, 359.  
(489) Die 20 mens. Aprilis 1055, Wratizlaus adhuc residebat Olomuci, ut probat ejus tabula Boczek I, 132.  
(490) Olmutz.  
(491) Lescen.  
(492) II, 19

nere pondus immaturum. Cujus de morte rex <sup>1445</sup> A Andreas <sup>1460</sup> cum videret suum hospitem usque adeo mœrentem.

His juvenem dictis mœstum solatur amois (493):  
*O mi care hospes, Deus faciat, ut sis sospes. De cætero, jacta super Dominum <sup>1441</sup> curam tuam, et spera in eum, et ipse faciet, ut hic mœror cictus <sup>1462</sup> vertatur gaudium. Sæpe enim fit ut, unde homo minus proficui <sup>1463</sup> sperat, inde plus commodi <sup>1464</sup> ferat. De obitu autem tuæ consortis esto vir fortis, nec dolendo excedas modum, quasi tibi soli aliquid contingerit novum, cum omnibus hominibus constet notum.*

*Omne redire <sup>1465</sup> suum humanum corpus ad hortum.* Dixerat et tristem secum ducit <sup>1466</sup> ad mensam hospitem, ubi opimis ferculis reficiuntur <sup>1467</sup> atque mero leni efficiuntur lenti. Forte fuit huic regi <sup>1468</sup> unica <sup>1469</sup> gauta <sup>1470</sup>, nomine Adleyta <sup>1471</sup> (494), jam <sup>1472</sup> thoro mari tali <sup>1473</sup> tempestitiva, valde formosa et multis prois nimium spes invidiosa. Hanc hospes ut vidit misere adamavit, quod rex bonus non recusavit, atque <sup>1474</sup> post paucos dies matrimonio sibi eam copulavit. Quod cum audisset dux Spitzigneve, sagaci ingenio præcavens ne forte invaderet frater suus totam <sup>1475</sup> cum Ungaris Moraviam, mittens nuncios revocat eum de Ungaria, et reddidit sibi <sup>1476</sup> civitates, quas ei ante <sup>1477</sup> pater suus dederat in Moravia (495). Erat enim dux <sup>1478</sup> Spitzigneve vir prudens <sup>1479</sup> rerum in discrimine, sciens arcum suum tendere et laxare in opportuno <sup>1480</sup> tempore. Cujus inter cæteras virtutes hoc præcipuum studium memoria dignum posteris vero imitabile exemplum proferimus <sup>1481</sup> in medium. Talis enim mos suus erat, semper quadragesimali tempore <sup>1482</sup> aut monachorum aut canonicorum degens in claustro, elemosinis vacabat, divinis officiis instabat vigiliis et oracionibus <sup>1483</sup> inhærebat, sic tamen, ut ante matutinalem melodiam aut cum extensione manuum aut cum genuflexionibus totam ruminaret psalmodiam. Post completorium vero ad instar monachorum servat <sup>1484</sup> silentium usque ad primæ stium <sup>1485</sup>. Et quamdiu jejunos fuit, eccle-

siastica disponit <sup>1486</sup> negotia, post prandium autem secularia tractat <sup>1487</sup> judicia <sup>1488</sup>. Pollicioam autem <sup>1489</sup> episcopalem et tunicam clericaalem, quam desuper induens <sup>1490</sup> in capite jejunii per totam quadragesimam gestabat, in cœna Domini suo capellano cubiculario eam dabat, bene et religiose reputans, ut qui tempore pœnitentiæ particeps laboris <sup>1491</sup> fieret, in die magnæ festivitatis <sup>1492</sup> non immunis habiret.

17. Anno dominicæ incarnationis 1056.

Anno dominicæ incarnationis 1057.

Anno dominicæ incarnationis 1058.4 Nonas Augusti (496) Judita conjunx Bracizlavi, ductrix Boemorum, obiit, quam quia filius suus Spitzigneus ejecerat de regno suo, cum non posset aliter ulcisci <sup>1493</sup> injuriam suam in filio, ad contumeliam ejus et omnium Boemorum nupserrat Petro regi Ungarorum (497). Hæc postea <sup>1494</sup> a filio suo Wratizlao duce inde translata et sepulta est <sup>1495</sup> Pragæ juxta virum suum Bracizlaum, sanctorum martyrum Viti, Wenceslai, Adalberti <sup>1496</sup> in ecclesia honorifice <sup>1497</sup>

Anno dominicæ incarnationis 1059.

Anno dominicæ incarnationis 1060, cum ad festum santi Wenceslai dux Spitzigneve venisset Pragam, videns ecclesiam Sancti Viti non adeo magnam nec capessentem populum concurrentem ad festivitatem contruxerat <sup>1498</sup> ad similitudinem <sup>1499</sup> Romanæ ecclesiæ rotundam, in qua etiam ejusdem <sup>1500</sup> corpus sancti Wenceslai quiescebat; similiter et aliam ecclesiolam <sup>1501</sup>, quæ fuit contigua et quasi in porticu sita ejusdem ecclesiæ, cujus in medio nimis in <sup>1502</sup> arto loco erat mausoleum <sup>1503</sup> sancti <sup>1504</sup> Adalberti; optimum ratus fore, ut ambas destrueret <sup>1505</sup> et unam utrisque patronis magnam <sup>1506</sup> construeret ecclesiam. Continuo per longum gyrum designat ecclesiæ locum; jacit fundamenta, fervet <sup>1507</sup> opus (498), surgit murus; sed ejus felicitæ cœpta in subsequenti mox anno intercipit mors inepta. Ejusdem anni tempore, quo legiones procedunt ad bella (499) cum jam levatis signis miliciæ dux <sup>1508</sup> quas

#### VARIÆ LECTIONES.

<sup>1486</sup> audiens add. 2. <sup>1486</sup> deest 2. <sup>1481</sup> Doum 2(b), 3. <sup>1482</sup> tuus 3. <sup>1483</sup> profectus 3. <sup>1484</sup> corr. 1. <sup>1485</sup> red-dere A. <sup>1486</sup> duxerat 3. <sup>1487</sup> corr. 1. <sup>1488</sup> regia A. <sup>1489</sup> deest A. <sup>1490</sup> nata A. <sup>1491</sup> Adlegta A, A\*. <sup>1492</sup> h superscr. al. man. 1. <sup>1493</sup> deest 4, 4(a). <sup>1494</sup> atque-copulavit desunt 1. paucos *omittunt* A. 2. post dies aliquot 3. <sup>1495</sup> totam terram M. o. U. A. <sup>1496</sup> reddidit 1. reddit ei 4, 4 (a). <sup>1497</sup> antea 2 (b), 3. <sup>1498</sup> deest. 3. <sup>1499</sup> prudentis-simus 4, 4 (a). importunc 4. in portuno 4 (a). <sup>1500</sup> proferemus 2, 2 (b), 3. <sup>1501</sup> tempt 1. <sup>1502</sup> jejuniis 4, 4 (a). <sup>1503</sup> servabat 3. <sup>1504</sup> spacium A. <sup>1505</sup> exponit A. disponebat 3. <sup>1506</sup> tractabat 3. <sup>1507</sup> negotia A. <sup>1508</sup> deest A. <sup>1509</sup> indutus 3. <sup>1510</sup> deest 2. <sup>1511</sup> resurrectionis Jesu Christi domini nostri addunt 4, 4 (a). <sup>1512</sup> ulcirisci A. sed corr. <sup>1513</sup> post 4, 4 (a). <sup>1514</sup> omisso ei et est 4, 4 (a). <sup>1515</sup> V. W. A. 1. <sup>1516</sup> ita A. deest rel. <sup>1517</sup> con-struxerat 1. <sup>1518</sup> sanctis add. 4. <sup>1519</sup> deest A. <sup>1520</sup> ecclesiam 2(b), 3, 4, 4(a) <sup>1521</sup> in arto e. l. m. A. <sup>1522</sup> mausoleum 2(b), 4, 4(a). <sup>1523</sup> beati 3. <sup>1524</sup> construeret 1. <sup>1525</sup> deest A. <sup>1526</sup> corr. 1. accelerat 4, 4(a). <sup>1527</sup> Spitzigneus add. 4, 4(a)

#### NOTÆ.

(493) Virg., Æn. V. 770.

(494) Erat soror Andree I regis Hungarorum, filia Ladislai, ofr. Pubitschka III. 361.

(495) Tabula quædam apud Broczek I, 135 probat Wratizlaum anno 1059 Olomuci commoratum esse.

(496) Probat Necrologium Bohemicum.

(497) Anno 1048 regno privato et cæcato: sed tunc vivebat prior ejus uxor; vid. Herm. Augiens.

D 1046. Nuptias illas in dubium vocat Pubitschka III, 330.

(498) Virg., Georg. IV. 169.

(499) Ni fallor, Andree regi Hungarorum cum exercitu Teutonicorum adversus Boemæ consilio Heinrici regis auxilium laturus erat, quod de duce quodam Boemorum anonymo, cujus adventum Teutonici non expectaverint; litteris mandavit Lambertus 1061.

unius<sup>1200</sup> diei iter ageret, obviam habuit<sup>1210</sup> viduam, quæ flens ejulans ac pedes ejus deosculans, currens<sup>1211</sup> post eum clamabat dicens :

*Domine, vindica me de adversario meo.*

Et ille, *Faciam*, inquit, *cum de*<sup>1212</sup> *expeditione red- eam*. Et illa : *Quid sit*, ait<sup>1213</sup>, *non redibis, cui me vindicandum*<sup>1214</sup> *dimittis*<sup>1215</sup> ? *Aut cur tuam mercedem a Deo accepturus omittis* ? Qui statim unius viduæ ad petitionem intermittit expeditionem, eamque justo iudicio vindicavit de adversario. Quid ad hæc vos, o moderni principes, dicitis, qui tot viduarum, tot pupillarum ad clamores non respicitis, sed eos tumido fastu superbiendo despiciitis ? Talibus, ut supra diximus, misericordiæ visceribus dux Spitigneus hoc agnomen sibi ascivit, ut ab omnibus diceretur pater clericorum, defensor viduarum. Sed quia sæpius videmus occulto Dei iudicio malos relinqui, bonos subtrahi<sup>1216</sup> de medio, hic vir tantæ<sup>1217</sup> probitatis est<sup>1218</sup> ab hac luce subtractus 5 Kal. Februarii (500), anno sui ducatus 6, anno vero<sup>1219</sup> dominicæ incarnat. 1061<sup>1220</sup>.

Obiit Spitigneus dux Bohemorum 2. 2 (a).

18. Post cuius obitum frater ejus<sup>1221</sup> Wratizlaus, omnibus Boemis faventibus, sublimatur in solium, qui confestim<sup>1222</sup> Moraviæ regnum inter fratres suos dividit per medium, dans Oltoni orientalem plagam (501), quam ipse prius obtinuerat, quæ<sup>1223</sup> fuit aptior venatibus<sup>1224</sup> et abundantior piscibus, occidentalem vero (502), quæ est<sup>1225</sup> versus Teutonicos, dat Conrado, qui et ipse sciebat Teutonicam linguam. Regio<sup>1226</sup> autem illa est planior et campestris atque fertilior frugibus. Interea sole morante in prima parte piscium, bonæ indolis Jaromir juvenis, audita nece fratris suis Spitigneus, quem non<sup>1227</sup> minus quam<sup>1228</sup> ut patrem timore et amore coluit, jam deposito puerili metu rediit<sup>1229</sup> de studio, sperans aliquam portionem<sup>1230</sup> se habiturum hæreditatis in patrio regno. Quem dux Wratizlaus frater suus, ut sensit magis affectari<sup>1231</sup> laicalem quam sacræ doctrinæ miliciam, his verbis castigat ejus pertinaciam : *Noli, inquit, frater*<sup>1232</sup>, *noli a capite, cujus effectus es membrum, per apostasiam*<sup>1233</sup> *abscondi*<sup>1234</sup> *et*<sup>1235</sup> *proijci in infernum. Olim divina gratia per sui provi-*

*dentiam*<sup>1236</sup> *elegi*<sup>1237</sup> *te in sacerdotii gradum, propterea et genitor noster tradidit te ad litterarum exercitium, ut successor idoneus Severi episcopi habearis tantummodo Deo favente si superstes fueris. Moxque intrante Martio mense, prima sabbati die, quando celebrantur*<sup>1238</sup> *sacri ordines, quamvis invitum et coactum atque nimis renitentem totonditeum, et in præsentia ipsius ducis ordinatus est usque*<sup>1239</sup> *ad diaconatus officium, legique publice evangelium, et pontifici missam celebranti*<sup>1240</sup> *juxta morem ministravit*<sup>1241</sup>. Post hæc novus diaconus, immo<sup>1242</sup> antiquus dicendus<sup>1243</sup> apostata Julianus, parma<sup>1244</sup> sacræ miliciæ non bene abjecta (503), et gratia<sup>1245</sup> quam per inpositionem manus acceperat neglecta<sup>1246</sup>, sumpsit militare cingulum, et aufugit cum suis sequacibus ad ducem Polonicum (504), mansitque secum usque Severi<sup>1247</sup>, episcopi<sup>1248</sup> ad obitum.

19. Ea tempestate Mxtis comes ubi Belinæ<sup>1249</sup>, filius Boris, vir magnæ audaciæ, majoris eloquentiæ, nec minoris prudentiæ, quamvis non inmemor quod suspectum ducem habuerit<sup>1250</sup>, quia ejus conjugem sibi quandoque a domino suo commissam in custodia tenuerit<sup>1251</sup> (505), tamen<sup>1252</sup> audaoter palatium ducis ingressus, rogaturus eum his verbis suppliciter est aggressus : *Fratris tui, inquit, per gratiam in honore sancti Petri apostoli ædificari ecclesiam, cujus ad dedicationis sollempnitatem quo dignemini adventare*<sup>1253</sup>, *simul et urbem adventu tuo lætificare, supplices meos ne despicias*<sup>1254</sup> *preces*. Ille quamvis non inmemor acceptæ injuriæ, quam olim sibi fecerat in conjugem<sup>1255</sup>, tamen propter novitatem suam dissimulans in corde<sup>1256</sup> quam habuit iram<sup>1257</sup>, dixit : *Ego veniam, civitatem lætificabo meam*<sup>1258</sup> *et quod res et justitia postulat, faciam*. Hoc verbum, quod locutus est princeps, non intellexit comes<sup>1259</sup>, et magnas duci agens grates<sup>1260</sup> lætus abiit, et parat quæ sunt necessaria ad magna convivia. Venerat dux et episcopus<sup>1261</sup> et ecclesia, quæ est sita<sup>1262</sup> in suburbio, mox dedicata, ascendit dux in urbem ad prandium<sup>1263</sup>, episcopus vero et comes in sua curia, quæ fuit ante ecclesiam, similiter positus mensis epulis discumbunt. Et inter prandendum<sup>1264</sup> venit nuncios qui diceret in auro<sup>1265</sup> comiti : *Ablata est tibi urbis præfectura et data est Koyatæ*<sup>1266</sup>, *filio Wssebo-*

#### VARIE LECTIONES.

<sup>1210</sup> corr. al. man. 1. <sup>1210</sup> quandam inserunt. 4, 4 (u). <sup>1211</sup> superscr. al. man. A. <sup>1212</sup> superscr. 1. <sup>1213</sup> deest 2. <sup>1214</sup> miseram add. 4, 4 (a). <sup>1215</sup> remittis 2 (b). <sup>1216</sup> subthai 1. <sup>1217</sup> tale corr. tante 1. <sup>1218</sup> deest. 2 (b), 3. <sup>1219</sup> ita A. deest. rell. . <sup>1220</sup> LXI deest. 1. <sup>1221</sup> suus 2 (b). <sup>1222</sup> statim 4, 4 (a). <sup>1223</sup> qui 2. <sup>1224</sup> venationibus 3. <sup>1225</sup> omissum. 4, 4 (a). <sup>1226</sup> corr. 1. <sup>1227</sup> superscr. al. manu A. <sup>1228</sup> deest. A. <sup>1229</sup> redit A. <sup>1230</sup> partem A. <sup>1231</sup> corr. 1 affectare A. 3, 4, 4 (a). <sup>1232</sup> fr. Inq. A. <sup>1233</sup> apostasiam 1. <sup>1234</sup> abscondi 3. <sup>1235</sup> superscr. al. man. 1. <sup>1236</sup> pro sui provideptia 2 (b). <sup>1237</sup> eligit 2. <sup>1238</sup> celebrabantur 2 (b). <sup>1239</sup> deest 3. <sup>1240</sup> cel. miss. A. <sup>1241</sup> celebravit 2. <sup>1242</sup> corr. A. <sup>1243</sup> omittunt 4, 4 (a), dict. ant. A. <sup>1244</sup> ita A per arma rell. <sup>1245</sup> gratiam A. 2 (b), 3, 4, 4 (a). <sup>1246</sup> neglectam 2 (b), 3, 4 (a). <sup>1247</sup> omittunt 4, 4 (a). <sup>1248</sup> deest. A. <sup>1249</sup> R. linæ 2. <sup>1250</sup> habuit 2 (b). <sup>1251</sup> tenuit A. tenerat 4, 4 (a). <sup>1252</sup> deest 2 (b) 3. <sup>1253</sup> advenire 4, 4 (a). <sup>1254</sup> superscr. 1. <sup>1255</sup> sua add. A. <sup>1256</sup> suo add. A. 4, 4 (a). <sup>1257</sup> suam A. <sup>1258</sup> deest 4, 4 (a). <sup>1259</sup> Mxtis add. 4, 4 (a). <sup>1260</sup> gratias 2 (b). <sup>1261</sup> Severus add. 4, 4 (a). <sup>1262</sup> omissum 4, 4 (a). <sup>1263</sup> prandendum 4, 4 (a). <sup>1264</sup> prandium 2 (b). <sup>1265</sup> in aurem A. 2 (b), 3. <sup>1266</sup> Koyate corr. Koyate A. Coyate 1. Roiethe 4, Koietæ 4 (a).

#### NOTÆ.

(500) Consentit Necrologium Bohemicum.  
(501) I. e. Olomouensis.  
(502) I. e. Brunnoensem.

(503) Hor., od. II, 7, 10.  
(504) Boleslaum. II.  
(505) II, 15.



ris<sup>1067</sup>, qui tunc temporis primus erat in palatio ducis. A Ad hæc comes respondit: *Dux est et dominus, de civitate sua faciat quod<sup>1068</sup> sibi placet. Quod autem mea ecclesia hodie habet, auferendi dux potestatem non habet.* Qui nisi illa nocte consilio præsulis<sup>1069</sup> et auxilio<sup>1070</sup> aufugisset, procul dubio<sup>1071</sup> oculos et pedem suum, quem olim compedivit cum pede conjugis ducis, amisisset<sup>1072</sup>.

20. Anno dominicæ incarnationis 1062, 6 Kal. Februarii obiit ductrix<sup>1073</sup> Adleyth<sup>1074</sup> mater Judithæ et Ludmilæ, similiter et Bracizlai junioris et Wratizlai, qui in<sup>1075</sup> primo flore juventutis occidit<sup>1076</sup> 13 Kal. Decembris. Evoluto autem fere unius anni spatio (506) post obitum ductricis Adleythæ, Wratizlaus dux accepit uxorem nomine Zuatavam<sup>1077</sup> (507), Kaeimir Poloniorum ducis natam, Bolezlai vero et Uladzilrai germanam, ex qua habuit quatuor liberos, bonæ indolis viros, Bolezlavum, Borivoy, Wladizlavum<sup>1078</sup>, Sobezlavum<sup>1079</sup> (508). De quibus in suis locis, uti Deus dabit, satis copiose tractabitur.

21. Anno dominicæ incarnationis 1063.

Anno dominicæ incarnationis 1064.

Anno dominicæ incarnationis 1065.

Anno dominicæ incarnationis 1066.

Anno dominicæ incarnationis 1067. Idus Decembris Severus sextus Pragensis ecclesiæ episcopus.

Migrat<sup>1080</sup> ab hoc mundo<sup>1081</sup>, bravo fruiturque [Jocondo [509].

Hic utramque fortunam prosperam et adversam satis expertus est; nam aliquando a duce Bracizlao captus, catenatus, carceri mancipatus (510), utrumque simul in occulto et in aperto<sup>1082</sup> martirium tulit. Hic fere omni tempore sui præsulatus sine aliqua refragatione<sup>1083</sup> et sine omni contradictione Boemiæ et Moraviæ quasi unum et individuum episcopium<sup>1084</sup> rexit, et rexisset, si non post obitum Zpiligneu<sup>1085</sup>, nimia devictus eflagitatione Wratizlai ducis, consensisset, promoveri Johannem episcopum in Moravia (511). Prius tamen multorum sub testimonio hujusmodi<sup>1086</sup> deliberato pædo et alliodo sive concambio<sup>1087</sup>, scilicet ut Pragensis præsul 2 villas quæ sunt in omni Boemia potiores pro illo episcopo<sup>1088</sup> eligat, insuper et centum marcas argenti annuatim de camera ducis accipiat; curtem autem quæ est in Moravia ad Sekirkostel<sup>1089</sup> cum euis appendiciis, ut antea sic et in posterum, possideat, similiter<sup>1090</sup> et villam Slianicam cum foro, atque castrum ibidem situm in media aqua Zuratka<sup>1091</sup> nomine, Podivin<sup>1092</sup> (512) dictum a conditore suo Podiva, Judæo sed postea catholico (513). Fertur autem quod fuisset in Moravia ante tempora Severi quidam episcopus, ut reor, nomine Wracen<sup>1093</sup> (514). De qua parrochia

#### VARIÆ LECTIONES.

<sup>1067</sup> Vseboris 1, 4, 4 (a), Vseboris 2 (b), 3. <sup>1068</sup> quid 2 (b), 3. <sup>1069</sup> Severi add. 4. <sup>1070</sup> et auxilio desunt 4. <sup>1071</sup> procul dubio desunt 1. <sup>1072</sup> ita 1, pr. d. amisisset *rell.* <sup>1073</sup> nomine A. <sup>1074</sup> Adleyth 1. Adleyta 3. <sup>1075</sup> deest. A. <sup>1076</sup> cecidit 3. <sup>1077</sup> Swatavam 2. <sup>1078</sup> et add. 4, 4 (a). <sup>1079</sup> Zobzlavum 1. Sobieslavum 2. Zobezlavum 2 (b). 4. Sobeslavum 3. Zobislaum 4 (a). <sup>1080</sup> ita A. 3, 4, migravit *rell.* <sup>1081</sup> de hoc seculo 4, 4 (a). <sup>1082</sup> repetit sed expunxit 1. <sup>1083</sup> reflagratione A. 2, corr. reflagratione *corr.* 1. <sup>1084</sup> episcopatum 2, 1 (b). <sup>1085</sup> Spingnei 4, Spitignei 4, 4 (a). <sup>1086</sup> deest 1. <sup>1087</sup> ut expunct. 4, add. 4 (a). <sup>1088</sup> episcopatū 2, 2 (b). <sup>1089</sup> ad Sekirkostel — similiter desunt A. castel 1, Sekirkostel 2, Sekir costel 3, Sehyrcostel 4, 4 (a). <sup>1090</sup> ita A. 1, 2 (b). Slivincam 2, ob defectum punctorum super i etiam aliter legi possit; Sliuicam 3. <sup>1091</sup> Zwartka A. 1, 4, corr. Zuratka A. Zwarka addito c super r 2 (b), Zuracka 3. <sup>1092</sup> in 2, legi potest Poduin et Podiun. Podium 3. <sup>1093</sup> Wracen 1, 2 (b), 3, 4, 4 (a). Wraczen 2.

#### NOTÆ.

(506) Anno 1063.

(507) I. e. Swatislawa.

(508) Cosmas prætermisit commemorare filiam Juditham, ex eodem matrimonio procreatam, quæ nupta fuit Viperto comiti Groicensi, qui postea marchio Mianis et Lusatis fuit. Cum vero Juditha hæc una cum marito suo Viperto condidisset celebrem abbatiam Pegaviensem, parentum etiam et fratrum Judithæ anniversaria ibi celebrata sunt. Sic enim in Calendario Pegaviensi legimus; 19 Kal. Febr. *Fratislaus rex, pater fundatricis, mille talenta. Et Kalendar. Sep. Zwatislawa regina, mater fundatricis nostræ.* SCHWARZ. Cfr. infra II, 40.

(509) De die et anno consentiunt monachus Gradicensis, series episcoporum Pragensium et Neurologium Bohemicum.

(510) Fortasse quia, duce relicto, ad imperatorem transierat, II, 12.

(511) I. e. Olomucensem. Haud immerito coniecisse videtur Palacky I. 381 consilium de constituendo Olomucensi episcopio initum esse Olomuci sub finem anni 1052; apud Boczek enim I, 138 exstat tabula quodam de concambio, in qua hæc leguntur: *Præsentibus fratribus meis (Otonis) Wratizlao et Cunrado illustribus, venerabili episcopo Severo et pluribus comitibus de Boemia et Moravia. Actum in Olomuc anno dom. inc. 1062, 12 Kal. Jan. Anno 1065; iv Kal. Jul., ap. Boczek I, 139 Joannis primi episcopi de Olomuc primum facta est mentio,*

C (512) Observat Dobner superesse hodie Podivin locum in Moravia, haud procul a Ludenburg, a quibusdam Kostel nominatum.

(513) Aut fallitur Cosmas aut studio Pragensis Ecclesiæ deductus a veritate aberravit, quod videbatur Palackio I. I. Apparet enim et Hildegardi Gradicensis Chronico msc. Boczek I, 139 curtem illam Sckir-Kostel et castrum Podivin a Pragensi episcopo Olomucensi revera traditum esse. Anno demum 1068, Otto dux Moraviensis restituit (sunt verba alius tabulæ Boczek I, 140) *el-cto Pragensi episcopo, pro denegatis eidem per ducem centum marcas annuatim de camera solvendis, castrum Podivin in Moravia cum foro civitatis Sekure adjacentis, qualiter tempore b. Adalberti ex unione parochiarum cesserat in jus Pragensium.*

(514) Duorum episcoporum Olomucensium servata est memoria ante Severi tempora. Joannis archiepiscopi, qui missus est in terram Moravorum, mentio facta est in litteris Theotmari archiepiscopi Salisburgensis ad Joannem IX papam a. 900 circiter datis. Alius Silvester occurrit circa annum 940 in codice qui nominatur *Granum catalogi præsulum Moraviæ.* Anno 974 episcopus quidam Moraviensis, cujus nomen non servatum esse dulemus, interfuit synodo a Willigso archiepiscopo Moguntino habitæ (cfr. Gudeni cod. dipl. 352), quem episcopus Wracen illum fuisse conjecit Dobner IV, 245. Vide Richter seriem episcoporum Olomucensium, p. 5 sqq.

quantum conflictum cum prædicto præsulæ Johanne A successor Severi Jaromir habuerit in loco suo declarabitur.

22. Tunc Conradus et Otto audientes Pragensem episcopum migrasse ad Christum, mittunt et revocant fratrem suum Jaromir de Polonia, et disciungunt eum zona militari, et iterum recipit<sup>1994</sup> habitum et tonsuram clericalem. Interea dux Wratizlaus præcavens sibi in futurum<sup>1995</sup>, et<sup>1996</sup> timens ne germanus suus, cum præsul factus foret, cum prædictis fratribus contra se conspirarent<sup>1997</sup>, cœpit tacitus secum tractare quoquo modo posset eum episcopo defraudare. Erat autem tunc temporis in curia ducis quidam Lanczo<sup>1998</sup> capellanus, de Saxoniam nobili prosapia natus, vir personatus (515) et admodum literatus, ac præpositura Lutomericensis<sup>1999</sup> ecclesiæ sublimatus, moribus et vita non contradicens honori pontificatus; et quia duci semper fidelis mansit, omnibus modis lux elaborabat<sup>2000</sup> his Pragensis præsul ut sit. Interim Conradus et Otto veniunt de Moravia fratrem suum Jaromir secum afferentes<sup>2001</sup> et subnixæ<sup>2002</sup> ducem pro eo<sup>2003</sup> postulantes, quo sit<sup>2004</sup> memor germanitatis, memor paternæ institutionis<sup>2005</sup>, memor sacramentorum, quibus pater suus obligaret fidem comitum, quod post Severi præsulis obitum Jaromir sibi eligerent<sup>2006</sup> in episcopum. At ille, sicut erat in simulandis et dissimulandis rerum causis vir ingeniosus atque dolosus, ut vulpecula quæ non<sup>2007</sup> illuc fugit<sup>2008</sup> quo suam jactavit caudam<sup>2009</sup>, ita dux aliud clausum retinens in pectore, aliud promittit<sup>2010</sup> suis fratribus ore. *Non est*, inquit, *unius hominis tractare hoc negotium, quod postulat communis ratio omnium. Sed quoniam nunc interim jam pars*<sup>2011</sup> *major populi et procerum miliciæ processit in castra, nusquam melius, ut reor, hac tractabitur de causa quam istius*<sup>2012</sup> *terræ ad custodiæ claustra* (516): *ibi omnes*<sup>2013</sup> *maiores natu hujus gentis, ibi proceres*<sup>2014</sup> *et comites, ibi qui sunt in clero meliores aderunt, quorum in arbitrio*

*stat. episcopalis electio.* Hoc ideo dux fecit, ut ibi inter suos milites, septus armis, munitus præsidii, posset contraire<sup>2015</sup> suorum voluntati fratrum, et hunc quem volebat Lanczonem<sup>2016</sup> sublimaret in episcopum. Sed frustratur<sup>2017</sup> sinistra intencio ducis, <sup>2018</sup> quia omnis potestas a Deo est, et esse præsul non potest cui a Deo prædestinatum aut<sup>2019</sup> permissum<sup>2020</sup> non est.

23. Quid multa<sup>2021</sup>? Ventum erat ad custodiæ portam qua itur in Poloniam, et in loco qui dicitur Dobenina<sup>2022</sup> (517) dux convocat populum et proceres<sup>2023</sup> in cœtum, et fratribus suis<sup>2024</sup> a<sup>2025</sup> dextris et a sinistris assistentibus<sup>2026</sup>, clericis vero et comitibus per longum gyrum considentibus<sup>2027</sup>, et post eos cunctis militibus assistantibus, vocat Lanczonem, et stantem in medio laudat et commendat<sup>2028</sup> eum populo, sicut ei clara voce, dicens: *Egregia tua fides mihi spectata cottidie exigit*<sup>2029</sup> *hoc et cogit me ut faciam, quod facturus sum hodie, et ut per hoc discant posteri, quantum dominis suis debeant fideles fieri*<sup>2030</sup>. *Accipe en anulum et baculum, esto sponsus Pragensis ecclesiæ et pastor sanctorum ovium.* Fit murmur in populis<sup>2031</sup>, nec resonat vox congratulationis, sicut semper solet in tempore episcopalis electionis. Tunc Koyata<sup>2032</sup>, filius Wsebor<sup>2033</sup>, palatinus comes, hoc nimis impatienter ferens, sicut erat verax in sermone et simplex in verbo, stans a dextris Ottonis fratris ducis, fortiter impingit latus ejus, dicens: *Quid stas? An δνος λύρας*<sup>2034</sup> (518)? *Quare*<sup>2035</sup> *non adjuvas fratrem tuum? An non vides quia*<sup>2036</sup> *frater tuus, filius ducis, repudiatur, et proselitus*<sup>2037</sup> *atque advena, qui in hanc terram sine semoralibus*<sup>2038</sup> *venit, in solium sublimatur? Atque si*<sup>2039</sup> *dux violat patris sui*<sup>2040</sup> *sacramentum, absit a nobis*<sup>2041</sup> *! ut manes*<sup>2042</sup> *nostrorum parentum apud Deum pro hoc*<sup>2043</sup> *sacramento reddant rationem aut supplicium luant. Scimus enim*<sup>2044</sup>, *et ad hoc nitimur ut possumus, quod genitor vester Bracizlaus nos et patres nostros sub fidei sacramento constrinxit, quo*

#### VARIÆ LECTIONES.

<sup>1994</sup> recepit 4. 4 (a). <sup>1996</sup> in f. sibi A. <sup>1996</sup> deest 2 (b). <sup>1997</sup> conspiraret 3. <sup>1998</sup> Jancoz 2. <sup>1999</sup> Lucomiricensis 3. Lutomericensis 4. 4 (a). <sup>2000</sup> elaborat A. <sup>2001</sup> offerentes A. 1. 2 (b). 4. in 2. o correctum in a. <sup>2002</sup> subnixæ corr. subnixæ A. <sup>2003</sup> pro eo desunt A. <sup>2004</sup> sic 1. <sup>2005</sup> instructionis 3. <sup>2006</sup> g superscr. 1. <sup>2007</sup> nisi 2 (b). <sup>2008</sup> fingit 1. <sup>2009</sup> caud. jact. A. <sup>2010</sup> ita 1. 2. 4. promisit rell. <sup>2011</sup> par. 4. 2. <sup>2012</sup> illius 2 (b). <sup>2013</sup> al. manu superscr. A. <sup>2014</sup> proceres 4. <sup>2015</sup> contravenire 2 (b). <sup>2016</sup> n superscr. 1. <sup>2017</sup> corr. 1. <sup>2018</sup> duc. int. A. <sup>2019</sup> et A. <sup>2020</sup> promissum 1. <sup>2021</sup> quid plura 4. 4 (a). <sup>2022</sup> Bobenina A. Dobevina 2 (b). Debonina 4. 4 (a). <sup>2023</sup> proceres et populum 3. <sup>2024</sup> deest 4. 4 (a). <sup>2025</sup> addextris A. 1. <sup>2026</sup> assistantibus 4. 4 (a). <sup>2027</sup> considentibus 2. residentibus 4. 4 (a). <sup>2028</sup> commendat corr. commendat 1. <sup>2029</sup> erit expuncto alia manu superscr. exigit A. <sup>2030</sup> fieri corr. al. manu fieri 1. servi 4 (a). <sup>2031</sup> populo A. <sup>2032</sup> ita corr. A. pro Koyota; Coyata 1. Koyatha 4. Koytha 4 (a). <sup>2033</sup> Veebor 3. Swebor 4. <sup>2034</sup> Ananocayapac A. ananoc aypac 1. nanoc aypac 2 (b). ananocaypac 5 Ana. noc aipac 4. 4 (a). <sup>2035</sup> Cur 2 (b). 3. 4. <sup>2036</sup> quod 2 (b). <sup>2037</sup> proselita A. proselytans 2 (a). A pr. 2 (b). <sup>2038</sup> semoralibus alia manu superscr. al. 1. <sup>2039</sup> si deest A. ac quasi 4 (a). <sup>2040</sup> deest 4. 4 (a). <sup>2041</sup> vobis 2 (b). <sup>2042</sup> manes 2. in textu, sed in margine ab antiqua manu i. aie manes (id est animæ manes). manus 3. <sup>2043</sup> hac corr. hoc 1. <sup>2044</sup> 1. 2. pro enim habent magnam N, quod alias nomen significare solet.

#### NOTÆ.

(515) I. e. ut videtur, vir corporis dignitate et D decore præditus.

(516) Alias clusæ, montium angustię.

(517) Ex conjectura Palackii hodie Döberle, haud procul a Trautenau, in via qua itur in Silesiam.

(518) Ita legenda atque petita esse illa verba ex Boethio I, 4 primus vidit Dobrowski, qui antea in

corrupta illa lectione Bohemica verba sibi deprehendisse videbatur. Cfr. commentatio ejus in Monatschrift der Gesellschaft des vaterländischen Museums in Böhmen I, 48, K. Vide Diogeniani cent. VII, 33 et Lentechii notam in paroemographis Græcis, p. 291. GROTEFEND.

<sup>2045</sup> post obitum Severi episcopi frater vester <sup>2046</sup> Jaromir præsul sct. Aul si tibi displicet frater tuus, cur sordet nostratum clerus non modicus, scientia æque præditus ut iste Teutonicus? O si tol habeas episcopatus quot cernis capellanos hac in terra progenitos episcopo <sup>2047</sup> dignos! An putas quod alienigena plus nos diligit et melius huic terræ cupiat quam indigena? Humana quippe sic est natura <sup>2048</sup>, ut unusquisque, quacunq̄ sit terrarum <sup>2049</sup>, plus suam quam alienam non solum diligit gentem, verum etiam, si quiret, peregrina flumina in patriam verteret. Malumus ergo, malumus <sup>2050</sup> caninam <sup>2051</sup> caudam aut asini merdam <sup>2052</sup>, quam Lanczonem locarier <sup>2053</sup> super sacram kathedram. Frater tuus, beatæ memoriæ Spiti-gneu, aliquid sapuit, qui una die omnes Teutonicos hac de terra extruxit. Vivit adhuc Romanus imperator Heinricus, et vivat; quem tu temetipsum <sup>2054</sup> facis, cum ejus potestatem usurpans das baculum et anulum <sup>2055</sup> episcopalem famelico cani. Certe non impune <sup>2056</sup> tu et tuus episcopus feret, si Koyata <sup>2057</sup> filius <sup>2058</sup> Wsebor vivet <sup>2059</sup>.

24. Tunc Zmil filius Bozeni <sup>2060</sup>, qui fuit præfexus in urbe Satec, simul et Coyata <sup>2061</sup> accipientes per dextras Conradum <sup>2062</sup>, Oltonem et Jaromir <sup>2063</sup>: Eamus, inquit, et videamus utrum unicus versucia et simulata æquitas prævaleat, an justicia et mira æquitas præcellat trium fratrum, quos par ætas, una voluntas, eadem potestas sociat, et major militum copiositas juvat. Fit per castra commotio non modica populi, Arma <sup>2064</sup>, Arma clamant singuli, omnibus est odio illa inconsulta episcopalis electio. Ideoque major pars exercitus cessit ad illos tres dominos, metatique sunt castra oppidum Opocen <sup>2065</sup> (519) et infra. Et quia jam altera pars militum præcesserat in silvam, videns dux <sup>2066</sup> quasi se destitutum <sup>2067</sup>, nec satis fratrum ab impetu fore tutum, fugit quam celerius potuit, timens ne ipsi præoccuparent Pragam aut <sup>2068</sup> Wissegrad <sup>2069</sup> urbem. Mittit tamen de via ad fratros nuncium, dicens: Non propter Koyatæ

fili <sup>2070</sup> Wsebor magniloquam linguam aut Zmil filium Bozen, cujus est in ore mel et in corde fel, quorum pravis atque dolosis consiliis quod factum est feceram — quos ego, si vixero! — Sed <sup>2071</sup> reprimam me <sup>2072</sup>; verum <sup>2073</sup> nunc magis paternæ traditionis memor, sacramentorum ejus, quod justicia, quod fraterna dilectio poscit, faciam. Tantummodo sequimini me <sup>2074</sup> ad urbem Pragam. Qui advenientes castra fixerunt in pratis juxta villam Gostivar <sup>2075</sup> (520) et mittunt ad ducem <sup>2076</sup>, si factis dicta comprobare velit. Quos ille pacifice suscipiens, fratrem suum Jaromir elegit <sup>2077</sup> in episcopum, Conradum vero et Oltonem, datus et acceptis inter se sacramentis, dimittit cum pace in Moraviam. At vero Zmil <sup>2078</sup> et Coyata, quamvis inter principes concionati sint vera et justa, tamen, nisi noctu elapsi delitissent fuga <sup>2079</sup>, sine omni audientia dux eos ut hostes <sup>2080</sup> rei publicæ <sup>2081</sup> punisset. Facta <sup>2082</sup> est autem electio hæc anno dom. iuc. 1068. sole intrante vigesimam quintam <sup>2083</sup> partem Geminorum <sup>2084</sup> (521).

25. Nec mora, dux Wratizlaus mittit comites Severum, Alexium, Marquardum Teutonicum cum fratre suo Jaromir jam electo ad imperatorem secundum Henricum (522). Qui venientes in vigilia sancti Johannis baptistæ adeunt cæsarem in <sup>2085</sup> urbe Maguntia <sup>2087</sup>, tractantem cum episcopis et principibus imperialia negotia, et offerrentes electum suum rogant ex parte ducis et totius populi, quo sua auctoritate dignetur eorum electionem confirmare. Quorum petitioni cæsar annuens, tertia die, id est <sup>2088</sup> 6 Kal. Julii, feria <sup>2089</sup> secunda, dat <sup>2090</sup> ei anulum et pastorem virgam, et in proximo die dominico 6 Nonas Julii <sup>2091</sup> (523) a præsule Magentino Jaromir, mutato nomine Gebeardus <sup>2091</sup>, ordinalus est in episcopum. Eodem die transfretans <sup>2092</sup> Renum, cum post prandium quidam suus miles Willalmus <sup>2093</sup> super ripam <sup>2094</sup> sederet <sup>2095</sup> demissis <sup>2096</sup> pedibus in alveum, accessit retro clam novus episcopus,

#### VARIÆ LECTIONES.

<sup>2045</sup> quod 3. <sup>2046</sup> frater vester desunt A. <sup>2047</sup> episcopatu 2. <sup>2048</sup> nat. sic est A. repetit 1. <sup>2049</sup> corr. 1. <sup>2050</sup> deest A. <sup>2051</sup> rati inserit 2 (b). <sup>2052</sup> a. asininam m. A. caninam merdam aut asininam caudam 4. 4 (a). <sup>2053</sup> locari A. 4. 4 (a). <sup>2054</sup> tu metipsum 2. tu met te ipsum 4 (a). <sup>2055</sup> et anulum desunt 4. 4 (a). <sup>2056</sup> impute corr. al. manu impune 1. <sup>2057</sup> corr. A. <sup>2058</sup> deest 4 (a). <sup>2059</sup> Certe — vivet omissa 2. <sup>2060</sup> fil B. Zmil A. Boren 1. Bozen 1. Bozen 4. <sup>2061</sup> corr. A. <sup>2062</sup> Conradum et A. 4. <sup>2063</sup> Jaromirum A. <sup>2064</sup> deest. 4. <sup>2065</sup> Opoczen 2. Opoczen 2 (b). <sup>2066</sup> Wratizlaus addunt 4. 4 (a). <sup>2067</sup> destutum A. superscr. al. manus tu. <sup>2068</sup> et A. omisum 4. <sup>2069</sup> Wissegrad 1. <sup>2070</sup> filium 1. <sup>2071</sup> superscr. al. manu A. <sup>2072</sup> ne corr. al. man. me A. reperiam 4. 4 (a). <sup>2073</sup> in margine A. al. manu adscriptum; hæc omnia in rasura 1. <sup>2074</sup> al. man. superscr. A. <sup>2075</sup> Gostivar 1. 4. Gostivar 2 (b). 3. Gostivar 4 (a). <sup>2076</sup> aducem 1. corr. al. man. ad d. <sup>2077</sup> elegit 4. 4 (a). <sup>2078</sup> Kmyl 1. Smil 2. <sup>2079</sup> deest A. <sup>2080</sup> superscr. al. manu 1. <sup>2081</sup> publice 4. 4 (a). <sup>2082</sup> Acta A. <sup>2083</sup> quartam. A. <sup>2084</sup> gemorum corr. al. man. geminorum A. genitorum corr. gemin. 4. <sup>2085</sup> superscr. 1. <sup>2086</sup> corr. 1. <sup>2087</sup> Magontia 1. Magontina 2. Magontia 2 (b). Maguntina 4. <sup>2088</sup> scilicet 2 (b). <sup>2089</sup> feria — Julii alia manu, sed coæva in margine inferiore A. adscripta. <sup>2090</sup> da 1. <sup>2091</sup> Gebeardus 1. Gebhardus 2. Gebhardus 2 (b). 3. 4. 4 (a). <sup>2092</sup> transferantes corr. 1. <sup>2093</sup> Willehalmus 1, 2 (b) 3. Willelmus 2. Wilhelmus 4, 4 (a). et sic deinceps. <sup>2094</sup> fluminis inserit 4 (a). <sup>2095</sup> sedet 2 (b). <sup>2096</sup> dimissis 2, 4.

#### NOTÆ.

- (519) Opocno.  
 (520) Hostivar in circulo Kaurzimensi.  
 (521) Diem 15 esse mensis Junii, quo celebrabatur S. Vitus, eruit Dobner V, 394.  
 (522) Neque imperatorem fuisse Henricum neque secundum, inter omnes constat.

(523) Neque dies vi Kal. Jul. in serundum feriam neque vi Non. Jul. in diem Dominicum incidit, quod observarunt rerum Bohemicarum indigatores Assemani, Pubitschka, Dobner, qui cum Assemanio feriam secundam et diem Dominicum secutus utroque loco restituere voluit 2 Kal. Jul. et 2 Non. Jul.

et nesciens quod ibi lateret profunda aqua, dejecit A cum <sup>2097</sup> in Reni <sup>2098</sup> fluentia, dicens: *Demuo te Baptizo, Willulme*. Qui <sup>2099</sup> diu submersus, tandem emersus, caput rotando et undas captando dixit: *Si sic baptizas, valde deliras, episcopo* <sup>2100</sup>. Hic nisi bene natare scisset, una die et sumpsisset episcopium <sup>2101</sup> et amisisset p̄sēsul Geberardus.

26. Qui <sup>2102</sup> cum pervenisset Pragam, eo die quo juxta morem obsedit episcopalem Kathedram, dat Marco capellano suo ejusdem <sup>2103</sup> ecclesiæ præposituram, qui secundum hominis genituram nobili ortus erat attavorum prosapia, ducons originem de gente Teutonica, pollens sapientia p̄m̄ cunctis quos tunc habuit terra Boemica <sup>2104</sup>. Nam in omnibus liberalibus artibus valde fuit <sup>2105</sup> bonus scolasticus <sup>2106</sup>, qui potuit dici et esse multorum magistrorum didascalus, in divina vero pagina interpret mirificus, in fide catholica et in lege <sup>2107</sup> ecclesiastica doctor magnificus. Quicquid enim religionis, quicquid regularis <sup>2108</sup> institutionis <sup>2109</sup>, quicquid honoris hac est in ecclesia, hic sua crudivit et ordinavit prudentia <sup>2110</sup>. Prius enim erant irregulares et <sup>2111</sup> nomine tantum canonici, inculti <sup>2112</sup>, indocti, et in habitu laicali in choro servientes, velut acephali aut bestiales centauri <sup>2113</sup> viventes. Quos vir prudens Marcus suis verbis et exemplis instruens, et e multis meliores, quasi de prato excerpens flores, ope divina cooperante 25 fratres ordinavit, dans eis religionis habitum et secundum regulam æqualem cibi et potus mensuram. Sed cum sæpe aut negligentia ministrorum aut occasione aliqua magistrorum <sup>2114</sup> intermitteretur fratrum præbonda, et inde sæpe fratrum <sup>2115</sup> affigerent sua quærimonia <sup>2116</sup>, volens placere eis per omnia, decimationis illorum quartam partem sibi ascribens, tres inter fratres dividit, ita ut unusquisque frater annualim 30 modios tritici et totidem avenæ, insuper et 4 denarios (524) ad septimanam pro carne <sup>2117</sup> sine intermissione habe-

ret. De cujus Deo placitis actibus plura poterant dici <sup>2118</sup> relatu <sup>2119</sup> digna, sed melius est ut de his sileam quam videar e multis dixisse pauca. Hic beatæ memoriæ præpositus <sup>2120</sup> post 30 annos (525), quibus hujus ecclesiæ rexit præposituram, jam in celesti regno beatam commissi talenti recepturus usuram 18 Kalend. Decembris.

Migrat <sup>2121</sup> ab his tenebris ad lucis amœna perhen-  
[nis <sup>2122</sup>.

Anno <sup>2123</sup> dom. inc. 1070 (526) dux Wratizlaus in moribus Deo carus et hominibus, nec non in rebus bellicis miles præclarus, inspiratione divina communitus, monasterium in metropoli Boemiæ urbe, Wissegrad vocata, quæ omnium terræ illius civitatum quasi mater et domina est, hæc juvante, construendum pia mente proposuit. Ad cujus propositi effectum non mediocri animo consilia pertractans, dignum duxit, quatenus monasterium, quod gratia Dei cooperante conficiendum devote promiserat, sanctæ Romane ecclesiæ pontifici regendum omnique ab adversitate diligenter protegendum, simul cum canonicis ejusdem ecclesiæ commendaret. Igitur Petrus, ecclesiæ sancti Georii præpositus, Romam missus devota nuncia sui ducis domino apostolico fideliter insinuavit (527). Quo audito, venerabilis papa Alexander II <sup>2124</sup> Deo gratias pro tam felici præfati principis desiderio retulit, moxque synodum convocavit, in qua 72 episcopi fuerunt. Quibus postquam omnia prædicti ducis verba recitavit, cuncti unanimi corde et voce glorificantes Deum, qui sanctam suam ecclesiam in toto orbe terrarum dilatare non cessat, responderunt: *Amen*. Dominus ergo papa Petrum præpositum domino suo cum privilegio in hæc verba remisit:

« Alexander servus servorum Dei, urbis Romæ episcopis et papis suis successoribus (528), nec non catholicis episcopis sanctæque Romanæ ecclesiæ subjectis cunctis, utriusque vitæ prosperitatem et apostolicam benedictionem a summo Deo cum omnibus sanctis. Ea, quæ dominus Deus suam per clementiam ad augmentum apostolicæ sedis condonare dignatus est, ad agnitionem omnigenarum linguarum hoc sub obirographo propagari volumus, primum quidem misericordiam Dei super nos diffusum liquide annunciamus. Boemorum dux Wratizlaus, vir christianus, fidei integerrimus amator, rebus in bellicis

#### VARIÆ LECTIONES.

<sup>2097</sup> *deest* 2. <sup>2098</sup> Rhein 2 *prima manu* 2 (b). <sup>2119</sup> *corr.* A. <sup>2100</sup> *deest* 3. <sup>2101</sup> episcopatum 2, 4, 4 (a). <sup>2102</sup> qua *corr* qui A. <sup>2103</sup> dem *al. man.* A. <sup>2104</sup> Boemia 1. <sup>2105</sup> *al. manu superscr.* A. <sup>2106</sup> scolasticus *al. atramento corr.* scolast. 1. <sup>2107</sup> in lege *desunt* 4, 4 (a). <sup>2108</sup> singularis 4, 4 (a). <sup>2109</sup> quidquid reg inest. *in margine* A. *alia manu adscripta.* <sup>2110</sup> sapientia 3. <sup>2111</sup> *deest* A. <sup>2112</sup> et *add.* 4. <sup>2113</sup> *ceu tauri* 4, 4 (a). <sup>2114</sup> aut — magistrorum *alia manu in margine* A. *adscripta.* <sup>2115</sup> eum fr. A. <sup>2116</sup> ipse vero in Deo *addun.* 4, 4 (a). <sup>2117</sup> dabatur *adl.* 1. <sup>2118</sup> poteram *omisso* dici 3. <sup>2119</sup> *relatu corr.* relatu 1. <sup>2120</sup> Marcus *add.* 4, 4 (a). <sup>2121</sup> migravit 2, 4, 4 (a). <sup>2122</sup> ad lucem amena perhennis A. *superscr al. man.* amenuque p. paradisi, <sup>2123</sup> *Quæ hic de fundatione Wissegradensis ecclesiæ sequuntur, leguntur in duobus tantum codicibus* 7, 7 (a). <sup>2124</sup> *numerus manu recentiori subscriptus* 7.

#### NOTÆ.

(524) 4 denarios plus minus 20 oruiferos æquasse D observat Dobner.

(525) i. e. 1098.

(526) Num Wissegradensis ecclesia anno 1070 re vera condita aut condi cœpta sit, eo major exoritur dubitatio, cum omne posterioris ætatis scriptores, quibus nulla ut Cosmæ interpolatori inhæret suspicio, ecclesiam anno domini 1088 fundatam esse uno ore profiteantur, et ipsum Wratizlai præceptum fundationis apud Buezek I, 183, etsi chronologicis signis omnino caret, hoc eodem anno scriptum esse episcoporum nomina, quorum mentio facta est, probent. De quo vid. Dobner ad Haj. V, 540. Et hoc bene

observavit Dobner, subsequentem Alexandri II bullam esse suppositam, neque ab eo tale privilegium dari posse satis apparere ex iis quæ Gregorius VII ad Wratizlausum de ecclesia Wissegradensi a 10 4 scripserit: *De reliquis et privilegio unde nos rogasti, cum nuntius tuus finita et perfecta ecclesiæ consecrationis consilium a nobis quæsierit, voluntati tuæ satisfacere benigne procurabimus.*

(527) De vera causa Petri legationis vide quæ Cosmas infra II, 29, narrat. Cfr. etiam Cosmæ primam continuationem ad annum 1129.

(528) Quam longe hoc exordium recedat a genuinis pontificum Romanorum bullis nomen non videt

magnificus triumphator (529), quod serenissime ubique terrarum claruit, limina apostolorum Petri et Pauli honestos per nuncios cotidie visitans, nos cæterosque in Dei servitio devotissimo omni beneficio non minime præteriens piæ mentis devotione innotuit: *Multa ante tempora votum Deo rovi, quod adhuc nequaquam implert. Ecclesiam in honorem Salvatoris nostri, cuius ubique protectione munitus, vestræ pietatis auxilio ædificare cupio.* Dictis talibus auditis, pontificalis apex ut aderesceret, sanctorum Patrum (530) numero 72 communi consilio penitus collaudavimus. Igitur ad hæc perficienda Johannem episcopum Tusculanensem fundamentum daremimus, cujus in præsentia ipse præfatus dux cophinos (531) terra onustatos 42 propriis humeris portasse videbatur (532). Locus ergo, in quo est erecta, Wissegrada cognominatur, quod sonat litteraliter altior civitatibus. Quam sacrosanciam ecclesiam totius provincie caput dici venerari sanximus, prædiis, mancipiis, auro, argento cæterisque ornamentis decenter ditatam comperimus. Episcopi ejus sub dominio suis de decimis 300 homines ad eamdem ecclesiam segregaverunt, præsul (533) Pragensis 200, Olomucensis 100, fratrum suorum Conradi, Ottonis consensu. Hoc itidem asylum tutelamini beati Petri, principis apostolorum, cunctisque in ejus sede sessuris firmiter commendavit. Marcus 12 de eadem ecclesia ad pedes universalis papæ, quicumque erit, omni anno offerendas sub Christi testimonio destinavit. Hujus vero conditionis gratia cunctis celsior in eadem regione ut videretur ecclesiis, qualicumque apparamento septem cardinales altari sancti Petri ministrare student, mitra, sandaliis, simili modo ipsius ecclesie præpositum, presbyterum, diaconum, subdiaconum incedere præcipimus. Laudes, que sub diademate statutis diebus proclamare solemus, solummodo in ista ecclesia astante duce summa diligentia Christum collaudare permittimus. Chrisma baptizandi, consecrationem clericorum episcopus loci illius invidia diaboli attacktus abnegare si præsumperit, nostri decreti judicio apud

A quemlibet episcopum inveniat et accipiat. Nemine autem præpediente omnem injuriam in Romanam synodolibere proclamat. Scripta istarum litterarum sigillo impresso supra venerandum corpus beati Petri apostoli posuimus, maxime ea pro causa, ut si quis Dei inimicus mandatorumque ejus contemptior hoc videre voluerit, etiam se ab omnipotenti Deo in perpetuum condemnatum, ac cum cælibus sanctorum nil commune fore, sed cum diabolo inextinguibili gehennæ incendio æternaliter concremari. Data hæc in manus Petri præpositi sancti Georgii in palatio Lateranensi sub Henrico rege, filio Henrici gloriosissimi imperatoris, 7 Idus Maii 1126.

Sed ecce 1126, dum nostræ 1127 tractamus stipendia, longe digressi sumus ab incepto opere viarum per dispendia. Nunc autem 1128 ad ea quæ supra promisimus 1129 redeamus, et quæ causa tanti conflictus inter duos angelicos viros efforbuerit videamus. O avaritia et ambitio seculi, pestis execrabilis et inimica humano generi, quæ etiam appetit tuis artibus sacerdotes Dei!

Anno dominicæ incarnationis 1069 1130.

27. Anno dominicæ incarnationis 1070. 6 Idus Junii præsul Gebardus consecravat ecclesiam suam 1131 in nova curte quæ dicitur Zricinaves 1132.

Anno dominicæ incarnationis 1071 (534).

Anno dominicæ incarnationis 1072.

Anno dominicæ incarnationis 1073. Postquam præsul Gebardus 1133 vidit quod labor suus cessit in cassum, quia 1134 nec precibus 1135 nec muneribus 1136 nec per amicos flectere quivit fratrem suum Wratislaum, ut suum reciperet concambium (535) et Johannem eliminaret episcopum, atque iterum utrumque 1137 coadunaret episcopium (536), vertit

#### VARIE LECTIONES.

1125 *Hic desinit codex*: (a). In 7. ab hoc loco usque ad annum 1086 omnia deficiunt. 1126 in margine 4: Æ de Wψ qualiter construxerit Wissegrat ecclesiam. 1127 de nostra A. 4, 2, 2 (a). 1128 *desunt* 1. 1129 *promissimus* 1. *præmissimus* 3. 1130 *ita* A. 1. in *rell.* 1131 *desunt* 3. 1132 *Serczinavez* 2. *Sercinaw* 2 (b). *Bremavez* 3. *Scircinavez* 4, 4 (a). 1133 *Gebardus* I. 1134 *quod* 2 (b). 1135 *nec precibus desunt* 4, 4 (a). 1136 *nec muneribus desunt* 3. 1137 *iterumque* 3.

#### NOTÆ.

(529) Redeunt in papæ bulla verba interpolatoris quæ supra ad a. 1070 leguntur.

(530) Verba *Patrum* — *collaudavimus* descripta sunt ex Cosmæ continuatore primo ad a. 1129.

(531) Verba *cophinos* — *videbatur* indidem desumpta sunt.

(532) Bene observavit Sobner ridiculam esse contradictionem, quod ecclesie postero tempore condendæ licentia data, etiam conditæ ecclesie fundamenti mentio facta sit in eodem diplomate.

(533) Verba *præsul* — *destinavit* quibusdam mutatis descripta sunt ex Wratislai foundationis litteris Wissehradensi ecclesie datis; ofr. Boczek I, 183.

(534) Prætermisit ad hunc annum adnotare gravem dissensionem, quæ inter Poloniam et Bohemiam duces tunc exorta fuit; de qua vide Lambertum ad h. a. SCHWARZ.

(535) i. e. ea quæ data erant Gebardo ob pensandum damnum, quod ex Olomucensi episcopatu condito acceperat Ecclesia Pragensis.

(536) Servata est Alexandri II ad Wratislaum duces epistola, qua eum ut concordiam eum fratre suo inerat adhortatur, et se de lite illa compeccanda jam sæpius scripserat testatur, Boczek I, 141. Neque

minus probatur testimonio Hildegardi Gradicensis, cujus fragmentum dedit Boczek I, 142, ubi servatus anni 1071 numerus, initium contentioni illius revocandum esse ad annum 1071. Cui accedit epistola Sigefridi archiepiscopi Moguntini, quam ex codice Udalrici dederunt Dobner et Boczek I, 145; ex his enim litteris patet Alexandrum II papam Gebardum excommunicasse. Hæc vero verba Sigefridi apponere juvat: *Denique eidem sanctissimo patri (Alexandro) de fratre et suffraganeo nostro episcopo Pragensi sinistra relatione suggestum est, et me ignorante ab inimicis apud eum accusatus est; unum et haecenus insolitum ab eo exiit edictum, ut eum item fratrem et coepiscopum nostrum, nec inter fratres suos prius canonice auditum, nec canonice ad se vocatum, nec obedientie culpa denotatum, non solum ab officio suo suspenderet, sed etiam rebus et redditibus suæ ecclesie omnino spoliaverit et extruserit, ita ut missis nunciis publice nuntiari fecerit in clero et populo, ut eum qui excommunicatum habentes, nihil quod episcopi esset vel quærerent vel acciperent ab eo. — Nunc autem frater noster et coepiscopus a sede sua vagus et profugus, etc.* Wratislaum fratri suo præpositum et castrum S. Vinizlai arripuisse ex Gregorii litteris anno 1074 datis apparet.

se ut Prometheus in alterius technæ formam; **A** *Quoniam quidem*, inquit, *jam per quatuor annos aut plus supplicando nequeo efficere quod volo, factam quod queo, et teste Deo, aut utrumque condunabo aut utroque carebo episcopo* <sup>2139</sup>. Nec mora, disponit ire in curtem suam, quæ est ad Zekir costel <sup>2139</sup> in Moravia, et deflectens iter jam jamque palam nociturus et quasi fratrem suum (557) visitaturus, adiit <sup>2140</sup> Johannem præsullem Olomoc <sup>2141</sup> in urbe. Quem ille suscipiens grata vice hospitis: *O si*, inquit, *scissem tuum adventum, parassem tibi episcopole pulmentum*. Ille vero læna quam exagitat famem <sup>2142</sup>, jam dudum scintillans torvis oculis in eum, respondit: *Aliud tempus est, dum sumitur esca, nunc aliud negotii agitur. Sed eamus*, inquit, *opus est, secretum colloquii* <sup>2143</sup> *incamus locum* <sup>2144</sup>. Tunc præsul <sup>2145</sup> nescius **B** futurorum ducit eum in cubile suum; non <sup>2146</sup> aliter videres <sup>2147</sup>, ac si mitis agnus rabidum <sup>2148</sup> lupum duceret in stabulum, sponte semetipsum <sup>2149</sup> offerens <sup>2150</sup> ad mactandum. Ubi ante lectum ut vidit Jaromir formaticam semesam et serpilli particulam, et cepe super scutellam ac tostam panis buccellam, quæ forte superaverant <sup>2151</sup> præsuli post hesternam genticulam <sup>2152</sup>, tanquam magna et oruce digna inventa sit culpa, nimis indignans <sup>2153</sup> ait: *Cur visis, parce? Aut* <sup>2154</sup> *cui parcis, o miser et mendice? Me* <sup>2155</sup> *hercle non decet episcopum vivere parce*. Quid tom <sup>2156</sup>? Oblitus sacri ordinis, oblitus fraternitatis, immemor humanitatis, ceu leopardus lupusculum aut leo agniculum rapit, ita ille furibundus hospes ambabus manibus per capillos fratrem suum episcopellum <sup>2157</sup> alte sustulit, et ut manipulum projecit in pavimentum. Repente, qui ad hoc facinus parati erant, alius super collum sedit, alius super pedes, tertius dum flagellat episcopum subridens aiebat: *Disce pati, puer centum annorum, invasor alienarum* <sup>2158</sup> *ovium*. Humilis at <sup>2159</sup> monachus dum vapulat, sicuti in claustro solitus erat, *Miserere* <sup>2160</sup> *mei, Deus*, cantat (538) Talia cernenti magnus erat rictus plaususque maligno, qui nullo risit nisi quem male

agere vidit; et veluti si <sup>2161</sup> quando miles acer noctu hostium castra irrumpit audacter <sup>2162</sup>, et eos invadit dormientes hostiliter, ac ne capiatur ab eis aufugit celeriter, ita præsul Jaromir, fratre <sup>2163</sup> (539) dedecorato <sup>2164</sup> et felle suæ improbitatis dulcorato <sup>2165</sup>, relicta civitate <sup>2166</sup> it in curtem suam <sup>2167</sup>, ad quam olim condixerat ire <sup>2168</sup>.

28. Hæc fuit <sup>2169</sup> prima causa et <sup>2170</sup> fomes atque initium locius discordiæ, quæ post <sup>2171</sup> inter duas <sup>2172</sup> columnas ecclesiæ orta ex hujus ex occasione calumpniæ. Nam præsul Johannes, tanta suscepta injuria, mox dirigit nuncium suum, sollicitans ducem Wratizlaum tali puerimonia: *Si contumeliam mihi a fratre tuo Gebeardo inhumanitus illutam* <sup>2173</sup> *æquo animo spectas, fac periculum* <sup>2174</sup> *ut omnes sciant non meum hanc esse* <sup>2175</sup> *sed tuam injuriam* <sup>2176</sup>. *Quid enim ego deliqui aut quia merui, qui nil nisi quod placuit tibi* <sup>2177</sup> *feci? Ecce ego licet indignus, tamen dictus per tuam gratiam episcopus, flagellis cæsus præconis usque ad fastidium, malleum nunquam attingisse pontificale fastigium. Certe* <sup>2178</sup> *aut me meo abbati reddo* <sup>2179</sup>, *quamvis tarde, aut mecum æquanimitè hanc contumeliam comportando divide, et me aut nuncium meum ad apostolicam sedem dirige*. His auditis dux Wratizlaus zelo accenditur magno, nec se continet a lacrimis in discrimine rerum tanto. Mox mittitur militum legio pro Johanne episcopo, ut sine vitæ suæ dispensio posset adesse ducis in colloquio. Timuit enim dux <sup>2180</sup> ne frater suus Jaromir per insidias tolleretur eum de medio. Fuit autem in capella Johannis episcopi clericus nomine Hagno <sup>2181</sup>, vir Teutonicus, philosophiæ domesticus (540) Tullianæ eloquentiæ alumnus. Hunc dux seorsum vocat et multis promissis obligat, atque multa sibi super fratre suo Gebeardo <sup>2182</sup>, multa super illata injuria Johanni episcopo, multa super statu ecclesiastico scriptis pariter et dictis, ut ea referat apostolico, commendat. Qui cum iter ageret, transiens, per Ratisbonam <sup>2183</sup> sinistro omine <sup>2184</sup> hospitatus est <sup>2185</sup> apud quemdam civem nomine Kompoldum <sup>2186</sup>,

#### VARIÆ LECTIONES.

<sup>2139</sup> episcopatu 2. <sup>2139</sup> Zekircastel 1. Zekir Kostel 2 (b). quæ dicitur ad Sekir Costel 3. Sekircostel 4, 4 (a). <sup>2140</sup> corr. 1. <sup>2141</sup> Olomuze 1. Olomuz 4. <sup>2142</sup> famas corr. fames 1. <sup>2143</sup> deest A. <sup>2144</sup> secr. loc. in A. <sup>2145</sup> Joannes inserunt 4, 4 (a). <sup>2146</sup> nam 1. <sup>2147</sup> videlicet 3. <sup>2148</sup> rapulum A. 4 (a). <sup>2149</sup> seuet 2 (b). <sup>2150</sup> off. sem. A. <sup>2151</sup> superfuerant 2 (b). <sup>2152</sup> refectiu. uculam 4, 4 (a). <sup>2153</sup> indignas 1. <sup>2154</sup> tal. manu adscriptum A. <sup>2155</sup> te 4. <sup>2156</sup> tuum 4. <sup>2157</sup> Johannem add. 4, 4 (a). <sup>2158</sup> alienarum g. eraso A. <sup>2159</sup> humiliatur A. <sup>2160</sup> miserere A. <sup>2161</sup> deest A. <sup>2162</sup> audacter A. <sup>2163</sup> suo Johanne inserunt 4, 4 (a). <sup>2164</sup> decollato superscr. al. man. capillato A. <sup>2167</sup> dulcoratus corr. al. man. A. <sup>2168</sup> Olomuz inserit 4. Olomuc 4. (a). <sup>2169</sup> ad sua inserunt 4, 4 (a). <sup>2169</sup> superscr. A. <sup>2170</sup> sunt 1. <sup>2170</sup> deest A. <sup>2171</sup> prius A. <sup>2172</sup> eos ac si inter columnas A. <sup>2173</sup> non superscr. al. man. A. <sup>2174</sup> expunctum A. <sup>2175</sup> causam A. <sup>2176</sup> sciant hoc loco A. <sup>2177</sup> sibi 1. <sup>2178</sup> ecce 3. <sup>2179</sup> reddo a. A. <sup>2180</sup> Wratizlaus inserunt 4, 4 (a). <sup>2181</sup> Hagna 1. Abna 3. <sup>2182</sup> multa — — Gebeardo desunt 4, 4 (a). <sup>2183</sup> Ratisponam A. 1. corr. Ratisbonam A. <sup>2184</sup> homine 1. <sup>2185</sup> cum 2. <sup>2186</sup> Kompoldum 1. Kamboldum 3. Kompoldum 4. Compoldum rel.

#### NOTÆ.

(537) Ottonem.  
(538) Gregorius VII in epistola ad Wratizlaum die 16 m. Aprilis 1074 data Gebhardum Romæ hanc protulisse excusationem dicit: *quod ipse Johannem Moraviansem episcopum non percusserit, neque ser-*

*vientes ejusdem episcopi decapillari aut barbas eorum abradi præceperit*. Vide Boczek 1, 152.

(539) i. e. Joanne.

(540) Scholæ, ut videtur, præfectus.

qui fuit miles Gebeardi <sup>2187</sup> episcopi, habens annuatim ab eo beneficium <sup>2188</sup> 30 marcas argenti. Hic post cœnam inter pocula, ut solet hospes ab hospite, inquirens quis aut unde esset, vel quæ causa sit viæ callida ab eo mente investigat. Et ut cognovit quod aduersus præsullem Gebeardum ageret legationem, non tulit hanc deferri <sup>2189</sup> contra dominum suum delationem <sup>2190</sup>, et mittit post illum altera die <sup>2191</sup> latrunculos, ut <sup>2192</sup> aliqua molestia impedirent viæ ejus intentionem. Qui comprehendentes, eum in via, spoliant censu, detruncant naso <sup>2193</sup>, et, nisi revertatur, adactis jugulo gladiis mortem minantur.

Qui timens quamvis turpem amittere vitam, reversus est ad præsullem suum <sup>2194</sup> in Moraviam.

29. Mox ex magna major crevit indignatio ducis <sup>2195</sup>, et iterum decernitur Romam legatio, sed cauciori consilio et tuciori <sup>2196</sup> viæ subsidio. Erat enim ducis in capella quidam Petrus presbiter, patre genitus Podiwa, pollens sancti Georgii <sup>2197</sup> præpositura, et cæteros <sup>2198</sup> præcellens <sup>2199</sup> scientiæ litteratura <sup>2200</sup>, atque utramque linguam sciens æque Teutonicam simul et Romanam. Hunc <sup>2201</sup> dux cum comite nomine Preda <sup>2202</sup>, filio Bys <sup>2203</sup>, non sine grandi pecunia Romam dirigit, primas et novissimas a fratre suo sibi et <sup>2204</sup> episcopo Johanni illatas injurias literaliter compendio inclusas insinuans eis <sup>2205</sup>, quo eas ad apostolici aures deferant. Qui ut tucius iter agere possent, committit eos Romani imperatoris palatino comiti nomine Rapotæ <sup>2206</sup>, rogans eum nimio supplicatu, quo sui legati irent Romam et redirent sub ejus conductu. Nam tantæ potestatis hic comes erat, quod <sup>2207</sup> usque Romam per continua loca proprias villas seu prædia et per castella milites sibi devotos habebat; qui etiam ex parte ducis prædicti 150 marcas argenti annuatim pro beneficio accipiebat. Cujus per conductum cum venissent <sup>2208</sup> Romam legati, offerunt apostolico literas 200 marcis delibutas. Quæ cum a notario coram omnibus recitatae essent <sup>2209</sup>, interrogat Romanus pontifex eos, si verbis probant quod literæ sonant. Aiunt legati valde inconueniens fore, *aliud literis, aliud ut* <sup>2210</sup> *promamus ore*. Tunc is <sup>2211</sup>, qui post papam secun-

2195 A dus erat sessione, consulens omnes qui aderant <sup>2212</sup> in contione, iudicat tale scandalum ab ecclesia extirpandum apostolica jussione. Mox dirigitur in Boemiam Rudolfus <sup>2213</sup> apocrisarius et consiliarius Gregorii papæ (541), quod, si ita res se habeat, uti summo pontifici relata fuerat, vice ipsius errata corrigat, inobedientes arguat, infideles increpet <sup>2214</sup>, negligentes anathemate feriat; et si qua sint quæ modum excedant correctionis, ea <sup>2215</sup> differat et compellat ad majorem audientiam apostolicæ sedis.

30. Quo cum pervenisset missus apostolici, invenit ducem Wratizlaum in urbe Praga, cui offerens apostolicam benedictionem et universalis patris adoptivam <sup>2216</sup> filiationem (542), tanta auctoritate usus est et potestate, ac si ideus <sup>2217</sup> summus pontifex ipse præsens fuisset. Denique jussit ducem ut <sup>2218</sup> omnes principes terræ simul et abbates ac præposito ecclesiarum <sup>2219</sup>, neo non et Johannem episcopum Moraviensem ad sinodum convocaret sacram. Ad quam præsul Gebeardus semel et bis ex nomine vocatus renuit <sup>2220</sup> venire, et ad ultimum tale fertur dedisse <sup>2221</sup> responsum: *Juxta canonum scilicet, salva pontificali dignitate et justicia, ad tua non venio placita, nisi ubi adfuerit meus magister Maguntinus metropolita* <sup>2222</sup> (543) *et aliorum coepiscoporum præsens frequentia*. Sciebat enim quod ibi <sup>2223</sup> incideret in laqueum et in retributiones <sup>2224</sup> et in scandalum. Videns autem Romanus missus se esse despectum et debonestatum, ira motus suspendit eum ab omni officio sacerdotali et dignitate privata episcopali. Quod audientes <sup>2225</sup> non solum canonici, verum etiam per capellas clericis, omnes scide-runt sua oraria <sup>2226</sup> (544) et denudaverunt <sup>2227</sup> ut in parascève altaria. Matris <sup>2228</sup> ecclesiæ sulcatur fronte <sup>2229</sup> ruga non modica, quia <sup>2230</sup> silent sacerdotalia officia, et nisi pastori suo restituatur pristinus <sup>2231</sup> honor et gradus, totus clerus mavult in perpetuum suos amittere gradus. Videns autem cardinalis magis tumultum in populo fieri, necessitate compulsus reddidit <sup>2232</sup> episcopo tantummodo sacerdotale officium; et nisi episcopus uterque eodem anno de inductis causis reddat <sup>2233</sup> rationem pontifici Romano, ambos constringit <sup>2234</sup> banno (545),

#### VARIE LECTIONES.

<sup>2187</sup> Jaromir 3. *et sc porro*. <sup>2188</sup> *deest* (b). <sup>2189</sup> differri 2 (b). <sup>2190</sup> deliberationem 2 (b). <sup>2191</sup> dia A. <sup>2192</sup> et *superscr.* ut 1. <sup>2193</sup> nasu *corr.* naso 1. <sup>2194</sup> Johannem *inserunt* 4, 4 (a). <sup>2195</sup> Wratizlai *addunt* 4, 4 (a). <sup>2196</sup> tuciori 4, 4 (a). <sup>2197</sup> martyris *addunt* 4, 4 (a). <sup>2198</sup> et cæteros *omittunt* 4, 4 (a). <sup>2199</sup> cellens 4. <sup>2200</sup> scientia litterarum 4, 4 (a). <sup>2201</sup> nam *corr.* hunc A. <sup>2202</sup> Podiwa A. <sup>2203</sup> Buz 3. <sup>2204</sup> sibi et *desunt in sibi omittit* 2. <sup>2205</sup> *deest* A. <sup>2206</sup> Rapothæ 1, 4, 4 (a). <sup>2207</sup> q<sup>o</sup> 1. <sup>2208</sup> venissent A. <sup>2209</sup> erant 1. <sup>2210</sup> ut *superscr. al manu* A. <sup>2211</sup> his 1. <sup>2212</sup> erant 4, (a). <sup>2213</sup> ita 1. Rudolfus A. 4 Rudolphus 3. <sup>2214</sup> increpet 1. <sup>2215</sup> ita 2 (b). 4, 4 (a) illa 3 <sup>2216</sup> ad optimam 3 <sup>2217</sup> eidem 2 (b). <sup>2218</sup> *deest* 4 <sup>2219</sup> Dei *addunt* 4, 4 (a). <sup>2220</sup> rennuit 1 <sup>2221</sup> dixisse A <sup>2222</sup> 4 *alia manu superscr.* 1 <sup>2223</sup> *deest* 2 <sup>2224</sup> retributionem 4, 4 (a) <sup>2225</sup> audiens *corr. alia manu* audientes 1 <sup>2226</sup> *deest* 4 (a) <sup>2227</sup> dimidiaverunt 2 <sup>2228</sup> sanctæ *add.* 4, 4 (a) <sup>2229</sup> fons 2 <sup>2230</sup> quod A. et 4, 4 (a). <sup>2231</sup> *deest* A. <sup>2232</sup> reddit A. 2, 2 (b), 3, Gebeardo *inserunt* 4, 4 (a). <sup>2233</sup> reddant 4. <sup>2234</sup> constringit A. *corr. alia manu* confringit 1

#### NOTÆ.

(541) Imo ab Alexandro II missus est Rudolfus a. 1072; Gregorii enim legati quorum jam in epistola die 8. m. Julii 1070 mentio fit, Bernardus erant et Gregorius. Boczek 1, 143.

(542) Alexander II mitram Wratizlao misit. Vide Gregorii epiet. Boczek 1, 144.

(543) Quomodo Sigefridus archiepiscopus Maguntinus se his rebus immiscuerit vide supra et Gregorii VII ad eundem litteras, quibus valde eum increpuit, vide Boczek 1, 150.

(544) Vestes sacerdotales.

(545) Hæc revocanda sunt ad annum 1074; Gre-



Nec mora, proficiscuntur episcopi prædicti <sup>2238</sup> Romam, et offerunt apostolico suarum litterarum formam; quibus recitatis, nec admissa nec repulsa nec discussa eorum causa, jussi sunt ire ad hospicia <sup>2236</sup> sua, quoad usque revocarentur <sup>2237</sup> ad generalem sinodum die constituta.

31. Hisdem diebus venerat Romam Machtildis <sup>2238</sup> potentissima domina, quæ post obitum patris sui Bonifacii totius Longobardiæ simul et Burgundiæ suscepit <sup>2239</sup> regni gubernacula, habens potestatem eligendi et intronizandi sive eliminandi <sup>120</sup> super <sup>2240</sup> episcopos (546). Hujus quasi propriæ dominiæ <sup>2241</sup> ad nutum omnis <sup>2242</sup> senatorius ordo parebat, et ipse Gregorius papa per eam divina et humana negotia disponebat, quæ erat sapientissima consilii et in omnibus adversitatibus sive necessitatibus Romanæ ecclesiæ maxima laudatrix. Cujus de genealogia <sup>2243</sup> materno sanguine <sup>2244</sup> præsul Gebardus descendens <sup>2245</sup> duxit affinitatem (547). Quo ipse <sup>2246</sup> de se referente, ut recognovit prædicta domina quod suus esset consanguineus, cepit eum valde honorare et domo <sup>2247</sup> apostolico commendare, ac quasi fratrem suum prout potuit honorifice tractare. Et <sup>2248</sup> certe præsul Gebardus nomen et honorem cum gradu amisisset, si <sup>2249</sup> hæc Romæ non adfuisset; qua interveniente et multis apostolicis precibus fatigante, facta est pax inter prædictos episcopos et ratione, ut in pace quieti et propriis episcopatus contenti vivant; sin autem, post 10 annos iterum ad apostolicam sedem <sup>2250</sup> hæc de eadem causa iudicium accepturi <sup>2251</sup> redeant (548). Et ita per

A Gregorium papam agente Mathilda <sup>2252</sup> restitutus est præsul Gebardus in pristinum gradum et honorem anno dominicæ incarnationis 1074. <sup>2253</sup> sole intrante 15 partem Virginis. Adhuc etiam et <sup>2254</sup> hoc effloiente Mathilda, domnus papa <sup>2255</sup> legatis Boemorum tradit <sup>2256</sup> apices litterarum, in quibus mandat et præcipit duci <sup>2257</sup>, ut fratrem suum <sup>2258</sup> Jaromir honorifice suscipiat et ei quasi patri suo et pastori per omnia obediat, atque in pace cum Dei benedictione vivat.

B 32. Sed quoniam incidit nobis mencio de Mathilda <sup>2259</sup>, unum quod fecit femina viriliter, breviter <sup>2260</sup> referam, ne lectori fastidium inferam. Igitur cum prædicta puella semper existens victrix <sup>2261</sup> inter multa bella, patris (549) sui post mortem <sup>2262</sup> vitam ducens celibem (550), nimis amplum <sup>2263</sup> Longobardiæ <sup>2264</sup> sola <sup>2265</sup> regeret <sup>2266</sup> regnum, visum est principibus terræ et comitibus atque episcopis, ut <sup>2267</sup> persuaderent quo eibi acciperet virum, ne sine herede regalis celsitudo simul cum prole deficeret. Quæ <sup>2268</sup> adquiescens eorum consiliis, misit ad ducem Sueviæ nomine <sup>2269</sup> Welfum literas multa paucis continentes <sup>2270</sup> verbis (551): *Non ego feminea levitate aut temeritate* <sup>2271</sup>, *sed totius regni meo comoditate dirigo tibi has litteras, quas cum* <sup>2272</sup> *acceperis me accipe et totius regnum* <sup>2273</sup> *Longobardix* <sup>2274</sup>. *Dabo tibi tot civitates, tot castella, tot palacia inclita, aurum et argentum nimis infinitum* <sup>2275</sup>; *super omnia hæc habebis nomen præclarum* <sup>2276</sup>, *te si facies mihi curam* <sup>2277</sup>. *Nec tamen me notes audacitatis* <sup>2278</sup> *elogio, quod nunc agredior te prior alloquio* <sup>2279</sup>.

#### VARIE LECTIONES

<sup>2235</sup> præd. ep. A. <sup>2236</sup> ospicia 1 <sup>2237</sup> corr. 1 <sup>2238</sup> Mathildis 1, 2, 4 <sup>2239</sup> suscipit 2 (b) <sup>2240</sup> supra 4 (a) <sup>2241</sup> superscr. alia manu A. <sup>2242</sup> deest 1 <sup>2243</sup> analogia A. 1 <sup>2244</sup> materno sanguine *emittunt* 4, 4 (a) <sup>2245</sup> deest 1 <sup>2246</sup> ipso corr. A. <sup>2247</sup> Domino A. <sup>2248</sup> deest A. <sup>2249</sup> si — *fuisse et alia manu in margine adscripta* A. *fuisset* 4, 4 (a) <sup>2250</sup> fidem 1 <sup>2251</sup> accepturi 1 <sup>2252</sup> Mathilda 1 <sup>2253</sup> 1. XXIII, 2, 2 (b), *quamvis in hoc vestigia rasuræ a recentiori manu appareant, quæ conata est illi efflicere* IV. <sup>2254</sup> deest A. 4, 4 (a) <sup>2255</sup> Gregorius add. 4, 4 (a). <sup>2256</sup> tradidit 2 (b), 3. <sup>2257</sup> Wratizlao *odl.* 4, 4 (a) <sup>2258</sup> deest 1 <sup>2259</sup> Machtylda 4 <sup>2260</sup> deest 4 <sup>2261</sup> semper — *vitam desunt* 4, *victrix deest* 4 (a) <sup>2262</sup> obitum A. <sup>2263</sup> ampliavit A. <sup>2264</sup> lines et *add.* A. <sup>2265</sup> deest 3. <sup>2266</sup> rexerat 1. <sup>2267</sup> ei. 4, 4 (a) <sup>2268</sup> q. *add.* 1. <sup>2269</sup> deest 4 (a) <sup>2270</sup> continentem 2. <sup>2271</sup> aut *temeritate desunt* 1 <sup>2272</sup> alia manu superscr. A. <sup>2273</sup> regni mei A. <sup>2274</sup> fines *superacripit alia manus* A. <sup>2275</sup> et *add.* 4 <sup>2276</sup> clarum 2 <sup>2277</sup> casum corr. carum 1 <sup>2278</sup> corr. A. <sup>2279</sup> eloquio 3

#### NOTÆ.

gorius litteris d. 31 m. Jan. 1074 scriptis Gebhardum in ramis Palmarum apostolica limina adire jubet. Borzek I, 149.

(546) Hoc rumore populari exaggeratum esse meno non videt.

(547) Quale fuerit illud affinitatis vinculum non satis liquet; aliam viam in eo probando inijt Schwarz. aliam Pfeffel in commentatione sua in *Abhandlung* de Bayer. Academie I, 185, aliam Dobner; Palacky secutus est Pfeffelium, qui hoc sibi reperisse videbatur, Mathildis aviam Mathildem et matrem anonymam Judithæ, uxori Bracizlai ducis, fuisse filias Herimanni II ducis Sueviæ.

(548) Cosmas duo itinera Romana episcoporum illorum in unum confudit Gebhardus jam anno 1074 coram papa se ab accusatione illa defendere conatus est, cfr. supra annot. 35. In alia quadam epistola Gregorii vi Non. Mart., ind. 13 (1075) data hæc leguntur: *Hæc enim causa* (Gebhardi et Johannis) *cum tu sacro pontificalis nostri anno, residentibus cum nobiscum in basilica S. Salvatoris multis fratribus, convocatis etiam et coram postis supradictis episcopis, ad audientiam nostram et totius ibidem congregati concilii perlata sit, diu et multum iniqui-*

*sita atque rimata tanta ambiguitate et perplexionibus involuta videbatur, ut ad sinceram veritatis et justitiæ explorationem per ea quæ tum adhibita sunt judicia, perducere non posset. Verum ne illorum altercatio absque pacis interventu diutius aut fraterna odia aut aliqua periculosa hinc vel illinc studia ascenderent, cum consilio fratrum nostrorum causam illa ex æquo dirimi constituimus, ut omnia, de quibus inter eos contentio foret, per medium dividerentur, et hic unam, ille alteram partem interim absque omni inquietudine tenerent, donec, si apertiora indicta sive scripto aut congruis testibus invenire possent, diligentissime investigarent. Ad quod faciendum, ne forte suscitandæ litis infinita alterutri daretur occasio, terminum quoque decem annorum præfiximus, ut qui certis approbationibus ad justitiam se pertingere posse confidit, intra prælibatum terminum proclamandi et consequendi jus ecclesiæ suæ licentiam et potestatem habeat, etc.* Borzek I, 158. In Annalibus Pragensibus Gebhardi restitutio ad annum 1074 refertur.

(549) Bonifacii marchionis Tusciæ.

(550) Fugit Cosmam eam Gozeloni duci Lotharingi nupsisse.

(551) Welfum junioem a. 1068 ducem matrimo-



enim Licet tam virili quam femineo sexu <sup>2280</sup> legitimum appelere conjugium. Nec differt <sup>2281</sup> utrum vir an femina primam amoris lineam tangat; tantummodo indissolubile contingat conubium. Quod aliter non fit, nisi utrorumque <sup>2282</sup> per consensum. Vale. Quid autem ad hæc dux Welfo responderit, aut qua ratione ei consenserit, aut quot milia armata domina Mathildis ad suscipiendum ducem in fines Longobardiæ præmiserit, aut quam honorifice ipsa eum susceperit, vel quanto <sup>2283</sup> apparatu convivium fecerit, si quis scire vellet <sup>2284</sup>, prius lux diurna deliceret quam hæc omnia perlegerit <sup>2285</sup>. Cedat rex Assuerus cum suis apparatus, qui suis militibus fecit magnificum per 120 dies <sup>2286</sup> convivium; cesset regina Saba admirari <sup>2287</sup> mensam et cibos regio Salomonis; nam quod illic totum, hic centesima pars <sup>2288</sup> major fuit toto. Quid multa? Nox aderat, cubiculum intrant, super alta strata gemini se locant, dux Welfo sine Venere cum Mathilda virgine. Ubi inter alia et post talia inter tales qualia flunt, dux Welfo ait: *O domino, quid tibi voluisti, quare me vocasti, ut risum de me faceres, et me in sibilum populis et in commotionem capitis (552) poneres?*

*Plus te confundis, tu me confundere si vis.*

*Certe aut tuo jussu aut per tuas pedissequas aliquod maleficium vel in tuis vestimentis vel in lectisterniis lateat. Crede mihi, si frigidæ naturæ fuissem, ad tuam voluntatem nunquam venissem.* Hæc cum prima et secunda nocte dux <sup>2289</sup> objiceret dominæ, tertia die sola solum ducit in cubiculum, ponit in medio tripodas et deuper mensalem locat tabulam, et exhibuit se sicut ab utero matris nudam et inquit: *En quæcunque <sup>2290</sup> latent, tibi omnia patent, nec est, ubi aliquod maleficium lateat.* At ille stabat auribus omnesis, ut iniquæ meentis asellus (553), aut carnifex, qui longam acouens macheram stat in macello super pinguem vaccam excoriatam, cupiens exenterare eam. Postquam vero diu sedit mulier super tabulam, et velut anser cum facit sibi nidum, huc et illuc vertens caudam frustra, tandem indignata surgit femina nuda, et apprehendit manu sinistra anticipat <sup>2291</sup> semiviri, atque exspuens <sup>2292</sup> in dextram palnam dat sibi <sup>2293</sup> magnam alapam, et extrusit eum foras dicens:

*I <sup>2294</sup> procul hinc, monstrum, regnum ne pollue-*  
[strum.

*Vilior es galba <sup>2295</sup>, projecta vilior alga (554).*

*A Si mihi visus eris cras, morte mala morieris.* Taliter confusus dux Welfo fugit et reportat omnibus suis confusionem in sempiternum. Hæc sufficit breviter dixisse, quæ utinam non dixissem <sup>2296</sup>!

33. Factum est autem, postquam præsul Gebardus reverteretur ab urbe Roma, proceres quotquot erant sui clientes, de reditu ejus valde gratulantes, occurrunt ei obviam sub ipso exitu silvæ. Quibus in jocunditate susceptis <sup>2297</sup>, dum refert <sup>2298</sup> quæ gesta fuerant Romæ, et qualiter sit <sup>2299</sup> fretus ope Mathildæ dominæ, uni eorum, quem præ cæteris diligebat, nomine Belec <sup>2300</sup>, alludens ait: *Vide qualem barbam reporto, et permulcens eam manu: Certe, dixit, est cæsare digna.* At ille: *Placet, inquit <sup>2301</sup>, omne <sup>2302</sup> quod laudas, domine; sed plus laudarem, si animum mutatum cum barba reportares <sup>2303</sup>;*

*Quem o <sup>2304</sup> si mutasses, posthac in pace fuisse.*

34. Nec tacere cupio quod eodem anno nobis adhuc positus in scolis contigit audire et videre. Quadam vero <sup>2305</sup> die, dum psalmiculos ruminarem stans incripta sanctorum martirum Cosmæ et Damiani, venit quidam vir portans cereum et filum argenteum, quo secundum jussum visionis melitus erat <sup>2306</sup> sui corporis arlus, et accedens ad me <sup>2307</sup>: *Heus, inquit, indica mihi, bone puer, ubi jacet sanctus Radim, sancti Adalberti frater.* Ad quem ego dixi: *Quem tu dicis sanctum, adhuc non est per apostolicum incanonicalis <sup>2308</sup>, adhuc <sup>2309</sup> missam ejus ut pro defunctis celebramus.* Et ille: *Talia ego, inquit, nescio, sed unum scio, quia <sup>2310</sup> cum essem Krakov, <sup>2311</sup> in urbe per tres annos positus in subterraneo carcere, in quo unu fenestrula <sup>2312</sup> desuper erat, qua mihi panem raro et aquam porrigebant, hac in angustia dum vita mea versabatur, quadam die assistit vir coram me, cujus vestes erant sicut nix albæ <sup>2313</sup> et facies ejus ut sol fulgebat; tantum memini, et statim sui in extasi, et quasi de somno gravi evigilans ante urbem stare me sensi. Et qui mihi <sup>2314</sup> in carcere <sup>2315</sup> apparuit, stans <sup>2316</sup> juxta me dixit: « Perge Pragam, ne timeas quenquam, et intrans sancti Viti <sup>2317</sup> ecclesiam in cripta sanctorum martirum Cosmæ et Damiani, offer munus tuum ad meam tumbam, ego sum Radim sancti Adalberti frater. » Hæc mihi dixit, et statim ab <sup>2318</sup> oculis meis evanuit. Ecce isti crines et vultus mei macies testantur quia <sup>2319</sup> vera sunt quæ tibi referuntur.*

*D Præterea sæpe in eadem cripta vident visiones custo-*

#### VARLÆ LECTIONES.

<sup>2280</sup> sexu 1 <sup>2284</sup> superscr. alia manus 1 <sup>2282</sup> virorumque 1 <sup>2283</sup> quando 1 <sup>2284</sup> velit 4 <sup>2285</sup> perlegeret 2 (b), 3, 4, 4 <sup>2286</sup> superscr. 1 <sup>2287</sup> admirati corr. admirari 1 <sup>2288</sup> maxima add. 2 <sup>2289</sup> Welfo add. 4, 4 (a). <sup>2290</sup> en quæc. desunt 1. <sup>2291</sup> sinciput 4, 4 (a). <sup>2292</sup> deest 3. <sup>2293</sup> ei A, <sup>2294</sup> corr. A, id est vade omisso 1, 2. <sup>2295</sup> I superscr. alia manu A, glaba 1. <sup>2296</sup> Hæc sufficit — dixissem, desunt 4, 4 (a). <sup>2297</sup> ita A, deest in rell. <sup>2298</sup> erit 2. <sup>2299</sup> fuerat A. <sup>2300</sup> Belec 1, 4. <sup>2301</sup> inq. placet A. <sup>2302</sup> omen 3. <sup>2303</sup> reportas 4. <sup>2304</sup> deest 4, 4 (a). <sup>2305</sup> ita 1, deest A, ergo reel. <sup>2306</sup> est 2, fuerat 2 (b). <sup>2307</sup> ad me alia manu superscr. A. <sup>2308</sup> canonicalis 4 (a). <sup>2309</sup> deest 3. <sup>2310</sup> quia deest A, 2, 2 (b). <sup>2311</sup> Krakow 2. <sup>2312</sup> fetistrula corr. fenestrula 1. <sup>2313</sup> alba 2. <sup>2314</sup> deest 2 (b). <sup>2315</sup> in carc. m. A. <sup>2316</sup> martyris add. 4, 4 (a). <sup>2317</sup> ex A. <sup>2318</sup> quod 2 (b).

#### NOTÆ.

nium cum Mathilda iniisse et a. 1095 divortium fecisse affirmantem se eam nunquam tetigisse testis est Bernoldus. Cfr. monachus Weingartensis p. 789; Stenzel frank. Kaiser, I, 583. Longe itaque hoc loco berravit Cosmas a veritate rumore populari deceptus.

(552) Capitis commotio est ludibrii et cavillationis signum.

(553) Hor., opp. I, 9, 20.

(554) Virg., eclog. VII, 42.

des ecclesiarum, dum visitant candelam quæ ibi accenditur nocte (555).

33. Nec prætereundum censeo quod dux Wratizlaus et sui fratres Chounradus atque Otto contra orientalem marchionem Lupoldum <sup>2320</sup>, filium Lucæ (556), commiserunt bellum (557); sed prius videndum est unde ortæ sunt <sup>2321</sup> tantæ inimicitie inter Lupoldum <sup>2322</sup> et Chronradum diarcham Moraviæ, nam antea semper fuerant amici ad invicem (558). Cum enim utrarumque provinciarum terminos non silva, non montes, non aliqua obstacula dirimant, sed rivulus, nomine Dia <sup>2323</sup>, fluens per plana <sup>2324</sup> loca vix eas disternat, semper notibus mali homines alternatim latrocinantem <sup>2325</sup>, pecora <sup>2326</sup> diripientes, villas vastantes ex utroque populo prædam <sup>2327</sup> sibi faciebant. Et sicut sæpe parvula scintilla magnum excitat ignem, ita <sup>2328</sup> isti, de quibus diximus, domini, quia noluerunt nocivum <sup>2329</sup> extinguere fomitem, ex his minimis rebus ad magnam suorum <sup>2330</sup> deveniunt perniciem. Nam cum frequenter Chounradus ad marchionem <sup>2331</sup> hujusmodi de <sup>2332</sup> compescenda mitteret seditione <sup>2333</sup>, et ille tumido fastu despiceret ejus verba, supplex adiit fratrem suum Wratizlaum ducem Boemorum, rogans eum sibi in auxilium contra superbiam Teutonicorum. Qui suis <sup>2334</sup> quamvis non diffidens viribus, tamen Ratisponensis episcopi (557) unam scaram ex electis militibus precio conducit <sup>2335</sup> sibi in auxilium. Nec celat marchionem dux adventum suum, sed <sup>2336</sup> mittens unum de satrapis quasi per antiphrasin loquens ei mandat, ut sibi pareat grande convivium, sequæ ipsum pollicetur aleam Martis cito venire lusum. Ad hæc marchio efficitur lætus, et a sabulco usque ad bubulcum <sup>2337</sup> armatos <sup>2338</sup> omnigena specie ferri, a subula usque ad stimulum, omnes jubet paratos esse ad bellum. Venerat dux Wratizlaus cum Bohemis <sup>2339</sup> simul et Teutonicis qui erant præsulis Ratisponensis <sup>2340</sup>; ast alia de parte Otto et Conradus adiungunt se cum suis omnibus

qui sunt in tota Moravia militibus. Quos ut vidit marobio longe in plano occurrere campo, præordinat suos lignei in modum cunei et corroborat animos eorum hujusmodi monitis alloquii <sup>2341</sup>: *O milites, quorum vires per multas satis expertus sum fortunæ pugnas ne timeatis illas fugitivas umbras, de quibus valde doleo quod eis patet* <sup>2342</sup> *campus in fugam. Scio enim quia non audent vobiscum committere pugnam. An non videtis quoniam* <sup>2343</sup> *illos arguit inertia virium, quos timor compulit in unum globum? Nulla species ibi apparet armorum; oves sunt, ut reor, et esca luporum. Quid statis, o lupi rapaces et cattuli leonum feroces? Irruile in greges ovium et diripite corpora, quæ stant sine sanguine, prius casura quam bellum visura, atque cito milvos nostros et vultures pascitura. O inferne, quantas tibi hodie dabimus victimas! Relaxa tuas officinas ad suscipiendas Bohemorum animas. Scio* <sup>2344</sup> *enim* <sup>2345</sup> *quod Deo et sanctis ejus sunt odibiles sine misericordia homines, qui* <sup>2346</sup> *ad hoc hanc terram intrant* <sup>2347</sup>, *ut non solum nostra bona, sed et uxores nostras et earum soboles diripiant, quod Deus procul avertat. Atqui si alicui vestrum contigerit mori, una mors est hæc* <sup>2348</sup> *beatior omni morte, dulci pro patria mori* <sup>2349</sup> (560). Plura locuturus erat, sed ejus verba impetus Boemorum abbreviat. Nam dux Wratizlaus ut vidit hostes non cedere loco <sup>2350</sup>.

Jussit Teutonico <sup>2351</sup> dextrum irrumpere cornu, fratres vero suos Chounradum et Otonem ordinat pugnare in sinistra ala <sup>2352</sup>. Ipse autem ubi erat confertissima hostium acies (561), in ipsa fronte Martis (562) jubet exercitum suum descendere, et pedestri congressione cum adversariis decertare <sup>2353</sup>. Qui cicius dicto ab equis disilientes <sup>2354</sup> et clamore exhortationis <sup>2355</sup> dato, sicut ignis in siccam stipulam immissus furit (563) et in momento cuncta comburit, ita vires adversariorum ferro conterunt <sup>2356</sup> terræque <sup>2357</sup> eos prosternunt, et de tanta multitudine vix residuus fuit, qui cum ipso marchione aufugit.

#### VARIE LECTIONES.

<sup>2320</sup> Leopoldum 2 Ludolphum 3. <sup>2321</sup> sint 2 (b), 3. *deest* 4, 4 (a). <sup>2322</sup> Luppoldum 1. <sup>2323</sup> Dya 2, 4, Dya 3. <sup>2324</sup> *deest* 1. <sup>2325</sup> latronizantes 4, 4 (a). <sup>2326</sup> pecora — vastantes *desunt* 1. <sup>2327</sup> *deest* A, *alia manu superscr.* dampnum. <sup>2328</sup> *alia manu superscr.* A. <sup>2329</sup> novicium A, nocuum 2, 2 (b), 4, 4 (a), <sup>2330</sup> *deest* 4, 4 (a). <sup>2331</sup> *superscr.* *alia manu* 1. <sup>2332</sup> pro hujusmodi 4, 4 (a). <sup>2333</sup> vel seditione vera 1, *verra pro seditione* 4, 4 (a). <sup>2334</sup> *deest* A. <sup>2335</sup> conduci 2, 2 (b), conduxit 3. <sup>2336</sup> *deest* 2 (b). <sup>2337</sup> publicum 4, 4 (a). <sup>2338</sup> armatos — subula *desunt* A. <sup>2339</sup> Polonia A. <sup>2340</sup> Radisponensis 1. <sup>2341</sup> alloquendo *corr.* *alia manu* A. <sup>2342</sup> pareat 1. <sup>2343</sup> quomodo 2 (b). <sup>2344</sup> sic *alia manu.* *superscr.* cio 1. <sup>2345</sup> etenim 4. <sup>2346</sup> quod 2 (b). <sup>2347</sup> intraverant 2, 4 (a). <sup>2348</sup> *deest* 4. <sup>2349</sup> sua A. <sup>2350</sup> loca *corr.* loco 1. <sup>2351</sup> Teutonicis 4. <sup>2352</sup> alia 4, 2, 4, 5. <sup>2353</sup> decertare A, decertari 4, 4 (a). <sup>2354</sup> desilientes 4 (a). <sup>2355</sup> exhortandi 4, 4 (a). <sup>2356</sup> conter 1. <sup>2357</sup> comburit *add.* 1.

#### NOTÆ.

(555) Recte observavit Schwarz bella a Bohemis Heinrico auxilium laturis contra Saxones gesta, quæ uberius narrat Bruno, Lambertus, Bernoldus, a Cosma silentio hoc loco prætermissa esse.

(556) Imo erat filius Ernesti marchionis, qui in prælio ad fluvium Unstrut anno 1078 commisso occisus est.

(557) Hoc bellum anno demum 1082 commissum esse testatur Cosmas infra; vide Annales Hildesheimenses et Chron. Claustro-neoburgense. De anno

D 1082 cfr. etiam Dobner ad Hlj. V, 495.

(558) Vera causa Cosmam fugit; Leopoldus marchio Heinrici IV fautores expulerat, quæ de re Wratizlaus consilio regis arma in illum movit, ut testatur auctor Vitæ Altmanni episcopi Passaviensis.

(559) Otonis.

(560) Hor., od. III, 2, 13.

(561) Cfr. Sallust., Catil. 60.

(562) Lucan., Phars. VII, 220.

(563) Virg., Georg. III, 99.

Sicque greges ovium lactaverunt catulos leonum, et paucis ex suis amissis Boemi de plaga orientali famosum referunt <sup>2350</sup> triumphum. Hac in cæde occisi sunt Ztan <sup>2350</sup> cum fratre Radim <sup>2360</sup>, et Gridon <sup>2361</sup> filius Zanek <sup>2362</sup>, et Dobrogost <sup>2363</sup> filius Hines <sup>2364</sup>, et alii non adeo <sup>2365</sup> multi (564) anno dominicæ incarnationis 1082, 4 Id. Mai.

\* Rex Henricus Romam obsedit biennio 2,2(a),2(b).

36. Anno dominicæ incarnationis 1083.

Anno dominicæ incarnationis 1084. \*\*

\*\* Rex Henricus fit imperator 2, 2 (a), 2 (b).

Anno dominicæ incarnationis 1085. 8 Kal. Jan. obiit Juditha <sup>2366</sup> (565) conjux Wladizlai ducis Poloniorum <sup>2367</sup>, quæ fuit filia Wratizlai ducis Boemorum. Hæc cum esset sterilis, semetipsam semper mactabat offerens <sup>2368</sup> vivam hostiam Deo cum lacrimis, vacans elemosinis, viduis subveniebat et orphanis, aurum et argentum nimis large dispartiens <sup>2369</sup> per monasteria, commendabat se orationibus sacerdotum, ut per suffragia sanctorum quam <sup>2370</sup> natura negaverat ex divina gratia prolem obtineat. Præterea <sup>2371</sup> mittit capellanum suum nomine Petrum, qui ut ejus vota sancti Egidii <sup>2372</sup> ad sepulchrum et alia munuscula abbati et fratribus suis deferat <sup>2373</sup>, quatenus per intercessionem eorum Deus exaudiat ejus petitionem (566). Qui mox, ut dominæ suæ implevit jussa, cum jam repatriare vellet, sic ei abbas quasi prophetico ore fertur dixisse: *Vade cum Dei benedictione et dic tuæ dominæ: « Spera in Deum et nichil in fide hæsites, quia concipies et paries filium. » Nullus est <sup>2374</sup> enim qui <sup>2375</sup> non obtinuit, quod sanctum Egidium fideliter <sup>2376</sup> petivit. Sed timeo ne forte Deum offendamus, cum contra fata precibus eum fatigamus, licet ipse per merita hujus nostri patroni <sup>2377</sup> nonnumquam petentibus annual quod natura vetat. Qui cum dominæ suæ hæc retulisset, tempore suo concepit, et postquam peperit <sup>2378</sup> filium, tertia die obiit in prima galli cantu supra prænotatæ <sup>2379</sup> diei. Filius autem*

A ejus post in baptismo nomine sui patris <sup>2380</sup> Bolezlav est vocatus <sup>2381</sup>.

37. Anno dominicæ incarnationis 1086, jubente et peragente Romanorum <sup>2382</sup> imperatore tertio Henrico augusto celebrata est sidonus magna in urbe Moguntia <sup>2383</sup> (567), ubi 4 archiepiscopi et 12 præsules, quorum nomina post docebimus, simul cum abbatibus monasteriorum et ceteris fidelibus residentes, plurima decreta super statu sanctæ <sup>2384</sup> ecclesiæ scriptis roboraverunt. In quo conventu idem cæsar omnibus sui regni optimatibus, ducibus, marchionibus, satrapis et episcopis assentientibus, et collaudantibus, ducem Boemorum Wratizlaum tam Boemiæ quam Poloniæ (568) præfecit, et inponens capiti ejus manu sua regalem circulum, jussit archiepiscopum Treverensem <sup>2385</sup> nomine Egilbertum <sup>2386</sup>, ut eum in sede sua metropoli Praga in regem ungat et diadema capiti ejus imponat (569). In eodem concilio Pragensis præsul Gebeardus <sup>2387</sup> scripta suæ antiquæ querimonie repræsentat de Moraviense episcopo Johannes supra memorato. Qui quamvis eodem anno jam ab hoc seculo migrarat (570), tamen valde præcavens in futurum prædictus præsul, et agens per amicos pulsat aures cæsaris, ne iterum in eodem loco alius subrogetur episcopus, replicat coram omnibus privilegium olim a sancto Adalberto episcopo, suo antecessore, confirmatum tam <sup>2388</sup> papa Benedicto quam a primo Ottonis imperatore. Ad cujus justam querimoniam imperator motus precibus ducis Wratizlai, fratris ejusdem episcopi Gebeardi, et consilio archiepiscopi Maguntini Wezelonis <sup>2389</sup> et aliorum bonorum, qui justiciæ favebant, novum antiquo fere ejusdem tenoris addit privilegium et signo imperiali confirmat, ut in sequentibus patebit. Cujus privilegii formam si hæc operi <sup>2390</sup> nostro inseramus, non superfluum fore æstimamus; continet enim aut hunc aut hujusmodi textum:

*In nomine sanctæ et individue <sup>2391</sup> Trinitatis Hein-*

#### VARIE LECTIONES.

<sup>2350</sup> ferunt 4. <sup>2350</sup> Zdan 2, Zihan 4, 4 (a). <sup>2360</sup> Radvim 1. <sup>2361</sup> Grydon 1, 2 (b). Gridon 3. <sup>2362</sup> Zanek 1, Zanek 2 (b), Janek 3. <sup>2363</sup> Dobrogost 2, filius Zanek et Dobrogost *omissa* 4, 4 (a). <sup>2364</sup> Hynes 4, 2. Hones 3. <sup>2365</sup> in tantum 2, 2 (b), 3, et alii multi 4 (a). <sup>2366</sup> ductrix *inserunt* 2 (b), 4 (a). <sup>2367</sup> Polonorum 2, <sup>2368</sup> *deest* 2. <sup>2369</sup> dispensans. A dispartiens 2 (b) 3, 4, 4 (a). <sup>2370</sup> quod 2 (b). <sup>2371</sup> propterea 4, 2. (a) *corr.* præter ea A. <sup>2372</sup> confessoris *inserit* 4 (a). <sup>2373</sup> deferat 1. <sup>2374</sup> *deest* 4. <sup>2375</sup> *deest* 4, 4 (a). <sup>2376</sup> *deest* A. <sup>2377</sup> Egidii *add.* 4, 4 (a). <sup>2378</sup> concepit A. <sup>2379</sup> notatæ 3. <sup>2380</sup> patris *corr. al. man.* patris A. patris 1. *deest* 3. <sup>2381</sup> vocitatus 2 (a), 2 (b), 3. Filius autem ejus potitus est in baptismo nomine sui patris Bolezlav 4, 4 (a). <sup>2382</sup> *omittit* 2. *Sequentia usque ad II. 38 leguntur etiam in cod. 7.* <sup>2383</sup> Maguntina A. Maguntia 4. Magontia 7. <sup>2384</sup> *deest* A. <sup>2385</sup> *deest* A. Treverensem i *expuncto* 1. <sup>2386</sup> Egilbertum 2 (b). <sup>2387</sup> Jaromir 3. Gebeardus alii. <sup>2388</sup> *deest* 4. <sup>2389</sup> Wezelonis 4. <sup>2390</sup> opere 1. <sup>2391</sup> et individue *desunt* A.

#### NOTÆ.

(564) Die 12 m. Maii 1082 apud Mouriberch i. e. D eodem fere tempore Wladizlaus, dux Poloniæ, Juditham imperatoris sororem in matrimonium duxerit. Vid. Roepell Gesch. v. Polen I, 208.

(565) Erat filia Adleythæ, vide supra II, 20.

(566) Eodem fere modo Martinus Gallus, p. 78; Kadlbeck. p. 17 de hac re retulerunt.

(567) Hanc synodum nunc confundendam esse cum altera ab Heinricianis episcopis Moguntia anno 10 5 habita probavit Dobner ad Haj. V. 545.

(568) Non satis patet quomodo Henricus illo tempore Wratizlaum Poloniæ præficere potuerit, cum

(569) Monachus Pegavensis narrat Wratizlaum regiam dignitatem 4000 marcis argenti ab Henrico exisse, eumque Wirziburgi, ab episcopo Moguntino, Constantiensi et Wirziburgensi coronatum esse.

(570) vii Kal. Dec. teste antiquo catalogo episcoporum Olomucensium in Richteris serie ep. Olomuc., p. 11.

ricus tercius divina favente clementia Romanorum A imperator augustus. Regio nomini et imperatoris dignitati congruere novimus, <sup>2333</sup> ul ecclesiarum Dei utilitatibus <sup>2333</sup> ubique opitulantes, dampna vel <sup>2334</sup> injurias earum quacunq[ue] necesse fuerit propulsemus. Quapropter <sup>2336</sup> universis <sup>2336</sup> Dei nostrique regni fidelibus, tam futuris quam presentibus, notum esse volumus, qualiter fidelis noster Pragensis episcopus Gebeardus sæpe confratribus <sup>2337</sup> suis et coepiscopis cæterisque principibus nostris ac novissime nobis conquestus est, quod Pragensis episcopatus, qui ab initio per totum <sup>2338</sup> Boemix ac Moravia ducatum <sup>2339</sup> unus et integer constitutus et tam a papa Benedicto quam a primo Ottone imperatore sic confirmatus est, postea antecessorum suorum consensu, sola dominantium potestate subintronzato intra terminos ejus novo episcopo, divisus esset et imminutus. Qui cum Maguncix coram legatis apostolicæ sedis, presentibus nobis ac plerisque regni nostri optimatibus, eandem querimoniam intulisset, ab archiepiscopis Wezlone Maguntino, Sigewino <sup>2400</sup> Coloniensi, Egilberto Treverensi, Liemaro <sup>2401</sup> Bremensi, ab episcopis quoque Tiedrico <sup>2402</sup> Viridunensi, Chounrado <sup>2403</sup> Trajectensi, Oudalrico <sup>2404</sup> Eistetensi <sup>2405</sup>, Ottone Ratisponensi, cum

assensu laicorum, ducis Boemorum Wratislai, et fratris ejus Chounradi, ducis <sup>2406</sup> Friderici <sup>2407</sup>, ducis Lutoldi <sup>2408</sup>, palatini comitis Rapotonis <sup>2409</sup>, et omnium, qui ibidem convenerant, primitiva illa parochia cum omni terminorum suorum ambitu Pragensi sedi est adjudicata. Termini autem ejus occidentem versus hii sunt (571): Tugost <sup>2410</sup> (572), qui <sup>2411</sup> tendit ad medium fluminis Chub (573), Zelza <sup>2412</sup> (574), Zedlica <sup>2413</sup> (575) et Liusena <sup>2414</sup> (576) et Dasena <sup>2415</sup> (577) Lutomerici <sup>2416</sup> (578), Lemuzi <sup>2417</sup> (579) usque ad mediam silvam, qua Boemia liminatur. Deinde ad aquilonalem <sup>2418</sup> hii sunt termini: Psovane <sup>2419</sup> (580), Ghrvati <sup>2420</sup> et altera Chrowati <sup>2421</sup> (581), Slasane <sup>2422</sup> (582), Trebowane <sup>2423</sup> (583), Bobrane <sup>2424</sup> (584), Dedosane <sup>2425</sup> (585), usque ad mediam silvam, qua Milcanorum <sup>2426</sup> (586) occurrunt termini. B Inde ad orientem hos fluvios habet terminos: Bug <sup>2427</sup> (587) scilicet <sup>2428</sup> et Ztir <sup>2429</sup> (588) cum Cracova <sup>2430</sup> civitate provinciaque cui Vag <sup>2431</sup> nomen est, cum omnibus regionibus ad prædictam urbem pertinentibus, quæ Cracova <sup>2432</sup> est. Inde Ungarorum <sup>2433</sup> limitibus additis usque ad montes, quibus nomen est Tritri <sup>2434</sup> (589), dilatata <sup>2435</sup> procedit. Deinde in ea parte, quæ meridiem respicit, addita regione Moravia

## VARIÆ LECTIONES.

<sup>2333</sup> al. man. superser. A. <sup>2333</sup> dignitatibus 2. <sup>2334</sup> dampnabiles injurias 4, 4 (a). <sup>2335</sup> quia propter 4. <sup>2336</sup> deest 4. <sup>2337</sup> cum fratribus 4. 4 (a). <sup>2338</sup> per totum <sup>2339</sup> ducatum 7. <sup>2400</sup> Sigewino 2. Sicewino 2 (b). <sup>2401</sup> Lyemaro (o) 4. 4 (a). <sup>2402</sup> Tietrico 1. Lioderico 3, Theoderico 4. Thyderico 4 (a). <sup>2403</sup> Cunrado 4, Cunrado 7. <sup>2404</sup> Odaldrico 1. Odalrico 4 (a). <sup>2405</sup> Cistetensi A. Heysthetensi 4. 4 (a). <sup>2406</sup> Ch. ducis, 1. <sup>2407</sup> al. man. in margine 1. adscriptum. <sup>2408</sup> Lutholdi 4, 4 (a). <sup>2409</sup> Rapothonis 1, 2 (b), 4, 4 (a), 7. Rapotæ 3. <sup>2410</sup> Tugast 1, 2, 2 (b). Ingast 3. Tugozo 4, 4 (a), Cugast 7. <sup>2411</sup> quæ 2 (a), 2 (b) 3, 4, 4 (a), 7. <sup>2412</sup> deest A. 3, Zeyza 4, 4 (a). <sup>2413</sup> Zedlea 3, Zedlicane 4, 4 (a). Omissum 2 (a) 7. Videnturque hæc duo nomina Zelza et Zedlica unius vocis lectiones variantes esse DOBNER. <sup>2414</sup> In 2, legi potest Liusena et Luisena. Luisena 2 (b). Liusena 3, 7. Lucane omisso et 4, 4 (a) <sup>2415</sup> ita A. 1, 2, 2 (b), 3, 7. add. 1. Dacane, Dacane 2, In 2 (b). corrector in margine adnotavit: aliter Dacane. Daciane 4, 4 (a). <sup>2416</sup> Lintomerici 2, 3, 7. Lathomirici 4, 4 (a). <sup>2417</sup> Lemuci 4. <sup>2418</sup> aquilonem 3, 4, 4 (a), 7. <sup>2419</sup> Psovane 2. <sup>2420</sup> Chrowati 1, 2 (b). Chowati 3, Crouati. 4. Chowati 7. <sup>2421</sup> deest A. 1, Chrowati 2, 4, 4 (a). Hrouati 3. <sup>2422</sup> Slasane 1, 2, 4. <sup>2423</sup> Trebowane 2, 3, 4, 4 (a). Trewobane 7. <sup>2424</sup> Boborane 1. Boborane 2, 2 (b), 4, 4 (a), 7. Poborane 3. <sup>2425</sup> Dedosese 1, 2, 2 (b). Dedosene 3, Dedosesi 4, 4 (a). <sup>2426</sup> Milcanorum 4, 4 (a). <sup>2427</sup> Buo 7. <sup>2428</sup> feliciter 1. <sup>2429</sup> Ztir 2 (b). Zur 4 (a). <sup>2430</sup> Krakova 1. Krakovia 2. Krakova 2 (b), 7, Cracova 3. Chracova 4 (a). <sup>2431</sup> ita A. Wag rell. <sup>2432</sup> Krakow 2, 2 (b), 3. <sup>2433</sup> Ungariorum 4, 4 (a). <sup>2434</sup> Tatri 2 (a) <sup>2435</sup> dilata 4 (a).

## NOTÆ.

(571) De geographica hac descriptione Pragensis C episcopatus vid. Dobner ad Hajec. IV, 217 — 229; Palacky 1, 227.

(572) Est saltus, qui vocatur Fichtelgebirge.

(573) Eger.

(574) Dobner in hoc nomine fines episcopatus Citicensis sibi deprehendisse videbatur. Kropf in commentatione supra laudata regionem Pilsenensem.

(575) Elbogensis circulus.

(576) Idem esse videbatur viris doctis, quod Luczane vel Luczko, cujus sæpius mentionem fecit Cosmas, i. e. Satecensis regis, quod ego in medio relinquo.

(577) Tetschenensis circulus; Dobner dubitavit, num præferat dux, quod veteribus erat Daxan, medio inter Satecium et Lutomerioium situm.

(578) Leitmeritz.

(579) Quid sit, incertum est: Dobner num jure Zittaviensem regionem hic repererit dubito.

(580) Num eadem regio de qua supra I, 15?

(581) Chrowatia.

(582) Silesia ad montem Zobten.

(583) Dobnero videbatur territorium Goerlicense.

In nomine Trebowane latere opinabatur Drenow de quo contin. Cosmæ ad 1131; quod num stare possit dubito. Kropfio est Triebel in Lusatia inferiori.

(584) Regio ad fluvium Bober.

(585) Inter Oderam et Boberam; cfr. Thietmar IV, 28.


(586) In Lusatia superiori; cfr. Thietmar. I, 9.

(587) Bug.

(588) Styr qui in fluvium Bipetz exundat.

(589) Apud Dlugossum sæpius occurrens; montes Karpathici, Tatra.

usque ad fluvium cui nomen est Wag, et ad mediam silvam cui nomen est Moure<sup>2438</sup> (590), et ejusdem<sup>2437</sup> montis, eadem parrochia tendit, qua Bavaria liminatur<sup>2438</sup>. Mediantibus itaque nobis et communi principium aspirante suffragio factum<sup>2439</sup> est ut dux Boemiæ Wratislaus (591) et frater ejus Chounradus supradicto Pragensi episcopo<sup>2440</sup>, fratri suo, parochiam judiciario ordine<sup>2441</sup> requisitam ex integro et<sup>2442</sup> reprofiterentur et redderent. Proinde nos rogatu ejusdem episcopi rationabiliter inducti, Pragensem episcopatum redintegrationem<sup>2443</sup> nostræ imperiali auctoritatis edicto<sup>2444</sup> illi et successoribus ejus confirmamus et stabilimus, inviolabiliter decernentes, ne ulla posthac cujuslibet conditionis persona vel ulla societas hominum, Pragensi ecclesiæ quicquam sui juris in prænotatis terminis alienare præsumat. Cujus redintegrationis et confirmationis<sup>2445</sup> auctoritas, ut omni ævo stabilis et inconvulsa permaneat hanc cartam inde conscribi, quam, sicut infra apparet, manu propria laborantes<sup>2446</sup> inpressione signi nostri fuscissimus insigniri<sup>2447</sup> Data<sup>2448</sup> 3. Kal. Maii anno ab<sup>2449</sup> incarnatione Domini<sup>2450</sup> 1086. indictione 9. <sup>2451</sup> anno autem<sup>2452</sup> domini Heinrici regni quidem 32, imperii<sup>2453</sup> vero 3.



Signum  
domini  
Heinrici  
<sup>2454</sup> tercii

Romanorum imperatoris  
augusti,  
<sup>2455</sup>

A quod ego vidi Ipsum cæsarem suis manibus annotantem in privilegio Pragensis episcopatus.

38. Similiter eodem anno Heinrico imperatore demandante et Maguntino archiepiscopo Wezzone<sup>2456</sup> interveniente, per legatos<sup>2457</sup> apostolici<sup>2458</sup>, qui eidem interfuerunt concilio, domnus Clemens<sup>2459</sup> papa secundum prædictos terminos suo privilegio corroborat<sup>2460</sup> Pragensem episcopatum, id efflagitante<sup>2461</sup> et suggerente Gebohardo episcopo persuum capellanum nomine<sup>2462</sup> Albinum, quem cum legatis apostolici ex Maguntia hac<sup>2463</sup> de eadem causa miserat Romam. Eodem anno 5 Idus Junii<sup>2464</sup> (592) obiit Otto dux Moraviæ frater Wratislai ducis Boemiæ<sup>2465</sup>. Interea Egilbertus<sup>2466</sup> Treverensis archiepiscopus<sup>2467</sup> jussis obtemperans imperatoris<sup>2468</sup> adveniens metropolim Pragam, 17 Kal. Julii inter sacra missarum sollempnia regalibus fascibus indutum unxit<sup>2469</sup> in<sup>2470</sup> regem Wratislaum, et inposuit diadema super caput tam ipsius quam ejus conjugis Zuatavæ<sup>2471</sup>, ciclade regia amictæ, clericis et universis satrapis ter<sup>2472</sup> acclamantibus: *Wratislao regi tam<sup>2473</sup> Boemico tam<sup>2474</sup> Polonico* (593), *magnifico et pacifico a Deo coronato, vita, salus<sup>2475</sup> et victoria<sup>2476</sup>*. Post hæc tertia die archipræsul secundum regiam magnificentiam immenso pondere auri et argenti ditatus<sup>2477</sup> et cæteris xeniis<sup>2478</sup> ac<sup>2479</sup> muneribus donatus, cum magno honore lætus<sup>2480</sup> ad propria remeant.

39. Anno dominicæ incarnationis 1087 rex Wratislaus collecto exercitu intrat Zribiam<sup>2481</sup> (594), quam olim imperator Henricus in perpetuum sibi habendam tradiderat, et dum<sup>2482</sup> quoddam castrum nomine Gvozdek<sup>2483</sup> (595) prope urbem Missen<sup>2484</sup> reædificavit<sup>2485</sup>, aliis insistentibus operi, mittit duas

#### VARIÆ LECTIONES.

<sup>2436</sup> Md're signo contractionis apposito super d. 2, ita ut Md're legi possit Mudre. More 2 (a). Mderre 2 (b). Mure 4, 4 (a). More 7. <sup>2437</sup> ejus A. More <sup>2438</sup> limitatur 2, 4. Hoc loco sequuntur in 5. Qualiter autem hæc parrochia dilatata fuerit et confirmata, qui vult melius scire, querat in privilegio ejusdem ecclesie. Reliqua desunt. <sup>2439</sup> per erasum lactum A, per factum 4, pactum 3, factum 4, 4 (a), 7. <sup>2440</sup> Gebohardo inserunt 4, 4 (a) <sup>2441</sup> Jure A. <sup>2442</sup> ita A. <sup>2443</sup> reintegrationem 2, 4. <sup>2444</sup> edicto 1. <sup>2445</sup> et conf. al. manu superscr. A. <sup>2446</sup> dest 1. roborantes 4 (a). <sup>2447</sup> insignari 4. <sup>2448</sup> datæ 2 (b) <sup>2449</sup> dest 4. <sup>2450</sup> dominicæ incarnationis 3, 4, 4 (a) <sup>2451</sup> VIII, 2, 7. <sup>2452</sup> dest 4, 4 (a). <sup>2453</sup> imperatorii 2. <sup>2454</sup> Heinrici 1. <sup>2455</sup> In monogrammaticis loco circulus flavo colore descriptus et vacuus. Cel-rum monogrammaticis lineæ alternatim nigro, flavo, rubra colore descriptæ sunt. A. <sup>2456</sup> Wezzone 1, 2. Wezzone 3. Wezzone 4. 4 (a). <sup>2457</sup> pro legatis A. <sup>2458</sup> ex Magonia addit 1. sed ræjunct. <sup>2459</sup> dest 2. <sup>2460</sup> corroborat 4, 4 (a). <sup>2461</sup> flagitante 2 (b). <sup>2462</sup> n. 7. <sup>2463</sup> ac 1. <sup>2464</sup> Julii 4, 4 (a) <sup>2465</sup> Boemorum 4, 4 (a). <sup>2466</sup> Eilbertus 1. <sup>2467</sup> episcopus 1, 7. <sup>2468</sup> imperatori corr. A. Henrici aud. 4, 4 (a) <sup>2469</sup> duxit A. <sup>2470</sup> dest A. <sup>2471</sup> Suatavæ 2. Zuatavæ 4, 4 (a). Zuatavæ 7. <sup>2472</sup> dest 7. <sup>2473</sup> quam pro tam 1, 2 (b), 3. omittunt 4, 4 (a). <sup>2474</sup> corr. A. <sup>2475</sup> laus pro salus omisso sequenti et 7. <sup>2476</sup> hic desinit 7. <sup>2477</sup> est al. man. superscr. A. <sup>2478</sup> xeniis ». <sup>2479</sup> ac desunt A. ac dest 1. <sup>2480</sup> dest 3. <sup>2481</sup> Zribiam 3. <sup>2482</sup> cum 1. Guozdec 2, 2 (b), 4, 4 (a), Guozdec 3. <sup>2484</sup> Missen 1. Missen 4. Missen 4 (a). <sup>2485</sup> redificat 1.

#### NOTE.

(590) Matra.  
(591) Difficultas, quæ inde nascitur quod Wratislaus paulo ante regis nomine salutatus hoc in diplomate dux nominatur, Dobnero V, 517 ita solvi posse videbatur, ut diceret hoc factum esse ob Clementis papæ reverentiam, qui nondum regalem Wratislai titulum agnoverat. Idem testatur diplomati fundationis Wissehradensis duplicem sigillum appensum esse, in quorum altero Wratislaus sex, in altero dux appellatur.

(592) Probat Necrologium Bohemicum.

(593) Ita nominatur quia pars Poloniæ Oderanæ i. e. Silesiæ in potestate erat Wratislai. In Wratislai

D præcepto de fundatione ecclesiæ Wissehradensis a 1088 apud Borzek I, 183 hæc leguntur verba: (Confirmatio) domini etiam Egilberti Treverensis archiepi: copi a quo simul et unctionem regulis consecrationis accepit.

(594) I. e. marchiam Misenensem quam Heinricus teste Lamberto a 1076 Ecberto marchioni ademerat et Wratislao ob spectatam fidem commiserat.

(595) Guoz Burzwardium in pago Niseni. Cfr. etiam commentationem Pelzelii inscriptam: Ueber die Herrschaft der Hohmen in Meissen in collectione Abhandlungen der Behmischen Gesellschaft der Wissenschaften 1787, p. 39

scaras ex electis militibus cum filio suo Bracizislavo ultum ire olim sibi illatae injuriæ <sup>2486</sup>. Nam quodam <sup>2487</sup> retro dierum tempore, dum redit imperatoris de curte, casu contigit in quadam villa nomine Kileb <sup>2488</sup> valide magna, eum pernoctare, ubi noctu orta seditione inter suos et cives, occisi sunt villanis duo fratres, primi inter primates, hujus patriæ inmanes columnæ, virtutum clari lumine <sup>2489</sup>, Nacarar <sup>2490</sup> et Bznata <sup>2491</sup>, filii Taz <sup>2492</sup> comitis. Mox secundum regis jussu qui missi fuerant festinantes die et noctu, tertia die <sup>2493</sup> summo diluculo invadunt cum magno impetu prædictam villam, et diripiunt omnia bona illorum, ipsos quoque et uxores eorum usque ad corrigiam <sup>2494</sup> calciamenti spoliant, et funditus ædificia subvertunt igne comburentes, atque equis et peccoribus simul abductis illæsi viam tenuerunt. Facta autem meridie, dum transirent quoddam flumen, filius herilis nactus æmœna loca fluminis, juseit cum præda scutarios <sup>2495</sup> præcedere, viros autem bello fortiores secum invitat ibi <sup>2496</sup> prandium sumere <sup>2497</sup>. Et quia magnus æstuserat, filius ducis nimio calore exæstuans, dum post prandium in aqua paulisper refrigeraretur natans, mittit <sup>2498</sup> ad eum Alexius comes ita mandans: *Non hic, ait, in Wlitava <sup>2499</sup> aul in <sup>2500</sup> Ogra tua natas. Tolle moras (596), fortium portas virorum gazas. Ad hæc juvenis: Naturale est, inquit, senibus ad auræ <sup>2501</sup> motum semper trepidare, et quamvis sibi jam imminenti, plus lumen quam juvenes, timere fata.* Quod cum relatum esset Alexio, *Deus, inquit, faciat, sed eventu prospero <sup>2502</sup>, ut talis assit nunc et inevitabilis fortunæ occasio, ubi juvenes videant utrum senes an ipsi magis fata timeant.* Dum hæc loquitur prædictus comes, ecce plus quam 20 apparent equites missi a Saxonibus, ut eos provocarent cimbello <sup>2503</sup>, sicut mustela hostem suum aspidem strangulare volens provocat umbra caudæ suæ de antro. Quos ut <sup>2504</sup> viderunt nostrates, inconsulti homines, plus audaces quam perspicaces, Alexio nimium refutante et prohibente eos ac revocante, ruunt in sua fata persequentes <sup>2505</sup> inimicos. Nam statim ferrea legio Saxonum <sup>2506</sup> prosilix ex insidiis, et nec unus, qui

A persecuti sunt hostes, evasit ex nostris. Cumque hi qui remanserant in castris, viderent in cœlum ascendere quasi per turbinem globum pulveris, et licet repentini et subitanei casus etiam fortissimos viros in bello conturbare <sup>2507</sup> soleant <sup>2508</sup>, tamen arma quam <sup>2509</sup> cicius arripiunt <sup>2510</sup>, hostes viriliter excipiunt, pugna <sup>2511</sup> summa vi conseritur, fragor armorum (597) et clamor virorum usque ad nubes exoritur (598), hastilia <sup>2512</sup> in primo <sup>2513</sup> congressu frankuntur, res gladii agitatur (599), donec Deo opem <sup>2514</sup> ferente Saxones versi sunt in fugam, nostrates habuere <sup>2515</sup> victoriam sed nimis cruentam. Quia vero secundi ordinis milites cum præda jam præcesserant <sup>2516</sup>, in hac pugna soli tantum nobiles interierunt, Alexius <sup>2517</sup>, Ratibor gener suus <sup>2518</sup>, Branis <sup>2519</sup> cum fratre Zlava et alii quam plurimi, Preda comes amisso pede vix mortem evasit. Filius vero ducis vulneratus est sub dextro pollice, et nisi capulus ensis, quem manu tenuit, ictui obstilisset, ex toto manum amisisset. Acta est autem hæc strages 6. Nonas Julii.

40. Anno dominicæ incarnationis 1088 <sup>2520</sup>.

Hisdem temporibus hæc acta quibus referuntur, Quidam miles erat qui Beneda nomen habebat. Magnanimus juvenis præstanti corpore talis, Hector erat <sup>2521</sup> qualis pulcher vel Turnus in armis, Ex Jurata <sup>2522</sup> natus, cui primus Taz <sup>2523</sup> fuit avus. Nescio quade re tunc offenso quoque rege Wratizlao,

fugiens in Poloniam factus est miles domnæ Judithæ, conjugis ducis Wladizlai (600) jamque duobus annis evolutis <sup>2524</sup> remeans <sup>2525</sup> de Polonia, adiit Wigbertum generum regis (601) rogans <sup>2526</sup>, ut per ejus suffragia pristinam domini sui <sup>2527</sup> possit redire in gratiam. Sed quia hic Wigbertus vir erat in rebus valde discretus, nolens <sup>2528</sup> ut in aliquo socerum suum offenderet, dat ei consilium, monens ut interim apud Missensem <sup>2529</sup> episcopum nomine Benno-nem (602) tucius <sup>2530</sup> maneret, et cum sibi similiter <sup>2531</sup> intercessorem pararet. Interea contigit ut iterum rex Wratizlaus Zribiam cum suo exercitu intraret <sup>2532</sup>, quo prædictum castrum Gvozdeo in

#### VARIE LECTIONES.

<sup>2486</sup> illatam injuriam 4, 4(a). <sup>2487</sup> quoddam 1. <sup>2488</sup> Kyleb 1, 2. <sup>2489</sup> nomine 3. <sup>2490</sup> Nacarar 2. Nacharat 4, 4(a) <sup>2491</sup> Wznata 2. <sup>2492</sup> laz 3. Taz 4, 4(a). <sup>2493</sup> ita corr. 1 luce rel. <sup>2494</sup> g. alia manu superscr. A. <sup>2495</sup> scrutarios 2. 2(a). r. eraso 2. (b) 3. <sup>2496</sup> ad A. <sup>2497</sup> deest A. <sup>2498</sup> misit 4 4(a). <sup>2499</sup> Wlytava 1. 2(b). Wltavia 2. Wltava 3, 4, 4(a). <sup>2500</sup> deest 3. 4. 4(a) <sup>2501</sup> adure 1. <sup>2502</sup> propicio vel prospero 1, 2. prospero A. 3, 4, 4(a) propicio 2(a), 2(b). in margine Alius prospero. <sup>2503</sup> ita A. cimbello 1. cum bello 2, 2(a), 2(b). cum dolo 3 cymbello 4, 4(a) <sup>2504</sup> expunct. et al. manu superscr. cum A. <sup>2505</sup> prosequentes 2. <sup>2506</sup> Saxonum 1. <sup>2507</sup> turbare A. <sup>2508</sup> solent 4, 4(a). <sup>2509</sup> quanto 2(b) <sup>2510</sup> corripunt A. 2, 2(b), 3. deinde correctum arripiunt. <sup>2511</sup> deest 4. <sup>2512</sup> astilia 1. <sup>2513</sup> immo 2(b). <sup>2514</sup> superscr. h. 1. ferentis deest in margine al. manu ante Boemis. <sup>2515</sup> hab. n. A. <sup>2516</sup> præcesserunt 3. <sup>2517</sup> comes inserunt 4. 4(a) <sup>2518</sup> gener suus deest A. <sup>2519</sup> Bravis 2(b). Bratus 3. <sup>2520</sup> anni numerus scc. A. 1. 4. eum capite 40. viatur conjungendus; hisdem A. 1, 4. Il majuscula scriptum. his 3. <sup>2521</sup> deest 3. <sup>2522</sup> Iurzata 2. <sup>2523</sup> laz 3. Taz 4. 4(a) <sup>2524</sup> evolutus corr. evolutus 1. <sup>2525</sup> remanens corr. alio atramento remeans A. <sup>2526</sup> omis-sum 3. <sup>2527</sup> Wratizlai add. 4, 4(a) <sup>2528</sup> nollens 1. <sup>2529</sup> Missensem 1, 2, 2(b), 3, 4, 4(a). <sup>2530</sup> tutus A. <sup>2531</sup> sim. sibi A. <sup>2532</sup> t. al. manu adscriptum. 1.

#### NOTÆ.

(596) Lucan., Phars. I, 281.

(597) Lucan., Phars. I, 569

(598) Virg., Æn. II, 313.

(599) Sallust., Catil. 60.

(600) Quæ obierat a. 1085. Vide supra II, 55,

(601) Cfr. supra II, 20. Quibus rebus motus in Bohemiam venerit Wigbertus marobio, narrat auctor Vita Wigerti c. 2, in Hofmanni script. rerum Lusaticarum.

(602) Sedi suæ restitutus anno 1088.

alium firmiorem locum transferret; et cognovit rex, A quod Beneda in urbe Missen<sup>2532</sup> esset, mittit pro eo, quo<sup>2534</sup> veniat ad eum sub fidei<sup>2535</sup> pacto. Quem statim venientem rex ut vidit, qualiter eum dolo caperet cogitare cepit. Ubi post multa verba promiscue dicta et quædam convenienter fiata, accepit eum fraudulenter rex manu dextra et ducit seorsum extra castra, quasi ibi secreta locuturus. Tunc videns<sup>2536</sup> capulum et caput<sup>2537</sup> ensis aureum, quo erat miles<sup>2538</sup> præcinctus, intra talia quærit ab eo, quanti<sup>2539</sup> valeat gladius suus. Et ille; *Molom*, inquit, *si ponas super galeam, utramque<sup>2540</sup> simul et caput atque corpus usque ad femur in uno ictu hoc ense dimidiabo*. Miratur rex dolo, et laudat ensem, atque rogat ut eum<sup>2541</sup> sibi ostendat. At ille nihil mali<sup>2542</sup> suspicans, dat regis in manum exemptum<sup>2543</sup> de vagina gladium; quem rex arripiens<sup>2544</sup> et manu vibrans: *Quid, inquit, ais<sup>2545</sup> nunc, o fili mulieris ultro<sup>2546</sup> virum appetentis?* Et astanti camerario, qui solus erat cum eo, homo pejor pessimo, Vito Seliboric<sup>2547</sup> ait: *Rape hunc, rape sublimem et liga quadrupedem*. Sed quia semper in audaces audacia non est tuta, audax miles<sup>2548</sup> mox arripiens de femore camerarii per capulum ensem, præcidit lumbos ejus per medium, qui calcitrans humum<sup>2549</sup> jacuit semivivus. Nec fugit miles acer, quamvis aufugere poterat, sed velut Hercules circa Lerneam ydram assiliens et resiliens<sup>2550</sup>

Ter vili regem<sup>2551</sup> paulisper vulnerat ense, Ipse tamen nullum dextra ducis excipit ictum, donec ad clamorem de castris ruunt.

Cucata sed primus præ cunctis advolat unus, et cau silvaticum porcum super se irruentem lato excipit venabulo<sup>2552</sup> militem. Tunc rex<sup>2553</sup> quasi in mortuo<sup>2554</sup> possit ulcisci, jussit eum<sup>2555</sup> equi ad caudam per pedes ligari, et sic huc et illuc per tribulos trahi.

41. Anno dominicæ incarnationis 1089. \*

\*) Erectio ecclesiæ Vissegradensis 2(a). 2(b).

Anno dominicæ incarnationis 1090. Antiquus ille chelidrus<sup>2556</sup> humani generis inimicus, qui nunquam

#### VARIE LECTIONES.

<sup>2553</sup> Misen 1. <sup>2554</sup> ut A. 4. quod 4. 4. (a) <sup>2555</sup> fideli 4(a). <sup>2556</sup> rex addit 4. <sup>2557</sup> et caput desunt A. <sup>2558</sup> Beneda add. 4. 4 (a). <sup>2559</sup> quanta 4. <sup>2560</sup> utrumque 3. <sup>2561</sup> eam corr. eum 1. <sup>2562</sup> omissum 4, 4 (a). <sup>2563</sup> corr. A. <sup>2564</sup> dat regis — arripiens omissa 4. 4 (a). *quæ tamen in margine 4 (a). supplere tentavit manus recentior (patris Georgii Feri S. I.) ex 3. D. <sup>2565</sup> agis 1. 4. corr. ais 2. <sup>2566</sup> ultra 4. 4 (a). <sup>2567</sup> Veeborio 3. <sup>2568</sup> Beneda addunt 4. 4 (a). <sup>2569</sup> h superscr. al. manu. 2. <sup>2570</sup> deest 2. <sup>2571</sup> Wratislaum add. 4. 4 (a). <sup>2572</sup> ven. exc. 1. <sup>2573</sup> Wratislaum addunt 2. 2 (b). 4. 4 (a). <sup>2574</sup> corr. 2. <sup>2575</sup> deest 1. <sup>2576</sup> chelidrus 2 (b) 3. <sup>2577</sup> deest 3. 4 (a). <sup>2578</sup> deest A. <sup>2579</sup> ita 1. 4(a). ambitione *rell.* <sup>2580</sup> o sibi 1. *Sequentia usque virili in teatu 1. alia videntur manu scripta.* <sup>2581</sup> par. hab. A. <sup>2582</sup> episcopatum 2, *et sic porro.* <sup>2583</sup> necessitate *corr. al. monu 1. <sup>2584</sup> deest 4. 4(a). <sup>2585</sup> deest 3. <sup>2586</sup> Weclonem 1. 2. Weclonem 4. 4(a). <sup>2587</sup> erasum A. <sup>2588</sup> pacto 3. qui 4. <sup>2589</sup> natabilem alia manu o superscr. 4. palam fecit notabile o. <sup>2590</sup> se addit 3. <sup>2591</sup> qui 4. 4 (a). <sup>2592</sup> corro. horaverat 3. <sup>2593</sup> apploret A. approbaret 2. <sup>2594</sup> Jarcmir 3. <sup>2595</sup> ita A. dampnum vel injuriam 1. 2. damnum 2(a). 4. In 2 (b). *supra damnum scriptum est injuriam.* <sup>2596</sup> pecuniam auxilium 1. 4. In 2(b). *supra auxilium scriptum pecuniam. pecuniam et aux. 4(a).* <sup>2597</sup> Zirigoniam 4. <sup>2598</sup> magnigio A. remigio navis 4. 4(a). <sup>2599</sup> eu 2. <sup>2600</sup> in rasura alia manu scriptum l. <sup>2601</sup> verbis 3. <sup>2602</sup> advesperante 2.**

#### NOTÆ.

(603) Hoc discidium jam anno 1088 factum esse probat privilegium Ecclesiæ Vissegradensis, quod confirmarunt Jaromir episcopus Pragensis et Vecelo episcopus Olomucensis. Quod inde potius factum est, quia Wratislaus rex Clementis papæ partibus *reluctis* ad Urbanum II transierat.

A dormitat, sed semper quietos inquietat,

Non tulit ulterius pacatos vivere fratres, regem<sup>2603</sup> scilicet Wratislaum et præulem<sup>2604</sup> Gebeardum. Hunc vexat vana gloria et ambitio<sup>2605</sup>, illum exagitat arrogantia et tumido fastu superbiæ, ita tamen ut nec ille buiccederet nec hic illum exsuperare quiret. Iste non vult fratrem sibi<sup>2606</sup> habere parem<sup>2607</sup>, ille non vult minor fratre haberi; iste vult præesse, ille non vult subesse; iste vult quasi rex dominari et præcellere, ille non vult jussis suis obtemperare, sed soli imperatori suum proficitur servitium, a quo acceperat episcopium<sup>2608</sup>. Qui in tantum virili animositate inter se aliquando dissidebant, ut sæpe festis diebus rex episcopum non haberet, qui sibi coronam imponeret. Hac necessitate<sup>2609</sup> simul<sup>2610</sup> et ambitione rex compulsus, non ratione sed sola dominatione iterum eubintronzat capellanium suum nomine<sup>2611</sup> Weclonem<sup>2612</sup> in territorio Moraviensi episcopum (603). Quo in<sup>2613</sup> facto<sup>2614</sup> palam se fecit notabilem<sup>2615</sup>, non solum<sup>2616</sup> sprevisse quod ipse coram imperatore et ejus episcopis collaudaverat, ut unus foret uterque episcopatus, verum etiam papæ Clementis violasse privilegium, quo<sup>2617</sup> ejusdem terminos episcopii roboraverat<sup>2618</sup>. Hanc ut apploret<sup>2619</sup> apostolico illatam ecclesiæ injusticiam, præsul Gebhardus<sup>2620</sup> iturus erat Romam, sed consilio cum suis familiaribus inite, prius adit antiquum amicum Wladizlaum regem Pannonicum, et patefaciens ei sum ecclesiæ injuriam<sup>2621</sup>, postulat ab eo ad Romanum iter<sup>2622</sup> auxilium,

Inscius heu fatum sibi jam superesse propinquum. C Nam prima die qua regem adiit, nimiam corporis incidit molestiam, et quia prope urbem erat Strigoniā<sup>2623</sup>, illuc mittit eum rex navigio<sup>2624</sup>, committens curam ejus illius urbis episcopo.

Pertulit heu<sup>2625</sup> iquales sex lucibus<sup>2626</sup> ipse dolores Impediō lacrymis nec possum promere dictia<sup>2627</sup>. Septima die jam advesperascente<sup>2628</sup>, Sol Julii senas qua tangit luce Kalendas (604). Gemma sacerdotum, cunctorum lux Boemorum, Dogmate præclarus, pius antistes Gebeardus Vivat ut in Christo mundo migravit ab isto (605).

(604) Consentit Necrologium Bohemicum, et in catalogo episcoporum Olomucensium legitur x Kal. Jul.

(605) Palacki Gebharpi mortem ad annum 1089 revocavit.



Moribus et vita de cujus dicere multa.

Fert animus mihi, sed desunt in <sup>2583</sup> pectore sensus.  
Pauca tamen fari libet hæc, quæ vidimus ipsi.

42. Tempore quadragesimalitatis mos erat suus, semper cilium habens subtus, desuper veste episcopali indutus, diebus pascit <sup>2584</sup> humanos obtutus, noctibus vero sacco vestitus, latenter ecclesiam ingressus et super pavementum et humi <sup>2585</sup> prostratus, tamdiu perseverat in precibus, quoad usque largo ymbre lacrimarum madida fuit <sup>2586</sup> cui incubuit <sup>2587</sup> humus. Inde consurgens ad agapen <sup>2588</sup> faciendam <sup>2589</sup> (606), et priusquam ruminet psalmos, quotquot ante ecclesiam invenit miseros, boni operis <sup>2590</sup> per copiam supplet <sup>2591</sup> eorum inopiam; finit psalterio idem facit. Post matutinas autem quadraginta panis quadrantes et totidem allecia, sive alicujus edulii partes dividit inter pauperes. Quarta autem vice jam adropinquante luce, ad numerum apostolorum lavans <sup>2592</sup> pedes 12 peregrinorum,

Dividit his formas bis senas denariorum.

Quibus ad horam <sup>2593</sup> prandii in abdita stuba vel casa positis habunde ipse necessaria apponit, et dextra sua cibum et potum eis benedicit, deinde ad publicam mensam <sup>2594</sup> vadit, et secum 40 <sup>2595</sup> egenos pavit. Similiter ad sedem suam Prægæ constituit cottidie 40 pauperes pascendos, et bis in anno vestiendos <sup>2596</sup> a corrigia calcei usque ad mastigam <sup>2597</sup> (607) pilei. Item nonnullus adventantes hospites et pauperes clericos nimis dationibus obligat, ut per totam quadragesimam secum manentes tam pro vivis quam pro defunctis psalteria legant <sup>2598</sup>. Ad singula quæque <sup>2599</sup> missarum sollempnia, quotquot in capella quaque die fuerint celebrata,

Trina dari <sup>2600</sup> fecit nummismata denariorum. Omnibus autem diebus dominicis 12 nummos, festis vero apostolicis et in aliis majoribus sollempnitatibus 200 offert <sup>2601</sup> super pixidem sanctarum reliquiarum argenteos. Quamque fuerit largus, si te delectat, o prudens scire lector <sup>2602</sup>, pelliciam <sup>2603</sup>

A episcopalem nunquam integrum per annum portabat, sed unam hiemalem <sup>2604</sup> in pascha, alteram æstivalem <sup>2605</sup> in festo sancti Wenczlai suis capellanis donat; sicut in cæteris donativis largum fuisse scias. Post cujus obitum anno dominicæ incarnationis 1091, 4 <sup>2606</sup> Nonas Marci Cosmas electus est in episcopum tam a rege Wratizlao quam <sup>2607</sup> omni clero ac populo Boemorum, tertio Heinrico imperante <sup>2608</sup> augusto, sed in Longobardia hisdem temporibus imperialia tractante negotia.

43. Eodem <sup>2609</sup> anno, 15 Kal. Maii, 4 feria in secunda ebdomada paschæ (608), combustum est monasterium sanctorum martirum Viti Wenczlai atque Adalberti <sup>2610</sup> in urbe Praga. Eodem anno <sup>2611</sup> rex Wratizlaus valde iratus est <sup>2612</sup> contra fratrem suum Chounradum, qui his, non in memor mutæ dilectionis, favebat parti <sup>2613</sup> filiorum fratris sui Ottonis, Zuatoplus <sup>2614</sup> videlicet <sup>2615</sup> et Otlik <sup>2616</sup> (609), quibus expulsis de paterna hæreditate, filio suo Bolezlao rex urbem Olomuc et alias civitates tradiderat, ubi non longo post tempore in prædicta urbe in matura præventus est morte 3 Idus Augusti (610). Et quoniam illi <sup>2617</sup> tres fratres, scilicet <sup>2618</sup> Jaromir, Otto et <sup>2619</sup> Chounradus, quamdiu fuerunt vitales, ita erant unanimes, ut per nulla posset eos <sup>2620</sup> rex divellere artes, — et sicut fertur leo pertimuisse tres juvencos inter se collatis cornibus stantes, ita nunquam ausus est rex invadere suos fratres <sup>2621</sup>, — postquam vero vidit solum Chounradum post obitum fratrum ex omni parte fraterno aminiculo privatum, ingressus est cum exercitu Moraviam, ut eum similiter expelleret de provincia, quæ sibi sorte ac <sup>2622</sup> funiculo hæreditatis et per concessionem jure acciderat <sup>2623</sup> paternam. Ventum erat ad urbem cui nomen Brnen <sup>2624</sup> (611), ubi rex circumstantibus <sup>2625</sup> terræ magnatibus <sup>2626</sup> disponens obsidionem per girum, dum designat loca ubi quisque comes tentoria figat, Sderad <sup>2627</sup> villicus, sicut erat homo versipellis, ex

#### VARIE LECTIONES.

<sup>2583</sup> deest 4. <sup>2584</sup> pascis 1. <sup>2585</sup> umi 1. <sup>2586</sup> madita corr. al. man. madida 1. <sup>2587</sup> incumbit A. <sup>2588</sup> ita corr. 1. agape faciendum A. <sup>2589</sup> vadit add. 4, 4 (a). <sup>2590</sup> op. boni A. <sup>2591</sup> supplex 2. <sup>2592</sup> lavat 4, 4 (a). <sup>2593</sup> oram 1. <sup>2594</sup> missam A. 4, 4 (a). <sup>2595</sup> XII. A. <sup>2596</sup> vestigandos g. eraso A. 4. <sup>2597</sup> mastigiam 2. 4, 4 (a). <sup>2598</sup> perlegant ps. A. 4, 4 (a). <sup>2599</sup> quoque 4, 4 (a). <sup>2600</sup> corr. al. atramento A. <sup>2601</sup> r. al. manu superscr. 4. <sup>2602</sup> lect. sc. A. <sup>2603</sup> pellicinam 1. <sup>2604</sup> genialem 1. <sup>2605</sup> festivalem 2. <sup>2606</sup> nonas omisso III. 4. <sup>2607</sup> a inserit 2. <sup>2608</sup> imperatore 4, 4 (a). <sup>2609</sup> Eodem — Praga in margine inferiore A. adscripta. <sup>2610</sup> monasterium hoc loco A. <sup>2611</sup> XV. Kal. Maii inserunt 4, 4 (a). <sup>2612</sup> deest A. <sup>2613</sup> pati 1. <sup>2614</sup> Zuatoplik A. Zvatoplic 1. Zuatoplik 2. <sup>2615</sup> deest 4. <sup>2616</sup> Otic 2. Otik 2. (b). Ortik 3. <sup>2617</sup> Hi 4, 4 (a). <sup>2618</sup> deest 4, 4 (a). <sup>2619</sup> omittunt A, 3, 4. <sup>2620</sup> rex eos possot. A. <sup>2621</sup> fr. suos A. <sup>2622</sup> aut A, al. man. superscr. ac. <sup>2623</sup> corr. 1. <sup>2624</sup> Brnen 1. Bruno 2. Brynen 2 (b). Bruen 3. Brneu 4, in ras. Brnen 4 (a). <sup>2625</sup> circumstantibus 3. <sup>2626</sup> primatibus 3. <sup>2627</sup> Zderad 1. 2 (b), 3, 4, 4 (a).

#### NOTÆ.

(606) I. e. ad elemosynam pauperibus præbendam.

(607) I. e. fibulam.

(608) Hæc signa chronologica minime inter se coherere observavit Palacky I, 321, ideoque delendum putavit numerum XV ante Kal. Mai. et S. Viti incendium ad annum præcedentem referendum esse, neque minus ea quæ sequuntur de Wratizlao bello Moravico. In Pragensibus annalibus S. Viti incendium anno 1091 adnotatur.

(609) Quibus addendus est tertius quidam filius

Bracizlaus, ut patet ex donatione quadam Euphemie matris, quam fecit Gradicensi et Raygradensi monasteriis pro anima Ottonis in die sepulture charissimi mariti. Notæ chronologicæ desunt. Boczeck I, 176.

(10) Bolezlau filium regis jam anno 1089 obiisse testis est Hildegardus Gradicensis apud Boczeck I, 185. Monachorum litteras consolatorias ad Wratizlao datas vide ibid., p. 185.

(611) Brūnu.



obliquo innuens regi oculis, juvenem Bracizlaum A inter satrapas coram patre suo stantem denotat carbone<sup>2628</sup> confusionis. *Quoniam quidem*<sup>2629</sup>, inquit tuus, o domine rex, natus libenter æstate ludit in flumine et natal, si placet tuæ majestati, juxta fluvium (612) hac ex parte urbis cum suis papiliones ponat. Hæc ideo dixit, quod<sup>2630</sup> olim<sup>2631</sup> in partibus Saxonie, dum meridie natet prædictus juvenis in flumine, hostes ex adverso irruunt et eos invadunt, ut supra retulimus (613). Hoc verbum nimis alte in corde juvenis<sup>2632</sup> sedit, et non minus doluit quam si toxicata sagitta cor ejus vulnerasset. Tristis abiit in<sup>2633</sup> castra, et<sup>2634</sup> non sumpsit cibum usque noctis<sup>2635</sup> ad astra. Nocte autem sub opaca, turma suorum advocata, pandit cordis sui vulnera, consulens qualiter in villico uloisci possit iniquo<sup>2636</sup>. Eadem etiam nocte clam mittit ad patruum suum Chounradum, dedecus sibi et<sup>2637</sup> a quo sit illatum exponens, quid opus sit facto, quærit ab eo consilium. At ille, *Si te*, inquit, *quis sis cognoscis, ignem me non minus quam te urentem extinguere*<sup>2638</sup> *noli timere; negligere laudabile non est.* Non enim latuerat Chounradum, quod rex hæc omnia ageret Zderad per consilium. Cumque nuncius dicta patrum Bracizlao retulisset, favent omnes et assentiunt, et quasi a Deo sibi datam laudant ducis sententiam, quoniam et ipsi identidem<sup>2639</sup> prius consuluerant. Quid multa? Tota nocte illa agitur quod mane peragitur.

44. Nam lucescente die Bracizlaus mittit ad prædictum villicum demandans ei, ut, ubi sibi<sup>2640</sup> placeret, secretum consilii<sup>2641</sup> simul ineant. Qui nichil mali suspiciens, accepto comite Drisimir<sup>2642</sup>, tantummodo soli<sup>2643</sup> duo procedunt. Quos ut<sup>2644</sup> vidit a longe juvenis, tantum a suis prosiliit<sup>2645</sup> obviam eis quantum jactus<sup>2647</sup> est lapidis; dederat enim suis militibus signum, ut quando suam cirotecam illius proiceret in sinum, facerent quod facere sponponderant<sup>2647</sup>. Ubi<sup>2648</sup> pauca exprobrans illi<sup>2649</sup> quibus sæpe offenderat eum: *Quam*, inquit, *pollicitus*

*sum en abrenuncio tibi fidem meam*, et avertens equum, projecit in faciem ejus cirotecam<sup>2650</sup>. Non aliter quam eum<sup>2651</sup> iratus leo erexit jubas (614) et submittens caudam, nodo, qui in in extremitate caudæ percuciens frontem suam, et stimulo, qui est sub cauda sua, pungens<sup>2652</sup> posteriora<sup>2653</sup>, fertur in omne quod obstat: ita prosiliunt ilico ex agmine ardentes et armati juvenes, Nozizlau<sup>2654</sup> et frater ejus Drisikray<sup>2655</sup>, filii Lubomir, et tercius Borsa, filius Olen, atque<sup>2656</sup> frustra fugientem<sup>2657</sup> Zderad ternis hastilibus alte in aera sustollunt et ut manipulum in terram deiciunt, et calcant equorum pedibus, et iterum atque iterum vulnerant et affigunt corpus humi<sup>2658</sup> telis. Tali morte suæ de

Summitate rotæ Fallax fortuna dejecit

amicum suum Zderard 5 Idus Julii. Comes autem Drisimir<sup>2659</sup> pallidus advolat in castra, et nunciat<sup>2660</sup> regi<sup>2661</sup>, quæ fuerant facta. Solus rex mœret et plorat, omnes juvenem<sup>2662</sup> laudant<sup>2663</sup>, quamvis<sup>2664</sup> aperte laudare<sup>2665</sup> non audeant. Bracizlaus autem non longe ultra unum monticulum separatim sua transfert<sup>2666</sup> castra, quem major pars exercitus et fortior<sup>2667</sup> bello<sup>2668</sup> est secuta.

45. Interea conjunx Chonradi nomine Wirpirk<sup>2669</sup> (615), una mulierum de numero prudentum, in scio marito suo venit in castra regis. Quæ cum nunciata esset regi, convocat<sup>2670</sup> rex proceres in cœtum, et Jussa venire stetit<sup>2671</sup> coram rege, large perlusa<sup>2672</sup> faciem<sup>2673</sup> lacrimis (616), et singultibus verba interrumpentibus tandem eluctata in vocem sic est locuta<sup>2674</sup>:

*Haud*<sup>2675</sup> *ego jam digna dici tua, rex pie*<sup>2676</sup>, *nurus Supplex ad genua nunc non*<sup>2677</sup> *temere tua veni.*

Et cecidit in faciem et adoravit regem.

Quæ jussa surgere stetit et ait: *Nullam*<sup>2678</sup>, *domine mi rex, his in partibus belli invenis materiam. nullam de prælio hinc*<sup>2679</sup> *reportas victoriam, bellum plus quam civile geris* (617). *At si nos et*<sup>2680</sup> *nostra bcna luis militibus prædam esse decernis, in te tua vertis telu, cum fratrem tuum, cui debeas*<sup>2681</sup> *esse tutela,*

#### VARIE LECTIONES.

<sup>2628</sup> elogio A. 2, 2 (b). 3. elogio vel carbone 1. elogio carbone 4, 4 (a). <sup>2629</sup> quandoquidem 4 (a). <sup>2630</sup> quia 4, 4 (a). <sup>2631</sup> corr. al. atramento 1. <sup>2632</sup> juvenis 1. <sup>2633</sup> ad 4, 4 (a). <sup>2634</sup> deest A. <sup>2635</sup> deest 4 (a). <sup>2636</sup> in aliquo 4, 4 (a) <sup>2637</sup> et — sit desunt A. <sup>2638</sup> extingue 4, (a). <sup>2639</sup> identidem 2, 2 (b). <sup>2640</sup> deest A. corr. 1. <sup>2641</sup> consilium 3. <sup>2642</sup> Drisimir 1, Drisimir 3, Disimir 4, 4 (a). <sup>2643</sup> illi 4, 4 (a). <sup>2644</sup> al manu superscr. A. <sup>2645</sup> prosiliit A. <sup>2646</sup> ictus A. <sup>2647</sup> a verbis: a suis prosiliit paulo aliter 4, 4 (a): a suis militibus secersit, ut signum possent cognoscere, quod facere se sponponderat. <sup>2648</sup> Un A. in rasura alio atramento. <sup>2649</sup> ei A. <sup>2650</sup> cyrotecam 1, 4, cyrotecam 2, 4 (a). <sup>2651</sup> deest A, erexerit 4. <sup>2652</sup> pugnens 1. <sup>2653</sup> pectora A. sua add. 4, 4 (a). <sup>2654</sup> Nozizlaw 2. 4 (a). <sup>2655</sup> Dyrzimir 2, Drisimir 2 (b), Drisimir 3, Disimir 4, Drzimir 4 (a) <sup>2656</sup> nunciant 1, n expuncto. <sup>2657</sup> deest A. <sup>2658</sup> Bracizlaus addunt 4, 4 (a), <sup>2659</sup> et glorificant inserunt 4, 4 (a). <sup>2660</sup> vis al. manu superscr. A. <sup>2661</sup> laudant 4. <sup>2662</sup> transferet 4. <sup>2663</sup> ferocior 2 (b). <sup>2664</sup> deest 3. <sup>2665</sup> Wirpirk 3. <sup>2666</sup> convocat — rege desunt 1. <sup>2667</sup> et jussit eam venire. Stetitque 4, 4 (a). <sup>2668</sup> profusa 3. <sup>2669</sup> facie A. 4, 4 (a). <sup>2670</sup> dicens addunt 4, 4 (a). <sup>2671</sup> aut corr. al. atram. haud A. <sup>2672</sup> pie omisum 4. <sup>2673</sup> nee non 2 (b). <sup>2674</sup> nulla 4. <sup>2675</sup> hic. 1. <sup>2676</sup> nos et desunt 1. <sup>2677</sup> debebas 3.

#### NOTÆ.

(612) Switawa.

(613) II, 39.

(614) *Mox ubi se saxæ stimulavit verbere caudæ Erexitque jubum* (leo).

(Lucan., Phars I, 208.)

(615) Nomen ei erat Hilburg, ut patet ex diplomate Conradi ducis, Boczek I, 188.

(616) Virg., Æn. XII, 64, 65.

(617) Lucan., Phars. 4, 1.

spoliarum rapina cruenta. In Deum vadit, qui suos invadit. Nam quæcumque hic longe in tuis finibus spolia quæris habenda, ostendam tibi potiora in medio tui regni posita. Nusquam enim melius <sup>2682</sup> ditaberis <sup>2683</sup>, nec amplius magnificaberis <sup>2684</sup>, quam in suburbio Pragensi et vico Wissegradensi <sup>2685</sup>. Ibi <sup>2686</sup> Judei auro et argento plenissimi, ibi <sup>2687</sup> ex omni gente negociatores ditissimi, ibi monetarii opulentissimi, ibi forum, in quo præda habundans superhabundat tuis militibus. Aut si te delectat, qualiter Troja arserit (618) videre, nusquam magis Vulcanum videbis furentem (619), quam cum <sup>2688</sup> utramque urbem prædictam videas ardentem. Atqui: « Illa mea sunt, » dicas. Ista autem quæ hostiliter devastas, cujus esse pulvis? Nonne nos et nostra tua sunt? Sin autem solummodo tua fulmina acuis in jugulum tui fratris, ab ut alter <sup>2689</sup> Kuin <sup>2690</sup> habeatis. Salva tui <sup>2691</sup> gratia fratri tuo patet Grecia, patet Dalmatia, ipse mavult peregrinari quam te fratricidio criminari. Quin potius accipe quæ tibi mittit, jam non frater, sed quasi tuus <sup>2692</sup> servus; et protulit de sinu forcipes <sup>2693</sup> et fascem ex virgultis. Et si qui <sup>2694</sup> inquit <sup>2695</sup>, frater in fratrem peccavit, emenda; terram autem <sup>2696</sup> quæ tua est, cui mavis commenda. Dixerat, et ita cor regis teligit et movit corda principum, ut nullus se continere posset <sup>2697</sup> a lacrimis. Quam rex <sup>2698</sup> ad latus suum jubet ut sedeat, sed priusquam sederet: Quandoquidem, inquit, inveni gratiam in oculis tuis, adhuc unam petitionem posco, ne confundas faciem meam quæso. Pro magno peccato filii paululum supplicii satis est patri. Tunc rex: Scio, ait, quo pergis. Sed perge potius, et adhuc ocium fratrem meum et filium <sup>2699</sup> ad me <sup>2700</sup> in osculo sancto et in <sup>2701</sup> vinculo pacis. Et osculatus est eam. Timuerat enim rex valde <sup>2702</sup> ne frater suus et filius conspirarent contra eum. Qui eum venissent <sup>2703</sup> per conductum dominæ Wirpirk <sup>2704</sup> ad regem, dans eis pacis osculum, rex ait ad filium suum: *Fili mi, si bene egisti, nulli melius quam tibi erit: sin autem male, peccatum tuum in foribus aderit* <sup>2705</sup>.

46. Post hæc Bracizlaus intelligens, suum patrem non ex corde sed pro necessitate fecisse pacem, cum omnibus qui suam transierunt in aciem, recessit in

partes urbis <sup>2706</sup> Gradec (620), et ibi morabatur frustra expectans incertam fortunæ vicissitudinem. Quotquot enim secuti eum fuerant, nullus ausus est proprios revisere <sup>2707</sup> lares, quia regem, quem offenderant, valde metuebant, ne captos aut <sup>2708</sup> in vincula mitteret aut capitali sententia dampnaret. Videns autem rex, quod non posset, uti volebat, iram suam ulcisci in filio nec in ejus sequacibus <sup>2709</sup>, advocat fratrem suum Chounradum, et congregat terræ majores <sup>2710</sup> natu, atque corroborat omnium sacramento comitum <sup>2711</sup>, quod <sup>2712</sup> post suum obitum <sup>2713</sup> frater ejus Chounradus obtineat solum ac Boemiæ ducatum. Tunc rex roboratus fratris sui <sup>2714</sup> consilio simul et auxilio, cepit aperte machinari, qualiter ulciscatur in filio. Nec <sup>2715</sup> hoc <sup>2716</sup> latuit Bracizlaus filium ejus <sup>2717</sup>, et sine mora congregati sunt ad eum plusquam tria milia fortium virorum, et accelerantes metati sunt castra circa Rokitnicam <sup>2718</sup> rivulum (621), in crastinum parati contra regem committere prælium. Præmiserat enim ad patrem suum nuntium dicens: *En ego, en assum longe quem quæsiturus <sup>2719</sup> eras, quod facturus es posthac, hodie fac.* Nec <sup>2720</sup> prætereundum est sub silentio, quod ejusdem noctis in conticinio <sup>2721</sup> divina operari dignata est revelatio. Nam si acta hominum nostræ scientiæ pro modulo pandimus, indignum est, ut ea quæ ipsi <sup>2722</sup> vidimus magnalia Dei taceamus.

47. Igitur nocte præfata dum inter principes ea quæ prædiximus geruntur, nostri patroni, videlicet sanctus Wencezlaus et sanctus Adalbertus, visitant in carcere positos, et eos nimia afflictione contritos sua sanctissima dignatione taliter liberant. Postibus imprimis anterioribus simul cum janua erutis, mox ipsius carceris velut ferream posterulam <sup>2723</sup> cum suis vectibus frangunt, nec non et oippum, in quo dampnatorum pedes crudeliter constringuntur, fractum foris secus prociunt <sup>2724</sup>, statimque auribus dampnatorum vox pia insonuit dicens: *Hactenus vobis et huic patriæ nostræ suffragia defuere, quia gratia Dei indigni <sup>2725</sup> exististis <sup>2726</sup>, ex quo bellum hoc plus quam civile inter Boemiam et Moraviam principes isti habuere. Sed quoniam <sup>2727</sup> gratia Dei et misericordia et respectus est in sanctos Dei <sup>2728</sup> et*

#### VARIE LECTIONES.

<sup>2682</sup> deest 1. <sup>2683</sup> ditaberis corr. ditaberis 4. <sup>2684</sup> nec amp. magnif. 4, desunt 4 (a). <sup>2685</sup> Wissegradensi 2. <sup>2686</sup> corr. A. al. manu. <sup>2687</sup> deest 4 (a). <sup>2688</sup> deest 3. <sup>2689</sup> Cain 1. <sup>2690</sup> tua 4. 4 (a). <sup>2691</sup> omitunt 4. 4 (a). <sup>2692</sup> forcipes A. <sup>2693</sup> exiquid superscripto e. 1. <sup>2694</sup> omittit 4 (a). <sup>2695</sup> tuam adlit 1. <sup>2696</sup> se al. man. superscr. hoc loco A. <sup>2697</sup> Wp addit 4. <sup>2698</sup> et filium desunt 4 (a), et filium meum 4. <sup>2699</sup> ad me desunt 1, 3. <sup>2700</sup> omittit 4. <sup>2701</sup> ulde 1. <sup>2702</sup> convenissent corr. al. manu cum ven. 1. <sup>2703</sup> per — Wirpirk desunt A. Wirpyrk 1, Wirbik 3. <sup>2704</sup> sin autem — — aderit desunt 4, 4 (a). <sup>2705</sup> omittit 2. <sup>2706</sup> visitare A. <sup>2707</sup> atque 2, deest 3. <sup>2708</sup> sequatibus A. <sup>2709</sup> majores terræ A. <sup>2710</sup> communi 2 (b), fidem 4, 4 (a). <sup>2711</sup> quo 4, 4 (a). <sup>2712</sup> ob, suum A. <sup>2713</sup> deest A. <sup>2714</sup> hec A. <sup>2715</sup> deest A. <sup>2716</sup> regis 4. <sup>2717</sup> Rokyticzam 2, Rokitineam 3. <sup>2718</sup> quæ in margine A. <sup>2719</sup> deest 4 (a). <sup>2720</sup> concilio 1. <sup>2721</sup> ibi A. <sup>2722</sup> portulam A. <sup>2723</sup> proterunt 4 (a). <sup>2724</sup> al. man. superscr. A. <sup>2725</sup> existitis 2 (b). <sup>2726</sup> deest A, 3, 4, 4 (a).

#### NOTÆ.

(618) Vir., Æn. II. 581.  
(619) Ibid., V, 662.

(620) Königgrätz.  
(621) Haud procul a Praga urbe.

*electos illius, nosque eodirigimur quo ipsa respexerit, pro certo nusquam nostri præsencia suffragando adesse poterit, ubi illa prius miserando non affuerit*<sup>2733</sup>, *Quare jam certi de misericordia Dei exurgite*<sup>2739</sup>, *ad ecclesiam Dei*<sup>2730</sup> *properate, nosque nominatim sanctum Wencezlaum et sanctum Adalbertum vos absolvisse et pacem aportasse omnibus nunciate.* Qui mox quasi de gravi somno excitati et<sup>2731</sup> a<sup>2732</sup> vinculis absoluti, adhuc custodibus dormitantibus<sup>2733</sup> liberi exeunt jussaque perficiunt. Hac etiam ipsa die aliud item miraculum enituit, quia<sup>2734</sup>, ut supra sanctorum martirum revelatio retulit, Chounradus frater regis pacem inter ipsum regem et filium ejus composuit. Nam antea in tantum discordabant<sup>2735</sup>, ut uterque ab utrimque<sup>2736</sup> suspecti, iste ne scolio privaretur, ille ne a patre caperetur, valde invicem timerent. Sed illum par ætas juvenum et major pars procerum, manu quidem promptiores et bello foriores comitabantur<sup>2737</sup>, istum vero episcopus Cosmas et præpositi ecclesiarum omnesque terræ magnates ætateque<sup>2738</sup> provectiores et consilio utiliores cum omni milicia plebis favebant<sup>2739</sup> et nimio affectu venerabantur. Et profecto illa tempestate post conditam urbem Pragam pessimum facinus patratum fuisset, si non<sup>2740</sup> ad votum omnem principum et populi motum<sup>2741</sup> sancta dignatio beatissimi Wencezlay et magna miseratio omnipotens Dei composuisset.

58. Quod videntes qui in castris remanserant<sup>2742</sup> comites, mittunt ad Bracizlaum dicentes: *Si tu credulus patri tuo pristinam cum eo redis in gratiam, nos nequaquam credimus ei, quia callidam ejus sat*<sup>2743</sup> *novimus astuciam. Plus enim ejus amicitias timeamus quam inimicitias. Nam veluti ursus nec minimum*<sup>2744</sup> *ictum patitur inultum, ita ille nunquam cessabit a vindicta, donec omnia quibus eum offendimus, usque ad unum iotha non dimittet inulta. Qua de re*<sup>2745</sup> *aut nos quovis terrarum abire dimittas*<sup>2746</sup> *cum tui gratia, aut nobiscum ubicunque terrarum alciora quæras palacia. Nulli enim magis*<sup>2747</sup> *quam tibi nostro parati sumus servire domino. Videns autem Bracizlaus, quia sicut miles sine armis suo*

A officio caret, sic dux sine militibus nec nomen ducis habet, mavult cum eis extraneum quærere panem, quam solus sine milite<sup>2748</sup> cum patre domesticam habere pacem. Nec mora, congregatis omnibus tam peccoribus quam mancipiis, plus quam duo milia militum cum Bracizlao duce proficiuntur ad regem Pannonicum<sup>2749</sup>. Quem rex Wladizlaus<sup>2750</sup> recognoscens cognatum sibi<sup>2751</sup> benigne susceperit, et concessit militibus ejus inhabitare locum qui dicitur Banoy<sup>2752</sup> juxta castrum nomine Trencin<sup>2753</sup> (622); locus in mediis silvis atque in montibus est situs<sup>2754</sup>, et nimium<sup>2755</sup> aptus atque opimus<sup>2756</sup> venationibus. Victualia<sup>2757</sup> autem et cætera naturæ adminicula per præceptum regis (Æ23) ab adjacentibus subministrabantur eis regionibus, ipsum autem B Bracizlaum cum paucis secum rex habuit in deliciis aulae regalis<sup>2758</sup>.

49. Anno eodem rege Wratizlao disponente Cosmas electus<sup>2759</sup> ad Pragensem ecclesiam et Andreas similiter ad Olomucensem sedem (624) per conductum palatini comitis Rapothæ (625) veniunt Mantuam (626), et præsentantur imperatori tercio Heinrico augusto, inchoante anno dominicæ incarnationis 1092 in Kal.<sup>2760</sup> Januarii. Secunda<sup>2761</sup> aulem Nonas ejusdem mensis, mediante prædicto comite Rapotha, sedens in palatio Mantuano, episcoporum atque comitum ordine non modico ex utroque latere collocato<sup>2762</sup>, et electis jam prædictis episcopis positis in medio, diu tacita pulcher cæsar pulchra labia aperit<sup>2763</sup> dicens: *Hos fratres ad nos misit noster fidelis amicus Wratizlaus rex Boemicus, ut secundum canonicam et apostolicam institutionem nostra auctoritate eorum*<sup>2764</sup> *confirmemus electionem, quam sine vestro consensu nolumus*<sup>2765</sup> *jacere diffinitionem. Tunc præsul Monasteriensis (627), qui eodem temporibus venerat de Hierosolimis, surgit et apodiense mense, in qua baculi, anuli episcopales atque reliquiæ sanctorum erant positæ, ait: Periculosum est valde a paucis destrui, quod multorum sanctione confirmatum est. Multi enim interfuimus episcopi, multi et principes imperii Romani atque apostolicæ sedis interfuere legati, quando vestro privilegio con-*

#### VARIAE LECTIONES.

<sup>2733</sup> *Desiderantur in extrema libri secundi et initium libri tertii usque ad verba quorum succenderat animum etc.; unus, ni fallor, quaternio excidit et 4 folia, jam sæculo XVII, ut videtur, amissa; adscriptum enim in margine sec. illius manus: hic multa desunt.*<sup>2739</sup> *et addunt 4, 4 (a).*<sup>2730</sup> *ita A, deest rell.*<sup>2731</sup> *ita corr. A, etiam a 2, 2 (b), 4.*<sup>2732</sup> *auctoribus 3.*<sup>2733</sup> *dormientibus 3, 4, 4 (a).*<sup>2734</sup> *quod 2.*<sup>2735</sup> *discordabantur 3, 4 (a), corr. 4.*<sup>2736</sup> *utroque 3.*<sup>2737</sup> *deest 4.*<sup>2738</sup> *ætate 2, 2 (b), 4.*<sup>2739</sup> *faciebant 3.*<sup>2740</sup> *regis addunt 2 (b), 3, 4.*<sup>2741</sup> *volum 2.*<sup>2742</sup> *deest 2.*<sup>2743</sup> *satis 2, 2 (b), 4 4 (a).*<sup>2744</sup> *nimum A. expunctum al. manu superscr. minimum.*<sup>2745</sup> *qua de re desunt A.*<sup>2746</sup> *omissum 2.*<sup>2747</sup> *deest A.*<sup>2748</sup> *militibus 3.*<sup>2749</sup> *Wladizlaus inserunt 4, 4 (a).*<sup>2750</sup> *Wratizlaus 3.*<sup>2751</sup> *suum 2, 2 (b), 4.*<sup>2752</sup> *Banow 2, Banow 2 (b), Banow 3, Banov 4, 4 (a).*<sup>2753</sup> *Trencin 2, Orenem 3.*<sup>2754</sup> *consitus 3.*<sup>2755</sup> *at nimirum 3.*<sup>2756</sup> *locus in insidiis silvarum (et 4 (a), in montibus est situs et nimium aptus atque optimus 4, 4 (a).*<sup>2757</sup> *actualia ministrabantur eis regionibus ipsum, etc., 4.*<sup>2758</sup> *deest 4 (a).*<sup>2759</sup> *est inserunt 3, 4, 4 (a).*<sup>2760</sup> *tertia Kal. 2 (b), III Kal. pro in Kal. 3.*<sup>2761</sup> *pridie 4.*<sup>2762</sup> *collato 4 4 (a).*<sup>2763</sup> *aperit lab. A, aperuit labra 3, aperuit 4.*<sup>2764</sup> *deest 2 4 (a).*<sup>2765</sup> *nolumus 2 (b) 3.*

#### NOTÆ.

(622) Trencin.

(623) Ladišlai.

(624) Wecelonis ultra nulla sit mentio apud scriptores.

(625) Cfr. Ekehardi et Bernoldi Chronicon 1099.

(626) Vide Heinrici IV diploma apud Boehmer 1944.

(627) Erpo.

*firmatis, ut uterque episcopatus, Pragensis simul et A Moraviensis, sicut fuit ab initio, ita unus et integer permaneat.* Ad hæc cæsar ait: *Sine modo, ut quod me<sup>2766</sup> meus rogavit<sup>2767</sup> amicus faciam: de his autem postea suo tempore in suo<sup>2768</sup> discutiam.* Et statim desponsat eos anulis ad singulas ecclesias, dans eis pastorales virgas. His ita peractis, jussi sunt ambo episcopi redire Weronam (628) et ibi expectare, donec patris<sup>2769</sup> regalibus negociis palatinus comes Rapotha iterum reduceret eos secum<sup>2770</sup> ad patriam.

50. Interea sinister rumor nostras diverberat aures, regem Wratizlaum 19<sup>2771</sup> Kal. Februarii (629) migrasse ad Christum (630), et ejus fratrem Chounradum successisse in principatum. Qui statim cursorem mittit ad imperatorem, et promittens ei pecuniam rogat cassari<sup>2772</sup> episcoporum electionem, quorum supra fecimus mentionem. Sed cæsar magis consulens justiciæ quam iniquitatis consentiens pecuniæ: *Quod feci, inquit, feci, nec possum meum mutare factum.* Tristis abiit legatus nomine Woclin<sup>2773</sup>, quia non obtinuit quod petiit ex parte ducis. Episcopi vero secundum jussa cæsar morati sunt Veronæ usque ad incitium quadragesimæ (Febr. 7), expectantes reditum et conductum prædicti comitis Rapothæ<sup>2774</sup>. Post hæc advenientes Pragam in ipsa die palmarum (Mart. 21), suscepti sunt<sup>2775</sup> a clero et populo honorifice, et adeunt ducem Chounradum in urbe Bolezlaui<sup>2776</sup> tertia feria ejusdem ebdomadæ. Quos dux<sup>2777</sup> jam mutato animo benigne suscepit, et celebravit cum eis pascha (631) in urbe Vissegrad. Et in ipsa paschæ ebdomada circa Kalend. Aprilis descendit maxima nix, et tantum inhorruit frigus mixtum cum glacie, et quantum raro in media contigit<sup>2778</sup> hieme. Gesta autem hujus<sup>2779</sup> ducis<sup>2780</sup> non habemus plurima ad scribendum<sup>2781</sup>, quia post 7 menses et dies 17<sup>2782</sup> eodem anno quo suscepit ducatum 8 Idus Septembris cum vita amisit (632). Cui successit junior (633) Bracizlaus<sup>2783</sup>, quem advenientem in urbem Pragam lætis choreis<sup>2784</sup> per

diversa compita dispositis tam puellarum jam juvenum modulantium<sup>2785</sup> tibiis et timpanis, et per ecclesias pulsantibus campanis, plebs lætabunda suscepit<sup>2786</sup>. Ipse autem Cosmas episcopus<sup>2787</sup> cum clero et magnifica processione suscipiens eum in porta civitatis ante templum sanctæ Mariæ (634), deducit<sup>2788</sup> ad solium, et secundum ritum hujus terræ ab universis comitibus et satrapis est intronizatus dux junior Bracizlaus 18 Kal. Octobris.

51. Eodem anno facta est eclipsis solis 12 Kal. Octobris, 6 feria post meridiem (635). Ejus in Kal. Octobris quidam pseudoepiscopus nomine Routpertus<sup>2790</sup>, veniens in hanc terram referebat se in Vasconia provincia Kavellonam (636)<sup>2791</sup> multis annis rexisse ecclesiam; et quoniam recognovit eum<sup>2792</sup> frater noster Ozel<sup>2793</sup>, qui et Asinus, et eum olim episcopizasse perhibuit<sup>2794</sup>, quando de Ungaria secum iter ageret<sup>2795</sup> Hierosolimam, dux Bracizlaus et Cosmas electus gratanter eum recipiunt, et divinum officium sive cursum episcopali-ter agere permittunt. Quid multa? Multas ecclesias consecrat, multos mense Marcio clericos ordinat (637), et in cæna Domini sacrosanctum<sup>2796</sup> crisma exorcizat<sup>2797</sup>. Ad quem quidam in pascha venit clericus, nimirum sui erroris conicius, et nescio quid sibi clam innotuit. Mira res, nec dux, nec electus impetrare potuit, ut saltem parvo tempore ibi staret, quin in ipsa ebdomada paschæ cum festinatione<sup>2798</sup> tenuisset viam versus Saxoniam. Postea vero cum innotuisset quod pseudoepiscopus fuisset, mittunt<sup>2799</sup> unum ex Latinis nomine Constantium<sup>2800</sup> in Vasconiam, per quem Kawallonæ ecclesiæ nomine Desiderius præsul demandat litteris, quod illa ecclesia nunquam habuisset episcopum nomine Routpertum. Miserunt etiam ad papam nomine<sup>2801</sup> Clementem, ejus consulentes auctoritatem.

Quid sit opus facto<sup>2802</sup> rerum in discrimine tanto? Quibus ille remandans jussit ecclesias ex integro reconsecrare, baptizatos crismate pseudoepiscopi non

#### VARIE LECTIONES.

<sup>2766</sup> deest 4. <sup>2767</sup> rogat 2, 3, 4, 4 (a), nimis rogat amicus 2 (b). <sup>2768</sup> post suo tempore disc. A, A\*, postea f. in s. rell. <sup>2769</sup> peractis 4 (a). <sup>2770</sup> deest A. <sup>2771</sup> XVIII, 2, <sup>2772</sup> cessari corr. al. manu cessari A. <sup>2773</sup> al. manu superscr. A. Wiclin 2. Wiczlin 4, 4 (a). <sup>2774</sup> deest A. <sup>2775</sup> deest 3. <sup>2776</sup> Bolezlai 3. <sup>2777</sup> Cunradus inserit 4, Chunradus 4 (a). <sup>2778</sup> cont. i. m. A, contingit 2 (b). <sup>2779</sup> deest A, 3. <sup>2780</sup> Conradi add. 2 (b), Conradi add. 4, 4 (a). <sup>2781</sup> ad scr. p. A. <sup>2782</sup> XVI, 4, 4 (a). <sup>2783</sup> successit al. manu superscr. hoc loco A, Bracizlaus 3. <sup>2784</sup> choris 3. <sup>2785</sup> in addunt 2, 4, 4 (a). <sup>2786</sup> suscipit 2. <sup>2787</sup> electus, 2 omissum 2 (b). <sup>2788</sup> deduxit 2 (b), ducit 4. <sup>2789</sup> ejusdem anni in Kal. 4, 4 (a), ejus tertius Calend. 2 (b), 3. *Sed in illo deletio tertius supra adscriptum in.* <sup>2790</sup> R'pertus, signo contractionis super d'apposito, 2. Rupertus 2 (b), Routpertus 3, 4, 4 (a), et deinceps. <sup>2791</sup> Kawalone 2 (a), Kavellonam 3. <sup>2792</sup> al. manu superscr. A. <sup>2793</sup> Ossel 2, Ozzel, 3, 4, 4 (a). <sup>2794</sup> prohibuit 3. <sup>2795</sup> perageret 2 (b). <sup>2796</sup> sacrosacrum 2 (b). <sup>2797</sup> conficit et exoro. 4, 4 (a). <sup>2798</sup> festivitate corr. alia manu festinatione A. <sup>2799</sup> mittit 4, 4 (a), <sup>2800</sup> Constantinum 4, 4 (a). <sup>2801</sup> ita A. <sup>2802</sup> deest in rell. <sup>2803</sup> factu 2 (b), 3.

#### NOTÆ.

(628) De hoc conventu vide Annales Augustanos 1091.

(629) Consentiant Necrologium Bohemicum et Kalendarium Pegaviense.

(630) Eum in venatione ex equo lapsam esse, testantur monachus Pegaviensis et Annales Hildesheimenses.

(631) Incidit in diem 28 mensis Martii.

(632) Probat Necrologium Bohemicum.

(633) I. e. secundus.

(634) Est ecclesia in Teyn.

(635) Errat; eclipsis facta est die 23 Sept. 1093, teste Bernoldo.

(636) Cavillon in Provincia situm.

(637) Quod factum est ut e superioribus patet anno 1093.

rebaptizari <sup>2803</sup>, sed tantum confirmare, similiter ordinatos non reordinari, sed solummodo inter ordinandos stare ad ordinationem <sup>2804</sup>, et per solam manus impositionem recipere benedictionem. Sicque inflicta ab hoste vulnera matri ecclesie curata sunt antidoto justicie, statum fidei catholice regente <sup>2805</sup> papa tercio Clemente, Jesu Christo domino nostro cum Patre e Spiritu sancto regnante per <sup>2806</sup> omnia <sup>2807</sup> secula seculorum. Amen <sup>2808</sup>.

Siste gradum, Musa, chronicis es jam satis usa. Carmine completo dic lector amice <sup>2809</sup> valeto <sup>2810</sup>

EXPLICIT <sup>2811</sup> LIBER SECUNDUS DE CHRONICIS BOHEMORUM.

## INCIPIT APOLOGIA

EJUSDEM DECANI SUPRA <sup>2812</sup> PRÆTITULATI <sup>2813</sup> IN TERTIUM LIBRUM ITENTIDEM <sup>2814</sup> OPERIS <sup>2815</sup>

Jam pietate Dei promissa favente peregi

Me quæcunque reor fore pollicitum tibi <sup>2816</sup>, lector.

Jam de retro actis causis sive transcursis <sup>2817</sup> temporibus pauca ex multis commemorans, ystoriam meæ narrationis usque ad tempora <sup>2818</sup> ducis Bracizlai junioris perduxit. Quare autem operæ <sup>2819</sup> precium duxi jam ab instanti opere cessare, non est ab re <sup>2820</sup>. Nam de modernis hominibus sive temporibus utilius est ut omnino taceamus, quam loquendo veritatem, quia veritas semper <sup>2821</sup> parit odium (638), alicujus rei incurramus <sup>2822</sup> dispendium <sup>2823</sup>. Si autem a veritate deviantes aliter quam se res habeant <sup>2824</sup> scripserimus, cum pene omnibus notæ sint causæ, nichilominus adulationis et mendacii notam incidimus. Siquidem hujus temporis homines virtutibus nudi solis laudibus gestiunt vestiri <sup>2825</sup>, quorum ea est maxima <sup>2826</sup> dementia <sup>2827</sup>, favoribus velle decorari <sup>2828</sup>, et quæ sunt favore digna minime <sup>2829</sup> operari. Atqui non ita erat apud <sup>2830</sup> veteres, qui quamvis dignissimi laude fuerent, tamen fugiebant, quas <sup>2831</sup> moderni appetunt

B laudes, et quod illis extitit pudori, hoc istis habetur honori. Horum nos si ad liquidum <sup>2832</sup> stilo exequamur <sup>2833</sup> acta, quia quædam non sunt cum Deo facta, procul dubio offensam non effugiemus quorumdam, qui adhuc superstites sunt homines neophiti <sup>2834</sup> atque itaci <sup>2835</sup> (639), qui ad vocem ducis nichil aliud tam promptum in ore habent quam *Ita, Domine*, alius <sup>2836</sup> *Ita est, Domine*, tercius *Ita fac, Domine*. At non ita olim fuit. Illum enim <sup>2837</sup> dux maxime coluit, qui ratione justicie ex adverso clipeum iniquitati opposuit, et qui malos consiliarios et a tramite deviantes æquitatis uno compescuit verbo veritatis. Tales nuncaut nulli aut pauci sunt: et si sunt, dum tacent, quasi non sunt. Par namque est vicium atque judicium, seu tacuisse veritatem <sup>C</sup> eeu concessisse falsitatem. Unde videtur nobis multo tucius narrare somnium, cui nemo perhibet testimonium, quam præsentium gesta scribere hominum. Quapropter posteris lacus explananda eorum <sup>2838</sup> relinquimus facta; sed tamen ne ab aliquo culpemur præterisse intacta, summatim annotare curabimus pauca.

## INCIPIT LIBER TERTIUS EJUSDEM OPERIS <sup>2839</sup>.

1. Ergo novus dux Bracizlaus junior, sed maturus <sup>2840</sup> ætate, sensu maturior, postquam hujus terræ secundum ritum debitis obsequiis digne sancti Wenczelai sui patroni in urbe Praga celebravit <sup>2841</sup> natalicium (Sept. 28), et omnibus satrapis atque

comitibus magnificum per tres dies exhibuit convivium; ubi pro novitate <sup>2842</sup> sui quantum valuit quædam ad utilitatem ecclesie decernens, quædam ob comodatam hujus terræ instituens, sicut olim ab ipso sue ætatis tyrocinio omnem spem habuit in

### VARIE LECTIONES.

<sup>2803</sup> rebaptizare 3. <sup>2804</sup> ordinem 4, 4 (a). <sup>2805</sup> regnante *corr. al. man. regente* A, 4. <sup>2806</sup> in A. <sup>2807</sup> *deest* A. <sup>2808</sup> *deest* 3. <sup>2809</sup> amico 4, 4 (a) <sup>2810</sup> *totus hic versus deest in* 3. <sup>2811</sup> explicit — operis *minio scripta* A. 4. <sup>2812</sup> *deest* 2 (b). <sup>2813</sup> titulati 4 (a). <sup>2814</sup> ittendidum A. hujus 2 (b), ejusdem 4 (a) <sup>2815</sup> apologia ejusdem decani in tertium librum chronicorum 4 apologia ad lectorem 3. <sup>2816</sup> tibi pollicitum pie lector, *scripto super* pie, bone, pro fore poll. tibi lector 2 (b) <sup>2817</sup> *sanæ actis* 4, 4 (a). <sup>2818</sup> *ipia corr. al manu* tempora A. <sup>2819</sup> opere A. <sup>2820</sup> abs re 2 (b), 4 (a). <sup>2821</sup> *superscripta duo vel tria verba sed erasa* A. <sup>2822</sup> ignoramus A. *expunctum in margine* incurramus, <sup>2823</sup> stipendium A. 2, 2 (a), 3. *sed in* 2, *ub antiqua manu correctum* dispendium. <sup>2824</sup> habent 2, 2. <sup>2825</sup> ditari 4, 4 (a). <sup>2826</sup> *deest* 4, 4 (a). <sup>2827</sup> clementia 4. <sup>2828</sup> dicorari 3, 4 (a). <sup>2829</sup> *corr.* A. <sup>2830</sup> erant pro erat apud 4, 4 (a). <sup>2831</sup> quasi *corr.* quas A. <sup>2832</sup> aliqui dum 2, aliquidem 2 (a), aliquando 3. <sup>2833</sup> exequimur 2 (b). <sup>2834</sup> neophytici 3. <sup>2835</sup> ytaci 4, vertaci 4 (a), <sup>2836</sup> *deest* A. <sup>2837</sup> *deest* A. alius i. e. d. des. 4. <sup>2838</sup> *deest* 4. <sup>2839</sup> *minio scripta* A. unde supra 2, chronice 2 (b). Incipit liber tertius 3. Incipit liber tertius chronicorum 4, 4 (a) <sup>2840</sup> maturis 2. <sup>2841</sup> suum *add.* 2. <sup>2842</sup> *nativitate* 3.

### NOTE.

(638) Terent. Andria I, 4, 44.

(639) Quid sit itacus ipse Cosmas declarat.

solo Dei patrocinio, ita modo principatus sui in exordio christianæ religionis zelo succensus nimio, omnes magos<sup>2843</sup> ariolos<sup>2844</sup> et sortilegos extrusit regni sui e medio, similiter et lucos sive arbores, quas in multis locis colebat vulgus ignobile, extirpavit et igne cremavit. Item et supersticiosas institutiones, quas villani adhuc semipagani in pentecosten tertia sive quarta feria observabant, offerentes libamina super fontes mactabant victimas et demonibus immolabant, item sepulturas, quæ flebant in sylvis et in campis, atque scenas<sup>2845</sup> (640), quas<sup>2846</sup> ex gentili ritu faciebant in biviviis et in<sup>2847</sup> triviis, quasi ob<sup>2848</sup> animarum pausionem (641), item<sup>2849</sup> jocos profanos quos super mortuos suos, inanescentes manes<sup>2850</sup> ac induti faciem larvis bachando exercebant; has abhominaciones et alias sacrilegas adinventiones dux bonus, ne ultra fierent in populo Dei, exterminavit<sup>2851</sup>. Et quia semper solum Deum et verum puro corde coluit et ejus zelum habuit, universis Dei amatoribus placuit. Erat enim princeps spectabilis, dux in castris acceptabilis<sup>2852</sup>, miles in armis inexpugnabilis. Hic quocienscunque Polonia invasit, semper cum magno triumpho remeavit. Quam utique anno dominicæ incarnationis 1093, sui vero ducatus primo, ita<sup>2853</sup> crebris incursionibus demolitus est; ut ex ista parte fluminis Odræ a castro Recen usque ad urbem Glogov<sup>2854</sup> (642) præter solum Nemci (643) oppidum, nullus habitaret hominum. Nec tamen cessavit ab ejus vastacione, donec princeps Poloniæ Wladizlaus cum magna supplicatione præteriti et præsentis anni tributum usque ad unum solveret obulum; cujus census hæc summa fuit: 1000 marcas argenti et 60<sup>2855</sup> auri (644). Qui etiam dux idcirco civitates, quæ pertinent ad provinciam Kladsco<sup>2856</sup> nomine dictam, tradens filio<sup>2857</sup> suo Boleslavo, committit eum per manus traditionem et fidei sponsonem duci Bracizlao, quatenus obsequendo suo avunculo a patre sibi creditam cum pace<sup>2858</sup> possideret provinciam. Ipse autem dux Wladizlaus dat sacramentum, quod tributum olim duce Bracizlao constitutum, 500 marcas argenti et 30 auri annuatim sibi pro concessa pace solveret determinato tempore.

2. Anno dom. i. e. 1094, adhuc Imperatore tercio Henrico ultra montes in Longobardia<sup>2859</sup> tractante imperialia<sup>2860</sup> negotia, indicta est generalis synodus ab universis episcopis et principibus Romani imperii infra mediam quadragesimam in urbe Maguntina<sup>2861</sup>, ad quam dux Bracizlaus transmittit electos Cosmam et Andream episcopos, committens eos et tradens per manus palatino comiti jam sæpe dicto<sup>2862</sup> Rapotæ, rogans ut eos offerat Maguntino archiepiscopo<sup>2863</sup> ordinandos. Quo pro eis interveniente, et coram archiepiscopo et universali synodo testimonium perhibente, quod olim per imperatorem in urbe Mantua<sup>2864</sup> corroborata sit<sup>2865</sup> eorum electio, omnibus suffraganeis collaudantibus ordinati sunt Cosmas<sup>2866</sup> et Andreas episcopi 4 Idus Marci ab archiepiscopo Moguntino nomine Routardo<sup>2867</sup>.

3. Eodem anno fuit mortalitas hominum<sup>2868</sup>, sed maxima<sup>2869</sup> in Teuthonicis partibus (645). Nam redeuntibus prædictis episcopis de Maguntia<sup>2870</sup>, dum transirent per quandam villam nomine Amberk<sup>2871</sup>, parrochiam ecclesiam<sup>2872</sup> quamvis satis amplam, quæ est sita extra villam, non potuerunt intrare, ut audirent missam, quia totum ejus<sup>2873</sup> pavimentum usque ad unum punctum erat cadavera plenum. Similiter in urbe Kaker non fuit domus, ubi non essent tria aut quatuor cadavera hominum, quam prætereuntes non longe ab urbe in medio pernoctavimus campo. Eodem anno dux Bracizlaus in mense Septembri quandam matronam de Bavaria nomine Lurkarth<sup>2874</sup> (646). Alberti comitis sororem<sup>2875</sup>, duxit in uxorem. Item eodem anno et eodem duce jubente Cosmas episcopus 5 Kal. Octobris consecravit altare sancti Viti martiris<sup>2876</sup>, quia monasterium adhuc non erat perductum ad ultimam manum.

4. Anno dominicæ incarnationis 1095, aquilonalis<sup>2877</sup> plaga per multas noctes in cælo apparuit rubicunda.

Anno dominicæ incarnationis 1096, 18 Kal. Maii<sup>2878</sup> jubentegloriosissimo duce Boemorum Bracizlao, a venerabili episcopo Cosma consecratum est monasterium sanctorum martirum Viti Wenczelai atque Adalberti. Eodem anno tanta fuit commotio<sup>2879</sup>, immo divina compunctio in populo Hierosolimam proficiscendi, ut perpauci in Teuthonicis par-

## VARIE LECTIONES.

<sup>2843</sup> et add. 3. 4 (a). <sup>2844</sup> corr. A. <sup>2845</sup> cenas 4, 4 (a). <sup>2846</sup> quas deest 3. <sup>2847</sup> omissum 4 (a). <sup>2848</sup> ad 4, 4 (a). <sup>2849</sup> ut est 4. <sup>2850</sup> inanescentes manes 3, inanes cientes manes ac desunt 4, 4 (a). <sup>2851</sup> exterminat 2 (b). <sup>2852</sup> spectabilis A. expunct. al. manu superscriptum acceptabilis. <sup>2853</sup> in 4. <sup>2854</sup> Glogou 2 (b), 3, 4. <sup>2855</sup> quadraginta 1, 4 (a). <sup>2856</sup> Kladsco 2, Kladzko 3, Kladsco 4, 4 (a). <sup>2857</sup> in margine A. <sup>2858</sup> patre 2. <sup>2859</sup> posito A. sex expunctum. <sup>2860</sup> nuptialia 3. <sup>2861</sup> Magontia 2, 2 (b), 4, (a). <sup>2862</sup> al. man. in margine A. <sup>2863</sup> episcopo 3, 4 (a). <sup>2864</sup> Mantoua 2. 4. <sup>2865</sup> esset 4, 4 (a). <sup>2866</sup> episc. C. et And. A. Cosma 2 (b), 4 (a). <sup>2867</sup> Rothardo 2. <sup>2868</sup> in Bohemia addunt 4, 4 (a), <sup>2869</sup> maxime 4. <sup>2870</sup> Magutia A. <sup>2871</sup> Ainbeck 3, Hamberk 4, Bamberk 4 (a). <sup>2872</sup> deest 4, 4 (a). <sup>2873</sup> erat A. expunct. <sup>2874</sup> Lukardam 2, 2 (b), 4, 4 (a). <sup>2875</sup> omissum 3; 4. <sup>2876</sup> in urbe Praga addunt 4, 4 (a). <sup>2877</sup> aquilonaris 4. <sup>2878</sup> Kal. Maii 8, desunt 4, 4 (a). <sup>2879</sup> christianorum addunt 4, 4 (a).

## NOTÆ

(640) I. e. apparatus, pompas; cfr. quæ leguntur apud Suetonium in Caligula, c. 15.

(641) I. e. requiem.

(642) Glogau.

(643) Nimtsch.

(644) Vide supra II, 13 Aliter de eadem re retu-

lit Martinus Gallus, p. 82. Cfr. Palacky I, 346 et Røpell I, 217.

(645) Cfr. Bernoldi chronicon ad annum 1094. Mon. Germ. SS. V.

(646) De ejus origine satis obscuro vid. Dubitsohka IV, 72.

tibus et maxime in orientali Francia per urbes et villas remanerent <sup>2880</sup> coloni. Qui quoniam propter multitudinem exercitus una via simul ire non poterant, quidam ex eis per hanc nostram terram dum transirent, permittente Deo, irruerunt super Judeos, et eos invitos baptizabant, contradicentes vero trucidabant. Videns autem Cosmas episcopus contra statuta canonum hæc ita fieri, zelo justitiæ ductus frustra temptavit prohibere ne eos invitos baptizarent, quia non habuit qui eum adjuvarent. Nam dux Bracizlaus eo tempore cum omni exercitu suo in Polonia super ripam fluminis nomine Nizam <sup>2881</sup>, castro eorum destructo nomine Brido <sup>2882</sup> (647), longe inferius ejusdem fluvii similiter ædificabat firmissimum castrum super altum scopulum, unde nomen traxit Kamenec <sup>2883</sup> (648). Quod autem Judei non post multos dies rejecerunt a se jugum Christi, et spreverunt gratiam baptismi <sup>2884</sup> atque salutem fidei catholicæ, et iterum submiserunt colla jugo legis Mosaicæ, sed <sup>2885</sup> episcopi et prælatorum ecclesiæ poterat hoc ascribi negligentia. Jamque condito prædicto castro Kamenec, priusquam inde abiret dux Bracizlaus, Mutinam filium Bosa <sup>2886</sup> suum collateralem et secretarium <sup>2887</sup> apprehendens seorsum et multa exprobrans sibi, quibus sæpe eum offenderat, dixit: *Ego si non Deum offendere metuerem <sup>2888</sup>, uti meritis es, profecto oculos <sup>2889</sup> tibi eruerem <sup>2890</sup>; sed nolo, quia grande nefas est corrumpere quod Dei digitus operatus est in homine.* Et permittens secum duos milites tantum ab aspectu suo et latere amovit eum, et mittens in Bosniam omnem ejus jussit infiscari substanciam. Nec mora, dum rediret, misit dux <sup>2891</sup> manus, ut apprehenderent <sup>2892</sup> Bosey <sup>2893</sup>, filium Cac, cognatum Mutinæ; semper enim illam nationem Wrissovici <sup>2894</sup> habuit exosam, quia sciebant eam superbam esse valde et dolosam. Quem cum apprehendissent statim, ut jussum fuerat, inpositus puppi cum uxore et duobus filiis relegatus <sup>2895</sup> est in Zribiam <sup>2896</sup>, et exinde perrexit in Poloniam, et ibi invenit fratrem suum Mutinam, quos dux Poloniæ satis recepit benigne.

5. Anno dominicæ incarnationis 1097, dux Bracizlaus vocans ad se Oudalricum filium Chronradi (649) jussit eum capere et misit in castrum Cladsko ad custodiendum.

Anno dominicæ incarnationis 1098, delatum <sup>2898</sup> est duoi Bracizlao, quod quidam ex Judeis lapsi fuga, nonnulli furtim divitias suas subtraherent partim in Poloniam, partim in Pannoniam. Unde dux valde iratus, misit camerarium suum cum aliquibus militibus, ut eos a vertice usque <sup>2899</sup> ad talos <sup>2900</sup> expoliarent. Qui veniens convocat <sup>2901</sup> ad se majores natu Judeos, et sic exorsus est ad eos:

*O gens progenita manzeribus <sup>2902</sup> (650) Ismahelita, Ut sibi dicatis dux mandat, cur fugatis Et partis <sup>2903</sup> gratis cur gazas attenuatis? Interea quæcunque mea sunt, sunt mea cuncta. Nullas de Solimis res divitiasve tulistis. Uno pro nummo ter deni Vespasiano Cæsare proscripti, sparsi sic estis in orbe. Macri venistis, macri quo <sup>2904</sup> vultis eatis. Quod baptizati sitis, Deus est mihi testis. Non me <sup>2905</sup> sed domino sunt ista jubente <sup>2906</sup> pa-*

*(trata.*

*Quod autem iterum relapsi estis in Judaismum,*

*Cosmas episcopus videat, quid inde agere debeat* Dixerat hæc ex parte ducis, et statim irrumpentes everterunt domos, acceperunt thesauros et quicquid suppellectilis optimum invenerunt. Nihil nisi <sup>2907</sup> quod solum <sup>2908</sup> pertinet ad victum granum frumenti eis reliquerunt. O quantam pecuniæ eis miseris Judeis illa die <sup>2909</sup> est sublatum, nec ex succensa Troja tantum diviciarum in Euboyco littore fuit collatum.

6. Eodem anno 4 Idus Decembris (651) Cosmas episcopus migravit ad Christum. Fuit autem iste præsul humilis, simplex, patiens et multum misericors et illatas a quovis homine injurias æquanimiter sustinens, recognoscentibus suas culpas pius indultor, viduarum non surdus auditor, orphanorum non tardus adjutor <sup>2910</sup>, infirmantium sedulus visitator, ultimæ sortis non immemor, exequiarum promptus extitit executor.

7. Post ejus obitum dux Bracizlaus habens curam animarum, et perpendens collatam sibi a Deo potestatem eligendi ecclesiæ sponsum, cœpit sollicitus et <sup>2911</sup> pervigil secum tacita mente suorum inspicere mores clericorum <sup>2912</sup>, vitam et conversationem discutere singulorum, quem ex eis potissimum

#### VARLÆ LECTIONES.

<sup>2880</sup> Permanerent 3. <sup>2881</sup> Nizzam 3. <sup>2882</sup> Brydo 2 (b). Byrdo 3. Bryd 4, 4 (a). <sup>2883</sup> Kamenec 2. Kamene 2 (b). Camener 3. <sup>2884</sup> beatissimi corr. al. man. baptismi A. <sup>2885</sup> sed omittunt A. 2 (b), 3, 4, 4 (a). <sup>2886</sup> Boza 2 (b). <sup>2887</sup> consecrarium 4, 4 (a). <sup>2888</sup> quia 2 (b). <sup>2889</sup> si non — timerem A. <sup>2890</sup> oculos prof. A. <sup>2891</sup> eruerem tuos A. <sup>2892</sup> rex 2. <sup>2893</sup> apprehenderet 3. <sup>2894</sup> Boziey 2, Bosen 4, 4 (a). <sup>2895</sup> Vresouies 2, Wryssouic 2 (b), Versouiz 3, Wirssowic 4, 4 (a). <sup>2896</sup> revelatus corr. al. man. revector A. <sup>2897</sup> Zrbiam 3, Zribiam 4, Zrbiam 4 (a) <sup>2898</sup> relatum 4, 4 (a). <sup>2899</sup> in margine A. al. man. <sup>2900</sup> plantas 4, 4 (a). <sup>2901</sup> venientes vocat 4. <sup>2902</sup> manseribus 2, mansoribus 3. <sup>2903</sup> partes 4, 4 (a), et corrector 2 (b). <sup>2904</sup> quoque 3. <sup>2905</sup> ne 2. <sup>2906</sup> jubente sunt ista 2. <sup>2907</sup> deest 3. <sup>2908</sup> deest 2 (b). <sup>2909</sup> al. man. in margine A. <sup>2910</sup> adjutor corr. al. atramento A. orphanorum n. t. a. <sup>2911</sup> deest 3. In 4, 4 (a). post verba sedulus visitator inserta sunt. Pro adjutor 4 (a) legit auditor. <sup>2912</sup> deest. 2. <sup>2913</sup> et add. 3.

#### NOTÆ.

(647) Wartha in confiniis comitatus Glacensis et Silesiæ.  
(648) Ad fluvium Nissam non procul a comitatu Glacensi castellum Camencium, postea cœnobium

ordinis Cisterciensis. SCHWARZ.

(649) Ducia Brunnensis.

(650) I. e. filiis soorti.

(651) Probante Necrologio Bohemico.

proverheret ad <sup>2913</sup> summum <sup>2914</sup> sacerdotii gradum A Et quamvis ipse nosset inter suos <sup>2915</sup>, quid esset in quoquam <sup>2916</sup> clerico <sup>2917</sup>, tamen recolens illud Salomonis dictum: *Omnia, fili* <sup>2918</sup>, *fac eum consilio* <sup>2919</sup> (*Eclli.* xxxii, 24), advocat Wigbertum, suum per sororera generum, virum sapientem et in talibus negotiis eruditum valde et perspicacem, cui et <sup>2920</sup> ait: *Tu tempore patris mei regis* <sup>2921</sup> *Wratislai semper in curia primus inter amicos fuisti, tu mores et vitam Boemorum perspexisti, tu non solum laicos, verum etiam clericos omnes* <sup>2922</sup> *intus et in cute nosti, tuo consilio nunc episcopum eligere volo.* Ad hæc <sup>2923</sup> heros in propria verba non improprie respondit: *Olim, inquit, dum rex pater tuus vixit, meum consilium taluit; nunc horum vivunt homines morum* <sup>2924</sup>, *qui semetipsos putant aliquid esse, cum nichil sint, et quibus nullius nisi quod* <sup>2925</sup> *ipsi sapunt placet* <sup>2926</sup> B *consilium. Sed vos melius scitis, quod in tam sancto negotio, qui consulunt sanctæ* <sup>2927</sup> *ecclesiæ utilitati, vacuos decet esse ab ira et odio, a misericordia et amicitia* <sup>2928</sup>, *nam ubi ista efficiunt animo, humana* <sup>2929</sup> *fallitur opinio* (652); *me autem nec alicujus amicitia obligat, nec misericordia supplantat, nec odium exagitat, nec ira inflammat, quo minus coram vobis eloquar justitiæ quod postulat ordo. Est patris tui et nunc tuus capellanus, quem vos melius nostis, nominis Hermanus. Hic semper fuit regis in servicio* <sup>2930</sup> *constans, in commisso fidelis, in legationibus agendis fidus executor, castus, sobrius, humilis et modestus, non* <sup>2931</sup> *violentus* <sup>2932</sup>, *non ambitiosus, non elatus, et quæ prima est in clerico virtus, ad prime litteratus, et quantum spectat ad humanam* C *opinionem, cernitur esse bonus vir et perfectus ad- unquam* <sup>2933</sup>, *si solummodo* <sup>2934</sup> *non obsit quod hospes sit. Tunc dux* <sup>2935</sup> *amirans suam et ejus unanimum voluntatem, ait: Haud* <sup>2936</sup> *aliter cor tuum atque meum sapit. Et quia hospes est, plus ecclesiæ prodest; non cum parentela exhauriet, non liberorum cura aggravabit, non cognatorum turba despoliabit* <sup>2937</sup> *quicquid sibi undecunque veniet, totum sponsa ejus et mater ecclesia habebit.*

*Hic ergo faciam Pragensem episcopus ut sit.*

Nec mora, convocatis primatibus terræ simul et præpositis ecclesiæ Boleslau in urbe ad placitum

<sup>2938</sup> ducis, collaudante clero cuncto <sup>2939</sup> populoque favente, Hermanus promotione diaconus, præpositura Boleslavensi sublimatus, sublimiorem invitatus subrogatur <sup>2940</sup> ad episcopatus honorem. Facta est autem hæc electio anno dom. inc. 1093 pridie Kalend. <sup>2941</sup> Marcii.

8. Et quia eodem anno (Apr. 10) imperator tertius <sup>2942</sup> Henricus celebravit pascha Ratisbonæ (653), jussus est dux Bracizlaus cum electo suo illuc venire, qui celebrato pascha in urbe Wissegrad, tertia die post octavam paschæ (Apr. 19) venit <sup>2943</sup> Ratisbonam. Qui quia ante festum caritativa præmiserat <sup>2944</sup> donaria tam cæsari quam ejus satrapis <sup>2945</sup>, quotquot erant de ejus amicis in curia, obviam ei veniunt ad tria fere <sup>2946</sup> miliaria, et ita deducunt eum in <sup>2947</sup> civitatem cum <sup>2948</sup> magna honorificentia. Cujus ad primam <sup>2949</sup> petitionem cæsar confirmat Boemorum electionem, dans Hermanno anulum et virgam episcopalem. Item et hoc <sup>2950</sup> obtinuit precibus <sup>2951</sup> apud cæsarem, ut ejus fratri Borivoy vexillum daret et eum Boemis omnibus qui cum eo venerant, assignaret, quo post obitum suum fratrem ejus <sup>2952</sup> Borivoy sublimarent <sup>2953</sup> in <sup>2954</sup> solium (654).

9. Eodem anno idem <sup>2955</sup> dux Bracizlaus veniens cum exercitu in Moraviam, reedificat castrum Podivin <sup>2956</sup>, et reddit id <sup>2957</sup>, sicut antea fuerat, in potestatem Hermanni episcopi, atque ibidem in villa Zlaunica <sup>2958</sup> pentecosten (Mai. 29) celebravit. Deinde occurrens Pannonico regi Cholomanno <sup>2959</sup> in campo qui dicitur Luczko <sup>2960</sup>, multa sunt <sup>2961</sup> C invicem concionati, placitantes <sup>2962</sup> ad placitum utrarumque <sup>2963</sup> partium. Ac inter se inmensis <sup>2964</sup> mutuatim datis muneribus, renovant antiqua amicitia et pacis <sup>2965</sup> fœdera et ea sacramentis confirmant. Ibi dux Bracizlaus suum electum Hermanum diaconum <sup>2966</sup> comittit Seraphin <sup>2967</sup> archiepiscopo ordinandum. Qui veniens ad sedem suam urbis Strigonie tempore quo sacri ordines celebrantur, 3 Idus Junii ordinat eum presbiterum, et me, quamvis indignum, similiter ad eundem promovit gradum. Dux autem, post habitum concilium rediens, castra metatus est juxta urbem Bruen <sup>2968</sup>; erat enim valde iratus filiis patris sui Con-

#### VARIE LECTIONES.

<sup>2913</sup> *Al. manu superscr. A.* <sup>2914</sup> *deest A.* <sup>2915</sup> *inter suos alia manu in margine A.* <sup>2916</sup> *quoque 2 (b).* <sup>2917</sup> *hoc loco esset al. manu. superscr. A.* <sup>2918</sup> *deest 3.* <sup>2919</sup> *et post tactum non peniteberis add. 4. 4 (a).* <sup>2920</sup> *deest 2 (b).* <sup>2921</sup> *deest 2 (b).* <sup>2922</sup> *deest A.* <sup>2923</sup> *quem A.* <sup>2924</sup> *hominum mores 3.* <sup>2925</sup> *in margine A.* <sup>2926</sup> *corr. A.* <sup>2927</sup> *deest A.* <sup>2928</sup> *a mis. et amicitia desunt A.* <sup>2929</sup> *deest A.* <sup>2930</sup> *in margine A.* <sup>2931</sup> *nec 2 (b).* <sup>2932</sup> *violentus corr. violentus A. viol. 2 (b).* <sup>2933</sup> *corr. A.* <sup>2934</sup> *solum A. 2 (b), 3, 4.* <sup>2935</sup> *Bracizlaus addit 4 (a)* <sup>2936</sup> *aut corr. haud A.* <sup>2937</sup> *ita corr. A. et 2 (b) despoliet rell.* <sup>2938</sup> *palatium 4, 4 (a)* <sup>2939</sup> *cunctoque populo 2 (b).* <sup>2940</sup> *rogatur 3.* <sup>2941</sup> *11, 3, 4, 4 (a)* <sup>2942</sup> *deest 2 (b).* <sup>2943</sup> *in addunt 4, 4 (a).* <sup>2944</sup> *præmisit 2 (b).* <sup>2945</sup> *corr. A.* <sup>2946</sup> *omittunt 4, 4 (a).* <sup>2947</sup> *ad 2 (b)* <sup>2948</sup> *al. man. superscr. A.* <sup>2949</sup> *imnam 2 (b).* <sup>2950</sup> *hic 2 (b)* <sup>2951</sup> *deest A.* <sup>2952</sup> *corr. A. suum.* <sup>2953</sup> *sublevarent 2, 2 (b), 3, 4, 4 (a).* <sup>2954</sup> *ad 2 (b).* <sup>2955</sup> *ibidem 3.* <sup>2956</sup> *Podwin 2, Podiwin 2 (b), 4 (a).* <sup>2957</sup> *eum A. 2, deest 4.* <sup>2958</sup> *Zliunica 2, 2 (b), Zliunica 3, Slivnica 4, Slaunica 4 (a).* <sup>2959</sup> *Chlomanno 2 (b), Colomanno 3, Colmanno 4.* <sup>2960</sup> *Luczo 4.* <sup>2961</sup> *sibi in 2 (b).* <sup>2962</sup> *deest A.* <sup>2963</sup> *utrumque 4.* <sup>2964</sup> *deest 2, 2 (b), 3.* <sup>2965</sup> *et pacis omittunt 4, 4 (a).* <sup>2966</sup> *episcopum A. diaconum rell.* <sup>2967</sup> *Seraphyn 4.* <sup>2968</sup> *Brinen 2 (b), Bruen 3.*

#### NOTÆ.

(652) Sallust., Catilina c. 47.

(653) Vide Heinrici IO diploma Ratisbonæ datum apud Bochemerum 1959.

(654) Quod factum est contra legem de regni successione a Bracizlao I constitutam, cfr. supra II, 13.



radi, Udalrico et Lutoldo <sup>2969</sup>. Qui fugientes a facie ejus oppilaverunt se in <sup>2970</sup> munitis oppidis, et mitentes tradunt ei cæteras civitates, timentes ne hostiliter devastaret terram. Interea dux Bracizlaus dispositis præsiidiis per civitates quas sibi tradiderant, et eas fratri suo Boriwoy comittens, reversus est in Boemiam, Ottonis (655) autem filii Suatopluc <sup>2971</sup> et Otto <sup>2972</sup> cum matre sua Eufemia (656) multum obedientes duci erant et fideles. Item eodem anno (Dec. 25) dux Bracizlaus in nativitate Domini Bolezlaus per sororem sibi propinquum invitat ad convivium quod erat in urbe Sateo dispositum, ubi in ipso festo, consentientibus omnibus comitibus Bohemæ, factus est Bolezlaus ensifer avunculi sui. Quem post festum dux remittens ad propria, dono <sup>2973</sup> dat sibi et constituit quatenus ensiferæ dignitatis pro ministerio <sup>2974</sup> ex tributo, quod pater suus Wladizlaus solvebat annuatim semper, 100 marcas argenti et 10 auri talenta habeat <sup>2975</sup>.

10. Anno dominicæ incarnationis 1100, dux Bracizlaus quibusdam referentibus habens compertum pro certo, quod imperator in urbe Maguntia pascha (Apr. 2) celebrare vellet, optinuum ratus fore ut illuc electum suum <sup>2976</sup> Hermannum mitteret, qui et munera sua cæsari deferret et quam expectabat a magistro suo benedictionem acciperet, et committens eum Wiberto, qui similiter debuit interesse cæsaris palatio, rogat ut in <sup>2977</sup> omni suo faveret negotio tempore opportuno. Sed quoniam archipræsul Routhardus simoniaca hæresi infamatus, relicta Maguntia hisdem temporibus <sup>2978</sup> morabatur in Saxoniam, jubente imperatore et collaudantibus omnibus suffraganeis Maguntinæ <sup>2979</sup> ecclesiæ, a cardinali Rouperto, Clementis papæ apocrisario, qui forte ibi aderat, ordinatus est <sup>2980</sup> Hermannus <sup>2981</sup> episcopus in octavis paschæ 6 <sup>2982</sup> Idus Aprilis.

11. Eodem (657) anno admirabile et sedis commemorabile quod divina gratia per merita sanctissimæ <sup>2983</sup> matris <sup>2984</sup> Ludmilæ <sup>2985</sup> dignata est revelare miraculum, uti ipsi vidimus, vestræ caritati

pandimus. Nam domna abbatissa (658) Windelmuth, famula Deo devota, ecclesiam sancti Petri apostoli, sitam in territorio ejusdem monasterii cui præerat, ex vetustate a fundamento dirutam usque ad perfectionem deducens reedificavit. Quam ut consecraret præsul <sup>2986</sup> cum impetrasset abbatissa, dum ex more reliquias sanctorum collocat in pixide, inter alia obtulit domina præsuli panem unius palmæ latus, quem acceperat de peplo sanctæ Ludmilæ, rogans ut similiter inter reliquias sanctas ponat eum in pixide. Tunc præsul quasi indignans ait: *Tace, domina, de ejus sanctitate! dimilte animum <sup>2987</sup> aviam <sup>2988</sup> quiescere in pace.* Ad hæc <sup>2989</sup> abbatissa, *Noli, inquit <sup>2990</sup>, domine, noli <sup>2991</sup> talia dicere; multa enim Deus per ejus merita collidie operatur <sup>2992</sup> magnalia.* Mox juesu præsulis sartago affertur <sup>2993</sup> magna, prunis ardentibus plena, ubi invocato sanctæ Trinitatis nomine, præsul injectit pannum super flammivomos carbones. Mira res, funiculus et flammicula circa pannum emicuit, sed minime nocuit. Et hoc etiam magni fuit in augmentum miraculi, quod propter nimium ardorem diu non potuit pannus de flammis eripi, et tandem ereptus sic visus est integer et firmus, ac si eadem die foret textus. Quo tam evidenti præsul et omnes nos percussi miraculo, lacrimas fundimus <sup>2994</sup> præ gaudio, et gratias reulimus Christo. Dedicata est autem ecclesia in honore sancti Petri apostoli <sup>2995</sup> 5 Non. Octobris.

12. Item ejusdem anni 15 Kalend. Novembris Borivoy, frater ducis Bracizlai, in urbe Zuogem <sup>2996</sup> (659) faciens permagnificum convivium, duxit uxorem nomine Helbirk <sup>2997</sup> (660), orientalis marchionis Lupoldi (661) sororem. Et quia hisdem diebus filius Conradi Lutoldus <sup>2998</sup> per concessum Gotfridi <sup>2999</sup> (662) admissus in castrum Rakouz (663), multas Borivoy inferebat injurias, singulis noctibus devastans ejus villas, et refugium habens in prædictum castrum, unde dux Bracizlaus valde iratus iterum coadunato exercitu movit castra in Moraviam, volens ulcisci fratris injuriam. Sed prius mittit ad Gotfridum obtestans eum per anti-

#### VARIÆ LECTIONES.

<sup>2969</sup> Luitoldo 2 (b), 3. <sup>2970</sup> deest 3. <sup>2971</sup> Zwatoplik 2, Zuatopluk 2 (b), Zuatopluk *rell.* <sup>2972</sup> ita A. Ottek 3, Ottik *rell.* <sup>2973</sup> dona 2 (b) 3, 4, 4 (a). <sup>2974</sup> ni *supersc. al. man. A.* <sup>2975</sup> habebat *corr.* habeat A. <sup>2976</sup> suum el A. <sup>2977</sup> deest 4, 4 (a), <sup>2978</sup> diebus 2, 2 (b) 3, 4, 4 (a) <sup>2979</sup> Maguncie A. <sup>2980</sup> dominus *inserunt* 4, 4 (a) <sup>2981</sup> ermannus A. <sup>2982</sup> VII, A. <sup>2983</sup> sanctissima 3. <sup>2984</sup> iris 1. <sup>2985</sup> Luidmillæ 3. <sup>2986</sup> deest 4. <sup>2987</sup> avum 3, dominam 4 (a), *deest* 4. <sup>2988</sup> deest A. <sup>2989</sup> desunt A. <sup>2990</sup> abbatissa h. l. A. <sup>2991</sup> noli dom. A. <sup>2992</sup> offeritur 2 (b). <sup>2993</sup> lacrymis fundimur 2, ludimus 4. <sup>2994</sup> VI, 3. <sup>2995</sup> Zuoyem 3. <sup>2996</sup> Helbyrk 2, Helluck 3, Kerberk 4, 4 (a). <sup>2997</sup> Luitoldus 2 (b), Lutholdus 4 (a). <sup>2998</sup> Godfridi 3.

#### NOTÆ.

- (655) Ducis Olonucensis.  
 (656) Erat filie Belæ I regis Hungariæ.  
 (657) Patet ex sequentibus Ludmillam a. 1100 nondum inter sanctarum numerum sine ulla contradictione receptam fuisse.  
 (658) Monasterii S. Georgii.  
 (659) *Znavm.*

- (660) Cfr. Chron. Claustroneoburgense apud Pezium.  
 (661) Sancti, filia Leopoldi Pulchri.  
 (662) Frater, ut videtur, Adalberonis episcopi Wirzburgensis, filius Arnoldi comitis qui castrum Lambacense ad Trunam tenebat. Cfr. Vita Adalberonis Pez. II, 7.  
 (663) Retz in Austria.

quæ amicitia<sup>2999</sup> fœdera, quo<sup>3000</sup> sibi Lutholdum aut vinetum mittat<sup>3001</sup>, sine mora, aut de castello suo eum expellat eadem hora. Quod cum non lateret Lutoldum, castellanis per fraudem foras exclusis, ipse cum suis militibus vi obtulit castrum. Tunc Godfridus<sup>3002</sup> cum legatis, qui ad eum missi fuerant, occurrit duci juxta oppidum Wranov, et coram omnibus clamat Lutoldum perfidum esse et reipublicæ inimicum; castrum vero sibi<sup>3003</sup> sub fide amicabiliter<sup>3004</sup> præstitum, jam hostiliter ad expugnandum postulat ducis<sup>3005</sup> auxilium. Cujus petitioni dux non abnuens admovit exercitum urbis per circuitum, ubi per sex ebdomadas vi summa nocte et die consoritur pugna, donec fames, quæ firmas expugnat urbes (664), prævaluit in castris. Ea<sup>3006</sup> victus Lutoldus et bello fractus noctu clam elapsus vix solus aufugit, omissis<sup>3007</sup> ibi<sup>3008</sup> suis militibus<sup>3009</sup>, qui facto mane semetipsos et castrum tradunt in manum ducis. Interea dum hæc pugna geritur Paulic<sup>3010</sup>, filius Marquardi<sup>3011</sup>, pædagogus Wladizlai, sagittatus moritur, item Dobes<sup>3012</sup>, filius Lstimir<sup>3013</sup>, dum.

Per vicem suam servat vigilias noctis. occiditur. His duobus amissis et reddita urbe Godfrido, dux victor cum suis remeat in Boemiam.

13. Jamque Christi nativitate adpropinquante, et propter venacionem in villa Stibeona<sup>3014</sup> duce morante, quadam die inter prandendum fertur dixisse dux<sup>3015</sup> ad quemdam venatorem<sup>3016</sup>, qui non longe ab eo ad quartam sedebat mensam: *Heus Lucata! putas me nescire, quis sit inter vos qui<sup>3017</sup> me quærit interficere?* Et ille, sicut homo erat vehemens in verbis, clamat<sup>3018</sup>: *Proci Deus hoc avertat nec tuus oculus parcat, quin ipse cictus occidatur qui talia machinatur.* Ad hæc dux: *Ah<sup>3019</sup>! bone vir, ait, nulli fas est evitare inevitabile fatum.* Postera autem die (Dec. 21), quia sancti Thomæ apostoli erat vigilia, mane audita missa it venatum, et cum in nocte jam rediret, occurrunt ei ante villam apparitores cum lateris et facibus<sup>3020</sup>. Moxque Lorck<sup>3021</sup>, impius latro missus a diabolo, prosilit ex latibulo præcinctus gladio, et ut fortius valuit, inter ipsa illa ducem<sup>3022</sup> peroussit venabulo<sup>3023</sup>. Non aliter dux<sup>3024</sup> cedit in medio loco<sup>3025</sup>, ac,

Si clarus Lucifer cælo cecidisset ab alto.

A Advolat extemplo<sup>3026</sup> lugubris turma suorum, et extracta hasta<sup>3027</sup> seminecem levant ducem. Ille autem minister Satanæ, dum accelerat fugam per noctem opacam, præcipitatur cum equo in oisternam,

Quam præceps torrens decurrens fecerat ymbre.

Incertum est utrum ipse manu sua an gladius lapsus de vagina ita eum præcidit per<sup>3028</sup> medium alvum, ut omnia sibi effluerent exta. Fit tumultus per vilam, alii insiliunt equos, alii cum armis huc et illuc<sup>3029</sup> discurrunt, investigantes tanti mali machinatorum. Mox quidam invenit eum semivivum, et quamvis satis ad mortem habuit<sup>3030</sup> vulnus, tamen amputat ense raput ejus dicens:

*Inferni furvas<sup>3031</sup> non insons ibis ad umbras,*

B *Et Cereris<sup>3032</sup> genero mea facta referre memento*  
(to (665))

Dux autem<sup>3033</sup>, licet in tanto dolore sit positus et morore, illa nocte et insequenti die non relaxabat spiritum et ora a laude Dei, nunc lacrimosam penitentiam offerendo, nunc<sup>3034</sup> sua peccata confitendo tam episcopo Hermanno quam aliis sacerdotibus Dei. Tributum autem quod eo tempore fuit de Polonia allatum, et quicquid in sua invenit<sup>3035</sup> camera, per manus episcopi fecit dari<sup>3036</sup> per monasteria. Et cum disposuisset omnia quæ erant disponenda pro anima: *Dare, inquit, filiolo meo lituum meum et jaculum, cætera non est meum sibi dare, quæ Deus posuit in sua potestate.* Et ita<sup>3037</sup> in sequenti nocte post gallicinum inter manus sacerdotum 11 Kal. Januarii, velud bonus Dei<sup>3038</sup> athleta, utramque hominis substantiam in sua divisit exordia, quem procul dubio credimus aut jam<sup>3039</sup> accepisse aut jam<sup>3040</sup> accepturum cælestia consortia. Cujus feretrum unus ex clero sequens usque ad sepulchrum, hujusmodi planctum<sup>3041</sup> iterabat dicens: *Anima Bracizldi sabaotin adondy vivât expers thanaton Bracizlaus ysktroi.*<sup>3042</sup> (666). Mira res, sic fletu suo oleum et populum concitabat<sup>3043</sup> ad fletum, ut dum fieres magis flere velles. Sepultus est autem cum maximo planctu suorum in polyandro<sup>3044</sup> sancti Wenczelai ecclesiæ forinsecus ante portam a sinistra, ut ipse disposuerat. Ubi soror ejus Ludmila, Deo devota famula<sup>3045</sup>, supra testudines construxit ar-

#### VARIE LECTIONES.

<sup>2999</sup> Fidei A. <sup>3000</sup> quod 4. <sup>3001</sup> corr. A. <sup>3002</sup> Godfridus 4. <sup>3003</sup> deest 3. <sup>3004</sup> amic. sub fide A. <sup>3005</sup> in addit 2. <sup>3006</sup> victa add. 4. victoriæ add. 4 (a) <sup>3007</sup> amissis 3. <sup>3008</sup> omnibus corr. ibi A. <sup>3009</sup> mil. suis A. <sup>3010</sup> Paulic 2. 2 (b) 3. 4. 4 (a). <sup>3011</sup> Markwardi 2. <sup>3012</sup> Deles 3. <sup>3013</sup> Lyztimir 2. Istimir 3. Lztimir 4. 4 (a). <sup>3014</sup> Stbeczna 2. Stebna 2 (b) Sebecna 3. Sbenena 4. 4 (a). <sup>3015</sup> dux duxi-se A. <sup>3016</sup> deest 4. 4 (a). <sup>3017</sup> qui inter vos A. <sup>3018</sup> proclamat 4. 4 (a). <sup>3019</sup> Ach ach 4. <sup>3020</sup> facibus corr. facibus A. et armis addunt 4. 4 (a). <sup>3021</sup> Lork 2. Lark 4. 4 (a). <sup>3022</sup> Bracizlaum add. 4. 4 (a). <sup>3023</sup> corr. A. <sup>3024</sup> Bracizlaus add. 4. 4 (a). <sup>3025</sup> luto A. 2. 2 (b). 4. <sup>3026</sup> extemplo A. <sup>3027</sup> asta A. <sup>3028</sup> in 2. <sup>3029</sup> et hoc loco A. illucque 4. <sup>3030</sup> habuerit 2 (b). <sup>3031</sup> furias A. furnas 4. 4 (a) <sup>3032</sup> ceris A. al. man. suspenscr. Cereris. <sup>3033</sup> Bracizlaus add. 4. 4 (a) <sup>3034</sup> nunc — confitendo al. manu in margine A. <sup>3035</sup> invenit in sua A. <sup>3036</sup> dare 3. 4 (a). <sup>3037</sup> sic 3 <sup>3038</sup> dei bonus A. <sup>3039</sup> deest 3. <sup>3040</sup> omittunt A. 4. 4 (a). <sup>3041</sup> planctu 3. <sup>3042</sup> ysktroi 3. yskyros 4. 4 (a). <sup>3043</sup> ciebat 2. 2 (b). 3. 4. 4 (a). <sup>3044</sup> podiandro A. polyandrio 3. <sup>3045</sup> fam. Deo dev. A.

#### NOTÆ

(664) Cfr. Lucan., Phars. IV, 410.  
(665) Virg., Æn. II, 549.

666) ἄγυρος

cuatam in honore sancti Thomæ apostoli capellam, et constituit ut cottidie ibi celebraretur missa pro defunctis. Et quoniam statim percerebit fama in populo, ducem <sup>3046</sup> esse interfectum Bōsey <sup>3047</sup> et Mutinæ consilio, quos antea expulerat dux <sup>3048</sup> de regno suo, dubitari a quibusdam solet utrum sonior <sup>3049</sup> sit qui consilium dat, an qui consentit ut faciat; sed revera uterque reus, verumtamen sonior is est qui homicidium conciliatur, quia et se ipsum de alium [sic] criminatur. Ergo vos Bracizlaum occidistis, qui ut occideretur, consilium dedistis. Mittunt illico præsul et comites cum festinatione in Moraviam ad Borivoy legatum <sup>3050</sup>, quo acceleret sibi a cæsare olim <sup>3051</sup> datum totius Boemiæ accipere ducatum. Qui festinus veniens in ipsa die (Dec. 25) nativitatibus Christi omnibus simul faventibus innotizatur. Tunc Cillenia <sup>3052</sup> delet <sup>3053</sup> omnino sua <sup>3054</sup> vestigia, quæ vix impressa reliquerat <sup>3055</sup> in Boemia cum exosa terras peteret cœlestia. Justitia enim erat Boemorum, ut semper inter principes eorum major natu solio potiretur in principatu.

14. Anno dominicæ incarnationis <sup>3056</sup> 1101 <sup>3057</sup>, Uodalricus et Lutoldus, filii Conradi, expulsis præsidibus de <sup>3058</sup> Moravia, quæ ibi Borivoy abiens reliquerat ob custodiam, rehabuerunt civitates suas, similiter Bōsey et Mutina redeunt de Polonia, quibus duce Borivoy non ex corde, sed pro necessitate temporis concedente gratiam suam, <sup>3059</sup> recipiunt civitates suas quas antea habuerant, Bōsey Satec, et Mutina Lutomerice <sup>3060</sup>.

15. Eodem anno Uodalricus adit <sup>3061</sup> imperatorem in urbe Ratisbona, et eum per amicos sollicitat <sup>3062</sup> precibus et fatigat inmensis promissionibus, quo sibi restituat injuste <sup>3063</sup> præreptum <sup>3064</sup> a fratre suo juniore (867) Borivoy Bohemiæ ducatum. A quo cæsar accepta pecunia dat sibi <sup>3065</sup> ducatus insignia et vexillum; sed in ducem eligendi obtentum ponit in arbitrio Boemorum. Tunc Uodalricus mittens legatum valde disertum <sup>3066</sup> virum, Neusse <sup>3067</sup> nomine, filium <sup>3068</sup> Dobremil, arguit fratrem suum Borivoy, increpat comites et minatur eis, jactat se esse ætate majorem, et secundum patriæ morem debitum, sibi

A injuste <sup>3069</sup> sublatum per fratrem juniorem (868) poscit principalis sedis honorem. Qui quamvis justam causam habeat <sup>3070</sup>, tamen frustra caudam captat <sup>3071</sup>, cum cornua <sup>3072</sup> amittat <sup>3073</sup>. Sic Uodalricus fratrem <sup>3074</sup> suum Borivoy jam <sup>3075</sup> confirmatum in solio tarde nititur pellere de regno. Postquam vero suo referente legato animadvertit Uodalricus, nec fratrem suum cedere solio, nec comites acquiescere suo consilio, hoc solum obtinuit precibus, ut cæsaris per licentiam liceat <sup>3076</sup> sibi debitam vi invadere <sup>3077</sup> provinciam; cujus <sup>3078</sup> mox associantur in contubernium viri in rebus bellicis strenui, Sigardus comes de oppido Sala, et ejus frater Frisensis <sup>3079</sup> episcopus nomine <sup>3080</sup> Uodalricus (869), atque suus per sororem gener nomine Fridricus. Quorum succenderat animum ad belli studium promittens eis aureos montes, et pollicitans suos esse fautores omnes Boemiæ natu majores. Præterea <sup>3081</sup> undecunque potuit, non paucos sibi in auxilium acquirit Teutonicos, qui pro sui stulticia æstimabant in Boemia auri et argenti pondera fore in plateis sparsa et exposita. Quibus in simul coadunatis, Uodalricus cum fratre <sup>3082</sup> Lutoldo <sup>3083</sup> Augusto mense intrant partes Boemiæ, sed sinistro homine. Nam Borivoy collecto exercitu occurrens eis castra metatus est <sup>3084</sup> supra duos colles juxta oppidum Malin (870) <sup>3085</sup>, paratus in crastinum cum eis <sup>3086</sup> comittere bellum. Teutonici vero non longe ex altera <sup>3087</sup> parte rivuli Vysplisa <sup>3088</sup> applicuerunt castra, ita ut uterque ab utrisque possit <sup>3089</sup> videri exercitus. Qui postquam animadverterent unanimum esse cum <sup>3090</sup> duce Borivoy, <sup>3091</sup> constantiam Boemorum, iniquit Uodalrico: *Ubi sunt illi Boemiæ natu majores, quos dicebas tuos esse fautores? Recte mentitus es in caput tuum, et nos decepisti atque in magnum deduxisti periculum.* Reverti volunt, sed nequeunt, quia eadem via post illos Suatopluk <sup>3092</sup> cum fratre suo Ottone ducens secum duas scaras veniebat duci Borivoy in auxilium. Quid facerent? Magna undique <sup>3093</sup> coartati <sup>3094</sup> angustia, per angustam viam et nimis artam semitam, qua itur trans silvam ad Gabr <sup>3095</sup> (871), turpem noctu maturaverunt fugam. Ibi episcopus

#### VARIE LECTIONES.

<sup>3046</sup> Bracizlaum 4. <sup>3047</sup> Bōsey 2. et sic deticeps. <sup>3048</sup> dux exp. A. deest 3. <sup>3049</sup> sanctor 2. in textu, sed in margine manu antiqua correctum sonior. <sup>3050</sup> legatos 4. 4 (a). <sup>3051</sup> olim sibi a cæsare A. 2 (b). 3. 4. 4 (a). <sup>3052</sup> Cyllenia 2 (h). 3. 4. 4 (a). <sup>3053</sup> dolet A. <sup>3054</sup> deleta al. manu suspenscr. A. <sup>3055</sup> liquerat A. <sup>3056</sup> Christi 2. <sup>3057</sup> Mill. CII. A. falso. <sup>3058</sup> in A. <sup>3059</sup> deest. 4. 4 (a) <sup>3060</sup> Liutomierzicze 2. Lutomiriæ 3. 4 (a). <sup>3061</sup> adiit 4. 4 (a). <sup>3062</sup> salut 2. <sup>3063</sup> omissum 2. <sup>3064</sup> præreptum corr. præreptum A. præreptum 2. 2 (a). 2 (b). 4 (a). <sup>3065</sup> sibi tradat in margine al. man. corr. tradit A. <sup>3066</sup> disertum valde omissum legatum 4. 4 (a). <sup>3067</sup> Neussa 4. 4 (a). <sup>3068</sup> deest 4. 4 (a). <sup>3069</sup> projuste 2. <sup>3070</sup> habeas 2 (b). 3. 4. <sup>3071</sup> — tas rell. et A. corr. — tal. <sup>3072</sup> cornu 3. <sup>3073</sup> al. manu A. <sup>3074</sup> deest. 3. <sup>3075</sup> doest. 4. 4 (a). <sup>3076</sup> invaderet omissum vi 4. (a). <sup>3077</sup> cui 2 (b). <sup>3078</sup> Frisensis 2. <sup>3079</sup> et 3. <sup>3080</sup> propterea 4. 4 (a) <sup>3081</sup> suo add. 2 (b). <sup>3082</sup> Lutholto 1. <sup>3083</sup> metati sunt 4. <sup>3084</sup> Malyn 1. <sup>3085</sup> illis 4 (a). <sup>3086</sup> alia 2. 2 (b). 4. 4 (a). <sup>3087</sup> Wyzplisa 1. 2 (b). Wyzplisa 2. Wzalsa 3. Wzlipisa 4. Wzlypsa 4 (a). <sup>3088</sup> posset A. <sup>3089</sup> deest. 1. <sup>3090</sup> Boryvoy 1. <sup>3091</sup> Zuatoplik 1. <sup>3092</sup> unde 3. <sup>3093</sup> coartari A. <sup>3094</sup> ADGABR. 1.

#### NOTÆ.

(867) Eos fratres non fuisse nemo non videt. De quo loquendi usu vid. Pubitschka IV, 101.

(868) l. e. hoc loco juniorem filium patrii.

(869) Inter Frisingenses episcopo illius temporis Uodalricum non inveniri observavit Schwarz; illo munere Heinricum functum esse annis 1098 usque

1137, qui erat Friderici comitis de Pilstein frater, probat tabula quadam apud Meichelbeck Hist. Frî sing. I, 2 n. 4282.

(870) Ubi hodie sita est urbs Kuttberg.

(871) Habern quo itur in Moraviam.

Frisensis <sup>2095</sup> amisit capellam suam (672), ibi propter A  
difficilem viam omnem <sup>3098</sup> exercitus cum rebus  
usualibus projecit sarcinam. Mane autem facto adve-  
nientes Boemi, hoste carentia <sup>3097</sup> diripiunt spolia.  
Erant autem illo tempore Borivoy et Suatopluk con-  
cordes et ad invicem unanimes, sed unde orta sit  
inter eos discordia, parum superiora repetens  
exordia, referam pauca.

16. Anno dominicæ incarnationis 1102 <sup>3098</sup>, Wla-  
dzlaus dux Poloniæ habens duos filios, unum de  
concupina progenitum, nomine Sbigneu <sup>3099</sup>, alte-  
rum ex Juditha Wratislai regis filia editum, nomine  
Bolezlaus, hos inter <sup>3100</sup> suum regnum <sup>3101</sup> dividit  
per medium (673); sed quoniam juxta vocem domin-  
nicam, *omne regnum in se ipsum* <sup>3102</sup> *divisum de-*  
*solabitur* (Luc. xi, 17), et domus supra domum cadet,  
et sicut vulgo dicitur, duo cati uno <sup>3103</sup> sacco  
capti <sup>3104</sup> insimul esse non possunt, anno dominicæ  
incarnationis 1103 Sbigneu post obitum patris mox  
contra fratrem suum sumit arma, et promittens pec-  
uniam associat ducem Borivoy sibi <sup>3105</sup> in auxilium.  
Qui statim misit post Suatopluk <sup>3106</sup> in Moraviam, et  
convenientes simul castra metati sunt juxta oppi-  
dum Recen (674). Quod audiens Bolezlaus mittit <sup>3107</sup>  
pedagogum <sup>3108</sup> suum Skribimir <sup>3109</sup> (675), et rogat  
ducem Borivoy ut sit memor affinitatis, se <sup>3110</sup> sibi per  
Juditam, ejus sororem, dicit propinquiorem; et insu-  
per offert ei <sup>3111</sup> ad manum 10 marsupia 1000 mar-  
cis plena. O pecunia tocius mali <sup>3112</sup> regina, fraudis  
amica, fidei hostis et inimica! Tu justiciam com-  
primis, recta judicia subvertis. Te corrupti Gra-  
bissa et Protiven <sup>3113</sup>, ducis Borivoy consilarii, com-  
pellunt ipsum ducem in fidem <sup>3114</sup> Sbigneu promissam  
abnuere. Qui statim accepta <sup>3115</sup> pecunia reversus  
est ad propria <sup>3116</sup>, et quia nec unum obulum dedit  
Suatopluk, indignatus valde et succensus ira disce-  
dens fertur dixisse: *Incendium meum ruina* <sup>3117</sup>  
*exlinguam* (676).

17. Anno dominicæ incarnationis 1104, Johannes

(677) electus est in episcopum Moraviæ. Eodem  
anno mittit Suatopluk in Boemiam indagatores ne-  
quitiae, delatores justitiæ, seminatores <sup>3118</sup> discor-  
diæ et omnium malarum arciuum inventores,  
qui <sup>3119</sup>

Possent unanimes armare in prælia fratres (678).  
Hii fere universas Boemicæ civitates circumfrentes alios  
pecunia corrumpunt, alios muneribus, alios pro-  
missionibus obligant, et quos sciebant novarum  
rerum avidos, aut dignitatibus privatos, aut ver-  
satiles et animo inconstantes, omnes <sup>3120</sup> suis ver-  
suciis asciscunt <sup>3121</sup> in partes Suatopluk ducis. His  
itu patris <sup>3122</sup>, anno dominicæ incarnationis 1105,  
sole morante in decima parte Libræ, intra Suato-  
pluk cum suo comitatu <sup>3123</sup> Boemiam, et occurrunt sibi  
perfidorum agmina, quidam vero ex eis expectant  
ut eum aperta janua urbis Pragæ recipiant infra  
mœnia. Sed prius eadem die dux Borivoy valde di-  
luculo veniens præoccupat urbem, et ponit in ea  
fortia præsidia atque episcopo Hermannò eam <sup>3124</sup>  
comittens, se cum suis ad Vissegrad contulit. Et  
ecce Suatopluk <sup>3125</sup> ordinatum <sup>3126</sup> pulchre instructis  
cum sex legionibus apparet in campo, et quia nul-  
lus obviam sibi venit ab urbe, incertus et dubius  
parum substitit, et mox transvadantes <sup>3127</sup> fluvium  
Wlitavam infra villam quæ dicitur Bubni <sup>3128</sup> (679),  
applicuerunt urbi, sed inveniunt clausas portas et  
super muros fortiter resistentes milites. Ibi a quadam  
ancilla super muros astanti turpiter confusi, eadem  
via repedantes figunt tentoria inter utrasque urbes,  
in loco ubi sabbato fiunt mercimonia (680), æsti-  
mantes quod ex utraque urbe sui conjuratores illa  
nocte confluerent ad eos. Quod cum minime fecis-  
sent, mane facto cœtu convocato Suatopluk sic  
orsus est ad eos: *Quamvis non vacet modo ut prolixo  
utar alloquio, pro re tamen pauca loquar, ne mortis  
occasionem timere alicui videar. Timidis, enim et igna-  
vis, quibus misera vita* <sup>3129</sup> *habetur* <sup>3130</sup> *suavis, aptis-*  
*sima mors est, forti autem* <sup>3131</sup> *viro mortem subire in*

#### VARIE LECTIONES.

<sup>2095</sup> Oudalricus inserunt 4. 4 (a). <sup>3098</sup> omnis 3. 4. 4 (a). <sup>3097</sup> carentes 2 (b). <sup>3098</sup> Mill. C. III. A. <sup>3099</sup> Izbi-  
gneu 1, ita et deinceps; Zbingnen 3, Zpitigneu 4, 4 (a). <sup>3100</sup> inter hos A. <sup>3101</sup> regnum s. A. <sup>3102</sup> ipso 2 (b).  
omittit 4 (a). <sup>3103</sup> in uno A. <sup>3104</sup> positi A. <sup>3105</sup> al. manu superscr. A. <sup>3106</sup> Suatopluc 1. <sup>3107</sup> ad inserunt 2,  
4 (a). <sup>3108</sup> legatum A. <sup>3109</sup> Zribimir 1, Zkrybimir 2, Zribimir 2 (b), Zkarbimir 3, Zkrbimir 4, 4 (a) <sup>3110</sup> sui  
corr. se A. <sup>3111</sup> sibi 2 (b). <sup>3112</sup> mundi 3. <sup>3113</sup> Protiven 1, Protiven 2, 2 (b), 3, 4, 4 (a). <sup>3114</sup> fidei 2. <sup>3115</sup>  
fide 1, expunctum. <sup>3116</sup> patriam A. <sup>3117</sup> rugina corr. ruina A. <sup>3118</sup> nequitiae et erasa A. <sup>3119</sup> quique 1.  
<sup>3120</sup> omnibus corr. omnes 1. <sup>3121</sup> afficiunt 1. <sup>3122</sup> Suatopluk repetit 1. <sup>3123</sup> exercitu 4. 4 (a) <sup>3124</sup> ea 2, 2 (b),  
3, 4, 4 (a). <sup>3125</sup> Hic desunt nonnulla annotavit sæc. XVII manus in margine 1, desiderantur duo, ut vi-  
detur, folia quæ continebant sequentia usque cap. 21, ad verba corruptus et avarus etc. <sup>3126</sup> ornatim A.  
<sup>3127</sup> transvadentes 3. <sup>3128</sup> Bubni 2, 2 (b), 3. Burni 4. 4 (a) <sup>3129</sup> captus oculis et mentula est privatus, hæc  
verba in textu A. sed expuncta. <sup>3130</sup> videtur 4, 4 (a). <sup>3131</sup> alia manu superscr. A.

#### NOTÆ.

(672) Vasa et ornamenta sacra quibus sacerdotes D  
ad sacra peragenda utuntur, itemque capsula qua  
reliquiæ sanctorum asservantur. SCHWARZ.

(673) Sbigneu a patre data erat Masovia, Bolezlaus  
regni sedes principales in Cracovia, Sandomiria et  
Wratislavia, ut refert Martinus Gallus II, 8. De  
dissensione fratrum cfr. ibidem II, 24.

(674) Rutzen, in regione Troppaviensi.

PATROL. CLXVI.

(675) Apud Martinum Gallum Skarbimirus pala-  
tinus.

(676) Sallust., Catil. 31.

(677) Tertius.

(678) Virg., Æn. VII, 335.

(679) Buben.

(680) In dextra ripa Moldavæ, in ea Pragæ urbis  
parte ubi hodie sunt sepulcra Judæorum. Palacky  
I. 353.

*præliodulcius est nectare liquido. Nam ego olim mecum deliberavi aut potiri pane et honore potiori, aut pugnando honestæ succumbere morti. Sed (681) vobis sola nunc est mors ista cavenda, ne quis vestrum captus et manibus post terga <sup>3132</sup> ligatus <sup>3133</sup>, atque spectaculum hostibus factus, veluti bos ad victimam ductus, calat securi peremptus. Victis enim una <sup>3134</sup> est victoria et digna laude memoria, ne incruenta hostibus contingat victoria <sup>3135</sup>. Dixerat, et continuo cum suo comitatu vertens iter <sup>3136</sup> Moraviam, sic fatur Wacek <sup>3137</sup> ad comitem: *O miserabilis fortunæ oonditio, qua <sup>3138</sup> nunc cogor <sup>3139</sup> humi residere ut noctua, qui visus <sup>3140</sup> eram veluti agilis aquila ascendisse <sup>3141</sup> fere usque ad nubila.* Cui Vacko: *Non <sup>3142</sup> te, inquit, domine <sup>3143</sup> mi, frangat ista adversitas, quam cicius felicitior sequetur <sup>3144</sup> prosperitas, quia et solis post aquæ <sup>3145</sup> nubem magis nitet claritas. Talis enim vicissitudo omnium rerum est in mundo.* Quos abeuntes dux Borivoy cum suis prosequitur <sup>3146</sup>, et quamvis septies plus de militibus habebat, tamen non audebat cum eis committere prælium, quia timuit suorum <sup>3147</sup> perfidiam, ne sua castra deserentes ad hostium se transferant miliciam. Prosecutus est autem eos a longe usque ad introitum silvæ (682).*

18. Anno dominicæ incarnationis 1106, inventore discordiarum diabolo seminante discordias per universum <sup>3148</sup> orbem terrarum, quidam sui cooperatores extiterunt ex Teutonicis proceres <sup>3149</sup>, qui seducentes filium imperatoris, regem videlicet Henricum quartum, persuaserunt ut contra genitorem suum arma sumeret. Qui filii sui a facie fugiens, in urbe Ratisbona cum paucis munivit se armis, et mittit pro duce Borivoy, ut sibi in auxilium cum exercitu suo veniat. Nec mora, venientes Boemi non longe a Ratisbona metati sunt castra juxta fluvium Reznam: ex altera autem parte ejusdem fluminis erant castra filii imperatoris. Tunc qui videbantur esse fautores cæsaris, primus Lupoldus marchio orientalis lapsus fuga noctu repatriat cum suis, Depoldus <sup>3150</sup> (685) autem et Berengerus <sup>3151</sup> (684) marchiones <sup>3152</sup> transferunt se ad castra regis

A Henrici junioris. Videntes autem Boemi se undique esse destitutos, nichilominus celerius ut potuerunt, simul noctu maturaverunt <sup>3153</sup> fugam. Quod videns imperator deserit <sup>3154</sup> Ratisponam, et transiens per australem plagam via qua itur ad Netolic <sup>3155</sup> (685), intrat Boemiam, quem dux Borivoy honorifice suscipiens <sup>3156</sup>, sicuti ipse cæsar disponebat, versus Saxoniam dat sibi conductum per terram suam cæsare dignum, deducens eum usque ad generum suum Wichbertum <sup>3157</sup> (686). Inde per Saxoniam transiens et Renum perrexit Leodium, ubi non post multos dies cum vita amisit imperium 7 <sup>3158</sup> Idus Augusti.

19. Eodem anno Suatopluk convocans eos qui secuti eum fuerant de Boemia, quid opus sit facto jam in incepto negotio quærit consilia. Tunc Budivoy <sup>3159</sup> filius Hren <sup>3160</sup>, cæteris ætate senior linguaque discretior <sup>3161</sup>, in adversis et prosperis vir æquanimus <sup>3162</sup>, et in talibus negotiis ab ineunte ætate vir eruditus ac plenus versucii, his usus est alloquiis: *Varius est inventus in prælio, et <sup>3163</sup> nunc hi, nunc illi prævalere bello. Nos autem, fratres, nondum usque ad sanguinem pugnavimus, nondum fecimus capitibus nostris <sup>3164</sup> pontem, quo <sup>3165</sup> itur ad solium, quem <sup>3166</sup> utique et facturi sumus, si sors facere compulerit. Sed quoniam non semper armis, sed sæpius dolis ad ardua honoris venitur fastigia, nunc positus armis utamur dolis. Talibus enim artibus Troya ab argis <sup>3167</sup> est in decimo anno capta, et Prudentius refert in Psihomahia <sup>3168</sup> dicens:*

C *Nil differt armis contingat palma dolisve* (687).

Nec mora, mittitur alter, ut ita dixerim, versipellis Sinon <sup>3169</sup> in Boemiam, multimodis instructus dolis, nepos Gapatæ <sup>3170</sup>, qui paratus in <sup>3171</sup> utramque fortunam (688), casus <sup>3172</sup> non timuit mortis, cui apte sonat nomen virilis, quia viriliter egit. Nam sicut olim Sinon Argivos armatos equo inclusos per sua mendacia traxit Troyæ in mœnia, ita per istius falsidica commenta duci Suatopluk victa patuit Boemia. Hic ut pervenit ad ducem Borivoy, genibus

#### VARIÆ LECTIONES.

<sup>3132</sup> post terga manib. A. <sup>3133</sup> deest A. <sup>3134</sup> deest 4, 4 (a) <sup>3135</sup> corr. A. <sup>3136</sup> versus *inserunt*. 4, 4 (a). <sup>3137</sup> Wacek 2. Vecek. 3. <sup>3138</sup> quia A. 4. <sup>3139</sup> color *corr. al. manu cogor*. A. <sup>3140</sup> usus A. 2, 4, 4 (a). <sup>3141</sup> ascendere A. <sup>3142</sup> *omissum*. 4 (a) <sup>3143</sup> dux 2 (b). <sup>3144</sup> sequitur 2 (b). <sup>3145</sup> *corr.* A. aquam 2, aqueam 2 (b), aquosam 3. aquam et 4, 4 (a). <sup>3146</sup> prosequitur 2 (b). 4. <sup>3147</sup> deest 2, 2 (b), 3. <sup>3148</sup> ita A. *deest* *rell.* <sup>3149</sup> proceris 4 (a). <sup>3150</sup> Dupoldus 2 (b), Depoldus 4. <sup>3151</sup> Berengerus 2, 2 (b). Regnerus 3. <sup>3152</sup> deest A. <sup>3153</sup> matur. simul. noctu A. <sup>3154</sup> urbem *add.* 4 (a). <sup>3155</sup> Netolic 2 (b), Netholic 3, Netholic 4, 4 (a) <sup>3156</sup> suscepit A. *corr. al. man.* suscipiens. <sup>3157</sup> Wigbertum 2. <sup>3158</sup> VI, 4, 4 (a) <sup>3159</sup> Borivoy 3. <sup>3160</sup> Chren 4, 4 (a). <sup>3161</sup> discretior 2. <sup>3162</sup> æquanimus 2, 2 (b), 3, 4. <sup>3163</sup> *omittit* 4 (a). <sup>3164</sup> vestris 2. <sup>3165</sup> viam qua 4, 4 (a). <sup>3166</sup> quam 4 (a) <sup>3167</sup> Agris 2, ab Ar. est *al. man.* in margine A. *falso in textu* ab agris talibus enim. talibus est — Argis in *rell.* <sup>3168</sup> Psihomahia 4. <sup>3169</sup> Symon 4. <sup>3170</sup> Gapatæ 2 (b), Sapacæ 3, Gapatæ 4, 4 (a). <sup>3171</sup> ut 2. <sup>3172</sup> casum 2 (b).

#### NOTÆ

(671) In sequentibus iterum Sallustium in oratione Catilinæ, c. 58, imitatus est.

(682) Hoc jam anno 1104, factum esse probant Ann. Hildesheim. et Ann. Saxo.

(683) Comes de Vohburg, marchio Nordgaviæ, qui jam priori tempore ad Henricum juniorem transierat. Cfr. Ann. Hildesheim. 1104.

(684) Sulzbacensis. Consentit de his Ekkehardus

in Chronico 1106.

(685) Netoliz.

(686) Usque ad montes Wissechore i. e. montes Saxonie metalliferos. Cfr. monachum Opatovicensem ad a. 1105 in Pelacky Wurdigung, p. 65.

(687) V. 550.

(688) Virg., Æn. II, 61.

provolutus, fletis lacrimis rigat pedes dulcis, et tandem surgere jussus talia fatur: *O memiserum vix,*

*Delituisse fuga, et 3178 vix evasisse scelestas manus impii Suatopluk, qui si me cepisset, procul dubio hosce oculos mihi eruisset. In quo quoniam me aliter ulcisci nequeo, o Deus omnipotens, fas mihi sit ejus secreta detegere, fas mihi sit omnes qui sunt in hac terra ejus familiares prodere.* Sicque miscens vera falsis multis criminatur Suatopluk flagitiis, et ut sibi magis credatur, dicta sua confirmat sacramentis. Talibus artibus atque insidiis vir bonus et simplex dux 3174 Borivoy deceptus et multum mendaciis credulus, ramos robustos quibus et ipse innixus sedit et honorem suus pependit 3175, incaute præcidit, et ab alto culmine cecidit 3176. Nam amicos suos fideles Bosey et Mutinam sæpe capere et ut hostes rei publicæ punire voluit, sed quia consiliarios suos Grabisam et Protiven 3177 plenos rimarum habuit, velle suum prædictos comites non latuit. Qui statim transferunt se ad fratrem ejus Wladizlaum et jam 3178 frementi et sævienti 3179 addunt stimulos, ut magis sæviant contra germanum suum Borivoy, cui jam abrenuntiaverat fidelitatem et fraternitatem suam et amiciciam, et palam miserat ad 3180 Suatopluk in Moraviam Vilalmi 3181 fratrem nomine Pulonem 3182. Quem advenientem Wladizlaus et cæteri comites 3183, heu insensati! et quasi suimet hostes et patriæ inimici, ad suam perniciem trahunt rabidum lupum in ovile 3184 ovium, qui non solum oves, verum etiam ipsos dilaniaret 3185 oppiliones. Ergo Borivoy milis ut agnus, regno privatur, et Suatopluk sævior tigride, ferocior leone, intronizatur anno dominicæ incarnationis 1107 (689) pridie Idus 3186 Maii.

20. Hoc novum nec prius in Boemia factum circa 3187 adjacentes mirantur gentes, et pejora in futurum Boemis vanæ mentis per præsentia auguriantur 3188. Hinc filii Pannoniæ Cassandri lætantur, inde Poloniæ nequam trapi (690) incircumcisis labiis gratulantur, quia, dum isti principes semetipsos inquietant, illi quiete potiuntur. Multi autem ex comitibus, quos ipse Borivoy de proselitibus (691) fecerat comites, comitabantur eum et secum in Poloniam proficiscuntur. Videns autem quæ fiebant Sobezlaus 3189, ter-

A cius natu post Borivoy 3190, jam bonæ indolis juvenis, secutus est fratrem 3191 in Poloniam. Hisdem temporibus rex Heinricus quartus forte aderat in Saxonia (692), ad quem Borivoy accelerat et illatam sibi injuriam applorat, et ut ei injuste sublatum restituat Boemiæ ducatum, immensa auri et argenti pondera promittit se daturum (693). Protinus rex mittens unum de satrapis, sic mandat Suatopluk paucis: *Per coronam capitis mei mando tibi et præcipio 3192, ut sine dilatione ad me venias, aut si venire tardaveris, procul dubio ego 3193 in justitia 3194 te et tuam Pragam celeriter 3195 visitabo.* Qui mox coadunato exercitu veniens, sub ipso introitu silvæ juxta oppidum Hlumec 3196 convocat proceres et satrapas, et proponit eis fratrem suum Ottonem dicens: *Ego solus ibo, et mei capitis periculo scrutabor ancipites 3197 amicos regis. Vos hic expectate dubios 3198 casus incerti inventus; de cætero Deus omnipotens 3199 nostros 3200 præveniat et subsequatur actus.* Et assumptis secum paucis, ita temere in 3201 apertum ruitur laqueum. O stulta sapientia viri, immo audax audacia ducis! Vadit 3202 haud 3203 ignarus, quid sibi factururus rex auro corruptus 3204 et avarus 3205 ut infernus. Quem advenientem, sine omni audientia rex jussit retrudi in custodiam, et convocans eos qui secum venerant, tradit eis Borivoy ducem, ut reducentes eum in urbem Pragam iterum relevent 3206 in principalem cathedram. Qui remeantes cum eo, tertia die metati sunt castra juxta castellum 3207 Donin (694) Audiens hæc Otto 3208, ait ad suos: *Quid expectamus hic? jam quod timebamus evenit, et quod verebatur accidit. Eamus et videamus novum ducem, si regis dextra eum nostra 3209 defendat ab asta 3210 (695).* Et ordinans ex electis militibus sex legiones 3211, noctu transcendens montes, manediluculo irruit in castra Borivoy. Sed ille 3212 præcibus jam lapsus fuga delituerat, quia quidam profugus ex castris Ottonis causam sibi clam innotuerat.

21. Præsul autem Hermanus, vir prudens et justus, inter varios casus utriusque ducis quasi inter Scillam et Caribdim positus, ne videretur utramvis partem eorum incertam secutus, secessit ad amicum suum Ottonem Babenbergensis 3213 ecclesiæ episcopum. Borivoy autem, licet quod pecierat non obti-

#### VARIÆ LECTIONES.

3173 deest A. 3174 deest 3. 3175 honorem suspendit A. 3176 excidit 2. 3177 Protucen 3. 3178 etiam 2. 3179 sitiienti 3. 3180 ita A. per 3. pro rell. 3181 Wilhelmi 2. Willehalmi 2 (b). 3. Willalmi 4. 4 (a). 3182 Polonem 2. 3183 omisum 4. 4 (a), 3184 suarum addunt 4. 4 (a). 3185 dilaniaverunt 4. 4 (a). 3186 II. Idus 2 (b). 3. 4. 4 (a). 3187 ita 3. 3188 augurantur 2 (b). 3. 3189 Sobleslaus 2. Zobeuslaus 2 (b). 4. 4 (a). Zobeuslaus 3. et sic deinceps. 3190 tercius — Borivoy desunt A. 3191 suum inserunt 4. 4 (a). 3192 et præcipio omissa 3. 3193 deest 3. 3194 et judicio addunt 4. 4 (a). 3195 deest 3. 3196 Hlimecz 2. Hlymec 2 (b). 3197 ancipes corr. al. man. A. 3198 expectat dubius 4. 3199 deest A. 3200 vestros 2 (b). 3. 4. 4 (a). 3201 deest 3. 3202 omisum 2. 3203 corr. A. 3204 bibliopegi errore sequentia folia in 1. disjecta sunt. 3205 aversus 1. 3206 relevant corr. al. atram. 1. eum add. 4. 3207 nomine inserit 3. 3208 audiens repetit 1. 3209 vestra 2 (b). 3210 ista 2. 2 (b). 3. hasta 4. 4 (a) 3211 ordinatis — legionibus 3. 3212 ille jam A. horum inserit 4. 3213 bbbg. A. Bambergensis 2. Bambergensis 2. 3.

#### NOTÆ.

(689) Consentiant Annales Pragenses: cfr. quodque diploma apud Boczek I, 491.

(690) Trapus est pannus, igitur hoc loco homines abjectissimi.

(691) Advenis.

(692) Mense Julio Goslaris residebat Heinricus, cfr. Boëmer n. 1981.

(693) Vide Annales Hildesheimenses 1107

(694) Dohna.

(695) I. e. hasta.

nuit, tamen quam promiserat regi pecuniam persolvit<sup>3214</sup>. Quia vero omnes homines, uti res se habent, ita<sup>3215</sup> magni atque parvi sumus, ecce dux (696) magni nominis positus in custodia cujuslibet parvissimi hominis obtemperat jussis, et a minus<sup>3216</sup> dignis laceratur<sup>3217</sup> obprobriis.

Ah secum quantas curas in pectore versat (697), quotiens per primos palatii iram regis flectere temptat? Sed quoniam manu vacua frustra pulsatur regum janua, manus vero uncta frangit adamantia, promittit regi<sup>3218</sup> decies mille marcas argenti. Ah! quid non dabit homo imminente<sup>3219</sup> cervicibus<sup>3220</sup> gladio? Quis in angustia constitutus<sup>3221</sup> non libenter daret pro se<sup>3222</sup> quicquid haberet? Atqui<sup>3223</sup> si rex ab eo cencies mille talenta exigeret, nichilo stulcius esset, si pro vita sua etiam montes aureos non promitteret? Hujus gratia rei accipiens<sup>3224</sup> ab eo rex<sup>3225</sup> sacramentum<sup>3226</sup> fidei, dimittit eum et mittit secum ex clientibus unum qui acciperet censum denominatum. Qui cum venisset Pragam, continuo sacra spoliat delubra, ornamenta contrahit muliebria, et quicquid micabat auri et argenti in Boemia corrasit, et vix collegit 7 marcarum milia; de cætero fratrem suum<sup>3227</sup> Ottonem dat regi obsidem. Similiter et præsul Hermannus alvernensis<sup>3227</sup>, de dote sanctæ ecclesiæ præstitit duci<sup>3228</sup> 70 marcas obrizi auri; item ejusdem ecclesiæ 5 pullia cum limbis Ratisbonæ apud Judeos sunt posita in vadimonio pro 500 marcis argenti. Certe non abbas<sup>3229</sup>, non præpositus, non clericus, non laicus<sup>3230</sup>, non Judeus, non mercator, non trapezeta<sup>3231</sup>, non citarista fuit, qui non conferret invitus aliquid duci<sup>3232</sup> ac sua apoteca. Post paucos vero dies Otto elapsus fuga, regressus<sup>3233</sup> est ad fratrem suum de curte regia, quod valde regi displicuit.

22. Anno dominicæ incarnationis 1108, sicut sæpe fit, ubi mas et femina uno lecto cubant duo,

Gignitur ex limbo tercius ut sit homo, ita conjunx nobilis (698) Zuatopluc ducis

Edidit et tenerum suspendit ad ubera natum<sup>3234</sup>. Pro quo rex Heinricus post quinque menses misit, et de sacro fonte baptismatis eum levat, atque nomine suo Heinricum vocat. Quem remittens ad

patrem<sup>3235</sup>, omne debitum, scilicet 3000 talentorum, compatri suo Suatopluc dimisit, et præcipit ut paratus sit secum in expeditionem contra sæviciam Ungarorum (699); quia rogatu quorundam Teutoniorum illuc propeverat ultum ire necem Hierosolimitanorum, quos illa gens ob crudelitatem<sup>3236</sup> suam alios gladio interemit, alios in servitute<sup>3237</sup> redegit. Jamque mense Septembri, dum moratur Suatopluc dux cum rege in Pannonia juxta civitatem Possen (700), Borivoy cum Polonis hostiliter intrat Boemiam, Wackone<sup>3238</sup> et Mutina in fugam versis cum suis præsidii<sup>3239</sup> de munitione, quæ fuit firmiter posita versus terminos Poloniæ; nam dux Suatopluc abiens duobus his omnem curam suam comiserat, et ut essent in tutelam Boemiæ cunctis eos præfecerat. Cumque Wacko socium<sup>3240</sup> Mutinam vidisset non acriter pugnare, nec viriliter hostibus resistere super munitionem, ex hac occasione ratus quod consilio ejus Borivoy Boemiam intraret, mox unum ex militibus clam misit, qui hæc omnia duci Suatopluc intimaret. Similiter alium militem instruxit dolis, et misit in castra Borivoy ducis; qui paratus in utrumque.

Et versare dolos simul aut succumbere morti (701), veniens ad prædictum ducem Borivoy finxit se fugisse<sup>3241</sup> de castris Zuatopluc ducis, et nunciat jam<sup>3242</sup> de Ungaria eum redisse, atque in crastinum<sup>3243</sup> cum eis pugnaturum confirmat<sup>3244</sup> per suæ fidei sacramentum. His mendaciis illi<sup>3245</sup> perterriti, eadem nocte in Poloniam sunt reversi. Quibus auditis rex Heinricus fertur dixisse compatri Zuatopluc: *Nisi tuas injurias in Poloniis ulciscar, projecta vilior alga*<sup>3246</sup> (702) *semper habear*. Interea Zuatopluc inflammatus ira, absens in absentem Mutinam dentibus stridet, oculis scintillat, et alte suspirat. Vix diem expectat quo in illum suam effundat iram, pro nichilo reputat, si unum Mutinam puniat, jam diris promissis<sup>3247</sup> cum juramento se obligat, quod illam totam generationem ut lucernam gladio extinguat, et quia quosdam ex illis in obsequio suo<sup>3248</sup> præ oculis habet, corde dolet, vultu autem ad omnes se hylarem<sup>3249</sup> exhibet. Cui post advenienti sub ipso exitu silvæ, juxta oppidum Lutomis<sup>3250</sup>, Wacko

#### VARIE LECTIONES

<sup>3214</sup> solvit 4. <sup>3215</sup> ut inserunt 4. 4 (a). <sup>3216</sup> ita 1. *superscr. al. man. in illo a minimis. animus A. 2. 2 (b).* 4. 4 (a). <sup>3217</sup> lac. dig. A. <sup>3218</sup> deest A. <sup>3219</sup> inmitente 1. <sup>3220</sup> cervici 4 (a). <sup>3221</sup> positus 4. <sup>3222</sup> pro se de sunt 3. <sup>3223</sup> aut qui 4 atque 3. <sup>3224</sup> acceptis — sacramentis 3. 4. <sup>3225</sup> rex deest A. 2. 2 (b). 4 (a). <sup>3226</sup> deest A. <sup>3227</sup> advenientes 4. <sup>3228</sup> Zuatopluc addunt 4. 4 (a) <sup>3229</sup> habbas 4. <sup>3230</sup> non laicus omittit 3. <sup>3231</sup> trapezita 1. <sup>3232</sup> regi 1. *deest* 4. <sup>3233</sup> ita 1, reversus *rell.* <sup>3234</sup> nomine Wacezlaum addunt 4. 4 (a). <sup>3235</sup> suum addunt 4. 4 (a). <sup>3236</sup> credulitatem *corr. crudel.* A. <sup>3237</sup> suam addit 4. <sup>3238</sup> Wackone 2. *Veckone 3. ei deinceps.* <sup>3239</sup> prædictis A. <sup>3240</sup> suum addit 3. <sup>3241</sup> aufugisse 4. <sup>3242</sup> eum jam A. <sup>3243</sup> in castrum 3. <sup>3244</sup> confirmans 4. *deest per.* <sup>3245</sup> deest 4. <sup>3246</sup> deest 2, 2 (b). <sup>3247</sup> præmissis 4 (a). <sup>3248</sup> al. *man. in margine A. se 2. se supra posito sibi, addito in margine forte suo 2 (b). sibi 3. suo 4, 4 (a).* <sup>3249</sup> hylarem 1. hilari 2 (b). <sup>3250</sup> Liutomysl 2. Luconis. 3. Lutomisl 4, 4 (a).

#### NOTÆ.

(696) Swatopluc.  
(697) Virg., Æn. V, 702.  
(698) Ex annalista Saxone nonnulli sibi persuaserunt uxori Zuatopluci nomen fuisse Ita, sed sine dubio annalistam in errorem duxit vocula *ita*, quam hoc loco apud Cosmam legitimus, qua ille nomen indicari false opinatus est.  
(699) Almus a fratre Colomanno rege expulsus

auxilium petierat ab Heinrico V; cfr. Ekkehard. Uraug.

(700) Presburg, vide diploma Heinrici V die 29 mensis Septembris 1108 eodem loco datum, Boehmer 199f. Ekkehardo est Bresburg castrum, Ottoni Frisingensi VII, 13, Posonium.

(701) Virg., Æn. II, 62.

(702) Virg., Eclog. VII, 42.

cum Mutina occurrunt. Nunciatumque est illa die ter ab amicis suis Mutinæ, quod nisi aufugeret, procul dubio aut vitam aut oculos amitteret. Sed quia jam eum premebant sua fata, visa sunt sibi verba amicorum suorum quasi deliramenta <sup>3251</sup>. *Neque est, inquit, vir fortis, fatum qui timet mortis.*

23. Ut autem intraverunt castrum Wratislau <sup>3252</sup> (703), postera luce summo mane convocat omnes proceres in cœtum; quibus congregatis in unum, sicut leo de sua emissus cavea in theatrum stat rugiens et erectis jubeis expectat edulium, sic Zuatopluk intrans stubam, sedit in medio super truncum fornacis, plus succensus ira.

Quam fornax, qui <sup>3253</sup> species succenditur flamma, et circumspectis omnibus, intuentis torvis oculis Mutinam, taliter indignantia solvit ora (704):

*O gens invisa propagoque Diis odiosa!*

*o nequam filii Vrisovici <sup>3254</sup>, nostri generis familiares inimici! An unquam <sup>3255</sup> mihi excidet de memoria, quod super avavum <sup>3256</sup> meum Jaromir in monte Veliz <sup>3257</sup> vobis quidem ludicra, nobis autem <sup>3258</sup> fecistis sen. piterna ludibria (705)? An immemor ero, quod fratrem meum <sup>3259</sup> Bracizlaum <sup>3260</sup>, quasi eximium sydus in toto orbe ducum, tu et frater tuus Bosey fraude maligna <sup>3261</sup> necastis (706)? Quid autem meruit frater meus Borivoy, qui sub vestra potestate regnabat, et per omnia vobis ut proprius emplicius parabat? Atqui per innatam vobis superbiam ducis non sustinuisistis modestiam, et me quantum solitis versucis inquietastis, donec vestris pravis acquiescens consiliis, peccans in fratrem meum Borivoy, valde peccavi, quia <sup>3262</sup> solio cum privavi! Et hoc est unum mihi quod dolet atque dolebit in ævum. Adhuc etiam atque etiam audite, o mei proceres, quid filius iniquitatis et caput locius impietatis fecerit iste Mutina, quem ego nuper, cum vobiscum irem <sup>3263</sup> in expeditionem, post me secundum reliqui hujus terræ præsidem et præceptorem. Ille autem bonus vir fingens se ire <sup>3264</sup> venatum, non pertimuit noctu ire in Poloniam Zvini <sup>3265</sup> (707) ad oppidum, ut cum suo patruo Nemoy ageret consilio, quo me pelleret de solio. Fit murmur confusum <sup>3266</sup>, et ardentem ira ducis animum magis magis que ut ardeat per suum succendunt assensum.*

Tunc dux <sup>3267</sup> assanti et conscio sui conatus iictori ex obliquo <sup>3268</sup> innuens, exit <sup>3269</sup> foras. Qui statim super Mutinam nichil tale metuentem irruit. Omnia patientia comitis! Ad duos ictus sedit immobilis, ad tertium vero cum surgere <sup>3270</sup> conatur <sup>3271</sup>, capite plectitur. Eadem hora et in eadem stuba capti sunt Unezlav <sup>3272</sup>, Domasa <sup>3273</sup> et duo filii Mutinæ. Unus autem Neusa <sup>3274</sup>, qui erat ex altera natione, valde tamen familiaris Mutinæ, videns quæ fiebant fugit; et <sup>3275</sup> aufugeret <sup>3276</sup> jam <sup>3277</sup> extra urbem fugiens <sup>3278</sup> per arbusta, si non eum notabilem redderet rubra tunica; qui ilico captus, oculis et mentula est privatus <sup>3279</sup>. Et sicut sæpe fit cum irrumpit cruentus <sup>3280</sup> lupus in ovile ovium, sævit, mactat, nec prius rabiem suam <sup>3281</sup> placat aut a cæde cessat, quam <sup>3282</sup> omnibus mactatis ovibus: ita Zuatopluk oblitus unius cæde hominis, exarsit in iram et jussit ut omnis illa natio sine ætatis discretionem et sine temporis dilatione plecteretur capite, et ætante comitum agmine dixit: *Qui non aborret mea implere jussa, dabitur ei crassa auri massa. Qui autem Bosey et eius filium interficiet, centuplum accipiet et hæreditatem illorum possidebit.* Non ocius evolvant venti, quando <sup>3283</sup> rex eorum Heolus <sup>3284</sup> perforat cuspide latera montis (708) sub quo inclusi <sup>3285</sup> tenentur, quam <sup>3286</sup> proceres Vacula <sup>3287</sup>, Hermannus, Kirassa <sup>3288</sup> et alii quam plurimi insiliunt equos <sup>3289</sup>, et volant præpeti <sup>3290</sup> cursu in fata Bosey et filii ejus; cæteri per terram discurrunt et investigant, ut totam <sup>3291</sup> gentem illam de medio tollant.

24. Interea Bosey in villa Lubic heu! ignarus fatorum dum se locat cum filio et uxore ad prandium <sup>3292</sup>, astitit puer qui diceret: *Ecce, domina, multi sine ordine accurrunt per campum festinando.* At ille: *Veniunt, inquit, de expeditione; veniant ad nos cum Dei benedictione <sup>3293</sup>.* Dum hæc loquitur, ecce truculentus <sup>3294</sup> Kyrasa <sup>3295</sup> aperit ostia, et fulgurans evaginato gladio clamat <sup>3296</sup>: *Exi, scelesti exi, male concitate, qui meum cognatum Thomam occidisti sine causa in tempore quadragesimæ.* Et surgens filius ejus Boruth <sup>3297</sup>: *Quid, inquit, fratres, agitis? Si jussi sumus ut capiamur, sine armis et tumultu capi possumus, et excipit incantus gladium*

#### VARIÆ LLECTIONES.

<sup>3251</sup> liramenta 3. <sup>3252</sup> Vratizlu 4. Wratislai 3. <sup>3253</sup> quæ 3. <sup>3254</sup> Wisewici 1. Wisewici 2 (b). Werovici 3. Wrsowic. 4, 4 (a). <sup>3255</sup> corr. A. <sup>3256</sup> repetit et delet 4. <sup>3257</sup> Weliz 1, 2. <sup>3258</sup> quidem 2. <sup>3259</sup> deest 3. <sup>3260</sup> superscr. al. manus A. loco Bolezlau. <sup>3261</sup> malicia 1., <sup>3262</sup> quod 2 (b), <sup>3263</sup> veni 3. <sup>3264</sup> se deest 3. <sup>3265</sup> Svvidniez 2. Zvini 2 (b), 4. Swini *repetit* noctu ire ante vocem Swini 4 (a). <sup>3266</sup> confusum A. <sup>3267</sup> Zwatopluk addunt 4, 4 (a). <sup>3268</sup> ex obl. desunt 2 (b). <sup>3269</sup> exit 2, 3, 4. <sup>3270</sup> fugere 3. <sup>3271</sup> repetit et delet A. <sup>3272</sup> Unizlaw 2. Unizlau 2 (b). Unizlau 3. Unizlau 4, Unizlaw 4 (a). <sup>3273</sup> Domassa 2, 4. <sup>3274</sup> Neussa 1, 4. Neussa 3. <sup>3275</sup> et corr. al. manu ut A. ut inserunt 2, 4 (a). <sup>3276</sup> aufugerat 2 (b), 3, 4 (a). <sup>3277</sup> jamque A. <sup>3278</sup> fugerat A. <sup>3279</sup> qui — privatus desunt A. <sup>3280</sup> omittunt 4, 4 (a). <sup>3281</sup> deest 2, 4 (a). <sup>3282</sup> quomodo 4. <sup>3283</sup> cum 2 (b). <sup>3284</sup> eolus 1. <sup>3285</sup> deest 3. <sup>3286</sup> deest 2, 4 (a). <sup>3287</sup> Vacula quod legendum Vacula 2. Wacula *rell.* <sup>3288</sup> Kyrassa 1, 2, Kraissa 4, 4 (a). <sup>3289</sup> eos 2. <sup>3290</sup> perpeti 3, 4, 4 (a). <sup>3291</sup> deest A. <sup>3292</sup> prandendum 4. <sup>3293</sup> veniant — benedictione desunt 2 (b). <sup>3294</sup> trunculentus 2 4 (a). <sup>3295</sup> Kirassa 1, 4. <sup>3296</sup> dicens addunt 4, 4 (a). <sup>3297</sup> Boruth 3.

#### NOTÆ.

(703) Wratislaw haud procul ab urbe Hohen-D

mant.

(794) Cf. Ovid., Met. VII, 190.

(705) I, 34.

(706) III, 13.

(707) Schweidnitz.

(708) Virg., Æn. I, 84.



capulotenus <sup>3298</sup> per mediam <sup>3299</sup> alvum. Nec mora, A et adhuc nati

Sanguine madentem <sup>3300</sup> jugulo pater exoipit ensem. At illi invasores, velut urbium <sup>3301</sup> expugnatores <sup>3202</sup>, immensas diripiunt gazas, et, sicut ait Cato :

*Labitur exiguo quod partum est tempore longo ;* namque <sup>3303</sup> de tantis divitiis nec unus superfluit pannus quo eorum tegetetur corpus. Sed sine sarchophago et obsequio funebri Bosey <sup>3304</sup> et ejus filius <sup>3305</sup> Boruth, velut jumenta sunt nudi in fossam præcipitati 6 Kal. Novembris (709). Scire mihi non licuit, quot capita ex gente <sup>3306</sup> illa leto sunt dedita, quia nec in una die nec uno in loco sunt perempti. Alii namque in forum ducti, ceu bruta animalia sunt matctati, alii in monte Petrin <sup>3307</sup> (710) decollati, multi in tectis sive in plateis sunt <sup>3308</sup> trucidati. Quid autem referam de morte natorum Mutinæ, quorum mors visa est omni <sup>3309</sup> crudelior morte? Erant enim bonæ indolis pueruli, vultu spectabiles, visu <sup>3310</sup> amabiles, quales nec sagax artifex in albo ebore nec pictor in pariete vult exprimere. Vidimus enim eos miserabiliter in forum trahi et sæpius clamantes <sup>3311</sup>, *Mater mi ! Mater mi !* cum cruentus carnifex <sup>3312</sup> ambos ceu porcellos sub ascella interficeret cultello <sup>3313</sup>.

Diffugiunt omnes sua pectora percutientes, ne viderent <sup>3314</sup> carnificem tam crudele facinus operantem. Cæteri vero qui superstites fuerunt ex gente illa, delituerunt fuga; alii in Poloniam, alii fugientes in Pannoniam, de quorum excidio simul et discidio <sup>3315</sup> licet amplam <sup>3316</sup> habeamus ad scribendum materiam, sed ne videamur velut hircino <sup>3317</sup> cantu explicuisse tragediam, redeamus unde paulo digressi sumus, ad chronicam (711).

25. Factum est autem, postquam rex Henricus reverteretur soluta obsidione a civitate Possen, Colmannus <sup>3318</sup> rex Ungariæ non longo post tempore volens sibi illatas a Zuatopluc duce ulcisci injurias, intrat Moraviam et eam hostiliter devastare cœpit. Nam cum rex Henricus intentus bellicis armis ex omni parte cingeret obsidione <sup>3319</sup> urbem Possen, dux prædictus cum suis Boëmis, quicquid erat ex hac parte Vag <sup>3320</sup> fluminis a Trencinopoli <sup>3321</sup> (712) quoad usque prædictus amnis influat <sup>3322</sup> Danubium,

nichil reliquerat incombustum. Sæpe etiam speculatores <sup>3323</sup> sive exploratores a rege Pannonico missos idem dux comprehensos naso privaverat et visu. Quadam similiter die plus quam mille viros ex <sup>3324</sup> electis <sup>3325</sup> militibus a prædicto rege ad hoc <sup>3326</sup> directos, quatenus per insidias aut pabulantes scutarios <sup>3327</sup> caperent, aut super incautos Teutonicos noctu irruerent, duo Zuatopluc prægnoscens ubi inter paludes <sup>3328</sup> latitabant, repente irruens, omnes usque ad unum velut pisces missa sagena captos, alios interfici, alios in eculeo suspendi jusserat <sup>3329</sup>, paucis vero, accepta magna pecunia, vitam concesserat. Talia ob facta et alia hujusmodi, quibus Ungaros afflixerat <sup>3330</sup> dux Zuatopluc, ut audivit regem videlicet Colomannum invasisse Moraviam, confestim coadunavit <sup>3331</sup> utrumque exercitum Boëmiæ atque Moraviæ; cumque festinasset in opaca nocte per silvam, ardens latenter subire inimicum et cum eo in crastinum committere pugnam, inter tot milia militum <sup>3332</sup> secum festinantium: mira res, ipsius ducis in pupilla <sup>3333</sup> oculi male prominens præcursus ramus tam fortiter fixus est, ut, surculo vix eruto simul et oculo, seminecem tollentes ducem, reversus est exercitus ad propria mœstus pridie Idus Novembris.

26. Anno dominicæ incarnationis 1109, 10 una mensis Februarii, quia grande inhorruerat frigus et omnes aquæ erant congelatæ valde, dux Suatopluc jam eruti sanato vulnere oculi, continuo iterum coadunato <sup>3334</sup> exercitu, tribus diebus et tribus noctibus continuo festinans, intrat Ungariam, et nemine eorum præsciente, ex improviso applicuit cum exercitu ad urbem Nitram (713); et irrupisset <sup>3335</sup> in eam, si non vigiles qui semper ibi sunt custodientes clausissent portam. De populato igitur et succenso ejus suburbio, redeuntibus occurrunt eis agmina multorum in curribus et in equis fugientium ad prædictam urbem. Quibus in simul, quasi manipulis in agro <sup>3336</sup> collectis, villis eorum combustis, omni illa regione <sup>3337</sup> devastata, maxima onustati jumentorum et cæterarum rerum copia <sup>3338</sup>, hylares ad proprios reversi sunt lares.

27. Eodem anno excellentissimus rex <sup>3339</sup> Hein-

#### VARLE LECTIONES.

<sup>3298</sup> deest 2 (b). <sup>3299</sup> medium 4. <sup>3300</sup> madantem 2. madente nati sanguine 4 (a). <sup>3301</sup> in add. 1. <sup>3302</sup> impugnatores 2. <sup>3303</sup> ita 1. jamque *rell.* <sup>3304</sup> Bosey 1. <sup>3305</sup> fil. ejus A. <sup>3306</sup> gente ex A. <sup>3307</sup> Petrin 2. <sup>3308</sup> deest A. <sup>3309</sup> omnium 2 (b). <sup>3310</sup> justi 2. <sup>3311</sup> ac plorantes *addunt* 4, 4 (a). <sup>3312</sup> artifex A. 1. <sup>3313</sup> outello A. <sup>3314</sup> videant A. 2, 2 (b), 3, 4, 4 (a). <sup>3315</sup> dissidio 2 (b). <sup>3316</sup> apostolicam 1. <sup>3317</sup> yrcino 1. <sup>3318</sup> Colomannus 1, 2 (b), Cholomannus 3, Colmannus 4. <sup>3319</sup> obsidionem 4. <sup>3320</sup> Wag 2. <sup>3321</sup> Atrentinopolim 2 a Trentinopolim 2 (b), Atrenemopolim 3, a Trencinopolim 4. <sup>3322</sup> influat 2, 3, 4, 4 (a). <sup>3323</sup> faculatores 2. <sup>3324</sup> deest 2. <sup>3325</sup> electos 2. <sup>3326</sup> ad hæc 2. <sup>3327</sup> ita *corr.* A. scurarios 1, 4 (a) scutarios 2, 2 (b) 3, 4. <sup>3328</sup> paludes 1. <sup>3329</sup> interfici jussit, alios in eculeo suspensus 3. <sup>3330</sup> afflixerat 1. <sup>3331</sup> coadunat 2 (b), 3. <sup>3332</sup> milium 1. <sup>3333</sup> pupilla 1. <sup>3334</sup> coad. iterum A. A. <sup>3335</sup> irruisset 3. <sup>3336</sup> agris 4. <sup>3337</sup> reg. illa A. <sup>3338</sup> copia *corr. al. man.* copia 1. <sup>3339</sup> rex exc. A.

#### NOTÆ.

(709) Probat Neorologium Bohemicum.  
(710) Mons S. Laurentii prope Pragam.  
(711) Cfr. quæ de ejusdem gentis crudelissima clade retulerunt Dodechinus ad 1108, qui tria millia virorum occisos esse testatur, et monachus Pega-

viensis qui hoc consilio Henrici V factum esse vult.

(712) Trenczin.  
(713) Neitra.

ricus <sup>3340</sup>, memor iræ suæ et indignationis contra A  
ducem Poloniæ nomine Bolezlaum memor pollicita-  
tionis quam pollicitus erat compatri suo Zuatopluk  
<sup>3341</sup> juxta urbem Possen <sup>3342</sup>, uti supra retulimus,  
iter agens per Saxoniam, duxit secum Bawaros <sup>3343</sup>  
simul et Alamannos <sup>3344</sup> atque Francos orientales,  
et eos qui sunt circa Renum infra Agripinam Colo-  
niam usque ad occidentales sui imperii terminos ;  
nec defuerunt <sup>3345</sup> Saxones saxis rigidiores cum longi-  
stibus hastis <sup>3346</sup>. Quibus etiam Boemiis adjunctis mense  
Septembri (714) intrat Poloniam (715), et circa  
primum ejus oppidum Glogov <sup>3347</sup> disposita obsidio-

Aut partam <sup>3348</sup> magnis ausibus <sup>3349</sup> acquirere famam,

Aut cum morte ducis <sup>3350</sup> simul hanc amittere vitam,  
stetit sub patula fago (718) juxta viam qua itur ad regalem curiam,  
observans reditum ducis, dum rediret de curte regis.

Quem ut vidit primo jam noctis in crepusculo  
stipatum ingenti <sup>3351</sup> caterva militum obsequentium,  
insiluit equum, et paulisper se inmiscuit agmen in medium.

et toto annisu virium inter scapulas ducis <sup>3352</sup> vibrans <sup>3353</sup> jaculum,

Intima fatifero rupit præcordia (719) ferro.

Qui cicius quam tangeret humum exalavit spiritum,  
Scilicet undenis Octobri mense Kalendis.

Corpus et examine <sup>3354</sup> sua non sine turba mœrore

Sublevat et plorat, flens ad sua castra reportat,

In castris multus per noctem fitque tumultus.

Nam huc et illuc palantes <sup>3355</sup> diffugiebant et iterum B  
redibant donec a rege missus Purcardus <sup>3356</sup> incer-  
tos motus plebis vix compescuit. Mane autem facto  
venit rex <sup>3357</sup> ut lugeret super compatre suo <sup>3358</sup>, et  
astantibus universis <sup>3359</sup> Boemis concessit, ut quem-  
cunque voluissent <sup>3360</sup> suorum ex filiis principum  
sibi in ducem eligerent. Tunc Wacko, sicut erat  
lugubris, rogat <sup>3361</sup> obortis <sup>3362</sup> lacrimis, ut fratrem  
interfecti principis Ottonem decernat <sup>3363</sup> eis du-  
cem. Quem ilico rex collaudat, et populus insipiens  
per castra ter *Kirieleison* clamat. Nec mora, paucis  
scientibus filius Bugsa <sup>3364</sup> nomine Detrih <sup>3365</sup> currit  
curriculo <sup>3366</sup>, atque quarta die summo diluculo  
adducit Pragam Ottonem, quem Vacko <sup>3367</sup> et <sup>3368</sup>  
universi qui erant de Moravia satagebant principalis  
sedis provehere ad fastigia. Quod quia sine consensu

ne, devastat eam <sup>3348</sup> ex utraque parte fluminis Od-  
ræ, a prædicto oppido usque ad castrum Recen  
(716), et iterum cum magna præda reversus est ad  
castra. Ibi cum jam disposuisset, uti in crastinum  
ducem Zuatopluk et ejus dimitteret exercitum, to-  
tam in regalibus negociis usque ad noc'em dedu-  
xerunt <sup>3349</sup> diem. Affuit interim <sup>3350</sup> in castris qui-  
dam miles audacissimis <sup>3351</sup> audacior, et, ut post  
a referentibus audivimus, missus a Johanne filio-  
Csta <sup>3352</sup> de gente Wrissovici <sup>3353</sup> (717), qui in  
utrumque <sup>3354</sup> paratus

Boenorum et episcopi efficere conabantur, frustra  
eorum temeritas, et sacramenta olim exhibita  
in medio concilio recitantur. Nam cum Zuatopluk  
ducem inthronizarent <sup>3375</sup>, cuncti Boemi sacramen-  
tis confirmaverant, ut post ejus obitum Wladizlaus,  
si superstes esset, proveberetur ad solium.

28. Hos inter tantos populi motus Hermannus  
præsul et Fabianus comes, qui habuit in urbe Wis-  
sograd præfecturam — hii quia cæteros sicut di-  
gnitate, ita et sapientia præminebant — consilio  
prævaluerunt et toto annisu effecerunt, ut et sa-  
cramenta fierent <sup>3376</sup> inviolata, et Wladizlaus jura  
principatus jure adoptata omnibus assentientibus  
obtineret; elevatus est autem in solium sole mo-  
rante in nona parte Libræ (Oct. 2). Cujus de virtuti-  
bus et gloria mihi videtur ut interim sileatur, dum

#### VARIE LECTIONES.

<sup>3340</sup> Heinricus *deest* 3, rex *deest* 4 (a). <sup>3341</sup> Zuatopluk 1. <sup>3342</sup> Bossen. 3. <sup>3343</sup> Bavaros 1, 2 (b), 3. <sup>3344</sup>  
Alamannos. a *superscr. al. man.* A, Alamannos 2, Alemannos 2 (b). <sup>3345</sup> defuere 4, 4 (a). <sup>3346</sup> austis *corr.*  
hastis 1. <sup>3347</sup> Glogov 2, Glogov 4. <sup>3348</sup> *deest* 2, 4 (a). <sup>3349</sup> duxerunt 2, 2 (b), 3, 4 (a). <sup>3350</sup> *deest* 4, 4 (a). <sup>3351</sup>  
audacissimus 1. <sup>3352</sup> Cysta 1, 2, 2 (b). <sup>3353</sup> Wrissovici 1, Vrssevici 2, Werssevici 2 (b) Warsovici 3, Wrssovici  
4. <sup>3354</sup> utroque 4, 4 (a). <sup>3355</sup> aut partam *desunt* A. <sup>3356</sup> ausis 2 (b), *in margine*. <sup>3357</sup> Zuatopluk *inserunt* 4,  
4 (a). <sup>3358</sup> ingente 3, 4 (a). <sup>3359</sup> *ita corr.* A, et 3, 4, librans *rell.* <sup>3360</sup> exanimem 2, exanimum 2 (b), exanime,  
*omisso* et 3, 4, 4 (a). <sup>3361</sup> balantes 4. <sup>3362</sup> Purcardus 1. <sup>3363</sup> Heinricus *add.* 4. <sup>3364</sup> Zuatopluk *inserunt* 4,  
4 (a). <sup>3365</sup> immensis 3. <sup>3366</sup> voluisset 1. <sup>3367</sup> *alia manu* 1. <sup>3368</sup> exortis A, abortis 2. <sup>3369</sup> *decertat corr.*  
*al. man.* decernat 1. <sup>3370</sup> Bosa 1, Busa 2, 2 (b), 4, 4 (a), Busæ filius 3. <sup>3371</sup> Detrisek 1, 2 (b), 4, 4 (a), Dietrisek  
2, Detrissek 3. <sup>3372</sup> *superscr. al. man.* 1. <sup>3373</sup> Uacek 1. <sup>3374</sup> *exciderunt folia duo vel tria cod.*  
1, *cum iis, de quibus supra, conjuncta; desunt omnia usque ad III, 32, frater ejus Wladizlaus.* <sup>3375</sup> *deest*  
A. <sup>3376</sup> *essent.* 3.

#### NOTÆ.

(714) Annales Hildeshem. 1109. At jam die S.  
Barthelomæi apostoli i. e. d. 24 Aug. Oderam trans-  
iit Heinricus teste Martino Gallo.

(715) Vide Martini Galli Chron. III, 82, et de ex-  
peditione Heinrici V in Poloniam excursus 10 apud  
Roepell I, 669.

(716) Ritschen.

(717) Eum a Wiperto comite Groicensi missum  
esse legitur in Chronico Pegaviensi.

(718) Virg., Eclog. I, 1.

(719) Virg., Æn. VII, 347.

in hac vita conversatur, ne aut adulationis notam incurramus, aut dum minus de laudibus suis <sup>3377</sup> scribamus, derogationis offensam incidamus. Unde quidam admonet dicens: *Lauda virtutem ducis, sed post hujus bravium lucis.* Ut autem audivit Borivoy, quod frater ejus junior Wladizlaus post obitum Zcatopluk regni potiretur solio, continuo descendens a Polonia, perrexit in Zribiam ad Wigbertum suum per sororem generum. Cujus consilio fretus et auxilio, nec non et quorundam perfidorum ex nostris promisso confisus adminiculo, in vigilia natiuitatis Domini (Dec. 24) mane diluculo nemine resistente urbem <sup>3378</sup> ingressus est Pragam, heu! ad perniciem et exhauriendam multorum crumenam.

29. Hoc inoppino rerum eventu urbani valde turbati trepidant <sup>3379</sup> incerti, quas partes inter repentinos fortunæ casus sequi debeant. Multi eorum <sup>3380</sup>, quorum sors fortunatior erat, Rebus in urbe suis cara cum prole relictis, Aufugiunt, nec scire queunt quæ castra sequantur. Multi novarum rerum cupidi gaudent et exultant fugientibusque <sup>3381</sup> insultant, quia bona eorum duce Borivoy permittente diripiiebant. Præsul autem Hermannus in suo palatio deprehensus, quasi hostibus septus, ita a suis pacificis servabatur obclusus; sciebant enim quod libenter aufugeret, si aufugere quiret. Hos inter ancipites populi metus, Fabianus urbis Wissegrad præfectus <sup>3382</sup>, quo se verteret <sup>3383</sup> incertus,

Maluit habire <sup>3384</sup> quam præsto nefanda videre,  
Et sibi commissa discedens urbe relicta,  
De re communi curæ sibi quæ fuit uni  
Plurima conquestus, stans fatur talia mæstus:  
*Væ tibi Boemia, quæ non adeo nimis ampla,  
Cum <sup>3385</sup> sis communis dominis subjectaque multis,  
Herili de stirpe sati sexuque virili  
Jam sunt bis deni, nisi fallor ego, dominelli.  
Unde poeta catus fertur dixisse Lucanus (720),  
Non sibi sed populo gravis est nimis aucta potestas,  
Nam quidcunque <sup>3386</sup> duces delirant, plectitur hoc*  
[plebs (721).

Dixerat et, ut supra dictum est, relicta <sup>3387</sup> Wis-  
[segrad civitate,  
morabatur per villas in ejus vicinitate,

A fortunæ suspensus ambiguitate,

Ociore interea ventis et fulmine fama (722)

Diversis omnes implet rumoribus urbes (723),

In populo multus per terram fitque tumultus.

Multi enim, quibus bonæ desunt artes, rerum novitate gaudentes, huc et illuc per villas palantes <sup>3388</sup> et eas devastantes, expectabant ambiguos fortunæ casus; ast alii, quibus mens erat altior et fides purior, tendunt ad principalem sedem in urbem Pragam. Quid facerent? Haut inscii in apertam ruunt foveam, et <sup>3389</sup> nolentes volentesque <sup>3390</sup> accedunt ducis Borivoy ad fatorum aleam (724). Quos ille benigne suscipiens, obligat sacramentis et promissionibus multis, et committens eos Gabrissæ <sup>3391</sup> comiti, eadem die transfert se cum aliis ad tuciora urbis Wissegrad mœnia. Inde mane ad horam primam in ipso die (Dec. 25) regreditur Pragam, et cum magnæ cleri processione suscipitur, atque ibi audita missa iterum reversus est ad prædictam urbem.

30 Eadem nocte Otto, frater Suatopluc, et Wacek comes, venientes de castro Gradeck <sup>3392</sup> cum tribus scaris militum, castra metati sunt circa Rokitnicam <sup>3393</sup> rivulum. Mane autem facto Wissegrad oppido applicuerunt, et omnes vias circumquaque custodibus oppilaverunt <sup>3394</sup>, ita ut nec egredi posset nec ingredi quisquam <sup>3395</sup> in auxilium Borivoy. Disposuerat enim antea dux Wladizlaus, quod in prædicta urbe Gradeck ipse natale Domini celebraret. Sed quia interim regis Henrici vocatione <sup>3396</sup> debuit in octavis <sup>3397</sup> Domini (Jan. 4) interesse regali synodo Ratisbonæ (725), præceperat Wacek comiti, ut quam studiosius posset, Ottoni, quem invitarat ad festum, administraret convivium. Ipse autem propter jussum regis accelerans, in civitate Plizen <sup>3398</sup> cum cæteris comitibus festis diebus mansit duobus, tertia autem die, ut cognovit ea quæ gerebantur in urbe Praga, distulit et postposit regis jussa, et in festo sancti Johannis apostoli et evangelistæ (Dec. 27), cum his <sup>3399</sup> qui secum fuerant in curte <sup>3400</sup>, ad mœnia prædictæ urbis advolat, sed clausas invenit portas,

Vidit et armatos secum pugnare paratos.

Ad quos excelsa per propugnacula stantes

D sic orsus est dicens: *Pacificus ad vos venio, reco-*

#### VARIÆ LECTIONES.

<sup>3377</sup> ejus 3, 4 (a). <sup>3378</sup> omittit 2 (b). <sup>3379</sup> trepidabant 4, 4 (a). <sup>3380</sup> ita A, deest rell. <sup>3381</sup> fugientibusque A. <sup>3382</sup> præf. W. A. <sup>3383</sup> ita corr. A vertat rell. <sup>3384</sup> audire corr. habire A, audire rell. <sup>3385</sup> Heu 4. <sup>3386</sup> quodcunque 2, 4. <sup>3387</sup> deest 4. <sup>3388</sup> balantes 4. <sup>3389</sup> fide puriores add. A. deest. rell. <sup>3390</sup> volantes nolentesque A. <sup>3391</sup> Grabissi 4, 4 (a). <sup>3392</sup> Gradeck 3. <sup>3393</sup> Rokytniczam 2. Bruznicam B. <sup>3394</sup> oppulaverunt, eraso tu A. et omnes — oppilaverunt omissa 4, 4 (a). <sup>3395</sup> nec egredi nec ingredi posset quisque 3 nec egredi quisquam posset, nec ingredi quisquam 4, 4 (a). <sup>3396</sup> natione 2. <sup>3397</sup> natiuitatis inserit 2 (b) <sup>3398</sup> Plizen 2, Plizen 3 Plizen 4, 4 (a) <sup>3399</sup> eis 4 (a). <sup>3400</sup> urbe 2 (b).

#### NOTÆ.

(720) Pharsal. III, 152:

*Non sibi, sed domino gravis est, quæ servit, egestas.*

(721) Hor., epp. I, 2, 14.

(722) Virg., Æn. V, 349.

(723) Virg., Æn. VII, 549.

(724) Ducan., Phars. V. 7.

(725) In Epiphania Domini Henricum cum principibus colloquium Radisponæ habuisse testatur Ekkehardus.

*gnoscite me, et aperite vestro* <sup>3401</sup> *januas domino*. Ad hæc verba ducis cum nullus respondisset, valde iratus <sup>3402</sup> et multum eis minatus, flectit <sup>3403</sup> iter trans torrentem Bruznicam <sup>3404</sup>, et ut ascendit superoilium montis, vidit a longe <sup>3405</sup> in campo longam seriem armorum, in quibus Waczlau <sup>3406</sup> (726), filius Wigberti, veniebat in auxilium Borivoy. Et mittens unum de satrapis <sup>3407</sup> explorat, utrum ex adverso an pacifici veniant. Ut autem per internuncium <sup>3408</sup> utrique recognoverunt se adinvicem, prædictus juvenis expavit, et non aliter retorsit <sup>3409</sup> gradum ac si durum in vepribus latentem calcaret ydrum, et convocans suos in unum manipulum <sup>3410</sup> dixit: *Nullus nobis patet locus fugæ, nec latet nos invitos* <sup>3411</sup> *subire aleam pugnæ. Hoc solum facite, ne hanc pugnam illi* <sup>3412</sup> *impune ferant*. Dixit, et expandunt <sup>3413</sup> vexillum, atque <sup>3414</sup> clamant sanctam Mariam <sup>3415</sup> sibi in auxilium. Dux autem <sup>3416</sup> per innatam <sup>3417</sup> sibi probitatem semper exosus civilia bella, clamorem eorum et ipsos parvi pendens, volebat <sup>3418</sup> præterire eos.

31. Tunc Detriæck, filius Busa <sup>3419</sup>, fomes mali, inceptor <sup>3420</sup> sceleris, *Si te, inquit, non mordet nec tangit tua injuria a minus dignis tibi illata, saltem nobis ignoscas ut cognoscas, utrum* <sup>3421</sup> *viva an mortua caro simus*. Ad hæc Wladizlaus dux, *Si, inquit, non gratiæ sed ignaviæ hoc ascribitur, huc hora videbis* <sup>3422</sup>

*Illic quod vicibus meus hic iterabitur ensis.*

Et ciclius dicto <sup>3423</sup>, arrepto clypeo <sup>3424</sup>, primus longe prosiliit ex agmine, primus in adversa fulminat acie, et veluti setiger sus turba eorum septus, ita dux inimicis circumventus hos proterit, illos prosternit,

Donec humano perfusus sanguine totus, uno amisso comite Wacena <sup>3425</sup>, victor venit in sua castra jam ad radicem urbis Wissegrad posita. Fit ingens clamor in castris præ gaudio, quia salvum ducem receperunt de prælio. Filius autem <sup>3426</sup> Wigberti, velut anguis <sup>3427</sup> quem pastor <sup>3428</sup> sua peda (727) medium fregit, ille <sup>3429</sup> attollens caput amissa cauda vix serpit, ita prædictus puer quibusdam amissis, quibusdam vero <sup>3430</sup> graviter vulneratis,

Corde mœrens valde subit <sup>3431</sup> ardua mœnia (728) (Pragæ.

A Res similis prodigio, quotquot vulnerati fuerunt, omnes interierunt. Quid admiramur <sup>3432</sup> si propter unum scelus filiorum Pelonis <sup>3433</sup> sol suos oculuit et obumbravit radios super civitatem Argos, cum inter has contiguas urbes tot pejora sunt patrata scelera? Crudelius enim civili geritur bello, ubi filius patrem, cimbello <sup>3434</sup> et pater filium provocat duello, alius cit <sup>3435</sup> suum germanum ad monomachiam, alius fratrem cœu hostem captum ligat et expoliat, alius cognatum suum obruncat, alius amicum quasi inimicum trucidat, ubique fœda res agitur <sup>3436</sup> et abhominabile scelus patrat. O Jesu, bone Domine! quæ pateris in homine? Quam patienter expectas quo minus habeas <sup>3437</sup> quos pro merito punire debeas <sup>3438</sup>?

B 32. Interea dux Wladizlaus jam dudum præmiserat <sup>3439</sup> Hermannum et Zezeman <sup>3440</sup> comites ad regem Henricum, qui forte in urbe Bambeik proximum celebrabat <sup>3441</sup> natale Domini (Dec. 25), et promittens ei 500 <sup>3442</sup> marcas argenti (729) rogat suplex quo dignaretur, aut per se aut per suos nuncios, a fratre Borivoy instinctu Wigberti sublato sibi restituere <sup>3443</sup> ducatum. Rex autem, licet <sup>3444</sup> eo tempore valde iratus esset Wigberto, magis tamen succensus amore donominati census, continuo exercitu consitato, inchoante dominicæ incarnationis 1110 anno, in Kalendis <sup>3445</sup> Januarii ingressus est <sup>3446</sup> Boemiam. Et præmittens duos marchiones Depoldum <sup>3447</sup> et Berngerum <sup>3448</sup>, mandat ut interposita pace Borivoy et frater ejus Wladizlaus, simul Hermannus præsul atque filius Wigberti <sup>3449</sup> cæterique Boemiæ majores natu, occurrant sibi ad curtem episcopi in villa Rokican <sup>3450</sup>. Quo cum secundum regis jussum advenissent, sine omni audientia Borivoy et filius Wigberti capitur <sup>3451</sup>, præsulis autem causa probatur esse justa, manu <sup>3452</sup> regis auro uncta. Post hæc omnes fautores Borivoy, jubente duce Wladizlao <sup>3453</sup>, alii visu privantur et censu, alii tantum <sup>3454</sup> rebus substancialibus expoliantur, cæteri qui hanc cladem evadere valuerunt, ad Zoblezlaum filium regis in Poloniam fugierunt. Inter quos Johannes, filius Cata, de gente Wrissovic captus, de quo supra retulimus (730) jubente Vacek <sup>3455</sup> visu

#### VARIE LECTIONES.

<sup>3401</sup> vestros 4(a). <sup>3402</sup> Borivoy inserunt 4, 4(a). <sup>3403</sup> vertit 2(b). <sup>3404</sup> Bruznicam 2. <sup>3405</sup> a longe desunt 3. <sup>3406</sup> Waczlau 2. Wacslaus 3. <sup>3407</sup> de satrapis desunt A. <sup>3408</sup> nuncium A. <sup>3409</sup> retrorsit A. 1, 2. <sup>3410</sup> manipulum 2. <sup>3411</sup> deest A. <sup>3412</sup> deest 2. <sup>3413</sup> expendunt 3. <sup>3414</sup> nimis inserit 3. <sup>3415</sup> et S. Wenczlaum add. 4, 4(a). <sup>3416</sup> deest A. <sup>3417</sup> ignatam corr. al. man. inn. A. <sup>3418</sup> volebat 3. <sup>3419</sup> Bussæ 3. <sup>3420</sup> inventor 3. <sup>3421</sup> utram. 3. <sup>3422</sup> videbitis A. <sup>3423</sup> dux Wladizlaus inserunt 4, 4(a). <sup>3424</sup> gladio 2 in textu, in margine clypeo. <sup>3425</sup> Wacena 2 Wecena 3. <sup>3426</sup> deest 4, 4(a). <sup>3427</sup> agnus A. 3. <sup>3428</sup> quem pastor desunt 2. <sup>3429</sup> omissum 4(a). <sup>3430</sup> deest 2(b). <sup>3431</sup> subit 4. <sup>3432</sup> ammiramus 4(a). <sup>3433</sup> Pelei super Pelonis 2(b). Pelopis 4. <sup>3434</sup> in bello A. cum bello 2(b) bello 3 omissum 4(a). <sup>3435</sup> scit, eraso sA. citat 4(a). <sup>3436</sup> deest 2, 2(b), 3. <sup>3437</sup> habebas corr. habeas A. <sup>3438</sup> debebas corr. debeas A. <sup>3439</sup> ita superscr. al. man. A. expuncto proposuerat. <sup>3440</sup> Sazeman 2. (b), 3, 4(a). <sup>3441</sup> celebrarat 2, 2(b), 3, 4, 4(a). <sup>3442</sup> X A. <sup>3443</sup> regnum vel addunt 4, 4(a). <sup>3444</sup> superscr. al. man. A. <sup>3445</sup> III Calend. 3. <sup>3446</sup> rex Henricus add. 4, 4(a). <sup>3447</sup> Diepoldum 2, 4, 4(a), Diepoldum 2, (b) Dipoldum 3. <sup>3448</sup> Berngerum corr. Berng. A. Bereng. 2 Beringerum 4, 4(a). <sup>3449</sup> Wigberti 1. <sup>3450</sup> Rokyczan 2. Rokyczan 3. <sup>3451</sup> capiuntur 4, 4(a). <sup>3452</sup> manus A. <sup>3453</sup> Wladizlu 1, Wladislaw 2, Wladislaw 3. <sup>3454</sup> antum A. <sup>3455</sup> Wack superscr. alia manu 1

#### NOTÆ.

(726) In Vita Wiperti et in Calendario Pegaviensi ducuntur Wiperti filii occurrunt, Wipertus et Henricus et observat Schwarz, qui conjicit Bohemorum Waczenam Misnensibus fuisse Wipertum juniorem.

(727) I. c. vestigio humani pedis, pede.

(728) Virg., Æn. Xil, 745.

(729) Cfr. supra I, 35.

(730) III, 27.

privatus est et naso. Privitan <sup>3486</sup> quoque similiter A in eadem comprehensus seditione, qui videbatur senior esse in urbe Praga, cuius super humeros alligato <sup>3487</sup> maximo cane scabioso et hesterno jure crapulato <sup>3488</sup>, raptus per barbam ter circa forum ductus est, cane reboante et suum demerdante <sup>3489</sup> bajulum, et præcone acclamante: *Talem honorem portat, qui Wladizlao duci promissam fidem derogat.* Atque omni foro spectante, præcisa super tabulam ejus barba relegatus est versus Poloniam in exilium.

33. Nec tamen idcirco defuerunt infideles et discordiæ seminatores, qui inter unanimes fratres (731), Wladizlao scilicet <sup>3490</sup> et Ottonem, tantas discordiarum seminaverunt spinas <sup>3491</sup>, ut ad invicem mutuas pertimescerent insidias. Unde Otto invitatus a fratre <sup>3492</sup> pertimuit venire ad festum paschæ (Apr. 40). Post pascha vero in Kal. <sup>3493</sup> Maii ad terciam vocationem Otto, suorum militum munitis præsidii, venit ad fratrem suum Wladizlao in conductam villam, quæ dicitur Tinec <sup>3494</sup> (732) super monticulos. Ibi tota die de diversis causis concionati, datis et acceptis inter se sacramentis, uti visum est, sunt reconciliati. Sed quoniam idem Otto nobis interdixerat forum in villa Sekir Kostel <sup>3495</sup>, quod pater suus et mater pro remedio animarum suarum Deo et sancto Wenceslao nobis famulantibus <sup>3496</sup> perpetuo habendum tradiderant, ego missus ex parte fratrum, coram duce et ejus comitibus conquestus sum super Ottonem <sup>3497</sup>, quod <sup>3498</sup> lucernam parentum suorum, quam debuerat accendere extinguerebat. Et ille, *Ego, inquit, lucernam genitorum meorum non extinguo, sed nolo <sup>3499</sup> ut in potestate episcopi sit, quod vobis specialiter datum esse scio. Et nunc non episcopo, non <sup>3500</sup> alicui personæ, sed Deo et sancto Wenceslao vobis famulantibus <sup>3501</sup> prædictum forum restituo.* Et ita coram duce <sup>3502</sup> et ejus comitibus restituito <sup>3503</sup> nobis <sup>3504</sup> foro, post diem alteram Otto reversus est in Moraviam.

34. Item ejusdem anni 3 Idus Julii indicta est generalissimus cunctis principibus terræ Boemorum <sup>3505</sup> ad curtem Saczkam <sup>3506</sup>, quæ sita est in medio pratorum. Ad quam similiter Otto vocatus, venit incaute cum paucis, confisus valde de nuper datis inter se et acceptis <sup>3507</sup> sacramentis; ubi tertia die,

A jam definitis omnibus <sup>3478</sup> negotiis, mane surgens Otto in castris præcipit <sup>3479</sup> quæstionariis, ut sint parati cum suis necessariis ad repetendam viam. Ipse vero ascendit in curiam <sup>3470</sup>, accepturus a fratre suo licentiam. Quid multis moror? Cur non cicius quod sine mora factum est eloquor <sup>3481</sup>? Illico ceu ferocissimus <sup>3482</sup> leo capitur <sup>3483</sup>. Otto velut a mitissimo agno duce Wladizlao. Cui cum sui consiliarii instarent, ut eum lumine privaret: *Nequaquam, inquit <sup>3484</sup>, assimilabor <sup>3485</sup> duci Poloniensi Bolezlao, qui fratrem suum Sbigneu <sup>3486</sup> sub fidei sacramentis advocavit dolis, et eum tertia die privavit oculis. Ego autem nolo cum fratre meo perpetuas inire discordias, sed volo castigare eum, ut castigatus resipiscat et cognoscat, atque sui posteri discant, quod terra Moravia et ejus dominatores semper Boemorum principis sint sub potestate, sicut avus noster pater memorix Bracizlaus ordinavit, qui eam primus dominio suo subjugavit (733).* Sed quid fortius forti viro? Ecce vir fortis inter armatas manus Otto tripudiat, et vinculis mancipatus læta <sup>3497</sup> facie et jocundo vultu. quasi ad epulas invitatus ibat <sup>3498</sup>, usque dum retruditur urbis Vissegrad in custodiam <sup>3499</sup>. Ibi fertur dixisse ad eos qui erant eum observantes per vigiliis milites:

*Assimilantur <sup>3490</sup> api linguæ mendacis amici,  
Cujus ab ore fluit mel, cauda sed <sup>3491</sup> ultima pun-  
[git <sup>3492</sup>;*

*Me fore per talem deceptum credite fraudem.*

*Sed casus variæ fortunæ ferre necesse est.*

*Nec facit ista meus frater mihi <sup>3493</sup>, sed vir iniquus  
C Sic voluit Wacek, agitur sic judio Prostey <sup>3494</sup>.*

*Quos ego! si vivam; me modo sed reprimam.*

Post hæc tempore non fongo, reedificato firmissimo castro Krivoplat <sup>3495</sup> (734) in silva juxta fluvium Msam <sup>3496</sup> traditus est ibi Otto armatis militibus ad custodiendum annis fere tribus.

35. Eodem anno duce Wladizlao et universa plebe Boemorum cum jocunditate et læticia sui patroni <sup>3497</sup> Wenceslai celebrantibus natalicia (Sept 28), nuncius affuit duci qui talia retulit: *Vobis hic in tranquillitate et securitate convivantibus, sed fratre tuo <sup>3498</sup> Sobezlao <sup>3499</sup> et duce Poloniorum Bolezlao terram*

#### VARIE LECTIONES.

<sup>3456</sup> Priwitan 2 Priwitan 4. Priuithan 4 (a). <sup>3487</sup> allito 1 <sup>3488</sup>. maximo — crapulato *desunt* 1, *sed manu recenti in margine adscripta.* <sup>3489</sup> demerdare *corr.* demerdante A. immundante 4 4 (a) *sed in illo ab alia manu, quæ vetus vocabulum ut videtur, pudoris causa erasit.* <sup>3490</sup> scilicet W. A. <sup>3491</sup> sp. s. A seminaverunt discordias *omisso* spinas 3. <sup>3492</sup> Wladizlao *inserunt* 4, 4 (a). <sup>3493</sup> III Cal. 2 (b) 3. <sup>3494</sup> Tinecz 3 Teynecna Hurkach *in margine addit explanationis causa* 2 (b) Tynec 4, 4 (a). <sup>3495</sup> Costel 4. <sup>3496</sup> familiaribus 1 <sup>3497</sup> Ottonem A. <sup>3498</sup> quia 4 (a). <sup>3499</sup> volo 3. <sup>3500</sup> nec episcopo, nec 4 (a). familiaribus 1. <sup>3501</sup> Wladizlao *inserunt* 4, 4 (a). <sup>3502</sup> restituo 1. <sup>3503</sup> nobis rest. A. vobis 1. <sup>3504</sup> Boemie A. <sup>3505</sup> Saczkam 1, 2 (b), 4, 4 (a) Saczkam 2, Saczkam 3. <sup>3506</sup> et acceptis *desunt* A. <sup>3507</sup> *omittit* 2. <sup>3508</sup> præcepit 2 (b). <sup>3509</sup> curtem 4, 4 (a) <sup>3510</sup> cur — eloquor *desunt* 2 (b). <sup>3511</sup> fortissimus A. <sup>3512</sup> dominus *inserunt* 4, 4 (a). <sup>3513</sup> *deest* A. <sup>3514</sup> assim ait A. *assimulabor* 2 (b), 4, 4 (a). <sup>3515</sup> Izbigneu 1, 2, Zpigneum 4 (a). <sup>3516</sup> et a 3. <sup>3517</sup> gaudens *add.* 4, 4 (a) <sup>3518</sup> custodia A. <sup>3519</sup> *assimulantur* 2 (b), 3. <sup>3520</sup> ejus 4. <sup>3521</sup> pungat 1. <sup>3522</sup> *deest* 4. <sup>3523</sup> Roscthey 1, 4. Roscthey 3, Wsethey 4 (a). <sup>3524</sup> Krziwoklat 2, Krziwoklat 2 (b), 4 (a). <sup>3525</sup> Mzam 2. <sup>3526</sup> *deest* A. <sup>3527</sup> *deest* A. <sup>3528</sup> sancti 2, 2 (b), 3, sanctissimi 4, 4 (a). <sup>3529</sup> vestro A. <sup>3530</sup> Sobieslao 2, Zobezlao 2 (b), 3, Zobezlao 4.

#### NOTE.

(731) Patruelles erant.  
(732) Teynec ad Albim.

(733) Cfr. Martini Galli Chronicon et Roesel I 260.

(734) Brüglist.\*

hanc depopulantibus, et populum quasi viles messis acervos diripientibus, ego vix solus aufugi<sup>3500</sup>, ut hæc nunciarem tibi. Accelerate<sup>3501</sup> viam, jam<sup>3502</sup> claudite vestra promptuaria, linquite convivia. Mars vocat vos ad prælia, cras aderunt hostium armata<sup>3503</sup> mille<sup>3504</sup> milia. Qui continuo surgentes de convivio, et celeriter exercitu collecto, occurrunt eis ex ista parte

Non nos hostilia  
nec venimus pugnare,  
Sin autem nostris monitis  
cras transibimus flumen.

portamus astilia<sup>3511</sup>,  
sed te fratre<sup>3512</sup> cum tuo pacificare.  
adquiescere non vis,  
et cætera post hæc. Amen.

Ad hæc dux Wladizlaus paucis respondit:

Non erit hoc anno puto<sup>3513</sup> pax sine sanguine magno,  
Ad fœdus pacis<sup>3514</sup> quia nemo venit in armis.  
Transibis<sup>3515</sup> flumen, post cætera non erit Amen;  
lumen transibis, sed non impune redibis<sup>3516</sup>.  
Cætera quæ dicis faciam, fac cætera quæ vis.

Et statim male credulus verbis  
cum suis nocte illa transvadantes  
ex adverso applicuerunt ripis<sup>3517</sup>

hostium dolosis,  
fluvium ante ortum solis,  
ejusdem fluminis.

Poloni<sup>3518</sup> autem ut viderunt dolos suos<sup>3519</sup> profecisse<sup>3520</sup> fecerunt impetum super terram, et eam devastantes incendiis et rapinis, immensa<sup>3521</sup> præda operati juxta pontes Criucy<sup>3522</sup> sunt castra metati. Nostrates autem, quia illa nocte nimis fatigati fuerant, nec tam cito retransvadare<sup>3523</sup> poterant, stabant stupefacti.

36. Ut autem dux<sup>3524</sup> Wladizlaus se dolo deceptum intellexit, et suorum quorundam desides animos ad pugnandum sensit, ira et indignatio et conscia virtus in duce<sup>3525</sup> exarsit, et quasi tuba<sup>3526</sup> vehemens, quæ ad bella milites concitat, ita ejus oratio torpentes suorum mentes excitat: *O Boemi, inquit, olim fama terra marique incliti, virtutibus egregii, triumphis eximii. Nunc vestri tributarii, quibus semper fuistis timori, vobis adhuc spirantibus insullant et terram vestram devastant. An vobis tilienses<sup>3527</sup> (736) pendent in femore enses? An soli Polonenses habent ferreos enses? Quo vobis<sup>3528</sup> adhuc vivere? O sempiternum nobis et nostris posteris dedecus! Ecce Ceres vestra<sup>3529</sup> favillat, Lares vestri usque ad nubila fumigant. Vulcanus tota terræ in superficie furit, et lamen adhuc corda vestra gelidiora glacie non urit? Aut si cor vestrum tabescit, saltem stomachus, qui zelo jam fame languescit<sup>3530</sup>, cur zelo justitiæ non exardescit? An non movet vos femineus planctus et ululatus, Qui raucis clamoribus ardua sydera tangit?*

B Quis lactentium<sup>3531</sup> singultus aut prægnantis<sup>3532</sup> gemitus sive uxoris raptæ a paganis non amaro corde percipit? Quis temperet<sup>3533</sup> se a lacrimis, cum infantes suos seu agnellos<sup>3534</sup> vagientes<sup>3535</sup> interfici aut matris<sup>3536</sup> ab ubere viderit abjcti? Atqui minas dolendum esset, si non a minus<sup>3537</sup> dignis illatus dolor isit fuisset. Certe si tria tantummodo scula habeam, non intermittam hodie ancipitem fortunam belli intemptatam. Moxque ipse<sup>3538</sup> dux<sup>3539</sup> et totus simul exercitus, sicut unusquisque stabat in ripa, jam non quærunv vada, sed sine ordine prosiliunt et transnatant aquam<sup>3540</sup>, optant mori pro patria. Viros dabat eis dolor et illata injuria, festinant quoquo modo poseent, etiam vitæ suæ per dispendium, inimicorum lætum disturbare triumphum. Sed dux sæpe dictus Poloniae postera die transiens rivulum Trutinam (737), quia his non ubique est pervius, jussit cum præda suos et quosque debiles præcedere. Ipse vero in loco ad pugnam sibi apto<sup>3541</sup> cum expeditis equitibus pro defensione suorum stetit repugnare<sup>3542</sup> paratus. Hæc ita fieri cernens Detrich<sup>3543</sup>, filius Busa<sup>3544</sup>, cujus supræ sæpe<sup>3545</sup> mentionem fecimus, secedens in unum locum cum his qui suo lateri adhærebant militibus, dixit ad eos: *Fratres mei et commilitones, quicumque pavidam aut mori timidam habet aliquam in suo carunculam corpore<sup>3546</sup>, necesse est ut eam prius aut abscidat, aut*

#### VARIÆ LECTIONES.

<sup>3500</sup> efugi 2 (b). <sup>3501</sup> accelerat 4, <sup>3502</sup> deest A. <sup>3503</sup> deest 2, 2 (b). <sup>3504</sup> deest A. <sup>3505</sup> Cidlina 1, 2. <sup>3506</sup> Luczica 2. <sup>3507</sup> est 2. <sup>3508</sup> incendentes A. <sup>3509</sup> Olokis 4, 4 (a). <sup>3510</sup> deest 4. <sup>3511</sup> arma 4, (a). <sup>3512</sup> fr. te A. fratrem 2. <sup>3513</sup> deest 3. <sup>3514</sup> superscr. A. <sup>3515</sup> transibitis 4 (a). <sup>3516</sup> abibis A. redibis superscr. abibis 1. <sup>3517</sup> rupis 2. <sup>3518</sup> Polonii I. <sup>3519</sup> non inserunt 4, 4 (a). <sup>3520</sup> profecisse 2 (b). <sup>3521</sup> universa 3. <sup>3522</sup> Crinici 1. <sup>3523</sup> Cryuczki 2, Criuci (b), 2 Kruici 4, 4 (a). <sup>3524</sup> transvadare 1, 2 (b), transvadere 3. <sup>3525</sup> omisum 3. <sup>3526</sup> ducis 4, 4 (a). <sup>3527</sup> al. man. in margine A. <sup>3528</sup> tylienses 4. <sup>3529</sup> nobis A. 2, 3, 4, 4 (a). <sup>3530</sup> nostra 4, 4 (a). <sup>3531</sup> languescet 1, 2. <sup>3532</sup> lactantium 4, 4 (a), <sup>3533</sup> prægnantium 3. <sup>3534</sup> temperet A. <sup>3535</sup> angellos 1, angelos 2. <sup>3536</sup> vaginantes A. <sup>3537</sup> matres 1. <sup>3538</sup> minis 4 (a). <sup>3539</sup> deest A. <sup>3540</sup> Wladizlaus add. 4, 4 (a). <sup>3541</sup> atque add. 2 (b). <sup>3542</sup> aperto 4, 4 (a). <sup>3543</sup> pugnare A. <sup>3544</sup> Detrich 1, 4. <sup>3545</sup> Busa 1, Busæ 3, Buza 4, 4 (a). <sup>3546</sup> sapius 3, deest 4 (a). <sup>3547</sup> ita 3, al. man. superscr. A. deest 1, 2, 2 (b), 4, 4 (a).

#### NOTÆ.

(735) In regione Chlumeç.

(736) Tiliacei s. tiliaginoi, i. e. strepentes tantum,

acie carentes.

(737) Trautenau.

nunc ab agmine nostro discedat <sup>3547</sup>. Nam vilior est <sup>3548</sup> alga maris, qui nescit quam pulchrum sit <sup>3549</sup> mori in armis. Quorum ut vidit animos ad pugnam alacres, erant enim fere centum milites, velut lupus qui quærit clam ex latibulo irrumperet <sup>3550</sup> gregem, ita ille de <sup>3551</sup> improviso impetu cum magno ex nudo latere irruit in hostes. Ubi fere mille prostratis adversariis, fertur ut rabida tigris prædictus miles in confertissimos <sup>3552</sup> hostium cuneos, et eos a <sup>3553</sup> dextris et a sinistris obstantes, quasi spicas <sup>3554</sup> teneræ segetis, acuto metit <sup>3555</sup> gladio, donec immani <sup>3556</sup> vitelorum obrutus cecidit super ingentem occisorum struem. Boemi vero, qui in adversa fronte Martis pugnaverunt, heu! insueti lapsi fuga, terga dederunt. Sobezlau <sup>3557</sup> cum Polonis infausta, quia plus quam civili, potitus est victoria. Facta est autem hæc <sup>3558</sup> strages 8 Idus Octobris, in qua Nosizlav <sup>3559</sup> et Driscray <sup>3560</sup> fratres <sup>3561</sup>, sicuti Lubomir <sup>3562</sup>, et alii quam plurimi ceciderunt.

37. Anno dominicæ incarnationis 1111 regina Svatava <sup>3563</sup> inter natos suos satagente, et episcopo Hermanno mediante, atque Wacek palatino comite, licet contra suam salutem id faventis <sup>3564</sup>, dux Wladizlaus fratrem suum <sup>3565</sup> Sobieslaw <sup>3566</sup> revocavit de Polonia, et dedit ei civitatem Satec cum omni ad eam pertinente provincia.

38. Anno dominicæ incarnationis 1112 regum antiquorum juxta statutum <sup>3567</sup>, regis Heinrici quarti ad nutum dux Wladizlaus nepotem suum, Bracizlai filium et æquivocum, cum armata 300 clypeis legione <sup>3568</sup> misit Romam (738), Sed quoniam jam rex longe antea præcesserat, prædictus puer cum suis transiens Bawariæ alpes, invenit regem in urbe Verona, ibique cum eo celebravit pentecosten (739) (Mai. 21). In Augusto autem mense intravit rex Romam cum <sup>3569</sup> ingenti multitudine diversarum nationum atque linguarum, accepturus imperiales fasces juxta morem regum (740). Et quia idem rex olim surrexerat in suum patrem, idcirco Paschalis <sup>3570</sup> papa judicans enim infamem, volebat ejus implere voluntatem; quem rex illico jussit capi, et adacto ense <sup>3571</sup> jugulo cœpit mortem minari. At ille timens mori, consensit ejus voluntati, atque tercia die adinvicem pacificati, tocus Romani po-

puli et cleri favorabili acclamatione imperator <sup>3572</sup> augustus vocatur et ordinatur (741). Altera autem die novus imperator tanta mittit apostolico dona <sup>3573</sup>, ut pro sui magnitudine humanæ crederentur sufficere cupiditati. His ita peractis reversus est imperator in Bawariam, et nostrates ad suam incolomes rediere patriam.

39. Anno dominicæ incarnationis 1113 <sup>3574</sup> quibusdam hominibus qui vana et incerta libentius referunt, relatum est Sobezlau, quod frater suus, dux Wladizlaus, vellet eum capere, id suggerente et consiliante contra eum Wacek comite. Quibus ille respondit: *Aut ego moriar, aut qui talia molitur prius morietur quam ego capiar.* Et unde rem relatum magis opinaretur <sup>3575</sup> veram esse, eadem hora <sup>3576</sup> venit nuncius vocans eum fratris ad curiam. Qui accipiens fere trecentos milites, adit <sup>3577</sup> fratris curtem <sup>3578</sup> cum paucis, cæteros non longius quam unius stadii spacio fecit stare cum armis. Ubi fratre salutato et prandio sumpto dux præcessit, præcipiens fratri suo ut eum sequeretur ad civitatem Wissegrad. Non enim longe, sed quasi 10 stadiis distabant <sup>3579</sup> ab urbe. Tunc Sobezlaus mittens rogat Wacek comitem, quo per viam, simul <sup>3580</sup> gradientes sermocinarentur adinvicem. Quo facto, parum per viam <sup>3581</sup> sermone communicato, ex utroque latere atque post tergum Wacek comiti incauto et innocenti

Rumpunt fatifero præcordia vulnere terno,  
Mense quater denas Quintili intrante Kalendas

C Statimque Sobezlau reversus ad suos, tenuit viam volens per Zribiam transire in Poloniam, valde enim timuit fratris sui præsentiam. Cumque transisset silvam, occurrit ei Erkembertus <sup>3582</sup>, præfectus de castro Donin, fallacis <sup>3583</sup> Sribiæ plenus versutiis, fingens multa amicabiliter pollicetur <sup>3584</sup> ei, quod cæsaris per gratiam omnem suam obtineret <sup>3585</sup> justiciam, si ad ejus perveniret præsentiam, atque supplex invitat eum dolis, quatenus cum paucis secum ad convescendum <sup>3586</sup> ascenderet in oppidum; erat enim ea tempestate prædictum castrum cæsaris sub potestate. Mox inter prandendum, armata manu adhibita, super hospitem clausit <sup>3587</sup>

#### VARIÆ LECTIONES.

<sup>3547</sup> abcedat 3. <sup>3548</sup> est A. <sup>3549</sup> in addit 4. <sup>3550</sup> ex A. 3, 4 (a). <sup>3551</sup> confortissimos 4. <sup>3552</sup> ad 1. <sup>3553</sup> deest 2. <sup>3554</sup> mittit 2. <sup>3555</sup> nimia 3. <sup>3556</sup> Zobezlav 1. et deinceps. <sup>3557</sup> omittit 4 (a). <sup>3558</sup> Nozizlav 1, 4, Nozizlav 2, Nozizlav 2 (b), Nozizlav 3. <sup>3559</sup> Drisykray 1, Driskray 2 (b), Driskray omisso et 3, Driscray 4, 4 (a). <sup>3560</sup> deest A. <sup>3561</sup> Liubomir 2, Labomir 3. <sup>3562</sup> Svatava 1, Swatava 2. <sup>3563</sup> ita A 1, 4, faciente rell. <sup>3564</sup> fratrem s. W. A. dux inserit 2. <sup>3565</sup> Sobeslaum 3. <sup>3566</sup> Sobezlau 4, 4 (a). <sup>3567</sup> tum al. man. superscr. A. <sup>3568</sup> regione 2. <sup>3569</sup> ita A. in rell. <sup>3570</sup> Paschalis corr. al. man. 1, deest 3. <sup>3571</sup> ensis corr. al. man. 1. <sup>3572</sup> et add. 1, 4. <sup>3573</sup> ita 1, donaria rell. <sup>3574</sup> a add. 4 (a). <sup>3575</sup> crederet A. crederetur 4, 4 (a). <sup>3576</sup> ora 1. <sup>3577</sup> addit A. <sup>3578</sup> curiam 4, 4 (a). <sup>3579</sup> distabat A. 4, 4 (a). <sup>3580</sup> secum A. <sup>3581</sup> per viam desunt 4, 4 (a). <sup>3582</sup> Erkembertus 4. <sup>3583</sup> ita corr. 1, pellacis A. 2, 4. <sup>3584</sup> pollicitus 4, 4 (a). <sup>3585</sup> contineret corr. obt. A. <sup>3586</sup> vescendum A. 2. <sup>3587</sup> clausum 2, 4 (a).

#### NOTE.

(738) Hoc jam anno 1110 factum esse constat: D cfr. Stenzel Frank. Kaiser I, 630.

(039) Anno 111 ut Annales Hildeshem. et tria Heinrici V præcepta probant, data Veronæ diebus 19 — 22 Maii 1111. Cfr. 1999 Boehmer — 2001.

(740) Die 13 Aprilis Heinricus coronatus est imperator.

(741) Jam mense Februario anni 1111 hoc factum est. Vid. Annales Romani Mon. Germ. SS. V, 474.

ostium, et post paucos dies vinculatum mittit versus A Saxoniam in quoddam firmissimum castrum, nomine...<sup>3587</sup>, tradens eum suo clerico, nomine Wondalrico<sup>3588</sup>, ad custodiendum. Videntes autem miliciæ<sup>3589</sup> contubernales dominum suum fraude captum, diffugiunt alii in Poloniam, alii reversi sunt in Boemiam.

Post unum mensem, sed<sup>3590</sup> Christi per pietatem, Sobeslau ab eodem clerico noctu sic absolvitur. Superioris domus inter cancellos ad columnam fune ligata<sup>3591</sup> dimissus est per murum in sporta, atque per eandem<sup>3592</sup> funem prædictus clericus similiter<sup>3593</sup> dilapsus, cum quodam milite Counrado, filio Rivin<sup>3594</sup>, quietiam et ipse conscius facti eadem nocte sub murum adhibuerat equos, et, sicut avicula emissa de cavea fugit et repetit silvam, ita illi lapsi celeri<sup>3595</sup> fuga tendunt in Poloniam.

Eodem anno mense Decembri dux Wladizlaus fratrem suum Ottonem solvit a vinculis, et quam olim post obitum fratris sui Zuatopluk habuerat, reddidit ei dimidiam totius Moraviæ cum suis civitatibus provinciam.

40. Anno dominicæ incarnationis 1114 mense Maio, jubente domno Ottone, Prostey<sup>3596</sup> et ejus gener, qui cognominabatur<sup>3597</sup> lenis Wacek, de quibus supra diximus (742), amdo privati sunt lumine<sup>3598</sup>.

Eodem anno Sobezlau quibusdam Polonis secum assumptis veniens ad castrum Kladsco<sup>3599</sup>, temptat precibus et promissionibus multis, quo<sup>3600</sup> sibi cives aperirent portas urbis. Quibus non consentientibus, sed viriliter resistentibus, juvenis prædictus<sup>3601</sup> ira inflammatus succendit palacium quod prope murum situm erat. Vento autem incumbente ex adverso, inflammata sunt propugnacula in summitate turris, quæ forte in antemurali stabant<sup>3602</sup> propinqua muris. Unde urbani valde<sup>3603</sup> turbati, jam desperantes salutem, rogant pacificam dari dextram pro vita tantummodo incolomi et singulari. Quibus concessa pace vix peculum<sup>3604</sup> mortis eventibus, combusta et funditus est eversa<sup>3605</sup> civitas tota.

41. Anno dominicæ incarnationis 1115, mense

Januario dux Poloniorum Bolezlaus<sup>3606</sup> avunculo suo Wladizlao præcarias<sup>3607</sup> mittit litteras, scripta in hæc verba : *Si valuerint penes te preces meæ, et obtinuerint fratri tuo germano Sobezlao locum indulgentiæ, credo quod firmum sit et stabile nostræ pacis vinculum et amicitia. Nam si pro inimicis te<sup>3608</sup> exorarem, certe deberes facere, quanto<sup>3609</sup> magis nunc liceat mihi intercedere, ut sitis concordæ, quos mater sub uno corde portavit ventre ? Equidem<sup>3610</sup> sancto Petro sciscitanti<sup>3611</sup> utrum fratri dimittat septies in die peccanti, dictum est a Domino : « Non usque sepcies, sed usque<sup>3612</sup> septuagies sepcies (Matth. XVIII, 22). » Ergo hoc exemplo inbui-mur, ut fratribus nostris tociens indulgeamus quot illi in nos non<sup>3613</sup> possint<sup>3614</sup> peccare<sup>3615</sup> vicibus.*

His exemplis et precibus dux Wladizlaus compulsus, immo innata sibi super fratre suo<sup>3616</sup> commotus<sup>3617</sup> pietate, mense Marcio iterum pristinam revocat eum<sup>3618</sup> ad<sup>3619</sup> gratiam, et dat ei civitatem Gradec et totam circa adjacentem<sup>3620</sup> cum quatuor castellis provinciam. Eiusdem anni mense Julio dux Wladizlaus et fratres ejus Otto et Sobezlau juxta fluenta amnis Nizam<sup>3621</sup> cum duce Poloniorum Bolez-lau indictum<sup>3622</sup> conveniunt<sup>3623</sup> ad placitum, atque inter se datis et acceptis sacramentis confirmant fœdera pacis. Altera autem die in mensis muneribus mutuatim ad invicem oblati; hylares ad proprios remeant lares. Interea Wdalrico<sup>3624</sup>, ducis Cuonradi<sup>3625</sup> filio, inevitabili fato e medio sublato (743), fratre vero ejus juniore Lutoldo olim ante similiter ab hac luce subtracto, filiis autem illorum<sup>3626</sup> C adhuc ætate parvulis, dux Wladizlaus germano suo Sobezlao dat totam illam<sup>3627</sup> cum suis civitatibus provinciam (744), quam quondam pater prædictorum fratrum Cuonradus habuerat.

42. Anno dominicæ incarnationis 1116, Ungaræ gens viribus ingens, opibus pollens, armis bellicis præpotens<sup>3628</sup>, et cum quovis rege terrarum pugnare sufficiens, regis sui Colomanni post obitum (745) principes ejus mittunt<sup>3629</sup> ad ducem Wladiz-laum, quatenus cum rege novello nomine<sup>3630</sup> Stephano<sup>3631</sup> (746) renovaret et corroboraret antiquam pacem et amicitiam. Quorum dux voluntati adque-

#### VARIÆ LECTIONES.

<sup>3587</sup> nomine *deest* A. 3, 4, *relictum vero est spatium vacuum* in 1, 2, 2(a), 2(b), 4(a). <sup>3588</sup> Odaldrido 1. <sup>3589</sup> nu-  
licre 2. <sup>3590</sup> *deest* 4, 4(a). <sup>3591</sup> ligatam 3, ligato 4(a). <sup>3592</sup> eundem 3, 4(a). <sup>3593</sup> *deest* A. <sup>3594</sup> Ritan 2, *spatium*  
*vacuum* 2(a), Kram 2(b). <sup>3595</sup> clerici *erasam superscr.* celeri A. <sup>3596</sup> Rosctey 1. Rosctey 2(b), Roscthey 4, Ro-  
sethey 4(a). <sup>3597</sup> cognominatur 1. <sup>3598</sup> oculis 4, 4(a). <sup>3599</sup> Kladzko 1. <sup>3600</sup> quod 4(a). <sup>3601</sup> Sobezlaus *add.* 4, 4(a).  
<sup>3602</sup> stabat 2, 2(b), 4, 4(a). <sup>3603</sup> *deest* A. <sup>3604</sup> pro vita -- periculum *desunt* 2(a). <sup>3605</sup> eversa est A. <sup>3606</sup> Belez-  
laus 1. <sup>3607</sup> precalorias 4, 4(a). <sup>3608</sup> te pro A. <sup>3609</sup> non *add.* A. 2, 2(b), 3, 4, <sup>3610</sup> et quidem 1, *corr.* 4. <sup>3611</sup>  
sciscitante A. 3, 4(a) <sup>3612</sup> *deest* A. <sup>3613</sup> *deest* 4(a). <sup>3614</sup> possunt 2(b), 3. <sup>3615</sup> *al. manu superscr.* A. <sup>3616</sup>  
*ita* 1, 4. *deest* *rell.* <sup>3617</sup> *deest* A. <sup>3618</sup> *deest* A. <sup>3619</sup> *ita* 1, in *rell.* <sup>3620</sup> circumjacentem 4. <sup>3621</sup> Nizzam  
3. <sup>3622</sup> in *condictum* A. in *dictum* locum 4, 4(a). <sup>3623</sup> veniunt A. <sup>3624</sup> Odaldrico 1. <sup>3625</sup> Conradi A.  
<sup>3626</sup> eorum 2(b). <sup>3627</sup> tot. illam prov. A. <sup>3628</sup> præponens *corr. al. man.* præpot. 1 <sup>3629</sup> intrant 3. <sup>3630</sup> *ita*  
A. 1, 4(a), *sco id est* sancto 2, 2(a), scilicet 3. <sup>3631</sup> *et add.* A.

#### NOTÆ.

(742) III, 34.

(743) Nonis januariis, ut probatur Calendario  
Pegaviensi.

(744) Brunnensem et Znaymensem.

(745) Obiit anno 1114.

(746) Stephanus secundus.



scens, ea quæ pacis sunt se facturum spondit:<sup>3632</sup> A Ventum erat Olzavam<sup>3633</sup> ad rivulum, qui tam Pannoniæ quam Moraviæ, dirimit regnum. Et jam Ungara gens innumerabilis, velut harena maris aut<sup>3634</sup> pluvix stillæ<sup>3635</sup>, in campo Lucsco<sup>3636</sup> (747) totam superficiem terræ cooperuerant sicut locustæ; dux autem alia ex parte prædicti amnis<sup>3637</sup> metatus est castra. Sed.<sup>3638</sup> sicut ait scriptura, *Væ terræ, cujus est puer rex* (Eccl. x, 16), principes<sup>3639</sup> ejus per inatam sibi superbiam aberrantes, ad pacifica ducis verba remittunt<sup>3640</sup> responsa magis rixam provocantia quam pacis osculum ferentia; undedux illa die ad placitum distulit ire. Illi autem hoc indigne ferentes et aliter fieri suspicantes, tres armatas quas vocant hospitem legiones jubent extra castra ire et pro defensione sua<sup>3641</sup> stare ex adversa parte amnis. Dux autem<sup>3642</sup> cœstimans<sup>3643</sup> eos ad pugnam prorumpere, jussit suos arma capere<sup>3644</sup>, et cicius dicto contra eos terminalem transiliunt amnem. Mox inopina et inprosperata<sup>3645</sup> nec præcogitata atrox et cruenta conseritur pugna, in qua filius Sdan<sup>3646</sup>, cujus supra meminimus, nomine iurik<sup>3647</sup>, præfectus urbis Satec, miles acerrimus, cum aliis ejusdem civitatis proceribus acriter pugnando occubuit 3 Idus mense Maio<sup>3648</sup>. Ast aliis terga vertentibus etiam ipse<sup>3649</sup> dux est in fugam compulsus<sup>3650</sup>. Otto autem et Sobezlau, habentes robustas quatuor phalagas<sup>3651</sup>, et totidem de Boemis fortes<sup>3652</sup> accipientes cohortes<sup>3653</sup>, circumierunt<sup>3654</sup> monticulum qui eos forte dirimebat, et repente irruerunt magno impetu super Ungarorum castra, ubi rex et sui proceres cum episcopis, nihil scientes de pugna<sup>3655</sup> quæ facta fuerat, sedebant et bibebant et epulabantur splendide. Quid multa? Nisi archiepiscopus Laurentius (748) cum rege cicius<sup>3656</sup> aufugisset, nec ipse periculum mortis evasisset. Certe tot nobiles et ignobiles ibi interierunt Ungari<sup>3657</sup>, quot nec tempore sancti Oudalrici juxta fluvium Leh<sup>3658</sup> interisse referuntur (749). Illæ autem quas prædiximus hospitem<sup>3659</sup> legiones, quæ etiam contra nostrum ducem bello prævaluerant, revertentes a cæde, ut viderunt suos profugatos, alios cocervatim

prostratos et hostes in castris tripudiantes<sup>3660</sup>, turpam inierunt fugam. Quos ut a longe aspexere<sup>3661</sup> in castris<sup>3662</sup> regis — jamenim ultra pontem Belim<sup>3663</sup> posita erant castra<sup>3664</sup> in campis, — æstimantes hostiles acies adhuc se insequi, multo plures submersi sunt in flumine Wag præ timore fugientes. Nostrates autem potiti victoria, in castris eorum nocte illa figunt tentoria, diripiunt milites Ungaricas gazas, scilicet ambicisaom in vasis aureis et argenteis habundantiam,

Inque suos vulgus bona cætera distrahit usus.

43. Anno dominicæ incarnationis 1117, 3 Nonas Januarii (750), quinta existente feria, hora jiam vespertinali, terræ motus factus est magnus, sed multo major in partibus Longobardiæ. Nam uti, fama referente percepimus, multa ibi ædificia ceciderunt, multa castella sunt diruta, multa monasteria sive delubra corruerunt<sup>3665</sup> et multos homines oppresserunt.

Eodem anno,

Rerum<sup>3665</sup> cunctarum comes indimota mearum, Bis<sup>3666</sup> Februarii quinis obiit Bozetecha<sup>3667</sup> Kalendis.

Similiter<sup>3668</sup> eodem anno<sup>3669</sup> et semper regnante domino nostro Jesu Christo, cujus in manu corda sunt regum, quo<sup>3670</sup> etiam clementer inspirante, dux Wladzilaus recordatus est fratris sui Borivoy (751), cujus humilitatem jam Dominus<sup>3671</sup> prospectans<sup>3672</sup> arcis de throno ethero<sup>3673</sup>, misertus erat afflictionis ejus et miserix, et quia cui<sup>3674</sup> Deus<sup>3675</sup> miseretur homo non potest non misereri, statim prædictus dux jam nutu instinctus divino et Ilermani episcopi faciens omnia consilio<sup>3676</sup>, mittit et revocat mense Decembri fratrem suum Borivoy de exilio, et satisfaciens sibi ac semetipsum<sup>3677</sup> ejus submitte dominio, iterum collocat eum in principali solio. O mira ducis benignitas, sed magis admiranda æquanimitas, quem nec secularis delectat dignitas, nec contristat posita honoris sublimitas!

Juvis sumpta ducem, juvis dimissa potestas.

Talia quis unquam<sup>3678</sup> audivit, dic rogo, facta? Ulinam hæc audiret Colomannus<sup>3679</sup> rex Pannonicus, si viveret Iqui metuens ne germanus suus Almus

#### VARIE LECTIONES.

<sup>3632</sup> respondit 2, 4(a). <sup>3633</sup> Olzavam 1, 2. Olzavam 3. Olzavam 4, 4(a). <sup>3634</sup> ut 1. <sup>3635</sup> deest 3. <sup>3636</sup> Luzko 1, 2, 4, Luzko 2(b). <sup>3637</sup> annis corr. al. man. amnis 1. <sup>3638</sup> in margine A. <sup>3639</sup> corr. 1. <sup>3640</sup> rem. verba resp. A. <sup>3641</sup> corr. 1. <sup>3642</sup> Wladzilaus add. 4. 4(a) <sup>3643</sup> est eos A. <sup>3644</sup> rapere 4. <sup>3645</sup> inprospera A. inopinata et inprosperata 4. 4(a). <sup>3646</sup> Stan 1. 2. Scan 3. Szthan 4. 4(a) <sup>3647</sup> Iurick 2. Turick 3. <sup>3648</sup> Junio 3: <sup>3649</sup> Wladzilaus inserunt 4. 4(a). <sup>3650</sup> compunctus 1. <sup>3651</sup> phalange 2(b). 3. <sup>3652</sup> superscr. al. manu. A. <sup>3653</sup> choortes 1. <sup>3654</sup> circumierunt 3. <sup>3655</sup> depuna corr. de pugna 1. <sup>3656</sup> deest A. <sup>3657</sup> Pannonos A. Pan. superscr. vel Ungari 1. Pannonos rel. <sup>3658</sup> Lech 4, 4(a) <sup>3659</sup> deest A. hospitem 3. <sup>3660</sup> tripudiantes — castris desunt 2(b). <sup>3661</sup> apparuero A. <sup>3662</sup> pontem Belin al. man. superscr. A Belun corr. Belin 1. Bebin 3. Belin 4. 4(a). <sup>3663</sup> regis add. A. <sup>3664</sup> corr. 1. <sup>3665</sup> hi duo versus desunt in 5 <sup>3666</sup> al. man. superscr. in 1, <sup>3667</sup> Bozetecha 1. Bozetecha 3. <sup>3668</sup> deest 4. 4(a). <sup>3669</sup> volente omnipotente inserunt 4. 4(a). <sup>3670</sup> qui 2. <sup>3671</sup> Deus 3. <sup>3672</sup> superscr. al. man. 1. <sup>3673</sup> etc. 1. <sup>3674</sup> cujus 4. 4(a). <sup>3675</sup> misertus — Deus desunt 3. <sup>3676</sup> cum cons. A. <sup>3677</sup> semet 4. <sup>3678</sup> deest A. <sup>3679</sup> Cholomannus 1. Kolmannus 4. Colmannus rel.

#### NOTÆ.

(747) Ut Palacky I, 380 conjicit, apud Hluk inter D erat feria quarta, nisi statuas Cosmam more Bchemico horam solis cadentis primam diei horam habuisse; cfr. infra c. 49 et Pubitschka IV, 187.

(748) Granensis.

(749) Vita S. Udalrici c. 42 Mon. Germ. SS. IV. 400.

(750) De terræ motu consentit Dodechinus; sed

(751) In vinculis detinebatur in castro Hammerstein usque ad annum 1116.

post eum regnaret, ipsum et filium ejus mentula privavit et lumine (752). Horivoy autem <sup>3680</sup> non immemor accepti beneficii, dat fratri suo dimidiam sui ducatus partem, quæ sita <sup>3681</sup> ultra fluvium Labe <sup>3682</sup> tendit ad aquilonem, eratque fratri suo licet juniori <sup>3683</sup> in omnibus obediens, et semper <sup>3684</sup> eum præveniens nichil sine suo <sup>3685</sup> consilio gessit.

44. Anno dominicæ incarnationis 1118, mense Septembri tanta fuit inundatio aquarum <sup>3686</sup>, quantum non reor fuisse post diluivum in orbe terrarum. Nam nos<sup>ter</sup> ille <sup>3687</sup> fluvius Wlitava repente præceps erumpens de alveo, ah! <sup>3688</sup> quot villas, quot in hoc suburbio domus <sup>3689</sup>, casas et ecclesias suo impetu rapuit! Aliis namque temporibus tametsi hoc raro evenit ut unda alluens <sup>3690</sup> vix tabulata pontis tangeret, hæc autem inundatio altius quam 10 ulnis super pontem excrevit.

45. Anno dominicæ incarnationis 1119, 3. Kal. Augusti, feria vero quarta, cum esset jam inclinata <sup>3691</sup> dies, ventus <sup>3692</sup> vehemens, immo ipse Satan in turbine ab australi plaga repente irruens super solarium ducis in urbe Wissegrad, antiquum murum et eo firmissimum funditus subvertit. Et inde magis est admirandum, ex <sup>3693</sup> utraque parte anteriori et posteriori integra et inconcussa manente, medietas palatii solotenus est eruta, et cicuius quam tu festucam frangeres, trabes inferiores et superiores simul <sup>3694</sup> cum ipsa domo impetus venti fregit in frusta et dispersit <sup>3695</sup>. Fuit autem hæc tempestas adeo valida, ut quacunque parte incubuit, hujus terre silvas et arbores plantatas <sup>3696</sup> et cætera sibi obstantia suo <sup>3697</sup> impetu prostravit.

46. Anno dominicæ incarnationis 1120.

Nunc, mea Musa, tuum digito composes labellum.  
Si bene docta sapis, cavcas ne vera <sup>3698</sup> loquaris,  
Ut mecum sapias, breviter solummodo dicas:  
Est Borivoy rursus regni <sup>3699</sup> de culmine pulsus.  
Augusti quarta <sup>3700</sup> post Idus sunt ea facta.

47. Anno dominicæ incarnationis 1121, nimis <sup>3701</sup> attenuatæ sunt segetes propter nimiam siccitatem, quæ fuit per tres <sup>3702</sup> continuos <sup>3703</sup> menses, Marcium scilicet et Aprilem atque Maium.

Eodem <sup>3704</sup> anno dux Wladizlaus reædificavit <sup>3705</sup>

A oppidum Donin <sup>3706</sup>, similiter et Podwin <sup>3707</sup> astrum, quod est in <sup>3708</sup> Moravia <sup>3709</sup> situm infra fluvium Zuratka <sup>3710</sup>.

48. Eodem anno quidam ex Teutonicis <sup>3711</sup> infra terminos Boemorum in silva, ad quam itur per villam Bela in prærupta <sup>3712</sup> rupe ædificant <sup>3713</sup> castrum. Quod <sup>3714</sup> audiens dux Wladizlaus <sup>3715</sup> acceptis tribus scaris ex electis militibus, repente ex improvise irruens obtinuit castrum <sup>3716</sup>, ubi in primo accessu missis de muro sagittis vulnerati sunt, non tamen ad mortem duo milites ducis, Odalricus <sup>3717</sup> filius Wacemil <sup>3718</sup> et Olen filius Borsa. Illos autem Teutonicos, qui erant in castro capti, nisi comes Albertus <sup>3719</sup> superveniens multis precibus et innata sibi sagacitate liberasset, procul dubio jam dux <sup>3720</sup> in eadem silva omnes suspendi jusserat.

B Ejusdem anni <sup>3720</sup> fuit hiemps nimis ventuosa <sup>3721</sup> et calida et aquarum inundatio magna.

49. Anno dominicæ incarnationis 1122, 9 Kal. <sup>3722</sup> Aprilis, fuit eclipsis lunæ media nocte, qua Judaicum erat pascha <sup>3723</sup> Eodem anno

Vir sacer Hermanus, doctrinæ lumine clarus,

Ter subit quinis Octobris fata Kalendis (753), dominica jam illucescente <sup>3724</sup> die in <sup>3725</sup> festo sancti Lantberti <sup>3726</sup> episcopi et martiris, cujus dum vixit festum devotissime coluit, quia Trajectensi vico et ex eadem Lothrinia <sup>3727</sup> ortus fuit prosapia. Hic nonam vicem sedis pontificalis gerens, rexit hanc ecclesiam annis 22, mensibus 6, diebus 17 <sup>3728</sup>. Erat enim spectabilis, incognitis formidabilis, domesticis affabilis, morum qualitate incomparabilis, lucerna lucens in mundo et ardens, nec sub medio sed super candelabrum posita, illuminabat corda non <sup>3729</sup> credentium verbo doctrinæ et exemplo, de cujus et aliis probis actibus, licet plura relatu digna enitcant, tamen ea intacta relinimus propter instantis temporis homines, qui nichil boni ipsi operantes, aliorum benefacta credere audita renuunt. Verumtamen non videatur esse absurdum, si præpostero <sup>3730</sup> ordine referamus, quæ antea referre debuimus. Nam prædictus præsul <sup>3731</sup> cum suam ægritudinem in valdescere sentiret, et paucos familiares circa lectum <sup>3732</sup> astare <sup>3733</sup> videret <sup>3734</sup>, ingemuit et ait: *Secretum meum mihi, secretum mihi, ve mihi* <sup>3735</sup> ! et obtulit

#### VARIE LECTIONES.

<sup>3650</sup> *deest* A. <sup>3681</sup> *est al. man.* 1. <sup>3682</sup> *et superscr. al. atram.* 1. Wladizlaus *inserunt* 4. 4 (a). <sup>3684</sup> *honore add.* 4. 4 (a). *deest* 3. <sup>3686</sup> *in Bohemia inserunt* 4. 4 (a). <sup>3687</sup> *ita* 1. iste *rell.* <sup>3688</sup> *ach ach* 4. <sup>3689</sup> *domos* 3. *domos* 4. <sup>3692</sup> *ex margine antiquioris codicis add.* 2. i. *invadens: errore scribæ pro. i.* (id est) *mundans; legit etiam inundans* 2 (b) *in margine.* <sup>3691</sup> *inclita* A. <sup>3692</sup> *deest* 4. <sup>3693</sup> *delet.* A. <sup>3694</sup> *ita* A. *deest* *rell.* <sup>3695</sup> *discerpsit* 4. 4 (a). <sup>3696</sup> *plantas* 2 (b). <sup>3697</sup> *deest* 3. <sup>3698</sup> *falsa in margine ab alia manu* 2. <sup>3699</sup> *regis* 2 (b). <sup>3700</sup> *quarto* 3. <sup>3701</sup> *nimio* 3. <sup>3702</sup> *deest* A. <sup>3703</sup> *contiguos.* 1. <sup>3704</sup> *ab hoc loco usque ad vocem Zuratka omnia desunt.* 4. 4 (a). <sup>3705</sup> *reædificat* 2 (b). <sup>3706</sup> *Donin* 3. <sup>3707</sup> *Podwin* 2. *Podwin* 2 (b). *Podwin* 3. <sup>3708</sup> *deest* A. <sup>3709</sup> *Moravia* A. <sup>3710</sup> *Zuracka* 3. <sup>3711</sup> *Theutoni* 2. <sup>3712</sup> *interrupta* 3. 3. <sup>3713</sup> *ædificavit* 2. 2 (b). 3. <sup>3714</sup> *Quod audiens — castrum desunt.* 4. <sup>3714</sup> *corr.* A. <sup>3716</sup> *Odalricus* 2. <sup>3717</sup> *Wacemil* 2. *Wacemil* 2 b. *Vecenul omissio sequenti* et 3. <sup>3718</sup> *Adalbertus* 4. 4 (a). <sup>3719</sup> *jam dux desunt.* 2. *Wladizlaus inserunt* 4. 4 (a). <sup>3720</sup> *eodem anno* 4 4 (a). <sup>3721</sup> *ventuosa* 2. 4. 4 (a). <sup>3722</sup> *deest.* A. 1. 2. (b). 3. <sup>3723</sup> *phase* 1. 2. 4. *pasche* 2 (b). <sup>3724</sup> *illucente corr. ul. man. illucescente* A. <sup>3725</sup> *deest.* 2. <sup>3726</sup> *Lamberti* 4. 2. 4. <sup>3727</sup> *ita* A. 1. *corr. rec. manu* A. *Lotharingia* 4. *de Lothrimia* 4 (a). <sup>3728</sup> *VII.* 3. <sup>3729</sup> *deest* 3. <sup>3730</sup> *pro al. man. superscr.* 4. <sup>3731</sup> *Hermannus* 4. <sup>3732</sup> *suum add.* 4. 4 (a). <sup>3733</sup> *assistere* A. <sup>3734</sup> *viderat corr. al. man. videret* 1. <sup>3735</sup> *ita* A. v. m. *desunt* *rell.*

#### NOTÆ.

(752) Cfr. Vita S. Ottonis ep. Bamberg, III, 42.

(753) Confirmat Necrologium Bohemicum.

Illi autem stabant stupefacti <sup>3736</sup>, et intuebantur vultus et suos adinvicem taciti. Et paulo post iterum præsul aperuit os suum et inquit: *Olim debueram, cum sanus fueram, hæc fari stando in ambone quæ nunc compellor fateri jam spiritus mei in agone. Fateor enim quia <sup>3737</sup> ego peccator <sup>3738</sup> compeccantes de peccato suo non redargui, et petentes inique agentes et delinquentes non solum honoravi, verum etiam amavi, quos increpare, et si non obedirent, excommunicare debui. Postquam enim occubuit Braizlaus <sup>3739</sup> junior (753\*), quo nec fuit nec erit dux melior, hac in terra floruit iniquitas, germinavit superbia, pululavit fraus, dolus et injusticia, et ego semper dolens dolui, quod mihi cum bono duce non licuit mori. Væ mihi <sup>3740</sup> ! quia <sup>3741</sup> silui, quia <sup>3742</sup> apostatricem gentem non revocavi, nec in gladio anathematis pro Christo dimicavi; sed me ipsum et populum christianum passus sum per tactum manus cum gente non sancta pollui, sicut scriptum est: « Qui tangit immunda <sup>3743</sup> immundus erit (Levit. xxii, 4), et « qui tetigit picem, inquinabitur <sup>3744</sup> ab ea (Eccli. xiiii, 1), » aut « quæ conventio Christi ad Belial? » (II Cor. vi 15.) Apostatricem gentem dico Judæos, qui per nostram negligentiam post baptismum relapsi sunt in iudæismum. Unde valde timeo ne Christus mihi <sup>3745</sup> hoc <sup>3746</sup> obijciat, et inferiorem me proiciat in orcum. Nam hujus intempesta noctis vox mihi audita est dicens: « Tu non ascendisti ex adverso, nec obposuisti murum pro domo Israel, ut stares in prælio in die <sup>3747</sup> Domini; et gregem dominicum non auro, non argento, verum Christi precioso <sup>3748</sup> sanguine redemptum, per unam morbidam oviculam passus es contaminari et a cælesti regno exterminari. » Heu mihi misero! qualem me esse vellem, quam diversum ab illo qualis olim eram, et nunc ipsemet mihi displiceo, quia parum boni me fecisse video. Dixerat, et statim, ut supra retulimus,*

Spiritus in vacuas fugiens evanuit auras (754).

Post hunc Megnardus <sup>3749</sup> fuit præsul in ordine denus 50. Eodem anno mense Marcio comes Bznata <sup>3750</sup> de Jerosolimis <sup>3751</sup> simul et de Galicia rediit, et ejusdem anni 17 Kal. Novembris obiit. Item in <sup>3752</sup> eodem anno mel et vindemia pleno cornu abundavit et segeles satis creverant, sed in aristis <sup>3753</sup> gra-

num non redundavit. Hunc annum secuta est hyemps calida, unde in sequenti æstate caruimus custodita glacie.

51. Anno dominicæ incarnationis 1123, mense Marcio comes Dlugomil <sup>3754</sup> et Gumprecht <sup>3755</sup> et Gilbertus <sup>3756</sup> et Heinricus qui et Sdio <sup>3757</sup>, et <sup>3758</sup> cum eis alii Hierosolimam perrexerunt <sup>3759</sup>, ex quibus quidam mense Novembri <sup>3760</sup> redierunt, quidam ibi interierunt. Nam comes Dlugomil <sup>3761</sup> jam <sup>3762</sup> in <sup>3763</sup> revertendo 8 Idus Julii obiit; similiter et Bertholdus <sup>3764</sup> oliens Heinrici, filii mei, 8 Idus Augusti moritur <sup>3765</sup>.

Impedior lacrimis nec possum promere scriptis, Quis furor unanimes aut quæ discordia fratres Ceu geminos apros <sup>3766</sup> in diram compulit iram, Nam dux Wladizlaus inmani motus ira, contra fratrem suum Sobezlaus mense Marcio movit arma, et eum <sup>3767</sup> cum suis omnibus expulit de Moravia, et reddidit Conrado filio Lutoldi hæreditatem suam (755) Partem autem quartam illius regni, quam habuit tetrarcha Oudalricus (756), frater supradicti Lutoldi, addidit Ottoni, Suatopluck ducis fratri. Sobizlav autem fugiens a facie sui germani, adiit imperatorem in Maguntia urbe <sup>3768</sup>, sed parum sua <sup>3769</sup> profecerunt negotia, quia sine pecunia apud omnes reges vanæ sunt cujuspiam preces, et legum obmutescit justicia. Tunc veluti lupus, qui inhians invadit <sup>3770</sup> gregem, et frustra captans cum nil prehendit <sup>3771</sup>, submittens caudam repetit silvam <sup>3772</sup>, sic Sobezlaus apud cæsarem infecta causa tendit <sup>3773</sup> ad Wiperlum, et apud eum <sup>3774</sup> per septem menses conversatus est <sup>3775</sup>. Deinde mense Novembri transiit <sup>3776</sup> in Poloniam; quem dux Bolezlaus honeste in sua recepit, conjugem (757) autem ejus Almuse, ducis gaatam <sup>3777</sup>, Stephanus rex Pannonicus gratanter recepit, recognoscens cognatam suam.

Item in quadragesima fere per universum orbem <sup>3778</sup> aeris potestates quasi plurimæ stellæ, etsi non ceciderunt, visæ sunt tamen cecidisse <sup>3779</sup> iu terram, huic simile Dominus dicit in evangelio: *Videbam Satanam, quasi fulgur de celo cadentem* (Luc. x, 48).

52. Eodem anno maxima fuit ubertas tam autumno quam vere seminatis in frugibus, nisi quod grando

#### VARLÆ LECTIONES.

<sup>3736</sup> obstupefacti 3. <sup>3737</sup> quod 2 (b). <sup>3738</sup> et indignus inserunt. 4 4 (a). <sup>3739</sup> dux add. 4. <sup>3740</sup> væ mihi reputant. 4, 4 (a). <sup>3741</sup> ita corr. A. quod 2 (b). <sup>3742</sup> quod 2 (b). <sup>3743</sup> immundam 2, immundum 2 (b). 3, 4, (a). <sup>3744</sup> inquinatur 3. <sup>3745</sup> mili 1. <sup>3746</sup> deest 1. <sup>3747</sup> in die desunt A, domo 2. <sup>3748</sup> deest 3. <sup>3749</sup> ita A, 4, Meynardus 1, 2, et rell. <sup>3750</sup> Wznata 2, 4, 4 (a). <sup>3751</sup> Hieros. 1. <sup>3752</sup> a verbis. Eodem anno usque ad hunc locum omnia desunt 4, 4 (a). <sup>3753</sup> ita corr. al. man. pro astris A. <sup>3754</sup> Dlygomil. 1, 5 (b), Dlubomil. 2 <sup>3755</sup> Gumprecht 1, Gumprecht 3. <sup>3756</sup> Gisilbertus 4. 4 (a). <sup>3757</sup> Zdik 2, Sik 3, 4, 4 (a). <sup>3758</sup> atque A. <sup>3759</sup> per Hier. A. <sup>3760</sup> Septembri 2, in quo recentissima manus deleta Sept. supra scripsit. Nov. <sup>3761</sup> Dlygomil 1, 2, Dlygomil 2 (b). <sup>3762</sup> deest. 4, 4 (a). <sup>3763</sup> deest A. <sup>3764</sup> Bertoldus 1, 2, 4. <sup>3765</sup> obiit 3. <sup>3766</sup> ita A, tauros superscr. vel apros 1, tauros rell. <sup>3767</sup> deest 3, 4 (a). <sup>3768</sup> ita 1, in urbe Maguntina 4, deest rell. <sup>3769</sup> deest A. <sup>3770</sup> deest 4. <sup>3771</sup> comprehendit 2, 4 (a). prendit 3, 4. <sup>3772</sup> repetit silvam subm. caud. cum nil preh. A. <sup>3773</sup> tetendit 4, 4 (a). <sup>3774</sup> mansit A, A\*, hoc loco. <sup>3775</sup> deest A. <sup>3776</sup> transit 2, 2 (b), 3. <sup>3777</sup> natam corr. A. <sup>3778</sup> urbem 1. <sup>3779</sup> recidisse 3.

#### NOTÆ.

(753\*) Cfr. supra III, 13.

(754) Virg., Æn. IV, 278.

(755) Provinciam Znaymensem.

D (756) Provinciam Brunnensem.

(757) Nomen ei erat Adelheidæ. Stephanus rex erat filius Colomanni, fratris Almi ducis.

locis nocuit in pluribus; mel autem campestribus fuit habunde, in silvestribus locis minime. Hiemps aspera fuit nimis <sup>3780</sup> et nivosa. Jamque eodem vergente <sup>3781</sup> anno <sup>3782</sup>, marchionis Dedii <sup>3783</sup> (758) extrema stirpe fato extirpata (759), imperator quartus Henricus prædicti Dedii marchionatum <sup>3784</sup> putans hærede desolatam, dederat Wicperti sub potenciam. Sed erat in Saxonia quidam <sup>3785</sup> nomine Conradus (760), ex tribu ejusdem Dedii natus, ad cujus manus jure pertinebat ille marchionatus; unde dux Lutera <sup>3786</sup> et alii Saxones valde indignantes contra imperatorem, susceperunt bellum adversus Wicpertum.

53. Hisdem diebus dux Wladizlaus et Otto, sicut præoperat eis imperator, tam Boemiæ quam Moraviæ coadunato exercitu transeuntes silvam, metati sunt castra ultra <sup>3787</sup> oppidum Guozdec <sup>3788</sup> ex adverso prædicti ducis. Præsul autem Maguntinus et comes Wicpertus citra <sup>3789</sup> fluvium Mlidava <sup>3790</sup> (761) stabant gravicum <sup>3791</sup> multitudine armata, Saxones autem positi castra in medio dirimebant eos, nec sinebant <sup>3792</sup> insimul coire adversarios suos <sup>3793</sup>. Tunc dux Boemiæ et Otto miserunt ad Saxones dicentes: *Nam nos per superbiam contra vos sumpsimus arma, sed jussu imperatoris venimus in auxilium Maguntino archiepiscopo* <sup>3794</sup> (762) *et Wicperto comiti. Sed, quoniam hii non assunt, qui adesse et primam committere pugnam debuerant, vos tantummodo cedite nobis loco, ut habeamus occasionem revertendi* <sup>3796</sup>, *videlicet et vos cessisse, et nos stetisse* <sup>3797</sup> *et expectasse eos* <sup>3798</sup> *in conducto loco. Ad hæc Lutera* <sup>3799</sup> *dux respondit dicens: Miror vos prudentes viris apertos non deprehendere* <sup>3800</sup> *animo dolo, quibus inducti frustra contra nos movistis arma innocuos. An ulla* <sup>3801</sup> *putatis carere dolis consilia Maguntini archipræsulis Adalberti? An nondum ejus Atticam prudentiam satis experti estis? Sic* <sup>3802</sup>, *sic notus est vobis Wicpertus, alter Ulizes* <sup>3803</sup>, *qui circa ejusdem præsulis callipodium informatus est. Cur ipsi non veniunt, nos* <sup>3804</sup> *ut salutent qui libenter eos resalutant?*

*A Sed lucius est a longe exspectare, quam manu committere bellum, et alterius incommodo* <sup>3805</sup> *suum comparare* <sup>3806</sup> *commodum. Cerle, quivis* <sup>3807</sup> *lippis* <sup>3808</sup> *potest perspicere* <sup>3809</sup> *oculis (763), quid* <sup>3810</sup> *ipsi machinantur suis dolis. Sciunt enim et bene sapunt, quia, si vos vincitis, quod non* <sup>3811</sup> *sine magno vestri nampto* <sup>3812</sup> *dabitur vincere Saxones* <sup>3813</sup>; *sin autem vobis* <sup>3814</sup> *potenter* <sup>3815</sup> *prævalere poterimus, Boemiam suis defensoribus* <sup>3816</sup> *viduatam facilius invadere* <sup>3817</sup> *quibunt. Hoc vult imperator, hoc præsul Maguntinus consiliatur* <sup>3818</sup>. *Sic semper vester gener Wicpertus Boemis amicitur. Nam germanus suus* <sup>3819</sup> *Sobezlaus, quem nuper Wicpertus ob* <sup>3820</sup> *voluntatem tuam* <sup>3821</sup> *dolo abegit in Poloniam, nisi cito ad eundem Wicpertum revertatur, amplius mihi non credatur. Nos autem sciatis magis paratos congregi prælio quam vobis cedere loco. His auditis male creduli verbis dolo compositis Boemi, dopopulata regione quæ est circa urbem Misen, reversi sunt ad propria, sole morante in 15 Sagittarii parte* <sup>3822</sup> (Nov. 24).

54. Anno dominicæ incarnationis 1124, 2. Idus Februarii Hermannus, frater Willalmi, et Lutohor <sup>3823</sup>, filius Martlmi, perrexerunt Hierosolimam. Eodem anno <sup>3824</sup>.

Dux <sup>3825</sup> Borivoy Nonis bis binis mense Plutonis (764), Exul in Hungaria carnis compage <sup>3826</sup> soluta <sup>3827</sup>, Ad Christum migrat pura quem mente colebat, Cum quo nunc ampla cæli lætatur in aula. Hujus post omnes <sup>3828</sup> vitæ mundique labores, Exul ter quinis quos <sup>3829</sup> degens pertulit annis, Et quibus est passus bisternos <sup>3830</sup> carcere clausum, Bis sublimatus solio, cur bis <sup>3831</sup> reprobatus <sup>3832</sup> Non mihi rimari <sup>3833</sup> fas est vel talia fari; Scit qui cuncta creat Deus atque creata gubernat. Qui legit hæc dicat: *Borivoy dux nunc ibi vivat* <sup>3834</sup> *Est ubi sanctarum pars* <sup>3835</sup> *et requies animarum* <sup>3836</sup> Sepultus, alter autem in Praga metropoli, anno tunc labenti <sup>3837</sup> bissextili <sup>3838</sup> pridie Idus Marcii, ad principale ecclesiam sanctorum martirum Viti, Wen-

#### VARIE LECTIONES.

<sup>3780</sup> deest. 4, 4 (a) <sup>3781</sup> urgente 2, 3, vigente 2 (b). <sup>3782</sup> an. verg. A. <sup>3783</sup> Deda 3. <sup>3784</sup> tum al. man. 1. <sup>3785</sup> quid in Sax. 1. <sup>3786</sup> Ludera corr. Lutera A. <sup>3787</sup> circa 2. <sup>3788</sup> Guozdecz 2. <sup>3789</sup> circa 3, 4. <sup>3790</sup> Multava 3, Mildeua 4, 4 (a). <sup>3791</sup> deest 3. <sup>3792</sup> videbant 4, 4 (a). <sup>3793</sup> nec — suos in margine 1. <sup>3794</sup> ita 1. archipræsuli rell. <sup>3795</sup> deest 1. <sup>3796</sup> referendi 3. <sup>3797</sup> et nos stetisse desunt 1. <sup>3798</sup> vos 4, 4 (a). <sup>3799</sup> corr. A. Ludera 2, 4, <sup>3800</sup> reprehendere 1. <sup>3801</sup> nulla 4, 4 (a). <sup>3802</sup> si sic 3. <sup>3803</sup> Ultres 2, Ulysses 2 (b). <sup>3804</sup> nos corr. hos A, nos 1, rell. <sup>3805</sup> incommodum corr. al. m. 1. <sup>3806</sup> parere 2 (b). <sup>3807</sup> ita A, corr. al. man. quis 1, rell. <sup>3808</sup> lippus est 4, 4 (a). <sup>3809</sup> prospicere 3. <sup>3810</sup> quod 2 (b). <sup>3811</sup> deest A. <sup>3812</sup> non A. h. l. <sup>3813</sup> Saxones 1. <sup>3814</sup> ita corr. 1, nos A. et rell. <sup>3815</sup> poter 1. <sup>3816</sup> corr. A. <sup>3817</sup> inquirere 2. <sup>3818</sup> consiliator 1. <sup>3819</sup> tuus 4. <sup>3820</sup> ad A. <sup>3821</sup> suam 2, 2(b), 3. <sup>3822</sup> arce 1. <sup>3823</sup> Lutober 2, 2(a), 4, 4(a). <sup>3824</sup> a verbis II. Idus usque ad hunc locum omnia desunt 4, 4(a). <sup>3825</sup> Boemorum inserunt 4, 4(a). <sup>3826</sup> compaga corr. al. man. compage 1. <sup>3827</sup> saluta corr. al. man. soluto 1. <sup>3828</sup> omnis 4(a). <sup>3829</sup> quo 1. <sup>3830</sup> ita 1, 4, 4(a). <sup>3831</sup> superscr. eadem. m. 1. in textu sex annos; ita quoque A. et rell. <sup>3832</sup> turbis 2(b). his 3. <sup>3833</sup> reprobatur 3. <sup>3834</sup> ita A. scrutari superscr. vel rimari 1. eadem manu scrutari rell. <sup>3835</sup> ita 1. superscr. ead. man. loco requiescat, quod A. et rell. <sup>3836</sup> super vocem pars a descriptura pax 2(b). <sup>3837</sup> deest hic versus A. <sup>3838</sup> habenti 2, <sup>3839</sup> sextali A.

#### NOTÆ.

(758) De tribu Buzioi cfr. Thietmar. VI, 34.  
(759) Ultimus erat Henricus junior marchio Misnensis. Cfr. Vita Wiperti, c. 11.  
(760) Comes Wettlinensis.  
(761) Mulde.

(762) Alberto.  
(763) Hor., serm. I, 3, 25.  
(764) 4. Non. Febr. testibus Calendario Pegaviensi et Necrologio Bohemico. K. — Macrobi. Saturn. I, 13: *Secundum (mensem) dicavit Februo deo,*

cozlay atque <sup>8339</sup> Adalberti in cripta sancti Martini episcopi et confessoris <sup>8340</sup>.

55. Item ejusdem anni in quadragesima, 9 <sup>8341</sup> Kal. Aprilis, præsul <sup>8342</sup> Meginardus <sup>8343</sup> casu reprensus in sacrario ossa Podiwin <sup>8344</sup> condit humi in capella, quæ est sub turre inter altare sancti Nicolay episcopi et confessoris <sup>8345</sup> et tumultum Gebeardi episcopi. Hic fuit cliens et individuus comes in labore et ærumpna sancti Wencezlai martiris, de cujus actibus in vita ipsius sancti <sup>8346</sup> satis declaratur scire volentibus. Tempore enim <sup>8347</sup> suo Severus sextus hujus sedis episcopus ampliores dilatans <sup>8348</sup> capellam, circa sacram prædicti patroni tumbam ossa prædicti clientis effodiens, quia aliter non poterat fundari murus, et collocans ea in sarcophago, posuerat in camera, ubi ecclesiastica servabantur xenia. Item 8. Idus Aprilis in die paschæ

cæsar Henricus quartus mittens epistolas ad omnes regni sui principes et episcopos, præcepit, quatenus omni occasione postposita 4 Non. Maii in urbe Bamberch <sup>8349</sup> ad suam coadunarentur curiam (765).  
56. Interea Sobezlau, nostri ducis frater, relinquens Poloniam, tenuit cum suis omnibus <sup>8350</sup> viam ad ducem Saxonie Luteram <sup>8351</sup>, sperans tanti viri consilio simul et auxilio potiri. A quo honorifice suscipitur hospicio, et optato <sup>8352</sup> suæ spei potitur solatio. Nam prædictus dux, ut cognovit principem Boemie <sup>8353</sup> regali interesse curiæ <sup>8354</sup>, misit legatum cum hospite suo ad cæsarem dicens: *Regis potestati et imperatoris dignitati congruit, patientibus injuriam clementer subvenire, et eam facientibus justicie rigore regaliter obviare* <sup>8355</sup>. *Cujus gratie experimentum et principalis censuræ nobis cunctis* <sup>8356</sup> *gentibus dabitur* <sup>8357</sup> *documentum, si huic innocenti viro et injuriam patienti Sobezlao justiciam faciens, fratri suo eum reconciliet.* Unde cæsar valde indignatus, respiciens ad omnem cætum suum <sup>8358</sup> dixit <sup>8359</sup>: *Satis pro imperio iste* <sup>8360</sup> *locutus est marchio; ipsi nobis facit injuriam, et ulcisci poscit injuriam. Nam si mihi congruit, ut* <sup>8361</sup> *ipse fateatur,*

*alienas ulcisci injurias, cur non prius ulciscar meas? Aut quænam major potest esse injuria, quam quod idse vocatus non venit ad nostra concilia? Ergo quemcunque* <sup>8362</sup> *xelus justicie et hæc mordet injuria, spondeat nunc fidem super sacra plenaria, quod sua tollat arma, et sequatur me post festum sancti Jacobi apostoli (Jul. 25) in Saxoniam.* Assenciunt omnes et collaudant principes, atque conjurant bellum adversus Saxones secundum edictum cæsaris. Hisdem diebus (766) moritur gener Wratizlai regis Wicbertus, de quo supra satis meminimus <sup>8363</sup>. Videns autem Sobezlav, quia et fortuna regis <sup>8364</sup> censum <sup>8365</sup> magis juvat fratrem suum majorem natu, vertit iter ad Wiperti natum (767), quo consolaretur <sup>8366</sup> de obitu sui patris <sup>8367</sup> suum per sororem cognatum, et <sup>8368</sup> exinde misit ad Polonie principem <sup>8369</sup> Stephenum comitem: per hunc enim sua omnia disponebat consilia. Qui, cum transiret silvam quæ est inter Saxoniam et Poloniam, incidit in armatas latronum manus. Qui a longe stantes inquam ad eos: *Parcimus et miserescimus vobis atque concedimus vitam, ite vestram cum pace viam; equos autem et omnia quæ portatis linquite nobis, neque enim pauci multis resistere aut fugere quitis.* Quibus Stephanus imperterritus: *Parvum, inquit, date nobis* <sup>8370</sup> *spacium inire consilium.* Illis autem concedentibus, dixit comes: *O fratres et o socii, ullimæ jam* <sup>8371</sup> *sortis ne timeatis casum fortunæ mortis, quisnam nobis suum* <sup>8372</sup> *franget panem versus* <sup>8373</sup> *in fugam turpem? Aut post continuatam turpiter vitam quis nobis tribuet necessaria vitæ? Et* <sup>8374</sup> *utrum hanc barbari* <sup>8375</sup> *nobis* <sup>8376</sup> *concedant ignoramus. Heu frustra sero pœnitebit* <sup>8377</sup> *nos non occubuisse viriliter, cum diversis pœnis affectos, hunc naribus truncatum, alterum oculis privatum, dabunt nos* <sup>8378</sup> *in parabolam et fabulam cunctis gentibus.* At illi unanimiter inquam: *Moriamur, moriamur; sed videamus ne inulti moriamur.* Quos ut viderunt pagani magis ad pugnam quam in fugam aptare <sup>8379</sup> arma, repente irruunt <sup>8380</sup> super eos. Fit monstruosa pugna inter

#### VARIÆ LECTIONES.

<sup>8339</sup> deest 3, 4(a). <sup>8340</sup> episcopi et confessoris desunt A. <sup>8341</sup> VIII. A. 2, 4. <sup>8342</sup> deest 3. <sup>8343</sup> Meginardus 1. Meynhardus 2. Meginhardus 2(b). <sup>8344</sup> Podiuen 1. 2(b), 4, 4(a). Pediuon 3. <sup>8345</sup> et confessoris desunt A. <sup>8346</sup> deest A. 3, 4(a), <sup>8347</sup> autem A. <sup>8348</sup> recentiori man. superscr. fabricans 1. <sup>8349</sup> in margine A. Bamberk 1. Babenberch 4. <sup>8350</sup> omn. suis A. <sup>8351</sup> ita: Duderam A. <sup>8352</sup> et op. erasa 1. <sup>8353</sup> deest A. <sup>8354</sup> Wladizlai addit A. deest in rell. <sup>8355</sup> corr. 1. <sup>8356</sup> omnibus 4. <sup>8357</sup> dabis 2(b). <sup>8358</sup> suum coet. A. <sup>8359</sup> dicens corr. dixit A. 1. dicens 2. <sup>8360</sup> deest 2(b). <sup>8361</sup> uti 2, 2(b), 4. <sup>8362</sup> quæcunque 4, 4(a). <sup>8363</sup> memini 3. <sup>8364</sup> corr. al. manu A. <sup>8365</sup> census 2(b). censura 3. <sup>8366</sup> eum superscr. al. man. 1. <sup>8367</sup> fratris corr. alia manu in margine patris A. <sup>8368</sup> deest A. <sup>8369</sup> princ. Pol. A. <sup>8370</sup> deest 3. <sup>8371</sup> deest A. <sup>8372</sup> deest 4, 4(a). <sup>8373</sup> inversis 1. sed corr. 3. <sup>8374</sup> en 4. <sup>8375</sup> babati 1. <sup>8376</sup> nobis hanc A. <sup>8377</sup> pœnitebit 1. <sup>8378</sup> vos 2. <sup>8379</sup> aptarier 1. corr. aptarier 2. aptari 4. <sup>8380</sup> corr. A.

#### NOTÆ.

qui lustrationum potens creditur: lustrari autem eo mense civilatem necesse est, quo statuit, ut justa diis Manibus solverentur. Cf. Ovid., Fast. II, 33, sq.; Plut. Numa 20, Joanne Lydo auctore (de mens. p. 68.) Februus apud veteres Etruscos deus inferiorum erat, aut pater Plutonis aut idem qui Pluto. GROTEFEND.

(765) Cfr. Ekkehardi Chronicon.  
(766) xi Kal. Jun. Consentiant Vita Wiperti, c. 12, et Kalendarium Pegaviense.  
(767) Henricum. Wipertus filius major natu ante patrem obierat.

quinque ancilia et <sup>3881</sup> quinquaginta fortium scuta. Presbiter autem ex eis, cui animas suas commenda-  
verant, habens arcum et faretram, fugit; quem  
unus ex latronibus, videns virum <sup>3882</sup> inermem, in-  
sequitur fugientem. At ille <sup>3883</sup> non valens evadere,  
misit retro sagittam, et percussit equum in mediam  
frontem, ceciditque equus et ascensor ejus retro.  
Sicque solus presbyter evasit, et nunciavit in urbe  
Glogov <sup>3884</sup> quæ facta fuerant. Præfectus autem il-  
lius urbis nomine Nozizlav <sup>3885</sup>, cum <sup>3886</sup> multis <sup>3887</sup>  
accelerans illuc armatis, invenit Stephanum semi-  
vivum in media aqua Bobr <sup>3888</sup> (768) super frutices  
hærentem — nam barbari, ut viderunt multos de  
suis interfectos et alios vulneratos, irati valde præ-  
cipitaverunt eum in <sup>3889</sup> prædictum fluvium —  
quem præfatus præfectus suscipiens <sup>3890</sup> et ejus so-  
cios adhuc semivivos tulit in castrum suum, ibi-  
que <sup>3891</sup> Stephanus in <sup>3892</sup> Kal. Junii dominica die  
moritur. Sobezlau autem hisdem temporibus apud  
Wiperti filium morabatur, quia post obitum patris  
sui prædictus puer (769) atrociter ab inimicis undi-  
que <sup>3893</sup> coartabatur.

Eodem anno mense Julio dux Wladizlaus natam  
suam primogenitam nomine Suatavam (770), cum  
magno muliebri cultu et nimio census apparatu, dat  
nuptum cuidam inter Bavaros <sup>3894</sup> primates famo-  
sissimo viro nomine Fridrico (771).

57. Eodem anno Christi <sup>3895</sup> Dei virtus et Dei <sup>3896</sup>  
sapientia, cuncta suo <sup>3897</sup> nutu gubernans subsi-  
stentia, hanc terrulam dignatus est sua eruere clem-  
entia e laqueo Satanæ <sup>3898</sup> et ejus filii Jacobi Apel-  
læ <sup>3899</sup> (772). Cujus picea dextra quæcunque <sup>3900</sup>  
tetigerit, inquinat, et oris anelitus, oeu basilisci  
fœtidus, quos afflat, necat <sup>3901</sup>; de quo etiam plu-  
rimi testantur veridici homines, quod sæpe visus  
sit <sup>3902</sup> Sathan in humana effigie ejus lateri adhæ-  
rere atque sua obsequia exhibere. Unde eum in tan-  
tam suis artibus extulit audaciam, immo demen-  
ciam ut excedens suum modum tam sceleratissi-

A mus homo post ducem vicedomini <sup>3903</sup> fungeretur  
officio; quod erat magnum cahos christiano populo.  
Hic idem <sup>3904</sup> post baptismum factus apostata, altare  
quod erat ædificatum et consecratum in sinagoga  
eorum in nocte destruxit, et sumens sacras reli-  
quias, non est veritus eas in suam mittere cloacam.  
Hunc talem <sup>3905</sup> sacrilegum atque maleficium dux  
Deo plenus Wladizlaus, zelum Christi zelans <sup>3906</sup>,  
11 Kal. Augusti tenuit atque sub arta jussit eum  
constringi custodia. Ah <sup>3907</sup> quantum de mam-  
mona iniquitatis ex domo ejusdem subplantatoris  
sublatum est et in fiscum duois <sup>3908</sup> redactum! Præ-  
terea sui compares in scelere Judei, ne prædictus  
manzer capite plecteretur, tria milia argenti et  
centum auri libras composuerunt duci <sup>3909</sup>. Quod  
autem <sup>3910</sup> dux, gratia Dei instinctus, christiana man-  
cipia ab omnibus Judeis redemit, et ut nullus ultra  
christianus serviret eis <sup>3911</sup>, interdixit, amen, amen,  
inquam; quicquid unquam deliquit, totum in hoc  
laudabili facto delevit et nomen sibi æternum ascivit,

O <sup>3912</sup> Christi famula pia Magdalena Maria,

Semper devota tibi promittit plebs sua vota,  
quoniam in tuo festo eruta est ab hoste infesto.  
Item eodem anno 3 Idus Augusti 11 hora diei solis  
eclipsis fuit, et secuta est maxima pestilentia boum  
ovium atque <sup>3913</sup> suum; apes multæ interierunt, pe-  
nuria mellis fuit nimia. Segetes <sup>3914</sup> autumnales de-  
fuerunt simul et vernaes, præter solum milium et  
pisam.

Eodem anno dux Wladizlaus, vir <sup>3915</sup> præclarus et  
venerandus, natale Domini (Dec. 25) et epiphaniam  
(Jan. 6) in villa Stebecna celebravit. Deinde, quo-  
niam <sup>3916</sup> infirmabatur, transfert se <sup>3917</sup> in urbem  
Wissegrad, ibique <sup>3918</sup> ad suum obitum mansit. Ejus-  
dem hiemis intrante vere vehementissimi incubue-  
runt venti per totam lunationem mensis Marcii <sup>3919</sup>.

58. Anno dominicæ incarnationis 1125. Sobezlau  
audiens fratrem suum <sup>3920</sup> graviter infirmari, inito  
consilio amicorum salubri, immo sic jam disponente

#### VARIÆ LECTIONES.

<sup>3881</sup> inter *add.* 3. <sup>3882</sup> virum *vid.* A. <sup>3883</sup> *deest* 4. <sup>3884</sup> Gloglou 4. <sup>3885</sup> Voyzlav 1. Voyzlau 2 (b), 3. Woyzlaus  
4, 4 (a). <sup>3886</sup> *al. manu superscr.* A. <sup>3887</sup> *deest* A. <sup>3888</sup> Boler 3. Borb 4, 4 (a). <sup>3889</sup> ipsum A. <sup>3890</sup> suspiciens  
*corr. al. m. suscip.* 1. <sup>3891</sup> ubi 4, 4 (a). <sup>3892</sup> tertio 2 (b). III. 3. <sup>3893</sup> undique ab in. A. <sup>3894</sup> Bavaricos 1. in turba  
varios 2. <sup>3895</sup> *ita* 1. X A. <sup>3896</sup> *deest* 3. <sup>3897</sup> sub 4. <sup>3898</sup> *satanæ* 1. <sup>3899</sup> *ocroionica vel tale quid super-*  
*scr. al. man.* 1. <sup>3900</sup> quemcunque 4, 4 (a). <sup>3901</sup> *afflaverat omisso* necat 3. <sup>3902</sup> est 2. <sup>3903</sup> vice Deum 3.  
vicedomi 4, 4 (a). <sup>3904</sup> Jacobus *inserunt* 4, 4 (a). <sup>3905</sup> Judæum *inserunt* 4, 4 (a). <sup>3906</sup> zelatus 4, 4 (a). <sup>3907</sup> ab.  
*repetunt* 4, 4 (a). <sup>3908</sup> Wladizlai *add.* 4, 4 (a). <sup>3909</sup> *deest* 4, 4 (a). <sup>3910</sup> quod accipiens 4, 4 (a). <sup>3911</sup> Judæis 4, 4 (a).  
<sup>3912</sup> o pia Chr. A. <sup>3913</sup> *deest.* 4, 4 (a). <sup>3914</sup> Segetes *desunt* A. <sup>3915</sup> dux 3, *omittunt* 4, 4 (a). <sup>3916</sup> quan-  
doquidem 2 (b), quia 3. <sup>3917</sup> transferri se jubet 4, 4 (a). <sup>3918</sup> usque *add.* 2 (b), 4, 4 (a). <sup>3919</sup> Marci 1. *In cod.*  
A. *sequuntur hi versus uncis inclusi, qui desunt in rell.*

Anno milleno sexageno quo deno,  
Anglorum mele crinem sensere comete.  
Anno milleno centeno quo minus uno  
Hierosolima Franci capiunt virtute potenti.

<sup>3920</sup> Wladizlaum *add.* 4, 4 (a).

#### NOTÆ.

(768) Bober.  
(769) I. e. juvenis, ut observat Schwarz; inter-  
fuit enim jam anno 1115 prælio Wolfesholzensi, *ofr.*  
Vita Wiperti, c. 11.

(770) Germanis Luitgarda.  
(771) Comiti Bogensi.  
(772) I. e. Judæi, ex Horatiano: *Credat Judæus*  
*Apella.*

Dei nutu, cum omni suo comitatu de Saxonia rediit, et 4 Nonas Februarii prope urbem <sup>3921</sup> Pragam in silva, quæ est circa cœnobium Brevnov <sup>3922</sup>, noctu applicuerat. Latet causa, quid ipse hac in re faciendum disposuerat; neque enim tantæ indolis heros tam temere hanc terram intrasset, si non aliqui <sup>3923</sup> ex comitibus extitissent, quorum consilio id, ut reor, egerat. Namque eadem nocte retro pedem torquens, huc et illuc; nunc <sup>3924</sup> per silvas, modo per villas latenter circuibat terram, nemini vim inferens aliquam, sed semper <sup>3925</sup> fratris sui quæritans <sup>3926</sup> gratiam. Omnes quidem Boemi primi et secundi ordinis <sup>3927</sup> eum diligebant et ejus parti <sup>3928</sup> favebant, sola autem ductrix (773) et pauci cum ea adjuvabant Ottonem. Qui, quoniam sororem ejus (774) sibi copularat <sup>3929</sup>, omnibus modis nitebatur, quo post virum suum Otto potiretur solio. Ducis autem magis magisque invalescens morbus nimis ejus exhauriebat corpus. Inter hæc primates terræ conturbati <sup>3930</sup> ceu pisces in turbida aqua, incerti dum mente titubarent <sup>3931</sup> consternati, regina Suatava <sup>3932</sup> mater ducis præmonita et instructa Sobezlai <sup>3933</sup> ab amicis venit, ut visitaret filium suum, et sic locuta est ad eum: *Mater ego tua cum sim et regina, supplex et timida ad tua venio, genua, et quibus te tenerum excepi, pro* <sup>3934</sup> *fratre tuo* <sup>3935</sup> *coram te fam tremulis procumbo genibus. Nec enim ea quæ jure possint negari peto; sed quæ sunt et* <sup>3936</sup> *Deo placida et hominibus accepta. Placet enim Deo, sicut ipse dixit. « Honora patrem tuum et matrem », ut meas aniles placide suscipias preces, et hanc rugosam lacrimisque obortam* <sup>3937</sup> *precor ne confundas faciem. Liceat mihi vetulæ matri apud filium suum* <sup>3938</sup> *impetrare quod rogat et postulat prostratus laôn univ ersus Boemiæ, liceat mihi decrepitæ vos videre pacatos, quos pari conditione ex meo ulero generatos video, gratia* <sup>3939</sup> *Dei, bene educatos. Contingat mihi aniculæ cito morituræ non prius mori* <sup>3940</sup> *, quam huic incomparabili meo Deus conferat solamen mærori. Merito quidem mæreo* <sup>3941</sup> *, quia fera Herinis hac in terra regnat, et vos fratres, olim unanimes, nunc in prælia arma* (775). *Quis enim ignorat, quod camisia proprior sit corpori*

*quam tunica? Natura quippe quæ fecit propinquiorem genitura, facit ut sit suis propicior et in omni rerum procurata. Ille autem ille* <sup>3942</sup> *quem tibi fratrem facis, et cui modo tuæ sobolis et caræ conjugis curam injungis et in tutelam committis, crede mihi matri, ipse primus erit eis in laqueum et in foveam et in scandalum, iste autem quem a te elongas et quasi alienum reputas, cum sit tuus germanus, multo clemencior in tuos* <sup>3943</sup> *erit, quam tui patruinalus, cui post te decernis paterni solium ducatus. Dixerat,*

Et flebat natumque <sup>3944</sup> suo <sup>3945</sup> angebat ploratu. Quem ut vidit simul collacrimantem, hæc adjecit dicens: *Non tua, fili mi, inevitanda homini deploro fata* <sup>3946</sup> *, verum fratris tui miserabiliorem morte vitam defleo, qui profugus, vagus et exul mallet* <sup>3947</sup> *nunc feliciter mori quam infeliciter vivere. Cui natus* <sup>3948</sup> *perfusus faciem lacrimis, Faciam, inquit mater mea, fuciam quod hortaris, non* <sup>3949</sup> *sum adamante velerzecrabili* <sup>3950</sup> *genilus Caribdi, ut non reminiscar ulerini fratris* <sup>3951</sup>. Interea rediens præsul <sup>3952</sup> Bambergensis <sup>3953</sup> ecclesiæ Otto, miles Christi indolis <sup>3954</sup>, victis et destructis Pomoranorum idolis, visitat ducem jam viribus præ infirmitate deficientem. Cui dux <sup>3955</sup> cum sese et animam suam per sanctam confessionem commisisset, non prius posse dari aut consequi indulgentia præsul <sup>3956</sup> sponndit, quam fratris suo pacem veram et firmam promisisset et <sup>3957</sup> gratiam. Moxque præsul prædictus curam animæ ejus et causam perficiendæ <sup>3958</sup> pacis Megnardo <sup>3959</sup> injungens episcopo, juxta principalem munificentiam valde donis honestatus tenuit viam; festinabat enim, ut ante Domini cœnam <sup>3960</sup> perveniret ad sedem suam (776). Mittitur illico pro Sobezlao, <sup>3961</sup> jamque palam in populo agitur, quod olim clanculo machinabatur.

Talia ut sensit princeps Moraviæ Otto fieri, qui semper adhærebat ducis lateri <sup>3962</sup>, timens ne forsitan <sup>3963</sup> caperetur, tristis revertitur in Moraviam. Pacificatus est autem Wladizlaus cum fratre <sup>3964</sup> quarta feria majoris ebdomadæ (Mart. 25). Post octavas autem <sup>3965</sup> paschæ 2. Idus Aprilis (777), dominica die, quæ tunc fuit *Misericordiæ Domini*,

## VARLÆ LECTIONES.

<sup>3921</sup> *dest* A. <sup>3922</sup> Brzewnow 2, Breunen 2 (b), Breunon 3, Breunev 4, 4 (a). <sup>3923</sup> alii 2. <sup>3924</sup> *deest* A: <sup>3925</sup> *deest* A. <sup>3926</sup> *deest* A. <sup>3927</sup> ordines 1. <sup>3928</sup> *al. man. in margine* A. *in textu* patri. <sup>3929</sup> copulaverat A. <sup>3930</sup> turbati A. <sup>3931</sup> titubarunt 3. <sup>3932</sup> Zwatava 1, Zwatava 4. <sup>3933</sup> Sob. ab am. A. <sup>3934</sup> cum A. <sup>3935</sup> Zobelzao *inserunt* 4, 4 (a). <sup>3936</sup> ex 1. <sup>3937</sup> abortiam 2, obrutam 2 (b). <sup>3938</sup> si non 3. <sup>3939</sup> *corr.* A. <sup>3940</sup> *corr.* A. <sup>3941</sup> mereor 1, morior 4, 4 (a). <sup>3942</sup> *deest* 4, 4 (a). <sup>3943</sup> inter vos 4, 4 (a). <sup>3944</sup> naumque 1. <sup>3945</sup> suum 3. <sup>3946</sup> facta 1. <sup>3947</sup> valet *al. man. superscr. vellet* 1. malit 3. <sup>3948</sup> Wladizlaus *inserunt* 4, 4 (a). <sup>3949</sup> nec 3, 4. <sup>3950</sup> *ita* A. ex Caribdi *rell. ex deest* 3, 4 (a). <sup>3951</sup> mei *add.* 4, 4 (a). <sup>3952</sup> præsul *red.* A. <sup>3953</sup> Bamberiensis 1, Babenbergensis 4. <sup>3954</sup> inclytus 3, 4 (a). <sup>3955</sup> Wladizlaus *inserunt* 4, 4 (a). <sup>3956</sup> Otto *add.* 4. <sup>3957</sup> *deest* A. 2 (b), 3, 4, 4 (a). <sup>3958</sup> perficiente *corr.* perficiende 4. <sup>3959</sup> Megnardo 1. <sup>3960</sup> cœn. Dom. A. <sup>3961</sup> Boleslao 2. <sup>3962</sup> *lat. duc.* A. <sup>3963</sup> forte 2, forsitan 4, 4 (a). <sup>3964</sup> suo Sobezlao *add.* 4, 4 (a). <sup>3965</sup> *deest* A.

## NOTÆ.

(773) Richsa filia Heinrichi comitis Bergensis. Vide Publitschka IV. 157.

(774) Sophiam.

(776) Virg., Æn. VII, 335.

(776) Rediit in ipso sacrosancto paschæ Sabbato, ut tradit Ekkehardus 1125.

(777) Probat Necrologium Bohemicum.

pius et misericors dux Wladizlaus non sine magno A suorum planctu migravit ad Christum, et quam semper pro nomine Christi in pauperes exhibuit, nimirum jam ab ipso misericordi Domino consecutus est misericordiam. Sepultus est autem in ecclesia sanctæ Mariæ virginis, quam ipse ædificans Christo et ejus matri omnibus ecclesiasticis veniis sufficienter auxil, et satis honorificam monachorum ibidem <sup>3966</sup> constituit abbaciam; loci nomen est Cladorubi <sup>3967</sup> (778)

Dux fuit hic quantus <sup>3968</sup>, rexit dum spiritus artus,  
Ex ejus gestis jam scriptis scire potestis,  
Qua dignus laude sit, quoque colendus honore.  
Sit libri finis, nostri ducis est ubi finis <sup>3969</sup>.

59. Quoniam quidem primi <sup>3970</sup> in exordio libri memini medixisse, hanc chronicam sub temporibus B Wladizlai ducis et Hermanni præsulis editam esse <sup>3971</sup>, quibus jam ex hac convalle <sup>3972</sup> lacrimosa <sup>3973</sup> fato transvectis ad loca forsitan delicia, sed adhuc gestarum rerum exuberante materia, utrum ibi <sup>3974</sup> figam littori <sup>3975</sup> anchoram, an etiam

Nuno furentibus euris <sup>3976</sup> in altum carbasa tendam,  
Consule formosa mea doctrix nunc mihi Musa.

Tu enim, quæ nunquam senescis, me senem ad juvenilia studia <sup>3977</sup> inquietare non quiescis, haud <sup>3978</sup> ignoras, quod in uno <sup>3979</sup> quocunque <sup>3980</sup> sene, sicut in me, puerilis est sensus et debilis animus. O si mihi jam octogenario præteritos Deus referat annos (779), quibus olim <sup>3981</sup> Leodii sub Francone <sup>3982</sup> magistro tum grammaticæ tum dialecticæ artis in viretis <sup>3983</sup> pratis mecum lusisti satis! O nimium <sup>3984</sup> amabilis juvenibus et suavis, semper pudica, sed nunquam vetula, cur me repetis senem? Cur hebetem incitas mentem? Jam mihi annosa ætas dorsum incurvat, jam rugosa <sup>3985</sup> cutis faciem deturpat, jam pectus velut sonipes fessus anhelat, jam vox rauca ceu anser sibilat, et morbida senectus meos enervat sensus. Certe plus me delectat <sup>3986</sup> mollis panis et tosta buccella, quam tuas sophismata, quæ quondam sub vestra molliter cubantes asscella, suaviter ex tua tenera suximus papilla. O sophistica cornupeta, ultro viris syllogisticis appetenda, nobis autem jam satis ex-

perta, sine senes, pete juvenes tui similes, ingenio acutos et in arcium artibus argutos, qui nuper ad magnam mensam dominæ <sup>3987</sup> philosophiæ <sup>3988</sup> deliciosis pasti epulis, et exhaustis tocuis Franciæ thesauris, novi philosophi redeunt! Tales oratores inclita virtus ducis Sobezlai expectat, qui ejus mirifica gesta stilo aureo mirifice deaurare queant <sup>3989</sup>; quibus et ego senex, quicquid inepte deliro, usque ad unguem elimandum <sup>3990</sup> supplex comitto. Horum et omnium ista legencium cum licentia, liceat mihi præfati ducis.

Pluribus ex gestis aliquid contingere scriptis. Et qui me senem vituperas; ipse cum sis sapiens, thesaurum tuæ scientiæ in lucem proferas, et hunc rudem textum pro materia habeas <sup>3991</sup>.

60. Regnante domino nostro Jesu Christo, trino et uno omnipotente Deo, uti supra retulimus, duce Wladizlao ex hac luce subtracto, frater ejus Sobezlao, ætate quidem <sup>3992</sup> junior, sed maturis <sup>3993</sup> sapientia maturior, manu largus, civibus acceptus, plebi utriusque sexus et ætatis gratus, omnibus Boemis insimul faventibus, 16 Kal. Maii jure hæreditario in principatus solio <sup>3994</sup> elevatus est avito.

O qui perpetua mundum ratione gubernas, Quisnam <sup>3995</sup> speraret vel quisnam credere posset, Quod pax hoc <sup>3996</sup> anno fieret sine sanguine magno, præsertim cum domnus Otto, quorundam instructus <sup>3997</sup> consilio, tali se obligaverat sacramento <sup>3998</sup>, quod non prius ab urbe Wissegrad cederet, quam aut victus plecteretur capite, aut victor potiretur principalis sedis culmine. Sed dominus noster Jesus Christus, qui dissipat et reprobatur consilia principum, sanctissimi martyris Wencezlai <sup>3999</sup> per meritum ita misericorditer disposuit, uti me supra referente satis caritas vestra novit. Quapropter jam bonus dux desinat super fratre suo simul et Ottone irasci et <sup>4000</sup> indignarii, credat omnia ratione Dei <sup>4001</sup> gubernari, et nichil sine ipso posse fieri. Sed, quoniam, Salomone testante, ira in sinu stulti quiescit (*Eccle.* vii, 10), absit hoc a reverentissimo <sup>4002</sup> duce, ut per iram et indignationem suas virtutes eximias commaculet, aut per impacientiam <sup>4003</sup> probabiles suos contamineat actus. Quos revera si quis <sup>4004</sup> ob lau-

#### VARIE LECTIONES.

<sup>3966</sup> ibi 3. <sup>3967</sup> Kladruby 2, Kladaruby 3. <sup>3968</sup> quintus 3. <sup>3969</sup> Hic sequuntur in 2 (a) verba: Incipit prologus in quartum librum. In 4 legitur: Explicit liber IIIus. Incipit IIIus de chronica Boemorum, quæ 4 (a) in margine a manu tamen recentiori adscripta sunt <sup>3970</sup> deest 3. <sup>3971</sup> esse ed. A. <sup>3972</sup> valle A. <sup>3973</sup> lacrimarum A. <sup>3974</sup> sibi 2. <sup>3975</sup> lectori 2 (a). <sup>3976</sup> curis 4. <sup>3977</sup> stodia corr. al. man. studia 1. <sup>3978</sup> aut corr. haud A. <sup>3979</sup> viro 3. <sup>3980</sup> unoquoque 2 (b). <sup>3981</sup> enim 2. <sup>3982</sup> Francorum 4, 4 (a) <sup>3983</sup> virentibus A. virectis 1, 4, <sup>3984</sup> omnium 2. <sup>3985</sup> rugosæ 3. <sup>3986</sup> delectant 2 (b). <sup>3987</sup> deonæ 4. <sup>3988</sup> philosophye 4. <sup>3989</sup> quent corr. al. man. queunt 1. <sup>3990</sup> ita corr. al. man. 1. eliminandum 3. <sup>3991</sup> In 2 (a) sequuntur verba: Incipit liber quartus de sublimatione Sebeslay in ducem Bohemorum. <sup>3992</sup> deest 2. <sup>3993</sup> deest 2. <sup>3994</sup> in pr. solio A. <sup>3995</sup> omissum 4 (a). <sup>3996</sup> eo 4. 4 (a). <sup>3997</sup> ita corr. 1. instinctus A. 2. 2 (b). 4. 4 (a). <sup>3998</sup> juramento 2 (b). <sup>3999</sup> W. mart. A. <sup>4000</sup> non 4. <sup>4001</sup> Dei rat. A. Dei omissam 4. 4 (a) <sup>4002</sup> reverentissimo 3. <sup>4003</sup> patientiam 3. <sup>4004</sup> si quis al. man. in margine A.

#### NOTÆ.

(778) Kladrav.

(779) Vig., Æn. VIII, 560.



dem <sup>4005</sup> sui <sup>4006</sup> singillatim <sup>4007</sup> exprimere satageret, A prius diurna lux et pagina deficeret, quam inceptum <sup>4008</sup> opus perficeret. Verum tamen nos unum et et præcipuum ejus memoriale vestræ caritati pandimus, in quo nimirum omnibus pene præferendus est actu, quod tantæ potestatis dux nunquam

Mentis prædone poluit <sup>4009</sup> sua labra medone (780).

Certe non modica est virtus cuippiam potenti viro os suum refrenare, et naturalis potus non amurcam, sed ejus illecebras spernere.

61. Eodem anno 13 <sup>4010</sup> Kal. Junii, 4 existente feria, in hebdomada sacrosancta pentecosten (781), magna nix in quibusdam silvestribus locis descendit, et sequentibus diebus grande frigus inhorruit, atque omnigenis et maxime in autumnno seminatis frugibus, simul <sup>4011</sup> et vineis, nec non et <sup>4012</sup> arboribus multum nocuit, ita ut <sup>4013</sup> in multis locis arbusta radicitus exaruiscent, et minores gelu rigescerent <sup>4014</sup> amnes. Ejus hebdomadæ in sabbatho 3 <sup>4015</sup> Kal. Junii (782) imperator Heinricus quartus obiit, ibique ejus et <sup>4016</sup> imperialis genealogia desiit, partim sterilitate feminei <sup>4017</sup> sexus, partim ab ineunte ætate omni virili <sup>4018</sup> stirpe regali fato conclusa exiiali.

62. Interea per Dei gratiam inclito duce Sobezlao in toto suo composita pace regno, dum <sup>4019</sup> herocyis cessamus a chronicis <sup>4020</sup>, referamus qualiter presbiter quidam crudi per incendium holeris incentivas extinxerit <sup>4021</sup> flammæ pectoris; ipse enim clam mihi narravit familiariter, et ut nulli eum nomine proderem per Christum me rogavit amicabiliter, cui ita ego uti mihi credo, quia vita ejus laudabilis fidem præbet verbis. Aiebat <sup>4022</sup> enim quod, postquam sibi presbiteram <sup>4023</sup> Dominus tulerat, devota mente Deo voverat, quod nullam ultra cognosceret feminam. Sed, quoniam valde difficile est assueta <sup>4024</sup> funditus a mente <sup>4025</sup> evolvere, nescio quot <sup>4026</sup> post annos tanta eum temptatio carnis invaserat, ut pene voti

oblitus quod Deo voverat, victus libidine in laqueum diaboli fere <sup>4027</sup> ceciderat. Quid enim ageret? aliquando legerat in dialogo, qualiter sanctus Benedictus per incendium <sup>4028</sup> urticæ compescuit ardorem carnis inimicæ. Cum subito superna gratia respectus et ad semetipsum reversus, quærens <sup>4029</sup> ad simile opus, et non inveniens secretum locum, furtim collegit de urticis manipulum, clam peccit cubiculum et super se clausit ostiolum, atque omne suum usque ad unum filum abiecit vestimentum. Ah! si quis tum <sup>4030</sup> presbyterum sanum insanientem vidisset, etiamsi <sup>4031</sup> eadem die earum parentem sepelisset, vellet nollet, utique rideret <sup>4032</sup>. Certe non tantum sævus magister in discipulum, aut dominus iratus in servum sævit, quantum presbiter in se et contra se inflammatus, atque præ ira insensibilis factus, per genitalia sua simul et posteriora urticis sævit. Exinde <sup>4033</sup> redit ad cor, et multo crudelius circa præcordia sæviens, aiebat: *Tu me, tu, pessimum cor* <sup>4034</sup>, *semper crucias* <sup>4035</sup>, *ego te sic* <sup>4036</sup> modo cruciabo. *Ex te enim exeunt cogitationes malæ, adultèria* <sup>4037</sup>, *fornicationes et libidines*. Sicque satisfaciens suo furori presbiter furibundus <sup>4038</sup>, tantis atrectatus <sup>4039</sup> doloribus, per tres dies jacuit moribundus; nec satis se <sup>4040</sup> fecisse reputans animæ remediis, colligens <sup>4041</sup> fasciculum de urticis, suspendit in sita camera, quatenus eas <sup>4042</sup> semper haberet præ oculis, quas quotienscunque seu pendentes seu succisas sive juxta viam pollentes conspexit, cor ejus intremuit mensque mala memor mali penitus <sup>4043</sup> evanuit. Noe autem hujus presbiteri imitabilem sæviciam vertamus ad virtutum <sup>4044</sup> custodiam, et quod ipse operatus est in corpore, nos operemur <sup>4045</sup> mente. Sunt enim eloquia Domini eloquia veridica, quibus ait: *Pater meus usque modo operatur, et ego operor* (Joan. v, 17). Ecce enim <sup>4046</sup> presbiter, dum foris penaliter <sup>4047</sup> arsit, quod illicite ardebat <sup>4048</sup> intus per Dei gratiam extinxit, vicit peccatum, quia mutavit incendium <sup>4049</sup>.

Noverint omnes in Christo fideles, hujus chronicæ compositorum, scilicet <sup>4050</sup> Cosmæ reverentissimum Pragensem ecclesiæ decanum, 12 Kal. Novembris obiisse eodem anno, quo ducem Sobezlaum constat intro-nizatum fuisse <sup>4051</sup>. Amen. Valet fratres <sup>4052</sup>.

#### VARIE LECTIONES.

<sup>4005</sup> lau. 1 <sup>4006</sup> ob laudem sui *omissa* 2 (b). <sup>4007</sup> singulatim 3. <sup>4008</sup> incertum A. 2. 2 (a). <sup>4009</sup> polluit A. proluit 2. <sup>4010</sup> itu 4 (a). XVI. 4. VI. *rell.* <sup>4011</sup> similiter 2 (b). <sup>4012</sup> *deest* 3. 4. 4 (a). <sup>4013</sup> ita ut *superscr.* A. <sup>4014</sup> g. *ul. man. superscr.* 1. et minores gelu rigescerent *desunt* 2. <sup>4015</sup> X. 4 (a). <sup>4016</sup> ejusdem 3. ejus *omisso* et 4. 4 (a). <sup>4017</sup> feminei — ineunte *desunt* 1. <sup>4018</sup> li *al. man. superscr.* A. <sup>4019</sup> *deest* 3. <sup>4020</sup> *codices* 4. 4 (a). *omissis omnibus a verbis*. Interea etc. usque ad hunc locum hæc inserunt: Hoc in loco licet extra ordinem nostræ sit narrationis, quoniam tamen ædificationi fidelium convenire credimus etc. <sup>4021</sup> extinxerat 1. extinxit 2. <sup>4022</sup> aiebat g *eraso* A. <sup>4023</sup> presbiteruram *sed corr.* A. presbyteratum 2 (b). <sup>4024</sup> assueta 1. <sup>4025</sup> *deest* 2. <sup>4026</sup> quod 1. 2. <sup>4027</sup> vere 2 (b). <sup>4028</sup> incentivum 4. 4 (a). <sup>4029</sup> coherens A. <sup>4030</sup> tuum *corr.* tum 1. <sup>4031</sup> etsi 4 (a). <sup>4032</sup> rediret 2. <sup>4033</sup> exin 2 (b). <sup>4034</sup> pessime cur 2 (b), <sup>4035</sup> pess. cor. s. cruc. *spatio vacuo relicto desunt* 5. <sup>4036</sup> si *corr. al. man.* sic 1. <sup>4037</sup> superbia *add.* 4. 4 (a). <sup>4038</sup> *deest* 5. <sup>4039</sup> attenuatis 2 (b). attractus 4. 4 (a). <sup>4040</sup> me *corr.* se 1. <sup>4041</sup> *corr.* 1. <sup>4042</sup> *corr. al. man.* A. <sup>4043</sup> *deest* 2 (b). <sup>4044</sup> ad virt. vertamus A. <sup>4045</sup> in *add.* 4. 4 (a). <sup>4046</sup> *omittunt* 4. 4 (a). <sup>4047</sup> peccaliter 2 (b). <sup>4048</sup> ardebit *corr.* ardebat 1. <sup>4049</sup> *Desinit cod. 3 his verbis*: Hucusque Cosmæ decani Pragensis editio. <sup>4050</sup> *deest* 2 (b). <sup>4051</sup> In 2. *recentior manus addidit* M. C. XXV. — 4. 4 (a) ita: Hoc eodem anno exemptus est vita hujus chronicæ compositor Cosmæ reverentissimus Pragensis ecclesiæ decanus XII Kal. Nov. <sup>4052</sup> ita 1. amen A.

#### NOTÆ

(780) Potio melle mista.

(774) Incidit in diem 17 mensis Maii.

(782) Obiit 23 Mai; cfr. Ekkehardus et annalista

Saxo 1125; qui dies incidit in Sabbatum hebdomadæ Pentecostes. Non Cosmæ videtur esse error, sed omnium nostrorum codicum mendum.

## CANONICI WISSEGRADENSIS CONTINUATIO COSMÆ

Anno dominicæ incarnationis <sup>1</sup> 1126. Sobezlaus A dictus venit in Moraviam, et ablata Ottoni provincia Dedalrici (1) restituit filium ejus Wratzlaum in paternam <sup>2</sup> sedem. Otto dux Moraviæ convenit Luterum <sup>3</sup> in Ratispona (2). Sobezlaus vastavit <sup>4</sup> Moraviam, partem Ottonis.

Eodem anno 4. Non. Januarii lucescente die signum visum est fulguris <sup>5</sup>. Sed quibusdam visum est ante natale Domini, quibusdam in vigilia natiuitatis Domini, sed plane visum est in nocte sancti Stephani protomartyris. Eadem hyeme tanta magnitudo nivis fuit, qualem nullus hominum se vidisse dicebat, in qua multi homines mortui sunt. 14 Kalendas Martii inundatio aquæ; glacies multis rebus nocuit. Hic Luterus <sup>6</sup> rex Saxonum <sup>7</sup>, seductus ab Ottone duce Moraviæ, inflatus magna superbia et avaritia pecuniæ atque malitia et iniquitate, cum suo exercitu venit contra Bohemos juxta oppidum nomine Chlumeo, ubi Sobezlaus dux cum Dei adjutorio et suo comitatu <sup>8</sup> 12 Kalendas Martii prostravit quingentos primates illorum, exceptis scutiferis <sup>9</sup>, inter quos ruit Otto dux memoratus. Et in tanto bello tres tantum Scavi perierunt; regi autem Saxonum cum ceteris pepercit dimisitque eum in pace. Et sic dominus Sobezlaus et Bohemi cum magno honore et gloria illesi redierunt. Factum est autem inenarrabile <sup>10</sup> gaudium tam clericis quam laicis per totam familiam sancti Wenceslai, quia <sup>11</sup> nec patres nostri nec avi nec atavi habuerunt talem honorem, qualem omnipotens Deus sua gratia concessit nobis, suaque dextera et justo judicio vicit eos. Amen. Nolo autem <sup>12</sup> vos latere patres et matres quod audivi, annuncio vobis veritatem auxilii omnipotentis Dei, quæ visa est pene ab utroque exercitu, quod aquila volans ea die, antequam bellum fieret inter Saxones et Bohemos, sua voce clamabat super Saxones, præsciens nutu Dei cadavera eorum, et campanam sonantem auditum est. Iterum circum astantibus <sup>13</sup> et custodientibus <sup>14</sup> primatibus Bohemiensi-

bus <sup>15</sup> et prepositis et capellanis pene centum hastam sancti Wenceslai, inter quos unus capellanus, probus, nobili genere, nomine Vitus, qui tenebat hastam ejusdem sancti prememorati <sup>16</sup>, ut mos est, indutus lorica et galea, ut Achilles, lacrimans præ gaudio clamavit <sup>17</sup> ad suos: « O socii et fratres, constantes estote: video enim sanctum Wenceslaum sedentem in equo albo et indutum candida veste super cacumen <sup>18</sup> sacræ hastæ, pugnantem pro nobis, etiam et vos videte. » Illi autem stupefacti <sup>19</sup> aspicientes hac et illac nichilque videntes — quia non omnibus, nisi dignis datum est a Deo illud miraculum videre — tristantibus et lacrimantibus et ex toto corde gementibus ad Deum, et oculis et manibus expandentibus ad <sup>20</sup> cælum, et tandem clamantibus *Kyrie eleison* <sup>21</sup>, dum Deus omnipotens sua misericordia et suo sancto nuncio Wenceslao, nostro protectore, vicit nostros hostes. Amen <sup>22</sup>. Hæc duce Sobezlao omnia agente, misit suum capellanium in villam quæ vocatur nomine Wirbcane <sup>23</sup>, cui fuit nota res; qui invenit in pariete ecclesiæ vexillum sancti Adalberti pontificis, et suspensum est in hasta sancti Wenceslai martyris in tempore belli contra Saxones, ubi Deus <sup>24</sup> vicit eos. Amen <sup>25</sup>.

Eodem anno 5 Nonas Octobris Zdik <sup>26</sup> ad sedem Olomucensem episcopus <sup>27</sup> secundum instituta canonum electus, ab archiepiscopo suo Magontino (3) ordinatur, et in ordinatione, ablato <sup>28</sup> nomine barbaro, Henricus appellatur.

Eodem anno Sobezlaus dux et Ungarorum rex Stephanus (4) conveniunt ad colloquium, et munera dederunt ad invicem; rediens Sobezlaus ad sua, cepit Bracizlaum <sup>29</sup> (5), katheratumque duxit in <sup>30</sup> castellum nomine <sup>31</sup> Donin (6).

Eodem anno multi homines perierunt fame per totum mundum. Deinde transactis tribus mensibus Bracizlaus in arce Jaromir (7) retrusus est. Eodem tempore <sup>32</sup> quasdam munitiones Bohemi reedificaverunt, quæ Slavice <sup>33</sup> Primda, <sup>34</sup> (8), Yzcorelik <sup>35</sup> (9),

### VARIE LECTIONES.

<sup>1</sup> Anno Domini 2 (b). *et sic deinceps.* <sup>2</sup> patriam 2 (a). <sup>3</sup> Luderium 2. 2 <sup>4</sup> (b). vastabat 2 (b). <sup>5</sup> visum est fulgur 2 (b). <sup>6</sup> Lotharius 2 (b). <sup>7</sup> Saxoniarum 2 (b). <sup>8</sup> XVI, 2 (b). <sup>9</sup> scuriferis 2. <sup>10</sup> mirabile 2 (b). <sup>11</sup> qua 2. sanctus Wenceslaus quam 2 (a). quod 2 (b). <sup>12</sup> deest 2. 2 (a). <sup>13</sup> a circumstantibus 2 (b) <sup>14</sup> custodibus 2. 2 (a). <sup>15</sup> Boemorum 2 (b). <sup>16</sup> prænominati 2 (b). <sup>17</sup> clamabat 2 (b). <sup>18</sup> cacumina 2 (b). <sup>19</sup> et add. 2 (b). <sup>20</sup> in 2 (a). 2 (b). <sup>21</sup> kyr. 2. <sup>22</sup> deest 2 (b). <sup>23</sup> ita 2 (a). Wrbcane 2. in villam Wrbczany 2 (2). <sup>24</sup> Dominus 2 (b). <sup>25</sup> deest 2 (b). <sup>26</sup> Zdiko 2 (b). *et sic deinceps.* <sup>27</sup> Olomucensis episcopus 2. 2 (a) <sup>28</sup> deest 2 (b). <sup>29</sup> Bracizlaum 2 (b) <sup>30</sup> ad 2 (b). <sup>31</sup> dictum 2 (b). <sup>32</sup> anno 2 (b). <sup>33</sup> Slavonice 2 (b). <sup>34</sup> Primda 2. Primda 2 (b). <sup>35</sup> Yzcorelik 2 (b).

### NOTÆ.

(1) I. e. Udalrici, cfr. Cosm. III, 41.

(2) V. infra cont. Sazav. 1126.

(3) Adalberto.

(4) secundus.

(5) filium Bracizlai II duels qui anno 1100 inter-

fectus est.

(6) Dohna.

(7) Jaromierz in circulo Krniggätz.

(8) Frauenberg in circulo Czeslaviensi.

(9) Gorlitz.

Tachow (10) appellantur. Ejusdem etiam temporis curriculo capella<sup>36</sup> in monte Rzip nuncupatur. Sobezlaus dux serenissimus destructam reconstruxit, quam Zdik, sanctæ Olomucensis ecclesiæ venerabilis<sup>37</sup> episcopus, pristino<sup>38</sup> dotis juri restauratam cum summa reverentia consecravit.

Anno dominicæ incarnationis 1127, 7 Kalend. Martii, cæput<sup>39</sup> sancti Adalberti martyris et pontificis in civitate Gnezden<sup>40</sup> repertum est, eo quidem loco ubi martyr idem martyrio<sup>41</sup> fuit coronatus et tumulatus.<sup>42</sup> Sobezlaus vero dux Bohemorum tunc temporis Lotario regi Teutonicorum fuit reconciliatus (11), ejusque gratia et dilectione inductus, castrum Normberk<sup>43</sup> cum magna manu obsedit, et Bawariam fere<sup>44</sup> usque ad Danubium vastavit et<sup>45</sup> incendit. Decem hebdomadis expletis (12), perfecto negotio cum magna pompa et triumpho ad propria remeavit. Bawari vero et Sweni furore et indignatione accensi, duces (13) Conradum sibi in regem constituerunt, sicque novissimum errorem priore pejorem, proh dolor! in regno effecerunt.

Anno dominicæ incarnationis 1128. Lutherius rex in die paschæ (Apr. 22) levavit de fonte baptismatis filium duois Sobezlai, factique sunt intimi amici. Cui parvulo post confirmationem filius (14) Wigberti (15) in exitu vitæ suæ promisit totum pheidum suum, astantibus ibidem primatibus Saxonum.

Eodem anno expeditio facta est a Sobezlao in auxilium compatri suo Lutherio regi (16) contra regem Conradum, sequenti vero die rediit ad propria cum gratiarum actione. Non post multum vero temporis<sup>46</sup> Conradus filius Liutoldi (17) captus est a Sobezlao, et inclusus est in clastro Wissegradensis ecclesiæ<sup>47</sup>. Ætas sicca.

Eodem anno multi principes<sup>48</sup> Bohemorum capti et catenati atque inclusi sunt in custodia a duce Sobezlao. Bracizlaus ductus est in castellum Dacin<sup>49</sup> (18), et Conradus ad Heinricum filium Wigberti.

Eodem anno 5. Idus Novembris et Solavonice Province<sup>50</sup> eclipsis lunæ rubea; dicam quod quidam viderunt particulam quæ remanserat jactantem se huc et illuc, donec defecit, et multæ stellæ circumdederunt eam, quarum<sup>51</sup> una circumvolavit lunam,

altera projecit se ad aquilonem. Transactis decem diebus ad noctem rubea signa apparuerunt in cælo ab aquilone<sup>52</sup>.

Anno dominicæ incarnationis 1129. Wratislaus filius Dedalrici captus est a Sobezlao, post hæc<sup>53</sup> in exilium missus est. Kladsko castrum renovatum est atque firmatum a Sobezlao.

Eodem anno dux Sobieslaus renovavit Wissegradense monasterium, quod pater ejus beatæ memoriæ rex<sup>54</sup> Wratislaus ædificavit pro anima sua et uxoris suæ proliisque suæ, collaudante et autoritate gloriosissimi papæ Alexandri atque 72 patrum. Qui sanctæ Romanæ ecclesiæ prænominatus pontifex ad corroborandam ejusdem sacræ institutionis dignatus (19) per Johannem Tuscolanensem episcopum et per Petrum præpositum sancti Georgii martyris prædictæ ecclesiæ ministris, videlicet presbytero<sup>55</sup>, diacono, subdiacono et etiam præposito<sup>56</sup> transmisit, et<sup>57</sup> ad insigne apostolicæ autoritatis eis perpetuo hiis uti concessit, sandalia et mitras. Hiis vero ita dispositis et ordinatis, idem rex supra memoratus hoc prædictum monasterium subdidit sanctæ Romanæ ecclesiæ, quod<sup>58</sup> tali modo fundavit, portans propriis humeris 12 cophinos plenos lapidibus in honore Salvatoris, ut Constantinus imperator fundavit Romanam ecclesiam. Ideo fecit eam liberam esse, quam Sobezlaus, ut diximus, renovavit, et renovatam in melius auxit, quia parietes depingi fecit, coronam auream in ea suspendit, quæ ponderat 12 marcas auri, argenti vero 80, æs et ferrum sine numero, pavementum politis lapidibus exornavit, porticus in circuitu addidit, laquearia in lateribus duobus affixit, tegulis summitem totam cum tectis cooperuit, claustrum et omnes officinas cooperiri jussit; insuper et canonicos ejusdem ecclesiæ multiplicavit, stipendiis, prædiis, aliisque bonis augmentavit.

Eodemque anno dominus Meynhardus episcopus Pragensis ecclesiæ renovat<sup>59</sup> sepulcrum sancti Adalberti pontificis auro et argento et cristallo.

Eodem<sup>60</sup> anno Wencezlaus (20) filius Suatopluk<sup>61</sup> missus est in Ungariam a duce Subezlao in auxilium regi<sup>62</sup> Stephano contra Græcos, sicque cum pace

#### VARIE LECTIONES.

<sup>36</sup> Capellam — appellatam 2 (b). <sup>37</sup> deest 2 (b). <sup>38</sup> pristini 2. 2 (a). pristino juri, *omisso* dotis 2 (b). <sup>39</sup> corpus 2 (b). <sup>40</sup> Guizno 2 (b). <sup>41</sup> id. mart. *desunt* 2 (a). <sup>42</sup> 7 Kal.—tumulus *leni ductu calami transfixa sunt in* 2. <sup>43</sup> Nuremberk 2 (b). <sup>44</sup> deest 2 (b). <sup>45</sup> deest 2. <sup>46</sup> spatium *add.* 2 (b). <sup>47</sup> castro Wissegradensi 2 (b). <sup>48</sup> primates 2 (a). 2 (b). <sup>49</sup> Dcazin 2. Dieczin 2 (b). <sup>50</sup> et Slav. Province *omissa* 2 (b). <sup>51</sup> ex quarum 2. 2 (a). <sup>52</sup> ad aquilonem 2 (a). <sup>53</sup> posthac 2 (b). <sup>54</sup> dux 2 (b). <sup>55</sup> et *add.* 2 (b). <sup>56</sup> et etiam præposito *omissa* 2 (b). <sup>57</sup> et *deest* 2 (b). <sup>58</sup> *ita* 2 (b). qui 2. 2 (a). <sup>59</sup> renovavit 2 (a). 2 (b). <sup>60</sup> enim *add.* 2. <sup>61</sup> Suatopluk 2 (a) 2 (b). <sup>62</sup> duci 2 (b).

#### NOTÆ.

- (10) Dachau.  
 (11) die festo Pentecostes 22 Maii Martisburgii; cfr. Jaffé Geschichte des Deutschen Reichs unter Lothar, pag. 58.  
 (12) Die 18 Aug. 1127 Lotharius Babenbergæ commorabatur. Bohmer 2100.  
 (13) Franconiæ, Staufensem.  
 (14) Heinricus.

- (15) Groicensis.  
 (16) qui obsidebat Spiram.  
 (17) Cfr. Cosmas III, 41.  
 (18) Tetschen.  
 (19) Legendum videtur *dignitatem*. De hac fundatione cfr. Cosmas ad annum 1070.  
 (20) dux Olomucensis.

rediit, sed vivens per quatuor menses quartanis febribus excoctus pridie Kalendas Martii expiravit (21).

Anno dominicæ incarnationis 1130 ipsa nativitas die (Dec. 25) surgente aurora Lucifer ortus est, quod nunquam visum vel auditum fuit. Hic dominus Megnardus episcopus Pragensis ecclesiæ profectus est Jerozolymam causa orationis.

Eodem etiam anno dux Sobezlaus proficiscens Ratisponam ad colloquium Lutheri regis, in quodam rivulo nomine Regen<sup>63</sup> Dei gratia evasit mersionem, in illaque urbe manens per septimanam destruxit 20 munitiones, sicque sanus et lætus rediit ad sua. Hæc domino duce Sobezlao agente, et ante et adhuc per omnia incolomi existente, pervenit in castrum Cladsko<sup>64</sup> cum multo comitatu, quo solertius quam antea et robustius munito, in Moraviam proficisci disposuerat. Sed Dei misericordia revelante, ut ipse ait: « Nihil opertum, quod<sup>65</sup> non reveletur, neque absconditum quod non sciatur (Matth. x. 26) et cætera, insidiæ et traditiones quæ longe ante in eum machinatæ erant tunc in ipsa patuerunt, sicque inceptum iter Moraviæ ad tempus impediverunt. Proxima itaque die dominica 17 Kalendas Julii in ipso itinere cognoscens duos satellites vitæ ejus insidiantes, vocavit comites suos, Zdeslaum<sup>66</sup> filium Blahonis<sup>67</sup>, alterum Divis, rogans ab eis fidem, ne voluntati suæ in quodam secreto contradicerent. Illi vero duci fidem pro velle dederunt. Quibus sub oculis traditores manifestans ait: « Hii sunt vitæ meæ traditores<sup>68</sup>, insidiatores et interemptores. Sicut mihi paulo ante<sup>69</sup> promisistis, impunitos usque ad præsentiam nostram ducatis, quatenus omnis traditionis tam suspectæ quam manifestæ veritatem plenius et lucidius cognoscamus. » Quorum alter cum hasta et sicca toxicata deprehensus fuit ferme duorum cubitorum longitudine, alter vero fuga elapsus est. Tunc dominus Sobezlaus per Dei sapientiam<sup>70</sup>, ut Salomon præmonitus, quibusdam venatoribus sui advocatis rem tamen dissimulans ait: « Cuidam ex meis armigeris furata est mantica (22), mittite indagatores canes, ut sequantur vestigia prædonis. » Illi non spernentes jussa domini, velociter insecuti sunt, atque in quadam villa ceperunt eum, vinctumque ad ducem adduxerunt habentem gladium infectum veneno. Qui præsentibus primatibus Bohemiæ interrogavit nefandos latrones dicens: Quam ob causam et cujus consilio tale et tam<sup>71</sup> nefarium scelus perpetrare voluistis? cujusve milites estis? » Qui filii iniquitatis tam nefandam rem celare non potuerunt, sicque alter se militem esse Miroselai, filii Johannis comitis, alterque fratris ejus junioris Strezimir<sup>72</sup>

A professus est. Hæc autem verba fuerunt exordium maledictæ orationis: « O bone et pie princeps, si causam quæris et ordinem, omni nube mendacii remota hæc est: Miros laus nos infelices misit ad perdendam vitam inclytam tuam. » At Miroslaus, qui in eodem itinere erat, vinculis durissimis est constrictus, Strezimir vero inito consilio cum fratre finxit matrem suam valde infirmam, licentiam domum eundi a duce de expeditione quæsivit. Qui similiter in quadam villa captus est, atque ambo cum fratre ducti sunt in Wissegrad. Hiis ita transactis dominus Sobezlaus proficiscitur in urbem Pragam metropolitanam causa orationis, discalciatis pedibus et vestibus mutatis, ut rex Ninivitarum, et ingredientem omnes lætanter<sup>73</sup> cum ingenti triumpho et honore eum suscipiunt, de ejus salute quidem ut merito gaudientes, hymnumque angelicum canentes, nec non et campanis sonantes. Factaque ibi oratione discessit in Wissegrad, ibique a canonicis patris sui, scilicet regis Wratislai, cum inenarrabili gaudio susceptus est. Altera vero die, quemadmodum apes convolare solent ad ducem et ad matrem suam, ita Bohemienses primates rescientes suum principem evasisse tanta pericula, convenerunt in altiorem urbem Wissegrad, ibique inventos<sup>74</sup> eum, gaudent de ejus salute, ut mater de unico filio. Sequenti vero die dux Sobezlaus congregavit nobiles et ignobiles in palatium Wissegradense, etiam Pragenses canonicos; atque nos ibidem fuimus. Fuit multitudo magna virorum in concilio illo pene tria millia. Ipseque monarcha Boëmorum, stans in medio omnium nostrum, sicut filius supplicans patri de omni inobedientia sua, ita elevans vocem suam, sic cum lacrymis ait: « O Bohemienses proceres et scutum Bohemicæ terræ! non laudo neque extollo me, sed veritatem dico, quando fui profugus, Dei gratia ubique felix fui, et habui de hiis sufficienter quæ mihi necessaria fuerunt; nunc autem fletus dico, vivente fratre meo et duce Wladizlao, neque scuto neque alia vi istum ducatum et honorem percepi, sed Dei misericordia et electione fratrisque mei adhuc viventis vestrique omnium sum adeptus, hacque ratione et justitia me juste et rationabiliter arbitrari possedissem. Quidam vero ex hujus provincia<sup>75</sup> nobiliores instinctu Sathanæ commoti<sup>76</sup>, me, proh dolor! perimere voluerunt, veluti quondam illorum antecessores fratrem meum Bracizlaum ducem prudentissimum occiderunt, Suatopluck quoque sine causa perimerunt. Me vero, qui ad utilitatem patriæ pariterque ad vestrum honorem enisus sum, nescio ob quam causam me perdere voluerunt, sed, Dei gratia auxiliante, perficere non valuerunt. Nonne

#### VARIE LECTIONES.

<sup>63</sup> Omissum 2. 2 (a). tegit 2 (b). <sup>64</sup> Kladak 2. <sup>65</sup> ut 2 (b). <sup>66</sup> Sdeslaum 2. <sup>67</sup> Blagonis 2. <sup>68</sup> omissum 2, 2 (a). <sup>69</sup> paulo ante desunt 2 (a). <sup>70</sup> gratiam 2 (b). <sup>71</sup> tantum 2, 2 (a). <sup>72</sup> ita 2 (a). <sup>73</sup> omnes ecclesiæ lætantar 2. <sup>74</sup> convenientes 2 (b). <sup>75</sup> provinciæ 2 (a). <sup>76</sup> commoniti 2, 2 (b).

#### NOTÆ.

(21) VIII Kal. Mart. legitur apud anonymum Gracianensem; Richter, series epp. Olomuens., pag. 23.

(22) Vestis species.

videtis, quanta duritia quantaque impietas cordis eorum fuit? Quibus etenim uberiora dona meæ gratiæ impertiebar, et quos præ aliis cariori affectu venerabar, atque lateri meo decenter assidere faciebam, horum maligna voluntas mihi exitium molita est. Cæterum ne vel ambitiose vel pro invidia eos dampnare videar, proprii oris eorum alloquio dignitati vestræ audire complaceat. » Post hæc autem præditi filii Sathanæ præsentati sunt principi simulque discumbentibus; illi vero qui vitam ducis a majoribus suis querere jussi fuerant, nefandam rem celare non potuerunt, sed Miroslaum filium Johannis in hiis omnibus accusaverunt, jussu cujus omnia quæ<sup>77</sup> facere voluerant sibi injuncta esse dicebant, nam et servientes ejus fuerant. Miroslaus autem conspectui ducis astare jussus est, præceptumque est ut unus de primatibus ab eo hanc causam inquireret, suane malitia an aliorum suggestionem tale crimen excogitare ausus esset, quisve hujus conjurationis magister fuisset. Ipse vero ad hæc respondit: « Princeps piissime, nullatenus grande peccatum meum celare possum, quod per maximum infortunium præmeditatus sum, sed in præsentia vestri atque simul discumbentium manifestare volo. Nam quodam tempore unus de militibus Bracizlai nomine Bolesa causa hujus mihi injungendi peccati ter me visitavit, cujus ego consilio consentire nolui. Ad ultimum vero venit ad me Bosik<sup>78</sup>, noster<sup>79</sup> capellanus, atque tali modo me monere cœpit: « Nonne, charissime fili, patre tuo in hac provincia « nullus nobilior nullusque sapientior fuit? tu autem « inter alios hujus terræ primates pro minimo habes, insuper et germanum tuum tamdiu in vinculis pro nihilo multa mala perferre pateris. Ergo « melius est, ut hoc duce superbissimo perempto, « talem inthronizemus, a quo sine dubio cuncta « quæ nobis placuerint habere poterimus. Quod si « mihi non credis, ad talem te deducam cui indubitanter credere poteris. » Hoc sermone finito ego pro peccato meo admonitioni ejus acquievi, et ita perduxit me ad episcopum Megnardum, qui in quadam villa manebat quæ Solavice<sup>80</sup> Zircinaves<sup>81</sup> appellatur. Hoc autem fecit ceu præsul me cupiens in ministerium commendare, ibique totum initium hujus conjurationis factum est. » Deinde a duce interrogatus de prædicta conjuratione, episcopum graviter in omnibus ita dicens accusavit: « Præsul Megnardus ob hanc causam, ut nos in hoc negotio constantes haberet, duos digitos super reliquias sanctorum posuit, verba hujuscemodi mecum habuit: « Si vitam ducis perdideris, inter ista quinque, scilicet Satec, Lutomerici et inter cameram et men-

A • sam et agazoniam<sup>82</sup> (23); quodcumque elegeris « me promittente duceque Bracizlao donante, sine « dubio cum honore possidebis. » Deinde, postquam se ipsum cum aliis proprio ore accusavit, de consilio cum sociis eductus est, sequentique die cum fratre Strezimiro et cum quodam medico omnibus membris in foro privati sunt. Duo autem præditi filii Sathanæ inauditam tormentum subierunt, scilicet in rotam strictius implexi, oculis erutis, manibus cum lingua amputatis, cruribusque confractibus super columpnas positi quæ interitui<sup>83</sup> eorum apparatus fuerant, miseram vitam finierunt. Kriwosud vero, qui patruus Miroslai fuerat, atque alii duo, quorum unus Wacemil<sup>84</sup> alter Henricus vocabatur — isti quidem qui a præfato Miroslao coram duce atque prædicto conventu accusati fuerant — ad iudicium destinati Pragæ per ferrum inceserunt, et sic ab omnipotente Deo damnati, veraciter rei reperti sunt, ac proinde quatenus capitalem subeant sententiam decretum est. Tandem ducti ad forum 9 Kal. Julii cum securi decollati sunt. Bosik capellanus<sup>85</sup> inter cætera populi multitudine quasi ad spectaculum affuit. Illud autem nescio, an ad abolendum sibimet scelus impositum venerit, an sicut diabolus inventor hujus negotii fuit, atque ductor ipsius per omnia extitit, ita ad spectandum interitum sodalium suorum eum adduxit, volendo agonistam suum non diutius a consortio sociorum vagari. Nam, qui antea conscius sibimet vagus et exul extiterat, modo per Dei gratiarum manifestus omnibus apparuit; quem videns unus de primatibus tentum perduxit ad ducem, et interrogatus de causa, sermoni sociorum in nullo discrepuit, sicque cathena ferrea constrictus ad custodiam villico<sup>86</sup> regis deputatus est. Sequenti vero septimana 2 Kal. Julii<sup>87</sup> Bracizlaus obcæcatus est.

Eodem anno 8 Idus Octobris quoddam monstrum ad similitudinem serpentis uno momento, scilicet circa occasum solis, visum est volare per totam Bohemiam et per plurima alia loca. Post hæc autem aliud signum visum est a quibusdam nimis lucidum matutinali hora. Wratizlaus filius Dedalrici reductus est de exilio.

Anno dominicæ incarnationis 1131, 4 Kal. Aprilis (24), id est in dominica qua cantatur *Lætare*, Lutherius rex cum multo comitatu tam clericorum quam laicorum in civitate quæ Leodium vocatur convenit. In quo conventu Innocentium (25) profugum papam elegerunt, illum videlicet quem Petrus (26) Leonis filius cum clero et populo Romanæ ecclesiæ de pontificali sede pepulit. Quamobrem episcopum Monasteriensis ecclesiæ (27) miserunt<sup>88</sup>,

#### VARIE LECTIONES.

<sup>77</sup> *Deest* 2, 2 (a). <sup>78</sup> *Bozik* 2, 2 (b). <sup>79</sup> *vester* 2 (b). <sup>80</sup> *omissum* 2 (b). <sup>81</sup> *Zerzinaves* 2 (b). <sup>82</sup> *agosomam* 2, *gosinam* 2 (a) <sup>83</sup> *interitu* 2. <sup>84</sup> *Vicemil* 2 (b) <sup>85</sup> *quoque inserit* 2 (b). <sup>86</sup> *illico* 2 (b). <sup>87</sup> *Junii* 2. <sup>88</sup> *deest* 2 (a)

#### NOTÆ.

(23) Marescalci munus.  
(24) Aliis testibus papa jam die 22 Mart. Leodium venerat. Jaffé, p. 97.

(25) Secundum.  
(26) Anacletus II.  
(27) Ekbertum.

qui Petro papæ <sup>89</sup> omnibusque Romanis regem Teutonicorum cum exeroitu post quinque menses ad eos venturum nunciaret <sup>90</sup>. Qui ob metum falsi regis Conradi una a recta via deviando venit in Bohemiam, et in Vissegrad metropolitana civitate missam de inventione sanctæ crucis (Mai. 3) magno cum honore nec non cum canonicis ejusdem ecclesiæ celebravit: tandem a duce Sobezlao decenter donatus, per regionem Racudsis <sup>91</sup> marchionis transiit, sicque per multas provincias transiens rediit ad sua. Sed illa res <sup>92</sup> ad nichilum redacta, quasi pulvis a vento raptus, deperit.

Interea transcurrente tempore dux Sobezlaus ad radicem cujusdam villæ nomine Tachow in finibus Mesko castrum ædificavit, quod ex nomine adjacentis villæ appellavit; aliud quoque ædificavit in partibus Milesko juxta flumen Niza, appellavitque nomine Yzhorelik, quod antea et Drenow <sup>93</sup> vocabatur. Hic dominus Megnardus episcopus sanus et incolumis ad sedem episcopatus sui remeavit, se duci Sobezlao cum omnibus <sup>94</sup> primatibus Bohemiæ causa expurgandi sibi impositi sceleris ad omnia judicia tradidit. Quam ob rem duo de canonicis Pragensis ecclesiæ, unus ex parte domini episcopi, videlicet ydiota qui vocabatur Heroldus, qui vicarius et capellanus Bambergensis episcopi et archipresbyter <sup>95</sup> Pilznensis, quod non decebat, fuit — quem Miroslaus filius Johannis in capella Zircinewsi, ubi juramentum inter episcopum Megnardum et Bozik et Miroslaum factum est, affuisse dicebat, — alter Tutha ex parte ducis; hi duo ad archiepiscopum Magontinum et episcopum Bambergensem (28) missi sunt, ut qualecunque judicium Megnardo episcopo imponerent <sup>96</sup>, ipse æquanimitè susciperet.

De duabus stellis vobis, <sup>97</sup> o Bohemi, ante 11 annos <sup>98</sup> (29) memoratis, de ipsis postea nullo modo sermone meo aliquid explicare potui, quia diverse ibant. Sed interim dum ab aliis negotiis penitus otior, quantum Spiritus sancti gratia sensui meo administraverit et qualiter vidi, explanabo. Stella, quæ surgente aurora 8 Kal. Martii instante vere orta est, quam vos, Bohemi, Luciferum esse dicebatis, quæ 7 Kal. Januarii in hyemali occasu <sup>99</sup> solis adveniente die occubuit.

Eodem autem anno altera stella lucidior 8 Kal. Augusti in ortu solis apparuit, quæ paulatim inferius descendendo 2 Idus Januarii non apparuit. Quæ igitur inter illas Lucifer diceretur <sup>100</sup>, non credo homines esse qui sciant, sed Deus qui est creator omnium, per quem multa signa et prodigia

videntibus nobis facta sunt, de quibus quædam superius prænotavi <sup>101</sup>, ipse scit. Eclipsis lunæ, sed parva pars remansit, donec tota impleta est.

Redeamus ad superiora. 4 Kal. Octobris præsul Bamberiensis (30) et antistes Olomucensis (31) cum septem Bohemiensibus abbatibus, astante duce Sobezlao, cum populo et clero Megnardum sanctæ Pragensis ecclesiæ episcopum ab omni culpa, quæ prius illata sibi fuerat, per depositionem suarum stolarum expurgaverunt, profitendo videlicet Megnardum episcopum nihil adversi duci Sobezlao cogitasse, nisi ad hoc solummodo elaborasse, quomodo Bracizlaus a vinculis <sup>102</sup> possit liberari. Megnardus episcopus remissa causa ad concilium <sup>103</sup> perrexit, in qua synodo (32) Innocentius papa <sup>104</sup> profugus supra memoratus cum quinquaginta episcopis præter abbates fuit, ibique Petrum papam, qui tunc Romanæ ecclesiæ præerat, et <sup>105</sup> Conradum regem extinguendo lumina excommunicaverunt.

Anno dominicæ incarnationis 1132. 19. Kal. Februarii rubea signa varie <sup>107</sup> in cælo apparuerunt ad septemtrionalem plagam. 14 Kal. Februarii domino Megnardo in quadam villa Chuchel (33) manente, in cujusdam diei crepusculo inauditum horrendumque nimis accidit portentum. Cum enim jam sopore gravatus lectum conscenderet, et servientes sui coram eo starent, subito strepitus horribilis, quasi de spelunca veniens, domui in qua erat imminabat, auribus eorum insonuit; quo strepitu perterriti solo domino relicto <sup>108</sup> fugierunt, ipse vero nescius quid faceret, saliens de lecto, velut in extasi positus, juxta murum camini constitit. Et ecce, lapis miræ magnitudinis de monte voniens, duos parietes simul cum lecto episcopi contrivit ibique resedit; et ita dominus episcopus illæsus evasit. Amen.

Eodem anno 4 Nonas Martii eclipsis lunæ, et tota sanguinea fuit. <sup>109</sup> Dux Sobezlaus ad concilium regis Lotari Bamberg (34) profectus est. Cumque conventus totius concilii in regale palatium convenisset, et rex Lotarius cum Sobezlao duce privatim in quadam camerula juxta palatium posita sedisset, ecce, nescio si vetustate loci vel aliquo malo homine, regii <sup>110</sup> pavimento palatii cum omnibus intus manentibus corrui, in qua ruina multi Theutonicorum vulnerati sunt, alii graviter læsi interitum mortis vix evaserunt, Bohemi vero omnes incolomes extiterunt. Non multo post tempore rex Lotarius causa concilii in castro Plyen <sup>111</sup> cum mul-

#### VARIE LECTIONES.

<sup>89</sup> Propter 2 (a). <sup>90</sup> Nunciare. <sup>91</sup> Racudsis 2. Vacilsis 2 (a). Rædep 2 (b). <sup>92</sup> illa re 2 (a), 2 (b). <sup>93</sup> Orenow 2 (a). Drzewniow 2 (b). <sup>94</sup> deest 2 (a). <sup>95</sup> archipresbyteri 2 (a). <sup>96</sup> imponeretur 2 (b). <sup>97</sup> deest 2, 2 (b). <sup>98</sup> annis 2. <sup>99</sup> occasione 2, 2 (a). <sup>100</sup> dicebatur 2, 2b. <sup>101</sup> notavi 2 (a). <sup>102</sup> repleta 2 (b). <sup>103</sup> avunculus 2 (a). <sup>104</sup> concilii 2, 2 (a). <sup>105</sup> ita 2 (a). ppter legitur in 2. papa deest 2 (b). <sup>106</sup> deest 2. <sup>107</sup> varia 2 (b). <sup>108</sup> relicti 2. <sup>109</sup> deest 2. <sup>110</sup> regis 2, 2 (a). <sup>111</sup> Plizn 2 (b)

#### NOTE.

(28) S. Ottonem.  
(29) Legendum videtur *menses*, nam sine dubio hæc respiciunt ad annum 1130.  
(30) Litteras ab Ottone de hac re ad Meinhardum datas vide Boczek I, 202.

(31) Henricus.  
(32) Remis habita.  
(33) Kuchel in circulo Beraunensi.  
(34) Ubi rex, teste annalista Saxone, die festo Mariæ Purificationis i. e. 2 Feb. commemorabatur.

tis Theutonicis convenit, rursus <sup>112</sup> palatium in quo convenerat cum omnibus corruit, sed gratia Dei omnes sani evaserunt.

Eodem tempore Goslarii concilium a rege factum est, ubicum palatium cum omnibus ruisset, nullum Dei gratia vulneravit. Sequenti septimana post resurrectionem dominicam (Apr. 10) <sup>113</sup> thonitrua horribilia et inaudita fulmina apparuerunt, ex quibus turris sancti Wenceslai succensa est, sed Dei gratia protegente, et sanctorum martyrum Wenceslai, Adalberti oratione juvante, sola turris tantummodo combusta est, ecclesia autem tuta ab igne permansit. Beatus Gothardus confessor et episcopus insignibus virtutum miraculis, quæ per merita ejus in Hyldensi <sup>114</sup> urbe operata sunt, claruit (35). Quo facto per multas fidelium gentes diffuso, plures propter videnda ejus miracula, et maxime ut ejus meritis et precibus universis criminum nexibus relaxatis, inter filios Dei computari mererentur, Hyldense <sup>115</sup> castrum petierunt.

Eodem tempore Ratispona civitas potentissima fere tota combusta est, præter quadraginta domos, quæ vix evaserunt. Multis etiam in locis ipso anno ignis maxime nocuit. Dux Sobezlaus regi Lotario Romam proficiscenti 300 milites in auxilium misit, Jaromirum filium Borivoy ducem (36) præfecit; qui de terra sua egressi, dum ad quemdam locum Omberk (37) vocatum venirent, ibi cum Theutonicis foro prædicti loci pugnaverunt, quos Deo juvante devicerunt. Wratizlaus dux de parte Moraviæ quæ vocatur Brninzco, filius Dedalrici, duxit uxorem de Rusia, pulchritudine sua Helenam Græcorum reginam superantem, quæ quoque <sup>116</sup> albi coloris specie nimium splendebat, ut rutilus fugor auri albedinem corporis ejus quibusdam rubeis notis inficeret.

Eodem anno dux Polonorum cum infinito exercitu in Ungariam profectus est, volens filium (38) Colmanni, expulso rege cæco qui vocatur Bela (39), invitis Ungaris intronizare. Mater enim præfati juvenis a marito suo, rege videlicet Colmanno, repudiata, dum esset prægnans, rediit ad patrem (40), atque ibi puerum peperit. Hunc ergo dux Polonorum regem Ungariæ præponere cupiebat, sed ejus propositum divina providentia destruxit: nam cæcus rex cum exercitu suo ei occurrit (41), et Boleslaus (42), cum suis perterritus, expectata nocte

fugam iniit; quem Ungari insecuti, Deo auxiliante multos in ipsa fuga interfecerunt. Interea dux Sobezlaus (43). Dei misericordia precibusque sancti Wenceslai munitus <sup>117</sup>, Poloniam cum exercitu suo 15 Kal. Novembris intravit, totamque partem illius regionis quæ Slezsko <sup>118</sup> vocatur penitus igne consumpsit. Multos etiam captivos cum innumera pecunia nec non indomitarum equarum greges non paucos inde secum abduxit <sup>119</sup>, et ita Dei gratia favente cum ingenti triumpho atque tripudio repatriavit.

Anno dominicæ incarnationis 1133, 8 Kal. Martii luna passa est eclypsim, sed quarta pars ejus denigrata fuit, et ita imminente ortu solis occidit; hanc eclypsim nimia mortalitas hominum secuta est. 17 <sup>120</sup> Kal. Februarii acer dux Sobezlaus secundo Poloniam invasit, eamque insigni trophæo devastavit, multos inde captivos abduxit, villas fere trecentas succendit, tandem cum victoria Deo præstante ad propria remeavit.

Eodem tempore legatus apostolici veniens, Megnardum episcopum in multis detestandis criminibus accusavit, et accusatum ad audientiam apostolici, ut de imposito sibi crimine se expiaret venire jussit, conjuraverant enim quidam ex ejus monasterio perversi fratres contra eum, quatenus privatum sua dignitate turpiter pellerent a sede. Horum execrabile iniquumque molimen gratia Dei ad effectum venire non permisit. Dux Sobezlaus Ungariam levi ro suo regi Ungarorum proficiscentis, eis pagum nomine Vag castra metatus est, ibique multo tempore moratus, tandem perfecto <sup>121</sup> negotio suo ad propria rediit.

4. Nonas Augusti eclipsis solis mirum in modum apparuit, qui paulatim deficiens in tantum diminutus est, ut corona quasi crescentis lunæ ad meridianam plagam perrexerit, quæ postea in orientem convertit, dehinc in occidentem, tandem in pristinum statum reformatus est. Per multæ loca etiam in Theutonicis partibus, si famæ creditur, sanguis in hoc ipso die quasi imber defluere <sup>122</sup> visus est. Fertur quoque in quodam loco Theutonicarum partium in eadem hora particula <sup>123</sup> carnea simul cum sanguineo imbre descendisse, quæ tantæ magnitudinis fuit, ut vix 12 viri eam levare quivissent.

Post hæc præsul Megnardus, sanctæ pietatis alum-

#### VARIÆ LECTIONES.

<sup>112</sup> Rursusque 2 (b). <sup>113</sup> domini tam 2 (b). <sup>114</sup> Wildensi 2, 2 (b). <sup>115</sup> Hildessense 2 (b). <sup>116</sup> ita legendum videtur P. quoniam ed. <sup>117</sup> ita 2 (a), (b). invitus 2. in margine munitus. <sup>118</sup> Slansko 2 (a). Slazko 2 (b), <sup>119</sup> adduxit 2. <sup>120</sup> XVIII. 2 (b). <sup>121</sup> profecto 2. <sup>122</sup> pluere 2 (b). <sup>123</sup> patula, 2, 2 (b).

#### NOTÆ.

(35) Facta est hoc anno translatio S. Godehardi. Cfr. *Annal. Hildeshem.* 1132.

(36) Olomucensem.

(37) Angsburg. Hæc clades facta die 28 Aug.

(38) Borich filium Anastasiæ, quæ e gente principum Russorum oriunda et a Colomanno in matrimonio ducta, ob perfidiæ suspicionem a rege repudiata erat. Obiit Colomannus anno 1114. Cfr. Ka-

tonæ *Historia critic. regum Hungariæ tom. III.*

(39) Secundus filius Almi.

(40) Wladimirum monomachum Russorum principem.

(41) Ad fluvium Saio.

(42) Tertius.

(43) Qui Adelheidam sororem Boie regis in matrimonio duxerat.

nus, Maguntiam causa excusationis ad archiepiscopum suum profectus est, ubi etiam plures episcopi convenerant, in quorum audientia de imposito sibi crimine se decenter expurgavit<sup>124</sup>, et accusatoribus suis omnes<sup>125</sup> facinus, quo in se insurgere præsumpserant, misericorditer condonavit.

Eodem anno (Jun. 4) rex Lotarius imperatoria insignia adeptus, a papa Innocentio est in Laterano sancti Johannis Baptistæ in monasterio consecratus. Non enim ad ecclesiam sancti Petri apostoli pervenire præsumpsit, timens Petrum Leonis filium, qui tunc sanctæ Romanæ ecclesiæ præsidebat.

Eodem anno effrænæ indolis tyro Wladizlaus, egregii patris (44) æquivocus, multis Bohemice terræ inclitis cum tyronibus Bavaricæ in partes fugam iniit.

Anno dominicæ incarnationis 1134, Polonia male fortunata improvidi<sup>126</sup> ducis Boleslai sub munimine constituta, jam sæpius a Bohemis nec non Moravis hostiliter depopulata, rursus depopulanda utrisque supradictis ab exercitibus, Bohemis videlicet et Moravis aditur atque hostili manu diripitur, penitusque igne et ferro usque ad flumen quod dicitur Odra devastatur; sed de Bohemis præter Gradicenses, Chrudimenses, Boleslavienses, Czaslavienses, Gladcenses, plures non fuerunt. Inclitus princeps Sobezlaus tam virtute animi quam vi corporis conspicuus et quo frequentibus prædicandus, in civitate quæ Plzen (45) vocatur, cum imperatore Lotario pro colloquio convenit, cujus rei causa quidem talis fuit. Rex<sup>127</sup> Pannoniorum cæcus episcopum Albæ civitatis (46) nomine Petrum [ad imperatorem magis cum muneribus, et ut injurias a Polonico duce sibi illatas coram audientia imperatoris ejusque principum proclamaret, miserat. Sed quia, ut solet in talibus negotiis fieri, parum aut nihil legatio minoris apud majorem proficit nisi mediator intersit præfatus episcopus ad Sobezlaum ducem in Bohemiam venit, quatenus eo mediatore ac intercessore legatio sua proficua fieret. Hanc igitur ob causam dux Sobezlaus profectus est ad imperatorem. Quo postquam pervenit benivole ac honorifice ab imperatore susceptus est, omnemque petitionem benigne consecutus est, videlicet ut de rege Ungarorum et duce Polonorum secundum voluntatem ducis Sobezlai imperatoria voluntas<sup>128</sup> procederet. Dona autem Ungarorum imperatori oblata hæc sunt: duo alibi<sup>129</sup> equi decenter fallerati, quorum sellæ 26 marcas auri in se continebant, et alia quam

A plurima. Prædictus ergo Petrus Albæ civitatis episcopus oplata legatione potitus, insuper ab imperatore ac ab ejus contactali<sup>130</sup> (47) multis muneribus pretiosis donatus, lætus repatriavit.

Interea Bohemi, quieti subjacere nescii, 4 Kal. Martii, et forte quinquagesimæ<sup>131</sup> feria secunda evenerat, Poloniam intraverunt. Poloni vero jam propinquante initio quadragesimæ nullum hostem jam venturum æstimantes, de castris diversisque munitionibus exierant atque in villis suis morabantur. Cum ergo quasi securi ab hostium incursu secunda<sup>132</sup> cuperent ducere tempora pacis, subito<sup>133</sup> ac impræmeditates hostes superveniunt, et velut oves de caulis nullo tutante diripiunt. Et licet Bohemi sine duce Sobezlao terram hostilem introissent, prædam tamen inde tantam reduxerunt, quæ omnium Bohemice ducum prædas, quas in Polonia fecerunt, exsuperat. O miserabilis regio duoi subdita fatuo!

*Quidquid enim delirant reges plectuntur Achivi* (48). Sæpe dictus rex Pannoniorum<sup>134</sup> Bela, impietate cæcatus fraterna (49), a genero suo duce scilicet Sobezlao petivit, ut infantem ejus de fonte sanctæ regenerationis levaret. Ob hoc autem mirari quispiam non debet, cum hujusmodi compaternitas inter levirum et generum ejus, inter germanam et germanum componitur; adhuc enim posteri nostri mirabilius immo miserabilius secula procedere videntur, dum, ut<sup>135</sup> jam in multis rerum eventibus claret, genitor nati sui compater efficitur. Nunc etenim alma fides, licet relictis mundialibus præsiidiis astra petierit, aliquantulum tamen de supernis terrena contuetur, sed post hæc, dum calamitiosior perfidiæ<sup>136</sup> pestis magis inoleverit; tunc altiora petens latibulo, ne visum quidem ad nos<sup>137</sup> convertere voluerit. Rex, vero Bela generum suum de infante sollicitavit, cujus petitioni dux Sobezlaus non abnuens, venerandum Pragensis<sup>138</sup> ecclesiæ præulem Megnardum cæterosque primates quam plurimos cum infante in Ungariam misit. Quo postquam ventum est, non minori honorificentia præsul Megnardus a rege Ungarorum susceptus est, quam cum primum pontificalibus infulis decoratus ad principalem episcopatus sui sedem venisset. Baptizato itaque in die penthecostes (Jun. 3) infante, cum prædictus pontifex plurimis pretiosis muneribus a rege remuneratus ad propria remearet<sup>139</sup>, dumque servorum benignus remunerator fidelium Deus, imminente die, qua familiæ suæ fidelem ac idoneum

#### VARIE LECTIONES.

<sup>124</sup> Excusabat et purgabat 2 (b) <sup>125</sup> deest 2. <sup>126</sup> impavidi 2 (a). <sup>127</sup> autem inserunt 2, 2 (a). <sup>128</sup> dignitas 2 (b) <sup>129</sup> deest 2(a). <sup>130</sup> conthorali 2(a), 2(b) <sup>131</sup> quadragesimæ 2(b), <sup>132</sup> secura 2(b). <sup>133</sup> deest 2(a). <sup>134</sup> Pannoniæ 2(a). <sup>135</sup> deest 2(a). <sup>136</sup> perfide 2, <sup>137</sup> ad iras 2, 2(a). <sup>138</sup> Pragensem 2(a). <sup>139</sup> remeat 2, 2(b).

#### NOTÆ.

(44) Wladislai I, fratris Sobeslai.  
(45) Num hic locus Pilsen sit in Bohemia, ut quidam voluerunt, dubitatur; nam eodem fere tempore commerabatur Lotharius apud Saxones. Vide: Jaffe, pag. 453.

(46) Stuhlweissenburg.  
(47) Richenza.  
(48) Horatii, epp. I, 2, 14.  
(49) I. e. a Colommano, qui erat frater patruelis Almi, patris Belæ.



dispensatorem Megnardum hujus vitæ de angustiis educens, in gaudium transferre disposuerat perpetuum, in hoc ipso reditu infirmitate astrictus <sup>140</sup>est. Invalescente vero ægritudine longius progredi nequens, in villa ad episcopatum suum pertinente quæ Sekyr vocatur in lecto se deposuit.

Interea dux Sobezlaus levirum eum regem Ungarorum rogabat, quatenus sororem conjugis suæ (50), videlicet reginæ (51), principi Conrado Znoymensi in conjugium traderet, quo percussum fœdus invicem hujusmodi causis corroboratum firmiter perduraret. Quo desponsata, et audito antistite languore detento, primum quidem utpote visceribus pietatis redundans condoluit, dehinc quantocius redire festinavit, quatenus eum, quem in timo diligebat affectu, vivum invenire potuisset. Rediens igitur jam dictus princeps de Ungaria, venit ad episcopum suum, cui <sup>141</sup> infirmitate laboranti solatia pietatis, prout competens erat, impendit. At episcopus imminetem sui corporis dissolutionem præsentiens, cuncta quæ a rege Ungarico susceperat dona suo duci tradidit, quibus acceptis et visitato suo pastore dux ad sua rediit. Post hujus discessum venerabilis antistes Megnardus, pio amore semper recolendus, talenti sibi commissi lucra duplicato fructu cumulata sumo creditori referens, de periculosis humanæ vitæ perturbationibus ad felices beatorum mansiones præmio lætaturus æterno migravit. Cujus venerandum funus postquam metropolim pontificatus sui adductum est, Henricus Olomucensi episcopus, qui exequiis ejus debitum exhibebat officium, lacrymabiliter obtestatus est ducem Sobezlaum omnesque ibi assistantes tam clericos quam, laicos, ut si aliquid maligno potius instinctu quam aliquo jure veritatis commoti, cum misero alienigena, dum vixit, quamlibet dissensionem habuissent, saltem miserando funeri indulgerent. Expleto itaque funeris obsequio, in ecclesia sanctorum martyrum Viti, Wenceslai atque Adalberti decenter sepelivit eum. Hujus vitæ seriem et multiplices adversitates, quas, machinante generis humani adversario honorumque omnium destructore diabolo, in episcopatu suo pertulit, si quis cognoscere desiderat, ad superiora recurat.

Interea præsule Megnardo, ut jam dictum est, de seculo mortis lege sublato, per plures extiterat, occulti tamen, quorum quidam familiarium ac propinquorum interventu, quidam vero censu etiam sanctos corrumpente, ducem Sobezlaum et Lotarium imperatorem sollicitare, eorum concessu divina sine voluntate sancti martyris Adalberti sedem æstimantes obtinere. Horum omnium iniquos Deoque odibiles affectus Judex supernus, cunctorem inspector ve-

simus, occultorum vota destruendo injusta <sup>142</sup>, cujus providentia in sui dispositione non fallitur, cujus certa prædestinatio minime in quibuslibet frustratur, ducem Sobezlaum ab eorum molimine procul avertit, et ut suis fidelibus idoneum pastorem exquireret, suæ potentia deitatis compulit. Itaque prædictus princeps discretionis spiritu refertus <sup>143</sup>, ne ultra suo pontifice proprio careret, 3 Kal. Octobris in sua metropoli Praga concilium facit, in quo cuncti Bohemiæ optimates tam clerici quam laici fuerunt; nam forte propter festum beati patroni nostri Wenceslai martyris, ibidem convenerant. Cum ergo rumor divinæ <sup>144</sup> contrarius rationi per concilium curreret, ut illi illum et illi illum pontificatu dignum clami tarent, nullus ex hiis idoneum inveniret, tandem ante secula electus a Deo advocatur Johannes. Hic eo tempore sanctæ Wissegradensis ecclesiæ præposituram regebat, in persona cunctos præcellens, omnibus affabilitate complacens, et in cæteris moribus Deo acceptus et hominibus; merito itaque in culmen pontificatus eligi, atque subditorum pastor rectorque institui promeruit.

Hyems instabilis, ita ut nunc gelaret, nunc vernalis more temporis terra resolveretur, adeo ut Albie fluvius bis glacie astringeretur bisque liquefieret. Flumen vero Wlatwa, quod metropolitanas nostras urbes Pragam et Wissegrad alveo suo dividit, quater gelatum est, et quater glacies ejus dissoluta est: nivis autem penuria fuit. Hæc intemperies aeris a mense Novembri incipiens, per totum circulum sequentis anni nullum mensem præterivit, quin aut intrante aut exeunte unoquoque mense magno impetu sæviret. Tandem in altero anno 5 Kal. Novembris vespertina hora per totum mundum sævissima tempestas ventorum orta est, quæ ita sæviens usque ad noctem, in primo crepusculo noctis ecclesias tam lapideas quam ligneas, nec non ædificia, sepes, cumulos in horreis, ita ut nec manipulus super manipulum remaneret, destruxit, arbores per sylvas funditus eradicavit.

Anno dominicæ incarnationis 1135 electus sanctæ Pragensis ecclesiæ Johannes ad imperatorem (52) profectus est, quatenus electio sua imperiali assensu et approbatione corroboraretur. Quo postquam ventum est, tanto culmine honoris honoratus est, ut imperator cum processione fecerit eum suscipi, dehinc ipse ei obviam exierit. Postquam vero pontificales dignitates, id est baculum et annulum sibi tradidit (53), ad archiepiscopum Magontinum misit illum, ut Deo dignum præsulem <sup>145</sup> ordinaret. Itaque præsul Johannes 13 Kal. Martii ab archiepiscopo suo ordinatus cum lætitia et gaudio magno remeavit.

#### VARIE LECTIONES.

<sup>140</sup> Constrictus 2(b), <sup>141</sup> in addit 2, jam addit 2(b). <sup>142</sup> quippe addit 2 a). <sup>143</sup> ita corrigo P. refert edd. <sup>144</sup> diversæ 2(b). <sup>145</sup> dignum præsulem desunt 2(a).

#### NOTÆ.

(50) I. e. Colonmani; erat Maria de Serbia nata.

(51) Helenæ.

(52) Qui ineunte mense Februario Quedlinburg.

erat. Jaffé, p. 277.

(53) Quod erat contra concordata Calixtina a. 1122.

Sed, antequam metropolim episcopatus sui venisset, A cjuſdam de primatibus ecclesiam consecravit <sup>146</sup>, quæ venienti forte in via erat. Peragente autem eo ex more mystica dedicationis officia, Nonis <sup>147</sup> Martii signum in sole apparuit; erant enim quatuor <sup>148</sup> circuli quibusdam complexionibus invicem colligati, unus in medio, qui erat aliis major, secundus ad orientem, tertius ad occidentem, quartus ad aquilonem, infra quos multa signa quasi falsi soles circa verum solem apparebant, et ita fere trium horarum spatio permanserunt; vestigia quoque signi usque ad undecimam horam diei visa sunt. Præsul autem Johannes prædicta ecclesia dedicata, dum ad sedem sui pontificatus venit, cum magno cleri plebisque tripudio susceptus est.

Eodem anno metropolis Bohemiæ Praga more B Latinarum (54) civitatum cœpit renovari. Perma-  
nantibus itaque duce Sobezlao atque Bolezlao <sup>149</sup> in discordia, qua, machinante humani generis inimico, invicem dissidere cœperant, cum nempe de comparibus eorum inter eos congrue mediando pacem reformare potuisset, imperator Lotarius, utique Deo inspirante compulsus, utrumque ad curiam suam (55) venire statuto tempore fecit. Dum autem imperatoria jussa peracturi, festino cursu unusquisque suo cum ducatu pergeret, imperator multos per legatos adhortatus est compatrem suum Sobezlaum et fidelissimum regni fautorem, quatenus prius quam Bolezlao veniret. Id vero gratia hujus rei præcipue faciebat, ut compertum habuimus, in suo arbitrio ponere volens, quo vel quali honore ducem Bolezlaum reciperet. Veniente itaque duce Bolezlao, C cum consilium de prædicta re ab imperatore ac principibus ejus fieret, assurgens dux Sobezlaus <sup>150</sup> cunctis qui aderant audientibus dixit: « Quia duci Bolezlao <sup>151</sup> nullus honor a Deo congruit, quam ut lictor imperatoris efficiatur <sup>152</sup> (56). » Hæc cum dixisset, cuncti principes Theutonici unanimiter responderunt, nullum imperatori adeo fidelem et familiarem, ut ducem Sobezlaum, et cum prius pro infideli et inimico coram imperatore reputatus fuerit, in hoc præſenti negotio amicissimus et fidelissimus ejus fautor liquido patuerit. Venit ergo Bolezlao, cumque in concilio sessum fuisset, dux Sobezlaus a dextera imperatoris sedit, ac <sup>153</sup> ex altera parte alii principes, Bolezlao autem ante conspectum ejus sedes posita est tamquam lictori; tandem de multis causis D multis consiliis <sup>154</sup> ibi pertractis, imperfecta pace, sed positis induciis, unusquisque ad propria remeavit.

Eodem tempore legati regis Græciæ (57) ad imperatorem venerunt, multa et magna ferentes dona, hanc videlicet ob causam. Quidam enim dux nomine Rocherius (58), manens ultra Siciliam, partes Græcorum infestabat, et ut hunc imperator compesceret, rex Græcorum postulabat. Apud Duringiam, in quodam plano campo lapis miræ magnitudinis, ad modum magnæ domus, per aera descendit, cujus sonitus præcedentium trium dierum spatio ab adjacentibus circa locum illum hominibus auditus est; hic, postquam deorsum decidit, dimidia pars sui in ima terræ descendit, atque triduo fervidus tanquam chalebs ex igne retractus jacuit.

Anno dominicæ incarnationis 1136, festum sancti Benedicti (Mart. 21) confessoris in die magno sabbati, hoc est in vigilia resurrectionis Domini celebrandum evenit, quod raro evenire solet. Rem detestabilem et raro auditam dicam, prout compertum habeo. Quodam tempore episcopus Olomucensis Henricus in villa quæ Blansko (59) vocatur ecclesiam constructurus erat — hæc enim villa multo ante tempore sub potestate prædecessorum ejus fuerat — Wratizlaus autem, unus de ducibus Moraviæ (60), bonum propositum boni pontificis ut cognovit, curiose pertractare cœpit qualiter hoc propositum destruere posset. Hoc autem maxime moliebatur, quia plurima bono in apotheca sui pontificis in eadem villa reposita esse cognoverat, quæ si quoquo modo rapere quiret avidissime curabat. Factum est itaque ut præfatus præsul nec non dux Conradus et dux Wratizlaus in quodam cœnobio, quod Reyhrad vocatur, quælibet concilia contracturi <sup>155</sup>, convenirent. Peractis autem negotiis dux Wratizlaus præsuli Henrico interdixit, ne ecclesiam in supradicta villa construeret, asserens eam sibi magis quam pontifici attinere; tandem, post multa concilia ibi habita, positis induciis imperfecta pace unusquisque ad propria redierunt.

Imperator Lotarius Romam iturus auxilium a Sobezlao duce petit. Ille imperatoris petitioni annuens, congregato exercitui Wladizlaw paulo ante de exilio reductum præfecit, cumque donativum militibus erogaret, Wladizlao nongentas marcas denariorum tradidit, quibus ille acceptis cum suis complicitibus fugam latenter iniit.

Eodem anno 17 Kal. Augusti (51) stella, quæ Lucifer vocatur, ad hiemalem ortum solis apparuit, quæ superius cursum tenens ad cum locum tandem pervenit, quo sol 8 Kal. Julii oriri solet, ipsos videlicet die quo dies decrescere, noctes incipiunt au-

#### VARIÆ LECTIONES.

<sup>146</sup> dedicavit 2 (a). 2 (b). <sup>147</sup> nono 2 (a). <sup>148</sup> minores 2 (b). <sup>149</sup> Poloniæ addit 2 (b). <sup>150</sup> Boleslaus 2 (b). <sup>151</sup> Sobieslao 2 (b), <sup>152</sup> efficiebatur 2. <sup>153</sup> at 2. 2 (b). <sup>154</sup> conciliis 2. 2 (a). <sup>155</sup> tractaturi 2 (a). 2 (b).

#### NOTÆ.

(54) l. e. Italicarum.

(55) Martisburgii, ubi concillium habitum est inde a die 15 Augusti; cfr. Jaffe, p. 164.

(56) Boleslaus imperatori fecit hominum, eumque gladium ferens in pompa præcessit, testibus Ann. et Chron. Saxone.

(57) Joannis I Comneni.

(58) Secundus, filius Rogerii I, primus Siciliæ rex.

(59) Blankenstein in circulo Leitmericensi.

(60) Dux Brunnensis, filius Udalrici ducis qui obierat a. 1145. Cfr. Cosmas III, 41.

(61) Die 17 Augusti Wirceburgi adhuc hærebant Bohmer reg. 2159.

geri. Cum autem per aliquantum temporis in eo loco moraretur, quædam nova stella post eam apparuit, quæ nec nobis nec patribus nostris immo nec atavis nostris visa est, et in brevi spatio temporis priorem præcessit, et non multo post prior eodem itinere ad locum suum regressa est ibique occidit, hæc vero recto tramite ad partes occidentis perrexit. Hoc ideo maxime tam modernis quam posteris recitandum prænoto, quatenus qui minus studiosi <sup>156</sup> sunt, novam stellam apparuisse noverint; si quo vero id ipsum pervigili studio notaverint, noverint Deum mirabilem in operibus suis et gloriosum prædicare, simulque orent ut cuncta quæ visibiliter operatur, sic ordinare dignetur, quatenus in omnibus omnipotentiam ejus laudantes, promissæ ab eo salutis dona percipere mereantur. Ipsius enim hæc opera sunt, de quo ille egregius auctor dicit:

*Qui stellas numeras quarum tu nomina solus.*

*Signa, potestates, cursus, loca tempora nosti.*

Anno dominicæ incarnationis 1037. Libet supra <sup>157</sup> dictis paulisper omissis quoddam novum mirandum divinæ pietatis ac potentiam opus inserere, quod relatu veridicorum cognovi. In partibus Caslau <sup>158</sup> est quædam villa Beztuina <sup>159</sup> (62) vocata. In hac mulier quædam a virginitate sua per plures annos cum marito suo vixerat, fidem ei et dilectionem prout decet observans; longo autem post tempore, ætate videlicet sua jam in senectute <sup>160</sup> vergente, morbo invasa est adeo gravi, ut nullo modo erecta procedere vel stare potuisset, sed manibus aliorum efferebatur et referebatur in grabato. Quid multa? <sup>161</sup> Detenta est ab hac infirmitate per aliquot annos. Factum est autem, ut solemniam dominicæ nativitatis, atque uti moris nostræ gentis est communibus vacare conviviis, prædicta mulier officio destituta, sola domi jacebat. Igitur vicinæ mulieres convenientes ad eam, rogaverunt ut delata ab eis, etsi sedere nequiret, saltem in conventu eorum utcunque <sup>162</sup> accumberet. Ipsa vero petitioni eorum non abnuens spondit. Deportata ergo inter conviventes tam diu jacuit, donec murmur multus et strepitus, uti inter convivas fieri solet, oriri cœpit. Advocans itaque quemdam sibi familiarem, petiit quatenus domum deportaretur, quod et factum est. Ipsa die festum erat beati Stephani (Dec. 26) protomartyris et dies sabbati, cumque sola domi sederet, nec aliquis alius <sup>163</sup> cum ea, subito suavem sonum audivit quasi sonum campanæ, et aliquantulum indignans, « Heu, inquit, quantum, frater meus comessationibus inhiavit, quia tam intempestive officium divinum peragit! » Nam germanus suus parochianus ecclesiæ ibidem constructæ erat. Hæc dum dixisset, ecce, ostium domus in qua sedebat apertum est, sonus autem quem audierat

<sup>164</sup> quasi campana in domo ejus suspensa resonabat. Unde pavescens cum ad ostium respiceret, vidit duos viros nobiles pontificali vultu et habitu indutos astare, quorum unus tangens eam baculo quem tenebat, « Surge, inquit, da gloriam Deo, ego sum Johannes Evangelista, cujus solemniam per orbem terrarum a fidelibus in crastinum celebranda sunt. Hic est frater meus sanctus Cotthardus. Scias te nostra prece sanatum; » et elevantes eam eduxerunt, assumptamque deduxerunt, ut divina virtus voluit, in villam quæ vocatur Zlapi, in qua quidam nobilis et potens nomine Mladota basilicam in honore beati Gotthardi episcopi et confessoris construxerat. Quo postquam ventum est, deposuerunt eam ante templum, quæ ita firmo gradu stetit, ac si nunquam ab infirmitate tacta fuerit. Tenentes itaque ipsam per manum introduxerunt intus, et ecce, viri præclara facie candidis vestibus amicti Deo laudes canentes dicebant. Sed quantum odorem quantumve splendorem ipsa dixerit se ibidem sensisse, humana lingua effari nequit. Dum hæc geruntur, maritus suus veniens de conventu vicinorum, non inventa uxore, aliqua maligni temptatione seductam æstimavit, et convocatis vicinis omnem circa villam per paludes et frutices quærebant eam. Sed non inventes, congregati domum lamentabantur sedentes. Interea illa oratione facta acceptas inaures super altare oblatura erat, quod sanctus Johannes Evangelista prohibuit dicens: « Cras populo conveniente ad missam in loco <sup>165</sup>, tunc <sup>166</sup> offer has inaures super altare in ecclesia tua, et narra magnalia Dei, quæ per nos gratia Dei in te operata est, nec ulterius cum viro maneat. » His ita gestis iidem sancti reduxerunt eam, et ante portam domus suæ statuerunt, statimque evanuerunt. Illa vero læta domum suam ingressa juvenit plorantes, narransque eis potentiam Dei, ostendit quæ et quanta Deus in illa operatus fuisset. At illi mutata vice <sup>167</sup> non tantum de reditu suo, quantum de sanatione gaudentes flevit. Cumque crastina dies illuxisset, et tota vicinia mysteria missarum auditura concurreret, prædicta mulier, ut sibi a sanctis jussum fuerat, inaures suas coram omnibus illic astantibus super altare posuit, atque cuncta ordine quæ in ea divinitus gesta fuerant enarravit. Qui hæc audientes, illamque sanam videntes, immensas Deo et sanctis gratias egerunt.

Venerabilis antistes Henricus <sup>168</sup> ad sepulcrum Domini ire disposuit, sed <sup>169</sup> accepta a duce Sobezlao licentia festum natalis Domini (Dec. 25) Pragæ cum fratre suo præsule Johanne celebravit. Quo peracto uterque eorum Moraviam adierunt, ibique Olomuc in sede pontificatus festum epiphaniæ (Jan. 6)

#### VARIE LECTIONES.

<sup>156</sup> Custodiosi 2 (a). <sup>157</sup> super 2. <sup>158</sup> ita 2 (a). <sup>159</sup> ita 2 (a). <sup>160</sup> senectutem? <sup>161</sup> utique 2 (b). <sup>162</sup> tuo addit 2 (b). <sup>163</sup> deest 2 (a). <sup>164</sup> voce 2 (b). <sup>165</sup> qui et Zdiko add. 2 (b). <sup>166</sup> scilicet 2, 2 (a).

#### NOTÆ.

(2) Hodie Bestwin in circulo Czeslaviensi.

egerunt. Joannes quidem repatriavit, Henricus vero iter arripuit, cum quo pariter multi de utraque regione profecti sunt, inter quos et familiaris noster et fidelissimus hujus ecclesiae fautor erat Bolecay <sup>167</sup>. Verum, quia Constantinopoli diu detenti sunt, nam forte imperator in longinquis partibus bella peragebat, ante sabbatum sanctum paschae (Apr. 11) Jerozolimam venire non potuerunt. Sed postquam ventum est, praesul quidem ibidem remansit, aliud festum paschae expectaturus. Porro socii itineris adorato sepulcro Domini remearunt, multa pericula in mari propter tempestates passi sunt. Unde plures eorum per mare errantes obierunt, inter quos praedictus Bolecay <sup>168</sup> defunctus, in quadam deserta insula tumulatus est, reliqui cum magno labore evaserunt.

Eodem anno dux Sobezlaus in quadragesima (Febr. 28) levirum suum regem Ungariae convenit, cum quo, multis causis diversisque pertractatis, sanctum pascha in castro Olomuc celebravit, non enim in metropolim suam Wissegrad ante pascha venire potuit. Egregia ductrix Adleyta <sup>169</sup> ardentem cupiens festo beati Stephani (Sept. 2) regis et confessoris adesse, Pannoniam petiit, sed ibi diutius a fratre retenta est, donec patrem suum Almus sepelivit. Hic enim Almus a fratre suo Colmanno caecatus, in partibus Graeciae exulando vitam finivit, sicque intumulatum funus ejus per decennium mansit, donec rex Bela filius suus, ab eodem praedicto tyranno luminibus orbatus, in regnum suum illud asportavit. Sepulto autem patre <sup>170</sup> Adleyt ductrix, quia ad festum sancti martyris Wenceslai (Sept. 29) repatriare nequivit, in praefato castro Olomucz ejus festum egit. Princeps Sobezlaus et dux Bolezlaus in castro Kladsako, quod est in confinio Bohemiae, in festo pentecosten (Mai (30) convenerunt, ibique foedus pacis inierunt, quo peracto ad propria redierunt. Post festum autem filius Bolezlai Wladizlaw <sup>171</sup> infantem filium ducis Sobezlai in castro Nemci de fonte susceperunt, cui Wencezlaus nomen indidit <sup>172</sup>.

Sed dum causas mortalium rerum seriatim describimus, restat ut de supernis aliquantisper subjungamus. Et quia praecedenti anno de duabus stellis diximus, nunc etiam de tribus dicemus. Nam tertia stella claritate similis duabus praedictis 3 Idus Septembris apparuit, quae ante crepusculum diei orta est eo loco, quo sol in Leonis signo graditur. Secunda quae Lucifer dicebatur 5 Kal. Januarii orta

est similiter ante crepusculum diei; tertia, quae priori anno visa fuerat, cum istis non apparuit. Imperator Lotharius principi nostro Sobezlao compaternitate junctus, mortis jure de medio sublatus, in castello Rodburk (63) migravit ad superos <sup>173</sup>, sepultusque in castello quodam nomine Brunsvik.

Anno dominicae incarnationis 1138, 4 Kal. Martii quoddam signum ad modum serpentis post occasum solis per totam Bohemiam volare ad occidentalem plagam visum est, ipsumque subito evanescebat, signa quasi rubea post se reliquit. Infra festum paschae 5 Idus Maii in aquilonali plaga rubea signa in caelo in modum columnarum apparuerunt, quae in duas partes divisa, quasi certantia modo concurrere modo refugere videbantur.

Electo itaque rege Conrado omnes principes et quique primates ac familiares regni sui statuerunt, quatenus in sancta sollemnitate penthecostes, quod erat 11 Kal. Junii <sup>174</sup>, curiam et concilium Bamberg in civitate facerent, et ut omnes ad regnum suum spectantes ibidem in praedicto tempore conveniant (64), et ut electio sua pariter corroboretur ab omnibus, et insignia regalia coram cunctis principibus a Ratisponense duce (65) reciperentur. Cumque, ut statutum erat, cuncti simul convenirent, Ratisponensis dux inesse conventui nec ipse voluit nec regalia insignia reddidit. Habito igitur concilio multisque negotiis pertractatis, cum unusquisque ad propria repedaret, regem adhuc in eodem loco morantem, noster dux Sobezlaus infra jam dictum festum adiit eum, receptusque a rege magno cum honore per

aliquot dies ibidem stetit. Gratia quoque regis sibi favente id obtinuit, ut filius suus Wladizlaus in regimen ducatus ei succederet. Cui licet puero vexillum praesente patre a rege traditum est, ad quod confirmandum omnes Bohemi proceres super reliquis sanctorum coram rege sacramenta fecerunt. Hiis ita peractis, dux Sobezlaus gaudio pro velle repletus, cum suis repatriavit. Cum autem sollemnitas apostolorum Petri et Pauli (Jun. 29) celebranda fidelibus adventasset, dux Sobezlaus primi et secundi ordinis militibus suis edicit, ut quanto citius Saczka ad se conveniant; quod cum factum fuisset, dux ipse partim rogat partimque imperat, quatenus fidem, quam filio suo post mortem ejus servare velint, se praesente sub sacramenta confirmarent; quod et factum est.

Eodem anno imminente festo beati patroni nostri Wenceslai (Sept. 29), dux Sobezlaus filiam suam

#### VARIÆ LECTIONES.

<sup>167</sup> ita videtur legendum; Boleslai 1, Boleslaus 2 (b). <sup>168</sup> Boleslaus 2 (b). <sup>169</sup> Adelheit 2 (b). <sup>170</sup> fratre in 2 primum scriptum erat, sed ab eadem antiqua manu correctum patre <sup>171</sup> Wladislai 2 (a), 2 (b). <sup>172</sup> in castro — indidit desunt in 2, legit autem 2 (b). <sup>173</sup> superis 2, 2 (a). <sup>174</sup> Julii 2 (b).

#### NOTE.

(63) Apud Bretenwang villam obiit; ofr. Mascov. comment. de Lothario, p. 340. Alia nomina ab aliis proferuntur. Cfr. Jaffé, p. 223.

(64) Qui fuerint principes, inter quos etiam Sobezlaus legitur, qui Conradi partibus faventes con-

venierint, vide in praeepto quod Conradus ibidem scribi jussit, apud Herrgott geneal. gent. Habsb. II, 158.

(65) I. e. Henricus Superbus dux Bavariae et Saxoniae; gener Lotharii.

nomine Mariam filio (66) Leupoldi (67) orientalis marchionis legitimo conjugio conjunxit, quam quingentis marcis argenti donavit. Factæ sunt autem hæ nuptiæ in Moravia in Olomucensi parte. Pridie Idus Octobris primo crepusculo noctis rubea signa ad aquilonem apparuerunt. Secunda nocte Idus videlicet eadem hora similiter factum est. Tertia nocte 17 Kal. Novembris circa auroram eodem modo apparuerunt. Dux Boleslaus obiit (68).

Anno dominicæ incarnationis 1139, dux Sobezlaus ab uxore Wigberti aliquot eastrâ 700 marcis argenti redemit. Addidit ei præterea tertium denarium in castro Donin. Confirmatis <sup>175</sup> igitur militibus qui castra custodierunt <sup>176</sup>, redeunte duce Sobezlao cum exercitu suo quodam die, cum esset in introitu terræ suæ in media sylva, vehementissimus flavit ventus, qui non solum ædificia seu quælibet obstacula, sed <sup>177</sup> etiam grandes sylvarum arbores radicitus eruebat. Interea in <sup>178</sup> magno periculo Bohemi constituti, adeo territi fuerunt, ut unus de castellanis appropinquans duci diceret: « Ecce, domine dux, coram Deo et sanctis ejus, vestra quoque gratia teste, promitto, si omnipotentia Dei ab hoc periculo vita comite eripere dignabitur, quantocius monasticæ professionis habitum me subituro noveritis.» Sed Deo protegente non nisi septem homines de toto exercitu casu arborum interierunt, cæteris cum incolumitate remeantibus. Septimo (69) Nonas Martii rubea signa insueto loco a principio noctis usque ad finem visa sunt. Hoc anno solemnia sanctorum martyrum Adalberti atque Georgii 9 Kal. Maii a fidelibus celebrata sunt (70). Ipsa dies resurrectionis dominicæ sollempnitate clarebat.

Eodem tempore dux Sobezlaus levirum suum, Belam regem Pannoniæ, convenit, nam idem rex Bela filiam suam (71) filio (72) regis Theutonicorum Conradi tradebat. Hæ nuptiæ in festo penthecosteu (Jun. 11) celebratæ sunt.

Quarto decimo Kal. Augusti obscuritas aeris facta est, fumus enim inusitati fœtoris quasi nebula exhalabat, sed neque die neque nocte fumigare cessabat ea obscuritate sic per septimanam durante 9 Kal. ejusdem mensis nigredo densior eolito circa meridiem aerem obfuscavit putridissimo fœtore, et velut ab inferis exeunte odoratus hominum persufflante. Fuerunt etiam nonnulli qui dicebant se quasi liasuram in sole vidisse.

Repugnantibus regi Conrado Saxonibus, suæ electioni assensum et favorem præbere recusibus, proposuit bellis temptatos regno suo scere (73). Cumque per plures familiares suæ menta exercitus colligeret, inter reliquos dux nostrum Sobezlao expetivit, ut cum suis proprio bello interesset; plurimum enim spei de victoria in fortitudine puguatorum ejus reponere congregatis (74) igitur rex et dux Sobezlao versis aditibus Saxoniam cum intrarent, illi adventantium non ferentes ad castra confugere nec prius vultui regis apparere præsumptæ quam mediante duce Sobezlao se ditioni regi obdentes, per omnia pacem ejus adepti sunt salvo regis honore victoria sine armis perinde redeuntibus quandam locum vastaverunt magnam prædam reduxerunt.

Ea tempestate Joannes Pragensis episcopus maceratus ægritudine, 6 Idus Augusti migravit superos <sup>179</sup>. Hic mense Martio languore tactus que ad 6 Idus Augusti, ut diximus, infirmitas tentus est. Sepultus est autem in capella s. Gothardi episcopi et confessoris, quam ipsæ parato pariete ecclesiæ sancti Wenczlai ad arcem nem construi jusserat. Cui Silvester, abbas viensis, infausto omine successit. Hujus e 3 Kal. Octobris facta est, sed quia consecratus est prius quem dux vitam finiret, cujus volu fuerat electus, electio sua breviter duravit, sequentibus clarebit. Post hæc Sobezlaus dux tem suam adiit quæ Chuoyno <sup>180</sup> (75) dicitur, imanens castrum renovare cœpit quod Hostindæc <sup>181</sup> (76) dicitur. Cogitabat enim si Deus videret inter se et duces Poloniæ dissensionem fore et fortasse ex aliqua parte ut <sup>182</sup> suo domini subjugare posset, et ob hoc castra quæ sub pacte illorum firmabat. Sed aliter convenire videntia divina disposuerat, nam prius quam dictum castrum ad perfectionem duxisset, prima dominica ante natalem <sup>183</sup> Domini (Dec. 1) firmitate tactus letifera, lecto prosternitur.

Anno dominicæ incarnationis 1140, dum graviusque infirmitas invalesceret, sublatu de Cwynow <sup>184</sup> portatus est in castrum jam supra dictum Interea quanti rumores, quanta consilia Bohemorum procures actitarent, silentio præterire sanioris consilii æstimavi, ne forte singula ut fuerunt per-

#### VARIÆ LECTIONES.

<sup>175</sup> confirmans 2, 2 (a). <sup>176</sup> custodirent 2, 2 (a). <sup>177</sup> et 2. <sup>178</sup> deest 2. <sup>179</sup> a superis 2, 2 (a). Cluyno 2. <sup>181</sup> Goscin 2 (a). Hosczin Hradeck 2 (b). <sup>182</sup> et 8, 2 (a). <sup>183</sup> natale 2. <sup>184</sup> Chwoyna 2 (b).

#### NOTÆ.

(66) Obiit 28 Oct. 1139. Cfr. Rœpell, I, 297.

(67) Leopoldo.

(68) Quarti.

(69) Legendum fortasse sexto.

(70) Quæ incidunt in diem 23 Aprilis.

(71) Sophiam.

(72) Heinrico qui ante patrem obiit.

(73) Quæ expeditio in concilio principum Argenti-

torati die 28 Mai. habito constituta est. Cfr. J. Conrad III, p. 23. Ipsa expeditio cœpta est die Jul. teste chronico S. Pantaleonis.

(74) Neque minus mediante Alberone archiepiscopo Trevirensi.

(75) Ex conjectura Palackii I. 413. Königin

(76) Arnau.

quando odium fortasse alicujus incurram. Confluxerant enim cuncti primates Bohemi in urbem <sup>185</sup> Wissegrad, et die noctuque consilia tractantes, illi illum et illi illum eligere et inthronizare contendebant. Omnis tamen illo conventus solum Nacerat <sup>186</sup> intendebant, ut cuicumque ipse faveret, huic omnes pariter unanimiter subjacerent. Dum hæc agerentur, hii qui circa ducem Sobezlaum erant, pariter cum domina conjuge ejus nullum signum recuperandæ sanitatis in eo notantes, oleo perunxerunt eum. Deinde magis magisque debilitate corporis invalescente, percepto viatico 16 Kal. Martii migravit a seculo. Proh dolor! quanta anxietate, quanta commotione Bohemia fuerit tunc agitata, ad enarrandum difficile manet. Merito quidem angebatur amisso tanto defensore et patre, quippe tanto patriæ amore restrictus erat, ut omnium gerens curam paratissimus erat mori pro libertate subditorum et honore. Unde et lasciviam carnis omnibus modis <sup>187</sup> devitabat, quæ plurimos virorum enervare <sup>188</sup> solet. Sobezlaus acer dux <sup>189</sup> præ omnibus in persona egregius, in loquela amabilis, in militia strenuus, in consilio providus, in eleemosyna largus — noverat enim referentibus sibi collateralibus suis capellanis beatum Gregorium dixisse: « Ad tribuendum ergo cur pigri estis, quando hoc quod jacenti in terra porrigitis, sedenti in cælo datis? » — pauperum quoque curam sollicitè et diligenter gererat, quippe non surdus evangelii præcepti auditor erat: « Quod uni ex minimis meis fecistis, mihi fecistis (Matth. xxv, 40). » Nam licet magna sollicitudine non solum sui principatus esset occupatus, verum etiam curiam Moraviæ et Sibiæ <sup>190</sup> impenderet, regi quoque Pannoniorum, sicut supra satis ostendi, in plurimis consilium suum præstaret, sæpius tamen in semetipso retractabat, ne hujusmodi occupationibus anima irretita improvide <sup>191</sup> periret: Quapropter, velut instructus verbis sapientis cujusdam dicentis:

*Munera quæ donat moriens, hæc munera non sunt,*  
cum contactali <sup>192</sup> sua domina Adleyta salutiferum aggreditur consilium, quatenus ante diem exitus sui summum judicem et inspectorem conscientiarum placare festinaret, præcipue reputantes post mortem suam nullum adeo fidelem, adeo familiarem sibi futurum, qui sic bona eorum pauperibus et Deo servientibus erogaret, ut ipsi viventes fecerunt. Quid plura? advocant <sup>193</sup> Vincentium capellanum, quo alter fidelior sibi non erat, cui sanctæ cogitationis omne consilium ordinae manifestant, et simul eundem jubent atquo rogant, qualenus ex parte ipso-

rum sanctæ Wissegradensis et Pragensis ecclesiæ canonicos, nec non commilitones sancti Benedicti, moniales quoque rogaret cum omni clero intra urbem commorante, ut, sicut mos est, pro defunctis officia peragerent, scilicet prima et secunda et tertia et septima <sup>194</sup> die, et cætera eoque ad anniversarium sic commemorationes facerent pro ipsis; alii missas pro salute vivorum, alii pro peccatis, alii pro fidelibus defunctis. Placuit itaque primum diem in festo omnium sanctorum (Nov. 1) statui. Ad comprobandum ergo quam affectuose quamque devote hanc eleemosynam laudabilis dux Sobezlaus faceret, veniente anniversario, ipsemet in claustro Wissegradensi cum canonicis ejusdem monasterii et cum omni clero devoto <sup>195</sup> e suburbio collecto refectio-nem habuit, ibique in divite apparatu divitem <sup>196</sup> voluntatem ostendit. Idem egregius dux Sobezlaus inter cætera gestorum suorum magnalia Lotario imperatori et regi Conrado Saxonum et Bavarorum nec non cæteros Romano imperio aliquando contrarios subjugavit. Hiis et pluribus hujusmodi <sup>197</sup> honoribus circumfultus, 16 Kal. Martii dux prædictus est morte præventus. Retributor ergo omnium bonorum Deus, pro cuius amore hoc bonum opus prædictus dux operatus est, secundum largam hilaris datoris voluntatem nunc animam ejus confovere dignetur. Amen <sup>198</sup>. Cui Wladizlaus (77) successit. Silvester abbas amisit episcopatum. Wladizlaus cum suis convenit regem Conradum levirum suum (78) in urbe Bamberg (79), et ibi accepto vexillo a rege rediit ad sua.

Eodem anno Otto processit ad ordinationem episcopatus, quo 5 Kal. Junii in metropolitana urbe Magontia ab archiepiscopo Alberto, cum magno honore et lætitia rediit ad sua.

Eodem anno dux Adleyta moribus honesta et præclara, non post multos hujus vitæ curriculos tacta cordis sui doloribus, siquidem vivens post obitum mariti sui septem mensibus, 17 Kal. Octobris migravit de hoc seculo.

Flumen Szava 15 Kal. Decembris, quod vadit juxta cænobium ejusdem nominis Szawa, descriptionem <sup>199</sup> passum est, plus quam 20 stadiorum longitudine a summo usque deorsum; molendinum ejusdem cænobii, quod ab antiquo nunquam defecerat aquis, tunc stetit in sicco. Abbas et fratres illius cænobii et servientes venerunt ad litus, et miraculum considerantes, ad majorem notitiam ejusdem miraculi, contra morem solitum magnos pisces et cancos in sicco fundo collegerunt. A

#### VARIE LECTIONES.

<sup>185</sup> urbe 2, 2 (a). <sup>186</sup> ita 4. Nacerath 2, 2 (a), 2 (b). <sup>187</sup> omnimodis 2, 2 (a). <sup>188</sup> ita 2 (b), enarrare 2. <sup>189</sup> vir et dux sacer 2 (b). <sup>190</sup> Scribiæ 2, 2 (a). <sup>191</sup> improvida 2. <sup>192</sup> conthorali 2 (b). <sup>193</sup> advocat 2 (b). <sup>194</sup> sexta 2 (b). <sup>195</sup> deest 2, 2 (a). <sup>196</sup> diviti 2. <sup>197</sup> hujus mundi 2, 2 (a). <sup>198</sup> digneris Domine 2 (b). <sup>199</sup> disruptionem 2 (b).

#### NOTE.

(77) Secundus.

(78) Wladizlai uxor erat Gertrudis, filia Leopoldi IV marchionis Austriæ, ex matre Agnete soror

Couradi III, regis.

(79) Mense Aprili, ut videtur. Cfr. Jaffe, Conrad III, p. 47.

prima autem hora usque ad sextam hac in mutatione <sup>200</sup> prædictum flumen divina dispositione continebatur.

Anno dominicæ incarnationis (Dec. 25) 1141 Wladizlaus dux habuit festum natalis Domini in villa quæ vocatur Siwohost <sup>201</sup>, ubi puer Wladizlaus (80) ipso festo die, dum nox occupaverat totum mundum, iniiit fugam ad avunculum suum nomine Bela, qui tunc regnabat in Ungaria. Hymns tunc varia fuit. Bela rex Ungarorum obiit, et nostrates profugi submissis capitibus doluerunt.

Hoc anno in quadragesima per totam regionem Bohemiæ multi suspensi sunt in patibulo, præcipui autem in monte Sibenica (81), ex quibus plures evaserunt et fugam inierunt. 17 Kal. Maii inundatio fluminis Wlatava, quæ fluit inter urbes Wissegrad et Pragam, nimia facta fuit, et vicinis rebus multum nocuit. 9 Kal. Maii novus Lucifer ortus est, sed dissimilis varietatibus priori Lucifero quem ante memoravi: ille 17 Kal. Augusti ortus est, iste 9. Kal. Maii visus est, et sic varios cursus peragit.

Hic præsul Zdico Olomucensis ecclesiæ accipiens crucem de sancto altari sancti Petri, lacrymans præ gaudio et cantans hanc antiphonam: « Qui vult venire post me, abneget semet ipsum et tollat crucem suam (Marc. II, 31), » etc., ascendit equum cum suis contra paganos qui vocantur Pruzi, ut fidem sanctæ Trinitatis eis insinuaret et baptizaret eos (82); quod tamen <sup>202</sup> melius est silere de ejus itinere <sup>203</sup> in vanum laboravit, et de ejus reditu gaudere.

Anno dominicæ incarnationis 1142, regnante Conrado necdum imperatore Romano, inthronizato autem principe Bohemorum Wladizlao, qui patruo suo successerat illustri viro Sobezlao, oritur inter Bohemos vesana seditio, quæ eos perfidiæ stimulo turbatos in duas turmas divisit, et melior nobiliorque pars ad Conradum ducem Moraviæ perrexit (83), inferior vero et junior cum Wladizlao remansit. Hiis ita gestis subito pax abicitur, bellumque festinum indicitur; in conducto loco conveniunt, de Wladizlai depulsione et Conradi electione armati consulunt, et nullam concordiæ pacisque firmitatem statuunt. In crastino autem Moravienses cum profugis Bohemis in Wladizlaum et fratrem <sup>204</sup> Theobaldum et Henricum (84) ex improviso insurgunt, in fugamque cum omni exercitu compellunt. Quibus resistentibus quantum valuerunt, majores belli ductores Nacerat, D Smil, Ben <sup>205</sup> et alii quam plures ex utraque parte

acciderunt (85). Tunc Bohemi videntes Moravos invalescere seque auxilio Dei carere, omnes in evasione fugierunt, Pragam vero metropolim civitatem ingressi cum Theobaldo, munitiones firmaverunt Wladizlaum propere ad regem Theutonicorum pro auxilio adipiscendo direxerunt. Igitur Conradus ducatus concupiscentia accensus, fugitivos prosequens, Pragam obsidet, armatos circumqueque adhibet, machinas, balistas, sagittarios instruit, ad ultimum in monasteria, in claustra, in ædificia ignes mittit. Proh dolor! nefas invisum, inaudita angustia, tristitia insolita, curæ, timor et tremor cives suburbanos affinesque eorum invaserunt, et moniales dilectæ Deo et hominibus de cœnobio sancti Georgii martyris sanctæque Ludmilæ martyris, omnia sacraria et habitacula sua combusta videntes, territæ cum gemitu gravique suspirio semivivæ, vix valentes oculos et manus ad cœlum levare clamaverunt: « Domine, miserere nostri et respice nos. » Et subito invento exitu de civitate fugientes, in locum unum sub Petrzin monte secesserunt, ac in ecclesia sancti Joannis Baptistæ, quoad restaurationem proprii loci viderent, quasi exules, tristes et flebiles manserunt.

Evolutis igitur paucis diebus pro dolore et afflictione non computatis, regis Theutonicorum Conradi conductorumque ejus Wladizlai ducis et episcopi Zdiconis, venerabilis et sanctæ memoriæ viri, adventus cum forti manu intonuit. Quo auditio Conradus tetrarcha cum suis sequacibus in terram suam latenter effugit, et amplius comparuit. Veniens ergo rex Conradus ducem restituit firma pace (86), sumpta promissa pecunia in propria profectus est. Tunc omnes qui in tristitia fuerant, quasi de gravi somno excitati, lætati sunt, cœperunt quæ violata erant reædificare, quæ vero omnino consumpta, renovare. Itaque dominæ moniales, sanctæ et fidei catholicæ filiæ, in loco prædicto conversantes, die noctuque flebili voce secundum desiderium justi Simeonis dicebant: « Quando hinc exhibimus? quando in claustro manebimus? quando cum pleno gaudio Deum orabimus? » Mox exauditæ a Domino audierunt relatione custodum murorum piscatorumque et pauperum in noctibus laborantium, vidisse flammam de earum <sup>206</sup> ecclesia exiisse et usque in cœlum se protendisse. Hac auditione per Spiritum sanctum commonitæ claustrum visitant, ecclesiam lustrant, altaria inspectant, et maxime reliquias sanctæ Ludmilæ patronæ suæ cum lacrymis queritant, accersito

#### VARLÆ LECTIONES.

<sup>200</sup> immutatione 2, 2 (b). <sup>201</sup> Czijhosst' 2 (b). in margine. <sup>202</sup> qui tum. 2. <sup>203</sup> quam 2. <sup>204</sup> Omnia quæ sequuntur, in 2 (b). desiderantur. <sup>205</sup> Beneda 2. Ben. 2 (a). <sup>206</sup> eorum 2. 2 (b).

#### NOTÆ.

(80) filius Sobezlai I defuncti ducis.  
(81) Hodie mons Zizka.  
(82) Vide de hac re litteras ab Innocentio II papa ad Henricum episcopum datas anno 1141; Boczek I, 212.  
(83) Cui favebant reliqui Moraviæ ducis, Otto Olomucensis, Wratizlaus Brunnensis et alii. Cfr. Vincentius Pragensis ad h. a.

(84) Æque fratrem Wladizlai II.  
(85) Quod factum est in pugna ad montem Wisokam, in circulo Czaslaviensi inter Suchdol et Malleschau, die 25 April. Vid. Vincentium Pragensem l. I. et Palackium I, 419.  
(86) Pragam intravit die festo Pentecostes, i. e. 7 Jun., teste Vincentio.

Wernhero lapicida et cæmentario, ut inter saxa et titiones requirat, sollicitant. Ecce volente Deo Wernherus sarcophagum incorruptum nec igne tactum reperit, ad dominas lætus rediit, et præ gaudio remunerationem postulans, lætitiã nuntiavit. O sancte Deus! o mirabilis in sanctis suis! o benedice in operibus tuis! quanta exultatione famulas<sup>207</sup> tuas dignatus es replere; quali visitationis solatio perfundere, quam magno gaudio præsentationis lætificare! In terram Deo gratificantes corruunt, lacrymis loca perfundunt, et oblitæ tristitiæ ad levandam thecam currunt, sed quasi stupefactæ præsumptionem reprimunt, et vocato sacerdote Pudone, cujus consilio et auxilio foras temptante ferre, et exeuntes ad portam civitatis inveniunt obstructam, seratam et quasi exitui oppositam, quam multo conanime quassatam nimisque laboribus temptatam nullo modo aperiunt. Et hoc miraculo compunctæ in locum unde exierant regressæ sunt, missoque nuncio ad episcopum Ottonem supplicat ut veniat, quid agendum sit, decernat. Qui respondit, se non au-

dere facere, nisi prius mittat Romam. Iterum autem præsullem<sup>208</sup> Moraviæ Zdiconem implorant, ut desiderium ipsarum impleat<sup>209</sup>. Qui se facturum promittit, si antistitis earum licentiam inveniat. Non cessantes ergo claustricolæ a proposito, domini decani Pragensis Henrici Petri quoque archidiaconi cæterorumque de conventu consilio sarcophagum relevant, aperiunt, et prævisum juxta altare lætanter reconduunt. Neo hoc quoque prætereundum est, quod mirabile et in seculis prædicandum furtum Wernheri declaratur, qui ablata latenter parte corporis beatæ Ludmilæ, athletæ Christi, repatriat; ad construendum templum Deo duos conducit, qui cæpto opere mortui sunt, in sequenti enim alii duo, in tertio ipsemet defunctus est. Hiis visis filius ejus jussu vicinorum propinquorumque Bohemiam intrat, Gervasio cancellario, consanguineo suo, gesta replicat, per quem ammonitus ablata ecclesiæ reddidit, in nomine domini nostri Jesu Christi, cui est honor et gloria in secula seculorum. Amen.

## MONACHI SAZAVENSIS CONTINUATIO COSMÆ.

*De chronica sancti Iheronymi et compositione annorum.*

Beatus Ieronimus in chronica, quam propriis manibus contexit, ita commemorat: Ab Adam usque ad diluvium anni 2242. A diluvio usque ad Abraham anni 942. Ad Abraham usque ad natiuitatem Domini anni 2015. In quorum summa inveniuntur quinque milia et insuper centum nonaginta novem. Anni ab incarnatione Domini:

932. [Ann. Quedl.] Eodem anno Hinricus rex Abotritos subegit.

958. Signum crucis in vestimentis hominum apparuit, illis autem qui derisui illud habebant, mortem inferens, illis autem qui pie et religiose illud venerabantur, nil mali intulit.

960. Isto anno venerunt legati Ruscicæ gentis ad regem Ottonem, et deprecati sunt eum, ut aliquem suorum episcoporum transmitteret, qui eis ostenderet viam veritatis, et professi sunt se velle recedere a paganico ritu et accipere nomen et religionem christianitatis. Et ille consensit petitioni eorum, et transmisit Adelbertum episcopum in fide catholicum illi per omnia mentiti sunt, sicut postea eventus rei probavit, quia ille prædictus episcopus non evasit letale periculum ab insidiis illorum.

962. [Ann. Quedl. ?] Tuto episcopus Ratisponensis ecclesiæ obiit.

963. Magnum synodale concilium factum est Romæ in ecclesia sancti Petri apostoli, ibique præsidebat Otto imperator augustus cum magna multi-

tudine episcoporum, abbatum, monachorum, præpositorum, clericorum, illicque dejectus est Benedictus papa ab apostolica sede, et Adalago episcopo commissus, in Saxoniamque est deductus, illicque vitam finivit. Et ipso in anno mortalitas invasit exercitum Ottonis imperatoris.

972. Sanctus Oudalricus episcopus Augustensis ecclesiæ migravit ab hoc sæculo 4. Non. Julii cujus corpus sepelivit sanctus Wolfrangus episcopus Ratisponensis.

973. Otto imperator primus Theutonicorum pius, heu! pro dolor! Non. Maii obiit, cui Otto filius ejus successit.

975. Hyems durissima et importune longa. Et Idus Mai nix magna noviter lapsa terram operiebat.

Eodem anno Rudbertus archiepiscopus obiit, cui Willigisus successit.

985. [Ann. Quedl.] Saxones Slavoniam invaserunt, quibus ad supplementum Misacho dux cum magno exercitu venit, qui totam terram Slavonicam incendiis et cædibus devastarunt.

986. Otto rex adhuc puerulus cum magno exercitu Saxonum venit in Slaviam, et multis incendiis et cædibus devastarunt.

987. Eodem anno Saxones iterum Slaviam invaserunt, et ad ultimum ipsi Sclavi regis ditioni subduntur, et castella juxta Albim flumen denuo restaurata sunt. Et ventus ingens ædificia multastavit.

### VARLÆ LECTIONES.

<sup>207</sup> Familias 2. 2 (d). <sup>208</sup> respondit — præsullem in uno 2 (a). leguntur. <sup>209</sup> impleant 2.



988. Isto anno estatis fervor immanis pene cunctos fructus consumpsit, et mox grandis mortalitas hominum subsecuta est.

989. [COSMAS]. Eodem anno comete apparuerunt, quos pestilentia subsecuta grandis hominum et jumentorum, maxime boum.

990. Eclipsis solis facta est 12 Kal. Novembris, quinta hora diei. Eodem anno sanctus Adelbertus, episcopus Pragensis ecclesie sanctæ, Romæ ad sanctum Alexium confessorem et ad sanctum Bonifacium, inscio abbate quis esset, factus est monachus. Item eodem anno Nemci perditæ est (87).

975. Atque in ecclesia sancti Bonifacii martyris sepulti sunt 6. Idus Octobris (88).

[Ann. Quedl.] Anno dominicæ incarnationis 976 sanctus Adalbertus, episcopus Boemorum secundus de Praga civitate, a Pruzis glorioso martyrio 9 Kal. Maii coronatur, cui Theadagus successit.

998. Eodem anno, mense Julio terræ motus factus est horribilis per totam Saxoniam, duoque lapides igniti ex tonitru ceciderunt, unus in ipsa civitate Magdeburgensi, alter ultra Albiam fluvium.

999. Eodem anno obiit Bruno papa, qui Romano more Gregorius vocabatur.

1000. Cæsar vero Otto antequam patriam visiteret, humili devotione in Polonia sanctum Adalbertum episcopum et martyrem nuper Christo laureatum adiit, ejus interventum obnixius petiit, ibique summo conamine a duce Slavonico Boleslavone susceptus, leniis omnigeni census obsequialiter honoratur. Dehinc in patriam imperator Otto revertitur, ac Quidlinburgensi loco dominicam resurrectionis diem debitæ venerationis obsequiis festive peregit.

1001. Dux Mescio Poloniensis obtinuit civitatem Pragam.

#### *De exordio Zazovensis monasterii.*

Hoc in loco congruum videtur non debere præmitti, qualiter cenobium Zazavense divinæ dispositionis gratia exordium sumpserit, sub quibus principibus et qualiter ex tenui origine auctore Deo in tantam, ut hodie cernitur, amplitudinem excreverit, ut et in hoc, sicut in ceteris pietatis suæ operibus, divinæ bonitatis magnificentia ab omnibus fidelibus laudetur. Tempore siquidem præfati ducis Oudalrici, in divino cultu viri magnifici, fuit heremita Procopius nomine, natione Boemicus de villa Chotun (89), Slavonicis litteris a sanctissimo Quirillo episcopo quondam inventis et statutis canonicè admodum

A imbutus; in seculo presbyter eximius, honestæ vitæ et casta mysteria celebrans, postmodum infula monasticæ parmatus (90) professionis, solus cum solo Deo in fidei pignore inconvulsus deguit. Illic quippe pro amore Jesu Christi toto spiritus sui ardore fervens, vanitatem nequam hujus mundi contempsit, et domum uxoremque, agros, cognatos atque amicos, immo semetipsum sibi abnegans, versuciali seculo et pompis suis miserabilibus valedixit, a cujus tumultuoso turbine fugiens, secreta solitudinis petiit, atque superciolo cujusdam desertæ speluncæ (91), quam mille demonia, ut fertur, inhabitabant, celestibus armis loricatedus, consedit, ibique quibus se posset lueri obstaculis (92) virtutum constructis contra canes viciorum et impetum spiritualium nequitiarum ac suggestionum sagittas, ad petram quæ Christus est orationibus, vigiliis, jejuniis allidens, viriliter pugnare cepit. Dum igitur in dilecta sibi solitudine a naufragio secularis tumultus liber ac ab omnibus occultus, per multum tempus Deo indefessus agonizaret, pia divinitatis dispositio civitatem in monte positam latere et lucernam sub modio abscondi minime voluit, sed ad laudem et gloriam nominis sui in propatulo exemplo multorum fidelium lucere. Celesti namque gratia dictante, dum idem dux consueto more illum locum, quem ad venandum speciatim elegerat, quodam tempore venandi gratia adisset, interim cum venationi daret operam, unum ex multitudine cervum ad secretiora nemoris profugientem insecutus usque in verticem prædictæ speluncæ, reperit exili tugurio Procopium virum monachilli sub habitu heremiticam excolere vitam. Primo igitur rei novitatem principalis celsitudinis modificato tenore, mentis alacritate, dulci verborum affabilitate singula ex ordine percunctatur, quis et quibus ab oris venerit, vel qua de causa vir talis tamque rurus eas solitudines incolere voluerit. Cujus ad interrogata Procopius breviter ac humiliter respondens, omnem sicut res erat veritatem seriatim exposuit, et ad ultimum subjunxit, se pro amore Dei et spe supernæ retributionis mundo funditus renunciasset, et in eodem deserto, si Deo placeret, finetenus velle persistere.

Princeps igitur prudens in Domino ammirans viri tam arduum propositum, et adtendens vultum sanctæ religionis gratia præditum, utraque manus cælis tetendit, Deum lacrimis perfusus benedixit, deinde orationibus ejus sese attentius commendat, et in spiritualementem patrem sibi adoptat, et larga manu

#### VARIE LECTIONES.

<sup>210</sup> Quidillegensi 4 (a).

#### NOTE.

(87) Nimtsch in Sillesia. Cfr. Annales Pragenses et Wilmans Otto III, Exo. VIII, p. 219.

(88) Scil. quinque fratres sancti Adalberti; est glossa ad Cosm. I, 29.

(89) In circulo Kaurzimensi. Vitam sancti Procopii versibus Bohemicis descriptam, quam ex fontibus pervetustis fluxisse conjiciebat Dobner ad

Hajec. IV, 246 ex Chronico Sazavensi esse derivatam docuit Palacky Würdigung, p. 51.

(90) I. e. munitus.

(91) Haud procul a Kaurzim ad fluvium Sazavam, qui in Moldavam exundat.

(92) I. e. propugnaculis.

subsidium exhibens, ad militum stationes regreditur gaudens. Exinde igitur cœlesti dictante gratia crescebat adeo longe lateque per cuncta compita fama virtutum illius, multiplici sermone discurrens, ut ad ejus opinionem catervatim provinciæ ejusdem homines xenia offerrent ipsiusque orationibus sese devote manciparent; qui caritatis flagrantia plenus, hospitalitate pie præditus, prudentia sancta decenter ornatus, castimonia purus, humilitatis misericordia providus, temperantia clarus, habundantia zeli fidei plenus, qui sermone prædicationis sanctæ pectora audientium, ut imber temporaneus oportuno tempore infusus irrigabat, ac doctrinæ suæ vomere mentes utilissime reformabat. Pauperes denique tanta pietatis largicione sibi divinitus ingenua suscipiebat tamque prona et leta famulatus sollicitudine ministrabat, ac si manifestissime Christus adesset, ut omnis territorii ejus industria mendici atque pifaudi (93) pascerentur. Properabat equidem ad eum multitudo fidelium, habentes in desiderio animi sui seculi lucris renunciare, secum finetenus commanere, quos benigne amplectans fovebat, sicut gallina pullos suos sub alia. Brevi itaque temporis dilapso interstitio, felix pater Procopius, coactunatis quibus potuit sumptibus, jecit fundamentum in nomine Domini, et basilicam in honore sanctissimæ Dei genitricis Mariæ et sancti Joannis baptistæ construxit, et aggregavit quosdam fratres vita et moribus religiosos, quibus spiritualiter concordantibus unanimi caritate monastica fieri moderamina et mysteria divina juxta exemplar almifisci patris Benedicti constituit, ipse vero minimus in minimis effectus. Cujus quantum prudens et efficax diligentia mentis industriaque ac sollicitudo, et quam pia caritatis affluentia erga fratres exstiterit, nullius facundia digne sufficit enarrare. Dux igitur prædictus et primatus curialis (94) patrem vocitare usui suo commendaverunt, quem etiam paterna veneratione diligere decenter affectabant. Unde idem dux magnanimitero cum satraparum suorum ingeniositate perspicaci prudentique consilio discretionis inito (95), cum ad abbatiam investituram debere promoveri decrevit, quædam cenobiali usui necessaria decenter coaptans, quædam pollicens, quæ tandem decenter complevit. Ille vero sese ceteris præferre pertimescens, summo mansuetudinis humilitatisque emolumento omnino recusabat, semet asserens imperitum hominem et indignum operam obedientiæ minime subjectis impendere valere, Deum, qui omnium occultorum solus cognitor est, intimæ suæ inspectionis testem præponens.

Interim piæ memoriæ duce Oudalrico ex hac luce subtracto, Bracizlaus, filius ejus, regni principatum optinuit, vir per omnia divinæ religionis cultum di-

ligens; opus, quod pater suus imperfectum reliquerat, omni sagacitatis diligentia ad perfectum consummare decrevit. Audiens namque beati viri sanctam opinionem, immenso tripudio ultra quam credi posset, cum optimatibus suis gavisus est, cujus sese gratulabundus commendans orationibus, seorsim assumpsit, et de suscipienda abbatia infula commouit; deinde iterata vice in præsentia omnis curialis dignitatis verbis persuasoriis aggreditur, et, licet velit nolit, pastoralis curæ moderamina suscipere deberet. Sed vir Dei in sibi solita perdurans pertinacia, omnino sese asereus indignum, nullatenus ad consensum ducis flecti potuit. Sed divinæ ordinationis quis est qui contradicat? Victus namque omni instantia precum omnique dilectionis ammonitione atque affabilitate optimatum, violenter abbas ordinatur. Facta ergo celebri promotione, dux Bracizlaus primo quidem donationem, quam pater suus eidem patri adhuc ante susceptionem abbatia fecerat, flumen videlicet subterfluens Amilobuz (95) usque ad speluncam, quæ vulgo Zacolnina dicitur, cum pratis et silva circumjacente, principali corroboravit auctoritate (96); dein etiam hanc eandem donationem supervenientibus heredibus (97) et eam suo juri usurpative vindicare molientibus, nolens paterna cassare statuta, semet opposuit, litem dimit, et eidem patri Procopio omnem utilitatem in aqua et silva a prædictis terminis redonavit, agros vero (98) et prata ex utraque parte adjacentia sub testimonio et confirmatione filii sui Wratizlai et principum suorum 600 denariorum precio redemit, et abbati Procopio scriptis et legitimis testibus reassignavit. Ad extremum quoque ex propria largitione terram quæ circa est usque ad silvam Strnounic, nec non villam Zeramnuk et unum stagnum et structuram lignorum ad piscandum centum denariis comparatam eidem abbati et suis successoribus pro remedio animæ suæ in perpetuum possidenda contradidit.

Tam igitur felici processu jam factus abbas, non se super se extulit, sed firmiori virtutum soliditate fundatus, humilitatis quoque ac caritatis constanti excellentia stabilitus, tam hylaris et affectione benevolentia continens extitit, ut a subjectis sibi plus amori haberetur quam timori, quibus tam publice quam singillatim salutaria ministrare monita multa que exemplis priscorum dogmata pigmentata (97) non desistebat. In tempore siquidem suo omnium rerum opulentia non defuit, qui tamen exercitio laboris manuum suarum sustentabatur, et pauperum inopiam retocillabat, atque in tristitia positorum curam supportans cunctorum, eos uti prudens medicus infirmos antidoto paterno et solatio recreabat.

#### VARIAE LECTIONES.

<sup>211</sup> initio 4, 4 (a). <sup>212</sup> heresibus erronee 4. <sup>213</sup> vero deest 4.

#### NOTÆ.

(93) Idem videtur quod Gallorum *pifre*, i. e. gu-lens, famelicus.

(94) I. e. optimatum cohors.

(95) Schallero X, 128, est Sazava fluvius.

(96) Quæ desideratur.

(97) I. e. ornata, nam ita videtur legendum pro pigmenta quod codex exhibet.

qui dum beatam vitam et illustrem duxit, virtutum signis in templo Dei ceu sol usque ad consumptionem vitæ refulsit, quin immo sancti Pneumatis instinctu prophetiæ mysterio claruit præsaus futurorum. Ante biduum siquidem suæ terminationem resolutionis, revelante divinitatis gratia, præcivit, qui accersito bonæ qualitatis nepote Vito ut filio suo piæ indolis Emmerammo, seriatim exposuit eis futura, sicuti et postea rei comprobavit successus, singultuose tali verbi nobilitate inquires : « Karissimi mei filioli, quos utpote gallina pullos educavi, perpendite quia tempus meæ resolutionis adest ; tertia certissime die Domino annuente de hujus carnis tabernaculo migrabo, vos commendans Deo, sed vestræ circumspeditioni innotesco quod post discessum meum fluctivagorum detractio varietate impetuosa quassabimini, ac pestifero persecutionum tribulabimini naufragio, atque extorres efficiemini sex annis in terra aliena, et iste locus potestativa manu ducis tradetur possibilitati (98) alienigenarum. Vos autem, dilectissimi filioli, idcirco nolite a fide naufragare, fratres vestros confirmate, Deum expedibiliter (99) laudate, in prosperis benedicite, in adversis supplicate, in letis gratias agite, in tristibus querite eventibus, cujus pietatis magnificentia tandem consolabimini. Nam revolutis sex annis exilii vestri misertus, tranquillitatis reparabit vobis statum, ac detractoribus vestris talionem merito reddet, vosque ad portum consolationis reducet. Defuncto namque præsentis principe pio Bracizlao succedet Zpitigneus, qui vos persequetur ; quo mortuo Wratizlaus regimen principatus Boemiæ suscipiet, vir timoratus (100), benivolus. Hic reducet vos de exilio, et dabit vobis Jesus Christus dominus noster in loco pacem et securitatem omnibus diebus vitæ vestræ. Amen. » Jam vero decedente die sequente, dum finita canonicè vespertinali sinaxi et completorio resideret in lectulo, infirmitate vehementi correptus est, qui in articulo mortis positus, quanquam ultimum anhelitum traheret, tamen antiquum hostem orationis mucrone viriliter brachio extenso jaculari non cessabat. Adesse extemplo fratres jubet, quos in meroris (104) afflictionem fletumque inconsolabilem conversos paternæ informatione consolationis corroborat, commonensque eos de corpore suo, de mundi hujus naufragio, migravit ad Dominum, de servitio ad regnum, de labore ad requiem, de morte ad vitam sempiternam, præstante domino nostro Jesu Christo, qui in Trinitate perfecta vivit et gloriatur Deus unus per infinita secula seculorum. Amen. Consummavit autem beatus abba Procopius cursum vitæ suæ feliciter in Domino anno ab incarnatione Domini 1053, et ejusdem anni 8 Kal. Aprilis ; præsentis Severo Pragensi epi-

A scopo in ecclesia sanctæ Dei genitricis Mariæ, quam ipse construxit, honorifice et sepulturæ commendatus  
 Post discessum igitur beatissimi patris Procopii consors societas propria voluntate de congregatione Vitum nepotem ejus elegit, qui electus sine dolo, sine venalitate ordinatus est : vir in humanis et divinis rebus idoneus, sæculi hujus inimicus, inclite morigeratus, sapientia pervigil, reverendus in vultu, affabilis alloquio, lenitate placabilis. Quo in abbacia expedibiliter degente, Bracizlaus dux ultimum mundo valedixit, cujus loco Zpitigneus monarchiæ gubernacula suscepit. Quo tempore sancti patris Procopii vaticinii ordo completur. Instigante namque zelo Diaboli, multi emuli ficticia venenosa detractio-  
 B ducis conspirantes, laqueos cavillationum in curia ceperunt, atque aures principis favorabiliter compositis mendaciis obfuscantes, eos multipharia vituperiis publicabant ; scilicet dicentes, per Sclavonicas litteras heresis secta ypochrisisque esse aperte irretitos ac omnino pervercos ; quam ob rem ejectis eis, in loco eorum Latinæ auctoritatis abbatem et fratres constituere omnino esse honestum constanter affirmabant. O invidia, inextricabilis maliciæ zelus ! O invidia detestanda, omnimoda malicia conglobata, ignis inextinguibilis ! Sed revera sicut tinea vestimentum consumitur, sic is qui illam zelatur, cui autem invidet, clariorem reddet. Vitus itaque abbas a sumptis fratribus suis, quos unitas caritatis concordaverat, peregre profectus est in terram Hunorum  
 C. Nunc opere precium duximus unum ex multis beati viri miraculis compendio stili ac veridica relatione fidelium memoriæ caritative tradere, quod Domini nostri magnificentia per merita ejus post mortem declarare digna est. Memoratus namque dux, Vito abbatem cum nepote suo Emmerammo et fratribus, quos unitas caritatis concordaverat, in terram Hunorum peregre proficiscentibus, propria fautorum suorum consiliaria diffinitione utens, in loco illo abbatem genere Teutonicorum constituit (102), hominem turbida indignatione plenum. Ubi dum nocte prima adventus sui ex more ad matutinalem sinaxin pergens foribus ecclesiæ appropinquaret, apparuit vir sanctus Procopius infra januam oratorii appodians et dicens ei : « Unde tibi potestas hic degendi ? Quid quæris ? » At ille : « Potestativa, inquit, ducis majestas et ejus primatum inconversa sublimitas meæ possibilitatis regimini hoc cenobium usque ad finem vitæ meæ tradidit. » Cui sanctus pater : « Citissime, inquit, sine confusionis verecundia discede, quod si non feceris, ultio divinitus veniet super te. » Et hæc dicens evanuit. At ille estimans esse delusionem Sathanæ, omnino nichili pendebat. Qui dum sequenti et tertia nocte minacem parvipenderet, quarta nocte

## NOTÆ.

(98) I. e. potestati.

(99) I. e. animo ad laudes Dei semper expedito.

(100) Dei timidus.

(101) Ita legendum pro *memoris* codicis lectione.

(102) Qui fuerit Spitignei erga Germanos animus vide apud Cosmam II, 44.

apparuit ei ad matutinum obsequium eunti sanctus vir, dicens: « Cur meis monitis amicabilem obtemperare recusasti? Filiis meis spiritalibus a domino impetravi hunc locum, non tibi qui supplantatim intrasti. Et si a domino tuo tibi duce hæc hactenus potestas fuit inhibita, a me sit amodo prohibita. » Et hæc dicens, impetuose fortissimis ictibus cambutta (103), quam manu gestabat, illum ferire cepit, qui mox quasi Bellonæ percussus cæstro (104) sine dilatione locum mutavit, et volatili cursu ad duce[m] terræ pervenit. ac omnem rei eventum illi patefecit. At ille attonitus vehementi admiratione vacillare cepit, et ambiguitatis laqueo irretitus usque ad finem vitæ suæ permansit.

Defuncto igitur Zpitigneo duce, divinitus fidei suo servo Wratizlao memorali titulo ducatus gubernaculum tradidit, qui cum divinum ecclesiæ diligeret unice cultum, etiam illum toto cordis affectu locum dilexit. Qui missis legatis Hunorum ad regem (105), de exilio Vitum abbatem et fratres ejus cum honore reduxit et in loco suo decenter restituit. Quibus per merita et orationes beati patroni Procopii omnipotentis Dei propicia consolatio affuit, quæ ipsum locum omnium rerum profectibus abundantem redundantemque in pristinum, immo in ampliore[m], honorem enceniavit (106). Felix igitur abba Vitus, vir ingentis industriæ consiliique, consensu fratrum appropinquante vitæ suæ termino, arcisterii (107) sui commisit jus regiminis abbatialis Emmerammo consanguineo suo, viro sanctitate conspicuo, in placida ducis (108) satrapumque ejus. Ipse denique postea, brevi transacto dierum spacio, diem clausit extremum, cum Domino victurus in eternum. Cujus corpus juxta fores in sinistra parte, in ingressu ecclesiæ sanctæ Dei genitricis Mariæ humatum est.

Post discessum igitur ejus, Emmerammus<sup>214</sup> abba benignus, homo simplicitatis columbinæ, sanctæ vitæ meritis et virtutum gemmis effulsit; qui nequaquam serpentinæ prudentiæ animum admittens, fidei catholicæ inconcussam dum vixit constantiam tenuit, ac multorum dubia corda in fide Christi stabiliter solidavit, vir per omnia perspicuæ felicitatis in omnes et liberalitatis. Hic denique non aliter nisi malum nominabat pecuniam, quam ex toto nichili pendens nec manu tangere volebat, immo gressibus calcandam adjudicabat, sanctorum apostolorum vestigia secutus, qui precia eorum quæ vendebantur sacris tangere dextris vitabant, sed pedibus gazam ut lutum calcandam fore nobis exempla reliquerunt. Igitur beatus abba cum jam monachilis militiæ ordine apud homines patere regiæ perfectionis sanctæ

A conversationis prædicaretur, et affectione justis amoris peroptime polleret — quia secundum Veritatem nec civitas in monte posita, nec lucerna sub modio latere potest (Matth. v, 14) — misit divinitatis dispensatio infirmitatum castigationes in omnia membra ejus, ne laudantium extollentiam ei ingereret adulatio, ne mens ejus elationes per humanas laudationes incurreret, donec post pariculum navigationis hoc mari magno et spaciioso securus ad felicitatis portum perveniret. Is ergo longo tempore, sicut Dominus noster voluit, multis calamitatum passionibus usquequaque afflictus, rebus humanis exemptus est, multis suis successoribus, quia discessit, stendus, sed quia ad regna cœlestia pervenit, omni gaudio prosequendus. Hunc equidem fratrum unanimitas dextra parte ingressus januæ supradictæ ecclesiæ sepelivit.

B Hoc ita tempore rex Wratizlaus, piæ memoriæ commendandus, qui jam dicti claustri ecclesiam libenter ditabat, Boemiensis monarchiæ arcem<sup>215</sup> regerat. Hujus pia voluntate cum fratrum electione in loco patris Emmerammi Bozethecus abbatiae nactus est dignitatem, homo nimium circa omnes communis, liberalis in cunctos. Hic pingere venustissime meminit, fingere vel sculperre ligno lapideque ac ore tornare peroptime novit. Vir ingentis facundiæ et promptæ memoriæ, sed gloriæ popularis avidus, præsumptuosus, iracundus, aliquantulum vitii deditus. Ipse siquidem locum illum laudabiliter omni ornato, sicut hodierna die apparet, decoravit; ecclesiam longitudine, latitudine, altitudine venustissime ampliando fundavit, imo palliis, campanis, crucibus et omnibus monasticis rebus adornavit, cenobium totum omni ex parte edificis et omni suppellectili renovavit. Hujus siquidem studium ad omnia necessaria monasticæ utilitatis vigilabat, unde magnus discordiarum fomes, Diaboli invidia instigante et famulante, inter fratres monasterii contra eum oritur, et lamentabilis ira seaturire cepit, scilicet per miseros fratres Demetrium et Cananum et Golissonem presbyteros, homines tunc ineptos et injuriosos, et alios complices et fautores eorum, qui bachantes bachabantur, opere et sermone turpi contra eum truces existentes. Rex autem supradictus, homo christianissimus, unice diligebat eum, cujus gratia idem abbas in tantum sublimatus erat, ut fere omnes Boemienses abbates dignitate præcellere videretur. Quam ob rem idem abbas præsumptuose agens, episcopo suo officium præripuit quadam summa festivitate. Nam regis supra nominati capiti coronam imposuit, quod præsul suus Comas<sup>216</sup>

#### VARIE LECTIONES.

<sup>214</sup> Hemmerammus 4 (a). <sup>215</sup> aciem 4 (a). <sup>216</sup> ita legunt 4, 4 (a).

#### NOTE.

(103) Virga pastoralis.  
 (104) Juvenal., sat. IV, 123.  
 (105) Salomonem, ut videbatur Dobnero IV, 382, qui monachos a. 1064 revocatos esse censet.

(106) I. e. initiavit, restauravit.  
 (107) I. e. asceterii, monasterii.  
 (108) Itaque Vitus ante annum 1086, quo Wratizlaus regnum adeptus est, obiit.

(109) facere debuit. Igitur iratus est episcopus Comas A ei furore inextinguibili, quare sibi calumpniis illatis eum degradare conabatur, sed optimatum regalium precibus continuis resistere non valens, vix debitori suo Bozetho abbati debitum iracundiæ licet non ex toto corde dimisit, eo tamen tenore, uti respondit ei idem ad ultimum episcopus: « Sed quia tu, abba, bene nosti sculperet et tornare, per sanctæ obedientiæ nostræ præceptum ob diluendam culpam tuam, quam ex contumacia tua præsumptuose perpetrasti, tibi præcipimus, quatenus tuæ longitudinis et latitudinis magnum mensuram crucifixum factum, cum cruce in dorso tuo usque Romam deferas, et in ecclesia metropolitana sancti Petri apostoli ponas. » Hæc ipse abbas lubenti animo cum cordis contritione perficere non tardavit et majestati præsulari satisfacit. B Post aliquantum tempus quantum cenobii fratres, de quibus superius præmisimus, contra eum zelotipiæ venenum, velut mortiferi serpentes, conspiravere nullo more dicendum, nam unusquisque eorum accusationes querebat ad versus eum, sed convenientia testimonia non inveniebantur. Nam idem fratres, membra Sathanæ, existimabant, si abbas jam nominatus quoquo modo expelleretur, sperabant aliquem ex eis eorum errorum complicem abbatæ jura suscepturum. Rex autem Wratizlaus jam migraverat ad Dominum, cuius tunc successor Bracizlaus sublimitate ducatus Boemiæ pollebat. Hujus aures cum supranotati fratres per se et per amicos multis ficticiis et innumeris vituperiis contra abbatem suum Bozethum compositis obpulsando multiplicarent, idem dux nominatum abbatem de loco superius dicto extirpavit et fratres ejecit. Ibi impleta sunt verba Veritatis: « Percutiam pastorem, et dispergentur oves gregis (Matth. xxvi, 31). » Abbate itaque ejecto, ejus fratres, qui prodicionis auctores contra eum existerant, ex tunc erraverunt usquequaque per incerta loca girovagi, donec ad ultimum aliqui corde compuncti vix in loco proprio recepti, eidem loco inepti vitam finirent, et libri linguæ eorum deleti omnino et disperditi, nequaquam ulterius in eodem loco recitabuntur.

1045. Obiit Guntherus monachus et heremita 7 Idus Octob., et sepultus est in monasterio sanctorum Adalberti atque Benedicti ante altare sancti Stephani prothomartyris.

1053. Procopius primus abbas Zazovensis monasterii felici fine cursum vitæ suæ consummans, D 8 Kal. Aprilis hujus mundi exivit stadium, æternæ felicitatis percepturus bravium.

1070. Indictione 4. epacta 6. concurrente 2. tertio Kal. Julii præsul Gohardus consecravit ecclesiam in Zazoa in honore sanctæ crucis, in cuius ara continentur reliquiæ sanctæ crucis, de vesti-

mento sanctæ Mariæ, sancti Petri apostoli, sancti Stephani prothomartyris sanctique Georgii martyris.

1088. Sicque (110) justus vir, veluti Dei martyr, miles Bencu, obiit 5 Idus Julii, et sepultus est in urbe Miesin ante portam monasterii sancti 217 Joannis apostoli et evangelistæ.

1089. Obiit dominus Megohardus, abbas sancti Adalberti, monasterii Breunovensis, a quo constructum est, cui successit Adalbertus.

1091. Et in hieme neque nix neque pluvia fuit.

1095. Eodem anno 2 Idus Octobris consecratum est oratorium in Zazoa a venerabili sanctæ Pragensis ecclesiæ octavo episcopo Cosma, quod Bozetech ejusdem loci abbas, cuius supra meminimus, sui regiminis tempore construxit, habens in iucio a dextris ab altari sancti Martini, a sinistris ab ara sancti Stephani prothomartyris usque in finem criptæ. In medio vero oratorii, quo situm est altare, continent reliquias sancti Petri, sancti Pauli, sancti Andreæ, sancti Bartholomei, sancti Thomæ, sancti Jacobi, sancti Philippi, sancti Lucæ evangelistæ, sancti Barnabæ et omnium apostolorum. Sequenti vero die, quod est Idus Octobris, consecrata sunt tria altaria, unum super criptam, in quo continentur reliquiæ de sudario Domini, de spinea corona ejus, de sepulchro ejusdem, de sancta cruce, sanctæ Mariæ, sancti Joannis Baptistæ, sancti Joannis apostoli et evangelistæ; aliud altare subscripta, in quo continentur reliquiæ sanctorum Cosmæ fratrumque ejus: item in capella, quæ est a sinistra parte ecclesiæ, altare in quo continentur reliquiæ sanctæ crucis, sancti Laurentii martiris, sancti Blasii episcopi et martiris, sancti Mauriti martiris, sancti Pancratii martiris. Deinde tertia die, quod est 17 Kal. Novembris, consecrata sunt duo altaria, unum a dextris, in quo continentur reliquiæ sancti Martini, sanctorum Joannis et Pauli, sancti Tyburcii martiris, sancti Glebii et socii ejus, sanctorum Benedicti, Joannis, Ysaac, Matthei, Christiani, sancti Nykolai, sancti Jeronimi, sancti Uodalrici, sancti Fortunati 218, sancti Odolphii, sancti Lazari; aliud altare a sinistris, in quo continentur reliquiæ sancti Stephani protomartyris, sancti Andreæ, sancti Thomæ apostolorum, sancti Clementis papæ et martiris, sancti Georgii martyris, sancti Pantalesnis martiris.

1097. Dux Bracizlaus cunctorum primatum terræ collaudatione et pontificis Cosmæ electione cum magno gaudio titulum Zazovensis abbatæ Diethardo 219 Brennovensi 220 præposito 3. Non. Jan. imposuit, viro Latinis litteris sufficienter imbuto, qui tunc in religione monachismi præclarus habebatur. Homo egregius, vultu decens, sollers ingenio, animo gravis, moribus gratus, sermone cultissimus, ad lo-

#### VARLE LECTIONES.

217 sancti deest 4 (a). 218 Fortunati 4. 219 Delhardo 4 (a). 220 Brennovensis 4.

#### NOTE.

(109) Qui anno 1091 episcopus electus est. Cfr. Cosmas II, 12.

(110) Cfr. Cosmas II, 40.

quendam parvus, infestus viciis, tranquillissimus adeo ut nec vultum ex gaudio nec ex mœrore mutaverit. A præule igitur Pragensi Cosma abbas 8. Idus Marci ordinatus est. Ad locum igitur, ad quem abbas attitulatus extitit, dum primitus advenit, rebus monasticæ suppellectilis omnimodis adnichilatis incommodum invenit tantum, ut nec uno mense eo victu quem illic invenit, cum fratribus sustentari potuerit, nisi supra nominatus dux adjumentum ex propria camera sua præbuisset. Divina autem pietas, eodem abbate vivente, in eodem loco non defuit, per quem eidem loco adjectoria adaugendo bonis omnibus eum abundare redundareque fecit. Idem abbas libros, quos non invenit loco sibi commisso, præter Slavonicos ipsemet nocte et die immenso labore conscripsit, quosdam emit, quosdam scriptores scribere conduxit et omnibus modis acquisivit. Oratorium tegulis et aliis ornatibus renovavit. Prædecessorum suorum auctoritate dotalia acquisita per ducum terræ præcepta et inconvulsa decreta roborando in perpetuum confirmavit, et perse aucta, scilicet mansiones, possessiones, mancipia, cartulatos, offerros (111), servos et ancillas, terras et vineas, silvas cum montibus et planiciebus, aquis et aquarum discursibus atque piscariis. Hic siquidem opere manuum etiam ultra vires præsumebat laborans, maxime phantasie intentus et cultui vinearum, et ad omnes monasterii res omnino pervigil, mente semper revolvens scripta patris stupendi: «Otiositas est inimica animæ.» Totam vitam suam ingratis habuit eum fratrem, qui ad injunctum opus se impotem et pigritiam hebetem fecit, dicens, esse quasi scelus ariolandi nolle obedientiam succumbere. Hic quandiu vixit, omnes fratres in bona voluntate complectens consolabatur, in eis pie vivendo, ut pater in filiis, eos ad cœlestia regna, sicut aquila provocans ad volandum pullos suos volitans, provocabat. In quo revera mutatio dextræ Excelsi est completa, dum vixit. Tandem ipso maturam jam ætatem subeunte misit Deus castigationem languoris in membra ejus, prout ipse postularat, quia quem Dominus diligit corripit, unde fatigabatur in visceribus vexatione nimia nocte et die, donec universæ carnis viam ingressus est 15. Kal. Jan. Rexit autem locum eundem annis 37, mensibus 9, diebus 41 <sup>221</sup>.

1116. Eodem anno

Dum viget Herimannus Pragensi pontificatu,  
Est sublimatus Silvester presbyteratu <sup>222</sup>.

1122. Eodem anno 3. Non. Jan.

Pater eximius et Christi cultor honestus,  
Koyatha mortalis subiit jus conditionis.

#### VARIÆ LECTIONES.

<sup>221</sup> *continuant 4, 4 (a). Eodem anno dux, etc.* <sup>222</sup> *Uxoris Cosmæ memoriam delere voluit monachus Sava-*  
*vensis, et versuum loco quos in eam Cosmas III, 43, composuit hoc adscripsit.* <sup>223</sup> *Dethardi 4 (a).* <sup>224</sup> *indi-*  
*gnationis 4.*

#### NOTE.

(114) Qui se suaque omnia monasterio obtulerant vel subdiderant.

(112) qui Ottoni Frisingensi aliisque est Uldaricus.

(113) Errat; anno 1125 exeunte Sobezlaus Mora-

1123. Eodem anno 12. Kal. Aprilis, Silvester, divina dictante miseratione, cenobialis vitæ succensus ardore, exicialibus mundi renunciavit versutiis, et in monasterio Zazovensi sub regimine bonæ memoriæ Diethardi <sup>223</sup> abbatis mutato sæculari habitu, totum se penitus divinis mancipavit studiis, post amplexus videlicet lippientis Lyæ Rachelis delectatus pulchritudine, et post Marthæ laborem Mariæ consequi desiderans consolationem. Cujus quanta fuerit diligentia in divinis et ecclesiasticis rebus amplificandis, loco suo dicitur.

1125. 12 Kal. Aprilis, in festo scilicet sancti Benedicti abbatis, Sylvester fecit professionem, et monachus effectus, in divinæ religionis exercitio in tantum auctore Deo profecit, ut merito cunctis tam honorabilis quam amabilis haberetur. Unde postea factum est, ut tanquam secundus pater in congregatione decaniæ sublimaretur honore.

1126. Igitur glorioso duce Sobezlao (112) in solium paternæ gloriæ cum omnium Boemiæ principum exultatione sublimato, fit ingens omnium leticia, eo quod boni ducis principia superna, sicut cernere erat, comitabatur gratia, et quod eo anno, quod difficile credi potuit, inter ipsum ducem et Ottonem nulla fuit facta sanguinis effusio (113). Sed proh dolor! urgente vesania antiqui hostis discordiam et intestina bella ubique seminantis, gaudia nostra contrarius excepit successus. Succedente enim anno dux prætitulatus Otto ultra modum anxius, quia spei suæ voto fuerat frustratus, optimum ratus fore consilium, sed minus caute sibi providens in futurum accelerat viam cum suis ad regem Lotharium et ad totius Saxonie principes. Honore igitur condigno receptus (114), nacta loci temporisque oportunitate, causam sui itineris coram omnibus exposuit, Sobezlaum scilicet ducem Boemiam furtivis intrasse vestigiis, et principalem tronum sibi hereditario jure debitum et ab omnibus Boemiæ primatibus designatum et sacramento confirmatum occupasse per violentiam; et ad ultimum hæc breviter subintulit: «Vestree ergo dignationis <sup>224</sup>, optime imperator, super hac causa pietas providere non abnuat, vos ex omnibus totius regni principibus divinæ dispositionis gratia imperatorie dignitatis ad hoc sublimavit excellentia, quatinus a benignitate vestra omnibus pro quibuslibet suis incommodis requirentibus misericordia exhibeatur et justitia. Scimus quidem nos vestree majestatis imperiis in omnibus subjacere debere, ideoque nichilominus justitiæ rationem nobis ex vestra dignatione non esse denegandam.» Ad hæc rex benigna responsione mitigat

viam bellica expeditione devastaverat.

(114) Radisbonæ ubi Lotharius die 27 mens. Nov. 1125 commorabatur; Böhmer Reg. 2095. Otto regem jam anno præcedente convenerat.

ducis animum, et coram omnibus Saxonie principibus his verbis dicitur usus: « Boemie ducatus, sicut ab antecessoribus nostris didicimus, in potestate Romani imperatoris ab inicio constitit, nec fas fuit unquam electionem aut promotionem cuiusquam ducis in terra illa fieri, nisi quam imperialis majestas sue auctoritatis gratia iniciaret, consummaret et confirmaret; unde qui contra hanc constitutionem presumere nisus est, nostre majestatis contemptorem esse satis evidens est, nec tibi soli sed et nobis totique regno contumeliam non modicam esse irrogatam, quod minime equanimiter ferendum est. » Quid plura? Rex et omnes principes et primi quique Saxonie duci Ottoni dant et confirmant fidem, quod non alias preter ipsum in Boemia sit regnaturus. Interim callidus immo improvidus nimium dux singillatim quemque ex Saxonie optimatibus convenire satagit, dona infinita et, ut dicitur, aureos montes promittit quatenus omnium animos ad ferendum sibi presidium potuisset habere promptissimos.

Relatum est igitur duce Sobezlao, regem Lotharium minari Boemiis bella parare, regni devastationem machinari, nisi citius Sobezlao depulso Ottonem sibi ducem intronizari consentiant. Sed dux Sobezlaus nichil penitus his motus rumoribus, modificata voce breviter respondit: « Spero in Dei misericordia et in meritis sanctorum martyrum Christi Wenczlai atque Adalberti, quia non tradetur terra nostra in manus alienigenarum. » Ex hinc ergo prudentissimus dux jactans totum cogitatum suum in Domino, circumivit omnia monasteria, divina implorans in adversis eventibus sibi ad miniculi presidia. Postquam autem cognovit regem Lotharium cum valida Saxonum manu Boemicis appropriare terminis, festinavit ei occurrere ad castrum quod Hlumec<sup>225</sup> dicitur. Sequenti die consedente duce Sobezlao cum suis ad prandendum, venerunt qui dicerent: « Optime dux, tu deliciis ciborum intendis et minus caute agis, quia jam ecce, nisi ocius obvies eis, hostium enses cervicibus nostris dominabuntur. » Mox ergo fit clamor in castris, ut sit unusquisque paratus. Premittit interim dux Sobezlaus legatos Nazcerat, Mirozlaum, Zmilonem et alios ex primatibus suis ad regem hæc verba deferentes: « Hæc dicit Sobezlaus: Discretionem tuam, bone imperator, scire convenit, quod electio ducis Boemie sicut ab antecessoribus nostris accepimus, nunquam in imperatoris, semper autem in Boemie principum

A constitit arbitrio, in tua vero potestate Boemie electionis sola confirmatio. Sine causa novæ legis jugo nos constringere conaris. Scias, nos nullatenus ad id consentire, magisque pro justitia pie velle occumbere, quam injustis decretis cedere, et revera, nisi ab hac molitione desistas, in proximo est, omnipotentis Dei judicium inter nos in posterum memorabile seculis ostendat prodigium. » Visa sunt autem hæc dicta regi et omni exercitui ejus quasi deliramenta. Dux siquidem Otto regi omnem spondebat securitatem, eo quod omnes sublimiores Boemie fidei sue firmam ei fecissent sponsonem, nec dicebat armis opus esse, sed magis qui vellent cum falconibus et accipitribus (115) terram ingredi abeque ullo offendiculo possent. Ergo 12. Kal. Martii procedunt Saxonum male securi inter duos montes cuneorum globi (116), et quia densissima nix viæ difficultatem fecerat, plurimi armis depositis pedites incedebant. Sed cum inter angusta faucium utriusque montis devenissent, ubi velut celitus eis inclusis omnis fugiendi sublata erat facultas, dux Sobezlaus dividens suos in tres scaras, subito impetu in eos proruit, et quotquot ex adversa parte constiterant, omnes in ore gladii exceperit. Ibi dux Otto hujus mali minister corruit (117), ibi plurimi Saxonie optimates prostrati sunt (118), et vix quisquam elabi potuit, nisi forte qui ad sarcinas tuendas eminus vel circa latus regis constiterant. Peracta ergo illa die tam miserabili cede, dirigit rex nuncios (119) pro Sobezlao duce, mandans et rogans ut veniat ad se. Qui nichil adversi veritus, assumptis secum paucis ex primatibus regem adiit; et stans (120) prior his eum verbis affatur: « Non nostre temeritatis insolentia nos, optime rex, ad tuas impulit injurias, non superba nos presumptio ad effusionem sanguinis tuorum commovit procerum. Nullum sane dampnum vel dedecus tuæ majestati moliti fuimus, sed sicut sæpius ante tibi per legatos nostros innotuimus, novæ legis jugo, quod nec patres nostri portare potuerunt, nostras cervices subdere nolimus, et ecce, divinum judicium utriusque nostrum justiciæ manifestum dedit indicium, et indebitæ dissensionis omnemque utrarumque partium ademit occasionem. Cessent ergo vel jam causæ omnis discordiæ, redeat unitas concordiæ. Omnis justiciæ debitum, quam antecessores nostri regiæ majestati exhibuerunt, nos quoque nichilominus rebus et persona nostra, loco et tempore impendere parati sumus. » Ad hæc rex: « Nisi, inquit,

#### VARIE LECTIONES.

<sup>225</sup> Chlumec 4 (a).

#### NOTÆ.

(115) Imitatus videtur esse Cosmam in I 12 et II, 9.

(116) In Annalibus Hildeshemensibus 1126 legitur: *Sylvæ quæ Bohemiam a Saxoniam determinant.*

(117) In præcepto quodam anno 1126 scripto apud Boczek I, 200 hæc leguntur: *Kal. Martii 12. Otto dux Moravia: paterno nomine nuncupatus in*

*prelio peremptus est.* De die cfr. Jaffe Geschichte des deutschen Reichs unter Lothar., p. 50.

(118) quos enumerat annalista Saxo.

(119) Henricum de Groitzsch, nepotem Sobezlai, ut tradit Otto Frising.

(120) ad Lotharii pedes provolutus, referente eodem Ottone.

dux Otto summa vi precum tuo proposito nos obviare compulsisset, nulla prorens ratione cogente animus noster ad hoc flecti potuisset, ut cuiquam principum nec digitum contra te extendere licuisset. Annuente ergo et favente Deo, ducatus honore et solio fruere paterno, mutuae dilectionis et amicitiae vinculum nobis et toti regno conserves inconvulsum.» Et hæc dicendo transdidit <sup>226</sup> ei per manum insigne ducatus vexillum, et ita datis invicem osculis Sobezlaus cum maxima gloria et honore suorumque ingenti tripudio ad dulcem suam rediens metropolim annis 16 optato potitus est solio.

Eodem anno 11 Kal. Marcii Johannes (121), episcopus sextus sanctæ Olomucensis ecclesiæ, vinculis carnis absolutus, talentum sibi creditum Christo reportavit centuplicatum. Post hunc Sdico <sup>227</sup> presul successit in ordine septimus, et eodem anno ordinatus est 6 Non. Octobris.

Eodem anno obiit Zvatava regina, mater Sobezlai ducts Kal. Septembris.

1427. Obiit domnus Clemens abbas sanctorum Adalberti atque Benedicti monasterii Breunovensis, cui successit Undalricus.

Eodem anno Mileysi Deo devota famula, nulli pietate secunda, placitis Dei moribus cordetenus intenta, quatenus ex divina gratia excessuum suorum sibi daretur indulgentia, Romæ sanctorum apostolorum adiit limina, et eodem anno reversa, felici consummatione hujus vitæ stadium estegressa 4 Idus Julii.

1428.

1429.

1430. Meginhardus <sup>228</sup> episcopus Boemorum adiit Jerosolymam. Item hoc anno Kal. Marcii obiit Waczlaus dux Moraviensis (122), totius christianitatis pater et clericorum amator. Eodem anno 7 Kal. Maii immensum signum apparuit, et tonitruum horribile auditum est. Eodem anno 14 Kal. Julii Sobezlaus dux Boemorum insidiatores vitæ suæ quosdam decollavit in foro Pragensi publice, quosdam pedibus ac manibus ac linguis et visu privavit. Bracizlaus, filius Bracizlai ducis, privatus est oculis.

1431. Elevatæ sunt reliquæ sancti Godehardi <sup>229</sup> episcopi et confessoris, miræ sanctitatis viri. Eodem anno Sylvester prior Zazovensis monasterii adiit Romam.

1432. Pribizlawæ <sup>230</sup>, conjux Groznatæ, suæ fecit terminum vitæ. De ejus pia conversatione quædam fidelium memoriæ stili officio summatim commendare satis ad rem arbitramur pertinere. In cujus moribus, dum in carne vivit, et Deo placuisse confidimus, et hominibus Deum diligentibus omnigenæ

A virtutis speculum constituisse vidimus. Totius namque vitæ suæ tempore familiare studium habuit cultum Dei intime diligere, nichil amoris ejus preponere, pauperum Christi ex visceribus pietatis matrem se exhibere, personæ quoque Dei servitio mancipatis tota mentis sinceritate ac <sup>231</sup> devotione honorem et adjutorium, prout res exegisset, offerre. Bona quidem legali juncta marito fuit, melior deinde in viduitate permansit, optima post lacrimabilem dilecti et unici filii sui Severi humationem effulsit. Hæc desiderio videndi sepulchrum Domini flagrans, cum domno Megnhardo episcopo et cum aliis Jerosolimam adiit, et prospero successu ad sua rediit. Postquam vero tempus decessionis suæ ex hac vita appropinquavit, et viribus corporis se destitui persensit, convocatis ad se cunctis suæ cognationis natu et honore prioribus, villam Goztivar cum silva adjacente, agris et pratis et omni proprietate sua quam inibi possidebat, necnon et omnem familiam suam, villam etiam Bosakonic ad hospitale Deo et sancto Johanni Baptistæ in Zazon, omnibus suis affinibus in id ipsum consentientibus, obtulit et sub legitimis testibus confirmavit. Et sic paucis interpositis diebus in eodem cenobio generalis resurrectionis diem exspectatura, felici requie fruitura, 5 Non. Maii exiit ex mundi hujus pressura.

1433. Diethardus <sup>232</sup> abbas, cujus superius mentionem fecimus (123), in senectute bona 15 Kal. Jan. felicem animam Domino commendavit. Eodem anno Boemii vastaverunt Poloniam. Eodem anno eclipsis solis fuit media die.

C 1434. Obiit Bogudar Kal. Februarii. Silvester prior Zazovensis monasterii post depositionem pii patris Diethardi unanimi fratrum consilio et concordivoto 9 Kal. Maii in abbatem ejusdem monasterii electus est; vir morum honestate cunctis amabilis, colloquio plurimum affabilis, in abstinentia singularis, amicus humilitatis, intimus veræ caritatis alumnus, toti fratrum congregationi adeo cum vinculo familiaritatis et dilectionis sese astringens, ut omnibus plus amoris quam timori haberetur. Revoluta ergo ejusdem anni circulo, item 9 Kal. Maii, metropoli <sup>233</sup> per manum Sobezlai ducis abbatili suscepto baculo, a Johanne venerabili episcopo ordinatus est. Divinitus igitur tam decenti sublimatus honore, bonus pastor ad suo moderamini commissa dulciora cum omnium suorum exultatione revertitur ovilia. Hic locus sese obtulit quod superius promisimus absolvere (124), quanto scilicet in sanctæ religionis studio flagraverit amore, et quam diligens cura sibi fuerit in meliorandis et amplificandis rebus monasterii. In quantum siquidem prevaluit et novit, omnem monasticam

#### VARIÆ LECTIONES.

<sup>226</sup> tradidit 4 (a). <sup>227</sup> Zdico 4 (a) <sup>228</sup> Meginbertus 4. <sup>229</sup> Gothardi 4 (a). <sup>230</sup> Pbrzlava 4 (a). <sup>231</sup> ad 4. <sup>232</sup> Dethardus 4. <sup>233</sup> metropolim 4.

#### NOTÆ.

(121) Tertius; secundum Necrologium Bohemicum obiit ix Kal. Mart.

(122) Consentit Necrologium Bohemicum.

(123) Anno 1097 quo apparet auctorem hoc loco

in anni numero scribendo errasse; obiit Diethardus a. 1134.

(124) Ad annum 1123.



disciplinam fratrum suorum cordibus sepius inculcare solitus fuit. Res superfluas privatas contra licitum possidere gravissimum crimen esse dicebat; dicens monachum victum et vestitum habentem his debere esse contentum. Specialiter quoque humilitatis et patientiæ omnibus in se prætendebat exemplum, illud semper revolvens: « Quanto magnus es, humilia te in omnibus. » Hic tempore sui regiminis capellam sanctæ Dei genitrici construxit, monasterium sancti Johannis Baptistæ picturæ venustate decoravit, muros cum absidibus in medio oratorii ab altaribus sancti Stephani et sancti Martini interposuit, pavementum ecclesiæ lapidibus politis de Petrino monte advectis adornavit, dormitorium, refectorium, cellarium et coquinam atriumque claustrum per circuitum cum columpnellis et absidiculis venustissime construxit. In villa Mnichovici (125) nuncupata basilicam in honorem sancti Michaelis et omnium celestium virtutum edificavit. Quid plura? Omnis ejus intentio, omne studium, omnis sollicitudo, quoad vixit, in hoc precipue perstitit, quatenus domui Dei in omnibus utilem se exhiberet. Eodem anno obiit dominus Megnhardus, decimus episcopus sanctæ Pragensis ecclesiæ, 5 Non. Julii (126), monachorum et clericorum verus amator, pauperum et peregrinorum pius consolator, cui successit Johannes.

1135. 3 Kal. Marcii facta est ordinatio domni Johannis undecimi episcopi Pragensis. Eodem anno facta est confirmatio ordinis sancti Augustini ad Premonstratam ecclesiam per Innocentium papam in civitate Pysis 5 Non. Maii.

1136.

1137. Silvester abbas una cum domno Heinricho Olomucense episcopo et cum aliis instinctu divinæ inspirationis, orationis causa Jerosolymam perrexit, interim cœnobii sui gubernacula domino Beroni, ejusdem loci decano, procuranda committens. In eodem anno 9 Kal. Jan. prosperis austri flatibus rediit, in quo itinere miles Deo devotus Ruzin defunctus est 3 Idus Octobris. Eodem anno 2 Non. Decembris (127) Lotharius Romanorum imperator, pauperum et peregrinorum pius consolator, migravit ab hoc mundo, cui successit Cuonradus<sup>225</sup>. Lupoldus<sup>226</sup> dux (128) pulsus est de Moravia.

1138.

#### VARIÆ LECTIONES.

<sup>224</sup> Henrico 4 (a). <sup>225</sup> Chunradus 4 (a). <sup>226</sup> Leopoldus 4 (a) <sup>227</sup> Nazerat 4. <sup>228</sup> interpunctionem 4 (a) sequimur; 4. verba in suburbio Pragensi ad antecedentia retulii. <sup>229</sup> Kerbek 4 (a).

#### NOTÆ.

- (125) Miechnow in circulo Kaurzimensi.  
 (126) Probat Necrologium Bohemicum.  
 (12) Num die 3 an. 4 mensis Decembris mortuus sit dubitatur. Vide Jaffe, p. 224.  
 (128) Olomucensis, filius Borivoyi II.  
 (129) Probat Necrologio Bohemico.  
 (130) Ita videtur corrigendum pro Julii ex Cosmæ continuatione prima ad a. 1140; vid. sup., p. 146.  
 (131) Necrologium exhibet xv Kal. Oct.  
 (132) Secundi, qui obiit 1124.

A 1139. Domnus Heinrichus, episcopus Olomucensis reverentissimus, Romam causa orationis profectus est. Eodem anno domnus Johannes, episcopus undecimus sanctæ Pragensis ecclesiæ, clericorum et monachorum verus amator, pauperum et peregrinorum pius consolator, 6 Idus Augusti (129) migravit ab hoc seculo, cui eodem anno Silvester, Zazovensis ecclesiæ abbas, vir vere Israelita, successit in episcopatum. Sed insequenti anno, Deo, a quo omnia bona procedunt, inspirante, sano usus consilio, secum sepius retractans, semetipsum minus sufficere posse ad tam grande pondus episcopalis regiminis, et illud apostolicum: « Nemo militans Deo implicat se negotiis secularibus (II Tim. II, 4), » et cetera, eundem episcopatum cum bona voluntate dimisit, suamque abbatiam recepit.

B 1140. Sobezlaus dux Boemicus 16 Kal. Marcii exutus artibus, viam universæ carnis ingressus, cui eodem anno 13 Kal. Marcii Wladizlaus, filius Wladizlai ducis, successit in principatu. Eademque tempestate rennente domno abbate Silvestro episcopatum Boemicum, Otto, Pragensis ecclesiæ canonicus et prepositus, electus est in episcopum, et eodem anno ordinatus est 7 Kal. Junii (130). Eodem anno 17 Kal. Octobris obiit Adleyth ductrix (131).

1141. Spiltigneus, filius Borivoy (132) ducis, Mirozlau, Mukar causa orationis Jerosolymam pererunt mense Januario. Eodem anno fuit inundatio aquarum in Boemia.

1142. Nacerat<sup>227</sup> comes et alii primates Boemiæ adversus ducem Wladizlaum conspiraverunt, et uniti Moraviensibus Boemiam magna manu hostiliter intraverunt. Deinde bello congressi, Boemis cedentibus, Pragam obsederunt et monasteria sanctorum Viti Wenczelai atque Adalberti sanotique Georgii incendio vastaverunt. Tandem superveniente rege Romanorum Cuonrado (133) depulsi ab obsidione urbis recesserunt et Moraviam redierunt, et interventu cardinalis Widonis (134) et episcoporum Ottonis, Heinrichi atque abbatum digna satisfactione in pacis fedus convenerunt. Eodem anno synagoga Judeorum et multa edificia combusta sunt<sup>228</sup>. In suburbio Pragensi visus est serpens volare. Eodem anno 3 Idus Julii obiit Kerberk<sup>229</sup> (135), conjunx Borivoy.

1143. Wladislaus dux Boemorum Moraviam incendio vastavit (136). Eodem anno legatus apostolici separavit sacerdotes ab uxoribus (137). Eodem

D (133) die Pentecostes, probante Vincentio Pragensi.

(134) Guidonem diaconum cardinalem— quem pro enormitatibus corrigendis ad partes illas de latere nostro destitimus, scribit Innocentius II papa die 21 Aug. 1142; Boczek I, 245.

(135) Necrologio, in quo legitur 4 Id. Julii, est Gertrud; cf. Cosmas III, 12.

(136) Cfr. Vincentium ad h. a.

(137) Vide litteras a Guidone de hac re scriptas Boczek, I, 1, 223.

anno inventio capituli sancti Adalberti episcopi et A martyris in urbe Praga in ecclesia sancti Viti martyris, et cilicium sancti Wenczelai inventum est. Eodem anno venerabilis dedicatio monasterii sanctorum Viti Wenczelai atque Adalberti 2 Kal. Octobris a tribus episcopis Ottone Pragensi et Heinrico Olomucensi et Babenbergense episcopo. eodem anno religiosus papa Innocentius migravit ad Dominum.

1144. Gwido cardinalis et legatus apostolicæ sedis, cassis quorundam incitatus delationibus, Silvestrum abbatem suspendit ab officio, sed sequenti anno per domnum Heinricum Olomucensem episcopum redeuntem restituit.

1145.

1146. Dedicatio capellæ sanctæ Mariæ in Zazoa a venerabili episcopo Ottone, quam construxit domnus Silvester abbas.

1147. Venerabilis abbas Clarævallensis Bernhardus, Deo et hominibus carus, audiens invasionem et persecutionem quam Sanguin (138) paganus fecit in confinio Jerusalem, sicuti Mathathias adhortabatur filios suos (139), sic adhortatus est regem Franciæ Luodewicum<sup>240</sup> omnesque Francigenas gentes armata manu in expeditione Dei ire Jerusalem, animasque pro fratribus ponere, nec non christianam gentem de gladio paganorum auxilio Dei liberare. Cujus admonitione Franciis gentes Francianæ, Anglicæ, Lotharingiæ, Saxones, Boemienses, Suevienses, Bawarienses cum ferocibus Francis ad expeditionem Domini sunt paratæ. Commotio christianorum facta est in paganos. Eadem tempestate verbiger Sdico episcopus Moraviensis adiit Pruzos (140) cum Heinrico decano Pragensis ecclesiæ ad predicationem, et eodem anno est reversus. Eodem anno 2 Idus Junii obiit Izcizlaus<sup>241</sup>, quintus abbas Postolopertensis ecclesiæ, cui successit Bero Zazovensis monasterii decanus, et eodem anno ordinatus est 7 Idus Decembris.

1148. 6. Idus Julii Otto duodecimus episcopus sanctæ Pragensis ecclesiæ obiit (141), cui successit Daniel præpositus ejusdem ecclesiæ.

1149. Ordinatus est Daniel episcopus a Maguntino archipresule.

1150. Vir clarus vita Sdico, septimus episcopus Olomucensis ecclesiæ, subtrahitur ab hoc mundo (142), victurus perpete vita, cui successit Johannes (143) canonicus de monte Zragov<sup>242</sup>. Eodem anno obiit Gertrudis ducissa Boemiæ (144). 1152.

1153. Obiit papa Eugenius (145), vir vita magnificus, cui successit Anastasius (146).

1154. Jam die deficiente, crepusculoque noctis imminere incipiente, eclypsim luna passa est. Post hæc maxima mortalitas in homines irrepsit.

1155. Fratres nostri Arsenius, Sizna, Radosta, hac vita exempti sunt.

1156. Bero Postolopertensis abbas 5. Idus Maii, heu! immatura morte diem clausit extremum. Hic siquidem secunda etatis suæ vigilia, Domini aspirante gratia, semetipsum in ara crucis Christi hoc in cenobio obtulit holocaustum Deo. Vir caritatis virtute plenus, simplex et castus in moribus, voluntariæ paupertatis specialis amicus, qui ob meritum sanctæ religionis primo apud nos honore decaniæ, deinde Postolopertensis in monasterio per domnum Ottonem episcopum abbatiae est culmine sublimatus. Prefuit autem eidem ecclesiæ annis 8, mensibus 4, diebus 35.

1157. 5. Idus Januarii Spitigneus dux, immo flos et honor ducum, proh dolor! nimis intempestiva morte vitæ presentis accepit terminum, vir præ cæteris divinæ pietatis dotæ magnifice preditus, et, ut pace omnium dictum sit, totus ex omni virtutum elegantia compositus, cujus qui digne meminit, dolore et lacrimis nequaquam carere poterit. Cecidit quippe aureus ecclesiæ Dei clypeus, clericorum pater, pupillorum mater, merentium intimus consolator, totius honestatis et bonitatis solertissimus indagator, cui virtus amor, vitium fuit horrore, cujus in iudicio arcem victoriæ misericordia et veritas semper obtinuit. Ad miserendum denique nullus eo facillior, ad irascendum et vindicandum in reos nemo difficilior. Quem etiam Deus virga benignæ suæ correctionis multo tempore in presenti flagellavit, sed baculum consolationis ad percipiendâ vitæ futuræ premia reservavit. Longa siquidem et difficilia apud exterâs nationes passus exilia, tandem tam preceptione quam petitione Friderici Romani imperatoris a Wladislao duce recipitur in patria, sed brevi temporis intersticio, fatis urgentibus, migrat ab hoc seculo, pro temporali dispendio felicitatis eternæ beandus solatio.

Eodem anno 13 Kal. Feb. Fridericus abbas Postolopertensis, vir in divinis et humanis rebus summæ discretionis, erga Deum et homines devotæ sinceritatis, intimæ ad omnes affabilitatis, peracto itinere cum domno Daniel pontifice in terram Hunorum abierat, quoniam videlicet idem antistes et Heinricus, frater Wladislai ducis, cum aliis Boemicis

#### VARIE LECTIONES.

<sup>240</sup> Ludwicum 4 (a). <sup>241</sup> Czislaus 4 (a). <sup>242</sup> Zragor 4 (a).

#### NOTÆ.

(138) Zengosulii pri nceps.

(139) Exemplum ex litteris Eugenii III papæ de auxilio terræ sanctæ ferendo datis desumptum est; Boczek I, 241; ibid. 255 vide epistolam S. Bernhardi ad ducem Wladislaum.

(140) Pomeranos, teste Vincentio.

(141) Consentiant Necrologium et Vincentius.

(142) vii Kal. Jul. probante Necrologio et catalogo epp. Olomuc. apud Richler, p. 24.

(143) quartus.

(144) uxor Wladislai II, filia Leopoldi IV, ducis Austriæ.

(145) tertius.

(146) quartus.

terræ primatibus filiam (147) Ungarici regis (148) A Friderico, filio ejusdem ducis desponsandam detulerunt. In reditu in quandam villam suam pausandi gratia deveniens, post trium dierum egritudinem ultimum exalavit spiritum.

Ejusdem quoque anni 11. Marcii Kalendis Johannes Olomucensis ecclesiæ episcopus, qui de monasterio sancti Augustini Ztragov assumptus fuerat, vitam terminavit presentem, medio sane juventutis constitutus flore, sed maturus morum nobilitate. Hic pro defensione justitiæ et statu ac honore sanctæ Dei ecclesiæ semper, quantum in ipso fuit, inconvulsus preliator perstitit, difficilis inobedientibus, facilis ac promptus et affabilis Deum diligentibus. Cui ex quo episcopalem suscepit infulam in corde, in habitu et sermone precipua B semper extitit humilitatis custodia, adeo ut plerumque etiam ab humilioribus personis venerari refugeret, dicens, non oportere se exigere honorem ab hominibus, utpote qui de eodem luto conditus esset.

*De probitate Wladislai regis et fratris ejus Theobaldi ducis.*

Anno sub eodem Fridericus imperator, juncto sibi duce Wladislao et fratre ejus Theobaldo, Poloniam exercitu valido intravit (149), principes ejus Boleszlauum (150) et Mesconem (151) suæ ditioni subjugavit, infinitam pecuniam in auro et argento accepit, et pro confirmatione et stabilitate deinceps pacis filios (152) eorum obsides suscipiens, victoria pro voto potitus rediit. Pro cujus sane pacis compositione præcipue ducis Wladislai inestitit illustris C industria; tantum enim imperatoriæ voluntati se tunc benivolum exhibuit, ut per se tantum et suos vel ad deditionem præfatos principes flectere vellet, sed necessitas rei poposcisset, ipse primus cum illis pugnam antioiparet. Imperator vero (155), ut dictum est, cupito potius honore, ad sedem suam reversus est. Jam, scilicet anno ab anno incarnat. 1158. Initiato, quid Boemico duci pro labore suo recompensationis exhibere debuisset, cum principibus regni consilium habuit (154). Dum ergo plures eorum assererent, dignum sibi videri optimis muneribus auri et argenti juxta imperatoriam munificentiam ipsum remunerari debere, imperator D

liberiori usus consilio, ducem ad se accersitum hujus verbi nobilitate alloquitur: « Virtutis tuæ constantia nobis optime complacuit, nam et fidelitatis tuæ erga nos sinceritas toti regno evidenter innotuit, quam fideliter, quam devote, et quam intime nostrum, immo totius regni integrum secundum Deum diligas statum, cum in nostris necessitatibus et totius regni rei publicæ tui ipsius tuorumque vitam periculo objicere nunquam hesitaveris. Hanc igitur egregiam virtutem in te considerantes ac diligentes, et de cetero te erga nostram imperatoriam serenitatem fidelem et incommutabilem haberi cupientes, honor quo ipse volueris te secundum nostram liberalitatem honorare decrevimus. Attamen quia terram tuam auro et argento et omnium preciosarum rerum copia scimus redundare, et nihil in talibus tibi rarum existere, accipe ex Dei gratia et nostra benevolentia tibi quam tradimus regni coronam et regni potestatis et honoris dignitatem in regno tuo. » Et hæc dicens, jussit proferri coronam auream gemmis, preciosis lapidibus mire adornatam, qua videlicet ipse imperator in summis festivitibus uti ferebatur (155). Tali igitur divinitus honore sublimatus, gloriosus dux Wladislao cum ingenti tripudio et leticia suorum rediit ad sua.

Deinde ejusdem anni mense Maio (156) profecti sunt rex et frater ejus dux Theobaldus cum cesare Friderico in Italiam adversus Mediolanenses, qui tunc imperatorem pro quadam seditione contra Laudunenses ac Nolanæ urbis cives (157) facta, sibi graviter offensum habebant. Decreverat siquidem imperator non prius se cum exercitu ab urbe discessurum (158), quam hostibus suis igne et ferro meritam rependeret ultionem. Ibi gloriosus rex et vere glorificandus Wladislao cum suis optimatibus veluti quondam Judas Machabeus, modo frontes adversariorum conterendo, modo a tergo insequendo, modo etiam a dextris et a sinistris acriter insistendo, quot prælia laudabiliter ac victoriose peregerit, dictum longum est. Attamen quia in bellicis certaminibus victoriæ proventus plerumque fit incertus, et varii casus vices diversas et difficiles in talibus ludunt, fieri non potuit quin et ipse quosdam ex suis primatibus illic amitteret. Mediolani igitur cives D egregiam ejus virtutem et industriam considerantes,

#### NOTÆ.

(147) Elisabetham.

(148) Geisæ II.

(149) Die 22 mensis Augusti Fridericus Oderam transiit, teste Radevico, qui, ut Vincentius Pragensis, de hac expeditione fusius egit.

(150) quartum.

(151) tertium; sunt filii Boleslai III.

(152) Imo fratrem Casimirum aliosque nobiles, probante Radevico.

(153) Mense Octobri Bizuntii commorabatur. Cfr. Böhmer reg. 2376.

(154) Ratisbonæ mensis Januarii die 16 data est Friderici I tabula de circulo aureo Wladislao et omnibus ejus successoribus concessa, quam vide apud Boczek I, 267.

(155) Errat; hoc Friderici præcepto Wladislao permissum est, ut iisdem diebus festis quibus imperator corona, circulo ali episcopis Pragensi et Olomucensi publice ornaretur; sibi enim coronam vel diadema, Wladislao circum vindicat. Hunc circulum veram fuisse coronam Dobnerus peculiariter commentatione probare conatus est in libro Born Abhandlungen einer Privatgesellschaft in Böhmen V, 1.

(156) Die 14 Jun. 1158 Fridericus adhuc commorabatur Augustæ; Böhmer 2402.

(157) Nola est urbs Campaniæ; de urbe Como cogitasse videtur.

(158) Inde a die 6 Augusti 1150 obsessum est Mediolanum, teste Radevico.

et quia cesari foret acceptissimus, legatis ad ipsum A fuerint et erga divini cultus honorem studia, evidenter extant testimonia perhibentia, hoc in loco ista sufficiant. Hoc tantum, salva omnium gratia, dixerim.

1159. Daniel episcopus Mediolanum ad cesarem Fridericum profectus est (160), a quo benigne et honorifice susceptus est, quem in obsequio suo suis et regni negotiis biennio implicatum retinuit. Interim Romæ defuncto Anastasio apostolicæ sedis pontifice, gravi exorta seditione, duo ex contrariis partibus apostolicæ sedi præficiendi electi sunt, Alexander (161) et Victor (162). Pro qua dirimenda seditione Daniel presul Romam dirigitur, ut videlicet utraque persona cesaris et totius regni concilio interesse debeat, et juxta publicam et canonicam sanctionem ea quæ magis competeret apostolicæ sedis principatum obtineret. In <sup>243</sup> eo sane concilio (163) coram cunctis regni principibus et 150 episcopis Victor justitiæ victoriam obtinuit, et concordiam omnium voto et acclamatione archiepiscopus apostolicæ sedis suscepit. His igitur rite terminatis, Daniel presul a cesare et apostolico multo eublimatus honore, excellentia quoque functus legationis apostolicæ, proficiscitur ad regem Hungarum (164), et exinde ad propriam Pragensem pontificatus sedem anno dominicæ incarnationis 1160, in omnibus auctore Deo prospere agens, regreditur.

1161. 4. Idus Februarii Sylvester Zazavensis abbas regiminis sui 28. anno exiit a tenebris hujus corporeæ regionis ad patriam perpetuæ mansionis, C pro labore presentis vitæ recepturus bravium beatæ remunerationis. Vir omnium virtutum disciplina et elegantia decenter insignitus, atque adeo practicæ exercitiis ac theoriæ amori deditus, ut evidenter adverti potuisset; hominem licet adhuc in carne positum, totum tamen spiritus sui fervore jam in celestibus constitutum. Specialis enim erat amicus parsimoniam, qui lauciores dapes vel vini pocula ceu quasdam morborum materias abhorrebat, sed cibo simplici et pura fluminis unda delectabatur, convivia potentum et quarumlibet secularium personarum detestabatur, propter quod etiam a pluribus minus diligebatur, quia in talibus nulli se communem exhibebat. De cujus vitæ laudabili qualitate multa quidem ad exemplum pie vivendi et honestatis D formam dici possent, sed quia superius jam inde me ex parte dixisse memini, et maxime quomodo operum ejus in eodem monasterio magnalia, quanta

Quod locus ille patrem vix invenit sibi talem Moribus et vita, ceu Silvester fuit abba.

Hujus post obitum Bozata, ejusdem loci prior, eodem anno per Wladislai regis et episcopi Danielis electionem in abbatiam successit, qui brevi tempore, exacto unius videlicet anni spacio, sui regiminis curam propria voluntate deposuit. Hic namque in cenobiali conversatione jam 30 compleverat annos, ac a tumultu secularium actionum adeo se alienum effecerat, ut nulla penitus ratione quid in seculo ageretur sese vel scire modicum pateretur, ideoque ad disponendas exteriores monasterii utilitates, vel ad popularium questionum examinanda judicia prorsus extitit ignarus. Preterea tot et tam gravium infirmitatum detinebatur molestiis, ut vix aliquando quantacunque necessitas exegisset, pro utilitate ecclesiæ extra monasterii septa procedere potuisset. His igitur et similibus devictis incommodis, post anni circulum onus deposuit suscepti regiminis.

Eodem anno ducellus Sobezlaus (165) noctu fecit irruptionem cum 60 armatis militibus in urbem Olomuezi; omnes fere quos in ea reperit diversis obprobriis deonestari fecit. Quæ mox

Fama volans Wladislai regis percudit aures, qui collecto exercitu dictam circumdedit urbem; sed cum cerneret forti custodia militum inaccessibilem sibi suisque fore urbis aditum, cautius arbitratus est magis ex ingenio quam bello juvenilem principis animum attemptare. Per internuncios duces invitavit ad pacem, immo spondet et firmat quam velit pacis accipere conditionem. Princeps igitur, ut simplicissimus agnus, nil adversi ratus, i regis in manus, pax et pacis conditio juramenti confirmatur sacramento. Ibi Johannes episcopus Moraviæ, illic jurat omnis primatus Boemiæ, sicut rex dictat pro pacis et fidei confirmatione. Sed ubi fides? Sacramenta violantur, pactio pacis exinanitur, rapitur, cathenatur princeps egregiæ probitatis, et in castro munitissimo Prinda (166) sub districtissimâ custodia multo tempore (167) macerandus retruditur.

1162. Divinæ annuante pietate, regisque Wladislai ac etiam domni Danielis pontificis industria procurante, Regnardus abbas Zazovensis monasterii gubernacula suscepit. Hic primo Syloense ceno-

#### VARIÆ LECTIONES.

<sup>243</sup> In codice 4. in margine loci In eo — suscepit manus cœva adscripsit verbum mentiris, littera una sub altera posita.

#### NOTÆ.

(159) Constituta est pax die 3 mens. Septemb., de qua vide Vincentii Pragensis copiosam narrationem.

(160) Anno præcedenti cum rege in Italiam venerat.

(161) tertius.

(162) quartus.

(163) quod Ticini habitum est anno ineunte 1160.

(164) Geisam II.

(165) filius Sobezlai I.

(166) Franenberg in Pilsensi circulo.

(167) usque ad annum 1173.

bium (168) admodum honeste rexit, proprioque labore in possessionibus diversi generis magnifice ampliavit. Primo autem anno ordinationis domni Danielis episcopi insurrexerunt quidam viri iniquitatis contra eundem abbatem, virum venerandum, et quæcunque criminosa de ipso potuerunt confingere, auribus pontificis crebra et importuna delatione veriti non sunt inculcare, et quia, sicut beatus dicit Gregorius: *Animo in multis occupato facile ab adulatoribus subripitur*, rem ita ut conficta erat, episcopus esse credidit. Vix ita venerabilis Regnardus sine canonica audientia, nec accusatoribus seu testibus legitimis convictus, vel confessus, de objectione criminis, abbatiae privatur honore, rejicitur de monasterio cum universa sibi delecta congregatione, Mirum sane de tanto viro, domno videlicet episcopo, quod tam crudelem et tam precipitem in pastorem simul et ovile potuit dare sententiam, et quod nulli prorsus parcendum ob unius accusationem iudicavit, nisi forte, ut quidam tunc conjiciebant, sicut et postmodum rerum probavit eventus, hac occasione id eum fecisse, ut quibusdam Augustiniani ordinis regularibus, de exteris ascitis nationibus, eundem locum commendaret. Predictus vero domnus Regnardus quarto decimo post depositionem sui regi-

annis anno, tribulationes ejus et patientiam Domino misericorditer respiciente, Zazovensis cenobii abba constituitur, Metensis genere, discretissimus moderator vitæ monasticæ, dilectionis et affabilitatis gratia preditus, humilitatis et mansuetudinis virtute constantissimus, omni morum elegantia melioribus per omnia comparandus. Cui pro hominum suorum defensione stare vigilantissima semper cura fuit, cui pro assertione veritatis nec regia majestas nec principum potestas terrorem vel ruborem unquam incutere valuit, cujus animum nec prosperitas ad inanem unquam emollivit leticiam, nec adversitas ad perniciosam deiecit mestitiam; vir in cunctis suis eventibus eundem leticiæ semper preferens vultum. Universæ congregationi plus amore quam terrore studebat preesse, tantum namque humilitati se subdiderat, ut cum esset omnium in congregatione dignior et sublimior, in omnibus suis actibus subjectione se exhiberet. Ad humilia etiam quæque opera nullus eo promptior, nullus agilior, nullus efficacior; fuit in eo peritia pingere vel sculpere quaelibet imagines ligno vel osse vel etiam diversi generis metallo, fabrilis quoque non ignarus fuit artis, et omnis quæ ex vitro fieri solet compositionis <sup>244</sup>

## CANONICORUM PRAGENSIIUM CONTINUATIONES COSMÆ.

[GERLACH.] In diebus illis regnante in Regno Romanorum rege Conrado, et in Bohemia principante duce Sobieslao, Zdico qui et Henricus, bonæ memoriæ Olomucensis episcopus, habitum nostrum, quem Iherozolimis viderat, super sepulcrum vitæ suscepit cum multo, sicut tradunt, ymbre lacrymarum, et abdicatis ibi tam esu carniū quam cæteris vitæ blandimentis, reportabat memorato duci et Bohemis sicut novum hominem ita et novum ordinem. Quo duci in brevi defuncto, successor ipsius illustris Wladislaus, nec non et uxor sua nobilissima Gedrudis, soror prædicti regis Conradi, succensi exemplo et hortatione præfati episcopi, novam ecclesiam novo condunt ordini, erigentes fabricam venustissimam in monte Strahow, mutato nomine ipsius in monte Syon, anno Domini 1140, quibus optime cooperabatur idem episcopus, maxime in spiritualibus, coadunando undecunque posset religiosos fra-

tres, quibus et præfecit in primis quemdam Blasium. Postquam vero liquido comperit de institutione Præmonstratensis ecclesiæ, quod inde esset initium ordinis et magisterium vitæ regularis, illico habita deliberatione cum ipsis fundatoribus, unanimi voto miserunt, et de Stenveldensi domo conventum postulaverunt. Et quidem tunc temporis ordo noster, licet necdum dilatatus, magno tamen fervebat zelo, tum in Præmonstrato tum in omnibus ecclesiis nostri ordinis, et maxime in Stenveldensi ecclesia, quæ nullam habuit vel habet in religione secundam. Cujus tunc suavissimo tracti odore principes terrarum, undecunque gaudebant ecclesias fundare novas, et personas ordinis evocare ad illustrationem provinciarum suarum. Inter quos et isti fundatores, de quibus modo sermo est, porrigentes petitionem suam prius capitulo, deinde Stenveldensi ecclesiæ, quod pie postulant pleno comprehendunt effectu. Nam

### VARIE LECTIONES.

<sup>244</sup> Finitur hic in utroque codice 4. 4. (a). supplementum monachi Sazavensis. In 4. sequitur vita sanctæ Ludmilæ brevissima a Menkenic edita in cujus demum fine leguntur verba: Explicit liber IIIus in chronica Boemorum.

### NOTÆ.

(168) Selau in circulo Czaslaviensi.

committitur Stenveldensi præposito, ut negotium eorum promoveat et desiderata concedat. Porro præpositus, vir Deo plenus, non tardat in hiis quæ in mandatis acceperat, sed assumptis secum fratribus et domino Godeskalco, qui postea abbas in Syloa factus est, proficiscitur in Bohemiam. Pragam venit, devote suscipitur, obligat se ad susceptionem loci, tandemque repatrians, dimittit ibi memoratum Godeskalcum a latere suo cum fratribus, qui conventui habitacula præpararent interim lignea. Quibus paratis, iterum post anni circulum idem præpositus revertitur, adducens secum conventum clericorum una cum abbate quem elegerant, cui nomen Gezo, qui dominum Godeskalcum libenter apud se retinisset, sed præpositus suus jubet cum redire in Stenvelt ad id expectandum quod ei divinitus fuerat præordinatum.

Nec absurdum puto, si paucis exprimam qualiter idem Gezo, primus abbas Strahoviensis, primum in Stenvelt ad conversionem venerit, in hoc enim confitebuntur Domino misericordie ejus, qui miris modis prædestinatos suos vocat. Cum esset ipse in Colonia canonum custos et majoris ecclesie, vir dives et delicatus, quadam nocte per somnium putabat fratres suos concanonicos tanquam in gyro consedere, seque in medio eorum, cum ecce adstitit ante eos quidam horribilis aspectu, qui virga quam manu gerebat percussit primum in capite, deinde alterum, tertio tertium, et ita flagellavit omnes hinc et inde a dextris ejus et a sinistris; postremo, cum vellet percutere et istum, declinavit ictum, et sic evigilavit. Quam visionem secuta est mors ipsorum, et omnes in brevi ex hac luce sunt subtracti, eo videlicet ordine, quo visione fuerant percussi; quod ille videns et mori timens, fugit tanquam unicornis, et confugit in Stenvelt ad portum monasterii, conversatus ibi iuste atque regulariter usque in diem quo assumptus est in abbatem. Sane idem Gezo vir erat totius probitatis et industrie, providus dispensator tam in spiritualibus quam temporalibus, magnus zelator discipline, cujus institutione viget adhuc et regitur Strahoviensis ecclesia. Ita memoria ejus in benedictione est, cum post mortem non moritur, et opera ejus rediviva semper eum vivere protestantur.

[VINCENT.] Anno dominicæ incarnationis 1154, rex Conradus viam universæ carnis ingreditur, pro quo Fridricus suus patruelis, dux Sweviæ, miles armis strenuus, in regem eligitur, qui totius orbis gubernacula regere cœpit.

Anno dominicæ incarnationis 1155, dux Wladislaus a rege Fridrico in maximam recipitur gratiam. Filii autem Sobieslai exules domino regi Fridrico adhærent fideliter, et ab ipso et principibus ejus honorifice tractantur.

Anno dominicæ incarnationis 1156, rex Fridricus collecta plurima principum et aliorum militum multitudine, Henrico duce Saxonie et Fridrico, filio regis Conradi, aliisque principibus sibi adjunctis,

A Romam ad papam Adrianum, ut eum ad cæsarem jure debito consecrat, iter cum forti manu militum arripit. Cum autem in exitu Alpium ante Veronam civitatem ad Gervardam castellum inexpugnabile perveniunt, Veronenses tanquam de suo jure transitum sibi et suis prohibent, dicentes eum non esse in cæsarem consecratum, propter hoc cum ex eorum jure eis debere pecuniam persolvere, si inde Romam transire velit; postquam autem eum in cæsarem consecratum receperint, ei tunc honorem ut cæsari debitum persolverent, non ante. Hæc rex Fridricus audiens iram reprimat, et eam dissimulans, verba dans bona, pecuniam quam exquirunt eis promittit, et tanquam super hoc securitate data, Veronam illæsis exercitiis suis transit. Regalibus itaque ultra positis exercitiis, mandat Veroniensibus ut pro debita pecunia veniant; qui verbis ejus credentes, 13 nobiliores, plurimis nobilibus eis adjunctis, pro pecunia eis promissa ad regem dirigunt. Quos rex hilari vultu suscipiens, de promissa pecunia verbis datis optimis, eos capi præcipit. Et cum quidam ex eis de propinquiore linea cognatum ejus se esse diceret, et hoc testimonio comprobaret, propter hoc eum altius tanquam nobiliorem suspendi præcipit, posteris suis hoc relinquens exemplum, et cæteris timorem incutiens, ne talia contra dominos suos agere præsumant.

[VINCENT.] Interea Papienses, Cremonenses et tanquam domino suo carissimo cum multa electa militia occurrunt, et in servitium ejus regiam viam proficiscuntur. Tandem rex optatam ingreditur Romam, et in constituto tempore a domino papa Adriano in imperatorem consecratur. Cumque consecratione peracta in stationibus regalibus, in planitie pulcherrima ante regiam urbem Romam positis, de eorum jure cibos sumerent, Romani antiquum fastum somniantes, de domini imperatoris consecratione tanquam contra eorum voluntate facta indignati, forti manu contra ipsum armantur. Quid plura? Armate acies contra Tyberim progrediuntur. Hæc dum imperator audit, contra armat exercitus, et nullum in eos insultum fieri præcipit, quo usque in planum progrediantur. Lateranenses contra imperatoris exercitus in planum campum egrediuntur, a primis aciebus congrediuntur, fit pugna; verumtamen cum imperator Fridricus cum filio regis Conradi et aliis principibus eos in fronte viriliter cæderet, Henricus dux Saxonie eos a ponte Tyberis a tergo, ut vir bellicosus, armis fortiter invadit, et cum jam ad ferream portam, quæ in medio pontis est, fere pervenissent, Lateranenses hoc conspicientes, et inter duo mala minus malum eligentes, tam ab hostibus quam a suis ferream portam claudunt, et sic miserabiliter prostrati, quidam gladio, quidam naufragio interierunt, reliqui capti, domino imperatori numero 400 sunt præsentati. Quos dominus imperator Petro, Romanæ urbis præfecto, qui ei fideliter adhæserat, tradidit, cujus ipsi tam Romæ palatia quam alias munitiones destruxerant, ex

quibus præfectus urbis quosdam pro tanto ausu punivit suspendio, & quibusdam ad destructa sua reædificanda palatia plurimam accepit pecuniam, et sic imperator in planissimis campis optata potitus est victoria. Post hanc itaque imperator victoriam, cum domino papa Adriano fœdere et pacto inito, quod Romanos, qui hostes imperii se fecerant, nec ipsum regem Siciliae, qui imperio non obaudiebat, sine consilio et voluntate domini papæ, nec e converso dominus papa sine consilio et voluntate domini imperatoris in gratiam eos reciperet, feliciter in Lombardiam revertitur. Mediolanensium itaque non immemor offensæ, Terdonam civitatem, Spoleto non longe ab urbe Roma jam destructo, quæ contra imperatorem cum Mediolanensibus juraverat, obsedit, et forti militia eam cingens, Papiensibus, Cremonensibus et aliis Lombardiæ civitatibus ei auxilium præbentibus, plurimis ex utraque parte peremptis, funditus destruit, victis solam salutem tribuens. Hæc ista regalis et fortissima civitas Terdonæ vicina, quæ cum ea juramentis Mediolanensibus assibilaverat, considerans, ad dominum imperatorem confugit, et secundum voluntatem ejus omnes turres et munitiones suas destruens, cum suo placat servitio.

Anno dominicæ incarnationis 1157. Fridricus imperator generalem curiam Wirczburk in festo pentecosten principibus suis indicit, ubi dominam Beatricem, filiam ducis Burgundiæ, specie et decore quodammodo quasi humanas formas superantem, tanquam divinam sobolem sibi jungit matrimonio. Hiis nuptiis inter alios principes dux Wladislaus cum domino Daniele Pragensi episcopo affuit; sicut tanti imperatoris decet, nuptiæ celebrantur feliciter. Ubi dominus imperator intolerabilem superbiam Mediolanensium aperit suis principibus, qui, hoc audito, ut tanquam hostes imperii digna corringantur pœna, dant consilium.

Anno dominicæ incarnationis 1158. Fridricus imperator ducis Wladislai exulis Poloniæ et sororis suæ, quæ ei matrimonio juncta fuerat, misertus, ad eum ducatu suo restituendum in Poloniam parat exercitus, quam cum plurimis intrans exercitibus crudeliter devastat. Principes autem Poloniæ tantæ fortitudini ejus resistere non valentes, mediante duce Wladislao Bohemiæ, ad gratiam ejus veniunt, sic tamen, quod nudos gladios supra colla sua portantes, imperiali repræsentantur majestati; in gratiam domini imperatoris recipiuntur, pro satisfactione datis obsidibus, et juramentis receptis, quod contra Mediolanum 300 armatos milites in auxilium domino imperatori mittere debeant.

Anno dominicæ incarnationis 1159, dominus imperator solennem curiam suis principibus in natali Domini Magdeburk indicit, ubi portatis regalibus et solemnitate feliciter peracta, ut regii sanguinis sui memores ad conterendam Mediolanensium superbiam ei suum præbeant auxilium, eos commonet et exorat. Quod principes ejus unanimi voto ei fideliter pro-

mittunt. Wladislaus quoque dux Bohemiæ tantos et tot principes contra Mediolanum in arnia jam paratos esse considerans, in persona sua cum sua militia ei in adjutorium se venire promittit. Dominus quoque Daniel Pragensis episcopus cum suo duce hunc laborem contra Mediolanum suscipere non recusavit. Ob tantum laborem imperator Wladislaum ducem Bohemiæ regio exornat dyademate, de duce regem constituens. Fridrici imperialis finitur curia, contra Mediolanum parantur arma, undique Mediolani sonat obsessio. In conditotempore ad obsidendum Mediolanum de diversis partibus mundi moventur exercitus; Fridricus imperator et sui duces, marchiones et alii principes contra Mediolanum proficiscuntur. Wladislaus rex Bohemiæ, prior Alpes superat, et Veronam feliciter transiens, ante Brixiam civitatem regiam suos ponit exercitus. Brixenses contra eos exire nec tantæ militiæ se committere præsumentes, solummodo muros suos custodiunt. A Bohemis tota Brixensis devastatur provincia. Post pauco tempore imperiales exercitus adveniunt, pro adventu imperatoris omnes exercitus tripudiant gaudio. Super Oleam flumen regium imperiales ponuntur exercitus. Ad Aduam flumen vehementissimum perveniunt, ubi pontes fractos inveniunt, et Mediolanensis provinciæ maximam multitudinem hominum, transitum aquæ eis prohibentium. Supra ripam juxta præruptum pontem imperialia ponuntur tentoria, quibus undique replentur campi; infra autem has stationes fere per milliare domini Wladislai regis Bohemiæ et domini Danielis Pragensis episcopi et aliorum principum Bohemiæ ponuntur tentoria, post tot labores dulces capiuntur cibi. Interea Odolen filius Zris, miles strenuus, cum duobus militibus vadum invenire prætemptat, quod non inveniens mediis fluctibus se committit, uno tantum socio eum sequente, quos mediis fluctibus sic rotari vidimus, quod nunc ipsi super equos, nunc equi super eos rotari videbantur. Tandem Deo eos adjuvante incolomes flumen transeunt, tertius vero eorum socius, vel quia equum vel quia cor debile habuit; ad ripam revertitur. Hæc dum regi Bohemiæ referuntur, videlicet duos milites vadum invenisse, abjiciuntur tabulæ, et tympanum, signum bellicum percutitur, armantur milites, ipso Wladislao rege Bohemiæ, strenuo et illustri milite, eos præcedente, inter medios præcipites fluctus suos impellant dextrarios, et sic divina pietate eos conservante, tam duros, tam præcipites superant fluctus, plurimis ibi militibus naufragio perditis. Sic rex Bohemiæ superatis fluctibus sua forti armata militia suos irrui in hostes, eos ex omni parte armata militia circumdans, cæduntur, ligantur, capiuntur plurimi. Ex utraque parte ad cælum levantur clamores, Bohemorum læti de victoria, Mediolanensium funesti de inopinata miseria. Imperatoris autem exercitus primo Mediolanenses putant suis in adjutorium venisse, verum tamen cum Bohemos suos adversarios viriliter cedere considerant, læti de tanta victoria

lætos ad cælum clamores levantes, quomodo vel qua arte tam præcipientes fluctus superaverunt, mirantur. [VINCENT.] Bohemis eis superatis castella, villas, prædam capientes, plurima quæ possunt igni committunt. Rex interea ad pontem imperatoris se transfert, pro reparando ponte sollicitus, ex utraque parte, tam imperatoris quam regis, trabes comportantur ponti utiles. Interea tantum laborem nox dirimit. Summo diluculo nuncius venit, Mediolanenses ad defendendum vadum suis in auxilium venisse.

Non fit mora, armatur militia, pugnatur acriter, Mediolanenses victi fugam ineunt; nec mirum, mors etenim in tali re vel ferro vel pedibus vitanda est. Bohemi, ex eis plurimis interfectis, 80 nobiliores de militia Mediolanensium capiunt, et eos regis tradunt potestati, quos rex Bohemiæ imperatoris ad ejus honorem tradidit majestati. Dominus imperator per reparatos pontes cum suis exercitibus flumen Aduam feliciter transit. Trenez firmissimum castrum Mediolanensium obsidet, quod in brevi capit. Inde venit ad Laudem civitatem quamdam valde nobilem, quam Mediolanenses funditus destruxerant. In medio civitatis destructæ imperia ponuntur tentoria, cujus imperator destructionem considerans, magis ad destructionem laborat Mediolani. Dum hæc geruntur, Mediolanenses ad curiam domini imperatoris cum ejus conductu veniunt, de suis excessibus condignam satisfactionem domino imperatori offerentes. Principes hæc audientes, ut dominus imperator in gratiam suam eos recipiat, consulunt. Surgens autem Anselmus, Ravenatensis ecclesiæ archiepiscopus, contra hæc respondit: « Non est, inquit, vobis nota astutia Mediolanensium; dulcia quidem vobis verba et humilia offerunt, sed astutam vulpem sub lectore servant, mensura qua aliis mensi sunt remetitur eis. Ecclesias Dei, civitates liberas imperatoris destruxerunt, et eorum destruat Mediolanum; nullam in eis fecerunt misericordiam, nec eam consequantur.

Hoc dominus imperator cum suis principibus audiens, ejus acquievit consilio, et per suæ abjectionem cyrothecæ, ex more antiquorum imperatorum, eos publice in suum bannum mittit, per hæc eos ostendens esse manifestos hostes imperii. Hæc considerans læta juvenus fremit in arma. Versus Mediolanum armata progreditur militia, ut in arma ad signum domini imperatoris tota militia sit præparata, indicitur. Dies oritur, multis mortem, multis victoriam importans. In campis planissimis, jam ante Mediolanum exercitibus aptissimis, imperiales armantur exercitus. In prima itaque fronte militiæ Ludovicus frater imperatoris, palatinus comes de Reno, in primo flore juventutis suæ, ex antiquorum suorum præcessorum<sup>245</sup> dignitate Suevorum armata

A militia, Papiensium et Cremonensium, qui hujus expeditionis fabricatores exstiterant, sibi militia adhibita, in campestria progreditur. Secundum locum Fridricus, filius regis Conradi, in annis juvenilibus, dux de Rotmbuk<sup>246</sup>, cum sua forti militia possidet. Ad hunc exercitum augendum Hugo marchio Montis Ferrati cum Veronensium, Brixensium, Mantuanensium forti militia accedit. Tertium locum obtinet Wladislaus rex Bohemiæ cum suo exercitu, quem de tota militia sua in unum collecta collegerat, valde magno, forti possidet. Quarto loco Henricus dux Austriæ cum suo maximo exercitu ponitur. Quinto loco Otto palatinus comes de Ratispona et cum Fridrico et Ottone, fratribus suis, et plurima Bavarorum militia. Sexto loco ipse imperator Fridricus cum suo exercitu, cujus longitudinem et latitudinem comprehendere difficillimum erat. Septimo loco Fridericus Coloniensis archiepiscopus, et exercitus Theutonicorum et Lombardiæ principum procedit, magna fortitudine collectus [CONR. 1. COSMÆ 1136] Post hæc multitudo principum, quam dinumerare nemo poterat, quorum tu, Deus, Signa, potestates, cursus, loca, tempora nosti.

[VINCENT.] Sic tanti et tot exercitus, candore ferri horribiles, versum portam Mediolanensem — Romana porta dicitur — procedunt, et sic nullo impediende ad urbem diu optatam perveniunt. Mediolanenses autem in campis contra tot et tantos exercitus bello se committere non præsumentes, fossata sua et munitiones muniunt, quas circa muros fecerant, armata manu custodiunt. Dominus autem imperator videns eos extra munitiones non audere procedere, ante prædictam portam, quæ Romana dicitur, nomine et re major, sua signa præcipit tentoria. Et ut circa alias portas Mediolanenses aliorum principum signantur tentoria præcipit, et in brevi fit quod præcipit, ad diversas portas diversorum principum signantur tentoria. Mediolanenses vero ex qua parte eos invadere possint considerant, et in prima militia exercitum Ludovici fratris imperatoris invadendum, qui ad portam sancti Dionisii suos posuerat exercitus, suum ponunt studium, et circa horam vespertinam armata manu ut fortius possunt ad bellum progrediuntur. Quibus prædictus princeps ut strenuus miles cum suo forti militia occurrit. Fit pugna ex utraque parte, fortissimi cæduntur milites, nunc hi vincunt, nunc illi. Hæc audiens Wladislaus rex Bohemiæ, tympanum, signum bellicum, percuti præcipit. Non fit mora. armatur militia, pugnantis in auxilium progreditur. Ludovicus frater imperatoris Mediolanenses a se repellere fortius instat.

Interea Wladislaus rex Bohemiæ in suis splendidis armis, cum sua militia primam militiam Mediolanensium aggreditur, ipsum principem eorum et vexilliferum, Dacium, medium lancea perfodit, qui

#### VARIÆ LECTIONES.

<sup>245</sup> successorum *Dobr.* <sup>246</sup> Rotenburg *Vinc.*



ibi perfossus occubuit. Cæteri vero milites tam Bohemiæ quam Theutoniæ, qua qui possunt, irruunt in hostes. Umbo umboni alliditur, pes pede teritur, fortium virorum fortissimi resonant ictus. Ex utraque parte fortissimi cæduntur milites, a vespertina hora usque ad crepusculum durat prælium. Mediolanenses victi, plurimis interfectis et captis, intra muros se retrahunt. Tali a choræa militum Mediolanenses undique cinguntur. Dominus autem imperator singulis diebus cum exercitibus, ne aliqui inde exire possint, Mediolanum circuire non cessat, singulis diebus diversi in eos fiunt insultus; interfectionibus, captionibus artantur plurimis, quos inter pavor, foris vastabat gladius.

[*Ann. Prag.*] Anno dominicæ incarnationis 1160.

Hoc Mediolano Daniel præsul redit anno.

Anno dominicæ incarnationis 1161.

[*VINCENT.*] Anno dominicæ incarnationis 1162. Theobaldus profectus est cum filio regis in auxilium imperatori, et Sobieslaus captus est (169).

Anno Domini 1163.

1164. [*Ann. Prag.*] Wladislaus rex terram Hunnorum intravit, regem Græcorum ex ea perturbavit, Ungarorum optimates pacificavit.

1165.

1166.

1167.

1168. [*Ann. Prag.*] Theobaldus dux, et Daniel episcopus in Italia obiit, cui Fridericus quartus decimus episcopus successit (170).

1169.

1170.

[*GERLACH.*] Anno dominicæ incarnationis 1171. sanctus Thomas archiepiscopus Canturiensis martyrizatus est.

1172. [*Ann. Prag.*] Wladislaus rex cum cæsare Poloniam intravit (171).

1173.

1174. Sobieslaus a vinculis dimittitur (172), et dux constituitur.

1175. Odalricus dux, frater Sobieslai, profectus est Mediolanum.

1176. Sobieslaus dux vastavit incendio Austriam. Nimia siccitas attenuavit fruges. Sobieslaus pugnavit contra Fridricum in Bohemia. [*GERLACH.*] Ipso anno 15. Kal. Februarii obiit rex Wladislaus, fundator Strahoviensis (173).

A. 1177. [*Ann. Prag.*] Odalricus dux a fratre Sobieslao capitur. Ipse Sobieslaus a Bohemis de solio pellitur (174). Fridricus filius regis Wladislai inthronizatur. Sobieslaus in exilio obiit (175).

1178 Fridricus episcopus obiit (176), cui Valentinus quintus decimus successit.

1179.

1180.

1181.

[*GERLACH.*] Anno Domini 1182. Strahoviensis ecclesia secundo dedicata est, videlicet 7. <sup>247</sup> Kal. Maii a venerabili domino Adalberto, Salceburgensi archiepiscopo, et hoc hæc de causa, quia maius altare motum <sup>248</sup>, et chorus fuerat sublevatus. Præsentibus erant canonici Pragenses ecclesiæ fere omnes et abbates multi, quorum unus et præcipuus, licet suo iudicio humillimus, abbas Godescalcus, tantam sollemnitatem sermonis suo adornans. Inter alia quæ locutus est hæc quoque dixit: « Assum, inquit, o fratres karissimi, en alteri dedicationi vestræ, qui primæ quoque interfui, et videor mihi videre statum domus hujus valde diversum ab eo qui tunc erat. Tunc enim rebus pauper et meritis fuit dives, modo versa vice rebus crevit, et disciplina deperit. » Atque in hunc modum reprehendenda reprehendens et ad honesta provocans, monita salutis porrigebat eis.

1182. [*Ann. Prag.*] Valentinus episcopus obiit. Henricus sextus decimus successit, qui in episcopatu ducatum obtinuit postea.

1183. Conradus dux Moraviæ Pragam obsedit (177).

1184. Bohemi cum Moravis bellum commiserunt (178).

1185. Wenceslaus dux Pragam coactus obsedit, et spe fraudatus recessit (179).

1186. Eclipsis solis fuit. Mortalitas hominum facta est.

1187. Fridricus dux cum omnibus primatibus terræ suæ, similiter et dominus episcopus Henricus (180) cum abbatibus et universo clero vocati sunt ad curiam cæsaris, et magna synodus habita est (181). Ipse quoque anno Theobaldus a fratre suo (182) Fridrico jussus est capi, sed a quibusdam fautoribus præmonitus, fuga lapsus est.

1188. Iherosolima a paganis obsessa est et tradita Saladino.

#### VARIÆ LECTIONES.

<sup>247</sup> VI. *Gerl.* <sup>248</sup> novum pro motum *Gerl.*

#### NOTÆ.

(160) Hoc factum esse a 1161 vide apud monachum Szavensem.

(170) a. 1167, teste *Gerlaco.*

(171) Imo a. 1157 efr. continuatio Szavensis.

(172) Dimissus est a. 1173.

(173) Mortuus est a. 1174.

(174) Teste *Gerlaco*, anno 1177.

(175) Eodem teste 1180.

(176) Eodem teste 1179.

(177) Anno 1182 factum est.

(178) Quod *Gerlaco* anno 1185 fuse narrat.

(179) Anno 1184.

(180) Henricus episcopus, filius Henrici, ut *Fridricus* dux, nepos erat Wladislai I ducis Bohemiæ.

(181) Ratisbonæ tempore quadragesimali, teste *Gerlaco.*

(182) Patrueli; Theobaldus filius erat Theobaldi I et nepos Wladislai I.

1189. Fridricus dux obiit. Conradus, Moraviæ laudabilis dux, successit. Theobaldus recepit provincias suas. Romanus quoque imperator cum innumerabili multitudine christianorum contra paganos pugnaturus, ultra mare viam tenuit, et ibi in naufragio vitam finivit, et in Antiochia sepultus quiescit. Quem etiam multi nobiles Bohemicæ terræ primates cum duce Theobaldo secuti inopinata morte sunt præventi.

1190. Dux autem Conradus cum filio imperatoris in Apuliam est profectus, ubi famosissimum de se referens triumphum, heu! immatura morte est præventus,

Ossaque delata sua Pragæ sunt tumulata,  
Quique gemant flentes super hunc et corde dolentes:  
« Ach! ach! Conrade dux crebro commemorande,  
Vivas in Christo mundo translatus ab isto! »

1191. Wenceslaus dux in solio paterno (183) consedit, quod vix in tribus mensibus possedit.

1192. Wenceslaus dux de solio pellitur. Przemysl dux efficitur. Civitas Praga obsidione circumdatur, nec capitur. Tandem post tres menses, ipso

A duce Wenceslao permittente, per internuncium imperatoris nunciatur, in manus domini episcopi traditur. Dux autem Wenceslaus, dum in confinibus Zribiæ iter ageret, per insidias versipellis<sup>249</sup> marchionis (184) ejusdem provinciæ capitur, et in unitissima custodia clauditur, solo Spitigneo (185) evadente. Eodem anno dux Przemysl (186) quorundam Theutonum (187) provinciam vastavit, et imperatorem (188) ex hoc in iram concitavit. Dominus quoque episcopus ad limina sancti Jacobi apostoli causa orationis viam tenuit, quem imperator propter pecuniam sibi pollicitam detinuit, et sic impeditus, reversus est in Bohemiam.

1193. Intrante Martio dominus episcopus Henricus<sup>250</sup> ad imperatoris curiam regreditur, et intrante Augusto cum magna gloria et honore in Bohemiam cum duce Spitigneo revertitur, gestans ab imperatore sibi tradita vexilla ducatus, non tamen obmittens nomen et dignitatem sui episcopatus.

1194.

1195.

## I.

### WENCESLAI I REGIS HISTORIA.

Igitur rex Wenceslaus anno primo et pluribus annis regni sui clerum secularem et religiosum multum dilexit, et ecclesias Dei ac ministros earum libentius honoravit. Procedente autem tempore, patre suo jam viam universæ carnis ingresso, civitatem Pragensem fecit murari, et alias villas forenses, quæ juxta vulgare nostrum dicuntur civitates, muniri præcepit lignis vel lapidibus, compellens religiosos et seculares clericos ad earumdem civitatum munitiones vel fossata constituenda. Quo regnante pluribus annis pax bona viguit. Prædones et latrones ecclesiarumque infestatores et alii quam plures mali-voli gravamina vel molestias inferre cessaverunt, vel qui inferebant, deprehensi sententiam capitis subierunt. Sub ejus etiam temporibus adinventus est in Bohemia ludus tournamentorum, 1245, regni autem regis Wenceslai 15<sup>251</sup> — vel 16. Idem rex voluntati suæ carnis deditus, cœpit solitariam vitam amare, et castella vel domos ad hoc fabricatas cum paucis solus inhabitare, pace tamen bona et quiete per totum adhuc regnum ejus vigente.

Sub ejus etiam regni temporibus plures domus

C religiosorum fabricatæ sunt in civitate Pragensi, videlicet fratrum prædicatorum ad sanctum Clementem, fratrum minorum ad sanctum Jacobum, pauperum dominarum ad sanctum Franciscum, templariorum ad sanctum Laurentium, hospitaliorum vel stellariorum ad sanctum Petrum in vico Theutonicorum, et plures domus earumdem religionum in regno Bohemiæ, rege prædicto annuente, sunt fabricatæ.

Anno dominicæ incarnationis 1249 (189) regni autem Wenceslai regis 20, 2 Kal. Augusti nobiles terræ Bohemiæ et natu majores filium ejusdem regis Wenceslai nomine Premisl sibi in ducem vel in regem acceperunt, et sibi fidelitatem in claustro Pragense ecclesiæ juraverunt, patre penitus ignorante (190). Quod dum pater audivit, ægre tulit, sed sibi innata discretione dissimulavit. Anno vero regis Wenceslai regni sui 21, prædictus rex cum copioso exercitu Bohemorum et Australium et Ungarorum Bohemiam intravit, et in Wissegrad castro suo cum exercitu resedit Idus Februarii. Octava autem die inde recessit, et flumen Wltavam

#### VARLÆ LECTIONES.

<sup>249</sup> versipellis 2. <sup>250</sup> manu antiqua, non tamen cœva, supra scriptum est Brzyeczizlaus. <sup>251</sup> quinto 2

#### NOTÆ.

(183) Filius erat Sobezlai I.

(184) Misnensis Ottonis.

(185) Duce Brunneni.

(186) Wladislai II regis filius.

(187) Bavarorum.

(188) Henricum VI.

(189) Quæ sequuntur a. 1248 gesta esse ex ipsa

narratione apparet.

(190) De his temporibus Otakarus in tabula quadam scripta a. 1258, quam laudat Palackius II, 131 hæc refert: *Tempore afflictionis nostræ et miseræ, quando videlicet dira et crudelis persecutio parentum nostrorum nos extra terminos terræ nostræ despecta pietate et sine culpa nostra voluit effugare, etc.*

sub villa Buben cum omni exercitu suo secure transvadavit; et veniens in claustrum in monte Syon (191), aliquot diebus ibi mansit, exercitu suo circa et ultra montem et in claustrum Brzewnow commorante. Unde sexto die profectus, ad civitatem Zateez accessit, et eam suo dominio sine Marte subjugavit, alias autem plures villas vastavit, prædavit, incendit. Circa finem anni prædicti et initio anni sequentis, in hyeme tamen, multa facta sunt incendia in regno Bohemiæ.

Composita itaque pace et firmata juramentis concordia, ac confectis super hoc instrumentis, rex viam tenuit versus Liutomierziez, mandans universis ecclesiæ Pragensis diocesis prælati et canonicis, ut infra octo dies sibi occurrant, pro viribus suis sibi assistere non obmittant, dato super eodem negotio a domino papa Innocentio IV exsecutore domino Misnensi episcopo (192), quod si prælati ecclesiarum Bohemiæ et canonici non curassent regi occurrere, et eidem pro viribus suis assistere, excommunicatione plecterentur et suis beneficiis tandem privarentur. Super eodem etiam negotio litera novi regis Almanorum (193) similem penam continens fuit oblata, et canonicis et aliis clericis in ecclesia Pragensi publice fuit recitata. Filius autem regis credens illam pacem esse veram et non simulatoriam, veniens eum suis Pragæ habitavit, urbi et civitati firmissimam adhibens custodiam, ac deinde ad alia quæ sibi in sortem evenerant transivit oppida et castella.

Interea rex moram faciendo in Liutomierziez infra aliquot septimanas copiosum congregavit exercitum, ubi plures prælatorum ecclesiarum et quidam canonicorum eidem occurrerunt, ac suas eidem personas et xenia rerum varia cum servitio fideli præsentaverunt. Rege interim suam cum suis fidelibus curiam in eadem civitate celebrante, mittitur edictum et per omnia fora vicina proclamatur sub obtentu gratiæ regali ac pœna sententiæ capitalis evitanda, quatenus omnes injuriarum molestiæ, spolia villarum et rapinæ cessare debeant, et omnes tam nobiles quam pauperes pace tranquilla gaudeant. Celebrata igitur curia et consilio valde secreto habito, rex cum suo exercitu iter arripuit procedens versus Saczska, in qua processione plures peregit

ancotes, quibus plurima gravamina pauperibus sunt illata, et plures villæ omnibus rebus spoliatae, ac varia et inaudita commissa sunt facinora. Tandem perveniens Saczska in sua pausevit munitione, dicens se processurum versus Moraviam, deinde versus Ungariam; sed aliter rei probavit eventus.

Imminente siquidem festo assumptionis gloriosæ Virginis (Aug. 15), filio regis interea in castro Pragæ commorante, rex missis militibus suis Nonas Augusti civitatem (194) cœpit, ut creditur, quibusdam civibus eam sibi tradentibus, ei eodem die post meridiem eandem cum suis intravit. Cui episcopus Nicolaus cum fratribus minoribus solemniter occurrit, ac eum cum processione et magna utriusque sexus turba, signis per omnes ecclesias civitatis sonantibus, honorifice suscepit, et in ecclesiam sancti Francisci cum magno populi gaudio deduxit. Filius autem regis, qui tunc manebat in castro, intelligens placitum patris sui penitus violatum, et civitatem videns esse captam contra suam voluntatem, castro Pragensi fidelibus suis ad custodiendum commisso, se ad loca transtulit tutiora. Quidam vero de fidelioribus suis, quibus episcopalis curiæ (195) defensio erat commendata, videntes vires suas ad ejus tutelam non posse sufficere, omnibus in ea rebus noctu sublatis, eadem nocte eam incenderunt, et onusti variis rebus ad castrum confugerunt. Sequenti vero die (Aug. 6) rex missis militibus suis turrim, quæ sita est circa pedem pontis, et curiam episcopalem adhuc fumantem cepit nullo resistente, et in eis præsidium fortium virorum. Inde cum suis consilio habito et placito suo jam secundario volato, quod filio suo et nobilibus terræ bona fide promiserat, ordinavit exercitum ad expugnandam urbem (196) Pragensem, disponens viros bellicosos versus orientem, versus occidentem et versus aquilonem, qui prædictam urbem impugnarent<sup>2</sup>, ac neminem urbem intrare vel exire permitterent. Viros etiam impios de Gihlaw (197) duxit, et machinas plures contra urbem erexit; dominas etiam de claustris (198) exire mandavit. Nobiles autem quidam cum suis ministerialibus, qui ad custodiam urbis prædictæ fuerant relictis, modis omnibus resistebant, et muros urbis viriliter defendebant arcubus et balistis. Superveniente au-

#### VARIÆ LECTIONES

<sup>2</sup> impugnant 2

#### NOTE.

(191) Id est Strahoviense.

(192) Innocentii IV litteræ ad Conradum episcopum Misnensem, datæ die 22 April. 1249, exstant apud Boczek III, 106, in quibus hæc leguntur: *Sed idem (Otakarus) quorundam baronum regni Boemiæ — ductus iniquis persuasionibus et seductus una cum ipsis — crudeliter prædictum regem persequitur et hostili persecutione impugnat, in detrimentum personæ ac stulsi ipsius regni cum Conrado, nato Friderici quondam imperatoris, duce Bavariz, et aliis ecclesiæ persecutoribus sedus amicitiz ac societatis dampnabiliter intendit, in quibus omnibus episcopi Pragensis et quarundam aliorum personarum ecclesiasticarum*

*ejusdem regni dicitur esse manus.* Quibuscum conjungenda epistola sequens de rege absolvendo a jurejurando quod filio de regni cessione fecerat.

(193) Willelmi.

(194) Veterem, die Altstadt.

(195) Ea urbis pars quæ appellatur hodie Kleinseite.

(196) Arcem.

(197) Sunt metallici qui Iglaviz fodinis operam dabant, qui machinarum extruendarum erant periti.

(19) S. Georgii.

tem gloriosæ Virginis assumptione, rex militibus suis et castris defensoribus treugas imposuit, ut nullus de suis vel adversariis tam solemniter aliquid molestiæ vel alicujus dolorem læsionis pateretur. Nemini tamen de habitatoribus castris ab civitate veniendi licentiam indulgit. Fuit itaque nimia aquæ penuria hominibus in castra obsessis, et pabuli defectus equis et pecoribus in tantum, ut si plures dies obsessio castris protraheretur, homines et equi ac pecora simul præniçia aquæ carentia ac pabuli defectu mori cogerentur. Transacta igitur solemnitate beatæ Virginis secure et pacifice rex sequenti die (Aug. 16) suam festivitatem celebravit, et magnificentiam suis <sup>253</sup> principibus, clericis ac laicis præparare fecit convivium. Quoniam ipso die omnibus indutus ornamentis regalibus ad ecclesiam sancti Francisci venit, et coronam regalem per manus episcoporum, Pragensis videlicet et Olomucensis, capiti suo impositam suscepit, et sic clamide regali indutus ac pomum et sceptrum in manibus gestando, sacramissarum solemniter ecclesiam intravit auditurus, et audivit devotius quam missam Olomucensis episcopus celebravit, et ad ejus officium plurimos cereos pro gratia vel favore regis procuravit. Quibus finitis, ventum est ad convivium, quod erat secundum magnificentiam regiam præparatum, cui episcopi supradicti et aliarum ecclesiarum prælati interfuerunt. Nobiles vero Bohemiæ, secundum suorum officia beneficiorum, diverso gloriæ apparatu ornati, decenter ad illud ministraverunt. Missum est etiam a rege pro filio suo et baronibus sibi adhærentibus, ut ad ejus præsentiam quantocius venirent, ac de reformatione pacis et statu terræ meliorem secum tractarent. Filius denique ad patrem veniens, se per omnia patri subdidit, et pro omnibus nobilibus, qui se offenderant, supplicavit. Ad cujus precum humilitatem filium et nobiles in plenitudinem suæ gratiæ suscepit, ac ipso die omnibus cum lacrymis oscula pacis porrexit. Interea filius ex ammonitione suorum, vel ut melius dicam, necessitate, castrum Pragense et alia et castra in manus patris resignavit, et se penitus subdendo

A patri cum suis omnibus suæ gratiæ commendavit, dicens se libentissime fore contentum, quibus largitas ipse ipsum esse contentum voluisset. Super quo rex multo tractatu habito, marchiam Moraviæ cum omnibus attinentiis filio concedit, media duntaxat moneta Giglaviæ sibi retenta, et sic eum a se recedere gratuita licentia permisit. Postea rex cum suis fidelibus salubri invito consilio, feria sexta circa crepusculum diei, quæ tunc occurrebat 13 Kal. Septembris, castrum Pragæ pedester intravit, ejectionis, tamen prius omnibus, qui fuerant ejusdem castris custodes, ubi in porta castris a prælati et clero ecclesiæ cum processione receptus est, et honorifice ad ecclesiam deductus cum hymnis et laudibus, signis majoribus ecclesiæ majoris resonantibus, ac populo et nobilibus terræ qui tunc aderant *Hospodin promiluy ny* resonantibus. Rege tunc temporis infra castrum commorante, privilegium de omni libertate quam petierant domino episcopo et canonicis majoris ecclesiæ conceditur, et scriptum ac sigillis regalibus confirmatum, in manus episcopi donatur duplicatum. Rex autem tribus diebus in castris commoratus, et ad suæ beneplacita voluntatis rebus ordinatis, quarto die, quæ tunc occurrebat 9 Kal. Septembris, primo mane castrum est egressus, et ad castella sua viam arripuit, in quibus prius solitus fuerat habitare. Post evolutionem vero quatuor septimanarum rege in quoniam castello Tyrow (199) nominato commorante, filius ejus cum quibusdam nobilibus ad eum accessit, petiturus sibi et fidelibus suis gratiam ampliorem, quam per plures nuncios eidem filio et nobilibus promiserat, si ad ejus in præfato castello veniret præsentiam. Tunc rex nacta opportunitate, quam animo suo diu conceperat, filium suum et quosdam nobiles in eodem castello detinuit, ac penitus immemor suæ promissionis, filium suum in quamdam munitionem firmissimam (200) transmisit custodiendum. Nobiles autem terræ remisit ad castrum Pragæ districtissime præcipiens eos binos et binos in singulis carceribus detruendi cathenatos.

## II.

### ANNALIUM PRAGENSIIUM PARS I.

1196. 17 Kal. Julii obiit Henricus <sup>253</sup> episcopus (201), qui fuit dux Bohemiæ.

1197. Dux Spitiigneus superavit Prziemysl ducem. Eodem anno cæcatus est. Hic Prziemysl a Philippo imperatore coronatus est.

#### VARIE LECTIONES.

<sup>253</sup> ita 2 posito erronee super u signo contractionis er, quasi legendum sit servis. <sup>254</sup> eadem manu hic supra scriptum Brzieczislaus.

#### NOTÆ.

(199) in circulo Pilsensi situm, quindecim miliaria a Praga distans, Pubitschka IV, 2, p. 238,

(200) Frauenberg.

(201) Obiit a. 1197, teste Gerlaco et bulla confirmationis a Cælestino III pontifice cœnobio Teplensi 7 Aug. 1197 data, ubi legitur: *Bonæ memoriæ Hen-*

*ricus Pragensis episcopus dum curam ducatus Bohemiæ gereret. Cujus bullæ mentionem fecit continuatoris editor Viennensis, p. 62. Diem 14 Junii Henrici supremum exhibet Kalendarium Doxanense Balbin., Epit. hist. Boh., p. 247.*

1199. rex <sup>255</sup> Przemysl sublimatur in regem (202), A 1198. Brzeczislaus dux et episcopus ab hoc secundo migravit (205).

1199. Fridricus episcopus quartus decimus obiit. Daniel secundus eligitur in episcopum. Wladislaus <sup>256</sup> de ducatu cedit fratri Przemysl, et hic ibidem suscepit ducatum (206).

1200.  
1201. terræ motus fuit ubique.  
1202.  
1203. Conradus dux Moraviæ Pragam obsedit <sup>257</sup>. Rex Przemysl rebellans Philippo regi, Ottoni imperatori fecit hominum (207).  
1204. sanctus Procopius canonizatus est. Eodem anno Bohemi cum Moravis bellum commiserunt.  
1205. rex Przemysl in gratiam Philippi rediit, et obsides pro 7000 marcarum dedit.  
1206. dux Lestko (208) cum fratre Conrado (209) occiderunt Romanum regem Prutenorum (210). Philippus cepit Coloniensem episcopum (211), et Ottonem fugavit.  
1207. sol eclipsim passus est. Eodem anno Gunegundis, filia regis Philippi, data est in matrimonium Wenceslao (212) filio regis Przemysl.  
1208. Philippus occisus est imperator ab Ottone palatino.  
1209. Otto Romæ imperator efficitur.  
1210. Conradus dux in Apulia obiit. Otto excommunicatur.  
1212. allatio reliquiarum Thomæ, Jacobi, et B 1211. rex Przemysl rebellat imperatori, et Chyrininus ejicitur de Bohemia.  
Thaddæi apostolorum, et sancti Maurilii de Theutonia in Pragam. Cyrininus (213), camerarius regis Bohemiæ, pellitur de provincia a rege et ab universis primatibus. Fridricus rex Siciliæ venit in Theutoniam.  
1213. regina Ungariæ interfecta est (214).  
1214. Daniel secundus, Pragensis ecclesiæ episcopus, obiit; cui Andreas succedit.  
1215. Andreas ordinatus in episcopum Pragensem Romæ in die sanctæ Cæciliæ (Nov. 22) concilium Romæ celebratur.  
1216. fratres sancti Adalberti portati sunt in Pragam. Eodem anno 4 Idus Aprilis Andreas episcopus posuit interdictum in Bohemia a divinis et a sepultura (215), deinde Romam declinavit (216).  
1217. 4 Kal. Junii archiepiscopus Magontinus (217) Bohemiæ interdictum relaxavit (218). Eodem anno multitudo christianorum ultra mare profecta est.  
1218. episcopus Wratislaviensis Laurentius cum Theobaldo (219) duce Bohemiæ in Prussiam profecti sunt.  
1219. hyems calida fuit et pluviosa. Eodem anno episcopus Andreas Pragensis secunda vice posuit Bohemiam sub interdicto.

#### VARIÆ LECTIONES.

<sup>255</sup> in margine 2. manu paulum recentiori dux. <sup>256</sup> Wadislaus 2. <sup>257</sup> Verba Conradus — obsedit leni calami ductu transfixa sunt in 2.

#### NOTÆ.

- (202) Moguntia eodem tempore quo Philippus rex coronatus est, vide Gerlaci ultima verba.  
(203) Adela filia Ottonis marchionis Misnensis; de quo divortio Innocentius III papa litteras dedit, ad archiepiscopum Magdeburgensem d. 4 Oct. 1199, Boczek II, 353.  
(204) Andrea.  
(205) De duplice hoc Heinrici nomine ex tabulis testimonia attulit editor Viennensis, p. 61.  
(206) Imo anno 1197 hæc facta sunt.  
(207) De quo vide litteras Innocenti III datas 11 Dec. 1203; Boczek III, 19 et Ottonis IV epistolam ad pontificem Rom. ibid., et nomen regale Bohemis papa eodem anno 1204 confirmavit; vide Palacki II, 67.  
(208) I. e. Leszek dux Cracoviæ et Sendomiriæ.  
(209) Dux Masoviæ.  
(210) Errat; legendum est Ruthenorum; Romanus est dux Wladimiræ et Haliciæ, quem fratres illi anno 1205 apud Zawichost haud procul a Sen-  
C domir fugaverunt; de quo fusius disseruit Roepell I, 407.  
(211) Brunonem, de quo Arnoldus Lubec. VII, 5.  
(212) Qui natus erat 1205.  
(213) Cernin qui Wratislai, Otokari filii majoris, partibus favisse videtur, quem Otto IV anno 1212 Norimbergæ regem Bohemiæ fecerat; Palacki II, 73.  
(214) Gertrud, a Benedicto bano Croatia.  
(215) Ob libertatem ecclesiæ negatam et investituram a laicis factam.  
(216) Quam intravit mense Martio 1217. Cfr. Ann. Pragens.  
(217) Sigefridus.  
(218) Cfr. litteræ Honorii III, xiiii Kal. August. 1214 scriptæ, Boczek II, 93 et sequentes annis 1218, 1219 datæ.  
(219) Tertio. Vid. Voigt Geschichte von Preussen I, 445.

1220. Poloni a Pruzis occisi sunt, et a Ruthenis furore gladii interfecti, et a fossoribus auri mactati miserabiliter interierunt.

1221. Gregorius cardinalis (220) a rege Prziemysl et ab universo clero honorifice susceptus, ecclesias aperuit et interdictum relaxavit. Honorius (221) papa confirmavit ordinem prædicatorum.

1222. Wladislaus dux Moraviæ, frater regis Prziemysl, obiit (222). Eodem anno stella insolitæ claritatis in occidente mundo apparuit.

1223.

1224. Andreas episcopus Pragensis Romæ existens in exilio obiit. Eodem anno Peregrinus electus est in episcopum Pragensem.

1225. Conradus cardinalis (223) Bohemiam intravit. Wladislaus marchio Moraviæ (224), frater regis Wenceslai, obiit.

1226. Prædicatorum receperunt domum in civitate Pragensi.

1227. 14<sup>tes</sup> Kal. Januarii Johannes (225) episcopus consecratus est (226). 17. Kal. Septembris consecratum est altare sanctæ Katherinæ virginis.

1228. Wenceslaus rex consecratus est cum uxore sua Cunegunde regina in ecclesia Pragensi a venerabili Zifrido Maguntino archiepiscopo in dominica qua cantatur: *Esto mihi*. 16 Kal. Julii consecrata est capella sancti Thomæ (227).

1229. Legatus apostolici, Symon dictus, omnium proventum decimam quæsivit ab ecclesia. Idem Symon omnes conventuales ecclesias a divino suspendit officio.

1230. Prziemysl dux obiit 18 Kal. Januarii.

1231.

1232. fratres minores receperunt domum Pragæ. Sancta Elyzabeth canonizata est.

1233. Agnes, filia regis Prziemysl, assumpsit habitum pauperem dominarum.

1234. claustrum ecclesiæ Pragensis reparatum est delapidibus et testudinatum.

1235. Vitus factus est canonicus ecclesiæ Pragensis 2 Kal. Januarii.

1236. Johannes episcopus Pragensis 21, obiit 16 Kal. Septembris, cui Bernhardus successit.

1237.

1238.

1239. Bernhardus episcopus Pragensis obiit (228), cui Nicolaus successit.

1240. timor Tartarorum magnus irruit super Bohemos. Eodem anno Nicolaus episcopus Romæ consecratus rediit, in sede sua receptus 5 Kal. Augusti (229). Constantia regina obiit idus Decembris (230).

1241. pagani qui Tartari dicuntur multa regna christianorum destruxerunt (231); et Vitus decanus electus est in ecclesia Pragensi 10 Kal. Octobris. Hiidem Colmannum, fratrem regis Ungariæ, sagittaverunt et Ungariam totam depopulaverunt, et Henricum ducem (232) Poloniæ in bello occiderunt cum exercitu ejus in ipsa Polonia (233) 3 Nonas Octobris eclipsis solis facta est post meridiem, ita ut putaretur crepusculum ab hominibus.

1242. Fridricus dux Austriæ Moraviam vastavit, et eam cum magno damno confusus exivit, intrante Wenceslao rege Bohemiæ in ipsam Moraviam causa experiendi belli fortunam (234).

#### VARIE LECTIONES.

<sup>228</sup> *Scriptum fuerat 23, sed correctum a cætera manu 14.*

#### NOTÆ.

(220) Gregorius de Crescentio S. Theodori diaconus ordinatus, qui legatus in terras septentrionales missus est. Vide Honorii III litteras annis 1220 et 1221 datas; Boczek II, 119.

(221) Tertius.

(222) in præcepto vii Kal. Sept. 1222 dato meminit rex fratris Wladislai piæ recordationis; Boczek II, 142.

(223) Portuensis episcopus et S. Rufinæ cardinalis, qui mense Maio Pragæ commorabatur. Ibid., II, 165.

(224) filius Otakari regis, successor illius Wladislai, de quo supra.

(225) secundus.

(226) Peregrinus, quem Andreas episcopus excommunicaverat, Honorii III jussu anno 1225 munere se abdicaverat.

(227) De coronatione Otakarus et Wenceslaus reges anno 1228 præceptum scribi jusserunt, quod vide Boczek II, 186.

(228) anno 1240. Cfr. Palaeki Italienische Reise, p. 28.

(229) quod factum est a. 1241.

(230) Excidisse videtur numerus; nam Nonis Decemb. 1240 scriptum est Constantiæ testamentum, et vii Idus Dec. dicit Wenceslaus rex, matrem iter universæ carnis ingressam esse. Cfr. Boczek II, 380, 381.

(231) De clade a Tartaris confecta cfr. litteras Wenceslai regis et Gregorii IX papæ apud Boczek III, 8-29 et Palackii commentationem Ueber den Mongoleneinfall von 1241 in Abhandlungen d. ko nigl. Bohm. Gesellschaft der Wissenschaften V, 2, p. 371.

(232) Vratislaviæ.

(233) haud procul a Lignitia in campis Wahlsta-densibus.

(234) Cfr. Chronic. Carstense ad h. a. ap. Rauch. SS. rerum Austriæ. I, 32.

1243. soldanus Babylonæ cum maxima multitudine paganorum qui Corozini dicuntur terram sanctam intravit, et civitatem sanctam Jerusalem et templum cum sancto sepulcro Domini totaliter destruxit, viros et feminas cum pueris indifferenter occidit. Longa via claustrum versus aquilonem depicta est.

1244. ecclesiam sancti Jacobi fratrum minorum consecravit. Eodem anno claustrum Pragense depictum est.

1245. reconsecratum est altare sancti Wenceslai, et altare sanctorum evangelistarum consecratum est 2 Nonas Octobris. Innocentius papa Lugduniconcilium celebravit, in quo Fridricum imperatorem per diffinitivam sententiam deposuit, ipsum a communione fidelium separando propter hæresim contra eum probatam. Et loco ipsius laneravius Duringiæ Henricus nomine electus est in regem Germaniæ (235). In eodem concilio Conradus depositus est, qui fuerat in Olomucensem episcopum per laycalem potentiam intrusus (236), cui dominus Brinno substitutus (237).

1246. Fridricus dux Austriæ ab Ungaris in bello occisus est (238), et filia (239) fratris sui senioris, Henrici quondam ducis Austriæ, cum Wladislao, filio regis Bohemiæ, matrimonium contraxit, et per hoc Wladislaus habebat Austriæ ducatum. Mortuo etiam tunc Meskene duce Poloniæ (240) sine liberis, primates ejusdem ducatus Wladislaum prædictum sibi in ducem accipiunt, se et sua jurisdictioni suæ omnino subdendo.

1247. Wladislaus obiit, filius regis Wenceslai, qui Fridrico successerat in Austriæ ducatu.

1248. rex Wenceslaus de solio pellitur. Regina Cunegundis obiit Idus Septembris. Studium Pragensis perit (241). Multæ domus in civitate Pragensi et in toto regno Bohemiæ plurimæ villæ combustæ sunt. Custodes ab ecclesia Pragensi recesserunt. Rex Franciæ cum exercitu suo transfretavit feria sexta ante penthecostem (242). Bohemi et Moravi in Ponte (243) victi fugierunt.

1249. 11 Kal. Aprilis episcopus Nicolaus suspendit ecclesias in sua diocesi constitutas a pulsatione campanarum et omni ornatu ecclesiæ sollempni, duabus tantum campanis minimis ad pulsandum et ornatu quadragesimali pro festo ad officium concessis, in festo quantumlibet magno occurrente (244). Eodem anno Wissegrandensis ecclesia combusta est.

1250. 6 Non. Julii grando magna cecidit post meridiem, quæ multa damna intulit segetibus autumnalibus et vernalibus, vineis, arboribus pomiferis et aliis, multamque stragem fecit pecorum, volucrum diversi generis, silvestria etiam animalia plura peremit; in plerisque locis regni Bohemiæ et maxime circa Pragam homines quoque et jumenta multa submersa, et ædificia et granaria plurima turbine diruta. Quæ grando duravit indissolubilis infra septem dies, et miræ fuit magnitudinis et triangula, et quædam musco permixta, quam etiam nimia pluviam secuta est inundatio.

Eodem anno rex Wenceslaus collegit collectum per universum regnum suum de singulis araturis accipiens.

Eodem anno 16 Kal. Januarii hora tertia, dum miles Pertoldus eques transiret per pontem, et venisset ad turrinam quæ est in fine pontis, duo corvi moverunt lapidem de summa carceris arce, qui veniens cecidit super caput ejusdem Pertoldi, a cujus ictu cadens de equo illico exspiravit. Eodem anno 16 Kal. Decembris Vitus decanus Pragensis, mandato regis Wenceslai accepto, venit ad eum in castellum Tyrow, et sequenti die ad mandatum regis cinxit gladio Ursum, villicum regis in Velis, in ecclesia sancti Joannis Baptistæ coram quibusdam Bohemiæ nobilibus. Eodem anno Cztibor judex 4 Kal. Januarii in Petrzin monte gladiodecollatus est, et filius ejus Jaros extra muros civitatis rotatus est (245).

1351. 18 Kal. Februarii receptæ sunt reliquiæ cum totius fere populi concursu, et cum totius civitatis cleri processione extras muros civitatis versus Wissegrad, quas dominus papa (246) misit Agneti, sorori regis Wenceslai, et aliæ quas minores fratres attulerunt, et delatæ sunt in ecclesiam sancti Francisci.

Eodem anno Wenceslaus rex Bohemiæ processit ad expeditionem versus Bavariam (427) cum multo exercitu Bohemorum et Moravorum, a quibus transeuntibus multa mala, spolia, incendia et alia damna infinita perpetrata sunt in Bohemia, pluribus in villis lacrymantibus usque misellis. Rege interim cum suis

## NOTÆ

(235) quod factum est in loco Hochheim die 22 m. Maii 1246. Cfr. Bohmer reg. imperii 1246 1313, p. 1.

(236) Conradus canonicus Hildeshemensis et frater Friderici imperatoris, cui opposuerant Willelmum magistrum, de quo vide Gregorii IX litteras Ipih. April. 1241 datas ap. Boczek III, 1 et Innocentii IV, a. 1243, ib., p. 29.

(237) antea præpositus Lubecensis, e domo comitum Holsatiæ oriundus, qui electus est cum Willelmus a munere sponte se abdicasset. Epist. Innocentii IV dat. 20 Sept. 1245. l. c et sqq.

(238) in prælio ad Leitham commisso die 15 Jun. 1246.

(239) Gertrud; cfr. Pernoldus ad a. 1246.

(240) Est dux Opoliensis.

(241) Quid sibi velint hæc verba Balbinus Pubit-schka, Palacki frustra quæsierunt.

(242) mense Junio quo celebrabatur Pentecostes festus Parisios reliquit Ludovicus IX; die 25 m. Aug. 1248 in altum mare evectus est.

(243) l. e. apud Brux castellum fugati sunt illi qui contra Wenceslaum regem seditionem moverant. Cfr. Pulkava ad h. a.

(244) Favebat enim episcopus primum partibus inimicorum regis.

(245) De his vide Palackium II, 136.

(246) Innocentius IV.

(247) Quod factum est quia Bavariæ duces Austriam recuperare nitentur.

ad sua castra revertente, filius ejus cum omni exercitu intravit Bavariam, et magnam partem ejus vastavit, incendit et diversis malis afflixit. Tandem treugis interpositis cum duce Bavarie (248) supplicante ad Kal. Maii, reversus est ad propria; Bohemi vero revertentes multa pecora traxerunt secum de Bavaria, precipue Pilznuenses. In purificatione vero sancte Marię (Febr. 2) episcopo predicante magna vis ventorum exorta est, aer obscuratus est, ita ut vix poterant hominum vultus dignosci; postea nix magna in plerisque partibus Bohemie descendit, qualem non meminit ætas nostra. 5 Idus Martii episcopus Nicolaus celebravit ordines in Tyn (249), in ecclesia sancti Christophori, et ibidem electum Pataviensem (250) in diaconum ordinavit.

Eodem anno Gallus factus est sacrista. Kalend. Aprilis episcopus Nicolaus celebravit ordines in ecclesia sancti Francisci, ubi Salzburgensem electum (251) in diaconum, et Pataviensem electum in presbyterum ordinavit. 5 Idus Aprilis (252) et die palmarum electus Pataviensis Bertholdus promotus est in episcopum in ecclesia Pragensi, presentibus quinque episcopis et benedictibus eum, et sexto Salzburgensi electo; quo die data est indulgentia 7 annorum et 280 dierum, singulis episcopis et electo indulgentibus annum unum et 40 dies. 8 Idus Augusti primo crepusculo orta est magna vis ventorum et chorscationum et tonitruum. Item 19 Kal. Septembris similia orta fuerunt et terribilia. Iterum 15 Kal. ejusdem mensis media nocte similia orta fuerunt, de quorum gravi impulsu multa ædificia ruerunt, horrea funditus eversa sunt, homines plerisque fulminati, fruges grandine percussæ, fructus arborei excussi, vinee læsæ per totam diocesim Pragensem. Annona male provenit et precipue hyemalis. Papa exegit mille marcas argenti a clero Bohemie eodem anno. Item eodem anno prope festum sancti Wenceslai (Sept. 29) pecunia in auro ad valorem mille marcarum argenti in pondere Polonico (253) ab universo clero regni Bohemie collecta, in Poloniam est delata et domino Thomæ Wratislaviensi episcopo assignata.

Eodem etiam anno pulli equarum nati sunt, signa videntibus prætendentes, ac si fuerint triennes. Nimia etiam siccitas fuit, propter quam homines seminare non valuerunt in Augusto, in Septembri et Octobri medio. Hoc etiam anno male provenerunt annona, vinum, fructus arborei. Presbyter quidam de Bernartiez nomine Martinus capitur, et in carcere publico ad pedem pontis spoliatus miserabiliter retruditur, et 13 Kal. Decembris de carcere absolvitur. Pridie Kal. Decembris excommunicati et denunciati sunt in ecclesia Pragensi abbas de Milewsk (254), præpositus, prior, supprior, ecclesiasticus, plebanus de Czeruen, magistri curiarum ejusdem monasterii, et omnes ecclesie eorum positæ sub interdicto propter querimoniam Martini.

Eodem anno 11 Kal. Decembris Austria subdidit se regi Bohemorum Wenceslao, ad cujus possessionem habendam missus est filius regis Przemysl, qui intravit civitatem Viennam et alias civitates et urbes et castella (255).

Eodem anno Bartholomæus canonicus Pragensis privatus est præbenda sua per capitulum Pragense, episcopo Nicolao consentiente et confirmante sententiam capituli, quam idem Bartholomæus in anno præterito contra se ipsum tulerat et in scripto redegerat, propter varios excessus et continuam absentiam chori. Hyems temperata fuit, nec nimis aspera neque lenis.

1252. Przemysl, filius regis Wenceslai, celebravit nuptias in Henburk (256) 3 Idus Februarii (257), ducens in matrimonium dominam Margaretham viduam (258), filiam Leupoldi ducis Austriæ jam dudum defuncti.

Eodem anno in quadragesima, quæ occurrebat 13 Kal. Martii, frater Hugo, presbyter cardinalis tituli sancte Sabinæ, apostolicæ sedis legatus (259), accepit procurationes nomine legationis suæ a clero Bohemie, tam religioso quam seculari, licet in Almania constitutus.

Eodem anno tempore veris et ante initium æstatis erectus est chorus in ecclesia Pragensi, et capella sancti Michaelis dilatata, et etiam palatium a parte occidentali est constructum. Eodem anno 14 Kal. Junii

#### NOTÆ.

(248) Ottono.

(249) Tyn Horsswicz in circulo Pilsensi.

(250) Bertholdum.

(251) Philippum, filium Bernhardi ducis Karinthiæ, nepotem Wenceslai regis.

(252) Ita legendum est, non Id. Apr., ut habet codex, nam palmarum dies incidit in 9 Apr.

(253) De pondere Polonico, quod minoris erat pretii quam Bohemicum, vide Pubitschkam IV, 2, p. 247.

(254) Mülhausen.

(255) Ipse Otakarus in præcepto scripto 29 Apr. 1253 ita testatur: *Cum post obitum nobilium principum Austriæ et Styriæ propter insolentem nimisurbationem iidem principatus sic anxie vexarentur, — ut jam — fustitia et pax extra easdem provincias*

*ezularent, nosque in occursum tanti discriminis pietatis innatæ moti clementia, et per nobiles ducatus eorumdem, comites et barones provide invitati, etc.* Cfr. Hormayr Archiv. 1828, n. 61. At jam die 16 Nov. Otakarus ducem Austriæ se appellat ap. Boczek III, 144.

(256) Haimburg.

(257) Pernoaldo teste, nuptiæ celebratæ sunt die 8 m. Aprilis 1252.

(258) Heinrici VII regis, filii Friderici II imperatoris, quæ Friderici, ultimi Austriæ ducis, soror nata erat annos 46, cum Otakaro juveni nuberet. Cfr. de Margaretha Lambacher Oesterreichisches Interregnum, p. v, 45.

(259) Qui jam anno 1251 exeunte Pragæ commorabatur, ut probant litteræ ejus ap. Boczek III, 154.



occurrit festum penthecosten; tunc in vigilia penthecosten et in die sancto magnum frigus inhorruit, et nix in plerisque locis descendit, a quorum asperitate multa jumenta, oves et pecora mortua sunt. Eodem anno capella sancti Michaelis in ecclesia Pragensi 12 Kal. Junii dedicata est a venerabili patre, domino Nicolao episcopo Pragensi. Pabuli sive straminum magnus defectus fuit. Ver fere totum siccum fuit, cujus finis satis humidus erat; fames satis dura in fine veris et in initio æstatis.

Eodem tempore multitudo Comanorum (260) de finibus Ungariæ prorumpens, multa millia Christianorum in Moravia peremit, nulli penitus sexui parcens vel ætati. Inter quos multi clericorum perierunt.

Idus Junii profluxit sanguis de pede crucifixi in ecclesia sancti Georgii Pragæ, Pomieno, iudice regis Bohemorum, adorante et manu sanguinem de pede crucifixi detergente.

Eodem anno hyemalia mediocriter in plerisque partibus provenerunt, æstivalia fere penitus defecerunt excepto milio.

Eodem anno 12 Kal. Junii fundatum est hospitale ad pedem pontis, in ripa fluminis Wltavæ, a fratribus stelliferis ad honorem sancti Spiritus. Hoc anno hyems aspera fuit et glacies grossa ad duas ulnas. Eodem anno turres Pragensis castri et ad pedem pontis munitæ sunt.

1253. prope festum annunciationis (Mart. 25) plures episcopi convenerunt ad regem Bohemiæ in veteri castello, inter quos adfuit Salzburgensis electus, et Bambergensis episcopus (261), Ratisponensis (262), Misnensis, Pataviensis, Olomucensis et alii episcopi, quos omnes rex Wenceslaus benigne suscepit, et per plures dies magnis expensis honeste pertractavit. Quare autem venerint vel quid cum rege fecerint, manet incognitum.

Legatus etiam apostolicæ sedis, frater Hugo, per fratrem Gerhardum ordinis prædicatorum petiit secunda vice et accepit 50 marcas a clero Pragensis diocesis. Quarto autem Idus Junii cereus baptismalis in ecclesia Pragensi circa medium noctis corruiet et in plures partes contritus est, ejus summitas hæsit in portica.

Eodem quoque anno civitas Pragensis murata est versus aquilonem et occidentem, et curia episcopalis ad pedem pontis posita alienata est ab episcopo Nicolao Pragensi, et munita vallis et propugnaculis. Ecclesia quoque sanctæ Mariæ cruciferorum munita est vallo, muro et propugnaculis. Timor etiam magnus Chomanorum et aliorum extraneorum irruit super Bohemos, quorum impetum rex Wenceslaus præcavens, collegit expensas in frumento, vino, melle, pernis, sale et caseis ab omnibus religiosis Pragensis diocesis et villicis suis et a quibusdam civitatibus, certam summam cuilibet assignans reddendam in numero et mensura, et reposuit easdem in ecclesia sancti Georgii in castro Pragæ, cujus ecclesiæ sanctimoniales coactæ sunt exire de claustris et in civitate commorari, quod factum est 16 Kal. Julii. Chomani etiam erumpentes de Ungaria, seu alii latrunculi cum eisdem 7 Kal. Julii multa millia christianorum occiderunt in Moravia circa Olomucez, infinitique sunt submersi fugientes a facie eorum. Rex etiam Ungariæ eodem tempore superveniens cum infinita multitudine suorum et aliarum nationum, multa damna intulit Moraviæ, quosdam occidens gladio, quosdam captivans misit in exilium, nulli sexui vel ætati parcens, fere totam Moraviam rapinis et incendiis vastavit (263). Munitiones etiam plerasque quas obtinere potuerunt, vastaverunt et incenderunt, campanas ecclesiarum et reliquias de altaribus fractis rapuerunt et secum asportaverunt, ecclesiis in favillam redactis, sacramenta ecclesiæ profanaverunt, homines plures crucifixerunt in opprobrium crucifixi. Interea legatus domini papæ (264) superveniens ad regem Ungariæ, comescuit eum et ad propria redire coegit.

Eodem anno rex Wenceslaus obiit (265) 10 Kal. Octobris, anno regni sui 24 et 8 mensium, cujus filius Przemysl unicus rediens de Austria, receptus est honorifice in sede regni sui a prælatis ecclesiarum et clero 16 Kal. Novembris.

Eodem anno depictum est sanctuarium majoris ecclesiæ, procurante episcopo Nicolao, 3 Kal. Aprilis. Eodem anno allatæ sunt reliquiæ sancti Stanislai martyris de Cracovia, 14 Kal. Novembris, et receptæ in ecclesia Pragensi cum processione sollemni.

Anno incarnationis Domini 1254, 8 Kal. Februarii Borso nobilis vir detentus est, et Pragæ vinculus carceri est retrusus (266). Eodem anno, 6 Idus Julii Przemysl, filius regis Wenceslai, reddidit capellam

#### NOTÆ.

(260) Cumani, gens Turcica, Slavis sunt Polowci et Germanis Falones et Valvæ, ut apud Ottonem Fris. VI, 10, et Arnoldum Lubec. VI, 5, quibus immanissimam crudelitatem hominibus occidentalibus summum terrorem injiciebant. Cfr. Zeuss, die Deutschen u. die Nachbarstämme. p. 743. Immittebantur a Bela IV rege Hungariæ, qui Heinricum, Baviaræ ducem, generum, in Austria occupanda contra Otakarum adjuvabat, sibi que ipsi Styriam provinciam petebat.

(261) Heinricus.

(262) Albertus.

(263) De hac clade vide Otakeri et Brunonis episcopi litteras a. 1255 ap. Boczek III, 197, 200.

(264) Et pœnitentiarius ejus Walascus.

(265) In castro Pocapl.

(266) Ex conjectura Pubitschkæ IV, 2, p. 268, idem Borso de Opek, alias de Riesenbourg, qui bellivolis tempore Brûx castrum contra Otakarum ejusque amicos fortiter defenderat. Cfr. Pulkava ad a. 1248.

sancti Bartholomæi ecclesiæ Pragensi, quam pater ejus adhuc vivens contulerat eidem ecclesiæ pro quibusdam possessionibus ablatis.

Item eodem anno 12 Kal. Julii venit Pragam Bernhardus Neapolitanus electus, apostolicæ sedis legatus (267), et receptus est in ecclesia Pragensi cum solemnī processione. Commoratus est autem in monte Syon cum tota familia sua usque ad 12 Kal. Septembris, in quo spatio temporis exegit a clero Pragensis diœcesis et recepit 200 marcas argenti puri pro procurationibus suis, de qua summa pecuniæ capitulum Pragense solvit 18 marcas. Alteri vero nun lo cardinalis Petri Capucii solvit marcas. Præfatus autem legatus Bernhardus fecit stationes in plerisque ecclesiis, et indulgentias largas dedit. In quibusdam ecclesiis dum celebravit dedit indulgentiam annum unum et 40 dies, in aliis vero ecclesiis singulis diebus usque ad octavam annum unum et 40 dies et quartam partem venialium.

Eodem anno obierunt canonici Pragenses Hermannus præpositus Liutomiricensis 5 Nonas Martii, Johannes 3 Nonas Julii, Georgius 12 Kal. Septembris. Hoc etiam anno male provenerunt annona autumnalis et fructus arborei, vinum penitus defecit. Cujus defectus quantitatem, quod antea contigerit, ætas nostra non meminit. Hoc etiam anno Kal. Maii pax reformata est inter regem Ungariæ et principem Bohemiæ, filium regis Wenceslai (268). Princeps vero prædictus rediens ab Austria duxit secum quamdam archam, quam clerici ejus curiæ vocaverunt archam Noe, in qua reservantur diversorum oblationes xeniorum. Eodem anno obiit magister Dionyisus 4 Nonas Octobris in Foro Julii.

Anno Domini 1255. princeps Bohemiæ et marchio Braburiensis intrantes Prussiam, vastaverunt eam spoliis, incendiis et rapinis, et multimodis mortibus plurimos occiderunt, nulli sexui vel ætati parcentes. Ver hujus anni fere totum fuit frigidum, ventosum et humidum.

Procedente tempore Margareta regina, uxor Prziemysl, filii regis Wenceslai, exiens de finibus Austriæ intravit Bohemiam, et 5 Idus Julii recepta est ante muros civitatis Pragensis ab omni clero et populo ejusdem civitatis cum processionibus et magno jubilo diversisque musicis instrumentis. Sequenti vero die recepta est in porta castri Pragensis ab episcopo et canonicis Pragensibus cum processione solemnī, cui processioni adfuit Martinus abbas Brzewnoviensis, et Johannes abbas montis Syon cum toto conventu suo, cappis solemnibus induti. Eodem anno organa nova facta sunt in ecclesia Pragensi, quæ constiterunt 26 marcas argenti, sed perfecta sunt futuro anno tempore quadragesimæ. 3 Kal. Januarii sol eclipsim passus est.

Anno Domini 1256, in prima vigilia noctis 5 Kal. Februarii magna lux orta est in diversis partibus Bohemiæ, fulgura micuerunt, tonitrua audita sunt. Hyems asperior fuit solito, sed interpolata. Magna vis ventorum, sed frigus magnum inhorruit 7 Kal. Novembris anni præteriti.

Eodem anno 3 Idus Maii Petrus de Ponte Curvo (269), nuncius domini papæ (270), venit Pragam et procurationem a clero totius Pragensis (271) exegit, de qua summa capitulum Pragense tres marcas et dimidiam persolvit. Idem nuncius 5 Idus Junii posuit civitatem Pragensem sub interdico, consentientibus tamen episcopo Pragensi et aliis prælatis, pro quodam monacho de Porta, apostolorum in civitate Pragensi detento, spoliato et turpiter dehonestato, hoc suis adjiciens mandatis, quod officium divinum submissa voce ageretur, exclusis interdicitis et excommunicatis, præcipiens etiam quod hora vespertina singulis diebus ter pulsarentur omnes

Anno Domini 1256, dominus Conradus archiepiscopus Coloniensis accepit fraternitatem in ecclesia montis Syon, videlicet in die beatæ Mariæ Magdalenæ, et alii nobiles viri cum eo, scilicet dominus præpositus Henricus de Sefflica, Philippus comes de Falkensteyn, Henricus comes de Wirrenburc, Wernherus comes de Bolant, Dietrich nobilis de Milendunk, Gottfridus notarius archiepiscopi, et alii nobiles. Ipso anno prædictus Conradus archiepiscopus contulit prænominato monasterio Stragoviensi in die beati Laurentii hanc indulgentiam, videlicet in die dedicationis ecclesiæ, in omni sollemnitate beatæ Mariæ virginis, in die beati Augustini episcopi et beatæ Mariæ Magdalenæ, ac infra octavas ipsarum sollemnitatum annum unum et 40 dies, et hoc de licentia domini Nicolai Pragensis episcopi, et ista indulgentia in perpetuum durabit. Eodem anno allatum est corpus unum integrum sanctarum virginum 11000 de Colonia, et collocatum est in ecclesia montis Syon<sup>269</sup>.

#### VARIÆ LECTIONES.

<sup>269</sup> dominus Conradus — Syon non leguntur hoc loco in 2, sed ante initium primi continuatoris Cosmæ.

#### NOTÆ.

(267) Litteras ei a papa datas de componenda pace inter reges Bohemiæ et Hungariæ, vide ap. Boczek III, 183.

(268) Budæ feria vi ante Palmarum 1254 a regum legatis pax facta est, cujus conditiones in tabula quadam conscriptæ sunt, quam vide ap. Boczek III, 184. Stiria, de qua præcipue bellum exarserat, inter Bohemos et Hungaros divisa est. Cfr. etiam Joannem Victoriensem I, 4.

(269) De hoc vide litteras Urbani IV, 3 Mai. 1262 datas, Boczek III, 336, et alias anno sequenti scriptas ibid., 360. Erat Petrus ille archidiaconus Gradiensis.

(270) Alexandri IV.

(271) Supplendum diœcesis.

campanæ per singulas ecclesias, cum extinctione candelarum super omnes detentores et spoliatores clericorum. Quod interdictum duravit usque ad 9 Kal. Julii; quod relaxatum est eodem die propter juramentum et satisfactionem promissam civium Pragensium.

Eodem anno 16 Kal. Augusti Conradus archiepiscopus Coloniensis Pragam venit, et in monte Syon hospitatus est pluribus diebus, et a principe terræ decenter receptus et in expensis procuratus est, et, ut credimus, cum principe Bohemiæ de imperio tractaturus (272). Tandem pluribus ac variis xeniis ab eodem principe remuneratus copiose, 4 Idus Augusti ad sua reversus est. Qui tamen archiepiscopus in ecclesia Pragensi noluit recipi cum processione solemnī, sed humiliter venit in habitu seculari sanctis martyribus reverentiam exhibiturus.

Eodem anno ubertas annonæ in plerisque partibus fuit, sed vini et pomorum carentia. Eodem anno in quadragesima dominus papa Alexander confirmavit quandam novam religionem, quæ dicitur beatorum martyrum (273), cujus fratres Pragæ apparuerunt ante festum beati Wenceslai (Sept. 29).

Anno dominicæ incarnationis 1257. Prziemysl, dominus regni Bohemorum, filius regis Wenceslai, tertio (274) anno sui ducatus, in principio veri pepulit Bohemos de suburbio et locavit alienigenas.

Eodem anno dominus Ebrhardus Kal. Aprilis emit quandam possessionem in villa quæ dicitur Belok, et contulit eam altari beatæ Virginis; aliam possessionem prius emptam in villa Draskowe eidem altari assignavit. Eodem anno in medio veris dominus Nicolaus episcopus Pragensis tabulatum quod vulgariter dicitur cælum, veteri destructo, renovavit.

Eodem anno intransibus Kal. Augusti facta est maxima inundatio aquarum, quæ gravia et grandia damna per totam Pragensem diocesim intulit in hortis, in seminatiscampis et ædificiis, quæ juxta ripas posita fuerunt; plures etiam homines suffocavit.

Eodem etiam anno princeps Bohemiæ, assumptis secum quibusdam Bohemis, Moravis et Australibus, profectus est versus Bavariam (275), ubi multas villas et ecclesias vastavit, prædavit ac incendit; sed tandem cum magno dedecore et damno suorum nobilium ac militum et rerum reversus est ad propria. Quidam enim eorum interfecti, quidam submersi (276), quidam rebus omnibus et equis amissis pedites in magna paupertate ad propria redierunt. Hyems valde aspera fuit hoc anno.

Anno gratiæ 1258. Nicolaus episcopus obiit 16 A Kal. Februarii, et eodem anno in Kalendis Februarii Johannes (277) electus est in episcopum Pragensem, et eodem anno confirmatus est in ecclesia Pragensi per dominum Brunonem Olomucensem auctoritate Maguntini 6 Idus Martii. Hoc anno hyems et veris principium et medium valde aspera et frigida fuerunt, glacies Witavæ glossa nimis, et duravit usque pascha, quod tunc occurrit 9 Kal. Aprilis. Johannes consecratus est in episcopum Viennæ in Austria 4 Idus Maii, quia tunc occurrebat dies penthecostes die dominico. Receptus est autem in sede sua Pragæ 7 Kal. Junii, cum magno jubilo cleri et populi in cathedra sua collocatus; ipso etiam die missam primam de gloriosa Virgine celebravit. Hoc anno gelu læsit fructus arboreos et vineas, et mortalitas ovium fuit. Eclipsis lunæ fuit 14 Kal. Junii, et tunc agebatur festum sanctæ Trinitatis die dominico. Idem Johannes reconsecravit altare sanctorum Andree apostoli et Stephani protomartyris 2 Kal. Julii; post hæc aliud altare fabricavit et consecravit in honore sanctorum Nicolai confessoris et beatæ Ludmilæ martyris 18 Kal. Septembris.

Anno Domini 1258, 14 Kal. Novembris in prima vigilia noctis, quæ intempesta vocatur, ecclesia claustrī montis Syon, quod et Strahow dicitur, ex candela, quam frater quidam inibi dormire solitus circa lectum suum noctu incaute locaverat, est incensa, ac Domino permittente, cujus providentia ipsam prævideri pulchriori scemate venustandam, cum omnibus ædificiis, quæ per gyrum ambitui dispositione claustrali contiguae adjacebant, ignis impetu devastata. Horum autem ruinam, quæ ob magnitudinem vix longo annorum curriculo posse restitui putabatur, venerabilis domni Johannis, qui tunc ipsi loco abbas præfuit, sagax industria, qui, licet alias efficax, tamen in hoc efficacior claruit, infra quinquennium in statum priorem, imo multo venustiorē inopinabiliter restauravit. Denique præter alia quæ melius reformavit ecclesiam quasi a fundamento exstructam testudinans, eique capellam beatæ Ursulæ de novo a latere adjiciens, quinto anno post incendium 15 Kal. Octobris satis præclaro opere consummavit.

Anno Domini 1258 consecratum est altare sanctorum Andree apostoli, Stephani protomartyris, san-

#### NOTÆ.

(272) Willelmus enim rex a Frisonibus erat interfectus die 28 Jan. 1256. Cfr. Bohmer Regest. p. 36. Joannes Victoriensis 1, 5, narrat Ottokarum a principibus electum respondisse: *Se data sibi divinitus gloriæ contentari*. Vide etiam Pelzelii dissertationem de hac re in libro Bornii *Abhandlungen einer Privatgesellschaft in Böhmen* II. 74.

(273) Est ordo fratrum crucigerorum B. martyrum a pœnitentia, quibus regulam vivendi dederat anno 1179 Alexander III papa.

(274) Quarto.

(275) Quod factum est ut Philippum, archiepiscopum Salisburgensem, amatinum, cujus loco Ulrichum Secoviensem episcopum elegerant, contra Heoricum Bavaricæ ducem adjuvaret.

(276) Quibus Ænum transeuntibus pons confractus est; quam Otakari cladem accurate descripsit Hermannus Altahensis apud Bohmerum *Eontes* II. Apud Mühlendorf die 25 Aug. Otakarus hanc cladem perperes est.

(277) Tertius.

Actorum Gervasii et Protasii martyrum 2 Kal. Julii. Eodem anno consecratum est altare sanctorum Nicolai confessoris, et Ludmilæ 17 Kal. Septembris.

Anno dominicæ incarnationis 1259 consecratum est altare sanctorum Stanislai et Oswaldi martyrum 2. Nonas Junii. Vinum miri valoris provenit in tota Bohemia. Ebrhardus institutor bonfantorum obiit Nonas Augusti.

Anno dominicæ incarnationis 1260 4 Nonas Martii, Prziemysl princeps terræ, collecta grandi multitudine, processit versus Ungariam ad expeditionem, a cujus exercituum transitu Bohemia multum læsa est spoliis et rapinis. Hoc etiam anno sata læsa sunt et vineæ et fructus arborei, quædam siccitate, quædam grandine in plerisque partibus. In aliis autem partibus vinum copiose provenit.

Eodem anno consecrata est Judita abbatissa sancti Georgii in ecclesia Pragensi a Johanne III episcopo Pragensi vicesimo quarto 18 Kal. Septembris. Eodem anno dominus Thobias, præpositus Pragensis ecclesiæ, de propriis bonis instituit et dotavit unam perpetuam vicariam in choro Pragensi.

Anno dominicæ incarnationis 1261 mense Aprili facta est concordia et pax inter reges Ungariæ et principem Bohemiæ, et vallata pœna pecuniaria, videlicet 11000 marcarum argenti (278). Regina Margareta exivit de Bohemia versus Austriam 15 Kal. Novembris, quas ob causas Dominus novit (279). Eodem anno 8 Kal. Novembris princeps regni Bohemorum duxit in uxorem Cunegundem (280), filiam Hostislai ducis Bulgarorum, in castello Ungariæ quod vulgari Ungarico Fossen (281) nuncupatur, quam venientem Pragam cum solemnii processione recepimus in ecclesia Pragensi 10 Kal. Januarii. In die nativitatibus Domini princeps Bohemorum dictus Prziemysl consecratus est in regem (282) cum eadem Cunegunde in ecclesia Pragensi a venerabili patre Maguntino Vernhero nomine (283), præsentibus sex episcopis, Pragensi, Johanne, Moraviensi, Pataviensi (284) et duobus de Prussia (285), præsentibus etiam marchione Brauburiensi cum uxore et filiis et filiabus, præsentibus etiam ducibus Poloniæ et aliis multis nobilibus, comitibus, purcraviis, supanis, et aliis extraneis et infinita multitudine Bohemorum, quibus omnibus prædictis permagnificum

## NOTÆ.

(278) Cessit Hungariæ rex Styriam et Petovium castellum, et præterea constitutum est ut Belæ IV filius Bela Cunegundim, filiam Ottonis Brandenburgensis marchionis et Otakari neptem, in matrimonium duceret; quod factum est anno 1264. Vide Chronicon Brandenburgicum apud Pulkavam. De reliquis Chronicis vide Lambacher interregnum p. 70 et præcepta Bataviensis, Olomucensis et Pragensis episcoporum, scripta 31 Mart. et 7 Apr. 1261, Boczek III, 307, quibus probatur in ipsa pace constituenda fuisse Ludovicum commendatorem de domo Teutonica, Jarosium Pragensem burgraviam et Wokkonem marscalcum regni Bohemici legatos.

(279) Urbanus IV in litteris ad Otakarum anno 1262 datis hæc scribit: *Ex parte siquidem tua fuit propositum coram nobis, quod olim nobilis mulier Margareta, quondam Romanorum regina, in provinciali capitulo fratrum prædicatorum apud Trevirim congregato solemnii voto castitatis emisso, ordinem sororum secundum instituta fratrum prædicatorum viventium se servaturam, ne obedientiam in manibus II. tuc in Alamannia prioris provincialis eorundem fratrum prædicatorum, promittens, habitum religionis ibidem assumpsit, et tandem ad monasterium sororum sancti Marci Herbipolensis secundum instituta prædicta viventium, cujus curam et regimen prior ipse gerebat, se transferens, per annum et amplius sub eodem habitu in dicto monasterio meram traxit.* Boczek III, 332. Cfr. etiam Publtschka IV, 2 312; Palacky II, 187.

(280) Erat neptis Belæ IV regis ex filia Anna, quam Rostislaw Metislawic. Halicensis princeps, in matrimonium duxerat. Vide stemnia quod dedit Palacky in commentatione Ueber Formelbücher in libro

C Abhandlungen der Königl. der Böhmisches Gesellschaft V, 2 p. 232.

(281) Pressburg.

(282) Inde ab hoc tempore Otakarum regem Bohemorum se appellavit in præceptis, cum antea regni Bohemiæ dominum se nominasset.

(283) Ex Gudeni codice diplomatico dedit Boczek III, 323 tabulam quamdam, quam Godefridus de Eppenstein, Fridericus de Bichelingen, Henricus de Willenowe, Dietherus de Cazenellenbogen, Guntherus de Schwarzburg et Wernerus de Bolandia scribi jusserunt, qua iidem testantur: *Quod nos cum venerabili patre domino et consanguineo nostro, domino Vernhero, sanctæ Moguntinæ sedis archiepiscopo, fuimus præsentibus in ecclesia Pragensi a. D. 1262 in dominica die natalis Domini, ubi ipse dominus archiepiscopus unxit et coronavit in regem dominum Otakarum, hæredem regni Boemiæ, et uxorem ejus Cunegundim in regnam. Idem etiam rex, qui et fuit dux Austriæ ac Styriæ marchioque Moraviæ, assumpserat Erfordiam in expensas et conductum suum in eundo Pragam, ubi procuravit nos 18 diebus et in reditu usque Erfordiam, nos et dominum, archiepiscopum memoratum et totam ipsius familiam cum personis et rebus eorum. Ministravit quoque nobis omnibus copiosas expensas. Dedit etiam domino archiepiscopo pro jure suo 100 marcas auri, item pro jure curiæ 64 marcas capitulo Moguntino pro jure suo ad emendum ecclesie aliquid in ornatum. Insuper honoravit nos in spadonibus et ænitis pulchre satis et taliter ut decebat eundem.* Quocum conjungenda sunt duo alia præcepta ab Otakaro Moguntino archiepiscopo data, quæ vide eodem loco.

(284) Ottone.

(285) Warmiensi et Samiensi ut videtur.

fecit convivium biduo in campo Letne nominato, qui jacet inter villas Owenez (286), Holisoviez (287) et Buben nominatas, in ædificiis sollempniter ad hoc præparatis.

Anno dominicæ incarnationis 1262 sata diversi seminis tam hyemalia quam æstivalia in plerisque Bohemiciæ partibus fere penitus perierunt, tum a grandine, tum a siccitate, tum ab exercitu transeunte in Ungariam, excepto solo milio, ita ut nec homines victualia nec jumenta et pecora poterant habere pabula sufficientia. Verum in paucissimis ejusdem terræ partibus copia frumenti crevit in habundantia, vini quoque et fructuum arborum exigua fuit ubertas. Hoc etiam anno incendia multa fuerunt in civitatibus et villis in Moravia, Bohemia et Austria.

Anno gratiæ domini nostri Jesu Christi 1263, maxima fuit caristia frumenti, fœni et pabuli in Bohemia et Moravia, ita ut mensura regalis siliginis venderetur 120 denariis quandoque plus quandoque minus monetæ Pragensis, tritici autem multo amplius, et pisæ 150. Tunc et maxima fames fuit in populo, ita ut multi agricolæ et artifices varii, venditis pecoribus et rebus aliis, nec se sustentare valentes, cogentur hostiatim eleemosynam petere; plures etiam, domibus suis in rure relictis, cum uxoribus et liberis iterum mendicatum; multa etiam pecora et jumenta mortua sunt propter maximum pabuli defectum et hyemis asperitatem, quæ plus solito hoc anno inhorruerat.

Anno domini nostri Jesu Christi 1264, magna vis ventorum orta est 5 Kal. Februarii, quibus impollentibus multa ædificia, multa granaria corruerunt in civitate Pragensi et per totum regnum Bohemiciæ; multæ etiam arbores in sylvis et nemoribus radicitus sunt evulsæ, fenestræ etiam Pragensis ecclesiæ vitræ sunt confractæ.

Item eodem anno 11 Kal. Martii ædificium turris Pragensis ecclesiæ, quod vulgari ter dicitur campanarium, corruit, et alia multa ædificia ecclesiarum corruerunt.

Hoc anno consecrata est capella omnium sanctorum 3 Nonas Februarii a venerabili episcopo Pragensi Johanne tertio, sub rege Przemysl, filio Wenceslai regis, quæ fuit fabricata anno gratiæ 1263.

Eodem anno mense Decembri facta est inundatio magna aquarum per totam Bohemiam, quarum inundatione insolita facta sunt damna plurima ædificiorum, annonæ diversi generis, et aliarum plurimum rerum.

Anno gratiæ 1265, rex Przemysl permagnificum celebravit convivium pro baptismo filiæ suæ primogenitæ (288), quam levaverunt tres episcopi de fonte, Pragensis, Olomucensis et Bamberiensis (289), et hoc in festo beatæ Mariæ purificationis (Febr. 2), vocatis ad hoc festum omnibus nobilibus Bohemiciæ, Moraviæ et Austriæ. Ipse die idem rex, coronatus regia corona, venit ad processionem, et missam audivit ad altare sanctæ Mariæ in ecclesia Pragensi, et biduo celebravit prandium cum prædictis episcopis et nobilibus terrarum præfatarum in aula regia in castro Pragensi.

Eodem anno facta est magna dissensio inter regem Bohemiciæ et ducem Bavoriæ (290), qua necessitate rex compulsus misit nobiles ad metas Bohemiciæ custodiendas, qui transeuntes multa damna intulerunt villis episcopi Pragensis et aliarum ecclesiarum canonicorum. Moravi etiam transierunt ad metas Bohemiciæ defendendas, et plurima damna intulerunt in Bohemia tantum villis ecclesiarum et extra metas in Bavaria.

Anno vero 1266, iterum transeuntes et Bohemi A et Moravi circa purificationem sanctæ Mariæ (Febr. 2) et in quadragesima, rursus plurima damna intulerunt villis episcopi et aliarum ecclesiarum diversæ religionis. Hiems et ver in principio humida fuerunt, et multa sata siliginis perierunt.

Anno dominicæ incarnationis 1266, 7 Idus Augusti Bohemorum rex Otakar nomine, qui et Przemysl, processit versus Bavoriam cum multitudine copiosa Bohemorum, Moravorum, Australium, Karynthianorum, Polonorum, quorum quidam eorum prævenerunt regem, quidam comitati sunt eum, quidam vero subsecuti; in quo itinere plurima damna fecerunt in regno Bohemiciæ, rapinis et spoliis ac incendiis pauperes et villas ecclesiarum graviter affligentes (291) Bavoriam vero intrantes multo graviora damna intulerunt, rapinis et spoliis ac incendiis partem ejus quæ jacet usque Ratisponam crudeliter devastantes, et viros ac mulieres plurimos concremantes. Hoc etiam anno annona,

#### NOTE.

- (286) Verder-Bubenez in circulo Rakonicensi.  
 (287) Holeschowitz.  
 (288) Kunigundis.  
 (289) Num legendum Brandeburgensis? Vide infra ann. Otakar. 1164.  
 (290) De Salisburgensi archiepiscopatu, qui Vladislao, præposito Wissegradensi, filio Heinrici H

ducis Silesiæ et Annæ, nepoti Otakari I datus est. Cfr. Chron. Salisburg. ad h. a.

(291) Expugnavit castra Chamb, Regenstauf et Nitau; cfr. Hermannum Althensem ad h. a. apud Bohmerum Fontes II. Vide etiam Heinrici ducis litteras in Palackii comment. Ueber Formelbucher. p. 277.

A fructus arborum et vinum male in Bohemia provenerunt propter grandinis et siccitatis læsionem.

Anno Domini 1267, 6 Idus Aprilis apostolicæ sedis legatus, scilicet frater Guido ordinis Cisterciensis, tituli basilicæ sanctorum 12 apostolorum presbyter cardinalis (292), venit Pragam, et moratus est Pragæ usque ad 5 Kal. Maii (293), et recepit pro expensis a clero Bohemiæ 150 marcas argenti. Inde veniens Austriam moratus est Viennæ, et ibidem fecit concilium 6 Idus Maii, cui consilio Johannes Pragensis episcopus interfuit et plures canonici cum eo (294).

Anno dominicæ incarnationis 1268, præcepit rex Otakarus fieri foveas in singulis villis, quibus foveis superponeretur anser vel porcellus ad capiendos lupos. Et eodem anno præcepit renovari pondera et mensuras et insigniri signo suo, quod antea non fuerat (295).

Anno dominicæ incarnationis 1269, nata est regi Otakaro filia (296) Nonæ Septembris, et erectum est pulpitum et altare in ecclesia Pragensi, quod dedicavit Johannes episcopus in die sancti Martini ad honorem sancto Matthiæ apostolo et sanctis confessoribus Ambrosio, Jeronimo, Augustino, Gregorio et aliis quam plurimis sanctis.

Anno dominicæ incarnationis 1270, periit tota annona tam hiemalis quam vernalis fere per totam Bohemiam, fructus arborum provenerunt mediocriter, vinum abundans fuit. Turris Pragensis ecclesiæ, quæ ante multos annos corruerat, reparata est domino Johanne venerabili episcopo procurante. Multa aeris intemperies hoc anno fuit, et multa inundatio pluviarum in autumno. Rex Otakarus multas domos et castella in regno suo in diversis locis fabricavit hoc anno. Hoc etiam anno turris lapidea erecta est in medio claustrum Pragensis ecclesiæ ad lumen ponendum in ea, Gregorio milite regis et reginæ procurante eam in expensis.

Anno Domini 1272, 6 Kal. Decembris Ruodolfus electus est in imperatorem (297). Eodem anno pons confractus est Pragensis in medio fluminis Wltavæ 4 Idus Martii.

Anno Domini 1273, 15 Kal. Septembris inundatio aquarum facta est magna in flumine Wltaviæ, ita ut capella lignea quæ sita erat ante pontem in Pesek <sup>260</sup> totaliter cum fundamento defluxit, et alia ecclesia lapidea, quæ erat sub ponte in insula, pars ejus media collisa est, et omnia molendina, quæ erant circa civitatem Pragensem, cum aqua confracta defluerunt; homines plurimos suffocavit, ædificia subvertit. In campis annona et fœnum de pratis cum alluvione descenderunt; ortos olerum vitiavit, per civitatem Pragensem fluxit, extendens meatus suos usque ad ecclesiam sancti Ægidii et ecclesiam sancti Nicolai, fluens per totum vicum Judæorum usque in ecclesiam sancti Francisci.

Anno Domini 1274, nobilis vir Borsso recessit a rege, amissa gratia regis sine culpa, æmulis ipsius sinistra regi referentibus (298).

Anno Domini 1275, Kal. Maii Gregorius papa X, celebravit concilium Lugdono (299). Quod concilium idem Gregorius indixerat ante biennium universarum terrarum pontificibus ubi fides christiana viget et nomen Domini invocatur, quatenus convenirent ad concilium celebrandum in termino supradicto. Quod concilium duravit infra septem ebdomadas (300); et eidem concilio interfuit Johannes Pragensis episcopus cum quibusdam canonicis, et reversus ad suam sedem Pragensem, injunxit per totam suam diœcesim, ut juxta mandatum apostolicum trunci concavi locarentur per universas ecclesias, ad colligendas oblationes fidelium in subsidium terræ sanctæ.

#### VARIÆ LECTIONES.

<sup>260</sup> Paulo recentior manus correxit Piesek.

#### NOTÆ.

(292) In tabula quadam data 15 Jun. 1267, Boczek III, 395, ipse se cardinalem t. S. Laurentii in Lucina nominat.

(293) Ita legendum est pro v Kal. Apr. quod habet copex; vid. Pubitschka IV, 2, p. 353.

(294) Et alii episcopi, Petrus Pataviensis, Bruno Brixiensis, Conradus Frisingensis, Leo Ratisponensis; cfr. Mansi XXIII, 1479.

(295) Pubitschka IV, 2, p. 362.

(296) Agnes. Cfr. litteræ Cunigundæ in Palackii commentatione Ueber Formelbücher, p. 293.

(297) Et in anni et in diei numero errat auctor; electus est Rudolfus Francofurti d. 29 Sept. 1273; testes vide apud Böhmerum Reg., p. 51. Quod factum est Otakari legatis repugnantibus, de qua re ipse rex ita scribit ad papam Gregorium X: *Principes Alemanniæ, quibus est potestas cæsaris eligendi, — concorditer in quendam comitem minus idoneum, solemnibus nostris nuntiis, quos Frankenfurt, ubi celebrari debebat electio, nostros procuratores miseramus,*

*B contradicentibus et reclamantibus, evidenter vota sua direxerunt, et eundem in gravamen imperii nostrumque prejudicium — sacri diadematis insigniverunt majestate.* Cfr. Dolliner ood. epistol. Otakari regis, p. 17, et Kurz Oesterreich unter Otakar, p. 27. Otakari legatus erat Bertholdus episcopus Bambergensis; cfr. Rudolphi præceptum a. 1275, quod ap. Lambacher legitur Urkundenb, p. 76.

(298) 5 Nov. 1275 Borsso dominus de Rysemburg in castro suo Rysemburg donationis tabulam conscribi jussit, quam vide apud Boczek IV, 166, quem Otakari proditorem Rudolphi partibus clam fuisse, illius docent litteræ apud Bodmannum 42, 30, 44, in quarum primis hæc leguntur: *Quamquam igitur ad præsens aliqua transitoria breviter patiaris discrimine, patienter quæque sustine.*

(299) Congregatum est hoc concilium anno 1274, initiumque habuit Nonis Maii.

(300) Finitum est xvi Kal. Aug.; itaque decem pene hebdomadas ductum est.

In eodem etiam concilio Gregorius papa electionem Rudolphi confirmavit (301), et decimas quæ exactæ fuerant per Almaniam in subsidium terræ sanctæ, Rudolpho electo in utilitatem assignavit.

Anno Domini 1276. Johannes episcopus Pragensis cooperuit ecclesiam sancti Viti kathedralem pulchri et durabilis operis lapideis tegulis. Fecit etiam duas fenestras magnas de subtili opere et pretioso, et vitro eas clausit, in quibus materia depicta continebatur veteris et novi testamenti. Erexit etiam ibidem duo pulpita decori et magnifici operis, unum ad altare beati Dyonisii, et aliud ad altare beatæ Mariæ Magdalene, quod opus toto sequenti anno vix poterat terminari. Eodem anno Vitkonides (302) cum ingenti militia recesserunt a rege, et multa mala per regnum Bohemiæ pauperibus et claustralibus intulerunt, et eo tempore rex nimium eorum auxilio indigebat. Sæpe enim fit ut, dum principes inter se discordant, inimici victoria potiuntur. Visa est etiam hoc anno luporum maxima multitudo ante valvas castri Pragensis ex utraque parte clamore multo ululantium, per quem sinistrum eventum genti Bohemorum præstigio auguriati sunt.

1278. Eodem anno Henricus Pragensis canonicus et notarius aulæ regis 18 Kal. Octobris detentus est ad mandatum Cunegundis reginæ, et multis rebus et pecunia in domo sua est spoliatus, pro qua detentione episcopus Johannes posuit interdictum in ecclesia Pragensi 11 Kal. Octobris, quod interdictum contigerat circa festum beati Wenceslai (Sept. 28) et infra. Idemque Henricus 3 Kal. Octobris a custodia liberatus est, et divina officia in ecclesia Pragensi relaxantur. Eodem anno hyems et autumnus calidi fuerunt et nebulosi, humidi et cum magno impetu ventorum, et transitus per glaciem haberi non poterat. Hoc etiam anno duo fossata facta sunt ante Pragense castrum, unum cum lapidibus et aliud majus sine lapidibus in latitudine 40 cubitorum, in profunditate 30, longitudo utriusque protendebatur a rivulo Bruska usque in Oboram. Renovatum est et antiquum, quod est propius muro castri, ab una parte muro cæmentato erectum est; alia pars ejus non est renovata, latitudo ejus 40 cubitorum, et altitudo 50 erat. Ex alia parte castri, quod dicitur ad minorem portam, fossatum effosum a rivulo Bruska, et ductum per montem Opis ad curiam domini episcopi trans flumen Wltawam.

### III.

#### ANNALES OTAKARIANI.

1254. 49 Kalend. Januarii Prziemysl, filius regis Wenceslai, profectus est in Pruziam signo crucis accinctus, pugnaturus contra Prutenos, quem multa turba nobilium Bohemiæ, Moraviæ et Austriæ secuta est et aliorum militum generis inferioris (303). Veniens ergo Wratislaviam navitatem Domini (Dec. 25) celebravit, et cum magno honore a ducibus Poloniæ (304) et nubilibus ac episcopo Wratislaviensi (305) decenter susceptus, et per aliquot dies cum omni exercitu suo decantissime procuratus est. Eo igitur in Wratislavia commorante, accessit ad eum marchio Branburiensis (306) cum exercitu suo, et ambo pariter profecti sunt in Prussiam, ducentes secum multitudinem copiosam.

1255. Interea potentes et majores terræ Prussiæ divino, ut credimus, timore perterriti ac nomine principis Bohemiæ audito, cum omni humilitate

A venerunt ad eundem principem, se cum suis omnibus ejus ditioni ac fidei christianæ dedentes. Quos piissimus princeps benigne suscipiens, ad baptismi gratiam invitavit, et unum potentiorum ex illis ipse princeps de sacro fonte levavit, et eum suo nomine vocavit, appellans eum Otakarum; alium marchio Branburiensis de fonte levavit, et eum suo nomine nominavit. Indes plures nobiles de utero matris ecclesiæ levaverunt, et eosdem nominibus suis nuncupaverunt, ac eisdem vestimenta sua, quamvis pretiosa, donaverunt. Inde ad quandam montem venientes, quem Montem Regalem appellaverunt, fecerunt munitionem ad majorem fidei christianæ corroborationem (307). Inde plurimis Prussorum populis a domino episcopo Olomucensi et ab illis episcopis baptizatis, princeps terræ Bohemiæ et marchio Branburiensis, confortatis in fide Christi Jesu neo-

#### NOTÆ.

(301) Paucissimis his verbis de rebus Bohemorum regi gravissimis refert; die 26 Sept. 1284 Gregorius papa Otakaro scripsit, se Rudolphi electionem confirmasse. Cfr. Boczek IV, 133, 136, 141 et præcedentes Otakari ejusque legati Brunonis Olomucensis episcopi litteræ.

(302) Est gens Witkovicorum nobilissima, ex qua Zawis de Rosenberg, regis inimicus, originem duxerat. Quæ hic leguntur, confirmat Henricus de Heimburg, auctor sæculi XIII exeuntis, cujus Chronicon adhuc ineditum suo loco edituri sumus.

(303) Cruciferorum exercitum sexaginta millia hominum excessisse scribit Petrus de Dusburg in Chron. Prussiæ III, 70 reliquosque Germanorum

B principes enumerat, qui Sambiam terram expugnaturi hanc expeditionem faciebant. Alexander IV Bartholomæo ordinis fratrum minorum ut verhum crucis in Polonia, Boemia, Moravia et Austria contra Lithuanos prædicaret imperavit, Boczek III, 192. Vid. etiam Voigt Geschichte von Prussen III, 76.

(304) Henrico III et Conrado II, ducibus Wratislaviæ et Lignitiæ. Erant filii Annæ, filii Otakari I.

(305) Thoma.

(306) Otto III, qui Beatricem filiam Wenceslai I a. 1244 in matrimonium duxerat. Cfr. Chron. Branburburgicum apud Pulkavant.

(307) Königsberg, Borussiae regni caput.

ftis, et obsidibus ab eisdem receptis, commissa terra et populo in manus cruciferorum de domo Teutonica, redierunt ad propria cum omni prosperitate et lætitia. Princeps ergo Bohemiæ venit Opaviam (303) 8 Idus Februarii, inde properavit ad Austriam, ubi totam manendo transegit quadragesimam. Postea in octava paschæ (Mart. 21) venit Bohemiam, et cum magno tripudio cleri ac populi civitatis Pragensis, cum processionibus susceptus est honorifice 4 Idus Aprilia et in ecclesia cathedrali ab episcopo et ejusdem ecclesiæ canonicis. Principe autem exeunte de castro Pragensi magna vis ventorum cum turbine exorta est. Unde quendam equitem sequentem principem dejecit, de ponte ante castrum, cujus equus mortuus est ex casu, ipse vero sanus evasit. Campanarium etiam ligneum cum campanis infra muros sanctæ Mariæ corruit eadem hore vi ventorum magna impellente, et aliæ plures ruinæ factæ sunt in civitate et per villas.

Anno dom. inc. 1260 inter principes et proximos alti sanguinis, Przemysl scilicet domnum et heredem regni Bohemiæ, ducem Austriæ et Styriæ et marchionem Moraviæ ex parte una, et Belam et natum ejusdem Stephanum, Ungariæ reges, ex altera, data prius ante aliquot annos occasione, immo causa ex parte ipsorum Ungarorum regum, rursus priore acrior est discordia suscitata. Siquidem senior Ungarorum rex Bela contra initam compositionis olim formam cum nepote suo (309), dicto domino regni Bohemiæ, et utrimque <sup>361</sup> sacramentis corporaliter præstitis et publicis instrumentis exinde confectis firmatam, mox eodem anno veniens, quo ipsa compositio celebrata, Moraviæ, Austriæ et partis Styriæ, quæ per præhabitam compositionem in sortem præfati nepotis sui ceciderat, visus est confinia occupare (310). Sed et natus ejusdem rex Stephanus, progenitorum suorum tyrannidis et cædis in <sup>362</sup> innoxium Christi gregem habundantior æmulator existens, contra illustrem Karinthiæ ducem Ulricum et fratrem ejusdem Philippum, quondam Salburgensem electum (311), dicti regis Bohemiæ consobrinos (312), paci prænotatæ inclusos, exercitum infidelium, inhumanorum scilicet hominum Comanorum producens in gravi et indifferenti strage monachorum, clericorum et simplicium lay-

A corum cum parvulos eorundem, raptu et violatione sanctimonialium et matronarum, et abductione hujusmodi et juvenem transformandorum in ritum alterum, et conflagratione monasteriorum et aliarum ecclesiarum et magnæ partis terræ Karinthiæ, stupenda nimium flagitia perpetrata <sup>363</sup> perperam perpetravit (313). Pro quibus forefactis contra jurandum et aliis, quæ compendii gratia prætermitto, quia nulla satisfactio est secuta, ad instantiam Styriensium nobilium et civitatum, de consilio inclyti comitis Ottonis de Hardek et quorundam Australium et perpaucorum admodum de Moravia, dictus dominus regni Bohemiæ Styrienses in suam protectionem recepit (314). Licet igitur in potestate regis Stephani tunc pene fuisset Styria universa, et Ungari in ea quæque castrorum et civitatum præsidia obtinerent, tamen cum dicto comite de Hardek et quibusdam Australibus et Styriensibus brevi tempore dictum regem Stephanum et Ungaros de ipsa Styria supra opinionem humanam valide ejece- runt, civitates et castra inibi capientes. Petovia tamen castrum, in quo dicti regis Stephani uxor natione Comana (315), sacramentis tamen fidei initiata, personaliter tunc manebat, cum civitate et paucis quibusdam aliis castris ad tempus remanserunt in dicti regis Stephani potestate. Unde (316) in injuriam præfati domini regni Bohemiæ per Moraviam et Austriam, immo in offensam Christi patrarum, et livor odii atque zeli exinde concepti, et plaga doloris dolosa, tumens spiritu indignationis, quasi rupta cicatrice foras in publicum proruperunt. Nam anno Domini 1260 inchoante inter principes prænotatos denuo sunt inimicitie publicatæ, adeo quod eodem anno sacro quadragesimali tempore (Febr. 21) validos utrinque contra se invicem exercitus produxerunt. Verum cum ex utraque parte necessaria exercitibus deessent, præsertim pro equis, coacti sunt principes memorati usque ad festum beati Johannis Baptistæ (Jun. 24) proximo venturum treugas paci, ut sperabatur, præambulas prorogare. Sed in contrarium, proh dolor! res evenit. Nam ni fallar, quod ante, et postmodum initia sunt dolorum quæ gesta sunt.

Igitur constituto treugarum tempore accedente, junior rex Ungariæ Stephanus cum robustioribus

#### VARIÆ LECTIONES.

<sup>361</sup> utrumque 2. <sup>362</sup> deest 2. <sup>363</sup> perpetratam 2.

#### NOTÆ.

(308) Troppau.

(309) Ex Constantia uxore Otakari I, de qua vide supra.

(310) Jam anno 1257 Otakarus *contra terminos Ungarorum munitionem unam seu oppidum pro necessitate ac conservatione terræ præparari et ædificari jussit, ut testatur in præcepto ap. Boczek III, 246; quod erat oppidum Hradisch in insula situm, quæ ad Welegradensem monasterium pertinebat.*

(311) Postea Aquileiensem patriarcham.

(312) Sunt filii Bernhardi ducis Carinthiæ, qui Juttam filiam Otakari I in matrimonium duxerat, Cfr. Johannes Victor I, 5.

(313) Quod factum est anno 1259.

(314) Quod, teste Pernoldo, Viennæ anno 1259 factum est, qui Stirvensium seditionem ab Otakaro motam esse scribit.

(315) Elisabeth.

(316) Exciderunt nonnulla verba. Num legendum *patrarum?*



et electis bellatoribus Ungaris et Comanis ad insidiandum passim et separatim venienti de Bohemia et Polonia se paravit exercitui, disponens irruere super incautos, quicumque sibi occurrerent priores. Qui cum venerabilis domini Brunonis Olomucensis episcopi et Henrici Sleziæ et Wladislai Opoliensis illustrium ducum castra in pratis circa Pohorliz (317) metata clam invadere et percutere decrevisset, et ad hoc peragendum tota nocte pluviosa et nubila processisset, errante ductore prope Walkenstein et Stozecz (318) præter propositum in ortu diei devenit, ubi e vicino circa præsidium quod Lawa (319) nominatur in pratis fuit locus, in quo juxta conditum universus domini regni Bohemiæ exercitus mox circa festum beati Johannis Baptistæ debuit congregari. Ad quem locum ingenui genere, inclyti probitate ac spectabiles dignitate viri, uterini fratres Otto et Conradus, comites de Hardek et Playn, primi cum suis omnibus advenerunt. Quibus cum suaderetur, ut usque ad adventum exercitus se intra Lavensem recipere civitatem, ne forte Comanorum et Ungarorum insidiis ipsos præoccupari contingeret immunitos, verum tanquam viri animo et viribus fortes, immo ultra modum audaces id facere recusarunt, quin post extensis in campo tentoriis, licet pauci, diebus et noctibus inibi perdurarunt. Exinde cum die sabbati, quæ fuit tertia dies post festum beati Johannis Baptistæ (Jun. 26), ad locum conditum in pratis circa Lavam a diversis partibus confluens ut eunque cœpisset exercitus domini regni Bohemiæ apparere, et concurrentes armis pressi et laboribus fatigari, hii de Bohemia et Moravia cum suo domino principe, alii de Saxonia cum <sup>364</sup> marchione de Brandeburk, quidam vero cum venerabili domino Olomucensi episcopo et illustribus Zlesiensi et Opoliensi ducibus memoratis castra inibi metarentur, subito rumor insonuit in castris, quod Comani nimium prope forent, vicinam juxta regionem apollis et strage vastantes et incendiis conflagrantes. Proinde universalis commotio fit in castris, et mirum in modum animo voluntarii et armis instructi per ordinatas acies ad pugnandum exeunt universi. Quibus taliter egressis in campum, utrum ex industria an per errorem nescio, Deus scit, subito nunciatur paucos infidelium hostes prædicta fecisse, sed jam eosdem esse in fugam conversos. Tunc cunctorum ad id assentione fallaci securitatem ipsis pessimam generante ad castra singuli revertuntur, prænotati vero comites de Phleyn et strenuus miles Cadoldus Orphanus cognomine cum paucis aliis, quasi pro custodia exercitus remanserunt in campo (320). Qui licet frequenter experti dolos in certamine Comanorum vel cæterorum, tamen, ut ait auctori-

**A** las : « Fata nolentem ducunt, volentem trahunt, » se in præceptis dederunt ad hostes fugam simulantem longius persequendum. Quos aliqui ex nostris magni et nobiles passim sine ordine persecuti, cum eisdem per insidias latentes a tergo conclusi et taliter postmodum interempti <sup>365</sup>, et ipsi quidam quidem mortis, quidam vero captivitatis tunc simul exstiterunt laqueis irretiti. Quod cum licet tam dubie quam varie insonuisset in castris, nunciantibus quibusdam, quod prædicti comites et Cadoldus et cæteri qui cum ipsis erant adversariis occupatis postularent succursum, aliis vero a contra referentibus, quod ipsi ab hostibus potius præoccupati fuissent — quod et fuisse verius rei postmodum probavit eventus — mox a mensis surgunt principes, ad arma festini aubelant milites et clientes, et contra inimicos loricati, acutati et galeati, et nonnulli in cooperitis equis properarunt sine modo. Qui cum inclytos paulo ante dictos bellatores, scilicet Cadoldum et comites et quosdam alios reperissent in via, in loco pugnae absque anima humi prostratos, et ex hiis plerosque prorsus nudatos, nonnulli fortes ipsorum pavore concussi, obriguerunt prima facie quasi lapis, plurimis etiam ad hostes terga vertentibus; nihilominus dominus regni Bohemiæ cum paucis et dominus Olomucensis episcopus priores omnium, et marchio Branburiensis cum suis fugientes adversarios prosequuntur. Quibus cum dictus dominus regni Bohemiæ et Olomucensis episcopus priores omnium proximassent, marchione Brandeburgensi adhuc a remotis sequente, alii visi sunt subsistere et ex adverso acies suas ordinare. Verum eodem marchione propius accedente, facta tunc magna obscuratione aeris, et a commotione et voce tonitruum et sonitu grandi pluviae cum fulgure choruscante, licet nemine persequente, eo quod supra modum defecissent lassali equichristiani exercitus, in fugam sunt impii conversi. Et cum fluvius Morava (321), quasi apertis cœli katbaractis et velut facta desuper kathaclismo, tunc nimium inundasset, in eodem hostium plurimi veraciter feruntur periisse submersi. Nihilominus tamen propter Kadoldi et comitum et aliorum lugubrem casum pene usque ad desperationem exercitus dejicitur christianus. O quantus luctus! et o quanta Lavensium lamenta fratrum minorum, quando ad ipsos cum ejulatu et planctu cunctorum fere qui ceciderant passim funera differuntur! Amodo quid facturus esset dominus regni Bohemiæ, tanti exercitus caput ex dolore languidum, dubitatur. Aspirant plures ad reditum, sed notam prohibitis vitantes, tanquam filii hujus secuti prudentiores filiis lucis, præsertim principes et majores barones singuli per alios satagunt id fore et videri persuasum.

#### VARIE LECTIONES

<sup>364</sup> ita legendum; codex habet et. <sup>365</sup> ita legendum; conclusis — interemptis 2.

#### NOTE.

(317) Porlitz.

(318) Staats.

(319) Laa.

(320) De his vide Hermannum Althensem ad h. a.

(321) March.

Oritur exinde dissensio, per occasionem salubri unitatis et victoriae demum paritura salutem.

Nam cum imponeretur dictis Henrico Zleziae<sup>266</sup> et Opoliensi ducibus, quod ipsi primi a loco castrorum ad propria intenderent remeare, confusibiliter solvendo exercitui causam taliter tunc daturi, hiidem tanquam viri strenui et prudentes inficiantur dictum de ipsis, et hujusmodi consilii portum seu radicem in Branburgensem referunt marchionem. Ex tunc omni controversia cessante, communi consilio et pari voto illuc tendit exercitus universus, ubi nunciatur rex Ungariae sua castra fuisse metatus. Itaque concurrentibus simul ad idem domino Philippo, quondam Salburgensi electo, et fratre suo Ulrico illustri Karinthiae duce et Styriensi, cum die dominica infra octavas apostolorum Petri et Pauli (Jul. 4), post auditas in aurora missas, ex communi conducto et principis qui caput erat et aliorum principum edicto, ad plenum, ut opus erat, armis instructus, et per ordinatas acies incedens, et montana atque plana operiens, apparuisset hostibus fidelium exercitus copiosus, saepe dicto domino regni Bohemiae sub vexillo gloriosissimi martyris Wenceslai cum suis de quadam montis declivi in suprema<sup>267</sup> tamen plani altitudine castra adversariorum spectante<sup>268</sup>, hiidem infideles et caeteri qui cum ipsis erant, sicut ipsi postmodum retulerunt statim tunc in fugam fuissent conversi, nisi in faciente chaos inter nos et se fluvio dicto Morava fiduciam habuissent; nec mirum, quia timor et tremor super inpios cecidere, cum Manaym, id est castra Dei, contra se viderent venire. Siquidem domini regni Bohemiae et aliquorum principum, quam tunc conceperant devotio et pia proposita et vota, quibus domino se astrinxerant, spondentes vitam suam et terrarum suarum status suos in monetis et aliis in melius commutare, et plurimorum baronum et militum aliorum ad confessionem et signaculum sanctae crucis confugientium forsitan exorta conversio ex timore; magnae autem magna parte christianitatis usque ad Coloniam magnam et ultra orationes pro ipsis sollempniter ad Deum fusae ipsis, immo multo populo christiano divina praesidia et angelici

A belli processum et exitum (322) legat subjectam epistolam ex parte domini regni Bohemiae sanctissimo in Christo patri ac domino Alexandro, Dei gratia papae quarto, exinde directam, quae talis est (323).

« Sanctissimo in Christo patri ac domino Alexandro, Dei gratia sacrosanctae Romanae ecclesiae summo pontifici, Otakarus eadem in gratia dominus regni Bohemiae, dux Austriae et Styriae, et marchio Moraviae et caetera. Quia pium pastorem suarum a lupis liberatio ovium delectat, ac benignum patrem jocundum reddit cum salute prosperitas filiorum, gravis belli, quod adversus Belam et natum ejusdem Stephanum, Ungariae reges illustres, et Daniele regem Rusiae (324) et filios ejus (325) et caeteros Ruthenorum ac Tataros, qui eidem in auxilium venerant et Boleslaum Cracoviensem (326) et Lestkonem juvenem, Lusiciae duces (327), et innumeram multitudinem (328) inhumanorum hominum Comanorum et Ungarorum et diversorum Sclavorum, Siculorum (329) quoque et Walachorum, Bezzermi-norum (330) et Hysmahelitarum, scismaticorum etiam, upote Graecorum, Bulgarorum, Rusciensium et Bosnensium haereticorum, auctore Deo gessimus, et victoriae nobis datae caelitus, et post victoriam inter nos ex parte una et dictos reges ex altera concordiae reformatae processum non ab re paternitri vestrae duximus praevia veritate praesentibus declarandum. Sane cum ad flumen qui Morava dicitur circa locum a castro et oppido Hemburk duobus milliariibus distantem, Ungariae ac Austriae confinia inibi terminantem, cum nostris exercitibus venissemus, dictos reges et exercitus eorundem ille castra metatos in opposita parte ripae invenimus ex adverso. Sicque factum est, ut nostra (331) et adversariorum castra solus dumtaxat divideret fluvius memoratus. Cumque sic loci positio se haberet, ut ad adversarios sine irremediabili nostrum jactura votivum non possemus consequi accessum, et pro reformanda inter nos et eosdem reges pace fuisset utrinque aliquoties multipliciter attemptatum, ipsis vero regibus de die in diem et de hora in horam suas in diversas variantibus voluntates, non restaret aliquis paci locus, haud dubium ad instar Pha-

#### VARIAE LECTIONES.

<sup>266</sup> II. Zelzie 2. <sup>267</sup> supremo 2. <sup>268</sup> spectantem 2.

#### NOTAE.

(322) Hic quaedam desiderantur. Accuratiores praelii descriptio petenda est ex sequente Otakari regis epistola ad Alexandrum papam, ex qua quae hic desunt suppleri possunt. De aliis scriptoribus, a quibus splendidissima illa victoria narratu, vide Palackium II, 182.

(323) Ob nimiam gloriam in hac epistola Bohemis ascriptam de fide ejus historica dubitationes moverunt Pray Ann. Hudg. I, 309 et Katona histor. critica Hung. VI, 312.

(324) Est Daniel Romanowic princeps Halicensis qui Innocentio IV permittente, regalem dignitatem adeptus erat. Roepell Gesch. v, Palen I, 522.

(325) Quorum unus Leo Belae IV filiam Constantiam in matrimonium duxerat, alter Romanus Ger-

trudim, viduam Wladislai, fratris majoris Otakari II regis; cfr. supra 1246.

(326) Qui item erat Belae IV gener. cujus filia Cunigunda Boleslao nupserat.

(327) Dux de Lencic.

(328) Anonymus Leobiensis refert Celae exercitum centum quadraginta millibus equitum fuisse compositum, Otakarum vero numerasse centum millia equitum, inter quos septem millia fuerunt cataphractorum.

(329) Sunt alutae accolae Sekler nominati.

(330) Turcica gens, aliis Bessi vel Bissenii, iidem etiam Pacinaci. Zeuss, p. 742.

(331) Palacky observat Olakari castra inter villas Wagram et Gross-Enzersdorf posita fuisse.

raonis corda illorum indurante Domino ultionum; A novissime unius duorum parti adversæ obtulimus optionem, ut videlicet vel illa nobis cederet, quatenus ad eandem gerendi belli causa transire possemus, vel nos id parti adversæ concederemus. E quibus disjuncte partibus alteram pars adversa elegit, ut videlicet nos cederamus et nostra cessione eisdem locum trauseundi daremus. Et ut id posse fieri videretur quovis impedimento cessante, dicti reges et eorum bani et comites treugas constitutas et suis juramentis firmatas per totum diem beatæ Margarethæ festum (Jul. 12) proximo præcedentem et medietatem ipsius festi diei (Jul. 13) nobis mediantibus idoneis nunciis remiserunt. Verum hiidem sua pacta et juramenta soliti violare, per vada inventa et sibi aptata olim noctu ad nostram partem cum omni suo exercitu transierunt. Et cum dicere-  
mus: « Pax et securitas! » subito cum inenarrabili  
multitudine contra nos inprovisos apparuerunt in  
campo (332). Et cum in spe treugarum vix decima  
pars nostri exercitus penes nos pro nostræ personæ  
custodia remansisset, eo quod plures de nostris  
transito Danubio oppidum Hemburk intraverunt,  
alii vero cum curribus descenderant ad stationes et  
loca castrorum, hostes nostri fraude pleni in modum  
semicirculi per ordinatas acies nos cingentes, nisi  
Dominus adjuvisset, nos vivos forsitan deglutissent.  
Igitur in tam inevitabili necessitatis articulo consti-  
tuti, attendentes potestatem esse cœlestem, et quo-  
niam non multitudine exercitus sed de cœlo victoria  
datur munere magni Dei, totam in adiutorio Altis-  
simi spem ponentes, nostros adiutores et commilito-  
nes primitus adhortati, in plurimos adversariorum  
cuneos, data nobis de cœlo fiducia, irruimus confi-  
denter. Quos Deus per manus nostras et nostrorum  
immo suorum militum exterruit et prostravit et in  
fugam convertit, ita ut fugientibus cum impetu et  
sese invicem comprimentibus dictus fluvius Morava  
juxta sui præsagi nominis ethymologiam, tanquam  
mare Rubrum Ægyptiis, multo cæsorum sanguine  
rubricatus, factus sic in se submersis et intereunti-  
bus mortis via (333). Siquidem in eodem fluvio fu-  
gentium a facie Dei peccatorum tanta periit multi-  
tudo, quod per cadavera hominum et equorum quasi  
per factos pontes nonnulli ex nostris adversariorum  
castra intrarent, et occupantes currus, tentoria et  
expensas, quæque pretiosa spolia acceperunt. Quam-  
vis igitur post triumphum divinitus nobis datum,  
quemadmodum communiter videbatur, regnum Un-  
garie nostræ editioni potuerimus subjugare, et ei-

dem in perpetuam premere servitutem advertens,  
tamen, quod melius sit bonum vicinum habere con-  
cordem, quam superare et exterminare rebellem, pen-  
santes etiam quoniam imperator Constantinus ait: «  
Crebro suaviores sunt amicitie post inimicitia-  
rum causas ad concordiam restitute, » cum prin-  
cipibus et proximis alti sanguinis nostri, dictis scilicet  
Ungarie regibus et domina regina (334) et ju-  
vene rege Bela (335), secundum oblatam nobis a  
magno comite Rulando et Posenio formam, malui-  
mus pacis fœdera reformare, quam vastando et de-  
bilitando magnum Ungarie regnum ad idem et  
nostri terras domini Tataris aditum aperire. Præ-  
notata itaque compositionis formam prædictorum  
regum, reginæ et ducis Belæ sigillis signatam ves-  
tro apostolatu transmittentes, suppliciter petimus  
eamdem a sede apostolica confirmari, et ut operæ  
pretium est, apostolico in ævum patrocinio com-  
muniri (336). »

Itaque talis ac tanta victoria digne soli Deo et  
sanctis ejus est cum condignis gratiarum actioni-  
bus et laudibus ascribenda, quod etiam ex quibus-  
dam revelationibus comprobatur. Siquidem a mul-  
tis fertur, quod quidam viri, qui a tergo ad custo-  
diam exercitus fuerant deputati, imminente prælio  
referunt se vidisse quandam avem in lineamentis  
ad modum aquilæ figuratam, sed in colore nive  
candidiorem, habentem aureum caput et collum,  
vexillum beati Wenceslai quondam ducis, semper  
vero patroni Bohemorum, inclyti martyris, insepa-  
rabiliter prosequentem; quæ passim visa est, eis-  
dem crescere, quad usque ad pugnam procedentem;  
universum corpore et plumis coopernit exercitum  
christianum. Eodem etiam die vir nobilis et devo-  
tus et omnimodis fide dignus Johannes miles, filius  
Swoyslai, cum in domo propria ægrotaret, circa  
horam tertiam vidit in extasi se quasi in campo  
certaminis cum exercitu suo constitutum. Quem  
cum cerneret esse modicum et inordinatum, simul  
vidit patronos Bohemie gloriosos ad quendam cam-  
pum lucidum tali ordine procedentes: primum  
conspicit procedentem: sanctum Wenceslaum lo-  
rica indutum, habentem galeam suam in capite,  
gestantem gladium suum in vagina auro et geminis  
ornata sub ascella sinistra, in dextra vero manu  
propriam vexillum præferentem; quem immediato  
sanctus Adalbertus, veluti vir magnus et robustus,  
decenter ornatus pontificalibus, sequebatur. Post  
hæc vidit beatum Procopium, quasi abbatem cum  
suo baculo pastorali sanctum pontificem e vestigio

## NOTÆ.

(332) Ad locum Kresenbrun prælium commissum est.

(333) Secundum Chronicon Augustanum quatuordecim millia hostium perierunt.

(334) Maria, Theodori imperatoris Nicænsis filia.

(335) Filio Belæ IV.

(336) Hoc loco desinit Otakari epistola; quæ

sequuntur canonici Pragensis sunt verba, quæ tanquam epistolæ partem cum præcedentibus primus falso conjunxit Hajecius aliosque in suum errorem traxit, Balbinum, Pubitschkam, quos etiam Boczek secutus est. Cfr. Dobrowskii commentatio Erlauterude Bemerkungen uber die Geschichte Ottokars in Monatsschrift des Bomischen Museums II Januar., p. 41.

comitantem; novissime cernit sequi quinque fratres martyres, quasi propriis tunicis vestitos. Tunc idem miles audivit sanctum Wenceslaum prædictis gloriæ suæ consortibus sic clara voce dicentem: « Debilis est noster exercitus, ad Dei præsentiam mox tendamus. » Quo dicto vexillum suum contra hostes extendit, qui statim in fugam universaliter visi sunt converti. Exterioribus quoque oraculis interior consolatio concordavit. Nam, sicut sæpedictus princeps Bohemiæ et alii principes, barones et milites communiter retulerunt, quod, quamvis paulo ante pene emortui et totis viribus destituti, in ipsa tamen hora conflictus inexperta spiritus et corporis lætitia intra semetipsos de assequenda victoria fere universi et singuli acceperunt responsum, parati non solum irruere, verum etiam muros ferreos audacter irrumpere. Jarosius etiam purcravius Pragensis, vir fide dignus coram episcopo Pragensi et præposito et decano et canonicis in capitulo Pragensi retulit viva voce, quod exercitus ejus, in cujus medio ferebatur vexillum sancti Wenceslai martyris, nullam læsionem aut jacturam sustinuit in equis et hominibus, sed, quovis locorum se divertebat, adversarii a facie eorum terga vertebant fugientes. Ferrum etiam hastilis ejus, in quo dependebat prædicti martyris vexillum, visum est a pluribus splendere velut radius solis prælucidus. Nuntii regis Ungariæ, qui missi fuerant ex parte ejus ad principem Bohemiæ; retulerunt coram eodem principe et baronibus ejus, quod hora congressionis exercituum ad invicem, Bohemi valido clamore in cælum exaltato canentes hymnum a sancto Adalberto editum, quod populus singulis diebus dominicis et aliis festivitibus ad processionem cantat, equi adversariorum invitis sessoribus lugam arripuerunt.

Quidam scripturarum scrutator et in eisdem prophetico præsertim sensu circa numerorum mysteria curiosior indagator sic ait: « Post annos 1260 suspecta sunt mihi amodo tempora et momenta.— Hanc interpolatoris glossam e textu removendam censuimus. »

Anno dominicæ Incarnationis 1264. 4. Kal. Octobris in festivitate gloriosi patroni sancti Wenceslai idem rex Priziemysl currens ad ecclesiam majorem, devotissime recommendans se orationibus tam clericorum quam laycorum, occurrit genero suo Ottoni marchioni et sorori suæ dilectissimis de Bramburk, Czaclaw, qui filiam eorum secum duxerant, quam dominus rex, ne aliqua scintilla discordiæ inter eum et regem Ungariæ, patrum ejus, remaneret, pro treugis retro habitis et pro pace perpetua terrarum suarum, dictam puellam filio regis nomine Belæ, ante Posonium (337) coram tribus episcopis, Pragensi, Olo-

Amucensi, Bramburgensi, matrimonio destinavit copulandam. Nec est prætermittendum qualiter sumptus epularum ducibus et marchionibus diversarum terrarum nec non terrigenis per suas terras, Bohemiam, Moraviam et Austriam, usque ad consummationem festivitatis fuerint ministrati. Quid plura? Venit rex Ungariæ, portans aureas mureculas (338) juxta tempora dependentes, paucis comitantibus, videre sponsam filii sui ad tentoria regis Bohemiæ, et ordinat dotem propter nuptias. Quo recedente filius suus Bela, speciosus forma præ filiis plurium, auditis missarum sollemniis, capiti puellæ matrimonialiter sibi traditæ coronam auream superponit, quam quidam suorum nobilium, evaginato gladio et vibrato de capite sponsæ, abstrahit juxta ritum suæ gentis. Deinde navigio ducit ad propria non sine maximo parentum ejulatu. Eodem die rex Bohemiæ in quodam tentorio novo, ad modum ecclesiæ præparato et diversis pannis quasi de lateribus tecto, fecit milites quatuor marchiones et quintum ducem Poloniæ, præter alios comites et nobiles nobiliter decoratos; cum quibus exercens ludos militares et diversos, ponit ad mensam Ungariæ regem seniore in tabernaculis ad hoc sumptuose præparatis cum diversis principibus, gratiose ministrans et habunde 3. Non. Octobris. Quis autem non possit mirari de tam magnifico principe, qui ab utero matris suæ vocatus est rex aureus (339), qui auro et argento nec non sibi desuper data sapientia pontem trans Danubium jam altera vice suis exercitibus transeundum et redeundum mirabiliter super naves magnas artificiose fabricavit. Sic autem festo consummato, rex Otakarus Pragam revertitur sanus et incolumis cum suis omnibus.

Anno Domini 1271. obiit Vitus decanus Pragensis Kal. Maii. Hic verbum vitæ prædicando et docendo fideles Christi salutarem disseminavit scientiam, spe uberioris fructus suis pro meritis et laboribus, cœlestia pro terrenis comparando. Illuminabat enim mentes hominum utpote lucerna lucens, et confluebant ad ecclesiam Pragensem occasione sermocinationis ipsius singulis diebus dominicis et festivis nobiles terræ et burgenses, cæteri etiam artifices et operarii, ut possent in arcella memoriæ suæ ad laudem et honorem Dei et profectum ipsorum verbum salutis conservare. Contulerat enim sibi Dominus gratiam non modicam eloquentiæ proponendi verbi sui, spiritu sapientiæ replexerat eum et intellectus, et ipse tamquam imbrēs misit eloquia sapientiæ suæ, per quos arida corda hominum irrigabat. Iste vir totum exposuit se ad opus ecclesiæ, et suæ pro nomine Jesu Christi. Compilavit lectionarium quod matutinale appellatur cum magnis laboribus et vigiliis. Nam antea singuli libri, quibus

## NOTE.

(337) Nuptiæ celebratæ sunt in campis qui dicuntur Vizzo, ubi Fiecha in Danubium exundat, Haud procul a Vindobona, ut probant Austriacarum rerum scriptores, Palacky II, 192.

(338) Sunt catenæ ex auro factæ, vide Adelungii glossarium s. h. v.

(339) Ferreus rex nominabatur a Tartaris, teste Chronico Sanpetrino Erfurtenai ap. Menken III, 291.

ecclesia utitur per circulum anni, in voluminibus singillatim conscripti exhibebantur ad matutinas juxta distinctionem temporum et determinationem; videlicet Isaias in adventu Domini, post octavas epyphanie epistolæ Pauli, tempore quadragesimali omiliae sive Genesis, in passione Domini Jeremias, et sic de singulis, per quam mutationem dispendium et error circa minus officiatos generabatur. Procuravit etiam libros plures musicos scribi, ad officium divini cultus pertinentes, suis propriis sumptibus, invigilans ne quid omitteretur, adjiciens epistolas et evangelia, quæ in sollemnibus festivitibus cantantur. Erant enim libri antiqui usuales et simplices, quidam etiam jam vetustate consumti, inutiles, nullum fructum proferentes, per quos error et confusio frequens in officio divino accidebat. Sunt autem hi libri qui conscripti sunt Viti decani pretio et expensis, missalia, gradualia, antifonaria musica, psalteria, ymnaria, collectaria, baptisteria, breviaria et alii plures sermonum libri, per quos illuminavit Pragensem ecclesiam in officio divino. Multæ etiam et aliæ ecclesie conventuales et parochiales emendatæ sunt in officio divino per transcriptionem librorum Pragensium et illuminatæ, quod domino Vito decano, auctori hujus operis, meritorium etiam et animæ ipsius proficuum esse non hæsitamus. Ampliavit etiam Pragensem ecclesiam construendo altaria. Exiit enim pulpitem facultatibus propriis testudinatam, et locavit altare sanctorum evangelistarum ad latus chori sanctæ Mariæ a sinistris. Exiit etiam in aliud pulpitem, ubi solent vicarii cantare et cœna Domini « Domine, miserere, » in matutinis parasceve et vigilia paschæ; et construxit altare sancti Matthiæ, provisione competentis ministro altaris deputata. Per ipsum etiam consummatum est opus claustrum in longa via versus aquilonem, in columnis sculptis et testudinibus et pictura totius claustrum. Capellam sancti Michaelis, in qua vestiuntur ministri ad missas celebrandas, amplificavit subtus cameris testudinatis et supra, et locavit altare sancti Michaelis; quam etiam et depingi procuravit, competentique provisione dotavit, assignans terram in villa Hornetiez et aliam in Przieboy, quas propria pecunia comparavit. Instituit etiam vicarium perpetuum decaniæ Pragensis, assignans terram in villa Bicos, de qua idem vicarius possit commode sustentari. Induxit etiam idem dominus decanus Czieczonem, judicem totius regni Bohemiæ, ad construendam ecclesiam omnium sanctorum, quæ sita est in exitu claustrum versus curiam regalem, quæ ecclesia ædificata est, procurante et conducente lapicidas et alios operarios eodem decano usque ad perfectionem operis prænotati. In qua instituti sunt duo presbyteri ad officium. Quibus etiam provisum est in agriculturis et in dote mobili et immobili, et hominibus censualibus in duabus villis, vi-

delicet Dyrkow et Visin. Iste vir Vitus affectu pio, largitate prodiga fervebat in eleemosynis erogandis; stabilita enim erant bona ipsius in Domino, et eleemosynas illius enarrabit omnis ecclesia sanctorum. Colligebat enim ad mensam suam singulis diebus tres pauperes scolares, aliquando quatuor, quibus et abunde præcipiebat ministrari. Dividebat etiam denarios pauperibus laicis viris et feminis in sequestro et in angulis ecclesie in obscuriori loco, visitando altaria pro veneratione reliquiarum, memor verbi evangelici: « Nesciat sinistra tua, quid faciat dextera tua (Matth. vi, 3). » Non quærebat laudes humanas juxta illud philosophicum: « Virtutis fructum sapiens in conscientia ponit, minus perfectus in gloria; nam sapiens contentus conscientie præmio gloriam non quærit. » Hic vir non tantum scholaribus Pragensi ecclesie deservientibus subveniebat, verum etiam in generali studio existentibus pro possibilitate suarum facultatum affectuose, ut in plurimis patuit, providebat. Cognatos et consanguineos et quoslibet propinquos speciali dilectione amplectebatur, defectibus et necessitatibus ipsorum competenter subveniendo, non immeritorum auctoritatis:

« Cum tibi divitiæ superant in fine senectus;  
Munificus esto, vivas non parcus amicis. »

Hic, qui sui memores alios fecit esse merendo (340) ætas quippe sibi matura inerat et vicinata senio, et competeat sibi illud Sapientie: « Senectus venerabilis est, non diuturna, neque numero annorum computata; cani sunt enim sensus ejus, et ætas senectutis vita immaculata (Cap. iv, 9), » iste vir multa pia officia peregit in domo Domini, ad laudem ejus perferens pondera diel et ætus, et non incongrue comparatur prophetæ Samueli, qui postquam ablaclatus fuit, oblatus est in domum Domini cum tribus modis farinae et anfora vini ad serviendum Domino omnibus diebus vitæ suæ. Iste etiam a pueritia sua nullo cogente, quia coacta servitia exacerbant Deum, sed proprii motus voluntate obtulit se in templum Domini, videlicet Pragensi ecclesie ad serviendum indefessa mente, virili et constanti animositate, præsentio continua ad serviendum ad laudem et gloriam Jesu Christi et beatorum martyrum Viti, Wenceslai atque Adalberti omnibus diebus vitæ suæ, et ad finem usque complevit. Unde de Samuel dictum est: « Cognoverunt omnes a Dan usque Bersahæ, quod fidelis Samuel Propheta esset Domini (Judic. xx, 1). » Viro vero de isto gratia virtutum quæ micabat in ipso divulgavit nomen ejus occasione exercitationis operum ipsius in laudem domus Dei per totam Pragensem dyccesim et in omnibus finibus ejus cunctisque terminis totius regni Bohemiæ. Effulsit enim in templo Dei velut in cerna, non sub modio sed super candelabrum posita. Consurgebat etiam media nocte de strato suo ante

## NOTÆ.

(340) Cfr. Virg., Æn. VI, 664.

tempus matutarum, lustrans omnia altaria pro veneratione reliquiarum cum veniis et orationibus. Aliquando etiam perlegebat tertiam partem psalterii, quam nos quinquagenam vocamus, si tantæ prolixitatis tempus ante pulsationem matutarum se offerret. Deinde suscitabat campanarios ad pulsandas matutinas, et infra pulsationem campanarum egressus de ecclesia, girabat circumquaque pulsando ad cameras clericorum, excitando ipsos ad matutarum officium. Postmodum intrans ecclesiam veniebat ad chorum, et si ebdomadario sacerdotem cernebat, annuebat eidem ut inciperet matutinas; absente vero ebdomadario, officia ipsius personaliter perferre non dedignabatur. Delectabatur enim in officio divino omnem defectum ecclesiæ per ministros neglectum personaliter supportare. Hic vir nunquam audiebat iudicia secularia suorum subditorum, sed aliis commitebat audienda. Culpas vero horum qui per determinatione iudicum damnabantur ad pœnam solvendam nunquam exegit nec oblatam recepit, sed paterna pietate tanquam filios corripuit, quandoque etiam asperioribus verbis, ne similia committant, acrius increpavit. Attendebat enim illud evangelicum: « Nolite iudicare, ut non iudicemini (Math. vii, 1), » etc. Secularibus negotiis ne se inmisceret, omnibus modis evitabat. In villa quæ vulgariter dicitur Velikawes, in qua Ebrhardus felicitis memoriæ canonicus Pragensis (341) comparavit quædam bona pro remedio animæ suæ, et assignavit ecclesiæ Pragensi pro enutriendis et vestiendis 12 scolariis, qui bonifanti sive boni pueri appellantur, qui continue tenentur in ecclesia memorata deservire in cantu, legenda et psalmodia, idem Vitus decanus erexit in altum ecclesiam in honore sancti Laurentii, in qua et turrim extruxit decori operis propriis sumptibus et expensis. Obtinuit etiam episcopo Johanne indulgentiam 40 dierum, fidelibus Christi advenientibus in dedicatione ecclesiæ et aliis summis festivitibus largiendam. Erexit et aliam ecclesiam in Cogietiez villa suis sumptibus in honore sancti Viti, in parietibus lapideis et tectura, et turrim extruxit in altum. In villa Slubach (342) fama volante intellexit quod esset ecclesia totaliter diruta et desolata, ita quod nec ostia remanserant in ipsa; porci, lupi, canes frequentem ingressum et patulum habebant in ipsa. Hanc dominus Vitus decanus Pragensis a fundamento reædificavit de nobilissimi operis structura propriis facultatibus, et turrim pulcherrimam extruxit in ea ob veneratione sancti Adalberti martyris. Construxit etiam altare in ecclesia Stra-

hoviensi sub turri in honore sancti Matthiæ apostoli. Idem decanus melioravit dimidiam præbendam in Strachkow <sup>269</sup> villa comparando pecunia propria curiam et hæreditatem cujusdam militis nomine. . . . <sup>270</sup>, per quem multa mala inferebantur eidem dimidiæ præbendæ. Multa dicenda essent de virtutibus ipsius, quæ digna sunt relatione, de castitate, de continentia, de observantia jejuniorum, de sobrietate, fidelitate ac pietate, de compassibilitate proximorum, de divinorum mandatorum observatione, veritatis et justitiæ imitatione. Sed ne videar singularum virtutum ipsi divinitus collatarum plenius facta prosequendo notam adulationis incurrere, stylo amoto, malui posteris relinquere, quia sunt nonnulli, quorum memoriæ ipsius facta impressa sunt multo meliora. Omnia quippe dona virtutum confluerant in ipsum omnipotenti Domino largitore, nec inde gloriabatur; erat enim ei mundus mortuus, et ipse mundo. Nam mundus dicitur ei mortuus, quem suis illecebris non astringit, et ille dicitur mundo mortuus, qui nihil mundi concupiscit. Non inhiabat vaniloquiis, non spectaculis, non hystrionibus. Epithaphium ipsius:

*Da, Deus, æthercos Vito conscendere cœlos,  
Astrigerumque sacro sub nomine noscere cœlum,  
Perpetuoque frui sine mortis legibus ævo. Amen.*

Hoc etiam epitaphium lapidi ipsius tumbæ superposito scriptum erat.

*Nomen sortitus fuit a vita vere Vitus,  
Cujus erat vita morum fidei redimita.*

Anno dominicæ incarnationis 1272 (343), mense Augusto missus est Coloniensis archiepiscopus (341), et alii cum eo plures nobiles ad regem Otokarum, rogantes ipsum ex parte electorum, qui habebant potestatem et jus eligendi in imperatoriam dignitatem, quatenus dignaretur assumere apices imperatoris dignitatis. Quos Otakarum rex serenissimus benigne et gratiose recipiens, honestissime tractat infra aliquot dierum spatia, et convocans nobiliores milites Bohemorum et maturiores ætate ac sapientia fulgentiores, quid opus sit factu in hujusmodi negotio studiosus inquirat. Congressis itaque in unum locum magnatibus et primis juxta mandatum regium, consilio habito unus ex ipsis eminentior dignitate, qui eo tempore erat camerarius regni et facundior, Andreas (345), nomine, et talibus dicitur usus fuisse sermonibus: « O rex invictissime et excellentissime, quis mortalium tuæ potest in terris æquiparari potentiæ! Deus in cœlis regnat, tu in terris ex permissione ejus, et ducibus et terrarum principibus domaris, et non est qui resistat tuæ

#### VARIE LECTIONES.

<sup>269</sup> scriptum erat Strahow, sed manu antiqua correctum est Strachkow. <sup>270</sup> spatium vacuum incodice.

#### NOTÆ.

(341) Cfr. supra 1257, 1259.

(342) Slubach in circulo Kaurzimensi.

(343) Ita legendum esse, minime 1271, ut habet codex, quem rerum Bohemearum scriptores secuti sunt, observavit Bohmer Reg., p. 52. Richardus die 2, mens. April. ejusdem anni obierat; vid. ibid.

pag. 51.

(344) Engelbertus, quem Pessina III, 7, in loco quem dedit ex hoc Chronico Conradum nominavit.

(345) Quem de Ricsano nominat Franciscus I, 3, Pelzel et Dobrowski scr. rer. Boh. II.

voluntati. Incognitæ enim tibi sunt ad quas invitatis diversarum gentium nationes, et rerum dubius eventus. Sede in solio patrum tuorum; tuum regnum et potestas per climata mundi famosius dilatatur, et ad mare (346) nomen tuum insonuit, jam et nutibus tuis cuncti terrarum principes famulantur. Ipse etiam, si necesse fuerit, imperator tuis parebit mandatis scuto et clypeo in auxilium tuæ necessitatis. » Rex itaque Otakarus auditis his sermonibus, consideransque potentiam suam extolli et magnificavit, acquievit sermonibus, et recusans ad tantæ dignitatis fasces assurgere, remunerat nuncios muneribus magnificis in auro, argento, gemmis pretiosis, annulis, dextrariis, palefridis et diversis ac variis clenodiis, vestiens ipsos et totam curiam eorum, remisit ad electores cum uberiori gratiarum actione. Venerunt et pluries (347) nuncios simillimam deferentes, quos rex benigne suscipiens petitionibus ipsorum nullo modo acquievit, sed muneribus ornatos ad electores remisit, gratiarum actiones referens pro evocatione tantæ dignitatis.

276. Anno quinto (348) electionis suæ Rudolfus misit nuncios ad Otakarum regem Bohemiæ, petens sibi restitui terras, videlicet Stiriam, Austriam, Karinthiam, Portum Naonis (349), Fioletum, Forum Julii, asserens eas ad imperium pertinere et suo dominio subjacere. Rex autem Otakarus, vir magni cordis, in ordinandis regni sui negotiis singulari solertia præditus, et rebus bellicis a pueritia deditus, cui audaciam dabat invicta soror fortunæ Bellona et felix bellorum successus, confidens potentia suæ affectansque semper bellare et præliari, tale

A fertur nunciis Rudolfi electi in imperatorem dedisse responseum : « Terras quas Rudolfus repetit nunquam possedit nec possidebit; sed mihi quædam datae sunt in dote, ratione matrimonii contracti cum Margareta, filia Leupoldi ducis Austriæ, quasdam etiam manu victrici et gladio acquisivi et dominio meo subjugavi. Unde in terris sui imperii imperet, terris autem quas a me repetit nunquam imperabit (350). » Videns itaque rex Rudolfus, considerans se verbis non posse proficere, post primam et secundam monitionem (351) furore iracundiæ succensus (352), concepit in animo suo armis vincere regem Otakarum, et præparat se ut celerius potest ad bellum (353). Comperiens itaque rex Bohemorum, quod Rudolfus attemptaret ingredi terminos suos (354), misit exercitus in occursum ejus versus Tepla ad repugnandum, ne intraret metas ejus: ipse autem rex morabatur in venationibus deditus ludis et aliis curialium delectationibus, Sciens itaque rex Rudolfus, quod Otakarus rex in occursum suum exercitus Bohemorum armatos, ne intraret terram Bohemorum, venire decrevisset, aliorum divertit gressus suos, et processit ex alia parte Danubii (355) versus Austriam, occupans castella et quæque oppida, civitates et villas, omnia subjiciens ditioni suæ, transiens per Pataviam usque Linam (356), et ibi castra metatus est cum exercitibus suis. Quod audiens rex Otakarus mandavit exercitibus suis, qui erant circa Tepla, ut quanto citius possunt, veniant usque in Droznovitz (357). Trænseuntes itaque de Tepla, per provincias Pilznensem, Bechinensem, Prachnensem et

## NOTE.

(346) Adriaticum; post mortem enim Ulrici ducis Carinthiæ a. 1269. Otakarus Carinthiam, Istriam et partem Foro-Julii occupaverat. Vid. anon. Leob. Veronenses etiam, Feltrenses, Tarvisini Otakari patrocinio se subdiderant. Cfr. Ænæ Silvii hist. Bohem. c. 27.

(347) Quod in dubitationem vocari videtur posse.

(348) Erat; primum de his rebus actum est Norimbergæ in curia d. 19 m. Nov. 1274 a Rudolfo habita, cui Otakarus, cum de feodis ab ipso inter regni tempore occupatis ageret, non interfuit. Cfr. Mon. Germ. Legg. II, 399 et Rudolfi epist. 60 apud Bodmannum.

(349) Portenau castellum, Pordenone, in provincia Foro-Juliiensi situm, feodum erat Aquileiense Ecclesiæ. Apud Boczek IV, 41 deprehendimus Otakari quoddam præceptum 12 Jan. 1270 datum, quo se Bohemiæ regem, ducem Austriæ et Styriæ, et Moraviæ marchionem nominat, quod sequitur aliud D 16 Febr. 1270 scriptum, in quo ducis Carinthiæ, domini Carniolæ, Marchiæ et Egræ titulos addit, et die 28 Aug. 1270 domini Portus Naonis. De his provinciis vide Otakari pacem cum Stephano Hungariæ rege a 1271 factam Boczek IV, 4.

(350) Duabus litteris ad papam 9 Mai. 1275. scriptis Otakarus pontificis arbitrio se submittere velle confirmat petitque, ut et sibi et Rudolfo hoc injungatur ne alter alterum aggrediatur, dum ipse terræ sanctæ auxilium ferre ex voto se præparat. In altera vero epistola de Rudolfo hæc leguntur: *In curia apud Nurenberch celebrata quædam de facto in nostris honoris dispendium et terrarum nostrarum non*

*modicum detrimentum attemptare per suas sententias nitetur, et adhuc nititur, et per sua placita omni juri contraria malum nobis multipliciter contra justitiam machinatur, tamquam hostis publicis et adversarius manifestus.* Cfr. Boczek IV, 142.

(351) Secunda vice Otakarus invitatus est Herbpolim, ubi 23 Jan. 1275 curia habebatur, tertia 15 Mai. ejusdem anni Augustam. Bohmer Regest., p. 68. Anno demum 1276 ad Otakarum missus est Fridericus burgravius Norimbergensis, ut imperii banno affectum ad pacem ultimo revocaret. Vide Anon. Leob. 1274 et Bohmer I. I.

(552) Quod verum esse dicis, si talia in Rudolfi epistola 8 apud Bodmannum legis: *Nostrum et ejusdem imperii publicum inimicum, patris et patriæ nefandissimum traditorem, quem tota Austria tanquam inveteratum in perfidiæ malitia patenter evomuit.*

(353) Quod cœptum est die 24 Jun. 1276 Bohmer, pag. 77.

(354) Belli gerendi consilium, quod primum Rudolfus ceperal, descripsit Fridericus episcopus Salisburgensis in epistola 15 apud Bodmannum: *Primo infestis regem Bohemiæ, circa partes Bohemiæ ut sic ab Austria discedere compellatur.* Quod vero mutavit consilium, pace cum Bawariorum duce facta; non Bohemiam, quod et ipse Otakarus opinabatur, sed Austriam aggressus est.

(355) Quem Ratisbonæ trajecerat.

(356) Linz, ubi in castris erat die 10 Oct. Lambacher II, 110.

(357) Idem quod paulo infra Drosendorf ad Tayam in sinistra Danubii ripa in Austria inferiori.



per sylvas ac nemora, multa mala perpassi sunt, errantes in invio et non in via; tamen spoliatione pauperum per innatam malitiam non cessabant, nulli omnino sexui parcentes vel ætati, quod melius experti sunt illarum provinciarum viri Australes (258). Tandem venientes ad condictum locum Drozendorf, occuparunt fines provinciarum confinii illius in longitudine et latitudine quatuor milliariorum, et ibi tentoria tetenderunt et castra metati sunt, rege Otakaro inter ipsos jam commorante, et rege Rudolfo ex alia parte Danubii cum exercitibus suis circa Clinez existente. Cumque jam septem hebdomadis morarentur prædicti principes cum exercitibus suis in locis ante dictis (359) ex utraque parte Danubii, videntes homines debilitari et deficere præ nimia anxietate et carentia victualium atque nimio defectu pabuli equorum (360), per nuncios ab utroque principe hinc inde missos treugis interpositis et securitate data sub juramenti interpositione, elegerunt locum insulam quandam dictam Kamberk ad tractandum pro amicabili compositione et reformatione pacis (361), nutrice concordia mediante. Deinde statuto die intrante insulam supradictam utroque principe cum paucis ad hoc specialiter evocatis, tractatu prolixiori habito, tale fœdus invenit in contractu sponsalium: videlicet ut Wenceslaus, filius regis Bohemiarum, filiam (362) Rudolphi electi accipiat in uxorem sibi, et e converso filius Rudolphi (363) filiam (364) Otakari accipiat sibi in uxorem. Hic contractus confirmatus fuit per utriusque principis juramenti interpositionem in præsentia multorum episcoporum (365) et aliorum plurium nobilium ecclesiasticarum et secularium personarum. Fuerunt etiam instrumenta super eodem contractu confecta et multorum principum pro testimonio sigillis insignita (366). Videns itaque rex Otakarus tali confœderatione et amicitia Rudolphi

A electo se junctum, ad instantiam ipsius et petitionem, quorundam etiam suorum consilio inductus, sub spe uberioris gratiæ obtulit sibi vexilla quinque in signum subjectionis, sperans sibi eadem vexilla cum terris quas resignaverat incontinenti restitui. Rudolfus vero, ut vir providus et discretus, cum suis primatibus interlocutoria habita, usus maturiori consilio regi Otakaro vexilla duo restituit cum terris Bohemiarum et Moraviarum, ponens eum sub spe restitutionis et aliarum terrarum, asserens se necessitatibus et indigentis ac rerum carentia esse prægravatum (367). His ita peractis vinculo pacis firmissimo inter ipsos durante, inconvulsis radicibus amicitiae ad proprios lares læti remearunt. Acta sunt hæc anno Domini 1276. 12. Kal. Septembris usque ad Kalendas Decembris (368). Quædam autem, quæ ibidem in Kamberk acta sunt, malui subticere, ne forte singula ut fuerunt prosequendo aliquorum odium incurram.

Anno Domini 1277. 6. Idus Septembris rex Otakarus, immemor sponsionis suæ, filiam suam (369), quam desponsaverat N. filio Rudolphi electi Romanorum, recluserat in monasterium sancti Francisci (370), subjiciens regulæ et religioni, quæ vocatur religio pauperum dominarum. Intraverunt et aliæ cum ipsa decem virgines sub eadem regula victuræ, cupientes cœlibem vitam ducere, et omnipotenti Deo pro viribus et sicut regula ejusdem conventus præcipit deservire. Hujus puellæ ingressus et assumptio monasticæ vitæ non solum a sapientibus, verum etiam a simplicibus rurensibus laicis reputabatur initium fuisse totius mali et ruina regni Bohemiarum (371). Cujus instinctu seu consilio rex Otakarus allectus istr fecerit vel facienti consenserit, quia inter sublimes personas versatur factum (372), ad enarrandum difficile manet. Nec in aliis de fuit hostis antiquus, qui fraudis suæ fomenta sub-

## NOTÆ.

(358) De hac devastatione cfr. Chron. Claustro-neoburg. ap. Rauch I.

(359) Observandum hac tempore Rudolfum a Linz urbe usque ad Viennam progressum esse, quam die 18 Oct. obsideri cœptam per quinque hebdomades obsessam tenuit Rudolfus. Vide Chron. Austriæ apud Rauch. II.

(360) De hac fame vide Chron. Salisburgense.

(361) In castris ante Viennam pax facta est, ut probat Fridericus Salisburgensis in litteris ad papam datis, Pubitschka IV, 2, 420. Otakarus in epist. 30 apud Dollinerum dicit concordiam apud Danubium initam esse.

(362) Gutam.

(363) Hartmannus.

(364) Cunegundium.

(365) Werner archiepiscopi Moguntini, Friderici Salisburgensis, Bertholdi Babenbergensis, Leonis Ratisbonensis, Petri Pataviensis, Conradi Frisingensis, Brunonis Brixienensis, Dietrici Gurcensis, Joannis Chymensis, qui exstant in regum præcepto dato 26 Nov. 1276, M. G. Legg. II, 408.

(366) Pacis leges conscriptæ sunt in tabula in castris ante Viennam 21 Nov. 1276, mediantibus episcopis Bertholdo Herbipolensi, et Brunone Olomucensi, et Ludovico comite palatino Rheni, et Ot-

tone marchione Brandenburgensi. In quo præcepto leguntur hæc: *Dominus O. rex Boemiarum cedit simpliciter et precise omni jure quod habebat vel habere videbatur in terris et hominibus cujuscumque conditionis existant, Austria videlicet, Styria, Carinthia, Carniola, Marchia, Egra et Portu Nahonis.* Mon. Germ. Legg., II, 408.

(367) Quæ omnia in una eademque pacis tabula composita sunt, itaque huic auctoris narrationi minime videtur fides habenda.

(368) Litteræ quibus Rudolfus investiebat Otakarus Bohemia et Moravia datæ sunt Viennæ 25 Nov. 1276, Hoczek IV, 183.

(369) Anno 1265 natam; cfr. supra.

(370) Quod sponte fecit Cunegundis, si Franciscum audis ap. Pelzel et Dobrowski II, 29.

(371) Quod vix credendum, cum diebus 6 Mai et 12 Sept. 1277 mutatis quibusdam conditionibus inter Rudolfum et Otakarum pax denuo firmata est; cfr. Bohmer, p. 84, 88. Quam belli causam a nostro falso allatam esse jam probarunt Lambacher I, 208; Palacky II, 267.

(372) Cunegundim reginam innuere videtur, quam belli auctorem fuisse monachus Fürstendeidensis et post eum multi alii narrarunt.



ministrans et semina discordiarum spargens, irretire non desinit humanum genus, quietiam in tantum succendit animum regis Otakari ad belli studium, ut obliviscens omnium promissionum suarum, quas pollicitus est electo Romanorum, vix diem expectat, que in ipsum suam possit effundere iram. Mittit ad eum litteras (375) magis rixam provocando, quam pacis osculum offerendo. Eodemque anno molendinum ventosum est erectum in orto Strahoviensi.

Anno Domini 1278. 5. Kal. Julii rex Otakarus profectus est ad expeditionem contra Rudolfum electum versus Moraviam, reseditque in Brunna, expectando duces Poloniæ (374) et militiam ipsorum, nobiles etiam Bohemiæ atque Moraviæ, quorum auxilio sperabat se victoriam obtinere, et terras sibi ablatas iterum dominio suo subjugare. Non attendebat intra se dubium esse eventum bellorum; varius est enim eventus in prælio, et nunc isti, nunc illi prævalent bello, et quem premunt suafata, hunc continuo nolentem ducunt, volentem trahunt. Collectis itaque exercitibus processerunt ad Lavam, ibique immorati sunt, quamdiu poterant pabulum pro equis et victualia per spoliaciones pauperum habere (375). Deinde venientes applicuerunt munitioni quæ dicitur Drozdorf, et ibi metati sunt castra, et vallaverunt prædictam munitionem, et locaverunt machinas et alia varia instrumenta ad expugnandum. Videns quoque hæc quæ fiebant Messover (376) miles strenuus, qui præerat eidem munitioni, quod resistere nequiret, subdidit civitatem, se etiam ipsum et omnia quæ possidebat dominio regis. Cumque hæc innotescerent electo Rudolfo, jam enim dudum collegerat multitudinem copiosam Ungarorum, Comanorum, Suevorum, Saxonum, Austriarum, Stiariensium, Coloniensium, Rieniensium (377) et aliarum diversarum nationum, et transfretato Danubio (378) venit in occursum ejus. Rex autem Otakarus jam erat circa eum locum, qui dicitur vulgariter Usadwora Lova Lovistie, et est mons nemorosus circa flumen Moravam [COSMAS]. Interea electus Rudolfus, ut vir providus et prudens in re-

rum discrimine, sciens arcum suum tendere et relaxare tempore opportuno, comperiens per exploratores suos, quod rex cum exercitibus suis nullam spem haberet de adventu inimicorum, et essent dispersi huc atque illuc, sicut consuetudo Bohemorum est, causa prædæ rapiendæ, et rege cum paucis commorante, repente irruit cum exercitibus suis super improvisos et inhermes, et in modum semicirculi per ordinatas acies circumcingens eos multitudine innumerosa, contrivit tentoria ipsorum et exercitum eorum, et cecidit super militiam regis Otakari formido et pavor in magnitudine brachii electi Romanorum, et perterriti ac nimium stupefacti non valentes resistere potentia ipsorum, fugiunt, sicque fieri solet, ut quando homines præ timore fugiunt etiam ad motum auræ pavent et ipse pavor timorem eis auget; in Rudolphi exercitus fugientes insecuntur forti et armata militia, et quosdam interfecerunt, quosdam vulneraverunt. Nobiliores vero multi Bohemiæ, Moraviæ et Poloniæ capiuntur ab eis, circumdati ex omni parte et velut sues in stabulo conclusi; eliguntur potiores, ditiores et meliores, et deducuntur ad oppida et munitiones, et reclusi in carceribus, in manicis ferreis et carpibus, gravissimis cruciatibus et pœnis variis torquebantur, ut darent pecuniam non modicam argenti et auri detentoribus suis. Captivi vero videntes se undique angustiis et tribulationibus ac cruciatibus magis magisque affici, nec aliquo remedio vel auxilio evadere manus persecutorum, quibus pecunia deposita deerat, vendentes bona progenitorum suorum, redemerunt se ipsos cupientes vitam conservare, Et quid est, quod non daret homo imminente cervicibus gladio? Quis in angustia constitutus non libenter daret pro se quidquid haberet? Nonnulli etiam fugientium sperantes se præsidio fugæ evadere hostium persecutionem, se ipsos præcipitaverunt in flumen Moravam, quia circa ipsum fluvium conflictus pugnae gerebatur (379), et mox suffocati sunt (389). De interitu autem regis Otakari nihil certi dicere possumus, quia diversi diversa dicunt, et sic multis hæsitantibus vulgo proclamatur, quod

## NOTÆ.

(375) Quas scripsit Podiebradi die 31 Oct. 1277 de Witegonidibus, quos Rudolfus sua cum Otakaro pace comprehensos esse statuerat. Cfr. Dolliner., p. 79.

(374) Vide Otakari litteras ad Poloniæ duces apud Dollinerum, p. 93, quibus eos ut sibi auxilium ferant invitat. Sed suppressa sunt nomina. Cfr. quod ibidem de Otakari sociis observavit Dolliner.

(375) Circa festum S. Jacobi i. e. 25 Jul. intravit Otakarus Austriam, teste Heinrico de Heimbürg.

(376) Stephanus de Mizow apud Heinricum de Heimbürg.

(377) Minime ex imperii principibus tam multos, quam auctor videtur epinatus esse et Lambacher ex tabula quadam sibi persuadebat, Rudolfo in auxilium venisse probavit Böhmer, p. 95 Præter episcopos Salisburgensem et Basiliensem et comitem Zollerensem fuisse paucissimos Salisburgensis Chro-

nici auctor docet.

(378) Quod factum est Heimbürgi die 14 mensis Augusti, teste eodem Chronico.

(379) Hanc pugnam satis accurate descripsit Joannes Victoriensis II, 4. Locus quo prælium commissum est ab aliis aliter est descriptus, oppidum Marchæ, campus Gansserfeld, Stifrit, campus Ydungspeugen circa Marchiam, campus Marchveld modo ab hoc modo ab illo rerum scriptore affertur, quorum testimonia accurate collegit Böhmer Reg., p. 95. Commissum est prælium die 26 m. Aug. 1278; ut ipse Rudolfus ad papam scripsit crastino b. Bartholomæi castra posuit haud procul ab Otakari exercitu; mane feriæ sextæ subsequentis ad arma ventum est, in die Veneris, ut habet Heinricus de Heimbürg.

(380) Quod probat Rudolfus in litteris ad papam

infra exercitus delituit et amplius non comparuit (381). Capta est autem præda innumerabilis a parte regis Rudolphi in curribus partis adversæ, in auro, argento, visis, scutellis argenteis, balckinia (582) et aliis clenodiis et diversis rebus, ornato capellæ regię, armis, nobilium dextrariis et aliis equis majoris et minoris valoris, cujus damni et jacturæ rerum ratio humana æstimationem computare non valet. Factus est autem timor magnus et turbatio per universam Bohemiam et Moraviam, qualis non fuit ex eo, ex quo regnum Bohemię sumpsit initium. Nam spolia multa et infinitæ excussiones ecclesiarum perpetratæ sunt in monasteriis monachorum, cruceferorum, sanctimonialium, in domibus fratrum minorum et aliarum diversarum religionum <sup>271</sup> collegiis. Theutonicis, expulsis et ejectis atque per colla extrusis de Insula monachis, commorati sunt in claustro (383) sex septimanis, et omnia victualia, quæ comparata fuerunt ad usus monachorum, qui ibidem Deo sedulum exhibebant officium, et orationes suas incessanter pro benefactoribus et salute vivorum Deo non desinebant fundere atque defunctorum, expenderunt. 24 villas eidem monasterio spoliaverunt in mobilibus et in immobilibus, ita ut nec pilus neque granum posset inveniri. Quid dicam de aliis religiosorum domibus? In Corona (384), quæ erat nova ædificatio domus, nec signa possunt ubi domus monasterii constructa erat inveniri. Quid dicimus de griseis in Ossiek, in Brzewnów ordinis sancti Benedicti, de dominabus in Teplicz et in Swietecz (385)? Omnes in dolore et amaritudine paribus cruciatibus et similibus doloribus afflicti sunt. De remotioribus monasteriis a civitate Pragensi quod similia perpassi sunt loqui non audeo, quia multa graviora. Ex quibus Wylomw (386) potissimum læsum est, quia circa ipsum rex Rudolphi cum omni sua potentia his stetit (387), et Brandeburgensis marchio et duces Poloniæ convenerunt. Incendia etiam innumera per totam Bohemiam facta sunt per villas et urbes, pauperum spoliationes in pecoribus, jumentis et cæteris animalibus ac altilibus diversi generis, in vestibus, in frumento et pabulo quadrupedum. Facta est autem distractio regni Bohemię et divisio juxta placitum et voluntatem

A regis Rudolphi electi Romanorum. Branburiensis marchio obtinuit Pragense castrum cum majori parte Bohemię, dux Poloniæ (388) Kladsko provinciam, regina partem cum filio Wenceslao. Et impletur illud evangelicum: « Omne regnum divisum desolabitur (Matth. xii, 25). » Adhuc Bohemis pejora in futurum vanæ mentis præstigia auguriantur. Moravia etiam in plures partes fertur esse distracta (389). Proh dolor! quanta anxietate, quantaque commotione Bohemia et Moravia agitatae sunt, nec ego nec pluralitas facundiorum hominum valet explicare. Eodem anno 12 Kal. Novembris obiit Johannes Pragensis episcopus vicesimus quartus. Hic vicem sedis pontificalis gerens rexit ecclesiam Pragensem annis 22 (390). Erat enim forma spectabilis, incognitis formidabilis, domesticis affabilis, veritatis imitator, justitiæ sectator indefessus, in judicio providus, in universa morum honestate præclarus et qualitate incomparabilis, mœrentium pius consolator, hospitem et peregrinorum benignus susceptor et visitator. Facundissimus in eloquentia utriusque idiomatis Bohemici et Latini, lucerna lucens in mundo et ardens non sub modio, sed super candelabrum posita, illuminat corda hominum verbo veritatis, factis et exemplis. De cujus et alii claris actibus, licet plura digna relatu eniteant, tamen ea intacta relinquimus, quia quidam ipsi nihil boni operantes aliorum benefactis invidere non desistunt. Usus sibi maximus erat quærere et amplecti consortia peritorum, per quorum eloquentiam lætificabat animum suum, et hauriebat colores sententiarum dulcius nectare liquido. Micabat namque et aliud lumen quasi sol meridianus præcellens fulgore omnes reges, duces et principes suæ magnificæ potentia, videlicet Otakarus serenissimus rex Bohemorum. Hic Otakarus ab ipso ætatis suæ tyrocinio omnem spem ponens in solius Dei patrocinio, virili animositate sui regni rexit dominium. Erat enim princeps spectabilis, rex inexpugnabilis, dux in castris acceptabilis. Hic quotiescunque contra quemlibet regum vel ducum aciem belli movit, semper cum magno triumpho lætus ad propria remeavit (591). Erat etiam in sui principatus regimine zelo pietatis suc-

#### VARIÆ LECTIONES.

<sup>271</sup> conjectura Dobrowskii, legionum 2.

#### NOTÆ.

(381) Apud monachum Fürstenfeldensem ap. Böhm. Fontes rer. German. I, 8, legimus Otakari cadaver positum esse in loco edito, *ne fiat anceps de eo opinio presentibus et futuris et dicant eum esse sublatum*. Rudolphi in litteris ad papam datis 92 ap. Bodman. hoc de inimico posteritati reliquit testimonium: *More et animo giganteo, virtute mirabili se defendit, donec quidam ex nostris militibus ipsum mortaliter vulneratum una cum dextrario dejecerunt; tunc demum ille rex magnificus cum victoria vitam perdidit*. Vide etiam vitam Wilbirgis apud Pez II, 263.

(382) I. q. baldekinus, stragulo vestis pretiosissima ex auri illis et serico facta.

(383) Ostroviensi.

(384) Goldenkron.

(385) Schwatz in circulo Lettmericensi.

(386) Monasterium Sancti Benedicti Willimow in circulo Czaaslaviensi.

(387) Quod sine dubio factum est a. 1278 mense Sept. vel Oct. cum Moraviam et Bohemiam intrasset.

(388) Henricus IV, dux Vratislaviæ.

(389) Ad res publicas administrandas Moravia a Rudolfo rege inter Olomucensem et Basileensem episcopos divisa est, quod probat Annalium scriptor Zabredowicensis cœvus, ex cujus libro fragmenta dedit Boczek in commentatione Mähren unter König Rudolf I. Abh. der königl. böhm. Gesellschaft der Wissenschaften. Neue Folge IV, 25.

(390) Annus vicesimus primus non est expletus, vide supra ad a. 1825.

(391) Quod minime semper factum esse vide supra ad a. 1257.

census nimio, culpas suas recognoscentibus pius indulitor, viduarum non surdus auditor, orfanorum non tardus adjutor. Tempore quadragesimali nocturno, solo servo contentus, latenter ecclesiam ingressus, et super pavementum humi prostratus tandem perseverat in precibus, quoad usque largo imbrelacrymarum madida fuit cui incubuit humus. Inde surgens ad agapen faciendum ante ortum solis vocat officialem, cui commiserat curam pauperum, et requirit an parata habeat omnia pro pauperibus enutriendis. Erat enim mos ejus omni quadragesimali tempore quingentos pauperes pascere, et in parasceve eosdem vestire. Lavabat etiam et pedes pauperum in cœna Domini juxta numerum 12 apostolorum, dividens illis cuilibet solidum denariorum. Veniens etiam ad ecclesiam Pragensem tempore quadragesimali personaliter aggreditur sacerdotes, inducens eos petitionibus suis, ut missas cantent pro salute vivorum, alias pro animabus fidelium defunctorum, nec non et missas votivas de sancta Trinitate, de sancto Spiritu, de Domina, de patronis, de sancto Nicolao et alias quam plures, dum tantummodo tot possent inveniri sacerdotes. Ad manum autem cujuslibet sacerdotis missam dicentis offerebat duos aureos vel duodecim argenteos denarios. Hæc vidimus, et testimonium perhibemus. Iste princeps quantum fuerit largus, mens humana appre-

hendere nec enarrare potest. Quam innumera dona dedit extraneis ducibus, principibus, in auro, argento, equis, annulis, vestibus, exprimere non valeo. Qualis comitatus sequebatur eum cottidie militum, principum, balistariorum dinumerari non poterat. Nobiles terræ, in amaritudine cordis flete regem vestrum, qui vestiebat vos coccino in deliciis, et prebebat ornamenta aurea cultui vestro, accincti velamine ornamentorum pretiosissimorum, quibus etiam fucatis ostro sibris radiantia fila pendebant, quibus seculi arridebat pompa et altitudo mundana tumescebat. Ornatus capellæ regiæ non nisi de pretiosissimis balkinis purpura et bysso contextus erat in casulis, dalmaticis, cappis et aliis ornatibus; calices quidam aurei, argentei, et alia vasa, quæ ad officium divinum destinata sunt, usque ad pelves omnia in auro confecta sunt; scutellæ etiam mensæ ejus ex auro puro et argento subtili opere fabricatæ, ad omnia ferula licet infinita mensæ ejus deferbantur. Quid plura? a solis ortu usque ad occasum inter reges eo tempore non inveniebatur, qui tanta largitate et potestate atque morum fulgeret honestate. Quam largus fuerit et prodigus in suis donativis muneribus, stylo submoto, ne videar adulationis notam incurere veritatem prosequendo, ejus facta melius et verius explananda posteris relinquo. Largitio enim ejus immensitas fuit <sup>272</sup> mensura (392).

## IV.

### ANNALIUM PRAGENSIVM PARS II.

Anno Domini 1278. episcopo Johanne viam universæ carnis ingresso, Thobias præpositus Pragensis, vir nobili prosapia ortus, ætatis legitimæ, in nomine sanctæ et individuæ Trinitatis, divina favente clementia, favorabili et concordia canonicorum assensu in episcopum sedis Pragensis, se nimium refutante, 17. Kal. Septembris (394) est electus. Idem in officio præposituræ adhuc existens, non solum clericos Pragensis ecclesiæ seu civitatis, immo quacunqueterrarum parte advenientes sub alacri munificentia grata Christi vice recipiebat, et eis caritativo affectu necessaria vitæ ministrabat. Canonici itaque Pragensis ecclesiæ, cupientes electionem suam omnium virium suarum nisu ad effectum perducere, compilato decreto juxta formam electionis præhabitam, et sigillis omnium canonicorum munito, per solemnes nuncios, Gregorium magistrum et decanum Pragensem, Alexium præpositum Olomucensem ac Theodricum canonicos Pragenses, viros utique honestos et providos, præsentarunt metropolitanæ, sedis Ma-

guntinæ archipræsuli (394), petentes multa precum instantia humiliter et devote, quatenus electionem per capitulum Pragense celebratam, excusante etiam absentiam electi, tum propter viarum discrimina, quia eo tempore commotio maxima et turbatio erat per totum regnum Bohemiæ pro interitu regis in spoliis et oppressionibus, tum etiam propter distantiam locorum; solita pietate dignaretur misericorditer confirmare. Effuderunt et alias ejusdem negotii duas necessarias petitiones coram reverendissimo archipræsule, humiliter exorantes, quatenus vices suas dignaretur committere honorabili viro Brunoni, Olomucensi episcopo, ut in presbyterii gradum electum ipsorum promoveret, et cum aliis duobus copiscopis vicinioribus sibi adjunctis ad episcopalis gradus dignitatem consecraret. Metropolitanus itaque, sicuti vir prudens et discretus, studiosus cum suis canonicis et aliis peritis in jure canonico viris, examinato regulariter et canonice decreto, nullaque comperta in eo reprehensionis nota, sciens miseri-

#### VARIE LECTIONES.

<sup>272</sup> recentissima manus hic superflue apposuit sine 2.

#### NOTÆ.

(392) Aliorum testimonia et fautorum et adversariorum collegit et examinavit Palacky II, 207.

(393) Librarii videtur error, nam ex ipsa narra-

tione Tobiam mense Novembre electum esse satis patet, quod observavit Pessina in phosphoro.

(394) Wernerero.

corditer compati necessitatibus subditorum, quia etiam constabat sibi alias de malo statu terræ Bohemorum, et etiam propter viarum discremina non posse commode venire ad præsentiam suam electum Pragensem, petitionibus ipsorum justis acquiescens, considerans etiam, quod absenti electo confirmatio si quam faceret invalida fieret, Olomucensi episcopo juxta formam petitionum committit vices suas, quatenus requisitis et inspectis omnibus articulis et articulo circumstantiis, quæ ad negotii qualitatem pertinent, confirmationis et in gradum sacerdotii promotionis atque consecrationis electo in Pragensem episcopum munera seu beneficia largiatur. Sic namque nuncii capituli Pragensis assecuti circa archiepiscopum Maguntinum complementum petitionum suarum, juxta propositum voluntatis suæ exhibitis habunde gratiarum actionibus, benedictione accepta læti in Bohemiam remearunt. Venientes autem in urbem Pragensem, ab electo et ab honorabili cœtu canonicorum et clericorum 11 Kal. Januarii cum gaudio sunt recepti.

Anno Domini 1279, Nonis Januarii Thobias electus Pragensis, præmissis nunciis cum litteris commissoriis ad honorabilem virum Olomucensem episcopum super confirmatione suæ electionis ex parte archiepiscopi Maguntini, proficiscitur versus Moraviam cum honorabilibus viris Gregorio magistro et decano Pragensi, Alexio præposito Olomucensi atque Theodrico, canonicis Pragensibus, sequentibus ipsum et aliis etiam capellanis minoris et majoris gradus, et secularium nobilium virorum cum multo comitatu, inveneruntque Olomucensem in civitate episcopali nomine Ostrava (375), quæ est sita ultra Opaviensem provinciam in metis Poloniae et Moraviae. Quos Olomucensis intelligens adventasse, honorifice suscepit, et gratiose tractat ac benigne (396). Nam moris ejus fuit semper et est adventu hospitem congaudere; imitatur enim auctoritatem quæ dicit: « Nobilium virorum speciale solatium est, quacunquē terrarum parte advenientes hospitio recipere et benigne tractare, et si quis motus zelo pietatis recipiat extraneos, succensus amore caritatis magis fervescit in propinquos. » Apertis itaque negotiis suis et oblatis litteris commissoriis, petivit (397) humiliter, quatenus juxta formam in commissione sibi traditam procederet in promissis. Olomucensis autem justis petitionibus ipsorum et honestis aures patulas accommodans, sciens lassus in labore compati, mœstis solatium inferre, quantocius possit promittit mandatum sibi in junctum effectui mancipare. Habebat autem eo

A tempore collegam episcopum Basiliensem (398) sibi junctum ad peragendas regales legationes Rudolphi electi Romanorum. Eodem namque Basiliensi episcopo ad executionem commissi assumpto, secundum formam sibi traditam processit ad examinationem, et de circumstantiis diligenter ac studiose inquisitionem faciens, de contingentibus, quæ ad executionem hujus negotii pertinent, nihil obmittens, perduxit ad effectum. Hiis ita rite omnibus peractis, invocato Jesu Christi nomine, confecto et dato privilegio confirmationis, auctoritate sui metropolitani 15 Kal. Februarii electionem Thobias in episcopum Pragensem regulariter et canonice per capitulum Pragense celebratam confirmavit. Eodem anno 9 Kalendas Martii (399) profectus est Thobias electus, assumptis ex honorabili cœtu Pragensis ecclesie viris providis et eminentioris discretionis atque literaturæ peritioris <sup>273</sup>, videlicet magistro Gregorio, decano Pragensi, Thoma præposito, Gotfrido præposito, Vernhero, Ulrico, Alexio Theodorico, Petro, Sdeslao, Benessio, canonicis Pragensibus, et aliis capellanis episcopalis curiæ, omnibus, pretiosissimo indumento vario subducto, vestitis plenarie et pellibus magdurinis — nobiles etiam, milites domicellosque curiæ suæ superiores, mediocres et infimos vestivit ex integro cujuslibet vestimentis, videlicet sagitta circumflexa in auribus signo primogenitorum suorum insignito — in Moraviam, in Brunnam civitatem ad venerabilem virum Brunonem Olomucensem episcopum, ibique promotus est in gradum sacerdotii per honestissimum virum, multo laude dignum, Secoviensem episcopum Kal. Martii (400). In crastino namque consecratus est in episcopum Pragensem tituli a venerabilibus viris Brunone Olomucensi, Secoviensi, Basiliensi episcopis in dominica (19 Febr.) qua cantatur *Reminiscere*, in domo prædicatorum et ecclesia sanctæ Mariæ virginis. Indulgentia autem die ipso data est annus et 40 dies. Eodem die dedit omnibus advenientibus tam invitatis quam ex propria voluntate advenientibus refectionem sollemnem, et permagnificum celebravit convivium, ita ut merito dies iste ejus natalitius debeat in anni cujuslibet circulo vocitari. Recepto itaque consecrationis caractere pontificalis dignitatis, et peracto magnifico sui natalitii convivio, omnibus sanitate et incolumitate perseverantibus, lætum ad propria reversum cum magno tripudio totus conventus Pragensis <sup>274</sup> et aliorum, tam claustralium quam secularium tam civitatis clericorum, cum ingenti

#### VARIÆ LECTIONES.

<sup>273</sup> peritiores 2. <sup>274</sup> ita legendum : a toto conventu Pragensi 2.

#### NOTÆ.

(395) Ostrau.

(396) Vide laudes Brunonis plenissimas quas ex codice Carthusiano Olomucensi dedit Richter, p. 84.

(397) Tobias.

(398) Heinricum, quem una cum Brunone Moraviae præfecerat Rudolfus.

(399) Error ; hoc ante diem 18 Febr. factum esse ex sequentibus patet.

(400) Observavit Pubitschka IV, 2, p. 471 legendum esse xii Kal. Marti. cum dies dominica *Reminiscere* inciperit in diem 19 Febr.

gaudio, utpote filii tristes adventum desiderantes sui patris, cantantes: « Ecce sacerdos, » clerici, seculares: « Hospodin pomiluy ny, » in ecclesia munitis Syon cum vexillis et processionibus receperunt 4 Kal. Martii durante adhuc pro dolor! malo statu regni Bohemiæ, qua de causa purchravii, qui præerant urbi Pragensi, non præsumserunt dominum Thobiam episcopum volentem ingredi intrmittere, magna multitudine ipsum comitante. Omnipotens conditor et gubernator totius orbis, qui vos ad pontificale decus<sup>275</sup> vestris meritis conscendere statuit, ipse vobis pro reportato lucro de creditis ovibus coronam gloriæ impertiri dignetur. Eodem anno sabbato ante palmas, quo die tunc occurrebat annunciatio beatæ Mariæ virginis, domino Thobiæ Pragensi episcopo, volenti celebrare missam primam post sui episcopatus consecrationem in cathedrali ecclesia sancti Viti, denegatus fuit introitus castri Pragensis per purchravios, qui rem publicam terræ Bohemorum a simplicioribus et ratione tardioribus gubernare videbant<sup>276</sup>, sed ut verius dicam, destruere ipsam nitentur. Sollemnia missæ annunciationis gloriôsæ Virginis celebravit in ecclesia montis Syon non sine sulcatione frontis ruga non modica; ratione tamen justa et pia movebatur, ut ibidem officia beatæ Virginis perageret, quia eadem ecclesiæ in honore beatæ Mariæ consecrata, et ecclesiæ amplitudo, latitudo atque longitudo, nec non et operis ut Salomonis templi pulchritudo, sed et hominum copiosa veniens multitudo ipsum inducebant. Quanta autem confluentia ad primæ missæ celebrationem clericorum, nobilium, baronum, militum, civium, laycorum, ruensium, mulierum maritatarum, begynarum, viduarum, infantum, juvenum et virginum congregata fuerit, si eadem multitudo armis vestita fuisset, confederata omnium voluntate in unam. Pragensis civitas durante sponsionis voluntate inexpugnabilis per multa temporum momenta inconvulsa permaneret<sup>277</sup>. Ipso namque die beatæ Virginis canonicis Pragensibus et omnibus clericis in abundantia piscium, vini et medonis fuit in domo domni episcopi ministratum.

Anno Domini 1280 (401) autumnus calide exivit, sed hyems aspera fuit et nivosa, quæ asperitas duravit usque ad annunciationem beatæ Mariæ (25 Mart.), et post dissolutionem nivis, aquarum magna

#### VARIÆ LECTIONES.

<sup>275</sup> recentior manus hic inseruit non 2. <sup>276</sup> videbantur 2. <sup>277</sup> permanerent 2.

#### NOTÆ.

(401) Legendus est anno 1280; vide infra. Codex numerum 1282 falso exhibet.

(402) Quæ pax tum demum constituta est, cum alteram in Bohemiam expeditionem Rudolfus fecisset anno 1280, qua tandem effecit ut Otto marchio ab armis discederet, quod probat Henricus de Heimbürg. Cfr. Chron. Osterreich, ap. Rauch. I, 516, et Chron. Austriac. ib., II, 278. Ipse Rudolfus die 18 Nov. 1280 adhuc in castris erat in circulo Czuslaviensi positus. Böhmer Reg., p. 104. Quibus etiam probatur, quæ hic leguntur minime a. 1282, sed a. 1280 facta esse, quod observavit Palacky II, 329.

(403) Quod minime eodem sed sequente anno 1281 *Aeri polaise* ex ipsa narratione satis patet, et

A inundatio facta fuit infra 20 dies, ita quod molendina non poterant præ nimia abundantia aquæ infra dies prædictos ad propria loca reduci et debito modo collocari. Eodem etiam anno magna caristia fuit omnium rerum, in annona, in carnibus, in piscibus, in casels, in ovis, ita quod non nisi duo ova gallinarum vix poterant pro denario comparari, multis tamen adhuc recolentibus, quia non multum retroactis temporibus 50 ova pro denario emebantur in Pragensi civitate. Eodem anno 7 Kal. Decembris treugæ positæ sunt inter Ottonem, marchionem Bramburgensem, et nobiles terræ (402), sed a multis magis sperabatur pax facta fuisse, qui ab eo tempore cessaverunt malefactores a gravaminum illatione, a spoliatione, ab ecclesiarum violatione, a pecorum et tormentorum abductione, ab hominum detentione et tormentorum affectione, a saccorum, mattarum et lecticarum vestitione. Nec fuit hoc anno seminatum ad hyemalia, nisi in remotis partibus a Pragensi civitate, et si fuit seminatum, tamen modicum, et ideo valida fames cruciabat pauperes, et multi egentium fame oppressi decesserunt. Eodem anno Pragæ in summo cœperunt omnes campanæ pulsari in Nonis Januarii (403), quæ infra biennium non pulsabantur multis de causis, cum nec custodes nec campanarii ecclesiæ Pragensis intromitterentur in castrum ad peragendum in ecclesia officium suum. Imo quod magis est, nec vicariis, nec etiam ipsis canonicis Pragensibus, volentibus Deo debitum officium persolvere, introitus castri præbebatur, exceptis paucis, videlicet Andrea solo sacrista et canonico Pragensi, Chwalecio cantore; Georgio subsacrista patre ministrorum altaris sanctæ Mariæ et vicario, magistro Gregorio licet decanus ejusdem ecclesiæ existisset, tamen frequenter fuit sibi introitus urbis denegatus.

Anno Domini 1281, (404) 8 Idus Martii Thobias Dei gratia Pragensis episcopus celebravit ordines in ecclesia Pragensi primos a sui episcopatus ordinatione. Erat autem consecrandorum multitudo copiosa, quæ consecratio initiata a mane vix poterat toto die finire, ita tamen quod in crastinum sacerdotibus tunc consecratis communicatio eucharistiæ est translata. Eodem die magister Gregorius, Pragensis decanus, in presbyterum est ordinatus. Et licet contra eundem dominum episcopum multæ

D vel inde apparet, quod Thobiam episcopum Pragensem Ecclesiam adire mense Februario 1279 vetitum esse supra legitur; quod exilium biennium durasse hoc loco videmus.

(404) Quæ hinc usque ad finem sequuntur, si ad chronologiam spectes, turbata et librariorum ex parte incuria disjecta sunt; at quæ hoc loco usque ad verba *copia abundantia* leguntur revera ad annum 1281 esse referenda, hoc potissimum mihi persuadetur quod annus tertius Thobiæ episcopi numeratur (cfr. 1278) et quod episcopum et canonicos quominus ecclesiam Pragensem intrarent usque ad 5 Jan. 1281 fuisse impeditos auctor paulo supra narrat.

scerent hiis temporibus curæ seculi et diver-  
 turbarum fluctuationes, alienationes posses-  
 sionum episcopaliū et spoliationes bonorum  
 pauperum suorum innumeræ, ita ut  
 tentationem suam et curiæ suæ ab aliquibus  
 taretur victualibus posse sufficere, tamen in  
 post promotionem clericorum in dominica  
 antatur *Reminiscere*, in die anniversario  
 rationis suæ, non parcens laboribus suis,  
 permissus fuerat in consecratione clericorum,  
 mensis, juxta consuetudinem antecessorum  
 a posuit cereum episcopalem in ecclesia Pra-  
 continentem 220 libras cereæ, ad honorem  
 beatorum martyrum Viti, Wenceslai  
 Adalberti, pontificatus sui anno tertio. Ce-  
 rit et officia missæ personaliter eodem die,  
 ravitque refectionem largissime canonicis  
 sibus et aliis quibuscunque advenientibus  
 ndantia piscium diversi generis, vini et me-  
 copia abundantia.

1. Julii anni præteriti (405), hoc est in vigilia  
 Johannis Baptistæ, pluvia descendit post  
 em in maxima quantitate, quæ multa et  
 adamna intulit, subvertendo funditus ædificia  
 um in Pragensi castro circa ecclesiam sancti  
 i, murum castri versus aquilonem funditus  
 et in Bruscam rivulum impetu suo dejecit.  
 ecclesia Pragensi testudines claustrum in longa  
 umbitus aquilonem omnes confractæ et dimidia  
 mota sunt de loco suo, et omnia ruinam mi-  
 . In sylvis circa rivos decurrentes per pluviam  
 am arbores infinitæ radicitus evulsæ sunt,  
 sed et montes et speluncæ innumeræ corruer-  
 x abundantia et vehementia aquæ pluvialis,  
 ædificia — muri vinearum, domus in civitate  
 si infra muros extra computari non possunt  
 traxit et deduxit in flumina! Vias publicas et  
 tratas in decursu suo erasit et effodit tanquam  
 i circa munitiones castrorum, alicubi in pro-  
 ate sex cubitorum, in latitudine 12, et sic de  
 is secundum majus et minus. In campis ante  
 i civitatis in loco qui dicitur *na Skitine* tanta

A fuit congregatio aquarum, quod naves tanquam in  
 Tiberi vel Danubio possent a nautis deduci, et hæc  
 aqua defluens ad ecclesiam sancti Petri in vico Theu-  
 tonicorum, intulit multa damna, subvertit muros  
 curiæ ipsorum, defluens in ecclesiam dejecit magnam  
 copiam annonæ, quam reservaverant parochiales  
 metu guerræ, quæ eo tempore gerebatur inter Ot-  
 tonem marchionem Bramburgensem et barones  
 regni Bohemiæ et cives Pragenses. Inde descendens  
 fluvius pluvialis traxit secum duodecim domos,  
 et deduxit in flumen Wltavæ; et quam plura mala  
 contigerunt ex ejusdem pluvie decursu, longa serie  
 verborum non possent explanari. Nec est etiam ob-  
 mittendum de impetu ventorum, qui eodem anno 3  
 Non. Decembris, hoc est in die beatæ Barbaræ, orti,  
 sua vi et impetu veloci dejecerunt de turribus gra-  
 vissima et firmissima ædificia. In turri quæ dicitur  
 ad majorem portam Pragensis castri primum ædifi-  
 cium, secundum ædificium contra domum domini  
 episcopi et curiam, quæ vocabatur antiquitus turris  
 episcopalis, ædificata in fronte castri opere firmis-  
 simo et artificioso, decidit in terram. Tertium ædi-  
 ficium in turri circa pedem pontis de nobili et for-  
 tissimo opere vi ventorum detrusum corruit in  
 terram. De aliis minoribus ædificiis in turribus mun-  
 tionum ædificatis seu propugnaculis specificare  
 non possumus, sed secundum quod veridica rela-  
 tione cognovimus, 24 ædificia turrium infra castrum  
 Pragense et mnros civitatum per vim ventorum  
 corruerunt. Quot domus in civitate Pragensi vi  
 ventorum ceciderunt et extra, numero non est opus.  
 C In rure horrea vi ventorum diruta, arbores fructuum  
 et sylvarum, qualia ab antiquis diebus et similia  
 non dicuntur accidisse. Sub decursu temporis im-  
 pacati quid boni sive mali fecerint in stationibus  
 suis sub monte Petrzin, Spakmannus, Syberk et Sa-  
 zema cum suis comitatibus, stylo explanari non est  
 necesse, quia sufficienter notata creduntur apud  
 illos, qui molestias diversarum passionum et jactu-  
 ram rerum pertulerunt. Molendinum in Strahow  
 ventosum vi ventorum funditus corruit et eodem  
 anno reædificatum est.

## V.

### ANNALIUM PRAGENSIIUM PARS III.

10 Domini 1279<sup>79</sup> (406). Otto marchio Bram-  
 nensis, tutor Wenceslai ducis, filii Otakari sere-

nissimi regis Bohemorum, et totius regni (497),  
 7 Idus Januarii misit aliquot canonicos Pragenses,

#### VARIÆ LECTIONES.

refectorio 2. <sup>79</sup> 1282. 2.

5) I. e. 1280 quem inundationibus et tempe-  
 us abundasse docet Chron. Austriac. ap.  
 1. II.

6) Cum a. 1279 hanc narrationem esse con-  
 dam, cum Otto marchio jam a. 1278 in Bohe-  
 venerit, testantur anonymus Zabrdovicensis  
 ro Brukkii Mähren unter Kaiser Rudolf I, Chron.

Salisburgense, Austriacum. Si Pulkavam audis ex  
 Otakari ipsius dispositione Otto regni tutelam sus-  
 cepit.

(407) In præceptis Otto illustris domini Wences-  
 lai in regno Bohemiæ tutorem et capitaneum gene-  
 ralem se nominavit. Vid. Palackii comment. Ueber  
 Formelbücher, p. 315.

capellanos suos, pro inquirendis quibusdam privilegiis regis Otakari. Misit etiam, stimulo cupiditatis et avaritiæ tactus, milites et plures Theutonicos sub fraude et dolo, immemor salutis æternæ, rjungens eis occulte, quatenus requirant et experiantur, ubi deposita sit pecunia Prosinconis, vulerii (408) et gratiarii regis Otakari et aliorum plurium. Adhuc enim terra Bohemiæ eo tempore in malo statu erat, turbabatur spoliis, rapinis, incendiis, ideoque multi seculares et clerici comportaverant res suas, et deposuerant in armario Pragensi, in auro et argento, in cislis, annulis, monilibus et aliis quibuslibet vestibus pretiosis; quia melior et firmior tutiorque recursus non inveniebatur quam sanotuarium Pragense ecclesiæ ad conservationem rerum depositarum<sup>200</sup>. Intranses itaque sanotuarium Jesu Christi et beatorum martyrum, conculcaverunt ornamenta sacerdotalia, et reliquias sanctorum contaminaverunt et everterunt, attractantes manibus impiis, quærentes pecuniæ thesauros, putantes licere, quod eis propter loci sanctitatem non licuit. Rapuerunt scrinia, aponderantes cistas graviores, in securi et ascia eas confregerent. Videntes itaque canonici Pragenses et alii ministri ecclesiæ perpetrari tam grave nefas, et profanari ita inhumaniter sancta sanotuario filii Dei, nimio dolore tacti cum genuflexionibus et gemitu dixerunt: « Domine Jesu Christe, sancta tua conculcata sunt et contaminata, sacerdotes tui in luctu et humilitate jacent, et ecce, nationes congregatæ sunt, ut nos disperdant (*I Mac. iii*, 51). » At illi saxis rigidiores, sicut est sævissima natura Theutonicorum, calore iracundiæ succensi, proclivo cursu ad malum prompti, dishonestaverunt ministros ecclesiæ, timore Dei postposito, probris et contumeliosis verbis et verberibus, trudentes pugno sub barbam; alios percutientes et in composito trahentes ejecerunt, et a sacrista violenter clavibus sacristæ receptis, clausis seratisque ostiis, positis custodibus, exiverunt. Deinde intrantes capellam sancti Wenceslai, irruerunt ad sepulcrum ejus, perspicientes et palpantes ab omni parte superius et infra, quærentes pecuniam, cum vix vel nunquam possit inveniri ubi non ponitur. Unus tum ex ipsis Theutonicis, minister dyaboli, instinctu ejus subtraxerat furtim thuribulum argenteum in capella sancti Wenceslai, sed divina gratia favente et beatorum martyrum auxilio, nimio timore percussus, iterum sanum et incolome ministris ecclesiæ repræsentat. Deinde tanquam canes indagatores intrantes criptam sanctorum Cozmæ et Damiani, currunt per angulos huc atque illuc, et non inventes numerarunt scrinia quæ ibidem deposita erant, ponderantes per elevationem ponderosiora, signantes studiose, ne mutarentur et leviora locarentur, habita delibe-

ratione pro clavibus, utrum deberent tolli claves et præsentari marchioni aut penes sacristam relinqui. Ad ultimum receptis clavibus a sacrista per vim, criptæ et capellæ positis custodibus intra et extra ecclesiam ex omni parte, injungentes eis, quatenus diligenter et studiose custodiant, sicut diligunt lumina capitum suorum servare recesserunt. Et ita nec libri nec candelæ nec aliquis apparatus, qui ad cultum divini officii pertinebat, infra biduum et noctem poterat ab eis obtineri. In crastino namque a radice propositi non digressi, juxta mandatum eis injunctum, aperientes ostia, intrant sanotuarium beatorum martyrum, rapiunt infinitam pecuniæ quantitatem, et eam illico suo domino repræsentant. Nec erat eis horrendum tale facinus perpetrare, quia jam traxerant in usum in multis monasteriis et aliis ecclesiis similia faciendo, et nisi comescantur per Jesu Christi potestatem a tam sceleratissimis præsumptionibus, humano pudore et correctione non poterunt refrenari. Licet alias dicatur: « Non poterit in desertorum propagationibus aboleri licentia nisi fuerit in eis propter correctionem disciplinæ subsecuta censura. » Et in legibus imperatorum promulgatum meminimus: « Diffinimus, ut remissionem veniæ crimina non semel commissa non teneant, nec in eos augustæ liberalitatis referatur humanitas, qui impunitatem veteris commissi emendationi potius quam consuetudini deputarunt. » O pecunia totius mali regina, fraudis et doli amica, fidei ac animæ hostis et inimica, tu justitiam comprimis, justa judicia subvertis, tu es ignis urens, fomes seditiosus, tu hominem a Dei cultura revocas et errare facis, ponens eum in loco erroris et animæ perditionis! Te instigante, stimulo cupiditatis et avaritiæ accensi Bramburienses rapuerunt aliena, scientes non esse sua, non attendentes, quod in veteri testamento non rapina tantum, imo etiam tenacitas mulctetur, sicut beatus Gregorius exponit Lucæ evangelium dicens: « Qua pœna mulctandus est, qui aliena diripit, si inferni damnatione percutitur, quia propria non largitur? » Nam et legibus seculi et divalibus constitutionibus prospectum est, nemini per vim licitum rapere rem alienam; quia qui aliquo errore ductus, rem suam esse putans et imprudens juris eo animo rapuerit, quasi domino liceat suam rem etiam per vim auferre a possessoribus, cum etiam, ne talia vim cogitentur, statuta sit pœna, per quam raptores non impune suam exerceant avaritiam. Hoc intelligendum eat de re commodata, sive locata, sive impignorata vel deposita. Novimus et canonem latæ sententiæ in omnes violatores ecclesiarum esse promulgatum, per quem et infamiæ nota respurguntur et a legitimis actibus repelluntur, nisi prius satisfactione competenti exhibitâ Romano pontifice absolvantur.

#### VARIE LECTIONES.

<sup>200</sup> depositarum 2.

#### NOTÆ.

(408) Idem videtur esse ac *bladerius, wladarius*, s. e. bladi venditor, villicus.

em anno 41 Kal. Octobris Paulus Beruth occidit potentialiter munitionem domini Thobiaspi in Rudnicz et civitatem, et eam suo dominio gavavit. Occupavit etiam curiam domini episcopitate Pragensi, in qua deposita erat magna frumenti, vini, pernarum, caseorum, et suo iio applicavit. Idem marchio Bramburiensis compunctus pro tam gravi facinoris perpetracione, mente adhuc ferina a suo proposito sti mali non resiliens, dominam reginam serenam Bohemorum cum filio Wenceslao unico ac in tempesta noctis, dum cuncta sunt silentia, deditos inquietare non expavit, mandans missis et clientibus, ipsam cum puerulo invitosis tentes paucis vestimentis indutos deferri ad lum, et deduci in Bezdyez castrum (409) per a viarum et latibula tenebrarum, cum neogenti timore et pavore competat etiam sero die tam delicatis hominibus huiusmodi a prae nimia itineris velocitate. Qualis turbatio coestitia cordium, qualis planctus ac gemitus ina regina et a filio ejus ac universa curia et a reginae, maxime tamen a dominabus eo tem abitus fuerit, non credo quod in caede innoa et filiorum Rachelis similis ejulatus factus memoretur. Deducentes itaque dominam recum filio sibi karissimo, locaverunt eam juxta atum marchionis in Bezdyez munitione firmisn arto loco sub custodia alienigenarum saevism Theutonicorum, omnibus Bohemis ad ipsos um penitus denegando, exceptis paucis vix personis, qui victualia et alia necessaria, quae C tentationem humanae vitae competunt, eis rabant. Et ex illa hora curia dominæ reginae ilia ejus, quæ ad magnam numerositatem at tam in domicellis nobilium quam in domias et aliorum militum servorum officialium, uta est et dispersa. Videntes itaque barones r majores Bohemiæ, dominam reginam cum o ex nimia mœroris anxietate et ingenti dolo ictione turbatos, cupientes eis aliquod reme nferre, in colloquio generali celebrato ex parte s marchionis Bramburiensis, in quo exige ab universis nobilibus juramenta pro fideli r vanda, inter cæteros tractatus iidem nobiles nibus suis obtinuerunt a marchione, quatenus am reginam cum filio suo reductos de Bezdyez D , locaret eos in urbe Pragensi, ubi sedes regis orum et totius regni esse non dubitatur, ubi puer ducellus natus est et educatus. Majori solatio pueri gaudent in loco nativitatis suæ orantes. Dominus marchio petitionibus nobi quiescens, licet liberaliter promiserit, tamen

A minime adimplevit. Comperta itaque domina regina de fraude et dolo marchionis et violatione promissionum suarum, quod nulla ipsarum fuisset effectui mancipata, quod etiam nec petitionibus nobilium consensit, nec aliquo remedio tam in arto loco reclusa molestias et angustias graves evadere posset, quas singulis diebus patiebatur, tacitis cogitationibus concepit in animo suo, qualiter huiusmodi afflictiones amarissimas evadere posset (410). Metuebat enim de tam sinistro principio, ne pejor fortuna sequeretur, quia et auctoritas dicit: « Major calamitas in futuro de tam sinistro principio metuitur, quam felix exitus speratur; » et iterum: « Vix bono peraguntur exitu, quæ malo principio sunt inchoata. » Cœpit itaque domina regina per intervalla temporum petere licentias a purcravio Hermanno, qui præerat eidem castro in Bezdyez, quatenus posset visitare civitatem Vristad, in qua est ecclesia sita in honore sancti Georgii martyris, causa orationis. Occurrerat enim ipso die festum beati Georgii. Idem purcravius Hermannus consentiens petitionibus dominæ reginae, dedit liberam facultatem veniendi quocunque place-ret ei, tamen sub ea conditione, relictis pueris in castro, et quod per actis negotiis suis ad pueros revertatur. Et ita juxta formam præmissam factum est, venit et revenit. Iterum post aliquot dies petivit licentiam visitandi griseos monachos in Hradist; obtentaque venit, et ipso die in eadem civitate comedidit, monasterio sibi victualia procurante. Tertia vico accepta licentia venit in Mielnick civitatem, quæ specialis ejus erat, et ibi mansit tribus diebus in expensis burgensium, et rediit in Bezdyez. Adjecit adhuc petere licentiam veniendi in Pragam ad sororem (411) Agnetem, et ea obtenta venit, et ibi de rebus suis dispositis finxit se velle venire in Moraviam ad exequias mariti sui, regis Otakari. Et arrepto itinere, cum deberet venire in Moraviam, divertit gressus suos in Opaviam (412), et sic astute et sapienter angustias et molestias, quas patiebatur ex parte Theutonicorum, evasit. Interdum enim mendacia prosunt, nam falli in hiis quæ ad fidem non pertinent, aut nullum aut parvum peccatum est. Post paucos vero dies Otto marchio Bramburiensem episcopum (413) toti regno præficiens, et dans sibi omnem auctoritatem et potestatem tanquam vero patrono, ut regat, protegat et defendat, malefactores puniat, in Saxoniam, dicens se arduissimis necessitatibus præpeditum, profectus est. Episcopus itaque Bramburiensis positus ad curam aliorum, qui tenebatur ex officio potestatis sibi traditæ a rapinis, a spoliis, ab inquietationibus omnium oppressorum cum cæteris, qui secum ad hoc deputati erant, per pœnas, quæ legibus seculi statutæ sunt, huiusmodi

## NOTÆ.

- ) Besig in districtu Boleslaviensi. Vide Petri ille regis Chron., c. 9, ap. Dobnerum tom. V.  
 ) Vide Cunegundis litteras ad Rufoldum de ione Ottone scriptas, Bodmann. 96.  
 ) Otakari.

- (412) Ad Nicolaum, ducem Troppaviensem, Otakari regis filium spurium. Vide Pnlkavam ad h. a.  
 (413) Eberhardum. Vide Petrum Aulæ reg. c. 9-11.



transgressores punire debitas ultiones sontibus infligendo, surda aure et oculo cæco transiens, consensit operibus malefactorum, qui per opera manuum suarum et sceleratissimorum actuum inferno sine omni hæsitatione sunt deputati, non attendens decreta sanctorum Patrum, qui dicunt: « Consentire convincitur, qui cum possit, perversis negligit obviare.» Nec caret scrupulo societatis occultæ, qui manifesto facinori desiit obviare. Eo tempore spoliata sunt omnia claustra monachorum, Cisterciensium, griseorum, nigrorum, cruciferorum, sanctimonialium et canonicorum cæterorumque clericorum per totum regnum Bohemiæ, pauperum etiam rusticorum possessiones non semel, sed pluries, imo innumerabiliter in equis, in pecoribus et omnibus rebus quæ inveniri poterant, usque ad favillam igne sunt consumpta. Nec pertransivit dies sine spolio.

Interea dominus Gregorius, Pragensis decanus, accessit cum cæteris canonicis, quorum copiam poterat habere, ad præsentiam episcopi Bramburiensis, petens humiliter ne præposituræ Pragensis bona spoliarentur; quia eo tempore fere tota possessio præposituræ Pragensis spoliata est, tam in civitate Pragensi — in cura præposituræ ultra trecentas regales frumenti in diverso grano sunt ablatae — per villas non tantum in equis, pecoribus diversi generis et frumento, imo in plerisque locis in favillam reductis, quibusdam vero ædificiis deductis, in universis altibus nec pilus nec penna poterat inveniri. Episcopus vero Bramburiensis, precibus magistri Gregorii decani Pragensis et aliorum canonicorum petibilibus et tam humilibus non consentiens, nec misertus jacturæ et damno ecclesiastico, furore nimio succensus, sicuti mos est Theutonicorum zelo nimio sævire in Bohemos, verbum horribile protulit, ita quod quicumque audivit, tinnuerunt aures ejus. Erat autem verbum hujusmodi: « Non tantum bona Gotfridi præpositi spoliabuntur, sed et cæterorum canonicorum, maximæ autem eorum qui dominam reginam Cunegunden sequuntur et capellanizant. Adjicimus etiam et antistitis bona, non solum in rebus, sed et in persona ubicunque persequi poterimus, faciemus.» Utinæ sagitta eorum reflecteretur in ipsos! quia ... Non est lex justior ulla,

Quam necis artificem arte necare sua (414).

Sed heu! quia adhuc afflictis afflictio adjicitur, quia ex eo tempore tanta indignatio Domini exstitit in Bohemos, maxime rurenses, ut dictum est:

Quidquid delirant reges, plectuntur Achivi (415), punivit eos Deus per diversarum gentium nationes, sicut aliquando populum Israeliticum delinquentem punivit et afflixit. Errabant autem in montibus et speluncis et cavernis terræ, in sylvis et nemoribus abscondentes res suas et corpora in locis vastæ solitudinis, donec tempore hyemali nix descendit, et non poterant loca inveniri eorum habitationi opportuna, in quibus possent se ipsos cum rebus et pecudibus con-

fovere, quia ab inimicis persequentibus, tanquam a canibus indagatoribus, per vestigia nivis impressa veluti feræ sylvestres inventi capiebantur. Capti rebus exspoliantur, vestibus denudantur, gravibus tormentis, ut se pecunia redimant, afficiuntur. Vestibus et rebus exspoliati, quibus pecunia deerat, ambulabant in saccis et lecticis et mattis sua pudibunda tegentes (416), diversarum pœnarum aculeis torti. In Mielnik multi in rotis extenti, in flumen Albiam præcipitati sunt de monte et suffocati, alii trucidati, alii gladio occisi, alii vinculis mancipati, alii igne cremati, nonnulli etiam fame valida et frigoris asperitate afflicti, et innumerabilibus aliis ac diversis passionibus affecti spiritum exhalabant. Et plura et varia tormenta his temporibus audivimus et vidimus, quam in codicibus legimus. Et licet temporibus Dyoletiani et Maximiani imperatorum persecutio maxima legatur fuisse in christianos, hic major videtur causa inspecta extitisse. Illic homines disparis cultus, quia gentiles et Saraceni contra christianos, hic utrique baptisati; illic perfidia gentilium et hæreticorum pullulante, hic fide christiana in sui roboris firmitate durante; illic ut a fide et rita christianæ religionis recederent, hic super hiis nulla mentione habita, et in aliis nec vestigio culpæ apparente, tanquam oves a lupis opprimebantur, et venit super eos illud propheticum: « Minabit rex Assyriorum captivitatem Ægypti et transmigrationem Æthiopiæ, juvenum et senum nudam et discalceatam et discoopertam natibus ignominiam Ægypti (Isa. xx, 4), etc. Multi etiam clericorum tam sæcularium, quam religiosorum et laicorum, qui hospita convenerant in munitis civitatibus, et cæteri in quilibet rebus exspoliati sunt, turbationibus attriti, tribulationibus affecti, variis persecutionibus afflicti, doloribus gravibus et gemitibus inenarrabilibus arefacti, opprobriis lacerati, variis tempestatum doloribus in profundum miseræ demersi, minarum asperitatibus pavefacti, quidam extramœnia civitatum crudelibus vulneribus exanimati, spiritum superis reddiderunt. Et impletum est illud propheticum: « Foris vastabit eos gladius et intus pavor (Deut. xxxii, 25).

Qualiter etiam in Pragensi castro, in palatio regali plurimi diversarum pœnarum tormentis, a quibus pecunia sperabatur haberi, mortificati sint, malui sub silentio transire, quam tam turpia facta quæ ibi sunt perpetrata stylo descriptionis enarrare, ne tam solemnibus locis, omni laude dignis, immundissimarum sordium spurcitiis et verborum fœda prolutione polluantur. In multis locis librorum invenimus, quod pro peccato alicujus tota familia vel provincia debeat puniri, imo et exemplis plurimorum apparet. Peccato Achab posteriori ejus regni solium amiserunt; peccato David gladius Domini desæviit in populum, sed in gente lata gloria regis est, in diminutione plebis contritio principis, qui ergo de numerositate suæ gentis superbiit jure in ejus diminutione punitus est, sicut legitur in historiis

NOTÆ.

(414) Ovid., *Ars amator*. I, 655.

(415) Horat., *opp.* I, 2, 14.

(416) Ad hæc respiciunt quæ supra ad a. 4286 leguntur.

regum, ubi David dolore tactus lamentabatur dicens : « Ego sum qui peccavi, ego inique egi, isti qui oves sunt quid fecerunt ? (II Reg. xxiv, 17). » Peccato namque Sodomitarum parvuli eorum, qui beneficio ætatis paterna flagitia nesciebant, cœlesti igne sunt consumpti ; peccato Amalechitarum non solum parvuli eorum, sed et bruta animalia jussa sunt a Domino deleri : peccato Datan et Abyron, qui auctores scismatis fuerunt contra Moysem, non tantum soli, sed et omnis substantia eorum cum ipsis et liberis eorum ad inferos descendit ; peccato civium thesauri Ihericho anathematizati sunt, unde Achor, qui regulam auream et quædam alia pretiosa furatus est, de anathemate dicitur tulisse ; peccato Ægyptiorum possessiones eorum grandini traditæ, jumenta eorum et primogenita eorum morte consumpta sunt ; peccato Israhelitarum archa Domini Phylisteis tradita est ; peccato Achor plebs Israelitica manu hostium devicta est ; peccato filiorum Hely populus in manu Philistinorum corruit ; peccato Cham filius ejus Chanaan maledicitur ; peccato Yesi, qui gratiam sanitatis Naaman vendidit, eamdem gratiam sanitatis Eliseo vindicante leprosus factus, amisit. Legitur in libro Regnorum et de aliis regibus, qui ex voluntate divina permissum fuit, ut populum Ishraeliticum et alias gentes affligerent, captivarent et bellando devincerent. Tamen qui victorias potentie suæ et non divinæ, quas assecuti fuerant, attribuerunt, divinitus sunt puniti. Nabuchodonosor, qui obtinuerat Ægyptum et Æthiopiã, cum superbiens diceret : « Nonne hæc est Babylon, quam ego condidi in throno regni mei (Dan. iv, 27), » etc., et statim Deus immutavit mentem ejus rationabilem, et induit eum ferina bestialitate, ita ut ab hominibus fugiens cum bestiis viveret. Contra superbiam Senacherib, qui gloriabatur de victoria quam assecutus fuerat ascribens potentie suæ et non divinæ, Dominus dixit : « Nunquid gloriabitur serra contra eum qui secatur in ea ? Nunquid exaltabitur securis contra eum qui cædit in ea ? » (Isa. x, 15). De Antiocho et de aliis regibus, qui ex delectis suis corruerunt, sicut legitur, quod per filios Israel punivit Deus Amorrhæos, Chanaanæos et alias gentes, quarum terras de Ægyptiaca servitute Israelitis exeuntibus tradidit possidendam. Legitur etiam in libro Judicum de Jabin rege Chanaanæorum et de Madianitis, quod propter ydololatriam populi suscitavit eos Deus, ut Israhel affligeret et terram eorum occuparet. Cum autem populus Dei sub manibus eorum diutius afflictus peccatum suum recognosceret, et per pœnitentiam Domini placaret, ex Dei præcepto Baruch comitatus de Borsam prophetissam uxorem Lapidoch, Jabin regem Chanaanæorum

A et Zizaram ducem exercitus sui contrivit, Gedeon Zebeam et Salmana reges Madianitarum, Oreb et Zeb duces eorum morti tradidit. Hæc omnia quæ præmissa sunt hiis temporibus effluerunt in Bohemos, sed utrum ex delicto regio an principum vel medioerium sive infimarum personarum Dei judicio ignoratur. Sed scimus, quia cibavit nos pane lacrymarum, et potum nobis dedit in lacrymis in mensura, tamen lætati sumus pro diebus quibus nos humiliavit, et annis quibus vidimus mala. Ipse misertus est Syon, quia tempus miserendi ejus, quia venit tempus ; convertat jam luctum nostrum in gaudium, ut viventes laudemus eum omni tempore. Divina vindicta principem eum populo peccante corripit, et quantitatem offensionis qualitas ostendit ultionis.

B Anno Domini 1281<sup>281</sup>, Otto marchio Bramburiensis, tutor Wenceslai ducis Bohemorum, infra natiuitatem Domini (Dec. 25) (417) et circumcisionem (Jan. 1) celebravit colloquium cum Thobia episcopo Pragensi et nobilibus terræ, militibus, baronibus nec non civibus munitarum civitatum, in quo colloquio idem marchio de consensu omnium præficit Thobiam episcopum Pragensem toti terræ principalem, ad quem recursum haberent omnes oppressi violentiis, spoliis et quibuscunque injuriis prægravati. Adjuuxit etiam eidem Domino episcopo Theobaldum<sup>282</sup> (418) judicem totius regni, et alios beneficiarios ad corrigendos excessus et culpas seculares, ut criminosos et quoslibet malefactores per sententias legum mundalium coherceant, et si culpa id meruerit, etiam capitali sententia deputarent puniendos. Hiis enim temporibus tanta multitudo Theutonicorum in terram Bohemiæ influxerat diversarum nationum, nobilium, medioerium et infimarum personarum, ut numerositas ipsorum a multis æstimabatur pluralitatem muscarum superare. Sed dominus episcopus, sicuti vir providus et discretus volens proinde succurrere indemnitati rei publicæ, considerans summe malum tantam multitudinem alienigenarum nationum in terram Bohemorum irrepsisse per quam depopulabatur in rebus et personis, hoc primum concepit in animo suo de inmiuatione ipsorum, inducens nobiles terræ, quatenus petitionibus ejus porrecturis (419) Ottoni marchioni debeant assistere, et pro viribus suis quantum possunt, ut totaliter de Bohemia radicitus evellerentur, invigilent, ad hoc dominum marchionem inducendo. Promiserunt etiam omnes nobiles terræ mandatis domini marchionis justis velle obedire, ipsi tanquam vero domino debitam reverentiam in omnibus exhibendo. Dominus itaque marchio auditis et visis innumeris malis, quæ per Theutonicos alienigenarum nationum

#### VARIAE LECTIONES.

<sup>281</sup> manus antiqua in margine notavit annum 1282. <sup>282</sup> Theobad. 2.

#### NOTÆ.

(417) 1280.  
(418) de Riesenburg. Palacky II, 333.

(419) Inest mendum ; legendum videtur ejusmodi porrigendis.

commissa fuerant, considerans etiam de obedientia A et subiectione nobilium, quam promiserant se præsturos, petitionibus ipsorum acquievit, promittens quantocius posset perduceret ad effectum. Et sic moram parvam, vel ut ita dicam, nullam faciens, jussit mitti nuntios per civitates et fora ad edicendum et proclamandum voce præconia, quatenus omnes Theutonici extranei, qui intraverunt Bohemiam causa prædæ rapiendæ, infra triduum omni mora postposita exirent libere sine omni impedimento, adjiciens pœnam, quod si infra triduum aliqui eorum non exiverint, sententia gravi, quæ prædones, fures et latrones vel nocturni hostiorum excussores puniuntur, et ipsi puniantur. Theutonici hiis auditis nullo spatio moræ usi, tanquam jaculo txcicato sauciali, vehementer itinere arrepto exeunt, B et velut vespertiliones in aurora die lucescente se abscondunt; ita Theutonici, tamquam fumus evanescit, evanuerunt. Ab illo tempore incolæ terræ, cog .to exitu Theutonicorum, spiritu alacriori recreati, qui habitabant in sylvis et nemoribus, regressi sunt ad proprios lares, et ex illa hora homo misit man . mod opera, bubulcus cœpit laborare in aratro, faber in fabrica, carpentarius in architectura, femina in colo et fuso, et quilibet artifex cœpit suo operi insudare, de concordia principum et pacis incremento fiduciam gerens pleniorē. In eodem autem colloquio inter domnum marchionem et nobiles terræ fœdus fuit in initum sub hac forma, videlicet quod in festo apostolorum Philippi et Jacobi (Mai. 4) ejusdem anni nobiles Bohemiæ de collecta generali totius terræ deberent dare marchioni Bramburiensi C 45000 marcarum argenti ponderis Pragensis, et domnus marchio, reducto ducello Wenceslao (420) in Pragense castrum ad sedem patris sui regis Otakari, committat ipsum ad custodiendum domno Thobias Pragensi episcopo et aliis nobilibus terræ, adjunctis quibusdam Bramburiensibus, quibusdam etiam civibus Pragensibus fide dignis, quatenus eum foverent sub custodia diligenti juxta formam, quam domnus marchio et nobiles terræ statuere decrevisent. Adveniente termino præfato, videlicet festo apostolorum Philippi et Jacobi, domnus marchio misit nuncios suos et litteras ad excusandam absentiam suam, dicens se arduissimis negotiis esse occupatum, et ob hanc causam termino præfixo non posse interesse, nec ducem Wenceslaum pollicetur D se conspectui ipsorum præsentare, sed alium terminum, videlicet nativitatem sancti Johannis Baptistæ (Jun. 24) petivit sibi assignari, in quo sine omni scrupulo simulationis juxta formam superius annotatam ducem Wenceslaum pollicetur se conspectui nobilium debere præsentare. Quod audiens nobilium caterva Bohemorum, licet frustratione suæ spei nimium turbata fuisset, et multæ voluntatibus motus

animi ejus discreparet, tamen ne majus malum sequatur, contenta proverbio quod dicit: « Labia principum pollui sigmento mendacii non debent, » termino præfixo acquievit.

Anno Domini 1282 fames validissima omnium rerum, quæ usibus humanis ad vescendum competunt, multarum terrarum homines interemit (421). Sed obmissis extraneis ad Bohemorum pressuræ et calamitatum angustias progrediar, quia circumdederunt Bohemiam ex omni parte mala, quorum non est numerus; oppressionibus, spoliis, excussionibus nocturnis et incendiis, consumptionibus omnium rerum inimici induxerant famem in medium eorum, persequentes animas ipsorum comprehendunt in terra vitam eorum, et gloriam eorum in pulverem redegerunt. Unde cor Bohemorum conturbatum est intra eos, et formido mortis cecidit super eos, quia exaltavit Deus dexteram deprimentium regem Bohemorum, iustificavit inimicos ejus, evertit gladium adjutorii ejus, et non est auxiliatus ei in bello, destruxit eum, et sedem throni ejus in terram collisit, minoravit dies temporis ejus, perfudit eum confusione, sed et ad inferos deduxit, et cum mortuis deputatus est. Et quia pro delictis regum non tantum ipsi reges sed et populi puniuntur, teste propheta, qui videns angelum cadentem populum, dicebat: « Ego sum qui peccavi, ego inique egi, isti qui oves sunt, quid fecerunt? (II Reg. xxiv, 17) et in Pharaone, qui non tantum solus persequendo Israeliticum populum submersus est in mari Rubro, sed nec unus ex eis superfuit, et in aliis multis regibus similia contigerunt. Unde restat dicendum de pauperioribus Bohemiæ, qui rebus et divitiis multis affuebant, et hiis omnibus per prædationes et spolia amissis, cum egenis hostiatim mendicando esurie in mortem corruerunt. Circuibant itaque pauperes fame nimia compulsi civitatis Pragensis vicos, plateas et domos civium, petentes elemosynam. Et quia jam nimia multitudo pauperum excreverat, ditiores in distributione elemosynarum eis sufficere non poterant. Convertebantur itaque ad vesperam, et famem patiebantur ut canes, et esurie pressi murmurabant, et impletum est illud Davidicum: « Ipsi dispergentur ad manducandum, si vero non fuerint saturati, murmurabunt (Psal. lxxxv, 16). » Mendicabant etiam infiniti artifices et diversarum artium operarii, ex quibus nonnulli habuere de facultatibus rerum suarum ad valorem centum marcarum argenti; et hiis omnibus alii exspoliati, aliqui in familia sua consumptis vendebant de uxoribus suis armillas, in aures, monilia et omnem ornatum, qui cultui femineo competebat in vestitu, cupientes salutem vitæ depulsa esurie conservare, et tamen multi ex hiis, consumptis omnibus quæ habebant, cum egenis hostiatim mendi-

## NOTE.

(420) Quem teste Petro Aulæ reg. in Saxoniam, i. e. Brandenburgensem terram abduci jusserat.

(421) De sævissima hac fame vide etiam monachum Furstenfeldensem ap. Bohemorum I.

cando vitam miserabili sine terminarunt. Habebant quidem omnes pauperes favorem civium ingredi domos ipsorum ad expetendam eleemosynam, intransibus autem villanis mendicis civitatem Pragensem, quorum non erat numerus, præ nimia multitudine cœperunt furari ollas circa ignem cum cibis qui ad vescendum civibus parabantur, alias etiam res domesticas, quascunque poterant rapere, subtrahabant in damnum suum et odium universorum. Et ita ab eo tempore denegatus fuit omnibus pauperibus introitus domorum, nec recipiebantur ad pernoctationes infra civitatem et extra, quia multa mala ex eorum obscœnis actibus civibus proveniebant. Quidam pauperes recepti ad pernoctandum extra mœnia civitatis, nocte surgentes, necato hospite et familia ejus premissa, ablati rebus melioribus, recesserunt. Talia et hiis similia in plebisque locis contigerunt.

Una mendica mulierem pauperem ad pernoctandum in Obora collegit in tugurio suo, quæ non habebat de substantia sua, nisi quinque frustella panis in sacco, tegumentum vero corporis ejus duo ova valere non poterant, tamen hospita domus instinctu diaboli et famis nimis esurie impellente, ipsam dormientem in tempore noctis cum securi tanquam porcum macando crimen homicidii perpetravit. Habebat etiam eadem hospita domus filium duodecim annorum, qui hujus criminis cooperante fomento hostis maligni cooperato extiterat. Sed quia divina providentia hujusmodi crimina non sinit inulta pertransire — erat quippe dies parasceve (Mart. 27) quo crimen tam horribile perpetratum est, quo etiam die toto fideles Christi pro devotione circumvenerunt per ecclesias — fortuitisque casibus quædam mulieres in transitu suo viderunt funus ligatum fune et trahi in sarcophagum circa ecclesiam sancti Johannis, ubi eo tempore corpora humana humabantur. Sed quia filius turpis nequissimæ matris corpus trahere non poterat, præfatæ mulieres cupientes pro nomine Christi officio exequiarum se immiscere, accesserunt ad funus, et auxilio suæ possibilitatis nitentur captum opus effectui suscipere. Quædam vero ex eis discretioris animi aspiciens corpus sanguinolentum, mirabatur vehementer in animo suo revolvens, quia corpora humana naturali morte decedentia a sanguinis perfusione penitus sunt aliena. Prædictæ mulieres cum super hiis tractatu prolixiori separatim quid esset faciendum deliberarent, interim auctrix sceleris, mater pueri, qui corpus fune traherat, fugæ præsidio mortem evasit, puer vero a dictis mulieribus detentus, judici traditur civitatis. Judex autem cognita veritate ex confessione pueri, per leges seculi ipsum suspendio deputavit.

Quædam femina, pulchris fructibus arborum exhibitis cuidam puero quatuor annorum bene vestito, sicut in ea ætate patres magis consueverunt diligere filios suos et vestire, fraudulenter pulchris sermonibus blandiendo deduxit eum in domum suam,

A claudensque ostia domus oppressit eum, spoliatoque ipso corpus sepelivit, statimque sine moræ spatio cum vestibus pueri oppressi cucurrit ad forum ad vendenda vestimenta, sperans de malitia sua lucrum reportare, cum fraude et dolus vix vel nunquam alicui valeant patrociniū impertiri. Considerans itaque quidam maccellarius mulierem deferentem vestimenta in humeris, sicut mos est deferri vestes venales juxta consuetudinem fullonum, aggressus eam, cœpit quærere ab ea, quanti pretii essent vestimenta. Erat enim vicinus ejus cujus filius peremptus erat, et cognitis vestibus duxit eam ad maccellariam suam, dicens se velle emere et incontinenti solvere; at illa secuta est eum. Venientes autem ad locum prædictum, maccellarius acceptis vestibus diligentius cœpit intueri an filii vicini ipsius sint, sicut suspicabatur. Cumque plenius cognovisset, quæsivit ab ea ubi vestes accepisset. At illa respondit: « Domina quædam dedit mihi ad vendendum eas. » At ille: « Furtim sublatae sunt vestes; » et denegatis vestibus, suspendit eas in maccellaria sua supra perticam, et in prolixiori sermone, infra quem deferri possit negotium ei cujus interest, detinebat eam. Muliere vero jam ferventius certante pro restitutione vestimentorum, mox apparuerunt famuli, quærentes puerum, et cognitis vestibus detinuerunt feminam, et præsentaverunt patri cum vestibus pueri occisi. Pater, cognita veritate præsentavit judici, iudex patibulo.

C Femina quædam, sepulto viro suo et familia tota, sola filia superetite, ambæ miserabilem vitam ducebant, nutrimenta per eleemosynam conquirendo, jam tanquam semivivæ, quia multi pauperum toto die mendicando hostiam, non dico buccellam panis vel morsellum, imo micam panis vel fragmentum poterant expetere, quo possent vitam miserabilem recreare. O si adessent siliquæ porcorum! Contigit quadam die post vacuos labores exhibitos pro eleemosyna circa noctem fatigatam matrem et esurientem intrare domum. Postmodum veniens filia pulsavit ad ostium, cupiens intrare hospitium, sicut consueverat in gurgulis diebus. Mater prohibuit sibi introitum domus, dicens: « Ad quid venisti? Nonne jam in morte es tanquam mortua? Vultum corrugatum et palidum defers, morieris in tugurio, et non erit qui te efferat busto; et non intromisit eam. Contigit itaque matrem ipsam eadem nocte mori, et filia in crastino veniens in foveam projecta matre, longo tempore supervixit.

Hiis temporibus præ nimia famis asperitate pater filio nullum remedium consolationis sciebat impendere, et e converso filius patri, mater filii notitiam non habebat, nec filia matris, frater fratri incognitus; subtrahabatur enim eis cognitio naturalis cognationis ex causa rerum carentiæ, et impletur illud propheticum: « Extraneus factus sum fratribus meis et peregrinus filius matris meæ (Psal. LXXVIII, 4). » Et siq̄ noscere propinquos æviens subtraxit egestas.

Plerumque contigit contrarium dicente auctore : **A** habebat quippe fortes comites, famem, nuditatem et

*Forma favor populi, fervor juvenilis opesque  
Subripuere tibi noscere, quid sit homo ;*

et iterum :

*Bis duo sunt, quibus extollit se quis sine norma,  
Luxus opum, proles generosa, scientia, forma.*

[COSMAS I, 3] Apud veteres erant omnibus omnia communia, nec aliquis quod possidebat suum esse dicebat. Sed jam radice cupiditatis et avaritiæ pululante, et inedia famis impellente, frater fratrem videns nimia depressum egestate, et in articulo mortis constitutum, propter carentiam victualium, non dico alimenta tribuere, imo buccellam panis non verecundatur sibi denegare, cum sint una caro et idem sanguis, utpote palme ex eodem stipite propagati ; non attendebat Joannem dicentem : « Si quis habuerit substantiam mundi hujus, et viderit fratrem suum necessitatem patientem, et clauserit viscera sua ab eo, quomodo caritas Dei manet in eo ? (I Joan. III, 17) » et iterum : « Omnis qui odit fratrem suum, homicida est, et omnis homicida non habet vitam in se manentem (I Joan. III, 15). » His ita dicitur : « Ite, maledicti, in ignem æternum, qui paratus est vobis ab initio seculi ; hospes sui, et non collegistis me, esurivi, et non dedistis mihi manducare (Matth. xxv, 41). » Antiquitus toti orbi vitalis spiritus salubres auras ministrabat, quorum affluentia aeris perusti intemperiem permiscens semina temperabat, corporibus humanis sanitatem infundebat, et cujuslibet generis vel naturæ species fructificabat et ideo non immerite dicta sunt primitus aurea secula fuisse. Erant enim rudes et simplices homines, et inter eos mali nescia et adhuc æstutiæ inexperta simplicitas, quæ nomen auri primis seculis præstitit, sed postmodum natura per metalla viliora degenerans, ferro secula postrema suæ improviditatis incuria fœdavit ; ideoque nostris temporibus pestem diram commerciis mortalium minando, anhelos ignes tulit torpentis frigoris venena, et in affligendum meare cogebant orbem, quia quo magis ad cultum rerum atque artium usus humanus processit, tanto facilius in animos serpsit æmulatio. Quæ primum bene incipiens, in invidiam latenter evadit natura instruente, et ex hoc jam nascitur quidquid genus humanum post sequentibus seculis experitur.

Cumque pauperibus denegaretur ingressus domorum civitatis Pragensis, nec ad pernoctandum reciperentur propter furti perpetraciones, quæ ab ipsis mittebantur, jacebant in nocte in vicis et plateis, tanquam sues fimo involuti, qui ejiciebatur in vicos de stabulis equorum, propter corporis nuditatem et frigoris asperitatem. Erat itaque tempus hyemale et aura frigidissima et continua ; et ita tempore æstivali non nisi occasione famis moriebantur, tempore vero hyemali geminatum est malum, quia mors non per fenestram, sed per ostium irrepit in orbem, in scia parcere humano generi ;

frigoris asperitatem, quorum robur celeriter penetravit omnia confinia totius Bohemiæ, interemit majorem partem mortalium, et non erat qui sepeliret. Oh ! ubi erant viri religiosi his temporibus ? qui se alias fingunt eximiæ devotionis, qui ecclesiastica sacramenta in tantis periculis et afflictionibus, imo in hora mortis, vel ut apertius dicam, in morte ipsa constitutis saltem paucis exhibuissent, cum ad hoc deputati sint sacerdotes ex officio sui ordinis et constitutionibus sanctorum patrum. Quis pro his negligentis culpabilis existat, cum tot millia hominum sine sacramentis ecclesiasticis decesserint, disputandum est, determinandum vero cum venerit filius hominis in sua majestate.

**B** Congregati sunt itaque omnes consules et majores civitatis, et diutius habito consilio super his, quid esset faciendum ad purgandam hujusmodi turpitudinem, tandem de consilio et voluntate communi decreverunt convenire operarios ad effodienda sepulchra maxima, in quibus multa corpora humana possent collocari, quorum profunditas erat trium iastrorum, latitudo ab omni parte decem cubitorum, et quodlibet sepulchrum capiebat corpora mille vel paulo magis vel minus. Hæc sepulchra horrenda præ sui magnitudine erant octo : unum apud Sanctum Petrum in vico Theutonicorum, in quo projecta sunt 2000 corporum, apud ecclesiam sancti Lazari inter leprosos duo fossata, apud ecclesiam sancti Johannis in piscina duo sepulchra, in Psarz duo sepulchra, apud ecclesiam sancti Johannis in Obora unum.

**C** Hæc omnia sepulchra repleta sunt corporibus humanis in spatio sex mensium. Diebus vero vernalibus, cum jam terra resoluta fuisset, brumalibus recedentibus auris, sepeliebantur funera in insulis arenosis et campis ante mœnia civitatis. Erant etiam ad officium sepulturæ deputati aliquot viri, qui laboribus insudantes toto die vix poterant deferre ad sepulchra omnia corpora, quæ occubuerant ipso die ante solis occasum. Sed quia ex alia parte pontis civitas antiqua populosior est, in curruum vectura trahebantur corpora ad humandum. Et si una civitate tot mille hominum in brevi spatio scribantur decessisse, quot millia hominum per totum regnum Bohemiæ respectu unius civitatis computabantur cecidisse, cum nec tricesima pars totius regni Bohemiæ sola

**D** civitas Pragensis esse comprobetur ? Et sic indubitanter fertur per totum regnum major pars hominum occubuisse. Multi etiam agonizantes dicebant : « O si nati non fuisset, nec oculus cujusquam nos vidiesset ! O utinam translati fuisset de utero matris ad tumulum, saltem manus propinquorum officio interessent sepulturæ ; quia

*Dulcius ossa cubant manibus tumulata suorum.*

Melius enim erat nos bene mori, quam male vivere, cum et auctoritas dicat :

*Non bene pensantur læti dispendia luctus,*

*Plus moritur vivens, quam valet esse miser. »*

Quidam homines miserissimi et infelices, egestate

nimia depressi, naturam corporis sui fovere nutritis consuetis non valentes, devorabant cadavera jumentorum, pecorum et quorumlibet animalium, mortuorum canum. Imo etiam — quod horribile est auditui et nefandum, tamen quia auditui multorum insonuit, sub silentio transire non possumus — quod quidam more canum latrantium homines perimendo in hujus miseræ naufragio pro sustentaculo corporis devorabant. Quidam autem suspensos patibulo nocte furtim ablatos tempore quadragesimali non deserentes, timore Dei avulso, comedere non formidabant, hominum abjecto pudore. Præterea eodem anno contigit in villa dicta Horaz, spectante ad ecclesiam Saczsensem, etenim quædam filia omni pietate deposita, et immemor maternæ dilectionis, matrem suam incisam in partes decoquens manducavit.

Et quia hac tempestate multa mala effluerunt in Bohemos, et qualiter diversarum pœnarum aculeis sint stimulati, ut patuit in præmissis procurante Saxonum industria, sed ne videamur digredi a tramite veritatis ipsam palliando, ut verius dicamus, Saxonum malitia principaliter et dolo procurante, ut autem appareant lucidius acta fraudum et dolositatum, ipsorum originem describendo circa opera ipsorum in apertum producemus. [EKKEHARD.] Etenim super origine gentis Saxonum varia opinio est, aliis æstimantibus de Dania Northmannisque originem duxisse, alii vero, quibus et Græci dicuntur consentire, eos reliquias Macedonici exercitus, qui secutus magnum Alexandrum post mortem ipsius per totum orbem sit dispersus. Invenimus etiam in scriptis cujusdam historiographi, quod antiquitate tradente ab Anglis, Britannis incolis, sint ingressi, et per oceanum navigantes, Germaniæ littoribus studio et necessitate quærendarum sedium<sup>283</sup> sint impulsus in loco qui vocatur Hathuloga, et tempore quo Theodoricus rex Francorum contra Irminfridum ducem Thuringorum dimicans, terram eorum crudeliter ferro vastavit et igni. Cumque primum terræ applicuissent, incolæ ipsius terræ qui Thuringi dicuntur adventum eorum graviter ferentes, arma contra eos moverunt. Saxones vero acriter resistentes portum obtinuerunt. Diu denique inter se dimicantibus, et multis hinc inter se cadentibus, tandem utrisque placuit de pace tractare, initumque est fœdus eo pacto, quo haberent Saxones vendendi emendique copiam, cæterum ab agris, a cæde hominum atque rapinis abstinerent. Stetitque idem fœdus inviolabile multis diebus. Cumque Saxonibus jam defecisset pecunia, quod emerent aut venderent non habentes, inutilem sibi pacem esse arbitrati sunt. Ea igitur tempestate contigit adolescentem quemdam egredi de navibus oneratum multo auro, torque aurea, simulque armillis aureis. Cui obvis quidam Thuringorum: « Quid sibi vult, inquit, tam ingens aurum circa

tuum famelicum collum? Emptorem, inquit, quæro, ad nihil aliud istud aurum gero, qui enim fame premor, quid auro delector? » At illo qualitatem quantitatemque pretii interrogante ait: « Nullum mihi discrimen est in pretio, quidquid dederis gratum habeo. » Subridens Thuringus ait: « Quid si de pulvere isto sinum tibi implebo? » Erat autem in eodem loco congesta humus plurima. Saxo nihil cunctatus aperit sinum, et accipit humum, illico Thuringo tradens aurum, et lætus uterque ad suos abiit. Thuringi Thuringum laudibus ad cœlum tollunt, qui nobili fraude Saxonem decepit, fortunatumque eum inter omnes mortales fuisse dixerunt, qui vili pretio tam ingens aurum possederit. Interea Saxo privatus auro, oneratus vero multa humo appropriat navibus. Sociis igitur et occurrentibus et quid ageret amirantibus, alii amicorum eum irridere cœperunt, alii arguere, omnes pariter eum amentem crediderunt. At ille postulato silentio: « Sequimini me, inquit, optimi Saxones, et meam vobis amentiam probabitur utilem. » At illi licet dubii, sequuntur tamen; ille autem sumpta humo per vicinos agros quam subtilius potuit, dispersit, et castrorum loca occupavit. Ut autem viderunt Thuringi a Saxonibus castra occupari, intolerabilis ei est res visa, et missis legatis conquesti sunt de fœdere violato et rupto pacto ex parte Saxonum. Saxones responderunt se hactenus fœdus inviolabiliter servasse, terram vero proprio auro comparatam cum pace velle obtinere, aut certe armis defendere. His auditis incolæ Thuringiæ aurum Saxonum maledicunt, et quem paulo ante felicem prædicabant, auctorem perditionis suæ atque regionis fatebantur. Ita deinde accensi cæco Marte, sine ordine et sine consilio irruunt in castra. Saxones vero parati hostes excipiunt sternuntque, et rebus prospere gestis, proxima circumcirca loca jure belli obtinent. Diu itaque cum ab alterutris pugnatum foret, et Thuringi a Saxonibus se superatos viderent, per internuncios pacificari cum eis quærunt, eosque in terra quam acceperunt sedere concedunt. Hæc ideo inserimus, ut prudens lector agnoscat, quanta perfidia, dolo, fraudeque usi sint. Ignorantes Deum creatorem cœli et terræ, maris et in hiis de gentium, coluerunt eos qui natura non erant dii maximeque Mercurium, cui certis diebus humanis quoque hostiis litabant. Deos suos neque templis includere, neque ullæ humanæ speciei assimilare pro magnitudine et dignitate divinitatis licitum arbitrati sunt, lucos ac nemora consecrantes deorumque nominibus appellantes, secretum illud sola reverentia contemplabantur. Auspicia et sortes quam maxime observabant, quarum sortium consuetudo simplex erat. Virgam frufiferam arbori decisam in surculos amputabant, eosque notis quibusdam discretos super candidam vestem temere ac fortuito

#### VARIÆ LECTIONES.

<sup>283</sup> sed vi 2.

spargebant. Mox, si publica consultatio fuit, sacerdos populi, si privata, ipse paterfamilias precatus deos cœlumque suspiciens ter singulos tulit, sublatiſque secundum impressam antea notam <sup>284</sup>, si permissum est, eventum adhuc fides exigebatur. Avium voces volatusque interrogare proprium gentis illius erat, equorum quoque præſagia ac motus experiri, hinnitus hac frémitus observare, nec illi auspicio major <sup>285</sup> fides adhibebatur, non solum apud plebem sed etiam apud proceres. Erat et alia observatio auspiorum, quo solebant eventus gravius explere bellorum; ejus scilicet gentis, cum qua bellandum fuit, captivum quoque modo interceptum; cum electo popularium suorum patriis quoque armis committere, et victoris hujus vel illius in providentia habere. Frondosis arboribus fontibusque venerationem exhibebant. Truncum quoque ligni non parvæ magnitudinis in altum erectum sub divo colebant, patria eum lingua Irminsul appellantes, quod latine dicitur universalis columna, quasi sustinens omnia. Quomodo autem certis diebus, cum aut luna inchoatur aut impletur, agendis rebus auspiciatissimum initium crediderunt, et alia innumerabilia vanarum superstitionum genera, quibus impliciti tenebantur, observaverunt, hæc ideo scripto commendavimus, quo prudens lector agnoscat, a quantis errorum tenebris per Dei gratiam sunt liberati, qui erant cultui dæmonum dediti veræque religioni contrarii, neque divina neque humana jura illicitum vel inhonestum transgredi putantes. Quotiescunque ab aliquo rege superati sunt, eidem supplices sese dederunt, imperata facturos polliciti sunt, obsides qui imperabantur absque dilatione dederunt, legatos, qui mittebantur, susceperunt. Quandoque ita domiti et emolliti fuerunt, ut etiam cultum dæmonum dimittere et christianæ religioni se subdere per omnia promitterent; sed sicut ad hæc facienda aliquoties proni, sic ad eadem pervertenda semper fuere præcipites.

Anno Domini 1283, 7 Kal. Januarii, hoc est in die beati Stephani, contigit quod raro contingere solet. Apparuit iris miræ pulchritudinis, quæ circumdabat totam civitatem Pragensem, extendens sinem unum ultra muros civitatis versus meridiem, alterum super flumen Waltavæ ab alia parte civitatis versus aquilonalem plagam, perquam quidam Judæorum, quædam etiam feminæ christianorum eventum **D** futurum bonæ fortunæ toti regno Bohemiæ fato præstigi prædixerunt, asserentes ut quemadmodum iris opponens se ymbribus tempestatum turbines restringit, sic Domino Deo gubernatore totius orbis concedente, incolas regni Bohemiæ a pressuris et variis passionibus conservabit. Sicut et in alio signo, videlicet in stella quæ visa est Nonas Aprilis super

**A** cornu lunæ lucidissimo splendens fulgore, quia sapientes et literati viri adventum sui principis et hæredis regni Bohemici Wenceslai, qui morabatur apud Ottorem marchionem Bramburiensem, tutorem suum, prædixerunt. Cui adveniēti 9 Kal. Junii occurrerunt barones cæterique milites ad plura milliaria. Clerici vero totius civitatis cum populo occurrentes ei, processionibus susceperunt eum honorifice ante valvas castri decantantes: « Adveniisti desiderabilis, » cum aliis hymnis et canticis, populo etiam, decantante: « Hospodin promiluy ny; » cui processioni interfuit Thobias episcopus cum canonicis ecclesiæ suæ, et cæteri claustrales conventus, Brzewnoviensis, Strahoviensis, prædicatores, fratres minores, et omnium ecclesiarum rectores, seculares viri et feminæ, cæterique omnium operum artifices.

**B** Idem marchio Bramburiensis finito officio tutelæ, cum deberet secundum normam legalem reddere rationem de administratione sui officii, ut tradunt leges imperiales in instituta de Atiliano tutore, ubi dicitur (Jur. instit. I, 20, 7): « Cum tutores pupillarum pupillarumve negotia gerunt, post elapsam terminum tutelæ judicio rationes reddunt. » Idem marchio, dudum accepta pecunia 15000 marcarum argenti de collecta generali, adhuc stimulo cupiditatis accensus, pudore hominum abjecto, exegit a duce Bohemorum 20000 marcarum argenti pro absolute sive tutelæ ratione, non attendens, quod in eisdem legibus promulgatum esse reperiat, quod non solum tutores vel curatores pupillis vel adultis cæterisque personis ex administratione teneantur, sed etiam in eos qui satisfactiones accipiunt subsidiariam actionem esse ipsis pupillis, quæ ad ultimum eis præsidium possit asserre. Detinuit etiam idem marchio pro eadem summa pecuniæ ratione pignoris munitiones firmissimas, videlicet Dieczin, Ustie (422), Pontem, Ronow (423), Bczdiezie castrum, cum civitatibus, donec prædictæ pecuniæ summa solveretur ex integro. Eodem anno ver totum siccum fuit. Hoc etiam anno 4 Idus Maii frigus vineas et fructus arborum ita enormiter læsit, quod penitus nullos fructus protulerunt; læsit etiam segetes frumenti hyemales et æstivales per totam Bohemiam tritici, siliginis, ordei, pisæ cæterorumque seminum, ita quod in plurimis locis defalcata sunt propter suam infructuositatem, quia nutrimenta parva vel nulla humanis usibus conferre videbantur. Eodem anno consecrata est ecclesia sancti Nicolai in suburbio Pragensi a venerabili patre et domino Thobia, Dei gratia Pragensi episcopo, 2 Idus Januarii, in qua consecratione quidam contractus erectus est meritis et precibus sancti Nicolai. Eodem anno 18 Kal. Februarii stillicidia sanguinis manaverunt

#### VARIÆ LECTIONES.

<sup>284</sup> norat 2. *Festinante calamo descripsit; desunt nonnulla verba.* <sup>285</sup> correctum ab eadem manu minor

#### NOTÆ.

(422) Agussi.

(423) Ronnow in circulo Czeslaviensi.



de pede crucifixi, locati circa tumbam sanctæ Ludmilæ in ecclesia beati Georgii, et super hiis, quæ contigerunt et altera vice, viri fide digni testimonium perhibent dicentes se talia vidisse.

Nec prætermittendum puto, cum sit memoria commendabili dignum, quod dominus Thobias, Dei gratia Pragensis episcopus, licet ex officio sui regiminis teneatur omnes ecclesias suæ diocesis fovere, tamen ecclesiam Pragensem, cujus sponsus et dominus est, speciali dilectione fovendo, providit et in ornatibus pretiosis et libris ecclesiasticis ad honorem et laudem divini cultus, nec non et beatorum martyrum Viti, Wenceslai atque Adalberti. Quarum rerum collatio talis est: Casula, dalmatica et subtile (424) de axamito (425) albo cum limbis (426) magnis, item contulit alium apparatus nigrum cum auro textum, item pallam altaris de albo balkino, farratum de ruffo cendato (427), item aliam pallam, in qua est leo et aquila de plumario opere (428), item tria mensalia altaris cum latis prætextis, item strifseum axamitum, qui ponitur in parascève sub reliquias, et quartum mensale longum, quod etiam ponitur sub reliquias. Contulit etiam missale magnum cum omnibus epistolis et evangeliiis, tam ferialibus quam festivis, cum cantu per musicam scriptis, cum graduali et sequentiis, item nocturnale magnum cum rubricis et cantu in ipso per musicam annotato per totum antiphonarium. Contulit etiam breviarium de magna litera juxta cursum Pragensem, ecclesia modo et consuetudine antiqua conservata. Talis quippe provisor dicitur utroque pede calciatus esse, qui non tantum sibi, sed ecclesiæ suæ judicatur competenter providisse. Præcavit quippe de suspitione auctoritatis illius, quæ dicit: « Quicumque percepto principatus officio perfrui seculariter cœperit, libenter obliviscitur quicquid religiose cogitavit. »

Quia (429) multorum hominum animos turbat sollicitatio de investiganda serie et descensione propaginis ducum ac regum regni Bohemici, qualiter primo duce Prziemysl usque ad hæc tempora, quot fuerint, et quis cui in ducatu successerit, ubi etiam regniæ majestatis dignitas exordium sumpserit, obmissa prolixitate verborum, quæ sapientibus displicere, nonnullis etiam et fastidium generare consuevit, prout compendiosius potero, nitar explicare, ea tamen emendatione relicta, ut, ubicunque in hiis scriptis lectori nodus dubietatis occurrerit, ad depellendum errorem recurrat superius ad scripta, ibi enim plenius inveniet annotata.

[Cosmas I, 2]. In divisione orbis secundum geometricos Asia sub suo nomine dimidium mundi obtinet, et dimidium Africa et Europa. In Europa sita Germania, cujus in partibus versus aquilonalem plagam

invenitur locata esse Bohemia, quam fertur introisse homo nomine Bohemus cum paucis animabus, a quo tota terra vocata est Bohemia. Hic homo Bohemus circa montem Rzip inter duos fluvios, scilicet Ogram et Wltavam primas posuit sedes. [I, 3]. Postmodum labentibus temporibus vir quidam nomine Crochko inter ipsos oriundus extitit, ad quem tam de propriis tribubus quam etiam ex tota plebe omnes ad dirimenda judicia consuebant. Hic vir carens virili prole, genuit tamen tres filias phitonissas, quarum prima Kasy, secunda Tetka, tertia Liubussie sunt nuncupatæ. [I, 4]. Hæc Liubussie, licet fuisset natu minor, sed prudentia multo major emicuit. Hanc sibi omnis populus, commune consilium iniens, post decessum patris ejus præfecit judicem. Orta est autem eisdem temporibus in populo discordia non modica, et deferentibus querelis ad dominam et petentibus ut citius sententias diffinitivas pronuntiaret, fertur respondisse: « Ad dirimenda judicia cognitio causarum necessaria est, nam sine cognitione multotiens justi damnarentur. » Et non poterat in continenti petitionibus eorum satisfacere. Tunc populus sprevit dominam suam et judicia ejus, dicens, quamlibet feminam magis virilibus amplexibus aptam, quam dictare militibus jura. Ad hæc Libussie cernens a populo tantam illatam contumeliam, femineo pudore celans ac pallians injuriam ait [I, 5]: « Si digna non sum præesse vobis, ite et eligite vobis dominum, et quem elegeritis, erit dux vester et mihi maritus. » [I, 6] Et continuo dans eis indumenta regalia, nominans villam nomine Stadiz, quæ sita est circa fluvium Belina, misit eos, dans eis et equum suum, cui equo cognita erat via quæ perduxit eos usque ad præfatam villam, dicensque ad eos [I, 5]: « Invenietis hominem circa villam nominatam nomine Prziemysl in agro arantem variis bobus, ipsumque adducite, et erit vester dux et mihi maritus. » [I, 6]. Qui pergentes compleverunt omnia juxta mandatum dominæ suæ. [I, 7]. Hic vir, qui vere ex virtutis merito dicendus est vir, qui omnia jura excogitavit et dictavit, quibus hæc terra utitur et regitur, hic est primus dux Bohemiæ.

Primus dux Prziemysl.

II. Nezamysl.

III. Mnata.

IV. Vogin.

V. Unislaw.

VI. Grezomysl.

VII. Neklan.

VIII. Hostivit.

IX. Borziwoy, primus christianus, baptizatus est a Metudio episcopo Moraviensi anno dominicæ incarnationis 894 (430).

X. Spitigneu.

XI. Vratislaw.

#### NOTE.

(424) Vestis subdiaconorum.

(425) I. q. exametum, germanice *Sammt*.

(426) Fimbriis.

(427) I. e. pannus sericus erat subsutus.

(428) Acu erat pictum opus.

(429) Epilogus interpolatoris.

(430) Cosm. I, 40.



- XII. Wenceslaus sanotus, fraterna fraude mar- A tyrizatus 4 Kal. Octobris (431).  
 XIII. Boleslaus ferus, fratricida.  
 XIV. Boleslaus pius, creator episcopatus Pra-  
 gensis (432).  
 XV. Boleslaus mitis.  
 XVI. Wladiwoy.  
 XVII. Jaromir (433).  
 XVIII. Odalricus.  
 XIX. Brzeczislaus.  
 XX. Spiligneus, fundator ecclesie Pragensis.  
 XXI. Wratislaus dux et primus rex Bohemie.  
 XXII. Conradus dux.  
 XXIII. Brzeczislaus dux.  
 XXIV. Borziwoy dux.  
 XXV. Swatoplík dux.  
 XXVI. Wladislaus dux.  
 XXVII. Sobieslaus dux.  
 XXVIII. Vadislaus dux et secundus rex Bohe-  
 mie, fundator Strahoviensis ecclesie.  
 XXIX. Fridericus dux.
- XXX. Sobieslaus dux.  
 XXXI. Conradus dux.  
 XXXII. Henricus dux et episcopus.  
 XXXIII. Wladislaus dux.  
 XXXIV. Prziemysl dux et tertius rex Bohemie  
 qui et Otakarus dictus est.  
 XXXV. Wenceslaus rex.  
 XXXVI. Prziemysl rex.  
 XXXVII. Wenceslaus rex <sup>286</sup>.
- Et quia numerum ducum ac regum et ordinem  
 breviter hoc loco descripsimus, dignum duximus, ut  
 numerum annorum et distantiam temporum inter  
 ipsos describamus. A primo igitur duce christia-  
 norum Borziwoy usque ad Wratislaum, primum  
 in regem Bohemie, leguntur successive fuisse 12  
 duces, infra quod tempus computantur lustra 40.  
 A Wratislao primo rege usque ad Vadislaum se-  
 cundum regem fuerunt duces sex, infra quorum  
 tempora subputavi... <sup>287</sup>.  
 Cronica finitur, qui mortuus est sepelitur.

VARIE LECTIONES.

<sup>286</sup> ex margine vetustioris codicis textui inserta sunt sequentia: Anno Domini 1520, obiit Wilhelmus Lepus, fidelissimus regum Bohemorum et gentis tutor Bohemice. <sup>287</sup> Ultima verba desunt.

NOTÆ.

(431) Cosm. I, 17.

(432) Cfr. Cosm. I, 21.

(433) Hi duces apud Cosmam desiderantur.

CIRCA ANNUM MCXXV.

# ALBERICUS AQUENSIS

## NOTITIA

(FABRIC. Biblioth. med. et inf., Lat., tom. I).

Albertus, sive Albericus, Aquensis in Gallia Ecclesie custos, scripsit, ex fide eorum qui presentes interfuere (1), Historiam accuratam Hierosolymitanæ expeditionis, sive *De passagio Godefredi de Bullione et aliorum principum* usque ad annum secundum Balduini II, sive ab anno C. 1095 ad 1121 libris XII, qui, sine nomine auctoris primum editi, cum chronologia Henrici Meibomii a Reinero Reineccio, Helinstadii 1584, 4, sub titulo: *Chronici Hierosolymitani de bello sacro*. Deinde auctori suo restituti, in Jacobi Bongarsii *Gestis Dei per Francos*, tom. I, p. 184-318, Hanov. 1611, fol. Nomen auctoris primus protulit David Hoeschelius præfat. ad Annæ Comnenæ Alexiadem scripta an. 1610.

(1) Vide libri I cap. 4, 24, 25; libri II cap. 33; libri III cap. 2, 65; libri IV cap. 53, 55; libri VI cap. 24, 50; et libri VIII cap. 21.

INCIPIT HISTORIA  
HIERSOLYMITANÆ EXPEDITIONIS,

EDITA

**AB ALBERICO**

CANONICO ET CUSTODE AQUENSIS ECCLESIAE

Super passagio Godefridi de Bullione et aliorum principum

BONGARS, *Gesta Dei per Francos*, I, 184).

LIBER PRIMUS

**CAP. I. — Proœmium sequentis operis.**

Incipit liber primus Expeditionis Hierosolymitanæ urbis, ubi clarissimi ducis Godefridi inclita gesta narrantur, cujus labore et studio civitas sancta ab infidelibus liberata, sanctæ Ecclesiæ filiis est restituta. Diu multumque his usque diebus, ob inaudita et plurimum admiranda, sæpius accensus sum desiderio ejusdem expeditionis et faciendæ orationis illic, dum ferverem. Sed cum minime, ob diversa impedimenta, intentioni meæ effectus daretur, temerario ausu decrevi saltem ex his aliqua memoriæ commendare, quæ auditu et revelatione nota fierent ab his qui præsentibus adfuissent, ut vel sic non in otio, sed quasi in via, si non corpore, at tota mente et animo consocius essem, elaborare. Quapropter de labore et miseriis, de firmata fide, de robustorum principum cæterorumque hominum conspiratione bona in amore Christi quomodo scilicet reliquerint patriam, cognatos, uxores, filios, filiasque, urbes, castella, agros, regna et omnem hujus mundi dulcedinem, certa pro incertis, et in nomine Jesu exsilia quæsierint, quomodo in manu forti et exercitu robusto iter Hierosolymam fecerint, et mille millies Turcorum Sarracenorumque legiones audaci assultu triumphantes occiderint, quomodo introitum et accessum sacri sepulcri Domini nostri Jesu Christi patefecerint, census et tributa peregrinorum, huc intrare cupientium, ex toto remisserint, pro viribus nostris exiguis, puerili et incauto stylo scribere præsumpsi.

**CAP. II. — Quomodo Petrus eremita primus auctor exstiterit expeditionis in Jerusalem.**

Sacerdos quidam, Petrus nomine, quondam eremita, ortus de civitate Amiens, quæ est in occidente de regno Francorum, omni instinctu, quo potuit, hujus viæ constantiam primum adhortatus est, in Beru regione præfati regni factus prædicator, in omni admonitione et sermone. Hujus admonitione assidua et vocatione, episcopi, abbates, clerici et

**A** monachi, deinde laici nobilissimi, diversorum regnorum principes; totumque vulgus, tam casti quam incesti, adulteri, homicidæ, fures, perjuri, prædones, universum scilicet genus Christianæ professionis, quin et sexus femineus, poenitentia ducti ad hanc lætanter concurrunt viam. Qua occasione et intentione hanc viam idem eremita prædicaverit, et ejus primus ductor exstiterit, præsens pagina declarabit.

**CAP. III. — Quomodo patriarcham adierit.**

Hic sacerdos, aliquot annis ante hujus viæ initium causa orationis, Hierosolymam profectus est, ubi in oratorio Dominici sepulchri (proh dolor!) visa quædam illicita et nefanda tristi animo accepit, et infremuit spiritu; ipsamque Dominum judicem super istis injuriis appellat. Tandem super nefariis operibus motus, patriarcham sanctæ Hierosolymitanæ Ecclesiæ expetit, et, cur pateretur gentiles et impios sancta inquinare, et ab his fidelium oblationes asportare, item ecclesia uti pro prostibulis, Christianos colaphizari, peregrinos sanctos injusta mercede spoliari et multis oppressionibus angustiari requirit.

**CAP. IV. — Quid patriarcha Petro responderit, et quomodo auxilia Christianorum invitaverit.**

**C** Patriarcha vero et venerabilis sacerdos sepulchri Dominici, his auditis, pia et fidelia profert responsa: « O fidelissime Christianorum, quid super his compellas et inquietas paternitatem nostram, cum nostræ vires vel potentia non magis quam formica exigua adversus tantorum superbiam computentur? Vita enim nostra aut assiduis redimitur tributis; aut mortiferis deputatur suppliciis. Et majora asperamus de die in diem adfore pericula, nisi Christianorum adfuerint auxilia, quæ tua legatione invitamus.» Cui Petrus in hunc modum respondit: « Venerande Pater, satis comperimus, et nunc intelligimus ac videmus quam invalida manus Christianorum sis tecum hic inhabitantium, et quantis subja-

centis oppressionibus gentilium. Qua de causa, ob Domini gratiam, et vestram liberationem et sanctorum emundationem, Domino comite, vita sospite rediens imprimis dominum apostolicum requiram, deinde omnes primates Christianorum reges, duces, comites, et principatum regni tenentes, servitutis vestræ miseriam, et angustiarum tolerantiam cunctis insinuans. Jam omnia inter se hæc nuntia æque videntur ut fiant. »

CAP. V. — *Quomodo majestas Domini Jesu in somnis Petro apparuerit, eumque allocuta sit.*

Interim tenebris cælo circumquaque incumbentibus, Petrus orandi causa ad sanctum sepulcrum redit, ubi sub vigiliis et orationibus fatigatus, somno decipitur. Cui in visu majestas Domini Jesu oblata est, hominem mortalem et fragilem sic dignata alloqui : « Petre, dilectissime fili Christianorum, surgens visitabis patriarcham nostrum, et ab eo sumes cum sigillo sanctæ crucis litteras legationis nostræ, et in terram cognationis tuæ iter quanto citius accelerabis, calumnias et injurias populo nostro et loco sancto illatas reserabis, et suscitabis corda fidelium ad purganda loca sancta Jerusalem, et ad restauranda officia sanctorum. Per pericula enim et tentationes varias, paradisi portæ nunc aperientur vocatis et electis. »

CAP. VI. — *Quomodo Petrus Romam venerit, legatione apostolica retulerit, et de terræ motu.*

Ad hanc itaque miram et dignam Domino revelationem, subtracta visione. Petrus somno experfactus est. Qui in primo diei crepusculo processit a limine templi, patriarcham petiit, visionem Domini sibi ex ordine aperuit, litteras legationis divinæ cum signo sanctæ crucis requirit. Quas ille dare non recusavit, sed cum gratiarum actione accommodavit. Accepta hinc licentia, in obedientia legationis ad natales oras regressus est. Non modica anxietate navigio per mare regressus, ad civitatem Barum ravehitur. Ubi terris redditus, Romam sine mora proficiscitur. Ibi, reperto apostolico, quam audivit et accepit a Deo et patriarcha legationem retulit super immunditiis gentilium et injuriis sanctorum et peregrinorum. Hæc autem apostolicus mente voluntaria et intenta ut accepit, in omnibus se promisit mandatis parere sanctorum precibus. Qua de causa sollicitus venit ad civitatem Vercellas transactisque Alpibus, conventum totius occidentalis Franciæ, et concilium apud Podium, civitatem sanctæ Mariæ fieri decrevit. Deinde ad Clarum montem in Arvernensibus proficiscitur. Ubi audita legatione divina et admonitione apostolica, episcopi totius Franciæ, duces ac comites, magnique principes ejusque ordinis ac gradus, expeditionem ex proprio sumpto ad ipsum sepulcrum Domini annuerunt. Ipso etenim in regno amplissimo conspiratio et conjuratio sancta hujus viæ, datis dextris, inter potentissimos exivit. In quorum affirmatione terræ motus magnus factus est, nil aliud portendens quam diversorum regnorum iter moturas legiones,

A tam ex regno Franciæ quam Lotharingiæ terræ, Teutonicorum simul et Anglorum et ex regione Danorum.

CAP. VII. — *De quodam Waltero eunte Hierosolymam, quid egerit, vel quid pertulerit.*

Anno Dominicæ Incarnationis millesimo nonagesimo quinto, indictione quarta, Henrico, quarto rege ac tertio imperatore Romanorum Augusto, anno regni sui quadragesimo tertio, imperii vero decimo tertio, Urbano secundo qui et Odardus apostolico, octavo die mensis Martii, Walterus, cognomento Senzavehor, miles egregius, cum magna societate Francigenarum peditum, solummodo octo habens equites, ex admonitione prædicti Petri eremitæ, in initio viæ Hierosolymitanæ intravit regnum Hungariæ. Ubi cognita virtute, et audita animi illius intentione et causa assumptæ viæ, a domino Calomano, rege Christianissimo Hungarorum, benigne susceptus est, et concessus est sibi pacifice transitus per universam terram regni sui, et emendi licentia. Hic itaque sine offensione, et aliquo adverso incursu, usque ad Bellegravam, civitatem Bulgarorum, profectus est, transiens Malevillam, ubi terminantur fines regni Hungarorum. Illic pacifice fluvium Maroc navigio trajecit. Sed in eodem loco Malevillæ sedecim de comitatu illius remorati sunt, ut emerent arma, ignorante Waltero qui jam diu fluvium transierat. Hungari vero quidam perversæ mentis videntes procul Valteri absentiam et illius exercitus, manus sedecim illis iniecerunt; quos armis, vestibus, auro et argento spoliaverunt, et sic nudi et vacui abire permisi sunt. Hi vero dolentes, rebus et armis vacui, usque ad prædictam Belegravam, que Walterus cum omni manu sua extra muros ad hospitandum tentoria posuerat, iter acceleraverunt, omne infortunium quod eis acciderat sibi referentes. Sed Walterus æquo animo, quia reditus ad vindictam tædio erat, accepit. In ipsa denique nocte qua socii nudi et vacui recepti sunt, Walterus emendi vitæ necessaria requisivit a principe Bulgarorum et magistratu civitatis; qui, fraudes et exploratores terræ existimantes, omnia venalia eis interdixerunt. Quapropter Walterus et omnis illius comitatus animo graviter motus armenta, boves et oves illorum, quæ per agros ad pabula herbarum emissæ passim vagabantur, cœperunt vi rapere et abducere, quousque gravis seditio inter peregrinos, et Bulgaros, gregem suum excutientes, accrescere cœpit et misceri armis. Dum tandem virtute Bulgarorum invalescente usque ad centum et quadraginta millia, de peregrino exercitu a multitudine societatis quidam divisi, in quoddam oratorium fugientes devenerunt. Bulgari vero, accrescente suorum manu et Waltero deficiente ac cum tota societate diffugium faciente, oratorium obsidentes, sexaginta ex inclusis combusserunt; cæteros, vix ab hostibus et oratorio pro defensione vitæ elabentes, plurimos gravi vulnere percusserant. Post hanc calamitatem et attri-

tionem suorum. Walteaus, relictis circumquaque sociis, fugitivus silvas Bulgarorum per octo dies exsuperans, ad civitatem ditissimam, quæ vocatur Niczh in medio Bulgarorum regno secessit. Ubi duci et principi terræ reperto injuriam et damnum sibi illatum referens, justitiam de omnibus clementer ab eo consecutus est, quin et arma et pecuniam illi in reconciliatione largitus est, ac ei conductum dominus terræ per civitates Bulgariæ Sternitz, Phinopolim atque Adrianopolim pacifice dedit, et emendi licentiam quousque ad imperatoriam urbem Constantinopolim, quæ est caput totius regni Græcorum, cum omni manu sua descendit. Ut autem descendit, omni instantia humillimæ petitionis, qua potuit, ab ipso domino imperatore exoravit, quatenus in regno suo pacifice moram obtineret, cum licentia emendi vitæ necessaria, donec Petrus Eremita, cujus admonitione et instinctu viam hanc inchoaverant, socius haberetur; et sic conjunctis millibus suis, brachium maris S. Georgii navigio transmearent, et sic tutius Turcis, cunctisque gentiliis, cuneis resistere valerent. Quod et actum est, et a domino imperatore, Alexio nomine, benigne de omnibus petenti responsum et concessum est.

CAP. VIII. — *Quomodo Petrus, cum copioso exercitu tendens Jerusalem, vindictam sociorum in Hungaria fecerit.*

Post hæc, nec longi temporis intervallo, Petrus prædictus, et exercitus illius copiosus, ut arena maris innumerabilis, quia diversis regnis illi conjunctus convenerat, scilicet Francigenæ, Suevi, Bajoarii, Lotharingi, continuabat pariter viam Jerusalem. Qui in itinere suo in Hungariæ descendens regnum, ante portam Cyperon tabernacula sua fixit cum omni exercitu, quem eduxerat. His locatis, protinus regnatori Hungariæ nuntios direxit, quatenus sibi suisque consociis pateret aditus et transitus per medium regni ejus. Quod illi concessum est, ea conditione interposita ne in terra regis prædam contingeret, sed pacifice viam teneret, omnia vero, quibus indigeret exercitus, sine jurgiis et lite pretio mutarent. Petrus ergo, audita erga se suosque regis benevolentia, gavius est, et pacifice regnum Hungariæ transivit, dans et accipiens omnia usui necessaria in numero, justitia et mensura, et sic sine turbine usque ad Malevillam cum omni legione sua profectus est. Ut autem appropinquavit terminis loci prædicti, fama in auribus suis suorumque allata est, quomodo comes regionis illius, nomine Guz, unus de primatibus regis Hungariæ, avaritia corruptus, adunationem armatorum contraxisset militum, et pessimum consilium iniisset cum prædicto duce, Nichita nomine principe Bulgarorum et præside civitatis Belegrave quatenus et ipse collecta virtute satellitum, anteriores agminis Petri debellaret et occideret; ipso vero postremos insecutione suorum militum detruncaret, ut sic universa spolia tanti exercitus in e

auro et argento ac vestibus, diriperent et dividerent. Petrus hæc audiens, quia Christiani erant Hungari et Bulgari, omnino de illis tantum facinus credere noluit, quousque ad Malevillam venientes, consocii illius arma et spolia sedecim sociorum Walteri, in mœnibus et muris pendentia, aspexerunt, quos paulo ante retardatos Hungari in dolo spoliare præsumpserant. Petrus autem, hac confratrum injuria comperta, visisque illorum armis et spoliis, socios ad vindictam admonet. Qui fortiter signis cornicinum intonant, erectis signis ad mœnia convolant, muros grandine sagittarum oppugnant, quos tam incessabili et incredibili densitate oculis in mœnibus assistentium intorquebant, ut nequaquam virtutem Gallorum impugnantium Hungari sufferre valentes, a muro declinarent, si forte intra civitatem ante vires illorum remanere valerent. Ad hæc Godefridus quidam cognomen habens Burel, de Stampis civitate ortus, magister et signifer ducentorum peditum, qui et ipse pedes erat, fortis viribus, intuens fugam adversariorum procul a mœnibus, muros scala, quam forte ibidem reperit, transvolat. Reinoldus de castro Breis, eques insignis, opertum habens caput galea, et lorica indutus, pariter mœnia post Godefridum ascendit, donec universi tam equites quam pedites intrare contendunt. Hungari vero videntes anime suæ angustias et imminens periculum, ad septem millia conglobantur ad defensionem, ac per aliam portam, quæ respicit ad orientem, egressi super vorticem præcelsæ silicis quam præterfluit Danubius, et qua ex parte insuperabile erat munimentum, constiterunt. Quorum plurima pars, quæ præ angusto aditu per portam velociter effugere nequiverant, ante ipsam januam in ore gladii ceciderunt. Alii, qui in vortice montis liberari sperabant, ab insequentibus peregrinis trucidati sunt, alii, a cacumine montis præcipitati, in ipsius Danubii undis absorpti sunt, sed plures navigio elapsi sunt. Ceciderunt illic circiter quatuor millia Hungarorum; peregrinorum centum tantum, præter vulneratos, ibidem occisi sunt. Hanc Petrus adeptus victoriam, cum universis suis in eodem castello Malevillæ diebus mansit quinque, propter abundantiam alimentorum quæ ibi reperit in frumento, gregibus ovium et armentis, et poculorum plenitudine et infinito numero equorum.

CAP. IX. — *Quomodo Maroam fluvium cum difficultate transierit.*

Comperta hac victoria et Hungarorum cæde cruenta, visis ferro cæsis corporibus illorum, quæ plurima extincta atroci vulnere Danubius suis procellis advexerat Belegrave, ubi reflexo alveo iter et cursum continuat, a Malevilla distans milliari, dux præfatus Nichita, suos convocat, et, consilio ab omnibus accepto, metu concussus, Belegrave Petrum ultra expectare recusat, sed Niczh, spe defensionis adversus vires Francigenarum, Romanorum et Teutonorum, quia robore murorum civitas hæc munita habebatur, migrare disposuit, secum asportatis uni-

versis thesauris Belegrave; concives vero illius, per silvas et montana ac deserta loca cum armentissuis in fugam misit, quouaque accersito auxilio imperatoris Constantinopolitani, sociis Petri resisteret, et vindictam Hungarorum sumeret propter amicitiam et fœdus, quod cum Guz, comite et principe Malevillæ, percussisset. Transactis abhinc sex diebus, nuntius quidam de villa advenarum Francorum Petro celeriter mittitur, qui hanc minarum certam legationem illi indicaret, dicens: « Rex Hungariæ, collecto exercitu universi regni sui, in ultionem suorum ad vos descensus est, de quibus ne unum quidem certum est ab armis illius evadere; nam dolor occisorum et lamenta regem et universos parentes et amicos illorum commoverunt. Quapropter quantocius fluvium Maroam superantes, viam vestram hinc maturate. » Petrus, intelligens iram regis et illius gravissimam adunationem, cum universis sociis Malevillam deserens, sed cuncta spolia gregesque ac prædam equorum abducens, Maroam transire disposuit. Sed paucas naves, numero tantum centum quinquaginta in toto littore invenit, quibus tanta multitudo subito posset transire et evadere, propter timorem regis in fortitudine gravi supervenientis. Unde quam plurimi, quibus naves defecerant, junctura lignorum et copulatione viminum transire certabant. Sed a Pincenariis, qui Bulgariam inhabitabant, plurimi in ipsa lignorum et viminum copulatione fluctuantes sine gubernaculo, et a societate interdum divisi, sagittis confixi interierunt. Videns autem Petrus interitum et submersionem suorum quæ fiebat, Bajoariis, Alemannis cæterisque Teutonicis ex promissione obedientiæ imperavit, ut Francigenis fratribus subvenirent. Qui illico septem ratibus invecti, septem naviculas Pincenariorum submerserunt cum inhabitantibus, septem tantum viros captivantes, quos in præsentiam Petri adductos ex præcepto illius trucidaverunt. Hac ultione suorum facta, et Maroam fluvio transito, ingentia et spatiosissima nemora Bulgarorum Petrus ingreditur eum vehiculis cibariorum et omni apparatu, et spoliis Belegrave. Et septem diebus in saltu spatiosissimo expletis, ipse cum suis urbem Niczh muris munitissimam applicuit ubi flumen quoddam per lapideum pontem ante civitatem transeuntis, pratium, viriditate et amplitudine voluptuosum, et ripam fluminis fixis tentoriis occupaverunt.

CAP. X.— *Quomodo duci Bulgarorum obsides dantur: quibus receptis, gravis contentio cum Bulgaris oritur.*

Hospitatis itaque peregrinis legionibus, ex providentia Petri et majorum consilio fit legatio ad ducem Nichitam, principem Bulgarorum, qui in eadem civitate præsens habebatur, quatenus licentiam emendi cibos acciperent. Quod benigne annuit, sub hac tamen conditione ut obsides ei darentur, ne aliqua injuria aut vis, sicut Belegrave, a tanta multitudine fieret Walterus filius Waleramni de Bretoil castello, quod est juxta Belvatium, et Gode-

A fridus Burel de Stampis, duoi obsides constituti et dati sunt. His missis et a duce receptis, omnium rerum sufficientia ad emendum undique illis concessa est, et non habentibus unde emerent, plurima largitio eleemosynarum a civitate largita est. Hac igitur nocte cum omni tranquillitate peracta, et obsidibus Petro a principe fideliter restitutis, centum viri Alemannorum propter contentionem vilissimam, cum quodam Bulgaro vespere habitam in venditione et emptione, paulisper subtracti a tergo agminis Petri, septem molendinis, quæ sub prædicto ponte in flumine degebant, ignem submiserunt, et in favillam redegerunt, quin et domos quasdam, quæ extra urbem erant, simili incendio in ultionem furoris sui succenderunt. Cives autem videntes ædificia suorum igne conflagrare, unanimes conventu suum ducem Nichitam adeunt, Petrum et universos sequaces illius falsos Christianos asserentes, raptores tantum esse et non homines pacificos, qui Pincenarios ducis Belegrave, et Malevillæ tot Hungaros occiderint; et nunc incendium hoc præsumperint, nequaquam pro benefacto remunerationem restituentes.

CAP. XI. *Quomodo dux exercitum insecutus plurima diripuerit.*

Dux, audita hac injuria et querimonia suorum, præcepit ut universi ad arma contenderent cum omni equitatu quem illic adunaverat, cognita invasione Malevillæ, et absque mora ut peregrinos insequerentur, in caput eorum reddentes universa mala quæ sibi illata sint. Ad hoc denique ducis imperium Bulgari, Comanitiæ, Hungari plurimi cum Pincenariis, qui conventiones solidorum ad urbis defensionem convenerant, arcus corneos et osseos arripiunt, loricas induunt; et, vexillis hastæ innexis, Petrum cum exercitu suo secure gradientem insequuntur, ac tardos et extremos exercitus detruncare et transfigere non parcentes, currus et plaustra lento gressu subsequenter retinuerunt, matronas, puellas, pueros teneros abducentes, qui exsules et captivi in terra Bulgariæ usque in præsentem diem cum universis rebus et armentis inventi sunt. Protinus in hac repentina peregrinorum disturbance et occisione, quidam, Lambertus nomine, velocitate equi elapsus, ad Petrum pervenit: cui rem hanc ignoranti et omnia quæ acciderant retulit, et quomodo hæc initia malorum et dolorum ab Alemannis extiterint propter incendium quod fecerant. Petrus vero milliari remotus hæc omnia ignorabat; qui, ad hæc verba nuntii graviter turbatus, convocat sapientiores et magis sensatos de exercitu, quibus sic loquitur, dicens:

CAP. XII. — *Quomodo, Petro cum exercitu causa pacis obviam duci regresso, plurima juvenus prostrata sit.*

« Grave et durum nobis infortunium, ex furore insipientium Teutonicorum ortum, imminet. Nostri quam plurimi cum ipsis Alemannis, a duce Nichita et suo satellitio, in arcu et gladio ceciderunt in ul-

tione incendii quod me prorsus latebat; nostra autem plaustra omnia, cum opibus et armentis retenta sunt. Nihil aliud super his video utilius quam ut obviam duci redeamus, pacem cum illo componamus, quia injuste nostri cum eo egerunt, cum omnia nobis necessaria pacifice civessui subministraverint.» Ad hanc vocem et sententiam Petri repetito itinere, exercitus reversus est ad ipsam civitatem Niczh, et in prato præfato tentoria sua relocaverunt, ut excusaret se Petrus et universam legionem quæ præcesserat, ut sic, mitigato duce, captivos suos et plaustra recuperarent. In hac itaque intentione et consilio Petrus cum prudentioribus dum satageret, et verbis cautis excusationem suam ordinaret, mille insensatorum hominum juvenus, nimie levitatis et duræ cervicis, gens indomita et effrenis, sine causa, sine ratione, trans prædictum pontem lapideum ad mœnia et portam civitatis in gravi assultu vadunt: quibus mille ejusdem levitatis juvenus, trans vada et ipsum pontem concurrentes, ingenti vociferatione et furore in auxilium junguntur, Petrum, ductorem suum hæc prohibentem et pacem fieri volentem, cum omnibus sensatis audire recusantes. In hac igitur dissensione gravissima discordantium legionum, totus cum Petro, hanc seditionem prohibente, præter hæc duomillia, remansit exercitus, qui nullo modo ad opem his se contulerunt. Bulgari, videntes hoc schisma in populo et facile hæc duomillia posse superari, e duabus eruperunt portis in sagittis, et lanceis et gravi vulnere; et sic in virtute magna oppressos universos in fugam verterunt. Quorum viginti, a ponte corruentes, undis immersi ac suffocati sunt. Alii vero in latere pontis trecenti ad vada incognita fugam inierunt, quorum alii armis, alii undis perierunt. Tandem qui in altera parte fluvii ab hac insania revocati cum Petro in viridario remanserant, videntes quia sui tam sævo martyrio consumebantur, non ultra se potuerunt continere ab auxilio, sed induti toricis et galeis, nolente volente Petro, ad ipsum pontem convolant. In quo crudeliter hinc et hinc bellum exoritur, in sagittis, gladiis et lanceis. Sed a Bulgaris vado et ponte prævento, nequaquam transire potuerunt, sed fortiter in fugam remissi sunt. Petrus visa hac suorum contritione et fuga, legationem per quemdam Bulgarum, qui sanctam viam decreverat in Jerusalem, duci præfato misit quatenus colloquium secum paulisper habere dignaretur, et pacem in Domini nomine utrinque componerent. Quod et actum est.

CAP. XIII. — *Qualiter exercitus ex magna parte dispersus sit, et iterum ad triginta millia adunatus.*

Pace hac divulgata in populo Petri, et turbine sedato, quousque omnia redirent in concordiam, pedestre vulgus rebelle et incorrigibile, currus et plaustra reparans et onerans, viam instabant. Quibus Petrus, Folckerus, Reinoldus interdicentes, donec viderent, si colloquium procederet in concordiam, nequaquam insensatos et rebelles ab incœpto avortere poterant. Cives autem, videntes quia Petrus

A et majores exercitus obstaculo viæ euntibus erant et plaustris ac curribus obstabant, arbitrati sunt quod cum vulgo fugam aptassent. Quapropter a porta urbis exsistentes cum militibus ducis, insecuti sunt eos in manu forti; et ad duo milliaria gravis occisio et captivatio facta est ab his retardati exercitus. Plaustrum, super quod erat scrinium Petri plenum innumerabilis auri et argenti, captum et retentum est, et ad Niczh una cum captivatis reductum, et in ærario ducis repositum; cætera spolia militibus divisa sunt, viri sine numero cæsi sunt, pueri cum matribus abducti, mulieres nuptæ et innuptæ, quarum ignoratur numerus. Petrus vero et omnis manus illius, quæ evadere potuit, per opacum et spatiosum nemus, pars per abrupta montium, pars per deserta loca dispersi, ut oves a lupis fugam matabant. Tandem Petrus, Reinoldus de Breis, Walterus filius Waleramni de Bretoil, Godefridus Burel, Folckerus Aureliensis, omnes hi cum quingentis solummodo post hanc fugam in vertice cujusdam montis casu convenerunt. Nec enim de quadraginta millibus plures remansisse visi sunt. Tunc vero Petrus considerans quia gens et exercitus ejus graviter imminutus est, anxie in diversa meditatur, et vehementi suspirio dolet dissipatas legiones, et tot millia suorum cecidisse, Bulgarorum autem unum solummodo periisse, miratus, si adhuc quispiam de quadraginta millibus profugis ac dispersis viveret. Unde ex ipsius sententia et visione, hi qui secum in montis cacumine constiterant fugientes, signis et cornibus prestrepunt, ut peregrini, quacunque dispersi essent per montes et silvas ac loca deserta, audito signo Petri suorumque, in unum revertentes coadunarentur, et iter quod cœperant iterarent. Nec primum dies inclinata fuit quod audito signo ad septem millia collecta sunt. Sic adunati, et a dispersione reversi, viæ iterato insistunt, et ad civitatem quamdam, rebus vacuam et civibus, applicuerunt; ubi castra figentes, socios profugos ac dispersos præstolati sunt. Sed minime alimenta in locis desertis reperire aut investigare potuerunt, nimiam ibi tolerantes penuriam, quia plaustra et currus, frumentum, hordeum, carneeque ferentes ad edendum, supra duo millia amiserant, neminem videntem aut aliquid offerentem inventientes. In mense itaque Julio hæc adversa illis contigerant, quando hac in regione frumenta et segetes maturæ jam ad messem flavescunt. Angustiato itaque fame populo, visum est viris consilio cautissimis, ut segetes maturas repertas in campestribus desertæ et vacuæ civitatis igne torrerent, et torrida grana excuterent, quibus populus jejunos sustentari posset. Hoc etenim sustentaculo annonæ tribus diebus vixit populus, quousque profugi et dispersi ad triginta millia readunati sunt, præter decem millia quæ perierant.

CAP. XIV. — *Quomodo imperator Petro legatos direxerit, ut veniret Constantinopolim.*

Interea nuntii ducis ad dominum imperatorem Constantinopolim præcesserunt, qui sibi universam in

malo de actibus et infortunio retulerunt, nempe qualiter exercitus Hungaros Malevillæ occiderit, et quomodo ad civitatem Niezh veniens, pro benefactis mala civibus reddiderit, sed non tamen hoc impune præsumperit. Imperator hæc audiens, Petro legatos dirigit; qui Petrum, vacua et deserta civitate relicta, in urbem Sternitz cum omni comitatu suo profectum reppererunt, ex edicto imperatori hæc illi nuntia ferentes: « Petre, domino imperatori graves de te tuisque querimonie allatæ sunt, eo quod in regno ipsius prædam et seditionem tuas fecerit exercitus. Quapropter ex imperio ipsius interdicitur tibi ne ultra tres dies moram facias in aliqua regni sui civitate, donec urbem Constantinopolim ingrediaris. Civitatibus autem omnibus, per quas transitorus es, ex imperatoria jussione præcipimus ut pacifice tibi omnia tuisque vendant, et quia Christianus es, Christianique tui consocii, non ultra iter tuum impediunt. Et quidquid in superbia et furore satellites tui adversus duocem Nichitam deliquerunt, prorsus tibi remittit; scit enim quod pro hac injuria graviter pœnas exsolvistis. » Petrus, hæc audita domini imperatoris legatione pacifica, non modicum gavisus et præ gaudio lacrymatus, gratias Deo retulit, qui, post nimiam et severam correptionem, nec immeritam, sibi suisque dedit gratiam in conspectu tam magnifici et nominatissimi imperatoris.

CAP. XV. — *Quomodo Petrus secundam imperatoris legationem acceperit, ut Constantinopolim maturaret iter.*

Igitur mandatis illius obediens, a Sternitz civitate processit, et ad urbem Phinopolim cum omni populo suo secessit. Ubi univereo casu et infortunio suo recitato in audientia omnium Græcorum civium, plurima Byzantium, argenti, equorum et mulorum munera suscepit pro nomine Jesu et timore Dei, omnibus super eum misericordia motis. Deinde post tertiam lucem hilaris et lætus in largitate rerum necessariorum migrans, Adrianopolim secessit. Ubi duobus solummodo diebus hospitio remoratus extra muros urbis, tertia luce exorta inde recessit. Nam secunda legatio imperatoris sollicitabat eum, ut Constantinopolim maturaret iter, quia fervebat imperator desiderio videndi eumdem Petrum, propter famam quam de illo audierat. Ut autem ventum est Constantinopolim, exercitus Petri jussus est procul a civitate hospitari, quibus emendi licentia pleniter concessa est.

CAP. XVI. — *Quomodo Petrus et exercitus ab imperatore benigne susceptus sit, et deinde mare transierit.*

Petrus vero statura pusillus, sed sermone et corde magnus, in præsentiam imperatoris cum solo Folkero introducitur a legatis ipsius imperatoris, uti videret si esset sicut de illo fama erat. Petrus vero introiens ad imperatorem confidenter, in nomine Domini Jesu Christi, salutavit et quia in ipsius Christi amore et gratia ad visitandum sanctum ejus sepulcrum ex patria sua secesserit, recitat per singula, et adversitates quas jam in brevi pertulerit commemorat, viros potentissimos, comites et duces

nobilissimos, se post modicum subsequendos denuntiat, qui causa visendi Dominicum sepulcrum, ardentissimo desiderio pariter viam insistero Jerusalem decreverint. Imperator autem, viso Petro et animi illius intentione ex ipsius verbis cognita, quid velit aut quid de suo cupiat requirit. Qui ut misericorditer accipiat precatur, unde sustentationem vitæ cum suis habeat, asserens quanta et quam innumera bona ex imprudentia et rebellionem suorum amiserit. Imperator, hac Petri humilitate audita, motus misericordia, ducentos byzantios aureos sibi dari jussit; de moneta vero quæ dicitur tartaron, modium unum exercitui illius erogavit. Post hæc Petrus, a colloquio et palatio imperatoris regressus et benigne ab eo commendatus, solummodo quinque diebus requievit in campis et prædio ad Constantinopolim, ubi simul Walterus Sezavehor sua locavit tentoria, socius factus ab ipso die et deinceps, admistis copiis, armis et universis usui necessariis. Deinde diebus quinque completis, tentoria sua amoventes, brachium maris S. Georgii navigio et auxilio imperatoris superent, et termino Cappadocie intrantes, per montana ingressi sunt Nicomediam ibidem pernocantes. Et post hæc ad portum qui vocatur Civitot castrametati sunt. Illuc assidue mercatores admovebant naves onustas cibariis vini, frumenti, olei et hordei, caseorumque abundantia, vendentes omnia peregrinis in æquitate et mensura. In hac itaque necessariorum plenitudine gaudentibus et corpora fessa curantibus, adsunt nuntii Christianissimi imperatoris, qui Petro exercituique ejus interdixerunt iter versus montana Nicæe urbis, propter insidias et incursus Turcorum, donec amplior numerus ad futurorum Christianorum illis accresceret. Petrus vero audiens, legationi et consilio imperatoris acquievit, ut et universus populus Christianorum. Et curriculo duorum mensium illic in pace et lætitia epulati, moram fecerunt, secure ab omni hostili impetu dormientes.

CAP. XVII. — *Quomodo in terra urbis Nicæe juvenis prædam fecerit, et castellum quoddam Solymani cepit.*

Post duos itaque menses, lascivi et effrenes facti præ otio et inestimabili copia ciborum, vocem Petri non audientes, sed contra voluntatem illius, in terram Nicæe urbis et regni Solymani, ducis Turcorum, per montana ingressi sunt, deprædati armenta, boves, oves, hircos, greges Græcorum Turcis famulantium, et ad socios deferentes. Petrus hæc intuens, tristi animo accepit, sciens quia non impune ferrent. Unde sæpius admonuit ne ulterius prædam hanc juxta consilium imperatoris contingerent; sed frustra insipienti et rebeli populo locutus est. His itaque prospere succedentibus et nullam adhuc prædarum excussionem metuentibus, visum est animosis et ventosis juvenibus, quatenus, assumpta manu de exercitu, prædam in pratibus et pascuis ante muros civitatis Nicæe in conspectu Turcorum raperent et abducerent. Quapropter ad septem millia peditum

conglobati, cum equitibus tantum trecentis loricatis, in vexillorum suorum elevatione et tumultu nimio profecti, septingentos boves cum cæteris pecoribus a pratis Nicææ urbis abduxerunt; et ad tabernacula Petri remeantes, plenum et pingue fecerunt convivium; plurimum vero gregis vendiderunt Græcis et nautis imperatori subditis. Videntes autem Teutonici quia Romanis Francoigenis res prospere successit, et quod sine impedimento toties cum præda sua reversi sunt, accensi et ipsi rapinarum avaritia, ad tria millia in unum conferuntur peditum, equites ducenti tantum, et in signis ostreis et purpureis semitam per eadem montana ingressi, ad castellum quoddam Solymani, viri magnifici, ducis et principis Turcorum, pervenerunt, ubi montana terminantur et silva, distans a Nicæa spatio trium miliarium. Aggressi sunt autem omni virtute armorum et fremitu bellico præfatum castellum, quousque habitatores illius expugnatos percusserunt in ore gladii, Græcis Christianis solummodo parcentes; cæteri omnes in ipso præsidio inventi, aut cæsi aut ejecti sunt. Expugnato itaque præsidio et habitatoribus ejus expulsis, in abundantia alimentorum illic reperia lætati sunt. Et victoria hac jucundati, consilium invicem dederunt, ut in præsidio hoc remanentes, terras Solymani et principatum ejus facile in virtute sua obtinerent, prædas et escas undique comportarent, et secure Solymanam debilitarent, quousque magnorum principum promissus exercitus propinquaret.

**CAP. XVIII.** — *Quomodo Solymanus dux, congregatis Turcis, prædictum castrum expugnaverit, quosdam captivos duzerit, reliquos occiderit.*

Solymanus autem, dux et princeps exercitus Turcorum, adventu Christianorum audito, tum præda et rapinis, suorum quindecim millia ab omni Romania et regno Corrozan contraxit, viros peritissimos belli in arcu corneo et osseo, et sagittarios agillimos. Quibus congregatis, post duos dies Teutonicorum victoriae, ad urbem Nicæam revertitur de terra longinqua cum adunatione validissima: ubi amplior ira et dolor illi auctus est ex fama Alemannorum et invasione præsidii, quod amiserat, et strage ac ejectione virorum suorum. Deinde tertiæ dici sole orto, Solymanus cum omni comitatu suo castrametatus, a Nicæa, præsidio, quod Teutonici invaserant, applicuit. Quod signiferi illius in virtute sagittariorum fortiter assilientes, Teutonicos in mœnibus atrociter resistentes sagittis crudeliter infigunt ac fatigant, quousque ad defensionem ultra stare non valentes, a muro et mœnibus immoderato grandine sagittarum retrusi sunt, infra præsidium protectionem a jaculis nudi et angustiati quærentes. Turci vero videntes quia Alemannos a muris et mœnibus reserant, trans muros et mœnia transcendere parant. Sed Alemanni, qui infra præsidium erant, vitæ solliciti et studiosi, penetrare volentibus lanceas opponabant; alii gladiis et bipennibus in faciem illis resistebant, quousque non ultra conscendere ausi

sunt. Turci igitur, hæc sagittarum impugnatione et nimio grandine Alemannos abstertere non valentes, comportaverunt omnia lignorum genera ad ipsam januam præsidii. Quæ igne submisso combusta est, et plurima ædificia, quæ erant in arce, donec flamma et calore invalescente, alii exusti sunt, alii a muris salutem sperantes desiliunt. Sed Turci, qui foris erant, exeuntes et fugientes ense trucidabant, alios, vultu et corpore juvenili venustos, circiter ducentos abduxerunt captivos; cæteri omnes gladio et sagitta consumpti sunt.

**CAP. XIX.** — *Quomodo exercitus per dies octo Petrum exspectaverit, et quomodo quosdam Turci de exercitu decollaverunt.*

Ultione hac gravi Solymano cum suis et cum Alemannis captivis, regresso, fama tam crudelissimæ necis Teutonicorum perlata est in castris Petri. Unde animi et corda cunctorum, vehementi consternata sunt dolore super interitu confratrum suorum. Hoc ergo infortunio suorum moti, sæpius consiliis inter se utuntur, utrum recenter in ultionem illorum insurgent, an Petrum operirentur. Ante hos enim dies Petrus Constantinopolim ad imperatorem migraverat, pro exercitu suo rogaturus, ut illis venditionem necessariorum alleviaret. Consilium autem inter se habentibus, Walterus Sensavehor omnino se in ultionem fratrum ire contradixit, donec eventus rei planus innotesceret, et præsentia Petri adesset, cujus consilio omnia acturi essent. Hoc consilio Walteri sedatus est populus octo diebus, præstolens adventum Petri. Sed nequaquam adhuc potuit ab imperatore redeundi licentiam habere. Octavo dehinc die Turci, viri militares et arte belli illustres, surrexerunt ab urbe Nicæa, numero centum, regionem et urbes in montanis silvas perlustrantes, scire et intelligere volentes de præda et rapinis quas Galli abduxerant. Ibi ipsa die plurimos peregrinos, hæc et illac vagantes, diversis in locis, interdum decem, interdum quindecim, aut eo amplius, decolasse perhibentur. Hoc denique rumore in castris Petri rursus ventilato, scilicet Turcos adesse et suos circumvagos decolasse, omnino excusant credere tam longe eos a Nicæa descendisse. Sed tamèn aliqui consilium dederunt ut eos persequerentur, ei adhuc in finibus illis reperiri possent.

**CAP. XX.** — *Quomodo exercitus, ad ultionem socio-rum armatis, Solymanus cum multa manu occurrerit pugnaturus.*

Interea veritate comperta, exoritur tumultus in populo et unanimiter pedites conveniunt Reinoldum de Breis, Walterum Sensavehor, Walterum quoque de Bretoil et Folckerum Aureliensem, qui erant principes exercitus Petri, quatenus ad vindictam fratrum consurgerent adversus Turcorum audaciam. Sed hi prorsus ituros se negant, donec Petri præsentiam et consilium haberent. Godefricus autem Burel, magister peditum, illorum responsis auditis timidos minime in bello valere tam egregios milites asserens, sæpius sermone aspero improperabat



viris his qui Turcos persequi in ultionem fratrum cæteros socios prohiberent. Econtra primores legionis contumelias et impropria illius suorumque sequacium ultra ferre non valentes, ira et indignatione graviter moti, ituros se pollicentur adversus Turcorum vires et insidias, etiamsi mori contingat illos in prælio. Nec mora, surgente primo diluculo quartæ dici, per universa castra jubentur armari universi equites et pedites, et signis cornicium intonare, et bellum congregari. Soli inermes et infirmi cum femineo sexu innumerabiles in castris relictæ sunt. Armati vero, et universi congregati ad viginti quinque millia peditum et quingentos equites loricanos, viam insistent ad urbem Nicæam, ut decem Solymanum et cæteros Turcos, bello lacescentes, in ultionem confratrum cum eis prælium committerent. In sex acies itaque divisi et ordinati, et quibusque vexillis attitulati, in dextro et in sinistro incedebant. Vix tria miliaria a portu et statione Civitot processerant, absente et omnia ignorante Petro, per prædictam silvam et montana in vociferatione et tumultu vehementi gloriantes et intonantes, et ecce Solymanus cum omni comitatu suo intolerabili eadem silvam ex fronte altera intraverat, a Nicæa urbe descendens, ut repentino tumultu Gallos in castris incurreret, et nescios ac improvisos in ore gladii universos consumeret atque deleret. Hic audito adventu et vehementi strepitu Christianorum, miratur nimium quidnam tumultus is voluerit; nam latebant eum universa, quæ Christiani decreverant. Statimque peregrinos adesse intelligens suos sic alloquitur: « Ecce Franci ad quos tendimus nos pugnaturi veniunt. Sed quantocius a silva et montanis recedamus in apertam camporum planitiem, ubi libere cum eis prælia conseramus, et nullum invenire possint refugium. » Quod ita ad vocem Solymani actum est, et in silentio magno a silvis et montanis egressi sunt.

CAP. XXI. — *Quomodo Turci cum Christianis graviter conflixerunt.*

Francigenæ autem, Solymani ignorantes adventum, a silvis et montanis in clamore et alta vociferatione procedebant, tunc primum Solymani acies mediis campis intuentes et eos ad prælium operientes. Quibus visis, invicem se confortare in nomine Domini cœperunt, duasque acies præmittunt, quæ quingentos equites habebant. Solymanus autem duas acies præmissas intuens, frena sine tardatione laxat equi, laxantque sui et inaudita atque intolerabili vociferatione reddunt attonitos et stupefactos milites catholicos. Dehinc sagittarum grandine per medias irruunt acies, quæ, graviter attritæ et dissipatæ, a subsequente sua multitudine divisæ sunt. Audita hac armorum concussione, et vociferantium Turcorum crudeli insecutione, postremi exercitus, qui nondum a silva processerant, in unum conglobantur in augusta semita, per quam venerant, ad resistendum et prohi-

endum semitæ angustiam et montana; prædictæ vero acies, per quas Turci a societate divisas irruerant, ad silvam et montana reditum non habentes, versus Nicæam iter arripiunt. De qua extemplo reversi, fortiter inclamantes per medios Turcos revolant, et sese tam equites quam pedites invicem commponentes, ducentos milites Turcorum in momento peremerunt. Turci autem videntes quia virtus equitum prævaluisset in concertatione suorum, equos eorum transmissis sagittis vulnerant, et sic in pedibus fortissimos athletas Christi reddunt.

CAP. XXII. — *Quomodo Turci infinitam multitudinem Christianorum peremerint.*

Ubi Walterus Senzavehor trans loricam et præcordia septem sagittis infixus occubuit, Reinoldus de Breis et Folcherus Carnutensis, viri nominatissimi in terra sua, simili martyrio ab hostibus consumpti ceciderunt, sed non sine magna strage Turcorum. Walterus vero de Bretoil, filius Walramni, et Godefridus Burel, magister peditum inter vepres et dumeta fuga elapsi, per augustam semitam, qua tota manus subtracta a prælio et in unum collecta habebatur, reversi sunt. Quorum fuga ac desolatione cognita, universi in fugam versi sunt, accelerantes iter versus Civitot, eadem via qua venerant, parum se defendentes ab hostibus. Turci itaque, gaudentes prospero successu victoriae, detruncabant miseram manum peregrinorum, quos spatio trium miliarum cædendo usque ad tentoria Petri persecuti sunt. Tentoria vero intrantes, quotquot repererunt languidos ac debiles, clericos, monachos, mulieres grandævæ, pueros sugentes, omnemque ætatem gladio exstinxerunt, solummodo puellas teneras et moniales quarum facies et forma oculis eorum placere videbatur, juvenesque imberbes et vultu venustos abduxerunt, pecuniam, vestes, mulos, equos et omnia pretiosiora cum ipsis tentoriis Nicæam asportarunt. Est autem supra littus maris, juxta prædictum Civitot, præsidium quoddam antiquum et desertum, ad quod, tria millia peregrinorum, fugam arripientes, ingressi sunt dirutum præsidium pro spe defensionis. Sed portas et obstacula nulla reperientes, clypeos pro porta, sic ut anxii et auxilio destituti, cum ingenti mole saxorum ostio advolverunt, lanceis tantum et arcu ligneo et missilibus saxis viriliter pro vitæ necessitate se defendentes ab hostibus. Turci vero, videntes se parum proficere in cæde inclusorum, undique unxerunt præsidium, quod erat sine tecto, sagittas in altum intorquentes, ut ab æthere revertentes in verticem et in corpora inclusorum corruentes, miscellos extinguerent cæterique hoc viso in deditionem cogerentur. Plurimi sic læsi et extincti illic fuisse referuntur, sed crudeliorem ab impiis pœnam metuentes, non armis, non vi exire coacti sunt.

CAP. XXIII. — *Quomodo tria millia Christianorum qui evaserant, a Turcis obsessi, imperatoris auxilio liberabantur.*

Jam sol mediam diem peregerat, quando hæc tr a

millia præsidium ingressa a Turcis obsessi sunt. Sed fortiter pro vitæ necessitate se defendentes, nullo tamen ingenio, aut in ipsius noctis umbra ab hoc præsidio potuerunt divelli, donec nuntius quidam Græcus fidelis et catholicus, noctu navigio mare transiens, Petro in civitate regia reperto, omnia pericula eorum retulit, et cæterorum casum et consumptionem. Petrus agnito periculo suorum et infortunio consumptorum, lugens ac dolens, imperatorem humiliter deprecatur, quatenus misellis peregrinis paucis, tot millium reliquiis, in nomine Jesu Christi subveniat, et non a tantis carnificibus desolatos et anxios consumi patiatur. Imperator audito Petro de casu et obsidione suorum, motus est misericordia, et undique Turcopolis accitis, et cunctis nationibus regni sui, præcepit sub omni festinatione trans brachium maris fugitivis et obsessis Christianis subvenire, et Turcos ab obsidione expugnatos effugare. Turci autem imperatoris edicto comperto, media nocte cum captivis Christianis et spoliis plurimis a præsidio se moverunt, et sic inolusi et obsessi peregrini milites ab impiis liberati sunt.

CAP. XXIV. — *Quomodo quidam Godescalcus magnam manum in eandem expeditionem contraxerit.*

Non multo temporis intervallo post Petri transitum, quidam presbyter Godescalcus nomine, Teutonicus natione, incola fluminis Rheni, ejusdem viæ in Jerusalem amore et desiderio succensus ex Petri admonitione, plurimorum corda ex diversis nationibus ad instandum pariter viam suo excitavit sermone, et ex diversis regionibus Lotharingiæ, orientalis Franciæ, Baviariæ, Alemanniæ supra quindecim millia contraxit, tam militaris quam pedestris vulgi, qui pecunia ineffabili cum cæteris rebus necessariis collecta, iter suum pacifice usque in regnum Hungariæ continuasse perhibentur. Ad portam vero Meseburg et ejus præsidium, gratia regis Calomani venientes, honorifice introducti sunt. Quibus etiam concessa est licentia emendi vitæ necessaria; et pax utrinque indicta ex præcepto regis, ne qua seditio a tanto exercitu oriretur. Sed dum per aliquot dies moram illic facerent, et vagari cœpissent, Bavari vero et Suevi, gens animosa, et cæteri fatui modum potandi excederent, pacem indictam violant, Hungaris vinum, hordeum et cætera necessaria paulatim auferentes, ad ultimum oves et boves per agros rapientes occiderunt, resistentes quoque et excutere volentes peremerunt; cæteraque plurima flagitia, quæ omnia referre nequimus, perpetrarunt sicut gens rusticano more insulsa, indisciplinata et indomita. Juvenem quemdam Hungarum, ut aiunt qui præsentem fuerunt, pro vilissima contentione prope secreta naturæ transfixerunt in fori platea. Cujus rei, et cæterarum injuriarum querimonia, usque ad aures regis suorumque principum perla-

A CAP. XXV. — *Qualiter omnis exercitus Godescalci insolenter agens in Hungaria peremptus sit.*

Rex, hac inquietatus infamia, totaque illius domo turbata, præcepit satellibus suis se armare et signo totam Hungariam in ultionem hujus facinoris cæterarumque contumeliarum commoveri, et nulli peregrinorum parcere, eo quod scdam rem perpetrassent. Mox exercitus Godescalci tam crudele mandatum regis ad internecionem eorum intelligentes, signis intonuerunt per universas societates, et in campo Belegrave secus oratorium S. Martini conglobati sunt. Nec mora, regia virtus totius regni Hungariæ in armis adfuit, ut populum conglobatum disturbaret. Sed fortiter resistentes, sicut anxios et vitæ sollicitos, in gladiis et lanceis et sagittis Teutonicos reppererunt. Quapropter et ipsi minus eos aggredi ausi sunt. Ut ergo viderunt quia illis res erat pro anima, et non sine inestimabili damno cum Gallis committere possent, blande eis in dolo locuti sunt in hunc modum: « Pervenit querimonia ad dominum nostrum regem de injuriis, quas regno suo intulistis. Sed arbitratur vos non omnes hujus facinoris reos, eo quod plurimi inter vos sensati habeantur, et non minus vos molestaverit pax violata, quam ipsum regem et suos. Unde, si domino regi satisfacere vultis, et principes terræ placare, oportet et necesse est ut omnia arma vestra in manum domini regis reddatis, et ex consilio nostro pacificos vos exhibeatis, in ditionem vero regis cum omni pecunia, quam habetis, intrantes, iram ejus mitigetis, et sic gratiam in oculis ejus inveniatis. Sin autem aliud egeritis, nec unus quidem vestrum ante faciem ejus suorumque vivere poterit, quia contumeliam et injuriam nimiam in regno ejus exercuistis. » Godescalcus igitur et cæteri viri sensati hoc audientes, et puram fidem ex his credentes verbis, et quia Hungari Christianæ erant professionis, universo cœtui consilium dederunt quatenus juxta hunc sermonem, ad satisfaciendum regi arma redderent, et sic omnia in pacem et concordiam redirent. Acquieverunt universi huic consilio, et loricas, galeas et omnia arma totamque pecuniam (stipendium vitæ suæ scilicet in Jerusalem) in manus magistratus regis reddiderunt, ac humiles et tremefacti colla sua regi subdiderunt, totius misericordiæ et humanitatis certi erga regem consequendæ. Ministri vero regis et milites universa arma palatio regis intulerunt in conclavi, pecuniam et cætera pretiosiora, quæ tantus congesserat exercitus, in ærarium regis deputaverunt. Sic armis universorum in conclavi repositis, omnem clementiam, quam pollicili sunt regem in populo habiturum, mentiti sunt, quin potius crudeli strage irruentes in eos, inermes ac nudos detruncabant ac cædem immanissimam in eos exercebant, adeo ut, sicut hi pro vero affirmant qui præsentem vix evaserunt, extinctis et occisis corporibus et sanguine tota planities Belegrave occuparetur, et pauci ab hoc martyrio liberarentur.

CAP. XXVI. — *Quomodo ex diversis regnis copiosa gens in eandem expeditionem adunata sit.*

Eodem anno, ætatis tempore inchoante quo Petrus et Godescalcus congregato exercitu præcesserant, postmodum ex diversis regnis et terris scilicet e regno Franciæ, Angliæ, Flandriæ, Lotharingiæ gens copiosa et innumerabilis Christianorum, igne divini amoris flagrans, et crucis signo suscepto, undique incessanter per turmas suas confluebant cum omni supellectile et substantia rerum et instrumentis armorum, quibus Jerusalem proficiscentes indigebant. His itaque per turmas ex diversis regnis et civitatibus in unum collectis, sed nequaquam ab illi-  
 oitis et fornicariis commisionibus aversis, immoderata erat commessatio, cum mulieribus et cum puellis sub ejusdem levitatis intentione egressis  
 B assidua delectatio et in omni temeritate sub hujus viæ occasione gloriatio.

CAP. XXVII. — *De strage Judæorum Coloniæ.*

Unde, nescio si vel Domini judicio, aut aliquo animi errore, spiritu crudelitatis adversus Judæorum populum surrexerunt per quascunque civitates dispersum; et crudelissimam in eos exercuerunt necem et præcipue in regno Lotharingiæ, asserentes adesse principium expeditionis suæ et obsequii contra hostes fidei Christianæ. Hæc stages Judæorum primum in civitate Coloniensi a civibus acta est; qui subito irruentes in modicam manum illorum, plurimos gravi vulnere detruncaverunt, domos et synagogas eorum subverterunt, plurimum pecuniæ inter se dividentes. Hac ergo crudelitate visa, circiter ducenti in silentio noctis Nussiam navigio fugam inferunt, quos peregrini et cruce signati comperientes, nec unumquidem vivum reliquerunt, sed simili multatos strage rebus omnibus spoliaverunt.

CAP. XXVIII. — *De simili strage facta Moguntia.*

Nec mora, post hæc viam insistentes, sicut deo-  
 verant, in multitudine gravi Moguntiam per-  
 venerunt. Ubi comes Emicho, vir nobilissimus et in hac regione potentissimus, cum nimia Teutonicorum manu præstolabatur adventum peregrinorum, de diversis locis regia via illic confluentium. Judæi vero civitatis illius intelligentes necem confratrum suorum, nec manus tantorum se posse evadere, ad episcopum Rothardum spe salutis confugiunt, thesauros infinitos in custodiam et fidem illius repone-  
 ntes, multumque de protectione ejus, quia civitatis ejusdem erat episcopus confidentes. Hic autem summus sacerdos civitatis pecuniam inauditam ab eis receptam caute reposuit, Judæos in spatiosissimo domus suæ solærio a specie comitis Emichonis et ejus sequacium constituit, ut illic in tutissimo ac firmissimo habitaculo salvi et sani remanerent. Verum Emicho et cætera manus habito consilio, orto sole diei in sagittis et lanceis in solærio Judæos assiliunt, quos, fractis seris et januis, expugnatos ad septingentos peremerunt, frustra resistentes contra tot millium vires et assultus; muliores pariter trucidaverunt, pueros teneros cujusque ætatis et sexus in ore gladii percusserunt. Judæi vero videntes Christianos hostes

A in se suosque parvulos insurgere et nulli ætati parere, ipsi quoque in se suosque confratres natosque, mulieres, matres et sorores irruerunt, et mutua cæde peremerunt. Matres puerie lactentibus (quod dictu nefas est), guttura ferro secabant, alios transforabant volentes sic potius manibus propriis perire quam incircumcisorum armis exstingui.

CAP. XXIX. — *Quomodo exercitus, negato transitu, cum Hungaris conflixerit.*

Hæc Judæorum cæde tam crudeliter peracta, paucisque elapsis, et paucis timore potius mortis quam amore Christianæ professionis baptizatis, cum plurimis illorum spoliis comes Emicho, Clareboldus de Vinduil, Thomas, et omnis illa intolerabilis societas virorum ac mulierum viam Jerusalem continuarunt, tendentes versus regnum Hungariæ, ubi transitus regia via universis peregrinis minime negari solebat. Sed his ad præsidium regis Meseburg venientibus, quod fluvii, Danubius et Lintax, plaudibus firmant, pons et porta præsidii clausa reperitur, ex præcepto regis Hungariæ, quia timor magnus invaserat universos Hungaros pro cæde quam exercuerant in confratres eorum, et adhuc fetebant corpora occisorum, cum tantus subsecutus est exercitus. Erant enim ducenta millia equitum et peditum, sed equitum vix ad tria millia computabatur numerus. Causa itaque janua, et universis transitu per regnum negato, locaverunt castra per camporum planitiem, et nuntio regi dirigentes, pacemque quærentes minime in pace et promissione sua auditi sunt. Hinc Emicho, Thomas, Clareboldus, viri militari actione illustres, cum cautioribus inent consilium, ut regis terras ex hac parte jacentes vastarent, nec hinc recederent, donec trans paludem et fluvium Lintax pons locaretur, per quem muro præsidii aliqua arte appropinquantes transforarent, ut vel sic transitus in virtute sua pateret. Qui diebus multis a medio mensis Junii ante præsidium residentes, et pontes componentes, sæpius inclusos expugnabant, defensores vero præsidii fortiter resistentes hinc et hinc jacula intorquebant, et plurimam stragem utrinque faciebant. Interdum hi ex arce erumpentes in virtute loricatorum, fortiter Gallos citra fluvium et pontem urgebant, interdum Galli prævalentes, Hungaros bello et vulnere aggravatos usque in præsidium remittebant. Die autem quodam circa nonam, Thomas, Clareboldus et Willhelmus cum trecentis, lorica et galea indutis, et equo doctis militibus, descenderunt ad insidias, ubi transitus Hungarorum navigio sæpius fiebat ad tuendam terram, si forte cum illis configere, et bellum committere opportunitas daretur, aut armenta illorum inventa deprædari possent. Illis ergo hac in spe descendentibus, septingenti milites regis ad explorandum exercitum Christianorum occurrerunt in equis militaribus et armis. Qui videntes, ab eis se nequaquam posse effugere, subito Gallorum turmas incurrerunt; et prælia committentes, superati et vulnerati graviter

attriti sunt, fugam per nota loca facientes, et suam in terram tristes et dolentes navigio remeantes. In hac conflictione Willhelmus principem exercitus Hungarorum et collateralem regis aggressus, virum illustrem et niveis crinibus renitentem, decollavit. Ex hac victoria universæ legiones totam noctem illam in lætitia vigilem duxerunt, et multos Hungarorum captivos habuerunt.

CAP. XXX. — *Qualiter subito disturbato exercitu innumerabilis multitudo perierit.*

Postquam hujusmodi plurimas congressiones, et quotidianas strages per longum temporis spatium, exercitus tædio victus, et escarum defectione attentus, die constituto in virtute loricatorum trans pontem, quem firmaverant, alii conferuntur, alii per paludes diffusi præsidium Meseburg fortiter aggre-  
diuntur. Et applicitis ingeniis, duobus in locis muros perforant, Hungaros non parce angustiant, donec fere omnibus, in crastino si persisterent, aperiretur. Rex autem Calomanus et omnis comitatus ejus mature equos ascenderunt, parati ad fugam versus regnum Russiæ, si tantam vim Gallorum, superato præsidio, terram ingredi viderent. Pontes enim longa vetustate dirutos reparaverant, per quos transire possent paludes et fluvios in terram Russiæ, si necessitate cogerentur. Sed dum fere omnia prospere successissent Christianis, et muros grandi foramine penetrassent, nescio quo casu aut infortunio tantus timor universum exercitum invasit, ut in fugam pariter redderentur, ut quasi oves a lupis irruentibus dispersi et concussi, hac et illac diffugium quærentes, sociorum obliviscerentur, Hungari vero, videntes tam subito athletas fortes deficere et fugam maturare, in virtute magna e portis cum rege exsiliunt, sine tardatione fugientes persequuntur, plurimam cædem exercentes et plurimos captivantes, ac plerumque noctis in persecutione consumentes. Pedestris vulgi utriusque sexus tanta facta est occisio ut aquæ Danubii et Lintax in sanguineas mutarentur undas. Plurimi vero et numero incomparabiles per aquas liberari sperantes, præ timore imminentis occisionis Danubii undis cæco ausu in-  
feruntur, et aquis vehementibus suffocantur. Mira-

bile dictum tanta fugitivorum submersio facta est ut tam spatiosi fluminis aquæ præ tot millium corporibus per aliquantum tempus videri non possent, Emicho autem, Thomas, Clareboldus, Willhelmus, et alii pauci, quorum equi cursu adhuc valebant, incolumes evaserunt, et aliqui, qui in palustri herba frutetisque latuerunt, aut in opaca nocte fugere potuerunt. Emicho et quidam suorum, via qua venerant, reditum fugiendo tenuerunt; Thomas, Clareboldus et plures suorum versus Carinthiam et Italiam fuga elapsi sunt. Sic manus Domini contra peregrinos esse creditur, qui nimis immunditiis et fornicario concubitu in conspectu ejus peccaverant; et exsules Judæos, licet Christo contrarios, pecuniæ avaritia magis quam pro justitia Domini gravi cæde mactaverant, cum justus judex sit Dominus, et neminem invitum aut coactum ad jugum fidei catholicæ jubeat venire.

CAP. XXXI. — *De superstitione anseris et capellæ.*

Fuit et aliud scelus detestabile in hac congregatione pedestris populi stulti et vesanæ levitatis, quod Domino odibile et omnibus fidelibus, incredibile non dubitatur. Anserem quemdam divino Spiritu asserebant afflatum, et capellam non minus eodem repletam, et has sibi duces hujus secundæ viæ fecerant in Jerusalem, quas et nimium venerabantur, ac bestiali more his intendebant ex tota animi intentione. Quod absit a fidelibus cordibus, ut Dominus Jesus a brutis animalibus et insensatis sepulcrum sui sanctissimi corporis visitari velit, et hæc fieri duces Christianarum animarum, quas pretio sanguinis sui ab idolorum spurciliis revocatas redimere dignatus est, cum cælos ascensurus duces et rectores populi sui sanctissimos et Deo dignos præsules et abbates præordinaverit, non bruta insensata animalia! Sed quid mirum, si modernis temporibus hujusmodi abominationes, et tam fœda scelera, inter aliquas societates tot millium inventa sunt, quæ Dominus in caput eorum reddiderit, cum temporibus Moysi et Josue et cæterorum servorum Domini in medio justorum inventa sit iniquitas, et ab eo, qui est Dominus ultionum, virga suæ majestatis correpta et purificata?

## LIBER SECUNDUS

CAP. I. — *Cum quibus et quo tempore dux Godofridus secundum inierit projectionem.*

Igitur post Petri Eremitæ profectionem, post Waltheri Senzavehor militis egregii occisionem ejusque exercitus gravissimum casum, dehinc modico intervallo post crudelem stragem Godescalci presbyteri, et ejus exercitus, post infortunium comitis Alemanniæ, Emichonis, cæterorumque fortium virorum et principum de terra Galliæ, scilicet Drogonis

de Nabella, Clarebolpi de Vinduil, ac contritionem sui exercitus crudeliter factam in regno Hungariæ ad portam Meseburg, Godofridus, dux Lotharingiæ, vir nobilissimus, fraterque ejus uterinus, Baldewinus, Wernerus de Greis, cognatus ipsius ducis, Baldevinus pariter de Burg, Reinardus comes de Tul, Petrusque frater ejus, Dudo de Cons, Henricus de Ascha, ac frater illius Godofridus, fortissimi milites ac principes clarissimi, eodem anno medio mensis Au-

gusti, viam recto itinere in Jerusalem facientes, in terram Osterrieck ad civitatem Tollenburg, ubi fluvius Lintax regnum Galliae terminat et dividit hospitio resederunt curriculo trium hebdomadarum mensis Septembris, ut audirent et intelligerent qua occasione exorta seditione, peregrinorum exercitus paulo ante hos dies perierit, et a proposito eundi Jerusalem cum suis principibus et ductoribus aversus fuerit, jamque eis obviam desperatus redierit.

CAP. II. — *Principes per internuntios convenerunt Pannoniae regem, quare perdidit populum Domini.*

Tandem post plurimum mali rumoris, quid primum, quid cautius et consultius agerent, ad explorandam rem et crudelitatem Hungarorum, quam fecerant adversus Christianos confratres, dum saepius tractarent, visum est omnibus utile consilium, ut neminem ex nominatissimis et capitaneis viris ad inquisitionem tam nefandi homicidii et sceleris praemitterent, praeter Godefridum de Ascha, eo quod notus esset Calomano, regi terrae, ante multum tempus hujus viae in legationem ducis Godefridi missus ad eundem regem Hungarorum. Alios vero duodecim electos ex familia ipsius ducis, Baldericum, inquam, Stabelonem et quorum nomina latent, una cum illo direxerunt, ut legationem tantorum principum hoc modo aperirent: « Regi Hungarorum CALOMANO GODEFRIDUS, dux Lotharingorum, et caeteri comprimores Galliae, salutem et omne bonum in Christo. Mirantur domini et principes nostri, cum Christianae professionis sitis, cur tam crudeli martyrio exercitum Dei viventis interemistis terram vero et regnum pertransire interdixistis, et variis calumniis eos affecistis. Quapropter nunc timore et dubietate concussi, Tollenburg moram facere decreverunt, donec ex ore regis intelligant cur tam crudele facinus a Christianis, persecutoribus Christianorum, commissum sit. »

CAP. III. — *Responsio regis, quomodo ducem accersierit.*

Repondit rex, universo caetu suorum audiente: « Non Christianorum persecutores sumus, sed quidquid crudelitatis ostendimus aut in illorum interitu commisimus, nimia necessitate compulsi fecimus. Cum enim primo exercitui vestro, quem Petrus Eremita contraxit, omnia accomodaremus, emendi licentia concessa in mensura et pondere aequitatis, et pacifice illis per terram Hungariae transitum constitueremus malum pro bono nobis reddiderunt, non solum in auro et argento, equis et mulis et pecore regionis nostrae auferentes, sed et civitates et castella evertescentes, hominesque nostros ad quatuor millia mortificantes, rebus et vestibus exspoliaverunt. Post has a comitatu Petri nobis tam innumerabiles, sed injuste illatas injurias, subsequens exercitus Godescalci, et nunc recenter altritius, quem in fugam conversum obviam habuistis, castellum ac munitiorem regni nostri Meseburg obsederunt, in superbia et impotentia virtutis suae ad nos intrare volentes,

ut nos punirent et easterminarent, de quibus Deo auxiliante vix defensi sumus. » Rex autem ut haec respondit, jussit eosdem legatos ducis honorifice in palatio suo hospitari in loco qui dicitur Pannonia, ubi per dies octo omnia illis necessaria in ipsa regis mensa affluenter ministrata sunt. Post dies vero octo rex super legationem ducis consilio primatum suorum accepto, remisit legatos cum legatis de domo sua, ut duci et primis exercitus in hunc modum responsa portarent: « Rex CALOMANUS duci GODEFRIDO et omnibus Christianis, salutem et dilectionum sine simulatione. Audivimus de te quia vir potens et princeps tua sis in terra, et fidelis inventus ab universis qui te noverunt. Idcirco te semper diligens ex sola bona fama, nunc te videre et agnoscere optavi. Et exinde consilium accepi, ut descendas ad nos in castellum Cyperon sine opinione alicujus periculi, et utraque ripa paludis residentes, totum colloquium teneamus de omnibus quae a nobis requiris, et quorum nos reos arbitraris. »

CAP. IV. — *Dux Pannoniam ingrediens quam decenter susceptus sit, et quid inter eum et regni primores convenerit.*

Hoc regis nuntio audito, dux universo caetu relicto ex consilio majorum trecentis tantum militibus assumptis, ad regem profectus est in loco praesignato. Et utrinque hinc et hinc omisso comitatu suorum, dux solummodo Wernerio de Greis, viro nobilissimo et propinquo ejus, Reinardo de Tul et Petro evocatis, pontem qui paludi imminet ascendit, in quo regem reperiens, benignissime salutavit, et humili devotione osculatus est eum. Dehinc inter se diversa habuere colloquia de concordia et reconciliatione Christianorum, quousque ratio haec pacis et dilectionis adeo firmiter processit, ut se dux fidei ejus credens duodecim ex trecentis suscepit; cum quibus eum rege in Pannoniam et terram Hungarorum descendit; fratrem vero Baldewinum, relictum Tollenburg populum regere et procurare, remisso exercitu trecentorum, constituit. Dux itaque Pannoniam ingressus, honorifice ab ipso rege et primatibus suis susceptus est, eique benigne et copiose omnia necessaria parata sunt de domo regis et mensa, quae tam egregium virum decebant. Dehinc rex per dies octo plurimum conventum suorum habes, quietiam ad videndum tam nominatissimum principem confluxerant, querebat consilium qua fides et fiducia salvo regno suo rebusque suorum tam copiosus exercitus fortiter armatus intromitteretur. Tandem repletum est consilium et duci declaratum quomodo, nisi darentur ob sides viri egregii et primores exercitus, nullus sibi suisque concederetur transitus, ne aliqua occasione assumpta, in virtute tam innumerabilis gentis terram et regnum amitteret. His auditis, dux voluntati regis in omnibus cessit, et obsides quos petebat dari non abnuit, hac tamen conditione ut ultra peregrinorum exercitus, tam praesens quam futurus, per terram ejus transiret sine aliquo obstaculo, et pacifice mutuaret vitae necessaria. Nec mora,

percussit rex fœdus cum duce, percusserunt et universi principes regni sui in jurejurando non ultra nocere peregrinis transitoris. His ergo sic utrinque in vera fide firmatis, rex ex consilio suorum requisivit Baldewinum, fratrem ipsius ducis, obsidem fieri, uxorem quoque ac familiam ejus. Quod dux sine ulla contradictione adimpleri concessit, statimque post dies octo missa legatione, dux universum exercitum præcepit properare ad castellum Cyperon, ac tabernacula sua hac altera in ripa fluminis et paludis collocari.

*CAP. V. — Ubi exercitus jussu ducis castra posuerit.*

Ad hanc ducis legationem cœpit exercitus nimium hilarescere; et gravis sunt universi, quia antea ex diutina ducis absentia hæsitabant, existimantes eum in falso fide traditum et extinctum, sed nunc, quasi de gravi somno expergefacti, surrexerunt, et juxta ducis mandatum venientes, in ripa fluminis et paludis castrametati sunt. Collocatis itaque tentoriis, dux de regno Hungariæ reductus, et suis restitutus est, referens quantam ei rex curam et honorem exhibuerit, et omnia, quæ cum rege et principibus ejus pactus sit, et quomodo frater ejus Baldewinus a rege in obsidem cum uxore et familia requisitus sit, donec populus cum silentio et pace transeat, alio qui nullam sibi dari licentiam transeundi. Et post pauca statim admonuit fratrem suum Baldewinum, obses fieret pro populo, sicut decretum erat. Qui vehementer cœpit reniti et contradicere, donec dux hæsitacione illi turbatus, constituit, ut ille curam exercitus Dei gereret, et ipse pro fratribus obses fieri non dubitaret. Tandem Baldewinus omni mentis suæ fluctuatione exclusa, concessit obses fieri, et exsilio pro salute fratrum suorum transferri.

*CAP. VI. — Obsidibus datis, qualiter Hungariam transierint.*

Igitur tam præclaro principe jam obside facto, et rege una cum illo in Pannoniam regresso, universus exercitus ex jussu et concessu regis per pontem trans paludem intromissus est, et ad fluvium Lintax castrametatus est. Castris vero positis, et universis hospitio sedatis, Godefridus dux præcones per singulas domos ac tentoria acclamare constituit sub judicio mortis, ne quidquam contingerent, aut violenter in regno Hungariæ raperent, et nullam seditionem moverent, sed omnia æquo pretio mutarentur. Similiter et rex per universum regnum acclamari præcepit, ut omnem copiam rerum necessariarum reperiret exercitus in pane, vino, frumento, hordeo, in bestiis agri et volatilibus cœli; jussumque sub judicio vitæ, ne injusta venditione Hungari gravarent exercitum aut conturbarent, sed potius omnia venalia illis alleviarent. Sic et sic per singulos dies in silentio et pace, in mensura æqua, et justa venditione dux et populus regnum Hungariæ petransiens, ad Drowa fluvium pervenerunt. Ubi congerie lignorum composita, et plurima viminum copula-

tionem facta, eundem fluvium trajecerunt, assidue rege cum validissima manu equitum a sinistris gradiente una cum Baldewino et cæteris obsidibus, quousque ad locum, quid dicitur Francavilla, perventum est. Illic per tres dies remorati, vitæ necessaria, et quibus indigebat exercitus, pretio mutuantes, cum omnibus Malevillam descenderunt, in littore Sowa diebus quinque pernoctantes. Illic duci cæterisque principibus exercitus innotuit quam intolerabilis virtus militiæ imperatoris Constantinopolis adfuisset ad prohibendam peregrinis viam per regnum Bulgariæ. Quapropter dux et universi consilium inierunt, ut partem exercitus in armis trans fluvium præmitterent ad reprimendos hostes milites imperatoris, quousque populus enavigaret. Non amplius enim quam tres naves illic repertæ sunt, cum quibus mille equites loricati ad præoccupandum littus transmissi sunt. Cætera multitudo, copulatione lignorum et viminum, fluminis alveum superaverunt.

*CAP. VII. — Ubi rex obsides reconsignat, et qualiter rex Græciæ ducem per internuntios interpellaverit.*

Vix enavigavit populus et eorum princeps, et ecce rex cum omni apparatu suo, et fratre ducis Baldewino, ejusque uxore et cunctis obsidibus adfuit, quos ibidem in manu ducis restituit. Ac dehinc nimia dilectione commendato duce fratreque ejus in donis plurimis et osculo pacis, in terram regni sui reversus est. Dux vero et omnis exercitus illius altera in ripa constituti, in villa Belegrave Bulgarorum hospitio pernoctarunt, quam Petrus et illius exercitus non longe ante deprædati combusserant. Mane autem facto, dux et exercitus illius exsurgentes, silvas immensas et inauditas regni Bulgarorum ingressi sunt. Ubi legati imperatoris illis occurrerunt, in hæc verba nuntia deferentes: « ALEXIUS, imperator Constantinopolis regni Græcorum, duci GODEFRIDO suisque sequacibus, integram dilectionem. Rogo te, dux Christianissime, quatenus regnum et terras meas, quas ingressus es, gentem tuam vastare et deprædari non patiaris, sed emendi licentiam obtineas, et sic omnia sufficienter ex nostro imperio emenda et vendenda tui reperiant. » Hanc itaque imperatoris legationem dux intelligens, in omnibus se imperatoris parere pollicetur mandatis. Unde universis indictum est ne deinceps quidquam aliqua injusta vi contingant, præter pabula equorum. Sic vero pacifice ex rogatu imperatoris pertransientes, pervenerunt Niczh præsidium ejus. Ubi mira affluentia ciborum in frumento, hordeo, vino et oleo plurimaque venatione ex imperatoris dono duci oblata est, cæteris licentia vendendi et emendi concessa. Illic siquidem per dies quatuor in omni opulentia et jucunditate recreati sunt. Post hæc dux cum omni exercitu Sternizi profectus est: ubi non minori pinguedine donorum imperatoris sibi satisfactum est. Dehinc post aliquot dies discedens, ad Phinopolim, civitatem præclaram, descendens, illic similiter ex imperatoris dono omnem abundantiam

necessariorum habuit per dies octo. Ubi nuntia illi allata sunt, quomodo imperator Hugonem Magnum, fratrem regis Franciæ, Drogonem et Clareboldum, in vinculis et carcere tenuisset.

CAP. VIII. — *Quid dux resalutato regi mandaverit, et pro retentis principibus quid egerit.*

Hoc audito, dux imperatori legationem misit, quatenus hos principes terræ suæ, quos tenebat captivos, libertati restitueret, alioqui se fidem illi et amicitiam non posse servare. Baldwinus, Hamaicorum comes, et Henricus de Ascha, intellecta ducis legatione ad imperatorem destinata, primo diluculo, duce ignorante, viam anticipaverunt et in Constantinopolim, ut legatos prævenientes ab imperatore majora dona consequerentur. Dux vero audiens graviter accepit; sed tamen dissimulans iram, Adrianopolim profectus est: ubi quodam flumine natatu equorum superato, tentoriis positis pernoctavit. Pons denique, qui trans fluvium per medium civitatem porrigitur, sibi et suis ab incolis interdicitur. Deinde exsurgentes, et Salabriam properantes, tentoria posuerunt per æœna loca pratorum. Ubi reversi nuntii ducis ab imperatore, retulerant, quomodo captivos principes minime reddidissent. Unde dux et omnis societas in iram exarserunt, et ultra illi fidem et fœdus pacis servare noluerunt. Stantimque ex præcepto ducis omnis terra illa in prædam data est peregrinis et advenis militibus, qui per dies octo illic moram facientes, totam regionem illam depopulati sunt.

CAP. IX. *Rex Græcorum quomodo captivis principibus absolutis, regno suo consuluerit, ducem simul accersens.*

Imperator autem, intelligens regionem depopulari, Rodolfum Peel de Lan et Rotgerum, filium Dagoberti, viros disertissimos, de terra et cognatione Francigenarum, duci misit, rogans ut a præda regni sui et vastatione cessaret exercitus, et captivos quos petebat sine dilatione redderet. Dux vero, inito consilio cum cæteris principibus, acquievit legationi imperatoris, et amovens castra, præda interdicta. recessit ad ipsam urbem Constantinopolim cum universo comitatu peregrinorum. Ubi fixis tentoriis, hospitati sunt in manu robusta et intolerabili, loriceis et omni bellica armatura muniti. Et ecce in occursum Hugo, Drogo, Willhelmus Carpentarius et Clareboldus, laxati ab imperatore, duci adfuerunt, gaudentes illius adventu et suæ multitudinis, et in amplexum ducis cæterorumque plurimo osculo corruentes. Similiter et prædicti legati imperatori duci occurrerunt, rogantes eum, ut intraret palatium imperatoris cum aliquibus primis de exercitu, ut audiret verbum regis, cætera multitudo extra muros civitatis remaneret. Vix hanc legationem dux accepit, et ecce quidam advenæ de terra Francorum occulte in castris duci adfuerunt, qui plurimum eum monuerunt, ut caveret versutias et venenatas vestes ipsius imperatoris ac verba dolosa, et nequaquam ad eum intraret aliqua blanda promissione, sed extra muros sedens omnia quæ sibi

A offerret eo ut re susciperet. Dux igitur, sic præmonitus ab advenis et Græcorum deceptiones edoctus, ad imperatorem minime introivit. Quapropter imperator indignatione vehementemotus adversus ducem et omnem ejus exercitum, vendendi et emendi licentiam illis interdixit. Baldwinus vero frater ducis, agnita hac imperatoris indignatione et videns populi indigentiam nimiamque defectionem necessariorum, egit cum duce et magnificis exercitus quatenus rursus per regiones et terras Græcorum prædas contraherent, escas comportarent, donec imperator his cladibus coactus, rursus emendi vendendique licentiam concederet. Imperator ergo videns terræ regni sui prædas et mala ingruero, licentiam vendendi et emendi omnibus iteravit.

B CAP. X. — *Post aliquantas utrinque animositates tandem dux cum imperatore pacem componit.*

Erat Natalis Domini, ideoque in tam solemnibus tempore et diebus pacis et gaudii, visum est universis bonum et laudabile et acceptum coram Deo, utrinque concordiam renovari, inter domum imperatoris et ducem ac universos præpotentes exercitus. Et sic pace composita, continuerunt manus suas ab omni præda et injuria. His ergo quatuor diebus sanctis, in omni quiete et jucunditate resederunt, ante urbis mœnia Constantinopoli.

CAP. XI. — *Causa imperatoris dux castrorum loca mutat, benevolentiam nuntios ad eum mittit, rogatus venire dissimulat*

Post quatuor vero dies legatio imperatoris processit ad ducem, quatenus castra mevolet ejus causa et precibus, et intra palatia, quæ in littore brachii maris sita erant, cum exercitu suo hospitaretur propter medios algores nivis et hiemis, qui pluviali tempore imminabant, ne tentoria eorum madefacta et atrita deperirent. Cessit tandem dux et cæteri comprimores imperatoris voluntati, et a motis tentoriis, per palatia et turritas domos, quæ spatium triginta milliarium in littore maris comprehendunt, hospitati sunt cum omni exercitu Christianorum. Ab ea die et deinceps omnem plenitudinem cibariorum et rerum necessarium ex imperatoris jussu repererunt et emerunt. Post paululum dehinc rursus imperatoris legatio duci adfuit, quæ eum admonuit ad eum ingredi et ejus verba intelligere. Quod dux omnino renuit, præmonitus ab advenis civibus de versutia illius, sed viros egregios direxit illi nuntios, Cunonom comitem de Monte acuto, Baldwinum de Burg, et Godefridum de Ascha, qui excusarent eum, et in hunc modum loquerentur: « GODEFRIDUS dux imperatori fidem et obsequium. Libenter et optato ad te ingrederer, honore et divitias domus tuæ considerarem, sed terruerunt me plurima mala, quæ auribus meis de te innotuerunt. Nescio tamen si vel invidia aut odio tui hæc adinventæ et vulgata sint. » Imperator hæc audiens, plurimum de omnibus se excusavit, dicens nunquam oportere ducem vel aliquem de societate, quidquam fallaciæ de eo timere, sed eum suoque quasi filium et amicos servare et honorare. Regressi autem muntii duci



b ene promissu et fideliter ex ore imperatoris audierant, in bonum retulerunt. Verum dux adhuc minime mellifluis illius promissis credens, prorsus colloquium ejus refutavit. Et sic inter hæc nuntia hinc et hinc, quindecim dies evoluti sunt.

CAP. XII. — *Imperator alimenta emenda subtrahit, exercitus partes Græciæ invadit.*

Imperator itaque cognoscens ducis constantiam, cumque ad suam præsentiam invitari non posse, iterato moleste accepit, et hordeum et pisces ad vendendum subtrahit, deinde panis alimentum, ut vel sic coactus dux imperatoris præsentiam non recusaret. Sed nec sic imperatore proficiente, ut animum ducis emolliret, quadam die ex instinctu imperatoris quingenti Turcopoli navibus inveci per brachium maris, armati arcu et pharetra, matutinos milites ducis sagittis infixerunt, alios mortificatos, alios sauciatos a littore arcentes, ne illic emere ex solito alimenta liceret. Continuo hæc crudelis fama in solio ducis allata est. Qui illico jussit cornua perstreperere, populum universum armari, et ante ipsam urbem Constantinopolim redire, tentoriaque relocare. Ad hæc ducis jussionem signo dato cornicinium, eruperunt universi ad arma, et palatia et turres, in quibus hospitio manserant, alia incendio vastaverunt, alia comminuerunt, damnum irrecuperabile Constantinopoli inferentes.

CAP. XIII. — *Frater ducis cum periculo populum ducis transducat, dimicantes inter se partes dirimit.*

Exorta denique jam in palatio fama tam vehementis incendii et exterminii, dux nimium expavit, metuens ne flamma ædificiorum et strepitu moti exercitus percepto, pontem, per quem transierant a civitate Constantinopoli ad palatiorum mansiones, subito in manu robusta præoccuparent milites et sagittarii imperatoris. Ideoque sine mora præmisit Baldewinum fratrem suum cum quingentis loricatis militibus ad obtinendum pontem, ne aliqua vis imperatoris præcurrens, illum corrumpere: et sic peregrinis transitus et reditus ultra negaretur. Baldewinus vix medio ponte constitit, et ecce a dextris et sinistris Turcopoli, milites imperatoris, navigio inveci circumquaque in transeantes sagittis irruunt, et fortiter impugnant. Quibus Baldewinus e ponte resistere nullam habens copiam, sagittas illorum effugere properavit; et sic superato ponte, velociter in aliam partem pontis sicco littore se contulit, pontem obtinens et observans versus mœnia domine et magistræ civitatis, quousque totus per pontem migraret exercitus. Dux vero a tergo cum suis custodiam agebat. Interea a portis versus Sanctum Argonium infinita manus Turcopolorum et totius generis militum prosiluit in sagittis et varia armatura ad expugnandum Baldewinum, et universum gentis Christianæ comitatum. Sed Baldewinus immobilis et insuperabilis ab omni illorum assultu in loco constituto perstitit, donec a mane usque ad vesperam populo trans pontem ante urbis mœnia relato, et castris positus hospitato, eosdem

A Turcopolos, a portis egressos, et populum impugnantem cum quingentis loricatis fortiter incurrit; et utrinque graviter commisso prælio, plurimi hinc et hinc ceciderunt, et plurimi equi Francorum sagittis interierunt. Sed ad ultimum Baldewinus prævalens, milites hos imperatoris gravatos ac fugitivos in portas ire compulit, camposque et victoriam potenter oblinuit. Verum Turcopoli et milites imperatoris indignantes se victos, et bello fugitivos, iterato crebrius a portis eruperunt, ad lacessendum et expugnandum exercitum: quousque dux adveniens, quia nox erat, omnia pace composuit; commonens fratrem suum cum universis in castra redire, et a pugna hæc in noctis umbra manus et arma continere. Similiter imperator, metuens amplius et validius hanc belli tempestatem ingruere, et vespere umbrato suos deficere et perire, pacem et ipse fieri imperat, lætatus ducem suos a bello pacare voluisse.

CAP. XIV. — *Imperator, promissis obsidibus, ducem ad se invitat, et quid ipse dux legatis Boemundi responderit.*

Crastina vero luce exorta, ex præcepto ducis exurgens populus, terram et regnum imperatoris perlustrans, curriculo dierum sex graviter deprædatus est; ut vel sic saltem imperatoris suorumque superbia humiliari videretur. Quo cognito, imperator tristari et dolere cœpit, quod terra et regnum sic dissiparetur. Qui statim accepto consilio, duci legationem misit, quatenus prædam et incendium prohiberet, et in omnibus illi satisfaceret, ut hæc verba loquens: « Cessent inter nos et vos inimicitia, et dux ad me ingrediatur, fiduciam et obsides sine aliqua dubietate a me recipiens, quod incolumis veniat et redeat, certus de omni honore et gloria, quam sibi suique facere poterimus. » Quod benigne dux annuit, si tales darentur obsides, quibus credere possit de vita et salute sua; et sic procul dubio ad eum descendens, libenter sibi et viva voce et ore ad os loqueretur. Vix post hanc ducis responsionem legati imperatoris recesserant, et ecce quidam alii legati ad eundem ducem venientes ex parte Boemundi salutaverunt eum, sic loquentes: « Rogate Boemundus, princeps ditissimus Siciliæ et Calabriæ, ut nequaquam cum imperatore in concordiam redeas; sed in civitates Bulgarorum Adrianopolim et Phinopolim secedas, et tempus hyemale illie peragas; certus quod mense Martio inchoante, idem Boemundus cum universis copiis in auxilium tibi est affuturus, ad expugnandum hunc imperatorem, et illius regnum invadendum. » Audita hac Boemundi legatione, dux omne responsum econtra fieri distulit, dum luce proxima exorta, ex consilio suorum respondit: « Se non causa quæstus, aut pro destructione Christianorum, a terra et cognatione sua exiisse, sed in Christi nomine viam instituisse Jerusalem; hancque velle perficere et adimplere consilio imperatris, si ejus gratiam et bonam voluntatem recuperare et observare possit. » Hanc autem deis intentionem et responsionem nuntii Boemundi intel-



ligentes, benigne a duce commendati, in terram A Apuliæ reversi sunt, omnia sicut ex ore ducis didicerant, referentes.

CAP. XV. — *Filio imperatoris obside accepto, dux curiam ingreditur.*

Imperator vero Boemundi hanc novam legationem et suggestionem intelligens, ducem ac ejus amicos amplius de concordia sollicitabat, quatenus, si ei placari vellet, et terram ejus pacifice pertransire, sibi vero facie ad faciem præsentari in colloquio, dilectissimum filium suum, Joannem nomine, sibi obsidem daret, et omnia necessaria cum emendi licentia sibi suisque accommodaret. Hæc imperatoris promissa decreta et firmata dux intelligens, ex consilio suorum castra movit a muro civitatis, et iterum trans pontem hospitandi gratia in brachio B maris in muratis ædificiis secessit, universum populum admonens, ut pacifici essent, et sine seditione necessaria emerent. Crastina vero luce exorta, Cunonem comitem de Monte acuto, et Baldewinum de Burg, viros nobilissimos, et in omni verbo disertissimos, jussit coram adesse, quos ad suscipiendum obsidem filium imperatoris confidenter direxit: quod actum est. Abduco ergo jam obside filio imperatoris, ac in potestatem ducis suorumque fideli custodia constituto, dux sine dilatione navigio per brachium maris Constantinopolin advectus est. Et assumptis egregiis viris, Wernero de Greis, Petro de\* et cæteris principibus, audacter curiam imperatoris ingressus, facie ad faciem sibi astitit, ut audiret verbum ejus; et viva voce responderet ei super omnibus quæ requireret, aut eum interpellaret. Baldewinus vero nequaquam tunc palatium imperatoris introivit, sed in littore cum multitudine remansit.

CAP. XVI. — *Quam gloriose dux ab imperatore susceptus sit et exhibitus, et quid inter eos convenerit.*

Imperator autem, tam magnifico et honorifico duce viso, ejusque sequacibus, in splendore et ornatu pretiosarum vestium tam ex ostro quam aurifrigio, et in niveo opere harmelino et ex mardrino grisioque et vario, quibus Gallorum principes præcipue utuntur, vehementer admirans honorem ac decorem illorum, primum ducem in osculo benigne suscepit, dehinc universos primates et collaterales illius eodem pacis osculo honorare non distulit. Se debet autem imperator more suo potenter in throno regni sui, non duci, non alicui assurgens ad porrigenda oscula, sed flexis genibus dux incurvatus est, incurvati sunt et sui ad osculandum tam gloriosissimum imperatorem et potentissimum. Osculatis denique omnibus ex ordine, duci in hæc verba locutus est: « Audivi de te, quoniam miles et princeps potentissimus tua sis in terra, et vir prudentissimus ac perfectæ fidei. Quapropter te in filium adoptivum suscipio; et universa quæ possideo, in potestate tua constituo, ut perte imperium meum et terra mea a facie præsentis et ad futuræ multitudinis liberari ac salutari possit. » Illis pacificis et plis imperatoris sermonibus dux placatus, et illectus

non solum se ei in filium, sicut mos est terræ, sed etiam vassallum junctis manibus reddidit cum universis primis, qui tunc aderant, et postea subsecuti sunt. Nec mora, aliqua ex ærario imperatoris allata sunt dona inæstimabilia duci, et cunctis qui conveniant, tam in auro quam argento, et ostro diversi generis, in mulis et equis, et in omni quod pretiosius habebat. Sic vero imperatore ac duce perfectæ fidei et amicitie vinculo insolubili innodatis, a tempore Dominicæ Incarnationis, quo hæc concordia contigit, usque ante paucos dies Pentecostes per singulas hebdomadas quatuor viri, aureis Byzantiis onerati, cum decem modis monetæ tartaron, de domo imperatoris duci mittebantur, quibus milites sustentari possent! Mirabile dictu! In universa, quæ ex dono imperatoris dux militibus distribuebat, in mutatione alimentorum ad ærarium regis protinus redibant; et non solum hæc, sed etiam quæ sub universo orbe illuc congressit exercitus. Nec mirum, nam nullius præter imperatoris merce tam in vino et oleo quam in frumento et hordeo, omnique esca, vendebatur in toto regna. Et ideo regis ærarium assidua pecunia abundans, nulla datione evacuari potest.

CAP. XVII. — *Monitu imperatoris populus Domini in Cappadociam migrat. Dux imperatorem pro necessariis rebus sæpius interpellat.*

Pace et concordia inter imperatorem et ducem hac conditione firmata quam diximus, dux in hospitium ædificiorum in brachio maris relatus, hactenus obsidem filium imperatoris honorifice remisit, certus ultra de fide et amicitia ab imperatore suscepta. Altera dehinc die, acclamatum est ex jussu ducis per universum exercitum, ut pax et honor imperatori et omnibus suis deinceps exhiberetur, et justitia servaretur in omni mensura venditionis et emptionis. Imperator similiter interdixit in omni regno suo sub judicio vitæ, ne quis noceret aut defraudaret quemquam de exercitu, sed omnia æquo pondere et mensura peregrinis venderentur, pretium vero alleviaretur. Post hæc quadragesimali tempore inchoante, imperator ducem admonuit suæ adesse præsentiae, multum per amicitiam et fidem datam illum obtestans et deprecans, quatenus transfretaret, et in terram Cappadociæ tabernacula collocaret, propter ædificia, quæ populus incorrigibilis destruebat. Quod dux benigne annuit, ac trajecto flumine, alio in littore in pratis Cappadociæ, ipse et universus populus castris positus commorati sunt. Ab hinc et deinceps, paulatim peregrinis chare omnia vendebantur, sed tamen munera imperatoris nequaquam duci immunita sunt; metuebat enim eum valde. Dux vero, venditionis penuriam rerum necessariorum intuens et populi clamorem moleste accipiens, imperatorem sæpius navigio conveniebat, et de gravitate venditionis eum arguebat. Sed imperator, quasi inscius et id fieri nolens, rursus peregrinis omnia alleviabat.

CAP. XVIII. — *Boemundus adveniens, ægre persuasus est imperatoris homo fieri.*

Interea dum ad hæc ducem cum imperatore ageren-

tur, etsancta Pascha, jam tribus septimanis evolutis, processisset, Boemundus decem millia habensequitum, et plurimas copias peditum, per Valonam et Durax et cæteras civitates regni Bulgarorum descendens, in virtute magna ante muros civitatis Constantinopolis astitit. Cui dux ex rogatu imperatoris cum viginti primoribus de suo assumpto exercitu occurrit, ut eum ad imperatoris præsentiam sub firma fide introduceret, priusquam arma reponerent, aut tentoria collocarent. Tandem vero cum se invicem salutassent, et dux diu cum ipso Boemundo ageret, plurimisque blanditiis ei persuaderet, ut verbum imperatoris auditurus curiam intraret, Boemundus vero prorsus negaret, ac referret, nimium se imperatorem pertimescere, eo quod vir callidus et subdolos haberetur, ad extremum victus bona promissione ducis et allocutione, fiducialiter palatium imperatoris introivit, in osculo pacis, et in omni gratia et honore susceptus. Deinde diversis colloquiis et consiliis inter se habitis, Boemundus homo imperatoris factus est, cum juramento et fide data partus cum eo quod nihil de regno ejus sibi retineret, nisi ex ejus gratia et consensu. Statimque allata sunt Boemundo sicut Godefrido munera, miri et inauditi thesauri in auro et argento, vasa quoque pretiosa opere et decore, multoque ampliora quam ab aliquo possit aestimari.

CAP. XIX. — *Nepos Boemundi clanculo disgredditur: dux cum suis decenter ab imperatore dimittitur: Robertus comes.*

Cum hæc concordia et fœdus inter imperatorem et Boemundum fieret, Tankradus, sororis filius Boemundi, brachium maris cum universo comitatu et apparatu tam suo quam Boemundi transfretavit, clam imperatore, duce ac Boemundo, ne et ipse subditus illi fieret. Hæc igitur Tankradi præsumptione imperator audita, moleste accepit, eo quod ejus colloquium vitaverit. Sed tamen prudenter dissimulans, Boemundum atque ducem cum amore et immenso honore munerumque largitione commendatos, trans fluvium ad exercitum remisit. Brevi dehinc intervallo adfuit Robertus Flandrensis cum immensis copiis, qui et ipse audita concordia ducis et Boemundi cum imperatore, fœdus iniiit, homo illius factus. Unde ipse quoque sicut et illi, ingentia munera de manu imperatoris meruit accipere. Dehinc post aliquot dies ab imperatore benigne commendatus est, et flumine prædicti maris emenso, in regione et pratis Cappadociæ sociis et Christianis principibus admistus, armis et copiis associatus est.

CAP. XX. — *Exercitus versus Nicæam iter dirigit: de Reymundo comite et Petro Eremita et de quibusdam aliis principibus.*

Non multo dehinc tempore tam egregiis viris in unum collatis, placuit, ex communi consilio, quatenus jam congruum tempus expeditionis operi, sicut devoverant, deinceps viam continuarent versus civitatem Nicæam, quam gentilis virtus Turcorum, imperatori injuste ereptam,

A suo subjugavit dominio. Eadem siquidem die, quæ castra moverunt. Rufinel applicuerunt. Et ecce legatio Reymundi, comitis Sancti Ægidii adfuit, quomodo et ipse in civitatem Constantinopolim ingressus cum imperatore fœdus percussisset, rogans et obtestans, quatenus eum et episcopum de Polio, Reymerum nomine, præstolari vellent. Ii vero se minime eum præstolari, aut longius his partibus immorari astruxerunt, sed paulatim se præcedere, ipsum vero comitem recto et non nimium maturato calle posse subsequi, rebus suis caute et diligenter cum imperatore ordinatis. Ibidem Rufinel, Petrus Eremita, præstolatus principes, cum paucis reliquis euzæ atritæ multitudinis adjunctus est. Comitibus vero Reymundi legati, acceptu ducis responso, Constantinopolim reversi sunt. Dux siquidem et Boemundus et Robertus Flandrensis, donis a rege pretiosis donati et nimium commendati, iter suum continuant. Reymundus gratosus et dilectus factus imperatori, diebus quindecim Constantinopoli moram fecit, plurimum honoris et doni ab imperatore consecutus, sub fide et sacramento homo illius factus.

CAP. XXI. — *De obsidione urbis Nicææ.*

In his itaque diebus Robertus, Normanorum comes, Stephanus Blesensis, Eustachius, frater prædicti ducis cum ingenti manu equitum similiter adfuerunt: qui et ipsi cum imperatore fœdus et amicitiam ineuntes, hominesque illius in fidei juramento facti, nimis donis ab eo honestati sunt. Dux vero et qui cum eo erant, interea Nicæam urbem adierunt, quo ipse dux primum obsidionem, ante majorem portam urbis positis castris, constituit fieri. Subsecutis vero principibus, paucissima requies in terminis Cappadociæ fuit trans prædictum brachium maris S. Georgii, sed festinato itinere et ipsi castrametati, circa Nicæam urbem condescerunt; quæ mœnibus, muris, munitionibus turrim insuperabilis videbatur. In hac urbe antiqua et robustissima, Solymanus, unus ex principibus Turcorum, vir nobilissimus, sed gentilis, dominio præerat. Qui, audito Christianorum intentionis adventu, omni armatura fortium virorum civitatem munivit, quin et alimenta copiosa, undecunque collecta, intulit, portas vere undique seris firmissimis obstruxerunt. Ut enim circa Nicæam et ejus mœnia in equis velocissimis prædicti principes convenerunt, alii in assultibus et discursibus equorum delectabantur, turres et fortissima mœnia admirantes, murosque duplices. Sed neque his circumspectis, aliqua formidine concuti potuerunt; verum omni virtute et militari habitu animati, urbem assiliunt et oppugnant, alii vero pedestri aggressu, non minus arcu et sagittis defensores urbi bello lacesunt, sed plures gravissimis ictibus et jaculis desuper repugnantium attriti sunt, qui incaute et cæco impetu ac fragore subito prælia juxta muros tentare ausi sunt.

CAP. XXII. — *Item dispositio obsidionis; quibus principibus quæ partes civitatis delegatæ sint.*

Principes vero exercitus, videntes sic frustra et

inutiliter bello populum perire; nec quidquam inclusis huic præsidio posse nocere, nil melius senserunt quam ut, obsidione circumquaque posita, urbem cogerent et custodes murorum. Unde in prima obsidione Godefridus, dux Lotharingiæ, princeps ac dominus de castello Bullionis, cum universo comitatu Lotharingorum constitutus est; Boemundus princeps Siciliæ et Calabriæ, natione Northmannus, vir alti cordis et miri ingenii, ac omni militari virtute in rebus bellicis aptissimus, et opibus ditissimus, vicinus sedem collocavit; Tankradus, tiro illustris, juxta eumdem Boemundum, avunculum suum, cum suis sodalibus considerare decernitur; Tatinus quidam truncati nasi, familiaris imperatoris Constantinopolis, et ejus secretorum conscius, ductor Christiani exercitus, eo quod loca regionis nota sibi essent, cum auxiliari manu militum ejusdem imperatoris, urbem in decreta sibi parte premebat. Robertus, comes Flandrensis, nulli illorum dispar in armis, divitiis et viribus, et comes Robertus, princeps Northmanniæ, filius regis Anglorum ferocissimus, armis rebusque militaribus ditissimus, juxta prædictos in obsidione ejusdem urbis in ordine locati sunt. Wernerus de Greis castro, miles irreprehensibilis in arto bellica, Eustachius, frater prædicti ducis Godefridi, cum Baldewino fratre eorum, viro clarissimo, et bello invictissimo, pariter in ordine consederunt. Baldewinus de Montecastello, Hamaicorum comes et princeps, vir illustrissimus in omni militari actione, Thomas de Fera castro, Francigena, miles accerrimus, una cum Baldewino de Burg, Drogo de Nahella, Gerhardus de Keresicastello, Anselmus de Riburgismonte, Hugo comes de S. Paulo, Engilradus ejusdem Hugonis filius, miles egregius, Wido de castro Porsessa, tiro in armis fortissimus, Baldewimus de castello Gant, Baldewinus quoque vir bello nominatissimus, cognomine Calderim comes, una Willhelmus de Foreis castello, omni virtute et potentia bellica præclarus, ad observandam urbem, vix humanis viribus superabilem, omnes viri fortissimi, in decreta sibi parte consederunt.

CAP. XXIII. — *Idem de eodem.*

Episcopus vero de Podio, Reymerus nomine, omni bonitate repletus, non modica manu et apparatu circa urbem vires augebat. Stephanus, comes Blesensis, et caput et primus consilio in omni exercitu, in multitudine gravi uno in latere urbem tuebatur. Hugo, cognomine Magnus, frater regis Franciæ, illustrissimus socius, ad custodiendam urbem suo sedit in ordine. Robertus, filius Gerardi, Reymundus cognomine Pellez, Bonwankerus de Capis castello, Milo quoque cognomine Lover miles fortissimus, Stephanus de Albemarle, filius Udonis comitis de Campania, Waltherus de Dromedari, et ejus filius Bernardus dilectissimus, in omni facto et forma delectabilis; Gerardus de Gorna, Gothardus, filius Godefridi, juvenis clarissimus, Rudolfus, ditissimus copiarum, dominus Alenus, cognomine

A Ferrans, Conanus quoque, ambo principes Britannorum, Reinoldus de civitate Belvaciæ, Walo de Calmont, Willhelmus de Montpelir, viri imperterriti, fixis papilionibus cum cæteris præfatis in circuitu urbis consederunt. Castus quoque de Berdeiz civitate, Gebardus de Roselon civitate, Giselbertus de Treva, unus de principibus Burgundiæ, Oliverus de castro Jussi, miles audax et pugnax, Achar de Motinerla, candidus capite, Reimboldus, comes de Oringis civitate, quo non alter valentior, Lodowicus de Monzons, mirabilis in opere militari, filius comitis Dirici de Monthiliart, Dudo de Cons, rufus capite, bello doctissimus; Gozelo et frater ejus Lambertus, bello peritissimus, cum patre suo Cunone de Monte acuto, viro illustrissimo, juvia prædictorum papilionum\* tabernacula collocaverunt. Petrus de Stadeneis, Reinardus de Tul civitate, Walterus de Verveis, Arnolus de Tyr, Joannes de Namecca, Herebrandus de Boillon, hi omnes ad omne bellorum incendium indefessi urbem cingebant.

CAP. XXIV. — *De viris sacri ordinis et vulgo inermi, et de loca civitalis.*

Nec dubitandum est, cum tot capitaneis primis non paucos adfuisse sequaces et inferiores, servos et ancillas, nuptas et innuptas, cujusque ordinis viros et mulieres. His omnibus, episcopi, abbates, monachi, canonici et presbyteri præerant ad instruendos et corroborandos. Obsessa ab his copiis tota continetur civitas præter locum, quem ad tuendum, et vacuum relictum, comiti Reymundo decreverant. Victum, et omne quod necesse est corpori, nullis immitti portis tam copiosus sinebat exercitus. Sed lacus quidam miræ latitudinis et longitudinis, in modum maris altus, aptus remis et navigio, in quodam latere murorum civitatis habebatur, per quem æpibus ingressus et egressus viris Solymani, necessaria inferentibus, ipsique Solymano, patere solebat. Nondum vero Reymundus, præfatus comes de terra S. Ægidii, quæ dicitur Provincia, vires et opem contulerat. Nam cum imperatore Constantinopoli cum suis cuneis moram faciebat, multum ei fœderatus præ donis magnificis, quibus de die in diem de domo regis augebatur.

CAP. XXV. — *De principe urbis Nicææ et de exploratoribus ejus.*

Solymanus audita tantorum virorum belligerorum adunatione, a præsidio Nicææ egressus est propter auxilium cæterorum Turcorum et gentilium, spatio plurimorum dierum desudans, quousque quingenta millia virorum pugnatorum et ferratorum equitum ex omni Romania contraxit. Quibus undique collectis et admonitis, fama obsidionis Nicææ et exercitus Christianorum ad aures ejus perlata est, et quia numerus tot millium supra quadringenta millia illic consediisse referatur. Fama autem hac attonitus, cum universa collectione suorum iter suum per montana movit versus mœnia Nicææ, si forte e specula rupium posset oculis deprehendere, si tot, ut audierat, illuc millia convenissent, et qua

parte hos sanius aggredi posset. Tandem ex consilio suorum, quarta die obsidionis transacta, idem Solymanus duos ex suis sub falsa specie Christiana in morem peregrinorum ad explorandam virtutem et actus Christiani exercitus direxit, qui custodibus arcis, et defensoribus Nicææ urbis, in hunc modum nuntia deferrent: « Scitote quia princeps et dominus urbis nostræ, Solymanus, mittit nos ad vos, ut spem firmissimam in suo juvamine teneatis. Nil formidinis vobis ad his circumsedentibus incutiatur, qui longinquo fatigati itinere, et huc in exsilium progressi, pro stultis computabuntur, quos similis pœna et martyrio, ut Petri agmina ante hos dies, tractabit, et in proximo vobis succurrere in manu robusta et in millibus infinitis paratus est. » Hac Solymani legatione accepta, viri duo præmissi per loca nota et devia versus locum quo urbis inobessa erat, viam insistunt, si forte enavigare occulte ad ipsos urbis defensores valerent, et nota facere quæ illis a Solymano injuncta erant, qualiter Solymanus, factis cuneis, in brevi peregrinos aggrediretur, et ut omnis virtus Turcorum a portis erumperet, et sic in fortitudine admista populum Domini deleteret. Sed ex Domini voluntate a custodibus Christianis, circumquaque diffusis ad tuenda loca et semitas, ne qua fraus aut vis ex adverso noceret, hi duo præmissi a Solymano, capti et retenti sunt, quorum alter in impetu occisus est, alter ad præsentiam Christianorum principum adductus est.

CAP. XXVI. — *Item de uno exploratorum illorum, et quam sollicite populus Domini gentilium præstolaretur adventum.*

Virum itaque apprehensum Godefridus dux et Boemundus, et cæteri minis suppliciorum coegerunt, ut cujus rei causa missus venerit, sola veritate explicaret. Ille autem tot electorum principum minas expavescens, et vitam suam in articulo mortis positam agnoscens, flebili voce, humili vultu lacrymarumque continua inundatione de vita et salute sua multum precatur, omnibus trepidans membris, et rei veritatem pollicetur aperire, et quod utile et salubre universo populo futurum esset. Fatetur enim se a Solymano missum, quem jugis montium cum innumerabili gente hospitatum, et adeo vicinum asserit, ut in crassino die circa horam tertiam eum ad pugnam credant ad futurum, et ejus dolos ac repentinos incursus sua relatione posse præcavere. Rogabat enim se in custodiam usque ad prædictam horam teneri, quousque rei veritas et Solymani probaretur adventus; sin autem aliquando his fefellisset, nequaquam sibi vitam donari, sed collo amputato velle perire. Instabat etiam multa et humili prece, quatenus Christianitatis professione baptismum suscipere, et Christiano jure Christianis communicaret. Sed hoc potius petebat timore susceptæ mortis quam aliquo catholicæ fidei amore. Tandem miserabili fletu illius et nimia Christianitatis promissione, primorum exercitus mollita sunt corda, ac illius miserti, vitam sibi donaverunt, sed tamen

A mittitur in custodiam quam petebat. Ab hinc et deinceps pervigili cura totus sollicitatur exercitus Christianorum, die ac nocte, armis et apparatu providus, usque ad hanc horam, quam ex captivi promissione Solymani copias ab Alpibus innumerabiles ebullire didicerant. Dux Godefridus, Boemundus, Robertus Flandrensis et universi qui aderant, comiti Reymundo tota nocte hac legationem direxerunt, quatenus plus solito viam maturaret, si cum Turcis bellum committere vellet, et sociis subvenire. Sciebant enim eum in proximo jam ab imperatore laxatum, et multis honoribus et divitiis commendatum. Qui tantorum principum legatione cognita, et Solymani tam maturata adventatione, nihil moræ ultra faciens, toto hujus noctis tempore acceleravit iter; ac prima hora diei, jam sole mundum replente, cum Podiensi episcopo in signis varii coloris et decoris adfuit, in loriceis et galeis, in fortitudine vehemente equestris et pedestris exercitus.

CAP. XXVII. — *Adventus Solymani: exhortatio Podiensi episcopi: conflictus et victoria populi Christiani.*

Itaque ipsius comitis vix tentoria ponebantur, cum Solymanus circa horam tertiam ab altitudine montium descendebat, et omnis comitatus ejus, ut arena maris per diversas semitas factis aciebus exundans, omnes viri fortissimi, et bello cautissimi, loriceis et galeis et clypeis aureis valde armati, signaque plurima miræ pulchritudinis in manibus præferentes. Horum in prima acie ad decem millia, viri omnes sagittarii, in convallem Nicææ præcucurrerant, arcus corneos et osseos, ad feriendum rigidissimos manu ferentes; et universi equis insidentes cursu velocissimis et bello aptissimis. Sic Solymanus et sui descendentes, per portam urbis irrumpere in impetu nitabantur, quam Reymundus, prædictus comes, ad tuendum obsederat. Sed ab ipso comite et a Balduino, fratre duois, illis ex adverso cum Baldewino Calderim occurrentibus plurima manu, graviter retrusi et expugnati sunt. In hoc horrore crudelissimi belli inter manus festinantes, sermo episcopi sic populum consolatur: O gens Deo dicata, omnia pro Dei amore Dei reliquistis, divitias, agros, vineas et castella; nunc in promptu vita perpetua estei cui contigerit hoc in prælio martyrio coronari. Indubitanter hos inimicos, Deo viventi contrarios, adite, Deo donante hodie victoriam suscipietis. Hac admonitione Paganus de Garlanda, dapifer regis Francorum, Wido de Porsessa, Tankradus et Rogterus de Barnavilla, Robertus Flandrensis, Robertus Northmannorum princeps, confratribus in Christo sine mora subveniunt, per medias acies fulmineis ictibus et equorum celeritate discurrentes. Dux Godefridus et Boemundus, non equo tardantes, laxis frenis per medios hostes advolant, hos lanceis perforantes, hos ab equis dejicientes et socios sæpe hortantes, ad trucidandos hostes virili admonitione consolantur. Illic non modicus fragor hastarum, tinnitus gladiatorum et galearum in hoc luctamine

belli est auditus; non modica Turcorum ruina ab his egregiis viros eorumque sociis facta est. Hac victoria Dei gratia in populo catholico habita, Solymanus et sui in montana fuga reversi sunt, nulla ulterius pugna in hac obsidione populum Dei aggredi audentes. Ab illo die omnem clementiam erga captivum legatum Solymani fideles Christi exhibebant, quia eum verum et fidelem in sua promissione experti sunt, et privatus inter familiares summorum principum diligebatur. Occisorum vero et vulneratorum capita Christiani amputantes, secum in signum victoriæ deferenda in sellarum suarum corrigiis ad tentoria sua detulerunt, et ad societatem, partim in tabernaculis relictam circa urbem ad prohibendum exitum inclusorum, cum gaudio reversi sunt. Athujus primi belli turbine sedato circa Nicæam, capita Turcorum amputata intra urbis mœnia jactabant, ad terrendos magistros arcis et custodes murorum. Deinde mille capita Turcorum collecta, in curribus et saccis plaustrisque posita, detulerunt usque ad portum qui Civitot dicitur, et sic navigio imperatori Constantinopolim missa sunt.

CAP. XXVIII. — *De munificentia imperatoris in principes, et de Turco falsi nominis Christiano.*

Imperator, visis tot capitibus adversariorum suorum et militum Solymani, cujus injusta vi urbem Nicæam in dolo miserat, plurimum in hoc fidelium triumpho exhilarescit, ac disposuit ut pro labore bellico magnam recipiant remunerationem. Unde pecuniam non modicam, ostra diversi generis, et omnia necessaria ad remunerandum quemque potentem in vehiculis mulorum et equorum direxit, victus innumerales pariter attribuit, vendendi et emendi undique suo in regno largissima facultas concessa est. Nautæ et mercatores certabant ex imperatoria jussione navibus plenis cibariis frumenti, carnis, vini, olei et hordei per mare discurrere, quousque ad portum Civitot auctoritas jaciunt, ubi fidelium turmæ ad refocillandum corpus, ante jejuniis aggravatum, omnia venalia reperiebant. Hac frequentia escarum fruenter et gaudentes, conspirant et affirmant se non recessuros, quousque urbis superata et capta imperatoris potestate restituatur. Promiserant enim juramento nihil de regno imperatoris, non castra, non civitates, nisi ex ejus voluntate aut dono, retinere. Hoc comperto et investigato, et visa Christianorum victoria et Turcorum cæde cruentissima, captivus ille, quem prædiximus; diffusus vitæ, et Christianitatis jugum effugere cogitans, quadam die visa opportunitate clarissima et custodiæ negligentia, facilis saltu pedis, vallum murorum urbis transvolat: Turcos per mœnia præsentem, et tunc belli otio vacantes, ad subveniendum sibi incessabili voce admonet ac precatur. Qui sine mora funiculo, a mœnibus dimisso inter manus fallacis et fugitivi, pereni mox in ipso pendentem et manibus hærentem, intra mœnia non parvo clamore ac fragore facti interiorius et exteriorius, levaverunt. Nullus tamen Chri-

stianorum fugientem sequi aut retinere præsumpsit, propter Turcorum jacula desuper infestantium.

CAP. XXIX. — *De viris capitaneis in eadem obsidione occumbentibus.*

Cum in decreto firmissimo obsidionis et destructionis urbis, curricula septem hebdomadarum ibidem circa mœnia ejus versarentur, et principes, alii jactus et tormenta lapidum ad minuendos muros et turres aptarent, alii arietes ferratos componerent, et diversa ingenia quærent assultusque plurimos inferrēt, Baldewinus Calderim incessanter muros impugnans, nimisque temerario et audaci conatu præcurrens, in ictu præmissi lapidis fractis cervicibus vita exspiravit. Baldewinus de Gant dum ibidem in assultu urbis desudaret, et incaute muros appeteret, vertice transfixo in impetu sagittæ, vitam exhalavit. Post hæc dum ex consilio et decreto principum rursus exercitus iteraret assultum, comes de Foreis et alter de insula Flandriæ, Walo nomine, in eodem assultu nimium ferventes et bello vehementes, dum hostes laceraverunt, sagittis infixi interierunt, Wido de Porsessa, illustris eques ibidem infirmitate occupatus, vita decessit. Flevit super his omnis populus Catholicorum, quoniam fortes consilarii et auctores rerum capitalium habebantur. Tantos etenim viros nobilissimos cum omni honore et religione episcopi et abbates sepelierunt, non modicam eleemosynarum largitionem pro salute animarum illorum dividentes egenis et mendicis.

CAP. XXX. — *Item de aliis ibidem pereuntibus.*

Dehinc quadam die, dum plurimorum principum strues, et machinæ muro Nicææ applicarentur, et quædam non in vanum, quædam frustra laborarent, Henricus de Ascha et Hartmanus comes, unus de majoribus Alemanniæ, vulpem ex proprio sumptu quercinis trabibus composuerunt, cujus in gyro tutos intexerunt parietes, ut gravissimos Turcorum sufferret ictus armorum, omniumque jaculorum genera, ac si in ea manentes, tuti et illæsi urbem fortiter impugnando perforarent. Hoc tandem vulpis instrumentum dum ad unguem opere et ligaturis perduceretur, milites prædictorum principum loricati ad viginti in eadem vulpis protectione sunt constituti. Sed magna virorum inundatione et conamine juxta muros applicata, non æquo subsedit aggere, non recto impulsu aut æquo conductu moderata, et sic trabes, postes, universæque ligaturæ contritæ, viros in ea latentes in momento oppræsserunt. Hartmanus ac Henricus dolentes, et magnum de casu suorum luctum habentes, sepultura extinctos honorifice condiderunt, sed non parum gaudere poterunt, quod cum suis non in hac momentanea suffocatione perierunt.

CAP. XXXI. — *De murorum et præcipue cujusdam turris oppugnatione.*

Alia post hæc die, dum creberrimi assultus plurimorum in vanum consumerentur, comes Reymundus turrim quamdam duobus tormentis lapidum, quæ vulgo dicuntur Mangenæ, fortiter quassatam

oppugnavit. Sed minui et dissolvi vel lapis unus ab hoc anti quo opere, et cæmento vix solubili, robustissimo tam jactu non potuit, dum ad extremum plura adaucta sunt lapidum quassantium instrumenta, quibus tandem muri concussi rimas per loca pertulerunt, et aliqui lapides præ creberrima jactatione cum cæmento minui ac labi cœperunt. Quod videns exercitus Dei viventis, adunata manu, et facta testudine viminea vallum superans, audaci transitu muros impetunt, turrim muris eminentem uncis ligonibus perrumpere et perforare moliantur, quam Turci interius cocervatione lapidum compleverant, ut validius staret densitate lapidum, et si forte exterior murus a Gallis corrumperetur, volentibus penetrare impedimento esset congeries infinitorum lapidum. Populus autem Dei vivi, accensa magis ac magis ira, et strage suorum commotus, turrim percurrit acumine mordacis ferri, quousque foramen trans turrim tanta virtute reddunt ut hiatus cavati muri duos insimul penetrare præsumentes capere videretur, qui cocervationem lapidum singulatim eruerent et minuerent, viamque ad hostes patenter aperirent. Sed nec sic proficere potuerunt.

CAP. XXXII. — *Populus Domini supradictum lacum navali obsidione circumdat.*

Nocte vero quadam ab hac collectatione, et plurima stragis conamine, circa urbem populo vexato et interdum in castris relato, deprehensum est, Turcos navigio per lacum ab urbe sæpius exire, viros coadjutores arma et omnia necessaria clam inferre, mercatores usquequaque illuc convenire, et a Turcis omnia venalia in eodem lacu reperire. Ex hoc denique principes plurimis usi sunt consiliis, quid agerent vel insisterent, qualiter lacus his interdicaretur, et inclusis exitus et introitus ultra navigio negetur, dicentes non aliter suos assultus vel laborem posse perficere. Tandem inter plurimas discussiones tale repertum est consilium, quia nisi navali custodia tam spatiosus observaretur lacus, nequaquam hostes posse reprimi, nec urbem alimentis posse vacuari. Unde magnis et parvis in unum vocatis, decretum est communi consilio ut ad portum Civitot innumerabiles copiæ equestris et pedestris vulgi mitterentur, qui naves a domino imperatore impetratas, ejusque dono concessas, a mari per siccam iter vehiculis, arte lignorum aptatis funibus canabinis, et loris taureis humero et collo hominum et equorum impositis, usque ad lacum Nicææ perducere valerent. Quod actum est, et noctis in silentio viam septem milliarum trahentes, has naves miri ponderis et magnitudinis, quæ numerum centum virorum capere poterant, orto sole, ad prædictum locum applicuerunt, has in littore et undis reponentes. Nec mora, principes exercitus exsurgentes undique pervenerunt ad lacum, videre et scire de navibus, gavisique quod sui incolumes et sine hostili infestatione, et naves sine læsione receptæ sunt.

CAP. XXXIII. — *Profani resistentes valde Christianos defatigant. Ubi dux ipse Turcorum bellicosissimum sagitta trajecit.*

Navibus itaque receptis sanis et illæsis, fortissimi milites Gallorum in eis sunt constituti, qui ultra exitu Turcis interdicto obstarent, et nihil prorsus necessariorum eis inferri paterentur. In una autem nave de Turcopolis imperatoris viri sagittarii habebantur, qui navali certamine in aquis multum prævalere solebant. Turci vero, et universi custodes præsidii, circa lacum tumultum populi, et principum tam matutinos conventus intelligentes, ad mœnia versus fluvium concurrunt, multum de noviter adductis navibus admirati, quas procul dubio suas æstimassent, nisi quod suæ adhuc altero in littore juxta muros et mœnia catenatæ ferro et seris stare videbantur. Sic lacu navali obsidione præoccupato, et militum illic in flumine loricata manu, in lanceis, arcu et sagittis armata, relicta, comes Reymundus et sui satellites, ac plurima manus de exercitu iterato, prædictam turrim conveniunt; assultus et lapidum jactus multiplicant, Turcos non parce vexant et impugnant, ariete ferrato muros crebra hominum vociferatione impellentes. Turci siquidem videntes crebro ariete muros impelli et concuti, et turrim ligonibus perfodi, adipem, oleum picemque stuppis et facibus ardentissimis commistam fundebant a mœnibus, quæ instrumentum arietis et crates vimineas prorsus assumpserunt, alii sagittis et corneo arcu plurimos interimebant, alii saxorum læsione secus muros et turrim laborantes opprimebant. In hac Turcorum defensione et reluctatione, quidam miles illorum ferocissimi animi et cordis non parce desudabat arcu et jaculis, et (quod dictu mirabile est) in vulnere sibi illato diffusus vitæ, procul abjecto clypeo, manifeste opposuit pectus telis cunctorum, et rupea saxa in medium vulgus ambabus manibus torquebat. Hic quamvis, ut aiunt pro vero qui adfuerunt, viginti sagittis adhuc hærentibus in præcordiis premeretur, non continebat manus a jactura lapidum et percussione Gallorum, sed amplius et sævius damnum exercebat in populo. Dux vero Godfridus, videns tam ferocissimum et crudelissimum sævire, nec tot sagittarum in fixatione deficere, sed plures fidelium illius jaculatione perire, arrept arcu baleari, et stans post scuta duorum sociorum eundem Turcum trans vitalia cordis percussit, sicque mortuum ultra a cæde horrenda compescit. Tandem fatigato populo Christianorum, et sole declinato, et assultu tam horribili sedato, Turci angustiati præ seramine turris, rursus saxorum acervos comportant interius noctis in silentio, ne facilis aditus in crastino reperiretur.

CAP. XXXIV. — *De occiso Christiano bellatore qui ad ludibrium fidelium in muro suspenditur.*

Mane autem sole relato, populus Dei ad iterandum assultum, et ampliandum turris penetrale, animatur et armatur. Sed visa et agnita rursus lapidum collatione opposita, in recenti foramine,

memor periculi et anxietatis, quam priori luce pertulerat, cepit acimo mollescere et quisque alium commonere ut præiret. Tandem miles quidam illustris, de tabernaculis prædicti Roberti Northmannorum comitis exsiliens, galea opertus et lorica, et tectus clypeo, trans vallum muros imperterritus invadit, ad turrim properat, et acervos lapidum a foramine eruere nititur, et aditum saxis occupatum vacuare. Sed grandine saxorum, et assidua inundatione jaculorum incæpti obliviscitur. Videns autem idem miles omni auxilio se destitutum et præ oppressione immensorum lapidum nihil posse proficere, cominus muro se astringit, ad devitanda jacula Turcorum, quæ sine intermissione fatigabant virum egregium. Sed nec sic evadendi manus illorum ulla via aut facultas illi monstratur. Tandem tot millium lapidibus a collo et capite illius scuto avulso, fractis cervicibus juxta muros obruitur et in ipsa lorica et galea moritur in aspectu omnium fidelium, nequam illi subvenientium. Turci ergo videntes virum immobilem jam obiisse, ab ipsa nefanda turri catenam proficiunt, ungues ferreos acutissimos et rapacissimos ex fabrilis ingenio et opere habentem quasi hamos, quæ annulo lorice extincti militis infixæ, eumdem arripiens ac retinens, cum cadavere mortuo intra mœnia levatur. Dehinc corpus militis apprehensum, licet extinctum, in laqueo funis ad mœnia suspenderunt, ut Christianos per hanc inhumanitatem amplius offenderent. Offensi igitur et tristes universi lamentabantur confratrem tam crudeli nece et vilis tractatu obiisse. Quem post hanc diutinam illusionem nudum a mœnibus projectum, honorifice susceptum cum cæteris præfatis et ibidem occisis fidelibus, in eleemosynarum distributione, sacerdotumque commendatione sepelierunt.

CAP. XXXV. — *Quomodo Longobardus quidam novum genus machinæ operatus sit.*

Hac ruina virorum fortium, et creberrimis damnis Christianorum, quæ in assultu urbis per singulos dies patiebantur, duce Godefrido et Boemundo cunctisque principibus turbatis, et quia nullo conamine machinarum et balistarum aut impetu virium muris aliquam læsionem inferre poterant, sed omnis labor, et virtus eorum incassum consumebatur, quidam Longobardus genere, magister et inventor magnarum artium et operum, videns miserias et strages Christianorum, ultro se obtulit præfatis principibus, quorum unum hujuscemodi solatione et promissione relevat dicens: « Video quia omne opus machinarum nostrarum in vanum laborat, vestrates crebra morte circa muros minuuntur, et magnis periculis vita residuorum adhuc subjacet. Nam Turci inclusi confidenter et securi a turribus et mœnibus repugnant, incautos et nudos sagittis et saxis obruunt; quin murus, antiquorum astutia fundatus, non ferro aut aliquo robore potest rescindi. Unde quia omnem virtutem vestram sic frustrari perspexi, majestatem vestram adire et

A compellare disposui, quatenus, si consiliis meis acquiescatis et aliquod laboris mei præmium a vobis consequar, Deo auxiliante, turrim hanc, quæ valida et insuperabilis videtur, humi cogam procumbere sine damno et vestrorum periculo commilitonum, per quam aditus patebit ad inimicos, vobisque contrarios. Tantum necessaria arti meæ et communi sumptu et juvamine administrantur. » Audita hac viri promissione, cum omni benevolentia pacti sunt ei dare quindecim libras Cartanensis monetæ, præmium laboris sui, et quicquid necessarium operi requireret, indesinenter administrare, gavisique confidentes in spe promissi artificii. Magister itaque artis, facta prædicta conventionione, ingenia sua aptat, parietes declives connectit, et virgeas crates assuit mirifico instrumento; sub cujus protectione ipse ac secum desudantes capita sua tuta a jaculis Turcorum, desuper resistentium, haberent.

CAP. XXXVI. *De eversione immanissimæ turris, et domina civitatis quomodo cupla sit.*

Ad unguem vero instrumento suæ protectionis perducto, viri Christianorum loricati et clypeari circa machinam conglobantur. Quam in virtute sua trans vallum impulerunt trabentes, et juxta muros, invitis et prohibentibus desuper omnibus Turcis, cominus adjunctam statuerunt. In qua magister artis cum cæteris opificibus suis tutus relinquitur, regressis sine magna læsione fidelium turmis. Turci vero, videntes hujus ingenii instrumentum in detrimento urbis posse prævalere, faculas ardens cum pice et adipe jactant super machinam, et saxæas moles convolvunt a mœnibus, si sic aliqua arte ars muro illata destruat, et inclusi in ea absterreantur. Sed frustra omnia jactant aut conantur, quia parietes declives nil ingestum ignis aut lapidis retinebant. Magister vero artis fiducialiter latens in machina cum sociis secum habitis, sub fundamento turris lignorum et acutissimo ferro cavare terram non desinit, donec trabes, postes et cætera immanissima robora lignorum in ipsa cavatione sub fundamento componeret, quibus muri, ablata terra, ne subito super adhuc fodientes ruerent, inniterentur. Jam vero cavatione per maxima facta in latitudine et longitudine, ex admonitione magistri artis, universi de exercitu, parvi et magni, sarmenta, stipulas, tegulas, calamosque aridos, stuppas et omnia fomenta ignis conferunt, et inter postes, et trabes et magnificas arbores coacervant, undique his lignis cavatione occupata. Post hæc ignis, a magistro operis immissus, magno spiramine suscitatur, quousque perstrepsens et discurrens flamma insuperabilis magis ac magis invaluit: quæ postes, trabes, et omnia ligna supposita in cinerem redegit. His ita in favillam reductis et fundamentis sustentaculo deficiente, tam terræ tam lignorum ædificium vetustissimæ turris resupinum in momento, noctis medio, corruens, tantum reddidit sonitum ut tonitruum fragor, omnibus somno excitatis, videretur. itur tam intolerabile pondus collapsæ turris licet



repentino casu procumberet, non cœmentorum aut petrarum collisione, in plurimas partes dissiliit, sed quasi et corrupti per loca muri ipsius arcis jacentes rimarum læsione hiabant, aditumque, sed tamen difficilem, exhibebant. In hac itaque turris ruina et contritione, uxor nobilissima Solymani vehementer exterrita, non ultra in urbis confisa præsidio, noctis in silentio, a suis in lacus flumine immissa est, ut sic navigio Christianos evaderet. Sed percepto ejus abscessu, a militibus lacum tumentibus remigio noviter adductarum navium capta, et in custodiam principum cum duobus tenellis filiis reposita est.

CAP. XXXVII. — *Deditio civitatis Nicææ et de quadam sanctimoniali femina captiva.*

Turci et arcis defensores pariter, turri humi procumbente perterriti, ac matronæ hujus captivitate stupefacti, et lacus enavigatione amodo desperati, suorum occisorum interius gravi imminatione desolati, longa obsidione fatigati, nec se evadere posse videntes, consilio invicem habito de vita et salute membrorum, precantur sibi parci ab exercitu Christiano, claves urbis polliciti reddere in manus imperatoris Constantinopolis, sub cuius conditione urbis primitus hæreditario jure serviens habebatur, quousque injusta vi Solymanus sibi subjugatam invasit. Tatinus vero truncatæ naris, familiaris imperatoris, consilio majorum exercitus satisfaciens, precibus illorum, suscepta utrinque fide et reddita, apud Christianos proceres pro eis intercessit, hac conditione ut ab urbe incolentes exeant, et in imperatoris deditioem veniant, cum uxore Solymani nobilissima, quæ nuper capta, in custodia principum Francorum habebatur cum duobus filiis suis tenellis. Sic utrinque sedato assultu, dum diversa consilia reddendæ civitatis agerentur, et plures captivi Christianorum redderentur, quædam sanctimonialis femina de cœnobio S. Mariæ ad horrea Trevirensis Ecclesiæ cum cæteris restituta et absoluta est in manus Christiani exercitus, quæ se de attrito Petri agmine captam et abductam professæ est, parumque intermissionis a fœda et abominabili cujusdam Turci et cæterorum commitione habuisse conquesta est. Dum vero super his injuriis miserabiles gemitus in audientia Christianorum proferret, inter proceres et milites Christi Henricum de Ascha castello recognovit. Quem ex nomine lacrymabili et humili voce compellans, ad auxilium suæ emendationis adesse commonuit. Qui statim hac recognita, super infortunio ejus motus est, omnique industria et misericordia, qua potuit, apud ducem Godefridum obtinuit, quatenus ei a domino Reymero, venerabili episcopo, consilium pœnitentiæ daretur de hujusmodi incestu. Tandem consilio accepto a clero, facta est ei remissio illicitæ copulationis cum Turco, et alleviata pœnitentia, eo quod vi et nolens ab impiis et sceleratissimis hominibus hanc fœdam pertulit oppressionem. Post hæc modico intervallo solius noctis, per internun-

atium ejusdem Turci, qui eam violaverat, et cæteris abstulerat, plurima suasionem et blanda promissione ad illicitos in incestos thalamos reinvitatur. Exarserat enim idem Turcus in illius inæstimabilem pulchritudinem, unde nimium ægre ferebat ipsius absentiam, cui adeo præmia promiserat, quæ illius animo sic insiderant ut ad nefandum maritum rediret. Promittebat enim se idem Turcus in brevi Christianum fieri, si forte a captivitate et vinculis imperatoris exiret. Tandem misella, si vi ante deliquit, nunc blanditiis et vana spe decepta ad impium sponsum et adulterinas nuptias recurrit, universo ignorante exercitu, quæ astutia et lascivia ab eis subtracta est. Post hæc a reatoribus innotuit quod ad eundem Turcum reversa sit in exsilio quo erat, non alia de causa, nisi propter libidinis intolerantiam. Jam sic turbine sedato belli, et Christianis captivis ab urbe restitutis, Turcisque in deditioem imperatoris susceptis et transmissis, exercitus Dei viventis hanc diem in magnogaudio et exultatione ibidem in castris exegit, quia pro spe illis adhuc omnia contingebant.

CAP. XXXVIII. — *Qualiter ex consultu principum populus Dei in duas partes divisus sit.*

Crastino vero die illucescente, usui sumptis necessariis, movit omnis populus, iter faciens per mediam Romaniam securus, et nihil metuens adfuturæ adversitatis. Biduo autem communi agmine gradientes per juga montium, et angustas fauces viarum, decreverunt tanti exercitus divisionem fieri ut liberius et spatiosius in castris populus habitaret, sicque divisus, plenius escis et pabulo equorum abundaret. Convenerunt quidem inter duos montium apices, ubi per pontem flumine quodam superato, Boemundus prorsus cum suis sequacibus turmis a duce Godefrido dissociatur. Quem quidam magnifici primores sunt secuti, Robertus comes Northmannorum, et Stephanus Blesensium princeps, sic semper viam ad dexteram insistentes ac moderantes ut amplius milliari a confratribus non elongarentur. Dux suisque contubernales cum episcopo Podiensi et Reymundo comite semper ad dexteram tendebant. Hac ergo divisione facta, Boemundus cum omni exercitu suo in vallem Dogorganhi, quæ a modernis Ozellis nuncupatur, hospitandi gratia circumquaque sociis in gramine diffusis, circa horam nonam descendit, ut alimentis, cæterisque necessariis, in locis, aptis rivis et pratis, castra locarent.

CAP. XXXIX. — *De immanissima cæde Christianorum per insidias principis Nicæni.*

Vix vero Bohemundus et cæteri viri fortissimi ab equis descenderant, et ecce Solymanus, qui ab eo tempore, quo in fugam ab urbe Nicæa versus est, auxilium et vires contraxit ab Antiochia, Tarso, Alapia et cæteris civitatibus Romanicæ, a Turcis sparsim poëtis, adfuit in impetu vehementi et multitudine gravi. Nec mora, nec requies ulla cædendi et expugnandi exercitum, ac discurrendi



per castra fuit, aliis sagittis transfixis, aliis gladio detruncatis, nonnullis a tam crudeli hoste captivatis; ad hæc undique clamor magnus et tremor in populo excitatur, mulieres nuptæ et innuptæ una cum viris et infantulis detruncantur. Robertus vero Parisiensis miseris volens succurrere, sagitta volatili confixus et extinctus est. Boemundus hac strage gravissima attonitus cæterique priores equos reparant, ad loricas et arma festinantes in unum conglobantur, ac plurimum se ex improvise defendentes, diu prælia cum hostibus committebant. Willhelmus juvenis audacissimus, et tiro pulcherrimus, frater Tankradi, dum multum in armis resisteret, Turcos hasta sæpius perforaret, in conspectu ipsius Boemundi sagitta percussus corrui. Tankradus viriliter in gladio defensus, vix vivens evasit, sed signum decoris, quod in hasta prætulerat, ibidem cum fratre reliquit. Turci, cum principe suo Solymano magis ac magis invalescentes fortiter irrumpunt in castra, sagittis et corneo arcu ferientes et mortificantes pedites, peregrinos, puellas, mulieres, parvulos ac senes, nulli parcentes ætati. Hac crudelitate atrocissimæ mortis stupefactæ teneræ puellæ et nobilissimæ vestibus ornari festinabant, se offerentes Turcis, ut saltem amore honestarum formarum accensi et placati, discant captivarum misereri.

CAP. XL. — *De nuntio fidelium Christi ad ducem.*

Cum sic afficerentur fidelium greges, et Boemundi virtus jam minus resistere valeret, eo quod ex improvise in se suosque armis exutos irruissent, jamque ad quatuor millia de exercitu Christianorum in manu hostili cecidissent, muntius per abrupta montium sine mora equo transvolat, quousque ad castra ducistristis et exhaustus spiritu venit. Quem ut Godefridus dux, ab ostio tabernaculi aliquo spatio transgressus ad considerandos socios, a longe perspexit rapido cursu festinantem et mæsto vultu pallentem, qua de causa viam acceleravit requirit ut sibi cæterisque primoribus referat et exponat. Hic amara et gravia nuntia retulit dicens: « Nostri principes cum ipsi Boemundo gravissimum belli laborem sustinent, vulgusque sequens jam totum capitulem subiit sententiam, qua et domini principes nostri sunt casuri in præsens, nisi festinato manus vestra subveniat. Turci quidem castra nostra irruerunt, et per vallem, quæ dicitur Ozellius vel D terribilis, descendentes ad vallem Degorganhi peregrinos trucidare non cessant. Robertum Parisiensem capite deciso jam interemerunt, Willhelmum juvenem egregium, sororis Boemundi filium, dignum planctu, percusserunt. Et idecirco vos omnis invitat societas ad ferendum auxilium, nulla vos mora aut dilatio impediatur aut retardet. »

CAP. XLI. — *Ubi dux et qui cum eo erant subveniunt pereuntibus.*

Hac audita miseria et Turcorum audacia, dux per universa agmina jussit cornua perstreperere, socios commovere universos et arma capere, signa erigere,

A sociis sine ulla dilatione aut requie subvenire. Tanquam si ad convivium omnium deliciarum vocarentur, festinant arma capere, loricas induere, gladios recingere, equis referre, sellas tergis imponere, clypeos resumere, et ad saxaginta millia equitum e castris procedunt cum cætera manu pedestri. Jam dies clarissima illuxerat, sol radiis fulgebat lucidissimus: cujus splendor in clypeos aureos et vestes ferreas refulsit, signa et vexilla, gemmis et ostro fulgida erecta et hastis infixæ, coruscabant. Caballi celeres calcatibus urgebantur, nullus socium aut fratrem expectabat, sed quisque, quo velocius poterat, ad auxilium et vindictam Christianorum viam insistebat. Hos denique Turci ex improvise ut persenserunt ad auxilium sociorum omni velocitate et belli instantia animatos esse tam robota manu, et in armis et veste ferrea, et in signis luciferis ad bella erectis, fugam arripiunt, et timore concussi, a cæde horrenda declinant, alii per divia, alii per semitas notas diffugium facientes. Sed Solymanus, cum ampliori manu et densioribus cuneis in montis cacumine fuga elapsus consistens, Christianis insequentibus occurrere ibidem et in faciem resistere disposuit.

CAP. XLII. — *Ubi dux et alii quidam procerum ex nomine notantur, qui tunc fortiter pro Deo egerunt.*

Dux autem Godefridus, qui solus cum quinquaginta sodalibus in equi velocitate præcesserat, subsequenti populi in brevi adunatis viribus, indubitanter ad ardua mentis conscendit, cum Turcis ferire et armis committere, quos conglobatos et immobiles ad resistendum in montis vertice respiciebat. Jamque undique suis receptis et adjunctis, hostes immobiles incurrit, hastas in eos dirigit, sociosque, ut constanter eos adeant, virili voce adhortatur. Turci vero cum duce suo Solymano ducis Godefridi et suorum constantiam nequaquam animo ad præsens bellum deficere videntes, a montis summitate laxis frenis equorum velocitate fugam parant. Quos dux via sex milliarium insecutus, alios in ore gladii percussit, nonnullos captivos cum suis tenuit, prædas et spolia illorum non pauca cepit, puellas et juvenes et omne quod asportare vel abducere sperabant ab hostibus excusserunt. Gerardus de Keresi, in equo laudabili residens, in eadem hostium insecutione, in supercilio montis adhuc Turcum manentem et nimium audentem viribus respiciens, scuto tectus fortiter hasta incurrit. Quem sagitta illius emissa et clypeo excussa, trans jecur et pulmonem perforat, equumque morientis et labentis abduxit. Baldewimus comes Hamaicorum, vir et largitor magnarum eleemosynarum, cum Roberto Flandrensi Turcos fugientes sternit; hortatur socios, circumquaque concurrentes ut feriant et trucident, et ab insecutione illorum nunquam retardari aut manus continere videantur. Baldewinus de Burg, Thomas de Feria castro, Reinoldus Belvacio, Walo de Calmont, Gothardus filius Godefridi, Gastus de Berdeiz, Rudolphus

etiam, hi omnes unam in luctamine belli desudabant, Turcorum agmina in virtute militari insequentes ac scindentem. Equorum illa gravis anhelitus pulsat, fumus ad ipso anhelitu per medias acies in nubem densabatur. Turci vero interdum recuperatis viribus, in virtute multitudinis suæ freti, viriliter resistebant in grandinesagittarum denso volantium et cadentium. Sed hujus grandinis tempestate cito transmissa, fidelium turmæ, tela manu retinentes, illorum globos attenuant et mortificant, victosque tandem cogunt in diffugium per devia viarum et abrupta montium, quorum semitas notas habebant.

**CAP. XLIII.** — *Post victoriam quid inter fideles Domini convenerit, quomodo sacer ordo curaverit cadavera prostratorum.*

Christiani ergo victores, quidquid in stipendiosæ expeditionis Turci conduxerant, frumentum, vinum non modicum, buflos, boves et arietes, camelos, asinos, equos et mulos, et præterea aurum pretiosum et argentum infinitum, papiliones mirifici decoris et operis abstulerunt. In hujus victoriæ pro-

**A** spero successu omnes unanimiter, Boemundus scilicet et cæteri principes præfati, qui erant duces et columnæ exercitus, in concordiam et consilium redeunt, et ab illo die commistis cibariis cunctisque rebus necessariis, omnia communia habere decreverunt. Quod et actum est. In hoc conflictu belli Turcorumque diffugio, nonnulli Christianorum militum sagittis vulnerati perierunt; Turcorum autem tria millia cecidisse referuntur. Hoc tam crudeli certamine finito, circa flumen quoddam et ejus correctum Christiani milites spatio trium dierum quieverunt, curantes corpora nimis fessa ex abundantia escarum, quas Turci occisi reliquerant. Episcopi vero, presbyteri, monachi qui aderant, corpora occisorum terræ tradiderunt, animas fideles illorum in manu Jesu Christi precibus et psalmis commendantes Solymanus jam denuo victus, Alpes Romanæ vix evadens condescenderat, nihil ultra spei habens urbis Nicææ, uxoris filiorumque, ac nimium luctum faciens suorum, quos ante hos dies in campo Nicææ extinctos a Gallis amiserat, et nunc eorum quos in valle Gorgonia captos et peremptos reliquit.

## LIBER TERTIUS.

**CAPUT PRIMUM.** — *Post victoriam Christi fideles ubi castra locaverint, et miserabili siti cruciati, quanti exspiraverint.*

Postquam hostilis impetus abscessit, quartæ imminente lucis crepusculo, Francigenæ, Lotharingi, Alemanni, Bawari, Flandrenses et universum genus Teutonicorum castra moverunt cum omnibus rebus sibi necessariis et spoliis Turcorum, et in vertice Nigrorum montium castra metali, hospitio pernoctaverunt. Mane autem facto, Northmanni, Burgundiones, Britanni, Alemanni, Bawari, Teutonici, omnis videlicet exercitus, abhinc descenderunt in valle nomine Malabyumas, ubi propter difficultates locorum et angustarum faucium inter rupes inter per dies abbreviabant, et ob innumerabilem multitudinem, et nimios calores mensis Augusti. Sabbati dehinc die cujusdam instante ejusdem mensis, defectus aquæ magnus accrevit in populo. Quapropter satis anxietate oppressi, utriusque sexus quamplurimi, ut dicunt, qui adfuerunt, circiter quingenti ipsa die spiritum exhalarunt. Propterea equi, asini, cameli, muli, boves, multaque animalia eodem fine gravissimæ sitis extincti sunt.

**CAP. II.** — *Item de eodem.*

Comperimus etiam illic non ex auditu solum, sed ex veridica eorum relatione qui et participes fuere ejusdem tribulationis, in eodem sitis articulo viros et mulieres miseros cruciatus pertulisse, quod mens horrescat, auditus expavescat, et de tam miserabili infortunio in suis contremiscat. Quamplurimæ nam-

**C** que fætæ mulieres exsiccatæ faucibus, arefactis visceribus, venisque omnibus corporis, solis et torridæ plagæ ardore inæstimabili exhaustis, media platea in omnium aspectu fetus suos enixæ relinquebant. Aliæ, miseræ juxta fetus suos in via communi volutabantur, omnem pudorem et secreta sua oblitæ præ memoratæ sitis difficillima passione. Nec ordine mensium aut hora instanti parere compellebantur: sed solis æstuationis, viarum lassitudine, sitis collectione, aquarum longa remotione ad partum cogebantur: quarum infantes alii mortui, alii semivivi, media platea reperiebantur. Viri autem quamplurimi sudore et calore deficientes, aperto ore et faucibus hiantes, aerem tenuissimum captabant ad medicandam sitim: quod nequaquam prodesse potuit. Nam plurima pars, ut prædiximus, illic periisse hac die perhibetur. Nisi vero et accipitres, aves domitæ et gratissimæ procerum et nobilium, calore eodem et siti moriebantur in manibus eas ferentium. Sed et canes in venatoria arte laudabiles inter manus magistrorum exstinguebantur. Jam sic omnibus in hac pestilentia laborantibus, optatus quæsitusque aperitur fluvius. Ad quem festinantes, præ nimio desiderio quisque alium in magna pressura prævenire studebat, nullum modum bibendi habentes, quosque infirmati plurimi ex nimia potatione tam hominus quam jumenta perierunt.

**CAP. III.** — *Ultra progrediuntur; exercitus in geminas partes dividitur; primores venatui vacant.*

Post hæc egressis ab angustiis rupibus, decretum

est communi benevolentia, propter nimietatem populi, exercituum in partes dividi. De quibus Tankradus et Baldewinus, frater ducis Godefridi, cum suis recedentes, per medias valles Ozellis transibant. Sed Tankradus cum suis præcedens, ad urbes finitimas Relei et Stancona descendit, in quibus Christiani cives habitabant, Turcis, viris Solymani, subjugati. Baldewinus cum suis montanis semitis perplexis inceserat, gravi cibariorum defectione cum omni manu sua aggravatus, quin equi pabulo deficiente vix sequi, nedum viros portare poterant. Dux vero Godefridus, Boemundus, Robertus, Reymundus, regia via a longe sequebantur, et Antiochiam minorem reclinantes, quæ in latere Relei sita est, hospitio nona diei hora moram facere decreverunt. Vespere autem facto, Godefridus dux cæterique primores juxta montana per amœna loca pratorum tentoria locaverunt, aptam et voluptuosam regionem considerantes et venationibus fecundissimam, quibus nobilitas delectari et exerceri gaudet. Illic accubantes, armis cunctisque exuviis repositis, silvam aptissimam venatibus reperientes, sumpto arcu et pharetra, gladiis accincti, saltus montanis montiguos ingrediuntur, si forte obveniret quod configere et persequi catulorum sagacitate valerent.

CAP. IV. — *Dux cum urso configens, graviter sauciatur; sed auxilio alterius militis perempta bestia vivus eripitur.*

Tandem diffusis per opaca nemoris singulis in sua semita ad insidias ferarum, dux Godefridus ursum immanissimum et horrendi corporis, peregrinum inopem, sarmenta congerentem, invasisse respicit, et in circuitu arboris fugientem ad devorandum persequi, sicut solitus erat pastores regionis aut silvam intrantes devorare, juxta illorum narrationem. Dux vero, sicut solitus erat et promptus ad omnia adversa Christiani fratribus subvenire, educto raptim gladio, et equo fortiter calcaribus admonito, misello homini advolat; eripere a dentibus et unguibus lanionis anxiatum festinat; et clamore vehementi per media fruteta accelerans, obvisus crudeli hosti offertur. Ursus itaque, viso equo ejusque sesso, se celeri cursu premente, ferocitati suæ fidens rapacitati unguium suorum, non segnius facie ad faciem duci occurrens, farces ut jugulet, aperit; totum se ad resistendum, imo ad invadendum, erigit; ungues suos acutissimos exerit ut laniet; caput et brachia ab ictu gladii diligenter cavens subtrahit, ac sæpe volentem ferire decipit; quin murmure horrissono totam silvam et montana comovet, ita ut omnes mirarentur qui hoc audire poterant. Dux ergo, astutum et pessimum animal considerans in feritate audaci resistere, motus animo, vehementer indignatur, et verso mucronis acumine, temerario et cæco impetu propinquat belluæ ut jecur ejus perforaret. Sed infelici casu ictum gladii effugiens bellua, subito curvos ungues tunicæ ducis infixit, ac complexum brachiis equo devolutum, terræ applicans dentibus jugulare prope-

rabat. Dux itaque angustiatum, reminiscens multorum suorum insignium factorum, et de omni periculo se adhuc nobiliter ereptum, nunc vero vili morte a cruenta bestia se suffocari dolens, recuperatis viribus in momento resurgit in pedes, gladiumque in hoc repentino lapsu ab equo, et cum insana bestia luctamine, propriis cruribus implicitum, celeriter in ejusdem feræ jugulum rapiens et capulo retinens, suras et nervos proprii cruris gravi incisione truncavit. Sed tamen licet sanguis incessabili unda profueret, viresque ducis minueret, iniquæ belluæ non cessit, ad defensionem stans asperrimus, quousque audito inopis rustici, et ab urso liberati clamore ingenti, et murmure lanionis vehementi, quidam Husechinus nomine ex consociis, per silvam diffusis, velocitate equi, duci in auxilium adfuit: qui stricto mucrone horribilem feram impetiit, et una cum duce jecur et costas illius transfixit. Sic tandem ferocissima fera extincta, dux primum vulneris dolore, deinde nimia sanguinis effusione cœpit corde deficere, vultu pallescere, ac totum exercitum impia fama conturbare. Concurrunt universi ad locum ubi athleta et vir consiliorum, caput peregrinorum, læsus ferebatur. Quem principes exercitus gestatorio imponentes, ad castra cum ingenti luctu, cum planctu virorum et ululatu mulierum detulerunt, medicos peritissimos ad sanandum eum adhibentes; feram vero inter se dividentes, nullam illi magnitudine similem antea se vidisse fatebantur.

CAP. V. — *Tankradus, fixis juxta Tarsium civitatem tentoriis, apud cives de urbis traditione nunc munitis nunc blanditiis agit.*

Duca vero sic gravi vulnere impedito, exercitum lentiore gradu subsequente, Tankradus, qui præcesserat, et regiam viam tenebat versus maritima, prior Baldewino fratre ducis, per vallem Buetrenton superatis rupibus, per portam quæ dicitur Juda, ad civitatem quæ dicitur Tarsus, vulgari nomine Tursolt, descendit, quam etiam Turci, primates Solymani, subjugatam cum turribus suis retinebant. Illic Armenius quidam, qui cum Tankrado aliquandiu moras fecerat, et ejus notitiam habuerat, promisit se civibus urbis gravi Turcorum jugo depressis, suggerere, ut in manu ejusdem Tenkradi urbem caute et Turcis nesciis redderent, si forte locum et opportunitatem reperirent. Sed timidus civibus, nec consiliis Armenii fratris acquiescentibus propter Turcorum præsentiam et custodiam, Tankradus, qui præcesserat, finitimas oras prædictæ urbis deprædatus est, ac contractis infinitis copiis prædarium in usum obsidionis in circuitu murorum tentoria sua extendit. Locatis ergo tentoriis, Tankradus plurimum minarum Turcis, per mœnia et turres diffusis, ex adventu Boemundi, et subsequentis exercitus virtute intulit, nisi exeuntes, portas urbis aperirent, asserens, non prius subvenientem exercitum ab hujus obsidione recedere, quam ut Nicæa cum omnibus inhabitantibus caperetur superata. Si vero voluntati ejus acquiescerent, urbem ape ri-

rent, non solum in oculis Boemundi gratiam et vitam inveniunt, sed et præmia multa accipientes, eidem civitati et aliis præesse præsidii mererentur.

CAP. VI. — *Cives deditionem pollicentur; viri exercitus Dei longe a se divisi, hostes adesse de alterutris suspicantur.*

His blanditiis et promissis, interdum nimis magnificis, Turci molliti, Tankrado hac conditione urbem pollicentur, ne quid periculi aut seditionis ab ulla subsequenti manu ultra eis inferatur, donec Boemundi potestati cum urbis præsidio subderentur. Quod Tankradus minime recusans, fœdus in hunc modum cum illis innotari instituit, quatenus vexillum ipsius Tankradi in cacumine magistræ arcis in signum erigerent, quod Boemundo præcurrrens, hanc Tankradus vindicaverit civitatem, et sic intacta deinceps ab omni hostili impetu haberetur. Baldewinus vero frater ducis Godefridi, Petrus comes de Stadeneis, Reinardus comes de Tul civitate, vir magnæ industriæ, Baldewinus de Burg, juvenis præclarus, conjuncti per amicitiam, alio itinere divisi, per dies tres ab exercitu errantes per loca deserta montium et ignota, gravi afflicti jejuniis necessariorumque penuria, tandem per errorem perplexarum viarum in cujusdam montis cacumine casu constiterunt. De quo tentoria Tankradi speculantes, per camporum planitiem in obsidionem Tarsi locata, timuerunt timore magno, existimantes Turcorum hunc apparatus fore. Nec minus Tankradus viros in montis cacumine a longe contemplatus expavit, Turcos adesse arbitrans, qui sociis urbi inclusis ad subveniendum properassent. His tandem descendentes, vitæ diffisis, fame semivivis, Tankradus ut miles acerrimus socios admonet ut eis res sit pro anima defendenda.

CAP. VII. — *Obsides fœdus rumpunt; Tankradus et Baldewinus missis copiis obsidionem reparant, et de situ urbis.*

Turci autem, qui in turribus et mœnibus ad spectaculum et defensionem ad quingentos conveniant, et ipsi pariter Baldewinum ejusque comitatum acies Turcorum existimantes esse, Tankrado impropertantes in hunc modum minabantur: « Ecce manus auxiliari nobis properantium: nos non in tua, ut existimabas, sed in tua manu nostra et virtute hodie conterendi estis. Quapropter te hoc in fœdere, quod frustra pepigimus, jam deceptum credas. Nec aliam ob causam te morari in castris fecimus, nisi quia spes auxilii in his, quas vides, aciebus in tuam tuorumque peditionem præstolabamur.» Tankradus juvenis imperterritus, Turcorum minas parvipendit, et brevi responso impropertantibus resistit: « Si hi vestri milites aut principes habentur, in Dei nomine eos parvipendimus; adire non timemus. Qui si a nobis, Deo opitulante, victi fuerint, superbia vestra et jactantia pœnas non evadet. Quod si peccato nostro adversante stare nequiverimus, nequaquam tamen manus Boemundi et sui exercitus subsequents evadetis.» Hoc dicto,

A Tankradus cum universa sua adunatione, quæ secum confluxerat, insignis armis, galeis et loriceis, et equis rapidissimis Baldewino in occursum properat. Turci vero tubis et cornibus horrissonis ad terrendum ipsum Tankradum a muris fortiter intonant. Sed utrinque Christianitatis signis recognitis, et visis amicis compatriotis, præ gaudio in lacrymas defluunt, quod sic Dei gratia a pœnis et periculis nunc liberati sint. Nec mora, deinceps commistis copiis, tentoria communi consensu pariter ante urbis mœnia reponunt, et ex præda, quam contraxerant ex montanis et regione in bobus et armentis, cibos mactant, et parant, ignique apponunt: quos sine sale coctos diutina fame manducare coegit, prorsus pane ille cunctis deficiente. Erat enim civitas ex omni parte munita, habitatoribus, rivis et oratis apta et commenda, sita in campis fertilibus: cujus mœnia adeo admirantur fortissima, ut nullis vinci humanis viribus, nisi Deo annuente, credatur.

CAP. VIII. — *De multa quorundam principum alteratione, ubi et Tarsenses Tankradum sibi præesse desiderant.*

Crastina vero luce exorta, Baldewinus exurgens sui que sequaces atque ad urbis mœnia tendentes, signum Tankradi, quod erat notissimum, in eminentiore turris arce, ex consensu et fœdere perouso Turcorum, positum contemplantur. Unde nimia indignatione et ira accensi, in verba amara et seditiosa adversus Tankradum suosque eruperunt, Tankradi et Boemundi jactantiam et principatum floccipientes, luto et fœci æquiparantes. His et hujusmodi verbis amarissimis fere ad arma ventum est, nisi viri pacifici et prudentes tali consilio intervenissent, ut ab ipsis civibus Armeniis ex amborum legatione cognosceretur, sub cujus dominio et ditione urbem magis subesse intenderent, cujusque parti meliori optione faverent. Continuo responsum est ab omnibus, magis velle subjici et credere Tankrado quam alterius principis ditioni. Dicebant enim hoc non ex cordis devotione, sed ex Boemundi, quam semper habebant, invasionis suspitione. Nec mirum, cum longe ante hanc expeditionem in partibus Græciæ, Romaniæ, Syriæ, Boemundi semper fama claruit, bellum inhorruit; Godefridi vero ducis nunc primum nomen scintillabat.

CAP. IX. — *De eadem re.*

D His auditis, Baldewinus ferventiore animo adversus Tankradum in iram extollitur, et graviaribus verbis in ejus præsentia tam cives quam Turcos per verba interpretis sic allocutus est: « Boemundum et hunc Tankradum, quos sic veneramini ac formidatis, nequaquam magistro majores et potentiores Christiani exercitus credatis; nec fratri meo Godefrido, duci principique militiæ totius Galliæ, nullique sui generis istos esse comparandos. Princeps enim idem frater meus, dux Godefridus, regni magni et primi imperatoris Romanorum Augusti hæreditario jure suorum antecessorum nobilium, ab

omni honoratur exercitu, cujus vocis et consilii ad omnia magni parvique obtemperare non desinunt, cum caput et dominus ab omnibus sit electus et constitutus. Scitote quidem vos et omnia vestra, urbem quoque ab eodem duce in ore gladii et flammis deleri et consumi; nec Boemundum, nec hunc Tankradum stare vestros propugnatores, aut defensores. Sed nec is Tankradus, ad quem intenditis, hodie manus nostras evadet, nisi vexillum, quod nobis in contumeliam, sibi ad gloriam erexit, a culmine turris jactetis, portasque nobis aperiri laciatis. Si vero nostræ voluntati in hujus vexilli ejectione et urbis redditione satisfeceritis, vos exaltabimus super omnes in terminis his considerentes, et gloriosi in conspectu domini et fratris mei ducis, vosque dignis muneribus honorati, semper eritis.»

Hac spe bonæ et blandæ promissionis cives et Turci illecti, Tankrado penitus ignorante, fœdus et amicitiam cum Baldewino firmaverunt, et sine mora vexillum Tankradi de culmine turris est amotum, et procul a mœnibus in loco palustri viliter ejectum; Baldewini vero signum in ejusdem turris apice promotum est.

CAP. X. — *De eodem, et qualiter Tankradus urbem Azaram intraverit.*

Tankradus viso signo Baldewini promotum, suo vero remoto, licet tristis, patienter tulit. Qui seditionem oriri inter suos et Baldewini satellites ex hac vexilli mutatione percipiens, et quia pars sua numero et armis erat inferior, ultra hac in discordia morari noluit, sed ad vicinam civitatem, nomine Azaram, munitam et locupletem, transivit: cujus portas clausas reperiens, minime introire permisus est. Obtinuit enim hanc civitatem quidam Welfo, ortus de regno Burgundiæ, miles egregius, qui, ejectione et attritis Turcis, urbem possederat, aurum et argentum, pallia pretiosa, cibaria, oves, boves vinum, oleum, frumentum et hordeum, et omnia necessaria illic reperientes. Præcesserat enim idem Welfo cum cæteris ab exercitu sequestratis. Tankradus portas civitatis inveniens clausas, et principem Christianum urbem tenere intelligens, missis nuntiis fide data, intromitti hospitandi gratia, precatur, et alimenta justa venditione et emptione sibi impertiri. Qui petentem exaudiens, jussit urbem aperiri, virum cum suis sociis induci, et cuncta vitæ necessaria administrari.

CAP. XI. — *Ubi Baldewinus, princeps civitatis factus, Christianos partis Tankradi intramittere non vult.*

Post hujus Tankradi abscessum, Baldewinus iterato Turcos admonet, instat et promittit honores et præmia a duce consequi ingentia, et non solum illi, sed cæteris civitatibus præferri, si urbem aperiant, si se suosque datis dextris in fidei obligatione intromittant. Turci autem et Armenii videntes Tankradi fugam et absentiam, Baldewini vero prævalere potentiam, utrinque fide data et firmata, portas urbis aperiant, Baldewinum suosque intromittunt; sed in omnibus munitionibus turritis man-

sionem retinere decreverunt, donec dux Godefridus et subsequens exercitus propinquaret, et tunc dono et gratia ipsius ducis de eadem civitate et cæteris rebus juxta promissum Baldewini cum eis ageretur, sive in promissione Christiana, sive in ritu gentiliū persistere delegissent. Duas tantum turres magistras Baldewino contulerunt, in quibus securus et fiducialiter manere et quiescere posset: cætera multitudo exercitus per domos et loca civitatis passim diffusa est. His itaque cum principe suo Baldewino intromissis, et hospitii quiete recreatis, proxima dehinc die jam vespere instante, trecenti ab exercitu peregrinorum sequestrati, ac vestigia Tankradi secuti, de familia et populo Boemundi, ante urbis mœnia in armis et clypeis asiterunt, quibus ex jussu Baldewini et consilio majorum urbis et janua interdicta est. Hi vero longo fessi itinere, et rebus necessariis vacui et exhausti, multum precantur urbis hospitalitatem et rerum necessariorum venalitatem: precati sunt etiam plebei ordinis de comitatu Baldewini, eo quod confratres et Christiani essent professionis. Sed nequaquam preces eorum a Baldewino exauditæ sunt, hac de causa scilicet, quod in auxilium Tankrado descendissent et propter fidei firmationem, quam eum Turcis et Armeniis fecerat, nullum præter suos ante ducis Godefridi adventum in urbem recipi aut intromitti.

CAP. XII. — *Christiani extra portam civitatis manentes, noctu a gentibus extincti sunt.*

Confratres autem et peregrini societatis Baldewini, videntes sic exclusos nullo modo posse impetrare intromissionem, miserti sunt eorum, quia fame videbant eos periclitari: quibus in portis panes et per funes pecora ad vescendum porrigere decreverunt. Illis ergo ita refocillatis, et noctis in silentio præ itineris lassitudine gravi sopore occupatis, Turci, qui erant in præsidiis turrium sub fidei tutamine, prorsus desperati, nec Baldewino sui que conchristianis perfecte se credentes, occulto habito inter se consilio, trecenti, thesauris omnibus suis secum et cæteris rebus avectis, per vada cujusdam fluminis, eis non incognita, quod media urbe præfluebat, Baldewino et universis suis somno deditis clam egressi sunt, ducentis solummodo ex sua humili clientela et familia in præsidiis relictis, ne fugæ eorum suspicio aliqua apud Christianos oriretur. Egressi autem in viros Christianos, qui per prata ante urbem membra fessa sopori dederant subito irruunt, alios decollantes, alios trucidantes, alios sagittis transfigentes, neminem aut paucos de omnibus vitæ reliquentes.

CAP. XIII. — *Hujus necis populus Dei Baldewinum instimulans, ad arma ruit, cui satisfaciens, contra reliquos Dei inimicos vehementer insurgit.*

Mane dehinc facto, Christiani, qui intra urbem erant, somno exsurgentes, et ad mœnia tendentes scire et videre, si adhuc moram in pratibus Christiani fratres haberent, viderunt universos armis Turco-

rum detruncatos, et sanguine illorum prata fœdata nimium redundare. Sicque Turcorum perfidia et iniquitas propalata est. Nec mora, per universam civitatem tumultus in populo catholico exoritur, arma ab omnibus capiuntur, et in ultionem sanguinis confratrum, in fraude mortificatorum, turres infringere, et Turcos illic inventos extinguere festinant, turbis et ingenti clamore non modicam seditio- nem concitantes. Tam vehementi strepitu populique tumultuoso concursu Baldwinus attonitus, a turris præsidio per mediam urbem equo advolans, turmas armatas a bello cessare, et in sua commonebat redire hospitia, ne tam subito fœdus mutuo datum corrumpere, donec cœdes Christianorum illi plenius notificarentur. Sed magis ac magis tumultu ingruente, et populo necem Christianorum ægre ferente, et Baldwinum hujus occisionis, tanquam mortiferi consilii, reum acclamante, talis ac tantus in eum sit concursus sagittarumque emissio, ut turrim, refugii causa et vitæ suæ necessitate compulsus, subire cogeretur. Qui illico ad se reversus, animi sui ferocitate deposita, populo satisfaciendo excusat se de omnibus et crudelitatis Turcorum se nescium asserit; nec populum Dei vivi aliam ob causam exclusisse, nisi quia jurejurando Turcis et Armeniis promiserat neminem præter suos ante ducis adventum urbi intromitti. Sic Baldwinus excusatus, populoque suo reconciliatus. Turcos in singulis turribus, qui de humili familia et clientela remanserant, assilit et expugnat; expugnant et sui, dum in ultionem suorum ferme ducenti decollati sunt. Accusabant enim eosdem Turcos plurimæ illustres feminæ civitatis, ostendentes eis aures et nares quas sibi detruncaverant, eo quod stupri sui eas consentaneas invenire nequiverunt. Hac infamia et horrenda accusatione magis populus Jesu Christi in odium Turcorum exarserat, eorumque stragem eo amplius multiplicabat.

CAP. XIV. — *Ubi viri Baldewini cum piratis Christianis fœdus ineunt, et Tarsum simul petunt.*

Post hæc diebus paucis elapsis, viri Baldewini per mœnia diffusi, a longe navium diversi generis et operis multitudinem in medio maris trans tria miliaria ab urbe contemplantur, quarum mali miræ magnitudinis et altitudinis auro purissimo operti, in radiis solis refulgebant; et viros ab iisdem navibus in littus maris descendentes, et plurima spolia, quæ longo tempore seu annis ferme octo contraxerant, inter se dividentes. His visis, hostiles vires accitas ab hic qui noctu, cæde Christianorum facta, effugerant, existimabant. Unde ad arma contententes, equo alii, pede alii usque ad ipsum littus concurrunt, cur advenerint vel ex qua natione processerint intrepido ore perquirentes. Illi se Christianæ professionis milites esse respondent: e Flandria et ab Antverpia et Frisia cæterisque Galliæ partibus se venisse fatentes, et piratas annis octo usque ad hanc diem se fuisse. Requirebant etiam qui advecti fuerant, qua de causa ipsi a Romanis et Teutonicis

partibus descendissent, et in longinquum exilium inter tot barbaras nationes advenissent. Qui causa peregrinationis, et ad adorandum in Jerusalem, venisse se testati sunt. Et sic utrinque lingua et sermone suo recognito, fœdus dextris datis inierunt pariter eundi Jerusalem. Erat in hoc navali collegio quidam Winemarus nomine, caput et magister universorum consodalium, de terra Bulonæ et de domo comitis Eustachii, magnifici principis ejusdem terræ. Jam hinc et hinc fide ad invicem firmati, cum spoliis et universis sarcinis, relictis navibus, cum Baldwinino urbem Tarsum subierunt, per aliquot dies in omnibus bonis terræ ibidem jucundati et epulati. Dehinc habito inter se consilio, in custodiam et defensionem urbis trecenti ex navali exercitu sunt electi, sicut et ex legione Baldewini ducenti attitulati. His ordinatis et constitutis; profecti sunt a Tarso Baldwinus et sui, conjunctis armis et viribus in tubis et cornibus et potentia magna regia via gradientes.

CAP. XV. — *Tankradus Mamistram civitatem armis capit, et de instinctu cujusdam Richardi castra Baldewini hostiliter invadit.*

Interea Tankradus ab Azara civitate et Welfone civitatis principe migrans, Mamistram civitatem, a Turcis possessam et munitam, descendit. Quam resistantem et contradicentem sibi fortiter cum loricata manu assilit: humi in brevi muros illius dejecit, portas et vectes ferreos diruit; Turcorum superbiam, quæ in hac dominebatur, crudeli strage attrivit. Tali modo ejectis hostibus, Tankradus turres suorum custodia munivit, alimoniam, vestes, aurum et argentum grande in ea reperiens, Christianis consodalibus divisit, ibidem per aliquot dies remoratus. Dumque illic secure moram faceret, et de urbis custodia sollicito ageret, Baldwinus, frater ducis, cum armis et sociis regia via incedens, in terminos ejusdem civitatis descendit, et in viridario quodam spatioso arboribus consito, quod erat juxta urbem, tentoria ipse suisque fautores et compriores in ordine locaverunt. Hæc quidam Richardus, princeps Salerni civitatis Italiæ, de genero Northmannorum, proximus Tankradi, intueus, moleste accepit; et verbis amarissimis super hoc Tankradum compellat, dicens: « Ah! Tankrade, hodie vilissimus omnium factus es. Baldwinum præsentem aspicias, cujus injustitia et invidia Tarsum amisisti. Ah! si nunc aliquid virtutis in te haberes, jam tuos commoveres, et tibi illatam injuriam in caput ejus rependeres. » His auditis, Tankradus infremuit spiritu; et illico arma et milites requirens, sagittarios suos in virtute magna præmisit ad lacescendos hostes in tentoriis, et ut læderent equos, per pascua et prata vagantes. Ipse quoque cum quingentis loricatorum equitibus repente in ejusdem Baldewini castra et satellites ruit, ut in omnibus injuriis quæ sibi intulerat, dignam sumeret ultionem.

CAP. XVI. — *Baldewinus et Tankradus bellum conserunt, in quo Tankradus inferior invenit.*  
Baldewinus sine mora, Baldwinus quoque de

Burg, æquivocus ejus, et Giselbertus de Claromonte, omnisque illius comitatus, agnito tam repentino assultu et impetu Tankradi, ferro induuntur, signa erigunt, sociisque virili voce admonitis, obviam Tankrado in multa vociferatione turbarum et cornuum raptim exhibentur, utrinque prælia graviter committentes et gravi vulnere corruentes. Sed manus Tankradi, dispar numero et viribus, terga vertit, belli pondus sustinere non valens, ac in urbis præsidium vix trans arctum pontem aquæ cum ipso Tankrado fugam faciens, a belli turbine elapsa est. In hujus pontis angustia Richardus princeps Salerni, proximus Tankradi, et Robertus de Ansa civitate, milites acerrimi, nimirum retardati, capti ac retenti sunt; plurimi equites et pedites de societate Tankradi, alii extincti, alii vulnerati, perierunt. Solus Giselbertus de Claromonte nimium insecutus, et in mediis hostibus involutus, in ipsius pontis angustia captus et abductus est: quem Baldewinus et sui peremptum existimantes planctu magno lamentabantur.

CAP. XVII. — *Tankradus et Baldewinus pacem inter se reformant.*

Crastina vero die orta, utrinque de absentia captivorum virorum nobilium dolentes, ac recordati quia ambo deliquissent, tam sacræ viæ Jerusalem devotione violata, ex consilio majorum suæ legionis pacem firmam composuerunt, captos pro captivis sibi invicem restituentes. Hac pace composita, et universis spoliis cum captivis restitutis. Baldewinus cum suis septingentis equitibus divisio concilio cujusdam Armenii militis, Pancratii nomine, terram Armeniæ ingressus, præsidium mirifici operis et roboris, nomine Turbaysel, obsedit. Quod Armenii oives, viri Christianæ professionis, videntes, consilio clam cum ipso principe Baldewino habito, Turcis expulsis, qui aroi præerant, in manus ejus tradiderunt, volentes magis sub Christiano duce servire quam sub gentili ditione. Hac itaque civitate cum arce præsidii subjugata, et viris suis in hac repositis, Ravenel præsidium humanis viribus inexpugnabile, similiter obsedit et apprehendit. De quo Turci, captione Turbaysel exterriti, fugisse et abisse referuntur. Apprehendit et multas civitates cum castellis quæ in circuitu erant, exterritas a facie exercitus Antiochiam tendentis: quas itidem Turci diu subjugatas custodientes, nunc formidine concussi fugitivi noctu relinquebant. Ravenel itaque apprehensum Pancratius Armenio prædicto commisit, viro instabili et magnæ perfidiæ, quem a vinculis imperatoris Græcorum elapsum Nicææ retinuit, eo quod audisset eum virum bellicosum esse et multiformis ingenii, et quia omnis Armenia et Syria et Græcia illi notæ haberentur. Pancratius, ut erat perfidus et astutus, Turcis apprimè notissimus, æstimans robore commisi sibi præsidii hujus Ravenel terram se posse obtinere, nullum de comitatu Baldewini intromittens, filium suum adolescentem illustrem in eo constituit: et tamen hoc fraude fieri, cum Baldewino ambulans et manens, dissimulabat.

A CAP. XVIII. — *De prospero eventu Baldewini in expugnandis munitionibus, et de perfidia cujusdam Armenii. Jam invitus idem Armenius commissum sibi præsidium reddit.*

Tandem quidam principes qui, audita Baldewini industria et nobilitate, fœdus cum eo pepigerant, viri Armenii, quorum alter Fer, præpositus Turbaysel, alter Nicusus nomine dictus est, cujus castra et præsidia spatiosa Turbaysel adjacebant, intellecta perfidia Pancratii, quam cum Turcis moliebatur, scientes eum virum noxium et facilem, Baldewino retulerunt, asserentes si tali viro et tam facinoroso, imperatoris perjurio, longius præsidium Ravenel crederet, in brevi terram quam subdiderat posse amittere. Baldewinus hoc audito ab his viris credulis et fidelibus, sæpius versutias illius ipse expertus, præsidium illi commissum requisivit: quod Pancratius obstinato animo in manu vel custodia Gallorum reddere recusavit. Postremo Baldewinus post plurimam requisitionem præsidii indignatus, quadam die sibi assistentem et contradicentem teneri jussit, vinculis astringi, tormentis affligi, quousque præsidium coactus redderet. Sed nec sic adhuc reddere ullius tormenti labore aut vitæ necessitate compulsus est. Baldewinus tædio tormentorum illis victus, ad ultimum jussit ut vivus membratim discerperetur, nisi præsidii de redditione sibi satisfaceret. Qui hanc atrocem membrorum et nervorum discerptionem metuens, in manu Fer litteras direxit filio, ut præsidium festinato pro vitæ suæ et membrorum suorum liberatione Baldewino redderet. Quod actum est; et Pancratius a vinculis absolutus, et deinde a collegio Baldewini dissociatus. Baldewinus ergo susceptum præsidium custodiæ ac fidei suorum contulit Gallorum, et Turbaysel, quod dicitur Bersabee, discessit, terram et regionem undique expugnans suæque potestati subjiciens.

CAP. XIX. — *Dux civitatis Rohas Baldewinum in auxilium vocat; Baldewinus vocatus, ire perrexit; a Turcis vetitus iterato repropert.*

Post hæc diebus aliquot evolulis, et fama Baldewini longe lateque crebescens, et bellorum suorum virtute super omnes hostes suos divulgata, dux civitatis Rohas, quæ dicitur Edessa, sita in regione Mesopotamiæ, episcopum ejusdem urbis cum duodecim majoribus civitatis, quorum consilio omnis status regionis fiebat, ad ipsum Baldewinum misit, quatenus cum Gallis militibus ad urbem descenderet, terram adversus Turcorum infestationes defenderet, et cum duce communi potentia et dominio universos reditus et tributa obtineret. Qui tandem consilio accepto acquievit, et descendit solum cum quingentis equitibus; cætera multitudine dimissa ac relicta Turbaysel ac Ravenel, et multis in locis quæ, Turcis expulsis, nunc suæ suberant potestati. Dum autem via maturata usque ad Euphratem fluvium magnum transfretare paravissent, Pancratii consilio et instinctu; quem solverat a vinculis, Turci et cæteri hostiles copias eductæ,



et undique conglobatæ, ad viginti millia adfuerunt obviam transire volentibus. Sed vim et equitatum eorum comperiens, et minime nunc tot millia sufferre valens et debellare, via, qua venerat, Turbaysel reversus est. Dehinc Turcis dispersis, ac in sua totamina reversis, Baldewinus iterato ducentis equitibus assumptis, Robas profectus est conductu virorum fidelium, sine impedimento et hostili incursu itinere suo peracto, et Euphrate flumine cum omni prosperitate enavigato.

CAP. XX. — *Baldewinus qualiter in urbe Rohas exceptus sit, et quam magnanimo ducis illius domum respuerit: et petitio seniorum.*

Hujus tam egregii et nominatissimi principis adventus fama, ut aures senatorum urbis penetrarat, gaudium et jucunditas facta est in universis qui audierant, ac in tubis et omni genere musicorum tam majores quam minores in occursum ejus convenerunt omni honore et gaudio, sicut tantum decebat virum, urbi introducentes. Inducto tam honorifice viro, et gloriose portis civitatis et hospitio eum suis constituto, dux, qui cum consilio duodecim senatorum ad resistendum adversariis civitatis eum acciverat, indignatus super laudibus et honoribus, quot illi populus et senatus exhibuerat, sub arcano cordis sui graviter cœpit ei invidere; sed et eum penitus civitati et regioni præesse interdixit, nec parem sibi ad aliquos fore redditus vel tributa. Dicebat enim, illi plurimum auri, argenti, ostri, mulorum et equorum armorumque copiam se daturum, si sibi et civibus ac regioni contra Turcorum insidias et assultus propugnaret et auxiliator in locis sibi constitutis esse non negaret. Qui omnino ducis hæc munera sub tam vili conventionem suscipienda refutavit, rogans ut tantum conductus sui fiducia sine periculo et iniquo machinamento ad ducem Godefridum et confratrem suum sanus et incolumis redire possit. Hoc duodecim proceres senatores et primi civitatis cæteraque multitudo audientes, quia non auro vel argento vel ullis pretiosis muneribus possit retineri, ducem adierunt, omnibus modis et precibus instantes ut virum tam nobilem et propugnatorem fortissimum recedere non pateretur; nec a se alienaret; sed de regno et civitate socium sibi faceret, cujus protectione et militari ope civitas et terra semper posset defendi, et nequaquam de promisso virum molestaret.

CAP. XXI. — *A duce urbis Rohas Baldewinus in filium adoptatus, petitione ipsius Samusart civitatem impugnat; sed infecto negotio reversus est inanis.*

Dux quidem duodecim præfectorum et omnium concivium constantiam ei benevolentiam erga Baldewinum videns, eorum nolens petitioni satisfecit, ac Baldewinum sibi filium adoptivum fecit, sicut mos regionis illius et gentis habetur, nudo pectori suo illam astringens, et sub proximo carnis suæ indumento semel hunc investiens, fide utrinque data et accepta. Sic utrisque firmatis paternitate filiatione, dux Baldewinum die quadam loco filii

admonuit, ut omni militia et solidorum conventionem convocatis suis, pariterque civibus Rohas assumptis, ad munitionem Samusart, quæ erat juxta Euphratem, proficiscens, expugnaret Balduc, principem Turcorum, qui eandem arcem ad Rohas pertinentem invaserat injuste, et obtinebat. Intulerat enim idem Balduc civibus intolerabile malum: nam filios majorum civitatis non paucos obsides sibi dari minis extorserat, propter annuos redditus et tributa byzantium, quæ illi ad redimendas vineas et sata dare convenerant. Baldewinus primam petitionem hanc duois et majorum civitatis non refutans, assumptis ducentis sociis et omni civitatis pedestri et equestri comitatu, castrum Samusart est aggressus, multam vim in virtute suorum hostibus inferens. Sed Balduc et suis occurrentibus in grandine sagittarum et tubarum stridore graviter repressi sunt. Nam illic infinita manus civium Armeniorum effeminatorum, incaute et segniter dimicantium, corruit, sex tantum strenui et probi milites Baldewini sagittis confixi perierunt: quorum exsequiis Christiano more completis, planctus et dolor magnus per universam civitatem factus est, Baldewinus videns arcem præsidii Samusart insuperabilem, et in eo Turcos bello fortissimos et indefessos, apud S. Joannem, quod erat in præsidio non longe ab arce, suos in lorica, galea et equo reliquit, qui semper Turcis ad resistendum occurrerent, et belli assiduitate vexarent: ipse solus cum duodecim Gallis Rohas reversus est.

CAP. XXII. — *Conspiratæ plebis consilium in ducem suum Baldewinus volens reprimeret, nihil proficit.*

Post hæc paucis diebus evolutis, omnis senatus et universi cives considerantes Baldewini prudentiam et constantiam adversus Turcorum insidias, multumque sub manu ejus civitatem et ejus munitiones posse salvari ac defendi, in unum convenerunt, Constantino de montanis accito ad commune consilium, viro potentissimo, quatenus ducem suum interimerent, et Baldewinum loco ejus ducem et dominum exaltarent. Erat enim idem dux valde eis contrarius: nam multis eos calumniis affecerat, aurum et argentum incomparabiliter cunctis abstulerat: si quis vero resistebat, Turcorum inimicitias et odium non solum in periculum vitæ suæ, verum etiam in vineis et in satis suis succidendis, et in præda gregum suorum suscitabat. Hoc audito consilio, die quadam universi parvi et magni civitatis ad arma convolant; armati et loricati Baldewinum conveniunt, ut cum eis ad interitum ducis sui contendant, asserentes eum loco suo dominum et ducem communi consilio fieri se decrevisse. Qui tale facinus præsumere omnino contradixit, cum vice filii sibi sit constitutus, et nihil causæ vel mali adhuc in eo repererit, unde perditionis ejus consecutus et socius fiat. Ait enim: « Inæstimabile coram Deo peccatum esset, ut in hunc virum manum sine causa mitterem, quem in patrem assumpsi, cui etiam fidem contuli. Sed precor vos, ne sanguine et morte ejus



pollui me sinatis, et nomen meum inter principes Christiani exercitus vilescere faciatis. Peto etiam vos, ut sibi ore ad os loqui mihi liceat in solio turris, super quam usque in præsens habitare vestro dono exaltatus consuevit. » Quod mox ei annuerunt. Et ecce turrim ascendens, sic ei locutus est : « Omnes cives et præfecti civitatis hujus in necem tuam conspirati, in omni genere armorum ad turrim hanc in furore et impetu animi properant : quod doleo et moleste fero. Sed ut aliqua ratione liberari possis, vel rerum tuarum datione prævenire non neglexi. » Vix dux colloquentem sibi audivit, et ecce in circumta turris multitudo civium in obsidione et impugnatione confluit, incessabili manganarum et sagittarum jactu muros et turris ostia quatientes.

CAP. XXIII. — *Quam misere idem dux interfectus sit.*

Dux videns animæ suæ angustias, thesauros suos incomparabiles in ostro, in vasis aureis et argenteis, in bysantiis copiosis Baldewino aperuit, rogans ut suscipiat, quatenus apud cives pro vita et salute sua interveniat, et nudum ac vacuum ac turri exire et abire patiantur. Baldewinus preces illius exaudiens, misericordia motus super desperato, præfectos populi obnixa suasionem adhortatur et instat ut duci suo parentes non occidant, et thesauros innumerabiles, quos viderat, inter se partiri non refutent. Senatus et universi cives ad Baldewini et promissionem thesaurorum minime auscultant, non vivum, non sanum pro ulla rerum commutatione aut datione illum evadere unanimiter exclamantes, injurias et calumnias sibi objicientes, quas sub eo et a Turcis ejus instinctu sæpe sustinuerant. Dux itaque vitæ suæ diffusus, nec precibus suis aut ullis pretiosis donis videns se quidquam proficere, Baldewinum a turri remisit, se per fenestram funiculo a solio laxans exivit : quem mille sagittis in momento confixum mortificantes, media platea projecerunt caputque ejus amputantes, ad ludibrium omnibus hastæ præfixum per omnes vicos civitatis detulerunt.

CAP. XXIV. — *Occiso duce, Baldewinus subrogatus venalem arcem Samusart emere primo contempsit, postmodo consilio suorum rebus pretiosissimis comparavit.*

Crastina vero die Baldewinum, plurimum renitentem et contradicentem, ducem ac principem civitatis statuerunt ; turrim insuperabilem cum universis thesauris extincti ducis in ea repertis illi contulerunt, jurejurando subjecti illi facti et fideles, Balduc hac Baldewini nova promotione audita, timore magno percussus est, ne in virtute Gallorum, virorum belligerorum, obsidione facta præsidium Samusart amitteret. Unde legatione ad Baldewinum facta, arcem illi venalem pro numero decem millium byzantium obtulit, et quia abhinc et deinceps illi pro solidorum conventionem fideliter militaret. Qui ad ejus verba nequaquam attendit, eo quod injuste Christianis hanc arcem abstulisset, quondam ad civitatem Rohas non longe ante hoc tempus perti-

nentem. Balduc, videns feritatem et constantiam duois Baldewini, dixit se arcem incendio consumere, obsides civium et præfectorum, quos plurimos tenebat, decollare, et semper insidias adversus Baldewinum nocte ac die moliri. Tandem, ut plerumque temporis processit, Baldewinus audito consilio suorum, Balduc talentum auri et argenti et ostra pretiosa cum purpura, equos et mulos non modico pretio dignos contulit, et sic præsidium Samusart ab hostili manu et potestate redemit. Ab ea denique die et deinceps Balduc Baldewino subditus factus est, in domo ejus condomicus et familiares inter Gallos constitutus. Baldewinus arcem susceptam fidei suorum custodia munivit, obsides illic repertos primoribus quibusque et civibus restituit. Post hæc, quia æque gentilibus et Christianis non convenit, et invicem sibi semper sunt suspecti, Baldewinus uxorem Balduc et filios pro fidei stabilitate requisivit ; qui benigne annuit ; sed de die in diem occasione adinventæ, obsides hos dare differebat.

CAP. XXV. — *Præsidium Sororgia, in manus Baldewini non sine labore traditur, et Balduc fraudulentia notatur.*

Baldewino duce sic exaltato et militari actione divulgato, Balas, qui et ipse princeps et invasor præsidii civitatis Sororgiæ erat, duci Baldewino legationem misit, quatenus exercitu adunato, ad civitatem, quæ a præsidio et montanis distabat et rebellis adhuc resistebat, descenderet, et præsidium in ejus manu, civibus et urbe superatis, absque dilatione reponeret : erant enim cives Sarraceni, qui sibi resistebant, et tributa dare contemnebant. Baldewinus promissis illius credens, fœdere ad invicem percusso, cum omni apparatu suo urbem obsidere et expugnare disposuit, donec cives victi cederent, et deinceps tributarii fierent. Verum cives Baldewini adventum et indignationem ex Balas suggestionem intelligentes, Balduc conventionem solidorum cæterosque Turcorum milites multis præmiis sibi asciverunt, sperantes sub eorum tutamine mœnia urbis posse retineri ac defendi, Balduo miles, et unus de principibus Turcorum, avaritia byzantium jam corruptus, cum suis ad urbem accessit, sperans eidem urbi adhuc præesse et dominari. Baldewinus, hoc comperto, in manu forti die statuto ad obsidionem urbis Sororgiæ proficisci disposuit cum manganis et omni apparatu armorum, quibus urbs scindi aut expugnari posset. Cives vero et Sarraceni milites apparatus intolerabilem audientes, formidine concussi, nuntia illi miserunt ut pacifice ad illos descenderet, urbem sine contradictione reciperet, redditusque singulis annis suæ ditioni non negarent. Baldewinus precibus eorum cessit : diem statuit, qua omnia hæc cum pace et fide rata et credula componerentur. Balduc videns quia cives a defensione defecerant, et timore perterriti resistere tanto principi nequiverant, urbem cum suis egressus. Robas ad ipsum Baldewinum simulata fide in his verbis, descendit : Nequaquam credas, ut arbitreris me

ideo urbem Sororgræ intrasse, ut civibus auxilium adversus te ferrem, sed veni, ut eos quolibet consilio ab incepto rebellionis suæ revocarem, tibi que subditos facerem ac tributarios. » Quod Baldwinus patienter accipiens, Balduc in excusatione hac manere secum ab illo die concessit; sed tamen minime fidei illiusse credebat. Nec mora in manus ejus urbs est reddita, cives tributarii facti; præsidium Balas, quod in montanis præeminebat, in manum ejus et suorum custodiam reposuit. Baldwinus civitate cum præsidio suscepta, Folkerum Carnulensem, virum militarem et belli peritissimum, ad procuranda et tuenda mœnia in eis reliquit; ipse Rohas in magna gloria reversus est.

CAP. XXVI. — *Tankradus damnosa Christianis præsidia destruit, et oblata sibi ab hostibus munera prudenter reponit.*

Tankradus, qui a Baldewino divisus, Mamistræ ad maritima remanserat, cum adactis sibi viribus de navali exercitu, quem Baldwinus advexerat, castrum puellarum quod vulgariter appellatur de Batesses, obsedit et expugnavit: similiter castrum pastorum expugnatum diruit; castrum quoque adolescentum, quod dicitur de Bakelers, quæ in montanis erant præsidia, in manu robustorum militum, dejecit et attrivit. Alexandriam minorem portis et muris dirutis subjugatam obtinuit. Turcos in eis repertos in ore gladii percussit. Omnia autem castella et præsidia hæcenus peregrinis nocentia, aut cepit aut incendit; hostes gentiles in eis inventos alios occidit, alios captivos tenuit. Hostes vero, qui, Christianis subjugatis, per montana dispersi Christianorum præsidia et loca injuste invaserant, audita illius virtute militari, alii fugam capiebant, alii missis equis et mulis, auri argentique donis pretiosis amicitiam illius jungebantur, quatenus eum pacificum in omnibus, quæ obtinebant, reperirent. Tankradus de omnibus quæ offerebantur nihil refutabat; sed sicut cautus et providus omnia suscipiens reponebat, memor præteritarum angustiarum, et majorum adhuc credulus futurarum.

CAP. XXVII. — *De civitate Maresch, ubi et uxor Baldewini obiit.*

Interea totus apparatus et virtus grandis exercitus accelerabat, rectitudine itineris per mediam Romaniam, per abrupta montium et declivia vallium incedens, quem Godefridus dux, Boemundus, Reymundus comes, Robertus Flandrensium, Reymerus episcopus de Podio, Robertus de Northmannia, communi consilio et pari conductu moderabantur. Hi ad civitatem, quæ Maresch dicitur, in manu forti descendentes, hospitio pernoctaverunt, tabernacula in locis virentibus ante urbis mœnia extendentes, nullam vim Christianis illic civibus inferentes, sed pacifice ab urbe vitæ necessaria venalia suscipientes. Turci, qui adventum tantorum ac tot principum intellexerant, ab urbis præsidio aufugerunt, quam iniqua vi et injustis tributis ante multos hos annos oppresserunt. Hac in regione Maresch, uxor Baldewini nobilissima

quæ de regno Angliæ eduxit, diutina corporis molestia aggravata et duci Godefrido commendata, vitam exhalavit, sepulta catholicis obsequiis, cujus nomen erat Godwera. Udelrardus, similiter de Wizan infirmitate correptus, ibidem obiit, honorifice sepulcro illic conditus; miles irreprehensibilis et in omni bellorum consilio et actione utilis, de domo ducis Godefridi, semper secretorum illius ante omnes conscius.

CAP. XXVIII. — *De civitate Arthesia, ubi Christiani Armenii secum manentibus Turcis capita desecantes fratres benigne recipiunt.*

Egressi a montanis et regione Maresch prædicti principes cum omnibus sequacibus legionibus, compererunt a quibusdam Christianis Syriæ sibi occurrentibus civitatem Arthesiam non procul abesse rebus necessariis viam locupletem, sed a Turcis possessam. Hoc comperto, Robertus de Flandria assumptis secum viris cautissimis, Rotgero de Roscit, Gozelone filio comitis Cunonis de Monte acuto, cum mille loricatis ab exercitu exurgens ad Arthesiam descendit, civitatem muro, mœnibus et præsidio turrito munitissimam, in qua Turci manentes Armenios Christianos servili jugo subegerant. Urbi itaque et ejus mœnibus appropinquantes in signis erectis cujusque colore pulcherrimis, in galeis æneis auro lucidissimis, totam regionem fama adventus sui concusserunt. Turci in mœnibus Arthesiæ et præsidio, causa defensionis et repugnationis, repentina hac Gallorum congressione perterriti, astiterunt, portas civitatis obice et seris munitentes. Verum cives Armenii, quos iidem Turci longa servitute depresserant, secum in eisdem munitionibus constituti, reminiscetes injuriarum suarum quas ab eisdem Turcis diu pertulerant in raptu uxorum et filiarum, in actione cæterorum nefariorum, in exactio ne tributorum injustorum, nunc freti auxilio et adventu Christianorum eosdem Turcos invadentes, in ore gladii peremerunt, et capita eorum amputantes e fenestris et mœnibus ejecerunt, portasque urbis confratribus Christianis asperientes, aditum reddiderunt tutum in occisione gentilium, in ejectione exstinctorum corporum: benigne etiam et omni pia susceptione fideles fratres inducunt, armis et sarcinis familiariter exonerantes: cibis diversis et amicis potibus recreant, equis et mulis eorum pabula sufficienter subministrantes.

CAP. XXIX. — *Populus Dei profana multitudine circumplexi, ferro sibi viam aperunt, et vix evadum, obsessi fiducialiter agunt.*

Ab hac urbis statione usque ad Antiocham decem milliaria computantur et fama novæ cædis Turcorum veloci pede transvolans, Turcos ab Antiochia et de cunctis finibus ejus ad viginti millia congregatos accivit usque ad prædictam civitatem Arthesiæ. Ex his millibus Turcorum astutiores et agiliores triginta, equis in modum venti currentibus insidentes, in dolo præcesserunt, post terga relictis insidiis totius

legionis, quatenus in arcu corneo et osseo Gallos e præsidio lacessere et protrahere valerent. Galli equidem fraudes et latentes insidias ignorantes, pede et equo, armis muniti et loriceis induti, illis mediis occurrerunt campis, ut cum hostibus committerent. Sed non aliquis successus illis ullo conflictu potuit contingere. Nam Turci, qui erant in insidiis, transverso itinere viam in gravi multitudine anticipant, ne Galli reditum aut refugium ad urbem haberent, sed momentaneo interitu suffocarentur. Hoc viso repentino impetu et improviso, Robertus de Flandria et Rotgerus cæterique capitales exercitus, fortiter sociis admonitis, et in unum conglobatis, per medias densas acies Turcorum a campi plantie frenis reductis transvolantes, rigidis hastis hostes irruerunt. Irruit et omnis societas virili audacia, quousque incolumes a manibus inimicorum intra portas et mœnia illapsi sunt. Turci vero elapsos in portis grandine mille sagittarum insequuntur, portas cum eis intrare conantes. Sed retrusis limine in manu valida, licet exigua, portas intrare cum Gallis nequaquam permissi sunt. Multi tamen in repentinis sagittarum ictibus hinc et hinc armigeri, equites et pedites, muli quoque et equi gravati sunt. Turci ergo videntes se nihil profecisse, et adhuc in copiis suis confidentes, obsidionem circa prædictam urbem constituerunt. Sed fideles inclusi ex sufficientia ciborum in arce reperta murali robore firma et inexpugnabili, tuti et quieti resederunt. Illic in præsidio Arthesiæ Gozelo filius comitis Cunonis, languore gravissimo occupatus, post dies aliquot vita discessit, et a confratribus Christianis debitum sepulture honorifice et catholice suscepit.

CAP. XXX. — *Profani Arthesiam obsidentes, de adventu Christiani exercitus per exploratores edocti nequaquam, usque in noctem, obsidionem solvunt.*

Interea non longo intervallo maturabat viam magnus exercitus Christianorum, inter quos latenter exploratores degebant, qui ab exercitu occulte, visa opportunitate subtracti, Turcis referebant quæ audierant de adventu et consiliis catholicæ legionis. Delatores prædicti audientes quia ab Arthesia fama obsidionis suorum ad principem Godefridum, Boemundum cæterosque pervenerat, et quia ad subveniendum consilium inierant, festinato ad castra Turcorum redierunt, jam Romanos Francigenas et Teutonicos in proximo adventare nuntiantes; nec vires eorum suslinere posse, nec a manibus eorum eripi, nisi cito, civitate relicta, in sua remearent tutamina. Nequaquam tamen his sinistris nuntiis admoniti expavescunt, freti nimium insulis prædictis millibus: sed per integras unius diei horas urbem impugnant, et in assultibus plurimis laborant. Sed laborem suum in cassum consumunt, Gallis ab arce et mœnibus non parce resistentibus.

CAP. XXXI. — *Exercitu Dei adveniente, Arthesia fidelium tuitione munitur; Baldewinus triumphis clarus novis nuptiis illustratur.*

Dehinc nocte relata et tenebris incumbentibus,

A plurimis consiliis invicem habitis, consilium repertum est, ut, primo diluculo apparente, ad pontem fluminis Fernæ reditum pararent, et Antiochiam, urbem turribus munitam et fundatam et humanis viribus insuperabilem, securi intrarent, ne ponte prævento et flumine ab exercitu Christianorum, periculum vitæ expugnati paterentur. Vix Antiochiam prædioti Turci subierant, cum sequentis lucis crepusculo magnus exercitus Catholicorum in terminos Arthesiæ castra applicuit; ibidem pernoctans in lætitia et jucunditate. Illic ex decreto majorum mille et quingenti viri loriceis electi, ad Arthesiam sunt directi ad auxilium confratrum, qui erant in arce, ut sic sani et incolumes copiis et viribus communi via, minus de hostili impetu solliciti, ad exercitum repedarent. Civitate Arthesia fidei Christianorum tuitione munita, ad exercitum sine ulla offensione sunt reversi. Redit et Tankradus ab Alexandria minore et maritimis regionibus; redierunt et universi, quibusque locis ad subjugandam terram et castella et civitates præmissi et dispersi, præter Baldewinum, fratrem duces Godefridi. Qui ad meridianam plagam profectus in terram Armeniæ, expugnaturus Turcos, Turbaysel et Ravenel et cætera præsidia suæ ditioni subjecerat. Idem vero Baldewinus sic die in diem bellis ac triumphis magis ac magis accrescens, ex consilio duodecim præfectorum civitatis uxorem nobilissimam de genere Armenio magnificis et legalibus duxit nuptiis, filiam cujusdam principis et fratris Constantini, nomine Taphnuz, qui in montanis præsidia et plurimas munitiones obtinebat, quarum universorum hæredem Baldewinum constituit. Sexaginta etiam millia byzantinorum illi dare spondidit, de quibus conventionem solidorum militibus suis solvens, terram potenter adversus Turcorum incursus retineret. Spondidit quidem, sed tantum septem millia illi dedit: quæ vero restabant, de die in diem differebat. Nuptiis Baldewini inestimabili apparatu celebratis, decretum consilio communi et majorum civitatis et regionis, ut idem Taphnuz eum genero suo de statu terræ et utilitate civitatis tractaret, eo quod vir esset propectæ ætatis et sanioris consilii, sicque se invicem mutuo prævenirent honore: quod et actum est.

CAP. XXXII. — *Christi populus adunatus non ultra dividitur, quem Podiensis episcopus circumspectum fore, paterne alloquitur.*

Postquam in unum convenerunt congregati, non ultra ab hac die divisi sunt propter copias Turcorum inestimabiles, qui a montanis et omni Romania profugi, ad urbem Antiochiam, quæ erat inestimabilis murorum firmitate et inexpugnabilis, pro defensione properaverant. Nec mora, episcopus Podiensis Reymerus sermonem ad populum faciens, hujusmodi exhortatione universos paterne admonuit et docuit juxta quod instans necessitas, et creberima fama vicinæ nimium Antiochiæ exigebat: «O fratres et filii charissimi, Antiochiam civitatem ni-

mium vicinam, ut compertum habemus, scitote fundatam murali munitione firmissimam, quæ ferro vel jactu lapidis rescindi non potest, inauditi et insolubilis cæmenti opere, et mole magnorum lapidum constructa. In hac omnes hostes Christiani nominis, Turcos, Sarracenos, Arabes e montanis Romanicæ et ex omni parte a facie nostra fugientes, convenisse procul dubio cognovimus. Unde cavendum summopere nobis est ultra aliquos ex nostris divisionem facere, nec temere præcurrere; sed in communi et unanimi virtute in crastino usque ad pontem Fernæ nos commeara, consilio cautissimo definivimus.»

CAP. XXXIII. — *Relicta Romania, præelectos sequentes signiferos ad pontem usque fluvii Farfar perveniunt, ubi a Turcis bellicose excepti sunt.*

Omnis ergo populus venerabilis sacerdotis admonitioni acquievit; et crastino sole exorto, cum sociis ab Arthesia receptis, cum Tankrado et Wellone Buloniensi, maritimisque Gallorum sociis universis relatis, cum camelis et asinis omnibusque vehiculis sarcinarum rerumque necessariarum, in uno comitatu et armorum fiducia usque ad pontem fluminis Fernæ, quod dicitur Farfar, protecti sunt, relictis asperis Alpibus vallibusque gravissimæ Romanicæ. Hic enim die Robertus Northmannorum comes præelectus est cum suis militibus exercitum præire, sicut mos est in omni exercitu militari: quatenus si aliqua vis adversariorum latuisset, nuntiaretur catholicæ legionis ducibus et principibus, ut ad arma, loricas et parandos cuneos quantocius properarent. Hujus inter millia Rotgerus de Barnevilla, Everhardus de Poisat, milites in omni negotio militari laudabiles, signa præferentes, equitatum regerant, quousque ad ipsum pontem prænotatum sine dilatione constiterunt. Pons denique iste mirabili arte et antiquo opere in modum arcus formam accepit, subter quam Farfar fluvius Damasci, Ferna vulgariter dictus, cursu rapidissimo alveum perluit. In utraque pontis fronte duæ prominebant turres ferro insolubiles, et ad resistendum aptissimæ, in quibus Turcorum semper erat custodia. Subsecuta est societas duum millium peditum virorum egregiorum, qui etiam ad pontem consistentes, minime transire permisi sunt. Nam Turci, qui in turribus pontis ad centum defensionis causa constituti erant, fortiter in arcu et sagittarum grandine transire volentibus resistebant; equos crebris vulneribus lædebant, sessores equorum trans loricarum tegmina volatili sagitte plurimos transfugebant.

CAP. XXXIV. — *Dura conflictio fidelium et Turcorum pro transitu pontis.*

Orta hinc et hinc tam gravi contentione, his transire volentibus, illis econtra transitum prohibentibus, et adhuc prævalentibus, septingenti Turci, qui ab Antiochia acciti exierant, videntes constantiam et defensionem suorum in ponte, in equis celerrimis nimium bello animati advolantes, vada præoccupant, ne quispiam Christianorum transeundi licentiam obtineat. Equites et pedites Christianorum

videntes copias Turcorum loricatorum in fluminis ripa ad resistendum diffusas, diffunduntur et ipsi spatiose altera in ripa; et utraque parte sagittis viriliconatu intortiset immissis, longa sit concertatio, hominesque et equi quamplures confixi in utraque ripa moribundi cadentes deficiebant. Turcis tandem plurimum prævalentibus, et sagittarum notitia et luctamine præeuntibus et perdurantibus, exercitus fidelium armis et equis paratus, ad subveniendum præmissis sociis undique accelerabat. Sed nec Turci, a ripa tunc quidem recedentes, maluerunt mori quam cedere, incessanti conatu sagittarum transmittere volentibus obsistentes.

CAP. XXXV. — *Monitu Podiensis episcopi pontem superant; commisso prælio bellatores Christi victores redeunt; principem Antiochiæ nuntia dura percellunt.*

Episcopus Podiensis, qui audita tam gravi contentione magnum præcessit exercitum, videns corda suorum metu fluxa aliquantulum deficere læsione equorum, pectorumque suorum transfusione, sermonem iterat. populumque Dei vivi nomine sic roborat ad defensionem: «Ne timueritis impetum adversariorum; state viriliter, insurgite contra hos canes reuordaces. Jam enim hodie pro vobis pugnabit Deus.» Ad hæc verba et monita tam præclari pontificis facta scutorum testudine, tectis galea capitibus, et indutis lorica pectoribus, fortiter pontem penetrant, hostes a ponte retrudentes in fugam convertunt. Alii totum videntes auxilio sibi convenisse exercitum, nimium freti, vada intrantes equis transnatant; alii, pedibus vadis repertis, transire aquas properant ex desiderio belli committendi, et ictus percussorum et fundibularios sustinentes, cæcoque aggressu Turcos impetentes, et a statione effugantes, in altero fluminis littore sicco consistunt. Wido, dapifer regis Franciæ, equo et lancea Turcos incurrit; Reinoldus Belvacensis, tiro asperrimus minime jacula sagittarum curans, in medio hostium lancea et gladio præcurrens, sævissimas strages operatur; miscentur utrinque vehementi impetu agmina fidelium et infidelium et belli sudore fervere, cædes et strages operantur. Boemundus, Godefridus, Reynmundus, Robertus, Rotgerus, acies et signa bellica diversi coloris pulcherrima moderantur, donec Turci equis celerrimis fugam ineuntes Antiochiam reversi sunt, per dexera montium et loca sibi nota viam accelerantes. Christiani victores ab insecutione et plurima strage inimicorum revertentes, neque ulterius hostem insequentes, eo quod nimium proxima mœnia Antiochiæ viderentur, et omnium gentilium vires in ea confluisissent, juxta fluvium Fernæ pernoctarunt; prædæ et spolia usquequaque contraxerunt, plurimos de exercitu Petri, quos Turci per Antiochiæ regionem diviserant, a vinculis excluderunt. Hæc nuntia sinistra, eventumque suorum in contraria versum, Darsianus princeps et caput civitatis comperiens, vultu dejecto, corde metu contrito, magnis arctatur doloribus; quid acturus sit mente involvens, si sibi evenial, quod et Solymano in

amissione verbis Nicææ evenit. Nec mora, consiliis creberrimis invigilans, escas comportare, arma et vires sociorum congregare sine intermissione studet; portas et mœnia fidei custodia munire non cessat.

CAP. XXXVI. — *Iter Antiochiam indicitur; antistes populum alloquitur et per eum qui principes exercitus præcedere, qui extremas custodias observare debeant, ordinantur.*

Præterea illucescente die, dux Godefridus, Boemundus et universi capitanei exercitus exsurgentes, armis et loriceis atque galeis rursus induti, iter intermissum ad urbem Antiochiam iterare universos jubent cum omni necessario apparatu, et omni genere armentorum vehiculisque cibariorum, quibus tantus opus habeat exercitus. His in unum conglobatis, et viæ præparatis, providus antistes in hunc modum loquitur, dicens: « Viri fratres, et filii dilectissimi, verba, quæ ad vos refero, diligenter audite, et attendere vos non pigeat. Urbs Antiochia proxima est, nobisque vicina: quatuor inter hanc et nos sunt milliaria. Hæc urbs mirifica, et opus nobis inauditum regis Antiochi immanissimis saxis et turribus fundata est, quarum numerus trecentum et sexaginta computantur. In hac Sansadoniam filium regis Darsiani, principem fortissimum, dominari scimus et ammiraldos quatuor nobilissimos et potentissimos, ac si reges essent, ex imperio Darsiani accitos convenisse comperimus, et se suosque præ timore adventus nostri in manu forti prævidisse et armasse. Horum nomina sunt: Adorsonius, Copatrix, Rosseleon, Carcornutus, quorum omnium rex et caput et dominus Darsianus esse refertur. Hi quatuor ammiraldi ex triginta civitatibus, quæ in circuitu longe lateque ad Antiochiam pertinentes, regi Darsiano tributariæ suberant, quatuor ditiores dono et gratia Darsiani in beneficio tenent, singuli singulas centum castellis. Qua de causa nunc admoniti ab ipso Darsiano, rege Syriæ et totius Armeniæ, non in modica virtute ad resistendum, et defendendam urbem, dominam harum omnium urbium et regnorum, advenisse perhibentur. Unde et nobis necesse est ut caute et ordinate ambulemus. Sero, ut nostis, commisimus bellum; fatigari sumus; equi exhausti viribus sunt. Godefridus dux, Boemundus, Reinardus de Tul, Petrus de Stadeneis, Everhardus de Poisat, Tankradus, Wernerus de Greis, Henricus de Ascha, ad conducendum exercitum in fronte præcedant, factis aciebus: Robertus Flandrensis, Robertusque comes Northmannorum, Stephanus Blesensis, Reymundus comes, Tatinus familiaris imperatoris Constantinopolitani, Adam filius Michaelis, Robertus de Barnavilla, si gratum vobis est consilium, extremas acies equitum et peditum moderantes tueantur. »

CAP. XXXVII. — *Antiochiam pervenientes quid egerint, et quatenus æstimatus sit exercitus Dei.*

Hoc itaque consilio cunctis ab antistite et cæteris viris astutis ordinatis, regia via usque ad ipos mu-

ros horribiles Antiochiæ unanimiter in splendore clypeorum coloris aurei, viridis, rubei, cujusque generis, et in signis erectis auro distinctis omni opere ostreo visu decoris, in equis bello aptissimis, in loriceis et galeis splendidissimis proficiscuntur, tabernacula potenter extendentes juxta locum, qui dicitur Altalon. Illic pomaria et arbores diversi generis in securi et ascia succisas extirpaverunt, terram protentis papilionibus occupantes. His locatis, certatim indulgent operi ciborum, cornibus mille et mille perstreptentes, prædis et pabulis equorum undique insistentes, quorum fragor et strepitus usque ad terminum milliaria ferme posse audiri referebatur. Nec mirum, cum numerus tanti exercitus sexcentis millicibus virorum pugnantium ab universis procul dubio computetur, absque sexu femineo et pueris sequentibus, quorum millia plurima esse videbantur. In hoc Christianorum adventu et obsidione recenti, illo die tanto silentio urbs conquievit, ut nec sonus nec strepitus ab urbe audiretur, et vacua civitas a defensoribus crederetur, cum feta nimis armis et gentiliis copiis in omnibus turribus et præditiis redundasset.

CAP. XXXVIII. — *Descriptio qualiter obsessa sit urbs*

Dies quartæ feriæ illuxit, quando ingressi sunt terram Antiochiæ, et muros ejus obsederunt. Hac die Tankradus primus æcus Altalon sedem ponit. Juxta hunc Roigerus de Barnavilla socius augeatur; Adam, filius Michaelis, juxta cum suis sequacibus ordinatur, ne in hac parte Turcis aliqua necessaria inferrentur. Ad portam vero quæ respicit ad Persidem plagam, ubi juga montium deficere incipiunt, Boemundus cum robustorum manu locum occupat, ibique firmato præsidio, tutus morabatur. Tatinus vero familiaris imperatoris, aliquantulum remotus ab urbe, in campo, Combrus nomine, tentorium fixit, semper fugæ intentus. Ante eum dem Tatinum Baldewinus, comes Hamaicorum, sedem posuit cum sua manu. Robertus dehinc Northmannorum comes, et Robertus Flandrensis ad obsidendos muros cum omni sua militia ordinantur. Stephanus Blesensis pariter ad cingendam urbem juxta prædictos principes suo sedit in ordine. Hugo Magnus, rex Franciæ Philippi frater, similiter cum suis sociis ad hanc obsidionem conseedit. Urbs hæc Antiochia, ut aiunt, ad plenum duo milliaria continet in longitudine, unum et semis in latitudine: quam præfluit amnis præfatus Farfar, muris et turribus occupatus, quorum quarumque munitio et opus usque in supercilium montis extenditur, ubi principalior arx et magistra urbis et omnium turrium fundata præeminet. In circuitu hujus arcis quatuor insuperabiles turres, positæ ob custodiam mediæ arcis in medio sedentis referuntur, quarum præfati ammiraldi semper custodes et defensores regis Darsiani attulati sunt.

CAP. XXXIX. — *Item de eadem re.*

Adhuc ad ipsam Antiochiam obsidendam, quam

tam spatiosam audistis, ad portam, quæ dicitur a modernis Warfaru, quæ insuperabilis est, ipse antistes assidet, sociato sibi comite Reymundo, cum quibus provinciales et Vascones, et omnes sequaces eorum conseruerunt. In loco ulteriore, ubi postea pons ex navium copulatione constructus est, Godefridus dux super ripam fluminis portam unam civitatis cum universis millibus Lotharingis, Saxonibus Alemannis, Bawaris gladio sævissimis obsidet. Cum duce eodem Reinardus de Tul, Petrus de Stadeneis, qui Mamistræ a Baldewino, fratre ducis, sequestrati, ad exercitum et ducem redierant; Cuno etiam de Monte acuto, Henricus de Ascha, fraterque ejus Godefridus, milites semper hostibus infestissimi, ad prohibendum Turcis introitum et egressum pariter conseruerunt. His ferventior et major incumbere labor.

CAP. XL. — *De ponte fluminis, ad cujus destructionem machinæ exquisitæ componuntur.*

Super hunc amnem prædictum, qui longissimo alveo usque in mare protenditur, præterlabens muros, ab ipsa urbe pons porrigitur lapideus, opus antiquum, sed minime turratum, qui prorsus terminata legione, hac ex parte inobsessus remansit. Per hunc siquidem pontem sæpius Turci egrediebantur, et necessaria, vidente exercitu, cum suis erumpentes et remeantes inferebant, et populum Jesu Christi per regiones et montana dispersum ad quærendum victum vel pabula equorum, eodem ponte emiesque frequenter, illius dispersione comperta, trucidabant. Similiter ab ipsa porta Warfaru, quam præsul Reymerus Reymundusque observabant, pons alius etiam infestus, ingenio antiquorum fundatus, porrigitur trans paludem quamdam, satis lutulentam et profundissimam ex impetu et inundatione assidui fontis, juxta urbem extra muros emanantis. Per hunc pontem interdum exercitui insidiarum obliato, aut in die aut in noctis obscuro egredientes Turci sagittas intorquebant, aut in impetu aliquos gladio percutiebant, subitoque recursu per eundem pontem in urbis præsidium evadebant. Cujus pontis infestationem episcopus et omnis primatus conquerentes, inito consilio, ad ejus destructionem conspiraverunt, ac die statuto cum instrumento malleorum ferreorum, cum lignonibus et securibus a castris exierunt. Sed nequaquam vis eorum in hujus pontis destructione prævaluit. Erat enim opus insolubite antiquorum cæmentis et ingenii fundatum. Hinc frustrato in conamine malleorum exercitu, machinam, ex strue lignorum et vimineo opere intextam, componere principes decreverunt: cujus ligaturas ferro fabricatas et connexas, coriis equinis, taurinis, camelinis operuerunt, ne igne cum pice et sulphure injecto, a Turcis combureretur. Hanc vero perfectam usque ad medium pontem ad portam Warfaru viloricorum deducentes, Reymundum comitem, custodem et magistrum machinæ constituerunt.

A CAP. XLI. — *Congressio valida pontis, ubi machina Christianorum in favillam redigitur, et instaurantur alia instrumenta.*

Turci, hac visa structura, ad mœnia contendentes, sagittis et manganarum jactu in ponte luctantes feriunt Gallos, quatenus percussos a ponte et machina arcere valerent. Similiter ex adverso Christiani in sagittis et balæari arcu resistentes, fortiter hostes in mœnibus impugnant, quousque filium cujusdam ammiraldi sagitta trans jecur perfodiunt. Illius vero interitu et fidelium repugnatione Turci indignati, ampliore ira fervescunt; et tandem in unum collecto robore suorum, repente portam aperientes, egressi viriliter machinam assiliunt, custodibus subito instant et expugnant; ignem piceasque faces et sulphureum fomentum fortiter machinæ ingerunt, totam eam in favillam redigentes. Custodes autem machinæ periculum vitæ suæ metuentes, licet iaviti, exire coguntur in fugam præcipites, vix defensi et clapsi. Peregrinorum itaque milites et principes hac arte nihil se proficere videntes, sequenti die instrumenta trium manganarum (Franci harbicales vocant) opponunt ponti, quæ portam Warfaru et turrim portæ ejusque mœnia crebro jactu et impetu saxorum quaterent et attererent murosque exteriores, qui erant ante murale, in plurima frusta minuerent. Sed nec sic in contritione portæ valuerunt. Cum vero nihil proficerent, quadam die ex communi consilio robora arborea ingentia vixque mobilia, et saxa mobilia miri ponderis ac magnitudinis, in virtute et conatu mille loricatorum trans pontem portæ advolverunt, impedimento Turcis exire et nocere volentibus.

CAP. XLII. — *De navali ponte fidelium ad evitandas Turcorum insidias.*

Ex his ambobus pontibus cum plurima damna et incursiones exercitui Christianorum ingruerent, sed nunc porta et ponte Warfaru robore lignorum et saxis immanissimis occupato et obstructo, frequentius ex eo ponte, quem in altera parte civitatis trans fluvium Farfar locatum diximus, de quo Turcorum egressus erat, et qui præ urbis amplitudine inobsessus remanserat, insidiæ fierent ad perdendos fideles, pontem ex navibus componi constituerunt in funium retinaculis, per quem ad portum Simeonis eremitæ liberum iter haberent: nam antea lento navigio ex utraque ripa expectantes singulatim et tarde transibant. Nunc vero hac de causa pons iste navalis constructus est, ut egressis Turois per pontem lapideum Farfar in insidias Christianorum, per hunc ligneum pontem Galli festinanter occurrentes, suis subvenirent a portu maris escas afferentibus, et Turcos sine mora repellerent. A ponte lapideo prædicti fluminis usque ad pontem navium funibus vimineis cratibus aptatum, dimidium miliare computatur.

CAP. XLIII. — *Qualiter Turci Christianos, ad equorum pabula missos, clam invaserint.*

Ponte autem ex navium collectione et conjun-

ctione perfecto, Christiani tam milites quam pedites A quadam die trecenti transmeant fluvium Farfar ad quærenda pabula equorum et victui necessaria. Quod Turci agnoscentes, et a mœnibus speculantes, per pontem urbis lapideum raptim sociis collectis, armis et pharetris sumptis, in equo pariter exeuntes, ex improviso adsunt Christianis in tergo ad pabula missis, quorum plurima corpora, amputatis capitibus, humi prostrata reliquerunt; cæteros vero, quibus fugiendi facultas erat, usque ad novum pontem insequuntur: felices, qui tam crudeles hostes evadere potuerunt. Alii ad vada contententes, undis involuti suffocantur a facie Turcorum fugientes, quibus pons novus præ multitudine transeuntium negabatur.

CAP. XLIV. — *Fideles, in ultionem suorum consurgentes, post mutuam cædem partim gladiis consumpti, partim in flumine submersi sunt.*

Hoc tam grave infortunium ad proceres exercitus ut est perlatum, ad quinque fere millia armati, complures lorica induti, et equis insidentes e tentoriis advolant ad reprimentos hostes temerarios. Henricus filius Fredelonis de Ascha castello, avidus hostes insequi, sicut erat bello et actis nominatissimus, trans fluvium equo natavit, licet e lorica et galea clypeoque gravatus: nam transitum navalis pontis præ longa mora expectare nequiverat; caput vero hujus temere vada intrantis cum equo, fluctus profundissimi operuerunt. Attamen, Deo protegente, cujus gratia vitam opponebat periculo, vivens et sospes in equo adhuc residens, cum cæteris transnatantibus siccum littus recepit, et in persecutione Turcorum nimium perdurans, usque ad ipsum pontem socios equites et pedites imperterritus insequi adhortatur. Turci itaque alii retenti, alii vix elapsi, socios qui erant ad pontem Farfar et in porta conglobati, ad auxilium sibi magno fragore vociferantes, exierunt, equosque ad frena in exitu et fremitu subvenientium rejicientes, Gallos haecenus se infestantes in fugam gravissimam retulerunt usque ad ipsum pontem, quem ex navibus composuerunt. Hac remordatione et inundatione Turcorum gravissima, et celeri fuga et reversione Christianorum ad pontem, plurimi pedites interierunt, a Turcis sagitta confixi. Plures post terga mortem momentaneam videntes, sola aqua liberari sperantes, undis profundi fluminis inferuntur: quorum non modica pars ab amne submersa et suffocata periclitari et mori visa est. Alii vero e ponte præ pressura fugientium cum ipsis equis et galeis ac loricis corruiebant, qui submersi undis et exstincti, non ultra reperti sunt.

CAP. XLV. — *Custodia portæ pacto pecuniæ Tankrado mandatur.*

Sic Turcis sæpe a ponte hoc et a porta per quam postea urbs est tradita, quæ sursum in montanis sita exitum præbebat, ad nocendum populis egredientibus, principes exercitus consilium iniierunt, quatenus Tankradus illic locato præsidio

custodiam ageret, et ab utraque porta Turcos egredi audentes repente reprimeret; hacque pro custodia per singulos menses in conventionem quadraginta marcas argenti ab exercitu reciperet. Qui dum die quadam in præsidio in montanis locato, juxta aras Turcorum custodiam ageret trans fluvium Farfar, eo scilicet in loco, quo longe ab urbe fere semi milliare profluit, Turcos, sicuti erant soliti, vada transeuntes fortiter incurrit, atque cum eis prælio commisso, tandem prævalens, quatuor ex Turcis gladio occidit, cæteros trans flumen in fugam convertit usque ad locum, quo armenta illorum herbis pascebantur. His ultra flumen fugatis, prædam de armentis cum camelo uno abduxit, et ad præsidium novum, quod firmaverat, in victoria hac reversus est.

CAP. XLVI. — *De clerico et matrona, qui dum aleis luderent, insidiosè perempti sunt.*

His duabus portis, una versus montana, altera ad pontem lapideum Tankradi custodia observatis, et Christiano exercitu sedato, atque a rebus hellicis aliquantulum securo, aliquibus sociis interdum aleis præ otio intendentibus, contigit quodam die filium comitis Conradi de Lutzelemburg, Adelberonem nomine, clericum et archidiaconum Metensis Ecclesiæ, juvenem nobilissimum de regio sanguine, et proximum Henrici III Romanorum Augusti, alearum ludo pariter recreari et occupari cum matrona quadam, quæ magnæ erat ingenuitatis ac formositatis, in viridario pomiferis arboribus et herbarum abundantia plenissimo, et silva quæ juxta sedem et eandem portam urbis habebatur, quam dux Godofridus et Teutonicorum comitatus obsidione premebat. His, ut dictum est, otio et ludo intentis, Turci solliciti insidiarum et necis Christianorum, clam e porta procedunt; et caute se abscondentes inter altam et supereminentem herbam arborumque densitatem, archidiaconum et sibi colludentem matronam, subito clamore nescios et obstupefactos incurrunt, sagittis infligentes, sociosque, qui judices ad ludum convenerant, jam præ timore oblitos alearum, dispergunt et vulnerant. Et ipsius quidem archidiaconi caput amputatum per portam, raptim et in momento hoc facto, repedantes secum detulerunt: matronam vero vivam et intactam armis rapientes traxerunt in urbem, per totam noctem immoderatè libidinis suæ incesto concubitu eam vexantes, nihilque humanitatis in eam exhibentes. Tandem tam abominabili et sceleratissima plurimorum commitione abusam ad mœnia deducentes, capitali sententia peremerunt; caput vero illius continuo mangenellis suis imponentes, una cum capite archidiaconi procul a muris in medios projecerunt campos. Amborum itaque capita inventa duci Godofrido allata sunt et monstrata, qui archidiaconi recognito capite sepulcrum corporis illius jam inhumati jussit aperiri, et caput proprio loco restitui, ne tam nobilissimi viri membra remanerent insepulta.



CAP. XLVII. — *De milite propria incuria prostrato, et de pomario, quod fidelibus nocuum succiditur.*

Dehinc alio die Turci successu suæ fraudis gaudentes, et similem deceptionem adhuc Christianis se inferre arbitantes, a porta egressi, et interscirporum densitatem fragilesque calamos palustris loci clanculum accedentes, peregrinis quibusdam in prædicto pomario insurrexerunt solita feritate et vociferatione; sed a militibus subvenientibus retrusi et in fugam coacti sunt. Nullus quidem ab his percussus tunc aut vulneratus est præter Arnolphum de Tyrs castello, qui eques semper bello fervidus fuit et providus; licet nunc inoautus sine tegmine scuti et indumento ferri ad clamorem peregrinorum subito in pomarium contenderit. Ubi a cæco et volatili telo sagittæ cujusdam Turci lethali vulnere transfixus, mortuus est. Dux ergo sui que contubernales moleste ferentes a pomario hoc Turcos insidias Christianis moliri, et tam egregios viros illic in dolo cecidisse, decreverunt ut in ferramentis et securibus Christiani de exercitu convenientes, hoc radicitus extirparent, herbas, scirpos et calamos meterent, ne qua fraudulenta manus, illic ultra latere aut nocere posset. Turci enim dolositates suas hac in porta, et ab hac porta populum Dei viventis præcavere videntes, rursus per portam Farfar exeuntes, invigilabant perditioni peregrinorum per pontem navium transmeantium, lignorum sarmenta comportantium, herbas et pabula equorum quærentium; et quotquot a specula montis hac et illac pro necessariis rebus vagari conspiciant, illico insequentes gladiis et sagittis interemerunt.

CAP. XLVIII. — *De Hugone comite, qui fidelium neces dolens, Turcorum fraudibus prudenter occurrit.*

Cum vero hæc cædes, insidiæ, incursiones, mane, meridie, vespere, singulis diebus fierent, et quotidiana lamenta super occisis audirentur in castris, nec Tankradus toties hostibus occurrere valeret præ diversis opinionibus hostilis fraudis et eo, ignorante sæpe ab urbe per pontem erumperent, Hugo comes de S. Paulo ex regno Franciæ, motus est pietate super hac quotidiana strage fidelium, sibi cæterisque potentibus famulantium, et res necessarias afferentium. Unde filium suum Engelradum, tironem armis apilem, paterna suggestione admonuit ut et cæteros sibi familiares, quatenus in una voluntate secum accensi, pauperes suos atque confratres Christianos a tot Turcorum cædibus et assultibus liberare et ulcisci velint, et abstertere toties insequentes hostes. His factis, et voluntariis inventis, ipse grandævus pater primus arma et equum requirens, ascendit, pontemque navium in noctis umbra transiens, juxta montana in latibulo vallis cum dilectissimo filio et secum assumptis sociis occultatus, summo mane peditem Christianum reliquit in campestri planite, ubi Turcorum oculis manifeste pateret. Turci itaque non immemores suæ crudelitatis et cædis Christianæ, ab urbe per

A pontem fluvii Farfar rursus procedentes, in montis vertice, sicuti soliti erant, consistunt, de quo a montanis ad montana per camporum planitiem longe spectacula ferme ad duo milliaria dantur. Illic solum peregrinum vagentem, et sarmenta lentem, contemplantes, ad ejus interfectionem velocitate equorum convolant, et subito clamore exterritum usque ad montana et fruteta profugum insectantes, insidias latentium cominus Christianorum præterierunt. Peregrino vero jam in montibus abscondito, viam remensi sunt hi quatuor Turci juxta Christianorum insidias, fiducialiter redire sperantes. Sed exemplo comes et sui a valle exsurgentes, in eosdem irruerunt equorum velocitate, duos in memento attritos solo relinquentes, equis et armis eorum abductis; alios vero duos vitæ reserantes vinctos ad exercitum perduxerunt. Concurrunt undique peregrini, nobiles et ignobiles, ad videndos Turcos captivos, gloriam Deo dantes super hoc prospero eventu, laudesque multiplicant comiti Hugoni et filio ejus Engelrado, quorum prudentia et virili audacia tam noxii adversarii capti et attriti sunt.

CAP. XLIX. — *Ubi comitis ejus filius Turcorum sævissimum post nonnulla vitæ discrimina prosternit, victorque regreditur.*

Primores vero Turcorum, et omnis manus eorum, audita suorum contritione, doloribus acuunt iras; consilia ineunt, quibus in brevi rependant crudeliora damna Christianis in ultione suorum. Unde quidam audaciores, animoque ferociores, ex millibus suis electi ad laceesendos Christianos usque ad pontem navium, viginti præmissi sunt in equis vento velocitate similibus. Qui multis et propinquis discursibus in littore juxta pontem præludentes et sagittas intorquentes, totum post se commovere conati sunt exercitum, ut vires sociorum raptim ex urbe inundantes gravi martyrio aliquos, sicut soliti erant, conturbarent. Fideles autem Christi satis et sæpius experti fallacias illorum, compescuerunt ab insecutione temeraria populum. Sed ne eos tædio belli victos assererent, Engelradum filium prædicti Hugonis cum quibusdam sociis obviam Turcis præmiserunt, qui etiam suo more equos in discursionibus flectentes, dolosos hostes mutuo conflictu fallere tentarent. Nec mora, pontem transeuntes, equos vexant huc et illuc diversis inter se discursibus; et hi alterna infestatione hastas dirigunt ad feriendum, hi sagittas intorquent ad configendum. Postremo post plurimam cursum contentionem, honore et laus victoriæ Engelrado, Deo auxiliante, collata est. Nam Turcum cæteris insigniorem et sæviorem cursu exsuperans, in conspectu patris sui et omnium, qui convenerant ad perspicendum rei eventum, altero in littore constituti, equo dejiciens, hasta perfodit, cæterosque illius casu et infortunio concussos, et mox in fugam versos, cum Christianis sodalibus acriter insecutus est, sed non longe a ponte idque propter insidias sæpius ab urbe occurrentes et insequentibus resistentes. Salvo



abhinc filio recepto aliisque consociis, cor longævi patris in nimiam erigitur iætitiam, omniumque favore et plausu majorum et minorum, gloriosus juvenis attollitur una cum suis adiutoribus et convictoribus.

CAP. L. — *Deficientibus victui necessariis, principes in hoc electi de circumpositis terris prædas innumeras abducunt.*

Inter hæc assiduitatis ludibria, et creberrimas inoursiones, mora aliquanti temporis transacta, populus Dei rebus et escis attenuari cœpit, præ defectione urbium et regionum, quas in circuitu tantus exhausserat exercitus. Unde quotidie fame invalescente, et exercitu præ indigentia moriente, præcipue humili populo, miserabiles gemitus et dolores piissimum antistitem et universos principes legionis pulsant et sollicitant, quatenus super his miseriis consulant quomodo populus posset sustentari. Nulla tamen via reperta, qua populo subveniretur, visum est omnibus ut in terram Sarracenorum opulentissimam, adhuc præda intactam, Boemundum, Tankradum et Robertum Flandrensem cum comitatu equitum et peditum mitterent ad contrahendas prædas et necessaria, quibus fame extingui, et populus ab inopia posset relevari. Tankradus, jam tunc custodia peracta, a montanis ad exercitum reversus fuerat. Boemundus vero et Robertus idemque Tankradus, sicut decretum erat in principio neminem magnum aut parvum contradicere debet, quæcunque imperaret exercitus, quindecim millia peditum, duo equitum electorum, in armis assumentes, regno gentilium sub spatio dierum trium ingressi, prædarum et pecorum universique generis armentorum copias inauditas contraxerunt, quas sine impedimento bido abduxerunt. Sed die tertia vespere superveniente fatigati itinere, et onere rapinarum gravata omnis societas, in campestri planitie juxta montana quiescere decreverunt.

CAP. LI. — *Ubi a gentilibus præda excutitur.*

Interea fama et clamor omnium in circuitu regionum ad aures gentilium primatum festinans, a diversis partibus et montanis sedibus tot millia exegit ad persequendum Boemundum, Robertum et populum eorum, et prædas excutiendas, quod dictu et auditu mirabile est. Boemundo siquidem hæc ignorante, nihilque adversitatis ad futurum existimante, sed eecure cum Roberto somniantes, prima diei aurora prædicta inimicorum adfuerunt millia, a quibus se suosque sic obsessos viderunt, ac si silvam densissimam ex omni parte decrevisse mirarentur. His visis stupefacti et vitæ diffisi, subito in unum convocatis equitibus ad latus suum, bellum se committere, et tot milium viros non posse sustinere profitentur. Unde facta scutorum testudine, et densata militum fronte, aditum et fugam explorant, quo rarior et debilior coadunatio visa est. Mox districtis mucronibus et frenis impetu laxatis unanimiter irruentes, obstantes penetrant acies; ac solam fugam meditantem, celeriter ad montana contendunt, relictis desolatis peditibus cum omni collectione prædarum ac spolio-

rum. His per abrupta montium et devia ereptis, plurimis tamen ex eorum sequacibus retentis et attritis, gentilium acies miseros et profugos pedites involverunt, quos gladiis et sagittis consumere non pepercerunt: plures tamen captivantes, armisque exspoliantes, prædas et omnia sibi suisque ablata reducebant.

CAP. LII. — *De præda Roberti comitis, et, invalescente fame, minores quid egerint, vel quid passi sint.*

Hac miserrima contritione Boemundo disturbato, et ad exercitum et confratres in humilitate lacrymosi vultus relato, luxit populus vehementer, mulieres, juvenes, pueri, patres, matres, fratres et sorores, qui dilectissimos amicos, filios et cognatos amiserant. Robertus quidem Flandrensis, qui cum ipso Boemundo in terram Sarracenorum descenderat ad deprædandum, et tunc Boemundo cum copiis suis attrito et in fugam misso, ab eo divisus recesserat licet invitus, sequenti die ducentis equitibus readunatis, Turcis Sarracenisque dispersis et secure gradientibus ex adverso occurrit: cum quibus fortiter dimicans, victoriam gloriose, his in fugam conversis obtinuit, atque cum immensis copiis prædarum, quas illic Turci fugientes reliquerant, ad castra Antiochiæ est reversus, multo solamine relevans populum in hac Boemundi calamitate desperatum. Modico dehinc tempore transacto et paucis diebus præda Roberti consumpta, nec ultra audente aliquo longe ab exercitu prædam querere præ crudeli occisione Boemundi sociorum, amplior et validior fames in populo cœpit multiplicari, et inæstimabilis mortalitas humilis plebis fieri, et exercitus, attenuari. Nec mirum. Nam solus paniculus, qui antea denario Luculensis monetæ poterat mutuari, nunc duobus solidis vendebatur in fligentibus. Bos duabus marcis vendebatur, qui paulo ante decem solidis poterat comparari; agniculus quinque solidis appetiabatur. Sic itaque gravissima penuria cogente populum Dei vivi, plurimi vagabantur se subtrahentes in omnem regionem Antiochiæ ad quærendas escas, trecenti aut ducenti conspirati ad defensionem contra Turcorum insidias, et ad æquam divisionem omnium rerum, quas reperire aut rapere possent. Turci, audita et intellecta populi angustia famisque miseria, et Boemundi recenti contritione quammaxima et exercitus vagatione assidua, per vicinas horas exsiliunt a porta ex ea parte urbis quæ in obsessa prominebat in montanis, grandi differente intervallo a porta, quam Boemundus observabat, per declivia rupium descendentes, et fideles Christi circumquaque diffusos insequentes, et atroci cæde consumentes.

CAP. LIII. — *Mors atrocissima cujusdam archidiaconi et comitum ejus.*

Quadam die invalescente inedia, et urgente plures nobiles et ignobiles, quidam Tullensis Ecclesiæ archidiaconus, nomine, Ludowicus, defectione sui stipendii compulsus, et famis gladio expugnatus,

cum cæteris clericis et laicis numero trecentis, inopia coactus, ab exercitu secessit in loca ubertate alimentorum diffamata, sita in montanis Antiochiæ intervallo trium milliarium, ubi secure prædari et morari arbitrabantur. Turci autem comperto illorum abscessu per delatores, qui assidue inter populos fraternitate habitabant fœda, ad sexaginta milites armatos ab eadem prædicta parte urbis et porta clam per notas semitas montium egressi, persecuti sunt Christianos ad locum quo viam constituerant spe recuperandi alimenti. Quos ferociter inclamantes aggrediuntur, sagitta perforantes transcaput et latus et viscera, universos, ut lupi oves, laniantes et fuga dispergentes. Archidiaconum vero, nequidquam fugam ad montana conantem, quidam Turcus velocissimo equo insecutus sagitta celeri transfixit, eductoque ense ex utraque parte colli gravissimo vulnere illius secuit scapulas; et sic sanguinis rivo in terram defluente, spiritum vitæ emisit. Hanc crudelissimam famam primores exercitus ut compererunt, spiritu mœroris conturbati sunt, indignati tot cædes a Turcis per portam inobessam singulis diebus fieri, et nunc amplius dolentes necem tam nobilissimi archidiaconi, et creberrimos ululatus in perditione quorumque amicorum audiri.

CAP. LIV. — *De morte filii regis Danorum, et Florinæ cujusdam matronæ, et eorum qui in balneis occisi sunt.*

Inter hæc plurima adversa adhuc recentia, impius rumor aures totius sacræ legionis perculit qualiter post devictam et captam Nicæam filius regis Danorum, Sueno nomine, nobilissimus et forma pulcherrimus, per aliquot dies retardatus, et benigne ab imperatore Constantinopolis susceptus et commendatus, per mediam Romaniam securus iter agebat, audita Christianorum victoria: qui socios mille et quingentos viros belligeros secum in auxilium obsidionis Antiochiæ adducebat. Sed a Solymano, qui in montania victus, Gallos evaserat, intra Finiminis et Ferna, urbes Romanicæ, hospitatus, in media densissima silva vicorum et calamorum recubans, in grandine sagittarum occisus est, totusque comitatus illius eodem martyrio ab iniquis carnificibus consumptus est. Nec mirum, si universi Turcorum viribus oppressi interierunt. Nam quorundam iniquorum Christianorum, Græcorum scilicet, prodicione propalati sunt, et improvise a Solymani manu e montanis adunata, circumventi sunt. Atamen filius regis, Sueno, multa armorum defensione resistens, multos Turcorum gladio stravit, straverunt et sui. Sed ad ultimum, fessi et armis exuti, ineffabilem adversariorum multitudinem sufferre non valentes, pariter sagittis confixi, interierunt. Ibidem matrona quædam, Florina nomine, filia ducis Burgundiæ, Philippensium principi copulata, nunc vero miserabiliter viduata, in eodem comitatu Danorum erat sperans post triumphum fidelium tam magno tantoque sociari marito. Sed hanc spem Turcorum

abrupit ferocitas, Nam eandem in mulo sedentem sex confixerunt sagittis, versus montana fugientem. Quæ, licet percussa, non tamen a mulo elapsa est, semper mortem evadere credens dum, tandem cursu superata, cum filio regis capitali sententia extincta est. Turci ergo milites Solymani, gaudentes suo victrici eventu et cæde Christianorum immanissima, ad lacus calidorum fontium, qui ibidem juxta Finiminis fumabant, celeriter advolant. Qui mendicos et febricitantes peregrinos in his ad curandum debile corpus reperientes, sagittis infixerunt, totam undam sanguineam reddentes, aliosque sub unda caput ab ictu ferientes abscondentes, sævo sine demersionis suffocari cogebant.

CAP. LV. — *Porta Christianis mortifera: Reymundus comes profanos aliquantum a fidelium invasione coerces.*

His creberrimis Turcorum insidiis et assiduis a porta prædicta exitibus, suorumque miseris casibus primores exercitus conturbati, ac uentura ampliori, et portam præfatam, quæ ex difficultate montium et inæqualitate scopulorum obsideri non poterat, hoc obstaculo impediri consulunt: videlicet, ut munitionem quamdam in dorso cujusdam silicis stantis ad radicem montium locarent, obstaculum, inquam, firmissimum valle et congerie lapidum. Nam penuria illic erat lignorum. In hac ergo custodiam quisque primorum statuto tempore agebat Turcorumque exitum a porta per montana et vallium notas semitas specula silicis et munitione contemplabatur, et per planitiem regionis descendentes exemplo persecuti, a Christianorum cæde arcebant, Facta denique ipsa prædicta munitione a comite Reymundo in ordine vicis suæ custodiam in ea faciente, quadam die collocatis in abscondito insidiis suorum militum. Turci equites ferme ducenti armati et loricati in prima aurora diei exsurgentes a solita porta egressi, et per devexa montium descendentes, repente assultu ad munitionem contendunt, custodes in ea impugnantes, et murorum congeriem destruere moluntur, quia egressionem eorum, et insidiis contraria erat. Illis tamen frustra circa novam munitionem laborantibus, insidiæ comitis Reymundi surrexerunt, in equis velocissimis ad auxilium sociorum qui erant in præsidio contententes et Turcos jam diem ultimum metuentes, et regredi sursum ad portam præparantes vehementi insecutione oppresserunt, solumque juvenem de nobili parentela procreatum retinuerunt; cæteri fuga elapsi sunt. Capto autem juvene, cæteris fugatis, milites comitis Reymundi in castra ad exercitum regressi sunt in lætitia et victoria. Turci quoque in tristitia ad suos remeantes aliquot diebus quieverunt, non timere ab illo die Christianos circumvagos insequi præsumentes.

CAP. LVI. — *Pro redemptione cujusdam captivi juvenis, parentes ejus volentes turrim suam Christianis tradere, expulsi sunt, et juvenis a Christianis occisus est.*

Crastina die Christiani principes hunc ortum ex

nobilibus Turcorum comperientes, et plurimo dolore infligere corda suorum eundem juvenem carnalibus cognatis suis in una arce turrium ad defensionem a rege Barsiano constitutis præsentaverunt: si forte pietate moti in redemptionem illius, arcem, cui præerant, redderent, et Christianos clanculum intromitterent. Illis vero omnino arcem negantibus, sed pecuniam nimiam pro redemptione et vita illius offerentibus, Christianis autem omnia contradicentibus præter urbem et arcem, quia sciebant eum ex altis parentibus corda cognatorum molescere cœperunt, et privata colloquia inter se et Christianos haberi: quousque res propalata ad aure Sensadoniæ, filii regis Darsiani, pervenit, quod in redemptione capti juvenis inter cognatos illius et Christianos concordia fieret, per quam urbs, nisi præcaverent, cito posset amitti. Darsianus itaque rex et filius ejus Sensadonias hæc præsentientes, habito cum suis primalibus consilio, universos cognatos capti juvenis fratresque illius, et universos familiares, ab illa turri, cui præerant, jussit expelli, ne per eandem turrim pro redemptione propinqui urbs Christianis intromissis traderetur. His expulsis, consiliis eorum patefactis, Christiani nullam spem ultra reddendæ turris habentes, eo quod nimium in palam omnia egerint, post langam fatigationem et diversos illi cruciatus illatos, feres sub unius mensis spatio vexatum in aspectu omnium Turcorum ante urbis tœnia trahentes misillum, vixque palpitantem præ tormentis, amputato collo peremerunt: et præcipue ex accusatione Græcorum fidelium occisus est, qui referebant hunc plus quam mille Christianorum propriis mortificasse manibus.

CAP. LVII. — *Decretum populi Dei, et denotatio duorum, qui in adulterio deprehensi sunt.*

His finitis, et Christianorum aliquantulum persecutione ex nova munitione et istius decollatione repressa, Christiani principes adversitates suorum Boemundique societatis attritæ recolentes, ac fanis pestilentiam clademque mortalitatis in populo recensentes, ex peccatorum multitudine hæc fieri asserebant. Qua de causa consilio habito cum episcopis et omni clero qui aderant, decreverunt omnem injustitiam et fœditatem de exercitu abscindi, videlicet: ut nullus in pondere aut mensura, nec in auri vel argenti ambitione, nec in alicujus rei mutatione aut negotio confratrem Christianum circumveniret; nullus furtum præsumeret; nullus fornicatione sive adulterio contaminaretur. Si quis vero hoc mandatum transgrederetur, deprehensus sævissima pœna affligeretur: et sic populus Dei ab iniquitate et immunditiis sanctificaretur. » Ille quidem decretum plurimi transredientes severe a iudicibus constitutis correpti sunt, alii vinculati, alii virgis cæsi, alii tonsi et cauteriati ad correctionem et emendationem totius legionis. Deprehensi ibidem in adulterio vir et femina, coram omni exercitu denudati, et post terga manibus revinctis, a percussoribus graviter virgis verberati, totum

A circuire exercitum coguntur, ut, sævissimis illorum ptagis visis, a tali et tam nefario scelere cæteri absterreantur.

CAP. LVIII. — *Dux Godefridus jam recuperata salute, et Reymundus comes, per regiones divisi, ad contrahendas prædarum copias destinantur.*

Hac justitia in populo Dei corroborata ex majorum sententia, quatenus ira Domini placaretur, dux Godefridus jam a vulneris sui infirmitate convaluit. Quem in terram Sarracenorum et Turcorum direxit exercoitus ad repetendas prædas et spolia, quæ Boemundus attritus et profugus deseruit, ut gaudium ex infortunio jejunæ et attritæ plebi reportaret: quod, Deo annuente, actum est; sed non multas prædarum contraxit copias. Nam Sarraceni et gentiles ab eo tempore, quo Boemundus terram eorum intravit prædasque abduxit, provisi, armenta sua cum universis rebus et pecuniis per montana et loca investigabilia absconderunt. Reymundus similiter cæteri principes ex decreto exercitus missi sunt. Sed paucas prædas contraxerunt, propter diffugium quod Sarraceni cum rebus, armentis et pecudibus per montana et longinquam regionem faciebant.

CAP. LIX. — *Legatio Babylonici regis ad populum Dei, et quomodo Winemarus Laodiceam et sirenus cepit, et stulte amiserit.*

Hujus autem longæ obsidionis aliquo transacto curriculo, et gravissimis pœnis afflicto populo in laboribus vigiliarum, famis et pestilentiæ, ac frequentia incursantium Turcorum, Ammirabilis Babylonici rex, quoniam inter se et Turcos gravi diu ante expeditionem hanc Christianorum erat discordia et odium, per abbatem quemdam Christianorum legatione et intentione cognita, de pacis et regni sui ad invicem confœderatione quindecim legatos, linguæ diversi generis peritos, ad exercitum Dei viventis direxit, hæc ferentes nuntia: « Rex Ammirabilis Babylonici gavisus adventu vestro, et prospere adhuc vos egisse, salutem principibus magnis et humilibus Christianorum. Turci, gens externa, mihi et regno meo infesti, sæpe terras nostras invasere, urbem Jerusalem, quæ nostræ ditionis est, retinentes. Sed nunc viribus nostris hanc ante adventum vestrum recuperavimus, Turcos ejecimus: fœdus et amicitiam vobiscum inimus, genti Christianorum urbem sanctam et turrim David montemque Sion restituemus; de fidei Christianæ professione discutiemus, qua discussa, si placuerit, hanc apprehendere parati sumus; si autem in lege et ritu gentilitatis perstiterimus, fœdus tamen, quod ad invicem habuerimus, minime rumpetur. Precamur et monemus ne ab hac civitate Antiochiæ recedatis, quousque in manu vestra restituatur, imperatori Græcorum et Christianis injuste ablata. » Winemarus, qui Mamistræ a Baldewino et Tankrado recesserat ad maritima, iterato navigio Laodiceam cum omni armatura navalis exercitus properavit. Quam vallatam navali obsidione et expugnatam in virtute suorum apprehendit, nil auxilii et respectus de omnibus quæ acquisierat, Christianis confratri-

bus, Antiochiæ considentibus, conferens aui imper-  
tiens. Laodiceam denique apprehensam dum secure  
obtineret, sui que commilitones et conspirati otio  
vacarent, ac bonis terræ et civitatis fruerentur, a  
Turcopolis et militibus regis Græcorum ex industria  
cæsi sunt et exsuperati, arx civitatis recuperata,  
ipse Winemarus captus et in custodia carceris con-  
stitutus est, duce Godefrido cæterisque principibus  
hæc Antiochiæ adhuc ignorantibus.

CAP. LX. — *Consilium obsessæ Antiochiæ catholicis  
proditur: episcopus Podiensis et dux Godefridus  
populum Dei verbis consolatoriis adhortantur.*

Interea Turci obsessi in Antiochia, opem quærere  
non tardantes et amicos admonere, a montanis et  
finitimis regionibus magnas et copiosas vires Tur-  
corum contraxerunt, quorum in brevi triginta millia  
congregata sunt in unum. Disposuerant enim in  
animo suo et consulto obsessi, ab ipsis exterioribus  
primo diluculo assultum fieri in populum sanctum  
Dei; deinde interiores urbis ad roborandum et au-  
gendum assultum ex impetu adfore; Christianos  
armis et sagittarum grandine fatigare, quousque  
cæsis collis consumerentur in ore gladii. Tam nefan-  
dorum consilliorum et sceleratæ conspirationis dela-  
tio pervenit in castra catholicorum virorum, Gode-  
fridi ducis et episcopi Podiensis, cæterorumque pri-  
matum quibus præ inopia annonæ et diuturna lassatione,  
diversaque clade, non amplius quam mille  
valentes equi habebantur. Nunc ad hanc curam et  
angustiam profertur sententia episcopi, quæ in hoc  
modo fuit: « Viri Christianissimi, et qui estis flos  
electus Galliæ, quid modo sit utilius in consilio,  
videre nescio, nisi ut spem in nomine Domini Jesu  
habentes, illis ex improvise occurratis. Gentiles  
quamvis usquequaque adunati in tot milibus, ut  
audistis, superveniant, nullis aggravati laboribus,  
nec longo itinere a terra sua egressi et fatigati, et  
jam usque Barich civitatem profecti, tamen non est  
difficile in manu Dei tot millia concludi, et a vestris  
paucis copiis consumi. » Ad hæc verba pontificis  
dux Godefridus, in officio belli semper indeficiens,  
in auditu et præsentia convocatæ legionis sic respon-  
dit: « Dei vivi et Domini Jesu Christi sumus cultores,  
cujus nomini militamus. Hi in virtute sua, nos  
vero in nomine Dei viventis adunati sumus. In cuius  
gratia confidentes impios et incredulos impetere non  
dubitemus; quia sive vivimus, sive morimur, Do-  
mini sumus. Sicut enim salutem et vitam diligi-  
mus, sic oportet, ne in palam verbum istud fiat, ne  
hostes solliciti et providi de adventu et impetu  
nostro, nimis exterreantur, et nobiscum præliari  
non expavescant. »

CAP. LXI. — *Electi milites hostilia castra invadere,  
multitudine gravi superveniente, non terrentur.*

Hæc duce monente et exhortante, septingenti  
equites viri præliatores eliguntur, quos tamen res  
porsus latebat præter aliquos primores exercitus:  
defecerant enim plerisque equi, præ diversis plagis  
ad prædiximus et paucissimi velentes fuere equi:

A unde alii jumentis, alii mulis et asinis, prout ne-  
cessitas exhibebat, insidentes, intempestæ noctis  
silentio iter moverunt, per pontem navium trans-  
euntes, Turcis his ignorantibus, qui in præsidio An-  
tiochiæ fuerunt ad defensionem. Boemundus, Tan-  
kradus, Robertus Flandrensis, Robertus de North-  
mannia, una cum duce Godefrido in loco decreto  
pariter convenerunt. Rotgerus de Barnavilla pariter  
convocatus adfuit, qui insidiis Turcorum assiduus  
et strages sæpius exercens, apud eosdem Turcos no-  
tissimus et famosissimus laudem eam obtinuit, ut  
sæpius inter Christianos et ipsos de omni conven-  
tione utrinque captivorum et cujusque rei internun-  
tius audiretur. Ipse pariter antistes, socius in omni  
admonitione sancta, equebatur ad confortandos  
viros Dei. His vero per noctem jam superata via, et  
ad castra Turcorum properantibus, Boemundus  
quidam de genere Turcorum qui, veritate cognita,  
quæ Christus est, baptismi gratiam percepit, et a  
Boemundo principe recenter de sacro fonte levatus  
nomine ejus est vocatus, et Walterus de Dromme-  
dart præmittuntur cautissime gradientes, quousque  
primo diluculo gentem innumerabilem, ad auxilium  
Antiochenorum venientem, inspectant a silva et  
frutetis undique properare. Hi autem, ut hostes a  
longe speculantur, reditu parant, ad septingentos  
socios laxis frenis revolant, rem ut erat aperientes,  
sed omnem terrorem bono solamine adimentes.

CAP. LXII. — *Pontificis sermone peregrini roborati,  
septingentos hostium palam triumphant, sectisque  
cervicibus dehonestant.*

C Antistes vero egregius, auditis verbis Walteri et  
Boemundi, admonet socios metu et anxietate ali-  
quantulum hæsitantes, ne dubitarent mori pro ejus  
amore, cujus vestigia cum signo sanctæ crucis sunt  
secuti, et cujus gratia patriam, cognationem et om-  
nia reliquerunt, certi quia cum Domino Deo Ze-  
baoth, quem hodie hic mori contigerit, cælos possi-  
debit. In hac beata admonitione roborati, decreve-  
runt unanimiter malle mori quam inimicis viliter  
terga dare. Ad hæc comes Reymundus hilari animo  
vibrata hasta, clypeoque pectori obducto, et Gode-  
fridus dux non minus æstuans desiderio conserendi  
prælia, cæteri que septingenti viri bellicosi, ex im-  
provise per medios advolantes infringunt, et eorum  
multitudinem copiosam disturbantes, palmam Deo  
donante victores accipiunt, Turcis attritis et in fu-  
gam conversis. Dei etiam auxilio et misericordia  
nervi arcuum eorum, præ pluvia molliti ac defecti,  
nil poterant: quod illis fuit magno impedimento, et  
fidelibus in triumpho augmento. Victores ergo Chri-  
stiani facti, videntes se prævaluisse et paucos suo-  
rum cecidisse, ab equis descendentes, capita occi-  
sorum amputant, sellis alligant, sociis nonnullis in  
castris Antiochiæ rei eventum expectantibus, in  
magna lætitia afferunt cum mille equis valentibus  
et spoliis multis, quæ devictis hostibus acceperunt.  
Adfuerunt in eodem prælio nuntii regis Babylonis,  
qui etiam: capita Turcorum amputata in sellis ad

exercitum detulerunt. Contigit autem hæc victoria Christianis in manu paucorum præcedente die capitis jejunii. Ipsis etiam fidelibus in magna gloria repedantibus ad populum suum, et tentoria in pratis Antiochiæ relicta, Turci, qui obsessi auxilium attritæ multitudinis operiebantur, in mœnibus suis stantes, contemplabantur a longe victrices aquilas fidelium. Quas suæ expectatæ gentis æstimantes, subito fragore clamantium et cornicinum strepitu, ad arma convolant; e portis fortiter exundant, putantes ab intus et deforis in momento omnem illam sacram consumere legionem. Sed cominus appropinquantibus Christianis, et visis capitibus Turcorum, exuviis quoque et caballis eorum recognitis, fragorem et tubarum sonitum compresserunt; gaudere cessaverunt, et in inunctionem celeri fuga relati sunt. Christiani vero ad augendum Turcis dolorem, capita Turcorum trans mœnia et muros jactaverunt, cætera ferme ducenta hastis et palis infixæ in conspectu omnium astantium ad mœnia contulerunt.

CAP. LXIII. — *Boemundus et comites ejus dum pontem hostibus incommensabilem facere nituntur, partim cæsi partim læsi sunt, et hoc duci Godofrido flebiliter nuntiat.*

Crastina autem die illucescente, principes fidelium consiliis invigilant læti de recenti victoria quatenus præsidium cujusdam machinæ locarent juxta præfatum pontem civitatis, qui porrigitur trans fluvium Farfar: ut sic auferrent, locata machina, introitum et exitum ab urbe commensantibus, et escas inferentibus, et insidias per eundem pontem Christianis molientibus. Tandem reperto consilio, Boemundum, principem Siciliæ, et Everhardum de Poissat, Reymundum comitem de Provincia, Wernerum de Greis ad portum maris, qui dicitur Simeonis eremitæ, propter emendos cibos cum plurimis peditibus dirigunt, et ut vocarent socios ad opem construendi præsidii, qui in ipso littore maris propter naves quæ escas adducebant morabantur. Reduxerunt etiam in eodem comitatu legatos regis Babylonis, quos magnificis muneribus honoratos in bona fide salvos navigio remiserunt. Tam egregiorum virorum consilio et discessu per delatores comperto et manifestato, Turci gravisi sunt gaudio magno. Qui assumptis quatuor millibus electorum militum, per pontem prædictum ab urbe egressi, viros prædictos, ductores exercitus, per notas sibi semitas insecuti sunt, hoc magno exercitu ignorante, in montanis insidias ponentes inter vepres et fruteta, quosque miesi principes a portu maris repedarent. Repedantibus autem sociis tam in equis quam in pedibus, ex admonitione Boemundi, cæterorumque primorum jam quatuor millia confluerant. Turci improvisos et cibariis onustos, raptim ab insidiis exsurgentes, incurrunt sagittis trans pectus et viscera confodientes, alios gladio trucidantes. Et quia a dextris illis erat victoria, manus suas a fidelium martyrio non ante continuerunt quam per silvas et campos, quin-

gentos amputatis capitibus extinxerunt. Vulneratorum quidem et captivorum non erat numerus. Boemundus igitur, qui retro agebat custodiam cum cæteris viris magnificis, intellecta hac cæde crudelissima, vidensque suos semineces per abrupta montium per opaca loca latere, celeri fuga hac illacque tendere: et perspicuens se fugitivis ac victis nequam prodesse, sed sibi in promptu esse mori, reductis frenis cum sociis equo insidentibus, se subtraxit, et ad maritima, via relecta, tendens cum paucis repedabat. Nec mora, quidam, qui vix velocitate equi per deveza collium elapsus ab armis declinaverat, Godofridum ducem, qui ab exercitu trans pontem navium veniens, mediis assistens campis ex pontificis monitu Turcos et armenta eorum in urbem redire coegerat, gravi inquietavit fama, asserens, quomodo Boemundus cæterique comprimores in mortis articulo positi intra inimicorum insidias arctarentur, et quanta crudelitate populus a porta repedans sit attritus.

CAP. LXIV. — *Fidelibus in ultionem suorum concursantibus, anceps ulrinque pugna diutius agitur.*

Dux vero his auditis, nuntios per universa misit tentoria nuntiare famam tam crudelem, et ut parati essent ad omnia nunc sibi adversantia. Conturbati et exterriti universi fideles, omnibus e tentoriis sine dilatione confluunt, humerisque squamosas vestes ferri ingerunt, hastis vexilla præfigunt, festinanter equos frenis et sellis reparant, ordinant acies; aditum pontis et urbis celeri via disponunt appetere, quo inimicos ad præsidium in urbis redituros sperabant. His sine ulla tardatione pontem navium transeuntibus, et duce Godofrido mediis campis trans amnem reperto, et tristi vultu de sociorum nece mutato, adest alter nuntius, qui ex legione Boemundi, Reymundi, Weneri cæterorumque per montana fugam facientium, ducem in campo aliosque primores secum consistentes commonuit, quatenus in tentoria redirent propter insidias Turcorum et assultus, quorum vires et multitudinem intolerabiliorem arbitrabantur quam fuisset. Dux vero imperterritus et vindictam attritorum fidelium sitiens, prorsus hinc abire, aut aliqua formidine locum hunc deserere, contradixit, sed cum juramento asseruit se aut hodie montem quo firmatum erat præsidium conscendere, aut in eodem cum suis vitam amittere. Hac in ducis responsione et affirmatione, et cunctorum ordinatione, adsunt præfati principes incolunes Boemundus, Reymundus, Wernerus, de quorum adventu et vita universi lætati et confortati, contendunt ad locum montis prædicti ante pontem urbis, decemque equites ex multitudine electos præmisere in illius montis cacumine ad videndum si quæ insidiæ Turcorum altera in valle montis juxta montana haberentur. Vix decem in equo præmissi milites in montis arduo constiterunt, et ecce totam manum Turcorum illorum scilicet qui a recenti cæde Christianorum in circuitu per montana et notas semitas clam redierant, contemplantur. De quibus adversus se viginti equites

præcurrere intuentur, qui decem a montis cacumine arcerent, Christianis vero decem cedentibus propter nimium vicinas Turcorum insidias, et his viginti montis cacumen obtinentibus, subvenere triginta Christiani confratres, qui illos viginti fortiter incurstantes de montis apice usque ad ipsas Turcorum insidias in fugam reddiderunt. His viginti fugam ad societatem maturantibus, sexaginta Turci equites ab insidiis erumpunt, viri fortissimi et in equis doctissimi, qui mox triginta Christianos equites in arcu et sagitta amovescentes, in eodem permanserunt. Visa siquidem illorum audacia et incursum, sexaginta pariter equites Christiani, sexaginta occurrere Turcis in monte, interim toto exercitu Christianorum appropiaute, qui eos repente de monte fugatos, in valle, quo Turcorum manus et virtus juxta montana adunata erat, celeri fuga remiserunt. Ad hæc tota vis Turcorum ab insidiis surgit, et sexaginta equites Gallorum jam pravium montis tenentes, gravissima cœperunt insecutione urgere, ac per medium montis cacumen usque ad ipsam vallem, quam approprians Christianus exercitus occupavit, retulerunt.

CAP. LXV.— *Ubi dux loriceum Turcum uno ictu medium dividit; et post cruentam pugnam fideles victoria comitatur.*

Turci quidem videntes se nimium processisse, et Christianum exercitum immobilem permanere, nec aliqua formidine posse averti a proposito, sed adversum se festinato contendere, frustra fugam arripiunt Galli nihilominus ad persequendum instant; qui in momento permisti, quia cœminis ad invicem confluerant, cruenta cœde in Turcos sæviunt in ultionem suorum attritorum, et a portu Simeonis redeuntium. Hac in fuga Turcorum et proximatione Christianorum, non parce eos cædentium, plurimæ copię, quæ a mœnibus undique ad portam confluerant, Turcorum cæterorumque reditum operientes, sed non videntes fortunam illorum eversam et casus eorum miserimos, patefaciunt januam, et in patulis campis armati procedunt, ut suis auferant vires et fiduciam darent urbem intrandi. Jam ex utraque parte fidelium et infidelium permisti erant equites et pedites. Dux vero Godefridus, cujus manus bello doctissima erat, plurima capita, licet galea tecta, ibidem amputasse, refertur ore illorum qui præsentibus oculis perspexerunt. Dum sic plurimo belli labore desudaret, mediisque in hostibus plurimam stragem exerceret, Turcum, mirabile dictu! sibi arcu importunum acutissimo ense duas divisit in partes lorica indutum: cujus corporis medietas a pectore sursum sabulo cecidit, altera adhuc cruribus equum complexa, in medium pontem ante urbem mœnia refertur, ubi lapsa remansit. Hoc prospero eventu lætati, Robertus Flandrensis, Robertus comes Northman-

norum, Cuno de Monteacuto, comes Reymundus et omnis nobilitas Gallię quæ aderat, hostes impetu equorum perrumpunt, multos hasta et gladio perforant, in pontem moribundos cogunt tendere. Ubi præ nimia pressura, quam pons sustinere nejuverat (quia tot fugientibus sua latitudo non sufficiebat), plurimi e ponte cadentes undis Fernæ involvuntur Boemundus, qui per juga rupinum, solis ibicibus pervia elapsus cum cæteris comparibus ad societatem gratia Dei salvus redierat, in eodem sanguinis opere atrociter desudans, socios commonet et consolatur; a ponte vero labentes hostes hasta perforatos gladio trucidat. Pedites denique jucundati hoc triumpho, corruentes et densatos in pontis margine et alvei crepidine lanceis impetunt, ab occisione non ante manum continentes, donec sanguine occisorum totus immutaretur fluvius. His itaque prospere finitis Christianisque readunatis, et Turcos adhuc insequentibus in ponte, et portam cum eisdem intrare conantibus, porta ab interioribus extemplo obstruitur, soclosque misere exclusos inter percussorum manus relinquunt. Hæc certamina, et Christianorum recens victoria una die acta sunt mense Martio: et viri Turcorum, tam qui in bello ceciderunt quam qui in undis perierunt, mille et quingenti computati sunt.

CAP. LXVI.— *Quidam obsessorum Antiochiæ ad Christianos clanculo confugerunt, et præsidium juxta pontem exstructum custodiæ Reymundi delegatum est.*

Victis in nomine Domini Jesu Christi tam ferocissimis Turcorum cuneis, et crudeli cæde fugaque in portam urbis coactis, atque Christianis cum magna victoriæ gloria in tentoria relatis, ab ipsa die et deinceps gentilium animi cœperunt mollescere, et assultus eorum ante creberrimi prorsus desicere, insidiæ quiescere, virtus eorum languescere; timor quamplurimos eorum adeo invadere, ut aliqui a civitate et suorum societate subtracti in noctu migrarent, et Christianos se velle fieri confitentibus Christianorum se principibus commendarent. Commendati vero et Christianorum turbis sociati, retulerunt quanta suorum pertalissent damna, et quanta de casu illorum per totam urbem exercuissent lamenta. Admirandos etiam duodecim potentissimos regis Darsiani vespere illo in eodem prælio cecidisse asseriebant, de quorum nece planctus et gemitus totam conturbabat Antiochiam. Quarta dehinc orta die, dux et universi principes exercitus Dei a tentoriis egressi in virtute magna, præsidium quod decreverant, in vertice prædicti montis ante pontem et portam urbis congerie lapidum et bitumine fragilis luti ædificantes, tutissimo vallo munierunt, comitis Reymundi custodiam in ea constituentes cum quingentis viris militaris audaciæ et industriæ.

## LIBER QUARTUS.

**CAPUT PRIMUM.**— *Audiens princeps Antiochiæ Christianorum victoriam, quid facto opus sit a suis fidelibus sciscitatur.*

Tandem a dure Godefrido, populoque fidelium, triumphatis et obtutis in gurgitis flumine adversariis Christianæ plebis, et præsidio firmato nemine obistente quidam nuntius ex Turcis festinus ad turrin et palatium Darsiani, regnatoris Antiochiæ, quod est in montanis transvolat, quanta sint damna suorum indicans, et nisi diligenter et sollicitè provideat, Antiochiam cæterasque finitimas oras illius in brevi eum amissurum. Rex Darsianus, homo grandævus, audiens præsidium firmatum suorumque ruinam irrecuperabilem, hactenus in omni conflictu et eventu divorsarum rerum securus, inque solio dormiens, nunc primum suspirio angustiatur, et filium suum Sansadoniam cunctosque sibi subditos primores ad suum invitat consilium.

**CAP. II.**— *Innotatio nuntiorum Darsiani, et qui sint quos ad auxilium invitat.*

Adorat in conspectu ejusdem sceptrigeri Solymanus, de Nicæa urbe expulsus et Romaniam finibus, quem præfatus Darsianus compellens, nuntium suæ legationis fieri obnixè petit, sciens eum virum facundum, et omnibus regnis gentilium notissimum, dicens ad eum: « Tu generis mei proximus cum duodecim legatis meis, et filio meo Sansadonia, Corrozan, in terram et regnum nativitatis nostræ profecturus es. Compatrix et Odorsonius, duo ex principibus meis fidelissimi, in hac legatione tecum erunt ad faciendam querimoniam injuriarum nostrarum. Vos vero transeuntes, Brodeam de civitate Alapia, confratrem et amicum, ad auxilium nostrum commonete. Pulait, cujus milites et arma sunt copiosa, ad opem nobis conferendam similiter ad monete, eo quod nobis sit semper fœdere conjunctus. Sceptrigero autem de Corrozan Soldano, qui caput et princeps est Turcorum, adversitates et calamitates nostras exponite; Corbahanque familiari ejusdem sceptrigeri suggerite ut mihi familiares opes exhibeat et copias. Vocetur ergo nobis scriptor et notarius meus, ut sigillum meum et litteras vobiscum deferatis, quatenus confidentius credant necessitates nostras. Plurimi enim dies transierunt, ex quo in initio obsidionis hujus urbis filius meus Buldagis, Corrozan vos præcessit, ut adventu Christianæ gentis confratribus et principibus nostris notum faceret, et adversus eam ut nobis subveniant universos commoneret. »

**CAP. III.**— *Allegatio causæ apud regem Corrozan.*

Hac regis audita voluntate et imperio, ipsiusque acceptis cum sigillo litteris, ex urbe et palatio regis Procedentes, in terram Corrozan profecti sunt. Ve-

nerunt siquidem in apparatu et sumptu nimio et in gloria magna ad civitatem magnam Samnarcham, quæ erat de regno Corrozan: in qua ipsum principem magnum et sceptrigerum Soldanum super omnes reges et principes orientalis plagæ, Corbahanque principem, et secundum a rege, in gloria magna repererunt. Quem Solymanus, quia ætate erat prior et industria nominatissimus ac facundia, salutavit. Salutato autem rege, antequam legationem aperiret, sicut mos est Turcorum, de infortunio et injuriis conquerentium, in conspectu ejusdem magni ac potentissimi regis et præsentia suorum, pileos a capite humi jacentes, barbas unguibus ævissimis discerpunt et in magnis lamentationibus suspiria trahunt. Rex Corrozan, hic Turcorum discissionibus visis, in superbia magna sic respondit: « Solymane, amice et frater noster, quid vobis contigerit expone, et vobis illatas injurias aperi: vivere nequaquam poterit a facie nostra, quicumque est ille, qui vos conturbare præsumperit. » Solymanus gavisus et confidens in responsis tam potentissimi regis et in virtute illius, amaritudinem, quam graviter in corde tenebat, et omnem rem ex ordine retulit, quodque viva voce non poterat, litterarum assertionem memorabat: « Nicæam, inquit, quam nosti nominatissimam, et terram, quam dicunt Romaniam, de regno Græcorum, quam auxilio tuisque viribus ex tuo dono et gratia nobis collatam acquisivimus, quædam gens superveniens, quam dicunt Christianos, de regno Franciæ, in manu forti et exercitu vehementi nobis abstulerunt, et captam cum uxore et duobus filiis imperatori Constantinopoli tradiderunt, me autem in fortitudine sua attritum et fugatum, ad urbem Antiochiam, in qua sperabam remanere, insecuti sunt: ubi non solum me meosque, sed etiam regem Darsianum de genere nostro virum nobilissimum, tibi subjectum et amicum, tuoque munere urbem et terras tenentem, armata manu obsederunt. Misit ergo nos a te idem princeps et tibi subjectus Darsianus, major et consanguineus noster, ut sibi auxiliari digneris in virtute multa, qua potes: nimium, enim, et supra quam credimus, necessitas exposcit. Populus et exercitus noster attritus est; terra et regio nostra dissipata est; nostra vita et omnia nostra nunc in manu tua: spem aliam sicut in te, non habemus. »

**CAP. IV.**— *Qualiter ipse rex accepit verba nuntiorum*

In risu et deliramento verba et querimonias hujus rex Corrozan accepit, leviter in aures misit; minime has calamitates ab ulla mundi plaga posse Turcis inferri se credere fatetur; virtutem Solymani hactenus nominatissimam, militiæque illius audaciam pro parvo reputans audiente suorum cælu.

Solymanus, sicut is, qui nuper expertus erat virtutem Christianorum, non levi animo sententiam regis accepit. Unde quia nequiverat omnia viva voce explicare, litteras cum sigillo Darsiani aperit, in quibus nomina regnorum et nomina principum universorum Christianorum Turcos expugnantium, intitulata erant, et quanti eorum sint exercitus et vires. Rex vero et omnis primatus gentilium, qui secum erant, agnitis litteris et rebus viribusque Gallorum, consternati sunt animo; et vultu in terram dimisso, non ultra super querimoniis Solymani frustra mirati sunt. Ad hæc sine intermissione in universas terras regni sui missa legatione, omnes primates et ammiraldos suos in unum jubet convenire, die determinata, quæ tunc aptior videbatur. Jam die adveniente, unanimiter ex decreto et jussu regis convenerunt, quibus rex verba et querimonias Solymani, et calumnias a Christianis illatas aperuit, dicens: « Universi, qui convenistis, pensate ut pensandum est; quia Christiani, qui supervenerunt, sicut fecerunt cæteris civitatibus et amicis et confratribus nostris, sic nobis facient, ni reprimantur. »

CAP. V. — *Insultatio Corbahan contra populum Dei in conspectu voculorum regis.*

Corbahan vero familiaris, et primus in aula regis et secundus a rege in regno Corrozan, vir contumax et plenus superba feritate, virtutes Christianorum parvipendens, in hæc verba spiritu superbie erupit: « Miror verba et querelam Solymani, Sansadoniæ et Buldagis, filiorum regis Darsiani, super infestatione Christianorum, quorum obsidione Solymanus terras et urbes suas amisit, de quibus non facilius possent defendi, quam si a tot miseris et brutis animalibus fuissent obsessi. Olim centum millia Christianorum stravi, amputatis capitibus, juxta Civitot, ubi montana terminantur, in auxilium Solymani accitus contra imperatorem Græcorum, dissipato illius exercitu et fugato ab obsidione urbis Nicææ. Post hæc Petri Eremitæ agmina innumerabilia satellites mei, in auxilium Solymani missi, attriverunt, quorum cadavere et ossibus campi regionis nunquam poterunt vacuari. »

CAP. VI. — *Expugnata Nicææ princeps virtutem prædicat Christiani exercitus.*

Solymanus, qui erat vir miræ et magnæ industriæ, audita illius superbia, et verborum jactantia, æquo animo hæc illi respondit: « O frater et amice noster Corbahan, quare sic nos parvipendis, et parum audentes astruis, nosque tuo auxilio vicisse, et imperatorem Constantinopolis et Petri Eremitæ inaudita millia attrivisse? Imperatoris exercitus, gens Græcorum mollis et effeminata, bellorumque exercitiis raro vexata, facile in virtute robustorum potuit superari, superata decollari. Petri similiter Eremitæ agmina, pusillam manum et mendicam, et iners vulgus feminarum, pedites omnes longa via fatigatos, quingentosque solummodo equites revera

comprobavi: quos levi incursum et cæde consumere nobis non multum erat difficile. Hos vero, quorum nomina et virtutes et bella et industrias litterarum notitia didicistis, et adversum quos difficile est bellum committere, scitote viros fortissimos, miro equorum volumine doctos, in prælio non morte, non aliquo genere armorum posse absterri. Horum ferireæ vestes, clypei auro et gemmis inserti, variisque coloribus depicti. Galeæ, in capitibus eorum splendentes super solis splendorem, coruscant. Hastæ fraxinæ, in manibus eorum ferro acutissimo præfixæ, sunt quasi grandes perticæ. Equi eorum cursu et bello doctissimi. Vexilla in hastis eorum nodis aureis et simbriis argenteis montes in circuitu nimio lucis decore coruscare faciunt. Audaciam eorum tantam scitote quod mille equites illorum, si ad pugnam processerint, non dubitent viginti millia nostrorum adire, sicut leones et apri mortiferis ictibus armorum fulminantes. Ego autem vires illorum pro minimo duxi, nec stare ad verum me eos aestimavi, congregata fortitudine meorum, sed sic virtutem illorum contere speravi ut paulo ante Petri Eremitæ exercitum delevi. Sperabam etiam eos ab urbe Nicæa me posse absterri in virtute meorum, uxorem meam filiosque meos, milites et principes meos, qui infra urbis mœnia erant, liberare; denuo cum his bellum commisi, sed frustra consumpto labore, vix per juga montium manus illorum evasi, non paucos meos occisos reliqui. Illi, meis attritis, et cædem suorum non æque ferentes, Nicæam redeunt, obsidionem iterant firmiter et tutius quam antea, quousque meos victos cum uxore et filiis meis in deditione tenentes, cum clavibus urbem imperatori Constantinopolis reddiderunt. Præterea oppida et castella Romanæ, quæ mœ ditionis erat, devicta et subjugata eidem imperatori restituentes, plurimas munitiones nostras invaserunt. Non amplius de omnibus terris et civitatibus et præsidis, quæ tenui, mihi relictum est, quam Foloraca arx, quæ est juxta mare et confinia regni Russiæ. Ad hæc hi Christiani milites, quos tu credis invalidos, Tursolt, Azaram et Mamistram, civitates Romanæ, cum plurimis præsiidiis expugnatas obtinent. Civitates vero Armeniæ et castella Dandronuch et Harimnu et Turbaysel et montana Constantini, Armeniæ principis, et Pancratii, terramque ducis Corrovassilii, ferro et viribus coacta sibi subdiderunt. Civitatem vero Rohas, mœnibus et murali ædificio munitissimam, fertilitate quidem famosissimam, obtinent. Sed et princeps quidam Baldewinus, caput et ductor hujus Christiani populi, filiam principis terræ uxorem duxit, et vice duos extincti a civibus promotus, terram totam et regionem sibi tributariam fecit, et sic usque ad Malatinam omnia loca et regna iidem Christiani invaserunt. Nunc Antiochiam, his a dextris et sinistris subjugatis, obsident. Gentes hæc miri laboris sunt et exercitii, non curant corpora ulla mora aut requie, sed inimicos sibi que contrarios de die in diem



requirunt, quos inventos et expugnatos mittunt in perditionem. »

CAP. VII. — *Corbahan in superbia magna minatur se in brevi Christianam fortitudinem experturum.*

Corbahan superbus, hac Solymani audita narratione, amplius in elationem et jactantiam os suum aperuit, dicens : « Si, inquit, vita sospes fuero, non sex mensium pertransibunt dies, et hos Christianos experiar, utrum sic fortes sint ut asseris, quos (in deo meo juro) sic delebo, ut omnis hoc eorum posteritas doleat. »

CAP. VIII. — *Rex Corrozan de belli eventu magos consulit, et Turcorum principes ex nomine vocantur.*

Rex autem Corrozan in verbis horum ad invicem contententium, Corbahan et Solymani, magos, ariolos, aruspices deorum suorum invitat, de victoria futura requirit. Qui omnia prospere succedere, Christianos triumphare, facili bello superare regem promiserunt. Hoc audito Corbahan responso divinorum suorum, in quo cor et consilium regis intendebat, multiplici legatione diffusa per universum regnum Corrozan, ex magnifica regis jussione omnes primores et nobilissimos invitat, qualenus in armis et sagittis vehiculisque cibariorum expeditionem maturarent. Fabros, qui in omni regione commorabantur, catenas et vincula fabricare constituit, in quibus vincti et captivati peregrini in barbaras terras abducerentur. Pulait, qui erat unus Turcorum potentissimus, qui juxta flumen Euphratem habitabat, Brodoam de Alapia civitate præclara, qui et ipse abundabat satellitio, in ultionem Turcorum et injuriarum quæ a Christianis illatæ erant Solymano Darsianoque regi Antiochiæ, amicis et cognatis Turcorum, unanimes regis Corrozan invitat legatio, rex explicat, et instantes denuntiat necessitates. Damascenorum quoque principem eadem fama et legatio pulsat et admonet, qui et ipse terram Syriæ magna ex parte subjugaverat, et potens erat ubertate glebæ et equitum robore. Amasam etiam de Niz regione, sita in latere Corrozan, qui nimium divulgabatur fama militiæ et audaciæ, regis pariter sollicitabat legatio, eo quod ipse in fronte aciei semper in quocunque periculo signifer haberetur. Ejusdem Amasæ hasta et sagitta omnium Turcorum sagittis incomparabilis erat, arcu omnes præibat in sagittando : ad omnem expeditionem non minus centum equis, cursu velocissimis, munitus erat, ut uno sagitta percusso, aut aliquo adverso casu pereunte, alii sufficerent in belli assiduitate, quo semper prævolans et infestus hostibus ferebatur. Boesas ex eadem secta Turcorum, et non dispar apparatu et armis, invitatur. Amasa alter de Curzh terra amplissima et ditissima, virisque sagittariis abundans, similiter ex regis mandato adesse commonetur. Badas de præsidio Amacha et Sororgia civitate, Balduo de Samusart, Turci dolosi, milites vero armis et bello famosi,

A Karageth de Karan, civitate mœnibus et muris firmis ad eandem expeditionis diem adesse commonentur. Hi in regno Corrozan ex regia admonitione, aut aliis in regnis quicunque dispersi præerant, ad hanc expeditionem sunt convocati, ab initio obsidionis Antiochiæ, et a die qua secunda legatio regis Darsiani per Solymonam facta est. Et in Corrozan rebus necessariis operam dabant, milites armabant, et in omni apparatu bellico sine intermissione intenti fervebant.

CAP. IX. — *De munificentia Baldewini in principes et de tentorio duci transmissio.*

Exercitus Christianorum et universi principes, qui in obsidione et labore erant circa Antiochiam, prorsus de hac re ignorabant expeditionem, sed de die in diem non solum escarum, sed equorum armorumque defectione arctabantur, et ante omnes curas gravis inopia universos reddebat sollicitos. Dum hæc longo tempore indigentia magis magis accresceret, et plurimi præ imminutione necessariorum rerum desperarent, Baldewinus, qui Edesam civitatem vel Rohas dux promotus subjugaverat, plurima talenta auri et argenti fratri suo, duci Godefrido, Roberto Flandrensi, Roberto Northmannorum comiti, Reymundo, cæterisque præpotentibus, per Gerardum, nimium sibi familiarem, misit, ad instaurandam defectionem, quam tales et tam nobiles principes comperit tolerare. Equos etiam cursu laudabiles et præstantis corporis cum ornatu sellarum et frenorum honorifico, eidem fratri misit et cæteris principibus. Misit etiam arma miri honoris et decoris. Deinde post aliquot dies Nicusus, princeps Armenius, de regione Turbaysel, tentorium miri operis et decoris Godefrido duci misit, ut gratiam et amicitiam illius inveniret. Sed a Pancratio insidiis positus, pueri ipsius Nicusi tentorium ablatum est, et ex ejus dono Boemundo transmissum. Quod dum Godefridus dux et Robertus Flandrensis, qui ad invicem dilectissimi amici et consocii fœderati erant, ex verbis Nicusi sibi allatum intellexissent, Boemundum, ut redderet quod injuste acceperat, verbis pacificis admonuerunt. Quid omnino admonitioni eorum contradixit et petitioni. Indignati ergo principes prædicti, rursus ex consilio majorum, ablatum requirunt tentorium. Qui nequaquam se reddere asserit, sed gravi responsione animos prædictorum principum adversus se concitavit. Concitali vero Boemundum, convocata manu suorum, aggredi in castris statuerunt, nisi quod injuste acceperat cito remitteret. Tandem Boemundus, ex consilio primorum exercitus, ne dissidium fieret in populo, tentorium duci restituit, et pace composita, rursus ad invicem amici facti sunt. Dehinc inedia invalecente, et copia escarum deficiente circa regionem Antiochiæ, Baldewinus duci et fratri suo uterino Godefrido omnes reditus Turbaysel constituit in frumento, vino, hordeo et oleo, in auro solum singulis annis quinquaginta millia Bezantiorum.

CAP. X. — *De conventu nationum, ad obsidionem Christianorum festinantium et de accusatione Baldewini.*

Jam dies determinata expeditionis regis de Corozan, a longo tempore indictæ et procuratæ, propinquavit. Et ecce universæ nationes regni illius, et principes prædicti, per regionem Armeniæ, Syriæ, Romanæ, dispersi, in armis et copioso apparatu ad castrum Sooch convenerunt, habentes ducenta milia equitum bellatorum absque exiguo vulgo et femineo sexu, absque jumentis et camelis, et cæteris animalibus, quæ nullo numero poterant computari. Adfuit et Corbahan, princeps et caput militiæ, qui in vehiculis cibariorum, qui in copiis et armis militum, qui in tentoriis et nimio apparatu super omnes affluebat; quem universi principes et nationes, quæ convenerant, tanquam dominum venerabantur, et in omnibus magistrum ac præceptorem audiebant. Hic suo in unum collecto exercitu, viam juxta onera curruum et sarcinas jumentorum et camelorum diebus multis morabatur, donec terram et civitatem Rohas ingressus est, ubi per aliquot dies remoratus, pernoctavit. Hanc per regionem descendens, dum iter per dies præ nimia pressura gentis et jumentorum abbreviaret, plurimi de diversis locis accurrerunt, plurimæque de exercitu et obsidione Antiochiæ retulerunt. Inter hæc et alia Baldewinus apud eum est accusatus eo quod, Turcis attritis et extinctis, non solum civitatem Rohas, sed et omnia in circuitu præsidia suo subjugasset dominio.

CAP. XI. — *Profanis Rohas obsidere parantibus Baldewinus obviat, dimicat et triumphat.*

Hoc audito, Corbahan et comprimores sui exercitus ad invicem consuluerunt, ut civitatem Rohas obsidentes et expugnantes, Baldewinum et suos christianos captivarent atque punirent, et civitatem ac regionem Turcorum restituerent ditioni. Sed Baldewinus, quem nec minæ, nec aliqui terrores poterant movere, comperto adventu Corbahan et consilio ejus adversum se et civitatem Rohas, convocata et armata universa manu suorum, in equis, cursu valentibus, occurrit militibus Corbahan, præmissis ad obsidionem Rohas. Quos fortiter assiliens, et cum eis in arcu Armeniorum et lancea Gallorum dimicans, usque ad castra Corbahan in fugam remisit, spolia, nempe camelos et jumenta cum rebus necessariis præmissa, in civitatem Rohas adducens. Corbahan vero Baldewinum hoc adversum se præsumpsisse, cum præsens fuerit, ne dum absens, vehementer admiratur. Et indignatus super ejus audacia, obsidionem circa Rohas nunquam se prætermittit in deo suo jurat, sed, admonito exercitu suo, hanc in momento irrumpere, et Baldewinum captivum abducere.

CAP. XII. — *Corbahan triduo Rohas frus ra obsidet; Baldewinus recedentem bellicose insequitur.*

Vix Corbahan, princeps et homo metuendus, socios admonuit, et ecce universi exurgentes civitatem

Rohas obsederunt in tubarum et cornicinum stridore et tumultu, plurimam vim et assultus triduo circa urbis mœnia et portas inferentes. Sed et a defensoribus et custodibus civitatis videntes sibi valide repugnari, nec se in momento vel brevi spatio posse proficere, quia urbs muris et turribus esset inexpugnabilis, Corbahan consilium dederunt, ut nunc castra ab obsidione moveret, viam quam decreverat ad Antiochiam maturaret, Antiochia vero devicta reditum faciens, ad obsidionem circa Rohas reiteraret, donec Baldewinum suosque tanquam oves in ovili trucidaret. Corbahan hujus rei consiliariis acquiescens, iter suum versus Antiochiam continuans, propter montium difficultates, exercitus inaudita millia divisit in partes. Et quia navigio longum erat tot millia flumen magnum Euphratem transmeare, Baldewini et eorum, qui cum eo erant in civitate, non immutati sunt vultus præ angustia tantæ multitudinis, sed Corbahan recedente a statione urbis, equos ascendentes, postremos exercitus, insecuti sunt, si forte aliqua pars tardaret, cui posset adversari. Sed dum parum eis succederet propter providentiam et custodiam Turcorum, Rohas reversi sunt, Dominum cœli exorantes, ut ducis Godefridi, Roberti, Reymundi, Boemundi, et omnium Christianorum misereatur, et de manu inimicorum, in tanta fortitudine supervenientium, defendat et sua gratia tueatur. Nec mora, a delatoribus Syris et Armeniis cœpit crebescere fama adventus Corbahan suorumque militum per aures Christiani exercitus, Sed alii credere renuebant, alii credentes ducem ad providendam rem sollicitabant.

CAP. XIII. — *Christiani exercitus quidam castris se subtrahunt et viri industrii in occursum gentilium exploratum pergunt.*

Inter has diversas opiniones, nescio qua de causa, Stephanus Blesensis infirmitate occupari se plurimum testatus est, nec se posse ultra moram facere in obsidione, fratresque commendans, et ab eis recedens, hac infirmitatis occasione versus maritima ad Alexandriam minorem profectus est. Eo itaque recedente, quatuor millia virorum belligerorum eum secuti sunt, qui de ejus fuerant comitatu. Godefridus dux, Boemundus, Robertus, Reymundus, capitanei exercitus, magis ac magis fama gentilium supervenientium attoniti, unanimiter decreverunt viros industrios de exercitu eligere et ad explorandam rei veritatem per montana et loca difficilia, unde tutius specularentur, præmittere. Præmissi sunt ergo Drogo de Nabella, Clareboldus de Vinduil, Ivo de regno Francorum, Reinardus de Tul, viri clarissimi: ut si quæ de adventu gentilium pro vero comperta in aures eorum sonuissent, aut oculis eorum deprehendissent, absque mora ad exercitum referrent, ut provisi principes minus jacula infestantium timerent. Præmissi milites et rei exploratores, quidam ad Arthesiam, quidam versus Rossam, quidam versus viam Romanæ sunt diffusi ad intelligendam rei veritatem; qui exercitum undique ebullire a mon-

tanis et diversis viis ut arenam maris perspexerunt, infinita millia eorum admirantes, et minime dinumerare valentes.

CAP. XIV. — *Percepto nationum apparatu, quod principes inierint consilium.*

Visis autem tot millibus et armatura Corbahan incomparabili, et gloria rerum suarum, sub omni festinatione Antiochiam reversi sunt, diebus septem priusquam Corbahan et suæ acies terminos et campos regionis Antiochiæ attingerent. Reversi denique, sicut didicerant, et oculis viderant, adventum et omnem apparatus Corbahan, et omnem militiam quam eduxerat, duci et cæteris principibus clam retulerunt, ne populus exterritus, eo quod longa obsidione et gravi penuria affectus esset, desperaret minusque resisteret, ac diffugium, tenebris ingruentibus, præpararent. Dux Godefridus, Robertus, Reymundus, Boemundus, Eustachius, Tankradus, omnieque primatus proxima die, postquam reversi sunt præmissi milites ad explorandum exercitum Corbahan, in unum convocati convenerunt, quid melius agerent, quod sanius consilium iniret discusserunt, ne subito præoccupati, ab irruentibus millibus inimicorum in gladio et arcu consumerentur. Godefridus dux, Robertus et alii multi contendebant, ut exsurgentes in loriceis, in galeis et clypeis, in signis erectis, in aciebus ordinatis occurrerent Corbahan in millibus supervenienti; et in Domino Jesu omnem epem suam ponentes, cum eis bella committerent, et in Dei nomine illic martyrio vitam finirent. Alii consilium dabant, quatenus pars in obsidione remaneret, ne Turci ab urbe ad auxilium Corbahan erumperent, et fortior pars, juxta consilium ducis et Roberti Flandrensis, non longius quam trans duo milliaria obviam hostibus irent.

CAP. XV. — *Mysterium arcani consilii Boemundi de traditione Antiochiæ.*

His in consiliis dum quilibet suam proferret sententiam, Boemundus, vir apprime prudens et astutus, Godefridum, Robertum Flandrensem et Reymundum scorsim a conventu sociorum abduxit in loco secreto, quibus omnia, quæ habebat in corde suo, in hunc modum loquens, professus est: « Domini et fratres mei dilectissimi, secretum habeo quod nunc vestræ fidei aperiam, in quo, Deo annuente et opitulante, omnis exercitus et principes nostriliberari et salvari poterunt. Civitas Antiochia, ex quo mihi promissum est quod in manum meam tradatur, jam septem transierunt menses. Et sic firmata inter me et traditorem hæc est conventio sub fidei illius alligacione, quod nequaquam solvi aut mutari possit, sed in quacunque hora monuero, una ex turribus, quæ ducit in civitatem et in qua idem traditor habitat, in manum meum reddatur. Multum enim pro hac re laboravi, videns urbem humanis viribus in superabilem. Multam et innumerabilem pecuniam pactus sum illi dare; et non minus illum exaltare et ditare, inter amicos meos, quam Tankradum, filium sororis meæ, sub fidei firmatione spopondi;

A Hujus secretæ conventionis et traditionis Boemundus æquivocus meus, vir de genere Turcorum, actor factus est a principio Christianitatis suæ. Et nunc eo processit ratio ut nequaquam de omnibus, quæ traditor pollicitus est, fallat, et in eo quod spopondi magnum illi præmium conferre me paratum inveniat. Unde quia non parvum talentum debeo illi dare, et hujus rei totum pondus sustineo, unum vobis secreto aperio, qui estis columnæ et capitanei exercitus, videlicet ut si vestræ fuerit voluntatis et cæterorum, ubi civitas capta fuerit, in manu mea reddatur. Hanc conventionem et consilium ad finem pertraham, et quod pactus sum traditori, ex meo sine dilatione conferre paratus sum. » Hæc audientes principes, magno gaudio gavisii sunt, et ex omni benevolentia Boemundo civitatem annuerunt, cæterosque comprimores pariter ejusdem doni et concessionis voluntarios reddiderunt.

CAP. XVI. — *Quam prudenter ipsum consilium inter primates ventilatum sit cæteris ignorantibus.*

B Factis omnibus capitaneis voluntariis, sub admonitione summæ fidei ad invicem datis dextris indictum est ne istud verbum palam fieret, sed suppressum silentio nulli pateret. Aiunt etiam quidam quod in conflictu et assultu hinc et abhinc dimicantium adolescens filius ejusdem Turci captus in manum Boemundi pervenerit, cujus redemptionis causa, pater pueri Boemundi cepit privatus fieri. Et ad ultimum malens vitam filii, quam omnium inhabitantium salutem, perfidiam adversus Darsianum regem assumpsit, et fidem in restitutione filii cum Boemundo iniiit, et sic in civitatem fideles Christi milites intromisit, Boemundo, si caperetur, civitas concessa est. Unde vespere jam terras operiente, ex ipsius consilio decretum est ut Godefridus et Robertus Flandrensis septingentos milites illustres de exercitu assumcrent, et, Turcis per mœnia diffusis nuncque domesticæ curæ intentis, in umbra noctis versus montana iter insisterent, quasi ad insidias profecturi aliquorum de exercitu Corbrhan ad urbem præcedentium. His vero septingentis in obscuro noctis jam versus montana gradientibus per loca invia et vix commeabilia, per angustas fauces, conductu Boemundi, nuper facti Christiani, Godefridus dux universis hæc firmiter injunxit, dicens: « Viri fratres et peregrini, Deo devoti, Turcis et hostilibus aliis, nobis prope hospitatis, decrevimus in occursum ire, et cum illis configere, si forte aliquis eventus victoriæ nobis detur. Tumultum vero et strepitum aliquem in nobis fieri sub indicio vitæ prohibemus. » Sed aliud erot ei in mente quam quod cum populo loquebatur. Nam in montanis cum sociis solummodo rei concieis contendens, hanc sci licet in partem qua urbs et præsidium Darsiani in summo situm est cacumine, valles et abrupta montium superat, ac longo in recessu ab urbe, et secreto, in valle consistens una cum Roberto Flandrensi, cuncta ordinat quæ caute de urbis traditione agenda erant et sollicito.

CAP. XVII. — *Quam caute sibi convenerint fidelium A*  
*interpret et traditor civitatis.*

Ordinatis itaque universis cauto consilio, quemdam interpretem linguarum, genere Longobardum. de domesticis Boemundi præmiserunt ad turrin, quam traditor tuebatur, quatenus de conventionione intromissionis Christianorum ex parte Boemundi eum admoneret, et super hoc ejus responsa audiens, principibus renuntiaret. Qui ad muros perveniens. traditorem, qui in ipsa nocte constituta in turris fenestra Gallos præstolabatur pervigil, Græco sermone appellat; si solus sit, requirit ut fiducialius cum eo sermonem de legatione Boemundi haberet. Qui verbis et signis certissimis Boemundi recognitis, per annulum videlicet, quem Boemundus ab eo susceptum nunc in signum illi remiserat, verba interpretis abhinc credula non refutavit, sed si Boemundus aut sui adessent, diligenter percontatus est. Interpret vero audiens quod traditor non in dolo sibi loquebatur, Boemundi milites non longe abesse profitetur, et ad omnia paratos, quæ ex ejus consilio inire debent. Qui eos appropinquare sine dubio aut metu commonet, murosque secure ascendere, nec aliqua mora hoc differre propter breve spatium noctis et lucem diei appropinquantis. Sollicitabat etiam eos hac maxime de causa, ne custos muros, suæ vicis in ordine, faculam in manu ferens, mœnia urbis muros et turres perlustrans ad providendum, ascendentes propalaret, sicque in periculo vitæ suæ, expergefactis hostibus, haberentur.

CAP. XVIII. — *Godefridus et Robertus electos in hoc bellones, ne primum murorum ascensum horreant. C*  
*adhortantur.*

Interpres, audito hoc consilio traditoris, ad principes in montanis relictos celeri gressu tendit, omnia quæ audierat referens, et vehementer eos sollicitans ut quos velint audaciores eligant, qui sine intermissione muros ascendentes civitati immittantur. Continuo viri electi sunt ad ascensionem murorum; sed metu et dubietate corda eorum concussa sunt, singulique hæsitantes de prima ingressione et ascensione murorum plurimum renitebantur. Godefridus vero dux et Robertus, viros sic videntes expavescere, nec qui præcederent invenientes, eo quod diffidebant de promissione Turci, hæc machinamenta dolum arbitantes, nimium spiritu infremuerunt, sic universos solamine reficientes: « Mementote in cujus nomine a terra et cognatione vestra existis, et quomodo terrenæ vitæ abrenuntiastis, nulla pericula mortis pro Christo inire metuentes. Nec mora, credere debetis scilicet feliciter cum Christo vivere, ideoque ejus gratia et amore, quæcunque occurrerint in via hæc, æquo et libenti animo suscipere. Eia, dilectissimi Christi milites, non pro terrena remuneratione hoc periculum incurritis, sed illius meritum expectatis, qui post mortem præsentem æternæ vitæ præmia suis conferre novit. Mori enim habemus quocunque modo. Jam quidem lux matutina diei manifestat

consilium nostrum; jam si cives et Turci nos perenserint, non unus saltem ex nobis vivus evadet. ite, et ascendentes vitam vestram Deo offerite, charitatem Dei scientes vitam pro amicis ponere. »

CAP. XIX. — *Viri cordali qualiter per coriaceam scalam intromissi sint.*

Ad hæc tam magnanimorum principium verba et solatia, plurimorum mentium dubietas detersa est. Et scala assumpta, quæ ex corio erat taurino, ad id negotium aptissima, paulatim muro appropinquant cum interprete suo, ubi ad mœnia traditor viros adventantes operiebatur. Ut ergo præmissi aliqui adfuerunt, alii ex domesticis ducis, alii ex comitatu Roberti; quidam ex familia Boemundi, Turcum eos ad mœnia præstolantem interpretes compellat ut funem a mœnibus jaciatur, qua scala innodata in mœnia sublevetur, per quam milites ascendentes intromittantur. Turcus, sicut devoverat, scalam fune sublevat, circa mœnia fortiter alligat, et submissa voce confortans, movet ut indubitanter ascendant. Nec mora, lorica et galea induti, gladio accincti, hastis innitentes, et manu se trabentes, scalam ascenderunt viri audaces, quos alii subsequentes in dubia spe vivendi, jam ad viginti quinque immisi sunt. His immisis, et nimio silentio conquiescentibus, confratres juxta muros existentes, et eventum rei expectantes, sed neminem audientes, viros immissos jugulatos et in fide falsa subito suffocatos existimabant: unde ascendere et subsequi retardabant.

CAP. XX. — *Scala dirupta nonnulli perierunt; sed denuo reparata fiducialiter ascendunt.*

Milites vero immisi, intelligentes quod socios Christianos adeo timor invaserat, ut se subtrahendo a scala abirent, trans mœnia a muro se inclinantes, submissa voce socios ascendentes hortabantur, asserentes se nihil illic periculi passuros. Hi fratrum voce audita adhuc viventium, certabant vehementi studio scalam ascendere et urbem intrare, donec præ nimia pressura et pondere, mœnia antiqua et inveterata, dissolutis saxis cum cæmento, scissa sunt et diruta, sicque scala, retinaculo carens, prorsus humi corruit cum viris adhuc in ea consistentibus. Erant autem juxta muros lancearum hastæ positæ et erectæ, in quibus confixi qui corruerant, alii a saxis de muro cadentibus oppressi et semineces facti, alii mortui sunt. Quod multum populus Dei inhorruit, existimans omnia hæc in dolo a Turcis contigisse, et nunc universos immisos pulso dubio iniqua morte deperiisse. Non sonus, non fragor aliquis, licet a corruentibus et infixis maximus exstiterit, in urbe aut in mœnibus est auditus. Dominus enim Deus ventum valide spirantem hac suscitavit nocte. Turcus fidem, quam Boemundo in urbis traditione devoverat, servans, funem iterato ad relevandam scalam dimittit. Qua rursus mœnia fortiora in eodem loco circumdans. desolatos et perterritos per interpretem revocat. ascensumque repetere universos fideliter admonet,

Non ultra viri hæsitantes, sed ex interpretis verbis A roborati, et confratrum agnita salute, rursus scalam ascendunt, et mœnibus inferuntur, donec ferme sexaginta super muros inveciti constiterunt.

CAP. XXI. — *Inmissi stragem custodum operantur; gentiles alii somno expergefacti Christianos impugnant.*

Interea custos murorum in gyro civitatis, perlustratis mœnibus, ad visitandos vigiles Turcorum et commonendos, faculam manu ferens, viris inmissis occurrit. Sed in momento ictu gladii capite illius amputato, transeuntes turrim vicinam ingressi sunt. In qua universos reperientes, adhuc sopore gravatos, in ore gladii percusserunt, ac in eodem impetu in alias turres irruentes, stragem plurimam operati sunt, donec fere decem turrium custodes, in ea parte urbis gravi somno immersos, sine ulla vociferatione peremerunt. His ita in gladio prostratis, per posticum quoddam, quod in montanis erat juxta eundem locum quo ascenderant, subito fractis seris plurima manus ex septingentis inmissa est, cornibusque fortiter iutorantes, Godefridum, Robertum et cæteros comprimores advocant, quatenus ad auxilium intromissis quantocius properantes urbem penetrent. Hi cornibus auditis, et pro signo dato recognitis, quia secretorum omnium consocii erant, in manu robusta advolant, ad portam, quæ sursum in montanis proeminerebat, contententes ut intrarent. A maxista autem arce Darsiani, quæ huic portæ proxima erat, Turci exurgentes audito tumultu, lapidum jactu Gallos abegerunt, sociosque eorum qui inmissi erant minime ad portam pervenire, ut hanc aperirent, passi sunt. Unde ad posticum prædictum revertentes milites, qui scila urbem intraverant, penetrare hujus postici ferro acutissimo, ingenitis Turcorum parato, fractis muris ampliaverunt, et sic principes ac socii eorum equo et pedibus spatiose intromissi sunt.

CAP. XXII. — *Tumultuantibus hinc inde partibus, principes primum traditum esse civitatem multitudini indicunt.*

Turci itaque, hac subita vociferatione et tumultu buccinarum cornuumque stridore expergefacti, ad arma festinant, arcus et sagittas arripiunt, turres defensant, utrinque ad invicem prævia certamina a sursum et deorsum conserentes. In hac clamosa hinc et hinc contentione milites Darsiani, qui in montis cacumine et eminentiore arce erant, cornibus fortiter insonuerunt, quatenus Turci qui in civitate erant et turrium præsiidiis, et adhuc in summo diliculo stertebant, evigilantes, ad auxilium sociis exurgerent, sicque inmissis Christianis resistere valerent. Quod exercitus magnus, qui adhuc extra muros altera in parte spatiosæ urbis consererat, de adventu et ingressione Corbahan hos in montanis et in arce voces exaltare, cornibus strepere et congregari arbitrati sunt, penitus ignorantes quomodo urbs tradita et capta in manu Gallorum sit. Boemundus, Raymundus et Tankradus, quibus res tota innotuit, quique in obsidione remanserant loricas

induti, armis accincti, vexillis elatis ad urbem exterius impugnandam advolant, ignaros actæ rei plurimum confortantes in urbis assaultum et omnem illis rem enucleantes.

CAP. XXIII. — *Fideles portas urbis aperinunt: vexillum Boemundi in arce præeminet: prima luce geritur bellicosissimus Mars.*

Interea dum sic interiore et exteriori pugna Turci vim ardentem, Græci, Syri, Armenii cives, et viri Christianæ professionis, ad portas aperiendas et seras scindendas lætante concurrunt, per quas Boemundus et universus exercitus intromissus est. Signum nempe Boemundi, quod sanguinei erat coloris, primo diei crepusculo ea in parte qua urbis facta est traditio, super muros in montanis rutilabat, ut pateret omnibus quod Dei gratia et opitulatione urbs, ab homine insuperabilis, in manus Boemundi et omnium fidelium Christi tradita et capta sit. Sic seris avulsis et undique portis patefactis, universi admirati et gavisissimi quomodo consilium istud non omnibus patebat, expergefacti celementer arma rapiunt, alii alium admonet, et rajido cursu omnes armati urbem et portas intrare contendunt. Milliæ quispiam transcurrere poterat, priusquam universa multitudo Christianorum intromissa est. Mox intrantium tot milium fragore vehemente et strepitu, tubarumque sonitu horribili, et plurima vexillorum elevatione, armatorum ingenti clamore, equorum hinnitibus Turci stupefacti, alii adhuc in strato suo quiescentes improvisi et incernentes evigilant. Quorum pars subito spe defensionis adunatur, arcus et arma arripientes, alii in turribus et præsiidiis persistentes, plurimos incautos Christianos inertis vulgi, viros et mulieres, sagittis feriunt. Concursus et diversi conflictus inter se fiunt et cæco Marte aguntur. Christiani, quorum virtus et copiam magis ac magis affuebant, invalescentes, per domos, et plateas et vicos civitatis Turcos diffusos et errantes in ore gladii percutiebant, nulli ætati parcere aut sexui de genere gentiliū, donec terra sanguine et cadaveribus occisorum operata est, pluribus etiam cæsis exanimis Christianorum corporibus tam Gallorum quam Græcorum, Syrorum, Armeniorum admistis. Nec mirum, cum vix luce agnita adhuc super terram essent tenebræ, et quibus parcerent et quos ferirent penitus ignorarent. Nam voce et signo Christianæ professionis Turci et Sarraceni timore mortis acclamantes, plurimi peregrinos fallebant, et ideo communi strage vitam amittebant. Decem millia fuere occisorum, quorum corpora per vicos et plateas civitatis cæsa et ferro a Gallis extincta sunt.

CAP. XXIV. — *Pagani, quo quisque poterat, fugam ineunt: aliqui de altissimis rupibus cadentes elisi sunt et extincti.*

Plurimi Turcorum videntes cædem gravissimam quæ fiebat, et quia tota urbs armis et viribus Gallorum redundabat, vitæ diffidentes, e turribus et præsiidiis civitatis fugientes, ad montana contendunt, notitia viarum perplexarum, ubi præsidium magi-

stræ arcis intrantes, arma insequentium Gallorum evaserunt. Hæc autem arx et palatium in montanis situm, nulla arte, nulla vi superari potest; nullus in ea manentibus adversari aut nocere potest. Alii, circiter mille, a longinquis partibus acciti auxilio et immissi, tubarum ac cornuum stridore exterriti, nimiaque suorum occisione desperati, quos prorsus notitia viarum et fugæ latebat, pariter et ipsi ad montana, superiusque præsidium festinantes, ut Christianorum manum evaderent, in augustam et incognitam semitam cæco errore inciderunt. Ubi prorsus via deficiente, in sublimi colle nequaquam ultra revertendi facultas esse poterat, sed a strum per declivia et scopulos arctissimos et incommensurabiles cum equis et multis corruentes, fractis collis, cruribus, et brachiis universisque membris, inestimabili et admirando casu universi perierunt.

CAP. XXV. — *De opibus inventis in civitate, et qua die capta sit urbs.*

Populus autem Dei vivi reversus a cæde et insecutione gentilium præsidium et montana fugientium, sole jam altius radiante et die plurima adulta, urbem perlustrant, victus quæritant, sed paucos repperunt. Ostrea tantum diversi generis et coloris, piper quoque et pigmenta plurima, vestes, et papilionæ gentilium, tesseras et aleas, quin et pecuniam, sed non multam invenerunt. Nec mirum, quia diuturna obsidione novem mensium vallata, tot gentilium millia illo congregata totum consumpserunt. Feria quinta erat dies serenissima, quando tertio Non. Junii mensis tradita et capta est civitas Antiochia in manu Christianorum, Turcis prostratis et effugatis.

CAP. XXVI. — *De fuga et necē regis Antiochiæ.*

Darsianus autem rex Antiochiæ intelligens fugam suorum et totum jam præsidium et arcem fugitivis repletam, timens ne Gallorum manus, capta urbe, præsidium vallans expugnaret, mulo ascenso egressus est ut lateret in devio montium, dum finem et eventum rei plenius cognosceret et an arx a facie Gallorum a suis retineri posset. Hic dum solus per devia montium diffugio erraret, quidam de Syria, Christianæ professionis, qui causa rerum necessariorum ite; per montana carpebant, ipsum principem a longe intuentes et agnoscentes, plurimum admirati sunt cur solus ab arcis præsidio per devia declinaverit. Unde ad invicem locuti sunt: « Ecce dominus et rex noster Darsianus, non sine causa, per hæc deserta loca montium iter facit: forsitan urbs capta est, sui occisi, ipse nimirum fugæ intentus est. Qui ne manus nostras effugiat videamus a quo tot damna, injurias et calumnias pertulimus. » Hoc modo fidem tres Syri de morte illis tractantes, sed omnia dissimulantes, submissis cervicibus illi falsam reverentiam exhibentes, et in dolo salutantes, quominus ad eum accedebant donec, ipsius gladio accepto et educto, eum a mulo præcipitaverunt, caput illius amputantes, et in sacculo suo reponentes. Quod mox in urbem Antiochiam in conspectu

omnium Christianorum et principum attulerunt. Caput vero miræ grossitudinis erat, aures latissimæ et pilosæ, capilli cani cum barba, quæ a mento usque ad umbilicum ejus profluebat.

CAP. XXVII. — *De Rotgero, qui gentiles, exercitum præcedentes, bellator excipiens, insperata morte præventus est.*

Comperto deinde jam proximo adventu Corbahan et suorum quin in Antiochia pauca alimenta reperta sunt, ad portum Simeonis eremitæ festinato mittentes, pecunia escas navigio allata mutuaverunt, singuli prout sua erat possibilitas, quas Antiochiæ vespere mane sequenti intulerunt. His ita expletis et Turcis partim occisis, partim in præsidium fugatis, et Gallis circumquaque in turribus, domibus, palatiis mœnibusque diffusis, sequenti die, quæ est sexta feria, trecenti equites Turcorum de Gente Corbahan armati arcu, phætra et sagitta, insignes ostreis, totum gentilium præcesserunt exercitum ad aliquorum fidelium repentinum interitum, si quoslibet improvisos, extra muros reperirent. Ex his vero trecentis, triginta præcedentes, viri belli peritissimi, et equo agillimi, ad muros et portas civitatis frena laxant, post terga sociis in valle quadam relictis ad insidias et incursus fidelium, si forte præmissos triginta usque in vallem insequerentur, et in impetu irruerunt super latentes viros. His itaque triginta muro civitatis appropinquantibus, et in arcu fideles Christi per mœnia diffusos, acriter lacerantibus, Rotgerus de Barnavilla, cum quindecim probatissimis sociis equo residens, armis et lorica indutus, in occursum ab urbe properat, ut aliquid insigne cum eis ageret. Sed sine mora in fugam equos triginta præmissi Turci rejiciunt, et ad insidias contendunt, Rotgerum rapido eos cursu prementem usque ad insidiarum locum perducentes. Insidiis ergo a valle exsurgentibus, Rotgerus frena rejicit, ad urbem cum sociis viam velociter relegit. Turci non parcius equorum cursibus urgent fugientem, quousque muro civitatis approprians cum suis fere trans vada Farfar elapsus est. Sed adversante fortuna, in conspectu omnium in mœnibus astantium, nobilissimus athleta cursu velocioris equi a Turco milite superatus est, cujus tergo sagitta infixæ jecur et pulmonem ejus penetravit, et sic ab equo labens mortuus exspiravit. Mortuo itaque tam egregio viro, et suorum auxilio destituito, Turci crudelissimi carnifices, ab equis descendentes, caput illius amputantes a collo, et ad Corbahan et ejus exercitum repedantes, caput hastæ præfixum in ostensione recentis et nunc primæ victoriæ detulerunt. Hoc denique prospero successu gloriantes, multum legiones gentilium ex hoc confortabant quod juxta muros sic audacter egissent, et neminem ex peregrinis ad opem Rotgeri occisi et decollati ab urbe egredi, aut audere vidissent.

CAP. XXVIII. — *Excusatio fratrum, quare non subvenerint coram se pereuntibus.*

Non mirum alicui videatur, nec quisquam Gallos

hebetudine mentis, aut timore supervenientis multitudinis concussos mollescere arbitretur, et ideo tardatos ad opem et vindictam confratris ante omnium ora percussi et decollati, cum nulla plaga mundi ante Galliam audaciores et in bello promptiores nutriat. Verum equorum defectione eos fuisse retardatos procul dubio credet, quos aliquando pestilentia, aut diuturna fame, aut interdum fallaci Turcorum sagitta amiserunt. Vix enim Gallis centum quinquaginta equi ramanserant, et ipsi attenuati fame pabulorum; Turcis vero pingues et non fatigati erant: quapropter celeri cursu evadere, et Galli eos nequaquam prævertere potuerunt. Quadringenti tantum equi Turcorum in Antiochia reperti et capti sunt, quos minime adhuc suo more ad equitandum domuerant, aut in persecutione hostium flectere, et calcaribus urgere didicerant. Dehinc post Turcorum discessionem, peregrini tristes et dolentes exstinctum corpus Rotgeri urbi intulerunt, cum ejulatu magno et fletu, ingemiscentes quomodo unus fortiorum de populo cecidisset, qui semper erat pervigil in insidiis et strage gentilium, cujusque facta insignia ampliora fuere quam noster stylus queat explicare. Fama quidem ejus apud Turcos omnes antecessit, et libenter eum videre et audire solebant in omni negotio quod cum Christianis agebant, aut in restitutione utrinque captivorum, aut cum aliquando pacem inter se componebant. Sepultus est autem in Antiochia idem miles fortissimus in vestibulo basilicæ B. Petri apostoli a principibus Christianorum et a Domino episcopo Podiensi, et ab omni clero catholico qui aderat, animaque commendata Christo Domino orationum victimis et psalmodum hymnis, cujus amore et honore exsul factus, mori non dubitavit.

CAP. XXIX. — *Obsidio nationum circa Antiochiam.*

Vix inclyti militis expletæ sunt exequiæ, et ecce in ipso mane Sabbati, quod illuxit tertia die postquam urbs capta est, adsunt universæ barbaræ nationes et legiones gentilium in apparatu copioso, quas Corbahan ex universis regnis, terris et locis orientalis plagæ contraxerat, in campis et planitie tentoriis locatis, obsidionem faciens circa spatiosæ urbis muros et mœnia. Tertia dehinc die postquam fideles Christi obsedit longe a muris residens, inito consilio, ut proprius civitati hospicaretur, sustulit, castra, et in multitudine virtutis suæ in montana in circuitu magistræ arcis, et in ea parte qua urbs capta est, in excelso rupium sedem posuit, ut Sensadoniæ et Buldagi, filiis Darsiani, cæteris in præsidio manentibus, esset solatio, utque locum videret per quem urbs tradita et Christiani immissi sunt. Similiter ex iisdem montanis alii ex populo Corbahan in dextro latere præsidii, quo dux Godefridus turrim et portam hanc infra tuebatur, qua Boemundus ante urbis captionem extra considerat, tentoria vi locaverunt per devexa montium, ne aliqua licentia et opportunitas exeundi Christianis ulla parte concederetur.

A CAP. XXX. — *Dux Godefridus bellans in fugam vertitur, et plurimi comitum ejus diversis moribus profugantur.*

Dux autem Godefridus virtutem et constantiam illorum nimium adversus se videns excrevisse, statim cum ingenti manu suorum per portam processit adversus hostes, ut tentoria, quæ a foris extra muros locata erant, invaderet ac terreret, Turcosque inde expugnantos arceret. Sed ecce Turci exsurgunt in occursum ducis ad defendenda tentoria. Ubi diu prælio utrinque commisso, gravissimus labor incubuit, dum dux et sui, viribus exhausti belloque fessi, in fugam, conversi, vix per portam, qua exierant, revertentes evaserunt. Alii vero multi, circiter ducenti, quibus porta augusta negata est, aut mortui, aut vulnerati aut capti sunt. Sic duce fugato et retruso, plurimisque suis in porta attristis, Turci a præsidio et a porte præsidii erumpentes, eo quod adversus ducem prævaluissent, per semitas notas et vallem perplexam accedentes in mœnia, subita vociferatione Christianos vagantes incurrebant, sagitta in impetu lædentes, et sine mora ad arcem et montana recurrentes. Dum sic mane, meridie et vespere a montanis et valle exsistentes, Christianos impeterent, Boemundus et Reymundus ira moti, sine dilatione vallo immenso, quod dicitur fossatum, montanis et civitati deorsum interposito et præsidio quodam murali ædificio desuper firmato, tutelam suis sic fieri constituerunt, ne subito a montanis adversarii erumpentes, peregrinos milites, incaute per urbis spatia vagantes, armis et sagittis invadendo detruncarent. Turci vero, qui in montanis præsidium adhuc obtinebant, sæpius ad id novum præsidium erumpebant, assultus faciebant, multum et graviter custodes ac defensores novi præsidii sagittarum grandine et armorum virtute vexantes et perimentes. Christiani vero milites Walbricus, Ivo, Rudolphus de Fontanis, Everhardus de Poisat, Reiboldus Creton, Petrus filius Gisiæ, custodes et magistri novi præsidii, non minus Turcis in lancea et omni armatura cum suis resistebant, viam vallis eis contradicebant, interdum hinc et hinc gravi strage et vulnere pereuntes.

CAP. XXXI. — *Boemundus acriter impugnatur; sed auxilio fratrum superior efficitur: et qua necessitate profani remotius castra locarint.*

Dum hi creberrimi assultus a Turcis adversus novum præsidium fierent, et Turci acriter a Gallis reprimerentur, milites Corbahan pedestri agmine facto per portam insuperabilem præsidii ingredienti, et montana ac devia deserentes, Bohemundum compertum habentes in novo præsidio esse, fortiter eum assiliunt. Ubi gravis belli contentio exorta est, et plurimorum occisio facta. Et fere Boemundus victus ac sui fuissent, nisi ab omni urbe Christianis confluentibus, comes Robertus Flandrensis duxque Godefridus, licet primo assultu victus, et Robertus Northmannorum princeps, cæterique magnifici proceres vires et opes contulissent, et Turcos in virtute

loricatorum ab urbe et novo præsidio retrusissent. Turci ergo retrusi cum principe suo Corbahan, moram extra portam et muros abhinc per duos dies in montanis constituerunt, arbitantes adhuc Christianis nocere. Sed pabulo herbarum in collibus minime reperito quod equis eorum sufficeret, castra amoverunt, et vadum fluminis Farfar transeuntes, longe ab urbe, spatio semimilliaris tentoriis positos condecorerunt. Altero vero die Corbahan, ex sententia suorum, exercitum suum copiosum sic in multis millibus in gyro civitatis ad obsidionem omnium portarum divisit, ut ex omni parte inclusis peregrinis nec a dextris, nec a sinistris ullus introitus pateret, aut exitus aliquis daretur.

CAP. XXXII. — *Ubi Corbahan hos et illos per singulas portas distribuit, et Tankradus mœnia oppugnantes aggreditur.*

Sic ex omni parte locata obsidione, et paucis diebus transactis, quadam luce clarissima aliqui Turcorum milites e castris procedentes, et ad mœnia Antiochiæ equo advolantes, sagitta et arcu corneo Gallos provocant, sperantes pari successu prævalere, quo antea in Rotgeri decollatione gloriati sunt, et insigni fama in castris Corbahan præire. Quapropter amplius et validius in assultu mœnium desudantes, ab equis descenderunt, ut liberius et sine læsione equorum in muro stantes expugnarent, et nunc pedites facti, facilius peregrinis jacula intorquerent. Tankradus autem miles acerrimus, et nunquam Turcorum sanguine satiatus, sed semper cædi eorum inhians, comperita illorum insania, fremitu et audacia, artus ferro assuetos lorica vestivit, assumptisque consociis equo et lancea doctissimis, et a porta quam Boemundus, cum adhuc fieret obsidio, tuebatur, inter muros et antemurale, quod vulgo Barbicanas vocant, clam egrediens, Turcos pugnae intentos ex improvisio inclamans, fortiter assiluit, intentos atterit et perforat. Illis vero, viso mortis periculo, non prius ad equos recurrendi ulla fuit facultas, quam sex percussis in ultionem capitis Rotgeri, ante muros decollati, sua capita gladio amiserunt. Tankradus in gloria magna et lætitia in urbem ad confratres regressus est, qui Turcorum capita secum in testimonium victoriæ detulit.

CAP. XXXIII. — *Christiani præsidium se retinere posse desperantes demoliuntur incendio.*

Alio deinde die, post castra Corbahan locata et ordinata suæ cujusque congregationis, post obsessos undique viarum exitus et introitus, decretum est communi consilio gentiliū, ut Turcorum milites ad duo millia eligantur ad expugnandum et prosterendum præsidium, quod Godefridus dux cæterique comprimores firmaverant in victoria et virtute magna, quam audierat, quando attriti Turci, in unda Fernæ fluminis submersi sunt sub ipso ponte qui trans fluvium ab urbe dirigitur, et in quo firmato præsidio Reymundus egit custodiam, quousque a Christianis capta est. Nunc vero quia neglectum et vacuum erat, comes Robertus Flandrensis, accitis

A quingentis viris belligeris, adventu gentiliū audito, ipsum præsidium ingressus, tueri disposuit, ne virtus Turcorum illud subito occupans, peregrinis pontem et aquam transire volentibus magno esset impedimento. Præfata itaque duo millia Turcorum, destinata ad ruinam præsidii, in virtute magna et armorum tumultu confluxerunt ad locum præsidii, undique irruentes et impugnantes jaculis et arcu. Qui tandem pedites facti, trans vallum moliebantur currere, in ingenti turbarum stridore, et solita vociferatione rugientes, a mane usque ad inclinatum diem defensores præsidii graviter vexantes. Sed Robertus suique consodales, videntes sibi angustias imminere ab hostibus, et scientes se crudelibus modis consumi, si victi eorum ditioni subderentur, viriliter pro anima inimicis resistebant, lanceis et balistis, hostes fortiter impetentes, et vi a vallo arcentes, qui graviter ea die hinc et hinc vulnerati fuisse referuntur. Turoi vero videntes se nihil proficere, sed omnem laborem suum incassum consumi, hos in præsidio vix defensos deserentes, ad Corbahan principem multitudinis regressi sunt, vires sibi hominum augeri adhuc poscentes, et sic in crastinum præsidium ejusque tutores deleri posse astruentes. Robertus autem et qui cum eo erant, videntes Turcos recessisse, recordati sunt quod propter majus auxilium socios adissent. Quare consilio inuito, in noctis caligine exierunt a munimine præsidii, eo quod invalidum contra tot militum vires videretur, et ideo præsidium totum igne succederunt, vallumque illius diruentes, in urbem Antiochiam a confratribus recepti sunt.

CAP. XXXIV. — *De magnitudine famis in populo Dei, et quam care vendebantur vilissima.*

Crastino deinde sole orto, duo millia gentiliū; jussu Corbahan duobus prædictis millibus addita, præsidium in manu robusta, in tubis et cornibus adierunt, sperantes illud repentino aggressu prosternere, inclusosque hesternæ die in defensione fatigatos celeri interitu consumere. Sed vallum dirutum et munimen præsidii combustum reperientes, delusi et frustrati ad tentoria sua repedaverunt. Sic undique urbe vallata, et de die in diem gentiliū copiis accrescentibus, et omni parte exitum prohibentibus, tanta inter Christianos invaluit fames, ut pane deficiente non solum camelos, asinos, equos et mulos comedere non abhorrerent, sed etiam corria, quæ indurata et putrefacta per tres et sex annos in domibus erant reperta, nunc calidis aquis madefacta et mollificata, tum ea quæ recentior ab armentis avulsa, pipere, cumino aut quolibet pigmento condita, manducabant: tam gravi fame arctabantur! Scio quod horrescunt aures mala et tormenta inauditæ famis auscultantes, quibus populus Dei inclusus opprimebatur. Pro uno namque ovo gallinæ, si inveniri poterat, sex denarii Lucensis monetæ numerabantur; pro decem fabis, denarius; pro capite unius asini, equi, bovis, camelus, byzantius unus dabatur; pro pede vel aure, sex denarii; pro visce-



ribus cujuslibet horum animalium, quinque solidi accipiebantur mutuo. Iners denique et modicum vulgus calceos suos ex corio, præ famis angustia devorare cogebatur, plures vero radicibus urticarum ac quarumlibet silvestrium herbarum, igne coctis et mollitis miserum ventrem impleverunt, et sic infirmati, quotidie moriendo minuebantur. Dux vero Godefridus, ut aiunt qui adfuerunt, quindecim marcos argenti pro carnibus vilissimi cameli expendit; pro capra procul dubio dapifer ejus Baldricus tres marcos venditori delisse perhibetur.

CAP. XXXV. — *Turci urbem latenter recuperare volentes, defecti sunt: qui post diutinam colluctationem muro depulsi, misere perierunt.*

Post aliquot dies, postquam Corbahan firmavit obsidionem in circuitu Antiochiæ, et omnem exitum ac introitum urbis clauserat, populumque Dei diversis assultibus vexaverat, cibosque inferri omni parte interdixerat, clade longaque abstinencia et bellico labore Christiani afflicti et fessi, minus vigiles esse cœperunt in tuitione urbis et mœnium. Ergo turris quædam incustodita remansit versus montana, co videlicet in loco quo munitione ex bitumine fragilis luti fundata est ad reprimebndos hostes, ad obsessa porta egredientes per montana, et peregrinos diffusos persequentes, et ubi a Provincialibus ille juvenis captus est, in cujus redemptionem turri quadam requisita, sed a cognatis et amicis ejus denegata, idem capitali sententia peremptus est. Hanc itaque turrim prædictam vacuum ab inhabitatoribus qui tam audacissimi milites ex Turcis præsentientes, scalas et ingenia sua latenter muro applicuerunt, sperantes in silentio noctis per eam aliquot gentiles inducere, et sic urbem amissam recuperare. Interea quidam, qui urbem lustrabat ob negotia sibi necessaria, elevans oculos, contemplatur Turcos in medio cacumine ejusdem turris incaute deambulantes: nec mora, alta vociferatione perstrepsens, socios qui in vicina turri commorabantur sollicitat, Turcos urbem invasisse asserit, et sic commotionem magnam in populo suscitavit. Ad hæc Henricus de Ascha castello, miles sua in terra nominatissimus, filius Fridelonis, unus de collateralibus ducis Godefridi, audito clamore et strepitu, scutum et gladium arripiens, velociter ad arcem turris properat, duobus sibi adjunctis probis tironibus, Francone scilicet et Sigemaro carnaliter cognatis, incolis villæ quæ dicitur Mechela super Mosam fluvium, ut inimicos immissos a turri repellerent, existimantes se cum urbe ab aliquibus fratribus auro vel argento corruptis, venditos fuisse. Turci vero cognoscentes se detectos, nec aliquo ingenio a manibus peregrinorum posse liberari, in sola spe defensionis in limine turris occurrunt, et atroci ictu gladiatorum resistunt. Nam Franconem, multam vim inferentem, in cerebro percusserunt vulnere gravi et vix sanabili; Sigemarum vero cognato suo subvenire volentem, ense per alvum transfixerunt, capulo tenus, miroque et inaudito conamine fideles Christi a limine

arcebant. Tandem fidelium circumquaque crescente auxilio, et additis viribus, Turci, fessi et spiritu exhausti præ nimio labore, cœperunt in defensione desicere, arma et brachia remittere: quorum quatuor in gladio ceciderunt; alii ab altitudine depulsi, cervicibus, cruribus et brachiis fractis mortui sunt.

CAP. XXXVI. — *De quibusdam Christianis victum extra muros quærentibus, et de nece nautarum obsessis alimenta vendentium.*

Post hæc peregrinis famis angustia, prout audivisti et multo amplius, coactis, nec aditum aliquem reperientibus ad inferendos vel acquirendos cibos, præ obsidione undique constituta, quidam de humili vulgo vitam periculo destinantes, in magna ambiguitate et formidine clam procedebant ab urbe in umbra noctis, ad portum Simeonis, quondam illic in montanis eremitæ, descendentes et dato pretio a nautis et mercatoribus victum accipientes, per vespres et fruteta in tenebris ante lucem repedare solebant. Qui vero frumentum attulerant, octavam partem Laodicensis monætæ, tribus marcis vendebant; cassum Flandrensem, quinque solidis; panxillum vini vel olei, vel quodlibet vitæ sustentaculum quantumcumque, gravi et inaudita comparatione auri vel argenti mutuabant. Ex his aliqui, die quadam plus solito retardati, et quia nox erat brevis, in luce velocissimæ diei manifestati, a Turcis trucidati et exspoliati fuisse referuntur: pauci dumis et frutetis latentes, vix liberati urbi restituti sunt. Cujus rei occasione assumpta, Turci, ad duo millia conjugati, et ad portum prædictum profecti, universos illic nautas repertos repentino aggressu disturbaverunt, sagittis eos confodientes, navesque injecto igne comburentes, escas et omnia allata navigio vi rapientes, asportaverunt. Sicque deinceps vendentes et ementes a portu absterruerunt, ne ultra a Christianis aliqua escarum sustentatio illic reperiri posset. Hæc itaque, ubi fama crudelissima in aures Christianorum inauditæ famis gravitate laborantium pertulit, jam illis diversæ Turcorum infestationes oneri esse cœperunt, multorumque animi in diversa fluxerunt qualiter ab hac obsidione et ab imminentibus periculis evadere possent. Sic denique plurimi, quocumque conamine vel occasione exitum quærentes, ab exercitu se nocte subtraxerunt.

CAP. XXXVII. — *Quomodo primorum quidam desperatione vivendi de civitate clam fugerunt.*

Talis formido vivendique desperatio, dum abundantius invalesceret, atque cogitationes in corda multorum ascenderent præ pondere quotidianæ tribulationis, quidam principales viri de exercitu, Willhelmus Carpentarius, Willhelmusque alter, quondam familiaris et domesticus imperatoris Constantinopolitani, qui et sororem Boemundi, principis Siciliae, uxorem duxerat, adeo magnis concussi sunt terroribus ut in silentio noctis concordi consilio clam substracti a sociis, versus montana convenirent, et a mœnibus et muro in funium de-positione laxarentur. Laxati vero per devia mentium, propter Turcorum

insidias, iter sine requie habuerunt, quousque in Alexandriam minorem profecti sunt, ubi Stephanus Blesensis, ab obsidione Antiochiæ sequestratus causa infirmitatis, morabatur, eventum rei et finem sociorum illic auditurus. In eodem siquidem loco idem Stephanus, intelligens ab iisdem viris, pericula confratrum de die in diem magis accrevisse nempe famis intolerantiam, Turcorum jactantiam et assultus, virorum et equorum cladem diffusus est vitæ, minime se tutum credens in hoc loco, nec sic cum iter insistere ausus, navigio reditum suum ad diffugium cum prædictis principibus parat. Ventilato deinde rumore per Antiochiam tam egregios proceres ab urbe exisse propter timorem infestantium Turcorum, plurimi pariter fugam meditabantur et robustorum pectora metu defleiebant, nec sic prompti erant in defensione, ut solebant, præsidiumque novum, quod in medio urbis adversus arcem, quæ est in montanis, firmaverant, lentius defendebant, desperati et fugæ intendentes.

CAP. XXXVIII. — *Verba consolatoria clerici cujusdam ad populum.*

Ad hæc quidam frater fidelissimus, genere Longobardus, vita et ordine clericus, juxta præfatum novum præsidium consistens, desolatis Christi militibus omnibus, quædam adertat clericis, laicis, nobilibus et ignobilibus, magnum exhibuit solatium, quo dubia corda cunctorum metuque fluxa relevavit, dicens: « Fratres universi, qui laboratis fame et pestilentia, qui Turcorum et gentiliū turbis vallati mortem temporalem speratis incurrere, non hunc gratis sufferre vos cretatis laborem sed audite et pensate præmium quod Dominus Jesus omnibus his red liturus est qui ejus amore et gratia hæc in via moriturusunt. In initio enim hujus viæ quidam sacerdos vir boni testimonii et eximie conversationis, in Italiæ partibus inanis, mihi a pueritia notus quadam die more solito missam celebraturus, ad diocesium sibi commissam solus carpebat iter trans spatium cujusdam agelli; cui in affabilitatis obsequium quidam peregrinus adfuit, de viæ hujus instantia requirens quid super hæc audierit, aut quid primum sibi de hoc videatur quod tot regna, tot principes et universum genus Christianorum sub una intentione et desiderio ad sepulcrum Domini nostri Jesu Christi, ad sanctam confluerint civitatem Jerusalem. » Qui respondit: « Diversi diversa super hæc sentiunt via. Alii dicunt a Deo et Domino nostro Jesu Christo hæc in omnibus peregrinis suscitata fuisse voluntatem; alii pro levitate animi hæc Francigenas primores plurimumque vulgus insistere, et ob hæc in regno Hungariæ et aliis regnis tot peregrinis occurrere impedimenta; nec ideo intentionem illorum ad effectum posse pertingere putant. Unde meus adhuc hæsitat animus, alioqui diu hujus viæ desiderio lactus et totus in ipsa intentione occupatus. » Cui protinus prædictus peregrinus ait: « Non levitate aut gratis hujus viæ oredatis fuisse exordium,

A sed a Deo, cui nihil impossibile est, dispositum; et procul dubio inter martyres Christi in aula cœli noveris esse computatus, ascriptos et feliciter coronatos quicunque in hac via morte præoccupati fuerint, qui in nomine Jesu exsules facti, puro et integro corde in dilectione Dei perseveraverint, et sine avaritia, furto, adulterio, fornicatione se continuerint. » Presbyter vero, admirans in verbis et promissione peregrini, quis fuerit aut de qua ortus regione perquirat, vel unde hæc certum didicerit quod gloria cœlesti cum beatis sint coronandi qui in hac expeditione vita decesserint. Protinus sci-citanti sacerdoti totius rei veritatem in hunc modum detexuit, dicens: « Ego sum Ambrosius, Mediolanensium episcopus, servus Christi. Et hoc tibi sit signum, et universis populis catholicis, viam hæc insistentibus, quia non fallo de omnibus quæ de ore meo audisti. Ab hodierno tribus annis evolutis scias Christianos, qui super fuerint, post multos labores civitatem sanctam Jerusalem, et victoriam de cunctis nationibus barbaris feliciter obtinere. » His dictis sine mora evanuit, nec ultra post hæc visus est. Hæc se vidisse et audisse a sancto Dei episcopo idem egregius presbyter cum veritate summvasserit et nunc, ex quo visio et promissio illa facta est, duo completi sunt anni; tertium adhuc restare omnibus certum est. Posthæc, sicut prædixit B. Ambrosius, episcopus Mediolanensium, in tertio anno Christi milites peregrini et eorum principes obtinuerunt Jerusalem et mundaverunt illic sancta, Sarracenis fugatis et attritis.

C CAP. XXXIX. — *Item exhortatio principalium virorum, et fugitivi principes quomodo Constantinopolim navigare cæperint.*

Audita hac visione et promissione ex veraci fratris relatione, universi timore amittendæ præsentis vitæ hactenus hæsitantes, ac fugitivorum principum amissione turbati, spe et desiderio vitæ cœlestis accensi, animo fiunt stabiles nec ultra aliquo metu mortis a confratribus et urbe se recedere fatentur, sed cum eis vivere et mori, et omnia pro Christo sufferre. Godefridus dux pariter et Robertus Flandrensis fere universos principes, tanta formidine concussos, ut jam fugam conspirassent, humili vulgo nesciente, miro revocaverunt solamine, et constantes ad omne reddiderunt periculum, in hunc modum loquentes: « Cur desperatis, de Dei auxilio diffidentes in tot adversis quæ superveniunt, et confratres humile et pedestre scilicet vulgus, fide vestra deficiente, deserere aut fugam inire disposuistis? State et virili animo vobis adversantia pro Christi nomine sufferte, fratresque vestros nequaquam in tribulatione deseratis, nec Dei iram incurratis, cujus gratia et misericordia non deficiet in se confidentibus. » Hæc dum cum lacrymis magnisque suspiriis ad comprimores desolatos loquerentur, universorum revixit spiritus, et deinceps stabiles cum eis in omni augustina permanserunt nullum ab hinc fugam meditates, Willhelmus et itidem Wil-

Ihelmus, Stephanus et eorum consocii formidolosi et profugi aptant naves, remos et vela alto mari inferuntur, Constantinopolim remeare disponentes, relictis fratribus in obsidione, quos nunquam a manibus Corbahan liberari posse existimabant.

CAP. XL. — *Quomodo prædicti viri Græcum imperatorem ab auxilio fratrum revocaverint.*

Aliquanto autem tempore cum navigassent, in quibusdam insulis de regno Græcorum pernoctantes, vel propter motum maris commorantes, intellexerunt Christianum imperatorum Græcorum ad urbem Finiminis pervenisse, in comitatu magno et apparatu copioso, ad succurrendum peregrinis, sicut fide promiserat, quando sacramento et scedere percusso juncti sunt illi in amicitiam. Is Turcopolos, Pincenarios, Comanitas, Bulgaros, arcu doctos et sagitta, Danaosque bipennium armatura dimicare perissimos Gallos exsules, exercitum simul conductitium, populum diversi generis a desertis locis et montanis et a maritimis insulis, ab omni scilicet regno suo spatiosissimo, ad quadraginta millia contraxit. Hunc prædicti principes in hac fortitudine armatorum virorum, equorum atque in copiis cibariorum, tentoriorum, multorum ac camelorum invenerunt et cum eo novum exercitum Gallorum, circiter quadraginta millia, per longam hiemem congregatum, Tatinum quoque truncatæ naris, qui similiter timore attonitus, in falsa fide a sociis recesserat ad ipsum imperatorem, propter promissum auxilium legationem laturus, quam minime fideliter peregit, non ultra Antiochiam reversus. Imperator ingressos ad se principes recognoscens, miratur valde quomodo a sociis divisi habeantur, ac percontatur de statu fidelium Christi commilitonum, de salute ducis Godefridi, Reymundi comitis et episcopi Podiensis, utrum in prospero vel adverso eorum res sita sit. Respondent eos minime in prosperitate et salute esse, sed sic obsessos a Corbahan, principe Corrozan, et a nationibus gentilium, ut ne unus quidem pateat aditus vel exitus a tam spatiosa urbe, et quod nunquam manus illorum, nisi furtim aliqui possint evadere. Deserebant autem quanta fame ardeantur, quomodo mercatores et naves odio illorum Turci attrivissent. Nullum vero ex omnibus vivere posse fatebantur a facie tantæ multitudinis, seipsos vix in astutia sua liberatos, suggerentes imperatori ut rediret, nec frustra suum exercitum vexaret ad tantas hostium

CAP. XLI. — *Alii quidam principes fugam meditates, bonorum vivorum exhortationibus retinentur.*

Imperator his Christianorum auditis periculis, et gentilium copiis compertis, cum primatibus suis habito consilio, tremens ac stupefactus, protinus totum redire præcepit exercitum. Quin terram Romaniam, quondam injuste a Solymano sibi ablatam, sed nunc peregrinorum viribus restitutam, incendio et præda vastavit, urbes et præsidia universa subversit, ne forte a Solymano recuperata illi servitio prodessent. Tantus ergo rumor imperatoris regressi, et sui exer-

citius dispersi, mœnia Antiochiæ transvolans, peregrinorum corda magno dolore infixit, et multum audaciæ ab eorum excussit animis. Ideo sæpius principes exercitus Christi consilium conferebant, quatenus si aliqua arte valerent, clam ab urbe recedentes, humile vulgus illic in periculo relinquerent. Quod dux Godefridus, Robertus Flandrensis et episcopus Podiensis intelligentes, iterum eos confortare cœperunt, sic ad universos loquentes: « Non turbemini, neque formidet cor vestrum in hac imperatoris vulgata reversione. Potens est Deus de manu inimicorum nos liberare. Tantum stabiles estote in amore Christi, et nunquam fraudem hanc in fratres vestros faciatis, ut fugam, clam ab eis subtracti, ineatis. Procul dubio enim si fugam inieritis præ timore inimicorum. Corbahan et omnis multitudo illius vos persequentur; et nequaquam manus illorum effugietis, cum primum fama vestræ fugæ ad aures eorum pervenerit. Stemus igitur, et in proposito vitæ nostræ in nomine Domini moriamur. » Ad hæc verba universi stabiles facti sunt, et cum fratribus mori et vivere statuerunt.

CAP. XLII. — *De milite Christiano, cujus equus cum fugiente cecidit.*

Corbahan et omnes legiones gentilium, audito imperatoris recessu, amplius assultu invalescebant, et in globis suis e castris procedentes, insidiabantur, si quis ab urbe procederet, quem solito more detruncare possent. Quadam igitur die quosdam Turcos, sub eadem intentione in globo quadraginta militum ab hospitio tabernaculorum egressos, Christiani a mœnibus urbis speculantur. Quibus, licet tristes et exterriti de adversis sibi rebus, protinus trans vada Fernæ aliqui armati occurrerunt, sed extemplo ab ipsis Turcis repressi, trans vadum fugientes, alio steterunt in littore, videntes se famelicorum equorum cursibus non posse contendere. Tandem post plurimam sagittarum grandinem, Turcos procul ab amne remeantes quidam robusti pectoris miles, adhuc sui equi fidens virtute, et sociorum vires post tergum sequi existimans, immoderato cursu persequitur; sed nemine sociorum ad auxilium sequi præsumente, duo atrocissimi equites ex globo in faciem peregrini equos laxis frenis rejiciunt, et in fugam reditum veloci equorum urgent levitate, remensis eadem via ad socios novalibus: cui in impetu et offensione pedis equus humi totus corrui, et sic fere in extremo vitæ suæ constitutus est. Lapso itaque ei auxilio penitus destituto, cum jam prope ad feriendum adfuissent carnifices, sic equi eorum immobiles perstiterunt, calcaria oblit, ac si in fronte percussi, retro ire compellerentur, donec peregrinus miles equum in pedibus resurgentem ascenderet, et Deo ac Domino Jesu Christo donante, fugam ad sociorum stationem iteraret. Universi in littore et mœnibus ad spectacula stantes præ gaudio lacrymati sunt, sic incolumi fratre recepto, in cuius liberatione manifeste digitem Dei adfuisse experti sunt.

CAP. XLIII. — *De inventione Dominicæ lanceæ.*

In hac itaque famis afflictione quam audistis, et timore obsidionis, et sollicitudine insidiarum assultuumque quos a foris Turci adhuc assidue inferebant, populoque Dei humiliato ac desperato, clericus quidam de terra Provinciæ per visionem sibi lanceam revelatam asseruit, qua Dominus noster Jesus Christus in latere perforatus est. Hic enim clericus episcopo Podiensi, domino Reymero, et Reymundo comiti locum, quo pretiosum thesaurum lanceæ reperirent, retulit, videlicet in ecclesia B. Petri apostolorum principis, visionem suam sub omni veritate, qua potuit, attestatus. Qui verbis illius credentes, ad locum quem clericus asserebat, communi decreto venerunt. In quo fodientes, lanceam, sicut a clerico didicerant, invenerunt; inventam autem in præsentiam omnium Christianorum principum in ipso oratorio protulerunt, plurimum hanc divulgantes et ostro pretioso involventes. In hujus denique inventione spes et lætitia magna facta est in populo Christianorum, qui non modica celebritate et oblatione innumerabilis auri et argenti hanc venerati sunt.

CAP. XLIV. — *Ubi Petrus legatione fungitur apud Corbahan, principem obsidionis.*

Transactis deinde aliquot diebus, omnis primatus et duces Christiani exercitus adhuc hæsitantes et vitæ diffidentes in tot adversitatibus, et famis pestilentia, bellumque cum tot nationibus committere metuentes, eo quod viribus hominum et equorum valetudine exhausti essent, consilio inito, decreverunt legationem mittere Corbahan magistro et principi exercitus et obsidionis. Sed neminem invenerunt qui tam ferocissimo, et superbo loqui auderet, quousque Petrus, qui principium hujus viæ exstitit, se iturum indubitanter obtulit, et homini magnifica nuntia dicturum. Sine mora injuncta sibi legatione a duce Godefrido, Boemundo et aliis principibus, Petrus prædictus statura pusillus, sed meritis magnus, ad tentorium Corbahan, in medio gentilium iter præsumens, Deo protegente solus pervenit. Cui per interpretes nuntia Christianorum in hunc modum retulit: « Corbahan, princeps clarissime et gloriosissime in tuo regno, nuntius sum Godefridi ducis, Boemundi et principum totius Christianæ multitudinis: decreta et consilium eorum, quod porto, ne dedigneris accipere. Ductores Christiani exercitus decreverunt, si Christo Domino, qui verus est Deus et Dei filius, credere concesseris, et gentilium spurcitiis abrenuntiaveris, tui fieri milites, et Antiochiam civitatem in manu tua restituentes, tibi sicut domino et principi servire parati sunt. » Quod audire, ne dum facere, contempsit. Petrum vero Eremitam sacrilegos ritus suos et sectam gentilium edocet, asserens se nunquam ab hac recedere.

CAP. XLV. — *Item de eodem, et quam tumide princeps verba legationis acceperit.*

Petrus, audito Corbahan, nempe quod in derisum nomen et admonitionem Christianæ fidei acciperet, alia ei aperuit nuntia: « Visum est, inquit, adhuc

A Christianis principibus, quandoquidem tam egregios homines tibi subdi recusas, et Christianus fieri renuntias, ut viginti tirones de tua eligas multitudine, quod etiam Christiani facient, et datis utrinque obsidibus, et facto juramento utrinque tu in deo tuo, ipsi in Deo suo, singulari certamine in medio confligant. Et si Christianis victoria non contigerit, ipsi in terram suam pacifice et sine damno redeant, Antiochiam tibi reddentes; si vero tui triumphare nequiverint, pacifice tu tuique ab obsidone repeditis, urbem et terram nobis relinquentes, et non patiaris tantum exercitum perire mutuo confligentem. Si autem hoc a Christianis decretum contempseris, certus sis quia crastina luce universi tecum prælia conserent. » Corbahan, his auditis, Petro in superbia magna respondit: « Unum, Petre, te scire volo quod Christiani eligant, scilicet ut omnis imberbis juvenis ad nos transeant, mihi et domino meo, regi Corrozan, servientes, quos magnis beneficiis et muneribus ditabimus; puellæ adhuc intactæ similiter ad nos accessum habeant et vivendi licentiam; barbati vero et aliquam canitiem habentes cum mulieribus nuptis decollandi sunt. Alioqui nulli paream ætati, sed omnes delebo in ore gladii; quos autem voluero, in catenis et vinculis ferreis abducam. » Hoc dicto ostendit ei omnis generis catenarum et vinculorum copiam innumerabilem et inauditam.

CAP. XLVI. — *Petrus revertitur, responsio majoribus aperitur, et quid facto opus sit in commune discutitur.*

Petrus ad hæc a Corbahan accepta licentia redeundi, urbem Antiochiam introivit, renuntiaturus jactantiam quam audiverat a Corbahan. Et ecce universi principes in circuitu Petri conglobantur cum cæteris Christianis militibus, quid Corbahan responderit, auscultare desiderantes et scire utrum bellum attulerit, aut aliquod fœdus pacis constituendæ. Petrus circumfusus fidelium turbis, Corbahan bellum desiderare indicat, nihilque nisi in superbia magna et fiducia multitudinis suæ locutum fuisse asserit, et cætera minarum, quæ audierat, referre incipit. Sed eum procedere ulterius dux Godefridus non patitur; sed seorsum ductum monuit, ne quidquam de omnibus quæ audierat ulli indicet, ne populus, præ timore et angustia deficiens, a bello subtraheretur. Jam trium hebdomadarum et totidem dierum processerat tempus quo populus Christianus obsessus cœpit angustiari penuria necessariorum et defectione panis. Unde non ultra sufferre hæc valentes, invicem consultum vadunt magni et parvi, dicentes utilius esse mori in bello quam fume tam crudeli perire, et de die in diem populum attenuari et mori.

CAP. XLVII. — *Bellum indicitur, omnes quasi morituri in crastinum præparantur, et distributæ acies sub ducibus acies sub ducibus ordinantur.*

Ad hanc vocem conquerentis populi indicitur bellum crastina die futurum: omnibusque jubetur ut in orationibus pernoctent, et delictorum suorum

confessionibus purgati. Dominici corporis et sanguinis sacramento muniantur, sicque in primo diei diluculo armis accingantur. Mane autem facto, omnes in armis, loriceis et galeis, Christiani milites convenerunt quarta Kal. Julii, et acies ordinant adhuc intra urbem commorantes Hugonem Magnum, fratrem regis Franciæ, præfecerunt primæ aciei ductorem, et signiferum constituerunt equitum et peditum. Robertus, comes Flandriæ, et Robertus, princeps Northmanorum, duabus præficiuntur aciebus, et sic juncti hi duo propinqui in uno latere constituntur. Episcopus vero Podiensis suam per se aciem versus montana dirigebat, erecta in medio illius cuneo lancea, quam repererat, et in manibus cujusdam clerici constituta. Petrus de Stadeneis, Reinardus de Tol, frater ejus Wernerus de Greis, Heuricus de Ascha, Reinardus de Hemersbach, Walterus de Dromedart, suum cuneum regere disponuntur versus hæc montana et viam quæ ducit ad portum maris Simeonis prædicti quondam eremitæ. Comes Reinboldus de Oringis, Lodewicus de Monzons. Lambertus filius Cunonis de Monte acuto, unius aciei ordini præesse destinantur. Dux Godefridus cum Teutonicis, Alemanis, Bawaris, Saxonibus, Lotharingis, ex duobus milibus equitum et peditum suam aciem composuit, quorum manus et gladius solet esse sævissimus in cervicibus inimicorum. Tankradus, solum suam aciem ex equitibus et peditibus constituit. Hugo de S. Paulo, et filius ejus Engelradus, Thomas de Feria castro, Baldewinus de Burg, Robertus filius Gerhardi, Reymundus de Peleil, Reinoldus Belvacensis, Walo de Calmont, Everhardus de Poisat, Drogo de Monzei, Rudolfus filius Godefridi, Conans Britannus, Rudolfus similiter Britannus, hi omnes duas acies regere eliguntur. Gastus de Berdeiz, Gerhardus de Rosselon civitate, Willhelmus de Montpelir, acie tantum una contenti sunt. Beomundus de Sicilia in extrema acie, quæ erat densissima, equitibus et peditibus ductor attitular, ut cæteras acies tueretur, et forte auxilio indigentibus subveniret.

CAP. XLVIII. — *Relicto in urbe Reymundo comite, fideles portis erumpunt, quibus gentiles a magistra arce signo accepto occurrunt.*

Sic omnibus istis ordinatis et dispositis, comitem Reymundum, aliquantulum infirmitate laborantem, ad tuendam urbem propter Turcos, qui erant in eminentiore arce cum Sansadonia, filio Darsiani, reliquerunt cum plurima virtute Christianorum. Hoc expleto, omnes unanimiter, sicut ordinati erant, et principes singuli cum suis aciebus aperta porta qua porrigitur trans Fernam pons lapideus, adversus Barbarorum legiones procedere decreverunt, in vexillis mille variis et decoris, in loriceis et galeis. Corbahan similiter et Solymanus in dextro et sinistro cornu, in fronte et a tergo, multiplices statuunt acies, arcus osseos et corneos in manibus ad pugnandum tenentes, celerique pede a castris proce-

Adentes, Christianis obviam invehuntur, ut primi grandine sagittarum certamen ineant, buccina, tubis et cornibus intolerabili clamore intonantes. Provederant enim sibi non solum ex legatione Petri, qui bellum in crastino eis prædixerat affuturum; sed quotidie suspecti et solliciti erant ne Christiani ex improvise bellum cum eis committerent. Unde ad arcem Sansadoniæ nuntios assidue dirigebant, quatenus si quando persentiret Christianos armari, aut hortari ad pugnam, eis nuntiaret, eo quod ab arce, in supercilio montis sita, spectaculum rerum universarum undique in urbe habuerit: quo et ipsi parati et cuneati occurrere possent, et minus provisus Galli nocerent. Sansadontas nuntia mittere negat, sed pannum latissimum nigerrimi et horrendi coloris, in summitate hastarum prælitum, in culmine suæ arcis erigere pollicetur, deinde horrida buccina vehementer perstreperet et ita gentiles certos reddere de apparatu belli Christianorum. Hunc itaque pannum fuscum in signum conserendi Martis erigens in montanis, super ipsam prædictam arcem fixit, eadem hora qua Christianorum apparatus summo diluculo fieri cœperunt, et acies ordinabantur: viso hoc signo, etiam gentiles ad resistendum providerent, arma et acies ordinarent. Protinus panni hujus signo et fragore buccinæ, horribiliter tonantis, præmoniti, densantur et cuneantur, et Christianis turmis in occursum tendunt, ab equis circiter duo millia descendentes, ad prohibendum pontem ejusque fluvii transitum.

CAP. XLIX. — *Christi populus in prima acie victor gentilium sumo impeditur.*

Christiani autem principes in eadem porta ordinati et conglobati, suspicantes ac præscientes Turcos in arcu et sagitta sibi in exitu suo adversaturos, omnem manum sagittariorum pedestris vulgi præmiserunt a porta trans pontem et fluvium Farfar. Qui Deo favente pontem anticipantes, in Turcos sagitta infestos irruerunt, scuto tectis pectoribus resistentes, et a loco amovescentes, quouaque ad stationem eorum ipsorum sagitta Christianorum transvolante, perventum est. Turci itaque, qui ad pontem ab equis descendentes pede præcurrerant, videntes se non posse obsistere, nec viros Christianos a ponte abigere, sed equos suos posse sagittarum grandine perire, versi in fugam et ad equos quantocius properantes, ipsos ascenderunt; et sic liberum exitum Christianis, licet inviti, concesserunt. Ad hæc Anselmus de Riburgis monte, qui erat in prima hac acie constitutus cum Hugone Magno, gaudens prospero successu et prima victoria fidelium vibrata hasta medio Turcorum involvitur; qui hos dejecit, hos perforat, alios resupinat, et ingenti illorum occisione laborat. Hugo siquidem Magnus, videns quod Anselmus sine aliquo timore mortis hostes represserat, sine mora advolat, simili cæde mulctans inimicorum catervas. Robertus Flandrensis, Robertus Northmannorum comes, Baldewinus Hamaicorum princeps. Eustachius quoque, audacter

et fortiter cum hostilibus cuneis lucebantur, quos non modica stargā interemerunt. Solymanus vero dux Turcorum, miles sævissimus, et Rossillon consocius ejus, unus ex quatuor capitalibus Antiochiæ sub Darsiano rege, cum suis cuneis circiter quindecim milibus a cætera multitudine sequestrati, adversus hæc montana et viam, quæ respicit ad portum Simeonis, festinato contendunt: ut ei Christiani victi forte illuc fugam meditarentur ad maritima, eis occurrerent, et incautos attererent. Hoc in proposito avide ferventes, properata via plus solito, super aciem Reinardi cemitis, Petri de Stradenies, Walteri de Dromedart, Henrici de Ascha Reinardi de Hemersbach, militis illustrissimi, Wernerii de Greis casu irruerunt; quibus subito ad impedimentum ignem projecerunt ab ollis in faciem terræ, quo eorum transitus erat ad societatem Christianorum. Ignis itaque ut hæsit terræ, arreptis herbis aridis et frondibus siccis veprium, statim vires in altitudine et amplitudine acquisivit, et sic a vento suscitata nebula, fumus concrevit tenebrosus, solummodo oculos fidelium obumbrans, et aspectum impediens.

CAP. L. — *Peregrini multifarie dissipantur, acies Boemundi in mortis articulo posita Godefrido duci nuntiatur.*

Igitur Turci callide eos post sumi nebulam insequentibus, errore caliginis dissociatos alios trucidabant, alios sagittis transfigebant. Solummodo equis insidentes velocitate equorum evaserunt, sed non omnino illæsi a sagittis: peditum vero trecenti occisi, et pars in vinculis retenta est. Karieth autem Turcus de civitate Caran, visio Solymani prospero successu in contritione aciei Reinardi, Petri, Wernerii et cæterorum, confidentius iter accelerans, in circuitu una cum principe Damascenorum a montanis juxta civitatem et Fernam fluvium descendit, appropinquante simul Brodoan de Alapia civitate Turcorum, ad coronandam aciem Boemundi, quæ erat extrema, peditibus et Francigenis plurimum densata: quam incurrentes, sagittis et virtute suorum irruere ac dispergere conati sunt. Oppressi siquidem viribus Turcorum, et fraude astutorum hominum circumventi, comitatus Boemundi in miserum et auxium globum, quasi oves inter lupos perituræ, cogebantur, nec ultra reniti valebant, sed in proximo erat, ut morituri undique ab infidelibus turmis involverentur. At Godefridum ducem cum Buldagi, Amasa, Boesa et Balduc atrociter dimicantem, et in nomine Jesu Filii Dei vivi, triumphantem, nuntius trans spatium viæ unius, vocis percurrrens, flebili regatu pulsatur et admonet, ut respiciat et cognoscat quam in arcto res Boemundi suæque societatis sit sita: quibus, ni cito subveniret, omnes in brevia Turcis consumi assererat.

CAP. LI. — *Dux hostes fugat et proterit, fratres a porta mortis educit.*

Godefridus dux, ex relatione velocis nuntii Boemundi intellectu invasione suæque aciei a Turcis

A fere coronatæ, elevans oculos, jam intuetur quomodo virtus Boemundi et cohortes illius pondere belli fatigabantur, et vix inimicorum vires sufferebant. Unde festinus in faciem adversariorum cum Alemanis, Bawaris, Saxonibus, Lotbaringis, Teutonicis, et Romanis, qui in sua erant acie, avolat in vexillis ostreis variis et decoris, ut vires gentium repelleret, et in angustia positus subveniret. Hugo vero Magnus, qui in exitu primæ aciei a ponte, qui ab urbe trans Farfar porrigitur, fugatis Turcis et attritis, spatium campi cum Christianorum præmissis sagittariis victor obtinebat, videns quod ducis Godefridi acies et vexilla revertebantur via quæ ducit ad fluvium Farfar, una ipse festinus eodem itinere ad aciem ducis cum sua legione ad vires et arma augenda refertur, sciens quia hac parte major angustia belli ingruerat. Moderabantur ambo principes cursus suorum equitum, secundum quod pedites appropinquare poterant. Quos ubi Turci indubitanter in se tendere viderunt ad subveniendum Christianis consociis, paulatim ab invasione et assultu cœperunt subtrahi; et dato dorso remensi viam, ad tabernacula sua fugam arripiunt, duce cum Christianis tironibus atrociter insequente et cadente.

CAP. LII. — *Item de eodem.*

Tandem superato quodam humili et modico torrente, a montanis defluente, paululum Christianis militibus in valle retardatis, Turci in vertice cujusdam montis consistentes, ad defensionem frena rejiciunt, et sagittis suis Gallos insequentibus absterrere nituntur. Ad hoc peregrini Teutonici, corda intrevida habentes, altis vocibus Christi clementia invocata, obsistentes Turcos indubitanter incurrunt, quos tunc et deinceps sic in fugam continuam mittunt, ut non aliquis eorum stare aut remordere in eodem conflictu præsumeret. Boemundus ergo princeps magnus, et Adam filius Michaelis, visa virtute Godefridi resistentis, et populum alleviantis, et quia cæde cum suis inter hostium agmina fulminabat, cum omni acie et fortitudine quam ultimus regebat, abruptis moras, et in impetu ac vociferatione per medias Turcorum acies infertur. Quorum immanissima strage facta sic campi operiebantur corporibus occisorum, quasi grandine hinc et hinc sævisime commistis cuneis. Sed, Deo auxiliante, ingravatum est bellum gentibus; totumque prælii pondus versum est illis in contrarium. Corbahan autem superbus, qui ampliores sibi retinuerat vires et copias, et a sinistris Christianorum stationem occupaverat, nequaquam suis fugitivis et attritis sociis ad open contendere poterat. Nam illi Podiensis episcopus cum omni manu Provincialium fortiter in faciem resistebat, eisque lanceam Dominicam semper opponebat. Unde colligendum est quod, Deo et Domino nostro Jesu operante, virtus illius, divinitus sibi timore immisso, elanguit, et corda suorum fremuerunt: quia sic immobilis permanebat in obstaculo et visione cœlestis armaturæ, ac si omnis

pugnæ immemor cum infinito suo satellite haberetur.

CAP. LIII. — *Corbahan, victis suis, spem vivendi ponit in fuga, quem Podiensis episcopus insectatur.*

Sic, Deo volente, in stupore et extasi posito quidam adfuit, sinistra illi portans nuntia, et dicens: « Corbahan, princeps illustrissime, quid longius moram protrahis adversus hanc Christianorum aciem? annon vides quomodo tuus, quem eduxisti, exercitus, victus et attritus fuga dilapsus est? ecce in castra tua tuorumque Galli diffusi spolia auferunt, et res universas colligunt, et ecce sine mora ad te perventuri sunt. » Corbahan hæc tristi et dura legatione pulsatus, elevatis oculis videns acies suas fuga defluxisse, continuo ipse cum omni comitatu suo dorsa vertit in fugam, via qua venerat, ad regnum Corrozan et flumen Euphratem insistsens. Quem sacer episcopus cum omni acie sua persecutus est, non longe tamen, præ defectione equorum et peditum lassitudine. Defecerant enim Christianis equi quos a Gallia eduxerant, præ diversis plagis, ut affirmant ex veritate qui aderant. Nam vix ducenti supererant equi bello apti, in die qua prælium cum tot nationibus gentilium commiserunt.

CAP. LIV. — *Ubi notantur principes qui præ inopia mendicant.*

Plurimi siquidem egregii milites et nobilissimi, quorum latet numerus, equis mortuis et præ famis inopias consumptis, in numero peditum computati pedites prælia discebant, qui a pueri ævo semper equis assueti et invecti certamen inire solebant. Ex his vero egregiis viris, qui mulum aut asinum, vel vile jumentum, vel palefridum tunc acquirere poterat, pro equo utebatur: inter quos fortissimi et ditissimi sua in terra principes asino insidentes certamen inierunt: nec mirum. Nam diu deficiente illis proprio sumptu, egentes mendicaverant, et suis armis venditis propter inopiam, armis Turcorum insuetis et incongruis in bello utebantur. Horum in numero Hartmanus, dives et nobilissimus, unus de præpotentibus in terra Alemanie fuisse, asinoque insidens, umbonem Turci et gladium tantum in die illo ad pugnam habuisse perhibetur: nec mirum. Nam rebus omnibus exhaustus, lorica, galea et armis venditis, diu mendicaverat, et eo fere pervenerat quod nec mendicando vivere poterat. Pervenerat, una Henricus de Ascha, miles nobilis et laude militari dignus. Sed dux Godefridus gloriosus, illorum misertus, panem unum cum portione carnis vel piscis ex proprio sumptu Hartmano constituit; Henricum vero, quia miles et homo suus multis sibi servierat annis et bellorum periculis, convivam et mensæ suæ socium attulavit.

CAP. LV. — *De eadem re, et fuga et cæde hostium.*

Super his miseriis et attenuationibus nobilium procerum, mirantur solummodo hi qui nunquam huic simile audierunt, nec mala viderunt, quæ in tam longo exilio contingerant tam egregiis viris, sed non mirantur qui ipsum ducem Godefridum et

Robertum, principem Flandriæ, ad ultimum egere rebus et aquis se vidisse testati sunt. Egit siquidem dux Godefridus, qui equum, in quo die magni belli sedit, dono comitis Reymundi suscepit, multa prece extortum. Nam defecerat illi pecunia præ angustia memoratæ famis, et nimia largitione elemosynarum et rerum, quas in mendicis et attenuatis militibus expendit. Egit pariter Robertus, ditissimus et potentissimus princeps pinguis Flandriæ quem sæpius in exercitu mendicasse asserunt, qui affuerunt et oculis inspexerunt; ipsumque equum quem in die belli ascenderat, mendicando acquisivisse, multorum relatione didicimus. His denique equis, labore acquisitis, nunc tam egregii principes in die belli invicti adversus infidelium acies, considerantes Corbahan cum omni comitatu sua terga vertisse, veloci cursu post eum frena dirigunt: cædendoque et sternendo fuga deficientes et fugientes, in spatio trium milliarum sine intermissione insecti sunt. Tankradus, qui etiam Christianorum aciem dirigebat, ut fugam pensavit adversariorum, una cum equestri manu in cæde illorum affuit velociter, quos via sex milliarum fugientes insectus est. Corbahan, viso suorum diffugio et exercitus sui dispersione, semper intendebat fugæ, quousque ad Euphratem, fluvium magnum, perveniens, cum suis navigio elapsus est.

CAP. LVI. — *De direptione castrorum et diversitate vinculorum.*

His præfatis Christianorum principibus avidè inimicorum cædi et insectationi intendentibus, societas comitis Reymundi et episcopi Reymeri prædæ inhians, et spoliis Turcorum, in loco eodem quo victoria data est, parum persequens, permansit, et grandia spolia auri, bysantiorum, frumenti, vini, vestimentorum et papilionum deprædata est. Alii vero qui pugnæ intenti erant, videntes illos spoliis manus inferre, eadem avaritia corrupti, manus similiter prædæ injicientes, cum spoliis copiosis et infinitis in laude et lætitia et voce exultationis Antiochiam reversi sunt: et qui ante inopes erant et famelici, nunc omnibus bonis satiati sunt. Codices vero innumerabiles in iisdem castris gentilium repererunt, in quibus sacrilegi ritus Sarracenorum et Turcorum inscripti erant, et nefanda crimina ariolorum et aruspicum cum characteribus execrabilibus. Catenarum, vinculorum, laqueorum ex funibus et ferro coriisque taurinis et equinis diversa genera ibidem in tentoriis reperta sunt ad vinculandos Christianos quæ omnia Antiochiam allata sunt, plurimo numero infinita, cum plurimis rebus et tentoriis, et cum tentorio ipsius Corbahan, quod in modum civitatis turribus et mœnibus diversi coloris et pretiosi serici ædificatum erat. Habebat idem mirabile tentorium vicos a se defluentes, in quibus duo hominum millia spatiose habitasse referuntur. Mulieres, pueri teneri et adhuc lactantes, quotquot in castris reperti sunt, alii trucidati, alii equorum pedibus concultati, misero et lacero cadavere campus impleve-

runt, destituti suorum auxilio gentilium de bello A etiam in obsidione urbis Antiochiæ mira et inaudit a terga vertentium. Cætera quæ in hoc bello acta gesta sunt, nullius stylo, nullius memoria æstimo sunt, tam in populo Christiano quam gentili, quæ retinenda, tot tamque diversa fuisse referuntur.

## LIBER QUINTUS.

CAPUT PRIMUM. — *De divinatorum mysteriorum restitutione, et de patriarchæ recollatione.*

Accepta hac victoria in campo Antiochiæ, magnæ et regiæ civitatis Syriæ, episcopus Podiensis et cæteri principes, a fuga et cæde exercitus Corbaban reversi in præfata urbis mœnia, basilicam B. Petri apostoli, quam Turci suis sacrilegis ritibus profanaverant, ab omni inquinamento mundantes, altaria sancta, quæ subversa erant in omni honestate reædificaverunt, imaginem vero Domini nostri Jesu Christi et figuras sanctorum, quas in modum viventis personæ obcæatas et obductas cœmento obscuraverant, summa reverentia renovabant, cultores catholicos in exsequendis ibidem divinis mysteriis restituentes in omni clero tam Græcorum quam Latinorum. Deinde ex ostro purissimo et serico pretioso et reliquis ornamentis, quæ in Antiochia sunt reperta, infulas, dalmaticas, cappas et omnem decorem ad usus ecclesiarum Dei vivi fieri constituerunt, quibus divina officia in templo B. Petri celebraturi sacerdotes et ministri ornarentur, vel quando in processione Dominicarum dierum, aut in celebrifesto, ad oratorium S. Mariæ, matris Domini nostri Jesu Christi, in psalmis et hymnis migrarent. Hoc idem oratorium brevi intervallo distans ab ecclesia B. Petri, adhuc ab iisdem Turcis inviolatum et intactum permansit, et Christianis, inter se post sibi subjungatam urbem dono et licentia eorum commorantibus, solummodo concessum est. Patriarcham vero urbis, virum clarissimum et Christianissimum, quem Turci, cum adhuc Christianorum obsidione circumdarentur, sæpius funibus astrictum vivum ad mœnia suspenderunt in oculis omnium ad augendas Christiano populo molestias, et cujus pedes frequenter compedum læsione attrivorant, decenter in cathedra sua relocaverunt, et principem Antiochiæ cum omni subjectione et religione præfecerunt.

CAP. II. — *Quibus principibus subjecta sit Antiochia.*

His itaque divinis rebus prælatis et præordinatis, Boemundum dominum et advocatum urbis constituerunt, eo quod multum in traditione urbis expendisset, plurimumque laboris pertulisset, ut custodias per turres et mœnia adversus Turcorum insidias faceret. Boemundus assumpta potestate et dominio urbis, in præsidio quod in eminentiore loco in montanis habetur, sedem et custodiam suorum posuit, nulla illic Turcorum defensione sibi adversante. Nam audita fuga et contritione suorum, Sansadonia, et qui in arce erant, pariter etiam

ipsi per montana fugerunt, vacuum et immunitum relinquentes præsidium. Verum Reymundus comes de regione Provinciæ, semper insatiatus desiderio acquirendi, turrim eam, quæ ponti Fernæ imminet versus portum S. Simeonis, invadens, suo munivit satellitio, partemque hanc urbis suæ ditioni subesse coegit. Cæteri vero principes, Godofridus dux, Robertus Flandrensis, Robertus, princeps Northmannorum, cunctique qui non minus laboris circa urbem pertulerant, minime urbi præesse, aut ejus redditus vel tributa sibi impertiri quæsierunt, nolentes fidem et sacramentum, imperatori Constantinopolis factum, violare. Juraverant enim sibi, ut si caperetur Antiochia, quia de regno ejus erat, sicut Nicæa cum omnibus castellis et urbibus, ad regnum ejus pertinentibus, sibi reservarent, suæque majestati restituerent. Ex tunc et deinceps Boemundus comiti Reymundo cœpit invidere, sed tamen occulte.

CAP. III. — *De duobus principibus directis, quorum unus periit, alter vix evasit.*

Prædicti vero principes, quibus curæ erat fidem et jusjurandum servare, Baldwinus Hamaicorum comitem, una cum Hugono Magno, fratre regis Franciæ, paulo post victoriam a Deo collatam direxerunt in legationem ad ipsum imperatorem Græcorum, ut causam ab eo investigarent, cur tam impie se gesserit erga populum Dei: et auxilium, quod pollicitus esset, cur in tanta necessitate exhibere neglexerit, cum in aliquo eos fallaces aut seductores adhuc invenire nequiverit. Injunctum est etiam illis ut eidem imperatori dicerent quomodo ab omni promissione et sacramento principes exercitus soluti haberentur, eo quod omnia quæ promiserat auxilio ex timidorum et fugitivorum suggestione mentitus esset. Sic quidem duo prædicti principes, assumpta sociorum confratrum legatione, ad ipsum imperatorem viam insistunt per mediam Romaniam. Ubi in confinio Nicææ in insidias Turcopolorum forte inciderunt, non a dextris vel a sinistris declinare valentes. Turcopoli itaque, gens impia et dicta Christiana nomine non opere, qui et Turco patre et Græca matre procreati, videntes viros sibi inter manus oblatos, subito irruerunt in eos, Baldewinumque, qui Hugonem aliquantulum præcesserat, ut aiunt, sagittis confixerunt; quidam vero asserunt quod vivum illum et captivum abduxerint; sed latet usque in hodiernum diem, quo fine tam nobilissimus



et Christianissimus princeps perierit. Hugo autem Magnus, qui modico intervallo viam post Baldewinum continuabat, cernens angustias animæ illius, celeri cursu iter remensus est ad silvâ quamdam, montibus contiguam, cujus absconsione protectus, manus impiorum invasit.

CAP. IV. — *De plaga mortalitatis, quæ facta est in populo Dei.*

Post hæc, ex omni parte crebro affluente navigio in cibariis ad portum S. Simeonis, et peregrinis in victoria Dei ab obsidione barbarorum liberatis, felici abundantia cibariorum, omniumque necessarium fructibus, plaga maximæ mortalitatis facta est intra urbem Antiochiam, qua plurima et innumera-bilis multitudo Christiani exercitus tam nobilium procerum quam humilis vulgi absumpta est. Hac clade mortifera primum venerabilis præsul de Podio percussus, vitam finivit Kal. Augusti: quem nimia lamentatione nobiles et ignobiles deflentes, in ipsa basilica S. Petri sepulturæ contulerunt, in eodem loco quo lancea Dominica reperta est. Sepulto itaque tam venerabili sacerdote, amplior et gravior invaluit hæc plaga ævis-sima, et morte minui adeo Christianorum cœpit exercitus, ut per spatium ferme sex mensium vix aliqua ortretur dies, quin centum et quinquaginta vel triginta ad minus, tam nobiles quam ignobiles spiritum vitæ exhalarent. Ejusdem cladis atrocitate Henricus de Asoha, miles nobilis genere, moriens occubuit in castello Turbaysel, illic catholice sepultus. Reinardus pariter de Hemersbach, miles clarissimus opere et genere, vitam amisit, sepultus in atrio basilicæ B. Petri apostolorum principis. Præterea multi tam equites quam pedites, nobiles et ignobiles, monachi et clerici, parvi et magni, quin et sexus femineus, supra centum millia sine ferro morte vastati sunt.

CAP. V. — *De insidiis Turcorum, et de quodam Folkero et uxore ejus.*

Interea multi gaudentes pace et victoria, mortalitatemque hanc vitantes, et causa necessariorum dum viam frequenter Robas insisterent, sperantes aliquid accipere de manu Baldewini, plurimas insidias et cædes a Turcis, qui habitabant in præsidio Hasart, patiebantur, et sæpius capti aliqui abducebantur. Quadam autem die quidam Folkerus, miles egregius, de castro Bullon ortus, dum cum uxore sua, quæ erat formæ elegantis, Robas cum cæteris fratribus iter faceret, forte in Turcorum insidiantium manus incidit: qui illico cum cæteris, post multam defensionem victus ac decollatus est. Uxor vero illius quia multum præ honestate vultus sui placuit in oculis eorum, capta in præsidium Hasart abducta est. Princeps ergo et dominus præsidii hanc honorifice tractari jussit, dum videret si in ejus redemptione aliquid magni pretii consequeretur. Nec diu post, quidam Turcorum miles illustrissimus, qui ad dominum præsidii Hasart in conventionem solidorum venerat, in concupiscentia formæ uxoris Folkeri captus, immoderato amore exarsit; ac

nimum pro eo dominum præsidii efflagitabat, ut eam dono ejus pro conventionem solidorum in conjugium accipere mereretur. Quod et actum est.

CAP. VI. — *De inimicitia inter Brodoan de Alapia et principem Hasart.*

Miles itaque Turcus nuptiis his lætatus, multo amplius quam solebat insidias et bellum hostibus domini Hasart inferebat; et prædam de Alapia civitate magna Brodoan, cujusdam principis Turcorum, sæpius abduxit, insequentes ad excutenda spolia frequenter captivabat, aut victos detruncabat. Erant enim ad invicem, inter Brodoan de Alapia et principem de Hasart, odium et graves inimicitie. Transactis dehinc aliquot diebus, Brodoan indignatus, quia miles prædictus manusque militum de Hasart sæpius sibi adversarentur, de universis partibus civitatis Alapiæ Turcos suæ ditionis collegit, ut die decreto, Hasart in manu valida obsidens, expugnet. Huc comperto, princeps Hasart anxie meditatur, qualiter vires auxiliares acciret, cum quibus occurrere congregatis tot millibus Brodoan valeret.

CAP. VII. — *Consilium Turci Christianæ mariti de adipiscenda Christianorum amicitia.*

Ad hæcinter diversa colloquia quæ fiebant, miles Turcus, qui Christianam duxerat uxorem, instinctu ejusdem conjugis sic principem Hasart adhortatur, dicens: « An vides, quomodo Brodoan undique Turcorum manum contrahat et vires, atque in multis millibus te et præsidium quod habes, vallare et expugnare disponit? Nunc, si meos vis credere consilio, Godefridum, ducem Christiani exercitus, qui Antiochiam, fugato Corbahan, potenter obtinet, amicum, datis dextris, tibi facere non tardabis, et sic universam Christianorum opem et comitatum in hac instante necessitate scias te adepturum. Nosti enim quod hæc gens Christiana cuncta gentibus militari actu et audacia præfertur, et nulli eis fide et honore comparantur. Unde ne quaquam consilium hoc parvipendas, sed sine dilatione ejus tibi amicitiam apprehendas; et sic eo fœderato, universos Christianos ad omne tibi scias auxilium voluntarios.» Hic vero princeps, sciens hoc sanum esse consilium, sequè Brodoan ejusque copiis innumeris sic posse resistere, nuntium Christianæ professionis, genere Syrum, hominem mire discretum, Godefrido duci Antiochiam misi, in hæc verba loquentem:

CAP. VIII. — *Legatio principis Hasart ad Godefridum, ducem et quomodo dux hæsitat cum Turcis fœdus inire.*

« Princeps Hasart, Godefrido magno principi ac duci Christianorum, salutem, et omne quod melius optari potest. Consilio nostrorum ad te direximus, pacem et concordiam inter nos componere, fidem et amicitiam statuere, atque ad omnem bellicam necessitatem arma nostra esse communia. Comperimus enim quomodo vir et princeps potens es viribus, et quod auxilium ferre vales tibi confederatis, et nulla levitate a fidei tuæ vinculo poteris resolvi. Unde præ omnibus te elegimus, te convenimus, opem a te

quærimus, fœdus percutimus, fiducia hac qua A certus nostræ fidei semper habearis. Brodoan de civitate Alapia nobis factus inimicus, Turcorum undique contraxit auxilia, in brevi ad præsidium nostrum Hasart in virtute magna et copioso exercitu perventurus. Cui non in alio auxilio Turcorum principum occurrere et resistere decrevi, sed in manu tua, si credere mihi et succurrere non recuses. » Godefridus dux, audita hac legatione, consilio suorum habito, fiduciam statuendæ pacis requirit, hæsitans ne Turcorum perfidia sibi suisque aliqui iniquo machinamento obesse possit, corrupto fœdere sub aliqua prævæ occasionis industria.

CAP. IX. — *Mahumet. filius principis, duci Godefrido datur obses: columbæ fœderis nuntiæ emittuntur.*

Audiens vero princeps de Hasart ex legati sui B relatione, quia dux et sui de hac concordia hæsitarent, et non multum in Turcorum promissis confiderent, duoi filium suum, Mahumet nomine, quem tenere diligebat, obsidem misit, ut certior inter se statuendæ pacis ac fœderis abhinc et deinceps redderetur. Dux, filio illius obside accepto, fidem et amicitiam cum illo pepigit, et se ad omnia adversantia sibi auxiliari et nunquam deficere, stabili juramento promisit. His ita promissis, diem certam statuit, quæ ad auxilium contra Brodoan Christianum conduceret exercitum, et Turcorum legiones ab obsidione Hasart, Domino Deo suo Jesu Christo auxiliante, effugaret. Hæc dux dum constanter pollicetur, legati de præsidio Hasart vehementer jucundati et lætati sunt; et sine mora columbas duas, aves gratas ac domitas, secum allatas eduxerunt a sinu C suo, ac charta, ducis responsis promissisque fidelibus inscripta, caudis illarum filo innodata, e manibus suis has ad ferenda læta nuntia emisit. Dux et universi, qui cum eo aderant, de hæc avium emissionem mirantur. Sed illico, cur per aves hæc fiant nuntia, illis a legatis responsum est: « Non dominus noster dux, ejusque fideles super emissis mirentur columbis, quas non pueriliter, non frustra, præmisimus; sed hæc de causa præmissæ sunt, ut rapido et incensibili volatu legationem fidei, quam erga cum habes, accelerent, et de auxilio tuo certificent, qualiscumque nobis in via fortuna vel impedimentum occurrerit. Est et alius quare hæc aves cum chartulis præmittuntur, ne si in sinu nostro repertæ fuerint ab aliquibus fratribus nostris Turcis, rei morti damnemur. » Jam cum chartis sibi commissis aves avolaverunt, in solium et mensam ducis Hasart fideliter reversæ. Princeps autem de Hasart ex more solito aves domesticas pie suscipiens, chartas intitulatas a caudis earum solvit, secreta ducis Godefridi perlegit, diem adventus sui ad auxilium, et in quantis millibus Christiani exercitus subveniret, pernoctat.

CAP. X. — *Brodoan Hasart obsidet, Christianorum supervenit exercitus.*

His perlectis et agnitis, et Godefridi certus amicitia et fidei, præsidium Hasart plurimis militum munivit armis et copiis Turcorum sibi auxiliantium,

quas e diversis accivit locis. Et ecce Brodoan in manu forti et numero quadraginta millium virorum Turcorum descendit in campos Hasart, sedemque in circuitu murorum illius fixis tentoriis locavit, gravi assultu mœnia et turres de die in diem oppugnans. Vix quinque sederat diebus, et ecce dux Godefridus in fortitudine multa ab Antiochia est egressus in vexillis miræ pulchritudinis, in loriciis et galeis, in sagittis equitum et peditum, spatio dierum trium iter faciens. Peracta via unius diei, Baldewinus, frater ipsius, a Robas proficiscens cum tribus millibus virorum pugnatorum, occurrit in vexillis per aerem coruscantibus, ex ducis legatione accitus. At Boemundus et Reymundus vehementi invidia indignati sunt, quod ipse princeps de Hasart primum ad Godefridum mittens, fœdus inierit, filiumque suum sibi obsidem mutus fidei dederit: et ideo omnino se in hanc ducis expeditionem proficisci recusarunt.

CAP. XI. — *Boemundus et Reymundus duci Godefrido associantur: obsidio solvitur, sed per insidias quidam de Christianis occiduntur.*

Dux, jam itinere unius diei expleto, videns quod principes hi præ invidia remanserant, nec blandis monitis nec humili prece flecti poterant ut venirent, iterato eis legationem misit, in hunc modum locutus: « Non decet vos, qui estis columnæ et ductores Christiani exercitus, ut vos fratres vestros nonchristianos auxilii vestri immunes relinquatis, occasionem falsam adversum nos sumentes, cum adhuc in nulla angustia vel necessitate vobis defuerimus; sed semper in via hac etiam pro vobis mori parati fuerimus. Credite procul dubio quod si hodie remanseritis, nec opem nobis ad id negotium tuleritis, hostes vestri erimus, nec ad ullam causam ad vos pertinentem ultra pes noster movebitur. » Boemundus et Reymundus videntes quod manus universa Christianorum ad vocem ducis Godefridi viam Hasart insistebat, et quod dux cæterisque confratres eis in ira loquerentur, recordati sunt quod injuste egissent erga fratres suos; ac compuncti, sociis suis tam equitum quam peditum circiter quatuor millia adunatis, Godefridum via regia secuti, in regione Hasart associati sunt. Erat numerus congregatorum principum et eorum exercitus triginta millia virorum pugnatorum. Brodoan et qui cum eo in obsidione Hasart convenerant, cognoscentes quia agmina Christianorum campos vicinos introissent, a longe e castris eorum ignes in nocte relucere, et nebulam fumorum ascendere intuentes, ex consilio et pari mente castra ab obsidione moverunt, scientes quod tot millibus resistere minime valerent. Ex his ad decem millia in circuitu longæ remotione viæ per notas semitas et montana gradientes, tardatos et subsequentes peregrinos ac postremos exercitus sagittis a tergo incurrerunt, et sexcentos subito expugnatos et exterritos, clam duce et eis, qui longo spatio duorum milliarium præcesserant, in ore gladii percusserunt.

CAP. XII. — *A principe Hasart cum magna gratiarum actione suscipitur dux Godefridus: fœdus renovatur.*

Hanc famam crudelem dux et sui comperientes, equorum velocitate inveci, Turcis a cædo hac revertentibus in valle montium regionis Hasart prope-rata via occurrerunt, non modicam stragem illorum lanceis et gladiis illic facientes. His attritis, et fuga per montana et veprium condensa dilapsis, dux et cæteri comprimores ad præsidium Hasart applicuerunt. Quibus princeps illius cum trecentis, galea et lorica fulgenti opertis, occurrit, multas gratiarum actiones referens duci super omnibus quæ ejus auxilio adversus inimicorum vires victrices illis contigerunt. Moxque renovato fœdere, amicitia duci inviolabili conjunctus est in aspectu omnium qui aderant, promittens se stabilem et nunquam alienari a societate ipsius ducis et Christianorum familiaritate ac dilectione. Dux ex consilio suorum viro sibi confæderato galeam, auro et argento mire insertam, et lorica magnæ honestatis contulit, qua Herebrandus de Bullon, miles nobilis et bellico actu insignis, prælia commissurus semper induebatur. Brodoan igitur ab obsidione Hasart fugato, et principe ejusdem præsidii a duce et omnibus primoribus benigne commendato, ac pacifice in sua re-latione, exercitus Antiochiam repedavit, et in victoria ac pace magna universi principes in ea considerunt.

CAP. XIII. — *Dux, in valescente pestilentia, conatus necessitate temporis, recessit ab Antiochia.*

Post hæc, prædictæ pestilentie tempestate amplius et validius ingruente, multisque principibus cum plebeia manu morientibus, dux Godefridus, memor quomodo persimili clade olim est Romæ tactus in expeditione quam egit cum Henrico, rege quarto, imperatore Romanorum tertio; et quomodo illic in pestifero mense Augusto quingenti fortissimi milites pluresque nobiles obierint, et plures exterriti, cum ipso Cæsare ab urbe recesserint, nunc idem malum metuens, ab Antiochia recedens, secessit versus montana Pancratii et Corovassilii; et habitavit in urbibus Ravenel et Turbaysel, a fratre Baldewino ante obsidionem Antiochiæ subjugatis, et post transmigrationem suam in Rohas eidem fratri et duci relictis.

CAP. XIV. — *Dux ipse cum paucis Christianis præsidia inimica subvertit.*

In eisdem siquidem præsiidiis quidam Armenii fratres, monachico habitu Deo servientes, multas passi calumnias a militibus Pancratii habitantibus in præsidio, præfatis locis Ravenel et Turbaysel contermino, ipsum ducem, videntes virum esse pacificum et amatorem justitiæ, sunt aggressi, querimoniam super illatis sibi injuriis facientes, et super arce Pancratii semper eisdem castellis eorumque habitatoribus infesta. Dux vero Christianissimus querimoniis pauperum Christi pulsatus, et harum injuriarum non immemor, quas sibi idem Pancratius fecerat, cum adhuc a Christianis obsidio circa muros Antio-

chiæ fieret, moleste tulit, omnibus modis de his ultionem sumere meditans. Spoliaverat enim Pancratius legatos Baldewini, fratris ejusdem ducis, magnis et honorificis donis tam pecuniæ quam cæterarum rerum, dum iter per terram et patriam ejus agerent, quæ omnia Boemundo principi ad componendam cum eo amicitiam mittere non expavit. His itaque injuriis et pauperum querimoniis, nunc dux commotus, quinquaginta milites suorum sequacium eligens, in lorice, clypeis et lanceis, in balistis et lanceis Armeniacis profectus est ad vicinam arcem, in qua noxii prædones Pancratii morabantur. Hanc omni virtute instans, oppugnat repentino assultu, expugnatam flamma et igne humi cogit procumbere, viginti ex milibus, quos in ea reperit, ejus jussu excæcatis in retributionem et vindictam superbie et injuriarum quas Pancratius sibi Christianique pauperibus inferre præsumpsit. Similiter arx et præsidium Corrovassilii assultu et virtute militum ducis, ex diversis calumniis et injuriis, quas Christianis intulerat, crematum, expugnatum, humique prostratum est.

CAP. XV. — *Baldewinus confluentes ad se Christianos donis plurimis munerat, Turcos edomat.*

Duce itaque Godefrido ab Hasart in Antiochiam reverso, dehinc obside Mahumel in manu et custodia suorum Antiochiæ relicto, Turbaysel et Ravenel profecto, Baldewino vero ab Hasart cum suis Rohas reverso, plurimi de exercitu viri nobiles et ignobiles, Drogo de Nahella, Reinardus de Tul, Gastus de Berdeiz, Folkerus Carnutensis, cæterique primates et commilitones per centenos et quinquagenos alii equo, alii pede, venerunt ad civitatem Rohas, ut a Baldewino, duce et principe in civitate et regione facto, pro obsequio militari præmia mererentur, moram aliquam apud eum facientes. Erant enim summa necessitate gravati, et longa expeditione rebus exhausti necessariis. Affluebant autem et accrescebant singulis diebus in numero et virtute, dum fere tota civitas obsessa a Gallis, et eorum hospitalitate occupata est. Baldewinus singulis de die in diem in byzantiis auri, in talentis et vasis argenteis dona plurima conferebat; regiones et cuncta sibi adversantia congressione belli edomabat, Turcos et omnes in circuitu subjugabat, donec fœdus nobiliores et præpotentes terræ cum eo percussissent.

CAP. XVI. — *Baldewinus conspirantes adversus se proscribit, et custodix mancipat.*

Hanc Francorum gentem ab Antiochia et e cunctis locis sic ebullire et prævalere in omni actu et arte, duodecim principes et indigenæ civitatis Rohas vel Edessæ intuentes, eorumque consilia suis præponi, et cum eis de omni re et negotio terræ Baldewinum agere, eosque et eorum decreta plus solito negligere, vehementi indignatione adversus eum suosque exarserunt. Et omnino ab his exterminari metuentes, nimium pœnituit eos quod Baldewinum ducem ac dominum civitati præfecissent. Unde facta clam

conspiratione et missa turcis legatione, traditionem adversus Baldwinum machinabantur, qualiter cum suis aut occidi aut ab urbe posset depelli. Quod dum inter se frequenti et secreto conventu aptarent, quidam ex eis, Enxhu nomine, fidem puram intimo corde et mente erga Baldwinum servans, fraudis ad inventores et consentaneos sibi ex ordine aperuit, ideoque se suosque et civitatis introitus nocte et die ab illorum traditione necesse tueri, ne improvisos et incautos Turcorum vires et insidiæ reperire possent. Baldwinus talem tantamque perfidiam eos machinari nunc veraci relatione, nunc tristis vultus illorum immutatione expertus, missa familiari et devota sibi manu Gallorum, universos jussit teneri et carceris custodiæ mancipari; omnem vero substantiam et pecuniam illorum inauditam suo inferri palatio, quam non parce suis sequacibus pro militari obsequio expendit.

**CAP. XVII. — Baldwinus nimia datione exhaustus, pro redemptione captivorum manera suscipit, quosdam excruciat, et urbe depellit.**

Deinde pluribus diebus evolutis, et multum illis pro vita et membrorum salute precantibus, plurimumque se excusantibus, dona vero non modica per exoratores pro sua redemptione offerentibus, Baldwinus suorum semper consilio ad altiora tendebat, sciens ex ore delatorum quod per vicina castella et munitiones thesauros ampliores, quodque pretiosius habebant, a facie Christiani exercitus absconderant. Postremo ex nimia datione et solidorum conventionem, et magnitudine donorum, quæ non solum Gallorum primatibus, sed et inferiori manui contulerat, Baldwinus exhaustus, numera pro redemptione captivorum suscipienda concessit. Dnorum tantum munera recusavit, quos nimium culpatores et reos traditionis jussit excæcari. Plures vero vulgi consocios sceleris, amputatis naribus, manibus aut pedibus, condemnatos urbe jussit expelli. Non minus a singulis redemptis quam viginti millia byzantiorum aut triginta aut sexaginta in ærarium ducis Baldwinus illata sunt, præter mulos et equos, vasa argentea plurimamque ornamenta pretiosa. Ab illo die et deinceps dux Baldwinus in civitate Robas factus est metuendus et nomen ejus usque ad extremum terræ divulgatum est virtute præclarus existens.

**CAP. XVIII. — De socero Baldwinus et de dolo Balas in præsidio Amacha.**

Socer autem Baldwinus, Taphnus nomine, videns quia sic de viris perfidiæ ultionem sumpsit, eosque damnis rerum et tormentis membrorum afflixit, occasione assumpta in munitiones suas in montana porterritus fugit, nec ultra revocari potuit, metuens ne pro pecunia, quam adhuc debebat, capitalem subiret sententiam. Balas quoque de Sororgia civitate, spe recuperandæ civitatis frustratus de manu Baldwinus vel quidquam accipiendi propter affluentiam Gallorum, et quia cor illius omnino ad eos intendebat dolos, in secreto cordis sui aptare cœpit quali-

ter Baldwinum ad interitum callido consilio perderet. Tandem via reperta iniquæ fraudis, qua eum decipere aut perdere posset, die quadam, ac si in puritate fidei, cum circumveniens, sic locutus est: « Scio quia vir magnæ potentiæ es et industriæ, et non parce eos remuneras, qui tibi in obsequio militari voluntarii habentur. Unde devoti acriter mecum ut non solum me, filiosque et uxorem meam in manu tua commendem, sed et præsidium meum Amacha, quo terram plurimam subjugare poter, tibi tradam die quam melius aptam id suscipiendum elegeris. » Baldwinus vero tam benigne et sibi fideliter loquenti, gavisus de susceptione præsidii, apprime credidit; et diem statuit, qua secundum verbum Balas sibi traditio præsidii sine aliquo foret impedimento.

**CAP. XIX. — Quomodo quidam viri sensati Baldwinum contra perfidiam Turcunium.**

Jam die appropinquante, Balas doli sui non immemor, Turcos centum armis et loriceis munitos castro Amacha induxit et per mansiunculas præsidii hac et illuc insidias inclusit, ut sic Baldwinum cum suis ingredientem vivum comprehenderent, suæque ditioni submitterent. Baldwinus fraudis hujus neciscus, sumptis ducentis militibus strenuis ad omne belli opus, usque ad præsidium Amacha profectus est, et Balam, juxta quod promiserat, paratum ad reddendum præsidium invenit. Balam vero multum rogantem, et in dolo mellito ore adulantem, ut cum aliquibus de societate electis præsidium intraret ac susciperet, et in ejus custodia fideliores, quos vellet, relinquere ordinaret, ille fere audivit et credidit; sociisque secum ascensuros et intraturos jam assumere parabat, et qui extra remanerent disponebat. Sed ecce quidam viri sensati Gallorum nihil fidei in hujus verbis et promissis esse astruentes, Baldwinum seorsim ducunt et vehementer arguunt quod verbis hujus Turci gentilis tam subito crediderit, et sine obside fiducialiter ejus præsidium cum modica manu intrare concesserit.

**CAP. XX. — Quomodo Baldwinus perfidiam Turci in captione suorum experitur.**

Tandem de hoc die dubitantibus plurimumque consilii habentibus, et Baldwinum ab ingressu præsidii ex toto avertentibus, decretum est utrinque ut Baldwinus cum sociis in valle præstolaretur, et duodecim ex sociis, in quibus confidisset, ad arcem suscipiendam præmitteret, qui eam suæ ditioni, clavibus serisque sumptis, potenter subicerent. Nec mora, viri duodecim ad arcem suscipiendam electi, armis et loriceis induti, præsidium et turrim Amacha intraverunt. Qui mox ut mediis insidiis astiterunt centum Turci ex mansiunculis in impetu exsurrentes, viros armis et sagittis circumdederunt, et parum adversus tantos in defensione valentes comprehenderunt. Dua solummodo ex duodecim se virili et multa repugnatione a manibus hostium extorquentes, subito in solium quod fenestratum in valem respiciebat, evaserunt, gladis eductis se ab insequen-

tibus hostibus valide adeo defendentes, dum caput a fenestris exerentes, Baldwinum ad radicem montis cum suis stantem admonuerunt ut se a dolis observaret, asserentes decem infide falsa captos, et se in periculo mortis evidentem constitutos.

CAP. XXI. — *Baldwinus graviter torquetur de captione suorum militum.*

Baldwinus, intelligens ex illorum anxio vociferatione rem universam in adversitate positam, et dolos Balas manifestos, magnis doloribus de captivitate suorum torquetur. Sed quid ageret aut quid insisteret ad liberandos viros nullo consilio invenire potuit. Erat enim præsidium situm in excelsorupium humanis ingenis aut viribus insuperabile. Tandem Baldwinus de infortunio tam egregiorum virorum condolens, Balam multum de iniqua fraude redarguit, de jurejurando admonet, et quatenus captos suos restituat, pondus auri et byzantium pro eorum redemptione recipiat. Sed is omnia refutat, et solam Serorgiam civitatem requirit. Baldwinus nequaquam civitatem sibi reddere in Deo jurat etiam membratim in conspectu ejus omnes, quos ceperat, detruncaret. Sic nequaquam Balas Baldwinus preces et admonitiones audiente, nec ejus munera curante, præter Sororgiam, Baldwinus moestus et graviter conquerens de captivis suis, Rochas reversus est. Ab eo die Turcos eorumque consilium et auxilium ac frequentationes vehementi odio habere cepit.

CAP. XXII. — *Baldus capite truncatur; sex de sociis Baldwinus restituitur.*

Post hæc non multi præteriere dies, cum Baldus de Samusart, qui uxorem et filios Baldwinus obsides daturus erat, sed plurimis diebus in dolo distulerat, palatium Baldwinus in adulatione ingressus, jussu ejus a Gallis tentus ac capite truncatus est. Baldwinus in civitate Sororgiæ Folkerum Carnutensem cum centum probis et bello assuetis militibus constituit, ut semper Amacha vexarent assultu, et Balas in ultionem captivorum suorum fratrum dignam vicem repondere conarentur. Die ergo quadam Folkerus cum suis ingressus est ad capiendas prædas in Amacha terra. Qui, præmissis aliquibus sociis, Turcos ab arce usque ad locum, ubi Folkeri erant insidiæ, pertraxerunt. Tum commisso prælio, sex ex Turcis et militibus Balas capti et abducti sunt. His captis et abductis, Balas sex de sociis Baldwinus in redemptione suorum restituit; sex usque ad diem illius in Jerusalem in sua retinuit custodia. Post hæc quatuor evaserunt ob negligentiam et præ longo tædio custodum. Balas vero Gerhardum, privatum et secretarium Baldwinus, una cum Piscello, filio sororis Ubelhardi, præclari militis et nobilissimi de Wizam, decollari jussit.

CAP. XXIII. — *Multitudo Teutonicorum superveniens prædicta mortalitate consumitur.*

Godefrido ob cladem diffusam tam gravi mortalitate per Antiochiam, in Ravenel et Turbaysel moram faciente, eodem tempore pestifero mille et

quingenti viri de gente Teutonicorum ex Regnesburg civitate fluvii Danubii, et ex aliis civitatibus Rheni fluminis, conspirati et electi, ad urbem Antiochiam navigio maris advecti, ad portum S. Simeonis descenderunt ut Christianorum turmis in Jerusalem ituris solatio et auxilio auferentur. Sed sic illa cohors recenter victoriosus peregrinis in Augusto mensum admista eadem mortalitatis clade consumpta et devastata est, ut de mille et quingentis nec unus quidem superesse usquam videretur.

CAP. XXIV. — *Sansadonias matrem cum filiis redimit; Winemarus reducitur; Mahumet obses diligenter custoditur; navigia reparantur.*

Eodem tempore post victoriam Christianorum, Sansadonias, filius Darsiani regis Antiochiæ, matrem suam cum duobus filiis redemit pretio trium millium byzantium ne manu Willelmi, viri nobilissimi, commilitonis et compatriotæ comitis Reymundi de Provincia, quos idem Willelmus in prima invasione et ingressione Antiochiæ sopore gravatos primo diluculo captivavit. Eodem tempore de terra Buloniæ Winemarus, Laodiceæ captus a Turcopolis regis Græcorum, rogatu ducis Godefridi post longa vincula, et diutinas carceris moras, absolutus, sed gravi pœna afflictus, Antiochiam reversus est. Puer autem Mahumet, filius principis de Hasart, obses Godefrido datus, sub diligenti custodia tam servorum suorum duodecim quam solerti cura clientelæ Godefridi Antiochiæ remansit, cui nihil necessarium de domo ducis ullis horis deficiebat. Jam enim quamplures, ducem et ceteros potentes per loca ab Antiochia ob imminentem cladem migrasse videntes, alii ex loci infirmitate, et alii ex mense pestifero Augusto hanc mortalitatem asserentes, mense Septembri inchoante ad portum præfati Simeonis causa morandi profecti sunt. Ubi nautæ post Turcorum stragem et fugam Corbahan, navigium iterabant, vitæ necessaria afferentes et indigentibus omnia sufficienter vendentes.

CAP. XXV. — *De prodigio cælitus ostenso, et de variis super hoc conjecturis.*

Mediato deinde mense in silentio cujusdam noctis, quando omnia somni requie solent refoveri, cunctis qui aderant in custodia vigiliarum visio mirifica in cœli vulmine ostensa est, quasi ex omni cœlo stellæ in unum collectæ, strictimque densatæ, in spatio latitudinis unius atriis tria jugera continentis, igneo fulgore, sicut prunæ in camino ardentes et in globo contractæ scintillabant; et post hanc diutinam et terribilem flagrantiam rarescentes, in modum coronæ cinxerunt polum sub æpatio civitatis munitæ; diuque sic in gyro persistentes indivisæ, aditum ad ultimum et viam in uno latere sui circuli scissæ exhibuerunt. Hujus signi ostensione vigilantes Christianorum exterriti, tumultuosa vociferatio universos sopore depressos suscitavit ad videndum portentum hujus indicium. Universi sunt mirati, et quid portendat diversas protulere sententias. Alii civitatem Jerusalem Turcorum gentilium turmis densatam por-

tendere asserebant, et eam a suis viribus et densitate sic rarecere et attenuari, ut aditum tandem Christianis exhibere filiis videretur. Alii Christianum exercitum, adhuc in virtute sua conglobatum divinæque devotionis ardore flagrantem asserebant, et tandem divisum per terram et civitates, a gentibus injuste possessas, in circuitu Jerusalem et Antiochiæ potenter prævalere et dominari. Quidam vero dicebant significare hanc præsentem mortalitatem et populum copiosum peregrinorum, qui in unum ut nubes densata attenuaretur minuereturque. Et sic in diversas contendebant sententias. Sed Deo volente, ut aiunt, in melius mutata est sententia visionis. Nam cum duce Godefrido cunctisque Christianis consociis de universis locis accitus et regressus Antiochiam in mense Octobri, caloribus Augusti temperatis, comes Reymundus, Robertus Flandrensium princeps, Robertus Northmannorum princeps, Boemundus cæterique principes, qui adhuc in ipsa Antiochia conglobati morabantur, unius voluntatis compotes effecti, per terras et civitates in circuitu Antiochiæ sitas diffusi migraverunt, et resistentes ac rebelles obsidione angentes suæ ditioni subdiderunt.

CAP. XXVI. — *De gestis principum, et Boemundi domino in Antiochia.*

Ab Albariam itaque civitatem divitiis opulentissimam cum cuneis armatis primum ascenderunt: quam non multo labore expugnatam apprehendentes Turcos et Sarracenos in ea repositos in ore gladii percusserunt. Deinde vero succedente victoria, comes Reymundus, Robertus Northmannorum princeps, Eustachius frater Godefridi ducis, Robertus Flandrensium princeps, Boemundus princeps Antiochiæ factus, Godefridus dux, ad Marram civitatem Turcorum armis et robore setam declinaverunt. Sed tantum quindecim diebus Godefridus, Boemundus, Robertus Flandrensium illic moram in obsidione fecerunt. Deinde hi tres Antiochiam reversi sunt, comitem vero Reymundum et Robertum Northmannorum principem, Eustachium et Tankradum circa urbem Marram cum suis millibus reliquerunt. Post aliquot deinde dies Godefridus dux, assumptis quadraginta sociis, in armis et equo valentibus, versus Rohas civitatem, quæ itinere dierum septem ab Antiochia est remota, profectus est. Ubi frater ejus Baldewinus, qui eandem civitatem cum omnibus appendiciis suis detinebat, mediato itinere trans Euphratem fluvium magnum occurrit ei ad agendum ad invicem colloquium. Boemundus ergo, cujus cor quammaxima invidia et indignatio animi adversus comitem Reymundum mordebat, videns opportunitatem Godefridi discessionis et Reymundi absentia, signo cornicinum sociis suis admonitis et conglobatis, terrim, quæ ponti Fernæ imminabat, in virtute magna assiliit, comitisque Reymundi milites, qui in ea remanserant, bello et sagittariis gravatos, ab arce et urbe eiecit, sicque solus dominium Antiochiæ obtinuit.

CAP. XVII. — *Qualiter dux Godefridus Turcorum deprehendit insidias, et in paucis prostravit plurimos.*

Post hæc Godefridus dux cum fratre habito colloquio et eidem valedicto, Antiochiam, ad confratres et principes rediturus cum quadraginta prædictis sociis, iter festinus movit. Turbaysel, Ravenel aliisque locis pacifice et prospere hospitio susceptus. Deinde via maturata in regionem veniens, quæ Episcopatus nominatur, quadam die juxta fontem quemdam in loco prati herbosi ad prandium cum sociis discubuit, utres vino repletos deposuit et cæteraque vitæ necessaria secum in mulis et equis detulerant. Illic vero dum secure pranderet cum sociis, a pueris, quos ad speculandum Turcorum insidias miserat, intellexit centum Turcos in carecto et palustri loco grandis piscosique lacus secus montana ab Antiochia urbe quinque milliibus distante latere, qui ejusdem ducis reditam illic occultati operiebantur. Mox illorum insidiis patefactis, dux, dilato prandio, cum adhærentibus sibi subito equos ascendit, qui arma arripientes et loricas iudentes, viam contendunt in hostem. Turci haud segniter adversus hos frena vertentes, sagittis et arcu fortiter commiserunt prælium. Sed duci suisque numero paucis pro vita pugnantibus sors victoriæ collata est. Tandem dux et sui prævalentes Turcos fugaces lanceis transfodiunt, aliosque decollantes, capita eorum in sellis suis dependentia secum usque ad civitatem Antiochiæ portaverunt cum spoliis et equis illorum. Ubi idem dux Boemundum, totius urbis principem factum, inveniens, omnia sibi cæterisque principibus ac fratribus retulit, et quomodo in manu paucorum tot Turci victi et attriti sunt.

CAP. XXVII. — *De murmure Christianorum et colloquio principum.*

Reverse autem duce Godefrido hac victoria, post aliquod spatium temporis murmuraverunt unanimiter Christianorum populi quomodo in hac urbe Antiochia sola mora eorum haberetur, et quod nullo modo Jerusalem viam insisterent, cujus desiderio natales oras relinquentes tot adversa pertulerint. Et facta est dissensio magna in populo, ac subtraxerunt se multi de populo ducis Godefridi, Roberti Flandrensium et Boemundi, qui in responsis et verbis eorum nullam habuere fiduciam ante multum tempus eundi in Jerusalem. Tandem prædicti principes cognoscentes quomodo jam populus tædio affectus paulatim dilaberetur, ne ultra aliquis navigio pararet reditum interdixerunt, undique in portis maris custodiam ponentes. Conventum vero et colloquium super hac populi querela quarta Non. Februarii decesserunt habere. Collatis itaque in unum, et colloquio habito ibidem intra Antiochiam, decretum est ab omnibus, magnis et parvis, ut in Kal. Martii Laodiceam, quæ Christianæ erat potestatis, pariter convenirent; et illic collecto circumquaque robore, nil periculi vitæ posthac considerantes, minime ultra differrent viam insistere in Jerusalem.

CAP. XXIX. — *De horrenda famis angustia in obsidione Marræ.*

Interea comes Reymundus longa obsidione quinque hebdomadarum circa Marram civitatem vexabatur, universique in comitatu suo ibidem commorantes. Qui circa urbem diu sedentes et a Turcis vehementer repressi, magnæ famis angustias pertulerunt. Nec mirum; quia præ longa obsidione Antiochiæ, et nunc harum civitatum, plurimæ in circuitu regiones exhaustæ erant cibariis, et plurima pars habitatorum cum rebus et armentis suis, per montana fugam fecerant. Erant enim decem millia exercitus comitis Reymundi et suorum comprimorum. Mirabile dictu et auribus horrendum! tanta ipsa famis angustia has urbes invaluit, quod nefas est dicere, nedum facere. Nam Christiani non solum Turcos vel Sarracenos occisos, verum etiam canes arreptos et igni coctos comedere non abhoruerunt præ inopia, quam audistis. Sed quid mirum? « Non est acutior gladius, quam a longo contracta fames. »

CAP. XXX. — *Quomodo comes Reymundus castellum dejecerit, et Marram cepit.*

Comes ergo Reymundus videns afflictionem et populi dolorem fame deficientis, assumpto robore equitum in montana profectus, interdum copias infinitas prædarum et cibariarum attulit, quibus Dei populus sæpe refocillatus est. Ibidem per deserta et montana Libani plurimi Christiani, qui victum quærebant præfata necessitate compulsi a Turcis trucidati reperti sunt. A Damasco denique, quæ præcipua virtus erat Turcorum, sæpe procedebant insidiæ; dispersisque ac circumvagis de exercitu et obsidione occurrabant, alios trucidantes, alios sagittis mortiferis transfigentes. Sed comes Reymundus, intelligens mala, quæ suis circa sedentibus ac insidiis Turcorum inferebantur, moleste accepit, et hoc malum omnibus modis finire meditabatur. Unde Talariam, castellum in montanis situm, aggreditur quo in manu virorum fortium expugnato et attrito cum Turcis in eo repertis, materiam lignorum de eodem castro attulit, ex quibus machinam composuit ad superandam urbem prædictam Marram, quæ muris et mœnibus munitissima erat. Facta autem machina et ingeniis ordinatis, urbs post non multum tempus a comite Reymundo et cæteris principibus, Roberto, Tankrado et Eustachio superata et capta dejicitur, ac Christiani milites scutati et loricati in virtute magna media urbe assistentes, Turcos acriter repugnantes, seque defensantes, gladio percusserunt; alios vero ad arcem fugientes insecuti, combusserunt, et pacifice per tres hebdomadas in ea remanserunt, paucos illic cibos præter olei abundantiam reperientes. Engelradus, filius Hugonis comitis, juvenis miræ audaciæ, in hac urbe ægritudine detentus, vita discessit, et in basilica B. Andreæ apostoli corpus ejus humatum est.

CAP. XXXI. — *Quomodo Reymundus, Turcorum et Sarracenorum præsidis expugnatus, præsidium, Archas obsederit, et de difficultate ejusdem obsidionis.*

Prædicta autem Marra civitate victa et attrita, ad vallem quamdam, quam nominarunt Gaudium, prædictorum principum descendit exercitus. Ubi reperta abundantia rerum necessariorum, per octo dies corpora fessa et fame attenuata recreaverunt, duo præsidia in montanis expugnantes in quibus Turci et Sarraceni habitabant. Deinde, civitate Tortosa expugnata, et non multo labore capta, et in manu comitis Reymundi ejusque custodiæ mancipata, in vallem, quæ dicitur Camelorum, iter suum continuantes applicuerunt. Ubi prædam et escas plurimas contrahentes, præsidium quoddam ingeniis et humanis viribus insuperabile, nomine Archas, profecti sunt. Illic tentoria sua figentes, moram sibi per aliquod tempus fieri statuerunt, donec eadem arx, expugnata ejus defensoribus, caperetur. Ibi tandem machinas fecerunt et instrumenta manganarum moles lapidum in impetu jactantium per turres et antiqua muralia, quibus inclusos milites ejusdem præsidii absterrent et effugarent. Sed eos defensores indefessos repererunt et invictissimos. De intus enim simili jactu manganarum et impetu lapidum resistebant, damnumque Christianæ gentis tam sagittis quam lapidibus faciebant. Anselmum de Riburgis monte, virum nobilissimum et bellicosum, multam vim defensoribus arcis inferentem, impetu saxi ab eadem arce volantis fracto cerebro percusserunt. Dolentes et turbati principes de interitu fratris et commilitonis viri clarissimi, atque reluctance inclusorum Sarracenorum, disposuerunt montes sub fundamento murorum castri arte sua cavare, ut sic fundamento cum mœnibus et muris corrumpente, gentiles, qui in his vel arce consisterent, simul obruti lapidum tectorumque ruina perirent. Sed frustra hic labor consumitur. Nam, qui de intus erant, contra fodientes, instrumenta Christianorum suis ingeniis retinebant, et opus eorum ad effectum pervenire non sinebant.

CAP. XXXII. — *Quomodo questio facta est de lancea Dominica, et quomodo puer Mahumet obses mortuus, et a Godefrido duce patri honorifice remissus.*

Illic in eadem obsidione facta est contentio et questio de lancea Dominica, utrum ea fuerit, quæ latus Domini apertum est, an non. Nam plures dubitabant, et schisma erat in eis. Quare auctor et proditor ejusdem inventionis per ignem transiens, ut aiunt, illæsus abiit, quem ipse Reymundus comes de Provincia et Reymundus Pelleiz a manibus et pressura invidorum abduxerunt, lanceam vero cum omni comitatu suo ab ea die venerati sunt. Post hæc a quibusdam relatum est, eundem clericum hac examinis exuentione adeo fuisse aggravatum ut in brevi mortuus et sepultus fuerit. Unde minus in veneratione a fidelibus lancea cœpit haberi, credentibus magis avaritia et industria Reymundi,

quam aliqua Deitatis veritate omnia fieri. Dum hæc obsidiones circa Marram, Tortosam et Archas fierent, puer Mahumet, qui a principe de Hasart, patre suo, Antiochiam obses missus fuerat, fidei et custodiæ ducis Godefridi commendatus, ægritudine correptus obiit. Quem juxta morem gentilium protioso ostro involutum patri remisit, excusans se sub omni fidei puritate, quod ex causa suæ negligentiae minime puer obiisset, obtestans etiam se non minus ejus mortem quam fratris sui Baldewini moleste ferre. Qui ducis excusatione benigne accepta, et ex vero comperta ab his, quos de domo sua custodes pueri misit, nequaquam immutatus est a fide quam promisit, sed immobilis in omni fœdere et pace cum ipso duce et fratre ejus Baldewino permansit.

CAP. XXXIII. — *Quomodo dux Godefridus et Robertus Flandrensis civitatem Gybel obsederunt, et quomodo Reymundus comes, pecunia corruptus, eosdem principes dolosa legatione ab obsidione revocavit.*

Interea Kalend. Martii suis in ordine relatis, Godefridus dux, Robertus Flandrensis, Boemundus et universi principes adhuc Antiochiæ commorantes, sicut decreverant, collecto Laodiceæ exercitu suorum, ad viginti millia equitum et peditum, ad civitatem Gybel, in littore maris sitam, divitiis locupletem, castra applicuerunt, in circuitu obsidionem ponentes, ut Sarracenos cunctosque gentiles in ea ad defensionem constitutos expugnare valerent et exterminare. Boemundus vero Laodicea regressus, Antiochiam cum suis repedavit, semper sollicitus et suspicans ne urbem ipsam, humana viribus insuperabilem, aliqua fraude vel odio amitteret. Nec mora, audita Albariæ et Marræ destructione et inhabitantium Turcorum occisione, et nunc Archas longa obsidione ejusque expugnatione, Sarraceni milites inito consilio cum civibus, infinitam pecuniam duci Godefrido et Roberto Flandrensi obtulerunt, quatenus urbs Gybel a facie eorum cum civibus suis, vineis et omnibus frugibus, intacta permaneret, et alio eorum migraret exercitus: quod a prædictis principibus omnino refutatum est, nisi eorum potestati civitas cum clavibus redderetur. Intelligentes ergo cives et urbis magistratus, quod non pecunia, non aliquibus pretiosis muneribus corrumpi possent præfati principes, ut castra amoverent, nuntios clam ad Archas comiti Reymundo, factis et potentia inter primores gentilium diffamato, miserunt ut pecuniam a duce cæterisque refutam acciperet, quatenus ab obsidione Christianos principes prece aut aliqua arte recedere suaderet. Comes idem super auro et argento insatius, dolos et ingenia versat, qualiter eosdem præpotentes ab obsidione Gybel removeret, atque pro pecunia accipienda cives et eorum vineas ac fruges liberaret: nam precibus eos ab incepto avertere prorsus diffidebat. Unde hanc fluxit occasionem, videlicet, quod Turci, quorum copia multa erat in Damasco, consilium iniissent cum Sarracenis, Arabibus,

A cunctisque gentibus in proximo adversus se apud Archas bellum constituere, et jam universos in apparatu magno et copioso in terminos illius convenisse. Ilac itaque ad inventionem aptata direxit nuntios ad præfatos principes, in circuitu Gybel jam per hebdomadam residentes, quatenus sibi festinato ad auxilium Archas properarent, alioqui se et confratres, qui secum erant, a facie gentilium non posse mortis evadere periculum, eosque dehinc simile posse sperare martyrium.

CAP. XXXIV. — *Quomodo principes ab obsidione Gybel castra moverunt, et Reymundo in auxilium properaverunt.*

Legatis vero comitis Reymundi auditis, et periculo ac formidine, quæ ex multitudine gentilium supervenire dicebatur, unanimiter dux cæterisque comprimores consultum vadunt, omniumque cor et lingua in hanc erigitur sententiam: « Magnus Christianorum exercitus, cum adhuc integer esset simul et indivisus Antiochiæ, vix ab innumeris gentilium nationibus et armis esse defensatus: nunc autem partim Antiochiæ est relictus, partim in hac obsidione Gybel, partim ad Archas est divisus, partim ad expugnanda hostium præsidia et urbes migravit: sic vires nostrorum imminutæ, nequaquam stare poterunt nunc adversus tot millia gentilium, ut nobis ex relatione comitis Reymundi innotuit; sed, si, casu adversante, nostrorum virtus apud Archas attrita fuerit, idem sperare procul dubio nos certum est. Unde Gybel, quam subito percutere et vincere nequimus, necesse est ut hoc tempore intactam relinquamus; et ad opem nostrorum Archas castra et exercitum applicemus, atque gentibus una cum sociis nostris in bello occurramus. Sicut fuerit voluntas in cælo, sic fiat. » Hoc omnibus consilium bonum et utile perspicientibus ac proferentibus, amota sunt castra ab obsidione Gybel. Dux vero Godefridus, Robertusque Flandrensis cum cæteris omnibus viam insistunt in armis omnique apparatu bellorum; et spatio dierum circiter trium Archas convenerunt ad augendas vires et opem Christianorum conedaliū. Verum a Tankrado et compluribus aliis nullas copias vel minas gentilium adesse didicerunt; sed comitem Reymundum non alia de causa hanc collectionem adversariorum fite asseruisse, et ipsos nunc ad auxilium invitasse, nisi ut pecunias acciperet, quas in liberationem suam polliciti sunt habitatores Gybel, ut Christianos cautela sua ab obsidione muros averteret.

CAP. XXXV. — *Prædicti principes falsa legatione seducti, a societate Reymundi se separant, quos ille blanditiis et donis revocat ad concordiam.*

Hoc itaque dolo et falsa legatione se a comite frustratos prædicti principes intelligentes, moleste ac graviter acceperunt. Quare a societate et communione illius se subtrahentes, spatio duorum milliarnm ab eo sequestrati, tentoria sua fixerunt, nullo modo in assultu Archas illi ferentes auxilium,



aut aliquod colloquium amoris secum habentes. Erant enim illic apud Archas graves exortæ inimicitie inter comitem Reymundum et Tankradum propter conventionem solidorum et byzantium, quæ sibi idem comes pro militari debebat obsequio; sed minime solvebat juxta laborem et militum copiam, quam idem Tankradus procurabat ac ducebat. Ab ipso denique die, quo dux Godefridus se cum cæteris præpotentibus eo contulit, Tankradus sæpius comitem de conventionem sua commouit; sed nihil in spe aliqua sibi responso, cum duce remanens, fideliter illi in omni militari subjectione constrictus, comitem prorsus exfestucavit. Abhinc injurias sibi a comite illatas ulciscens, insidiis omnibusque modis sociis et amicis ejusdem comitis nocere non parcebat. Comes igitur Reymundus videns quia dux Godefridus et Robertus Flandrensis cunctisque qui cum eis erant odium grave adversus se haberent, quod eos falsa legatione seduxerat, avaritia corruptus, cepit animum ducis lenire blanditiis suis et astutia, qua doctus erat, et a puerili ævo imbutus. Sicque ad extremum Tankradi omnem mitigavit iracundiam. Deinde equum magni pretii formosique corporis misit comes duci, ut sic perfectius animum ejus placaret ac secum his donis revocaret ad assultum Archas, sciens eum virum magnæ patientiæ et amoris: quo placato et reconciliato, cæteros in benevolentia posse redire ad concordiam. Novissimæ autem principes hinc inde, præter Tankradum, concordæ effecti, pari assultu et obsidione circa præsidium Archas vim inferentes, a die qua dux illic descendit curriculo quatuor hebdomadarum considerant.

CAP. XXXVI. — *Qualiter crevit murmur in populo Dei, quod tam diu differrent viam in Jerusalem.*

Omnibus tandem in assultu præsidii tædio affectis et cavatione montis deficientibus, præ labore intolerabili et defensione ab intus inestimabili, atque inopia necessariorum vitæ, murmur crevit in populo ducis et Roberti Flandrensis, asserentibus cunctis se illic ultra in obsidione non posse persistere, et hoc præsidium vi et arte insuperabile vix per anni spatium capi etiamsi tunc gladio famis queat expugnari. Unde attentius instabant duci omnes, parvi et magni, quatenus castra ab obsidione amoverent, et viam, sicut decreverant, Jerusalem insisterent, cujus desiderio et causa visendi sepulcrum Domini nostri Jesu Christi, a natalibus oris processerant. Econtra comes Reymundus omnibus modis et promissionibus meditatur ut adhuc per aliquantum tempus secum moram facerent, donec aliqua vi vel arte arx et gentiles in ea conclusi caperentur, recensens quomodo Anselmus de Riburgis monte illic occisus ceciderit, et quod plures commilitones sui sint ab eadem Sarracenis alii morte, alii plagis damnati sævissimis. Sed nequaquam a desiderio et proposito suo eos aliquo blanditiarum molimine vel promissione valens retinere, se suosque in eo-

dem loco remanere affirmat quousque arx mimica in ultionem suorum attritorum ruina consumeretur.

CAP. XXXVII. — *Obsidio ab Archas solvitur, principes procul ab urbe Tripolis figunt tentoria; calamellos mellitos per plana repertos suxit populus.*

In hac itaque intentione comite perseverante et multa arte discessionem confratrum avertente, quadam die dux Godefridus, Robertus Flandrensis, Tankradus etiam cum universis sequacibus suis, igne castris suis immisso, profecti sunt ab obsidione Archas, pluribus adjunctis sibi de comitatu Reymundi, qui diutino tædio fatigati, inviti apud Archas remorabantur, præcipue ob desiderium semper eundi Jerusalem. Per duos enim menses et dimidium in circuitu præsidii Archas a principio cum ipso comite considerant. Comes ergo videns quod post ducem omnis tendebat populus et sua manus defluserat, paucique secum essent in auxilio retenti, nolens volens simul secutus est ducis vestigia et cæterorum, et in terminos civitatis Tripolis, vel Triple, in littore maris sitæ, cum cæteris suum applicuit comitatum. Ubi procul a civitate universi tabernacula sua extenderunt, ne frugibus terræ et vineis habitatorum urbis tantus noceret exercitus. Intercessores enim et legati ab eadem urbe sæpius Archas ad præfatos principes descenderant, plurima dona afferentes et ampliora promittentes si urbi rebusque suis parcerent et non huic facerent sicut Albariæ et Marræ aliisque civitatibus. Hac de causa procul ab urbe resedit exercitus et omnis primatus, donec viderent quo pacto et fœdere vel donorum oblatione placarentur, et invicem amicitia firmarentur. Calamellos ibidem mellitos per camporum planitiem abundanter repertos, quos vocant Zucra, suxit populus, illorum salubri succo lætatus; et vix ad saturitatem præ dulcedine expleri hoc gustato valebant. Hoc enim genus herbæ summo labore agricolarum per singulos excolitur annos. Deinde tempore messis maturum mortariolis indigenæ contundunt, succum collatum in vasis suis reponentes, quousque coagulatus indurescat sub specie nivis vel salis albi. Quem rasum cum pane miscentes, aut cum aqua terentes, pro pulmento sumunt, et supra favum mellis gustantibus dulce ac salubre videtur. Aiant quidam genus mellis esse quod reperiens Jonathan filius Saul regis super faciem terræ, inobediens gustare præsumpsit. His ergo calamellis molliti saporis populus in obsidione Albariæ, Marræ et Archas multum horrenda fame vexatus est refocillatus.

CAP. XXXVIII. — *Inito fœdere, præses civitatis Tripolis ductorem viæ populo Dei concessit, cujus ductu loca difficillima pertransiit.*

Præses autem civitatis Triple gloriosæ atque divitiarum, intelligens legiones fidelium ante muros et portas civitatis multo intervallo concessisse ad primos exercitus Godefridum ducem, Robertum comitem

Flandrensem, Reymundum comitem, Robertum Northmannorum principem, misit, quatenus dona ab eo reciperent, et pacifice terram suam obtineret a facie ipsorum, tum etiam terram Gybiloth et praesidium Archas. Tandem inito consilio, praeses in magna amicitia processit ad tentoria ducis. Et principibus satisfaciens donis et verbis pacificis, ductorem vias per montana juxta littora maris, ubi loca semitarum perplexa et ignota erant, virum aetate senem concessit, qui eos a littore maris via reflexa per angustas fauces montis tam arctasemita duxit, ut vix homo post hominem, animal post animal incederet. Hic mons a montanis proceris longitudine usque in mare porrigitur. In hujus summitate turris, per portam quamdam imminens, trans viam aedificata erat, cujus in habitaculo viri sex consistere poterant, quorum defensione omnibus qui sub caelo vivunt via contradici poterat; sed a facie exercitus et praesidis Triple conductu nemo tunc transeuntibus resistebat. His faucibus aetis et difficillimis superatis notitia ductoris et conviatoris sui Sarraceni, viam ad littora maris repetentes, ad civitatem Gybiloth, pro qua praeses urbis Tripolis intercesserat, pervenerunt. Qua relicta juxta promissionem suam ne ei exercitus noceret, peracto tantum ab hac milliari, super flumen cujusdam dulcis aquae pernoctaverunt: ubi et sequenti die remanserunt, operientes debile vulgus praelassitudine viae peravia et scopulosa fatigatum.

CAP. XXXIX. — *De difficultate itineris, et quomodo faedus inierint cum incolis urbis Baurim.*

Dehinc tertia die castra amoventes, et viam rursus in littore maris continuantes, in semitam cujusdam montis mirae et inaudita angustiae referuntur: quae repentina imbrium in praecipitium inundatione et cavatione exstitisse perhibetur et per hanc iter esse illuc transeuntium. Hic itaque mons tam vicinis et creberrimis maris undis tunditur, ut non a dextris vel sinistris liceat ullo modo declinare, ne forte in offensione habeat quisquam in profundum maris cadere promptum. Hoc angustiarum itinere finito, et rursus quodam turris praesidio, ut praefata turris, inexpugnabili, per Alpes transito, quod utrumque vacuum omni defensione remanserat, timore a Deo, non ab homine Sarracenis custodibus incusso, ad vesperam applicuerunt juxta urbem Baurim vel Baruth hospitati, semper comite Sarraceno conviatore praecedente ac eos ducente. Incolae autem Baurim, cognoscentes adventum Christianorum, et jam exercitum per campos civitatis hospitatum, munera acceptabilia cum verbis pacificis miserunt praedictis principibus in hunc modum: « Precamur, ut arbores, vites ac sata nostra non vastantes, pacifice transeatis: et si propositum vestrum capiendi Jerusalem, prosperante fortuna, adimpleveritis, vobis cum omnibus rebus nostris servitur sumus. » His precibus et promissionibus donisque incolarum Baurim praefati principes placati, sur-

rexerunt cum universo exercitu Christianorum et rursus in littore maris viam insistunt per easdem fauces et asperitates scopulorum qui procellis maris semper illiduntur.

CAP. XL. *Quomodo a serpentibus multi perierunt in regione Sidanis, et de amissione cujusdam Walteri.*

De quibus egressi, in planitiem quae urbem, Sagitta nomine, continet, descenderunt, ubi super ripam, cujusdam dulcis fluvii hospitio remanserunt. Illic plurimos acervos lapidum repperunt, inter quos infinita manus debilis et pauperis vulgi dum fessa quiesceret et accubaret, a serpentibus, quos vocant Tarenta, quidam quidam percussi, interierunt timore, et praeter intolerabili siti inaudita inflatione membris eorum turgentibus. Ibi quoque Sarraceni in virtute sua confidentes et ab urbe Sidone euntes, lacessere praesumebant exercitum, omissis peregrinis in urbis hujus regione victum et necessaria quaerentibus. Sed ab equitibus Christianis graviter repressi, quidam armis, aliqui spem salutis ab armis inter undas aestimantes, submersi sunt ac suffocati fluctibus perierunt. Hanc itaque civitatem procul dubio in ultionem suorum Christiani obsidione compressissent; sed desiderio eundi Jerusalem avari sunt. Hac in regione Sidonis dum plures a praedictis et ignitis serpentibus periclitarentur, et gemitus plangitumque magnus super pereuntibus haberetur, medicinam hanc ab indigenis edocti sunt, ut omnia a serpentibus percussus nobiliorem ac praepotentem exercitus adiret; quia dextera manu illius aculei vulneris tacto ac circumplexo, non ultra venenum per membra diffusum nocere videri. Similiter et aliam edocti sunt medicinam, ut vir percussus sine mora coiret cum muliere, cum viro mulier: et sic ab omni tumore veneni liberari utrumque. Didicit etiam populus Christianus ab incolis, quatenus lapides ad invicem assiduis ictibus manu quaterent, vel in clypeis crebra percussione sonitum facerent: et sic serpentibus, hoc sonitu et strepitu exterritis, secure socii dormire valerent. Altera deinde lucescente die, quidam confrater Christianorum, vir et miles nobili editus parentela, Walterus nomine, de Vernacastello, assumptis quibusdam complicitibus suis de comitatu, in montana profectus est. Ubi ingentes praedarum contraxit copias, quas armigeris et aliquibus ex sociis commissas misit ad exercitum; ipse vero ampliores explorare undique in locis montibus septo concupivit, per actum et difficilem aditum ad nimia armenta et res Sarracenorum ingressus: ubi ab eis circumventus, late in hodiernum diem quo sine perierit.

CAP. XLI. — *Quomodo transierint civitates Tyrum, Ptolemaida, Cayphas, Caesaream sicque Pentecosten celebraverint.*

Principes autem praedicti et omnis comitatus eorum ignorantes cur miles egregius ultra terminum faceret moras, adhuc tertia die in regione urbis Sidonis remanserunt, si forte miles honorificus

redierit a montanis, vel aliquid de ejus adventu A intelligent. Sed minime eo in prima nec in altera luce reperto, a statione urbis, migraverunt. Ab hinc ergo camporum planitiem habentes usque Tyrum, quam nunc Sur vocant, cum præductore suo descenderunt, castris illic per agrorum planitiem ad hospitandum collocatis. Manat enim illic fons, murato et arcuato opere sic exaltatus ut impetu et abundantia aquarum rivum in origine sua tantum procreet, ut omnis exercitus illum exhaurire nequirit. Sequenti vero die Sur relicta, ad civitatem, Ptolemaidem nomine, quam nunc moderni Accaron vocant, eo quod sit urbs Dei Accaron, ventum est. Quam ad dextram in littore maris relinquentes, super flumen dulcis saporis, quod ibidem mari influit, biduo pernoctaverunt. Illic duæ dividuntur viæ, una quæ ducit per Damascum et fluvium Jordanis a sinistris in Jerusalem, altera quæ a dextris juxta littus prædicti maris continuatur in Jerusalem. Unde quia inter quinquaginta millia virorum vix viginti millia in bello valentium reperiri poterant, consilium inierunt ut per Damascum nequaquam transirent, propter copiam Turcorum qui Damascum inhabitabant, et propter apertam illic camporum planitiem, ubi eis in omni latere spatiosum videbatur ab hostibus incurari. Quare inter mare et montana in littore viam insistentes, ubi fiducialiter transire poterant, protecti mari a dextris et a montium altitudine incommensabili, civitatem Caiphæ, dictam a Caipha, quondam principe sacerdotum, præterierunt; eademque die in terminis Cæsareæ, quam quondam urbem, turrim Stratonis dictam, Herodes postea in honorem Cæsaris reedificatam, Cæsaream appellavit, castrametati hospitio remanserunt. Ibidem ad radicem montis Ions manat, qui ibidem urbi influit per camporum apertam planitiem, ubi dux Godefridus et Robertus Flandrensis, positis tentoriis, hospitati sunt. Comes vero Reymundus, Robertus Northmannorum princeps, post illos interposita ejusdem fluminis amplissima palude, procul abhinc in eodem flumine castra posuerunt. Per quatuor quippe dies ibidem commorantes, Sabbatum sanctum Pentecostes ipsumque diem adventus Spiritus sancti devotissime celebraverunt.

CAP. XLII. — *Quomodo civitatem Ramam invenerunt et possederunt, ac episcopum in ea constituerunt.*

Has itaque urbes præfatas prætereuntes intactas, D secunda, tertia et quarta feria in terminis et spatiosa planitie prænominata Cæsareæ Cornelii in regione Palæstinorum iter suum continuantes, quinta feria ad fluvium civitatis Rama vel Rames castra applicuerunt, et in crepidine alvei ejusdem fluvii tentoria ponentes pernoctare decreverunt. Robertus vero Flandrensis et Gastus, militaris homo de Bordeiz, assumptis quingentis sociis tironibus, a societate præmissi, ad portas et explorandos muros præcesserunt, Quas apertas et reseratas subierunt, neminem in urbe reperientes, quod audita tribulatione et infortunio gentilium in circuitu et captione Antiochiæ,

universi cives per montana et deserta loca fugientes a facie Christianorum cum pueris, uxoribus, armenis et gazis suis se absconderunt. Sic civitatem Rames civibus et armis vacuam invenientes, festinato nuntium miserunt ad populum catholicum, qui castrametatus erat in ripa fluminis, ut universos accerseret ad intrandam et possidendam urbem artusque recreandos, quos magnis et longis affixerant laboribus. Quod peregrini audientes, ad urbem sine mora profecti sunt; et in ea per tres dies requiem sibi fecerunt, vino et oleo plurimoque reperto frumento refocillati. Episcopum etiam illic quemdam Robertum constifuerunt, Christianos incolas in ea relinquentes, qui terras colerent et justitias facerent agrorum vinearumque fructus redderent.

B CAP. XLIII. — *Dum ad montana progreditur exercitus, nocte eclipsis lunæ apparuit.*

Quarta vero dehinc exorta luce pariter peregrini procedentes viam insistunt, relicta civitate Rames, qui usque ad locum quo hæc montana incipiunt, quæ urbem Jerusalem in mediositam uddique circumstant, proficisci statuerunt. Sed in loco illo penuria aquæ nimia reperta est. Unde ad castellum Emmaus trans tria milliaria, cisternis et irriguis fontibus compertis ex relatione conviatoris et ductoris sui Sarraceni, plurima manus armigerorum transmissa est, qui non solum aquarum copiam, verum etiam pabula equorum attulere plurima. Ibidem eclipsis lunæ, quæ decima quinta erat, in ipsa nocte facta est, ita ut ex toto a claritate sua deficeret, et in sanguineum colorem tota usque in medium noctis commutata, omnibus id perspicentibus timorem non modicum afferret, nisi a quibusdam, quibus patebat astrorum notitia, hoc solamen redderetur. Dicebant enim hoc portentum non malum omen Christianis esse ad futurum, sed lunæ defectionem sanguineamque ejus obscuritatem interitum Sarracenorum procul dubio ostendere. Solis vero eclipsin noxium esse Christianorum portentum affirmabant.

CAP. XLIV. — *Quomodo Christiani incolæ urbis Bethlehem duci Godefrido legatos dirigunt, ut maturaret ad subveniendum, et de gratulabunda susceptione sociorum.*

Hospitatis denique Christianis in eodem loco juxta montana Jerusalem cum universo exercitu, jam die ad vesperascente, legatio catholicorum incolarum urbis Bethlehem duci Godefrido innotuit, et præcipue illorum, quos Sarraceni suspectos traditionis in adventu Christianorum ab Jerusalem ejecerant, minas mortis adhuc inferentes, quatenus in nomine Domini Jesu Christi sine aliqua retardatione eis ad subveniendum viam maturarent. Gentiles enim ex omni plaga regni Babylonice audito adventu Christianorum, confluebant in Jerusalem, ad defensionem urbis et occisionem eorum. Dux vero, audita legatione cum precibus compertoque Christianorum periculo, in eadem nocte ceutum circiter equites loricateos, de castris et comitatu suo electos, præ-

misit ad subveniendum desolatis et congregatis Christi fidelibus, in Bethlehem. Qui juxta imperium Christiani ducis equis insidentes, cum festinatione sex miliaribus per totam noctem euperatis, in primo diei orto in Bethlehem pervenerunt. Cives vero Christiani, cognito eorum adventu, cum hymnis et laudibus et aspersione sanctificati fontis obviam procedentes, lætanter eosdem equites Christianorum susceperunt, oculos et manus eorum deosculantes et hæc ad illos referentes: « Deo gratias! quia temporibus nostris nunc ea videmus, quæ nobis semper erant in desiderio: videlicet vos Christianos confratres ad excussionem jugi servitutis nostræ adesse; et ad loca sancta Jerusalem instauranda, et ad auferendos gentilium ritus eorumque immunditias a loco sancto. »

**CAP. XLV. — Qualiter exercitus maturaverit Jerusalem comperta legatione a Bethlehem, et de præda a finitimis urbis abducta, et qualiter ante muros Jerusalem in laudibus et hymnis constiterint.**

Vix a castris præmissi equites processerant, et ecce fama ad aures primorum universique exercitus est perlata, legationem duci a Bethlehem esse allatam. Qua de causa vix medium noctis processit, et continuo omnes pusilli et magni castra sustulerunt; per angustias viarum arctasque fauces collium arctam viam insistentes. Abinde præire et iter maturare quique fervebant equites, ne, in arctis semitarum faucibus multitudine peditum inundante, magnum fieret equitibus impedimentum. Maturabant siquidem magni et parvi iter sub pari intentione in Jerusalem. Cum quibus præmissi milites, a Bethlehem revertentes, in via associati sunt, cum primum solis calore matutini rores in gramine solent exsiccari. Gastus de civitate Bordeiz cum triginta viris, gnaris certaminis et insidiarum, clam subtractus ab exercitu, sicut erat providus, sciens vires appropinquantum peregrinorum adhuc latere cives et milites Jerusalem, per confinia ejusdem urbis cum suis freno laxat, prædas undique contrahit et abducit. Sed comperta illius audacia, a civibus et Sarracenis militibus præda excussa est: Gastum vero sociosque ejus usque ascensum rupis cujusdam insecuti sunt. Ab eadem autem rupe Tankrado descendenti ex adverso, qui et ipse exercitum præcessit, causa querendi necessaria, idem Gastus obviam factus est. Qui Sarracenorum ab urbe egressionem et prædæ suæ excussionem manifestans, ad insecandos eosdem hostes ipsius Tankradi animum vehementer accendit. Unde ambo admistis sociorum copiis, fortiter in terga adversariorum equos laxant, usque ad portam urbis Jerusalem eos in fugam remittentes; prædam vero retinentes ad subsequendam Christianorum exercitum perduxerunt. Visis autem prædarum gregibus ac reversis fratribus, requirunt universi unde has prædarum copias abduxerint. Illi eas a campo Jerusalem rapuisse et abduxisse professi sunt. Jerusalem vero nominari audientes, omnes præ lætitia in fletum lacrymarum

fluxerunt, eo quod tam vicini essent loco sancto desideratæ urbis, pro quo tot labores, tot pericula, tot mortis genera perpessi sunt. Mox pro auditæ urbis desiderio et amore videndi sanctam civitatem obliti laborem suamque fatigationem, amplius quam solebant iter maturant. Nec mora ulla intermissa est, quousque ante muros Jerusalem in laudibus hymnorumque vociferatione prægaudio lacrymantem sexaginta circiter millia utriusque sexus constituerunt.

**CAP. XLVI. — Qualiter et a quibus principibus civitas obsessa sit.**

His itaque in locis Christianesimo exercitu in variis signis et armis collato, portæ urbis a militibus regis Babylonice clausæ sunt; turris David satellitio armato munita, et universi cives in mœnibus ad prohibendum et resistendum populo catholico diffusi sunt. Ruperat enim rex Babylonice fœdus quod legati ejus Antiochia missi cum Christianis principibus pepigerant, nihil causæ adversus eos habens præter quam quod Reymundus comes Tortosam civitatem apprehendit, et præsidium Archas plurimis diebus obsedit. Christiani vero videntes regis militiam, urbis munitionem, gentilium contradictionem, muros in circuitu locata obsidione vallant, ducemque Godefridum, quia erat potens consiliis et viribus, cum Teutonicis bello ferocissimis, in latere turris David, ubi major vis defensionis redundabat, ordinant, et una cum eo Tankradum comitem, et Reymundum cum duobus episcopis Italie ante januam ejusdem turris cum suo comitatu sedere decreverunt. Deinde Robertus Flandrensis, et Hugo grandævus de S. Paulo cum suis sodalibus ad obsidendos muros civitatis in declivi parte camporum sedere delegerunt. Robertus vero Northmannorum princeps et comes Britannus, juxta muros, ubi est oratorium protomartyris Stephani, in ordine sociorum tabernacula extenderunt. Comes Reinboldus de civitate Oringis, Lodewicus de Mouzun, Cuno de Monte acuto, filiusque ejus Lambertus, Gastus de Bordeiz, Gerhardus de Rosselon, Baldewinus de Burg, Thomas de Feria castro undique in circuitu urbis consederunt. Reymundus vero comes videns quia alias posset proficere, castra sua ab obsidione portarum turris David sustulit, relictis quibusdam sociis ad custodiam portarum et super montem Sion fixis tentoriis, urbem obsidere profectus est. Hac itaque in circuitu obsidione locata a primoribus Gallorum, exploratisque locis, ne quid vacuum aut opportunum pateret insidiis, ad montem Oliveti ventum est, ubi etiam virorum fortium custodiam posuerunt, ne aliquis assultus ab hac parte fieret ex improvisio, et gentilium insidiæ per juga descendenti Christianos incautos deciperent. Vallis vero Josaphat, super quam erat urbs et ejus imminabant ædificia, remansit inobsessa propter locorum difficultatem et vallium profunditatem. Erant tamen illic nocte et die, assidua vigiliæ et custodiæ Christianorum.

## LIBER SEXTUS.

CAPUT PRIMUM. — *Prima die congressionis diversi A opertes sunt, ne facile hostili incendio machina cremaretur.*

Sancta autem civitate sic undique vallata, quinto die obsidionis ex consilio et jussione prædictorum principum, loriceis et galeis Christiani induti facta scutorum testudine, muros et mœnia sunt aggressi, viros Sarracenos fortiter bello lacessentes in jaculis saxorum, fundis et sagittis trans muros volantibus, ab intus et de foris per longum diel spatium dimicantes. Multi ex fidelibus sauciati, et lapidibus quassati attritique sunt: quidam sagittarum infixione oculos amiserunt. Sed primorum nullus, Deo donante, illa die percussus est. Christiani moleste ferentes populi contritionem, labori et bello amplius incumbabant, et muros exteriores, quos Barbicanas vocant, valide impugnant, ferreis malleis et lignibus partim sciderunt. Sed tamen non multum hac die profecerunt.

CAP. II — *Consilium primorum, quomodo civitas capi possit.*

Sedato tandem hoc belli turbine, videns dux et primi exercitus quod urbs armis et assultu foret insuperabilis, in castra ab assultu sunt relati, communi consilio usi, quia nisi ingenio machinæ et mangenarum urbe acquiratur, nunquam aliqua vi armorum possit superari. Quod omnibus utile visum est consilium, machinas et mangenas arietesque fabricari. Sed deficiebat materia, lignorum, quorum in illis regionibus magna est penuria. Ad hæc quidam frater conchristianus, natione Syrus, peregrinis locum indicat, ubi ligna ad construendas machinas possent reperiri, videlicet in quibusdam montibus versus plagam Arabiæ. Revelato autem loco lignorum Robertus Flandrensium, Robertus Northmanorum dominus, Gerhardus quoque de Keresi, assumpta manu equitum et peditum, trans quatuor milliaria profecti sunt. Ubi ligna inventa tergis camelorum imponentes ad sedem sociorum reversi sunt sine damno.

CAP. III. — *De instrumentis vincendæ urbi appostitis.*

Crastina vero luce primum terris immissa, universi artifices operi machinæ mangenarum et arietis instant, alii securibus, alii terebellis, quousque sub spatio quatuor hebdomadarum opus machinæ arietis et mangenarum ad unguem perductum est ante turrim David, in aspectu omnium qui in eodem presidio morabantur. Deinde moniti sunt juvenes, senes, pueri, puellæ ac mulieres ut convenirent in vallem Bethlehæm, omnes virgulta in mulis ac asinis aut humeris suis allaturi, de quibus crates triplices contexerentur, ex quibus machina vestita Sarracenum parvipenderet jacula. Quod et actum est: vimina et virgulta plurima allata sunt, quibus crates consertæ, coriis equinis et taurinis ac camelorum

CAP. IV. — *Quidam e populo dum victum longius quærerent, mortem incurrunt.*

Interea in hac mora longæ obsidionis et proluxa operosaque machinarum structura, compulsi quosdam indigentia rerum necessariorum ab exercitu surgere, et victum quærere. Sed dum casu in finitimas oras Raines, prænominatæ urbis, inciderent, prædas comportarent, greges cogèrent, ab insidiis Sarracenum, quid ab Ascalone, civitate regis Babylonis, descenderant, attriti sunt, et præda tentata est. Gisbertus de Treva et Achar de Motinerla, fortes Christianorum duces et viri nobiles, illic post plurimum certaminis detruncati corruerunt; reliqui vero ex sociis eorum in fugam conversi, per montana viam accelerant in Jerusalem. Ad hæc Baldewinus de Burg, ad idem negotium contrahendi escas cum Thoma de Folia castro, assumpta manu equitum, progressus, obviam fugitivis et disturbatis fratribus factus est. Qui rem et casum illorum intelligens, consolatus est universos ut redirent secum in ultionem suarum calumniarum. Continuo peregrini, consolatione virorum fortium respirantes, reversi sunt unanimiter et recenter in persecutionem inimicorum, et cum eis diu prælia conserentes, hinc et hinc plures occisi ac vulnerati sunt. Baldewinus de Burg adverso telo in pectore vulneratus est.

CAP. V. — *Ubi unus gentilium illustris, et duo nobiles Christianorum trucidantur.*

Tandem Christiani invalescentes et Sarracenos in fugam cogentes, quemdam eorum militem nobilissimum, virum calva fronte, statura procerum, grandævum ac corpulentum captum tenuerunt. Quem Jerusalem abducentes, in prædicti Baldewini tentorio compedibus religaverunt: sed is nobiliter in throno Baldewini resedit, quod ostro pretiosissimo opertum erat. Videntes autem Christiani principes, quia vir prudens et nobilis et strenuus idem foret Sarracenus de vita et moribus ejus sæpius inquirentes ac disputantes, ad Christianitatis fidem eum vocare conabantur. Sed modis omnibus huic professioni abrenuntians, ante turrim David productus, ad terrendos arcis custodes in conspectu omnium ab armigero Baldewini decollatus est. Præfati vero principes, Gisbertus et Achar, insidiis gentilium trucidati, ad locum obsidionis in magna lamentatione referuntur: quibus Christiani sacerdotes catholicas exsequias exhibentes, in sepulcro Christianorum confratrum, quod erat extra civitatem, ossa eorum posuerunt.

CAP. VI. — *Quando obsessa sit urbs, et de raritate potus.*

Obsessa est autem civitas sancta, et mater nostra

Jerusalem, quam adulteri filii invaserunt, et legitimis filiis negaverunt, tertia feria in secunda hebdomada mensis Julii, qui calore et solis ardore intolerabilis habetur, et præcipue in his orientalibus plagis, ubi etiam non solum rivi deficiunt aquarum, sed et fontes vivi et modici solum trans tria millia reperiuntur. Hoc solis ortu flagrantissimi, hoc defectu aquarum intolerabili et ariditate inestimabili, Christianorum populus in obsidione hac graviter vexatus est. Quorum socii ad hauriendos et investigandos fontes cum sparsim mitterentur, interdum incolumes hausto fonte redibant; interdum amputatis capitibus, insidiis gentilium periclitabantur. Aquam vero turbidam et lutulentam factam in contentione multitudinis haurientium, cum lubricis vermibus hirodinum in foliis caprinis afferebant. De qua, quantum os cujusque foramine angusto pellis capere poterat, licet vetus et putrida fuit, aut de fœdis sumpta paludibus vel antiquis cisternis, duobus nummis vendebatur. Plurimi autem inertis vulgi, qui sitis intolerantia aretabantur, dum sic licentiam bibendi acciperent, lubricos vermes et aquatiles deglutiebant, et sic tumefacto gutture aut ventre exstinguiebantur. Tantum de monte Sion rivulus perexiguus manat, cujus subterraneus ductus a palatio Salomonis est jactu sagittæ, usque ad eum locum quo ædificium in modum claustrum muratum et quadratum habetur: cujus in medium per noctem rivulus congregatus adunatur, de quo in die cives utuntur et animalia adquantur.

CAP. VII. — *Consilium inclusi cujusdam super negotio incepto.*

Ex hoc creberrimo haustu exercitus refocillabatur, licet hac parte in obsessa sæpius cives haurientibus jacula intorquerent, et a stillicidio hoc prostratos Christianos absterre laborarent. Uvarum copia vinique affluentia primoribus semper abundabat, et pretium habentibus; egenis vero, rebus exhaustis, etiam aquæ, ut audistis, nimia erat defectio. Unde hac sitis pestilentia ingravescente, populoque catholico diu in obsidione laborante, visum est primatibus populi ex consilio episcoporum et cleri qui aderant, ut consulerent quemdam virum Dei, qui erat in antiqua turri proceræ altitudinis in monte Olivarum solitarius, quid agerent, quid primum insisterent, revelantes ei quanto desiderio ad ingrediendam urbem et sepulcrum Domini videndum æstuant, et quanta in via pro hac fide et voto pericula sustinuissent. Vir autem Dei, audita eorum intentione et desiderio, consilium protulit, quatenus primum in afflictione jejuniorum et continuatione orationum devote insisterent: et post hæc muris et Sarracenis Deo auxiliante tutius inferrent assultus.

CAP. VIII. — *De indicta processione, et quæ tunc gesta sint.*

Jam ex viri Dei consilio ab episcopis et clero tri-duanum indicitur jejunium, et sexta ferio processio-

nem universi Christiani circa urbem facientes, deinde ad montem Oliveti, venientes in loco, ubi Dominus Jesus cælos ascendit, ac deinde procedentes alio in loco, ubi discipulos suos orare docuit, in omni devotione et humilitate constituerunt. Illic in eodem loco montis Petrus Eremita et Arnulfus et Robes castello Flandriæ, clericus magnæ scientiæ et facultiæ, ad populum sermonem facientes, plurimam discordiam, quæ inter peregrinos de diversis causis excreverat, exstinxerunt. Dissensionem vero, quæ inter comitem Reymundum et Tankradum diu invaluit propter conventionem solidorum, quos ei injuste comes negaverat, ex admonitione spirituali ambobus principibus compunctis, concordiam amore placaverunt. Placatis autem his, et in concordiam cum aliis multis Christianis confratribus reductis, tota illa Christianorum processio a loco prædicti montis Oliveti descendens, ad proximum montem Sion in ecclesiam sanctæ Dei Genitricis collata est. Ubi clerici albis induti, et reliquias sanctorum cum reverentia sumentes, complures idonei laici a sagittis Sarracenorum, qui in mœnibus urbis observabant transeuntes, percussi sunt. Est autem civitas proxima huic ecclesiæ Sion, quantum jactus habet sagittæ. Hoc autem loco ad suscitandam iram Christianorum, in derisum etiam et opprobrium, cruces fixerunt, super quas aut spuebant, aut in oculis omnium mingere non abhorrebant.

CAP. IX. — *Machinis muro applicitis, ingenta partium inter se configunt.*

De hinc jejunio cum processione sancta, litania orationeque finita, cælum jam tenebris operientibus, noctis in silentio deportata est machina per partes, et universa strues manganarum, ad ipsum locum civitatis, ubi situm est oratorium S. Stephani protomartyris versus vallem Josaphat, in die Sæbbati, collocatis tabernaculis in circuitu machinæ ab hac statione sublatis. Ubi machina et omnia instrumenta manganarum et arietis ad unguem fabricata sunt. Verum ex consilio majorum instrumenta trium manganarum ordinata eriguntur, quarum priori assultu et impetu Christiani Sarracenos cives a muris et mœnibus arcentes absterrent et muralia repentino jactu, silicis quoque tactu, perstringere valerent. Tandem Sarraceni hoc impetu et jactu perspicientes muros graviter concuti et minui, saccos stipula paleaque refertos, ac navium funes magnæ grossitudinis, strictim densatos, maris et mœnibus affigentes, opposuerunt, quatenus impetum et jactum manganarum molliter exciperent, et nequaquam muris mœnibusque nocerent. Dux vero videns hoc impedimentum suis ingeniis oppositum, funibus et saccis sagittas ardentibus illico ab igne eductas, baleari arcu intorsit; et sic igne infixos et aridæ materiei in hærentes, a levi aura tenuis flamma suscitabatur, quousque vires acquirens, saccos funesque consumpsit, et rursus impetus muros et mœnia minuebat.

CAP. X — *Arietem muros perforantem obsessi dissipare moliantur.*

Inter hæc, ad augendam ruinam et stragem murorum allatus est præfatus aries horrendi ponderis et operis, veetitus vimineis cratibus. Qui virtute et inæstimabili virorum inundatione impulsus, Barbicanas exteriores scilicet muros, oppositos æquato, vallo urbis, a viris arietem impellentibus gravi impetu in momento comminuit atque dejecit et viam machinæ ad interiores muros et antiquos aptivit, foramenque pergrande et horrendum ad urbem pertransiens, infregit. Hoc itaque foramen trans muros urbis defensores intuentes, nec ultra id periculum sufferre valentes, igne sulphureo pice cæreoque suscitato, arietem, nimium muris vicinum, succenderunt, ne deinceps muros ferrata fronte impelleret, aut foramen ampliaret. Tunc subito clamore Dei populus commotus, undique tentoriis et tuguriis aquam convehunt qua tandem aries ab igne restinctus est.

CAP. XI. — *Qui undique machinæ præsent, disputantur.*

Interea, dum aries exstinguitur, manganarum factus et impetus assidue muros minuebat, et custodes ac defensores a mœnibus arcebat. Nec mora, inter hæc, machina cum omni structura sua erecta est, parietes, cœnicula, cratesque illius operæ coriis taurinis, equinis et camelinis, in quibus constituti sunt milites, qui urbem impugnarent, et resistentes facilius certamine fatigaret. A die autem Sabbati hujus machinæ operi et compagi insudantes, usque ad quintam feriam protractum opus in vespere consummaverunt et ducem Godefridum, ejusque fratrem Eustachium, similiter fratres duos, Ludolfum et Engelbertum, ortos civitate Tornaco, ad tuendam machinam, et urbem bello concitandam ordinaverunt. Ducem ergo suosque in superiore cœnaculo Ludolfum cum fratre suo, et cæteris eorum sequacibus, medio cœnaculo immorari decreverunt; in inferiore vero, qui machinam trahentes urbi applicarent. In arce vero machinæ ejusque cœnaculis his constitutis, arietem, post deletas Barbicanas et æquatum vallum, quia tam difficile onus lædium erat amovere, ultro Christiani suo igne combusserunt, ne tanti roboris magnitudo conductili machine esset impedimento.

CAP. XII — *Quanta instantia cives a machinis forinsecus fatigentur.*

Dehinc autem in sexta feria mane facto, Sarraçeni milites, et qui urbis erant cives, machinam erectam intuentes, et in ea habitantes loricatedos, stupefacti et tremefacti, mirantur tam matutinos et bello paratos milites in machina apparere; omnesque per urbem gradientes sagittis et arcu insigere, ac pugna incessabili quoque per urbem visos a machina desuper muros prominente, jaculis et saxis urgere. Unde unanimiter intra civitatem gentiles conglobati, volatili telo sagittarum nocere duci et resistere non abstant et per mœnia dispersi peregrinos læde-

bant. Perigrini vero fortiter ex adverso resistebant. Ad hanc denique nimiam contritionem ab intus et extra, a machina, quæ altitudine hastæ fraxinæ urbem et mœnia superabat, viri et milites silices immanissimos contorquebant ad lædendos muros, et absterrendos cives defensione mœnium, universos per urbem circumvagatos in sagittis et lapide percutientes. Alii vero in latere urbis supra montem Sion, una machina comitis Reymundi milites contorquebant lapides et jacula, lædentes muros et per mœnia assistentes, huicque machinæ comitis frustra nocere quærentes: quæ eadem nocte et hora, qua et ducis, erecta et muris applicata est.

CAP. XIII. — *Ubi portæ, quæ Babylonicis nuntiis perviæ erant, custodiæ deputantur.*

Cum hæc obsidio sanctæ civitatis jam lædio fieret, studioseque in ejus captione modis omnibus et operibus ferrent, atque plurima de minis et virtute regis Babyloniæ innotescerent, pervenit ad aures principum exercitus per delatores eosdem qui fratri Tankrado pecuniam et ornatum templi Domini ante captionem urbis propalaverunt, quod ad urbem Jerusalem per eam portam montis Oliveti et vallis Josaphat, quæ inobsessa erat, assidua legatio regi Babylonico mitteretur de omnibus quæ fiebant; rursusque regis nuntia et consilia per eandem portam sæpe et occulte reportarentur urbis defensoribus et Christianis leviter posse fieri magnam impedimentum. Quare habito caute super hoc consilio, principes Christianorum collocaverunt latenter insidias in valle et exitu ejusdem montis, in silentio noctis, ante et retro munitis viarum serotinis vigili custodia, ne forte aliquis ab Ascalone vel Babylonia aut ab aliqua parte regni hujus descenderet, vel a porta inobsessa solito more in legationem procederet, sed in insidias incidens, subito caperetur, nulloque diffugio ante latera occultatus, a manibus vigilantium elaboretur.

CAP. XIV. — *De duobus regis Babyloniæ nuntiis diverso mortis genere percuntibus.*

Sic tandem ordinatis viarum custodibus, et in loco prædicti montis Oliveti constitutis, Sarraçeni ab Ascalone properantes, et rex Babyloniæ nuntia defensoribus urbis deferentes, jam noctis silentio incumbente, medio custodum venientes astiterunt, urbem sine aliquo obstaculo sperantes ingredi. Sed subito a militibus et custodibus portæ inobsessæ capti sunt et retenti: quorum altera juvene immoderato hasta confixus, mox spiritum exhalavit; alter vero vivus et sanus in præsentiam Christianorum principum adductus est, ut ab eo minis extorquerent, aut promissione vitæ, cujus rei nuntii advenissent: quatenus sic jacula prævisa minus nocere possent. Is denique multum vitæ suæ sollicitus et anxius, plurimum de regis Babylonicæ consilio et legatione aperuit, et quomodo nunc per eos admonisset fideles sibi milites una cum civibus, ne aliquo terrore et oppressione fatigati, deficerent, sed se invicem consolando, stabiles in defensione per-

sisterent, scientes quia post quindecim dies ad A auxilium in virtute magna Jerusalem venire decrevisset ad exterminandos Gallos, et eos liberandos. Post hanc cæterasque relationes militibus restitutus, tormento cujusdam mangenæ, ligatis manibus et pedibus est immissus, ut sic post primam et secundam inundationem trans muros jactaretur. Sed nimio ejus pondere pellis mangenæ gravata, non longè miserum proiecit; qui mox juxta muros corruens super asperos silices, fractis cervicibus, nervis et ossibus, in momento extinctus fuisse refertur.

CAP. XV. — *De instrumentis profanorum contra machinas fidelium.*

Cives autem et milites regis Babylonis videntes sic legationem regis dissipatam, et audacius Christianos urbem expugnare, et quia hinc et hinc B machinæ nimium urbi infestæ adversarentur, apposuerunt et ipsi instrumenta quatuordecim mangenarum erigere, quarum virtute et impetu assidue in machinas lapides jactarentur, quorum crebris ictibus attonitæ quassarentur ac perirent, et in eis positi una earum ruina periclitarentur. Ex his vero quatuordecim mangenis novem comitis Reymundi machinæ opponuntur, cum innumerabili manu et virtute civium: quarum intolerabili et crebro impetu graviter machina concussa et attrita est, ejusque compagine dissolutæ. Quare universi in ea viri belligeri nimium attriti, et obstupefacti inopinato excidio, vix a mortis elapsi sunt periculo. Unde quia tot creberrimos lapidum ictus sustinere C non poterant, et machinæ protectio defecerat, procul a mœnibus machina reducta est, nec ultra inventus, qui hanc iterato ascenderet, ac cives impugnando lacerasset. Quinque vero residuæ contra machinam ducis eriguntur, ut eam pari impetu et jactu percuterent et attererent; sed, Deo protegente, licet crebro ictu tacta et quassata ruinam minaretur integra permansit et intacta, vimineisque cratibus protecta, viros impetus lapidum molliter exceptos fortiter tolerabat.

CAP. XVI. — *De crucifixo, cui perfidorum insania nocere non potuit.*

Erat crux in summitate ejusdem machinæ, figuram continens Domini Jesu auro fulgidissimam, quam iidem Sarraceni jactu mangenarum assidue moliebantur percutere; sed nulla eis ferendi facultas aut amovendi concessa est. Illis vero sæpius jacturam lapidum adversus crucem hanc molientibus, lapis fortuito advolans militem quemdam, assistentem lateri duci, in caput fortiter percussit, qui, fracto cerebro et effusis cervicibus, momentaneo sine extinctus est. Dux vero vix ab ictu tam repentino observatus, multum baleari arcu civibus mangenasque intorquentibus, insistebat; et crates a machina impetu avulsas interdum reparabat et funibus religabat.

CAP. XVII. — *Item de diversis perfidorum machinis.*

Sarraceni milites videntes quia impetus mange-

narum crates vimineas penetrare non poterat, interdum ollas flammivomas jactabant in crates machinam protegentes, ut prunæ aut scintillæ aridæ materiei adhærentes, levi aura suscitata accendirentur, et machina consumeretur: sed industria Gallorum artem arte prevenit. Nam coriis lubricis machinæ et crates operatæ flammæ aut prunas injectas minime retinebant; sed subito a coriis ignis labens humique cadens deficiebat. Tandem harum quinque mangenarum assidue ictibus dux quoque gravati, applicuerunt machinam in virtute Christianorum cominus mœnia et muros, ut sic tutior adversus machinas obisteret; et mangenæ, propter ædificia domorum turrium abduci in loco spatioso non valentes, minus jacerent et machinam ferire non possent. Jam vero juxta muros abducta machina, et quinque mangenis ab illa spatiosum recessum non invenientibus, lapis intorius et in impetu emissus, nimium vicinam transvolat machinam aut interdum volatu suo deficiens, juxta muros cadens, Sarracenos opprimebat. Sarraceni tandem intelligentes quia viri imperterriti in machina starent, qui mangenarum arte non possent lædi, turrim quamdam, quæ in vicino erat machinæ, saccis stipula et feno vel palea impletis, item vimineis cratibus et densitate navalium funium adversus Christianorum mangenas undique tectam, munierunt, viros pugnatōres in ea constituentes, qui assidue moles lapidum fundibulis aut parvis mangenellis in machinam jacerent, et ejus habitatores diversis armorum terroribus arctarent. Sed nec sic machina ducis Godfridi cedente, nec ejus custodibus ab assaultu repressis, sed amplius et sævius invalescentibus, Sarracenorū artifices aliud aptant ingenium, quo machina ejusque possessores sine recuperatione consumerentur.

CAP. XVIII. — *Ubi ignis aceto sopitur, et catena gentilium vi extorquetur.*

Contulerunt enim immanissimum magnique ponderis robar arborum, quod totum olavis ferreis et uncis confixerunt, clavosque stuppis, pice, oera oleoque infusis et impinguis impleverunt, et omni fomentorum ignis genere. Catenam quoque ferream et onerosam in medio robore affixerunt, ne curvis et ferreis hamis peregrinorum leviter posset auferri et amoveri, dum ad comburendam machinam trans muros et mœnia præfatum lignum jactaretur. D Aptato perfectoque hujus roboris ædificio, quadam die universi cives ac milites regis Babylonis intra urbem adunati, circa id opus conferuntur. Qui scallis, hastis et apparatus suis grave lignum, incensum igne omni aqua inextinguibili, trans muros in virtute magna in momento deposuerunt, inter muros et machinam hoc jacentes, ut ab illius validissimo ardore postes, quibus tota innitebatur machina, correpti, cremarentur ruinamque in ea habitantes paterentur; nec ulla aqua tam vehemens ignis restingeretur, quousque tota machina cum præfato robore in cineres redacta corruiisset. Verum



Christianis ab indigenis conchristianis res innotuit, et qualiter hic ignis, aqua inexstinguibilis, solo aceti liquore restingui valeat. Unde in utribus intra machinam acetum, ex providentia impositum super injectum et effusum est: sic grande incendium restinctum, ultra machinæ nocere non potuit. Ad hujus denique roboris extinctionem concursus peregrinorum factus est: qui catenam arripien- tes, totis viribus luctamen inierunt, hi exterius trahendo, hi interius retinendo. Sed Christianorum virtus, Deo favente, prævaluit; et sic Sarracenis catena erepta, a fidelibus retenta est.

CAP. XIX. — *Qui sanctam civitatem obtinuerint primi.*

In ejusdem vero catenæ contentione ab intus et deforis, ac quinque manganarum defectione frustra jam deintus jactantium, dux, qui in eminentiore cœnaculo arcis obtinuerat mansionem, omne genus jaculorum saxorumque in medium vulgus conglobatorum cum suis intorquebat, et stantes in muro sine intermissione a mœnibus arcebat. Tres siquidem Christianorum manganæ sine requie, incessabili jactu mœnia transvolebant, et custodes hinc et hinc a mœnibus longo recessu absterrebant. Adhæc fratres prænominati, Ludolfus et Engelbertus, videntes Sarracenos otio lorpere et manus a defensione continere, atque ex utroque latere mœnium procul absistere propter manganarum cæterorumque impetum, sine mora, sicuti muro erant propiores, a secundo cœnaculo, in quo manebant, porrectis arboribus et in mœnia missis, primum in urbem cum virtute armorum descenderunt, universis murorum custodibus in fugam versis. Dux vero fraterque ejus Eustachius, hos urbem jam ingressos intelligentes, ex templo a superiore arce descendentes, mox et ipsi in mœnibus consistentes ad opem illorum descenderunt. Omnis populus hæc intuens, et principes jam obtinere civitatem inæstimabili clamore intonantes scalis undique muro applicitis, ascendere et intrare festinant.

CAP. XX. — *De diffugio et interitu perditorum.*

Cives autem ac defensores urbis contemplantes capta mœnia et muros, ac media urbe viros Christianos sistere, totamque civitatem armis Gallorum inundare, correpti sunt formidine et mentis hebetudine; ac repente diffugium facientes, plurima multitudo spe protectionis ad palatium regis Salomonis, quod erat spatiosum atque firmissimum, fugam arripiunt. Quos Galli fortiter insecuti lanceis et gladiis, cum ipsis fugitivis pariter portas palatii ingrediuntur, et in nimia gentilium occisione perseverant. Equites vero circiter quadringenti, qui a rege Babylonis missi, urbem assidue perlustrabant in admonitione defensionis et consolatione civium, visa angustia et fuga suorum, ad præsidium turris David veloci cursu equorum divterunt. Sed Gallis eos gravi insecutione prementibus, vix portæ immisi, equos, ante januam unanimiter descendentes, reliquerunt;

A quos Christiani arripientes, cum frenis et sellis abduxerunt, habentes ea.

CAP. XXI. — *Quid factum sit, per portas toto irrum- pente populo.*

Interea quidam peregrinorum ad portas urbis contententes, seras et vectes ferreos avellunt, totumque vulgus ad auxilium intromittunt. Sed tanta pressura et anxietas ingredientium in porta hæc fuisse perhibetur, ut etiam ipsi equi, nimia oppressione gravati, plurimos dentibus, aperto ore ad mordendum, nolente sessore, invaderent, sudore inaudito diffuentes. Quare viri circiter sedecim pedibus equorum, mulorum, hominumque conculcati et discerpti et suffocati, spiritum vitæ exhalaverunt. Per foranem etiam murorum, quod aries ferrata fronte infregerat, plurima millia virorum ac mulierum intromissa sunt. Hi omnes conglobati, in vociferatione et strepitu magno ad palatium prædictum concursum facientes, fratribus præmissis auxilium contulerunt, Sarracenos per domum, quæ spatiosa erat, crudeli funere sternentes: quorum adeo sanguinis facta est effusio, ut etiam rivi per ipsa pavimenta regis aulæ defluerent, et usque ad talos fusus cruor accresceret. Sarraceni, interdum recuperato spiritu et viribus, in defensionem frustra eriguntur; sed tamen plures fidelium incautos mutua cæde perfoderunt.

CAP. XXII. — *De cisterna regii palatii.*

In cisternam autem regiam, quæ ante fores ejusdem palatii in modum lacus amplitudinem et magnitudinem cavatione continet, testudinem fornicei operis desuper habens, marmoreis undique subnixis columnis, plures Sarracenorum per gradus, qui ad hauriendam aquam introeuntes perducunt, confugerunt: quorum alii aquis suffocati sunt, alii ab insequentibus Christianis in ipsis gradibus defensionis perempti sunt. Per ea vero foramina, quæ trans testudinem ora in modum putei habebant, tam Christiani quam Sarraceni præcipiti fuga, cæcoque cursu cadentes, non solum submersione periclitantur, sed et fractis collis et cervicibus, aut ruptis visceribus exstinguebantur. Hujus quippe cisternæ regis aqua in omni obsidione urbis ad mensuram civibus indigentibus et militibus dari solebat ad squandos equos, greges et universa jumenta, et ad omnes usus necessarios. Ex omni stillicidio pluviarum, ab ipsius tecti palatii canalibus, templique Domini testudine, et a tectis multorum ædificiorum, confluenta, hæc cisterna adimpletur, per circulum anni frigidam ac salubrem aquam abunde omnibus illic urbem inhabitantibus administrans.

CAP. XXIII. — *Item de generali cæde civium et direptione templi Domini.*

Egressi autem Christiani victores a palatio post nimiam et oruentam cædem Sarracenorum, quorum decem millia in ipso loco occiderunt, plures copias gentilium, per vicos civitatis errantes diffugio præ timore mortis, in ore gladii percusserunt. Mulieres, quæ in turris palatii et solis confugerant, mu-

crone confoderunt; infantes, adhuc sugentes, per plantam pedis e sinu matris aut cunabulis arreptos muris vel ostiorum liminibus allidentes, fractis cervicibus, alios armis trucidabant, alios lapidibus obruebant; nulli prorsus ætati aut generi gentilium parcetes. Quicumque ergo domum aut palatium prior invadebat, cum omni snppellectile, frumento, oleo, hordeo et vino, pecunia aut veste, vel qualibet re pacifice obtinebat. Et sic possessores totius civitatis facti sunt. Intromissis vero Christianis in civitatem et longa strage in palatio et urbe sævientibus spoliis atque divitiis Sarracenorum inhiantibus, Tankradus, qui festinus in primo urbis ingressu templum præcurrit, et avulsis seris intravit, pecuniam auri et argenti incomparabilem cum robore et opes sui satellitii a muris deauratis in circuitu columnis et pilariis avulsit, biduo in raptione hujus thesauri a Turcis oratorio decorando collati desudans. Quem thesaurum duo Sarraceni, ab urbe in obsidione egressi, eidem Tankrado, ut gratiam et salutem vitæ suæ in oculis ipsius invenirent, proposuissent feruntur. Post prædictum vero tempus dierum templi portas aperiens, et sæcum pecuniam asportans, duci Godefrido, cujus erat miles, fideliter divisit, quam vix, ut aiunt, quibus tota massa innotuit, sex camelis aut muli portare poterant.

CAP. XXIV. — *Relatio de templo Domini.*

Hoc Templum, quod dicitur Domini, non illud antiquum ac mirabile opus regis Salomonis intelligendum est, cum tota urbs Jerusalem a rege Nabobodonosor, deinde a rege Antiocho ante multos annos Dominicæ Incarnationis destructa fuerit, templumque Salomonis a fundamento dirutum, ornamentis et vasis sacris spoliatum sit. Rursus post incarnationem, ex prænuntiatione Domini Jesu, a principibus Romanorum, Vespasiano et Tito, funditus cum suis habitatoribus sic Jerusalem deleta est, ut secundum vocem Domini lapis super lapidem non relinqueretur. Verum templum hoc postea a modernis et Christianis cultoribus reædificatum, plures attestantur; nempe eo loco, quo Salomon pacificus de lignis cedrinis et Pario lapide pristinum Dei tabernaculum collocavit, et in ea Sancta sanctorum. In medio autem hoc moderno tabernaculo mons lapideus, natura fundatus, proeminet, fere in latitudine continens tertiam partem jugeri, in altitudine habens duos cubitos. Cujus in uno latere gradus collocati, ad cava loca descendentes perducunt; alio vero in latere, ut in veritate referunt, qui tunc consideraverunt, ostiolum habet lapideum, sed semper signatum. Illic ex quorundam opinione quædam Sancta sanctorum adhuc servari perhibentur. In media siquidem testudine ejusdem templi moderni, quod nunc mirifico opere signorum desuper murorum parietes in circuitu continet, rotundam catenam infixam esse asseverant, in qua vas aurei fulgoris et operis, ponderis vero circiter ducentarum marcarum, pendere semper solet. Quod urnam auream alii affirmant, alii sanguinem Domini, alii manna in eo abscondi-

tum; et sic in varias sententias diversa opinione eriguntur.

CAP. XXV. — *De oratoriis sanctæ civitatis, et quam devote dux sepulcrum Domini visitaverit.*

Hoc itaque vas et promunctorium, quod in medio templi proeminere prædiximus, intactum a Tankrado permansit, quin Turci omni devotione utrumque venerantes, inviolatum reservabant. Unde et tabernaculum omni honore et decore thesaurizabant, soli, omnibus gentibus cæteris exclusis, in illo suarum cæremoniarum observationi vacantes. Sic vero ipsum præfatum templum ad exsequendos ritus sui erroris summa reverentia et custodia venerantes, soli etiam Dominici sepulcri templo, ejusque cultoribus Christianis parcebant, propter tributa, quæ ex oblatione fidelium assidue eis solvebantur, una cum ecclesia S. Mariæ ad Latinos, quæ etiam tributaria erat. In reliqua vero oratoria urbis sanctæ tam Turci quam Sarraceni suam tyrannidem nimia strage exercuerunt, prorsus ab eis catholicos cultores ex terminantes. Ad hoc denique templum Domini, ut prædictum est, iter suum Tankrado convergente præ avaritia sibi propalate pecuniæ; aliis vero ad præsidium turris David fugitivos velociter insequentibus, cunctisque principibus rebus et ædificiis Turcicis inhiantibus, universoque vulgo ad palatium Salomonis tendente, et eodem nimiam crudeliter in Sarracenos operante, dux Godefridus ob omni strage se abstinens, mox tribus tantum suorum secum retentis, Baldrico, Adelbuldo et Stabulone, exutus lorica, et lanea veste indutus, nudatis pedibus muros egressus, in circuitu urbis cum humilitate processit, et per eam portam quæ respicit ad montem Olivarum introiens, Sepulcro Domini nostri Jesu Christi, Filii Dei vivi, præsentatus est, in lacrymis, orationibus et divinis persistens laudibus, et Deo gratias agens quia videre meruit quod illi semper fuit summo desiderio.

CAP. XXVI. — *Visio cujusdam de luce.*

Nam pio duci proposito impleto, somnii hujus visio completa veraciter comprobatur. Ante viæ hujus initium cum sæpe idem dux suspiria traheret, sui que animi optio ante omnia esset visitare sanctam civitatem Jerusalem, et videre sepulcrum Domini Jesu, ac sæpe privatis famulis cordis sui aperiret intentionem, cuidam de familiaribus suis, Stabuloni videlicet, in hunc modum ostensa est visio. Videbat idem scalam auream a cælesti axe proceræ longitudinis usque ad terram porrectam, quam ipse dux, nimio desiderio fervens, cum quodam poculi sui provisore, Rotherdo nomine, lucernam in manu ferente, conscendere conatus est. Sed provisor jam media scala consistente, lucerna, quam gestabat in manu illius, exstinguitur, et medius gradus scalæ, per quam ad supernum cœli solium scandeat, graviter læsus et attritus est. Sic provisor poculi ad interiora reversus, præ formidine ultra ad cælestem portam cum duce pervenire non potuit ac pulsare. At Stabulo, cujus est ista visio, lucernam exstinctam reatitans, sta-

lam, quam pincerna indignus attolli non meruit, fido-  
cialiter conscendit, et lucernam ultra indeficientem  
ferens, cum ipso duce cœli penetravit ad aulam, ubi  
mensa illis parata, et omni deliciarum dulcedine cum-  
mulata reperta est. Ad hunc denique dux cum electis  
et ea dignis recumbens, de omni quæ aderat  
dulcedinis suavitate partitus est.

CAP. XXVII. — *Interpretatio somnii.*

Quid per hanc scalam ad cœli palatium ducentem,  
nisi via quam dux tota mentis intentione apprehendit  
ad urbem Jerusalem, quæ porta est cœlestis patriæ,  
significatur? Ex auro enim purissimo erat scala;  
quia ad hanc viam et cœli portam puro corde et per-  
fecta humilitate veniendum. Media autem scala pro-  
visoris poculi lucerna exstinguitur, gradus læsus  
deficit, ascensus negatur, quia opus et onus viæ san-  
ctæ, quod bona et pura voluntate una cum duce  
devovit, medio labore deseruit cum plurimis, sicut  
audivistis. Propter diffidentiam enim et imminentes  
angustias a duce subtractus est Antiochiæ, et sic  
apostata factus, ad aratrum reversus est miseriarum,  
nec ultra per scalam cum duce cœli introiens  
Januam, sanctorum mensa dignus fuit participari.  
Stabulo vero ducis camerarius, lucernam ab ipsius  
manu suscipiens, reaccendit, quia voluntatem ho-  
nam viæ hujus quam primum assumpsit fortiter  
retinuit, et inter diversas mentis vacillationes lam-  
pade benevolentis reaccensa, reflagranti voto firmiter  
hæsit; sicque insolubili gradu scalam cum duce  
superavit. Insuper illius in omni tribulatione socius  
stabilis, et famulus existens fidelis Dei, eo usque in  
Jerusalem pervenit, et ad sepulcrum Domini, quod  
mensa est et desiderium totius dulcedinis sanctorum,  
intrare meruit et orare.

CAP. XXVIII. — *De avaritia Reymundi et Tankradi,  
et de nece quorundam gentilium.*

Post hæc duce a sanctuario Domini sepulcri  
regresso in lætitia cordis et exultatione post per-  
sectam ibi victoriam, et hospitio quiescendi causa  
declinato, jam toto exercitu sedata a gentilium occi-  
sione, et nocte ea oculos universorum præ labore  
aggravante, quia Jerusalem, civitas Dei viventis, et  
mater nostra, filiis restituta est in victoria magna  
sexta feria, in die solemni divisionis apostolorum,  
quæ est Idus Julii, comes Reymundus avaritia cor-  
ruptus, Sarracenos milites, quos in turrim David  
fuga elapsos obsederat, accepta ingenti pecunia, D  
illæos abire permisit: omnia autem arma, escas et  
exuvias eorum cum eodem præsidio retinuit. Proxima  
ab hinc die Sabbati clarescente, quidam Sarraceno-  
rum spe vite in summitatem tecti domus præcelesæ  
Salomonis ab armis elapsi, circiter trecenti confu-  
gerant. Qui multa prece pro vita flagitantes, in mor-  
tis articulo positi, nullius fiducia aut promissione  
audebant decendere, quousque vexillum Tankradi,  
in signum protectionis vivendi susceperunt. Sed mi-  
nime misellis profuit. Nam plurimis super hoc indi-  
gnantibus, et Christianis furore commotis, ne unus  
quidem illorum evasit.

A CAP. XXIX. — *Ubi consilio majorum ira Tankradi  
sedatur.*

Tankradus, miles gloriosus, super hac sibi illata,  
injuria vehementi ira succensus est, nec sine discor-  
dia et gravi ultione furor illius quievisset, nisi con-  
siliium et sententia majorum ac prudentium illius  
animum his mitigasset verbis: « Jerusalem civitas  
Dei excelsi, ut universi nostis, magna difficultate et  
non sine damno nostrorum recuperata, propriis filiis  
hodie restituta est, et liberata de manu regis Baby-  
loniæ, jugoque Turcorum. Sed modo cavendum est  
ne avaritia aut pigritia vel misericordia erga inimicos  
habita, hanc amittamus, captivis, et adhuc residuis  
in urbe gentilibus, parcentes. Nam si forte a rege  
Babyloniæ in multitudine gravi occupati fuerimus,  
subito ab intus et extra impugnabimur; sicque in  
perpetuum exsilium transportabimur. Unde primum  
et fidele nobis videtur consiliium, quatenus universi  
Sarraceni et gentiles, qui captivi tenentur, pecunia  
redimendi aut redempti, sine dilatione in gladio cor-  
ruant, ne fraude aut ingenio illorum nobis aliqua oc-  
currant adversa. »

B CAP. XXX. — *Interneccio superstitum gentilium.*

Consilio hoc accepto, tertio die post victoriam  
egressa est sententia a majoribus: et ecce universi  
arma rapiunt, et miserabili cæde in omne vulgus  
gentilium, quod adhuc erat residuum, exsurgunt,  
alios producentes e vinculis et decollantes, alios per  
vicos et plateas civitatis inventos trucidantes, quibus  
antea causa pecuniæ aut humana pietate peperce-  
runt. Puellas vero, mulieres, matronas nobiles et  
C fetas cum puellis tenellis detruncabant aut lapidibus  
obruiebant, in nullis aliquam considerantes statem  
E contra puellæ, mulieres, matronæ metu momen-  
tanæ angustiatæ et horrore gravissimæ necis  
concussæ, Christianos in jugulum utriusque sexus  
debacchantes ac sævientes, medios pro liberanda  
vita amplexabantur, quædam pedibus eorum advol-  
vebantur, de vita et salute sua illos nimium mise-  
rando fletu et ejulatu sollicitantes. Pueri vero quin-  
quennes aut triennes matrum patrumque crudelem  
casum intuentes, una miserum clamorem et fletum  
multiplicabant. Sed frustra hæc pietatis et miseri-  
cordiæ signa fiebant. Nam Christiani sic neci totum  
laxaverant animum, ut non sugens masculus aut  
femina, nedum infans unius anni vivens manum per-  
cussoris evaderet. Unde plateæ totius civitatis Jeru-  
salem corporibus exstinctis virorum et mulierum  
lacerisque membris infantium adeo strætæ et operæ  
fuisse referuntur, ut non solum in vicis, solis et  
palatiis, sed etiam in locis desertæ solitudinis copia  
occisorum reperiretur innumerabilis.

CAP. XXXI. — *De anteriore Turcorum dominio in  
urbe Jerusalem.*

A die autem, quæ urbs sancta a Sarracenis ob-  
sessæ, munita ac defensa fuit, usque ad hanc diem  
qua capta et victa suisque restituta est, nullus Tur-  
corum in ea repertus est, qui paulo ante hanc vi in-  
vadentes, multo tempore obtinuerant, et gravia tri-

buta tam a Sarracenis quam peregrinis Christi et Indigenis fidelibus exigebant. Trecenti Turci erant, qui civitatem sanctam captivaverant, longo tempore in ea dominati, plurimis in circuitu urbibus Syriae et Palæstinæ regionis illis tributariis factis, quas rex Babylonæ cum Jerusalem quondam subditas et regno suo appendentes potenter obtinere solebat. Nunc, ut audistis, Christianorum exercitu in obsidione Antiochiæ post captam Nicæam ordinato, idem rex Babylonæ, audita gloria, virtute ac victoria Christianorum principum, et Turcorum humilitatione, in urbe Jerusalem, quam amiserat, trecentos Turcos in apparatu et exercitu copioso obsedit. Quos plurimo assultu et manganarum impetu expugnatos fatigavit, multum obsistentes ac repugnantes, sed non sine magno suorum detrimento.

CAP. XXXII. — *Quomodo Turci eliminati sint, et de mendosa Babylonici regis promissione.*

Erat autem Solymanus, princeps et caputhorum Turcorum, miles ferocissimus, semper regi Babylonæ et ejus regno adversarius. Tandem Turci cum principe suo, videntes animum suorum exiguum pondus belli et tot nullium assultus tolerare non posse, data mutuo fide et dextris de vita et salute sua, impetraverunt, quatenus urbem reddentes, pacifice exirent, et conductum ipsius regis usque in Damascum haberent, in qua princeps magnificus Dominum trater dominari perhibetur, qui nunc cum præfatis Turcis ab urbe Jerusalem ejectus est. His ejectis et conductum regis usque in Damascum habentibus, rex Jerusalem ingressus, templum Domini juxta ritum gentilium summa reverentia et humilitate subiit. Deinde templum Domini sepulcri cum omni habitu religionis gentilis introivit, omnia pacifice perlustrans, et nullum Christianorum a fide et ordine sui ritus aversens. Dehinc reversus, civitatem fidei custodia disposuit; turrim vero David suo satellitio munivit, palatium Salomonis et cætera regalia ædificia et defensoria suo juri mancipavit. Hac itaque civitate ejus subditiore relocata post Turcorum ejectionem, nimium gavisus, sed adhuc Turcos sibi a Damasco metuens adversari, direxit legatos ad Christianorum principes, circa urbem Antiochiam residentes, referens quomodo ab urbe Jerusalem et regno suo Turcos egerit, et quia in omnibus eorum voluntati de urbe sancta satisfacere voluerit, et de fide Christi Christianitatisque professione consiliis eorum acquiescere. Sed omnia mentitus et in dolo locutus est. Nam urbis introitum peregrinis negavit omni armorum defensione et militum virtute, qua poterat, donec cælestis Regi auxilio, Sarracenis, ut audistis, crudeli nece peremptis, nunc intromissi sunt.

CAP. XXXIII. — *Promotio gloriosi ducis in Jerusalem.*

Hac vero miseranda strage Sarracenorum completa, in proximo die Dominico fideles et primores Christianorum, inito consilio, dominium urbis et custodiam Domini sepulcri comiti Reymundo dare

A decreverunt. Quo renuente, et cæteris universis capitaneis ad id officium electis, Godefridus dux tandem, licet invitus, ad tuendum urbis principatum promovetur. Promotus ergo consilio et benevolentia omnium Christianorum, turrim David regis quam ipse Reymundus, laxatis fugæ Sarracenis, invaserat, requisivit. Sed Reymundus prorsus reddere negavit, donec minis ipsius ducis et Christianorum restituere coactus est. Hujus vero ducis electio et promotio nequaquam humana voluntate facta fuisse credatur; sed totum Dei ordinatione et gratia factum, cum procul dubio ex visione cujusdam boni et veridici militis didicerimus, ante decem annos hujus viæ hunc a Deo electum et constitutum ductorem, principem atque præceptorem Christiani exercitus, ut præ omnibus primatibus actu, victoria et consiliis beatiorum, et fide ac veritate integriorum.

CAP. XXXIV. — *Somnium cujusdam militis de duce.*

Quadam ergo nocte præfatus miles, Hezelo nomine, de Kinwilre villa, quæ est in rubuario, cum eodem duce in silva quadam quæ vocatur Kettena, venatoria arte fatigatus, facili sopore occupatus est, statimque in spiritu ad montem Sina translatus est, ubi Moyses, famulus Domini, jejunio quadraginta dierum expleto, claritatem gloriæ Dei meruit videre et legem de manu Dei accipere. Super hujus denique montis cacumem videbat prædictum cum timore et mansuetudine facili ascensu attolli, et duos ei in vestibus albis et pontificali ornatu obviam festinare, dicentes: « Qui servo suo et fidei Moysi contulit benedictionem et gratiam, ejusdem benedictionibus Dei viventis; replearis, et gratiam in oculis ejus invenias: dux ac præceptor populi sui Christiani in omni fide et veritate constitueris. » Hoc dicto, miles expergefactus a somno, surrexit, et visio subtracta est.

CAP. XXXV. — *Solutio somnii.*

Quid in hac visione considerandum, nisi quod in spiritu et lenitate Moysi surgeret dux spiritualis Israel, a Deo præordinatus et princeps populi constitutus? Uude hanc visionem et benedictionem vere et manifeste in eo adimpletam cognoscimus; quia revera, cum plurimi principes ac potentes, episcopi et comites, filiique regum, viam hanc ante illum et post eum institerint, Christianorumque exercitus ductores fuerint, nequaquam prosperum iter fecit illis Deus, aut sui desiderii compotes facti sunt; verum a regibus et barbaris nationibus multa illis adversa, et universo illorum exercitui, illata sunt; quia non erant illi per quos salus veniret in Israel. At, duce Godefrido post universos præmissos viam insistente, desperatique exercitus duce ac principe existente, omnia adversa in prospera sunt mutata; nec fuit quod impediret viam, aut quæ noceret adversitas, nec nisi in sceleratis et transgressoribus inventa fuit iniquitas; inventa vero iniquitate, ex justitia vera Dei subsecuta est ultio, qua et sanctificata est legio. Et sic filii castigati nunc fame, nunc gladio, tandem felices et mundi ab inquinamentis

cum duce et principe suo beatum desiderium ex-  
plentes, urbem sanctam Jerusalem intrare merue-  
runt, ac Domini sepulcrum adoraverunt; mœnia  
etiam possidentes ex Dei providentia et voluntate,  
hunc urbis rectorem ac populi præceptorem glorio-  
sissime præfecerunt.

CAP. XXXVI. — *Item visio cujusdam Aquensis clerici  
de duce.*

Præterea revelatum est cuidam fratri catholico et  
canonico S. Mariæ Aquigrani, Giselberto nomine,  
in septimo mense discessionis ac peregrinationis  
ejusdem ducis, quod caput omnium et princeps futu-  
rus esset in Jerusalem a Deo præscitus et consti-  
tutus. Videbatur enim fratri adhuc somno dedito  
quod præfatus dux in sole potenter sedere accepis-  
set, et ex omni genere avium quæ sub cælo sunt, in  
circuito illius infinitæ copiæ confluiscent, quarum  
pars paulatim avolando minui cœpit; amplior vero  
pars fixa et immobilis a dextris et sinistris rema-  
nebat: post hæc sol a radiis suæ claritatis maxima  
ex parte obscuratus est, sedesque ducis brevi inter-  
vallo prorsus deleta, et tota fere avium multitudo  
quæ remanserat avolavit.

CAP. XXXVII. — *Explanatio visionis.*

In sole sedem dux accepit, cum in solio regni Je-  
rusalem promoveretur, quæ omnes mundi superat  
civitates nomine et sanctitate, sicut sol sua claritate  
universas cœli stellas: quam Jesus Christus, Dei  
vivi Filius, qui verus est sol justitiæ, sua illustravit  
et exaltavit Deitate, quando in ea crucifixus, pas-  
sus, mortuus et sepultus, tertia die resurrexit a  
mortuis, suisque dilectoribus apparuit vivus. Con-  
gregatæ sunt aves cœli circa sedentem, cum de  
universis regnis Christianorum parvi et magni, no-  
biles et ignobiles, illi associati et subditi facti sunt.  
Avolaverunt aves, cum plurima peregrinorum mul-  
titudo ad terram cognationis suæ ex illius consensu  
et licentia reversa est. Sed plurimæ aves fixæ et im-  
mobiles permanserunt, cum multi pio amore illius  
innodati et familiari ejus allocutione delectati cum  
eo ultra remanere decreverunt. Post hæc brevi in-  
tervallo sol obscuratur, sedes ducis auferitur, cum  
Jerusalem post paululum temporis viduata, tam  
magnifico principe mortuo, multum obscurata est a  
fama et gloria sua, multisque militibus et belligeris  
viris in illius casu attenuata.

CAP. XXXVIII. — *Qualiter inventa sit portio ligni  
salutaris.*

Horum somniorum præsignatione ex Dei ordina-  
tione populique Christiani benevolentia, Godefrido  
ad principem et rectorem suorum confratrum in  
solio regni Jerusalem exaltato, quidam fidelissimus  
Christianus, urbis indigena, lege Christi pleniter  
instructus, crucem quamdam semiulnæ auro vesti-  
tam, cui Domini ligni particula in medio erat in-  
serta, sed fabrilis operis experta et nuda, indicavit se  
abscondisse in loco humili et pulverulento desertæ  
domus, propter metum Sarracenorum, ne in hoc  
urbine obsidionis inventa eadem crux auro spolia-

retur, et lignum Dominicum ab his indigne tracta-  
retur. Hæc sanota revelatione ligni Domini universi  
lætati fideles qui aderant, in omni abstinentia pura  
et disciplina, sexta feria, quæ est dies Dominicæ Pas-  
sionis, processione honorifica clerus et populus con-  
venerunt ad locum, ubi absconditum fuit lignum  
venerabile. Quod cum timore et reverentia susce-  
perunt, ad templum Domini sepulcri cum omni  
devotione hymnorumque modulatione ferre, et ibi-  
dem collocare decreverunt.

CAP. XXXIX. — *De obitu patriarchæ Hierosolymi-  
tani.*

Post hæc placuit universo cœtui fidelium, et vi-  
sum est utile acceptumque coram Deo, quoniam  
universitas gentilium ab urbe sancta exterminata  
est et sacrilegi ritus; Godefridus quoque princeps  
Christianorum in throno Jerusalem exaltatus ad  
protegendam urbem ejusque habitatores, ut pastor  
etiam et patriarcha restitueretur, qui gregi fidelium  
sanctæque præses Ecclesiæ. Non viduata erat  
pastore suo, patriarcha, viro sanctissimo, in insula  
Cypro tempore obsidionis Jerusalem, ex hac luce  
substracto. Migravit idem patriarcha ab Jerusalem et  
sepulcro Domini, audito adventu et sede Christia-  
norum circa mœnia Anthiochiæ, profectus ad insulam  
Cyprum propter minas Turcorum et importunitatem  
Sarracenorum. Fuit quippe vir grandævus et fidelis  
Christi servus, qui a prædicta insula plurima chari-  
tatis dona duci Godefrido cæterisque principibus  
misit in initio obsidionis Jerusalem, interdum fru-  
ctum arboris, qui dicitur malum granatum, inter-  
dum pretiosa poma cedrorum Libani, interdum  
pavones saginatos aut laudabile vinum, et quæcum-  
que juxta possibilitatem suam consequi poterat,  
sperans, sub illis principibus adhuc sancta eccle-  
sia restaurata, pacifice et secure ad sepulcrum Do-  
mini nostri Jesu Christi, Filii Dei vivi servire atque  
præesse. Sed recuperata a fidelibus urbe Jerusalem  
et sacra illius ecclesia renovata, Christianissimus  
patriarcha e vita discessit, sicque ecclesia suo pa-  
store viduata remansit. Quapropter consilio inter  
Christianorum principes habito et sæpius discusso,  
ut prædictum est, quis tanto vix succederet non  
aliquis repertus est tanto honore et divino regimine  
dignus. Ideoque dilatio facta est donec inveniretur  
aliquis qui ad hoc pontificale officium foret idoneus:  
et tantum Arnolfum de Rohes, clericum miræ pru-  
dentis et facundis, cancellarium sanctæ Ecclesiæ  
Hierosolymitanæ, procuratorem sanctarum reliquia-  
rum et custodem eleemosynarum fidelium consti-  
tuerunt.

CAP. XL. — *De clericis et campanarum signis apud  
Dominicum sepulcrum institutis.*

Promoto nunc Arnolfo ad hanc dignitatem sanctæ  
et novæ ecclesiæ, donec eligeretur patriarcha Deo  
et populo acceptabilis, placuit summo principi Je-  
rusalem, duci Godefrido, necnon et cæteris omni-  
bus, ut templo Domini sepulcri viginti fratres in  
Christo divini cultus officii constituerentur, qui

assiduis Domino Deo viventium laudibus et hymnis peallent, hostiam corporis et sanguinis Jesu Christi devote immolarent, deinde quotidianam sustentationem de oblatione fidelium constitutam susciperent. Sic divino decenter obsequio restaurato a duce catholico Christianisque principibus, campanas ex ære cæterisque metallis fieri jusserunt, quarum signum fratres dum caperent, mox ad ecclesiam laudes psalmorum missarumque vota celebraturi festinarent, et populus hæc auditurus una properaret. Non enim hujuscemodi soni aut signa visa vel audita sunt ante hos dies in Jerusalem.

CAP. XLI. — *Quomodo dux copias hostium occurrerit.*

Dehinc curriculo quinque hebdomadarum transacto, dux Godefridus, audita fama gentilium, munita urbe et turri David fideli custodia, assumptis secum sociis, Roberto Flandrensi et Tankrado, profectus est in campestria Ascalonis, audire et intelligere de rebus et consiliis gentilium. Ubi fortuito sibi nuntius occurrit, referens quod Meravis, secundus a rege Babylonis, et universa multitudo gentilium, ut arena maris innumerabilis, ex mandato regis iam ad Ascalonem navigio descenderunt, armatas et armenta infinita adduxerunt, omnemque belli apparatus copiosum, et quod urbem Jerusalem et exsules Christianos obsidere decreverunt. Gens enim publicanorum, et gens nigerrimæ cutis de terra Æthiopiæ, dicta vulgariter Azepart, et omnes barbaræ nationes que erant de regno Babylonis illic ad urbem Ascalonem conventum habere statuerunt. Dux vero Godefridus et quicum eo erant, Robertus Flandrensis, Tankradus et Eustachius, frater ducis, comperta fama adventantium copiarum armorumque gentilium, juxta montana quæ procedunt ab Jerusalem hospitati sunt. Deinde, missa legatione comiti Reymundo Jerusalem et Roberto Northmannorum principi, omnia aperiri jubent: Quanta scilicet collectio gentilium Ascalonem occupaverit, et viam usque Jerusalem habere constituerit. Unde eosdem principes cum omni manu equitum expeditum ad resistendum infidelibus accersunt. Petrum vero Eremitam et Arnolfum, quem cancellarium ac custodem sepulcri Domini constituerant, cum ligno Domini adesse monuerunt ad Ascalonem in occursum turmis infidelium sine aliqua dilatione; sed paucos tamen fideles in tuitione ac defensione urbis remanere decreverunt.

CAP. XLII. — *Populus a præda gentilium præmunitus abstinet.*

His ita dispositis et exercitu per urbem diffuso, admoniti ex legatione ducis et comprimorum, equos et arma brevi intervallo deposita reparant et resumunt, et iter in cornibus, et tubis, et musicis, et citharis omnique voce exsultationis et lætitia per montana insistentes, duci Godefrido in terminis Ascalonis residenti conjuncti sunt, per prata et loca campestria hospitati. Solus comes Reymundus, adhuc stimulo invidiæ sæviens adversus eum Godefridum, eo quod turrim David amiserat, invitatus venire

noluit cum omni manu suorum sequacium, donec denuo a duce cunctisque principibus minis pulsatus et admonitus, tandem et consilio suorum et blanditiis fidelium virorum exurgens atque per montana regia via incedens, cum ingenti manu suorum duci et prædictis principibus in campestribus associatus est. Armenta, cameli, asini, boves, buffi et omne genus domestici pecoris a Sarracenis in iisdem campestribus in multitudine gravi dolose præmissa erant et dispersa, ut populus Christianus ex concupiscentia raperet et cogeret, prædæque animum adverteret, ut sic rapinis impeditus, facilius ab hoste superaretur. Sed quidam nobilissimus ex Sarracenis, quondam urbis Rametis præfectus, qui pacem et fœdus, superata Jerusalem, cum duce inivit, nunc in auxilium ipsius ducis Godefridi, licet gentilis, fideli intentione adveniens, dolositatem Babyloniorum enucleat, dicens: Armenta non aliam ob causam Sarracenos, Arabes cunctosque gentiles præmissis nisi ut peregrinos impedirent, quo magis prædæ quam defensionis student. Hac præmonitione gentilis principis dux et universi rectores Christiani exercitus rem præcavescentes, edictum in omni catholica legione statuunt, ut, quicumque de peregrinis prædam ante prælium contigerit, auribus et naribus truncatus puniatur. Juxta verbum et edictum istud omnes a vitio manus continuerunt, solum quod victui hac nocte sufficeret contraxerunt.

CAP. XLIII. — *Præfecto gentili dux exponit cur populus pergat ad prælium.*

Altera autem die, prima aurora radiante, universus populus Dei vivi bello armatur, in voce exsultationis et omni dulci modulatione jucunditatis, citharis et musicis, tanquam ad convivium pergentes, lætati sanctæ crucis signaculo ab Arnolfo, Petro cæterisque sacerdotibus muniti et signati, confessionis puritate confortati sunt, sub quorum anathemate rursus præda et aliqua rapina ante agonem interdicta est. Præfectus autem civitatis Rametis videns populum in tibillis, citharis, musicarumque sonis, ac voce exsultationis jucundari et psallere, tanquam ad epulas omnium deliciarum invitati essent, admiratus est vehementer, et ducem super his sciscitatur, dicens: « Miror, et sufficienter mirari nequeo, unde populus hic in tanta lætitia in voce exsultationis gloriatur, quasi ad convivium iturus, cum hodie mors illi præsens sit, et præsens martyrium universos præstoleatur, et varius sit eventus belli; atque multa nunc et intolerabilis virtus adversariorum congregata, non procul hinc castra sua locaverit. » Ad hæc dux, fide Christi plenus et spiritali responsione instructus, sciscitanti viro super his sapienter exposuit, cur in spe hodiernæ mortis præsentis que prælii, ingenti gaudio dulcique melodia Christianus populus delectaretur. Dicebat enim: « Populus hic, quem vides et audis in voce exsultationis adversus inimicos properare, et prælium in nomine Domini Jesu Christi, Filii Dei vivi, committere, scito quod certus est hodie de corona regni

cœlorum: et quia ad meliorem transibit vitam, in qua primum feliciter incipiet vivere, si pro ejus nomine et gratia in hoc prælio mori meruerit. Ideo in gaudium et jubilationem cor nostrum erigitur, quia si forte corruerimus in manu inimicorum, potestatem habet Dominus Jesus, Deus noster, animas nostras in paradiso gloriæ suæ collocare. Idcirco non timeamus mortem ante inimicorum impetum; quia certi sumus post temporalem mortem, de certa illius retributione. Hoc vero signum sanctæ crucis quomunimur et sanctificamur, procul dubio spirituale nobis scutum est contra jacula inimicorum et in eodem sperantes, tutius adversus pericula cuncta stare audemus. In hoc utique ligno sanctæ crucis redempti sumus de manu mortis et inferni ac potestate angeli nequam. Et in sanguine Domini nostri Jesu Christi, Fili Dei vivi, ab omni inquinamento veteris erroris emundati, fiduciam habemus vitæ æternæ.

CAP. XLIV. — *Plebs Christianorum cruce signata in occursum pergit armatis.*

Ducis responsione audita, rogatur per perennis vitæ instructionem supra dictus gentilis, ut cum et ipse causa Christianissimi ducis et catholici populi contra gentem et confratres suos pugnaturus esset, eodem sanctæ crucis signaculo muniriatur et sanctificetur, quatenus fide et spe ejusdem sanctæ crucis et crucifixi incolumis ab armis et inimicorum insidiis conservaretur. Utrum autem statim aut post bellum baptismum susceperit incertum habemus, præter quod quidam profitentur quod, visa virtute et victoria Christianorum, baptismi gratiam perceperit. Hujus vero sanctæ crucis signaculo de manu Arnolphi universo cœtu Christianorum una cum gentili principe sanctificato, ad arma sumenda, loricas induendas, acies ordinandas et vexilla in hastis extollenda omnium sit labore et intentio. Nulla armentorum et vetiti gregis sit concupiscentia, sed præmissi greges et armenta ad decipiendos fideles Christi, splendore armorum, galearum clypeorumque stupescunt, et vehementi strepitu ac clamore exercitus attoniti, admirantur. Unde erectis auribus stupefacti, et immobiles diu persistentes, tandem sociantur equitibus et peditibus, et sic armatis permisti cuneis, cum euntibus ibant, et cum stantibus stabant, atque nubem pulveris multiplicantes, Sarracenis rem ignorantibus et cum sua multitudine copiosa a longe stantibus, timorem asperserunt.

CAP. XLV. — *Qualiter fuerit eorum acies ordinata*

Christianis deinde a montanis egressis et in valle ac loco campestri consistentibus, ubi Sarracenorum Arabum, Maurorum, publicanorum tentoria fixa erant et acies ordinatæ, greges et universa armenta, quæ nemo dinumerare poterat, sponte segregata et directa sunt sine rectoribus et sine magistris ad locum satis vicini pascui, ac si divino nutu præmonita et jussa ultro cuneis catholicis cederent, ne forte eis impedimentum fierent, sed ut ibidem in loco passim persistentes a Christianis post victoriam re-

periri possent. Nec mora, segregatis pecudibus et visis infidelium turmis, acies Gallorum, sicut constitutæ erant, hæ in fronte, hæ a dextris et sinistris, aliæ ad extremum pugnaturæ, bello aptantur. Universi vero equites et pedites circa sua signa et vexilla catervatim conferuntur. Godefridus dux, et summus post Dominum dominatorum Jerusalem, cum duobus millibus equitum et tribus peditum in omni armatura loricarum, galearum, clypeorum, lancearum et sagittarum, portas Ascalonis obsedit, ne ulla vis inhabitantium ab urbe hac parte erumperet, Gallosque retro post terga improvisos impugnaret. Comes vero Reynundus a dextris versus pomaria spatiosa ac densissima quæ extra muros erant cum ingenti manu suorum aciem suam dirigebat ut, bello ingruente, sociis vires et opes auget, cordaque metu fluxa ab instanti sublevaret angustia. Robertus Northmannorum princeps et Robertus Flandrensis, Oliverius de Jussi, Gerhardus de Keresi, Reynardus de Tul, densata fronte acies a sinistris contra Mauros et omne genus gentilium in campestribus moderabantur ad commitendum prælium. Universi autem equites et pedites Christianorum conglobati in signis et vexillis ad resistendum illic pari animo constituerunt.

CAP. XLVI. — *Post altera discrimina pars inimica diffugit.*

Sic utrinque facie ad faciem obsistentibus, crudele bellum inhorruit. Nam Azopart qui flexis genibus suo more bellum solent committere, præmissi, in fronte belli graviter sagittarum grandine Gallos impugnaverunt, tubis et tympanistris intonantes, ut tam horribili sonitu equos et viros perterritos a bello et locis campestribus abstererent. Habebant etiam iidem Azopart, viri horridi et terribissimi, flagella ferrea et sævissima, quibus loricas et clypeos gravi ictu penetrabant, equos in frontibus percutebant, et sonitum terribilem per universa æmina fidelium faciebant. Gens vero Arabum, et Sarracenorum ac publicanorum nunc lanceis, nunc sagittis, nunc fundibus, et omni genere armorum in millibus suis accedentes, adversus Christianorum acies dimicabant, prælia multiplicantes et plurimum diei consummantes. Econtra Christianorum manus exigua adversus tot millia innumerabilia medio involvitur certamine, incessanter prælia conserens et hostiles acies atterens et attenuans. Tandem bello ingravato, et gentilium cuneis Deo opitulante, contritis, totus exercitus regis Babylonis fugam iniiit; et per agrorum planitiem versus maritima dispersus, tendebat a facie cædentis et persequentis.

CAP. XLVII. — *De necis et spoliis occisorum.*

Godefridus dux, Reynundus comes, Eustachius, Tankradus, Cuno de Monte acuto et filius ejus Lambertus, videntes quod gentilium exercitus et eorum virtus deficiens cedebat, in impetu equorum et vehementi concursu ac clamore pedestris vulgi mediis advolant hostibus; et nimia cæde inter eos sævientes, plurimum auxilii fratribus contulerunt Arabes vero cæteræque gentes, ut perspexerunt quod deinceps bellum sustinere non possent, dispersi



et contriti, per campos et angustas semitas fugam arripiunt. Sed undique ab insequentibus victoriosisque militibus ut miseræ pecules passim perimuntur. Florum infinita pars cum victa cederet, insecutione Christianorum oppressa, spe salutis et causa effugiendi, ad naves et maritima contendit. Ubi comes Reymundus casu illis occurrit, quo, crudeliter cædens et insequens, in proiudum maris fugientes submergi ad tria millia crebra armorum percussione arctavit. Sarracenorum autem cohortibus sic atroci cæde perterritis, et aliis ad mare fugam meditantibus, aliis ad pomaria, plurimis vero portam Ascalonis intrare quærentibus, universi victores Christianorum diffusi sunt per tentoria gentilium, alii rapientes pretiosam purpuram, alii vestes et vasa argentea plurimamque massam utriusque metalli pretiosioris, alii camelos, mulos, equos, dromedarios cum asinis fortissime; et cuique prædæ, sicut jejuni et longa abstinentia macerati nunc totius belli immemores manus suas inferebant.

CAP. XLVIII. — *Populus rapinis inhians sternitur manus continens superior efficitur.*

At gentiles, quorum innumerabilis multitudo adhuc in littore maris et campestribus locis abundabat, videntes quomodo populus Galliæ rapinis et prædiis totus inhiabat et ab insecutione cessaverat, usquequaque relicis sociis, et signo tubarum et cornicinum readunatis viribus suorum, viros prædæ intentos et belli oblitos, viriliter incurrunt, gravi strage perimentes incautos, totamque victoriam Christianorum cruentam reddidissent, nisi dux Godefridus, princeps summus Jerusalem, qui versus montana extremas acies dirigebat, periculum illorum considerans, et quia avaritia essent cæcati, sine mors in faciem inimicorum advolans, prædam prohibuisset universosque cum jurgio ad defensionem sic hortatus fuisset, dicens: « O viri rebelles et incorrigibiles, quis vos fascinavit, ut ad prædam velitam et illicitam manus vestræ converterentur, donec inimici vestri, Deo auxiliante, in gladio corruissent! Eia, relinquitte prædam, et hostibus insistite, et nolite cedere nunc insurgentibus, et amaram de vobis vindictam quærentibus. » Dixit, et medias perrumpens acies strictis mucronibus, in manus suorum sequentium grave hostium reddidit exterminium; et tunc universos a præda revocatos secum accivit in opus belli repetiti. Rursum superati gentiles terga vertunt, ab armorum creberrimis ictibus ad Ascalonis urbem fugam maturantes.

CAP. XLIX. — *Item de rege perditorum.*

Dux vero et qui cum eo erant, fugientes persequantur tam equites quam pedites, et nullo intervallo a tergo adversariorum abfuerunt; sed in cæde gravissima persequentes, usque ad portam Ascalonis eos persecuti sunt. Fortunati qui in portam recepti sunt, aut intromitti potuerunt. Nam tanta pressura fugiendi et intrandi Sarracenis in ipsis foribus urbis fuisse reuertur, ut duo millia et amplius occisorum et suffocatorum sub pedibus intran-

atium hominum, equorum et mulorum in foribus et ante fores extincta perierint. Postremi vero et in fuga tardiores, videntes hinc et hinc angustias animæ suæ et difficilem portarum introitum, et in hoc horrore armorum januis clausis se ab urbe exclusos, arbores palmarum, alii ramos olivarum aut flocorum conscendere properabant, ut saltem ramorum foliorumque densitate latere vel liberari possent. Sed pedites Christiani nimium propinqui, miseros in arboribus visos et patefactos subito sagitta transfigebant, et quasi aves volatili telo percussas, ab ipsis arborum ramis moribundos humi procumbere, plurimumque terræ cogebant operire.

CAP. L. — *Quando prælium hoc commissum sit, et de ibidem gestis.*

Sexta feria, pridie Idus Augusti mensis, commissum est hoc prælium a viginti millibus Christianorum adversus trecenta millia gentilium, Sarracenorum, Arabum, publicanorum, Maurorum de terra Æthiopiæ. Quorum triginta millia in aperta camporum planitie cecidisse nobis retulerunt, qui in eodem certamine præsentibus adfuerunt, præter duo millia suffocatorum et occisorum in portas urbis, et absque his qui, armorum pericula vitare existimantes, undis abyssi maris submersi sine numero perierunt. Nulli vero Christianorum viri nominati, illic ceciderunt, præter paucos pedestris vulgi, ut procul dubio a veridicis fratribus compertum est. Hac fuga et contritione gentilium ac Christianorum victoria, longissima hasta argento operata pertotum, quod vocant Standart, et quæ regis Babylonis exercitui signum præferebatur, et circa quam præcipua virtus densabatur, ad quam victi et dissipati revertebantur, capta est a Roberto Northmannorum principe, et in templum Dominici sepulcri transmissa, et usque in hodiernum diem ob memoriam victoriæ Christianorum attitulata est. Nunc ergo hac bellorum tempestate sedata, atque Meravi, qui secundus a rege in omni decreto et consilio habetur, cum tota gente sua triumphato, Christianis lætitia prædarum tam in tentoriis quam arumentis, camelis, buffis, asinis, ovibus, hircis, bobus, cunctisque rebus tribuitur. Quibus plurimi onusti et refocillati, tota nocte gradientes, in gaudio cordis et voce exultationis Jerusalem reversi sunt, ante sepulcrum sanctissimum Deo laudes et gratias super omnibus referentes quæ eis prospere et gloriosa acciderunt.

CAP. LI. — *Comes Reymundus Ascalonem et Asur contra Christianos consilio suo obfirmat.*

Dux Godefridus, readunatis sociis equitum et peditum circiter duo millia, urbis Ascalonis portas in omni latere obsedit, ut cives et milites ex nova cæde et recenti victoria stupefacti ac tremantes civitatem redderent, ultra desperantes regis Babylonæ auxilium, cum totius regni sui virtus congregata vehementer nunc attrita fuerit et dissipata. Verum ubi aliquid noctis processit, plurimumque consilii Ascalonitæ de urbis redditione et vitæ intercessione iniissent, comes Reymundus, invidus omnis gloriæ ducis Godefridi propter turrim David, quam amiserat



rat, Sarracenorum civibus occultam in hunc modum misit legationem : « Estote viri fortissimi, et minis ducis Godefridi ne terreamini, urbem in manus ejus reddentes ; quia universi principes nostri reditum in terram cognationis suæ post peractum bellum habere decreverunt ; et exiguam manum pugnatorum hac nocte circa urbem cum illo remanere sciat. » Hoc comitis legatione et solamine cives ac milites animati, et a redditione urbis et dandis dextris aversi, orto sole, in mœnibus ad defensionem constituerunt, sagittis, fundibulis, omnique armorum genere ducem cum suis ab obsidione urbis arcentes. Dux autem visa illorum audacia et repugnatione, et quia de omnibus suis non amplius quam septingenti equites secum remanserant, et quia instinctu et suavis ejusdem comitis universi principes abierant, in littore maris viam continuantes, movit et ipse castra ab obsidione, via regia secus maritima usque ad civitatem Assur præcedentes comprimores consecutus. Illic comes Reymundus per diei unius et noctis spatium obsidionem circa civitatem Assur egerat, arbitrans ex nova cæde et recenti victoria cives concussos urbem in manu ejus reddituros. Plurimas etiam minas et terrores civibus inferens, interdum vitam et salutem et omnem gratiam ab eo consequi, si redderent urbem, promittebat. Sed ducis Godefridi adventu comperto, conscius doli adversus eum quem per invidiam fecerat, cum omni comitatu suo ab obsidione Assur recessit, hortatus cives ne Godefridum expavescerent, et ne aliqua minarum illatione aut bellico impetu urbem illi aperirent, plurimum contestans quia nullus principum qui præcesserant, illi ad auxilium rediret.

CAP. LII. — *Dux et comes Reymundus pacificantur.*

Taliter cives adhortatus ad impedimentum ducis, iter maturavit, et in regione, quæ est inter Cæsaream et urbem Caiphas; juxta fluvium quemdam dulcis aquæ, Roberto Flandrensi, et æquivoco suo, Roberto Northmannorum principi, cæterisque primoribus associatus est. Godefridus dux ad Assur veniens civitatem per diem obsedit, si forte aliquo eventu aut timore Assyrii incusso, in manu ejus traderetur. Sed Reymundi suasionem et attestationem hos sicut Ascalonitas rebelles ac resistentes inveniens, tristi animo divertit ab urbe, et admonivit socios ut Reymundum in castris impeterent, et omne velas, quod adversus se egerat, in caput illius redderent. Qui statim loriceis induti, dum vexillis erectis in castra veniunt, et in comitem animo irato tendere disposuissent, Reymundus vero pariter ex providentia armatus ad resistendum illi occurrere decrevisset, Robertus Flandrensis et cæteri viri magnifici intervenerunt, viros graviter arguerunt, quos tandem utrinque multo conatu placatos in concordia reduxerunt.

CAP. LIII. — *Principibus repatriare cupientibus dux valedicit, et cives Assur duci confæderantur.*

Jam Deo et Domino nostro Jesu Christo favente, his in concordiam reductis, Robertus Flandrensis,

A Robertus princeps Northmannorum, Reyn pariter de Provincia et universi principes sui intentionem duci aperiunt, ac benevol omnibus quæ habebant in animo humili et modesto colloquio invenerunt. Dux vero in voluntati fratrum satisfaciens. Jerusalem decrevit, eo quod potestas urbis in tuitione fensione ipsius collata sit; et diu colla so amplexans, et omnes benigne deosculans, cum lacrymis precatur eos in bono commensui memores existant, et confratres Christiani moneant, quatenus ad Domini sepulcrum vendubitent, ac sibi cæterisque consociis in remanentibus, auxilio de die in diem adversus barbaras nationes concurrant. Viri vero e B Assur audito quod dux remeabat, et cum Rey cæterisque in concordiam redierat. de salute et pace fœdus cum duce pepigerunt, obsidentorum et civitatis constituentes illi. Ipsi par eodem duce pro stabilitate fidei et pacis Gerksibi devotum militem, ortum de castello A obsidem susceperunt.

CAP. LIV. — *De cæteris fidelibus repatriant*

Et ecce tot præliis, tot laboribus omnibus inauditis in victoria et bono fine completis quoque et universis sociis mutuo commendatigni et pusilli, primores et subditi, in terram tatis suæ reditum parant a diutino exsilio, et victoriæ in manu sua referunt, præ nimia lacrymis affluentes super fratribus in exalictis. Quibus, osculo dilectionis dato, valediam remensi sunt per easdem civitates et m C difficultates juxta mare Palæstinum, qua et ve in Jerusalem: ubi illis ab omnibus prædictis tibus, Ptolemaide, Tyro, Sidone, Triple, Bati reliquis civitatibus, licentia concessa est ve et emendi vitæ necessaria. Ab omni denique: et insidiis a facie eorum omnes gentes ur earum quieverunt, pavidæ et tremefactæ sup tritione quieverunt. pavidæ et tremefactæ sup tritione regis Babylonie et victoria quæ ipsis bus a Deo vivente collata est. Sic igitur sec pacifice loca hæc transeuntes, pauca quidem habentes, sed palmas in signum victoriæ m portantes, in regionem civitatis Gybel frugi vineis opulentissimam declinaverunt: ubi p mœnibus urbis propter loca rivis et pascuis moda, aperta camporum planitie, tabernacu tendentes, duobus diebus bonis uberrimis illius delectati sunt.

CAP. LV. — *Boemundus Laodiceam, Christiana urbem, obsedit.*

His itaque in locis dum moram facerent, r tum est illis quomodo Boemundus, avaritia i gandi et acquirendi insaturatus, Laodiceam, et habitationem catholicorum Græcorum, lor sidione occupasset; turresque duas civitatis, in maris sitas, magistras urbis a nautis tributa e tis, jam capta invasisset auxilio et navali s Pisanorum et Genuensium; custodesque catl

alios trucidasset, alios visu excæcatos ab ipsarum arce ejecisset. Sed Pisani et Genuenses non nimium super his injuriis criminandi sunt : nam ex ore Boemundi longe aliter quam res esset intellexerunt. Unde falsa illius adhortatione ducentis navibus prædictas turres vallaverunt, et malis navium procera longitudine nubes tangentibus et sportas vimineas in summitate affixas continentibus, custodes præsidiorum graviter oppresserunt, creberrimis lapidum et sagittarum ictibus a superveniente arbore turres et viros impugnantes. Audito enim Pisanorum et Genuensium adventu. Boemundus, princeps subdolos et frater avarus, ab Antiochia sex milliaribus Laodiceæ vicina illis occurrens, omne malum et grande nefas de civibus Laodiceæ referebat : hos enim noxios esse Christianorum calumniatores, ut sic omnium animos in odium civium et urbis obsidionem facilius hoc concitaret instinctu. Quare factum est ut creduli verbi illius primum turres obsidentes, custodes earum in deditioem cogerent ; dehinc turribus sua arte vel vi superatis, urbem cingerent. Qui gravi et longo assultu cives vexantes, jam trans vallum murorum pontes duos potenter locaverunt, per quos usque ad mœnia facilius ipsis pateret accessus, et sic urbs angustiata in brevi Boemundo redderetur. In proximo enim fuit ut civitas applicitis hujusmodi ingeniis caperetur, cives punirentur. et Boemundo omnia injuste traderentur. Injuste quidem, nam in obsidione Antiochiæ eadem Laodicea navali obsidione et assultu Winemari de Bulonia, piratarum magistri, et quorundam Christianorum, cum præfatis turribus superata et capta est. Hi, collectione navium e diversis terris et regnis contracta, scilicet ab Antwerpia, Tyla, Frisia, Flandria, per mare Provincialibus in terra S. Ægidii, de potestate comitis Reymundi, associati, navigio in circuitu orbis terræ usque ad ipsam urbem Laodiceæ appulsi sunt. Quam occupantes et expugnantes, Turcos et Sarracenos, injustos dominatores, in ea repertos gladio percusserunt, urbem vero et ejus mœnia apprehendentes, comiti Reymundo cum ipsis turribus post obsidionem Antiochiæ contulerunt, Winemarus, magister et ductor piratarum, post hæc a Turcopolis et militibus regis Græcorum captus et carceri deputatus est ; sed ducis Godefridi interventione post plurimum temporis a carcere et vinculis eductus est. Comes vero Reymundus post captionem Antiochiæ, decreto itinere suo in Jerusalem cum cæteris, imperatori Constantinopolis Laodiceam civitatem Turcis et gentibus ereptam restituit et sic fidem inviolatam illi reservavit. Juraverat enim sibi, fœdusque percusserat cum eo una cum Godefrido et principibus cæteris, de cunctis urbibus, castellis et terris ad regnum ipsius pertinentibus, nihil quidquam de omnibus retinere aut mentiri. Hac de causa Boemundum principes, ab Jerusalem regressi et in terminis civitatis Gybel hospitati, comperientes Laodiceam injuste obsedis, ac imperatori comitique Reymundo inju-

riam fecisse, nuntios constituunt, qui eum amabiliter et pacifice ex legatione et rogatu Christianorum confratrum, ab Jerusalem in victoria Dei redeuntium, compellarent, quatenus ab urbis obsidione recederet, nullamque ultra Christianis calumniam inferret.

CAP. LVI. — *Episcopus Pisanus redeuntes peregrinos humiliter salutat.*

Interea dum ad hoc nuntii eligerentur, episcopus Pisanorum, Dagobertus nomine, cognito adventu et reditu Christianorum peregrinorum ab Jerusalem quorum per plurimum tempus fama nota fuit aut memoria usque ad diem hanc, assumptis aliquibus viris de comitatu suo egregiis, fratres adire et visitare contendit. Quibus inventis in regione prædicta, nullo modo a fletu præ gaudio se continere potuit ; sed in omnium majorum atque minorum colla ruens, cœpit cum lacrymis universos deosculari, dicens : « Vere et absque ulla ambiguitate fateor vos filios et amicos Dei viventis, qui non solum rebus vestris, urbibus, castellis, prædiis, uxoribus, filiis ac filiabus abrenuntavistis, sed etiam animabus vestris non pepercistis, cum hanc Dei et Domini nostri Jesu Christi expeditionem, in tam longinquas et barbaras nationes facere non dubitastis ; totque adversa, ut compertum habemus, pro Redemptoris nostri gratia sustinistis. Non est auditum a Christi nativitate, ut aliquis Christianorum exeritus, per tot regna et pericula transiens, Jerusalem, in potentia et virtute, expugnatis et ejectis adulterinis filiis et incolis, obtineret, ac loca sancta mundaret, atque in ea post victoriam ad tuendam magnificum Christianorum principem Godefridum exaltaret, sicut de gloria et virtute ejus et vestra nunc acceperimus. Propter quod gavisi desiderio videndi vos, et salutandi ac colloquendi huc venire decrevimus.

CAP. LVII. — *Mutua collocutio episcopi et peregrinorum.*

Ad hæc a fidelibus peregrinis venerabili episcopo sic responsum est : « Si Christianorum prosperitati congaudetis, et saluti arridetis, cur Christianis civibus, videlicet urbis Laodiceæ injuste vim intulistis ; turres eorum cepistis, custodes trucidastis, et adhuc urbem obsidione vastastis ? » His auditis, episcopus benigne et patienti animo excusavit se, ac se suasque in omnibus ignoranter deliquisse profitetur, dicens : « Mundi a sanguine hoc sumus. Nam cum rudes ac totius guerræ ignari navigio ad has partes venissemus, Boemundus ab Antiochia nobis obviam factus est, qui cives Laodiceæ falsos Christianos esse asseruit ; eosdem etiam semper Christianis confratribus adversari, et traditores peregrinorum apud Turcos et Sarracenos fuisse illos sum moperere referebat. Ad hoc ulciscendum, opem et virtutem nostram precatus est. Nos vero verbis et assertionibus illius credentes, hosque cives sceleratissimos æstimantes, vires et opem sibi ad obsidendam urbem et ejus habitatores contulimus, et obsequium nos præstare Deo in occisione illorum arbitrati sumus. Sed nunc

veritatem ex ore vestro novimus, quomoda invidia et avaritia, non Dei gratia, hos Boemundus persequitur; et nos misere decepit ad obsidendos et puniendos Christianos. Et ideo sine mora ad nostros redituri, rem aperiemus, et sic ab urbe eos et ab omni impugnatione cohibebimus. »

CAP. LVIII. — *Boemundus, nolens obsidionem solvere, deseritur ab omnibus.*

Hoc dicto, nuntii ab exercitu Hierosolymitarum cum Pisanorum episcopo profecti sunt. Sed Boemundum in nimia avaritiæ suæ pertinacia reperientes, legationem confratrum et comprimorum benigne sibi aperuerunt quatenus ab urbe Laodicea arma et vires suas amoveret, ne erga imperatorem Græcorum fidem promissam mentirentur, et reditus sui impedimentum gravissimum in regno illius paterentur. Boemundus vero, auditis nuntiorum verbis, petitionem et admonitionem fidelium prorsus sprexit, et nunquam se recessurum a muris et mœnibus Laodiceæ asseruit, donec urbs et cives suæ manciparentur ditioni. Nuntii autem omnia responsa et aspera verba Boemundi ejusque impatientiam ad exercitum referentes, primoribus indicant, ac iras omnium vehementer acuentes, eo animos illorum commovent, ut arma acquiri et bello aptari universi, parvi et magni, monerentur. Ad hæc episcopus, Boemundi intentione et responsione cognita, in castra et classes suorum descendens, universos qui in suo erant comitatu causam edocuit et commotionem Christiani exercitus. Sic cunctos Pisanos et Genuenses, in Domino Deo compunctos, ab obsidione urbis et auxilio Boemundi revocavit, ne ultra ad subveniendum manum in cives mittere præsumpsissent. Boemundus ergo videns se auxilio destitutum, viresque suas nimium attenuatas, et quod fideles Christi ac principes bello et vi armorum eum amovere conspirassent, vespere cælos terrasque obumbrante, ab obsidione murorum procul cum omni manu sua secessit, et confratrum voluntati, nescio amore an timore, nolens volensque, obtemperavit.

CAP. LIX. — *Armati fideles Laodiceam pervenientes, Boemundum fugisse reperiunt.*

Crastina vero die per universum mundum relata, omnis multitudo peregrinorum armis et loriceis induuntur; et iter insistentes, plurimumque diei peracto, Laodiceam pervenerunt in vexillis ostreis tubarumque multitudine. Sed nullam contradictionem sibi resistentium invenientes, pacifice portas

A civitatis ultro sibi a civibus patefactas introierunt in omni susceptione benigna. Boemundum enim procul abstitisse, et abhinc usque ad dimidium milliare concessisse, eis nuntiatum est. Comes ergo Reymundus cum quingentis fratribus suæ societatis munitionem urbis ingressus, suum vexillum, quod erat notissimum, in eminentioris turris erexit cacumine, custodia suorum per universas Laodiceæ turres locata. Cæteri vero fratres et comprimores per omnia ædificia domorum extra et infra hospitandi gratia divisi sunt. Circiter viginti millia Hierosolymitanorum erat numerus, quando ab Jerusalem reversi, Laodiceæ confinia intraverunt, quibus omnium rerum vitæ necessariorum copia a vendentibus concessa est. Mensis enim September et Autumnus tempus erat, quando Laodiceam pervenerunt. Ubi præcipua ubertate frumenti, uvarum, musti, olei et hordei fruentes, quindecim dierum spatium lætanter pegerunt, civibus urbis et peregrinis Pisanis ac Genuensibus omnem familiaritatis et affabilitatis mutuam gratiam exhibentibus.

CAP. LX. — *Boemundus Laodicensibus reconciliatur, et quibusdam aliis.*

Inter hæc mutæ charitatis gaudia utrinque sui recordati Christiani nominis et communiter habitæ tribulationis, passionis et pristinæ dilectionis, inter nuntios constituerunt, qui Boemundum de injustitia sua arguerent et de concordia interpellarent, quatenus compunctus fratribus reconciliari non abnueret, fratres quoque eum satisfacientem benigne in concordiam et charitatem reciperent. Boemundus, his auditis nuntiis, compunctus super omnibus in unitatem et dilectionem festinanter redit. Etenim statuto die id campestribus Laodiceæ colloquio habito, præcipue inter duos comites Reymundum et Boemundum, dehinc inter alios pax et amicitia firmata est, ab omne vetus odium penitus exclusum. Sicque triduo cum illis Boemundus moram faciens, in obsequio charitatis victoriam Jerusalem sciscitatus est: post hæc Antiochiam cum suis reversus est. Robertus vero Flandrensis, Robertus pariter Northmannorum princeps, Gastus de Burdeiz, Cuno de Monte-Acuto et cæteri compares, post aliquot dies reditum navigio constituerunt ad terram nativitatis suæ. At comes Reymundus, metuens Laodiceam et Tortosam urbes, quas difficili labore subjugaverat, ex Boemundi avaritia et instabilitate amittere, cum plurima manu suorum sequacium remansit.

## LIBER SEPTIMUS.

CAPUT PRIMUM. — *Cives Assur, transgressores fœderis dux obsidet iterato.*

Postquam cives Assur, vulgariter Arsid, ex consilio invidorum, urbem et reditus, quos pepigerant

duci Godefrido singulis annis conferre, concussi timore victoriæ quam acceperat juxta Ascalonem, prorsus negaverunt, obsides illius pro pacto amicitie datos, inique retinentes, et suis gaudentes re-

ceptis, qui in fide male servata ducis evaserant custodiam, ultra se a facie ducis forti munere tutela. Quapropter rex ira motus cæterique nobiles et ignobiles, qui secum remanserant, nempe Willhelmus de Montpelir, Wernerus de Greiz, Geldemarus Carpent., Wickerus Alemanus, universi equites et pedites Christiani cum tribus millibus urbem cinxerunt, in circuitu ejus tabernacula sua extendentes. Collocatis ergo undique tentoriis, aptaverunt machinas et instrumenta manganarum, spatio septem hebdomadarum summo studio ea fabricantes.

CAP. II. — *Lacrymosa narratio de Gerharδο milite.*

Applicitis tandem muro ingenii, fortiter cives oppugnabant. Illi vero non seguius pro vita resistebant a turrata arce et mœnibus. Sed frustra videntes se in defensione desudare, malum navalem proceræ altitudinis, qui in media urbe jacebat, funibus et catenis astrictum levaverunt in altum, in quo unum de obsidibus ducis, Gerhardum prædictum, ortum de genere Hamaicorum de præsidio Avennis, militem egregium, affixerunt in modum crucifixi, manus et pedes illius extendentes funibus, quem jamdiu pœnis consumptum a carnificibus arbitrabantur Christiani. Sed erectus et affixus in culmine<sup>9</sup> mali idem Gerhardus, in hanc miserabilem vocem cum lacrymis erupit, ac ducem alloquitur: *O dux illustrissime, nunc reminiscere quomodo tuo præcepto huc obses et exsul inter barbaras nationes et viros impios transmissus sum. Ideoque pelo, ut aliqua misericordia vel humanitate super me movearis, et tam gravi et sævo, martyrio me perire non patiaris. Cui dux; Nequaquam, o Gerharde, miles acerrime, tui misereri possum, et tot homines avrtere a vindicta civitatis hujus. Et ideo, si frater meus uterinus esses, ut Eustachius, huc conditione liberari non posses, ut urbs illæsa permaneat. Mori siquidem habes, et utilius est, ut solus moriaris, quam decretum et jusjurandum nostrorum violetur, et urbs hæc semper peregrinis habeatur infesta. Si enim præsentis vila moriaris, vivere habes cum Christo in cælestibus. Hæc Gerhardus intelligens, et nulla se lacrymarum præce videns proficere, summo opere ducem exorat ut equum et arma sua sancto præsentaret sepulcro, quæ illic Deo famulantibus pro remedio animæ suæ largiatur. Ad hæc dux et universa multitudo Christianorum fortiter assiliunt urbem, in confratre Gerharδο totius pietatis et misericordiæ obliti, urbis defensores in sagittis et fundibulis et manganellis circumquaque impugnantes. Et jam inter plurimas sagittas incaute remissas, decem sagittis ejusdem Gerhardi corpus confixum et vulneratum est.*

CAP. III. — *Ubi, ducis machina procumbente, plurimi Christianorum pariter conflagrarunt.*

Gentiles autem cernentes quia vir strenuus, omni pietate a cordibus suorum exclusa, vulneraretur, sic duci et omni populo Christiano magnis blasphemis improperebant, dicentes: *Gens impla et crudelis, qui minime fratri et conchristiano vestro parcere curastis, sed acrius, illo viso et ejus perditione, urbem atque cives*

*A oppugnastis! Hoc dicto, ab intus manganellis, balistis et sagittis viriliter resistentes, urbem in machina expugnantes ducis milites nitentur repellere. Palos enim ferreos et acutos, oleo, stuppis, pice, ignis fomite involutos, et omnino aqua inextinguibiles creberrima jaculatione a mœnibus intorquebant machinæ trans taurina cornua, quibus viminæ crates opertæ erant ad excutiendos injectos ignes. Sed tandem paulatim flamma suscitata, et vires undique in arida materia rapiente, tota machina combusta humi procumbens corruit cum tribus cœnaculis: in quibus viri bellatores amplius quam quinquaginta, a ducæ et cæteris primoribus constituti, nunc undique flammarum invasione occupati, cum ipsa machina ruinam perpessi sunt. Alii fractis cervicibus et collo, alii semiputatis cruribus eorum aut brachiis, quidam ruptis viceribus ab intolerabili massa lignorum, nec ulla ope liberandi, una cum lignis in favillam et cineres redacti sunt. In quibus Franco de Mechela villa, quæ est super Mosam fluvium, miles imperterritus, ab ardentissima trabe occupatus, eodem igne inextinguibili incendio concremari ab omnibus visus est.*

CAP. IV. — *Exhortatio ducis ad milites.*

Continuo sine mora Rotholdus, miles acerrimus, videns quia ars et flamma Sarracenorum invaluit, machinæque cum inhabitatoribus sui humi procubuit, a mœnibus urbis, in quæ a machina descenderat ante incendium una cum Petro Longobardo, milite præclaro, celeri pede desiliit, quod nullum eis auxilium forebatur, et in vallo juxta muros constituerunt illæsi. Sarraceni autem videntes eos juxta muros corruisse, ferratis sudibus et immensa mole lapidum viros opprimere certabant; sed Deo protegente, et galea fortissima crebros ictus sustinente, vivi et incolumes ad societatem Christianorum reversi sunt. Dux itaque cernens sic suos audacissimos milites gravi interitu et ruina corruisse, alios extinctos et combustos, alios enervatos, et omne opus machinæ celeri strage et edaci flamma conemptum, ac plurimos Christianæ societatis animo deficere fugamque meditari, mœstus et dolens, universos desperatos revocare cepit ad assultum urbis, ad interitum adversariorum, ad firmandam obsidionem, dicens: *Ah! miseri et inutiles, ad quid de terra et cognatione vestra exiistis, nisi ut animas vestras usque ad mortem pro nomine Jesu duretis, et redemptione sanctæ Ecclesiæ et liberatione confratrum vestrorum? Ecce civitas hæc, et unicersæ nationes in circuitu, Jerusalem urbi inimicantur, et insidiantur saluti nostræ: quarum hæc una est, quam obsediistis. Videte ne deficiatis a proposito vestro, et tam viliter effeminati, hanc urbem insuperatam relinquantis. Agite ergo pœnitentiam luxuriæ vestræ foetissimæ, quam in hac via sancta incendi exercuistis, et omnium iniquitatum vestrarum, quibus gratiam Dei offendistis; et sic Dominum cæli, apud quem non est iniquitas, venia et confessione delictorum vestrorum*

*purgati, facite vobis placabilem; quia sine illo nihil potestis facere.*

**CAP. V.** — *Populo penitentia indicitur, sed concreta simili machina, iterum plectitur.*

Ad hanc ducis vocem et admonitionem universi fugæ intenti et timore concussi, tunc solatio roborati, obsidionem circa Assur amplius et validius quam antea firmaverunt, donec et altera machina iterato fabricata muris applicaretur, per quam civitas capta redderetur. In hac tandem repertis omnibus, crastina luce primum exorta, Arnolfus cancellarius sepulcri Dominici, clericus illustris et Deo devotus, ipsum ducem et universos magnos et parvos cœpit redarguere de perfidia et duritia cordis qua in fratres suos, Gerhardum et Lambertum, maio affixos et apud Assyrios obsides derelictos, peccaverunt. Idecirco omnes de hac impietate cunctorumque scditate delictorum ad confessionem et correctionem paterne cohortatus est. Sic itaque eoadhortante ad compunctionem cordis, et veniam culparum suarum, lacrymis profusis in unam eriguntur voluntatem ad urbis obsidionem, rursumque componentes machinam et tormenta lapidum, longa tempora circa muros expleverunt. Ad instar vero magnitudinis prioris machinæ altera hæc machina facta et composita, muris civitatis in virtute loricorum ac multitudine virorum et mulierum trans vallum applicata est, et in ejus cœnaculis viri fortissimi et audaces ad pugnam civibus inferendam constituti sunt. Hæc autem machina dum sic trans vallum traheretur, ut muros civitatis plurimum sublimitate superaret, virique ex ea arcu, jaculis ac lanceis mœnia oppugnarent, cives etiam in mœnibus consistentes graviter vexarent, simili jaculatione palorum ignitorum, ut priorem machinam, Sarraceni eam infixerunt quousque flamma suscitata invalescens crates, postes, trabes invasit ac combussit. Mox ad exstinguendam machinam de omni exercitu et tentoriis concurrunt viri ac mulieres, aquam singuli in singulis vasis afferentes. Sed minime profecit tanta aquarum suffusio. Nam hujus ignis genus aqua erat inextinguibile, et flamma magna et insuperabilis, ideoque machina nequaquam potuit exstingui, donec penitus combusta ruinam magnam faciens, quamplurimos virorum ac mulierum circumstantium diversis plagis attrivit. Alii ibidem mortui, alii membrorum læsione enervati jacebant, quidam semineces quassatis visceribus purpureum sanguinem vomebant; alii flammis suffocati, a nemine liberari valentes, misere periclitabantur. Unus erat dolor pereuntium, nulla quies.

**CAP. VI.** — *Soluta obsidione Assur, Boemundus et Baldewinus sanctam civitatem ingrediuntur.*

Nihil his ingenii duce proficiente, consilio suorum accepto, eo quod civitas Assur, hoc tempore gravissimæ hiemis inchoante, præ frigore et nive insuperabilis haberetur, Jerusalem Decembri mense mediato rediit; sed centum equites cum ducentis pedibus Rames vel Ramæ attulavit, qui assidue

cives Assur impugnarent, ac bello lacerarent. Cives vero præcavescentes, ne aliquis impetus aut insidiæ illorum ex improvise nocerent, nequaquam longe a muris procedebant. Unde milites ducis eata et vineta illorum per singulos dies deprædabantur. Tandem iidem milites Christiani videntes quia nihil insidiis aut assultu proficerent, Jerusalem et ipsi reversi, per spatium duorum mensium se ab omni impetu et infestatione continuerunt. Sic securi facti viri Assur et adversitatis nihil ultra æstimantes, in negotiis suis paulatim ab urbe procedebant incaute, et vites agrisque excolebant. Boemundus secus civitatem Antiochiæ audita Christianorum victoria, et Godefridi ducis gloria et exaltatione in Jerusalem, ex verbis et relatione Roberti Flandrensis, Roberti Northmannorum principis et cæterorum redeuntium, Baldewino ejusdem ducis fratre admonito per legatos, viam Jerusalem insistere decrevit ad visitandum locum Domini sepulcri. Quibus Dagobertus Pisanus episcopus cum omni comitatu suo longo tempore (trium mensium) in regione commoratus Laodiceæ, nunc in via hac adjunctus est; datisque muneribus, cum utrisque pactus est amicitiam de die in diem in omni sermone et actione simulatæ religionis, cuuctis nimium acceptus. Natali autem Domini in proximo facto, præfati principes cum ingenti honore et comitatu Christianorum Jerusalem sunt ingressi, duce Godefrido gloriose eis occurrente, et præ gaudio nimioque desiderio eos videndi, pia eis oscula faciente.

**CAP. VII.** — *De ambitione patriarchatus Pisani episcopi.*

Aliquot deinde diebus transactis, episcopus Pisanus, multum fautoribus Baldewino et Boemundo sibi conquisitis, duci adeo gratus et dilectus fieri cœpit, quousque ad patriarchatus dignitatem provehi meruit, collatione potius pecuniæ quam dilectione novæ ecclesiæ. Idem vero Dagobertus, cum adhuc Pisanus esset episcopus, ab Urbano Romano summo pontifice in Hispaniam directus in legationem Christiani cultus et religionis, honorifice ab rege, Alfonso nomine, susceptus est, et ab omnibus episcopis et archiepiscopis regni illius in obedientia et charitate quin et muneribus pretiosis ac magnificis, tam in auro quam in argento et ostro ab ipso rege cunctisque primoribus ditatus et honoratus est. Innotuit etiam plurimis quomodo arietem aureum miri decoris et operis idem rex illustris per manum ejusdem Dagoberti domino apostolico charitatis causa dono miserit: quem ille cum cætera undecunque collecta pecunia inardescens avaritia, celando retinuit. Et, ut pro vero aiunt, quibus res patuit, hanc massam grandis talenti et arietis aurei, mortuo Urbano pontifice, Jerusalem detulit ac Boemundum Baldewinumque corrumpens, Godefrido duci arietem et cætera munera contulit: sicque patriarchatus honore sublimatus est.

**CAP. VIII.** — *Principes cum duce Jordanem adierunt.*

Jam Dagoberto in cathedra Hierosolymitanorum sedis patriarchæ constituto, et consecrato a Roberto

episcopo civitatis Rama, quam vulgariter nominant Rames, et Natali Domini in omni jucunditate et lætitia a viris catholicis et principibus celebrato, Boemundus, Baldewinus et ipse patriarcha a duce impetraverunt ut sic iter moderarentur, quatenus ad Jordanis flumen in vigilia Epiphaniæ Domini convenirent, ubi Dominus Jesus a Joanne baptizari dignatus est. Qui voluntati et desiderio eorum satisfaciens, in omni apparatu et virtute peditum et equitum cum eis ad ipsum flumen descendit: in quo præ gaudio loti sunt et delectati. Post hæc Baldewinus et Boemundus in omni hilaritate et mutua gratia cum duce lætati, illic in regione Jordanis, dato cum lacrymis osculo, ad invicem dissociati sunt: Godefridus cum patriarcha reversus Jerusalem, Boemundus vero et Baldewinus Antiochiam et Rohas reversi sunt.

**CAP. IX. — Ubi cives Assur gravi membrorum abscissione multantur.**

Dehinc mense Februario mediante, cives Assur, dum secure de die in diem in omnibus negotiis studerent et pacifice ad excolendas vineas et agros procederent, quidam Sarracenus ex civibus urbis Assur, ut gratiam inveniret in oculis ducis, omnia propalavit, quam securi et nullius mortis respectum habentes, ab urbes cives exirent ut omnia quæ eis erant necessaria. Dux autem, Sarraceno audito, benigne illi in omnibus aurem adhibuit, et curam ejus egit ut sic magis viro blandiretur: unde ab illo traditore dies designata est qua illos in vineis agrisque laborantes alios occidere, alios posset comprehendere. Eadem itaque die illucescente, Godefridus dux quadraginta milites armatos juxta Rames in insidiis constituit. Qui Sarracenos ad mille egressos repentino impetu equorum aggressi sunt, et eos sævo vulnere interimentes, supra quingentos naribus amputatis et manibus aut pedibus in campo semivivos reliquerunt, ipsi vero victores cum captivis uxoribus eorum et pueris Jerusalem reversi sunt. Cognita hoc strage gravissima, tota civitas Assur dolore et lamentis commota est et universi in ea habitantes; qui sine dilatione regi Babylonis tam crudelis famæ et damni nuntios miserunt.

**CAP. X. — Milites decem Christiani triginta equites gentilium fugant et necant.**

Audito quidem tam crudeli nuntio Meravis, qui post regem secundus imperat, et cujus voci omnes cives et universæ civitates de regno Babylonis obediunt, turbatus est vehementer statimque centum equites Arabes et ducentos Azopart mittere se promisit ad subveniendum civibus urbemque tuendam: non enim passus est ad aures domini regis Babylonis Ammirabilis tam gravem legationem pervenire, ne cor ejus nimium gravaretur. Intellecto hoc solamine, quod promiserat Meravis, multum gavisus sunt cives Assur, et ab illo die portis apertis, ipsi et omnia armenta secure in agros procedebant, sed non tamen longe ab urbe. Deinde octo diebus transactis

Auxilium et vires regis Babylonis illis adfuerunt, centum equites Arabes et ducenti Azopart: quorum jussione et consolatione longius quam solebant ab urbe et porta procedere præsumebant. Audito tandem in Jerusalem adventu illorum, surrexerunt clam duce decem milites Christianorum, et in termino Rametis constitierunt ad explorandam rei veritatem, utrum milites Babylonis adfuisent in auxilium urbis Assur. Qui protinus quinque armigeros direxerunt ante mœnia urbis ad lacessendos et producendos vires, quorum fama erat; ipsi vero decem in campestria Assur descenderunt. Armigeris autem discurrentibus in equis ante mœnia urbis ex decreto decem militum, triginta equites Arabum ab urbe subito exierunt armati, eosque graviter insecuti sunt, post tergum relictis insidiis. Armigeri vero quantocius equorum velocitate ad decem equites Christianorum fugam inierunt. Quibus ad subveniendum decem domini sui illico in equis et armis adfuerunt; et triginta Arabes in fugam remittentes, usque ad portas et mœnia Assur eos persecuti sunt, tres illorum in momento perimentes; quorum capita ab armigeris amputata, cum equis et spoliis eorum afferentes, Jerusalem cum gaudio reversi sunt.

**CAP. XI. — Apud Assur iterum Babylonici a ducis militibus detruncantur.**

Comperta hac victoria, et tam laudabili audacia decem equitum, dux et universi sui lætati sunt. Unde centum et quadraginta equites convocans, in insidiis versus Rames conductu Werneris de Greis, ac Roberti probi militis de Apulia, ituros constituit, ut Arabes milites aliqua arte lacessitos, et ab urbe Assur productos circumvenientes, aliquid insigne cum eis molirentur. Manserunt itaque hi milites Christiani ducis juxta Rames in insidiis duobus diebus donec cives Assur tertia die egressi fiducia suorum militum per agros cum gregibus suis, ignari totius infestationis, vagari secure cœperunt. Illis vero sine respectu periculi vagantibus, viginti milites continuo ab insidiis et societate Christianorum egressi, prædam undique contraxerunt, vi etiam abducentes; sed mox a militibus Assur excussa est. Ad hæc tota manus Christianorum consurgens ab insidiis fortiter assilierunt; milites quoque Arabum et Azopati omnesque pedites illorum idem fecerunt et utrinque grave commissum est prælium. Tandem Christiani prævalentes, plurimam partem illorum occiderunt prædamque retinentes cum plurimis equis et captis ibidem militibus in gloria et jucunditate Jerusalem reversi sunt. Residui autem Sarraceni, qui pauci vix evaserant, cum fama luctuosa Babyloniam reversi sunt, et regis iram Babyloniorumque metum adauxisse nulli dubium habeatur. Dux denique Godefridus de prospero eventu suorum non ad modicum lætatus est.

**CAP. XII. — Assur civitas facta est tributaria, et Joppe instauratur.**

Sic tandem civitas Assur tædio affecta, nec regis

sui auxilio videns se posse resistere, pacem composuit, claves portarum et turrium duci obtulit, facta ei tributaria. Cujus tributa Roberto, militi præclaro de Apulia, pro conventionem solidorum a duce concessa sunt. Post hæc dux volens adhuc amplius urgere et subjugare civitatem Ascalonem, et cæteras urbes sub regno Babylonis deprimere et debellare Joppen, quæ vulgariter Japhet dicitur, antiquo ex termino dirutam reedificari murisque muniri constituit, quatenus illic portus navium fieret, et ab hac cæteris gentilium civitatibus locus esset resistendi ac nocendi. Firmata ac munita civitate Japhet, ab omnibus regnis et insulis Christianorum mercatores vitæ necessaria afferentes ad ejus portum accedebant; peregrini quoque adventantes usquequaque secure illuc descendebant, corpora sua hospitio et quieto curantes.

CAP. XIII. — *Principes circumjacentium civitatum munerarios se duci sponte offerunt.*

Sarraceni autem dolentes et tristes facti sunt, eo quod ab hac civitate reedificata et instaurata universæ civitates gentilium in circuitu subjugandæ, debellandæ ac devastandæ essent, Christianorumque vires per mare adventantes de die in diem auferentur. Quid adversus hoc facerent, gentiles nihil melius senserunt in omni consilio, nisi ut legatio ab Ascalone. Cæsarea et Ptolemaide vel Accaron ad salutandum ducem maturaretur ex parte ammiral-dorum prædictarum urbium. Nec mora, legatio ad aures ducis et omnium primatum suorum Jerusalem in hunc modum delata est: *Ammiraldus Ascalonis, ammiraldus Cæsareæ, similiter ammiraldus Ptolemaidis, duci Godefrido in omnibus salutem. Exoramus te, ducem gloriosissimum ac magnificentum, quatenus gratia et concessu tuo cives nostri securi et pacifice ad negotia sua procedant, Et decem valentes equos mulosque tres, corpore elegantes, tibi mitemus; ac singulis mensibus quinque millia byzantium in ratione tributorum reddiduri sumus.* Hoc pacto nimium pax facta et firmata est, quin abhinc amicitia fieri cœpit de die in diem, precipue inter ducem et ammiraldum civitatis Ascalonis, et donorum copiæ duci accrescebant in frumento, vino, hordeo et oleo plus quam dici et memorari possit. Similiter Cæsarea et Accaron, datis muneribus auri et argenti, pacem et securitatem obtinebant. Incubuit enim timor Christianissimi ducis universas terras et regiones gentium.

CAP. XIV. — *De eodem, et quod dux pacem statuerit per terram.*

Principes dehinc Arabiæ famam ducis tam gloriosissimam intelligentes, pacem et ipsi pariter et amicitiam cum eo componebant, sub hac conditione, ut pacifice Jerusalem et Joppen sui mercatores, omnia corpori necessaria afferentes, sine interdictione cum Christianis pretio metuarent. Quod sic actum est: et allata sunt abundanter universa tam Joppen quam Jerusalem in armentis, bobus, ovibus et equis, vestibus et annona, et omnia æquo pretio cum Chri-

stianis mutuabant: et sic lætitia magna in populo facta est. Omnem vero commutationem et egressionem per mare omnibus gentilibus interdixit. Erant enim custodes et insidiæ diffusæ per mare, ne quidquam gentiles navigio suis civitatibus inferrent unde civitates, necessariis opibus abundantes et confisæ factæ, rebelles superbirent, et fœdere neglecto, quod cum duce pepigerant, exaltatæ resisterent. Si qui vero ab Alexandria, Damiata vel Africa navigio veniebant, cum opibus suis a militibus ductis capti detruncabantur. Similiter Sarraceni Christianis nullam in mari pacem servabant; soluz modo pacem et tædus utrinque statuerunt super terram. Hæc pax nimium adeo inter ducem et ammiraldum Ascalonis esse cœpit, ut cives illius pacifice cum rebus venalibus penetrarent, et viri Christiani similiter Ascalonem sine impedimento proficiscerentur.

CAP. XV. — *Supra dictus Gerhardus incolomis remissus beneficiis honoratur.*

Cum hæc pax tantum cresceret, et amicitia magis ac magis jungeretur, quadam die idem præses et ammiraldus Ascalonis Gerhardum de præsidio Avennis, ab omni plaga curatum, honorifice vestibus indutum et equo optimo impositum, duci Christianissimo Jerusalem dono remisit: quem multis jam diebus in Assur obisse dux et universi Christiani existimabant, nescientes quod a malo depositus, ab Assur eidem ammiraldo missus fuisset. Dux itaque, viso et incolomi recepto Gerardo, dilecto milite suo et egregio adolescente, gavisus est vehementer. Cui statim in remunerationem sui magni laboris maxima terræ beneficium centum marcarum cum castello, quod dicitur ad S. Abraham, id præsentia omnium fidelium qui aderant, largitus est. Cœpit denique ab ea die super terram magis ac magis pax hinc et hinc multiplicari, donec tædio facta est militibus Galliæ pugnacibus.

CAP. XVI. — *De pertinacia Grossi Rustici.*

Post hæc non multa mora Tankradus duci Jerusalem occurrit in adventu Natalis Domini præsidio Tabariæ, quod dux idem vallo et insuperabili munitione in montis arduo reedificaverat, et Tankradus dono ducis ad tuendum susceperat: valde tunc conquestus et auxilium petens, eo quod terra et civitas Grossi Rustici, regno Ægypti adjacentes, sibi rebelarent et redditus reddere dedignarentur. Hoc dux audito et moleste accepto, post dies octo precibus Tankradi satisfaciens, ducentis equitibus et mille peditibus terram regionesque Grossi Rustici ingressus est, et præda innumerabili undique contracta, homines gentiles alios trucidari, alios jussit captivari, cætera vero omnia in flammam et cædes usquequaque redegit. Moram itaque in regione hac duce per dies octo strage et incendio faciente, Grossus Rusticus, princeps regionis, legationem direxit propter auxilium Turcorum, si forte viribus illorum fretus, duci occurrens, resistere posset. Hic princeps appellatus est a Gallis Grossus Rusticus præ nimia

pinguique corpulentia vilique persona in qua totus rusticus esse videbatur. Princeps vero Turcorum et rex Damascenorum illius audita legatione, quingentos Turcos sine mora illi misit in auxilium. Jam Christiani milites post diutinam et nimiam etragem de terra Rustici exierunt, duce semper cum præda gregis et vestium cæterarumque rerum in fronte gradiente; Tankrado vero a longe post tergum cum centum equitibus custodiam faciente. Et ecce post paulum Turcorum milites cum festinatione visi sunt adesse. Quibus Tankradus non segniter occurrens, cum illis prælium commisit. Utrunque hac die bello gravati sunt, alii occisi, alii vulnerati; Tankradus vix elapsus est. Vespere autem facto, dux et tota manus illius per campestria, positus armis, pernoctans et ignorans quomodo Tankradus cum Turcis commiserat bellum, totus adhuc de eventu illius erat incertus, quousque ea nocte media incolumis creptus est cum suis sodalibus, quorum aliqui sagittis gravati sunt. Dux vero ut intellexit quomodo Turci Tankradum a Damasco persecuti fuerint et cum eo bellum commiserint, jussit eum mox die sequentis acies fieri, et Turcis eorum persecutoribus occurrere. Sed nec unus in regione hac repertus est. Nam egregii ducis præsentiam nimium vicinam peresentientes, per totam noctem in sua reverti sunt, ultra ab insecutione Tankradi cessantes. Post hæc dux in Jerusalem rediit. Tankradus Tabariam cum suis periter regressus, sexaginta milites secum habens, illic moram fecit, singulis diebus Damascum et municipia Turcorum expugnans, et prædas a terra et regione eorum abducens. Arx autem hæc Tabaria sita est juxta locum, quem appellant mare Tiberiadis, duo milliaria habens in longitudine et duo in latitudine. Hanc a duce Christianissimo subjugatam cum præsidio restructo Tankradus obtinuit in beneficio, eo quod gratiam in oculis ipsius inveniit, in officio militari probus, et quia adversariis Christianorum indeficiens ad resistendum videbatur.

CAP. XVII. — *Tankradi nuntios princeps Damascenus perdidit; terram ejus dux invadens, Grossum Rusticum ad fœdus coegit.*

Turci vero Tankradum de die in diem videntes invaluere, ducisque Godofridi vires illi semper adesse, per aliquod tempus pacem cum eo decreverunt componere sub hac conditione, ut post hujus pacis terminum, communi consilio inito, aut sibi vellent subesse, aut omnino fœdus cum illo refutarent subire. Tankradus super his cum duce sumpto consilio, acquievit Turcorum precibus, et plurima munera hyzantium, auri et argenti et ostri ab eis et Grosso Rustico suscipiens, terram minime post hæc bello commovit. Deinde transactis aliquantulis diebus, Tankradus sex milites, viros disertos et peritissimos, direxit ad principem Turcorum Damasci, quatenus urbem sibi red'eret et Christianitatis professionem asumeret, si tamen ejus dono vel consensu in aliqua parte regionis illius habitare

vel vivere vellet; alioquin propter aurum vel argentum vel cætera dona se illi amicitiam servare non posse. His igitur auditis, princeps Damascenorum vehemente ira motus est, apprehensosque viros quinque decollari jussit; sextum autem quia Turcorum sectam arripuit, vitæ reservari præcepit. Istorum tam egregiorum legatorum cæde cruentissima ducis ad aures perlata, vehementer una cum Tankrado et omni Ecclesia turbatus est. Qui continuo accitis undique viribus equitum et peditum, in terram Damascenorum adversus interfectores fratrum descendit, per dies quindecim terram et regiones depopulatus, nemine sibi resistente. Videns ergo princeps regionis, Grossus Rusticus, quia a facie Christianorum nil sibi nil Turcis intactum remanebat, nolens volens fœdus cum duce et Tankrado percussit; Turcos vero reuuit, quorum auxilio stare ante faciem Christianissimi ducis prorsus non valebat.

CAP. XVIII. — *Ubi dux gloriosus caput ægrotare.*

Hoc fœdere cum principe prædicto confirmato sub ratione tributorum, dux per Ptolemaidem Cæsaream et Caiphas regredi disposuit: cui ammiraldus Cæsareæ in occursum veniens benigne prandium obtulit. Sed ille cibum contradicens, tantum de pomo cedri gustans cum omni mansuetudine et gratiarum actione post modicum gravi infirmitate correptus est, divertensque Joppen episcopum et ducem Venetorum in apparatu copioso et armorum multitudine reperit. Cognito autem quod conchristiani essent et non hostilis collectio, secreto hospitium, quod sibi novum construxerat, cum paucis subintravit. Nam molestia corporis accrescente premebatur. Cui quatuor ex suis collateralibus assistentes, alii pedes illius in gremio accipiebant, alii capiti ejus ad reclinandum pectus suum supponebant; quidam vero super ejus dolore nimium ac dolenter flebant, eo quod tanto principe destitui in hoc longo exsilio pertimescebant.

CAP. XIX. — *Venetorum muneribus dux honoratur, ac deinde vehementius ægitudine premitur.*

Audientes ergo Christiani peregrini quomodo tantus princeps ægrotaret, gravi mœrore et luctu concussi sunt, crebro visitandi gratiæ ad eum venientes: inter quos ipse dux et episcopus Venetiarum, et eorum primates, introducti sunt ad salutandum ipsum ducem, videndum et colloquendum. Intromissi ergo, in vasis aureis et argenteis, ostro et veste pretiosa, mira et insolita dona duci obtulerunt ac dederunt, propter dilectionem et desiderium quod videndi eum semper habebant. Dux quidem Godofridus summa cum charitate ea quæ obtulerent suscepit, et benigne eos allocutus, navali hospicio remisit. asserens se aliquantulum infirmitate detentum; sed in crastino, si ei quidquam remissius fuerit, in aspectu omnium se præsentare qui eum videre et cognoscere cupiebant, et tunc libenter velle perfrui eorum communi affabilitate. Note denique eadem, dolore ac languore corporis illius invalu-



sciente, a suis, propter nimietatem tumultus navalis exercitus, Jerusalem, se deferri jussit; quoniam hoc tempore, sicut pollicitus fuerat, peregrinis Venetiarum nulla affabilitate potuit communi-

**CAP. XX.** — *Consilio ducis castelli Caiphas obsidio præparatur.*

Cognita hac ducis valida ægritudine, dux et principes Venetorum Wernerum de Greis et Tankradum aggressi sunt, videlicet ut duci loquerentur quid acturi sint: seu an civitatem aliquam in littore maris obsidentes debellarent priusquam Jerusalem descendant, seu expectarent quousque, Deo donante, dux sanitatem reciperet? Ascenderat autem tunc festinanter Tankradus Tabaria in Japhet, vehementer ducis comperta infirmitate. Dehinc ducem ambo princeps super his quæ a Venetis audierant convenerunt; et consilio cum eo facto, licet ægro-

**CAP. XXI.** — *Obitus gloriosæ ducis et Weneri militis.*

Post quatuor dies, allato Wenero in Jerusalem, dux vehementius infirmitate cœpit laborare. Qui confessione delictorum suorum in vera cordis compunctione et lacrymis peracta, Dominici quoque corporis et sanguinis communionem percepta, sic spirituali scuto munitus et protectus, ab hac luce subtractus est. Mortuo igitur tam egregio duce et nobilissimo Christi athleta, maxima lamenta et nimis ploratus omnibus illic Christianis, Gallis, Italicis, Syris, Armeniis, Græcis et gentilibus plerisque, Arabibus, Sarracenis, Turcis fuere per dies quinque. Wenerus deinde, cognatus ducis et miles illustris, pariter obiit, et in valle Josaphat in porticu basilicæ S. Mariæ Virginis et matris Domini nostri

Jesu Christi honorifice et catholice humatus est, octava die obitus nobilissimi ducis et principis sanctæ civitatis Jerusalem.

**CAP. XXII.** — *Obsidio castelli Caiphas.*

Gloriosissimo duce infirmitate curriculo quinque hebdomadarum Jerusalem laborante, sicut decretum erat ante ejus obitum, patriarcha, Tankradus et omnis apparatus Venetorum cum duce et episcopo illorum ab Joppe profecti sunt per mare et aridam ad civitatem quæ dicitur Caiphas. Quam a mari et sicco obsederunt in machina miræ et proceræ altitudinis et in tormentis lapidum septem, quæ vocant mangenas, ad expugnandos urbis defensores ejusque habitatores. Applicitis itaque muro ingeniis cum ingenti machina, et undique gravi assultu eam viris Galliæ oppugnantibus, cives, qui ex genere Judæorum inhabitabant dono et consensu regis Babylonis in redditione tributorum, in mœnibus urbis exurgentes, multum in defensione urbis obstiterunt, quousque Christiani variis plagis gravati, per dies quindecim prorsus diffisi, manus suas ab omni impetu continuerunt. Nec mirum; Tankradus enim non ut solebat viriliter auxiliium cum suis ferebat fidele, præ invidia quæ præcordia illius mordebat, eo quod dux Godefridus dum adhuc viveret et grabato æger cubaret, Geldemaro, cognomine Carpenel, egregio militi et nobili, urbem in beneficio concessit, si forte caperetur.

**CAP. XXIII.** — *Tankradi hortatu obsidio tentata paululum reparatur.*

Patriarcha vero cognita illius invidia et animi amaritudine, omni instinctu et suasionem, qua poterat, ipsum Tankradum aggressus est, quem demulcere cœpit et iram ejus lenire, quatenus civitas, quæ fortiter defensa a Judæis habebatur, non tam viriliter in statu suo permaneret ad confusionem Christianorum quorum non modica pars attrita erat. Hanc etiam conditionem patriarcha interserebat, ut si, Deo annuente, urbs caperetur, consilio fidelium ei, qui plus in ejus strage laboraverit, traderetur. Dicebat enim: *Vides, o frater charissime Tankrade, quomodo dux Venetorum cum tota manu sua bello victus et fatigatus abscessit, nec ultra vires adhibet; sui quoque perterriti, jam classem usque in medium maris procul a civitate reducerunt.* Tankradus autem audiens hæc verba patriarchæ et ejus bonam exhortationem in Christi nomine, omni deposita amaritudine, respondit: « Non ultra se aliqua occasione ab urbis assultu et invasionem abstinere; licet alius donum ejusdem civitatis susceperit, cum nondum obsessa vel capta fuerit, et cum Geldemari Carpenel virtus et manus sibi æquiparari non possit.» Hoc dicto, festinanter cornua sonuit, militesque hoc signo dato admonuit quatenus assultum circa urbem intermissum repeterent, et Judæorum virtutem expugnarent qui fortiter urbem defensabant.

**CAP. XXIV.** — *Quanta pertulerint illic fortissimi milites.*

Audito itaque signo Tankradi, universa manus

militum qui aderant, tam ducis quam Tankradi, ad arma contendunt, armati confluent, machinam sine mora ascendentes. Ascendit autem Winricus, pincerna duois, miles egregius, Wickerus Alemanus, in ictu gladii et Turci lectione laudabilis, et Milo de Claro monte, milites ducis. Sed de omnibus Venetis militibus neminem præter unum in machina repererunt, quem nulla mortis pericula ab ejus potuerunt abstertere custodia. Videns vero idem Venetus tiro sibi illos in auxilium concurrisse, in nimio gaudio ab imminente angustia respiravit, in hanc vocem prorumpens: *Recesserunt a me omnes viri nostratum, et solus ex omnibus remansi; sed non ultra, Deo annuente, a vobis dissociabor, quousque nostri assultus et rei eventum aut in urbis aut in nostri ruina agnoscam. Stemus igitur in nomine Domini nunc conjuncti, etsi pauci, virtus Dei magna ad omnia, qui pro ejus gratia parati sumus instare et sustinere pericula.* Nec mora, his quatuor conjunctis et conspiratis in Christi nomine ex admonitione Veneti ad omnem assultum urbis, viginti milites Tankradi in momento eis adjuncti sunt, unanimiter sic conspirati, ut ex machina hac compositam turrin urbis penetrare, aut certe ante eandem turrin in eodem loco vellent deperire. Et subito arreptis bipennibus, securibus et ferreis ligonibus, oppositam turrin fortiter cavantes infregerunt. Quibus Judæi cives, commistis Sarracenorum turmis, sine dilatione viriliter resistentes, a turri oleum, picem ferventem, ignem et stuppas opposuerunt: grande videlicet incendium, per quod Christiani milites fumo et calore in machina exstinguerentur, et urbs ejusque turrin invicta cum incolis suis remaneret. Christiani tandem milites, pro Christo mori non diffidentes, imperterriti stabant, omnem angustiam sufferentes per diem et noctem, donec scuta eorum flammis concremata, fundibus conjuassata, ferreis sudibus perforata, grandi læsura pervideri poterunt.

Cap. XXV. — *Oppidum Caiphas expugnatur.*

Dehinc die altera radiante, et Domino Jesu suorum miserante, Judæi et Sarraceni videntes Christianos insuperabiles, nec suis flammis aut armis posse reprimi a turri et ejus assultu, ipsam turrin mox relinquentes, nec eam amplius retinere valentes, fugam inierunt: post quos universa civitas pariter in fugam conversa est. Ad hæc milites Christiani cives hostiles per mediam urbem insecuti, et eos crudeliter perimentes, victoresque facti, portas civitatis aperientes, totum Christianum exercitum intromiserunt. Qui universa in ea repta, nempe pecuniam innumerabilem tam in auro quam in argento, cum vestibus, equis et mulis, hordeo, oleo et frumento, illic deprædati sunt. Veneti autem adhuc in mari flexis anchoris consistentes, nunc Gallorum cognita victoria et urbis invasione, festinanter levatis anchoris adfuerunt, aliquos gentilium occidentes, sed nihil pecuniarum illis depræhenderunt.

Cap. XXVI. — *Grimerus expulsus, et Tankradus castellum Caiphas obtinuit.*

Capta autem civitate Caiphas, Geldemarus Carpenel, quia eandem, si caperetur, dono ducis susceperat, quem obiisse nondum sciebat, milites et pedites suos convocat ad civitatem retinendam ac muniendam. Sed copiarum Tankradi ampliores et validiores urbis mœnia et ejus turres obtinentes, Carpenel et ejus gentem ex urbe expulerunt. Carpenel quid ageret non melius hac hora sensit, quam ut a civitate cum omnibus suis migraret, et ad castellum validissimum ac ditissimum, quod dicitur ad S. Abraham, versus montana et civitates Sodomæ ac Gomorrhæ hoc tempore declinaret. Hoc equidem castellum dux non longo assultu effugatis gentilibus subjugavit, quod ab Jerusalem sex milliaribus remotum, quondam primus patriarcha Abraham ædificasse et inhabitasse, ibidemque sepultus fuisse perhibetur. Hoc præsidium Turci et cæteri gentiles et Judæi nimia devotione honorantes venerantur, nec minore celebritate a catholicis cultoribus observatur et colitur.

Cap. XXVII. — *Consilio majorum Boemundus ad regnandum in Jerusalem vocatur, sed in itinere capitur.*

Patriarcha autem Dagobertus et Tankradus ibidem mortem ducis audientes, in unum conspiraverunt, nihil de civitate Caiphas Geldemaro Carpenel se duros, sed de ea ad velle acturos; de Jerusalem quoque, regno Godefridi ducis, similiter per omnia pro velle deinceps licenter consulere ac disponere. Unde consilium inierunt in civitate Caiphas, quatenus avunculo Tankradi Boemundo legationem Antiochiam mitterent, ut in terram Jerusalem proficisceretur cum omni apparatu suo, regnumque illic obtineret, priusquam aliquis hæres Godefridi ducis thronum ejus præoccuparet. Legatio hæc denique patriarchæ et Tankradi sine mora directa est. Verum ejusdem legationis portitor, Morellus nomine, secretarius patriarchæ, quia in dolo missus est, et contra jusjurandum quod idem patriarcha cum Tankrado duci fecerat, si forte obiret, nulli regnum Jerusalem se reddidit nisi fratribus suis, aut uni de sanguine ejus, ira Dei adversante, Laodiceæ in manus Reymundi comitis irruit: et sic tota legatio litterarum irrita fuit, et perfidia ubique patefacta Boemundus siquidem eo tempore, divino judicio, in mense Augusto adunatis trecentis equitibus, versus Malatinam urbem descenderat, invitatus ad auxilium Christianorum ex litteris et legatione Gaveras, Armeniæ ducis, principis et domini ejusdem civitatis, eo quod Donimanus, princeps Turcorum, urbem hanc in manu gravi angustiatam obsidisset. Hic itaque audito adventu Boemundi et ejus copiarum, nec illum longe ab urbis obsidione abesse, quingentibus militibus ab exercitu suo assumptis, illi in planitie regionis occurrit; prælium cum eo commisit intolerabili grandine sagittarum, donec Boemundi virtus attollit, et uni-

vera societas succubuit interempta, aut fugitiva facta ac dispersa. Ex hac alii subito sunt detruncati, alii vivi capti et retenti una cum principe suo Boemundo, et in exsilium in Nixandria civitate ejusdem Turci abducti, et ferreis vinculis alligati sunt.

CAP. XXVIII. — *Donimannus, princeps Turcorum, obses Malatinæ Christianis contemnitur.*

Capto itaque Boemundo, ejusque propinquo Richardo, et cæteris majoribus domus suæ, Donimannus ad urbem Malatinam cum spoliis eorum et capitibus decollatorum in magna gloria regressus, ad Gaveras legationem præmisit, quatenus civitatem in manu ejus redderet, sciens quia Boemundum captivum tenerit, et omnem equitatum illius attriverit, in quo omnis Christianorum spes et summa fiducia pendebat: alioqui non posse eum vivere a facie Turcorum. Gaveras vero jactantiam Donimanni intelligens, nequaquam his minis civitatem se illi aperire fatetur, ne ullis ejus obedire mandatis, dum adhuc vitam Baldewini principis Edessæ vel Rohas incolumem sciret, nec aliquod adhuc infortunium illius narraretur. Donimannus, magnificus princeps Turcorum, hæc audiens, in superbia magna locutus, hæc viro responsa dedit: *Noli modo nimiam in eo habere spem aut fiduciam. Num ipsum Baldewinum sicut Boemundum post paululum temporis spero me habiturum.*

CAP. XXIX. — *Baldewinus liberare volens Boemundum, nihil proficit.*

Inter hæc nuntia, Boemundus, totius vitæ et salutis diffusus, particulam capillorum capitis sui, signum captivitatis suæ et doloris, clam per Syrum quempiam Baldewino misit, omnibus hoc Turcis ignorantibus, quatenus sine dilatione sibi subveniens, a manibus Turcorum eum eriperet, priusquam ad ignotas et barbaras nationes illorum perveniret. Baldewinus, jam tertia luce captivitatis Boemundi transacta, assumptis centum et quadraginta loriceis equitibus, descendit in campos Malatinæ civitatis ad excutiendum Boemundum, confratrem in Christo si, prosperante Deo, aliquo nisu in loco opportuno cum Turcis committere valeret. Sed Donimannus Baldewini adventantis audacia et plurima virtute illius militari territus, sine mora ab obsidione castra movit, et versus irare Russiæ in terram suam fugiendo cum omni equitatu suo divertit, gaudens se Boemundum, tam nominatissimum principem et caput Christianorum, arripuisse, ac metuens ne viribus aut arte Christianorum illum amitteret. Baldewinus vero fugam ejus intelligens, persecutus est spatio trium dierum: quem tamen longius persequi dubitans propter dolos falsorum Christianorum, aut insidias hostium, et quia non multos habebat milites, Malatinam reversus est. Gaveras itaque princeps civitatis, benigne eum suscipiens et in fide, in manu et tutamine illius urbem reddidit, ac universum thesaurum civitatis cum

A plurima veste pretiosa illi præsentans, ut de his remuneraretur, exoravit; sed de omnibus sibi præsentatis, nihil suscipiens, retinuit. Cognita itaque Baldewinus illius benevolentia et fidei constantia, quinquaginta milites in urbe cum illo constituit manere, ad tuenda et retinenda mœnia civitatis; ipse vero cum cæteris Rohas regressus est. Post hæc Donimannus, comperto tam metuendi principis ac militis recessu, readunatis viribus, iterato urbem Malatinam obsedit diebus multis. Sed viriliter a quinquaginta prædictis tironibus, a Baldewino ibidem constitutis, urbs defensa ab hostibus, et intacta atque invicta remansit; dum tandem Donimannus bello fatigatus, et longæ obsidionis tædio affectus, Christianorum territus auxilio, urbem deseruit, et sic deinceps ab obsidione illius quievit.

CAP. XXX. — *Baldewinus per legatos convenitur ut fratris loco regnum Hierosolymitanum suscipiat.*

Interea Baldewino Rohas a Malatina regresso, crudelis legatio ad eum facta est, scilicet quia frater ejus uterinus, Godefridus princeps magnificus, in Jerusalem obierit, et omne regnum terræ illius morte tam pii dominatoris in populo Christiano jam desolatum fuerit. Hac tristi legatione audita, in nimios ploratus et lamenta cor Baldewini defluxit; sed tamen, ut vir miræ abstinentiæ, longe aliter simulavit ex charissimi fratris occasu, quam in ejus corde esset. Robertus episcopus Rames vel Ramæ, et Robertus miles, Gunterus similiter, hujus legationis fuere nuntii, missi a Geldemaro Carpenel, Roberto filio Gerhardi, Rudolpho de Mozon, Josfrido camerario ducis, Wickero Flandrense, Matthæo dapifero illius, Wickero Alemano, et Arnolfo, prælato templi Domini in hunc modum nuntia deferentes: *Milites et principes regni Jerusalem, hactenus sub Christianissimo duce servientes, saluant te in nomine Jesu Christi, Filii Dei vivi, quorum decreto et consilio huc directi sumus, ut tibi notum sit quod frater tuus Godefridus dux et princeps Jerusalem, ab hac luce subtractus est. Quapropter te unanimiter invitant ut festinato venias, et loco fratris regnum suscipias, et in throno ejus sedeas. Conspiraverunt enim se non alium recipere, nisi fratrem aut unum de sanguine, et propter inæstimabilem ejus bonitatem et nimiam largitatem, et propter jusjurandum quo firmaverunt se nunquam pati alienigenum regnare, aut sedere in throno Jerusalem.* Baldewinus benigne legationi et verbis eorum aurem adhibuit, promittens se post non multum temporis, rebus suis ordinatis, Jerusalem velle descendere et, Deo prosperante, regnum consilio eorum suscipere atque disponere.

CAP. XXXI. — *Baldewinus Jerusalem profecturus, æquicum suum civitati Rohas præfecit.*

Legatis dehinc in omni amoris dulcedine commendatis, et Jerusalem repedantibus, Baldewinus, dux civitatis Rohas, in brevi omnium fidelium suorum conventum habuit, cujusque voluntatem eundi Jerusalem singulatim requirens, cujusque etiam rema-

nendi in regione Robas. Similiter Baldewino de Burg, viro nobili generis sui, filio comitis Hugonis de Rorstet castello, litteras direxit, quatenus ab Antiochia et conventionem solidorum sequestratus, descendat ad terram Robas, et civitatem hanc in beneficio accipiat, loco ejus dominaretur et hostes debellaret. Omnem vero rem aperuit ei de obitu fratris sui Godefridi clarissimi principis, et qualiter a præpotentibus Jerusalem sit invitatus ad possidendum regnum, et quomodo illuc postmodum iturus sit. Remansit enim idem Baldewinus, ab Jerusalem et Ascalone cum cæteris profectus ad Boemundum, in Antiochia usque ad diem hanc in obsequio militari et solidorum conventionem. His ita dispositis, ac Baldewino de Burg statuto tempore ab Antiochia recepto, jamque in throno et majestate civitatis Robas collocato, Baldewinus primus et magnificus frater ducis Godefridi, quadringentis equitibus egregiis contractis cum mille peditibus, regia via Antiochiam primum profectus est: cui milites universi civitatisque custodes ad salutandum occurrentes, urbem ei obtulerunt, ei princeps aut dominus illius fieri voluisset. Illic quidem per tres dies in gloria et lætitia requiescens, universos cives et custodes benigne super omnibus audit, et sapienter respondit, plurimumque eos desperatos ex amissione Boemundi consolatus, ex toto civitatem vice illius suscipere contradixit.

CAP. XXXII. — *Baldewinus, diro imminentis prælii nuntio pulsatus, cum paucis obviam pergit.*

Quarta vero die ab Antiochia procedens in omni jucunditate, Laodiceam pacifice cum omni apparatu suo descendit, ubi biduo requie fruens, retardati et subsequenti populi præstolabatur adventum. Adunata siquidem universa virtute suorum, fama ad aures ipsius perlata est, quomodo copiosa gentilitas tam Turcorum quam Sarracenorum et diversis locis et terris congregata ad resistendum illi in facie ad futura esset, et quomodo illi viam ulterius procedendi prohibere decrevisset. Ex sola enim Damascenorum civitate, viginti millia Turcorum illuc in armis convenisse ferebantur; cæterorum vero gentilium numerus nequaquam investigari potuit præ illorum multitudine inestimabili. Quapropter pars exercitus Baldewini formidine concussa vitæque diffusa, in silentio noctis fugam iniit, alii simulata infirmitate, minime se abhinc sequi posse assererant. Mane autem facto, Baldewinus intelligens suum defluxisse exercitum, dolore nimio motus, nihil tamen expavescens, universos quos voti sui compotes reperit sic adhortatur, dicens: *Video, quomodo præ timore mortis, et novi rumoris, populus noster imminutus ac dilapsus est. Sed nihil congregatas nationes metuens, iter inceptum continuare non dubito; ideoque eos, qui remanserunt, in fide Christi admoneo, ut mecum ituri Jerusalem, nullo modo absterreantur periculo; verum constanti proficiscantur animo, totam spem suam ponentes mecum in Domino Deo. Qui vero dubitant, et formidolosi sunt, de*

*A loco mecum pedem non moventes, quo tutum illis videtur, revertantur.* Hoc dicto, et universis de via inquisitis, unanimes et viæ concordēs omnes qui aderant invenit. Sed, cum ad Gybel descenderet ibique pernoctaret, de quadringentis equitibus et mille peditibus vix centum et quadraginta equites et quingenti pedites cum eo remanserunt; cæteri vero omnes præ angustia auditi adventus Turcorum ab eo dilapsi sunt et dispersi. Nihil tamen formidans habens Baldewinus, a campis et regione Gybel pacifice processit, eo quod honorifice et cum mansuetudine a civibus sit susceptus in omni copia rerum necessariorum.

CAP. XXXIII. — *De eodem.*

Dehinc Tortosam civitatem præteriens, Tripolin pervenit: quem princeps urbis fideliter et jucunde suscepit in omni administratione ciborum, quibus indigebat exercitus. Illic innotuit ei quomodo Damascenorum rex et Geneadoil Sarracenorum princeps de regione amplissima, quam a camelis vocant Camollam, cui idem præerat Geneadoil, et de universis civitatibus quæ in littore maris Palæstini erant, et a montanis diversisque locis convenissent ad resistendum sibi in augustis faucibus et asperrimis scopulis civitatis Baruth vel Baurim. Baldewinus, his nimis et tam sævo rumore imperterritus, omnia in Christi nomine se tolerare proficitur, et nunquam pro tot nationum millibus in unum collectis iter suum in Jerusalem velle differre, sed usque ad sanguinem et mortem cum illis dimicare. Hoc dicto viam per diem insistens, nocte imminente ad radicem difficillium montium hospitandi gratia pernoctavit: ubi nuntiatum est illi, omnes procul dubio illic convenisse adversarios ad prohibendum transitum, et in crastino ad committendum prælium. Quapropter aliquantum cor ejus immutatum est, et renes ejus dissoluti, eo quod pauci viri secum remansissent. Attamen crastina luce exorta, dux Baldewinus in Domino Jesu confortatus, iter inceptum pergit, quousque ad locum multitudinis adversariorum perventum est, ubi omnes vires illorum, sicut audierat, in occursum sibi paratæ erant. Has inter proficiscendum comperiens non procul abesse, media die flagrante, armis, loricis, galeis induuntur; lanceis vero strictis et vexillis erectis, obviam per angustas fauces gentilibus turmis contendunt, diu cum illis prælia conserentes in locis arctissimis. Tandem virtute Turcorum intolerabili et Sarracenorum invalescente, Christianos cum principe suo Baldewino a faucibus in arcu et jaculis abegerunt. Post hanc diutinam contentionem, quoniam nox incumbebat, utrinque manus a prælio continuerunt. Eadem nocte Baldewinus a radice montis aliquantum remotus, paucis fixis tentoriis pernoctavit, ac parce illic epulatus, suis inibi dedit consilium ne aliqui eorum ullo modo a se dividerentur, donec omnis subsequenti peregrinorum manus conveniret; sicque crastina die solerti providentia quodque periculum tutius inirent, ac pro nomine Jesu mar-

tyrium recipientes, nihil tolerare dubitarent ad-  
versi.

CAP. XXXIV. — *Ipsæ fugam simulans, reversus gloriosam adeptus est victoriam.*

His ita decretis, et populo Christiano juxta verbum Baldewini consentiente, in ipsa nocte per montana mille ignes Turci et Sarraceni suscitaverunt, multo, scilicet plures quam eorum indigeret exercitus, ad exterrendos Christianorum populos. Geneadoil, princeps de Camolla, post suscitatos ignes, intelligens a relatoribus exiguas vires Baldewini, convenit ducem Damascenorum, quatenus in castris fessos et somno occupatos, invaderet. Sed displicuit cæteris principibus, e contra referentibus. *Non est utile et salubre consilium nobis Turcis, ut in umbra noctis prælium conseramus, ne a Sarracenis, qui nos semper odio habuerunt, subito circumventi occidamur, et tam spolia Francorum quam nostrorum auferantur. Sed si placet, dum aurora diei orta fuerit, differamus, qua nobis providere usquequaque possimus.*

Et sic consilium Geneadoil dissipatum est. Altera autem die orta, Baldewinus sollicitus ac pervigil, intelligens Turcos jam matutinos adesse, in quamdam planitiem post tergum relictam totum fidelium reduxit exercitum, ac si fugam iniisset. Quod gentiles universi videntes, et eum fugientem ac tremefactum æstimantes, graviter eos equis secuti sunt cum quingentis præmissis equitibus et quindecim millibus peditum. At Baldewinus semper miles imperterritus, cernens hostes a se graviter insequi, et jam per totam planitiem plurimum exercitus descendisse, sine mora cum universis catholicis militibus in freno equis reductis, Turcos velociter incurrit duroque certamine commisso, circiter quadringenti Turcorum illic in gladio, lancea et sagitta occisi sunt. Cætera multitudo, quæ adhuc in faucibus subsequebatur, nec auxilio suis prodesse poterat præ angustia semitarum, nunc vitæ diffusa, in fugam conversa est. Baldewinus sic victoriam, Dei gratia, adeptus, quadraginta octo ex majoribus Turcorum in eodem captivavit prælio, nihil prædæ præterquam equos probatissimos contrahens, quod in altero latere angustarum faucium omnia armenta cum spoliis et tentoris gentilium remansissent. Finito autem hora nona tam gravi prælio, Baldewinus in prædicta planitie remanens, tentoria fixit, eo quod fons aquæ dulcis illic esset mellitique saporis camelli quibus refocillati sunt. Non amplius quam duo milites, Walterus Tauns et Baldewinus Tauns, illic coeuisse reperti sunt, pauci vero vulnerati. Itidem in tentoriis captivi constituti, ac in custodiam missi sunt. Vespere autem facto, Baldewinus cum suis recreatus, in medio captivorum resedit ad inquisitionem de qua origine aut parentibus essent: inter quos princeps et tetrarcha Damascenorum repertus est, qui plurimum thesaurum pro vitæ redemptione perhibetur obtulisse.

A CAP. XXXV. — *Quam sagaciter Baldewinus versutiant Tankradi prævenit.*

Rex vero Damascenorum, Geneadoil, et universi principes gentilium, audita suorum contritione, plurimorumque captione et Baldewini glorificatione, tota nocte diffugium fecerunt, metuentes ne mane facto, altero in latere montis reperti, et a Christianis audaci incursu impetiti, capitali sententia punirentur, aut superati a Sarracenis regionibus pro nihilo computati decollarentur. Est enim mos Sarracenorum gentis, ut quoslibet novos victores timeant et obediant eis, victos parvipendant et persequantur. Baldewinus igitur fugam universorum intelligens, orto sole cum præda equorum, cum captivis Turcis et spoliis, castra movit ad Sidonem civitatem et Gibeloth: quo pertransiens sine obstaculo et periculo. Sur, quæ est Tyrus, declinavit, ubi commoda hospitio et alimonia cum suis reffectus est. Post hæc Ptolemaidem, quæ est Acra vel Accaron, præteriens, nihil contradictionis aut adversitatis ab ea vel ab urbibus illis pertulit propter victoriam et famam, quam de illo audierant. Sic pacifice Caiphas perveniens, in ea diebus aliquot moratus est.

CAP. XXXVI. — *Tankrado solo adventu Baldewini perterrito, Baldewinus sanctam ingressus est civitatem.*

Nescius quippe doli totius, Tankradum ibi reperire et alloqui fervebat, ejusque consilio de rebus suis ubique agere. Sed Tankradus omnia ignorans ad adventu Baldewini, Jerusalem profectus fuerat ad corrupendos principes et custodes turris David, quatenus avunculus ejus Boemundus aut ipsæ regnum obtineret; omnia autem instinctu, auxilio et consensu patriarchæ faciebat. Audito itaque ibidem, in urbe Caiphas, dolo et versutia Tankradi, quæ fiebat consensu Dagoberti patriarchæ, Baldewinus vir illustris et providus, Hugonem de Falckenberg, et Robertum episcopum civitatis Rames vel Rama, super his compellat, eosque ex consilio suorum Jerusalem sine dilatione direxit, ut prævenirent universum dolum, metuens ne turrim David et regnum Jerusalem aliqua perfidia seu promissione pecunie amitteret.

His itaque perfectis, quidam prohi milites de domo ducis Godefridi, Rudolfus, Geldemarus, Wickerus Alemannus, Rudolfus de Montpizon, in via civitatis Cæsaræ, qua Sarracenos persequabantur, adventum Baldewini penitus ignorantes, tunc primum a præmissis fratribus rem cognoverunt, quomodo scilicet Baldewinus loco fratris sui Jerusalem obtinere advenisset, atque Caiphas adhuc hospitio moraretur. Nec mora, audito tam egregii principes adventu et digno hærede Jerusalem, gavisissimi sunt universi, commistisque sociis et armis, Japhet, quæ est Joppe, contenderunt. Ubi Tankradum ab Jerusalem in ira reversum, quia urbem intrare non potuit, in obsidione reperientes, nuntiaverunt ei Baldewinum

adesse, et regnum Jerusalem velle obtinere. A Tankradus audito tam proximo adventu Baldewini, statim ab obsidione Joppe surrexit; per aliam viam Caiphas reversus, nolens recto itinere Baldewino a Caipha revertenti occurrere. Baldewinus vero a Caipha procedens, prædictos milites de domo ducis Godefridi in occursum habuit, qui omnia sibi de Tankrado retulerunt; et post hæc cum eo Joppen accelerantes, duobus diebus continuis illic remorati sunt. Deinde ordinatis rebus in Joppe cum omni clientela et præda, quam abduxit de Baruth, quæ est Baurim, cum quadraginta quinque captivis militibus Turcorum Jerusalem descendit, quos in præsidio turris David repositos caute jussit custodiri.

CAP. XXXVII. — *Perquisitis rebus defuncti fratris, a viris fortibus tentare fortia suadetur.*

Quarta denique die postquam ascendit Jerusalem, congregatis universis, magnis et parvis, de universo cœtu Christianorum, requisivit de suppellectile fratris sui Godefridi, de armatura ejus, de pecunia, beneficiis cujusque militis ac præpotentis. Quæ nihil de rebus fratris ejus se habere testati sunt, sed eas in eleemosynas pauperum et solvendis debitis esse dispersas; beneficia vero, prout unicuique statuta erant de rebus civitatum, protulerunt. Ipse autem omnia responsa illorum patienter accipiens, de rebus et armis aliquibus discussis, sed excusatis, obtulit singulis singula reddens beneficia. Unde ab omnibus jurejurando firmatus, in throno Jerusalem potenter exaltatus gloriose recedit. Erat tempus mensis Novembris circa festum B. Martini Turonici pontificis, quando Baldewinus Jerusalem veniens, ab omnibus parvis et magnis rex et dominus est constitutus. Sic collocato Baldewino gloriose in throno Jerusalem, universi principes et milites de domo ducis Godefridi convenientes in præsentiam ejus, hoc modo ei locuti sunt: *Frater ducis Godefridi es, principis gloriosissimi ac nominatissimi, et ideo universæ nationes gentilium in circuitu famam de te comperientes, adventu tuo tremefactæ sunt; quia temagnum, bellisque famosissimum intellexerunt. Quapropter te decet insigne facere, quo stupescant gentilium terræ, et admirari eis non sufficiat: sicque nomen fratris tui, principis Jerusalem, in te reviviscet, ac magnificabitur.*

CAP. XXXVIII. — *Urbem Ascalonem obsidens, post aliquot dies infecto negotio obsidionem solvit.*

Consiliis suorum auditis, Baldewinus terram Jerusalem et civitatis in circuitu muniens custodia fidelium, centum et quinquaginta militibus et quingentis pedibus assumptis, ab urbe Jerusalem processit nona hora diei, et vespere facto, hospitatus est juxta fontem recentis aquæ, ubi montana terminantur. Post hæc quinta die abhinc exurgens, ad urbem Ascalonem cum omni virtute suorum descendit: in qua mille equites Arabes a Babylonia missi habitabant ad tuenda mœnia ejus, ne novi principis virtus subito irrumperet improvisum. Ibi milites Baldewini ante urbis mœnia fixis duobus diebus

sine assultu consederunt. At die tertia milites Arabes cum civibus erumpentes, crebra cum eis prælia consuerunt, donec tandem utrinque non modicam contritionem suorum pertulerunt. Post duos dehinc dies, et plurimam stragem Sarracenorum, gravemque vulnerationem Gallorum, rex Baldewinus ab urbis obsidione prudenti consilio sic suos revocavit, dicens: *Hi adversarii nostri in murorum protectione confisi, et plurima manu civium, facile, adversante fortuna, creberrimis suorum auxiliis possunt prævalere; nostrales vero incauti sagittis perire; ideo utile est consilium, ut ab hac civitate castra moveamus.*

CAP. XXXIX. — *Quam ingeniose vicerit gentem Azopart sub terra latentem.*

Cum hæc consilia inter se fierent, innotuit Baldewino, quomodo inter deserta Ascalonis et Babyloniæ in caveis subterraneis Azopart, gens fœdissima latens accubisset ad disturbandos et perimendos peregrinos, qui Hierosolymam proficisci desiderabant. Qui mox hac gentis impietate cognita, castra movit ab Ascalone, et cava suo exercitu obsedit: quibus flamma immissa experiri voluit utrum præmia angustia fumi et caloris prodiret a tetrīs et inauditīs antris. Sed de omnibus nulli egressi sunt præter duos, qui et coram eo steterunt, si forte misericordiam et vitam invenirent. Baldewinus hos intuens viros horridos et squalidos, amica affabilitate eos compellat super omnibus quæ de eis audierat, et vestibus pretiosis eos adornans de gente et cognatione eorum requirit. Qui, secundum quod interrogati fuerant, universa sibi aperientes, et misericordem eum sibi arbitrantes, obnixè deprecantur ut alter eorum cum Baldewino maneret, alter ad cava et nota loca rediret, quatenus socios de perplexa domo, mirabili arce, ac investigabili fossa inclusos, produceret in conspectum principis, si forte et ipsi gratiam in conspectu ejus invenirent. Ingressusque foveam, vestes et munera regis ostendens et de ejus benigna susceptione loquens, illico decem de consociis eduxit in præsentiam regis et ejus optatum. Interea is, qui cum Baldewino remanserat, dum in foveam rediit alter, decollatus est a pueris regis. Similiter socius, qui vana spe et promissione honestarum vestium decem produxerat ex cavernis clanculum amotus, in momento decollatus est cum novem. Decimus vitæ reservatur, quem tota strages sodalium latebat. Hunc Baldewinus seorsum tollens, et honorificis ac mollibus indumentis opertum suo sermone demulcens, protinus illexit eum, quatenus rediens ad subterraneos sodales, eos prodire hortaretur, asserens se illos benigne tractere, et donis magnificis honorare; quin omnia loca regionis illis in beneficiis concedere, et eorum consiliis universa agere velle. His promissionibus miser seductus et illectus, ad cava reversus cum veste pretiosa, omnia complicitibus suis retulit de principis affabilitate ac largitate, et ampliora quam audisset, credens socios amotos et decollatos vivere, et missos ad tuendas ipsius Baldewini civitates.

CAP. XL. — *De eadem re.*

Azopart inestimabili et investigabili cavatione subterrati, bonam promissionem socii audientes, minas quoque, deinde promissa magnifica, ad triginta processerunt. Qui coram ipso principe assistentes, benigne ex ore ejus suscepti sunt; statimque a conspectu illius abducti, quasi munera accepturi, omnes capitalem subiere sententiam, præter unum, qui solus cum Baldewino ex omnibus triginta remansit. Hunc solum mirifico honore tractavit, nescium cædis complicum, quem etiam ad antra prædicta, emisit, quatenus honores et munera ipsius subterratis viris referret, eosque ipse captus a suo præsidio exire hortaretur. Sic et sic illusi vanis spebus, ducenti et triginta processerunt, omnes sine dilatione jussu principis decollati, eo quod maxima mala peregrinis, Hierosolymam transeuntibus, intulissent, alios exspoliantes, alios trucidantes: tantumque scelus semper inultum remansisset, eo quod nullus de specu hoc eos antea vi, seu qualibet arte potuisset ejicere. His ducentis et triginta decollatis, ac nequitia sua in capitæ eorum reddita ingenio Christianissimum principis in ultionem peregrinorum; solummodo feminae et pueri eorum in caveis eorum remanserunt cum spoliis plurimorum. Qui necem eorum intelligentes, quoniam nullus ad eos ultra rediret, minime exire ausi sunt. Quapropter Baldewinus vehementer adversus eos indignatus, ligna, stipulas ac stuppas ante os cujusque specus comportari jussit et incendi, quousque calore et fumo cogerentur exire. Tandem hac fumi et caloris nimietate unanimiter oppressæ matres cum pueris, quibus virorum solamen defecerat, licet inviti, processerunt, ac statim militibus in prædam dati sunt et divisi: quorum cum matribus alii pretio redempti, alii vero pariter de collati sunt.

CAP. XLI. — *Cum per difficilia loca militem agit, plures frigore exstinguuntur.*

Baldewinus post ista profectus ad castellum quod dicitur ad S. Abraham, juxta flumina felentia Sodomæ et Gomorrhæ hospitio remansit, in cibo et equorum pabulo magnam illic sustinens indigentiam. Ibidem dum montana perlustrarent ad investiganda necessaria, intimatum est eis a quibusdam incolis, quomodo, si paulo procederent ad locum qui dicitur Palmarum, plurimas opes et copias ciborum reperirent, quibus cum equis suis recreari possent. Quod juvenes quidam audientes, circiter quadraginta ab exercitu clam subtracti præcurrerunt ut pecuniam et prædas contraherent. Sed nihil præter alimenta et plurimam venationem invenerunt, quibus ventrem impleverunt; nihil vero vini aut aliojus poculi præter frontes aquarum dulcium biberunt. Illic quidem in loco Palmarum refocillati, exsurgentes ad montana Arabiæ pervenerunt. Quibus superatis, inter duos apices montium hospitati sunt, ubi nocte necessariis cibis, quod vehiculis mulorum, camelorum, asinorum attulerant, sufficienter recreati sunt,

A nihil prorsus reperientes illic præter aquas recentes. Hæc montana, eorumque difficiles scopulos arctasque fauces, spatio quinque dierum superaverunt gravi et inestimabili labore. Sexta vero die montanis permensis, in extremo illorum cacumine maxima pertulerunt pericula in grandine horribili, in glacie terribili, in pluvia et nive inaudita, quorum immanitate et horrore ingruente, ad triginta homines pedites præ frigore mortui sunt.

CAP. XLII. — *Civitas Susumus igne deletur.*

Post montium ac scopulorum difficilia pericula in vallem descendentes, per diem continuum in equis residentes, planitiem pertransierunt, et vespere in villa quadam opulentissima castrametati, cum principe suo Baldewino hospitio rebusque necessariis refecti sunt. Ibi quidam exploratores de Sarracenis ad promerendam gratiam tanti etiam magni principis, et vitam impetrandam, adfuerunt, qui civitatem juxta sitam, Susumus nomine, rebus nimium locupletem ipsi propalaverunt principi, et hanc facile occupari posse et expugnari. Baldewinus, his intellectis quinta die a villa prædicta exiens, ad civitatem Susumus vespere descendit. Sed domos et omnia loca civitatis vacua reperiens, ibidem potenter hospitio quievit. Audito namque adventu illius, universi gentiles a regione et civitate hac fugerunt, eo quod sine muro hæc civitas infirma haberetur. In hac siquidem per octo dies sine impedimento et aliquo incursu inimicorum secunda quiete corpora sua curaverunt, singulis diebus gentiles in circuitu persequentes, et plurimos repertos trucidantes. Non denique die clarescentes, ex præcepto Baldewini urbs Susumus atrita est et combusta. Spolia vero civitatis in armentis et cæteris rebus ubique, deripientes, per aliam regionem quæ est in montanis divertentes, loca propalata Sarracenorum depopulati sunt, præjas ad universis locis contrahentes. Tandem post dies octo, diversis augustiis et difficultate locorum, interdum etiam fame gravati, ad præfata felentia flumina reditum paraverunt. Et ad villam Palmarum venientes, nihil alimonie præter fructum dactylorum repererunt, quibus corpora fessa et escis jejuna recreaverunt.

CAP. XLIII. — *In natali Domini apud Bethlehem Baldewinus unctus est in regem.*

Dehinc per castellum, quod dicitur ad S. Abraham, repedantes via qua venerant Jerusalem reversi sunt tertiæ die ante Natalem Domini nostri Jesu Christi. Illic cum patriarcha et cunctis optimatibus suis habito consilio, Bethlehem Natalem Domini celebrare decrevit. Ubi eadem die sancta et solemniter consecratus et in regem Jerusalem unctus, in gloria magna coronatus est. Noluit enim, nec præsumpsit in urbe Jerusalem diademate, auro vel gemmis pretiosis exaltari, adornari et in regem promoveri, ubi Dominus Jesus, Rex regum et Dominus dominantium humiliatus et obediens usque ad mortem, pro mundi redemptione spinis horridis et acutis coronatus est. Proxima autem die a Bethlehem migrans, Jerusalem



reversus, curiam ac consilium suum cum omni primatu suo in palatio regis Salomonis tribus diebus ejusdem solemnitatis tenuit, honorifice quindecim diebus illic in civitate regia moram faciendo. In his itaque diebus potenter sedit rex in throno suo, ut faceret iudicium et justitiam inter Christianos confratres, si cui illata fuisset injuria, vel si qua accrevisset discordia, volens omnia cum æquitate tractare et non ficta pace componere.

CAP. XLIV. — *Prima sessione regis, Tankradus accusatur, vocatur et adesse dedignatur.*

Geldemarum ergo videns dominum regem condescisse ad justitiam, assistensque coram eo, graviter conquestus est super injuriis de civitate, quæ sibi a Tankrado inferebantur, quam dono et ex manu ducis Godefridi suscepit, ac militari obsequio promeruit, si caperetur, quamque nunc Tankradus, audita ducis morte, vi et injuste retinebat. Hac itaque Geldemari accepta querimonia, rex ex consilio suorum primum Tankrado legationem direxit, quatenus Hierosolymam ascendens, responsionem super querimoniis Geldemari et injuriis ei illatis faceret. Tankradus autem, nullam se de his responsionem coram illo habiturum, respondit eo quod nesciret eum regem civitatis et iudicem regni Jerusalem. Rex autem iterato consilio suorum illi secundo ac tertio legationem direxit, quatenus justitiam non devitaret, ne post hac aliquis incusaret regem, nec fateretur aliter quam juste et patienter regem adversus confratrem et unum de principibus Christianorum fecisse. Tandem Tankradus anxius quid ex tertia admonitione faceret, consilium cum suis iniit, qualiter inter Japhet et Assur altera ex ripa fluminis, quod has duas civitates dividit, regi responderet ac loqueretur, si ei gratum foret; quoniam Jerusalem venire metuebatur. Rex autem responsum ac petitionem Tankradi intelligens, consilio majorum suorum voluntati illius acquievit; et die statuto ad eundem locum fluminis inter Japhet et Assur ad colloquium profectus est. Illic diversis inter se consiliis habitis, rursus post quindecim dies Caiphas convenire decreverunt, eo quod nihil hoc tempore potuissent definire: et sic Tankradus cum patriarcha Caiphas, rex Jerusalem reversus est.

CAP. XLV. — *Rege cum Tankrado pacificato, Tankradus, dux electus, Antiochiam proficiscitur.*

Interea modico intervallo legatio ab Antiochia Tankrado directa est ab optimatibus Boemundi, quatenus ad eos descendens, loco Boemundi quia hæres ejus esset, regnum Antiochiæ possideret. Tankradus, super hoc inito consilio, Antiochiam proficisci decrevit; sed tamen diem statutam præstolari disposuit quo cum rege colloquium Caiphas habiturus esset, ne, si ante diem proficiscetur, in opprobrium fugæ sibi imputaretur. Itaque die statuto ibidem Caiphas rex et Tankradus ad colloquium convenerunt, ubi ambo concordēs et amici facti sunt, omni querimonia exclusa. Et Tankradus non solum terram et civitatem Caiphas, sed etiam arcem et

turrim Tebariæ, quam dono ducis Godefridi obtinuit, in manu ipsius reddidit, eo quod essent de regno Jerusalem, aperiens ei legationem Antiochiæ. Verumtamen hæc conditio in omni concordia a Tankrado firmiter indicta est, ut si post annum et menses tres ab Antiochia rediret, in beneficio terras et civitates obtineret; si autem sibi non esset reditus intra prædicti temporis terminum, nequaquam ultra terras et civitates has a rege vellet repetere. His utrinque in magna charitate concessis, rex sub eadem conditione terras et civitates suscipiens, Hugoni de præsidis Falckenberg Tabariam in custodiam et beneficium tradidit, Caiphas Geldemaro Carpenel reddidit: sic tamen fide servata, ut Tankrado post præfatum terminum revertenti omnia in manu ejus dono regis redderentur. Post hæc decreta et pacem compositam, rex Jerusalem secessit; Tankradus vero cum omni suo equitatu et manu quingentorum peditum per aridam usque in Antiochiam descendit ut eam susciperet.

CAP. XLVI. — *Rex contra patriarcham sedem apostolicam appellat.*

Non aliqua dehinc mora, rex Jerusalem patriarcham de perfidia, quæ egerat cum Tankrado adversus eum, ne dignus hæres Godefrido succederet, sed Boemundus externi sanguinis regnum possideret, coram omni Ecclesia interpellavit, eo quod de hoc scelere multum a suis optimatibus crimineretur, objiciens ei, jam ipsam fraudem esse detectam in litteris, per Morelium, qui secretarius ipsius erat, Boemundo transmissis, sed in via ablatis. Hæc contentio et discordia inter regem et patriarcham adeo de die in diem cœpit magis ac magis invalescere, ut tandem rex Baldwinus illius feritate et pertinaciâ indignatus, apostolicum ac Romanum pontificem Paschalem ad iudicium et justitiam appellaret, atque ad discussionem tam nefandæ traditionis, et suscitandi homicidii ac discordiæ, quam deprehensis litteris, inter Christianorum primores et novam tenebramque Ecclesiam idem patriarcha fieri modis omnibus elaboraret.

CAP. XLVII. — *Dominus apostolicus cardinalem Mauritium cognitorem Hierosolymam mittit.*

Paschalis vero pastor S. Romanæ Ecclesiæ, et in toto orbe terrarum Christianæ fidei ac religionis examiner, Baldwin præcibus et S. Hierosolymitanæ Ecclesiæ satisfaciens, consilio fidelium fratrem Mauritium unum de duodecim cardinalibus, legatum S. Romanæ Ecclesiæ Hierosolymam proficisci destinavit, ut vice domini apostolici ipsum patriarcham pro merito et culpa discussum aut excusatum, in cathedram episcopalem sanciret, aut victum et juste condemnatum de apostolica sententia deponeret ac feriret. Itaque jussu domini apostolici frater Mauritius Hierosolymam profectus, Baldwinum regem universamque Ecclesiam in verbo domini apostolici salutavit, benedictionem dedit, et audire in omni justitia et veritate regem et filios sanctæ Ecclesiæ Deo obediētes se asseruit, et mala omnia in bonum



apostolica auctoritate velle commutare. Baldewinus A et omnis Ecclesia fidelium gratias Deo super his retulerunt, et se in omni justitia et veritate apostolicis mandatis obedire responderunt.

CAP. XLVIII. — *Patriarcha multis et gravibus a rege capitulis impetitus, ab officio suspensus est.*

Nulla deinceps mora die statuto, et concilio fidelium episcoporum abbatumque collecto, in audientia omnium qui aderant et præsentia legati S. Romanæ Ecclesiæ, patriarcham assistentem Baldewinus rex reum perjurii, traditionis regni Jerusalem, homicidii, ut a Boemundo occideretur in via, qua a Rohas Hierosolymam ascenderet, deprehensis litteris criminando et imputando astruxit, sub testimonio totius S. Hierosolymitanæ Ecclesiæ; et ideo non posse eum ultra episcopari, nisi valeat ab his expurgari. Qui minime de omnibus sibi illatis calumniis valens excusari, et præcipue de sacrilegio ligni sanctæ crucis, de qua partem minuit ac dispersit suspensus est a divino officio, datæque sunt ei adhuc induciæ, si forte aliquam excusationem posset reperire.

CAP. XLIX. — *In cæna Domini dolens patriarcha se eo die officio suo privari, regem donis promissis placat.*

Inter hæc diversa negotia mensis Martius suo ordine cœpit referri, jejuniæ quadragesimale observari, dies solemnæ Paschæ propinquare, in quo chrisma et oleum infirmorum necesse est sanctificari. Hac igitur die recordationis et sanctificationis olei et chrismae exorta, qua Dominus Jesus cum discipulis cœnavit, cardinalis in montem Oliveti, in quo id sacramentum chrismae et olei compleri solet, ascendit alba stola et idoneis vestibus ad tam deificum opus peragendum indutus, et in nullo patriarcham adesse consentiens. Verum patriarcha Dagobertus videns se officio suo privari, quo eo die universi patriarchæ, sui antecessores in eodem monte Olivarum solito more utebantur, chrisma et oleum consecrantes, humilis et supplex cum lacrymis regem conveniens, instare cœpit, ne hac die tam leviter ac viliter ab officio suo expelleretur, et sic in ore omnium peregrinorum haberetur. Rege autem multum resistente, et plurima illi objiciente quæ idem adversus se præsumpserat, sicut anxius ei magis ac magis precibus instabat, rememorans qualiter ab eo unctus et in regem consecratus sit. Sed nec sic rege eum audiente, talenta ei trecentorum byzantium obtulit in secreto auris suæ. Quo corruptus rex, in omnibus deinceps petitioni patriarchæ acquievit: et ideo tam grandis pecuniæ promissione rex gavisus, qui plurimum defectione angustiat, hæc modo indigebat ad remunerandum suorum militum laborem, illico surrexit, fratrem Mauritium convenit, sic ei in hæc verba locutus:

CAP. L. — *Rex cardinalem alloquitur de restituendo patriarcha.*

*Frater Maurici, hæc Ecclesia nostra rudis adhuc et tenera habetur. Quapropter nolimus, nec placet prudentioribus nostris, neque in consilio nostro reperimus,*

*ut Jerusalem tam subito justitia sua privetur, et patriarcha tam celebri die a suo officio destituatur; sicque discordia paschalibus diebus in confusionem peregrinorum et gloriationem gentilium inter nos oriatur. Idcirco constanter te petimus, ut nos, qui nostro sanguine hunc sanctam Ecclesiam detinui-  
mus, et usque ad mortem pro eo dimicavimus, audire non recuses neque rem de patriarcha a nobis propalam hoc tempore graviter accipias, donec viderimus, quorsum tendat illius excusatio, vel quem finem accipiat. Tempus enim non effugiet, quin satis ad æquitatem iudicii de omnibus redeamus. Et hac de causa, quin placet universis fidelibus, rogamus te, quatenus concedas ei, ut hoc tempore officio suo episcopali utatur, chrisma et oleum ipse sanctificet, peregrinis de longinquis regionibus huc profectis indulgentiam et reconciliationem ipse faciat juxta ritum S. Hierosolymitanæ Ecclesiæ. Post solemnitatem vero Paschæ, quod in summa charitate et concordia nunc oportet celebrari, tuo consilio decrevimus de illo agere, ita ut aut purgatus in statu suo permaneat, aut convictus episcopali dignitate privetur.*

CAP. LI. — *De amicitia inter cardinalem et patriarcham, et regis concordia et de contentione gentilium cum rege.*

Cardinalis his et his flexus blanditiis, in omnibus voluntatis regis optimatumque cessit. Et exutus officiali indumento, patriarcham permisit consecrare oleum et chrisma, ac solemnem Pascha in omni divino celebrare officio. Ab illo siquidem die cardinalis et patriarcha in summa amicitia conjuncti sunt, facientes sibi cumulos ex oblationibus fidelium, ciborum vini que ac potus plenitudine nocte ac die in locis remotis perfruentes, omnia tamen hæc rege ignorante. Interea hæc concordia in eodem mense Martio inter regem et patriarcham dum fieret, et terra silvæque, amota hiemæ, reviviscerent, dies prolongari inciperunt, serenitas aeris magis ac magis in dies claresceret, ecce nuntia universarum civitatum gentilium in palatio regis adfuerunt, quædam in dolo, quædam in puritate, regem salutantia in donis tributis, pacem cum eo quærentes componere, quatenus sine respectu periculi et metus in negotia sua secure terram perambulant, et agros ac vineas sine formidine excolerent. Rex, sicut novus qui advenerat, et multis indigebat thesauris in conventionem solidorum militum suorum, omnia quæ sibi offerebantur a civitatibus gentilium, Acalone, Cæsarea, Ptolemaide, Sur, quæ est Tyrus, suscipere consentit; sed Assur ejusque munera refutavit. Cæteris usque post terminum sanctæ Pentecostes pacem et securitatem a se suisque largitus est.

CAP. LII. — *De mutuis legationibus gentilium.*

Vix termino pacis hujus mediato, prædictæ civitates regi Babyloniorum læc nuntia detulerunt, quod nisi in brevi eis subveniret, Francosque de regno Jerusalem ejiceret, se in manu regis illorum ex summa necessitate reddi debere, eo quod ultra Christianis resistere non possent. Rex vero Babylo-

niorum summa necessitate urbium suarum intellecta, universis civibus et ammiraldi hanc legationem salutis remisit, quod sine mora aliqua collectis armorum copiis, universis civitatibus subveniret. Hæc autem nuntia et consilia omnia Baldwinum regem latebant, et universos fideles qui in regno Jerusalem habitabant.

CAP. LIII. — *De redemptione Turcorum.*

Interea a Damasco frequens legatio Turcorum Jerusalem ad regem venit, pro redemptione captivorum suorum, quos in arctissimis faucibus Baurim superatos captivavit, et Jerusalem abductos reclusit in custodia turris David. Qui consilium iniiit cum optimatibus suis, ut pro captivis pretium susciperet, eo quod in terra aliena, nova et ignota, plurima indigeret pecunia in conventionem solidorum. Sicque universis quadraginta quinque captivis, quibus amputare colla decreverat, nunc pepercit, et pecuniam inauditam supra quinquaginta millia bysantiorum auri suscipiens, omnes vivos et incolumes a manicis et catenis solutos, ac de turri David ejectos, pacifice in terram Damascenorum remisit.

CAP. LIV. — *Quomodo civitas Assur subjugatur.*

Eodem tempore mensis Martii classes Genuensium ac Pisanorum navigio appulsæ Joppen, anchoras fixerunt, et illic Pascha Domini opperientes, tandem Jerusalem venerunt ad celebrandam ipsam diem Resurrectionis Dominicæ. Qua cum omni devotione celebrata regem adierunt summopere deprecantes, ut quam vellet civitatem gentilium occupare et expugnare eis liceret. Rex igitur desiderium illorum intelligens, Assur obsidere per mare et aridam constituit. Ipse vero et omnis virtus ejus ab Jerusalem movens, in sicco urbem et mœnia ejus cinxit; Pisani et Genuenses in littore maris navigio exitum illorum observabant. Vix tertia die obsidionis expleta, cives Assur pacem cum rege quærebant componere, quatenus salva vita sanique membris, cum rebus suis ab urbe eis liceret exire; civitatem vero in manu regis reddere ac relinquere. Rex quidem consilio suorum pepercit viris, pacifice eos prodire promittens cum omnibus quæ collo deferre possent et usque in Ascalonem conductum eis sine respectu mortis largitus est. Ipse vero civitatem ingressus cum universa multitudine equitum et peditum, per dies octo ille requievit, et consilia de reliquis civitatibus cum domino patriarcha et optimatibus regni sui egit.

CAP. LV. — *Cæsarea civitas obsidetur.*

Placuit tandem cunctis ut Cæsaream mitteretur legatio regis ammiraldo et primis civitatis, ut regi redderetur urbs, alioquin obsidere eam certum haberent, ut si vi caperetur, universos in ea repertos in ore gladii occidi debere. Ammiraldus cunctique habitatores civitatis responderunt in hæc verba: *Absit a nobis, ut nos et civitatem nostram in manu regis Christianorum tradamus, cum in manu regis Babyloniorum in brevi liberandi simus, et non dicitur sit ex quo litteras ejus susceperimus.* Rex autem illorum jaculantiam comperiens, in ira magna una cum domino

A patriarcha ab Assur egressus, relictis in ea custodiis, Cæsaream occupavit, undique circa eam suorum viribus collocatis. Erant illic inaudita pomaria in circuitu murorum, ac si silva densissima omni decore et fructuum abundantia inestimabilia: quæ rex in securi jussit extirpari, ne inter densitates frondium aliquæ insidiæ Sarracenorum exercitui, sagittis in occulto emissis, nocere valerent. His extirpatis, in circuitu murorum firmavit obsidionem per dies quindecim, machinam componens qua urbem expugnare et cives abstertere valeret. Ad unguem tandem machina perducta et ab exercitu super muros erecta, in sublime porrecta est, ac fortissimi pugnatores in ea constituti ad expugnanda mœnia urbisque defensores. Deinde jussu regis omnibus indictum est ut summo mane coram patriarcha et rege convenirent e cunctis locis et tabernaculis, ejusque caperent admonitionem ad assiliendam urbem et implerent. Mane autem facto, ecce adsunt ex mandato regis universi Christianorum equites et pedites coram patriarcha et rege: qui delictorum suorum confessione facta, indulgentia accepta, et Dominici corporis communionem, urbem fortiter assiliunt in mari et in terra cum Pisanis et Genuensibus. Hi Laodicæ tota hieme otio torpentes, tempore Martii, ut supra relatam est, ad sacrum et solemne Pascha celebrandum Jerusalem ascenderant, viduatil suo episcopo Pisano, cum clam ab eis subtractus, cum Boemundo ac Baldwinio, post captivum Jerusalem in eam descendit, et a Godefrido duce in cathedram patriarchatus est constitutus.

CAP. LVI. — *Tandem civitas Cæsarea superatur.*

Eodem die dominus patriarcha crucem Dominicam prætulit ad protectionem et defensionem gentis catholicæ, stola sancta et candida pro thorace indutus, quem usque ad muros tota manus pugnatorum sequi non dubitavit. Quid duro et gravi assultu cives disturbatos a mœnibus repulerunt, ac si subito scalis muro applicitis, urbi mediæ vi intromissi sunt. Sarraceni vero per urbem Gallos diffusos intuentes, nec eis resistere valentes, ad aliud munimen urbis quod muro spatiosissimo ac robustissimo civitatem dividebat introrsum versus mare conglobati fugam inierunt. Illic aliquantulum in mœnibus resistentes, ad defensionem constiterunt, frustra sagittis, palis igneis et fundibulis consumentes diem. Nona tandem hora diei facta, gravati cives crebris et nunquam intermissis assultibus, ac tam manganellis quam sagittarum grandine fessi et victi, per vicos et diversa loca civitatis tremebundi fugerunt. Quos Galli insequentes et hos muros scalis similiter transcendentes, grave illorum exterminium fecerunt, alios trucidantes, alios captivantes, tum undique spolia plurima auri, argenti et ostri pretiosi rapientes. Sacerdos quoque civitatis homo grandævus ibidem captus est, et Azopart quingenti decollati, illuc missi a rege Babyloniorum in conventionem solidorum. Sacerdos itaque prædictus regi præsentatus, jussu ipsius in nervo religatus est; mulieres quoque ejus

captæ, et in compedibus positæ, ad discutiendum A talentum innumerabilis argenti, quod idem sacerdos propter metum Christianorum subterraverat. Hac civitate atrita et expugnata, rex a diebus Pentecostes usque in Natali S. Joannis Baptistæ in omni plenitudine necessariorum requievit in ea. In his diebus sacerdotem prædictum a civibus urbis Ptolemaidis, quæ est Acra, mille byzantiis redemptum, sine læsione membrorum dimisit.

CAP. LVII. — *Quomodo rex audita fama Babyloniorum. eorum præstolatur adventum.*

Post hæc rex Joppen in magna gloria secessit, Arpinum de Bodvordis civitate, principem magnificum, ad custodiendos muros et portas civitatis relinquens, Joppe itaque regi commoranti, legatio et fama Meravis a Babylonia innotuit, quatenus Babylonii omnes arma confluisissent, et post octo dies cum eo bellum committere decrevisset. Hæc rex audiens, universo cœlu suorum in unum convocato, ex consilio illorum exiit a Joppe, atque inter Ascalonem et Rames, tribus hebdomadibus evolutis, in planitie amplissima resedit una cum patriarcha et omni apparatu suo, ac universa domo fratris sui ducis Godefridi. Hoc vero in loco dum diu præstolarentur adventum inimicorum, nec quisquam illorum adhuc in jactantia sua descendisset, rex quemque suorum in sua remisit; ipse vero civitates in circuitu sitas, tam Caiphas quam Assur et cæteras, pacifice perlustravit.

CAP. LVIII. — *Quomodo rex patriarcham convenerit ut vel ipse milites procuraret, vel ad procurandum eos, sibi aliquid pecuniæ impertiret.*

Nec longo post hæc intervallo rex a militibus suis in urbe Japhet pro pecunia angustiatus est, quam illis debebat pro conventionem solidorum, qui etiam fratri ejus Godefrido, principi Jerusalem multum obsequii impenderant, et nunc ejus causa et honore non minore studio militare laborabant. Quapropter Hierosolymam profectus, patriarcham compellat, quatenus sibi aliquid pecuniæ de oblatione fidelium impertiret, quam militibus dividens, voluntarios eos sibi redderet, ac secum teneret; alioqui eos in terminis Jerusalem non velle remanere et Sancta sanctorum defensare. Patriarcha regis audita petitione, induciis per noctem susceptis, in crastino reversus ducentas marcas argenti se ad usus fratrum inibi Deo famulantium, habuisse et non amplius, profitetur, et easdem benigne in ejus mandato distribuere concessit. Credidit rex in verbis quæ a Patriarcha referebantur, et oblatum argentum suscepit. Sed Arnolfus, sancti sepulcri cancellarius, et cæteri complures, quibus tota massa innotuit, et oblatio Dominici sepulcri, nequaquam verum patriarcham profiteri asserebant, sed inestimabilem pecuniam clanoulum suis locellis reposuisse eum. Hac Arnolphi assertionem et populi opinionem super thesauro abscondito, rex nimium iratus vehementer patriarcham urgere cœpit, ut ex oblationibus fidelium milites procuraret ac retineret in conventionem

solidorum, qui paganorum viribus resistentes, peregrinos et universam Ecclesiam ab eorum insidiis et assultibus protegerent ac defenderent.

CAP. LIX. — *Qualiter orta sit contentio inter regem et patriarcham.*

Patriarcha vero vinculo privatæ dilectionis fratri Mauritio S. Romanæ Ecclesiæ legato innodatus, ita ut simul affluenter de bonis terræ epulantes, in suo conclavi oblationem sancti sepulcri provelle dividerent, prorsus audire Baldewinum regem parvipendit, spem et fiduciam in promissis cardinalis apostolici pretio corrupti habens et in eo quod levi precatu aurique munere, regem corrumpere potuit et placare. Rege itaque patriarcham sæpius admonente ut milites quadraginta procuraret, atque dato ei argento benevolos in opus belli redderet, patriarcha vero in nullo eum super his audiret: die quadam factum est, ut idem patriarcha cum fratre Mauritio solito more in domo sua accumberet, variisque cibis splendide epularetur, vinum quoque non modice biberet, ac secure in comessationibus diem duceret. Nuntiatum est tandem regi Baldewino quod hujuscemodi luxu singulis diebus convivantes fidelium vota vorarent sine modo et numero, et hoc ipsum regem non solum auditu, sed etiam facile visu posse experiri.

CAP. LX. — *Contentio inter regem et patriarcham præsepte cardinale Mauritio.*

Nec mora, dum in eodem comessationis studio ad mensam discubissent, rex cum quibusdam de optimatibus suis pulsato ostio intromissus adfuit, et hos patres dure arguens, in hæc verba aspera prorupit; *Vos in comessationibus, nos in tribulationibus die ac nocte confratum nostrorum salute et periculis versamur. Vos gratis vota fidelium in deliciis vestris applicatis, angustiam et penuriam nostram ignoratis. Sic vivit Dominus, amodo de omni oblatione fidelium non contingetis, nec de hac ventrem vestrum ultra tam delicate implebitis, nisi milites in conventionem solidorum susceperitis. Unde enim vobis, ut oblatione et munera fidelium tam libere et potenter a Dominico sepulcro tollatis, in cibos delicatos componatis, et minime fidelium necessitati subveniatis? Nos Jerusalem, civitatem sanctam et locum desiderati sepulcri sanguine nostro redemimus, et assidue pro sanctorum defensione pondera laborum et bellorum portamus; vos oblationis fidelium nos cæsortes facietis? Absit, ut tale facinus patiar, et ultra manus vestra de his repleatur. Certe aut vos calicem, quem bibituri sumus, et bibimus hoc tempore angustiarum, nobiscum bibetis, aut videte, ne quidquam de rebus Ecclesiæ ultra suscipiatis. Ille dicto, patriarcha non minus in verba iracundiæ erupit, dicens: Non recte consultus fecisti, ut tam temere nos argueres et res Ecclesiæ interdiceres, cum nostræ sit justitiæ, ut qui altari serviunt, de altari vivant. An tributariam et ancillariam facere sanctam præsumis Ecclesiam? quam Dominus Jesus Dei Filius, suo sanguine liberum ex ancilla faciens custodiæ commisi-*

sui et reliquit. Vide ne ultra præsumas de his loqui aut agere, cum ad te minime pertineat, et Domini apostolici maledictionibus de talibus ausibus iudicio possis incurrere. Frater Mauritius ad invicem contententes solummodo auscultabat; sed de pace et concordia illos admonebat.

CAP. LXI. — Patriarcha ratione victus, milites se procurare promisit, quod tamen implere contempsit.

Verum rex non ultra patriarchæ responsionem et asperitatem ferens, et ipse dure et impatienter locutus fuisse perhibetur. Videte, ne facile hanc mihi sæpius officialis occasionem, ut qui altari serviunt de altari vivant, cum summa necessitas exigat ut de altari potius Christiani milites pascantur, quam Sarraceni vi de sepulchro munera fidelium asportent et dividant, et non miles noster vel sacerdos contingat. Vivit Dominus: non solum oblationes fidelium comedam, militibusque nostris dividam; sed etiam aurum de sepulchro Domini et altari evellam, quo milites et defensores Christianæ plebis regnique Jerusalem sustentari possent. Post hæc cum Domino Deo placuerit, et superbia seu minæ de regno Babylonix cessaverint, et terra siluerit, cuncta restaurabimus; ecclesiam etiam ejusdem sepulchri, sicut dignum est, thesaurizare nos non pigebit, et auro ditiore, gemmis vel opere exaltare. His dictis, tandem patriarcha rege a viro litteris erudito conviotus, ex consilio fratris Mauriti triginta milites in conventionem solidorum se procurare promisit. Sed in brevi eorum tædio affectus talentum inestimabilis pecuniæ sustulit, milites vacuos et immunes reliquit. Rex autem hypocrisis illius de die in diem cognoscens, vehementius eum urgebat, et de militari officio sollicitabat. Ille e contrario aures surdas ad omnia faciebat; ita animo obstinatus erat.

CAP. LXII. — Patriarcha potestate et oblatione sepulchri Domini privatur. Pecunia patriarchæ regi aperitur.

Igitur patriarcha dolens et tristis secessit Japhet, ubi ex consensu regis, quia sacerdotii gradum obtinebat, pacifice autumnus et hiemis tempus adimplevit. Deinde mense Martio inchoante, anno primo regni ipsius Baldwinii Antiochiam ad Tankradum navigio profectus est. Camerarii autem illius capti et retenti, minis verberumque terroribus coacti, pecuniam patriarchæ subterrata professi sunt ad viginti millia Byzantium auri; argenti autem tantum esse referebant, quod adhuc pondere et numero cunctos lateret. Fratrem vero Mauritium, quia Romani pontificis legatus erat, in omni quo potuit honore rex secum retinuit, ac diligenter procuratum benigne in omnibus tractavit.

CAP. LXIII. — Rex pecuniam militibus dividit, crudelis legatio a Babylonia venit.

Interea dum rex ex his et aliis diversis rebus ageret, propalatamque pecuniam suis egregiis militibus divideret et cuique pro labore suo rependeret,

crudelis legatio a Babylonia descendit, scilicet quod Meravis, qui est secundus in regno, cum tota virtute et apparatu regis Babylonix properaret, bellum in brevi cum eo habiturus. Rex autem Baldwinus tam crudelia nuntia intelligens, non secure, non facile auribus immisit; sed a Jerusalem in Septembri mense in solemnitate Nativitatis matris ac virginis Mariæ anno primo regni descendens, urbem Joppen cum omni viriute peditum et equitum introivit, ejusque mœnia plurima suorum inueniens fiducia, cum trecentis tantum equitibus et mille peditibus in occursum inimicorum festinavit, ut cognosceret, si vero belli legatio sibi innotuisset. Mane ergo dehinc facto, in campestribus Rames consistens, vires, copias et arma intolerabilia Babyloniorum vidit per terras et fines Ascalonis occurrere, circiter ducenta millia tam equitum quam peditum. De quibus rex et omnes qui cum eo erant non solum admirati, sed et terrore concussi sunt.

CAP. LXIV. — Tres regis acies a Babylonia attritæ deficiunt.

Verumtamen rex percipiens se non posse vitare periculum, nec effugere inimicos haud procul absistentes, quinque acies ordinavit tam ex manu militum quam peditum. In prima acie fuit Belvodus, miles nobilissimus, qui primum prælio commisso, ac gentilibus cum universis suis peremptus est absque solo milite, qui ibidem manu detruncata, vix a periculo mortis elapsus est. Ad hæc Geldemar Carpenel, miles ferocissimus, secundam aciem regens, dum per medios hostes erumpens, periclitantibus sociis subvenire moliretur, cum omnibus sequacibus et coadjutoribus suis sub intolerabili manu inimicorum occubuit. Solummodo Willelminus et Erkenboldus vivi evaserunt. Hugo vero de Tabaria, juvenis bellicosus, in tertia acie constitutus, per medios hostes equo veloci advolans et cum illis diu graviter pugnans, ad extremum certaminis pondere fatigatus et victus, vix e medio turbinis evasis, omnibus de comitatu suo ibidem occisis et attritis. Rex ergo tam grave exterminium suorum fieri videns, vehementer cum duabus aciebus quæ secum remanserant timore concussus est. Nec mirum. Nam idem mortis iudicium in momento subire æstimabant.

CAP. LXV. — Rex a pontificibus admonitus, coram cruce dominica prosternitur.

Ad hæc duo catholici pontifices, Gerhardus et Baldwinus, quorum alter Gerhardus crucem Dominicam præferebat ad confusionem et obscurationem Sarracenorum, et liberationem Christianorum, regi in mansuetudine et correctione sic locuti sunt: *Timemus, domine rex, ne ob discordiam, quæ inter te et dominum patriarcham orta est, hodie nostris victoriæ fiat impedimentum. Ideo monemus te, ut cum illo in concordiam redeas, et sic Domino Deo pacis satisfacias, quatenus a præsentis periculo eruamur.* Quibus rex: *Recte, inquit, monuistis et hæc*

dicens ab equo desiliit, et coram Dominica cruce A procidens in terram, adoravit Dominum cœli, et hæc pontificibus responsa dedit : *Patres et fratres in Christo charissimi, pastores et doctores peritissimi, iudicium mortis nobis præsto est; inimici innumerabiles obstant in arcu, in hastis, in gladiis fulmineis, quos penetrare et expugnare pro imperio Romanorum, pro regno Franciæ et Angliæ, non hodie apponerem, nisi per gratiam Domini nostri Jesu Christi de quorum manibus sic me Dominus Deus eruat, ut non cum illo pacem componam, nisi primum coram apostolico et omni Ecclesia de perfidia quam egit, canonicè fuerit expurgatus.*

CAP. LXVI. — *Post confessionem delictorum, episcopo Gerharo crucem Domini præferente, rex per medios hostes irrumpit.*

Et hoc dicto cum iurejurando, confessionem delictorum suorum coram iisdem episcopis fecit; deinde corporis et sanguinis Domini percepta communione, decem milites loricos cum Gerharo episcopo, lignum sanctæ crucis præferente, reliquit. Ipse vero ascendens equum, qui lingua Sarracena *gazela* appellatur, eo quod cæteris equis sit cursu potentior, præmisit quartam aciem quam ordinaverat de militibus Jerusalem, viris bello assuetis ac robustissimis, quatenus cum hostibus in impetu ferirent ac dimicaret. Hæc autem quarta acies ex jussu regis fortiter irruens, cum committeret cum adversariis, præ multitudine illorum pondus belli non sustinens, cœpit fugiendo declinare. Sed a rege ejus fuga et contritione percepta, magno solamine relevata est. In momento enim cum sua quinta acie adfuit, agens grave prælium cum hostibus ac repetens, cædes et strages non modicas operatus est.

CAP. LXVII. — *Mira Domini Jesu et sanctæ crucis ejus victoria*

Cum sic rex per medios hostium globos irrumperet, campos occisorum cadaveribus sterneret, quidam nominatissimus ammiraldus episcopo, crucem ferenti, occurrit in furore vehementi, ut raptim caput ejus detruncaret; sed, divina ultione et percussione præventus, subitanea morte suffocatus exspiravit. Deinde alter ammiraldus, dum subito ipsum regem Christianorum impeteret, mox equus illius trans cervicem busta regis confixus est, quæ ipsum etiam ammiraldum eodem ictu et impetu transpectus et jecur viriliter perforavit; sicque ambo, equus scilicet et sessor ejus a Christiano rege occisi sunt. Mortuis itaque duobus ammiraldis, exercitus Babyloniorum magnis ductoribus, primo divina ultione, altero hastæ regis transfusione, rex et universi sui recuperatis viribus per medias acies Sarracenorum in multitudine densatas irruperunt in virtute Domini nostri Jesu Christi, et sanctæ crucis, inauditam illorum occisionem facientes usque ad vesperum, donec hinc et hinc fatigati, utrinque se a bello continerunt. Verum rex et reliquæ fidelium obtinentes camporum planitiem, in castris inimicorum pernoctaverunt. Sarraceni vero desperati in montis cacu-

mine ea nocte remanserunt. Patet hic profecto quomodo virtus S. crucis non solum contra invisibilium jacula prævalet inimicorum, sed etiam adversus arma visibilium; quia in prima, secunda, tertia ac quarta acie superbia et fortitudo gentilium vincendo præcessit; quinta vero acie, in qua lignum sanctæ ac venerandæ crucis ante regem et ejus socios præferebatur, tota virtus infidelium cœpit infirmari, humiliari et conculari. Sed et principes eorum ferocissimi, Deo gloriam non dantes nec sanctæ cruci, sed in eam sibi oppositam audacter et insipienter irruentes, subitanea morte præoccupati perierunt.

CAP. LXVIII. — *Renovato bello, catholici regis ad suos hortatio.*

Igitur post hanc victoriam Christianorum, quæ in mense Septembri ipso vespere Nativitatis beatæ Dei genitricis Mariæ accepta est, crastina sole exorte, quidam Gallorum adhuc viventes et incolumes cum rege suo rursus armari properant, suspicati adhuc bellum a gentilibus ingruere. Sed in omni planitie regionis non sunt reperti aut visi. Revertente autem rege cum quadraginta tantum militibus et peditibus ducentis, qui vix evaserant, viginti millia Sarracenorum qui Japhet obsederant et vespere hesterno huic prælio non intererant, sed civitatem ex præcepto Meravis nimio assultu vexaverant, in aperto camporum adfuerant ex improvviso. Quibus rex, quia locus divertendi ab eis non erat, resistere disposuit, et universos magna et audaci voce sic consolatur : *Ecce inimici nostri obviam nobis integris armis adveniunt : nos autem nuper bello fatigati, sero a manibus adversariorum, solo Deo protegente, evasimus superatis hostibus : optimates nostri et equites cuncti præter nos ceciderunt : quid igitur pauci adversus tot millia adhuc bello intacta acturi sumus? pauci sumus, et sero bello fatigati : locus et possibilitas ab eis divertendi non est : et ideo quid consulam, nescio, nisi ut in nomine Domini Jesu, et in virtute S. crucis universi stemus adversus incredulos pugnantes. Potens enim est Deus etiam de istorum manibus nos liberare, sicut heri de manu plurimorum et fortiorum liberavit. Si autem morti et contritioni destinati sumus, fiduciam et spem habeamus, quia, si corpus nostram pro nomine Jesu et sanctis Jerusalem nunc in præsentis sæculo occidi permiserimus, in futuro animas nostras in vitam æternam una cum fratribus nostris, hesterno prælio pro Christo jugulatis et attritis, conservare poterimus.*

CAP. LXIX. — *De gloriosa regis victoria et relicto in Jerusalem.*

Hac regis exhortatione milites omnes et pedites roborati in spe vitæ æteræ, inimicorum turmas operientes visas a longe, armis propere induuntur, lignumque Dominicum semper ante faciem suam habentes, grave prælium cum hostilibus commiserunt. Obsecrati itaque et infirmati Sarraceni, in obstaculo tam venerabilis ligni timore illis immisso, non diu perseverarunt in bello. Visa quippe Christianorum audacia, et suorum nimia ruina, alii versus Asca-

lonem fugientes, alii versus montana Jerusalem, victi ac dispersi diffugium fecerunt, rege eos in gravi exterminio crudeliter insequente. Rex autem reversus a cæde hostium, paucissimis in unum receptis sociis, cum spoliis recentibus auro et argento, equis et multis opibusque plurimis Japhet declinavit. Ubi lorica ferrea et veste ostrea exutus est, quæ revera et procul dubio tota tabe et sanguine hostium inebriata fuisse, ibidem visa est. Noctem illam rex illio in lætitia et hilaritate ciborumque abundantia exegit. Cives vero exsurgentes, et in campis Ascalonis festinantes, tentoria, aurum et argentum et multa pretiosa spolia occisorum gentilium, quæ rex sui que paucissimi deferre nequiverant, asinorum et camelorum vehiculo in civitatem Joppen attulerunt. Deinde crastina luce affulgente, rex in gloria magna Hierosolymam ascendit, ubi de omnibus spoliis et præda inimicorum decimas hospitali Christiane pauperibus erogavit.

A CAP. LXX. — *De obitu Wickeri, militis Alemanni egregii.*

Wickerus autem Alemannus eodem anno paulo ante hoc prælium validis febribus correptus, in mense Augusto obiit, sepultus in civitate Joppe. Qui gladio suo, quo Turcum transloricam et vestes super pontem Antiochiæ medium secuit, non modicam regi opem hic contulisse, nisi morte interveniente vitam finiisset. Hic miles magnificus leonem magnum et horribilem, viros et armenta sæpius juxta montana devorantem, in regione Joppo die quadam equum pascentem invadere volentem, munitus clypeo aggressus est: quem facili pede et saltu facie ad faciem sibi occurrentem ejusdem gladii acutissimi ictu percussit, ac fortiter cerebro ejus in partes diviso, crudele et intrepidum animal in campestribus mortuum reliquit.

## LIBER OCTAVUS.

CAPUT PRIMUM. — *Quod primo Baldewini regis anno innumera Longobardorum multitudo per Bulgariam profecta sit Hierosolymam.*

Eodem tempore, quo bellum hoc mense Septembri actum est, et cruenta victoria a rege Baldewino habita, anno regni ejus primo, gens Longobardorum incomputabilis de regno Italiæ, post captionem Antiochiæ et Jerusalem, audita insigni Christianorum victoria, e diversis regionibus Italiæ collecta, per regnum Hungariæ prospero itinere transeuntes, profecti sunt usque in regnum Bulgararum, volentes conchristianis fratribus auxilio augeri et prodesse. Aduerunt in eodem voto et comitatu viri nobilissimi, episcopus Mediolanensis, Albertus comes illustris de Blandraz, Wido frater ipsius, miles egregius, Hugo de Montbeel, Otho, filius sororis prædicti Alberti, cognomine Altaspata, Wigbertus comes civitatis Parmæ, cæterique comprimores Italiæ, viri miræ nobilitatis et ductores exercitus: qui circiter triginta millia conglobati, terram et regnum Bulgarorum, ut prædiximus, in manu forti ingressi sunt.

CAP. II. — *Ubi Constantinopolitanus imperator eosdem Longobardos vendere et emere per castella Bulgarorum permittit, et eis rapinam interdixit.*

Ingressi autem, direxerunt nuntia imperatori Constantinopolitano, quatenus ejus gratia et dono in terra Bulgarorum, quæ de ejus regno erat et potestate, necessaria vitæ pretio mutarent, sicque pacifice terram ejus pertransirent. Accepta itaque tam egregii et catholici exercitus legatione et petitione, rex Græcorum benigne omnia quæ rogabant concessit, hæc scilicet interposita conditione, ne tanta adu-

natio aliqua violentia ea loca, quæ sui juris essent, vastaret, seu facta temere seditione conturbaret. Hac igitur conditione contulit eis emendi et vendendi licentiam in ejusdem regni Bulgarorum castellis, pane, vino, carne et omni pinguedine opulentissimis, castello videlicet Panidos, Rossa, Rosto, Ddamis, et castello nomine de Natura, et Sasalabriis, Adrianopoli et Phinepopoli, ut per hæc hospitati, pacifice bonis terræ sustentarent vitam affluenter.

CAP. III. — *Longobardi regis edictum negligentes, Græcos et Bulgaras invadunt: sed mox ab imperatore convocati, Constantinopolim tendunt.*

Hanc denique in terram venientes, mandatum regis transgressi sunt, nec audierunt ductores et principes exercitus; sed omnia sine modo et sine ratione deprædati sunt, sine aliqua mutatione Bulgaris et Græcis sua auferentes, pecora et volatilia eorum diripientes, quodque nefas est de populo catholico dicere. Quadragesimali tempore et jejuniis ea devorantes. Fregerunt etiam in prædictis locis et civitatibus ipsius pii imperatoris oratoria, propter ambitionem rerum, quæ in eis erant recondita a facie tantæ multitudinis. Item, quod auditu est horrendum, mamillas cujusdam mulieris sua defendentis quidam ex parasitis impie detruncavit. Audita hæc infamia crudeli et devastatione intolerabili, quæ regno Bulgarorum ab his inferebatur, et querimonia suorum, imperator ad prinates et magistratus legionis direxit nuntia, quatenus in his non ultra morarentur regionibus, castellis et civitatibus; sed festinato ad se in civitatem Constantinopolim, quæ caput totius est Græciæ, regia via contenderent. Venerunt ergo ad eandem civitatem Constans-

tiopolim, et ex ipsius regis ordinatione et decreto in littore maris, quod vocant Brachium S. Georgii, ex hac parte tabernacula sua locaverunt in crepidine alvei spatio trium milliarium. Duobus autem mensibus a veris tempore illic consederunt, priusquam aliqua societas de regno Franciæ aut Alemanniæ illis jungeretur: ubi etiam plurimis injuriis, sicuti erant soliti, ipsum imperatorem ad iram et odium commoverunt.

CAP. IV. — *Imperator a Longobardis injuriatus, vendere eos et emere inibi prohibet: illi palatium ejus unanimiter obsident.*

Imperator vero plurimis injuriis sæpius concitatus, timens ne tot ac tantis copiis vis diversarum nationum augetur, et sic audaciores facti, aut avaritia aut aliqua occasione assumpta, insurgentes in civitatem Constantinopolim rebellarent, admonuit eos ne ultra in locis aut littore remanerent, sed quantocius abhinc migrantes, in terminis Cappadociæ et Romanicæ apud portum Civitot et Rufinej hospitati moram facerent, donec ad futuræ legionis et copiarum cum eis simul in unum confluerent. Sed responderunt unanimiter se minime brachium maris transituros, donec ampliores vires tam Francorum quam Alemannorum obtinerent. Audita hac Longobardorum obstinata responsione, nolle eos a statione occupati maris se amovere ante adventum futuræ societatis, imperator illis emendi et vendendi licentiam interdixit; et statim penuria necessariorum vitæ per triduum in populo facta est. Videntes autem Longobardi regis iram, et interdictionem necessariorum vitæ, et sic famis angustiam in populo fieri, subito universi tamen equites quam pedites armis induuntur, et ad portam et muros majoris palatii civitatis in lignibus, unciis ferreis, malleisque conferuntur ad locum qui dicitur ad S. Argenium. Ubi in duobus locis infringentes et intrantes, imprimis juvenem de sanguine ipsius imperatoris peremerunt, deinde leonem domitum, qui erat gratissimus in palatio imperatoris, occiderunt.

CAP. V. — *Imperatore tandem per episcopum Mediolanensium pacificato, Longobardi Constantinopolim relinquentes, Nicomediam applicuerunt civitatem.*

Episcopus vero Mediolanensium, et Albertus comes de Blandraz, et Hugo de Montbeel, et cæteri prudentiores primique exercitus, cognoscentes seditionem hanc pessimam sibi suisque plus nocere quam prodesse, in medio populi exsurgentes, hoc malum ultra fieri prohibuerunt. Tandem, nunc minis nunc blanditiis populum compescentes, quemque in sua remiserunt. Sedata itaque hac lite gravissima, episcopus et comes navigio venerunt ad ipsum imperatorem per brachium maris ejusdem, eo quod milliari et amplius a civitate et regis palatio essent hospitati. Qui confidenter ad eum ingressi, animum illius mitigare et ab ira indignationis revocare conabantur, cum juramento affirmantes se ab hoc facto innoxios, et ab insensatis et incorrigibilibus hominibus hæc mala suscitata et orta fuisse.

Contra imperator præteritarum injuriarum illis molestiam inferebat; deinde contumelias, quas recenter nunc in ejus præsentia fecissent, scilicet in palatii sui destructione, in proximi sui mortificatione, in leonis sui occisione. Sed prædicti principes astuti, et in responsis moderati ac disertis, molestiam animi imperatoris omnibus modis lenire tentabant, primum se cum juramento excusantes, quod minime sua voluntate aut consensu hæc mala sint acta. Tandem imperator humili eorum excusatione placatus, omnia quæ sibi fuerant illata, per intercessionem tantorum principum cum omni benevolentia cordis peregrinis laxavit. Attamen, sicut consilio suorum disposuerat, iterum eos de transitu brachii maris admonebat, adeo de regni sui invasione et impedimento sollicitus, ut magnis muneribus auri, argenti, ostri datis, ac majoribus promissis, apud istos obtinere et impetrare conaretur, quatenus multitudinem hanc redderent voluntariam transeundi brachium maris. His magnis donis et promissis imperatoris corrupti, Albertus de Blandraz nimium ei credens, decem equos cum aliis rebus pretiosis suscepit, sed episcopus solerti providentia omnia hæc sibi oblata refutat, timens ne si exercitus transiret, a Græcis molestatus Turcorum armis occidendus traderetur. Videns autem imperator constantiam episcopi, omnibus modis redit cum eo in concordiam, et ejus petitioni acquiescens, iterato concessit peregrinis vendendi et emendi licentiam. firmato utrinque fœdere pacis conservandæ. Descenderat autem eodem tempore comes Reymundus a Laodicea in civitatem Constantinopolim, qui multum peregrinis in reconciliatione imperatoris profuit, prius et collateralis illi in omni consilio et decreto factus præ omnibus, qui Hierosolymam ascenderunt. Tandem Pascha Domini celebrato, post aliquot dies Longobardi brachium maris transeuntes, ad civitatem Nicomediam pervenerunt.

CAP. VI. — *Conradus, imperator Henrici stabularius, cum nonnullis occidentalis Franciæ principibus Nicodemis Longobardis associatur.*

Conradus similiter, stabularius Henrici tertii Romanorum imperatoris, cum duobus millibus Teutonorum Constantinopolim perveniens, imperatori Alexio notificatus, gratiam in oculis ejus invenit, præ cunctis dilectus et magnificis donis honoratus. Qui et ipse brachio maris trajecto, Longobardorum principibus sociatur. Dehinc Stephanus Blesensium comes, pœnitentia ductus, Hierosolymam reditum parat, Stephanus quoque dux Burgundiæ, Milo etiam de Braio, Wido pariter rufus capite, Hugo et Bardolfus de Breis, Engelradus episcopus de Monte lauduni, Viscones de Firmamento, Reinoldus episcopus de Suessones, Baldwinus de Grandpreit, miles pulcherrius, Ludo de Claromonte, Walbertus castellarium Lauduni. Hi omnes de regno occidentalis Franciæ cum omnibus copiis suis ibidem in civitate et regione Nicomediæ Longobardis associati sunt; et e diversis terris et regionibus profecti, in eandem



olivitatem convenisse, et in ejus finibus moras A fecisse referuntur.

CAP. VII. — *Quod in diebus Pentecostes innumerabilis Christianorum ab urbe Nicomedia exercitus egressus, versus regionem Flaganix iter suum direxit.*

Dehinc appropinquante dies sanctæ Pentecostes de diversis mundi partibus in unum congregati circiter ducenta sexaginta millia, cum filiis et uxoribus plurimorum, cum clericis et monachis et plurima manu inertis vulgi, conductum imperatoris Constantinopolitani quæsiverunt. Qui precibus eorum satisfaciens, comitem S. Ægidii, qui erat ei privatus, cum quingentis Turcopolorum equitibus illis constituit, quatenus ejus conductu et ordinatione iter suum continuantes, provide agerent universa. His ita dispositis, et comite Reymundo consiliario B et ductore exercitus facto, Stephanus Blesensis viam, qua dux Godefridus et Boemundus ac primus incessit exercitus, per terram Nicomediæ et Romanicæ proficisci disposuit; quia sic tutum et prosperum iter illi videbatur et plurimis de societate. Sed Longobardi de multitudine sua confidentes, per montana et regionem Flaganicæ, se ituros in magno dissidio firmaverunt, dicentes se etiam regnum Corrozan vi intrare ac Boemundum de captivitate Turcorum aut extorquere et liberare, aut in virtute sua civitatem Baldach, quæ est caput regni Corrozan, obsidere et destruere, sicque potenter confratrem suum a manibus eripere. Stephanus autem Blesensis, et Reymundus cæterique comprimores intelligentes Longobardorum contentionem sævissimam et nimiam jactantiam liberationem Boemundi, non valentes eos ab errore suo avertere, via, quam petebant, profecti sunt, præcedente ipso comite Reymundo cum Turcopolis, et magno imperatoris apparatu.

CAP. VIII. — *Ubi populus in itinere suo illicito luxuriatur, præsidium Ancras funditus diruens, sata et segetes vicinas Turcorum succidens.*

Tribus dehinc septimanis evolutis, et adhuc in itinere suo prospere et abundanter peregrinis epulantibus, et plurimis de populo illicite luxuriantibus, et multum incesta commistione agentibus, in ipsa vigilia S. Joannis Baptistæ, præcursoris Domini, ventum est ad montes ascensu difficiles et valles profundissimas, deinde ad castellum, quod dicitur Ancrae. Ubi Turcos repertos assilientes, et in assultu usque in medium mane perdurantes, munitionem funditus diruerunt, ducentis ibidem Turcis detruncatis. Sex tamen ex his capitales latitantes, in silentio noctis periculum mortis evaserunt. Hoc itaque castellum militibus imperatoris restituentes, eo quod de regno ejus fuerit, et injusta invasione Turcorum amiserit, profecti sunt ad præsidium Gargara, segetes et omnia sata regionis depopulantes, eo quod præsidio nocere nequiverant propter ejus munitionem, situ et natura locorum validam et insuperabilem. Hoc præsidio illæso et non superato ab universa legione relicto, Turci vehementer lætati sunt, quoniam munitione sua frustra a

Christianis turmis vallata, nunc illæsa et invicta remansit. Ab ea igitur die et deinceps exercitum persecuti, minus sequi valentes præ lassitudine incursabant, et crebra cæde sagittarum mortificabant.

CAP. IX. — *Reymundus comes, donis Turcorum corruptus, exercitum duxit per viam solitudinis: et Christiani per vires agunt custodiam in exercitu*

Pervenerunt deinde Christianorum populi ad plurimas civitates et castella, quorum nomina latent. De quibus Turci dona et multa cibaria mittentes, comitem Reymundum præcedentem et milites imperatoris avertebant. Sic corrupti, per deserta et invia et solitudines locaque arida totum deducebant exercitum, ubi assidue Turcorum insidiæ occurrentes eis, universos de exercitu negligentia aut lassitudine retardatos trucidabant. Perceptis igitur insidiis, et gravissima insecutione et populi contritione, principes exercitus decreverunt retro et ante suæ gentis custodiam fieri, ac Francigenas milites circiter septingentos semper in fronte præire et præcavere; Longobardos similiter ad septingentos, a tergo lassos et subsequentes fratres tueri et expectare. Turci vero comperita Longobardorum custodia post tergum sui exercitus, supra quingentos in arcu et equis conglobati, subito clamore intonantes, eos a tergo incurrerunt, sagittarum grandine velociter vexantes et vulnerantes. Tandem terrore mortis attoniti Longobardi, celeritate equorum in fugam conversi sunt, miseros pedites, et itinere fessos deserentes: quos Turci gravi occisione circiter mille in hac prima custodia peremerunt. Crastina autem die exorta, et crudeli fama attritæ gentis perlata in castra, conturbati sunt omnes primores exercitus, multum Longobardis improperantes quod mollitie et pigritia eorum contritus et imminutus fuerit exercitus; unde alios decreverunt custodes statuere fessi et a longe subsequentis populi; sed nemo se obtulit ad custodiam præter ducem Burgundiæ. Qui cum quingentis loricatis equitibus sic tuebantur exercitum, ut nec unus in custodia suæ diei de populo periret.

CAP. X. — *Turci cum Reymundo prælio decertant, et turmæ Christianorum propter hostes in unum conglobatæ mistim per solitudinem gradiuntur.*

Sequenti vero die post Stephani custodiam, comes Reymundus suæ diei egit custodiam, quem D Turci, ad septingentos in unum collati, nona diei hora in locis arctissimis fortiter concurrentes, cum eo grave prælium in sagittis commiserunt. Sed comes viriliter resistens, non amplius quam tres suorum amisit, præter alios quos gravi sagittarum inflexione ibidem vulneratos. Comes ergo Reymundus videns quia bellum difficile sibi suisque ingruerat, et Turcorum copiæ accrescentes sibi vim inferebant, septem equites veloci cursu remisit ad exercitum, qui jam spatio septem milliarium præcesserat, quatenus sibi aliqua manus mitteretur quæ sibi suisque nimium et diu angustiatas ab hostium impugnatione subveniret. Audita hac comi-



tis legatione, decem millia equitum in momento sequestrati, loriceis induti, galeis operti, olypeis pectori obductis, eadem die viam romensi sunt ad ferendum comiti auxilium, existimantes omnes Turcorum copias convenisse. Turci ad hæc septingenti, visa comitis constantia, et reversæ multitudinis audaci succursu, fugam velociter arripuerunt, in montanis se abscondentes. Ab illa denique die commistis copiis, Reymundus et universi ductores et capitanei decem millium cum omni manu equitum, et comitatu fatigatorum peditum, ad multitudinem exercitus redeuntes convenerunt: qui deinceps dividi, aut ullatenus aliquibus in locis spatari, nulla fiducia præsumperunt, propter assiduos Turcorum assultus et nimias illorum copias.

CAP. XI. — *Qualiter exercitus in solitudine quindecim diebus vagando, sitis et inediæ miseriis pertulerit gravissima.*

Dehinc per quindecim continuas dies viam suam continuantes, amplius in solitudines et loca inhabitabilia et horroris, per montana asperrima incedebant: ubi nihil reperientes, non hominem, non pecudem, gravi fame cæperunt coarctari, quin aurum nulli prodesse poterat nec argentum; quia nullius generis esca reperiebatur, quæ pretio posset mutuari. Si qui vero de Provincialibus præcurrebant, quingenti iniquam seu ducenti vel trecenti ad investigandos cibos, circumventi a Turcis, in momento occidebantur, quos subsequens exercitus quotidie detruncatos reperisse perhibetur. Hæc enim Provincialium gens amplius prædæ et rapinis inhiabat præ omnibus, et ideo ampliori casu præ cæteris periclitabatur. Tantum divitibus et magnificis viris, qui vehiculis a portu Civitot et a Nicomedia civitate farinam, penes, carnes siccas vel baccones attulerant, sustentatio vitæ erat; cæteros gravis inopia frondes, cortices arborum ac radices herbarum corrodere, et sic ventrem implere cogebat.

CAP. XII. — *De mille peditibus Christianorum, qui in valle hordeum colligentes, circumventi sunt et combusti igne Turcorum*

Hac arotati inopia, mille pedites de exercitu in confinio civitatis, Constamnes nomine, explorato novello hordeo, sed nondum maturo, eadem tamen onusti annona, in quamdam vallem descendentes de arbustis et myricis ignem suscitaverunt, ipsa grana immaturi hordei flammis exusta et torrida de culmis excutere ac implendos ventres statuentes. Similiter pomula cujusdam miri et inauditi generis, fructum amarum quorundam frutetorum, ibidem in desertis reperta et collecta, ad mitigandam famem coquere didicerunt; sed pro palati a crudelibus Turcis martyrio coronati sunt. Nam, cum ad eos præ difficultate locorum, vallium et montium nullus hostium pateret accessus, nec ulla esset facultas aut ars in sagittis nocendi, copioso igne ex ramis frutetorum et arida materia herbarum suscitato, vallem circumquaque impleverunt, ex quo mille homines perusti sunt. Tam atroci fama combustionis et perditionis catholice

A legionis in castris divulgata, exterriti sunt universi principes Christianorum. Unde ab illo die sex diebus continuis semper in unum conglobati, sic iter suum moderati sunt, ut pedites inter equites ad omne periculum et defensionem pariter adesse viderentur.

CAP. XIII. — *Turci in viginti millibus cum ducibus suis, Donimano et Solymano, cum Christianis dimicantes, ad septingentos corruerunt.*

Igitur sex dies completi sunt, et ecce Turci Donimanus, Solymanus, Carageth, Brodoan de Alippa, et a montanis Flaganæ, et omni regno Antiochiæ, cum viginti millibus, viris sagittariis in arcu corneo et osseo obviam Christianorum turmis adfuerunt. Qui omnem rem et angustias illorum explorantes, sexta eos feria bello aggredi statuerunt. Superavit enim eadem die exercitus fidelium Christi angustias et laboriosas fauces Flaganæ, et in planitie campestri applicantes, ejusdem diei, scilicet feriæ sextæ, hora nona ad quiescendum castra posuerunt. Et ecce Turci appropinquantes, et more suo altis vocibus inclamantes, totum coronaverunt exercitum et utrinque grave prælium commiserunt. Interdum Turci in castra repentino impetu advolantes, et Christianos milites lacessentes, sagittis eos confixerunt: interdum Galli et Longobardi, licet fessi et itinere gravati, exsurgentes et adversus tot creberrimos assultus indignantes, frequenter eos remittebant, quousque septingenti Turcorum corruerunt; Christianorum vero nulli percussi sunt: nam in unum conglobatos nequaquam irrumpere et dispergere ea die Turci potuerunt. Turci autem videntes, se nihil hac die in cæde Christianorum proficere, sed plurimos suorum cecidisse, tristes ac dolentes in castra sua, vespere terras operiente, regressi sunt. Similiter et Christianus exercitus hac nocte statutis vigiliis et custodia in circuitu castrorum, omni bellorum turbine sedato quievit.

CAP. XIV. — *Ubi Christiani quoddam præsidium Turcorum comminuerunt, sed insidiis eorum excepti, ad septingentos perierunt.*

Sequenti vero die Sabbati tria millia exercitus Christianorum, et principes eorum Conradus et Bruno filius sororis ejus, cæterique viri fortissimi e castris et planitie exeuntes, et in regionem civitatis Marecsb applicantes, jam sui itineris milliaribus duobus peractis, præsidium quoddam Turcorum assilierunt? quod frustra a Turcis defensum sine aliqua mora comminuentes, omnia vitæ necessaria quæ in eo erant diripuerunt, et Turcos inibi repositos in ore gladii percusserunt. Hoc prospero successu Christiani gaudentes, et spolia Turcorum gaudia et multa ad tentoria secum deferentes, per quasdam montium fauces asperrimas et scopulosas descendunt. Ubi insidiis Turcorum circumventi et sagittis lacessiti ac confixi, parum repugnantes præ lassitudine et opere prædarum angustiaque locorum, ad septingentos perierunt, spolia omnia et prædæ Turcorum, licet inviti, illic relinquentes. Hi vero, qui ab eorum manu evaserunt, singulatim et sparsim sicut victi et attriti, vespere ad castra relati sunt tristes,

et dolentes. Et ea die ultra, ab omni assultu exercitus lugens de casu suorum, in tentoriis requievit. Similiter Dominica die tam Turci quam Christiani ab omni infestatione et belli turbine cessaverunt.

CAP. XIV. — *Episcopus Mediolanensium omnem exercitum ad confessionem delictorum suorum cohortatur, et universa multitudo ad bellandos hostes in quinque acies cum ducibus suis ordinatur.*

Secunda autem feria jam primo sole radiante, episcopus Mediolanensium in medio exercitus exurgens, divino tactus spiritu, hac die bellum adfuturum prædixit, et sermonem ad populum Dei viventis faciens, omnes ad confessionem delictorum venire admovit, quos in nomine Jesu apostolica potestate a peccatorum nexibus absolvit, universos post datam indulgentiam brachio B. Ambrosii Mediolanensis episcopi sanctificans et benedicens; quin et lancea Dominica, quam Reymundus secum attulerat, est aucta ad sanctificandum et benedendum populum. Post hanc benedictionem, et suæ puritatis confessionem, Stephanus dux Burgundiæ, miles clarissimus, ex suo populo sibi aciem constituit; Reymundus Turcopolos et Provinciales in sua acie retinuit. Conradus vero, stabularius imperatoris Henrici III Alemanos, Saxones, Bojoarios, Lotharingos et universos Teutonicos in aciem sibi ascivit. Episcopus Lauduni, Engelradus, Milo, Wido, Hugo, Bardolfus de Breis, Walbertus de civitate Lauduni, omnes hi ex manu Francigenarum aciem ordinarent. Episcopus vero Mediolanensis, Albertus de Blandraz, Wido frater illius, Otho de Altaspata, Hugo de Montbeel, Wigbertus de Parma et universi Longobardi equites et pedites densissimam sibi aciem composuerunt. His vero aciebus sic ordinatis, Longobardi in fronte constituti sunt, eo quod illorum copiam intolerabiles haberentur, ut adversus Turcorum acies, quæ illis vicinæ erant, fixæ et impenetrabiles facie ad faciem obstantes, eas oppugnarent. Deinde singulæ acies Christianorum usquequaque a dextris et sinistris positæ, singulis gentiliū aciebus obstabant, sæpius eos in fugam remittentes, et sæpius adversus eos bellum iterantes. Sed Turci callidi et prælio docti, post aliquantulum fugæ subito frenâ rejicientes ac sagittarum grandine remordentes, gravi vulnere tam homines quam equos perimebant.

CAP. XVI. — *Longobardi, in prima fronte pugnantes, deficiunt, post quos reliquæ acies cum ducibus fugientes, diffugiunt.*

Longobardi igitur, qui in prima fronte constituti erant, graviter et diu cum Turcis comiserunt prælium. Sed Albertus ductor eorum, post nimiam et longam reluctatioem pondus belli suffere non valens, et præcipue equorum defectione, qui fame attenuati nihil poterant, cum signo belli quod dextra ferebat, fugam iniiit: et sic tota illa Longobardorum adunatio eum ducibus et principibus suis in fugam usque in tentoria remissa est. Conradus vero, miles imperterritus, videns bellum ingravescere, et Longobardos deficere ac fusam inire, repente advolans, cum sua acie irrupit, Turcos expugnans et dissipans a

A prima hora diei usque post meridiem. Tum tandem victus præ nimia jaculorum assiduitate, fugam arripuit cum manu diu fama macerata et viribus exhausta, et ipse in tentoria reversus est. Stephanus item cum Burgundionibus volens subvenire attritis et fugitivis, fratribus, cum sua acie irruens vehementer hostes expugnabat. Sed ad ultimum post longam contentionem cum omnibus suis terga vertit, innumerabili multitudine suorum ibidem occisus et a Turcorum armis extinctus, et simili fuga ad tentoria repedavit. Stephanus vero Blesensis respiciens omnia tam Longobardis quam Gallis verti in malum, cum omnibus Francigenis qui in sua erant acie, ad subveniendum fratribus et Turcos reprimendos advolat, ac bellum committere usque ad vesperum non abstinuit. Tandem Turcorum manu intollerabili sagittis et arcu osseo invalescente, comes Blesensis victus et attritus, simili fuga qua et socii in castra relatus est, multis nobilibus viris de comitatu ejus, victis et extinctis. Ceciderunt in ejus acie viri illustrissimi, Baldewinus de Gantpreit, Dudon de Claromonte, Wigbertus de Monte Lauduni, custos et defensor ejusdem civitatis, Dei amicus, miles ferocissimus, corpore altus, et plurimi potentes ac primi exercitus, quorum nomina omnia scire et investigare nequimus. Comes vero Reymundus cum militibus imperatoris Turcopolis et suis Provincialibus cuneis socios relevare in eodem certamine festinans, multos Turcorum repente prostravit. Sed dehinc nimium casu adversante, multis suorum prostratis ac sagittis imminutis, bellum Turcorum nimis invaluit, donec tota manus Turcopolorum exterrita, et fuga dilapsa ad loca tabernaculorum divertit, comitem in mediis periculis deserens, cujus Provinciales milites fere omnes detruncati sunt.

CAP. XVII. — *Reymundus comes prælio victus, versus montana fugiens cum decem militibus, silicem quamdam præcelsam occupat: de qua per socios liberatus, media nocte cum suis omnibus fugam iniiit.*

Videns ergo comes fugam Turcopolorum et casum irrecuperabilem suorum, non ultra in mortis periculo sibi imminente remanens, sed vix ab armis effugiens, versus montana et per angusta loca declinans, in summitate cujusdam præcelsi silicis ascensu difficili astitit cum decem tantum sociis de quo, quantum poterat, Turcis insequentibus et eum obsidentibus, resistere cum suis conabatur. Regressis itaque omnibus ad tentoria, qui Turcorum arma effugerant, Stephanus, comes Blesensis de omnibus primoribus requisivit qui a bello redissent aut armis occubuissent: cui statim innotuit Reymundum in summitate silicis fecisse diffugium, et nisi sibi subveniretur, nunquam eum manus Turcorum posse evadere. Ad hæc Stephanus comes, ducentis sociis in lorica et galca readunatis, Reymundum ab invasione Turcorum liberare festinans, Turcis fugatis, qui eum insecuti fuerant, et ad triginta viris repente attritis, comitem salvum de silice recepit, et inco-

lumen ad tentoria reduxit. Victis et attritis Christianorum fortissimis aciebus, et usque ad tentoria de crudeli prælio effugatis, Turci victores cum spoliis Gallorum et Longobardorum pariter in sua castra sunt regressi, vix duobus milliariibus a mansione Christianorum, satis tamen luctuosam et cruentam victoriam hac die obtinentes. Ceciderunt enim societatis eorum tria milia virorum pugnatorum in eodem prælio quo Christiani milites delictorum suorum pondere impediti, divino iudicio traditi sunt incredulis viris et impiis ad puniendum. Eadem vero nocte qua comes Raymundus a cacumine silicis et Turcorum obsidione, subveniente Stephano Blezensi ac Conrado stabulario, liberatus et reductus est in castra ad confratres, cœperunt focos et victus necessarios universi parare, qui a cæde et bello in tabernaacula confugerant; ligna quoque et sarmenta ad coquendos cibos componere, quibus fessa et jejunia corpora recrearent. Et ecce, primo noctis facto silentio, idem comes Reymundus, nescio qua formidine correptus et vitæ diffusus, cum omnibus suis et cunctis Turcopolis imperatoris, equos frenis ac sellis stravit, fugamque iniit, ac tota nocte illa fugiendo, iter per montana et invia loca accelerans, ad castellum imperatoris, Pulveral nomine, venisse perhibetur.

CAP. XVIII. — *Post fugam Reymundi universi duces exercitus, cum reliqua multitudine tentoriis et uxoribus suis in via delictis, celerem fugam arripiunt.*

Igitur hac illius fuga cognita, et in populo divulgata, universos tantus metus invasit, ut nec unus de principibus remaneret, sed omnes vitæ diffidentes diffugium maturarent, magni et parvi, nobiles et ignobiles, usque ad Synoplum imperatoris præsidium, ignorantes quod et Turcorum corda non minus formido fugiendi sollicitabat. Tentoria autem et omnem apparatus suum Christiani cum omnibus vehiculis, cum uxoribus teneris et charissimis, cum omni suppellectile, qua tot nobiles et tam magnus indigebat exercitus, reliquerunt. Nec mora, per exploratores fama tam subitæ fugæ ad aures Turcorum pervenit, qui non longe post contritionem Christianorum, et acceptam victoriam, sua etiam in castra recesserant, ut et ipsi ea nocte cibi et somno sua refoverent membra, in cæde catholicorum militum fessa et gravata.

CAP. XIX. — *Quomodo Turci fugientium tentoria diriperint, et uxores eorum quasdam jugularint, quasdam captivarint.*

Turci quidem hæc audientes et continuo exsurgentes, omnibus suis in tubis et buccinis expegefactis et convocatis, sicut sunt viri semper vigiles in cæde inimicorum, primo diluculo adfuerunt in tentoriis Christianorum. Ubi mulieres nobilissimas et matronas egregias, tam Gallorum quam Longobardorum crudeliter aggressi, impie raptas et vinculas tenuerunt, in barbaras nationes et ignotam linguam, supra mille transmittentes, ac si pecora muta deprædati essent, et perpetuo exilio in ter-

ram Corrozan quasi in carcere et conclavi eas constituentes; cæteras aliquantulum provecæ ætatis gladio interemerunt. Terra autem et regnum Corrozan sic montanis et aquarum paludibus clausum est, ut quicumque captivi illuc semel intraverint, non ultra hinc magis quam pecus a cavea exire valeant, nisi licentia et permissione Turcorum. Ah quantus dolor! quantæ illic videri poterant miseræ! ubi tam tenerrimæ et nobilissimæ matronæ ab impiis et horridis hominibus in prædam raptæ et abductæ sunt: quorum capita ante et retro, a dextris et sinistris, in modum colli rasa sunt; et quorum rari capilli, ab his quatuor collis dependentes, intonsa coma perhorrescunt, cum barba etiam intonsa et proluxa, et qui solum tetrus et immundis spiritibus similes esse in suo habitu referuntur. Vere non modicus dolor illic erat, non parvus timor delicatas matronas invaserat, non parvi femine ululatus auditi sunt in castris, ubi dulces earum mariti alii occisi, alii fugitivi, ultima necessitate compulsi, miseræ ac desolatas inter manus percussorum reliquerunt. Aliæ illicita et fœda commistione vicissim vexatæ, et post plurimam vexationem decollatæ sunt; aliæ bilari vultu et decora facie oculis eorum placentes, in barbaras nationes ut diximus, transmissæ sunt.

CAP. XX. — *Quod post deprædationem mulierum Turci fugientes Christianos insecuti, diversa eos cæde laceraverint, plurima eorum spolia in itinere relicta colligentes.*

Repertis itaque et captis tot honestis mulieribus in tentoriis fugientium Christianorum, Turci celeritate equorum insecuti sunt tam equites quam pedites, tam clericos quam monachos et totum femineum sexum, qui fuga evaserant de castris: quos non aliter gladio metebant, quam messor, qui falce maturas segetes metere solet. Nulli ætati aut ordini parcebant; solos juvenes imberbes, viros militariis officii, captivabant, quos etiam in exilio cum matronis honorificis Corrozan abduci destinabant. Pecuniam quidem inauditam a fugitivis et lassis medio itinere relictam sustulerunt; ad hæc molles vestes, pelliceos varios, grisios, harmelinos, mardinos, ostra innumerabilia auro texta, miri decoris, operis et coloris, equos quoque et mulos, plus quam numero vel littera alicujus referri possit: quæ omnia tandem illis tædio fuerunt asportare.

CAP. XXI. — *Quod Christiani exercitus centum et sexaginta millia siti ac famæ, fuga et sanguine a Turcis in bello occisa sunt.*

Terra autem et montana, ut aiunt pro vero, qui hæc oculis viderunt, et vix illio iudicium mortis evaserunt, byzantiis, auro incommutabili, argento inestimabili et denariorum dispersione sic operta erant in contritione et fugatam magni exercitus, ut amplius tribus milliariibus super aurum, gemmas, vasa argentea et aurea, ostra mirifica et pretiosa, vestesque subtiles ac sericas, incedere fugientes et persequentes viderentur. Sanguine vero occisorum tota via defluebat. Nec mirum; quoniam supra centum

et sexaginta millia illicin gladio et sagitta ferocium Turcorum ceciderunt : facile ab hostibus superati ac detruncati præ fame diuturna, qua nimium afflicti et viribus exhausti, nulla virtute resistere potuerunt. Tanta enim illis fames in desertis Flaganie incubuit, ut corium bovis viginti solidis emeretur ; paniculus, qui palmo concludi poterat, tribus solidis Lucensis monetæ venderetur ; cadaver equi, muli, æsini, sex marcis appetiaretur. In hac fuga sævissima duo probi equites de populo Stephani Blesensis, dum viam maturarent a facie Turcorum insequentium, quidam cervus ex adverso de montanis clamore et tumultu Turcorum et Christianorum attonitus eis occurrit, impedimentum illis viæ factus : trans quem ambo casu corruentes, in momento ab hostibus decollati sunt.

CAP. XXII. — *Qualiter residuus Christianorum populus vagus et profugus cum ducibus suis Constantinopolim repedaverit.*

igitur exercitus sic attritus et profugus equo vel mulo evadere festinans, ad civitatem Synoplum, quam milites imperatoris tuebantur, sparsim fugiendo pervenit ; et sic semper fugiens, usque ad regiam urbem Constantinopolim partim reversus est. Stephanus autem dux Burgundie, Stephanus Blesensis, Conradus stabularius imperatoris Romanorum, episcopus Mediolanensis, episcopus Lauduni, episcopus de Suessones, Wido Rufus, Hugo, Bardolfus et cæteri comprimores, et universi qui gravissima Turcorum arma poterant effugere, Constantinopolim, per montana et invia fugientes regressi sunt. Comes vero Reymundus per abrupta montium et ima convallium Synoplum cum Turcopolis imperatoris Græciæ, omnibus sociis et principibus prætermisissis, ingrediens pernoctavit, et die crastina navem ascendens, per mare Constantinopolim advectus est.

CAP. XXIII. — *De quadringentis Christianis qui Turcos insequentes evaserunt, et de aliis mille militibus qui, in regressione Turcorum, gladiis eorum jugulati ceciderunt.*

Interea tantillum exercitus, quod remanserat, dispersæ videlicet Christianorum reliquie, dum vestigia comitis Reymundi et cæterorum eadem via tenerent, et ad quadringentos a diversa fuga in unum colligerentur, Solymanus, Donimanus, Balas de Sororgia nondum cæde satiati, a tertia feria usque in quartam eos persequuntur, eodem tramite quo tendebant post principes fugitivos ad Synoplum, ut eos detruncarent et captivarent. Sed nimium prolongatos ultra persequi non audentes propter vires et civitatem imperatoris reversi sunt. Revertentes vero de dispersis et retardatis, qui eis obviam fuere, eadem die mille amputatis collis sparsim peremerunt. Ubi impiis tyrannis vir nobilis Eraldus obviam factus, sagitta illorum occubuit, ortus de civitate Cadelim. Engelradus pariter de eadem patria, Dudo miles egregius, Arnoldus, filius villici, Walterus de Castelens, et plurimi potentis-

A simi milites, quibus equorum cursus minime prodesset poterat, eisdem carnificibus obviam facti, sagittis occisi sunt.

CAP. XXIV. — *Quomodo duces ac comites exercitus dispersi, ad se Constantinopolim fugientes, imperator benigne suscepit : et quod Reymundo infestus, postea eidem amicus extiterit, et quod ibi Mediolanensis episcopus obierit.*

Comes vero de S. Egidio et cæteri comprimores Constantinopolim ingressi, a domino imperatore benigne suscepti sunt. Sed adversus Reymundum cepit aliquantulum indignari, eo quod a cæteris sociis, Stephano et Conrado, fugiendo substractus sit et alienatus. Qui, occasione assumpta, respondit hæc ideo se fecisse, quoniam timuisset, ne in eum insurgerent, eo quod primus fugam cum Turcopolis a castris inierit ; et quia eum in dolo, et ex consilio imperatoris, fugisse existimassent. Dehinc in brevi imperatoris indignatione cessante, misertus est universorum, et cunctis opibus spoliatus et vacuos magnificis donis in auro, argento, armis, equis, mulis et vestibus relevavit ; et toto autumni et hiemis tempore universos secum habitare et refocillare concessit in omni affluentia et largitate rerum necessariorum. His itaque morem illic facientibus, episcopus Mediolanensis vita discessit, cui episcopi et universi fideles catholicas exsequias exhibuerunt.

CAP. XXV. — *Qualiter eodem tempore nobilissimus princeps Wilhelmus, de regno occidentalis Franciæ egressus, quindecim millibus peditum adjunctis, per aridam Bulgariam descenderit.*

Eodem quoque tempore, et anno primo regni Baldewini regis, comes et princeps potentissimus de civitate Ninive, quod vulgo dicitur Navers, Wilhelmus nomine de terra et regno occidentalis Franciæ egrediens, et iter per Italiam faciens, ad portum, qui vocatur Brandiz, navigio alto mari inventus est cum quindecim millibus equitum et peditum virorum pugnatorum, absque sexu femineo innumerabili, et ad civitatem nomine Vallona secessit. Ubi in arido restitutus, ad civitatem Saloniam, sitam in regione Macedonia et terra Bulgarorum, descendit, pacifice hospitio susceptus ab incolis in omni justitia et benignitate ; furto, rapina, præda et injusta contentione sub iudicio mortis interdicta, ne imperatoris Constantinopolitani terram aliqua injuria exercitus, sicut paulo ante Longobardi, suscitant.

CAP. XXVI. — *Quod idem comes cum omni apparatu suo Constantinopolim veniens, susceptus ab imperatore donariis multis sit honoratus.*

Deinde post plurimum itineris et diversa hospitia idem egregius comes cum omni manu et apparatu suo Constantinopolim profectus, ab imperatore benigne et honorifice susceptus, in littore maris S. Georgii tentoria sua ponere ad hospitandum extra muros civitatis jussus est. Post tres deinde dies ex præcepto imperatoris comes et totus exercitus bra-

obium maris trajecit, et ad columnam marmoream, quæ in summitate arietem obtinet deauratam, non longe a brachio malis tentoriis fixis, per quatuordecim dies, qui sunt circa natalem B. Joannis Baptistæ, illic moram fecit; et per singulos dies imperatori navigio præsentatus, non paucis muneribus ab eo honoratus et commendatus redibat; peregrinis vero et humili populo cujusdam generis monetam quam vocant Tartaron, ad sustentationem vitæ sæpius idem imperator mittebat.

**CAP. XXVII.** *Quomodo comes et exercitus ejus Constantinopolim relinquentes, ad Stanconam, civitatem Turcorum, pervenerint.*

Denique post B. Joannis nativitatem Civitot profecti sunt. Ubi non diu moram facientes, relicto itinere, quod ducis Godefridi et Boemundi prior incessit exercitus, saltus densissimos itinere duorum dierum perambulantes. Ancras pervenerunt, ad eandem videlicet, quam comes Reymundus et manus Longobardorum recenter expugnaverunt, Turcis in ea repertis decollatis, volentes exercitui Longobardorum, modico intervallo præmisso, admistis armis et copiis sociari. Per diem autem unum illic in prædictæ civitatis loco moram facientes, et nequaquam Longobardorum societatem assequi valentes: qui per Flaganium iter continuabant; a sinistris illos relinquentes, a dextris viam arripiunt, quæ ducit ad civitatem Stanconam, in ea aliquandiu moram habituri, et de eventu Longobardorum audituri aliquid.

**CAP. XXVIII.** — *Ubi Turci eis occurrentes, bello eos vexabant, comitem unum Longobardorum sagitta perimentes.*

Ad hæc, cum nondum civitati appropinquassent, Solymanus et Donimanus cum copiis et armis Turcorum, a recenti cæde Longobardorum vix diebus octo peractis, reversi, et comitis de Navers subsecutione comperta, festinato per notas semitas collium et vallium accelerantes illic occurrerunt; ac sagittis crudeliter assilientes, per triduum exercitum, ante et retro positis insidiis, bello gravissimo et acerbis plagis fatigabant. Sed nondum in his locis obtinere victoriam, licet plurimæ copię peregrinorum incaute et lento gressu prælassitudine subsequentes, creberrimo assultu ceciderunt; et quidam Henricus, genere Longobardus, comes sua in terra magnificus, inter socios sagitta transfixus obiit.

**CAP. XXIX.** — *Christiani Turcis resistentes, et Stanconam frustra oppugnantes, Reclæ urbem applicuerunt, ubi siti æstuantes ad trecentos perierunt.*

Nam Christiani milites viriliter adhuc resistentes Turcis, plurimos perimebant, alios in fugam sæpius remittebant; et facile quidem remittere poterant, cum nondum illis aquæ penuria fuisset, nec equorum virtus defecisset. Sic tandem Christiani milites in itinere a plurima Turcorum infestatione defensi, Stanconam pervenerunt. Ubi Turcorum custodiam et vires in præsidio reperientes, mœnia fortiter assiliunt, et dum hostes ab intus pro anima eis

**A** resistunt, utrinque plurimi occisi sunt. Nihil autem in hac præsidii oppugnatione proficientes, castra hinc amovescentes, ad civitatem Reclæ applicuerunt. Ubi triduo siti adeo intolerabili oppressus elanguit exercitus, ut supra trecentos extincti morte gravissima illic periclitarentur; cæteri vero viventes viribus exhausti, et necessariorum defectione infirmati, parum ad resistendum valerent. Hæc sitis intolerantia anxiiati, quidam ex sociis supercaoumen præcelsæ rupis gradientes constituerunt, si forte alicubi aquam specularentur. Sed tantum ab hæc civitatem vacuum habitatoribus et dirutam prospexerunt, aquam in ea esse existimantes; quæ minime reperta est: nam cisternæ et putei ipsius a Turcis recenter subversi erant et obruti.

**B CAP. XXX.** — *Turci cum Christianis decertantes, victum fugientemque Willhelmum insecuti sunt; et de juga Roberti et alterius Willhelmi.*

Turci autem post paululum temporis comperientes exercitum jam sitis gravi passione defectum, et parum posse resistere, extemplo eos insecuti, sagittis aggressi sunt per diem integram prælium grave hinc et hinc committentes; et utrinque in gladio, arcu et lancea corruentes, totam latissimam vallem sanguine suo repleverunt, ac densis corporibus occisorum, virorum ac mulierum, terra regionis hujus occupata est. Tandem hoc ingruente sævissimo bello, et Christianorum virtute siti debilitata, et ideo minus valente et resistente, Turcorum ferocitas exaltata cœpit invalescere, et Christianos victos atrociter in fugam cogere. Comitem quidem jam victum, ac de bello fugientem, usque ad civitatem Germanicoplam insecuti sunt. Robertus vero, frater ejusdem comitis, et Willhelmus de civitate Nonanta, qui signifer erat exercitus, et primus terga vertit, una cum omnibus equitibus a Turcorum armis elapsus, ad prædictam civitatem Germanicoplam fugam facientes pervenerunt, miseros peditas inter manus ferocium hostium relinquentes.

**CAP. XXXI.** — *Quomodo post fugam ducis Turci residuos Christianos occiderint uxores eorum captivantes.*

**D** Turci autem fugam gentis Christianæ et suorum principum videntes, crudeli cæde furescunt in populo et toto Christianorum comitatu, quorum solummodo septingenti per abrupta montium et silvarum densitatem fugientes, vitæ reservati sunt. Post hanc Turcorum victoriam et Christianorum stragem luctuosam, uxores militum Christi ad mille captivæ, et ab horridis hostibus abductæ sunt in terram ignotam et alienam. Equi vero et muli, argentum et aurum, vestes cujusque generis pretiosissimæ direptæ et asportatæ, terram et regnum Corrozan divitiis nimis et spoliis auxerunt et impleverunt. Acta sunt crudelissima hæc bella, et sævissimæ strages Christianorum in mense Augusto, quando calore solis et sitis intolerantia æstas gravior fieri solet.

CAP. XXXII. — *Qualiter Willhelmus comes a Turcopolis deceptus, cum magno discrimine Antiochiam pervenerit.*

Comes igitur de Navers, qui vix periculum mortis evaserat, adhuc aliquid de opibus et stipendiis suis, a manibus Turcorum fugiendo, retinuerat, et vix ad civitatem Germanicopolam declinaverat. Is duodecim Turcopolis milites imperatoris Græciæ, inibi ad tuenda mœnia constitutos, multa prece et plurima mercede collata, ductores viæ acquisivit ejus, quæ ducit ad castellum S. Andreæ ex hac parte civitatis Antiochiæ; videlicet ut sic per Antiochiam transiens, iter suum continuaret Jerusalem. Verum Turcopoli, viri perfidi, minime illi fidem servaverunt; sed avaritia excæcati, comitem et socios ejus rebus expoliaverunt, nudos et pedites eos relinquentes in loco deserto et invio, et acceptis spoliis Germanicopolam per notas semitas repedantes. Comes vero tristis et dolens, et præcipue Christiani exercitus contritione anxius, viam, sicut devoverat, sub paupere et vili tegmine, patienter omnia adversa accipiens, perfecit, et in diversis angustiis tandem Antiochiam pervenit.

CAP. XXXIII. — *Tankradus, novus princeps Antiochiæ, Willhelmo profugum remunerat.*

Tankradus autem post captivitatem Boemundi princeps Antiochiæ factus, eundem comitem, virum nobilissimum, sic ab impiis Turcis attritum et rebus destitutum ingemiscens, optimis et honorificis renovavit vestibus, et magnificis eum in equis et mulis ditavit muneribus, per aliquot dies secum retinens, dum membra, siti, jejunio, vigiliis, lassitudine viarum, squalida et exhausta, bonis terra in vino, oleo et carniis dulcedine abundanter refoveret; et post hæc alleviata molestia et amaritudine animæ et corporis, viam in Jerusalem, sicut devoverat, expectatis ibidem et relictis aliquibus de dispersis sodalibus tempore veris insisteret.

CAP. XXXIV. — *Quomodo Willhelmus, princeps Pictaviæ, et Welfo dux Bawariorum, et Ida comitissa, cum militia Bulgarum intraverint.*

Modico dehinc intervallo, dierum scilicet octo, post hanc recentem stragem, Willhelmus comes et princeps Pictaviensium, de sanguine Henrici III imperatoris Romani pacifice transitu regno Hungarorum, cum duce Bawariorum Welfone, et cum comitissa nobili, nomine Ida, de marchia Oisterrich, in ingenti manu equitum et peditum et feminei sexus supra centum et sexaginta millia, in apparatu copioso terram Bulgarorum est ingressus. Ubi, sicut facile fit ab indomito et incorrigibili populo, discordia exorta, et duce Bulgarorum, Guz nomine, variis injuriis molestato, ad urbem Adrianopolim, inexpugnatus in virtute suorum, descendit. Sed eis pons, qui ducit in civitatem, a duce præoccupatus et interdictus est.

CAP. XXXV. — *Quod in prælio pontis Rudolfus obiit, et quod dux Bulgarorum se dedit.*

Quapropter hinc Pindenariis, et cæteris militibus Germanicis de regno imperatoris, graviter pontem

A in arcu et sagitta probibentibus, Christianis vero pontem transire non minus contendentibus, adeo crudele utrinque commissum est prælium, ut Rudolfus, vir magnæ nobilitatis, de Scogonges ortus, cognatus ipsius Willhelmi principis, illic sagitta percussus, interiret; Hartwigus de Sancto Medardo captus teneretur, et plurimi, quos singulatim longum esset narrare. Illic siquidem in eodem prælio, dum hinc et hinc varia et ingenti contritione diversus fieret eventus, contigit ipsum ducem Bulgarorum in manus Willhelmi et suorum incidere et teneri captivum: donec ipsa die hinc et hinc habitis consiliis, in concordiam universi redierunt; captivis quoque restitutis, Pincenarii et Comanitiæ sedati sunt.

CAP. XXXVI. — *Bulgarorum duce placato, Willhelmus Constantinopolim rediens, ab imperatore donis sublimatus est.*

B Post hæc concordia, placato duce et suis, in tantum processit, ut non solum dux Christianis peregrinis per pontem pacifice transitum concederet, licentiam emendi necessaria non negaret; sed etiam conductum omnibus usque ad Constantinopolim attribueret sine dolo et aliquo impedimento. In hac civitate idem princeps Willhelmus, Welfo dux, et Ida comitissa quinque hebdomadarum curriculo commorantes, domino Alexio imperatori innotuerunt cum omni voto, quod devoverant in Jerusalem; et idcirco fidei sacramento sibi astrieti, plurima necessariarum rerum dona, et licentiam emendi necessaria, suscipere meruerunt.

CAP. XXXVII. — *Exercitu Willhelmi Stanconam urbem veniente, Turci fontes et cisternas obstruunt.*

C Post hæc messis tempore imminente, brachium maris S. Georgii ex jussione et suasionem imperatoris navigio superantes, in terram civitatis Nicomedis descendunt et itersuum continuantes per amœna loca, quibus hæc abundat regio, tentoria locaverunt duobus ibi diebus moram facientes. Inde vero profecti Stanconam secesserunt, ubi ex longo itinere necessariis vitæ consumptis, gravi inedia, tum siti intolerabili affecti, tam homines quam jumenta infirmati sunt. Nec mirum. Nam universas segetes, a facie hujus multitudinis. Turci, via anticipata, combusserant; puteos, cisternas, fontes obstruxerant, ut sic ultima necessitate famis et sitis attenuati, facili bello superarentur.

CAP. XXXVIII. — *Willhelmus et Welfo cum duobus Turcorum ante urbem Reclæ præliantur et Christiani fugam ineunt.*

Videntes itaque Willhelmus et Welfo, et sui comitales has Turcorum nequitas et dolos, urbes, quæ de eorum erant potestate, scilicet Phinimum et Salamiam, assilientes plurimo conatu stragis diruerunt; sed et omnia loca circumquaque illis subdita vastare minime perceperunt. Abhinc civitatem Reclæ, ubi fluvius torrens, diu et longo desiderio optatus, cunctis sufficeret descenderunt. Sed Solymanus, Donimanus, Carati, Agunich, principes Turcorum, cum infinitis copiis et armis in occursum ex improvise peregrinis hiæ incautis adfuerunt al-

tero ex littore, homines, equos et omnia jumenta aduari in arcu et sagittarum grandine prohibentes, dum a longe fatigati et sic exhausti Christiani ultra vim sufferre non potuerunt. Unde unanimiter post plurimam et diutinam sævissimamque contentionem, quæ ex littore utroque palustri et profundo fiebat, universi Christiani fugam arripientes, strage inaudita ab impiis persecutoribus attriti sunt. Quidam autem æstimantes tam crudele martyrium evadere, divisi a multitudine quoddam in pratam concedentes, feno latere et abscondi quærebant: sed nequaquam vitæ reservati. ad trecentos ibidem sagittis confixi interierunt.

CAP. XXXIX. — *De fuga Arvernensis episcopi et ducis Welfonis, et de interitu Idæ comitissæ.*

Episcopus vero de Arvernis et universi comitatus illius, videntes Christi exercitum sic fuga dilapsam et ab impiis carnificibus attritam, ad radices montis ubi fluvius Relei oritur, et ipsi fugam inierunt, equos et omnia relinquentes, et tamen pauci evadentes. Similiter etiam dux Welfo lorica et omnibus exutus, et per montana fugiens, vix ab hostili manu ereptus est. Plurima autem millia Alemannorum, Francorum, Wasconum, qui procul erant a montanis, illic extincta fuisse referuntur. Comitissa vero Ida utrum capta et abducta, aut pedibus tot millium equorum membratim discerpta fuerit, usque in hodiernum diem ignoratur; nisi quod, aiunt, eam inter tot millia matronarum in erram Corrozan æterno exilio deportatam.

CAP. XL. — *Quomodo Willhelmum per montana fugientem Tankradus, princeps Antiachæ, receperit.*

Comes autem cum solo armigero per montana et ignotas vias arma inimicorum fugiens, ad urbem nomine Longinach juxta Tursolt, quam Bernardus cognomine Extraneus regebat, tandem pervenit. benigne ab eo susceptus, omnibus sibi vitæ necessariis administratis. Paucis deinde transactis diebus audiens Tankradus, Antiachæ princeps, tam egregium principem illic spoliis et omnibus rebus amissis, pauperem vitam ducere et nimis humiliatum, misertus est conchristiani fratris et principis: et ideo accepto consilio, militibus ab Antiachia in occursum ejus missis, honorifice eum suscepit, et pretiosis vestibus per aliquot dies secum commorantem et bonis terræ convivantem renovavit.

CAP. XLI. — *Quomodo principes bello dispersi, collecto exercitu Antiachæ convenerint.*

Post contritionem Longobardorum et Willhelmi principis de Navers, Willhelmi quoque comitis Piotaviensis, Welfonis ducis Bawariorum, quicumque dispersi fuerant, aut Constantinopoli seu alibi hic maverant, e cunctis locis singillatim quippe principes Christiani, relictiis suis reliquiis, Antiachiam mense Martio inchoante convenerunt: Albertus scilicet de Blandraz, Conradus stabularius, Stephanus Blesensis, item Stephanus dux Burgundiæ, Reymundus comes, Willhelmus Piotaviensis comes, Welfo dux Bawariorum, episcopi Engelradus de Lauduno

Manasses de Barcinona, aliique episcopi Italiæ, navigio ad portum Simeonis eremitæ pariter convenientes, Antiachæ aliquando tempore remorati sunt.

CAP. XLII. — *Reymundus precibus principum a Tankrado vinculis absolvitur, et expugnatae urbis Tortosæ præficitur.*

Bernardus autem Extraneus, eo tempore comitem Reymundum apud eundem portum captivum tenuit, eo quod imputabatur ei necis traditio Longobardorum et cæterorum qui in eadem fuerant expeditione: quem Tankradus Antiachæ sibi traditum reposuit in custodia. Principes igitur Christianorum, qui convenerant, post dies paucos recordati confratris et principis Christiani, eumque sic indiscussam a Tankrado in vinculis teneri, obnixè precati sunt ut in nomine Christi tam magnificum principem solveret ac suis restitueret. Tankradus vero satisfaciens precibus confratrum peregrinorum, hac apposita conditione, a carcere eductum restituit, ne quidquam terræ hæc ex parte civitatis Acrae invaderet, et id sacramento obligatus observaret. Post hæc recepto eodem principe Reymundo, unanimiter salutato Tankrado, ab Antiachia regressi sunt usque ad civitatem Tortosam. Quam obsidentes et expugnantes subdiderunt: in qua ipse Reymundus ex communi consilio ad tuenda ipsius mœnia remansit, eo quod vir cantus et doctus ad resistendum hostibus videretur. Cæteri viam Jerusalem continuare decreverunt.

CAP. XLIV. — *Welfo dux Hierosolymis adorato sepulcro Domini, in Cyprum reversus obiit.*

Welfo autem dux odsidionem hanc devitans, Jerusalem ad adorandum descendit una cum Reinoldo duce Burgundiæ, fratre Stephani, vice ipsius Burgundiam regentis, qui ante expeditionem Longobardorum Jerusalem tendens, Antiachæ usque nunc hiemaverat. Sed infirmitate correptus, in via mortuus est idem Reinoldus et sepultus. Welfo igitur Jerusalem perveniens, adorato Jesu Domino et ejus sepulcro, post aliquot dies navigio usque ad insulam Cyprum reversus est, ubi et ipse infirmitate detentus, mortuus et sepultus est.

CAP. XLIV. — *Quomodo principes, devicta urbe Tortosæ, cum Baldewino rege Palmas Joppe celebraverint.*

Cæteri autem principes præfati, post captionem civitatis Tortosæ, recto itinere usque ad civitatem Baurim cum decem millibus profecti sunt, ubi regem Baldewinum, ex præmissa legatione admonitum, in occursum sibi in ingenti manu repererunt; quia transire regiones et civitates gentilium absque tam nominati et potentis novi regis conductu dubitabant. Deinde habita per noctis spatium cum eo requie, crastino admistis copiis profecti sunt; et per quindécim dies ante sanctum Pascha Joppen venientes, per dies octo, et ipsa solemnè die Palmarum illic morati sunt. Postea autem die Palmarum a Joppe egressi, Hierosolymam ascenderunt. In qua septem



dies commemorantes, et Sabbato sancti Paschæ ignem de cælo operientes, sacram civitatem in orationibus et elemosynis perlustraverunt. Conradus quoque stabularius, et Engelradus episcopus Lauduni, paululum retardati, subsecuti sunt confratres usque Japhet: qui et ipsi in Pascha Domini cæteris adjuncti sunt.

CAP. XLV. — *Principes, Pascha Hierosolymis celebrato, inter imperatorem et regem pacem componunt.*

Convenientes igitur de omnibus locis in Jerusalem hac secunda hebdomada paschali, et gloriose ac jucunde sanctam solemnitatem cum rege peragentes mala et pericula peregrinorum rememorantes, consilium regi Baldewino dederunt, quatenus in humilitate ampliore, qua posset, et precibus mansuetis imperatorem Constantinopolitanum compellaret super miseris Christianorum: videlicet ut a perditione et traditione Christianorum cessaret, et Ecclesiæ Hierosolymitanæ subveniret, Turcos et Sarracenos non audiret; sed pleniter ac fideliter omnem mutationem necessariorum a præsiidiis et locis regni sui fieri usque in Jerusalem non negaret.

CAP. XLVI. *Fama volat in populo, imperatoris consilio Longobardos fuisse occisos.*

Fuit enim fame in populo catholico, quod ipsius imperatoris occultis et perfidis consiliis, a comite Reymundo et militibus Turcopolis, deductus sit exercitus Longobardorum per deserta et invia et solitudines Flaganie, ut illic a Turcis facile præ fame et siti exhaustus superatus occideretur. Verum ut a veridicis et nobilibus viris relatum est, nequaquam hoc nefando scelere culpandus erat. Nam sæpius exercitum præmonuit, et edocuit solitudines et de-

fectiones et Turcorum insidias in inviis Flaganie, et ideo eos non secure et tutos per hanc viam posse incedere.

CAP. XLVII. — *Baldewinus imperatori munera mittit se de perfidia excusans.*

Acquievit benigne rex Baldewinus consiliis universorum; ac leones duos domitos et sibi gratissimos, imperatori pro munere misit per Gerhardum archiepiscopum, et episcopum de Barcinona, ad confirmandum fœdus et amicitiam. Imperator universam petitionem regis cum muneribus sibi presentatis in bona accepit, et de omni suspicione necis Longobardorum, quam adversus eum Christiani habebant, jusjurandum in Dei nomine faciens, se excusavit: promittens se deinceps omnibus misericordiam fieri, regem Baldwinum se velle honorare et amare. In eadem legatione ab imperatore decretum est, ut episcopus de Barcinona eum apud Romanum pontificem Paschalem de traditione sibi imposita excusaret.

CAP. XLVIII. — *Imperator regi Baldewino dona dirigit, Romæ de perfidia sua apud papam incensatur.*

Engelradus autem miles quidam in Jerusalem repedans, muneribus magnis ab imperatore honoratus, bono nuntia reportavit, et amicitiam et fidem regi Baldewino imperatorem velle observare, et peregrinos non ultra offendere. Sed episcopus aliquantulum renisus est imperatori, propter infidelitatem erga Gallos, quam ab eo extorsit. Quapropter in amaritudine animi Romam tendens, ipsam imperatorem criminatus est in Ecclesia Beneventana: et ideo assumptis litteris ipsius apostolici, querimonia gravis apud omnes principes Gallie super ipso imperatore facta est.

## LIBER NONUS.

CAPIT. PRIMUM. — *Quod quidam de Christianis principibus ad propria repedaverint, quibusdam cum rege Jerusalem remanentibus.*

Postea conventu Christianorum de die in diem comminuto, aliis redeuntibus navigio, aliis per diversas regiones in reditu suo dispersis, Conradus, stabularius imperatoris Romanorum, Albertus de Blandraz, Stephanus Blesensis, Stephanus princeps Burgundie, Otho cognomine Altaspata, Arpinus de Buduordis, Hugo de Falckenberg, Hugo de Lezenais, Baldewinus de Heestrut, Gutmanus de Brussela, Rudolfus de castello Alos, quod est in Flandria, Hugo de Botuns, Gerbodo de castello Wintine, Rotgerus de Roscit, et cæteri quamplurimi nobiles et egregii viri, qui ad sanctum Pascha celebrandum tunc de universis locis conveniant, et in omni devotione ac charitatis plenitudine feliciter sanctum tempus celebraverant, in civitate Jerusalem cum rege manserunt.

CAP. II. — *De incenso a Babyionis templo S. Georgii, et de fuga Roberti, episcopi urbis Rames.*

Appropinquante dehinc festo sanctæ Pentecostæ, et collectione Christianorum nimium attenuata, aliis navigio, aliis per siccum regressis, exercitus regis Babylonie innumerabilis, et nunquam antea copiosior factus, ab Ascalone alii navigio, alii per aridam in equis et copioso apparatu armorum descendentes, templum S. Georgii, distans milliari a civitate Rames, combusserunt cum universis, quos in eo repererunt fugientes a facie eorum cum armentis et gregibus; quin etiam sata regionis depopulati sunt, novum laborem peregrinorum, et spem totius anni. At Robertus, civitatis episcopus, vir christianissimus, videns tam copiosum exercitum tam repentinis flammis et prædis regioni incumbere, et post captam urbem Rames in civitatem Jerusalem velle descendere ad expugnanda ejus mœnia et obsidendum regem cum populo Christiano, subito equum



ascendens, et ab hostium incurso elapsus præcurrit Jerusalem ut nuntiaret regi quantus exercitus descendisset a Babylonia, et quomodo omnia sata et vicina loca civitatis Rames jam flamma et præda consumpsisset.

CAP. III. — *Rex Baldwinus contra Babylonios militiam congregat.*

Rex itaque et universa domus ducis Godefridi fratris ipsius et cæteri nobiles, qui adhuc cum illo remanserant, audientes supervenisse tot millia adversariorum ad delendos catholicos populos, sine mora ad arma festinant; et jam ad septingentos adunati et lorcati, cum rege versus hostiles impetus in tubis et cornibus et vexillis ostreis regia via ferebantur. Vix a montanis Jerusalem rex et sui egressi sunt, et ecce in valle et amplissima planitie Rames inimica agmina Sarracenorum. Arabumque et Azopart appropinquabant cum infinitis millibus equitum et peditum volentes in virtute hac Jerusalem recuperare, regem et fideles Christi expugnare.

CAP. IV. — *Rex Baldwinus contra Babylonios congregatur, quibusdam ex suis optimalibus in bello occumbentibus.*

Rex igitur et omnis comitatus illius videntes tam propinquas acies inimicorum astitisse, omni timore mortis deposito, et animæ suæ parcere non curantes, atrociter et unanimiter per medios hostes ad eorum millia irruunt, acies penetrantes in virtute militari, et nimiam cædem suis armis multiplicantes. dum vero hi solum septingenti, pauca quidem manus, sed milites egregii et fortissimi, sic cædendo et hostium muros diruendo, penetrare conarentur, gens intolerabilis Azopart, quæ in mediis millibus gentilium constituta erat, cum fustibus, in modum malleorum ferro et plumbo compositis, occurrerunt regi et suis, et non solum milites, sed etiam equos illorum in fronte et cæteris membris fortiter ferientes, gravi icu eos a prælio absterrebant. Alii vero sagittis et fundibulis viros egregios coronantes, incessanter affligebant, tanquam grando indeficiens quæ de cælo cadit, quousque vim ultra sufferre non valentes rex et universi in fugam conversi sunt. Rudolfus de Alos, Gerbodo de Wintino, Gerhardus de Avennis, Gosfridus brevis in statura, Stabulo camerarius ducis Godefridi, comes Host de castello Rura, Hugo de Hamach de terra Pictaviensi, Hugo Botuns, Gerhardus Barson et cæteri omnes mediis in hostibus interierunt. Ex his quinquaginta versus Rames fugam arripientes, portæ urbis immissi sunt, Lithardus vero Cameracensis, Rotgerus de Roseit, Philippus de Bulon, Baldwinus de Hestrut, Walterus de Berga, Hugo de Burg, Addo de Keresi versus Japhet fugam inierunt, ubi decem millia illis occurrerunt, qui regi ad auxilium festinabant. Sed ab his audito regis infortunio, et suo interitu, ad eandem civitatem fuga reversi sunt.

CAP. V. — *De obsidione urbis Rames, et de fuga vel salvatione regis Baldwinus.*

His itaque civitati cum fugitivis militibus immis-

sis, et portis clausis, Sarraceni qui eos insequerentur ad societatem reversi sunt, et urbem Rames, undique positis castris, obsederunt. Rex autem vitæ diffusus, propter urbis infirmitatem, per quamdam muri fracturam cum solo Hugone de Brulis in Gezela residens, cum armigero suo versus montana Jerusalem diffugium fecit, et tota die ac nocte errans, frustra iter peregit, donec maxima pars Sarracenorum erranti, et Jerusalem tendenti, occurrit: a quibus illi fuga per montana interdicta, graviter insecutione illorum oppressus est, nescius quo vagari cæperit. Rex itaque intelligens, se posse montana evadere non posse, jam crastino mane orto, et via aliquantulum recognita, versus Assur civitatem Christianorum secessit, licet sagittis insequentium trans lorcam paulisper sauciatus: qui per diem et noctem in montanis et devii multum laboravit, donec tandem in campi planitie sine requie et cibo vel equi pabulo assistens, regionis et viarum cœpit reminisci. Mane autem sic facto, Assur intravit. Ubi Rorgius, qui civitatem Caiphas in beneficio acceperat et obtinebat, in lætitia magna illum suscepit: existimabat enim eum cum cæteris corruisse. Sic rex ab obsidione Rames et manu Sarracenorum elapsus, venit Assur. Cæteri vero, id est, Conradus, Arpinus, Stephanus Blesensis, Stephanus de Burgundia et alii milites egregii, turrim quamdam civitatis ejusdem causa protectionis ingressi sunt.

CAP. VI. — *Ubi Sarraceni, expugnata turri urbis Rames, quosdam Christianorum principum interficiunt, Conradum stabularium captivantes.*

Altera autem die Sarraceni, nec non Azopart, ruptis muris civitatis in virtute magna, ipsam turrim infringere et expugnare fortiter cœperunt ferreis uncis et lignibus, donec tandem turri cavata, ignem et fumum in ea suscitaverunt, ut sic calore et fumo arctati et suffocati milites, aut perirent aut prodirent. Sed milites egregii, eligentes potius honesta defensione consumi, quam misera morte suffocari et exstingui, tertia die invocato nomine Jesu, confisi ejus gratia egressi sunt, et plurimum cum Sarracenis facie ad faciem dimicantes, plurimo sanguine et strage illorum animas suas ulti sunt. Conradus vero audacia et viribus incomparabilis, gladio præcipuas Sarracenorum strages exercuit, quoad omnes admirati qui aderant et exterriti, procul ab eo absistentes, continuerunt manus suas, rogantes eum ut cessaret a cæde horribili, et eorum dextras susciperet pro vivendi gratia, et sic in regis Babyloniæ deditionem redderetur donec placata regis ira tam famosus et mirabilis miles in oculis ejus gratiam inveniret, et post vincula præmia mereretur. Quod et actum est. Arpinus pariter captus et vitæ reservatus est, eo quod miles imperatoris Græcorum fuisse a veridicis testibus illic innotuisset. Cæteri vero omnes cum Stephano et altero Stephano, summis principibus, ibidem decollati sunt.

**CAP. VII. — Quomodo cives Jerusalem propter fugam A** *Baldewini regis contreriti, consolationem receperint.* quas vulgo appellant Cahz, occurrerunt volentes buzam regis coronare. Sed Dei auxilio, undis maris illis ex adverso tumescentibus ac reluctantibus, buza autem regis faciliet agili cursu inter procellas labente ac volitante, in portu Joppe, delusis hostibus, subito adfuit, sex ex Sarracenis in arcu suo e navicula percussis ac vulneratis. Intrans itaque civitatem, dum incolumis omnium pateret oculis, rævixit spiritus cunctorum gementium, et de ejus morte hactenus dolentium, eo quod caput et rex Christianorum et princeps Jerusalem adhuc vivus et incolumis receptus sit.

Interea rex Baldewinus hoc triduo Assur resedit ut audiret eventum rerum. Sed fama hæc crudelis Jerusalem transvolans, omnes eam inhabitantes vehementer perterruit, et in luctum ac ploratum tota civitas conversa est. Cœperunt enim adeo omnium corda metu fluxa deficere, ut nocte et in tenebris a civitate recedere pararent, nisi Gutmanus quidam ortus de Brussela, qui vix evaserat, plurimum eis consolationis attulisset et sæpius admonuisset ne facile a civitate recederent, donec intelligerent si rex Baldewinus adhuc superesset. Tandem post paululum, fama allata est regem adhuc esse incolumem : quod audientes universi lætati sunt et confortati. Et ideo abhinc diebus singulis per mœnia diffusi, urbem defensabant ab assultibus Sarracenorum, qui huc in superbia victoriæ suæ per turmas ad lacessendos cives Christianos assidue conveniebant.

**CAP. VIII. — Ubi, Conrado stabulario carcerato, B** *Babyloni Japhet civitatem et Baldewini regis uxorem obsidione terruerunt.*

His itaque decollatis, sed Conrado et Arpino in dextris eorum susceptis et in urbem Ascalonem in carcerem transmissis, Meravis et cuncti potentes Babyloniæ in virtute magna, et manu robusta, ad civitatem Japhet profecti sunt ac plurimo assultu, instrumento et tormentis lapidum ac bellico apparatu et impetu viros in ea repertos vexaverunt. Caput vero Gerbodonis et ejus cura pretioso ostro calceata et induta amputantes, defensoribus urbis ostenderunt, asserentes regis esse Baldewini, eo quod similis ejus esset : et ideo eos ab urbe exire, et in potestatem regis Babyloniæ sanis membris et vita incolumi venire plurimum arctabant. Christiani vero arbitantes verum, et regis caput et cura procul ostentari, nimia desperatione correpti sunt cum omnibus rebus suis egredi, sibi invicem consulentes, et sic navigio liberari. Erat his diebus regina et uxor Baldewini in ipsa civitate Japhet, quæ etiam terroribus attonita et dolore mortis dilectissimi regis, pariter fugam cum cæteris meditabatur inire.

**CAP. IX. — Baldewinus rex navigio applicans Japhet, D** *cum gaudio suscipitur a civibus.*

Verum dehinc septem diebus evolutis, rex ab Assur exiens, navem, quæ dicitur buza, ascendit, et cum eo Godericus pirata de regno Anglia, ac vexillo hastæ præfixo et elato in aere ad radios solis usque Japhet cum paucis navigavit : ut hoc ejus signo cives Christiani recognito, fiduciam vitæ regis haberent, et non facile hostium minis pavecti, turpiter diffugium facerent, aut urbem reddere cogentur : sciebat enim eos multum de vita et salute ejus desperare. Sarraceni autem viso ejus signo et recognito, ea pars, quæ navigio urbem cingebat, illi in galeis viginti et carinis tredecim,

**CAP. X. — Sarraceni Baldewinum regem regressum paululum declinantes, ad obsidionem Japhet denuo revertuntur.**

Jam dies media flagrabat, et rex mox equum ascendens, portas civitatis cum sex tantum illustrissimis militibus egressus est ut laceasset tantum Sarracenos circumsidentes, et pateret omnium aspectui quomodo adhuc vivus et sospes haberetur. Cognito autem rege vivo et salvo, universa multitudo gentilium, ablatis tentoriis a Joppe, in campos Ascalonis descenderunt, illic per tres septimanas commorantes donec intelligerent si aliqua virtus regi Baldewino ad subveniendum augetur. Legatio enim regis ad universos confratres per castella et civitates ac regiones propter auxilium directa est. Sed minime hoc tempore auxilium ferentibus Tankrado, Reymundo, Baldewino de Burg, eo quod nimium remoti essent, Sarraceni ab Ascalone venientes, obsidionem circa Japhet iteraverunt, donec quindecim dies evoluti sunt.

**CAP. XI. — De classe Christianorum.**

Interea dum hæc obsidio ageretur, ducentæ naves Christianorum navigio Joppen appulsæ sunt, ut adorarent in Jerusalem. Horum Bernhardus Witrazh de terra Galatiæ, Hardinus de Anglia, Otho de Roges, Hadewerck, unus de præpotentibus Westfalorum, primi et ductores fuisses referuntur. Sarraceni quidem, qui ex adverso urbem in superiore parte navigio obeederant, videntes tot Christianorum acies adesse, constituerunt cum eis navali impetu confligere. Sed Christianorum naves velis et remis ac prosperiore vento clementia Dei prævalentes, valide repressis gentillum viribus, in arido constiterunt, et additis civibus cum ipso rege sibi in adjutorium, urbem ingressi sunt ; amplior vero pars in aperto camporum planitie ex adverso pariter fixis tentoriis hospitio resedit. Erat autem tertia feria Julii mensis, quando hæ Christianorum copiæ, Deo protegente, huc navigio angustiatis et obsessis ad opem collatæ sunt. Sarracenorum autem turmæ, videntes quia Christianorum virtus audaciter facie ad faciem vicino sibi hospitio proximo jungebatur, media nocte orbi incumbente, a motis tentoriis, amplius miliari subtractæ consederunt, dum luce exorta consilium inirent utrum Ascalonem redirent, ut cives Japhet crebris assultibus vexarent.

CAP. XII. — *Qualiter Baldwinus rex cum Sarracenis dimicans, tria millia ex eis prostravit.*

Ab ipso vero die tertie ferie dum sic in superbia et elatione sue multitudinis immobiles Sarraceni persisterant, et multis armorum terroribus Christianum populum vexarent, sexta feria appropinquante, rex Baldwinus in tubis et cornibus a Japhet egrediens, in manu robusta equitum et peditum virtutem illorum crudeli bollo est aggressus, magnis hinc et hinc clamoribus intonantes. Christiani quoque qui navigio appulsi sunt horribili pariter clamore cum rege Baldewino et gravi strepitu vociferantes, Babylonios vehementi pugna sunt aggressi, saevissimis ac mortiferis plagis eos affligentes, donec bello fatigati et ultra vim non sustententes fugam versus Aescalosam inierunt. Alii vero ab insecutoribus eripi existimantes et mari se credentes, intolerabili procellarum fluctuatione absorpti sunt. Et sic civitas Joppe cum habitatoribus suis liberata est. Ceciderunt hac die tria millia Sarracenorum; Christianorum vero pauci periisse inventi sunt.

CAP. XIII. — *Quomodo Baldwinus cum triumpho Jerusalem redierit, et post primam suorum interfectionem auxilia Christianorum principum per legatos impetraverit.*

Rex ergo Baldwinus triumphum de inimicis gloriose adeptus, noctem hanc in Joppe in lætitia magna exegit cum universis peregrinis qui convenerant, habentibus spolia multa. Altera vero die clarescente, Jerusalem cum omnibus peregrinis profectus est, pacifice et potenter omnia disponens, et peregrinis ad adorandum Christum et vota sua reddenda in Jerusalem templum Dominici sepulcri aperiri jubens. Ante hæc omnia, cum nondum auxilium novi et peregrini exercitus adfuisset, Baldwinus rex anxius et nimium desperatus ob interitum suorum, legationem Antiochiam Tankrado et Baldewino de Burg in civitatem Rohas misit, quatenus festinanter sibi auxilio adessent, aut totam regionem Syriæ et regnum in Jerusalem in brevi amitteret, Sarracenorum audaciam et contumacem victoriam annuntians, et quantum casum suorum egregiorum militum nuper ab hostibus passus sit. Qui statim collecto exercitu, Tankradus quidem in circuitu Antiochiæ, Baldwinus Rohas ad septingentos equites et pedites mille, die statuto, unanimiter ad ipsam Antiochiam convenerunt, Willhelmo Pictaviensi principe in eodem comitatu assumpto, qui nuper post Pascha Domini a Jerusalem adorato sepulcro Dominico ad Tankradum redierat: et nunc per convallem Damiasci et Camollam descendentes, sed Tabariam prætermittentes ad Cæsaream Cornelii pervenerunt, illic positis tentoriis pernoctantes. Mane itaque facto ad flumen Assur castrametati sunt, non amplius quam solo milliari ab Japhet hospitari constituentes. Descenderant autem tempore autumnii in mense Septembri, quando omni um frugum plentudo redundare solet.

CAP. XIV. — *Quod Baldwinus rex advenientibus principibus necessaria subministrans, eis pro Dagoberto patriarcha intercedentibus annuerit.*

Baldewinus itaque rex in civitate Japhet tunc moram faciens, ac tam fortium virorum adventum intelligens, nuntios egregios illis in occursum constituit, qui omnia vitæ necessaria illis procurarent in pane, carne, vino oleo et hordeo ad refocillandos milites et eorum equos longo itinere fatigatos. Erat autem Dagobertus in eorumdem egregiorum virorum comitatu, reprobatus ab eodem rege: qui patriarchatus dignitatem recuperare arbitrans, cum Tankrado Japhet descendere disposuit. Unde Tankradus et Baldwinus de Burg, Willhelmus quoque comes Pictavii, pariterque Willhelmus Carpentarius, consilio inito qualiter patriarcha restitueretur, regi legationem direxerunt, videlicet ut patriarcham in sua sedem relocaret, alloqui nequam eos in ultionem suorum Aescalonem posse descendere. Rex horum audita legatione, invitus eorum precibus acquievit, nimium indignatus adversus patriarcham propter subterrata pecuniam. Attamen consilio suorum victus, concessit magnificis illius intercessoribus: ut primum Aescalonem descendant adversus arma et milites regis Babylonie; dehinc se omnia de patriarcha æquo iudicio et consilio ipsorum acturum. Decrevit etiam hæc omnia fieri examine Roberti parisiensis cardinalis, episcopi et legati; qui Mauritio aliquo tempore mortuo, a Paschali, Romano pontifice missus, venerat ad discussionem et correctionem rerum illicitarum sanctæ et orientalis Ecclesiæ in his orientalibus plagis.

CAP. XV. — *Qualiter Baldwinus rex cum principibus ab eo susceptis Aescalonem obsidens, Ammiraldum Babyloniorum bello exstinxerit.*

Tankradus autem et Baldwinus de Burg, Willhelmus itemque Willhelmus, hac regis audita promissione, sub obtentu fidei in armis et virtute suorum cum rege Aescalonem profecti sunt, per dies octo ejus mœnia obsidentes, vineas et sata et universam spem anni illius devastantes, et crebro assultu muros impugnantes. Dum tandem creberrimis assultibus illic sævirent, turres et mœnia oppugnarent, quidam Ammiraldus Babylonie regis nobilissimus, Merdepa nomine, qui ad tuendos cives remanserat, subito in virtute magna ab urbe erupit, et viros Christianorum ferro et sagittarum grandine in manu suorum lacessivit; sed Dei gratia et virtute repente a Christianis occisus et attritus est. Merdepa tam nominatissimo Ammiraldo regis Babylonie sic extincto, et universis gentilibus civibus Aescalonis repressis, et ultra repugnare confidentibus, portas vero in faciem Christianorum claudentibus, rex assultus et labores suorum incassum fieri intuens, ex consilio majorum ab urbe quæ ab humanis videtur viribus insuperabilis recessit, et Joppen una cum Tankrado et Baldewino de Burg, Willhelmo et altero Willhelmo divertit,

ubi in omni gloria et lætitia simul epulati sunt **A**

**CAP. XVI.** — *De investitura Dagoberti patriarchæ de concilio super ipso Hierosolymis habito.*

Dehinc consilio ibidem habito cum episcopis, abbatibus et universis ordinatis clero, et ex iudicio omnium Patrum qui aderant, omni honore et dignitate, qua erat privatus patriarcha a rege, reinvestitus ac Jerusalem reductus, honorifice in cathedram episcopalem relocatus est. Reducto itaque sic patriarcha Dagoberto Jerusalem ac in sede suæ majestatis relocato, proxima die in templo Domini sepulcri concilium statutum est, ubi idonei testes et accusatores in præsentia et audientia domini cardinalis ac totius Ecclesiæ convenerunt, Baldewinus Cæsares urbis episcopus, et episcopus de Bethlehem, **B** Robertus episcopus de Rama, Arnolfus cancellarius et archidiaconus Domini sepulcri et clerici multi. Ibi alii hunc ex Simonia; alii ex homicidio Christianorum Græcorum in insula Cephaliæ in insectu a Genuensibus perpetrato; alii ex traditione regis Baldewini; quidam vero ex oblatione et pecunia fidelium subterrata constanter et obnoxie criminati sunt. Aduerunt pariter in eodem concilio Engelhardus episcopus Laududi, similiter et episcopus Placentiæ, episcopus de Tarea, episcopus de Mamistras aliique episcopi et archiepiscopi ad decem et octo computati; abbas etiam de sancta Maria Latina, abbas de valle Josaphat, abbas de Monte Thabor; et alii de terra Galliæ circiter sex illic sedisse referuntur.

**CAP. XVII.** — *De dispositione patriarchæ præfati, de ordinatione Evermeri, in locum ejus subrogati.*

Ibidem vero in medio tantorum probabilium viro-  
rum conventu, cardinale prædicto residente et æquo  
iudicio rem examinante, patriarcha, victus et  
confusus ab idoneis testibus de perfidia et cæteris,  
obmutuit. Qui in satisfactione Deo et cardinali  
rebellis et inobediens existens, et in pertinacia suæ  
pravæ excusationis permanens, sub iudicio omnium  
fidelium depositus ac anathemate percussus est.  
Tankradus vero et cæteri principes, videntes rem  
ex puro iudicio veritatis finem accepisse, non ultra  
renisi sunt; sed rege salutato, in terram Antiochiæ  
et Edessæ, patriarcha abjecto, utque aiunt, precibus  
tantorum procerum absoluto, secum abducto reversi  
sunt. Rex quidem in lætitiâ et gloria magna reman-  
sit Jerusalem. Nec mora, consilio ejusdem Roberti  
cardinalis, cleri quoque ac totius populi electione,  
Evermerus quidam, vir et clericus boni testimonii,  
præclarus ac hilaris distributor eleemosynarum,  
vice et loco Dagoberti patriarcha constitutus suc-  
cessit, omni studio religionis ac bonæ conversatio-  
nis, in amoris fraternitatis et charitate, illic in  
templo Domini sepulcri Deo serviens, et regi  
Baldewino contra Sarracenos et incredulos fidelis  
adjutor existens.

**CAP. XVIII.** — *Qualiter principibus cum centum et quadraginta millibus Christianorum in sua de Jerusalem renavigantibus, trecentæ ex ipsis naves partim ab hostibus, partim fluctibus interierunt.*

Regresso itaque Tankrado cum cæteris prin-  
cipibus supra centum et quadraginta millia virorum  
peregrinorum, qui Jerusalem hoc anno adorare  
convenerant, tædio diutine moræ affecti, navigio  
nunc velis et remis aptato, rege vero salutato, alto  
mari inveci sunt ut ad terram nativitatis suæ  
redirent. æquore ab omni fervore et turbine vento-  
rum sedato. Sed illis vix duobus diebus in tranquillo  
navigantibus, circa æquinoctium hiemale serenitas  
cœpit turbari, venti horribiles suscitari, naves us-  
quequaque gravi turbine inquietari, et ævis pro-  
cellis dejici et quassari, dum tandem nautæ et ho-  
mines peregrini fœssi, et tumidis fluctibus oppressi,  
alii attritis velis et remis in profundum ferebantur;  
alii validis ventorum flatibus dispersi, ac per igno-  
tum jactati mare et vagi facti, Accaron pervenerunt;  
alii apud Sagittam, alii Ascalonem, civitates genti-  
lium consistentes, aut capti, aut trucidati, aut undis  
suffocati sunt. Fuerunt autem naves Christianorum,  
qui perierunt, trecentæ, quarum decima pars vix  
salvata fuisse perhibetur. Audito tantæ multitudinis  
casu in Jerusalem, rex et universi viri et feminæ  
civitatis in nimiam lamentationem et comploratio-  
nem versi sunt, eo quod tam amara morte tot millia  
contratum suorum non solum undis, sed et armis  
gentilium extincti eunt.

**CAP. XIX.** — *Qualiter tertio regni sui anno Balde-  
winus rex urbem Accaron obsederit, sed minime  
devicerit.*

**C** Post hæc anno tertio regni sui rex Baldewinus  
vehementer indignatus adversus civitatem Accaron,  
eo quod sæpius insidiæ et assultus ab ea peregrinis  
accrevissent, jam hiemis gravi frigore detorso et  
veris temperie aspirante, post octavas Paschæ anni  
illius præcedentis, quo in campestribus Rames  
prælia commisit, et omnibus suis attritis, cum pau-  
cis reliquis suorum militum vix Sarracenorum vires  
evasit, exercitum congregans ad quinque millia  
virorum, ad præfatæ civitatis applicuit mœnia.  
Quam, undique posita obsidione, curriculo quinque  
hebdomadaram sic manganarum jactu et machina-  
rum sublimitate oppugnavit, ut ultra vim et difficiles  
militum lapidumque creberrimos ictus clives suf-  
ferre non valentes, jam in manu regis, impetrata  
vita, urbem reddere cogerentur. Jam enim tres ab  
urbe exierant Sarraceni, quod cæteros prorsus latuit,  
ut sibi regem placarent et parcere animæ sub impetra-  
rent, omnem casum et defectionem fortium virorum  
et civium illi referentes, et universos interius adeo  
metu concussos ut si semel adhuc valide urbem  
impugnarent, procul dubio portis apertis, in manu  
regis traderetur. Vix hi tres sermonem et consilium  
cum rege expleverant, et ecce vespere facto, de Sur  
quæ est Tyrus, et a Tripla quæ est Tripolis, civi-  
tatibus de regno Babylonis, duodecim galeidæ de-  
scenderunt cum multis armatis militibus, et cum

quadam ingente nave quingentos viros pugnatores continente, qui eadem tota nocte civitatem introeuntes per mœnia et urbem diffusi sunt. Nec mora, minime diem expectantes, sed rapidum ignem sulphure, oleo, pice, stuppis suscitantes, machinæ regis subito iniecerunt, ut viros sagittas assidue desuper intorquentes et urbem valide impugnantes ab ea absterrent.

CAP. XX. — *Quod Reinoldo, sagittario regis, in bello pereunte, ipse rex ab obsidione urbis Accaron recesserit.*

Verum illorum adventu cognito, et igne jam circa machinam sæpius advolante, Reynoldus quidam miles regis, arte sagittandi peritissimus et magister sagittariorum, socios ad defensionem admonet; ipse vero arcu Baleari arrepto, supra centum, et quinquaginta Sarracenos mortifero vulnere extinctos percussit. Mane autem facto, bellum utrinque cœpit vehementius ingruere et invalescere, ac sæpius a portis erumpentes Sarracenorū milites lanceis peregrinos Christi, alios gravi vulnere percusserunt, alios momentanea morte exstinxerunt. Eadem denique die Reynoldus plurimum belli et cædis dum a machina adversus hostes exerceret, incautus et intrepidus nimium in aperto assistens, subito manganellæ impetu lapis emissus illi in verticem venit; et sic mortuus jussu regis sublatus, in monte Thabor a religiosis monachis sepultus est. Videns autem rex, quia virtus Sarracenorū prævalebat præ intolerabili multitudine, quæ noviter a prædictis civitatibus huc urbi ad auxilium navigio confluerat, et quia manu suorum non solum bello gravata, sed et longa obsidione ad resistendum deficiebat, ex consilio magnatum suorum ignem machinæ jussit immitti, nimium turbatus et dolens inde recedens, eo quod prosperum successum hoc tempore nequiverit habere.

CAP. XXI. — *Baldewinus rex venationi aliquantulum vacans cum decem sociis Sarracenos sexaginta aggredditur.*

Eodem vero anno, quo rex Acram invictam deseruit et a Joppe Jerusalem ascendit, ut illic aliquantulum bellis intermissis quiesceret, quadam die circa tempus Julii mensis cum decem tantum militibus in venationem profectus, dum saltus civitati Casaræ contiguos a montanis intraret et hujus recreationis studio vacaret, Sarraceni circiter sexaginta ab Ascalone et Acra descenderunt ad insidias Christianorum, ut tam in plano quam in montanis deprehensos detruncarent ac rebus exspoliarent. Tunc quidam forte Christianæ professionis illis obviam facti sunt, quos nimia audacia freti gentiles præfati, persequi, occidere et rebus exspoliare decreverunt, ut sic in gloria et victoria cum spoliis fidelium ad suas civitates repedarent. Hac itaque crudeli intentione Sarracenis Christianorum vestigia insequentibus, universa vero regione fama eorum commota ac tremefacta, eo quod vires illorum ampliores quam fuissent æstimarentur, Baldewino regi, omnium horum ignaro, et solummodo

venationi intento, nuntiatum est, quomodo Sarraceni regionem ingressi fuissent ad insidiandum et trucidandum populum Dei vivi, et ideo citius eum oportere in hac necessitate subvenire. Qui illico hoc audito, decem socios, qui secum erant, nobiliter admonet ut sine intermissione hostes insequantur, et nunquam eos impune a regione exire patiantur; sed fortiter cum eis dimicantes, prædam excutiant et rapinæ confratrum suorum. Mox venatoriæ artis oblitus, Otho Altaspata, Albertus de Blandras et cæteri, qui cum rege venationi intererant, licet lorica, acuto, lancea inermes, sed tantum gladio accincti et pharetra procul omni timore mortis ablato, equos calcaribus urgent, et recto vestigio Sarracenos persequentes, forte jam visos, sagittis et gladiis eductis, subito incurrerunt, et atrociter hinc et hinc prælium commiserunt.

CAP. XXII. — *Baldewinus rex a quodam Sarraceno latenter inter fruteta vulneratur, et Jerusalem reportatus, curatur.*

Baldewinus vero rex præ cunctis acrius per medios hostes irruens, et cædem gladio multiplicans, ex improviso juxta fruteta humilis silvæ in rapido cursu volantis equi astitit: ubi a quodam satellite Sarracenorū, qui inter ramos et opaca folia delituit, furtive lancea trans femur et renes perforatus est. Nec mora, a tam crudeli vulnere tam potentis regis rivi sanguinis graviter eruperunt, vultusque illius pallescere; animus et virtus deficere, manus a gladii percussione cessare cœperunt, donec tandem in terra ab equo corruens, ac si mortuus et exstinctus expirasse crederetur. Quod sui commilitones ut viderunt, statim dolore inæstimabili commoti, amplius et validius cœperunt hostes cedere et persequi, quousque alii occisi, alii in fugam versi, per montana et invia dispersi et elapsi sunt. Dehinc regem circumstantes ac plurimum flentes, gestatorioque eum imponentes, Jerusalem in nimia lamentatione virorum ac mulierum detulerunt medicos peritissimos illi acquirentes, quorum arte et peritia ab hac mortifera plaga rex et fortis athleta posset convalescere.

CAP. XXIII. — *Qualiter a Babyloniis obsessa urbs Japhet, et quod Christiani navigio appulsi contra Sarracenos præliati sunt.*

Audita hæc regis Baldewini vulneratione et aggravatione, rex Babylonis et Meravis, congregato ab omni regno exercitu, navali expeditione Japhet descenderunt, quam fixis anchoris versus maritima obsederunt. Ascalonitæ vero ex præcepto regis per aridam ad auxilium venientes, et pariter hinc et hinc, et ab intus et de foris prælia committentes, diversis assultibus eam expugnare moliti sunt. Interea dum hæc obsidio fieret, et diuturnis præliis ad invicem cives Joppe et hostes Ascalonitæ contenderent, dum naves, quarum altera minor, quam vocant Galeidam, et altera major, quam vocant Dromonem, ex improviso cum Christianorum cœtu advectæ ut sunt adorerent in Jerusalem. Ex his major navis, quem supra quingentos viros absque matronis continebat,

ignorante exercitu gentilium, clam in obscura nocte A  
 repentino remigio advecta, illis custodibus vigilia-  
 rum noctis, in portu et littore urbis Japhet resedit.  
 Sed quassata ex impetu nimio et celeri fuga, et  
 onere rerum et hominum, in partes dissiliens et  
 hiscens, sabulo infixam est. Videntes autem hanc  
 Sarraceni invio cursu et nimium maturata fuga  
 attritam, ac in limo littoris arenosi infixam, veloci-  
 ter navigio advenerunt ut viros naufragantes per-  
 cuterent, et res illorum et omnia quæ vitæ erant  
 necessaria diriperent, ac inter se dividerent. Verum  
 Christiani, qui in ipso urbis Japhet littore consi-  
 stentes, ad eventum rei perspicendum, et ut subve-  
 nirent naufragantibus concurrerant, viso conchri-  
 stianorum periculo, nimia impugnatione resistentes,  
 importunam multitudinem abegerunt, donec Dei  
 auxilio repuleis gentilibus in liberatione fratrum  
 suorum prævaluerunt.

CAP. XXIV. — *De altera nave Christianorum, quæ  
 naufragium faciens, penitus ab hostibus consumpta  
 sit.*

Altero autem minor navis non recto gubernaculo  
 sulcans, sed ignaro magistro invecta errans, cæca  
 nocte repentino et facili cursu super naves hostium  
 irruit. Quo agnito, magister navis cum septem sociis  
 suis clam exigua navicula evasit, et navem inter  
 hostes destitutam reliquit. Erant enim in eadem  
 navi homines centum et quinquaginta præter femi-  
 neum sexum; equites vero septem cum equis  
 suis et plurima armatura. Gentiles vero sentientes  
 hanc Christianorum puppim inter se stulto errore  
 allapsam, eam undique coronantes, tota nocte ejus  
 inhabitores pravi impugnatione vexaverunt, et illi  
 econtra fortiter restituerunt, donec orto mane, non  
 ultra tot millium jacula et vim sufferre valentes, et a  
 defensione cessantes, universi cum septem equitibus  
 et cunctis mulieribus capti et decollati sunt, præter  
 solum armigerum, qui temerario casu inter undosas  
 procellas vix nando evasit. Omnia autem spolia  
 occisorum seu submersorum diripientes, inter se  
 partiti sunt gaudentes et exultantes hanc fortunam  
 victoriæ suæ sic ex improviso suis manibus inci-  
 diasse.

CAP. XXV. — *Quomodo Sarraceni, adveniente Bal-  
 dewino, obsidionem urbis Japhet dimiserint, et  
 utrinque agros suos excoluerint.*

At Baldewinus intellecta hac longa obsidione  
 circe urbem Japhet, et suorum confratrum con-  
 sumptione, jam paulisper sanitate recuperata, ad  
 Japhet descendere disposuit, ut auditu ejus adventu  
 minus Christianos cives Sarraceni terrerent et in  
 urbis obsidione manerent. Sarraceni autem tam  
 potentis regis adventum et vitam incolumem ope-  
 rientes, et illi copias adfuturas æstimantes, nequa-  
 quam illic ultra remanere præsumperunt; sed  
 assumpta occasione Octobris mensis et temporis  
 hiemalis, quo maris procelle amplius intumescunt,  
 reditum suum sine intermissione paraverunt. Rex  
 vero et Christiani urbis Joppe velocibus buzis et  
 remis eos insequi constituerunt, si forte aliqui

secure et tarde navigantes possent comprehendi.  
 Sed minime opportunitas hoc tempore, aut ulla  
 vindicta sanguinis confratrum Christianorum con-  
 cessa est. Ipse quidem rex et universi fideles Christi  
 qui Joppe habitabant gavisii sunt super universis  
 quæ sibi gloriose acciderent, et exaltati sunt secure  
 dormientes et abhinc agros et vineas excolentes.  
 Ascalonitæ vero rege convalescente, minus ultra  
 ausi sunt viros Japhet bello lacescere, sed et ipsi  
 pace gaudentes, et quia manus regis bello vacabat,  
 pariter et ipsi in satis ac vineis hoc anno non parce  
 elaborantes, quieverunt.

CAP. XXVI. — *Quod civitas Gibelot, a Pisanis expu-  
 gnata, Reymundo comiti subjugata sit.*

Proximo debino anno, mensis Martii tempore  
 aspirante, anno scilicet quarto regni ipsius Bal-  
 dewini, rursus Pisani et Genuenses, qui causa  
 adorandi in Jerusalem convenerant, a Laodicea  
 ubi hiemaverant, amoventes, Gibelot navali ap-  
 paratu applicuerunt. Ubi comes Reymundus illis a  
 Tortosa civitate occurrit, auxilium et vires illorum  
 ad expugnandam ipsam Gibelot quærens ut, Sarraceni  
 civibus exterminatis, urbs Christianorum ha-  
 beretur. Qui facile precibus ejus acquiescentes,  
 urbem multitudine copiosa navium obsederunt,  
 fortiter eam oppugnantes. Comes vero in arido eam  
 obsidens, creberrimis assultibus et machinarum  
 ingeniis debellavit, quo usque capta et victa cum  
 civibus suis in manu Reymundi tradita et sub-  
 jugata est.

CAP. XXVII. — *Pisani regis precibus evocati, cum  
 eo urbem Accaron obsidione vexant.*

Nec diu post urbis illius captionem ipsis Genuensi-  
 bus et Pisani legatio regis Baldewini adfuit, qua  
 nimium ex parte ipsius salutati sunt. Deinde per-  
 magna regis precatio ad universos facta est, quatenus  
 causa Dei et sanctorum Jerusalem, civitatem  
 Ptolemaidem, quam nunc vocant Acram, exercitu  
 navali in mari obsidentes oppugnarent; ipso autem  
 auxilio Dei et copiis fidelium Christi in sicco obsi-  
 dionem locaret. Audita hac regis precatio et  
 admonitione, gavisii universi continuo navigio et  
 manu robusta Acram vel Accaron applicuerunt. Rex  
 autem in arido in circuitu murorum castrametatus  
 est. Illic vero aliquot diebus tormenta lapidum et  
 machinas fabricantes, deinde urbem et cives sine  
 modo viriliter et non parce assilientes, usquequaque  
 oppugnabant, donec Sarracenorum et vires et manus  
 ad resistendum fessæ nihil ultra ausi sunt.

CAP. XXVIII. — *Ammiraldus urbis Accaron consu-  
 lens civibus suis, Baldewino regi urbem tradere  
 decrevit; rex et patriarcha de obsessis et dextris  
 petentibus, consultant.*

Videns ergo Ammiraldus urbis, quia sui a defen-  
 sione defecerant, et quoniam nulla spe auxilii freti  
 non ulterius adversus virtutem regis stare audebant  
 pacem et belli dilationem fieri rogavit, ut sic consi-  
 lium ageret quatenus urbis in regis potestate, civibus  
 salvatis, traderetur. Pax denique ex petitione Am-

miraldi, utrinque datis dextris, firmata est ac populus ab omni impugnatione quievit. Tunc Ammiraldus universo cœtu Sarracenorum in unum convocato, consilium anxie tenuit, et in hunc modum coram omnibus locutus est: *Diu hanc civitatem etiam usque ad sanguinem defendimus. Sed nunc nullum nobis auxilium a rege nostro Babyloniz, vel ab illius civitatibus, ut solitum erat fieri, speramus, propter navalis obsidionis infestationem. Quapropter si omnibus nostris nunc foret gratum, in hac ultima necessitate regi Baldewino urbem reddi et aperiri oportet, priusquam armis illius peramus, et pereuntes nec vitam nec urbem ad extremum teneamus. Unde si utile consilium meum videtur, nec sanius modo reperiri valet, antequam urbs illi aperiat, si fœdus inter nos et ipsum firmetur, ut incolomes cum uxoribus et filiis nostris et universis rebus exeamus, ubique viam pacifice, et sine impedimento, insidiisque suorum habentes.* Concesserunt universi hoc Ammiraldi consilium: quod et regis auribus sine mora innotuit, scilicet ut sub pura fide datis dextris pacificus exitus civibus daretur, et sic non ultra regi resistentes, portas urbis aperirent. Rex igitur et patriarcha Evermerus consilium cum suis super hoc inierunt quoniam, si petitioni illorum contradicentes, fidem et pactum negarent; cives vero urbem nisi cum salute exire metuerent, non sine interitu et periculo Christianorum eam posse expugnari. Unde et petitioni illorum sic annuerunt ut, urbe reddita et patefacta, cum universis rebus pacifice migrantes, nihil periculi dubitarent. Verum Pisani et Genuenses avaritia rerum gentilium inflammati, nequaquam sic liari responderunt ut divitiarum urbis et ejus inestimabiles thesauri pacifice efferrentur. Tandem ab hac contradictione a rege et domino patriarcha correcti et placati, assensum in universis præbuerunt quæ illis ad salutem Christianorum potiora videbantur. Et sic jurejurando a rege Sarracenis promissa pace et firmata, urbs et portæ ejus in ipsa sancta et celebri die Dominicæ Ascensionis patefactæ sunt.

**CAP. XXIX. — Qualiter Pisani Sarracenos urbe egredientes injuste occiderint.**

Rex autem et exercitus ejus intromissus est; principes vero civitatis et ceteri inhabitatores pacifice cum uxoribus et filiis, cum pecoribus et omni substantia egressi sunt. Sed Pisani et Genuenses, videntes eos cum omni suppellectile egredi, et gazam illorum inauditam efferri, avaritia vehementer excæcati, fidemque et pactum quod cum rege pepigerant obliti, subito per mediam urbem irruentes cives occiderunt aurum, argentum, ostra diversi generis et plurima pretiosa rapientes. Populus autem Galilææ qui ab arido cum rege urbem intraverat videns Pisanos per urbem discurrere, cives occidere, thesauros inauditos diripere, pariter et ipsi avaritiæ flammis æstuantibus et jurajurandi obliti, circiter quatuor millia civium in ore gladii percusserunt, gazam, vestes, pecora, et omnes divitias illorum incomputabiles diripientes. Hac injusta seditio ad extra-

miraldi, utrinque datis dextris, firmata est ac populus ab omni impugnatione quievit. Tunc Ammiraldus universo cœtu Sarracenorum in unum convocato, consilium anxie tenuit, et in hunc modum coram omnibus locutus est: *Diu hanc civitatem etiam usque ad sanguinem defendimus. Sed nunc nullum nobis auxilium a rege nostro Babyloniz, vel ab illius civitatibus, ut solitum erat fieri, speramus, propter navalis obsidionis infestationem. Quapropter si omnibus nostris nunc foret gratum, in hac ultima necessitate regi Baldewino urbem reddi et aperiri oportet, priusquam armis illius peramus, et pereuntes nec vitam nec urbem ad extremum teneamus. Unde si utile consilium meum videtur, nec sanius modo reperiri valet, antequam urbs illi aperiat, si fœdus inter nos et ipsum firmetur, ut incolomes cum uxoribus et filiis nostris et universis rebus exeamus, ubique viam pacifice, et sine impedimento, insidiisque suorum habentes.* Concesserunt universi hoc Ammiraldi consilium: quod et regis auribus sine mora innotuit, scilicet ut sub pura fide datis dextris pacificus exitus civibus daretur, et sic non ultra regi resistentes, portas urbis aperirent. Rex igitur et patriarcha Evermerus consilium cum suis super hoc inierunt quoniam, si petitioni illorum contradicentes, fidem et pactum negarent; cives vero urbem nisi cum salute exire metuerent, non sine interitu et periculo Christianorum eam posse expugnari. Unde et petitioni illorum sic annuerunt ut, urbe reddita et patefacta, cum universis rebus pacifice migrantes, nihil periculi dubitarent. Verum Pisani et Genuenses avaritia rerum gentilium inflammati, nequaquam sic liari responderunt ut divitiarum urbis et ejus inestimabiles thesauri pacifice efferrentur. Tandem ab hac contradictione a rege et domino patriarcha correcti et placati, assensum in universis præbuerunt quæ illis ad salutem Christianorum potiora videbantur. Et sic jurejurando a rege Sarracenis promissa pace et firmata, urbs et portæ ejus in ipsa sancta et celebri die Dominicæ Ascensionis patefactæ sunt.

**CAP. XXX. — De quingentis Arabibus qui, Joppen bello aggressi, Othonem jugulaverunt.**

Eodem vero anno post captivum Ptolemaidis, quæ et Accaron dicitur, vulgariter post Acra, in mense Septembri jam mediato, ipso die Exaltationis S. crucis, milites Arabes circiter quingenti in equis et armis ab Ascalone exsurgentes, Joppen descendunt; ac jam sole flagrante medio axe cæli, ante urbis januam assistentes, milites catholicos bello lacessere conati sunt. Et ecce Otho, nomine Altaspata, filius sororis Alberti de Blandraz, miles tiro imperterritus, tantum cum viginti qui aderant ad custodiendam urbem, galea et lancea indutus, quingentis occurrit militibus. Quos plurimo equestri luctamine provocantes, et temerario ausu copias illorum impetentes, novissime medio agmine nimie gentis permisti, nequaquam ab his extorqueri aut redire potuerunt, quousque Otho inimicorum armis extinctus cum quinque fratribus ibidem fuisse perhibetur. Continuo Sarraceni ac Arabes ab equis descendentes, capitaque occisorum amputantes, secum Ascalonem in signum victoriæ detulerunt ut, his visis, cives ad quidpiam audendum animarentur.

**CAP. XXXI. — De sexaginta Arabibus, urbem Cæsaream deprædantibus, quos Baldewinus rex superavit.**

Abhinc diebus septem vix evolutis, sexaginta Arabes, viri militares, nomen pariter gloriæ et victoriæ aliquo insigni facto sibi acquirere volentes, moverunt iter versus civitatem Cæsaream in die natali apostoli et evangelistæ Matthæi, si forte illis occurrerent aliqui incauti ex Christianis. Sed nemine illis obviam facto, prædam boum oviumque Christianorum ante urbis mœnia in pascuis repertam abduxerunt, ut vel hac occasione Christiani ab urbe egressi, et eos insequentes, ex hostili industria punirentur. Hanc itaque præcam illis abducentibus, Christiani cives urbi, Cæsareæ ira commoti, ab urbe ferme ducenti sunt progressi cum solo equite, qui diu etiam febre correptus, vehementer elanguit, et adhuc parum sanitatis recuperaverat, ac milites Arabes in arcu et sagitta et lancea sunt persecuti, ut prædam excuterent et reducerent. Econtra Arabes fortiter repugnantes, ac prædam abducentes, pedites Christianos sæpius in fugam remittebant, quin etiam equitem adhuc languidum proximo cursu eos urgentem peremerunt ipsius armigerum suorum, in quibus equorum pabula ferre consueverant. Nec mora, regi Baldewino Japhet vel Joppe commoranti, divulgatum est quomodo Ascalonitæ milites sexaginta Cæsaream deprædandi



causa divertissent. Qui solum quadraginta equites secum habens, divisit eos per triginta ac direxit per montana ut universas semitas prævenirent, per quas sperabat eos reversuros. Ipse quidem, decem assumptis, recto tramite quo ab Joppe itur Cæsaream est profectus, si forte sibi obvenerent præfati sexaginta milites, ut eis malum quod fecerant Cæsareæ digna vice possent rependere. Igitur dum aliquantulum itineris rex et sui peregrissent, in armis et lorica armigeri et servi Arabum, præmissi cum præda et capite Christiani militis, rege nescio ac regis nescii, obviam facti sunt, sexaginta vero milites eadem via loricati et armati a longe subsequerantur. Rex autem sui que armigeros apprehendentes ac consulentes unde illis iter sit, sarcinasque eorum aperientes, in sacco unius illorum caput Christiani militis invennerunt. Quo viso et cognito, Ascalonitarum crudelitas propalata est: et rex statim apprehensos armigeros coegit minis et terroribus suppliciorum ut omnem rem gestam aperirent; quod si nollent, capitali sententia universos ibidem comminatus est punire. Qui illico professi sunt dominos suos subsequi eodem itinere quo et ipsi venerant, ac per montana Japhet reditum suum constituisse. Rex, hoc auditu protinus obducto pectori clypeo et hæta arrepta, cum decem sociis via cepta ac nimum festinata, in hostes tetendit, metuentes ne forte aliqua fama ab hac via declinarent. Nec multo abhinc spatio sexaginta Arabes appropinquantes, super regem et suos incaute irruerunt, regem nequaquam aut aliquas insidias illic in via suspicantes. His vero inter manus regis tam incaute oblatis, rex fortiter tundens latera equi sui que non minus tundentes, viros subito clamore ac impetu aggressi, per medios irruerunt, alios lancea perforantes, alios ab equis dejicientes, et non parce in cæde illorum gladio sævientes. Tandem omni virtute rege invalescente, et Arabes ut stipulas penetrante ac dispergente, hostes ultra pondus certaminis sustinere non valentes terga verterunt. De quibus decem capti et retenti sunt absque his qui armis interierunt. Equi etiam illorum non minus quadraginta capti sunt, tum arma et spolia eorum cum quibus rex Joppen in gloria magna et ultione sui decollati militis reversus est. Japhet vero et omnes civitates fidelium quæ hæc audierunt ab ea die lætatae et confortatae sunt. Exaltatum est itaque nomen regis in universis finibus Ascalonitarum et omnium gentilium, non parum timentium et admirantium quod rex cum decem sociis sexaginta Arabes tam felici congressu alios attriverit, alios captivos duxit.

CAP. XXXII. — *Quod Reymundus contra Tripolin novum præsidium extruxerit, in quo moriens sepultus sit.*

Eodem quoque tempore et anno comes Reymundus, adunata manu Christianæ gentis a diversis locis et regnis, civitatem Tripolin, quam vulgo Triplam vocant, obsedit multis diebus et annis, eam machinis et armis expugnare molitus. Sed longo

A tempore dum circa hanc et ejus mœnia incassum laboraret, nec famis angustia eos compellere valeret in ejus redditionem, eo quod a Babylonia, Ascalone, Sagitta et Sur auxilium illis frequenter adesset, et navigio rerum abundantia superesset, comes Reymundus, consilio cum suis habito, novum præsidium fieri decrevit, a quo semper urbi adversaretur, et ad quod sui assidue protectionis causa ab hostili impetu repedarent. Appellatum est idem præsidium mons peregrinorum, eo quod peregrinis et Christianis militibus illic munimen contra gentilium vires semper haberetur. Verum biennio evoluto post captionem Ptolemaidis, et ædificationem hujus præsidii novi, quod dicitur mons peregrinorum, comes post Purificationem sanctæ Dei genitricis Mariæ obiit mense Februario, in eodem novo præsidio quod extruxerat, catholice sepultus.

CAP. XXXIII. — *Ubi Alexius imperator pro redemptione Boemundi copiosam promisit pecuniam.*

Interea dum præfata longa negotia circa Acram, quæ et Ptolemais, in civium redemptione et urbis deditione agerentur, Alexius imperator Constanti-nopolis, cui semper Boemundus suspectus erat ne eum a regno expelleret, pecuniam ducentorum et sexaginta millium byzantium creberrimis legationibus epistolarum obtulit Donimano magnifice principi Turcorum, quatenus Boemundum principem Siciliæ, quem adhuc tenebat in vinculis, suæ manciparet ditioni, volens eum aut æterno exilio aut perpetua damnatione perire, ne ultra regno ejus aliqua machinatione nocere posset.

CAP. XXXIV. — *Solymanus propter pecuniam ab imperatore promissam Donimanum bello fatigat.*

Hujus itaque tam grandis pecuniæ massam Solymanus, ante hos annos princeps Nicææ civitatis, intelligens pro redemptione Boemundi imperatorem polliceri, cauta et privata epistolarum legatione compellat eum primorem suum Donimanum ut eum tantæ pecuniæ participem faceret, eo quod amici et socii in bellis et plurimis prædis semper fuissent; sed universum hujus thesauri talentum Donimanus in-hians indivisum retinere, callida occasione sibi assumpta id fieri prorsus interdixit. Hoc Solymanus graviter accipiens, amicitiam et fœdus quod cum eo percusserat abruptens, cœpit assiduis infestationibus adversari, ac depopulari quæ illius erant; quin assumptis copiis jam tertio bello lacessitum, plurimisque insidiis vexatum superavit, ac in fugam misit. Sic calumniatus et humiliatus Donimanus ex industria Solymani, cœpit multis lamentationibus ac crebris suspiriis hoc infortunium suum rememorari in audientia universorum amicorum suorum, quatenus eorum adjutorio aliquam vindictam de illatis sibi injuriis consequeretur.

CAP. XXXV. — *Ubi Boemundus de omnibus his consilium dedit.*

Has itaque Donimani principis urbis Nixandriæ, querimonias Boemundus paulatim callida aure auscultans, dum adhuc teneretur in vinculis, cœpit



clanculum a custodibus et procuratoribus requirere quidnam esset quod Donimanus tam magnificus princeps triste ferret ac tota domus ejus plus solito turbata nunc esset. Tandem die quadam dum res Donimano innotuit, quomodo Boemundus de injuriis et calumniis ejus requisivisset, et quomodo nimium super his ingenuisset, ad ipsum locum carceris in quo catenis ferreis astriculus servabatur descendit: quas pertulerit insidias et adversitates a Solymano sibi recensens pro pecunia in ejus redemptione ab imperatore sibi oblata, sed Solymano ejus divisione negata; sciens eumdem Boemundum virum astutum et magni consilii adinventorem ut, eo audito, forte Solymano dignam vicem injuriarum rependere addiceret. Cui Boemundus prudentiori, quo potuit, consilio de universis, quæ ab eo intellexerat, sic respondit: *Ex his omnibus quæ tibi adversantur satis sanum consilium capere potes, quo Solymano facile in caput reddes cuncta quæ tibi tuisque intulit, si non tam leviter cum imperatore Alexio fœdus pepigisses pro hac ingenti pecunia et mei venditione.* Ad hæc Donimanus nimis æstuans curis in ultione suæ injuriæ, Boemundum constantius rogat ut, quod sanius sentiret consilium, edoceret. Qui protinus respondit: *Quoniam si imperatoris volueris refutare pecuniam, et tam grandis talenti dimidium a me suscipere, me pristinæ libertati restituere, a manicis his absolvi in omni, qua placuerit, conditione, in Deo meo jurans, tibi inseparabilis dilectionis et fidelitatis vinculo astringar, imo universi principes Christianorum. Amici vero mei et cognati tam qui sunt Antiochiæ quam qui Rohas, et qui habitant Jerusalem, et universis locis, sub ejusdem tibi vinculo fidei sociabuntur, semper de honore tuo et salute consulentes et agentes. Si autem pecuniæ, quæ tibi causa meæ perditionis offertur, magis intenderis, quam meæ et confratrum fidei, amicitie et servituti, certus sis, quoniam pecunia de die in diem minuetur ac dividetur, odia, inimicitias, noxia consilia cognatorum et confratrum meorum nunquam dum unus in partibus his vivet et prævalebit, scias tibi et terræ tuæ posse deesse. Si vero ad me et ad servitatem meorum et amicitiam animadverteris, pecuniam imperatoris recusaveris, et quantum devovi, licet minus talenti, a me receperis, certus sis amicitie cunctorum confratrum meorum; et militare obsequium eorum in omnibus negotiis tuis procul dubio crede semper tibi in omni fide et subjectione paratum: nam sic fœderati utrinque et amici sub jurejurando facti, non solum ipsum Solymanum qui sic adversum te extollitur et inflatur, et te calumniari meditatur, in virtute tua et nostra facile expugnabimus, terram vero, quam possidet, eo expugnato et expulso, subjugabimus; sed etiam imperatoris regnum et terras, quantocius decreveris, nostræ ditioni subjiciemus.*

CAP. XXXVI. — Donimanus, accepto consilio amicorum, Boemundum sub pecunia pristinæ restituit libertati.

Donimanus his Boemundi verbis et promissis

acceptis, non parum mente in diversa fluctuans, angustiari cœpit quid primum eligeret, quid refutaret. Unde et hæc responsa illi dedit: *Placent satis universa, quæ de ore tuo audiri, si dicta factis inviolabilis fidei compleveris. Sed dextram tibi dare non absque meorum consiliis decet: et ideo in brevi consilium cum illis faciens, eisque tuam intentionem et suggestionem aperiens, aut cito faciam, quod hortaris; aut meorum consiliis acquiescam, utiliora tamen non relinquens.* Dehinc post aliquot dies consilio habito, placuerunt universa quæ Donimanus a Boemundo audierat et suis retulerat, et idcirco illius petitionem et consilium non ultra debere refutari, sed fieri omnibus bonum et utile visum est; hæc tamen rata et firma conditione, ut quique sua lege et professione utentes, amicitiam et fœdus integre servarent. Quod sic actum est: ac dimidium pecuniæ, quod imperator spondederat, Boemundo remissum est; et solummodo centum millia byzantium persolvi et recipi concessa sunt. Hoc itaque firmato et concesso, Donimanus imperatori legationem direxit ad contradicendum auri talentum, quod obtulerat. Boemundus igitur nimium gavisus eo quod jam per biennium vincula et carceres passus, nunc autem quod gratiam in oculis Donimani, Deo miserante, invenisset, et plurimam suæ redemptionis clementiam, ad universos cognatos et amicos suos tam Antiochiam quam Rohas et in Siciliam pro congreganda pecunia misit, et ut congregatam designata die afferrent in regionem urbis Molatinæ: ubi reducendus et restituendus erat, concordia quoque et fœdus cum Donimano firmandum. Mox universi de redemptione ejus audientes, gaudio et exultatione repleti sunt, ejusque mandatum studiose adimplentes, pecuniam undecunq̄ue contractam et compositam ad locum prænominatum determinata dies deferentes convenerunt. Ubi Donimanum et Boemundum, sicut decretum erat, reporientes, in numero et pondere pecuniam ipsi Donimano suisque reddentes, utrinque pariter amicitia et fœdere percusso, ad invicem reconciliati et amici facti sunt. Hæc itaque pecunia a privatis et cubiculariis Donimani suscepta et reposita, Boemundus datis dextris in vinculo summæ dilectionis commendatus, liber ab omni deditione cum suis Antiochiam remittitur. In qua non modico gaudio ab universis conchristianorum civibus susceptus honorificatus et inductus est.

CAP. XXXVII. — Solymanus propter redemptionem Boemundi inimicas Donimano litteras mittit.

Hæc Solymanus intelligens, moleste nimium accepit eo quod pecuniæ participes esse nequiverit. Unde adversus Donimanum loquens, Soldanum, regem Corrozan et Baldach, quæ est civitas et caput regni Turcorum, cum universis principibus gentilium commovit ut ei adversarentur, et ultra auxilio et gratia regis privaretur, quod Boemundum hominem belligerum et tam astutum in omnibus negotiis rei militaris, et qui semper Turcis regno-

que Turcorum et Græcorum malum et insidias moliretur, ignorante rege absolvisset. Nec diu, dum hæ sinistræ legationes ex accusatione Solymani ad regem Turcorum factæ essent, ex his vero regis ira et indignatio cunctorum procerum Turcorum in aures Donimani insonuissent, et variis minis cum suisque perterruissent, et plurimum sollicitassent, quadam die Solymanus in hunc modum epistolam scripsit: *Donimane, frater et fili de gente Turcorum, nunc usque vir illustris et acceptus regi et omni regno Turcorum fuisti in bellis et victoriis, quas gessisti. Sed ecce nomen tuum vehementer imminutum est; et nunc apud regem Corrozan, et universam gentem tuam, plurimum viluisti, exosus omnibus factus, eo quod Boemundum tam leviter redimi permisisti, et consilium nostrum in hac conventionem et redemptionem vile et pro nihilo habuisti. Verum si id flagitium commutare volueris regisque iram et majorum Corrozan placare, eundem Boemundum, quem præ omnibus Christianis magis suspectum habemus, in locum, quem signa vero, quasi ad auxilium invitabis, et tunc positus insidiis nostris subito circumventus rapietur. Alioqui scias te nunquam regis gratiam recuperare, et effugere manus et indignationem Turcorum.* Cui Donimanus nequaquam acquievit, ne fides sua et omnium Turcorum apud Christianos et cæteros gentiles vilescere videretur.

CAP. XXXVIII. — *ibi, Boemundo Antiochiam reverso, Turci Rohas urbem obsidere conantur.*

Post hæc eodem anno, quo Ptolemaide vel Acra capta, in mense Maio, Boemundus Antiochiam ab exilio et vinculis reversus est, Geigremich, magnificus princeps Turcorum, cognatus Corbahan, frater Sochomani, qui regno Jerusalem, quod injuste invasit, nunc per virtutem regis Babylonie amisso, in primo adventu Christiani exercitus Damascum aufugit, ut illic a Turcis protegeretur, unus de præpotentibus regni Corrozan, collecto exercitu sexaginta millium Turcorum profectus est in superbia et virtute magna ad obsidendos muros et mœnia civitatis Rohas, quæ et Edessa nuncupatur.

CAP. XXXIX. — *Baldewinus comes, Boemundus et Tankradus peccata sua confitentes, exercitum congregant, et contra Turcos acies ordinant.*

Hujus igitur insuitæ multitudinis adventu et subito rumore Baldewinus de Burg attonitus, princeps ejusdem civitatis a rege Baldewino constitutus, universos, qui secum erant in conventionem solidorum, ad defendenda mœnia convocat ac disponit; quin ab urbe egrediens Boemundum et Tankradum ad opem et vires augendas, missa legatione, invitavit; rogans eos ac deprecans in nomine Domini, ne Turcorum superbiam Christianis confratribus dominari paterebantur. Hujus vero legatione accepta, et protinus collectione facta de omnibus locis et castellis Antiochie, circiter tria millia equitum, septem vero editum applicuerunt ad locum præsignatum, in campos scilicet civitatis Aran vel Caran, ubi Baldewinus adventum eorum cum omni populo, quem contraxerat,

A præstolabatur. Illic a quodam Arabe innotuit comiti Baldewino, Boemundo, Tankrado, quomodo illa adunatio Turcorum festinanter appropinquaret ad obsidendos muros et expugnandas munitiones civitatis Rohas. Audientes itaque hæc nuntia tot supervenientium adversariorum, moverunt castrum et omnem apparatus suum ad flumen Cobar, quod a partibus regni Babylonie usque ad has partes alveo dirigitur; ubi tentoriis locatis, in crepidine alvei pernoctasse perhibentur. Dehinc primo diluculo castra amovescentes, in planitie civitatis Racha constituerunt, ubi de omnibus culpis et commissis apud patriarcham Antiochie, et Benedictum episcopum civitatis Rohas confessionem facientes, discordiam omnem in charitatem revocantes, et acies viginti componentes, a dextris et sinistris constituerunt ad resistendum inimicis, et subveniendum sociis Christianis, et quo sic levius belli onus sustinerent. Vix acies ordinatæ erant, et ecce Sochomanus in dextrum latus cum triginta millibus fortium pugnatorum ac sagittariorum bellum committere audaci impetu, et tubarum horrissono strepitu appropinquabat. Boemundus vero, Tankradus et omnis militia Antiochie non segnus illi in faciem armis, lorica et galea ac scutorum testitudine ad obsistendum in tubis et cornibus fortiter exclamantes properabant. A sinistris vero Baldewinus de Burg, Gozelinus de Cortona, quæ et Turbaysel quod dono ipsius Baldewini in beneficio tenebat, loricati occurrerunt in lanceis et gladiis et equis rapidissimis, hinc et hinc fortiter tubis et cornibus intonantes, et prælia committentes. Boemundus vero et Tankradus, qui in dextro latere cum hostibus luctabantur, Deo miserante, cœperunt prævalere, hostes invadere et sternere, donec virtus eorum imminuta est, et ipsi fugam inierunt. Ceciderunt Turcorum quingenti milites in eodem prælio, quod in dextro Boemundus agebat; Christiani ferme ducenti interempti sunt. Baldewinus vero de Burg, Gozelinus de Cortona et cæteri egregii milites plus milliari a Boemundo cum sua acie remoti, audientes Boemundum et Tankradum jam bellum committere et prævalere, velocitate equorum densatæ et obsistentes acies rapido impetu irrumperere et atterere conati sunt, inter aciem Boemundi et Tankradi sociari, et misceri ad auxilium, ferventes; sed subito decem millia Turcorum ab insidiis surgentes, arcu et sagittis ferociter eis in faciem occurrerunt, graviter eos assilientes, et sagittis figentes, donec tota manus in fugam versa est. Ex his alii captivati et occisi sunt, et plures exilio æterno abducti.

CAP. XI. — *De decollatione octodecim clericorum et decaptivitate Baldewini comitis, principis Rohas.*

In hoc tam crudeli diffugio clerici octodecim, monachi vero tres, qui ad corroborandos milites Christi spiritualibus armis convenerant, decollati sunt; Benedictus vero episcopus captus et abductus est; quin ipse Baldewinus, princeps Rohas, nimium avidus cædis et incaute accelerans, nec victrices aquilas Boemundi opportune præstolatus, victus,

captus et abductus est. Ad hæc Tankradus a presenti cæde Turcorum gloriose descendens, sed sinistro nuntio consternatus, sine mora cum suis advocans, Turcos in Baldewini suorumque strage factos victiores insequitur ut captivos excuteret; sed maturata via elapsi sunt. Solus episcopus cum tribus tantum militibus liberatus et reductus est. Nocte denique instante, et die jam recedente, Boemundus et Tankradus in castra sua relati sunt cum universo comitatu suo ad refocillandos artus, nimio bellorum pondere hoc die fatigatos,

CAP. XLI. — *Boemundus et Tankradus, captivato Baldewino, fugiunt, et Tankradus in locum Baldewini præficitur.*

Dehinc primo galli cantu absentia Baldewini compta, momentaneo metu cerrepti, ad civitatem Rohas omnes celeri fuga contenderunt, quatenus ad defendendos muros et mœnia prævenirent, ne Turcis in victoria sua præcurrentibus civitas traderetur. Cives autem Rohas, qui et ipsi Christiani, casum et interitum suorum audientes, et tam magnifici principis abductionem, in lamenta et complorationem sunt versi, sed ad protegendum universos milites Christianos plurimum consolati sunt. Erat enim dies illa Dominica populo Christianorum celeberrima. Altera autem die exorta, Armenii cives ejusdem urbis, inito consilio cum universis, qui convenerant ad lamentandum tam illustrem principem, Tankradum loco ejus restituerunt, dum viderent, si Baldewinus redimi aut liberari posset. Boemundus dehinc sic Tankrado ad obtinendam urbem et ejus principatum, loco Baldewini constituto, Antiochiam cum suis reversus est.

CAP. XLII. — *Turci Rohas urbem obsidione cingunt, quibus Tankradus pro viribus resistit.*

Post hæc, octo diebus evolutis, et Tankrado præsidium Rohas et ejus mœnia vigili custodia procurante, Geigremich et sui, successu victoriæ suæ et Baldewini captione gloriantes, et adhuc altiora sperante conari, Tankradum vero et ejus dominium nunc ab urbe Rohas, et omnem Gallorum potentiam facile posse exterminari, nimium adversus eundem Tankradum indignati, longe majores prioribus contraxerunt copias ab universis locis et regno Turcorum, cum quibus in manu forti in campum Rohas ad obsidendas portas et ejus mœnia descenderunt, spatiosæ tentoria sua locantes. Tot itaque millibus et tentoriis, tot diversis hostium armaturis visis, Tankradus non modica angustia cœpit æstuarè, eo quod tenuis sibi virtus esset militum Gallorum ad occurrendum et resistendum tot Turcorum adunatis innumeris legionibus. Quapropter accepto consilio, urbem fideli custodia munivit, ac cives confortans, sine diutina mora se cum his adversariorum turmis configere et viriliter agere promisit. Qui ejus verba consolatoria intelligentes, et eum virum esse grandis fiduciæ et audaciæ, per muros et mœnia diffusi universi urbis cives ei milites, hostes excoipiebant ac procul repellebant, seras quoque et portas omni solertia munire non differabant.

A CAP. XLIII. — *Tankradus litteras Boemundo mittit pro redemptione Rohas, ad quem ille cum trecentis properat.*

Sed dum hinc et hinc diu prælia consererent, Tankradus, vir astutus in omni opere militari, clanculum legationem Antiochiam direxit in hunc modum: *Domino et avunculo suo, Boemundo, magnifico Principi Antiochiæ a Deo constituto, Tankradus prospere agere et vivere. Ex quo a nobis recessisti, et me tutorem ac defensorem civitatis Rohas, loco fidelis fratris nostri Baldewini, præfecisti, Geigremich et Sochomanus reallunatis viribus et copiis suis repentina obsidione civitatem Rohas et ejus muros occupaverunt, ut expugnatis turribus et mœnibus, cives trucidantes urbem exspolient, et me, sicut Baldewinum, captum tenentes, in*

B *barbaras nationes abducant. Quapropter charitatem tuam, quam semper erga fideles Christi habuisti, considerantes, tribulationes et pericula nostra tibi nota facere decrevimus; quatenus mala et angustias nostras intelligens, citius accitis sociis et amicis ab Antiochia et cæteris locis, festinato ad subveniendum nobis obessis et oppressis viam insistas; Turcorum minas et jaclantium minuas, et in nomine Christi a præsentibus obsidione repellas. Considerare enim te oportet, quod in hac terra peregrinationis pauci sumus et ideo nullius consilii causa est, ut facile ullo lædio laborum aut bellorum adversus hostes deficiamus, qui omni cura et studio invigilant ut nos expugnent et deleant: sed opportune et importune alter alterius onera semper portantes, unum suscineamus, in uno proficiamus, ad-*

C *versa et prospera tolerando. Si autem nos pigritia ceperit, aut aliquid indignationis tardaverit vel negligentes ad confratrum auxilium effecerit, nihil utilius super hoc prospicio, quam ut a terra exeamus, et hostibus sine intermissione insurgentibus cedamus. Nam aliquando patet, cum pauci sumus, si divisi et lædio affecti defecerimus, vivere et stare ante virtutem inimicorum nequeamus. His auditis, Boemundus, trecentis raptim equitibus collectis, et quingentis pedibus, profectus est ad liberationem nepotis sui, et catholicorum inhabitatorum civitatis Rohas. Sed difficultate locorum et montium, vel itinere dierum septem plurimum tardasse his videbatur, qui quotidianis Turcorum assultibus et oppugnationibus laborabant.*

D CAP. XLIV. — *Tankradus, nondum veniente Boemundo, ante solis ortum castra Turcorum cum omnibus suis in fugam vertit.*

Unde Tankradus et cæteri confratres civesque, dum de die in diem multis suspiriis eum exspectarent, sed Boemundo tempore optato non veniente, prorsus desperarent, devoverunt unanimiter potius mori, quam Corrozan in exilium deportari, et diversis pœnie impie ab impiis cruciari. Et ecce, convocati in unum cives et milites, constituerunt prælium; et ab urbe primo diluculo in armis et turmis procedere, ad castra cum silentio properare, donec appropiantes fortiter in tubis et cornibus tumultuarentur, hostes adhuc sopore depressos et

secure somniantes, subito improvisos invaderent; ac sic minime ad arma contendere valentes, celerima strage detruncarent. Quod juxta hoc constitutum adimplentes, mox prima luce orta, egressi ab urbe in omni armatura et virtute, qua poterant, repentino fragore et clamore vehementi aggressi sunt castra adversariorum: quos adhuc hesterno vino sepultos et incautos usquequaque in ore gladii percusserunt, donec corporibus extinctis et sanguinis rivis præsentis campi inundarent. Ut autem plerumque diei processit, manus et virtus Tankradi amplius cœpi prævalere, immanior metus hostes invadere, donec præ nimia strage exterriti, usque ad tentoria principum exercitus in fugam cogerentur. Geigremich tandem et Sochomanus videntes omnia castra suorum attrita et in fugam conversa, vix in equis cum his omnibus, qui juxta se castra locaverant, residentes, relictis cunctis tentoriis suis cum cæteris rebus, spoliis et stipendiis, fugam acceleraverunt, semper eos Tankrado multa occasione insequente.

CAP. XLV. — *Ubi Boemundo Turcis fugientibus obviam facti, nobilissima matrona a sociis Tankradi capta est.*

His itaque dispersis et profugis factis, Tankrado semper eos a tergo cædente, Dei nutu et clementia Boemundus ipsa eadem die fugientibus cum omni comitatu suo obviam factus est, sciens quidem, quomodo adhuc in nocte potenter campos occupaverant; sed quomodo Tankradus, cum eis tam matutino prælio confixisset, penitus ignorabat. Nunc autem velut homo caecus et gnarus bellicæ artis, ut Turcorum superbiam et virtutem intellexit defluxisse, et nihil præter fugam meditari, Christianorum vero victrices aquilas cum magna vociferatione insequi plurimum gavisus est; et pariter admistis viribus et copiis suis eosdem fugientes insecutus, per totam diem in cæde et captione illorum indeficienter laborasse perhibetur. In hoc diffugio et gravi contritione Turcorum, Geigremich et Sochomanus vix cum paucis evaserunt. Sed matrona quædam nobilissima de regno Corrozan, quæ non modico apparatu opem et vires contulerat, ibidem a Tankrado et sociis ejus capta et retenta est. Dehinc victoria hac Dei et Domini Jesu Christi clementia sic habita, Boemundus et Tankradus et universi Christiani milites spolia multa Turcorum pacifcesumpserunt, cum quibus civitatem Rohas in lætitia et gloria magna ingressi sunt.

CAP. XLVI. — *Qualiter Turcorum principes et rex Baldewinus pro matrona interpellaverint Boemundum et Tankradum et quid responderint illi.*

Transactis aliquot post hæc diebus, legatio Geigremich et præpotentium regni Corrozan Boemundum et Tankradum in civitate Rohas de redemptione matronæ interpellavit, quatenus Baldewinum de Burg, quem tenebant in carcere, pro ejus restitutione remitterent, aut quindecim millia byzantium in ejus redditione ab eis mitterentur. Hac legatione

Geigremich et tam nobilissimæ matronæ captione usque Jerusalem divulgata, regis Baldewini supplex legatio cum multa prece adfuit, ad exorandum Boemundum et Tankradum ut Baldewinus confrater et princeps Rohas per captam matronam restitutam restitueretur, et nullam ante hoc pecuniam bonum esse, nec debere eos concupiscere. Qui regis petitioni benigne super his in hunc modum responderunt: *Domino suo Baldewino, regi Christianissimo Jerusalem, Boemundus et Tankradus obsequium sine intermissione. Libenter per omnia tuis parere mandatis de redemptione Baldewini, amici et consocii nostri, decrevimus, et hæc sollicitudo nostra semper fuit et est. Sed hoc tempore de hac re dissimulare, et silentio suppressere necesse est, si forte aliquid pecuniæ cum ipso fratre Baldewino pro hac matrona restituenda extorquere possumus, qua nimium anxie indigemus ad remunerandos milites, assiduis laboribus nobiscum insudantes.* Sic blanda et bona satis hæc illorum fuere responsa; sed nequaquam in eis fides fuit aut veritas, aut aliqua voluntas virum redimendi, propter ambitionem civitatis et ejus tributorum; quæ diversis negotiis et rerum commutatione, quæ tantum infra mœnia aguntur, ad quadraginta millia byzantium singulis annis computantur, absque his redditibus, quos plurima castella et regiones ad eandem civitatem pertinentes largiuntur. Sic regi amica responsione et promissione satisfaciens, Boemundus quidem Antiochiam rediit, Tankradus vero ad tuendam et muniendam civitatem Rohas remansit.

CAP. XLVII. — *Quomodo Boemundo contra regem Græcorum in Italiam profecto, Tankradus Turcos bella devicerit.*

Anno dehinc sequenti post captionem Baldewini de Burg, anno vero Baldewini regis quinto, Boemundo non solum in Italiam sed et Galliam profecto ad exquirendas vires, et commovendos principes adversus regem Græcorum Alexium, Tankrado autem Antiochiæ vice avunculi sui relicto ad tuendam civitatem, ejusdemque Tankradi custodia in Rohas disposita, Brodoan, princeps magnificus civitatis Alapiæ et frater Turcorum, occasione assumpta, ab amicitia et fœdere Tankradi in dolo recedens, loca et civitates ad urbem Antiochiam appendentes graviter deprædatus est; quin episcopo civitatis Albariæ effugato, et plurimis ecclesiis Dei annihilatis, non tamen præda ac strage hac saturari potuit; vel ad ultimum decem millia equitum et viginti peditum de terra sua producens ad assiliendam urbem Antiochiam et expugnandum Tankradum in superbia et jactantia magna profectus est. Tankradus autem virtutem et exercitum ejus intolerabilem et copiosum accrevisse intelligens, quantumcunque cum suis perterritus est. Sed tamen sine dilatione Turbaysel, Rohas, et Maresch nuntios dirigens, universos scilicet catholicos viros qui erant in circuitu ad auxilium vocavit, quorum conventum Antiochiæ fieri decrevit. Ut autem convenerunt ad mille equitum, et novem millia peditum, sermo episcopi factus est

ad universos, ne in multitudine adversariorum dubitent; sed in nomine et virtute Dei confidenter hostibus resistent, de victoria certi, Deo auxiliante. Triduo deinceps ieiunio indiato et peracto ex pontificis admonitione, Tankradus usque ad pontem Farfar cum decem millibus equitum et peditum descendit, ubi hospitio per noctem remorati sunt. Crastina autem die radiante, Tankradus et sui, factis aciebus et erectis vexillis, Artesiam in loriceis, scutis et lanceis profecti sunt, ubi Brodoan cum inestimabili equitatu et apparatu occupaverat regionem universam. Hic itaque comperto Christianorum et principis illorum Tankradi adventu, acies et cuneos fieri disposuit, ac tertia diei hora insistente, utrinque praelium commissum est. Perdurante autem bello et nimia occisione in gladio usque in horam nonam, auxilio Domini Jesu, Christianorum acies invictissimè persisterunt; gentiles vero attritè et dispersè in fugam pariter versè sunt. Tankradus vero et sui eas insequentes, alios occiderunt, alios captivos et vinctos cum spoliis armorum et equorum tenuerunt. Altera autem die Tankradus spoliis et armis inimicorum acceptis et divisis, in gloria magna et lætitia victoriæ Antiochiam reversus est. Universi vero fideles Christi et cives Antiochiæ una cum domino patriarcha et episcopo civitatis ejusdem gavisi sunt gaudio magno, Deo et Domino Jesu Christo gratias agentes, cujus pietate et protectione ab hostium multitudine salvatus tam catholicus princeps triumphavit.

CAP. XLVIII. — *De præparatione belli inter Baldwinum regem et ammiraldum Babyloniorum.*

Anno dehinc secundo postquam Acra civitas capta est, virtus et apparatus magnus regis Babylonie mense Augusto tam in mari quam in arido profectus est ut urbem Japhet vel Joppe obsideret, et abhinc navali exercitu expugnaret; a campestribus vero civitatis Ascalonis castrametati sunt ut hinc et hinc a terra et mari subito regionem invaderent, et sic ex improvise regem Baldwinum suosque facilius debellant. Rex Baldwinus interdum Japhet moram faciebat: qui statim viso navali exercitu, dolos et machinamenta Babyloniorum intellexit; nempe hac de causa a parte maris eos urbem præoccupasse, ut ipso rege cum suis contra hos ad defensionem versus aquam laborante et intento, cæteræ copiarum gentiliū a campestribus Ascalonis irruentes, urbem Japhet subito expugnarent. Sed rex fraudem illorum cognoscens, ac virtutem illorum in campis Ascalonis curriculo trium hebdomadarum accubuisse, adventum vero et pugnam adversus Japhet dissimulare, ac minime diffamare, nec ipse socios invitare ac arma congregare obdormivit, quatenus per totum id temporis spatium paratus et munitus haberetur; et illis quocunque die descendentibus, et ipse cum suis copiis ad resistendum occurrere valeret. Hugo de Tabaria, Rorgius de Caiphaz, Gunfridus de turri David, Hugo de S. Abraham, Eustathius Granarius, Gutmanus de Brussella castro Brabantie, Lithar-

Adus de Cameraco civitate Gallie, Pisellus de Tuorna, Baldwinus de Hastrut, castellis Flandrie, hi omnes a rege invitati ad auxilium, undique contractis copiis equitum et peditum Christianorum convenerunt. Aduit in eodem regis comitatu quidam Turcorum adolescens strenuus, Mahumet nomine, iu armis et numero centum sagittariorum Turcorum, qui vitrici sui avaritia et industria a paterna sede et a terra Damascenorum expulsus, nunc cum rege fœdus percussit, quatenus in omni militari auxilio fidelis et promptus illi haberetur. Videntes autem legiones Sarracenorum quomodo regi doli et insidiæ innotuissent, et nunc se prævidens manum Christianorum undecunque ad opem contraxisset, moverunt castra a campis Ascalonis, et usque ad locum, qui dicitur Abilin, in superbia multitudinis suæ profecti sunt.

CAP. XLIX. — *Quod advocato patriarcha Jerusalem, rex Baldwinus in Domino confortatus de Babylonis triumphaverit.*

Quorum adventum rex ut persensit, et procul dubio jam eos appropriasse, direxit legationem domino patriarchæ in Jerusalem, ut sine mora convocata manu fidelium, ad augendas vires et opem contra inimicos properaret. Hic denique regis audito nuntio, pedites centum et quinquaginta colligens, arma aptavit, iter versus Rames insistens, sicut ex mandato regis illi constitutum erat. Post hæc rex et universi fideles ad id belli negotium adunati, et communione Dominici corporis et sanguinis muniti, ad sex millia in sexta feria urbem Japhet egressi sunt, Lithardo Cameraensi, quia prudens et fidelis erat, cum viris trecentis contra virtutem navalem in ipsa civitate relicto. Rex itaque cum omni comitatu suorum et signis ad Rames descendens, Sabbato illic moram fecit, præstolatus dominum Evermerum patriarcham cum omni manu Jerusalem. Patriarcha vero jam suscepto et cæteris fidelibus Jerusalem, orto mane Dominicæ diei, rex quinque ex sequitibus et peditibus ordinavit, ad committenda prælia cum hostibus; ipse vero rex in extrema acie inter equites ad corroborandos et exhortandos suos imperterritus mansit. Pauci quidem equites, numero scilicet centum et sexaginta circumsteterunt illum. Nec mirum si pauci, propter assiduam equorum in terra hac defectionem. His ita a rege ordinatis, et signo S. crucis cunctis Christianis a domino patriarcha sanctificatis, signa et vexilla tolluntur; tubæ et cornua incessanter perstrepunt, rex et sui ad castra adversariorum contendere parant; quatenus anticipantes bellum, non ultra infidelium turmas impune descendere paterentur. Gentiles quoque jam regem tam proximum adesse et ejus copias comperientes, pariter et ipsi a castris in armis, signis et equis, et intolerabili stridore tubarum processerunt, in multitudine gravi quadraginta millium occurrentes, nec minus et ipsi bellum committere festinantes. Nec mirum, dum sic uterque exercitus in campo appareret, tubæ hinc et hinc fortuito insonarent,

et agmina fidelium ac infidelium atrociter commiserunt a primo mane Dominicæ diei, quæ est extrema mensis Augusti usque ad horam nonam. Tunc Dei gratia et misericordia Sarraceni infirmati, fugam arripientes a facie Christianorum cædentium se et persequentium, Ascalonem repedare et intrare contenderunt.

CAP. L. — *De septem millibus gentilium cæsis, et de Willhelmo comite.*

In hoc quidem prælio ceciderunt septem millia gentilium; cecidit et ammiraldus Ascalonis: ammiraldus vero Acræ et ammiraldus Assur qui vita a rege impetrata et civitatibus deditis, Ascalonem ante hunc annum confugerant, cum omnibus exuviis suis capti sunt. Rex autem, hac Dei et Domini Jesu Christi opitulatioe victoria accepta, cum universis spoliis inimicorum in gloria magna Joppem ingressus est. De cujus comitatu tantummodo centum perierunt cum milite egregio Reinardo Verdunense, quem rex et universa Ecclesia planxerunt planctu magno, catholicas illi exsequias exhibentes. Erat vero navalis exercitus in latere urbis: qui victoriam suorum adfuturam sperantes et peregrinorum fugam atque contritionem, urbem subito irrumpere devoverant. Sed viso capite decollati ammiraldi et primi Ascalonis, et fuga et strage Ascalonitarum et Babyloniorum comperta, tristes et desperati a statione urbis Japhet velocibus remis amoverunt, Triplamque in spe refugii navigantes ac inibi pernoctantes, facto mane, Ascalonem et Babyloniam navigio reversi sunt. Comes autem de Sartengis, Willhelmus nomine qui, mortuo Reymundo comite et avunculo suo, terram et civitates de Camollahæreditario sanguine possidens, successit; et nunc post avunculi obitum plurimo assultu eandem urbem Triplam Tripoli debellabat de novo præsidio, quod dicitur Mons peregrinorum, quod et ipse Reymundus multo robore firmaverat: nihil huic navali exercitui, Triplæ hospitato, adversari aut contradicere potuit, propter aquarum fiduciam quam habebant, et urbis intolerabilem multitudinem quæ illis in littore ad auxilium semper affluebat. Plurimo tamen comites impeditæ moliebatur nunc fundibulariis, nunc sagittariis, sed hi aquis nimis freti, sine contradictione et læsione Ascalonem potenter applicuerunt.

CAP. LI. — *Quomodo rex Baldwinus, devictis Babylonis, sata Ascalonia succenderit, bestiis silvarum clamore exercitus perterritis.*

Igitur post bellum et victoriam quam rex ad Abilin, quæ est inter Ascalonem et Rames, adeptus est, siluit terra regis, et metus magnus corda Ascalonitarum et Babyloniorum concussit; quoniam toties a rege in manu paucorum victi ceciderunt ac fugerunt, et nulla eis spes ultra resistendi et vivendi in conspectu ejus fuit. In hoc itaque mœrore et desperatione dum sederent, et jam curriculo octo mensium quiescerent, vineas excolerent, regemque

A interdum cessare ab armis gauderent, et ipsum mutua pace et donis placare ferventer, sed omnia frustra tentarent, nisi urbem Ascalonem in manu ejus redderent: verni menses processerunt quando sata, fruges, vineas et omnis spes anni in florem et fructus parturiunt, et messem adfuturam in proximo promittunt. His ita in commodum et plenitudinem omnibus apparentibus, atque in campis omnibus Ascalonis jam ad messem properantibus, rex a Jerusalem et omnibus locis sibi auxiliantibus milites atque arma copiosa contraxit, ac tempore Rogationum, quo illis in regionibus omnia sata festinant ad messem, occupavit terram Ascalonitarum, vineas, ficus et cujusque generis arbores succedens in manu robusta; quin et sata, quæ equorum, camelorum cæterorumque armentorum pabulo non sufficere, B flamma combussit, ut vel hoc saltem incommutabili damno gens dura et indomabilis, et subdenda colla molliretur. Sic universa regione non solum populari manu, sed et incendio vastata, rex reditum Jerusalem cum parte exercitus aptavit; viamque per montana universi insistentes, qui erant in comitatu, immenso stridore tubarum et cornuum intonantes, universa loca montium et vallium non parvo terrore concusserunt, per quæ in virtute sua transituri erant. Hoc inæstimabili fragore tanti exercitus plurimæ feræ ab antris suis et a desertis montium stupefactæ et exterritæ insolito errore viarum hæc et illæ vagabantur. Nec mirum: cum nec avium volatus tumultum populi vociferantis sufferret, sed C altis vocibus attonitæ ac lapsæ ab æere in medium vulgus a volatu deficiebant. Itaque, dum sic ab antris diversæ feræ pavidæ errarent et hanc vociferationem inauditam mirarentur, contigit infelici casu quamdam timidam damulam de montanis exire, et cæco errore inter populum fugam maturare: quam mox anteriores exercitus ut viderunt, graviter eam circumquaque equorum velocitate oppræsserunt, hi ut præventam caperent, hi ut participes venationis haberentur.

CAP. LII. — *De Arnolfo, nobilissimo juvene, in montibus interempto, cujus caput Ascalonitæ cum litteris regi Baldwinus remisit.*

Inter hos dum feram hanc ad montana festinantem armiger nobilissimi juvenis Arnolphi, probi equitis ac principis de castello Aldenardis, acrius urgeret et D feram assequi ferret, cingula equi illius in eadem cursus contentione rupta sunt, et sic ab equo corruent prostratus humi ab insecutione quievit. Equus vero illius circum vociferantium strepitu attonitus, ad montana rapido cursu et immoderato tetendit, nullius approximationem aut comprehensionem patienti, donec inter fauces montium evadens, non ultra comparuit. Ad hæc contenderunt complures ad querendum caballum fugitivum, contendit et Arnolfus. Sed diu quæsito et minime reperto, tædioque per montium difficultates affecti, repedaverunt universi. Solus, Arnolfus, quem cura calbli sollicitabat, et qui armigeri administratione et offi-

cio carere non potuit, longius prosecutus est ad quærendum equum, ut inventum forte reduceret. Sed gravi fortuna adversante, equus quidem re-  
 pertus est; sed juvenis gloriosus non ultra ad suos rediit. Adfuerunt enim illic latentes Arabum insidiæ, qui ab Ascalone descenderant in montium latebrosa cacumina videre et intelligere de combustione et populatione regionis, et aliquibus adversari sibi incaute de exercitu occurrentibus in ultione prædarum et flammæ quas passi sunt. Hi nobilissimum juvenem per montium juga ac declivia solum ac inermem vagari considerantes, subitis clamoribus et armis sunt aggressi. Quem frustra diu, gladio educto, resistere ac se defendere conantem, tandem longa et assidua impugnatione vexatum ac defatigatum trans jecur et præcordia lanceis et sagittis confixum, et in multo sanguine ab equo cadentem, peremerunt; et caput ejus in signum victoriæ Ascalonem intulerunt, Caballus denique illius per fauces et abrupta montium discurrens, nequaquam comprehendi a gentilibus potuit, donec montana egressus ad exercitum regis repedavit, domini ac sessoris sul sanguine scædatus, patenter mortis illius omnibus indicio factus. Hunc enim ut rex et universi de cœtu Christianorum viderunt sanguine madentem, Arnolfum procul dubio armis Ascalonitarum incaute cecidisse retulerunt. Nec mora, per montana diffusi ad persequendos et investigandos hostes, solum

**A** Arnolfum mortuum ac sine capite jacentem repererunt, Arabes nequaquam persentire potuerunt. Qui corpus exanime suscipientes, Jerusalem detulerunt, catholicas illi exsequias exhibentes in valle Josaphat apud ecclesiam Latinam S. Mariæ, matris Domini Jesu, ubi et honorifice sepultus est. Flevit super eum rex fletu magno in die exsequiarum; flevit et universi principes exercitus; flevit et amarissimis lacrymis super eum nobilis uxor comitis Baldewini Hamaicorum, eo quod socius et conviator de terra longinqua Galliæ descendisset ad adorandum in Jerusalem. Non sit mirum, si tot magnorum fletu et planctum hic adolescens meruerit, qui omnibus affabilis et notua habebatur, et qui nunquam ab aliqua militari actione sinistra laude declinavit. Tertia ab hinc die orta, postquam tam illustris miles sepulture traditus est, Ascalonitæ per internuntios requisitum caput illius Jerusalem remisit, cum litteris in uno crine illius dependentibus, et verba in hunc modum continentibus: *Ascalonitæ regi Baldewino caput extincti, militis et viri nobilissimi, non alia amoris causa remittunt, nisi ut dolor ejus et illud intuentium renovetur et augeatur; et ut recognoscant quomodo tanti viri perditio omni eorum damno et combustioni nequaquam possit comparari et appreciari, et in tanti militis decollatione non ultra Ascalonitas damna sua velle recordari aut dolere.*

## LIBER DECIMUS.

**CAPUT PRIMUM.** — *Qualiter anno septimo regni Baldewini regis gens nulla Hierosolymam navigans conductum ejusdem regis petierunt.*

Eodem quoque tempore in anno septimo regni Baldewini, regis catholici Jerusalem, plurima multitudo navalis exercitus catholicæ gentis Anglorum circiter septem millia navibus, quas Buzas appellant, cum cætera manu de regno Danorum, Flandriæ et Antverpiæ advecta, ad portum civitatis Japhet anchoras fixerunt, moram sibi facere constituentes, donec regis licentia et conductu accepto in Jerusalem eos secure licuisset adorare. Ex his illustriores et facundiores regem adeuntes in hunc modum locuti sunt: *Vivat rex in Christo, et prosperetur regnum ipsius de die in diem. De terra longinqua regni Anglorum, Flandriæ ac Danorum viri ac milites Christianæ professionis, per aquam nimiam immensi maris huc adnavigavimus Dei opitulatione, causa adorandi in Jerusalem et videndi sepulcrum Domini, Et ideo clementiam tuam super hoc precaturi convenimus, quatenus tua gratia et conductu Jerusalem pacifice possimus ascendere, adorare et reverti.*

**CAP. II.** — *Rex cum magno gaudio peregrinos suscipiens, cum suis consultit, qualiter eorum auxilio contra Sarracenos utatur.*

Rex clementer universum precatum eorum au-

**C** diens, concessit eis conductum virorum fortium armatorum, qui eos secure ab omni impetu et insidiis gentilium per notas semitas perduxerunt usque in Jerusalem et universa loca sancta. Perducti vero peregrini et novi advenæ Christi, illic in templo Dominici sepulcri vota sua Domino reddentes, cum gaudio magno sine aliquo obstaculo Joppen reversi sunt. Ubi regem reperientes, auxilio sibi adesse in omnibus devoverunt ad quæcunque animus illius verteretur. Qui benigne viros commendans et hospitari præcipiens, nequaquam de hoc tam subito se posse respondere profitetur, donec, convocatis optimatibus suis, a domino patriarcha, consilium inierit, quid utilius et opportunius insistere valerent, et non frustra tam voluntarium vexaret exercitum. Et ideo post paucos dies domino patriarcha, Hugone de Tabaria, Gunfrido custode ac præposito turris David, accitis, et cæteris majoribus militiæ suæ, conventum in civitate Rames habere disposuit, ut consuleret cum eis quid utilius agere debuisset.

**CAP. III.** — *Rex suorum usus consilio, ad obsidendam Sidonem Anglos in Japhet jubet exspectare.*

Quibus statuto die collatis, et diversa referentibus ac sententibus, tandem visum est universis sanius esse consilium, quatenus urbs Sagitta, quæ est



Sidon, obsideretur, si forte Dei auxilio et viribus A novi exercitus terra et mari superari posset. Dehinc universi qui aderant, et hanc obsideri poscebant, eo quod esset una ex his civitatibus gentilium quæ assidue rebellabant, a rege commendati et admoniti sunt ut quisque in sua rediret, et se ad hanc expeditionem rebus necessariis et armis providerent. Recesserunt singuli in sua, recessit et Hugo de Tabaria, vir bellator præcipuus adversus hostiles impetus, qui bellis et insidiis non die, non nocte, in terra gentilium fatigari potuit, quandiu vita incolumis fuit. Dehinc quoque statim imperavit legatio regis universæ multitudini Anglorum, ne tentoria vel classes amoverent a civitate Japhet, eed regis mandatum illic sine tædio expectarent. Aperiuit quoque eandem legatio universis quomodo rex B et omnis primatus ipsius decreverint urbem Sagittam terra marique obsidere et expugnare, et illic eorum opem et vires necessarias haberi: et hac de causa regem et patriarcham ad civitatem Acram descendere, machinas et mangenas ædificare ad expugnanda mœnia et ejus habitatores; eos vero interim Japhet debere habitare, dum regis jussio innotescat. Sic fieri juxta regis mandatum uiversi concesserunt, et ejus legationem in portu Japhet præstolari, et per omnia obedire usque ad sanguinem responderunt.

CAP. IV. — *Ubi rege machinas præparante, Sidonii regi copiosam pecuniam, ne obsiderentur, promiserunt.*

Rex Acram cum patriarcha et omni domo sua C descendit, machinas et plurima tormentorum genera per dies quadraginta fabricans et componens, ordinansque omnia ad unguem fieri quæ ad assaultum urbis videbantur aptiora. Hoc regis studium et intentio ut sonuit in auribus habitatorum urbis Sagittæ, et intolerabiles copias armatorum Japhet ad auxilium regis confluisse, vehementer exterriti sunt, metuentes sic in ore gladii regis consumi et subjugari, quemadmodum aliæ civitates Cæsarea, Assur, Acra, Caiphas, Tabaria attritæ sunt et subjugatæ. Et ideo inito consilio, pecuniam plurimam byzantiorum regi per secretarios intercessores spoponderunt, sed et in singulis annis grande talentum dare, si modo non civitatem obsidens et expugnans parceret vitæ eorum. Hæc igitur negotia D de die in diem inter regem et cives agebantur; et regem de redemptione civitatis et salute sua sollicitabant, ampliora nunc et nunc dona offerentes. Rex vero, sicut homo anxius et sollicitus de conventionem solidorum quos debebat militibus, totus pecuniæ intendebat. Verum tamen quia fideles Christi metuebat ne sibi objicerent, minime hanc adhuc contingere audebat.

CAP. V. — *Quod Hugone comite regionem Suet de prædante, Sarraceni prædam sociis ejus excusserunt: et qualiter Hugo eandem cædes gillatus, animam exhalaverit; et de obitu fratris ejus.*

Interea Hugo de Tabaria, accitis copiis ducento-

torum equitum, peditum vero quadringentorum, recessit in terram Grossi Rustioi, nomine Suet, ditissimam auro et argento, armentis fecundissimam, conterminam regioni Damascenorum, ubi inauditas opes et armenta deprædatus est, quæ sibi ad obsidionem Sagittæ sufficerent, de quibus etiam regi et sociis largiter impertiret. Præda autem hac usquequaque contracta et abducta usque ad civitatem Belinas, quam dicunt Cæsaream Philippi, Turci qui Damasci habitabant pariterque Sarraceni, incolæ regionis, hoc comperto, undique per turmas affluentes, Hugonis comitatum insecuti sunt ad excutiendam prædam, et usque ad montana, per quæ Hugonis pedites prædam ducebant, profecti sunt. Illic gravis tumultus utrinque exortus est: hi ut prædam retinerent, obsistebant; hi ut excuterent, conabantur totis viribus, donec tandem Turcis et Sarracenis prævalentibus, præda excussa et reducta est. Quod subito Hugo et sui equites intelligentes, qui in latere montium erant, sine mora inter angustas et scopulosas fauces laxis frenis revolant, plurimum cum hostibus committentes et suis peditibus subvenientes; sed casu infelici male pugnatum est. Nam Hugo lorica exutus, mox mediis periculis illatus, et solito more gentiles impugnans et multans, sagitta a tergo trans pectus et jecur illius infixæ, inter manus suorum vitam exhalavit. Ad hæc gentilium turmis cum præda excussa regressis ac divisis per obscuras ac difficiles semitas asperorum collium, milites Hugonis corpus extinctum gestario impositum in civitatem Nazareth, quæ est juxta Thabor, attulerunt, ubi in multo fletu et planctu tam egregius princeps et fortis athleta honorifice et catholice sepultus est. Frater vero ejuadem Hugonis, Gerhardus nomine, gravi infirmitate tunc laborabat. Qui fratris audito interitu, præ dolore validius molestia corporis illi adaucta, et ipse post dies octo morte occubuit, et juxta fratris speluncam more fidelium appositus est.

CAP. VI. — *Quomodo rex pecuniam a Sidoniis percepit, et Anglicum exercitum ad propria remisit.*

Post tam nominatorum principum lacrymosas exsequias, rex occasione assumpta mortis horum virorum et primorum sui exercitus, pecuniam pro dilatione obsidionis Sagittæ urbis oblatam, clam omnibus suscipere consensit, dissimulans tamen pacem cum Sarracenis facere, sed opus quod cœpit velle perficere. Unde missa legatione Japhet, Anglicos milites admonuit ut navigio Acram descenderent, atque secum de obsidione et assaultu urbis Sagittæ agerent et tractarent. Quid ad regis jussionem exsurgentes, velis purpureis et colore diversi generis insignitis, protinus in altis malis Buzarum expansis, ac vexillis suis ostreis et sericis erectis, venerunt, et in littore urbis anchoras jactantes hospitati sunt, Rex vero crastina die, secretariis et consociis suis accitis, Anglorum Danorumque primoribus dolorem suum aperuit de Hugonis interitu



et fratris illius occasu, et quantam in illis bellicarum rerum fiduciam habuerit : et ideo nunc eis defectis ac mortuis, necessario oportere obsidionem urbis Sagittæ differre, et hoc tempore exercitum convocatum relaxare. Hac regis sententia in populo jam divulgata, dilapsus est exercitus; et Angli, Dani, Flandrenses velis et remis iterato navigio, salutato rege in terram nativitatis suæ reversi sunt.

CAP. VII. — *Rex pecunia Sidoniorum sublevatus, Tabariam rediit, et Gervasium loco Hugonis restituit.*

Rex vero a Sagitta quindecim millia byzantium pro salute urbis accipiens, cum omni equitatu domus suæ Tabariam divertit, ut in ea custodiam fortium virorum disponderet, qui terram, quam Hugo dono regis obtinuit magnisque et assiduis præliis acquisitam subiecit, simili virtute tuerentur, hostes arcerent, et transire eos montana nullo modo sustinerent. Quapropter Gervasium virum illustrem et nobilissimum, de regno occidentalis Franciæ ortum, belli gnarum et assuetum, loco Hugonis restituit, ac præficit Tabariæ et universæ regioni sciensum fidelem et bello acerrimum contra omnes gentium, Sarracenorum, Turcorum Damascenorum incursæ.

CAP. VIII. — *Rege Tabariæ commorante, Ascalonitæ quingentos Christianos juxta flumen Rames peremerunt.*

Interea dum rex in his negotiis illic moram ageret, viri Ascalonitæ ejus absentiam comperientes et novi exercitus recessum, Hugonis ac fratris ejus interitum, legationem Sur, quæ est Tyrus, et Sagittam, quæ est Sidon, Baruth quoque, quæ est Baurim, cum festinatione dirigunt, ut in armis et copiis in unum die statuto conferantur; et sic Rames, quæ est Rama, et Japhet in impetu assilientes, viros Christianorum incautos aggrediantur, alios interimentes, alios captivos abducentes. Qui usquequaque juxta legationem Ascalonitarum convenientes, ad septem millia equitum annumerati, in fortitudine vehementi in planitie camporum Assur et Rames, subitis clamoribus irruerunt, ubi peregrinos incautos et tantæ multitudinis nescios juxta flumen, quod Assur et Rames interfuit, reperientes mense Octobri feria quarta, ipso natali B. Dionysii martyris, lanceis et sagittis fortiter incurrerunt, quorum non pauciores quam quingenti detruncati et decollati sunt.

CAP. IX. — *Ubi Ascalonitis Rames expugnantibus Rotgerus cum militibus obviam in pugnam.*

Hac in potentia et virtute armorum suorum tot peregrinis attritis, nimium gloriantes Ascalonitæ et cæteri gentiles regis Babylonis, mox aduerunt in campestribus Rames ut expugnarent urbem, ejus habitatores bello lacerarent, si forte aliqui prodirent ex ea, prout solitum semper eorum audacia habebat resistere. Erant hac die Christiani cives et milites inprovisi et immunes; equites vero non

amplius octo in urbis defensione et tuitione reperti sunt. Qui cum defensore suo quodam, Baldewino nomine, perterriti, omnes vires et apparatus regis Babylonis adesse arbitantes, sine mora in equis celerrimis octo equites urbem egressi sunt, ac Japhet introeuntes, nuntiaverunt Rotgero de castello Rasset, qui urbi Japhet præerat, et cæteris conchristianis quomodo Ascalonitæ et tota virtus Babylonis campestris urbis Rames occupasset, et procul dubio sine intermissione ad urbis Japhet mœnia properare. Hoc pudito, quotquot erant equites in urbe Japhet et pedites, ex subita admonitione Rotgeri a porta urbis accincti armis processerunt obviam, appropinquantes hosti, ut mœnia et urbis introitum inimicis omni armorum genere et virtute prohiberent.

CAP. X. — *De insidiis Ascalonitarum, et de virtute Rotgeri et militum ejus in prælio.*

Verum Ascalonitæ et Arabes ex industria in latibus montium qui ex adverso sunt copias suas abscondentes, præmiserunt viros in equis, lancea et sagittis peritissimos, ut cursu rapidissimo usque ad urbis januam advolantes viros urbis longius protraherent, donec in insidias incidentes undique eos circumvenirent, et a latibus erumpentes nescios et incautos alios trucidarent, alios captivarent. At Rotgerus sique commilitones in armis parati obviam exeuntes, cum Arabilibus configere non abstinuerunt, ac plurimum diei equestri contentione et discursu consumentes, gravi vulnere vexati et multo labore exhausti sunt. Tandem Christianis ex prospero successu longius insequentibus, Arabibus vero ex industria interdum cedentibus, hostiles copias a montanis progressæ usquequaque nimis et innumerabiles apparere et appropinquare cœperunt. Sed Christiani licet hoc bellum a Babylonia transmissum æstimaverunt, nequaquam formidine conculi potuerunt, fortiter resistentes, et in Domino Jesu spem vitæ ponentes, pro cujus nomine et amore omnem cognitionem carnis et sanguinis reliquerunt.

CAP. XI. — *De Gerardo equite, cujus instinctu fuga pervenit ad urbem Japhet Christianus exercitus.*

Ad hæc Gerhardus quidam eques de domo regis Baldewini, qui partem redituum civitatis Japhet pro militari obsequio obtinebat, mediis Christianorum turmis equo velocissimo adfuit, virtutem et copias innumerabiles inimicorum et adeo intolerabiles asserens, ut nunquam præsens Christianorum manus has sufferre possit: et ideo consultius esse equites, et pedites in urbis tutamina redire et mœnia defensare. Hujus itaque verba diffidentis alii viri vehementer indignabantur, et formidolosos factos ad vocem Gerardi arguebant, stare et repugnare adhortantes; alii vero consiliis Gerardi acquiescere nunc absente rege, acclamabant, nimio terrore concussi. Hoc enim dissidio in momento sic cœtus Christianorum disturbati ac diffusi, communem inierunt

fugam contra Japhet, quemadmodum apes a facie A turbinis avolare et dispergi solent.

CAP. XII. — *Sarraceni, Rotgerum fugientem insecti, quadraginta Christianos ante urbem necaverunt.*

Sarraceni autem et Arabes videntes viros formidine defecisse, fugamque arripuisse, non parce equos urgentes fugitivos insequuntur. Quos atrociter lanceis et sagittis infigunt, præter eos, qui in porta civitatis evaserunt. Rotgerus vero et Gerhardus cæterique Christianorum milites, equorum velocitate elapsi, in impetu fugæ tardos ac miseros pedites conculcabant; nec erat fas ulli aut spatium freni retinendi a facie insequentis eos et persecuti. Sola spes vivendi porta urbis erat, eam intrare contentibus. Sic tandem his gravi insecutione urgentibus, his vero in grandi pressura portam obtinentibus, quidam Christianorum lento cursu tardiores exclusi, ante januam et urbis muros armis impiorum gentilium occubuerunt et ad quadraginta ibidem decollati sunt.

CAP. XIII. — *Quomodo Sarraceni castellum Arnolfi obsidione diruerunt, præpositum ipsius arcis captivantes*

Hanc itaque victoriam Ascalonitæ adepti, nulla mora urbis mœnibus vim inferre conati sunt; sed capita decollatorum auferentes, gavisos prospero eventu belli, in terminos Rames reversi sunt in tubis et buccinis; et in superbia magna castellum Arnolfi obsidentes quod versus Jerusalem in montanis ad regionem tandem, jussu catholici regis muris et mœnibus ædificatum prominebat. Illic biduo obsidionem facientes, et minas manganarum et machinarum, adeo viros inhabitantes exterruerunt, ut Gonfridus, custos ac præpositus arcis et turris Jerusalem, qui et huic Arnolfi præsidio nunc præerat, vix vita impetrata, dextras Sarracenorum quæreret, se in deditionem redderet, ac præsidii januam hostibus aperiret: qui ingressi, muros præsidii statim diruerunt, inventos in ore gladii percusserunt, solum Gonfridum reservantes captum Ascalonem deduxerunt.

CAP. XIV. — *Ubi Sarraceni victoria potiti, cum octo Galeidis navibus unam navem Dromonem Christianorum in portu Japhet invaserunt.*

Dehinc ab hac quarta feria post natalem S. Dionysii martyris sexta feria inchoante, Ascalonitæ triumpho suo lætati et exaltati, octo Galeidas aptantes in eis viros sagittarios ac robustissimos, constituerunt, qui usque Japhet applicarent, æstimantes Christianorum vires vel naves sibi occurrere, quibus adversari captione aut submersione valerent. Et ecce in impetu magno et tubarum sonitu, orto mane, Joppe applicantes, navem immanissimam, quam appellant dromonem, diversis rebus et vitæ necessariis, onustam, in portu urbis a longe speculantur: quam undique aggressi, nimia impugnatione exspoliaverunt; duos solummodo viros tum ad custodiendam eam relictos sagittis confixerunt. Cives vero Christiani urbis Japhet, considerantes Sarracenos

prævalere, et custodes dromonis mortificasse, eamque rebus exspoliasse, subvenire in lancea, arcu et fundibus properaverunt, quousque navis illa pergrandis excussa et retenta est. Eam vero naviculam, quæ dromoni ad levandum semper adhærebat, Sarraceni in virtute sua abruperunt, quam etiam multis divitiis oneratam abduxerunt.

CAP. XV. — *Quod rex istorum malorum fama excitatus, cum sex millibus de Tabaria contra Ascalonitas profectus est.*

Igitur tam gaudio casu et infortunio bis et ter Christianis fratribus et eorum civitatibus disturbatis, subito fama per omnia volitans auribus regis Baldewini in regione et civitate Tabariæ graviter insonuit, quæ vehementer eum de omnibus quæ acciderant commovit, eo quod dimissis sociis et copiis, urbibus et locis Sarracenorum pepercisset, et quoniam sic eum in fraude prædictæ pecuniæ circumvenire præsumpsissent. Unde sine mora Japhet reversus, quingentis equitibus in lorica et galea contractis, peditibus vero ad sex millia, Ascalonem in ultione suorum proficisci voluit, et usque ad locum Palmarum, quia est terminus castello Beroart, quod duobus milliaribus distat a civitate Ascalone, profectus est.

CAP. XVI. — *Quod rex suorum consiliis sine bello Jerusalem redierit, et Rorgius de Caiphas obierit.*

Illic in loco eodem consilio cum suis habito, considerabat quia in hoc tempore nihil contra Ascalonem assultus ei proficerent, vel in satis, vel in vineis sive in arboribus depopulandis, eo quod radicibus regione ante hos dies sæpius vastata igne et præda, nihil intactum extra urbem reliquisset. Cives vero et milites Arabes nequaquam a mœnibus urbis ullos suorum procedere permiserunt. De quibus rex in vindicta suorum acceptam iram animi sui mitigavit; et ideo Jerusalem cum domino patriarcha, ultione suorum dilata, reversus est. Eodem anno Rorgius, qui dono regis Caiphas præerat, infirmitate valida occupatus, longo tempore languit, donec tandem molestia corporis adaucta finem vitæ fecit, et in stillicidio porticus ecclesiæ Dominici sepulcri honorifice et catholice sepultus est.

CAP. XVII. — *De quodam principe urbis Femisæ occiso per socium suum Botherum, quem cives sui persequuntur.*

Eodem anni tempore, quo rex Baldewinus Sagittam obsidere distulit, Anglicosque milites remisit, et Hugo de Tabaria in arcu et sagitta Turci occidit, quidam princeps civitatis, nomine Femisæ, qui longe lateque immensa potestate terræ in circuitu præerat, eo quod Christianis et peregrinis satellitibus largus et propitius habebatur, a quodam Sarraceno, Bothero nomine, qui secum in militari obsequio et conventionione solidorum morabatur, plurimum invidiæ et indignationis pertulit; donec tandem die quadam visa opportunitate suæ malitiæ in falsa fide ad eodem Bothero cœnendi gratia invitatus, fraude et absconditis in domo insidiis circumventus, ab illius 662

plicibus interemptus est. Eo autem sic indolo perempto, cives civitatis tam crudelis facinoris ignari, nimia ira adversus Botherum exarserunt, sæpe animati in ultionem sui principis, et illorum contritionem, qui in eum manum mittere ausi sunt.

CAP. XVIII. — *Bothero auxilium Brodoan implorante, Tankradus a civibus invitatus non tamen intrinmissus est.*

Botherus igitur in una turrium civitatis firmissima hospitatus, cives habens suspectos, e præcipue quod Christiani essent, Brodoan principi civitatis Alapiæ occulte nuntios direxit, ut subito congregatis copiis descendens, civitatem Femiam occuparet et expugnaret, atque dextris invicem datis, civitatem et regionem obtinerent. Hæc Christiani et Armenii cives intelligentes, exterriti sunt vehementer, eo quod rursus dominio gentilis tyranni Brodoan subderentur. Et sub manu traditoris Botheri constituti, Tankrado nuntios dirigunt, eo quod vir Christianus et bellator præcipuus fuerit, quatenus assumptis viribus et sociis, ad eos transiens, primatum civitatis et regionis apprehenderet ac deinceps obtineret. Qui illico septingentis collectis equitibus, mille vero peditibus ad ipsam civitatem profectus, minime intrinmissus est. Universos enim cives et primos urbis Botherus, traditor sceleratus, blandis promissis et magnis muneribus corruperat; ac minis et terroribus animos et corda cunctorum infregerat.

CAP. XIX. — *Tankradus ad tempus recedens, post Pascha urbem Femiam obsidione vallavit.*

Tankradus quidem videns sibi cives aversos, ante urbis mœnia tentoria locavit; ac trium hebdomadarum spatio illic consummato, in universis assultibus suis nequaquam proficere potuit. Sic omnes traditor avertit. Jejunium quadragesimale jam mediatum processerat. Igitur Tankradus videns quia nihil hoc tempore proficeret, a motis castris Laodiceam et Antiochiam reversus est. Non longe ante hoc Laodiceam obsederat, ac superatam sibi que subjectam de manu regis Græcorum et suorum custodia in suam redegit potestatem. Post hæc celebratis octo diebus sancti Paschæ ritu et honore Christianorum, Tankradus readunatis sociis et viribus, Femiam descendit, undique machinas et mangenas applicans, ut sic forte superata civitas in manu sua, et non in manu Brodoan, redderetur, et cives cum traditore punirentur.

CAP. XX. — *Quomodo Tankrado Femiam expugnante, duo filii principis occisi auxilium illi dederunt contra Botherum.*

Interea dum frustra assultibus et machinis circa hanc laboraret et minime cives absterret, diesque plurimi jam præterirent, duo filii principis civitatis in fraude occisi, qui, patris morte audita, vix de manu Botheri in umbra noctis elapsi, Damascum effugerant apud cognatos suos illic moram facientes propter metum Brodoan et Botheri; nunc audientes quia denuo Tankradus Femiam obsederat, et Brodoan nihil adversus eum poterat, nuntios Tankrado miserunt quomodo sibi in auxilium et ultionem san-

guinis patris sui venirent, si utile et acceptum sibi suisque videretur. Tankradus autem, nuntiis eorum auditis et benigne remissis, libenti animo eos sibi in auxilium ad futuros annuit, fœdus cum eis percutiens de omnibus quæ circa urbem et adversus cives et Botherum acturus esset. Hi vero, juxta quod devoverant, centum milites Arabes et Turcos sumentes, Femiam usque in castra Tankradi venerunt, cui in hunc modum locuti sunt: *Terra et civitas hæc sedes et patris et antecessorum nostrorum fuit; sed invidio et avaritia Botheri ab hac ejecti, sumus facti exsules: et ideo nunc apud te refugium et auxilium quaerimus, fidem quaerimus et inimus. Si hæc mœnia apprehenderimus, non invidemus; nihil spei in ejus recuperatione quaerimus; sed cum benevolentia tibi concedimus; nobis post hæc, quæ tibi in animo videntur, pro militari obsequio facies et rependes.* Sic dextris datis, super his omnibus Tankradum benevolum et sibi satisfaciendum repererunt.

CAP. XXI. — *Ubi Christianis urbe vallata, Botherus cum civibus suis se tradidit manibus Tankradi.*

Nec mora, assultus assidui et jactus lapidum sine intermissione a foris fiunt; sed frustra omnia videntur fieri, donec tandem vallo tota circumfoditur civitas, ne cui deintus aliquo patente exitu, cives fame sic arctati, et traditor, qui in ea habitabat, in manum et traditionem Tankradi redderentur. Quod et actum est. Cives enim et idem traditor fame intolerabili oppressi, et vim Tankradi ultra sufferre non valentes, sibi parci rogaverunt, dextrasque sibi dari civitatis portas promittentes aperire. Dehinc Tankradus a euis consilio accepto, eo quod longæ obsidionis tædio fatigati essent, et jam usque ad Augustum mensam consedissent, petitioni Botheri et civium acquievit, videlicet ut Bothero dextram daret, civibus parceret, urbem pacifice intraret, redditamque obtineret. Et ita factum est, tradita civitate.

CAP. XXII. — *Ubi filii principis occisi Tankradum rogant ut Botherus occidatur.*

Filii autem principis occisi hæc indignantes, Tankradum obnixè precatum convenerunt, dicentes: *Tam nefarium hominem, et tam nequam traditorem, non debere recipi aut vitæ reservari, sed omnino de terra deleri.* Quibus Tankradus in omni mansuetudine sic respondit: *Fidem, quam promisimus isti, quem satis perversum scio ac perfurum, non est Christiani moris violare, sed nostrum est, omni populo fidem et veritatem servare: ideoque huic concedimus vitam cum salute membrorum; complices vero illius, quibus non indulsumus. in manu vestra sive ad mortem, sive ad vitam habeantur in ultione sanguinis patris, cum ab hac obsidione primum pedem averterimus, et noster exercitus in sua reditum paraverit. Vobis autem in omnibus commodis vestris manus mea non deficiet.*

CAP. XXIII. — *Quomodo Tankrado victore Antiochiam reverso, filii principis occisi persecuti sint amicos Botheri.*

Post hæc verba Tankradus, civitate sibi tradita, et tutela suorum in ea constituta, Antiochiam cum Bothero et cæteris obsidibus remeavit in fide data et suscepta; filios vero in dolo occisi principis in regione civitatis plurimis præfecit locis. Hi autem filii in regione hac post discessum Tankradi commorantes, complices Botheri interemerunt, reos patris sui interitus, aliosque consocios et reos ejusdem necis crebris insidiis comprehensos, aut membris debilitaverunt, aut laqueo jugulatos suffocaverunt.

CAP. XXIV. — *Qualiter Baldwinus rex exercitum Turcorum contra se venientium cum quindecim armatis exploraverit.*

Dehinc post mortem Hugonis rex Baldwinus a Tabaria et terra Suet eodem anno, celebrato ibidem Natali Domini, Ptolemaidem reversus est anno regni sui octavo ut quiesceret a labore itineris. Ibi statim illius innotavit auribus quomodo princeps et rex civitatis Damasci, de genere Turcorum, arma et apparatus contraxisset ad obsidendam Tabariam et Gervasium loco Hugonis restitutum expugnare decessisset, et regis virtutem non ultra timere. Hoc audito, rex subito paucis assumptis copiis, circiter quadraginta milites, ad resistendum Turcis properavit; et maritima relinquens, quindecim sociis adolescentulis in armis et equo peritissimis et cæteris electis, ad montana tendens, totum exercitum et vires Turcorum explorare audacter præcessit. Erat autem virtus Turcorum ad tria millia virorum pugnatorum. Jam quidem omnibus exploratis copiis et visis tentoriis, caute per devia et notas semitas ad societatem suorum reversus est.

CAP. XXV. — *De quinque Turcis a rege Baldwinio honorificatis, quorum instinctu tria millia Turcorum in fugam versa sunt.*

Vix arma sunt deposita, vix equi frenis et sellis spoliati, et ecce quinque Turci adsunt in castris regis facto vespere. Qui legati cæterorum, de diversis negotiis et face componenda loquentes plurimum et agentes, tandem benigne suscepti; muneribus quoque pretiosæ vestis, vasorum argenteorum byzantiorumque onerati, et amicis verbis a rege commendati, post plurimum sermonis ad castra redierunt. Hac igitur gratia et honore hi quinque a rege honestati, ex tunc et deinceps parti illius nimium favere cœperunt; virtutem quoque et apparatus illius septies magnificare, et inter cælum Turcorum extollere quam vidissent, volentes illi reddere dignam vicem omnium honorum et donorum quæ eis rex largitus est. Turci itaque et eorum ductores hæc a suis intelligentes, et multum eis de omnibus quæ referebant credentes, magna formidine concussi fugam inierunt, undique cælum et terram nocte operiente.

A CAP. XXVI. — *Rex, Turcis fuga dispersis, convocato exercitu, Hierosolymam tendit, et in capite jejuni morem cineris implevit.*

Hoc a delatoribus rex comperto insecutus est eos prima diei aurora exsurgente, donec per regionem et muros Damascenorum fugiendo elapsi sunt. His vero in sua tutamina elapsis et clausis, rex reditum suum fieri abhinc constituit, donec per dies aliquot Bethlehem veniret, ubi in die Epiphaniæ solemniter coronatus est. Ibi diebus octo moram faciens in diversis negotiis rei militaris, Japhet, deinde Naplis, quam dicunt Samariam, quam idem rex Baldwinus sine apparatu bellico subjecit, profectus est ad disponendas has civitates, ne aliqua versutia et dolus his adversari posset. Exinde post dies novem, de universis locis per circuitum sociis convocatis, rediit Jerusalem mense Febuario, ubi capite jejunii inchoante, in monte Sion Christiano more cinere asperso capiti de manu Baldwinii, episcopi Cæsares Cornelii, ritum quadragesimalem peregit.

CAP. XXVII. — *Quomodo rex contra tria millia Turcorum properans, conductum habuerit sacerdotis Christianorum Syrorum.*

Sic itaque initiato tempore quadragesimali, proxima die, quingentis militibus assumptis ex consilio cujusdam Syri, nomine Theodori, cui innotuit quomodo Turci a Damasco descendissent ad tria millia in antiqua valle Moysi, ad quoddam præsidium firmandum, ne cui de gente regis illic negotiandi causa via pateret: iter movit ad destruendum præsidium, quod Turci rogatu et consensu Arabum illic collocaverant, ad interdicendum transitum universis Christianis. Dehinc octo diebus per fetentia flumina Sodomæ et Gomorrhæ, et decreta loca, et per montium difficultates gradiens, cum universis sociis suis gravi defectione oppressus, ad habitationem quorundam Syrorum Christianorum pervenit. Ubi hospitio demoratus, ac satis refocillatus et ipse et universi ipsius sequaces fuere. Intelligens itaque quoniam Christiani essent, sacerdotem illorum accersivit sciscitaturus ab eo de novo præsidio et Turcorum intentione, ac de omnibus ab eo consilium requisivit. Qui diluculo exsurgens cum rege, in fide et veritate triduo iter fecit, ductor viæ et regionis illi factus, donec tandem rex conductu ipsius in loco tuto non longe a præsidio et Turcis hospitio requievit.

D CAP. XXVIII. — *Quomodo sacerdos Syrorum in castra veniens Turcorum, suasionibus suis omnes fugere compulerit.*

Altera vero die illucescente, idem sacerdos et conviator surgens castra Turcorum intravit, aliterque omnia eis referens quam essent, in hunc modum locutus est: *Rex Baldwinus, cum ingenti manu a Jerusalem descendens, tantillum mansionis, quod nobis erat, devastavit; nos dispersi sumus, de quibus solus ego ad vos perveniens, vix aujugi, ut nuntiarem vobis, ne ejus arma et copias exspectatis: non enim amplius ejus comitatus et apparatus a vobis habetur, quam milliaris unius intervallo. Hoc denique audito nuntio, metus tantus universorum*

corda ex Dei voluntate invasit, ut sine mora tentoria sua ibidem relinquentes, universam fugam maturarent. Vix tenebræ sunt remotæ, vix mane illuxit, et ecce rex Baldwinus in sonitu tubarum et armorum strepitu vallem descendit; sed Turcorum neminem reperit, neminem occidit, neminem cepit: nam tota nocte illa non lente fugam inierunt.

CAP. XXIX. — *De Arabibus in cavernis montium absconditis, quos rex igne et fumo exire coegit.*

Arabes autem, quorum consilio Turci a Damasco illuc convenerant, vitæ diffidentes, in cavernis montium et cæcis latebris, subito ut mures absconditi a facie regis, disparuerunt cum armentis et supellectile, quæ in auxilium ædificandi præsidii illuc congesterant. Rex vero cum exercitu suo vallem descendens, cavationes totius regionis perlustrans, ora cavernarum fixis tentoriis obsedit. Sed nec sic viros cogere valens ut prodirent, tandem igne et fumo suscitato ante ora cavernarum, universos exire arctavit: quorum mox alii armis extincti, alii capti et ad sexaginta abducti sunt, omnibus spoliis eorum de antro sublatis; cum asinis plurimis, bobus, ovibus et hircis.

CAP. XXX. — *Rex adeptus victoriam, præda onustus Jerusalem revertitur, et loca regni sui visitans consolatur.*

Rex igitur his prospere gestis, cum omni manu sua et præda, quam acceperat, regressus est usque ad torrentem Jordanis, Syros confratres et conchistianos e cunctis locis regionis congregans, et ad sexaginta secum abducens propter metum Arahum: ubi præda inter regem et milites divisa est. Deinde transacto biduo, rex cum præda sua, quæ sibi in tertiam partem divisionis contigerat, Jerusalem ascendit, cui in iucunditate et lætitia universi Christianorum peregrini et cives occurrerunt. Post hæc quatuor diebus evolutis, a Jerusalem Japhet descendens, ibidem aliquam moram fecit. Sed et Acram veniens, plurimum illic de negotio regni sui tractans, Pascha propinquante, in ipsa Cœna Domini Jerusalem repedavit, ubi in hac sacra solemnitate Domini Resurrectionis gloriose et catholice coronatus est. Post dies vero octo, iterato itinere, per castella et civitates Ptolemaidem descendit; quin et Tabariam profectus est ut suos adversus Turcorum insidias et minas militari solatio corroboraret.

CAP. XXXI. — *Quomodo Ascalonitis Joppen obsidentibus, cives urbis a rege consolati, contra eos portis egressi prævaluerunt.*

Et ecce Ascalonitæ gaudentes ejus absentia, ad tria millia exierunt in planitiem camporum civitatis Rames. Sed nihil in facto proficientes illic, in ira magna venientes, Joppen obsederunt. Hæc fama tam crudelis in auribus regis jam de Tabaria Ptolemaidem reversi, ut innotuit, sexaginta viros armis et bello strenuos, navigio Japhet ad subveniendum civibus direxit, et ut eis nuntiarent, quomodo sine mora rex adunata manu eos subsequeretur. Audientes autem cives quoniam auxilium regis præventum

et rex in brevi subsequeretur, aperientes portas egressi sunt ad resistendum inimicis; ac utrinque committentes, Sarracenorum octodecim ceciderunt; Christianorum vero tredecim occisi sunt. Reliqui vero Sarracenorum æstimantes regis præsentiam, et ideo cives audacius nunc resistere, Domino Jesu suos prosperante, fugam inierunt. Quos Christiani fortiter insequentes, solummodo sexaginta equos eorum in sagitta et lancea percusserunt; nullum tamen ex his apprehenderunt. Nec mora, rex, sicut promiserat, Japhet venit in magno apparatu armorum; sed victoria, Deo opitulante, a suis civibus anticipata, optata requie illic cum suis usus est.

CAP. XXXII. — *Ubi Ascalonitas, contra Christianos præsidium ædificare volentes, rex in fugam coegit.*

Quatuor deinde diebus transactis, rex Jerusalem rediit ut disponeret regnum, et sic aliqua quiete frueretur. Cum subito ad aures illi pervenit quomodo rursus Ascalonitæ, Turcis in conventionem solidorum a Damasco accitis, præsidium firmare decreverunt ad expugnandum castellum, quod dicitur ad S. Abraham, et destruendum quod tunc quidam Walterus, cognomine Mahumet, post mortem Rorgii dono regis susceptum, tuebatur. Hoc rex sinisteris nuntiis comperiens, septuaginta probis militibus electis et assumptis, illuc festinus via secessit, et apud S. Abraham nocte hospitio quievit. Mane vero cujusdam sextæ feriæ exorto, laxatis equis et frenis, in impetu magno et cornuum stridore vociferantiumque tumultu Ascalonitarum castra invadit: quos inscios ac tam repentino turbine stupefactos protinus in fugam coegit.

CAP. XXXIII. — *Christianis prædæ intentis, et ab hostibus pene præventis, rex adfuit auxilio hostibus plurimum spoliatis.*

At sui Christiani, avaritia rerum hostilium excaecati, et in tentoriis inimicorum nimium studentes ad congreganda sçolia et asportanda, belli et armorum oblitii sunt. Ascalonitæ et Turci hæc considerantes, quomodo magis prædæ quam fugitivis hostibus intenderunt, usquequaque readunati prælium cum eis committentes, quinque de egregiis regis militibus peremerunt, inter quos Hugo de Cassel et Albertus, Apostolius cognomine, armis extincti sunt; verum rex, Deo auxiliante, vix recuperatis viribus suorum invalescens, victoriam tandem adeptus est. Nam triginta ex inimicis in gladio ejus occiderunt, et sexaginta abducti, alii diffugio elapsi sunt. Rex vero et sui camelos triginta tres, equos sexaginta octo, cum præda et tentoriis multis Jerusalem abduxerunt in lætitia et exultatione super hac victoria jucundati.

CAP. XXXIV. *Ascalonitæ ante Jerusalem assultus facientes, ad quinque corruerunt.*

Interea Ascalonitæ suæ contentio minime oblitii, Jerusalem in armis et copiis confluerunt, per diem illic in equorum discursibus cum pueris confligentes. Sed quinque illorum, post plurimum contentio-

nis suæ, cum equis et spoliis illic capti fuisse referuntur. Christiani veropedites, qui illic ad resistendum processerant, septem decollati fuisse perhibentur. Nam terrores et minæ gentilium inultum repressæ sunt.

CAP. XXXV. — *Quod rex Baldwinus negotiatores Babylonis juxta Jordanem invaserit et exspoliaverit.*

Post hæc diebus aliquot transactis, nuntiatum est regi quomodo negotiatores Babylonii ad futuri essent trans flumen Jordanem in umbra et silentio noctis, ac descensuri ad Sur, Baurim et Sagittam ad mittendas merces Damascum, et multum prædæ posse eum ex his capere, et gentis suæ inopiam sublevare. Qui omnibus ex ordine auditis, sexaginta milites assumens et de nocte consurgens, ad oram fluminis descendit. Sed mercatorum copias videns esse nimias, facie ad faciem cum eis confligere distulit; sed ab eis clam nunc declinans, nec mora, extremos fortiter inclamans et incurrans, undecim gladio stravit, quadraginta captivos tenuit, camelos undecim Zucra, quatuor onustos et cæteris pigmentis rebusque pretiosis, decem et septem vero oleum et mel portantes Jerusalem captos abduxerunt. Quorum abundantia toto regio peregrinorum relevata et confortata est.

CAP. XXXVI. — *Ubi Baldwinus comite per Gozelinum de captivitate redempto, Tankradus inimicus ejus factus est.*

Post hæc in anno octavo regni regis Baldwinus, Gozelinus de Turbaysel, miles fidelissimus, Baldwinus de Burg, cujus dono pro militari obsequio terram et regionem obtinebat, de manu Geigremich, Turci potentissimi, centum millia byzantium dans redemit: quæ ab omnibus principibus et viris Christianis, parvis et magnis, et universis locis et civitatibus fidelium plurima prece impetrata collegit. Sic itaque Baldwinus redempto, et in civitatem Rohas cum omni honore relato, Tankrado autem ab eadem civitate quam susceperat in custodiam exeunte, semper inimicitie et invidia inter ambos principes adeo excreverunt, ut congregata manu alter alteri præda et insidiis nocere et adversari non abtineret.

CAP. XXXVII. — *Baldwinus a Tankrado victus obsidetur, sed Gozelini industria, et Geigremich, principis Turcorum, instantia liberatur.*

Tandem quadam die, hic ab Antiochia, hic a Rohas, in apparatu et armis cum copiis egressi, graviter bellum commiserunt. Sed ex Baldwinus societate plurimi cæsi et exsuperati sunt, ac plures capti; ipse vere Baldwinus vix a campo effugiens, in civitate Tuluppe a Tankrado et suis obsessus est. Gozelinus vero, qui a campo et hostibus vix evaseraf, sciens Baldwinum a Tankrado obsessum, profectus est ad Geigremich, multum instans et obsecrans ut subveniret sibi mutua gratia confederato, et a Tankradi obsidione tam nominatissimum et cognatum regis Jerusalem liberaret. Qui statim quadraginta milibus Turcorum accitis, ad Tuluppam se ventu-

rum in Baldwinus liberatione statuta die, per omnem regionem notum fieri decrevit, qua undique ad eum copiarum suarum illic convenirent. Tankradus hanc Turci constantiam in liberatione Baldwinus intelligens, castra amovit ab obsidione; et Baldwinus in civitate Rohas, præteritorum immemor malorum, in lætitia et exultatione ingressus est.

CAP. XXXVIII. — *Qualiter Henricus, Romanorum imperator, Conradum stabularium suum per regem Græcorum receperit.*

Eodem quoque tempore Conradus stabularius Henrici tertii Romanorum imperatoris vir præclarus in omni actione militari, ex legatione et petitione ipsius imperatoris facta ad regem Græcorum, regis vero facta ad regem Babylonis, a carcere et vinculis eductus est, et ob causam dilectionis et mutue retributionis, Alexio, regi magno Græcorum, restitutus. Rex Alexius, Conrado vivo et incolumi recepto, plurimum gavisus est: quem magnificis donis honoratum, Henrico imperatori Romanorum super omne aurum et argentum, super ostra et lapides pretiosos acceptum remisit, nihil dulcius et pretiosius videlicet in auro et argento, in ostro et lapidibus pretiosis arbitrans illi posse sufficere.

CAP. XXXIX. — *Quod Boemundus de Italia cum exercitu reversus, Dyrrhachium, Græcorum urbem, obsederit.*

Post hæc in anno secundo restitutionis Conradi, Boemundus a diversis regnis Gallie et Italie, collecto exercitu Christianorum navigio Valonam descendens hanc subito occupavit, universaque loca, quæ in circuitu erant de regno Græcorum, superata subjugavit. His subjugatis, Dyrrhachium, civitatem magnam, rebus et omni virtute civium ac militum potentissimam divertit; et in circuitu murorum tabernacula extendens in multitudine gravi obsedit. Erant enim illi duodecim millia equitum pugnatorum, et sexaginta millia peditum virorum bellatorum.

CAP. XL. — *Qualiter Conrado in Italia commorante, Boemundus, mœnia Dyrrhachii urbis impugnavit.*

Conradus ab imperatore Græcorum remissus, tunc in Italia moram fecit propter graves discordias, quæ inter dominum imperatorem Henricum filiumque ejus Henricum V regem invidia et iniquorum consilio exortæ erant, ne in aliquo eorum favore intendens, alterutrum graviter molestaret. Obsidione itaque tempore veris undique locata, Boemundus machinas et tormenta lapidum fieri instituit quibus urbs oppugnaretur. Sic diebus multis mœnia et turres inhabitantes vehementi assultu vexabat. Cives vero econtra ollas igneas aqua inextinguibiles fomite referas machinis in torquebant, ac diversas genera incendiorum in omne opus machinarum illius jactantes, sagittis et fundibus in omni virtute resistebant: nam res illis pro anima erat.

CAP. XLI. — *Quonodo regi Græcorum adveniēti Boemundus in bello accurrerit, Dyrrhachium amplius impugnans.*

Tandem cum plurimo assultu et arte bellica urbem civesque vexaret, et jam omne tempus æstatis in rebus bellicis consumpsisset, rex Græcorum adunato innumerabili exercitu, in campos urbis Bothiliæ descendit ut urbi Dyrrhachio subveniret, et Boemundum ab obsidione et universum comitatum illius effugaret. Locatis itaque imperatoris tentoriis in præfatis locis et campis, qui itinere diei unius distant a regione Dyrrhachii, milites imperatoris, non solum advenæ Galli, qui conventionē solidorum imperatori militabant, sed et Turcopoli, Comanitæ et Pincenarii, ad decem millia conglobati, armati et loricati in lancea et sagitta, Boemundum et suos in castris aggredi statuerunt. Sed Boemundus, a delatoribus re comperta, supervenientibus in aperta camporum planitie occurrit; et prælia in impetu committens, mille in gladio et lancea et sagitta peremit, cæteros in fugam usque ad tentoria imperatoris remisit. Post hæc Boemundus gravius assultum ad urbem Dyrrhachii ruinam iteravit, machinas et tormenta applicans ut custodes territi ex nova victoria quam adeptus erat portas sibi aperirent. Sed urbis defensores minime adhuc minis et assultibus his mollescere aut absterreri poterant; sed omni conamine et bellica arte vim inferentibus resistebant.

CAP. XLII. — *De trecentis militibus Boemundi occisis a Turcopolis.*

Dehinc die quadam cum Boemundi copiis victualia et equorum pabula defecissent, milites trecenti, pedites septingenti ad contrahendas prædas in regione Græcorum directi sunt. Quibus infinita multitudo Turcopolorum, Comanitarum et Pincenariorum, militum imperatoris in occursum adfuit: et bello graviter commisso, milites Boemundi ad trecentos illic occisi sunt, plures vero abducti.

CAP. XLIII. — *Ubi principes Italiæ, donis Græcorum corrupti, Boemundum ab obsidione avertunt.*

Cum hæ contentiones, insidiæ, quotidianæ incursiones, gravissimæ cædes jam fere per annum hinc et hinc fierent, et Boemundi exercitus diutinæ obsidionis tædio gravaretur, plurimi subtraherentur, navalisque collectio attenuata præ panis et cæterarum rerum inopia in Italiam navigasset; imperatoris vero navalis virtus in omni ciborum et armorum abundantia immitteretur, Wido, filius sororis Boemundi, Wilhelmus Claret et cæteri primores exercitus, pecunia et blanditiis imperatoris corrupti, Boemundo diversas et graves opiniones opponentes, nunc ex ciborum inopia, nunc ex populi et navalis exercitus dispersione, nunc ex imperatoris urbi immissa opulentia, eum ab obsidione avertere conati sunt et amicitia imperatori confœderari.

CAP. XLIV. — *De reconciliatione Boemundi cum rege Græcorum, data per ipsum licentia Jerusalem tendentibus.*

Ad ultimum vero videns Boemundus suos defluxisse, plurimos ad auxilium imperatoris migrasse, et minus ac minus in assultu urbis eos laborare, consilio suorum credidit; et sic imperatori in magnitudine et pondere ineffabilis auri, argenti et ostri pretiosi reconciliatus est. Reconciliatus vero, donis et thesauris infinitis susceptis, navem ascendens in Apuliam regressus est, omnibus deceptis et minime remuneratis qui secum longos labores et belli pondera circa Dyrrhachium pertulerunt. Hi vero agnita Boemundi fraudulentia et ejus recessione, imperatoris exorarunt clementiam, ut pacifice per regnum ejus usque in Jerusalem viam eos continuare permetteret. Imperator vero post hanc compositam pacem Constantinopolim reversus, omnibus per regnum suum transeundi viam sine ullo impedimento concessit, sicut Boemundo et cunctis primoribus Galliæ et Italiæ, illic tunc temporis præsentibus, jurejurando promisit et affirmavit quando confœderati sunt.

CAP. XLV. — *Baldewinus rex, contractis copiis, Sidonem obsedit.*

Eodem quoque anno, autumnali tempore instante, Baldewinus rex, contractis undique copiis a mari et terra ex diversis nationibus regni Italiæ, videlicet Pisanorum, Genuensium, Venetorum, Malfetanorum omniumque eorum qui more prædonum expugnare et exspoliare solent navigantes, civitatem Sagittam obsedit tam mari quam terra in mense Augusto, manganellis et machinis muro a terra in circuitu applicitis; malis vero navium turritis belloque paratis, versus aquas in manu forti erectis, expugnans eam diebus multis, et in virtute multa suorum sæpius eam fortiter assiliens.

CAP. XLVI. — *De nobilissima matrona gentilitum, quam Baldewinus rex per milites suos cepit cum quatuor millibus camelorum.*

Hac facta et ordinata obsidione, post aliquot dies regi per delatores innotuit qualiter matrona quædam nobilis et locuples nimis de regno Arabiæ cum innumerabili grege camelorum, boum, ovium hircorum trans Jordanem secus montana propter pinguis pascua accubuisset, et cum ea viros circiter quingentos, divites in armentis et pecore, illic cum omni clientela sua in tuto consediisse. Qui illico Wilhelmum, filium Roberti Northmannorum principis, clam ascitum Jerusalem remisit, ut militibus, quos in civitate tuenda reliquerat, assumptis, cum pedibus trans Jordanem festinaret, atque Arabes Saracenos incautos et in tuto gregem pascentes invaderet, et viros ac feminas cum universo grege captivaret. Ille vero juxta edictum regis Jerusalem accellerans, ducentos equites simul quingentos pedites assumpsit, cum quibus vada Jordanis præteriens, subito irruit cum omni manu sua in custodes camelorum. Sed resistentes plurimum, et se suumque

gregem defendentes in arcu et sagitta Sarracenos repererunt. Tandem Willhelmus et sui prævalentes, solum duobus viris egregiis ex suis peremptis, plurimos ex gentilibus exstinxerunt, plures captivantes cum puellis et pueris teneris et matrona nobilissima prænominata. Camelos vero ad quatuor millia cum cæteris armentis, prædam scilicet inestimabilem, Jerusalem adduxerunt, quorum mutatione plurimum aurum acceptum, jussu regis militibus divisum est.

CAP. XLVII. — *De duabus turribus Sidonis, quarum altera divino nutu subversa est.*

Interea rex turrim quamdam civitatis Sagittæ ampliori assultu et crebro ictu lapidum dum irrumperere conaretur et fere perforasset, consilio Arnolphi clerici et cancellarii animus regis repressus est, ne hanc ulterius lapidum jactu toties quassatam attereret: dicebat enim tam egregium opus minime duobus millibus byzantium posse recondificari, et hanc sine ruina et lapidum jactu post paucos dies in manu regis traditam reservari. Erat et alia turris, in qua apostata et prævaricatores fidei ex Provincia de comitatu Reymundi ad defensionem positi resistebant, qui ligno Dominico, quod rex a Jerusalem detulerat ad protegendum populum Dei, deridentes illudebant, et sibi contrario crucem facientes et in culmine ejusdem turris figentes, sputo et urina ipsi insipientes et maligni inhonorare præsumebant. Quod pius rex et omnis populus deplorantes, Deum cæli flebili voce invocant, ut, fontem misericordiæ suæ aperiens, apostaticis viris et stultis Sarracenis demonstrare velit quod non recte agentes divinæ majestati blasphemiam irrogare præsumpsissent. Mox eorum precibus exauditis, absque hominum labore sic turris illa concussa et diruta est, jam vespere mundo imminente, ut lapis super lapidem non remaneret, et increduli homines ruina illius suffocati obruerentur. Rex et sui et hanc potentiam Dei videntes, per hanc turrim intrare civitatem disponebant. Sed quia nox incumberebat, vespere consilio inter se habito, dilatum est dum dies illucesceret.

CAP. XLVIII. — *Quod Christiani navale certamen inierunt contra Babylonios, in auxilium Sidoniis missos.*

Verum nocte eadem a regno Babylonie viri et arma copiosa in multitudine quinquaginta navium et trirremium octo, quos dicunt Catos, adfuerunt civibus Sagittæ in tubis et cornibus Ptolemaidum applicantes; sed per diem a turbine venti sibi contrarii aliquantulum impedimentum est eorum iter. Quod præpositus civitatis Accaron intelligens, regi noctu festinata legatione fecit innotescere quominus provisus hostilis turba nocere posset. Mane vero orto, a Tripoli civitate pariter multitudo navium in manu forti et intolerabili armatura Babylonii vires addidit, quatenus portum vi obtinentes stationem fidelium navium et regio obsidionem amoverent. Christiani vero videntes a longe in manu forti et intolerabili gentes applicare, a portu egressi sunt ut re-

Asisterent, ac plurimo navalis belli impetu cum eis confligentes, diu alternis incursibus immorati sunt. Sed vim tantorum non valentes sufferre Christiani, vix ad aridam et nequaquam ad portum fugam inierunt, tribus suorum navibus superatis et captis, ac universis in ea repertis cæsis et decollatis, Sarraceni vero in manu robusta portum obtinuerunt.

CAP. XLIX. — *Rex cum Babylonis dimicans, victoriam obtinuit, plurimis sociorum occisis.*

Dehinc proxima die Sarraceni milites loricati et armati portas urbis egressi cum suis copiis, usque ad tentoria regis in virtute sua astiterunt, regem expugnare et effugare arbitantes. Verum rex præsciis populi in se irruentis, occurrit cum quingentis solum equitibus, quatuor vero militibus peditum, bellumque crudele committens circiter mille quingentos occidit ex eis in ore gladii; cæteram vero multitudinem, quadraginta scilicet millia, fugientem ad præsidia civitatis insecutus est. Ex regis autem exercitu ipsa die quingenti cecidisse referuntur. Cecidit et Giselbertus de castello quod dicitur Cuium, vir illustris et valde militaris, post plurimum hæc die certaminis sui laborem: quem rex et sui plauerunt plurimum, more fidelium eum sepelientes. Vespere jam facto, et Sarraceni in præsidium fugatis, rege vero adhuc incolumi campum in victoria obtinente, fidelis legatio sibi innotuit ut nequaquam lucem futuræ diei operiretur, propter Turcos, quos mercede triginta millium byzantium a Damasco sibi Sidonii asciverant. Erat autem numerus eorum ferme ad quindecim millia.

CAP. L. — *Rex propter Turcos tentoria sua incendens et ab obsidione recedens, venationi paulisper indulsit.*

Rex ergo credulus fideli legationi, cessit salubri consilio, ac cunctos vulnere gravatos Ptolemaidem præmittens, immisso igne propriis navibus cunctisque machinis ac tentoriis, vespere imminente, dum in cinerem et favillam redigerentur ipso in campo diem præstolatus est. Die vero agnita, rex castra movit ab obsidione, et Accaron tendens, in montanis hac die moram fecit, ac arte venatoria recreatus, solito more et cursu canum apros vexans, circiter quinque cepit, curas et casum suorum interim oblivioni dans.

CAP. LI. — *Populus Christianus de reditu regis lætitia perfunditur.*

Interea in urbe Accaron gravis luctus et desolatio erat inter viros et mulieres, eo quod de vita et salute regis universa eos latebant adhuc, et multos suorum cecidisse, ac omnem apparatus navium castrorumque in flammam redactum audierant. Post hæc aliqua mora habita, rex a venatione et montanis egressus, Ptolemaidem intravit. Quem omnis populus Christianorum quasi redivum in voce exsultationis suscipiens, præ nimio gaudio lacrymatus, caput et manus illius plurimum deosculatus est.

CAP. LII. — *Requisitio Turcorum a Sidoniis de promissione pecuniarum taxatarum.*

Et ecce, rege ab obsidione regresso, et Acre in



gloria et lætitia suscepto, Turci a Damasco cum nimio apparatu equitum portas et mœnia Sagittæ adfuerunt; sed foribus clausis, minime intromissi sunt. Tunc quidam, Dochinus nomine, præses Damasci ac princeps militiæ Turcorum, triginta millia bysantiorum a primis et incolis civitatis requisivit, eo quod in auxilium eorum accersiti fuissent, et Baldewinus, rex audito eorum adventu, obsidionem distulisset. Verum cives et primi civitatis nequaquam assequi se tantam posse pecuniam asserentes, omnem prorsus pactionem illis negaverunt, dicentes timore vitæ tot millia bysantiorum illis se promississe ut magis ad auxilium eorum animarentur, dum tanta illis pecunia offerretur. Hæc Turci et eorum principes audientes, vehementer in ira exarserunt, urbemque per dies decem oppugnare non cessantes nunc vim, nunc minas inferebant, regem Baldewinum ad internecionem eorum se revocare affirmantes. Tandem Sidonii Turcorum assaultibus gravati, minis eorum desperati, novem millia bysantiorum obtulerunt. Quæ sæpius Turci refutantes ad extremum tædio victi, regisque vires et impetum metuentes, hoc tantillo recepto, Damascum regressi sunt.

CAP. LIII. — *De quatuor millibus Turcorum, quos Gervasius, princeps Tabariæ, cum octoginta loricatoris insecutus est.*

Ante hanc obsidionem civitatis Sagittæ, tempore Rogationum instante, scilicet ante dies Pentecostes, iidem Turci in equitatu quatuor millium loricatorum a Damasco egressi, et in regionem Tabariæ profecti, hinc et hinc insidiis positæ, trecentos viros in equis velocissimis præmiserunt, qui soluto impetu et assaultu viros a munitione abstraherent usquedum ad locum insidiarum perveniretur. Gervasius, vir nominatissimus et nobilissimus de regno Franciæ, qui tunc dono regis præerat civitati et præsidio Tabariæ, Turcos advellasse comperiens, sine mora suis commilitonibus circiter octoginta ascitis in equis, armis, lorica, peditibus vero ducentis nimium pugna audentibus, insecutus est Turcos præmissos cursu velociore quam solebat, nec pedites subsequentes ullius consilio præstolatus est.

CAP. LIV. — *Gervasius, suis in bello cæsis, vivus capitur, rege Baldewino multum mœrente.*

Turci quidem simulata fuga ad locum insidiarum repedantes, Gervasium in medium inimicorum per scopulosa et devia loca montium perduxerunt, plurimum equis et peditibus illius cursu immoderato aggravatis. Ad hæc Turci ab insidiis erumpentes. Gervasium et suos ex omni parte coronantes, gravi cursu oppræsserunt, arcum et sagittam in eos incessanter intorquentes, quos nequidquam in fugam missos ad montana redire passi sunt. Gervasius tanta multitudinis exterritus, cum exigua manu per quamdam planitiem limosæ terræ fugam iniiit. Sed quia fessis et flatu exhaustis, præ longa insecutione et aquatilis terræ mollitiæ, cursu defecerunt, dum Turci undique viros circumdantes in illos nimiam

A sagitta et gladio prævaluerunt, Gervasius et sui fugæ et vitæ diffisi et Turcos jam circa latus suum advolantes conspicientes, frena equorum fortiter in hostes rejiciunt; et licet perpauci, tamen sanguine plurimo se in dextra sua ulti sunt, plurimos Turcorum sternerentes, et ibidem honesta morte inter hostes feroces procumbentes. Ex omnibus his nullus evasit, præter duos armigeros, qui rei eventum Tabariæ retulerunt: sed alii occisi, alii capti sunt. Gervasius quoque captus et abductus est in Damascum, catenis astrictus, et solerti custodia mancipatus. Tam crudelem famam universi qui audierunt, de tam egregio milite et interitu suorum vehementi dolore cum fletu et ejulatu magno planxerunt diebus multis: quæ et Baldewinus rex, licet feritate leonis et apri ad omnia adversa semper inflexus, nunc consternatus est animo, læto tamen vultu omnino dolore dissimulato.

CAP. LV. — *Legatio Turcorum ad regem Baldewinum pro Gervasio, et pro civitatibus Caipha et Ptolemaide.*

Deinde post dies aliquot nuntii Turcorum regi Baldewino Accarone in hunc modum locuti sunt: *Gervasium captum adhuc virum tenemus, quem si sanum et incolumem vis recipere, tres civitates, Ptolemaidem, Caiphæ et Tabariam in manu nostra restituas; alioqui, nequaquam eum periculum mortis scias posse evadere.* His rex auditis, habito cum suis consilio, sic in hæc verba respondit: *Si aurum et argentum vel aliqua pretiosa pro salute et redemptione Gervasii quaereretis, supra centum millia bysantiorum a nobis assequi procul dubio possetis. Sed civitates quod requiritis, si fratrem meum uterinum totamque parentelam, et cunctos primores Christianæ plebis in vinculis vestris teneretis, nunquam has pro aliqua salute vitæ illorum redderemus, nedum pro solo homine: quem si occideritis, nequaquam virtus nostra propter hoc erit imminuta; sed quandoque ut vicem mortis illius vobis rependamus, non est impossibile apud Deum et Dominum nostrum.*

CAP. LVI. — *Damasceni, non impetratis a rege civitatibus, Gervasium in medio urbis illudentes interficiunt.*

His itaque a rege responsis, et Turcis non ultra habentibus spem de prænominatis civitatibus, Gervasius productus est in medio civitatis Damasci, qui post plurimam illusionem sagittis Turcorum confusus, spiritum vitæ exhalavit. Mortuo sic Gervasio, milite egregio, Soboas, unus ex præpotentibus Turcorum, caput illius jussit amputari; cutem vero capitis cum crinibus ejus albis et floridis, multoque tempore intonsis, abstrahi et siccari, eo quod miri essent decoris, ut in signum et memoriam victoriæ, ad suscitandum dolorem Christianorum, semper in hasta sublimi tollerentur.

CAP. LVII. — *Qualiter Evermerus a Romana synodo litteras apostolici pro restitutione sua detulerit regi Baldewino.*

Eodem anno, quo rex Baldewinus a Sagitta obsidionem distulit, dominus Evermerus, patriarcha Je-

rusalem, a Romana synodo rediit, quam causa excusandi se de omni querela et culpa sibi a rege et Arnolfo cancellario illata adiit; et eundem iniqua adversus se loquentem in medio Romanæ Ecclesiæ, et in domini apostolici audientia, obstructo ore fecit obmutescere; et ex sententia S. Romanæ Ecclesiæ cum litteris et signo ipsius domini apostolici Paschalis ad regem remissus est, quatenus honorifice et sine offensione sedem patriarchatus ultra retineret. Sed rege nequaquam legationem aut litteras cum signo Romani pontificis de illius restitutione audiente, patriarcha in civitate Accaron remansit, dum videret si regis animus erga se adhuc, Deo adjuvante, mitigari posset.

CAP. LVIII. — *Rege suam sententiam confirmante, Evermerus deponitur, Gobelino sedem illius obtinente.*

Tandem rege ex Arnolphi instinctu amplius patriarchæ adversante, nec eum in sedem patriarchatus redire consentiente, actum est multorum consilio quatenus Evermerus sine conciliis et iudicio patriarchatus sui dignitatem ultro absque ulla spe relinquere, nec sancta ac novella Ecclesia Jerusalem in hoc odio et contentione tot diebus pastoris vigilantia careret. Jam sic Evermero ultro et absque spe ulla honore patriarchatus privato, tam regis quam Arnolphi cancellarii et totius Ecclesiæ electione clericis quidam, Gobelinus nomine, subrogatur, et Evermerum Cæsares Cornelii, quæ nuper pastore viduata erat, archiepiscopum fieri ab omnibus acclamatum

A est. Quod quamvis injustum sit, ut hæc fiat altercatio, nisi ex canonum decreto et sententia alter eorum fuerit condemnatus; tamen quia rudis et tenera adhuc Hierosolymitana erat Ecclesia, id fieri concessit apostolicus. Et sic regis dono, et omnium fidelium assensu, uterque sublimatus est.

CAP. LIX. — *De patriarchæ peculatu.*

Cum hæc negotia inter regem et patriarcham agerentur, isto negante pecuniam, illo autem pecuniam aut milites requirente, quidam Christianus, legatus Rotgeri fratris Boemundi, profectus de Apulia, coram rege astitit, qui talentum auri mille byzantium ante paucos dies patriarchæ se attulisse contestatus est in audientia totius Ecclesiæ, ut illud pro peccatis suis, et pro requie animæ ipsius suorumque, et æqua et fidei portione inita divideret, unum videlicet in oblatione Dominici sepulcri ad usus fratrum, Deo inibi famulantium; alterum in sustentatione hospitalis languidorum cæterorumque invalidorum; tertium regi ad confortandos et remunerandos milites rebus et armis destitutos. Hæc patriarcha avaritia excæcatus, omnia soli sibi restituit, et nihil de talento his vel illis, sicut injunctum vel dispositum cum eo fuerat, distribuit. De hac ingenti fraude et infidelitate coram rege convictus a testibus idoneis, non ultra se valens excusare, conticuit. Quapropter statim sine dilatione privatus est potestate et oblatione Dominici sepulcri; camerarii vero ac privati et consilii illius capti et in custodiam missi sunt

## LIBER UNDECIMUS.

CAPUT PRIMUM. — *Quod Willhelmus, comes de Sartangis, rege Damascenorum devicto, præsidium Archas obsederit.*

Eodem tempore, quo rex Baldewinus ab obsidione Sagittæ rediit, Willhelmus comes de Sartangis, commisso prælio cum rege Damascenorum, Hertoldino nomine, et eodem cum copiis suis attrito in campo castelli Montis peregrinorum, in victoria et gloria cum mille loricatis equitibus et in spoliis multis regressus præsidium Archas quod dux Godofridus prima expeditione multis ingeniis aut viribus superare non potuit, nunc post plurimam vastationem segetum ac frugum, quam singulis annis circa regionem intulit, consilio cujusdam Sarraceni in virtute magna obsedit, eo quod penuria alimenti habitatoribus loci nimia inesset.

CAP. II. — *Quod idem præsidium fame superatum Willhelmus obtinuerit.*

Qui tribus septimanis plurimam impugnationem machinis et balistis custodibus præsidii inferens, nullam introitum aut exitum alicui concedebat, donec præsidium, quod natura munitum et humanis viribus insuperabile erat, fame arctaretur et in ejus deditionem redderetur. Quod ita actum est. Nam

C tribus septimanis transactis, tanta universi habitatores inedia sunt oppressi, ut versus montana, ubi obsidio fieri non potuit, muris perforatis, præsidium armentis vacuum, armis plenum, sed pecunia et pretiosis quibusque jam asportatis, reliquerint. Quod quidam de exercitu Willhelmi percipiens, eo quod nulla fieret a mœnibus præsidii defensio, trans Barbicanas et muros ad explorandam rem clam ascendens, neminem vidit aut persensit, idque sine mora domino et principi retulit Willhelmo et universis sociis. Qui statim fraolis seris et portis immisi, turres et mœnia obtinuerunt et munierunt, ac præsidium ultra retinentes, totam regionem usque Damascus expugnantes de die in diem invaserunt.

CAP. III. — *Qualiter Bertrannus cum Pisanis Amiroth, urbem Græcorum, occupaverit.*

Eodem anno tempore quadragesimali, Martio mense inchoante. Bertrannus, filius comitis Raymondundi undique sua in terra contractis copiis virorum bellatorum et equitum loricorum, cum quadraginta galeidis, quatuor millia continentibus, in singulis galeidis centum viris pugnatoribus conati-

tulis, absque nautis, navigio a loco et urbe S. Egidii egressus, Pisas urbem Italiæ applicuit. Ubi Genuensibus, qui in eodem voto Jerosalem eundi conspiraverant, assumptis, et mutua fide firmatis sibi, octoginta vero galeidis eorum sibi associatis, ad Amiroth, civitatem imperatoris Græcorum, navigio pervenit, ubi escas et vitæ necessaria vi undique conferebant.

CAP. IV. — *Quomodo Bertrannus a rege Græcorum evocatus, homo illius factus, et ab eo remuneratus sit.*

Nec mora imperatoris auribus innotuit, quomodo Bertrannus, filius comitis Reymundi, terram Græcorum in virtute magna occupasset, et eam graviter depopulari non timuisset. Qui illico illi misit nuntios, ut ad se ingrederetur, in fide a suis susceptus primoribus, et habito secum pacis colloquio, quantum vellet pecuniæ dono imperatoris reciperet; et loco patris sui sibi in amicitia et fidelitate restitueretur, terram vero suam cum suis pertransiret. Qui statim regis imperio acquievit, et de mari per Brachium S. Georgii descendens cum quibusdam de comitatu electis, imperatori in palatio suo locutus, sacramento ei conjunctus et subjectus factus est. Deinde donis plurimis auri, argenti, ostri ab imperatore susceptis, navigium iterans, usque ad portum S. Simeonis vela direxit, quem Tankradus nunc sub sua potestate retinebat.

CAP. V. — *Tankradus a Bertranno invitatus, ad colloquium illius festinavit.*

Qui continuo nuntiis Tankrado missis ex consilio suorum, ut virum salutarent, et adventum suum apparatusque suorum consodalium illi indicarent, jussit, obnixè precantes, quatenus secum habere colloquium non refutaret. Tankradus in virtute magna hunc intelligens advenisse, accitis usquequaque viris suis, ab urbe Antiochia illic occurrit, ad eundem portum; et oscula ad invicem dantes, noctem illam in lætitia magna pariter deduxerunt. Mane autem facto, requisivit Tankradus, qua de causa advenisset.

CAP. VI. — *Postulatio Bertranni pro restitutione partis Antiochiæ, et responsio Tankradi.*

Bertrannus post plurima verba benigne inter se habita, Tankradum in omni admonitione humilitatis precatus est, ut hanc partem Antiochiæ, quam pater suus in introitu civitatis prior invaserat, sibi restituere non refutaret. Tankradus ejus petitionem non abnuvit, hac tamen conditione apposita, ut ad Mamistram civitatem obsidendam et recuperandam ejus opem et vires haberet, quam nuper traditione Armeniorum imperatori redditam amiserat; alioqui sibi nihil super his velle respondere. Bertrannus vero precibus Tankradi nequaquam in obsidione hujus civitatis acquievit, propter fidelitatem, quam imperatori se promississe non negabat. Verum si ei in animo sederet, Gybel se obsidere et apprehendere promittebat, ea quod civitas esset Sarracenorum. Tankradus vero rursus de Mamista admōnuit, de

A Gybel prorsus tacuit. Sed Bertrannus pro sacramento facto, nihil se adversus imperatorem, aut ejus civitatem, acturum respondit.

CAP. VIII. — *Tankradus Bertranno indignatus, monet eum quantocius ab Antiochia discedere.*

Ad hæc Tankradus graviter indignatus sprevit eum, admonens ut cum suo comitatu terram, quæ de sua erat potestate, cito pertransiret, ne grande malum sibi suisque congregata manu inferret. Et illico præceptum est in omni hac regione, ne aliquis esset, qui Bertranno aut suis vitæ necessaria vendere præsumeret, si membrorum salutem diligeret: Hoc audito Bertrannus et sui, navigium a portu iterantes, usque ad civitatem Tortosam applicant, quam comes Reymundus denuo expugnatam ceperat, et nunc Willhelmus de Sartangis suam retinebat. Hæc sibi nequaquam contradicta patuit; sed in ea hospitatus et sui, bonis terræ epulati sunt.

CAP. VIII. — *Quomodo Bertrannus pro terra patris sui Willhelmum interpellaverit, et quomodo Tankradus Willhelmum adjuverit.*

Die autem facta, cognato suo Willhelmo legatos dirigit, ut terram de Camolla, quam pater suus in primordio viæ hujus invaserat, sibi non negaret, si ejus obsequium et amicitiam retinere curaret: qui respondit, non facile se hoc verbum posse adimplere, cum Reymundo mortuo terra sibi in hæreditate constituta sit, et eam multis diebus per magna pericula et labores ab hostibus defendisset. Tandem Willhelmus de hac legatione sollicitus, consilio cum suis initio, Tankrado nuntios dirigit quatenus ei subveniret adversus Bertrannum, cognatum suum; et illius copias, et terram ex ejus manu susciperet, illique ultra et miles suus serviret. Hoc audiens Tankradus, annuit omne auxilium comiti Willhelmo, diem constituens, quatenus ad Tortosam illi occurreret; et sic adjunctis armis suis et viribus, Bertrannum et ejus adunationem de terra et civitate effugaret.

CAP. IX. — *Ligatio Bertranni ad Baldwinum regem contra præfatos principes, et quod Tripolim obsederit.*

Bertrannus horum decreto et confœderatione compta, a Tortosa discessit, et festinato tertia die navigio civitatem Tripolin in virtute magna terra marique obsedit. Obsidione itaque locata, Baldwinus regi Jerusalem nuntios misit, quomodo Tripolin obsederit; et quia Willhelmus de Sartangis et Tankradus eibi negatis urbibus patris sui vim inferre parati et confœderati fuerint, et ideo multum super his injuriis ejus auxilio indigere, se ipsum in ejus obsequio asserens velle manere.

CAP. X. — *Quod rex Baldwinus Willhelmum et Tankradum apud Tripolim occurrere mandavit.*

Cujus legatos rex benigne audiens, opem promisit, ac statim Paganum de Cayphas accitum, et Eustachium, cognomine Granarium, Tankrado et Willhelmo legatos in hæc verba direxit: *Bertrannum confratrem et conchristianum, filium comitis Reymundi a nobis auxilium scitote quæsisse super injuriis, quas*

*sibi nunc infertis de terra et urbibus patris sui, quod sic nequaquam fiat. Placet enim universæ Ecclesiæ Jerusalem, ut ad nos Tripolin descendentes, injuste ablatas civitates restituatis, tam Bertranno quam Baldewino de Burg et Gozelino de Turbaysel, et sic invicem concilio et conventu habito, in concordiam redeamus. Alioqui terram, quam nuper intravimus, adversus inimicos hos in circuitu, Turcos et Sarracenos, nequaquam poterimus retinere.*

CAP. XI. — *Ibi rex Tripolin adveniens, Bertrannum suscepit in hominem.*

Interea rex cum quingentis equitibus totidemque peditibus Tripolin descendit, Sur, Sagittam, Baurim, pacifice pertransiens, propter pacem quam post obsidionem Sagittæ ad excolendas fruges et vineas firmam et inviolabilem multo auro ab ipso rege impetraverunt. Bertrannus viso rege et ejus apparatu, gavisus est, et homo ejus ibidem jurejurando factus. Jam tres septimanæ hujus obsidionis et expugnationis ante regis adventum transierunt, cum nec machinis aut aliquibus mangenarum quassationibus aut terroribus urbs adeo concuti aut superari potuit, ut portæ Bertranno aperirentur, nisi regis præsentia adfuisset.

CAP. XII. — *Qualiter apud Tripolin rex quatuor principes pacificaverit.*

Tankradus regis voluntate et nuntiis auditis, Wilhelmum ab ira et omni assultu compescuit, donec regi ore ad os loquerentur, et ad eum Tripolin proficiscentur. Qui statim adunatæ septuaginta viris, equitibus egregiis, Tripolin diverterunt; quos post paupulum Baldewinum de Rohas et Gozelinum de Turbaysel, juxta mandatum regis, in equitatu magno subsequuti sunt. His omnibus illic collocatis, et cunctis injuriis utrinque coram rege et fidelibus suis recitatis, Baldewinus de Burg et Tankradus reconciliati sunt, Baldewino, quæ injuste obtinuerat, Tankrado benigne remissis. Bertrannus etiam et Willhelinus concordæ facti sunt, ea tamen conditione, ut Willhelmus Archas, et cætera quæ acquisierat, obtineret; Bertranno vero acquisita patris sui nemo impediret. Rex autem Tankrado Caiphæ civitatem templumque Domini, Tabariam simul et Nazareth cum omnibus redditibus, accepta ab eo fidelitate, reddidit, quatenus deinceps in ejus obsequio et dilectione stabilis permaneret.

CAP. XII — *Quod Tripolitæ post reconciliationem principum se manibus regis dederunt.*

Tantum principum comperta concordia, Sarraceni, non ultra vim ferre valentes, pacemque querentes, urbem præterquam, regi nemini dare conspiciant, eo quod vita et salute membrorum impetrata, ejus fidei se præcipue credebant, ne a Pisanis et Genuensibus fœdere violato, armis impeterentur, sicut Ptolemaidenses, et non pacifice ab urbe exirent. Rex itaque urbe suscepta, dextram illis dedit, ut ab urbe incolumes exirent, non amplius, nisi quod humero valerent, effrondes. Et ecce, aperta civitas et ejus portæ; quas Pisani et Genuenses et omnis

A exercitus, intrantes, mœnia et turres munientes usquequoque diffusi sunt.

CAP. XIV. — *De quingentis Babyloniis subterraneo specu absconditis, et a muliere detectis.*

Quingenti milites in armis et lorica a rege Babyloniæ missi, qui urbem cum civibus defensarent, audito facto fœdere de urbis traditione in manu Christianorum, subterraneo habitaculo, quod miro opere murali ædificatum erat, absconditi sunt a facie introeuntium et urbem perlustrantium: devoverant enim se ac conspiraverant, in ipso primæ noctis silentio nullo somno sopiri, quousque progressi de latibulo subterraneo, universos somno deditos, et secure quiescentes, in impetu et vociferatione ex improvise armis detruncarent. Sed mulier quædam, quæ Christianis in prima apprehensione civitatis capta graviter torquebatur pro danda pecunia, tandem nimium anxiosa, et in articulo mortis posita, in hunc modum tortoribus suis locuta est; *Si vitæ meæ parcere velletis, et a pœnis, quibus me vexatis, manus continentes, me liberam à catenis exire permitteretis, salutem vestram et confratrum vestrorum procul dubio consulere; et tale quid vobis propalarem, unde vita vestra incolumis persisteret, quæ post modicum vobis securis in dolo et mira arte exstinguetur. Quod si de his quidquam fefellerit, difficilius cruciatus quos didicistis in me inferre, et vitam meam non ultra super terram una hora esse patiamini.*

Illi autem milites, mulieris verba et constantiam admirati, consilio clam inter se habito, in fide illi firmata sibi parcere sponderunt, si juxta verba ejus veritatem de his experirentur. Ad hæc mulierem et omnes dolos, sicut erant, universis aperuit, dicens: *Decreverunt cives callido et occulto consilio ante urbis hujus captionem, et salutis suæ pactionem, ut milites quingenti loricati a fœdere Christianorum excepti, quoddam subterraneum habitaculum intrantes, cum armis occullerentur infra urbis hujus habitationem, qui tenebris incumbentibus, et vobis secure dormientibus, pariter cum impetu et tumultu prodirent; et vos improvisos, ac hujus rei nescios, armis mortificarent. Hoc machinamento in exitium Christianorum a muliere quibusdam militibus catholicis, a militibus vero regi Baldewino et cæteris primoribus detecto, sine dilatione rex et universi in armis conglobati, ad eos, cæcati et subterranei habitaculi undique concurrentes, locum in circuitu obsederunt, et viros ab intus parum resistentes ad extremum vi et plurima impugnatione victos et eductos, in ore gladii percusserunt, nulli eorum parentes. Mulier vero juxta promissionem fidei, quæ ei facta est a fidelibus, a carcere et vinculis deinceps libera fuit, ac universa sua sibi sine contradictione tam in ædificiis quam cæteris rebus restituta sunt.*

CAP. XV. — *Ubi Willhelmus comes ab armigero suo occiditur, et urbs Baurim a rege obsidetur.*

Dehinc post paupulum temporis Willhelmus de Sartangis, pro vili injuria et contentione, qua armigesum suum molestavit, occulta infestatione ab eo

trans cor sagitta confixus expiravit, et sic Bertran-  
 nus præsidium Archas et universa quæ de illius  
 erant potestate, solus obtinuit subjugata. Capta ita-  
 que et subjugata civitate Tripla, rex Baldwinus  
 consilio Bertranni, filii comitis Reymundi, quem  
 præfecerat eidem civitati, in anno sequenti convo-  
 catis universis viris Christiani nominis, in mense  
 Decembri mediis algoribus civitatem Baurim, quam  
 vocant Baruth, obsedit; quæ in angusta fauce mon-  
 tium sita, et vix commeabili, a montanis viam ex-  
 hibet juxta littus abyssi maris descenditibus. Na-  
 vigio Bertranni et Pisanorum a Tripla versus mare  
 applicato in urbis obsidionem, ad planitiem camporum  
 cum ingenti manu Gallorum, equo et pede ad  
 omnem assultum paratorum, regis et suorum tentoria  
 locata sunt. Obsedit denique eam diebus multis,  
 ac tormentis lapidum turres et muros singulis diebus  
 non parce assiliens et quatiens, nulla intermissione  
 cives ac defensores respirare sustinebat: sed  
 et vineas et sata succidens et vastans, urbem non  
 modice perterebat.

CAP. XVI. — *Legatio Baldewini comitis ad regem  
 Baldwinum, quod Edessa urbs consilio Tankradi  
 fuerit obsessu.*

Post hæc cum dies aliquot obsidionis evolverentur,  
 et veris tempora jam aspirarent, legati Baldewini  
 de Burg a civitate Rohas venientes adfuerunt, nuntiantes  
 regi quod ex instinctu et suggestione Tankradi principes  
 Turcorum, Arangaldus scilicet, Armigazi, et Samarga de regno  
 Corrozan, in multitudine gravi civitatem Edessam obsedissent;  
 et regionem undique graviter depopulati sint, Baldwinum  
 assiduis oppugnationibus lacessentes, civitatem quoque  
 plurimis assultibus aggravantes. Asserebant etiam iidem  
 nuntii, ultima necessitate famis ac defensionis Baldwinum  
 et universos cives compulso: et ideo in brevi eos regis ope  
 indigere adversus tot millia Turcorum, ne urbs capta et  
 subjugata cum rebus et civibus periclitetur, et non Baldwinus  
 sui que, capitali sententiæ subdantur. Rex, ut hæc  
 audivit, legatos sub iudicio mortis hunc ingratum  
 rumorem tacere jussit: quem et ipse dissimulans mirro  
 silentio suppressit, ne hominum corda, audita hæc  
 Turcorum superbia et audacia, pavefacta minus ad  
 urbis ruinam laborarent. Siluit igitur rex, siluerunt  
 et nuntii. Nec modo alio intendit, nisi ut machinæ,  
 jactus lapidum assultusque circa urbis mœnia fierent,  
 quousque Sarracenorum interiore virtute edomita,  
 urbs reddita aperiretur, cives gladio punirentur,  
 aut victi oaperentur.

CAP. XVII. — *Rege Baldwinio Baurim fortiter oppugnante,  
 cives ultro se dederunt.*

Tandem portis cum seris suis et muris graviter  
 quassatis, ammiraldus civitatis in insulam Cyprum nomine,  
 quæ est de regno Græcorum, navigio noctu aufugit  
 cum multis desperatis, eo quod in urbis præsidio  
 non aliquam fiduciam vivendi aut manendi haberent;  
 quoniam dierum curricula nulla a rege Babylonis  
 auxilia mitterentur. Cives autem videntes

A quomodo ammiraldus et omnes capitanei aufugerent  
 et urbs a facie Christiani regis retinere non posset,  
 et quod terra marique tam longo tempore undique  
 bellum intolerabile ingrueret, ultra vim ferre non  
 valentes, dextras sibi dari et vitæ suæ parcere  
 rogabant ut sic, portis apertis, urbem salvi egrederentur.  
 Quod et actum est. Nam, datis dextris, et civibus  
 cum pace egressis, capta et patefacta est civitas,  
 sexta feria, quæ est ante Sabbatum sanctæ Pentecostes.  
 Sed eorum, qui adhuc in urbe inventi, fœdere facto  
 non exeuntes stulte permanserant, a Bertranno  
 et Pisanis circiter unum et viginti millia occisi sunt.  
 Parum quidem pretiosarum vestium, aut alicujus  
 ornatus repperunt. Nam cives desperati, quod  
 pretiosius erat illis in medio civitatis comportantes  
 igni conflaverunt; aurum vero, argentum, vasa  
 pretiosa clanculum ac paulatim per cæcos aditus  
 in Cyprum insulam noctu translata sunt.

CAP. XVIII. — *Rex, capta urbe Baurim, Jerusalem  
 profisciscitur, et pro liberatione Rohas principes hortatur.*

Capta autem civitate, rex, custodibus in ea ordinatis,  
 Jerusalem reversus est. Ubi celebrato festo Pentecostes,  
 obsidionem Edessæ vel Rohas et calumnias Baldwinus  
 de Burg, sicut a legatis didicerat, tunc primum  
 Bertranno et universis de domo sua et de domo  
 Jerusalem aperuit, in hunc modum per verba omnes  
 adhortatur: *Gratia Dei et domini nostri Jesu Christi  
 voluntas nostra ac victoria adimpleta est de Baruth,  
 licet longo tempore eam expugnaverimus. Sed nunc  
 ut Rohas civitati et Baldwinio, in ea obsesso,  
 subveniamus, omnium vestrum quæro benevolentiam:  
 nec sit, qui avertat, cum confratres sint, in omni  
 necessitate nobis subvenire parati. Est enim  
 inviolabilis charitas ut subveniamus, et animas pro  
 fratribus et amicis ponere non dubitemus.*

CAP. XIX. — *Ubi exhortante rege Bertrannus cum  
 reliquis ad urbem Rohas profectus est.*

Ad hæc verba regis universi qui aderant de regno  
 Jerusalem fluit voluntarii ad expeditionem Rohas  
 agendam, et conferendam opem obseis christianis,  
 ut cum Turcis bellum inirent, et animas pro  
 fratribus darent, iterant apparatus, renovant; et  
 adhuc recentium laborum circa Baruth immemores,  
 viam Rohas in initio mensis Junii incisunt in  
 galeis et loriceis, in cuneis septingentorum equitum  
 electorum, in manu trecentorum peditum, arcu et  
 lanca apprimè valentium. Profectus est igitur rex,  
 profectus Bertrannus cum copiis suis a civitate  
 Jerusalem vigili et solerti providentia militum munita,  
 munitis et cæteris civitatibus, quæ suæ erant potestatis.  
 Descenderunt itaque in campos et regionem Armeniæ  
 ad civitatem Rohas diebus mensis unius in itinera  
 peractis. Quibus regis audito adventu, a diversis  
 locis et præsidiis per centenos, sexagenos et  
 quinquagenos plurimi tam Galli quam Armenii  
 Christiani concurrentes, auxilio juncti sunt. Vix  
 ad flumen Euphratem perventum est, et multiplicatus  
 est ejus exercitus ad quindecim millia virorum  
 pugnatorum.

CAP. XX. — *Quomodo rege adveniente, Turci Rohas dimiserunt, et quomodo Baldewinus comes Tankradum incusaverit.*

Ut autem intravit terminos et confinia civitatis in hac manu forti, in splendore signorum et galearum ex serenissimis radiis æstivi solis, in grandi sonitu tubarum et tumultuosa populi adventione, Turci comperta per exploratores illius approximatione, avulsis tentoriis ab obsidione recesserunt, et in terram civitatis Caran, quæ sex milliariis distabat a Rohas, relocatis castris conederunt, donec scirent et intelligerent, si regis viribus et copiis possent occurrere et resistere. His vero diei unius spatio a statione obsidionis Rohas remotis, Baldewinus de Burglætatus fama adventus regis, cum quadringentis equitibus viris bellicosis et decem millibus Armeniacæ gentis, obviam illi ab urbe festinans, Turcos versus Caran divertisse notificavit; sed in castris eos adhuc præstolari, et audire de ejus proposito, cum quadringentis equitum millibus nimium confidentes. Hos Tankradi consilio et instinctu ad obsidionem Rohas convenisse referebat, et in omnibus Tankradum sibi contrarium et infestum esse.

CAP. XXI. — *Legatio regis Baldewini ad Tankradum et collatio.*

Hac Baldewini super injuriis Tankradi audito querimonia, rex consilio suorum Tankrado legationem Antiochiæ misit, ut ad eum et primos exercitus Christianorum descenderet; et si quæ ei injuste essent illata a Baldewino, omnia aut æquo judicio aut concordii consilio majorum in præsentia Christianorum se velle definire. Qui multum renisus est venire; tandem consilio suorum cum mille quingentis militibus loricatis descendit, ut de omnibus his quibus a Baldewino de Burg accusaretur audiret ac responderet; et si quæ haberet adversus eum, in audientia omnium demonstraret. Ergo veniens regem salutavit, et a rege susceptus est benigne. Dehinc rex, præsentem cœtu fidelium, rationem cum eo habuit quare adversus fratres et conchristianos Turcos eduxerit, cum potius Christianis subvenire debuisset. Qui se minime excusans, hac de causa se illis non subvenisse respondit, quod Baldewinus, præses civitatis Rohas, nullum sibi respectum fecerit, cum ante hos dies ipsa civitas Rohas et multæ aliæ civitates de regno fuerint Antiochiæ, et illi subditæ annuos redditus dominatori Antiochiæ dederint.

CAP. XXII. — *Allocutio regis ad Tankradum de reconciliationis gratia cum principibus.*

Ad hæc rex Baldewinus Tankradum cum omni mansuetudine de hac querimonia compercutit, dicens: *Frater mi Tankrade, non justam rem exigis, nec adversus Baldewinum justam habes molestiam de aliquo loqui debes tributo, quod Antiochiæ hactenus reddebant civitates, cum nihil inter nos de iure gentilium simus habituri in omnibus, quæ Deus nostra subjiciet dilioni. Nosti, et universis notum est Christianis qualiter cum a terra et cognatione exivimus, pro nomine Jesu exsilia querentes, patrimoniam*

*A deserentes, decreverimus ut quidquid in terra hac peregrinationis nostræ quisque de regno et terris gentilium expugnatis apprehenderet, pacifice et libere obtineret; nullus ad injuriam in eum manum mitteret, nisi ut subveniret, et animam pro fratribus singuli ponerent. Et ideo scias, quia non justam adversus Baldewinum habes querelam, cum gentilium decreta et nostra non conveniunt; et stabili consilio de hoc in unum consenserimus, si rex Christianorum adeo sublime procederent ut regem constitueremus, eum ceu caput, rectorem ac defensorem ad nostra retinenda ac propaganda subjecti sequeremur. Unde ex timore Dei et justo judicio omnium, qui nunc adsunt Christianorum, oportet te in concordiam redire et ab omni molestia, quam habes adversus Baldewinum animum revocare. Alioqui si gentibus vis sociari, et nostris moliri insidias, nequaquam frater Christianorum poteris remanere. Nos quoque confratri Christiano juxta decretum nostrum coadjutores et defensores ad omnia parati sumus. Tankradus regem se juste arguentem ex judicio omnium intelligens, nec se justam adversus hujus dicta habere excusationem, in concordiam et amicitiam rediit; ac pœnitentia ductus, quod cum gentilibus quidquam adversus confratrem machinatus fuerit, promisit se ultimum ac fidelem, sicut a principio viæ devoverat, coadjutorem confratrum velle persistere indeficientem.*

CAP. XXIII. — *Uhi rex principibus pacificatis, Turcos effugavit, Christianos omnes in circuitu reconcilians.*

*C* Hac pace composita, mistis copiis et armis, rex et Tankradus Turcos inter Caran insecuti sunt ut pugnarent cum eis. Sed audita eorum reconciliatione, fugam inierunt per devia et montana diffusi, plurimis tamen de comitatu suo attritis, armentis et cibariis non parum retentis et abductis. Baldewinus rex ab insecutione et contritione inimicorum regressus, in terra Edessæ paucis diebus moram fecit, reparans et componens undique odia et dissidia iuter Christianos reperta.

CAP. XXIV. — *Rex et Tankradus flumen Euphratem enavigant, quinque milibus Christianorum ex altera parte ab hostibus occisis.*

*D* Vix rex et Tankradus sub festinatione scilicet, diei et noctis horis continuis ad flumen Euphratem pervenerant, et ecce Turci, collectis undique viribus et copiis, velociter eos insecuti sunt ut eos in terga cæderent, et sagittis in impetu et solita vociferatione expugnarent. Verum rex, comperto adventu et audacia eorum, flumen navigio tantum duarum navium transire properavit cum omni manu quam eduxerat. Sed infelici casu rege et Tankrado cum plurima manu exercitus sui transmissi, utraque navis, nimis cumulata armis et militibus, mediis, fluctibus cœpit periclitari et submergi: et sic cætera manus quæ altero in stagno ad quinque millia remanserat, nequaquam ultra aut remis aut aliquo auxilio transvehi potuit. Noc mora, Turci in ipso

fervore mediæ diei adfuerunt in multitudine gravi, qui miserum vulgus inventum, nec transitum fluminis evadere valens, fortiter incurrentes, crudeliter in arcu et sagitta peremerunt, vidente rege et Tankrado et universis hac parte fluminis consistentibus. Rex tristis et dolens nimium factus est eo quod naves periissent, et nequaquam suis in aspectu ejus cadentibus subvenire potuisset.

CAP. XXV. — *Quod rex Baldewinum comitem, de bello fugientem, sanum in Rohas reduxerit.*

Turcis post tam cruentam cædem in terram Edesæ revertentibus, Baldewinus de Burg, qui regem cum trecentis equitibus sequebatur, illis obviam factus, nequaquam divertere valens, bellum cum eis committere præsumpsit. Sed Turci in multitudinis suæ virtute prævalentes, universos sagittis confixerunt. Solus Baldewinus ad montana fugiendo contendens, vix a manibus eorum clapsus est. Altera die crudelis fama tam gravis eventus in auribus regis ac Tankradi innotuit. Qui statim navigio aptato, flumen eum suis trajecerunt, ut in Turcis dignam pœnam rependerent loco aliquo repertis. Sed minime repertis aut visis, Baldewinum de Burg desolatum et mœstum ac flebilem de strage suorum repertum, in manu robusta Gallorum Rohas vivum et incolumem perduxerunt.

CAP. XXVI. — *De Magno, rege Norwegiæ, qui venit adorare Jerusalem.*

Interea frater regis de Norwegia, Magnus nomine, in plurimo apparatu, in multa armatura, in manu robusta, in buzis quadraginta, in decem millibus virorum pugnatorum, per biennium in circuitu spatiosi maris a regno suo enavigans, in portu Ascalonis civitatis anchoram integris horis diei ac noctis fixit, ut videret, si aliqui viri a civitate terra vel mari sibi occurrerent, cum quibus ex industria aut eventu aliquod certamen iniret. Sed Ascalonitis silentio compressis, et minime prodire audentibus, postera die Japhet applicuit, desiderio adorandi in Jerusalem.

CAP. XXVII. — *De Babyloniis contra Baurim navigantibus, et de navibus Christianorum cum eis decertantium.*

Dehinc post dies aliquot incomparabilis navalis exercitus a regno Babyloniæ in galeidis, in biremibus et triremibus dictis vulgariter catis, turritis et bello compositis, advectus est in civitatem Baruth vel Baurim, ad recuperandam urbem, si aliqua daretur opportunitas. Et spatio diei illic considerantes, custodes Christianorum lacessentes, nullo eis ingenio nocere aut prævalere potuerunt. Nulla siquidem virtute aut industria hic prævalentem, sed spatioso ambitu urbem obsidentes, naves a longe e fastigio mali speculati sunt: quarum tres a Flandria et Antuerpia venerunt, quibus præerant Wilhelmus, Starcolphus et Bernhardus, causa adorandi in Jerusalem adnavigantes; quarta de regno Græcorum diversas merces et cibaria portans, causa negotiationis huc viam maris pariter profecta est. His visis

et Christianitatis signo recognito, undique certabant remis, buzis et galeidis, ut eas coronantes captivarent, ac plurimo conatu remorum ad eas festinantes, gravi eas insecutione coegerunt ad fugam. Sed, Dei gratia opitulante, velociore velo et remis viam maturantes, una ad civitatem Caiphas evasit, civibus Christianis auxilium a terra in arcu et sagitta illi ferentibus: aliæ dum inter Caiphas et Acram pondere suæ molie quassatæ, aquarum profundo deficiente, civibus Christianis pariter illis ad auxilium festinantibus elapsæ sunt: quarta de regno Græcorum, nimium tardata, capta et retenta est, ac rebus omnibus exspoliata.

CAP. XXVIII. — *Qualiter Ascalonitæ Jerusalem debellantes, a Christianis superati sunt.*

Eodem quoque tempore ejusdem mensis Augusti, quo hæc fiebant, Ascalonitæ gavisii absentia et diutina expeditione regis Baldewini, æstimantes modicas vires militum Jerusalem remansisse, quingentis equitibus ascitis, decreverunt civitatem obsidere et expugnare et viros qui erant in arce turris David bello lacessere. Verum fideles Christo, cognito decreto et adventu illorum, Rames Assur, Joppen, Caiphas, Cæsaream undique miserunt ad universos regi Baldewino obedientes, ut sine mora die ac nocte Jerusalem festinarent, urbem et ejus arcem ab hostili assultu defensarent. Qui mox ex omni parte festinantes, civitatem intraverunt noctis in silentio, et portas vigili custodia tam clericorum quam mulierum, turresque fideli militum diligentia munientes; cæteri armis et sagittis conglobati milites trecenti, equo et pede per montana descenderunt, quo Ascalonitarum via ad futura erat. Et ecce Ascalonitæ adsunt in equitatu magno et apparatu, obviam facti Christianis in campo. Ubi prælio diu commisso armis et sagittis, ad extremum Ascalonitæ terga verterunt. Quos Christiani insequentes, ducentos peremerunt, equos et spolia multa cum captivis multis Jerusalem abducentes in lætitia et victoria inopinata.

CAP. XXIX. — *Ubi navalis exercitus Babyloniæ Ptolemaidem impugnat, rege civibus succurrente.*

Navalis vero exercitus, qui a Babylonia eruperat, et Christianis per mare insidias parabat, a Baurim Ptolemaidem divertit. Et plurima vi in malorum altitudine præeminentes, adeo urbis defensores aggravantes bello vexaverunt, ut totum portum fere per dies octo in navium multitudine et fortitudine invadentes obtinuerint. Interea dum in hac urbe Ptolemaide magna feret desolatio, et vix catena portus hostibus obsisteret ne urbem apprehendissent, rex Baldewinus, et Bertrannus ab Antiochia et Rohas cum omni manu adhuc indivisa reditum parabant. Qui, audita Babyloniæ adunatione et oppugnatione adversus Accaron, velociori via accelerabant, ut suis subvenirent, et ab hostili impugnatione liberarent.

**CAP. XXX.** — *Ubi rex Baldewinus regem Magnum A Hierosolymam gloriose perduxit.*

Verum rex parte sui exercitus in auxilium Ptolemaidensibus civibus Christianis relicta, ex consilio prudentium virorum primum Joppen ad regem de Norwegia divertit, ut ex ore illius audiens sciret quid primum instare et adimplere posset. Mox omni amoris vinculo fœderatis rex nomine Magnus, Baldewinum regem obnixè precatur ut viam secum ad adorandum in Jerusalem insistat ex Domini Jesu auctoritate, qui jubet fideles suos primum quærere regnum Dei, et postea omnia profutura quærentibus invenire; deinde agere quæcunque eligeret, aut civitatem suo navali exercitu obsidere. Baldewinus rex votis regis Magni et suorum primatum cum omni benevolentia satisfacit; et Jerusalem, sicut B devoverat, se cum eis iturum non negavit. Ascendentibus itaque utrisque regibus in sancta civitate, universus clerus in albis et in omni cultu divinæ religionis, in hymnis et canticis cum universis civibus et populis occurrerunt, et reges cum omni comitatu suo usque ad Dominicum sepulcrum in voce exsultationis abduxerunt. Rex siquidem Baldewinum regem Magnum manu honorifice ac familiari amore ducebat, juxta Apostoli vocem, qui ut *honore invicem præveniamus* (Rom. XII, 10) nos adhortatur. Ducebat quidem eum, ac docebat omnia loca sancta, et ea quæ nota habebat, ac multo obsequio et regali apparatu per dies aliquot eundem procurabat. Deinde ut magis ac magis amore et fide firmarentur, ad flumen Jordanis in manu forti cum eo descendit: ubi catholico ritu in nomine Domini Jesu peracto, Jerusalem ipsum regem Magnum in gloria et juvenilitate sanum, et ab omni turbine tutum reduxit.

**CAP. XXXI.** — *Qualiter hi duo reges Sidonem obsederint, Babylonii in sua reversis.*

Post hæc Jerusalem reversi, convocata ecclesia, decreverunt communi consilio Sagittam vel Sidonem, quæ multa peregrinis damna et calumnias inferens regi sæpius resisterat, obsidere terra marique et nunquam ab ea recedere donec urbs capta in manu Christianorum traderetur. Nec multa mora, rex Baldewinus et Bertrannus, acceptis copiis, in apparatu copioso castrametati sunt in obsidionem urbis Sagittæ, machinas et tormenta lapidum instituentes quibus urbs per singulos dies oppugnaretur. Movit D pariter ab Joppe rex Magnus navales copias, et applicuit ad urbem Sagittam, ut eam a mari obsidens et expugnans nullum introitum aut exitum hac in parte pateretur. Horum tam fortium virorum et magnorum regum apparatus et vires terra marique adesse intelligens navalis exercitus Babylonie, a portu Ptolemaidis et ejus impugnatione recessit ad portum Sur, quæ est Tyrus, illic moram faciens, ne rex Magnus repertos in obsidione Ptolemaidis navali certamine disturbaret. Sed tamen aliqui ex Babyloniiis buzis velocissimis freti, hac et illac mediis aquis plurimo inferuntur conamine, si forte aliquo eventu catholicos viros superare et abducere

valerent. At Babyloniiis minime successit: unde Baldewini regis audaciam et industriam metuentes, remensis aquis Babyloniam reversi sunt.

**CAP. XXXII.** — *Rex Baldewinus et sui idonios coronantes machinas plures apposuerunt.*

Baldewinus rex et Bertrannus, accitis copiis, obsidionem a terra statuerunt; rex de Norwegia cum omni manu sua anchoras figens, versus mare sedem in circuito urbis firmavit. Sic locata obsidione, toto conamine in assultu et crebris ruinis muros et turres urbis angustiantes, civibus econtra in armis et tormento lapidum ab intus fortiter resistentibus. machinam multis diebus compositam applicantes, viros in arcu Baleari in ea posuerunt, qui altitudine soliorum machinæ eminentes, desuper muros per urbem et turres et ejus mœnia specularunt: et sic per vicos et plateas gradientes plaga intolerabili arctarunt.

**CAP. XXXIII.** — *Sidonii obscura cavationem machinam regis moliantur incendere, et ab ipso callide præveniuntur.*

Cives autem videntes machinam altitudine urbem superare et civibus nocere, noctis in obsecuro cavationem sub murorum fundamento plurimo conatu, et mira industria fecerunt: ut facta cavatione trans muros usque, ad stationem machinæ, ligna arida, et ignis fomitem comportarent et his subito in favillam redactis, cum humo machina rueret, et viros in ea positos in momento suffocaret. Sed rex hanc artem præcavens iniquam ex quorundam relatione, machinam a loco cavationis amovit: et sic labor Sidoniorum frustra consumptus est.

**CAP. XXXIV.** — *Sidonii post longam obsidionem regi Baldewino se dedentes, ad quinque millia urbem egressi sunt.*

Tandem curriculo sex hebdomadarum Sidonii videntes se nihil adversus machinam prævalere, et tormentis lapidum assidue urbem et ejus portas concuti, quin et navali assultu non minus gravari; navalem vero exercitum Babylonie abesse, dextras sibi dari poscunt, et urbem cum turribus et clavibus in regis manibus reddi, sub hac tamen conditione ut ammiraldus præses civitatis, et quibus esset animo, cum rebus suis, quantum valerent collo et humeris deferre, pacifice egrederentur. Rex vero longa obsidione et assultu defatigatus, consilio cum rege Norwegie, cum Bertranno comite et cæteris viris sensatis habito, petitioni Sidoniorum cessit: et sic, urbe in potestate suorum reddita ac patefacta, Sidonii cum ammiraldo suo circiter quinque millia cum rebus suis in pace egressi sunt, usque ad Ascalonem proficiscentes: cæteri qui remanserunt, sub jugo regis et in ejus servitute redacti sunt.

**CAP. XXXV.** — *Quomodo ammiraldus Ascalonis occulte Jerusalem venerit, et Ascalonem tradiderit.*

Rex Baldewinus post hæc in manu et custodia suorum civitate constituta, Jerusalem ascendit in gloria et victoria ipso natali S. Thomæ apostoli; ibique Natali Domini gloriose et catholice celebrato, exaltatum est in victoria nomen ejus per universas



urbes gentiliū; et timor omnes inuasit qui audierunt prospere illi omnia evenisse; et quieverunt ab omni impetu et assultu diebus plurimis. Dehinc solemniter a rege Baldewino et ab omni Ecclesia Pascha Domini celebrato, ammiraldus, id est princeps Ascalonis, nescio spiritu timoris tactus an amoris divini, dominum regem per secretarios cepit appellare, et cum eo agere de urbis traditione, donec Jerusalem idem ammiraldus, fide data et accepta, ad regem intravit, omnia ei elocutus, sicut in corde et animo devererat de urbis traditione, et ipsius regis et suorum intrmissione, de fidelitatis devotione erga regem et suos habenda. Tandem cognita et inventa ipsius pura devotione et animi intentione, fide utrinque confœderatus, decretum est primum ex consilio regis et suorum principum regem Jerusalem remanere; trecentos vero ex suis viros militares et belligeros cum ammiraldo Ascalonem descendere, urbem intrare, et ejus turres obtinere, et universos cives regi subjugare. Descendentes itaque sicut decretum erat, portas intraverunt auxilio et consensu ammiraldi, mœnia apprehendentes, cives regis ditioni subjicientes.

**CAP. XXXVI.** — *Legatio Baldewini comitis ad regem Baldeuinum de adventu Turcorum, et fama filii Babylonii regis, Ascalonem descendens.*

Nec mora, cum prædicti milites urbem obtinuisent, et regis potestati ex manu ammiraldi omnia contulissent, rex vero in Jerusalem in potentia et gloria magna resideret, legati Baldewini de Burg ad regem introeuntes, in hæc verba locuti sunt: *Turci a regno Corrozan, egressi in virtute magna ducentorum millium robustorum equitum, præsidium Turbaysel obsederunt, terram præda et omni exterminio Christianorum depopulantes.* Qui assumptis viribus equitum et peditum, usque ad locum, qui dicitur Solome, descendit. Ubi, cum diebus aliquot moram ageret propter copias Turcorum, quia Damasco convenerat ad obsistendum sibi, crudelis fama innotuit quomodo filius regis Babylonie Ascalonem descendisset, ut in ea repertos milites Christianos expugnaret et urbem suæ potestati relocaret.

**CAP. XXXVII.** — *Rege Baldewino Ascalonem descendente, regis Babylonii filius a civibus intrmissus, Christianos ibi repertos occidit.*

Quibus rex auditis, iter distulit et Ascalonem rediit, si forte suis subvenire posset. Verum cives qui urbem inhabitabant, virtutem Babylonie adesse intuitentes, et regis Baldewini absentiam, quadam die convenientes, ammiraldum in ore gladii percusserunt, et filium regis Babylonie, apertis portis, urbi immiserunt. Qui intrmissus, priusquam rex Baldewinus fines Ascalonis attingeret, milites catholicos, qui per mœnia diffusi erant, exterritos et subito expugnatos, universos in ore gladii occidit; civitatem vero, seris et omni custodia Sarracenorum minuit. Rex igitur Baldewinus, accelerata via, ut interitum suorum comperit, et urbem ex perfidia civium amissam, Ammiraldum quoque in fraude peremptum, Jerusalem repedavit; quia nulla tunc

erat opportunitas urbem assiliendi, et suos decollatos ulciscendi.

**CAP. XXXVIII.** — *Qualiter ducenta millia Turcorum Turbaysel obsidentes, et Antiochiam tendentes, Gozelinus comes insecutus sit.*

Interea Malducus, Arongaldus, Armizari et Samarga, qui, collecto exercitu ducentorum millium equitum, Turbaysel obsederant, duobus mensibus montes ipsius præsidii in virtute nimia suffoderunt, ut sic putei oborientes et cisternæ aqua deficerent, et Gozelinum loci defensorem et cum eo inhabitantes captivarent. Sed post nimium laborem Turci videntes quomodo nihil proficiebant in demolitione et cavatione montium, abhinc Antiochiam profecti sunt cum centum millibus; centum vero millia propter nimietatem et diuturnam moram, in qua necessaria vitæ minuebantur, in terram Corrozan redire decreverunt. Gozelinus reditum et divisionem illorum intelligens, insecutus est remeantes cum centum et quinquaginta equitibus et centum peditibus; ac in impetu subsequentes ac retardatos, et vehiculis cibariorum impeditos incurrens, mille detruncatis, prædam magnam cum spoliis in præsidium abduxit.

**CAP. XXXIX.** — *De centum millibus Turcorum, qui filium Brodoan, principis Alapiæ, obsidem nequiter jugulaverunt.*

Cætera vero multitudo centum millium Turcorum Alapiam pervenientes, Brodoam principem civitatis precati sunt, ut uxores filiosque teneros ac filias ad tuendum suscipret, donec eventum victoriæ suæ viderent. Sed his refutatis, quia pax inter eum et Tankradum erat, hoc tantum promisit eis quod nulli parti hinc vel hinc auxilio haberetur, et hac de causa filium suum obsidem eis fecit. Turci vero filium illius tenentes, post paululum pactum fidei prævaricantes, filium illius se decollare constanter attestati sunt, nisi eis foret auxilio et filios ac filias cum uxoribus et sarcinis suis intra mœnia reservaret, propter dubium belli eventum. Quod cum ille negaret propter fœdus quod pepigerat cum Tankrado, filium ejus in oculis patris et omnium suorum aspectu, capitali sententia interimere non abhorruerunt. Decollato itaque tam impie et dolose filio Brodoan, Cæsaream Philippi profecti sunt, quæ sita est juxta montana Gybel, ab Antiochia diei unius itinere: ubi fixis tentoriis super fluvium Farfar, hospitati sunt.

**CAP. XL.** — *Congregatio Baldewini regis et Christianorum principum facta Antiochiæ contra Turcos.*

Gozelinus audiens Turcos a Turkaysel, quæ est Bersabee, Antiochiam divertisse, cum centum equitibus et quinquaginta peditibus ad auxilium Tankradi Antiochiam sine aliqua dilatione acceleravit. Acceleravit et Baldewinus de Burg cum ducentis equitibus et centum peditibus; Pagnus etiam de Sororgia cum quinquaginta equitibus et triginta peditibus; præterea Hugo de Cantalar, scilicet de prædio Hunnino, cum suis sociis auxilio adjunctus est. Venit et Richardus, præfectus civitatis Maresch.

cum sexaginta equitibus et centum peditibus; item Wido de Gresalt, Willhelmus de Albin, Wido cognomine Capreolus, princeps civitatum Tarsi et Mamistræ. Venit et episcopus Tarsensis, episcopus simul de Albaria; Willhelmus pariter filius comitis Northmannorum, dominium habens civitatis Tortosæ, quam Tankradus Bertranno abstulerat, cum suis sequacibus sociatus est. Engelgerus, præfectus civitatis Femisæ, cum ducentis equitibus venit. Venit et Bonaplius, civitatem tenens Sarmit; venit et Gudo cognomine Fraxinus, tenens civitatem Harich: Robertus simul de Sidon, Rotgerus de Montmarin, tenens præsidium Hap; Piractus Talamiciam tenens. Venerunt et Pancras et Corrovaesilius de civitate Crasson; Ursinus quoque de montanis Antiochiæ, Antevellus etiam et Leo frater ejus. Venit et Martinus comes Laodiceæ, quam Tankradus, ejectis et expugnatis militibus imperatoris Græcorum, suo juri mancipaverat. Venit et Robertus de Veteri ponte, qui miles egregius et indefessus, sæpius terras gentilium militari manu deprædatus est. Hi omnes milites Tankradi; de regno Antiochiæ universi congregati sunt in civitate regia. Illic pariter rex Baldewinus festinato itinere post contritionem suorum in civitate Ascalone ab Jerusalem descendit; et cum eo Bertrannus, Eustachius Grenarius, Walterus de S. Abraham, dominus quoque patriarcha Gobelinus, et cætera multitudo fidelium, qui ad quatuor millia in loco eodem in manu forti confluent es, pernoctaverunt usque ad mane. Mane autem facto, usque ad castellum de Giril profecti sunt.

CAP. XLII. — *Quod sedecim millia Christianorum, contra Turcos acies direxerint, multa fame periclitati.*

Tertio vero die postquam ex omnibus locis et castellis in unum convenerant, ordinatis aciebus, Cæsaream viam instituerunt, ubi Turcorum copis, sicut arena quæ est in littore maris, congregatæ sunt. Erat autem exercitus Christianorum ad viginti sex millia equitum et peditum, virorum bellatorum. Videntes Turci quia Christianorum virtus appropinquasset, alteram in ripam fluminis Parfar transierunt, et tentoria illic in spatioso loco reposuerunt. Quo in loco sedecim diebus utrinque moram fecerunt. Sed Christiani minime cum Turcis stabili bello committere poterant, propter illorum miram hac et illac per agros discursionem et circumvagationem, quam in Christianos equorum velocitate moliebantur. Et cogebant iidem Turci universas urbes et munitiones in circuitu magnis minis et terroribus, ne quid venale Christianis afferretur. Quapropter sex diebus tanta penuria panis, et præcipue equorum pabuli sunt arctati, ut amplius mille fame et pestilentia periclitari viderentur.

CAP. XLIII. — *Quod sæpius ut inque ordinatis aciebus Turci jugam inierint.*

Quinta decima vero die rursus Christiani agmina ordinauerunt; ordinauerunt et Turci. Ordinatis itaque

A utrinque tres acies Christianorum nimium avidæ cædie hostium, supra modum viam acceleravunt adversus hostiles cuneos. Sed nimis a societate prolongatæ, immoderato grandine sagittarum vexatæ, in fuga ad exercitum sunt reversæ, plurimis vulneratis, pariter plurimis cum equis et mulis et omnibus spoliis retentis. Videntes autem Baldewinus et Tankradus suos bello defecisse, et usque ad exercitum in fugam remissos, prolato signo sanctæ crucis, contra inimicos in spe salutis et victoriæ laxis frenis Turcos impetu adeunt. Sed Turci solito more equorum cursu per centum et centum, per mille et mille, nequaquam bellum secum committere passi sunt. Quadam vero luce exorta, Turci consilio inito, in terram Corrozan reversi sunt, eo quod nihil Antiochiæ nocere potuerunt, et Christianorum virtus illis obviam facta sit, nec bello nec sagittis absterri potuerit. Acta sunt hæc in festo S. Michaelis archangeli tempore autumnii, quando universæ fruges meti et colligi solent.

CAP. XLIII. — *Ubi Tankradus post discessum Turcorum præsidium Gerez multis diebus obsedit.*

Hoc eodem anno Tankradus post discessum regis et cæterorum magnorum qui sibi in auxilium confluxerant, vires suas retinens, in mense Octobri præsidium Gerez, quod dicitur Sarepta Sidoniorum, eo quod subjectum regi Sidonis quondam fuisset, in manu potente obsedit. Sed Turcorum armis et cunctodia munitum reperit: turrium quoque et murorum ædificiis firmissimum undique repertum est. Distabat enim hoc præsidium vix expugnabile sex milliaribus a civitate Alapia, quam Brodoan suis armis tuebatur. Tankradus videns præsidium firmissimum et defensione Turcorum tutissimum, per dies plurimos machinas et tormenta lapidum fieri constituit, quibus undique in duodecim partes suos circa præsidium constituens, nocte ac die turres et muros comminuens oppugnabat. Circumfodit etiam idem Tankradus suos vallo tutissimo, quod et vigili custodia munivit, ne subito hostes callide ad eum vel suos in obsidione divisos irrumpentes, bellum cum eis committerent, et sic facile expugnarent.

CAP. XLIV. — *Ubi Tankradus urbe Gerez tandem multis artibus devicta, regionem illius totam obtinuit.*

D Sic Tankradus ingeniis suis muro et turribus applicitis, et in tutamine valli suis constitutis diebus multis, ruinam præsidio intulit, dum quodam die Dominico post Natalem Domini, magistra arx crebro ictu lapidum quassata corruit; et ab alto cadens turres duas, quæ illi erant collaterales, casu suo et pondere intolerabili comminuit; et sic Tankradus suisque sequacibus aditum patefecit. Tankradus nunc amplius et validius quam solebat hostes in præsidio urgebat, et scutorum testudine ad eos introrsus venire facie ad faciem contendebat; sed adhuc præ magnitudine lapidum, qui aditus occupabant, ingredi confidenter nequibat, et propter

infesta jacula quæ a Turcis emissa obsistebant. A Turci defensores præsidii, videntes ruinam suarum turrium, et quomodo Tankradus eos longo tempore obsedisset et adhuc obsidere decrevisset, donec præsidium caperetur, dextras sibi dari poscunt; et ostro cæterisque pretiosis in auro et argento ab eo sumptis, a præsidio exeuntes in ejus potestatem reddunt. Et sic Tankradus hujus præsidii et totius regionis possessor et dominator factus est.

CAP. XLV. — *Qualiter Tankradus aliud præsidium, nomine Vetule, obsederit, ammiraldo quodam sibi confæderato.*

Eodem anno tempore Quadragesimali Sarepta capta, muris et turribus reædificata et custodibus munita, castellum, quod dicitur Vetule, situm in montanis in regione Gybel, Tankradus collectis viribus obsedit spatio trium mensium; sed in uno latere inobsessum reliquit propter difficultatem locorum et copias Sarracenorum, qui hac parte abundantius morabantur. Obsidione igitur locata, prædas circumquaque contrahebant, gentiles captivabant et plurima damna inferebant. Tandem quidam ammiraldus, videns regiones graviter ab exercitu Tankradi vastari, pepigit fœdus cum eo ne sua deprædandi causa ingrederetur; et ideo inobsessum locum præsidii obsideret, eo quod notas haberet semitas, quæ investigabiles a Gallis nulla possent arte depræbendi. Quod et actum est. Nam Tankredus cum illo fœdere inito, decem equites, centum pedites illi in auxilium constituit, quatenus ejus conductu et nofitia locum inobsessum præoccuparet, nullum illic exitum aut introitum fieri patientes.

CAP. XLVI. — *Ammiraldus idem cum Tankrado Vetule obsidione cingens, civibus urbe erumpentibus, vix fuga elapsus est.*

Ammiraldus militibus Tankradi secum assumptis quingentis vero suorum acitis, difficilia obsedit loca, ubi hospitia et mansiones ædificantes, ut in

eis moram diebus aliquot obsidionis facerent, plurimum opere et labore gravati sunt. Fessis itaque et exhaustis via difficili et opere et somno gravi immersis, in prima noctis vigilia Turci ac Sarraceni cum multis millibus in castris eorum ex improviso adfuerunt, pariterque universi defensores et præsidio erumpentes, signo et vociferatione audita, et usque mane dimicantes centum pedites detruncaverunt. Ammiraldus vero graviter vulneratus, vix evasit cum decem militibus, sed quingenti milites in falsa fide præsidium cum Sarracenis intrantes, a duce et ammiraldo suo sequestrati sunt.

CAP. XLVII. — *Quod Tankradus obsidione longa urbem Vetule et omnem illius regionem obtinuit.*

B Tankradus semper imperterritus obsidionem magis firmans, manganas duodecim ad urbis mœnia applicuit, donec barbicanas et turres, spatio unius mensis quassatas, usque ad interiora præsidii perforavit. Videntes autem defensores quia jactus lapidum nequaquam sustinere possent, in cujusdam noctis silentio ignem quibusdam ligneis ædificiis immittentes, diffugio elapsi sunt. Tankradus videns præsidium igne conflagrare jam vespere facto, viros vero aufugisse comperiens, cum sociis audacter ingressus est, et turres suo satellitio muniens, regionem cœpit expugnare et subjugare.

CAP. XLVIII. — *De obitu Boemundi ducis.*

C Hoc in anno Boemundus avunculus Tankradi, ægritudine correptus, vita discessit apud Bare civitatem, ad ecclesiam B. Nicolai catholice sepultus, tempore quo Henricus V rex, imperator IV, Romæ plurimos sibi resistentes hostili impetu in ore gladii crudeliter edomuit; regnumque et imperium ex hæreditario jure antecessorum potenter et gloriose retinuit.

## LIBER DUODECIMUS

CAPUT PRIMUM. — *Qualiter rex Baldwinus super obsidione Tyri consilium inierit.*

In anno secundo postquam Sidon capta est, et Tankradus Sareptam percussit et obtinuit, rex Baldwinus convocata omni Ecclesia Jerusalem ab universis locis quæ sub manu ejus erant, in illi consilium quatenus obsideret Sur, quæ adhuc rebellabat et conchristianis fratribus terra marique calumnias inferebat, et a tributis et pacto recesserat in omnibus quæ regi promiserat mentita. Universis vero admonitis, ac voluntariis ad hanc obsidionem inventis, dies statuta est qua convenirent, et ex decreto regis positae tentoriis mœnia vallarent et coangustarent.

D CAP. II. — *Quod Tyrii contra regem cum principe Damascenorum fœdus inierunt et pepigerunt.*

Talis autem fama ut in auribus Tyriorum insonavit, vehementer perterriti inierunt fœdus cum quodam Dochino principe Damascenorum, ut tutelam et solatium ab eo consequerentur, et thesauros civitatis, et quæ habebant pretiosiora in custodia et conclavi Damasci ejus consensu et licentia deportarent. Rogaverunt etiam ut eis viros sagittarios et defensores urbis in auxilium mitteret in conventionem solidorum, viginti millium byzantiorum sibi suisque dare promittentes.

CAP. III. *De Reinfrido milite Christiano, cujus conductu nobiles Tyriorum a rege calenati sunt.*

Hoc itaque pacto utrinque sub fide data accepto et firmato, Tyrii cives quemdam Reinfridum nomine, virum Christianum et illustrem militem regis, mille byzantium præmio promisso et dato convenerunt, quatenus ejus conductu in Damascus sarcinas thesaurorum suorum pacifice transferrent, et sine impedimento cum camelis et vehiculis repederent. Reinfridus vero vir levis et non multum pensans, si fidem erga gentiles et incredulos violaret, universa regi detulit, ac diem qua transituri erant in Damascus cum universis copiis et rebus pretiosis propalavit, asserens regem hæc omnia posse capere ac retinere sine contradictione. Hoc rex audiens, sine mora peditibus ac militibus ducentis aciebus, jussit viam obsidere et caute observare per quas semitas viri Damascus cum sarcinis profecturi erant. Et ecce in silentio noctis, cum omnia solent quiescere, Tyrii cum camelis suis, incomputabili auro, argento, ostro et quibus aliis pretiosis ornatis, conductu præfati Reinfridi viam Damasci venerunt. Cum subito regis insidiæ in eos irruentes alios occiderunt, alios tenuerunt, et thesauros infinitos cum purpura pretiosa et serico varii coloris et operis rapientes, cum ipso Reinfrido, in vehiculis camelorum et mulorum abduxerunt.

CAP. IV. — *Quomodo princeps Damascenorum Tyriis subveniret, et qualiter eosdem rex obsederit.*

Thesauri miri et mauditi illic capti sunt, quos rex liberali manu militibus longa nunc indigentia oppressis benigne largitus est. His ita captis, his occisis, paucis vero elapsis, Dochinus, apud quem sperabant refugium, valde molestatus, sine mora quingentos milites in sagitta et arcu peritos ad urbem Tyriorum direxit ut prævenirent regis obsidionem, et regi suisque ab urbe resistentes, in conventionem solidorum civibus subvenirent. Rex itaque Baldewinus in virtute et apparatu decem millium a Jerusalem descendens in vigilia S. Andreae apostoli, civitatis mœnia in arido positis castris occupavit; a mari vero in ipso urbis latere et portu navalis obsidio non magnæ virtutis et armaturæ fuit. Promiserat enim rex Græcorum, illic per aquas copias adfuturas; sed hieme incumbente, minime collatæ sunt.

CAP. V. — *Quod rege urbem vallante, Tyrii portis egressi, sed mox mirabiliter a rege repressi, quosdam secum intrantes occiderunt.*

Rex autem, postquam obsidionem firmavit et munimine valli se suumque exercitum circumfodit, ne impetus adversariorum ex improvise irrueret, aggressus vi urbem, turres et mœnia omni genere bellico oppugnavit, de die in diem crebris assultibus iteratis. Turci vero, qui in grandine sagittarum confundunt et resistunt, contra per mœnia et turres diffusi, strages et gravia vulnera Christianorum non parce multiplicabant, et ad portas et vectes ferreos concurrentium multitudinem, lapidum incessabili jactu, sulphuris quoque ac picis ferventis

A effusione suffocabant. Quodam denique die post plurimos assultus et diutinos labores, dum paulisper a foris respiraret exercitus manusque contineret a belli opere, deintus vero Tyrii et eorum Turci milites silentium tenerent, sed tamen consilium iniissent quatenus in momento a portis in impetu castra regis irrumperent; mox armis resumptis, lorica et galea induti, subito quasdam portas aperientes, in multitudine gravi in apertam camporum planitiem, quam rex et exercitus nunc belli immemor habitabat, usque ad loca tentorium concurrere ausi sunt, plurimos sagittis transfigentes, et clamore magno et horrissono totum exercitum commoventes. Et ecce sine mora universi milites Christianorum attoniti, e cunctis castris in armis et lanceis loricati in faciem illis advolant, et hinc et illinc plurima fortitudine contendentes; sed tandem Christiani prævalentes, Tyrios in fugam versos in portam coegerunt, sicut utrique, hi fuga veloci, hi celeri insecutione permisti, potenter urbem ingressi sunt. Turci Tyriique Gallos jam secum urbem intrasse contuentes, reversi sunt in faciem se a tergo prementium; et fortiter obsistentes ac mœnia ascendentes, exercitum adhuc intrare contendentem omni armatura jaculorum reprimebant, quousque in virtute sua prævalentes portas clausurunt et circiter ducentos intra muros retinuerunt. Illic Willhelmus de Wange, miles gloriosus et nobilis, itemque Willhelmus miræ audaciæ et militaris famæ cum egregiis sociis equitibus et peditibus capti, sententia capitali perierunt; cæteri complures vinculis catenarum astricti sunt.

CAP. VI. — *Tyrii duas machinas Christianorum pice et sulphure mirabiliter combusserunt.*

Deinde post dies aliquot videns rex assultu et lapidum tormento se civibus et muris prorsus non nocere, duas fieri constituit machinas muros plurima altitudine supereminentes, ac componi ordine duorum cœnaculorum: quarum una ex sumptu et labore Eustachii Granarii, præclari militis et primi de domo et consilio regis, ad unguem constructa et erecta est. In hac ergo idem Eustachius cum electis manens tironibus, Tyrios mane, meridie, vespere per urbem gradientes omni genere jaculorum alios interimebant, alios vulnerabant, per turres, mœnia et omnia urbis loca speculantes. Non minus ab altera machina milites regis inibi constituti, Turcos Tyriosque impugnabant, et sic eos ab ostio progressos arcu Baleari ferientes perimebant. Tyrii quoque e contra lapides aptabant ad quassandas machinas et eas inhabitantes; sed machinæ coriis taurinis, camelinis, equinis, cratibus vimineis vestitæ, jactus lapidum paleosque ferreos et ignitos illæ sæ et immobiles sustinebant. Tyrii, cernentes quia hoc modo machinis nocere nequebant, alia arte machinas atterere conati sunt. Arborem proceræ altitudinis funibus erigentes, circulum quemdam amplum et spaciosum in modum coronæ ex grandi ligno componentes, summitati arboris catenis ferreis affixe-

runt; ac eundem ligneum circulum in circuitu pice, sulphure, cera, adipe, permistis stuppis impingentes, ignique aqua inextinguibili succedentes, usque ad locum murorum, quo machina Eustachii sita erat, funibus pertraxerunt. Qui subito nimium flammivomus ab arbore in machinam laxatur, quam undique flammæ intolerabiles cingentes, grandi et insuperabili incendio combusserunt, cum plurima parte virorum, qui ignem excutere et extinguere conati nequaquam evadere potuerunt. Eodem modo et arte regis machina combusta et in nihilum redacta est. Sic machinis his pariter combustis, tamen rex in obsidione mansit imperterritus, volens urbem aut fame aut aliqua arte adhuc edomare.

CAP. VII. — *Legatio Tyrionum ad principem Damascenorum, et reversio regis in Jerusalem post adventum eorum.*

Ad hæc denique regis constantiam et animum immobilem Tyrii cognoscentes, direxerunt clam legationem Damascum, quatenus Dochinus magnus princeps eis subveniret, magnam illi spondentes pecuniam et jurantes se semper in ejus auxilio et obsequio permanere. Qui illico viginti millibus equitum ascitis, per montana descendit usque ad confinia Tyri, ut in crastino regem suosque in castris incurreret, et sic urbem de manu regis et ejus obsidione liberaret. Eodem vero die, quo idem Dochinus, vel Duodechinus, confinia Tyri per montana intravit, armigeri septingenti cum sexaginta probis equitibus de exercitu regis, ad quærenda pabula equorum egressi, irruerunt casu et ignoranter super arma et vires Turcorum: qui universi in sagitta et gladio ab hostibus perempti ac detruncati, perierunt, præter paucos, qui vix evadentes, retulerunt quæ gesta sunt. Hoc denique comperto, quod tot millia jam juxta convenissent et armigeros militesque regis peremissent, rex ex consilio optimatum suorum, qui diutina obsidione vexati erant, et rebus et cibariis exhausti, tentoria sustulit, ac die Dominica, quæ est ante Dominicam Palmarum, Ptolemaidem et cæteras civitates pertransiens, ipsa sancta et celebri die Palmarum per portam, quæ respicit ad montem Olivarum, per quam et Dominus Jesus asello insidens intravit, ipse cum suis et una cum quibusdam magnificis legatis Græcorum, qui ad eum supervenerant, dum adhuc in obsidione esset, intromissus est. Egredens denique illam sanctam hebdomadam sancta loca perlustrans, in oratione et elemosynarum largitione et delictorum confessione. Diem vero sancti Paschæ in omni honore et gloria propter legatos regis Græcorum jussu domini patriarchæ coronatus solemniter ac regaliter celebravit.

CAP. VIII. *Qualiter rex Baldwinus Idumæos mercatores spoliaverit, et quod Tankradus princeps Antiochiæ obierit.*

Celebratis itaque illic per dies octo sancti Paschæ solemnibus, assumptis ducentis equitibus, centum vero peditibus, ad vallem Moysi profectus est in partes Arabiæ, ut prædarum aliquid abinde contra-

A heret, quibus inopes milites et rebus vacuos ditaret et deficientes animaret. Legati vero regis Græcorum benigne commendati, donisque magnificis ampliati, Constantinopolim remissi sunt. Vix vero partes Arabiæ intraverat, et ecce Idumæi, quos moderni vocant Bidumos, viri mercatores cum immensis copiis diversarum mercium in mulis et camelis, inter manus regis et suorum adfuerunt, qui nullatenus effugere valentes, omnibus rebus divitiarum suarum tam in auro quam in argento, gemmis pretiosis, ostro diversi generis et operis, pariterque pigmentiis expoliati sunt, pluresque capti, Jerusalem abduoti in custodiam mancipati sunt, præda vero et spolia eorum inter milites divisa sunt. Eodem anno Tankradus, qui Antiochiæ præerat, vehementi infirmitate correptus, in Adventu Domini Jesu Christi morte occubuit, et in basilica B. Petri apostoli catholice sepultus, planctum magnum reliquit, omnibus prope positis mortem ejus audientibus.

CAP. IX. — *De adventu Turcorum contra Jerusalem, et quod rex e contrario militiam adunarit.*

Post mortem tam famosi et bellicosi viri Turcorumque undique fortissimi expugnatoris, mense Martio novo vere aspirante, præfatus Malducus, qui et ipse unus de præpotentibus regni Corrozan erat, ascitis fortissimis copiis Turcorum circiter triginta millia, disposuit transire usque ad Damascum, ut assumpto Dochino, qui et ipse Turcus et princeps injuste erat Damascenorum, expugnaret civitates quas rex obtinebat; deinde Jerusalem, si ejus voluntati prospere succederet, ad debellandos et expugnandos Christianos perveniret. Divulgata autem tam famosi principis adunatione per regionem civitatis Edessæ, nuntii Armenii regi Baldwinus diriguntur, qui omnem rem et apparatus illius declarant, quatenus prævisis et suis convocatis, hostibus tutius et facilius ad resistendum occurreret. Rex autem, auditis nuntiorum verbis, illico aptata legatione Antiochiam ad Rotgerum, illustrissimum juvenem et militem, filium sororis Tankradi, qui et loco ejus restitutus principatum oblinebat Antiochiæ, direxit, ut sine intermissione ad auxilium ejus venire operam daret in paratu armorum et copiis, sicut decretum fuerat a principio Christianos christianis fratribus subvenire. Rotgerus sine mora, accepta regis legatione, septingentis equitibus, quingentis vero peditibus assumptis, ad ipsum regem venire disposuit; sed aliquantulum propter colligenda arma retardatus est. Turci vero viam Damascum accelerantes, ad mare Galileæ castrametati sunt, et præsidium Tabariæ obsidentes, hac parte fluminis Jordanis plurimum temporis egerunt, montem Thabor occupantes, et undique Christianorum habitationem delere studentes. Jam enim in calumniis et prædis et aggravatione Christianorum curriculo trium mensium potenter obsederant, omnia vastantes, nulli parcentes, nocte ac die insidiis invigilantes, milites Tabariæ crebris assultibus et bello lacescentes.

CAP. X. — *De mille quingentis peregrinis Christianorum, propter quos rex attrivit in pugna ducentos Turcorum.*

His diebus mille quingenti peregrini, qui Paschali solemnitate Jerusalem moram fecerant, reditum parantes, sed per regionem Sur transire metuentes, regem supplici prece convenerunt, quatenus conductum ejus trans Sur habere mererentur, ne ab inhabitatoribus urbis impugnarentur, parum resistere valentes sicut fessi et plurima inopia gravati. Rex, videns illorum redeundi constantiam, trecentis accitis militibus, viam cum eis usque ad montana Sur tenuit. Sed in latibulo montium paulisper remoratus, peregrinos præmisit ut sic experiri posset si qua virtus civium Sur ad insecutionem Christianorum peregrinorum appareret. His vero præmissis, milites civitatis Sur ad quingentos egressi, peregrinos procul ab urbe transeuntes, ad trucidandum et captivandum insecuti sunt multa vociferatione et tubarum strepitu ad perterrendos illos intonantes. Verum rex, audita hac vociferatione, a latibulo et insidiis velociter exurgens, militibus in tergo adfuit, plurimam cædem exercuit, quousque Sarraceni victi et attriti fugam arripientes, Sur viam remensi non prius portas introierunt quam ducenti ex eis capti et attriti sunt. Peregrini hac sola die via continuata, altera autem die audita Turcorum præsentia cum tot millibus, inito consilio, Ptolemaidem reversi sunt, illic cum rege moram facientes.

CAP. XI. — *Rex cum Turcis congregiendi, fuga dilabatur, quibusdam suorum in bello cadentibus.*

Rex igitur intelligens Turcorum audaciam nimium aggravasse, longe lateque prædam contraxisse, ab assultu raro quievisse, vebementer indignatus convocat universos qui erant in circuitu Jerusalem et omnium civitatum quas possidebat, et ad septingentos congregans equites, peditum quatuor millia, peregrino exercitui jurat et contestatur non ultra Rotgerum et remotos conchristianos principes prætolari, nec longius pati Turcorum arrogantiam et calumnias. Et statim a Ptolemaide tam novis peregrinis quam cæteris ascitis, trans Jordanem castra figi statuit, ipso natali apostolorum Petri et Pauli, eo videlicet in loco, quo hactenus Turcorum per prata amena et voluptuosa ponebantur tentoria. Turci vero astuti hoc per latroes comperto, tentoriis sublatis, in montem Thabor secesserunt, ac si regem metuentes et fugam maturantes, cum eo bellum committere non audent. Sed vix ponebantur tentoria, et ecce Malducus Dodechinusque cum universo comitatu suorum eruperunt a montanis Thabor, ut arena maris fortiter irruentes arcu et sagitta in castra regis et suorum, gravi bello et vulnere atroci præliantes et Christianis acies impugnantes, donec rex et tota manus suorum vim tot millium sustinere non valentes, sed fugam ineuntes, ad mille quingentos occiderunt, præter equites, quorum triginta inte-

A rempti sunt. Cecidit illic Reinerus de Brus, miles imperterritus; Hugo, juvenis nobilis et miles illustrius; aliique quorum actus et bella laude et memoria dignissima sunt.

CAP. XII. — *Rex sedecim millibus congregatis, in secundo congressu Turcos a Jordane potenter effugavit.*

Vix itaque rege elapso, et Turcis loca campestria victorioso obtinentibus, altera die Rotgerus, successor et hæres Antiochiæ, filius sororis Tankradi, cum quadringentis equitibus et sexcentis peditibus adfuit, mire molestatus de regis infortunio et suorum casu, et quia itineris tardatione hesterno prælio ei ad opem esse non potuit. Adfuit et princeps civitatis Tripolis, non minus animo consternatus, quoniam sic a Turcis castra regis cæsa sunt. Et post pauca adfuerunt plurimæ acies Christianorum navigio usque ad Ptolemaidem advectæ; quorum ex omni parte tam mari quam terra affluentium sedecim millia in unum collecta sunt. Rex tot millibus in brevi congregatis, Turcos adhuc trans Jordanem in sua feritate persistentes aggredi statuit ex consilio omnium qui aderant, quatenus in capite eorum, Deo auxiliante, redderet malum, quod sibi suisque et universæ regioni inferre conati sunt. Verum Turci audito regis adventu et voluntate, a loco et regione Jordanis recedentes, Romaniam ingressi sunt, regis Græcorum castella et civitates plurimas obsidentes et expugnantes.

CAP. XIII. — *Quomodo conjux ducis Siciliæ ad thalamum regis Baldevini cum magno apparatu properavit.*

C Rege dehinc cum omni manu sua ab insecutione hostium Ptolemaidem reverso, mense Augusto inchoante, pervenit ad aures regis quomodo nobilissima conjux Rotgeri ducis Siciliæ, fratris Boemundi magnifici principis, post obitum et exsequias præfati mariti ad thalamum regis magnopere properaret in apparatu copioso magnarum divitiarum et plurimo militum comitatu. Fuerunt ei duæ trimeres, singulæ cum quingentis viris bello doctissimis, cum navibus septem, auro, argento, ostro, gemmarum vestiumque pretiosarum multitudine onustis; præter arma, loricas, gladios, galeas et clypeos auro fulgidissimos, et præter omnem armaturam, quam ad defensionem navium solent viri potentissimi comparare. In ipsa denique nave, in qua prædicta matrona manere decreverat, malus auro purissimo tectus, procul radios ad solis claritatem exerebat, et utraque navis cornua auro et argento fabрили opere vestita, spectaculo admirationis omnibus erant ea intuentibus. In una de septem navibus viri Sarraceni et sagittarii, viri fortissimi et claritate pretiosarum vestium fulgentes inerant, dono regi adducti, et qui nullis in regione Jerusalem sagittandi arte inferiores haberentur. Hujus itaque matronæ adventu et gloria audita, rex tres naves, quas vocant galeidas fetas viris egregiis et marino certamine peritissimis, misit illi in occursum sed ventorum turbine mari intumescente, nequaquam illi occurrere aut sociari

potuerunt. Ventorum enim potentia naves longe jactatæ, tandem portu sinuque Ascalonis vespere sunt receptæ circa horam nonam, nequaquam nautis valentibus aut frustra conantibus iter per aquas tenere, propter ventum qui eis nimium contrarius repugnabat.

CAP. XIV. — *Cum quali gloria rex eandem matronam sibi copulaverit, militibus ab ea largiter remuneratis.*

Ascalonitæ viris Christianis semper infesti, mox Christianorum signis recognitis, in galeidis ferratis et armis occurrere et configere cum eis accelerant. Sed, post plurimam contentionem, et utrinque sæpius factam incursionem, una ex galeidis Ascalonitarum, quinquaginta milites continens attrita et submersa est, cæteræ expugnatæ et repulsæ sunt. Nec mora, Christiani ex omni parte prævalentes in victoria, et in unum coadunati, Deo prosperante, tranquillo ventorum flamine relato, et omni furore maris sedato, in virtute magna a portu et statione Ascalonis sunt egressi; sicque pacifico navigio Ptolemaidem perventum est. Nec mora, rex adventu tam gloriosæ matronæ cognito, cum omnibus primoribus regni sui et universis pueris domus suæ, in vestitu diversi generis et pulchritudinis, in regio cultu, in equis et mulis, ostro et argento fulgentibus, in tubis et in omni dulcedine musicorum e navi egredienti adfuit. Sed et plateæ mirificis et variis lapetibus strati, vici purpureis velis adornati in honorem tam nobilissimæ, et thesauris famosissimæ matronæ, rutilabant, sicut decet reges in omni gloria et pompa exaltari. Cum hac itaque jucunditate et laude ea inducta, et regi stabili connubio copulata nuptiarum magnus apparatus ornatusque factus est in regio palatio civitatis per dies aliquot; thesauri plurimi ab ea in ærarium regis translati, quibus multum rex et universi, qui bellis Turcorum arma amiserant, nunc inestimabiliter relevati et ditati sunt. His jam nuptiis finitis, et rege Jerusalem cum sponsa sua ascendere disponente, Rotgerus in Antiochiam, benigne a rege commendatus, viam insistere disposuit, cui nova regina mille marcas argentum cum ostris pretiosis, cum byzantiis quingentis, cum mulis et equis egregiis dono contulit, præter gregarios milites, qui a longinquo regi ad opem confluerunt, quibus non modica præmia auri et argenti pariter collata sunt.

CAP. XV. — *Ubi post reditum Christianorum Turci, devastantes terram Græcorum, urbem Stamiriam subverterunt.*

Sic quibusdam ad sua redire ferventibus, quidam viam per Romaniam in arido insistentes, civitatem Stamiriam applicuerunt, qui a Græcis, viris Christianis, in omni administratione necessariorum clementer hospitio suscepti sunt. Nec mora, Turci, qui a rege ex Galilæa fugati, civitates et municipia regis Græcorum expugnata et attrita, præda et spoliis in nihilum redegerant, ejusdem civitatis mœnia aggressi, obsidionem in circuitu locaverunt, plurimam vim, minas et terrores civibus inferentes. Hinc

non post multos dies, et post terribiles assultus, magistram portam urbis virtute nimia assilientes, militibus Græcorum, viris effeminatis parum resistentibus, in securi et ascia januam comminantes, defensoribus tandem fessis, unanimiter irruperunt; et in universos tam cives quam peregrinos sagitta et arcu irruentes, non modicam cædem operati plurimos abduxerunt, universaque pecunia et quæ ibi pretiosa reperta sunt, ab his sævis prædonibus transportata sunt. In eadem vero civitate quidam de exercitu Christianorum hospitalitatis gratia moram facientes, ad quadraginta capti et decollati sunt; sed non sine plurima sui sanguinis ultione, quia inestimabili virtute et bello a porta, ad quam defendendam locati erant, multis Turcis repulsis et occisis, invicti perstiterunt, quousque ad portam quam Græci tuebantur adversarii immissi sunt.

CAP. XVI. — *De septem millibus Christianorum, qui mare transeuntes, omnes navigio perierunt.*

Quidam autem circiter septem millia, reditum per viam maris continuantes, et prosperis velis ac sine turbine navigantes, in festo S. Martini ad portum et stationem insulæ Cypri applicuerunt, anchoras suas in profundum jacentes, et in aridum ab ipsis navibus descendere festinantes. Nec mora, ventus fortis ac vehemens, qualis per annos plurimos non est auditus a nautis, mari incubuit, motum et fervorem intolerabilem reddidit, naves quassavit, funes navium suo impetu attrivit, anchoras a profundo sustulit, procellas sic contra naves ampliavit, ut navis in navem discurrens sine remige mutuam dissolutionem pateretur, et sic tota illa congregatio Christianorum cum universa suppellectile misera submersione absorberetur. Nulli evaserunt præter duas buzas, quæ de numero tredecim navium erant. Crastina autem, mari a feritate sua sedato, tot millia corporum nobilium et ignobilium crebra illius inundatione in aridum sunt ejecta, ut vix trium hebdomadarum curriculo sepultura per camporum plantitiam illic a fidelibus conderentur.

CAP. XVII. — *Quod milites Baldewini regis navali prælio contra Babylonios gloriose decertaverint.*

In anno secundo post nuptias regis Baldewini, exercitus regis Babylonie copiosus navali adventu usque Sur allapsus est in Assumptione B. Mariæ. Ubi insidias Christianorum alii molientes alii rerum mercationem facientes, post tertium diem Nativitatis ipsius Virginis jam mora facta, reditum paraverunt. Ptolemaidem vero appropiantes, ordinarunt navales acies, omni armatura adversus Christianorum vires munitas: quarum duæ majoris virtutis et multitudinis post tergum custodiam agentes, sed nimium rebus et hominibus occupatæ, a longe plus milliari subsecutæ sunt. Cives vero et regis milites Ptolemaide, qui solito more quotidie per mœnia diffusi erant, intuentes vela et malos gentilium Babyloniam remigantium, statim loriceis et galeis induti, tribusque galeidis circiter quadringenti in vecti, undis inferuntur ut naves subsequentes aliqua bel-

lica arte veratas captivarent. Navis vero ex duabus, quæ nimis onusta erat armis et populis, effugere minime valens, plurima defensione armorum cœpit resistere ab hora diei nona usque ad vesperam: Sed tandem post nimiam cædem utrinque illatam cœpit viribus deficere, captaque usque ad portum civitatis Caiphæ perducta est. Apud Caiphæ quidam Sarraceni capti et vulnerati, custodiæ mancipati relinquuntur, incolumes vero usque Ptolemaidem cum sua nave capta transmissi sunt cum pariter vulneratis Christianis quibusdam. Sed vulneratis Christianis a tribus galeidis expositis, cæteri adhuc incolumes Christiani, aliis assumptis secum sociis in duabus galeidis, navem, quæ amplius rebus, militibus et armis onerata et impedita, tardior ibat, insecuti, jam quinque galeidis valide assilientes cinxerunt. His e contra non minus valide se defendentibus, ac omni genere armorum sagittarumque jaculatione viriliter pro anima pugnantibus, postremo post nimium bellicum laborem a mane usque ad medium diem utrinque gravatis, fere gentiliū navis, quæ dicitur cattus, ab eorum manibus defensa et elapsa est. Quod viri et milites Ptolemaidea mœnibus speculantes, et Christianorum galeidas defecisse, consilio facto, ducentos ad subveniendum illis mittere constituerunt. Et sic navis undique crebro assultu illarum sine intermissione fatigata ac superata, vespere Ptolemaidem vi perducta est. De Sur, quæ Tyrus dicitur, duæ galeidæ illis in auxilium processerant; sed videntes Gallorum constantiam et suorum defectionem, fugiendo in sua reversæ sunt. Erant hæc in nave mille viri pugnatores fortissimi, quos tota nocte ex jussu regis ad custodiendum cives multis vigiliis et armis obsederunt; et res eorum innumerabiles militibus divisæ sunt. Ex Sarracenis alii decollati, alii innumerabili pretio redempti et laxati sunt.

CAP. XVIII. — *Quomodo princeps Damascenorum, fraude occiderit altum principem Turcorum.*

Post hæc anno sequenti præfatus Malducus, unus de præpotentibus Turcorum, post plurimam stragem et cædem Christianorum a partibus Romanicæ in Damascum rediens, apud Turcos et omnes gentiles nomine et fama exaltatus est, eo quod præ omnibus ampliorem tyrannidem in fideles Christi exerouisset. Unde Dochinus, princeps Damascenorum, gravi invidia et indignatione tactus, omni versutia qua novit interitum illius moliebatur; sed tamen occulte, ne odium suorum incurreret, a quibus idem Malducus propternimiam dationem suam et militiæ strenuitatem valde charus habebatur. Quapropter, dum sæpe circa mortem illius dolosa machinatione satageret, nec inter plurimas versutias locus hunc perimendi daretur, tandem hanc suæ fraudis reperit viam, qua virum mortificaret, nomenque ejus de Jeret. Quatuor enim milites ex genere Azopardonis ac magnificis promissis convenit, quatenus clam eum in armis furtivis in die solemnæ in secreto oratorii sui, dum in cæremoniis ritus gen-

tilis intentus haberetur, subito transfoderent; et sic ab eo dona recipere mererentur. Immissi igitur clam oratorio Malducum intrantem et cæremoniis secure insistentem repente impetu invaserunt: quem acutissimo ferro pariter trans præcordia figentes, hæc prorsus ignorantem extinxerunt, fugaque elapsi sunt. Dochinus hujus perfidiæ et homicidii conscius, licet tum dissimularit, dum a suis rem actam comperisset, fictis lacrymis et planctu maximo sine cordis affectione de morte tam magnifici principis cœpit conqueri, et mortis illius auctores usquequaque persequi jussit et investigare. Sed fraus illius post modicum apud Turcos cœpit propalari; et ex eo die in odia et inimicitias illorum incidit, multas insidias pro sua perfidia prorsus inexcusabili perpessus.

CAP. XIX. — *De copioso apparatu gentiliū versus Antiochiam; quem Baldwinus rex disperdidit per suam militiam.*

In annos ecundo post necem Malduci Burgoldus de regno Corrozan egressus. Brodoan rex Alapiæ, et Coosander de civitate Lagabria, cum quadraginta millibus Turcorum in terram Antiochiæ cum apparatu magno et intolerabili armatura profecti sunt, tentoria sua locantes in campis civitatum Rossa, Royda et Femie, quarum suburbia tormentis lapidum atterentes et expugnantes, Femie vero nullatenus nocere valentes, totam regionem inibi præda et igne depopulati sunt. Tommosam, Turgulant, Montargiamque civitates in virtute magna et manu robusta expugnantes, Willhelmum principem Christianum de Perce, horumque præsidiorum præsidem, captum et vinctum abduxerunt; cæteros in eis repertos alios capitali sententia peremerunt, alios captivos tenuerunt. His in regionibus diebus hebdomadarum undecim consedissee perhibentur. Rex vero Baldwinus Jerusalem tunc moram faciebat. Qui invitatus ad auxilium militum Christi, cum quingentis equitibus et mille peditibus, et cum eo princeps Damasci Dochinus, nunc ipsi regi fide alligatus, in plurimo equitatu versus Antiochiam iter accelerant. Punctus, filius Bertranni de Tripla, quæ est Tripolis, adfuit in eodem comitatu cum ducentis equitibus et duobus millibus peditum usque ad civitatem Taramriam regia via profectus. Ubi Rotgerus de Antiochia et Baldwinus de Rohas cum decem millibus equitum et peditum illis occurrentes, et hæc in terra octo diebus moram facientes castrametati sunt. Turci regis audita præsentia et suorum copiis, versus civitatem Malatinam in montana fugam constituerunt; quia cum eo confligere diffidebant. Rex igitur, comperto recessu Turcorum, redire cum suis disponens, uxorem Tankradi, quæ filia erat regis Franciæ, secum duxit, quæ ex regis consilio eidem Puncto copulata est, nuptiis gloriose et in omni plenitudine ac pinguedine celebratis Triplæ, quæ sibi hæreditario jure a parentibus relicta est.



CAP. XX. — *Ubi Baldewino rege redeunte Hierosoly-  
mam, Turci readunatis viribus funduntur.*

Post reversionem regis, Turci sine mora ad Gastum, Harech et Synar, civitates Gallorum in fortitudine sua reversi sunt, terram invadentes omniaque illic reperta non parce depopulantes. Rotgerus et Baldewinus hoc audientes, plurimum de reditu regis turbati sunt, eo quod procul jam abiens revocari non posset. Et ideo consilio habito, ne ei nuntios in vanum dirigerent, suos tantum ad quindecim millia collegerunt ex omni genere tam Francorum quam Armeniorum. Erant autem Turci in tres divisi societates super fluvium Farfar, qui inter duas civitates, Cæsaream Stratonis et Femiam, facit alveum. Primo denique diluculo in die Exaltationis sanctæ crucis, Rotgerus et Baldewinus factis aciebus ipsos Turcos aggressi sunt: ubi, prælio commisso, quindecim millia Turcorum ceciderunt, pauci Christianorum occubuisse reperti sunt. Primo exercitu sic attrito, Rotgerus ad alterum dum tenderet vociferatione magna, universi hostes metu attoniti, fugam ineunt ad vada prædicti fluminis, et undis involuti et suffocati perierunt. Tertius dehinc exercitus hac catholicorum victoria stupefactus, dum viarum errore diffugium faceret, forte applicaverunt in regione Camollæ, in valle quadam juxta castrum Malbech. Ubi Dochinus cum octo millibus occurrens graviter cum eis præliatus est, tribus millibus illorum occisis, et mille abductis captivis. Erant enim inter hos Turcos fugitivos multi de progenie et sanguine Malduci, qui plurimum sibi sæpe adversabantur, de ejus perfidia et nece iniqua, ut propinqui illorum, in terra Corrozan apud majores et minores querimoniam facientes, et de nece propinqui ultionem exsequentes. Hac de causa Dochinus semper sollicitus et suspectus, nunc regi Baldewino et fidelibus Christianis fœderatus integrius adhærebat; Turcis usquequaque nocere non desistebat.

CAP. XXI. — *Quod Baldewinus rex cum manu parva profectus sit in montem Sina.*

In anno tertio postquam rex Baldewinus nuptias supra dictas regaliter celebravit, tempore autumni ducentis equitibus et quadringentis assumptis pedibus, profectus est ad montem Oreb, qui vulgo appellatur Orel, ubi præsidium novum curriculo dierum decem et octo firmavit, ut sic potentius terram Arabum expugnaret, et non ultra mercatoribus transitus hinc et hinc daretur, nisi ex regis gratia et licentia; vel ullæ insidiæ aut vires inimicorum subito adessent, quin fidelibus regis in arce constitutis paterent: et sic ei regia arx impedimento esset. Sic hujus præsidii munimine undique firmato ad resistendum inimicis, rex, ut novarum rerum semper erat avidus, sexaginta equitibus illustribus secreto convocatis, viam suam aperuit versus regnum Babylonis, si forte in captione Sarracenorum et Idumæorum, aut invasione civitatum aliquid insigne agere valeret. Etiam deserta loca vastæ solitudinis exsuperans, in abundantia escarum, quæ

mulorum tergo ferebantur, ad mare Rubrum venisse perhibetur, in quo ipse et sui a caloribus, qui in terra hac gravissimi sunt, balneando recreati sunt, ac piscibus hujus maris refocillati. Ibi in monte Sina monachos Deo servientes audiens commorari, ad eos per devexa montis causa orationis et allocutionis accelerare decrevit. Sed rogatus eorum nuntiis ad se præmissis, minime ascendit, ne scilicet monachi suspecti propter catholicum regem a gentibus de monis habitatione pellerentur. Abhinc enim usque ad Babyloniam civitatem intra quatuor dies venire posse referebatur.

CAP. XXII. — *Rex Baldewinus suorum monitionibus a monte Sina revertitur Jerusalem providus.*

Verum, quia sibi vires erant exiguæ, cum quibus usque per loca solitudinis in silentio descenderat; et quia nunc cepit propter moras aliquas plene adventus ejus populari, datum est ei ab amicis consilium ut nequaquam ulterius viam perageret; sed quanto citius Jerusalem in silentio securus repedaret. Si enim introitus aut exitus ipsius regis innotuisset, supra centum milia cujusque generis gentiles et in occursum confluentes in armis undique vias occupassent. Nunc vero suorum consiliis acquiescens et a terra egrediens in cautela qua noverat, per vallem Hebron et præsidium S. Abrahamæ redire disposuit. Ubi cum suis pernoctans, corpora fessa cibariis terræ illius copiose refecit. Dehinc viam quæ ducit Ascalonem insistens, universam prædam, quæ per campestria Ascalonis vagabatur, in pascuis contraxit camelos ducentos, armenta boum plurima, greges ovium caprarumque: cum quibus potenter et sine persecutione Jerusalem reversus est.

CAP. XXIII. — *Quomodo rex Baldewinus Ptolemaide aggravatus, per multas eleemosynas de infirmitate sit alleviatus.*

Post dies aliquot Ptolemaidem descendens, mense Martio inchoante graviter cepit ægrotare, et de die in diem corporis molestia aggravari. Quare thesauros, quos habuit in vasis aureis et argenteis multisque millibus bysantiorum, pauperibus jussit partim erogari pro peccatis suis et animæ suæ salute; vinum, frumentum, oleum et hordeum, quod habebat in Jerusalem et aliis in locis plurimis, item pauperibus et orphanis et viduis sine dilatione jussit distribui, vitæ suæ nimium incertus. Domui quidem suæ partem contulit; militibus quoque domesticis et advenis, et cunctis, qui sibi in auxilio militari servierant in conventionem solidorum, byzantios, aurum, argentum et ostra plurima largitus est. Omnia debita sua persolvi præcepit, et constanter admonuit ne animæ suæ essent impedimento. Sed, Deo volente, qui omnibus pœnitentibus dat vitam et mortem transfert, huic jam nullum spem vivendi habenti, precibus et lacrymis pupillorum et viduarum sanitas redditur et corporis sui debilitate alleviata, ex toto athleta Christi convaluit. Jam enim antea tam valida illius ægritudine divulgata, navales exercitus Babyloniorum, qui Sur applicuerant, ut

in ipsius regis morte civitates Christianorum oppugnarent, nunc illius salute et sanitatis reparatione audita, sine aliqua mora viam aquarum in regionem suam remensi, absque ullius contradictione discesserunt.

CAP. XXIV. — *Qualiter eundem regem patriarcha corripuerit, et quod ipsas illicitas nuptias repudiarit.*

Dehinc rege a languore suo relevato, Arnolfus cancellarius sepulcri Dominici, nunc antistite Gobelino mortuo, patriarcha electus et constitutus est. Deinde Romam profectus, a Paschali pontifice Romano benigne commendatus, et reversus, et de omnibus objectis excusatus, dominum regem ex admonitione et jussione ipsius apostolici cœpit arguere et monere, ut prædictam matronam, quam duxit uxorem, a thalamo suo smoveret propter adulterium, quo in prima conjugē, orta de principibus Armeniæ, peccavit, eo quod legitimas nuptias adulterinis illius sædavit connubiis. Interdixit etiam illi hac de causa quod consanguinitatis ejusdem matronæ, ortæ de sanguine Gallorum, reus haberetur. Ex hac admonitione constituto consilio in urbem Ptolemaidem in ecclesia S. crucis, rex ab uxore sua sequestratus est, Arnolfo patriarcha hoc agente, et omni clero et ipso judicante. Illa vero tristis et dolens, ab hoc vinculo maritali synodali lege soluta, in Siciliam navigio est reversa, rex vero ab ipso die et deinceps in observantia indictæ pœnitentiæ persistens, mira abstinentia et castimonia ab omnibus illicitis corpus edomuit a Deo tactus et monitus.

CAP. XXV. — *Quomodo Pharamia civitas capta sit.*

Post aliquantum deinde temporis, audita querimonia super omnibus adversitatibus quæ ab Ascalonitis fiebant peregrinis Jerusalem venientibus aut redeuntibus, rex Baldwinus accepto consilio suorum ipsum regem Babylonis expugnare decrevit; ut si forte terra et regnum divitiæque illius dissiparentur, minus Ascalon superbire et rebellare valeret, quæ sæpius opulentia regni et copiis armorum relevari et extolli solebat. Et jam veris tempore aspirante assumptis ducentis et sedecim equitibus, quadringentis vero peditibus bellico opere doctis et assuetis, viam insistit per loca arida et solitaria cum vehiculis cibariorum non prædam aut quidquam contingentes de universis locis Arabiæ, quæ illi aut familiaritate confœderata erant, aut aliquem respectum faciebant. Undecim denique diebus jam via continuata cum omni manu prædicta, aperitur ei fluvijs Nilus, qui perfluit regionem terræ Ægypti: in quem descendentes, a sudore loti sunt. Inde castra moventes, die quadam feriæ quintæ ante mediam Quadragesimam mense Martio applicuerunt in terminos cujusdam civitatis, quæ vocatur Pharamia, muris, portis et mœnibus munitissima. Et hæc de regno Babylonis erat urbs speciosissima, non amplius quam trium dierum itinere a Bahylonia distans. Sexta vero feria, quæ proxima erat dies, ordiatis

acibus et signis tantilli exercitus, loriceis et galeis induti, aggredientes ipsam civitatem vacuum defensoribus, portas ejus patentes ingressi sunt in virtute et assultu et clamore magno: ubi necessariarum rerum copiam inauditam repererunt in vino, frumento, oleo et hordeo, in carne et piscibus, in omnibus quæ vesci possunt. Auri et argenti et totius pretiosi ornatus multus erat numerus, quod ibi repertum est. Universi enim inhabitatores civitatis, repente audita fama tam proximi adventus regis, omnis defensionis et rerum suarum oblitii, fugæque tantum intenti, procul ab urbe recesserunt, solum de vita et salute curantes. Rex et sui curriculo novem dierum, itinere et inæstimabili calore torridæ plagæ corpora fessa et gravata recreantes, cibis et potibus abundanter repertis, sexta feria Sabbato et ipsa Dominica quieverunt, juxta voluntatem suam omnia facientes.

CAP. XXVI. — *Rex Baldwinus, capta Pharamia, usque ad mortem ægrotavit.*

Dominica vero, die qua mediatur jejunium, viri sensati et de sua salute solliciti, convenerunt regem, in hunc modum loquentes: *Pauci sumus, et jam civitati et regno Babylonis virtus nostra innotuit, et hæc Bahyloni non amplius hinc quam via trium dierum remota esse perhibetur: ideo consilium ad invicem conferamus, ut ab hac civitate exeuntes, viam, sicut devovimus, continuemus et non moram his faciamus.* Rex itaque suorum consiliis satisfaciens, summo diluculo sociis admonitis, muros civitatis diruens, ignes universis ædificiis turrium et ædium immisit, totis viribus ante omnes præcipue stragi illius incumbens, ne Bahyloniis ultra vires et opem conferret. Hanc vero stragem, ut dictum est, dum rex præcunctis validius ac attentius exerceret in ruina murorum, in ædificiis incendendis, ultra modum membris calore et labore vexatis, vehemente infirmitate corripitur, et magis ac magis molestia corporis cœpit augeri. Jam vero tenebris relatis et prorsus sole sublato, vitam desperans, primores sui exercitus convocans, debilitatem sui corporis detexit, nec se posse mortem nunc evadere attestatur. Hac audita desperatione et desolatione regis, universi a minimo usque ad maximum cœperunt ingemiscere fletus nimii ac lacrymæ ab oculis erumpere, et magna in cunctis facta est desolatio: nulli quippe spes aut fiducia redeundi ultra Jerusalem erat, sed arbitrabantur se hoc in exsilio capitali sententia esse perimendos.

CAP. XXVII. — *Consolatio et jussio regis ad milites, habita de morte et sepultura ejus.*

Ad quos corroborandos rex, licet mire aggravatus esset, ait: *Quare sic, viri fortissimi et sæptis in periculis probati, animus vester in mei solius imminutione disturbatur, fletus, desolatio et dolores gemantur? Non, fratres mei dilectissimi et commilitones dulcissimi, mors mei solius corda vestra sic mollescere et deficere faciat, et infirmare etiam in terra peregrina et inimicorum. Memento in Dei homine, quia mea*

*virtus unus est hominis et quia adhuc inter vos quamplurimi habeantur, quorum virtus et consilium purum aut nihil a meo distat. Et idcirco viri estote fortissimi, et in dolore mortis meæ tristes nequaquam effeminari incipiatis; sed decet vos sollicitos esse quomodo caute redeatis in virtute armorum vestrorum et regnum Jerusalem retineatis, sicut a principio Deo devovistis.* Et hoc dicto, summa prece et in fide atque observantia admonuit universos qui aderant, ut si obiret, nunquam corpus ejus examine in terra hac Sarracenorum sepulcro recondent, ne ludibrio et derisui gentibus haberetur; sed cum omni arte et labore, quo valerent, ad terram Jerusalem cadaver suum reportarent, et juxta fratrem suum Godofridum sepelirent. Hoc audientes, et vix se a fletu cohibentes, responderunt, quod grave et importabile onus illis imponeret, cum etiam impossibile esset in diebus gravissimi et æstivi caloris aliquod cadaver reservare, tangere et portare. Ad hæc rex magis instat, et admonet universos ut causa directionis suæ hunc laborem non recusarent. Et post hæc dicta sic precatur, dicens: *Statim cum mortuus fuero, precor ut alvum meum ferro aperientes, interiora mea tollatis, corpus vero sale et aromatibus conditum corio aut tapetibus involvatis, et sic ad catholicas exsequias Jerusalem juxta sepulcrum fratris mei referatur et sepeliatur.* Nec mora, Addonem cocum, qui erat de domo sua, accessitum sacramento alligavit in alvi sui sectione et viscerum ejectione. Cui et ait: *Scias, me in brevi moriturum, et idcirco sicut me diligis, aut viveutem atque incolumem dilexisti, et modo mortuo fidem serves, me ferro exentera, sale interius et exterius me apprime frica; oculos, nares, ures et os meum non parce imple, et cum cæteris me reportare non desinas: et sic desiderium meum scito te adimplere, et in hoc fidem mihi te crede servare.* Et hoc disposito, feria tertia vehementius infirmitate usque ad interitum cœpit torqueri in oculis suorum primatum et fidelium.

CAP. XXVIII. — *Inquisitio militum, quis post eum debeat tenere coronam: et corporis ipsius reportatio in Jerusalem.*

Illi vitæ ejus defectionem intuentes, quia vir magnæ erat sapientiæ, dum adhuc incolumis esset, requirunt quem post mortem suam velit hæredem regni Jerusalem locari aut coronari; quatenus ex ejus consilio et decreto certius et sine lite coronandus posset constitui. Qui fratri Eustachio regnum destinavit, si forte venerit: si vero ætate nequiverit, Baldewinus de Burg eligatur, aut talis qui populum Christianum regat, ecclesias defendat, qui stabilis in fide maneat, quem nulla adversariorum virtus terreat, aut merces leviter corrumpat. Et hoc dicto, vir in terra natiuitatis suæ de Lotharingia ex nobili sanguine nobilissimus, rex in regno Jerusalem gloriosissimus ac victoriosissimus, Dei athleta fortissimus, spiritum vitæ exhalavit, in fide Christi stabilis et in confessione Domini purgatus, Dominici corporis et sanguinis perceptione munitus. Jam sic defuncto principe clarissimo in terra barbara, egregii

A principes et commilitones, equites et pedites, præ dolore in lacrymas cum magno ululatu et planctu fluxere nimias; et amplius fletum congeminaissent, nisi timor esset, quem in terra undique hostili apprehenderunt in tanti principis amissione. Quapropter dissimulata illius morte et omni tristitia, sicut obnixè rogavit, sectus est alvus illius, viscera exposita et sepulta, corpus vero salsum intus et exterius, in oculis, ore, naribus et auribus aromatibus quoque ac balsamo conditum, corio consutum ac tapetibus involutum, equis impositum, ac firmiter alligatum est; ita ut nulla gentilium astutia percipi posset eum obiisse, et sic in audaciam persequendi exercitum desolatum, undique ebullientes, animarentur. Hac arte ubi corpus exanime compositum, hocque vehiculo caute per terram peregrinam, per loca deserta et invia deductum, per regionem vallis Hebron, ubi castellum et sepultura sanctorum patriarcharum, Abraham, Isaac et Jacob usque in hodiernum diem a fidelibus honoratur, reditum fecerunt, per dies continuos a dextris et a sinistris semper custodiam armatorum equitum et peditum habentes. Dehinc cum extincto corpore regis in campestria Ascalonis applicantes, erectis signis et cuneis ordinatis, in sola virtute militari confidentes, sine impedimento et aliquo adversariorum incursu transisse perhibentur, quousque montana Jerusalem ipso die sancto celebri Palmarum unanimiter cum regio cadavere ingressi sunt.

CAP. XXIX. — *Quod regali sepulcro regem condierunt, et quod statim dominus patriarcha infirmatus obierit.*

Eadem denique die a monte Olivarum dominus Patriarcha cum clero suo post Palmarum consecrationem descenderat: qui de templo Domini et de universis ecclesiis fratres occurrentes, ad diem festum convenerunt in hymnis et laudibus in celebratione diei sancti, quo et Dominus Jesus in asello residens, civitatem sanctam Jerusalem ingredi dignatus est. Sic vero omnibus conventiculis Christianorum ad id solemne in laudibus Dei congregatis, ecce rex defunctus in medio psallentium allatus est: in cujus visione voces suppressæ et laudes humiliatæ sunt; fletus tam cleri quam populi plurimus auditus est. Verum tamen Palmarum expleto officio, et omnibus per portam, quæ dicitur Aurea, per quam Dominus Jesus ad passionem veniens immisus est, cum rege defuncto intromissis: decretum est communi consilio ut statim corpus examine sepulturæ traderetur, quod diu reservatum etiam fetidum diutius reservari, grave et inconveniens ab omnibus ferebatur. Nec mora, catholicis exsequiis expletis, a domino patriarcha terræ commendatus, juxta fratris uterini Godofridi sepulcrum in loco Calvariæ, in vestibulo templi Dominici sepulcri mausoleo, sicut decet reges, in memoriam et honorem sui nominis, magno et mirifico opere, et marmore candido polito, inter cæteros sepultos promotus est; sicut et frater ejus Godofridus eodem mausolei honore sublimatus est. Jam sepulto tam clarissimo principe Jerusalem, Ar-

nolfus patriarcha venerabilis præ dolore mortis tanti regis et athletæ Christi, vehèmenti infirmitate corripitur; et spatio trium hebdomadarum male habens vitam finivit, juxta patriarcharum sepulturam appositus.

CAP. XXX. — *Quomodo, sepulto rege Baldewino, nepos illius, Baldewinus de Burg, ab omnibus in regem sit electus et unctus, Germundo novo patriarcha consecrato.*

Eodem die quo rex Baldewinus humatus est, et Arnolfus patriarcha cepit ægrotare, clerus et populus tam rudis Ecclesiæ tanto rege ac defensore viduatus, de regis restitutione agere cœperunt, dicentes non utile esse consilium ut rege ac defensoris solatio locus et gens diu careret, et locus et terra a nullo defensa periret. Cumque diversi diversa dicerent, tandem omnibus acceptum fuit ut Baldewinus de Burg in throno regni Jerusalem locaretur, eo quod miles imperterritus multa pericula in præsiidiis pro salute Christianorum sæpe sustinuisset, et terram Rohas strenue ab omni assultu hostili defensam retinuisset. Et statim acclamatum est illum coronam regni jure recipere, et dominum patriarcham in regem procreare et promovere. Venerat enim idem Baldewinus ad diem festum adorare in Jerusalem, de omnibus quæ acciderant nescius. Patriarcha autem adhuc vivens, licet ægrotus, videns populi devotionem et constantiam erga Baldewinum, quantulumcunque renitentem, et divitias Rohas sibi sufficere protestantem, ipse assensum benigne attribuens, in regem et dominum Jerusalem unxit et consecravit. Unctus autem Baldewinus et consecratus in regem, et in sanctæ resurrectionis die præclara honoratus, honorifice est exaltatus in lætitia, his diebus sacris jucundatus, et justitiam Dei in omnibus devotissime operatus. Die vero statuta, sicut justum est et leges docent, universis primoribus regni in palatium Salomonis regis convocatis, singulis beneficia contulit, fidem et sacramentum ab his suscipiens, et honorifice quemque in sua remisit. Civitates vero, Neapolin, Samariam, Joppen, Caphas, castellum S. Abrahæ, Ptolemaidem, Sagittiam, Tabariam et cæteras civitates et loca duæ erant de regno Jerusalem suo subjecit imperio, quosdam redditus eorum suis constituens primatibus, quosdam vero suæ mensæ attulavit. Mortuo Rege Baldewino et Arnolfo patriarcha, Baldewino quoque in regem uncto, Germundus, vir bonæ conversationis, ab omni clero et populo in patriarcham eligitur; et consecratus a sanctis pontificibus, cathedram episcopalem Jerusalem meruit obtinere, ad regendum populum Dei vivi, et corroborandam novam et sanctam Ecclesiam Jerusalem.

CAP. XXXI. — *De quatuor millibus Idumæorum pastorum, quos in die sancto Paschæ Christiani milites, dum insequuntur, passim occiduntur.*

In anno secundo regni Baldewini de Burg, novi regis Jerusalem, principis Rohas civitatis, quidam Sarraceni de regno Arabiæ, quidam etiam de gente Idumæorum, quos moderni Bidumos vocant, ar-

menta camelorum super triginta millia, boum centum millia, greges ovium et caprarum inaudita millia de terra et regione sua educentes, et ad pascua cogentes in latere regni Damascenorum, illuc prosecuti sunt herbarum copiam, licentia et consensu principis terræ Damasci, pro pacto byzantium, quod ipse dominus terræ ab eis accepturus erat. Cum tot millibus, equites et pedites supra quatuor millia ad custodiendos greges, sunt egressi de terra Ægypti et Arabiæ in lancea et gladio, et omni pinguedine cibariorum necessariorum. Hi dum pacifice in latere regni Damasci super gregem suum custodiam agerent solliciti, nec quidquam metuerent fiducia Dochini principis Damasci, cujus gratia et licentia per pascua diffusi erant cum uxoribus et pueris, sicut mos est gentilium: fama tantorum pastorum a terra longinqua huc progressorum attigit aures Gozelini de Curcenay, qui dono regis Baldewini, fratris Godefridi, terram et redditus Tabariæ in beneficio obtinuit, eo quod altis parentibus ortus, filius esset amitæ Baldewini de Burg facti regis Jerusalem. Hic ergo Gozelinus tam innumerabili gregum comperta multitudine in loco remoto et solitudinis, Godefrido de Burs et de terra civitatis Parisiorum, viro egregio et militi clarissimo in omni opere bellico, fratrique ejus Willhelmo indicare non distulit, et ad invadendum prædam utrosque fratres adhortatus est. Qui illius adhortationi acquiescentes, centum et sexaginta equitibus, viris bello audacissimis et prædarum avidissimis, peditibus vero sexaginta in arcu, lancea et gladio ferocissimis, admonitis et congregatis, profecti sunt in regionem eandem qua pastores et pastorum custodes, fortissimi milites Arabes, Ægyptii, Idumæi accubabant, et armenta cum ovibus et capris spatiosè in longitudine et latitudine vagabantur. Ut vero ad locum perventum est, Gozelinus cum quinquaginta equitibus in una acie a dextris attitutus est ad subveniendum. Willhelmus totidem in suo cuneo ordinatis equitibus, galea et lorica indutis, sinistra ex parte procul positus remansit, ut vires auxiliatrices sociis bellum insistentibus conferret. Godefridus de Burs sexaginta equites in sua acie retinens, cum omni comitatu robustorum peditum in medium constitutus, audacter pastores pastorumque magistros impetit, prædam abducere conatus, et omnibus viribus rapinæ insistens, nimium processit inter manus defensorum gregis. Quatuor millia, cornibus et signis auditis, in momento adfuerunt ad excutiendos greges: qui Godefridum cum suis coronantes, graviter cum eis commiserunt, donec Godefridus et sui paucissimi tantorum vim suffere non valentes, ad quadraginta in arcu, lancea et gladio ceciderunt: viri fortissimi, et usque ad hanc diem in omnibus præliis invictissimi; singuli reditibus terrarum et locorum possessionibus ditati, in obsequio militari et ipsi equites sub se habentes, alius viginti, alius decem, alius quinque aut duo ad minus. Octo tantum captivi abducti sunt, reliqui armis inimicorum interie-

runt. Wilhelmus audita vociferatione ad invicem fortiter dimicantium, ascenso equo suo cum suis, dum subvenire vellet angustiatis, per fruteta et loca arida errore viarum retardatur; et sic sociis in magno positis periculo nequaquam succurrere valuit. Gozelinus vero intelligens casum et interitum suorum fortium, et ipse inter manus crudelium audacter involat, nullo tamen auxilio jam occisis sociis et attritis poterat prodesse. Referuntur autem supra ducentos Sarracenorum in eodem prælio occisiosse. Pedites vero Christianorum de sexaginta vix decem per devia et opaca loca elapsi sunt. Contigerunt hæc damna gravissima egregiorum militum ipso die Dominicæ Resurrectionis, quando omnes viri catholici solent quiescere a laboribus et cunctis seditionibus, vacare eleemosynis et orationibus. Existimo igitur quia hac de causa dati sunt in manibus inimicorum, quod tam sanctissima die rapinis inhiabant; et idcirco suorum auxilio per invia errantium destitutos fuisse.

CAP. XXXII. — *Rex Baldwinus secundus in ultionem inimicorum militiam congregavit, quem Idumæi pecunia placant.*

Tam lacrymabili strage fortissimis viris peremptis, crudelis rumor ad regem Baldwinum ad Jerusalem profectum, et Ptolemaide commorantem, transvolat de nece et infortunio nominatorum principum, quorum auxilio et consilio Ecclesia Jerusalem confortata, multum de die in diem proficiebat. Quo audito, et morte Godefridi dilectissimi militis agnita, concussus est cor illius dolore vehementi, et vultus ejus ab omni hilaritate decidit, ac universorum corda, qui his paschalibus feriis lætitia affluebant, in luctum et gemitum per omnes vicos et plateas civitatis Ptolemaidis commutata sunt. Nec mora, universis incolis civitatis Jerusalem convocatis in ultionem confratrum occisorum, et de universis locis Christianorum habitationis rex contraxit exercitum, et usque Bethan cum sex millibus veniens, tentoria sua per campestria locari jussit. Nocte eadem cœpit tædere exercitum Jerusalem et cæteros qui convenerant, viæ et ultionis hujus, eo quod Damascenorum civitas nimium vicina et Turcorum armis munita erat. Interea dum sic hæsitarent, Idumæi, exterriti fama

adventus novi regis diffisque de ope Turcorum et illorum fidei levitate, decreverunt regidare quatuor millia byzantium pro cæde suorum, ut sic ejus gratia et consensu deinceps secure et pacifice gregem suum custodiant, et nulla eis vis inferatur. Quod rex consilio suorum fieri concessit, videns populi sui proficisci nolentis constantiam. Accepta rex hac auri massa, Ptolemaidem rediit, pro anima Godefridi et pro animabus cæterorum occisorum eleemosynas fieri constituens et plurimas missarum celebrationes.

CAP. XXXIII. — *De septingentis Christianis peregrinis, qui post visitationem Dominici sepulcri in redeundo occisi sunt a nequissimis Sarracenis.*

Item ipso in anno secundo regis Baldwinii secundi in Sabbato sancto ejusdem resurrectionis, qua Godefridus et prædicti milites in crastino sunt ab Idumæis trucidati, quando jugis de cælo gratia Dei ad corroborandam fidem Dominicæ resurrectionis, in lampade olei in sepulcro Dominico reposita, flammam in momento suscitavit ad incendendum hac nocte paschalem cereum, quidam peregrini circiter septingenti qui, adorato Domino Jesu ante sepulcrum ipsius venerabile, et qui, viso miraculo ignis celitus accensi, in gaudio et hilari corde a Jerusalem descenderat ut fluentia Jordanis visitarent juxta ritum fidelium, ubi jam a montanis usque ad castellum Cuschet et de Burgewins processissent in solitudinis loco, ecce Sarraceni de Sur et Ascalone adsunt, armis fortissime peregrinos incurrentes et cum eis prælia conserentes. Peregrini sicut inermes, et multis diebus via aggravati, cibis pro nomine Jesus attenuati, cito superati in fugam versi sunt: quos impii carnifices insecuti, trecentos in ore gladii peremerunt, sexaginta captivos tenuerunt. His miseris et cædibus auditis in Jerusalem et circuitu ejus, rex et dominus patriarcha Germundus, cum omnibus viris, magnis afflicti sunt doloribus. Quare milites in ultionem fidelium interfectorum sine mora dirigunt. Sed frustra hi ad arma contendunt, viamque insistunt. Nam Sarraceni post stragem hanc fugitivi facti sunt, et in mœnibus Sur et Ascalonis cum captivis Christianis, cum spoliis Christianorum immisi sunt.

ANNO DOMINI MCXXV.

# FRANCO ABBAS AFFLIGEMENSIS

## NOTITIA

(FABRIC. *Bibliotheca med. et inf. Lat.*, II, 199)

Franco, abbas secundus Affligemensis in Brabantia ab anno 1109 ad 1130, scripsit adhuc monachus ad decessorem suum Fulgentium, abbatem Affligemensem, libros XII *De gratia seu beneficentia Dei*. Prodicere Antwerpiae 1565, Friburgi 1620, qui præmissa Fulgentii, qua cum rogat, epistola, leguntur in Bibliothecis

Patrum Coloniensi tomo XII, et Lugdunensi tomo XXI, pag. 293-327. Sub extremum libri XII, pag. 226, exstat carmen elegiacum, quod signavit Henricus Gandavensis, cap. 29, ac Trithemius cap. 367, et II, 404, illustr. Benedictin. cum Franconem *De statu futuræ gloriæ* metricè scripsisse perhibent, et Caveus præter rem putabat intercidisse: Leyserus versus libris de Gratia Dei subjectos ab illo scripto præter rem distinguit.

Exstat præterea Franconis hujus *epistola duplex* tomo XXI Bibliothecæ Patrum, pag. 327: *Quod monachus abjecto habitu non possit salvari*. Et pag. 328, *ad moniales ac sorores in Bigardis ad forestum, consolatoria*. Tractatum *De cursu vitæ spiritualis* per distinctiones XII sive tomos digestum, quem Oudinus tomo II, pag. 959, memorat, non puto diversum libris XII *De gratia*. Sed apud eundem Oudinum laudantur etiam Franconis mss. lucubrationes duæ, una *De jejuniis Quatuor Temporum*, et altera *De laudibus B. Mariæ Virginis*. [Ad quem potissimum hujus nominis scriptorem referendus sit liber *De institutione eucharistiæ* ignoro. Reperit illum P. Marlene in cœnobio *de Agonia Christi* Canonicorum Regularium S. Augustini prope urbem Tungrensem cum hac inscriptione: *Franco humilis monachus, De institutione eucharistiæ*. Vide Itineris litterarii tom. II, pag. 498. MANSI.]

---

# FRANCONIS

## ABBATIS AFFLIGEMENSIS

### DE GRATIA DEI

#### LIBRI XII.

(Bibl. Patr. Lugd. Sæc. XII, pars II, p. 293.)

---

#### EPISTOLA ABBATIS FULGENTII AD FRANCONEM MONACHUM.

FULGENTIUS Affligeniensis Ecclesiæ humilis minister et abbas dictus, charissimo fratri, et filio suo FRANCONI, cum salute, et paterna dilectione sanctæ et secundæ resurrectionis gaudia perenniter possidere.

Rogaveram te, amantissime frater et filii, et more tuo solito sponderas te obediturum, ut de Gratia Dei tractatum quantumcunque scriberes cæcitatæ meæ et aliorum mei similium profuturum, qui de gratia Dei balbutire solemus: cum, quid sit gratia Dei, sat ignoremus. Iterum ergo rogo te, et per obedientiam jubeo, ut, expansis velis sensus tui flatus Spiritus sancti, in nomine Domini scribere incipias, indubitanter sciens quia vires, quas imperitia tibi denegat, sacrosancta charitas et obedientia nunquam irremunerata subministrabunt. Incipies vero ab initio creationis Dei, usque ad ultimum diem, quando videbitur Deus Deorum in Sion, et erit omnia in omnibus, et usque ad tempus illud, quando

dicturus est electis suis: *Venite, benedicti Patris mei percipite regnum quod vobis paratum est ab initio sæculi*, cujus regni nos participes facere dignetur, qui nos vocavit in gratiam et gloriam suam Dominus Jesus. Quando autem veneris ad sacramentum Dominicæ passionis ubi ait: *Accipite et comedite. Hoc est corpus meum*, precor ut immorari velis, attentius commendando illam miram erga nos ejus dilectionem, et ineffabile illud privilegium, et gratiam charitatis, ut sacrosancto suo corpore et sanguine nos dignaretur reficere, cujus corrigiam calceamenti eximie sanctitatis Baptista Joannes se fassus est indignum solve. Spiritus ergo sanctus, qui completis diebus Pentecostes replevit corda discipulorum Christi, simili virtute et ardoris dulcedine repleat animam et cor tuum, ad eructandum verbum bonum acceptum Deo, et cælesti remuneratione dignum, fratribusque, et omnibus sanctæ matris Ecclesiæ filiis gratum. Vale in Christo.

---

#### REGISTRUM FRANCONIS MONACHI AD ABBATEM FULGENTIUM.

FULGENTIO domino, et Patri venerando, et ex summi patris nomine et officio jure honorando, FRANCO ille suus tanto patre indignus filius, filialem cum debita obedientia charitatem,

Pater amabilis, cum ingratus Gratia Dei non inveniri desiderio laudabili desideratis, cui jure omnis

creatura tanquam Creatori suo sua quæque voce gratias agit, et ad inveniendam illam pretiosissimam margaritam, thesaurum divitiarum gratiæ Dei instar avidi negotiatoris sancta aviditate scrutamini, onus importabile infirmæ cervici nostræ imponentis: viribus nostris æqua nequaquam lance, quod salva

reverentia prudentiæ vestræ dixerim oneri comparatis. Petit enim, imo illa vestra modestia et humili auctoritate præcipitis, ut tractatum quantumcunque de Gratia Dei componam infantibus et adhuc lactiflua sancta matris Ecclesiæ ubera sugentibus profuturum; qui adhuc de gratia Dei (ut dicitis) balbutiunt, qui gratiam ipsam plena nondum voce loquuntur; qui præ immaturitate sensus, et gratiæ utilitatem, et ipsum gratiæ Auctorem ad integrum necdum agnoscunt. Opus quidem sanctum, opus vere divinum, opus omni utilitate plenum, opus omni laude prosequendum, donum vere supercæleste, omnibus linguis humanæ paupertatis, imo ipsi angelicæ facundiæ inenarrabile. Quid enim aliud gratiam Dei quam ipsum Deum dixerim? Si enim virtus Dei, sapientia Dei, decor ejus et gloria ejus nihil aliud quam ipse Deus creditur, nihilominus et gratia Dei Deus ipse creditur, si recte creditur: Et de Deo digne quis loqui sufficiat? Perpendite ergo obsecro, Pater mi, quam grave sit pondus jussionis vestræ, et ad sublevandum sanctæ inter-

cessionis vestræ humerum supponite. Orationum itaque vestrarum patrocinio fultus aggrediar quod jubetis, considerans quod ille benignissimus donorum suorum distributor Deus, donis sublimioribus sic divites magnificat, ut pauperes nequaquam abiciat: et qui a divitibus aurum, argentum, lapides pretiosos, et cætera offerri sibi mandat, quæ facilius manus divitum invenire potest, a pauperioribus oblatos et pilos caprarum gratos habet: qui duo etiam minuta Evangelicæ viduæ prætulit donis omnibus superbientis synagogæ. Ac ne quis forte opusculum hoc pauperis ingenii qualecunque futurum præsumptioni imputet, et propriæ eruditionis confidentiæ, titulum obedientiæ in ipso præfigo limine, epistolam vestram quasi quoddam edictum imperatorium calumniatoribus opponens, ut excusatum me habeant, qui imperatis obediam. In columen vos pervigil ille custos custodiat: et usque ad senectutem et plenitudinem dierum Abraham, ipsa, quam diligitis, gratia provehat.

## FRANCONIS ABBATIS AFFLIGEMENSIS DE GRATIA DEI LIBRI XII.

### LIBER PRIMUS.

De Gratia Dei scripturus, ipsum gratiæ Auctorem invoco, quatenus quod jubente eo tractandum suscepit; qui enim vos audit, ait, *me audit*, digne hoc sine et catholico sensu ipso opitulante compleam: ut sicut in principio operis, mox in titulo gratia præfulget, sic et in fine pro completo opere gratiarum actio resonet. Universa itaque quasi in quodam cordis sinu colligens, et singula quæque diligentius intuens, quæcunque condita novimus, aut credimus; visibilia autem novimus, invisibilia credimus, nihil in omnibus invenio, quod non jure gratias referat Conditori suo; quia et sapientia ejus conditum est, cum non esset, et ut in accepta conditionis suæ dignitate persistat, ab ipso habet. Nam et illa in creaturis Dei summa, beata beatorum spirituum agmina, in ministerium conditoris sui miro et ineffabili nobis ordine distincta, nihilominus, imo multo magis et ipsa Conditori suo prociidunt, quod sunt, quod sapiunt, et quod possunt, totum gratiæ ejus ascribunt, atque attestante sacro eloquio, incessabiliter ei voce gratias referunt et pro conditionis suæ

excellentia, et pro beatitudinis perseverantia. Unde et Isaias propheta prophético spiritu sublevatus, invisibilem se vidisse testatur, super solum excelsum sedentem, ac duo seraphin, quæ sunt agmina divinæ majestati proxima, et ex flamma amoris ejus secundum nomen suum validius ardentia, *Sanctus, sanctus, sanctus Dominus Deus exercituum*, mutuo sibi audisse in clamantia. Summa autem illa potestas et incomparabilis virtus, creatrix omnium et gubernatrix cunctorum, universa continens et nullius indigens, sola est quæ sic gratis omnia omnibus præstat, ut a nemine mutuum quid recipiat. In eodem namque propheta reprobatis victimis Judaicæ superstitionis, ubi ait: *Quid mihi multitudinem victimarum vestrarum*, quia nullius indigeat, evidenter insinuat, subjiciens, *Plenus sum*. Quidquid autem plenum est, juxta id quod plenum est, nullius indiget. De qua plenitudine et ille in natis mulierum major Joannes hauserat, qui dicebat: *De plenitudine ejus nos omnes accepimus gratiam pro gratia*. Cum ergo plena sit in se ipsa, et non aliunde impleta

divina essentia, restat ut universa quæ condidit, ex nulla sui indigentia, sed ex sola bonitatis suæ gratia creaverit. Jure igitur ei ab omni conditione et ab omni ordine tam angelico quam humano servitur, et quidquid in universa creatura dignitatis et utilitatis, honoris fulget et gloriæ, jure totum gratiæ Creatoris ascribitur. Et hæc est vera beatitudo omnium, quæ facta sunt, ut ad laudem ipsius omnia referant a quo habent et ipsum quod sunt. Quod quia apostata angelus ex decoris sui magnitudine tumidus facere noluit, et super altitudinem nubium ascendere, id est, ipsam angelicæ dignitatis gloriam superba præsumptione transcendere voluit, et divinæ illi majestati omni creaturæ inaccessibili, similis fieri: tantæ impietatis molimine contritus, de medio lapidum ignitorum ejectus, in terreni pulveris vilitatem, justa justis iudicis sententia est dejectus. Nec hoc sine pertingendi scilicet usque ad similitudinem Altissimi, superbus ille et superbius inventor spiritus contentus esset, nisi hic finis infinitus esset. Super cujus infelicem ruinam sub typo principis Tyri jubetur Ezechiel propheta propheticum planctum assumere ac plangens dicere: *Tu signaculum similitudinis, plenus sapientia et perfectus decore, in deliciis paradisi Dei fuisti. Omnis lapis pretiosus operimentum tuum, sardius, topazius, et jaspis, chrysolitus et onyx, et berillus, saphirus, et carbunculus, et smaragdus, aurum opus decoris tui; et foramina tua in die qua conditus es præparata sunt. Tu Cherub extensus et protegens, et posui te in monte sancto Dei in medio lapidum ignitorum. Ambulasti perfectus in viis tuis a die conditionis tuæ, donec inventa est iniquitas in te.* O quam mira est Creatoris principis Tyri potentia! O quam larga largitoris bonorum omnium in creaturam suam donorum effusio! qui ex nihilo creatum tantæ dignitatis principem, et plenitudine sapientiæ illustravit, et perfecto decore adornavit, atque omni lapide pretioso, id est multiplici gloria virtutum operuit. Hic est Lucifer ille qui mane oriebatur, qui præ nimio claritatis suæ splendore intuentium in se ora convertebat; quem Sol verus, astrorum omnium illuminator Deus, incomparabilis splendoris magnitudine, solus præibat. O Lucifer, Lucifer, quam clare fulsisse, si illuminatorem tuum agnoscere voluisses; si collatam tibi claritatem ad eum retulisses, qui contulerat! Heu! quam pernicioosa es, et ipsis super-  
**D** *pernis virtutibus superbia, bonorum omnium inimica totius pulchritudinis et integritatis vermis et tinea! Congregamini, reges terræ, et obstupescite; attendite, populi omnes, et admiramini, et tu, terra et cinis, exemplo territe. Cave, o homo, attactum superbiæ: ecce stella illa matutina, quæ ab ortu ascendebat rutilans et fulgida, nebula superbiæ ex proprii cordis consurgente, putredine subito offunditur; et quæ super astra Dei se ascensuram tumida jactaverat, in faculam repente, proh dolor! conversa sulphuream, tenebris abyssi turbine majestatis acta immergitur. Ubi modo tumor ille inanis princeps*

**A** miserabilis? Siccine ascenditur super altitudinem nubium? siccine conscenditur, quod super astra Dei te exaltaturum jactaveras solium? Hocne est Altissimo similem esse? An ignoras, miser, quod et in excelsis humilitas regnet? Sed superbia tua advertere non potest vel quid sit humilitas, vel ubi regnet. Audi itaque, terra, audi et contremisce, quia et firmamentum infirmatum est, et cælum conscissum perdidit tot millia angelorum. Hæc est causa doloris et planctus prophetici, quem prophetico spiritu edoctus levat super principem Tyri. *Aurum, inquit, opus decoris tui, et foramina tua in die qua conditus es, præparata sunt.* Timens autem ac tremens, in hæc invisibilia foramina digitum infero, sed tremantem manum gratia divina regente, obscura quasi tentans palpo. Signaculum aut margarita non ab intus, sed extrinsecus perforatur. Hujus ergo signaculi foramina in die conditionis non a seipso, sed manu conditoris sunt præparata; per quæ divinitus infusa sapientia, Tyrium principem erudiret, divina sibi gratia collatum esse quod ad similitudinem Dei refulgeret. Quid vero aurum pro sensu accipimus, aurum opus decoris principis hujus erat, quando luce sapientiæ illustratus, quid inter Creatorem et creaturam interesset, discernerebat; quomodo consortibus naturæ æqualitatem servabat, quando obsequium Creatori tanquam creatura deferebat. Hac scientiæ multitudine et donorum amplitudine factus Cherub extensus, et subjecta dignitatis suæ eminentia protegens, in medio lapidum ignitorum, in monte Dei est positus, videlicet cum electis spiritibus igne divini amoris ardentibus, in altissimum divinæ contemplationis culmen, gratia non merito evehctus. Audivimus unde et quo Tyrium principem gratia evehctus; audiamus nunc quo ingrata superbia detraxerit. *Ambulasti, inquit, perfectus in viis tuis a die conditionis tuæ, donec inventa est iniquitas in te.* In te, ait, inventa: non aliunde inspirata, non ab alio persuasa. *In multitudine negotiationis tuæ repleta sunt interiora tua iniquitate, et peccasti, et ejecisti de monte Dei, et perdidisti te, o cherub protegens, de medio lapidum ignitorum. Elevatum est cor tuum in decore tuo, perdidisti sapientiam tuam in decore tuo. In terra projecisti te, ante faciem regum dedi te, ut cernerent te.* Principem projectum et abjectum ante faciem regum Dominus dabat, quando discipulis de prædicatione revertentibus, et de expulsionem dæmonum atque ostensione signorum humanum quid gloriantibus, dicebat: *Videbam Satanum sicut fulgur de cælo cadentem. In multitudine iniquitatum tuarum, et in iniquitate negotiationis tuæ, polluisti sanctificationem tuam.* Iniqua prorsus et injusta negotiatio, ut creatura dono creatoris sui ad tantam gloriam provehct ex nihilo, similitudinem conditoris sui tyrannica invasione sibi raperet. Sed quia per rapinam invadere voluit, et temerare divinam sanctitatem, polluit et ipsam, quam per naturam habebat angelicam sanctificationem. *Producam, ergo ait, ignem de medio tui qui comedat te.* Et juste, ut unde



tanta impietas prodierat, inde et ultrix flamma A producat, quæ puniat. *Et dabo te in cinerem super terram, in conspectu omnium videntium te*; non quod spiritus dissolvatur in cinerem, sed quod angelica spoliatus gloria, redactus sit quasi in cineris vilitatem. *Omnes, qui viderint te in gentibus obstupescunt super te, nihil factus es, et non eris in perpetuum*; non quod substantialiter esse desierit, sed quod a Deo apostatando, beate esse perdiderit. Nec inutiliter, licet paulo prolixius miserabilem hujus apostatæ lapsum, et prophetæ super eo lamentum ex ordine digesserim, sed ut evidentiùs e diverso insinuem quantum gratiæ Dei beati spiritus debitores exi-

stant: cujus munere aliis e tanto culmine dignitatis impulsu superbiæ ruentibus, ipsi in æterna beatitudinis ætæ soliditate perstiterint. Si autem spiritus, quid caro? si angelus, quid homo? si cælum, quid terra? Ideo et in terram projicitur, et terrigenis in exemplum proponitur, ut ruina tanti principis terreatur, et acceptæ gratiæ non ingrati, ipsi quoque cum beatis spiritibus beatitudine sua æternaliter perfruantur. His de illa excellentiore creatura secundum tenuitatem sensus nostridigestis, paululum respicemus: ut reparatis viribus, prævio Spiritu sancto, cæptum de Gratia Dei iter conficiamus.

#### PRÆFATIO IN LIBRUM SECUNDUM.

Mare hoc magnum et spatiosum imperio vestro, B Pater venerande, navigaturus, fateor non sine formidine exiguam pauperis ingenii cymbam, incertis credo fluctibus: ne forte gubernatoris oculo sinistro aliquo sidere decepto, aut in Syrtes impingam, aut voragine Charybdis absorbear, aut in Scyllæos canes devorandus incidam. Et vereor ne dum margaritam in profundo latentem, incaute perquiro, aquis Ægyptiis suffocatus, vitali anhelitu intercluso, ipse

perream in profundo. Levate ergo, obsecro, infatigabiles manus cum Moyse ad cælum, et imprecamini naviganti prospera, ut orationibus vestris revelata mihi divinitus margarita quam quæritis, salva navi et mercibus portum salutis lætus oblineam. Expansis igitur ad imperium vestrum velis, ei, qui spirat a meridie, in altum ferar, et quocumque impetus Spiritus sancti me impulerit, gaudens et gratias agens sequar.

#### LIBER SECUNDUS.

Sapientia Dei a fine usque ad finem attingens, C omnia implens, omnia complectens, cui nihil latere, nihil potest perire, numerosam illam angelorum multitudinem in eam, quæ in oculis ejus placuerat, integritatis summam concluderat: quæ et si ruina superbientium immunita erat, sua tamen Deo summa deperire non poterat. Ne ergo videretur aliquid creationis suæ incurrisse detrimentum, inivit secum reparationis mirabile consilium: ut viliores quamdam materiam, arte sapientiæ suæ in eadem transformaret gloriam. De cujus conditione et dignitate antequam disseram, oculos cordis per elementorum mundi latitudinem paululum evagari sinam, ut magna hac domo perlustrata, et mirifica structura ejus decore et ornatu, ac varia suppellectile diligentius inspecta, ex magna gloria domus æstimare possim, quantæ sit gloriæ dominus domus. Quæ utraque gloria tam domus quam domini, et artem prædicat, et gratiam commendat conditoris sui. Sapientia itaque Dei ad restaurationem cælestis ruinæ, terrenum, ut ita dixerim angelum, factura hominem, primum ei domum in qua conditus habitaret, condidit, cujus fundamenta in terræ soliditate collocavit, cujus longitudinem ab oriente ad occidentem extendit, cujus latitudinem ab Austro ad Aquilonem dilatavit: cujus altitudinem ad cælum usque exaltavit, quod et universæ fabricæ in modum cameræ quasi culmen quoddam protegens imposuit. Et ut magnæ domui sufficiens lumen adesset, solem,

lunam, ac sidera magna et præclara luminaria cælo infixit: quæ a superioribus universæ domus infulgerent, ac domino domus indeficiens obsequium grata vicissitudine exhiberent. Vestitur ager floribus, vestiuntur arbores frondibus, ac sæcundantur fructibus, ut novo domino de secreto sapientiæ Dei ad publicum processuro, novos fructus offerant, atque jucundum ei de varietate pulchritudinis suæ spectaculum præbeant. Festiva se exhibent elementa omnia, cælum hilaritate vultus omnia lætificat, aer melodia avium tripudiat; terra dominum suum exceptura splendido cultu et multicoloribus se ornat, mare ac flumina crispantibus aquis et piscibus suis more lætantium sibi invicem natando occurrentibus grulantur et ipsa plausu suo. Nec quasi ludiora quædam ista commemoraverim, ut vel aures audientium demulceam, aut plausum mihi exeitem: sed ex consideratione istorum homo ut colligat, quantum Deo debitor existat: qui sola eum bonitatis suæ gratia ad hanc gloriam creaverit, ut in ministerium ejus elementa tam præclara ordinaverit: et usui ejus deputaverit, et quod in aquis natat, et quod in terra ambulat, quod in aere volitat, et quod in cælo rutilat. Væ autem homini, qui in novissimo die tantæ gratiæ ingratus repertus fuerit: aut male vivendo, aut quod bene vixit, si tamen bene vixisse recte dici potest, propriis meritis ascribendo. Præparatis igitur in usum hominis necessariis copiis, *Factamus, inquit, hominem ad imaginem et similitudinem nostram. O*

dignatio! o gratia! Quis eam digne cogitet? quis verbis explicet? quis ut dignum est amet? Non ait, *Faciamus hominem ad imaginem angeli, ad imaginem archangeli, ad similitudinem cherubim aut seraphim. Sed quid? Faciamus hominem ad imaginem et similitudinem nostram.* Quid est homo nisi lutum? Nam de limo factus est homo. Et quid est aliud dicere: *Faciamus hominem ad imaginem et similitudinem nostram,* quam Compingamus lutum, et faciamus Deum? *Ego dixi: Dii estis, et filii Excelsi omnes,* ait Scriptura; quæ testante Veritate solvi non potest. Divinitas in luto, tanquam imago in speculo refulget, et lutum in Deum solidatum est. O lutum quam vile, quam abjectum eras! ecce quam solidum, quam gratum, quam gloriosum factum es, postquam in manus cælestis figuli assumptum es. Recole ergo quid fueris, perpende quid sis, recole materiæ vilitatem, perpende plusmantis dignitatem: et ut tantæ solidati stabili semper pede innitaris, de manu figuli tui cave ne quando labaris. Hujus figuli artem et artis potentiam vas electionis commendabat: cum vasa figulo suo ingrata apostolica auctoritate corripiens, dicebat. *Anno habet potestatem figulus lutum eadem massa facere vas, aliud quidem in honorem, aliud vero in contumeliam?* In hujus domum figuli Jeremias propheta, Deo cognitus antequam formatus, ante sanctificatus quam natus, jubetur prophetaliter intellectu ascendere, et in typo figuli illius, in cuius domum jussus est descendere, istius artem, istius opus, istius potentiam admirari, et exempl<sup>o</sup> vasis dissipati et reformati lugentem populum læta promissione consolari. Sed quia figulus ille dissipata reformans, tempori illi serviebat, nos ad figulum nostrum revertamur: qui in principio temporis non dissipata reformabat, sed quod non erat formabat: quando ex luto suo non aliud vas in honorem, aliud in contumeliam, seu vas unum perfecto decore in honorem tantum formabat et gloriam. Ad hanc conditionis gloriam et imaginis Dei speciale donum, et cæleste privilegium, collatum est homini munere conditoris et liberum arbitrium, ut qui et ratione et intellectu inter bonum et malum discernere posset, haberet et potestatem eligendi quod vellet: ut hoc ad laudem tribuentis et gloriam bene utentis altius cresceret, quod non ex necessitate divinæ jussionis, sed ex affectu propriæ electionis mala fugeret, bona appeteret. Neque enim vero nomine bonum appellatur, quod timore pœnæ, non amore fit justitiæ. *Timor autem non est in charitate, sed perfecta charitas foras mittit timorem.* Falso ergo nomine bonum vocatur quod non in radice charitatis solidatur. Et hoc quanta est gratia! Quis enim dominus servo suo dicat, *Fac quod vis, serve, si vis?* Quis dominus servum suum liberum dimittat, ut si nolit non serviat? Quis figulus fingit lutum, et non in usum suum? At figulus noster figmento suo omnia conferens, et in nullo prorsus illius egens, creato homini liberum sui arbitrium derelinquit, optionem ei tribuit eligendi quod voluerit. Quid vero magis congruum imaginem Dei, quam sæda horrere, honesta amplecti? Quid magis conveniens rationi quam virtutes eligere, vitia detestari? Utrumque autem ei, bonum scilicet et malum proponitur, hujus usus suadet, illius prohibetur: stipendium et finis utriusque prædicatur, hujus vita æterna, illius mors, nihilominus et ipsa æterna. Omni itaque decore vestitum atque omni ex parte præmunitum in paradysum voluptatis quem ab initio plantaverat, introducit: omnium ei lignorum paradysi usum indulget, ab uno prohibet. In quo enim servus dominum se habere sciret, nisi mandatum acciperet? *Ex omni inquit, ligno paradysi comedas; in quocunque enim die comederis ex eo, morte morieris.* Proh dolor! ab illo hoste invisibili, ab illo inventore totius malitiæ et doli, qui plus dolis quam viribus perficit, nec in paradiso homo tutus esse potuit: quia tantæ gratiæ ingratus existit. Spiritu namque superbiæ afflatus, et fallacia serpentis anti-qui supplantatus, dum sicut conditor esse voluit, nec quod conditus erat permanere potuit. Dum enim seipsum regere, quod solius Dei est per tyrannicam affectat potentiam, mansuetissimi sessoris, sub cujus regimine tutus erat superbia effrenatus, contumaci cervice rejicit obedientiam, et dum quærit falsam, quam diabolus promiserat, divinitatem, peccato infrenatus, veram perdidit, quam gratia contulerat, et corporis et animæ immortalitatem. Tunc lignum illud saluberrimum tanquam a Deo creatum, et in paradiso plantatum quod obedientia erat lignum scientiæ boni, factum est inobedienti lignum scientiæ et mali, quia gloria immortalitatis spoliatus, et nuditatis suæ turpitudine confusus, didicit quantum malum esset hominem Deo reluctari, creaturam non obedire Creatori. O crudelis et crudelitatis mater superbia! o pessimæ matris crudelis filia invidia! Nunquid tu beatior facta es, quia hic tecum miser effectus est? Ne læteris, ne extollaris, quia nec perditus perit, nec malitiæ tuæ mucrone interemptus, funditus interiit. Nunc videbis figuli nostri potentiam, nunc miraberis, imo dolebis artis illius industriam: quod qui in veteri homine pulverem cælesti rore infusum, in angelicam gloriam formaverat, eandem in novo homine formam super omnem virtutem et principatum ac potestatem ad Dei patris dexteram, mira ac miranda artis suæ sapientia evehat. Fracti itaque vasis fragmenta recolligit, *Adam, ubi es,* dicit: ut amoris sit indicium, et consolationis subsidium, quod requirit perditum. De prævaricatione prævaricator arguitur, reo pœnitenti indicitur, sudor vultus ac penuria victus infligitur, in hanc vallem lacrymarum paradysi exsul detruditur, spinis et tribulis cruenta conscientia compungitur. Sed ne abundantiore tristitia absorbeatur, et desperatione penitus conteratur: mox in ipsa prima generationis humanæ sobole opus redemptionis humanæ in mysterio celebratur. Nam Abel juetus et in typo summi sacerdotis primus, sacerdotii officio functus, de primogenitis et electis ovium oblatam

hostiam Deo commendat per vitæ innocentiam. Cujus hostiam Cain frater fraternæ charitatis exscors, ut acceptam vidit, invidit: et stimulante invidia, malitiæ suæ mucrone, primus ipse confessus, innoxium occidit: cui non aliud crimen fuit, nisi quia innocens fuit. Ecce jam in mysterio sanguis veri Abel pro paternæ inobedientiæ delicto, ad Deum patrem cla-

mat, transgressori veniam postulat: culpam innocentia excusat, peccatum mundi sanguinis sui pretio æstimat. De cujus sanguinis utilitate, ac pretii dignitate, quia adhuc in umbra futuri calicamus, et ad ortum veri Solis nondum loquendo processimus, usque in plenitudinem temporis et adventum veritatis differamus.

#### PRÆFATIUNCULA IN LIBRUM TERTIUM.

Sermo Dei instar aromatum, quo plus teritur plus redolet, et quando subtilius cribro spirituali discernitur, tanto suavior in eo gustus invenitur. Quod in hoc opusculo, præstante gratia ipsa de qua loquor, aliqua ex parte in memetipso experior, quia quanto eam pilo linguæ fortius tero, tanto suavitatem illius

plus sapio, plus diligo. Prægustato itaque quam suavis sit fructus laboris, cæpto lætus instabo operi illam de cælo unotionem invocans, quæ fessos laborantium artus perungendo recreat, et necessarias operantibus vires subministrabit.

### LIBER TERTIUS.

In superiori operis hujus parte cum propheta planxi lapsum de cælo Luciferum, quem tenebris abyssi immersum, constat nulla miseratione Dei requisitum, aut aliquando requirendum. Deinde in hominis conditione admiratus sum gratiæ conditoris magnitudinem, quod luti vilitatem ad imaginem suam creaverit et similitudinem. Quem astutia serpentis circumventum, et de paradiso projectum, molita bonitate miseratus est, et qui tantæ claritatis angelum perire passus est, pro reparatione luti sui pie sollicitus est. Agnoscere ergo, o homo, quantum debeas benignissimo domino qui nec pereuntem perire patitur, nec ab adverso avertitur, sed fugientem paterna charitate insequitur, revocat, blanditur et reverso non solum crimen ignoscit, sed et regnum repromittit. O larga bonitas, o ineffabilis benignitas, o gratia omni gratiarum actione prosequenda; quæ nulli te subtrahis, nullius facinoris enormitate vinceres; quæ ubique præsto es, omnia foves, omnia confortas, omnia protegis, omnia conservas. O contumax serve, o ingratus, cur Dominum non diligis; quem tam pium, tam benignum ubique experiris? Quæ est ista duritia cordis tui, quæ tanto igne charitatis non potest conflari? Sed ad gratiæ jucunditatem redeamus, et in ejus contemplatione jucundemur. Hæc justo Noe tempore tribulationis non defuit, quando universam terram peccatorum sordibus infectam, omnis quippe caro corruperat viam suam, diluvio quasi baptismo abluit. Hæc ei lignum in quo salvaretur et salvaret, ostendit; hæc ut arcam in suam suorumque salutem aptaret, præmonuit: quomodo fabricaret, quomodo compingeret, unde liniret, ipsa edocuit. Ac ne ullo tempore otiosa esset, in mysterio resurrectionis in octo animabus humanum genus, imo semen humani generis reservavit: de quibus paucis granis fertilis-

B sima illa messis generis Abrahæ pullulavit. Hæc justum Lot de incendio Sodomorum eduxit, quando ardentibus facinorosis sub umbra manus suæ protegit eum; sicut a flamma libidinis, sic et a flamma sulphuris. Jam vero Abraham de Hur Chaldæorum educto, et in terram repromissionis gratia vocantis inducto, paulatim evanescentibus ignorantis tenebris, lumen fidei cæco se mundo infundit, et testamento eum Abraham disposito, lugentibus Sion benignissimus consolator Deus, ipsum gratiæ auctorem et testamenti mediatorem repromittit. *In semine tuo*, inquit, *benedicentur omnes cognationes terræ*. Unde hæc tam læta promissio? Unde hæc nova benedictio? Quo merito tuo, o homo? Tibi dictum fuerat, hoc certe promerueras, *maledicta terra in opere tuo*. Nunquid de radice maledictionis ascendit flos benedictionis, vere beatum semen, vere sanctum germen quod totam massam fermento peccati corruptam conspersione sanguinis sui sanctificat? Quod est ergo hoc semen? *Non dicit et seminibus, quasi in multis*, ait Apostolus, *sed quasi in uno et semini tuo qui est Christus*. Ecce semen Abrahæ, ecce de quo ad Abraham facta est repromissio, ecce gentium expectatio, gentium benedictio. Hoc est illud semen verum, hoc granum illud evangelicum, quod sulcis fidei injectum, fructum affert uberrimum. Jam radicem in altum mittit, jam in ipsa fide Abrahæ radicem infigit, quæ nullo unquam æstu areferi, nulla prorsus possit manu hæretica evelli. Jam in fide unius Abrahæ radix illa sancta coalescit, quæ postea in ramorum multitudine per totam mundi latitudinem dilatabitur, quæ tempore messis fide gentium quasi fructuum ubertate multiplicabitur. Ecce qui gratiam diligis, qui de gratiæ magnitudine inquiris, oculos mentis attolle, et in gratiæ auctorem respice. Considera, quod et in ipsa

umbra futurorum gratia operetur : et quod si-  
 ne gratia salus humani generis nec adumbre-  
 tur. Senex erat Abraham, uxorem sortitus in-  
 fecundam, jam vetulam : quæ et si infecunda non  
 esset, quia tempus pariendi jam excesserat, nonage-  
 naria quippe erat, parere non poterat. *Ætas*, infecun-  
 ditas, pariendi excusabat officium, ut cessante lege  
 naturæ, fides haberet meritum. Eduxit autem foras  
 Deus Abraham Scriptura commemorat, et astrorum  
 claritate ac multitudine ostensa, *Stellas*, inquit, con-  
 sidera, has *si potes numera*, ipsis semen tuum com-  
 quabitur, quod de uno filio repromissionis tanquam  
 de grano benedictionis ad orientem et occidentem, ad  
 aquilonem et meridiem dilatabitur. Et bene Abraham  
 repromissionem accepturus, foras educitur, quia fides  
 intra angustias humanæ impossibilitatis non includi-  
 tur. *Credidit autem Abraham Domino, et reputatum  
 est ei ad justitiam*. Non diffidit Abraham, non dubi-  
 tat, non suam, non uxoris senectutem considerat;  
 Omnipotentem attendit qui promittit, et certissime  
 credit, quod qui dignatus est promittere potens est  
 et facere. De fide itaque Patris nascitur Filius re-  
 promissionis, gaudium utriusque parentis, spes  
 multiplicandi seminis. De gaudium nomen sortitur,  
 quia nativitas suæ gaudium universæ domui imper-  
 titur, imo in illius typum vocatur Isaac, in cujus  
 nativitate gaudium non uni domui, sed universo  
 mundo cælestis nuntius annuntiat. Parvulum hære-  
 dem lactat mater gratulabunda, sedulæ nutritio  
 officium tremulagerit ancilla. Senex pater exsultat,  
 convivium instituit, festivitatem celebrat, non tam  
 quia filium ipse suscepit, quam quia in filio repro-  
 missionis, totius mundi salutem et humani generis  
 redemptionem repromittit, ut propheta intelligit. In  
 cujus redemptionis mysterio, tentatus et jussus ut  
 immolet filium suum quem diligit, Isaac, ut tot  
 nominibus charitatis paterni exardescat flamma  
 amoris, lætus obtemperat. Gladio accingitur, filium  
 assumit, ligna præparat: nec tunc de repromissione  
 hæsitans, quando gladium in jugulum filii evaginat.  
 Vincit paternum affectum affectus in Deum; et quia  
 Deum Patrem agnoscit, patrem se esse nescit. Stat  
 itaque exserto brachio, ad obediendum promptus,  
 fidelis famulus: stat super victimam suam sacerdos  
 devotus, certissime confidens quod hostia sua tanto  
 esset Deo acceptior, quanto sibi unici filii affectus  
 dulcior. O beate Abraham, quibus te laudibus effe-  
 ram? Quo te præconio magnificem? Merito constitu-  
 tus es pater multarum gentium, in cujus fide fun-  
 data est multitudo credentium. Quid innocens Isaac?  
 Quid acceptabilis Deo victima? Non reluctatur, non  
 recalcitrat, non contradicit, non remurmurat. Ex-  
 sultat se electum Deo victimam, gaudet in se pro-  
 batam patris obedientiam. Sed quia immortalis mori  
 non poterat, et unigeniti Dei figuram unicus patri  
 Isaac præferbat, fideli famulo angelus de cælo in-  
 clamat, ne in puerum manum extendat. Sed pro-  
 pheta prophetis post tergum in futuras retro ge-  
 nerationes reductis oculis, arietem inter vepres,

A hærentem cornibus videt et intelligit, et quia sine  
 sanguinis effusione non sit remissio, ipsum offert  
 pro filio. Hæc de fide patris nostri Abraham et Jesu  
 Christi Domini repromissione, et in Christo gentium  
 benedictione breviter perstrinxi, in quibus præcipue  
 gratia emicat, quam commendandam suscepi; de  
 quibus nihil humana sapientia, nihil humana sibi  
 vindicat industria. Idcirco etiam (ut arbitror) et  
 steriles conjuges secreto Dei consilio sortiti sunt  
 sancti patriarchæ, Abraham Saram, Isaac Rebec-  
 cam, Jacob Rachelem, in quorum actu, conjugio  
 ac sobole, adumbratum est sacramentum Christi  
 et Ecclesiæ; ut, deficiente naturæ adminiculo, intel-  
 ligat homo ex sola se gratia salvatum, et non ex  
 merito. Jam vero filio repromissionis ad propagan-  
 dam promissam sobolem, uxor digna inquiritur, de  
 domo sapientis servus sapiens, ætate et consilio ma-  
 turus eligitur, manu subter femur domini imposita  
 per Deum cæli jurat, et de femore Abraham Domi-  
 num cæli nasciturum mysterio prophetat. Ad terram  
 itaque et cognationem domini servus dirigitur, pru-  
 denti consilio utitur, accumbit propter fontem aquæ,  
 ut in limpidis aquis sapientiæ, contempletur pulchi-  
 tudinem formæ uxoris desponsandæ. Et quia sacra-  
 mentum desponsationis hujus forsitan et ipse intel-  
 ligit, orationem fundit, de cælo auxilium petit,  
 sortem mittit, electionem Deo committit. Sortem  
 autem signum voco, quod sibi ipse posuit, quod  
 pro sorte habuit, quod puella quæ ad hauriendam  
 aquam procederet, et in hauriendo tam sedula es-  
 set, ut et sibi et camelis ad aquandis sufficeret, digna  
 esset quæ in conjugium patriarchæ transiret. Ecce  
 et in hoc mysterio gratia affuit; ipsa servum spiritu  
 consilii imbuat, ipsa genus sortis instituit, uxorem  
 ipsa elegit. Sed in sortem thalami ascita Rebecca  
 sterilis permanet, uxoris officium non implet, ut et  
 in repromissione necessariam esse gratiam patriar-  
 cha intelligat, et fecunditatem uxori precibus obti-  
 neat. Sed nec in certamine parvulorum in utero  
 gratia defuit, qui nondum editi, certamen duorum  
 populorum præludunt, et de primatu contendunt:  
 et gratiæ est, quod alter alterum superat, qui nec  
 boni, nec mali quidquam egerat. Quorum qui po-  
 sterior nascitur, priori præferatur: quorum alter  
 domi habitat, et sub culmine protegentis gratiæ  
 tutatur, alter foris vagatur, dum de semine Abraham,  
 de observatione acceptæ legis, de diverso ritu cæ-  
 remoniarum, de victimis hostiarum, ut evangelicus  
 ille Phariseus apud se tumidus gloriatur. De quo-  
 rum alterius electione, alterius reprobatione, Apo-  
 stolus apostolicæ eloquentiæ fluvio inundans, latius  
 exsequitur: cujus super his sententiam qui nosse  
 desiderat, in ipsum quod gloriam Dei enarrat, apo-  
 stolicum cælum intendant: et ipsum verba sua into-  
 nantem audiat. Esau foris venatui, quasi propriæ  
 justitiæ insudantem, paterna charitate Isaac amat:  
 Jacob autem nihil de se præsumentem Rebecca  
 materna dulcedine intus fovet, Isaac in typum Ju-  
 daloi populi primogenitum benedicere disponit, sed

gentium populum mater gratia dexteræ benedictis supponit. Fraudem subripiendæ benedictionis ipsa suadet, artem simulandi ipsa docet, et trepidante filio coci officium ipsa implet. Vere pia mater, quæ ut filio benedictionem lucrifaciat, ministerium an-oillulæ non recusat. Vere sapiens mulier, quæ sic novit hædos coquere, sic condire, ut gratiam caprearum et cervorum cœquent, aut etiam superent. Proposita enim Pastor bonus parabola, de ove centesima et dragma decima, utraque perdita et inventa, *Gaudium est, inquit, angelis Dei super uno peccatore penitentiam agente, quam super nonaginta novem justis, qui non indigent penitentia.* Novit Rebecca, tanquam a viro instructa, tanquam viro officiosa, quis cibus Isaac plus placeat, quod genus condimenti suavius et sapiat. Non est alia in mulieribus similis Rebeccæ: tam sapiens, tam strenua, tam officiosa, tam sedula. Ipse arte sapientiæ suæ sic hædo pellem detrahit, ut nudum non dimittat; sic sanguinem fundit, ut vitam non auferat. Senex igitur suavitate condimenti Rebeccæ delectatus, et haustu vini lætior redditus, filium benedicturus, osculum petit, osculum porrigit, quia nulla est benedictio sine charitatis osculo. Benedicens itaque imprecat filio de rore cœli et de pinguedine terræ abundantiam, ut rore sapientiæ desuper infusus

A spiritualiter examinet spiritualia, et de pinguedine terræ faciat fructus misericordiæ. Sic sic gratia mater satagit pro filio quem diligit, mansuetos, sic humiles provehit: sic filios ad Deo patri, quasi caliganti, et prioris ignorantia non imputanti, quotidie benedicendos non desinit. Simile quid et in nobis geritur: do qui prior in nobis nascitur, rufus est et sarius, et vitiorum asperitate totus hispidus; cunctans, spiritualia nihili æstimans, plus lenium quam primogenita diligens, primogenito gnitatem lentis vilitate, rem tam magnam, pretio distrahens. At vero qui posterior nascitur, plex est et lenis spiritualia sectans, carnalia nil mans, instar rotæ terræ ad momentum vix ad cœlestia, toto se adnisi attollens: qui u-dictionem paternam hæreditet, primogenito lentis edulio, rem tam magnam, tam vili comparat. Sed ut minor majorem superet, sterior priorem supplantet, non est meriti gratiæ: cum ille ordine nascendi princeps in corpore nostro regnum peccati primus orit. De quo regno gratia Dei nos eripuit, et gnum Filii sui transtulit: in quo, quia omnibus laborum requies æterna promittitur, nterim opere fessi requiescamus.

#### PRÆFATIO IN LIBRUM QUARTUM.

Sicut color tunc magis nitet, et pulchrior apparet, quando subjectæ tabulæ manu pictoris inducitur, colorque a colore grata varietate inducentis distinguitur, ita scriptura quælibet legentibus gratior esse solet, quæ libris aut tomis distinguitur, exemplisque figuris ac testimoniis convenienter inductis, quasi multiplici colorum varietate intextitur. Unde et ego per amœnissimum antiquorum Patrum paradisum transiens, quosdam inde flores decerpo, et præsentis opusculo infero: ut ex nitore et decore

C cœlestium florum quantumcunque gratia auditores suos sermo rusticanus inveniat. enim exempla sanctorum Patrum induco, et gesta mira et humanæ infirmitati impossibilia in eorum gestis eo magis perspicua sit gratia, quo in his humana virtus succu et humanum cernitur consilium defecisse. grinatione ergo Jacob tomus iste sumat exo in cujus electione et benedictione narratio præcedens posuit terminum.

### LIBER QUARTUS.

Jacob igitur fratrem timens sævientem, et pro subrepta sibi benedictione mortem intentantem, a matre persuasus, atque Evangelicum illud jam edoctus, *Si persecuti vos fuerint in civitate ista, fugite in aliam*, et illud apostolicum: *Date locum iræ*, benedictione patris comitatus, peregre proficiascitur. Parentum autem solatio destitutus, miserationis Dei sinu fovendus excipitur, ipsa disponente iter dirigitur, ipsa præcurrente nocturna mansio conviatori providetur. Cum itaque ad quemdam locum devenisset, post solis occubitum posito ad caput lapide obdormivit. Corpore quidem mundo dormiebat, spiritu vero Deo vigilabat, et illud sponsæ: *Ego dormio, et cor meum vigilat*, tanquam

D amicus sponsi spiritu decantabat. Beato ita-culi tam beate soporato cœli panduntur, arcproduntur, et pacis inter summa et ima, inter et hominem charitate mediante reformandasteria ostenduntur. Sublevatis enim oculis supervolat, cœlestia penetrat, et scalam chduobus præceptis, quasi duobus lateribus item, et in his duobus legem ac prophetas i-lubili compage continentem, de terra videt lum usque protensam, et angelos Dei ascer et descendentes per eam. Videt et dominum per tanquam principium charitatis, scalam in: et dicentem sibi: *Ego sum Dominus Deus Ab-patris tui et Deus Isaac. Terram in qua dormis t*

*et semini tuo, eritque germen tuum quasi pulvis terræ. Dilataberis ad occidentem et orientem, septentrionem et meridiem, et benedicentur in te et in semine tuo cunctæ tribus terræ; et ero custos tuus quocunque perrexeris, et reducam te in terram hanc: nec dimittam, nisi complevero universa quæ dixi.* In parentum domo constitutus, et parentum custodia æptus, servulorumque obsequio delinitus, nihil divinum audit, nihil divinum aspicit, sed exsul et profugus, atque omni humano auxilio destitutus, Deum custodem, Deum protectorem invenit: et re-promissionem in semine suo benedicendas esse tribus terræ, Deo promittente, accipit. At vero Jacob mysterium visionis intelligens, et tempus gratiæ oculis spiritualibus jam intuens, lapidem, in quem tanquam in auctorem gratiæ caput fidei reclinaverat, erigit in titulum, et desuper oleum fundens, quasi de cælo spiritum deducens, per lapidem prophetica manu inunctum, locandum prophetat in fundamento Ecclesiæ Christum. *Fundamentum enim aliud nemo potest, ponere, ait Apostolus, præter id quod positum est, quod est Christus Jesus.* Et magnitudinem tantæ gratiæ admirans, *vere Dominus est, ait, in loco isto.* Sed quid magnum, quid mirum, quod in illo loco Dominus est? Et in quo loco Dominus non est? Imo omnium locorum locus est, omnium temporum tempus est, ex quo omnia oriuntur, intra quem omnia currunt, in quem omnia revolvuntur. Sed lapis Christus de Spiritu sancto conceptus, de Virgine natus, atque oleo exsultationis præ participibus suis unctus, locus est, in quo vere Dominus est. *Et Ego nesciebam, inquit.* Simile quid, imo id ipsum aliud propheta et etiam plus quam propheta, Spiritum sanctum de cælo super dominum descendantem, et manentem videns, loquitur, *et ego nesciebam eum. Pavensque Jacob, quam terribilis est, inquit locus iste non est hic aliud nisi domus Dei, et porta cæli.* Vere lapis in titulum erectus, et cælesti unctione infusus domus est Dei, quia *in ipso inhabitat omnis plenitudo divinitatis corporaliter.* Est et porta cæli: quia per clavim fidei ejus cælestia reserantur, et per ipsum Mediatorem ad Deum Patrem ingredimur.

Nunc ad Joseph, narrationis ordine transeamus, et eum contra faciem nostram quasi perlucidum gratiæ speculum intendamus: qui zelo malignantium fratrum in servum venundatus, divina se conservante gratia ingenus mentis libertatem non amisit; qui in typo Christi impudiciæ dominæ, tanquam adulteræ Synagogæ manu tentatus relicto pallio, tanquam corpore in manus impiorum tradito, pudicitiam palmam victor obtinuit. Hic patris præsentiam malitia fratrum subductus, et a terra nativitatis in terram alienam abductus, divinæ providentiæ gratiam ubique præsentem habuit: quæ nec adulterii crimine infamato, nec carcere incluso defuit. Et in carcere enim secunda est innocentia, et in vinculis libera. Joseph igitur carceris angustia clausus, in atrio cordis cum Deo deambulat, cum Deo loquitur, cum Deo philosophatur; et qui homines non aspicit,

et in pincernæ restitutione et pistoris damnatione, vocationem gentium, et reprobationem Judæorum prophetico spiritu præ-nuntiat. Uterque autem, tam pincerna scilicet quam pistor, post trium dierum sacramentum ventura sibi Joseph prædicente prænoscit: quia uno eodemque tempore, uno eodemque sacramento diversa meritum stipendia uterque populus excipit. Cum enim ad ministerium æterni regis per fidem sanctæ Trinitatis gentium populus assumitur, ut de vinea quæ dicit: *Ego sum vilis vera, et pater meus agricola est,* vinum exprimat, cujus gustu suavissimo conviventis Dei cor jucundum reddat. Tunc Judæorum perfidia, quæ in Trinitate deficit, quia Filium non recipit, capite plectitur, ut qui in sanctis Patribus caput fuerant, in generatione adultera et degeneri, cauda fiant. Sed quia gratia divinæ miserationis tunc magis præsto est, cum humanæ consolationis spes jam nulla est, exsul ille et ignotus, levi pretio in servum emptus, qui ut criminis et tanti criminis in dominum reus, in supplicium carceri includitur, repente divino nutu de carceris injuria ad principatum totius Ægypti assumitur, in providentiam tanti regni universis præponitur, et qui in carcere fame forsitan laboraverat, spiritu consilii prædictus, a fame non solum Ægyptum, sed et mundum universum liberat. At Joseph mansuetus, et in ipsa gloria sua humilitatis suæ custos fortissimus, et illud legis: *Non eris memor injuriæ civium tuorum,* licet nondum editam, spiritu jam edoctus, fratres agnoscit, non agnitus: quia qui fraterna viscera perdiderant, merito fraternos vultus non agnoscebant. Sed quia putrida vulnera ferro et cauterio indigent, contra reos columbina districtione sævit, geminis alis charitatis noxios percutit, et disciplina salutari eruditos, violatæ charitatis commonefacit. *Merito, aiunt, hæc patimur, quia peccavimus in fratrem nostrum, videntes angustiam animæ ejus, dum deprecaretur nos, et non audivimus, idcirco venit super nos tribulatio.* Nec tamen sæviens sævit, imo sæviens plus diligit, melius consulit, ut cathartico medicinali, felle decocto invidiæ, induant et ipsi viscera misericordiæ: et irrorato melle fraternæ dulcedinis, et ipsi quoque fraternos vultus agnoscant in speculo charitatis. Ecce curiose speculator gratiæ, in hoc perlucidum speculum oculos defige, et magnitudinem claritatis ejus irreverberatis si potes oculis contemplare: quæ et qualis, et quanta hæc gratia fuerit, quæ venditum, servum, inopem, extorrem, damnatum carcere inclusum, in potentis regni principem subita immutatione exaltaverit.

Eadem gratia et Moysen parvulum, ab aquis Ægyptiis, ab aquis hæreticis, ne suffocaretur, salvavit, ipsa eum in filium filie Pharaonis adoptavit, imo per filium matrem sibi in filiam adoptavit, et atque prophetica ei voce inelamavit: *Audi, filia, et vide, et inclina aurem tuam, obliviscere populum tuum, et domum patris tui, et concupiscet rex decorem tuum.* Hæc parvulum Moysen, quem Synagoga mater in

virum perfectum educare non potuit, ad virile robur perduxit, in tantum, ut Ægyptium cum Hebræo contententem, et quasi pugno perversi dogmatis eum cædentem, gladio confoderit, et sabulo absconderit ac terreno pulvere terrenum operuerit. Super quo ab eo quem pro inflictæ fratri injuria, ut justus in misericordia corripiebat, proditus, et a Pharaone ad mortem expetitus, de manu quærentium animam ejus fuga elabitur, ipsum habens viæ ducem, et salutis protectorem, quem mox editus, et a patre temporali derelictus, sicut et a matre expositus, habuit susceptorem. O pietas, o clementia, o gratia, quæ et cum pater derelinquit, non deserit, et quem mater exponit, colligit, atque cum parentum arescit charitas, ipsa magis exuberat. *Nunquid oblivisci potest mulier infantem suum?* ait Isaias; imo per Isaiam ad Sion Dominus, *ut non misereatur filio uteri sui? Et si illa oblita fuerit: ego tamen non obliviscar tui.* Nam licet fidelibus suis divina consolatio nunquam desit, tunc tamen copiosior adest, copiosius protegit, quando persecutorum rabies amplius sævit, amplius exardescit. Hinc est quod Moyses in deserto rubum ardere, et non comburi miratur quia nube clementiæ Dei in medio rubi consistentis obumbratur Domino enim in medio Ecclesiæ consistente, quocumque igne persecutionis inflammatur, non comburitur: sed in similitudinem auri camino tribulationis decocta, auro purior redditur. At Moyses qui humano, ut homo, metu perterritus, a facie Pharaonis fugerat gratia divinæ allocutionis confortatus, constantior redit, Ægyptios oppressores populi Dei decem plagis in virga legis erudit, sed non correctos fluctibus maris puniendos obruit, per quod ad terram repromissionis novo itinere filios repromissionis transmittit. Quid in his, et ex his omnibus tibi vindicas, humana imbecillitas? Quid te, o pulvis inanis, per inania jactas? Et rubi enim inflammata ignis obumbratio, et maris divisio, Ægyptiorum submersio, atque filiorum Israel transmissio, gratiæ Dei est, non meriti tui. Jam vero ubi his et aliis gestis atque signis, quorum plurima studio brevitate prætereo, splendor gratiæ cæcis infulsit, legalis quoque tuba surdis insonuit: ut in antiquum homo primæ conditionis statum divina miseratione restituendus, multis primum documentis disceret quod nulla sapientia sua, nulla virtute sua, nullis meritis suis, sed sola Conditoris sui gratia recuperandi aditum invenisset. *Audi, Israel,* inquit legislator, *legis tuba insonans; tu transgredieris hodie Jor-*

*danem, ut possideas nationes maximas, et fortiores te, civitates ingentes et ad cælum usque muratas, populum magnum atque sublimem. filios Enachim, quos ipse vidisti et audisti, quibus nullus potest ex adverso resistere. Scies ergo hodie quod Dominus Deus tuus ipse transibit ante te ignis devorans atque consumens, qui conterat eos et deleat, atque disperdat ante faciem tuam. Ne dicas in corde tuo: cum deleverit eos Dominus Deus tuus in conspectu tuo: Propter justitiam meam introduxit me Dominus ut terram hanc possiderem: cum propter impietates suas istæ deletæ sint nationes. Neque enim propter justitias tuas, et æquitatem cordis tui ingredieris, ut possideas terram eorum: sed quia illæ egerunt impie, introeunte te, deletæ sunt: et ut compleret verbum suum Dominus, quod sub juramento pollicitus est patribus tuis, Abraham, Isaac, et Jacob. Scito igitur quod non propter justitias tuas Dominus Deus tuus dederit tibi terram hanc optimam in possessionem, cum duræ cervicis sis populus. Quid evidentius, quid inanitentius? Ecce quia neque in gladio, neque in arcu tuo, o homo, gentes ferocissimas, et ex antiquo ad bella doctissimas, quibus nemo ex adverso resistit, obtinisti, et terram bonis omnibus affluentem possedisti. Et ne forte dicas: Et si viribus meis victoriam non obtinui, vel justitia mea promerui, audi, durissimæ cervicis te esse populum, et quod terram, quæ rivis lactis et mellis fluit, introisti, non tam tibi quam justitiæ patrum propter jusjurandum Dei præstitum. Ne sis ergo ingratus tantis beneficiis, nihil amori illius præferas, qui hæc omnia gratis tibi præstitit, cujus amor omni suavitate suavior, omni dulcedine est dulcior, cui comparata dulcedo temporalium, felle invenitur amarior. O quanto dispendio intimæ suavitatis nos ipsos afficimus, quando adulerinis oculis in similitudinem prævaricatoris Adæ exteriora concupiscimus, quando in contemptum Creatoris plus creaturam quam Creatorem diligimus, quando propter vilia quædam et Christianis oculis, ne aspectu quidem digna, fraternos animos offendimus, et fraternam charitatem, quæ est vinculum perfectionis, contentiosa animositate dissolvimus. Nihil enim Christianis oculis præter Christum pulchrum apparere, nihil debet Christiano cordi præter Christum dulce sapere: qui ut affectus animarum nostrarum sapore divinæ suavitatis condiat, noxios carnalium affectuum humores igne charitatis suæ ipse decoquat, qui vivit et regnat per omnia sæcula sæculorum, Amen.*

#### PRÆFATIUNCULA IN LIBRUM QUINTUM.

Abyssus abyssum invocatur, in voce cataractarum Dei. Ut ergo perspicua nobis fiat abyssus evangelica, primum per cataractas suas abyssum inspi-

ciamus prophetiam, et aure diligenter apposita auscultemus quid Evangelio prophetia invocata respondeat.

## LIBER QUINTUS

Primus itaque nobis David propheta prophetica tuba intonet : et quid ex antiquo a patribus suis de gratia Dei cognoverit annuntiet. Tu enim, inquit, Domine, manu tua gentes delesti et plantasti eos; affixisti populos, et emisisti eos. Non enim in gladio suo possederunt terram, neque brachium eorum salvavit eos. Sed dextera tua, et brachium tuum, et lux vultus tui, quia placuisti tibi. Non enim in salvandis nobis nostra Deo merita, sed sua ei bonitas placet: nec tam obsequio nostro delinitus, quam inolita bonitate placatus, et dextera sua nos protegit et brachio defendit, atque illuminatione vultus sui, spiritu consilii nos instruit. Sed sicut de præterito, ita inquit et de futuro: Rex meus Deus, præcipe pro salutibus Jacob. In te hostes nostros ventilabimus, in nomine tuo conculcubimus adversarios nostros. Non enim in arcu meo confidam, neque gladius meus salvabit me. Ecce eodem sensu, quia et eodem spiritu legislator atque propheta, quasi duo cherubim intentis vultibus in propitiatorium sibi conciaunt: et possessionem repromissæ hæreditatis, non labori suo, non industriæ, non virtuti, non bellicæ strenuitati, non denique armis aut meritis suis, sed gratiæ Dei, cujus et vere donum est, ascribunt. Sed sicut de fortissimo illo Scriptura commemorat, cujus iste fortis manu typum gerebat, *cæpit Jesus facere et docere*, gratiam quam voce David prædicat, facto quoque commendat. Nam cum esset in oculis suis humilis et modicus: in oculis domini magnus inventus, divino est ad regnum iudicio electus: atque in firmamentum regni non lenticula, sed cornu olei manu prophetica unctus. Populi itaque providentia, et regni administratione suscepta, infestantibus allopholis, pace turbata, discrimini se sponte objicit, et ut bonus rex plus communi utilitati quam propriæ salutis consulit, atque immanem illum Goliath, monstrum potius dicendum quam hominem, corpore enormem, animis trucem, bellis assuetum, victoriis elatum, scuto fidei munitus, solus illo in tempore non expavit. Quis enim monstrum tam terribile non expavesceret? Quis bellator a facie ejus se non absconderet? At David noster fratrum suorum statura quidem minimus, sed fide maximus, aspectu pulcherrimus, atque roseo rubore in mysterio sanguinis Christi suffusus, expavescere non novit populi Dei inimicum, nominisque sancti blasphemum: sed intrepidus, et nec corporis nec armorum immanitate territus, ulcisci parat, et populi sui injuriam, et nominis Dei viventis blasphemiam. Persuasus itaque a Saule, lorica ipsius induitur, galea tegitur, gladio accingitur, sed his omnibus oneratus potius quam instructus, impeditus quam munitus, ne videretur spem victoriæ in armis rexisse et non in Deo posuisse, regia rursus lorica exiit; galea detegitur, gladio discingitur. Quid aliud in hoc tibi facto videtur propugnator populi Dei innuere, quam gestis canere;

*non enim in arcu meo sperabo, et gladius meus non salvabit me?* Ad nota igitur se confert, et invicta præsidia, armatura munitur apostolica, lorica fidei, galea spei, ac gladio verbi Dei, sciens inimicum Dei superari non posse, nisi per verbum Dei. Bellica autem arma nulla requirit, baculum pastorem ut pastor accipit, quinque lapides limpidissimos, tanquam manu Dei limatos, atque digito Dei inscriptos, de torrente colligit, in pera pastoralis abscondit; hosti superbo ex adverso occurrit, unum impudorate fronti infigit: et immanem illam belluam ad singulare certamen singulos provocantem uno tantum ictu conterit, atque blasphemum caput proprio mucrone victor præcidit. Ecce quomodo David et imbellis homini de gratia Dei potius quam de viribus suis vel armis præsumendum, tam facto quam voce prædicat, quomodo regia se lorica spoliatur, ut gratia melius se vestiat; nec ad immanissimum hostem conterendum arma alia inquit, nisi virgam pastorem et lapidem, quibus adversariæ potestatis principem a Christo perimendum, ut propheta intelligit. Perempto itaque Dei potius quam sua virtute populi Dei inimico, et gloriose in commune de adversariis triumphato, subactis deinde hostibus in regnum stabilitus, ad ædificandam domum domino, impensas regia munificentia præparat, dignam Deo domum facere secum deliberat: et quia sapiens consilio omnia gubernat, consilium cum propheta communicat, Domini voluntatem super devotione voluntatis suæ sciscitans. Sed quia dignam Deo domum ædificare humana paupertas non sufficit, devotionem quidem laudat, opus autem divina censura non approbat, sed de utero ejus egressurum, et super thronum ipsius æterno imperio regnaturum denuntiat, adeo dilectum, in tantum de filiis hominum singulariter præelectum, ut et Deus, illi in patrem, et ipse æquo honore sit Deo in filium. Ipse inquit, quando completis diebus tuis quasi cæremoniis legalibus jam expletis, cum patribus tuis dormieris, ecclesiasticæ domus, in fide Evangelii fundamenta jacet, ipse in columnis spei parietes excelsos exstruet; quos etiam ne aliquo ventorum aut imbrium impetu dissolvantur, sicut illam quondam in diluvio arcam bitumine spirituali interius et exterius liniat, ipse ad decorem tantæ domus rite consummandum, culmen charitatis imponet, in qua universa legis ac prophetarum insignia dependent. Filius autem qui David; imo in David universo mundo repromittitur, solus in filiis hominum dignus invenitur, tam sapiens, tam dives, ac tanta rerum omnium abundantia affluens, ut dignam Deo domum ædificet. Solus namque ex antiquo, et ab æterno edoctus, novit de quibus lapidibus domus Dei debeat construere, ad quam normam lapides singuli quadrari, qui in fundamento sterni, qui debeant in columnas erigi, qua qualitate alteri sociari, qua colorum varietate domus ornari;



quademum debeat laudum celebritate atque modulorum dulcedine dedicari. Hujus ad edificandam domum Domini adventus præstolatur, hujus sapientia tanto operi idonea prædicatur: hujus repromissione, David magis quam regio solio gloriatur. In qua repromissione admiranda sermonis Dei dispensatio, quod homini quamvis magno, quamvis sancto, tamen homini, tanta et tam magna promissurus, quæ meritum hominis excederent, ad quæ nec ipsa angelicæ dignitatis excellentia attingeret, primo eum ad seipsum revocat, et unde assumptus, qua et quo et per quem adductus sit commemorat. Commemoratur humilitatem pastoralis officii, fastigium imperii, inde gratia assumptum, huc potentia adductum: se comitem fuisse itineris, se protectorem narrat in periculis: quod nomen ejus regno, divitiis, bellis, victoriis extulerit, atque nomini fortium terræ cœquaverit. Primo itaque commotione humilitatis contra venenum elationis, quasi quodam antidoto spirituali humani animi fragilitate præmunita, postquam in testimonium magnæ gratiæ, quæ contulerat, bona enumerat, ad eorum beneficiorum regno repromissi filii ipsius quoque in æternum stabilendum promittit solium. *Ingressus est autem rex David, Scriptura ait, et sedit coram Domino et dixit: Quis ego sum, Domine Deus meus, et quæ domus mea, quod adduxisti me huc usque? Sed et hoc parum visum est in conspectu tuo, Domine Deus meus, nisi loquereris etiam de domo servi tui in longinquum.* Et paulo post: *Propter verbum tuum, et secundum cor tuum fecisti omnia magna hæc, ita ut notum faceres servo tuo.* Ingressus est inquit. Et quo ingressus est? Prophetico scilicet ore ex verbis Domini super tot ac tantis beneficiis admonitus, et repromissis insuper multo majoribus, secretum cubiculi penetralia cordis sui ingreditur, seipsum coram se statuit, hinc merita sua, hinc divina pensat beneficia; et quia merita beneficiis longe sunt imparia, sedet coram Domino, humiliatur coram Domino, atque illius gratiæ omnia adsoribit, a quo universa gratis sibi collata meminit. *Propter verbum tuum,* inquit, non propter meritum meum; *secundum cor tuum,* non secundum aliquod humanæ ad inventionis consilium. Ecce quomodo rex potens, rex sapiens, et ideo vere potens, quia sapiens, gratiam factis commendat, gratiam voce prædicat, nullumque homini tutius esse præsidium, quam gratiæ Dei subsidium.

Isaias autem humanæ fragilitati divinam gratiam intelligit, et asserit adeo per omnia necessariam, ut, remota gratia, sordidissimo panno menstruatæ comparare non vereatur omnem hominis justitiam. *Facti sumus,* inquit, *ut immundus omnes nos; quasi pannus menstruatæ: universæ justitiæ nostræ.* At contra David reum se ingemiscens, et reatum suum humiliter confitens, precemque devotissimam reis omnibus perutilem supplicandi peritus componens, de indulgentissimi Domini bonitate spem veniæ jam præsumens: *Asperges me,* inquit, *Domine hyssopo et mundabor, lavabis me, et super nivem dealabor.* Quid

A autem panno menstruatæ immundius, aut quid nive mundius? Quid igitur abyssum istam divitiarum gratiæ Dei omni humanæ curiositati investigabilem, omni philosophicæ perspicacitati impenetrabilem, quantacunque sensus altitudine attingere poterit, quæ menstruas sordes, imo iniquitates nostras menstruis adhuc sordibus sordidiores, humilis herbæ hyssopi tenui aspersione, tam celeriter, tamque potenter, sic ad perfectum abluit, ut multitudine candoris vincat et candorem nivis. Nec ita humilis hyssopi tenuem aspersionem dixerim, ut impotentem intelligi velim; sed tenuem, subtilem, divinam, adeoque potentem, ut sine ejus aspersione, nulla sit prorsus menstruatæ ablutio, nulla vel tabernaculi sancti, vel ipsius libri, aut populi, aut cujuslibet rei sanctificatio. Quæ et quanta est ista o filii gratiæ gratia? Unde obsecro cœpit? ubi desinit? Imo nec cœpit, nec desinit, sed ab æterno fonte æternaliter fluit, opportunoque in tempore quadrisido electorum cordibus flumine influit, atque ad proferenda virtutum germina, areolam aromatum sponsi, temporanea atque serotina inundatione ubertim irrigat. Hæc est illa gratia, hæc est, inquam, gratia, quæ Æthiopem, qui juxta Jeremiam pellem suam mutare non potest, nativa nigredine dicto citius exuere potest, quæ pardum hæretici dogmatis varietate respersum, solo nutu immutat in unius fidei candorem gratissimum. Libet adhuc in admirationem tantæ gratiæ oculos defigere, et piissimi conditoris in humanam animam ferventissimum zelum et affectum benignissimum ex ipsis verbis suis colligere. Arguit in Jeremia Dominus Hierusalem fornicantem cum idolis, et in Hierusalem humanam animam fornicantem cum vitiiis, et more clementissimi mariti uxorem adulteram zelantis, et conscientia admissi exterritæ blandientis, et ad thorum legitimum indulta incesti venia revocantis, sic zelatur, sic blanditur, sic revocat, ac contra consuetudinem virorum se facturum denuntiat, ut incestæ, ut meretrici, ut adulteræ, tantum revertatur, et thori consortium et nominis dignitatem, et pristini affectus integram charitatem restituat. *Vulgo,* inquit, *dicitur: Si dimiserit vir uxorem suam, et recedens ab eo duxerit alterum virum, nunquid revertetur ad eam ultra? Nunquid non polluta et contaminata erit mulier illa? Tu autem* D *fornicata es cum amatoribus multis, tamen revertere ad me, dicit Dominus, et ego suscipiam te. Leva oculos tuos in directum, et vide ubi non prostrata sis. In visis sedebas, expectans eos, quasi latro in solitudine; et polluisti terram in fornicationibus tuis, et in malitiis tuis. Quamobrem prohibetæ sunt stellæ pluviarum et serotinus imber non fuit Fronis mulieris meretricis facta est tibi; noluit erubescere. Ergo saltem amodo voca me: Pater mi, dux virginitalis meæ tu es. O pietas, o benignitas, o mira, o miranda charitas! Quid unquam elementius, quid unquam dulcius? Nos miseri, nos sepulcra dealbata, qui de nomine singularitatis, qui de habitu humilitatis, sanctitatem specie tenus præter-*

dimus, ab intus autem de cadaveribus mortuorum putredinem et fetorem exhalamus, si peccatorem, si similem nobis viderimus, dedignamur, despiciamus: quia peccata nostra post dorsum nostrum rejecimus, et in festucam alterius trabe nostra neglecta, oculos intendimus. Si lapsus cernimus, si sauciatum a latronibus non miseremur, non compatimur: vulnera non alligamus, jacentem manu consolatoria non allevamus, et quia viscera misericordiæ non habemus, miseri miserum præterimus. Non dignamur hujusmodi osculo, non dignamur alloquio: panem ipsum cibarium, quem cum soricibus communem habemus, quem et de mensa canibus projicimus, cum consorte naturæ nostræ, cum consorte vocabuli Christiani participare Pharisæico fastu, ut nefas, abhorremus. Non reminiscimur præcepti, quod accepimus, quod frequenter audivimus, frequenter legimus: *Non abominaberis Ægyptium, quia a terna fuisti in terra ejus*. Nemo nostrum est, qui in Ægypto non exulaverit, qui Pharaoni non servierit, qui paleas illi materiam ignis non collegerit, qui sub onere ejus incurvus non ingemerit. Quod si de domo servitutis, et de fornace ferrea, Christo duca, educti sumus: non abominemur Ægyptium, in cujus terra advenæ fuimus. Si Hebræum ad terram repromissionis inspirantem, sed adhuc sub Ægyptio onere gementem, audimus, et vociferantem misereamur, concurramus; et ut legem Christi sic impleamus, fraterno oneri fraternæ charitatis humerum supponamus. Sed, quod absque dolore eloqui non possum, timorem Domini oblitus, et præcepta ejus surda aure, et necessitatem fratris aridis visceribus præterimus. At vero ut ad superiora revertamur, ille singulariter mundus, ille in filiis hominum solus mundus, in quem nihil inquinatum incurrit, cui angelica munditia collata nec ipsa sordes effugit, non dedignatur nos, non aspernatur nos, in fœditissimo illo et fœditissimo cordis lupanari. Proh dolor! proh pudor! Quod dictu quoque horribile est, corruptori animarum diabolo prostitutos, et ut fœda fœdis eloquar, a planta pedis usque ad verticem, a minimo scilicet cogitatu, usque ad perfectum operis, tota actione constupratos: tales, tam sordidos, tam viles, tam abjectos, humillimus et benignissimus Dominus non abhorret, non despicit, non abjicit; tales sibi in conjugium adsoiscit, talibus tanti reatus sibi consciis et conscientia exterritis blanditur, atque ut redire ad se debeant, ore placidissimo deprecatur. Mittit et legatos reconciliationis peritos, perfidiam non imputat, adulterium non in-

properat, et legationis seriem ipse ordinans. *Loquimini*, inquit, *ad cor ejus*, id est, blandimini ei *et advocate eam: quoniam completa est malitia ejus, dimissa est iniquitas illius*. Commemorat primæ sponsationis fidem, dotis magnitudinem, unam duorum in uno spiritu conjunctionem, communis thalami ornatum, et pulchritudinem, osculi jucunditatem, amplexus dulcedinem. His et hujusmodi demulcet trepidam, diffidenti reformat fiduciam, ac demum revertenti non servos, non amicos obviam mittit, primus ipse occurrit, prior in amplexus, prior in oscula ruit, atque tanti gaudii festivitate digna exultatione celebrata, in cellam aromatum dilectam introducit. Cujus dulci præsentia, amplexu, et oculis mirum in modum, imo ultra omnem humanum modum oblectata, jam præ nimio æstu amoris sui impotens, seipsam vix sustinet, imo nec sustinet; sed in collum dilecti languida relabens, amoris magnitudinem vocis ac jubili testatur magnitudine, *Filiæ Hierusalem*, exclamat, *filiæ Hierusalem, fulcite me floribus, stipate me malis quia amore languo*. Quem languorem omni sanitate jucundiores æstimo, quem morte ipsa validiores non dubito, quem regnis ac sedibus præferendum conseo in cujus comparatione aurum et lutum æqualiter penso. Quem quidem cum proscitillula ægivi amoris, corde amem, ore prædicem, fateor necdum novi, quis sit languor sponsæ, de amore sponsi. Hanc ergo cellam aromatum, in qua sponsus et sponsa mutua amoris sui suavitate pascuntur, tu quisquis ille es avidus ciborum gratiæ, et insatiabilis desiderii suavitatis intimæ, hanc inquam vel improbitate evangelica irrumpe, vel furtivo silentio clanculum ingredi, et captato secreto sponsi et sponsæ, ibi quære, ibi discere quæ sit magnitudo gratiæ, non a me, qui hæc ipse ignoro, pauperrimo homine. His tamen interim si libet paupertatis nostræ ferculis vescere, atque dulci medulla evangelici frumenti cribro obedientiæ utcumque excussa, atque charitatis oleo conspersa, pascere. Si quis autem paleam plus amat, qua quaversum per Ægyptum ipse sibi colligat, et si ita voluerit, civitatem Pharaoni exstruat: ego charitatem, rem tanti pretii, vili palea nec venalem habeo, nec ipse emo. Sanctum caput vestrum, Pater venerande, Vetustus dierum, in quo omnia matura sunt, nulla senescunt, quod enim antiquatur et senescit, prope interitum est, benedicat, et sub pedibus vestris communem omnium nostrum adversarium velociter conterat. Amen.

#### PRÆFATIO IN LIBRUM SEXTUM.

##### De gratia Novi Testamenti.

Solent navigantes navigandi periti pro qualitate D ventorum sinum voliaut extendere, aut contrahere, obliquare, aut in directum tendere, et quo magis pertransire accelerant, eo largius velum vento relaxant, ut tanto celerius navis onusta cursum expleat, quanto currentem impetus venti a tergo

incumbentis plus adjuvat. Mihi igitur æquor tanti mysterii carina obedientiæ sulcanti, velum pauperis ingenii video non contrahendum, sed dilatato sinu pii desiderii, totum Spiritu sancto expandendum, ac totis medullis, veni, Spiritus, a quatuor ventis, cum propheta exclamandum. Si enim propheta

mandatur, ut potentiam Spiritus invocet, ad vivifi-  
canda ossa arida, in typum unius tunc populi; quanto  
magis mihi pertenui spiritu, de vita omnium in  
Christo gentium scribenti necessitas incumbit sup-  
pliciter invocandi et exorandi digne septiformem  
gratiam Spiritus sancti, ut ab ipso doctus possim  
pro captu humanæ angustiae eloqui magnitudinem  
gratiæ vivificatricis, atque modum vivificationis?  
Ipsam ergo voce, ipsum corde, ipsam votis, ipsam  
invoco desideris, ut sicut sub umbra ejus gloriosus  
ille gloriosæ Virginis uterus intumuit, atque ipso  
deducente de sinu Patris per ejusdem uteri thala-  
mum cælestis ad nos sponsus processit; ita ex ipsius

visitatione catholicum de incarnatione verbi Dei  
sensem concipiam, atque pro effatu balbutientis  
infantiæ condigno verbo ipsum quod in principio  
erat verbum in mundum efferam. Et valde oro ut  
nequaquam usque adeo benignissimus ille consolator  
immundi tugurii sordes abhorreat ut servulum  
suum offensus pertranseat, atque in hoc sudore  
vultus sui pauperem suum inconsolatum prætereat.  
Sicut autem in sacramento Veteris Testamenti trans-  
actam hujus operis partem numero distinxi quina-  
rio, ita residuam in honorem septiformis spiritus,  
dignum duxi numero insignire septenario.

## LIBER SEXTUS.

Cum innumera sapientiæ Dei consilia adessent, quibus quod adversum nos erat peccati chirographum abolere posset, hoc potissimum elegit, unde redemptus homo redemptoris sui mirum erga se affectum disceret, atque æmulandæ virtutis ab ipsa Dei virtute documentum caperet. Neque enim omnipotentiam Dei in illam quasi necessitatis causam coarctandam æstimo, nec idcirco a Deo, et in Deum assumptum hominem, quia homo aliter redimi non posset. Fateor, aliter homo redimi non potuit, quia redemptor aliter noluit. Voluntas ergo bonitatis ejus, consilii sui causa fuit, non necessitas aliqua impossibilitatis, omnipotentem manum eo usque contraxit, ut si homo non fieret, redimere hominem nequaquam posset. Mira autem et ineffabilis atque omni sensui incomprehensibilis dignatio, ut Deus homo fieret, plenitudo se exinaniret, panis esuriret, virtus lassaretur, vita moreretur. Sed cur hoc? Ut a Deo assumptus homo Deus fieret, ut exinanitus exinanitos impleret, esuriens jejunos pasceret, lassus dissolutos confortaret, mortuus mortuos vivificaret. Magna plene gratia, mira dignatio tanta tantæ majestatis exinanitio. Quantum putas exinanitio erat immensus brevissimo atque mundissimo unius virgunculæ utero inolusus? Quantum exinanitus erat Omnipotens, in teneris infantiae annis, et membris, etiam sui impotens? Quantum exinanitus erat ille singulariter dives, et solus sibi sufficiens: ut qui cælos luce induerit, pannis involutus sit? Quantum exinanitum erat illud angelorum ineffabile gaudium, cum in cunis vagiret, ac primi parentis ærumnæ causam defleret? Quantum demum exinanita erat majestas illa virtutibus adoranda, potestatibus tremenda, a peccatoribus irrisa, ac facie sputis illita? Ne quis autem existimet ita exinanitam in assumpto homine divinæ majestatis potentiam, quasi in infirmitate nostra omnipotentia Dei defecerit aut ex aliqua sui parte imminuta sit. Ita vero in eadem persona utriusque naturæ proprietatem distinguat, ut infirma homini, divina Deo attribuenda intelligat. Ipsa igitur *Filii Dei exinanitio* nihil aliud esse credenda est

quam dispensatoria in Filio hominis divinæ majestatis occultatio. Cum ergo ad requirendam ovem perditam, hanc potissimum, ut diximus, viam pastor bonus præelegisset, in creando novo homine, novo usus est creationis genere. Et dignum erat ut qui corruptam in Adam massam sanare veniebat, non de semine corruptionis, sed de potentia Spiritus sancti nasceretur. Quæsita ergo sponsa speciosissima inter filias hominum, de cujus utero *tanquam sponsus de thalamo* ad nos procederet *speciosus præ filiis hominum*. Quæsitum est dignum sapientia Dei signaculum sub quo signaret mysterium a sæculis absconditum. Quæsitum est virum mundissimum atque solidissimum, per quod igneos radios transmitteret sol justitiæ ad effugandas tenebras gentium; ex quibus puritas vitri et claritatis augmentum conciperet, et integritatis detrimentum non sustineret. Quænam hæc sponsa tam elegans, tam decora? Ubinam terrarum tam speciosa quæ Filium Dei de sinu Patris alliceret, et in amplexus suos vinculis charitatis pia violentia captivum traheret? Diu quæsita, multis sanctorum votis expectata, tandem inventa est specialis illa specialiter digna, singulariter pulchra virgo Maria. Sed a quo inventa? Nunquid ab homine? Nunquid ab aliquo vel cælestis exercitus principe? Imo ab ipso angelorum atque hominum conditore: ab ipsa sapientia Dei, quæ æternaliter ab ore procedit Altissimi; quæ penetrabilior est omni gladio ancipiti quæ usque ad divisionem animæ ac spiritus, compagum ac medullarum pertingit, quæ cogitationes et affectus singulorum, ipsas quoque cogitationum et affectuum origines sola investigare sufficit. Ipsa Mariam sibi in sponsam ab æterno ordinavit, ipsa in plenitudine temporis castissimum Mariæ uterum in tabernaculum sibi sanctificavit, ipsa templum suum in Maria omni gloria et decore super omnium creaturarum visibiliarum atque invisibilium pulchritudinem adornavit: quantum voluit, et quantum nasciturum de ea decuit. *Sapientia enim, ait Sapiens, ædificavit sibi domum, excidit columnas septem. Ipsa sibi ipsa plane sine viri*

admiculo domum in Maria ædificavit, ipsa columnas excelsas domui suæ excidit, quibus suffultus castissimus sacratissimæ virginis uterus, in æterna pudoris sui stabilitate permanet inconcussus. Inventa itaque virgine casta, virgine sancta, et tam casta tamque sancta, ut Filio Dei desponsanda, in officina Spiritus sancti, industria summi artificis, tantæ virginis tantæque prolis futuræ matris, præparantur ornamenta. Quo studio, qua diligentia, quanta ambitione, quanto cultu, non est paupertatis meæ eloqui: sed quibus decuit matrem Christi, umbraculum Spiritus sancti, reginam cæli, reginarum imperatricem adornari. Eligitur et nuntius unus ex multis millibus tanto rege dignus, tanto mysterio idoneus, tam amicæ legationis peritissimus, ad deferendam virgineo pudori reverentiam mitis ac placidus, Gabriel dictus, quia fortitudinis Dei nuntius. Mittitur itaque ut celerius eat, quia plenitudo temporis jam aderat, ut dilectæ sponsæ condigna sponsalia perferat, ut gloriosæ Virgini ornamenta non minus gloriosa offerat; atque post munerum exhibitionem, novam et inauditam mundo salutationem consequenter inferat: *Ave, gratia plena, Dominus tecum, benedicta tu in mulieribus*. O quanta gratia plena erat, quam et ipsa dignitas angelica tam devote, tam officiose salutabat! *Ace*, inquit, *gratia plena, Dominus tecum, benedicta tu in mulieribus*. *Ave, gratia plena*, Spiritu sancto implenda, ac totius mundi exinanitionem, plenitudine ventris tui impletura! O quanta gratia, quanta Mariæ benedictio, per quam sanata est Evæ maledictio! *Dominus tecum*. Miro ac stupendo modo idem cum sponsa sponsus; idem ex matre filius. Cum sponsa sponsus, novum creando hominem; ex matre filius, novum se ipsum exhibendo hominem. *Dominus tecum*, non generali tantum benedictionis gratia, qua et cum cæteris sanctis est, ita et tecum; verum etiam et singularis prærogativa gratiæ sicut cum patre filius, dominus tecum; *Dominus tecum*, ut viscera tua sanctificet; *Dominus tecum*, ut in carne tua humanam sibi naturam associet: *Dominus tecum*, ut areolam ventris tui nova benedictione irriget: *Dominus tecum*, ut ex paradiso uteri tui divini germinis fructum producat, qui solus ex cunctis fructibus filiorum hominum, vermem corruptionis nesciat. *Benedicta tu in mulieribus*. *Benedicta* in mulieribus, benedicta præ cunctis mulieribus, decus mulierum, benedictio virorum ac mulierum. *D* Jure, inquam, benedicta in mulieribus, quæ opprobrium antiquæ deceptionis manu reconciliationis a cunctis abstersit mulieribus. Quid enim? si reatus per Evam, et justitia per Mariam; si reatus pœna per Evam, et reatus venia per Mariam; si maledictio antiqua per Evam, et benedictio nova per Mariam. Ad extremum si mors per Evam, nihilominus et vita per Mariam. Juro igitur Mariam omnis conditio, omnis ætas, omnis gradus angelica salutatione honorat; jure Mariæ omnis vox, omnis lingua, omnisque conscientia cum angelo proclamat: *Ave Maria gratia plena, Dominus tecum; benedicta tu in mulieribus*. Qua

A salutationis insueta formula territa nobilis illa virguncula, vultu demisso, tacita æstuat, tacita secum cogitat atque priusquam salutanti se, officium responsionis rependat, qualitatem ac modum salutationis in libra cordis ut prudens examinat. Maria pudoris sui custos fidelissima, sicut turtur erat solitaria elongans et fugiens, atque in solitudine cordis secum commanens, nidulo castitatis insidens, ac sanctæ meditationis pullos ad robur consummatæ virtutis fructibus contemplationis enutrens. Maria secreti amica, quietis studiosa, in cubiculo assidua, in publico rarissima, tumultus oderat, occursus fugiebat, ne sæpius visa, etsi non conscientiæ vel famæ maculam contraheret, quam raro effugit, qui se turbis hominum ultro immergit. Audiant virgines, audiant cœnobialis palæstræ professores: qui professionis immemores, et quietis impatientes, per prævincios, per castella, per oppida discurrent: et simulata utilitate Ecclesiæ suæ, sed revera prodita salute animæ suæ, tumultibus hominum, et cœno sæcularium actionum contra habitus sui reverentiam impudenter se immergunt. Sed quid servis Christi cum cœno mundi? Quid civibus cæli, cum inquilinis sæculi? Quid margaritæ, cum sterquilinio? Quid solitarius in populo? Nec ista dixerim, ut suggillem ministros Christi, ac ministros servorum Christi: quæ impietas longe sit a sensu pauperis Christi. Absit a me, ut quos Deus laudat, ego vituperem, quos Deus commendat, ego reprobem, quos laude potius et honore dignos judico, quibus reverentiam et ipsæ libenter defero! Ministri enim Christi sunt imitantes Dominum suum, qui de sinu Patris in hanc vallem lacrymarum exivit, et in sudore vultus sui requiem nobis providit. Ejus itaque imitatores existunt, qui, ut fratribus suis intus quietem provideant, in labore et ærumna, cum Apostolo foris desudant: ut in tabernaculo Dei byssus et hyacinthus, purpura et coccus, quæ quidem injuriam imbrum ferre non possunt, intacta permaneant, impetus tempestatum ipsi portant. Solliciti sunt cum Martha et turbantur erga plurima: et ut fratribus suis vacare liceat, ei gustare quam suavis est Dominus, de calice felle misto, ipsi gustant quam amarus est mundus.

His itaque in commonitionem mei ac similitum mei quasi per excessum dictis, ad purissimum virginitatis speculum Mariam, oculos reflectamus: et quomodo salutantem se angelum exceperit videamus. Salutationis novitatem stupet, salutata interim silet: ut in respondendo procacior appareret, quod virginem dedecet. At legatus prudens virgineo pudori consulens, ac trepidanti blandiens: *Ne timeas*, inquit, *Maria: ne timeas; invenisti gratiam apud Dominum, ne timeas*. Apud Deum gratiam invenisti, ideo te gratia plenam dixi. Apud Deum gratiam invenisti: et ideo Filium Dei parere meruisti. *Ecce enim concipies in utero, et paries filium*, non quemcunque, sed magnum; non terreni patriæ, sed Altissimi Filium. Ne mireris, ne incredula sis verbis meis, quia salva consistere vides virgineæ claustra pudoris. Uterus tuus impletur, sed si-

gnaculum uteri non dissipabitur. Tu filium paries, **A** sed ille honorem matris non minuet. Virgo es, mater eris; beata, quia virgo beatior, quia mater; sed hoc privilegium in æternum sola possidebis. Sicut enim in partu nec habuisti, nec habitura es similem, ita et in privilegio dotis alteram non habebis comparem. Nec ideo te diffidas futuram matrem, quia nectuum virum, nec illius nosti patrem. Qui enim te in tempore sibi elegit matrem, ab æterno jam habet patrem. Patrem habet, matrem nondum habet; ideoque missus sum ad te, fide te ei desponsare. Accomoda ergo fidem, et suscipe prolem, et beata mater eris, quia Deum et hominem generabis. Mira sunt quæ dico, mira et inaudita, sed non sunt Omnipotenti impossibilia. Hortus conclusus, fons signatus uterus, sed ideo bene conclusus, ideo firmiter signatus, quia soli Deo pervius. **B** Ne timeas pudori tuo, columba sine felle domina mea, quia Domini mei mater et sponsa, quia claustra tua sicut in conceptu, ita nec in partu sunt resolvenda. Sol per vitrum intrans et exiens, vitrum non solvit, creator solis, matrem suam illibatam conservare non poterit? Si autem causam adventus tui et utilitatem partus tui inquiris, audi nomen filii tui, et intelliges fructum ventris tui. Jesus enim vocabitur, salvator erit, ad salvandum venit. Gaude ergo, domina mea; gaude ad tantam gratiam te esse electam matrem, ut totius mundi generes Salvatorem. His et aliis hujusmodi imo longe aliis, et si non ab angelo dictis, a superventuro tamen Spiritu sancto mundissimo cordi Mariæ inspiratis fidem adhibet dictis, nihil hæsitat, nihil dubitat; implenda fideliter credit, quæ ventura Omnipotens repromittit. Confert ut arbitror cum verbis angeli verba prophetæ, cum his quæ audit, ea quæ legerat, et auditis eo melius credit, quod a propheta angelus non dissentit. *Ecce virgo concipiet, propheta ait, et pariet filium, et vocabitur nomen ejus Emmanuel. Ecce virgo concipiet et pariet filium* Isaias præcinit. *Ecce concipies in utero, et paries filium* Gabriel succinit. *Et vocabitur nomen ejus Emmanuel, id est nobiscum* Deus Isaias prophetat; *et Filius Altissimi* vocabitur Gabriel Mariæ annuntiat. Hæc, ut arbitror, utrumque peneat, confert, examinat, atque tanto uberius novis fidem accommodat, quanto cum antiquis concordius consonant. Jam se igitur imprægnandam, jam se parituram incunctanter credit, modum tamen quo id fieri debeat inquirat, quia hoc nec in propheta legerat, nec ab angelo audierat. *Quomodo, inquit, fiet istud, quoniam virum non cognosco? Quomodo fiet istud?* Vir non est mihi agnitus, unde mihi filius? Virgo sum, mater quomodo ero? *Quomodo fiet istud?* Non est filiorum Adam ista lex, ut sine viro concipiat mulier, sine patre nascatur puer. Hac lege, hoc ordine, omnia ab initio ad nos usque sæcula decurrerunt, ut de viro mulier imprægnetur atque de patre puer generetur. Ista quæ astruis, quis vidit, quis audivit? Insueta sunt usu, incognita visu, incomperta auditu. *Quomodo ergo fiet istud? Spiritus sanctus, inquit, superveniet in te et virtus Altissimi obumbrabit tibi.* Divina sunt quæ nuntio, magnalia **C** sunt Omnipotentis quæ prædico. Ita Omnipotens voluit, ita Omnipotens disposuit, qui in cælo et in terra omnia fecit quæ voluit. Voluntas Dei naturæ ordine non regitur, sed pro arbitrio voluntatis Dei, ordo naturæ dirigitur. Nec dicendum est extra cursum naturæ fieri, quod Dominus naturæ ita decrevit fieri. *Spiritus sanctus superveniet in te.* Spiritus sancti potentia in utero tuo creabitur, qui duabus naturis in eadem persona in unum convenientibus. Spiritui sancto æqualis habebitur. Et virtus Altissimi obumbrabit tibi. Ne timeas pudicitiae speculum æstum libidinis; virtute Altissimi adumbraberis. Sicut umbra fervorem removet, refrigerium præstat, sic interposita virtus Altissimi excludet æstum peccati, ac rore divino infundet secreta ventris tui. Ideoque quod nascetur ex te sanctum, vocabitur Filius Dei. Merito sanctum nascetur, quod de Spiritu sancto concipitur. Juste vocabitur Filius Dei, qui virtute creabitur Altissimi. Hic est ordo, hic est modus conceptus et partus virginæ, voluntas atque omnipotentia Dei. His convenienter instructa, his sufficienter edocta, *ecce, inquit Maria, ecce ancilla Domini: fiat mihi secundum verbum tuum.* Ancilla sum Domini; ancilla sua licet ei ut licet uti. Conditionem attendo, ancillam me recognosco, devotæ servitutis voluntatem Domino meo offero; obsequium ad quod de me exigor, prompta devotione exsequor. Multum est mihi et valde multum, quod ancilla mereor vocari: ad illud tam excellens vocabulum parvitas mea non occurrit, ut mater Domini debeam appellari. Fiat mihi secundum verbum tuum, ut in me caro fiat, quod in principio erat, Verbum. Fiat mihi ut digna inveniar, per quam mundus gratiam reconciliationis inveniat. Fiat mihi ut in terris ei præbeam corporis mei hospitium, qui me postmodum in cælis in regni sui assumat consortium. Hæc de plenitudine gratiæ, quæ in utero gloriosæ Virginis divinitus influxit, et inde in universum mundum profluxit prolixius exsequenda credidi, ad ostendam magnitudinem gratiæ Dei, quæ nullis præcedentibus meritis per Mariam collata est homini. Quidquid enim Mariæ speciali licet prærogativa, gratia Dei contulit, hoc in salutem totius mundi miseratio divina providit. Mariæ bonum commune est omnium, et de plenitudine Mariæ impleta est solitudo gentium. Quisquis ergo avidis faucibus sitis dulcedinem gratiæ, cum debita reverentia accede ad plenitudinem ventris Mariæ. Tanta inde ubertas pietatis, tanta fluit pietatis suavitas, ut nec ubertas defectum, nec suavitas noverit fastidium. Bibe ergo, bibe de hoc fonte pietatis: bibe, ut avidas fauces impleat, sed ne putes quod bibendo sitim extinguas. Amor æternorum hoc habet proprium ut amantium semper inflamet desiderium, nunquam amantibus aliquid sui ingerat fastidium. Nulla mens æstimare, nulla sufficit lingua enarrare quantum per virginum decus Mariam Deus homini contulerit gratiam. Maria stella maris, lumen errantium, spes desperantium, consolatio mœren-

tium, commune gaudium omnium Christi fidelium. De cujus laude nondum desiderio satisfacimus, nec aliquando in defectu corruptibilis hujus vitæ satisfieri posse credimus. Præ gustata autem suavitate laudis ejus, desiderium nostrum magis ac magis accenditur, sed quotidiana memoria ejus ac frequenti iteratione dulcissimi nominis ipsius, quasi divino quodam rore piæ desiderii æstus refrigeratur. Neque enim post illud singulare dilecti filii sui nomen quod est super omne nomen, aliud nomen cælum aut terra nominat: unde tantum gratiæ, tantum spei, tantum suavitatis, tantum consolationis, piæ mentes concipiant. Quotiescunque enim dulcissimum nomen illud Maria, amatores illius audiunt, toties ex pio auditu et suavitate auditi nominis, nescio quid inenarrabilis jucunditatis intus trahunt. Nomen namque Mariæ mirum quid suave ac divinum in se continet, ut, cum sonuerit, ami-

ais cordibus amicæ suavitatis odorem spirat. Et miram illud est de nomine Mariæ et valde mirum, ut millies auditum, semper audiatur quasi novum. Maria virgo sancta, mater Deo digna, benignissima consolatrix, piissima reconciliatrix, potentissima suorum advocatrix. Videbor cuilibet in laude Mariæ nostræ, nostræ, inquam, nostræ, videbor forsitan nimius; sed nemini, nisi qui fuerit et matri ingratus, et in filium impius. Libet adhuc, et in æternum libebit gloriosæ dominæ, gloriosæ Virginis, et gloriosissimæ matris immorari laudibus, sed quia in longum sermonem produximus, in laudem Mariæ sermonem de Maria terminemus, pro universis beneficiis per piam matrem nobis collatis, gratias agentes piissimo et unico filio ejus, qui cum Deo Patre et Spiritu sancto vivit et regnat Deus, per omnia sæcula sæculorum. Amen.

#### PRÆFATO IN LIBRUM SEPTIMUM.

Moris est Scripturæ sanctæ, ut se invicem testimoniis suis, quasi columnis quibusdam fulciat, et res difficiles atque humanæ diffidentie incredibiles, alterius rei æque difficilis exemplo astruat. Condescendit enim sermo divinus auditoribus suis, et quos solido cibo nondum videt idoneos, teneritudine lactis interim nutrit. Unde in Ezechiele Dominus cum laxandam captivitatem populi Judæorum promitteret, et illi potentiam Dei ex sua imbecillitate metientes, præ magnitudine calamitatis hoc etiam Dei impossibile crederent proponit similitudinem, et ex comparatione magis difficilis ac magis insueta ad credendum suadet incredulos. Proponit

enim prophetæ ossa multa nimis, carnibus nudata, nervis dissoluta, et in tantum arida, ut utrum vivificari possint etiam prophetæ fides diffidat; quæ ad imperium Domini vaticinante propheta dicto velocius carnibus vestita, nervis sunt compacta: et a quatuor ventis flante Spiritu vivificata, et in antiquum vitæ statum super pedes suos sunt restituta. Sicut autem proposita sunt hæc domui Israel in portentum, ita etiam gloriosæ ac perpetuæ Virgini Mariæ infecunda anus Elizabeth proposita est in exemplum, ut tum in Elizabeth, quam in se omnipotentiam Dei disceret, qua quando vellet, et quomodo vellet, naturæ cursum retro converteret.

### LIBER SEPTIMUS.

*Et ecce, inquit Gabriel, ecce Elizabeth cognata tua, et ipsa concepit filium in senectute sua, quia non erit impossibile apud Deum omne verbum.* Si ordinem naturæ respicias, in Elizabeth non invenis. Ab anu et sterili partum natura non exigit, quæ et si sterilis non esset, nihil hujusmodi naturæ vetula deberet. Si autem et vetula et sterilis, qualæge naturæ concepit? Sed deficiente natura, prævaluit gratia: quia apud Deum non impossibile omne verbum. Verum quia hujus opusculi mei causa est obedientia, materia, gratia, absurdum est silentio præterire qui præco est gratiæ. Præco enim gratiæ de gratia concipitur, per gratiam nascitur, gratia matris adhuc in utero perfunditur, de gratia nomen sortitur Joannes, id est Dei gratia dicitur. Libet itaque ad superiora respicere, et hæc paulo latius ex ordine digerere. Judex æternus prætorium mundi ingressurus, subitus et improvisus reis supervenire noluit, sed dignum se præconem ante faciem suam præmittere

studuit, qui reis pœnitentiam indiceret, et venienti judicis clementiæ viam sterneret. Proprium est enim benigni judicis ut sicut obstinatis districtus et terribilis, ita pœnitentibus appareat clemens et mitis. Et dignum profecto erat, ut præco tanti judicis, magnis et ipse commendaretur præconiis, ut in dignitate præconiis mundus disceret, quantæ excellentiæ judex esset. Mittitur itaque de cælo nuntius, non quilibet, sed Gabriel archangelus, in tempore sacrificii ad Zachariam sacerdotem Domini, ut dum ille de aræ cordis in cælum dirigit incensum orationis, per cœlestem nuntium lætificetur de exauditione precis. Et bene tempus mysterio atque mysterium tempori congruit, ut, dum sacerdos intus cum odore incensæ Deo offert vota populi, et populus ipse foris pro salute sua Deo supplicat, tunc sacerdos intus in secreto cordis de nativitate præcursoris Domini et salute populi, secreta consilii Dei ab angelo edoctus intelligat. At Gabriel archangelus legationis hujus-

modi peritissimus, a dextris altaris incensi astat, quasi positione sua clamans, quia dextera sint, quæ nuntiat. Pulchre a dextris altaris incensi, quia exauditam esse indicat per sacerdotem orationem populi. Pulchre, inquam, a dextris altaris incensi, quia fortitudinem annuntiat dextera Dei. Qua visione sacerdos devotus, divinis totus intentus, eo magis quia angelica perterritus, tacita secum cogitatione æstuat, quis sit, unde adsit, quid sibi velit, secum mirans. Non hominem credit; qui in tempore illo et in secreto illo, in hora scilicet incensi, et intra secretum veli, subito se sanctis ingesserit. Eo magis miratur, eo magis trepidat, et divinum aliquid esse credens, reverentiamque divinis exhibens, reverenter expectat, donec ipse qui venerat, adventus sui causam aperiat. *Ne timeas*, inquit, benignus ille trepidantium consolator; *ne timeas*, quia ad nostrum ingressum timere eos non convenit, qui hostiam laudis in odore suavitatis Deo offerunt. *Ne timeas*, quia tristitia non sunt quæ nuntio, grata sunt, jucunda sunt, et plena gaudio. *Exaudita est oratio tua*, tanquam pro salute populi, tanquam pro redemptione totius mundi, Deo gratanter oblata. *Exaudita est oratio tua*, ejus merito jam accepta, qui futurus est sacerdos et hostia. *Exaudita est oratio tua, et Elizabeth uxor tua pariet tibi filium*, non filium tantum carnis, sed et repromissionis; non naturæ, sed gratiæ, quia lippientis Liæ utero partu sex filiorum effeto, tempus jam instat quo Rachel magis dilecta, gratia fecundata, filios dexteræ parere jam incipiat. Et ut cuncta te edoceam, *Joannes vocabitur*, quia magnæ gratiæ, magni apud Deum meriti habebitur. *Magnus enim erit coram Domino*, in opus magnum jam præelectus, in opus magnum post ea assumendus a Domino, *Magnus erit*, quia præcillius erit, cujus magnitudinis non est finis, *Magnus erit*, quia *Spiritu sancto replebitur adhuc ex utero matris. Spiritu sancto matris adhuc ex utero replebitur*, cujus potentia in utero creabitur. Nam cum in patre generandi, in matre pariendi officium jam sit emortuum, cujus hoc, nisi Spiritus sancti est donum? *Spiritu sancto replebitur*, Spiritus sancti suavitate pasceatur, ideoque nec immundo vescetur, nec vino, aut sicera potabitur. Qui enim palato cordis, quam *suavis est Dominus* gustat, exteriores sapes non magnopere curat, qui vero ab interiori dulcedine jejunat, porcorum siliquis inhiat. *Et multi in natalitate ejus gaudebunt*, quia gaudium suum mundo annuntiabit. *Multi in natalitate ejus gaudebunt*: sed post cum venturus est, de cujus natalitate cælestia simul et terrena exsultabunt. His angelicæ assertionis oraculis sacerdos incredulus, et cum sacerdote suo perfidus ille populus, silentio plectitur, donec pugilari fidei numerus Joannis ascribat, et in fine mundi de corde ejus perfidiæ obblato velamine, tempus gratiæ jam pene præterisse, ac diem judicii instare ex Scripturis sanctis intelligat, ac veræ fidei confessione cum officio linguæ mereatur et donum prophetiæ, interea Zacharia justa incredulitatis suæ pœna multato, non tardat divina promissio; concipit Elizabeth,

concepisse se miratur ac stupet: quid novitatis, quid miraculi secum agatur nondum intelligens. Occultat se anus pudibunda, celare contendit Dei magnalia, ignorans quam celebris mundo futurus esset, qui nasciturus erat. Adest festina devota virgo, adest Maria de conceptu Elizabeth edocta ab angelo; et illud Sapientis: *Quanto magnus es, humilia te in omnibus*, secum forte revolvens, cognatam cum festinatione visitat, et matrem servi ipsa domini mater, officiosa cum devotione, prima salutat, ubique palmam præferens, sicut virginitatis, ita et humilitatis. Eia non discussa crassa nube, intende, si potes, ipsum purissimum splendorem gratiæ, et commodata acie aquilæ diligens speculator diligenter speculari. Sed fortassis dices: Quid ad me ista? quid ad iniquum justitia? quid ac peccatorem sanctorum merita? quid ad humilitatem servi, insignia domini? quid demum ad hominem, magnalia Dei? Multum plane: nempe ut servum gloria sua indueret, habitum servi Dominus induit: et quod in assumpto homine Deus egit, homini contulit. Consolare ergo, o homo, consolare, et hanc quoque gratiam ex Domini tui benignitate tuam esse præsume, et ultimum quoque membrorum cum capite suo glorificandum indubitanter crede.

Audita salutatione matris Domini, repleta est Spiritu Domini, ancilla Domini: et quia magnam per Spiritum gratiam agnovit, magna voce, quia magna fide, exclamavit. *Benedicta tu in mulieribus et benedictus fructus ventris tui*. Benedicta tu in mulieribus quæ privilegium hujus benedictionis sola præcunctis meruisti mulieribus. *Benedictus fructus ventris tui*, ex quo conficitur panis cæli. *Benedictus fructus ventris tui*: cujus suavitate pellitur amarissima fames sæculi. *Benedictus fructus ventris tui*, sine quo nec in cælo vivunt angeli. *Et unde hoc mihi, ut veniat mater Domini mei ad me?* Unde hoc indignæ ancillulæ, ut digna habeatur visitatione tantæ dominæ? Unde hoc uxori militis, ut a matre visitetur imperatoris? *Ecce enim ut vox salutationis tuæ auribus mei insonavit, infans in utero meo præ gaudio exsultavit*. O gratia, o miracula! Imperatrix ancillam visitat, imperator militem lætificat. Domina famulam officio salutationis honorat, dominus servum spiritu prophetali donat. Mater judicis se ancillæ obsequendo submittit, iudex præconem dato mandato ante faciem suam præmittit. Ancilla vero dominam debita cum veneratione excipit, et quanto benigniorem experitur, plus diligit. Non superbit, non inflatur, ut illa Agar, nec cervicem erigit, sed de officio gratias agens, adventu dominæ suæ se indignam asserit. Et quia matri Domini sui se humiliter sternit, pro honore matri delato, a filio spiritum prophetiæ, dono accipit. Nec parvulus in utero cessat ab officio, sed et ipse dominum suum adesse sentiens, tripudiat gaudio. Maternos vultus nondum agnoscit, et virgineo clausum utero, dominum suum recognoscit. Agnoscit servus dominum, miles regem, præco judicem, et quia videt judicem jam jam incipientem ingredi, qua interim potest voce, exsulta-



tione videlicet gaudii, mundo inclamat adventum  
 iudicis sui. O novitas! o miraculum! o pulcherrimum  
 et theatrum mundi incognitum spectaculum! Parvuli  
 nostri in utero ludo suo sibi invicem alludunt,  
 sed non sicut Ismael Isaac, alter alteri illudit. Alludit  
 benignissimus dominus devoto famulo, gratiam in-  
 fundendo; alludit humili servulus pio domino, quas  
 interim potest gratias referendo. Alludit dominus  
 servo, adventum suum manifestando; alludit servus  
 domino, adventum ipsius gestu corporis prophe-  
 tando. Ecce parvuli nostri, sicut illi in utero Re-  
 beccæ contendunt; sed non ut alter alterum sup-  
 plantet, sed ut alter alterum mundo commendet.  
 Commendat Christus Joannem, tanquam fidelissimum  
 famulum: commendat Joannes Christum mundo, tanquam  
 agnum Dei, qui tollit peccata mundi. Commendat  
 Christus Joannem, dicens: *Inter natos mulierum non  
 surrexit major Joanne Baptista*; commendat Joannes  
 Christum, dicens: *Qui post me venit ante me factus  
 est, cujus non sum dignus corrigiam calceamenti solvere*.  
 Hæc amica mutæ commendationis officia præ-  
 ludent in utero parvulorum gaudia, dum et servi  
 dominus congaudet sanctitati, et ille exsultat se  
 dignum inventum vocari servum sanctorum Sancti.  
 Hæc est illa mira et sæculis omnibus inaudita  
 gratia, quam neque sensu concipiam, neque lingua  
 effari queam. Mira gratia, quia qui vita mundi  
 nondum libere fruuntur, libertatem ac vitam mundi  
 pariter operantur, alter gestu prophetando, alter  
 gratia vivificando. Mira, inquam, gratia, quia qui  
 sibi nondum prodesse possunt, jam mundo consulunt.  
 His itaque de exultatione parvulorum consideratis,  
 quia superius de Elizabeth quantum exsultaverit  
 quomodo gloriosæ matri ac fructui ventris ejus  
 benedixerit, paucis egimus: nunc jam de matris  
 Domini gaudio, laude et cantico, quæ filius ejus  
 revelare dignabitur consideremus. Inveniuntur  
 autem diversa in Scripturis sanctis cantica, pro  
 rerum gestarum magnitudine, aut mysteriorum  
 gravitate, a se invicem distantia: quorum  
 omnium rationem non est parvitas meæ aut  
 intelligere aut exponere. Invenitur enim in  
 Exodo canticum a filiis Israel, Maria cum tympano  
 præcinnante, pro submerso Pharaone Deo decantatum,  
 quod et omnium, ut arbitror, canticorum invenitur  
 primum. Prima enim nobis Deo pugnante pro nobis  
 de Pharaone conceditur victoria: quando in  
 baptismo cujus mare illud figura erat, totum regnum  
 peccati cum diabolo rege suo destruitur, ut ne  
 unus quidem Ægyptiorum residuus sit, qui populum  
 Dei a tergo insecutus sit. Et hoc notandum in  
 Pharaonis submersione, amatoribus gratiæ, quod  
 populus Dei immanissimæ illi belluæ atque omni  
 humana virtuti inexpugnabili, nec occurrit, nec  
 concreditur: sed sola Dei gratia, fortis ille  
 armatus, omnia sua in pace eo usque possidens,  
 populo tantum spectante, submergitur. Est et aliud  
 in libro Judicum pro interfecto Sisara Deborah  
 canticum quem adversariam aliquam potestatem  
 intelligimus,

quæ et ipsa populum Dei premit ac persequitur:  
 et de potestate Pharaonis dextera Dei liberatis  
 iterum atque iterum tentat peccati imponere  
 tributum. Est et aliud in libro Regum Annæ  
 nostræ, id est, gratiæ canticum, quæ oratione  
 ad Deum non pro morte inimicorum, sed  
 pro fructu ventris sui fusa et exaudita,  
 hostiam laudis Deo offerens, canticum  
 exultationis edidit: et unius filii indignitas  
 super numerosam æmulæ suæ sobolem gratia  
 Dei se esse dilatam, gloriabunda cecinit.  
 Sed quia propositum mihi non est omnia  
 veteris historiæ nunc cantica revolvere,  
 veniam ad illud Salomonis in canticis  
 famosissimum, et propter quamdam, imo  
 magnam sui excellentiam non solum  
 canticum, sed et Canticum canticorum  
 appellatum, ubi nullus de hoste metus,  
 de concluso utero dolor nullus: ubi nulla  
 sterili permanente, omnes de lavacro  
 ascendunt cum gemellis fetibus, ubi a  
 filiabus Hierusalem dulcibus modulis  
 theoricum illud sponsi et sponsæ decantatur  
 epithalamium. His et aliis omnibus  
 divinis ac mysticis canticis, unum illud  
 ac speciale Mariæ canticum, quod de  
 primitiis ventris sui domino obtulit,  
 qui benedictionem dedit, præferendum  
 censeo, nec fallor iudicio, quia sicut  
 fructus ventris Mariæ inter omnes  
 fructus principatum obtinet, ita et  
 canticum Mariæ inter omnia cantica  
 primam æquo jure sedem possidet. Illa  
 enim horum figura erant, atque veritati,  
 quæ in Evangelio loquitur: *Ego sum  
 veritas*, serviebant, et multo majore  
 gaudio perfruitur sponsa nostra dilectum  
 amplexans atque deosculans, et amatoria  
 illa, quæ sensus atque affectus hominis  
 effugiunt, amicis auribus decantans,  
 quam illa Salomonis desiderio æstuans,  
 atque moræ impatiens, præ impatientia  
 amoris, *Osculetur me osculo oris sui  
 exclamans*.

His in commendationem cantici gloriosæ  
 Virginis prælibatis, aurem cordis obstrepenti  
 mundo istar aspidis obturemus: et quomodo  
 tympanistria nostra de supernis concrepet,  
 diligentius auscultemus. Celebrato itaque  
 de adventu matris Domini tanto gaudio,  
 quantum illi noverunt qui interesse meruerunt,  
 beata mater, præsentia divinitatis filii  
 tota perfusa, magna videns, magna  
 sentiens, *Magnificat anima mea  
 Dominum*, magno cordis jubilo decantant  
 Magna sunt, mira sunt, divina sunt  
 quæ geruntur, et in valle lacrymarum  
 angelorum gaudia celebrantur, In  
 angustia unius uteri latet, qui cælum  
 continet, et quia omnia nutu portat,  
 unius puellæ venter bajulat. Ad hæc  
 tanta dona, tam immensa beneficia  
 digna laude prædicanda, quæ lingua  
 carnis sufficiat. Quis sensus ea  
 comprehendat? Imbecillitas carnis  
 tantæ majestatis pondus non sustinet,  
 sensus deficit, lingua non sufficit.  
 Magnificet ergo anima mea Dominum,  
 non quo vel ipsa sufficiat, sed ut  
 digniorem aliquam gratiarum actionem  
 tanquam conditione carne dignior,  
 in excessu sui inveniat. Labia dolosa  
 in corde et corde dolum perficiunt,  
 quando aliud lingua sonat, aliud  
 cor desiderat. Qui autem in laude  
 Dei vel de laude Dei aliud quilibet  
 quam Deum



quærit, anima ejus Dominum non magnificat: sed quod in corde suo magni facit, quod magis quam Deum diligit, illud potius magnificat. Sed beata mater, quia amor dilecti filii nihil creaturarum præferre poterat, pro incomparabili illo dono singulariter sibi attributo, sicut ex lege didicerat, ex toto corde, et ex tota anima, et ex omni mente sua Dominum magnificat. *Et exsultavit spiritus meus in Deo salutari meo.* Merito spiritus ejus in Deo fiducialiter exsultat, cujus anima Dominum magnificat. Alius in honoribus, alius in divitiis, alius in filiis, iste isto, ille illo modo exsultat; Mariæ spiritus in Deo tantum exsultat. Merito sic magnificat, merito sic exsultat, quæ humilitatem suam a Deo respectam, et ex ancilla in maternæ dignitatis gloriam humili assertionem assumptam pronuntiat. *Respexit, inquit, humilitatem ancillæ suæ; ex hoc beatam me dicent omnes generationes.* Quia humilem me vidit, gloriosam me fecit; quia in oculis meis humilis fui, oculis ipsius complacui. Humilitas enim decor est animæ, elegantia formæ, decus virginis, custos pudoris. Humilitatis faciem ornat, vitam commendat, sensus illustrat, actus conservat. Hanc in Maria Dominus respexit, hanc probavit, hanc adamavit, hanc in Maria tanta mercede donavit, ut nulla generatio prætereat, quæ Mariæ non benedicat. Generatio præterit et generatio advenit, laus Mariæ nulla unquam generatione deficit. Laus Mariæ fons est indeficiens qui quanto longius extenditur, tanto amplius impletur, et quanto amplius impletur, tanto latius dilatatur. Jure ergo Mariæ omnis generatio benedicit, per quam omnis generatio benedictionem promeruit. Beata est enim, non solum generali cum cæteris electis beatitudine, sed et speciali præ cunctis mortalibus munere. Jure, inquam, Mariæ omnis generatio benedicit, quia magna et valde, magna cum ea fecit qui potens est facere quæcunque voluerit. *Fecit inquit, mihi magna, qui potens est, et sanctum nomen ejus.* Et vide quomodo mater gratiæ, opus gratiæ totum ascribat gratiæ. Non ait, *fecit mihi magna*, quia virgo sum, quia sancta, quia digna sum; sed quia *potens est*, quia sanctus, quia misericors est. Quia potens est, magna potenter peragit; quia sanctus est, sanctitatem diligit, sanctitatem restituit; quia misericors est, misericorditer ignoscit. Quia potens est, potest virgini et matris conferre honorem, et virginitatis conservare pudorem. Quia potens et sanctus est, potest pellem Æthiopsis immutare, et nativa nigredine omnipotente manu detergere, super nivem dealbare. Quia potens est, fortem alligabit; quia sanctus est inquinatos sanctificabit; quia misericors est latroni quoque paradisi januam reserabit. Neque enim in infirmitate mea virtus ejus infirmabitur, nec in similitudine peccati sanctitas ipsius inquinabitur, nec in erogando misericordiam justitiæ obliviscetur censuram. *Misericordia namque ipsius in progenies et progenies, timentibus eum*, non desperantibus, non contemnentibus, non subsannantibus, non peccata peccatis

accumulantibus, et gehennæ flamma de die in diem magis ac magis sibi inflammantibus. Ideo et Dominus ut misericordiam subroget, peccatoribus penitentiam suadet, et quos blanditiis trahere non potest terroribus pulsat, ut quos amor promissi regni non emollit, vel malleus timoris de metu gehennæ conterat. Mater ergo misericordiæ ægro mundo salubriter consulens, postquam olei lenitatem ad mitigandum dolorem vulneribus infudit, vini quoque mordacitatem ad consumendam putredinem miscuit, atque dulcedinem misericordiæ timoris amaritudine temperavit: ut nec timor in desperationem premat, nec misericordia in libertatem peccandi extollat. *Misericordia, inquit, ejus in progenies et progenies timentibus eum.* Sed filia David a patre suo edocta, misericordia et iudicium Domino deoantare, ubi in consolationem humilium, misericordiam Domino cecinit, iudicii, quoque ad terrendum superbos meminit. *Fecit potentiam in brachio suo, dispersit superbos mente cordis sui.* Hoc est brachium illud excelsum, in quo Deus Pater semper pugnat, in quo semper gloriose triumphat. Hæc manus illa extenta, quæ in prophetis legitur, quæ ad comminandum virga parvulis adhuc suspenditur quæ in fine mundi super Assur, id est diabolum ac sequaces ejus nulla unquam manu, nullius miseratione, nullius unquam auxilio sublevanda, Isaia teste fundabitur. Heu! quam gravi, heu! quam immobili tunc super impios mole fundabitur, quæ, quia modo pietate alleviante levis sentitur, facile contemnitur. Tunc superbia, quæ modo cælum vertice pulsat, de sede altitudinis suæ in profundum inferni præcipitabitur; tunc grata illa Deo humilitas, quæ modo ut infirma humi repit, usque ad concessum dexteræ Dei exaltabitur. *Deposuit enim de sede potentis, et exaltavit humiles.* Quæ licet generaliter possint de superbis omnibus interpretari, tamen et super Judæis, de observatione legis superbientibus, ac de nobilitate generis Abrahæ gloriantibus, possunt intelligi, qui cum suam, quæ ex lege est justitiam statuere volunt, justitiæ Dei, quæ est in Christo Jesu subjici nolunt. Reputatus est enim Carmelus in saltum, et saltus in Carmelum; reprobata perfidia Judæorum et electa fide gentium, et deserta Synagoga in ubertatem versa, advenæ comedunt Ecclesiæ. Esuriens ergo gentium populus bonis impletur, et dives quondam Judæorum populus, inanis dimittitur. *Suscepit enim Israel puerum suum*, et latissimus ille misericordiæ Dei sinus collegit multitudinem gentium. Ipse est enim vere Israel, qui oculis fidei Deum contuetur, qui in fide non claudicat qui firmo gressu, rectoque post Dominum itinere ingreditur. Israel enim non solum vir videns Deum, sed et rectus Dei rectius interpretatur. Illum autem Israel secundum carnem, latitudo sinus Dei non colligit, qui dignitatem primogenitorum suorum vili lenticula vendidit, qui occidentem sequens, litteram, vivificantem spiritum non requirit. Sed sicut ille Israel secundum carnem, merito perfidiæ

Justitia diotante expulsus, ita noster Israel sole manu gratiæ Dei in locum illius est introductus. Recordatus est enim misericordiæ suæ; sicut locutus est ad patres nostros. Abraham, et semini ejus in sæcula. Locutus est enim Deus ad Abraham, quod Israel puerum suum susciperet, cum semen illius stellis cœli cœquandum prædiceret. Locutus est idipsum ad Abraham, quando ei benedicendas esse in semine suo omnes gentes repromisit. Locutus est item ad David: quando ei de fructu ventris sui super sedem suam sessurum esse prædixit, quem placito in tempore, speciali adoptione sibi in filium assumeret, quem ante omnia tempora cœqualem sibi genuisset. Similiter et ad alios patres nostros

locutus est, quando in oblatione Isaac, in venditione Joseph, et aliis innumeris hujusmodi figuris, incarnationis suæ et redemptionis humanæ mysteria figuravit. Hæc de nobili illo gloriosæ virginis cantico dixisse sufficiat, non pro cantici dignitate, sed pro sensus nostri tenuitate. Hoc canticum tam dulce, tam suave, tamque omni spirituali jucunditate refertum, sancta mater Ecclesia degustavit, atque tam celebre instituit, ut nulla per omne hoc sæculum jam dies decurrat, quo non illud vespertina laude decantet, ad laudem gloriosæ matris, ac gloriosissimi filii ejus Domini nostri Jesu Christi, qui vivit et regnat per omnia sæcula sæculorum. Amen.

#### PRÆFATIO IN LIBRUM OCTAVUM.

Magna et magnifica gratiæ Dei dona jussu vestro, Pater venerande, obtuso exarans stylo, per singula pene verba ad eandem semper respiro gratiam, ut inolita bonitate, per linguam ineruditam revelare dignetur amatoribus suis ipsa seipsam. Nescio autem quomodo eam amabilius commendem, quam ut mira illa charitatis Christi præconia commemorem, quæ in hominis assumptione, pro hominum redemptione, vel ut Deus potenter egit, vel ut homo dignanter pertulit. Quorum omnium multitudinem

quisquis ad integrum nosse desiderat, sanctorum Evangeliorum atque apostolicæ bibliothecæ volumina revolvat, nobis propositum est in ornamentum coronulæ nostræ pauca de multis déflorare. Ipsa autem pauca, quæ insero, non qua decet, sed qua novi varietate distinguo, lectorem humiliter obsecrans ut sudori meo ignoscat, qui cum ipse balbutiam, cogor ut alios de gratia Dei loqui doceam. Sed cœpta prosequamur.

### LIBER OCTAVUS.

Instante jam plenitudine temporis, et nocte illa, quæ omnes ab initio dies illustrat, promissus legibus cœremoniis, promissus et prophetarum oraculis sponsus Ecclesiæ de thalamo suo egreditur, Christus de Maria nascitur. In via, via nascitur, decor animarum pannis involvitur, locus salvatori in diversorio synagogæ non invenitur, pabulum vitæ in præsentis Ecclesiæ reconditur, ut quia misericordiam suam multiplicaverat, homines et jumenta ad vitam enutriat. Congruus profecto mysterio locus, ut enim præsepe reclinaretur, qui panis erat vivus. Ad consueta præsepia animalia fessa recurrunt, debita labori stipendia requirunt, ut largitate domini refecta, rursum se usui procuratoris sui officiosa vicissitudine impendant. Ecce parvulus noster laborantes refecturus in præsepis sui medio est positus, et quia magister de cœlo advenerat in præsepi sibi cathedram collocat, et qui nondum, ut parvulus voce potest, jam quasi vagitu clamat: *Venite ad me, omnes qui laboratis, et onerati estis, et ego reficiam vos.* Sed ne vel ipsum tempus infantie a gratia otiosum pertransiret, auctor gratiæ, juxta oraculum propheticum et nominis sui præsagium, adhuc quasi sui impotens, principi mundi bellum indicit, ac magis radiante stella ad agnitionem veri luminis perductis, fortis illius, qui eo usque atrium suum in pace possederat, velociter spo-

lia detrahit. Iste est enim bellator ille egregius, qui Isaiâ vaticinante de prophetissa, id est de intemerata semperque virgine Maria nasciturus prædicitur; cui a propheta: *Accelera spolia detrahere, festina prædari,* præsagio futuri nomen imponitur. Multum enim bellator iste accelerat, multum festinat: qui in cunis vagiens, arma robustorum, imo robustorum robustissima corripit, bellum non cuilibet gregario, sed ipsi spiritualium nequitiarum principi indicit, ac ducibus exercitus ejus solo lumine adventus sui nuntio territis, dum magos in castris suis militare imperat, electis tyrannum armis spoliat. Magna et incomparabiliter magna ista est gratia perditio homini ac nihil nisi supplicium merito gratis præstita, ut parvulo vagienti cœlum in stella serviat, laudes angeli concinant, et, venenatissimum caput, quod primi hominis calcaneum dente vipereo perforerat, pes sibi ipsi adhuc invalidus conterat. Magna plane ac condigna præconiorum laude prosequenda et illa fuisset gratia, si in forma Dei manens, serpentinum caput majestatis suæ pede contrivisset, ac de spiris illius colligatum hominem absolvisset. Illam autem, illam, inquam, quis vel digne miretur gratiam, quod immensa illa bonitas dignata est miseræ nostræ non solum tam pie compati, sed humanitate nostra assumpta, miseriam

quoque nostram et ipsa pati? Quis tam gloriosam A et honorem detuleris? Quid autem detraxeris, si non digne stupeat victoriam: in qua rex noster de antiquo illo et inveterato dierum malorum principe, non in majestate sua, sed in infirmitate nostra tam gloriose triumphat, ut adhuc pannis involutus, non jam extremos, sed primos exercitus sui duces captivos trahat? Hæc tam insignis regis nostri victoria: hostis confusio, nostra est gloria. Ne enim de hominis dejectione tumidus ille conditori ejus insultet, in eodem, quem vicerat, victum se dolet. His interim de primitiis gratiæ in primitias gentium magos effuse prælibatis, ad incunabula regis nostri articulum reflectamus, et quomodo Judaicum quoque vellus pastor bonus gratiæ suæ rore infuderit, videamus. Pastoribus gregi suo pastoralis sollicitudine invigilantibus, angelus angelica claritate coruscus astat, Salvatorem mundi natum annuntiat, ut quia omni populo antiquæ sententiæ abolita tristitia, æternæ lætitiæ auctor futurus sit, insinuat: *Annuntio, inquit, vobis gaudium magnum, quod erit omni populo, quia natus est vobis hodie Salvator, qui est Christus Dominus in civitate David.* Dignum plane tanti regis ortu præconium, ut mœrenti populo et Babylonis atque Romanæ servitutis jugo attrito, mox in ortu regis sui pax prædicetur et gaudium. Tales sunt fructus gratiæ, talia de radice illa divina pullulant germina, exorta nobis a Deo patre in Christo gratia, et pacis simul oritur abundantia. Nato enim principe pacis, paries inimicitiarum solvitur, auctor seditionis victus trahitur; et captivitas ad regis sui soluta imperium, potestate accepta, tumidam superbi illius cervicem super altitudinem nubium se extollentem, libero jam pede calcatur, atque redemptori suo gratulabunda decantat: *Dirupisti vincula mea; tibi sacrificabo hostiam laudis.* Et miranda in hoc quoque Jesu Christi Domini gratia: quod non Herodi, non principibus sacerdotum, sed pastoribus, hominibus rusticianis, sed simplicibus, sed justis, primum nuntianda censuit nova nativitatibus suæ gaudia. Sicut enim de pauperibus nasci voluit, ita et pauperibus nativitatibus suæ gaudia primum innotescere dignum duxit. Luca autem attestante didicimus, quia *cæpit Jesus facere et docere.* Qui ergo primum facere, et sic docere venerat, quam docturus erat, primo in seipso humilitatis atque paupertatis formam exprimebat. De pauperibus itaque nasci voluit, alienum nativitati D suæ hospitium prævidit; et quia in perfidia Judæorum ubi caput reclinaret non invenit ad desertum gentium, a lege et testamento, a notitia et cultu Dei alienum transivit. Hæc itaque hujusmodi divinæ pietatis opera, non tui meriti, o homo! sed gratiæ Dei sunt insignia. Quæ tanto tibi charius amplectenda, atque devotius est semper veneranda, quo et gratis omnia præstitit, et mutuum nihil exigit. Nam quod obsequium a te quasi necessarium districte videtur exigere, et hoc ipsum inenarrabilis est gratiæ. Quid enim summæ illi beatitudini, quæ augmentum non capit, et defectum non novit contuleris, si obsequium

et honorem detuleris? Quid autem detraxeris, si non obtuleris? Tibi ergo præstat quod ut servias, imperat, ut ex devotionis tuæ merito quasi juste cogatur immensa illa pietas, æterno fideliter obsequentem remunerare præmio. Dignum est etiam ut athletas gloriosissimos regi suo cœtaneos, silentio non præteream, qui et inaudito pugnandi modo decertant, et modo vincendi genere triumphant. In quibus cum nec ætas nosse bellandi studium, nec victoriæ poterat voluntas affectasse bravium, sola in his hostem expugnat gratia, sola meretur palmam innocentia. Dico autem beatos illos ac vere innocentes, qui per Christi gratiam, martyrii prius adepti sunt gloriam: quam possent nosse martyrii causam. Felices parvuli, qui nomen Christi meruerunt, ante sanguine quam lingua confiteri. Felices parvuli, qui de stadio mundi meruerunt ante ad regnum victores ingredi, quam scirent cum hoste congregari. Beati martyres, qui nivea innocentie stola candentes, atque roseo cruore vernantes, merentur sequi quocumque ierit, Agnum Dei. Ipse enim fuit eis causa pœnæ, ipse est et corona gloriæ. Audiens enim natum Christum Herodes cruentus carnifex, audiens eum et Judæorum regem futurum, turbatur, atque impiæ mentis furiis agitur, tremat, pallescit; metu concutitur, animo dissolvitur. Nomen regis expavescit, quia regnandi modum non intelligit. Regnum quippe Judæorum nec nobilitate obtinuerat, nec probitate meruerat, sed nobile illud regnum regis stirpi Judæ, patriarchæ Jacob vaticinio debitum tyrannide invaserat, crudelitate retinebat. Nato ergo rege justitiæ, injustitia tremat, regnatura pietate crudelitas fremit. Sed cur impie sævis? Quid livore torquearis? Cur adventum Salvatoris formidas? Quid ad nomen mitissimi atque humillimi regis trepidas? Non venit ut temporalia tollat, qui æterna militibus suis stipendia erogat. Terreno regno non indiget, qui cælo præsidet. Depone ergo inanem formidinem, exagitata compone mentem, et ut sub eo feliciter regnes, fideliter perage, quod simulas, regem, velis nolis, tuum subjecta cervice adorans. At dolosa vulpes intra tenebrosas perfidæ mentis latebras interim se celat, lætitiæ vultu simulat, corde dolos fabricat, et adoratum ire se spondens inventum necare parat. Sed frustra tentat sapientiæ Dei humanæ mentis malitia illudere, sicut et frustra nititur in præterduritia lubricus coluber molli tractu vestigia figere. Nam Dominus, qui aliud nativitati, aliud passioni suæ congruum utrique mysterio tempus præscripserat non dedignatur in Ægyptum alienis manibus tolli, qui passus est proprias manus cruci configi, non tam Herodem fugiens, quam mysterium peragens. Significabat enim jam tunc, nomen suum a principibus sacerdotum et conclamantis populi insaniam, rege suo videlicet diabolo instigante, de Judæa offugandum, et in fines gentium ore Apostolico deportandum. At cruenta bellua, torridis faucibus sanguinis avida, dum illudere putat illusa, quia nati regis guttur ex voto invadere non potuit,

in innoxium parvulorum exercitum rabiem effudit, ut dum cœtaneos regi suo parvulos strangulat prostrato toto exercitu, is qui solus vel maxime appetitur, furentis bestię morsum non evadat. Sternuntur ergo gladiis carnificum corpora parvulorum, sed deportantur ad æthera manibus angelorum. Sævit in terra atrocissimus carnifex, sed coronat in cœlo serenissimus iudex. Vere felices, vere beati, qui ante meruerunt vita æterna, quam præsentis perfrui; quibus vitæ præsentis ingressus fuit ad æternam transitus. Libet in hac sanctorum parvulorum tam magna gloria, gratiæ largitoris contemplari magnitudinem, in quibus cum imbecilla et immatura ætas, nec mortis timere supplicium, nec fidei nosset sperare præmium, pro se tamen passis non patitur martyrii gloriam, et mercedis minui plenitudinem, quia et in matura ætate, testante B. Hieronymo, causa, non pona facit martyrem. Simili modo et in nobis natum Christum, qui in Herode præsidebat, diabolus persequitur, si forte possit eum dum adhuc parvulus est in nobis, dolo perimere, nosque sub antiquo dominationis suæ iugo, captivos retinere. Nato enim in nobis Christo, et ad virile usque robur perducto, omnia in templo cordis nostri Ægypti idola corruunt, regnumque peccati, et universa, in quibus diabolus regnat confusionis opera, pariter intereunt. Hoc sciens, hoc præcavens, sævit, fremit, et tanquam leo rugiens circuit, et ut incautos supplantet, se in angelum lucis transfiguratur, ac natum regem adoraturum se simulat, oram calicis melle liniens, et venenum in fundo celans. Nobis enim quiescentibus, et viam Domini securo pede ingredientibus, velut angelum lucis callidus insidiator a dextris se ingerit, atque alia pro aliis fraudis suæ commenta suggerit, nihil emolumenti in loco nostro, et ex his quæ conquirere agimus, plurimumque detrimenti ex societate et negligentia eorum, cum quibus vivimus contrahere. Calumniatur prelatos, immisericordes, elatos, irreligiosos, sæculares, curam suam obnixe agere, aliorum negligere, lapsis manum non porrigere, infirmis neque compassionis affectum, neque consolationis opem impendere. Fratres autem alium notat superbia, alium invidia, hunc loquacitatis, illum arguit, vanitatis, postremo rarum quempiam esse, cui tuto se possit credere. Ad illum ergo vel illum locum secedendum, vel certe cum nusquam reperitur sit sui similes, tam boni studii, tam pii desiderii, ad remotiora, et ad solitudinem emigrandum, ibi pio desiderio ex importunitate malorum impedimentum nullum incurrere; ibi quietem, ibi silentium, ibi continuæ orationis studium, frequens jejunium; ibi conversationem sanctam, vitam angelicam; ibi lacrymas, et suspiria, postremo omnia ex voto succedere. Hæc et alia hujusmodi cordi nostro serpens antiquus insibilans, tentat de grege Dominico incautum quemque ac simplicem abducere, ut professionis sanctæ transgressorem cum sustentantem non habuerit, facile possit spiris suis involutum dejicere, et cum sublevantem non

A invenerit, libere dejectum suffocare. Sic sic totius doli inventor dum quasi sancta et utilia suadeat, Christum adorare se simulat, ut inventum occidat, eoque necato, regnum peccati, quod in nobis eo usque possedit, liberius de cætero possideat. Sed licet parvulos Christi, de quibus ipse loquitur: *Sinite parvulos venire ad me, carne perimat, arcem fidei non expugnat, et quamvis accepta potestate electos cribret, mundissima similia ad mensam superni regis transmissa, immundum sibi furfur dolo suo ipso delusus retinet. Simile quid et de impio Pharaone legimus: quod jusserit parvulos Hebræorum trucidari, feminas vero, quæ virtutem bellatorum enervant reservari. Ait enim ad populum suum: *Ecce populus filiorum Israel multus et fortior nobis est; venite sapienter, opprimamuseum, ne forte multiplicetur. Et si ingruerit contra nos bellum, addatur inimicis nostris expugnatisque nobis egredietur e terra.* Præcepit itaque obstetricibus Hebræorum, ut masculos interficerent, feminas autem reservarent. Sciebat quidem jam tunc, qui in Pharaone sæviebat hostis antiquus, bellum sibi ingruere, sciebat et formidabat, ideoque ad concitandos contra populum Dei Ægyptiorum animos, bellum eis ab ipso inferendum, ex domestico sibi ore prophetabat. Præfigurabat autem tempus gratiæ Christi, et victoriæ populi Christiani, quando ab eo, qui in Evangelio loquitur, *non veni pacem mittere sed gladium, ubique terrarum bellum contra eum suscitatur, et ab ipsis parvulis, quos in flumines suffocandos censebat, quotidie tanquam inermis et invalidus Christo duce expugnatur.* Additur namque inimicis Ægyptiorum populus Hebræorum, quando in unitate fidei populo gentium Judæus se sociat, et communem hostem æqualibus animis in commune debellant, ac Christo concedente victoriam uterque populus de mari Rubro victor ascendens, lætabundus decantat: *Cantemus Domino, gloriose enim honorificatus est; equum et ascensorem projecit in mare.* Ubi vero populo Dei ad terram repromissionis liber datur transitus, ibi adversariis insequentibus paratur interitus; et unda, quæ viam dirigit humilium, ut superbum ascensorem pariter involvat, hostilium subvertit rotas currum. Solet autem divina miseratio tunc magis protectionis suæ impendere subsidium, cum omne humanæ virtutis et industriæ defecerit auxilium, ut ubi sub falcetribulationis imbecillitas humana succumbit, non virtutis suæ, nec meriti, sed gratiæ Dei noverit esse quod evadit. In hoc enim vel maxime humanæ saluti benignissimus ille animarum medicus consulit, quod interdum hominem sibi derelinquit, et qua infirmum sustentabat, manum subtrahit, ut dum sibi dimissus labitur, quodque sine ipso stare non possit, lapsu suo experitur, protectori suo firmiter inhæreat, et ad illius laudem, cuius et dona sunt cuncta referat. Manifeste enim in Deum impius est, qui meritis suis ascribit, quod gratiæ Dei est. In his omnibus perpende, o homo, quantas debeas liberatori tuo gratias: qui testante,*

ac spectante inimicos tuos insensibili insensibiles A expugnat elemento, atque hoste tuo dextera sua prostrato, te victorem pronuntiat, te victorem collaudat, et coronam capiti tuo, victoriæ signum, et præmium condonat. Et ut amplius miseris et diligas protectoris tui benignitatem, atque potentiam, attende hostis tui immanitatem atque superbiam. Quis enim vel solo auditu immanissimi hujus non terreatur, qui fortitudinem populorum, quasi nidum inveniisse et universam terram, quasi ova derelicta tumido fastu magnifici cordis se congregasse gloriatur? Ait enim: *in fortitudine manus meæ feci, et in sapientia mea intellexi, et abstuli terminos populorum, et principes eorum deprædatus sum, et detraxi quasi potens in sublime residentes, et invenit quasi nidum manus mea fortitudinem populorum. Et sicut colliguntur ova, quæ derelicta sunt, sic universam terram ego congregavi et non fuit, qui moveret pennam, et aperiret os et ganniret.* Quis tantam hostis sui fortitudinem audiat, et aures ejus non tinniant? Quis alios de sublimi corruentes videat, et ipse in imo positus non contremiscat? Quid autem throno Petri sublimius: quid vero gradu Stephani firmitus? Et tamen Judam in apostolico throno residentem, unco avaritiæ detrahit: Nicolaum vero in gradu Stephani stantem, luxuriæ illecebris illectum, subvertit. Quis etiam crudelissimi hujus terrorem non stupeat: qui cum universam terram congregaverit, neminem inventum gloriatur, qui pennam moveat, qui os aperiat et ganniat? Nec mirum. Qui enim terrena sectatur, et terrigena est, et pennas animæ, visco cupiditatis obligatas habet, cum a diabolo ad numerum perditorum congregetur, pennam movere et avolare non potest: et a dæmone possessus, sicut et ille in Evangelio

mutus, nec os aperire, nec captivanti se libera potest voce contradicere. Qui vero cœlestis est et assumptis pennis columbæ, ad cœlestia contendit, de laqueis diaboli libere evolat, et aperto ore deceptorum antiquo libera voce insultat. *Frustra jacitur rete ante oculos pennatorum.* Quid igitur hæc pugna mirabilis, et victoria ista quid gloriosius? Quando enim ex corruptionis suæ defectu invalidus homo congregatur diabolo, quid aliud dixerim, quam vermiculum pedem conferre cum angelo? Pulcherrimum plane, pulcherrimum, et angelis, et hominibus de duello tam dissimili spectaculum. Stat hostis antiquus fremdens et indignans ac rabido ore spumias contorquens, evomit minas, et quia præsentem Christo virum nihil possidet, tentat vel fraude circumvenire incautum, vel terrore effugare pavidum. Mille ergo spiris involvitur, mille dolis instar molæ circumagitur, tantaque subtilitate ac velocitate de dolo in dolum lubricus se colligit, ut celeritate plerumque oculos fallente, homo nesciat, coluber tortuosus ubi incipiat, aut ubi desinat. At contra vermiculus Christi sub umbra alarum ejus securus, hostem suum rabido seipsum ore lanientem videt et ridet, et ore tacito ac corde devoto cum Moyse clamans ad Dominum, oratione expugnat adversarium. Adest Christus spectator certaminis, et protector sui militis; quo de cælo præstante victoriam, apostata angelo uno superbis in infernum detracto, vermiculus, Christi gratia subvehente, cœlestia conscendit coronandus. Tua est hæc, Christe triumphator æterne, tua est hæc victoria, tibi gratiarum actio, tibi laus et gloria, qui vivis et regnas per infinita sæcula. Amen.

#### PRÆFATIO IN LIBRUM NONUM.

Non molestum debet esse lectori, si paucis pro me respondeam eis qui me forte in eo reprehendendum putent, quod cum de gratia Dei scribere cœperim, effuso gressu per Veteris ac Novi Testamenti latitudinem evagatus sim. Dum enim latissimum utriusque Testamenti campum cursim transeo, pauca quæ festinanti se offerunt, divinæ pietatis exempla contingo, ut ex his lector intelligat, quid de gratia Dei, et in aliis sentiat. Penset autem qui hæc reprehendenda putat, ex aliis alia, et ex visibilibus æstimet invisibilia, quia color panno ligatus non eam ore laudantis gratiam obtinet, quam cum subjectis tabulis decenti varietate inductus, ipse sui nitorem oculis intuentium exhibet. Ita et ipsa, de

qua loquimur gratia, quæ sermone ineffabilis, cogitatu est incomprehensibilis, tanto legentibus plus placet, quanto ex ipsa Scripturæ sanctæ serie exemplis quasi quadam pingentis manu inductis, clarius fulget. Possem quidem breviter dicere, et quasi colorem optimum vili panno stringere, quidquid in creatoris omnibus dignitatis eminet et gratiæ ex ipso summæ bonitatis fonte procedere. Sed mel cœlestis gratiæ, nisi per ipsa pietatis suæ opera, quasi per quædam favi sui foramina de labiis sponsæ distillet, nequaquam palato nostri cordis tam dulcem sui gustum exhibet. Igitur quod cœpimus exsequamur, et accinctis lumbis quod residuum est cœpti itineris, gratia duce conficiamus.

### LIBER NONUS.

Superiore tractatu cum de sævitia Pharaonis ageremus, transitum quoque filiorum Israel memoravimus, quando liquens elementum ad populi

Dei munimentum, natura stupente, sed Dominum naturæ jubente, dextera lævaque in muri se subrexit firmamentum. Videamus nunc quomodo dux noster accoin-

ctus fortitudine aquae Jordanis, illius maris Rubri, A mysterium consummaturus ingreditur, et quomodo, qui in principio divisit aquas ab aquis firmamento interposito, aquas quoque Jordanicas sicut quondam Josue, ita nunc spirituali ab invicem examinatione se dividat interposito, ut superiores aquas in muri soliditatem statuatur, inferiores vero a se defluentes, usque in mare solitudinis et mare Mortuum, et a vita prorsus alienum justo iudicio perfluere sinat, quousque penitus deficiant. Sed primum videamus quid causæ sit, quod aquas baptismi adire voluerit, utrum indigentia sui, an gratia nostri. Aquis sordes lavantur, et inquinata aquis mundantur. Ut quid igitur aquis lavari voluit, qui sordes non habuit? Quid ergo dicemus? Otiose adiit lavacrum, in quo inquinatum nihil erat, B quod mundaretur per lavacrum? Nobis itaque baptizari voluit, nobisque sanctificandis, sanctissimi corporis sui intinotu aquas sanctificavit. Veneno enim viperæ persuasionis, in Adam infecta erat et inquinata omnis humana natura, nec erat aliud quo mundari posset lavacrum, nisi baptismatis Christi sacramentum. Et quod peccato mortuum erat, non nisi per vivificatricem aquam vivificari poterat. Primum enim quod spiraret ac viveret, attestante sacro eloquio, ex aquis prodiit, et quod vivens aqua produxit, benedictionem Dei primum meruit. Moyses enim sacræ scriptor historiarum, cum creationem cæli et terræ describeret, et sex dierum opera singulorum sigillatim diligenter exprimeret, et die prima, tertia, et quarta, *et vidit, inquit, Deus quod esset bonum, nec tamen aliquod collatæ benedictionis memorat sacramentum.* De secunda vero, quæ inter aquas dividit, non refert sermo divinus, quod hoc bonum esse Deus pronuntiaverit, hoc ipsum forte silentio indicans, quod quidquid unitatem dividit, censura divina non approbet. De die autem quinta sic loquitur: *Dixit etiam Deus: Producant aquæ reptile viventis animæ et volatile super terram, sub firmamento cæli;* et paulo post: *Et vidit Deus quod esset bonum, benedixitque eis dicens: Crescite et multiplicamini, et replete aquas maris, avesque multiplicentur super terram.* Ecce quomodo ex aquis mortuo mundo vita nascitur, et vivificato, benedictionis Dei sanctificatio tribuitur, ac consequenter crescendo et multiplicandi gratia superimpenditur. Neque enim dextræ Dei otiosa potest esse benedictio, sed ex benedictionis Dei gratia, bonorum omnium semper exuberat copia. Ita et ante adventum et baptismum Salvatoris, totius mundi latitudinem mors occupaverat, et universos filios Adam lethali sopore oppresserat: in tantum, ut nec legislatore inclamante, nec prophetica tuba insonante, excitari posset, qui mortuus jacebat. Sed cum videret Eliseus noster, neque per præmissum puerum, neque per baculum superpositum, jacentem puerum exsurgere, miserandam matrem miseratus, dignatus est ad jacentem accedere, et ad mensuram parvuli se contrahens, atque os ori, oculos oculis, manusque manibus componens,

A divino calore confotum, jacentem suscitavit, qui nullo humanæ infirmitatis auxilio suscitari poterat. Ecce quantum se verus Eliseus. Dominus noster Jesus Christus, ecce quantum se contrahit, quando et peccati formam assumit, et inter peccatores peccatorum baptismum expelit, et aquas ipse contingens nos abluit. Sed inter hæc et illud percunctari libet, cur omnipotens Deus peccata mundi laxaturus, hoc visibile elementum, quasi ad quoddam supplementum, in opus invisibilis gratiæ judicaverit assumendum. Quis enim hoc vel incredulus crediderit, quod sine ipso peccata nostra laxare Omnipotens non possit? Quis autem hoc vel insanus dicere audeat, vel a Deo otiose aliquid præcipi, vel in ministerium salutis nostræ, aliquid quod non ipsi saluti cooperetur adhiberi? Assumptum est ergo ut arbitror ipsum visibile elementum, ad redemptionis nostræ sacramentum, tanquam necessarium; necessarium autem dico, non ipsius omnipotentis, sed tarditati nostræ. Qui enim ea, quæ oculis cernimus, manibus attingimus, infidelitatis nostræ errore abducti vix credimus, quomodo radiis invisibilis solis irreverberata fidei acie lippitudo nostra intenderet, nisi oculos cordis nostri ad contuenda invisibilia quasi quodam collyrio visibilium, cælestis medicus inungeret? Unde ad prædicandum discipulos mittens aiebat: *Euntes prædicate, dicentes, quia appropinquavit regnum cælorum. Infirmos curate, mortuos suscite, leprosos mundate, dæmones ejicite.* Doctori namque, qui ad prædicandum mittitur, curandi languores animarum cura committitur. Sed frustra medicus curam adhibet, si ægrotus de sanitate desperet. Ut ergo peccator ad penitentis remedia indubitata fide confugiat, ex alienæ carnis visibili curatione discat quid de invisibili ægritudine animæ, ab omnipotente medico sperare debeat. Similiter et qui lethali somno peccati in mortem obdormierit, per hanc visibilem ad invocationem nominis Christi corporum resurrectionem discat invisibilem quoque credere ex fide Christi animæ resurrectionem. Sed et qui se hæretici dogmatis immundo, et a seipso diverso colore respersum dolet, Dominum genu flexo adoret, et ex corporum emundatione, de recuperanda fidei puritate non desperet. Qui vero a dæmone possessus per facinora atque flagitia præceps agitur, si toto corde ac plena ad Dominum fide convertatur, non ambigat malignum, quamvis infestum, quamvis violentum, imperio Domini de penetrali cordis sui effugandum. Sic ergo signa atque mirabilia visibiliter fiunt, ut credantur ea quæ videri non possunt, ita ad roborandam fidem credentium, in opus cælestis gratiæ assumptum est ipsum quoque visibile elementum. Et valde congruit elementum mysterio, quia sicut hoc sordes corporum, ita illud, remittendo peccata, sordes abluit animarum. Nostri igitur causa ut diximus, fluente Jordanis sanctificaturus Salvator ingreditur, ut siccatis venis peccati, decursum nostrum sisteret, et in acceptæ gratiæ dulcedine perseverantes, nulla nos denuo tentationum violentia in mare Mor-

tuum. id est in profundam et amarissimam vitiorum voraginem invitos devolveret. Qui enim post restitutam sibi a Christo libertatem, antiquæ immundorum spirituum sponte se mancipal servituti, in mare solitudinis, a gratia videlicet supernæ visitationis omnimodo solitarium, et mare Mortuum, anima enim, quæ peccaverit, ipsa morietur, non tam hostis sui violentia impellitur, quam propriæ cupiditatis illecebris illectus devolvitur. Baptizato itaque Domino cælum patuit, Spiritus sanctus in columba adfuit, Pater in voce de cælo sonuit: *Hic est Filius meus dilectus in quo mihi bene cœmplacui.* Hæc est illa baptismatis Christi gratia, hæc virtus, hæc sanctificatio, per hanc S. Trinitatis fidem baptizatis tribuitur peccatorum omnium remissio. O quam gloriosum de præsentia Patris, et Filii, et Spiritus sancti concilium! o quæ lætum ipsis supernis virtutibus spectaculum! Felix Baptista, qui hæc videre; felix, qui hæc audire meruit; felix et ille qui audita fideliter credit, sed felicior, qui semel baptizate Christi lotam, a sordibus mundam de cætero servat conscientiam. *Aperitum est,* inquit B. Lucas, *aperitum est cælum.* Et quando clausum fuit ei cælum? quando ei clausum fuit, sine quo nec esse potuit? Quomodo se ei firmamentum reseraret, quo nisi præside in firmum nutaret? Nobis itaque reseratum est clave baptismatis Christi, quibus antea clausum erat vecte originalis delicti. Opportune autem tum cælum apertum est, ut homo disceret, quæ ei clavis cœlestia reserasset. *Et descendit Spiritus sanctus sicut columba in ipsum, et mansit super eum.* Domestica semper avis columba Spiritui, simplex simplici, sine fellis amaritudine ipsi dulcedini, ramusculi olivæ bajula, pacis amica, pacis nuntia. O quam jucunda in pectore purissimo, puritatis amatori mansio! O dignatio Domini et gratia! o honor servi et gloria! o si in pectore nostro hæc avis mansuetissima requiem inveniat, quæ lenissimo lapsu circumvolans humilem et quietum quærit, in quo requiescat felix anima, quæ peregrino Christo præbet hospitium. Felix conscientia quæ circumvolanti et æstuanti Spiritui, in umbra pii desiderii præstat refrigerium. Sed hæc sanctorum sunt; in nostro autem pectore utinam vel ad momentum requiem inveniat, qui stabilem et æternam mansionem non nisi in illo purissimo et affectuosissimo pectusculo Domini nostri Jesu Christi aliquando invenire potuit. Hic est enim, hic est vir ille unus, singularis et unus, diu expectatus, multum desideratus, cujus amore languentes septem ille prophetiæ mulieres, dilecto suo ex dilectionis nimis quasi impatientia inclamant, dicentes: *Panem nostrum comedemus, et vestimentis nostris operiemur; tantummodo invocetur nomen tuum super nos, aufer opprobrium nostrum. Aufer opprobrium nostrum!* Proh dolor! Qui factus erat ad factoris sui imaginem, qui conditus ad conditoris sui honorem et gloriam, non factoris sui imago et speculum, sed vivificatoris sui perverso nomine vocatur opprobrium. Proh dolor! *Quis dabit*

*A capiti meo aquam, et oculis meis fontes lacrymarum, et plorabo non interfectos unius populi, sed opprobrium totius generis humani?* In omni genere humano nullus invenitur, cujus nomen super has mulieres digne invocetur, qui mulieribus his honori sit et gloriæ, qui auferat, imo qui non augeat nævum ignominis. Unde hæ septem mulieres, septem videlicet gratiæ spirituales, flebili voce queruntur dicentes: *Panem nostrum comedemus, et vestimentis nostris operiemur; tantummodo invocetur nomen tuum super nos, aufer opprobrium nostrum.* Ab initio genus humanum circuevimus, patriarchas, justos et prophetas inspeximus: *Omnes declinaverunt, simul inutiles facti sunt, non est qui faciat bonum, non est usque ad unum;* in te ergo requiescimus. *Invocetur itaque nomen tuum super nos, aufer opprobrium nostrum.* Tu es quem semper optavimus, tu, de quo in organis nostris cantavimus: *Egredietur virga de radice Jesse, et flos de radice ejus ascendet, et requiescet super eum Spiritus Domini, Spiritus sapientiæ et intellectus, Spiritus consilii et fortitudinis, Spiritus scientiæ et pietatis, et replebit eum Spiritus timoris Domini.* Nos radicem confovimus; nos virgulam eduximus; nos parturientem adumbravimus, nos florem produximus; jure ergo in eo requiescimus. Hæ septem mulieres, septiformis est Spiritus, qui diversis in donis dividens ea pro arbitrio singulis, in seipso idem semper manet et indivisus. Quod vero nullo indigeat, nullus est fidelium qui ambigat. Hoc solum postulat, ut invocatio nominis Christi opprobrium suum de medio auferat, ut æterni tabernaculi vasa aspersione sanguinis ejus mundata, digna existant, quibus gratiarum suarum benedictionem infundat.

Descendente igitur in Jordanem Domino, descendit et Spiritus de cælo; et in ejus pectore eo fiducialius requiescit, quo nihil in eo quod quiescentem turbet invenit. Sed quid est quod nunc in eum descendisse cernitur, a quo ab ipsa conceptionis hora nunquam recessisse creditur? Nunquid nunc primum templum suum visitat, quod in utero virginali dedicaverat? Quod ergo corporali specie Spiritus sanctus super baptizatum Dominum apparuit, fidem nostram instruit baptizatis videlicet in Christo cœlestia reserari, et per acceptam Spiritus sancti gratiam in filios Dei adoptari. Per Spiritum enim datur peccatorum remissio, per Spiritum filiorum adoptio, ita testificante ad Romanos Apostolo: *Non accepistis Spiritum servitutis iterum in timore, sed accepistis Spiritum adoptionis filiorum, in quo clamamus: Abba pater. Ipse enim Spiritus reddit testimonium spiritui nostro: quod sumus Filii Dei.* Descendente itaque Spiritu sancto ac manente super Dominum, ne imperfectum remaneret fidei nostræ sacramentum, Patris quoque adesse præsentiam, vocis auditæ indicat testimonium. Audita est enim vox paterna, et vere paterna, vox pia pietatis nuntia, quæ veterem sententiam damnaret, et novam gratiam subrogaret: *Hic est Filius meus dilectus, in quo mihi bene complacui; ipsum audite.* O novum, o



inauditum de homine Dei Patris testimonium! Multiplicata quondam malitia hominum, quando omnis caro viam suam corruperat, et cuncta cogitatio cordis omni tempore ad malum intenta erat: *Delebo, ait Dominus, dolore cordis lactus intrinsecus, delebo hominem, quem creavi facie terræ; pœnitet enim me fecisse eos.* Digna quidem et justa in reum justiiudicis sententia, sed lugenda misero homini tam pii conditoris super conditione sua pœnitentia. Nunc autem in Jordanis alveo, hominem illuminatuenens, super quo divinam providentiam nunquam pœnitet, blanda super eum voce insonat, eumque tam ex amoris et sanctimonie quam ex dignitatis privilegio commendat. Commendat enim eum ex dignitate Filii adorandum, ex singulari amoris sui privilegio venerandum, atque ex speciali sanctitate, in qua Deo Patri semper bene placuit imitandum. *Illic est, inquit, Filius meus dilectus, in quo bene complacui.* Ecce quid nobis sacramentum baptismatis, ecce quid contulit dignitatis, gratie et utilitatis. Dignitatis, ut nos in Filios Deus Pater adoptet; gratie, ut paterna adoptatos charitate foveat atque sanctificet; utilitatis, ut sanctificatos ita de virtute in virtutem provehat, ut ex nobis ipse sibi semper bene complaccat. Recordemur itaque quid fuerimus, intueamur quid simus, et ex his facile colligemus quid per gratiam Dei adepti simus. Sed utinam vel nescire liceat, vel non iterare libeat quod fuimus, et dignitatem adoptionis filiorum Dei, quam nos adeptos esse gloriamur, morum dignitate defendamus. Rebelles Deo fuimus, mandati ejus prævaricatores facti sumus, et ex sententia damnationis nostræ paradisi exsules constituti, hosti antiquo ludibrio habiti sumus. Et re vera quod majus poterat esse hostis antiqui ludibrium, et generis nostri improprium, quam ut fortitudinem nostram, sicut supra memoravimus quasi nidum superba manu detraheret, nec in nobis esset qui vel pennam moveret, et aperto ore ganniret? Nec poterat semel moto pede nutabundo gressu imbecillitas humana, in lubrico illo peccati subsistere, sed diabolo quotidie ad deteriora propellente, eo devoluta est, ut *insipiens in corde suo: Non est Deus* diceret, et ignorantie sue tenebris obcæcatus homo, ligno et lapidi genua flecteret. Proh pudor! rationalem hominem insensibili ligno cervicem inclinare, et lapidem, qui se adorari nesciat, adorare. Proh pudor! ab illo auxilium petere qui sibi auxiliari nesciebat, eumque super statu suo consulere, qui nisi clavis confixus stare non poterat. Ubi erat tunc, o homo, dignitas conditionis tuæ? Ubi splendor imaginis divinæ tibi manu impressæ? Quomodo inmemor factus es potestatis tuæ? Quomodo irrationabilibus tam degeneri servitute subesse voluisti, quibus et nobilitate conditionis et moderamine rationis dominari debueras? Quomodo, qui ad imaginem Dei factus eras, imaginem canis et serpentis adorabas? Tales de radice illa putrida paternæ corruptionis pullulavimus, tale lac de ubere matris gentilitatis suximus, ita a patre diabolo edocti sumus. Sed ubi verum Patrem audivimus inclamantem:

**A** *Audi, filia, et vide, et inclina aurem tuam, et obliviscere populum tuum, et domum patris tui, et concupiscet rex decorem tuum, ubi Deum Patrem agnovimus, in Filios Dei adoptati sumus. Non impropere reverentibus benignissimus Pater spurcitiam idolorum, non siliquas porcorum, sed paterna charitate commotus, in amplexus ruit, et in signum reconciliationis osculum pacis porrigit. Deputantur nobis tanquam filii servorum ministeria, exhibentur in ornamentum nostrum omnia, stola, annulus, calceamenta, paternæ nobilitatis insignia. Pristinæ dignitatis locus restituitur, et pro exaltatione nostra festum congaudentibus amicis convivium instruitur. Quis tantæ pietatis viscera non obstupescat? Quæ cordis humani duritia hoc igne conflagrata non liquecat?*

**B** *Quis enim dives ac præpotens, servum suum natalibus degenerem, vita infamem, adoptare sibi dignetur in filium? Et quid magnum, si homo hominem, mortalis mortalem, corruptibilis corruptibilem, adoptet in filium? Cum vero Deus hominem, omnipotens infirmum, æternus temporalem, tam degenerem, tamque indignum adoptet in filium, quis digne miretur, quis digne prædicet, quis condignam adoptanti se debitæ servitutis, ne dicam dilectionis vicissitudinem recompenset? Ego enim, ut loquar quod sentio, gratiam istam per vestigia sua anhele persequens cursu, apprehendere nequeo, sed quo magis, magisque propinquo, eo clarius quia incomprehensibilis sit aspicio. Sed et hoc considerandum in his pietatis nominibus, quod ille summe bonus, summeque pius, blanditiis maluerit spontaneos invitare, quam minis ac terroribus invitos cogere, dum se patrem, se nutritorem, se matrem, et gallinam appellat, nos filios, nos parvulos, nos pullos ex affectu pietatis nominans. Loquitur quodam loco Dominus ad Hierusalem, tanquam si parvulo filio blandiatur pater benignissimus. *Nunquid oblivisci potest mulier infantem suum, ut non misereatur filio uteri sui? Et si illa oblita fuerit, ego tamen non obliviscar tui.* Et si fieri potest, ait, ut mulier calcato jure naturæ, et neglecta pietate, ad viscera sua non moveatur, nec filio uteri sui misereatur, nullo tamen pacto fieri potest, ut ego, qui naturæ sum conditor, obliviscar eorum, quos coadidi. Invenies et alia quam plura in Scripturis sanctis his similia, quibus addiscere poteris mirum in creaturam suam piissimi creatoris affectum. Quocirca, o homo, tot ac tantis beneficiis, et ex ipso commonitus nomine pietatis, satage collatam tibi moribus adornare dignitatem, nisi vacua in te fuerit et otiosa, sit et infructuosa. Considera diligenter quanto labore desudent homines, quanto studio, quanto demum non ipsius vitæ tantum, sed et animæ periculo, ut temporalia adipiscantur et peritura congregent, ubi diu permanere non possunt, nequæ possidentur, nec qui possideat. Pudeat itaque filium regni minoris studii in retinenda adoptionis sue gloria inveniri, quam filium perditionis in coacervandis perituris, et cumulandis sibi suppliciiis semper mansuris. Pudeat eum serenissimum illum*



patris sui vultum vel leviter contristare, qui in tantam dignatus est eum gloriam adoptare. Pudeat, inquam, eum incomparabiles paternæ mensæ delicias deserere, et os paterno osculo sanctificatum immundis porcorum siliquis polluere. Cogitet semper magnitudinem paternæ dilectionis, reformidet quoque, si ingratus repertus fuerit, intolerandam severitatem paternæ indignationis. Appendat ante oculos exigui laboris inæstimabile præmium, et e contrario momentaneæ voluptatis ineluctabile supplicium. Timeat tremendi iudicii futuram discussionem, in qua cum memorata fuerint prærogatæ nobis dona pietatis, distincta animadversione exigendum est a nobis, et debitum condignæ servitutis. Commemorabuntur ante tribunal iudicis dignitas conditionis, gloria divinæ similitudinis, charitas redemptionis, effusio pretiosi sanguinis, adoptio filiorum, promissa beatitudo regni cælorum. Commemorabuntur et ad implenda præcepta collata subsidia, hostis imbecillitas, nostra desidia. O quanta tunc erit confusio trepidante conscientia! heu quam amara! heu quam æra! heu quam infructuosa tunc erit de præterito torpore pœnitentia! O si modo liceret vultum illum confusionis nostræ inspicere; o si modo liberet distractionem illam emendatiore vita mitigare. Tunc accusante conscientia, nullus erit excusator, nunc correctæ vita, nullus tunc invenietur accusator. Vos igitur genus electum, progenies sancta, stirpe

A regia, ut filii Dei, ut filii charissimi, digne Deo, digne tanto patre conversamini, ut tunc læti eum sicut patrem excipiat, cui nunc filiali affectu deservitis. Non est filiorum adveniente patre trepidare aut latebras quærere, sed exultante spiritu certatim in occursum ruere, singulos ut primus ipse accurat anhelare, cupide amplecti, affectuosissime deosculari, atque immensum de dulcissimi patris adventu gaudium, occursu, gestu plausu, oculis, atque amplexu testari. Tales filios, tam pios, tam devotos, tam sedulos, benignissimus ac serenissimus pater, paterna hilaritate excipit, et in unum innumeros amplexum, inflexis latius ulnis colligit, dulcesque filios ad sacratissimum pectus est, astringens, blanda manu, blandoque affatu demulcet. Nunc filii mei, nunc charissimi mei, nunc benedicti Patris mei, gloria regni mei mecum perfrui mini; nunc adoptionis vestræ quanta sit dignitas agnoscite, et quæ fiendo seminastis, gaudentes metite. Jam laboris vestri et luctus tempora cursore velocius abierunt, sed refrigerii vestri et gaudii tempora me manente, abire non potuerunt. Quia igitur hilariter implestis quæ præcepi, percipite liberaliter quæ promisi. In illa die divini vultus splendore illustratus homo, agnoscere poterit, gratia Dei quæ et quanta circa se fuerit. Et quoniam nihil in se dignum tantæ largitate inveniet, æternas Largitori gratias referet, qui vivit et regnat per omnia sæcula sæculorum. Amen.

#### PRÆFATIO IN LIBRUM DECIMUM.

Arduum est atque laboriosum iter virtutum, nec facile a quoquam hominum scanditur, nisi gratia de qua loquimur, gressus ascendenti dirigatur. Unde et ego utroque pene pede claudus, in hunc altissimum non dicam montem, sed montem montium conscendere iussus, difficultate rei territus, valde trepido, quia et si gloriosum est ad summa contendere, ignominiosum satis est inefficaci gressu deorsum ruere. Non est difficile per plana quemlibet incedere, ubi nec anxie anhelat qui graditur, nec penitus conteri formidat, qui labitur. Cum vero sicut, quod in limine libelli pendet, edictum obedientiæ continet, de sacramentis corporis et sanguinis Domini nostri Jesu Christi jubeor disserere, cogor ipsum fidei nostræ verticem ascendere, quo ascensu nihil

C expertus sum laboriosius, nec casu quidquam periculosius. Et qui ad radicem montis descensum et attactum pii medici cum leproso operior, cogor cum Joanne et Jacobo excelsa subito conscendere, et squamis cæcitatæ meæ nondum detractis, transfigurati Domini gloriam contemplari. Sed hoc solum habeo in difficultate operis hujus solatium, quod ad hoc temerario nequaquam ausu prosilui, sed impellente obedientia, necessitate compulsus sum tentare, si forte queam inoffenso pede fidei præeuntis gratiæ vestigia sequi. Melius enim arbitratus sum quamvis infirmo gressu pedetentim progredi, quam nec tentando quæ jussa sunt, inobediens inveniri. Ea igitur quæ restant, ipso qui jussit opitulante aggrediamur.

### LIBER DECIMUS.

Dominus noster Jesus Christus sciens radicem D superbiam ab humano genere, nisi per manum celestis agricolæ extirpari non posse, sarculo verbi ubique eam persequitur, ne si hæc effossa non fuerit, de veneno radicis omnis fructus corrumpatur, et quod sana radice salubre esse poterat, corrupta mortiferum fiat. Sciens itaque humanum animum gloriæ cupidum, et in tantum altiora se

quærere, ut et ipsius gratiæ Dei dona interdum sibi velit ascribere, noxio tumori emplastrum humilitatis imponit, humiliandum docens, qui se exaltaverit, et e contrario exaltandum, qui se humiliaverit. In tantum autem divina beneficia ad laudem Dei censeat esse referenda, ut doctrinam suam non suam esse asserat, et nihil a seipso se posse, humili assertionem perhibeat. Quod si Dei virtus, et Dei sa-

pientia doctrinæ atque operis sui gloriam Deo Patri assignat, quanto magis humana imbecillitas? Si vitis radicis suæ pinguèdinem irrigatori Deo tribuit, quanto magis palmites? Quid enim palmes haberet, nisi, ut ita dixerim, de amplexu radicis, secreto quodam naturæ utero gemmam conciperet, et uvam pareret? *Ego sum, inquit, vitis, vos palmites. Sicut palmes non potest fructum facere, nisi manserit in vite sic nec vos, nisi in me manseritis.* Ad hoc enim cœlestis agricola palmitem inserit, ad hoc subrigit, ad hoc fodit, ad hoc colit, ut radioi inhaereat et unum cum radice fiat; ut de radice vivat, de radice fructum afferat, et fructum qui maneat, gloriam tamen totius fructus vitæ esse sciat. Tunc enim vere vivit, quando humiliter agnoscit, de quo vivit. Ut ergo pessimam illam superbiam radicem de agro cordis nostri pius cultor extirpet: *mea, inquit, doctrina non est mea, et non possum ego a meipso facere quidquam.* Et cum Corozaim, Bethsaidæ, Capharnaï civitatibus, in quibus frequenter docuerat, et virtutes multas fecerat, obstinatæ mentis duritiam, et incredulitatis suæ perfidiam exprobrasset, Tyro et Sidon, ac terræ Sodomorum in die iudicii remissius esse futurum pronuntians, de fide apostolorum atque credentium ita Patrem glorificat: *Confiteor tibi, Pater, Domine cœli et terræ, qui abscondisti hæc a sapientibus et prudentibus, et revelasti ea parvulis. Ita Pater, quoniam sic placitum fuit ante te.* Et vide, quomodo ubique gratiam commendat, ubique gloriam patris prædicet. *Confiteor, inquit, tibi, Pater, Domine cœli et terræ.* Nihil sibi de fide credentium assignat, nihil de institutione discipulorum sibi arrogat, qui elegerat, qui vocaverat, qui instituerat, qui justificaverat. Ipse vasa iræ discernit a vasis misericordiæ, ipse alios, atque alios, in illud atque illud ministerii sui opus distribuit, duodecim speciali gratia eligit, quos et seorsum familiariter instruit, foris parabolas turbis proponit, domi discipulis proposita disserit. Nec tamen quidquam horum sibi tribuens, sed ad gloriam Patris omnia referens, pro abjectione superbiorum atque electione humiliorum, gratias agit, dicens: *Confiteor tibi, Pater, Domine cœli et terræ, qui abscondisti hæc a sapientibus et prudentibus, et revelasti ea parvulis.* Diligens lector, diligenter attende quomodo Dei Unigenitus æterno Patri cœternus, cum quo illi una substantia, eadem est gloria, unum, idemque consilium, opæque indivisum, quomodo ad solius Patris gloriam omnia sua referat, ut te purum hominem, infirmum et impotentem doceat, quo tua omnia, si tamen Deo digna fuerint, referre debeas. Nec enim, ait, abscondimus hæc et revelavimus, sed abscondisti et revelasti. Ac si diceret: Ego vocavi, tu inspirasti; ego librum tenui, tu aperuisti; ego legem proposui, tu exposuisti; ego insonui auribus, tu cordibus. O gratia, o pietas, o prudentia! Sic sicægro suo pius medicus consultit, ita humores noxios per membra diffusos, salutari cathartico decoquit, ut et ipsum fontem venena manantem exsiccare contendat, et causas

atque origines morbi, quod in ipso est, de medio auferat, ne si rursus antiqua venena fons ebullire incipiat, ipse et laboris sui industriam et impensas perdat. Ex hac ergo Domini nostri confessione, amator gratiæ discat, quomodo, et cui confiteri debeat, et quantum in singulis quibusque boni invenerit, tantam et in singulis gratiam Dei esse noverit. Nam quanta in se ipsa sit, nemo unquam quantolibet sensus acumine investigare poterit, nisi qui forte quantus sit immensus mensus fuerit. Item de quinque panibus quinque millia, et de septem quatuor millia refecturus, accipiens panes in manibus, gratiæ egit, benedixit, ac fregit, et turbis erogandos discipulis tradidit. Miraculum facturus, primum quidem gratias agit de tradita sibi potestate, ac sic demum accepta potestate utitur in miraculi exhibitione. Tanta autem post gratiarum actionem subsecuta est ubertas benedictionis, ut de paucis panibus, tot millibus satiatis, fragmenta quæ supererant, in duodecim et septem cophinos exuberarent. Et miranda in hac turbæ refectione dispensatio gratiæ, quomodo alii panibus hordeaceis, alii reficiantur triticeis. Sed valde plus miranda in refectione verbi, cujus typum præferebant panes illi, divisio gratiarum, quomodo idem verbum pro palato et gustu comedentium, aliis hordeum, aliis sapiat triticum. Est enim hordeum palea grossius, gustu austerius, cibus servorum, pabulum jumentorum; triticum vero tactu mollius, gustu suavius, mensæ infertur dominorum. Qui ergo adhuc spiritu servitutis, et timore servili Domino serviunt, gustum hordei in verbo Dei inveniunt. Qui vero spiritu charitatis Domino deserviunt, et timore casto, qui permanet in sæculum sæculi, Deum diligunt, longe alium gustum, melle et favo dulciorem de verbo Dei eliciunt. Mira igitur et ineffabili verbi suavitate refecti, duritiam hordei, et cibum servilem, tanquam liberi, tanquam filii ac delicati, stomacho nauseante rejiciunt, et degustatam semel dulcedinem insatiabili gutture ruminantes, et verbum bonum corde jucundo eructantes, læti concinnunt: *Quam dulcia faucibus meis eloquia tua, Domine, super mel et favum ori meo.* Est et aliud de verbo, Dei, quod adhuc amplius miror, quod idem verbum quasi nullum interdum saporis sui gustum logenti aut psallenti generat, interdum vero omnem mellis dulcedinem gustatum superat. Sæpe namque tanta melliflue suavitatis abundantia exuberat, ut animæ sitiienti, atque æstu desiderii sui torridæ instar torrentis influat, totumque post se hominem pia quadam violentia trahat, ut plerumque homo toto ad cœlestia animo suspensus, atque in oblivionem sui a verbo Dei abductus, nihil præter eum cujus amore pascitur cogitat. Tunc pallio terrenæ sollicitudinis rejecto, curru cum Helia sublevatur igneo, et in eo vere completur, quod de Enoch scribitur, *et non inveniebatur, quia transtulit eum Deus.* Qui enim alias sancti desiderii libero ad cœlestia volatu sustollitur, in fœcibus terrenis, a Deo translatus, non invenitur, sed quo magis in purissimo

æthere assuescit, eo amplius cœnosas ac fetentes terræ paludes horrescit. Cum vero necessitate carnis more aquilæ ad terrena descendere cogitur, tunc vere peregrinum se esse lamentatur, tunc gemitus rumpunt, tunc suspiria pectus quatiunt, tunc lacrymarum imbres profluunt, et defectu corruptionis suæ affectus, non tam cantat, quam gemebundus ejulat: *Heu mihi! quia incolatus meus prolongatus est; habitavi cum habitantibus Cedar; multum peregrinata est anima mea.* Sed quod hac dulcedine homo pro voto non fruitur, nec semper eam in verbo Dei invenit, frequenter ex vitio palati interioris, et pœna præteriti torporis accidit, nonnunquam vero ex dispensatione gratiæ Dei, mirabiliter omnia dispensantis provenit. Si quidem si pro voto semper adesset, tanto eam desiderio homo non quæreret, aut forte, quod perniciosius est, domestica sibi præsumptione deceptus, laboris sui fructum, et non Dei donum crederet. Novit autem Dominus quomodo dona sua dispenset, quid cui et quando erogat; si que talentum verbi inter servos secundum virtutem cujusque dividit, ut lucro neminem vacare velit. His de panibus mysticis, pro loco et modo ingenioli nostri dissertis, ad panem verum qui de cœlo descendit transeamus: ipsum toto cordis affectu obsecrantes, ut de se scribenti inolita bonitate adesse dignetur, ut ipso inspirante se digna et legentibus scribam proficua. Instituto itaque sacrosanctæ cœnæ convivio, ubi legalibus cæremoniis celebrato Pascha typico, finem imposuit, verum et æternum Pascha veri Agni oblatione substituit; in cujus immolatione charitas ipsa et gratia de qua agimus, oculis nostris quasi visibiliter se contueendam exhibuit. *Majorem enim charitatem nemo habet, quam ut animam suam ponat quis pro amicis suis.* Si autem animam ponere pro amicis, tam magna est charitas, ut major esse non posset, quæ et qualis, aut quanta est charitas, animam ponere pro inimicis? Nam cum pro amicis anima ponitur, vicissitudo amicitie redditur; cum vero pro inimicis anima ponitur, recte charitas, recte gratia vocatur. *Commendat autem suam charitatem Deus in nobis,* ait Apostolus: *quoniam cum adhuc peccatores et inimici essemus, Christus pro nobis mortuus est.* Hæc est commendatio illius immensæ, et Deo dignæ charitatis. Hæc est ostensio gratiæ inscrutabilis, cum pro peccatoribus gratuita bonitate Christus moritur, cum Filius Dei ostentui habetur, et injuriis hominum Deus exponitur. Typici itaque agni carnibus absumptis, et legalibus, ut dixi, cæremoniis consummatis, verus ipse Agnus, qui tollit peccatum mundi, accepit panem in manibus, et benedicens ac frangens, discipulis in hæc verba tradidit: *Accipite et comedite, hoc est corpus meum.* Pastor bonus pro ovibus suis animam positurus, atque dispensationis suæ cursu expleto, ac redemptionis nostræ mysterio completo, ad Patrem rediturus, quia gregi suo indissolubili vinculo charitatis connexus erat, nec præsentia corporali diu ab eo abesse poterat. Qui ergo maternam carnem assumpsit in

manibus et assumptam redemptionis nostræ convertit in opus, eadem verbi potentia assumit panem in manibus, et divinæ benedictionis ac verbi, quod ipse est effectu vertit in corpus suum, salutis nostræ sacramentum. Frangit autem panem, tanquam potestatem habens ponendi animam suam, et iterum sumendi eam. Licet enim persecutor comprehendat, liget, cædat, irrideat, conspuat, crucifigat, ipse est qui panem frangit, ipse qui mysterium passionis peragit. Nisi enim panem ipse frangeret, nisi Judæ tradendi, Judæis crucifigendi potestatem permitteret, inaniter iste insidias tenderet, inaniter illi manus extenderent. Nempe dicente Pilato: *Nescis quia potestatem habeo dimittere te, et potestatem habeo crucifigere te,* ut ostenderet potestatem hanc concessam esse, non propriam: *Non haberes,* inquit, *in me potestatem, nisi tibi datum esset de super.* Hoc ipsum et ad ministros, qui ad comprehendendum se venerant, rebus loquitur, cum verbo uno et blando, dicendo: *Quem quæritis?* sævientes in terram dejecit. Frumentum ergo Evangelicum Judæorum manibus molitur, igitur passionis coquitur, et verbum vitæ panis vivus effectum, vitale fidelibus efficitur alimentum.

*Et accipiens calicem gratias egit, et dedit discipulis dicens: Bibite ex hoc omnes. Hic sanguis meus novi testamenti, qui pro multis effundetur in remissionem peccatorum. Accipiens calicem gratias egit.* Ubique gratias agit, ubique ad agendas Deo gratias nos instruit, maxime tamen in articulo passionis, ubi quando magis ex infirmitate sua caro nutat ac trepidat, tanto magis manu divinæ consolationis indiget, quæ nutantem sustentet. *Spiritus quidem promptus est, caro autem infirma,* ait conditor et cognitor carnis et spiritus. Quia igitur infirmitatem nostram novit; qui nos condidit, fortique et armato, nisi fortiore nos protegente, fragiles et inermes non posse resistere, contra implacabile hostis antiqui odium, panis quotidiani inexpugnabile nobis contulit præsidium. Novit Dominus adversarium nostrum felle invidiæ ab antiquo infectum, infatigabili adversum nos malitia sævire: nec posse inter discordantes absque detrimento salutis nostræ fœdus aliquod intervenire. Novit etiam pius inspector cordium iter corruptionis nostræ tenebrosus esse et lubricum, nec illæsum pertransire posse quemquam hominum. Quia igitur quotidie periclitamur, quotidie labimur, quotidie ægrotamus, quotidianam sui in mysterio corporis et sanguinis sui dignatus est nobis exhibere præsentiam, qua liberemur, qua erigamur, qua convalescamus. Et quia panis cor hominis confirmat, vinum quoque lætiscat, recte in panis ac vini specie celebrandum instituit mysterium passionis suæ. Ipse est enim verus panis, qui corda fidelium confirmat, ne in solitudine hac vasta deficiant, qui famem mortis præviam fugat, qui desiderium nostrum in bonis satiat non satietate pœnali quæ cruciat et fastidium generat, sed satietate, quæ vires semper recreat, et fastidium nunquam creat. Cibus enim iste de quo ait: *Caro mea vere est cibus,* vere est mira-

bilis, et esus cibi hujus insatiabilis, qui quo magis A sumitur, eo magis esuritur, et quanto edentem plus satiat, tanto esurientem ad edendum amplius incitat. Non est autem alius calix calici Domini similis, qui sic bibentem divina et inenarrabili jucunditate lætificateat, ut omnem pristini doloris memoriam absorbeat. Non solum autem, sed et bibentem ita ingenta sibi suavitate inebriat, ut eum in excessum mentis mittat, adeo ut patri et matri, *nescio vos* dicat, ut semetipsum sibi abneget, et quodammodo se ipsum nesciat, ut quam frequenter ingressus est viam sæculi, non videat, et vacillantes præ ebrietate gressus, in lubrico amore immundi mundi figere jam non valeat, imo jam non libeat. Sic sic, imo longe aliter, quia et ineffabiliter panis Christi, qui est vere caro ejus, fidelium corda confirmat; sic calix Domini, qui est vere sanguis ejus, bibentium corda lætificat. Et apte quidem in his speciebus mysterium redemptionis nostræ recolitur, in quibus unum aliquid ex multis efficitur. Ex multis enim granis panis efficitur, et ex multis acinie vinum exprimitur. In tantam namque unionem grana contrita, conspersa, atque compacta conveniunt, et ita unum omnia sunt, ut granum a grano discernere nequeas; et quid cujus fuerit, non visos, non tactus, non gustus indicio deprehendere valeas. Asperitate enim paleæ cribri judicio discussa, ita in eandem speciem, ut eundem saporem, atque in eandem omnia transeunt lenitatem, ut nihil in specie appareat dissimile, nihil in gustu sibi sapiat contrarium, nihil in tactu a seipso sentiatur diversum. Si ergo ita uniuntur atque individua fiunt, quæ de terra oriuntur, quanto magis ea quæ de grano evangelico et semine divinæ benedictionis nascuntur. Ad hoc enim granum illud Evangelicum in terram cecidit, ut mortuum in altum radices mitteret, atque in totam mundi latitudinem extenderet, et quod solum ceciderat, fide gentium multiplicatum surgeret. Hoc itaque granum mola passionis tritum, et fide populorum velut aqua conspersum, tam indissolubili nobis affectu charitatis unitum est, ut ex multis granis unus panis fieret, et ex membris singulis capiti suo ejusdem charitatis compage cohærentibus, unum corpus. Propter hoc, ut Scriptura ait, facius homo patrem et matrem reliquit, et uxori suæ adhæsit, ut essent duo in carne una, sponsus et sponsa, Christus et Ecclesia. Patrem quippe reliquit, quando minoratus paulo minus ab angelis semetipsum exinanivit, quando traditus non egrediebatur, patiens non comminabatur, intra infirmitatis nostræ claustra se continens, et paternæ virtutis potentiam non exuens. Reliquit et matrem, matrem carne non spiritu synagogam; mater enim carnis caro, mater verbi, fides, quæ quia non agnovit quem genuit, et quem prædixit non credidit, maternæ pietatis et affectum perdidit et vocabulum. Adhæsit autem uxori suæ congregatæ de gentibus Ecclesiæ, quæ quia invitanti sponso dotem fidei exhibuit, et unius spiritus et unius carnis consortium meruit. Similis et in vino consideranda est unitatis communio, quod ex multis

acinis in unum liquorem torculari premente confluit. Et pulchre in his memoria Dominicæ passionis agitur, quorum utrumque quodammodo patitur, teritur, premitur, quia sicut grana teruntur, ut panis fiat, sic et uvæ calcantur, ut vinum fluat. *Omnes enim qui volunt vivere in Christo Jesu, ait Apostolus, persecutionem patiuntur.* Et beato Petro testante, ad hoc Christus passus est, ut præcedens vestigia passionis imprimeret, quæ nos sequentes, et patienti compatiētes, et asperum inter passionis perveniamus ad jucunditatem resurrectionis. Quem ergo suavis gustus vini hujus demulcet, pressuram torcularis non recuset. Ideo et aqua in mysterio nostri vino miscetur, et sic sacrificium acceptabile Deo offertur, quia tunc gratam Deo passionis Christi hostiam immolamus, quando et ipsi passionibus ejus simul patiēdo communicamus. Cum enim Dominus noster corpus suum et sanguinem in mysterio panis et vini sumendum discipulis traderet, mandatum dedit, ut hoc frequentius in sui commemorationem agerent. Tunc enim digne offerimus, tunc digne sumimus, cum multitudinem et magnitudinem charitatis ejus in offerendo et sumendo recolimus, et similia pro eo ipso largiente pati nequaquam subterfugimus. In hujus vini quod de torculari crucis stillat typum, de terra repromissionis duo exploratorum in vecte deferunt botrum, in cujus mira magnitudine et miranda suavitate repromissæ sibi hæreditatis uberrimos atque dulcissimos fructus populus prægustaret. Duo namque viri in vecte botrum deferunt, quia duo, ut et alia utar similitudine, parietes in unum angularem lapidem conveniunt, et de utroque populo, Judæorum scilicet et gentium, exploratores et prædicatores electi mysterium crucis et potentiam in cruce pendentes circumferunt. In cujus infinita magnitudine, *magnus enim Dominus et laudabilis nimis, et magnitudinis ejus non est numerus,* et inenarrabili suavitate, futuræ beatitudinis dulcedinem, in quantum corruptionis nostræ amaritudo admittit, prægustamus. In ejus siquidem mellifluis, ut ita dixerim, quia longe minus est, quidquid dixerim, in ejus itaque mellifluis affectu degustamus terram repromissionis nostræ, vere rivis mellis et lactis fluere, et omnes fructus terræ nostræ eandem semper dulcedinem sapere. Ideo et Propheta, qui hæc degustaverat, seipsum consolans, lætabundus decantat: *Credo videre bona Domini in terra viventium.* Et eleganti satis similitudine utrumque mysterium lapidis et botri sibi respondet; quia, sicut lapis angularis utrumque parietem diverso venientem medius continet, sic et utrumque portitorem præeuntem, scilicet et subsequentem, jungit botrus, qui medius pendet. Sed sunt aliqui qui visibilem sacrosancti mysterii speciem, dum attentius attendunt, in veritate ipsa fide caligant, hæsitantes quomodo manente pristino panis et vini sapore et specie, in substantiam carnis et sanguinis Christi, possit substantia panis et vini alia in aliam transire. Sed huic infirmitati fidei facile potest mæderi consideratio omnipotentis Dei, quod non sit

omnipotenti impossibile aut difficile creaturarum suarum, aliam in aliam pro placito suo transformare, qui omnia ex nihilo potuit verbo creare. Ut enim quiddam de usu nostro loquar, non de Dei potentia, Deo enim omnia æqualiter sunt possibilis, facilius est in eam quam voluerit formam transformare quod est, quam ex nihilo formare quod non est. Nunquid abbreviata est manus Domini, ut non possit salvare? Nunquid qui cælum et terram verbo creavit hominis in servitutem, non valet minimam panis et vini portionem in verum corpus suum convertere hominis ad salutem? Ne ergo fluctuet de veritate corporis Christi fides Christiani pectoris, ne et frustra portet nomen Christianæ professionis, et frustra celebret sacramenta divinæ religionis. *Sine fide enim impossibile est placere Deo.* Nam licet Ecclesiam quis intret, Ecclesiasticis sacramentis participet, ad solemnem orationem amen respondeat: otiose imo perniciose hæc agit, si fidem eorum quæ geruntur, non habeat. Stultitiæ autem proximum est omnia fidei nostræ sacramenta, et divinæ virtutis opera, infirmis humanæ sapientiæ ratiocinationibus velle discutere, et omnipotentiam Dei intra angustias impossibilitatis nostræ includere. Omnia enim divinæ virtutis opera humano intellectu velle comprehendere, quid aliud dixerim, quam Deum homini componere, ut ille non possit, quod iste non intelligit? Et unde tantum esset fidei meritum, si per singula humanæ consuetudinis haberet experimentum? Sed Christiana sobrietas magis vult audita pie credere, quam impia in Deum verbis ejus non credendo existere. Habet autem fidei suæ primum, ipsum cui credidit Deum. Magnum est ergo fidei Christianæ meritum, cui tantum compensatur præmium. His de sacramento salutis nostræ, non pro sua majestate, sed pro nostra tenuitate discussis, qualiter hoc in memoriam Christi agere debeamus, prout ipse connaverit paucis memoremus. Oportet itaque fideliter accedentem, et pie sumentem, de ventre memoriæ cibum vitæ, tanquam mundum animal, sursum revocare, et opus pietatis piæ retractationis gutture ruminare. Memoret pius conviva Christi, qui ad mensam illam magnam conedit, quibus charitatis vinculis de sinu Patris in utero Virginis Dei Filius sit abductus, quanto salutis nostræ zelo Deus impassibilis et æternus sit affectus, qui homo factus, passibilis et mortalis pro nobis est effectus. Memoret

A quomodo suppliciois nostris innocens sit addictus, quantis opprobriis, quantis injuriis, quantis sit penis afflicto. Memoret faciem illam, in quam desiderant angeli prospicere sputis illitam, alapis cæsam, crucis ignominiam, fellis amaritudinem, et mortem felle amariorum. Recolat etiam pio compassionis affectu, acerrimam membrorum omnium innocentis agni in patibulo distensionem, atque amarissimam illam clavorum confixionem. Ad hæc omnia, et super hæc omnia miretur spontaneam passionem, et immutabilem patientis mansuetudinem. Nec prætereat vulnus illud saluberrimum, ex quo vulnere nostrorum profluxit medicamentum. Aperto enim latere Domini, jam mortui militis lancea, exivit sanguis et aqua; sanguis redemptionis, aqua baptismatis. De latere itaque mortui, vita prodit, quia ad hoc in crucis lectulo soporatus est noster Adam, ut Evam illam, quæ vere cunctorum viventium mater est, de latere suo produceret Ecclesiam. Hæc omnia quam piissimo potest cordis affectu memorans, ac tota spiritus contritione adorans, ad seipsum redeat, et de mensa illa magna tam dulcia charitatis fercula degustans, quid pro his Domino retribuatur, ita secum conferat: *Quid retribuam Domino pro omnibus quæ retribuit mihi?* Et seipsum ad similia exhortans, atque piis charitatis stimulis incitans, calicem votorum suorum Deo offerat, et de ejus adjutorio spe indubitata præsumens, dicat: *Calicem salutaris accipiam, et nomen Domini invocabo.* Tunc namque mysterium passionis Christi in memoriam ejus salubriter homo celebrat, quando ipso opitulante similia præparat, cum falsorum fratrum amarissimo felle potatus sustinet, cum injuriis affectus, non dolet; irrisus, ridet, suppliciois attritus gaudet, et ea quæ desunt passionum Christi, in corpore suo supplet. Hic de mensa Domini vere vitam comedit, hic de calice Domini vere vitam bibit, et secundum promissum ejus, et ipse in Christo, et Christus vivit in ipso. Hujus charitatis amplitudinem, et hujus gratiæ altitudinem, non est parvitas nostræ comprehendere, pium tamen est ad eam nos semper extendere. Studeamus itaque indesinenter ei gratias agere, qui corpus suum vertit in cibum nostrum, et sanguinem suum in potum nostrum, Jesus Christus Dominus noster, qui vivit et regnat Deus, per omnia sæcula sæculorum. Amen.

#### PRÆFATIO IN LIBRUM UNDECIMUM.

Jam ubi ex confragosis locis gratia Dei cursum nostrum dirigente, salva ut credimus fidei navicula, ad tutiora evasimus, faciliore lapsu ad ulteriora tendimus; nihilominus tamen ad eandem quam præviam sequimur gratiam, oculos intendimus. Isemim, qui in prora ad præcavenda pericula constitit, si aridente æquore securior reditus, oculos post tergum, anteriora negligens reflectit, navis ac rerum omnium,

quas inter scopulos cautius agendo servaverat, in patenti sæpe incurrit æquore dispendium. Et sæpe in portu incauto navis fune religata, ventorum turbine colliditur, et id ipsum in portu religantis negligentia, quod et mediis fluctibus violentia tempestatis perpetitur. Numquam autem est in mari hujus sæculi tuta navigatio, quia, etsi nonnunquam ventorum clementia aura sit placidior, sævus tamen pirata

is perditionis nostræ semper avidus, nullo tempore sit mitior. Sed rege nostro in prorsente, crudelis tyrannus a facie majestatis ejus us, timet propius accedere, et per diversa pagitans, non audete incursare navigantes, nisi ormiente fide nostra, Christus obdormierit, igitia nostra clavo fidei perditio, ventus con-

Artrarius in impias ac sanguinarias crudelis piratæ manus fluctuantem naviculam impulerit. Regis igitur nostri præsidio fulti antennam crucis erigamus, sinumque cordis Spiritui sancto expandamus, accepti operis cursum, in optatum litus Christo gubernante dirigamus.

## LIBER UNDECIMUS.

otum hujus operis textum illud vel maxime mus, ut gratiam Dei attentius commendemus am a principio, et assertionibus et exemplis us, in proximo tamen evidentius, ubi in sa- B sta mysteria narrationis ordine incidentes de Christi et Ecclesiæ, capitis atque membrorum mplo granorum et acinorum disseruimus. s enim, quod sicut multa grana in unum ta unum panem conficiunt, et multi acini in n liquorem confluunt, sic multa membra no indissolubili compage cohærentia unum efficiunt. Hujus corporis caput Christus est, a vero capitis hujus Ecclesia ejus est. Hoc rtriusque naturæ, divinæ scilicet et humanæ, e commercium in sacratissimo illo gloriosæ i utero est initum, sed in prætorio crucis t'estamento sanguinis Christi morte interco- nfirmatum. Felix commercium, in quo in- e virtutem, miseria beatitudinem, mortali- nortalitatem, homine Deum commutavimus. n autem commutantium ille liberalissimus, i accepit pretiosa reddidit; qui humana as- t, divina erogavit, qui hominem induit, Deo , qui sine peccato peccati pœnam subiit, a peccato simul, et peccati pœna liberavit. rciuum ergo quod nobiscum Dei Filius sanguinis sui testamento confirmavit. enim homo Dei conjungi potuisset, nisi u inter Deum et hominem medius dividebat, io cessisset. Nec poterat durus et annosus e peccati, humana manu vel arte subruï, quia umana propagine ex traduce natura peccato i, nullus inveniri poterat inter homines, qui cato hominis satisfaceret. Necessarius ergo D no, qui immunis esset a peccato, qui dum inno- ccati pœnam exsolveret, peccatorum omnium usam susciperet, et indebita pœna culpa facturam factori, hominem Deo, ipse me- dei et hominum in seipso conjungeret. Æsti- itor peccato totius mundi, pretio sanguinis suffosso fundamento delicti, paries inimici- corrui, et a peccato homo liber, unum cum itia mediante factus est. Pro hujus sanctæ stionis perseverantia, caput pro membris, s pro apostolis ita Patri supplicat. Respiciens i discipulos suos, *Pater, inquit, sancte, e in nomine tuo quos dedisti mihi, ut sint*

*unum sicut et nos.* Et paulo post: *Non pro his autem tantum rogo, sed et pro eis qui credituri sunt per verbum eorum in me, ut omnes unum sint, sicut tu, Pater in me, et ego in te, ita et ipsi unum sint in nobis, ut mundus credat quia tu me misisti. Et ego claritatem quam dedisti mihi, dedi eis, ut sint unum sicut et nos unum sumus. Ego in eis, et tu in me, ut sint consummati in unum.* Audi, homo, audi vocem Dei tui; audi, membrum, audi et agnosce affectum capitis tui. Pro homine ut homo postulat, sed ut Deus postulata præstat. *Ut sint, unum sicut et nos unum sumus. Ego in eis, et tu in me ut sint consummati in unum.* Unicus in adoptivo, Pater in unico, ac per hoc, per unicum et Pater in adoptivo. Hic est fructus orationis unici, consummatio adoptivi. Non est autem alia aliqua forma consummationis, quam in idipsum redintegratio universitatis, cum in ipsum universa se colligunt, a quo creata subsistunt, ut licet in membris singulis varietas sit operationis, in compage tamen charitatis integra permaneat unitas corporis. Ita enim hæc unitas vera complectitur universa creatoris potentia, ita singulis alio atque alio modo illabitur, ut cum omnia impleat, ipsa se non dividat, et cum singulis distribuat, ipsa plenitudinem suam non minuat. Ita etiam ab hac unitate omnia tanquam a capite se membra diffundunt, atque ita in suo singula quæque officio deserviunt, ut nullatenus ab unitate capitis in ipsa etiam administrationis suæ diversitate resiliant, sed ita membrum membro cohæreat, atque in tantum omnia unum fiant, ut in uno omnia patiantur, atque in unius gloria omnia glorificentur. In hac summa unitate, omnium creatrice, omnium vivificatrice, quæ omnia continet, omnia implet, Trinitas sancta subsistit; in hac se Dei Filius filio hominis in eadem persona univit. Hoc unitatis bonum ipse summe bonus, non solum terrenis omnibus, sed et ipsius pietatis officio, nec cui libet sanctorum, sed et ipsi sancto sanctorum exhibito præferbat, quando dicebat: *Maria optimam partem elegit, quæ non auferetur ab ea.* Susceperat enim Martha Dominum, ut religiosa femina, ut devota discipula, ut benigna hospita, ideoque sollicita erat circa ea quæ erant religionis, quæ devotionis, quæ hospitalitatis. Ipsa domina, ipsa ancilla, ordinabat, festinabat, preparabat, ministrabat. Sed quia multa erant quæ hospitalitatis tam pii domini, tam chari magistri

omnipotenti impossibile aut difficile creaturarum suarum, aliam in aliam pro placito suo transformare, qui omnia ex nihilo potuit verbo creare. Ut enim quiddam de usu nostro loquar, non de Dei potentia, Deo enim omnia æqualiter sunt possibilia, facilius est in eam quam voluerit formam transformare quod est, quam ex nihilo formare quod non est. Nunquid abbreviata est manus Domini, ut non possit salvare? Nunquid qui cælum et terram verbo creavit hominis in servitutem, non valet minimam panis et vini portionem in verum corpus suum convertere hominis ad salutem? Ne ergo fluctuet de veritate corporis Christi fides Christiani pectoris, ne et frustra portet nomen Christianæ professionis, et frustra celebret sacramenta divinæ religionis. *Sine fide enim impossibile est placere Deo.* Nam licet Ecclesiam quis intret, Ecclesiasticis sacramentis participet, ad solemnem orationem amen respondeat: otiose imo perniciose hæc agit, si fidem eorum quæ geruntur, non habeat. Stultitiæ autem proximum est omnia fidei nostræ sacramenta, et divinæ virtutis opera, infirmis humanæ sapientiæ ratiocinationibus velle discutere, et omnipotentiam Dei intra angustias impossibilitatis nostræ includere. Omnia enim divinæ virtutis opera humano intellectu velle comprehendere, quid aliud dixerim, quam Deum homini componere, ut ille non possit, quod iste non intelligit? Et unde tantum esset fidei meritum, si per singula humanæ consuetudinis haberet experimentum? Sed Christiana sobrietas magis vult audita pie credere, quam impia in Deum verbis ejus non credendo existere. Habet autem fidei suæ primum, ipsum cui credit Deum. Magnum est ergo fidei Christianæ meritum, cui tantum compensatur præmium. His de sacramento salutis nostræ, non pro sua majestate, sed pro nostra tenuitate discussis, qualiter hoc in memoriam Christi agere debeamus, prout ipse connaverit paucis memoremus. Oportet itaque fideliter accedentem, et pie sumentem, de ventre memoriæ cibum vitæ, tanquam mundum animal, sursum revocare, et opus pietatis piæ retractationis gutture ruminare. Memoret pius conviva Christi, qui ad mensam illam magnam consedit, quibus charitatis vinculis de sinu Patris in uterum Virginis Dei Filius sit abductus, quanto salutis nostræ zelo Deus impassibilis et æternus sit affectus, qui homo factus, passibilis et mortalis pro nobis est effectus. Memoret D

A quomodo suppliciois nostris innocens sit addictus, quantis opprobriis, quantis injuriis, quantis sit pœnis afflictus. Memoret faciem illam, in quam desiderant angeli prospicere sputis illitam, alapis cæsam, crucis ignominiam, fellis amaritudinem, et mortem felle amariorem. Reolat etiam pio compassionis affectu, acerrimam membrorum omnium innocentis agni in palibulo distensionem, atque amarissimam illam clavorum confixionem. Ad hæc omnia, et super hæc omnia miretur spontaneam passionem, et immutabilem patientis mansuetudinem. Nec prætereat vulnus illud saluberrimum, ex quo vulnerum nostrorum profluxit medicamentum. Aperto enim latere Domini, jam mortui militis lancea, exivit sanguis et aqua; sanguis redemptionis, aqua baptismatis. De latere itaque mortui, vita prodiit, quia ad hoc in crucis lectulo soporatus est noster Adam, ut Evam illam, quæ vere cunctorum viventium mater est, de latere suo produceret Ecclesiam. Hæc omnia quam piissimo potest cordis affectu memorans, ac tota spiritus contritione adorans, ad seipsum redeat, et de mensa illa magna tam dulcia charitatis fercula degustans, quid pro his Domino retribuatur, ita secum conferat: *Quid retribuam Domino pro omnibus quæ retribuit mihi?* Et seipsum ad similia exhortans, atque piis charitatis stimulis incitans, calicem votorum suorum Deo offerat, et de ejus adjutorio spe indubitata præsumens, dicat: *Calicem salutaris accipiam, et nomen Domini invocabo.* Tunc namque mysterium passionis Christi in memoriam ejus salubriter homo celebrat, quando ipso opitulante similia præparat, cum falsorum fratrum amarissimo felle potatus sustinet, cum injuriis affectus, non dolet; irrisus, ridet, suppliciois attritus gaudet, et ea quæ desunt passionum Christi, in corpore suo supplet. Hic de mensa Domini vere vitam comedit, hic de calice Domini vere vitam bibit, et secundum promissum ejus, et ipse in Christo, et Christus vivit in ipso. Hujus charitatis amplitudinem, et hujus gratiæ altitudinem, non est parvitalis nostræ comprehendere, pium tamen est ad eam nos semper extendere. Studeamus itaque indesinenter ei gratias agere, qui corpus suum vertit in cibum nostrum, et sanguinem suum in potum nostrum, Jesus Christus Dominus noster, qui vivit et regnat Deus, per omnia sæcula sæculorum. Amen.

#### PRÆFATIO IN LIBRUM UNDECIMUM.

Jam ubi ex confragosis locis gratia Dei cursum nostrum dirigente, salva ut credimus fidei navicula, ad tutiora evasimus, faciliore lapsu ad ulteriora tendimus; nihilominus tamen ad eandem quam præviam sequimur gratiam, oculos intendimus. Is enim, qui in prora ad præcavenda pericula constitit, si aridente æquore securior reditus, oculos post tergum, anteriora negligens reflectit, navis ac rerum omnium,

quas inter scopulos cautius agendo servaverat, in patenti sæpe incurrit æquore dispendium. Et sæpe in portu incauto navis fune religata, ventorum turbine colliditur, et id ipsum in portu religantis negligentia, quod et mediis fluctibus violentia tempestatis perpetitur. Numquam autem est in mari hujus sæculi tuta navigatio, quia, etsi nonnunquam ventorum clementia aura sit placidior, sævus tamen pirata

us perditionis nostræ semper avidus, nullo un- A tempore sit mitior. Sed rege nostro in prora-  
tente, crudelis tyrannus a facie majestatis ejus  
us, timet propius accedere, et per divessa pa-  
ugitanus, non audete incursare navigantes, nisi  
lormiente fide nostra, Christus obdormierit,  
ligentia nostra clavo fidei perduto, ventus con-

trarius in impias ac sanguinarias crudelis piratæ  
manus fluctuantem naviculam impulerit. Regis igitur  
nostri præsidio fulti antennam crucis erigamus, si-  
numque cordis Spiritui sancto expandamus, accepti  
operis cursum, in optatum litus Christo gubernante  
dirigamus.

## LIBER UNDECIMUS.

otum hujus operis textum illud vel maxime  
imus, ut gratiam Dei attentius commendemus  
um a principio, et assertionibus et exemplis  
us, in proximo tamen evidentius, ubi in sa-  
cta mysteria narrationis ordine incidentes de  
Christi et Ecclesiæ, capitis atque membrorum  
emplo granorum et acinorum disseruimus.  
is enim, quod sicut multa grana in unum  
sta unum panem conficiunt, et multi acini in  
m liquorem confluunt, sic multa membra  
suo indissolubili compage cohærentia unum  
efficiunt. Hujus corporis caput Christus est,  
a vero capitis hujus Ecclesia ejus est. Hoc  
utriusque naturæ, divinæ scilicet et humanæ,  
e commercium in sacratissimo illo gloriosæ  
s utero est initum, sed in prætorio crucis  
testamento sanguinis Christi morte interce-  
onfirmatum. Felix commercium, in quo in-  
te virtutem, miseria beatitudinem, mortali-  
mortalitatem, homine Deum commutavimus.  
m autem commutantium ille liberalissimus,  
a accepit pretiosa reddidit; qui humana as-  
t, divina erogavit, qui hominem induit, Deo  
, qui sine peccato peccati pœnam subiit,  
a peccato simul, et peccati pœna liberavit.  
ercium ergo quod nobiscum Dei Filius  
sanguinis sui testamento confirmavit.  
enim homo Dei conjungi potuisset, nisi  
ul inter Deum et hominem medius dividebat,  
lio cessisset. Nec poterat durus et annosus  
peccati, humana manu vel arte subrui, quia  
umana propagine ex traduce natura peccato  
a, nullus inveniri poterat inter homines, qui  
scato hominis satisfaceret. Necessarius ergo D  
mo, qui immunis esset a peccato, qui dum inno-  
ccati pœnam exsolveret, peccatorum omnium  
ausam susciperet, et indebita pœna culpa  
facturam factori, hominem Deo, ipse me-  
Dei et hominum in seipso conjungeret. Æsti-  
gitor peccato totius mundi, pretio sanguinis  
suffosso fundamento delicti, paries inimici-  
corrui, et a peccato homo liber, unum cum  
itia mediante factus est. Pro hujus sanctæ  
stionis perseverantia, caput pro membris,  
s pro apostolis ita Patri supplicat. Respiciens  
a discipulos suos, *Pater*, inquit, *sancte*,  
*in nomine tuo quos dedisti mihi, ut sint*

unum sicut et nos. Et paulo post: *Non pro his autem  
tantum rogo, sed et pro eis qui credituri sunt per verbum  
eorum in me, ut omnes unum sint, sicut tu, Pater in  
me, et ego in te, ita et ipsi unum sint in nobis, ut  
mundus credat quia tu me misisti. Et ego claritatem  
quam dedisti mihi, dedi eis, ut sint unum sicut et nos  
unum sumus. Ego in eis, et tu in me, ut sint con-  
summati in unum.* Audi, homo, audi vocem Dei  
tui; audi, membrum, audi et agnosce affectum  
capitis tui. Pro homine ut homo postulat, sed  
ut Deus postulata præstat. *Ut sint, unum  
sicut et nos unum sumus. Ego in eis, et tu in me  
ut sint consummati in unum.* Unicus in adoptivo,  
Pater in unico, ac per hoc, per unicum et Pater in  
adoptivo. Hic est fructus orationis unici, consum-  
matio adoptivi. Non est autem alia aliqua forma  
consummationis, quam in idipsum redintegratio  
universalitatis, cum in ipsum universa se colligunt,  
a quo creata subsistunt, ut licet in membris singulis  
varietas sit operationis, in compage tamen charitatis  
integra permaneat unitas corporis. Ita enim hæc  
unitas vera complectitur universa creatoris potentia,  
ita singulis alio atque alio modo illabitur, ut cum  
omnia impleat, ipsa se non dividat, et cum singulis  
distribuat, ipsa plenitudinem suam non minuat. Ita  
etiam ab hac unitate omnia tanquam a capite se  
membra diffundunt, atque ita in suo singula quæque  
officio deserviunt, ut nullatenus ab unitate capitis in  
ipsa etiam administrationis suæ diversitate resiliant,  
sed ita membrum membro cohæreat, atque in tantum  
omnia unum fiant, ut in uno omnia patiantur, atque  
in unius gloria omnia glorificentur. In hac summa  
unitate, omnium creatrice, omnium vivificatrice,  
quæ omnia continet, omnia implet, Trinitas san-  
cta subsistit; in hac se Dei Filius filio hominis in  
eadem persona univit. Hoc unitatis bonum ipse  
summe bonus, non solum terrenis omnibus, sed et  
ipsius pietatis officio, nec cuilibet sanctorum, sed et  
ipsi sancto sanctorum exhibito præferebat, quando  
dicebat: *Maria optimam partem elegit, quæ non au-  
feretur ab ea.* Susceperat enim Martha Dominum,  
ut religiosa femina, ut devota discipula, ut benigna  
hospita, ideoque sollicita erat circa ea quæ erant  
religionis, quæ devotionis, quæ hospitalitatis. Ipsa  
domina, ipsa ancilla, ordinabat, festinabat, præpa-  
rabat, ministrabat. Sed quia multa erant quæ  
hoepitalitatis tam pii domini, tam chari magistri



exigebat, fervebat, discurrebat, anhelabat, et quia A ad singula quæque occurrere non poterat, pondere sollicitudinis pressa, anxiabatur, turbabatur. Interpellat ergo ancilla dominum, discipula magistrum, et contra sororem iudicem postulat, quem hospitem susceperat. *Non est, inquit, Domine, non est tibi curæ, quod soror mea reliquit me solam ministrare? Dic ergo illi ut me adjuvet.* Sedebat enim ad pedes Domini Maria, alimentorum verbi pie avida, curasque omnes transitorias ac superfluas, tanquam importunas oculis muscas, manu discretionis abigens, unum illud, quod necessarium erat, ab ipso unitatis fonte hauriebat. Circumvolitabat os Christi prudens apicula, et ex labiis ejus, cujus spiritus super mel dulcis erat, favum distillantem sugebat: et quidquid officiosa audiendi sedulitate rapere poterat, in alvearium cordis convehabat. Itaque verbi dulcedine admodum oblectata, ac veri frumenti adipe saginata, murmurantem sororem aut non audiebat, aut dissimulabat, non leve reputans damnum suavitatis intimæ, querulæ sorori vel momentum aurem commodare. Dissimulata igitur interpellantis adversum se Dominum sororis querimonia, qui cum beato Job suspendium elegerat, ab ore Christi pendebat, de labiis ejus defluentibus affluebat deliciis mentis, contempto murmure ventris. Sed Dominus, qui a sorore contra sororem iudex interpellatus fuerat, in utramque partem sententiam temperat; et sic unius desiderium præfert, ut alterius studium non vituperet. Novit enim Dominus quia etsi dulcior est fructus radice, trahit tamen dulcedinem fructus ex radice. Ita quamvis præmineat contemplatio actioni plurimum tamen suffragatur pia actio contemplationi. Oportet enim ut primo in studio sanctæ operationis se exerceat, quisquis ad culmen contemplationis ascendere desiderat. *Martha, inquit, Martha, sollicita es, et turbaris erga plurima; porro unum est necessarium.* Sollicita es, turbaris, distenderis; fugicia sunt, quæ apprehendere niteris. Per rimas curarum effunderis, et exhaustam te quereris? More torrentis arva rigantis lutum contrahis et contristaris quia turbaris? Agrum cordis opere pietatis rigas, rigando fecundas, sed oculum pulvere sollicitudinis turbas. *Porro unum est necessarium.* Unum non dividitur, non turbatur, in diversa non rapitur; unum idem semper permanens, alieno nunquam pulvere sordet. In hoc uno quandiu homo pede immoto constitit, nec circumcisionis injuriam subiit, nec baptismi gratiam requisivit. At ubi ex veneno peccati frutices illi pessimi pullularunt, ad resecaanda noxia cultellus petrinus est adhibitus, et postquam ex curis sæculi turbine diaboli pulvis convolutus, facies nostras imagine Dei splendidas fœdavit, unda salutaris quæ ablueret de latere Christi manavit. Unum ergo est necessarium. Hæc est pars optima, hanc elegit Maria, hæc non auferetur ab ea. In hujus unitatis stabili atque immobili firmitate Christianæ professionis fundamenta subsistunt, fides scilicet atque baptisma, et ipsa spiritualium filio-

rum spiritualis mater Ecclesia. Quia enim Deus et unus est Dominus, necesse est ut et sit, in omni gente et natione, veræ fidei confes- Et cum una sit in Christo per Spiritum san- filiorum Dei adoptio, necesse est ut et unific sit omnium in eandem adoptionem regene- Hanc unitatem in diversis gentibus, diversis a- bus, diversis quoque Christianæ religionis pr- sionibus idem Spiritus conciliat, ut sicut multa i- bra formis et officiis diversa, unum corpus per- dem Spiritum efficiunt, ita et diversæ gentes, a- ac professiones, per eundem adoptionis Spii- in unitatem corporis Christi conveniant. Ideo sacramento sanguinis Christi aqua vino mis- quia in sacramento Christi conjungimur, ac qui fideliter sumit, ipse quoque unum cum e- ipso attestante, qui de carne sua ita pronun- *Qui manducat carnem meam, et bibit sangui- meum, in me manet et ego in eo.* Ita fit ut pa- compatiatur, morienti commoriamur, resur- conresurgamus, simulque cum glorificato gloi- mur. Ad hanc igitur gloriæ participationem i- miseratione pulvis assumptus, ex ipsa assump- suæ colligat gloria, quanta assumptis sit q- quia ex nulla alia, ut arbitror consideratio- elucet splendor et magnitudo gratiæ, quam e- mani meriti et divini beneficii collatione.

Quando ergo passionis Christi et redempti- nostræ mysteria celebramus, non solum ges- seriem pia memoria recolamus, sed et nos ipi- tiis et concupiscentiis crucifigamus, ut in i- hominem, sepulto vetere, cum Christo resurg- *Christus enim resurgens a mortuis, ait Apo- jam non moritur, mors illi ultra non domi- Quod enim mortuus est peccato, mortuus est quod autem vivit, vivit Deo.* Et quasi sciscita- cur ista intulerit, ita et vos, inquit, *existim- mortuos quidem esse peccato, viventes autem Christo Jesu.* Ita existimate vos mortuos esse- cato Christus enim semel mortuus est pe- id est ad destructionem peccati, non sui qui- habuit, sed totius mundi, quod moriendo ad- Debitum namque peccato supplicium, mors et ergo debitum peccati innocens solvit, qui q- nihil debuit, eos qui obnoxii erant et pecc- peccati supplicio eripuit. Tantum namque era- mortis Christi pretium, quod totius mundi ac- ret, imo præponderaret debitum. Necesse- jam non est ut secundo moriatur, qui semel mo- non solum præcedentium delictorum, sed e- rorum, sanguinis sui conscriptione delevit chi- phum. Ait ergo: *Ita et vos existimate vos morti- dem esse peccato, viventes autem Deo, in Chris-* Sicut Christus semel mortuus est ad destruc- peccati, ita et vos peccato semel moriamini, i- in vobis jam non vivat, nec regnum sicut hæc vobis obtineat. Peccatum enim non vivit, qui nobis consensum non invenit, quando suade- cedimus, quando irrumpere volenti libere con-

et terra supplex adorat. Ecce natura illa, quæ obscura olim erat et contemptibilis, quia peccatrix, jam super omnia emicans, omnibus est venerabilis quia omnium justificatrix. Hanc ergo et nos jure honoramus, jure adoramus, quia sic assumptæ, et in hoc glorificatæ, ipsi quoque debemus quidquid sumus. Congaudendum est igitur nobis tanquam servis, tanquam vicinis, tanquam amicis: servis conditione, vicinis contemplatione, amicis devotione. Congaudendum est nobis, et congratulandum pio pastori, qui pro ovibus suis animam suam posuit, qui ovem centesimam ad restaurandam nostræ integritatis summam de ore leonis semivivam eruit, qui in uno opere causam nobis præstitit triplicis lætitiæ. Prima quippe et præcipua nobis orta est lætitia, de ipsius regis nostri victoria; secunda, de consortis nostris redemptione; tertia, de integritatis nostræ restoratione. Triumphus iste regis nostri eo magis est gloriosus, quo magis insolitus; quia cum semper in prælio virtute utriusque certetur, contrario modo regis nostri victoria infirmitate completur. Neque enim dignatus est cum invalido hoste majestatis suæ virtute decernere, sed crudeli tyranno hominem captivum aliquando suum opposuit, et per captivum captivatorem obtinuit. In hac ergo Redemptoris nostri et nostra in ipso glorificatione, divinæ supereminet excellentia gratiæ, quæ nullo pacto major esse posset, nisi forte (quod absit!) Deo majus quid inveniri posset. Miremur itaque in uno eodemque Domino nostro Jesu Christo et assumpti gloriam, et assumptæ gratiam; sciamusque per oblatam gratiam pertingendum nobis ad promissam gloriam. Proposita est merces labori, immensa exiguo, æterna momentaneo; adoptio cum Unigenito, sempiterna cum Patre regni possessio. Tantum ut hortantem nos Apostolum audiamus, et gratiam Dei nequaquam in vacuum recipiamus. Tunc enim in vacuum gratiam Dei recipimus, cum gratiæ Dei non cooperantes condignas Deo gratias non referimus. Tunc in vacuum gratiam Dei recipimus, cum tempus acceptabile, diesque salutis absque aliquo salutis nostræ emolumento percurrimus. Væ autem homini qui in vacuum gratiam Dei recipit, qui opus misericordiæ Dei in seipso ad nihilum redigit, qui consi-

lium salutis suæ dissipat, qui chirographum redemptionis humanæ perditæ vivendo evaouat. Filiis enim perditionis opus redemptionis erit, quasi non fuerit; imo, quod est gravius, incendium gehennæ et damnationis eis erit cumulus. Melius namque fuerat viam veritatis non agnoscere, quam post agnitionem retro redire. Sed sanctorum pedes, testante Ezechiele, pedes sunt recti, gressus firmi, et de peritura Sodomam angelica visitatione educti, atque uxoris Lot exemplo edocti, nec ad ardentem retro Sodomam aciem mentis convertunt, nec ad lubrica carnalium voluptatum boni operis gressum reflectunt. Illa enim, quia retro feminea curiositate respexit, in statuum salis obduruit, quæ licet sibi duritiam lapidis ex pœna prævaricationis contraxerit, lambentibus tamen ex gustu salis sapientiæ condimentum tribuit. Pestilente namque flagellato, stultus sapientior erit. Et hoc donum est gratiæ, ut sapienti stultus serviat, pœnaque reproborum electos ad vitam erudiat. Sancti igitur Sodomiticæ habitationis, et sulphurei fetoris pertæsi ad montana contendunt, et in anteriora quotidiano seipos profectum extendunt, donec anhelio cursu ipsum verticem montium occupent; et quem cursus sui habuerant adiutorem, habeant et remuneratorem. Sed quia gratia ipsa de qua agimus speciale est donum sancti Spiritus, et ab initio Dominicæ Incarnationis ad gloriam usque Resurrectionis atque Ascensionis per ipsius gratiæ vestigia pervenimus, restat ut et de effusione ipsius sancti Spiritus, quæ ipse inspirare dignabitur, memoremus. Sed jam claudendus est sermo, nec infundi debet pleno jam vasculo ipsius gratiæ plenitudo, sed proprio reservata principio, tomo consignanda est septimo. Congruit etiam jam quam maxime sacramentum numero, ut quia in donis suis septiformis est Spiritus, laudes ejus sacratus ei canat numerus. Licet enim sequens Tomus in summa totius sit duodenarius, in divisione tamen qua quinque tomos sacramento Veteris Testamenti sequentes, septem Novo Testamento assignavimus, invenitur septimus, in honorem ipsius septiformis sancti Spiritus, cui est cum Deo Patre et unigenito Filio ejus Domino nostro Jesu Christo honor et gloria per infinita sæculorum sæcula, Amen.

#### PRÆFATIO IN LIBRUM DUODECIMUM.

Imminente jam annua expectatione adventus sancti Spiritus, extremam manum præsentis opusculo impositurus, ipsius summi artificis angelorum atque hominum eruditoris gratiam humillimis imploro precibus, ut trepidantem manum ad normam sapientiæ suæ dirigat; et opus nomini suo devotum, digne seipso compleat. Qui enim barbam Aaron unguento infundit, quod a capite defluit, nec oram vestimenti ejus ab infusionis suæ largitate immunem derelinquit. Cum ergo barbam nostri Aaron rore unguenti stillantem videamus, effusi liquoris stillicidium, nos tenues simbriæ vestimenti ejus ex-

spectamus. Sicut autem barba hominis virilis indicium est roboris, ita et simbriæ de vestimento dependentes, totius vestimenti plenitudini ornamento sunt atque decori. Cujus mysterii latitudo nec angusto includenda est, præfatiunculæ, nec brevitatis præfatiunculæ in latitudinem extendenda allegoriæ. Latitudinem itaque mysterii campo suo reservemus, fessisque membris olei salutaris infusione perunotus, et in pristinum robur nervis et ossibus unctione divina reparatis, exiguum, quod restat, coepti itineris, ipsa quam prædicamus gratia duce, carpamus.

## LIBER DUODECIMUS

Extremam hujus operis partem ingredienti propheticum illud de barba Aaron testimonium in ipso mox præfatiunculæ limine se obviam tulit, cujus explanationem latius disserendam in præsentis tomi latitudinem distuli. Aaron igitur ille primus in lege pontifex, legalibus cæremoniis in typo futuri deserviens, typum Redemptoris nostri præfert, cui juravit Deus Pater, nec super juramento eum pœnitet: *Tu es sacerdos in æternum secundum ordinem Melchisedech*. Neque enim necessitatem habet quotidie in alieno sanguine exemplaria verorum sancta sanctorum ingredi, qui æterna redemptione inventa semel introiit in sancta, pontifex factus et hostia, qui solus in humano genere inventus, in suis innocens ad exhaurienda aliena delicta hostia factus ex idonea atque sufficiens. Nec necesse habet pontifex noster pro populi sui ignorantia alienum sanguinem fundere, qui totius mundi delicta sanguinis sui pretio æstimans, longe adhuc supereminet atque præponderat. Consummata igitur in ara crucis hostia redemptionis, in ipsa sanctorum sancta introiit, ac vultui Dei Patris propitiator pro nobis astitit, antiquam servi contumaciam perspontaneam filii expians obedientiam. Quid enim esset quod clementissimus Pater non ignosceret, cum unigenitum Filium suum præmissis libamine passionis suæ pro reis supplicanti cerneret? Cujus delicti supplicanti Filio non indulgeret veniam, cum quo eandem ab æterno possidet voluntatem, eandemque substantiam? Quomodo Unigenito suo hæreditatem suam inique præreptam justè redemptam libere non restitueret; cui et concessum dexteræ annueret? Glorificato igitur capite nostro, atque oleo exultationis præ participibus suis perfuso, barba nostri Aaron, quæ dudum rore verbi irrigata effloruerat, salutaris olei stillicidio infundenda erat, ut barba circumfusa ori tanquam domestica verbi defluentis olei gratiam prima exciperet, ac sic demum in subjectam vestem salutaris ille se liquor diffunderet. Nec ab hac inundatione olei sacra ora vestimenti immunis remanere poterat, quæ licet extrema totius vestimenti plenitudini firmamento erat. Barbam autem nostri pontificis super apostolis intelligimus, vestem in reliquis credentibus, extremam vestimenti oram, super humilitate nostra interpretari utinam vere possemus! Lenitatem autem olei atque pinguedinem, gratiam interpretamur Spiritus sancti, qui a capite in barbam defluxit; quando eum a Patre discipulis Dominus noster Jesus Christus, sicut promisorat, misit. Ita enim S. Lucas Actuum apostolorum conscriptor de eo commemorat: *Dum complerentur dies Pentecostes, erant omnes discipuli pariter in eodem loco, et factus est repente de cælo sonus tanquam adveniens spiritus vehementis, et replevit totam domum ubi erant sedentes. Et apparuerunt illis dispersitæ linguæ tanquam*

*ignis, seditque supra singulos eorum Spiritus sanctus. Et repleti sunt omnes Spiritu sancto et loquebantur variis linguis, prout Spiritus sanctus dabat eloqui illis. Factus est repente de cælo sonus, quia Spiritus sanctus adveniens, cælestia sunt, quæ docet. Iste est ille spiritus vehemens, in quo naves Tharsis Dominus conterit, cujus omnipotentis vis nulla obsistit, qui dum carnalium corda concutit, turrim superbiæ atque omnem structuram peccati a fundamento subruit. Necessarius autem erat ignis divina aspirationis ad resolvendum frigus humanæ infidelitatis, ut corda apostolica humani timoris gelu torpentia divini amoris flammam conciperent, ac sic donum alieni erroris stipulam linguas igneis exurerent. Quia ergo hæc patrandæ erant Spiritus sancti adventu et gratia, in linguas igneis visus est invisibilis, ut monstraretur ex rebus visibilibus quid intus ageret, qui advenerat invisibilis spiritus. Natura namque ignis exurit, inflammat et illuminat. Amor autem Dei, qui ignis est devorans, exurit noxia, inflammat goida, illuminat tenebrosa. Exurit veterem hominem cum sordibus suis, inflammat torporem humanæ imbecillitatis, illuminat cæcos, ac reducit in viam veritatis erroneos. Ignis itaque iste salutaris, ubi corda discipulorum invasit, ad perhibendum testimonium Christi facibus amoris inflammat, et ne præconii Christi exors remaneret barbaries gentium, accepto spiritu præcones fidei linguas loquuntur omnium. O miranda in docendo Spiritus sancti potentia, qui articulo unius horæ vix integræ, et omnem veritatem discipulos docet, et ad testificandum, robur fidei atque animi constantiam confert! O inestimabile donum, et incomparabilis gratia! Apostolica cohors, quæ a facie furentis populi passione Domini territa fugerat, et ob metum Judæorum in conclavi delitescerat, virtute ex alto induta subito emicat, et prophetali cuneo in testimonium assumpto, auctorem vitæ esse eum qui mortuus fuerat, libera confessione prædicat. Ecce ut et illud Salomonis inferam, lepusculus plebs invalida, quid ad sonitum ingredientium antea pavidus trepidabat, ubi cubile suum in petræ fortitudine collocavit, instar leonis de cubili ad prædam in impetu spiritus, fame sancti desiderii urgente se suscitatur. Jam nullius occursum metuit, imo in occursum hostium Christi audacter ruit, clamans et rugiens, conculcans et comminuens: ac tot millia bestiarum saltus, solo rugitus sui terrore sternens. Quantus putas erat ille rugitus Petri apostolorum principis, quam magnus, quam terribilis, cum de Spiritus sancti effusione ad confluentium ac stupentium turbas habita concione, tria millia infidelium sermonem stravit, numeroque fidelium confessione nominis Christi adunavit. Quantus et ille rugitus, quando solidatis basibus,*

et terra supplex adorat. Ecce natura illa, quæ obscura olim erat et contemptibilis, quia peccatrix, jam super omnia emicans, omnibus est venerabilis quia omnium justificatrix. Hæc ergo et nos jure honoramus, jure adoramus, quia sic assumptæ, et in hoc glorificatæ, ipsi quoque debemus quidquid sumus. Congaudendum est igitur nobis tanquam servis, tanquam vicinis, tanquam amicis: servis conditione, vicinis contemplatione, amicis devotione. Congaudendum est nobis, et congratulandum pio pastori, qui pro ovibus suis animam suam posuit, qui ovem centesimam ad restaurandam nostræ integritatis summam de ore leonis semivivam eruit, qui in uno opere causam nobis præstitit triplicis lætitiæ. Prima quippe et præcipua nobis orta est lætitia, de ipsius regis nostri victoria; secunda, de consortis nostris redemptione; tertia, de integritatis nostræ restauratione. Triumphus iste regis nostri eo magis est gloriosus, quo magis insolitus; quia cum semper in prælio virtute utrinque certetur, contrario modo regis nostri victoria infirmitate completur. Neque enim dignatus est cum invalido hoste majestatis suæ virtute decernere, sed crudeli tyranno hominem captivum aliquando suum opposuit, et per captivum captivatorem obtinuit. In hac ergo Redemptoris nostri et nostra in ipso glorificatione divini supereminet excellentia gratiæ, quæ nullo pacto major esse posset, nisi forte (quod absit!) Deo majus quid inveniri posset. Miremur itaque in uno eodemque Domino nostro Jesu Christo et assumpti gloriam, et assumptis gratiam; sciamusque per oblatam gratiam pertingendum nobis ad promissam gloriam. Proposita est merces labori, immensa exiguo, æterna momentaneo; adoptio cum Unigenito, sempiterna cum Patre regni possessio. Tantum ut hortantem nos Apostolum audiamus, et gratiam Dei nequaquam in vacuum recipiamus. Tunc enim in vacuum gratiam Dei recipimus, cum gratiæ Dei non cooperantes condignas Deo gratias non referimus. Tunc in vacuum gratiam Dei recipimus, cum tempus acceptabile, diesque salutis absque aliquo salutis nostræ emolumento percurrimus. Væ autem homini qui in vacuum gratiam Dei recipit, qui opus misericordiæ Dei in seipso ad nihilum redigit, qui consi-

lium salutis suæ dissipat, qui chirographum redemptionis humanæ perditæ vivendo evacuat. Filiis enim perditionis opus redemptionis erit, quasi non fuerit; imo, quod est gravius, incendium gehennæ et damnationis eis erit cumulus. Melius namque fuerat viam veritatis non agnoscere, quam post agnitionem retro redire. Sed sanctorum pedes, testante Ezechiele, pedes sunt recti, gressus firmi, et de peritura Sodomæ angelica visitatione educti, atque uxoris Lot exemplo edocti, nec ad ardentem retro Sodomam aciem mentis convertunt, nec ad lubrica carnalium voluptatum boni operis gressum reflectunt. Illa enim, quia retro feminea curiositate respexit, in statuum salis obduruit, quæ licet sibi duritiam lapidis exponere prævaricationis contraxerit, lambentibus tamen ex gustu salis sapientiæ condimentum tribuit. Pestilente namque flagellato, stultus sapientior erit. Et hoc donum est gratiæ, ut sapienti stultus serviat, pœnaque reproborum electos ad vitam erudiat. Sancti igitur Sodomiticæ habitationis, et sulphurei fetoris pertæsi ad montana contendunt, et in anteriora quotidiano seipsos profectus extendunt, donec anhelato cursu ipsum verticem montium occupent; et quem cursus sui habuerant adiutorem, habeant et remuneratorem. Sed quia gratia ipsa de qua agimus speciale est donum sancti Spiritus, et ab initio Dominicæ Incarnationis ad gloriam usque Resurrectionis atque Ascensionis per ipsius gratiæ vestigia pervenimus, restat ut et de effusione ipsius sancti Spiritus, quæ ipse inspirare dignabitur, memoremus. Sed jam claudendus est sermo, nec infundi debet pleno jam vasculo ipsius gratiæ plenitudo, sed proprio reservata principio, tomo consignanda est septimo. Congruit etiam jam quam maxime sacramentum numero, ut quia in donis suis septiformis est Spiritus, laudes ejus sacratus ei canat numerus. Licet enim sequens Tomus in summa totius sit duodenarius, in divisione tamen qua quinque tomos sacramento Veteris Testamenti sequentes, septem Novo Testamento assignavimus, invenitur septimus, in honorem ipsius septiformis sancti Spiritus, cui est cum Deo Patre et unigenito Filio ejus Domino nostro Jesu Christo honor et gloria per infinita sæculorum sæcula, Amen.

#### PRÆFATIO IN LIBRUM DUODECIMUM.

Imminente jam annua expectatione adventus sancti Spiritus, extremam manum præsentis opusculo impositurus, ipsius summi artificis angelorum atque hominum eruditoris gratiam humillimis imploro precibus, ut trepidantem manum ad normam sapientiæ suæ dirigat; et opus nomini suo devotum digne seipso compleat. Qui enim barbam Aaron unguento infundit, quod a capite deluit, nec oram vestimenti ejus ab infusionis suæ largitate immunem derelinquit. Cum ergo barbam nostri Aaron rore unguenti stillantem videamus, effusi liquoris stillicidium, nos tenues simbriæ vestimenti ejus ex-

spectamus. Sicut autem barba hominis virilis indicium est roboris, ita et simbriæ de vestimento dependentes, totius vestimenti plenitudini ornamento sunt atque decori. Cujus mysterii latitudo nec angusto includenda est, præfatiunculæ, nec brevitas præfatiunculæ in latitudinem extendenda allegoriæ. Latitudinem itaque mysterii campo suo reservemus, fessisque membris olei salutaris infusione perunctis, et in pristinum robur nervis et ossibus unzione divina reparatis, exiguum, quod restat, coepti itineris, ipsa quam prædicamus gratia duce, carpamus.

## LIBER DUODECIMUS

Extremam hujus operis partem ingredienti propheticum illud de barba Aaron testimonium in ipso mox præfatiunculæ limine se obviam tulit, cujus explanationem latius disserendam in præsentis tomi latitudinem distuli. Aaron igitur ille primus in lege pontifex, legalibus cæremoniis in typo futuri deserviens, typum Redemptoris nostri præfert, cui juravit Deus Pater, nec super juramento cum pœnitet: *Tu es sacerdos in æternum secundum ordinem Melchisedech.* Neque enim necessitatem habet quotidie in alieno sanguine exemplaria verorum sancta sanctorum ingredi, qui æterna redemptione inventus semel introiit in sancta, pontifex factus et hostia, qui solus in humano genere inventus, in suis innocens ad exhaurienda aliena delicta hostia factus ex idonea atque sufficiens. Nec necesse habet pontifex noster pro populi sui ignorantia alienum sanguinem fundere, qui totius mundi delicta sanguinis sui pretio æstimans, longe adhuc supereminet atque præponderat. Consummata igitur in ara crucis hostia redemptionis, in ipsa sanctorum sancta introiit, ac vultui Dei Patris propitiator pro nobis astitit, antiquam servi contumaciam perspontaneam filii expians obedientiam. Quid enim esset quod clementissimus Pater non ignosceret, cum unigenitum Filium suum præmisso libamine passionis suæ pro reis supplicantiem cerneret? Cujus delicti supplicanti Filio non indulgeret veniam, cum quo eandem ab æterno possidet voluntatem, eandemque substantiam? Quomodo Unigenito suo hæreditatem suam inique præreptam, juste redemptam libere non restitueret; cui et concessum dexteræ annueret? Glorificato igitur capite nostro, atque oleo exultationis præ participibus suis perfuso, barba nostri Aaron, quæ dudum rore verbi irrigata effloruerat, salutaris olei stillicidio infundenda erat, ut barba circumfusa ori tanquam domestica verbi defluentis olei gratiam prima exciperet, ac sic demum in subjectam vestem salutaris ille se liquor diffunderet. Nec ab hac inundatione olei sacra ora vestimenti immunis remanere poterat, quæ licet extrema totius vestimenti plenitudini firmamento erat. Barbam autem nostri pontificis super apostolis intelligimus, vestem in reliquis credentibus, extremam vestimenti oram, super humilitate nostra interpretari utinam vere possemus! Lenitatem autem olei atque pinguedinem, gratiam interpretamur Spiritus sancti, qui a capite in barbam defluxit; quando eum a Patre discipulis Dominus noster Jesus Christus, sicut promiserat, misit. Ita enim S. Lucas Actuum apostolorum conscriptor de eo commemorat: *Dum complerentur dies Pentecostes, erant omnes discipuli pariter in eodem loco, et factus est repente de cælo sonus tanquam adveniens spiritus vehementis, et replevit totam domum ubi erant sedentes. Et apparuerunt illis dispersitæ linguæ tanquam*

*ignis, seditque supra singulos eorum Spiritus sanctus. Et repleti sunt omnes Spiritu sancto et loquebantur variis linguis, prout Spiritus sanctus dabat eloqui illis. Factus est repente de cælo sonus, quia Spiritus sanctus adveniens, cœlestia sunt, quæ docet. Iste est ille spiritus vehemens, in quo naves Tharsis Dominus conterit, cujus omnipotentis vis nulla obsistit, qui dum carnalium corda concutit, turrim superbiæ atque omnem structuram peccati a fundamento subruit. Necessarius autem erat ignis divinæ aspirationis ad resolvendum frigus humanæ infidelitatis, ut corda apostolica humani timoris gelu torpentia divini amoris flammam conciperent, ac sic donum alieni erroris stipulam linguis igneis exurerent. Quia ergo hæc patranda erant Spiritus sancti adventu et gratia, in linguis igneis visus est invisibilis, ut monstraretur ex rebus visibilibus quid intus ageret, qui advenerat invisibilis spiritus. Natura namque ignis exurit, inflamat et illuminat. Amor autem Dei, qui ignis est devorans, exurit noxia, inflamat gelida, illuminat tenebrosa. Exurit veterem hominem cum sordibus suis, inflamat torporem humanæ imbecillitate, illuminat cæcos, ac reducit in viam veritatis erroneos. Ignis itaque iste salutaris, ubi corda discipulorum invasit, ad perhibendum testimonium Christi facibus amoris inflammavit, et ne præconii Christi exors remaneret barbaries gentium, accepto spiritu præcones fidei linguis loquuntur omnium. O miranda in docendo Spiritus sancti potentia, qui articulo unius horæ vix integræ, et omnem veritatem discipulos docet, et ad testificandum, robur fidei atque animi constantiam confert! O inestimabile donum, et incomparabilis gratia! Apostolica cohors, quæ a facie furentis populi passionis Domini territa fugerat, et ob metum Judæorum in conclavi delitescerat, virtute ex alto induta subito emicat, et prophetali cuneo in testimonium assumpto, auctorem vitæ esse eum qui mortuus fuerat, libera confessione prædicat. Ecce ut et illud Salomonis inferam, lepusculus plebs invalida, quid ad sonitum ingredientium antea pavidus trepidabat, ubi cubile suum in petra fortitudine collocavit, instar leonis de cubili ad prædam in impetu spiritus, fame sancti desiderii urgente se suscitavit. Jam nullius occursum metuit, imo in occursum hostium Christi audacter ruit, clamans et rugiens, conculcans et comminuens: ac tot millia bestiarum saltus, solo rugitus sui terrore sternens. Quantus putas erat ille rugitus Petri apostolorum principis, quam magnus, quam terribilis, cum de Spiritus sancti effusione ad confluentium ac stupentium turbas habita concione, tria millia infidelium sermone stravit, numeroque fidelium confessione nominis Christi adunavit. Quantus et ille rugitus, quando solidatis basibus,*

plantisque unius claudi ad invocationem nominis Christi solidatæ sunt quinque millium bases et plantatæ in fide Christi. Cujus dono? cujus auxilio? quæ demum virtute aut sapientia patrata sunt hæc omnia? Nunquid humana? Inno ipsius concionatoris gratia, atque intus præsentis judicis, ac de ore apostolico gladium utrinque acutum vibrantis, peracta sunt potentia. *Non enim vos estis*, ait Dominus, *qui loquimini, sed Spiritus Patris vestri*. Quis tamen hoc de Petro crederet, ut quem vilis ancillula jaculo linguæ straverat, verbo tot millia Christo substerneret? Quis crederet columnam ariete timoris in foveam negationis dejectam, in antiquum fortitudinis suæ statum restituendam? Sed trina confessione erecta, quæ trina fuerat negatione dejecta firmius stetit, atque in lapsu suo quomodo labentibus succurreret didicit. In cujus, ut ita dixerim, momentaneo lapsu pius pastor gregi suo pie consulit, ut humana præsumptio labente Petro trepidet, et imbecillitas prolapsa resurgente Petro non desperet.

Sed ut ad principium redeam, et ad ipsam de qua agimus gratiam rursus respiciam, ab illo jam tempore in omnia membra corporis Christi copiosius stillavit cornu salutaris olei, et in totam mundi latitudinem latius diffusa est gratia Spiritus sancti. Filiis enim regni degenerantibus, et in tenebras exteriores ejectis, a quatuor plagis cæli, ad nuptias cælestis regis pauperes ac debiles erant colligendi, qui Judaicæ perfidiæ locum supplerent, et inter duodecim tribus olim repromissæ benedictionis sortem acciperent. *In semine tuo*, inquit Deus ad Abraham, *benedicentur omnes gentes*. Benedictione itaque ista a Deo patre in Christo Jesu per Spiritum sanctum in omnes gentes effusa, cœpit gentilitas voce vocantis Domini audita, de invitatione sua gratias agere, sordes idololatriæ fonte baptismatis abluere, et antiquæ nuditatis confusionem, nova innocentie stola atque nuptiali charitatis veste contegere. Et insonante tuba evangelica: *Pœnitentiam agite, appropinquavit enim regnum cælorum*; et illa Apostoli, *præterit enim figura hujus mundi*, cœpit prætereuntem quasi jam præteritum contemnere, et florentem ut aridum æque diligere. Pede namque fidei super stabilitatem petræ inconcussæ innixi, atque oculo cordis in oculos dilecti sui irreverberata acie defixo, nec quod præteriret noverat, nec quod deficeret amare jam poterat. Quomodo enim torrentem labentis sæculi sentire poterat, quæ æterno infixæ erat? Quomodo fœdum quid amare poterat, quæ superno regi, claritatem solis pulchritudine vultus sui obnubilanti, desponsata erat? Quomodo ad gustum amoris hujus sæculi felle amariorem, labia sua osculo cælestis sponsi sanctificata, vel admovere poterat: quæ in mensa cordis dilecto suo inferente mel divinum edebat? Cœpit itaque æternorum desiderio temporalia fastidire, atque de hac turbulenta tempestate ad portum æternæ quietis anxie quotidie suspirare, ac peregrinationis suæ tædio affecta, apostolicum illud querulo gemitu ejulare: *Miser ego homo, quis me liberabit*

*A de corpore mortis hujus? Et in dilecti sui pectus, caput languida reclinans, ac desiderii sui æstum futuræ consolationis umbra refrigerans, Gratia, inquit, Dei per Jesum Christum Dominum nostrum. Non meritum, non legis opera, sed gratia solum. Per quem? Non per hominem, non per legislatorem, non per ipsam denique legem, sed per Jesum Christum, qui legem condidit et hominem. Inde evenit ut constantia piorum æternorum inflammata desiderio, tyrannorum minas rideat, divitias et dignitates repromissas respuat, tormentaque carnicum ingressum sibi regni pandentia, læti sustineant, candentesque ferri machinas æterna sibi refrigeria conquiritentes, ultro conscendant. Unde hæc virtus hominis: unde hæc constantia animi? Unde hæc constantia hominis ut qui dudum folia verborum, tyrannico furore agitata pavescebat, nunc vincula et verbera, nunc carceres et cruces sartagine et laminas ardentes, ardente interius flamma sancti Spiritus, non pertimescat? Tua, o Christe, tua, inquam, hæc omnia operatur gratia; quæ sic gratis omnibus datur, ut nullius unquam merito, nullius desiderio præveniatur, sed omnes ipsa præveniat, omnibus ipsa subveniat omnibus præstet, ut perveniant. Testantur hoc ipsum verba ipsius Domini, ubi fideles servos digna mercede remunerans, amicorum eos gratia, et vocabulo honorificat. *Jam non dicam*, inquit, *vos servos, quia servus nescit quid faciat Dominus ejus. Vos autem dixi amicos, quia omnia quæcunque audivi a Patre meo, nota feci vobis*. Proprium est amici diligenter observare animum amici sui. Unde et amicus, quasi *animi custos* dicitur. Jure ergo fideles ministros amicitie suæ præconio honorat quibus quæ a Patre audierat, secreta crediderat. Sed ne infirmus amicus quod Dei erat sibi ascriberet, et suo se merito ad hanc amicitie Dei gloriam pervenisse crederet, monet eos ad principium viæ post tergum oculos reducere, ac diligenter attendere; quo monstrante viam invenerint, quoque præeunte eo usque pervenerint. *Non vos*, inquit, *me elegistis, sed ego vos elegi, et posui vos ut eatis, et fructum afferatis, et fructus vester maneat*. Igitur amicitie privilegium eligentis est donum, non electi meritum. Fructus quoque insertæ virgulæ munus est inserentis agricolæ. Gratia itaque est quod elegit, gratia quod posuit, gratia quod fructum contulit, gratia quod ad maturitatem usque perduxit. Quidquid ergo in homine virtutis, aut studii spiritualis emicat, de hoc fonte pietatis manet. Cujus rei cum tot pene sint testes, quot fidei professores, libet tamen duos de multis ad medium deducere: in quibus eo clarius fulget subsequens gratia, quo nulla eorum præcesserunt merita.*

Primus itaque ingrediatur Paulus apostolus, Christianæ fidei aliquando expugnator, nunc autem propugnator fortissimus, gratiæque Dei assertor fidelissimus, cujus si inspicias opera, inveniuntur iram potius meruisse quam gratiam. Qui filo ductus occidentis litteræ spiritum vivificantem conatus

est exstinguere, legem quidam a Deo per Moysen datam esse sciens, sed figuris et cæremoniis velatam esse nondum recte intelligens. Nec advertebat quam absurdum esset credere peccata populi pedibus emundari sanguine, nisi subveniente pretio illius sanguinis qui quotidie fide bibitur a credentibus populis. Obscuratus igitur, umbra legis, æmulari cœpit filios lucis, testesque veritatis asserbat assertores esse falsitatis, ideoque jure perimendos, tanquam legis et veritatis inimicos. Cœpit itaque ut lupus rapax in oves Christi debacchari, præsentibus suffocare, in absentibus ævire, et a principibus sacerdotum epistolas in Damascum petere. Nec poterat rabiem vesaniæ suæ insatiabilis bellua devoratis satiare, quandiu vel unum superesse sciret quem suffocare posset. Postquam vero turgido spiritu minas et cædes spirantis traditis epistolis insaniam principum aspiravit, exsultat, properat, assumptisque ejusdem studii sociis, iter accelerat, ne quod furoris sui detrimentum incurreret, si pigrius iret. Sed quo ruis, immanis bellua? In quem sævis, cruenta bestia? Nescis quia quo celerius curris, in laqueum citius corruis? An ignoras, ut te interim verbis tuis alloquar, quod patientia Dei ad pœnitentiam te adducat? De cœlo tonat, cui de terra bellum irrogas. Patientia clementiæ abuteris, oportet ut severitatem justitiæ experiaris. Ille Nazarenus, ille crucifixus, cui insultas tanquam mortuo, cervicem tuam adversum se erectam lucis perfodiet jaculo. Factum est autem ut eo appropinquante Damasco, et pusillo grege Christi de cœlo invocante auxiliium, adversarium lucis circumdaret lux cœlestis, pœnas prius a persecutore cœcitate inflictæ exigens, ac postmodum discussis prioris ignorantie tenebris, errantem viæ restituens. Nec prius divinæ correctionis vocem audire meruit, quam supplantato pede superbiæ pronus in terram corruit. Audivit enim vocem de sursum increpantem terribiliter, cur innocentes, cur supplices deorsum persequeretur tam crudeliter. *Saule, inquit, Saule, quid me persequeris? Quid egi? quid commerui? Quando te læsi? quando contristavi? An ideo pro te passus sum, ut hæc a te paterer? An ideo manus meas clavis pro te transfigendas tradidi, ut tu viscera mea gladio transfigeres? Quid me persequeris? Jam dudum in te mea effebuisse indignatio, nisi multa esset, quæ te hucusque servavit, miseratio. Hac voce de cœlo inclamante salubriter monitus et sibi redditus, cœpit secum mirari stupidus vox audita quænam esset, cujus esset, unde adesset, quasi dicens: Quidnam hoc est miraculi? Quid audio? Vox, quæ de cœlo sonuit, persecutionis me arguit. Quis est, qui me arguit? Ego Nazarenus Nazareni illius discipulos, et hoc zelo legis Dei, persequor, et de cœlo arguor? quid crucifixo cum cœlo? Quid transgressori legis Dei cum Deo? Sciscitabor tamen quis sit qui me arguit, quia terror auditæ vocis, et pœna inflictæ cæcitalis terribilem esse, qui loquitur, denuntiat. *Quis es Domine? Splendor emissæ lucis Dominum te**

esse indicat et correctionis meæ pœna tam subita potentiam tuam prædicat. *Quis es, Domine? Ego præter unum alium in cœlo nescio Dominum, cui hoc zelo et studio meo arbitrabar me deferre obsequium. Quis es, Domine? Dignare te ipsum manifestare, quis sis, ut et ego scire possim modum servitutis. Ego sum, inquit, Jesus Nazarenus, quem tu persequeris. Ego sum ille Jesus, ille Nazarenus, ille tibi despectus, a te irrisus, a progenitoribus tuis crucifixus. Sed durum est tibi contra stimulum calcitrare, quia quo magis stimulo recalcitras, eo amplius calcem stimulo vulneras. Desine ergo, tandem desine, atque furori tuo modum pone, ne si transgressus fueris patientiæ meæ limitem, non jam correctionem merearis, sed perniciem. Cæcitas namque quæ de nebula increduli cordis offusa est oculis tuis, pœna est et supplicium ignorantie prioris, ut qui me ab unitate Patris perfidiæ tuæ mucrone impie absciso, in fide totius Trinitatis caligabas, caliginem impii cordis tridua oculorum cæcitate lux. Sed ignorantie tuæ veniam tribuo, et perfidiæ tuæ tenebras, radiis veritatis illumino, ut, ablato velamine et revolata facie, videas et agnoscas quem dudum in lege legebas et ignorabas. Saulus autem tremens ac stupens, stupens quidem ignorantie suæ profundam cæcitatem, tremens vero tremendam colloquentis majestatem, et reverentiam Deo exhibet, et obsequium Domino spondet, quidquid benignus Dominus velit, quid præcipiat, supplex servus interrogat: *Domine, quid vis me facere? Quid vis, Domine, ut faciam, ut, qui persequendo contraxi iram, obsequendo inveniam gratiam? Ne ad merita respicias, quæ damnationi sunt obnoxia; sed ad pietatis tuæ remedia, quæ saluti semper sunt proxima. Stulte deceptus, quia carnaliter in lege eruditus, salutis summam in justificationibus legis constitueram, ideoque in te ipsum legislatorem, et ut nunc vere intelligo, gratiæ auctorem manum intuleram. Disciplinam legis nunc sero intelligo pædagogum fuisse Christianæ libertatis, et humana infantia te præceptore provecata ad perfectionem, necessariam jam non esse legis eruditionem. Quid ergo vis, Domine, ut faciam? Paratus sum quæ servis tuis intuli, ipse perpetui: paratus sum, pro te, quem subsannabam mortuum, mori. Surge, ait Dominus, surge, et civitatem ingredi: ibi ovem invenies, ut discat mansuetudinem, ut fontem, qui de dextro latere manat, pariter adeant, et, lupo submerso, ovis emergat. Ecce jucundum gratiæ nostræ spectaculum: trahit captivum ovis lupum. Lingit hispidum, componit hirsutum, lacte potat qui piorum antea sanguinem bibebat. Tactu gaudet ovis, lupus oblitus feritatis.**

*Alque truncem vullum ponens, mansuescit in agnum.  
Nec dolet illa suam morbo succumbere curam,  
Detrahit ex oculis squamas, visumque refundit.  
Hinc adhibet lavacrum baptismi nomine sacrum.  
Quoque perit Saulus, prodit de gurgite Paulus.*



Exaltat itaque neophytum suum Gratia mater in Apostolum, et de fornace probationis purissimum producit, vas electionis, ut potum fidei Judæis propinet et gentibus, quam prius persequabatur in credentibus. Acceptum autem calicem verbi primum porrigit incredulæ matri, quæ quia calice fellis, quem et Domino suo in cruce porrexerat, erat inebriata, potum salutarem respuit, et mittenti et offerenti ingrata. Conversus igitur ad gentes late diffusas, colligere cepit ex gentibus oves erroneas, ut ex utroque ovili, collectis in unum ovibus, unum ovile et unus pastor fieret, et qui redemerat, ipse pasceret. Sed ne impar inveniretur contumeliæ obsequium, ab Hierusalem excurrit usque Illyricum; per vios, per castella, per oppida atque provincias nomen Christi disseminans, summamque salutis humanæ in cultu Christianæ religionis consistere, legalibus atque evangelicis allegationibus affirmans. Verbo docet, exemplo suadet, miroque et inaudito ob charitatis affectu, pro fratribus anathema esse optat, omnes homines sicut seipsum esse desiderat. Alios Christo gignit, alios a fide abortivos iterum parturit, et ne quid paternæ nobilitatis in illis degeneret, materna solli citudine satagit. Parvulos in Christo lacte potat, adultos in fide solido cibo roborat; inter illos nihil, nisi Christum et hunc crucifixum se scire judicat, inter istos de secretis cælestibus et mysteriis a sæculo absconditis disputat. Inter hæc, imo propter hæc pietatis studia, vinculis alligatur, virgis cæditur, lapidibus obruitur, carcere includitur; sed quia verbum Dei nec alligari potest, nec includi, epistolis ubique advolat, actus vitæ informat; lassos supposita manu consolationis sustentat, pro tribulatione momentanea et felici perseverantia præmia repromittens æterna. Cum infirmantibus infirmatur, pro scandalizatis uritur, et ut breviter concludam omnia, ut omnes lucrifaciat, omnibus sit cunctis. Sed ad hoc nequaquam vas electionis gratiæ Dei, super mensam opusculi nostri proposuimus, ut apostolicæ vocationis, sudoris ac passionis, seriem ex integro revolvamus; sed ut in ejus electione atque apostolicæ dignitatis culmine, intueamur magnitudinem ipsius de qua agimus gratiæ. Cujus magnitudinem in se et ipse miratur, atque apostolicæ dignitatis nomine se indignum esse humili confessione testatur. Nam cum de resurrectione Domini ageret, testesque resurrectionis eos, quibus visus est Dominus ascisceret: *Novissime*, inquit, *omnium tanquam abortivo visus est et mihi. Ego enim sum minimus apostolorum, qui non sum dignus vocari apostolus, quoniam persecutus sum Ecclesiam Dei.* Sed ne ingratum gratiæ Dei videretur, collati sibi beneficii reminiscitur, totumque quod est, non meritis suis aut laboribus, sed honorum omnium largitori tribuit: *Gratia*, inquit, *Dei sum id quod sum, et gratia ejus in me vacua non fuit.* Sed et si quis velit Epistolarum ejusdem textum percurrere, inveniet cum hoc in omni pene epistola agere, ut eos redarguat, qui ex legalibus ceremoniis aut ex operibus

A suis gratiam Dei sibi arrogant, et gratiæ Dei, cui jure subjecta sunt omnia, subjiciat. Quia vero ad finem festinat oratio, quæ Epistolas ejus legentibus in promptu sunt, lectoris fastidio parcens, nunc inserere supersedeo. Sunt et alii catalogo sanctorum quam plures et innumerabiles, in quibus cum pene esset abolitum totius virtutis vestigium, reformante et instaurante eos gratia, subito in Christi Ecclesia velut clara fulserunt luminaria. Nihil enim impossibile occurrit omnipotenti gratiæ, quæ sæpe idcirco desperatos ad vitam revocat, ut aliis æque desperatis spem reviviscendi tribuat. Duos autem me promisi testes exhibiturum, duo de multis millibus, in quibus gratia Dei specialius emineat, quorum cum alterum exhibuerim, altera jam seipsam exhibeat.

Procedat itaque illa in civitate quondam celebri, notissima, notissima dico non fama bona, sed infamia, honestatis opprobrium, pudoris naufragium. De qua, cum constet, qualis fuerit, antequam dominicos pedes laverit, tæserit, unxerit, videamus de convivio misericordiæ, qualis redierit. Audito enim quod in domo Simonis leprosi salus accubuerit, et ad leprosos usque emundans oleum gratiæ defluerit, horrorem immundissimæ intus abhorrens, et seipsam quo clarius intuens, eo gravius erubescens, inter convivantes pio ream obtulit, et quid quæreret, quid peteret, quid opus haberet, lingua tacente lacrymis prodidit. Noverat enim ad quem venerat, cui prociderat, quem exorabat, quodque apud Deum plus dolor cordis quam clamor vocis ageret, atque apud tam piæ judicem lacrymarum citius quam linguæ preces obtinerent. Infundendo igitur pedes Domini lacrymis, emundabat conscientiam maculis, et crebro infligendo osculum, sedulæ devotionis obsequio, antiquo conciliabat odium, Et quia nec id, quod insensibile erat, a servitate peccati immune remanserit, id ipsum quoque ad satisfactionem peccati, humiliter exhibebat, et pedes, quos lacrymis infundebat, capillis tergebatur, quibus antea frequenter quasi quibusdam vinculis, captivos post se juvenum greges trahebat. Adhibet et pedibus sancti unguentum nardi pistici, in pistio nardo integritatem commendans fidei. Sic, sic pedibus Domini peccatrix advoluta, peccatrix, inquam, sed pœnitens, sed flens, et seipsam gladio doloris transverberans, pro peccato suo seipsam Deo hostiam immolabat, quia sacrificium contriti cordis et humiliati a Deo sperni non posse, propheta attestante, non ignorabat. Fungitur itaque in seipsa sacerdotis officio, ac primum fuso sanguine peccati, de quo se justus optat liberari, in frusta suam concidit hostiam, dum per singulos actus quasi membratim divisam, in libra cordis examinat vitam pristinam. Diligenter autem intuens singula, et immunda reprensens pene omnia, totum laxat fontem compunctionis in lacrymas: ut quidquid sordium in fundo conscientiæ ex antiqua conversatione resederat, impetus torrentis lacrymarum totum post se trahat. Ideo a



dolore non parcat, ideo a fletu non temperat, ut A inquinatam hostiam, unda lacrymarum vice baptismi abluat, totamque lacrymis, ut acceptabilis fiat, commendat oculis. Adhibet et ad effugandum fetorem teterrimum, odorem unguenti suavissimum, quæ per corda satellitum diaboli de antro libidinis tetrum fetorem sparserat, per ora convivarum Christi de alabastro pœnitentiæ odorem suavitalis spargat. Spectare libet opulentum regis nostri convivium, et diversa, quæ inferuntur saporibus suis discernere fercula. Simon ille, qui invitaverat, fercula sua Domino tanquam viro justo dubia fide exhibuerat, de quorum condimento nihil memorat evangelista, quia sinapi non erant condita evangelico. Quia enim granum sinapis minutum in homine Simon videbat, ideo vim sinapis in divinitate latentem, et animas B fide condientem, pharisaica jactantia non intelligebat. Idcirco præjudicio et miseram premit, et misericordiam, illam quæ et qualis esset judicans, iatum vero, quasi nescientem quæ et qualis esset vituperans. *Hic si esset, inquit, propheta, sciret utique quæ et qualis est, quæ tangit eum quia peccatrix est.* Sed de ferculis Simonis, quia incondita sunt, ista sufficiant, ad condimentum Mariæ esuries nostra magis inhiat. Maria, ut æstimo, sicut legis alumna, noverat quod hædos arte Rebeccæ octos atque conditos libenter Isaac comedat, coctionemque hædorum conversionem prætere peccatorum. Forsitan et audierat, disputante in parabolis Domino de pœnitentiæ remedio, quod gaudium sit in cœlis super conversione unius pœnitentis, quam super nonaginta novem justis pœnitentiæ remedio non egentibus. C Assumpta ergo spei fiducia, convolat ad divinæ pietatis remedia, mortuum cadaver animæ condians mistura compunctionis et pœnitentiæ, ne corruptio iucondia putredinem generaret, putredo fetorem exhalaret. Totam autem se in mortariolo cordis pila humilitatis conterens, et more aromatum, quasi in tenuissimum pulverem redigens, gratissimum epulanti Domino exhibet convivium, dum singulis ferculis jucundissimum veræ dilectionis superadjicit condimentum. Maria igitur tam dulcia, tam suavia alia post alia inferente fercula, esuries expletur dominica, qui ad Pharisei quidem domum invitatus venerat ad mensam conederat, sed quia Judaicas superstitiones fastidiebat, in mediis adhuc epulis jejuns spiritu permanebat. Gaudet itaque oblati, propter D quas venerat, epulis, jucundatur admodum exquisitis pœnitentiæ ferculis, et quia æstus amoris in corde Mariæ incanduerat, vino compunctionis et pœnitentiæ Joseph noster inebriatur meritis. Mirum et inauditum spectaculum! flente misera, ridet misericordia, quia nisi adesset misera, quasi otiosa esset misericordia. Pulsat ream pharisaica, sed falsa justitia, sed trepidante rea, scutum se opponit clementia, et proposita duorum debitorum parabola, plus debentem, quia et plus diligentem absolvit justitia. *Vides, inquit, hanc mulierem? Cum tu pedes meos aqua non infuderis, ista rigavit eos lacrymis.*

Ista ex quo intravit, pedes meos deosculari non desit, cum tu nec more invitantium, invitato osculum dederis. Caput meum non unxisti oleo, ista vero pedes meos unguento tam pretioso, tam copiose perunxit, ut domus tota ejus odore repleta sit. Hæc sunt magnæ devotionis indicia, hæc indubitata veræ dilectionis testimonia. Multum amat, multum diligit, quæ tam officioso studio pietatis inervit. Quia ergo multum dilexit, multum meruit, multorum delictorum veniam obtinuit. O pietas, o misericordia, o gratia, quis audit talia, quis vidit similia? Intraverat peccatrix, peccatorum pannis obsita, procedit subito sancta, etola sanctitatis splendida. Non multa, annorum, non multa dierum curricula interfluunt, non crapulam luxuriæ jejunia casta decoquant, non alta suspiria arcem peccati pectus quatunt, sed sola interveniente gratia, captiva peccati fit libera, et tanti rea tanti muneris donatur prærogativa. Audiat mundus, concurret populus, contempletur, miretur odoretur, odore unguenti repleta est tota domus. Nullius enormitate peccati peccator desperet de venia, testis astat Maria, qualis, quam pia, quam potens sit, quæ medetur gratia. Qualecunque sit vulnus, quam altum, quam putridum, non est medicus nostro insanabile, tantum recipiat quod superinducitur emplastrum pœnitentiæ. Ecce quot vulnera, ecce quam alta, quam putrida subito sanata sunt in Maria, medicante ipsa quam prædicamus Redemptoris gratia. Ecce sana astat, ecce magnitudinem gratiæ, qua sanata est, magna gratiarum actione magnificat. Ecce naufragia luxuriæ passos, in littore stans, ad portum pœnitentiæ vocat, porrectaque manu piæ intercessionis emergentes juvat. Facta est enim sancta ista peccatrix peccatorum fidelissima reconciliatrix, facta est miserorum benignissima consolatrix: quia acerbitate, in dolorum in se experta, optime novit quanta indigeant, qui patiuntur, misericordia.

Sed quid diutius collatis Mariæ beneficiis immoramur, qui ejusdem gratiæ dona, quotidie in his, qui salvi fiunt ubique terrarum miramur? Nunquid enim otiose in auras evanuit, qui de unguento Mariæ odor spiravit? Unde in domum Ecclesiæ, ubi Redemptor noster in humilitate nostra accubuit, tanta quotidie pœnitentium turba confluit, nisi quia eos odor unguenti trahit? Hoc odore tracti, omnis conditio, omnis ætas, omnis sexus in domum salutis certatim currunt, qui peccato saucii tactum Salvatoris quærunt. Quæ est autem alia, quæ cœlum pulset violentia, nisi exercitu suo stipata peccatorum pœnitentia? Quæ dum cupit jus alienum invadere, et indebitam sibi sanctorum sortem armis obtinere, domesticos suos secreti sui optime conscios, lacrymas et suspiria ad cœli clavigeram præmittit gratiam, ut accepta probatæ monetæ, puræ scilicet confessionis, et sanctæ deinceps conversationis pecunia, clausam sibi per culpam regni ipsa aperiat januam. Cui enim unquam regni janua patuit, cui gratia non aperuit? Quis inter supernas unquam tribus funiculum hæreditatis obtinuit, cui sortem

gratia non distribuit? Quis æterni regis solium coronandus adiit, quem gratia non perduxit? Quis ibi coronam victor promeruit, nisi cui gratia imposuit? Ipsa est enim quæ aperit, ipsa quæ perducit, ipsa quæ causam supplicum peragit, ipsa quæ singulis præmia pro meritis restituit. Pœnitentia igitur claustra cœli pia volens pulsare violentia, recede qua dixi gratiæ conducit exercitum, confidens sibi peruia fore omnia, si hujus mereatur suffragium. Ipsa itaque suffragante peccatoribus, *regnum cœlorum vim patitur, et violenti diripiunt illud*. Ista est gratia quæ in rebus creandis, vivificandis, vegetandis, principatum ab æterno obtinet; ista quæ tuendi, provehendi, et ad mensuram ætatis plenitudinis Christi perducendi, potestatem in seipsa possidet. Ipsa est quæ in utero matris lutum plasmationis nostræ compingit, ipsa quæ singula sedibus suis membra distinguit, quæ fluxa solidata vivificat, et clausum in carcere ventris parvulum, matre otiosa et ad hæc nutrimenta nondum idonea, spiramento et alimento quo ipsa novit vegetat. Producit deinde parvulum hominem, et adhuc quod homo sit, nescientem, de tenebris ventris in hanc visibilem lucem, ut in hanc vallem lacrymarum projectus exsilium damnationis suæ defleat: et alium, de quo beatus renascatur uterum, fletu, gemitu, qua interim potest supplicatione, quærat. Miserata autem pia mater gratia, flebilem parvuli sui gemitum, et innoxie ætatis originale delictum, infeliciter natum, ut felicius renascatur, mirabili et ineffabili deificæ creationis potentia, Ecclesiæ maris refundit in uterum, in uno eodemque mortificans peccatorem, vivificans hominem, ut qui morti natus erat, renascatur vitæ, qui natus exsilio, renascatur patriæ, qui natus sæculo, renascatur felicius Deo. Sic editum et multo beatius quam prima natiuitate genitum, gratulabunda genibus excipit, lactat, fovet, nutrit, adultumque magistris spiritualibus, imbuendum disciplinis cœlestibus tradit, nec tamen ipsa deserit. Docet namque magistros quid doceant, tyronem suum, quomodo instruant atatis florem sæculo ardentem rationis pede contere, et animos juveniles, fervidos, et infrænes, et in foveam luxuriæ impetu carnis ruentes, freno timoris Domini retinere. Carnem proinde tanquam familiarem vitæ, non enervandam esse deliciis, nec incendium adolescentiæ æstu inflammandum luxuriæ: sed utrumque ita medie temperandum, ut caro spiritui velut ancilla serviens, nec nimis afflicta, sub fasce ruat, nec lasciva nimis, ita periculum spiritus contumaci cervice respuat. Præmonet et neophytum suum, summopere cavere a pessimo verme illo superbiæ, et ne quem perversa radix in eo inveniat fomitem, semper recolat terram se esse et cinerem. Monet et diligenter observare nequissimum caput colubri illius, quo nullum est nequius, ut contrito venenato capite, nullus supersit metus de reliquo corpore.

Hic et hujusmodi disciplinis iustructum militem, Christi gratia nostra armatura induit apostolica,

lorica munit præcordia, caput galea, levique loro clypeum collo suspendit, ut facili motu circumferri possit quocunque cura protegendi corporis poscit. Et quia ensis fortium propter timores nocturnos semper est super femur suum, gladio verbi lumbos accingit, ut fluxum luxuriæ cingulo castitatis stringat, et incursus libidinis, gladio spiritus arceat. Nec otiose pendet ensis militis Christi de femore, sed ut documento sit intuentibus, nullum nisi præinctum castitate, propellere posse incursantes malignos spiritus. Tectum itaque undique armis spiritualibus, spiritu quoque consilii adoptivum suum gratia mater imbuat, quia præclara quoque arma sæpe pugnantem plus onerant, quam juvant, ubi pugnam consilium non gubernat. Necesse est, inquit, fili mi, ut noveris, cum quo hoste congressurus sis, visibilis sit an invisibilis, viribus nitatur an dolis, ut agnita qualitate et pugne et hostis, facilius ab utroque cavere possis. Hostis tuus est ille antiquus, ille nequissimus, qui tabe invidiæ ab initio lividus, adoptionis tuæ gloriam tibi invidet, qua spoliante eum superbia sua ita nudatus est, ut nec nudatum se esse doleat. Hanc tuam et scam si humilis perstitisset, gloriam tibi invidet, ad hanc te aspirare dolet, viamque qua ascensus es, obsidet, ascendenti armatus occurrit, ut ad quod ipse non anhelat, iter regni tibi intercludat. Sed ne terrearis illius armatura, nec metuas spicula, quæ fide Christi ita sunt obtusa, ut nullum jam nocendi effectum habeant, si scuto fidei munitum pectus inveniant. Ne ergo contremiscas aspera minantem, quia invalidum, nec audias læta promittentem, quia fallacem; sed æque minas inanes et vanas promissiones surda aure prætereas. Si ergo contra faciem intenderit jacula, scuto excipe venientia, et ne obliquum vulnus infligat, adducto clypeo latus quoque munire non negligas. Clavis enim crucis Christi transfixus, et viribus enervatus, ad fraudem se contulit, et quando aperto certamine nil proficit, transfiguratur se in angelum lucis, ministrum salutis se mentiens, et incautos specie virtutis decipiens. Mille namque formas fallaciæ induit, et malitiæ suæ impetu instare molæ circumactus, ovile Christi rugiens circuit, ut quoquo modo, sive manifestis vitæ, sive occultis, et specie boni tectis de grege Christi abductos devoret. *Omni ergo custodia, fili mi, cor tuum serva*, nec claustra cordis tui aliquando reseres callidissimo tentatori quia nullo pacto potest signaculum crucis Christi infringere, nisi forte (quod absit!) fallaciæ ejus blanditiis delinitus, sponte velis intra mœnia tua hostem sævissimum admittere. Hoc itaque modo exclusus, ad alia se vertit fraudis argumenta, tentans scala jactantiæ. arcem cordis tui conscendere, te sanctum, te Deo placitum victoremque sui contestans; se vero velut infirmum, velut invalidum, et prudentia tua supplantatum et virtute dejectum dolose simulans nihil tibi de reliquo mentiens esset timendum, qui hostem tam sævum pede contriveris ut vermen invalidum. Nec fit de

virtute Dei, aut de gratia Christi aliqua mentio ab insidiatore nequissimo, sed virtutem tuam prædicat, victoriam tuam magnifice, sed dolose, occulta suggestione exaltat, ut si blandienti aurem commodaveris, et victoriam Christi aut viribus, aut meritis tuis arrogaveris, base desertus humilitatis, de alto elationis, ruas in profundum perditionis. Quod si mentem tuam alta humilitate fundatam invenerit, et hoc superbæ ariete subvertere non potuerit, admovet aliam nocturnæ revelationis machinam, dormienti splendidus assistens, ventura multa prædicens, et interdum vera interserens, ut parem te credas apostolis, qui somno resolutus, spiritu prophetiæ divinitus donatus sis. Sed ne credas mendacii, et qui pater est mendacii, quia valde est indignum veritati falsitatis testimonium: et dum vera loqui creditur gravius elidere nititur. Sic præmonitum, ita præmunitum tironem suum gratia educit ad certaminis stadium, de cælo imprecaans congregienti auxilium. Protegente itaque militem suum superna clementia et virtute Christi consummata de hoste sævissimo tam insigni victoria, gaudet pia mater, exsultat, tripudiat, et æterno Regi victorem suum coronandum repræsentat, legitimumque certamen militis comprobans, præmia victori postulat condigna labori. Ubi qualia et quanta miles Christi emeritus præmia recipiat, non est inter terrigenas qui enarrare sufficiat. Totum est igitur gratiæ Dei, quod sumus, quod vivimus, quod sæculo nascimur, quod Christo renascimur, quod antiquo hoste conditionis lege interiores, Redemptoris munere efficiamur superiores; quod carnis infirmitate debiliores Spiritus sancti virtute reddimur fortiores; quod inæquali sorte naturæ conflictamus, et victoriæ palmam Christo in nobis triumphante obtinemus. Illa autem sanctorum præmia, quæ in præsentia adhuc nobis celantur, et futuræ agnitione reservantur, sicut visu incognita, et usu sunt incomperta, ita effatu quoque sunt inenarrabilia. Sed ne non amarentur, si penitus ignorarentur, speculum quoddam inter caliginem nostram, et claritatem suam divina serenitas nobis interposuit, per quod ut unque fidei transmissa acie, reposita nobis æternæ claritatis gaudia speculemur, et ad hæc promerenda, toto mentis ardore inflammemur. De qua nostra per speculum fidei contemplatione, eleganti humanæ ætatis inducta similitudine, elegantem vas electionis disseruit. Nam cum charitatem Corinthiis commendaret, ac multa de laude ejus apostolica eloquentia perorasset, ad extremum: *Charitas, inquit, nunquam excidit; prophetia evacuabitur, linguæ cessabunt scientia destructur, charitas vero nunquam excidit.* Et quasi causam inferens, cur talia ac tanta sancti Spiritus charismata evacuentur atque destruantur; *ex parte enim, ait, cognoscimus et ex parte prophetamus.* Prophetia evacuatur, scientia destruitur, quia ex parte sunt, quia imperfecta sunt quæ gerunt, quia immatura quæ sapiunt. *Cum essem parvulus loquebar ut parvulus, sapiebam ut par-*

*lus, cogitabam ut parvulus; quando autem factus sum vir, evacuavi quæ erant parvuli. Sic et cum venerit quod perfectum est, evacuabitur quod ex parte est.* Sole rutilante, clara prius absconduntur sidera, non quod claritatem suam perdant, sed quod tantæ claritatis jubare obfusa non pareant. Ita et in æterna claritate prophetia evacuabitur, sed ut impleatur; scientia destruetur, sed ut perficiatur; quæ cum impleta et perfecta fuerint, æternæ plenitudini temporalis hæc exinanitio collata erit quasi non fuerit. Prophetia itaque nunc interim loquitur ut parvulus, scientia sapit ut parvulus, quia nunc per speculum videmus et in ænigmate, cum autem in virum perfectum occurrerimus, tunc facie ad faciem videbimus.

Appendamus nunc si placet partem qua nunc interim sancti cognoscunt et prophetant in libra iudicii, et cum nulla nostra æstimatione partem ipsam poterimus æquare, videbimus totum illud atque perfectum, et sensu incomprehensibile, et verbo ineffabile, nullaque prorsus comparatione æstimabile. Videamus, quæ pars ipsi qui hæc loquitur beato apostolo obvenerit, quam nemo fidelius, quam qui accepit, ostenderit. *Scio hominem, inquit, in Christo ante annos quatuordecim, sive in corpore, sive extra corpus, nescio, Deus scit, raptum hujusmodi usque ad tertium cælum.* Quid est, beate Apostole, quod loqueris? Quid vere vas electionis profundis? Ex parte cognoscis, et tertii cæli secreta rimaris? si totum acceperis, quo penetrabis? Si corpore quod corrumpitur, et aggravat animam ligatus eoque penetras; solutus quo avolas? Sicut dixit qui ait, *Domine, nescimus quo vadis,* sanctus ille Thomas, dicam et ego, Apostole, nescimus, quo avolas. O pars optima, o pars vere apostolica? *Et scio hujusmodi hominem, sive in corpore, sive extra corpus, nescio, Deus scit quoniam raptus est in paradysum et audivit arcana verba quæ non licet homini loqui.* Magna pars hominis, ut homo audiat quod homini loqui non liceat. Vides ergo quod ineffabile sit, illud integrum, illud totum, illud perfectum, cum ineffabilis quoque sit pars ipsa totius exigua. Quis igitur a me pauperrimo, et ad hæc mysteria vere elingni, impossibilia exigat, qui sanum sapiat? Quis a me exigat ut enarrem, quæ sint illa æternæ beatitudinis et beatæ æternitatis gaudia, ubi erit Deus omnia in omnibus, cum enarrare non queam quanta sint illa sanctorum charismata, ubi est Deus adhuc in singulis omnia. Est enim modo in hoc imperfectionis tempore Deus omnia in singulis; quando prout vult singulis dividit, alii sermonem sapientiæ, alii sermonem scientiæ, alii gratiam sanitatum, alii operationem virtutum, alii prophetiam, alii discretionem spirituum, alii genera linguarum, alii interpretationem sermonum. Alteri firmitatem fidei, alii certitudinem charitatis, illa illis, alia aliis, quæ postrema salutis charismata sine quibus nemo salvatur, licet in omnibus inveniantur, qui salvantur, in alio tamen mi-

nus, in alio amplius. Datur autem omnibus, ut ait Apostolus, manifestatio spiritus ad utilitatem, ad imperfectionis consummationem, ut qui modo est omnia in singulis, sit quandoque Deus omnia in omnibus. Cum ergo in illa æterna sanctorum beatitudine unus acceperit, quod modo dividitur singulis, quantum putas, erit illud præmium, quale gaudium? Non est humanæ angustiae illa æternæ claritatis gaudia comprehendere, ubi quod contristet nihil interveniet, nihil deerit quod lætificet:

*Luctus ibi nullus resonat, quia nec dolor ullus ;  
Nil ibi quod pigeat, læleat, aut pudeat ;  
Non ibi peccatum, quod possidet hic dominatum.  
Quod servit vitio, non ea scil regio.  
Cunctis invisæ mors, ipsa nec est ibi visæ,  
Nec metuanda tibi ; vita perennis ibi.  
Non opus est aratris illic, aut imbribus atris.  
Semina qui foveant arida, ne periant.  
Omnibus est unus panis, mirabile munus,  
Quem semper comedas, nec comedens minuas.  
Mirum, sed verum ; facies illic nova rerum,  
Qui vere cibus est, panis ibi Deus est,  
Anxietus, pestis, morbus, languor, procul estis :  
Terrigenus premittis, cælicolas fugittis.  
Qualis ibi vestis sit, adest sacra pagina testis  
Christo vestitur, qui lacacro abluitor.  
Hanc custodieris, nudus non invenieris.  
Nunc clarus sola, tunc in utraque stola.  
Urbs ex æterno stat in illo monte superno :  
Quæ quam clara gerat mæniu, quis referat ?  
Vallatur muro quadro, nunquam ruituro.  
Stat suffulla fide, non alio lapide.  
Turribus est fortis, duodenis pervia portis,  
Perpetuo claret lumine, nocte caret.  
Pax ibi tranquilla, nullus metus hostis in illa,  
Gaudet turba pia perpelle lætitia.  
Concurrunt gentes, nullus vetat ingredientiæ,  
Promissaque sibi sorte fruuntur ibi.  
Accelerant quique, celeri pede, perfacilique,  
Fertur turba senum, mista choro juvenum.  
Convocat hinc cives ad præmia, gratia dives,  
Ut quotquot veniant, debita percipiant.  
Erogat his dona, datur unicuique corona.  
Sanguine purpureus clarus ibi cuneus.  
Durius afflictus, præclarior est et amictus,  
In turba nivea, veste micans rosea.  
Sunt quoque clara satis tunc præmia virginitatis :  
Carnis ab illecebris libera, fit celebris.  
Ob meritum magnum niveum sequitur comes Agnum,  
Ac removens speculum, figit in hunc oculum.  
Hoc visu mentem sic explens esurientem,  
Ut sibi quod doleat defore, nil maneat.  
Felices cuncti tam largo munere functi,  
Ut tantum cupiant, plus nihil ut cupiant  
Tulibus in cælis donatur quisque fidelis,  
Christi corde pio deditus obsequio.  
Tanta suis natis confert pia gratia gratis,  
Ipsius donum credimus omne bonum.*

**A** *Sed percunctaris, si gratis, quid mercaris :  
Ipsum velle tuum, noveris esse suum.*

His ita de gaudiis æternæ beatitudinis, non pro sua dignitate, sed pro nostra tenuitate digestis, ad fontem suum reflectam arenam rivulum, illius piæ memoriæ offerens munus pauperis ingenii, cuius hoc imperio tractandum suscepi. Suscepi autem hoc jubente venerabili patre nostro, florentis tunc in Christi religione Alfigemensis cænobii abbate primo Fulgentio, quia Christianæ paupertatis, monachicæ humilitatis, atque paternæ charitatis viva cordibus nostris vestigia vivens impressit, et ad gaudia paradisi transiens, nobis imitanda reliquit. Qui prædicti cænobii fundator, ac monachicæ institutionis primus in illo informator, in barbara illa, non dico fidei confessione, sed operis exhibitione, gentium solitudine, peregrino Christo, et frequenter illic transeunti diversorium statuit, quo e diversis partibus multis diversæ conditionis, professionis et ætatis confluentibus, et in diversorio suo Christum inquirentibus, plures servitio Christi mancipavit ita ut incolatus sui tempore plus quam ducentorum triginta tam monachorum quam sanctimonialium ac fratrum obedientiæ lege viventium, diversis in locis Pater mereretur existere. Quibus dum more fidelis servi mensuram tritici dividit, nec minus de temporali subsidio sollicitudinem geris quantos æstus, quantos cordis cruciatu animo illa sancta tulerit, præter eum qui sustinuit, nemo qui noverit. Nec tamen in camino paupertatis frequenter adustus et multo tribulationum igne decoctus crepuit, sed quo durius arsit, purior evasit. Fulget itaque nunc, ut optamus et confidimus, in illa æterna claritate noster Fulgentius, ubi eum nostrum inobedienciæ nostræ fugitamus intercessorem, quem hic obedientiæ habuimus præceptorem. Ipsi igitur obedientiæ suæ fructum offero, ut corrigat quod corrigendum judicaverit, quod veritatis lumine illustratus me melius utique novit, et correctum auctori gratiæ munus utinam acceptabile offerat. Nihil enim in me nihil prorsus invenio, quod examinandum offerre audeam districti illius iudicis iudicio, nisi forte interveniente gratia quam prædico, purgari merear carbone illo desolatorio, quem de altari unus de seraphin forcipe tulit, atque Isaïæ prophetæ labia munda reddidit. Nec labiorum tantum purgatione degeo, sed et cordis ac totius corporis ; et quia inquinata sunt, me iudice, mea omnia, divinæ purgationis carbonem expectant universa. Ad illius ergo omnipotentiam emundandus confugio, cuius pietatis præconia in hoc opusculo non condignis laudibus, sed pro viribus extuli, ut me indignum præconem suum Æthiopica pelle et nativa nigredine exuat, et intra lætiesimum illum gratiæ sinum componat, qui cælestia simul et terrena complectitur, nec tamen latitudinis eæ angustias patitur. Quamvis enim me miserum, saucium et semivivum, et sacerdos, et levita prætereat, spero tamen, quod plasma tuum, o piissime Samaritane, non pertranscas, donec

vulnera alliges, et mordax vinum leni oleo mitiges, A  
debitamque negligenti severitatem, necessaria mor-  
ribundo clementia temperes et susceptum ægrum  
cujusvis ministrorum tuorum manibus, impensis ac-  
tem suis sanes. Hanc vero vicissitudinem pro laude  
gratiæ, te, o auctor gratiæ Domine Jesu Christo, expeto  
ut consortio te laudantium, tibi jubilantium atque gra-  
tias agentium, me socias, ut collyrii gratiæ clarificata  
ocule vultum tuum, o dulcissime, o affectuose atque  
omni suavior suavitate, contempler, ut, remoto nu-  
bilo speculi, in te ipso videam quæ et qualis ac  
quanta sit illa tua, quæ salvat omnia gratia. Hæc est  
namque, quæ coruscat in angelis, thronos disponit  
apostolis, triumphat in martyribus, palmas distri-

buit virginibus, justis congratulatur omnibus, di-  
gnaque pro omnibus gratiarum actione tibi, o Tri-  
nitas sancta, æternis concelebrat laudibus. Sit  
nunc in fine operis laus et gratiarum actio ei,  
qui est principium et finis: a quo cum initium su-  
mant omnia, ad finem quoque consummationis sin-  
gula in ordine suo ipsius perducuntur gratia. Si quid  
vero in hac pauperis ingenii mensa lector invenerit,  
quod vel parvulorum nutrimento commodum judica-  
verit, gratiæ Dei esse noverit, quidquid vero inoon-  
ditum et insipidum, imperitiæ meæ esse sciat, et  
veniam tribuat. Nihil enim potest palmas sine vite,  
nec nos sine auctore gratiæ, qui vivit et regnat per  
infinita sæcula sæculorum. Amen.

## FRANCONIS MONACHI

### EPISTOLA

#### QUOD MONACHUS ABJECTO HABITU NON POSSIT SALVARI.

LANTBERTO gratia Dei in adoptionem filiorum Dei B  
vocato frater FRANCO habitu, utinam actu mona-  
chus, non ea quæ prudentiæ carnis sunt, qui inimi-  
ca est Deo, sed quæ Dei sunt sapere!

Lectis frater, mi, litteris, sive tuis, sive illius, qui  
ut inivus monachus fuit, quique de apostasia relict  
habitus sacri per te mihi quæstionem proposuit  
recordatus sum illius versiculi: *Ad excusandas excusa-  
tiones in peccatis*. Recordatus sum etiam veteris illius  
et inobedientis Adæ, qui hodieque in filiis inobedien-  
tiæ affectatis et præsumptis velitis, se ipsum erubescens,  
a serenissima luce vultus Dei, ad latebras te-  
nebroso cordis confugit, et ad excusanda in peccatis,  
imo ut verius dicam, cumulanda peccatis peccata,  
quasi ad operienda verenda, folia fici consuit. De  
quorum collegio ille tuus nescio quo nomine censendus,  
quia jam nec clericus nec monachus, utpote qui  
alterius habitum projecit, alterius illicite usurpavit,  
sicut a patre suo didicit, in operimentum nuditatis  
suæ folia fici modo consuit, quæstionem foliorum  
instar levem omni pondere et soliditate veritatis  
inanem nobis rusticanicis proponit, quidquid libet,  
licere sibi asserit, ut pridie monachus, hodie sit cle-  
ricus, oras vel perendie, nisi quod corio suo meluit,  
miles futurus. O ordo sine ordine, o defectus, non  
profectus! O quanto melius, o quanto salubrius piis-  
simo illi et omnipotenti medico vulnera sua detege-  
ret, emplastrumque pretiososanguine Agni inconta-  
minati confectum, putridis vulneribus die noctuque  
lacrmando, gemendo, suspirando ab eo inquireret!  
Debuerat recordari Evangelici illius prodigi, et  
exemplo ejus ductus, porcorum siliquas tandem ali-  
quando nauseans, ad delicias paternæ mensæ suspi-  
rare, ut peccatum suum ostendens, non contegens, et

humiliter constans, non defendens, indulgentia ele-  
mentissimi Patriæ, et primam stolam et annulum pa-  
ternæ nobilitatis insigne reciperet. His igitur paucis  
in commonitionem et consolationem fugitivi nostri  
prælibatis, ad objecta me vertam, et araneorum fila  
infirmis intellectibus lumen veritatis obnubilantia  
flante Spiritu sancto dissolvam. Quæris a me quid de  
beatissimi viri Benedicti sententia sentiam, utrum  
quem ipse damnat, ego absolvam, et de eo, quem ir-  
risorem Dei vocat, ego quid dicam. Absit a me, absit,  
inquam prorsus a me, ut sensus meos tanta unquam  
impietate induerim, quatenus sancto illi contraria  
prædicem, de quo sanctus sanctæ sedis apostolicæ præ-  
sul Gregorius testatur in secundo Dialogorum libro  
de Vita beati hujus edito, quod spiritum Dei habuerit,  
quod prophetali gratia præditus fuerit, cujus doctrinam  
sanctam vita sancta commendat, signa et pro-  
digia omni admiratione digna confirmant! Quid enim  
aliud docuit, quam quod ab eo didicit, cujus spiritum  
habuit? *Nemo*, ait Dominus, *mittens manum ad ara-  
trum, et respiciens retro, aptus est regno Dei*. Mona-  
chus itaque renuntians parentibus, facultatibus,  
voluptatibus, et ad extremum quod et summum est,  
et propriæ voluntati renuntians, ac jugo obedientiæ  
Christi cervicem humiliter inclinans, manum ad  
aratrum mittit; quæ si aliquando diabolo suadente  
projecto habitu, repetit, procul dubio retro respicit.  
Capitulum vero illud Apostoli: *Nolite errare, Deus  
non irridetur*, ad quid induxeris, non satis intelligo,  
nisi forte ad infirmam beatam viri juste in deser-  
torem sanctæ summæ professionis prolatam senten-  
tiam, quasi non recte appellaverit apostatam mona-  
chum irrisorem Dei, qui juxta Apostolum non  
potest irrideri. Sed alia est plane quæ, ut ait Apo-

stolus, in Deum non cadit irrisio, alia quam legisla- A  
tor noster asserit, Deo irrogari a monacho. Illud  
autem quod subjungis, habitum sacrum solemnibus  
benedictione consecratum nihil salutis conferre,  
quomodo patienter audiat, quis æquanimiter ferat?  
Nunquid frivola esse credenda est sancta sanctæ  
Ecclesiæ institutio? Nunquid inanis est in vestibus  
et utensilibus ecclesiastici ministerii ecclesiastico  
more celebrata benedictio? Nunquid otiosa esse cre-  
denda est super hujusmodi sanctæ et individue Tri-  
nitatis invocatio? An supervacuum æstimandum est,  
et salutis nihil continere, nihil conferre, sacramen-  
tum chrismatis et olei? Num et baptismatis sacri?  
Impia sunt hæc, impia plane, et a catholicorum  
omnium sensu extranea. Vestimenta enim in mini-  
sterium, et ministrorum Dei usum, invocatione B  
nominis Christi consecrata, in quo sanctificantur  
omnia quæ in cælo, et quæ in terra, salutem præ-  
stant, sanctitatem multiplicant, si tamen utentium  
eis vita et conversatio digna fuerit, quibus invoca-  
tio sancti nominis incrementum conferat sanctitatis.  
Porro perditæ et indigne habitu sancto viventibus,  
habitus, non diffiteor, nihil confert salutis, sed est  
eis testimonium et cumulus damnationis. Non potest  
ergo, ut asseris, monachus habitum professionis suæ  
absque detrimento salutis suæ abjicere, et habitum  
clerici assumere, cui jam omnis habitus illicitus  
factus est, præter cum in quo professus est. Nunc  
exempla ipsa quibus ad probanda improbanda frustra  
niteris videamus, quæ ab illo tuo novæ professionis  
novo præceptore, qui docet monachum perverso  
ordine profiteri clericum, ad roborandam falsitatem C  
sunt adaptata; quæ quidem pestilentem doctrinam  
expugnant potius quam defendunt, enervant magis  
quam roborant. Abraham, inquis, eremita, neptem  
suam Mariam a falso monacho deceptam militari  
habitu assumpto requisivit et lucratus est. Bene, quia  
Abraham assumpsit secundum tempus ad requiren-  
dam neptem militarem habitum: ideo ille in  
perpetuum projecit monachicum? Abraham induit  
ad quoddam, ut ita dixerim, temporis momentum  
alienum habitum, non projecit proprium; zelo  
ductus neptis suæ, non odio aut tædîo professionis  
monachicæ. Excusat in Abraham momentaneam  
immutationem vestis opus pietatis, et quam grata  
Deo fuerit pia pro nepte sollicitudo pii senis, testis  
est illa laude digna conversio neptis. Attamen et in D

ipso temporis articulo opus egit monachi, non mili-  
tis, consummatoque opere pietatis, gloriabundus  
cum præda sua ad eremum rediit; vestem, quam ad  
occultandum se induerat, exiit, et sicut ad illam  
usque diem, ita et in reliquum et habitu et exercitio  
monachicæ professionis Christo laudabiliter milita-  
vit. Quod vero beatum Joannem evangelistam fugi-  
tivum juvenem non apostolico incessu, sed equo  
currente insecutum narras, quo spectat? Num  
propter equi cursum perdidit apostolicum gradum?  
Miror autem et juste, quod opus Redemptoris no-  
stri, et mysterium redemptionis nostræ detestabili  
facto assimilare præsumpsisti. Quis enim sani capi-  
tis bonum malo coæquet? Quis virtutem vitio com-  
paret? Quis sanæ mentis Deum homini et in opere  
tam dissimili assimilet? Proh dolor! Ille summus  
virtutum Dominus, cujus magnitudinis non est finis,  
cujus sapientiæ non est numerus, non dedignatur  
in forma humilitatis nostræ similis nobis apparere,  
pauper et infirmus; iste tuus dedignatur monachicæ  
humilitatis habitum Dominicæ cruci configuratum,  
insuper et abjecisse se eum gloriatur, et recte  
egisse philosophatur eleganter, et propositione sua  
idoneis testimoniis roborata, consequenter infert:  
Professionis autem transgressio non nocet. Sed si  
professio monachi sancta est, quod et ipse negare  
non audet, transgressio autem sanctitatis culpæ  
reatum non evadit, professionis ergo transgressio  
noxia est transgressori. Suppetunt mihi, charis-  
sime mi, plurima ad suffocandum novum hoc  
genus monachi de utroque Testamento testimonia,  
suppetunt etiam sanctorum Patrum in hac profes-  
sione sancta militantium exempla multa et innume-  
rabilia, quorum condensam silvam si congerere  
voluero, brevitatem epistolæ in latitudinem libri  
extendo. Percurre autem memoria, si placet, om-  
nes sanctæ hujus professionis professores, et si ex  
omnibus electis vel unum adduxeris, qui habitum  
suum reliquerit, et laudabili sine vitam terminave-  
rit, do manus. Procidamus jam nunc in sine operis  
ei qui est principium et finis, ut pius Pastor solito  
illo affectu pietatis errabundam ovem requirat, inven-  
tam piis humeris imponat, et congratulantibus  
amicis, et exsultantibus angelis, reliquo gregi  
redintegrato numero perfectionis restituat. Incolu-  
mem et ab omni labe immundi mundi immunem te  
custodiat qui custodit Israel, frater charissime.

## EJUSDEM

*Ad moniales ac sorores in Bigardis ad Forestum consolatoria.*

Dilectis sibi in Christi dilectione sororibus in  
paradisum Bigardi a Christo inductis, et a Bigardo  
in paradisum deliciarum cælestium ipso duce, ut

PATROL. CLXVI.

optamus, introducendis, ille suus F., frater sacra-  
mento, servus officio.

Gratia vobis et abundantia consolationis ab illo

indeficiente fonte dulcedinis Domini nostri Jesu Christi qui, cum universam superficiem terræ, videlicet ammarum nostrarum, evangelicis imbribus et rore Spiritus sancti irriget, et irrigando fecundet, nihilominus plenus in se redundat, et plenus semper permanet. Charissimæ filiæ, sorores Germanæ, ex illo virginali utero sanctæ matris Ecclesiæ absque omni fetidæ carnis concupiscentia, Spiritu sancto obumbrante in sororum mihi affectum genitæ, ipse mihi testis est, qui solus conscientiæ testis et iudex intus præsidet, quam pia, quam sincera affectione vos diligam, quomodo vos omnes in visceribus Jesu Christi cupiam, quomodo omnes vos in die Domini, vocatione, professione, et desponsatione vestra dignas inveniri optem et orem. Vos enim testis sponsa illa gloriosa, sponsa illa famosa, Filio Regis altissimi in testimonium nimis charitatis suæ sanguine suo desponsata. Vobis, filiæ, vobis evangelicæ illæ nuptiæ regio sunt apparatu præparatæ, vobis tauri mactati, vobis altitia sunt occisa, vobis ille vitulus saginatus omni hostia pingui pinguior est immolatus, et ad nuptiarum vestrarum gaudium digne percelebrandum, symphonia et chorus, et omne genus musicum angelico est ministerio exhibitum. Tanta igitur charitate desponsatæ, tali dote dotata, tanta dignatione electæ, et ad tantum culmen gloriæ prosectæ, omni vigilantia observate, sorores meæ, ne quid in vobis ille inevitabilis oculus deprehendat, quod reginam, et tanti regis sponsam deceat, ne quid in cordibus vestris adulterini affectus ille inveniat, qui omnem illicitum cordis appetitum adulterini reputat. Purus ille et simplex oculus nihil potest coinquatum respicere, nec vult stratum cordis nostri commune cum adultero possidere. *Angustum* namque *stratum*, sicut propheta ait, *utrumque non capit, et pallium breve utrumque non potest operire. Quæ enim conventio Christi ad Beliam? Aut quæ communicatio luci ad tenebras?* Nulla plane. O quam longe ab invicem divisi sunt sponsus iste et adulter, et affectus in utrumque quantum sibi sunt dispares, quia et hujus amor omni suavitate est suavior, et illius immundi immundus amor omni fœditate fœdior, atque omni amaritudine est amarior. Omni ergo studio, omnique custodia, amantissimæ mihi filiæ, sensuum nostrorum observemus aditus, ne nobis dormientibus callide irrepat ille hostis antiquus, serpens lubricus, qui cunctis bestiis terræ callidior, et invisibiliter volvitur, et pene insensibiliter labitur. Nempe ille communis bonorum omnium adversarius cum neminem diligit, et omnes oderit, monachorum tamen et sanctimonia- lium sanctum nomen, et sanctam conversationem singulariter execratur, et persequitur, tanquam qui secundo nequissimo capiti renuntiaverint, secundo ei libellum repudii projecerint, primo videlicet in sancto baptismate, secundo in sancta sanctæ conversationis professione. Nec ideo aut sollicitudo nostra minor, aut intentio debet esse remissior, quia de sæculo corpore quidem exivimus, sed utinam

A corde, et parietibus inclusi, a communi simus hominum cohabitatione divisi. Paradisus parietibus nostris multo firmior, multo fuit tutior, sed, quia ab insidiis hujus lubrici non satis cavet, nec in paradiso Adam tutus fuit. Nullus itaque locus contra indefessum et pervigilem hostem tutus invenitur homini ubi ipse homo torpet, et obdormit a custodia sui. Domestica enim est pugna, quam gerimus, intus est hostis cum quo dimicamus, nec parietibus excluditur, sed sagittis fidei divinitus ignitis cito propellitur, nec tamen funditus exstinguitur, sed victus et Dominico pede contritus, impudorata fronte iterum tentat, iterum congruitur. Non ergo ad tam infestum hostem præcavendum et expugnandum credamus aut vires nostras sufficere, aut industriam prævalere, sed effusis ad Deum cordibus, piis lacrymis, et instanti oratione, auxilium ipsius imploremus, ut ipse, qui omnia novit, et omnia potest, et insidias ejus detegat, et omne robur ejus sub pedibus nostris velociter conterat. Quod si eruenta illa bellur virtute Dei enervata, aliqua nobis requies interdum arriserit, non nostris hoc viribus, aut nostris ascribamus meritis, quasi aut nostra virtute vicerimus, aut nostris meritis victoriam a Deo obtinuerimus. Humilis Dominus non vult servos suos de donis suis intumescere, non vult eos ex collatis sibi beneficiis contra se tyrannidem assumere, ut quod gratiæ est divinæ, dicant esse virtutis suæ. *Quid enim habes*, ait Apostolus, *quod non accepisti? Si autem accepisti, quid gloriaris quasi non acceperis?* Et propheta: *Nunquid gloriabitur securis contra eum qui serat in ea, aut exallabitur serra contra eum a quo trahitur?* Ut ergo divinitus nobis collata conservemus et conferenda promereamur, humilitati ante omnia studeamus, quia et humilitas de terra ad cælum sublevat, et superbia in profundum inferni de cælo præcipitat. Sint enim filiæ meæ invicem benignæ, humiles, sint ab obediendum promptæ, ad serviendum devotæ, sint debilitum manus cæcorum oculus, infirmorum baculus, ut sponso et Domino suo tanto fiant gratiores, quanto ad exhibendum sororibus suis obsequium fuerint pro nomine ipsius ferventiores. Nec hæc agentes, laboris sui mercedem in præsentem aliquam requirant, ut euberiorem fructum in futuro inveniant. *Quæ enim seminaverit homo, hæc et metet.* Quidquid lucrifecere, Christo conservandum committite, quidquid laboris impenderitis, ante faciem vestram ad regnum cælorum præmittite, ubi quidquid repositum fuerit, nec tinea demolitur, nec furto perit. Ad cujus regni beatam æternitatem, et æternam beatitudinem nos dignetur perducere, qui nos dignatus est in filios adoptare, per unigenitum Filium suum Dominum nostrum, qui cum eo et Spiritu sancto vivit et regnat Deus, per omnia sæcula sæculorum. Amen.

Orate autem, obsecro, pro his qui mecum sunt dominis meis ac fratribus, quibus ex obedientiæ debito, tanquam servus deservio, ut in nullo detrimentum sustineant, sed quidquid eis ex officio ser-

vitutis meæ deest, omnipotens Dominus ex abundantia pietatis suæ suppleat.

Orate et pro me peccatore, charissimæ filiæ, ut pius Dominus dignetur ejectum suum jam revocare, et vestimentis his sordidis exutum, annulo quoque in signum mihi reconciliationis restituto, stola prima et calceamentis immortalitatis induere, et porcorum siliquas jam dudum fastidientem, in domum ætorni convivii exsultantibus angelis introducere. Valet, sorores dilectissimæ, et lectis litteris nostris, intercedite et pro peccatis nostris.

Obsecro etiam ut hanc charitatis admonitionem charissimis mihi in Christo sororibus Forestum

A dirigatis, ut quia plurimum de eis confido communi Domino una vobiscum pro me peccatore supplicent, quatenus pius Iudex reum suum pedibus suis tot jam annis pro venia postulanda provolutum, et a vinculis peccatorum dignetur absolovere, et de tabernaculo corporis hujus educere, festumque gaudium de perdita ove et inventa angelicis spiritibus exhibere. Quas, quia in eodem spiritu, et eodem affectu quo et vos diligo, eadem ipsis, quæ et vobis, mutato tantum nomine scribo, cum quibus, ut in regno Dei gaudeam, orationes earum sanctæ obtineant. Amen.

## APPENDIX AD FRANCONEM.

# CHRONICON AFFLIGEMENSE

(PERTZ, *Monum. Germ. Hist. Script. t. IX, p. 407.*)

### MONITUM.

*Affligemensis prope Ascham et Alostum siti monasterii origines et per proximos annos historiam monachus quidam, cujus nomen latet, post annum 1122 conscripsit. Usus est eam in rem narrationibus fratrum qui rebus ab initio interfuerant et chartis in archivio cænobii asservatis, nec tamen ad sua usque tempora historiam produxit, sed initio sæculi XII substitit, subjecta una tantum notitia de visione Fulgentii abbatii anno 1109. Libellum eodem sæculo monachus Affligemensis alius, qui Sigeberto auctarium adjecit, evolutum excerptit: sæculo decimo et septimo ex antiquo codice descripsit Simon Guillelmot S. Gisleini Hannoniensis subprior, cujus apographo usi.*

1) *Dacherius opus sub titulo Historia Affligemensis Spicilegio T. X. 585 sqq. et De la Barre T. II, 769 sqq. alterius editionis inseruerunt. Quorum textum cum.*

2) *Auctario Affligemensi in editione nostra SS. T. VI (Patrol. T. CLX) collatum repetimus. Usus sæculi XII aliquoties in vocibus caritas, domnus, elemosina, inicere, subicere, et nominibus Heinricus, Rodulfus, Odulfus scribendis restituimus. Continuatio quæ apud Dacherium legitur, utpote sæculo XVII medio ab Odone Cambiero composita, omittenda erat.*

## CHRONICON AFFLIGEMENSE.

**PŒFATIO.** Quia labentium decursus temporum junioribus subducit memoriam præteritorum, perutile mihi visum est ad notitiam posterorum scripto mandare, quomodo, quo tempore, quibusve fundatoribus Afflegemense cænobium inchoatum sit, sicut ab eis accepimus, qui rebus ipsius interfuerant, et ex eo tempore ad nos usque perduraverunt.

1. Eo itaque tempore quo dissidium ortum est inter papam Gregorium, qui alio nomine Hildebran-

us dictus est, et Heinricum<sup>1</sup> quartum hujus nominis imperatorem, contigit sanctam ecclesiam diversis necessitatibus et adversitatibus opprimi et fatigari quia capite ipso quod ex regno et sacerdotio constat per morbum discordiæ infirmato, reliquum corpus a languore integrum permanere non potuit. Tunc siquidem simonia, antiquarum hæresum sola superstes, tunc presbyterorum conjugatorum irreverentia adeo in orbe prævaluerant ut sancti Spiritus dona jam

### VARIE LECTIONES.

<sup>1</sup> *henr. i. constantin.*



apud principes sæculi essent venalia, et inter vitam laicorum et clericorum pene nulla foret distantia. Super hoc sequaces imperatoris a sede apostolica excommunicati, quos sibi communicare nolle videbant, rapinis, tormentis et ipsis etiam mortibus puniebant. Sed pius Dominus miseræ suorum compatiens, plures religiosos suo Spiritu inflammatos excitavit, qui sepem apponerent, et pro domo Israel in prælio starent. Horum unus fuit Wedericus<sup>2</sup> sacerdos et monachus sancti Petri Gaudensis cœnobii, vir sæculari nobilitate, et quod majus est, divina religione valde conspicuus, qui apostolicæ auctoritatis licentia roboratus, Flandriam et Brabantiam provincias circuibat, verbum Dei disseminando et populum Dei a peccatis sua prædicatione convertendo; cujus admonitione sunt compuncti sex milites. Gerardus scilicet cognomento Niger, in armorum strenuitate per has provincias tunc famosissimus, Cinelinus et Hargerus, necnon Vulbodo, Gaidulfus quoque et Tibaldus. Isti sua omnia quæ injuste acquisierant relinquentes, magistrum pauperum pauperes sequuti sunt, et cum eo tribus fere mensibus permanserunt. Deinde arctioris vitæ desiderio æstuantes, quid sibi deinceps agendum sit, eumdem patrem et magistrum suum interrogant, quomodo remissionem peccatorum sibi jam ab eo repromissam a Domino percipiant.

2. Eodem vero tempore dominus Anno Coloniensis ecclesiæ episcopus<sup>3</sup>, qui totius religionis studio præditus<sup>4</sup>, actione et nomine apud Deum et homines insignis habebatur: ad quem prædictus Wedericus filios suos propriæ jam salutis avidos destinavit, atque, ut secundum ipsius præceptum et consilium iter suarum dirigerent actionum, constanter admonuit. Illi igitur, ut erant docti, absque mora Coloniæ properantes, ad episcopum perveniunt, prioris vitæ suæ statum detestabilem per humilem confessionem aperiunt, ac deinde pœnitentiæ remedium secundum ipsius exquirunt arbitrium. Quibus, ut erat vir summæ prudentiæ, ut ad locum parati facinoris redirent persuasit, et ut locum quem rapinis innocentium antea maculaverant, voluntaria afflictione divino servitio manciparent, expedire sibi asseruit. Illic se denique divinæ pietati bonis operibus conciliarent, ubi hanc ad iracundiam per illicita studia provocaverant; illic diabolo et actibus ejus renuntiarent, ubi pernicioso ejus servitio spontanea voluntate socii fuerant. His itaque tam salubribus beati viri animati responsis, ad natale solum conciti redierunt, et locum (1) quemdam desertum, Afflegem dictum, in vigilia summorum apostolorum Petri et Pauli (Jun. 28), anno videlicet incarnationis dominicæ millesimo octuagesimo tertio convenerunt, ut secundum viri Dei mandatum ibi pœnitentiæ

labori insisterent, ubi prius pœnitenda commiserant: qui locus solis latronum conventiculis et conspirationibus tunc aptus erat, tum quia desertus, tum quia itineri publico contiguus, per quod mercatoribus et peregrinis undequaque venientibus transitus erat; de quibus latrones in hoc vicino insidiarum loco constituti prædam agebant. Convenientes igitur, tres tantum panes et ipsos elemosina acceptos, et unum caseum cum paucis ferramentis secum detulerunt, et illam terram desertam excolere cœperunt. Statuerunt autem primo juxta facultatem virium suarum per modicum oratorium, deinde domum pauperibus, nec non et aliam domum hospitibus supervenientibus, sibi quoque tugurium ad inhabitandum ædificare.

3. Porro miles quidam nomine Gerardus, qui dicebatur Albus, in hac provincia crudelitate et robore opiuatissimus exstitit, qui etiam inter alia ferocitatis suæ indicia, Domino permittente, die quadam homicidii reatum ultroneus incidit; cumque peracto scelere domum rediret, inimicus humani generis illi in via apparuit, quem ex more suo horrenda visione afficiens, pene examinem reddidit. Ille vero Dei super se judicium metuens, jamque illi cui diu servierat mancipatum se credens, cogitans tamen si quo modo jus illius posset evadere, ad prædictos fratres concito cursu pervenit, ibique totius feritatis rabie deposita, de lupo in agnum Dei gratia confestim mutatus apparuit, tantæque admirationis apud universos conversio ipsius exstitit, ut alter alterius maximæ novitatis gratia hunc tam crudelem, tam immanem conversum esse referret, et pro tam subita illius immutatione tota provincia summo Deo gratias ageret.

Eodem quoque anno in nativitate sanctæ Mariæ (Sept. 8), venit ad eos miles quidam Henrardus nomine, cui æque ex pœnitentia homicidii sæculum omne viluerat, cœpitque explorare loci situm et inhabitantium conversationem; cui cum vivendi laborisque austeritas et laborantium unanimitas placuisset, reversus domum suis omnibus renuntiat, et in proximo festo sancti Remigii (Oct. 1) veniens, de cætero cum eis remanere disposuit. Hi ergo sicut scriptum est: *Eccē quam bonum et quam jucundum habitare fratres in unum* (Psal. cxxxii, 1), cum magna dulcedine et tranquillitate cohabitantes, ad nihil intendebant, nisi quod animarum saluti proficeret, corpora vero vel manuum labore vel fidelium elemosinis sustentabant.

4. Ne vero cœptis eorum aliqua ecclesiastica persona vel sæcularis obstaret potentia, petierunt et impetraverunt assensum Gerardi Cameracensium episcopi, Herberti quoque clerici qui in Anglia manens altare de Ascha tenebat, in cujus parochiæ

#### VARLÆ LECTIONES.

<sup>2</sup> wethericus 2. <sup>3</sup> scil. erat. <sup>4</sup> ita editio princeps, prædictus ed. 2.

#### NOTÆ.

(4) Cf. chartam Heinrici comitis Brachbantensis a. 1086, ubi *Haffngem* vocatur.

fundo iidem fratres consederant; Adela quoque A comitissa Lovaniensis super hoc interpellata, cum duobus filiis Heinrico <sup>5</sup> et Godefrido, quorum erat allodium, benigne annuit. Nec iis contenti, imperatorem Heinricum expelunt, et die quo primum coronatus est (*An. 1084, Mart. 31*), ipsius comitisque Palatini, ad quem pars allodii respiciebat, assensum quærunt et inveniunt.

Dum autem plus quam necesse erat rem persequuntur, nimia et simplici sua curiositate se undique expedire cupientes, impediunt; quia enim audierant quondam ibi mansisse aliquem monachum Lobiosensem, Lobium ad abbatem venerunt, et ejus licentiam petierunt; qui licet nihil certi vel scripto vel alicujus testimonio de loco haberet, tamen ipsa eorum postulatione in spem ejus adipiscendi inductus, omnino contradixit, nisi ejus ditioni et obedientiæ et se et locum subicerent; quod fratres renuentes, abierunt ad episcopum Leodiensem Heinricum, rem omnem diligenter aperiunt, rogantes ut abbatem suæ petitioni conciliaret. Episcopus autem, evocato abbate, cum nihil apud eum proficeret, vocati sunt nonnulli seniores ecclesiæ Lobiosensis, et cum eis de hoc negotio episcopus agere cœpit: cumque et ipsi valde resisterent, nec tamen aliquo argumento quidquam sui juris in loco demonstrare possent, episcopus ad pacem utriusque partis firmandam et controversiæ occasionem posteris amputandam, promisit se daturum ecclesiæ Lobiosensi commutationem ipsius fundi, et sic abbas et monachi assenserunt et exfestucaverunt. Sic fratres in sua reversi, cœpto instabant operi.

5. Cœperunt post hæc vitam menachicam et habitum desiderare, nil sibi superesse arbitrantes, per quod Deo propinquiores efficerentur. Adeuntes episcopum Cameracensem Gerardum, suum pandunt desiderium, postulantes ut eis aliquos provideret, qui eos ad ordinem desideratum instruerent. Episcopus autem ut erat vir pius, eorum devotioni congaudens, ipsos jussit edicere de quo monasterio sibi magistros vellent assumere. Aquiscincti (2) tunc recens constructi magna habebatur opinio, quia <sup>6</sup> erat cæteris monasteriis famosius et fraterna caritate et sanctæ religionis districtione. Hujus ergo cœnobii fratres sibi ad tempus accommodari petierunt; quos episcopus cum mandatis suis et litteris Aquiscinctum dirigens, obsecrat abbatem et conventum ut quod pauperes Dei ad ipsius honorem pelebant ab eque retractione concederet. Alardus primus abbas ejusdem loci tunc præerat dominico gregi, qui tam episcopali auctoritati quam fratrum caritati obediens, sperans quoque per hanc occasionem locum qui constructus sibi subiciendi, cum eis priorem suum nomine Titubaldum, et alium fratrem Rodulfum dictum direxit <sup>7</sup>: qui, cum venissent, admodum

delectati sunt loci situ et amœnitate. Nec multo post mandaverunt abbati suo ut veniret et locum consideraret. Abbas vero certum sui adventus denuntians diem, jussit ut Tornaci cum equis sibi occurrerent, et inde Afflegem usque deducerent. Cum ergo sicut disposuerat adductus, in vigilia ascensionis Domini venisset, placuit et ipsi tam cœptum opus quam loci situs.

6. Contigit ut ipsa die superveniret dominus Fulgentius, qui postea Dei dispensatione abbas est constitutus, qui ex Brabantia oriundus, monachus autem Sancti Agerici cœnobii Viridunensis, dominicis castris fere per annos duodecim irreprehensibiliter militaverat. Theoderico autem civitatis ipsius episcopo propter imperatorem excommunicato, cum abbas cœnobii et fratres cæteri ejus se abstinerent communionem, nec vellent excommunicati subdi obedientiæ, facta est magna fratrum dispersio, ita ut monasterium tunc celeberrimum pene redigeretur ad nihilum. Tunc itaque et iste, de quo nobis sermo est, discedens, in patriam rediit, adjuncto sibi socio quodam nomine Herimanno. Audita autem fama hujus novellæ constructionis, crebro illuc veniebat, et voluntariam spiritus paupertatem et corporalem in laboribus humiliationem in diversis videns admirabatur, admirans delectabatur, in tantum ut stabilitatem perpetuo inibi firmare deliberaret. Hic itaque, sicut prædictum est, ipsa die quo et abbas Aquiscinctinus advenit, sic quasi deinceps cum eis jam permansurus. Die postera, qui gloriosa Domini ascensione celebris erat, abbas benedixit vestes monachicas, et duobus ex illis. Henrardo scilicet et Gerardo, dedit <sup>8</sup>, demoratusque ibi non plus duobus vel tribus diebus abiit. Cum autem post dimidium fere annum monachos suos revocasset, domnus Fulgentius adscito socio suo Herimanno cum iis fratribus remansit, eosque de his quæ monastico ordini et animarum saluti congruebant, instruebat.

7. Anno ædificationis cœptæ quarto (1087) evocaverunt domnum episcopum Gerardum, qui veniens dedicavit locum in præsentia domni comitis Heinrici, qui eum et libertate donavit et viginti mansis terræ auxit. His felicibus studiis invidens inimicus totius boni diabolus, eos impedire tentabat, quia, si res ad perfectionem venisset, prævidebat multos sibi subripi et dominicis castris aggregari. Corruptus ergo unum ex primis, quos superius nominavimus, fundatoribus, scilicet Vulbodonem, eumque suis suggestionibus supplantatum diecedere compulsi, sicut Judam de apostolorum collegio vel Nicolaum de diaconorum consortio eliminavit. Hic ergo, cum abiisset, et quasi canis ad vomitum reversus, sæculo se rursus immersisset, non post multum tempus venit ad monasterium, exquirens ut omnium quæ in loco elaborata fuerant pars sexta sibi daretur, se

#### VARIÆ LECTIONES.

5. henrico 1. *constanter.* <sup>6</sup> qui *ed.* <sup>7</sup> misit *Dacherius supplevit.* <sup>8</sup> *supplevit Dacherius.*

#### NOTÆ.

(2) Anchin,

priorum sextum, ideoque rerum partem sextam ad se pertinere affirmans. Cui ex consilio domni Fulgentii fratres responderunt, eum quamdiu cum ipsis permaneret, omnia habuisse communia, quia vero sua sponte discesserat, eum in communibus portionem habere ulterius non posse. Hic cum nihil proficisset, repulsam suam volens ulcisci, perrexit ad Theodoricum Virduensem episcopum, accusans duos monachos de ipsius episcopatu fugisse, qui in Brabantiam venientes, multa nefanda tam de ipso quam de imperatore diffamarent; ideoque expedire ut inde effugarentur, ne per eorum criminationes et imperialis majestas et ipsius auctoritas vilesceret. His mendosis accusationibus nimium credulus episcopus scripsit Gerardo episcopo Cameracensi, ut monachos illos de loco expelleret, nec in finibus episcopatus alicubi consistere permitteret. Episcopus vero Gerardus, licet fratribus et loco, quem ipse jam dedicaverat, multum laveret, tamen propter metum imperatoris, cujus dono episcopatum acceperat, simul propter episcopum Virduensem, quem apud imperatorem sibi et prodesse et nocere posse sciebat, indixit fratribus ut discederent, nec ulterius in sua diocesi remanerent. Hoc præceptum fratres ægerime ferentes, cum jam alibi auxilium non invenirent, confugerunt ad archiepiscopum Remensem Reonaldum, cui et unde essent, ubi consedisent, quid ab episcopo Cameracensi pro falsa perversi hominis delatione perpersi essent, diligenter exposuerunt. Archiepiscopus autem, audita eorum causa, compassus est injustæ eorum afflictioni, mandavitque episcopo Gerardo, præcipiens in virtute obedientiæ, ut a pauperum Christi infestatione desisteret, nec eos ultra vexare præsumeret. Sic optata securitate fratres potiti, nullam deinceps molestiam passi sunt ab episcopo. Sic itaque Dominus suorum adjutor est protector in omnibus, cum misericordia maxime in tribulationibus præsto est, cujus providentia in sui dispositione non fallitur, insurgentes adversarii insidias annihilando comminuit, atque injustas suorum oppressiones potenti dextera sedando coercuit.

8. In eodem quoque anno (1087), scilicet inchoante ædificationis quarto, quidam clericus egregiæ indolis adolescens, nomine Arnulfus, instinctu divino tractus, in assumptione sanctæ Dei genitricis ac perpetuæ Virginis Mariæ adveniens, pusillo gregi conjungitur: qui in sancta professione annis pluribus irreprehensibilis degens, postmodum industria sua et ingenio, consilio et auxilio, eidem ecclesiæ plurimum profuisse dignoscitur: siquidem ab adolescentia sua usque ad diem mortis suæ annis circiter sexaginta quatuor in vinea Domini haud segniter laborans, ardore sancti propositi succensus, pondus diei et æstus fortiter pertulit, nobisque suæ patientiæ, imo perseverantiæ imitabile satis exemplum dereliquit.

#### VARIÆ LECTIONES.

<sup>9</sup> an potius vitæ, aut victualium. Dachery. — vitæ legere malim.

Ab anno vero quarto usque ad sextum, duobus scilicet annis, in maxima tranquillitate et quiete secum commorantes, et quam dulcis sit Dominus aliquid jam ex parte prægustantes, in sancto proposito certatim fervebant, numero quidem fratrum his duobus annis non multum augmentati, sed magis ac magis viri virtutibus adaucti, institoris instar evangelici venditis omnibus pretiosam margaritam tota intentione comparare gestiebant. Quis etenim enarrare sufficiat quanta eos concordia caritatis conjunxerit, cum quis proximum suum tanquam se ipsum ad altiora quæque et meliora virtutum studia promoveri contenderit? Patientiam namque ipsorum enarrare necesse non existimo, quam in laboribus et ærumnis, in tanta virtute<sup>9</sup> ac vestitus austeritate et inopia, in destruendo et construendo omnibus sanum sapientibus esse notissimum non ignoro. Nonnulli etenim qui spiritum Dei non habebant, laborum nimietate in fugam convertebantur; sed hi, quos vera Dei caritas accendebat, visa improhorum ruina, ut in Job legitur (xli, 16), territi purgabantur.

Sexto autem anno (1089) odor tantæ religionis diutius latere non valens, foras erupit; per provincias, per civitates, per vicos et castella se tantarum virtutum fragrantia circumquaque resperxit, adeo ut externos quoque ac remotos e suis sedibus evocatos, in admirationem ac venerationem ærvorum Dei accerserit.

Cœperunt igitur plurimi tam clerici quam laici ad eos confluere, alii quidem conversionis desiderio, alii autem ut ærvorum Dei se devote commendarent patrocinio; in tantum siquidem illo anno numerus eorum Deo auspice succrevit, ut inter clericos et laicos duodenarii numeri perfectionem collegium ipsorum attingeret.

9. Verum quia patris spiritalis auxilium sub quo sacræ militiæ signa ferrent, cui vice Christi in omnibus obedientes essent, minime habebant, cœperunt super hac re anxie nimis æstare, et de electione abbatis scdula secum relatione pertractare. Duo vero prædicti monachi, don: nus videlicet Fulgentius, ejusdem socius nomine Herimannus, abbatis sui, scilicet domni Rodulfi, in hoc negotio et auxilio niti disponebant, tum quia prudentia et religione pene cunctis temporis illius abbatibus eminebat, tum quia primitus sub ipso sacri propositi habitum susceperant. Consilio igitur in toto domno Fulgentio domi a fratribus retento, cum prædicto Herimanno Gerardum Nigrum in festivitate sancti Lamberti in occursum abbatis Leodium dirigunt, quibus ut quemdam ipsius monachum nomine Laurentium de hac provincia exortum, qui dudum in ipsius cœnobio prioratus officio fungebatur, sibi eligerent, innuit. Prædicti autem fratres Leodium venientes, abbatem, ut sperabant, repererunt; quem convenientes, causas sui

itineris exponunt ejusque consilium et auxilium requirunt, prædictum monachum, si suæ non displiceret prudentiæ, abbatem sibi donari expetunt. His auditis abbas, ut erat vir prudens ac providens, Dei nutu ænius atque utilis consilium illis proposuit, illumque potius eligendum quem sibi superna dispensatio destinaverat, domnum videlicet Fulgentium, constanter admonuit. Quod onus ne forte, ut vir mansuetus et humilis, excusare perseveraret, litteras ei sua auctoritate signatas per eosdem fratres in testimonium direxit, mandans ei atque præcipiens, ut omni excusatione remota, Dei voluntati et fratrum electioni quantocius assentiret: monachum vero quem ipsi petebant, se nullatenus accersere posse asseruit, eo quod prædicta ejusdem cœnobii fratrum dispersione, ipse cum aliis in exteram remotamque provinciam abierit. Talibus agitur responsis ejus atque consiliis prædicti fratres admodum ex hilarati litterarumque auctoritate roborati, vale invicem dato, festinato domum redierunt, et rem gestam omnino occultantes atque celantes, tanquam nihil actum esset, paucis diebus conticuerunt: dicebant enim, si ei rei gestæ series alicujus opinionis iudicio nota fieret, tale officium declinare malens quam suscipere, clam fugam arriperet.

10. Jam autem circa festum Omnium Sanctorum rursum clamor fratrum exoritur, se nihil absque pastore agere devotus conqueritur, atque tandem ex consensu omnium in festivitate sancti Martini dies electionis constituitur. Prævenientes igitur hunc diem orationibus et elemosinis, jejuniis et vigiliis durisque verberum castigationibus, quotidianis lacrynis interpellabant sancti Spiritus gratiam ne per antiqui hostis invidiam tantam fratrum aliquatenus pateretur dissolvi aut turbari concordiam. At pius Dominus, qui semper prope est omnibus invocantibus se in veritate (*Psal.* cxxiv, 18), timentium se voluntati tantis interpellatus precibus obtemperavit, et, ut sequitur in eodem psalmo (*ibid.*, 29), diligenter se ab omni subreptione discordiæ custodivit. Quid plura? Conducta dies aderat, in qua humilis ille conventus pastorem sibi eligere decreverat. Præmissa igitur oratione, ex more in capitulum veniunt, congrua causæ et tempori tractare incipiunt, miroque modo in unam sententiam omnes voces voluntatesque conveniunt: *Domnum Fulgentium divinitus destinatum hoc honore et officio dignissimum judicamus: hunc nobis pastorem et patrem una voce omnes eligimus.* Ille autem, utpote vir miræ humilitatis, e contra varias ac diversas excusationes prætendit, pastorali se officio indignum cum lacrymis asseruit: postremo se nulla ratione id onus suscepturum fore multis assertionibus affirmavit. Hæc eo cum lacrymis perorante, prædictus frater Herimannus protinus surrexit, abbatis sui litteras hæcenus occultatas in medium protulit, præceptum

A obedientiæ, periculum inobediendi ei palam intimavit, et, ut petitioni fratrum in abbatis sui<sup>10</sup> assensum præberet, admonuit. Sed, ut solent simplices quique in mentis suæ proposito quandoque esse pertinaces, ipse sententiam suam nullatenus immutare voluit, quia plorando, clamando, ejulando petitioni eorum resistere se posse credidit. At illi mira constantia semper in eadem voluntate stabiles persistebant, ac tandem zelo Dei interius commoti, in hanc vocem erumpebant; *Dominus, inquit, qui te nobis servis suis licet indignis provida dispensatione destinavit, qui omnium nostrum voluntates consilio et præcepto abbatis tui concordare effecit, ipse te procul dubio et prodesse disposuit. Sed quid multa? Si plus restiteris, compulsus vim patieris: jamque, velis nolis, nobis pater noster efficietis.* His dictis incepta psalmodia<sup>11</sup> congrua consurgentes, unanimiter in eum irruunt, manus injiciunt, ac pia violentia ferendo potius quam ducendo ad altare pertrahunt, atque cætera, ut moris est, regulariter in eum per vim adimplentes, in sede abbatis statuunt. Ille vero, ut excusationis et contradictionis suæ humilem pertinaciam spe et effectu frustratam perpendit, timens ne ipse eis prima perturbationis causa existeret, tandem importunitate eorum convictus, acquievit, onusque sibi impositum licet invitus cum metu et reverentia suscepit.

11. Contigit interea nutu Dei, ut quidam clericus de Flandria oriundus, vir forma, scientia, genere omnique probitate conspicuus, nomine Hugo, hujus cœnobii famam virtutum audiret, audita videre satageret; visis vero, votis omnibus interesse concupisceret. Veniens igitur, ut dictum est, pene majora quam fama vulgaverat reperit, atque vera esse omnia quæ audierat contestans, de stabilitate sua cum eis firanda protinus tractare cœpit. Fratres ergo de tam reverendæ personæ adventu summo Pastori gratias innumeras referentes, in Domino plurimum lætabantur: atque ut pius desiderium, quod mente conceperat, effectu quantocius adimpleret, crebrius hortabantur. Ille vero monita salubria quemadmodum bona terra exceptit, et stabilitate sua ut sugerebant apud eos firmata, fructum satis uberem postmodum ex se produxit.

Abbas autem, qui nondum secundum consuetudinem ecclesiasticam pontificali benedictione confirmatus erat, compulsus a fratribus Cameracum cum suis iter arripuit, atque hunc Hugonem de quo nobis sermo est, clericali adhuc amictum schemate vitæ suæ comitem habuit. Cameracum igitur venientes (an. 1088), abbas quidem in festivitate sancti Gregorii<sup>12</sup> anno septimo pontificali benedictione et auctoritate sua confirmatus, prædictus autem clericus diaconatus ministerio sublimatus est. Peractis igitur muneris sui negotiis, cum prosperitate redeunt, comperitoque quod secundo sabbato Tornaci futura

#### VARIE LECTIONES.

<sup>10</sup> obedientia excidisse videtur <sup>11</sup> i. q. psalmodia. <sup>12</sup> Georgi 2.

omnipotenti impossibile aut difficile creaturarum suarum, aliam in aliam pro placito suo transformare, qui omnia ex nihilo potuit verbo creare. Ut enim quiddam de usu nostro loquar, non de Dei potentia, Deo enim omnia æqualiter sunt possibilia, facilius est in eam quam voluerit formam transformare quod est, quam ex nihilo formare quod non est. Nunquid abbreviata est manus Domini, ut non possit salvare? Nunquid qui cælum et terram verbo creavit hominis in servitutem, non valet minimam panis et vini portionem in verum corpus suum convertere hominis ad salutem? Ne ergo fluctuet de veritate corporis Christi fides Christiani pectoris, ne et frustra portet nomen Christianæ professionis, et frustra celebret sacramenta divinæ religionis. *Sine fide enim impossibile est placere Deo.* Nam licet Ecclesiam quis intret, Ecclesiasticis sacramentis participet, ad solemnem orationem amen respondeat: otiose imo perniciose hæc agit, si fidem eorum quæ geruntur, non habeat. Stultitiæ autem proximum est omnia fidei nostræ sacramenta, et divinæ virtutis opera, infirmis humanæ sapientiæ ratiocinationibus velle discutere, et omnipotentiam Dei intra angustias impossibilitatis nostræ includere. Omnia enim divinæ virtutis opera humano intellectu velle comprehendere, quid aliud dixerim, quam Deum homini componere, ut ille non possit, quod iste non intelligit? Et unde tantum esset fidei meritum, si per singula humanæ consuetudinis haberet experimentum? Sed Christiana sobrietas magis vult audita pie credere, quam impia in Deum verbis ejus non credendo existere. Habet autem fidei suæ primum, ipsum cui credidit Deum. Magnum est ergo fidei Christianæ meritum, cui tantum compensatur præmium. His de sacramento salutis nostræ, non pro sua majestate, sed pro nostra tenuitate discussis, qualiter hoc in memoriam Christi agere debeamus, prout ipse donaverit paucis memoremus. Oportet itaque fideliter accedentem, et pie sumentem, de ventre memoriæ cibum vitæ, tanquam mundum animal, sursum revocare, et opus pietatis piæ retractationis gutture ruminare. Memoret pius conviva Christi, qui ad mensam illam magnam consedit, quibus charitatis vinculis de sinu Patris in utero Virginis Dei Filius sit abductus, quanto salutis nostræ zelo Deus impassibilis et æternus sit affectus, qui homo factus, passibilis et mortalis pro nobis est effectus. Memoret D

A quomodo suppliciiis nostris innocens sit addictus, quantis opprobriis, quantis injuriis, quantis sit pœnis afflictus. Memoret faciem illam, in quam desiderant angeli prospicere sputis illitam, alapis cæsam, crucis ignominiam, fellis amaritudinem, et mortem felle amariorum. Recolat etiam pio compassionis affectu, acerrimam membrorum omnium innocentis agni in palibulo distensionem, atque amarissimam illam clavorum confixionem. Ad hæc omnia, et super hæc omnia miretur spontaneam passionem, et immutabilem patientis mansuetudinem. Nec prætereat vulnus illud saluberrimum, ex quo vulnere nostrorum profudit medicamentum. Aperto enim latere Domini, jam mortui militis lancea, exivit sanguis et aqua; sanguis redemptionis, aqua baptismatis. De latere itaque mortui, vita prodiit, quia ad hoc in crucis lectulo eporatus est noster Adam, ut Evam illam, quæ vere cunctorum viventium mater est, de latere suo produceret Ecclesiam. Hæc omnia quam piissimo potest cordis affectu memorans, ac tota spiritus contritione adorans, ad seipsum redeat, et de mensa illa magna tam dulcia charitatis fercula degustans, quid pro his Domino retribuatur, ita secum conserat: *Quid retribuam Domino pro omnibus quæ retribuit mihi? Et seipsum ad similia exhortans, atque piis charitatis stimulis incitans, calicem votorum suorum Deo offerat, et de ejus adjutorio spe indubitata præsumens, dicat: Calicem salutaris accipiam, et nomen Domini invocabo.* Tunc namque mysterium passionis Christi in memoriam ejus salubriter homo celebrat, quando ipso opitulante similia præparat, cum falsorum fratrum amarissimo felle potatus sustinet, cum injuriis affectus, non dolet; irrisus, ridet, suppliciiis attritus gaudet, et ea quæ desunt passionum Christi, in corpore suo supplet. Hic de mensa Domini vere vitam comedit, hic de calice Domini vere vitam bibit, et secundum promissum ejus, et ipse in Christo, et Christus vivit in ipso. Hujus charitatis amplitudinem, et hujus gratiæ altitudinem, non est parvitas nostræ comprehendere, pium tamen est ad eam nos semper extendere. Studeamus itaque indesinenter ei gratias agere, qui corpus suum vertit in cibum nostrum, et sanguinem suum in potum nostrum, Jesus Christus Dominus noster, qui vivit et regnat Deus, per omnia sæcula sæculorum. Amen.

#### PRÆFATIO IN LIBRUM UNDECIMUM

Jam ubi ex confragosis locis gratia Dei cursum nostrum dirigente, salva ut credimus fidei navicula, ad tutiora evasimus, faciliore lapsu ad ulteriora tendimus; nihilominus tamen ad eandem quam præviam sequimur gratiam, oculos intendimus. Scimus, qui in prora ad præcavenda pericula constitit, si aridente æquore securior reditus, oculos post tergum, anteriora negligens reflectit, navis ac rerum omnium,

quas int  
patenti  
in po  
bine  
gent  
per  
tol  
et

vitam præordinavit, tota alacritate ac devotione benedixit, atque in ejus sancto servitio residuum vitæ suæ tempus sub sanctæ religionis habitu peregit.

13. Hæc siquidem de domno Heribrando et generosa ejus conjugæ secundum temporis nostri necessitatem paucis perstrinximus: nunc autem qualiter filii ejus patris sunt vestigia subsecuti, sermonem protendamus.

Quinque filiorum ejus, diversis licet temporibus et ætatibus, ad nos convenerunt, diversas singillatim patrimonii sui portiones in unum nobis collegerunt, unum universi, Deum videlicet qui dederat, per se heredem reliquerunt. Quorum alius conjugatus carnales voluptates et illecebras vilipendens, relicto sæculo cum uxore et filiis, dominicum gregem majori numero adauxit et ampliori prædiorum possessione ditavit. Alius post obitum conjugis cum filiis et filiabus divinam militiam arripuit. Alius a conjugii immunis vinculo, eo devotius quo liberius divinis se servitiis mancipavit. Horum duo primi non nativitate quidem sed conversione, Ingelbertus <sup>13</sup> videlicet atque Sigerus, primo juventutis flore vernentes, cum jam mundus eis arridendo blandiretur, lenocinia ejus nihil ducentes, conjugii vinculum velut desiderii sui impedimentum contemserunt, atque in Domino potius quam in mundo delectati, monachi effecti æterna magis quam transitoria appetierunt, possessiones quoque suas ex integro monasterio conferre decreverunt. Sed divinæ providentiæ sententiam quis immutare poterit? Ipsi etenim qui tunc non sua per vim deripuerunt, postmodum non solum injuste sublata, verum etiam universa proprio juri debita, imo et ipsi se ipsos eidem ecclesiæ, cui damnum intulerant, restituerunt.

Paucis siquidem interpositis annorum circulis, frater eorum domnus Folcardus, qui nativitate primus erat, infirmitate præventus fratrumque suorum juniorum exemplis provocatus, ipsorum vestigia subsequitur. Qui ex eadem infirmitate convalescens, tanto postea in sancta conversatione vixit devotius, quanto diutius fuerat in sæculo commoratus. Octo bovaria patrimonii sui ecclesiæ tribuit, reliqua omnia filie suæ licet invitus reliquit. Cujus conversioni frater ejus domnus Onulfus adversatus, causæ nostræ et utilitati plurimum restitit, atque inter alia contradictionis et elationis verba se nunquam monachum futurum, etiamsi sciret se vivum ad tartara deducendum, cum juramento affirmavit. Non post multo autem et ipse Onulfus gravissima infirmitate corripitur, metu mortis anxiatur, conscientia accusante turbatur, et quia de corporis salute spem prorsus omnem perdidit, quodcumque animæ suæ remedium sollicitè perquirebat. Quid plura? Omni timore deposito juramentique pœnitens temerarii, habitum

A sanctæ religionis, quem pridem detestatus erat, cum omni humilitate et modestia petiit, atque ad sæpe dictam perductus ecclesiæ, se et uxorem suam nomine Gertrudem cum duobus filiis Godefrido et Waltero et una filia eum universis possessionibus et substantiis suis Deo vivo et vero devotissime commendavit, atque in brevi sub eadem pœnitentiæ devotione vitam finivit. Filii autem litteris traditi, subsequente eos gratia divina, gradum sacerdotii sunt adepti. Postremo domnus Arnulfus et ipse divini jaculo timoris salubriter saucius, cum duobus æque filiis et totidem filiabus adveniens, possessiones a fratribus sibi collatas, suis superadditas amplius dilatavit.

14. Horum igitur conversione descripta, necessitatis causa ordine præpostero paulisper utamur, atque ad domnum Ingelbertum de Calferet fratrem domni Heribrandi edisserendo regrediamur. Hic itaque Ingelbertus cum quoddam sui juris castellum ab hostibus injuste pervasum cum suis satellitibus viriliter, ut erat vir in armis strenuus, defendere niteretur, ictu lanceæ graviter vulneratus, claudus efficitur. Grandi ergo bellorum impulsu diu multumque defatigatus, tandem introrsus ad semetipsum prudenter rediit, et quoniam qui foris nullam, reperit interius, secum pacem pacto piæ conversationis confirmare proposuit. Salubri denique exquisito consilio de conversatione sua secum cogitavit, fratresque prædicti cœnobii suæ ædificationis gratia crebra visitatione et colloquutione frequentabat, audiensque ab eis quod salubrius erat, secundum possibilitatem suam factis adimplere gestiebat, sed tamen intolerabilem bonorum suorum jacturam ægre ferebat. Nam ecclesiæ quidem in qua se Deo famulaturum voverat, omnia sua conferre desiderabat; sed, quia ab hostium impetu et infestatione ea expedire nullo modo poterat, quid utilius sibi eligeret omnimodis ambiebat. Tandem vero perpendens sibi utilius fore atque salubrius ut ex his aliquid saltem commodi fratribus conferret quam universa simul hostibus deprædanda relinqueret, comitem Heinricum, qui summum tunc locum in his finibus obtinebat, adiit, atque universa quæ sui juris erant in manus ipsius tradidit: pro quibus idem comes quatuor suos milites in confinio prædictæ ecclesiæ cobabitanes cum universis possessionibus suis in usum fratrum illi retribuit, Sigerum videlicet atque fratrem ejus Herminiannum (4) de Eccelegem, Titubaldum de Thidalmont, atque Renizonem cognomento Riddersman, venatorem scilicet suum. Post hæc licentia ab eo accepta affligemiam reversus, statim sæcularem habitum mutavit, et jam cunctis superior hostibus perpetuæ sibi pacis firmavit chirographum.

15 Sub quanta vero humilitate et mansuetudine

#### VARIÆ LECTIONES.

<sup>13</sup> iggelbertus 2.

(4) Herimannum ?

#### NOTÆ.

sanctum peregerit propositum, ad nostram ædificationem paucis intimandum videtur. Siquidem vir tantæ nobilitatis et nominis asinos cum annona fratrum ad molendinum minavit, et ut mos est infirmis servulis, panem suum in sinu gestans hora prandii super saccum suum tanquam super sedile stratum tapetibus residens, epulas quas sibi attulerat cum gratiarum actione sumpsit, omnibus et servulis quos illic reperit, qui servitio ejus pene videbantur indigni, ceu fratribus benigne communicavit. Sed hæc parva sunt; nam calceamenta fratrum ipse lavit, ipse egregiis manibus suis perunxit, famulorum suorum pedes insuper ipse sæpissime abluit. Sed et hoc parum est; unum adhuc referam, quod totius humilitatis mihi videtur transcendere normam. Quadam denique die, nullo sciente aut præcipiente, locum necessariorum inferius a sordium fœtore mundare cœpit, cum ecce unus e fratribus id forte aspiciens ad abbatem venit, dominum Ingelbertum illic stare, id agere nuntiavit. Territus abbas concitus foras exiit, atque venerabilem virum prædicto insistentem operi reperit, ac præ stupore nimio stupet factus in hanc vocem erupit: *Qui t agis*. inquit, *frater, quid agis?* At ille, demisso in terram vultu: *Operi*, inquit, *valde necessario, venerande Pater, insisto*. Abbas autem tantam illius admirans humilitatem, quantocius eum exire compulit, ac ne diutius huic operi insisteret sub interminatione prohibuit. Tunc ille: *Libenter*, inquit, *Pater amabilis, cœptum opus perficere, nisi mandatum vestræ sanctilitatis transgredi formidarem; verum tamen ut jubetis faciam*.

16. Magna siquidem secundum sæculum nobilitas et dignitas ejus exstitit, sed, ut veram dignitatem acquireret, oblitus quodammodo quod fuit, omnibus se inferiorem et viliorum per humilitatem constituit. Nunquam quis illum iratum vidit, nunquam murmur ex ore ejus personavit, nunquam plus se alio honorari permisit. Quarta denique die ex itinere rediens, tam corporis debilitate quam siti et esurie pene defecerat, cum unus de fratribus illi occurrens, si comedisset interrogat; qui nequaquam se comedisset affirmabat. Cui frater ait: *Iho igitur et prandium vobis præparabo*. Ipse autem quasi ludendo respondit: *Ite*, inquit, *ite, et bonam nobis refectionem præparate*. Sequenti vero die se de hoc verbo recognovit, ac tantillum propriæ voluntatis ac desiderii sibi subrepsisse graviter ingemuit. Talibus igitur ac tantis virtutibus pollens, ac possessiones ecclesiæ quotidie dilatare cupiens, prædictum comitem Heinricum rursus adiit, atque <sup>44</sup> ea quæ pridem dederat, augmentanda suggestit, cujus precibus pius comes benigne, ut decebat, annuit, eique ea quæ nunc Wawere possidemus, in usus ecclesiæ in perpetuum tradidit.

17. (An. 1096.) Contigit interea ut duo filii domnæ Idæ Boloniensium comitissæ, dux videlicet

A Godefridus et frater ejus Balduinus, qui uterque postea unus post alium regni sceptro potiti sunt, Jerosolymam proficisci disponentes, in id ut loca sancta, quæ ab infidelibus et impiis obsessa tenebantur, Dei adjutorio per manum validam christianæ religioni restituerent. Coadjuvantes igitur longe lateque fidelium exercitum, in hujus quoque provincie terminos convenerunt, in qua plerique pauperibus cœnobiis de propriis patrimoniis larga beneficia contulerunt. Quo comperto frater Godefridus cognomento Niger, quoniam ante conversionem suam memorato duci Godefrido notus erat, Gandavum ubi forte tum venerat, illi obviam properat, quem ut in reditu suo hospitandi gratia Afflegemium divertat, multis precibus expostulavit. B Dux autem religiosus ac pius preces tam devotas parvipendere noluit, sed mox disperso pene exercitu hæc illacque, ne multum per ipsum fratres gravarentur, cum fratre suo comite Balduino atque comite Godefrido, qui postea ducatus vexillum strenuus gessit, et cum reliquis quos secum detinuit, ad memoratum cœnobium declinavit. Susceptus igitur a fratribus cum debito honore et reverentia, omnique illi humanitate exhibitâ, volens beneficiis fratrum vicem rependere, cum optimatibus suis ad altare sancti Petri accessit, ibique quinque patri monii sui mansos in loco qui Huglintra dicitur; concedente fratre suo Balduino, eidem ecclesiæ juxta statuta principum legaliter obtulit. Verum quia frater eorum comes Eustachius huic donationi non intererat, non parvus metus fratribus omnibus inerat, ne post discessum eorum aliquid a heo paterentur adversitatis incommodum. Inito itaque consilio, fratres quidam ex ipsis Boloniam properant, atque hoc fratrum suorum beneficium sua auctoritate corroborari expostulant. Ille autem non solum fratrum suorum donationi non restitit, verum etiam quidquid sui juris erat superaddens, ratam et inconcussam, matre sua annuente imo compellente, in perpetuum statuit. Porro nobilium filiorum mater æque generosa ac nobilis in his postea finibus iter agens, apud idem cœnobium hospitium sibi elegit, atque inter cætera largitatis suæ beneficia altare de Genapia, quod sui juris erat, libere et ab omni absolutum exactione fratribus devotissime tradidit.

18. (An. 1099.) Frasnæ <sup>45</sup> autem post hæc dedit nobis quædam matrona nobilis, nomine Eremberga, cum filiis suis pro sua parentumque suorum animabus. Ansele vero domini Fulgentii abbatis frater carnalis, nomine Adin, ante conversionem suam propriis impensis construxit, terra circumjacentem, quam nunc usque possidemus, suo argento comparavit, perfectique ibidem velut ad ipsum usum proprium omnibus, fratris sui sequens vestigia, sub ipso sacræ religionis habitum suscepit. Duas quoque alodii partes, cujus apud Vertegic

#### VARIE LECTONES.

<sup>44</sup> utque *edd.* <sup>45</sup> collam Fraxiniam 2.

es sumus Hillinus de Biltersem cum quodam A  
 suo nomine Gisleberto nostro monacho nobis  
 lit, tertiam vero ipsius partem quædam ma-  
 Lovaniensis nomine Geva gratis nobis adim-  
 Apud Eversberghe quoque erga Arnulfum de  
 herhe <sup>46</sup> aliud allodium viginti duabus marcis  
 us : pro quo tres alterius alodii partes, quibus  
 apud Esschen fruimur, erga Franconem  
 lanum Bruxellensem commutavimus, quod  
 cet allodium tanto valebat amplius, quod  
 am partem erga Godesonem de Wesenbeera  
 i tribus marcis et diridita comparavimus.  
 us etiam quidam civis Lovaniensis apud nos  
 chus factus, mansum unum terræ dedit nobis  
 Levedale. Renbaldus etiam de Dofflein hoc loco  
 e religionis habitum suscepit, secumque allo- B  
 in quo curtis quædam, quæ dicitur Berchem,  
 st, nobis attulit. Miles quoque quidam de  
 nomine Gislebertus Clinbleunt cum uxore  
 hilominus ad conversionem venit, atque etiam  
 phædum quod de duce Godefrido habebat,  
 et servus erat, nobis dedit. Idem vero dux  
 a hæc libertati nostræ donavit, in cujus  
 sione curtim Colried statuimus. Filii quoque  
 i de Meltburch, Walterus videlicet et Emeli-  
 orumque avunculus nomine Wiscolo de Putige  
 s filii, allodium quod inter se commune erat  
 terunt, in quo curtim, quod dicitur Jeten  
 ior, constituimus. Præterea Rodulfus de Gun-  
 erga quæ mundi sunt relinquens, sanctioris  
 lagrans desiderio, apud nos monachus effici- C  
 partemque alodii sui quod habebat apud  
 re nobis largitur; alteram vero partem, quæ  
 suæ et viro ipsius sorte ceciderat, ab utrisque  
 dato comparavimus; in cujus alodii poses-  
 duas curtis ibidem construximus.  
 Sciendum autem quoniam quæque ex hæc  
 Aschæ in agris obtinemus, fere omnia a servis  
 Godefridi seu beneficio seu jure hereditario  
 itantibus particulatim mercati sumus, quorum  
 am ab eodem pio duce libertatem consequuti  
 s. Porro allodium in Cobbaghem in bosco et  
 no ab Arnulfo de Vilvord caro admodum  
 ), centum videlicet et quadraginta marcis  
 is, quod cooperante duce Godefrido in eole-  
 stra pacto stabili perpetualiter confirmavimus.  
 rea domna Remundis de Alost, ejusque duo D  
 alduinus et Ivamus apud Erenbodeghem loca  
 im molendinorum nobis concesserunt, atque  
 ejusdem villæ, quod sui proprii juris erat,  
 e ecclesiæ obtulerunt. Porro nos de manu  
 um personarum Dei donum suscipere metui-  
 adeoque ut ab episcopo potius donationem  
 consequeremur solenter institimus. Illis autem  
 petitionem nostram idem altare episcopo Ca-

meracensi deditibus, nos ab episcopo, et sub ipso  
 donatione rata et auctoritate episcopali confirmata  
 canonice suscepimus.

Terram quoque ante portam nostram jacentem  
 spatio duorum mansorum in longitudine porrectam  
 idem duo fratres nobis contulerunt. Postea vero  
 senior illorum Balduinus videlicet infirmitate gravi  
 corripitur, ante mortem suam monachus efficitur,  
 eoque volente atque petente ad nos usque transve-  
 hitur. Tunc itaque assentiente fratre suo, dedit  
 nobis in Flandria apud Testreet quoddam allodium  
 in pascuis, cujus fscus singulis annis decem libris  
 argenti appenditur.

20. Apud Oesterzeel dedit nobis Arnulfus de  
 Wintica tres alodii sui mansos, ætornum potius  
 quam temporale pro his expectans commodum, qui  
 post hæc ictu belli graviter vulneratus, relicto sæ-  
 culo apud nos monachus est effectus; uxor quoque  
 ejus defuncta apud nos jacet humata. Willelmus  
 quoque de Volsar vir nobilis, eodem succensus de-  
 siderio, apud nos sanctæ conversationis habitu m-  
 sumisit, ac tertiam alodii cujusque partem apud  
 Scornart nobis tradidit; duas autem residuas pretio  
 comparavimus, Sigerus quoque de Erenbodeghem,  
 et ipse conversus, ibidem mansum unum adjecit.  
 Robertus comes junior sancti Andreæ <sup>47</sup> locum nobis  
 in eleemosynam tribuit (an. 1100); altare vero  
 ejusdem loci licet sui foret juris tamen quia spiritale  
 donum est, ab episcopo Noviomensi, in cujus diocesi  
 locus ipse situs est, nobis firma stabilitate donari  
 fecit. Filius autem ipseius, Balduinus videlicet comes  
 inclytus, largitatis suæ beneficium nobis conferre  
 desiderans, cogitabat apud se quid necessitati no-  
 stræ utilis tribueret atque vicinus: comperiens  
 igitur allodium quoddam vicinum nobis a fratribus  
 sancti Bertini possideri, cumventu facto cum eis  
 vicisitudinem hujus in continuo sui eis plenam  
 restituit, nobis autem prædictum allodium ma-  
 gnitudinis sex mansorum ob memoriam sui tra-  
 didit.

Duo carnales germani, conditione liberi, apud Ro-  
 denburch castellum Flandriæ simul indivisi com-  
 nebant, qui adhuc ambo a consortio conjugii immu-  
 nes perseverabant; uno itaque uterque succensi  
 desiderio, de salute animarum suarum inter se  
 sedulo conferebant, terrena omnia æternorum  
 respectu quam sint parva atque despicienda sibi  
 invicem proponebant: postremo sæculo sæculique  
 actibus se renuntiaturus unanimiter disponebant.  
 Relicto igitur solo patrio cum omnibus quæ habe-  
 bant, exules effecti, veram patriam inquirunt, trans-  
 itique nonnullis ditioribus ac vicinioribus cœno-  
 biis, nostræ paupertatis consortium adipisci malue-  
 runt, domumque suam quam pariter inhabitaverant,  
 cum universa suppellectili sua, cum armentis videlicet

## VARIE LECTIONES.

tenherke? <sup>47</sup> cellam S. A. prope Brugas sitam 2.



et pecoribus, cum agris et possessionibus tradiderunt ubi usque hodie curtim adauctis postea prædii possidemus.

Vrojiendjio etiam a comite Theoderico atque a comitissa Clementia duo prædia, quæ secundum linguæ suæ consuetudinem pecoriam appellant, pretio grandi comparavimus, quorum donationem sigillo comitis munitam ac perpetua stabilitate firmatam

A coram primatibus ac baronibus terræ ab utrisque suscepimus. Super hæc multa emolumenta in prædiis et argento Flandria nobis ministravit. Prædia quidem plurima propter distantiam et inconvenientiam locorum ibidem vendidimus, pretium vero in emendis aliis possessionibus vicinioribus nobis utiliter expendimus.

#### VISIO DOMNI FULGENTII HUIUS LOCI ABBATIS PRIMI

Fulgentius primus Afllegemiensis abbas duobus annis abata ad cælum deferri videbat, quorum unum archiepiscopum Cantuariensem, alterum Cluniacensem abbatem esse dicebatur. Unum ascendebat quarta feria unius hebdomadæ; alterum similiter alterius hebdomadæ eadem feria. Quod paucis transcurtis diebus rei probavit eventus; nam dom-

B nus Anselmus archiepiscopus quarta feria ante dominicam cœnam die (*An.* 1109, *Apr.* 21) illucescente migravit; sanctus vero senex Hugo abbas dominica, ut supra dictum est, peracta resurrectione eadem feria, 8 scilicet die advesperascente (*Apr.* 28), carne solutus.

ANNO DOMINI MCXXV

## HUGO DE RIBODIMONTE

### NOTITIA

(*Hist. litt. de la France*, XI, 113)

Hugues de Ribemont ne nous est connu que par une excellente lettre, adressée à G. d'Angers, qui lui avait fait quelques questions touchant la nature et l'origine de l'âme. Hugues, n'ayant désigné celui à qui il écrit que par la première lettre de son nom, nous ne pouvons donner là dessus que des conjectures. Il nous paraît cependant très-vraisemblable que par la lettre G. il faut entendre Graphion d'Angers, qui professait à Reims sous l'épiscopat de Rainaud de Martigné, archevêque de cette ville. C'est ce qu'on voit par un acte de ce prélat de l'an 1127 (*MARTEN. anecd.* t. 1, p. 368), où l'on trouve la souscription de Graphion professeur: *Signum magistri Graphionis Andegavensis*, etc. Mais, quoi qu'il en soit de la personne à qui Hugues a adressé cette lettre, c'est une pièce très-importante, et qui fait honneur à l'auteur. Il y répond à plusieurs questions très-subtiles et très-embarrassantes, d'une manière qui fait voir qu'il était habile philosophe et théologien très-éclairé. On y trouve en abrégé les différents systèmes sur l'origine et la nature de l'âme, et la doctrine de l'Eglise touchant le péché originel clairement établie. Il y fait voir que l'âme n'est pas une partie de la Divinité, comme quelques-uns l'ont faussement avancé, puisqu'elle est sujette au changement et au péché; que c'est une erreur de dire quelle est corporelle, puisqu'elle est esprit; que c'est une autre erreur de croire que les âmes soient jointes à des corps, pour expier des fautes qu'elles ont commises dans une autre vie; puisque, selon l'apôtre, Jacob et Esau n'avaient fait ni bien ni mal avant de naître. Graphion lui avait demandé d'où venaient les âmes de chaque particulier. Il répond que les sentiments sont partagés, mais que l'Écriture ne nous apprend point expressément si les âmes des descendants d'Adam tirent leur origine de celle que Dieu créa dans le premier homme; ou s'il en créa de nouvelles pour chaque homme. Sur quoi il fait cette question, par rapport au péché originel: si les âmes ne tirent point leur origine de celle d'Adam, et si elles sont sans péché lorsqu'elles s'unissent aux corps, comment contractent-elles le péché originel? car comment pourrait-on imputer ce péché à la chair seule qui vient d'Adam, et qui, étant sans raison, ne peut être capable de péché? Comment celui, qui n'a point péché, peut-il être puni pour le péché d'autrui? Mais nous savons, dit notre auteur, qu'après qu'Adam eut péché, son corps éprouva les mouvements de la concupiscence, et qu'il contracta une pente au péché. C'est pourquoi lorsque l'âme est unie à la chair qui a une pente vers le péché, elle ne la trouve point à la vérité coupable de péché, mais disposée à le commettre; l'âme y consent elle-même en s'unissant à la chair, elle lui donne la vie, elle l'aime, elle abandonne la raison, et se livre d'abord totalement aux sens; ainsi, en se laissant entraîner à cette pente qui porte au péché, elle y consent, et en y consentant, elle le contracte. Elle pèche donc par sa volonté, non par nécessité, et puisqu'elle pèche, elle mérite de souffrir la peine due au péché. C'est donc avec justice qu'elle est damnée, si l'Eglise ne la secourt en la purifiant par le baptême qui lui est nécessaire, comme la foi nous l'apprend. Il cite ensuite l'autorité de saint Augustin, pour prouver que le péché ne vient point de Dieu, que l'homme ne le commet point par nécessité, mais par sa volonté.

Hugues répond à plusieurs autres questions sur le même sujet de l'origine de l'âme, qui lui avaient été proposées par Graphion, ou qu'il se proposa lui-même; il cite encore saint Augustin, dans les écrits duquel cette seule lettre montre suffisamment qu'il était très-versé. D. Martenne l'a donnée au public dans son *Tresor d'anecdotes*. Il est fâcheux qu'un écrivain qui avait autant de talent pour écrire, de lumière et d'exactitude, ne nous ait pas laissé d'autres productions de sa plume, ou qu'elles ne soient pas parvenues jusqu'à nous.

## HUGONIS DE RIBODIMONTE

### EPISTOLA

#### AD G. ANDEGAVENSEM.

Respondet propositæ quæstioni, An anima primi nominis facta fuerit ex nihilo; et quomodo contrahatur peccatum

(MARTENE, *Ampl. Coll.* I 481, ex ms. Clarimarisici.

Hugo Ribodimontensis G. Andegavensi.

Quæstioni tuæ rescribere amor imperat, imperitia denegat; dilectio jubet, negligentia prohibet; benevolentia suggerit, difficultas negat: sed, qui vere diligit, toto affectu se totum ei quem diligit totus impendit, difficultatem pro amico spernit, negligentiam abjicit, imperitiam non præterdit. Quærenti itaque tibi non ut debeo, sed pro captu meo, respondeo. Quæris a me utrum anima primo homini data, de nihilo facta sit, an de præjacenti materia? Dicimus autem si ex materia: vel corporea? vel incorporea? Si ex corporea facta dicitur, videtur quidem ex corpore posse fieri corpus, non autem ex corpore spiritus. Quomodo enim ex corporea materia potest fieri rationalis essentiæ intellectualis vita? Si vero dicis ex incorporea, quæ est illa? Si rationalis erat illa materia, quem usum rationis habebat? Si sine peccato erat, videtur quidem non in animam esse formata, sed deformata, cum toties anima peccatum incurrat. Si vero rationalis erat, quomodo irrationale rationalis animæ erit materia? Si autem vivebat, utrum beata, vel misera? Si beata, ibi quidem melius erat; hic enim per animam plures incurrit molestias: si vero misera, quæ mala præcesserant merita? Errant quidem qui credunt animam esse partem divinæ substantiæ, cum anima et mutabilis existat, et peccatum incurrat, et pro peccatis Domino pœnas luat. Errant etiam qui animam dicunt esse corpus, cum ipsa sit spiritus, non creator, sed creatus. Errant quoque, qui animas pro malo vitæ merito dicunt in corpore pœnaliter infusas cum nondum natos Jacob et Esau nihil egisse boni, aut mali dicat Apostolus.

Quæris etiam unde singulorum singulæ fiunt animæ? Respondemus: A diversis diversa sentiuntur; sed manifesto sanctorum Scripturæ diffinitum non legimus, utrum ex anima prima, primo homini data, ceteræ traducantur, an novæ singulis increentur an

A ab initio jam existentes, vel a Domino missæ, vel spontanea voluntate corporibus illabantur. Si ergo animæ, nisi ex traduce veniunt, et sine peccato sunt, cum in corpora veniunt, unde originale peccatum incurrun? carni namque soli ex Adam venienti, cum sine ratione sit, quis ei peccatum imputabit? Quomodo autem qui peccatum non fecit, in debitam peccati alterius pœnam incurrit? Scimus autem quia postquam Adam peccavit, corpus ejus motum concupiscentiæ, et fomitem peccati contraxit. Anima itaque, cum unitur carni peccati fomitem habenti, non eam peccatricem, sed ad peccandum habilem invenit; huic unita consentit, hanc vivificat, hanc diligit: unde et rationem aliquando postponit, et corporeis sensibus primo se totam impendit. Dum autem fomiti peccati consentit, et consentiendo contrahit. Peccat itaque voluntate, non necessitate; sed quæ peccat, peccati pœnam juste tolerat: juste ergo damnatur, nisi per ecclesiam ei subveniatur. Sed dicimus: Si peccat voluntate, potest non peccare, potest sine peccato esse; non igitur necessario peccat, non ergo necessaria est nostræ redemptionis hostia. Sed quorsum ista? si quidem fides Ecclesiæ attestatur, quia necessarius est Christus; quia necessaria baptismi gratia, necessaria est redemptio nostra. Quare necessaria est et culpa? Si autem necessaria, quomodo voluntaria? sed omne peccatum est ex voluntate. Augustinus quippe dicit: Certus sum animam nulla Dei culpa, nulla Dei necessitate, vel sua, sed propria voluntate, in culpam esse collapsam. Quid ergo? Attente diligentius quæ jam præmisimus: Omnis namque anima invisibilibus nexibus unita carni peccati fomitem habenti, consentit quidem carni motum concupiscentiæ contrahenti. Omnis ergo peccat. Si omnis peccat, quantum ad actum, necessaria est culpa: quare necessaria et redemptio nostra; sic et quibusque fidelibus in hac vita viventibus pœnitentiam necessariam esse dicimus: necessariam quidem, non quia boni per

gratiam reparati, adjunctrice gratia, sine peccato esse possint sed quia fomes peccati et lex membrorum ad agonem in hac vita semper relinquitur. Unde semper cadimus, semperque a Domino debitam nostram dimitti petimus; semper ergo, dum vivimus, necessario veniam rogamus, quia, quantum ad actum, necessario peccamus.

Quæris etiam: Si de nihilo quotidie novæ fiunt animæ, quomodo verum quod scriptum est: Qui vivit in æternum, creavit omnia simul? Dicimus autem, quia vere simul omnia facta sunt; tunc enim, vel in actu proprio, vel in materia, facta sunt singula. Animæ ergo quæ modo, ut quidam volunt, de nihilo fiunt novæ, per consimilitudinem ibi quoque sunt factæ. Prima enim anima ad imaginem et similitudinem Dei facta est; hæc vero natura in singulis animabus ipsa est. Quæris quoque si anima non ex traduce propagatur, quando corpori infunditur, utrum quando semen emittetur: an emissum, quando concipitur: an conceptum, quando formatur? Legimus quidem in Moyse: « Qui percusserit mulierem prægnantem, et illa abortierit; si formatus fuerit, reddat animam pro anima; si formatus non fuerit mulctetur pecunia (Exod. xxi) » Per hæc igitur volumus intelligi prius formato corpori nunquam animam infundi: quia prius convenit domum præparari, et sic habitatorem ingredi. In Adam quippe prius formatum est corpus, deinde spiritus insufflatus. Sed forsitan secundum spontaneum motum formato jam corpore, incipit anima vigere, quæ quieta motu ibi et antea potuit inesse. Quomodo enim concresecere et coagulari, et ad formam usque provehi potuit, si prius inanimatum fuerit? Qui autem animam ex parente cum semine carnis infundi asserunt; si animam ex anima corporeo semine trahunt, quid aliud animam, quam corpus esse convincunt? si autem ex incorporea incorpoream trahunt, quid dicunt? an pars ex anima infunditur quæ concresecat in animam quæ formatur? sed extendi atque concresecere, et in partes dividi, nec animæ quidem convenit, sed corpori. Quod si patris anima se totam in filium transferat, ut et in filio sine sui detrimento animam faciat: quid est aliud dicere, quam non multas animas, sed unam omnium animam esse? Augustinus quidem

A dicit: Mirum, si ullus sensus humanus comprehendit, quoniam modo tanquam lucerna de lucerna accendatur, et sine detrimento alterius alter ignis existat, sic anima de anima parentis fiat in prole, vel traducatur in prole, utrum incorporeum semen animæ sua quadam occulta et invisibili via seorsum ex patre in matrem fluat, cum sit conceptus in femina; aut, quod est incredibile, in femine corporis lateat. Cum autem fluunt irrita sine ullis conceptis semina, utrum semen animæ non simul exeat, an summa celeritate, atque a lomo temporis unde exierat recurrat, an pereat; et si perit, quomodo ipsa, cujus semen mortale est, immortalis est anima; an immortalitatem tunc accipit quando formatur, ut vivat. Item, si origo animæ lateat, dum tamen redemptio clareat, periculum non est. Neque in Christum credimus, ut nascamur, sed ut renascamur, quomodocunque nati fuerimus. Item, etsi utrum anima ex traduce descendat, vel non, quemadmodum explicari possit ignorem, illud tamen credo quod et hinc divinatorum eloquiorum clarissima auctoritas esset, si homo id sine dispendio promissæ salutis ignorare non posset. Item, Mediatoris animam nullum ex Adam traxisse dubitare fas non est. Si enim nulla propagatur ex altera, ubi omnes tenentur propagatæ carne peccati, quanto minus credendum est ex propagine peccati eis animam Christi venire potuisse, cujus caro venit ex Virgine, non libidine concepta, sed fide? Si autem peccato primæ animæ peccatricis, ideo cæteræ tenentur obnoxie, quia ex illa sunt propagatæ, profecto illa quam sibi Unigenitus coaptavit, aut peccatum inde non traxit, aut omnino inde non tracta est. Neque enim non potuit animam sibi trahere sine peccato, qui solvit nostra peccata, aut qui novam creavit animam ei carni quam sine parente fecit, ex terra non potuit novam creare carni, quam sine viro sumpsit ex femina.

Ista dilectioni tuæ scribere volui, qui tibi nihil omnino negare potui. Si ex his ergo dubitare incipias, a sapientibus dubitata requiras. Si qua vero meliora, Deo volente, super his invenire poteris, amoris debito mihi quoque rescribere non graveris. Vale, charissime.

ANNO DOMINI MCXXV

## PONTIUS ABBAS CLUNIACENSIS

### NOTITIA

(Gallia Christiana nov. edit. IV, 1434)

Pontius de Mergueil, filius Petri Mergullensis comitis, prior quondam S. Martialis, vel, ut alii vo-

lunt, S. Pontii monachus, ex *Biblioth. Clun.*, col. 1310, seu *alterius ecclesiæ monachus, quam Clunia*

censis ex Chronico S. Bertini, tom. III Anecdot., col. 605 (quæ quidem inter se non pugnant), successor tandem B. Hugonis electus 1109, vii Idus Maii, benedictionem percepit a Guidone Viennensi archiepiscopo. Sane hæc ipso anno, qui primus alicubi dicitur ordinationis Pontii, Hugo de Lizinico ipsius consobrinus, de quadam ecclesia ei se munificum præbuit; (1) Paschalisque II papa eidem privilegia confirmavit anno pontificatus decimo, ind. ii. Insequenti Petrus Santonensis episcopus abbatiam S. Stephani, quam Ranulfus decessor sancto Hugoni tradiderat, eidem Pontio confirmavit. Item Amelius episcopus Tolosanus, Bernardus Ato vicecomes (Biterrensis), Petrus Raymond, frater dicti episcopi et Adela uxor Petri Raymond, soror Pontii abbatis Cluniac., ei restituunt eodem anno ecclesiam S. Columbæ cum suis annexis et appendicibus, ex tabul. Moissiacensi (2). Eodem Amelio consentiente, cum Raimundo proposito et canonicis S. Stephani, Pontius abbas Cluniacensis et Anquitinus Moissiacensis ecclesiam S. Mariæ de la Dalbade dono recipiunt a Geraldo xenodochii S. Mariæ Deauratæ præceptore, ex tabulis B. Mariæ Deauratæ. An. 1116 Henricus imperator misit legatos ad Paschalem II, quorum primus erat Pontius, qui papæ consanguineus dicebatur; hæc autem legatione optime prudenterque functus est, uti et multis aliis pro pace procuranda in Ecclesia. Una præsertim ex his legationibus disertis verbis exprimitur in charta Guidonis episcopi Gebennensis, Pontio abbati *amico nostro*, inquit, ecclesiam de Condominio cum omnibus appenditiis pro anima sua et animabus antecessorum suorum largientis an. 1119, etc., « præsertim quoque Willelmo Catalani episcopo, qui cum prædicto abbate pro pace regni et sacerdotii ad dominum imperatorem Henricum proficiscebatur, « etc. Pontius iste dicitur ab Orderico Vitali, *Hist.*, lib. xii. » consulis Merguliensis filius, regum et imperatorum consanguinitate proximus, Paschalis papæ (II) filiolus, cujus imperio inter Cluniacenses educatus est, a pueritia docilis, affabilis, in virtutibus stabilis; statura ejus erat mediocris, facies candida. » Concinit Joannes Iperius in Chronico S. Bertini, t. III Anecdot. col. 605: « Quidam, inquit, juvenis Pontius nobilis genere et alterius ecclesiæ monachus ad episcopatum fuerat electus, sed, reclamantibus altioris consilii viris, papa substituit alium episcopum, et hunc Pontium venerabili Hugoni Cluniac. abbati commendavit attente. » Porro ipsius mores, religio, et perlitia litterarum cæteris dotibus consimiles erant: quibus præsidiiis munitus, modeste quidem, sed fortiter sui monasterii privilegia defendit in celeberrima synodo Remensi an. 1119, mense Octobri, cujus orationem in hanc rem habitam coram concilio refert idem Ordericus libro laudato. Id quoque tum ejus religionem, tum generis nobilitatem luculenter probat,

A quod videns vinum, infra sacra missarum solemnia Cluniaci libatum, ex communi vino esse, admonuerit amitam suam dominam Judith Arverneensem comitissam, quæ dedit centum aureos ad emendam vineam, et pro hac elemosyna venerabilis abbas domnus Pontius eidem comitissæ pro filio ejus Willelmo Arvernorum comite et ipsius conjuge, necnon pro filii Willelmi comitis Roberto et Willelmo et filia Judith anniversarum in Cluniaco jugiter persolvendum promisit. Ad Pontium exstat epistola xxxiii Paschalis II. de non porrigenda communione iniuncta, seu qua præcipit ita sumendum Eucharistiam, ut corpus et sanguis seorsim sumantur, exceptis infirmis et *infantibus*: unde probatur tunc communionem sub utraque specie fuisse in usu, ac perseverasse etiam pro infantibus. Est et alia ejusdem summi pontificis epistola xlvii qua Pontio abbati pontificalia concedit ornamenta. Ejus autem successor Gelasius papa II, cui ex Italia fugienti Pontius abbas triginta equos liberalissime dederat, quique vicissim Cluniacense monasterium insigni privilegio donaverat, pie moritur in eodem cœnobio ac sepelitur, ibidemque ipsius loco Calixtus II pontifex acclamatur, qui Pontio et successoribus abbatibus concessit, ut cardinalis Romani officio ubique fungi posset, eidemque Pontio indulset, ut omne genus monachorum, præter excommunicatos, in suum valerent monasterium admittere, ac insuper ecclesias monasterii, omnesque possessiones confirmavit. Data est bulla viii Kal. Martii, indict. xiii, anno 1120, pontific. secundo. Alteram habes ejusdem papæ ad eundem abbatem datam 1122, in Bullario Cluniacensi. Neque vero prætermittendum est Hildobertum Cenomanensem episcopum eidem Pontio vitam S. Hugonis ipsius decessoris nuncupasse, ipsique Willelmum Petragoricensem antistitem anno 1121 ecclesiam S. Theodori de Rocaboucort tradidisse (3).

Cæterum pluribus narrat illius gesta Petrus Venerabilis, lib. ii *Miracul.*, capp. 12 et 13, ex quo sequentia describit Spondanus in Annalibus: Hugone factis functo, cum in ejus sedem a Cluniacensibus alectus fuisset Pontius, per aliquot annos zatis modeste cum suis religiosis conversatus est; insequenti tempore monasterium labefactare, ac varite perturbationibus fratrum animos a se paulatim avertere cœpit; quapropter cum per deconium circiter dissensio perdurasset, Romam Pontius ad Calixtum profectus est, ibique abbatiati officio renuntiavit (abnuente papa, mense circiter Aprili anni 1122 (4), postquam sedisset annis xiii), et mox Jerusalem mansurus se recepit: postea vero mutata mente in Gallias reversus, armis Cluniacum invasit, monachos dire vexavit et expulit, vasa aurea, argentea, villas et dominia abbatum velut barbarico more deprædatus, igne, ferro, rapinis et cædibus in religiosum locum impune desævit. Quod scandalum audiens Honorius papa, misit Petrum

(1) Vide Bibliot. Sebus., pag. 440 et 433.

(2) Ibid. pag. 441.

(3) Tom. II novæ Gall. Christ. col. 486, instr.

(4) Vide Chronicon Alberici ad hunc an. 1122.

cardinalem, qui cum Humbaldo Lugdunensi archiepiscopo anathemate percussit Pontium et eos qui ipsi adhærebant. Deinde Romam ad subeundum controversiæ judicium citatur Pontius, ut sese purgaret, sed lata sententia idem ut invasor ac sacrilegus ab omni ecclesiastica dignitate depositus est. Exstant eade re plures Honorii papæ ad Petrum abbatem et ad monachos Cluniacenses epistolæ; quarum in altera sic loquitur: « Pontius siquidem B. Benedicti præceptionibus inimicus et monastici ordinis malleus, qui Cluniacensem abbatiam in manu prædecessoris nostri felicitis memoriæ papæ Calixti sine spe recuperationis refutaverat, et se perpetuo Jerosolymis victurum voto astrinxerat, contra voluntatem Dei et nostram Cluniacense monasterium superba obstinatione et præsumptione sacrilega occupavit. » Hinc altera ad ipsos Cluniacenses monachos scripta vetat, ne ad Pontium olim abbatem sine Petri tunc abbatis licentia convertantur. Habentur autem Acta depositionis et excommunicationis ejusdem Pontii in codice Celsiniacensi, ex quo ipsa eruta noster D. Claudius Estiennot inseruit tom. IV *Fragmentorum histor.*, fol. 51.

Denique, vix elapso mense ab isto infortunio, diem postremum obiit Romæ anno 1125, iv Kal. Jan., ex notis ad *Biblioth. Cluniac.*, Kalendario sancti Leonorii Bellimontis, et ex Necrologio abbatiæ S. Egidii, quod habetur in bibliotheca Fratrum Prædicatorum Chamberiaci, non iv Idus, uti legitur in Chronico Cluniac. Francisci de Rivo. Alibi tamen dies obitus ejus notatur 28 Decembris, et annus 1126: qui quidem magis convenit; nam in Bullario

(5) *Biblioth. Labb t. II*, pag. 301.

A Cluniacensi habetur epistola Honorii papæ ad Petrum abbatem, data xiii Kal. Nov., ind. 3, an. 1126, pontificatus secundo, ex qua constat Pontium adhuc superetitem fuisse. Historiam Pontii concludo verbis Chronici Vosiensis (5): « Jussu apostolici frater comitis de Melgoir sine audientia captes, in turre, quæ dicitur ad Septem salas, usque ad obitum, videlicet v Kal. Jan., in custodia tentus est: sepultus vero fuit quasi pauper, imo captivus apud S. Andream, qui optime per quatuordecim annos Cluniacense monasterium rezerat olim. » Hæc autem verba ex aliis sic interpretari libet: *sine audientia*, idcirco scilicet non fuit auditus, quod recusasset absolvi ab excommunicatione; contendens se a nemine posse excommunicari, quæ responsio insanientis visa est; *in custodia tentus est*: ita etiam Joannes Iperius tom. III. Anecd., col. 660, *quasi pauper*. Honorius II papa scribens ad Petrum abb. Cluniac. epist. 1, de Pontio sic loquitur: « Qui quamvis de malis Cluniaco illatis sæpe communitus, pœnitentiam agere noluerit, nos tamen pro reverentia hujus monasterii cujus monachus fuit, eum honeste sepeliri fecimus. » Revera primum sepultus fuit apud S. Andream, sed postea Cluniacum translatus est, ubi visitur ejus sepulcrum in majore ecclesia propæ S. Martini oratorium, hominem exhibens pedibus ligatis, quia excommunicatus interit, et manu ac pede amputatis. Exstat ipsius Vita in *biblioth. Cluniac.* pag. 551. Vide etiam observationes Hugonis Menardi in *Martyrologium Benedictinum* ad diem 29 Decemb., pag. 429.

## PONTII ABBATIS STATUTA.

In nomine sanctæ et individuæ Trinitatis, Noverint omnes fratres et filii sancti Cluniacensis cœnobii, præsentés et futuri, quia ego frater Pontius peccator abbas indigne vocatus, perpendens qualiter beatus Odilo sancto dictante Spiritu omnium fidelium defunctorum generalem statuerit memoriam, qualiter D de causa uti idem omnes sancti et electi Dei, quorum festivitàs prævenitur et honoratur, isto fraternæ pietatis officio divinæ majestati eorumdem fratrum animas sua sancta interventione commendare dignentur. Hanc igitur memoriam tali tenore præcipimus observari ut non solum Cluniaci, verum etiam in cunctis abbatiis nostris, prioratibus, atque cellis, nunc et quandiu Cluniacense cœnobiū in sancta religione perstiterit, annuntim in eodem die solemne officium cum missa secundum locorum fratrumque convenientiam devote peragatur, fratresque omnes juxta ordinem suum, prout Deus unicuique gratiam

defunctorum commemoratio statim secutura est, rectumque nobis videtur ut prius nostrorum specialis recordatio pio inter nos agatur affectu, sicque postmodum et pro nostri et pro omnibus fidelibus defunctis universalis intercessio subsequatur. Hac etiam de causa uti idem omnes sancti et electi Dei, quorum festivitàs prævenitur et honoratur, isto fraternæ pietatis officio divinæ majestati eorumdem fratrum animas sua sancta interventione commendare dignentur. Hanc igitur memoriam tali tenore præcipimus observari ut non solum Cluniaci, verum etiam in cunctis abbatiis nostris, prioratibus, atque cellis, nunc et quandiu Cluniacense cœnobiū in sancta religione perstiterit, annuntim in eodem die solemne officium cum missa secundum locorum fratrumque convenientiam devote peragatur, fratresque omnes juxta ordinem suum, prout Deus unicuique gratiam

dederit, missas psalmosque fratribus suis defunctis hilariter persolvant, quatenus per ignorantiam vel negligentiam defunctis per annum fratribus redditum non fuerit, totum ad laudem Dei recompensetur. Quod ut devotius complere satagant, adjunximus huic misericordiæ parentes et consanguineos defunctos omnium fratrum nostrorum, orantes ut Deus omnipotens horum et cæterorum bonorum congregationis nostræ participes eos faciat. Prima vero pro fratribus oratio dicatur: *Deus veniæ largitor*; secunda pro sororibus: *Quæsumus, Domine*; tertia pro parentibus: *Inclina, Domine*. Quando autem vigilia acciderit die Dominica, fiat hæc defunctorum fratrum celebritas præcedenti Sabbato sive feria sexta. Ad cujus etiam institutionis beneficium dignum fore duximus ut sicut divinæ majestati pro defunctorum requie pia repræsentabitur intercessio, ita etiam vivis tam ad corporum quam animarum salutem fraterna impendatur misericordia. Statuimus igitur ut ego per me quoad vixero nostrique per sæcula successores die illo, vigilia scilicet omnium sanctorum, generalem conventui Cluniacensi in omnibus refectionem de nostro administremus, dieque subsequenti, festivitate videlicet sanctorum omnium, pro unoquoque fratrum qui Cluniacensi tunc præsentis fuerint, tres pauperes pane et carne reficiamus. Quod si festivitas sexta acciderit feria, fiat ipsa pauperum relectio de pane et carne Sabbato sequenti vel Dominica. Quam itidem pauperum refe-

ctionem per omnia loca nostra fieri mandamus, ut scilicet abbates vel priores seu decani diligenter provideant qualiter pro singulis fratribus quos secum in locis suis habuerint tribus pauperibus relectio secundum temporis et loci opportunitatem exhibeatur. Cujus misericordiæ constitutio non illis gravis videatur, quam Christus Jesus, qui seipsum pro nostra dedit salute, hoc a nobis quasi proprium exigit, ut si eum placabilem habere volumus, in pauperibus et egenis illum reficiamus. Locus etiam noster semper Deo miserante bonis sanctorum Patrum institutionibus crevit in melius. Ipsi denique fratres et ad spirituale et ad temporale officium promptiores erunt atque devotiores, cum recogitaverint tantam sibi misericordiam annuatim quasi ex debito persolvendam. Unde et magna erit charitas si abbates vel priores atque decani sub hac generali memoria aliquam die illo fratribus suis specialem exhibuerint refectionem, quatinus diligentibus Deum omnia cooperantur in bonum. Agatur igitur diei hujus memoria, sicut diximus, in psalmis, missis, orationibus, et eleemosynis; ut Deo annuente, cunctisque intercedentibus sanctis, et vivi ad beatum finem pervenire et defuncti æternis gaudiis perfrui mereantur, mihi que peccatori in hac injuncta obedientia virtus detur et gratia, nobis que in omnibus in magni judicii die inter sanctos defunctos misericordia concedatur. Amen.

## PONTII ABBATIS PRÆCEPTIONES PIÆ.

(BALUZ.. *Miscell.* III, 63.)

### *Concessio quam Pontius abbas Cluniacensis fecit Bernardo archiepiscopo Toletano.*

Notum sit universæ congregationi hujus venerabilis cœnobii, tam præsentium quam futurorum, præcepisse domnum Pontium hujus monasterii reverendum abbatem de domo Bernardo Toletano archiepiscopo, ut post obitum ipsius tricenarius missarum illi a fratribus studiose persolvatur, resonantibus signis, cum officio pleno et missa generali. Refectionem vero quam fecit decanus de Galliniaco in vigi-

lia beati Matthæi post obitum ipsius, faciat in die anniversarii ejus.

### II.

*Alia concessio facta Eskilo archiepiscopo Lundensi.*  
Noverint universi quod totus conventus hujus Ecclesiæ concessit illustri viro domno Esquilo Lundensi archiepiscopo, quæ est totius Daciæ metropolis, post obitum ejus tantumdem per omnia beneficiorum quantum persolvitur unex fratribus Cluniacensibus, tam in Cluniaco quam in omnibus locis ejus. Fuit enim hujus loci magnus amator.

# HUGONIS MONACHI CLUNIACENSIS

## EPISTOLA

AD DOMINUM PONTIUM ABBATEM CLUNIACENSEM.

IN QUA

*Nonnulla de S. Hugone ipsoque Pontio abbate : quomodo cardinalis factus, et quam devotè cineres BB. Apostolorum Petri et Pauli, tempore S. Majoli abbatis Cluniacum delatos, revereretur.*

(Biblioth. Cluniac. p. 357.)

Patri serenissimo Cluniacensi abbati Pontio domino suo servus Hugo.

Dum tuam, Pater, excellentiam penso, injussus coram te loqui non audeo. Sed quoniam memoranda quædam de magno Hugone sancto præcessore tuo tacita video, si tua jubeat me fari dignatio, pauca de plurimis, parva de maximis, brevi expedio. Ista quidem diffusos scriptores illos miror omisisse, qui de eo tanta volumina conscripserunt. Quæ refero præsentibus notissima sunt, sed posterorum memoriæ, ut jubes, mandata sunt. Beatus Hugo ad Francoignas eos visitaturus, olim exiverat. Veniens autem Balvacense territorium, intravit Gornacum super Aronam fluvium. Ibi eum Albertus vir illustris honorifice suscepit. Uxor viri nomine Ermengardis, et ipsa tanto hospiti reverenter occurrit. Quam sanctus ut vidit, prophætico afflatus spiritu dixit: « Domina, tu gravis es, filium paries qui, sicut Deo placuerit, monachus erit. » Audiens mulier quæ de se ante non noverat, mirabatur. Præsentibus audita signantes oracula, lætabantur. Postmodum juxta servi Dei verbum, gravis illa peperit filium. Crevit puer, et armorum deputatus officio, militiam adeptus, ut id hominum genus male consuevit, perniciosus evasit. Interea sanctus, plenus dierum pariter et virtutum, diem in Domino clausit extremum. Erat tunc in Italia apud Papiam decus pontificum Godefredus Ambianensis episcopus, doctrina præclarus, sanctitate perspicuus. Dum itaque beatus Hugo præsentis vita defungitur, æterna donatur, vidit episcopus ad procedendum conventus eximios præparari cum luminaribus, et cæteris quæ in processione solemniter solent exhiberi. Episcopo inquirenti quis esset, quem tantæ triumphus gloriæ expectaret, responsum est quia ad deducendum dominum Hugonem Cluniacensem abbatem, illa sanctorum devotio festiva procederet. Quod cum episcopus admirans sociis revelaret, tempus quo id viderat adnotaret in Galliis reversus, eodem invenit tempore in Cluniaco sanctum migrasse, quo sibi fuerat monstratum Papiæ. Postquam vero sanctus decessit, tu feliciter electus, et in officium tanti Patris digne subrogatus, Domino ducente, ad supradictas Franciæ partes descendisti. Ubi pro tua illa nobili consuetudine, quibusque bona prædicans, istum de quo sanctus prædixerat, juvenem invenisti, inventum vocasti, vocatum eduxisti. Ipsum in Cluniaco monachum nomine Landricum plurimis annis vidimus bonis pollentem moribus. Sic, Pater benignissime, sic præcessor tuus abbas Hugo sanctissimus, quem plurimum dilexisti, imo quem diligis, sic inter alias virtutes suas etiam prophetia claruisse probatur: sic in sui dissolutione corporis, pontifici revelatus, supercælestium concivis esse dignoscitur. Sed mea modo sileat parvitas, tua magis, ista quam alta sint, perpendat charitas. De hac enim altitudine loqui ego tibi intimus timere debuit. Anno denique Verbi de Virgine nati 1118 defuncto papa Paschali, qui Romanæ sedis episcopum x et viii annis, et eo antea gubernavit, assumptus est electione Catholica, et consecratus est Gelasius papa, vir apprime eruditus, elemosynis largus, consilio providus. Hic Henrico IV Romanorum imperatore contra Ecclesiam sæviente, declinans ad mare descendit, navigio Gallias expetivit, tibi quoque primo cursore a Pisis emissis, suum prænuntiari fecit adventum. Te enim, Cluniaci scilicet abbatem, in partibus Galliarum habet pontifex Romanus proprium et specialem filium. Huic apud Sanctum Ægidium occurristi, huic et multo comitatu suo equitaturas et alia quam maxima elegantissime ministrasti. Hunc pro maris molestia infirmatum, in tuæ solo navitatis, quod pater tuus Petrus potens et nobilis comes Merguliensis juri apostolorum Petri et Pauli contradidit, et inde accepit, tu papam officiosissime coadjuvisti. Qui denuo convalescens, et Cluniacum suum pervenire desiderans, Lugdunum Galliæ pertransiit: Matiscenam descendit, ubi, gravissima ægritudine confectus, se Cluniacum perferri instantissime præcepit. Quo deportatus, summaque reverentia susceptus, completo episcopatus sui anno i et diebus iv, in medio fratrum circumstantibus episcopis cardinalibus in propria domo, proprius pastor in pace Cluniaco quievit. Post hunc reverendus Wido, Viennensis Archiepiscopus, ab Ecclesia catholica est in Cluniaco electus, sicque in papam Calixti ordiatus. Hic

terrenæ nobilitatis celsitudine præcellit sed celestium nitore charismatum pulchrius elucescit. Ille secundo Cluniacum rediit, ibique festum Dominicæ Circumcisionis et Apparitionis devote peregit. Cui dum inter cætera sæpius ageret de vita et miraculis B. Hugonis, non quorumlibet chartulas super his profusius exaratas attendit, sed personas authenticas in medio Cluniacensis capituli præsentatas, de sancto quæ viderant et audierant veritas attestatas, gratanter accepit. Episcopis vero et cardinalibus pariter assentientibus ad laudem et gloriam Domini nostri Jesu Christi natalem tanti confessoris tot et tantis virtutibus approbati festinum fieri papa decrevit. Die autem Epiphaniæ Domini processit papa solemniter coronatus, copioso pontificum et cardinalium choro constipatus. Huic Romana præsens militia more suo famulabatur. Hunc quam multi Burgundiæ nobiles sequebantur. Hunc celeberrimo apparatu suscepit obvis sacer Cluniacens. fratrum conventus, quem exultat humilitas, dilatat charitas, disciplina erudit, discretio munit. Eadem die communi suorum assensu assidentium largitus est felix papa Calixtus Cluniacensi Ecclesiæ speciali et propriæ suæ ut abbas Cluniacens. semper et ubique Romani fungatur officio cardinalis, manuque propria ipse te papa annulo vestivit : ut sic manifestum appareat cunctis, quia tecum et tua Cluniacus solius papæ Romani propriæ propria censetur, quæ sub alterius jure pontificis, seu cujuslibet potestatis, providente Domino nec fuit aliquando, nec erit in futuro. Discessurus papa in crastinum, intrans Cluniacense capitulum, humilitate sua laudabili fratrum se orationibus commendavit, quos et benedictionibus confirmavit, et prædicti confessoris memoria recensita recessit. Ista me dixisse sufficiat, tuæque mihi gratia veniam tribuat. Sed ne tuam, precor, paternitatem offendat dum quidam rogare te mea

A præsumit indignitas. Nosti, Pater, quia papa Cornelius martyr gloriosus Petri et Pauli ossa de Catacumbis levata, Pauli via Hostiensi, Petri in Vaticano sagaciter posuit. Eorum vero cineres studiose congruo recondens vasculo in monasterio Sancti Pauli tradidit venerandos. Hoc autem monasterium sequentibus annis commissum est sancto Oddoni, tuo prædecessori, ubi per eum aliquandiu Cluniacensis vigor ordinis radiavit. Tandem seditiosis urbe turbata motibus, quos illa civitas infausto non creberime patitur; malis urgentibus monachi discedentes vas illud apostolicorum cinerum sacra secum pignora detulerunt, sicque Cluniacum propere pervenerunt. Diebus vero sancti Majoli monasterium Cluniacens. venerabilis Hugo Bituricensis archiepiscopus dedicavit, vasque prædictum apostolicorum cinerum in columna sub principali ara digne recondidit. Cum vero dieb., Pater, tuis, novo mirabili opere constructo monasterio, illud antiquum destrui, et claustra dilatari mandasti, tu prædictam aram immotam provide reservasti, et pro ea veteris caput monasterii divino usus consilio manere fecisti. Ibi enim, expertis sane credimus, orationis gratia et lacrymarum ubertas commode reperitur. Ibi correctione pia peccatorum sarcina deponitur. Ibi cineres apostolici, thesaurus, Pater, inestimabilis, frequenti reverentia visitantur. Quos quia sæpius orando requiris, te precor, licet trepidus, sed tua misericordia roboratus, ut ante sacrosanctos cineres illos apostolicos mei aliquando memorari digneris, qui tuorum misereri non desinis. Sanctum quoque confessorem beatum Hugonem, dum prece supplio sæpe commemoras, ut et matri illi, quam cum tribus filii de Francia tecum adduxisti, matrem in Marciaculo, filios ejus in Cluniaco pie suscepisti, subvenire dignetur, obtineas precor. Et quia multum locutus sum, condones obsecro.

## DONATIONES PIÆ

### CLUNIACENSIBUS FACTÆ SUB REGIMINE PONTII ABBATIS.

#### I.

*Petrus Burgensis episcopus Cluniaco concedit et confirmat ecclesiam de Carandigna.*

(MARTEN. *Anecd.* I, 246, ex chartario Cluniac. Colbert.)

Reverendissimo sanctæ Cluniacensis ecclesiæ conventui. PE., Dei gratia Ecclesiæ Burgensis episcopus, salutem, et sincerum in Christo amorem.

Quam sit pium et justum, ac fidei Christianæ consentaneum, viros religiosos honorare, juvare atque diligere, quantumque sit malum atque nefarium, animarum salutem contrarium, illos infestare, molestare, eisque jura sua auferre, prudentiam vestram non credimus ignorare. Hac igitur consideratione sollicitus ecclesiam vestram, cujus ordo

bonæ opinionis longe lateque dilatatur, honorare, juvare, atque diligere proposui. Dono itaque vobis et Ecclesiæ vestræ Cluniacensi, et concedo et confirmo ecclesiam de Carandigna cum omnibus pertinentiis suis, quam quondam Aldefonsus, bonæ memoriæ imperator, pro remedio animæ suæ et parentum suorum vobis et Ecclesiæ vestræ contulit.

#### II.

*Epistola Baldvini comitis Flandrensium ad Pontium abbatem Cluniacensem. — Confirmat ei abbatiam Sancti Bertini.*

(MARTEN. *ibid.* p. 334.)

Domino P. reverendo sanctæ Cluniacensis Ecclesiæ abbati, BALDWINUS Flandrensium comes et CLEMENTIA comitissa, æternam in Christo felicitatem.



Cupientes ea quæ ad religionem pertinent firma permanere, ne videlicet bene inchoata callidus hostis valeat pessundare, serenitati vestræ notum facimus, concessionem illam, quam de ecclesia Sancti Bertini dominus meus Robertus comes adhuc vivens, me quoque annuente prædecessori vestro domno Hugoni piæ memoriæ abbati concessit, scriptoque firmavit, nunc etiam pro remedio animarum nostrarum, tam me, quam filium meum, jam libenter vobis vestrisque successoribus iterato concedere, ratamque per omnia, omni occasione seposita, fore. Porro ut hæc concessio nostra firma permaneat in conspectu principum, cum eorumdem assensu eam firmavimus, atque sigilli nostri impressione subtersignari fecimus. S. Lamberti abbatis, S. Galterii thesaurarii, S. Rainerii notarii, S. Bernardi capellani, S. Alardi, S. Rotgerii castellani insulani, S. Galterii castellan; Curtriacensis, S. Raigeri dapiferi, S. Willelmi dapiferi, S. Ulrici pincernæ, S. Widonis.

Actum anno Domini 1112, in villa Yprensi, pridie Idus Aprilis.

## III.

*Charta Guillelmi Bisuntinensis archiepiscopi de Alla-Petra.*

(*Bibl. Cluniac.*, p. 577.)

GUILLEMUS, Dei gratia sanctæ Bisuntinensis Ecclesiæ archiepiscopus, venerabili Patri domno Pontio Cluniacensi abbati, ejusque successoribus regulariter substituendis in perpetuum.

Pastoralis officii est ut evellat et destruat, ut disperdat et dissipet, ut ædificet et plantet. Quia ergo ad hoc nos præfecit populo suo omnipotens Deus, ut vineam Domini Sabbaoth disciplinis regularibus excolamus, ut vitia evellere, superflua destruere, virtutumque plantaria inserere studeamus; dum hoc viribus nostris sine coadjutoribus adimplere non possumus, oportet nos agricolas peritos virtutum viros undecunque conducere, qui usque ad vesperum viriliter laborantes ad ubera nostræ consolationis sub umbraculo divinæ protectionis confugiant, et nobiscum labores manuum suarum manducantes, æternæ beatitudinis denarium sibi et nobis adquirant. Et quoniam Cluniacensis Ecclesia præ cæteris Galliarum Ecclesiis hujusmodi spiritalis agriculturæ peritissimos agricolas, et multo plures habere cognoscitur; venerabilis fratris nostri Walcherii Gigig. . . . . prioris petitionibus annuente, Alta-Petrensem ecclesiam religione quondam monastica destitutam, tibi Deo dilecte Cluniacensis abbas, sanctissimoque ejusdem loci conventui dedimus, concessimus ad inhabitandam, et in religione monastici ordinis Deo auctore vigilantius informandam. Actum Bisuntii in ecclesia S. Joannis, laudante Pontio Alta-Petrensi priore, domno Stephano ejusdem Ecclesiæ canonico et Bisuntino cantore, domno Mainerio decano, domno Bernardo magistro, domno Manasse archidiacono, Stephano thesaurario, Burchardo et Hugone archidiaconis, et aliis multis. Postea Cluniaci in Idus Augusti per memetipsum in

capitulo vestro interfui, et id ipsum cum his qui mecum aderant, laudavi et confirmavi, salvis justitiis et debitis consuetudinibus nostris. Nunc quoque per præsentis privilegii paginam præfatam Alta-petrensem ecclesiam vobis vestrisque successoribus cum omnibus appenditiis suis laudamus, concedimus, et confirmamus, salvis ut prædiximus justitiis et debitis consuetudinibus nostris. Sane si quælibet persona potens vel impotens hujus nostri privilegii paginam sciens, contra eam temere venire tentaverit, donec satisfactione congrua emendaverit, aliena a corpore et sanguine Domini fiat, et in extremo examine districtæ ultioni subiaceat; conservantibus hæc, pax et tranquillitas. Amen.

## IV.

*B Charta Amelii episcopi Tolosani, de ecclesia Sanctæ Columbæ.*

(*Ibid.*)

Ego AMELIUS, Dei gratia Tolosanus episcopus.

Recognoscentes ecclesiam Sanctæ Columbæ, quæ in Tolosano sita est territorio Chercorbensi juxta fluvium Herz, juris esse S. Petri Cluniacensis cœnobii, in manu domni Pontii abbatis ipsam ecclesiam Sanctæ Columbæ cum ecclesiis ad eam pertinentibus Cluniaco restitui, salva justitia Tolosanæ Ecclesiæ. Hoc autem feci pro multa multumque chara dilectione, quæ inter nostros majores et Cluniacenses Patres ab olim usque nunc conservatur, et pro sincera vereque germana amicitia, quam cum prædicto abbate specialiter habeo et habere semper curabo: et ut particeps esse merear Cluniacensis fraternitatis in cunctis benefactis eorum. In quo hono omnes legitimos successores meos, qui hoc factum et hanc chartam laudaverunt, particeps esse volo et oro. Hoc factum laudaverunt canonici nostri Tolosanæ sedis, Arnaudus Willelmus archipresbyter cum cæteris. Vicecomes quoque Bernardus Atton ipsam ecclesiam cum pertinentiis suis reddidit, et novam inde donationem fecit Cluniaco in manu nostra, et in manu prædicti abbatis, quantum ad ipsum pertinere poterat: concedens ut quicumque feudaliu suorum de bonis prædictæ ecclesiæ Sanctæ Columbæ aliquid possidebat, se volente restitueret. Sed et frater meus Petrus Reimundus, et uxor ejus Adila quæ soror erat prædicti abbatis, quidquid de bonis ecclesiæ habebant, gratis restituerunt: simulque et filium suum puerum, Willelmum nomino, in Cluniaco futurum monachum donaverunt.

Signum Amelii Tolosani episcopi, qui ecclesiam Sanctæ Columbæ cum pertinentiis suis Clun. redonavit, et laudavit, et chartam istam inde firmavit.

Signum Raimundi Ausciorum archiepiscopi, qui ad utramque donationem, episcopi scilicet atque vicecomitis præsens fuit.

S. Arnardi Raimundi præpositi.

S. Arnaldi Willelmi archipresbyteri.

S. Isarni Frigidilensis prioris.

S. Willielmi capellani.

S. Bern. Atton. vicecomitis.

S. Bern. de Villamodi.

Porro alii quamplures monachi, et clerici, et milites, exstiterunt testes.

Actum apud Sanctam Eulaliam prope Carcassonem in manu domni Pontii Cluniacensis abbatis, anno ab Incarnatione Domini 1110, sub domno Paschali secundo, regnante Ludovico, rege Francorum.

Albertus Theutunicus rogatus scripsit.

V.

*Charta Riquini provisoris Tullensium, de Frondonensi cella.*

In nomine sanctæ et individue Trinitatis, Patris, et Filii, et Spiritus sancti, Riquinus, Dei gratia provisor Tullensium, Pontio abbati Cluniacensi, ejusque successoribus regulariter promovendis in perpetuum.

Apostolicæ dignitatis sublimitas tanto propensiori studio a cunctis est fidelibus incessanter honoranda, quanto constat evidentius quoniam eorum meritis et doctrina, ut sol et luna sancta refulget Ecclesia, quæ fundata super petra hæreticæ pravitate irritamenta respuit, nec recipit blandimenta. Cum igitur omnibus, quos Rex cælestis regni, et gloriæ suæ consortes instituit, piæ devotionis sit adhibendum studium; instantius tamen ei præcordialis desiderii licet vigilanter impendere famulatum, cui Deus Ecclesiæ sanguine suo redemptæ specialiter constituit principatum, qui post Deum custos gregis et pastor exstat ovium, janitor cæli, et princeps apostolorum. Denique beati Petri nomine et titulo triumphaliter insignita, sub prærogativa religionis fulget incomparabiliter sancta Cluniacensis Ecclesia: quæ clausis et depressis oculis carnalibus, fervore spirituali docet inbianter contemplari cælestia, quæ summi Patrisfamilias, ut vere dicam, universalis domus est; et curia in qua Deo sacra laudum resultant præconia. Ab hac siquidem feliciturba, et inexpugnabili exercitu, Jerusalem superna agmina sibi assumit purpurea, quæ super thronos judicantium ordinum residendo gestant florantia sarta. Felix satis et beata devotio tam celeberrimæ congregationis, et Ecclesiæ obsequiis, et cultui fideliter inservire. Cujus ego licet indignus beneficii, et orationum executor et particeps cupiens existere, D hanc pro modulo meo necessariis ampliari sumptibus, et quæ in nostra diocesi possidebant tenore canonico proposui stabilire. Ad perpetuam itaque monasterii tui pacem, Ponti in Christo dilectissime fili, manifestamus posterorum notitiæ determinationem causæ Frondoni cellæ nostris temporibus definitæ. Abbas denique Mediani Monasterii Bertricus nomine in generali synodo nostram censuram adiens querimoniam movit super Wicardo priore Frondonensis cellæ, asserens quoniam Odoinus vir illustris sancto Petro Mediani monasterii coram liberis testibus de cella illa donum et investituram

A fecisset; sed facta postmodum retractatione, Cluniacensis Ecclesia eam irrationabiliter, etiam præsumptuose invasisset: præfatus siquidem Odoinus ibidem tunc præsens hoc omnimodis denegavit, etiam se nunquam Ecclesia Mediani Monasterii inde donationem fecisse, productis liberalibus testibus jurare proposuit. Prior autem usus prudentiori consilio, abbatem suum, ut res exigebat, super hoc consulturus, usque ad proximam synodum inducias petiit, quas cum prolixitate itineris, tum remotione abbatis, usque ad tertiam synodum, ingruente rei difficultate protraxit. Tandem igitur in medio totius synodalis conventus, protulit chartam felicitis prædecessoris nostri piæ memoriæ Pibonis sigillo insignitam, in qua continebatur, quod per manum prædicti pontificis domnus Odoinus de cella Frondonensi, etiam omnibus appenditiis suis, sancto Petro Cluniacensi liberaliter donationem fecisset, et etiam abbas Cluniacensis jam fere per xxx annos sub sua dispositione quiete possidisset. Super hac et ipse Odoinus ultimo se constanter intulit, et hæc ita se habere, adhibitis sex liberalibus testibus jurejurando probavit. Tam evidenti ratione, tam probabili discussione abbas Mediani monasterii, vana spe frustratus, recessit. Prior vero Cluniacensis, quod nostri erat officii super hoc fieri postulavit. Banno ergo Dei et nostro, auctoritate etiam pontificali sancimus, et interdicimus, ne aliquis deinceps Ecclesiæ Cluniacensi pro cella Frondonensicalumniam moveat: alioquin maledictionem extremæ districtioris in anima sua inveniat, nec habeat partem in sorte electorum Dei, nisi digne satisfaciens resipiscat. Tibi autem et omnibus tuis in suo sancto servitio concedat divina miseratio perseverantiam propositi salutaris: detque Dominus faciem vestram ut adamantem et silicem, ut cum magna libertate possitis objurgare domum exasperantem. Ad]excludendam itaque omnem impostorum controversiam, fieri decrevimus hujus descriptionis paginam, quam sigillo nostro legitime confirmantes, signis et testimonio nostrorum fidelium tradidimus roborandam.

Signum Riquini episcopi.

S. Theomari abbatis S. Mansueti.

S. Vindrici abbatis.

S. Apri.

S. Stephani primicerii.

S. Berengarii decani.

S. Hugonis archid.

S. Golberti archid. et cantoris.

S. Odoini.

S. Theoderici de S. Hilario.

S. Theoderici de Calvo-monte.

S. Equini de Barbani-villa.

S. Girardi de Blanteriis.

S. Adelini de Girancort.

S. Galteri de Calvo-monte.

S. Galteri et Theoderici fratris ejus de Vindricort.

Acta sunt hæc Tulli in synodo generali, in ma-

jori Ecclesia S. protomartyris Stephani, anno ab Incarnatione Domini 1111, ordinationis vero nostræ indictione iv, epacta ix, concurrente vi, imperante Henrico IV, regnante Domino nostro Jesu Christo feliciter. Amen.

## VI.

*Willelmus Petragoric. episcopus dat Cluniaco et Pontio abbati ecclesiam S. Theodori de Rocabou-cori.*

(*Gall. christ. nov. II, 486.*)

Willelmus, Dei gratia Petragoricensis episcopus, venerabili abbati Cluniacensis monasterii domino Pontio, et successoribus ejus regulariter substituendis in perpetuum.

Sapientium auctoritate provisum est temporum suorum gesta styli officio perpetuare, ne posteritas memoria oblitterari futurorum intercapedine queat. Novum itaque tam præsentibus quam absentibus præsentis scripturæ apicibus fieri volo, quod ego ex officii nostri necessitate erga omnes diocesis nostræ ecclesias curam gerens, et in eis religionis jura conservari desiderans, dono et in perpetuum habendam concedo, Deo et sancto Petro apostolorum principi, domno quoque Pontio abbati supradicti monasterii et successoribus suis, ecclesiam

S. Theodori de Rocaboucori, consilio clericorum Petragoricæ sedis, Willelmi scilicet de Nanclart, Arnaudi, Willelmi, Iterii de Sauzet, et aliorum plurimorum qui nobiscum intererant, dantibus pariter et concedentibus canonicis ejusdem ecclesiæ, Iterio videlicet, Gardra; et Helya de Sauzet, Petro Iterio, Geraldo Ferrono, atque Petro Hugone aliisque quam pluribus; laudante etiam atque confirmante domno Girardo Engolismensi episcopo, et sanctæ Romanæ ecclesiæ legato, præsentibus clericis Engolismensis ecclesiæ Ricardo, et Willelmo fratre suo ejusdem legati nepotibus, Eudrardo vero capellano, atque Theaumo ejus notario. Ut autem donum istud absque alterius calumnia certum habeatur, et ratum perduret, hanc cartam sigilli nostri munimento consigno, et prædictum abbatem Cluniacensem investio; sub eorumdem clericorum nostrorum testimonio: monachorum vero Pontii prioris de Berbezil, Geraldii Roberti prioris de Monte-Berulfi, Arnaudi prioris de Rocenac. Factum est autem hoc donum anno ab Incarnatione Domini 1121, Calixto papa in sede apostolica præsentente, atque in Francia Ludovico rege regnante, ubique Domino Jesu Christo imperante. Amen.

ANNO DOMINI MCXXV

# PETRUS LEONIS

ET

## GREGORIUS

S. R. E. LEGATI

# PETRI LEONIS ET GREGORII EPISTOLÆ

(*MARTÈNE, Ampliss. Collect. I, 687 et 697, ex ms. S. Vedasti*)

## I.

*Epistola Petri Leonis (1) presbyteri, et Gregorii S. Angeli diaconi, cardinalium, ad Angelrannum episcopum Ambianensem. — Ut curte S. Vedasto Attrebatensi restitui altare de Campaniolis.*

(Anno 1125.)

P. Leonis presbyter et G. S. Angeli diaconus, sedis apostolicæ cardinales et legati, venerabili fratri A. Ambianensium episcopo salutem.

Charissimus frater noster abbas Sancti Vedasti plurimum nobis conquestus est, quod Wido miles quoddam altare de Campaniolis de jure Sancti Vedasti in potestatem Mosteriolensis monasterii transulerit, quod omnino rationi et auctoritati sancto-

rum repugnat; propterea fraternitati tuæ mandamus atque præcipimus, ut idem altare in prædicti S. Vedasti monasterii jus et potestatem restitui facias.

## II.

*Epistola Petri Leonis presbyteri et Gregorii sancti Angeli diaconi, cardinalium, ad A. Aquicinctensem abbatem. — De hospitibus a relicta Balduini ecclesiæ beatæ Mariæ concessis.*

(Circa 1130.)

P. Leonis presbyter et G. Sancti Angeli diaconus, sedis Apostolicæ cardinales et legati, venerabili fratri A. Aquicinctensi abbati, salutem et dilectionem.

Actionem negotii inter beatæ Mariæ canonicos et

(1) Postmodum Anacleti antipapæ, qui de papatu cum Innocentio II contendit.

abbatem sancti Vedasti, quod nobis tua significavit fraternitas, perlegimus; et secundum ipsius scriptam nem ad nos misisti tenorem, hoc nobis videtur. Si abbas sancti Vedasti probare potuerit, quod priusquam relicta Balduini hospites illos ecclesie (2) Beate Mariæ dederit, per iudicium scabinorum civitatis eidem mulieri et filijs ejus prædicti hospites sunt adjudicati, et Beato Vedasto cum quiete pos-

sidendi fuerunt adjudicati, donatio illi nihil valebit. Item si potuerit ostendere quod prior donatio Beati Vedasti monasterio non conditionaliter, sed absolute facta fuerit, secunda virium nihil habebit. Item si fundus terræ in qua hospites manent, Beati Vedasti est, non poterunt iidem hospites sine assensu abbatis in alteram transferri ecclesiam.

(2) Hoc est ecclesie cathedrali quæ Beate Mariæ est sacra.

ANNO DOMINI MCXVIII

## JOANNES MICHAELENSIS

### NOTITIA

(Hist. litt. de la France, XI, 67)

Tout ce que l'on sait de Jean *Michaelensis*, c'est qu'il assista, au mois de janvier 1128, à un concile tenu à Troyes, dans lequel il remplit les fonctions de secrétaire. Effectivement lui-même semble l'insinuer dans le prologue sur la Règle des Templiers qu'on lui attribue. Aubert Le Mire, qui a donné au public cette Règle pour la première fois dans sa Chronique de l'ordre de Cîteaux, sur un manuscrit de l'abbaye de Saint-Victor de Paris, prétend que saint Bernard en est l'auteur. En quoi il a été suivi de tous ceux qui ont eu depuis occasion de parler des chevaliers du temple et de leur règle. Hæften (*Disq. Mon.* t. II, *disq.* IX, p. 86), après Stellartius, remarque que cette Règle leur a été donnée par saint Bernard, mais dans un style très-différent de celui de ce saint docteur; et qu'on pourrait dire qu'il a voulu se mettre à la portée de ces bons chevaliers, si son discours adressé aux mêmes chevaliers n'était aussi éloquent que les autres ouvrages du saint abbé. Manrique, à l'an 1128, cite deux textes pour prouver que la Règle en question est l'ouvrage de saint Bernard; mais D. Mabillon fait voir dans l'avertissement qu'il a mis à la tête d'un écrit de ce saint (*Op. S. Bern.* t. I, p. 571), *De laude novæ militiæ, ad milites Templi*, que les deux textes n'ont rien de favorable à ce sentiment, qu'au contraire ils le renversent absolument. Il paraît (1) par le premier, que le concile de Troyes ayant chargé saint Bernard de composer une règle pour les chevaliers du Temple, le saint s'en déchargea sur Jean *Michaelensis*. C'est ainsi que l'explique D. Mabillon; et c'est effectivement son véritable sens. On disputera, si l'on veut, sur le terme de *scriba*, on soutiendra que Jean *Michaelensis* n'a été que comiste ou secrétaire, mais du moins est-il certain, qu'il n'est point fait mention dans le texte que saint Bernard ait composé aucune règle pour les Templiers. Quant à ceux qui pourraient prétendre que Jean *Michaelensis* ne se donne que la qualité de secrétaire, et non d'auteur, nous les prions de nous dire si la fonction que le concile de Troyes avait proposé à saint Bernard n'était que celle de scribe ou de secrétaire: or, Jean *Michaelensis* témoinne qu'il a rempli la fonction dont on avait voulu charger ce saint abbé, et qui lui était due, *cui creditum ac debitum hoc erat*. Il a donc composé lui-même la Règle, et n'a pas été un simple copiste. Il faut néanmoins avouer qu'il y a dans le premier texte une certaine obscurité, qui a pu donner occasion à Le Mire, Manrique et autres, de se tromper; mais un peu d'attention leur eût fait éviter cette méprise.

Pour ce qui est du second passage, il porte bien que le concile de Troyes ordonna qu'on dresserait une Règle pour les Templiers, mais l'auteur de la Règle n'y est désigné ni de loin, ni de près. Monsieur de Villefore, dans la Vie de saint Bernard (*Lib.* II, p. 124, 125), dit que ce projet de donner une règle à ces chevaliers parut vaste et merveilleux à tous les prélats assemblés; et que, pour faire honneur aux lettres du pape Honorius et du patriarche de Jérusalem, ils invitèrent Bernard à composer la Règle que ces chevaliers demandaient; mais il ne jugea pas à propos, ajoute monsieur de Villefore, de se charger de ce soin, et elle fut faite par un autre. Guillaume de Tyr (l. XII, c. 7), et Jacques de Vitri (l. I, c. 65) font mention de la Règle donnée aux chevaliers du Temple dans le concile de Troyes. Si saint Bernard en avait été l'auteur, ces deux historiens auraient-ils manqué de le dire? Cependant ils gardent un profond silence sur l'auteur. Un manuscrit de la bibliothèque Cottonienne porte que cette règle a été dressée et écrite par Jean *Michaelensis*, par ordre du concile et de saint Bernard. D'ailleurs Albéric, moine de Cîteaux, dit qu'on donna à ces chevaliers la Règle de saint Augustin; aussi le *Monasticon Anglicanum* les place-t-il sous l'ordre de Saint-Augustin. Il serait assez surprenant qu'un moine de Cîteaux, tel qu'Albéric, qui demeurait dans l'abbaye de Trois-Fontaines, peu éloigné de Clairvaux, eût ignoré que saint Bernard avait composé cette Règle, s'il en eût réellement été l'auteur.

Mais ce qui démontre sans réplique que la règle des Templiers ne peut être l'ouvrage de saint Bernard, c'est la différence qu'il y a entre le style de cette Règle et celui du saint abbé de Clairvaux. La Règle est

(1) « Sane autem prorsus, licet nostri dictaminis auctoritatem permaximus numerus religiosorum Patrum qui in illo concilio divina admonitione convenerunt, commendat; non tamen debemus silenter transire, quibus videntibus et veras sententias pro-

ferentibus, ego Joannes Michaelensis presentis paginæ, jussu concilii ac venerabilis abbatis Clairvaulensis, cui creditum ac debitum hoc erat, humiliter scriba esse divina gratia merui. »

remplie de termes barbares, et de la plus basse latinité ; on n'y voit rien de cette élévation d'esprit, de cette noblesse de style, de ce goût pour la piété, de cette onction, qui règnent dans tous les écrits de saint Bernard, et caractérisent ses véritables productions. Nous ne nous arrêterons pas davantage à combattre un sentiment qui se détruit par lui-même ; et il suffit de jeter les yeux sur l'ouvrage en question pour se convaincre qu'il n'est point de saint Bernard. Il est bien vrai que le concile de Troyes, pour entrer dans les vues du pape Honorius II et du patriarche de Jérusalem, voulant dresser une Règle pour les Templiers, jeta les yeux sur saint Bernard comme étant plus capable que tout autre de le bien faire. Mais le saint abbé s'en déchargea sur Jean Michaelensis qui la dressa pendant le concile même, puisqu'elle y fut lue et approuvée, comme l'assure l'auteur. Mais il y a eu depuis plusieurs additions. Elle consiste en soixante et douze chapitres, autant qu'il y en a dans la Règle de saint Benoît, dont l'auteur a emprunté plusieurs choses. Le but de cette Règle est d'allier la vie monastique avec la profession des armes. Il y est défendu de recevoir des enfants, de crainte qu'ils ne vissent dans la suite à se repentir de leurs engagements ; les chevaliers du Temple n'étaient encore en l'an 1128 qu'au nombre de neuf, dont six se présentèrent au concile de Troyes, ayant à leur tête Hugues des Payens leur premier grand maître : il est à présumer, qu'ils emportèrent avec eux en Palestine, où ils retournèrent l'année suivante, la Règle qu'on leur avait dressée. Elle a été publiée dans différents recueils. André Favin l'a donnée dans son *Théâtre d'honneur et de Chevalerie* (lib. iv, p. 16 ; 4, 1659), imprimé à Paris, chez Robert Foflet en 1620, in-4°. L'éditeur l'attribue à saint Bernard, quoique de son propre aveu, elle ne se trouve point parmi ses œuvres. Elle a été imprimée dans le Nécrologe de l'ordre de Cîteaux, avec une lettre de Baudouin, roi de Jérusalem, par laquelle ce prince prie saint Bernard de donner une Règle aux chevaliers du Temple : dans le *Fasciculus sanctorum ordinis Cisterciensis* de Chrysostome Henriquez, dans le dixième volume des conciles des Pères Labbe et Cossart, etc.

M. Le Bœuf (*Diss. sur l'hist. de Paris*, t. II, p. 419) parlant des compositeurs de chant ecclésiastique dans le XII<sup>e</sup> siècle, cite un certain Michalus fort vanté par le docteur Alain, comme ayant corrigé les erreurs commises dans cet art.

*Musica lætatur Michalo doctore, suosque  
Corrigit errores talè dictante magistro.*

Y aurait-il de la témérité à conjecturer que ce Michalus pourrait être le même que notre Jean Michaelensis. Du reste, ce musicien nous est absolument inconnu.

## JOANNIS MICHAELENSIS REGULA TEMPLARIORUM.

(LarBE Concil. X, 923.)

### CONCILIUM TRECENSE

In quo Templariis militibus, anno suæ institutionis nono, una cum Regula assignatus est habitus albus, anno Domini 1128, tempore Honorii papæ II.

### MONITUM.

(MABILL. *Annal. Bened.* l. LXXV, n. 28.)

Matthæus, ex priore S. Martini a Campis creatus ab Honorio cardinalis et episcopus Albanensis, sub finem anni superioris cum legati potestate in Galliam missus, ineunte hoc anno Trecentis concilium habuit

(2) Acta concilii, tempus et locum enarrans Ty-A eorum fratres inferiores, qui dicuntur servientes : rarius, lib. XII, cap. 7, ista scribit : « Concilio in quorum res adeo crevit in immensum, ut hodie Francia apud Trecentis habito, cui interfuerunt dominus Remensis, et dominus Senonensis archiepiscopi, albis chlamydibus indutos, exceptis aliis fratribus qui quorum pene infinitus est numerus. Possessiones apostolicæ sedis legatus, abbates quoque Cisterciensis autem tam ultra quam citra mare adeo dicuntur habere, ut jam non sit in orbe Christiano provincia, quæ prædictis fratribus honorum suorum portionem non contulerit, et regis opulentiis pares hodie dicantur habere copias. Qui, quoniam juxta Templum Domini, ut prædiximus, in palatio regio mansionem habent, fratres militiæ Templi dicuntur. Qui cum diu in honesto se conservaverunt proposito, professioni suæ satis prudenter satisfaciens, neglecta humilitate, quæ omnium virtutum custos esse dignoscitur, et in imo sponte sedens non habet unde

cui Rainaldus Remorum, et Henricus Senonum cum suis suffraganeis interfuere, multique abbates, in primis Stephanus Cisterciensis et Bernardus Claravallensis. Tempus habiti concilii discimus ex prologo Regulæ militum Templi, qui in illo concilio approbata fuit, *nimirum in solemnitate S. Hilarii, anno 1128 ab incarnato Filio Dei, ab inchoatione prædictæ militiæ nono*, quæ a magistro Hugone de Paganis sumpsit exordium. Hunc prologum scripsit, et Patrum sententias Joannes Michaelensis *jussu concilii ac venerabilis abbatis Claravallensis, cui creditum ac debitum hoc erat*, nempe ut scriba concilii esset. Idem auctor singulos episcopos et abbates commemorat qui concilio adfuere. Abbates hi sunt : *abbas Vezeliacensis, scilicet Raynaldus, qui non multo post factus est Lugdunensis archiepiscopus ac sanctæ Romanæ Ecclesiæ legatus ; abbas Cisterciensis, scilicet Stephanus : abbas Pontiniacensis Hugo, abbas Triumphontium Rogerius, cui Guido anno sequenti successit ; abbas S. Dionisii de Remis, abbas S. Stephani de Divione, abbas Molismensis Guido. Nec defuit supra nominatus abbas Bernardus Claravallensis, cujus sententiam præscripti libera voce collaudabant.* Hunc ad concilium repetitis litteris invitaverat Matthæus, excusantem quod *sævientis acutæ febris exusta ardoribus et exhausta sudoribus non valeret sufficere spiritui prompto caro infirma* (BERN. ep. XXI) ; sed tandem jubenti legato parentum fuit. Præter episcopos et abbates eidem etiam concilio interfuere Albericus Remensis et magister Fulgerius ; et ex laicis comes Theobaldus, comesque Nivernensis, et Andreas de Baudimento ; denique Augo militiæ magister cum uliquot e suis discipulis, qui modum et observantiam instituti sui Patribus exposuit. Placuit itaque concilio ut eorum Regula a Patribus examinata et approbata, scripto commendaretur. Quod a Joanne Michaelensi scriba concilii factum est. Hæc Regula fere tota ex verbis Regulæ S. Benedicti contexta est, constatque totidem capitulis, scilicet septuaginta duobus. Ejus auctor a plerisque creditur S. Bernardus ; at sufficit ei tribuere librum *De laude novæ militiæ, ad milites templi*, qui Hugoni magistro inscriptus est.

casum patiat, domino patriarchæ Hierosolymitano, a quo et ordinis institutionem et prima beneficia susceperant, se subtraxerunt, obedientiam ei, quam eorum prædecessores eidem exhibuerant, denegan-

tes ; sed et ecclesiis Dei, eis decimas et primitias subtrahentes, et earum indebite turbando possessiones, facti sunt valde molesti. »

# REGULA

## PAUPERUM COMMILITONUM CHRISTI

### TEMPLIQUE SALOMONICI.

#### PROLOGUS.

Omnibus in primis sermo noster dirigitur, quicumque proprias voluntates sequi contempnunt, et summo ac vero regi militare animi puritate cupiunt, ut obedientiæ armaturam præclaram assumere, intentissima cura implendo præoptent, et perseverando impleant. Hortamur itaque, qui usque nunc militiam sæcularem, in qua Christus non fuit causa, sed solo humano favore amplexati estis, quatenus horum unitati, quos Dominus ex massa perditionis elegit, et ad defensionem sanctæ Ecclesiæ gratuita pietate composuit, vos sociandos perenniter testnetis. Ante omnia autem, quicumque es, o Christi miles, tam sanctam conversationem eligens, te circa professionem tuam oportet puram adhibere diligentiam, ac firmam perseverantiam ; quæ a Deo tam digna, sancta et sublimis esse dignoscitur, ut si pure et perseveranter observetur, inter militantes, qui pro Christo animas suas dederunt, sortem obtinere mereberis. In ipsa namque refloruit jam et reluxit ordo militaris, qui despecto justitiæ zelo, non pauperes aut Ecclesias defensare, quod suum erat, sed rapere, spoliare, interficere contendebant.

Bene igitur nobiscum agitur, quibus Dominus et salvator noster Jesus Christus amicos suos a civitate sancta in continuum Franciæ et Burgundiæ direxit, qui pro nostra salute veræque fidei propagatione non cessant animas suas hostiam Deo placentem offerre. Nos ergo cum omni gratulatione ac fraterna pietate, precibusque magistri Hugonis, in quo prædicta militia sumpsit exordium, cum Spiritu sancto intimante, ex diversis Ultramontanæ provinciæ mansionibus in solemnitate sancti Hilarii anno 1128, ab incarnato Dei Filio, ab inchoatione prædictæ militiæ nono ad Treccas, Deo duce, in unum convenientes, modum et observantiam equestris ordinis per singula capitula ex ore ipsius magistri Hugonis audire meruimus, ac juxta notitiam exiguitatis nostræ scientiæ, quod nobis videbatur absurdum, omneque quod in præsentem concilio nequivit esse nobis memorabiliter relatum ac computatum, non levitate, sed consulte, providentiæ et discretioni venerabilis Patris nostri Honorii, ac inclyti patriarchæ Hierosolymitani ; Stephani, fertilitate ac necessitate non ignari orientalis religionis [f. regionis], nec non

pauperum commilitonum Christi, consilio communis capituli unanimiter commendavimus. Sane autem prorsus licet nostri dictaminis auctoritatem permaximus numerus religiosorum Patrum, qui in illo concilio divina admonitione convenerunt, commendat; non debemus silenter transire, quibus videntibus, et veras sententias proferentibus, ego Joannes Michaelensis præsentis paginæ, jussu concilii ac venerabilis abbatis Clarævallensis (3), cui creditum ac debitum hoc erat, humilis serina esse divina gratia merui.

*Nomina Patrum residentium in consilio Trecenti.*

Primus quidem resedit Matthæus Albanensis episcopus, Dei gratia sanctæ Romanæ Ecclesiæ legatus, deinde Rainaldus archiepiscopus Remensis, tertius Henricus archiepiscopus Senonensis, dehinc coepiscopi eorum, Ranchedus Carnotensis episcopus, Goffenus Suessionis episcopus, episcopus, Parisiensis, episcopus Trecenti, præsul Aurelianensis, episcopus Antisiodorensis, episcopus Meldensis, episcopus Catalaunensis, episcopus Laudunensis, episcopus Balvacensis, abbas Vezeliacensis, qui non multo post factus est Lugdunensis archiepiscopus, ac sanctæ Romanæ Ecclesiæ legatus; abbas Cisterciensis, abbas Pontiniacensis, abbas Trium Fontium, abbas sancti Dionysii de Remis, abbas sancti Stephani de Divione, abbas Moles.... [Molismensis]; supra nominatus; abbas Bernardus Clarævallensis non defuit, cujus sententiam prescripti libera voce collaudabant. Fuerunt autem et magister Albericus

A Remensis, et magister Fulgerius, ac complures alii, quod longum esset enumerare. Cæterum vero de non litteratis idoneum nobis videtur ut testes amatores veritatis adducantur in medium. Comes Theobaudus, comesque Nivernensis, ac Andreas de Bandimento, intentissima cura quod erat optimum scrutantes, quod eis videbatur absurdum temperantes, in concilio sic assistebant. Ipse vero magister militiæ, Hugo nomine, revera non defuit, et quosdam de fratribus suis secum habuit, verbi gratia, fratrem Godefridum, fratrem Rorallum, fratrem Gaudridum Bisol, fratrem Paganum de Monte Desiderii, Archembaudum de Sancto Amano. Iste vero magister Hugo cum suis discipulis modum et observantiam exiguæ inchoationis sui militaris ordinis, qui ab illo qui dicit: *Ego principium, qui et loquor vobis* (Joan. viii), sumpsit exordium, juxta memoriæ suæ notitiam supra nominatis Patribus intimavit. Placuit itaque concilio, ut consilium ibi lima et consideratione divinarum Scripturarum diligenter examinatum, tamen cum providentia papæ Romanorum ac patriarchæ Hierosolymitarum, nec non etiam assensu capituli pauperum commilitonum Templi, quod est in Jerusalem, scripto commendaretur, ne oblivioni traderetur, et inenodabiliter servaretur ut recto cursu ad suum conditorem, ejus dulcedo tam mel superat, et ei comparatum velut absynthium sit amarissimum, pervenire digne mereantur, præstante cui militat, et militare queant per infinita sæculorum sæcula. Amen.

## INCIPIT REGULA

### PAUPERUM COMMILITONUM SANCTÆ CIVITATIS

#### I. — *Qualiter divinum officium audiant.*

Vos quidem propriis voluntatibus abrenuntiantes, atque alii pro animarum salute vobiscum ad terminum cum equis et armis summo regi militantes, matutinas, et omne servitium integrum, secundum canonicam institutionem, ac regularium doctorum sanctæ civitatis consuetudinem, pio ac puro affectu audire universaliter studeatis. Idcirco vobis, venerabiles fratres, maxime debetur, quia præsentis vitæ luce despecta, contemptoque vestrorum corporum cruciati, sævientem mundum pro Dei amore vilescere perenniter promisistis; divino cibo refecti ac satiati, et dominicis præceptis erubiti et firmati, post mysterii divini consummationem nullus paveat ad pugnam, sed paratus sit ad coronam.

#### II. — *Quot orationes Dominicæ, si Dei servitium audire nequiverint, dicant.*

Cæterum, si aliquis frater negotio orientatis (3) S. Bernardum intellige.

Christianitatis forte remotus (quod sæpius evenisse non dubitamus) pro tali absentia Dei servitium non audierit: pro matutinis, tredecim orationes Dominicæ; ac pro singulis horis, septem; sed pro vespere, novem dicere collaudamus, ac libera voce unanimiter affirmamus. Isti etenim in salutifero labore ita directi, non possunt accedere hora competenti ad divinum officium. Sed, si fieri potest, horæ constitutæ non prætereant ante institutum debitum.

#### III. — *Quid agendum pro fratribus defunctis.*

Quando vero quilibet fratrum remanentium, morti, quæ nulli parcit, impendit quod est impossibile auferri: capellani ac clericis vobiscum ad terminum charitative summo sacerdoti servientibus, creditum officium et missam solemniter pro ejus anima Christo animi puritate jubemus offerre, fratres autem ibi astantes, et in orationibus pro fratris defuncti salute pernoctantes, centum orationes Domi-

aque ad diem septimum pro fratre defuncto A  
unt; ab illo die quo eis obitus fratris denun-  
uerit, usque ad prædictum diem, centenarius  
s perfectionis integritatem cum fraterna ob-  
ne habeat. Adhuc nempe divina ac miseri-  
zaritate deprecamur, atque pastorali auctori-  
emus, ut quotidie, sicuti fratri in vicibus  
et debetur, ita quod est necessarium susten-  
hujus vitæ, in cibo et potu tantum, cuidam  
donec ad quadragesimum diem impendatur.  
enim alias oblationes, quas in morte fratrum,  
sibili solemnitate, cæterisque solennitatibus,  
pauperum commilitonum Christi spontanea  
as indiscrete reddere consueverat, omnino  
inus.

capellani victum et vestitum tantum habeant. B

vero oblationes, et omnia elemosynarum  
quoquo modo flant, capellanis, vel aliis ad  
manentibus, unitati communis capituli red-  
ervigili cura præcipimus. Servitores itaque  
victum et amictum, secundum auctoritatem  
habeant, et nihil amplius habere præsumant,  
gistri sponte charitative dederint.

e militibus defunctis qui sunt ad terminum.

namque milites in domo Dei, templique  
nis, ad terminum misericorditer nobiscum  
s. Unde ineffabili miseratione vos rogamus,  
mur, et ad ultimum obnixè jubemus, ut si  
tremenda potestas ad ultimum diem aliquem  
rit, divino amore, ac fraterna pietate, ser-  
les sustentationis, pro anima ejus, quidam  
habeat.

It nullus frater remanens oblationem faciat.

vimus, ut superius dictum est, quod nullus  
remanentium aliam oblationem agere præ-  
sed die noctuque mundo corde in sua pro-  
maneat, ut sapientissimo prophetarum in  
equipollere valeat: *Calicem salutaris acci-  
sal. cxv*), et in morte mea mortem Domini  
r: quia sicut Christus pro me animam suam  
ta et ego pro fratribus animam ponere sum  
. Ecce competentem oblationem: ecce ho-  
iventem Deoque placentem.

VII. — *De immolerata statione.*

autem acribus nostris verissimus testis in-  
videlicet immolerata statione et sine men-  
ndo divinum officium vos audire: ita fieri  
cepimus, imo vituperamus: sed finito psal-  
uite exsultemus Domino, cum invitatorio et  
omnes sedere tam fortes quam debiles, pro-  
ndalum evitaudum, nos jubemus. Vobis vero  
ibus, unoquoque psalmo finito, in recita-  
oria Patri, de aedibus vestris ad altaria  
ndo, ob reverentiam sanctæ Trinitatis ibi  
æ, surgere, et debilibus inclinare demonstra-  
etiam in recitatione evangelii, et ad *Te-  
udamus*, et per totas laudes, donec finito  
mus Domino, stare ascribimus, et eandem

regulam in matutinis sanctorum Mariæ teneri jube-  
mus.

VIII. — *De refectioe conventus.*

In uno quidem palatio, sed melius dicitur refecto-  
rio, communiter vos cibum accipere credimus, ubi,  
quando aliquid necessarium fuerit, pro signorum  
ignorantia, leniter ac privatim quærere oportet.  
Sic omni tempore quæ vobis necessaria sunt cum  
omni humilitate et subiectione reverentiæ petite ad  
mensam, cum Apostolus dicat: *Panem tuum cum  
silentio manduca (II Thess. III)*. Et Psalmista vos  
animare debet, dicens: *Posui ori meo custodiam*,  
id est apud me deliberavi, *ut non delinquerem in  
lingua (Psal. XXXVIII)*, id est, custodiebam os meum  
ne male loquerer.

IX. — *De lectione.*

In prandio et cœna semper sit sancta lectio reci-  
tata. Si Dominum diligimus, salutifera ejus verba  
atque præcepta intentissima aure desiderare debe-  
mus. Lector autem lectionum vobis indicat silen-  
tium.

X. — *De carnis refectioe.*

In hebdomada namque, nisi Natalis dies Domini,  
vel Pascha, vel festum sanctæ Mariæ, aut Omnium  
Sanctorum evenerit, vobis ter refectio carnis suffi-  
ciat: quia assueta carnis comestio intelligitur hono-  
rosa [*f. onerosa*] corruptio corporum. Si vero in die  
Martis tale jejunium evenerit, ut esus carnis retra-  
hatur, in crastino abundanter vobis impendatur. Die  
autem Dominico omnibus militibus remanentibus, nec  
non capellanis, duo fercula in honorem sanctæ resur-  
rectionis bonum et idoneum indubitanter videtur. Alii  
autem, videlicet armigeri et clientes, uno contenti-  
um gratiarum actione permanent.

XI. — *Qualiter manducare milites debeant.*

Duos et duos manducare generaliter oportet, ut  
solertè unus de altero provideat, ne asperitas vitæ,  
vel furtiva abstinentia in omni prandio intermiscer-  
tur. Hoc autem juste judicamus, ut unusquisque  
miles aut frater æqualem et æquipollentem vini  
mensuram per se solus habeat.

XII. — *Ut aliis diebus duo aut tria leguminum fercula  
sufficiant.*

Aliis nam diebus, videlicet secunda et quarta fe-  
ria, necnon et Sabbato, duo aut tria leguminum  
vel aliorum ciborum fercula, aut, ut ita dicam, cocta  
pulentaria, omnibus sufficere credimus; et ita  
teneri jubemus, ut forte qui ex uno non potuerit  
edere, ex alio reficiatur.

XIII. — *Quo cibo sexta feria reficere oportet.*

Sexta autem feria cibum quadragesimalem ob  
reverentiam passionis omni congregationi, remota  
infirmorum imbecillitate, semel sufficere a festo  
Omnium Sanctorum usque in Pascha, nisi natalis  
dies Domini vel festum sanctæ Mariæ aut apostolo-  
rum evenerit, collaudamus. Alio vero tempore, nisi  
generale jejunium evenerit, bis reficiantur.

XIV. — *Post refectionem semper gratis referunt.*

Post prandium vero et cœnam semper in ecclesiâ,



si prope est, vel si ita non est, in eodem loco, summo procuratori nostro, qui est Christus, gratias, ut decet, cum humiliato corde referre inenodabiliter præcipimus; famulis aut pauperibus fragmenta, panibus tamen integris reservatis, distribuere fraternam charitate debent et jubentur.

XV. — *Ut decimus panis semper eleemosynario detur.*

Licet paupertatis præmium, quod est regnum caelorum, pauperibus procul dubio debeatur, vobis tamen, quos Christiana fides de illis indubitanter fatetur, decimum totius panis quotidie eleemosynario vestro dare jubemus.

XVI. — *Ut collatio sit in arbitrio magistri.*

Cum vero sol orientalem regionem deserit, et ad Iberniam [f. Iberiam] descendit, audito signo, ut est ejusdem regionis consuetudo, omnes ad completas oportet incedere vos, ac prius generalem collationem sumere peroptamus. Hanc autem collationem in dispositione et arbitrio magistri ponimus, ut quando voluerit de aqua, et quando jubebit misericorditer ex vino temperato competenter recipiatur. Verum hoc non ad nimiam satiætam oportet et in luxu fieri, sed parcius, quia apostatare etiam sapientes videmus.

XVII. — *Ut finitis completis silentium teneatur.*

Finitis itaque completis ad stratum ire oportet. Fratribus igitur a completoriis exeuntibus nulla sit denuo licentia loqui in publico, nisi necessitate cogente; armigero autem suo quæ dicturus est, leniter dicat. Est vero forsitan ut in tali intervallo vobis de completorio exeuntibus, maxima necessitate cogente, de militari negotio, aut de statu domus nostræ, quia dies ad hoc vobis sufficere non creditur, cum quadam fratrum parte ipsum magistrum, vel illum cui domus dominium post magistrum est debitum, oporteat loqui. Hoc autem ita fieri jubemus, et ideo quia scriptum est: *In multiloquio non effugies peccatum* (Prov. x), et alibi: *Mors et vita in manibus linguæ* (Prov. xviii). In illo colloquio scurrilitates et verba otiosa ac risum moventia omnino prohibemus, et vobis ad lectulum euntibus Dominicam orationem, si aliquis quid stultum est locutus, cum humilitate et puritatis devotione dicere jubemus.

XVIII. — *Ut fatigati ad matutinas non surgant.*

Fatigatos nempe milites non ita, ut vobis est manifestum, surgere ad matutinas collaudamus; sed assensu magistri, vel illius cui creditum fuerit a magistro, eos quiescere, et tredecim orationes constitutas sic cantare, ut mens ipsorum voci concordet, juxta illud Prophetæ: *Psallite Domino sapienter* (Psal. XLVIII); et illud: *In conspectu angelorum, psallam tibi* (Psal. CXXXVII); vos unanimes collaudamus. Hoc autem in arbitrio magistri semper consistere debet.

XIX. — *Ut communitas victus inter fratres servetur.*

Legitur in divina pagina: *Dividebatur singulis, prout cuique opus erat* (Act. ii). Ideo non dicimus, ut sit personarum acceptio sed infirmitatum debet

esse consideratio. Ubi autem qui minus indiget, agat Deo gratias, et non constrietur; qui vero indiget humiliet se pro infirmitate, non extollatur pro misericordia, et ita omnia membra erunt in pace. Hoc autem prohibemus, ut nulli immoderatam abstinentiam amplecti liceat, sed communem vitam instanter teneant.

XX. — *De qualitate et modo vestimenti.*

Vestimenta autem unius coloris semper esse jubemus, verbi gratia alba, vel nigra, vel, ut ita dicam, burella. Omnibus autem militibus professis in hieme et in æstate, si fieri potest, alba vestimenta concedimus, ut qui tenebrosam vitam postposuerint, per liquidam et albam suo conditori se reconciliari agnoscant. Quid albedo, nisi integra castitas? Castitas securitas mentis, sanitas corporis est. Nisi enim unuquisque miles castus perseveraverit, ad perpetuam requiem venire, et Deum videre non poterit; testante apostolo Paulo: *Pacem sectamini cum omnibus et castimoniam, sine qua nemo videbit Dominum* (Hebr. xii). Sed quia hujusmodi indumentum, arrogantiae ac superfluitatis æstimatione carere debet: talia habere omnibus jubemus, ut solus leniter per se vestire et exuere, et calceare ac discalceare valeat. Procurator hujus ministerii pervigili cura hoc vitare præsumat, ne nimis longa aut nimis curta, sed mensurata ipsis utentibus, secundum uniuscujusque quantitatem, suis fratribus tribuat. Accipientes itaque nova, vetera semper reddant in præsentem, reponenda in camera, vel ubi frater, cujus est ministerium, decreverit, propter armigeros et clientes, et quandoque pro pauperibus.

XXI. — *Quod famuli vestimenta alba, hoc est pallia, non habeant.*

Hoc nempe, quod erat in domo Dei ac suorum militum Templi, sine discretionem ac concilio communis capituli, obnixè contradicimus, et funditus quasi quoddam vitium peculiare amputare præcipimus. Habebant enim olim famuli et armigeri alba vestimenta, unde veniebant damna importabilia. Surrexerunt namque in ultramontanis partibus quidam pseudofratres, conjugati et alii, dicentes se esse de Templo, cum siat de mundo. Hi nempe tantas contumelias totque damna militari ordini acquisierunt, et clientes remanentes plurima scandala oriri inde superbiendo fecerunt. Habeant igitur assidue nigra: sed si talia non possint invenire, habeant qualia inveniri possunt in illa provincia qua degunt, aut quod vilius unius coloris comparari potest, videlicet burella.

XXII. — *Quod milites remanentes tantum alba habeant.*

Nulli ergo concessum est candidas chlamydes deferre, aut alba palla habere, nisi nominatis militibus Christi.

XXIII. — *Ut pellibus agnorum utantur.*

Decrevimus communi consilio, ut nullus frater remanens, pelles perenniter, aut pelliciam, vel aliquid tale, quod ad usum corporis pertineat, etiam-

que coopertorium, nisi agnorum vel arietum, habeat.

XXIV. — *Ut vetusta armigeris dividantur.*

Procurator vel dator pannorum omni observantia veteres semper armigeris et clientibus, et quandoque pauperibus, fideliter æqualiterque erogare intendat.

XXV. — *Cupiens optima, deteriora habeat.*

Si aliquis frater remanens, ex debito, aut ex motu superbiæ, pulchra vel optima habere voluerit, ex tali præsumptione procul dubio vilissima merebitur.

XXVI. — *Ut quantitas et qualitas vestimentorum servetur.*

Quantitatem secundum corporum magnitudinem largitatemque vestimentorum observare oportet: dator pannorum sit in hoc curiosus.

XXVII. — *Ut dator pannorum in primis æqualitatem servet.*

Longitudinem, ut superius dictum est, cum æquali mensura, ne vel susurronum vel eominatorum [f. criminatorum] aliquid oculos notare præsumat, procurator fraterno intuitu consideret, et in omnibus supradictis, Dei retributionem humiliter cogitet.

XXVIII. — *De superfluitate capillorum.*

Omnes fratres, remanentes principaliter, ita tonsos habere capillos oportet, ut regulariter ante et retro, et ordinate, considerare possint; et in barba, et in grænnionibus eadem regula indeclinabiliter observetur, ne superfluitas, aut faciliæ vitium denotetur.

XXIX. — *De rostris et laqueis.*

De rostris et laqueis manifestum est esse gentilitium. Et cum abominabile hoc omnibus agnoscat, prohibemus et contradicimus, ut aliquis ea non habeat, imo prorsus careat. Aliis autem ad tempus famulantibus, rostra, et laquea, et capillorum superfluitatem et vestium immoderatam longitudinem, habere non permittimus, sed omnino contradicimus. Servientibus enim summo conditori munditia interius exteriusque valde necessaria, eo ipso attestante, qui ait: *Estote mundi, quia ego mundus sum.*

XXX. — *De numero equorum et armigerorum.*

Unicuique vestrorum militum tres equos licet habere, quia domus Dei templique Salomonis eximia paupertas amplius non permittit impræsentiarum augere, nisi cum magistri licentia.

XXXI. — *Nullus armigerum gratis servientem feriat.*

Solum autem armigerum singulis militibus eadem causa concedimus. Sed si gratis et charitative ille armiger cuiquam militi fuerit, non licet ei eum verberare, nec etiam qualibet culpa percutere.

XXXII. — *Qualiter ad tempus remanentes recipiantur.*

Omnibus militibus servire Jesu Christo animi puritate in eadem domo ad terminum cupientibus,

et equos in tali negotio quotidiano idoneos, et arma, et quidquid ei necessarium fuerit, emere fideliter jubemus. Deinde vero, ex utraque parte æqualiter servata, bonum et utile appreciari equos judicavimus. Habeatur itaque pretium in scripto, ne tradatur oblivioni: et quidquid militi, vel ejus equis, vel armigero, erit necessarium, adjunctis et ferris equorum secundum facultatem domus, ex eadem domo fraterna charitate impendatur. Si vero interim equos suos miles aliquo eventu in hoc servitio amisit, magister, prout facultas domus hoc exigit, alios administrabit. Adveniente autem termino repatriandi, medietatem pretii ipse miles divino amore concedat, alteram ex communi fratrum, si ei placet, recipiat.

B XXXIII. — *Quod nullus juxta propriam voluntatem incedat.*

Convenit his nempe militibus, qui nihil sibi Christo charius existimant, propter servitium, secundum quod professi, et propter gloriam summæ beatitudinis, vel metum gehennæ, ut obedientiam indesinenter magistro teneant. Tenenda est itaque, ut mox, ubi aliquid imperatum a magistro fuerit, vel ab illo cui magister mandatum dederit, sine mora, ac si divinitus imperetur, moram pati nesciant in faciendo. De talibus enim ipsa Veritas dicit: *Ab auditu auris obedivit mihi (Psal. xvii).*

XXXIV. — *Si licet ire per villam sine jussu magistri.*

Ergo hospitales milites propriam voluntatem relinquentes, et alios ad terminum servientes, deprecamur, et firmiter eis jubemus, ut sine magistri licentia, vel cui creditum hoc fuerit, in villam ire non præsumant, præterquam noctu ad sepulcrum, et ad stationes quæ intra muros sanctæ civitatis continentur.

XXXV. — *Si licet eum ambulare solum.*

Hi vero ita ambulantes, non sine custode, id est milite aut fratre remanente, nec in die nec in nocte iter inchoare audeant. In exercitu namque postquam hospitati fuerint, nullus miles, vel armiger, aut alius, per atria aliorum militum causa videndi, vel cum aliquo loquendi, sine jussu, ut dictum est superius, incedat. Itaque consilio affirmamus, ut in tali domo ordinata a Deo, nullus secundum proprietatem militet aut quiescat: sed secundum magistri imperium totus sic incumbat, ut illam Domini sententiam imitari valeat, qua dicit: *Non veni facere voluntatem meam, sed ejus qui me misit (Joan. v).*

XXXVI. — *Ut nullus nominatim quod ei necessarium erit quærat.*

Hanc proprie consuetudinem inter cætera ascribere jubemus, et cum omni consideratione ob quærendi vitium teneri præcipimus. Nullus igitur frater remanens, assignanter et nominatim equum aut equitaturam, vel arma quærare debet. Quomodo ergo? Si vero ejus infirmitas, aut equorum suorum debilitas, vel armorum suorum gravitas, talis

esse agnoscitur, ut sic incedere sit damnum commune, veniat magistro, vel cui est debitum ministerium post magistrum, et causam vera fide et pura ei demonstret; inde namque in dispositione magistri, vel post eum procuratoris, res se habeat.

XXXVII. — *De frenis et calcaribus.*

Nolumus ut omnino aurum vel argentum, quæ sunt divitiæ peculiares, in frenis et pectoralibus, nec calcaribus, vel in strevis, unquam appareant, nec alicui fratri remanenti emere liceat. Si vero charitative talia vetera instrumenta data fuerint, aurum vel argentum taliter coloretur, ne splendidus color vel decor cæteris arrogantia videantur. Si nova data fuerint, magister de talibus quod voluerit faciat.

XXXVIII. — *Tegimen in hastis et clypeis non habeatur.*

Tegimen autem in clypeis et hastis, et furellis in lanceis, non habeatur, quia hoc non proficuum, imo damnum nobis intelligitur.

XXXIX. — *De licentia magistri.*

Licet magistro cuiquam dare equos, vel arma, vel quamlibet rem cuilibet dare.

XL. — *De mala et sacco.*

Sacculus et mala cum firmatura non conceduntur; sic exponentur, ne habeant absque magistri licentia, vel col creduntur domus post eum negotia. In hoc præsentii capitulo procuratores et per diversas provincias degentes non continentur, nec ipse magister intelligitur.

XLI. — *De legatione litterarum.*

Nullatenus cuiquam fratrum liceat a parentibus suis, neque a quoquam hominum, nec sibi invicem, accipere vel dare, sine jussu magistri vel procuratoris. Postquam licentiam frater habuerit, in præsentia magistri, si ei placet, legantur. Si vero et a parentibus ei quidquam directum fuerit, non præsumat suscipere illud, nisi prius indicatum fuerit magistro. In hoc autem capitulo magister et domus procuratores non continentur.

XLII. — *De fabulatione propriarum culparum.*

Cum omne verbum otiosum generare agnoscat peccatum, quid ipsi jactantes de propriis culpis ante districtum judicem dioturi sunt? Ostendit certe propheta, si a bonis eloquiis propter taciturnitatem debet interdum taceri, quanto magis a malis verbis propter pœnam peccati debet cessari. Vetamus igitur et audacter contradicimus, ne aliqua frater remanens, ut melius dicam, stultitias, quas in sæculo in militari negotio tam enormiter egit, et carnis delectationes miserrimarum mulierum, cum fratre suo, vel alio aliquo, vel de alio commemorare audeat; et, si forte referentem aliquem talia audierit, obmutescere faciat, vel quantocius poterit oïto pede obedientiæ inde discedat, et olei venditori aurem cordis non præbeat.

XLIII. — *De quæstu et acceptione.*

Verum animvero si aliqua res sine quæstu cui-

libet fratri data gratis fuerit, deferat magistro vel dapifero; si vero aliter suus amicus vel parens dare nisi ad opus suum noluerit, hoc prorsus non recipiat, donec licentiam a magistro suo habeat. At cui res data fuerit, non pigeat illi, si alteri datur, imo pro certo sciat, quia si inde irascitur contra Deum agit. In hac autem prædicta regula ministratoris non continentur, quibus specialiter hoc ministerium debetur et conceditur de mala et sacco.

XLIV. — *De manducariis equorum.*

Utilis res est cunctis, hoc præceptum a nobis constitutum ut indeclinabiliter amodo teneatur. Nullus autem frater facere præsumat manducaria linea vel lanea, idcirco principaliter facta; nec habeat ulla, excepto profinello.

XLV. — *Ut cambiare vel quærere nullus audeat.*

Nunc aliquid restat, ut nullus præsumat cambiare sua, frater cum fratre, sine licentia magistri; et aliq. id quærere, nisi frater fratri, et sit res parva, vilis, non magna.

XLVI. — *Ut nullus avem cum ave capiat, nec cum capiente incedat.*

Quod nullus hactenus avem cum ave accipere audeat nos communiter judicamus. Non convenit enim religioni sic cum mundanis delectationibus inhærere, sed Domini præcepta libenter audire, orationibus frequenter incumbere, mala sua cum lacrymis vel gemitu quotidie in oratione Deo confiteri. Cum homine quidem talia operante cum accipit, vel alia ave, nullus frater remaneat hac principali causa ire præsumat.

XLVII. — *Ut nullus feram arcu vel balista percussat.*

Cum omni religione ire decet, simpliciter, et sine risu, humiliter, et non multa verba, sed rationalia loqui, et non sic clamosa in voce. Specialiter injungimus et præcipimus omni fratri professo, ne in bosco cum arcu aut balista aut jaculari audeat: nec cum illo qui hoc fecerit ideo pergat, nisi gratia eum custodiendi a perfido gentili, nec cum cane sit ausus clamare vel garrulare; nec equum suum, cupiditate accipiendi feram, pungat.

XLVIII. — *Ut leo semper feriatur.*

Nam est certum, quod vobis specialiter creditum est et debitum, pro fratrilus vestris animas ponere. atque incredulos, qui semper Virginis Filio militantur, de terra delere. De leone enim hoc legimus quia ipse circuit, quærens quem devoret (I Petr. v); et manus ejus contra omnes, omniumque manus contra eum (Gen. xvi).

XLIX. — *De omni re super vos quæsitâ judicium audite.*

Novimus quidem persecutores sanctæ Ecclesiæ innumerabiles esse, et hos, qui contentionem non amant, incessanter crudeliusque inquietare festinant. In hoc igitur concilii sententia serena consideratione pendeat, ut si aliquis in partibus orientalis regionis, aut in quocunque alio loco, super vos rem aliquam quæsierit vobis per fideles et vari

amatores iudices audire iudicium præcipimus; et quod justum fuerit, indeclinabiliter vobis facere præcipimus.

L. — *Ut hæc regula in omnibus teneatur.*

Hæc eadem regula, in omnibus rebus vobis immerito ablatis, perenniter jubemus ut teneatur.

LI. — *Quod licet omnibus militibus professis terram et homines habere.*

Divina, ut credimus, providentia a vobis in sanctis locis sumpsit exordium hoc genus novum religionis, ut videlicet religioni militiam admisceretis, et sic religio per militiam armata procedat, hostem sine culpa feriat. Jure igitur judicamus, cum milites Templi dicamini, vos ipsos, ob insigne meritum et speciale probitatis, domum, terram et homines habere, et agricolas possidere, et justè eos regere, et institutum debitum vobis specialiter debetur impendi.

LII. — *Ut de male habentibus cura pervigil habeatur,*

Male habentibus fratribus supra omnia adhibenda est cura pervigil, ut quasi Christo eis serviatur: ut illud Evangelium: *Infirmus fui, et visitastis me,* memoriter teneatur. Hi etenim diligenter ac patienter portandi sunt, quia de talibus superna retributio indubitanter acquiritur.

LIII. — *Ut infirmis necessaria semper dentur.*

Procuratoribus vero infirmantium omni observantia atque pervigili cura præcipimus, ut quæcunque sustentationi diversarum infirmitatum sunt necessaria, fideliter ac diligenter juxta domus facultatem eis administrent, verbi gratia, carnem et volatilia, et cætera, donec sanitati restituantur.

LIV. — *Ut alter alterum ad iram non provocet.*

Præcavendum nempe non modicum est, ne aliquis aliquem commovere ad iram præsumat: quia propinquitatis et divinæ fraternitatis tam pauperes quam potentes, summa clementia æqualiter astrinxit.

LV. — *Quomodo fratres conjugati habeantur.*

Fratres autem conjugatos hoc modo habere vobis permittimus: ut, si fraternitatis vestræ beneficium et participationem petunt, uterque suæ substantiæ portionem, et quidquid amplius acquisierint, unitati communis capituli post mortem concedant, et interim honestam vitam exerceant, et bonum agere fratribus studeant, sed veste candida, et chlamyde alba non incendant. Si vero maritus ante obierit, partem suam fratribus relinquat: et conjux de altera, vitæ sustentamentum habeat. Hoc enim injustum consideramus, ut cum fratribus Deo castitatem promittentibus fratres hujusmodi in una eademque domo maneant.

LVI. — *Ut amplius sorores non habeantur.*

Sorores quidem amplius periculosum est coadunare, quia antiquus hostis femineo consortio complures expulsi a recto tramite paradisi. Itaque, fratres charissimi, ut integritatis flos inter vos semper appareat, hac consuetudine a modo uti non licet.

LVII. — *Ut fratres Templi cum excommunicatis non participant.*

Hoc, fratres, valde cavendum atque timendum est, ne aliquis ex Christi militibus homini excommunicato nominatim ac publice, aliquo modo se jungere, aut res suas accipere præsumat, ne anathema maranatha similiter fiat. Si vero interdictus tantum fuerit, cum eo participationem habere, et rem suam caritative accipere, non immerito licebit.

LVIII. — *Qualiter milites sæculares recipiantur.*

Si quis miles ex massa perditionis, vel alter sæcularis, sæculo volens renuntiare, vestram communionem et vitam velit eligere, non ei statim assentiantur, sed juxta illud Pauli, *probate spiritus si ex Deo sunt*, et sic ei ingressus concedatur. Legatur igitur regula in ejus præsentia: et si ipse præceptis expositæ Regulæ diligenter obtemperaverit, tunc si magistro et fratribus eum recipere placuerit, convocatis fratribus desiderium et petitionem suam cunctis animi puritate patefaciat. Deinde vero terminus probationis in consideratione et providentia magistri, secundum honestatem vitæ petentis, omnino pendeat.

LIX. — *Ut omnes fratres ad secretum consilium non vocentur.*

Non semper omnes fratres ad consilium convocare jubemus: sed quod idoneos et consilio providos magister cognoverit. Cum autem de majoribus tractare voluerit, ut est dare communem terram, vel de ipso ordine disceptare, aut fratrem recipere; tunc omnem congregationem, si magistro placet, convocare est competens; auditoque communis capituli consilio, quod melius et utilius magister consideraverit, illud agatur.

LX. — *Quod cum silentio orare debeant.*

Orare fratres, prout animi et corporis affectus postulaverit, stando vel sedendo, tamen summa cum reverentia, simpliciter, et non clamose, ut unus alium non conturbet, communi consilio jubemus.

LXI. — *Ut fidem servientium accipiant.*

Agnovimus nempe complures ex diversis provinciis, tam clientes, quam armigeros, pro animarum salute animo ferventi ad terminum cupientes in domo nostra mancipari. Utile est autem, ut fidem eorum recipiatis, ne forte veteranus hostis in Dei servitio aliquid furtive vel indecenter eis intimet, vel a bono proposito repente exterminet.

LXII. — *Ut pueri, quoad sunt parvi, non accipiantur inter fratres Templi.*

Quamvis regula sanctorum Patrum pueros in congregatione permittat habere, nos de talibus non collaudamus vos unquam onerare. Qui vero filium suum, vel propinquum, in militari religione perenniter dare voluerit, usque ad annos, quibus viriliter armata manu possit inimicos Christi de terra sancta delere, eum nutriet; dehinc secundum regulam in medio fratrum pater vel parentes eum statuunt, et suam petitionem cunctis patefaciant. Melius est enim

in pueritia non vivere, quam, posteaquam vir factus fuerit, enormiter retrahere.

LXIII. — *Ut senes semper venerentur.*

Senes autem pia consideratione secundum virum imbecillitatem supportare ac diligenter honorare oportet: et nullatenus in his quæ corporis sunt necessaria districte teneantur, salva tamen auctoritate Regulæ.

LXIV. *De fratribus qui per diversas provincias proficiscuntur.*

Fratres vero qui per diversas provincias diriguntur, Regulam, in quantum vires expetunt, servare in cibo et potu et cæteris studeant, et irreprehensibiliter vivant, ut ab his qui foris sunt bonum testimonium habeant, religionis propositum nec verbo nec actu polluant, sed maxime omnibus, quibus se conjunxerint, sapientiæ et honorum operum exemplum et condimentum præbeant. Apud quem hospitari decreverint, fama optima sit decoratus: et, si fieri potest, domus hospitis in illa nocte non careat lumine, ne tenebrosus hostis occisionem, quod absit inferat. Ubi autem milites non excommunicatos congregari audierint, illuc pergere, non considerantes tam temporalem utilitatem quam æternam animarum illorum salutem, dicimus. Illis autem fratribus in ultramarinis partibus spe subvectionis ita directis, hac conventionem eos qui militari ordini se jungere perenniter voluerint recipere collaudamus: ut in præsentia episcopi illius provincie uterque conveniat, et voluntatem potentis præsul audiat. Audita itaque petitione, mittat eum frater ad magistrum et ad fratres qui sunt in Templo quod est in Jerusalem, et si vita ejus est honesta talique consortio digna, misericorditer suscipiatur, si magistro et fratribus bonum videtur. Si vero interim obierit, pro labore et fatigatione, quasi uni ex fratribus, totum beneficium et fraternitas pauperum et commilitonum Christi ei impendatur.

LXV. — *Ut victus æqualiter omnibus distribuatur.*

Illud quoque congrue et rationabiliter manutenendum censemus, ut omnibus fratribus remanentibus victus secundum loci facultatem æqualiter tribuatur: non enim est utilis personarum acceptio, sed infirmitatum necessaria est consideratio.

LXVI. — *Ut milites Templi decimas habeant.*

Credimus namque relictis affluentibus divitiis vos spontaneæ paupertati esse subjectos, unde decimas vobis communi vita viventibus juste habere hoc modo demonstravimus. Si Episcopus Ecclesie, cui decima juste debetur, vobis charitative eam dare voluerit, assensu communis capituli de illis decimis quas tunc Ecclesia possidere videtur vobis tribuere debet. Si autem laicus quilibet adhuc illam vel ex patrimonio suo damnabiliter amplectitur, et seipsum in hoc valde redarguens, vobis eandem reliquerit, ad nutum ejus qui præest tantum, sine consensu capituli id agere potest.

LXVII. — *De levibus et gravibus culpis.*

Si aliquis frater loquendo, vel militando, aut ali-

ter, aliquid leve deliquerit, ipse ultro delictum suum satisfaciendo magistro ostendat. De levibus, si consuetudinem non habeant, levem poenitentiam habeat. Si vero eo tacente per aliquem alium culpa cognita fuerit, majori et evidentiore subjaceat disciplinæ et emendationi. Si autem græve erit delictum, retrahatur a familiaritate fratrum, nec cum illis simul in eadem mensa edat, sed solus refectionem sumat. Dispensationi et iudicio magistri totum incumbat, ut salvus in iudicii die permaneat.

LXVIII. — *Qua culpa frater non amplius recipiatur.*

Ante omnia providendum est ne quis frater potens aut impotens, fortis aut debilis, volens se exaltare et paulatim superbire, ac culpam suam defendere indisciplinatus maneat: sed, si emendare noluerit, ei districtior correptio accedat. Quod si piis admonitionibus, et fisis pro eo orationibus, emendare noluerit, sed in superbia magis ac magis se creverit, tunc, secundum Apostolum, de pio eradicetur grege: *Auferle malum ex vobis (I Cor. v)*; necesse est ut a societate fratrum fidelium ovis morbida removeatur. Cæterum magister, qui baculum et virgam manu tenere debet (baculum videlicet, quo aliorum virium imbecillitates sustentet, virgam quoque qua vitia delinquentium zelo rectitudinis feriat), consilio patriarchæ et spiritali consideratione id agere studeat, ne, ut ait beatus Maximus, aut soluiior lenitas cohibentiam peccantis, aut immoderata severitas a lapsu non revocet delinquentem.

LXIX. — *Ut a Paschali solemnitate usque ad festum Omnium Sanctorum unam camisiam lineam tantum sumere habeat.*

Interea, pro nimio ardore orientalis regionis, misericorditer consideramus, ut a Paschali festivitate usque ad Omnium Sanctorum solemnitatem unicuique una camisiam lineam tantum, non ex debito, sed solo gratia detur, illi dico qui ea uti voluerit: alio autem tempore generaliter omnes camisias laneas habeant.

LXX. — *Quot et quales panni in lecto sint necessarii.*

Singulorum quidem, non aliter, per singula lecta dormientium dormire, nisi per maxima causa vel necessitas evenerit, communi consilio collaudamus. Lectualia vel lectisternia moderata dispensatione magistri unusquisque habeat: credimus enim fortius saccum, culcitram, et coopertorium unicuique sufficere. Qui vero ex his uno carebit, carpitam habeat, et in omni tempore tegmine lineo, id est veluso, frui bene licebit: vestiti autem camisiam dormiant, et cum femoralibus semper dormiant. Dormientibus itaque fratribus, jugiter usque mane nunquam desit lucerna.

LXXI. — *De vitanda murmuratione.*

Æmulationes, invidias, livorem, murmur, susurationes, detractiones, divina admonitione, vitare, et quasi quamdam pestem fugere, vobis præcipimus. Studeat igitur unusquisque vigilante animo, ne fratrem suum culpet aut reprehendat, sed illuc

Apostoli studiose secum animadvertat : *Ne sis criminator, nec susurro in populo* (Levit. xix). Cum autem fratrem liquido aliquid peccasse agnoverit, pacifice et fraterna pietate, juxta Domini præceptum, inter se et illum solum corripiat : et, si cum non audierit, alium fratrem adhibeat : sed si utrumque contempserit, in conventu publice objurgetur coram omnibus. Magnæ enim cæcitatibus sunt, qui aliis detrahunt ; et nimie infelicitatis sunt, qui se a livore minime custodiunt : unde in antiquam versuti hostis nequitiam demerguntur.

LXXII. — *Ut omnium mulierum fugiantur oscula.*

Periculosum esse credimus omni religioso vultum mulierum nimis attendere, et ideo nec viduam, nec virginem, nec matrem, nec sororem, nec amatam, nec ullam aliam feminam aliquis frater osculari præsumat. Fugiat ergo feminea oscula Christi militia, per quæ solent homines sæpe periclitari ; ut pura conscientia et segura vita in conspectu Domini perenniter valeat conversari.

ANNO DOMINI MCXXVII

# GUALTERUS

TARVANNENSIS ECCLESIE CANONICUS

ET

# GALBERTUS BRUGENSIS

DE VITA

ET MARTYRIO BEATI CAROLI BONI

FLANDRIÆ COMITIS

(BOLLAND. *Acta sanctorum*, Martii tom. I, die- 2, pag. 152)

## COMMENTARIUS PRÆVIUS

§ I. *Vita B. Caroli ab auctoribus cœvis aliisque scripta. Nomen martyrologiis inscriptum. Ossa elevata.*

1. Brugis, celeberrima Flandrorum urbe, anno 1127, die 2 Martii, occubuit martyr B. Carolus Bonus, nobilissimæ illius provinciæ marchio, seu comes, ab aliquot seditiosis hominibus in templo S. Donatiani interemptus : cujus mox virtutem divina clementia, patris ad ejus corpus miraculis, eminentiorem orbi ostendit : unde plerique principes Flandriæ in vindictam sceleratissimæ necis quamprimum advolarunt. Suberant in regimine ecclesiastico ditionis Flandriæ eo tempore potissimum episcopis Tornacensi et Tarvanensi. Horum prior, qui simul episcopus erat Noviomensis, appellabatur Simon filius Hugonis Magni, fratris Philippi I, Francorum regis : eratque Simonis patruelis Ludovici VI, Grossus dictus, qui tunc Francis imperitabat, eodem avo Henrico I rege prognatus. Apud Galbertum infra in

B Vita B. Caroli, num. 38, dicitur *Simon episcopus, uxoris Caroli Boni frater*, scilicet uterinus. Nam mater ejus Adelada, sive Aleidis, mortuo Tarsi in Cilicis 18 Octobris, anno 1102, Hugone Magno priore marito, iterum nupta est Rainaldo comiti Claremontano, eique peperit Margaretam, dein a Carolo Bono in uxorem acceptam. Familia regia Caroli Boni infra in Actis explicatur.

2. Alter episcopus, qui Ecclesiæ Tarvanensi præerat, erat B. Joannes, vir eximia et sanctitate et doctrina clarus anno 1130, die 27 Januarii mortali hac carne exutus : cujus illustria Acta ab auctore cœvo conscripta ad illum diem edidimus. Hujus beati episcopi mandato, comitis Caroli genus, vitam, necem et vindictam magno cum judicio scripsit Gualterus, ejusdem Ecclesiæ Tarvanensis canonicus, ac dignitate, ut post ipsa Acta in codicibus antiquis legitur, archidiaconus et ipsi B. Carolo ante familiaris. In ms. Chronico universali Theodorici Paul

Gorcomiensis dicitur *Walterus presbyter Brugensis*. A. Asserit ipse infra in Vita, num. 29, se ex mandato Caroli comitis Ipram evocatum, ipsi tertio Kalendas Martii, id est, triduo ante necem, adfuisse: et num. 40 narrat quæ eodem die colloquens cum comite, ab ipso de affectu et desiderio martyrii acceperat. Quia tamen Brugis non adfuerat, cum sanctus comes occideretur, num. 45: « Deum testatur se quæ de morte ejus et miraculis retulit, viri religiosi domini Helie Brugensis decani, Frumoldi, Furnensis præpositi, et aliorum clericorum et laicorum, qui se ea vidisse affirmabant, cognovisse testimonio. » Et num. 56 asserit se « cognovisse ex relatione clerici, asciti a Bertulpho præposito, cum Ipras abiret. » Et num. 70 ait « testatos esse sibi sciscitanti plerosque, qui adfuerunt, viros veraces et religiosos, quorum unum, Absalonem scilicet S. Amandi abbatem, pro suæ sanctitatis merito nominari dignum » censuit. Prosecutus est illa quæ uti in fine ante epilogum scribit, « infra duos fere post mortem comitis menses consummata sunt. » Videtur plane Gualterus proximis post obitum mensibus Vitam hanc a se conscriptam in lucem edidisse. Meminit frequenter Guilielmi Iprensis, patre Philippo comite prognati, filio Roberti Friesii, quem num. 73 solum tradit a Ludovico rege Galliarum et Guilielmo Northmanno in comitem Flandriæ assumpto, « commendatum fuisse castellano Insulæ custodiendum, » quod factum fuit 27 Aprilis; at silentio premit eundem Guilielmum circa 9 Septembris Brugas captivum fuisse adductum, ut scribit Galbertus in altera Vita, num. 131. Damus hanc Vitam ex pervetustis codicibus manuscriptis Brugensis ecclesiæ cathedralis S. Donatiani et abbatissæ Dunensis, et alio ms. nostro, contulimusque cum ea quam anno 1645 Parisiis ex bibliotheca S. Mariæ Igniacensis edidit, sed tacito nomine, Jacobus Sirmundus: cui interim eam editionem ascribunt Philippus Alegambe in Bibliotheca Societatis Jesu, Valerius Andreas in Bibliotheca Belgica, Aubertus Miræus in Fastis Belgicis, Antonius Sanderus De sanctis Flandriæ, aliique. Exstat eadem Vita in Hagiologio ms. bibliothecæ Rubens-Vallis canonicorum regularium prope Bruxellas, et in codice ms. Tornacensi monasterii S. Martini.

3. Alteram B. Caroli Vitam conscripsit Galbertus Brugensis, et urbis suæ publicus notarius, et in plerisque testis oculatus: quem summa diligentia omnia coram observasse colligimus ex iis quæ num. 59 scribit his verbis: « Inter tot noctium pericula et tot dierum certamina, cum locum scribendi ego Galbertus non haberem, summam rerum in tabulis notavi, donec aliqua noctis vel diei exspectata pace, ordinarem secundum rerum eventum descriptionem præsentem, et secundum quod videtis et legitis, in arcto positus fidelibus transcripsi: neque quid singuli agerent præ confusione et infinitatione notavi; sed hoc solum intenta mente notavi, quod in obsequio communi edicto et facto ad pugnam et ejus

causam congestum est: atque ad hoc quasi me invitum, ut scripturæ commendarem, coegi. » Magna eo tempore valuisse apud comites auctoritate similes notarios, constat ex iis quæ in hac Vita, num. 31 et sequentibus, narrantur de Fromaldo notario: quem dein anno 1130 inter illustriores viros subscripsisse Theoderici Alsatii donationi monasterio Quercetano factæ indicat diploma a Miræo in Notitia Ecclesiarum Belgii, c. 139, publicatum. Damus hanc Vitam ex antiquissimo codice ms. quem ante ipsius Galberti tempore aut non diu post exaratum habemus, contulimusque cum duplici ms. Brugensi. Alium ms. codicem habuit Andreas Chesnæus, ex quo plurima allegat in Historia genealogica familiarum Gienensis, Ardrensis, Gandensis et Calceacensis, a se anno 1631 edita. Habuit dein eundem codicem Oliverius Uredius, ac sæpius in Genealogia comitum Flandriæ eousus est, et modo asservatur Ipris apud hujus generum Joannem Baptistam Bonart, urbis illius syndicum: ex quo curavi loca nonnulla conferri. Est eadem Vita olim Gallice translata, cujus codicem manuscriptum se in sua bibliotheca habere testatur Petrus Scriverius in Principibus Hollandiæ æri incisis et commentariis antiquorum auctorum illustratis, et nonnulla pagina 42 transcribit, « ex Galberti Brugensis, inquit, oculati testis fide, qui Caroli Boni Vitam etcædem peculiari libello exsequitur. » Quod tamen eum arbitretur Gallicæ lingua scripsisse, minus probamus, cum nitor linguæ, qui in parte ab illo transcripta elucet, non videatur fuisse istius sæculi, maxime apud externos Flandros. Dein codices antiquissimi et quamplurimi sunt idioma Latino, quo eum scripsisse non dubitamus, uti illo tempore acta publica solebant a notariis conscribi. Deducitur hæc historia, ut num. 25 dicitur, « per distinctiones dierum et gestorum, quæ in ipsis facta sunt diebus, usque ad vindictam subnotatam in fine opusculi. » Ob quæ verba possent videri postea ab auctore abjecta esse quæ de defectione Flandrarum a Guilielmo Northmanno comite, et electione Theoderici Alsatii et variis utrinque bellis gestis usque ad obitum Guilielmi narrantur quæ nos cum ad B. Carolum non adeo spectent, malleus omittimus, si typis excusa alibi exstarent. Verum cum aliqua inde excerpta ab Andrea a Chesnæo et Oliverio Uredio allegentur, et nos etiam infra aliqua proferamus, ut recta familiæ Stratensium notitia habeatur, integram damus, ut plenam lector rei gestæ scientiam hauriat.

4. Florebat eodem tempore cum Carolo comite Sugerius, abbas S. Dionysii prope Parisios creatus anno 1123, vita functus anno 1152. Hujus calamo habemus exarata Acta Ludovici Grossi Francorum regis, quibus interserit compendium rerum in necem B. Caroli ejusque vindicta gestarum editum eisdem fere verbis in Auctario Aimoini, lib. v, c. 51, quod infra alius jam indicatis Actis majoribus præponimus. Habemus præterea antiquum rhythmum, quo lamentatio de morte Caroli comitis ejusque vindicta conti-

netur quem in pervetusto codice reperit memoratus ante Jacobus Sirmundus, descripsit ac Parisiis Antverpiam anno 1634 transmisit. Sunt etiam aliquot epitaphia olim de B. Carolo facta, et a Jacobo Mejero lib. iv Annalium Flandriæ excusa.

5. Vitam et martyrium S. Canuti regis Daniæ paucis post mortem ejus annis descripsit Ælnotus monachus Cantuariensis, quam Hafniæ sub initium hujus sæculi excusam, iterum accurate correctam notationibus suis illustravit, ediditque etiam Halniæ anno 1631 Joannes Meursius. Huic S. Canuti Vita in codice ms. adjuncta fuit *Passio S. Caroli comitis Flandriæ*, dicti Canuti filii, et bis etiam cum illa excusa, auctor illius anonymus est et forsitan Danus, certe familiarum Gallicarum, Flandricarum et etiam Anglicanarum non satis gnarus. Eascriptoris menda non observavit Meursius, vir in antiquitate Græca magis eruditus quam in horum regionum historiis, uti de rebus Danicis alias observavimus. Cæterum illa acta, ne moles exorescat, omittimus, cum curiosus lector excussa possit perlegere.

6. Vixit ante trecentos annos Joannes Iperius, abbas Bertinianus in urbe Audomaropolitana, qui studio delectatus historico conscripsit Chronicon sui monasterii, quod apud nos manu exaratum habemus. Hic capitulo 41, parte 2, agit de vita et nece B. Caroli, ac nonnulla suo monasterio præstita beneficia addit ab aliis non indicata: quæ reliquis omisissis ad priorem vitam adnotamus, uti etiam quæ narrantur aliter in Chronico ms. monasterii S. Andreæ apud Brugenses, Arnoldus Bostius, carmelita Gandensis, qui a ducentis annis inter Belgas eruditus habebatur, libro De patronatu beatissimæ Dei Genitricis semperque virginis Mariæ de Monte Carmeli cap. 7 appellat « Carolum martyrem, Canuti Danorum regis martyrisque filium, scutum justorum, malorum gladium, qui tirocinii sui primitias in Hierosolyma, Novi et Veteris Testamenti matre nostræque salutis officina tutanda, Jesu Christo consecravit. »

7. Auctor ms. Florarii sanctorum medium inter alios sanctos memorat comitem Carolum cum hoc elogio: « In Flandria apud oppidum Brugas depositio B. Caroli martyris Flandrorum comitis, filii B. Canuti martyris, inclyti regis Daciæ, patris pauperum et Ecclesiarum protectoris devotissimi: qui circa annum salutis millesimum centesimum et vicesimum septimum, anno principatus sui octavo in ecclesia S. Donatiani coram altari S. Mariæ psalmum quinquagesimum, tribus prioribus pœnitentialium dictis, recitans, eleemosynasque pauperibus tribuens, manu servorum suorum propter justitiam occiditur; Christo, quod acceptus ei fuerit, compluribus statim signis innotescere. » Eundem celebrant Hermannus Greven et Joannes Molanus in suis ad Usuardum additionibus. Galesinius in suo Martyrologio Romano ista habet: « Burgis (imo Brugis) S. Caroli martyris. Hic Canuti regis martyris filius non minori gloria martyrii coronam accepit. » Pe-

trus Canisius Martyrologio lingua Germanica edito inscripsit his verbis: « Item beata memoria sancti martyris Caroli, comitis Flandriæ, qui Brugis in æde cathedrali apud S. Donatianum quiescit. » Sausajus in Martyrologio Gallicano inter alios hujus regionis sanctos eundem refert in verbis: « Brugis in Flandria, tum sub metropoli Remensi, S. Caroli, cognomento Boni, provinciæ hujus comitis et martyris, filii S. Canuti Daniæ regis, itidemque martyris gloriosi. » Attexitur dein compendium vitæ et necis; et *basilica S. Domitiani* dicitur, quæ est *S. Donatiani episcopi Remensis*: alia quæ infra rejiciemus, adduntur excitato Mejero et Molano in Indiculo sanctorum Belgii et Natalibus eorumque sanctorum. Celebrant eundem Miræus in Fastis Belgicis, Balduinus Willotius in Hagiologio Belgico, Antonius de Balinghem in Fastis Marianis, aliique.

8. « Sacra ejusdem ossa, inquit Miræus, et tumulo levata, in sacrario canonicorum cathedralis ecclesiæ S. Donatiani religiose asservantur. Fuit vir proceram admodum statura, novem scilicet pedes longus: cui longitudini corporis membra et ossa, quæ hodie magna cum admiratione ibidem spectantur, respondebant. » Addit Molanus: « Eodem die in sacrario sermo de ejus meritis habetur, et reliquæ populo exhibentur. Ex vulnerato cranio sæpius bibunt febricitantes. Ad locum dejectionis supra summum altare erecta est a majoribus crux cum quatuor clavibus in memoriam ejus: quomodo passim in vills cruces erigi solent in memoriam cæсорum erectæ. » Hæc Molanus: « Carolus Philippus de Rodan IV episcopus Brugensium, zelo devotionis et pietatis affectus, quem habebat ad ossa illustrissimi quondam comitis Caroli Boni ante altare sacelli B. Mariæ virginis in ambitu supra chorum, ubi certa capellania sanctissimæ Trinitatis fundata est, crudeliter interfecti, decrevit cum consensu dominorum de capitulo honeste exornari facere capsulam dicta ossa continentem rubro holoserico, et transferri ac collocari supra altare prædicti sacelli suis etiam sumptibus occidendi et ornandi. Domini de capitulo, habita desuper deliberatione, in prædictam capsulam ornatum et sacelli occlusionem, ejusdemque capsulæ (occlusionem sacelli prius facta) translationem condescenderunt die 23 Februarii, anno 1516. At postea dicti domini de capitulo, ad propositionem et instantem requisitionem ejusdem reverendissimi episcopi, ob varias causas allegatas animos eorum moventes, ordinarunt die 1 Martii, anno 1590, quod cras et in posterum in memoriam quondam Flandriæ comitis Caroli Boni injuste occisi, missa solemniter de sanctissima Trinitate celebretur, prout celebrata fuit. » Sunt hæc allegatis verbis registro actorum capitularium ejusdem ecclesiæ Brugensis inscripta, quorum extractum etiam a D. Martino secretario subsigatum nobis procuravit archidiaconus Brugensis, D. Arnoldus Crabeels juris utriusque et sacræ theologiæ licentiat. Ne ulla enim nobis deesset rerum gestarum et scripturarum notitia, ipsi Brugas profecti coram singula observa-



vimus; et sacra ossa B. Caroli in sacrario canonicorum cathedralis ecclesiae S. Donatiani venerati sumus.

§ II. *Fabella de nece B. Caroli in Annalibus vernaculis Flandrorum reperta, et posteriorum scriptorum historiis inserta.*

9. Quæ hactenus expendimus circa auctores qui vitam et necem B. Caroli, et vindictam de sceleratis homicidis sumptam descripserunt, ejusmodi sunt ut vix ulla possint solidiora de quocunque sancto sperari. Nam litteris tradiderunt ut plurimum ea quibus interfuerunt ipsi, quæque geri viderunt, aut certe narrarunt quæ ab iis acceperant, qui suis ista oculis fuerant contemplati. Dein varii auctores distinctis procul locis sua quinque Acta, ignari aliorum scriptio- nis exararunt, utpote Tarvanæ Gualterus archidiaconus, Brugis Galbertus notarius, Parisiis Sugeris abbas S. Dionysii : quibus consentiunt auctores rhythmici antiqui et epitaphiorum, chronologus monasterii S. Andreae, Iperius abbas Bertinianus, et in nece B. Caroli anonymus Danus. Addi potest Joannes Brando Flander, ordinis Cisterciensis ac sacre theologiæ doctor, in Dunensi refugio Brugis anno 1428 vita functus, qui in Chronodromo ms. plane consentit. Exstat opus illud tribus tomis Lovanii in collegio Atrebatensi nitidissime in pergamento exaratum. Aliud exstat Chronicon ms. in collegio Lovaniensi Societ. Jesu de comitibus Flandriæ, usque ad Ludovicum Malanum sive annum 1381, quod convenit. Omitto Robertum Gaguinum, Nicolaum Giles aliosque rerum Francicarum antiquiores scriptores, in hac controversia consentientes. Præterea in nostris adnotationibus contulimus particularium personarum actiones cum plerisque historicis cœvis, qui res tunc temporis in Belgio, Gallia, Germania, Dania, Anglia, Italia et procul dissita Palestina gestas, scripto posteris reliquerunt: ad quod plurimum juverunt antiqua diplomata regum, principum, episcoporum, et potissimum comitum Flandriæ progenitorum B. Caroli ejusque postmodum successorum, ut veritas undequaque appareat stabilita.

10. Interim hisce omnibus neglectis conflatum est ex contrariis diversioque atque inter se repugnantibus studiis monstrum, quod quasi divinum oraculum apud quam plurimos, etiam viros non ineruditos, susceptum est, et Flandriæ Chronicis insertum. Exstat simile Chronicon idiomate vulgari Belgico typis Antuerpiensibus anno 1534 excusum: cujus priorem partem ad annum usque 1488 deductam reperimus Brugis manu exaratam in codice sub fidei aliquot foliis mutilo. Quæ vero in hisce Chronicis de nece B. Caroli leguntur, eadem seorsim circumferuntur, atque etiam nunc « singulis annis Brugis pro foribus templi leguntur, inflati prius sex cornibus a dominis totidem prædiorum rerumve clientelarium denuntiationi huic obnoxiarum: « uti ea leguntur in Commentario Jani Lernutii de natura et cultu Caroli comitis, necnon de cæde ipsius et vindicta in percussores mox secuta. Fuit Lernutius viris litterarum humaniorum amantibus annumeratus, quem « Justi

A Lipsii individuum socium Galliæ, Italiæ et Germaniæ academias atque antiquitates lustrasse, » tradit post alios Galerius Andreas in Bibliotheca Belgica; sed fallitur, dum libellum de Caroli Boni Vita ab eo conscripta tradidit Parisiis editum: quem filius ejus Jacobus Lernutius a se auctum curavit post mortem parentis Brugis anno 1621 excudi, præfatus se « excussa patris papyracea suppellectile, eum multum incorecte et festinanter exaratum reperisse, ideoque se limam adhibuisse, interpolasse, necnon quædam adjecisse quæ rei congruere censuerat. » Ob quæ verba arbitramur seniores Lernutium ista in juventute composuisse, cum ne vel unum ex supra allegatis auctoribus legisset, quorum nusquam etiam meminit, ac dein nactum horum notitiam, illum commentarium abjecisse deformem et necdum adhibita ultima lima impolitum, imo viro erudito indignum, ut istis fabellis nomen apponeretur. Marginibus adscripti leguntur, Terentius, Salustius, Cicero, Apuleius, Cujacus ob verba formulasque loquendi incertas, sed non absque juvenilis animi nota.

B 11. B. Carolus vix susceperat gubernacula Flandriæ regenda, quando Clementia, mater comitis Balduini defuncti, tunc duci Lovaniensi nupta, variis sibi adjunctis principibus, conata fuit eum a regimine dejicere. « Hinc exortum, inquit Lernutius, bellum atrox. . . . Cum Aldenardum resisteret mulieri, et dominantis imperium agnoscere nollet, invasit violenter oppidum Nerviorum vetus, et militibus in prædam concessit, interfectis ferro civibus ad unum, a calvo, ut dicitur, ad calvum, et domibus igne funditus assumptis. Sunt tamen ex rerum nostrarum scriptoribus nonnulli, qui mitius actum cum urbe et civibus narrent, velintque punitos rebellium primos, civitate incolumi, bonisque incollentium salvos. Quidquid horum est, fides sit penes auctores. Ego Annales, quos vidi vernaculos secutus sum, nec judicium interpono in re controversa, » hæc Lernutius, qui ex eisdem Annalibus vernaculis ita progreditur: « Ad facimus tam crudele hortatores fuerunt et adjutores comes Montanus et fani S. Pauli comes, cum Hesdinio comite. . . qui præter Aldenardæ exitium plura mala Flandriæ intulerunt. » Hæc ibi, sed iudicio suo non interposito fidem relinquit penes auctores, scilicet istius Chronici vernaculi Flandricarum rerum et nonnullorum, quos D mitius actos esse cum urbe et civibus narrare dixit, visus indicare Mejerum et Marchantium, quos postmodum allegat, et de quibus infra latius agemus. Silet de his Marchantius. Verba Mejeri sunt ista: « Aldenardam invasit Clementia atque incendit, ibique cives quosdam ultimo affectis fertur supplicio. » Ita mitius explicat Chronicon Mejerus, in quo solum « occisos esse cives » legitur. Adjunxit Lernutius, « ad unum, a calvo ad calvum, » ut hoc posset uti adagio. At nos plane nihil actum tunc fuisse circa Aldenardam arbitramur: sed quæ post necem B. Caroli contigerunt, hunc non recte esse translata. Gualterus archidiaconus, qui tunc vive-

bat, infra cap. 3 Vitæ B. Caroli accurate describit tumultus bellicos a dicta Clementia excitatos, nulla hujus excidii Aldenardensis facta mentione. At post necem B. Caroli « in Aldenarda comes de montibus se et suos introductos munierat, ad invadendum rognum Flandriarum, quod sibi jure cognationis justius pertinebat. » Mox circa 17 Aprilis « Baldvinus ex Alst et Razo cum gravissimo Gandensium exercitu obsederunt castrum Oldenarda. Tunc comes de Montibus cum burgensibus ejusdem loci et militiæ impetu irruit super Gandenses et conversos in fugam, alios interemit, alios vulneribus infecit et multos cepit. Major qui rem fugientium pars submersa est fluctibus ipsius, qui navibus deVecti, obsidionem præordinaverant. Dein sub initium Maii Ludovicus rex ibat versus Oldenardam, ubi comes ex Montibus infestaverat terram nostram, ibatque per Gandavum. Sed et comes noster Guilielmus Northmannus præcesserat regem, et incenderat manu violenta suburbium usque ad turrin lapideam : et plures igitur, qui suffugerant, in ecclesiam illius loci, concremati sunt ad trecentos, ut aiunt. Quarto Nonas Maii, feria quinta circa meridiem comes rediit. » Ita Galbertus, qui tunc Brugis degebat, infra in Vita num. 108, 114 et 122. En ipsum in illud usque tempus suburbium intactum et integrum permanserat : quod tunc non a comite Montensi, sed Guilielmo Northmanno, creato Flandriæ comite, combustum est. Interim Mejerus ausus est hæc scribere : « Montensis hostiliter in Flandros reversus, Aldenardam per iram incendit, ubi in principe æde permulti exusti feruntur mortales. » Verum in ecclesia suburbii concremati erant. Hæc dicta sint occasione Lernutii, adhærentis vernaculis Annalibus.

12. Oliverius Uredius Brugensis, strenuus indagator antiquitatis rerum Belgicarum, ac potissimum Flandricarum, quarum cognitionem et veritatem principum diplomatibus et scriptoribus cœviserere ac stabilire conabatur : is prelo parabat commentarium *De primis comitibus Flandriæ usque ad Carolum Danum explosa Florestariorum fabella* : uti titulus iste expressus est in Bibliotheca Belgica Valerii Andreæ. At morte præventus eum tractatum non vulgavit, aut forsitan non absolvit. Interim recte *Explosam* volebat *Florestariorum fabellam* : quam interim ut principium omnis veritatis proponunt Annales vernaculi et cum hisce Mejerus et Marchantius. An voluerit Uredius et scriptoribus cœviserere ac stabilire conabatur : is prelo parabat commentarium illud concludere an potius illa excludere, hactenus assequi non licuit. Certe ubi quæ de B. Carolo illis Annalibus inseruntur, accuratius legisset et cum cœvis scriptoribus contulisset, ut ineptissimam fabellam etiam explosisset ; potissimum illa quæ de sancti comitis cæde, et hujus occasione, ac vindicta de parricidis sumpta tam in illis Annalibus leguntur, quam in proclamatione anniversaria apud Brugenses publice fieri solita. Fabellæ hujus exornatæ originem plane arbitramur referri debere

A in comædias vernaculas, quæ vulgo rethoricorum romaniciæ appellabantur, solebantque proposito bravio in publico urbium accursu exhiberi. Tempus dicti dramatis assignatur sæculum Christi decimum quintum quando Brugensis urbs præ reliquis Belgii civitatibus celeberrimum habebatur emporium, ac septemdecim numerabat regnorum ac nationum tribus, quæ ædes hic suas ac collegia habere solebant. Ex his suam scenam in hac comædia habuerunt Hanseatici, quos Lernutius *lucripetam gentem Oosterlingarum* appellat, qui centum et pluribus post necem B. Caroli elapsis annis cœperunt coire, interim quasi ex septentrione magni frumenti copiam navibus advexissent, in theatrum inducti, emptores habuisse finguntur Bertulphum præpositum ejusque fratrem Lambertum. Suberant societates hæc sive republicæ Hanseaticæ quatuor celeberrimis urbibus, Lubecæ, Colonia, Brunsuicæ et Dantisco. Sub Lubeca censebantur Hamburgum, Rostochium, Wismaria, Stralsunda, Luneburgum, Stetinum, aliæque his vicinæ civitates, inter quas primum mercatorum fœdus cœpit sæculo duodecimo, ac potissimum circa annum Christi 60 aut 70 supra millesimum et ducentiesimum et dein confœderatarum inter se civitatum corpus aliquod firmatum est circa annum Christi 1322, nisi potius integri corporis primum membrum appelletur : cui postea circa annum 1364 secundum membrum metropolis Coloniensis adjectum asserit Joannes Isaacius Pontanus lib. viii Rerum Danicarum, pag. 494. Hæc fere tempora sunt quo urbs Brugensis paulatim excrescebat in Flandriam emporium, quando cum singulis nationibus Mercuriale, ut vocant, fœdus iniiit, et pacta concepit : quod factum esse cum Hanseaticis civitatibus anno 1392 tradit Sanderus lib. i Rerum Brugensium, cap. 2. Elapsi tunc erant a cæde B. Caroli anni ducenti quinquaginta quinque : et proximo fere sequenti sæculo xv permansit apud Brugenses ea mercimoniorum affluentia ; quod tempus assignatæ comædiæ supra tribuimus : quo tamen sæculo non reperio ullum floruisse historicum qui vel unicum mendum ex hac fabella decerpit.

13. Vixit sæculo decimo sexto Paulus Æmilius, patria Veronensis, Parisiis canonicus S. Mariæ mortuus anno 1529. Hic res gestas Francorum laudato a pluribus Commentario complexus, lib. v in Ludovico VI, Crasso dicto, infandam B. Caroli necem inseruit, et dictam fabellam e vernaculis Annalibus Flandrorum decerptam in compendium redegit : veniam vel ideo apud lectorem obtenturus quod Gualterum archidiaconum et Galbertum notarium, præcipuos Vitæ B. Caroli scriptores, non viderat, credebaturque Flandricos Annales præ Sugerio et continuatore Aimoini sequendos. Paulo Æmilio aliquando junior est Jacobus Mejerus, Flander, ex agro Belliolano oriundus, mortuus anno 1552, et Brugis ad S. Donatianum sepultus. Hic lib. iv Annalium Flandriæ asserit « de vita et morte hujus Caroli scripsisse quemdam Walterum monachum ad Joannem Mori

norum episcopum, sed multo melius ac fusius Galbertum Brugensem, » sed fallitur dum Walterum monachum facit, quem Ecclesie Tervanensis archidiaconum alii statuunt, et a quo magno judicio Vita. hanc fuisse scriptam diximus. Cæterum non possumus satis mirari quod hisce auctoribus passim neglectis, adhæserit suis Annalibus vernaculis Mejerus, in quem videtur quadrare censura quam ipse lib. xvii sub finem anni 1473 tulit de Roberto Gaguino, scilicet « commentarios eos, quos provinciali scriptos lingua secutus est, ineptos prorsus esse et multis locis falsos. » Forsan acriorem merentur hi Flandrorum Annales vernaculi in hac B. Caroli historia censuram, cum continuata appareat tabella. Interim Mejerum sequuntur Petrus Oudegerstius, in Annalibus Flandriæ Gallice typis Plantinianis anno 1571 editis, Jacobus Marchantius in Flandriæ libris quatuor Commentariorum descripta, et eiusdem typis anno 1598 vulgata. Joannes Georgius, canonicus Brugensis, in Vita Flandrica B. Caroli. Antonius Sanderus in Flandria illustrata nuper splendidis tomis vulgata, alique similes, qui absque nulla rerum discussione, quascunque fabellas miscent; ex quibus pauculas proferemus.

§ III. *Fabella eadem de Nece B. Caroli ulterius discussa.*

14. Gualterus et Galbertus describunt famem et inedia quæ duobus ante necem B. Caroli annis grassabatur in Flandria, et commendant singularem ejusdem comitis erga pauperes liberalitatem. Ab hac publica fame incipit fabulosa comædia, seu formula proclamationis, ac primo statuitur comitis elemosynarius quidam, Tammardus nomine, diciturque cum ipso comite eodem die interemptus: adeoque esset Themardus castellanus Brugburgensis, cujus et duorum filiorum Gualteri et Gilleberti necem describunt Gualterus num. 42. et Galbertus num. 26 et seqq. Verum ex his quæ mox subjunguntur apparet hunc Themardum castellanum Brugburgensem, et Thanomarum de Straten (de cujus familia infra gemus) in unum eundemque hominem conflatum fuisse in dicta formula proclamationis in Annalibus vernaculis Flandrorum; quos sequuntur Paulus Æmilius, Oudegerstius, Lernutius: at Mejerus recte ab Themardo Brugburgensi alium statuit Tagmarum et ipsum tamen *comitis eleemonem*: a quo titulo abstinent antiqui. Occasio videtur data a Gualtero, dum num. 25 tradit eum « in elemosynis pauperibus et præcipue monachis expendendis, magnum studium habuisse. » Hac scena peracta introducuntur in theatrum Bertulphus præpositus ejusque frater Lambertus et Stratii cognominantur (quod infra perperam illis attributum nomen demonstrabimus) et ab ante indicatis Hanseaticis sive Oosterlinganis mercatoribus frumenta navibus e Septentrione advecta coemunt. Decimas item omnes ad vicina monasteria pertinentes comparant, in horrea evehunt, et granaria acervatim stipant. Tunc comes, egehorum lacrymis excitatus, sanxit ut

A Tammardus frumenti vim ingentem in eorum horreis inventam, partim justo pretio venderet, partim, si egeni forent, gratis metiretur, relicta illis ad vivendum sufficiente portione: pecuniam item e frumento vendito collectam, cum illi plane indignati accipere nolent, jussit in pauperes distribui. Est hæc plane plausibilis scena, ab omnibus recentioribus, etiam Mejero, Marchantio, Sanderò exhibita: cujus nulla apud antiquos scriptores reperitur mentio. Ob indicatam ante inedia pretium panis a Carolo comite imminutum et potationes prohibitas tradit Gualterus, imo prohibitam cocturam cerevisiæ, pretium vino impositum, et ut legumina sererentur, præceptum fuisse laudat Galbertus; nulla Bertulpho præposito ejusve familiæ inusta concervati frumenti ignominia, cum alias odii causas accurate ambo inquirant, imo scelera omnia et Bertulphi præpositi et Erenbaldi patris detegant: quæ infra luce clarius patebunt.

B 15. Ira odioque accensis Bertulpho ejusque fratre Lamberto, filius hujus Burchardus, seu Borsiardus, injuriam vindicaturus, ex consilio patris, partem villæ Tammardi adversarii occupat, terminis ante ad agros dispartendos recte dispositis, per fraudem ad loca sibi commoda ac opportuna translatis. At ne scena hæc nimium jejuna spectatoribus appareret, inducuntur villani, jussu Boscardi matura omnia cerasa ex pomario Tammardi collecta auferre furto conantes. Occurrunt famuli Tammardi, resistunt audacter, pugnis et impetunt et repelluntur, cerasis vi ereptis et ad Bertulphum deportatis: ob victoriam delatam applauditur. Querela a Tammardo ad principem delata, citatur cum Burchardo filio Lambertus ad tribunal: sed hi contumaces non comparent: jubent per suos fores Tammardi perfringi, poma ex arboribus decuti et furto auferri. Verum Burchardi servi dum fructus colligunt alienos, a oliventibus Tammardi impetu in illos facto graviter læduntur, et curru revecti sunt domum. At eorum heri cladem hanc vindicaturi ad rus Tammartianum properant, et arbores a stirpe cædi imperant, arcemque funditus destrui: quo facinore perpetrato ferro interficiunt avunculum Tammardi, et hujus filiam prægnantem. Crimen delatum ad principem et quæstione excussa reus pronuntiatus Burchardus, et damnum omne resarciendum. Omitto reliqua hujus scenæ, quæ in formula citata proclamationis, et dictis Annalibus vernaculis, et apud Lernutium legi possunt. Unum sufficit monuisse nihil horum ab antiquis vitæ scriptoribus tradi, imo Tangmarum in monumentis monasterii S. Andreae, quæ infra referemus, dici successione prolis claruisse etiam tempore Roberti Hierosolymitani: ideoque ad monasterium illud exstruendum voluisse sessiones suas conferre.

C 16. Joannes Iperius, ut pietatem B. Caroli erga ecclesiasticos et religiosos viros comprobet, narrat abbatem Bertinianum festo Epiphaniæ ad comitem accessisse, et de oppressione a milite quodam illata

fuisse conquestum. Et hæc materia exornandæ comœdiæ apta est visa. Comes ergo Carolus, ut fert Belgica ejus diei celebrandi consuetudo, rex per lusum creatus, in omnem lætitiâ hilaritatemque effusus, inter epulas et pocula variis invitatis, officia magistratueque jocando distribuit. Deposita ab abbate querela, oppressor fingitur Lambertus cum Burchardo filio. Evocatus Bertulphus præpositus advolat gau lens, qui se splendide illi convivio interfuturum speraret. At repetita ab abbate querela, acriter objurgatur, graviter cum fratre muletandus, nisi prompte abbati ejusque cœnobiosatisferet. Quæ omnia cum aliis ante citatis prosequitur pluribus Paulus Æmilius.

17. His gestis traditur conspiratio de comite interimendo Ipras facta, in eamque præter consanguineos induci singuntur octo canonici Iprenses, et necis patranda opportuno statuitur dies Veneris, quo per singulas septimanas recurrente comes solo cerevisiæ potu et panis usu euriem arcere solitus, cilicio indutus et vestitus cubaret, pedibus nudis, talari veste amictus, marsupio ad latus dependente, templum a firet, ibidem moraturus, dum sacra omnia essent peracta, et hora prandii evocaret. Martis die, Bacchanalium ultimo, quique illo anno Februarii clausisset, Brugas comes reversus, cum sequente feria sexta, quæ Martii mensis tertia fuerit dies, absque ullo comitatu in templo oraret, a Burchardo fuisset interfectus. Quam illa solerter atque ingeniose apparent excogitata, tam aliena a veritate sunt. Comes Ipras evocavit barones suos, ad tertium Kalendas Martii, qui tunc in primam Quadragesimæ Dominicam incidebat, ac postridie eorum sententia munitionem Burchardi dejici jussit, ac Brugas reversus est, Kalendis Martii superbæ legationi propositi respondit, et restitutionem ursit. In necem ejus conspirarunt nocte sequenti sicarii, ac mane die 2 Martii feria quarta post primam Dominicam Quadragesimæ, in templo mactatus est. Ita Gualterus archidiaconus, qui tunc Ipras evocatus a comite, potuit quæ acta sunt scire, et pluribus Galbertus notarius, qui Brugis oculis suis omnia spectabat. Paulus Æmilius ipsos sacrorum Cinerum die mactatum scribit. Mejerus in die assignando secutus est Galbertum notarium. Sed dum Robertum et Lambertum fratres Bertulphi, jam ante vita functos, conspiracyonis reos facit, plurimum aberrat, uti infra ostendetur. Idem Mejerus triduo post necem elapso tradit « corpus comitis in æde D. Christophori apud forum honorifice sepultum fuisse. » Verum illo die, qui erat quartus Martii, « corpus nobile in solarium ecclesiæ B. Donatiani transportatum est, et clausum in sepulcro pro necessitate illius temporis constructo. » Ita Galbertus num. 41. At 14 Aprilis occupato solarium inventum est in eo corpus B. Caroli, ad cujus caput stabat cereus ardens, quem posuerant in honorem domini sui traditores illi. » Ita iterum Galbertus num. 405; at num. 419 asserit idem Galbertus, « x Kalendas

A Maii feria sexta, præteritis jam septem hebdomadis primæ ejus sepulturæ, sepulcrum comitis destructum esse in solarium, et corpus ipsius inde venerabiliter sublatum... ac rege comitante ab episcopo et tribus abbatibus in ecclesiam S. Christophori fuisse delatum. » Maluit Mejerus sequi recentiorum narratiunculas, quam oculatum testem Galbertum Brugensem, quem tamen pronuntiarat « multo melius ac fusius scripsisse. »

18. Comœdia hæc hactenus proposita in luctuosam mutata est tragœdiam, et vindicta de sicariis cœpta sumi. Omnia in formula proclamationis, Annalibus Flandriæ, Commentariis Pauli Æmilii et Lernutii, mendis et erroribus oppleta sunt, quorum varios Mejerus aliique describere: nolimus iis inhærene tælium lectori afferatur. Qui veritati a Gualtero, Galberto aliisque propositæ nolunt acquiescere, conferant ipsi quæ de singulis proferuntur: nos nonnulla in notationibus attingemus: pauca hic observamus. Lamberto fratri præpositi ac patri Burchardi, jam ante vita functo, plurima tribuuntur quæ a fratre ejus Desiderio Haubeto, castellano tunc Brugensi, de quo plerique tacent, fuerant peracta. Interim silentio noctis dicitur e turri Donatiana evasisse, at detectus comprehensusque, in scammo lanionis collocatus, post manus cruraque truncata ac ferramenta candentia illorum fistulis immissa, in patibulo suspensus, avibus pabulum futurus: uti ex Annalibus Flandricis etiam retulit Mejerus. Galbertus num. 80 de quodam Lamberto Archei agit, qui fuga etiam elapsus, captus et in custodia detentus dicitur. Quæ forsitan huic Lamberto tributa sunt, cum supplicio illato « militi Georgio, traditorum maximo, qui cum Borsiaro Lamberti filio occiderat comitem; qui post utraque manus truncatas, gladio percussus et per pedes in cloacariam projectus est submersusque, » uti ea Galbertus habet num. 51. At quid sit de occasione erroris, nulla tunc superstitis Lamberti Nappin mentio fit in ullo antiquo scriptore.

19. Simile huic figmentum assumitur in vindicta de reis et sceleratis homicidis sompta. In vernaculis Annalibus Flandriæ, in Formula proclamationis, in Commentario Lernutii aliorumque omnia circa dietam vindictam præolare peracta attribuuntur Guilielmo Iprensi seu Loano, filio Philippi comitis, fratris Roberti Hierosolymitani: cui præ B. Carolo jus erat succedendi in comitatum Flandriæ, nisi illegitimo toro natus fuisset, nisi infra alaro constabit. Hic ergo fingitur audita nece B. Caroli mox Brugas advolasse ac sæpius rediisse, facinoris patrati et ordinem et causas investigasse, milites evocasse, arx seu burgum ut obsideretur præcepisse, novum magistratum creasse, supplicium de Lamberto capto aliisque reis sumendum præscripsisse, ac tandem cum rem Flandricam, tamquam verus successor per septimanas novem gubernasset, quarta vice Brugas venisse, exposuisseque regi Ludovico, quot et quibus modis supplicium de complicibus necis B. Caroli sumpsisset. Quæ aliæque figmenta in dictis Annali-

bus vernaculis et Lernutianie commentariis legi possunt. At contra cum 16 Martii, duabus a cæde B. Caroli elapsis hebdomadis, apud principes obsidionis sparsum fuisset, « Guilielmum Ipreensem comitatu » rege donatum, indigne ferebant. Conjurabant ergo et fide sese taxabant, nunquam sub illo, comite Flandriæ manente, sese militaturos. Nam omnibus suspectus erat, et notatus in traditionem domini consulis. » Ita Galbertus num. 57. Sciebant etenim 6 Martii « Godescalcum Thalhals ab Ipra internuntium ad præpositum aliosque prodicionis complices Brugas venisse, et a Guilielmo ex Ipra intimo amico salutem et amicitiam atque in omnibus promptissimum auxilium, quantum in se est, aperte demandasse; cætera vero, quæ pudet palam referre, introductum in cameram, denudasse: unde tota domus fiduciam in Guilielmo habebat, et comitem eum vocabat et assumebat. In quo sapientes notabant traditionis conscius Guilielmum, qui traditores in maturitate sceleris sui sic salutasset, et cum tota potentia sua ipsis auxilium promptissimum fide et scripto et securitate obtulisset, » ut illa refert num. 44 Galbertus. Addit Gualterus num. 64, « Guilielmum mox ut comitis mortem audivit, eadem die sibi comitatum vindicasse, Ariam oppidum munitissimum occupasse, S. Venantium, Casletum, Bellulam, Ipram, Bergensem quoque et Furnensem terram sibi subegisse. » Cum interim videret proditores ab aliis Flandriæ optimatibus arcte obsideri, et ipse Guilielmus se iis adversarium simulavit. Cum Isaacus præpositi ex sorore nepos captus esset et Teroana Ariam abduceretur, « exspectabat eundem Guilielmum, credens per illum evadere se posse, eo quod traditionis conscius fuisset. At postquam venerat, comes ille, dissimulans conscientiam suam ream fuisse, præcepit Isaacum suspendi. » Quod contigit 23 Martii, uti idem Galbertus habet num. 80 et 127. Quin et ipse præpositus, qui pro Guilielmo curarat « brevia et notationes de redditibus conservari, » extremo supplicio afficiendus, ab eo interrogatus, quinam « adhuc latenter nocentes et culpabiles in morte Caroli comitis forent, respondit coram universis æque illum ac se novisse. Tunc furore arreptus Guilielmus ille præcepit illum interfici. » Quæ num. 93 apud eundem Galbertum leguntur.

20. Interim Guilielmus Northmannus et a rege oblatas, et ab optimatibus assumptus erat in comitem Flandriæ; sed quod a Guilielmo Ipreensi despectui haberetur, « rex ægre tulit superbiam et contemptum adulterini comitis Iprensis, » uti ab eodem num. 90 traditur. Hinc Ipra a rege obsessa est et intercepta, ac reliqua Flandria subacta, et Guilielmus Ipris Insulas abductus, ubi a die 26 April. in captivitate detentus fuit, usque ad 9 circiter Septembris, quo Brugas abductus est et « in suprema camera inclusus, appositis vigilibus et custodibus qui illum cautissime observarunt. » Iterum 8 Octobris « Brugis abductus est Insulas et commendatus castellano illius loci. » Ita Galbertus num. 121,

A 131 et 135. Hæ fuerunt primæ vices, quibus post necem B. Caroli Brugas ingressus fuit. Mejerus de Guilielmo ista scribit, ad eundem annum 1127: « Guilielmus Iprensis juratus in Northmanni verba, depositoque regentis nomine, custodia educitur; cæterum contra fidem Northmanno præstitam, ad Stephanum Anglorum regem transfugit, statimque cum ampla Anglorum manu mari reversus, Scluzeam petit, in agrosque circumjectos populabundus incurrit, incertum patriæ in Northmanno gravior hostis. » Unde hæc somnia Mejerus hauserit, non reperimus. Annales vernaculi habent, capta Ipra, Guilielmum hunc Audomaropoli detentum captivum, at precibus optimatum liberatum; dein in Angliam profectum, et apud regem de injuria sibi illata conquestum: ab eo comitatu Cantii donatum circiter xxiv annos resedisse. Fuisse Guilielmum in Anglia, ac pro Stephano rege militasse circa ann. 1140 ex Chronicis Northmanniæ, Huntindoniensi, et donatione Bertiniano monasterio facta, apud Uredium in Genealogia comitum, pag. 147 constat. Sed agitur hic de anno 1127, quo eum Brugis et potissimum Insulis in custodia detentum diximus.

21. Imo anno sequente 1128, cum magna pars Flandriæ ad Theodoricum Alsatium defecisset, « Guilielmus Iprensis » (uti 27 Martii Brugis scitum est) « a captivitate productus, Cortracum venit, ut consilio et viribus suis et suorum juvaret Guilielmum Northmannum. » Ita Galbertus num. 152. Verum Guilielmo comite e vulnere 27 Julii defuncto, pacificam accepit totius Flandriæ possessionem Theodoricus Alsatius, relicto Guilielmo Iprensi pristino Loensi domino: qui 22 Augusti ejusdem anni litteris Theoderici, quibus consuetudines Audomarenses confirmantur, subscripsit Willelmus, de Lo, et quidem ante Iwanum de Gandavo et Danielelem de Tenremunda, per quo potissimum evocatus Theodoricus comitatum acceperat. Litteras illas vulgavit Chesnæus lib. iv Probationum familiæ Gandensis, pag. 208. Miræus etiam in Notitia Ecclesiarum Belgii cap. 141 profert litteras ejusdem comitis Theoderici, quibus anno 1130 confirmavit prædia, Loensi monasterio concessa, coram testibus, Willelmo filio Philippi comitis aliisque. Est is Guilielmus Iprensis seu Loensis, quem asserit Mejerus « fatalem diem in cœnobio Loano obiisse ix Kalendas Februarias anni 1172, ejusque sepulcrum fuisse suo tempore apertum, ac pedes cruraque jacuisse adhuc integramulto quam cujusquam tum viventis majora. » Hæc ibi. Robertus Willelmi filius de Lo memoratur in Philippi Alsatii diplomate, quod ex archivio abbatiæ Furnensis edidit citatus Uredius, pag. 148. Hinc etiam patet aberrare plurimum Paulum Æmilium, Mejerum aliosque dum omnes in perpetuum possessiones ademptas iis tradunt, qui quocunque modo in necem B. Caroli conspirassent. Quod in sequentibus ut plane inane commentum referretur. De gestis Guilielmi Iprensis in Anglia et ejus consulatu Cantii legi possunt Chronica Northmanniæ et Angliæ.

§ IV. *Cædes B. Caroli, ab Erembaldinis patrata, A occupavit, et Cameracum Antverpiamque urbes a se occupatas per pacem factam Henrico Cæsari restituit: ut illa leguntur apud Jacobum Mejerum lib. III Annalium Flandriæ ad annos 1046, et 1050. At Sigebertus bellum illud exorditur anno 1047 eique per Victorem papam anno 1057 finem impositum tradit scribitque Balduinum Hagionensium Comitatum invasisse, Hojum oppidum incendisse, Andoverpum obsedissee; contra vero Henricum Cæsarem Balduino fugiente, Scaldim transiisse, et multos Flandrensium primates intra urbem Tornacum obsessos cepisse. E quibus tempus Bldranni castellani Brugensis in Scaldim projecti, et Erembaldi in ejus locum suffecti satis superque ostenditur: penes quem ejusque posteros ea castellani dignitas per annos octoginta mansit.*

22. Dum totam hanc seriem variorum scriptorum de vita et nece B. Caroli Boni prelo apparamus, et singula quæque suis notationibus illustramus: admiratione defixi stetimus magna, quod nonnulli ex recentioribus rerum Flandricarum scriptoribus, qui hæc ipsa se legisse innuunt, reos infandi homicidii tanti principis acclamarent Stratenses seu Stratianos, dicerentque præponentem apud Bruges hanc Stratensium familiam tunc floruisse, cum nullus antiquorum scriptorum, si eorum monumenta accurate legantur, vel minimam ista scribendi dederit occasionem. Erat Stratiana prope Brugas progenies, eaque illustris et Carolo comiti grata, cui vicinum urbi Stratenum dominium prope abbatiam S. Andreæ, quæ ex illo decerpta est nomen peperit. Huic odio inveterato infesta atque inimica erat altera eaque admodum potens familia, quam a suo genitore, ut mox patebit, Erembaldinam appellamus. Dissidia crecebant in aliquod intestinum bellum. Stratena domus ab Erembaldinis oppugnata et vastata fuit, et violata comitis auctoritas. Evocatis ad iudicium ferendum optimatibus Flandriæ, declarati Stratenses insontes, Erembaldini rei, eorumque aliqua domus dejecta. Quo facto Erembaldini in iram furoremque acti, B. Carolum, tanquam Stratianorum protectorem, crudeliter macularunt. Hoc posito utramque familiam aggredimur continua rerum oppositione distinguere.

23. Homicidas hosce quos Erembaldinos appellamus, scribit abbas Sugerius, infra num. 39 fuisse « genere humiles, et de fece conditionis servilis: eosque de servili conditione secundum suæ cognationis lineas fuisse, et ideo eos omnibus modis se a servitute comitis, qui ipsos suæ servituti vindicabat, enixos subtrahere » tradit Galbertus n. 12. Adidit Gualterus n. 24, « hanc primam visam fuisse interfecionis occasionem: hinc namque eos gravissima contra comitem cœpisse exercere odia. » Ex hac ergo *servilis conditionis fece* erat Erembaldus, a quo reliqui prognati. Galbertus n. 143 asserit « Erembaldum de Purnis natum, » venisse Brugas, et factum « Bldranni Castellani in Brugis hominem et militem, et sæpe adulterio abusum uxore domini sui castellani illamque adulteram promississe adultero suo vicecomitatu, si vir ejus cito moreretur: unde adulterum semper domino suo machinatum mortem, in imperata a comite expeditione facto noctis silentio in profundum Scaldis præcipitasse: reversum ergo adulteram suam duxisse uxorem, et facultatibus domini sui emisse vicecomitatu. » Hæc Galbertus. Vicecomitatus appellatur ipsa castellani dignitas. Ast indicata expeditio comitis, fuit Balduini Pii sive Insulensis, proavi B. Caroli Boni, qui in societatem belli a Godefrido Magno Lotharingiæ Mosellanæ duce attractus, arma contra Henricum III imperatorem sumpsit, et in imperiali ripa Scaldis Einhamam arcem diruit, castrumque Gandense diu obsessum

24. Miræus lib. II Donationum Belgarum, cap. 25, et in Notitia Ecclesiarum Belgii, cap. 98, edidit donationem ejusdem comitis Balduini Insulensis factam anno 1067, indictione V monachis Bergensibus ad S. Winocum: cui post comitem Balduinum, ejusque conjugem Adelam, ac filios Balduinum et Robertum aliosque subscripserunt Erembaldus castellanus de Brugis, Erkenbertus præpositus, aliique multi, quorum nomina omisit Miræus. At Sanderus in Flandria illustrata, ac ditione Franco-natus pag. 292 asserit hisce temporibus « Stratianorum familiam potentem et opulentam fuisse, et memorari in litteris Balduini Insulensis » ad annum 1067 de quibus egimus, Athelardum de Stratis cum Abbone de Rodanburch. Aliud Miræus in eadem Notitia cap. 412 profert diploma Roberti Hierosolymitani, quo Rainerum præpositum ecclesiæ S. Donatiani creat perpetuum Flandriæ cancellarium anno 1089, cui post Rainerum præpositum, et plures canonicos aliosque subscripserunt Erembaldus Castellanus Brugensis et Rodbertus filius ejus: item Athelardus de Stratis. Mejerus sub initium libri IV recenset præcipuos optimates, qui hisce temporibus floruerunt, inter quos leguntur Eremboldus castellanus Brugensis, Albo, qui supra Abbo Rodenburgen-sis, Adelardus Stratensis. En familiam Erembaldinam a Stratiana plane diversam, et utramque magna apud Flandros existimatione florentem.

25. Fuerunt Erembaldo quinque filii, memoratus ante Rodbertus seu Robertus ab obitu patris Castellanus Brugensis, Lambertus Nappin, qui duo primogeniti statuuntur, et ante necem B. Caroli defuncti; Bertulphus præpositus S. Donatiani; Desiderius Haket etiam, ut infra ostendetur, castellanus Brugensis; et Welfricus, sive Wlfricus, aut Guelricus cognomento *Cnop*. En varia cognomina, *Haket*, *Nappin*, *Cnop* ab antiquis indicata, at nusquam de *Straten* aut quid simile innuitur: quod cognomen cum dominio permansit apud posteros Athelardi de Straten, et fuerunt Thagmarus, sive Thanmarus, qui non habuit liberos, tum Berenvoldus, aut certe alii anonymi, ex quibus fuerunt prognati nepotes Tagmari, de quibus infra agitur. Cum Robertus Hiero-

solymitanus in terra sancta militaret, facto voto abbatiam S. Andreae extrui per uxorem jussit in fundo de Betferkerca; ad illud illustre opus fuerat a Tagmaro de Straten, ante incitatus; quia etiam plurima bona eisdem monachis donavit, secundarius fundator habitus, uti ex antiquis hujus monasterii monumentis ipsi descripsimus. Exstat in Notitia Miræi cap. 125 diploma Baldrici episcopi Noviomensis et Tornacensis, quo « anno 1105 iudictione viii, condonavit altari de Betferkerca jus libertatis, ea conditione, quod monachi inibi constituantur. » Subsignarunt inter alios Berthulphus præpositus, Robertus Castellanus, et Lambertus Nappin, tres fratres Erembaldo patre prognati. Item memoratus Tagmarus de Stratis. Quo artificio Bertulphus factus præpositus fuerit, explicat Galbertus num. 92 his verbis: « Poterat reminisci Bertulphus, quomodo violenter intrusus et viventi præposito Ledberto, viro honesto et propter Deum omnia patienti, superpositus, injuste et contra Deum in templo Dei prælationem usurpasset, » etc. At Robertus castellanus Brugensis apud Sanderum lib. i Rerum Brugensium cap. 7, « signat litteras Balduini (imo Balderici) Noviomensis ac Tornacensis episcopi, quibus ad annum 1096 altare de Oostburch cum capella ipsum respiciente, sita in Isendica, datur Blundiniensibus. » Verum quia Baldericus, Radbone anno 1098 vita functo, creatus est episcopus, in assignato anno mendum est. Iterum apud Sanderum: « Alius, imo idem, Robertus castellanus Brugensis ad annum 1109 signat litteras Roberti Hierosolymitani donationis cujusdam factæ cœnobio Formissellensi. Idem anno 1101 confirmat privilegia ecclesie S. Donatiani. » An recte? Mejerus ad illum annum asserit privilegia isti ecclesie a Roberto comite donata subsignasse Erembaldum castellanum Brugensem cum Roberto filio, Athelardum Stratensem, aliosque Galbertus num. 113 inter filios Erembaldi statuit Robertum post ipsum quoque castellanum secundo loco, et dein post ipsum Robertum asserit filium ejus Walterum, castellanum tertio vicecomitatus loco hæredem successisse. Andreas Chesneus lib. ii Probationum ad Historiam genealogicam familie Gaudensis et Giennensis, pag. 67, edidit partem litterarum Balduini Securis Flandriarum comitis, quibus permutationem villæ d'Oosterseele ab ecclesia S. Bertini pro aliis bonis factam confirmat anno 1113. Huic donationi subscripsit inter alios Walterus, castellanus Brugensis.

26. Verum eo admodum juvene mortuo successit patruus ejus Desiderius Haket, filius Erembaldi, ac frater Bertulphi præpositi. Hic litteris ejusdem Balduini pro ecclesia Formeselensi apud memoratum Chesneum, pag. 188, subscribit anno 1145 Haket castellanus Brugensis, uti aliis litteris in favorem ejusdem ecclesie Formeselensis apud Chesneum, pag. 68, anno 1117, indict. x, Haket castellanus Brugensis. Idem Chesneus, lib. iii Probationum ad *Historiam genealogicam* familie Bethuntensis, p. 49

A edidit litteras Caroli comitis, quibus anno 1122 confirmavit privilegia a decessoribus suis concessa Vulverico abbati S. Bavonis Gandensis ecclesie, » ubi inter testes est Haket castellanus de Brugis. Et sunt hæc solius Haket. Idem comes Carolus Bonus, ejusque buticularius, seu pincerna, Walterus cum Conone fratre dotant Aldenburgensem abbatiam, et diplomati ea super re xvi Kal. Augusti anno 1119, indictione xii, signato subscripserunt Bertulfus Brugensis præpositus, Desiderius Haket castellanus, et Lambertus Nappin tres fratres ac filii Erembaldi: item Thanomarus de Straten et Berenvoldus de Straten. Consule Miræi Notitiam, cap. 168. Dicto Berenvoldo nati videntur Walterus de Straten et duo fratres ejus, passim Thagmari nepotes dicti, quod patre horum mortuo cum ipso degerent in dominio suo de Straten, uti ex sequentibus constabit. Mortuo etiam Lamberto Nappin, supererant filii Burchardus, sive Borziardus, aut etiam apud Anonymum Danum Fromoldus cognomento *Borchardus* et Robertus, eidem Anonymo *Lambinus Morunnater* dictus. Ex Roberto, dein Castellano, nati sunt Walterus, quem castellanum in juventute diximus, et Albertus ac dein ex secunda conjugè Robertus passim *puer* dictus. Huic dominium fuit in Ravenscot in agro Brugensi « in defensionem valde præmunitum, » ut testatur Galbertus num. 47. At Borziardus domum, quam munivit, habuit hand procul Straten, aut forte in dominio dominorum de Straten Hincodia, lites et bellicæ irruptiones inter utramque familiam cœperunt, et quia, ut ait Galbertus num. 15, « Thancinari de Straten justæ parti comes favebat; Berthulphus præpositus universos milites pretio, potentia et petitione accivit in auxilium nepotum suorum contra Thangmarum, et quidem quingentos milites armigeros et pedites infinitos induxit, ferramenta et secures jussit deferri, » etc. In hac oppugnatione domicilii Thangmari occubuit, teste Galberto num. 26, Robertus frater Borziardi, quem occisum suspicabantur ab Henrico de Loeris, milite pro dominis de Straten. Quid actum sit de Alberto, quem tertium Bertulphi nepotem memorat idem Galbertus, num. 11, nusquam indicatur, ut videatur etiam occubuisse, dum « cum copiosa et valida manu collecta (verba sunt Gualteri num. 28) omnem fere incursant circa regionem, domos infringunt, mobilia quæque diripiunt, pauperes exspoliant, quosdam supendunt, plerosque in ferro trucidant, » et hæc absente in Francia comite Carolo, qui Ipras reversus, e sententia optimatam Flandriæ munitio-nem Borziardi curat everti, incendi et funditus destrui. Intercessores pro Borziardo admittit Brugas reversus; novam ei domum, sed alibi addidit, procul a Stratena possessione: « eo quod, » uti asserit B. Carolus apud Galbertum, num. 16, « usque tunc juxta Thancmarum manens, nunquam nisi lites et seditiones cum rapina et cæde ageret. » E quibus magna utriusque familie potentia colligi potest.

27. His peractis conspirant in necem Caroli comi-



tis sex principes factionis, quibus præerat suo concilio Bertulphus præpositus, erantque Guericus sive Wlfricus, frater præpositi, et hujus duo nepotes Burchardus, seu Buziardus, filius Lamberti Nappin, et Robertus puer, filius Roberti castellani, sed satis in vitæ ab aliis attractus; tum Isaac præpositi consanguineus, Guillelmus Viroviacensis et Ingrasus Esnensis. Ita cum Galberto Gualterus, num. 31. Mejerus tres adjungit factionis principes Robertum et Lambertum Nappin, fratres Bertulphi, sed jam ante vita functos, et Guillelmum Lamberti filium, verum hunc ob altum antiquorum scriptorum silentium non arbitramur unquam in rerum natura existitisse, et solum in fabulosis Flandrica scriptis lingua Annalibus procreatam. Interempto die 11 Martii B. Carolo comite manu impiissimi Borziardi, « eodem die, inquit Galbertus num. 35, excursum fecerunt traditores illi in hostes suos, scilicet contra Thangmarum et suos apud Straten et repperunt oppida eorum vacua et curtes vacuas. Nam audito scelere, quod factum est in morte comitis, timuerunt sibi, maxime quod defensorem suum perdidissent... Tunc traditores illi invadentes tam oppidum quam curiem Thangmari, omnia arma et suppellectilem intro diripientes simul cum maxima rapina pecudum et vestium rusticorum villæ illius, atque sic rapina exercitata per totum diem in vespera redierunt. » Hæc Galbertus, testis oculatus, asserit gesta in *Straten*, non, ut Mejerus, in *Orscampo*, sive *Orscampo*, procul inde, prope novam fossam Gandensem.

§ V. *Gesta utriusque familiæ Erebbaldinæ et Stratianæ post necem B. Caroli.*

28. Accessit dein in defensionem Erebbaldinorum, fratrum et nepotum suorum Desiderius Haket, castellanus Brugensis, quo duce suburbia a civibus munita fuisse tradit Galbertus, num. 46. Contra eos arma sumpsit « Gervasius, camerarius S. Caroli, et vii Martii obsedit oppidum Ravenschot in defensionem traditorum valde præmunitum, et viii Martii Roberto puero, cujus oppidum erat, frustra contra obsidentes excurrente, destructum est Ravenschot igne et armis, et juxta Brugas domus Wlfrici Cnop, fratris præpositi, qui mortem comitis juraverat, combusta est. » Ita Galbertus, num. 47 et 48, qui dein tradit « Gervasium intra suburbium susceptum ix Martii, traditores intra castrum obsidisse, » quod Brugenses expugnarunt xix Martii, uti dein inferius S. Donatiani templum. Tunc teste Galberto, num. 74, « nepotes Thancmari de Straten in domo præpositi præfixerunt signa sua superbe et gloriose et potenter, et quidquid intus reppererunt, quasi proprium possidebant, frumenta et vinum quod obtinuerant apud rus suum in Straten emiserunt. Verum cives vas vini trancarunt, portas suburbii clausurunt, ut nemo aufugeret, clamantes Thancmarum et nepotes ejus jure suspendi debere, eo quod eorum causa comes occisus, et præpositus et ejus nepotes obsessi, et plures de ipsorum familia interfecti et morte turpissima damnati fuissent. Et obsessi castellanus Haket

et Robertus puer alique ex turri altiore annuebant brachiis et manibus obsecrantes, ut inimicos illos perderent, quorum causa gravissimum nefas perpetratum: qui ita arroganter in domum præpositi conscenderant, signa victricla affixerant, cum eo tempore, quo castrum expugnatum, dormirent domi et in rure suo, » scilicet in *Straten*, quo sub tutela principum abducti fuerunt. Captus 23 Martii Isaac consanguineus præpositi et suspensus. At 30 Martii Guillelmus Northmannus declaratus est comes Flandriæ, a quo in locum Desiderii Haket (qui Kalendis Aprilis e turri evasit et latuit Liswegæ apud generum suum) constitutus est 2 Aprilis castellanus Brugensis Gervasius. Dein 11 Aprilis Bertulphus præpositus Ipris suspensus, et 14 ejusdem mensis occupatum est solarium templi S. Donatiani, ejusque turris dedita die 19, et sumptum supplicium 5 Maii, quando Wlfricus frater præpositi alique xvii complices e turri dejecti perierunt. Bursiardus dein suspensus est, et Robertus puer Casleti capite plexus.

29. Anno sequente 1128 assumpto in comitem Theodorico Alsatii paulatim defecerunt Flandria a Guillelmo Northmanno: cui adhæserunt Stratenses, etiam contra Brugenses qui 26 Martii pro excepto Theodorico « excursum fecerunt ante domum Thancmari. At postridie summo mane Thancmarus, et nepotes ipsius domum et mansiones proprias in Straten combusserunt, quia si hoc non fecissent, Daniel et Juan cum suo Theodorico fecissent, » uti ea testatur Galbertus num. 151 et sequente. Ast « 11 Aprilis nepotes Thancmari cucurrerunt super Brugenses apud Harenas, evocantes cives ad militias faciendas: et 23 Aprilis nepotes Thancmari incenderunt domum Fromoldi junioris in Berenhen, et 12 Junii incenderunt domum vicinam castro Brugensi. At castellanus Brugensis Gervasius occurrens, cepit Walterum nepotem Thancmari, per quem occasio et causa seditionis et pugnae totius originem habuit inter Borsiardum traditorem comitis Caroli et Thancmarum. Cives vero Brugenses manus præ gaudio complotas conferebant, quod captus esset Walterus, qui caput et principium fuit totius mali terræ nostræ, pro cuius dolis Carolus consul traditus est, non quod ipse tradidisset, sed hostes suos Borsiardum et suos ad tradendum compulisset. » Ita Galbertus num. 174, addens se « hæc dicere secundum sensum vulgi, et secundum furorem animi illorum, qui modo captivum Walterum præfatum suspendere (voluissent) aut novo et inaudito mortis sine dissipasset, si comes permisisset. » Dein 11 Julii ut e vulnere convaleretur Walterus e captivitate educitur, factis obsidibus duobus fratribus, quos 25 die ejusdem Julii liberavit Walterus in captivitate reductus, ut plenius Galbertus narrat: e cuius verbis « secundum sensum et furorem vulgi, Walterus de Straten, caput et principium totius mali » proclamatus, videtur perperam principibus factionis Erebbaldinorum enumeratus, et occasionem dedisse hos appellandi Stratenses aut Stratianos.

30. Mortuo ex vulnere adhuc eodem mense Julio



Guilielmo Northmanno, pacificam Flandriæ possessionem accepit Theodericus Alsatus, a regibus etiam Franciæ et Angliæ approbatam: qui anno 2 comitatus, Christi 1129, confirmavit donationes monasterio Aldenburgensi factas, quibus cum aliis subscripsit Thanemarus de Straten, qui eodem modo subscripsit litteras donationum ejusdem Theoderici comitis pro abbacia Quercetana anno 1130. Videndus Miræus in Notitia Ecclesiarum Belgii, cap. 139 et 168. «Erat Thanemarus, sive Tachmarus, vir potentia et divitiis clarus, qui successione proles carens, bonorum suorum Christum constituit hæredem, ea conferens monasterio S. Andreæ: cujus devotio in tantum crevit, ut ibidem monachatum professus, laudabiliter vixerit et sancte mortuus sit; » uti ea ex relatione Henrici Zypæi dicti monasterii S. Andreæ abbatis describit Sanderus in citata Flandria illustrata, pag. 292. Ex quibus constat hunc Thangmarum alium recte a nobis constitui a Themardo castellano Brugburgensi cum B. Carolo occiso. Apud eundem Sanderum litteris dicti Theoderici Alsatii postmodum subscripsit Riquardus vander Straten, alter forsitan fratrum Walteri vander Straten, de quibus supra egimus. Alius etiam Richardus dominus vander Straten anno 1230 vixisse traditur. Addit Sanderus toparchiam de Straten postmodum pertinuisse ad Costerios, Duzezelios, Halmalios, Ghistellanos. At Brugis didicimus nunc spectare ad principem Chinacensem et comitem Middelburgensem.

31. Hæc de familia Stratiana dicta sufficiant; aliqua solum restant de Ere baldina seu pro ditrice dicenda. Paulus Æmiliius asserit « nulli conjuratorum temperatum nec noxiorum modo morte placula cæsi comitis expetita, sed quicumque aliqua necessitudine eos contingebant, atque adeo paulo notiores, aut ferro pulsos, aut metu voluntarium sibi exsilium longinquumque constituisse, finitimis eos detestantibus, execrantibusque. » Mejerus addit « apud quosdam memoriæ proditum, partem horum parricidarum patria extorres pervenisse in Hiberniam, permissuque regis Angli, quandam ibi coluisse insulam, nomine Gerinam, ibique in tantam, excrevisse gentem, ut ipsi aliquando regi ausi sint rebellare. In Flandria diruta fuere funditus eorum ædificia, adempta in perpetuum restituendi potestate. Agri possessionesque universæ gravissimis damnatæ tributis, execrata damnataque in æternum progenies. » Hæc Mejerus, alii que eum secuti: quæ nobis plane improbantur, uti constat ex supra dictis de Guilielmo Iprensi filio Philippi comitis, sed res clarissima fiet in Desiderio Haketto castellano Brugensi, fratre Bertulphi præpositi, et patruo Burchardi seu Bursiardi. Hic mox, atque B. Carolus fuerat interemptus, « in ejus domum cum suis ad eam obtinendam descendit, » et fratrum nepotumque, atque aliorum conjuratorum protectionem tutelamque suscepit: dein « claves omnes B. Caroli de domo, de scriniis et cistis quæ in domo erant, cum aliis violenter extorsit, et in suam potestatem redegit. » Quæ primo

die facta narrat Galbertus num. 26 et 36. Cum aliis dein intra burgum inclusus obsessusque in tanto aliorum odio fuit, ut « quidam ex curte ejus nomine Robertus, cursor et serviens ejus, interceptus fuerit in medio fori occisus et in paludes attractus. » Admitti etenim ab Aldenburgensibus in novum comitem non potuit Guilielmus Northmannus, quin promitteret et ipse et rex, » Haket castellanum et reliquos traditores numquam deinceps hæredes fore in comitatu Flandriæ, » quæ apud eundem Galbertum n. 51 et 89 leguntur. Impetrata interim ab obsessis fuit alloquii facultas, in qua peroravit Haketus pro omnium liberatione, reis efflagitans perpetuum exsilium, sibi vero, Bertulpho præposito et Roberto puero, quos secum innocentes volebat, plenam securamque libertatem. Respondit nomine multitudinis obsidentis Walterus miles, ac nemine excepto omnes reos probavit: « Itaque deinceps, subjungebat, fidem et hominia, quæ hactenus vobis servavimus, ex festucamus, damnamus, abjicimus. Finita responsione omnes arreptis festucis, ex festucaverunt illorum obsequium, hominum, fidem et securitatem. » Ita Galbertus num. 64 et 65. At « Kalendis Aprilis, uti asserit num. 86, feria sexta in die Parasceve castellanus Haket a turri evasit solus, et transivit apud Liswega, et ibi latuit cum filia sua, quam ibidem duxerat olim miles magni generis et divitiarum plenus. Expectabat enim ille fugitivus quid deinceps ageret. » Postridie « in sabbato sancto Paschæ » in hujus locum « constitutus est Gervasius Castellanus in castro Brugensi. »

32. Memoratus miles vocabatur Walterus Crommelin, sive Clomliin: qui contra Guilielmum Northmannum primum suppetias attulit Burgensibus, teste Galberto num. 149, qui et gener Haket et filius Robertus superstites tempore Theoderici Alsatii fuerunt, et pacificam rerum suarum possessionem detinuerunt. Cujus rei illustria duo testimonia exhibet Andreas Chesnæus in Probationibus ad librum II Historiæ Genealogicæ familiarum Gandensis et Gisenensis. Hic cum pagina 70 protulisset litteras Theoderici Alsatii, quibus possessiones abbatiæ Gandensis S. Petri confirmavit, ista pag. 71 subjungit: « Litteræ aliæ Theoderici comitis Flandriæ, quibus curat sopire et penitus decidere, præsentibus præcipuis baronibus suis, querelam inter abbatem S. Petri et Haketum quondam castellanum Brugensem, super eo quod intra ambitum parochiæ quæ dicitur Liffinga, præfata ecclesia ex antiquo Bercænas super littus maris possidet, quibus per maris alluvionem nova quædam terra conglutinata est et concreta. Hæc acta sunt sub sigillo et signo prædicti comitis Theoderici. Testes Juanus de Alost, Daniel de Ternemunda, Gerardus de Oldenarde, Wenemarus Castellanus Gandensis, Balduinus de Belle, Everardus de Gant, Christianus de Gistella. Actum Brugis anno Verbi incarnati 1133. » Hæc ibi. Ex nominatis baronibus Juanus de Alost, Daniel de Ternemunda et castellanus Gandensis, cum suo singuli milite obsederant a 10

et 11 Martii burgum Brugense, et cum aliis « exfe-  
 atucaverant Hæketi castelli aliorumque obsequium,  
 hominum, fidem et securitatem, » et modo iidem  
 barones querelam de certa possessione Hæketi so-  
 piunt et decidunt cum comite suo Theoderico. Qualia  
 de Hæketi filio et genero adduntur apud eundem  
 Chesnæum eadem pag. 71 his verbis: « Litteræ  
 ejusdem Theoderici comitis Flandriæ, quibus so-  
 piunt querelam quæ erat inter Gisbertum abbatem S.  
 Petri Gandensis et Robertum filium Hæketi quondam  
 castelli Brugensis et Walterum Crommelin gene-  
 rum ejus super terram in Testrep et decima de Groede.  
 Signum Theoderici comitis, et S. Iwani de Alost, S.  
 Danielis de Tenremonde, S. Gerardi de Aldenarde, S.  
 Rasonis buttellarii, S. Theoderici camerarii, S. Mi-  
 chaelis constabularii, S. Wenemari castelli Gan-  
 densis, S. Ghisleberti castelli de Berghes, S.  
 Belduini castelli de Lens, S. Walteri de Nivella,  
 S. Balduini de Belle, S. Gervasii de Ythelhem, S.  
 Everardi de Gandt, S. Walteri Crommelin. Actum  
 hoc Brugis Verbi incarnati anno 1133, indict. xi,  
 regnante rege Ludowico in Francia, Theoderico  
 principante in Flandria, anno sui principatus vi. »  
 Hæc ibi. In memorata superius donatione ejusdem  
 comitis Theoderici anno 1130 abbatibus Quercetanæ,  
 subsignavit idem Hæketi gener Walterus Clomliin.

33. Plura omittimus congerere, cum ex his satis  
 colligamus sub Theoderico comite factam fuisse  
 ἀμνηστίαν, sive obliationem injuriarum et præ-  
 teritorum in perpetuum oblivionem: neque exse-  
 cretam damnatamque in æternum mansisse eam  
 progeniem, uti ex fabulosa formula proclamationis,  
 quæ præ foribus templi legitur, conati fuere probare,  
 Mejerus, Marchantius, Lernutius; et hic quidem,  
 quod die Veneris fingeretur comes occisus, refert  
 eam exsecrationem solitam fieri « prima ac secunda  
 die Veneris mensis Martii. » At quia ex Gualtero et  
 Galberto aliisque antiquis scriptoribus B. Carolum  
*die secundo Martii et feria quarta* interemptum fuisse  
 certo constabat, *damnatio sexto Nonas Martii cæpta*  
*divulgari*, et si Mejero credatur, *ad tubæ cantum*, at  
*per cornicinem exsecrari progeniem* scripsit Marchan-  
 tius. Quæ omnia viso hoc scripto melius omittentur,  
 cum Deus prima Veritas tot conferis mendaciis non  
 honoretur.

¶ VI. *Series castellanorum urbis Brugensis et præ-*  
*positorum S. Donatiani, ad hanc historiam spectans,*  
*recte ordinata.*

34. Quia posteriores scriptores nullam fere noti-  
 tiam habuerunt castellanorum et præpositorum Bru-  
 gensium, de quibus jam egimus, eorum repeto cata-  
 logum; et fuerunt castelli Boldrannus sub Bal-  
 duino Insulensi circa annum 1050; Erembaldus per  
 annos quadraginta et plures, Robertus ejus filius;  
 tum Walterus dicto Roberto natus; Desiderius Ha-  
 kettus, Erembaldi etiam filius, quo deposito Gerva-  
 sius camerarius B. Caroli, et hoc defuncto Radulfus,  
 qui et Gervasius de Præt, subscripserunt anno 1143  
 litteris Theoderici comitis pro ecclesia S. Mariæ

A Trunchinensis. An hic secundus Gervasius fuerit  
 prioris filius, num potius posterioribus occasione  
 aberrandi dederit dum illum de Præt cognominant,  
 relinquimus aliis excutiendum. Degebat inter vivos  
 eodem tempore Gervasius de Ythelhem, jam ante  
 relatus. Sanderus castellanus Gervasius, *de Brugis*  
 cognominatur, quod etiam non admittimus. Nam  
 idem Sanderus lib. i Rerum Brugensium, cap. 7,  
 dum antiquos castellos Brugenses proponit, ma-  
 gnâ incertitudine seriei ostendit: Boldrannum ignora-  
 vit, Robertum præponit Erembaldo, et iterum tan-  
 quam alium subjungit, imo filium fuisse Erembaldi  
 non prodit: uti neque hujus filium statuit Walterum,  
 cui recte subjungit Hæket, sed quis fuerit siletur;  
 sed pessime illo subnoto ad annum 1120 statuitur  
 Arnulfus de Nielles vel castellanus vel castellanorum  
 Brugensium affinis, memoratus in litteris Manassis  
 comitis Gisenensis et Emmæ uxoris. Litteras illas  
 edidit Chesnæus in ante indicatis Probationibus, pag.  
 39, sed Arnulpho aliisque testibus omissis. At mox  
 pag. 40 et 41 inter testes profertur Arnulphus, sive  
 Ernulphus, de Niele ad annum 1120 et 1128, nulla  
 prorsus addita aut dignitate castelli aut affinitate  
 cum castellanis. Verum excluso Arnulpho fuisse  
 Brugensium castellanum Desiderium Hakettum ab  
 anno 1115 ad annum 1127 ex supradictis certissi-  
 mum est: cui tunc deposito successit Gervasius, et  
 huic defuncto Radulfus.

C 35. Indicavimus etiam ecclesiæ Donatianæ præpo-  
 sitos Erkenbertum, Rainerum, Ledbertum et Ber-  
 tulphum: in cujus locum infra apud Galbertum  
 num. 120 substituitur Rodgerus, anno 1157 mortuus  
 uti ipsi in choro S. Donatiani in sepulchrali lapide  
 legitur. Interim Sanderus lib. ii Rerum Brugensium,  
 cap. 4, et ex eo Sammarthani tomo II Galliæ  
 Christianæ in episcopis Brugensibus ineptam seriem,  
 licet « accurate collecta » dicatur, proponunt, et  
 omisso Ledberto adhuc octo enumerant: et sunt hi:  
 Erkenbertus, Rainarius, Bertulfus, Guido cancella-  
 rius, Bertulphus, Rodgerus, Arnulphus Stratensis,  
 Rogerius. Ex his unus idemque est qui aliis interpo-  
 sitis ut diversi nominantur Bertulfus, et littera una  
 mutata *Bertulphus ac Arnulphus Stratensis*, « quando  
 Carolus Bonus fuit trucidatus; » item unicus est  
 Rodgerus et Rogerius, perperam distincti: et ultimi  
 obitus non debuit referri in annum 1147, cum decem  
 annis serius mortuum fuisse inscriptio sepulchralis  
 indicet. Interponitur Guido cancellarius, quia « sub-  
 signavit foundationi Roberti Hierosolymitani factæ  
 anno 1105 abbatibus S. Andree. » Verum non viden-  
 tur litteras foundationis legisse, quas subsignasse  
 Bertulphum præpositum cum duobus fratribus supra  
 diximus. Hugo cancellarius de Rogia subscripsit ad  
 annum 1130 donationi monasterio Aldenburgensi  
 factæ, non tamen ideo inter præpositos Brugenses  
 numerandus, etiamsi nullus præpositus reperitur  
 donationem subsignasse, quæ videri potest apud  
 Miræum in Notitia Ecclesiarum Belgii, cap. 139.

§ VIII. *Cætes B. Caroli, ex Actis Ludovici Grossi regis Francorum, auctore Sugerio abbate.*

36. « Egrotie factum, quo nobilius ab adolescentia sua usque ad vitæ limitem nullum perpetravit, vitando fastidium, cum inulta egeat, brevi narratione memorare non quomodo, sed quid fecerit, significantes proposuimus. Famosus comes vir potentissimus Carolus, de amita domini regis Ludovici, Danorum regis filius, cum successisset jure consanguinitatis fortissimo comiti Balduino, Hierosolymitani Roberti filio, Flandriæ terram valde populosam tam strenue quam diligenter administrabat: Ecclesiæ Dei illustris defensor, eleemosynarum liberalitate conspicuus, justitiæ tutor insignis. Qui, cum debitor honoris adepti, potentes quosdam, genere humiles, opibus elatos, dominio ejus lineam consanguinitatis absentare superbe innitentes (erant enim de fece conditionis servilis) iudicio curiæ convenienter satis repeteret: ipsi, videlicet Brugensis ecclesiæ præpositus et sui, viri superbissimi et famosi proditores, crudelissime ei insidiabantur. Cum igitur quadam die Brugas venisset, summo mane ecclesiæ Dei assistens, pavimento prostratus, librum orationum manu tenens orabat: cum subito Buchardus quidam, nepos præpositi præfati, satelles truculentus, cum aliis de eadem sceleratissima radice, et aliis traditionis pessimæ complicitibus oranti, imo Deo loquenti tacite retro cedit, et caute gladio evaginato collum terræ prostratum comitis suavissime tangens, ut paululum erectum ferientis gladio se inopinately dirigeret, ense ei applicans, uno ictu impius pius, servus dominum sceleratissime detrunct. Qui autem astabant necis impiæ cooperatores, sanguinem ejus sitientes, tanquam canes in relicta cadavera debacchantes, innocentem laniare gaudebant, summo opere gloriantes, quod opere complere potuerant, quem conceperant dolorem, et quam pepererant iniquitatem. Et apponentes iniquitatem super iniquitatem, utpote malitia sua exœcati, quoscumque castellanos, quoscumque nobilioris comitis barones, sive in eadem ecclesia, sive extra in castro offendere poterant, infelicissimo miseræ mortis genere imparatos, nec confessos trucidabant. Quibus tamen prodesse valde arbitramur, quod pro fidelitate domini sui taliter mactati in ecclesia orantes sunt reperti, cum scriptum sit: « Ubi te invenero, ibi te iudicabo » (Ezech. xxiv, 14). »

« Comitem vero truces in ipsa ecclesia tumultantes (ne honorifice extra deplangeretur et sepeliretur, et pro gloriosa vita, et gloriosiore morte devotus populus in ejus ultionem incitaretur) ecclesiam ipsam speluncam latronum statuentes, tam ipsam quam comitis domum ecclesiæ inhærentem muniverunt, et quibuscumque paratis victualium alimentis, et se ipsos exinde protegere, et terram sibi allicere summa superbia deliberant. Tanti igitur et tam scelerati horrore facti attoniti, qui his non assenserant, Flandriæ barones lacrymales exsequias persolven-

tes, notam prodicionis evitant, dum hoc domino regi Ludovico, neo ei tantum, sed fama volante per universum orbem denuntiant. Rex autem, et amore justitiæ et consanguinitatis affectu, in ultionem tantæ prodicionis excitatus; nec regis Anglici, nec comitis Theobaldi guerra detentus, Flandriam animosus intrat, ut nequissimos atrocissime perdat, toto animi et operis nisu exæstuat. Comitem Flandriæ Guillelmum Northmannum, filium Roberti Hierosolymitani Northmanniæ comitis (ad eum enim jure consanguinitatis spectabat) constituit. Ut autem Brugas descendit, non veritus terræ barbariam, nec fedam proditoris consanguinitatis lineam, ipsos proditores in ecclesia et turre obseesos coarctat; victualia præter sua, quæ divino nutu eorum etiam usui importuna repugnabant, prohibet. Ut autem fame, peste et gladio aliquantis per eos contrivit, ecclesiam relinquentes, turrim tantum ut eos turris retineret, retinuerunt. »

37. « Jam ergo de vita eis desperantibus, cum jam in lutum verteretur cythara eorum, et organum eorum in vocem flentium, nequissimus Buchardus sociorum consensu, fuga lapsus, terram exire volens, nec valens (sola iniquitate propria prohibente, in firmitate cujusdam amici et familiaris reversus, interceptus regis Imperio, exquisito miseræ mortis genere alta rota superligatus, corvorum et alitum rapacitati expositus, desuper oculis defossus, et tota facie dilaceratus, inferiorum sagittis et lanceis et jaculis millies perforatus, miserime interfectus, in cloacam projectus est. Bertoldus vero, caput iniquitatis, cum similiter effuzere decrevisset, cum huc illucque satis licenter deambulasset, sola superbia reversus (dicebat enim: Quis ego, aut quid ego sum?), etiam capitur, et regis arbitrio expositus, merita et miserima morte est damnatus. Furcis enim cum cane suspensus, quoties canis peroutiebatur, in eum iram retorquens, totam faciem ejus masticando devorabat: aliquando etiam, quod horribile dictu est, stercorabat, sicque miseram vitam, miserior miserrimo, morte perpetua terminavit. Quos autem in turre incluserat, multis angustiis ad deditionem cogens, sigillatim unum post alium coram sui fractis cervicibus dejecit. Quendam etiam eorum, Isaac nomine, timore mortis in monasterio quodam tonsoratum, demonachatum patibulo affixit. Potitus itaque Brugensi victoria rex cum suis, Ipram proptimum castrum contra Guillelmum Bastarum, prodicionis fautorem, ut et in eum ulciscatur, accelerat. Brugenses tam minis, quam blanditiis, directis ad eos nuntiis allicit. Dumque Guillelmus cum trecentis militibus ei obviam, altera pars regalis exercitus in eum irrumpit, altera ex obliquo alla porta castellum audacter occupat, eoque retento Guillelmum a tota Flandria exheredatum exterminat. Et quia prodicione ad possidendam Flandriam aspiraverat, merito in tota Flandria nihil obtinuit. His ergo, et diversis ultionum modis, et sanguinis multi effusione tota et quasi rebaptizata Flandria, Guil-

Ielmo Northmanno comite constituto, rex in Franciam, Deo auxiliante, victor remeavit. »

38. Dicitur *amita Ludovici regis*, mater B. Caroli Adela, soror uterinæ Berthæ filiæ Florentii primi comitis Hollandiæ, quæ nupta Philippo I regi Francorum, peperit illi dictum Ludovicum. At Gertrudis mater Berthæ mortuo primo suo marito Florentio comite, iterum nupta fuit Roberto Frisoni, ex qua hic genuit Robertum juniorem Hierosolymitanum,

A Adelam matrem B. Caroli et Gertrudem matrem Theoderici Alsatii, dein comitis Flandriæ. Cæterum quæ de cane adduntur in supplicio Bertulphi, ita narrat Galbertus num. 94 : « Ipremsium turba furens in mortem præpositi canis viscera contorserat circa collum ejus, et os canis ad os ejus vitalem spiritum expirantis opposuerunt, æquiparantes cani ipsum et facta ipsius. »

## VITA PRIOR

AUCTORE GUALTERO ARCHIDIACONO ECCLESIAE MORINORUM.

(*Ex tribus mss. codicibus et editione Jacobi Sirmundi.*)

### PROLOGUS.

Domino suo et Patri merito sanctitatis, totius reverentia devotionis excolendo, JOANNI (1) sanctæ Tarvanensis Ecclesiæ episcopo, frater GUALTERUS, dignationis ejus inutilis servus, debitum omnimodæ subjectiōnis obsequium.

1. Præcepit humilitati meæ auctoritas reverenda paternitatis vestræ, ut, quia his nostris temporibus horrenda nimis a nefandis hominibus in partibus istis perpetrata sunt crimina, universo mundo execrabilia; et in ultionem eorumdem formidanda multum divinæ justitiæ eminuerunt judicia, pro eorum immanitate æquissima retributionis lance ponderata: ethæc omnia quantum præteritis generationibus inaudita, tantum præsentibus mirabiliora, sicut gesta sunt cuncta stylo percurrem, et ad notitiam posterorum scribendo transmittam. Quæ omnia ideo scribi, et scripto futuris temporibus manifestanda servari, decrevit providentia vestra, ut eis lectis vel auditis, et boni, tanta superni Judicis æquitate considerata, in amorem ipsius ardentius excrescant; et mali, tam terribili divinæ ultionis judicio cognito, per timorem ipsius a sua se pravitate compescant. Accessit etiam vestræ jussioni, domini Goscelini decani et fratrum nostrorum amica mihi et omni cum honore semper suscipienda petitio: cui in cunctis Deo placitis obtemperare fervente opto desiderio. Vestræ igitur sanctitatis auctoritate et fraterna cogente charitate, aggrediar (ipso qui linguas infan-

B tium facit disertas adjuvante, ac meæ ariditatem linguæ rore suæ gratiæ irrigante et irrigando fecundante) quod injungitis agere: virtute magis fretus obedientiæ, quam ejus, quam nondum adeo, ut id audere debeam assecutus sum, litteralis scientiæ.

2. Conabor autem, quia etiam sic placet vobis, omni nævo lalsitatis et vulgaris incerto opinionis evitato, simplici tamen, ut potero, quæ acta sunt narratione referre: quatenus et superfluis verborum phaleris, et rhetoricorum ornamentis colorum exquirendis minus intentus, fastidiosam sic caveam pro ixitatem, ut nec nimis brevitati studens, eorum, quas vel ipse vidi, vel virorum veracium testimonio indubitanter cognovi, rerum lectoris cognitioni duntaxat necessariam occultare inveniar veritatem (2). Et, ut facilius elucescat omne quod dicitur, totam sequentis seriem opusculi, compendiosis comprehensam titulis, numeris singulorum paginæ præfixis, disposui designare: quo videlicet lectori cæca quodammodo pagina tedium nequaquam pariat, et ad invenendum quod quæritur expeditior aditus pateat. Quod si singula naturali conperstrinxero ordine, lectorem precor nequaquam id moveat; sed et posteriora cum se intulerit, opportune aliquando anticipando præmittere, et priora liceat ordine artificiali quandoque recapitulando subjungere: dum tamen, ubi exegerit ratio, satis appareat, quid quo gestum sit tempore.

### INDEX CAPITUM.

CAP. I. De tempore et loco mortis Caroli.

CAP. II. De martyrio patris ejus, et morte fratris ejus, et primordiis virtutum Caroli.

CAP. III. Memoria probitatis Roberti junioris.

CAP. IV. De reversione ejus ab Hierusalem et morte.

CAP. V. De proœctu filii ejus Balduini.

CAP. VI. De defectu ejusdem et sepultura.

CAP. VII. De substitutione Caroli.

CAP. VIII. De tempestate guerrarum oborta.

D] CAP. IX. De eadem auxilio Dei sedata.

CAP. X. De mansuetudine ejus, et aliorum elatione.

CAP. XI. Qualem se correptoribus et subditis exhibuit, et pauperibus.

CAP. XII. De severitate ejus erga superbos ac barbaros, et sagacitate in causis.

CAP. XIII. De perversorum malitia adversus eum excitata.

(1) Mortuum esse B. Joannem anno 1130, 27 Januarii, necdum triennio a cæde S. Caroli elapso, diximus supra § 1.

(2) Hæc periodus in editione 4 Suriana ultro

omissa est: nos capitum titulos huic præfationi subjunctos indicamus, ac postea more nostro distinguimus, ipsis tamen auctoris capitibus margini ascriptis.

- CAP. XIV. De præposito Brugensi, et domesticis ejus. A  
 CAP. XV. De calumnia servilitatis.  
 CAP. XVI. De inimicitis Burchardi et Tangmari.  
 CAP. XVII. De conditione treugarum et infractione earum.  
 CAP. XVIII. De querela Tangmari et contumelia præpositulium.  
 CAP. XIX. De rapina præpositulium absente comite.  
 CAP. XX. De reversione comitis et vindictæ deliberatione.  
 CAP. XXI. De destructione munitionis Burchardi.  
 CAP. XXII. De legatis a præposito ad comitem missis pro Burchardo.  
 CAP. XXIII. De furore præpositi, et suorum, et nequitia legatorum.  
 CAP. XXIV. De conjuratione eorum, et quod comiti non potuit persuaderi.  
 CAP. XXV. De eleemosyna comitis, et oratione ac interfectione.  
 CAP. XXVI. Comparatio sceleris perfidorum et sceleris Judæorum.  
 CAP. XXVII. Commendatio martyrii comitis.  
 CAP. XXVIII. De morte castellani et filiorum ejus et Gualteri.  
 CAP. XXIX. Præpositales corpus ejus alibi decernunt tumulari.  
 CAP. XXX. De contracto sanato.  
 CAP. XXXI. De populi veneratione et præpositi obduratione.  
 CAP. XXXII. De sepultura corporis ejus.  
 CAP. XXXIII. De obsidione Brugensium.  
 CAP. XXXIV. De fuga Isaac et latebra ejus.  
 CAP. XXXV. De vulgatione ejus, et monachatu, et captione, et interitu.  
 CAP. XXXVI. De obsidione aucla, et munitione irrupta.  
 CAP. XXXVII. De effugio præpositi et latibulis ipsius.  
 CAP. XXXVIII. De prodicione ejus et morte.  
 CAP. XXXIX. De pugna Guidonis et amborum irrisione.  
 CAP. XL. De fuga Burchardi, et miraculo in navi.  
 CAP. XLI. De prodicione ipsius.  
 CAP. XLII. De comprehensione ejus et patibulo et morte.  
 CAP. XLIII. De perturbatione post mortem comitis et pace.  
 CAP. XLIV. De adventu regis et ordinatione comitatus.  
 CAP. XLV. De impedimentis regie dispositioni obviantibus, et comitis processibus.  
 CAP. XLVI. Brugensium deditio, et miraculum in alimentis, et ecclesie purgatio.  
 CAP. XLVII. De miraculo in corpore comitis ostenso, et eo tumulato.  
 CAP. XLVIII. De expeditione regali, et traditione Yprensi.  
 CAP. XLIX. Guillelmus capitur, Ypra incenditur, Flandria subigitur.  
 CAP. L. De supplicio deditiorum Brugensium.  
 CAP. LI. De improbitate Ingrasni, et fuga.  
 CAP. LII. De Guillelmo Viroviaceusi, et fuga ejus.  
 CAP. LIII. Conclusio libelli.

## PARS I.

*Acta B. Caroli in juventute sub Flandriæ comitibus Roberto Frisio, et Roberto juniore: iter Hierosolymitanum.*

3. (CAP. I.) Anno itaque Verbi incarnati 1127, indictione v, sexto Nonas Martii, terræ nostræ pace sublata, quiete turbata, deleta honestate, extincta omni fere felicitate mortalium; guerrarum, laborum turpitudinum, et totius infelicitatis detestabile cœpit exordium. Eodem enim ipsius anni die, in unius vita multorum vitæ periclitatæ: et ex unius in debita morte, multorum justo Dei judicio mortes debite terribili quadam generatione sunt propagatæ. Tunc namque, secundum prophetam (*Ps. cviii, 14*), in memoriam rediit iniquitas patrum nostrorum in conspectu Domini, et antiqua peccata nostra nova cœperunt ultione feriri: ut, in cujus manu post Deum hactenus constiterat salus populi, eo de medio sublato, manifeste daretur intelligi quod divini jam in publicum prodiret censura judicii, quæ prius latuerat in occulto præscientiæ Dei. Ipso enim die in

(3) Colitur S. Canutus rex Daniæ martyr, 10 Julii, quo occisus est: ad quem diem varia ejus Acta dabimus. Ex hujus S. Canuti fratre Erico Bono, itidem rege Daniæ, natus est S. Canutus Lawardus rex Obotritorum et dux Sleswicensis, occisus 7 Januarii, quo die ejus gesta illustravimus.

(4) *Daciam* pro *Dania* passim scripsere omnes istius temporis auctores. Petrus abbas Cellensis, lib. viii, ep. 19, quæ est ad archiepiscopum Lundensem: « Vestra Dacia remota est a nostra Francia; » et mox: « Species illi una et in Dacia et in Francia. »

(5) Anno Christi 1086, in civitate Ottonia, sive Othensia in ecclesia S. Albani martyris Britanni; cui 22 Junii sacer est.

plurimorum perniciem execrabili quorundam scelere interfectus est Brugis in ecclesia S. Donatiani C Carolus comes Flandriæ, filius Canuti martyris (3), regis quondam Daciæ (4), et Adelæ reginæ, quam postea duxit uxorem Rogerius dux Apuliæ. Ut autem interfectionis ejus occasionem, et cælestis vindictæ animadversionem, in mortis ejus auctores terribiliter exertam, evidentius possumus ostendere, narratiunculæ nostræ exordium paulo superius libet repetere.

4. (CAP. II.) Pater ergo ipsius rex prædictus, postquam suorum perfidia, in ea, ad quam timore mortis confugerat, occisus est ecclesia (3), Domino per eum operante signa et prodigia, inter martyres computatus apud Dacos, ex tunc et hactenus in magna veneratione est habitus. Regina vero cum hoc filio suo parvulo ad patrem suum Robertum (6), strenuissimum marchionem (7), Roberti (8) quondam Francorum regis ex filia (9) Adela nepotem, cognomento (10) Frisonem, et matrem nobilissimam Ger-

(6) Invasit Robertus comitatum anno 1072, de cujus genealogia et erepto vi comitatu plura a Galberto proferuntur, num 109 et seq.

(7) Comites Flandriæ olim marchiones dicebantur, quod limitem regni Erancie occiduae protegerent.

(8) Hic est Robertus filius Hugonis Capeti, cui anno 997 defuncto successit et vixit usque ad annum 1031.

(9) Adela nupta est Balduino Pio, sive Insulensi, anno 1027, et eo mortuo sanctimonialis facta vixit in monasterio Messinensi prope Ipras a se fundato, ibidem anno 1079 defuncta. Ab hac avia sua mater S. Caroli appellata est Adela.

(10) *Friso* seu *Frisius* cognominatur, quod præter

trudem clara (11) Saxonum stirpe progenitam, in Flandriam reversa; ibique aliquando tempore morata, memorato duoi (12) Rogerio a parentibus est nuptum data. Cui et filium nomine (13) Guillelmum peperit, qui patri defuncto in ducatum successit, et honorem acceptum, morum ingenuitate ac strenuitate, multipliciter nobilitavit. Sed audito unici sui germani exitu, primum quidem inconsolabiliter dolere, deinde etiam ipse cœpit lethaliter languere. Qui, ut se periclitari cognovit, Salernitanum archiepiscopum (14) et Trojanum episcopum advocavit, atque quod antea, dum incolumis esset, fecerat, eorum quoque testimonio desiderans confirmari, quidquid mobilium vel immobilium in terra possidere videbatur; beato apostolorum principi Petro, ejusque vicario sanctissimo papæ Honorio (15), ex

cujus ore sacro hoc ipsum frequenter audivi, jure perpetuo possidendum delegavit, ac deinde in confessione Domini ab hac luce migravit (16).  
5. Hic autem noster Carolus annis pueritiæ transactis adultus, postquam militiæ cingulum accepit, Hierusalem sanctam (17) sepulcrum Dominicum visitaturus, devotus adivit; ibique adversum paganos fidei nostræ inimicos arma ferens, Christo Domino aliquanto tempore strenue militavit, et ei, cui præ omnibus serviendum esse prudenter advertibat, suorum primitias laborum et actuum dedicavit: mox divina ordinante dispositione, ad avunculum suum Robertum juniorem marchionem (18), in Flandriam revertitur, et ab illo eo, quo talem juvenem decebat, honore suscipitur.

Hollandiam eo tempore adhuc sub nomine Frisiæ continerentur Zelandia, et huic vicina ditio quatuor Ambactorum, nunc Flandriæ adjuncta, quæ loca a patre suo acceperat, huic a Cæsare Henrico anno 1057 data, uti tradit ad eum annum Mejerus. Galbertus num. 110 Robertum consulem aquaticum ideo appellat.

(11) Viduam Florentii I, comitis Hollandiæ, duxit anno 1063, et tutor privignis sui Theodorici factus, Hollandiis Frisiisque præfuit, ut vel ideo aliis videatur cognomen Frisii acquisivisse. Dicitur Gertrudis filia Hermanni, sive Heymanni, ducis Saxonum, quem Ægidius a Leodio Auræ Vallis monachus Bernardum appellat. Mortua est Gertrudis anno 1113, Furnis sepulta.

(12) Rogerius, filius Roberti Guiscardi Northmanni, felici expeditione contra Sarracenos notissimus. Roberti obitum refert Baronius ad annum 1085, alii citius, serius Parisius. At dicto anno 1085, mense Octobri præfuisse Rogerium indicat oblatio facta Ecclesiæ Salernitanæ S. Sophiæ apud Ughellum tomo VII Italiæ sacræ in S. Alphano archiepiscopo Salernitano. Mortuum esse Rogerium anno 1111 tradidit ex Petro Diacono Baronius num. 45.

(13) Guillelmus dux Apuliæ et Calabriæ creatus a Paschale II et Gelasio II. Consulendus Baronius ad annum 1114 et 1118.

(14) Is est Romualdus ordinatus an. 1121 mense Septembri, mortuus an. 1136, 21 Januarii: de quo plura Ughellus.

(15) Honorius II consecratus anno 1124, 21 Decemb., mortuus 1130, 16 Februarii. Hinc discat lector quare papa Rogerio Siciliæ comiti initio negavit titulum ducis Apuliæ.

(16) 24 Julii eodem anno 1127, quo S. Carolus erat occisus. Consule Falconem Beneventanum in

6. (CAP. III.) Cujus gloriosi principis quia mentionem nunc incidenter fecimus, operæ pretium videtur esse ut quædam ejus virtutum insignia vel breviter commemoremus. Hic est enim Robertus ille comes inolytus, superioris Roberti Frisonis filius, qui audito illo sancti et omnium sanctorum memoria recolendi (19) Claremontensis concilii decreto, de venerabili scilicet Dominicæ passionis et resurrectionis loco a paganorum manibus eruendo, et Christianæ fidei vindicando; continuo uxorem et liberos, postremo cuncta quæ in mundo possidebat, Christi Domini servitio postponenda, evangelice doctus judicavit, et crucis ejus in humeris bajulando insignia, ac ipsius etiam corporalia qua poterat sequendo vestigia, illud apostolicæ sedis mandatum tota fidei adimplere constantia, cum (20) aliis quos eadem inspiraverat gratia, alacriter properavit. In qua expeditione, et urbium terræ illius, præsertim (21) Antiochiæ et sanctæ (22) Hierusalem expugnatione, innumera fortitudinis et probitatis suæ præclara dedit indicia: quorum nonnulla illa, quæ de gestis Francorum Hierusalem pro Christo expugnantium scripta est, comprehendit historia. Ex qua ad laudem ejus solum his satis est commemorari, quod ob invincibilem animi constantiam ab ipsis quoque Arabibus ac Turcis (23) Georgii filii scribitur appellatus.

7. (CAP. IV.) Igitur incredulis nationibus manu Domini valida debellatis, et in sancta civitate Arnulfo patriarchatus honore, Godefrido duce regni diademate sublimatis, Domino (24) prosperante in proprio Chronico.

(17) Postquam hæc anno 1099 intercepta fuit: hinc illi, comiti postea constituto, regnum Hierosolymitanum oblatum tradit Galbertus num. 9.

(18) Junior dictus, quia cum patre 17 circiter annos rexit Flandriam, ast hoc anno 1094 mortuo, solus præfuit.

(19) Habitum id concilium est anno 1095, mense Novembri, instigante B. Petro Eremita.

(20) Primus a Guilielmo Tyrio, lib. I, cap. 17, refertur « Hugo Magnus, frater Philippi regis Francorum, secundus Robertus comes Flandrensium.... octavus Godefridus dux Bullonius. » Roberti iter describitur lib. II, cap. 16, et deinceps, uti etiam apud Tudebudam aliosque hujus expeditionis scriptores.

(21) Capta est Antiochia an. 1098, 3 Junii, cujus muros inter primos ascendisse dominum Flandrensium comitem et D. Tancredum, quorum doctrina cæteri regebantur, » scribit Tyrius lib. I, cap. 21.

(22) Expugnata est Hierosolyma an. 1099, 15 Julii, feria 6, hora 9. Tyrius lib. VIII, cap. 48: « Ingressi sane statim post duces Godefridum sunt Flandrensium comes et dux Northmannorum. » Hinc Robertus *Hierosolymitanus* cognominatur.

(23) Tudebodus lib. IV refert pugnam cum Turcis initam, præeuntibus duce Godefrido, et Flandrensi comite Roberto et Hugone Magno, quando illis cæca « ductores fuerunt SS. Georgius, Theodorus et Demetrius, » et territi Turci ceperunt fugam ut vel hinc potuit dici ab hic *S. Georgii filius*; quod etiam notatur in ms. Chronico monasterii S. Andræ ab ipso fundati.

(24) Tyrius lib. IX, cap. 13: « His ita gestis, Deo amabilis Deoque devoti principes, domini Northmanni

pria remeavit, et terram suam reliquo vitæ suæ tempore magna insignis modestia feliciter gubernavit.

PARS II.

*A Balduino comite, Flandriæ oblata, B. Carolo, ejusque susceptio.*

8. (CAP. v.) Post prælibatam autem Caroli nostri susceptionem brevi tempore evoluta, in Francia apud urbem Meldorum paucis diebus agrotans obiit, (25) et in monasterio B. Vedasti, civitate Attrebatum magno cum luctu universorum sepultus, filium suum, quem ex nobilissima conjugē sua Clementia (26) susceperat, Balduinum adolescentulum hæredem reliquit. Qui non multo post a rege Ludovico (27) muneris militaris et paternæ hæreditatis donum adeptus, domini Caroli præcipue consiliis usus et institutionibus instructus, ad tantam fortitudinis et strenuitatis eminentiam in brevi excrevit, ut omnibus probitatem ejus attendentibus appareret mirabilis, et finitimis quibusque non solum comitibus ac ducibus, sed ipsi quoque regibus omnino feret formidabilis. Cujus sicut virtus supra modum ætatis ejus subitaneis incrementis enituit, sic occulta Dei dispositione cæptis ejus obviantē, diu durare non potuit. Eo enim tempore Guillelmum (28) exhæredatum, filium scilicet Roberti (29) comitis, filii Guillelmi regis Anglorum, cognomento Pileati (quem videlicet Robertum ex Mathilde regina præfati Roberti Frisonis germana, sicut et fratres ejus Guillelmum et Henricum genuerat, quomque idem frater ejus Henricus rex Anglorum captivum tenebat) ipsum, inquam, Guillelmum adolescentem in sui tutelam patrocini susceperat, et armis ejus militariibus instruxerat: Et, quia ei hæreditatem suam Northman-

norum et Flandrensium comites, consummato feliciter assumptæ sibi peregrinationis itinerario, ad propria redire disponunt.

(25) Prudenter auctor dissimulat necis tanti viri occasionem, scilicet quod in bello Northmannico, de quo mox agitur, adversus Anglos dimicans, ad urbem Meldensem ad Matronam fluvium ex equo lapsus, oppressusque, tertio post die decesserit. Annum mortis 1114 arbitratur Mejerus; at diploma anno sequenti 1112, ab eo signatum ostendit Oliverius Uridius de sigillis comitum Flandriæ, pag. 9. eoque anno obiisse statuit: quo adhuc anno Balduinus filius signavit diploma pro monasterio Alciacensi in Artesia apud Miræum in notitia Ecclesiarum Belgii cap. 128.

(26) Clementia erat filia Guillelmi et soror Stephani principum Burgundiæ, soror item Guidonis archiepiscopi Viennensis, anno 1119 creati pontificis Romani, assumpto Calisti II nomine.

(27) Hic est Ludovicus VI. *Grossus* cognominatus, Balduini consobrinus, natus matre Bertha, sorore uterina jam dicti Roberti Hierosolymitani et matris Caroli comitis Franciæ ab anno 1108 ad 1137.

(28) Hic est Guillelmus Northmannus, qui a cæde S. Caroli factus est comes Flandriæ.

(29) Robertus secundo genitus Guillelmi Conquestoris regis Angliæ, 6 Septembris anni 1087 mortui, ab eo Northmanniam obtinuit, et una cum comite Flandriæ et aliis Antiochiam et Hierosolymam expugnavit: interim fratre seniore Guillelmo Rufo rege Angliæ absque liberis 2 Augusti anno 1100 vita functo,

nam, patruo ipsius, qui eam post patris ipsius captivam obtinuerat, totis renitente viribus restituere proposuerat, gravibus eam et crebris incursionibus infestabat. Cujus jam partem magnam cum oppidis et munitionibus sibi subegerat; reliquam fere omnem, ipso rege Henrico nec armorum fortitudine nec opum amplitudine defendere valente, gladii sui timore mirum in modum contremiscere cogebat. Sed vere, ut ait Propheta, « Non est fortitudo, non est consilium contra Deum (Prov. xxi, 30): » vere solus potens est, qui omnium potentiam quando vult et quomodo vult, annihilare potens est.

9. (CAP. vi.) Cum enim tanta ageret et multo majora disponderet, scuto ipsius, ut aiunt, ictu adversi cujusdam militis fronti ejus eliso, et ex ipsa illusione modico in eo, quo salutiferum crucis signum imprimi consueverat, loco, tumore oborto, totum illud tantæ potestatis, quod quasi in montem magnum tam cito excreverat, culmen citius detumuit et sicut fumus ad modicum paronsevanuit. Nam medicorum cura quotidie in pejus proficiente ægrotare cœpit et tandem in villa Rosilaria (30) monachus habitum summa cum devotione humilique supplicatione adeptus, cum illo, quo circiter decem mensibus fatigatus fuerat languore, anno Domini 1119, xv Kal. Julii vita defecit, et ad monasterium S. Bertini (31) delatus, cum immenso omnium procerum terræ fletu et miserabili planctu, ante altare sanctæ crucis tertio decimo Kal. ejusdem mensis sepulturam accepit.

10. (CAP. vii.) Verum tamen, quamvis matre sua cum quibusdam aliis assentientibus ob amorem Guillelmi (32) filii comitis Philippi (33), filii prælibati Roberti Frisonis (qui neptem ipsius comitissæ uxorem (34) duxerat, quamque ipsa filio succedere

regnum Angliæ invasit fratrum ultimus Henricus I, festo Assumptionis B. Mariæ coronatus: quo adhuc anno Robertus in Northmanniam reversus, regnum Angliæ, sibi uti seniori debitum, frustra repetiit, et anno 1106 in prælio victus et captus est, et sequenti anno oculis privatus, misere anno 1134 extinctus. Quæ apud Matthæum Parisium aliosque leguntur.

(30) Oppidum satis amœnum Flandriæ in ditone Iprensi versus Brugas, aliquibus *Rollarium* dictum, Carolo Calvo *Rossat in terra Menapiorum. Flandris Ronsselare, Gallis Roulers.*

(31) In urbe Audomarensi situm.

(32) In altera Vita Willhelmus Iprensis dicitur, et ique in diplomatis apud Uredium in genealogiâ Flandriæ pag. 147 se *Wilhelmum de Ipra* et *Wilhelmum filium Philippi comitis* appellat, a Sugerio aliisque *bastardus, spurius et nothus* cognominatur. *Mater ignobilis, quæ lanas carperet, dum viveret, non cessaret dicitur a Galberto num. 77. Quæsi Marchantius legisset, non tanto conatu dixisset legitimo cum matrimonio prognatum fuisse.*

(33) Hic pœssim Philippus comes Iprensis aut Loensis dicitur, et *Lo* ipse vicum suæ possessionis appellat apud Uredium in probationibus ad genealogiam Flandriæ pag. 146. Est *Loa* in agro Furnensi, ubi illustris abbatia, cui varia ab eo donata indicat diploma ejus apud Miræum in Notitia Ecclesiarum Belgii, c. 114.

(34) De filio Roberto Loensi ex eo matrimonio prognato egimus supra.



maxime optabat) plurimum renitente, antequam ab hac luce migraret, hunc virum gloriosum, de quo agere proposueramus, Carolum, cujus probitatem prius et industriam in multis sæpe probaverat, sibi ipse (35) instituerat, eique rerum omnium summam regendam ac disponendam tradiderat: cui etiam prius nobilem puellam Margaretam (36), Rainaldi comitis Claremontensis filiam, matrimonio copulaverat, et comitatum Ambianensem (37) cum castello Incrensi (38) donaverat. Quæ omnia non tam illius juvenis quam superni iudicis æstima verim gesta ordinatione: qui juvenilis animi et maturis consiliis minus idonei voluntatem, qui voluit, occulta sua inclinavit inspiratione. Scriptum quippe est « Cor regis in manu Domini et quo voluerit inclinavit illud. » (*Prov. xxi, 1*). Nisi enim hæc ita fieri divini decretum arbitrii ordinasset, nequaquam apud illum talem animum unius dilectio trium et hoc matris et consobrini ac consobrini amoris præponderasset. Quod etiam consequentium signis eventuum evidentissime declaratum est. Nam quis, rogo, tantos bellicarum fluctus procellarum contra eum enormiter exaltatos tanta velocitate dejecit, nisi qui hujus hominis ministerio ad tempus tranquillitati providere voluit eorum quos fecit? Unde Psalmista: « Statuit procellam ejus in auram et siluerunt fluctus ejus (*Psal. cvi, 29*). »

#### PARS III.

*B. Caroli animus generosus, in malos severus, in bonos et miseros benevolus, maxime tempore famis.*

11. (CAP. VIII.) Etenim, postquam eo, quo præmissum est ordine, istius gubernacula terræ regenda suscepit, continuo Clementia comitissa, prætaxatam ob causam cæca simulata invidia, Lovaniensi (39) duci quorundam etiam procerum terræ sibi suffra-

(35) Hinc illo adhuc vivo anno 1117 subscribit Carolus consanguineus et successor comitis Balduini. Ita Uredius in sigillis comitum Flandriæ, pag. 10.

(36) Rainaldus natus est patre comite Claromontensi, et matre Margarita, cui sorores sex fuerunt: ex his Felicia nupta sancto regi Aragoniæ, Adelada mater Bartholomæi episcopi Laudunensis, adjutoris S. Norberti, in fundanda ecclesia et cœnobio Præmonstratensi. De hac stirpe ex historia ms. restaurationis ecclesiæ Laudunensis agit Andreas Chesnæus lib. II Genealogiæ Castellionensis cap. 6, pag. 48 in probationibus, ubi Carolus præclarus ille *Flandrensiū comes* appellatur.

(37) fuerant ante comites Ambianenses Ingelramnus ejusque filius Thomas, Codiciacenses dicti. Sed quod hic obsceleratam vitam esset a Ludovico rege dejectus, odio exacerbatus in B. Carolum semper fuit, ut infra dicitur.

(38) Castrum Encres a Balduino comite donatum fuisse Carolo consobrino suo anno 1115, legimus in auctario ad Chronicon nostrum ms. Sigeberti Gemblacensis ad annum 1164 deducto. Est *Incra*, sive *Encra* in eadem cum Ambiano Picardia versus Artesiam ad amnem Cognominem; qui prope Corbeiam Sommonæ miscetur, Albretti nomen nuper inditum inodium Itali Conchini, qui inde marchionis titulum habuerat.

(39) Est is Godefridus Barbus, seu Junior, comes Lovaniensis, cui Henricus IV imperator, Henrico Limburgensi ob rebellionem capto et exacto, ducatum Brabantie et inferioris Lotharingie itemque marchionatum Antuerpiensem anno 1116

gante perfidia, matrimonii fœdere se sociavit: et pactum concordie, quod inter Carolum et eam filius ejus marchio Balduinus in ultimis agens composuerat, dissipavit, ac marito cibi cum comite Montensi (40) annuente, et rege Franciæ Ludovico, occulte tamen, ut a multis putatum est, cœptis ejus favente, de finibus Flandriæ, cujus circiter duodecim oppida tunc ipsa tenebat, eum expellere paravit. Hugo (41) quoque comes S. Pauli, cognomento Campus avenæ, hæc suæ malitiæ exercendæ opportunitate perspecta, antiqua et inveterata prius contra eum odia renovare, et partes sibi terræ contiguas incursare, et tam incendiis quam rapinis vehementius solito cœpit more suo omnia devastare.

12. (CAP. IX.) His ergo omnibus in exterminium ejus unanimiter conspirantibus, et sævos guerrarum tumultus circumquaque in perniciem nostræ gentis excitantibus, ipse, qui occulto suæ virtutis iudicio dissipat consilia gentium, reprobatur autem cogitationes potentum, et reprobatur consilia principum, prospexit de excelso sancto suo: « Dominus de cælo in terram aspexit, ut audiret gemitus competitorum, et solveret filios interemptorum (*Psal. lxxii, 10*). » Fidei namque suo Carolo, et contra eos bellandi imperterritam confidentiam, et universos debellandi insuperabilem propitius concessit potentiam. Omnis enim ille bellorum circumfremantium strepitus, quanta suscitatus fuerat superbiæ feritate tanta in brevi repressus est victoriæ celeritate. « Mirabile siquidem elationes maris, mirabilis in altis Dominus. (*Psal. xcii, 6*). » Neque enim tam mirandum arbitror, quod tantorum motus principum, et eos pertinacissime insurgentes in brevi represserit, quam quod universis illis, absque omni feresanguinis effusionarat. Mortuus is est anno 1140 et Affligemii sepultus, relictis ex Ida priore conjuge quinque liberis.

(40) Erat tunc comes Montensis, sive Hannoniæ, Balduinus III, Balduino Hierosolymitano et Ida natus, cui debebatur, Flandria, ut nepoti Balduini VI. comitis Flandriæ.

(41) « Hugo Candavena » in prædicto ms. Auctario Sigeberti, « e castro Encres anno 1115 pulsus, » quod datum D. Carolo diximus, « cum anno 1117 Flandriam rapinis et incendiis vastaret, obsedit castrum S. Pauli Balduinus comes, sed Eustathio comite Bononiæ mediante reconciliatus est. » Post obitum B. Caroli subscripsit diplomati, quo Guilielmus Northmannus Audomaropoli 17 Aprilis susceptus (ut Galbertus tradit 107) consuetudines urbis approbavit apud Chesnæum in Genealogia familiæ Bethuniensis lib. II Probationum pag. 21. Apud Galbertum num. 154 adhæret Theoderico contra Northmannum 30 Martii anni 1128. At teste Anselmo Gemblacensi in Chronico, anno 1131 « oppidum et ecclesiam S. Richarii in pago Pontivo combussit. » Interim quod *Campus Avenæ* aut *Candavena* cognominetur, Janus Lernutius in Vita B. Caroli scribit « rumorem ad eum pervenisse ex Hannonia, in arce Avenniana plurimos prædones sedem fixisse sub Hugone comite arcis bærede, quam arcem D. Pauli vulgo nuncupabant, » etc. Est *Avenna*, sive *Avesna*, oppidum Hannoniæ in confinibus Picardiæ. Sed quid ad B. Carolum, cum nihil domini haberet in Hannonia? Agitur hic de fano S. Pauli, Artesiæ illi tunc subjectæ oppido, quod Atrebatu octo milliariibus, sex Audomaropoli distat.



sione, summum sui terrorem incusserit; in tantum ut post qualescunque pacis conditiones ab eo impetratas, nullus eorum rebellionem vel semel reparare, aut id de se suspicandi tenuissimam dare occasionem ausus fuerit.

13. Comitissa itaque, et infelicis jam ducissa, inopinatis viri successibus pressa, pacem ab illo petere, et quatuor oppidorum suorum, scilicet Dichesmudam (42), et Bergium (43), Ariam (44), et S. Venantium ei guerpire (45) coacta est. Et quæ prius per guerram disposuerat aliena injuste obtinere, suis magna ex parte amissis, reliquo contenta didicit pace gaudere. Ipse tamen ei, sicut omnibus fidem integram conservavit, et cum omni honore eam deinceps et humanitate tractavit.

14. Hugone vero in sua protervia perseverante, S. Pauli castrum præmodum sibi traditum destruxit, et munitiones omnes in planitiem redegit, et ipsum in posterum quietius degere, et agriculturæ, quam prius circumquaque debacchando inhibuerat, operam dare invitum coegit. Sed postea, ut dicunt, necessitate in voluntatem commutata, hic ipsum visus est libenter amplecti, et quandiu idem princeps advixit, commodius arbitratus est pacis securitate gratulari, quam rapinarum et incendiorum jatoris turbare et turbari.

15. Gualterum quoque Hesdinii (46) comitem, consuetam fatuitate et recordia, etiam ipsum rebellionem parare, et cum Hugone conspirare deprehensum, non solum castro, sed et patria expulit, et alium ei successorum statuit (47). Verum, ultimo

(42) Dichesmuda, Dicasmuda et Dicoimuda, nunc passim *Dixmuda*, Ipras inter et Neoportum.

(43) Bergium aliis et Bragium, vulgo *Berga S. Winnoci*, nota prope Dunkercam civitas.

(44) Aria, munitissimum Artesiæ oppidum haud drocul Lisa fluvio, cui in Glandria vicina adjacent fanum S. Venantii.

(45) *Guerpire*, seu *werpire*, e Teutonica voce *werpen*, id est, proficere, derivatum, quod jactu festucæ jus dominumque transferretur et abdicaretur: ita « terra feodalis legitime vendita et guerpita » dicitur in *Miraculis B. Bertilii* a nobis in *Addendis ad 3 Januarii editis*. Vide plura apud *Vossium De vitiis sermonis*, lib II cap. 23.

(46) Hesdinum, sive Hesdinium, antiquum hodiernæ Artesiæ oppidum, suos olim habuit comites. Ex his anno 1065 Walterus comes (forsan hujus avus) subscripsit diplomati comitis Gisonensis apud Chesnæum in hac familia. Dein Ingelramus sive Ingelramus, comes Hesdinensis ecclesiam monasterii Alciacensis a barbaris destructam anno 1072 restauravit, et anno 1079 ratificavit donationes huic monasterio factas. Hunc avunculum Gualteri asserit Balduinus comes Flandriæ in diplomate anno 1112 signato, « redditque ei terram suam, » ut sæpius rebellasse videatur.

(47) Anselmus comes de Hesdino memorato ante pro Audomarensibus diplomati Guilielmi Northmanni anno 1127 suscripsit, forsane evulso Gualtero substitutus.

(48) Codiciacum, seu Cociacum, vulgo *Couci*, in agro Laudunensi, olim pertinuit ad archiepiscopos Remenses a rege Chlodoveo donatum S. Remigio. In hoc Thomas a Ludovico Grosso obsidendus, « ad mortem suocatus, regique presentatus, Laudunum deportatus, spiritum terrrimum, devinæ expers Eu-

vitæ suæ anno ejus miserus, redditus aliquos competentes ei concessit, ad sustentationem necessariam victus. Comitem quoque Montensem et Thomam comitem Codiciacensem (48), partes nostras pro viribus inquietare consuetos, tanta strenuitate perdomuit, ut non tantum ab injuriis aliis inferendis temperarent, sed et sibi fortuito illatas, vellent, nolent, quieti tolerarent. Sic ergo universa perturbatione guerrarum auxilio Dei sedata, in conspectu ejus siluit terra.

16. (CAP. X.) Qua pacis tranquillitate politus, qualem sequantumque exhibuerit, verbis explicare nequaquam sufficio. Deo namque devotus, cunctis servi ejus, Ecclesiarum videlicet prælatis, et quibuslibet religiosiis (49), omni se humilitate substernebat, et eorum mandatis reverenter obediens, correptiones, quibus eum pro loco et tempore redarguendum arbitrabantur, patienter et humiliter sustinebat, et emendationem in posterum et cautelam tota cum mansuetudine promittebat. Quod idcirco in ejus moribus magis laudabile videtur, quia hoc in aliis non solum hujus mundi, verum etiam ecclesiasticæ dignitatis primoribus, raro et difficile invenitur. Quorum plerique, postquam alicujus vel modicæ fuerint potestatis culmen adepti, et a subjectis quibuslibet inceperint honorari, naturalis mox conditionis et propriæ fragilitatis obliti, et quasi quodam fastigio vanitatis elati, cæteros despiciunt, quos naturæ sibi ordine æquales minime recognoscunt. Sapientiores se et probiores omnibus credunt, quos dignitatis sorte præcedunt. Quidum mundi voluptaristæ, exhalavit, homo perditissimus, Deo et hominibus infestus, qui nec clero timore ecclesiasticæ ultionis, nec populo aliqua humanitate pepercit, omnia trucidans, omnia vastans. Quæ aliquæ ejus scelera describunt Sugerius et Guido abbas Nogen-tinus tractatu De nece Galdrici episcopi Laudunensis.

(49) Iperius capitulo 41, parte II, ista huc referenda tradit: « Erga Deum et viros ecclesiasticos ac religiosos sic fuit humilis et devotus, ut sæpe rogaret eos quod eum tempore et loco de suis defectibus reprehenderent, et pro eo Deum exorarent. In curia sua religiosorum, et Ecclesiarum causas primo semper expediri fecit, dicens quod hi qui servitio Dei invigilant, non deberent in curia principum teneri. Unde semel contigit, vel hunc Joannem abbatem ingredi curiam comitis in die Epiphaniæ, cui comes ait: Domine abbas, qui pro vobis hodie cantat magnam missam hac sancta solemnitate in Ecclesia vestra? » Abbas inquit: « Domine sunt in monasterio centum monachi, unde poterit ab aliquo probo viro celebrari. » Et comes: « Debeatis in tanto festo in collegio vestro cum psallentibus psallere, et cum prandentibus epulari, et monachos vestros recreare, qui in Dei servitio laboraverunt: nam ad hoc parentes nostri vobis redditus assignaverunt. » — « Domine, ait abbas, necessitas me cogit, nam miles quidam nos opprimit. » Respondit comes: « Suffecisset hoc mihi per chartam, vel nuntium intimari; nam meum est defendere, et vestrum pro me Deum exorare. » Et vocato milite, dixit ei: « Per fidem quam teneor Balduini prædecessoris mei, aio: Si plus de hoc audiero, faciam te bulliri, sicut illa fecit militem viduam deprædan-tem. » — « Sic miles destitit, et abbas rediit consolatus. »

tibus dediti, vitiorum sordibus inquinantur, et superbiæ tumoribus inflati, inaniter elevantur, reprehensionibus quorumlibet corrigi omnino dedignantur: quibus etiam frequenter asperantur magis quam emendantur. Sicque, dum nec Deum nec homines metuunt, velut equi effrenes in vitia per præceps ruunt. Et ut qui in sordibus sunt, secundum Scripturam (*Apoc. xii, 11*), amplius sordescant, tremendo omnipotentis agitur iudicio, ut non solum eis, quæ reprimat, desit correptio, sed et plerumque, quæ vitia nutriat, adsit adulatio: dum videlicet subditi, quæ ab ipsis perperam aguntur, non solum non reprehenderunt, verum etiam, ut laudetur peccator et desiderii animæ suæ, laudant sæpe placendi studio, quæ rectitudinis zelo vituperare debuerunt. Unde in Ezechieli dictum est: «Linguam tuam adhærescere faciam palato tuo, et eris nutus, nec quasi vir oburgans, quia domus exasperans es (*Ezech. iii, 26*).» Et per prophetam: «Popule meus, qui beatum te dicunt, ipsi te decipiunt (*Isai. iii, 41*).»

17. (CAP. XI.) Verum hic noster marchio venerabilis Carolus suis correptoribus mansuetum se et humilem exhibebat, et frequenter etiam gratias agebat; et ut auxilium ei divinum, quomodo id quod dicebant operaretur suis precibus impetrarent, devota supplicatione petebat. In quo nimirum non tam hominibus quam Deo, cujus ipsi legatione funguntur, se obtemperare ac deferre arbitrabatur: sciens, et prudenter advertens quod ipsius ore Veritatis in Evangelio dictum est: «Qui vos audit me audit; et qui vos recipit, me recipit (*Luc. xi, 16*).» Ecclesias etiam et suæ potestatis homines, secundum pravam aliorum principum consuetudinem, ex actionibus quibuslibet non solum non gravabat, sed publicis omnium utilitatibus intente providendo multipliciter relevabat. omnibusque in commune pii more patris sollicitè providebat.

18. Quod sane vel per hoc probari potest, quia cum illis (50) duobus annis ante mortem ipsius præteritis, terræ sterilitas et messium raritas magnam alimentorum penuriam induxisset, ipse agricolis suorum reddituum, unde ipse vivere et familiam suam alere debebat, magnam partem misericorditer condonavit, et non tantum superfluas, sed et plerumque necessarias cervisiarum confectiones et potationes prorsus ad tempus interdicens, et parcitatis modum immoderatis imponendo, necessariam universis vitæ sustentationem paterna sollicitudine prudenter procreavit. Decrevit etiam, ut quicumque venalem faceret panem non unum, ut fieri solebat, sed duos quamlibet parvos singulis nummis distraheret, ut pauperi cuivis nummum forte non habenti, vel obolo emendi facultas suppeteret.

19. Quid, oro, faceret de maximis qui tantopere providebat de minimis? Tempore quo, quia multos

(50) Anselmus Gemblacensis ad annum 1125: «Hiems asperissima sex hebdomadibus continua et valde noxia. Fames valida ubique, multis utriusque sexus pereuntibus.»

A esse videbat egenos, per singulas curtes suas, quas multas habebat, eos deputavit centenos, et de suo quotidianam eis stipem administrari imperavit. Præterea in quacunque urbe, oppido, vel villa esset, innumerari quotidie ad eum confluebant: quibus ille alimenta, nummos et vestimenta propriis præcipue manibus distribuebat: adeo ut apud Ypram uno die septem millia octingentos panes eum erogasse, ipsorum qui adfuerunt memoria prodiderit. Neminem enim frustratum a se recedere patiebatur, vestesque etiam, quibus pretiosis admodum utebatur, sibi detractas ei frequenter largiebatur. Audierat enim evangelicum illud: «Beati misericordes quoniam ipsi misericordiam consequentur (*Matth. xxv, 40*).» Et illud: «Quod uni ex minimis meis fecistis, mihi fecistis (*Matth. v, 7*).» Quorum miseris ita afficiebatur, ut, cum eos in aliquo vexari vel affligi videret, ex totis eis visceribus condoleret, implens et ipse pro modo suo quod Apostolus ait de seipso: «Quis infirmatur, et ego non infirmor? quis scandalizatur, et ego non uror?» (*II Cor. ii, 29*.) Ne autem in his omnibus quasi de tanta liberalitatis excellentia pro singularitate notabilis censeretur, alios quoque ad ipsum pietatis opus non solum exemplo, sed etiam exhortationis verbo crebro invitabat. Aiebat enim tantam regni Dei comparandi opportunitatem piis fidelium mentibus prorsus nequaquam esse negligendam; sed ideo ad præsens in benedictione seminandum, ut de benedictione in futuro metant vitam æternam.

#### PARS IV.

##### *Occasio odii in B. Carolum concitati.*

20. (CAP. XII.) Verum, ut secundum eundem apostolum omnibus omnia fieret (*I Cor. ix, 12*), sicut humilibus mansuetus, sic superbis apparebat severus; illos videlicet agnita lenitate demulcens, istos leonina severitate deterrens. Quorum etiam illas, quibus pauperes opprimere consueverant, calumnias injustas, tanta rigoris distinctione coercerat, ut et secundum Prophetam egenos de manu peccatorum liberaret (*Psal. lxxxii, 4*), et pravorum malitiam, ne supra modum sæviret, refrenaret: ut, quam non temperabat amor justitiæ, salem reprimeret timor vindictæ. Barbarorum autem, maritimas Flandriarum partes inhabitantium, indomitam ante id temporis feritatem, humanam, posthabite Dei timore, assuetam crudeliter fundere sanguinem, mira severitate coercuit. Signa quoque, quibus in sublime levatis ad pugnas in id confederatos accessissent, quæque ob insaniam nimirum bellandi furentium bacchas (51) lingua illa vocare solebant, prorsus erigi vetuit. Ab universis autem eatenus aut amabatur aut timebatur, ut in tanta effera multitudine gentis vix aliquis inveniretur, qui statutis ejus,

(51) Baccha etiamnum lingua Belgica *bake* dicitur et est specula, pharos, signum vel vas litterale, pro nocturno navium accessu.

publicam ob utilitatem promulgatis, vel in minimo A  
contraire tutum arbitraretur.

21. Veritatis autem et justitiæ quantus æmulator fuerit hinc colligi potest quod in promissis implendis efficacem, et in causarum meritis indagandis omnino se studebat exhibere sagacem. Nec ei in hoc deerat gratia Dei, qua instruente, quæcumque tractanda essent negotia, mirabili subtilitatis acumine examinabat, et iniquitatem deprehendens et reprehendens, æquitatem vero exaltans et defendens, justitiam in cunctis pro viribus exaltabat. In quibus omnibus hunc ordinem sæpius observabat, ut, si quando clericus vel monachus religiosus, necessitate aliqua cogente, in curia ejus causas agere haberent, eorum ante alia et querelas audiret, et causas terminaret, et sic demum ad alia se tractanda converteret. Indignum B  
namque prorsus et incongruum judicabat, ut qui lectioni vacare debent vel orationi, curiæ vel hujusmodi negotiorum immorentur actioni, juxta quod Apostolus ait: Nemo militans Deo, implicat se sæcularibus negotiis (II Tim. II, 4). »

22. (CAP. XIII.) Cum ergo his et aliis multis vir inclytus polleret virtutibus, quibus enumerandis vel explicandis non sufficit omne quod dicimus, bonis ejus studiis quanto amplius boni delectabantur, tanto magis mali torquebantur: quippe cum ejus probitate, eorum quibus invadebant, vitam muniri, et suos viderent et dolerent conatus impediri. Et quia in aliorum perniciem nequitia eorum, timoris ipsius catenis impedita; non permittebatur pro voluntate grassari; ejus sibi videbantur salute periclitari: et C  
quidquid alienis videbant accrescere, suis commodis arbitrabantur deperire. Quibus nimirum cupiditatis incentivis et rapacitatis aculeis incitati, prius quidem invidere, deinde occulta adversus eum odia exercere, et sic demum detractionibus linguas laxantes, justis vitam caninis dentibus lacerare cœpere. In quo nimirum patrum suorum Judæorum rite sequebantur vestigia, qui Dominum Salvatorum eadem persequi probantur malitia, quam tanto ante commemoravit Propheta, dicens in eorum persona: « Circumveniamus justum, quoniam inutilis est vobis, et contrarius operibus nostris (Sup. II, 12). »

23. (CAP. XVI.) Erat illis temporibus præpositus quidam Brugensis, Bertultus nomine, archicapellanus et cancellarius Flandrensis curiæ; quicum im- D  
mensas, arridente sibi sæculo, congregasset divitias (quippe qui ex paterna hæreditate, et principum, Caroli scilicet et antecessorum ejus, liberalitate, possessiones haberet amplissimas) ne quid temporalis et deesse videretur prosperitatis; propinquorum, amicorum et hominum suorum, quos innumerabiles habebat, turba magna sibi obediente, culmen

adeptus est maxime potestatis. Quibus omnibus nimium exsaturatus in superbiam miser est elevatus. Quod profecto, ut fideuter arbitror, gratia Dei protegente, si nequaquam contigisset, si bona Dei creatura, ad viaticum hac in valle lacrymarum nobis concessa, humiliter uti, non autem ordine perverso, frui ac delectari voluisset. Exstirpa, bone agricola, spinas de terra cordis mei, ut in eo, si non centesimum vel sexagesimum aut ut minus tricenum, afferat fructum semen verbi tui. Exaudi me cum illo sapiente tuo deprecante te (Prov. xxx, 8); Tantum victui meo tribue necessaria; et, sicut optat patriarcha Jacob (Genes. xxviii, 20), panem ad edendum et vestimentum quo operiar. Cum autem, ut ad propositum redeam, omnibus istius mundi bonis floreret lucis hujus filius, divitiarum affluentia potentiam, potentia vero parturivit ei et peperit superbiam. Qua elatus cæteros despiciebat, et tumore nimio inflatus jam sese non capiebat. Et quia, qualis paterfamilias, tales sunt et domestici ejus; nepotes et domestici ejus, quo nimis carnaliter contra suam salutem infelix nutrebat et diligebat dum prodiret quasi ex adipe iniquitas eorum eadem qua ipse peste laborare cœperunt.

24. (CAP. XV.) Accidit autem ut quidam miles nobilis adversus alium nobilem in curia comitis de treugarum (52) infractione placitaret (53), et ille, nota ei servilie conditionis objecta, eo quod consanguineam illius præpositi, quæ ancilla comitis esse diceretur, uxorem duxisset, respondere ut libero refutaret. Quamobrem omnis illa præpositi cognatio etiam intolerabili adversus comitem Carolum et militem illum exarsit ira. In omnes enim hæc redundare videbatur calumnia. Causa ergo hæc diu quidem ventilata, sed tandem tali est ratione terminata, ut illa, quæ notata fuerat matrona, duodecima nobilium manu libertatem suam personaliter assensu (54) comitis evendicaret, et querela comitis in reliquam illam parentelam salva maneret. Hujus ergo calumniæ talis suspensio domino Carolo prima fuisse visa est interfectionis occasio. Hinc namque gravissima contra eum cœperunt exercere odia.

25. (CAP. XVI.) Serpens itaque ille antiquus et humani generis inimicus, hanc suæ malitiæ exercendæ opportunitatem speculatus, medium se malignantibus et superbientibus statim ingessit; et quia in ipsorum mentibus, qui se regem gloriatur super universos filios superbiæ, sui thronum regni collocavit; alium eis, quos sæpius irretirentur et dejicerentur, laqueum callidus præparavit. Quidam enim Burchardus nepos (55) præpositi illius, filius videlicet Lamberti fratris ejus, homo nimis elatus, et in oculis suis magnus adversus Thanomarum vicinum suum (qui in eleemosynis pauperibus et præcipue monachis

(52) Treugæ, induciæ seu fides temporaria hosti data, a Græcis posterioribus τριβὰ, et τρεῖα dicta. Germanis treuwe, fides.

(53) Placitare, id est disceptare, litigare, judicio experiri. Ita Vossius lib. IV. De Vitiis sermonum,

cap. 16, ubi hunc locum adducit.

(54) De utriusque familia controversia actum est § 4 et 5.

(55) Hinc arreptam occasionem fingendi eleemosynarium B Caroli fuisse supra dictum est.

dendis, magnum, ut ferebatur, studium habebat) A potem ejus Gualterum, graves, licet minimis asis ortas, exercebat inimicitias, et ex utraque cædes hominum faciebant non minimas. Sed Dei Carolus treugarum conditiones ab eis pro potestate eibi a Domino commissa exigit ad pacem etiam invitos crebro compellebat : um studens numero inveniri quibus promittissa Veritate dicente : « Beati pacifici, quoniam ei vocabuntur (*Matth.* v, 9). »

(CAP. XVII.) Verum præpositus et sui, qui sibi res et superbiores videbantur, ad tutelam is partis eum intendere suspicabantur; et quia ibi consilii ivore mentis interiorius torquebantur, ad communem utilitatem facere laborabat, ad lepressionem fieri quærebantur. Itaque invidia B ante incitati, ira sæviante exasperati et superlante elati, Thagmarum inopinatum, et gratiarum nihil adversi formidantem, ex improviso, pacis destructo, invadunt, et curte inferiorius in superiore meum munitionem anxie satis compellunt, virgulta succidunt, et cuncta in ribus reperta dissipant, demoliuntur, et pesunt. Qua injuria Thagmarus accepta, querelam non injustam depromit, damnum sibi non ntemptu illius illatum, seque graviter pericliæponit. Illi vero a comite die et loco deteridde, in causam vocati, contemptum contemptui ddere, quam vel per responsalem suam iam excusare, elegerunt.

(CAP. XVIII.) Quam quidem injuriam vir C s patienter dissimulavit, et eos interim ex, et ad correctionem tanti excessus leniter invitare deliberavit. Qui cum postea Brugis itum super omnibus his familiariter convente modeste satis, ut ei moris erat, corrip, et ille tam ex sua quam suorum parte omendationem in crastinum spondidisset, nius neglexit, et nec ipse venit nec eos ad tionem adduxit. Sed comes iterum et iterum utus, licet in despectum sui omnia fieri non et, æquanimiter ferens, etiam tunc in consjustam depromere vindictam dissimulavit, ndationem iterum longanimiter exspe-

#### PARS V.

*latrocinia e consilio baronum a B. Carolo compressa.*

(CAP. XIX.) Sed hæc frustra. Etenim patientia butentes, et ejus occasione in reliquum sibi atem pronittentes, in deterius superbia impropolapsi sunt, et quos oportuorat priores pœnitendo emendare, et justam Domini sui l sero satisfaciendo placare culpæ, magis accumulare, et excessus excessibus audacter t exaggerare. Nam captata, cum in Franciam arrexisset, comitis absentia (omnibus enim tis operariis semper gravis erat, et quasi

A carcer quidam intolerabilis, ejus præsentia) copiosum congregant et validam militum manum, et omnem fere incursantes circa regionem, domosque infringentes, et mobilia quæque diripientes, pauperes expoliant, et quosdam suspendunt, plerosque in ferro trucidant. Quod quia præteritis temporibus fieri nequaquam consueverat, cunctis intolerabile nimis et crudele apparebat. Ab antiquo enim et comitibus terræ nostræ statutum, et hactenus quasi pro lege est observatum, ut quantacunque inter quoslibet homines guerra emergeret, nemo in Flandria quidquam prædari, vel aliquem capere aut expoliare præsumeret.

29. (CAP. XX.) Igitur reverendus tutor patriæ reversus, tantorum criminum atrocitate comperta, gravitor indoluit \* et quia in sancta pace, videlicet infra Septuagesimam, hæc gesta fuerant, non tam suam quam Dei injuriam, ut dignum erat, ultum ire statuit. Verum quia quoniam modo id vindicari oporteret gestiebat, barones suos, ut tertio Kal. Martii Ypram (ubi et ego ex ejus mandato, pro alio tamen negotio, præsens fui) convenirent, et quid opus esset facto ex sententia definirent, invitavit, et universa eo quo facta fuerant ordine in auribus eorum explicavit; et ne se solus vindicare videretur, eorum de omnibus consilium flagitavit. Nec defuerunt qui se a Brugensibus inique spoliatos, verberibusque et contumeliis affectos deplorarent, et justitiam ignominie lacrymosis questibus implorarent. Ubi diversis diversa dicentibus, tandem in hoc omnium convenit sententia, ut comes ipse partes illas præsentialiter visitaret, et quæ gesta fuerant, visu et auditu certius exploraret, et sic pro modo culpæ modum temperaret vindictæ. Qui licet malignas eorum adversum se machinationes nequam penitus ignoraret; præsertim cum prædictus Burchardus jam pridem dixisse acousaretur : « Si quis comitem occideret, quis eum vindicaret ? » ire tamen decrevit, et milites non paucos secum ire præcepit.

30. (CAP. XXI.) Cum quibus in crastinum profectus, cum domos eversas, res omnes direptas et dispersas vidisset, et ne minima quidem vitæ subsidia pauperibus relicta cognosceret, hinc miserorum lacrymis; inde ingentis sibi misericordie compassione permotus, alte ingemuit, et ex imis viscerum medullis longa trahens suspiria, lacrymisque suffusus obortis mirabiliter doluit. Et primum quidem munitionem ipsius Burchardi, quam juxta habebat, quasi tanti mali seminarium et radicem incendit, evertit, et funditus destruxit; ac deinde tam de his quam de aliis diligentius tractaturus Brugas eadem die, heu ! nunquam reversurus, perrexit. Sequenti die, scilicet Kalendas Martii, eo ibidem morante, et causas singulorum cum equitate more suo examinante, dies in vesperam declinavit, et sol tam perversas pravorum hominum mentes veritatis lumine destitutas ostendens, eas quas suis radiis illustrare consueverat, mundi partes relin-

quens, illis spiritualem, his autem corporalem A lucem subduxit, et filiis tenebrarum opera tenebrarum faciendi opportunitatem optatam induxit: Qui enim male agit, odit lucem.

31. (CAP. XXII.) Tunc, ut ferunt, præpositus (56) Guidonem et Stenfordo, et alios paucos qui familiares comitis videbantur, sibi ascivit, eique legationem suam injungens, ad aulam ejus quasi veniam pro nepotibus suis petitorios misit. Et illi quidem quod jussi fuerant exsequentes, comitem statim adierunt, et hujusmodi apud eum, sicut aiunt, non tam pacem quam querelam deposuerunt: « Sufficiat, inquit, domine, magnanimitati vestræ, Burchardi pœna et ignominia iram vestram vos hactenus exsaturare; sufficiat vobis receptaculum ejus ad ipsius et totius generis sui injuriam vos incendisse. Jam vestræ motus iracundiæ adversus eum frustra excitatos compescite, et juveni afflicto jam parcentes, et nimis contumeliis lacescitis nunc saltem sero ignoscite. Jam nunc, si placet, apud vos misericordiæ locum inveniat, quem pœna indebite illata satis superque contristat et cruciat. Sed et circa genus ipsius odii vestri et iræ impetus refrenate, et quos graviter offendistis vel nunc sera satisfactione placate. »

32. His responsum per paucis ita reddidit heros: « Quid est quod me motibus meis tantopere asseritis indulsisse, et Burchardo vestro immerito injurias contumeliosas intulisse? Quid enim dignum tantis Burchardi excessibus rependi, si unam domunculam ejus, ipso nondum punito, incendi? Nonne multo magis justitia exigebat eum quæ abstulit pauperibus ex integro restituere, et tantorum criminum in carne C propria pœnas luere? Quæ ergo injuste rapuit, juste restituat, et conditionem sui generis agnoscat, et sic misericordiam quam quærit inveniat. Nam qua ratione poterit indulgentiam obtinere, et rapinam pauperum retinere? »

33. (CAP. XXIII.) His præposito perlatis, quamvis hac comitis allegatione nihil justius dici valeret, ut pote quæ et legis et Evangelii mandatis congrueret, ille tamen, cum veritati debuisset ac rationi acquiescere, cæcata mente magis cœpit insanire, et suis motibus nimium exasperatus, et diabolico spiritu inflammatus, dira immurmurans, et graves minas spirans, stimulos suis currentibus et arma sævientibus ministravit, et quos refrenare, debue-

(56) Steenvordia, antiquis *Stenasforda* et *Stenasfordt*, celebre in Casletana ditione municipium: hujus toparcha Wido seu Guido, subscripsit litteris B. Caroli comitis pro monasterio Loensi anno 1123 in Notitia Miræi, cap. 154. Uxor Guidonis dicitur infra num. 49 soror Isaaci consanguinei Bertulphi præpositi: at neptis hujus appellatur Galberto num. 94. Ut videantur Isaacus et hæc Guidonis uxor nati matre, præpositi sorore.

(57) Viroviacum ad Legiam, seu Lisam fluvium, municipium inter Menenas et Corracum. Subsignarunt dictus supra Wido de Steinfort et Willelmus de Wervi litteris B. Caroli comitis pro abbatis Marchianensi datis anno 1125, indict. III, et concur. 3 apud Chesnæum De familia Bethuniensi,

rat, suæ aculeis iracundiæ amplius incitavit. Auxit quoque furorem dementium, et dementiam furentium, quod præfati legati non sinceriter egerunt, sed verba comitis depravantes et superbos juvenum animos deterius exacerbantes, dixerunt quod nunquam misericordiam a comite consequerentur, nisi servos ejus se esse omnes profiterentur.

#### PARS VI.

##### *B. Caroli ultima pia opera. Cordes illata.*

34. (CAP. XXIV.) Illi ergo ex stultis jam insani, præposito cum legatis illis, ut qui totum faciebat ac si nihil facere videretur, corporaliter amoto, pestiferum consilium mox inierunt, et de morte domini sui detestabili scelere tractare cœperunt. Diabolo autem consilia eorum aspirando præveniente, et cooperando prosequente ac instigando provehente, in hanc tandem iniquitatis sententiam sex principes factionis eorum, videlicet Guericus frater præpositi, præfatus Burchardus, et alterius fratris ejus Roberti filius Robertus (57) Guillelmus quoque Viroviacensis, et Ingrasnus (58) Esnensis, et Isaac præpositi consanguineus (59) conspirarent ut comitem quam citius potuerint occidant, et id ipsum perficiendum, et donec perficiatur celandum, fidei, ne dicam perfidiæ, pactione conjurant.

35. Et hæc quidem in nocte sunt gesta, ut puta lucis, sed tenebrarum opera. Quæ omnia licet in occulto factitarentur, latere tamen non potuerunt. Nam rumusculis quorundam delatum, et ipsi quod de periculo ejus ageretur est nuntiatum. Illi autem ut hæc crederet nequaquam potuit persuaderi. C Quippe quem conscientia sua non solum perperam hac in causa quidquam gessisse non accusabat, verum etiam de rectitudinis opere veraciter justificabat. Quod nimirum justo et occulto Dei judicio actum fuisse facile crediderim quatenus ejus meritis, nostris peccatis, eorum quoque criminibus nefandis exigentibus, illi palma, nobis tristitia, et illis perfidis justa acceleraretur vindicta. Sic enim, ut credi pie fas est, et illum requie optata donari, et nos, quos indigni eramus, defensore et protectore orbari, et illos nefarios condigna oportuit pœna multari. O mira in omnibus omnipotentis Dei dispensatio?

36. (CAP. XXV.) Nocte itaque illa exacta, cum gloriosus princeps paulo diutius solito in stratu suo

D lib. II, Probationum, pag. 20.

(58) Essena est prætorium prope Dixmudam, illustratum a Sanderio in Franconatu pag. 316, cujus toparcha Ingrasnus ab Iperio. *Ingrasnus de ossines* dicitur. Infra num. 75 dicitur ejus patruus *Theodericus Discamudensis, vir potens*. Donationi abbatis S. Andreæ anno 1105 subscripsit Theodericus de Esne, forsan hujus pater.

(59) Hæc conspiratio facta Ipris in festo S. Vincentii, 22 Januarii fingitur in Chronico vernaculo Flandriæ, in formula proclamationis et apud Lennutium, et princeps conspirationis habetur Bertulphi præpositi frater Lambertus, jam ante vita tunc, uti supra de hoc et aliis adjunctis actum.

gemuisset, surrexit, manus lavit, et sic ad opus misericordiam more solito devotus properavit. Sic quippe vitam suam ordinaverat, ut omnibus diebus operum suorum initia Domino dedicaret; ut scilicet antequam ad ecclesiam procederet, eleemosynam propriis manibus pauperibus dispensaret. Quod etiam ob ingentem in Christum devotionem nudis consueverat pedibus celebrare, ita ut neminem in hoc pietatis officio sibi pateretur ministrare: sed singula fercula singulis deferens, singillatim singulorum manus summa osculabatur veneratione. Huic quoque religiosae consuetudinis cumulo nuper adiecerat, ut omni die quinque pauperes novis vestimentis indueret et calceamentis. Quo eleemosynae sacrificio super sacrae aram fidei humiliter oblato, se ipsum mox victimam placationis superimpensurus ad ecclesiam, nullis comitatus militibus (quippe per hospitia et oratoria ubique dispersis), procedit; et coram altari sanctae Dei Genitricis Mariae, quod in superiore parte ecclesiae S. Donatiani constitutum erat, in orationem se prostravit. In quo loco cum genua frequenter flectendo diutius oraret, ac semetipsum attentius Domino commendaret, tandem pronum se in pavimento projecit, et septem poenitentiales psalmos pro suorum ablutione peccatorum, libello suo apposito, supplex decantare incepit.

37. Interim autem clero, capellanus ejus videlicet. horas diei primam et tertiam more ecclesiastico, canente cum Oratione Dominica jam dicta illi preces tertiae, et ille quinquagesimum psalmum, et ipsum quartum poenitentialem, tribus jam dictis, recitaret (nam ita orare consueverat, ut a circumstantibus audiri valeret), magister fraudis, et ductor sceleris Burchardus, sex sibi epataris excellentia praepositi et sua adjunctis, lateri ejus retro improvisus astilit, et nudo eum gladio, ut caput feriendum porrigeret, prius leniter tetigit. Qui cum faciem elevato capite ad eum converteret, frontem illam reverentissimam, superborum dejectricem, humilium erectricem, furibundus valido ictu percussit, et cerebrum ejus in pavimentum excussit, complicitibus quoque ejus in hoc ipsum perpetrandum concurrentibus, et eum unanimiter, nequidquam tamen, cum primus ad mortem ejus suffecisset ictus, ferientibus, pluribus caput ejus vulneribus, conciderunt, et brachium ejus dextrum cum manu, qua eadem hora pauperi mulieri eleemosynam petenti nummum vel potius nummos porrexerat, et alios petituris porrigendos tenebat, fere amputaverunt.

38. (CAP. XXVI). Sed jam libet stylum a narrationis serie parumper declinare, et enormitatem tanti facinoris, ac facinorosorum illorum crudelissimam immanitatem pro modo nostro vel tenuiter considerare. O nefandissime Burcharde, quin fecisti! O insanissime Bertulfe, quid consensisti? O omnes

(60) August. in Psal. xxxiv.

A sceleratissimi hujus criminis complices et ministri, quid disposuistis, quid egistis, quid peregistis? Quem, quare, quando, ubi, et quomodo occidistis? Certe dominum vestrum, certe pro sua justitia, certe in Quadragesima, certe in ecclesia, et hoc certe sine aliqua reverentia. Compararetur igitur, si placet, facinus vestrum facinori patrum vestrorum detestabilium Judaeorum. Illi nempe Dominum suum non tam manibus quam lingua extra portam civitatis occiderunt, quem tamen Dominum suum esse nequaquam cognoverunt. « Si enim, ut Apostolus ait (I Cor. ii, 8), cognovissent, nunquam Deum gloriae crucifixissent. » Vos autem, quem dominum vestrum esse sine dubio cognovistis, in loco sancto, in tempore sancto et lingua et manibus occidere non horruistis. Igitur scelus patrum vestrorum vestro scelere non solum adaequastis, sed etiam, si dici fas est, superastis. Unde timendum vobis, et valde timendum est, ne quos supergressi videmini in culpa, illis quoque gravius cruciemini in poena. Quorum etiam exemplo locum et gentem congrue perdidistis, quae ne perderetis, tantum piaculum committere non timuistis. Et haec quidem, nisi digne poenitueritis, initia sunt dolorum.

39. (CAP. XXVII). Sed jam ab his tristibus convertamur, et de Caroli nostri exitu felici, quae laeta sunt, et omni gaudio recolenda intueamur. Quem profecto si diligenti cum discretionem attendimus, cum martyribus eum nonnihil habere commune, ut salva eorum reverentia loquamur, non absurde perpendimus. Nam ut scriptum est, « martyr non tam facit poena quam causa (60). » Sed hujus rogo, ut ita dicam, martyrii, quae fuit causa nisi justitia! Qui enim ideo occisus est, quia a rectitudine non declinabat aequitatis, pro testimonio utique occisus est veritatis.

40. Et ut noveris eum hoc mortis periculum sibi ab illis flagitiosissimis jam olim intentatum nequaquam prorsus ignorasse, et tamen justae confidentiae causae non declinasse, in conventu procerum Ypræ tertio Kal. Martii, sicut praedictum est, congregatorum, cum de hoc pessimo Burchardi proposito mentio facta fuisset, audi quod de bonae thesauro conscientiae margaritam (justus quippe ut leo confidit) protulerit: « Ego, inquit, ibo, et Deo protectore, securus ibo. Ubi etsi me forte occidi contigerit, pro justitia certe occumbere non tam periculosum quam gloriosum erit. De vindicta vero Deus providebit. » Ut autem conjicere possis hoc ipsum eum non transeunter vel leviter, sed prudenter dixisse, accipe quod ipse ab eo accepi. Cum siquidem eodem die ad vesperam praepositi clericorum regularium, in eodem loco commorantium, minas quorundam saecularium sibi, superbia ipsorum impellente, intentatas mihi exposuisset, neque quid super his facere deberet consuluisset, communi consilio ad eum, utpote defensorem humilium, rem ipsam detulimus:

et hujusmodi ab ore, imo ut post patuit, per os de corde ejus responsum accepimus: « Quascunque, inquit, vobis minas intentent, certus sum quia quandiu vixero, in nullo vos; lædere præsumunt. Quod etsi contingeret vos occidi pro veritate, quid hæc, quæro, gloriosius morte? Quid enim martyrio excellentius in gloria? » Quod procul dubio, quantum ego conjicio, non dixisset, nisi martyrii amore flagraret?

41. Vidisti igitur quæ fuerit causa mortis ejus: nunc vide si placet, quod fuerit opus ejus. Utique peccata sua jam pridem confessus fuerat, et pro eis tunc pœnitentiam agebat. Orationi eadem hora, ut dictum est, incumbebat; quam etiam elemosyna acceptabiliorem Domino faciebat. Sed et si de terrenis contageis aliquæ ei maculæ adhærerunt, sanguinis effusione et mortis amaritudine credibile est quod deleri potuerunt. Igitur interfectores ejus sibi quidem mortis ad vitæ januam introduxerunt, illum mortalitatis tunica exuerunt, et se confusione sua sicut diploide induerunt.

#### PARS VII.

##### *B. Caroli fautores occisi. Corpus feretro illatum. Miracula, veneratio, sepultura.*

42. (CAP. XXVIII). Hac namque cæde peracta sanguinem adhuc sitientes Themardum Brugburgensem (61) castellanum, qui forte prope aderat, cæteris diffugientibus invaserunt, et multis vulneribus confoderunt. Quo facto continuo, quos supra memoravimus, conjurati singuli cum suis satellitibus adfuerunt, et universam villam, quæ instar civitatis frequens erat et ampla, nemine resistente, perscrutantes, reliquos morti jam pridem ab eis destinatos, circumquaque persequi studerunt. Quorum duos, præfati videlicet castellani filios, Gualterum adhuc in hospicio remorantem, et heu! frustra fortiter repugnantem, et Gillebertum extra villam habitu mutato cum castellano Curtriacensi (62) effugere conantem, crudeliter interemerunt; et sic demum ad perquirendum Gualterum (63) dapiferum, quem elapsam fuga timebant, redierunt. Sed cum castellanum confessionem sacerdoti fecisse, et corporis ac sanguinis Domini mysteria percepisse, et necdum obisse cognovissent, in ecclesia ad eum rursus concurrerunt, et per pedes eum arripientes, ac per

(61) Brugburgum, seu Burburgum, Flandriæ occidentalis prope Gravelingam oppidum. De familia hujus castellani pluribus agitur in Historia ms. Gismensium, ex qua plurima excusa apud Chesnæum, lib. iv Probationum. Subscripsit Themardus, subinde Thevardus castellanus de Brocburgh diplomatis B. Caroli signatis anno 1119, 1121 et 1125, uti et subinde filiis ejus Walterus et Gillebertus eum ipso occisi, et Henricus qui superfuit, a Galberto num. 150 relatus successor patris Brocburgensis castellanus. Interim hunc cum Tengmaro unum eundemque haberi supra correximus. In editione Parisiensi editum erat *Thangmarus Brugensis*.

(62) Cortracum, seu Curtriacum, illustris Flandriæ ad Lisam fluvium civitas: ejus castellanus Galterus subscripsit diplomati Balduini comitis anno 1115, et

A confragosam graduum inæqualitatem impetuose trahentes, caput ejus singulis illis gradibus confraxerunt, et sic eum ante ipsius fores ecclesiæ pertrahentes, palpitantem adhuc in extrema, iterata cæde ejus spiritum ejecerunt. Gualterum autem cum diu quæsitum non invenirent, et de inventione ejus jam desperarent, quidam puer eum dicitur prodidisse, et latibulum quod eum in tanta necessitate opportune satis occultabat, persecutoribus ostendisse. Qui ut se proditum sensit, veloci cursu protinus fugam iniiit, et usque ad altare S. Donatiani currendo anxius pervenit; et velo, quod altari operansum erat, se quantum potuit operuit. Quo in loco ministri diaboli persecuti arripuerunt, et confessionis faciendæ, quam solam petebat, sibi facultate superbe negata, de ecclesia extrahentes occiderunt.

43. (CAP. XXIX). Corpus itaque domini Caroli, ministris ejus passim latentibus, ac præ timore mortis nusquam apparere audentibus, cum non esset qui sepeliret, in eo quo interfectus est loco, aliquandiu jacuit, sed tandem clericorum inferius est delatus obsequio; et in chori positus medio, tristi mœrentium frequentabatur officio. Rari tamen erant qui eum manifeste lugerent, vel qui aliqua super morte ejus tristitiæ signa ostendere aut doloris auderent. Tantus erat metus perfidorum, qui etiam decreto decreverant eum ibi nullatenus esse tumulandum, ne ejus monumentum ad posteritatis eorum appareret opprobrium. Quo audito, Arnulfus (64) abbas monasterii Blandiniensis sequenti die velociter adfuit, et eum in monasterio suo sepeliendum deportare voluit. Quod cum præpositus cum suis libenter concessisset, et abbas feretrum composuisset, continuo spiritu Dei excitati tam clerici quam laici, resistendi audaciam sumpserunt, et vehementer ne fieret, contradicere, et cum armis etiam violenter eis in faciem obistere et improperare cœperunt. « Si nobis, inquit, dominum nostrum ne viveret abstulissetis, nunquid et mortuum auferre debetis? Qui ergo fecistis ne haberemus vivum, si nite habere vel defunctum. Confidimus enim quia, quem vivum habuimus patronum et protectorem, interfectum etiam martyrem multo magis habere poterimus fidelem apud Deum intercessorem. » Quid plura? Tandem præpositibus et abbati

D

Rodegerus litteris Theoderici anno 1145.

(63) *Walterus de Locris* dicitur Galberto: subscripsit donationi factæ ecclesiæ Furnensi S. Nicolai anno 1120, et monasterio S. Winoci anno 1124. Est duplex Lokera, alia in Wasia ad Durmam fluvium, alia in territorio Iprensi versus Belliolum, quæ ut propior Furnis et Bergæ S. Winoci, et in propria Flandriæ sita, hic intelligitur.

(64) Fuit Arnulphus, aliquibus *Arnoldus*, abbas ab anno 1117 ad annum 1132. Cum Castellano Gandensi missus fuerat Aquisgranum, et Lothario imperatori adfuerat festo Epiphaniæ hujus anni 1127 eique nuntiarat B. Carolum comitem paratum ad omnem et exhibendam subjectionem. Ita Anselmus Gemblacensis.



uerunt, et corpus domini sui in superiora aeternum reportauerunt. Qua hora potide fervente, et venerabilis Caroli, ut vere lecet, merito exigente, quod divina operata est ista miraculum, non silebo.

(CAP. xxx.) Puer erat a cunabulis nervis contractis, qui non solum non incedere, etiam ullo pacto a terra se valebat erigere. a quidem modica, sed occasione miseræ suæ is satis nota. Nam et in elemosyna monacho-Andrea Brugensis (65) circiter octo annis oratus, et eorum fuerat beneficiis sustentatus. in prior loci instrumentum quoddam fecisset, iustus non tam ambulare quam reptare vale- alitercunque se promovere paulatim cepit, usque hoc perveniens in domo Reingeri (66) viri aliquandiu mansit (67). Hic ergo cum illa iuxta illud venerabile corpus adesset, et sub retro supplex, et optatæ munus sanitatis de- endicans, procubisset, subito nervi illi diu- sti, virtute prorsus divina laxari, et membra- cilia erigi, et in usum ambulandi firmari ac- i cœperunt; sicque gratia Dei, et merito- acti, plenæ sanitati ad integrum restitutus nullæ antiquæ debilitatis reliquæ in eo resi- .Itaque qui debilis et tristis advenerat, sanus- lens, et Deo gratias agens recessit. Et quia- frequentia gestum fuit latere profecto non

CAP. xxxi.) Igitur qui præsentés fuerunt, et- itendi miraculo gloriam martyris cognove- antæ largitori gratiæ Domino immensas in- audes reddiderunt. Videres itaque continuo- rrabiles promiscui sexus, diversæ ætatis viros- ieres, certatim undique occurrentes, sangui- us linteis reverenter extergere, et ferramentis- le pavimento abradere, pillos capitis ejus- bæ gladiis furentium laceratos cum venera- colligere, et hæc omnia ad tutelam sui in- im servanda omni cum diligentia et devo-

Chronicon ms. monasterii S. Andreæ, cap. 5- exponit: « Anno xix foundationis monasterii- tempore venerabilis A. Alardi secundi prioris- adventit ad portam monasterii nostri pro- syna quidam puer a cunabulis nervis adeo- ctus, ut non solum non incedere, sed nec a- se valebat elevare: cujus miseræ pauper- prior noster Alardus, in pauperes clemen- D- tis, condolens, eum infra monasterium duxit, octo annos de victu et vestitu abundanter- t. »

Lernutius ex suis fabulosis Annalibus con- a appellat *Rogekinum telonarium*. Mejerus ait,- scentem, Rogerium nomine, asportatum esse- gero telone. »

Idem ms. Chronicon addit: « Et interim- a præfato comite Carolo elemosynas acce- cum mortis iniquissimæ fama undique per- , amarissimas hic claudus, ob tam clemen- patroni amissionem et mortem iniquam, ef- icrymas, atque urgente affectu ecclesiam B. ani, in qua facinus illud nefandissimum per- im fuerat, adit: atque eo, quo valuit modo- conscendit, et beati comitis et martyris cor-

tionem recondere. Nec frustra. Nam et pileus ejus a- quodam reservatus multa febricitantibus per Dei- gratiam affirmatur sanitatis, fide præveniente, contulisse beneficia. Ne quis vero incredulus ca- lumnietur me hæc omnia commentari, et loqui ex proprio, Deum testor quia, quæ de morte ejus et miraculis retuli, viri religiosi domni Helic Brugensis decani (68), Fromoldi Furnensis præpositi, et alio- rum clericorum et laicorum, qui se ea vidiisse affir- mabant, cognovi testimonio. Verum primo illo pa- trato miraculo cum fideles gratulantes admirarentur, et admirantes gratularentur, et campanæ in laudem Dei pulsarentur, Bertulphus quidnam sibi vellet stre- pitus ille dicitur inquisisse. Qui, cum res ut contige- rat exposita fuisset, non solum credere vel pœnitere recusavit, sed ad subsannandum et deridendum conversus, etiam januas ecclesiæ, ne populus de- votus confluere posset, obserari imperavit.

46. (CAP. xxxii.) Et hæc quidem cum sexto Nonas Martii, quarta feria interfectus fuisset, quinta feria, ut prælibavimus, gesta sunt. Itaque timore præpositi, cleri et plebis repressa est confluentia, et domini Caroli sepultura usque in sextam feriam protelata. Quo die sane pauci ex hominibus ejus et clientibus convenerunt, et in illo quo occisus fuerat loco, sarcophago ex lapidibus et cæmento super pavementum composito, in eo illum sepelierunt. Porro sacerdotes et clerici, quia id in loco homici- dii et humano sanguine polluto fieri ratio et au- ctoritas non sinebat, in alia ecclesia eum (69) mis- sarum et orationum solemnibus Domino commenda- verunt.

#### PARS VIII.

*Vindicta impiis malefactoribus; tres illorum occisi-*

47. Præpositus autem et sui dum quasi adversario suo dejecto exsultant, et de regno sibi compa- rando, ac si non sit qui contradicat, tractant et cogitant; tremendo divinæ districtiois iudicio quæ sibi vindicta præparetur, ignorant. Illis nempe gaudentibus de sanguine, et thesaurorum ejus,

pus ibidem solum derelictum, ac suo sanguine in- fectum reperit. Qui longa ex imo pectore diutissime trahens suspiria, cælum gemitibus ob tam grande piaculum replere non destitit, et tandem ob defuncti amorem cuncta membra sua debilitate emortua ip- sius sanguine linivit: non quod aliquam spem haberet, ut ipse postmodum fatebatur, adipiscendæ sanitatis; sed solummodo hoc egit ex pio a moris affectu, quem habuerat erga eum, qui sibi tanta bona fecisset. Sed omnipotens Deus volens demon- strare, cujus apud meriti esset, qui defunctus plangebatur, subito integerrimæ redditus est sospi- tatis is qui sibi id fieri nec suspicari quidem po- tuisset: ita ut relictis ibidem instrumentis, suis velut caprea de gradibus desiliret pedibus, ac per totam urbem, in qua ob suam singularem miseriam notissimuserat, discurrens, cunctis sese integerrimæ sanitati redditum demonstraret. »

(68) Fromoldus præpositus Furnensis subscripsit donationi factæ cœnobio Formeseleni prope Ipræs anno 1117 et ecclesiæ Furnensi S. Nicolai anno 1120.

(69) Ecclesiam S. Petri extra muros scribit Gal- bertus num. 42.



quos invaserant, direptione, justus Judex et æquissimus retributor occulte disponit de ultione. O ineffabilis bonitas et justitia Dei! Persecutores suos impios Judæos usque ad (70) quadragesimum secundum annum post passionem suam, hoc pœnitentiæ spatio eis misericorditer indulto exspectavit. Sed quia illi, non attendentes quod patientia Dei ad pœnitentiam eos invitaret, thesaurizantes sibi iram in die iræ, pœnitere neglexerunt, horrendis suppliciis eodem anno interierunt. His autem justis persecutoribus tempus juste abbreviavit, et usque ad octavum diem ultionem vix protelavit. Illi enim quia primitiva in eis nutriebatur, diutius, ut credo, fuerunt misericorditer tolerandi; hi autem, quia propecta jam Ecclesia in eis, et per eos scandalizabatur, citius exstiterunt juste judicandi.

48. (CAP. xxxiii.) Nam ecce octavo die, quasi domino Carolo in sui vindictam quodammodo resurgente (70), Gervasius vicinus eorum, vir honestus et probus congregato suorum circiter triginta equitum numero, castrum Brugense invasit, et illis resistere, quippe timore Dei super eos irruente, non audentibus, intravit, et eos in interiorem munitionem refugere coegit. Quod nimirum virtute divina factum non dubitaverim, cum illi et numero et viribus et munitione plurimum præstarent. Verum manus Domini paucorum fidelium confortabat, et multorum infidelium vires et animos effeminabat. Sed et Brugiensium corda municipum ita superna immutavit gratia, ut non solum injustæ dominorum suorum parti non faverent, vel auxilium faventes præberent, quinimo eorum consortium penitus abhorrerent, et eos continuo in munitione qua confugerant, Gervasio juncti obsiderent. (72) Duo autem eorum, qui necis Domini Caroli cooperatores exstiterant, intercepti et comprehensi in conspectu aliorum, in pœnam nimirum et confusionem eorum, diversis suppliciis improbris, ut dignum erat, tormentati, et sic tandem sunt necati, ac partim in cloacas, ubi a dominis suis de muris prospectantibus videri possent, jactati.

49. (CAP. xxxiv.) Porro Isaac, unus de conjuratis, homo potens et dives, cum paulo remotus in loco multum munito habitaret, et illa hora in ecclesia B. Mariæ injusto et irreverenter ingressus fuisset (nam qui ecclesiam non timuerat superbe violare, ecclesiæ introitum debuisset humiliter vitare), ab obsidione hoc eventu forte interclusus, et nec ad modicum quidem domui suæ disponens, vitæ quippe

(70) Consentur hi anni a consulatu duorum Geminarum, usque ad annum 2 Vespasiani ut solebant multi numerare.

(71) Gervasius camerarius subscripsit anno 1123 litteris B. Caroli pro monasterio Gandensi S. Petri.

(72) Scilicet Burchardi et milis Georgius et servus Fromaldus, ut Galbertus num. 51. Ocoisus etiam ibidem refertur Robertus cursor castellani Haket eodem die 9 Martii.

(73) Monasterium S. Joannis a Theoderico rege Francorum in expiationem necis S. Leodegarii extractam creditur. Deleta urbe migraverunt monachi

suæ consulere cupiens, fuga protinus est elapsus. Cujus domum frater ejus Desiderius, qui contra suos se Gervasio in ultionem sanguinis justis conjunxerat, mox irrupit, et omnem munitionem ejus propriis manibus incendio tradidit. Qui ipsum quoque Isaac si in ea reperisset, haud dubium quin eum ob vindictam tanti criminis interfecisset. Vide quantum inspiratum eis fuerit odium iniquitatis, quod etiam naturalis vincebat affectum pietatis. In eo enim qui se complicem fecerat tam nefandæ immanitatis, nec Gervasius propinquitatis, nec Desiderius necessitudinem attendebat germanitatis. Ille vero diurnis ubi audebat latitans, et nocturnis horis qua poterat fugitans, ad domum sororis suæ, quam præmemoratus Guido et Stanfordo uxorem habebat, devenit, et ejus conductu usque ad (72) monasterium S. Joannis Tervanensis in monte nostræ civitati imminente constructum profugit. Nam, quia monachus feridivino vel humano coactus timore volebat, monachum quemdam (74) Einhamensem, qui ipsum ei habitum donaret, ibidem operiri proposuerat; sed latere non potuit.

50. (CAP. xxxv.) Fama quoque volante delatum, et per totam urbem confestim est divulgatum, quod in monasterio S. Joannis laterent, qui patrem patriæ Carolum occidissent. Arnulfus (75) ergo, filius Eustachii advocati, volens et ipse sanguinem comitis vindicare, in cujus ultionem jam orbem ipsum audiebat conspirare, nocte imminente apparitores suos eo dirigit, qui abbatiam circumquaque tota nocte custodiant, ne qui latebant in tenebris usquam effugere valeant. Isaac autem, ubi insidias sibi paratas esse cognovit, ad dominum abbatem (76) Folquinum tremebundus confugit, et ut optatum sibi monachi habitum ipse concederet, humili supplicatione et importuna satis tandem obtinuit. Verumtamen Arnulfus sequenti die cum suis monasterium adit, et illum eductum et ex ipsius confessione deprehensum continuo veste monachali exspoliari, et nudum ac discalceatum revinctis post tergum manibus ad civitatem cum tumultu protrahi præcepit. Ubi dum, ne qua monachus in ec vestigia remaneret, capilli capitis ejus omnes penitus abrasi fuissent, civibus utriusque sexus et diversæ ætatis undique circumstantibus, et, « Perfidus et traditor statim suspendatur, vel vivus incendatur, » vociferantibus; sed et ipso Arnulfo hoc idem adimplere totis viribus adnente, tandem pater ejus cum matre obstitit, et ut vivus aliquandiu servaretur, filio invito, extorsit.

Belliorum, inde postea Ipras, ubi etiamnum monasterium S. Joannis appellatur.

(74) Einhamum ad Scaldim fluvium prope Aldenardam monasterium est, cujus abbas Gislebertus subscripsit diplomati B. Caroli anno 1112.

(75) Lernutius cum suis Annalibus et formula proclamationis loco Arnulfi statuit equitem Hermannum ab Heysdino. Pater Arnulfi Eustachius subscripsit litteris B. Caroli apud Arim anno 1125.

(76) Diplomati B. Joannis Morinorum episcopi subscripsit anno 1122 Ingebertus abbas S. Joannis, cui Folquinus successit.

Quod etiam divinitus factum fuisse credibile est : A quatenus prævaricator, et labore pœnæ præsentis, et timore mortis imminentis diutius torqueretur et velut impœnitens æternis, vel pœnitus purgatoriis tormentis interim cruciaretur.

51. Diebus igitur aliquot evolutis Dominus Guillelmus, Philippi comitis filius, cujus superius mentionem fecimus, qui jam post mortem comitis magnam terræ hujus partem occupaverat, Tervanam venit, et eundem Isaac sibi reddi ab uxore advocati, (nam ipse cum filio suo tunc aberat,) impetravit. Quem fune collo ejus illigato, Ariam secum duci, et in audientia totius populi (77) scelera sua confitentem, seseque omni supplicio dignum adjudicantem, tertio decimo Kalendas Aprilis suspendi (78) fecit.

#### PARS IX.

##### *Supplicium sumptum de Bertulpho præposito et Guidone et Stenfordo.*

52. (CAP. xxxvi.) Obsidione autem præfata, sicut dictum est, per Gervasium et Desiderium Brugis incohata, Balduinus Gandensis (79) et Daniel Tenremundensis (80) ad oriente, Gualterus Lilariensis, (81) Riquardus Walnensis (83), et Theodericus (83) Discamudensis ab occidente, exercitu collecto, eidem se obsidioni adjunxerunt, et inde se non discessuros donec homicidas illos caperent et punirent, jurejurando confirmaverunt. Paucis itaque diebus exactis, et assultibus aliquibus factis, die quodam murum ab australi parte ascendentes, et sese intus audacter projicientes, perfidos illos violenter aggressi sunt, et eos omnes intra ecclesiam S. Donatiani, quam fœda prius eade contaminaverant, fugere compulerunt. Digne sane pro meritis. Conveniebat namque in eo potissimum loco, quem in contemptum Dei et sanctorum ejus non fuerant crudeliter infamare reveriti, diuturnæ tædio obsi-

(77) Lernutius ait « Isaacum tormentis adactum, libere pœnæ exemptum fuisse confessum, a se eodie quo comes occisus est, manu sua plus quam xxv senatores et principis administratos, » et dein « classarios conjurationis auctores » recenset. Quæ ex formula proclamationis et fabulosis Annalibus profertur.

(78) Idem Lernutius cum suis asserit « caudæ equi feri alligatum nudum, et ad exitum culusouneplateæ virgis cæsum, in foro manus et pedes amputatos, et sic ad furcam vectum, et præciso capite afixum patibulo sub axillis loro astrictum. » Hoc figmentum non ausus proferre Mejerus, « post varios cruciatus patibulo suffixum. »

(79) Antiquissima hæc familia Gaudensis integro opere illustratur a Chesnæo, et lib. iv agit de præavo hujus Rodulpho, avo et patre Balduino, uti et ipse dictus, cognomento Luscus Barbatus. Omnes hi fuerunt comites Alostani. Galbertus num. 53 et 54 asserit fratrem hujus Balduini Juvanum cum castellano Gandensi accessisse 10 Martii, post die quatuor alios hic memoratos. Et num. 136 ait Balduinum 24 Octobris hujus anni mortuum esse. Mejerus tradit « anno 1125 obiisse Balduinum Gandensemque successisse Juvanum fratrem ejus. » Interim inter eos, qui « Brugas venerunt obsessum parricidas, » numerat Balduinum Gandensem, ac dein sub finem anni 1127 addit : « Eodem anno Balduinum Gandensis, optimatum Flandricorum multo clarissimus, mundanis omnibus salutem dixit rebus, religioni in totum sese

dionis, vigiliarum et famis incommoditates et sitis, et assiduos imminentis timores mortis pœnaliter tolerare cogentur inviti.

53. (CAP. xxxvii.) Verum pridie quam hoc contingeret, illis intrinsecus inclusis, et aliis forinsecus obsidentibus, incertum utrum negligentia obidentium vel industria (aiunt enim, quod et certius est, quosdam eorum corruptos fuisse pecunia (84), præposito effugiendi permissa est copia. Nam de fastigio muri ad terram fune demissus, et (85) quorundam auxilio ab obsidione latenter eductus, noctibus ambulando, et diebus delitescendo, ad domum Alardi Warnestunensis (86), qui neptem illius Agantrudem, castrum, quod dicitur S. Audomari, quondam castellanam, habebat uxorem, miser jam et miserandus confugit. Quo in loco cum per tres fere septimanas jam delitisset, et præsentia ejus rursusculis quibusdam dubiis, et incerta vulgi opinione diffamari cœpisset, jam eum ulterius inibi retinere non audentes, singulis noctibus eum per diversa loca transmittabant, ut vel sic fugam ejus celarent, quam deprehendi multo perire metuebant.

54. Diebus igitur Paschæ peractis, octava videlicet Dominicæ resurrectionis die, præfato domno Guillelmo Ypræ fortetunc constituto, hujus occultationis fama innotuit. Qui ut audivit, protinus exsilivit, equum ascendit, et eundem præpositum perquirere magno cum strepitu et festinatione intendit. Domum itaque Alardi, et omnia ejus latibula, nec non et domum filiæ ejus, in qua proxima nocte præterita miser ille quiescere asserebatur, scrutati, cum quem quærebant non invenissent, vehementer sunt irati, et primum quidem utramque domum illam, quasi pestiferi præsentia viri contaminatæ, et ob hoc igne purgandæ fuissent, incendunt, et deinde filiam ejus præfata in crastino, nisi præpositus redderetur, addixit, obiitque postea in cœnobio Affligemiensi. » At Galbertus ait eum « monachialem habitum accepisse, cum suprema vita spiraret. »

(80) Est Teneramunda civitas ad Teneræ ac Scaldis fluminum confluentes, Gandavum inter et Antuerpiam. Porro Daniel hujus dominus, ex dicta Gandensi familia prognatus, cujus proavus Reingotus de Gandavo erat frater Rodulphi, quem etiam proavum Balduini et Juvanum diximus.

(81) Lilarium Artesiæ oppidum haud procul Aria. Ejus dominus Gualterus a Galberto dicitur, comitis Butelgir, id est, œconomus seu pincerna. Idem cum Balduino, Juvano et Daniele jam non inatis subscripsit litteris Guillelmi Northmanni pro Audomarensibus ante citatis.

(82) Galberto dicitur *Riquardus ex Woldman*; cujus filiam duxerat nepos Thangmari de Sraten.

(83) Theodericus patruus erat Ingrasni, qui in necem conspirarat.

(84) Galbertus num. 70 ait dicto Waltero Butelgir, sive Lilarienti, datas 400 marcas, aliis pecuniam datam tradit num. 134.

(85) Idem num. 76 asserit « datum conductorem militem astutum, fratrem Fulconi canonici Brugensis. »

(86) Warnestunum, seu *Wastena*, ad Legiam fluvium inter Cominium et Armenterium. Consensit Galbertus n. 76 et *Warnestum* appellat, Annales vernaculi *Walens* habent, et Dernutius *Walenum*. Sed id Caesatum inter et Audomarum est.

membris debilitandam comprehendunt. Unde et idem domnus Guillelmus hominum Alardi guerpivit, et eo diffiduciato (87), totum feodum ejus saisivit (88), et de filiae ejus debonestione, conditione qua supra diximus, fide et sacramento securitatem fecit, et sic inde recessit.

55. (CAP. xxxviii.) Re itaque in orculo posita, quid facto opus esset Alardus et sui tractare coeperunt, et cum hinc filiae suae non parcendum, inde praeposito ipsius detrimento nihil sentirent salutis conferendum, tandem praepositum decreverunt reddere, ut sic salutem lucrarentur vel filiae suae. Ut ergo quod ipse fecisse accubatur, juste perpeti cogere, de domo in qua eum retruserant cujusdam mulierculae ministerio eum educi, et sic his qui ad eum capiendum praeparati fuerant, tradi fecerunt. Igitur ad castrum Warnestunense eadem nocte perductus, et ibi usque ad lucem servatus est. Ubi et presbyterum ad se vocari postulavit, et peccatorum suorum poenitentiam agens, confessionem Deo et illi in conspectu omnium fecit, et solo prostratus, et pectus pugnis percutiens, indulgentiam sibi a Domino tribui supplicavit.

56. Die autem facto, cum jam Ypram equo pergere, ab his qui eum ceperant, moneretur, equitare quidem omnino recusavit, sed nudis pedibus, cum tamen gelu esset, incedere maluit. Et cum iter arripuisset, quemdam de clericis, cujus haec ipsa relatione cognovimus, sibi accivit, et hymnum Ambrosianum, *Te Deum laudamus*, cum ipso antiphonatim decantare cepit. Quo dicto, horas B. Mariae, eadem supplicationis devotione cantando complevit, et sic ad psalmodiam conversus, secum ipse cum silentio attente psallere studuit. Irensibus igitur obviis eum suscipientibus, et Ipram ducentibus, passimque pugnis, virgis, lapidibus, et marinorum piscium, qui illis in partibus grandes admodum capiuntur, capitibus caedentibus, omnique genere contumeliarum afficientibus, semper in patientia, ne dicam quod quidam, duritia et silentio perseverabat, et fere usque ad ipsam mortem psalmos indesinenter ruminabat. In patibulo (89) igitur collo et brachiis suspensus, et multa ferientium caede tractatus, tali ad ultimum exitu est examinatus. De quo hic silentium non censeo, quod quandiu in prosperitate fuit

(87) Diffiduciare est inimicitias aut hostilitatem inducere. Sunt usi ea voce Ivo Carnotensis, Matthaeus Parisius, Thomas Walsingham citati a Vossio De Vitiis linguae pag. 679.

(88) Malmesburiensis De gestis pontificum Angliae lib. 1. « Rex episcopatum saisivit, » id est invasit, manum injecit, et passim alii.

(89) Ex Annalibus vernaculis et formula proclamationis ista scripsit creditque Lernutius. « Per noctem a vectus Ipra in salvam fuit milliari distantiam ab urbe, corio exenterati bovis insutus, et vivus inventus est exanimis. » Maluit Mejerus Gualterum sequi, quod is ex ore clerici, qui Berthulpho id roganti adfuerat, descripsit.

(90) Vox Gallica *garçon* adolescentem significat: hinc *garçones* saepius habuimus.

A hujusmodi contumelias et irrisiones plurimum abhorruit. Nam quibusdam ipsius familiaribus referentibus certo cognovi quod saepe, cum de passione salutifera Domini nostri Jesu Christi communis sermo inter domesticos incidenter haberetur, et patientia ejus ab aliis praedicaretur, dicere consuevit: « Mirum cur Dominus talia pati voluerit. Certe si mihi hujusmodi garçones (90), taliter insultarent injurias meas, praesertim si opus esset, impigre vindicarem, et illudenti mihi saltem sputaculum in faciem jactarem. » Vide quod quae intolerabilia maxime solebat judicare, ea ipsa ad augmentum miseriae suae coactus est tolerare.

57. (CAP. xxxix.) Eadem autem hora domnus Guillelmus Ipra egreditur, et ad causam Guidonis de Stenfordo, qui nuper eodem crimine, quod videlicet in mortem comitis consilium et assensum praebuisset pulsatus fuerat, examinandam proficiscitur. Qui videlicet Guido, cum contra impetitorem suum Hermannum, cognomento Ferreum, monomachiam hac pro causa iniisset, et primo quidem congressu, et secundo superior in pugna fuisset, et eundem Hermannum armorum nimio pondere onustum, ipse aequo gravi armatus lorica et galea, terrae prostratum, et proprii corporis et tanti oneris ruina depressisset, virtute confortatus, ac si nullum sentiret pondus, Hermannus surrexit, et eum qui ut dictum est, secundo superior fuerat, versa vice subjiciens ad confessionem patrati sceleris urgere cepit. Quid plura? Divino tandem judicio victus, et de crimine quo impetebatur convictus, et sic demum supplicio mortis est addictus. Quod cum apud Riningas (91) factum fuisset, continuo cum comprehenderunt, et Ypram pertrahentes juxta miserabilem illum praepositum in eodem patibulo ipsum quoque jam miserimum eodem die tertio Idus Aprilis (92) suspenderunt.

58. Dum aliquandiu pependissent, et fetore sui aere corrumpere incœpissent, burgenses iterum consilium interunt, et eos extra villam ejiciendos (93), et ibi diligentius reponendos esse decernunt. Neque enim a tormentis vel mortuorum et irrisionibus abstinere poterant, quorum perfidia tali patre et domino se orbatos esse plangebant. Itaque arborem excelsum erexerunt, et rota plaustris desuper imposita, coriis boum quo diutius servari possent insutosu-

(91) Reninga in agro Iprensi vulgo *Reningals*: de eo egimus 2 Februarii ad Vitam S. Adalaldi ducis, § 3. Diplomati Theoderici comitis pro Loensi monasterio subscripsit anno 1130 Lambertus de Reninghelles cum Anselmo et Baldewino fratre suo. Miræus cap. 130. Ms. nostrum habet hic *Rinningas*.

(92) Lernutius ex dictis facellis ait « Guidonem et decem cum eo canonicos. S. Martini, quia interfuerant consiliis a Guilielmo Lojo ex merito punitos, Guidonem capitis damnatum, jussuque interfici, canonicos in carcerem compactos, pane et aqua traxisse vitam in pudore et morore atri specus, sine spe ulla lucis videndae; ex his latomiis episcopilibus, quinque apud Tornacum, totidem Teerenburgi detentos. » Quod merum commentum est.

(93) Ergo ab initio non suspensus fuit Bertulphus extra urbem, ut fabella indicat.

per eam illos invicem conjunctos, et quasi mutuo complexu colligatos, sedere fecerunt. Verum paucis diebus evolutis, cadavera eorum furtim inde sublata et tumulata sunt (94). O tremenda nimirum divinæ districtiois judicialis! Quis enim suspicaretur unquam, ut de Guidone taceam, Brugensem præpositum, hujus quidem sæculi filium splendidissimum, et omnibus istius mundi divitiis affluentissimum, et post comitem solum fere totius terræ hujus potentissimum, ad tantam unquam miseriam esse deventurum, ut nec inhoneste vivere, nec honeste saltem ei liceret hanc vitam finire? Sed qui potentes deponit de sede, et alta a longe cognoscit, ac discretissimo æquitatis eæ judicio secundum opera sua singulis retribuit, ipse eorum celsitudinem dejicere, et potentiam ad nihilum redigere, quando et quomodo voluit, singulariter potens fuit.

#### PARS X.

*Supplicium inflictum Burchardo occisori B. Caroli.*

59. (CAP. XL.) Porro Burchardus ille, quem primum marchionis venerabilis Caroli caput percussisse commemoravimus, cum multas sustinisset angustias obsessus, humano quidem ad modicum usus auxilio fugit; sed divino cœptis ejus obviantem consilio, effugere minime valuit. Nam, sicut post ex ejus claruit confessione, de turre illa egressus, primum quidem aliquandiu latuit (95), ac deinde nocturno tempore sociis quibusdam itineris, quos sibi fideles non dabitabat, secum assumptis, fugam iniiit consultius arbitratus longinquas petere regiones, ut incognitus apud extraneos securius se occultaret, et egenam ac miseram vitam sic saltem protrahendo qualitercunque protelaret. Cum igitur ad aquam (96) quamdam quam navigio eum transire oportebat, devenisset, naviculam in ripa præparatam invenit, et jam eam ascendit. Quam cum ut in ulteriorem dirigeret ripam, a terra repellere tentaret, illa occulto divinæ virtutis pondere pressa immobilis stetit, et loco moveri non potuit. Quod ut sensit, totis cœpit viribus uti, et ut eam a ripa seduceret, quanto potuit conamine niti. Cumque diu luctatus nihil porus profecisset, socios advocat, et ad auxilium sibi ferendum invitat. Quibus statim cum admiratione accurrentibus, et ad illam unam modicam naviculam promovendam, omnes quas habebant vires impendentibus, illa nihilominus velut murus immobilis perseverat, quippe quam vis divina omnino immobilem faciebat. O detestandam Burchardi dementia!

(94) « In monasterio de Formisele, » Iperius, at Lernutius « in templo S. Martini. »

(95) Lernutius ex Annalibus vernaculis, et formula proclamationis: « Boscardus Brugis in monasterium Quercetanum fugit cum famulis aliquot: ibi in cubiculo canonici regularis quatuor diebus delituerunt, tecti albæ vestis injectu, tonsura grandis insigniri se curarunt, tanquam si monachi essent, ad præscriptum viventes, ejusmodi schemate sberantes Brabantiam, et evadere persequentem Nemesin. » Quæ Mejerus, sed omissis sociis, descripsit. Fides sit pensis eos.

(96) *Lisam* vocat Iperius, at *Scaldim* Mejerus, et quidem *prope* Antuerpiam Lernuti

A Burchardus sceleris sui immanitatem parvipendit et ne gligil, quam lignum insensibile exsecratur et refugit. Navicula modica robustorum validis impulsibus viro- rum resistit, quæ unius manu pueri facile moveri et circumduci consuevit. Verum hæc tæa, Christe, sunt opera, qui errantes ad viam veritatis convertis, et superbientes ad gratiam humilitatis inflectis; qui, ne in æternum damnes, plerumque temporaliter punis. Tu enim nunc per naviculæ immobilitatem hunc virum iniquum, ut suam nequitatem recognosceret et tuam justitiam expavesceret; monuisti; qui olim per asinæ loquelam prophetæ Balaam insipientiam corripuisti.

60. Miser itaque ille hoc tandem miraculo compunctus, et ad cor quandoque reversus, navigium deseruit, et in terram se prosternens, et reum pectus pugno percitians, ac ubertim lacrymas fundens, reatus sui pœnitudinem multo cum gemitu gerere cœpit. Prius namque eum hujus peccati nunquam pœnituerat. Cumque post lamentum naviculam iterum movere tentasset, et eam ut prius immobilem vidisset, voluntate Dei certius jam comperta, cœpit desperare de temporali salute sua, et confestim tristis et mœrens consueta repetivit latibula.

61. (CAP. XL.) Cum autem diversis in locis diebus non paucis jam latuisset, et juxta Insulam (97) in quoddam fugurium ductu conjusdam servi sui casu divertisset, servum eumdem itineris sui ducem ad domum Bernardi avunculi sui, ut patrem sibi, quo famelicam animam refocillaret, peteret (esuriat enim) transmisit. Et ille quidem quod jubebat exsequi cupiens, mandato ejus libenter obedivit, et ad eandem perveniens domum, ad opus domini sui, ut puta hominis deliciis assueti, delicatum panem petivit. Sed miro Omnipotentis judicio, qui domini sui querebat salutem, invenit mortem, et esurienti conferre cupiens quibus segebat alimentata, reo præparavit quæ meruerat tormenta. Hac etenim occasione præfatus Bernardo dominum suum, simpliciter tamen quamvis per alias personas prodidit; cui ut puta avunculo, nepotem suum nequaquam occultandum credidit. Justo autem Dei agebatur examine, ut qui dominum suum occidere non fuerat veritus, ipsum quoque occidendum suus proderet dominum servus, Bernardus (98) vero Hugoni fratri suo hoc idem propin- quus nuntiavit. Hugo ergo communicato cum fratribus suis consilio, licet nepotem suum servare magis, si tamen auderet, quam prodere maluisset, Insulano

(97) Insulæ primaria urbs Gallo-Flandriæ intelligitur.

(98) Lernutius ex consuetis fabellis remota adorat: « In urbe Risela tres habuit avunculos, Hugonem Alwenii toparcham, Bernardum dominum Robaisium Oliverium Baudevannii potentem. Cum venit ad illos, præsuri simul convenerant, ut que adventus sui aliquam rationem prætexeret honestam, dixit se Cyprum cogitare, quo domicilium in ea insula sibi ei sedem figat. Antequam abiret in oras tam remotas, venisse se valedicturum propinquis, petiitque certam pecuniæ summam, qua numerata iter illud longium quum perficere posset. » Hæc ibi.

tamen castellan<sup>(99)</sup> et burgensibus Burchardum se nuntiavit, invenisse, et cito venirent, ac tanti criminis reum, ultione, quam dignam arbitrarentur, punirent, mandavit. Cui profecto si parcere voluisset, haud dubium quin et ipse magnum salutis suæ periculum incurrisset.

62. (CAP. XLII.) Insulani vero, mandato Hugonis audito, cum magno protinus tumultu perrexerunt, et Burchardus comprehensum Insulam duxerunt, et in foro ei patibulum paraverunt. Verum ille æternæ formidine damnationis, ut timeret excitatus et supernæ intuitu miserationis ut speraret animatus, se ipsum districte admodum accusare, et cunctis dignum suppliciiis cœpit publice inclamare. Denique manum suam dexteram, quæ in effusione sanguinis justi cruentum exhibuerat ministerium, ob pœnam tanti criminis ablendam, et indulgentiam promerendam abscondi flagitavit. Cum autem nemo esset qui hoc faceret, ipse sibi saltem eam amputandi facultatem postulavit concedi. Verum utrumque sibi denegari consentiens, iterum ad sui accusationem, et supernæ miserationis invocationem conversus est. Reatum ergo suum manifeste confitendo et plagendo, et divinæ respectum misericordiæ implorando, ac ad hoc ipsum fiduciaius sperandum misericordias antiquis peccatoribus exhibitis commemorando, omnium viscera assistentium ad pietatem et miserationem commovit, et ad lacrymarum effusionem universos pene lugubri sua lamentatione coegit, et ut per temporales carnis molestias æternas evaderet pœnas, modis quibus potuit satagit. Itaque membra ipse tormentis sponte aptavit, et rotæ radiis intricatus<sup>(100)</sup>, et in excelso stipite exaltatus, in eadem devotione, confessione et supplicatione ab hora diei nona, usque ad crepusculum diei sequentis, perseverans exspiravit<sup>(101)</sup>.

#### PARS XI.

*De successore B. Caroli in comitatu Flandriæ variæ concertationes. Guillelmus Northmannus constitutus.*

63. (CAP. XLIII.) Sed jam dignum est ut articulum ad superiora tempora convertamus, et ea quæ prius quidem gesta, sed a nobis hætenus sunt prætermissa, referamus. Neque enim quæcumque eodem tempore contigerunt, eodem etiam tempore dici poterunt. Interfecto igitur Brugis, ut dictum est, marchione, fama mali tanti confestim circumquaque diffunditur, et ipsa eadem die usque ad triginta fere leugas extenditur. Ubique ergo luctus, ubique gemi-

(99) Is erat Rogerius, qui sequenti mense Castellanus insulis, et Robertus filius ejus subscripserunt litteris supra memoratis Guillelmi Northmanni pro Audomarensibus.

(100) Lornutius fabellas consuetas ita proponit: « Rotæ radiis insertus, totum corpus melle ac favis perlitus sedit stipite in excelso, impotens movere membra. Super istum densi ex loco clathri arcendis corvis positi aliisque carnivoris volucris, ne discerperetur eorum rostris, sed aculeis morsibusque pateret muscarum, apium et crabonum qui cutem carnemque viventis exederent, lancinantes eum minutatim ad intima ossa. Duravit tormentum per sex dies et amplius. » Maluit, his fabellis rejectis,

tus et dolor ingens clericorum, monachorum, rusticorum, pauperum postremo omnium in pace et tranquillitate degere et æquitatem servare et servari cupientium. Raptores autem quilibet et iniqui, utpote vinculis quibus tenebantur diruptis soluti (magis enim, sicut etiam tunc evidenter patuit, Caroli refrenati fuerant timore quam Dei), universa turbare, mercatores quosque et viatores rebus suis exspoliare, et ipsos plerumque ligare et incarcerare cœperunt. Tanta namque fuit perversorum hominum rabies et nequitia, ut nec sancti temporis (nam Quadragesima erat) eos cohibere valeret reverentia.

64. Verum omnipotentis Dei subveniente clementia, in brevi repressa est eorum dementia. Præfatus enim Guillelmus, domini Caroli consobrinus, mox ut mortem comitis nuntio deferente cognovit, eadem die sibi comitatum, frustra tamen, vindicavit, et Ariam oppidum munitissimam occupavit, et oppidanos omnes sibi fidelitatem jurare fecit. Cumque et S. Venantium, Casletum, Bellulam, Ipram, Bergensem quoque et Furnensem terram pari modo sibi subegisset, motus raptorum in finibus illis cito repressit, et pacem servari mandavit. Cæteri quoque barones terræ invicem collocuti, Deo inspirante, paci consenserunt, et singuli partes suas defensare studuerunt.

65. (CAP. XLIV.) Porro magnificus rex Francorum Ludovicus, audito quod consobrinus suus Carolus interiisset et Guillelmus honorem sibi indebitum, præsertim ipso non assentientes, invasisset, et graviter tulit, et tam illum ea, quam usurpaverat, dignitate privare, quam amici mortem desiderans indicare, ad urbem Atrebatum circa mediam Quadragesimam venit. Quo etiam Guillelmum juvenem, dictum Northmanniæ comitem, a patruo suo Henrico Anglorum rege, sicut initio hujus opusculi commemoravimus, imple exhæredatum, qui reginæ sororem<sup>(102)</sup> nuper duxerat uxorem, venire mandavit. In qua urbe cum diebus ferme quindecim commorati fuissent, et plures qui sibi comitatum terræ nostræ competere assererent, Arnulfus<sup>(103)</sup> scilicet nepos domini Caroli, Balduinus Montensis, et præfati Guillelmi, qui jam partem terræ nostræ prælibatam violenter tenebat nuntii frequentes hoc ipsum expectantes ad regem venissent, tandem regina, Dei, ut arbitrator, occulta, sed tamen justa dispositione prævaluit, et animis procerum quorumdam multo ingenio

Gualterum describere Mejerus.

(102) Addit Lornutius: « Unus ex servorum familiaribus Everardus, audiens herum jam rapi ad pœnas, eripuit se fuga in Ardennam silvam ibique in puteum cecidit lapsu non fortuito, et mersus est. » Hæc ibi ex Annalibus vernaculis, quæ aliter narrat Mejerus: « Servus autem ejus Everardus, accepta Casleti a nominibus domini sui pecunia, fugit in Arduennam, ubi in flumen quoddam ex equo præcipitatus interiit. » Silent Antiquiores.

(103) Ea erat Joanna soror Adelaidis uxoris Ludovici regis, de qua agit Vitalis Ordericus, lib. XII, Historiæ ecclesiasticæ, fol. 884.

(104) Arnolus Galberto dicitur: natus is erat in

consentiendum inclinatis, sororio suo North-  
comiti, decimo Kalendas Aprilis, comitatus  
ium obtinuit.

(CAPUT XLV.) Cujus potentiam (104) patruus  
d sui detrimentum veritus crescere eam tol-  
ibus et artibus quibus poterat contendit immi-  
Nepotem ergo suum Stephanum Blesensem,  
Boloniam (106) et Moritonii comitem (107),  
mittens, et per ipsum et alios partis suae lega-  
alta tribuens, et plura promittens, multorum  
s potentium sollicitat, Flandriam suam hære-  
n esse, et ex parte Roberti Castelensis avunculi  
i jure competere affirmat, et his modis in suum  
ivorem conciliat, ac ducem (108) Lovaniam  
m suum, et Montensem comitem, et Thomam  
acensem, necnon et sæpeditum Guillelmum,  
infederat. Hos omnes et eorum auxiliosos re-  
luntati et ordinationi contraire, et profectus  
omitis modis omnibus impedire hortatur et  
it; non tam ut ipse Flandriam, quod forsitan  
osse jam desperabat, obtineat; quam ut vires  
e, quas sibi periculosas suspicabatur, enervet  
truat.

Rex autem cum comite Atrebatum civitate  
liquantum tempus egressus, primo insulam,  
Gandavum et Brugas, ægre tum (nam ubique  
nglici fautores plurimum impediabant) recepit,  
idionem sua præsentia roboravit. Unde comes  
t Pascha reversus per Insulam et Betuniam,  
ad urbem nostram Tarvennam pervenit, et ibi  
naguo Cleri et populi gaudio susceptus biduo  
t. Postea cum castrum, quod dicitur S. Audomari  
castellano et burgensibus eum gratanter (109),  
ionibus tamen quibusdam promissis, susci-  
bus obtinisset, et ibi paucis diebus moram  
at, iterum Tarvannam transiens Insulam rever-

A que illos homicidas Brugenses, de turri, in quam  
confugerant, egredi, et sese dedere coegerat, et in  
carcerem et vincula universos retraxerat. Quorum  
narratione innotuit miraculum quod narro. Ex quo  
enim in eadem ecclesie turri obsessi morati sunt,  
nullo alimentorum, quorum non modicam illuc co-  
piam contulerant, sicut nec si terram gustarent,  
sapore delectati sunt; sed postquam sese dedentes  
exierunt, continuo quem tanto tempore perdiderant  
gustum receperunt. Cum enim Roberto sitiendi de  
eodem, quo ibi inclusus bibere consueverat, vino  
propinassent; optimum ejus saporum laudavit, æque  
ab ipsius initio obsidionis de bono vino non bibisse  
juravit. Nesciebat quippe quod de hoc ipse quo sole-  
bat bibisset. Quod cum ei indicatum fuisset, opus  
Dei in suorum castigatione peccatorum recognovit,  
et divinam cum cæteris bonitatem collaudavit.

69. Rex vero ecclesiam S. Donatiani non solum  
sanguinis effusione, verum etiam eorum execrabili  
et immunda habitatione multipliciter pollutam, unctis  
inde spurcitiis eliminatis purgari, corpusque ven-  
erabile, quod ibi negligentius quam decebat tumu-  
latum fuerat, in aliam (110) ecclesiam præcepit de-  
portari, quatenus funus ejus ibi diligentius curaretur  
et deinde congruo sibi honore in ecclesia rursus  
humaretur. Quod et factum est.

70. (CAPUT XLVII.) Verum quid ibi miraculi divina  
ostenderit dignatio, non videtur prætereundum si-  
lento. Testati sunt enim mihi sciscitanti plerique  
qui affuerunt, viri veraces et religiosi, quorum  
unum. Domnum scilicet Absalonem (111) S. Amandi  
Abbatem, pro suae sanctitatis merito dignum est hic  
nominari; quod, cum venerabile illud corpus, eo,  
in quo illud ante (112) quinquaginta tres dies repo-  
situm fuerat, monumento dirupto, detexissent, ad  
gloriam Dei et Martyris sancti ostendendam, in  
tantum a corruptione alienum inventum est, ut nec  
tenuissima quidem modici fœtoris nebula exinde  
ascenderet, quæ naves circumstantium, sive idem  
funus contrectantium et curantium, vel in minimo  
aliquatenus offenderet. Verum tamen cum quantum

## PARS XII.

*via Brugensis reconciliata. Corpus B. Caroli  
repositum. Miracula. Flandria pacata.*

(CAPUT XLVI.) Interea rex Robertum reliquos-

ex sorore B. Caroli, sive ea Ingerta fuerit,  
æcilia; de quarum matrimonii agit Pontanus  
erum Danicarum. fol. 198 et seq.

4) Henricus I rex Angliæ, qui patrem Guillelmi,  
ora dictum, detinebat captivum.

5) Natus est Stephanus, postea rex Angliæ  
Adela, sorore Henrici regis, et patre Ste-  
comite Blesensi.

6) Bolonia, sive *Bononia*, urbs Galliarum Belgicæ  
are Britannicum, cujus comitatum Stephanus  
erat ob ductam in uxorem Mathildem, unicam  
et hæredem Eustathii comitis Boloniensis.

7) « Moretonium castrum inexpugnabile in  
nio Britanniae et Neustriæ. » Ita Rigordus in  
s Philippi Augusti. Hujus comitatum, capto  
loci comite, dono Henrici regis acceperat Ste-  
us teste Orderico l. II, fol. 811. Neustria ibi  
ormannia ejus parte accipitur.

8) *Godefridum Barbatum*, cujus filiam Alcidem  
rat uxorem Henricus rex.

9) Chesnæus in Probationibus ad lib. II Fami-  
onealogicæ Betuniensis, pag. 20, allegat par-

tem litterarum, quibus Guillelmus comes ait: « Peti-  
tioni burgensium S. Audomari contraire nolens,  
pro eo maxime quia meam de consulatu Flandrensi  
petitionem libenti animo receperunt, et quia honesti  
et fidelibus ceteris Flandrensibus erga me semper  
se habuerunt; lege seu consuetudines subscriptas  
perpetuo eis jure concedo, et ratas permanere præcipio...  
Actum anno 1127, xviii Kalend. Maii, feria v die festo  
SS. Tiburtii et Valeriani, » Subsignarunt Osto Castellanus  
ejusdem urbis et Guillelmus filius; item Stephanus comes  
Boloniam, et alii quam plurimi a nobis hactenus citati.

(110) S. Christophori ecclesiam in foro scribit Galbertus  
num. 119.

(111) Absalon abbas suscripsit litteras Theodorici  
comitis, quibus anno 1135 confirmavit res Marchianensis  
monasterii. De S. Amando et hac abbacia late egimus  
6 Februarii, quo colitur.

(112) « Præteritis jam septem hebdomadis, » inquit  
Galbertus, die scilicet 22 Aprilis. Errorem Lernutii,  
Mejeri cum suis vernaculis Annalibus et formula  
proclamationis supra indicavimus.

diximus jam tempus in monumento haberet, sic erat vulneribus crudis et omnino recentibus tractabile, ac si eodem die interfectus fuisset. Tanta quoque suavissimi odoris fragrantia totum illum bonum divinitus infudit et implevit, ut nulli fore dubium videretur, quod Deus fidelem suum glorificare voluerit. A Domino factum est istud, et est mirabile in oculis nostris. Quod nimirum eo amplius mirabile iudicatur, quod humanorum cadaveribus corporum vix aliquid aliud foetidius aestimamus.

71. Ecclesia igitur Domini (113) Simonis Tornacensis episcopi ministerio, qui in hoc ipsum a rege de Francia fuerat accersitus, more ecclesiastico reconciliata. Sed et memoratum corpus summa reportatur cleri et populi devotione et reverentia, et septimo Kalendas Maii in ecclesia media tumulatur, in extremo examine resurrecturus in gloria.

72. (CAPUT XLVIII.) Quibus omnibus solemniter (114), et eo quo dignum erat honore, adimpletis, rex cum exercitu, quem congregare poterat. Ypram contendit, et sequenti die, sexto videlicet Kalendas Maii, comite sibi ex condito cum exercitu ex parte alia impigre occurrente, circa horam diei sextam illuc usque invenit. Porro sæpe memoratus Guillelmus Philippi filius, regis majestatis celsitudinem minus quam oporteret reveritus, extra oppidum ei, multorum et fortium quos sibi confederaverat virorum et armis fretus et animis, audacter occurrit; et contra universum illum exercituum acerrime dimicare cepit. Sed ille fortiter se agere arbitratus, dum hostibus obstinatissimè repugnat, dum in adversos aciem dirigit et instaurat, quæ sibi infelicitatis temporalis et adversitatis fovea præparata sit, miser ignorat. Etenim jam pridem aliqui burgenses, qui sacramentis ei non semel tantum, sed frequenter fidelitatem fecerant, cum quibusdam aliis hominibus ipsius de proditione ejus conspiraverant, legatos inde ad Regem direxerant, seque ei portas aperturos, et Guillelmum tradituros juraverant. Væ mundo a scandalis! imo, væ Flandriæ a proditionibus! Mirandum, nec minus miserandum, quod terra infelix, cui domino suo per proditionem orbari contigerat, non aliter quam per proditionem alium acquirere valebat. Et hanc quidem pauci Ypresium disposuerant faciendam. Judicaverant namque commodius regis voluntati parere, quam imperiis Guillelmi, et sibi suspectæ potestati subjacere. Neque ideo, ut fuerunt, quod ipsius personam in aliquo culparent: sed quorundam affinium ejus dominium intemperantius futurum formidarent.

73. (CAPUT XLIX.) Itaque cum ab hora diei sexta usque ad nonam utrinque diversis concursibus ab aquilonali parte et orientali pugnatum fuisset, vexillo, quod in signum futuræ proditionis super summum ecclesie S. Petri fastigium ex proposito

(113) De Simone episcopo, fratre uterino uxoris B. Caroli, supra § 1 actum.

(114) In Annalibus vernaculis Flandriæ sequentia de Ipra intercepta, et Guillelmo capto silentur: ut

constituerant adversæ partis cuneos accersierunt, et porta meridiana aperta eos in oppidum susceperunt. Quibus protinus totam villam percursantibus, et rapinis ac incendiis universa vastantibus, Guillelmus destitutum se tum demum præsentens, quod solum superesse videbat, fugam arripuit: sed fuga sera fuit. Fugientem enica eum Daniel Tenremundensis consecutus comprehendit, et armis exutum comiti Guillelmo captivum reddidit. Ypra igitur eodem die a porta septentrionali usque ad portam auetralem spoliata, et incensa ac multitudine militum innumerablem comprehensa, rex et comes Messinas monasterium adeunt, Guillelmum captum secum adducunt. Quem cum postera die castellano Insulæ custodiendum commendassent, Ariam perrexerunt, et ea in deditione recepta, Casletum et reliquam illam interiorem Flandriam facillime subegerunt: et sic tandem ad ulciscendam honorandi Caroli mortem Brugas iterum redierunt.

#### PARS XIII.

*Reliqui complices cædis S. Caroli puniti; duo fuga elapsi.*

74. (CAPUT L.) Fratrem quoque præpositi Guelricum, quem in mortem ejus conjurasse supra memoravimus, cum aliis fere viginti octo dedititiis e carcere productis (115), de excelsa turri præcipitare fecerunt: sicque homicidæ illis condignis tantæ iniquitati cruciatibus interierunt. Qui quamvis non omnes consilio vel facto peccaverant æqualiter, iniquitati tamen consentiendo, et iniquis auxilium ferendo, paribus quodammodo iniquitatis nexibus se omnes obligaverant. Et ideo, quorum non abhorruerant jungi consortio, eorumdem non immerito sunt puniti supplicio. Robertum autem, quem et ipsum ex conjuratis fuisse supra ostendimus, quique itidem eo quod a populo vehementer diligebatur, et modis quibusdam excusabilior cæteris videretur, tuta satis puniri posse non aestimabatur, secum abducere decreverunt. Quem cum Casletum usque perduxissent, et ille reatus sui multam pœnitentiam gereret, extra oppidum cum capitis abscissione animadverti fecerunt.

75. (CAPUT LI.) Dum ea geruntur, Ingrasnus Ebnensis, unus ex prænominatis conjuratoribus, qui patris sui Theoderici Discamudensis præsidio fretus, usque in id temporis excusationes in peccatis excusaverat, et perfidiæ suæ tenebris obcæcatus, ipsius regis aspectibus et comitis impudenter se ingerere non erubuerat, et si quis eum super hoc crimine impetere auderet, viriliter sese defensurum jactaverat, diffidere cepit: et primum quidem apud suos aliquandiu se latendo continuit, ac deinde opportunitatem temporis nactus, omnibus postpositis suæ salutis consulere gestiens e patria profugit, et

pote cui tributa sunt omnia, quæ hactenus præclare gesta, ut supra § 3 diximus.

(115) Quod factum est 5 Maii, et late describitur a Galberto teste oculato num. 123.



in terra nostra usque in hæc tempora, scilicet A hæc scribente, nusquam ultra comparuit (116).

76. (CAPUT LI.) At Guillelmus Viroviacensis, et ipse, sicut aliorum claruit confessione, conjurato- rum unus, quem nimirum aliis attentus, et finis ipsius expectatione suspensus, intactum fere reli- queram, iniquitatem suam nequaquam tandiu oc- cultare valuit. Sed quod in occulto perpetraverat, indicium continuo manifestis apparuit. Statim enim post comitis occisionem et thesauri ejus direptionem Viroviacum regressus, non minimam inde secum attulit partem. Verum hoc suæ nequitiae fructu in longum lætari permissus non est. Cum enim de ad- versario dejecto tripudiaret, et de damnis alienis insolenter exsultaret, repentinus eum pavor invasit, et territum de Flandriæ finibus exturbavit. Audito B namque quod frater eius Lambertus (117), qui tan- tum, ut ex fine monomachiae, quam inde in curia sæpe fati Guillelmi inierat, claruit, innocens erat super morte comitis impeteretur, et quod ipse ab eodem Guillelmo, cui jam per subreptionem homi- nium fecerat, diffiduciaretur, timere cœpit. Et pri- mum quidem ad defensionem se paravit, se in cra- stino reæ tantum stimulis conscientiae eum exagi- tantibus, cum nemo eum adhuc persequeretur, uxore et paucis suorum, rebusque, quas evahere poterat, secum assumptis, sexto post mortem comitis die fugæ se credidit. « Fugit nempe, ut Scriptura dicit, impius, nemine persequente (Prov. xxviii). »

77. Castellanus autem Curtriensis, qui antea ei exstiterat, inimicus, statim ut fugam ejus audivit, armata multorum militum manu munitus, Virovia- cum contendit; et omnibus quæ ipsius fuerant mo- bilibus direptis, munitionem totam evertit, et ne- mine resistente, in tantum ut nec stipes in loco re- maneret, incendit. Ipse vero cum juxta Tornacum ad villam quamdam devenisset, Tornacensibus eum insectantibus, et comprehendere ac punire tentanti- bus, uxore et majore suorum parte, rebusque fere omnibus amissis, vix equum nactus evasit, et in partes Nerviorum (118), duobus tantum sociis con- tentus recessit. Ubi monasterium quoddam mona- chorum adiit: et timore magis, ut postea patuit, humano quam divino compunctus, monachus tonsuram habitumque præsumpsit. Postea vero oc- casione uxoria, sine consensu cujus hoc fecisse assereretur, paucis evolutis diebus monachatum D deseruit, et ad sæculum, et ad arma derelicta sine retractatione mox rediit. In quo quidem facto satis

(116) De eo Lernutius ex Annalibus Flandriæ: « Ingelramus Eseneus abierat porro in Germaniam, et habitabat Moguntiae ad Rhenum: quo in oppido controversia incidit ei cum cive quodam, cui inter altercandum vulnus infixit lethale, nam mors subsecuta est. Ob facinus ad prætorem tractus, sacco- que inclusus, et in flumen projectus obiit, fato criminibus suis debito. » Hæc ibi, quæ credidit et de- scripsit Mejerus, fides sit penes illos.

(117) Forsan Lambertus ex Reddenburch, de quo similia narrantur ejus filius Walterus numeratur a Galberto num. 70 inter capita eorum, qui obsedi

evidenter declaravit illud religionis propositum quam fictus arripuerit. Si enim vinculum uxoris vinculum compellebat solvi religionis, eis quibus tanto abusus fuerat tempore cur non abstinuit armis? Nunquid et hoc lex conjugii cogebat? Nequaquam. Nam si vere eum suorum reatum pœniteret, armis relictis, uxori, cum tantum illa maritale debitum exigeret, adhærere, et in sudore sui vultus pane suo vesci, districto fatigatus jejuni debuisset. Nunc autem, ut multorum relatione comperimus, iram Dei non solum pœnitendo non curat placare, sed corde ob- stinato excusationes in peccatis excusare, et Deum magis irritans quam placans, peccatis peccata non veretur augmentare. Timendum est igitur ei, et pro eo etiam nobis, ne quia tardat converti ad Domi- num, subito veniat ira Dei, et in tempore vindictæ disperdat eum. Forsitan et ideo ibi tamdiu aliis in- vitis servatur, ut, si tempore sibi indulto non pœ- nituerit, et dono misericordiae Dei superbe abusus fuerit, justo Dei judicio gravius in fine feriat (119). Quod etiam de præfato Ingrasno non absurde sentiri potest. Et hæc quidem omnia infro duos fere post mortem comitis menses consummata sunt.

#### EPILOGUS.

78. Ecce voluntati vestræ, reverende Pater, imo jussioni, ac fratrum meorum piæ petitioni, prout valui, parui: et materiam mei modum ingenij pariter et eloquii, ut in ipso apparet effectu, tan- topere transcendentem vel contingere præsumens, multorum me reprehensioni simul et irrisioni ex- posui. Etenim stultus dum non loquitur, plerumque sapiens esse creditur. Silentium nempe ejus non tam putatur sensus inopia, quam humilitatis custo- dia. Unde et ego si omnino siluisse, sapiens qui- dem putari potuissem: sed non eo amplius sapiens fuissem. Nunc autem, quia imperitiam meam scri- bendo prodidi, sapientes, in quorum manus hæc forte pervenerint, indignabuntur mihi: et alii qui- dem calumniabuntur insipientem, alii subsannabunt præsumptorem, alii idiotam, judicabunt, nonnulli quoque stultum merito in clamabunt. Quid ergo erit, Pater sancte, quod me tanta rerum evidentia con- victum poterit excusare? Possum equidem obe- dientiae, vestra mihi auctoritate impositæ, non in congruam causam obtendere: sed commodius arbi- tror calumnias hujusmodi (120), etiamsi quo modo possem evadere, quam insipientiam meam pertina- citer excusando, tanto meorum cumulo peccatorum etiam fallaciam addere, fructumque mihi humilitatis detinebantur in turre S. Donatiani.

(118) Nervios hos bene a Tornacensibus distin- gui, et in Hannonia constitui debere, uti hic sit, alius docuimus.

(119) Mejerus et Marchantius tradunt « Guiliel- mum Viroviacensem fugatum a præfecto Cortracensi ex Viroviaco, captum tandem esse in Germania, atque apud Argentinam longis cruciatibus confectum: uxorem ejus Tornaci vivam defossam. » Fides sit penes auctores.

(120) Videtur dæesse tolerare aut aliquid simile.



adimere, et in fastum me vanitatis inaniter extol-  
lere. Utilius enim est mihi, ut sciar insipiens, quod  
sum, quam ut aestimer sapiens, quod non sum. Illud  
namque non infructuosum humili timorem, istud ve-

ro ruinosum superbo parere poterit, quod absit, tu-  
morem. Quem cum omnibus aliis vitiorum sordi-  
bus propitius a me dignetur avertere, qui omnem  
omnino superbiam sua damnavit humilitate. Amen.

## VITA ALTERA

### AUCTORE GALBERTO NOTARIO.

(Ex aliquot mss.)

#### PROLOGUS.

1. Cum inter regnorum principes quos circa nos co-  
gnovimus, summum gloriæ ac laudis sibi adscribendi  
studium per militiæ facinora enitisset : et eisdem  
affectus consimilis ad bene regendum inesset ; mi-  
noris potentiæ et famæ principabatur Imperator  
Romanorum Henricus (121), qui, cum annos plu-  
res sedisset, sine hærede diem obiit. Minoris quo-  
que famæ ac virium rex Anglorum (122) sine liberis  
degebat in regno, quam comes Carolus Flandriarum  
marchio, naturalis noster dominus et princeps ; qui  
quod militiæ fama, et generis nobilitatis regio san-  
guine septennis in comitatu pater et advocatus  
Ecclesiarum Dei præerat, erga pauperes largus, inter  
proceres suos jucundus ac honestus, adversus  
hostes crudelis et cautus, qui etiam sine hærede a  
suis, imo nefandissimis servis, traditus et occisus  
pro justitia occubuit. Tanti quidem principis mortem  
descripturus, non elaboravi eloquentiæ ornatum,  
seu diversorum colorum distinguere modos, sed  
rerum veritatem solummodo exsequi, quæ quam-  
quam stylo arido, tamen memoriæ fidelium scri-  
bendo commendavi peregrinum mortis ipsius even-  
tum. Neque eisdem locum et temporis opportuni-  
tatem, cum animum in hoc opere intenderem,  
habebam ; quandoquidem noster locus eodem tem-  
pore sollicitabatur metu et angustia, adeo ut sine  
aliorum exceptione tam Clerus quam populus indif-  
ferenti periclitabatur occasu et rerum suarum et  
vitæ. Igitur inter tot adversa et angustissimos loco-  
rum fines, cœpi mentem fluctuantem, et quasi in  
Euripo jactatam compescere, et juxta scribendi  
modum cobibere. In qua animi mei exactione una  
charitatis scintillula, suo igne fota et exercitata,  
omnes virtutes spirituales cordis funditus ignivit, et  
subsequenter hominem meum, quem a foris timor  
possederat, scribendi quadam libertate donavit.

2. Super hoc igitur mentis studio, quod in tam  
arcto positus (123) vestro et omnium fidelium audi-  
tui in communi commendavi, si quis quidquam ob-

(121) Intelligitur Henricus V, Ultrajecti anno 1125  
mortuus, a Calisto II papa olim excommunicatus.

(122) Henricus I rex Angliæ, de quo actum supra  
cap. 2.

B garrire et detrudere contendat, non multum curo.  
Securum enim me facit quod veritatem omnibus  
apertam, qui mecum eodem percollebantur periculo,  
loquor, et eam posteris nostris memorandam com-  
mendo. Rogo ergo et moneo, si cui hujus styli  
ariditas, et hujus opusculi exiguus manipulus ad  
manus venerit, non derideat et contemnat : sed  
nova admiratione, quæ scripta sunt et Dei ordina-  
tione congesta, nostro solummodo tempore admi-  
retur, et discat potestates terrenas non despiciere  
vel mortis tradere, quas credendum est Deo  
ordinante nobis esse præpositas ; unde apostolus :  
« Omnis anima omni potestati subjecta sit, sive regi  
tanquam præcellenti, sive ducibus tanquam a Deo  
missis (I Petr. II, 13), » tanquam enim non est simila-  
tivum, sed confirmativum : tanquam vero dicitur  
in Scriptura sancta pro eo quod vere est : sicut est  
ibi, tanquam sponsus, hoc est vere sponsus. Non  
quidem promeruerant homicidæ et potatores et  
scortatores et omnium vitiorum servi nostræ terræ  
ut præset eis bonus princeps, religiosus et po-  
tens, catholicus, post Deum pauperum sustentator,  
Ecclesiarum Dei advocatus, patriæ defensor, et talis  
in quo terreni imperii reliqua potestas bene re-  
gendi formam et Deo serviendi materiam assumeret.  
Videns ergo diabolus Ecclesiæ et fidei Christianæ  
profectum, sicut subsequenter audituri estis, com-  
movit terræ, hoc est, Ecclesiæ Dei stabilitatem, et  
conturbavit eam dolis, traditionibus et effusione  
innocentium sanguinis.

#### CAPUT PRIMUM.

*Illustria in comitatu gesta B. Caroli. Imperium Ro-  
manum et regnum Hierosolymitanum oblatum.*

3. Carolus itaque filius Cuntionis regis Daciæ (124)  
et matris oriundus quæ terræ Flandrensis comitum  
de sanguine processerat : ea affinitate cognationis a  
puero in patria nostra altus est usque ad virile robur  
corporis et animi. Postquam vero militiæ titulis  
armatus est, egregium facinus in hostes arripuit,

(123) Videtur cives Brugenses alloqui.

(124) *Cnut*, *Cnuto* aut *Canutus*, promiscue reges  
Daciæ appellati : horum pater B. Caroli S. Canutus  
ejus nominis quartus fuit.

famam bonam et gloriam sui nominis pene magnorum potentes obtinuit. Quem quidem per plures annos in principem peroptaverant proceres nostri, si forte sic evenire potuisset. Igitur comes Balduinus adolescens fortissimus moriendo nepoti suo Karolo regnum simul et principibus contradidit, et sub fidei securitate commendavit.

4. Cœpit utique majoris consilii prudentia pius comes de pacis reformatione disponere, leges et jura regni revocare, ita ut paulatim pacis statu undecumque collecto, in quarto sui comitatus anno, per illum omnia florerent omnia riderent, omnia justitiæ et pacis securitate et multiplici jucunditate fruerentur. Tandem videns gratiam pacis omnibus jucundam, indixit per terminos regni, ut sub quiete et securitate absque armorum usu communiter degerent, quicumque aut in foro aut infra castra manerent et conversarentur: alioquin ipsis plecterentur armis, quæ ferrent. Sub hac ergo observantia arcus et sagittæ et subsequenter omnia arma postposita sunt in forinsecis locis, sicut et in pacificis. Qua pacis gratia legibus et justitiis sese regabant homines, omnia ingeniorum et studiorum argumenta ad placita componentes: ut in virtute et eloquentia rhetorices unusquisque se defensaret, cum impetitus fuisset: vel cum hostem impeteret qua colorum varietate oratorie fucatum deciperet. Tunc vero habuit rhetorica sua exercitia et per industriam et per naturam: erant enim multi illiterati, quibus natura ipsa eloquentiæ modos et rationabiles præstiterat conjecturandi et argumentandi vias, quibus nullatenus illi, qui disciplinati erant et docti artem rhetoricam, obviare vel avertere poterant. Sed quia iterum suis fallacis minus cautis fideles et oves Christi in placitis illi conveniunt, Deus, qui omnia ab alto speculatur, corripere fallaces suos non desepit; ut quibus eloquentiæ bonum præstiterat ad salutem, ipsis per flagella insinuaret, quia eo bono usi sunt ad propriam perditionem.

5. Immisit ergo Dominus flagella famis, et postmodum mortalitatis, omnibus qui in regno degebant nostro, sed prius terrore signorum revocare dignabatur ad pœnitendum, quos pronos præviderat ad malum. Anno ab Incarnatione Domini millesimo centesimo quarto, in Augusto mense universis terrarum habitatoribus in corpore solari, circa nonam horam diei apparuit (125) eclipsis, et luminis non naturalis defectus, ita ut solis orbis orientalis obfuscatus, paulatim reliquis partibus ingereret nebulas alienas, non simul tamen totum solem obfuscantes, sed in parte: et tamen eadem nebula totum pererravit solis circulum, pertransiens ab oriente usque ad occidentem tantummodo in circulo solaris essentiali: unde qui statum pacis et placitorum injurias notabant, futuræ famis et mortis periculum mina-

(125) Eclipsin hanc inter alios astronomos annotavit Sethus Calvisius ab Anglicis scriptoribus observatam contigisse 17 Augusti, eamque accurate describit.

A bantur universis. Cumque, neque sic correcti sunt homines, tam Domini quam servi, venit repentinæ famis inedia, et subsequenter mortalitatis irruerunt flagella (126). Unde in psalmo, « et vocavit famem super terram, et omne firmamentum panis contrivit (Psal. civ, 16). » Quo tempestate non poterat solito more sese quisque cibo et potu sustentare, sed contra morem tantum panis insumpsit epulator semel in prandio, quantum ante hoc tempus famis in diversis diebus sumere consueverat, atque sic per insolentiam est gurgitatus, et omnes naturales receptorum meatuum distenti nimietate repletionis cibi et potus, natura languebat. Cruditate quoque et indigestione tabescebant homines et adhuc fame laborabant, donec spiritum exhalarent ultimum. Multi quoque inflati sunt, quibus cibis et potus fastidiebat; quibus tamen utique abundabant. Quo tempore famis, in media Quadragesima, etiam homines terræ nostræ, circa Gandavum et Legionem (127) et Scaldum fluvios commorantes, carnes comederunt, eo quod panis eis prorsus defecisset: quidam vero ipso itinere cum transitum facerent ad civitates et castra, in quibus panem sibi compararent, nondum semiperfecto transitu suffocati fame perierunt: circa villas et curtes divitum, et castra seu munitiones, pauperes cum ad eleemosynas misero gressu devoluti venissent mendicando mortui sunt. Mirabile dictu! nulli in terra nostra manserat naturalis color, sed talis pallor affinis et proprius mortis inerat universis. Languebant similiter sani et ægri, quia qui sanus erat in compositione corporis, æger effectus est, visa miseria morientis.

6. Neque sic quidem correcti sunt impii, qui eodem tempore, sicut aiunt, in piissimi comitis Caroli mortem conspiraverant. At comes egregius satagebat omnibus modis pauperes sustentare, eleemosynas largiri in castris et in locis suis, et præsens ipse et per ministros suos. Eadem tempestate centum pauperes in Brugis omni die sustentabat, singulis illorum unum panem admodum grandem tribuens, ab ante Quadragesimam prædictam usque in novam ejusdem anni messes. Similiter in aliis castris suis idem disposuerat. Eodem anno edixerat dominus comes quod, quicumque duas mensuras terræ seminarent tempore sementis alteram mensuram terræ seminarent faba et pisa, eo quod hoc genus leguminis citius et tempestivius fructum proferret, unde pauperes citius sustentari potuissent, si famis miseria atque inedia anno non cessaret. Similiter per omnem comitatum suum præceperat, per hoc in futuro consulens pauperibus quantum poterat: illos etiam ex Gandavo turpiter redarguit, qui passi sunt ante ostium domus suæ mori pauperes fame, quos pavisse poterant. Cervisiam quoque interdixit confici, ut eo levius et melius abundarent pauperes,

(126) Anno 1425, biennio ante obitum B. Caroli, uti indicat Gualterus.

(127) *Legio*, aliis *Legia* et *Lisa*, Gandavi Scaldj immiscetur.

si a cervisia conficienda cessarent tempore famis cives et incolæ terræ. Nam ex avena panes fieri jussit, ut saltem in pane et aquavitam continuarent pauperes. Vini quartam sex pro nummis vendi præcepit, et non carius, ideo ut cessarent negotiatores ab abundantia et emptione vini, et merces suas commutarent pro necessitate famis, pro victualibus aliis, quibus levius abundarent et facilius pauperes sustentarent. A propria mensa sibi quidem subtraxit quotidie victum, unde centum pauperes et tredecim sustentabantur: indumenta insuper nova, scilicet camisiam (128), tunicam, pelles, cappam, bracas, caligas, subtulares (129), a principio illius Quadragesimæ et devoti jejunii sui, in quo statim traditus in Domino obdormivit, quotidie uni pauperum erogavit usque ad diem quem obiit in Christo atque dispensatione tali et misericordie erogatione in pauperes parata, sic ibat ad ecclesiam, ubi in oratione decumbens psallebat Deo psalmos, ibique audito ex more sacro denarios pauperibus distribuit sic Domino prostratus.

7. Cumque in comitatu suo Flandriarum marchio Carolus pacis et gloriæ decore degeret (138), Henricus imperator Romanus diem obiit, et desolatum est regnum imperii illius et sine hærede exhæredatum. Igitur sapientiores in clero et populo regni Romanorum et Teutonicorum satagebant omnibus modis, quem sibi ad Imperium regni providerent, virum nobilem tam genere quam moribus. Igitur circumspicis terrarum et regnorum principibus, considerate inierunt consilium, quatenus illi sapientiores et potentiores in regno, legatos idoneos, scilicet cancellarium archiepiscopi (131) Coloniensis civitatis, et cum eo comitem Godefridum (132) solemniter transmitterent ad consulem Flandriarum Carolum pium, ex parte totius cleri et ex parte totius populi regni et imperii Teutonicorum exostulantes et obsecrantes potentiam et pietatem ipsius, ut imperii honores et dignitates regias cum suis facultatibus pro sola charitate assumeret. Omnes enim meliores tam in clero quam in populo eligendum sibi eum justissimo desiderio exspectabant, ut Deo donante ad ipsos dignaretur ascendere, coronatione et Imperii exaltatione unanimiter sublima-

(128) *Camisia* pro indusio usurpata olim in lege Salica tit. 6, et apud Fortunatum lib. 1 Vitæ S. Radegundis. Unde postea in lingua hodierna Francica, quæ illis temporibus necdum erat, vox *chemise* exorta. Forte olim *cama*, uti jam Hispanis, in usu fuit apud Gothos et antiquos Germanos pro lecto, ut *camisia* dicta sit vestis in qua dormitur.

(129) *Subtulares* in antiquis codicibus, an *subtulares* substituendum, ut sint calcei, quasi *sub talis*. In Vita S. Gudilæ 8 Januarii num. 8 *subtulares* legitur, ubi Garneveltius *subtulares* arbitratur restituendum: sed mutata solum vocali facile voces istæ possunt confundi.

(130) « *Henricus Vanno 1125, feria quinta, in Pentecoste Ultrajecti vitam cum regno amisit.* » Anselmus Gemblacensis in Chronico. Biduo post aliqui obiisse passerunt.

(131) *Colontensis archiepiscopus erat Fredericus,*

ac regem illum lege prædecessorum Catholicorum imperatorum constituerent.

8. Cumque legationem et expostulationem audisset Carolus comes, consilium cum nobilibus et Parisiis suæ terræ subiit, quid super hoc ageret. At, illi, qui ipsum justo amore, et dilectionis virtute dilexerant, et ut patrem venerabantur, cœperunt dolere, et dicessum ejus deslere, et ruinam patriæ gravem fore, si forte eam desereret. Tandem illi traditores pessimi, qui vitæ ipsius inimicabantur, consuluerunt ei, ut regnum et ejus honores præriperet inter Teutonicos, persuadentes ei quantæ gloriæ et quantæ famæ sibi foret regem Romanorum esse. Laborabant miseri illi, qua astutia, quibus dolis carerent eo, quem postmodum, dum amovere non poterant, viventem tradiderunt, pro lege Dei et hominum cum ipsis decertantem. Remansit itaque in comitatu suo Carolus comes pro expostulatione suorum dilectorum, pacem et salutem patriæ, quantum in se erat, omnibus demandans et constituens, Catholicus, bonus, religiosus, cultor Dei, hominumque rector providus. Qui cum sæcularis militiæ facinora acturus foret, non habebat hostes circa terram suam, sive in marchis, sive in confinibus et terminis suis: quia timebant eum, aut pacis et dilectionis fœdere conjuncti, potius munera et donaria in invicem transmiserant, sed certamina militiæ sæcularis pro honore terræ suæ, et pro exercitio militum suorum apud aliquem comitem vel principum Northmanniæ vel Franciæ, aliquando vero ultra regnum Franciæ arripuit, illicque cum ducentis equitibus tornationes exercuit: qua in re famam suam, et comitatus sui potentiam ac gloriam sublimavit. Quidquid ergo levitatis hujus culpa deliquit, eleemosynarum multiplici redemptione apud Deum emendavit.

9. Hujus quoque vitæ tempore contigit (133) regem Hierosolymorum in captivitatem Saracenorum currisse, et desolata sedebat civitas Hierusalem absque rege suo: quem sicut didicimus, Christiani nominis milites, qui militiæ Christianæ ibidem studuerant, odio habebant, eo quod tenax et parvus fuisset rex ille captus, nec bene rexisset populum Dei. Inierunt ergo consilium et communi consensu

ab anno circiter 1100 aut paulo citius, usque ad annum 1131, qui Lotharium Saxonem 23 Septemb. hujus anni 1125 imperatorem Aquisgrani coronavit. Ab illo S. Norbertum sacris ordinibus initiatum fuisse tradit anonymus cœvus in hujus Vita.

(132) *Comes Godefridus* videtur esse *Namurcensis*, frater S. Alberti episcopi Leodiensis, quem cum dictus Fredericus archiepiscopus Coloniensis contra intrusum Alexandrum constituisset, Godefridus comes armis defendit.

(133) Balduinus filius comitis de Reitesta, Balduino fratre Godefridi Bullonii anno 1118 mortuo, factus est rex Hierosolymitanus, dein anno 1123 captus, at non diu post liberatus. Scriptores expeditionis terræ sanctæ hunc satis laudant, ut videantur hic ex fama publica de rebus procul a Flandria gestis nonnulla relata.

as direxerunt comiti Carolo, ut ascendens Hierosolimam, regnum Judææ assumeret, et in loco et iuncta civitate imperii catholici coronam dignitate regiam possideret. Noluit igitur, super hoc toto fidelium suorum consilio, deserere patriam patriarum, quam vita comite bene rectorus foret, is melius quam adhuc rexisset, nisi traditores pessimi pleni dæmonio, dominum et patrem in spiritu pietatis et consilii et fortitudinis essent. Proh dolor! quod tantum virum ab ista Dei tollerent, de quo regem Ecclesiæ et us Orientalis imperii et Hierosolymorum sancta simul cum populo Christianorum taverat et disposuerat, simul expostulaverat iuere.

## CAPUT II.

*Odii in S. Carolum concitati occasio.*

Deficiunt quidem mihi vires animæ, et ejus varia simulque major vis in anima, scilicet ratio videndum bonum consulem Carolum: cujus is impares omnes estis vos terrarum principes, et potentes, imperiti, indiscreti, incompositi us. Nam talis erant comes Carolus in fine vitæ religiosos filios Ecclesiæ, qualis in meritis suis habebat rectores et plures philosophos fidei lanæ: et quamvis olim peccator et criminus in fine vitæ bonæ ex pœnitentiæ fructu omnia rabantur ei in bonum et salutem animæ perm. Unde et ille ait:

dicique beatus,

et obitum nemo supremaque funera debet.

(OVID. *Melam.* III. 136.)

Stolidus: « Scimus quoniam diligentibus Deum cooperantur in bonum his qui secundum verum situm vocati sunt sancti (*Rom.* VIII, 28). » pro loco igitur, et in sacris orationibus, et in cordis devotione, et in sacro Quadragenarii re, et in sacra eleemosynarum largitione, (134) a sacrum altare, et inter sacras reliquias atiani archiepiscopi Remorum et (135) B. Bagagni et S. Maximi trium mortuorum suscitantes immundi, dæmonio pleni, servi dominum jugulaverunt. Nemo quippe ita est absurdus, res, ita stolidus, qui non adjudicaret traditores cœnis infimis et inauditis; qui inaudita tradidit dominum suum, ipsi servi, qui observassent, et disperdiderunt. Igitur mirandum erat et driter memorandum, quod et multos viderimus itores, reges, duces ac consulares viros, nullum is vel audivimus adhuc, quem ita deceret dominum ac patrem, advocatum Ecclesiarum

servantur etiam nunc reliquæ horum sanctorum in Brugis in summa veneratione et argenteis leis aut capitibus inclusæ, quas ipsi ibidem non admiratione eximii splendoris intuitu su. Donatianus est urbis et diœcesis totius parie, eique templum cathedrale sacratum. Festus is etiam in populo est VII Octobris, quando de stione ejus corporis agemus.

) *S. Basilii* pars magna spinæ dorsi, ut nobis a, adversatur. At *S. Maximi* duæ costæ, crus,

A Dei, sicut ipsum condecuit. Solebat enim esse dominus, pater, advocatus, pius, mitis, exorabilis, ad honorem Dei et decorum Ecclesiæ idoneus, quod vere satis probabile est, quia post mortem tanti viri potestati sunt super ipsius meritis omnes, et amici et inimici, extranei et vicini, nobiles et ignobiles, et cujuscunque terræ habitatores, qui saltem egregiam famam de ipso audierant, quanti meriti foret credendus apud Deum et homines, qui propter justitiam Dei exsequendam, et propter salutem eorum quos regebat, more Christiani Rectoris occubuit. Quem homines suæ pacis super illum magnificantes supplantationes tradiderunt, ut in psalmo, « Etenim homo pacis meæ, qui edebat panes meos, magnificavit super me supplantationes (*Psal.* XL, 10). »

B 11. Postquam igitur clementia Dei flagella subtraxerat, et molestiam temporis prorsus remotam frustraverat, cœpit suæ dignationis copiam terris commodare, et jussit vegetabilitate frugum horrea repleri, vino et cæteris victualis mundum redundare, et quadam amœnitate temporum, jussu divino tota terra reffloruit. Volens itaque comes plus iterum invocare honestatem regni, perquisivit, qui fuissent de pertinentia sua proprii, qui servi, qui liberi in regno, cum placitorum negotia agebantur, sæpe comes præsens aderat, audiens de disceptatione libertatis sæcularis et conditione servorum, scilicet quod in magnis negotiis et generalibus causis liberi responsa non dignabuntur reddere servis. Quos quidem comes de pertinentia sua perquirere poterat, sibi vindicare laborabat. Unus præpositus Bertulfus Brugensis, et frater ejus Castellanus in Brugis, cum nepotibus suis Borsiaro, (136) Roberto, (137) Alberto, et cæteris de illa cognatione præcipuis, elaborabat omni astutia et ingenio, quomodo a servitute et pertinentia comitis sese absentaret et subterfugeret: nam et ipsi de comitis pertinentia erant conditione servili.

C 12. Accepto tandem consilio præpositus ille neptes suas nobiles, quas educaverat in domo sua, militibus liberis in conjugium tradidit; ut quasi occasione illa nubendi ac libertatem sæcularem quodammodo accederent ipse et sui. Sed contingit quod miles, qui neptem præpositi duxerat in uxorem, ad singulare bellum alium quemdam in præsentia comitis appellaret militem qui secundum suæ cognationis propagationem libererat: at appellatus indignationis sibi repulsa viliter respondit: scilicet se non fuisse de servili conditione, imo liberæ dignitatis, secundum lineas sui generis propagatum, et ob hoc ad bellum singulare non se fore parem appellanti congressu-

duo ossa brachii, et quinque ossa digitorum. Ita Sanderus lib. II Brugarum. Collitur S. Maximus, 27 Novemb. S. Basilii, 14 Junii.

(136) Robertus frater Borsardi, infra num. 26 dicitur in velitatione occisus.

(137) Albertus in Vita per anonymum Danum dicitur filius Roberti Castellani, ergo Borsardi et dicti Roberti patruelis. De eo nulla amplius nuntio fit.

rum. Quicumque enim secundum jus comitis ancillam liber in uxorem duxisset, postquam annuatim eam obtinisset, non erat liber: sed ejusdem conditionis erat effectus, cujus et uxor ejus. Indoluit ergo miles ille, qui propter uxorem suam libertatem amiserat, per quam liberiores se fore crediderat, cum eam accepisset. Indoluit ergo præpositus et sui: et ideo enitebantur omnibus modis se subtrahere a servitute comitis. Igitur cum veritatis indicio et seniorum regni relatu, comes intellexisset, quod sibi sine cunctatione pertinuisset, conabatur ipsos suæ servituti vindicare: et tamen quia præpositus et cognati ejus a comitis prædecessoribus, usque ad hoc tempus de servili conditione non interpellatus nec pulsatus fuit, quasi solum et multis temporibus neglectum foret, omnium oblivioni tradebatur, nisi in prædicta belli appellatione ad recordationis veritatem revocatum fuisset.

13. Cæterum præpositus cum tota nepotum successione post comitem in regno potentior, et fama atque religione gloriosior, se liberum fuisse et cognationis tam antecessores quam successores suos confirmabat, et quadam superstitione et arrogantia sic se contendebat. A comitis igitur mancipatione et pertinentia se et suos subtrahere consilio et potentia laborabat, et ideo sæpe improperebat comiti sic: Iste Carolus de Dacia nunquam ad comitatum conscendisset, si ego voluissem. Nunc ergo, cum per me sit comes effectus, non recordatur quod bene sibi fecerim, imo laborat prorsus me cum toto genere meo retorquere in servum, perquirens a senioribus utrum sim usejus servi; sed quærat quantum velit, nos semper erimus et sumus liberi, et non est homo super terram qui possit non constituere servos. Frustra tamen jactanter loquebatur: nam consul præcautus detractationem præpositi et suorum intellexerat, et fraudem simul et traditionem audierat. Quandoquidem defensionis suæ effectum habere non poterat præpositus et sui, quin libertate sibi usurpata carerent; maluit ipse cum tota nepotum successione perire quam servitute comitis mancipari. Perverso tandem et nefandi consilii dolo cœperunt de morte piissimi consulis seorsum tractare, et tandem locum et opportunitatem occidendi illum prætere.

14. Lætus ergo præpositus erat, quod lites et seditiones ortas inter nepotes suos et Thancmarum, cujus parti justæ comes favebat, occasiones haberet tradendi comitem: nam universos milites provincie nostræ, tum pretio, tum potentia, tum petitione acciverat in auxilium nepotum suorum contra Thancmarum. Quem quidem obsedit circumquaque in loco quo se vallaverat, et tandem collecta manu invasit validissima obsessos, et claustra portarum confringens detruncavit pomeria et sepes inimicorum suorum. Absens tamen, et quasi nihil fecisset, consilio et dolo omnia fecit, omnem benevolentiam a foris prætendebat: et inimicis dicebat, sese dolere quod nepotes sui tot lites, tot homicidia peragerent, quos

A quidem ad omnia nefaria animaverat. In congressione ergo prædicta utrinque ceciderunt eo die pluri mi vulnerati et mortui. Quod cum intellexisset præpositus quod jam congressio fieret, ipsemet descendit ad carpentarios qui in claustris fratrum operabantur, et jussit ferramenta eorum, scilicet secures, illic deferri, quibus detruncarent turrem et pomeria et domos inimicorum suorum. Misit ergo per singulas domos in suburbio ad colligendas secures, quæ illis citissime delatæ sunt. Cumque in nocte rediissent nepotes ejus cum quingentis militibus armigeris et peditibus infinitis, induxit eos in claustrum et fratrum refectorium, in quo refecit universos, diverso ciborum et potuum apparatu, et super hoc lætus et gloriosus erat. Dumque assidue sic affligeret inimicos, et maximam in eis expensam faceret, qui nepotes suos juvarent; cœperunt primo armigeri, postea milites deprædari rusticos, adeo ut pecudes et armata villicorum raperent et devorarent. Quidquid in suum usum possederant rustici, hoc nepotes præpositi violenter rapiebant et suorum sumptui deputabant. Sed a principio regni nullus comitum perpessus est rapinam fieri in regno, eo quod maxima mors et pugna inde contigisset.

15. Audierunt ergo rustici comitem venisse apud Ipram, ad quem nocte et clanculo usque ad duceos transierunt, pedibusque ipsius convoluti obsecrantes paternum et consuetum ab eo auxilium, ut res ipsorum reddi juberet, scilicet pecudes et armenta, vestes et argentum, insuper omnem cæteram supellectilem domum suarum, quæ omnia rapuissent nepotes præpositi, et illi qui in expeditionem illius obsidionis cum illis et nocte et die pugnassent. Quas proclamorum conquestiones comes graviter ferens, convocavit consiliatores suos et plures etiam, qui de cognatione præpositi fuere, perquirens ab eis qua vindicta et quo rigore justitiæ hoc facimus justificaret. At illi consilium dederunt ut sine dilatione domum Borsiardus incendio destrueret, eo quod rapinam in rusticos comitis exercuisset: atque ideo maxime consiliati sunt domum præfatam destrui, quæ quandiu staret, tandiu lites et rapinas Borsiardus insuper et homicidia perageret, et sic viciniam illam proreus vastaret. Descendit ergo super hoc consultus consul, et incendit domum et funditus mansionem ejus destruxit. Tunc ille Borsiardus et præpositus et ipsorum complices ultra modum indoluerunt, tum quia comes in hoc facto videbatur consensum et auxilium præstitisse inimicis eorum; tum quia comes quotidie ipsos de servili conditione pulsaret, et ad sibi mancipandos omni modo laboraret.

16. Sicque domo conflagratis, comes Brugas ascendit. Concessa igitur domo cum concedisset venerant ad eum qui familiares erant ei et præcautum reddiderunt dicentes quod nepotes præpositi eum traderent, eo quod jam occasionem aptam prætenderent a conflagratione domus præfatæ, quanquam, etsi hoc non fecisset, comes, non minus tamen ab

illis traderetur. Postquam vero comes cōnaverat, ascenderunt coram eo intercessores ex parte præpositi et nepotem ipsius qui exorarent comitem ut indignationem suam ab eis averteret, et sub amicitia sua miseratus eos reciperet. At consul omnia justa secum illis acturum et misericorditer etiam respondit, si lites et rapinas postponere deinceps voluissent, et meliorem domum insuper restituere Borsiaro se debere promisit. In loco tamen, in quo domus combusta est, jurabat, se comitatum obtinente, amplius Borsiardum nullam possessionem obtenturum, eo quod usque tunc, juxta Thanemarum manens, nunquam nisi lites et seditiones in hostes et in cives cum rapina et cæde ageret. Qui vero intercessores fuere partim conscii traditionis, non multum super reconciliandis vexabant comitem, et quando propinatum ibant ministri, rogabant comitem ut de vino meliore afferri juberet. Quod cum ebibissent, sicut potiores solent, rogabant semel sibi propinari et abundanter adhuc, ut posteriore licentia et ultima a consule accepta, quasi dormitum abirent: et jussu comitis abundanter propinatum est omnibus illis qui aderant, donec accepta licentia ultima ipsi abiissent.

## CAPUT III.

*Conspiratio nocturna in cædem S. Caroli. Hujus enorme scellus ponderatum.*

17 (138). Igitur Isaac et Borsardus et Willelmus ex Wervi, Ingrannus et eorum complices, accepto assensu a præposito, quod nec necessitate divinæ ordinationis per liberam voluntatem quidem facturi erant, accelerabant: nam statim hi, qui mediatores et intercessores erant inter comitem et nepotes præpositi, concessa domo ejusdem præpositi denuntiaverunt responsum comitis; scilicet quod nullam gratiam potuissent acquirere aut nepotibus aut eorum fautoribus prædictis, sed hoc solum cum eis ageret, quod justitiæ districtione censura primatum terræ constituisset. Tunc præpositus et sui nepotes intro cameram abeuntes; accitis quos voluissent, custodiente ipso præposito cameræ januam, dederunt dexteram in invicem ut traderent consulem, et ad hoc facinus advocaverunt (179) Robertum puerum, convenientes illum ut daret dexteram, id idem simul cum ipsis peracturus, quod et ipsi peractum irent, pro quo et dexteram in invicem contradidissent. At puer nobilis animi virtute præcautus animadvertentem grave fore, pro quo ipsum urgerent: restitit nolens ignoranter in taxationem illorum subdici, nisi præsciret quid rerum acturos sese confirmassent,

(138) Ut narratio præcedentis et hujus capituli plane congruit cum iis quæ Gualtero, imo et Sugerio descripta retulimus, ita toto cælo discrepant ab iis, quæ in Annalibus vernaculis Flandriæ, in Formula proclamationis Brugensis, et in Commentario Lernutii congesta sunt. Nonnulla in Commentario prævio attigimus.

(139) Robertus puer, filius Roberti Castellani, fratris Bertulphi Præpositi. Ac cognomen illi patrique Puer, seu Belgice Kindt, datum, quo agnominem variorum familiæ appellantur? Neutrius mentio fit in dictis

et cum adhuc cogere illum, subtrahens se exire januam festinabat. Sed Isaac et Willelmus et cæteri proclamabant præposito, qui tunc janitor erat, ne Robertum exire permitteret, donec jussu ipsius contactus, quod ab eo postulassent, perageret. Statim præpositi blanditiis et minis juvenis circumventus rediit et dedit sub eorum conditione dexteram, ignarus quidem quid cum illis acturus foret et statim confirmatus cum traditoribus requisivit quid fecisset. At illi: Comes iste Carolus laborat omnibus modis ad destructionem nostram, et ut in servos sibi nos vindicet, festinat: cujus traditionem jam conjuravimus; et debes a modo nobiscum eandem traditionem tam consilio quam opere peragere.

18. Igitur territus puer et totus in lacrymas fusus, ait: Absit a nobis ut dominum nostrum tradamus et patriæ consulem. Imo revera, si non desistitis, ego vadam et aperte traditionem vestram comiti et universis eloquar, nec super hoc pacto consilium vel auxilium, volente Deo, unquam præstabo. At illum fugientem ab eis, violenter retinuerunt, dicentes: Audi, amice, quasi serio facturi essemus præfatam traditionem, jam eam intimavimus; ut per hoc probaremus, utrum in aliquo gravi facto nobiscum velis permanere. Est quidem aliud quiddam, quod adhuc tibi celavimus, causa cujus obligatus es nobis fide et taxatione, quod in futuro dicemus: et quasi in risum, conversi, dissimulabant traditionem. Descendit utique in locum suum unusquisque illorum, exeuntes a camera. (140) Isaac cum tandem domum venisset, quasi dormitum ibat (expectabat enim silentium noctis) et mox conscenso equo rediit in castrum descendens in hospitium Borsiardus et evocans eum cæterosque quos voluit, seorsum descendunt in aliud hospitium, scilicet Waiteri militis. Et cum introissent, ignem prorsus qui in domo erat extinxerunt, ne forte per ignem accensum innotesceret expergefactis in domo, qui essent, et quid negotii contra morem illa noctis tempestate agerent. Securi igitur in tenebris consiliabantur traditionem fieri statim in mane, eligentes de familia Borsiardus animosiores et audaces ad hoc facinus, et spondebant eis divitias multas. Militibus vero qui interficerent comitem (141) marcas quatuor, servientibus qui idem agerent marcas duas obtulerunt, et confirmaverunt sese nequissima rerum taxatione. Reversus est itaque Isaac in domum suam circa crepusculum diei, postquam suo consilio cæteros animaverat et promptos ordinaverat in tantum scelus.

19. Igitur cum dies obvenisset obscura valde et Annalibus aliisque fabellis. Contra Mejero cum filio etiam patrem Robertum; sed ante 12 aut plures annos mortuum, ut ex supra dictis constat.

(140) Lernutius hanc conspirationem Ipris factam ait die S. Vincentii 22 Januarii, et hæc ex fabulosis Annalibus.

(141) Quomodo marca debeat æstimari, non facile statui potest. Matthæus Parisius in Historia ad annum 1235 asserit eam putari quamlibet marcæ 13 solidis et 4 sterlingis. Sed varia apud singulas gentes videtur æstimatio fuisse.

nebulosa, ita ut hastæ longitudine nullus a se discernere posset rem aliquam, clanculo servos aliquot misit Borsiardus in curtem comitis præcavere exitum ejus ad ecclesiam. Surrexerat quidem comes multo mane, et distribuerat pauperibus, sicut consueverat, in propria domo, et sic ad ecclesiam ibat. Sed sicut referebant capellani ejus, nocte cum in lectum se composuisset ad dormiendum, quadam vigilantie sollicitudine laborabat, mente quidem confusa et turbata, ita ut multiplici rerum meditatione pulsatus modo in altero cubans latere, modo residens in stratu, totus languidus sibi ipsi videretur. Cumque in itinere versus ecclesiam B. Donatiani processisset, servi qui ejus exitum præcavebant recurrentes, denuntiaverunt traditoribus consulem in solarium ecclesie conscendisse cum paucis. Tunc ille furibundus Borsiardus et milites et servientes ejus, simul acceptis gladiis nudis sub palliis, persequerentur comitem in eodem solarium: dividentes se in duas partes, ita ut ex utraque via solarium nullus eorum aufugeret quos tradere voluissent: et ecce comitem prostratum suo more juxta altare in humili scabello viderunt, ubi Deo psalmos decantabat et orationes devotus, simul et pauperibus denarios erogabat.

20. Et scilicet quam nobilem virum et egregium consularem tradiderunt servi impiissimi et inhumani. Meliores et potentiores quia principio sanctæ Ecclesiæ, sive in Francia, sive in Flandria, sive in Dacia, sive tandem sub Romano imperio floruisent, progenitores ejus fuerunt, de quorum traduce comes pius nostro tempore consecratus et in virum perfectum a puero educatus, nunquam paternos et regios excessit nobiles mores et naturales vitæ honestates. Cuique ante comitatum multa insignia et egregia fecisset, arripuit sanctæ peregrinationis viam Hierosolymorum, atque maris profunda transnavigando, tandem post multa pericula et vulnera pro amore Christi sæpe perpessa, voto peroptato et lætissimo, in Hierusalem ascendit, ubi etiam contra hostes Christianæ fidei strenue dimicavit, et sic, veneranter adorato Domini sepulchro, repatriavit. In qua peregrinationis necessitate et angustia didicit pius Domini vernaculus, sicut in comitatu sedens sæpe relulit, quanta egestate pauperes laborarent, qua superbia divites extollerentur, et tandem quanta totus mundus miseria concuteretur: unde condescendere solebat egentibus, et fortis fieri in adversis, non elevari in prosperis, et sicut Psalmista docet: « Honor regentis iudicium diligit (Psal. xcvi) »; iudicio principum et virorum prudentium comitatum regebat.

21. Cumque tam gloriosi principis martyrium vita suscepisset, terrarum universi habitatores infamia traditionis ipsius percussus, nimis indoluerunt, et mirabile dictu, occiso consule in castro Burgensi in mane unius diei scilicet feriæ quartæ fama impiæ mortis ejus in Londonia civitate, quæ est in Anglia

(142) Laudunum in Picardia superiore ad confinia Campaniæ est: dicitur etiam Lugdunum Clavatum

A terra, secundo die postea circa primam diei percussit oives, et circa vesperam ejusdem secundæ diei (142) Laudunenses turbavit, qui in Francia a nobis longe remoti sunt. Sicut didicimus per scholares nostros, qui eodem tempore Lauduni studuerunt, sic etiam per negotiatores nostros intelleximus, qui eodem die Londoniæ mercaturæ intenti fusero. Intervals ergo, vel temporum vel locorum prædictorum nec equo, nec navigio quisquam transiisse tam velociter poterat.

22. Ad hoc quoque traditionis facinus peragendum, dispensatum est a Deo ut audaces et presumptuosi de sanguine prædecessorum præpositi Bertulfi relinquerentur, cæteris morte præventis; qui potentes in patria dum viverent, fuerunt personæ graves et divitiis affluebant, sed prædictus præpositus in clero severitate gravissima degebat et non modice superbus. Nam sui moris erat cum in præsentiam ejus aliquis accessisset, quem optime novisset, ut superbia animi sui dissimulante, ex indignatione juxta se sedentes interrogaret, quisnam esset: at tunc primum si placuisset ei, accitum salutaret. Cum vero alicui præbendam vendidisset canonicam, nulla electione canonica, imo violenter illi investituram dedit. Non enim aliquis canonicorum suorum audebat vel tacite ipsum redarguere vel aperte. In prædicto fratrum loco ecclesiæ B. Donatiani canonici valde religiosi et perfecte litterati olim, scilicet in principio præposituræ hujus arrogantissimi prælati, fuerunt, qui ejus superbiam reprimentes, consilio et doctrina catholica constrictum tenebant, ne quid inhonestum in Ecclesiæ præsumeret. Postquam vero in Domino obdormierunt, relictus sibi ille præpositus, ad quidquid sibi videbatur et quo eum impetus arrogantis impulit, ferebatur. Siquidem cum esset caput sui generis, nepotes suos admodum nutritos et tandem militia præcinctos omnibus in patria præferre studuit, et ut fama eorumdem ubicunque innotesceret, laboravit: unde ad lites et seditiones cognatos suos armavit, hostes eis quos impugnantem opposuit, ut sic fama per universos volaret, scilicet quantæ potentis ac virum ipse et nepotes ejus fuissent, cui nullus in regno resisteret vel prævaleret. Tandem de servorum conditione pulsatus in præsentia comitis, et simul a comite ad hoc elaborante, ut probaret eum cum tota successione servum fuisse, sugillatus, sicut prædictum est; satagebat qua fuga et qua astutia sese servituti opponeret, et qua virtute libertatem usurpatam conservaret. Et cum aliter obstinatus non posset, traditionem, quam diu detraxerat, tam inter suos quam inter regni patres nefando exitu consummavit per se et per suos.

23. Sed piissimus Deus iterum suos revocare dignatus est per terrorem signorum: nam circa viciniam nostram in fossatis aquæ cruentæ apparuerunt in signum futuræ cædis, per quod a suo scelere evocari poterant, si indurato cordis zelo non conspi-

volgo Laon. Procul inde an confluentiam Arari et Rhodani est emporium nobilissimum Lugdunum.



raessent in tradendo comitem. Insuper sæpius conferebant, si comitem interficerent, quis eum vindicaret; et quamvis ignorarent quid dicerent. Quis? infinitum nomen, infinitos, et qui sub certo numero non adscriberentur, notavit; quandoquidem rex Franciæ cum gravi exercitu et simul principes terræ nostræ cum infinita multitudine, ad vindicandam consulis piissimi mortem, convenerunt. Sed adhuc nondum hujus fati miseria devoluta est ad finem: quin de die in diem non desinant vindicare præfatam comitis mortem, in omnes suspectos et reos et ubique profugos et exules.

24. Nos itaque terræ Flandriarum incolæ, qui consulis et magni principis mortem dessemus, vitæ ejus memores obsecramus, monemus et rogamus, ut audita vera et certa descriptione et vitæ et mortis ipsius, quicumque audiveritis, deprecatis animæ ejus vitæ æternæ gloriam et beatitudinem cum Sanotis perennem. In hac passionis subscriptione consequenter inveniet lector distinctiones dierum et gestorum, quæ in ipsis facta sunt diebus, usque ad vindictam subnotatam in fine opusculi, quam solus Deus exercuit in principes terræ, quos ab hoc sæculo mortis districtione exterminavit, quorum consilio et auxilio traditio incepta est et ad finem usque perducta.

#### CAPUT IV.

*Cædes S. Caroli et quatuor aliorum. Aliquorum fuga, aut captivitas.*

25. Anno milleno centeno vicesimo septimo, (143) sexto Nonas Martii, secundo die scilicet post introitum mensis ejusdem, præteritis duobus diebus de secunda hebdomade Quadragesimæ, feria quarta subsequenter lucente, (144) Concurrente quinto, epacta sexta, circa mane; dum pius comes Brugis in ecclesia B. Donatiani, Remorum quondam archipresulis, in oratione decumberet, ut matutinalem missam audiret; ex pia consuetudine eleemosynarum suarum largitiones pauperibus erogabat, fixis oculis ad legendos psalmos et manu dextra porrecta ad largitiones eleemosynarum: plures enim denarios capellanus suus, qui hoc procurabat officium, comiti apposuerat, quos in orationis actione pauperibus distribuebat. Primæ horæ quoque obsequium finitum erat, et de Tertia hora responsum finitum, quando *Pater noster* oratum est, quando comes more suo officiose et aperte legendo orabat, tunc tandem post tot consilia et juramenta et securitates inter se factas, primum in corde homicidæ et traditores pessimi comitem devote orantem et eleemosynas dantem, divinæ majestati suppliciter prostratum, gladiis confossum et sæpius transverberatum, mortuum dimisere: sic sui sanguinis rivulis

(143) Neglecto hoc accurato calculo, in Annalibus vernaculis, Formula proclamationis et Lernulii scripto, dicitur occisus die 3 Martii, feria 6 post diem Cinerum. Paulus Æmilius aliique, ipso Cinerum die: sed non indigent refutatione.

(144) Loco septem Concurrentium assumptæ sunt 7 litteræ Alphabeti scilicet F, E, D, C, B, A, G. Ergo concurrente quinta erat littera Dominicalis B.

A a peccatis abluto, et in operibus bonis vitæ cursu terminato, martyrum palma Deo comitem donavit. In supremo ergo articulo vitæ et mortis accessu vultum dignissime atque regales ad cælum manus inter tot verbera, ictus gladiatorum, quantum potuit, converterat, sicque suum Domino universorum spiritum tradidit, et seipsum Deo obtulit sacrificium matutinum. Jacebat quidem corpus cruentum tanti viri et principis solum, sine veneratione suorum et debita reverentia servorum. Unde quicumque eventum ejus mortis audierant, miserandum funus lacrymis exsecuti, tantum principem illo martyrii sine functum Deo commendaverunt defletum.

26. Occiderunt quoque castellanum ex Brudburch, prius ad mortem vulneratum, postea per pedes a solario, in quod conscenderat comes et ipse, viliter detractum, in januis ecclesiæ foras gladiis dismembrabant. Hic tamen castellanus confessionem peccatorum suorum presbyteris ecclesiæ ipsius confessus, corpori et sanguini Christi communicatus est more christiano. Nam statim occiso comite, gladiatores illi, relicta comitis gleba, et ad mortem castellano isto reducto in solario, excursum fecerunt in hostes illos qui erant præsentis de curia comitis, ut eos vagantes in castro interficerent, sicut vellent. Henricum militem quemdam, quem suspectum habebat Borsiardus de morte fratris sui nomine Roberti fugantem in domum comitis. Qui prostratus est pedibus castellani (145) Haket, qui et ipse in eandem domum cum suis conscenderat ad eam obtinendam, suscepitque Henricum et simul cum eo fratrem Walteri ex Locris, et ab invadentibus illos vitæ conservavit.

27. Ipso momento proditi sunt eidem gladiatoribus duo filii castellani ex Brudburch, interim in solario ecclesiæ peccata sua sacerdotibus confitentis: quorum scilicet filiorum militia bene apud omnes et simul eorum conversatio commendabatur. Walterus et Gisclbertus dicti sunt, fratres genere, militia pares, elegantioris formæ nobilitate digni ut ab omnibus amarentur qui eos agnovissent. Qui mox audita cæde in comitem et patrem, suffugere satagebant: sed illos apud (146) Harenas in exitu suburbii persequerentur equo excurrentes post illos traditores pessimi. Quorum alterum fratrem, Eric nomine, nefarius miles, unus quidem illorum qui comitem tradiderant, ab equo, quo insidens fugeret, dejecit, et dejectum simul cum persecutoribus interfecit. Alterum quoque fratrem, in ostio hospitii sui in fugam prosilientem, ex opposito et occurrentes gladiis trajecerunt. Quem unus civium nostrorum, nomine Lambertus Berakin, cadentem securi sua quasi li-

Consuli potest Petavius de Doctrina temporum lib. 6, cap. 28.

(14) Nulla Haketti mentio est in dictis Annalibus aliisque, sed ejus loco substituitur Lambertus pater Borsiardus; sed jam ante vita functus.

(146) Harenæ locus vulgo jam forum diei Vereris appellatur.



gnum aliquod detruncavit : sicque illos fratres occisos beatitudini sanctæ, quæ in supercælesti vitæ est, transmiserunt.

28. Cæterum Riquardum ex (147) Woldman illius oppidi virum potentem (cujus filiam nepos duxerat Thancmari, contra quem lites et seditiones hactenus præpositus et nepotes ejus exercitaverant) per leugam unam persequiebantur fugientem, qui cum suis militibus ad comitis curiam ascenderat, sicut plures principum qui eodem die sese præparabant ad curiam ituros. In qua persecutione frustrati proditores, redierunt usque in castrum, in quod clerus et populus loci nostri confluerant, et attoniti quidem pro eventu rerum vagabantur. Qui vero in comiti amicitia prius, scilicet dum viveret, constiterant, timebant procul dubio et ad horam latitantes ab aspectu illorum traditorum declinabant. Qui vero de curia comitis ab amicitia ejus pendebant, in fugam celeriter conversi, interim dum tumultuabat populus, fugerunt. Gervasius camerarius comitis, quem priorem ad vindicandum domini sui mortem dextera Dei armavit, interim versus Flandrenses cognatos suos equo aufugit. Joannes quidam serviens comitis, qui cameram observare consueverat, et quem præservis dilexerat comes, fugit a mane equo currendo per devia usque in meridiem, et eo tempore meridiei pervenit in Ipram, divulgans ibidem mortem comitis et suorum. Quo tempore negotiatores omnium circa Flandriam regnorum ad Ipram confluerant in Cathedra S. Petri, ubi forum et nundinæ universales feriabantur : qui sub pace et tutela piissimi comitis securi negotiabantur. Eodem tempore ex Longobardorum regno mercatores descenderant ad idem forum, apud quos comes argenteam (148) kannam emerat marcis viginti una, quæ miro opere fabricata, suis spectatoribus potum, quem in se continebat, furabatur; in cujus fori confluxu, cum fama universos et diversis locis percelleret, accinotus rebus suis, et die et nocte fugerunt, secum infamiam nostræ terræ ferentes et ubicunque divulgantes.

29. Planxit ergo illum consulem pacis et honoris omnis homo, quicumque vel famam ejus audierat. Sed in castro nostro, in quo occisus jacebat dominus noster et pater piissimus Carolus, nullus audebat aperte deflere eventum mortis ejus : quasi ignotum, suum inspicientes dominum, et quasi peregrinum, eum videntes patrem, dolores et suspiria sine lacrymis reprimebant; quos tamen dolores tanto gravius intus tolerabant, quanto sibi per lacrymas et ejulatus mederi non audebant. Nam nepotes præpositi et ille sceleratissimus hominum Borsiardus cum complicitibus suis, statim post fugam inimicorum suorum in castrum reversus, Walterum ex Locris requirebant sui milites et ipse, quem maxime oderant. Nam de

A consilio comitis fuit, et nocivus eis in omnibus, qui instigaverat ad hoc comitem ut in servos sibi subjugaret totam illam cognationem præpositi. At idem Walterus quoque permotus angustia, se in organostro, scilicet in domicilio quodam organorum ecclesiæ in eodem solario, quo occisus jacebat consul, occultaverat ab eo tempore, quo interficiebatur comes, usque ad reversionem nefandorum illorum in castrum, scilicet quando post fugatos hostes suos circa meridiem redierunt. Irruerunt igitur per januas intra templum, et discursitantes nudis gladiis et adhuc cruentis, clamore maximo et armorum fragore circa scrinia et subsellia fratrum ecclesiæ requirebant, Walterum ex nomine vociferantes, et invenerunt castellanum ex Brudburch, quem in solario vulneraverant ad mortem, adhuc spirantem. Hunc per pedes abstractum, tunc tandem in januis ecclesiæ occiderunt. Cujus anulum Abbatissa ex (149) Auriniaco ab eo in solario dum spiraret eo dante susceperat, quatenus deferret uxori suæ in signum eæ mortis et in signum omnium eorum, quæ per Abbatissam demandasset uxori et liberis, quorum mortem ipse nisi post mortem suam ignorabat.

B  
C  
D  
30. Interea per loca et intra et extra ecclesiam requirebatur Walterus ex Locris. Unus vero ex custodibus templi occultaverat illum, cui et ipse pallium dimiserat. Sed de loco in quo latuit, dum strepitum armorum audiret, et se ex nomine vociferatum, angustia mortis confusus, putans in ecclesia melius salvari, excurrit, et deorsum ab alta testudine scholarum saltans, inter medios inimidos fugit, usque infra chorum templi, magno et miserando clamore interpellans Deum et Sanctos. Quem ad manus persecuti sunt ille miser Borsiardus et (150) Isaac, servus et camerarius simul et homo comitis Caroli, furentes in sacro loco extractis gladiis et horribiliter cruentatis. Erant quippe valde furibundi et ferocissimi vultus, grandes in statura et torviet tales quos sine terrore aspicere nemo poterat. Borsiardus igitur crine copitis arreptum, et vibrato gladio se extendere ad percutiendum, et nullo intervallo differre hoc voluit, eo quod tam optatum hostem in manus teneret. Tamen clericorum interventu distulit ejus mortem, donec sicut ipsum arripuerat, educeret ab ecclesia. At ille captivus et mortis recurus, ibat clamitans : Miserere mei, Deus. Cui illi responderunt : Talem tibi rependere debemus misericordiam, qualem erga nos promeruisti ; et a se propulso cum in curte castrum eduxissent, illum servis suis interficiendum projecerunt. At servi quam citissime morti tradiderunt gladiis et fustibus et clavibus et lapidibus obrutum.

31. Interim recurrentes in sanctuarium circa altare requirebant si quis latitaret, quem interficiendum

(147) Woldman, sive Woman, pagus circa Dixmudam.

(148) Kanna vox Belgis et Germanis notissima, idem quod Latinis et Græcis, Cantharus, poculum, infra num. 100 argentarium vas vinarium dicitur.

(149) Auriniacum monasterium Flandriæ occidentalis, iterum num. 66 refertur.

(150) Hoc fundamentum commenti aliorum est, quod 25 Senatores aut Principis ministros sua manu occidisset : verba Lernutii supra dedimus.

præjudicassent, et servientes intromiserunt qui requirerent illud. Erant in priore sanctuario latitantes juxta altare Balduinus capellanus et sacerdos, et Godebertus comitis clericus, qui solo timore angustiatu sic permanserunt confidentes ad altare. In secundo vero sanctuario subterfugerant Odgerus clericus et Fromoldus junior notarius, et cæteris de curia familiaris comiti Carolo, et idcirco magis suspectus erat præposito et suis nepotibus, simulque cum illis Arnoldus camerarius comitis latuit. Nam Odgerus et Arnoldus sub tapete uno sese cooperuerant, et Fromoldus subtus palmarum manipulos latibulum sibi composuerat, atque sic mortem expectabant. Tunc servi, qui intromissi erant, perquirentes et revolventes omnes cortinas, pallia, libros, tapeta et palmas, quas in ramis palmarum annuatim fratres detulerant, invenerunt primo Odgerum et Arnoldum, fratrem quoque Walteri ex Locriis Eustachium clericum invenerant prius cum Balduino et Godeberto sedentem, ignorantes quis esset. Perquirentibus servis illis sponderant, qui inventi erant pecuniam se daturus postea, si per eos celarentur.

32. Cumque tandem rediissent in chorum ad Borsardum et Isaac et ceteros, hi qui intromissi erant adjuraverunt illos ut accusarent si quos reperissent, et facta revelatione, commotus est Isaac vehementissime in Fromoldum juniorem furore repentino et gravi, ita ut juraret Deum et Sanctos, vitam ejus non posse redimi auro tantæ quantitatis quantæ ipsum templum fuisset. Omnium quoque furorem in Fromoldum illum convertit clamando: neminem magis præposito et nepotibus suis apud comitem detraxisse. Tunc discussis foribus irruperat statim Isaac, et arripuit Fromoldum cominus, et educere disposuit. Quem cum vidisset, non credebat se ab Isaac capi, sed per illum a morte redimi, et ait: Amice mi Isaac, te obsecro per eandem quæ hactenus fuit inter nos amicitiam, observa vitam meam et liberis meis, scilicet tuis nepotibus, per me conservatum consule, ne forte me occiso, ipsi fiant sine tutore. At ille respondit: Illam habiturus es veniam, quam detrahendo apud comitem nobis promeruisti. Interim quidam sacerdotum seorsum venit ad Fromoldum, consulens ei, ut confessione peccatorum suorum Deo et sibi profiteretur. Quod cum fecisset, extraxit anulum aureum a digito suo, vitæ desperans, et per sacerdotem mandavit eum filiæ suæ. Interim consiliabatur Isaac cum Borsardo, quid melius faceret, utrum ibidem occideret, an vitæ adhuc reservaret, donec extorquerent ab eo omnem comitis thesaurum simul et ab Arnoldo camerario, quem præsentem captivaverant.

33. Interea canonici loci illius cucurrerunt ad Avunculum illius Fromoldi junioris consulentes et ut præpositum conveniret pro vita nepotis sui, quem infra mortis actionem positum viderant, cujus mortem Isaac adjurasset. Tunc ille senior properando ad præpositum in domum ipsius conscendit cum fratribus ecclesiæ, provolutus pedibus ejus rogans, et ob-

secrans, ut nepotis sui vitam defensaret. At ille tandem misit nuntium, qui interdiceret nepotibus suis ne Fromoldum juniorem læderent. At ille audito nuntio remandaverunt, hoc non posse fieri, etsi præsens adesset. Quo relatu audito, interim senior ille procidit ad genua præpositi, exostulando ut ipsemet descenderet ad salvandum illum, et ibat quidem non celeri gressu, sed nimis tardo, utpote ille qui parum de illo curaret, quem valde suspectum habebat. Tandem pervenit in sanctuarium, in quo nihil sanctum, sed omnia perversa agebantur. Rogatu ergo clericorum in suum ducatum suscepit omnes ibidem captos; sub hac conditione tamen, ut quando Isaac et nepotes ejus requirerent commendatos sibi, ipse præpositus redderet captivos illos.

34. Reversus est ergo præpositus et in suum ducatum commendatas, in cameram domus suæ induxit, observavitque illos cautissime, atque Fromoldo, quem captum abduxerat: Scias, Fromolde, te in proximo pascha præposituram meam non possessurum, sicut sperabas: neque hoc apud te promerueram, ut sic detraheres mihi, et ille se innocenter egisse jurabat. Verumtamen fuit, quod nullus de curia comiti ita familiaris esset cum viveret, neque ita carus sicut præfatus Fromoldus. Nam domum regali ædificio funditus post combustionem sui reædificavit meliori et decentiori compositione, quam unquam constitisset prius. Comparatione quoque illius, nulla æstimabatur in mundo melior vel utilior. Igitur cum intus clausi et obserati in captivitate custodirentur, habuerunt saltem locum et tempus deffendi consulem pium, non dominum, sed patrem, et in familiaritate sibi ipsis parem, misericordem, humilem, mansuetum, divitibus et pauperibus in regno utilem. Loqui ergo ad invicem captivi illi non poterant præ dolore, nisi suspiriis et singultibus, quos a profunda tristitia mentis trahebant. Miserandum facinus in quo non licuit servis cum domino et patre suo mori; sed ad majorem miseriam post ipsum vivere, cum quo egregia et honestissima mors erga Deum et erga homines a sæculo melius transissent, quam cum dolore mortis domini sui viverent, et sub alio præside consule, quod absit, traditores florere viderent. Et dum in hoc mentis languore consternarentur, nullus amicorum audebat vel latenter accedere illis, qui consolationis verba faceret, imo si quis accessit, a vita desolabatur.

#### CAPUT V.

##### *Sepultura B. Caroli et aliorum. Miraculum claudi sanati. Direptiones bonorum.*

35. Inter hæc cadavera occisorum, scilicet castellani et Walteri ex Locriis, e castro efferebantur, et simul navibus imposita sunt castellanus et dilectissimi filii ejus et devehebantur ad proprias et domus et castra. Præpositus vero in domo sua cum canonicis suis deambulabat, excusans se verbis quantum potuit, quia nihil hujus traditionis prænovisset. Eodem die excursus fecerunt traditores illi in hostes

suos, scilicet contra Thangmarum et suos apud (151) A Straten, et repperunt oppida eorum vacua et curtes desertas. Nam audito scelere quod factum est in morte comitis, timuerunt sibi maxime, eo quod defensorem suum perdidissent; et si forte obsidione angustiati includerentur a traditoribus, nullus foret ipsis adiutor, cum tandem intellexissent omnes regni Pares in tradendo assensum præstitisse. Credebant enim multo graviora pericula in futuro et sibi et toti regno imminere, nihil possessiones suas curantes, sed hoc solum reputantes, si vitam propriam conservarent, atque ad tutiora loca fugerunt. Tunc traditores illi invadentes tam oppidum quam curtem Thangmari, omnia arma et suppellectilem intro diripientes simul cum maxima rapina pecudum et vestium rusticorum villæ illius, atque sic rapina exercitata per totum diem in vespera redierunt. Et non solummodo isti circa viciniam nostram rapinam fecerunt, sed plures qui traditionem præciverant, statim præcurrentes ad transitus mercatorum, qui ad forum in Ipra feriatum ibant, ipsos simul cum oneribus suis rapuerunt. Audita quoque mortis traditione, Willelmus ex Ipra obtinere comitatum se credidit deinceps, et universos negotiatores cujuscunque loci fuissent, securitatem et fidelitatem sibi et suis jurare coegit, quos in foro capere potuisset. Alioquin a se recedere non permisit, sed tam diu captivavit donec omnia et securitates sibi peregiissent, et hoc totum fecit consilio præpositi et traditorum nepotum ipsius.

36. Jam eodem declivo ad vesperam die, ex communi consilio præpositi et nepotum ejus et complicum suorum, claves de thesauro comitis a Fromoldo juniore, quem captivum tenebant, requirebant, et similiter claves omnes de domo, sive de scriniis et cistis, quæ in domo erant, violenter extorserunt. Quas quidem Borsiardus et castellanus Haket et Walterus filius Lamberti ex Reddenburch in suam potestatem susceperunt.

37. De corpore quidem comitis (animæ cujus commendationem sacerdotes eo tempore fecerant, quando et castellanum ejus Christo communicabant, latenter tamen) nihil interim actum est: quia corpus ejus adhuc in ipsa occisionis positione cruentum et solum jacebat. Tractabant ergo fratres ecclesiæ sollicite quid inde agerent, et quas sibi exsequias præpararent, cum in eadem ecclesia divinum officium nullus auderet vel latenter agere, in qua tanta cædes et facinus factum fuisse constabat. Tandem accepta licentia a præposito, ex consensu fratrum, Fromoldus senior, linteo corpus nobile involutum, in medio

(151) De Stretano loco, et progenie actum supra § 4.

(152) S. Trudonis monasterium, fuit olim in vico de *Oedeghem*, ubi nunc sanctimoniales degunt: inde in urbem ad locum Quercetum dictum, est translatum, ubi etiamnum abbatia canonicorum regularium exstat. Miræus lib. 1 Donationum Belgicarum cap. 51 exhibet litteras donationis huic monasterio anno 1130 a Theoderico comitis factæ S. Trudo, loci hujus

chori in feretro positum, debita veneratione composuit, appositisque cercis quatuor, sicut mos noster est, accurate et de cetero sollicitabatur. Quod funus mulieres solæ circumsedentes pia lamentatione per illum diem subsecutam noctem vigilanter observabant. Interea traditores illi inierunt consilium cum præposito et castellano suo, qua astutia corpus comitis asportaretur, ne opprobrium ipsis moveret sempiternum corpus, quod in præsentia eorum fuisset humatum: et habito callide consilio, miserunt propter Abbatem in Gandavum, qui comitis corpus a loco nostro auferret, et in Gandavum translatum humaret et sic clausus est ille dies plenus doloris et miserationum, in quo materia totius mali et perturbationis rectorum circa nos factæ et maxime futuræ emergerat.

38. Nocte vero subsequente jussit præpositus ecclesiam undique armis et vigiliis præmuniri, solarium et turrim templi; in quæ loca si forte a civibus insultus fieret, sese reciperent ipsæ et sui. Et introierunt illa nocte milites ex præcepto præpositi in solarium ecclesiæ armati præmunientes turrim et exitus ejus continuis vigiliis, timentes impetum et incursum civium fore contra se die sequenti et deinceps. Dominica post mortem consulis præpositus transmisit episcopo nostro Simoni Noviomensis sedis salutem. Lator ergo litterarum Radulfus (152) monachus S. Trudonis erat, in quibus obsecrabat episcopum illum ut Deo reconciliaret ecclesiam, in qua comes traditus eo ignorante jaceret. Obtulit quoque excusationis suæ argumenta, quibus canonice innocentiam suam coram universo clero et populo probaret. Igitur lator ille captus et ab jumento jactatus, non pervenit ad episcopum. Quod audiens præpositus valde timuit sibi. Feria quarta, et quinta præpositus mandavit per quemdam garcionem Waltero ex Frorerdesto (153), ut per fidem quam sibi et nepotibus suis dederat adjuratus, in auxilium sibi cum potentia sua festinaret: et transmisit ei quadringentas marcas argenti. At ille accepta pecunia simulabat se venturum, et nunquam venit, nisi ut ei et suis nepotibus noceret. Episcopus vero Simon qui (154) frater erat uxoris comitis Caroli, persequebatur ecclesiam Brugensis castelli, gladioque anathematis sacrilegos et traditores illos percussit; et ne quis fidelium in eorum conspirationem et auxilium declinaret prorsus prohibuit: sin vero, sub anathemate omnes adjuutores eorum in malo præfato damnavit.

39. Quinto Nonas Martii feria quinta (155) abbas, ille, pro quo transmiserant in Gandavo, tota nocte equitando summo mane venit in castrum ad præpositum et nepotes suos, exspostulans comitis corpus,

patronus, colitur 23 Novemb.

(153) MS. Brugense, *Forerdesto*. Videtur esse *Ulaerslo*, prope Dixmudam.

(154) Frater uterinus, uti supra explicatum.

(155) Lernutius ex suis narrationibus asserit præsullem S. Petri, sive Blandiniensem, cum aliis nobilibus corpus in forum ad ædem S. Christophori transulisse et sepelivisse: ac dein proditores obsecuisse,

sicut ei sponponderant. Exiverat ergo præpositus, et convocatis castellano et nepotibus ipsius, qui comitem tradiderant, consilium habebat cum eis, qua astutia sine tumultu abbas auferret corpus. Statim vero pauperes, qui eleemosynas expectabant pro anima comitis distribuendas a præposito (qui citius consilium intellexerant, eo quod præter pauperes nullus civium cum eis vellet ire, vel eos amplius frequentare) cœperunt diffamare quod idcirco abbas venisset subdole et consilio traditorum, ut asportaret funus. Fecerat is parari feretrum, in quod ponendum erat corpus, et equis transferendum. Interea pauperes insequabantur præpositum, quocunque ibat clamantes: Domine, ne fiat unquam, ut patris nostri, et tam gloriosi martyris gleba a loco nostro auferatur: quia si hoc fuerit, locus et ædificio ejus sine miseratione posthac destruentur. Aliquid enim pietatis et miserationis habebunt hostes et persecutores, qui supervenient huic castro, ne prorsus destruant ecclesiam, in qua fuerit corpus beati consulis venerabiliter sepultum. Et exivit rumor maximus inter cives de auferendo corpore. Festinabat quidem præpositus et abbas ille, antequam rumore excitaretur in urbe, et fecit feretrum novum et nuperrime factum ad oblationem funeris usque ad ostium ecclesiæ afferri. Introierant quidem milites, qui illud feretrum, quod in medio chori stabat, cum consule sublevarent, et in alterum feretrum, quod ad ostium stabat, transponderent.

40. Tunc canonici loci ejus accurrentes, violenter reposuerunt feretrum chori, dicentes se prius audire a præposito qua de causa hoc jussisset. Et exierunt in castrum ubi stabat præpositus et nepotes sui, et simul maxima civium turba cum eis, qui audierant rumorem tollendi corporis, et loquebatur unus seniorum coram omni populo. Domine præposite, sic juste volebatis egisse, non sine fratrum consensu et consilio dedissetis tam pretiosum martyrem, tantum regni rectorem, tantum ecclesiæ nostræ thesaurum, quem nobis divina misericordia et dispensatio concessit martyrem. Nulla ergo ratio est quare debeat a nobis auferri, inter quos maxime et nutritus et conversatus est, et inter quos Deo ordinante pro justitia traditus est, imo si auferatur timemus destructionem et loci et ecclesiæ. Ipso enim interveniente parcat Deus nobis et miserebitur nostri; ne forte ablato eo a nobis, sine omni miseratione Deus vindicet traditionem inter nos factam. At præpositus et traditores in indignationem conversi jusserant tolli corpus. Igitur clamore magno irruerunt fratres ecclesiæ ad fores templi, vociferantes non se dimissuros corpus piissimi Caroli consulis et martyris, quamdiu viverent; quin potius ibidem morerentur, quam permetterent auferri. Tunc quidem poteras vidisse clericos armatos tabulis et scabellis et candelabris et omnibus utensilibus ecclesiæ, quibus repugnare poterant. Loco ergo tubæ campanas pulsabant, et sic evocaverant omnes cives loci: qui cum rem intellexissent, armati accurrentes, extractis gladiis

circumierunt feretrum comitis, parati ad resistendum, si quis auferre moliretur.

41. Cumque tumultus fieret et intra et extra ecclesiam, voluit divina misericordia sedare filios suos ab insania et strepitu armorum. Nam cum subtus feretrum debiles et claudi jacerent, in ipso tumultu claudus, cui pes ad nates cohæserat, cœpit clamare et benedicere Deum, qui naturalem eundi motum pro meritis pii comitis reddiderat sibi in conspectu omnium astantium. Igitur fama illius miraculi sedavit universos. At præpositus et castellanus et traditores illi conscenderant in domum comitis timentes tumultum, et mandabant civibus, quod contra vello eorum nihil agerent de tollendo corpore. Reversus est ergo abbas ille, lætus quod evasisset. Præpositus vero ibat et redibat consulens cum traditoribus et disponens quid acturi essent secundum rei eventum. Et continuo fratres ecclesiæ requirebant artifices et operarios, qui scirent pro articulo temporisque necessitate speluncam sepeliendi comitem construere in loco illo, quo martyrii palmam assumpserat. Et ad hoc faciendum festinabant modis super hoc exquisitis, ne forte per aliquem dolum subriperetur eis corpus adhuc inhumatum et adhuc magis habile ad tollendum. Clausus est ergo ille dies plenusurbationum et dolositatis pro auferenda gleba miserandi funeris.

42. Quarto Nonas ejusdem mensis, sexta feria, canonici et præpositus ad explendas de more funeris exsequias, et sepulcro jam præparato, in ecclesia S. Petri extra muros convenerunt, ubi missa fidelium defunctorum pro anima pii comitis est celebrata; ubi admodum pauci præter canonicos offerabant, nam de curia nullus obtulit, nisi Balduinus capellanus, Odgerus junior et Godebertus clerici comitis. Redierunt postea et præpositus et fratres in ecclesiam. B. Donatiani ubi funus aderat, et intromissis pauperibus in ecclesiam Fromoldus senior dispersit denarios, per manus tamen præpositi, omnibus, qui volebant recipere, egentibus pro salute animæ Caroli pii consulis. Quod quidem non sine lacrymis ille senior Fromoldus fecit: imo plures impendit pietatis lacrymas quam denarios. Quippe maximus pauperum erat conventus, qui eleemosynas susceperunt. Distributione vero eleemosynarum consummata, corpus nobile in eolario transportatum est, et præsens juxta monumentum consistens præpositus, deflebat tunc tandem consulem, quem rationis ductu recognovit patrem fuisse universæ regionis Flandriarum, et talem illum planxit, qualem quidem recognoscere obstinato animo indignabatur: et clausus est in sepulcro pro necessitate illius temporis constructo; et si non sicut decebat, tamen consequente opere et artificio infra positus claudubatur. Nimirum anima ejus, martyrii purgata pœnis, suorum meritorum præmia possidet penes ipsum, qui sibi hoc ordine seculo mori dispensavit, et vivere in Comitatu superno cum ipso Deo ac Domino, cui imperium, laus, honor, et gloria per infinita sæcula sæculorum. Amen.

## CAPUT VI.

*Insolentia proditorum accrescens, cepta reprimi a Gervasio Camerario comitis.*

43. Tertio Nonas Martii sabbato dimissus est Fromoldus junior a captivitate, circa diei illius vespere. Atque hoc factum est maximo labore intercessorum pro eo apud præpositum ejusque nepotes. Dimiserunt tandem sub conditione tali, quatenus infra octo dies post exitum a captione proximos, aut eis reconciliaretur nefariis, in quorum manus inciderat, aut patriam abjuraturus deinceps exsularet. Descendit quidem in domum suam cum amicis et familia sua: quæ super quam dici possit dolore et timore mortis fatigata erat pro illo et pro seipsa. Nam priusquam captus est, servientes ejus nusquam prodire ausi sunt, quin se statim persequendos fore crederent, quia de ejus familia erant. Epulabatur igitur cum amicis suis et familia, reputans pro certo se patriam abjuraturum, priusquam in captivitatem proditorum reversurum, qui Dominum suum præ ceteris se diligentem, et quem ipse præ seipso fere diligebat, tradiderant. In eorum ergo amicitia antequam se unquam componeret, exsilium perpetuum sibi delegisset. Gravissimum enim est viro cum inimico concordem esse, et contra naturam, cum omnis creatura sibi inimica, si possit, effugiat. Cum utique cœnasset, discessit domui et rebus suis, et licentia a singulis accepta, frumentum, caseos et carnes servientibus distribuit ad se sustentandos per tempus, in spe habens, quod adhuc omnia, quæ modo præ necessitate relinqueret et præ dilectione piissimi consulis, dispensante Deo gaudens et securus possideret. Et abscessit cum socero suo extra castrum et extra suburbium, in quo hactenus habitaverat: quem quidem amici ejus et planctu et lacrymis Deo commendatum, quantum liceret, persequerentur. Eadem tempestate illi præfati proditores obstinatissimi in omne nefas, excursus agebant in hostes Thanctmarum et suos, ubi vilissimam repulsam passi, cum timore et verecundia in castrum redierunt.

44. Priore die ante Nonas primi mensis Dominica, Godescalco Thaihals ab Ipra internuntius ad præpositum Brugas venit in hæc verba: « Dominus meus et intimus amicus vester (155\*) Willelmus ex Ipra salutem et amicitiam, atque in omnibus promptissimum auxilium, quantum in se est, vobis et vestris aperte demandat. » Cætera vero, quæ pudor erat palam referre; postquam omnes ei applausissent, introductus in cameram denudavit præposito et Willelmo ex Wervi et Borsiaro et eis quos intro ad se asciverant paucos, unde tota domus læta deinceps fiduciam obtinebat in Willelmo, adeo ut comitem eum vocaret et assumeret. In quo mandationis oc-

(155\*) In annalibus vernaculis et formula proclamationis, unus et fere solus sua auctoritate contra proditores: quam recte, hinc et ex sequentibus constat,

(156) Id est, impune.

(156\*) Kerseka, etiam Kaseka legitur. Quid si Kem-

A culto sapientes et qui conjecturas componebant, notabant traditionis nota Willelmum, qui traditores loci nostri in maturitate sceleris sui salutasset, et cum tota potentia sua ipsæ auxilium promptissimum fide et scripto et securitate obtulisset. Cum ergo reversus est nuntius, captivati sunt mercatores Flandriæ, de quocumque loco apud forum convenissent in Ipra, et constricti ut in Willelmo fidem, securitatem et hominia facerent, et sic in comitem sibi assumerent. Quod quidem consilio præpositi et suorum factum erat, sperantes se sic frustra (156) tradidisse piium comitem Carolum: et quidem in consulatum sublimatus fuisset Willelmus eodem tempore, si statim Brugas descendisset ad faciendam vindictam domini sui et nepotis tradidi consulis. Sed quia non sic erat a Domino dispositum, necesse erat divinam sequi ordinationem tam principes alios quam populum terræ, et unanimes omnes fieri ad ulciscendam mortem consulis piissimi. Adhuc suburbani nostri loci aperte introierunt ad consilia dominorum illorum, præpositi scilicet et castellani et nepotum suorum nefandorum, et secreta consiliorum suorum perquirebant, ut sic astute rescitis eorum dolis et machinationibus cautiores in posterum forent. Quo tempore non cessabat præpositus et sui consulere et circumvenire quoscunque, ut sibi faverent, dando et promittendo plurima. Nam mandavit Willelmo comitatum se donaturum, et ideo hominia et securitates exhortatus est illum ab omnibus accipere Flandrensibus, quos aut vi aut pretio cogere potuisset. Transmandavit Furnensibus præpositus, qui in ejus amicitia steterant, ut securos et homines sese Willelmo constituerent.

45. Mandavit quoque episcopo Noviomensis literas, quibus excusationem suam obtulit, quod in traditione comitis nihil conscius fuisset consilio vel facto, quin et summa dilectione filiis ecclesiæ sibi scilicet et canonicis suis consulendo succurreret, reconciliando ecclesiæ loca, et ad celebranda divina officia sui pontificatus auctoritate et præsentia ipse celeriter adventaret. Sub eodem tenore litteras direxit episcopo Morinorum Joanni. Apud (156\*) Kerseca Roberto, qui neptem ipsius præpositi duxerat, mandavit, ut domum et loca sua firmissime præmuniret, donec constituisset Willelmum Ipreensem in comitem. Erat autem ille Robertus miles liber, antequam uxorem accepisset neptem præpositi, sed postquam annuatim illam tenuisset, secundum legem comitem Flandriæ, servili conditione ad comitem pertinebat: unde conflictus inter comitem Carolum piium, et præpositum et suos de servitute et libertate exorus est perniciosissimus. Mandavitque idem pro Flandrensibus illis, qui circa mare sibi vicini manerent

seca in Wasia ditione? Hujus toparcha Hugo de Kemseca memoratur in litteris Philippi Alsatii comitis ad annum 1166 apud Sanderum in Wasia, Suggestit non nemo forsitan leyendum Kacskercka, vel Kacsikinskercka, nomen pagi circa Dixmudam, natura loci ad quamlibet munitionem apti.

ut cum sua potentia, sibi et nepotibus suis in auxilium venirent, si forte in regno et comitatu aliquis ad vindicandum insurgeret.

46. Præcepit potenter civibus nostris, ut loca suburbii circumsepirent fossatis et æpibus, quatenus contra quoscumque sese defenderent. Consepserant tempore eodem suburbium cives quidem, sed prorsus alia intentione, quam ipsis et consultum et imperatum fuisset, sicut postmodum fuit manifestum. Igitur sepes et ligna comitis occisi et Fromoldi junioris (qui proscriptioe suarum rerum exsilium suum expectabat) extra suburbium, et insuper universa quæ ad opus sepienti utilia sibi videbantur, castellano duce, diripiebant cives, et fabricabantur ad defensionem communem turres et propugnacula et exitus contra hostes. In quo ergo perficiendo omnes festinabant, tam clerus quam populus. Itaque nulla fuit requies nocte in vigilando et die operando, donec consummato opere circumsepienti suburbium, custodes ordinarent ad singulas portas et turres et propugnacula, quatenus nemo exiret nisi cognitus, et nemo intromitteretur nisi civis.

47. Nonas Martii feria secunda, divinæ ultionis gladios evaginavit contra inimicos ecclesiæ suæ Deus, et commovit cor cujusdam militis Gervasii in exercendam vindictam acrius et celerius, quam eo tempore æstimabatur, et sic collecta ira sua, cum tota potentiæ manu miles ille sæviebat contra sceleratos illos, qui optimum principem pium et justum in servitio Dei ad venerationem sui et sanctorum suorum prostratum humiliter, in sacro tempore Quadragesimæ, et in sacro loco, et in sacra oratione dominum suum pessimi servi tradiderunt morti, intra quos tutum se semper fore crediderat. Gervasius igitur, qui familiaris erat et fidelis domino suo piissimo Carolo, utpote qui camerarius exstiterat, et ad ejus consilia et dispositiones secreto et aperte accesserat, pro morte charissimi sui domini dolens et iratus, cum peditum exercitu truculento et militum corona et armorum densitate succinctus, circumvallavit se contra hostes Dei, et accurrens obsedit oppidum, quod in defensionem traditorum stabat præmunitum valde, nomine (157) Ravenscot: quod quidem et ex loci difficultate et ex ipsa munitione invincibile fuit et inaccessibile: et accepit prædam magnam in pecudibus castri illius et vicinorum. Nam eodem tempore securi debebant universi, qui ad illos sceleratos pertinuissent, credentes neminem in toto mundo vel volle vel posse insurgere contra dominos suos, eo quod tantæ audaciæ facinus illi miseri in dominum suum comitem peregissent. Excæcaverat enim illos Deus, ita ut nihil rationis et consilii obtinerent, sed præcipitati in omne malum, ira et furore debriati, timore et pavore errarent, tam illi qui tradiderant comitem, quam omnes qui in eorum auxilio manerent. Quandoquidem securos

(157) Est Ravenscot in agro Brugensi, seu Franconatu prope *Litiam* fluvium e regione Ekeloi. Verum videtur hic locus urbi Brugensi vicinior fuisse,

se crediderant, et omnes in regno vel inferiores se vel amicos putabant, non erant præcauti de incurusione aliquorum contra se: et ideo cum Gervasius incursum ageret apud Ravenscot, maximam prædam exercuit. At illi, qui obsessi fuere, ex inopinato incursum intercepti valde attoniti, eo maxime quod pauci fuissent, qui contra tot millia se defenderent, desperantes vitæ suæ, sese statim reddiderunt Gervasio, ea conditione ut sua vita et membris salvis abirent. Irruerunt itaque expulsis illis, equites et pedites qui obsederant oppidum, et vastabant quæcunque intro repererant. At illi qui sese reddiderant in obsidione, homines scilicet traditorum, aufugi nocte usque ad nos fugerunt, narrantes eventum rei præposito et suis: unde deinceps timore timuerunt assidue, statum mentis mutantes ab illa superbia et tumiditate, qua usque ad hoc tempus feroces et sine modo et sine humilitate paruerant. Robertus puer, cujus oppidum destruendum igne et ferro fuerat in brevi spatio, conabatur cum paucis excurrere contra obsidentes, sed cum tantam multitudinem præscivisset, omisit incursum. Quanto ergo timore et dolore laborarent traditores illi, et contra quanto gaudio exsultarent prætereosdem omnes alii, supersedere longum erat, eo quod pari intentione Deum ipsum incœpisse vindictam omni ex parte intellexissent.

48. Octavo Idus Martii feria tertia, Ravenscot oppidum conflagratum est, et destructum igne et armis, et juxta Brugas domus (158) Wulfrici Cnop fratris præpositi, qui mortem comitis juraverat, combusta est. Proinde accessum fecit Gervasius cum potentia sua versus castrum, in quo sese præmunierant traditores, circumiens excursus, et præveniens transitus illorum circa suburbium castri. Burgenses igitur nostri, audito quod Deus vindictam tam cito incœpisset, in sola conscientia gaudebant, nunquam ausi aperte congratulari vindicantibus propter traditores, qui adhuc securi et potenter inter illos ibant et revertebantur. Seorsim vero gratias Deo referebant, qui misericordiæ suæ oculis dignabatur revivere fideles suos in loco horroris et confusionis, qui et exterminare festinabat homicidas pessimos, qui hactenus flagellaverant populum Domini rapina, incendiis, vulneribus, omnimodi perturbationibus. Submiserunt autem secretos internuntios ad Gervasium et suos, componentes de fide et amicitia et fidissima securitate in vicem. Insuper conjuraverunt vindictam comitis sui, et ut die subsequenti intromitterent exercitum Gervasii ad se infra suburbium, et reciperent eos sicut fratres intra munitiones suas. Audita ergo legatione Gervasius et sui, quam lætiore et justiore animo susceperunt internuntiorum verba non potero explicare, scientes dispensatum a Deo fuisse, quidquid in vindicando agerent. Conjuraverunt equidem Gervasius et sui cum

et jam igne et armis destructus desiisse.

(158) Hujus Wulfrici Cnop nulla etiam mentio fit in Annalibus citatis aut formula promulgationis.

internuntiis civium nostrorum, et compositi sunt sub eodem sacramenta fidei et securitatis, in vindicando dominum suum et æquissimum consulem terræ nostræ. Hoc totum latebat traditores illos, et plurimos civium nostrorum prorsus, præter paucos sapientiores loci, qui seorsum et nocte composuerunt hujusmodi consilium salubre universis.

#### CAPUT VII.

*Obsidio castri Brugensis cepta. Copiæ militares adjunctæ. De aliquot proditoribus captis supplicium sumptum.*

49. Septimo Idus Martii die quarta quando octava dies illius illuxerat beati consulis, qui ad veram octavam e terris transmigraverat; Gervasius ex conducto a civibus nostris infra suburbium susceptus est, apud Harenas versus occidentem castri, quod illis traditoribus maximus occasus erat futurus. Sed ante hoc per domorum incendia terruerat eodem die Borsiardum et Robertum puerum et complices eorum, qui visis domorum conflagrationibus undique exiverant a castro, ut perspicerent incensores illos, si forte invadere possent. Namque orientem versus castri, tres domus altiores incensæ vibrantibus flammis ventis ardebant, et ad spectandum cives simul cum Borsiaro et militibus suis ignorantibus compositionem factam inter Burgenses et Gervasium, excursitabant et eorum pars plurima armata manu cum nefariis illis. Isaac quoque, qui vivente Carolo pio consule camerarius et de consilio et familiaritate comitis extiterat, qui caput traditionis erat, in excursu cum militibus suis ferebatur equo. Tandem cum sibi ad invicem approximassent ex utraque parte milites, traditores videntes se non posse continere contra tantum exercitum, eo quod paucissimi essent, convertebantur in fugam. At persecutores illorum extensis ensibus insecuti usque in castrum profugos reddiderunt. Cum tandem in suburbium devenissent, Borsiardus et sui ante domum Desiderii fratris Isaac restiterant paulisper, consilium perquirentes quid jam agerent. Interim Gervasius, violenter persequens illos, venit occidentem versus ad portas suburbii et ibi, fide data et accepta a civibus, irruit infra cum validissima manu. Adhuc cives quiete solita in domibus suis substitutebant. Nam circa vesperam erat et considerant cives plurimi ad prandium, quibus non erat nota hæc actio.

50. Cum igitur traditores illi consulerent sibi et de fuga sua starent perturbati, minus prospiciunt irruere persecutores suos per plateas, qui hastis et lanceis, sagittis et universis armis impetebant illos. Porro tumultus maximus et armorum fragor et clamorum tonitrua omnes conturbaverant cives, qui ad arma ruentes parabant se; alii ut defenderent locum et suburbium contra Gervasium, qui prorsus ignora-

(159) Laudatur etiam a Gualtero *Desiderius*: inusta tamen illi aliqua nota infra num. 73 e verbis Roberti Pueri. At num. 137 dicitur mortuus 17 decemb. et conscius conjurationis.

verant pactum: alii quibus res fuerat nota irruerunt cum Gervasio totis viribus et fugabant illos traditores fugientes in castrum. Cumque inter cives res est manifestata de compositione et fide et juramento Gervasii ad ipsos; tunc primum simul irruerunt per pontem castri super illos, qui in parte sceleratorum e castro ad pugnam resistebant. In alio quodam ponte, qui versus domum præpositi dirigebatur, magnus conflictus pugne fuit, in quo cominus pugnabant lanceis et gladiis. In tertio vero ponte, qui in orientali parte jacebat a castro et usque ad portas castri se tenebat, fortissimus congressus fiebat, adeo ut non tolerantes pugne acerbiteriam, illi, qui intro stabant frangerent pontem, et portas super se clauderent. Ubicunque ergo cives accessum habuerant ad castrum, fortissime pugnatum est, quoad usque illi non poterant sustinere, eo quod intercepti et a civibus traditi essent, vellent nollent quidem, agitati erant infra castrum miseri illi, quorum magna pars vulnerata est, et simul exanimati metu et dolore, atque lassitudine pugne defatigati.

51. Interim Isaac in principio incursus Gervasio in suburbium fugiens a loco, in quo consiliabantur, recepit se in domum suam fortem satis. Et cum pontem transisset, qui jacebat a suburbio ad domum ipsius, disjecit pontem et fregit, ne quis persequeretur eum fugientem. Qua tempestate interceptus est Georgius miles traditorum maximus, qui et ipse simul cum Borsiaro occiderat comitem, quem Deiderius miles, frater Isaac traditoris, equo dejecit et ei utrasque manus truncavit. Hic Desiderius quamvis frater traditoris fuisset (159), non tamen conscius traditionis fuerat. Fugerat truncatis manibus in locum ille miserimus Georgius, in quo se sperabat latere, sed statim accusatus cuidam Waltero militi Gervasii extrahitur. Nam sedens in equo miles ille præcepit cuidam juveni gladiatori ferocissimo, ut occideret. At ille irruens in Georgium, percussit gladio et dejecit eum in terram: deinde per pedes in cloacarium projectum submergi ex malo merito suo gladiator ille coegit. Interceptus erat et quidam ex curte castellani Haket, nomine Robertus, cursor et serviens ejus et occisus in medio fori in paludes trahabatur. Interceptus est quoque quidam nefandissimus servorum Borsiardus Fromaldus nomine, qui fugiens latuerat inter duas culcitræ, indutus superpellicium mulieris, quo se dissimularet. At inde retractus, ductus est in medium fori, inspectantibus universis, suspensus est, fuste transfixo per suffragines et crura capite dejecto deorsum, ita ut verecundiora adverterentur versus castrum ad dedecus et ignominiam illorum traditorum, qui cæssi stabant ad (160) lobium comitis et ad propugnacula, inspectantes hoc fieri sibi ipsis in oppro-

(160) Lobium est extans pars domus ultra murum aut parietem infra tectum.



brium. Non interim cessabant (161) trahere sagittas ad invicem et jacere lapides et contorquere jacula a muris.

52. Tandem clauso die, noctis tempore metus et vigiliæ utrobique agebantur et insidiabantur sibi, si quisquam se furaretur, ut fugeret ab obsessis, vel aliquis latenter per muros illaberetur ad obsessos in eorum auxilium. Proinde per omne tempus obsidionis utrobique vigiliæ et insidiæ agebantur. Sæpiissime vero invasionem fecerunt, obsessi singulis noctibus obsidentibus fortissimo congressu, et acrius pugnatum est nocte quam die, eo quod ob turpe facinus sese in die non auderent manifestare obsessi, qui quoquo modo celari et evadere posse sperabant, ut, si forte evaderent, nemo de eis crimen traditionis suspicaretur, et ideo in nocte pugnabant tanto acrius, quanto se crediderant per principes obsidionis, qui eis assensum annuerant, forte postmodum exire et a crimine faciliter purgari. At principes non curabant quid obsessis promitterent, et quota juramenta facerent, solummodo ut pecuniam et thesaurum boni comitis ab eis extorquerent. Et jure quidem sic fecerunt accipientes ab obsessis thesaurum comitis et insuper donaria multa, quandoquidem nulla fides et juramenta nulla illis debebant observari, qui legitimum et naturalem dominum suum impiissimi servi tradiderant. Et nimirum ab inimicis suis fidem et juramenta, quæ nulla illis debebant, quærebant sibi salubriter observari, qui domino suo et patri totius comitatus mortem intulerant. Justius ergo ii, qui consulem dilexerunt, etiam in morte, quid et ad vindictam convenerant et ibi sustinuerunt metus, vigilias, vulnera, agressus et omnia quæ in obsidione perpeti solent adversa; justius inquam, obtinuissent castrum et thesaurum et comitialia post domini sui mortem, quam traditores pessimi, qui utrumque et locum et divitias loci destruxerant. Hujusmodi ratione sæpe colloquebantur sibi obsidentes et obsessi. At obsessi solam in responsalibus suis excusationem traditionis prætendebant.

53. Sexto Idus Martii, feria quinta ad obsidendum accucurrit castellanus (163) ex Ghendt cum sua potentia et frater Baldevini ex Alst, nomine Iwan. Nocte igitur præterita ejusdem feriæ quintæ, quia Isaac se conscium sceleris sciebat et damnabat (urgebat enim eum timor mortis) cum solo armigero suo aufugit, simul et uxor ejus et servi et pedissequæ universaque familia ipsius, et ubi contigit eos manere in tam arcto noctis aufugio latuerunt: domum quidem et curtem et majorem supellectilem et reliquas res, quas hactenus potenter et libere possederant, desertas et sine consilio in prædam hostibus

(161) Id est *jaculari*, phrasi Gallica *lirer*. Ita et cap. 8, n. 61.

(162) *Sigerus* Castellanus Gandensis litteris donationum B. Caroli subsignavit.

(163) Gualterus n. 49 tradit domum Isaaci a proprio fratre Desiderio incensam, scilicet adjuto ab his militibus in ejus tutelam advocatis.

reliquerunt. Quo audito summo mane Castellanus ex Ghendt, et Iwan cum multitudine obsidionis irruebant, diripientes omnia quæ usui suo ad asportandum invenerant. Tandem faculis igneis tactis suppositis (163) incenderunt domus et curtes et quæcumque igne consumi poterant ibidem reperta. Quæquam citissime omnia conflatione et ventorum fomentis, et insania tempestatis ignis destructa sunt, et omnia admiratione testificatum est, scilicet nihil tanti ædificii et lignorum tam celerem passum fuisse adnihilationem.

54. Quinto Idus Martii feria sexta, Daniel unus de paribus regni, qui ante traditionem comitis in amicitia alte fuerat cum præposito et nepotibus ejus, acceleravit ad obsidionem, simul et Riquardus ex Woldman, Theodoricus castellanus Dikasmutis oppidi, Walterus Butelgir (164) comitis. Unusquisque itaque istorum principum cum tota sua potentia venerat ad vindicandam mortem comitis et domini sui. Qui quidem omnes convenerant, cum civibus nostris, accitis quoque omnibus in obsidione primatibus, conjuraverunt, antequam permitterentur introgredi in suburbium, sese inviolabiliter observare loca et possessiones suburbii ad salutem et profectum civium nostrorum: deinde uno animo impetuque adversarios et homicidas impiissimos aggredi, expugnare et Deo volente evincere, et nulli reorum parcere ad vitam, nec aliquo suo ingenio educere et salvare reos, sed disperdere et communi procerum judicio agere ad honorem regni et ad salutem habitantium in eo, simul confirmaverunt: salvis quidem rebus civium et suis, et salva omnium re, qui in obsidione laborarent pro morte consulis vindicanda.

55. Quarto Idus Martii Sabbato, edictum exiit a principibus, ut castrum ex omni parte, qua accessum haberent, invaderent omnes, qui in obsidione concessissent: et quidem circa meridiem armaverant se milites simul cum civibus, et circuibant impetentes igne portas castri. In quo aggressu posticum, quod juxta domum præpositi stabat, incenderunt. Cæterum cum majores portas castri invaderent, subducta feni et stipularum arida congerie, et acito milite, qui ignem stipulis ingereret, ab intus castrum lapidibus, sudibus, lanceis, sagittis obruti sunt hi qui aggrediebantur: ita ut quasi molaribus petris a propugnaculis dejecti innumeri læsi et conquassati, galeas et scuta, vix a portarum testudine, sub qua latitabant ut incendia administrarent, cum salute vitæ aufugerent. Quemcumque igitur persequeretur lupis ab alto dejectus, quantumque fuisset virtutis et virium, passus est sui ruinam gravissimam, ita ut totus prostratus et confractus, moribundus et exani-

(164) *Butelgir* Belgis *butelier*, Francis *boutillier*, vox a *hutone* seu *buttone* deducta. Apud Anastasium Bibliothecarium « Leo III papa fecit buttonem argenteum cum canistro suo. » Hinc *butica* et *buticula*, uti etiam *butellarius* et *buticularius*, qua voce hinc marus aliique sunt usi et significatur œconomus, promus-condus, seu pincerna, ut mox patebit.



mis caderet. Qua infestatione armiger unus aforis sagitta traiectus cor expiravit. Tumultus et clamor utrinque grandis, et gravissimus congressus, fuit, stridor quoque armorum et fragor in altiori aeris repercutiebatur concavitate. Inferebatur tandem pugna vespertino tempore; et cum nihil præter mortem et damnum obtinuissent aforis, subtraxerunt se a muris et propugnaculis castris, et collecta multitudinis suæ parte, de futuro noctis periculo sollicitabantur, de quo aggressu obsessi magis et magis animati sunt, eo quod invasores suos, tot ruinis et vulneribus infectos, a muris propulsos vidissent.

## CAPUT VIII.

*Vires obsidentium auctæ. Accessus comitissæ Hollandiæ. Reliquiæ e templo delatæ. Castrum ab obsessis munitum.*

36. Tertio Idus Martii Dominica sub specie pacis utrobique observabatur. Priore die ante Idus Martii feria secunda et feria tertia postea convenerunt Burgenses ex Ghend, et avidissima turba prædonum simul cum ipsis ex circa sibi adjacentibus villis ad obsidendum. Nam pro ipsis mandaverat Castellanus ipsorum, ut collecta virtute et communiione sua, armati et ad pugnandum insultum facerent ad castrum singulariter et per se, utpote viri gloriosi in certamine et pugna habentes scientiam demoliendi obsessos. Cumque sese singulariter in obsidione insultum facturos audissent, associaverunt sibi universos sagittarios et ingeniosos operum artifices et audaces raptores, homicidas, latrones et quoscunque præsumptores in omne belli nefas, atque triginta plaustra oneraverunt armis; pedes et equo accurrebant, sperantes se obtenturos maximum pecuniam, si forte se sibi redderent obsessi. Erat quippe validus et infinitus exercitus eorum. Qui cum juxta portas suburbii accessissent, violenter ingredi ausi sunt: sed in faciem restitit eis omnis obsidionis, quæ intro occurabat, multitudo, et pene pugnatum fuisset undique, nisi quod sapientiores sese composuissent in utraque acie. Nam datis dextris et acceptis, fide et sacramento juramenti sese taxabant, quatenus eadem intentione eisdemque armis, et eodem consilio in obsidione cum ipsis jungerentur, salvo loco et rebus nostrorum civium, atque vernaculos et sagaces in pugna secum tantum retinerent, alios vero retrorsum remandarent. Ingressi sunt ergo cum maxima multitudine Gendenses illi et compleverunt locum circa castrum. Deinde paraverunt operadores et artifices eorum scalas, quibus muros conscenderent. Eodem tempore reversus est (165) Razo Butelgir a S. Ægidio, et venit

(165) Hic est Razo de Gavera, qui plurimis diplomatibus B. Caroli et successorum comitum subscripsit, etiam subinde Razo butellarius et Razo pinerna. Est Gavera in agro Alostano.

(166) Hoc est initium missæ feria IV post Dominicam 4 Quadragesimæ, quæ feria X anno in noctem, ut hic dicitur, sive vigiliam sanctæ Gertrudis incidit, id est 16 Martii.

A justissime dolens pro morte domini sui consulis cum sua potentia ad obsidionem.

57. Septimo decimo die ante Kalendas Aprilis, feria quarta (166) cum sanctificatus, in nocte S. Gertrudis (167) comitissa Hollandensis ad obsidionem accessit cum filio suo, et multa multitudine cum ipsa. Sperabat enim omnes obsidionis principes electuros filium ejus in comitem, eo quod illud ei cives nostri et plures principum suggessissent. Habebat quippe magnas gratias eis comitissa, et laborabat omnium procerum animos convertere in amicitiam sui, dando et promittendo multa. Qua die Froolsus et Bolduvinus ex Somerenghem milites quasi a Willelmo Iprensi se venisse simulabant; denuntiantes principibus obsidionis regem Franciæ dedisse comitatum ipsi Willelmo Iprensi, et super hoc universos sollicitos reddidit, qui filium comitissæ præfatæ eligendum sponderant. Astute ergo hujusmodi mendacium et simulate milites illi pro veritate annuntiaverunt, ut ea astucia differrent concessionem principum obsidionis de suscipiendo filio prædictæ comitissæ in comitem. Quo audito, principes indigne ferebant, si forte verum fuisset. Willelmum Iprensium comitatu a rege donatum. Conjurabant ergo et fide sese taxabant nunquam, sub illo comite Flandriæ manente, sese militaturos: nam omnibus suspectus erat et notatus in traditionem domini consulis.

58. Sexto decimo Kalendas Aprilis feria quinta, canonici S. Donatiani in meridionali parte castris per scalas muros conscenderunt, in qua parte scrinia, et feretra sanctorum et reliquiarum suarum emiserunt, accepta principum super hoc licentia et consensu, transtuleruntque in ecclesiam B. Christophori, quæ in medio fori consita est, cortinas et aulearia quoque tapeta, cappas palliatas et sericas, vestes sacras, et librorum aggerem et utensilia templi, et cætera quæ de pertinentia ecclesiæ erant, elata sunt. De redditibus comitis brevia et notationes, quæ præpositus sibi et suo conservaverat Willelmo Iprensi, quia fortunam suam prorsus mutatam vidit, interventu Fromoldi senioris offerri permissus est, sicut omnia sanctorum scrinia et armamenta templi invitus permisit auferri. Stabat igitur ecclesia S. Donatiani sola et deserta tandem relicta traditoribus, qui in ea scortum haberent et cloacaria sua, et coquinas, et furnos; et omnia immunda immundi agerent. Jacebat quoque ipse piissimus et Dei servus Carolus comes solus adhuc in loco, quo martyrium susceperat, relictus suis traditoribus. Igitur postquam elata sunt omnia,

(167) Hæc est Petronilla, ducis Saxonie filia, nupta Florentio II, comiti Hollandiæ, cognomento Crasso, quo in flore ætatis anno 1122 mortuo, hæc vidua pro filio suo Diederico VI, regimen comitatus sibi crediti, tutorio nomine, strenue ac supra sexum administravit. A morte in monasterio Reinsburgensi a se constructo, honorifice anno 1144 sepulta. Silet Mejerus de accessu hujus comitissæ; de quo errore reprehenditur a Scriverio.

quæ permissa sunt offerri, canonici flentes, et sine consueta veneratione portabant reliquias sanctorum in dolore et suspiriis et planctu. Nullusque præter clericum, et paucos in efferendo ea sacra permissus est ad muros ecclesiæ: utrobique enim stabant armati præcaventis sibi, et inter tot arma tamen sanctos venerati sunt, pacem et viam in lateribus sanctorum offerendo. Extranea fuit quædam et rara valde talis processio, in qua Algerus camerarius præpositi cappam juxta morem clerici indutus, crucem ferebat. Nam cum vitæ desperaret, tali dissimulatione evasit. Indoluerunt ergo omnes boni et universi civium de tali rerum eventu: læti quidem quod reliquias sanctorum obtinuissent, qui in prædam inimicis et raptoribus loci relictæ in ecclesia fuissent, si remansissent, sicut cum captione castrum et invasione ecclesiæ postmodum apparuit.

59. Et notandum quod in tanto tumultu rerum et tot domorum incendiis, quæ per ignitas sagittas nocte tectis suburbiorum injecerant ab intus, et etiam latrunculi exterius, ut sibi aliquid furarentur et inter tot noctium pericula et tot dierum certamina, cum locum scribendi ego Galbertus non haberem, summam rerum in tabulis notavi, donec aliqua noctis vel diei exspectata pace, ordinarem secundum rerum eventum descriptionem præsentem, et sic secundum quod videtis et legitis, in arcto positus fidelibus transcripsi: neque quid singuli agerent præ confusione et infinitione notavi, sed hoc solum intenta mente notavi, quod in obsidione communi edicto et facto ad pugnam et ejus causam congestum est, atque ad hoc quasi me invitum, ut scripturæ commendarem, coegi.

60. Scalæ igitur structura talis erat. Primum latior scala cum suis clavicularibus fabricata est, juxta altitudinem murorum castrum. A dextris et a sinistris vero conceptæ sunt virgæ tenacissimæ ad modum parietis. In fronte vero scalæ consimilis paries consertus est, super quam scalam altera scala strictior et longior simili opere constructa super imposita est jacendo, ut post erectionem scalæ majoris minor scala infra murum laberetur, atque parietes dextrorsum et sinistrorsum et in fronte concepti, in defensionem ascendentium undique starent.

61. Hic non est prætereundum, quod plures inclusi fuerant intra castrum, qui in morte comitis rei non fuere opere vel consensu, sed vel intercepti erant simul cum reis, eo die quo clausi sunt infra muros primum. Itemque plures erant, qui sponte introierant simul cum sceleratis, qui licet in opere et materiali occisione non adfuissent, assentiebantur tamen reis. Itemque plures et in prima et subsequentibus obsidionis ingressi erant diebus causa pretii et lucri. Inter quos immanis et in sagittando sagax et velox tirunculus unus, nomine (160) Benkin, aderat. Hic circumibat muros pugnando, modo hac modo illac discurrens, quandoque solus ipse

(168) Infra num. 117 et 119 *Coterellus* cognominatur, ubi de ejus fuga et supplicio agitur.

A videbatur fuisse plures, qui tot ab intro vulneribus inficeret, et nunquam cessaret. Cumque ipse ad obsidentes traheret, tractus ipsius discernebatur ab omnibus, quia vel percuteret gravi vulnere nudos, vel jactata sagitta, quos persequeretur armatos sine vulnere contusos, stupefactos in fugam vertebat. Adfuit etiam cum reis illis miles Weriot, qui a tempore juventæ suæ fur et latro manserat, hic stragem maximam inter extra muros insultum facientes fecerat in obruenda et dejiciendo lapides, qui sola manu sinistra utebantur. Ad hæc vero nefanda infinitus erat reorum et coadjutorum infra muros numerus, die ac nocte vigiliis, pugna, insultibus, labore quoque diverso desudantium. Nam portas castrum terræ et lapidum et sistorum comportationibus introrsum humaverant ab imo usque ad summum: ne exustione et incendio portarum facto ad eos forte ingrederentur a foris. Ulque appositis ignibus in parte orientis, portæ grandes pene perustæ fuerant, ita ut foramen maximum patuisset, nisi prædicta materiarum mole obsiderent. Tandem cum intrinsecus exitus portarum lapidibus et terræ aggeribus obruissent, a foris destruxerant utrobique pontes, tam obsessi quam obsidentes; qui ad castrum directi olim fuerant, et ita nullus aditus relictus est inimicis, vel exitus obsessis.

62. Igitur cum securos fecissent se obsessi in exitibus suis, instabant obstruere fores templi ad meridiem et fores domus comitis, quæ exibant in castrum, foresque quæ a claustro se porrexerant in castrum: ut si aliquo suo infortunio curtem comitis perdidissent, sese reciperent in domum comitis et in domum præpositi, simulque in refectorium et claustrum fratrum et infra ecclesiam. Stabat autem ecclesia B. Donatiani ædificata in (169) rotundum et altum, contexta fictitio opere, ollis et lateribus cacuminata. Nam olim tegumen ecclesiæ lignorum compositione astruebatur et elevata materia campanarii in altitudinem artificiosum opus eadem susceperat basilica. Unde de honestatis suæ fulgore præeminabat, velut regni sedes, et in medio patriæ securitate et pace, jure et legibus undique terræ patribus salutem et justitiam demandans. Quippe ignis dispendio, omnis lignorum materies consumpta est olim, et ideo contra ignis molestiam lapideum et tale opus conflinxerant ex ollis et lateribus, quod elementum igneum exurere non potuisset. In parte quoque ejusdem templi occidentem versus, turris fortissima in eadem templi essentia altiore statura eminebat, in supremis dividens se in duas turres acutiores. Murus quidem circumcinxerat et domum præpositi et dormitorium fratrum et claustrum et pariter omne illud castrum, atque ille murus, quem tandem obtinere sibi præsumperant, propugnaculis et circumcursu ad extra pugnandum altior et fortior stabat. Et quanquam in se murus fortis, et ascensoria firma fuissent, elaborabant nocte et die sese tutiores

(169) Cum scilicet posterior pars templi necdum esset ad juncta.

intrinsecus reddere, qui pugnatos se fore contra A universum mundum amodo intellexerant.

## CAPUT IX.

*Colloquia inter partes de compositione irrita. Interceptum castrum. Fuga obsessorum in templum.*

63. Tunc tandem reminisci poterant proverbii sui : « Si interfecerimus Carolum, quis vindicaturus veniet illorum ? » Et vere infiniti erant, et eorum ad vindicandum venientium incertus hominum præter Deum numerus erat, et ideo, *quis*, nomen interrogativum et infinitum in proverbio eorum vim rectam et plenam obtinuit. Et sciendum quia milites illi strenui intus quidem cum reis fuere, quibus semper animus exeundi vel extra muro cadendi et labendi erat promptior, si forte locum habuissent; eo quod communiter sub nota traditorum ascriberentur, quicumque obsessi sunt cum reis. Quo rescito principes obsidionis, collectis consiliariis et optimatibus majori prudentiæ, accesserunt ad muros, et usi sunt colloquio cum omnibus intro obsessis. Jusserunt igitur sibi ad spectaculum murorum evocari illos obsessos qui rei non fuerant, et obtulerunt eis licentiam et potestatem, si vellent, exeundi ab obsessis, salva vita et membriseorum, quorum quidem aperta foret innocentia. Cæterum præter reos, si aliqui exire vellent et probare innocentiam suam secundum iudicium principum, eadem libertate exirent. Reis vero nulla dispeussatione subveniretur, qui tantum facinus, et ante hoc inauditum perfecerant crimen, imo inaudito plecterentur exterminio, et ante hoc inaudita moriendi acerbitate. Igitur secundum edictum et pactum huiusmodi exierunt per plures, quia eorum erat aperta innocentia, aut parati fuerunt, quibus minus credebatur, probare innocentiam.

64. Tandem præpositus vultu tristiore et omni majestatis suæ rigore et superbia, mente consternatus accessit ad colloquium, et frater ejus castellanus Haket usi sunt humili ratione in verbis huiusmodi. Responsalis quidem præpositi et omnium obsessorum erat castellanus Haket, qui solus pro omnibus loquebatur, et respondit ita principibus : « Domini et amici nostri, qui nostri miserentur, si aliter nobis accidisset aliquo vestigio dilectionis antiquæ, debent pietatis officia erga nos exhibere, quantum poterunt, salva honore suo et facultate. Rogamus ergo vos et obsecramus, principes terræ hujus, et mementote quantæ dilectionis bona consecuti fueritis a nobis: miseremini nostri, qui mortem domini comitis vobiscum conquerimur, deflemus, reos damnamus, et prorsus expelleremus a nobis, nisi quod nostri sanguinis propinquitatem inviti quidem servamus in ipsis. Tamen obsecramus potentiam vestram, audite nos super nepotes nostros, quos reos dicitis : ut liceat eis per vos exeundi ob-

tinere libertatem jam a castro, et deinde, instituta eis pœna pro tam immani facinore ab episcopo et magistratibus, abeant in exilium perpetuum, ut sic quoquo modo in cilicio et pœnitentiâ Deo mereantur reconciliari, quem graviter offenderunt. Nos vero, ego et præpositus, et Robertus puer, cum hominibus nostris parati sumus secundum universi generis iudicium satisfacere omnibus, quod innocentes sumus ab opere et consensu traditionis, et super hoc innocentiam nostram probare omnimodo parati sumus, si quis sub cœlo hominum dignetur suscipere probationis nostræ argumenta. Dominus meus præpositus coram universo clero suæ innocentie probationem quantumcunque gravem se facturum offert, eo quod conscientiam suam mundam testetur. Requiritur iterum a vobis ut salva vita et membris suis permittatis nepotibus reis et in traditione notatis habere in exilium eundi libertatem, et nobis veræ probationis sententia purgari, militibus secundum jus sæculare, clericis secundum scripta divina examinari liceat. Quod si fieri abominaveritis, volumus melius sic obsessi simul cum reis vivere, quam ad vos exire et turpiter mori. »

65. Cumque complisset orationem castellanus Haket, exorsus est quidam militum obsidionis, nomine Walterus, respondere prædictis : « Nullius beneficii memores esse vestri, nulliusque dilectionis antiquæ vestigia jure observare deinceps debemus, qui dominum comitem tradidit, a nobis sicut dignum fuit tumultandum et defendendum, violenter seclusistis, simulque cum reis participastis thesaurum regni, et regalem aulam ipsius injuste possidetis, impiissimi traditores domini vestri, ad quos amodo nihil pertinet de regno et comitatu. Omnia enim tam vitam propriam quam rem extrinsecam injuste possidetis, quoniam quidem sine fide, siue lege vos tecistis; et idcirco omnes Christiani nominis professores contra vos armastis, quoniam principem terræ hujus pro justitia Dei et hominum tradidistis in sacro Quadragenario, in sacro loco, in sacris orationibus Deo prostratum. Itaque deinceps fidem et hominia, quæ hactenus vobis servavimus, exstucamus (170), damnamus, abjicimus. » Aderat huic colloquutioni totius obsidionis multitudo, qui statim finita responsione ista, arreptis festucis exfestucaverunt illorum obsessorum hominum, fidem et securitatem, et separati sunt ab invicem colloquentes sibi animo irato et obstinato, utrobique hiuc ad expugnandum, illinc ad resistendum.

66. Eodem die ab armigeris abbatissæ Auriniacensis cœnobii audivimus eventum Isaac, qui eadem nocte qua fugerat, cum se credidisset venisse Gandavum, venerat juxta Ipram. Fugit ergo inde usque in Steenvordam villam Widonis generi sui (171), ubi accepto consilio, nocte Tervanniam descendit, et

(170) *Exfestucare*, abdicare jus, possessionem, aut dominium, virgæ aut festucæ arreptione, ut mox dicitur, et traditione sive abjectione, ut diximus vi Februarii ad Acta B. Hildegundis pag. 920.

(171) Imo *sororii*, quia ut infra num. 94 dicitur : « Wido duxerat uxorem, sororem Isaaci, neptem præpositi. » Consentit Gualterus num. 49.

latenter et furtim monachicum habitum assumpsit. Cæterum rumor et requirementia universorum persequebatur fugientem, ut nullatenus lateret, quin statim veritatem rescirent. Igitur advocati Tervanniæ filius (172), cum Isaac resciret, irruit in claustrum fratrum, et reperit in cuculla latentem in ecclesia, et quasi psalmos ruminantem. Cumque captum eduxisset Isaac, virgis et vinculis coactum flagellatum constrinxit; et ita extorsit; ab eo, ut reos in comitis traditione proderet. Et respondit confitens de se, et aliis nominatim reis, superaddens plures fuisse, qui conscii sceleris et administratores fuissent reorum, tradentium actualiter comitem, scilicet gladio materiali. Subjunxit quoque de conjuratione proditionis suæ cum Bosiaro et Wilhelmo ex Wervi, Ingranno de Esna et Roberto Pueri, Wilfrico fratre præpositi et paucissimul annumeratis homicidis pessimis. Et retulerunt aliqui dixisse Isaac, in suffossione unius quercus in pomerio, domui suæ adjuncto, pecuniam radicitus abscondisse, quam milites loci nostri perscrutando et circumquaque fodiendo usque in viscera terræ ibant frustrati.

67. Quinto decimo die ante Kalendas Aprilis, sexta feria, adductæ sunt scalæ adversus muros et impetebant utrobique sese sagittis et lapidibus. Illi vero qui scalas adduxere, clypeis defensi et loricas induti progrediebantur. Multi equidem consequebantur ad spectandum, quomodo erigerentur ad muros scalæ, eo quod ex viredine et humiditate graves essent, et ponderis magni, in altitudinem habentes circa mensuras sexaginta pedum hominis, et in latitudinem pedum duodecim scala inferior, et scala superior admodum strictior, sed longior parumper exstitit. Cumque trahebantur scalæ, juvabat manus, vox et clamor trahentium, et resonabant clamores in aere altiori. Tunc Gendenses armata manu protegebant illos clypeis qui scalas traherent. Nam auditu et visio tractu, obsessi super muros ascenderunt, et ad propugnacula prodibant, obruentes lapidum infinitos jactus et sagittarum densitatem contra scalarum attractatores. Cæterum animosi juvenes et audaces, appositis parvulis scalis, quas decem homines solebant ferre, volentes prævenire insultum majorum scalarum, ascenderunt ad murum unus post alium; sed cum aliquis in summitatem ascensum et super murum intentaret, illi qui ab intus latitabant, insidiantes ascensoribus, hastis et conto et telis dejecerunt hærentem in scala, ita ut nullus tam audax, tam velox amplius foret, qui auderet ingredi ad obsessos per scalas minores. Interim murum perforare satagebant cæmentariorum malleis et universis ferramentis alii, et magnam partem muri avellentes frustrati recesserunt. Sed cum trahentium multitudo prope muros conscendisset, et acrius utrinque pugnaretur in obruendo moles lapidum ab intus, densæ noctis tenebræ prohibebant

(172) Arnulfus filius Eustachii, ita Gualterus num. 50.

A utrosque a pugna, et multa læsione accepta Gendenses exspectabant diem crastinum, quando universa simul cum ipsis obsidio, violenter erectis majoribus scalis, ingrederentur ad obsessos.

68. Quarto decimo Kalendas Aprilis, Sabbato, cum lucescente mane obsessi in diversa vexati parte castris, post pugnas quotidianas membra dedissent quieti; et cum paulisper securiores forent, quod hesterno die egregie pugnassent contra forinsecos Gendenses (namque ea securitate vigiles murorum præconato die introierant in domum comitis ad ignem tepescere se propter asperitatem frigoris et ventorum, in vacuum relicta curte castris), cives nostri in meridionali parte, qua sanctorum reliquiæ elatæ fuerant, intro conscenderunt per subtiles scalas et latrices, quas solus homo ferret. Intus quippe sine sonitu et clamore sese collegerunt in magnas acies et præmunitas ad pugnandum. Statimque ordinabant minores inter se ituros ad portas majores, ut terræ et simul lapidum congeriem sustollerent a portis et introitum facerent extra consistentibus universis, qui hoc factum adhuc ignorabant. Portam quoque unam castris in parte occidentis repererant clausam firmiter clavis et sera ferrea, nullaque terræ et lapidum objectione obrutam; quam ideo liberam observaverant, ut per illam reciperent et emitterent quos vellent traditores illi. Quam statim ipso accessu gladiis et securibus nostri Burgenses aperuerant, et, circa concitato clamore et strepitu armorum, intrinsecus in tumultum et concursum conturbaverunt exercitum in circuitu castris. Igitur irruerat gravissima obsidionis manus intra castra; alii ut pugnarent; alii ut raperent quæcunque infra repererent; alii ut intra ecclesiam ingressi corpus B. comitis Caroli obtinentes Gandavum transferrent.

69. Tunc traditores illi, qui in domo comitis gravi sopore soluti jacebant, terrore et clamore infinito exasperfacti, ignari rerum eventus, discurrebant visum quidnam clamorum causa foret. Et cum reum pericula sibi imminere cognovissent, prosilientes ad arma instabant præ foribus exspectantes congressum. Quidam ex ipsis in ingressu civium nostrorum inter castrum intercepti sunt ad unam portarum, milites quidem plures quibus custodia earumdem portarum deputata fuerat in parte orientis, qui cum ingressis civibus tumultum subeuntes, cum nihil ulterius possent, sese reddiderunt misericordiæ et pietati captivantium. Quidam vero eorum diffidentes vitæ suæ, si a civibus caperentur, a muris dilapsi sunt, unus quorum in labendo præcipitatus Giselbertus miles expiravit. Quem cum mulierculæ traxissent in domum, et exsequias sibi præpararent, castellanus Theodoricus (173) et sui rescitum mortuum illum caudæ equi copulatum, per omnes plateas suburbii tractum, tandem in cloacarium in medio fori projectum deturbavit. Igitur cum cives intellexissent illos velle resistere præ foribus in domo

(173) Supra num. 54 dicitur *Castellanus Dismundanus*.

comitis, conscensis gradibus, quibus itum est ad easdem fores securibus et gladiis detruncabant januas, et introgressi ad obsessos, fugabant eos per mediam domum eandem usque ad transitum, quo transire consueverat comes de domo sua in ecclesiam B. Donatiani. In hoc ergo transitu, qui arcuatus erat et ex lapidibus constructus, congressus maximus fuit; ubi cives cominus gladiis tantummodo pugnabant, eo quod obsessi ulterius fugere asperrantur. Satis vires et animos suos tentantes, utrinque stabant immobiles, sicut ipse murus; donec collecta manu cives non pugnando, sed ruendo in obsessos, in fugam converterent ipsos, scilicet Borsiardum, qui immanis et iracundus, ferox et imperterritus, robore corporeo validior, restitit civibus semper in faciem, multos vulverans, sternens, et ictu malleatorio gladii sui attonitos plurimos dejiciens. Simulque fugabant Robertum Puerum, in quem nemo manu mittere volebat, eo quod audisset de eo quod innocens traditionis diceretur; atque imo magis, quod omnibus in regno et ante traditionem et post dilectior permanserat, fugere ille nobilis neglexerat; sed rogatu amicorum secutus est fugientes, et nisi causa ipsius fuisset, ibidem Borsiardum et suos milites, simulque omnes reos traditionis comprehendissent. Cumque sese traditores infra templum recepissent, non ulterius persecuti sunt eos cives; sed ad prædam et spolia reversi sunt, discurrentes per domum comitis et domum præpositi et dormitorium fratrum et claustrum. Consimiliter fecerunt universi qui in obsidione aderant, sperantes thesaurum comitis se forte obtinuros, et supellectilem domorum infra muros posituram. Et quidem in domo comitis culcitras plures, tapeta, linteamina scyphos, caldaria, catenas ferrea claustra, viucula, compedes, nervos, boias, manicas, universæ captivitatis adminicula ferrea, et fores ferreas thesauri comitis et plumbeos ductus aquarum, qui a tectis aquas deduxerant, diripiebant, sine aliqua culpa credentes se rapere potuisse. In domo præpositi etiam lectos, scrinia, sedilia, vestes, vasa et universam supellectilem ejus rapuerunt. In cellario tam comitis quam præpositi et fratrum quoque cellario, frumentorum et carniū et vini et cervisiorum copiam, quantam rapuerunt in infinitum, relinquo. In dormitorio fratrum, quod vestibus pretiosis et charisstratum stabat, tam magnam rapinam exercuerunt, ut non cessarent a tempore ingressus in castrum usque in noctem ire et redire ad asportandum.

#### CAPUT X.

*Fuga præpositi. Obsidentium dissipia. Templum inferius captum. Turris ab obsessis detenta, cum solarium templi.*

70. Obsessis ergo nihil præter solum templum relictum est, et absque eis quæ in templo secum comportaverant victualibus, scilicet vino et carnibus,

(174) *Mor*, aut potius *Moer*, Belgis est locus palustris et uliginosus. Simili infra notatur num. 89 esse

A farina, caseis, leguminibus et cæteris necessariis vitæ. Hic prætereundum non est qui erant capita inter obsessos, scilicet castellanus Haket, Borsiardus, Robertus Puer, Walterus filius Lamberti in Reddenburg, Wlfricus Cnop. Nam præpositus Bertulfus tertia nocte, id est nocte diei Jovis ante captionem castris, data pecunia Waltero butelgir neque ad quadringentas marcas de subtus lobium suum funibus appensus elapsus est solus, melius confidens illi Galtero quam ulli homini super terram, qui tamen ipsum transductum in desertum locum, scilicet Mor (174), solum reliquit expositum inimicis suis et derelictum fugæ; cum tamen in loco illo sibi ignoto, nesciret quo fugeret, et quem fugeret. Igitur obsessi in templo conscensa turre molares lapides obruebant super vagantes in castris, et prædam universæ supellectilis ferentibus gravem injecerunt casum, ubi plures obruti lethaliter perierunt. Sagittas statim direxerant contra fenestras turris victores castris, ut non posset in turri quisquam caput per fenestras emergere, cui non injicerentur mille sagittæ, mille fundarum jactus, ita ut tota turris sagittis inhærentibus hirsuta staret. Cumque nihil super hoc proficerent utrinque, obsessi flammam iniecerant in tectum scholarum quod templo adjacuerat; per hoc volentes domum præpositi exurere, cui idem tectum vicinum fuit. At in illo facto frustrati, deorsum in pavimentum templi, et in choro, et in sanctuario interiore discursitantes, armati et præcautis sollicitabantur, ne auderet aliquis per fenestras introgredi ad ipsos aut per januas ecclesiæ violententer C irrumpere.

71. Summo igitur mane unus ex Gendensium turba juvenis per scalam ascendens ad capitalem sanctuarii ecclesiæ fenestram, gladio et conto perfringens opus vitreum et ferreum illapsusque audaciter aperuit scrinium unum sanctuarii, ut prædam quæreret. Inclinus quoque revolvere cœperat, et manum hac et illac deducere, cum janua scrinii gravis, et in casum præceps percuteret furem et prædonem illum, et rejecta a se emortuum. Sed idem mortuus plumarum congerie contextus, diu ibidem jacuerat; nam maximus plumarum cumulus in sanctuario jacebat. Interea dum diu a Gendensibus exspectaretur ille juvenis, et non rediret, volebant violententer condescendere per fenestram. Nam juvenem illum præmiserant velut audacissimum, per quem tentarent ingressum templi, et sic comitis corpus obtinere crediderant; contra quos nostri cives armis occurrebant, nec unquam perpessi sunt Gendenses veletiam loqui coram se de auferendo comitis corpore. Valde et supra quam mihi credat aliquis, indignati sunt cives nostri, quod aliquis hominum a loco nostro corpus auferre moliretur. Contententibus illis exerebant gladios ad invicem, et factus est tumultus et concursus universorum ad pugnam. Cæterum obsessi tunc quantum poterant,

in territorio Ardenburgensi, quo forsan abductus fuit præpositus.

infestabant victores, quorum sapientiores audito tumultu, et de victoria et lite, scilicet quod Gendenses contenderent se jure corpus comitis secum apud Gandavum transferre debere, eo quod suis scalarum instrumentis perterruissent obsessos et coegissent eos fugere a castro; et quod nostri cives contra assererent nihil valuisse instrumenta eorum, nihil aliud in obsidione fecisse quam furari, et sumptum gravem facere in loco nostro, dirimendo lites sedabant tumultum dicentes: Nolite contendere, sed potius simul expectemus quoadusque Deus nobis et regno contradiderit comitem bonum et legitimum, cujus et principum regni et episcopi nostri et totius cleri consilii de corpore fiat dispensatio.

72. Atque in hunc modum pacificati, instituerunt invasores templi viros armatos et audaces ad invasionem. Collecto ergo robore, impetuose introierunt et irruerunt ad januam templi versus claustrum, et fugaverunt obsessos a pavimento inferius usque in solarium, in quo impie et fraudulenter tradiderant dignissimum terræ consulem, simulque cum domino suo servi arctati sunt, quanquam sine vello ipsorum cum domino suo consule clausi forent. Tunc tandem Gendenses in sanctuarium ingressi, requirebant juvenem illum, quem in mane præmiserant per capitalem sanctuarii fenestram, et repperunt in plumis conquassatum et mortuum quem alii mentiebantur occisum a Borsiaro, cum illaberetur incaute in templum. Neque enim describere locus est quantus jactus fuisset lapidum a solarium super victores pavimento templi, et quot obruti, conquassati, telis et sagittis vulnerati; ita ut totus chorus templi plenus jaceret cumulo lapidum et nusquam pavementum appareret. Parietes et vitrea fenestrae in circuitu, et status simul, et sedes fratrum dejectæ sunt, et ita totum erat confusum et dirutum, ut nulla in templo facies sancta et integra maneret; sed turpi et informi deformitate horribilior staret quolibet carcere. Nam in solarium obsessi præparaverant sibi propugnacula ex scriniis et tabulis altarium, et formis, et scamnis et cætera suppellectile templi, et colligaverant ea funibus campanarum. Campanas quoque in frusta et plumbum, quo antiquitus connecta erat ecclesia, dividerunt, cum eo obruentes alios. Infra enim ecclesiam, scilicet in choro, pugnabatur acerrime; sed a turri et a januis turris tanta strages facta est, ut non sufficiat mihi describere neque percussorum et vulneratorum multitudinem prosequi.

73. Igitur domum comitis superiorem obtinuit Gervasius miles et camerarius atque consiliarius comitum regni cum fortitudine magna, et jussit affigi signa sua in summa arce domus. Namque ex invidia obsessorum hoc factum est qui statim primo die obsidionis, etiam in die qua dominum suum servi impii tradiderant, signa contra inimicos ferebant. Unde Willhelmus ille Iprensis signa, quasi dominus et terræ consul, ferebat contra quosdam qui sibi redditus consulares solvere denegaverant, quia illum

A consulem fere aspernati sunt. Traditores quidem illi die primo obsidionis nihil humiliter agentes, quia principes regni sibi conscios in ecelere suo et securos in eadem fide et amicitia crediderant cum ipsis, signa sua in summa arce cameræ comitis et in summitate turris ecclesiæ, et in minoribus tribus, et in lobio præpositi, simul in exitu portarum superbe præfixerant; ut per hoc appareret ipsos fuisse dominos, qui expectarent regni proceres, amicos et consocios suos, per quorum potentiam obsidionem destruerent, et inultum maneret quod consulem tradidissent. Desiderius, frater Isaac, obtinuit inferiorem domum comitis cum civibus nostris, et fixerat signum suum in lobio comitis majore. Quem cum transeuntem Robertus puer in castro vidisset a turri, impropere taliter: « O Desideri, non es memor quod tu hactenus nobis consulisti tradere dominum consulem; sed idem super hoc et securitatem tradidisti, et nunc viso infortunio nostro gaudes et persequeris nos. O utinam liceret mihi exire! ad singulare bellum te evocarem! Deum testor quod tu magis sis traditor quam nos, eo quod olim dominum, modo nos tradidisti! Quod improprium non sine omnium nota tulit! »

74. In domo quoque præpositi nepotes Thancmari, quorum causa in parte traditio facta est, ut aiunt, præfixerant signa sua superbe et gloriose ac potenter. Quod valde ægre ferebant omnes, et cives nostri nimis indoluerant, eo quod præpositus et sui ante tempus traditionis viri essent religiosi, amicabiliter se habentes erga eos, et cum honore omnes tractassent in loco nostro et in regno commanentes. Hi ergo prædicti postquam obtinuissent domos et signa affixerant, quidquid intus reppererant, quasi proprium possidebant. Intumuit ergo cor civium nostrorum contra nepotes Thancmari, et quærebant occasionem pugnandi et interficiendi illos. Igitur ad vesperam Sabbati illius, cum frumenta et vinum quod obtulerant in domo præpositi apud rus suam emitterent nepotes Thancmari, occurrerunt eis cives nostri in claustro et extractis gladiis vas vini truncabant, et concitatus est tumultus infinitus et clauerunt cives portas suburbii, ut nemo aufugeret nepotum illorum. At obsessi evocaverant cives, olim amicos suos, obsecrantes ut inimicos illos perderent, quorum causa gravissimum nefas perpetrassent. Nepotes igitur Thancmari in eadem domo præpositi resistere cum non potuissent civibus, quærebant subterfugere. Thancmarus ipse fugiendo pervenerat ad exitum unius portæ, et quia clausa fuit, cum quæreretur ab eo quid causæ fuisset tanti tumultus, mentitus est congressum fieri inter obsessos ac obsidentes. Tandem latuit in domuncula una, quousque videret quid de nepotibus suis ageretur. Cum que cives per pontem Sancti Petri et per pontem castrum armata manu transirent, obviam eis occurrit Walterus butelgir et cæteri principes obsidionis, sonatu gravi compecentes tumultum. Tot equidem lanceati stabant in foro, ut crederet aliquis perficiem hastarum silvam

fuisse densissimam. Nec mirum, cum universi totius regni eodem die, tum pro præda, tum pro vindicta, tum magis pro auferendo consulis funere, tum pro admiratione omnium, quæ ibidem fiebant, in suburbium confluerant. Clamabant itaque omnes, Thanemariam et nepotes ejus jure suspendi debere, eo quod eorum causa comes occisus, et præpositus et ejus nepotes obsessi, et plures de ipsorum familia interfecti et turpissima morte damnati fuissent; ideoque non posse eos perpeli, ut parcerent eis, imo turpiori et magis crudeli nece damnarent, qui dominos suos, præpositum et fratres simulque ejus nepotes, potentiores et nobiliores in comitatu, fraude, seditione, coemptione facta, apud comitem deposuissent. Vix ergo turbatos cives principes cohibebant, quia castellanus Haket et Robertus puer cum amicis et propinquis ipsorum civium, in turri altiore stantes, annuebant brachiis et manibus, ut insultum facerent in nepotes Thanemari, qui ita arroganter in domum præpositi conscenderant, signa victricia affixerant, quasi suis viribus castrum expugnassent; cum eo tempore quo cives ingressi sunt violenter in castrum, nepotes Thanemari domi et in rure suo dormirent. Illa tandem conditione sedatus est tumultus, quatenus ipsa hora exirent domum, et signa quæ affixerant, veracunde tollerent et discederent. At illi cum ductu principum periculoso sibi recesserunt inde, in tantum diffidentes civibus ut unusquisque nepotum Thanemarie quo et suo secum ductore insidente abscederet; et sic relicta est domus sub tutela militum et civium nostri loci, et frumentum et vinum dispersitum est inter principes obsidionis et cives, quorum viribus victoria illo die consummata est.

75. Et tandem clausus ille dies sollicitos nimis reddidit super noctis subsequentis temporibus observandis, et in curte castrorum et in claustris fratrum, simulque in domo præpositi et refectorio atque fratrum dormitorio. Nam illo usi sunt consilio obsessi, ut claustrum et domorum lecta circa templum flammis destruerent ne accessum aliquo modo ad ipsos obsidentes haberent. Inde stupefacti custodes noctis sollicitudine et metu pervigilabant. Sæpe obsessi clanculo egressi nocturnis horis incusserunt timores custodibus. Cæterum in tam arcto loco turris templi, traditores vigiles suos omni nocte obsidionis tubis et buccinis resonare jusserant et cornu canere, ad huc evadere sperantes, eo quod principes regni per litteras in turrim sagitta transjectas, amicitiam et auxilium offerrent.

76. Præpositus vero conductorem habens fratrem Fulconis canonici Brudgensis, militem subdolum, ex præcepto Walteri butelgir, nocte præscripta diei Jovis pervectus est equo apud Kaihem (175) villam ejusdem Walteri et Borsiardi. Cumque parum ibi de-

(175) Kaihem seu Kejem, infra Dixmudam, haud procul ab Ipra fluvio.

(176) Sugerius abbas supra *bastardum* vocat.

lituisset, et accusatus fuisset, cum uno comite nocte Furnas ad uxorem suam fugit, et inde iterum, quia latere non poterat in nocte sancta Parasceve, transivit apud Warnestum, sicut audivimus eadem nocte, et fugam institit, et nudis pedibus poenam peccatorum suorum sponte perpessus ibat, ut tanto peccatori Deus indulgeret, quod contra consulem pium deliquerat. Satisque probabile fuit quia postea statim cum captus fuisset, pedum ipsius plantæ excorticatæ apparuerunt, qui in itinere nocturno ad lapides in tantum offenderat pedes, ut sanguis ex eis efflueret. Et vere gravissime vir iste dolebat, qui pridem omnibus imperitabat, divitiis et honore sæculi pollebat, et cum in voluptate floret, punctum pulvis ut jaculum formidaret; ecce solus, et infra terminos suos exsul solus pererrabat. Revertamur ergo ab excursu isto ad vigiliis noctis præfatæ, in qua timores nocturnos cum ad invicem incuterent sibi tam obsidentes quam obsessi, pertæsi et fatigati utrinque diem, pro nocte transposuerant ad dormitandum.

#### CAPUT XI.

*B. Carolo successor in comitatum Flandriæ datus Guillelmus Northmannus: alii competitor. Ejus de corpore Ganduvum transportando insidiæ dispositæ.*

77. Tertio decimo Kalendas Aprilis Dominica in nocte Benedicti abbatis, ex Atrebato rex Franciæ Lodewicus mandavit principibus et baronibus obsidionis prædictæ salutem, fidem et auxilium, insuper omnem gratiam pro vindicando nepotesuo et Flandriarum æquissimo consule Carolo, quem justius decuerat fuisse regem, quam pessimorum traditorum comitem: « Non habeo quidem ad vos ad præsens transeundi opportunitatem, eo quod festinantius cum paucis huc descenderem, auditum et scitum eventum rei et obsidionis. Non enim sapienter mihi agere visum est in manus traditorum terræ incidere; quoniam, sicut intelleximus, plures sunt adhuc qui super obsessos dolent, et eorum scelera defendunt, et ad eorum evasionem omni modo laborant. Igitur quia terra conturbata est et conjurationes jam factæ sunt in personam Willelmi, ut violenter regnum obtineat, et contra cum omnes fere de civitatibus adjuraverint, se nullo modo Willelmum illum in comitem recepturos, eo quod spurius sit (176), natus scilicet ex nobili patre et matre ignobili, quæ lanas carpere, dum viveret ipsa, non cessaret. Volo et præcipio vobis, sine dilatione coram me convenite et communi consilio eligite comitem utilem, quem vobis æqualem, et terræ et incolis præesse consenseritis. Nec poterit diu terra sine consule fore, nisi cum graviore periculo quam modo immineat »

78. Cumque perlectæ sunt litteræ coram universis, ecce dum nondum respondissent litteris regis,

Corrigendus Marchantius qui hac eum labe vult purgare.



utrum irent an non, supervenit alius nuntius nepotis (177) comitis Caroli, demandans principibus obsidionis salutem et naturalem erga omnes terræ inhabitatores dilectionis affectum: « Certum est vobis omnibus meæ sorti et potestati regnum Flandriæ post mortem domini mei consulis jure cognationis pertinere. Idcirco considerate et caute agere vos volo, super electionem meæ personæ, et præmonitos vos rogo ne me alienum a regno faciatis, qui jure et ex debito propinquitatis, si mihi remandaveritis, comes futurus, justus, pacificus, tractabilis, et utilitatis communis atque salutis provisor accuro. » Tunc principes simulque omnes qui audierant litteras ab Elsatano a nepote consulis transmissas, fictitias asserentes, nulla animadversione responsionis agebantur, eo quod respublica laboraret, et rex e vicino eventum acceleraret, neque sine longa opera pro eligendo nepote illo se tractare posse præviderent.

79. Ut illimum ergo præanticipantes consilium, ex imperio regis præparabant se ituros feria secunda et tertia. Postea tamen ex industria et consilio singulari, principes convocatis civibus, prouenerunt in eadem Dominica ad arma et invaserunt obsessos in turri. Quodque ideo factum est ut perterritos obsessos magis exanimarent et pavidos redderent, quod in discessu subito ad regem a principibus facto, non auderent a turri exire vel aufugere. Congressus quidem gravis utrinque factus est et adhuc obsessos latebat cur in Dominica insultum facerent in eos, cum omnes cæteras de præterito tempore Dominicas in pace observassent. Exierunt igitur secunda, et tertia feria apud Atrebatum locutum regi, ordinatis illis qui turrim nocte ac die armati caute et fideliter, ne quis obsessorum subterfugeret, observarent.

80. Decimo Kalendas Aprilis feria quarta, Isaac captus est et suspensus liberator meus, finitis tribus hebdomadis ab occisione comitis, ante Annuntiationem S. Mariæ et ante in Ramis palmarum Lambertus (178) Archei a turri elapsus evasit, fugiens apud Michem villam naviculo devectus. Hic de consilio Borsiardus fuit, et nequiter semper egit consiliando, agendo et ad omne nefas inestigando dominos suos; idcirco odiosus erat omnibus qui in obsidione dolos illius audierant. Cumque a tempore obsidionis intra castrum clauderetur usque ad tempus quo fugam subiit, ad omne negotium quod intus agebatur strenuus erat, in sagittando peritissimus, in jaculando hastas et universa tela fortior, qui quidem stragem mortalem fecerat in hostes. Qui cum fugeret, a civibus requisitus est diluculo, et per totum illum quo fugerat diem. Nam, a turri cum se furaretur,

(177) Hic est Theodericus Alsatus consobrinus B. Caroli, quod ambo ex duabus sororibus, iisque Roberti Frisii filiabus, essent prognati.

(178) An hinc fabella exorta de Lamberto Nappin patre Borsiardus inter complices recensito in Annalibus vernaculis, Formula proclamationis. Mejero, aliisque?

exclamabat eis qui obsederant turrim Borsiardus, quando et ad quem locum suus consiliarius et tam familiaris fugisset. Tandem cives constipaverant villam in qua fugitivus ille latuit, et a latibulo extractum reduxerunt eum captivum, et suspendio in foro nostro illum perdidissent si eo tempore adfuissent primates obsidionis, qui in Atrebatum regno consuluerunt. Cuidam tandem Gerberto civi nostro sub fidei securitate commendatus, cujus ille cognatus fuit, qui illum cautelæ custodia in vinculis constrictum usque ad præsentiam primorum comitatus conservavit, ut illorum iudicio constaret, quidquid fieri percenserent de illo.

81. Nono Kalendas Aprilis, feria quinta, Woltra cruval retulit nostratibus, regem Anglorum cum illo Iprensi Willelmo concordiam laudasse, pecuniam infinitam simul et milites trecentos præstitisse in auxilium ad obtinendum comitatum Flandriæ. Quod cum falsum foret, tamen simulata fraude quasi credibile diffamavit. Nam vere constitit illum Willelmum Iprensensem suscepisse de thesauro comitis Karoli Anglicæ monetæ quingentas libras per manus nepotum præpositi Bertolphi, qui impiissimi traditores sibi et regno præferre conati sunt eundem Willelmum; qui ab eis quidem pecuniam, consilium et auxilium obtinuerat, et quotidianis litteris missis in invicem et remissis, mutuas voluntates et conscientiarum secreta loquebantur. A rege ergo Anglorum mentitus est miles præfatus Willelmum suscepisse donaria pecuniarum, volens tegere traditosam conscientiam Willelmi, qui vere a traditoribus submissam pecuniam acceperat, per quam solidarios (179) compararet, et sic cum virtute cum comitatum obtinuisset, traditores suas voluntates consequenter per ipse consummassent. Nullus vero primatum obtenturus in regno, voluit aliquid consilii vel internuntii traditorum aperte suscipere, eo quod statim sub nota traditionis conscriberetur. Ideo ille Willelmus tegebat conscientiam suam, et pecuniam a rege mentitus est sibi fuisse transmissam, quasi nihil commune haberet vel secreti cum traditoribus, qui tamen manifeste ante tempus obsidionis salutem et auxilium litteris signatis mandaverat præposito et suis. Qua tempestate Giselbertus (180), nepos traditorum, castellanus Burgensis, qui sub nota traditionis erat, ad castellanum S. Audomari subterfugerat, offerens exorationem suam et innocentiam se paratum probare coram rege et patribus regni.

82. Octavo Kalendas Aprilis, feria sexta, Annuntiatio Domini, quo etiam die passus est Dominus.

(179) *Solidarii* dicti milites, aut quod iis solidus pro stipendio daretur, aut certe stipendio solidarentur. Consule Vossium.

(180) Frolulphus castellanus Bergensis subscripsit litteris B. Caroli anno 1121. Huic successit Giselbertus, nepos traditorum.



celebrata est Sabbato in Ramis palmarum, machinamento et dolis Gendensium actum est, ut per ducatum magni præconis, et Ansboldi militis et civium quorumdam nostrorum assensum, simulque ex consensu traditorum, nocte hujus Sabbati transacta, introirent in castrum et corpus piissimi comitis per manus traditorum a fenestris solarii ejusdem Gendensis cœnobii fratres suscipere, et manticis, et saccis collectum transferrent. Expectaverant quidam monachi duo per totum illud tempus opportunitatem furandi corpus. Cum igitur armati circa turrim deambularent illi qui monachis ducatum præstiterant, vigiles perterriti cornua circumcæque personuerunt, et evocati cives et observatores turris irruerunt contra præconem magnum, et Ansboldum militem, et suorum complices, fugantes illos et vulnerantes quosdam timore mortis nimis affectos. Pepigerant vero monachi coadjutoribus suis centum marchas argenti se daturos, si forte per illos glebam consulis obtinerent. Igitur rescito eo quod furtim et pretio aut quoquo modo alio monachi vellent corpus consulis auferre, cives præcauti cum vigilanti turba sollicitæ magis sese obœservantiæ dedere.

83. Sexto Kalendas Aprilis, Dominica in Ramis palmarum, convenerunt Burgenses nostri in agrum quod suburbio adjacet, intra septas villæ, convocatis undecunq̄ue Flandrensibus circa nos, conjuraverunt simul super sanctorum reliquias, sic: « Ego, Folpertus iudex, juro me talem electurum comitem terræ hujus qui utiliter rectorus est regnum prædecessorum suorum comitum, jura potenter contra hostes patriæ obtinere poterit: affectuosus et pius in pauperes, Deo devotus, semitam gradiens rectitudinis, et talis fuerit qui utilitati communiter patriæ velit et possit prodesse. Consequenter ergo omnes meliores civium juraverunt: ex Isandica Alardus Scabinus cum sua potentia; ex Ostburg Hajolum cum illius loci potestatibus; ex Reddenburg (181) Hugo Berlensis, et illius loci fortioribus; ex Lapecura, Ostkerca, Utkeroa, Liswega, Slipen, Gistella, Oldenburg, Lichtervalda, Jadbeca, omnes fortiores et meliores simili sacramento juraverunt. » Eratque multitudo maxima conjurantium in idipsum.

84. Tertio Kalendas Aprilis, feria quarta in succinatione campanarum reversi sunt ex Atebato principes nostri, qui ad regem exiverant pro consulendo regno et eligendo consule secundum consilium regis Ludewici Franciæ imperatoris atque omnium baronum ipsius et terræ nostræ electionem, et juxta prudentem et patriæ utilitati probabilem examinationem, cum tali relatu læti et gaudentes, salutem et fidem ex parte regis et baronum denun-

tiantes nobis et omnibus terræ incolis atque illis præcipue, qui ad faciendam vindictam pro morte domini Caroli consulis assidua obsidione desudaverant: « Rex Franciæ Ludovicus omnibus regni filiis bonis salutem et gratiam, et cum regali potentia in virtute Dei et fortitudine armorum, invictissimum sæ præsentis subsidium. Quia patriæ ruinam simul cum comite tradito gravem prævidentes, indoluimus, severitatis rigore et inaudito ante hoc tempus supplicio vindictam acturi convenimus: et, ut deinceps terra suo consule noviter per nos electo reconcilietur et convaleat, quidquid in subsequenti litterarum serie audieritis, obedite et facite. » Igitur Walterus butelgir litteras protulit regis signatas coram universis civibus nostris, qui confluerant simul in agrum prædictum, ad auscultandum regis mandatum: atque viva voce litteris testimonium confirmans ait: « Audite, o cives nostri, quid consilii et negotii apud regem et ejus barones actum sit et prudenti examinatum iudicio. Principes Franciæ et primi terræ Flandriarum, jussu et consilio regio, elegerunt vobis et terræ hujus consulem Willelmum puerum, natum ex Northmannia, nobilem quidem genere et hactenus inter vos ab infantulo educatum in puerum, et inde in juvenem fortem. Quem juxta omnem consuetudinem bonam consuescere liquet, et qualem vultis talem habiliter flectere poteritis ad omnes bonos mores mansuetum et docilem. Ego quidem elegeri ipse Robertus (182) Bethuniæ, Baldwinus ex Alst et Iwan frater ejus, castellanus ex Insulis et cæteri barones sublimaverunt illum in comitatu, fidem securitatem et hominia ei fecimus secundum omnem modum prædecessorum suorum comitum Flandriæ. Ipse etiam nos pro merito nostri laboris donavit terris et prædiis traditorum, qui secundum principum omnium iudicia proscriptione damnati sunt, nihilque ipsis rerum vel miserationis præter gravissimam et inexcogitatum adhuc mortem relictum constat. Præcipio ergo et volo ac consulo absque dolo vobis suburbanis simul omnibus qui assistitis, ut suscipistis noviter electum comitem Willelmum et a rege comitatu donatum, in dominum et consulem vobis. Cæterum et si quid est quod sæ potestatis jure donari poterit, sicut teloneum et census terræ, libenter vobis condonari teloneum volentibus simul et censum mansionum vestrarum infra suburbium, meipso denuntiante ex parte regis et comitis novi, condonabit absque dolo et malo ingenio. » Auditus ergo litteris, et voce litterarum latoris, cives procrastinaverunt responsum de receptione seu electione novi consulis concedenda sibi, ut accitis Flandrensibus cum quibus eligendi sacramenta constituerant simul aut concessionem facerent aut

(181) Reddenburg, aliis Rodenburgum, nunc Ardenburgum, oppidum Flandriæ versus Zelandiam, ubi sunt Isandica et Ostburgum. Reliqua loca sunt circumquaque in territorio Brugensi seu Franco-natu.

(182) Hic est Robertus IV Crassus cognominatus, cujus illustria Acta referuntur a Chesnæo lib. II Familiæ Bethuniensis cap. 4, et in Probationibus a pag. 15 ad pag. 23.

legationis regis litteras refutarent, et quia tene-  
rant diem sermonum longis protractibus, reversi  
sunt cives a loco oratorio ex communi consilio man-  
dantes pro Flandrensibus tota illa nocte, ut electio-  
nem in persona novi consulis factam concederent  
aut reprobarent.

## CAPUT XII.

*Adventus Guillelmi comitis cum rege in Flandriam  
et Brugas. Juramentum utrinque factum.*

85. Pridie Kalendas Aprilis, feria quinta, postquam  
convenerant cives cum Flandrigenis, ex communi  
consilio consenserunt, ut in Sabbato sanctæ Paschæ  
viginti milites, et duodecim e civibus seniores et  
prudenter exirent obviam nuntiis regis apud  
Ravenschoot oppidum ad colloquium: ibique Gen-  
denses expectarent adventum nostrorum. Nam ex  
civitatibus Flandriæ et castris Burgenses stabant  
in eadem securitate et amicitia ad invicem, ut nihil  
in electione, nisi communiter, consentirent aut  
contradicerent. Qua in re Burgenses nostri, non  
sine Gendensium consilio agebant, qui a latere sibi  
vicinius assederant. Ibant itaque sicut præordina-  
verant in eodem Sabbato sancto. Rex quoque, sicut  
in Atrebatu præordinaverat, cum noviter electo  
comite descendit apud Insulas, ubi hominia facta  
sunt comiti, sicut in Atrebatu. Et inde descendit  
in villa, nomine Diosa (183), in itinere quo ite-  
rus erat in Gandavum. In eadem vero villa exspe-  
ctabat rex Gendenses, qui reciperent novum comi-  
tem secundum præceptum suum et electionem  
primorum terræ. Igitur concorditer actum est inter  
nostros et Gendenses de receptione novi electi, ut  
susceperent eum in consulem et terræ totius advo-  
catum.

86. Kalendis Aprilis, feria sexta, in die Parasceve  
castellanus Haket a turri evasit solus, et transivit  
apud Liswaga, et ibi latuit cum filia sua, quam ibi-  
que duxerat olim miles (184) magni generis et di-  
vitiarum plenus. Expectabat enim ille fugitivus  
quid deinceps ageret. Quarto Nonas Aprilis, in  
Sabbato sancto Paschæ, quidam cives nostri et Gen-  
derses, qui a colloquio reversi sunt, elegerunt Wil-  
helmum in comitem sibi et patriæ, hominia, fidem  
et securitatem facientes comiti secundum morem  
prædecessorum suorum comitum. Eodem die Ger-  
vasius constitutus est castellanus in castro nostro  
Brugensi a rege et comite novo, cui suum meritum  
nondum per hoc meritum recompensatum est, cum  
tot et tanta in obsidione egisset, quæ memoriæ  
diligenter commendo lectorum. Nam in ipsa hora  
qua tradebatur comes Carolus, ipse flendo et crines  
vestesque discerpendo, complexis manibus clamabat  
discurrens in castro hæc; Heu! quod solus vindi-

(183) *Dinsa* seu *Densa*, in litteris Theoderici  
comitis ad annum 1152 castrum et villa dicitur, ad  
Lisam fluvium Gandavum inter et Cortracum, cui  
nunc marchionatus titulus adhæret.

(184) *Robertus Crommelin*, ut supra ex litteris  
Theoderici comitis dictum.

(185) *Theodosia* virgo Tyria, passa est Cæsarem

care non possum dominum meum et æquissimum  
principem terræ nostræ; quem etiam nullus homi-  
num defensare aut vindicare præsumit; ibique  
principium vindictæ ipse solus Gervasius consti-  
tuit, et postmodum secum Deo ipso pugnante, felici-  
ter consummavit. »

87. Tertio Nonas Aprilis, Dominica sancta Paschæ  
in Theodosiæ (185) virginis (186), littera Dominica  
B. in expectationes suspensus erat et clerus et  
populus pro adventu regis et comitis apud nos. Quo  
die illi traditores pessimi communicaverunt se  
corpori et sanguini Christi. Nescitur tamen per  
quem sacerdotem hoc factum fuerit. Eodem die  
sagittis infestabant in castro transeuntes obsessi  
et pessimi traditores, nullius fidei et reverentiæ  
termino, sub expectatione turpissimæ mortis sibi  
futuram vitam continuantes.

88. Nonas Aprilis, feria tertia, *Aqua sapientiæ*  
(187), in crepusculo noctis, rex simul cum noviter  
electo consule Willelmo Flandriarum marchione  
Bruggas in suburbium nostrum venit, cui obviam  
processerant canonici S. Donatiani, reliquias san-  
ctorum afferentes et in solemnibus processu, regio  
more regem et comitem novum cum gaudio susci-  
pientes. Octavo Idus Aprilis, feria quarta, conven-  
erunt rex et comes cum suis et nostris militibus,  
civibus, et Flandrensibus multis in agrum consu-  
etum; in quo scrinia et reliquias sanctorum collatæ  
sunt. Et silentio indicto, lecta est charta libertatis  
ecclesiæ et privilegiorum B. Donatiani coram uni-  
versis in præsentia regis et comitis: ut contra ea  
quæ privilegiorum paginis conscripta, et a catho-  
licis Romanis pontificibus sancita et a nemine ca-  
tholicorum regum et comitum corrupta constiterant,  
rex in sua persona, simul et comes, nullo temerario  
ausu se opponeret; sed potius regis dignitatis  
prærogativa veneraretur sancita et suæ potentiæ  
carroboraret imperio. Libertatem vero eligendi ca-  
nonice, et sine simonia præpositum ex concessione  
domini papæ, sicut privilegii sui inscriptione con-  
tentum est, se habere protestati sunt fratres ejusdem  
Ecclesiæ, quem quidem præpositum rex si præsens  
adforet canonice et sine simonia electum protesta-  
tive officii sui ministerio et dignitate prælationis  
sublimaret, et in locum prælationis subrogaret:  
« Quod si rex non adforet, comes ejusdem potestatis  
D officio functus, concessionem canonice electi præpo-  
siti, et in locum subrogationis, et in propria persona  
et suorum faceret secundum prædecessorem suorum  
catholicorum principum morem. » Lecta est quoque  
chartula conventionis comites et cives nostros fa-  
ctæ de teloneo condonato et censu mansionum eo-  
rundem; quatenus pro pretio electionis et susce-

in Palæstina, refertur a quamplurimis ad hanc III  
Aprilis, ab aliis pridie.

(186) In alio nostro apographo quinto: littera, ut  
videtur V, titulum Virginis indicante, pro numerali  
accepta.

(187) Verbis illis incipit isto die Introitus missæ,  
Qui modus loquendi sæpius notatur.

ptionis personæ novi consilia, reciperent a comite libertatem hujusmodi, ne teloneum aut census d.inceps ipsi aut successores loci nostri, comiti vel ejus successori solverent; sed perpetua illa libertate donati, sicut in charta conventionis conscriptum erat, ad confirmandam libertatem eandem, juramentum a rege simul et a comite ex postulatum susciperent: scilicet ne rex aut comes amplius per se vel per ministros pro solvendo teloneo et censu, cives nostros aut ipsorum in loco nostro successores inquietaret; sed bono animo et sine malo ingenio et non subtracto, tam privilegia canonicorum quam condonationem teloneorum et census inviolabiliter conservaret. Sub hac ergo conditionis compositione juraverunt rex et comes super sanctorum reliquias in audientia cleri et populi. Subsequently quoque cives juraverunt fidelitatem comiti, sicut moris erat, et hominia fecerunt ei et securitates, sicut prius prædecessoribus suis naturalibus principibus terræ et dominiis. Ut igitur benevolos sibi comes cives nostros redderet, superaddidit eis, ut potestative et licenter consuetudinarias leges suas de die in diem corrigerent, et in melius commutarent, secundum qualitatem temporis et loci.

89. Tandem sacramento jusjurandorum confirmatis omnibus, reversi sunt rex et consul in hospitium; ubi delatæ sunt in omnium audientia litteræ hujusmodi ab iis qui obsidionem fecerant in Reddenburg, primatibus: « Nos quoque hujus obsidionis exactores, electum novum Flandriarum consulem electuri erimus ex nostra parte, sub hac conditione quidem, ut in consuetas expeditiones, insuper pravis principum exactiones et telonea nova, quæ doloso consilio Lamberti in Reddenburg noviter et præter jus consuetudinarium terræ instituta sunt, a nobis et a nostris viciniam incolis amplius amota, damnes et destruas; et libertatem obtineant rustici nostri exeundi et depascendi pecudes suas super terram, quæ dicitur *Mor* sine coemptione prava instituta a Lamberto. Insuper de coemptione gravissima mansionum in Erdenburg, volumus quoddam medium regem et comitem ponere, ut per duodecim nummos tantummodo redimatur unusquisque nummorum illorum, quos secundum positionem mansionum hactenus sedecim nummis redimebant filii post mortem patrum suorum. Nobis ipsis quidem legem statuimus, ut si expeditio ex parte comitis nostri fuerit indicta, ille qui excusationem non habuerit legitimam, emendabit comiti viginti solidos. Super iis omnibus assensum tuum, domine rex, et concessionem et confirmationem comitis novi ex postulamur, quatenus juramento confirmet omnia quæ in hac charta conscripsimus et in audientia omnium promulgata constant. Moneamus et obsecramus tam regis quam comitis personam et ejus omnipotentiam, ut Bertolphum præposi-

(188) *Winendala* prope Thoroltum.

atum et ejus fratres Ulfricum Cnop, Haket castellanum, Robertum puerum, Lambertum ex Reddenburg cum filiis ipsorum, Borsiardum et reliquos traditores nunquam hæredes fore permittant deinceps in comitatu Flandriæ. » Cumque perfecta fuisset charta hujusmodi in conspectu universorum, juravit comes novus, se confirmare et concedere bono animo, et sine malo ingenio et non subtracto, omnia quæ ex postulaverant ab ipso. Ac deinceps per totum reliquum diei tempus, hominia fecerunt consuli illi, qui feodati fuerant prius a Carolo comite piissimo, suscipientes nunc similiter feoda sua et officia et quæcunque obtinuerant ante jure et legitime.

90. Septimo Idus Aprilis, feria quinta, iterum hominia facta sunt comiti, quæ hoc ordine, sum fidei et securitatis termino consummata sunt. Primum hominia fecerunt ita: Comes requisivit, si integre vellet homo suus fieri; et ille respondit, « Volo, » et junctis manibus amplexatus a manibus comitis, osculo confœderati sunt. Secundo loco fidem dedit is qui hominiam fecerat prolocutori comitis in iis verbis: « Spondeo in fide mea me fidelem fore amodo comiti Willelmo, et sibi hominiam integraliter contra omnes observaturum fide bona et sine dolo. » Idemque super reliquias sanctorum tertio loco juravit. Deinde virgula, quam manu consul tenobat, investituræ donavit eis omnibus qui hoc pacto securitatem et hominiam simulque juramentum fecerant. Eodem die Eustachius ex Stenvordia, in S. Audomaro prius interemptus a civibus, et postea in conflagrationem illius domus, qua suffugerat injectus, in cineres combustus est. Ipse enim sub nota traditionis talem perpetui mortem promeruit. Eadem die in Brugis comes dedit Baldewina ex Alst quadringentas libras præter viginti, eo quod ipsius viribus et consilio maxime post regem in comitatu valuerit. Sexto Idus Aprilis feria sexta, similiter hominia facta sunt comiti. Quinto Idus Aprilis Sabbato, rex ibat apud Winendala (188) locutum Willelmo illi Iprensi adulterino comiti, pro concordia facienda inter ipsum et verum novumque comitem. At illi adulterino comiti indignum fuit supra modum inire concordiam cum vero Flandriarum consule, vel aliquam pacis compositionem se facturum, quia eum despectui habebat: « Rex igitur ægre ferens superbiam et contemptum adulterini Iprensis comitis, ipsorum dedignatus ad nos usque reversus est. » Quarto Idus Aprilis Dominica, comes noster secundum consilium regis et principum iturus fuerat apud S. Audomaram, sed quia paucos habebat secum in via in quibus consideret, nocte ad nos rediit.

#### CAPUT XIII.

*Supplicium sumptum de Bertulpho præposito et Guidone de Stenfordo. Tumultus civium Brugensium sedatus.*

91. Tertio Idus Aprilis, feria secunda, præpositus

Bertolphus traditus est in manus illius adulterini A comitis, qui ideo magis studuerat et labore assiduo perquisierat, quo loco latuisset, ut captivato eo, et divulgato quod præpositum Burdensem cepisset, suæ potestatis famam præcipue emendaret, si de eo vindictam fecisset gravem. Nam, sicut præscripsimus, in maturitate traditionis ab Ipra mandaverat eidem præposito apertam salutationem et suis; in quo famam suam turpissimam et traditionem reddiderat per omnes regnorum fines. Igitur cum cepisset eum profugum et exulem in patria et inter parentes; tamen non satis poterat excogitare quo mortis supplicio perderet, cujus conscius traditionis dicebatur. Et quamvis ille adulterinus calliditatis et astutiæ taliter argumentis videretur probare innocentiam suam; tamen Deus, cui nihil resistit, cujus auctoritate dictum est: «Nihil occultum quod non reveletur (Matth. x, 26),» hanc inhumanam turpitudinem et tanti principis sui traditores fidelibus suis manifestavit, damnavit, proscripsit, præcipitavit. Tantus erat tumultus, clamor et concursus Iprensium; et totius viciniæ circa captivum unum hominem, ut non possimus æquiparare eum. Et, sicut aiunt, saltando, choros ducendo, diversis applausibus præibant et consequebantur præpositum, trahentes eum funibus longioribus a dextris ejus et sinistris, ita ut ordo trahentium in longum, et ab invicem in latum procederet, ut sic ab omnibus olim vir ille dignus et potentissimus, verecunde et ignominiose derideretur, nudus prorsus præter braccas; luto et lapidibus obrutus traheretur. Præter clerum et paucos qui dudum religiosum virum cognoverant, nemo miseratus est illum.

92. At ille tot injuriis fatigatus, totque opprobriis et tusionibus læsus, mortis suæ supplicium eminens expectabat, ante cujus mentis faciem poterant ad memoriam merito reduci omnia quæ egerat, si aliquod vivendi spatium turba in ejus mortem corruens præstitisset. Poterat quidem reminisci, si debuit, quomodo violenter intrusus, et viventi præposito Leiberto, viro honesto et propter Deum omnia patienti, superpositus injuste, et contra Deum in templo Dei prælationem usurpasset, præbendas Simoniaca hæresi commutasset, nepotes suos stipendiis Ecclesiæ in omne facinus aruasset; et nunc tandem Catholicum et de regum stirpe progenitum, D nobilissimum principem Carolum, suo aut assensu aut consilio morti tradiderit; qui sicut inter sui supplicii angustias profitebatur, si voluisset, defendere a trahitione poterat. Ante mentis quidem oculos præfixisse poterat quantum in clero gratiam, quantumque honorem, famam, divitias, vires, reverentias, Deus ultro contulisset, cujus dispensatrici Dei gratiæ, dum eam quasi propria et naturale possidet, penitus non est recordatus. Namque sic fuerat xxxvi annis implicitus omnibus prædictis virtutibus et vitiis, ut nullo modo explicari posse videretur. Si quis velit audire multipliciter

et magnitudinem factorum, mirabilem magis pugnam Dei et manum ejus, quam contra ipsos destruendo exercuit, credere liquet. Et quamquam locum genealogiæ ejus describendæ hic obtinere videar, tamen videor mihi satis operæ inceptæ labori sufficere, et ejus descriptionibus supersedere: in qua eventum obsidionis, et non adulterinum exordium generationis præpositi et suorum proposui me exsecuturum.

93. Proinde ibat vir, ille olim gloriosus nunc ignominiosus, olim venerabilis nunc turpis, immoto vultu et oculis in cælum directis, et nisi fallor Deum miseratorem humanæ conditionis, qua ipse indutus in regno mundi homines regit, invocabat sine strepitu vocum, sed in secreto mentis sibi invocaverat semper adiutorem. Tunc unus persecutorum percussus capite ejus fuste, ait: «O superbissime hominum, cur indignaris respicere et loqui principibus et nobis, qui habent potestatem perdendi te.» At ille nec respicere curabatur et suspensus est in medio fori Iprensium juxta supplicia furum et latronum in patibulo, et braccas detraxerunt ei, ut illa verecundiora corporis apparerent. Nihil turpe vel ignominiosum erat, quod in ejus supplicium non inferrent. In quo patibulo brachia in cruce extensa, et manus insertæ sunt, et caput transectum per foramen ejusdem patibuli, ita ut reliquum corpus viri prædictis suis membris suspensum quasi alienis laqueis suffocatum moreretur. Cumque primo loco suspenderetur, et in ipso instrumento patibuli adhuc vir ille pedum articulis summatim sustentaret corpus, ut saltem sic vitæ miserandæ prolongaret spatium, venit ad eum inter tot millia lapidantium et jacturam facientium ille adulterinus comes Willelmus, et indixit omnibus silentium et ait: «Dic ergo mihi, o præposite, per salutem animæ tuæ, te obtestor; dic, inquam, queso, qui sunt præter te et Isaac, et præter apertos traditores adhuc latenter nocentes et culpabiles in morte domini mei Caroli comitis?» Et ille coram universis respondit: «Æque tu sicut et ego, nosti.» Tunc furor arreptus Willelmus ille præcepit lapides et lutum jacere in præpositum illum, et interfici. Et ecce qui pro piscibus emendis in fore conveniant, uncis ferreis, fustibus et sudibus corpus viri dissipabant; nec in eo instrumenti adminiculo, quo pedum articulis se sustentabat, sinebant diutius sustentari; sed propulso eo a sustentaculo suspendium, et vitæ dispendia sub acerrimæ mortis tenebris inferebant. At ille moriens conquestionem fecit pro traditione, qua ipsum Walterus, miles ex Sarran et homo suus; tradiderat in eandem mortem qua jam emoriebatur; qui cum ducatum præstitisse debuit, decepit. Iprensium igitur turba furens in mortem præpositi, canis viscera contorserat circa collum ejus, et os canis ad os ejus jam vitalem spiritum expirantis opposuerunt, æquiparantes cani ipsum et facta ipsius.

94. Eodem tempore Wido, miles famosus et fortis

qui de consilio comitum Flandriæ præcipuus fuerat, in eandem traditionem conspiraverat, eo quod neptem præpositi uxorem duxisset, scilicet sororem Isaac. Unde quidam Hermannus ferreus, miles fortis, statim occiso Carolo consule in præsentia illius Iprensis adulterini comitis ad singulare bellum Widonem evocavit, quid dominum suum nequiter tradidisset. At Wido paratum se defendere de superimposita traditione semper fore prosilivit. Et determinatus est eis dies, quo prædictus præpositus mortis suæ etiam pertulerat tormenta. Statimque mortuo præposito, omnes qui adfuerant, reversi sunt ad curtem, in qua bellum indictum fuit inter Hermannum ferreum et Widonem, et pugnatum est acriter ab utrisque. At Wido dejecerat equo adversarium suum, et lancea resurgere conantem, quoties voluit, stravit. Tunc adversator ille propius accursitans, equum Widonis gladio trajiciens evisceravit. De quo tandem lapeus Wido, extracto gladio impetiverat adversarium. Erat quidem occursum alternis ictibus mucronum continuus et accerrimus, donec fatigati pondere et sarcina armorum, uterque rejectis clypeis luctaminis viribus pugnae victoriam accelerarent. Et cecidit ille Hermannus ferreus in terra prostratus, cui Wido incumbebat manuculis ferreis ora et oculos contundens militie. At ille prostratus, sicut legitur de Antheo, a frigiditate terræ vires paulatim resumpsit (*Æneid.* 1, § 14), et callide dum quiesceret Widonem de victoria securum reddidit. interim manum suaviter subducens usque ad inferiores loricæ oras, in qua parte non fuerat Wido præmunitus, raptum per tergiculos, collectis viribus ad punctis unius momentum, a se propulit. In quo rapticio pulsu tota de subtilis natura corporis rupta, ita prostratus defecit Wido, ut victum et mortuum se fore exclamaret. Tunc comes volens per omnia famæ suæ in hoc bello consulere, jussit eundem Widonem juxta præpositum suspendi in eodem patibulo jam mortuum; ut, sicut pares fuerant in tradendo, ita pares morerentur in tormento.

95. Post hæc vero utrorumque corpora virorum rotæ plaustris superposita, in malo altissima fixæ, videnda universis transeuntibus proposuerunt, brachiaque mutuis quasi amplexibus ad colla flectentes, imaginem tradendi et consulendi de morte domini et gloriosi ac piissimi consulis Caroli, illis jam per tres dies mortuis, insignibant. Venit itaque ad nos, et in præsentia regis armiger unus, qui eodem die intererat et viderat utrosque suspensos in Ipra, præpositum et Widonem, annuntians eventum eorum. Acclamatum est statim illis qui in turri obsessi sunt, quomodo captus et mortuus fuerit dominus illorum præpositus, et quia amodo nihil restaret eis, nisi quod se redderent regi tractandos secundum quod nequiter egerant. Igitur dolor et anxietas, et luctus et suspiria vexabant miseros illos, et omni spe vitæ destitutos: fortius quam principes obsidionis, obsederant eos metus et desperatio.

96. Eodem die Gervasius jusserat carpentariis tur-

rim ligneam disjungere, quæ erecta erat ad invadendos muros prius, et nunc inutiliter stabat. Cujus trabem fortissimam specialiter separatam ab aliis præparari jusserat, et arietem fieri, quo pertunderetur paries templi. At obsessorum sagittarii sagittas mittendas cum ex percussione nervorum arcubus curvatis intendarent operariis, ab arce turris, in qua debebant, arcus et sagitta imposita, eo ipso tractu quo trahere festinabat, decidit a manibus trahentis. Quod factum inopientes milites, qui citati præsentibus, et oppositi in omni opere artificum astiterant, protegente illos artificiose operantes machinas rerum, sicut sunt arætes, suæ, jactatoria, scalæ consimilia, quibus muros et lapideas compositiones destruere solent, eventum pessimum fore vaticinati sunt, ex casu arcus et sagittæ obsessorum.

97. Eodem die ad vesperum gravis tumultus obortus est inter Gervasium et suos, et cives nostros. Nam ex imperio regis et præcepto eorum principum obsidionis, qui cito perditionem obsessorum accelerare tentabant, quique sumptus magnos omni obsidionis tempestate expenderant, vigiliis et impugnationibus assidue laboraverant, ex communi, inquam, ipsorum consilio et edicto regio universale decretum confirmatum erat; ne aliquis auderet et tota obsidionum multitudine accedere ad turrim et loqui obsessis; ne forte intimaretur eis quo ingenio caperentur. Lex quoque posita est propter transgressores talis, ut si quis contra hoc decretum faceret, in captivitate projiceretur, et communi principum judicio plecteretur. Igitur unus e civibus, qui eorum cujusdem militis obsessi duxerat, clanculo accessit ad turrim, requirens ab illo genero suo vasa et vestes quas sibi præstiterat; et ille quæ habuit reddidit vasa. Cum in reditu civis ille transiret per forum, miles Gervasii unus, qui præceptum regis et principum et domini sui susceperat, et potestatem etiam capiendi transgressores præcepti; persecutus est civem illum, et tantum violenter captivumque reduxit secum usque ad domum comitis. Continuo tumultus infinitus factus est inter cives, et prosilientes ad arma, invaserunt domum comitis et familiam Gervasii, quæ se ab intus fortiter defendebant. Clamaverunt enim se nunquam velle pati dominium cujuspiam imo in sua potestate stare, hoc malefactum corrigere. Cumque diutius tumultuassent, Gervasius in medio eorum protulit hæc verba: «Nostis, o cives et amici mei, quod secundum vestram petitionem et rex et comes jam constituerunt me vicecomitem loci nostri, et secundum regis et principum decretum actum est, quod miles meus jam civem et vicinum vestrum cepit decreti transgressorem, meamque personaliter dignitatem contempsistis in hoc facto, domum comitis et familiam meam invasistis in ea, et tandem sine ratione, armata manu in præsentia regis prosiluistis. Nunc ergo, si vultis, vicecomitatus causa injuriæ mihi illatæ omitto, fidem et securitatem inter nos firmatam dissolve, ut

pateat omnibus vobis, quia dominium super vos A  
obtinere non quæro. Si ergo placet, coram rege  
sepositis armis conveniamus, ut judicetur inter  
nostros et vestros. » Cumque finisset orationem,  
ascenderunt simul coram rege et compositi sunt ite-  
rum fide et amicitia ad invicem sicut prius.

## CAPUT XIV.

*Obsidio promotâ. Solarium templi occupatum. Vene-  
ratio sepulcri B. Caroli comitis.*

98. Secundo Idus Aprilis feria tertia, rex in dor-  
mitorium fratrum cum prudentioribus et consiliariis  
suis conscendit considerate prænotare in qua parte  
ingeniose aggressum præsignarent in templum. Erat  
namque dormitorii domus adjuncta templo, ita ut  
ingeniorum instrumenta præpararentur in illa, qui-  
bus parietem templi pertunderent et ingredierentur B  
ad obsessos. Namque cum illi miseri inferiora templi  
obtinere non poterant, gradus quibus in solarium  
ascenderetur, lignis et lapidibus obstruxerant, ut  
nullus ascendere vel ipsi descendere possent, tan-  
tummodo sese a solario et turribus templi defendere  
conantes. Inter columnas quippe solarii specula et  
status suos ex scriniorum aggeribus et cumulis sca-  
minorum prostiluerant, e quibus lapides, plumbum  
et rerum moles dejicerent super invasores templi.  
In turri quoque consequenter præ foribus fenestra-  
rum tapeta et culcitra suspendenderant, ne funda et  
arbalistis (189) forsitan percuterentur intrinsecus,  
cum turris a foris aggredieretur. In suprema quidem  
turrium arce stabant fortiores juvenes obsessorum,  
qui molares lapides sternerent super discurrentes in  
curtem castris. Atque sic inordinaliter in templo C  
Dei ordinalis rebus suis, expectabant mortis suæ  
finem, nihil reverentiæ et honoris conferendo be-  
ato funeri, quod in solario inter ipsos sepultum ja-  
cebat, præter hoc solum quod vix dominum suum re-  
cognoscentes, quem tradiderant, ejus ad caput cereum  
præfigerent, qui assidue in honorem boni consulis  
arderet a die obsidionis primo, usque ad diem quo  
introgressum est violenter ad ipsos. Nam farinam et  
legumina circa tumbam comitis reposuerant, quibus  
quotidie in usus suos assumptis vitam continuabant.

99. Cumque rex et sui studiosius exquirerent et  
præsignarent locum pertundendi templum, Robertus  
puer per unam fenestrarum templi caput efferens lo-  
quebatur militibus regis, obsecrans eos, ut inter-  
nuntii ejus forent ad regem, humiliter inquitens D  
omne iudicium principum terræ et baronum, domini  
sui regis velle subire, ut in lege ipsorum merito suæ  
excusationis, aut vivere promeretur, aut supplicio  
damnationis, si se non excusaret, exterminari. Nec  
ullus hominum ausus est internuntiorum verba in  
regis præsentiam proferre, tam graviter indignatus  
est rex illos traditores vel etiam videre. Cæterum  
cives nostri et milites regis et universi qui audierant  
quam humili oratione exorasset juvenis dominum  
regem, in lacrymas fusi condoluerunt ei, imprecantes  
pro eo domini misericordiam.

(189) *Arbalistis* quasi *arcubalistis*, hinc Gallica vox *Arbalète*, arcus instructus scapo seu balista.

100. Idus Aprilis feria quarta, confinxerant men-  
dacium obsessi morte Borsiardi, quatenus exorta  
lite inter Robertum puerum et ipsum, gladio occu-  
bisset trajectus, existimantes per hoc animos prin-  
cipum a severitate mitigari, netanto furore invaderent  
deinceps, sicut prius; et a turri evocabant mortem  
Borsiadi, quem mendose diffamabant. Alii eum eva-  
sisse asserebant. Quo audito, rex percepit obsessos  
illos jam diffidere sibi, timore et anxietate deficere,  
constantique animo edixit ut milites sui se arma-  
rent et invaderent templum. Quod ideo factum est,  
ut in congressu illo deficientes et lassati, in poste-  
rum obsessi illi non valerent toties tot assultus et  
invasiones sustinere, sed magis cedere et locum victo-  
riæ christianæ catholico regi Ludowico et militi-  
bus suis dare. Erat quidem in obruendo lapides et  
mittendo jacula, utrinque gravis aggressus a meri-  
die usque in vesperam.

101. Quo die rex accepit claves a decano Helia  
de sanctuario Ecclesiæ B. Christofori, eo quod ac-  
cusatus ei fuerat thesaurus comitis Caroli in eodem  
sanctuario fuisse repositus. Et cum introisset rex,  
nihil præter sanctorum reliquias invenit. Verum  
quippe fuit cuppam auream cum suo operculo et can-  
nam, scilicet argentum vas vinarium, præpositum  
de rapina comitis a nepotibus suis quasi pro dono  
in partitione rapinæ accepisse, et eadem vasa pro  
salute animæ suæ ad operam ecclesiæ Deo obtulisse.  
Cum ergo obsidio fieret, et fratres reliquias et feretra  
sanctorum a castro efferrent, in quodam scrinio illa  
duo vasa secreto et sub simulatione reliquiarum  
sanctarum imposita extulerant pariter cum cæteris  
reliquiis sanctorum, atque custodiendum illud scri-  
nium commendavit decanus præfatus cuidam simpli-  
ci presbytero Eggardo in ecclesia Domini Salvatoris,  
signatum sub veneratione dignissimarum reliquia-  
rum. Quod quidem scrinium quam devote ille sim-  
plex sacerdos suscepit, etposito eo in sanctuario  
preces effuderit, atque animæ suæ salutem depo-  
poscerit, testantibus compresbyteris quidem eccle-  
siæ manifestum fuit, omnique nocte candelas, ce-  
reos et luminaria et lampades accensas præposuit,  
non satis se venerari reliquias illas posse credens.  
Revera satis Sacerdos ille promeruerat, ut cum novo  
comiti redderentur vasa illa, semel aut plus ex  
eisdem vasis presbyter ille bonum vinum bibisset.  
Hunc igitur thesaurum rex quærens circumquaque,  
miserat investigatores et insidiatores, qui latenter  
thesaurum Caroli comitis recolligerent, nihilque  
super hoc profecit. Unde rex etiam Robertum pue-  
rum secundo die ante discessum suum apud Fran-  
ciam flagellis cæsum coegit, ut si quid de thesauro  
meminisset, quis partem aliquam possideret, regi  
intimaret. Cujus accusatione eodem die comes no-  
vus et rex obtinuerunt vasa prædicta, sicut in  
subsequenti dicturi sumus. Alii obsessorum evoca-  
verunt Borsiardum aut fugisse, ut sub illo mendacio  
parcius impugnarentur.

102. Decimo octavo Kalendas Maii, feria quinta, aries, qui instrumentum factus est pertundendum parietem templi, adductus est in fratrum dormitoris in eadem septa extrinsecus, juxta quam intrinsecus corpus boni consulis sepulture commendatum Deo suo jacebat. Statimque artifices arietis ascensoria graditiva erexerant in altum, et, ablato pariete ligneo dormitorii, qui propinquior templo steterat, summitatem ascensoriorum ibidem subdlexerant; quatenus usque ad murum et parietem templi gradatim possint armati progredi quicumque auderent. Nam fenestra in edificio templi primo, ex ordine antiqui operis illo patuit, quo jam artifices ascensoria direxerant. Sed paulisper inferius temperabant instrumentorum aditus, ita ut subtus fenestram percussiones arietis præordinarent, et pertuso pariete lapideo, eandem fenestram quasi pro ostio libere ingressi obtinerent: erantque gradus latissimi, in quorum fronte decem milites simul in latum ad pugnandum starent. Quibus præordinatis trabem maximam funibus suspensam in eadem parte super gradus illos ad perforandum templum direxerant, et laqueos eidem innexos, et simul armatos juxta laqueos quibus trahere retrorsum a templo in altum reductam, et in virtute et fortitudine retractam ad parietem templi percutere callide et argumentose constituerant. Super capita quoque ascendentium tegmina ex virgis inserta trabibus et connexa fuerant, ut etsi tectum dormitorii aliquo ingenio ab obsessis infringeretur, sub contextura virgarum securi agerent arietis impulsores, et parietes ligneos simul ante se proposuerant ad defensionem sui, ne jaculorum et sagittarum percussione ab intrinsecus læderentur. Igitur retro a muro et pariete templi reducto per laqueos ariete, quantum extensis brachiis suspensi possent, uno impetu et uno clamore arietis ruinam et casum valde ponderosum, virium suarum fortitudine et maximo conatu templo appulere; ex cujus singula percussione maximus lapidum cumulus in terram corruit, donec tota maceries et paries in eo loco, quo contusus est, perforaretur. In capite ejus quoque arietis ferramenta solidissima trabem præmunierant, ita ut nullo ingenio offensam aliam pateretur, quam illam, quæ vimolis et roboris sui sibi a se ingereretur. Longus igitur labor tundendi fuit a meridie inceptus, et post vesperam finitus.

103. Interim obsessi illi præsentientes debilitatem parietis et perfossionem citius futuram, quid agerent dubii et inconstantes, tandem intus ardentem composuerant carbonem pice et cera et butyro delinitos, quos tecto dormitorii injecerant. At in momento carbonem adhærentes tegulis, flammam vento flante vibrabant, ita ut maximæ flammæ concitate, circumquaque tectum corripent. A superiori itaque turri jaciebant molares lapides super tectum dormitorii, in ea parte qua aries pertundebat templum, ut utrumque et ignem injectum tecto, ne quis exstingueret, defenderent et lapidibus obrutis et de alto

A præcipitatis super perfossores templi a periculo introitus esse observarent. Tot et tanti lapides obruti non impediabant exactores arietis. Cum igitur super capita sua ignis flammam vibrantes conspexissent milites, unus ex illis tectum ascendit, et inter tot jactus lapidum et jaculorum ignem vix exstinxerat. Patuit igitur post tot percussiones arietis foramen maximum in pariete templi, qui citius satis quam credebatur perfossus est, eo quod a tempore antiquæ exarsionis templi, pluvia et inundatione imbrum totum ædificium ecclesiæ quasi putridum staret, quia hactenus sine tecto ligneo nudum fuit. Tunc clamor infinitus elevatus est extrinsecus, et universi qui et in foribus impugnaverant obsessos, et in choro inferius, et undique per fenestras et in omni parte, qua accessum poterant sibi præstitisse, rescito eo quod perfossus fuisset templum, acriori animo et cupidissima victoriæ audacia decertarunt, qui quidem omnes a meridie usque in vesperam constanter utrinque aggressi sunt, pene deficientes labore pugne et armorum ponderositate.

104. Sed jam intellecta arietis perfossione, recreati et animositate confortati, quasi jam ad arma proruisissent primum, infestare cœperunt obsessos et sine simulatione persequi. At miseri obsessi cum numero fuissent pauci, satis pauciores erant in pugna, qui simul in uno loco pugnandi nox habuerant gratiam, sed ad omnes accessus, scilicet in foribus, fenestris, choro et in eo maxime loco quem aries jam possederat, incommoda vitæ perpessi jam divisim undique repugnantes, ab inimicis suis dispendium et perditionem deinceps suspiciebant. Illi quidem qui in templo contra arietis exactores lapides, sagittas, contos, sudes, et universi generis tela contorsérant, timidiore ideo fuerant, quod pauci essent et quod complices illorum divisim et pene deficientes præ labore diutino, contra tam gravem exercitum pugnarent; insuper armorum egentes, unde se tuerentur, non haberent: quantum tamen ausi sunt, obstiterunt. At quidem illi exactores arietis et cæteri milites regis et nostri loci juvenes armati et audaces, avidique pugne, cum ex adverso inspexissent obsessos, jam animos revocaverant suos, præ oculis cordis habentes quam egregie pro patre et patria moriendum foret, et quam honesta victoria vincuntibus proposita esset, quamque celestis et facinorosi fuissent traditores illi qui de templo Christi speluncam sibi fecissent, et quod magis videbatur, quam avide et cupide propter thesauri et pecuniæ domini consulis rapinam irruerent super obsessos ipsi, et idcirco solummodo festinabant. Sed cujuscunque animi fuissent sine ordine, sine pugna, absque omni respectu armorum esse uno impetu per medium foramen præcipitaverunt, ita ut simul irruentes locum et tempus auferrent obsessis pugnandi vel aliquos interficiendi. Non enim cessabant ruere, donec sine interruptione quasi pontem seipos fecissent, et quod mira Dei gratia dispensatum est, sine vitæ suæ periculo mortali ingressi



sunt, alii ruendo, alii offendendo, alii intrusi violenter, alii surgere conantes a casu prosternentes, alii, sicut solet fieri in tanto tumultu, sine ordine irruentes, vocibus et clamoribus, atque cursum et ruinæ armorumque stridore et fragore, non solum templum, sed omne castrum et viciniam ejus replentes introrsum, sicut exterius Deum laudantes et benedicentes pro victoria qua victores suos honestavit, regem et suos sublimavit, super omnia majestatis suæ Deus nomen glorificavit, Ecclesiamque suam ab inquinatoribus in parte mundavit, et gloriosum illum martyrem suum consulemque bonorum tuum primum defendendum pia veneratione et oratione fidelium suorum circumfultum donavit.

105. Quod igitur prius non licuit, tunc tandem Fromoldo juniori licuit, ex longo desiderio et ardenti animo vota Deo pro salute domini sui consulis offerre, lacrymis et cordis contritione sacrificium mactare et gaudio gaudere pro inspectione loci in quo dominus suus humatus quiescebat; et tunc primum exsequias præparabat domino suo, quem per tot dies sepultum, id est, quadraginta quatuor, videre non poterat. Neque enim corpus ejus, sed solum vidit aforis sepulcrum: optabat quidem, et oris et cordis oratione deprecabatur, ut Deus in die resurrectionis communis inter rectores fideles et summos suæ præsentis Ecclesiæ principes, concederet sibi tandem dominum suum Carolum principem duplici gloria sublimatum videre et cum ipso manere et gloria contemplationis Trinitatis sanctæ cum illo perenniter beatificari. Reputaverat igitur pro grandi dono, quod juxta tumbam domini sui liceret sibi mortem deflare, casum totius patriæ conqueri et quem viventem dilexerat, jam traditum a servis summa dilectione exsequi. Non sine lacrymis quidem hoc faciebat. « O Deus! quot eo die tibi vota tuorum fidelium dignaberis suscipere: et quidquid intermissum fuerat in eadem ecclesia culturæ divinæ nimirum recompensatum fuit ea hora magnitudine et multiplicitate justorum votorum. » Stabat itaque cereus ardens ad caput consulis, quem posuerant in honorem et venerationem domini sui traditores illi. Postquam ergo irruerat in templum super obsessos et clamor concitatus est fugiendo, retraxerant se tam a pertusione quam a foribus et a propugnaculis suis pessimi hominum, conscensaque turre ad se defendendos in gradibus resistebant persequentibus. Igitur victores christianissimi milites regis Franciæ gradus obstruere et intercludere festinabant, lapidibus et lignis, scriniis et trabibus et cæteris supplementis, ita ut nullus obsessorum decedere posset in solarium, in quo consul jacebat. Et ascendens rex in templum, planxit mortem nepotis sui Caroli; et apposuit custodiam, quæ cautius observaret turrim. Alternis ergo vigiliis regis milites observabant turrim cum obsessis. Quidquid

A igitur inventum est in solario illo quod rapi potuit, omnium præda fuit. Tandem canonice ejusdem templi per scalas a choro in solarium conscendentes, ordinaverunt quosdam de fratribus quia singulis noctibus vigiliis circa sepulcrum comitis agerent. Cumque, contractis utensilibus templi, nihil in priori statu permansisset, circumspexerunt altaria et mensas altari Deo custode permansisse immota, et congaudentes congaudio fratres quidquid deinceps obtinuerunt, non jure vel merito, sed pro solo Dei dono obtinuerunt. Conclisit ergo Deus diem illum in conclusionem (sic) inimicorum suorum et in victoriam fidelium, exaltando nomen imperii sui in omnes terrarum fines. Non tamen desistebant obsessi illi vigilias suas sibi in turre instituere, cornibus canere, et quasi adhuc aliquid hominii obtinuissent, in tam arcto imperiose agere, se ipsos non recognoscentes, fuisse miserimos. Dati enim fuerant in reprobum sensum. Quidquid ergo deinceps egerunt, nec Deo nec hominibus probabile fuit, sed reprobatum et odiosum.

106. Decimo septimo Kalendas Maii, feria sexta, convenerunt Burgenses coram rege proni in terram et adoraverunt ejus dignitatem, quatenus pro precum et servitorum suorum meritis, Robertum puerum exeundi ab obsessis libertate donaret, et ejus innocentiam purgationem legitimam susciperet. At ipse rex petitiones eorum se facturum assensit, salvo honore et gratia propriæ personæ simulque principum terræ, sine quo consilio nihil super eo acturum statuerat. Decimo sexto Kalendas Maii Sabbato, castellanus Gandensium cum Arnaldo ex Grandberga (190), et collectis proceribus viciniae suæ antevenit, regem obsecrans omni modo pro liberatione Roberti pueri. Cui rex ait nihil cum honore suo posse eis consentire absque principum communi consilio; alioquin contra fidem et juramentum suum ageret.

#### CAPUT XV.

*Novus comes Audomaropoli susceptus. Jus competitorum. Posteritas Balduini Insulensis comitis indicata. Familia Bertulphi præpositi adulterio et homicidio infamis.*

107. Decimo quinto Kalendas Maii, Dominica Surrexit Pastor bonus, nuntiatum est regi comitem novum Flandriæ in S. Audomaro cum honore, more prædecessorum comitum terræ, gratanter susceptum. Nam obviam processerant pueri, arcus et sagittas ferentes, ad occursum comitis agiles et velociores, turmatim procedentes, quasi per pugnam resistere simulantes, succinoti et præparati arcibus intensis et nervis, quibus, si expediret, sagittando invaderent comitem et suos. Viso ergo puerorum occursum, consul et sui, quidnam sibi voluissent, per internantium requisivit. Et acclamaverunt comiti, quatenus feudum quod a prædecessoribus suis sam-

(190) Grandberga et Grandmontium voces contractæ, pro Gerardiberga et Gerardimontio, quod est oppidum intra territorium Alostanum. In Chronico

S. Bavenis dicitur terra Alostensis et Grandimontis. Ita Joannes van Waebreg in Gerardimontio, quod libro singulari descripsit.



per pueri nostri obtinuerant, hoc a te obtinere juris erat nostri, circa nemorum saltus in festis Sanctorum et ætatis tempore licenter vagari, aviculas capere, spiriolas et vulpes sagittare, et hujusmodi puerilia recreando satagere. « Hæc ergo licenter egimus hactenus et volumus eadem a te licentia ludorum nostrorum mores deinceps renovare. » Proinde succedenter cives obviam armata manu processerant, expectantes puerorum suorum reditum et comitis novi adventationem. Igitur comes Willelmus, qui ætate juventæ pubescebat, puerilia vix tempora excedens, jucundo animo ludicra pueris morose concessit, et plausu et adjocatione cum pueris, vexillum et signum puerorum arripiens, jucundabatur. Cui laudes canere et tripudiorum voces personare cœperant, cum cives eminus prospicientes viderunt a pueris solemniter comitem susceptum, et cum plausu et pacis veneratione circumfulsum ad ipsos usque descendentem. Igitur postquam simul convenerant et comes et populus, cum processione clerus loci ejus honoris ac gloriæ sublimatione obviam venit in thure et cereis, sicut mos est in susceptione comitatum noviter obtinentium, vocum jubilatione et melodiarum consonantiis personantes, omnibus civibus applaudentibus suscepterunt et usque infra ecclesiam eadem melodiarum suavitate solemniter perduxerunt. Ubi debitum orationis Deo obsequium catholice electus devote obtulit, simulque pro eo populus et clerus, ut ipso administrante comitatum, Deus ita regeret et protegeret, quatenus deinceps pace et salute, et comiti et Deo sua redderent. Post susceptionem vero, hominia et securitates fecerunt. A Terruannorum urbe quidem descenderat in S. Audomarum.

108. Illa quoque tempestate Hugo Campus-Avenæ et Walterus ex Frorerdeflo cum suis apud Ariam castrum insultum fecerant, ubi Willelmus ille adulterinus comes Iprensium intus se et suos receperat, et locum et castrum præmunierat. Ipse enim comitatum arripuerat, violenter obtinuerat Flandriarum castra et munitiones adhuc plures, scilicet Ipram castrum, Formeslam oppidum, Casletum castellum, Furnum castrum, Ariam castrum et omnem viciniam circa castra prædicta, et Bergas castrum, et cætera. Ipse namque de linea comitum spurius erat, atque ea affinitate cognationis comitatum obtinuisse existimaverat. Duos igitur milites præfati principis dejecerunt et equos quinque lucrati sunt. Eadem tempestate Baldewinus ex Alst et Razo cum gravis-

(191) Hoc *Barbati* cognomen ab aliis fere tribuitur patri hujus Balduino IV, Arnulphi Junioris filio, et sic diplomati Roberti regis Francorum anno 1134 additum signum *Balduini comitis Flandriæ, honestæ-barbæ*, cui ipso eodem anno mortuo successit filius Balduinus V, *Pius et Insulanus* cognomine, et decessit 1067.

(192) Balduinus VI *Montensis* dictus, quia per uxorem Hannoniam obtinuit, mortuus anno 1070, in monasterio Hasnoniensi sepultus, uti et Richildis uxor, mortua anno 1086.

(193) Gertrudis nupta Theodorico duci Lotha-

Asimo Gendensium exercitu obsederant castrum Oldenarda, in quo comes de Montibus se et suos introductos præmunierat, ad invadendum regnum Flandriarum quod sibi jure cognationis justius pertinebat.

109. Nam, ut paulo altius retexamus comitum prædecessorum suorum originem, Baldwinus comes barbatus (191) principium generis subsequentium comitum fuit. Hic vero cum diem obierat, in Insulis humatus est; habuit itaque duos filios post se hæredes terræ Flandrensis: Baldewinum et Robertum. Utrosque quidem pater, dum viveret, uxores ducere præcepit; et Baldewinum (192) in Hænau Richildem comitissam de Montibus accipere in conjugem fecit. de qua genuit filios duos vir ejus; alter eorum vocatus est Baldewinus, et alter eorum Arnoldus, Robertus igitur duxit Gertrudem comitissam Holdlandensem uxorem, de qua post peractam traditionem genuit abbatissam Messinis, et Gertrudem (193) matrem Simonis et Gerardi, quæ quidem ducissa fuit in Elsatam: Theodericus dux eam duxerat. Genuit etiam matrem Caroli comitis Adalam quæ a primo viro soluta in Salerniam duci nupsit. Vir quoque ejus primus rex Daciæ Cuuto, a suis traditus, in ecclesia occisus, martyrium pro justitia moriendo, cum sanctis possidet. Cumque ille primus pater Baldwinus viveret, filios suos alterum a sinistra et alterum a dextera, quasi duas alas, quibus per omnes terras suas volaret, expanderat. Ipse quoque medium, scilicet Flandriam, solus regebat.

110. Cumque plenus dierum honorum obiisset, senior filius ejus Baldewinus comes de Montibus cum uxore sua Richilde comitatum obtinuit Flandriæ. Igitur timens ne aliqua inquietudo vel traditio per fratrem suum Robertum sibi fieri posset et filiis, hominum et securitatem a fratre sibi fieri requisivit et filiis suis. Cumque super hoc cum principibus consilio habito utile fore tam patriæ quam sibi prænosset, accessit fratre suo consule Aquatico (194) Roberto, in Brudgis curiam suam convocavit, simulque pares et barones totius sui comitatus. In quorum omnium præsentia promulgavit hujuscemodi verba: « Ego, Flandriarum comes Baldewinus, in posterum volens præcavere patriæ huic et liberis meis, ne a fratre meo per dolos et traditiones filii mei et incolæ terræ meæ aliquid injuriæ et exhæredationis patiautur: obsecro et præcipio fratri meo Roberto, comiti Aquarum, ut fidem et securitatem juret filiis meis post mortem meam, ringiæ superioris, seu Mosellanæ, filio Gerardi Alsatii genuit Simonem, Theodericum, Gerardum et Henricum: ex his Simon patri anno 1115 mortuo in Lotharingia successit, defunctus anno 1129. Theodericus præfuit Alsatiæ, ac postea Flandriæ. Legendæ Origines Alsatiæ et Lotharangiæ ab Hieronymo Vignier editæ, pag. 112 et seqq. Henricus fuit episcopus Tullensis.

(194) Robertus Frisius dicitur *Aquaticus*, quia obtinebat insulas Zelandiæ cum vicina hodiernæ Flandriæ parte, quam Quatuor ambactorum appellant, loca unde quaque inter aquas sita.

ut neque fraude vel subtracto vim et dolum inferat filiis meis post obitum meum, sed in sua et suorum persona fidem filiis meis, scilicet nepotibus suis, jurabit et tenebit, ipso vivente, sicut melius sciri poterit. Et dabo sibi munera et donaria multa sub earum conditione. » Igitur in ecclesia B. Donatiani in Brudgis juramentum factum est super sanctorum reliquias infinitas, quas afferri comes Baldewinus præceperat, in præsentia omnium qui eo tempore tam pares quam principes erant in terra, et acceptis donariis consul rediit.

111. Igitur cum Balduinus vir Richildis in Brugis obiisset, filius ejus Arnoldus, cui patria pertinebat, cum mater versus Montes et viciniam maris rediit, circa Casletum et S. Audomarum et illas partes conversabatur. Nondum enim juvenis ille arma acceperat, sed militiæ virtutem arripuerat. Audierat namque Robertus comes Holdlandensis, patriam relictam nepotibus suis adhuc parvulis ætate, et matrem puorum simul se a confinio circa Bruggas jacente subtraxisse, habuit occasionem per hoc, et principium opportunitatemque traditionis. Misit latenter et in dolo ad principes et majores viciniæ circa mare, scilicet in Isendica, Ostburg, Reddenburg, et Brugis, et ad Flandrenses marinos, et pretio et sponsionibus confœderavit sibi eos, quatenus ipse per illos patriæ comitatum obtineret, nepotesque, qui parvuli et inutiles exstitissent, propelleret. Habuit quemdam clericum in familia sua, qui internuntius hujus traditionis fidelis fuit. Qui cum toties Brugas veniret et circa confinia Flandriæ, cœpit rumor diffamari, quod clericus ille traditionis internuntius esset. Tunc ille subterfugiens alio tempore iterum mandata domini sui deferens principibus, simulaverat se fuisse cæcum et præeunte duce suo, ipse subsequebatur suspensis manibus, et palpitans baculo, sicque peregit corde et oculis cæcus traditionem mortis et cæcitalis. Igitur cum omnium principum patriæ animos, fidem et securitatem comes Holdlandiæ obtinuisset, navibus insidens, cum armata manu clanculo tantummodo venit in Flandriam, accitisque omnibus traditoribus clanculo, nocte quadam signum dederunt complicibus suis, ut in loco qui dicitur Clipello, domum incenderent, et illic ad signum flammæ convenirent. Cumque eodem signo omnes convenissent, fuit eorum turba multiplex et valida, et abierunt deinceps aperte persequendo puerum Arnoldum, qui eo tempore in Casleto rem ignorans, degebat cum paucis qui etiam conscii traditionis puerum dominum suum exhortabantur, ut cum patre suo traditore bellum iniret, et quia juste resisteret ei, victoriam ei promittebant a Deo concedendam. Igitur puer Arnoldus animatus ad bellum cum militibus admodum paucis occurrit, quem in ipso tumultu belli, ipsi servi sui, qui cum armaverant et armorum cælaturas præmoverant, quasi extranei et alii essent

(195) Anno 1072.

(196) Balduinus *Micosolymitanus* dictus ex Ida Henrici IV imperatoris filia reliquit Balduinum III,

A quam servi, dejecerunt, puerum dominum suum et gladiis jugulaverunt (195): traditoque domino suo, universi, qui in parte pueri pugnaverant, in fugam conversi, alii interfecti, ibidem exspiraverunt; alii lethaliter vulnerati, mortem in paucis vitæ flatibus perpeesi sunt. Multi quidem mortui, multi vulnerati, multique capti sunt. Securus ab hoste comes Robertus cum exercitum suum pererraret, quidam Vulfricus Kabel, qui fidelis adhuc permanserat cum puero, quem interfectum ignoraverat, in virtute et cum potentia sua cœpit Robertum consulem traditorum illum et conjecit in captivitate. Sedato ergo tumultu illius diei, convenerunt omnes pares patriæ, et obsederunt undique castellanum illum Vulfricum, in S. Audomaro, et coegerunt illum reddere Robertum comitem: quem cum reddidisset, in consulem patriæ præstitit. Frater igitur Arnoldi traditi pueri, qui superstes remansit, nomine Baldewinus (196), hæredes post se reliquit, de quorum linea iste puer de Montibus comes et miles strenuus, jure patriam obtenturus Flandriarum, nunc audita traditione consulis Caroli, pro jure hereditario requirit patriam et hæreditatem suam Flandriam totam. Facit igitur quod potest, et novo Comitum nostro sum facere parum est, et notandum id hoc facto antiquæ traditionis illud propheticum: « Quoniam Deus iniquitates patrum solet vindictæ severitate corrigere in tertiam et quartam generationem (*Deut. v, 9*). »

112. Robertus itaque ille, qui nepotem suum tradidit primus numeretur, filius quoque ipsius, Robertus qui in Atebato jacet, secundus et successione et comitatu. Post quem filius ejus Baldewinus comes, qui in S. Audomaro jacet, tertius fuit. Post illum vero comes, optimus omnium consulum consul, terrenæ dignitatis sidus et lumen præcipuum, quartus fuit, in cujus traditione et martyrio Deus antiquæ traditionis terminavit vindictæ correctionem, et pro justitia patriæ occisum transduxit in requiem sanctorum, in eodem loco, in quo olim juratum est. Utrumque Deus in secunda traditione dispensavit, et antiquæ traditionis vindictam exercuit, et pro justitia morientem statim intet sanctos martyres suscepit. Igitur postquam Robertus comes ille, qui nepotem suum tradiderat, in consulatu sedisset, traditores Flandriæ, qui sibi comitatum tradiderant, semper suspectos habuit et ad suum consilium nullo modo accedere permisit. Igitur videntes se a consule suo contemni et despici, seorsum inierunt consilium, ut dolo interficerent consulem, et fratrem Arnoldi pueri traditi, nomine Baldewinum, in consulem susciperent, sicut justum erat, quia justior hæres Flandriarum erat; iterum sicut olim in desertum locum convenerunt, tractantes mortem inferendam domino suo. Cumque accepta opportunitate tradendi redissent, unus militum, qui intererat traditioni, ad pedes comitis provolutus accusavit cæteros nefandæ

qui ex Iolenta Gerardi Wassenbergii filia genuit Balduinum IV, hic puerum dictum.

traditionis illius complices, qui mortem comitis juraverant. Igitur ad bellum accusati, per consulem evocati et convicti decollati sunt alii, et alii exsilio damnati, plures quippe proscripti. Tandem si dignum esset auditu, quod vere non est, sed admiratione sola scribendum in quarta vel tertia generis linea, Deus vindicavit consequenter in genere traditorum, scilicet antiquam traditionem novis periculis novo genere præcipitationis.

113. Paulo superius igitur principium generis præpositi, et nepotum suorum recognoscere libet. Boldranus castellanus fuit in Brudgis, cujus uxor erat nomine Dedda vel Duva. Hujus Boldranni homo miles fuit Erembaldus (197) de Furnis natus. Imperata fuit quædam expeditio (198) Flandrensibus, et itum est equis et navibus pro defensore patriæ usque ad locum periculi et insultus terræ. Cum vero navibus perlaberentur Scaldim fluvium, Boldrannus castellanus et Erembaldus miles suus, cui præ cæteris confidebat, cæterique plures omnes loricas induti et ad pugnam præparati, venit nox, et fixerant anchoram in medio amne ut diem expectarent. At præfatus ille Erembaldus adulterio abutebatur sæpe uxore domini sui castellani. Illa quoque adultera, sicut aiunt, promiserat adultero suo vicecomitatum, si forte vir ejus cito moreretur. Unde adulter semper domino suo machinabatur mortem. Facto quoque noctis silentio, dum castellanus ad migendum in ora stetisset navis, ille Erembaldus retro accurrens, longe a navi projectum dominum in profundum torrentis aquosi præcipitavit. Hoc vero dormientibus cæteris factum est, et nemo præter adulterum illum sciebat quo devenisset castellanus ille, qui absque liberis submersus erat. Reversus ergo Erembaldus, adulteram suam duxit uxorem, et facultatibus opum domini sui emit vicecomitatum. De qua uxor genuit præpositum Bertulfum, Haket, Wifricum Cnop, Lambertum Nappin patrem Borsiardi, Robertum quoque castellanum post ipsum secundo loco, post ipsum Robertum filius ejus Walterus castellanus tertio vicecomitatus loco hæres successit; post hunc Haket castellanus fuit, sub cujus tempore Carolus comes traditus est. In hoc ergo gradu quarto punita est in successores suos antiqua præcipitatio Boldranni nova ista præcipitatione, quæ facta est a propugnaculis cameræ comitis in Brudgis, et forsitan dispensante Deo punitum est in eis peccatum parentum, sicut in Exodo legitur, ubi ait Dominus ad Moysen in xxxiii capitulo ejusdem Exodi, ubi leges de universis protulit Deus dicens: « Ego sum Dominus Deus tuus fortis, zelotes, visitans iniquitatem patrum in filiis, in tertiam et quartam generationem eorum qui oderunt me. »

114. Revertamur igitur ad describendum in Oldenarda eventum, quia comes de Montibus cum Bur-

(197) De hac familia supra § 3 actum.

(198) Balduino pio, sive lasulensi, uti ibidem probatum.

A gensibus ejusdem loci et militiæ impetu irruit super Gendenses, et conversos in fugam, alios interemit, alios vulneribus iniecit, et multos cæpit. Major quidem fugientium pars submersa est fluctibus ipsis, qui navibus de vecti obsidionem præordinaverant. Prævaluerunt enim comes et sui circa fines illos. Castrum quod Ninive (199) obtinuerat, et satellites suos in eo posuerat acutiores et fortiores. Eodem die in Brugis armiger unus a turre per funem elapsus est, qui statim captus trahebatur ad carcerem et in eo intrusus diem suæ perditionis quamvis nolens, exspectabat.

#### CAPUT XVI.

*Deditio obsessorum in turri. Reconclitatio ecclesiæ S. Donatiani. Exsequiæ B. Caroli. Ipsa intercepta.*

B 115. Decimo quarto Kalendas Maii, feria secunda, iterum cives nostri ad genua regis devoluti deprecabantur pro Roberti liberatione. Indignatus vero rex despexit eos, qui toties ipsum vexarent. Et iratus jussit servos suos accelerato ire et ferramentis turrim succidere. Statimque ferramentis demoliebantur turrim inferius. Quibus succidentibus obsessos timor mortalis invasit, ita ut sine modo stupore laborarent, cibus eis et potus fastidiret, omnes sensus hebetarent et languerent. Proinde macerati esurie et siti, cum sufficienter haberent, quo vitam continuarent, evocabant illos quos foras viderant vagantes in curte castri, qui casum et ruinam turris succisæ jam in parte exspectabant, quia vehementi sitis ariditate arecerent, simulque esurie et fame languerent, et mira Dei dispensatione factum est, ut ipsis traditoribus vinum suum acidum et sine sapore jam haustum et potatum feteret, frumenta et panes putrida saperent, et aqua insipida eis nihil prodesset, ita ut gustu et odore putrido fastiditi, fame et siti pene defecissent. Hac igitur egestate coacti, quærebant ex eundi a turre licentiam, et abeundi in quemcumque alium locum, quo principes decernerent ipsos ituros. Succisores igitur turris jam gradus avulserant, et parumper restabat, quod in brevi succisum, casum et ruinam gravissimam faceret.

D 116. Decimo tertio Kalendas Maii, feria tertia cum intellexissent turris majores partes succisas et periculum ruinæ imminere. Namque ad singulas malleorum percussiones in summitate turris senserunt repercussiones et nutationes, et turrem jam quasi trepidantem et contremantem, timore infinito timentes inierunt consilium ut ante sese regis potestati redderent, quam oppressi in ruina et casu turris suffocarentur. Evocabat ergo Robertus puer se et complices suos regi reddendos, illa tamen conditione, ut ipse Robertus absque carcere teneretur quantum et cæteri truderentur in carcerem. Habito ergo principum super hoc consilio, rex secundum expositulationem obsessorum concessit ex eundi libertatem,

(199) Ninive aliis *Nienhovia*, oppidum ad Teneram fluvium in ditioe Alostana.

eo quod utilissimum erat illos sponte se reddere, et sine periculo mortis obsidentium et turrim succidentium. Exierunt ergo singulus et singulus usque ad xxvii versus domum præpositi per fenestram in gradibus turris obliquatam. Cæterum qui corpulentiores erant per funes elapsi sunt a majori fenestra ejusdem turris. Robertus puer commendatus est militibus regi custodiendus in camera comitis superiore; at cæteri omnes in carcerem detrusi sunt. Voluit tandem pro civibus nostris rex quasi magnum quiddam facere, et commendavit eis Robertum puerum custodiendum in compede et nervis, ea conditione, ut iudicio principum postmodum tractandum regi et comiti redderent. Cives vero pro grandi dono sub prædicta conditione susceperunt in custodiam juvenem adhuc ephebum.

117. Hic vero notandum, quomodo Deus traditores illos in paucitatem redegerit et genere et loco. Ante hoc facinus quidam fortiores et meliores ejusdem sanguinis prædecessores obierant quos ex nomine retexere longum esset. Ad ultimum isti pessimi relicti sunt, per quos dispensatio Dei consummata est, traditio completa, patria desolata, rapina exercitata, manus omnium contra omnes armata. Cum igitur impune fecisse existimassent omnia, quæ traditiose egerant, et nullus hominum auderet vindictam inferre, soli Deo relicta est vindicta; qui statim coarctavit eos, et timore concussit, ut non auderent extra vicum nostri loci prodire, sed magis consiliati sunt villam et suburbium nostrum sepire et circumfodere, sicut supra memoravimus. Statim die octavo post mortem consulis, per obsidionem in castro clausi, deinde cum castrum fuisset invasum a nostris, in turrim fugati, magis coarctati sunt: deinde in carcerem trusi, in tantum arotati sunt, ut non possent simul omnes sedere, nisi tres quatuor ad minus stetissent. Tenebræ, calor et fetor et sudor inficiebat illos, et desperatæ vitæ horror et incertæ mortis futuræ turpitudine. Maximæ eis fuisset pietatis quidem donum indultum, si sic mori licuisset, quomodo fures aut latrones suspendio perierunt. Igitur cum in turri sese præpararent exituros, unus juvenum per fenestram altiore turris, gladio projecto, prosilire præsumperat, et sese raptim in cursu animaverat. Quem quidem reatus conscientie condemnaverat, fortis animi sui libertatem corpore exsequi paratus erat. In ipso ergo raptu, alii eum detinuerunt, et simul cum ipsis in carcerem ire perpressus est. Multi vero ex nostris civibus viso periculo juvenis et miseria captivorum, flebant, quia si per lacrymas dominos suos captivos ire in carcerem videre non poterant. Exierunt tandem pallidi illi miseri, signa traditionis in facie portantes, livore et inedia deformiter signati. Tunc quippe in exitu ipsorum concurrentium in turrim inflatus erat

(200) Flandriæ extrema ex adverso Selandiæ: vix tenuis rivulus interjectu distincta a Cadsandia.

(201) *Bacones* luridum seu caro porcina: Gallice et Anglice *bacon*. *Flandris bæcke-speck*.

numerus, et omnia quæ ibidem receperant, pro præda abutulerant. Tumultuantibus vero et discurrentibus nostris in turri, Benkin coterellus fune a turri in terram demisso, elapsus est, et latuit qua potuit donec per noctem transfugisset apud insulam in mari, quæ dicitur Wulpem (200). Quem quidem unanimiter requirentes etiam in cloacariis et in immundis locis latuisse illum crediderant. Spe lucri et obtinendi thesaurum comitis fere omnes, qui in obsidione tunc aderant, in turrim conscendere satagebant. Tunc Gervasius castellanus milites suos armatos intus posuit, qui tumultuantes et ascendere volentes deinceps prohiberent. Et obtinuit vinum traditorum optimum, etiam coctum vinum quod consulis erat, *bacones* (201), caseorum *pisas* (202) viginti duas, legumina, farinam triticeam, ferramenta etiam optima quibus panes excoquerent, omnemque suppellectilem et vasa quibus utebantur, optima. Tamende thesauro comitis nihil ibidem repertum est.

118. Duodecimo Kalendas Maii, feria quarta, rexit ad Reddenburg, videre situm loci, et qualiter ille Lambertus se circumvallaverat, qui traditionis nota et crimine culpatus, obsessus erat. Quo die fulgore solis et leviter aeris Deus mundum circa nos renovavit, quia traditores et templi et ecclesiæ coinquinatores expulerat a sacro loco, concludens eos in carcerem. Hujus ergo gratiæ Dei donis lætificati fratres templi, omnimodis ablutionibus pavimenta et parietes et altaria templi, mundando, nihil reliquere quod non abluerent: gradus quoque succisi fuerant reedificaverunt, et quasi renovato templo, novis utensilibus et reedificationibus locum suum exornaverunt.

119. Undecimo Kalendas Maii, feria quinta, consecutum est corium cervinum in quo corpus comitis imponeretur, et scrinium quoque fabricatum est, quo imponerent et clauderent.

Decimo Kalendas Maii, feria sexta, præteritis jam septem hebdomadis primæ ejus sepulturæ, sepulcrum comitis destructum est in solario, et corpus ipsius inde cum thymiamate et thure, et pigmentis venerabiliter sublatum est. Nam fratres illius ecclesiæ crediderant corpus comitis jam fetere et neminem posse perpeti mortalem fetorem, eo quod per septem hebdomades a die sepulturæ in solario factæ, in feria sexta primo, usque in feriam sextam quæ fuit succedenter in x Kalendas Maii, sepulcro commendatum esset. Igitur præordinaverant ut in sublatione corporis a tumulo, incenso igne, juxta positionem comitis thymiamata et thus posita in igne concremarent, et ita si quid feloris a tumulo spiraret, virtute odoris salutiferi reprimeretur. Cumque sublato lapide nihil fetoris sensissent, corpus in corium cervinum involutum in medio phori feretro imposuerunt. Rex ergo collecta civium et universorum

(202) *Pisa cascorum*, certa eorum quantitas. Ita Theodericus comes inter alias donationes anno 1130 monasterio Quercetano Brugis factas, concedit *quatuor pisas cascorum de elemosynis mensæ suæ*.

multitudine in templo expectabat, donec episcopus et cum ipso abbatibus tres ab ecclesia S. Christophori cum omni clero procedendo cum scriniis SS. Donatiani, Basilii, Maximi, obviam funeri et regi in ponte castrum occurrerent, et in eandem S. Christophori ecclesiam cum lacrymis et suspiriis referrent corpus beatum. Ibique episcopus cum omni sacerdotum choro celebravit commendationem et missam omnium fidelium defunctorum, pro salute animæ boni comitis. Eodem die captus est Benkin coterellus (203), et in rota malo superinfixa ligatus, disperditionem vitæ perpeusus, omnium spectaculum fuit. Apud Harenas quidem illo tormento miserabiliter mori promeruerat.

120. Nono Kalendas Maii, Sabbato, edictum exiit a rege et principibus, ut apud Ipram et Stathan (204) expedirent se cives et præpararent ad obsidendum. Octavo Kalendas Maii, Dominica, consecrata est ecclesia S. Salvatoris in Brugis. Ignis enim conflagratione exusta erat illa ecclesia, et altaria confracta. Septimo Kalendas Maii, feria secunda, quia ecclesiæ B. Donationi altaria non fuerant confracta, episcopus reconciliationem celebravit ecclesiæ summo mane. Deinde rex et populus, præcedente episcopo et abbatibus et omni clero loci ejus, processit ad ecclesiam S. Christophori, et relato corpore beati consulis, domini et patris nostri Caroli ad ecclesiam B. Donatiani, in medio chori celebriter Deo suo commendatum corpus, tumba decenter clausurunt. Exsequiis igitur solemniter completis, rex et episcopus introduxerunt in statum prælationis Rodgerum (205) præpositum in medio fratrum ejusdem ecclesiæ. Eodem die rex et castellanus noster Gervasius cum magno exercitu versus Stathan et Ipram simul cum civibus nostris transierunt. Eodem die festum erat Marci Evangelistæ. Et notandum quod tria maxima dona contulit Deus ecclesiæ S. Donatiani illo die, quoniam reconciliari sibi Deus dignatus est ecclesiam illam: corpus boni consulis in ea custodiri concessit, eidemque ecclesiæ in præpositum Rodgerum accommodavit.

121. Sexto Kalendas Maii, feria tertia, rex et comes cum gravi exercitu obsedit Ipram, et facta est fornatio, et militiæ utrinque acriter occursum, quando ille adulterinus comes Willelmus cum trecentis militibus ad unam portarum pugnaret contra comitem novum. Igitur pessimi illi Iprenses, sicut eorum pepigerant cum rege in alia parte villæ, introduxerunt regem et ejus exercitum infinitum. Et introuentes concitaverunt clamores et incendia domorum ex abrupto. Rapinam quoque exercuerunt, quando ille adulterinus comes Willelmus obviam

(203) *Coterelli* dicuntur viliores homines, quod in casis et inguriis degant unde et *cota* seu *colla* reperitur. Rigordus De gestis Philippi Augusti *comes Piclaviensis multitudinem cotarellorum ad castellum Radulphi pro succursu miserat.*

(204) *Stathan* aliis *Staden*, tertia itineris hora ab Ipris versus Brugas, cujus prætorium æri incisum exhibet Sanderus in *Castellania Iprensi* pag. 398.

raptoribus occurreret, ignorans traditum fuisse castrum, simulque seipsum et suos. Quem igitur comprehendit rex et comes, et captivum apud Insulas traduxerunt custodiendum. Multi quidem post mortem Caroli consulis ascenderant ad illum, sicut capellani et ministri, et solidarii et servi de familia quotidiana comitis, eo quod isdem adulterinus comes Iprensis de linea comitum progenitus fuisset. Furnenses quoque cum ipso militabant, ea de causa, ut si forte perstitisset in consulatu, inimicos suos disperderent ejus viribus et potentia. Sed quia Deus pravorum mentes percudit, in contrarium illis accidit. Nam inimici eorum, audito eo quod Iprensis Willelmus captus fuisset, incursum fecerunt in possessiones et domos et familias hostiles, et igne et ferro demoliti sunt omnem substantiam eorum, quos oderant. Et ita non fuit miseris illis satis, quod capti sunt, quin etiam dispendia rerum suarum domi paterentur. Ergo et militiæ et domi persequatur Deus traditores illos, qui cum suo Iprensi consule in mortem domini et advocati terræ conspiraverunt. Omnia ergo quæ ille Iprensis Willelmus possederat, comes noster obtinuit, milites quoque captivavit et plures a terra fugavit. Victoriose itaque a nostris eo die actum est, et reversi sunt cum plausu et rapina maxima.

#### CAPUT XVII.

*Supplicium sumptum de plurimis reis. Vasa B. Caroli restituta. Nova inquisitio in complices.*

122. Kalendas Maii Dominica, relatum est nobis in Insulis Borsiardum captum fuisse, et rotæ malo superinfixæ alligatum, vixisse diem illum et subsecutam noctem, et tunc turpi mortis suæ dispendio periisse. Qui equidem promeruerat infinite mori si toties mori potuisset, cum causa sui sceleris tot post ipsum sunt puniti, proscripti, præcipitati, suspensi et decollati, de cuius interitu omnes fideles gratias Deo obtulerunt, qui tantum homicidam ab ecclesia sua exterminare dignatus est. Et bene dispensatum est in transacta temporum molestia, cum amœnitate Maii mensis gratiam pacis et status terræ nostræ Deus restitueret, suspensio Borsiaro et captivatis suis complicitibus. Igitur divertens se rex ibat versus Oldenardam, ubi comes ex Montibus infestaverat terram nostram, ibatque per Gandavum. Sed et comes noster præcesserat regem, et incenderat manu violenta suburbium (206) usque ad turrim lapideam. Et plures igitur qui suffugerant in ecclesiam illius loci, simul concremati sunt usque ad trecentos, ut aiunt.

123. Quarto Nonas Maii, feris quarta, rex absque

(205) *Rodgerus*, sive *Rogerius*, præpositus Bruggensis subscripsit litteris Theoderici Alsatii anno 1130 et 1136; mortuum esse anno 1157 supra probavimus.

(206) Quam inepte hæc referantur a Mejero, imo ab eo et Annalibus vernaculis aliisque transferantur ad initium comitatus B. Caroli, late supra § 3 deductum est.

comite rediit Brudgas. Tertio Nonas Maii, feria quinta, postea circa meridiem comes rediit ad nos, quem Fratres ecclesiæ S. Donatiani cum processione susceperunt primitus, ubi oratione et oblatione in altari secundum morem prædecessorum suorum Deo perlata, reversus in domum comitis Caroli ipse comes potenter ascendit, ibique pransus est. Erat tumultus et turba maxima circa et iuxta castrum exspectantium quid de Roberto et captivis fieret. Igitur rex de hospitio suo egressus pervenit usque ad comitem. Quia vero domus plena fuerat populo et ministris et militibus, descendit comes in plateam et curtem castris. Et consecuti sunt eum universi, qui in aula constiterant. Cumque vidissent domum vacuum, sicut præordinaverat, fecit fores obserari domus suæ, et assumptis sibi principibus solis reascendit. Tunc disposuerunt quidem a qua parte traditores illi a turre cameræ dejicerentur. Quo præordinato, misit rex et comes spiculatores ad carcerem, qui callide evocarent primum Wilfricum Cnop, fratrem præpositi Bertulphi, et sub dissimulatione, qui missi fuerant mentiebantur carceratis, quod rex misericorditer acturus foret cum ipsis. Sub illa ergo misericordiæ spe, sine dilatione, e carcere egressi sunt. At non simul egredi captivos permisserant. Nam pro illum Wilfricum eduxerant, et per intrinsecas domus usque ad propugnacula turris suprema traductum, ligatis manibus retro dorsum, et sic mortis suæ principium deorsum prospicientem, spiculatores dejecerunt. At ille miser nihil indutus præter solam camisiam, et solas braccas, decidit in terram toto corpore fractus et destructus, parum vitæ reservans, qui statim lethaliter exspiravit: spectaculum quidem factus et opprobrium sempiternum suis generis, imo totius terræ Flandrensis, a nemine defletus periit. Secundo loco eduxerunt Walterum militem, filium Lamberti ex Reddenburg usque ad præcipitium, et ligatis manibus illius ante et non retro, ipse momento voluerunt eum præcipitare. At ille rogabat milites regis qui juxta stabant causa Dei, ut spatium sibi Deum orandi præberent: et miserati illum, dimiserunt eum orare. Cumque perorasset, projectus est juvenis elegantioris formæ, et in terram decidens suæ mortis periculum insumpsit, et statim exspiravit. Subductus est quoque miles nomine Eric, et similiter præcipitatus decidit super ascensorium ligneum, et avulsit gradum ascensorii, qui quinque clavis fixus erat. Et mirabile erat quod de tam alto præcipitatus adhuc sedens in terra, signo sanctæ Crucis se signavit. Quem cum mulieres vellent palpare, unus militum a domo comitis projecit inter illas lapidem grandem, et sic prohibuit accessus earum. Non utique totus intrinsecus poterat longius vivere, cui hoc ipsum quod vixerat post casum, non vita, sed miseria moriendi fuit. Ut igitur enumerandi miserim ordinem, similiter omnes reliqui præcipitatis sunt simul viginti et octo. Quorum quidam sperabant evadere, quia immunes traditionis exstiterant. Sed quia fata eos trahebant, imo

A divina ultio coegit, cum illis, qui traditionis rei fuerant, præcipitati sunt.

124. Pridie Nonas Maii, feria sexta, in festo S. Joannis, quando in dolium missus est, rex repariare incipiens, a Brudgis discessit, duxitque secum Robertum puerum captivum. In exitu ergo juvenis illius, Burgenses nostri prosequabantur illum oculorum lacrymis et planctu gravi, quia multum dilexerant illum. Non enim propter infamiam viri nostri loci ausi sunt ipsum sequi. Qui respiciens fletum et miserationem civium, ait: « En amici mei, quia vitæ meæ subvenire non poteritis, tandem rogato Deum, ut animæ meæ dignetur misereri. » Haud longe abierat a castro, quo pedes militis copulari rex jusserat de subtus ventrem equi, in quo ascenderat captivus. Posquam ducatum comes regi præbuerat, rediit ad nos in castrum.

125. Nonis Maii, Sabbato. Postea decanus Helias, reddidit novo comiti cannam argenteam et cuppam auream Caroli consulis cum operculo aureo, quæ præpositus Bertulfus, cum in fugam se daret, decano commendavit. Robertus puer comiti insinaverat thesaurum istum, antequam a Brudgis discessisset, quia, ut aiunt, per flagella rex extorsit ab eo ut insinuaret si quid de thesauro comitis repositum novisset. Super hoc multi admirati sunt simplicitatem decani Helias, qui cum cujusdam quasi sanctitatis rigore hactenus degisset, per susceptionem rapinæ hujus nimis declinavit (cum ea auctoritate Dei interdictum sit: immundum ne tetigeris..) qua suæ sanctitatis ac simplicitatis tenorem simulaverat. Namque thesaurum illum in vitis comiti reddidit, per hoc satis ostendens, quantum rapinam illam amaverat. Dicebat quoque præpositus Bertulfus vasa illa ecclesiæ S. Donatiani pro salute animæ suæ contulisse, per hoc excusare credens innocentiam suam. In hoc quoque omnes aperte cognovimus quod præpositus ille in suum usum vasa consulis in partitione thesauri susceperat, et non volens secum deferre, cum fugeret, reliquit illam miserrimam rapinam decano suo.

126. Licebit subsequenter subfugere de pœnitentia Borsiardi et eorum, qui cum ipso comitem tradiderant Isaa et aliis. Aasserunt quod Borsiardus ille recognosceret peccatum suum, et pro eo doleret et pœniteret, ita ut obsecraret omnes inspectatores patibuli sui, quatenus manus ei truncarent, quibus Dominum suum Carolum occiderat. Et exoravit omnes, ut saltem deprecarentur et expostularent Deum pro salute animæ suæ, cum nullam in vita ista salutem promerisset; et Deum omnipotentem, quantum scivit et potuit, sibi propitium fore interpellavit. Cæterum hi qui præcipitati sunt, cum in propugnaculis proni despicerent, signo sanctæ Crucis se signabant, et nomen Christi Jesu vocando, in ipso adhuc casu ruentes, vociferabantur. Sed quia statim post facinus peractum excommunicati sunt traditores illi, propter rigorem justitiæ non sunt ante perditionem nec post ab episcopo absoluti, et ideo

In triviis et locis campestribus (207) extra cœmetorium sepulti jacent.

127. Isaac ergo cum inter monachos monachali habitu lateret et prævidisset irruentem in se turbam, ait abbati: « Domine mi, si animus mihi esset puniendi, non sine multorum strage eapi me permitterem, sed quia me reum fateor traditionis, omnia mala et ipsam mortem temporalem amplector, ut in hoc præsentem in me puniatur, quod in dominum meum graviter peccavi. » Accessit ergo filius advocati Tervannæ (208) comprehendens Isaac et in vincula projecit, donec adulterinus ille Iprensium comes adveniret et de eo judicaret. Isaac quoque expectabat eundem Willelmum, credens per illum evadere se posse, eo quod traditionis conscius fuisset. At postquam venerat comes ille, dissimulans consocietiam suam ream fuisse, præcepit Isaac suspendi, quia Carolum comitem tradiderat. Isaac vero in via qua apud Arlam castrum trahebatur ad suspendium, profitebatur aperte quia tradiderat dominum suum. Et rogabat tumultum populi et obruerent ipsum luto et lapidibus et fustibus, nihil satis pœnæ credens sibi potuisse inferri in hac vita, qui tantum facinus perpetrasset. Venerabatur ergo jacturas, ictus, lapides, et omnes punitores suos, et eis gratias egit, quia dignabuntur tam gravem peccatorem disperdere. Tandem cum pervenisset ad locum suspendii, salutabat stipitem arboris, et laqueos simulque arborem osculabatur, et ipse suo innexuit collo, dicens: « In nomine Domini meæ mortis supplicium amplector et precor vos omnes, ut mecum exoretis Deum, quatenus ista mortis acerbitate punitum fiat in me quidquid miser ego in dominum meum deliqui; » sicque laqueo subductus, mori turpiter promeruit (207).

128. Bertulfus præpositus a Deo multa acceperat suæ mortis signa. Nam cum Brugis custos ecclesiæ in camera langueret, introivit præpositus ut visitaret illum, statimque contractæ sunt trabes, quæ tectum subreperant super caput ipsius, ita ut vix evadere a camera se credidisset. Alio quoque tempore trabs magna domus suæ in Brugis decidit, nec ab homine aut vento impulsæ, recte super cathedram et sedilia juxta posita, ubi præpositus potenter et imperiose sedere consueverat. Ipse vero eodem tempore Furnis erat, et funditus contracta sunt omnia quæcumque in ipsa ruina comprehensa fuerant. Alio quoque tempore, cum præpositus transiret per Ipram juxta patibulum in foro positum, in quo postmodum suspensus est, ait militibus suis: « Deus omnipotens, quid est quod hac nocte somniaverim. Vidi ergo personam quod in hoc eodem patibulo fixus starem: » derisitque hujusmodi visionem, et pro nihilo eam

(207) Lernutius ex suis Annalibus asserit: *Mandato regis avectos extra urbem in campos, D. Bavonis et S. Andræ limitibus adsitos; et suspensos fœdum viatoribus diu spectaculum præbuisse.*

(208) Hæc referenda sunt ad num. 80, ubi paucis agitur de ejus supplicio illato 23 Martii.

A reputavit. De ipsius vero pœna et non de pœnitentia quidquam audivimus. Robertus puerusque in Casletum ductus, jussu regis decollatus est; sed confessus peccata sua, percussori suo condonavit, quod eum morti daturus erat.

#### CAPUT XVIII.

*Inquisitio in complices et adjutores traditorum et raptores pecuniæ B. Caroli. Varii conscii traditionis mortui.*

129. Duodecimo Kalendas Junii, Sabbato in vigilia Pentecostes, Eustachius noviter in Furnis a novo consule Flandriæ castellanus constitutus, Oldgerum olim camerarium Bertulphi præpositi secum captivum Brugas in præsentia omnium de Curia comitis abduxit, ut ille captivus insinuaret comiti, qui de canonicis vellaicis obtinissent a præposito Bertulpho thesaurum et prædam Caroli consulis, sive a nepotibus ejusdem præpositi. Inculpavit ergo decanum Heliam pro trecentis marcis, Litteram canonem cum pro ducentis marcis, Robertum custodem ecclesiæ pro culcitra et palliis et argento, Radulphum magistrum pro sex scyphis argenteis, Robertum filium Lidgardis, pro centum marcis argenti. Hujusmodi mendacia confinxerat sibi ille Oldgerus, ut sic gratiam mereretur evasionis suæ obtinere. Simile veri tamen videbatur multis (eo quod ille decanus Helias jam antea per accusationem Roberti pueri reddidisset cannam argenteam pensæ viginti unius marcæ et cupam auream cum aureo ejus operculo pensæ auri septem marcarum ipsi comiti) multum argenti adhuc retinere tam decanum illum quam quosdam ejus canonicos, sicut postmodum patuit. Nam custos ecclesiæ Robertus introiens et libere exiens ad traditores illos in omni tempore obsidionis, accepit ab ipsis maximam pecuniam ea conditione ut si traditores illi evasissent, ille presbyter et custos eis redderet quæ in custodiam acceperat. Postquam ergo damnati sunt miseri illi, voluit custos ille astute dissimulare pecuniam. Finxit igitur se Hierosolymam iturum, et oneravit tres palefros (210) fortes et dimidium et abiit a castro nostro summo mane, et sic asportavit prædam Caroli comitis offerendam Christo in Hierusalem. Pro hujus ergo facto, omnium suspicio reversa est in canonicos illos. Eodem die reddidit Littera tres marcas argenti ipsi comiti, quas detinuerat ex argento præpositi.

130. Undecimo Kalendas Junii, Dominica sancta Pentecostes, comes et castellanus Gervasius et Walterus ex Frerardeslo et milites Flandriæ qui aderant, juraverunt pacem sese pro posse suo conservaturos per totam terram Flandriarum.

131. Post festum S. Mariæ in Nativitate, quod est

(209) Hæc quoque ad cap. 18 spectant, ubi de præpositi supplicio actum.

(210) *Palefros*, vel *Palfredos* pro equis accipi indicavimus ad Vitam Caroli abbatis Villariensis, 29 Januarii num. 16. De vocis origine disputant Vossius et alii.



sexto Idus Septembris, Sabbato scilicet, comes noster feoit secum adduci apud Brugas Willelmum illum Ipreensem, quem in invasione Ipræ captivaverat et clausit eum in suprema camera castri Brugensis cum fratre suo Thiebaldio Sorel (214); qui cum per sex dies commorati sunt concaptivati, Thiebaldus commendatus est Everardo militi cuidam ex Gend ad custodiendum. Moxque prohibitum est Willelmo illi Iprensi, ne per fenestras foras prospiceret, sed intra domum tantummodo spatia retur. Appositi sunt etiam vigiles et custodes cum illo, qui cautissime observabant illum.

132. Decimo sexto Kalendas Octobris, feria sexta, in nocte S. Lamberti, ex unaquaque vicina circa nos et ex civibus Brugensibus meliores et magis fideles, simulque castellanum Gervasium jurare præcepit omnes pro honore terræ, ut vera assertione profiterentur, quis Carolum comitem occiderit, vel quis eos interfecerit, qui cum ipso præfato consule occisi sunt: quis rapinam comitis et secum occisorum vel hominum et familiæ comitis rapuerit; quis in auxilium eorum traditorum post mortem domini totius patriæ se associaverit; vel quis cum impiissimis illis ante obsidionem vel post permanserit; vel quis illos traditores et eorum complices sine licentia principum, qui castrum et ipsos infra obsederant, eduxerit, et ideo ab eis pecuniam et thesaurum comitis Caroli acceperit clandestino; quis illos postea detinuerit et auxilium præstiterit, quos rex et comes communi consilio terræ baronum reos condemnaverant, et proscriptioni decreverant. Igitur post con-  
 133. Decimo quinto Kalendas Octobris Sabbato, in die S. Lamberti, comes iturus versus Ipram, requisivit Burgensibus nostris teloneum. At illis ingratus erat comes, ideo quod de redditibus telonei milites sui feudati fuerant a tempore omnium prædecessorum suorum comitum. Vexabant enim consulem milites sui, eo quod Burgensibus condonasset teloneum, quo ipsi hactenus feodi existerant. Et illud non posse confirmabant comitem juste sine suorum militum assensu condonare, nec juste ipsos cives, ut eis condonaret, consulem expostulasse. Unde invidia concitata est inter cives et inter comitem militesque suos. Secundum legem ergo obsidionis quam principes decreverant, comes et suis post accusationem agere studuerunt. Namque lex et decretum tale statutum fuit: Quicumque eduxerit contra assensum principum obsidionis quemquam de obsessis, quali poena erat mulctandus eductus, tali tormento damnabitur eductor. Itaque cum multi fuissent de obsessis clandestino et pro pretio educti, jam

parentes illorum, qui in obsidendo traditores occisi erant, flecebant se ad genua comitis, obsecrantes ut sibi ad occidendum vel puniendum daret illos qui clandestino et furtim et traditose obsessos eduxerant, aut illos seductores a terra eijceret. Sicque constri-  
 134. Factum est ergo Dei districto et horribili examine, quod Walterus ex Frorerdeslo, unus parium terræ, in quadam militiæ expeditione, ex proprio cursu suo ab equo præcipitatus, totus confractus langueret, et postmodum in paucis diem obierit. Verum quippe fuit illum conscium fuisse traditionis domini sui et patris universæ terræ Flandrensis. Qui etiam ut certissima securitate cum traditoribus consisteret, adoptivum quemdam filium sutoris, quem uxor ejus sibi mentita est filium fuisse, copulavit conjugio nepti præpositi Bertulfi. Crediderat enim verum fuisse sibi filium pater, quem olim fraudulenter mater, quasi uxor Walteri præfati, peperisse dissimulabat. At infans, quem pepererat, statim in ipso partu obierat. Supposuit ergo filium sutoris, qui circa idem tempus genitus fuerat, et emortuum, quem pepererat, clandestino uxori sutoris submisit, dans ei pecuniam ut fateretur se peperisse illum emortuum, et viro suo, quod factum erat, celaret. Cumque crevisset ille furatus et adoptivus filius, et omnes crediderant vere filium fuisse illius Walteri, venit præpositus et dedit neptem suam, filiam fratris sui illi furtivo filio uxorem, ut firmiter ad omnem fortunam simul per illud conjugium consistere, audaces, fortiores ac potentiores

comitis pro monasterio Marchianensi anno 1135, apud Chesnæum lib. II Probationum familiæ Bithuniensis pag. 24.

comitis pro monasterio Marchianensi anno 1135, apud Chesnæum lib. II Probationum familiæ Bithuniensis pag. 24.

(214) Nulla usquam Thiebaldi hujus mentio: forsan solum frater ultimus fuit. Fuit nomen eo tempore satis commune. Nam *Tietbaldus de Vitri et Tietbaldus de Vermela* signarunt litteras Theoderici

comitis pro monasterio Marchianensi anno 1135, apud Chesnæum lib. II Probationum familiæ Bithuniensis pag. 24.



forent. Igitur post mortem ipsius Walteri, profitebatur publice uxor ejus puerum illum non esse verum filium suum, sed adoptivum, quem isdem Walterus apud Brugensem quemdam posuerat in vadimonium pro trecentis libris. Sicque arte Dei delusa est ars præpositi, qui cum vellet superbe et gloriose per illud conjugium cognationem suam extollere; filio tutoris, Dei arte deceptus, eam copulavit. Nemo vero ausus fuit manum mittere contra Walterum, quamvis traditionis conscius fuisset. Erat enim par terræ illius, alter a comite. At Deus, cui vindicta relinquebatur, morte languida a fidelium aspectu exterminavit illum.

135. Octavo Idus Octobris, Sabbato ante festum S. Richarii, jussu comitis abductus est Willelmus (212) ille Iprensis ad Insulas, et commendatus castellano illius castri. Timuit cives nostros, et etiam a terra proscriptos, ne aliquo dolo ejicerent in Brugis a captivitate Willælmum, et vi irruerent in castrum. Notandum quod occiso comite Carolo, Borsiardus et sui sceleris participes, more paganorum et incantatorum, nocte qua primo sepultus erat comes Carolus, acceperunt scyphum plenum cerevisiæ et panem, consistentes circa sepulcrum, posuerunt potum illum et panem in mensa sepulcri, edentes et bibentes super B. comitis corpus ea fide, ut nullo modo illum quis vindicaret.

136. Nono Kalendas Novembris, feria secunda, ante festum S. Amandi, Baldwinus ex Alst obiit, qui unus etiam par parium Flandriæ, domini sui Caroli traditionis notatus malo, non longe post hac vita potitus exspiravit. Leviori occasione mortis, dum scilicet cornu flaret, et jam vento arteria intrinsecus turgente, totius capitis sui vires ad flandum laborarent, ex abrupto medulla cerebri a naturali loco concussa, erupta est per vulnus antiquitus factum in fronte. Quod cum ventorum et proprii spiritus tumor disruperat, ebullierant medullæ, quæ in cerebro jacuerant, ita ut meatus narium, oculorum et simul gutturis suffocarent, et sic mortuus ense Dei plagas mortales sustinuit. Tandem cum suprema vita spiraret, monachilem habitum accepit, et sic more christiani militis a sæculo migrabat. Igitur isti duo præscripti principes terræ, cum e vicino et interposito intervallo obiissent, omnibus terræ incolis in ore et memoria fuerant, ita ut de subita morte eorum tractarent, quos post mortem domini Caroli, Deus tam veloci sententia a vita privaverat, et tam levis causæ moriendi ipsis occasionem ordinemque disposerat. Contra morem christianum quidem in obsidione egerant cum præposito et aliis, quos a captivitate eduxerant. Nam accepta pecunia a præposito et suis, postquam subductos contra regis et principum decreta per devia divertarant, nudos et solos in locis campestribus dimiserunt, quousque

(212) Mejerus eum jam tum fugisse in Angliam et cum copiis regis interceptisse Slusas scripsit. Quod figmentum hinc optime refelli diximus, si conferatur cum num. 152, ubi 27 Martii anni sequentis eductus

A ipsi vagantes et pererantes campos et villas » capti sunt, et miserrimæ mortis exterminio dispersi.

137. Decimo sexto Kalendas Januarii, Sabbato, tertia hebdomada finita Adventus Domini, eodem anno in Quatuor temporibus Desiderius, frater Isaac illius prædicti traditoris mortuus est; qui traditionis conscius, non promeruit ulterius vitæ felicitate perfrui. A tempore ergo obsidionis nusquam ausus est prodire ad Curiam comitis, nisi latenter. Nam plures fuerant in comitatu nostro, qui illum appellassent ad bellum, et reum traditionis conviciassent, si aperte ad curiam exiisset. Insuper interdictum est a comite novo eidem Desiderio, quamquam forte ad curiam ascenderet, ne sibi propinaret; nam in curia unus ex propinatoribus ipse constiterat.

#### CAPUT XIX.

##### *Occasio defectionis Flandrorum a Guillelmo Northmanno comite.*

138. Idus Augusti retro, itaque in festo sancti Petri in Augusto, habitis nundinis in Insulis, cum comes voluisset quemdam de servis suis ibidem in foro capere, et jussisset capi, cives Insulenses ad arma ruebant, comitem et suos extra suburbium fugaverunt, alios de curia verberantes, et Northmannos in paludes præcipitantes, plures aliis et aliis affecerunt læsionibus. Statimque comes obsedit Insularum omnia loca, et coegit cives sibi reddere marchas argenti mille et quadrigentas, si saltem illo modo repacificarentur. Unde concitata est invidia maxima inter cives illos et comitem, ita ut deinceps sibi suspecti utrinque starent.

C 139. Tertio Nonas Februarii feria sexta post festum Purificationis matris Domini, insurrexerunt Burgenses in S. Audomaro contra comitem, eo quod injuste volebat comes præferre illis castellanum loci illius, qui violenter res et substantiam civium illorum diripuerat, et adhuc rapere satagebat; obsedit quoque S. Audomarum cum gravi exercitu. At cives subintroduxerunt Arnoldum nepotem Caroli consulis et hominia et fecerant et securitates ut, si forte perduraret comes novus in injusta obsidione, ad illum Arnoldum se converterent. Eadem tempestate nix et glacies et frigus et orientis ventus simul inhorruerant super faciem terræ, et ideo timebant insultum comitis, reddideruntque pro repacificacione sexcentas marchas argenti. Unde maxima invidia excitata est inter cives illos et comitem, et deinceps facti eunt sibi suspecti.

140. Decimo quarto (213) Kalendas Martii, feria quinta ante Septuagesimam, insurrexerunt Gendenses contra castellanum suum, eo quod injuriose et perverse semper egisset contra ipsos: qui transtulit se ad consulem, quem ad repacificandum se et cives adduxit. Igitur comes volens opprimere cives et

e carcere dicitur.

(213) Excerpta ex sequentibus usque ad finem edita sunt a Chesnæo in Probationibus familiæ Gandensis a pagina 205.

eisdem violenter anteponebat castellanum præfatum, A ibidem per aliquot dies expectabat. Tunc cives, sicut pepigerant cum Daniele principe et Iwanno fratre Baldewini, posuerunt comitem ad rationem; et, convocatis universis in Gandavo, Ivan prolocutor civium statutus est, et sic orsus est: « Domine comes, si cives nostros et vestros Burgenses, et nos amicos ipsorum jure volueratis tractasse, non aliquas exactiones pravas et infestationes debueratis nobis intulisse, imo ab hostibus defendisse et honeste tractasse. Nunc ergo contra jus et sacramenta, quæ pro vobis juravimus de condonato teloneo, de confirmanda pace et de cæteris justitiis, quæ homines hujus terræ obtinuerant a prædecessoribus bonis terræ consulibus, et maxime tempore domini Caroli, et a vobis, vos in propria persona fregistis et fidem B vestram et nostram, qui in idipsum vobiscum conjuravimus, violastis. Manifestum est quantam violentiam et rapinam in Insulis fecistis et quantum cives in S. Audomaro persecuti sitis injuste et perverse. Nunc quoque in Gandavo cives, si potueritis, male tractabit. Sed cum sitis dominus noster et totius terræ Flandriæ, decet vos vobiscum rationabiliter agere, non violenter, non perverse. Ponatur curia vestra, si placet, in Ipra, qui locus est in medio terræ vestræ, et convenient principes utrinque nostrique compares, ac universi sapientiores in clero et populo in pace et sine armis, tranquillo animo et bene considerato, sine dolo et malo ingenio, et dijudicent. Si potueritis comitatum salvo honore terræ deinceps obtinere, volo ut obtineatis. Sin vero tales estis, scilicet exlex, sine fide, dolosus, perjurus, discedite a comitatu, et eum nobis relinquitis idoneo C et legitimo alicui viro commendandum. Nos enim mediatores sumus inter regem Franciæ et vos, ut sine honore terræ et nostro consilio nihil in comitatu dignum ageretis. Ecce tam nos fidejussores vestros apud præfatum regem, quam Burgenses totius pene Flandriæ perverse tractatis contra fidem et jusjurandum, tam ipsius regis quam nostri, et subsequenter nostrorum omnium principum terræ.

141. Igitur comes prosiliens exfestucasset Iwanum, si ausus esset præ tumultum civium illorum, et ait: « Volo ergo rejecto hominio, quod mihi fecisti, parem me tibi facere et sine dilatione bello comprobare in te, quia bene et rationabiliter adhuc per omnia in comitatu egerim. At Iwan renuit, et determinavit diem, feria quinta in capite jejuniorum, octavo Idus Martii, quando pacifice in Ipra convenirent. Igitur comes descendit Brugas, et convocatis vicinæ illius militibus, præcepit ut ad diem positum secum et ad ipsum armata manu festinarent: convocatisque civibus in Brugis, conquestus est eis quam inhoneste ipsum a terra expelleret Iwan et sui, si possent, exoravitque eos ut secum fideliter starent. At illi annuerunt. Igitur ad diem ascendit comes manu armata et implevit Ipram militibus

(214) Coterellis, id est villioribus hominibus, ut cap. 16 dictum.

et coterellis (214), præparatis et ad pugnandum accinctis. Ascendit quoque Iwan et Daniel juxta Ipram, scilicet in Roslara, et præmisit internuntios ad comitem dicens: « Domine comes, quia dies in sacro Jejuniorum tempore positus est, cum pace et sine dolo et armis, sed rationabiliter venisse debueratis et non fecistis, imo contra homines nostros gugnaturus præsto estis: mandant vobis Iwan et Daniel et Gendenses, quia dolose ipsos interficere venistis, hominia, quæ inviolabiliter hactenus vobis servaverunt, exfestucare per nos non differunt. » Et exfestucaverunt ex parte dominorum suorum internuntii illi, et abierunt.

142. Ante hoc tempus Iwan et Daniel transmiserant per castra Flandriæ mandantes salutem: « Obsides, et fidejussores dabimus ad invicem, si vos vultis cum honore vivere in terra, ut si violenter velit comes irruere super vos vel nos, undique ad mutuam nostram defensionem concurramus. » Annueruntque eis id libentissime se facturos, si cum honore terræ et suo, comite isto tam perverso carere possent qui nulli rei intenderet, nisi quo astu cives suos persequi potuisset. Et adjunxerunt: « Ecce patet quomodo mercatores et universam terræ Flandriæ negotiatores obsessi sunt causa comitis istius, quem vos in comitatum dignissimi patris Caroli subrogastis; et jam per annum istum consumpsimus substantias nostras et insuper quidquid in tempore alio sumus lucrati, aut iste comes abstulit aut nos infra terram istam clausi et obsessi ab inimicis ejus consumpsimus. Videte ergo qua ratione isto careamus raptore et persecutore nostro, salvo tamen honore terræ et vestro. » Interim comes in Ipra insidiabatur Danieli et Iwanno congregans sibi universos terræ milites.

143. Quinto Idus Martii, Dominica prima Quadragesimæ, fama vera nos percellerat, quod juvenis Theodericus, nepos Caroli consulis, ex Elsatan venisset in Gandavum ibique expectaret, donec propulso isto comitem cum suis Northmannis, ipse in consulem susciperetur. Et valde mirandum est, quod Flandria tot dominos susciperet, et eodem tempore puerum de Montibus, et Arnoldum quem in S. Audomaro subintroduxerant, et istum qui jam expectat Gandavi, et istum nostrum abusivum comitem se recepturum parata foret. Nam istum Northmannum consulem nostrum, Theodericus castellanus et ipsius cognati et amici, Arnoldum vero illi in S. Audomaro, comitem de Montibus illi de Atrabato et in confiniis; Theodericum istum Iwan et Daniel et Gendenses in comitem assumere festinabant.

144. Decimoseptimo Kalendas Aprilis, feria sexta cives Burgensium corruerunt in castrum, inquirentes, si Fromoldus junior domum comitis implesset frumento et vino et cæteris victualibus ad opus comitis Willelmi observandam. Eodem die audito, eo quod comes veniret in suburbium Brugis, obviam et

si forte venisset, clausurunt portas, nolentes illum deinceps tenere pro comite.

145. Sabbato in Quatuor Temporibus, jam transacta plena prima Jejuniorum hebdomada, in xvi Kalendas Aprilis, Gertrudis virginis, castellanus Gervasius imperavit esse preparare omnes qui in Vicecomitatum ejus habitarent, ut in Torholt expediti ad bellum conconderent feria quarta post Sabbatum præscriptum, ibidem expectantes donec comes noster Willelmus ipsos deduceret contra Danielelem et Iwan pugnatuos.

146. Duodecimo Kalendas Aprilis, in Benediotti abbatis, castellanus noster Gervasius a Torholt in Brugas rediit cum suis, retulitque quod Arnoldus, nepos Caroli comitis jam secunda vice subinductus erat in S. Audomarum fraudulenter a quibusdam civium. Quo rescito, comes Flandriæ Willelmus cum potentia valida ab Ipra accurrit in S. Audomarum, ac in ecclesiam S. Bertini obsessum fugavit, volens incendere ecclesiam; coegitque, ut Arnoldus ille abjuraret prorsus Flandriam, simulque illi qui cum ipso obsessi fuerant.

147. Et hoc eodem die reversus est comes in Ipram præparans se, ut sequente die invaderet Iwannum et Danielelem cum expeditione imperata in Torholt. Eodem die, scilicet feria quarta, cives nostri et maritimi Flandrenses nostri conjuraverunt, ut simul deinceps starent pro tuendo honore loci et patriæ.

148. Decimo Kalendas Aprilis feria sexta, transmissis litteris, illi ex Gend simul Iwan et Daniel dicebant nostris Burgensibus, ut usque in diem lunæ proximum præviderent sibi utrum deliberarent prorsus permanere cum Gendensibus, et prorsus exfestucare comitem; an prorsus persisterent cum consule Willelmo et contradicerent Gendensibus et ipsorum dominis ac amicis. Ultra præscriptum diem igitur nolebant in ambiguo suspendi cum Brugensibus.

149. Nono Kalendas Aprilis Sabbato *Dixit Rebecca* (215). Audierant Brugenses quod comes ex Alstra (216) esageret descendere Brugas, contradixerant ei locum et castrum suum. Remandaverant comiti per castellanum Gervasium, ut alias se diverteret, donec inimicos suos extirpasset a Flandria, et tunc primum redderent ei locum et castrum in Brngis. Requirebant quoque ab eodem Gervasio castellano, ut profiteretur ipsis, utrum deliberasset, an prorsus remanere in fide et securitate eadem cum ipsis, an prorsus ac ipsis cum suo consule recedere. Eodem die circa vesperam viderunt transitum comitis apud nos versus Maldenghem, statim ad

(215) Id est Sabbato ante Dominicam in Quadra gesimæ, quando in missa loco Epistolæ legitur pars cap. xvii libri Genesæ.

(216) *Alstra*, vulgus *Alteren*, in agro Gandensi prope dexterum latus novæ fossæ, qua Brugas navigatur.

(217) Walterus Crommeln, gener Haketti Castellani.

arma prosilientes cives nostri in exitibus portarum restitissent comiti in faciem, si ad Brugas descendisset, et portas undique clausurunt contra illum. Eodem die Cono frater Walteri mortui ex Frordeslo introivit ad cives nostros, et in medio fori coram universis jurabat se cum sua potentia deinceps cum civibus fideliter persistere. Erantque civibus nostris coadjutores milites Walterus (217) ex Liswega et sui, et illi ex Ostkerca Hugo Snaggaerd et fratres sui.

#### CAPUT XX.

*Electio Theoderici Alsatii in comitem Flandriæ. Interitus Lamberti Reddenburgii.*

150. Octavo Kalendas Aprilis, in Doctrinica, in Annuntiationem S. Mariæ, Evangelicum legebatur: *Omne regnum in se divisum desolabitur*: ad Burgenses nostros, tam ad olerum quam ad populum vicinæ nostræ mandarunt Hollandia comitissa (218) et frater ejus Theodoricus adoptivus (219) comes, Gendensium et nostrorum civium salutem. Quidquid a prædecessoribus nostris consulibus legitime possidetis et per me firmius obtinebitis, si quidem me in comitatum subrogatis. Mercatoribus vestris et totius Flandriæ pacem et liberum negotiandi præbebo transitum, simulque soror mea comitissa idem præbebit eatenus tamen, ut obsides demus invicem recipiendi me a vobis et liberam præstandi vobis negotiationem. Statim castellanus Gervasius transiit ad comitem in Maldenghem consulens ei universus Ipram ascenderet, quia in Maldenghem quasi obsessus teneretur, si Gendenses in eum excursum forte fecissent. Statimque Brugenses transmiserunt propter Danielelem, ut cum sua potentia ad ipsos in Brugas descenderet. Interim cum castellano ex Brudburg Henrico (220), Arnoldus, quem in S. Audomaro olim susceperant in comitem, satagebat eum auxilio et consilio regis Angliæ, ut comitatum Flandriæ obtineret. Itaque terra Flandriæ divisa est, ut alii adhuc fidem conservantes et hominia comiti Willelmo, cum ipso militarent; alii peroptarent Theodoricum, sicut Daniel, et Iwan, et Gendenses, ac Brugenses, alii Arnoldum, sicut illi in S. Audomaro, et vicina illa; alii comitem ex Montibus præferendum crederent. Igitur in tanta divisione desolata est terra.

151. Septimo Kalendas Aprilis, feria secunda, castellanus Gervasius noluit cum Brugensibus nostris deinceps commanere, eo quod comiti Willelmo contradixissent locum et castrum suum et portas obstruxissent contra eum, et superadoptassent Theodoricum sibi in consulem. Igitur extra castram Bragam Gervasius mandavit promelioribus civium, et habuit

(218) Petronilla, mater Diederici VI, de qua actum cap. 8.

(219) Quod eum serore pro hujus filio ad tempus præset.

(220) Henricus filius Themardi cum B. Carolo occisi, qui constabularius et Castellanus Brocburgensis signavit litteras Theoderici Comitis anno 1151, in Probationibus familiæ Gandensis pag. 203.

cum eis huiusmodi orationem: « Quia fidem unco domino meo, comiti Willelmo, adhuc servo, a quo separari secundum legem sæculi non potero, salvo honore meo, non potero vobiscum commanendi licentiam habere, qui tantum feceritis comiti contemptum. Sed quia vos amo, ibo ad comitem, perorabo pro vobis, quatenus usque in Dominicam proximam induciat de vobis, ne aliquam inferat molestiam vobis, ita ut si vos comiti potuero componere, faciam; sin vero, cautos vos faciam de omni molestia, quam comes inferet vobis, si eam præscire potero. Uxorem meam, filios et filias et res meas adhuc infra castrum habitantes, precor honeste conservetis usque in determinatum diem. » Et concesserunt ei omnes cives nostri fideliter sese observaturos. Eodem die Steven ex Boulara (221) introivit ad nos circa quadraginta militibus. Excursum fecerunt milites nostri ante domum Thanemari. Eodem die Iwan (222) et Daniel Brugas induxerunt Theodoricum ex Elsatan, ut in comitem assumeretur. Occurrerant ei cives nostri applaudentes ei.

152. Sexto Kalendas Aprilis, feria tertia, in mane Thanemarus et nepotes ipsius domum et mansiones proprias in Straten combusserunt, quia si hoc non fecissent, Daniel et Iwan cum suo Theodorico combussissent. Didicimus revera quod Iwan et Daniel illi Theodorico hominum et securitatem non fecerant adhuc, sed ducendo eum per castra Flandriæ populum et milites commoverunt ad eligendum illum in consulem. Nam sine licentia et assensu ducis Lovaniæ electionem facere Iwan et Daniel non poterant. Sic enim fidem duci utrique dederant, ne Theodoricum illum in consulem eligerent sine consensu ducis. Eodem die audivimus, quod Willelmus Iprensis a captivitate productus, Contracum venisset, ut consilio et viribus suis et suorum forte juvaret consulem Willelmum, a Brugis et a Gandavo propulsum. Quia ergo Iwan et Daniel duo ex paribus et principibus Flandriæ a rege Angliæ donaria plurima susceperant et plura erant pro expulsionem nepotis sui, scilicet nostri consulis Willelmi, acceptari, nihil absque consilio regis facere deliberarant, seu absque consilio ducis Lovaniæ, cuius filiam rex Angliæ et idem dux daturus erat Arnolde nepoti consulis plissimi Caroli, que et eodem tempore Furnenses et castellanus ex Brodburg in comitem susceperant; et hoc consilio et auxilio regis Angliæ. Interrogabant tandem cives nostri ipsos Iwanum et Danielem: « Cur ergo istum Theodoricum ad nos usque perduxistis, si fidem, securitatem et hominia et vos priores, et nos secundo loco non fuerimus facturi? » Responderunt: « Quia cum apud Brugas veniret, nobiscum venit, et nos cum ipso, ut videret situm loci, et tentaret quo animo eum susciperent Brugenses et

A qui cum ipsis stabant amicitia et securitate conjuncti. » Quarto Kalendas Aprilis, feria quinta, illi milites ex Ostkerok ex nomine inscriptos pergamento, sese et plures alios transmisserunt consuli Willelmo in Ipra, et exfestuaverunt fidem et hominia, que olim federant ipsi eidem consuli.

153. Tertio Kalendas Aprilis, feria sexta, expectabant Brugenses reditum Danielis et Iwani, qui antea exiverant suburbium clanculo cum militibus suis. Nam determinaverant civibus nostris hunc diem, in quo hominia et securitates facerent Theodorico ex Elsatan, simulque Gendenses et Brugenses et qui cum ipsis conjuraverant. Hæc ante feriam sextam anno bissextili, in anno præterito erat feria quarta ante diem Paschæ proxima. Eodem die in vespera, reversi sunt ad nos in Brugis Iwan et Daniel et Hugo Campus avenæ. Et relatum est quod Willelmus Iprensis ille captus, libertate donatus fuerit a consule Willelmo Northmannorum. Statim postquam pransi sunt, tam principes quam populus conveniunt in exitu castri apud Harenæ omnes, ibique elegerunt Theodoricum ex Elsatan in consulem totius Flandriæ; feceruntque ei hominia Iwan et Daniel in præsentia universorum; lexque data est omnibus qui pro traditione comitis Caroli proscripti habebantur, revertendi in curiam hujus novelli comitis, et, si auderent, secundum judicia principum et feudatorum terræ, si miles erat et ad curiam comitis pertinuisset, excusationem facerent; sin vero, secundum judicia Scabinorum terræ sese quisque notatus purgaret. Superaddita est a consule, principibus suis et populo terræ libertas de statu reipublicæ et honore terræ, meliorandi omnia jura et judicia et mores et consuetudines ipsorum terram inhabitantium. Et notandum quod in anno præterito ista eadem feria reversi sunt principes obsidionis ex Atrebat, qui exiverant a nobis, pro eligendo consule terræ secundum regis Lodewici consilium ac præceptum, Iwan et frater ejus Baldwinus ex Alst, Walterus et Frorerdeslo, et cæteri terræ compores, redeuntes ad nos cum alacri animo denuntiaverunt nobis sese cum rege Franciæ elegis Willelmum puerum ex Northmannia libere et legitime in comitem et dominum universæ terræ nostræ. Et quod consule Willelmo cum baronibus suis considente in Ipra in solario quadam, ut consilium acciperet quid facturus foret contra noviter electum Theodoricum, consulem Gendensium et Brugesium et complicum eorum solummodo, decidit ipsum solarium in terram, et corruerunt simul confidentes in eo, ita ut unus ipsorum penecasu ipso præfocatus exspirasset.

154. Prius Kalendas Aprilis Sabbato. Interim cleras et populos reversi sunt apud Harenas, et super feretrum S. Donatiani juravit comes, sicut prædixi-

(221) Boularia prope Gerardimontium, hoc tempore baronatus complectens sub se 12 pagos. Stephanus de Boularia comitatus fuerat in Terram sanctam Robertum comitem. Willelmus de Boulaer signavit litteras Ivani de Gund anno 1130 pro mo-

nasterio Tranchinensi apud Miræum in Cod. Donat. cap. 94.

(222) Duxit Iwan uxorem Laurettam filiam Theoderici anno 1140.

mus, et dati sunt interconsulem et clerum et populū obsides, Iwan et Daniel, illa omnia consulem adimplere et scienter non fraudare quæ juraverit. Deinde Gendenses fidelitatem jurabant, et deinde Brugenses consuli et hominia fecerunt. Eodem die Lambertus ex Reddenburg venit Brugas, ut se a traditione excusaret. Kal. Aprilis, Dominica *Lætare Jerusalem*, in medio Quadragesimæ, Theodoricus susceptus est in consulem, et cum processione in ecclesia S. Donatiani in Brugis, et more prædecessorum suorum comitum ascendit, et pransus est in aula et domo comitum et per totum diem Brugenses nostri elaborabant pro introducendo castellano Gervasio quem fideliter dilexerant. Erant tamen aliqui Brugensium, homines quidem ejusdem Gervasii, qui nequiter agebant contra, seorsum inito consilio cum quodam Waltero genero Haketi castellani, quem superponere Gervasio moliebantur.

155. Quarto Nonas Aprilis, quæ feria in præterito anno erat Sabbatum sanctum Paschæ, modo vero feria secunda, introivit Gervasius castellanus in castrum Brugarum ad consulem Theodoricum in multitudine militum suorum et Burgensium, qui fideliter ipsum dilexerant, stansque coram universis ait: « Domine comes Theodorice, si Deus hanc gratiam contulisset nobis et patriæ, ut vos statim post mortem domini nostri et nepotis vestri Caroli præsentem habuissemus, neminem in comitatum præter vos suscepissemus. Notum ergo facio omnibus, quod a consule Willelmo prorsus discesserim; hominum et fidem et securitatem, quam hæcenus sibi servaverim, rejecerim, eo quod pares terræ et omnis populus illum condemnaverint sine lege, sine fide, sine justitia Dei et hominum adhuc in terra errantem. Vosque hæredem naturalem et dominum terræ justum, cum honore et dilectione susceperint. Volo ergo hominum et fidem vobis facere, sicut domino naturali terræ, et de cujus conditione nos sumus, officium et feoda, quæ a prædecessoribus vestris hæcenus tenui, a vobis recipere volo. Si quis vero vicecomitatum contra me impetit, ex parte Haketti, qui ante me castellanus proxime fuit, in præsentia vestra et parium terræ satisfactorus præsto ero. » Sicque finita oratione factus est homo Theodorici consulis, deinde per reliquum diem fecerunt hominia consuli, omnes qui feodati fore debuerant in comitatu et per aliquos dies deinceps. Statim pacem ipse consul componere festinabat in omni comitatu suo iuter illos qui hæcenus in invicem discordias et lites gravesque pugnas exercebant.

156. Octavo Idus Aprilis, feria sexta, Lambertus et Reddenburg ferro ignito purgabat se in præsentia comitis Theodorici a traditione et morte domini Caroli consulis: Daniel et Iwan non interfuerunt.

157. Quinto Idus Aprilis, feria secunda, quidam Iprensium venerant coram consule Theodorico in lobio domussuæ in Brugis, denuntiantes quod idem

(223) Imo *amitæ*. Erant consobrini duarum sororum filii.

A comes in auxilium veniret civibus Iprensibus, ea conditione, ut si cives consulem Willelmum ab Ipra expellerent, statim die altero comes Theodoricus in auxilium civium eorundem intraret ad ipsos.

158. Quarto Idus Aprilis, feria tertia, consul Theodoricus cum feodatis suis et Burgensibus Brugensium excursus fecit versus hostes suos, qui in Oldenburg et Gistella consederant, et quia undique præmuniti erant fortiter ad resistendum, comes cum civibus in media via rediit. Eodem die misit rex Franciæ litteras hujusmodi civibus nostris: « Volo, ut in Dominica Palmarum octo viros discretos a vobis mihi in Atrebato transmittatis, de singulis quidem castris Flandriæ totidem sapientiores evocabo: coram quibus et universis baronibus meis retractare velim rationabiliter, quid sit quæstioni et pugnae inter vos et comitem vestrum Willelmum, et statim laborabo pro pacis conformatione inter vos et ipsum. Si quis de civibus non ausit venire ad me, conductum secure præbebo veniendi et redeundi. » Statim cives super remittendis litteris rationis et consilii studium inierunt, dicentes: Quia rex juraverat ante susceptionem Willelmi comitis, nullam coemptionem vel pretium se velle et debere accipere pro electione consulis ejusdem, et postmodum mille marcas pro pretio et coemptione aperte susceperit, perjurus est. Item quidquid civibus in telonio condonavit et quidquid super hoc simul cum rege juravit se inviolabiliter conservaturum, violenter fregit. Et cum obsides dedisset, ipse comes pro confirmatione omnium eorum quæ civibus condonaverat et dederat, ipsos sefellit obsides. Igitur cum tandem apud Ipram diem nobis deterninasset et paribus terræ, ut se componeret nobiscum, sicut omnes sciunt terræ incolæ, armata manu prædictum castrum anticipavit, ut violenter nobiscum ageret, et ad quidquid vellet nos constringeret. Itaque sine ratione, si lege Dei et hominum, nos in terra hac clausit, ne negotiari possemus; imo quidquid hæcenus possedimus, sine lucro, sine negotiatione, sine acquisitione rerum consumpsimus. Unde justam habemus rationem expellendi illum a terra. Nunc ergo justiore terræ hæredem in consulem nobis elegimus, filium sororis (223) consulis Caroli, virum fidelem et prudentem, secundum morem terræ sublimatum, fide et hominio nostro stabilitum, naturam et mores et facta prædecessorum suorum digne imitantem. Notum igitur facimus universis, tam regi quam ipsius principibus, simulque præsentibus et successoribus nostris, quod nihil pertinet ad regem Franciæ de electione vel positione comitis Flandriæ .... (224) sine hærede aut cum hærede obiisse, terræ compares et cives proximum comitatus hæredem eligendi habent potestatem, et in ipso comitatu sublimandi possident libertatem. Pro jure ergo terrarum, quas in feodum tenuerat a rege, cum obierit consul, pro eodem feodo dabit successor comitis

(224) Videtur desiderari *si eum contigerit* aut quid simile.

armaturam tantummodo regi. Nihil ulterius debet consul terræ Flandriæ regi Franciæ, neque rex habet rationem aliquam ut potestative seu per coemptionem seu per pretium nobis superponat consulem, aut aliquem præferat. Sed quia rex et comites Flandriæ cognationis natura hactenus conjuncti stabant, eo respectu milites et proceres et cives Flandriæ assensum regi præbuerant de eligendo et ponendo illo Willelmo sibi in consulem. Sed aliud est prorsus quod ex cognatione debetur, aliud vero quod antiqua prædecessorum Flandriæ consulum traditione ad justitiæ examinatur instituta.

159. Tertio Idus Aprilis, feria quarta Leonis papæ, nepotes Thanmari cucurrerunt super Brugenses apud Harenas, evocantes et allicientes cives adhuc impransos et comitem Theodoricum et suos milites ad militias faciendas. Igitur campanas custodes templorum, et milites lituos pulsantes, fugabant eos procul a Brugis. Subsequenter vero expeditiores militum nostrorum et civium ascenderunt iterum adversus hostes suos in Gistella, et coegerunt quosdam, ut læti fuissent, si forte liceret eis hominia facere comiti nostro Theodorico, et super hoc obsides dare, ne unquam fraudem sibi facerent.

160. Nono Kalendas Maii, feria secunda, post Dominicam Paschæ, comes noster Theodoricus equitabat ad Insulas et vicinias illas obtinuit. Interim Lambertus ex Wingibina cum paucis militibus excursum fecit contra Brugas, et simul cum illo nepotes Thanmari, incenderunt domum Fromoldi junioris notarii comitis, quæ domus defensabiliter steterat in Berenhem. At consul Willelmus ad regem Franciæ ascendit eadem tempestate apud Compendium, qui locus est in Francia, quatenus a rege acciperet consilium et auxilium, quo modo Flandriam obtineret. Episcopo nostro Simoni Noviomensis sedis libere reddidit duodecim altaria, quæ in feodum acceperat, ut advocatus et defensor staret ecclesiarum Dei, quæ in Flandria sunt, eo tenore quatenus episcopus banno et excommunicationis verbo damnaret omnes, quicumque Flandrensibus terræ cives suscepissent consulem Theodoricum, et ad potentiam consulatus promoverent, atque comiti Willelmo violenter et sine iudicio superposuissent. Hoc ergo pacto episcopus misit litteras in Gandavum, et suspendit inibi ecclesias a divino officio.

161. Pridie Kalendas Maii, feria secunda, Lambertus ex Reddenburg, qui sub nota traditionis fuerat, usque dum satisfacisset comiti Theodorico per igniti ferri examen, in Ostburg obsederat inimicos suos in validissima manu. Etenim asciverat sibi ex insulis maris circumquaque hominos et amicos cognatosque suos fere tria millia. At contra illum illi ex Reddenburg collegerant et peditum et equitum manum validam. Cum igitur utrinque accessissent illi ad obsidendum et isti ad liberandum obsessos, intervenit nuntius comitis Theodorici scilicet castellanus Gervasius, volens differre bellum, quousque comitis in præsentia pacificarentur. Sed quia perti-

naces fuerant Lambertus et sui ad occidendos obsessos; noluerunt aliquo modo differre, quin obsessos percuterent. Igitur dum insultum tot millia facerent, et obsessi egregie sese defensarent, ex improvise illi milites ex Reddenburg, qui auxilium obsessorum in alia domo eventum belli expectaverant, armati equis et pedibus alii et alii, tamen respectu obsidentium pauci, prosiliebant. Statimque strepitum et clamores infinitos in aera moventes illi qui prosilierant, perterritos et prorsus attonitos reddiderunt obsidionem facientes, in tantum ut fugam inirent, et clypeis et armis abjectis, ad cursitandum in fuga sese succingerent. Tunc illi prius obsessi in armorum virtute egressi, simulque et illi ex Reddenburg a tergo persequentes eos, qui sese fugæ dederant, omnium inimicorum illorum capitales et duces truncabant. Cæterum de peditibus quos voluerunt, eneabant. Sed et vulneratorum infinitus erat numerus et occisorum liberorum virorum numerus erat.

162. In hac ergo pugna notandum, quia Lambertus ille, qui nuper excusaverat se ferro ignito, non tradidisse Carolum consulem, modo occisus est. Nam quandiu erga Deum humiliter egit, Deus illi, quod in Domini sui morte egerat, indulxit. Igitur post liberationem igniti examinis, cum isdem Lambertus et sui sine aliquo respectu misericordiæ superbe cum tribus millibus paucos obsedisset, et eis obstinatus quantum in se erat non parceret, nec propter Deum nec propter sacramentum jurandi, quod comiti Theodorico fecerat ut nullam in propria vel suorum persona seditionem moveret, voluisset pugnam et stragem obsessorum differre; merebatur ipse occidi, oblitus misericordiæ Dei et dispensationis, qua eum reservaverat vitæ, cum omnibus occidendus videretur, si tamen dignos pœnitentiæ fructus, sicut promiserat Deo et Ecclesiæ institisset. Cum enim servus humiliter agit cum Domino pro suo reatu, Dominus indulget servo secundum legem pœnitentiæ agenti. Cum vero homo juste agens, in alium hominem perverse egerit, et Deus iudex inter utrosque asciscitur, fidem juste agentis Deus juvat, injustum hominem a causa prosternens, et in obstinatione sua confundens. Unde fit ut in bello alter iniquus prosternatur; in iudicio aquæ vel ferri iniquus pœnitens tamen non cadat. Notandum vero quod isti occisi in Ostburg, primitus consilio et dolis suis Theodoricum comitem in Gandavo et Brugis præstituerunt et Willelmo comiti supposuerunt. Et quamvis Theodoricus hæres sit naturalis Flandriæ et justus comes et pius, Willelmus vero comes Flandriæ sit inhonestus et civium terræ persecutor, tamen non iuste consuluerunt ii qui nunc miserabiliter jacent occisi, nec a traditione domini sui poterunt dici innocentes, quorum consilio et violentia doli adhuc comes Willelmus erat in terra sua Flandrensi.

#### CAPUT XXI.

*Pugnæ et irruptiones bellicæ inter Guilielmum Northmannum et Theodoricum Alsatium.*

163. Sexto Nonas Maii, in nocte feriæ quartæ, illi

qui in Gandavo in domo comitis a civibus illis adhuc obsessi tenebantur, eo quod in parte Willelmi consulis persistenter, exierunt, et platearum domos plurimas incenderunt. Cumque cives pro ignis destructione laborarent, securibus exciderunt jactatoria ingenia, scilicet mangunellas (225), quibus lapideam domum et turrim, in qua debebant obsessi, prosternerent. Eodem die, scilicet quarta feria Gervasius castellanus Brugensis cum militibus obsidere voluit in Winchina in parte comitis Willelmi agentes. At illi strenui milites occurrerunt Gervasio, et ipsum illum vulneraverunt, et de armigeris duos cœperunt, equos et palefridos lucrati sunt.

164. Tertio igitur in Nonis Maii, Sabbato revoluto anno, instabat dies anniversarius omnium illorum qui de turri præcipitati erant pro morte Caroli comitis. Et notandum quod in hac eadem septimana occisi sunt in Ostburch Lambertus filius Ledewif et cum ipso plures, quorum consilio et traditione Theodoricus Flandriæ superpositus violenter est Willelmo Northmannensi. In hac eadem hebdomada satagebat rex Franciæ in pridie Nonas Maii, Dominica *Misericordia Domini*, convocare archiepiscopos, episcopos et omnes synodales personas in clero et abbates et discretissimos, tam in clero quam in populo, comites et barones cæterosque principes, ut ad se in Atrebatum convenirent, habiturus consilium de istis duobus consulibus, quem eorum cum regia potentia expelleret, aut quem stabiliret. Quo tempore Theodoricus in Insulis et Willelmus errabat in Ipra. Tota vero terra in periculis agitabatur, in rapinis, incendiis, traditionibus, dolls, ita ut nemo discretus viveret securus. Igitur utrobique expectabant, quod consilium, aut quæ sententia daretur in curia et conventu tot prudentum et discretorum virorum, et quæ pericula in futuro timerent, cum omnia pericula sibi superventura timerent. Et notandum quod omnes fere, quibus terra Flandrensis prohibita erat propter traditionem Caroli consulis, et hoc secundum judicia principum et baronum terræ, hoc tempore reversi sunt in terram hac simulatione et dolo, ut si quis esset, qui eos auderet interpellare de traditione, ipsi interpellati responderent secundum vel quod miles erat in curia comitis, vel secundum quod inferioris conditionis coram scabinis et iudicibus terræ. Igitur adhuc nullus interpellatus est nec respondit.

165. Et memorandum quod cum jam primo comes Theodoricus in Insulas conscendisset, quædam incantatrix occurrit illi descendens in aquam illam, quam comes transiturus erat per pontem juxta incantatricem. At illa conspersit consulem aquis. Igitur, ut aiunt, comes Theodoricus languebat in corde et visceribus, ita ut comestionem et potum fastidiret. Cumque milites ejus indoluissent super eo, cœperunt incantatricem, et ligatis manibus et

(225) Beka De episcopis Trajectensibus in Joanne II: *Applicando manginellas ad quassandum turres. Idem manganas sæpe scribit ut infra num. 181 ma-*

pedibus, stipulis et straminibus succensis impostam combusserunt. Ab illo ergo tempore usque in septimum Idus Maii, Cono ex Frorerdeslo in Winendala, et illi qui in Winchina cum Lamberto arma ferebant contra comitem Theodoricum et suos, non desistebant deprædari villas circa se et rusticos, simulque cum rebus ipsorum violenter auferre. At Brugenses fossatis novis circumdederunt se, vigiliis et insidiis suis et suorum militum sese defensabant. Quo tempestate villa Orscamp deprædata est prorsus a militibus Willelmi consulis.

166. Pridie Idus Maii, feria secunda, Brugenses impetebant illos in Winchina, et vulnerati sunt utrinque plurimi et mortui quidam. Non tamen oppidum illorum obsessorem destructum est.

167. In Idibus Maii, feria tertia, Willelmus comes, collectis militibus suis, invasit præconem in Orscamp, et fugavit illam in ecclesiam ejusdem ruris, et clausum intus obsedit eum, appositisque ad fores templi ignibus ipsas fores conflagravit. Interim burgenses nostri occurrerunt ei armati in Orscamp, et cum perspexissent et consulem et milites ejus et flammam ignium in templo, perterriti fugerunt et plures capti sunt eodem die. Cum ergo in fugando et in persequendo cives nostros comes excurreret, præco ex Orscamp cum paucis e templo prosiliebat, et evasit periculum ignis, et captus est unus militum, qui in evasione eadem exiverat a templo; Burgenses vero nostri fugerunt timore et pavore perterriti, simulque quia conscii erant sibi, quod eundem comitem Willelmum injuste expulerant et tradiderant; et quidam eorum in furnos campestris latuerunt, de quibus extracti, captivi sunt abduci.

168. Duodecimo Kalendas Julii, feria secunda, fama retulit ex Lens, regem Franciæ fugisse ab Insulis, ubi comitem nostrum Theodoricum obsederat per quatuor dies. Eadem tempestate Gendenses evisceraverant quamdam incantatricem, et stomachum ejus circumferebant circa villam suam.

169. Quarto Kalendas Junii, feria tertia, comes Willelmus, collecta maxima manu militum et perditum, invasit Brugas, et usque in portis et cingulis et infra fossata nostra insultum impetuoso et animose inferebat. Utrobique alii interfecti, alii per plures sunt vulnerati. Tandem in vespera reversus est apud Jadbeca (226).

170. Tertio Kalendas Junii, feria quarta, comes Willelmus rapuit iterum apud Orscamp rusticos et milites cum armatis, et violenter abduxit apud Winendala et Oldenburg.

171. Pridie Kalendas Junii, in die Ascensionis Domini, ex Oldenburg misit quemdam monachum, nomine Basilium, comes Willelmus præcipiens notario suo Basilio, ut ad se festinaret, eo quod in præsentiam suam berquarii et custodes curtium et

*gnella* dicitur.

(226) *Jadbeca* hora itineris Aldenburgo distat, uti e. Strateno.



reddituum suorum rationem debitorum suorum red lituri venissent. Igitur monachus ille detentus est in Brugis per Iwanum, et Gervasium castellanum et Arnoldum nepotem Caroli consulis, qui priore die a Bruburg venerat Brugas. Eodem tempore comes Willelmus Oldenburg circumsepi et fossatis firmari præcepit, ubi se et suos recipere ordinaverat. Igitur nemo ruricola circa nos securus erat, sed cum omni suppellectile sua, aut ad nemora subterfugerat et latitabat, aut infra Brugas ascendit, vix ibidem vitæ suæ aut rerum securus.

172. Quarto Idus Junii, Dominica sancta Pentecostes, comes Theodoricus venit Brugas, conquisitis circumadacentiis villarum circa Gandavum, et in maximo gaudio susceptus est a nostris.

173. Tertio Idus Junii, feria secunda, milites et latronculi quidam, qui erant in parte Willelmi consulis, ex Jadbeca prodibant, et quasi speciem pacis ferrent, cum milite quodam ex nostra parte manente, sermones et salutationes conferebant. Hujus ergo equitis nostri domus defensabilis et firmissima stabat: in quam omnes circummanentes, et plures ex civibus Brugensibus res suas comportaverant, quas ibidem tutius salvarent. Interciperunt ergo equitem illum in curie sua secure vagantem, et traditum vulneribus interfecerunt, et domum, eodem expulso equite, violenter obtinuerunt. Statim comes Theodoricus lætus cum innumera multitudine advolans obsedit eos, coegitque eos obsessos ut sese redderent. Quos tamen salvis membris abire dimisit, et equitem dominumque illius domus bene in propria domo restituit, feria tertia scilicet, pridie Idus Junii.

174. Eodem pridie Idus Junii, audientes milites consulis Willelmi, qui in Oldenburg, et Jadbeca, et Straten jacuerant, ut insidias pararent nostro comiti Theodorico et nostris, quod cum tota potentia sua obsidionem Theodoricus fecisset extra in remotis villis a Brugis, accurrentes circa sexaginta præcursores, incendunt domum vicinam castro Brugensi, allicere volentes cives nostros, quos fortassis sic caperent. Magis vero ideo nos impetebant, ut Theodoricum consulem per ignis fumum et flammam ab obsidione revocarent. Igitur castellanus Gervasius cum militibus occurrens ad insultum insidiatorum, cœpit duos milites strenuos, Walterum nepotem Thancmari, per quem occasio et causa seditionis et pugnae totius originem habuit inter Borsiardum, illum traditorem comitis Caroli, et Thancmarum; cœpitque alium cum Waltero militem. Sed isdem Walterus lethaliter vulneratus erat in captione illa. Cives vero Brugenses manus præ gaudio complosas conferebant, animi exhilarationem non satis sibi invicem

ostendentes pro tam bono suo successu. Nam tandem post tot mala, post tot prædas et domorum incendia, et post tot homicidia in nostro perpetrata, captus est Walterus ille a nostris, qui caput (227) et principium fuit totius mali terræ nostræ, pro cujus dolis Carolus consul traditus est; non quod ipso tradidisset, sed hostes suos Borsiardum et suos ad tradendum compulisset. Hæc quoque dico secundum sensum vulgi et secundum furorem animi illorum, qui modo captivum Walterum præfatum suspenderet aut novo et inaudito mortis fine dissipasset, si comes permisisset. Nam viso igne juxta Brugas, comes Theodoricus jam ab obsidione revertens, cum tota multitudine accurrit, sed ante accursum ipsius capti sunt illi duo et cæteri insidiatores retro fugati.

175. Eodem die Walterus ex Somerengem (228) et milites et pedites cum eo, qui quidem ex nostra parte militabant, apud Haltras capti sunt. Eodem die Daniel et Iwan apud Ruplemunda super ducem Lovaniæ quinquaginta milites ceperunt. Eodem die miserunt Iprenses secreto litteras Brugensibus, quatenus privatim et in tuto loco aliquos sapientiores nostros et suos vellent convenire, et de honore comitatus utiliter agere.

176. Quarto decimo et decimo tertio Kalendas Juli, comes Theodoricus ascenderat cum comite Frederico (229) in Gandavum, et collegit sibi infinitum exercitum de Axla et Buchold et Was et confinibus illis; adduxit quoque instrumenta jactatoria, quibus dejiceret domos defensales et oppida inimicorum suorum. Applicuitque cum gravi exercitu ad Tiled (230), et obsedit domum Folket militis. Igitur duodecimo Kalendas Julii, feria quarta, Brugenses occurrerunt comiti cum suo castellano Gervasio et cum infinita Flandrensium multitudine, qui cum ipsis conjuraverant. Considerunt ergo foris nocte sequente circa domum prædictam. Igitur comes Willelmus juxta subsequens exercitum circumspexit quota foret turba et exercitus qui militem suum obsederant. Nec parum indoluit de injuria illa, et grassanti arrogancia obsidentium. Elegerat namque Willelmus comes prius emori, quam tantum opprobrium sui sustinere. Igitur undecimo Kalendas Julii, feria quinta, et die quarto ante festum S. Joannis Baptistæ, circa mane, in Oldenburg ab abbate illius loci, religioso et prudenti viro, pœnitentiam suorum peccatorum devotus suscepit, et vovit Deo ut deinceps pauperum foret advocatus et Ecclesiarum Dei. Similiter omnes strenui milites ejus voverunt, circumcisisque crinibus et rejectis vulgaribus indumentis, camisia et lorica, cæteris armis induti sunt, humili voto apud Deum et fortis-

(227) Hinc data occasio scribendi ab Stratensibus occisum esse B. Carolum, ut supra dictum.

(228) Somerghem in agro Gandensi tertio ab urbe milliari. De cujus familiæ antiquitate agit Sanderus lib. iv Rerum Gandavensium pag. 177, asserit Beanardum et Walterum de Somerghem vixisse sub Philippo Alsatio.

(229) Fredericus ut frater Theoderici nominatur apud citatum supra Vignerum in Originibus Alsatiae pag. 115.

(230) Tiledum, in agro Curtracensi oppidum, civium Harlebecanorum jure ac privilegiis a Guilielmo Northmanno donatum, uti ex Grammajo tradit Sanderus in Flandria illustrata, pag. 427.



simozelo progredientes ad bellum, veneruntque in vertices montis, qui eminebat juxta exercitum Theoderici consulis; ibique præordinabant sese ad bellum.

177. Fecit ergo Willelmus comes tres turmas equitum, et obtinuit primam suorum aciem, cujus ipse dux primum insultum facere se constituit. Ex adverso itaque Theodoricus comes similiter ordinaverat acies suas; in quarum una ipse et Gervasius castellanus capita erant, in altera comes Fredericus; curtatisque hastis utrinque paulatim sese aggressi sunt in virtute hastæ et gladii, cecideruntque infiniti. Cominus pugnabant, non aliter quam morti se offerrent, in media arma inimicorum corruerant. Ante quidem sese præjudicaverant mori in bello, quam a comitatu expelli. In agresso enim primo Daniel, qui caput erat militiæ Theoderici consulis, volebat se inferre cuneis Willelmi consulis, ibique dejectus est comes Fredericus, et contra illum victus Riquartus ex Woldman in priore vincitura: plures quippe et infinitæ fiebant in invicem victoræ. Tandem gladiis contendebant.

178. At pars et cuneus ille, in quo Willelmus comes pugnabat, deficere incipiens, retro in fugam se convertit, quam Daniel persequatur cum suis. Cumque utrinque laborarent, illi in fugiendo, illi in persequendo, secunda pars cuneorum Willelmi consulis, quæ ad insidiandum latebat, prosiluit in adversas facies Danielis et suorum; et, quia recenti virtute et unanimi consensu exhortati fuerant et instructi ad bellum, in nullo hæsitantes, hastis et gladiis persecutores illos interruperunt. Tunc comes Willelmus a fuga velociter resiliens, sese cum suis recepit, unoque cursu et animo virili ac robore corporum suorum crudelitati armorum et dispersioni inimicorum insistebat. Igitur universi qui cum consule Theodorico pericula belli sibi imminere præviderant, in diversa armis disjectis, nudique prorsus fugerunt: adeo ut cum comite suo præter decem milites nulli commanerent. Willelmus quidem comes et sui loricas projectiles, leviores equis insidentes, tunc tandem victoriæ suæ fructum consecuti, hostes alios occiderunt, alios ceperunt.

179. Circa mediam noctem ad Brugas rediit comes Theodoricus: cæterum quo Willelmus comes redierit, non audivimus. Tunc nostri loci conjuges viros suos, filii patres, servi et ancillæ dominos suos perditos deflebant, casum et infortunium belli perquirentes, tota nocte et deinceps fletibus et suspiriis languebant. Summo diluculo igitur cum exirent nostri ad mortuos suos, iterum a militibus Willelmi capti sunt. Tam gravis persecutio et multiplex captivitas nostrorum nunquam audita est contigisse in nostris partibus ante hoc facinus belli. Infinita vero pecunia data est pro captivatis nostris redimendis Willelmo comiti et suis, et sic quodammodo iterum terra nostra deprædata. Tandem audientes nostrates, quod Willelmus comes ante ingressum belli se

A Deo humiliter subjecisset, pœnitentiæ remedium insumpsisset, crines et superfluas vestes ipse et omnes sui truncassent post belli infortunia sua, cives nostri simul cum suo consule Theodorico crines et vestes circumciderunt, et ipsi quoque presbyteri nostri ad exemplum inimicorum tandem pœnitentiam prædicaverunt, et post tot damna, spolia et captivitates in nostros peractas indixerunt jejunium universale, et ferebant cruces et scrinia sanctorum in ecclesiam B. Mariæ in Brugis, ibique excommunicaverunt omnes sacerdotes Brugenses ex nomine Willelmm comitem Northmannum, Thanerannus decanus, Eggardus, Sigebodo, Heribertus, Fromoldus senior, Theodoricus presbyteri, feceruntque vovere consulem Theodoricum coram universis, quod si aliqui ex Irensibus sese ad ipsum converterent, misericorditer eos susciperet, sive de omni comitatu, quicumque se converterent similiter ad ipsum, non exhæredaret eos.

B 180. Octavo Kalendas Julii, Dominica, in die S. Jaannis Baptistæ, in ecclesia B. Mariæ crucifixus, qui stabat in pavimento ad adorandum fidelibus, per seipsum et Dei virtute a loco in quo firmiter fixus steterat, sursum levatus decidisset in pavementum, nisi quidam custodum ecclesiæ casum manibus præripuisset. Qui quidem custos iterum solito loco infixit crucifixum illum, et cum abiisset, iterum sicut primitus, ab infixione levatur et ruere cœperat idem crucifixus. Tunc omnes, qui ad adorandum stabant accurrentes, iterum infixerunt, putantes casum illum evenisse ex incuria insipientis. Sed circumquaque conspectantes, incuriam nullam hoc fecisse probaverunt.

C 181. Quarto Nonas Julii mensis, feria quarta, in translatione Martini episcopi Turonensis Ecclesiæ, obsedit comes Willelmus Northmannensis cum gravi exercitu domum magni præconis in villa Orscamp, adducens instrumenta jactatoria, magnellam et pyrriam, quibus dejiceret domum præfatam. Sed Theodoricus comes cum civibus Brugensibus et Flandrigenis circa Brugas et infra fossata et sepes ejusdem domus, simulque Arnoldus Wineth, sese opposuerunt, utrumque vero exercitum fluvius diviserat, qui domum illam prædictam orientem versus muniebat. At ex illa parte in qua Willelmus insultum fecit, domus illa sepibus et fossatis firma fuit. Multi igitur in agresso belli et pugna in invicem, utrinque mortui seu vulnerati sunt, sed domus et fossata et sepes ejus firmiter perstiterunt. Tandem turrim ex una et turrim ex altera parte oppositam erexerunt, quibus conscensis acriori modo pugnaverunt. Tunc exercitus Willelmi eo quod ventus ex occidente duriter perflaret oppositum sibi hostium cuneum, comportari jussit undecunque fenum, herbam, tecta domorum, fruteta et omnem materiam, quæ subministraret impletionem fossatorum, ut sic intrarent ad hostes oppositos. At illi de intus ignem pice et unoto veteri et cera levius ardentem machinæ injecerunt, et ita igne consumptum est quicquid coniectum fuit.

Ejusdem quidem machinæ ardentis fumus ventorum A stridore agitatus, in oculos irruit eorum, qui ignem injecerant ab intrinsecus; hastis et telus et sagittis multi occubuerunt infecti. Sedit igitur Willelmus ille sex dies in obsidione illa; in quibus diebus tot militias, tot tornationes exercitabant milites utriusque exercitus. Nam cum fluvius profundus esset inter utrumque hostem, quærebant omni tempore obsidionis milites Willelmi vada et transitus fluvii, quibus transire non differebant, avidi pugnae et belli, utpote illi, qui fortiores armis et numerosiores erant multitudine. Sexto ergo die, qui erat septimo Idus Julii, feria secunda, circa vesperam, videns Willelmus quod nihil proficeret in obsidione domus illius, transire jussit milites quadringentos per vada fluvii, et combusserunt domum Ansboldi militis et domos fratris et sororum ejus. Tunc exercitus ejus recessit; at nostri fugerunt in Brugas, et vicini, qui circa nos commanebant, cum omni suppellectili sua et pecudibus fugientes, intraverunt ad nos in Brugas, tremore et pavore attoniti, noctemque illam insomnem duxerunt. Eadem die monachi S. Tradonis et eorundem cellula juxta Orscamp sita, prorsus deprædata est, ut nec libri vel calix sacrificii ibidem remaneret.

132. Notandum quidem quod nullus sapientum inter nostros Brugenses ausus erat vera profiteri de casu et infortunio et fuga nostra. Quicumque enim aliquid veritatis profitebatur, illum traditorem loci nostri et fautorem Willelmi consulis deturbabant, mortemque subito minati sunt. Nec mirum, quia Deus obstinabat corda eorum, ne omnem veritatem vellent audire. Tamen cruces et processiones per ecclesias a clero delatas subsequentes, magis Deum ad iram, quam ad placationem provocaverunt; quia in obstinatione animi, in malis ei in superbia et pugna contra potestatem a Deo ipsis prælatam exererant. Omni quidem potestati omnis anima debet esse subdita, sicut ait Apostolus (*Rom. XIII, 1*). Igitur si in loco illo, unde pessimæ traditiones emergerant, infortunia contingerent, bella, seditiones, homicidia, opprobria sempiterna totius Flandriæ, nonne jure idem locus debetur omnibus malis? Et si Ecclesia fratrum patitur, quæ in Brugis est, nonne merito, quia præpositus ejusdem Ecclesiæ causam malorum intulit? Et, quamvis nemo auderet annuntiare bannum, et anathema archiepiscopi nostri et episcopi cæterorumque suffraganeorum episcoporum ejus, audivimus et cognovimus quidem vere, et nos fuisse merito in banno positos, et in prohibitione divini officii, eo quod superposueramus comitem comiti, et infinitas mortes per hoc intulimus universis. Presbyteri nostri et clerus nostri loci præparaverunt sese ad pugnam cum populo et turba, male illius memores quod starent quasi murus pro domo Israel.

(231) Alostum Flandriæ imperialis præcipua civitas, Gandavum inter et Bruxellam sita, cum illustri territorio; olim Brabantum annumerata.

183. Quarto Idus Julii, feria quarta, in translatione Benedicti abbatis, Christianus de Gistela et fratres Walteri Pennati mendacii venerunt Brugas per conductum Danielis. Et posuit Christianus filium suum in obsidem, et fratres præfati duo remanserunt obsides, pro Waltero fratre suo compediti in domo comitis, quæ est in Brugis. Ferebant igitur secum Christianus et milites ejus Walterum illum, donec viderent, si aut convalesceret aut moreretur, utpote illum qui vulneratus ad mortem languebat.

#### CAPUT XXII.

*Mors Guilielmi Northmanni. Regimen pacificum Theodorici.*

184. Quarto Idus Julii, feria quinta, dux Lovaniæ obsedit Alst (231) cum gravi exercitu, et venit sibi in auxilium comes Flandriarum Willelmus cum quadringentis militibus. Interim apud Bruges multa mendacia volitabant de negotio obsidionis præfatæ.

185. Contigit interim quod in Brugis molendinum aquis immersum undique dilapsumque destrueretur et aqua, quæ ad plagam meridiei munierat castrum et suburbium Brugense, in loco, quo molendinum concluserat aquas, elaberetur fere tota. Inde commoti cives accurrebant, et fimo, lignis, terra aquas effluentes obstruebant. Imputabant igitur suffossionem molendini factam fuisse furtive ab inimicis suis, eo quod ita post defluxum aquarum, castrum et suburbium ipsorum ad ingressum pateret hostibus. Multi aderant divinatores et laici et sacerdotes, qui adulabantur civibus nostris, prædicentes eis, quæcunque sciebant cives voluisse audire. Si quis vero sapiens de negotio obsidionis, aut de loci et civium periculis imminentibus verum profitebatur, vilissima repulsa impetitus ab ipsis obtulit. Adhuc vero languebant cives nostri in extorquendo pecuniam ab invicem, quam comiti Theodorico transmitterent in expeditionem obsidionis præfatæ. Similiter illi ex Gend laborabant. Erantque in Alst obsessi Iwan et Daniel, et comes Theodoricus cum forti milite, satisque in bello probato.

186. Octavo Kalendas Augusti, feria quarta, in die S. Christophori reductus est Walterus Pennatum mendacium in captivitatem in Brugis; et redditi sunt obsides, qui pro eo dati et usque ad id temporis observati fuerant.

187. Sexto Kalendas Augusti, sexta feria, post transfigurationem Domini in monte Thabor, dignabatur dominus suæ prævisionis et nostræ simul persecutionis ponere in hac seditione quodammodo finem, quia comes Willelmus Northmannus, dum in assultu præfatæ obsidionis se prætulisset hostibus penes castrum Alst, dejectus ab equo, dum sese in pedes recepisset et manum dexteram ad oras armorum deduceret, quidam peditum ab hostibus prosiliens, lancea eandem dexteram consulis in

palma perficiens, medium brachii, quod adjunctum manui cohæserat, perfodit et lethali vulnere infecit. Quem milites sui collegerunt, utpote dominum suum miserando occasu morientem, ac per totum illum diem mortem celando inimicis, sine planctu et ejulatu, voces et clamores dolorum compresserant tanto acriori mentis angustiati confusione. Dux igitur Lovaniæ quærere satagebat, ut se et suos componeret cum comite nostro Theodorico, et totius discordiæ in vicem habitæ, causas in iudicio Iwan et Danielis et regis Angliæ commendavit. Concessione ergo compositionis utrinque laudata, dum rogabat comitem nostrum Theodoricum, ut ducatum præberet consuli Willelmo reverendi cum suis pacifice ab obsidione; cumque omnem comes Theodoricus duci super hoc assensum præstitisset, ait dux: « Ecce, quem in tantum virtus tua persequitur hostem, Willelmus comes a vulnere lethali exspiravit. » Igitur prosiluit unusquisque utrinque alius ad defendendum tanti et tam præcipui militis occasum, alius ad excitandum hostes in exultandum, alius ad denunciandum his qui domi remanserant; ut sibi præcauti rerum suarum non nisi vigilanter et præconsiderati agerent. Volitabat enim undique rumor et fama mortis principis illius, et qui in fide et securitate ejusdem consulis decertaverant, ad tutiora loca sese conferebant. Tunc cum planctu infinito et clangore excelso corpus militis strenui feretris impositum ad S. Audomarum humandum transtulerunt.

188. Cæterum Theodoricus comes inimicos suos persequobatur ubique, et conflagratione ignis eos vastavit, captivavit, disperdidit, nisi qui gratiam ejus ante conflagrationem ipsam, aut pecunia, aut aliter conquisierant. Ascendit igitur Theodoricus comes apud Ipram quarto Kalendas Augusti, Dominica, cum infinito militum auxilio et obtinuit Ipram. Cives vero Brugenses et milites et solidarii eorum exierunt, et deprædati sunt villam Ridevorda, et domos combusserunt. Igitur Lambertus ex Ridevorda et Lambertus ex Winchina, aliqui ex Folketh et Tileth (232), et plures alii de confiniis nostris, qui in auxilio consulis Willelmi certaverant, sese in oppido Winendala reciperunt. Illi quoque qui in Ipra cives in parte constiterant Willelmi, cum Isaac (233) apud Formesela sese contra comitem Theodoricum firmanerunt; ubi exercitata est militia maxima. Et notandum quod cum in tantis periculis Brugensium locus fuisset, ut cives nullo consilio sibi posse, nisi a solo Deo, mederi credidissent, et ideo cordis sacrificio Deum placassent, dispensatione solita Deus subvenit ipsis. Nam consulem Willelmum gladio sui iudicii enecavit, sed illo quippe modo, ut non in propria sed in alienæ pugnæ causa, scilicet ducis illius, cujus in auxilio militabat, emoreretur. Proinde nos Brugenses a morte illius innoxii deputabamur;

(232) Folquet domus in Tileto supra num. 176 statuitur.

A quoniam quidem nemo e nostris ipsi intulerat mortem, imo eodem tempore quo functus est a vita nos timebamus illum procul dubio ad nos obsidendos futurum. Illi etiam ex Ostkercka milites qui de consilio comitis Theodorici et nostro pendebant, eadem die qua obiit consul Willelmus, improperabant nobis, quod traditores fuissemus et recesserunt a nobis. Interea apud Brugas nuntius venit, qui mortem denuntiaret Willelmi consulis. Quo audito cives et omnes nostrates Deo referent gratias pro tanta liberatione sua et rerum suarum.

189. Igitur mirabilis dispensatio Dei, quæ hoc modo principem illum mori dispensavit, ut in ducis præfati obsidentis Alst auxilio obiret extra consulum nostrum. Et quanquam contra nostrum comitem et nostrates in parte pugnaret, non fuit quidem alicujus alterius causa illius pugnæ et obsidionis quam ducis. Et licet Willelmus comes libenter quacunque occasione nostrates impugnaret et ideo in auxilium ducis maxime conscendisset, ejus pugna aut ejus mors ibidem a Deo præfixa, non imputabatur nisi duci. Ducis enim miles in hoc fuerat, nec ibidem pro comitatu primo, sed pro salute et honore ducis velut alius quislibet solidarius, mortuus est. Contentunt aliqui quod nostrates, postquam expulerant Willelmum consulem, superopposuerunt ei Theodoricum comitem et eundem argento et consilio et omni facultate tam consilii quam pecuniæ, undique confirmatum in castris et omnibus locis, in quibus prævenire poterant, Willelmo illi opposuerunt ad resistendum. Illo enim modo non potuerunt innocentes a morte illius probari. Alii dicunt ducem impetisse Theodoricum quia præciebat, si ipse Theodoricus forte regnaret et persisteret in consulatu Flandrensi, multa mala posset in posterum inferre sibi et fortassis a ducatu expelleret, aut saltem dotem illam, pro qua comes Theodoricus satagebat ducem coram imperatore appellare, violenter auferret. Comes Willelmus pro consimili causa in prædicta ducis obsidione impugnabat comitem Theodoricum, quia sciebat hunc emolliri, quo astu a consulatu expellere ipsum potuisset: attamen sibi injuste et traditiõe sciebat illum Theodoricum sibi superpositum fuisse, et ideo utrique poterant rationabiliter et comes Willelmus pro causa ducis et pro propria injuria ibidem recte occubuisse, et comes Theodoricus pro dote a duce expositulata juste et pro comitatu oblique tradito, ibidem restituisse duci et Willelmo comiti.

190. Quæratur ergo cum per mortem alterius Deus pacem vellet restituere patriæ, cur magis dispensavit, ut moreretur Willelmus comes, qui justiorrem causam regendi terram obtinuit, et quare non citius mortuus fuit Theodoricus comes, qui injuste superpositus videbatur, aut qua justitia Deus concessit ei consulatum, qui violenter arripuit dignita-

(233) Isaac de Formesele subscripsit litteris B. Caroli anno 1121 sæpe citatis.

tem ? Si igitur neuter eorum bene suscepit comitatum, jura utriusque erat auferendus. Attamen quia jure hæreditario Theodorico consuli pertinebat comitatus jure eum possidet. Et si injuste videatur arripuisse, tamen quia olim ante electionem illius Willelmi, qui mortuus est, per litteras directas primatibus Flandriæ requisiverat, quod sibi pertinebat : quanquam et tunc non sit exauditus ab illis, non minus debebat petere et conquirere hæreditatem suam, quæ injuste sibi ablata est, et alii injuste a rege Franciæ vendita. Igitur post tot controversias præponimus justiore causam Theodorico comiti, qui non injuste dicitur superpositus consuli Willelmo : imo ille comes mortuus ipsi Theodorico injustissime superpositus est, et per coemptionem ex regis potestate, potestative comes effectus. Igitur illum ex antiqua justitia Theodoricum vitæ reservavit et suæ hæreditati restituit, illumque morte a consulatu removit, qui quantumcunque potenter viveret, totam terram vastaret, omnesque terræ incolas ad bellum civile provocaret, legesque Dei et hominum confunderet : quem lege districta Deus, viam universæ carnis ingredi non sine malis meritis suis adjudicavit. Nec enim comes Willelmus de omnibus, quæ in vita possedit, secum post mortem permanere fatebitur inter umbras, quas ad pœnalium loca præmisit, nisi militiæ, laudem : bonus enim in militia dicebatur. Igitur tantam injuriam, quia nulla potestas humana corrigere aut potuit aut noluit, secundum lineam districti examinis sui Deus correxerat. Ideoque in homines Flandriæ iram et fla-

gella indignationis suæ intulit, quia omnium erat in arbitrio positum ante deliberare, prævidere, et discutere, et summa diligentia perquirere ; Deumque contrito corde et piæ mentis sacrificio super hoc placare, quam sibi et patriæ Domini præstituerent, et electum amarent et venerarent. Quia ergo hoc neglexerunt, eum, quem incaute Dominum susceperunt, tyrannum et vastatorem totiusque mali exactorum perpessi sunt, eundemque post electionem in consulatu nullam viam vel mores honestos prædecessorum comitum, principes et bajuli (234) aut consilarii terræ docuerunt ; sed ad prædum et argutas fallacesque causas instruxerunt, quibus pecunias infinitas super cives et burgenses terræ conquirerent, et quandoque violenter extorquerent.

191. Igitur Theodoricus Flandriarum marchio ab illo mortis Willelmi tempore regnavit, et per agratis castris, scilicet Atrebato, Tervannia, S. Audomari, Insulis, Aria, in quibus locis more bonorum prædecessorum suorum venerabiliter susceptus est a clero et populo et fide et hominibus confirmatus, tandem ad reges Franciæ et Angliæ ascendit, suscepturus ab ipsis feoda et donaria regalia. Complacuit ergo sibi utriusque regni scilicet rex Franciæ et rex Angliæ super comite nostro Theodorico, et investituras feodorum et beneficiorum, quæ ab ipsis sanctissimus, et piissimus comes Carolus obtinuerat, gratanter dederunt.

## RHYTHMUS ANTIQUUS

Ex ms. Jacobi Sirmundi Soc. Jesu

### § I. — Lamentatio de morte B. Caroli comitis Flandriæ.

Proh dolor ! ducem Flandriæ et defensorem Ecclesiæ,  
Bonum tutorem patriæ, et cultorem justitiæ,  
Traditorum versutia, impiorum nequitia,  
Plena gravi invidia, peremit pro justitia,  
O infelix Flandria ! o crudelis, o impia !  
Quæ te cepit dementia ? quæ perversa nequitia ?  
Ut ducem tuum sperneres, mortem illius quæreres,  
Et laqueos prætenderes, protectorem perimeres ?  
Tu per eum florueras, et decorem indueras,  
Primatuum obtinueras, multis honore præceras.  
Sed quia fornicata es, prævaricatrix facta es,  
Et non audenda ausa es, præcæteris spernenda es.  
O infelix ! o misera fœ crudelis et pestifera !  
Cur intulisti vulnera, patris fundendo viscera ?  
Cur hoc scelus perpetrasti, pacis jura conturbasti,  
Justitiam violasti, patrem tuum jugulasti ?  
Quid vobis deerat, impii crudelitatis filii,  
Tanti sceleris conscii, timoris Dei nescii ?  
Non aurum, vestes, prædida, non equorum subsidia :  
Ergo pro multa copia, perpetratis flagitia.  
O mœrore plena dies, nostri luctus materies !

C Qua finitur nostra quies, per malignas progenies.  
Omni privanda lumine, tetro fuscanda turbine,  
Quo patriæ munimine, privatur et regimine.  
Impudens luge, Flandria, gravi digna miseria,  
Tibi manent supplicia, mortis inscrutabilia.  
Prius eras præcipua, modo facta es fatua.  
Exigente culpa, tua, strages reddetur mutua.

### § II. Lamentatio alia.

Carole, gemma comitum dux inclyte, flos militum,  
Te dolemus immeritum pertulisse interitum.  
Cujus prudens modestia, et solers vigilantia,  
Sollicite pro patria, tuta servabat omnia.  
Te exhorrebant impii, amabant pacis filii,  
Bonis locus refugii, malis eras supplicii.  
Te luget dulcis Gallia, pro te gemit Burgundia,  
Et proxima Britannia, insuper nostra patria.  
Quæ lacrymarum flumine exuberans sine fine,  
Flet vacua regimine, privata et munimine.  
O quam bona constantia, quam constans patientia !  
Moritur pro justitia, per quem constabat patria  
Cum esset in Ecclesia, intentus in psalmodia,  
Orans Deum mente pia ; emersit cohors impia.  
Mox exeruntur gladii, jugulant patrem filii,  
Perimuntur innoxii, una quatuor socii.

(234) *Balivi* potius legendum, de cujus vocis origine et significato, multa reperies in Glossario Spelmani.

Junguntur amore pio, mortis dantur exitio :  
 Eorum internecio fit Flandriæ confusio.  
 Hic cum duobus filiis pater truncatur gladiis,  
 Qui eruti ab impiis cœli fruuntur gaudiis,  
 Mox istorum cognatio compatiens exitio,  
 Luget, gemit corde pio, ut exigit conditio.  
 Cesset amodo luere, studeat preces fundere,  
 Constat animos quærere, juvari precum munere.  
 Pia Dei clementia, cæcos pro tua gratia  
 Transfer ad cœli gaudia, ut tecum sint in gloria.  
 [Amen.]

§. III. *Vindicta de morte ejusdem comitis.*

Descripta morte consu- cunctis inuisa populis,  
 [lis,  
 Lacrymis flenda sedulis, et inaudita sæculis ;  
 Describuntur crudelia impiorum supplicia.  
 Quæ pro sua nequitia pertulerunt in Flandria.  
 Justa Dei potentia volens tanta flagitia,  
 Supplicis obnoxia puniri cum justitia,  
 Mittit ab Austro indicem, justitiæ opificem,  
 Et nequitia vindicem, qui impiis reddat vicem.  
 Venit igitur Franciæ rex provisorus patriæ,  
 Inimicus nequitia, et amicus justitiæ :  
 Init grande consilium, qualiter agmen impium  
 Puniat, quod dissidium fecit per homicidium.  
 Cum principibus qui- de nefandis conqueritur :  
 [tur,  
 Consilium revolvitur, sanum tandem suggeritur :  
 Hortantur mentem re- ut transeat in Flandriam,  
 [giam,  
 Punitura nefariam nefandorum nequitiam.  
 Rex fretus hoc consilio, illuc it cum consortio,  
 Hos daturus exitio opere pro nefario,  
 Hoc audientes noxii iniquitatis filii,  
 Quærunt locum refugii, vim timentes imperii,  
 Intrans castrum tutissi- ad bellandum aptissimum,  
 [mum,  
 Cor habentes promptissi- tueri nefas pessimum.  
 [mum  
 Sed Isaac subtractus est, monachus simulatus est,  
 Ovina pelle lectus est, qui ferox lupo intus est.  
 Captus fatetur peccasse, tantum scelus perpetras-  
 [se,  
 Morter comitis tractasse, cum debuit honorasse.  
 Ore suo convincitur ad tormentum deducitur,  
 Sic in altum suspenditur, quod meruit assequitur.  
 Intrat ergo rex Flan- cohortem quærens im-  
 [driam, [piam,  
 De his per Dei gratiam expleturus, justitiam.  
 Venit potestas regia, machinis vallat mœnia,  
 Aggreditur palatia, quibus latet gens impia.

A Utrunque bellum geri- hostis hostem aggreditur,  
 [tur,  
 Alter mucione cæditur, alter jaculo figitur.  
 Istis dat vires charitas, illis crescit debilitas ;  
 His animum dat æquitas, illis tollit iniquitas,  
 Qui privati consilio, desperant de auxilio,  
 Tanto pro homicidio dari timent exitio.  
 Caput hujus nequitia nullius dignum venia  
 Per fenestram maceria dimittitur ab acie.  
 Dum desperat de venia cogente conscientia,  
 Fugit nequam per devia, mortis timens exitia.  
 Huc et illuc progreditur, fugere mortem nititur,  
 Sed latere non fruitur, qui hoc scelere premitur,  
 Compertum est præpo- sic latenter expositum  
 [situm,  
 Fugisse, ne interitum subeat propter meritum.  
 Passim per terras quæri- tandem repertus capitur,  
 [tur,  
 Ad judicium traditur, quod promeruit patitur.  
 B Tortores lenentes eum, ponunt in collo laqueum,  
 Trahitur ad equuleum, talis pœna decet reum.  
 In equuleo ponitur, pugnis, fustibus cæditur,  
 Sæva flagella patitur. sic cruciatus moritur.  
 Iste postquam mortuus patibulo suspensus est,  
 [est,  
 Ita tractari dignus est, qui proditor probatus est.  
 Redeamus ad alios iniquitatis filios,  
 Proditionis conscios, præ omnibus nefarios.  
 Audita fama miseri, de capite sic fieri,  
 Non cessant intus con- sic inuentes conteri :  
 [queri,  
 Burgardus mox exponi- fugiens errat, capitur,  
 [tur,  
 Captus ad mortem trahi- rotæ suspensus moritur.  
 [tur,  
 Audiens cohors impia, et hunc pati supplicia,  
 Desperando de venia, reddit castelli mœnia.  
 Intrat castrum rex incly- et ipsius exercitus.  
 [tus,  
 C De consule sollicitus, currit fundendo gemitus.  
 Adducit tradi tumulum, gemitum promens quera-  
 [lum.  
 Flet, plangit gemmam bene regentem populum.  
 [consulum,  
 His expletis doloribus, et captis proditoribus,  
 Alligantur compedibus, mancipandi tortoribus.  
 Tractatur de supplicio, exquiritur confusio,  
 Placet vultui regio, hos mori præcipitio,  
 Ruunt, ab arcis solio, mortis dantur exitio,  
 Hoc sunt digni supplicio, quibus placet proditio.

## EPITAPHIA ANTIQUA

a Jacobo Mejero ex mss. edita.

### I.

Hic pupillorum pater, adjutor viduarum,  
 Salvator patriæ, zelator et Ecclesiarum,  
 Pax et vita suis, formido et mors inimicis.  
 Rebus pace suis undique compositis,  
 Flandrorum consul, Dacorum regia proles,  
 Carolus hic obiit, innocuus periit.  
 In prece prostratus, Domini mactatus ad aram,  
 Fit pro justitia victima grata Deo.  
 Qua vivus viguit, defunctus pace quiescat.

### D

II.  
 Carolus excessit comes ense doloque suorum,  
 Ultio successit, mors dura gravisque reorum.

### III.

*Repertum in monasterio ad Rhenum haud procul  
 Andernaco.*

Per te viventem tua Flandria, Carole fulsit  
 Fama, pace, bonis, clara, beata, potens.

Te moriente perit pax, fama jacet, bona quisque  
 Raptor habet, passim vis sine lege furit.  
 Militis officium non iudicis evacuavit  
 Miles iudexque fortis et æquus eras.  
 Templa, Deum, viduas, reparando, colendo, cibando,  
 Martha, Maria, pius Samaritanus eras.  
 Armis, lege, minis, hostesque tuosque domabas.

Corripiens pœna facta, futura metu  
 Dona bonis, veniam miseris, pœnam sceleratis,  
 Largus, mansuetus, jura tuenda dabas.  
 Armorum, pacis quia fortiter et sapienter  
 Res pertractasti, Cæsare major eras.  
 Servus, justitia, templum, Martisque secunda  
 Cæsar, causa, locus, lux tibi mortis erant.

ANNO DOMINI MCXXX.

# BALDRICUS DOLENSIS ARCHIEPISCOPUS

## NOTITIA HISTORICA

(Gall. Christ. vet. t. II, p. 566).

Baldricus abbas Burguliensis in Andibus, ævo suo celebris scriptor, ad Dolensem præsulum electus ipsomet die natalitiorum sacratur anno 1114, de quo hæc scribit Ordericus Vitalis, Anglus, *Historiæ ecclesiasticæ* l. ix: « Præfatum seniore, quam bene agnovi, veneranter honorare decrevi. Hic civis fuit Aurelianensis, monachus et abbas Burguliensis, liberalibus imbutus studiis, et religiosæ meritis vitæ venerabilia: inde pro religione et sapientia ad gradum Dolensis archiepiscopatus electione promotus est ecclesiastica; in episcopatu monachatum servavit, et cum monachis, prout sors dabat, plerumque habitabat. Indomitis enim Britonibus præerat, quorum perversitatem tolerare non poterat, unde protervas et exleges frequenter deserebat; et in Northmanniam fugiebat, ubi Dolensis Ecclesia super Riselam fluvium a temporibus S. Samsonis, regnante Hildeberto rege Francorum, fundos habebat, et quiete pacificeque possidebat. Ibi scriptis et dogmatibus suis auditores suos ad Dei cultum incitabat, et vicina cœnobium, Fiscannum scilicet ac Fontinellam, atque Gemmeticum, aliaque plura visitabat; in timore Dei, sacris sermonibus confortabat. Tandem in senectute bona defunctus est; et Pratellis in basilica S. Petri apostoli antecrucifixum sepultus est. » Pallium vero acceperat a papa Paschali II in concilio Remensi, cui adfuit; nominatur et archiepiscopus, investitura cujusdam Ecclesiæ facta, a Girardo Engolismensi episcopo et apostolico legato; item in compluribus chartis tabularii Burguliensis ac Fontebraldensis. Varia reliquit operum monumenta, de quibus Ordericus libro ix, citato, imprimis quatuor libris Historiam Hierosolymitanam, quæ in volumine Orientalium expeditionum per Francos edita est, in collectione Jacobi Dongarsii, eruditi auctoris Galli. In præfatione operis ait ipse Baldricus se hoc prope sexagenarium cœpisse; orditur autem ab anno 1095, quo initium habet memorabilis ista in Orientem peregrinatio, et desinit in expugnatione Hierosolymitanæ urbis: ex eadem etiam liquet ipsum interfuisse concilio Claramontano; sed audi verba Orderici: « Baldricus Dolensis

archiepiscopus quatuor libros luculenter conscripsit, in quibus integram narrationem ab initio peregrinationis ad primum bellum post captam Hierusalem veraciter et eloquenter descripsit. » Vitam quoque B. Samsonis episcopi elucubravit, uti et pontificum Dolensium gesta, item S. Hugonis Rothomagensis archiepiscopi Vitam ms. in quibusdam bibliothecis; præterea Vitam Roberti Arbrissellensis, ordinis Fontebraldensis institutoris, jubente Petronilla prima abbatissa, et in præfatione sic loquitur: « Sarcinam grandem et gravem imbecillitati nostræ, domina Petronilla, imposuisti, cum me et multa mundi fluctivagi inquietet procella, et maxime minoris Britannicæ, in qua cum scorpionibus habito, bestialis geminaque circumvallaverit ferocitas. » Hoc opus primum eruit, notisque recensuit Michael Cosnier, Pictaviensis parochus. Poesi delectabatur quoque, et nonnulla carmina historica condidit, in quibus sese Baldricum Andegavensem, ac abbatem Burgulii indigitat. Cæterum Aurelia ipsa non oriundum, prout citatur ab Orderico, at Magduno ad Ligerim natum, ex quodam ipsius poemate observavit in suis Analectis Cosnierus. Carmina autem Baldrici e veteri codice Petaviano primum edidit, ac publicavit Franciscus Duchesnius, regius historiographus, tom. IV *Historiæ Francorum Scriptorum*. Andreae, patris doctissimi viri. Mortalitem explevit tandem die 7 Januarii 1131, et hoc habet epitaphium in sede S. Samsonis supra Rillam: *Notum sit præsentibus et futuris, quod Baldricus bonæ memoriæ Dolensis Ecclesiæ archiepiscopus dedicavit hanc ecclesiam in honorem B. Virginis Mariæ et B. Petri apostolorum principis, et S. Samsonis beatisissimi confessoris, VIII Idus Decembris, anno ab Incarnatione Domini 1129. Eodem anno dedicavit ecclesiam S. Laurentii de Marisco, VI Idus Decembris, quæ sunt juris sanctæ Dolensis Ecclesiæ. Qui Baldricus rexit Ecclesiam Dolensem xxii annis et xlii diebus; tricesimo autem die post consecrationem hujus præsentis ecclesiæ obiit in Christi confessione, et Pratellis dormit. Cujus anima æternam requiem possideat.*

## NOTITIA LITTERARIA.

(Histoire littéraire de la France, t. XI, p. 103).

1° Baudri a fait grand nombre d'ouvrages, tant en vers qu'en prose. Il avait dans sa jeunesse du goût pour la poésie, à laquelle il continua de s'appliquer, non seulement lorsqu'il eut renoncé au monde, mais même étant abbé de Bourgueil. Il ne paraît pas cependant qu'il y ait excellé, si ce n'est relativement à son siècle, dans lequel il s'est fait de la réputation : *Fuit is haud incelebris suo tempore poeta*, dit de lui le P. Mabillon (1), qui convient d'ailleurs qu'il y a peu de choses utiles dans les poésies qui nous restent, sinon qu'elles servent à nous faire connaître les grands hommes de son temps, en l'honneur desquels il a fait des vers, soit de leur vivant, soit après leur mort. M. Duchesne en a fait imprimer une partie dans le quatrième tome des *Historiens de France*, depuis la page 232 jusqu'à la page 278.

D. Mabillon, dans le supplément de sa *Diplomatique* (2), dit avoir vu dans un ancien manuscrit, appartenant aujourd'hui à la bibliothèque Ottobonienne, des poésies de Baudri, dont une partie n'a point encore été imprimée. Parmi celles qui n'ont pas encore vu le jour, il y en a une dans laquelle Baudri témoigne sa douleur de ce que le stylet, dont il se servait depuis dix ans pour écrire sur ses tablettes, s'était cassé. D. Mabillon n'a pas regardé comme assez sérieuse pour son sujet, cette pièce où l'auteur décrit l'usage du stylet, pour la donner au public. Mais il rapporte quelques vers d'une autre poésie, dans laquelle Baudri fait la description de ses tablettes, qui n'étaient point, selon l'usage ordinaire, de cire noire, mais de cire verte, apparemment parce que cette couleur fatigue moins la vue. Il plaisante sur le stylet qu'un certain Lambert d'Angers lui avait fait pour écrire sur ces tablettes, et loue l'abbé de Sées, qui lui avait fait présent d'un sac pour les mettre.

Parmi les manuscrits de M. Duchesne que l'on conserve aujourd'hui dans la Bibliothèque du roi, on trouve, dans le dix-neuvième volume, p. 537, des vers de Baudri, qui ne sont que l'extrait d'un poème plus considérable qu'il avait fait sur la conquête de l'Angleterre par Guillaume, et qu'il avait adressé à la comtesse Adèle, fille de ce conquérant (3). Ce fragment est ainsi intitulé : *Balderici Burgatiensis abbas versus de conquestu Angliæ per Guillelmum Normannorum ducem ex majore poemate nuncupato ad Adelam comitissam*. Nous ne nous arrêterons pas à indiquer ici différentes épitaphes de notre auteur, qui ont été données séparément dans différents auteurs ; comme celle de Bérenger imprimée dans D. Mariène (4), etc. « Baudri, dit M. Le Bœuf (5), est plus connu par l'abondance que par la délicatesse de ses poésies. Ce fut lui qui donna le ton aux autres pour le style des éloges qu'il était bien aisé de faire, en se contentant d'exprimer en vers qu'un tel était un second Cicéron, un autre Virgile, un Aristote, qu'il surpasse Homère ; que Nestor, Ulysse, Crésus, Quintilien étaient réunis en la personne de tel ; que cet autre fut le Platon et le Socrate de son siècle. » Ce n'est pas là faire l'éloge de

la poésie de Baudri ; nous ne croyons pas non plus qu'elle en mérite. Quant à sa prose, il a un peu mieux réussi ; mais non jusqu'à mériter d'être appelé un *admirable Cicéron*, titre qui lui est donné par un de ses amis dans une lettre, dont nous aurons occasion de parler.

2° L'ouvrage le plus considérable que nous ayons de Baudri est son *Histoire de la croisade*, qui tient le troisième rang dans le Recueil de Bongars. L'auteur avait environ soixante ans lorsqu'il le composa, comme il le dit dans sa préface, et sa vue était affaiblie par la vieillesse, *seniles oculos* ; ainsi il ne fit, ou du moins il n'acheva cet ouvrage que depuis qu'il fut placé sur le siège de Dol ; et même nous pouvons dire en général que tous ceux que nous avons de lui, excepté quelques-unes de ses poésies, sont des productions de sa vieillesse, qui ne l'empêcha ni d'écrire, ni de faire de longs voyages. Pour revenir à son *Histoire de la croisade*, elle est divisée en quatre livres, qui contiennent les principaux événements de cette célèbre expédition, depuis le concile de Clermont, où elle fut publiée, jusqu'à la victoire que les croisés remportèrent sur les infidèles peu après avoir pris Jérusalem, c'est-à-dire le 12 du mois d'août suivant. L'auteur fait une faute de chronologie considérable, en marquant la prise de cette ville l'an 1098 ; car il est certain par le consentement unanime de tous les historiens qu'elle fut emportée par les croisés le 15 juillet de l'an 1099. Baudri n'avait point été témoin des faits qu'il raconte dans son histoire, n'ayant point accompagné les croisés dans leur expédition, quoiqu'il eût assisté au concile de Clermont. Son ouvrage (6) est composé sur celui d'un anonyme qui lui était tombé entre les mains. Comme personne ne faisait de cas de l'écrivain anonyme, parce que le style en était très mauvais, Baudri, qui le croyait d'ailleurs exact, entreprit de le retoucher, afin d'en rendre la lecture supportable (7). Mais il ne se borna pas à en châtier le style, il y inséra ce qu'il avait appris d'ailleurs de cette fameuse croisade. voulant encore s'assurer davantage de la vérité des faits, il envoya son ouvrage à Pierre, abbé de Maillezais, son intime ami, qui avait fait le voyage de la terre sainte, et le pria de vouloir bien y donner la dernière main. La lettre qu'il lui écrivit à ce sujet, et la réponse de cet abbé sont immédiatement avant le prologue de Baudri sur son histoire (8), qui fait partie du recueil de Bongars. Tant de précautions, que prit Baudri, pour perfectionner son histoire, en doivent donner une idée avantageuse. Le P. Mabillon (9) la regarde comme son principal ouvrage, et c'est en effet celui qui fait le plus d'honneur à l'auteur. Elle commence, comme celle de l'anonyme, au concile de Clermont, et finit, ainsi que nous l'avons déjà dit, à la grande victoire que les croisés remportèrent le 12 d'août 1099 sur le sultan de Babylone. Ainsi il faut corriger son texte, qui porte, par une erreur manifeste, que ce fut en 1098. Orderic Vi-

(1) *An. l. Lxv, n. 68.*(2) *Mab. c. 11, n. 8, p. 51.*(3) *Le Long. Bibl. Fr., p. 747.*(4) *Mart. Thes. Anc., c. iv, p. 102.*(5) *Diss. sur l'Hist. de Paris, t. II, p. 61.*(6) *Hist. litt. t. I.*(7) *Gest. Dei per Fr. p. 80 et seq.*(8) *Ibid.*(9) *An. l. Lxxv, n. 95.*



tal (10) en faisait un si grand cas, qu'il y puisa tout ce qu'il rapporte de la croisade; et Le Baud (11), à son exemple, en a tiré la plus grande partie de ce qu'il dit de la prise de Jerusalem dans son *Histoire de Bretagne*. A l'égard de l'Histoire, dont s'est servi Baudri, et qui est la première de la collection de Bongars, tout le monde sait aujourd'hui que c'est l'ouvrage de Theudbode originaire du Poitou, lequel a été gâté par un anonyme, qui a supprimé le nom de l'auteur. C'est ce qu'a déterminé M. Duchesne à le lui restituer dans son recueil des *Historiens de France* (12). Il y est précédé d'une savante préface de la façon de M. Besli, illustre magistrat de Poitou, auquel nous sommes redevables de cette découverte, dont il avait fait part à M. Duchesne. Ainsi, pour juger sainement du travail de Baudri, on peut conférer son *Histoire* avec les deux éditions, dont la plus exacte est celle qui est dans la collection des historiens de France. Car l'anonyme s'est donné des libertés qui gâtent l'ouvrage de Theudbode; et comme Baudri n'en a pas eu d'autres devant les yeux, il pourrait être corrigé lui-même sur cette édition.

3° C'est ici le lieu de parler d'un écrit que M. Mesnard (13), dans son histoire manuscrite d'Anjou, et le P. Le Long (14) attribuent à Baudri; ce sont des gloses sur le Pentateuque. *Scriptis*, dit M. Mesnard, *glossulas super Pentateuchum nondum editas*. Ce qui a donné occasion de lui attribuer des gloses sur le Pentateuque, est sans doute ce qu'il dit dans sa lettre à l'abbé de Maillezais, où il le prie de lui envoyer des gloses sur le Pentateuque de Moïse, qu'il lui avait fait voir étant chez lui, et dont il lui avait lu une partie, sans lui en nommer l'auteur. Elles avaient beaucoup plu à Baudri, qui témoigna le désir de les avoir tout entières, et pria son ami de les faire transcrire en caractère qui ne fatiguât pas sa vue affaiblie par la vieillesse, *tali compactum characterè talibusque figuris quæ seniles oculos non offendant* (15). Baudri ajoute que si son ami lui accorde l'effet de sa demande, ce sera une semence dont il recueillera une abondante moisson, parce qu'il mettra lui-même des observations entre les lignes, et en développera les sens cachés (16). Si l'abbé de Maillezais satisfait à-dessus l'évêque de Dol comme il est à croire, et comme il le lui fit espérer par sa réponse (17), il est vraisemblable que le prélat de son côté aura tenu parole, en mettant ses observations sur l'écrit qu'il demandait. C'est là sans doute ce qui aura donné occasion de lui attribuer des gloses sur le Pentateuque, quoiqu'il soit visible qu'elles ne sont point de lui. Elles pouvaient être de l'abbé de Maillezais lui-même, qui en lui faisant lecture d'une partie, ne voulut peut-être pas, par modestie, faire connaître qu'il en était l'auteur.

4° *Gesta pontificum Dolensium*. Cette histoire des archevêques de Dol, n'est pas vraisemblablement différente des chroniques de Baudri, que Le Baud (18) cite souvent dans son histoire de Bretagne; et dont Symphorien Guyon (19) parle ainsi dans celle d'Orléans: *Baudri écrit les annales de son Eglise depuis saint Samson jusqu'à son temps*. Les extraits qu'on en trouve dans Le Baud font juger que Baudri s'y proposa particulièrement d'établir, au moins par la

possession, son prétendu droit de métropolitain de Bretagne, qu'il fait remonter jusqu'à saint Samson. Le P. Le Long (20) suppose les actes des archevêques de Dol imprimés dans les notes de Cosnier sur la Vie de Robert d'Arbrissel, à la Flèche in-4°, en 1641. Cependant ils ne se trouvent pas dans cette édition.

5° Le même motif, qui porta Baudri à donner les actes des archevêques de Dol, lui fit écrire la Vie de saint Samson, qui est fort différente de celle que du Bosc, ou du Bois, a donnée dans sa *Bibliothèque de Fleury*; ainsi que de celle qui se trouve dans le premier siècle des saints bénédictins, parmi leurs actes publiés par D. Mabillon (21). Dans la Vie de saint Samson, qui est dans la bibliothèque de Fleury, il n'a que le titre d'évêque. Saint Dubrice lui imposa les mains vers l'an 501, dit Adrien Baillet (22), et le fit évêque régional, c'est-à-dire missionnaire apostolique, sans lui assigner de siège particulier. Ce qui renverse le système de Baudri, qui le fait archevêque de Dol, où certainement il n'y a eu d'évêque que longtemps après sa mort. Baronius (23) ne donne aucun siège à ce saint prélat. Bollandus s'est contenté d'insérer dans sa collection la Vie de saint Samson publiée par le P. Mabillon.

6° Après la mort du bienheureux Robert d'Arbrissel, arrivée l'an 1117, Pétronille, première abbesse de Fontevrault, écrivit à Baudri pour l'engager à composer la Vie de ce saint instituteur, qu'il avait connu particulièrement (24). Le prélat voulut d'abord s'en excuser, sur ce qu'étant dans un âge décrépit, exposé aux flots orageux du monde, obligé de vivre parmi un peuple indocile, il serait accablé sous le poids d'une telle entreprise. Cependant il se rendit, et ne tarda pas à satisfaire la pieuse abbesse, en écrivant la Vie du bienheureux Robert (25), qui peut être regardée comme un précieux monument de l'histoire monastique du XIII<sup>e</sup> siècle. On y remarque surtout un caractère de vérité qui frappe. Baudri s'applique uniquement à donner une idée parfaite de la vie pénitente du missionnaire apostolique, de la discipline qu'il établit à Fontevrault, et de la pauvreté de ses premiers disciples. Il entre peu dans le détail de ses actions, et y a tellement négligé les dates qu'il n'a pas même fixé l'année de la fondation du monastère. Ainsi c'est moins une vie qu'un éloge funèbre du bienheureux Robert. Baudri avait manqué de mémoires: il s'en plaint même dans son épître dédicatoire à Pétronille. Nous avons sous le nom d'André, confesseur de Robert et compagnon de ses voyages, une relation fort détaillée sur sa dernière maladie et sa mort, dont il avait été témoin. Ces deux ouvrages ont toujours été joints ensemble dans toutes les éditions qui ont paru jusqu'à présent. Bollandus a inséré ces deux écrits dans sa collection (26), au 25 de février, avec des notes qui lui avaient été envoyées de Fontevrault. Il y en est une édition à la Flèche en 1641, avec ce titre: *Fontis Ebraldi exordium, seu Balderici Dolensis presulis opusculum de B. Roberto Arbrissellensi, et Fr. Andreæ supplementum ad historiam Vitæ B. Roberti Arbrissellensis, studio et opera Michaelis Cosnier*

rimus transcriptas illius venerandæ paternitati transmittemus.

(18) Le Baud, p. 70, 74, 112, 115, 118, 119, 120, 150, etc.

(19) Guyon Sæc. xi, p. 337.

(20) Le Long, *Bib. Fr.*, p. 203.

(21) Mab. *Art. SS. Ben.*, p. 163.

(22) Bail. 28 juillet.

(23) Bar. an. 559, n. 33.

(24) Cosn. in *not. ad Bala.*, p. 125. Bolland., *epist. dedic.*, ep. Cosn. Boll. *ibid.*

(25) Boll. 25 fev. p. 603; Bail. Com.

(26) Pag. 603.

(10) Ord. l. ix, p. 776.

(11) Le Baud, c. xxiv, p. 170.

(12) Tom. IV, p. 777.

(13) Mesn. *Hist. ms.*, p. 219.

(14) Le Long, *Bibl. Fr.* p. 203.

(15) *Gest. Dei per Fr.* p. 82.

(16) *Puto si quidem quod, postquam mihi in hoc acquieveris, studiosum me parturiet, et de jacto semine messem multiplicem recipies. Apponam si quidem et sententias interlineares, et excerptam, sicubi latent, medullas interiores, etc.*

(17) *Glossulas super Pentateuchum, quas irrequisitus indagator pulsando quærit, quam citius pote-*



*sacerdotis Pictavensis, in eodem loco parochi.* Il y a dans cette édition des notes de la façon de l'éditeur, et des questions sur le pouvoir de l'abbesse.

Nous trouvons une traduction de la Vie de Robert imprimée à Paris, en 1585, et l'année suivante à Angers, sous ce titre : *Chronique de Fontevrault, contenant la Vie de Robert d'Arbrissel*, par Balderic de Dol, et André, moine de Fontevrault, traduite en français par Yves Mazistri, ou Yves Michel de l'ordre des Frères Mineurs (27). La même Vie traduite du latin, par Jean Chevalier, Jésuite, in-8° à la Flèche, en 1617, chez Griveau (28). L'année suivante, dans la même ville, chez le même imprimeur, parut encore la vie du bienheureux Robert, par les soins de Sébastien Ganot, religieux de Fontevrault, avec une épître dédicatoire à la reine régente (29). Dans cette édition le latin et le français sont en deux colonnes.

7° La vie de saint Hugues, archevêque de Rouen, suivit de près celle du bienheureux Robert, si elle ne la précéda pas (30). Il est du moins certain qu'elle parut avant l'an 1120, puisqu'il la dédia à Ursion, abbé de Jumièges, mort vers cette année ; il ne l'avait même entreprise qu'à la prière de cet abbé et de ses religieux. Saint Hugues avait été moine et abbé de Jumièges, avant d'être placé sur le siège de Rouen ; et après sa mort, il fut inhumé l'an 730, dans l'église de cette abbaye qu'il avait comblée de bienfaits pendant son vivant. C'est ce qu'on peut voir dans la chronique de Fontenelle écrite au temps de Louis le Débonnaire. Ursion et ses religieux voulant renouveler la mémoire de ce grand homme, qui semblait ensevelie dans l'oubli depuis les incursions des Normands, qui avaient ravagé le pays vers le milieu du ix<sup>e</sup> siècle, prièrent Baudri d'écrire sa vie. Mais quel succès pouvait-on attendre ? Tous les anciens monuments avaient été dissipés par les barbares. On n'avait qu'une Vie du saint, mal rédigée, écrite vers le milieu du x<sup>e</sup> siècle (31) ; c'est-à-dire deux cents ans après la mort de saint Hugues, par un religieux qui, manquant des mémoires nécessaires, ne put que recueillir des traditions populaires ordinairement sujettes à une infinité de fautes grossières et d'anachronismes. Ce fut sur une telle vie que Baudri travailla, et qu'il composa celle de saint Hugues. S'il avait eu de la critique, il aurait pu remarquer les fautes grossières, dont elle était remplie, en la comparant avec la chronique de Fontenelle (32), qui ne rapporte rien que d'exact touchant le saint archevêque de Rouen. Mais bien loin d'avoir aucun soupçon sur les faits faux et supposés, dont cette Vie est pleine, il les regarda comme vrais ; et l'auteur dans sa simplicité lui parut exact. *Scripta illa, dit-il, non diffiteor simplicia, sed tamen scio veracia.* Ainsi, en retouchant la Vie de saint Hugues, il n'y corrigea rien, et adopta tous les faits faux qui y étaient répandus ; ce qui a causé une grande confusion dans l'histoire des archevêques de Rouen. Au lieu du véritable saint Hugues, archevêque de Rouen, qui était fils de Drogon, duc de Champagne, et d'Adaltrude ou Anstrude fille de Waraton, maire du palais, il nous a donné sur des actes remplis de faits faux, supposés et rejetés aujourd'hui de tous les savants, un autre prétendu saint Hugues, fils de Charlemagne, qui ne fut jamais archevêque de Rouen. Il est vrai que Charlemagne eut un fils naturel, nommé Hugues, mais on sait, par le témoi-

gnage des meilleurs historiens, que ce Hugues a été simplement prêtre et abbé, et non évêque, et qu'il périt l'an 844 dans un combat livré entre les troupes de Pépin, fils de Pépin, roi d'Aquitaine, et celles de Charles le Chauve. Nous ne nous arrêtons pas à relever ici la fausseté des faits rapportés par l'anonyme, et adoptés par Baudri. Les auteurs, qui en ont parlé avant nous, nous ont prévenu ; et d'ailleurs on l'a déjà fait, en parlant de la chronique de Fonteuille, et de l'anonyme, dont on conserve deux manuscrits dans la bibliothèque de Jumièges.

Les continuateurs de Bollandus n'ont pas cru devoir donner une place dans leur collection à la Vie de saint Hugues, écrite par l'anonyme ni à celle de Baudri ; ils se sont bornés, de même que D. Mabillon, à en relever les fautes grossières, et à faire un extrait de la chronique de Fontenelle, qui contient l'abrégé de la vie de ce saint archevêque de Rouen. Arthur du Moutier a publié dans sa *Neustria pia* la vie écrite par l'anonyme de Jumièges et retouchée par Baudri.

8° Ce fut vers l'an 1120 que Baudri composa l'histoire de la translation faite de Rome à Jumièges, du chef de saint Valentin, prêtre et martyr à Tarni en Ombrie (33). Il déclare, au commencement de son ouvrage, que l'exposé simple et ingénu, que les religieux de Jumièges lui firent de ce qu'ils en savaient, portait un caractère de vérité qui lui tenait lieu de mémoires authentiques, et que les miracles qu'il rapportait à la suite de sa relation, étaient aussi fondés sur leur témoignage (34). Bollandus, qui a donné cette relation au public, observe que saint Valentin était évêque de Tarni, et non un simple prêtre, comme Baudri l'a cru ; et que saint Valentin prêtre et martyr n'est pas celui de Tarni, mais de Rome, où il est honoré, M. Baillet (35) marque que l'histoire de la translation du chef de saint Valentin, de Rome à Jumièges, a été écrite par Baudri l'an 1020. C'est une faute de l'auteur, ou plutôt de l'imprimeur : il faut lire 1120.

9° M. Duchesne (36) attribue à Baudri trois écrits sur la célèbre abbaye de Fécamp, ainsi intitulés : le premier, *Nomina et acta abbatum, qui monasterium Fiscannense rezerunt.* Le second, *De revelatione monasterii Fiscannensis.* Le troisième, *Descriptio monasterii Fiscannensis, auctore. Baldrico archiepiscopo Dolensi.*

Le second de ces trois écrits, qui est imprimé dans la *Neustria pia* (37), est dédié à Guillaume de Ros, troisième abbé de Fécamp, mort l'an 1107. Cette époque, sans parler de la différence qu'il y a entre le style de cet écrit et celui des autres ouvrages de Baudri, paraît suffire pour prouver qu'il n'en est pas auteur. À l'égard du premier et du troisième, ce n'est qu'un même écrit, revêtu de deux titres différents. Outre ces deux titres, il y en a même encore d'autres : *Relatio de monasterio Fiscannensi ; Epistola Baldrici ad Fiscannenses ; Itinerarium.* On est surpris de tant de titres donnés à un même écrit (38). Cependant il n'y en pas un qui ne lui convienne. Dans l'écrit en question, qui est une lettre aux religieux de Fécamp, Baudri fait le récit de ses voyages ; ainsi on peut l'appeler, *Itinerarium*, il y parle de plusieurs abbés qui ont gouverné l'abbaye de Fécamp ; il fait la description de cette maison, sur laquelle il entre dans un grand détail : ainsi on a pu revêtir cette lettre des différents titres que nous

(27) *Meth. hist.* t. III, p. 146.

(28) *Le Long. Bib. Fr.*, p. 280.

(29) *Bibl. Fontevr.*

(30) *Possev. ap. t. I ; Neust. pia*, p. 282 ; *Mab. Act. SS.* t. III, p. 498 ; *Pomeraye, hist. des Arch. de Rouen*, p. 189.

(31) *Mab. Act. SS.* t. III, p. 499.

(32) *Chr. Font. Spicil.*, t. III, p. 495.

(33) *Boll. ad diem 14 Febr.* p. 758. *Cang. ed.*

nov. sur le mot *Colonia*, t. II, ad 14 Febr., p. 758.

(34) *Monachorum Gemeticensium non discredendam sinceritatem, antiquam simplicitatemque puramque relationem pro auctoritate recompensans, et pro miraculis testimonia.*

(35) *Bail.*, 14 fév.

(36) *Duchesne in Serie auct.*, p. 152.

(37) *Neust.*, p. 193.

(38) *Du Cang. nov. ed.*, t. IV, p. 491.

avons rapportés : *Descriptio monasterii Fiscannensis*, etc. ; *Relatio de monasterio*, etc. Voilà donc les trois écrits sur l'abbaye de Fécamp, attribués à Baudri, réduits à un seul. C'est un monument glorieux pour ce célèbre monastère. L'auteur fait remarquer, à propos de la générosité avec laquelle on exerçait l'hospitalité à Fécamp, que c'était une coutume établie d'y faire des présents aux hôtes à leur départ. Il y avait dès ce temps un orgue dans l'église, ce qui n'était pas alors commun, et Baudri applaudit beaucoup à cet usage. Il s'étend fort sur Guillaume de Ros ; il rapporte qu'on le pleurait encore, quoiqu'il se fût déjà écoulé plusieurs années. Il fait un bel éloge de Roger, successeur de Guillaume : Orderic Vital en parle ainsi dans son histoire (39) : *Ejus peculiare virtutes graphice perstrinxit Baldricus episcopus Dolensis*. D. Mabillon dans ses *Annales* (40) rapporte les louanges que Baudri donne aux abbés Guillaume et Roger dans sa lettre aux religieux de Fécamp. Le P. Arthur du Montier a inséré cette lettre tout entière dans sa *Neustrie pieuse* (41).

10° Baudri passe pour être auteur d'une Histoire de saint Valérien, qui souffrit le martyre sous l'empereur Commode, au château de Trenorque ou Tournus entre Châlons et Mâcon. Garnier et Falcon, moines de l'abbaye de Tournus, qui est aujourd'hui une collégiale de chanoines séculiers, écrivirent les actes de saint Valérien vers le commencement du XII<sup>e</sup> siècle. On a les actes de Garnier, et d'autres encore sans nom d'auteur ; mais qui semblent être les mêmes, à quelques termes près, qu'on a changés. M. du Bosquet, évêque de Lodève, puis de Montpellier, a donné ceux-ci dans son *Histoire gal-*

*alicane* (42) ; et le P. Chifflet, dans l'*Histoire de Tournus* (43). On les voit encore dans les deux histoires de Châlons connues sous le nom de *l'illustre Orbundale*, avec cette différence, que dans l'une ils ont une préface et une conclusion, qui manquent dans l'autre. MM. Baillet et de Tillemont font peu de cas de ces actes (44). « On croit, dit M. Baillet, que les seconds (actes), qui ont été publiés par M. du Bosquet, ont pour auteur Baudri, évêque de Dol, qui vivait à la fin du XI<sup>e</sup> siècle. » Le P. Chifflet le prétend ainsi, mais sans en donner aucune preuve. L'abbé Juenin les croit plus anciens, et tâche de prouver qu'ils ont été écrits pour le plus tard au commencement du IX<sup>e</sup> siècle (45). 1° Parce qu'il n'y est point parlé de la translation de saint Valérien, qui se fit en 930 ; 2° Adon semble les avoir vus, et y avoir pris ce qu'il dit de saint Valérien dans son *Martyrologe*. Nous laissons au lecteur à juger si ces raisons sont décisives. Mais soit que les actes de saint Valérien publiés par M. du Bosquet soient l'ouvrage de Baudri, ou d'un écrivain plus ancien que lui, ils n'en ont ni plus ni moins d'autorité. Et quand bien même nous aurions l'histoire de l'évêque de Dol, qui paraît être différente, elle ne leur en donnerait pas davantage ; ainsi il est aisé de se consoler de ce qu'elle n'est pas parvenue jusqu'à nous.

11° On conserve dans la bibliothèque de Lambeth (46) un manuscrit dans lequel se trouve un traité *De la visite des malades*, attribué à Baudri. On voit encore le même traité, sans nom d'auteur, dans un manuscrit de la bibliothèque de Vienne en Autriche. Le lecteur est en état de juger de la personne et des écrits de Baudri par ce que nous en avons rapporté.

(39) Ord. lib. XII. an. 1118.

(40) An. l. LXXI, n. 33.

(41) Page 227.

(42) Lib. v, p. 102-205.

C

(43) T. II, p. 33.

(44) Bail. ad 4 sept. ; Till. t. III *Hist. eccl.*, p. 602.

(45) Juen. 1 part., p. 11.

(46) Cave, p. 568.

# BALDRICI

## ARCHIEPISCOPI DOLENSIS

### HIEROSOLYMITANÆ HISTORIÆ

### LIBRI QUATUOR.

(BONGARS, *Gesta Dei per Francos*, I, 81).

## BALDRICI EPISTOLA NUNCUPATORIA

AD PETRUM ABBATEM MALLEACENSEM.

Amor mihi silentium interdicat, et in verbositate inducit : amor aufert otium, et trahit in negotium ; amor vetat ut sileam, cogit ut loquar et scribam. Totum hoc agit amor non novus, sed inveteratus et continuus, quodam tamen modo renovatus. Quemdam amicum singularem habui et unicum, qui me

D sibi totum peculiaverat, et in me sibi duntaxat ipse complacebat, dominum Gaufrédum dico, virum venerabilem, parentibus Ebredunensem, abbatem Malleacensem, hominem memorandum et describendum, nisi temporis ingruentis molestia suum mihi peperisset obstaculum. Ego ei revera, in quantum

poteram, diligendo respondebam, quoniam in eum amando nullatenus inferior esse volebam. Istandem laudabili sine quievit: abbatem tamen sponte prius exiit, ut et liberius theoriæ vacaret, atque ipsi Deo exoccupatiores deserviret. Huic in eodem regimine, ipso tamen volente, successit Petrus, ejus consanguineus, pastor postmodum idoneus, vir satis industrius, et tantæ sollicitudini multum opportunus. Hunc etenim monachi Malleacenses elegerunt, et sibi rapuerunt, et quantum dominum meum Gaufridum dilexerant, in eo ipso monstraverunt, quem pro patrii amore abbatem sibi præfecerunt, quamvis et multæ utilitates ipsum abbatia dignum prædicarent. Is sicuti avunculo suo successivus subintravit in honore, sic et hæres ei perstitit in morum decentissima liberalitate. Habemus igitur hunc Petrum, Deo gratias, bono Gaufrido superstitem, moribus et temporibus nostris satis concordem. Ad hunc ergo modo scribo, ego Baldricus, Dei gratia Dolensis archiepiscopus, Petrum quoque meum, meum inquam et vestrum, tota voluntate saluto. Saluto te, Petri mi, sicuti Malleacensem rectorem; saluto te sicuti fratrem meum charissimum, saluto te sicuti oratorem et viatorem Jerosolymitanum. Gratias ago Deo meo, frater dulcissime, qui te duxit et reduxit: Gratias ago Deo meo qui pedem tuum bene direxit; qui omnia tua dispensat, et huc usque dispensavit: dispenset etiam obsecro, et ut tibi vultum suum serenet efflagito. Gratias etiam ago tibi quarum tenorem forsitan huc usque non audisti, cum nondum quod præceptor sum audieris; et tamen quodam modo jam factum sit, quod tibi imperare decreverim: ac si jam mihi responderis: Puta dictum, puta factum. Imperare tibi decerno, non rogare, quia malo imperiosus ei esse in quo confido, quam suggillator tædiosus imminere ei a quo desperare compellor. Gratias ago quia talis es in quo confidam, quem rogare, vel cui jubere debeam. Petro, quæso, meus, sacerdos reverende, gratiarum mearum actiones ea qua loquor dilectione munificus accipe: quas et si quilibet ex obliquo remordebit præproperas, homo tamen sani cerebri judicabit tempestivas. Nihil enim poterit esse intempestivum, quod erit insignis amoris comitate et titulo decusatum. Parit enim perpulchra et urbana ludicra, splendens amicitiarum prærogativa. Neque enim vere sunt amici, qui inter

se dubitant; nam amicitia fasciatur identitas, ubi lividatur alterutra securitas. Ne vero velut ingratus mihi ipsi redarguar (ingratitude siquidem totius bonæ opinionis est noverca), mihi ipsi gratias actito, qui cui imperare possum, quem libet habeo. Non enim omni amicorum destitutus solatio, qui erga te potestativo utor imperio. Quod autem impero hujusmodi est: glosulas exposituras mihi nuper super Moysi Pentateuchum in camera tua ostendisti, ipse nec legisti, auctorem vero nuncupare non nosti; complacere mihi, quia et verborum connexionem exprimebant; et si quid erat caliginosum, elucidabant. Nunc igitur fraternitati tuæ præcipiendo præcipio quatenus libellum illum transcriptum obsecranti mihi dirigas, tali compactum obsecranti mihi dirigas, tali compactum caractere, talibusque figuris quæ seniles oculos non offendant, quæ iter legenti præbeant, ne se duplex littera findere videatur, quæ intellectum nostram inconcinna non oblundat. Si vero residuum quod deest alicubi reperire poteris, sive illud mihi insinuando significa, ut totum obtineam; sive bene prodigus, tuis sumptibus mihi redimi jubeas. Puto siquidem quod postquam in hoc mihi acquieveris, studiosum me parturies, et de jacto semine messem multiplicem recipies. Apponam siquidem et sententias interlineares, et excerptam sicubi latent medullas interiores. Adjiciam adhuc, si quid decurtatum est; castigabo, si quid superfluum est. Totum autem illud nomini tuo destinabo, et libello tuo præcunte posteritati legentium illud profuturum, irrequietus indagator, commendabo. Quod præcepi, non diffido quin solemniter exsequaris: sed est aliud quod precor, quod desidero, quo valde jucundabor. Non mihi sis sterilis quin rescribas, ut tali legato me visites; meque peregrinum ac exulem, in citeriori Britannia sic salutes. Complectar illud tanquam alterum me: tu vero me tibi vicinum semper exopta, tanquam alterum te. Libellum quem *De Jerosolymitano itinere* quoquo modo composui, ad castigandum tibi transmisi, quem regulari censura volo compescas et polias, et epistolam hanc cum ipso mihi non itremuneratam remittas. Salutemus nos interim invicem, ut alteruter vivamus et valeamus, et iterum nos mutuo videamus. Amen.

## PETRUS ABBAS MALLEACENSIS

BALDRICO ARCHIEPISCOPO DOLENSI.

Sicut autem experientiæ tuæ subtiliter satisque succincte prælibavit sanctitas, « amorem silentium nullatenus diligere, » diu est ex quo, reverendissime Pater, experimento didicimus. Otia siquidem eliminando expellit, atque ad ea quæ sui juris sunt

D amantis animum, et in his jucundantis, indicibiliter trahendo accendit. Sed unde hoc mihi, ut veniat epistola domini mei ad me? Ecce enim ut facta est auditio ejus in auribus meis, exultaverunt omnia interiora in utero meo. Quemadmodum etenim tetri

atque caliginosi aeris ad Boreæ impetum effugantur nubila, sic sic ad visionem illius, omnium phantasmata cogitatum, quarumlibet etiam mordacium expulsa sunt pondera curarum. Nullius quippe tristitiæ locus remansit, ubi tantæ lætitiæ tam desiderabilis materies supervenit. Legant alii, atque desudent ingenia philosophorum revolvendo volumina: mihi siquidem mei admirandi Ciceronis scripta sufficiunt, suaque inexplicabili obdulcoratione animam legentis reficiunt. Credat itaque, quidquid veteres cecinere poetæ, amantissimus duntaxat meus prosa vel pede me visitet, atque diversorum fatigationibus et negotiationibus prægravatum, suarum crebra dulcique consolatione epistolarum relevando relevet. Hujus ego si benignissimam morum benignitatem atque præclarissima facta describere aggrederer, ad tantæ rei magnitudinem obstupescens, non ea explanando, sed potius inscitæ mæe incuria attenuando obfuscare metuerem. Satis igitur et consultius est tot et tanta pii Patris contemplando admirari, et in ejus totius mentis brachiis amplexando atque amando amore delectari. Verum tamen hujus indissolubilis dilectionis, cui gratæ referam? Ascribamne mæe probitati, an ejus sibi quoslibet incorporanti charitati? Illi prorsus assignandum, illi totum est imputandum, qui formicam sibi copulavit, et perpetuæ fraternitatis glutino conglutinavit. Ea propter quidquid placuerit, quidquid cordi advenerit, servo suo emptitio indubitanter præcipiat; et non præcepti sui expletionem, sed implentis devotionem, considerans perpendat: Sum, fateor, sum emptitius illius: sed cujus illius? Ejus sine dubio quem ab ineunte ætate laudabilis vitæ laudabilia commendant præconia; qui etiam de virtute in virtutem ascendens, ad summum sacerdotii apicem sublimari meruit; populumque sibi subjectum, tam prædicationis sanctæ vomere, quam bonorum operum ostensione arguendo, obsecrando, pennis virtutum ad sublimia provehit. Felix revera, et Deo amabilis terra Britannæ, tanti sideris illustrata coruscationibus. Exultat Oriens, apostolicorum Patrum doctrinis seu gloriosissima palma decorata; lætetur nihilominus et Occidens, primatis tanti titulis insignita. Deponat gens effera genuinam quodammodo ferocitatem, cursitans ad sui speculatoris mellifluam affabilitatem.

Non imputetur ei ulterius fatuitam quædam naturalis, tam sapientissimi antistitis documentis informatæ. O admiranda atque prædicanda superne dispensationis clementia! Ut ferocium misereretur, fatuitatemque excluderet, patronum mitissimum, atque incomprehensibilis sapientiæ, sale conditum, ad edendam belluinam eorum cervicositatem direxit. Illos visitando ditavit, nos vero gratissima ejus visione expoliavit. Visitando, inquam, plebem barbaricam, diuque sub ignorantie tenebris sepultam, incomparabili thesauro ditavit, ac nobis pastorem, quasi Luciferum inter nostrates refulgentem, subtraxit. Ad hunc sermo meus prolixior sese direxisset, nisi tam instantis persecutionis et adversum nos intonantis procellosa tempestas intercidisset. Ad præsens itaque id tantillum benignus benigne suscipiit; videat, nec legere dedignetur, non attendens litteraturæ superficiem, sed mittentis, seseque pedum ipsius vestigiis toto corde et corpore substerrentis, considerans affectionem. Et quoniam divinæ astipulatione paginæ, «thesaurus absconditus et sapientia occulta frivola sunt,» glossulas super Pentateuchum, quasi irrequietus indagator pulsando querit, quam citius poterimus transcriptas illius venerandæ paternitati transmittemus. Non enim diffidimus quin de parvissimo manipulo multiplicatæ segetis centesimum fructum, successivæ posteritati profuturum, recolligamus. Porro præ omnibus efflagitamus, quatenus sicut ad unguem eas promisit corrigat, superflua quæque abradendo, et si qua desunt diligenter interserendo. Librum quoque Jerosolymitanum, Jerosolymitano mihi directum, cum epistola in fronte ipsius apposita mira que dulcedine referta remittimus. Non minimum vero obstupescendo miror, quo animo libellum præfatum ad compescendum et poliendum direxerit insciolo, et pene nullius scientiæ gutta rigato, cum præsertim nullus poetarum id præsumere audeat. Quippe ubi concatenatio multiplicium sententiarum consonat, partium quoque junctura regulari censura liberoque gressu discurrit, nihilque lector diligens absonum inibi reperiat. Verum cum salute submissa jam finem sermonis facimus, et ut Patrem desideratum videre mereamur intente exposcimus.

# HISTORIA HIEROSOLYMITANA

## BALDRICI ARCHIEPISCOPI.

### INCIPIT PROLOGUS DOMINI BALDRICI ARCHIEPISCOPI IN HISTORIA HIEROSOLYMITANA.

BALDRICUS, Burgulensium fratrum abbas, postea vero Dei misericordia Dolensium archiepiscopus, licet indignus, omnibus Christianis pacem et veritatem diligere.

Benedictus Dominus noster Jesus Christus, Christiani nominis auctor et rector invictissimus, et amplitudinis Christianæ sapientissimus propagator. Hunc ut benedicatis, et in omnibus suis operibus

laudetis oportet, fratres charissimi, et indeficientis A  
sue erga nos misericordie nullatenus obliviscami-  
ni. Ipse reges mutat, et tempora; ipse pios corri-  
git, ut provehat; ipse punit impios, ut corrigat;  
quippe, in quo nihil est immisericordie. Ipse tem-  
poribus nostris Christianitatem suam, ubicunque  
terrarum erat, pene totam excitavit: et ut ad  
eruemdam in qua passus est Jerusalem, de spurco-  
rum manibus Turcorum, qui ei velut captivæ domi-  
nabantur, Christiana concurreret militia, fideles  
suos unanimiter incitavit. Non enim sine divina  
inspiratione credendum est, ab occidentali ad orien-  
talem plagam, omnium rerum copiosos velle milita-  
tum iri; et contra barbaras nationes, relictis præ-  
diis et domibus, filiis et uxoribus, pugnatu-  
ros brachio suo, inter innumeras calamitates gaudenter  
proficisci. Quis enim tot principes, tot duces, tot  
milites, tot pedites sine rege, sine imperatore dimi-  
cantes eatenus audivit? Neque siquidem in isto  
exercitu, alter alteri præfuit, alius alii imperavit:  
nemo quod sibi peculiare videbatur disposuit, nisi  
quod sapientium commune consultum decrevit, nisi  
quod plebis scitum collaudavit. Certum est ergo  
quia Spiritus sanctus, qui ubi vult spirat, et ut  
tantos labores arriperent eos animavit, atque in-  
discissam eis concordiam inspiravit.

Hujus Historiæ seriem posteræ successioni stylo  
nostro, licet non satis expolito, nisus sum commen-  
dare, quamvis tantum onus ingenioli nostri tenuitas  
non suffecerit convenienter explicare. Sed quoniam  
diebus nostris magna erat Sallustiorum et Cicero-  
num copia, qui tamen huic otio non ignobili assi-  
dere vellet, sterilis imminebat inopia: majoribus  
nostris, qui dormitabant et pigritabantur, velut in-  
dignatus, hoc opus aggressus sum: et ne invidiæ  
oblivioni cederet historia digna relatu, ad scriben-  
dum pene sexagenariam appuli manum. Sane si  
melius facundiores id ipsum attentaverint, ipsorum  
nequaquam præjudicio, si me castigaverint, facundie:

tantum precor ut nostro non derogent labori, causa  
invidiæ vel culpæ insolentiæ. Non tamen huic  
beatæ interesse promerui militiæ, neque visa nar-  
ravi; sed nescio quis compiler, nomine suo sup-  
presso, libellum super hac re nimis rusticorum edi-  
derat; veritatem tamen texerat: sed propter in-  
urbanitatem codicis nobilis materies viluerat, et  
simpliciores etiam inculta et incompta lectio confe-  
stim a se avocabat. Accessi igitur ad hoc studium,  
non inanis gloriæ cupidus, non supercilii tumore  
inflatus, sed quod successivæ placeat Christianitati,  
membranulis indidi curiosus. Et quamvis, Christia-  
nus ego, Christianis processerim atavis, ut jam  
nunc tanquam hæreditate possideam sanctuarium  
Dei, et hæreditarium Christianæ mihi possessionis  
vindicarem titulum; paganismum autem, utpote  
a lege Dei extorrem, totis viribus abominaverim,  
tamen in proferenda historiæ veritate, in neutram  
amor vel odium, vel cætera vitia, me scientem  
præcipitabunt partem: ut scilicet pagani detra-  
hendo, Christianis, mendax et mendosus, temere  
faveam; et si quid fortiter et audacter gentiles ego-  
runt, eorum fortitudini et audaciæ zelando aliquid  
decerpam: proferendæ siquidem veritati temperan-  
ter studebo; et animi mei favorem, quem tamen  
maxime Christianis debeo, veritatis censura casti-  
gabo. Si enim gentilium robur plus justo attenua-  
rem; Christianorum fortitudini et laboribus detra-  
herem, dum tanquam adversus gentem imbellem,  
genus nostrum hiatu temerario dimicasse declama-  
rem. Succincte igitur quæ in codice prædicto per-  
pendi, recapitulabo; et partium narrantium quæ ibi  
ad fuerunt relatione fretus, quæ audivi interseram,  
sicque juvante Deo aggressum opus consummabo.  
Jam igitur ad prælibatum negotium stylum exspe-  
ctantem applicemus. Emolumentum præsumpti  
opusculi, bonorum omnium retributor, in bonum  
mihi retribuatur Deus. Amen.

*Explicit prologus.*

## INCIPIT HISTORIA JERUSALEM

Qualiter Christiani a remotis partibus mundi cum maximo labore eam exquisiverunt, expugna-  
verunt et tenuerunt.

### LIBER PRIMUS.

Jerusalem, totius Judææ metropolim, non ignobi-  
lem nec ignotam civitatem, regalibus honorificen-  
tiis in immensum multoties decoratam, multoties  
a tyrannis hostibus obsessam, et ad solum usque  
dirutam, et a propriis filiis in captivitatem abductis  
orbatam, variasque temporum tumultationes ante  
Salvatoris adventum perpessam, noverunt qui vel  
histsriographorum libros saltem tenuiter legerunt;  
vel qui computantium relationi aures audiendi

D avidas accomodaverunt. Jam vero Christum prædi-  
centem super eam flesse, et ejus abolitionem de-  
nuntiasset, nullus ignorat, nisi si quis forte paginam  
Evangelii imprudens et impudens vecorditer con-  
culcat. Quod quomodo acciderit, legenti gesta Titi  
et Vespasiani indifficuller patebit: quam lectionem  
vir eloquentissimus Josephus, stylo celebri conse-  
cravit. Ipsam iterum resedificatam et Christianis  
insignibus insignitam, et ecclesiarum ædificiis decen-

tissimis honoratam, ipsa adhuc loquuntur ædificia, et quibus tota civitas circumvallata protecta testantur mœnia; quæ civitas, quoniam in ipsius sæ Christianitatis temporibus, Christo suo quam oportuit minus obtemperavit, terreno Regi subjugata rursus servivit, quia cœlesti imperatori militare pedetentim contempsit. Facta est igitur Babylonico admiraldi diutino tempore tributaria, quæ superba cervicositate a Christo suo deviarat; quamobrèm servierunt dominis profanis hi qui mortem evaserunt vel captivitatem, ejusdem urbis coloni: et dominati sunt filiis indigenis gentiles adventitii. Pollutum est nimirum sanctum Dei templum; et facta est aula Dei gentium convenarum irreverenter conventiculum: Domus orationis spelunca latronum facta est, et filiis suis mater Ecclesia, in novercam alienata est. Sane Sancti Sepulcri ecclesiam, paulo ærvari sinebant honorificentius; non quia multum de religione christiana curabant; sed quoniam taliter utilitatibus et cupiditatibus suis satisfaciebant. Adventabant siquidem a remotis orbis partibus Christiani, orationis gratia, et honorabant sanctuarium illud largifluis oblationibus, confluentes autem Christianos multimodis gentiles angariis affligebant, et opimis evectationibus quas attulerant, peregrinos funditus emungebant, utpote quos et de vecturis conducendis invitos in via compellebant, et ab introitu desideratæ et diu quæsitæ civitatis quousque ingrediendi pretium dedissent coercebant, et sic variis exactionibus eos pauperabant; ad extremum vero, ab injuriis corporibus animas plerumque tormentis profligatas extorquebant. Ecclesiarum etiam alias in usus peculiare gens barbara reduxerant, aut in ipsis jumenta sua stabulantes, aut si quid est ignominiosius in eis operantes. Exacerbaverunt itaque contra se Deum, qui Deum abominabiliter inhonoraverunt, et loca sancta illicitis et fedis actibus deonestaverunt. Decrevit igitur eos divinum consilium castigare; et per eos quibus imperitaverant deliberavit eos a Deo locis dicatis eliminare. Jam enim gentiles usque Antiochiam imperium suum dilataverant, et similiter ipsius sanctæ civitatis loca gloriosa sedaverant. Idcirco irritaverant in se furorem Omnipotentis, quoniam operum suorum fetorem emisserunt in cælum. Videbamus aliquando cives ipsius Jerusalem, inter nos, mendicos et exules: videbamus indigenas Antiochiæ, casum locorum sanctorum deplorantes, sibi que pauperatis suppliciter stipem publicam implorantes. Aliqui condolebamus egenis; id ipsum siquidem per nostros, si quando revertebantur, audiebamus peregrinos. Publicæ prædicationis causa, papa Romanus, Urbanus nomine, venit in Gallias, et prout erat desertus seminiverbius, verbum Dei passim seminabat. Sane Placentiæ concilio generali celebrato, prælibatus paulo post Arvernus advenit, ibique cum multis Galliarum episcopis et abbatibus, iterum generale synodum celebravit, in qua, quæ ad fidem pertinebant præmissis, de Christianorum Je-

rosolymitanorum et Antiochenorum casibus æramosis, hujusmodi sermonem subjunxit. Confluxerant etiam ad concilium e multis regionibus viri potentes et honorati innumeri, quamvis cingulo laicalis militiæ superbi. Itaque residens in pulpito sic peroravit.

« Audivimus, fratres dilectissimi, et audistis quod sine profundis singultibus retractare nequaquam possumus quantis calamitatibus, quantis incommoditatibus, quam diris contritionibus in Jerusalem et in Antiochia et in cæteris Orientalis plagis civitatibus, Christiani nostri fratres nostri membra Christi flagellantur, opprimuntur, injuriantur. Germani fratres vestri contuberniales utri vestri: nam et ejusdem Christi, et ejusdem Ecclesiæ filii estis; in ipsis suis domibus hæreditariis, vel alienis, dominis mancipantur, vel ex ipsis exploduntur, aut inter nos mendicant, aut, quod gravius est, in ipsis suis patrimoniis venales exsulant et vapulant. Effunditur sanguis Christianus, Christi sanguine redemptus, et caro Christiana carni Christi consanguinea nefandis ineptiis et servitutibus nefariis mancipatur. Illis in urbibus ubique luctus, ubique miseria, ubique gemitus. Suspiriosus dico, Ecclesiæ in quibus olim divina celebrata sunt sacrificia, proh dolor! ecce animalibus eorum stabula præparantur: nequam homines sanctas occupavere civitates; Turci, spurci et immundi, nostris fratribus dominantur. Antiochiæ beatus Petrus primus resedit episcopus: ecce in ipsa ecclesia gentiles suas collocavere superstitiones, et religionem Christianam, quam potissimum coluisse debuerant, ab aula Deo dicata turpiter eliminaverunt. Prædia sanctorum stipendiis dedita, et nobilium patrimoniis sustentandis pauperibus contradita, paganæ tyrannidi subjiciuntur, iisque in proprios usus redactis domini crudeles abutuntur. Sacerdotium Dei humotenus conculcatum est; sanctuarium Dei, pro nefas! ubique profanatum est. Si qui ibi adhuc latitant Christiani, inauditis exquiruntur tormentis. De sancta Jerusalem, fratres, huc usque quasi loqui dissimulavimus, quod valde loqui de ea pertimescimus et erubescimus: quoniam ipsa civitas, in qua, prout omnes nostis, Christus ipse pro nobis passus est, peccatis nostris exigentibus, sub spurcitiâ Paganorum redacta est, Deique servituti (ad ignominiam nostram dico) subducta est, quod enim ita est improprietatis nostri cumulus est, Christianorum, qui ita promeruimus, magnum dedecus est. Cui servit nunc ecclesia B. Mariæ in qua ipsa pro corpore sepulta fuit in valle Josaphat? Sed quid templum Salomonis, imo Domini prætermisimus, in quo simulacra sua barbaræ nationes contra jus et fas modo collocata venerantur? De sepulcro Dominico ideo reminisci supersædimus, quoniam quidam vestrum, oculis vestris vidistis quantæ abominationi traditum sit. Inde violenter abstrahunt oblaciones, ibi nimirum multas et innumeras religioni nostræ ingerunt irrisiones. Et tamen illo in loco (non

ignota loquor), requievit Deus, ibi pro nobis mortuus est, ibi sepultus est. Quam pretiosus sepulturæ Domini locus concupiscibilis, locus incomparabilis : Neque si quidem ibi Deus adhuc annuum prætermisit facere miraculum ; cum in diebus Passionis suæ, extinctis omnibus et in sepulcro et in ecclesia circumcircæ luminibus, jubare divino lampades extinctæ reaccendantur. Cujus pectus silicinum, fratres, tentum miraculum non emolliat ? Credite mihi, bestialis homo et insulsi capitis est, cujus cor virtus divina tam præsens ad fidem non everberat. Et tamen gentiles cum Christianis ista vident communiter, nec emendantur : perterrentur equidem, sed non convertuntur ad fidem : nec mirum, quoniam mentis obcæcatio illis dominatur. Quantis afflictionibus vos qui adestis, qui redistis injuriaverint, vos ipsi melius nostis, qui substantias vestras, qui sanguinem vestrum in ibi Deo immolastis. Hæc idcirco, charissimi, diximus, ut vos ipsos sermonis nostri testes habeamus. Plures supersunt et fratrum nostrorum miseris, et Ecclesiarum Dei depopulationes, quæ singulatim possemus referre, sed instant lacrymæ et gemitus ; instant auspacia, et singultus. Ploremus, fratres, eia ploremus et cum Psalmista medullitus plorantes ingemiscamus. Nos miseri, nos infelices quorum prophetia ista completa est : « Deus, venerunt gentes in hæreditatem tuam ; polluerunt templum sanctitatis tuæ ; posuerunt Jerusalem in pomorum custodiam ; dederunt morticina servorum tuorum escam volatilibus cœli, carnem sanctorum tuorum bestiis terræ. Effuderunt sanguinem ipsorum, tanquam aquam in circuitibus Jerusalem, et non erat qui sepeliret (*Psal. lxxviii*). » Væ nobis, fratres : nos, qui jam facti sumus opprobrium vicinis nostris, subsannatio et irrisio his qui in circuitu nostro sunt, condoleamus et compatiamur fratribus nostris, saltem in lacrymis ; nos abjectio plebis facti, et omnium deteriores, immanissimam sanctissimæ terræ plangamus devastationem. Quam terram merito sanctam dixerimus, in qua non est etiam passus pedis quem non illustraverit et sanctificaverit, vel corpus vel umbra Salvatoris ; vel gloriosa præsentia sanctæ Dei genitricis ; vel amplectendus apostolorum commeatus ; vel martyrum ebibeandus sanguis effusus. Quam beati, o Stephane protomartyr, qui te laureaverunt lapides ? quam felices, o Baptista Joannes, qui tibi ad Salvatorem baptizandum servierunt Jordanici latices ? Filii Israel ab Ægyptiis educti, qui Rubro mari transito vos præfiguraverunt, terram illam armis suis, Jesu duce, sibi vindicaverunt ; Jebuseos et alios convenas inde expulcrunt, et instar Jerusalem cœlestis, Jerusalem terrenam incoluerunt. Quid dicimus, fratres ? audite et intelligite. Vos accincti cingulo militiæ, magno superbitis supercilio ; fratres vestros lanialis, atque inter vos dissecamini : Non est hæc militia Christi, quæ discepit ovile Redemptoris. Sancta Ecclesia, ad suorum opitulationem sibi reservavit militiam, sed eam male depravastis in malitiam. Ut veritatem fateamur,

A cujus præcones esse debemus, vere non tenetis viam per quam eatis ad salutem et vitam, vos pupillorum oppressores, vos viduarum prædones, vos homicidæ, vos sacrilegi, vos alieni juris direptores ; vos pro effundendo sanguine Christiano expectatis latrocinantium stipendia ; et sicut vultures odorantur cadavera, sic longinquarum partium auspicamini et sectamini bella. Certe via ista pessima est, quoniam a Deo omnino remota est. Porro, si vultis animabus vestris consuli, aut istiusmodi militiæ cingulum quantocius deponite, aut Christi milites audacter procedite, et ad defendendam Orientalem Ecclesiam velocius concurrite. Hæc est enim de qua totius vestræ salutis emanaverunt gaudia, quæ distillavit in os vestrum divini lactis verba, quæ vobis propinavit Evangeliorum sacrosancta dogmata. Hæc ideo, fratres, dicimus, ut et manus homicidas a fraterna nece contineatis, et pro fidei domesticis, vos exteris nationibus opponatis. Et sub Jesu Christo duce nostro, acies Christiana, acies invictissima, melius quam ipsi veteres Jacobitæ, pro vestra Jerusalem decertatis : et Turcos qui in ea sunt, nefandiores quam Jebuseos, impugnetis et expugnetis. Pulchrum sit vobis in illa civitate mori pro Christo, in qua pro vobis Christus mortuus est. Cæterum si vos citra mori contigerit, id ipsum autumate mori in via si tamen in sua Christus vos invenerit militia. Deus ejusdem denarii retributor est, prima et hora undecima (*Matth. xx*). Horrendum est, fratres, horrendum est, vos in Christianos rapacem manum extendere : minus malum est in Sarracenos gladium vibrare ; singulare bonum est ; quia et charitas est, pro fratribus animas ponere. Ne vero de crastinis evectionibus solliciti sitis, sciatis quod timentibus Deum nihil deest, neque his qui eum diligunt in veritate. Facultates etiam inimicorum vestræ erunt : quoniam et illorum thesauros exspoliabitis, et vel victoriosi ad propria remeabitis, vel sanguine vestro purpurati, perenne bravium adipiscemini. Tali imperatori militare debetis, cui omnis non deest potentia, cui quæ rependat nulla desunt stipendia. Via brevis est, labor permodicus est, qui tam immarcescibilem vobis rependet coronam. Jam nunc igitur auctoritate loquamur Prophetica. « Accingere, » o homo, unusquisque, « gladio tuo super femur tuum, potentissime (*Psal. xlii, 4*) : » Accingimini, inquam, et estote filii potentes, quoniam melius est vobis mori in bello, quam videre mala gentis vestræ et sanctorum. Non vos demulceant illecebrosa blandimenta mulierum, rerumque vestrarum, quin eatis, nec vos deterreant perferendi labores, quatenus remaneatis. » Et conversus ad episcopos : « Vos, inquit, fratres et coepiscopi, vos consacerdotes et cohæredes Christi, per Ecclesias vobis commissas id ipsum annuntiate, et viam in Jerusalem toto ore viriliter prædicatè. Confessis peccatorum suorum ignorantiam, securi de Christo cœlestem paciscimini veniam. Vos autem qui ituri estis, habebitis nos pro vobis oratores ; nos habeamus vos pro populo Dei pugnatores. No-

strum est orare, vestrum sit contra Amalecitas A pugnare; nos extendemus cum Moyse manus indefessas orantes, in cœlum; vos exerite et vibrato intrepidi præliatores in Amalech gladium. »

His vel hujusmodi aliis a Domino apostolico, his qui aderant luculenter intimatis, alii suffundebantur ora lacrymis, alii trepidabant, alii super hæc re discerebant. Inter omnes autem in eodem concilio, nobis videntibus, vir magni nominis et summæ ingenuitatis episcopus Podiensis nomine Neimarus, ad dominum papam vultu jucundus accessit, et genu flexo, licentiam et benedictionem eundi poposcit et impetravit; insuper et ab apostolico mandatum promeruit, ut omnes ei obedirent; et ipse pro officio suo in omnibus, exercitui patrocinaretur, utpote quem omnes magnæ strennitatis et singularis industriæ præsulem noverant. Digno itaque exercitui Dei invento primicerio, præbuit assensum multitudo multa nobilium, et statim omnes in vestibus superamictis consuerunt sanctæ crucis vexillum. Sic etenim papa præceperat, et ituribus hoc signum facere complacuerat: quippe prædicaverat summus pontifex Dominum dixisse sequacibus suis: « Si quis non bajulat crucem suam et venit post me, non potest meus esse discipulus. Idcirco, debetis, inquit, vobis crucem coaptare vestris in vestibus, quatenus et ex hoc tutiores incedatis, et his qui viderint, exemplum et incitamentum suggeratis. »

Dum hæc agerentur, ecce ex improvise adfuerunt legati comitis Tolosani, Raimundi videlicet de sancto Ægidio, qui ipsum ituribus jamque sibi crucem coaptasse retulerunt, et in concilio testati sunt. « Adjuncti eum etiam ipsi, inquit, milites innumeri, et populum in ducatu suo conducet quam plurimum. » Et adjunxerunt: « Si quis est Dei, jungetur ei, quoniam opes suas indigentibus communicabit, et auxilium et consilium suum, nemini viantium denegabit. Ecce, Deo gratias, jam Christianis ituribus, duo ultronei processere duces; ecce sacerdotium et regnum; clericalis ordo et laicalis ad exercitum Dei conducendum concordant. Episcopus et comes, Moysen et Aaron nobis reimaginantur. » His auditis si qui pueillanimes heri exstiterant, hodie animabantur, et sancta cruce passim palliabantur. Solutum est concilium, et nos unusquisque properantes rediimus ad propria. Prædicabant episcopi, et vocæ liberiori jam illud idem vociferabantur D laici: verbum Dei seminabatur, et quotidie numerus Jerosolymitanorum augebatur; verecundabantur qui remanebant, et jam coram gloriabantur qui peregrinatum ire disponebant: Alii alios cohortabantur; et in angulis et in compitis, inde singuli sermocinabantur. Nimirum pro his agendis dicunt quædam divinitus obtigisse signa, quæ nos omnino non ignoramus vera.

(An. D. 1095). Anno siquidem ab incarnatione millesima nonagesimo quinto pridie Nonarum Aprilium, feria quarta, luna vigesima quinta, visus est ab innumeris inspectoribus in Gallis, tantus stella-

rum discursus, ut grando, nisi lucentes, pro densitate putarentur: opinabantur etiam quidam eas cecidisse, nos tamen de earum occubitu nihil temere præsumimus affirmare. Novimus tamen, Veritate testante, quod quandoque stellæ cadent de cœlo (Matth. xxiv, 29). De discursu autem vel earum coruscationibus, si quis dubitat, vel nobis credat, vel annalibus nostris, in quibus id notatum reperiet, saltem acquiescat. Quid autem concursus iste præcipue portenderit minime diffinimus: præsertim cum nobis nondum datum sit nosse mysterium regni Dei, sed per parabolas et quasdam competencias, motui stellarum Christianitatis motum comparabant. Quippe anno subsequente (1096) et synodus Arvernensis habitata est, et via inchoata est. Præter hæc omnia, quædam Christianis intima inspirabatur voluntas, ut pene omnes iter arripere, si stipendiorum facultas eis suppeteret. Lætabantur patres, filiis abscedentibus; gaudebant uxores, abeuntibus maritis dilectissimis, plusque tristabantur quod remanebant. Plures tamen abierunt, quam quod vel vix vel nullatenus redituri earum viri properabant. Et mirum in modum, quod fieri solet in mortibus charorum, lacrymas his et illis extorquebat jucunditatis affectus. « Excessit » tamen « medicina modum, » quia plusquam debuit in quibusdam eundi voluntas surrepsit. Nam et multi eremitæ et reclusi et monachi, domiciliis suis non satis sapienter relictis, ire viam perrexerunt: Quidam autem orationis gratia, ab abbatibus suis accepta licentia, profecti sunt; plures autem fugiendo, se subdixerunt. Multi etiam de gente plebeia, crucem sibi divinitus innatam jactando ostendebant; quod et idem quædam ex mulierculis præsumpserunt: hoc enim falsum deprehensum est omnino. Multi vero ferrum calidum instar crucis sibi adhibuerunt, vel peste jactantiæ, vel bonæ suæ voluntatis ostentatione. Sed de his, ut libet. Talibus enim rumoribus concursus euntium in tantum augmentabatur, ut jam esset numerus innumerus. Hæc ideo inseruimus, ne vel aliquid præterisse videamur; vel nostratibus, in vanitatibus suis pepercisse redarguamur. Nec tantummodo populares, citramontanos homines is rumor excivit, sed palatinos consules et regios tyrannos cievit, videlicet Hugonem Magnum, fratrem Regis Francorum; Robertum Northmanniæ comitem, Anglorum Regis Wilhelmi filium; iterum Robertum Flandrensem. In Alamanniæ partibus Dux Gedefridus, cum fratre suo Balduino et Eustachio, sermonem hunc recepit, et iterum alius Balduinus comes de Monte. Ultra montes quoque, in Apulia scilicet, verbum istud percerebuit: et Boamundum, virum admodum industrium, Roberti Guischari filium, ducis Rogerii fratrem vocavit, eique Tancredum nepotem suum, et Ricardum de principatu sociavit. Porro si de viris consularibus loqui attentarem, nec de Radulpho Balgentiacensi tacerem, nec de Ebrardum de Puisat prætermitterem, nec de Centorio de Bieria, nec de Willhelmo Amanel aliquid



dissimularem, nec multos alios stylus noster fastidiret, qui tamen præclaris facinoribus suis seipsum magnificaverunt, et in exercitu Dei se laudabiliter habuerunt. Nec tamen hos vel alios æmula præteribit oblivio, ubi se opportuna offeret occasio. Prædicti itaque viri, expeditionem Dei aggressi, Constantinopolim, imperatoris dignitatis civitatem, cum populis innumeris appropinquaverunt. Neque siquidem Angliam, vel alias maritimas insulas, licet a nobis undisoni maris abyssis ab orbe remotas, tonitruum istud latere potuit: imo et Britannos et Guascones, et extremos hominum Gallicos, fama perneciter succrescens animavit et armavit. Venetii quoque et Pisani, et Genuani, et qui vel Oceani vel maris Mediterranei littus incolebant, navibus onustis armis et hominibus, machinis et victualibus mare sulcantes operuerunt, et qui terra ibant, universæ terræ faciem, tanquam locustæ, occuluerunt.

Transeundum fuit prædictis Alamannis per Hungariam, et transierunt. Petrus quidam, magnus Eremita, cum multis Alamannis et Francis plurimis, subsequens agmen præcesserat, et regiam ad urbem applicuerat: Invenit tamen multos Lombardos et Longobardos et iterum Alamannos qui eum præcesserant; et ex imperatoris responso, venientem exercitum sustinebant. Imperator autem interim eis mercatum dari jusserat, sicut erat rectum, in civitate. Mandando quoque mandaverat, ne quemdam sinum maris, quem Brachium Sancti Georgii vocant, transfretarent, quousque maximus qui subsequeretur advenisset exercitus. « Si enim, ait, aliter egeritis, efferi gentiles in vos irruent, et imbellem hanc periment legionem; » quod et sic postea contigit. Gens etenim illa sine rege, sine duce, variis aggregata locis indisciplinate viventes, in res alienas rapaciter involabant, et plumbum, de quo ecclesiæ coopertæ fuerant, asportabant et vendebant, nec non et palatia destruebant, et in omnibus se nequiter agebant. His cognitis imperator iratus est valde, quippe qui beneficiis suis illos jam videbat ingratos. Coegit itaque eos transfretare expulsos a civitate. Qui transfretati multis iterum illicitis in Christianos patris: nam et domos eorum, et Ecclesias, hostiliter terra deprædata, crenaverunt: tandem venerunt Nichomiam. Illic Lombardos, Longobardos et Alamannos a Francis separantes: Franci siquidem ferociiores et intractabiliores erant; et ob id, ad omne malum procliviores; præfecerunt sibi gentes aliæ, Francis remotis, quemdam Raginaldum; et sub ejus ducatu ingressi sunt Romaniam. Ultra Nicenam autem civitatem progredientes, quatuor itinere dierum, invenerunt quoddam castellum cui nomen Exerogorga, (incertum an timore an industria) incolis omnibus vacuum: illud igitur intrantes causa hospitandi, ibi demorati sunt, quippe ipsum invenerunt omnium victualium redundantia plenum. Quo Turci per exploratores suos cognito, haud mora circumvallare castellum festinaverunt. Raginaldus

A cum suis castellum exierat, ut Turcis venientibus prætenderet insidias. Prævaluerunt autem Turci, et multos ex eis gladio ceciderunt; si quis veropotuerunt, fuga elapsi in castellum recepti sunt, quo undique obsessis aquam illis confestim abstulerunt. Fons etenim et puteus, quo castellum sustentabatur, extra erat, quem utrinque viriliter circumseptum Turcorum exercitus indesinenter observabat. Nihil est laborantibus aquæ penuria durius: nihil citius tuta expugnant loca, quam intolerabilis sitis injuria. Coacti sunt ergo Christiani suorum sanguinem elicere et bibere jumentorum. Alii pannos in cisternas limosas deponebant, et si quid humoris invenissent, in os suum exprimere non erubescabant. Dictum est, quod nimis turpe est, quod quidam in manibus suis micturiebant et sorbebant. Alii si forte reperissent terram humidam vel frigidam, fodiebant; et in ipsa vel nudi supinabantur, vel suis apponebant pectoribus, ut saltem sic quoquomodo refrigerarentur. Quis in tantis anxietatibus vivere potuit? Sustinuerunt tamen moribundi magnam hanc per octo dies incommoditatem, Sacerdotibus qui aderant sic interim sermocinantibus: « Sustinete, fratres, ut enim vos tentet adest Deus. Nolite itaque desperare in his etiam magnis tribulationibus; sed efficitate gnaviter, ut qui ejus provocastis iram, vel in arcto positi nunc, ejus largifluam vobis everberetis misericordiam. Promereri poteritis in tali angustia positi ejus beneficium, si ad ipsius toto corde confugietis auxilium. Ipse olim percuti jussit in deserto Sina, petram, et fluxerunt aquæ, et biberunt patres nostri in saturitate. Adhuc est ejusdem potentis, adhuc est ejusdem misericordis. Si vos modo non exaudierit, culpa nostra est; si vos modo non respexerit, nostra est negligentia. Reminiscamini quoniam eum graviter offendimus et irritavimus, qui in rerum fraternarum rapacitate et in ecclesiarum destructione inexplicabiliter crassati sumus. »

Hæc illis sacerdotes quotidie referebant, sed illi nullo vino compunctionis potari poterant. Computruerant illi tanquam jumenta in stercore suis, ideoque de peccatis suis, indurati corde cum Pharaone, Deo satisfacere nequaquam potuerunt: quocirca perierunt. Obtura verunt igitur aures suas, aspibus surdiores, contra vocem incantantium sapienter, et idcirco revera operati sunt insipienter. Quin dux eorum Raginaldus cum Turcis consiliatus est, et ut eis si posset fratres suos proderet pactus est. Exiit itaque cum multis, fingens se ad bellum procedere, et transfuga fugit ad Turcos. Qui remanserant, inhonestum coacti fecerunt deditionem; et, o miserum facinus! versi in desperationem, contra Dominum abominabilem commiserunt apostasiam. Illi vero qui fidei suæ testimonium perhibuerunt, vel capitalem subire sententiam, vel in signum positi, sagittati sunt, vel ab invicem divulsi, pro vili pretio venundati sunt vel in captivitatem abducti sunt, alii in Antiochiam, alii in Corrosanum, alii in Aleph, aut ubi de eis triumphantibus, et captivantibus

captivos captivatum ire magis complacuit; qui tamen pro fidei Christianæ inconvulso tenore, glorioso sine quieverunt. Hanc persecutionem primam perpe- si sunt Christiani tertio Kalend. Octobris. Audientes iterum Turci quod Petrus Eremita et Wallerius cognomento *Sine habere*, in alia civitate cui nomen Civitot prope Nicenam essent, persequi aggressi sunt illos, pro secundis successibus rabi- diosiores, et more luporum debacchantium vel feræ tigridis, sanguine effundendo proclivius incumben- tes. Jam igitur, securi de triumpho, accurrentes obviaverunt Wallerio, quem et multos qui cum eo erant, obruncaverunt. Petrus enim Eremita jam Constantinopolim redierat, quoniam illum auscultare gens litigiosa non acquiescebat. Et quoniam eos imparatos Turci repperunt, ideo facilius superave- runt. Decollaverunt etiam quemdam Domini sacer- dotem, Missarum solemnia suppliciter celebrantem. Si qui potuerunt evadere vivi, fugerunt, vel in ca- rectis vel sylvis, vel in montanis delitescentes; alii Civitot castellum, quatenus se defenderent, tenuerunt; quod et Turci protinus obsederunt, lignisque quamplurimis undequaque allatis, incendium et castello et hominibus præparabant. Christiani autem, extrema jam in desperatione positi, animosiores: « Desperatio siquidem aliquando audacior facit; » audenter in ligna jaculati sunt ignem. Sic ergo evaserunt incendium, sed non omnino evaserunt imminens mortis periculum. Apprehenderunt si- quidem Turci totam castris munitionem, et Chri- stianos apprehensos vel occiderunt, vel capti- vaverunt, vel in quodlibet opprobrium subsan-naverunt. Hæc iterum passio contigit eis in men- se Octobri. Ecce modico temporum intervallo, parvo terrarum interstitio Christianitas bis pro- fligata est, bis multata, bis castigata: quod pro expiatione facinorum suorum illis contigisse non ambigimus; et pro reprimenda minus cautorum stoliditate, et pro subsequenti exercitus necessa- ria castigatione. Qui enim adhuc citra Constanti- nopolim castra metati fuerant, hoc audito (multi etenim profugi redierant, quorum omnium arma imperator emerat, quatenus inermes suis minus nocere possent) alii alios exspectabant, quatenus consilio communicato, auxiliariis freti ducibus, et copiis stipati militaribus, terram inimicorum ingrederentur, Deitate sibi, precum pura confes- sione, prius complacata.

Dum hæc agerentur, dux Godefridus et Balduinus atque Eustachius fratres, et Balduinus de Monte cum turmis suis per Hungariam commeantes, Con- stantinopolim appropinquabant. Podienseis namque episcopus et comes Raimundus per Sclavariam gra- diebantur. Hugo Magnus et Flandrensis comes, et Robertus Nortmannorum dux, cum suis commilito- nibus Romam prætereuntes, in Apuliam devenerunt. Boamundus autem tantas Francorum frequentias audiens adventare, neque siquidem tantum homi- nem hujusce rei ignarum, tam divulgata fama per-

A transire poterat, singulorum probitatibus signisque perscrutatis, pallium optimum præcepit afferri; quod per particulas concisum, crucem unicuique suorum distribuit, suamque sibi retinuit. Tantus igitur militum concurrens ad eum subito factus est, quatenus comes Rogerius in obsidione (erant siqui- dem uterque in quadam obsidione) pene solus re- maneret; dolensque se suam amisisse gentem, Siciliam cum paucis reversus est. Boamundus au- tem, ut erat vir per omnia modestissimus, modeste viam suam et eversiones præparavit, et cum opti- matibus suis et cum affluentibus armatorum copiis transfretavit, et tandem tranquillo remige in Bul- garie partibus applicuit. Nomina vero suorum qui ei in itinere hoc adhæserunt, eique aliis cohæse- runt in bellis, hæc sunt: Tancredus Marchionis filius; Richardus de principatu, Ranulfus frater ejus, Robertus de Anxa, Ermannus de Canni; Ro- bertus de Surda valle, Robertus filius Turstani, Hunfredus filius Radulfi, Ricardus filius comitis Rannulfi, et comes de Rusinolo, cum fratribus suis, et Boellus Carnotensis, Alberedus de Cagnano, et Gunfredus de Monte scabioso. Hi omnes unanimiter Boamundo conjuncti sunt, eique se devotissime in via Dei obediluros, inseparabiliter juraverunt. Hugo vero Magnus et Wilhelmus Marchisi filius ad por- tum Bari pelagus præpropere ingressi sunt, et na- vigantes applicuerunt Duracium. Dux autem civita- tis illius de principibus imperatoris unus, arbitratus eos, ut revera erant, viros magnos et gnaros, ap- prehendi jussit eos, utpote qui nondum erant cuneis militaribus et auxiliariis peditum manipulis satis præmuniti. Fecit ergo eos sub excubanti custodia Constantinopolim solerter deduci: quatenus impe- rator pro libitu suo super eos decerneret, si que vellet hominum et fidelitatem ab eis reciperet. Hoc autem dux ille idcirco maxime fecisse visus est, ut et devotionem quam erga imperatorem suum habebat, res ipsa talibus indiciis approbaret; eumque sibi vehementius conciliaret.

Dux autem Godefridus, ducentum omnium primus Constantinopolim venit, duos dies ante Natale Do- mini, et prope illam castra metatus est. Boamun- dus enim suos exspectando, qui eum subsequi sata- gebant, pedetentim gradiebatur; proinde callide eos paulatim eundo in dies operiebatur. Imperator autem in suburbio civitatis, duci paulo post man- davit hospitium. Armigeri vero ducalis exercitus, sine qualibet cautela, ad subvehendas paleas, vel cætera sibi necessaria, extra civitatem cursitabant. Quippe nondum aliquid de imperatore suspicaban- tur sinisterum, utpote qui eis voluntarius præbuisset hospitium. Imperator vero absconse suis mandave- rat Turcopolis et Pincinatis, quatenus in dies ex- euntes invaderent, et perimerent, et curiosissime super hoc excubarent. Duci, suorum defectus nun- tiatus est, et inopinatæ Turcopolorum ei patuerunt insidiæ. Exivit igitur Balduinus ad suorum pro- tectionem, et si posset ad insidiantium deletionem;

invenit autem eos insequentes suos, et ex improviso incautos invasit et superavit; partem occidit, sexaginta quoque ex iis vivos comprehensos, fratri suo duci imperterritus præsentavit. Audiens hoc imperator Alexius (Alexius enim vocabatur), valde iratus, malum exercitui Christi in corde suo indocinenter machinabatur. Dux de imperatoris furibunda perturbatione certus, præcavens in futurum, civitatem exivit, et ubi prius sua fixerat tentoria collocavit. Nocte superveniente, jussu imperatoris invasa sunt castra ducis, et exercitus ejus multis lacessitus injuriis. Dux autem, sicut erat hujusce rei sagacissimus, et pugnator acerrimus, excubatores qui tentoriis excubarent prudenter disposuerat, et unumquemque vigilare sibi mandaverat: versutias enim imperatoris non nesciebat. Repulsi sunt quantocius invasores, et ex illis septem peremptis, usque ad portam civitatis audacter dux fugavit fugientes. Ad tentoria itaque sua reversus, fuit ibi pene quinque diebus. Imperator enim interim in eum malum moliri; dux sollicitus sibi suisque consiliari: imperator ei transitum per civitatem regiam prohibere; dux subsequendum optimatum adventum expectare. Imperator tandem ut nihil intentatum relinqueret (erat namque vir perspicax et industrius), sub pacis obtentu pactus est cum duce, quod si transfretaret Brachium, copiosum ei semper mitteret mercatum; et omnibus indigentibus, stipem impertiret necessariam, tantum de eo juramento esset securus. Ideo sic fecit imperator, ut ducem a regione illa cum suis amoveret copiis, ne posset conti superventorum principum consiliis et auxiliis. Transivit itaque dux, imperatori facta et ab eodem accepta identidem promissorum fidelitate.

Boamundus interim in vallem de Andrinopolin venit ibique suos concionando taliter allocutus: « Optimates et commilitones nostri, oportet caute nos omnes dehinc abeamus. Cautela nobis est pernecessaria, præsertim cum pro Deo nostra peregrinamur patria. Peregrini pro Deo sumus, Christiani milites sumus, a Christianorum penatibus diripiendis manus rapaces cohibeamus. Tempus erit cum terram hostilem intrabimus, cum de eorum spoliis opimis ditabimur et lætabimur. Christiani quicumque nobis mercatum præstiterint, securi veniant et securi redeant: terra in qua sumus Christianorum est, ideo vobis eam deprædari non licet. Tantummodo in ea pro benedictione cibaria capiamus; nec ultra quam usus vivendi postulat, fratrum suppellectilem discerpamus. Vos autem, proceres nostri, familiares nostri, qui expeditores estis, de peditibus vigilantius procurate, et ne deficiant in via, eos expectando maturius procedite, et tentoria vestra tempestive figite. Et quoniam, Deo gratias, opulentiores estis, opes vestras pro eleemosyna pauperibus effundite, Dominum ante oculos præsentem semper habete. » Hic diotis heros prudentissimus contulit, et moveri castra de valle præcepit. Tan-

dem perventum est Castoriam, in qua Natale Domini solemniter peregerunt; ibique per aliquot morati dies, quæsitumque mercatum habere non potuerunt. Prætendebant enim homines civitatis illius eos nequaquam peregrinos, sed gladiatores et tyrannos. Compulsi sunt ergo, inedia cogente, boves, equos et asinos rapere, et si quid quod mandi posset convenientius inveniebatur. Egressi subinde Castoria castrametati sunt in Pelagoniam. Castellum autem Hæreticorum ibi erat munitissimum, abunde bonis omnibus refertum: quod undique aggressum, habitatoribus ejusdem cum eo combustis, omnino pessum dederunt, hæreticis nimirum inimicantes. Omnes siquidem illi viatores, Judæos, hæreticos, Sarracenos æqualiter habent exosos, quo omnes appellant inimicos Dei. Castello igitur illo radicitus diruto, extinctisque omnibus habitatoribus ejus, tentoriis collectis pervenerunt ad flumen Bardanum, quod Boamundus cum parte sui exercitus pertrensivit: pars etenim, comes videlicet de Rosinolo, cum fratribus suis remansit. Homines autem imperatoris qui vias obsidentes, palantes explorabant, videntes exercitum divisum, impetu facto irruerunt in comitem et in suos, sperantes se in eos indifficiliter prævalituros, exercitu duntaxat a se disgregato. Quo Tancredus sive per legatum sive per tumultum cognito, necdum enim multum ab aliis aberant, rapidum calcariibus urgens cornipedem fulmineus advolat; et fluvio qui intererat evadato, sed potius enatato, festinum comiti contulit præsidium. Duo siquidem millia mititum Tancredum subsequuti fuere qui similiter amne transito eis auxilium præbuerunt: qui confestim, contra spem Turcopolorum, ipsis prævaluerunt, et eos de prælio fugaverunt, et de fugatis gloriose triumphaverunt. Nonnullis autem peremptis, plures apprehensos, vinctos præsentaverunt Boamundo, qui eos percunctatos quare tam crudeliter suæ resisterent expeditioni, præsertim cum suo non inimicaretur imperatori, ipsis respondentibus audivit: « Nos in roga imperatoris locati, nihil aliud quam quod ipse imperat possumus. » Boamundus autem imperatori indignatus, se ipsum tamen reprimens, eos quidem impunitos dimisit, sed ne suis de cætero nocerent, interminando eos compescuit. Dixisse tamen suis familiaribus putatur: « Nos transituri per imperatorem, tumorem animi compescamus, et ne eum injuste exacerbemus, prout possumus evitemus. Extremæ imperitiæ genus est, hominem ibi totum efflare spiritum, ubi commotus animus nullum habebit effectum. Porro prudentiæ modus est potestativum hominem seipsum dissimulare, ubi potentiæ suæ nequit satisfacere. Prudentiæ est, in tempus differre, quod continuo non possis implere. Rursus socordiæ et ignaviæ redarguendus est, qui cum ultra non possit, in tonat minis; cum vero possit, illatæ obliviscitur improbitatis. Si possumus, imperatorem beneficiis superemus; sin autem, mala nobis illata

æquanimitèr dissimulemus. « Hæc ait, et iram animi tacitus continuit. Hoc bellum factum est quarta feria in capite jejuniorum. Nulli dubium quin illa die inviti pugnaverint peregrini, nisi quod se defendendi necessitas eis incubuit. Interea imperatoris legati obviaverunt Boamundo (Boamundus enim jam suos ad eum direxerat) qui eum per terram illam secure deducerent, et eis ubique mercatum impenderent. Misit autem ad hoc quemdam eum corpalatium, valde sibi familiarem, hominem admodum solertem, Iste semper præibat, et ex imperatore regionarios allocutus, forum rerum venalium semper eis præparabat. Ad quoddam ventum est castellum, quod quia frumento, caseo, vino et oleo redundabat, aggredi contendebant; castellani siquidem, neque eis mercatum præparabant, et in tantos eos verebantur, quod neminem eorum recipiebant. Boamundus autem viriliter illud prohibuit, ne forte imperator in eo aliquam inveniret perperam: licet ei Tancredus et alii multum in faciem restiterint; prævaluit tamen sententia prohibentis.

Mane facto obviam illi exierunt castellani, cruces præ manibus gestantes, et indulgentiam deprecantes, et ei quæcunque placuissent offerebant; ille autem libenter eis indulsit et pertiansivit. Venit autem ad civitatem quæ Serra dicitur, et ibi sufficiens habuerunt mercatum. Boamundus tunc prudenter egit, quoniam cum duobus corpalatiis, sine aliqua amaritudine concordatus est, et amioissimi in die illa facti sunt; pro illorum denique amicitia, cuncta reddi animalia jussit quæ sui rapuerant, quæcunque fuerunt inventa. Corpalatii autem, hominibus omnia quorum fuerant, reddiderunt: luctus itaque plangentium, versus est in gaudium. Denique prout tempus posebat, de loco in locum castra metati sunt, et usque Rusam civitatem venerunt: ibi quæcunque necessaria erant sufficienter comparatis (Græcorum quippe gens Boamundum videre desiderabat inbianter), suos tetenderunt papiliones, feria quarta ante Cœnam Domini. Boamundus ibi sua gente dimissa, cum paucis ad imperatorem profectus est, suisque dixit hominibus: « Modeste vos agite: ego vos præibo, vobis transitum præparaturus; vos autem moderanter appropinquate civitatem, et omnia sapienter agite. » Tancredus autem caput et princeps militiæ Boamundanæ, videns Christianos in expeditione pauperatos et mendicos, eis in immensum condoluit; et illos, qua cibaria invenirent, per aliam viam conducere cogitavit. Intraverunt igitur in vallem uberæ glebæ gaudentem, et nutrimentis corporalibus refertam, ubi Pascha Domini celebraverunt. Imperator audiens, quem nimium verebatur, advenisse Boamundum (frequenter enim de prudentia et audacia ejus audierat, ipseque semel et iterum cum patre suo Guischaro pugnaverant et superaverat), honorifice suscepit eum, et extra civitatem, prout utrumque decebat, copiose procuravit. Dum autem imperator de colloquio Boamundi præcepisset, dux Godefridus,

A Constantinopolim, suis ultra brachium relictis, redierat: quoniam imperator, ut ei pepigerat, mercatum nullum trans mittebat. Episcopus vero Podiensis et sancti Ægidii comes, sua iterum post se intermissa multitudine, aderant. Imperator a suis accepto consilio (gens quippe Græcorum multum callet in consiliis), heroes singulos per internuntios allocutus est, quatenus ei omnes et hominum et fidelitatem facerent, ei sic securi transfretarent. Optimates enim regiæ civitatis sibi præcavescentes, ne forte Franci congregati in eos insurgerent, bonisque suis eos privarent, illud imperatori consuluerant, ut saltem a Francis taliter securi viverent. Franci siquidem omnino perjurium vitant. Hoc imperator ingeniose quærere, Franci viriliter negare: Franci prætereundere se juramentum nulli nisi Deo debere, cujus milites erant in via. Ad hæc imperator transitum abdicare, de cætero et mercatum et conductum polliceri, seque ipsum post eos iturum, et iis cum omnibus suis copiis subventurum affirmare. Angustiabantur Franci, juramentum facere renuentes, præsertim cum Græci aliter eis meatum nequaquam consentirent. Quid facerent? contra Christianos pugnare nolebant; transitum pacifici habere non poterant: imperfecto ad quod ierant negotio, ad propria regredi abominabantur. Tandem multi compulsi necessitatibus in hanc devenere sententiam pollicitationibus imperatoris aliquantulum allecti, quatenus eo tenore satisfacerent imperatori, si ipse de quibuscunque eis promittebat, eis jurari præciperet, quod ita totum factum est. Juraverunt igitur Alexio imperatori vitam et honorem, quod neutrum ei auferrent, quoad ipse quod jurabat bona fide teneret. Comes autem Sancti Ægidii plus aliis renitebatur; imo, quomodo de imperatore suos ulcisceretur, irrequietus cogitabat. Prævaluit tamen communis Heroum sententia; et ab hac intentione animosum comitem revocaverunt. Juravit itaque, sed ad hominum nequaquam deductus est: dixit enim se malle mori, quam hominum faceret imperatori. Dicunt Græcis sacramentum comitis satis fuisse, quandoquidem illud quod amplius exigebant extorquere non potuerunt, præceptum est igitur illico de navigio. Tancredus interim cum exercitu sibi commisso advenerat. Audiens itaque quod imperator a majoribus natu sacramentum exegerat, cum Riccardo de Principatu inter plebeios delituit; puppi-busque acceleratis, properus pertransivit. Boamundus tamen suis transfretaturis, succincte dixit: « Maturate gradum, nec aliquid incaute faciatis: demorabor adhuc de mercato locuturus, ne aliquid inconsulte fecisse videamur; vos prudenter ambulate, nec nimis remisse, nec insipienter militate. Plerumque contingit, ut quorundam insipientia, sapientium causas impediatur. Videte ergo quomodo caute ambuletis omnes et singuli, et alius alium attentius commonete. Hæc » ait, et de transitu festinanter mandavit. Ecce iterum legationes episcopi Podiensis pariterque comitis aderant Tolosani. Re-

mansit itaque comes cum sua gente, donec ei et Boamundo satisfactum est de mercato.

Dux Godefridus eum aliis Nicomediam venit ibique cum Tancredo tribus diebus fuit. Cognitoque quod nulla, qua tot et tantæ gentes possent procedere, pateret via, misit dux qui rupium et montium complanarent præcipitia, hominum tria millia, qui acceptis securibus asciis et vidulis, aliisque multimodis ferramentis, ad carecta et fruteta stirpanda, et ad prærupta montium coæquanda, viam exercitui præparaverunt, positisque in altum signis, quæ subsequentes agnoscere possent, ne forte deviant, venerunt Niceam, pridie Nonas Mai. Nicea autem totius Romanicæ caput est. Castris itaque metatis, locatisque tentoriis, obsessa est Nicea, quæ est civitas munitissima, utpote quam ostentabant inexpugnabilem in cælum porrecta mœnia lacusque adjacens civitatem a latere cingens. Passi sunt igitur ibi Christiani calamitosam panis inopiam, ita ut si quando panis unus inveniebatur, viginti vel triginta denariis emeretur: nondum enim mercatum ad eos ab imperatore fuerat directum. Sed Deo de suis procurante, venit confestim Boamundus copiosum terra marique deducens mercatum; facta est itaque inopina et repentina victualium ubertas, in tota Christi militia. In die autem Ascensionis Dominicæ, aggressi sunt civitatem expugnare, et contra muralem altitudinem machinas ligneas erigere. Per duos igitur dies infestantes acriter civitatem, conati sunt etiam murum effodere. Gentiles qui intus erant, e contra viriliter instare, muros penatesque suos magna vi defensare; lapides et spicula dirigere olypeis se protegere, et supervenienti telorum nimbo se audacter opponere. E regione Galli nihil intentatum relinquere; consertorum testudinescutorum se occultare, et sic jaculorum ingruentiam devitare; et sic persæpe fatiscentes obsessos lacessere. Cives interim missis nuntiis, neque siquidem qua lacus extendebatur, civitas observari poterat, a contribulibus et confinibus suis adjutorium convocaverunt dicentes: « Accelerate, per meridianam portam, nihil formidantes intraturi. Porta, inquit, enim meridiana, adhuc ab omni vacat obsidione. » Ipsa autem die, porta eadem comiti Tolosano et Podiensi episcopo, Sabbato scilicet post Ascensionem Domini, commissa fuit; nam eadem die uterque advenerant. Comes itaque Saracenis secure accurrentibus, ex improvise armatus obviavit; et ejus exercitus totus in armis speciosus; et omnes signo sanctæ crucis confisi, barbaram viriliter repulerunt stoliditatem. Quæ gens non paucis suorum amissis, in fugam turpiter versa est, et a Francis indifficiliter superata. Comes itaque cum magno trophæo, ea die tentoria sua ingressus est. Cives obsessi alios rursus direxere nuntios, qui de auxilio loquerentur; et spem pugnæ et certitudinem victoriæ, jurando testarentur. Veniebant igitur catervatim congaudentes, et victoriam in manibus autumantes, et de spoliis inimicorum diripiendis jam lætantes. Effere-

bant itaque suos unusquisque funiculos, quibus victos ad sua captivatum ducerent Christianos. Confidebant namque, et in magnis nationum congregatarum copiis, et in suæ viribus animositatis, parvipendebant etiam gentem Christianam, utpote et itineris longinquitate molestatam; et fame et siti, multisque aliis incommoditatibus profligatam. Ex montium igitur cacuminibus incaute conglobati descendebant, et ad civitatem usque discurrere satagebant. Quibus iterum obviantes Franci: Franci siquidem nihil negligentes, vias omnes observabant, eos rursus invaserunt, rursum superaverunt, rursum fugaverunt; multis autem internecioni deditis victoriosi redierunt, attulerunt etiam plurima cæsorum capita, quæ fundibularii projecerunt in civitatem, ad obsidentium exultationem, ad obsessorum perturbationem. Non tamen gentiles minus animosiores Christianis resistebant; sed modo de propugnaculis jacula dirigere, muros defendere; modo progredientes, ipsa castra perturbare. Contra comes Raimundus et Podiensis episcopus homines ordinaverunt, qui turrem quæ tentoriis suis porrecta præminebat, incessanter suffoderent et infractis viribus operi injuncto insisterent. Aggressi itaque civitatem, colonos rebellantes, balistas et arcubus et fundis deterrentes (grandinem etenim supervenientia tela putares), homines præparatos ad muros usque direxerunt, et ne quid eis mali possent oppidani moliri, sagaciter eos tuebantur; suffoderunt itaque turrem radicitus, immissisque lignis, et igni in muro terebrato succenso, indemnes redierunt ad suos. Ignis extemplo lignis prævaluit. Quibus combustis, turris dependens extabuit, et per rimas dehiscens, ruinæ machina tota succubuit. Sed quoniam nox erat, non potuerunt nec voluerunt Christiani contra urbem præliari, quod mane futuro se facturos disponebant. Dilatio autem ipsa multum obsessis profuit, multum vero Christianis obfuit. Nocte siquidem gentiles murum irrequieti reedificaverunt, noctemque illam insomnem duxerunt, in nullo pigritantes, sed de civitate suæ tuitione se invicem cohortantes. Facto diluculo Franci de inopina muri ædificatione vehementer admirati sunt, et eorum irrequietudinem laudaverunt, et tamen quia diutius ibi morari compulsi sunt, doluerunt. De repente siquidem maceriam eo usque in altaverant, ut Christiani eos ex illa parte nequaquam nocere possent. Cassatus itaque Christianorum labor hoc modo fuit, quibus illa mœniorum suffossio nihil profuit. Ecce advenerat comes Robertus de Nortmannia.

Isti omnes urbem obsederunt, tentoria sua prope locantes. Ex una parte obsederant eam Boamundus et Tancredus: juxta quos dux Godefridus, cum fratre suo Balduino atque Eustachio. Dein ceptus autem comes Flandrensis, vir quidem strenuus et miles audacissimus. Juxta hunc etiam comes Robertus Normannus atque Stephanus Carnotensis, et comes de Sancto Paulo, et Chonanus filius comitis Gaufridi, et Radulphus de Guær, et Rogerius de Barna-

villa, et alii quæm plures. A porta vero meridiana Tolosanus et Podiensis, ut dictum est, excubabant. Ita circumcica eam vallaverant, quatenus nemo vel ingredi vel egredi possit, nisi qua lacu civitas cingebatur. Per lacum enim Christianis videntibus, securi navigabant, sibi que necessaria navigio devehabant. Porro Christi militia taliter urbem obeederat. « O castra speciosa ! o tentoria imperiosa ! quis unquam similia vidit tabernacula ? Cesset illa adulabilis fabula de Troja, vilescent illa Pelasgorum tentoria, obscurantur ulterius procerum illorum actus et nomina. Illic Ulysses suam exercuit astutiam ; Ajax suam ostentavit audaciam ; Achilles suam manifestavit duritiam. Hic columbinam Christiani prætendebant simplicitatem, et in armis mundam et gloriosam exercebant militiam : mundi moribus, vegeti corporibus, animosi pectoribus dimicabant ; quippe animabus suis præcavebant, carnisque voluntatibus et voluptatibus omnia illicita abdicabant ; fulgebant in armis, maximeque in morum ornatu erant decentissimi. » Fateor et verum fateor, quoniam si Balaam (*Num.* xxiv, 3) huic tam formosæ speculationi adesse iuvisset, tentoria ista tentoriis Israeliticis præposuisset. In castris siquidem Christianis, nec Phinees Medianitidem (*Num.* xxv, 6), quem pugione confodere deberet, inveniret ; nec serpens malignus quem pro malignitate sua torreret, haberet. Ut breviter dicam, militia illa formosæ Ecclesiæ instar erat ; et forma, ut de tali non temerarius Salomonem decantasse autumaverimus : « Ecce tu pulchra es, amica mea, sicut tabernacula Cedar, sicut pelles Salomonis (*Cantic.* i, 4). » In ista siquidem expeditione duces ipsi militabant, ipsi duces excubabant, ut nescires quid dux a milite, quid miles differret a duce. Præterea ibi erat tanta omnium rerum communitas, ut vix aliquis aliquid sibi diceret proprium ; sed, sicut in primitiva Ecclesia, ferme illis erant omnia communia. Lupanar et prostibulum omnino a castris suis procul eliminaverant, et potissimum de morum honestate disceptabant. Ibi tamen cum hominibus mulieres habitabant, sed vel in conjugio vel in legali ministerio. Si quis enim alicujus convincebatur inhonestatis, vel in faciem, ut cæteris metus incuteretur, castigandus increpabatur, vel graviter de eo viadicabatur : quotidie siquidem de continentia sermocinabantur episcopi, et omne scortum et abusum de medio castrorum abominabantur. Opponebant se certatim castrenses illi pro fratribus, inimicorum gladiis ; et mirum in modum lætabantur, si mori mererentur pro ulciscendis proximorum injuriis : « O super omnes regiones extollenda Gallia ! quam pulchra tabernacula tua ecce in Romania ! Ab occidentali Europa armata iter arripuisti, et in Asia tentoria tua et Conopeorum tuorum paxillos collocasti. Conservet ac perennet Deus hanc bonæ voluntatis tuæ unanimitatem ; quatenus tuta procedere possis ad quam suspiras Jerusalem. » Turci interim et pro civitate defendenda desudabant, et a mœniorum restauratione nullatenus quiescebant.

A Terra undique obsessi, lacui victualia subvecturi securi se committebant. Ibant et redibant Christianis videntibus, nec eis nocere poterat Francorum quantumlibet exercitus. Sed quis eorum sollicitam evasit solertiam ? Franci, viri per omnia prudentissimi, consilium acceperunt, quatenus oppidanis auferrent etiam lacum. Direxerunt itaque legationem suam Constantinopolim, quæ vocabulo antiquiori Byzantium dicta fuit, unde et adhuc monetæ civitatis illius, denarios *byzanteos* vocamus, quatenus imperator imperio potestativo, navigium copiosum Civitot dirigeret, ubi portus erat opportunus ; et quoniam nocui differre paratis, nullas in remittendo innecleret moras. « Insuper, inquit, boves et plaustra nobis tranemite, ad rates per montana et silvas ad lacum usque subvehendas. Si enim taliter egeris, civitatem Niceam, quam obsedimus, quam Turci tibi violenter abstulerunt, indubitanter recuperabis : nullum enim habent effugium, si suum eis interdiceremus navigium. » Ex imperatoris præcepto et boves festinanter adducti sunt, et naves velivolæ portum Civitot appulerunt ; Turcopoli etiam imperatoris adfuerunt. Scaphæ carrucis superpositæ, bobus huic operi ministrantibus, usque ad crepidinem lacus magno labore deductæ sunt. Ea vero die noluerunt eas impingere in lacum, quod commodius duxerunt noctem expectare. Hoc autem ideo fecisse videntur, quatenus ex improviso civitati per lacum approximarent ; navigiumque castellanorum, dum nescirent, diriperent. Sole ruente nocteque terris incumbente, naves in lacum impigerunt, easque Turcopolis mandaverunt. Crepusculo diei albescente, lacum sulcantes, ordinate tendebant puppes ad civitatem. Cives lacum navibus opertum eminus aspicientes, admirabantur ; et si fortes sibi veniret ad iutorium suspicabantur. At postquam fides eis facta est naves illas contra se preparatas, neque navigio suo sicut heri et nudius tertius, illis patebat de cætero commeatus, diriguere metu, et ex sanguis facti desperaverunt : repentino siquidem casu perturbatis, præter spem omnia contigerant. Rebellando etiam nequaquam ulterius resistere poterant, super quos confluerent gentes innumeræ : urbi, terra lacuque obsessæ, nulla spes erat salutis ; nullus locus effugii, præter, quod omnibus adjacet victis, dedecus deditionis. Exterrebant eos arma incognita, et ipse fulgor armorum obsessos exanimabat : noverant Francorum gentem ferocem et bellicosam ; nec eos ab incepto desistere, donec eis omnia pro voto contigerint. Sciebant illos ponitus immisericordes, quos ipsi exacerbaverant gentis suæ peremptores. De imminente ergo tractantes periculo ad imperatorem dirigunt, utque sibi sub lege deditionis respondeat satisfaciunt. « Securos, inquit, nos faciat, imperatoria fides tua non violanda, de familiaribus et substantiis nostris, quatenus deditam suscipere pacto tuæ protectionis ; impune jubeas recedamus, urbemque tuam tibi reddemus. Tuere nos ab istis carnificibus qui adhuc te graviter infestant,

tuisque nos fac præsentari conspectibus. Obtemperabimus tuis mandatis, si nostri æque respondeas voluntatibus; liceat nos tibi servire; liceat nos vivos in tuum imperium vel in tuum caput insurgentes dimicare. Ne nobis imputes, quoniam dum licuit contra te pugnavimus, quod tum lege belli vivebamus: fac nos tibi obnoxios vita concessa; ex inimicis præpara nos tibi devotos servos. Si, quod absit, posthac nos tibi senties ingratos, ingratitude nostræ, plexis corporibus et tandem capitibus amputatis, digna repende. Tanto siquidem erimus tibi fideliores, quanto parturies nos beneficiis tuis obnoxiores. Larga liberalitas imperatoris parcat victis, debellet superbos. » His imperator auditis, Christianorum profectui postea rei probavit eventus, occulte invidens, obsessorumque legationi satisfaciens, satellitibus suis imperavit, quatenus et se et sua dedentes, Constantinopolim impunitos deducerent, deque civitate servanda curiosi procurarent. Juxta præceptum imperatoris omnia facta sunt, et civitas reddita est, gensque gentilium ad urbem imperatoriam indemnis deducta est: quam, ut dictum est, non modo captivitatis, sed honorificentia libertatis suscepit imperator, magnisque dapilitibus educatam honoravit. Hoc autem idcirco fecisse dicitur, quatenus et liberatos sibi affectaret, aliosque ad deditionem invitaret, eosque contra Christianos tempore opportuno animaret; ac per eos in quibus clam invidebat, occasione se præbente, rebelaret. Pauperibus tamen Christianis multa largitus est donaria ut taliter quod apud se occultabat, clandestino dissimularet figmento, seque suaque commenta, in futurum per competentes reservaret machinationes. Civitate reddita, Christianorum gens ab obsidione secessit. Mortui sunt ibi multi Christiani, alii fame, alii gladio, alii quolibet alio exterminio. Hos autem existimant felici laureatos martyrio, quoniam pro fratrum compassione sua corpora tradiderunt. Gentilium etiam, pro variis bellorum eventibus, pro ingruentibus incurstantium infortuniis, multa trucidata videres corpora, multa passim reperires inhumata cadavera. Per septem hebdomadarum circulum tresque dies, ibi Christiani demorati sunt; et capta seu magis reddita civitate, pedem alias direxerunt. De non publicandis etenim civitatis illius penatibus imperator mandaverat; nolissent ibi etiam tot dies expendisse, quoniam rebus suis nullisque diebus incassum expensis, ut videbatur, imperatori totum immolaverant, quod vel sanguinem suum effuderant vel quod quas attulerant facultates in immensum attenuaverant; nec etiam, quæ multimodis mortibus acquisierant, spoliis opimis gratulabantur. Pœnitebat igitur eos longæ obsidionis, quandoquidem non dominati sunt urbi, more subjugatæ civitatis; nam si saltem publicarentur facultates inimicorum, et paupertas egenorum temperaretur, et absumptæ aliquantulum resarcirentur impensæ. Non igitur æquanimiter Alexii mandatum pertule-

runt; et tamen quod tunc nihil proficerent, in tempus finierunt. Hic primum patuit odiorum seminarium; hic compertum est inimicitiarum fomentum; hic discordiarum cœperunt incentiva pullulare; hic simultatum simulacra visa sunt succrescere. Nam quoniam Alexius non recte contra eos egerat, ipsi contra eum de ultione cogitabant. Hic igitur primus liber claudatur, ubi prima civitate devicta, quamvis ea pro voto politici non fuerint, Christianus alias militatum ire disponit exercitus. Vadant interim Christiani, nosque ad incœptum opus accingamur, cum luce surgentis auroræ.

#### INCIPIIT LIBER SECUNDUS.

Qua in die soluta est obsidio, ad quemdam perventum est pontem, ubi sua exercitus Christianus collocavit tentoria. Fecerunt autem ibi duos dies; tertia vero die, antequam matutinus lucifer exalbesceret, itor præponeri arripuerunt; et quoniam nox erat tenebrosa, incertam incerti arripuerunt viam. Divisi ergo ab invicem duorum consummaverunt iter dierum, Boamundus et Robertus Northmannus Blesiensisque comes, Stephanus et Tancredus, necnon comes de Sancto Paulo, et Walterius de Sancto Valerio, Bernardusque filius ejus, et Girardus de Gornaio, et Wilhelmus, filius vice comitis Ranulfi, et Wilhelmus de Ferreres, et Herveus, filius Dodemani, et Chonaus, filius comitis Gaufridi, et Radulfus de Guaer, et Alanus filius ejus et Rioldus de Lohéal, et Alanus dapifer sacre Ecclesiæ Dolensis archiepiscopi, et alii plures erant in uno agmine. In altero Tolosanus et Podiensis episcopus, duxque Godefridus, et Balduinus, et Hugo magnus, et Flandrensis, cum copiosis comitantium examinibus. Die altera post secundam, Turci, tanquam arena maris innumeri contra Boamundum confluxerunt. Videntes autem Christianos, magna quidem confisi multitudinæ, intrepidi animi ipsos impetebant. Animabat enim eos ira, furorque; indignabantur etiam quod eorum possessiones depopularentur alienigenæ; denique nimis ægre ferebant quod Nicæam præsumpissent expugnare. Boamundus autem, videns innumerabilem inimicorum multitudinem, suis et ore rapido et effero gladio minitantem et insultantem, stetit imperterritus, suisque satis consulte dixit comitibus: Fortissimi Christi milites, ecce dimicandi tempus est. Metum omnem qui etiam viros effeminat abjicite, et de vobis ipsis defensandis, viriliter procurate; ictus impugnantium indefessi sustinete, et ex Jesu Christi confisi adjutorio, manus bellicosas exerite, viresque avitas ecce, dum tempus est, ostentate. Ne quæso, deturpetur propter nostram negligentiam laus Francorum; non vilescat propter nostram segnitiem sanctum nomen Christianorum. Res in arcto est, bellum ex adverso est, hostis multus in proximo est; nihil tamen præter spem seu voluntatem vestram contigit vobis: omnia vobis ex vnto provenerunt. Ad hoc patriam egressi estis; ad hoc venistis: Bellum semper desiderastis.



Ecce quod diu optastis et orastis; ecce undique nos vallaverunt. Sed, o genus infractum, o gens invictissima! ne terreamini, quoniam revera nobiscum est Deus. Si quis meticulosus est, seu audacem animum, in angusto positus, sibi mutuet se saltem, præ pudore, metum dissimulet. Nunc armis et animis opus est; non est tempus socordiae, nec imperitiæ. Quid moror verbis? Jam nunc sibi quisque loquatur. » Jubet denique celeriter aptari tentoria mandatque sociis qui ab eo longiuscule recesserant, quatenus ad eos juvandos præponerent. « Instat enim nobis, ait, nisi acceleraveritis inevitabile mortis periculum. Non est ambigua de conflictatione fama, quam oculis intuemur, quam icti corporibus persentimus. Age, jam Christiani accurrite, et nos et vestram rempublicam defendite: commune periculum est in quo sumus, commune descrimen est in quo laboramus. Deinde dixit: Qui pedites estis, impigre et prudenter tentoria figite, qui milites estis, obviam eis mecum procedite et laborem certaminis indefessi sustinete. Pro Christo præliatores advenimus; in isto Christi prælio ne deficiamus. Unusquisque sibi dicat quod in tali negotio faciendum non ignorat. »

Interim Turci declamantes advenerant, et seu sagittando seu jaculando, seu cominus feriendo, Christianos acerrime infestabant; nulla fatigatis dabatur requies; sed omnia Christianorum corpora vel cruore vel sudore liquentia conspiceres. Franci enim e contra, pondus belli indesinenter sufferre; incursus in hostes aliquando prudenter differre; gladiis interdum resistere: socios vocatos expectare nec in aliquo titubare. Hanc conflictuum violentiam ab hora diei tertia usque in horam nonam pertulerunt Christiani. Illa die fuerunt mulieres bellantibus pernecessariæ: quæ et aquam sitientibus perneciter porrigebant, et pugnantes exhortando confortabant. Martis campus incanduerat, nam utrinque totis viribus certabatur: angebantur Christiani, nam plerumque in ipsis castris impugnantur. Alius exercitus, Boamundi legatis discebat, et de belli certitudine ambigens. Nullam siquidem gentem sperabat esse, quæ contra exercitus sui partem decimam, de bello auderet anhelare. Postquam tamen rumor iste per totum percrebuit exercitum et legatis legati superadditi sunt, dux, ut erat miles acerrimus, comes quoque Stephanus vir prudens et modestus, necnon Hugo Magnus cum suis advolant commilitonibus; Balduinus quoque atque Eustachius frater ejus, intrepidi advolant cum suis commilitonibus; Podiensis episcopus illos pone sequebatur, comesque Tolosanus Raimundus. Mirabantur jam fatiscientium Christianorum corda unde tanta gens, tamque repentina præter spem in eos emersisset. Cooperuerant enim montes et valles, et si qua plana erant densis turmarum cuneis omnia frequentabantur. Erant enim Sarraceni, Agulani, Persæ, quorum numerum computaverunt trecenta sexaginta millia, præter Arabes, quorum concursus

fuit indeterminatus. Interea necessarium desiderabatur et expectabatur adjutorium. Dicebant ergo: *O si venerit!* Loquebantur autem mutuo: « Secretum habeamus quod inhianter opinamur; Deo bodie juvante de istis nos nunc atrociter infestantibus, triumphabimus; hodie de ipsorum opulentiis ditabimur et lætabimur: sileamus interim et duremus. » Taliter se cohortabatur; et gladiis exertis et in mortem vibratis, res duntaxat gerebatur. Et nisi Deus in castris suorum tunc adfuisset, subsidiumque jam defessis præparasset, ipsa dies totius expeditionis finem peperisset. Adsunt repentini quos advocaverant socii. Podiensis cum suo magno exercitu, a tergo præoccupavit inimicos, (parte altera, comes Sancti Egidii et Balduinus atque Eustachius festinanter equitabant; a dextera dux Godefridus irruit, et Hugo magnus, et Flandrensis Robertus, per omnia miles expeditissimus. Robertus namque Northmannus jam cum Blesiensi Stephano, necnon Tancredo atque Balduino pugnat. Gentiles obstupefacti quoniam hostiliter et a facie et a tergo inopine premebantur, tugæ se crediderunt; et terga cedentibus consenserunt. Cecidit autem eos usque ad interneccionem Christianorum gladius et multi multimodis oppetierunt mortibus. Nam et ei qui potuerunt, latibulis delituerunt; cæsa sunt ibi Barbarorum multa millia, quoniam in eos vehementer crassati sunt, quos tota die immisericorditer insectati fuerant. Wilhelmus marchio, Tancredi frater ea die oppetiit, et Gaufridus de Monte Scabioso, viri multum militares, bonæ indolis et illustres. Præter hos multi ceciderunt milites ex Christianis et pedites.

Non enim Turcos imbelles audemus dicere, qui astu nimio præpollentes audaci vigent animo et irreverberato configunt gladio. Mortes etiam eminus inimicis creberrime infligunt, quia utuntur arcibus et multis instrumentis bellicis nituntur. Sed tamen multum tunc dediderant usum præliandi, quoniam habuerant diuturnum tempus feriendi. Jactitant tamen se de Francorum stirpe duxisse genealogiam, eorumque proavos a Christianitate descisse. Dicunt etiam nullos naturaliter debere militare nisi se et Francos. Si tamen ad Christianitatem redirent, tunc demum de Francorum prosapia exortos sese gloriarentur recte. Hoc ad præsens sufficiat quoniam indubitanter viri sunt callidi, ingeniosi et bellicosi; sed proh dolor! a Deo alienati. Obscure igitur ingenuitas illa qua, sicuti dicunt, oriundi emanaverunt, quæ veræ olivæ, quæ Christus est, nequam inserti sunt. Factum est hoc prælium Kalendis Julii. Christiani Christo suo gratias egerunt, qui eos de inimicantium eripuit manibus, eosque suis replevit consolationibus. Duxerunt ergo diem illam solemnem, Deoque dignam immolaverunt laudem,

His ita pessumdatis et procul effugatis, ad eorum tentoria diripienda conversi sunt Christiani, quoniam ipsis fugientibus non utique ibi diu licuit immorari. Inventum est ibi et auri et argenti plurimum,



subjugalia, mulas et equos, boves et camelos, vervecetes et asinos, et copiosam supellectilem in eorum papillionibus reperierunt; et diversis onusti gazis, cum triumpho et inenarrabili gaudio, redierunt ad suos. Facta est igitur lætitia magna in Christianorum tentoriis, et celebrem habuerunt diem illam, gratias agentes prosperatori viæ et vitæ suæ, Domino nostro Jesu Christo. Solemnis igitur habita est victoria qua liberati sunt non manu sua, sed virtute divina, ex omni angustia, et omni affluentia bonorum referti. Nec fama fuit contenta circumsitæ urbes excire, sed longinquas et exterarum nationum cœpit deterrere, et titulum Christianitatis remotorum populorum auribus infundere; divulgabantur Christianorum præclara facinora, sibi que superventuram eorum militiam, omnes et singuli formidabant. Unde factum est ut Solimanus, senioris Solimani filius, de Nicea fugiens, invenerit Arabum decem millia qui, comperto quod fugeret, dixerunt ei: « Excors et miser, quid fugis? » Quibus Solimanus: « Olim, ait, putabam me Francorum posse superare et vincere populum, sed versa vice superati sumus, et ea propter vagabundi huc et illuc diffugimus. Vidimus enim, seu nos vidisse putamus, tam diffusam eorum multitudinem, ut nullus eorum æstimare sufficere apparatum; mirari potuissetis et obstupescere, quoniam cœli sideribus innumerabilius sunt. Nos autem adhuc tremuli, vix eorum legiones evasimus. Hac de nimio terrore concussi, palpitando vix adhuc respiramus. Si ergo nobis creditis, priusquam vos deprehenderint delitescetes, aufugietis. Neque enim civitatulæ quælibet poterunt obsistere, quandoquidem Niceam metropolim nostram prævaluerunt expugnare. » Qui, cum audissent Solimanum, fugere tentaverunt. Venientes autem ad castella vel civitates quibus morabantur Suriani, qui et ipsi titulo Christianitatis erant insigniti, subdole ad eos loquebantur et dicebant: « Devicimus Francos; ita omnino defecerunt, ut omnino eraserimus de terra ista memoriam eorum, si qui supervixerunt in cuniculis absconditi sunt. » Sic incautos alloquebantur et intra portas recipiebantur. Ingressi eutem, insciorum municipia, domos eorum et ecclesias deprædabantur; quidquid erat pretiosum et concupiscibile, et filios et filias, auferrebant, et sic eis passis illudebant; Francorum etenim præoccupabant adventum, et antequam isti accessissent, illi recesserant.

His auditis, Christiani eos insequentes, iter suum moliebantur. Intraverant autem terram inaquosam et inhabitabilem, in qua fame et siti defecerunt usque ad mortem. Si forte tamen segetes immaturas inveniebant, spicas vellebant, et fricantes masticabant et glutiebant. His tam parvis victualibus multis deficientibus, alii utcumque sustentabantur, illic eorum defecerunt subjugales equi et asini, multique gloriosi milites coacti sunt ire pedites: et qui potuerunt pro vehiculis adhibuerunt sibi boves, vel ad se vel ad sua subvehenda. Nec multo post uberri-

mam ingressi sunt terram, victualibus et bonis omnibus refertam: excepto quod equinas nequaquam sibi potuerunt reparare vecturas. Ventum est autem ad Ichonium; habitatorum vero terræ illius persuasionem, quoniam colonia illa penuriam aquarum patitur, repleverunt utres suos ad refocillandum; post hæc itinere diei confecto venerunt ad quemdam fluvium, ubi duos dies hospitati recreati sunt. Cursitores, qui semper exercitum præcurrebant seu ut exercitui præviderent, seu ut paleas vel alia necessaria diriperent, præcurrebant ad Erachiam, in qua civitate multus erat Turcorum conventus, si qua possent obesse Christianis expectans. Collocaverant noceas igitur, si potuissent, cursitantibus insidias. Quos inventos audacter aggressi sunt Franci et fugatos indifficiliter disperserunt. Civitas ergo Erachia, Turcis abjectis, confestim in dominationem Christianorum redacta est; ibique quatuor confecerunt dies.

Ibi se disgregaverunt Tancredus ab aliis, vir equidem singularis strenuitatis, et Balduinus, frater ducis Godefridi, vir nequaquam Tancredo probitate dissimilis; et cum suis expeditionibus vallem intraverunt de Betrentot. Tancredus autem iterum a Balduino separatus, Tharsum venit cum suis militibus. Turci vero de civitate progressi, obviaverunt eis ad resistendum præparati. Quos Tancredus hostiliter aggressos viriliter cecidit, eosque fugientes in ipsam præliando refugavit civitatem. Tancredus autem, vir æque per omnia imperterritus, laxis habens castra metatus est prope mœnia civitatis. Nec mora Balduinus adfuit, postulans ut se ad capiendam amicabiliter sociaret civitatem; quod Tancredus omnino prohibebat. Nocte insecuta, Turci exeuntes civitatem, inierunt fugam. Habitatores autem civitatis illius sub ipso noctis articulo, post Turcos civitatem agressi, alta voce clamabant: « Franci triumphatores orbis et dominatores, Turci recesserunt; urbs patet, accedite. Currite, Franci invectiasimi, recepturi civitatem; currite, ne moreremini: cur tardatis? » Hæc castrorum excubitores audiebant illos, nec clam nec submissee, vociferantes; sed quoniam nox erat, et consilium et negotium illud in diem dilatum est.

Aurora illuscescente, venerunt civitatis majores, seque suaque Christianis dedentes. Volentes igitur, quas audiebant litigantium compescere simultates, non inconsulte repondrunt: « Optimates inclyti, ab hie in præsentiarum assistite controversiis. Nos volumus et oramus, pacifici veniatis; sin autem, Tancredus ille nobis dominetur, qui heri tam gloriose, nobis admirantibus contra Turcos dimicavit. » Noluit Balduinus acquiescere, sed volebat vel eam sibi dimidiare, vel saltem eam totam communiter diripiendo publicare. « Absit, inquit, Tancredus, ut fratrum nostrorum facultates direptas nobis peculiemur. Ipsi me rogant, ipsi me desiderant, ipsi vitam suam mihi committunt, et ego lupo rapaci assimilis prædam mihi commissam devorabo? Absit

hoc, inquam, a me. » Suriani enim, qui civitates illas incolebant, Christiani erant, sed eis Turci principabantur. Balduinus nolebat Tancredi sermonibus acquiescere, sed in suam anhelans sententiam, in urbis publicationem deliberabat pronis pedibus currere. Totus erat vel in penatum depopulatione, vel nitebatur civitatem dimidiam vindicare. Nec voluit nec potuit Tancredus, refraganti Balduino diutius oblectari, quoniam copiae majores illius exercitus erant; datoque signo suis lituisque clangentibus, aliquantulum amaricatus abscessit. Temperavit tamen, prout erat moderatus irae suae, et neququam intendebat iter in Jerusalem, pro injuriis etiam sibi illatis, perturbare. Ita Balduinus Tarsum totam solus obtinuit. Tancredo autem, nec mora, redditae sunt duae civitates optimae, Azera et Mamistra, et castella plurima.

Optimates alii cum suis exercitiibus Armeniorum terram intraverant. Invenerunt autem ibi municipium munitissimum; et quoniam noluerunt ibi diutius demorari, illo illaeso praeterito abierunt: nec enim pro uno castello totum exercitum fatigare commodum ducebant. Erat non longe quaedam civitas Alfia quae venientibus confestim est reddita. Quidam autem vir ex militari cingulo, nomine Simeon, terrae illius indigena, ad defensandam terram, urbem illam petiit et accepit; qui cum quibus potuit ibi remansit. Porro major exercitus pertransivit: venerunt quoque ad Caesaream Cappadociae, quae ad solum usque diruta erat; ruinae tamen utcunq̄ue subsistentes, quanta fuerit illa Caesarea testabantur. Inde digressi, pedem direxerunt ad aliam civitatem pulchram et uberae glebae opimam Placentiam quam Turci paulo ante tribus obsederant hebdomadibus; quae, quoniam erat inexpugnabilis, a Turcis nullatenus potuit expugnari. Haec igitur illico non ingratanter Christianis patuit. Hanc quidam Petrus de Alfia petitam ab optimatibus indifficiliter obtinuit, ad tuendam et expugnandam terram, in fidelitate Sancti Sepulcri et Christianitatis. Auditum est in illa expeditione, quod Turci qui civitatem obsederant, haud longe praerent exercitum, ei qua possent eis nocituri. Boamundus autem, negotiorum militarium vir industrius, de suis quos voluit accitis militibus, eos curiose insecutus est, sicubi forte posset eos invenire et laedere. Nihil tamen profecit, quoniam eos invenire non potuit. Ventum est deinceps ad Coxon, nobilem et copiosam civitatem, quam alumni loci illius cum fratribus suis Christianis libenter reddiderunt. Ibi tribus diebus fatigatus pausavit exercitus. Relatum est comiti Tolosano quod Turci, qui fuerant in Antiochia custodia, discedentes aufugissent. Igitur, cum suis consiliatus, elegit quos praemitteret, qui rem diligenter investigarent, et caetera curiosi explorarent; ad hoc directi sunt consulares viri disciplinae militaris non ignari, vicecomes de Castellone, Wilhelmus de Monte Pislerio, Petrus de Rousa, Petrus Raimundi, cum militibus multis. Venerunt autem in vallem Antiochia, et iri rem aliter audierunt: au-

audierunt enim quod se Turci copiose praeparassent ad civitatem defendendam. Petrus autem de Rousa, declinans ab aliis, introivit vallem de Rugia. Inventisque Turcis quam plurimis, eos graviter cecidit, superavit, fugavit. Armenii illi, auditis Christianorum secundis successibus paganorumque frequentibus infortuniis, reddiderunt Petro Rusam civitatem et quaedam castella. Illis autem sic prospere, at non aequae majori provenit exercitui. Iter enim aggressi, gradiebantur rependo per montana, nimis aspera et scopulosa, per quae nec eorum phalanges poterant, sicut heri et nudius tertius, seriatim procedere, nec eorum clitellariis dabatur saltem repere posse, sed miserrime hi et illi praegravabantur, neque siquidem illis in angusto positus, aliud erat aliunde diverticulum. Collidebantur ergo et conquassabantur laborantes et deficientes per viam inviam. Qui, praenimia tristitia, strictim complosis manibus et stridentes dentibus ingemiscebant; labebantur equi in immane praecipitium, et trames arctissimus pepererat omnibus dehiscens offendiculum multi vel equis, vel clitellariis cum rebus superpositis illic amissis, pauperati sunt. Alii pro vilipretiolo venditabant, vel ancilia vel loricas, vel galeas; alii procul a se jactitabant; quippe ibi nullus, etiam inermis, esse poterat exoccupatus. Unica eis erat nec sine formidine cura de suis conducendis corporibus. Postquam illas calamitosa vix evaserunt angustias, ad quamdam diverterunt civitatem, quae vocatur Marasin. Convenae autem civitatis illius copiosum illis detulerunt mercatoum; ibi autem aliquantis per demorati, donec quantum libet recrearentur, dominum sustinebant Boamundum, qui et ipse, ut dictum est, ut Turcos insequeretur, nuper ab eis abscesserat.

Posthaec ingressi sunt vallem illam inclytam, vallem spatiosam et uberem, in qua regia et famosa civitas Antiochia sita est, quae totius Syriae metropolis et princeps est, in qua primicerius apostolorum Petrus, cathedram decoravit pontificalem. Nunc, occulto Dei iudicio, sed non injusto, plurimis in ea dirutis ecclesiis, quibusdam usibus humanis irreverenter applicatis, Turcanis saeditibus, proh dolor! mancipabatur. Cursitores autem, qui subsequenter exercitum praecurrere solebant, Pontem ferreum propinquantes, Turcos invenerunt innumeros, munitum Antiocham festinantes. Itaque, repentino impetu in eos facto, semper enim Christiani proficisciebantur armati, subito conflictu eos consternerunt. Multis itaque deletis, eorum burdones quos multimodis onustos victualibus et diversis gazis ad civitatem adducebant, ad propria reduxerunt castra, quae super fluminis ripam metati fuerant. Factum est igitur immensum gaudium in castris, tum pro victoria, tum propter optima quae ad eos reportaverant, cursitores spolia, nec cessabant Deo gratias agere, ne ingrati viderentur, cujus ope fatebantur tam felices successus eis contingere. Dicebant ergo: « Non nobis, Domine, non nobis, sed nomini tuo da gloriam (Psal. cxv). » Quotidianas ergo et continuas

Deo reddebant laudes, et omnium agendorum suorum, devolis precibus et submissis cordibus eum implorabant protectorem.

Boamundus, pigritiæ vel somnolentiæ nunquam acquiescens (irrequietus enim homo erat), cum quatuor millibus militum, caute prope portam Antiochiæ, clandestinus venit, si qui forte latenter ingrederentur vel egrederebantur exspectans. Summo vero diluculo exercitus de loco in quo erant, tentoria collegit, iter arripuit, Antiochiam accessit; et quarta feria, duodecima Kalend. Novembris, tentoria sua coaptavit, et a tribus portis civitatem viriliter obsedit. Parte namque alia nequaquam fuit obsessa, quoniam tam porrectis et inaccessis coangustabatur scopulis et montanis, ut nullus illac se accommodaret obsidendi locus. Tantus autem timor invasit Antiochenos et omnes in circuitu positos, ut nullus eorum, cursorum auderet exspectare occursum. Siluerunt itaque ferme diebus quindecim. Terra vero quæ circa Antiochiam adiacebat, prout vallis est fertilis, erat uberrima, vineis referta, fructibus et frugibus jucunda, arboribus nemorosa, hortis opima, pascuis opulenta. Erant autem in civitate Armenii multi et Suriani; ipsi equidem Christiani, sed Turcis multum obnoxii; ipsi fugam simulantes, audacter exhibant in castra, mendicantes et stipem publicam postulantes. Hi, quoniam mulieres eorum erant intra civitatem, ad familiares redibant lares; et exploratores maligni, quæcunque in castris audiebant, Turcis fideliter insinabant: quod non mediocriter obfuisse dicunt Christianis: « Nihil enim magis nocet bellantibus, quam inimicorum rescire secreta, et contra præparata, obviantia præparare machinamenta, et inimicorum exinanire vel prævenire consilia. » Ubi Antiochenis castrensium patefacta sunt consilia, cœperunt paulatim forinsecus intrepidi prodere et peregrinos homines aggressos coangustare. Aggrediebantur siquidem et trucidabant, si prævalerent, incautos; et patratis latrociniiis, vel in civitatem redibant, vel indemnes ad tutiora secedebant loca. Sic circumcirca omnes obsidebant vias, ut et a mari et a montanis omnia clauderentur Christianis. Sicque factum est ut jam pejus qui foris erant obsiderentur quam qui intrinsecus latitabant. Erat ibi non longe castellum satis munitum, nomine Areth, ubi morabantur qui in Christianos frequenter irruebant. Quo optimates comperto, de incursitatione hostili vehementer condoluerunt, quoniam in gentem sanctam ausi sunt, nefarii, cruentos evaginare gladios. Jam enim indigenarum insidiis multi occubuerunt. Miserunt ergo, qui Turcis obviarent, et eos dum ipsimet refugerent, allicerent. Boamundus namque, totus militiæ deditus, in insidiis delituit; Christiani vero videntes Turcos sese acerrime insequentes fugamque fingentes, prout erant edocti, confestim terga dederunt, et quo Boamundus reconditus erat, scienter declinaverunt. Occisi sunt tamen in illo conflictu vel potius fuga, duo milites Christiani.

Porro Boamundus, præliator fortissimus, de loco in quo diverterant concitus surrexit; Turcosque aggressos multos peremit, et quosdam vivos retinuit, quos ante portam civitatis solemniter in spectaculum decollari præcepit. Hoc ideo fecisse dicitur, ut qui erant in civitate, pro multatis contribulibus suis, terrerentur, si forte ab insectatione Francorum taliter avocarentur. Sæpe namque pro pœnis aliis illatis, alii exanimantur. Qui tamen erant in civitate, magis efferati, plerumque turres editiores ascendebant, a propugnaculis Christianos sagittabant, et quibuscunque modis poterant eos procul ab urbe repellebant. Sagittæ namque eorum coram Boamundi tentoriis advolabant: ibi siquidem ictu sagittæ percussa mulier occubuit, quia prope civitatem castra sua Christiani locaverant. Consilio iterum Castrenses accepto, super verticem montis qui vocatur Margar, qui Boamundi tentoriis imminerebat, castellum ædificaverunt, quo a Turcorum incursionibus castra tutarentur: quod per dierum successiones, heroum unus, quisque in ordine vicis suæ, custodiebant. Interim attenuata sunt victualia, quia neque cursitare audebant, neque mercatum habebant, quod enim in valle reperierant, dum de crastino non prospectaverunt, affluenter consumpserant. In castris tamen eorum parum quid erat residuum, quod quotidie absumptum minuebatur. Itaque cibaria omnino erant percara. Et jam instabat Dominici Natalis solemnitas.

Locuti sunt ad invicem proceres illi, consilium quo gentes alerentur accepturi. Affectu quippe paterno majores minoribus patrocinebantur: Jam vero fames inhorrescebat, quoniam pabula omnia de die in diem deficiebant. Dixerunt ergo: « Pars nostrum procul frumentatum et prædatum excedat; pars deprædantes, succenturiata custodiat; pars in castris remaneat, et nihil relinquamus intentatum. Milites Christi, nunquam tepescamus otiosi. Quid etiam moramur? Jam jam gens Christiana, magna ex parte periclitatur. » Boamundus itaque primus adjecit: « Si vobis sanum videtur, optimates et domini, ego et Flandrensis comes foras exhibimus, et si quid Deus præstiterit, vos videbitis; interim pro castris excubate, et nihil negligenter agite. » Collaudatum est consilium, et solutum est concilium. Celebrata igitur diligenter Christi Nativitate, Flandrensis et Boamundus armati, non sine remanentium lærymâ processerunt, et eum eis militum ac peditum plusquam viginti millia, et perneciter dispersi sunt per Sarracenorum colonias. Sarraceni autem et Arabes et Turci, ab Jerusalem et Damasco et ab aliis regionum multarum municipiis, congregati erant, gentes ingentes, quatenus Antiochiæ subvenirent. Audientes autem Christianos per regionem suam dispersos, admodum gavisii sunt, sperantes se illis pro certo prævalituros, utpote quos opinabantur paucos et adventitios. Intempesta igitur nocte, duas acies ordinaverunt in insidiis, unam a facie, alteram a tergo; quatenus facto diluculo, ubi eos aggrederentur.

tur in neutram Christiani partem effugerent, imo illis ab utroque incumbere latere. Comes autem Flandrensis, vir armipotens et Boamundus, in eos unanimiter irruerunt, et invocato nomine Jesu, et evecti quod semper præferbant sanctæ crucis signo, constantissime præhæsi sunt, et inimicos suos graviter afflixerunt. Mortui sunt ergo multi ex illis; sed de spoliis eorum parum ditati sunt Christiani. Non enim otium habuerunt vel eos persequendi vel spoliandi. Interea Turci, qui stabant in præsidio civitatis, audientes Boamundum abscessisse, audacius exibant de civitate, et jam in ipsis discurrebant castris. Exploraverunt igitur qua tentoria languidiora reperirentur.

Quadam ergo die, irruerunt unanimiter in castris; et cominus unanimiter impegerunt Christianos. Necdum enim suos audierant superatos. Die ergo illa, multi ex Christianis perempti sunt, quoniam Ismaelitæ illi vehementer in castris persisterunt. Ea die Podiensis suum amisit signiferum, qui ejus deferebat vexillum; et nisi luteæ interessent salebræ quæ civitatem a castris dirimebant, et ideo transitus vel nullus erat vel difficilis, laxis habenis frequenter ipsa protererent tentoria, et debaccharentur in Christianorum gentem, quæ jam aliquantulum marcerat Boamundus de Sarracenorum regionibus regrediens, bello peracto, sed modico, quod deprædaretur invento, alia conscendit montana, si forte quidlibet alias inveniret, quod deprædatum vel suis comitibus, vel expectantibus se proficeret. Sed in tantam jam terra redacta erat vastitatem, ut multi vacui remeaverint. Incassum ergo laboraverant, nisi quod de Turcois solemniter triumphaverant. Sed nulla victoria famem exstinguit, ubi totum quod mandi debeat deficit. Parum durat lætitia, quam panis egestas contristat. Reversi sunt autem ad castra, quæ perhorrescens inedia sauciabat.

Armenii et Suriani, homines terræ illius indigenæ, et lucris inexplabiliter inbiantes, videntes Christianos redisse vacuos, ad opportuna et remotiora discurrebant loca, quæ reperiebant, coementes cibaria, in castra deferebant; et multo pretio quod vili comparaverant, venditabant. Aselli quidem onus octo vendebant purpuratos, qui appretiati, denariorum centum viginti solidos valebant. Ergo morbi lues contaminabat castra; et passim quibus facultas comparandi deerat, fame calamitosa moriebantur. Qui tamen ditiores erant, multa indigentibus et hostiatim postulantis conferebant donaria. Sed tamen non poterant multis diebus sustentare tot millia. Cogitaverunt igitur aliqui castra subterfugere. Consiliati sunt ergo Wilhelmus Carpentarius et Petrus Eremita quatenus latenter fugerent: et fugerunt; quos inventos Tancredus apprehendit, et inhoneste conviciatos et coactos ad hostem redire compulsi. Juramentum enim et fidem ab eis extorsit, ut redirent et fratribus satisfacerent; Wilhelmus ad Boamundi tentoria deductus est. Quem probrosus Boamundus coercuit verbis et condignis castigavit

angariis. Dicebat ergo: « Quid, o dedecus et totius improprium Franciæ, facere præsumpsisti? cur enervare voluisti tuorum corda confratrum, ut exemplo tuo hostem Dei, non redituri dimitterent? An tu solus tutum tibi arripuisti pavorem, ut tu nobis dimissis sanus effugeres? Omnium miserrime, decuerat te in Castris Dei permanere, et pro fratribus gloriosam animam ponere. Nunc igitur, omnibus diebus vitæ tuæ super terram eris ignominiosus. »

Interim ad Boamundum accesserunt Franci, et pro Wilhelmo quem tenebat rogaverunt, qui eis quantocius adquevit: ne tamen de cætero discederet, ipsis collaudantibus, Wilhelmus juravit. Tunc etiam in tantum Christianorum defecerunt equi, ut vix in toto et tanto exercitu mille milites invenirentur qui caballis uterentur; homines namque et equi pari laborabant incommodo, nec erat ulla spes evadendi, nisi Deus eis suspirantibus et clamitantibus propitiaretur. Ad Dominum enim eorum fugiebant corda et ora; et quia terreno desperaverant adjutorio, in Deo totam spem suam collocaverant.

« Taliter autem Deus redarguebat eos misericorditer, ut ad eum toto corde converterentur; et si quid in eis impoenitudinis latitabat, igne compunctionis et infortunio supervenientis necessitatis excocli, purgarentur. » Fames augebatur in dies, et omnes timore perterriti tabescebant. Accedebat ad metum exaggerandum fama, præsaça mali et rumorum augmentatrix, quæ Turcos prænuntiabat superventuros. Quidam igitur Constantinopolitanus natione Græcus, nomine Tagingus, ab imperatoris latere venerat, qui satellibus quos imperator in exercitum legaverat principando præerat. Hic metu mortis plus aliis renes dissolutus, ad optimates venit; et quod enormiter verebatur dissimulans, ad eos sic exorsus est: « Video vos, egregii proceres, summa in auxietate positos, et omnibus angustiis circumventos: omnia victualia consumpta sunt, equi mortui sunt, castra obsessa sunt. Gravius nos obsidemur qui obsidemus, quam illi quos obsedimus: ipsi equitant, ipsi cursitant, ipsi graviter nos impugnant: nos undique circumvallamur, ut nullatenus egredi audeamus. Nullum adjutorem exspectamus. Omne mercatum nobis inbibetur. Ista diu tolerare nihil est aliud quam per singula momenta deficere. Misereor liberalitatis vestræ, patres conscripti, qui ab extremis terræ regionibus advenistis in his exteris nationibus morituri, nisi vel mihi credideritis vel melius consilium acceperitis. Cujus pectus ferreum non moveat tot Christianorum defectus? Mihi credite, patres conscripti; non ignota loquor: in terra mihi non incognita sum. Satis mihi possem consulere, si cogitarem vos deserere. Sed deleatur anima mea de libro viventium, si vestræ sanctitudini unquam me subtraho; nisi necessitatibus vestris semper communicabo: sed interim tædet animam meam miseriarum vestrarum et nisi vobis potero subvenire, totus moriar in amaritudine. Accipite igitur meum, dum bene dixerit, consilium. Nolo vivus, ut præli-

batum est, ab hoste recedere, nisi contubernaliibus nostris melius excogitasset prodesse. Ego domesticus sum, ut nostis imperatori; ego percognitus sum omni Græcæ nationi. Ascendit igitur cor meum cogitatio, quam, licet mihi molestum et laboriosum sit, quod cogito, vobis insinuo. Paratus sum et ad portus et ad imperatorem evolare; et ubi decretum imperiale dirigere, ut omnes ad adiutorium vestrum festinanter conveniant; farinam et vinum, carnem et caseum abundanter debeant; et quidquid victualium habent fideles imperatoris, vobis largiter suppedient. Equos etiam elaborabo, vita comite, plurimos adducere. Ne autem de me diffidatis, in veritate loquar: quidquid ultroneus offero, fideliter exsequar. Papiliones autem et comites meos, mox rediturus, hic dimitto, et sic me omnia bona fide prosecuturum super hæc sacrosancta juro.

Sic juravit, et abiit. Creditum enim ei multitudo, et de reditu accelerando omnis populus eum obnixius obtestabatur. Abiit autem, sed male perjurus nunquam rediit. Tali enim occasione consuluit miserimæ vitæ suæ. Gens interim pauperata furtim discedebat, vadens quo vivere se putabat. Ad mare nullus audebat procedere, quoniam viæ et avia servabantur. In portu autem naves adnaverant, quæ illis possent prodesse, si accessus ad eas patieret. Ecce iterum fama recens percubuit Turcos innumeros adventare, et ingruentiam mortis confestim omnibus imminere. Tot enim erant, quod vix multorum stadiorum sufficeret eis quaquaversum porrecta capacitas. Ecce iterum novus timor, ecce de repente timebant, ac si nullatenus ea usque timuissent; excordes et exsanguis facti pallebant, et multi eorum colla marcida circulabant. Nobilitas tamen de bello disputare causa est. Confluxerant omnes de quibus supra meminimus optimates; omnes se invicem de bello cohortabantur, quoniam inter eos nec aliquis tepidus, nec aliquis pusillanimus inveniebatur. Boamundus tamen suum deprensens consilium adjecit: « Video vos, Deo gratias, omnes unanimes, nec aliquis hac in re dissentit aliquo. Superfluum ergo reor, tot optimates, tot viros prudentes ducere per ambages, quos jam video in eadem voluntate complices. Omnes quidem anhelatis ad pugnam, omnes id ad communem profuturum creditis salutem. Ego vero id ipsum collaudo; ego id ipsum vehementer efflagito. Nam rogo ne sicut segnes moriamur vel imbelles: non simus improperium, vel omnium infamia Christianorum. Si mori contigerit, gloriose saltem moriamur in bello. Tantum est si moriamur inglorii, ac si comparemur jumentis insipientibus, brutis assimilés pecudibus. Nam quoad populum Dei qui se nobis commisit, multum mori conspicabimur. Quid differt dominus a servo, nobilis a plebeio, dives a paupere, miles a pedite, nisi nostrum qui præsidemus eis prosit consilium, et patrocinetur auxilium? si Turci mihi dominabuntur impune, nolo amplius vivere. Vos, domini consulares et illustres viri, lux et flos victo-

riosæ Franciæ, decus et speculum pugnatricis militiæ, pro vobis ipsis decertate, et pro fratribus vestris animas ponite. Invocemus nomen Domini Jesu; et, vel spoliis lætabimur opimis, vel morte moriemur insigni! quando saltem de animarum nostrarum securi, non moriemur sicut mori solent ignavi. Denique non sumus tot nec tanti, qui duo valeamus bella sustinere. Sed, o milites omnes egrediamur castra: sic enim mihi videtur pulchrum et utile; et intrepidi procedamus iis obviam: vos autem omnes in castris remanete pedites, castris munimentum; eis qui in civitate sunt, obstaculum. Omnes insomnes pernoctate; vel vicarii, alii aliis succedite: vobismetipsis fulcite vos et unusquisque vestrum pugnate pro vobis, imo alius alium defendite: præcipue portas civitatis quæ coram vobis sunt, diligenter observate, ne illis reseratis possint in vos libere discurrere. Amodo sicut fuerit voluntas in cælo, sic fiat.

Hic dictis armati, et communionem sanctam præmuneri, processerunt e castris, non sine gravibus utriusque catervæ lamentis. Neuter de se confidebat, nec sacerdos, nec mulier; nec populus, nec miles; nec isti, nec illi sperabant se de cætero, posse frui aspectu mutuo. Hi et illi proruebant in charorum oscula, et omnes in lacrymas ciebantur. Milites hospitali sunt inter fluvium, qui in antiquo vocabulo, Daphnes nuncupatus est, qui præterfluit Antiochiam, et lacum: audierant siquidem Turcos in castello Areth convenisse, ultra Pontem Ferreum. Optimates antelucani convenerunt; nec enim in tanto discrimine coarctati somnum capere poterant. Et aurora prima illucescente, gnaros præmiserunt exploratores, qui eis de Turcis renuntiarent. Nec mora viderunt eos ex altera ripa fluminis accelerantes. Fecerant autem duas copiosas acies. Pone vero sequebatur maxima virtus illorum. Reversi sunt ergo celeriter speculatores, acclamantes: « Quid opus est verbis? Ecce eos, ne moremini, prope enim sunt. » Locuti sunt optimates de bello ordinando, et negotium illud commiserunt Boamundo. Eia, inquit Boamundus, « singuli vos convocate, et signo dato unusquisque vestra cum acie militate; ubi autem opus fuerit lanceis et gladiis, rem peragite; et actuum, et ictuum paternorum ne obliviscamini. » Ordinatæ sunt itaque sex acies. Quinque ex illis præcesserunt quæ belli pondus sustinerent, et inimicum ægmen efficaciter feriendo propellerent. Boamundus postremus cum acie sua paulatim gradiebatur, omnibus provisurus et subventurus; et si Turci prioribus prævalerent, totam belli ingruentiam excepturus. Litui clangebant, buccinæ reboabant, utriusque multitudinis clamor audiebatur; et jam clypeo clypeus, jam umbone umbo repellebatur; hastis confractis, enses mutilabantur, et cominus utræque instabant legiones. Supervenere Turcorum succenturiæ qui graviter Christianos cœperunt impellere. Nequibant Franci tantum impetum, tot examinatarum nationum, sustinere; sed titubantes

cogebantur cedere. Tantus enim erat et clamor et strepitus, et telorum imber, ut ipsum etiam obnubilarent aërem. Ingemuit Boamundus, qui undique prospiciebat eis, tanquam totus oculatus, et ait: «Christe, tuos sustenta Christianos.» Et adjecit: «Roberta,» Robertus siquidem, Girardi filius, eum detulerat vexillum, «rapidum calcaribus urge cornipedem; et Christianis titillantibus imperterritus esto juvenem. Memor esto, obsecro, parentum nostrorum, et ne livida veris in aliquo rutilantem titulum Francorum. Scito nobis illico de cælo auxilium futurum: sed vult Deus ut nos, tanquam fortes athletæ, promereamur et adipiscamur bravium.» Robertus, sanctæ crucis signo munitus, et auxiliariis constipatus manipulis præproperus affuit; Turcisque cruentis, miles audacissimus obstitit. In tantum enim perfidos aggressus est illos, ut vexilli Boamundi lingulas in ora Turcorum volitare faceret, altoque clamore suo Turcos aliquantulum deterreret. Ad illius primipilaris impetum et clamorem, Franci, animo resumpto, in Turcos irruperunt unanimiter; et pugionibus vibratis instabant efferacius in instantes: fragor armorum multus erat, et ab æreis cassidibus, ignis elucubratus scintillabat; vulnera vulneribus illidebantur, et campi nimio sanguine purpurabantur. Intestina videres dependentia; videres et cæsa capita, et trunca corpora passim oppotentia. Exterriti sunt autem Turci præ timore nimio, et repente, cuneis eorum labantibus, fugæ se commiserunt. Persecuti sunt ergo Christiani ultra Pontem Ferreum, sternendo, proterendo, mactando. Cæsi sunt ibi Turcorum multi milites: quoniam prælium illud non habuerat pedites. Christiani autem magno potiti trophæo, reversi sunt ad suos, secum adducentes equos multos, quibus singulariter indigebant; et spolia multa quæ sibi ipsi pepererant manu sua in prælio: factum est igitur gaudium magnum in castris, Deoque dignas omnes edidere gratias. Turci vero ad castellum suum Areth, satis inglorii regressi sunt animo contrito vultuque dimisso. Quod omnino despoliantes, succenderunt et aufugerunt. Quod Armenii videntes et Suriani arcta præoccupare loca; Turcisque fugitantibus magnum intervenire nocumentum: multos enim peremerunt, quosdam etiam vivos reduxerunt, castellum etiam prædictum Christianis subjugatum reddiderunt. Franci quoque in castris centum capita peremptorum attulerunt ad consolationem suorum et ad defectionem obsessorum; quæ etiam legatis admirabilis Babylonii præsentaverunt, qui tunc forte a Babylonia ad eos missi, juxta eos suis morabantur in tentoriis. Illi autem qui remanserant in castris, in Antiochenos tota die pugnauerunt: utpote qui tres portas civitatis, ne foras erumperent, indesinenter servaverunt.

Prælium hoc actum est Idus Februarii, feria tertia, quæ caput jejunii quadragesimalis præcedebat. Qui vero civitatem munierant magis in iram efferati, Christianos ardentius impetebant; et ab incursionibus in eos nullatenus absistebant. Et quamvis in præliis hucusque semper superati fuerint,

PATROL. CLXVI.

alii mortui, alii vulnerati, alii capti, residui omnes fugati defecerint; tamen tanta erat in civitate multitudo, ut incessanter ipsa castra perturbarent; frequenter insilirent, et frequentius eos quibuslibet mortibus inestarent. Christiani præter hæc magnis affligebantur incommodis: quia nec obsidionem deserere, nec procul a castris audebant procedere. Regiones autem circumsitæ in tantam redactæ erant solitudinem ut nullam eis suppeditarent pabulorum subministrationem. Turci nimirum, quibus locorum opportunitates erant perognitæ, et frumentatum cursitabant, et Christianis attentius insidiabantur. Porro quæcunque civitates, quæcunque castella, quæcunque municipia, quilibet homo, quælibet mulier; omnes qui vel prope vel proculerant, Christianis inimicabantur. Omnis locus obstructus erat, ne forte negotiatores ad eos accederent. Itaque perhorrenda periclitabantur eduliorum inopia. Nobilitas igitur, ut plebi consulerent, misericorditer anxiantur. Dixerunt ergo: «Videtur quod nihil proficimus. Civitas hæc inexpugnabilis est. Nos non possumus eam saltem circumvallare. Ipsa intrinsecus cibariorum ubertate redundat. Nos forinsecus calamitosa fame periclitamur. Pene plures sunt qui latitant intus, quam nos qui sumus exterius. Tamen, si de prælio loquerentur, illud gratanter audiremus. Ecce ipsa mœnia, etiamsi dormierint, ipsos defendunt. Nobis videntibus, ubique discurrunt. Denique quid mali patiuntur? imo nos patimur, qui tam graviter coarctamur; facimus igitur unum quid, nobis omnibus profuturum, illis præcipue, ut videtur, obfuturum. Cernitis Machomariam illam, ante portam civitatis edificatam? Illic pons eorum commeatibus sufficienter opportunus. Ibi ergo castrum erigamus, quo munito, iis facilius resistere valebimus, et genti nostræ subvenire: quippe postquam inimici nostri et pontem et transitum miserint, nos autem et liberius et securius discurremus, vel etiam in castris tutiores pernoctabimus.» Bonus igitur visus est sermo iste in oculis eorum. Ad quos Tholasanus: «Faciamus, ait, sicut dicitis, castellum: et ego munitum illud custodiam.» Boamundus etiam subjunxit: «Si consilium meum acceptabile vobis, patres conscripti, videbitur, eamus ad Sancti Symeonis portum: nam et ego vadam vobiscum, et adducam illam, quæ illic nos exspectat, quam tulam: cunque gentem, quæ fideliter nobis subveniat, atque efficaciter hoc opus prædestinatum perficiat. Illic et multæ sunt naves, et multi nostri sunt comites: sed accersiti non audent accedere, quia loca omnia impio plena sunt crassatore. Nos autem militemus, semper securi de bello, et cauti et providi simus nostris quos adduxerimus in adjutrio; qui vero remanebunt ad sarcinas, et de castris tutandis non negligenter procurent, et operi denotato indeficienter insistant. Nihil segniter aggrediendum est. Sed hoc et illud graviter tentandum est.» Comes S. Ægidii Boamundo adjunctus est: et ad portum S. Symeonis acceleratum est. Qui vero in castris remanserunt, acincti gladiis, ad castellum inchoandum unanimiter se præparaverunt.

35

Turci nec minus expediti, nec numero nec armis impares. intrepide Franci obviaverunt. In tantum igitur impeterriti Christianos aggressi sunt, quatenus eos in fugam compulerint, multosque peremerint. Facta est ergo tristitia magna in castris: doluerunt itaque in tentoriis, et die illa siluerunt.

Turci denique, comperto quod Tholosanus et Boamundus ad portum abecessissent, insidiis clandestinis competenter collocatis, qualiter Christianis nocere potuissent machinati sunt. Ecce a portu redibant Christiani, secum adducentes gentem nec satis armatam, nec multum pugnacem: quos Sarra- centi undique circumpseptos et circumventos, immaniter aggressi sunt, et omnimoda telorum ingruentia impugnare moliti sunt. Impetebant igitur eos nunc sagittis, nunc ensibus, nunc lanceis, nunc missilibus. Obruncabant eos immisericorditer, et clamitabant in eos dentibus stridentes. Non potuerunt Christiani, utpote pauci, debacchantium crudelitatem diutius perpeti, et, quoniam non poterant rebellare, fuga compulsi sunt semetipsos præripere. Si qui potuerunt seu latitare, seu effugere, viventes evasere; alii lethali sorte præventi, pro dolor! occubuere. Perempti sunt itaque in illo conflictu plusquam mille Christiani: et ecce duplicatus augmentabatur mæror in castris: heri et hodie triumphavit de Christianitate gentilitas; ecce per insolentiam elata gentilitate et plaudente, humiliata est hodie lugubris Christianitas. Tales tamen sunt bellorum eventus, tales sunt vicissitudines, et hominum et temporum. Nulli unquam semper successit feliciter, nemo unquam de continua prosperitate vel lætabitur vel lætatus est. Hac de re et cavenda est in prosperis adversitas, et speranda et optanda est in adversis prosperitas. Rumor de Christianis superatis aures eorum qui remanserant impleverat; et ideo pariter omnis populus lamentabatur. Nesciebant enim vel quos vivos vel quos autemarent mortuos. Plurimi tamen, per montana reptantes, evaserunt, et ad tentoria quantocius redierunt. Boamundus autem per compendiosiore[m] reversus viam, Tholosanum prævenit; et de Christianorum defectu verus interpretis nuntiavit. Christiani vero magis in iram concitati quam exterriti, contra Turcos unanimiter exierunt, eosque viriliter aggressi sunt: e regione Sarra-ceni restiterunt, putantes se posse prævalere, sicuti nuper Tholosano et Boamundo prævaluerant. Credebant etiam Gallos ex ipso timore defecisse et se ipsos pro felici successu succrescere. Utrinque igitur acerrime dimicatum est. Turci pontem transierant, et Christianis audacter obviaverant: Christiani, tanquam singularis ferus, vel canum morsibus irritatus, vel venabuli cuspidis sauciatus, occisione commilitonum et confratrum excitati, Turcorum sanguinem in hianter sitiabant; et ad ulciscendos suos penitus elaborabant. Gentiles, quoniam eis præter spem acciderat expavelacti, terga ferientibus, nec mora, præbuerunt, et fugiendo elabi voluerunt: fuga igitur inita, legio tota irreverenter effemina-

atur. Oberat ipsis fugientibus seu pons angustus, seu fluvius rapidus et profundus. Nam vel per utrumque vel per alterum instabat eis transeundum. Fluvium circa pontem evadere nemo, enatare vix aliquis poterat. Tanta multitudo equitantium pontem pariter conscenderunt, ut alius alium impediret; multi alter alterum suffocarent. Facilius enim singulatim quam conglobati transirent. Denique cedentibus præsto aderant Christiani, fraternarum suarumque injuriarum nequaquam immemores; sui sanguinis effusi avidissimi ultores; et victoriae cupidi, et de civitate subjuganda solliciti. Instabant itaque illis insatiati peremptores, et lanceis et ensibus in eos cominus utebantur. Quoscunque poterant vel in fluvium præcipitabant, vel lethalibus gladiis confodiebant; ita ut ipse fluvius et cruentatus videretur, et cadaveribus supertegeretur. Si qui siquidem, vel enatare moliebantur, vel reptare circa pontem conabantur, ab instantibus necabantur, et omnimoda calamitate pessumdabantur. Dies mortis, dies illa gentilibus illuxerat, in qua vix aliquis mortem evitare poterat. Instabant Christiani fugientibus, instabant enatare molientibus, superincumbebant procumbentibus. Nullus a sanguine suam manum prohibebat; sed omnis Christianus gladium suum occisorum sanguine inebriabat. Mulieres a murorum et propugnaculorum spectaculis, et suorum miseras prospectabant, et successivis Francorum prosperitatibus invadebant. Illo in prælio mortui sunt principes duodecim de Turcorum agminibus quos admiralios vocant, illustres et egregii proceres; et mille quingenti milites, viri industrii et fortissimi, qui diu solerter invigilaverant defensandæ civitati. Porro alios timor altus compeccit, ne de cætero arroganter contra Christianos clamitarent, vel præsumptuosi super eos cursitarent. Prælium autem illud nox intempesta diremit. Qui vero vivi potuerunt evadere, civitatem exsanguis intraverunt; neque dein vires pristinas resumere potuerunt, Christiani quoque ad suos victoriosi rediere, equis multis et spoliis copiosis, quibus non mediocriter indigebant, secum et adductis et allatis. Lactabantur autem in Domino Jesu; et gratias agentes, de die in diem proficiebant in melius.

Facta die crastina, Turci de civitate prodeuntes, summo diluculo cadavera collegerunt, quæcunque reperire potuerunt; et ea sepelierunt ultra pontem ad Machomariam ante civitatis portam. Plurima vero submersa in fluvio dimiserunt, super quibus dicere potuerunt: « Fluvio tegitur qui non habet urnam. » Quæ autem submulaverunt, palliorum et pretiosarum exuviarum gazis prosecuti sunt; et arcus et pharetras et plurimos byzantcos, mortuorum procuratori adjuerunt. Quo Christiani comperto, partim exuviarum cupiditate allecti, partim ut dolorem Turcis apponerent, incitati, sepultos desepelierunt; et corporibus ægestis satis ignominiose insultaverunt. Quidquid autem substantiæ concupiscibilis cum ipsis repertum est, rapuerunt;



et corpora congregata in foveam unam contumeliose projecerunt. Burdones vero quatuor cœsorum capitibus onustos miserunt ad portum, quatenus ea legati de Babylonia qui ibi forte aderant viderent, et dolentes obstupescerent. Porro cives ista videntes, in immensum doluerunt, et ad mortem usque contristati sunt. Ingemiscebant igitur tota die et ululabant, et lamentabantur, et quotidie deficiebant. Tertia vero die castellum, de quo supra memoratum est, ædificare cœperunt; et de lapidibus ipsis, quos de sepulchris dehumatorum abstraxerant, munire deliberaverunt. Quo satis munito, jam coangustabant arctius inimicos suos, et ne forte foras excederent tota sedulitate observantes insistebant. Franci autem securiores ad montana cursitabant; et paleis, vel aliis quibuslibet victualibus devehendis jam liberius vacabant. Ex altera namque parte fluminis, ubi Christiani nondum sua locaverant tentoria, Turci securum habebant discursum, utpote ubi nullum verebantur Christianum. Conesliati sunt ergo ad invicem Christiani: « Si, inquit, aliqui ex nobis essent, qui castellum illac ædificatum inhabitarent, ac defensarent, et nos essemus securiores; et ista civitas sollertius obsessa, facilius tabesceret: nimirum eis et commeandi facultas omnis interdiceretur, et omnino eis pabula prohiberentur. » Omnes istud collaudant consilium: omnes tamen, et unusquisque præcipue, transire fluvium hospitandi gratia formidabant. Unus et alter sibi metuebat; neque aliquis de castello defenso sibi præsumebat. Alius, se subtrahendo, invitabat et incitabat alium; nullus tamen illud sibi ambiebat castellum. Tancredus demum locutus est, et de castello illo servando, cum primoribus Francorum pactus est. Excitis itaque commilitonibus, suisque manipulis, et si quos alios asciscere potuit sodalitati suæ adjunctis, castellum munitum obtinuit; et qualiter obsessæ civitati acriter obstaretur instituit. Observabant namque satellites ejus vias et in via: et ubicunque sui complices irrequieti excubabant. Quadam vero die, sicut heri et nudiustertius, Suriani et Armenii, quæcunque necessaria in civitatem abundanter deferebant: quos inventos Tancredus celeriter aggreditur; et omnibus quæ debebant ablatis, opimis et spoliis et victualibus victorioso gratulatur. Extunc pavor tam magnus civitatem invasit, ut et cives, sed et omnes qui civibus subvenire cogitabant, exterrerentur. Civitasque omnibus jam indigebat stipendiis, et in multa miseria jam periclitabatur: utpote quæ pene omnia sua consumpserat, nec aliquid in illam invehi poterat. Undique siquidem circumvallabantur, et præcipue illi totus negotiationis commeatus inhibebatur. Nec tamen omnes singulatim, vel quas oppidani, vel qui morabantur in castris, passi sunt calamitates, explicamus: quoniam non omnia possumus omnes. Hi et illi magna vicissim patiebantur infortunia: frequentius tamen castrensibus dum præliarentur serenior arridebat fortuna, Franci siquidem moribus

ferociiores, natura animosiores, usu in bello expeditiores erant; et ad hoc in longinquas regiones et exterarum nationum iter arripuerant. Longanimitate igitur præditi, quosvis lætæ hundi perferebant labores. Deum autem in angustiosis necessitatibus suis adiutorem invocabant, eique frequenter pro humanis suis excessibus devoti satisfaciebant.

Erat in obsessa civitate quidam admiralus, Turcorum prosapia oriundus, nomine Pirrus, qui sædus amicitia per fideles internuncios cum Boamundo inierat: non quod, ut reor, Boamundum aliquando viderit: sed quoniam de eo fama volans ad eum multa bona detulerat, et de prudentia ipsius neutiquam ambigebat. Frequenter igitur per fidos interpretes, et nota inter signa loquebantur ad invicem. Hunc Boamundus aliquando ad Christianitatem incitabat; aliquando ad civitatem reddendam multimodis pollicitationibus suadebat: et ut vir callens, nihil intentatum relinquebat. Nunc enim eum pro infortuniis civitati imminentibus deterrebat; nunc eum pro præmiis copiosis, quæ a Deo gloriose destinantur Christianitati, alliciebat. Aiebat itaque Boamundus: « Persuasurum iri, inquam, volo tibi, Pirre mi charissime, quatenus juxta morem veræ amicitia agas omnia: ut scilicet mea secreta quæ tibi transfundo, in te sepelias; neque cuiquam proditurus arcana nostra tibi solus habeas, neque posthac amicus amico, unicus unico discredas. Fac igitur omnia de quibus sermo est, celeriter: et de mihi reddenda civitate, et de tibi adipiscenda libertate, et imprimis de rescipienda Christianitate cogita vivaciter. Non deerunt tibi quæcunque volueris: nosque tibi paciscimur quæcunque mandaveris. Quæ nisi omnia feceris, cum sint et utilia et honesta, et in immensum errabis, et te non nostrum fuisse amicum procul dubio demonstrabis. » His vel hujusmodi dictis acquievit Pirrus; et sciscitantibus legationibus aurem credulam accommodans, tandem in hæc prorupit mandata. Jam etenim ei Deus aspiraverat quid agere deberet; et ut Boamundo pro voluntate responderet, in aure cordis ejus stillaverat: « Assentior, inquit, mandatis tuis, mi charissime. Novi enim te virum modestum et honestum. Deinde non incognitum habeo quanti debeamus facere nomen et virtutem amicitia, cujus idem velle et idem nolle summus gradus est. Casus quoslibet imminentes urbi, posthac mihi præterendas nolo. Non sumus qui minis vestris deterreamur. Civitas enim, ut vides, inexpugnabilis est. De Christianitate tua, ad quam vehementer suspiro, quam invictissimam video, et gloriosam nequaquam diffiteor, loquaris volo. Denique, ut compendiosius loquar, utque tibi satisfaciam, et animam meam in manibus unicus mei pono; et civitatem istam in fide amici mei colloco. Sunt sub mea custodia tres turres satis munitæ, quas tuis reddam apparitoribus. Neve mihi in aliquo discredas, filium meum obsidem tibi transmittam, ut quos miseris, securiores accelerent. At ne proditoris redarguar, quidquid agere dispono, totum



Christianitati vestræ imputo. Nolo autem ita incipias, quatenus fatiscens, imperfecto negotio succumbas : sic etenim mors mihi meisque immineret; et de cætero, de civitate reddenda nulla daretur alicui facultas. Ne differas ergo, neve dissimules : quoniam nocuit differre paratis : sed accepto atque accelerato consilio, vel ex toto dimitte, vel rem maturatam perfice. » His Boamundus auditis, nimium gavisus est : attamen vultum et os ad tempus compescuit, ne ex inepta lætitia depræhenderetur intestinus animi motus : locutus autem ad optimates, sic demum ora resolvit : « Videtis, Patres conscripti, quod sine profundis aingultibus enucleare non possum, quantis affecti sumus calamitatibus, quantis incommoditatibus populus iste percœllitur. Sed quis plebelos homines commemorem, cum vos, o illustres sanguinis stemmata, inedia palleatis, tædio tabescatis, laboribus marcescatis ? Gravis lues castra nostra contaminat, gravibus indigentis contracta. Jamdiu est ex quo sub dio vigilatur, puro sub aere dormitur : algidæ noctes valde nos infestant : omnis ista terra nobis inimicatur agri in solitudinem reducti, vel nullo vel raro excoluntur vomere. Tempore quo alii messes suas colligent, nos spicas nullas metemus ; nec mercatum quod nostris alimoniam suppeditet habemus. Cives, quibus hæc regio nota est, quin eant et redeant non possunt cohiberi. Civitatem istam inexpugnatam dimittere contumeliosum est : et o utinam omnes potius moriamur, quam non dedita vel deleta civitate recedamus. De infelicibus jam securi, utrum felices successus nobis proveniant ignoramus. Sed quam diu hic mortem continuam patiemur ? Civitas hæc, ut videtis, inexpugnabilis est. Nam quid hic arietes, quid balistæ, quid quælibet ad expugnandam civitatem hic prodessent machinæ ? Restat ergo ut ad consiliorum divertamus experimenta quandoquidem nobis non prosunt, vel quorumlibet armorum congressuum machinamenta. Tentet ergo unusquisque vestrum, Patres conscripti, an pecunia, an amicitia an minis a quibuslibet civitatem hanc sibi vindicare prævalebit angariis : eamque illi ultronei concedamus, qui hoc efficere quolibet potuerit ingenio. Nam quid hic tanto moramur tempore ? An quæ erunt civitatis subjugatæ emolumenta, si antequam subjugabitur, totus exercitus Christianus, quibuslibet mortibus exterminabitur ? Igitur si, meis, seniores optimi, acquiescendum censueritis consiliis, in medium consulite ; et ei qui urbem istam sibi subjungere poterit, concedamus et concedite ; et ut etiam id efficaciter quilibet nostrum exsequatur, rogate. »

Tandem vero eloquens heros conticuit. Procerum autem convocatorum hujusmodi fuit responsum. Opinor et ipse quia jam suspicando sermonem illum intelligentes præoccupaverant ; Boamundum scilicet tanquam sibi soli locutum, autumabant. Quamobrem illi velut ex obliquo taliter responderunt : « Absit, inquiunt, a nobis ut alter præponatur alteri, ut videlicet alicui nostrum civitas hæc specialiter con-

A donetur. Fratres sumus et pares jure fraterno et sorte parill, postquam eam obtinuerimus, dividemus. Dignum et justum est ut, sicut participes sumus laboris, participes simus et honoris : pariter eam expugnemus, pariter de illa sortiamur. » In his sermonibus solutus est ille conventus ; Boamundus autem siluit et interim res dilata ad nullum venit effectum : sibi ergo ipsi vir apprime prudens temperavit, ne si quid quod noluisset audierat, mutatione sui vultus illud addisceretur. Nec multo post fama, præsaga mali, percœbuit in castris, Turcos, Publicanos, Agulanos, Azimitas, et plurimas alias gentilium nationes adventare, et de bello in Christianos condixisse ; jamque certi eruperant nuntii, qui de certitudine imminentis testabantur periculi. B Locuti sunt igitur ad invicem Christianorum duces, et sponte sua Baamundo subintulerunt : « Vides quo in articulo res nostra posita sit. Si civitatem ergo istam vel prece vel pretio, nobis etiam juvantibus poteris obtinere, nos eam tibi unanimiter concedimus : salvo in omnibus quod imperatori, te caullaudante, fecimus sacramento. Si ergo imperator nobis adjutor advenerit, juratasque pactiones custodierit, perjuri vivere nolumus : sed quod pace tua dictum sit, nos illi eam concedimus ; sin autem, tuæ semper sit subdita potestati. » Mox Boamundus iteratis sermonibus cœpit interpellare Pirrum ; neve moras innecteret, suum sedulo propulsabat amicum. Pirrus autem nihil percunctatus, ita consulendo festinanti festinus respondit ; misit etiam filium suum obsidem in hæc verba : « Præco vester in castris vestris intonet alta voce, ut gens Francorum hodie præparata, cras ingrediatur Sarracenorum terram deprædandi causa, et sic nostris et vestris dissimulabitur causa nostra. Nostri siquidem minus solliciti quiescent, utpote sperantes longiuscule abiisse majorem gentis vestræ multitudinem. Postquam vero vestra exierint tentoria, noctis sub silentio per loca revertantur opportuna : vos interim clandestini, scala muris admota accelerate, tumultumque omnem compescite, murumque velociter et confidenter ascendite, quoniam turres meas, ut vobis promisi, mandabo. Vos autem de reliquis agendis procurate, rerumque eventus gladiis perficite, nec aliquid quod agendum sit, tanquam segnes, negligite. Ero vero insomnis et sollicitus, vestrum præstolabor adventum. » C Boamundus, officium præconandi cuidam suo injunxit servienti, quem nescio de qua re Malam coronam nuncupabant : qui vadens per omnia castra, clamosa voce perstrepebat tempus ab optimatibus indici, ut irent deprædatum terram inimicorum suorum. Secretum autem omnium agendorum suorum Boamundus credidit duci Godofrido, et comiti Flandrensi, et comiti de Sancto Ægidio, atque Podiensi episcopo, Robertoque Northmanno, et quibusdam aliis optimatibus. Tancredus enim sui que consiliarii rem totam ab origine noverant. Stephanus Blesiensis aberat, qui magna sicut asserebat detentus invale-tudine, ad Alexandretam, recreationis gratia, donec

convalesceret, discesserat. Exercitus igitur Christianus hujusce rei ignarus, die vesperscente castra egressus est; et per quædam devie deductus, aurora nondum illucescente, prope civitatem per compendiosa repedavit diverticula. Boamundus autem interim suis familiaribus mandavit: « Hanc quam præparavi muro illi, quem cernitis, prudenter apponite scalam et taciturni sapienter vos agite, et confidenter ascendite. Faciet vos tutos Pirrus amicus noster, inque suis turribus potestativos collocabit vos. Filium suum mecum obsidem habeo. Vos autem postquam turres ascenderitis, rem reliquam peragite gladio. Nullus timeat, nemo stupeat; scalam muro adjuncta est, et victa cum propugnaculis desuper. Properate igitur et intrepidi ascendite. » Ascendit primus quidam Langobardus, nomine Paganus, non tamen omnino intrepidus: nec mirum, cum et de prodicione timeret, atque ad loca incognita transcenderet; et de quibuslibet eventis formidaret, ac mortis horrorem sibi præsentem semper imaginaret. Subsecuti sunt tamen eum homines fere sexaginta, quibus diligentissime Pirrus collectis, atque suis in turribus collocatis, postquam vidit plures numero nequaquam subsequentes, materna dixisse fertur lingua. « Michro Francos eohome, » hoc est, heu, heu! paucos habemus Francos. Verebatur enim, quoniam quidem pauci erant ad defendendum, nedum ad congregandum, ne illi cum ipso in manus inciderent Turcorum. In Boamundum ergo tanquam ineffeminatum et segnem, suam retorquebat querelam; eumque amicabilibus conviciis lacesciebat. Descendit præproperus ille Longobardus, per quam primum ascenderat scalam: dixitque eminus expectanti Boamundo: « Quid agis? an dormis? mitte quos velociter missurus es, quoniam jam indemnes obtinuimus tres turres. Alioquin et nos, et civitatem, et amicum tuum qui totam spem et animam suam in sinum tuum expandit, amisisti. » Lætatus est, et qui cum eo erant, Boamundus, et dicto citius festinanter cursum arripiunt, ascensum præoccupant; et commonendo, jam alius alium præveniebat. Itaque jam multi ascenderant, multi adhuc ascendeabant, cum qui in turribus et in aliis mæniorum erant propugnaculis, vocibus altisonis exclamaverunt. Occupaverunt etiam turres alias, et jam discurrebant personantes per muros et plateas. Quoscunque vero reperire poterant, trucidabant; et nemini obvianti parcebant. Cives enim vix expectati et adhuc somnolenti: laboribus enim longæ obsidionis fatigati, supini deficiebant; rem ignorantes, domos suas inermes exhibant, et somno et sono clamantium stupefacti, cauti incautis occurrabant, et suos esse sperantes, Christianos, ac si suos, convocabant: illi autem ubicunque obviabantur, tanquam oves procumbebant, et obruncabantur. Tunc etiam, fortuito, mactatus est Pirri conterinus frater. Tales sunt, cæca et intempesta nox, tui eventus! tales sunt, horæ caliginosæ, vestræ tumultuationes!

A Interea tentus erat per scalam repentium concursus, ut ipsa scala dissiliens dissolveretur: quod et adluctum et ad magnum impedimentum Christianis accidisse, nemo sani capitis dubitat. Phalanges siquidem Francorum, visum propter muros aderant: sed eis qui sursum et intus pugnabant, nullum auxilium conferre poterant. Orta est igitur ibi non modica tristitia. Erat autem non procul a scala quædam porta, quam retroactis diebus Christiani explorantes viderant, hanc a sinistra parte palpantes invenerunt; et ipsa fracta, quanto citius ingressi sunt. Tunc major exortus est fragor, et uberior succrevit Christianis dimicandi occasio, Turcisque somno vinoque sepultis, crudelior necis obvenit angustia. Gentiles illi, dum periculum imminens effugere velent, impegerunt in Christianos, et impetum evitare satagentes, dum nesciunt, in repentinum ceciderunt mortis discrimen. Boamundus, quoniam animo cupienti nihil satis festinatur, morarum impatiens, vexillum suum efferri mandavit in civitate, et collocari contra municipium quod erat in urbe, in editiori colle. Tanto siquidem examine urbem introierant Franci, gentique illi circumcisæ prævaluerant, ut innumeris interemptis, quidquid residuum esse potuit, vel in castellum quod imminebat urbi abigerent, vel in alia quælibet diverticula effugerent, nec ætati nec sexui, nec cuivis conditioni nocte illa indultum est. Nox erat ambigua et ideo promiscui sexus nullum exceperat. Dies illuxit, et qui morabantur in castris, tumultuantibus populis, et reboantibus excitatis lituis, vexillum Boamundi viderunt et agnoverunt, et de capta civitate gavisii sunt. Currerunt igitur ad portas, et introeuntes, si quos invenerunt Turcos subterfugere molientes, ceciderunt, et facta est illa die maxima gentilium strages. Nox illa et mane illud lethalem peperit Antiochenis fortunam. Quidam etiam per portas vivi effugerunt, quoniam impetuosis Francos incogniti fuerunt. Cassianus autem Turcorum dominus inter fugientes delituit; et nescio quomodo, non minori tamen infortunio, sed dilato, vivus aufugit. Pervenit enim in Tanoredi terram, ultra quam credi potest palpitans. Incertum habetur, an totius expers confugii discesserit, an ad disquirendum a contribulibus suis adjutorium discurrerit. Illud certum habetur, quoniam si castellum suum introisset, sibi suisque opportunus consulisset. Equis ergo suis sodaliumque suorum ad extremum fatigatis, coactus substituit; et in quoddam tugurium divertit, ibique non satis fideliter delituit. Hoc etenim regipnis illius accolæ comperto, Suriani videlicet vel Armenii, concursu in eum facto, superincubuerunt: et apprehensi caput amputaverunt, et amputatum coram Boamundo detulerunt, ut scilicet taliter ipsius promerentur gratiam, ipsique libertate donarentur et potirentur optata. Cassiani autem, viri clarissimi, finis fuit obscurus et miserabilis. Tales sunt tuæ remunerationes, mundana prosperitas! hujusmodi sunt tua stipendia, fallax et deceptiva fortuna! Gentiles fati et fortunæ nimis

acquiescunt. Ecce Cassianus infelix, dux et admirabilis Antiochenus, hodie miserabili sorte, miserabili præventus infortunio, fatisque infestis delusus, perimitur. Ecce germen regium, tanquam quilibet in stercore natus, indecenter corpore inhumato plectitur. Balteum autem ejus et vaginam, sexagiuta byzanteos appetiaverunt. Gentes enim illæ hujusmodi faleris et tibulis valde gloriantur. Plateæ

A vero et omnes civitatis intercapedines ita densæ erant occupatæ cadaveribus, ut liber nemini daretur incessus, compita nimirum et viculi, cæsis impediabantur corporibus. Horror itaque et fetor nimius quibuscumque incumbat viatoribus. Civitas itaque Antiochia, excepto municipio, capta est; et Cassianus, ut dictum est, deformiter obtruncatus est, quarta feria, tertio Nonas Junii.

## INCIPIIT LIBER TERTIUS.

Cum obsideretur Antiochia, multi ad ejus adiutorium confluxerant, multi adhuc confluabant: sed qui confluxerant, capta civitate, alii præempti sunt, alii in municipium recepti, alii vero, vitæ suæ fuga consuluerunt: qui autem confluabant, audito de Antiochenorum casu rumore, substiterunt, deliberantes an procul discederent, an propius accederent. Discedere suadebat fama, quæ feliciter Christianorum passim prænuntiabat successus, et ex felicibus feliciores auspicabantur, et idcirco, melius quam maximum singulorum pectoribus inserebatur. Accedere vero eos exhortabatur ira, pro contribulium suorum inimica interfectione; pudor, pro peregrinorum nullatenus adhuc repressa temeritate. Confidebant etiam in nationum coagularum diffusa multitudine; et in sua, sicuti jactitabant, singulari animositate. Præterea ingloriose se esse dicebant, nisi multi paucorum stoliditatem compererent, nisi adventitios indigenæ a suis finibus dissicerent, nisi suorum sanguinem hostiliter effusum ulciscerentur, nisi filios et uxores penatesque suos larumque suorum residuum suppellectilem desides tulerentur. Horum princeps et dux Curbarannus erat, vir quidem bellicosissimus, nulli audacia secundus, prudentia præditus, divitiis copiosus, militaribus auxiliis constipatus, cupidus laudis, inflatus supercilio jactantiæ, magni nominis homo, militiæ soldani Persiæ magister. Hunc Cassianus Antiochiæ admiratus, dum obsideretur, multis invitaverat legationibus, quatenus ad Antiochiam liberandam festinaret: nam illum multis honoratum denariis remitteret. Curbarannus autem, tum ut stipendia promissa reciperet, tum maxime ut nomen suum dilataret, a Calphas, gentis suæ apostolico, accepta licentia sæviendi in Christianos, sibi gentes innumeras, Turcos videlicet, Sarracenos, Arabes, Publicanos, Azimitas, Curtos, Perses, Agulanos, et alios innumeros coagulaverat, et exercitum immensum conflaverat. Contractis itaque undequaque viribus copiosis quas dinumerare nemo poterat, adjunctis adhuc eidem collegio, Jerosolymitanorum admirato, Damascenorum quoque rege, Curbarannus ad Antiochiam proficiscebatur. Erant in expeditione eadem, ut dictum est, Agulani, circiter tria millia, qui toti ferro loricali, neque sagittas neque lanceas timebant; neque præter gladios in bellum arma ferebant. Istis Antiochiam appropinquantibus

B obviavit Seusadulus, Cassiani filius, et pro capta civitate lugubris, et pro morte contabescens. Videres lacrymas per pubescentia scillantes ora, quæ pectus etiam adamantinum ad misericordiam commoverent, et ad adiutorium incitarent. Is igitur hujusmodi verba in sinum Curbaranni profudit: « Princeps invictissime, inimica læsus fortuna supplex ad te compellor accedere; et auxilium a liberali munificentia tua rogare. Moveat te, quæso, debita miseris misericordia, cogat te mutæ carnalitati humanus affectus. Cogita, inquam, in quos devenerim casus, perpende humanæ tribulationis vicissitudines. Quæ me modo fortuna obliquo respicit intuitu, mihi nuper ardebat; et tunc patre optimo et civitate inclita gratulabar. Idem infortunium tibi timeas oportet. In tuis secundis successibus præmediteris necesse est de præcavendis adversitatibus. Fortunati et liberalis hominis est alienas calamitates autmare suas; alienæ miserie, largam impendere misericordiam. Succurre ero mihi, quo tibi succurri velles animo, si te fortuna meo tetigisset incommodo. Si de Christianis triumphare volueris, potes etenim eos indifficuler disperdere, et tibi nomen magnum acquires, et gentem nostram libertati restitues. Quod si contra eos dimicare dissimulaveris, quid restat nisi ut domum et cognationem tuam perditum ire contendant? Gens enim ista nisi viriliter reprimatur, Corrosanum ire anhelat; et mirum in modum ultra vires suas attentat, et minatur grandia. Ecce Antiochiam inexpugnabilem civitatem ingeniosa proditione obtinuerunt; et municipium quod imminet urbi, populus temerarius obsederunt, hiatuque Coturnoso contra gentem nostram, quisquiliæ viles, ogganiunt. Propera igitur, et de mihi subveniendo festina, quoniam non recedes irremuneratus, nec ero beneficiis tuis ingratus. Præterea perpes tibi faciam hominum, et in tua fidelitate civitatem quam mihi reddideris, tenebo. »

« Non, » inquit Curbarannus, « ita facere disposui. Sed si volueris ut totis viribus pro te contendam, Castellum in manu nostra committe; et ego illud satellitibus meis delegabo. Postquam de te, sicut dixi, securus ero; plebeculam illam totis nisibus impugnabo: sin autem, terræ meæ tantum, modo patrocinarbor. » Seusadulus indignus auxiliis Curbaranni postulationibus acquievit, et municipi-

pium potestati protectoris contradidit. Tertia vero die postquam civitas Christianis est tradita, municipium quoque Curbarannus obtinuit; prædictique principis cursores prope civitatem cursitaverunt: exercitus reliquus pone sequebatur, et castra metati sunt ad Pontem Ferreum: et firmitatem illam confestim expugnaverunt, et omnes extemplo interfecerunt, reservato illius castelli domino, ferreisque vinculis alligato. Is etiam bello, de quo post dicitur, peracto, vivus et vinctus inventus est. Facta est dies crastina, et Curbarannus inter flumen et lacum metatus est castra: et ibi duos fecerunt dies. Castellum autem sibi redditum cuidam familiari suo commisit, et ait: « Novi fidem tuam, et audaciam, et temperantiam; et ideo civitatem hanc vigilantiam tuam committam. Sciebam, inquam, te nostro consilio honorare; et ideo hunc honorem quam maximum tuam concedo fidei. Prudenter igitur observa illud, et super injuncto tibi negotio vigilantem procura. Sunt multi, ut nosti, mihi admirati, qui in omnibus dicto citius nostris obtemperarent mandatis: sed illorum fidei, fidem tuam præpono, eorum solertiam solertiam tuam præpono, nullum enim sagacitati tuæ æquiparo. » Ad quem admiratus ille: « Si, inquit, salva gratia tua, sententiam hanc tuam evitare possem, in quemlibet alium præsens mandatum transferres optarem. Sin autem, antequam infidelitatis cujuslibet me redarguas, animumque tuum erga me impacatum sentiam, castellum hoc recipiam, tali tamen conditione, ut si in campo manibus prælio consertis superaberis vitæ meæ consulens, castellum Franci patefaciam. » Ad quem Curbarannus: « Prudentiam et probitatem tuam non inexpertam habeo: quæcunque futura sunt, ex dispositione tua concedo. » Commisso et accepto, ut dictum est, castello, Curbarannus qui cum quibusdam suis advenerat, reversus est ad castra, in valle ubi suus exercitus papiliones suos locaverant. Agareni autem illi, quædam arma vilissima, ensem rubiginosum videlicet, lanceolam quoque satis inutilem, quibusdam pauperculis diriperant Christianis. Hæc Curbaranno ad Francorum improperium obtulerunt, dicentes: « Hæc sunt arma bellica, arma nimis pretiosa, quæ attulerunt locustæ illæ de mendica Gallia. His non expugnare minantur, his contra nos obluctantur. » Curbarannus vero subridens et in manus arma suscipiens, subsannando sic aiebat: « Franci nullos adhuc invenerunt viros. Hæccine sunt arma in quibus confidunt? Hæccine sunt armorum simulacra, in quibus Antiochiam prodicione deceptam expugnasse se credunt? Sed, o inaniter, super hoc gloriantur, quoniam municipium, quod præsidet Antiochiæ, munitum propugnaculis et militibus retinimus, et eos inclusos quibuslibet injuris afflicimus. Expergiscamur igitur, o gens nostra semper invictissima, et in primo conflictu qui sumus, an jumenta, an homines, gens infelix experiantur. Abigamus abjectionem plebis a finibus nostris et

o genus infractum, indeficientes prosequamur eos etiam in nationibus suis. Censeo dedecus quammaximum, optimates nostri, in terra nostra nos defendisse et superasse, nisi talionem reddentes eis, in terra sua nobis contigerit eos et quæcunque sunt eorum delere. Antiochia, civitas regalis et incluta, totius Syriæ caput est, quam prodicione non armis, quam pollicitationibus et adulationibus suis, non bello præoccupaverunt. Hanc igitur dimicando excutiamus, et ipsis explosis eorum terras aggrediamur. » Accito itaque notario suo, sic ait: « Scribe chartas in Corrosano recitandas, quæ hunc modum contineant:

« Caliphæ nostro papæ, et Solimanno regi magno, perpes salus, et honor immensus. Noveritis quoniam locustæ illæ, quæ propriam non habent mansionem, qui Christiani dicuntur, latibula sua irreverenter exierunt; et prout audistis, terram nostram aggredi irreverentius præsumperunt; sed nos ad reprimendam gentis illius stoliditatem, benevolentia vestra et brachio nostro confisi, exivimus; et eos indifficiliter in servitum redigemus. Sed hoc parum nobis esse censemus, nisi etiam fines eorum manipulis nostris operiemus, et omnia bona eorum absorbebimus. Interim gaudeatis omnes amici nostri, et filios generetis oportet, qui dum in longinquam militabimus regionem, illi quos nobiscum adduxerimus resarciant, et donec redibimus, regiones nostras possideant. Nos autem municipium, quod urbi Antiochenæ imminet, nobis redditum munivimus et modo contra eos quatinus dimicemus, consiliantes tractamus. Ut ergo videatis in quos pugnare habeamus, eorum gloriosa vobis direximus arma, in quibus notare poteritis quam nugaces sint armorum istorum geruli. Ut etiam plenius lætari possitis, eos qui Antiochiam suis occupare præstigiis, jam inclusos habemus, nec de illorum ditione ambigimus. Indulgete igitur affluenter voluntatibus et voluptatibus vestris, et valete omnes amici et consilarii nostri. Valeat præcipue Solimannus, rex potens et magnus. Juro enim me nullatenus reversurum, donec Syria et Romania in libertatem redacta, Apuliam quoque meo subdiderim dominio. »

Dum hæc aguntur prædicti Curbaranni mater, quæ erat in civitate Aleph, ad prædictum accessit filium, de his quæ audierat pro filio gemebunda. Erat enim senex et plena dierum, utpote centenaria, et præsaga futurorum. Colligebat etiam multa, mulier sortilega, de constellationibus; et geniculorum non erat ignara, et multarum disciplinarum erat conscia. Flebilis igitur ad filium aiebat: « Ut quid, me inconsulta, fili charissime, negotium aggressus es bellicum? An quoniam sum decrepita, me desipuisse putasti? Crede mihi, viget sensus effectus in visceribus; et laxa cutis, et ruga senilis, vivacem adhuc fovet animum. Denique tuum nulli fidelius pteras reserare consilium, quæ te vel arctius diligeret, vel quæ tibi discretius consuleret. Quid enim affectui materno comparari poterit?

Quid igitur matrem inconsultam, matrem insalutam, o homo plumbei cordis, aufugere præsumpsisti ! o pectus silicinum et jecur adamantinum, quod non emollivit matris memoria, quod non everberavit ad colloquium affectuosæ matris reverentia ! Si enim emarcuit corpus, vivit et viget adhuc irreverberatus sensus. Ad extremum, fili dulcissime, quam grande, quam inefficax aggressus es negotium sine me saltem cautus libripens, prius debueras præponderare. Dequerat te metiri, cum qua insuperabili dimicaturus es gente : oportuerat te perpendere, quam insuetæ sunt præliandi, quas undequaque corrogasti copiæ. Ut enim veritatem nullatenus tacuerim ; nostra gens aurea est, illa ferrea. Nostra tamen satis animosa est ; sed manu, minus inefficax, inexperta et experta est multum hujusce laboris : quoniam admodum in pace effloruit senectus istius nationis. Præterea Deus Francorum revera Omnipotens est, quem nisi ipsi graviter offenderint, semper eos victoriosos protegit. Nostris in regionibus, os meum et caro mea, nomen tuum satis dilatatum est ; sed in Christianos brachium tuum nondum satis approbatum est. Quo nisi impugnare desieris, de duobus alterum erit, seu de Christianis triumphans gloriosior eris ; seu titulum tuæ probitatis superatus, quod absit, lividabis. Porro si matri consulenti acquiesceres, ab hac temeritate respiscens absisteres ; teque gentemque tuam huic præsumptivo labori, qualibet occasione non inhonesta subtraheres. Sin autem, periculosum est certe ancipiti te committas fortunæ. Dubium est enim cui potius Mars arriserit parti, nostris tamen timeo, quoniam et carnificum illorum ferocitas, et usus præliandi assuetus, suaque calliditas me vehementer exanimat. Hæc igitur omnia discretiori essent considerata cautela : sed quoniam tuo sic inchoasti arbitrio, nec ab his amoveri poteris inceptis : obstinatus enim homo es : ne aliquid adulativa prætermiserim : In isto, si commiseris, superandus es prælio, et gazis optimis tuus exspoliabitur exercitus. Multis autem interfectis, tu vivus evades : hoc tamen morieris in anno, heu mihi ! morte subita. » Veterana illa in lacrymis deficiens loquendi finem fecerat, cum filius ejus jactabundus sic paucis respondit : « Miror, mater mi, qua fronte de Christianorum pronuntiaveris victoria, cum ipsi nec numero, nec armis nec animis genti nostræ debeant comparari. Plures enim solus ego habeo admiratos potentes, bellicosos, quam ipsi sunt cum tota sua expeditione. Quis tamen falsus interpres hæc annuntiavit tibi ? Interim tamen sileas volo, ne forte nostri exercitus animos tuis enerves sermocinationibus. Revertere igitur, mater dulcissima, eventumque rei meliora desiderans, exspecta. Ipsi homines sunt, sicut et nos ; et contra homines impuros, et incircumcisos, non contra Deum, nec Deus contra nos, pugnabimus. Equalis sorte mortalitatis circumdamur. Illi duntaxat oculus morientur, quorum manus ægniores erunt ; quorum animi ad non defendendum frigescent minus audaces. Tu autem, mater, tota

A digna reverentia, vale ; et necdum tempus illud quod portendunt sortes et auguria nostra, quod scilicet Christiani terram nostram possessuri sunt, credas adesse. » His dictis belliger heros contuit ; materque, filio deosculato, genas suffusas lacrymas, ad lares suos curiosa remeavit, et opes quas undequaque corrogare potuit, in Aleph, civitatem munitissimam conservandas intulit.

Tertia die post hæc, Curbarannus armatus in oppidum sibi commissum equitabat. Christiani vero videntes acies ordinate procedentes, urbi appropinquantes, exierunt eis obviam ; et prælio præparato se iis posse resistere autumabant. Tanta vero fuit Ismaelitarum illorum multitudo et fortitudo, quod extemplo coacti sunt Franci refugere in civitatem, pertimescentes impetuosas sustinere gentes. Et quoniam non poterat eis portarum angustia ingressum præbere liberum, ex ipso impetu multi suffocati perierunt. Aggressi sunt eos Turci vehementer ; jamque deficiebat dies, neque lassus datur requies. Sic exhausta die, nox optata terras obumbravit. Incubuit igitur Christianis magna desperatio : alii tamen consolabantur alios, et in diem crastinum concionabantur de prælio. Aliqui tamen ultra jus et fas meticulosiores et fratrum affectus immemores, noctu de fuga cogitaverunt ; et ad lotius suæ consanguinitatis et successionis ignominiam ignominiosiores aufugerunt. Non enim meminerunt quantum fuerit dedecus, fratribus et commilitonibus dimissis, amicis insalutatis, proceribus inconsultis, per murum funibus dimitti, virile robur turpiter effeminari, homines antequam oporteat dementari. Nam qui quondam a præliis, sociis dimissis, fugiebant, sociorum proditores vocabantur, et plerumque capitibus in eis vindicabatur. Horum quosdam nominare non prætermittam : licet omnes nominarem, si omnes ex nomine nossem. Non enim eorum parcere debemus infamiæ, qui suæ nimis formidolosi non pepercerunt famæ. Wilhelmus de Grenta Maisnil, et Albericus frater ejus, et Guido Trosellus, et Lambertus Pauper. Hi hesterni belli timore perterriti, et ut crastinum aufugerent solliciti, funibus per murum demissi sunt ; et ad perpetuam suam ignominiam *furtivi funambuli* vocati sunt. Noctis igitur illius conticinio, et funibus elapsi sunt, et ad portum Sancti Symeonis pedites, manibus et pedibus excoriatis, devenerunt. Ambulaverunt tota nocte per præcipitiorum abrupta ; et cum multis comitibus ad portum præfatum ambulantes, defessi substiterunt : et nautis in portu vacillantibus dixerunt : erant nempe in portu naves multæ : « Quid hic agitis, gens miseranda ? Omnes quos exspectatis, decollati et deleti sunt Christiani. Et nemo præter nos vivus evasit : et vos adhuc desidiosi moras agitis. Turci Antiochiam quam subegeramus, obsederunt ; imo ceperunt. Alios omnes decollaverunt ; et nos vix eorum gladios evasimus, dum nocte hæc ad vos usque viam direximus. Rumpite igitur funes, quantocius, inquam, rumpite, remisque mare per

cellite : quoniam si moras innexueritis, quod dicimus videbitis.» Nautæ, hujuscemodi rumoribus exciti, alii anchoris abruptis, mare velivolum jam sulcabant, et carbasa crepitantes in auras obliquabant. Dum hæc aguntur, ecce Turci repentini littora explorantes advolant ; et imparatos et timoratos nautas trucidant ; rates in portu remorantes ignibus appositis depopulantur, et spoliant ; et desidiosos homines pro voto dilacerant. Qui vero remanserant in civitate, pondus belli Turciani tota die sustinere, nec jam diutius fatigati tantos poterant perferre labores, cum subitum arripientes consilium, murum de lapidibus impositis, et sine cæmento inter civitatem et oppidum ædificaverunt, ne Turcis in eos liber daretur excursus. Ipsa enim maceria opportunum Christianis præstitit auxilium ; importunum autem Turcis peperit impedimentum. Ad murum usque siquidem oppidani discurrebant, sed statim a Francis repellebantur ; et ita congressus gentilium frustrabatur. Franci siquidem, tota sedulitate, propter murum armati assistebant ; nec somno, nec cubilibet aliis curandis indulgebant. Fames interim pedetentim convaluit : et ut equos et asinos, et siquid aliud immundum erat, devorarent, compulsi sunt Christiani. In magna constituti miseria, plerique desperabant ; alii tamen ad Deum medullitus suspirabant. Necessitatem enim qualiter evadat, circumspiciens homo cogitare non desinit. Nec facilius quilibet evadit, quam qui sibi Dominum coadjutorem efficit. Invocabant igitur Dominum, et ipse exaudivit eos : et misit eis quemdam sacerdotem, ita sermocinantem : « Fratres, et amici mei, audite visionem quam videns vidi : quam ne putetis phantasiam, vel somniorum ludificationem, si mentior, meam volo deleatis impudentiam, Dum in ecclesia sanctæ Dei Genitricis pernoctare decrevissem, pro nobis, inquam, intercessurus : nescio vel vigilans vel semi sopitus : nescio, Deus scit : Dominum nostrum Jesum Christum vidi, nec tamen agnovi. Aderat etiam sanctissima sua Genitrix, et princeps apostolorum Petrus sanctissimus. Hos omnes aspiciebam, neque, ut dictum est, homo dementatus, Dominum meum sanctumque illud collegium agnoscebam. Dixitque mihi Dominus : « Agnoscisne me ? » Cui ego, vocem quippe percunctantis intelligebam, sed personam interrogantis nondum agnoscebam : « Nequaquam, Domine mi. » Interim crux splendida super caput ejus resplenduit apposita. Interim interrogavit me eundem sermonem, et ego. « Si bene, Domine mi, percipio, ex signo crucis capiti tuo impositæ crucifixum et « Redemptorem nostrum te intelligo. Qui dixit : « Ita est plane ut dicis. » Ego vero suffusus lacrymis genas ad pedes ejus singultuosus cecidi, et adjeci : « Domine, miserere nostri. Domine, memor esto populi tui, Domine Deus, adjuva nos. » Et Dominus ad me : « Et ego huc usque vos juvi ; nam et Nicheam obtinere vos permisi, et in multis vos protexi præliis ; et meque duce vicistis, et Antiochiæ prævaluistis, et

« in ipsa obsidione multa pro voto vestro vobis indulsi : vos, beneficiis meis ingrati, contra me intumuistis ; et tanquam ex adipositate iniquitatis vestre prodiit : meque, gens injuriosa, gentiliter exacerbastis, dum cum mulieribus vel alienigenis, vel vestræ professionis, sed illicitis, fornicati estis. « Iste siquidem singularis pædor cælos attingit, et « oculos meos a vobis avertit. Retribuam igitur ego vestræ ingratitude, nec parcam prostitutæ et lupananti multitudini. » Tunc misericordiæ mater Petrusque beatus ad pedes misericordes ceciderunt Redemptoris ; et his supplicationibus iram mitigabant minitantis : « Domine, tot annis gens pagana domum istam, quæ domus erat orationis, obtinuit : « suisque spurcitiis, pro pudor ! eam delegavit : et « ecce, paucorum culpis exigentibus, omni Christianitati tuæ, quæ domum istam suo sanguine exindoliteravit, eam deleturus irascaris ? Parce, Domine, parce ; parce populo tuo ; et ne des hereditatem tuam in perditionem, ut dominantur eis nationes. » Acquievit Sanctus sanctorum supplicantis matris et apostoli precibus, jamque vultu jucundior dixit mihi : « Vade, et dic populo meo : Lupanar, et prostibulum, et omnem a vobis removete abusum ; et vestra lacrymis eluite facinora ; et ad me revertimini, et ego revertar ad vos ; et infra quinque dies opportunum providebo vobis auxilium. Quia Deus nihil habens immisericordiæ, ipse sum. Interim quotidie decantent : Congregati sunt inimici nostri et gloriantur in virtute sua. Contere fortitudinem illorum, Domine, et disperge illos : ut cognoscant quod non est qui pugnet pro nobis, nisi tu, Deus noster. Disperge illos in virtute tua ; et depone eos, protector noster Domine. Hæc et alia capitula, Deitatem complacantia, indesinenter psallant. » Hæc sacerdos dixit, et adjecit : « Fratres et domini mei, nolite meæ discredere parvitati : quoniam non stetit loquor ambagibus ; nec fantasticis elusus fallo vos imaginationibus. Si vultis, etiam hujusce rei faciam experimentum, ne forte, quod absit, contemnatis quod vobis edixi, Redemptoris mandatum. Vel de turris cujuslibet summitate me præcipitate, vel in ignem projicite ; et dum vobis illæsus videbor, tunc demum acquiescite. Alioquin, me figmenta locutum scitote. » Podiensis Evangelium et crucem coram afferri mandavit : super quæ presbyter, satis faciens populo, juravit ita visionem seriatim se vidisse, sicut testatus fuerat in eadem concione. Populus omnis statim ad lamentum convertitur ; et de reatus sui confessione alius alium cohortatus : videres suffusa fletibus Christianorum ora : capitibus cineratis, et nudis pedibus, passim orationis gratia, omnis ætas, nulla excepta persona, maturabant per ecclesias : petunt auxilium, rogant consilium. Inspiravit autem Dominus eis hoc consilium, quod unanimiter acceperunt. Dixit enim quispiam illorum : « Optimates nostri, juremus ad invicem, quod nullus nostrum deinceps de isto sancto, quoad vixerit, subter fugiat

collegio : donec Sepulcro Domini Dei nostri, pro quo viam hanc ingressi sumus, deosculato. Tunc etiam consalutatis fratribus, qui voluerint ad propria revertantur. » Placuit itaque sermo iste communi conventui. Juraverunt igitur omnes duces, quorum vocabula superius habes prænotata. Tancredus idem juravit et adiecit : Quod quoad posset sexaginta secum habere milites, a Jerosolymitano itinere nequaquam recederet. Animata est igitur et corroborata tota Christianorum congregatio, et in immensum exhilarata est, tali communicata juramento.

Erat etiam ibi quidam peregrinus, nomine Petrus, cui, antequam Antiochia præoccuparetur, sanctus apparuerat Andreas, interrogans eum et dicens : « Quid agis, Bone vir ? » Cui Petrus : « Quis enim es tu, domine mi ? » Dicit ei : « Ego sum Andreas apostolus Christi. Noveris igitur volo, quoniam postquam ingressus civitatem istam, beati Petri Ecclesiam intraveris, invenies illo in loco, » locumque demonstravit, « lanceam quæ latus Salvatoris in cruce perforavit. Quidquid enim in patibulo crucis salutare illud Spiritus sancti domicilium tetigit sacrosanctum est, et Christianis omnibus specialiter amplectendum est. » His dictis, beatus disparuit apostolus. Peregrinus, his auditis, siluit. Responsum enim apostoli nemini propalare voluit : æstimabat enim se somniantis more visionem vidisse istam. Beatus tamen Andreas, sicut postea peregrinus referebat, eum ad locum usque deportaverat ; ibique quod diu latuerat totum demonstraverat. Capta igitur civitate, et, ut dictum est, multum profligata Christianitate, iterum apparuit ei beatus Andreas dicens : « Quare, pusillanimis, lanceam non abstulisti ? » Cui Petrus : « Equis, inquit, domine, me crederet auditui. — Noli desperare. Sed scito pro certo ut dixi, tibi que demonstravi, omnia vera esse ; scias enim quoniam hæc revelatio multum proderit fatigatis Christianis : utpote quibus pro lancea, confidentia profluet salutaris. Infra enim quinque dies visitabit eos Dominus, et potenter eruet eos a persequentium manibus. » Petrus autem consilium hoc sibi divinitus insinuatam suis patefecit comitibus. Populus autem discredabat, et testificantibus subannabat. Perstitit ille, et jurejurando affirmavit his ei sanctum Andream apparuisse, sibi que talia denuntiasse ; et ne ulterius secretum sibi concreditum absconderet vehementer adjurasse. Tandem crediderunt juranti, viresque pristinas animo resumpserunt, tanquam expergefacti a somno. Jam enim duo præcones emergerant, qui de sua salute, Deique propitiatione concordabant. Jam ergo de Dei securiores adjutorio, velut jam vicissent, congratulabantur in Domino.

Interea Turci, qui erant in castello, a Christianorum infestatione nullatenus absistebant ; sed tota sætultate Francos incursabant. Incluserunt itaque quadam die, Francis videntibus, tres Christianos

in quadam turre, nec ausi fuerunt Franci subsidium inclusis conferre. Defecerat enim multis a ficti tribulationibus ; et adhuc tabescebant, nullis nisi in spe relevati consolationibus. Duo igitur ex eis graviter vulnerati, exierunt de turre ; tertius quoque viriliter tota die se defendebat solus de Turcorum invasione : stravit itaque duos Turcos, nullis coadjutus auxiliis : sed sola manu persequentium obsitit turmis. Hæc idcirco dixerimus, ut quantum jam exterriti fuerint Christiani, dicere non omiserimus : quoniam fratres suos videbant impugnari, nec audebant pro iis, coram perciti, obluctari. Ille præliator fortissimus, Hugo Forcenatus dicebatur, de exercitu Godefridi de monte Scabioso ; vir quidem magnanimus et audax, et inter omnes bellicosos præcipua laude dignus. Hunc igitur quem suorum non juverunt arma, successivis saltem generationibus, militem gloriosum, nostra commendaverit pagina. Heu ! quot et quantis calamitatibus Francorum emarcuerant animi, qui unum ex suis tota die viderunt pugnantem, nec succurrerunt ; audierunt clamantem, nec responderunt. Quos cum duces vocarent, non conveniebant : cum litui clangerent, in domibus latitabant : imo inermes et exanimati, bellum diu rogatum detestabantur ; et jam velut exanimis, imbelles et inglorii, mori præoptabant. Boamundus et duces sic exercitum defectum ire videntes, quod neque se volebant defendere ; nec saltem ad murum usque qui civitatem ab oppido utcumque tenui discrimine separabant, poterant eos conducere : ignem copiosum mandaverunt accendi ; civitatem ex parte cremari : quatenus vel sic domos exirent, et latibula in quibus ad ultimum evirati, satis in verecunde delitescabant. Accensus est itaque ignis in urbe qua parte Cassiani palatium præminabat. Duces enim molestiabantur et ægre ferebant quod more solito nullam eis reverentiam, ad pugnam acciti, exhibebant. Ignis itaque, nec mora, prævaluit : quoniam flammis crepitantibus, alimenta præbebat lignorum antiqua congeries : ventus autem urens, suppeditabat incitamentum et vires. Quicumque igitur in domibus illis hospitati fuerant, spoliis suis vix arreptis, ad duces suos coacti confugiebant, qui ad portas civitatis excubandi causa sibi unusquisque locum acceperant. Ab hora dei tertia usque ad mediam noctem incendium non defecit ; et combustæ sunt vel domus vel ecclesiæ circiter ad duo millia. Sopitus igitur est ignis, quoniam omnis ventorum feritas evanuit. Turci oppidani, jam omnino Francis se vix tutantibus, prævaluerant, quos pene ab invicem nihil nisi arma separabant. Jam enim res brachio manuque duntaxat gerebatur, et jam cominus utrinque certabatur ; nec bellum vel ad momentum interrumpabatur. Turci plures numero, et impensiore confortati cibo, vicibus sibi succedere, nihil intentatum prætermittere, Francos audacter aggredi, ultro se congressibus ingerere ; alius alium commovere. Franci e regione, immoderanter angustiati vacillare ; nec cibum nec somnum capere, quippe



quibus nulla dabatur requies : qui enim panem habebat, comedere non licebat ; aqua quoque reservata nullus os squalidum refrigerare sibi poterat ; quippe quibus nec respirare vacabat. In tanta igitur constituti miseria, murum alium silice et calce aggressi sunt provehere : quoniam quem ipsi incementatum erexerant, indifficiliter Turci prostraverant. Ligneam insuper erexere machinam, quo securiores Christiani se tutare potuissent. Nec etiam bellum interim deerat, quoniam ne murus ageretur, Turci indefessi omnimodis elaborabant. Nox caliginosa rerum omnium colores occuluerat ; et ignis ab occidente de cælo visus est imminere, et inter Turcorum castra tanquam cadens desævire. Non enim multum eorum castra differebant a civitate, qui sua locaverant tentoria proxima in valle. Et licet ignis indemnis et innoxius eis fuerit, multum tamen eis incussit terrorem, et mœstitiam, Christianis autem solamen et lætitiã : utrisque siquidem populis signum illud de cælo enituit. Quidam autem eorum, castris continuo relictis, pavitantes hospitati sunt ubi potuerunt, videlicet prope Boamundi portam. Qui vero in municipio remanserant, tota die cum Christianis confligebant, nec ab eorum vel mortibus vel fatigationibus avelli poterant : instabant lanceis et missilibus, et illidebant vulnera vulneribus. Pars autem quæ morabatur in castris ita civitatem circumvallavit, ut nemini pateret in die vel introitus vel exitus. Nocte siquidem aliquando aliquis poterat exire ; sed occulte, nec tamen sine timore. Igitur fames in dies inualescebat, et Christianorum exercitum ultra quam credi vel dici potest vehementer angebat : multi siquidem exspiraverunt fame. Qui vivi, vix palpitabant, lurida videbatur eorum facies, quos enormiter deformabat exhausta, protelatis jejuniis, attenuata macies. Nullos in illa calamitate videres prodigos ; imo quosque ditiores, etiam videres indigos : et omnes obesis carnibus, et tenuata inedia macilentos. Pacis enim paximatius et permodicus, si quando inveniebatur, byzanteo comparabatur. De vino melius puto silere quam dicere : cum vinum ibi vix aliquis ducum libaverit. Equinæ carnes vel asininæ pro imperialibus computabantur delitiis. Gallinæ pretium quindecimerat solidorum ; ovum, duobus solidis ; nux juglans uno appetiatur denario : multos stateres quæque vilia valebant : folia ficulnearum, vitium et cardonum, et si quæ inveniebantur aliarum arborum, avidius decerptas bullicbant et vorabant : coria caballorum, asinorum et camelorum, sive bufalorum, sicca coquebant, et manducabant : et præterea multas alias ibi passi sunt calamitates et penurias. Coacti sunt etenim cibos olim fastidiosos, fame perurgente, dentibus avidis masticare, et deglutire. Nihil enim fuit tam fœdum, tam insipidum, cui fames saporem non attribuerit ; cui verecundiam ut gastaret non abstulerit. Hinc passionem continuam toleraverunt gens miseranda diebus triginta sex. Nemo igitur vera dixisse nos ambigat, nemo submurmuret : cum quibus edulii

vivere potuerint qui messem non collegerant, qui horrea nulla repperant, qui urbem longa obsidione depopulatam, et tandem combustam incolebant, qui forum venalium rerum ab indigenis non accipiebant, nullus convenienter excogitare queat. Admirari quidem potest, sed unde tandiu vixerint competenter definire non posset. Neque Deo, pro quo talia passi sunt, calumniose imputandum est ; qui castigat ut corrigat ; flagellat autem paterno affectu omnem filium quem recipit (*Hebr. xii, 6*). In ipsis etenim flagellis misericors est ; et bonitas ejus secreta nihil agit perperam vel in misericorditer : Dei namque judicia nunquam sunt injusta. Sed Christus de suis Christianis ita disponebat, ut in ipsis afflictationibus, præter spem barbarorum, convalescerent : et cum eos putarent defecisse, superarent. In oppressionibus siquidem suis, quæ eis ut ad liquidum examinarentur contingebant, indesinenter decantabant : « Non nobis, Domine, non nobis, sed nomini tuo da gloriam (*Psal. cxiii*). » Hæc redarguti, misericorditer, de profundis clamabant et exaudiebantur ; et super inimicos suos elevabantur.

Stephanus interim comes Carnotensis quem majores natu elegerant debere præesse consiliis et publicis agendis, homo facundus et singularis scientiæ, aliquantula, ut dicebat, detentus infirmitate, ut dictum est, ad Alexandretam secesserat convalescendi gratia : hujus reditum omnes expectabant, utpote quem ducem, quem consiliarium sibi præferant. Sperabant etiam, si rediret, ejus peritiam omnibus valde jucundam. Is autem, nondum capta civitate, ut dictum est, ægrotaverat et abierat. Ubi vero audivit Turcos civitatem circumvallasse his et aliis exercitus rumoribus (non enim Alexandreta multum remota est ab Antiochia), montana latenter conscendit quæ declivæ proeminebant civitati, quatenus pleniter addisceret exercitus utriusque, vel defectus vel apparatus. Vidit itaque Turcorum innumera tentoria ; et ipsos tanquam arenam maris per stadia plurima diffusos : civitatem etiam vidit circumvallatam, et parvæ Christianorum manum agnovit inclusam. Arbitratus itaque consodales suos, vel jam omnes deletos vel omnes extemplo delendos : quid enim aliud expers homo arbitrari poterat ? cum suis qui aderant, timore non modico perterritus, cursim fugam iniiit et clandestinis discessit. Satis tamen inconsulte, quia nullum allocutus fuerat de Christianorum expeditione. Debuerat siquidem de suis aliquem clanculo prius mittere, nihil temere negligere ; quid intus ageretur, revera dignoscere ; si posset, eos diligenter consulere : non metum qui omnibus imminerebat, sibi soli totum arripere ; nec ut quilibet ex popularibus indecenter aufugere. Gloriosus enim ei fuerat mori cum fratribus, quam fugitivum supervixisse, et in patriam rediisse. Quam offensum postea, tactus cordis contritione, rediens a patria in Jerusalem, piavit ; et sic omnibus satisfacit. Sed ad tempus, timor incoconsultus eum ad inhonestam præcipitavit fugam. Quod ad improprium ei multum imputatum fuit,



donec culpam diluit; inclusis etiam nimis obfuit. Postquam enim castellum suum, reversus spoliaverat, et fugam inibat accelerabat, imperatori ad Philomenam obviam; ei que seorsum vocato dixit: « Antiochiam pro certo captam fuisse noveris a Christianis: sed castellum, quod munitissimum proeminet urbi sibi retinuerunt Turci; et ecce, civitatem circumvallatam obsident, et ex municipii propugnaculis expugnant: seu magis, ut reor, jam expugnaverunt eam, et omnes viri perierunt. Consule igitur et tibi, et quam conducis genti: Consulo ita et ego: et quam citius reveetere, ne forte incidatis in manus insequentium nos; et vos omnes in ictu oculi pereatis. Quod si secus egeris, dico tibi, in proximo, sed sero, temeritatis huiusce te poenitebit. » Imperator confestim accito consilio suo, et Francis, qui multi cum eo aderant; quia utrinque populus Gallus et Græcus ad obsessorum adiutorium copiosus confluebat: reis ex ordine patefecit et dixit: « Franci, ad quos succurrendum festinamus, majore quam nostro nunc egerent auxilio: quia vel omnes in morte jam absorpti sunt, vel in captivitatem abducti sunt. Indigerent ergo, seu qui eos vivificare posset auxiliatore; vel qui eos reduceret virtute prævalida, in quam minati sunt ex longinqua captivitate. Nam ita comes iste, qui adest, testificatur: nos autem neutrum horum possumus. Auxilium quod eis præparabamus, præproperum antiochiam tempus. Ecquid amplius possumus? Postquam omnes delati sunt, quid eis nostrum proficeret auxilium? Illud quippe laboriose et dispendio magno tendere, ubi nihil proficias, extremæ dementiæ est. Visum est igitur nobis, ut ocius revertamur; ne forte et nos inutiliter exterminemur. Ecce enim Turci plus solito insolentiores, et præ sanguine effuso tigridibus efferaciores, si nobis irruant, facillime prævalebunt: quia nostri, rumoribus his auditis, excordes illico titubabunt. Revertamur igitur, et rem nostram in tempus crastinum differamus. Veniet, inquam, dies cum sanguinem effusum, de Turcis perfidis ultum iri proficiscemur. Volo ad præsens moriantur nostri, morte repentina; sed regrediantur, ut vivant; et reservemus et reparemus eos, ad irascendum et ulciscendum. Interim, post terga terram istam edicto imperiali, devastatam iri præcipimus: ut si quando Turci in nos emergerint, dum nihil hic invenerint coacti recedant. Porro gentem istius regionis incolam transferri mandamus in Bulgariam: ut nullius rei redarguamur immemores. » Itaque Franci revertebantur inviti, et amarissime lamentabantur. Multi etiam epauperibus peregrinis passim moriebantur, ægroti diutius invale tudinibus. Guido Boamundi frater erat cum imperatore, donec rumigerulus comes loquebatur: hic, audito loquentis vaticinio, valde contristatus est; et ex ipsis præcordiorum conquestus medullis, lacrymatus est. Ejulans ergo clamabat: « Heu! mi frater et charissime domine Boamunde, quid contigit? Quomodo spes populi Dei cecidisti? Putamusne

A sic promeruisti? Væ mihi! cur ipse non potius periret? O Deus, quare sic judicasti? Cur populum tuum sic abominatus es? Ut quid improprium facti sumus gentium? Quis mihi det, Boamunde frater dulcissime, ut ego moriar pro te? Moriatur anima mea, gens Dei, duces totius laudis titulo digni, morte vestra. » Hæc dicens et ad uncis unguibus pubentes genas dirimebat, flavamque cæsariem decerpebat; et omnes ad lamenta ciebat auditores. Vix autem consolatus, non tamen lenito dolore, cum imperatore compulsus est redire. Obrepsit etiam inæstimabilis mæstitudo in populo Dei. Nam episcopi et abbates et presbyteri, pene triduo a precibus et laudibus Dei cessaverunt, et profundis gemitibus suspirabant, Guido etiam semper in ipso itinere conquerebatur: et gemebat: et in prædictum comitem convicia multa evomebat. Interim etiam omnis exercitus ille, die illo facti sunt stupidi, ut stupore mentis perterriti pene a seipsis desipuerint: tandem tamen redierunt ad se; et voces querulas et preces placabiles, et lugubres querelas, denuo ad Deum devotius emisere. Imperator autem, nimis festine verbis credulus Blesiensis, in illa singulari necessitate, nullo Christianis obsessis auxilio collato, Constantinopolim suæ quieti satisfaciens reversus est. Ecce quantum nocuit exercitui Dei Stephanus Carnotensis, qui dum sibi soli consuluit, fratribus et commilitonibus suis dimissis, imperatoris auxiliarem præsentiam ab eis avertit; et rumores alios quam eum decuit, non veridicus portitor eructavit. Ex Dei tamen dispositione factum non dubitemus, qui disponit omnia suaviter; nec casu fortuito permittit, vel unum passerem ad terram cadere. Si enim Alexius imperator advenisset, Turcosque superasset, triumphus genti suæ, non exercitui Dei ascriberetur; et Græcorum multitudini deputaretur, non Francorum fortitudini.

Qui autem erant in civitate, ad Deum conversi, totam suam spem in supernis collocare: quoniam ab humano adiutorio coacti sunt diffidere. Locuti sunt ergo ad invicem de lancea Domini disquirenda, magnam enim habebant in illa fiduciam, si inveniretur; quoniam ita ex Deo promiserat Andreas apostolus. Ventum est igitur in ecclesiam Beati Petri, et ibi diligenter notato loco super hac re diutius altercatum; prævaluit autem sententia plurimorum, et tredecim laboriosis et strenuis hominibus, qui ibi curiose foderent, opus illud commiserunt: foderunt ergo a mane usque ad vesperam: et tandem, eodem Petro cui revelatum fuerat præsentem, reppererunt lanceam. Quam cum digna reverentia levata, publicus clamor exoritur; et ut debebatur, lætibus ad eam fit concursus, et tota devotione deosculatur. Videres populos lacrymis irroratos, quas extorquebat gaudium: perpenderes gaudium: quod pepererat tantæ rei experimentum. Orta est igitur inter eos tanta lætitia, ut, remota omni acedia, deinceps nullius meminerint mæstitiæ. Et extunc ausi fuerunt de bello tractare.

Consiliati sunt ergo ut nuntios suos ad Turcorum principes dirigerent, qui per interpretem ad eos sua responsa referrent. Miserunt autem duos, Petrum Heremitam, et quendam Herluinum, linguæ Turcæ non expertum. Hi duo, satis gnari et industrii viri ex Christianis, Curbaranno suisque ita dixerunt: « Mittunt nos ad vos Christianorum duces, et omnis Christianorum exercitus, rogantes ut ab eorum infestatione dein absistatis: et Christianos insectari a modo desinatis. Ut quid enim contra eos tentoria vestra locastis, et arma bellaturi vibrando parastis? Quid enim vobis male faciunt? Nam quid ad vos de Antiochia, pro qua congregati estis? Si iudicio contendere vultis, nunquid terra ista, dictante iustitia, Christianorum non est? Nonne eam prædicatione sua beatus Christianitati destinavit Petrus? Nunquid in ipsa eadem ipse præsedet episcopus? Vos autem freti superba tyrannide, fratribus nostris peremptis, ipsam vestro coagulastis imperio. Ecce iterum ausu temerario in eos militare disponitis. Itane vobis iustum videtur, quod si suam terram modo recuperare volunt, neque quidquam de vestro vobis auferre moliantur, vos e regione gladiis accincti in insontes insurgatis? Mandant igitur quod si pacifici recederitis, omnia vestra vobis absportare permittent; et si quid velletis de suo gratis contraderent. Si autem, quod melius esset, ad baptismum suspiraretis, sacramentum illud vobis libenter impertirent: et terram istam ditioni vestræ restituerent; et semetipsos inimicis vestris, pro vobis, tanquam uterini fratres, opponerent. Sin autem accingimini gladio et si audetis cogitare de prælio, pugnabit securius, quem ejusdem causæ, pro qua pugnatur, iustitia tueatur: sed nos, in voluntate Dei, et Deum promerebimur adiutores, et iustitiam habebimus assistricem. Si quid respondere habetis, respondentes audiemus. » Tunc Curbarannus torvo vultu respondisse fertur: « Longe aliter trutinamus: Christianitatem enim vestram, quæ idololatria et abominatio est, omnino respicimus et abominamur. Crucifixus vester, quem prætenditis, qui se crucis improprio non potuit eripere, vos nostris eripiet manibus? Miramur, quo hiatu terram, quam diu possedimus, vestram vocare præsumitis, quam ante Petrum illum superstitiosum vestrum progenitores nostri possederunt: sed illos fallaciis suis, a Deitatis suæ cultura avertit; eosque in nugacissimam sectam vestram deceptos seduxit. Porro, et terra nostri juris est ab antiquo, et virtus nostra, vobis erasis, nobis eam mox restituet. Quod si nobiscum velletis Turci fieri, quod nobis ad vitam tutandam esset pernecessarium, et istam civitatem, et multas alias regiones vobis committeremus: et quicumque pedites sunt equites sublimaremus; et pro vobis ubique pugnaremus. Quod si et hoc respiciatis, vos cogitate de fuga: nos enim providebimus nobis de terra subigenda, imo jam subacta. » Legati retrogradum iter arripientes, festini redierunt; et exercitum Christianum de bello imminente certiorum reddiderunt: interim fames invalescebat;

et timor Turcorum corda pavitantium Christianorum adhuc aliquatenus evirabat. Tandem, sacerdotum edicto, triduanis expletis jejuniis, processionibusque per ecclesias cum lætantiis celebratis, et Christianorum singulis sacrosancto viatico munitis, pugnam ordinaverunt. Sex igitur acies in ipsa civitate stabiliverunt. In acie prima fuit Hugo Magnus cum Francigenis et comite Flandrensi: in secunda, dux Godefridus cum suo bellicoso exercitu: in tertia, Robertus Northmannorum dux: in quarta, Podiensis episcopus, secum portans lanceam, quam Christiani sibi præferri desiderabant; et præsidium et tutamentum sibi magnum credebant; Raimundus quoque comes Sancti Ægidii remansit, quatenus observaret ne Turci de castello descenderent, et in civitatem pede libero irruerent. Acie quintam regebat Tancredus, princeps et miles strenuus: acie sextæ præsedit Boamundus, ut omnibus provideret, atque singulorum in necessitatibus totus adesset. Episcopi et presbyteri sermocinabantur, et orabant, et signa reverendæ crucis editioribus stantes in locis, omnes consignabant. Exibant autem ordinate per portam quæ est ante Machomariam. Nec illud silentio suppressendum arbitror: quod dum exirent de civitate, pluviola, tanquam roscida stilla, cecidit: quæ, ros matutinus, irroratos equos et equites ita lætificavit ut equi tanquam exhilarati hinnire cœperint: equitum animi dulcorati, vegetiores et alacriores fuerint; et omnes se ipsos promptiores et expeditiores senserint. Fuit tamen pluvia illa tam subtilis et modica, ut vix pluviam fuisse dixerint; sed quasdam guttulas rorantes plus senserint, quam viderint. Hoc enim nobis a multis relatum est probabilibus personis. Quis autem hoc divini muneris largitatem dubitaverit? Quis guttularum irrorantiam Dei suos visitantis benedictionem nescierit? Ad bellum igitur jam majori fiducia procedebant animati. Curbarannus dixisse fertur: « Plus ad fugam hi properant quam ad pugnam. » Tunc siquidem animositatis et stoliditatis erat, ut nullam generationem audere sibi obviam venire arbitraretur. Postquam tamen illos vidit nec hac nec illac formidolosos deviare, sed gressu maturato procedere, iterum non erubuit dicere: « Hæ contemptibiles caniculæ de bello forsitan audebunt præsumere? » Dicitur etiam aliquantulum timuisse, et præ ira efferum expalluisse. Prius enim dixerat suis dum Christianos videret exeuntes: « Sinite eos huc usque accedere, ut liberius deglutiamus eos in nostra potestate. Exeant; veniant: nos enim eos statim circumcingemus, et prævalebimus, et suffocabimus. » Christiani vero gradatim ibant, nec alius alium inordinate præproperabat. Idcirco Curbarannus, ut dictum est, majori metu dirigit, solutisque solitis viribus corporis, animo frigit. Mandavit igitur clam procuratori suo, quem admiralium vocant, qui suis rebus præerat, ut si videret in capite sui exercitus ignem accensum fumigare, suos sciret superatos; et ille confestim dato signo, suisque omnibus sublatis, recederet; ne forte

populus qui cum eo erat, vel in papilionibus, totus A deperiret. Curbarannus autem acies ordinatas speculatus, et majores quam audierat copias intuitus, pedem paulatim astutus ad montem retrahere cepit, ut eos fugere putantes, Franci præcipites insequerentur; et ob id exordinati, possent facilius lædi. Tunc et Turci, cum nihil ita proficerent, disgregati sunt ab invicem: pars a mari veniebat; alii stabant in loco, sperantes includere posse se Christianos. E contra Franci hostilium insidiarum non ignari, ex acie ducis Godefridi et Roberti Northmanni partem assumpserunt, quam aciem septimam statuerunt, et illis quendam Reinaldum præfecerunt, qui venientibus a mari gentilibus confestim obviaverunt. Turci vero in eos instanter præliabantur, et multos ex illis sagittaverunt, seu illis quælibet alia mortis genera atrociter intulerunt. Alia Christianorum turmæ ordinaverunt se extendendo a mari usque ad montem: quod interstitium quasi duorum dicitur esse miliarum. Et a montanis et a mari sagaciter instabant Turci, Christianos circumcingentes, et eos undique infestantes.

Ecce, Deo gratias! ab ipsis montanis visus est exire exercitus innumerabilis, equis albis insidentes et vexilla candida in manibus præferentes. Hoc multi viderunt Christianorum, et sicut putant, gentilium; et hæsitantes, mirabantur quidnam esset. Tandem utrique cognoverunt signum de cælo factum. Cognoverunt enim duces illius agminis, Sanctum Georgium, et Sanctum Demetrium, et Sanctum Mercurium, sua signa ferentes, præcedere. Sarracenis ergo visio hæc multum incussit timorem; Christianis autem spem auxit meliorem. Istos animavit, illos exanimavit. Hoc qui affuerunt multi contigisse testati sunt: non tamen id omnes videre potuerunt; sed quibus Dominus voluit arcana sua revelare. Revelavit autem aliis ad confusionem, aliis ad instantis triumphus ostensionem. Porro mendacii nemo nos redarguat; quia nihil ex corde nostro fugimus, sed quod audivimus, id testamur et testimonium nostrum, ex ore eorum qui affuerunt, verum est. Gentiles e regione maris pugnantes, postquam pondus belli sustinere non poterant, sicut Curbarannus prædixerat, in herbam ignem miserunt; ut videntes qui erant in tentoriis, fugam inirent; et spolia quæcunque possent, secum asportarent. Signo autem quod diximus cognito, pernicis et irrequieti aufugiebant; et tremuli suppellectilem pretiosiorum diripiebant. Christiani autem qui ex adverso pugnabant, jam ad eorum tentoria pugnam divertebant, ubi majorem eorum virtutem remansisse non nesciebant. Obstabant adhuc Turci, tota qua poterant obstinatione; alii siquidem pugnabant, alii tendis spoliandis intendebant. Dux Godefridus, et Robertus Flandrensis, et Hugo Magnus, juxta flumen equitabant, ubi rursus maxima pugnantium erat copia. Hi constanter eos aggressos, unanimiter repellebant; instabant gentiles illi pertinaciter, et utrinque pugnabatur irremediabiliter. Resonabant æneæ cassides, tanquam percus-

sæ incudes, minutatim scintillabat ignis, mutilabantur enses, eliso cerebro humi procumbebant homines; rumpebantur lorice, fundebantur exta; fatiscantes sudabant equi, nec equis nec equitibus ulla præstatur requies. Agmina conserta, tenni armorum discrimine vix a seipsis jam distabant; alii siquidem alios, cominus impingebant; et manus manibus, pedes pedibus, corpora corporibus repellebant. Timor tamen super Turcos illapsus divinitus, eos exterruit; et constantia Francorum invincibilis illos admirari et obstupescere fecit, et in fugam coegit. Cæpit ergo legio tota labare, nec buccina, nec tympanum, nec lituus, nec præco poterat eos revocare. Impossibile siquidem est tot gentes, fuga inita, denuo reverti, denuo præliari: ipse quippe impetus, et communis metus eos examinavit, et in fugam elapsos præcipitavit. Declinaverunt autem Turci fugitantes ad tentoria, ubi multos suorum quos ibi dimiserant succenturiatos æstimabant; sed illi dum isti decertabant, fugam inierant, postquam, ut dictum est, ignem successum prospexerant, Franci vero de spoliandis papilionibus manus et oculos ad tempus continentes, eosque diligenter et immisericorditer occidendo persequentes, et ad Pontem Ferreum usque fugaverunt; et adhuc ad Tancrodi castellum, passim obtruncando persecuti sunt. Tandem ad tendas eorum revertentes, quidquid erat concupiscibile diripuerunt; et gazas omnimodas, et equos et jumenta innumera, et oves lanigeras et alimenta copiosa, et quæcunque indigentibus erant necessaria, detulerunt in civitatem. Hanc etenim gentiles habent consuetudinem, ut, si quando vadant in hostem, vel causa necessitatis suæ supplendæ, vel supercilio jactantiæ, opes copiosas secum devehant: et equos et asinos et camelos ad subvehendum clitellarios faciant; et oves et boves ad comedendum deduci præcipiant; nec annonam, nec farinam, nec fabam, nec oleum, nec vinum prætermittant. Illis igitur omnibus in civitate abundanter illatis, optatoque triumpho potiti, condignis laudibus Deum benedixerunt; eumque sui protectorem ac defensorem præsentialiter cognoverunt; hymnosque gratulabundos in cælum extulerunt. Suriani etiam et Armenii qui illas incolabant regiones, videntes Turcos irrecuperabiliter in bello superatos, notos montaneorum anfractus oppilabant, callesque argutos præoccupabant; et illis immensam deletionem, strictis gladiis, parturiebant. Mactabant siquidem eos velut oves errantes, utpote, præ pavore nimio, totius defensionis immemores. Admirabilis quoque qui in municipio civitatis remanserat, cui Curbarannus castellum illud commiserat, videns suos longe lateque indecenter effusos, antequam omnes Franci rediissent timore perterritus, Christianorum vexillum rogavit et accepit, et in municipio in loco editiori colloavit. Hoc autem ideo fecisse dignoscitur, ut sic et suis et sibi parceretur, nec de municipio reddendo dubitaretur. Erat autem signum illud, quoniam dum rogaretur præsentior aderat, comitis Sancti Ægidii. Quod

Longobardi videntes vehementer indignati sunt: quoniam non erat illatum Boamundi vexillum, cui confratres illi civitatem prælibatis pactionibus concesserant. Admiralius autem ille pro controversia pacificanda illa, reddito comitis signo, Boamundi in turre sublimavit; et tempore colloquii petito, de pace commilitonumque suorum salute locutus est. Pacti sunt ergo Boamundus et admiralius ad invicem quod illi castellani, qui Christiani fieri vellent, de vita securi liberalitate Christiana tractarentur: qui vero legem suam servare voluissent, indemnes ad tuta loca conducerentur; nec ibi ab eis quæ secum detulissent dolosis exactionibus privarentur. Pactum hoc ab omnibus firmatum est et municipium Boamundo confestim redditum est. Admiralius autem ille nec multo post baptizatus est, et liberali Francorum munificentia donatus est. Solebat autem dicere postea, quod sibi Christianitatem peculiariter adoptasset a diuturno tempore. Qui fidei Christianæ recalitraverunt, Boamundi conducti in terram suam remigraverunt. Hoc prælium factum est quarto Kalend. Julii, in vigilia apostolorum Petri et Pauli. Gentilibus autem sic devictis, et aliis a civitate procul explosis, et Christianis, Christo suo duce, glorioso triumpho potitis, et condignis Deo laudibus exhibitis, duces illius speciosæ Christianitatis in unum convenerunt; et communicato consilio, Hugonem Magnum, virum non imperitum, ad Alexium imperatorem, Constantinopolim direxerunt quatenus ad civitatem recipiendam, quam calamitosis passionibus ei acquisierant, festinaret; iisque similiter juratas pactiones illibatas conservaret: ipsi etenim a suis declinare nullatenus volebant: veniret ergo, quatenus neuter a promissis et debitis fraudaretur. « Ad nos, inquit, veniat, et sicut nobis pactus est, et irremotum comitem a modo se nobis in Jerusalem impertiat. Nolumus de sacramento quod ei fecimus adhuc aliquas prætere occasiunculas, quod tamen certe possemus; nec ipse quin veniat et juramentum suum teneat, ullam excusationem præferat. Perjurii siquidem ipsa res est, non simulacrum perjurii, nisi ultra vires, etiam omni dolositate remota, observare juramentum elaboras. » Ivit Hugo Magnus hujusce legationis officio functus: sed, quamvis in ipsa expeditione gnæviter multa manu consilioque peregrinatus, ibi tamen multum deliquit, ubi ad fratres sicut promiserat et debuerat, corvini generis legatus, postea non redivit.

Postquam Hugo prædictus ad imperatorem recesserat, Francorum duces consilium ordinaverunt, et de conducendo in Jerusalem populo Dei consiliati sunt. Dixerunt ergo: « Populus iste qui multas passus est calamitates, ut sepulcrum Domini Dei cui videre promereatur, jam multis fatigatus intortunitis, de accelerando itinere palam conqueritur; et nos itidem multo affecti lædio conquerimur. Provedeamus igitur ipsis quid magis utile sit. Moras nequaquam ulterius quaslibet censemur innectendas, præter quas inevitabilis opposuerit necessitas. Sed

tamen singula non impetuose, sed diligenter et modeste sunt æstimanda. Terra per quam iturismus, inaquosa est; æstas ultra modum torrida est; aeris ad præsens inclementiam ferre non possemus. Longa obsidione, et viribus, et sumptibus exhausti sumus. Sileamus ergo, et quiescamus; et vulneratos et infirmos nostros reparemus; et interim pauperum nostrorum misereamur. Expectemus humida solstitia; et declinemus Cancrici et Leonis nocivos successus. Calendis Novembribus, tempus refrigerabitur; et tunc congregati, unanimiter conductum iter aggrediamur. Alioquin totum populum intempetivis ardoribus affligeremus. Hoc autem consilium, turbis flagitantibus, enucleatius disserat. Tempus intractibile necesse est declinemus, et hoc omnibus utilissimum perpendimus. » Id in toto exercitu annuntiatum est, et tandem ab omnibus colaudatum est. Dispersi sunt ergo duces et familiæ per finitimas regiones, æstivandi gratia; et egeni eos subsequebantur, vivendi causa. Dixerant enim duces: « Si quis egenus est et corpore vegetus, jungatur nobis, et nos omnibus, datis unicuique stipendiis, subsidiabimur; infirmi publica stipe donec convalescerint, sustententur. »

Erat in eodem exercitu miles quidam pectoris non modici, de familiaribus comitis Sancti Ægidii, cui nomen Raimundus Piletus. Hic collegit sibi plures homines, milites ac pedites. Collecto igitur quantum potuit exercitu, Sarracenorum audacter introivit terram; et ultra duas civitates profectus, ad quoddam devenit castrum, cui nomen Thalamania. Habitatores autem illius castri, quoniam erant Surrani, sponte sua se reddiderunt ei. Requieverunt autem eo in loco fere diebus octo. Nuntiatum est igitur illis, quoniam non longe aberat castellum Sarracenorum plenum. Cingulis itaque militaribus accincti, panis et objectis protecti, castellum undique aggredientes coangustaverunt; et prævaluerunt, et deprædati sunt, et colonos illos humotenus persum dederunt: si qui tamen ad catholicam voluerunt converti fidem, illos reservaverunt illæsos. Reversi sunt ergo ad prius castellum, victorum potiti gaudio. Iterum die tertia exierunt; et venerunt ad quendam civitatem nomine Marram, quæ prope eos erat. Convenerant ibi multi gentiles ab Aleph, et aliis circumstitis civitatibus, qui contra eos exierunt ad bellum. Franci pugnatos eos arbitrati, ad pugnam se, nec mora, castrensium more militum præparaverunt; sed delusit eos exinanita spes illorum. Turci namque versum civitatem caute reversi sunt, non fugientes neque cominus propugnantes; sed quodam astu se pugne subducentes, et iterum Francos celeri gestu impugnantes. Invehebant eos et gyro facillimo revertebantur et mox reducti equi rursus indifficiliter gyrabantur. Franci frequentes sustinebant impetus, nec tuto devitare poterant instantium concursus: si enim attentarent recedere, gentiles a tergo, quod et accidit postea, cedentibus insisterent. Sustinuerunt igitur usque ad

vesperam et laborem et sitis ardorem : æstus quippe erat quam maximus. Postquam amplius ne laborem poterant sustinere, nec sitis pestem compescere, quoniam ad refocillandum nulla inveniebatur aqua, conati sunt et condixerunt ad castellum suum conglobati gradatim redire. Sed gens invalida et indocta, pedites videlicet et Suriani, ordine spreto, et edicto militum neglecto, cœperunt disgregatim fugere, nimio correpti pavore. Instabant eis gentiles indefessi, et terga præbentes insequébantur, et cedebant; et lupis atrociores, nemini parcebant. Suggerebat illis vires optata victoria, et præsentis temporis oportunitas. Multi itaque de gente plebeia et pusillanimi, perempti sunt; alii necati gladio, alii suffocati sitibundarum faucium incommodo. Qui vivi evaserunt, cum suo Raimundo ad castellum suum redierunt, feceruntque ibi dies aliquot: facta est illa occisio in prædicto mense Julio. Neque enim semper feliciter successit Christianis; castigabat siquidem eos Dominus ne insolentia, ne forte, propter frequentes victorias, mentes eorum aliquantula lividarentur superbia. Qui vero in Antiochia remanserant, votorum compotes, potiti sunt quiete et lætitia; excepto quod dux et patronus eorum Podiensis episcopus, gravi corporis detentus incommodo, cœpit ægrotare; et infirmatus, ægritudinis lecto recubuit. Paterno igitur ore filios lugubres allocutus, et affatim eos consolatus, viam universæ carnis ingrediens ingravescente morbo, migravit in Domino. Factus est itaque luctus immoderatus in tota Christi militia: quoniam ipse fuerat consilium nobilium, spes orphanorum, imbecillium sustentamentum; militibus homo militaris, clericis clericaliter educebat et educabat; singulari prudentia prælucebat, eloquens et jucundus, omnibus omnis erat. Unde factum est ut eum sicut patrem et dominum toto venerarentur animo, quoniam singulis affectu patrocinabatur interno. Celebraverunt autem singultuosus exercitus ejus exsequias episcopali honorificentia; et condito ejus corpore quibus potuerunt aromatibus, imperialibus exeniis illud prosecuti sunt; et pupillorum examina patrem defunctum, lacrymabiliter et solemniter in ecclesia Beati Petri sepelierunt. Vix autem ab ejus sepulcro populi, crines et ora discerpentes, arulsi, episcopo defuncto, diutinas immolavere lacrymas, quibus extensis rursus sibi consulere.

Comes enim Sancti Ægidii, nulla tenus acquiescens pigritiæ vel soorditiæ, quin gentilibus zelo continuo inimicaretur, Sarracenorum ingressus est terram; et pervenit ad Albaram non ignobilem eorum civitatem: quam exercitus ejus violenter expugnatam apprehendit, et omnes utriusque sexus civitatis incolas ad nihilum perimendo redegit; urbemque subactam suo dominio mancipavit. Electum autem in ea pontificem, virum prudentem et honestum, consecrandi gratia miserunt Antiochiam: præfecerunt igitur eum in eodem loco antistitem, et populo Christiano dignum dispensatorem. Ordinatis igitur ibi quæ ad religionis cultum attinebant, mensis No-

vember appropinquabat. Instabat igitur eundi jam conditum tempus; ad de peragendo itinere omnes sollicitabantur. Conveniebant ergo omnes optimates in Antiochiam, in qua major pars exercitus æstiverat. Invenerunt autem eos lætantes et exultantes, excepto quod Kalend. Augusti Podiensem tumulaverant pontificem. Cœperunt autem, postquam omnes convenerant, de imminente negotio disserere, ne videlicet ulterius disturbarentur ab itinere. Boamundus interim in propatulo conquerebatur de civitate, quod nondum totam eam haberet in sua potestate. Alloquebatur enim eos de fœderatis, quas ei poterant, pactionibus, dum necdum capta civitas obsideretur. Pepigerant enim ei totius civitatis dominationem, donec res ex integro referretur ad imperatorem: comes Sancti Ægidii nullo modo poterat emolliri, quin semper de sacramento loqueretur, quod imperatori lecerat; sicuti Boamundus ipse collaudaverat: « Perjurii, aiebat, nusquam volo redargui; nec interrim patiar ut tu solus huic urbi domineris. Sit duntaxat civitas sub communi custodia, et de via peragenda exoccupatus disceptemus. Sin autem, pares et cœquales nostri, quod justum est determinando dijudicent. » Hæc erat insopibilis altercatio inter Boamundum, et comitem de Sancto Ægidio. Congregati sunt ergo omnes majores natu, et quorum præminebat peritia, in ecclesia Beati Petri, si qua posset sopiri tanta simultas. Auditæ sunt diligenter utriusque litigantis quæstiones, expectantes judicium peritorum diffinitiones. Itum est in partem, et a viris peritis luculenter et abunde disputatum; dilata est sententia, ne augmentaretur discordia. Dixerunt ergo et dux Godefridus, et Flandrensis comes, et Robertus Northmannus et alii majores: « Quoniam ad præsens nullam dare possumus sententiam, quæ alteri non displiceat, prout poterimus causam istam sub pacis obtentu procrastinemus; interim fiet aliquid. » Responderunt autem expectantibus: « Nullam in præsentiarum dare possumus sententiam, sed volumus et collaudamus, quatenus ista re pacifice induciata, viam nostram acceleremus, qua peracta, vel ordine judicario vel consilii nostri auctoritate, postquam Deo prosperante redierimus (tantum nobis credite) vos ad invicem concordabimus. » Id totum ita concessum est, et sic se simpliciter prosecuturos, manu in manu episcoporum, firmatum est Boamundus itaque munivit quod ei redditum fuerat castellum, alimentis et hominibus, armis et excubitoribus; comes similiter, quod præoccupaverat palatium Casiani admiralii, et turrem quæ est supra pontem, a portu Sancti Simeonis. Tantæ enim erant et ambitiones et simultates, ut neuter alteri crederet, uter sub palliata ambitione civitatem sibi attentaret, Nec mirum quantum ad honorem et utilitatem.

Antiochia siquidem civitas est pulcherrima et munitissima, et copiosorum reddituum opulentissima. Sunt intra ipsam quatuor montanæ satis altæ, in quarum una, sublimiori scilicet, castellum est, quod omni civitati proeminet. Deorsum civitas est decenter

ita et duplici muro circumambita : murus interior amplius et in aera porrectus est, et magnis lapidibus compactus et compaginatus est: in acri compagine turres sunt quinquaginta quantæ, formosius venustatæ mœniis, et defensæ maculis; murus exterior non tantæ est celsitudinis, sed tamen admirandæ venustatis. Contingunt trecentas et quadraginta ecclesias. Pro suo primatu patriarcham habet, cujus patriarchæ subijciuntur centum quinquaginta et tres domus. Ab Oriente quatuor clauditur montaneis; a meridie vero, civitatis muros præterfluit fluvius nomen Farfar. Octaginta et quinque reges constitutendo sublimaverunt et nobilitaverunt: rex maximus et primus emersit Antiochus, de nomine Antiochia nuncupata videtur. Et quoniam fuit auctoritatis et nobilitatis, noluerunt devictam tenere dimittere Eranci, utpote rex totius Syriæ exstiterat; et primatum suum atque protulerat, et regiones etiam longinque erat subjugatura. Hanc Christiani per octiduum et diem unum obsederant, et apprehenderunt in ipsa civitate jam capta, Gentiles quos eos tenuerunt per tres hebdomadas. In quibus nocte diurna tantus confluxit Gentilium conatus, ut nullus meminerit copiosorem vel se vel audisse populorum frequentiam. Requiescunt igitur in ea quinque mensibus et novem diebus. Tot rebus occurrentibus, noluerunt eam tenere dimittere, sed fidei delegaverunt tutelam. Boamundus tamen et Boamundus peculiariter super ea cogitabant. Civitatem ergo, ut dictum est, obsiderunt; et in mense Novembri, alias profecturi, quibuslibet compositis, Antiochia exierunt. Raimundus cum suo exivit exercitu et perierunt in duabus civitatibus, Rugia et Albaria, Kalend. Decembris, applicuit ad Marram, urbem munitam et opimam, et multis Agarenationibus refertam. Die vero crastina Agarenis expugnare adorsus est; sed obstantibus Agarenis et defensoribus, tunc quidem nihil profecit. Boamundus est Boamundus et in die Dominica crastina venit ad urbem. Altera vero die, feria secunda, urbem viriliter aggressi sunt. Agarenis scalas pro muro civitatis erexerunt, et tunc seniorum tota die variis assultibus infestabant, et similiter parum eis nocuerunt. Nam et ad murum erant erectæ, sed Turcis acclausis et oppugnantibus, nemo præsumebat egressi. Credebant etiam cives illi se similiter istis posse, sicut et Raimundo Pileto ludum præsumebant; sed ad ultimum spes præsumptuosa eos. Raimundus enim comes ligneam machinam fecit, quæ, ut habilior esset ad ascendendum, super quatuor eam collocaverat; fuit autem tantæ proceritatis, ut mœniolum despiceret, turrium quoque porrecturam aspiceret. Admoverunt igitur struem illam propter murum turrem. Litorum et tubarum clangebant

offendebantur ab extinctis et condensis corporibus. Pavor qui vivis oriri solet ex mortuis, ibi nullus erat; quoniam mortuos, ubique locorum, tanquam vivos sibi contiguos didicerant. Fœtor illis duntaxat officiebat; nam sentire, vel videre, vel inter mortuos dormire sine fastidio, jam illis consuetum erat. Qui in palatio congregati erant, alii perempti sunt, alii in Antiochiam, Boamundo jubente, vel servitium, vel venum deducti sunt, et omnes ita, opibus eorum direptis; dissipati sunt; nam qui deficiebant in via, vel lapidibus obruebantur, vel gladiis confodiebatur. Pessi sunt itaque Marrenses civis infelices exterminium quod diximus. Morati sunt autem Franci in eadem civitate mensem integrum et tres dies. Oriensis episcopus infirmatus ibi recessit a superioribus et ad superiores evolavit. Ex illa mora successit exercitui fames valida, quoniam omnia quæ in civitate invenerant, equi vel equites consumpserant; nec extra civitatem, tota terra depopulata, tantulum curque invenire poterant, et mercatum nullum habebant, unde factum est ut ex ipsa diurnitate, fames ista, fami quam in Antiochia perpessi sunt, præminceret. Compulsi sunt ergo quælibet inhonesta vel inconsepta, vel austers, vel etiam illicita, dentibus infastiditis attingere. Relatum est enim et compertum, quod multi carnes Turcinas, carnes scilicet humanas, verulatas et ignibus assas, inverecundis morsibus tetigere. Exhibant itaque furtim a civitate, et procul ignibus accensis coquebant, et nefandis dapibus sumptis, sic etenim miseræ consulebant vitæ, tanquam nihil egerint ejusmodi, revertebantur. Palam tamen hoc verbum factum est in exercitu: sed quoniam fames prævalebat, ultio suspendebatur. Majores tamen pectus

A et os percutiebant, et horrentes silebant: nec tamen imputabatur eis pro scelere, quoniam famem illam pro Deo alacriter patiebantur, et inimicis manibus et dentibus inimicabantur. Patrabant equidem illicita, sed legem violari compellebat angustiosa necessitas. Fames enim castrensium omnia appetit, nihil respuit. Quid enim non cogis, sæva fames? Hæc enim lues incurabilis est, et cibis ablatis fames augmentatur in dies. Nullam enim gravedinem minus potest homo tolerare quam famem: quam de re multoties contigit, ut quidam famelici, tanquam somniantes, seipso suis dentibus appetierint. Nihil enim homini, fame est intolerabilius. Alii qui vere volebant honestius, fidebant Turcorum corpora; quoniam in eorum visceribus byzanteos inveniebant, et aurum illud quod glutierant, Christiani sibi tollebant. Tantam inedia pestilentiam Christiani passi sunt in Marra; perique autem fame perierunt prævalida. Ibi rursus de concordia locuti sunt inter Boamundum et comitem Raimundum; quæ res postquam nihil profecit, Boamundus confestim iratus Antiochiam reverens est, et iter in Jerusalem ad populorum detrimentum disturbatum est. Privata siquidem principum simultates subjectos pessumdant et affligunt, dum alter ab altero dissentiunt. Dum enim unusquisque quod suum est quærit, a communi providentia tepescit: populi quoque ad communem perniciem decolantur, ubi consules seipso non consolantur. Populus itaque Jerosolimitanus multum erat impeditus pro ducum suorum querelis particularibus. Jam igitur liber iste tertius finiatur, et ad quartum inchoandum rursus accinamur.

## LIBER QUARTUS.

Causa simultatis mutæ inter principes revera erat Antiochia. Porro querelarum occasiones erant, quod alius sacramentum imperatori factum, palam omnibus prætendebat, quod prævaricari nullatenus volebat; alius donum sibi ab omnibus factum de civitate dicebat, et idcirco donum sibi factum obtinere volebat. Utrumque tamen verum erat; et quamvis ita se res haberet, quoniam tamen nequibant pacificari, magnum impedimentum hoc erat omni exercitui. Postquam Boamundus ad Antiochiam recesserat, Raimundus comes per legatos suos principes qui erant Antiochiæ prosecutus est, et ut ei ad Rugiam confabulandi gratia obviarent, illos allocutus est. Venerunt Rugiam convocati principes, dux videlicet Godofridus et Robertus Northmannus et Robertus Flandrensis, et Boamundum secum adduxerunt. Locuti sunt sicuti heri et nudius tertius de concordandis proceribus. Postquam iterum res ad nullum processit effectum, principes illi contristati Antiochiam redierunt, quoniam de via

maturanda nihil adhuc profecerunt. Nec comes nec Boamundus ire volebant, quoniam adhuc vehementer de civitate disceptabant. Boamundus ire nolebat, nisi civitas ei tota redderetur; neque comes, nisi Boamundus eos comitaretur. Comes Marram reversus est, ubi Christianus exercitus fame periclitabatur. Compunctos autem corde, animo suo liberaliter dominatus est, et ut Dei militibus consuleret, cundo in Jerusalem aggressus est. Præposuit enim causam Dei suæ vel voluntati vel utilitati. Summa quidem virtus est in principibus, si sibi ipsis dominantur, nisi pertinaciter obstinentur; in ducibus enim nimia obstinatio, subditorum omnium est periclitatio. Imperavit igitur comes sibi ipsi, ne omnino noceret Christianitati. Procuravit ergo mandando hominibus suis, de palatio Cassiani curiose muniendo. Exivit igitur Marram, Idus Januarii, nudis pedibus, et coagulavit se spontaneus peregrinis hominibus: hoc enim signum susceptæ peregrinationis, humiliatus comes ostendit. Facta est itaque in populo



Dei magna lætitia ; et proficiscentibus illis, adjunctus est ad civitatem Capharda, comes de Northmannia, et ibi tres quieverunt dies. Rex ergo Cæsariæ, pactionem pacis pactus est cum comitibus. Multoties enim legatos suos ante Marram direxerat, conventionem hanc condixerat quod pacificus esset Christianis, et multa de his libenter eis impertiret, nisi ad eum exhæredandum, vel ad regnum suum depopulandum Francorum genus indomitum anhelaret Fiduciam insuper eis fecit, quod quandiu suum dilataretur regnum, nullum omnino Christianis fieret offendiculum, eisque copiosum mandaret mercatum. Hanc fidelitatem a rege Cæsariæ susceperunt, et confidentiores ire perrexerunt. Exeuntes a Capharda, castrametati sunt secus fluvium Pharfar prope Cæsaream. Cumque videlicet rex Francos prope civitatem suam hospitatos, vehementer indoluit, quoniam castrorum alienigenarum, juxta se eum puduit. Dixitque : « Nisi summo diluculo castra vestra a civitatis nostræ suburbio removeritis, vos fœdus initum violabitis; nosque vobis mercatum promissum votabimus, nosque nobis providebimus. » Mane igitur facto duos desuis ad eos direxit, qui eos evadere fluvium edocerent, et exercitum in terram fertilem deducerent. Intraverunt ergo quamdam vallem opimam et locupletem, cui super erat castellum, quod extemplo fecit comitibus securitatem. Deprædati sunt igitur ibi animalium tanquam ad quinque millia. Repertum est etiam ibi multum diversorum alimentorum, et præ ubertate gratuita refecta est tota Christi militia. Castrenses etiam exercitui dederunt equos, aurumque purissimum, multamque pecuniam; et juraverunt se peregrinis nullatenus deinceps nocituros, neque subinde mercatum eis prohibituos. Mauserunt autem ibi diebus quinque; porro inde digressi, ad quoddam Arabum applicuere castrum. Exivit igitur continuo castelli dominus cum eis locutus, et de pace paciscenda tractaturus; facta vero pace, quæ utrique complacuit parti, ad aliam demigraverunt civitatem, mutis pulcherrimam et bonis omnibus opulentam, in quadam valle sitam, nomine Cephalia. Cives autem urbis illius, adventum Francorum pertimescentes, urbem pavitantes exierunt, et hortos oleribus refertos, et domos alimentorum et opum plenas, absterriti reliquerunt et inconsulti aufugerunt. Quibus omnibus Franci gratulanter potiti, die tertia inde processerunt; et altam et immensam montaneam præcipitando transcenderunt, et iterum in vallem uberem descenderunt, ubi dies duodecim quieverunt. Erat autem haud procula a valle castellum, Sarracenorum plenum, quod Christiani viriliter aggressum apprehendere nitentur; et revera illud devicissent, nisi gentiles animalium et jumentorum et pecorum greges foras eiecissent, quibus Christiani direptis, sic a castello nocte illa quieverunt. Reversi sunt ergo ad sua tentoria, deducentes secum quæ castrenses emiserant animalia. Die crepusculo Franci, suis collectis papilionibus, ad idem castrum redibant,

putantes se ibi sua metatum iri eastrum. Gens autem pagana nimium perterrita, noctu secessit et castellum hominibus reliquit. Introeuntes ergo festinanter Christiani, quamvis vacuum esset hominibus, illud tamen invenerunt copiosum omnium abundantiarum consolationibus; neque siquidem deerat frumentum, nec vinum, nec farina, nec hordeum, nec oleum. Si quis egeat ibi remansit, egestatis molestiam ignavia infortunium ei peperit. Ibi celebraverunt devotissimi Purificationem Sanctæ Mariæ die altera Februarii. Venerunt ibi ad comites nuntii regis de Camela civitate. Mandavit enim comitibus rex illius civitatis larga donaria, et de pace cum eis constituit; dixit etiam quod nunquam Christianos offenderet, imo diligeret ac honoraret; tantum populus Christianus ei talionem retribueret. Rex autem Tripolis suos ad comites acceleravit nuntios, deducentes eis decem equos, et mulas quatuor, et auri pondus immensum. Quibus oblatis, subintulerunt nuntii : « Rex Tripolis in hæc verba ista dirigit, ut scilicet pacem et amicitiam cum illo habeatis, et eum tanquam ipse vos in veritate diligatis. » Comites cum eo nec pacem fecerunt, nec oblata receperunt, imo fiducialiter responderunt : « Hæc omnia ex te respicimus, quousque fieri satagas Christianus. » Exeuntes autem de valle illa optima, transierunt ad quoddam castrum quod Arche dicitur, pridie Idus Februarii; juxta quod castra locaverunt. Oppidum autem illud innumerabili Paganorum gente munitum erat, et Arabum et Publicanorum frequentis. Defendebant igitur se viriliter. Iverunt autem quatuordecim milites Christiani versus Tripolim, quæ non multum ab exercitu differebat; hi Turcos invenerunt sexaginta qui ante se multos conducebant homines, Sarracenos, Turcos et Arabes, mille circiter quingentos, et animalia plurima. Hos pertinaciter invaserunt Christiani, et ex illis sex occiderunt, et equos totidem abstulerunt, et alios fugaverunt, et animalia reduxerunt. Francorum siquidem invincibilis ferocitas et finitimos et procul positos omnes deterrebat. Deus etenim sic operabatur in illis, ut etiam nunc quatuordecim sexaginta superaverint et residuam multitudinem fugaverint, animalibus ex ipsorum faucibus abstractis. De exercitu Sancti Ægidii comitis exierunt Raimundus Piletus et Raimundus vicecomes; et cum militibus non multis, ante Tortosam civitatem discurrebant; ibi autem erat paganorum multitudo non modica. Sero jam facto, secretum recesserunt ad locum, et opportunis in locis pluribus accensis ignibus, tanquam totus ibi adventasset exercitus, in loco pernoctaverunt. Orto jam sole Franci convenerunt, quatenus civitatem aggredierentur; quam vacuum inventam inhabitaverunt, quousque ad castellum fuit obsidio. Erat alia civitas non longe ab ista, quæ dicitur Maraclea. Admiralius autem qui ei præsidebat, pactus cum Christianis, invexit in illam Francorum vexilla. Dux interea Godefridus, et Flandrensis comes, et Boamundus venerunt usque ad Lichiam civitatem.



Boamundus iterum ab illis segregatus reversus est Antiochiam, quam multum desiderabat esse suam. Dux autem et comes quamdam obsederant civitatem, cui vocabulum fuit Gibellum. Audivit comes « Raimundus » gentiles cum magnis militantium cuneis adventare, bellumque Christianis non anceps præparare. Misit ergo ad socios qui Gibellum obsederant, dicens: « Bellum nobis imminet non incertum, et super nos conveniunt agmina paganorum. Cum civitate ergo quam obsedistis, agatis volumus de pace; fratribus tutandis expeditiores adestote. Melius est nos convenire et pugnare, quam nos a nobis separari et superari. In bellis mora modica est, sed vincentibus lucrum quam maximum; obsidiones multa consumunt tempora, et vix obsessa subjungantur municipia. Bella nobis subdent nationes et regna: bello peracti evanescent tanquam fumus inimici: bello peracto et hoste devicto, vastum imperium nobis patebit. Bonum est ergo ut conveniamus, quoniam si Deum promereri poterimus ducem, et præambulum, non indubitanter statim de inimicis nostris triumphabimus. Accelerate, inquam, ne nos inveniant æmuli nostri, dum venerint, imparatos. » Dux et comes legationem gratanter audiebant, quoniam bellum inhiante esuriebant; fecerunt pacem cum Gibellensi admiralio, et acceptis ab eo muneribus, auro et burdonibus, et aliis quæ complacerunt pactionibus, civitate relicta, confratrum ad auxilium profecti sunt; sed tunc minime Turcos quos sperabant invenerunt. Frustrato igitur quod desiderabant prælio, frustrata est illorum præliandi voluntas in illa die; hospitati sunt autem ultra fluvium, et ex illa parte castellum illud obsederunt. Nec multo post ceciderunt ex Christianis quidam ad Tripolim, si qua possent obsesse Gentilibus illis attentantes. Invenerunt igitur gentem illam effusam extra civitatem, Arabes et ipsos Tripolitanos et Turcos, excursum Christianorum similiter expectantes, et velut in insidiis latitantes. Alii vero pertinaciter invaserunt alios: Agareni siquidem illos primos impetus aliquantulum sustinuerunt et diutius oblectati sunt. Tandem percutientibus, terga dedere; et in tergiversatione illa e suis multos amisere. Ceciderunt etiam ibi multi ex nobilioribus civitatis. Mulieres, matres et virgines a pinnarum spectaculis, mala Christianis imprecabantur, et pro suis anxiebantur et ingemiscebant; et tamen forsitan earum aliquæ prohibiti Francorum in cordibus suis applaudebant. Tanta fuit eo die Paganorum occisio, et cruoris effusio, ut fluvius, qui civitatem alluebat, rubuisse visus fuerit; et cisternæ civium, quæ in urbis erant situ, quas ille fluvius alebat, sanguine illo contaminatæ sorduerint. Incubuit igitur mœror et luctus Tripolitani quam maximus, tum pro trucidatis suis majoribus, tum pro cisternæ sæda sanguinis incursione pollutis. Porro die illa duobus affecti damnis, duplices protulerunt lacrymas: angustabat eos quod inopinabiliter Franci potiti sunt trophæo; contristabat eos cisternarum suarum, quas

magnipendebant, sanguinolenta sædatio. Exterriti sunt usque ad defectionem Tripolitani, et ulterius sine obsidione obsessi, non audebant exire civitatis portam. Tripolitanorum finitimi eisdem percollebantur infortuniis. Franci gratulabunda potiti victoria, hymnizantes Deo, reversi sunt ad suos. Die altera milites de exercitu equitaverunt ultra vallem Desem, deprædatum terram; et inventis bobus et asinis, ovibus et camelis, quorum fuit numerus fere ad tria millia, tanta onusti præda, cum gaudio remearunt ad castra. Sederunt ergo ad castrum illud, nam nimis erat inexpugnabile, tribus mensibus et una die. Celebraverunt etiam ibi Pascha suam, quarto Idus Aprilis. Naves enim Christianorum, de quibus imprimis diximus, ad quemdam applicuerant portum satis tutum et castello vicinum; quæ suppeditaverant castrensibus illis frumentum et vinum, caseum et oleum, fabam et lardum, et totius ubertatis mercatum. Idcirco et illuc tandiu consederant, quoniam et navigium eos sustentaverat, et terram opulentam deprædatum frequenter exhibant. Exhibant, inquam; et quoniam nullatenus a suo fraudabantur voto, ob id lætiores revertebantur, et ad discurrendum iterum vehementer incitabantur. Ibi etiam multi ex Christianis perempti sunt, quoniam et Saracenorum gladii non semper fuerunt obtusi, nec semper eorum militia fuit otiosa, nec manus invalida, quoniam et occiderunt Anselmum de Rabamonte, et Wilhelmum Picardum, viros alti sanguinis et gnaros rei militaris, quorum præclara facinora evidenter comperta sunt in illa Christi militia. Et plures alii ceciderunt, quorum nomina in memoriali vitæ suæ contineat; nos enim, non omnia possumus omnes. Tripolitanus autem rex per internuntios sæpe Christianorum duces alloquebatur, et omnimodis eorum animos pertentabat, ut datis ei muneribus secum paciscerentur, castrum dimitterent, et pacas acciperent pecunias. Christiani de Christianitate illi proponebant, nec aliter a proposito suo divelli poterant. Rex ille Christianitati nimium recalcitrabat, quoniam patrum leges et statutorum consuetudines verebatur et verecundabatur.

Tempore procedente novæ fruges exalbuerant, quoniam tractus ille terrarum majoribus quam citra montanus vaporat fervoribus; et idcirco properantior ætas properantiores maturat messes. Martio mediantem, fabæ colligebantur novellæ: Idus Aprilis, frumenta secabantur, et vindemiarum redibat autumnus. Locuti sunt igitur et dux Northmannus et Flandrensis, et Tolosanus, et Tancredus de via peragenda, quoniam jam instabat, imo pœne transierat temporis opportunitas. Dimisso igitur quod diu obsederant castello, ventum est ad Tripolim, pactique sunt cum Tripolitani: rex siquidem quindecim millia Byzanteorum dedit illis, et quindecim equos magni pretii, et reddidit eis trecentos peregrinos, quos ex diu tenuerat captivos. Denique sub obtentu pacis, mercatum eis præstitit, unde refecti sunt universi; et firmiter eis pepigit, quod si bellum

quod eis Admiralibus Babylonieus præparabat ali-  
quando evincere possent, ipsemet Christianus effi-  
coretur et terram suam in eorum fidelitate retineret.

Itaque discesserunt a civitate, Maio mediante.  
Eundem illis erat, et iverunt tota die per arctam et  
arduam atque inviam viam; et sero pervenerunt  
ad castrum cui nomen Bethoron: deinde appropin-  
quaverunt civitati sitæ in littoribus maritimis, quæ  
dicitur Zebaris. Ibi propter aquarum penuriam per-  
pessi sunt sitis immoderatam angustiam, qua nimis  
defecti cursum præparaverunt ad fluvium Braim:  
ibi recreati sunt quantum ad potum, et homines et  
iumenta. Die vero Ascensionis Dominicæ commearum  
illos oportuit per viam angustam; ibi discursum  
Gentilium tota die metuebant; metuendo tamen,  
ab eundo non vacabant. Signiferi et milites, armati  
præcedebant; et toto exercitui ab insidiatoribus  
præcavebant; subsequabantur sarcinarum provi-  
sores, et clittellariorum sublevatores: pone prope-  
rabat ordo militaris, et omnes omnium aderant ne-  
cessitudinibus. Sic quotidie sarcinarii medrestini  
properabant, et eos imbellium turmarum comita-  
bantur greges. Audiebantur buccinæ, et gradatim,  
ne debiliores deficerent, in via pergebatur: Excubant  
vicissim noctibus; et ubi major ingruebat  
metus, ibi vigilantior præparabatur excubitus. Nihil  
enim inconsultum, nihil inordinatum admittebant:  
indisciplinati castigabantur, inscii erudiebantur,  
rebelles objugabantur, incontinentes de inconti-  
nentia sua redarguebantur, et omnes in commune  
ad elæmosynam incitabantur. Omnes etiam fruga-  
litate et pudicitia studebant; et, ut ita dixerim,  
quædam schola disciplinæ moralis in castris erat.  
Is erat modus et hæc erat forma in Jerusalem am-  
bulantium. Dum hunc disciplinæ rigorem tenuerunt,  
et affectu charitativo redundaverunt, eviden-  
ter inter eos Deus conversatus est, et per eos  
bella sua bellatus est. Hæc idcirco dixerimus qua-  
tenus indisciplinatorum illorum, qui huic expedi-  
tioni gloriosæ, superciliosi successerunt, illos ex-  
tollentes, vitam et viam redarguerimus. Nihil  
enim est inter homines utilius disciplina.

Montaneis illis, in quibus timebantur hostes, sine  
hoste transcensis, venerunt ad civitatem secus mare,  
cui nomen Baruch; et de illa ad aliam, quæ nuncu-  
patur Sagitta; et exinde ad aliam, quæ Sur dicitur,  
et de Sur, ad Acra; et de Acra, ad castellum quod  
vocatur Cayphas; et exinde hospitandi venerunt  
juxta Cæsariam, ubi die Pentecostes, quarta Ka-  
lend. Junii quieverunt. Quo die solemniter, ut Chri-  
stianorum mos est, exhausto, collectis papilionibus  
et itinere rursus quod instabat emenso, ad civitatem  
quæ Ramula vocatur, devenerunt; ibique via fati-  
gati substituerunt; quorum adventum cives civitatis  
illius reverentes, quoniam illo in vico contra Chri-  
stianos configere ausi non sunt, ipsa vacua dimissa,  
fuga elapsi sunt. Juxta quam civitatem honorabili  
monstrabatur ecclesia, in qua pretiosissimum  
Beati Georgii martyris corpus quieverat, quoniam

A a paganis ibi detentus, cursum irroratum felix ago-  
nista compleverat. Habuerat hesternis temporibus  
episcopum locus iste; sed gentilitati modo manoi-  
patus, amissa pontificis dignitate, Sarracenorum  
cervicositati subdebatur inglorius. Ingemuerunt  
Christiani, amore invictissimi Georgii duntaxat al-  
lecti; quem enim audierant et viderant in bello An-  
tiocheno præambulum et præcursores, et contra  
gentem erroneam propugnatores, volebant etiam  
semper promereri socium et defensorem: solent  
enim dicere Gentiles, quoniam et eis semper infestus  
est. Videbant ecclesiæ parietes venustate ædificiis,  
eamque desertam populis; restituerunt igitur civi-  
tati desolatæ suam pristinam dignitatem et electum  
ei præfecerunt pontificem. Confidebant enim in Do-  
mino, subdendam sibi regionem illam, et idcirco  
satagebant ad Christianitatis plenitudinem restau-  
randam. Sed quoniam restitutus episcopus, quibus  
vivere posset, possessiunculas nondum habebat,  
quoniam veprosa fructificabant universa ecclesiæ  
illius prædia; Christiani facultatem suarum ei de-  
cimas obtulerunt, quibus collatis dapsilitatibus, præ-  
dictus pontifex vivere, et ecclesiam reficere potuis-  
set. Rogaverunt autem eum et de fidei castitate  
conservanda; et de plebe ad fidem catholicam  
convocanda. Suggerebant ei, quatenus æquamiter  
pauperatæ regionis desolationem pateretur; quo-  
niam qui pro Christianis instaurandis olim pauper  
factus fuerat, non habens ubi caput suum reclinaret,  
ecce invocatus, ut pole non in exaudibilis cum eo  
efficaciter cooperaretur. Scire enim suis eum dixisse  
cooperariis: *Ecce ego vobiscum sum, omnibus diebus,  
usque ad consummationem sæculi (Math. xxviii, 20).*

Apud Ramulam his ita compositis, iter in Jeru-  
salem accelerandum diluculo consuerunt; signo dato  
viam ingressi sunt; et sicut diu desideraverant, ea  
die ad civitatem usque pervenerunt. Non enim  
multum distat a Ramula Jerusalem, sed quasi viginti  
quatuor milliariis. Nocte illa qua in crastinum vene-  
runt in Jerusalem, nulla nox, ut credo, fuit eis in via  
importunior, seu tædiosior; quæ inveteratæ famis  
quasi quoddam fuit irritamentum. Cum enim esu-  
rienti a nudius tertius cibus ostenditur, nec porri-  
gitur, quanto censes desiderio, quasi novo, iterum  
afficitur? sic qui viam in Jerusalem arripuerant, et  
tot noctes intempestivas propter hoc toleraverant,  
postquam se die crastina cognoverunt illic ad futuros,  
quantum impedimentum putas eis nox morosa præ-  
stitit? Noctes aliæ, vel algores, vel metus, vel bella  
illis intulerant; nox ista, quod gravius est, dilatum  
succendebat desiderium. Vix autumabant diem  
illum ad futuram, quam tamen ad futuram non igno-  
rabant, quæ votis suis satisfaceret, quæ desidera-  
tam civitatem eis ostenderet. Expectabatur illud  
mane et mox illucescendum non nesciebatur; sed  
quoniam quasi differebatur, et idcirco dilatus affe-  
ctus augmentabatur: animo siquidem cupienti nihil,  
satis festinatur. Illuxit dies, et montanæ quæ insta-  
bant Dei populus indefessus conscendit; ibat ergo

gaudenter, quoniam annuis laboribus ea finem fuerat collatura dies. Ea dies erat desiderabilis, tanquam dies postrema mercenarii. Ubi vero ad locum ventum est, unde ipsam turritam Jerusalem possent admirari, quis quam multas ediderint lacrymas digne recenseat? quis affectus illos convenienter exprimat? Extorquebat gaudium suspiria et singultus generabat immensa lætitia. Omnes visa Jerusalem substiterunt, et adoraverunt; et flexo poplite terram sanctam deosculati sunt; omnes nudis pedibus ambularent, nisi metus hostilis eos armatos incedere debere præciperet. Ibant et flebant; et qui orandi gratia convenerant, pugnaturi prius properi arma deferebant. Fleverunt igitur super illam, super quam et Christus illorum fleverat, et mirum in modum, super quam flebant, feria tertia, octavo Idus Junii, obsederunt. Obsederunt, inquam, non tanquam novercam privigni; sed quasi matrem filii. Obsederunt enim, non illa obsidione qua dixerat Dominus: *Ecce venient dies in te, et inimici tui circumdabunt te, et coangustabunt te et filios tuos qui in te sunt* (Luc. xix). Nunc e converso circumdederunt eam amici, et filii coangustaverunt advenas et adulterinos. Ecce enim nullos habebat in se filios, qui ei consulentes principarentur, sed modo patiebatur dominos extorres et peregrinos, discolas et impuros, qui ei captivæ, jugo abusivo dominabantur. Obsederunt igitur eam, non ut liberam captivarent, sed ut captivam liberarent.

Obsedit eam Robertus dux Northmannorum a septentrionali parte, juxta ecclesiam beati Stephani Protomartyris, ubi lapidatus a Judæis obdormivit in Domino: hunc juxta comes Flandrensium tenentoria collocavit: ab occidente obsederunt eam dux Godefridus et Tancredus: a meridie obsedit eam comes Sancti Ægidii, videlicet in monte Sion, circa ecclesiam beatissimæ Dei genitricis Mariæ, ubi Dominus Jesus cum suis cœnavit discipulis. Jerusalem itaque sic obsessa filiis suis ocludebatur; intus autem a populis Mæzelinis profanabatur. Die tertia exierunt castra milites e Christianis, Raimundus videlicet Piletus, et Raimundus de Taurina cum aliis pluribus, vel causa circumspicendi vel deprædandi: et inventos Arabes ducentos superaverunt et fugaverunt; multos autem occiderunt, et ibi triginta equos apprehenderunt. His ita gestis, alacres reversi sunt ad suos. Feria secunda, constanter impetierunt civitatem; et, ut putabant, revera tunc prævaluissent, si scalas sufficienter præparassent. Straverunt tamen murum exteriorum, et scalam unam erectam admoventes ad interiorum. Super illam autem vicissim ascendebant milites Christiani; et cominus præliabantur in muro cum Sarracenis, et eos percutiebant ensibus et lanceis. In illa congressione ex utroque populo multi perempti sunt, plures tamen ex gentilibus perierunt. Audito retrahendi lituo, Christiani ab impetu illo tandem destiterunt, et ad castra remearunt. Victualia vero quæ secum detulerant, interim defecerant; nec jam inveniebatur panis ad

emendum, nec ire poterant frumentatum, vel quia regio illa nullatenus est irrigua, imo torrida et perarida, et ideo minus jumentis et animalibus opportuna, utpote pascuis inopima, nec terra illa est nemorosa, et idcirco minus fructifera, excepto quod palmam alit et olivam: patitur autem et vineam. Jordanus ab Jerusalem etadiis fere triginta, ut putant, sejungitur; lacus habet, sed remotos. Civitas suas habet cisternas unde alitur. Ad radicem montis Sion Siloe fons est, sed vix paucos poterat sustentare homines; juvabat tamen; et magnis expensis modica comparabatur aqua. Equos potum ducebant, non sine pavore nimio, per sex milliaria. Interim nuntiatum est in castris, naves Christianorum onerarias in portu Japhi, quam antiquo vocabulo Joppe dictam putamus, applicuisse; quod valde omnibus complacuit castrensibus. Consiliati sunt principes, quomodo euntes et redeuntes tutos facerent, qui e navibus necessaria debeherent; Joppe siquidem vel Japhi a Ramula, quasi octo distat milliariis. Porro Ascalonitæ, vel indigenæ, qui vagabantur seu in montanis seu in excisis præruptorum cuniculis, viatores aliquoties incursitabant et obtruncabant. Motus iste, vel rumor, negotiatorum comeatus disturbabat. Ad hoc exsequendum summo diluculo de exercitu comitis Sancti Ægidii, Raimundus Piletus, et Acardus de Montinerlo, et Willelmus de Sabra, et centum milites exierunt, et quidam pedites, ad mare procedentes. Ibant autem, sua confisi audacia, militantes ad portum: incertum habemus an industria, an post agitando moras, viæ ignorantia, divisi sunt ab invicem. Triginta namque milites, aliam viam gradientes, sejuncti sunt ab aliis; qui triginta centum Arabes invenerunt, Turcos et Sarracenos nonnullos, de Admiralli exercitu, et audacter eos aggressi sunt, et in prælium convenerunt. Illi vero e regione pertinaciter restiterunt, confisique multitudine sua, multi paucos circumcinxerunt: Sarracenis enim is modus est pugnandi. Jam incluserant Christianos, et jam de mortibus eorum garrientes confidebant; cum nuntius Raimundum Piletum vociferans, sic occidit: «Nisi citissimus ad commilitones tuos evolaveris, auxilium eis perhibiturus, omnes pro certo amisisti; jam enim circumvallati sunt ab inimicis; adhuc tamen utcumque se defendunt.» Habenas laxant, et calcaribus cornipedes urgent æneis; et dicto citius omnes advolant; et scutis pectoribus oppositis, turbas contis depellunt, et oppositos diajiciunt, et unusquisque suum sternit humi. Ex improvise siquidem ignavis supersunt, et rem totam gladiis committunt: Prævalebant igitur illis: qui duo rursus statuentes agmina, putaverunt se posse resistere: nec quidquam profecere. Franci siquidem denuo ferociter eos invaserunt, suosque ab impetu illo taliter liberaverunt, excepto quod Acardum de Montinerlo, militem audacissimum, ibi amiserunt, et aliquot ex pedibus. Dederant ergo Turci scapulas, et fugam inibat maturaverunt, sed plures cuspidibus insequentium con-

fossi sunt : insecuti sunt enim eor fere ad quatuor A millia. Retinuerunt etiam ibi centum et tres equos et unum hominem vivum, qui quæcunque Christianis præparabantur coactus enarravit per ordinem. In obsidione interim Jerosolymitana sitis vehemens grassabatur, et perurgebat Christianorum castra ; consuebant tamen et boum et bufalorum et equorum coria recentia, et consutis utribus aquam per sex referebant milliaria. Ducebant equos suos illud ad-aquatam : sed Gentiles eis insidiabantur, et ex loco- rum augustiis graviter eos adversabantur. Aqua tamen quam velut diremptam debebant, in tantum erat solida, ut equi etiam illam aspernarentur, qua odorata nares contractas rugabant, et præ fastidio nausæ, sternutabant. Erat autem hæc passio fati- gabilis : diutius enim possunt homines famem dissimulare, quam sitim. Si qua fontium signa reperie- bantur, vel illa Gentiles obstruxerant, et per alios comæatus derivaverant ; vel ipsi latitantes nocituri latrunculi observabant. Cedron et alii torrentes æstu torrido aruerant. Panis ordeaceus in castris, erat pretiosus. Indigetes siquidem in cavernis vel in spec- luncis delitescerent, omnes comæatus abdicaverant. Exercitus itaque Christianus de die in diem in tanta periclitabatur miseria. Designati principes ad con- silium convenerunt, et qui eis in tantis calamita- tibus agendum instaret, elocuti sunt. Dixerunt ergo : « Angustiam undique : panis defecit, aqua deest. Nos ipsi graviter obsidemur, dum civitatem istam obsedissee putamus. Extra castra egredi vix audemus, et tunc vacui redimus. Ex longa mora penuriam hanc contraximus ; et nisi præcavebimus graviorem C contrahemus. Armis et brachio, sine machinis civi- tatem hanc expugnare nequimus. Obstant muri, obstant propugnacula, obstant turres ; obstant rebelles, uui intrinsecus redundant, defensores. Quid ergo, patres conscripti, censetis ? Misereamur populo huic ; et tandem aggrediamur aliquid quod nostris prosit omnium, quod inclusis obsit civibus ; quod nos etiam ab his laboribus expediat. Gravis- simum tamen est quod huicmodi agendis neces- sarium est. Terra ista non est arborifera ; nam si arbores alicubi reperire possemus, machinas equi- dem facere satagaremus, quæ ista despicerent mœ- nia, quæ turres cœquarent altiores. Quæramus igitur, vel tigna de domibus, vel trabes de ecclesiis D asportemus, vel de qualibet alia materia machinas compactas erigamus, et civitatem hanc totis visibus aggrediamur ; alioquin tempus incassum consumi- mus. Invenerunt tandem ligna, quamvis a loco pro- cul distantia, quæ quidem grandi labore attulerunt. Acciti sunt de toto exercitu artifices lignarii, quorum artificio machinæ compaginarentur. Jam igitur in- stant operi, et alii lignorum inconcinnam superfl- ciam componunt ; atque alii dolant, alii terebrant, alii ligna lignis copulant ; et jam in modico machi- nas erigebant. Dux etenim Godefridus unam de suis constituebat facultatibus : nec non alteram comes Tolosanus de suis sumptibus statui mandaverat. Instabant igitur artifices illis operibus sagaciter. Nec minus Agareni illi indefessi, de civitate munienda sollicitabantur ; et nocte turribus in altandis insiste- bant, et urbi defensandæ irrequieti vacabant. Ex- ploraverunt interim viri perspicaciores qua parte civitas immunitior erat ; et illuc quodam Sabbato, nocte intempesta ducis Godefridi machinam transtu- lerunt, quam sole exorto erexerunt ab Oriente. Hanc quoque prima et secunda et tertia feria, tota sædu- litate præparaverunt et coaptaverunt. Comes autem Sancti Ægidii a meridiana parte suam erigebat ma- chinam, quas machinas pro suo magno munimine castra lignea possumus appellare. Comes autem castrum suum prope murum conduxit ; sed inter murum et castrum quoddam profundum patebat præcipitium, quod omnino castello supervenienti erat invium ; neque siquidem tales machinas ad declivia posses conducere loca, neque contra mon- tuosos dirigere ; sed ut possit conducere semper æquam exspectat planitiem. Clamaverunt itaque per exer- citum præcones : ut « quicumque in foveam illam tres lapidos jaceret, jactis lapidibus unum denarium haberet. » Omnes igitur quibus illæ moræ fuerunt tædiosæ, vix enim ad linguam refrigerandam pro denario paucillum aquæ invenire, vel lapidibus divehendis libenter insistebant, vel urbi aggrediendæ inhiabant. Antequam ergo civitatem aggredierentur pontifices et sacerdotes amictus emitti sacerdo- tales, allocuti sunt populares ; et aliquis in loco constitutus editiori sic orditus est : « Audite, fratres et domini. Quamvis omnia quæ vobis ad præsens dicturi sumus, vos ipsi noveritis, jam enim ista multoties audistis ; attamen perpulchrum et dulce et voluptuosum est, de Domino Deo nostro semper ærmocinari ; semper audire, et efficaciter intelligere vos indesinenter oportet. Vos in ista ci- vitate quæ coram est, Christus redemit, in hac Christianismum Deus instituit ; ex hac Christiani- tatis sacramentum ad nos usque emanavit. A finibus nostris, ut hic oraremus, et sepulcrum Dei nostri deoscularemur, advenimus. Hæc, quam videtis, totius nostri est causa laboris. Hæc tamen, Jeru- salem cœlestis instar est. Hæc civitatis illius, ad quam aspiramus, forma est. Videtis quanta pertinacia, viles et insulsi et adeo extorres, hanc nobis con- tradicunt ? Videtis quanta stoliditate, quorum juris non est, quod nostrum esse debet nobis contendunt ? Nostis denique qua temeritate sanctuarium Dei pol- luunt, quam innumeris fœditatibus sanctam civi- tatem subdiderunt. Certe, si bene et recte conside- rare volueritis, ista Jerusalem, quam videtis, cui advenistis, cui adestis, illam civitatem cœlestem, et præfiguratur et præterdit : hanc nobis hostes ecce contradicunt visibiles : porro semitas ad illam per- tendentes invisibiles obsident inimici, adversus quos spiritualis constat conflictus. Et gravius est nobis oblectari contra spiritualia nequitiae in cœlestibus, quam adversus carnem et sanguinem quos videmus. Hi qui in civitatula illa ganniunt, illorum umbra

sunt, et suis magistris inferiores et imbecilliores sunt. Quod si isti, qui prope nihil sunt, poterunt evincere, et civitatem quam videmus nobis auferre, quid putas domini facient, «*audent cum talia servi?*» Pro certo timendum est ut civitas illa cœlestis nobis claudatur, nobis auferatur, si nobis desidiosus, a malignis hospitibus nostra domus abdicabitur. Imbelles omnino et inefficaces in lucta spirituali erimus, si contra canes inspidos, nec oblatrare valentes, effeminatos et inermes, pro quibuslibet mortibus meticulosi, non assurgemus. Expergiscimini igitur, familia Christi; expergiscimini, milites et pedites expediti: et civitatem hanc, rem quidem publicam nostram, constanter capessite et Christum, qui adhuc hodie in civitate ista proscibitur et crucifigitur, attendite; et de cruce, cum Joseph, vobis illum deponite; et in sepulcro cordis vestri, thesaurum illum incomparabilem, thesaurum concupiscibilem, collocate; et istis impiis crucifixoribus illum viriliter eripite. Quoties enim isti mali iudices, Herodis et Pilati complices, fratribus vestris illudunt vel angariant, toties Christum crucifigunt: quoties eos tormentant et occidunt, toties lateri Christi cum Longino lanceam infligunt. Hæc quidem omnia faciunt; et, quod pejus est, ipsi Christo legique nostræ subsannant et impropere, et ore temerario nos exacerbant. Quid igitur abitis? æquumne est vos hæc audire, vos ista videre, nec ingemiscere? Patribus et filiis et fratribus et nepotibus dico: Nunquid si quis externus vestrum aliquem percusserit, sanguinem vestrum non ulciscimini? Multo magis Deum vestrum, Patrem vestrum, fratrem vestrum ulcisci debetis, quem exprobrari, quem proscribi, quem crucifigi videtis; quem clamantem et desolatum et auxilium poscentem auditis: «*Torcular cal-*»  
«*cavi solus, et de gentibus non est vir mecum (Isa. LXIII, 3).*» Agite ergo, et arma vestra confidenter vobis coaptate; et civitatem hanc constanter, Dei coadjutores, impetite, et pulchrum sit mori vobis pro Christo, in ista regione, pro quibus Christus mortuus est in ista civitate. Vos igitur inchoate bellum; ipse, dux vester, belli dabit supplementum, et bonæ voluntatis et gloriæ actionis emolumentum.

Finem dicendi fecerat heros, et omnes jam armis accincti, urbem unanimiter impelebant, unusquisque jam sibi sermocinabatur, unusquisque sibi erat et sacerdos et episcopus. Quarta igitur et quinta feria, nocte et die civitati insistebant. Præmissis ergo et orationibus et jejuniis, singultibus et elemosynis, et ipsis sacri viatici communionem munitis, sexta feria civitatem summo diluculo aggrediuntur; nec prævalere poterant: qui enim in turribus vel in cœniis erant, sibi invicem opitulabantur, et ignem et lapides continuo jaculabantur. Tholosanus fovea completa, tribus enim diebus et noctibus, vix illam consummaverat, conduxit castrum ad murum, mora que suis succensebat. Hora vero qua Dominus pro Judæorum voluntate passus est, Christiani non immemores illius passionis, tanquam viribus re-

sumptis recentibus, et quadam nova eis superveniente audacia, dux Godafridus et frater ejus Eustachius, omnium manibus suisque fortiter præliabantur: duces enim illos reliqui subsequabantur. Tunc quidam miles, nomine Letaldus, murum ascendit et constanter dimicans, exclamavit. Subsecuti sunt illum illico et alii. Qui vero muros illic usque defenderant, passim diffugiebant, nec amplius de civitate tutanda procurabant. Christianorum multitudo, civitatem ingressa, persequabatur fugitivos, et nemini parcebat. Admiralius, qui Turri David præsidebat, tremefactus, se comiti reddidit; eique portam confestim aperuit, ad quam peregrini suis pecuniis ut intrarent violenter emungebantur: ibi siquidem vectigalia reddere solebat. Alioquin, immisericorditer coercebantur a porta. Cives ad templum Salomonis fugientes conveniunt; et adhuc in illo se defendere præsumserunt. Dederunt igitur ibi magnos impetus Christianis, sed postquam se nihil viderunt proficere, gladiis projectis, colla neci submittere. Numerum eorum qui perempti sunt nemo novit; sed sanguis eorum qui per templum defluebat, usque ad suras ambulantium attingebat; et cadaverum per totam civitatem magni acervi erant, quoniam nec ætati, nec æxvi, nec nobilitati, nec cuilibet conditioni miserabantur Christiani. Tanto siquidem odio persequabantur eos, quia templum Domini et sancti sepulcri ecclesiam, et templum Salomonis, et alias ecclesias suis usibus illicitis peculiaverant ac indecenter contaminaverant. Super Salomonis templum quidam diffugerant, qui Tancredi signo, ut saltem sic liberarentur, rogato et accepto, fortunam quamlibet opperiebantur: sed parum vel nihil profecerunt, quia nec eis Christiani pepercerunt: excepto quod qui mortuos efferrent, ad tempus vivos aliquid reservaverunt, quos denique vel vendiderunt vel a superis alienaverunt. Et tamen Tancredus inde multum contristatus est: nec tamen super hoc contra Christianos efferatus est: siluit ergo, et a commotione illa totus quievit. Tolosanum Admiralius, qui ei se commiserat, et arcem David sibi reddiderat, et alios qui cum illis erant, usque Ascalonam illæsos conduci præcepit. Ita enim eis pepigerat, pactumque suum illibatam conservare volebat. Civitatem autem illam non more subjugatæ urbis spoliaverunt, vel cremaverunt; sed sicut domos omnibus bonis refertas invenerunt, suis necessitudinibus eas peculiatas reservaverunt, et multi dapsiliter inventa pauperioribus communicaverunt. Jam vero diu desiderato lætificati triumpho, manibus a cæde ablutis, multi pedibus discalciatis gaudentes, et præ gaudio plorantes, ad Sepulcrum Salvatoris deosculandum, catervatim properaverunt; et ibi gratulabunda donaria, et hostias pacificas obtulerunt. Quis vero jam convenienter illud explanabit gaudium? Melius ergo unusquisque cogitet in se, et perpendat quantum debuit esse, quam sterilem et verborum inopem me causetur interpretem: unumquemque

ergo transmittit ad se, ut sic saltem neuter insurgat contra me. Fuit enim immensum gaudium, ubi omnes quod diu exspectaverant adepti sunt. Ibi finem laboris sui videbant; et jam securiores, ex præsenti- bus de futuris bonis sibi retributiones adfuturas imaginabant. De efferendis autem cadaveribus procuraverunt, quoniam horror et fetor invalescebat immanissimus: vivis ergo gentilibus illud opus mandaverunt, et quoniam non sufficiebant, pauperibus Christianis, dato pretio, idem negotium iterum commiserunt: illos vero per pyras coacervatos postea combusserunt, et ita civitatem ab immunditie emundaverunt. Sederunt autem in civitate condignas Deo gratias referentes, itineris et laboris sui prosperatori, et de perfidis gentilibus magnifico triumphatori. Non enim viribus suis hanc ascribebant victoriam, sed Deo qui operatus est in eis et velle et posse, totum illud attribuebant. Restituerunt etiam dignitates suas ecclesiis, et singulas eas coaptaverunt ad opus orationis. Profundebant igitur lacrymas in earum singulis; et vota sua reddebant tota die cum incenso compunctionis. Ducebant equidem dies illas solemnes, et velut sabbatizabant, ferias cujusdam Jubilæi celebrantes. Diem autem illam, qua civitatem recuperaverunt, celebrem instituerunt quintadecima die Julii, feria sexta. Diem quippe illam triumphalem merito diligunt, quicumque, liberationi civitatis illius, et victoriæ: populi Christiani congaudentes applaudunt. De constituendo etiam ibi rege consiliati sunt; et hujusmodi sermonem ad invicem majores habuerunt: « Gratias agimus Domino nostro, proceres egregii, qui nomini suo dedit gloriam; nobis autem servis suis præstitit victoriam. Videtis, optimates nostri, ad quem portum requietionis, publicam itineris nostri causam Deus perduxerit: videtis quo in statu, summam nostræ voluntatis mutæ collocaverit: quid autem singula quæ per nos ipse, vel nos per eum operati sumus recapitularemus? Ecce tempus in- stat quatenus aliqui nostrum, quæ diu desideravi- mus jam expletis, ad propria redire cogitemus. Sed antequam iste sanctus solvatur conventus, provi- dendum nobis est, cui hæc civitas regenda com- mittatur: ad quem plebs quæ hic remanebit res- piciat, qui ei tuitionis curam sagax provisor impen- dat. Quid enim prodeat civitatem hanc mille mor- tibus nos obtinuisse, si, quod absit! contigerit eam nos nequaquam conservare? Sed, cur a fini- bus urbis huc adventavimus? cur tot et tantos la- bores, ad alium solis axem properantes, sustinui- mus, si tandem urbe inconsulta revertimur? Prius ergo consulamus urbi, ut postea qui reversuri sunt vacantius consulant sibi. Civitas hæc ab antiquo, regiam habuit dignitatem et simul patriarchatus ob- tinuit sublimitatem. Ut enim Melchisedech, Abrahæ contemporaneum quasi prætermiserimus, si ad moderniora tempora veniamus, et a David in Josiam, et a transmigratione Babylonis, genealogiam et lineam regum computaverimus, fabulam sætis lon-

gam texuisse videbimur; et tamen civitatem hanc reges habuisse comprobaverimus. Porro in hac eadem Jacobum, fratrem Domini, episcopum præse- disse non ambigimus. Qua de re hanc Apostolico dignam approbamus, quod dignitatis nomen in patriarcham usurpavit modernior Christianitatis. Consideremus igitur virum qui virtute regali com- petenter præemineat: qui quantum ad Deum se servum exhibeat, quantum ad homines se regem sentiat; Dei cultum diligat, populum foveat, mili- tiam teneat. Neque siquidem, quæ Sarracenis adja- cet ista monarchie, potest defendi sine militia. Itidem de patriarcha dicimus: quoniam his duabus consulendum est necessitatibus. Regnum sacerdotio indiget; sacerdotium regno sustendandum et tutan- dum est. Et quoniam hæc singula non ignoratis per necessaria, et alia iterum nobis supersunt per tractanda negotia, verbis omissis, ad effectum veniamus; et Godefridum ducem eligamus, quem huic civitati subrogatum præficiamus. Multa siqui- dem in eo conveniunt, quæ regie dignitati com- pectunt. Est enim, ut omnes novimus, vir regii san- guinis, a proavis Christianæ professionis, more Gallico militiæ peritus, pectore et brachio vir in re militari efficacissimus: qua de re per omnia est in hac expeditione singulariter approbatus. Serenitas in eo specialiter præfulget, clementia in eo floret, quæ genuinæ sorores præcipue decent principes. Dapsi- litatem unice diligit, quia totum patrimonium suum et quidquid ex se habuit, in ista militia largiter effudit; imo in Dei servitio prudenter collocavit. Iste gentilibus hostiliter inimicabitur; et Christianis viriliter patrociniabitur. Denique ut alienis utamur verbis, et in brevi comprehenderimus plenitudinem opportuni principis: iste est, qui novit « parcere « subjectis et debellare superbos.» Hunc igitur jam divino alloquamur oraculo, et potestativo ei man- demus præcepto: « Audi, fili, et vide et obliviscere « populum tuum et domum patris tui, et veni in « terram quam demonstravi tibi, faciamque te in « gentem magnam (Psal. XLIV, 12). » Ipse fratres habet, ipse cognatos et notos et affines habet; ipse sibi se multos habet milites qui omnes cum eo spontanei remanebunt, et bella Dei, cum eo bella- bunt. Tu autem, princeps optime, quem hodie Deus elegit in regem, esto miles Dei et præliare prælia Domini: ex Deo tibi id injungimus. Et manibus injectis eum apprehenderunt dicentes: Et ecce te regem post Deum designamus: Domi- nus sit tecum actusque tuos dirigat et prærogativam morum tuorum in bonum adaugeat: hostesque suos in manibus tuis affligat. Id ipsum et de patriarcha dicimus: erit enim et populo Dei et ipsi regi per ne- cessarius. Porro, de persona eligenda nihil ad præ- sens occurrit melius, quam ut domuum Arnulfum, virum litteris apprime liberalibus eruditum, con- veniamus; et hunc huic curæ vicarium præficiamus, quousque consilio deliberativo, vel ipsum vel alium iuthronizandum decreverimus. Novimus enim eum

Justitiæ censura præminentem, linguæ facundia A  
pollentem : Insuper plurima quæ conveniunt episcopo in eo concurrunt. Sed quoniam non possumus impræsentiarum hoc statuere consilium (ad alia siquidem properamus), rem istam (de quolibet videlicet inthronizando) censemus induciendam : excepto quod dominum Arnulfum nominamus, qui vices suppleat episcopi, et interim respondeat ore pastoris : ipsemet, vel post cras, si forte rogantibus adquirent, inthronizabitur ; vel quoquo modo res provenire debeat, consiliabitur. Ecce siquidem, jurans et ejulans, ne et ipse fiat pontifex irrefragabiliter oblutatur, sed, saltem dandis consiliis præsiabitur. Nunc interim episcoperetur consilio : donec quem Deus idoneum sibi providerit, episcopatetur officio. » Die octavo, postquam civitas capta B  
est, facta electio est ducis in regem.

Interea nuntii venerunt Tancredo, et comiti Eustachio, ut expedite procederent ad recipiendam Neapolitanam civitatem : habitatores nempe civitatis illius, in manibus eorum se dedere volebant ; qui assumptis satellitibus, et multis clientibus, ad urbem venerunt : quæ confestim eis et pacificata et reddita est. Manserunt autem ibi, et lætantes quieverunt, quousque dux, imo rex, ad eos legatos direxit velocissimos, qui eis dicerent : « Audivimus, et certum est, quoniam Admiravisi Bahylo-  
nius Ascalone est, et ibi contra nos bellum ingens præparat. Accelerate igitur, et venite, ut et nos iis audacter possimus obviare, antequam nos possint in urbe concludere. Jam tunc enim non possemus ex æquo decertare contra eos. Inclusis etiam gravis est et exitus et introitus, et frequentar objurgat eos inconveniens metus. Porro si in aperto concurrerimus campo, Deo gubernante, liberior et facilius nobis succedet effectus. Expeditiores equidem sumus armis et manu quam illi. Et volumus illis obviare, ubi nihil adhuc sperabunt se timere. » Illi civitatem exeuntes, continuo discurrebant per montana, investigantes si forte alicubi Sarracenos invenirent, quos modo quolibet nocere potuissent. Venerunt itaque juxta mare ad civitatem Ramulam ; multosque repererunt Arabes, exercitum Admiravisi præcurrentes : quos tota mentis aggressos confidentia, nec mora, disgregaverunt ab invicem, et quibusdam peremptis, quosdam vivos reservaverunt qui eis nova referrent, et de Admiraviso et ejus exercitu quæque nuntiarent, quibus auditis ipsi sibi solertiores præcaverent. Ad unguem igitur singula rimati sunt : qui essent, quam infinita gens essent, quid præpararent, quo in loco se prævalituros disponerent. Quibus diligenter auditis, captivi siquidem pro vita pacta enucleatim loquebantur. *Tancredus*, regi et principibus per nuntios ita locutus est : « Sciatis indubitanter contra nos Ascalone bellum paratum ; et penitentium orbem convenisse et conjurasse, qui violenter putant nos opprimere et subjugare. Venite igitur, et collectis omnibus vestris viribus, « dirumpamus « vincula eorum, et proficiamus a nobis jugum ipso-

rum (*Psal.* II, 3). » Si enim, prout mandastis, imperterriti eis obviamus, pro eo ipso ipsis longo facilius prævalerimus. Ipsi conveniunt ad obviandum nos, et ad civitatem expugnandam suis deferunt machinas : nos ex insperato inurgamus eis. Nam postquam præter spem suam viderint rem procedere, obtuescunt, et crescent ; et sic ubi poterunt, diffugient. Nos autem in ipsorum visceribus, capulotenus enses nostros impingemus, et ex ipsis victoriosi triumphabimus. »

Rex per præconem clamavit quatenus omnes de bello præmunirentur, de quo præmonerentur ; et vexillum regis omnes impigre subsequerentur. « Inimici siquidem ait, nostri omnes Ascalone conveniunt, in prælium super nos adfuturi : procedite ergo illis obviam omnes, et nullus nisi invalidus remaneat. » Exivit itaque rex, et patriarcha condictus, et comes Flandronsis et Martaronensis episcopus, feria tertia civitate. Comes namque Sancti Ægidii, et Robertus Northmannorum dux noluerunt exire, donec certiores fierent de Admiravisi incursione : « Quid enim, inquit, frustra fatigaberemur ? Primo rem compertam habeamus, et jam tunc confidentiores exhibimus. » Miserunt tamen exploratores de suis, milites qui certa renuntiarent ut et ipsi renuntiantibus incunctantius crederent eis. Qui visis omnibus quæ parabantur, pernici redierunt cursu, et quæ viderant fideli testati sunt relatu. Rex etiam, illorum non satis credulus legationi, Martaronensem episcopum direxit in Jerusalem, qui in principibus testaretur quæcunque parabantur. Ille siquidem rem competentius acceleraret, qui oculis suis ea vidisset, atque a latere regis eadem die discessisset. Martaronensis, ut indicta verba comitum referret patriarchæ et regi (jam enim Tolosano et Northmanno locutus fuerat), in manus devenit paganorum ; et dubium est an abductus an peremptus ; sed postea non comparuit. Tolosanus autem et Normannus, cum multis reliquis ad bellum profecti sunt ; et quarta feria Jerusalem exierunt. Clerus et rara populi imbecillis frequentia, qui in civitate remanserant, et Petrus Eremita, et genus imbellæ mulierum, processiones de Ecclesia in Ecclesiam agitabant, orationibus et jejuniis intenti, quatenus Deus populo suo propitiaretur, atque illorum inimicos, coram eis, forti manu, irrecuperabiliter prosterneret, eosque ab inimicis defensos, cum gaudio sospitatis et triumpho reduceret. Clerici, sicut dictum est, missis et reliquis orationibus vacabant. Primores itaque cum suis exercitibus congregati sunt ad flumen quod est contra Ascalonem : illic inventis armentis copiosis, optima prædeditati sunt, et quicunque indigebant recreati sunt. Venerunt itaque trecenti Arabes, Francos prosequentes : contra quos irruerunt Christiani ; eosque duobus ex ipsis apprehensis, usque ad exercitum suum fugaverunt. Nec jam de pugna rumor erat incertus : quod enim solet anceps fama auribus intimare, illud totum, res non anceps, oculis insinuabat singulorum,



ii alios indubitanter vidissent : Christiani A  
um incursum ad castra remeantes, illa  
quieverunt, nisi quod potius omnes excubiis  
ionibus incubuerunt. Sero, ex patriarcha  
um et interdictum est : « Ne in crastinum  
nam procedentes Christiani quilibet, spo-  
piendis intenderent, quo minus expediti  
starent, et ipsa spoliatorum onera ipsis ad-  
lum efficerent : prælio peracto, spoliis læ-  
r opimis et sarcinis, hostibus devictis  
erent diripiendis. »

urrie illuxerat, et populus Dei de bello ineundo  
at, intraverunt autem vallem unam, secus  
maris, formosa planitie venustam : illic  
isque suas acies gregatim ornaverunt et or-  
runt. Rex suam accurate instruxit aciem ;  
Northmannorum Rotbertus, suam ; Tolosanus B  
Flandrensis et Guaston, suam ; comes Eusta-  
uam ; Tancredus, suam : horum unusquisque  
rios et pedites suos ordinaverunt : et ipsis  
sis pedetentim pergebant. Edocebantur autem  
r acclamarent, qualiter obstarent, qualiter  
strabiles inimicos feriendo penetrarent ; et ut  
a sua, nihil reverentes, frequenter respicerent,  
ios ad ictus hostiles sufferendos obdurarent :  
ec omnia in aliis bellis bene gestis didicis-  
ec minus e regione gentiles cuneatim, stellis  
rabiliores densabantur ; et per agmina inu-  
giones a latere in latus extendebantur. Præ-  
nt autem quamdam gentem, quam Æthio-  
abant, quos in loco statuerunt, et immotos  
nere mandaverunt. Illi genibus humi defixis, C  
amen postposito, ancilibus corpora superiora  
s, sagittis utebantur et gladiis : his impera-  
erat ne vel ad momentum recederent, vel  
occupatum saltem ad passum excederent.  
anipuli militares proot erant instructi, loca  
a tenebant. Et quoniam sitis immoderantiam,  
æstum et pulverulentam nebulam, et prop-  
rem et diuturnitatem præliandi, metuebant,  
m cantarulos plenos a collo suspendebant :  
recentati, vel constantius obsisterent, vel  
es indeficientius persequerentur. De fuga  
sua nulla mentio fuerat, quoniam jam se vi-  
atabant. Confidebant siquidem et in multitu-  
suis innumeris ; et in pectoribus gentium  
dis, et in imperialibus, ne unquam fugerent, D  
Dixerant enim : « Fugientes capitum animad-  
e inevitabiliter puniantur. » Bello utrinque  
ut ventum est ad locum unde Franci gentiles  
tulium jam propiores inspicerent, relatum est  
quoniam Christiani parumper substiterunt ; et  
in cælum erectis, genibus in terram defixis,  
unt : erant enim auxilium de cælo sperantes.  
ro breviter oratum est, et signum salutiferæ  
reverenter eorum frontibus admodum est,  
confidentia equitaverunt. Gentiles enim jam  
stant, et immoti expectabant. In dextro  
exta mare, Tholosanus equitabat : In parte

sinistra rex cum suis expeditionibus properabat :  
porro Northmannus in medio, et Flandrensis, et Tan-  
credus, et alii militabant : sed, quid unus ad cen-  
tum ? quid decem ad mille ? sed revera ille qui  
aliquando in choro cantari fecerat, « Saul percussit  
mille, et David decem millia (I Reg. xiii. vii) : » ipse  
die illa operatus est haud dissimiliter in Christianis.  
Christiani siquidem, in nomine Domini Jesu Christi  
exclamantes, illos viriliter aggressi sunt. Comes  
Normannorum, ecce, pro re bene gesta proprio no-  
mine sæpe dicendus, Robertus, Admiravi stanta-  
rum a longe considerans, quod in summitatē hastæ  
pomum aureum habebat ; hasta vero argento cooperta  
decenter albicabat, ut ipsum esse deprehendit, au-  
dacter per medias acies super eum irruit, et gravi-  
ter ad mortem vulneravit. Quod non mediocrem  
gentilibus incussit timorem. Comes etiam Flandren-  
sis hostiliter eos invasit. Tancredus per medium  
tentoriorum ipsos imperterritus impetivit. Milites  
pagani confestim fugam inierunt. Æthiopes stupe-  
facti substiterunt. Rex autem et Francorum quidam  
ad Æthiopes conversi, et ibi aliquantum demorati,  
eos tanquam segetem in transverso gladiis seca-  
bant, et eorum corpora detruncantes, dimidiabant.  
Irrorabantur, sed potius inundabantur campi san-  
guine ; et passim morticina gentilium obvolvebantur  
Insecuti sunt fugientes eos Christiani : nam gentiles,  
Dei virtute tremefacti, respirandi locum non habebant,  
nec aliquatenus respirabant. Si enim creden-  
dum est gentilibus, ipsi frequenter retulerant postea  
quoniam ita stupefacti fuerunt, ut apertis oculis  
Christianos vix possent videre, nihil autem omnino  
eis nocere. Non audebant se contra Christianos eri-  
gere, nec multi contra paucos oblatrare : fugiebant  
ergo, et alii consensu arboribus vel scopulis, mor-  
tem evitare volebant ; alii cavernarum latibula,  
eadem de causa, introibant. Christiani contra insi-  
stentes satagebant, alios in præcipitium cogebant,  
alios pugionibus transfodiebant, alios jugulabant,  
in commune nulli parcebant. Incubuerat itaque  
gentilibus lethalis dies, qua nec uni dabatur eva-  
dendi occasio ; illi duntaxat evaserunt, qui effugere  
quoquo modo potuerunt. Comes Sancti Ægidii a  
mari militans interfecit innumeros, et fugientes ad  
civitatem arcebat : sed quoniam a » ipsis civitas ali-  
quatenus distabat, qui fatigati remanebant, vel con-  
festim percussi oppetebant, vel in mare se præcipi-  
tabant, et sic præcipientes a morte in mortem rue-  
bant. Quos enim Franci cursu poterant prævenire,  
illis nullæ dabatur iudiciæ. Navigium Admiravi  
mare totum occulerat, et gens illa finem belli ex-  
spectabat : videntes autem aliam, quam sperave-  
rant, suis imminere fortunam, scaphis ascensis,  
in ventum obliquaverunt vela, et sic remigraverunt  
ad patriam. Dies itaque illa Babylonis illis nimium  
fuit adversa. Fuit enim dies tribulationis et disper-  
sionis ; dies mortis, et confusionis. Si qui tamen po-  
tuerunt, ad civitatem fugerunt. Dicunt autem Admi-  
ravisum, vix palpitantem alte ingemuisse, et sic



planxisse : « Omnium Creator, quid est hoc ? quid accidit ? quod fatum nobis infestum nocuit ? Heu mihi ! quam ineffabile dedecus ! quam diuturnum improperium genti nostræ contigit ! Gens mendica, gens mendica, genti nostræ prævaluit ! unde hoc ? Conventione facta, huc adduxi militum ducenta millia, et perditum non erat numerus, quos omnimundo credebam prævalituros : nunc autem, ut non mentiar, a minus quam a mille militibus et triginta millibus perditum tam indecenter superati sunt. Aut Deus illorum omnipotens est, et pro eis pugnat : aut noster nobis iratus est, et nos nimis austero furore redarguit, et castigat. Quidquid sit, unum erit : in eos denuo non erigar, sed potius ad patriam meam, ignominiosus donec vixero, revertar. » His dictis, lacrymabiliter conquerebatur ; et ab intimis lamentabatur. « Juro, inquit, per Machometh, et per omnia deorum numina, quod ulterius non retinebo milites conventione aliqua : quoniam expulsus sum a gente aliena et advena. Conduxi omnia armorum genera et machinamenta, ut eos obsiderem in Jerusalem, et ipsi prævenerunt me ad bellum itinere duorum dierum. Heu mihi ! quid amplius dicam ? Inhonoratus ero semper in terra Babylonica. » Christiani, cæde peracta, reversi sunt ad Ismaelitarum tentoria diripienda. In-

(1) Legendum *nono*.

venerunt igitur, ut breviter dixerim, quidquid bona supellectilis excogitari potest : argentum, aurum, annonam, farinam, et oleum ; armenta pecorum innumerabilem, omnem pompam ornamentorum, cumulos armorum ; et si quid aliud potest esse melius. His omnibus direptis, in civitatem sanctam Jerusalem, cum gaudio reversi sunt, condignasque Deo gratias, per singulas retulerunt Ecclesies. Comes Northmannorum Robertus emit stantarum ab his qui illud ab Admiraviso sociato retinuerunt, viginti marcas argenti, et intulit in Sepulcrum Domini, ad monumentum memorandi triumphi : alter emit ense eisdem Admiravisi, sexaginta byzantos. Factum est igitur gaudium inenarrabile in universa Christianitate.

Sic Christiani Jerusalem a manibus Torcorum impiorum, anno ab Incarnatione Domini, millesimo nonagesimo octavo (4), liberaverunt, et multoties ex ipsis, Christo duce, triumphaverunt. Hoc autem bellum ingens factum est pridie Idus Augusti ; et Christianitas ubique terrarum, Deo gratias, exaltata est.

Nos autem librum quartum istius historię in pugnam, post captam civitatem infra paucos dies, mirabiliter devictam, opitulante Deo, claudimus : et sic soluto promisso quiescimus.

*Explicit historia Hierosolymitana a Baldrico Dolensium archiepiscopo edita.*

## ACTA TRANSLATIONIS CAPITIS S. VALENTINI MARTYRIS GEMMETICUM IN GALLIA

AUCTORE BALDRICO EPISCOPO DOLENSI.

(BOLLAND., *Acta SS.*, Febr. t. II, p. 758).

### MONITUM.

1. Gemmeticum ordinis Benedictini antiquum monasterium in Sequanæ fluminis peninsula, a Rothomago, in cujus situm est diœcesi, quinque circiter leucis distat. In hujus monasterii ecclesia asservatur caput S. Valentini martyris, Roma eo delatum : quod pluribus miraculis clarum, ac venerationi publicæ expositum, annuo festo honoratur. Translationis hujus et miraculorum historiam scripsit Baldricus urbis Dolensis in Britannia Armorica episcopus, sive, ut ipsemet scribit, pontifex metropolitani, qui sub initium sæculi XI floruit : a cujus calamo habemus Historiam Hierosolymitanam libris quatuor distinctam, et inter Gesta Dei per Francos editam. Orditur eam ab anno 1095 a quo initium habet militaris illa in Oriente expeditio, desinit vero cum captis Hierosolymis, quod quinquennio post contigit. Eam describit Ordericus Vitalis in Historia ecclesiastica, l. ix, ubi sub finem hæc de auctore tradit : « Civis fuit Aurelianensis, monachus et abbas Burguliensis, liberalibus imbutus studiis, et religiøsæ meritis vitæ venerabilis. Inde pro religione et sapientia ad gradum Dolensis archiepiscopatus, delectione proventus est ecclesiastica. In episcopatu monachatum servavit, et cum monachis, prout fors dabat, plerumque habitavit. Indomitis enim Britonibus præerat, quorum perversitatem tolerare non poterat. Unde protervos et exleges frequenter deserebat, et in Northmanniam fugiebat : ubi Dolensis Ecclesia super Riselam fluvium a temporibus S. Sampsonis regnante Hildeberto rege Francorum fundos habebat, et quiete pacificeque possidebat. Ibi scriptis et dogmatibus suis au lifores suos ad Dei cultum incitabat, et vicina cænobia, Fiscannum scilicet ac Fontinellum atque Gemmeticum aliaque plura visitabat, et in timore Dei sacris sermonibus confortabat. Tandem in senectute bona defunctus est, et Prætelis in basilica S. Petri apostoli ante Crucifixum sepultus. » Hæc Ordericus, qui historiam suam absolvit anno Christi 1041. De aliis Actis sanctorum ab eodem Baldrico scriptis suo tempore agemus.
2. Hanc historiam translationis capituli S. Valentini et miraculorum ex codice ms. ecclesiæ S. Audoeni nobis

communicavit Federicus Flovetus noster. Baldricus episcopus pro scriptoris hujus auctoritate allegat num. 1. « Gemmeticensium non discredendam sinceritatem, antiquam simplicitatem, puram relationem, et pro miraculis testimonia. » Ac num. 17, relato miraculo valetudinis reddite fratri Hugoni præcentori, addit : « Hoc ex ipsius ore hausimus, fratribus aliis, qui cum eo illud attestati sunt, audientibus. »

3. Cujus S. Valentini illud caput sacrum censi debet, non æque liquet. Appellatur num. 2, a presbyter Interamnensis. » At « Interamnensis episcopus » fuit : et S. Valentinus presbyter Romanus traditur fuisse, ejusque apud Romanos in S. Sebastiani æde asservari caput. Anno aulem 1605 corpus S. Valentini episcopi apud Interamnenses in arca plumbea inventum est, quod itidem in monasterio S. Benedicti Bagensis ad urbem Rubricatam prope Barcinonem opinati sunt Hispani asservari, ejusque caput, ad Taurum urbem Zamorensis diæcesis devectum, argentea capsula custodiri. Quæ de altero sancto ejusdem nominis Valentino accipienda esse videntur.

## INCIPIT HISTORIA TRANSLATIONIS.

### CAPUT PRIMUM.

S. Valentini caput Roma Gemmeticum delatum. Agris incursu bestiarum liberatis veneratio accessit.

1. Qualiter beatissimi Valentini caput Gemmeticum usque allatum sit successivis temporibus, stylus noster, licet admodum impolitus, scribere non pigritetur, sicut nobis retulit fratrum non discredenda sinceritas, et ipsis illud promulaverat antiqua Patrum et mira simplicitas. Ego igitur sanctæ Dolensis Ecclesiæ sacerdos, quamvis indignus dignitate pontifex metropolitanus, nomine Baldricus, monachorum Gemmeticensium puram relationem pro auctoritate recompensans, litteris perstringere procuravi, quod de capitis translatione audivi ; nec non et pauca, quæ de multis miraculis, quæ per eum Dominus operari dignatus est, ipsorum testimonio credulus cognovi.

2. Quidam qui sacerdotio fungebatur, orandi gratia ad apostolorum limina properans, Romam perrexit, et iter arreptum, Deo prosperante, consummavit. Quasdam tamen ascensiones in corde suo disposuerat, ut, si quomodo sanctorum pignora reperisset, ea diligenter apportaret et diligenter conservaret. Et sacerdos in domo cujuslibet hospitatus est, patefecit alicui desiderium suum ; si quod forte eui desiderii solatium inveniret. Dum super his confabularentur, quispiam adfuit qui de Valentino presbytero Interamnensi mentionem fecit : « Illius caput, chare mi, tibi possem largiri, cupiditate lucri allectus, sed Ultramontana ut inde gaudeat et illustretur provincia, valde sollicitus. Quod si mihi dicenti discredis, saltem juranti credas volo, quia, quod dico, sic verum esse profiteor. » Et illico juravit igitur id ita sacerdoti ultroneus, et caput Valentini, quod absconditum sciebat, post sacramentum exocculit, et illud presbytero tradendo satisfecit. Nam et presbyter ei de honorifice tractando capite adjuratus spondit, et sic alter ab altero salutatus dicessit. Intellexit ergo sacerdos, quia Dominum itineris sui habuerit prosperatorem, quia voti sui eum effecerat compotem.

A 3. Redit sacerdos thesauri diu desiderati bajulus, spemque suam totam collocat in Valentini orationibus, aspera et invia montium et rupium indemnibus transvolat, et demum Neustriam applicat. Commendavit presbyter illud sanctissimi capitis patrocinium, ubi libuit ; quod aliquanto post tempore Gemmeticum ad cœnobium allatum, ecclesiæ illius alumni tradidit, ibique monachum induit. Reposuerunt autem illud pro tempore retro secus altare beatæ Dei genitricis semperque virginis Mariæ, quoniam non audebant de eo adhuc publice prædicare. Multa consumpta sunt tempora et hos rumores senescens pene oblitteravit vetustas ; creber tantum inter fratres illos de Valentino fiebat sermo et frequens confabulatio. Noverant quidam eorum locum in quo caput erat absconditum, quod tamen nemini exterorum volebant propalare. Differabant igitur in tempus, usquequo temporum Moderator eis opportunum indulgeret tempus. Timebant quatenus ab eis exigeretur, quod occultatum servabatur. Jam tantum illud pignus nobile in theca reposuerant eburnea, et inter alias veteres capsas collocaverant. Quidam siquidem dubitabant ne forte pro Valentini capite caput aliud haberent. De sacramento tantum audierant, sed perjurium suis in cordibus avidissime timebant. Beatus etiam Valentinus nondum quibuslibet auditis evidenter eis innotuerat.

C 4. Contigit aliquando quatenus benignus Deus colonos Gemmeticenses visitaret, eosque clementer corripere ; nec jam famulum suum, ulterius volebat absconditum, quem Neustriæ decreverat profuturum. Misit ergo Rex regum, artifex mirabilis, quemdam suæ ultionis exercitum Gemmeticensibus valde nociturum, et omnes suas segetes, nisi cito ad eum clamaverint, exterminaturum. Misit, inquam, bestias ad genus humanum impugnandum et expugnandum, muribus assimilés, quas vocant mulotes : quæ totam agriculturam depopulabantur, et mirum in modum hominibus cunei truces inimicabantur, sata secabant, grana consumebant, et terram excultam in vastitatem redigebant. Sic sic

serenissimus aliquoties contra nos immissiones malas præparat, ut corrigamur, ut clumemus, nec deficiamus, quatenus exaudiamur. Clamaverunt autem Gemmeticenses ad Dominum, ad quem et clamare oportebat, quia jam ab animalibus illis vix aliquid residuum erat. Non enim vel in die vel in nocte a segelum consumptione absistebant, sed inimicum examen inimico dente omne messium culmen secabant. Videres illas feras legiones per agros lascivientes, nec erat qui ultioni divinæ resisteret. Clamaverunt igitur ad Dominum medullitus, qui tandem exaudivit eos, et hoc modo liberevit afflictos; etenim fateri compellebantur, non aliunde passionem illam illudve flagellum, nisi ex Dei vindicta, processisse.

5. Erat in ecclesia Gemmeticensi quidam inter fratres religiosos religiosus, cui semel in ecclesia et denuo sanctus apparuit Valentinus. Erat autem honesta persona, pallio comptus candido, sacerdotali decoratus indumento; voce quoque imperiosa dicit ei: «Vade, inquit, et dic fratribus, ut caput nostrum, de quo quidam ambigunt (Valentinus siquidem ego sum), per agros et regionem istam deferant, compita vel plateas circumeant, quia revera Deus eis propitiabitur, si nostri ex hoc nunc festinus reminiscuntur.» Contempsit homo, quoniam arbitratur de somnio. Die altera Valentinus eadem vius est replicare verba. Nec tunc monachus acquievit, sed adhuc taciturnus expectavit. Nocte subsequenti dum fratres pene matutinas consummarent orationes, increpatus adfuit Valentinus, et voce, quæ a multis audiri potuit, monachum desidiensum ita redarguit: «Usquequo dissimulas? usquequo pigritaris? nonne vides quantæ terræ isti imminent clades? Vade, loquere: jam noli tardare. Sin autem...» Audierunt aliqui homines loquentem, et strepitum, sed tamen non intellexerunt verbum. Adest, cui erat imperatum, evocatus, minis Valentini terribiliter excitus, enarrat primam et secundam visionem, suamque redarguit negligentiam.

6. Postquam is de tertia colloquutione locutus est, crediderunt ei, quoniam audierunt vocem increpantis. Statim omnes accelerant moras, exornant B. Valentini capsulam, ut portari debeat; coaptant illi, venerando subdunt colla gestatorio, quia id præsumebant de Domino. Confluunt accolæ catervatim, fundunt preces et lacrymas, aliquatenus castigati, agunt processionem, per beati suffragia Valentini expetunt et expectant pietate sua liberationem. Peragunt litanias, et Christianas in circuitu deducunt choreas. Feretrum illud sanctissimum, nobile illud propitiatorium, quod vehebatur, continebat; in quo post Deum singulariter confidebant. Mira res! Agmen inimicum hominibus, et satis inimicum, mulotes illi, ac si Valentini sensissent increpationem, ex tunc indemnes conglobati, ad Sequanæ fluvium properabant, vel ultronei, vel Valentini jussu coacti, alveum fluminis inextricabilem ingrediebantur, et mergebantur, et vastis

A gurgitibus intercepti, suffocabantur. Omnipotens etenim, ad ostendendam chari sui virtutem, illum exterminatorem cuneum exterminabat, et Valentini sui nomen per hoc propagabat.

7. Mirabantur et obstupescabant piscatores inconsuetam providentiam retibus suis retinentes. Sic paucis diebus mulotes illi altis hiatibus absorpti sunt, et de eorum absentatione omnes indigenæ gavisi sunt. Nam nondum ille malus exercitus usque ad internecionem totum triturerat, quoniam Valentini oratio luem illam anticipaverat. Messuerunt igitur quod residuum invenerunt, plus de tam præsentis miraculo hilarati quam de præcedenti damno fere contristati, siquidem secum habebant fidelem patronum, exauditorem promptum, adiutorem efficacissimum, cui se commiserant, dominum suum Valentinum. Confidebant etiam, quia de omnibus aliis angustiis per B. Valentinum liberaret eos Dominus, quoniam promittebant se illum posthac habituros honorificentius. Divulgatum est istud circumcirca miraculum, et jam in ore omnium frequentari, beatissimum audire Valentinum. Apparatum igitur extemplo præordinant venustiore in quo requiesceret vel circumferretur et capsulam deargentant suis munificis largitionibus.

## CAPUT II.

### *Opè S. Valentini incendia exstincta. Pestis et siccitas sublata.*

8. Ad ignes autem nocivos sopiendos experta fuit in hujusmodi virtus sæpe nominandi martyris. Officinæ famulorum amplæ et porrectæ monachorum officinis erant conterminæ et contiguæ, ita ut vix angustum spatiolum a se ipsis dirimeret utrasque. Ignis incaute subcineratus incanduit, et totam domum illarum fabricarum illico corripuit. Flammis erepitanibus furebat incendium, et graviter minabatur domibus monachorum, quod etiam esset ipsius ecclesiæ detrimentum. Ventus tectis monachilibus erat contrarius et prosilientes scintillæ et flammæ invehebantur in Dei servorum ædibus. Monachi matutinos psallebant, sed ignis necessitate cogente, psallentium illud interruperunt, quia quod imminebat periculum formidabant. Jam vero totam spem evadendi amiserant, cum quidam eorum ferculum Valentini advehunt, et pene flammis ingerunt incendiisque furentibus opponunt. Deseruerunt autem thecam interdotos propinquiores et discesserunt, quia vim et calorem ignis exciti ferre non potuerunt. Eodem momento ventus ille desipuit, et ventus ei contrarius sufflare cœpit, ita et ignis in seipsum retortus extabuit et defecit. Videres cujusdam domus tignum altera parte combustum, altera manere illæsum. Ad tam præsentis miraculi præbendum testimonium gaudebant omnes, quis enim inde non gauderet? Deum et B. Valentinum alta voce collaudantes? Quanto enim erat martyr ille in miraculis eo piusior tanto erat eis populisque finitimis gloriosior.

9. Iterum contigit quatenus temporibus nocturnis furtivus ignis escam in domo sibi præparatam invenerit et corripuerit; nec jam clandestinus domus fastigia transilivit, sed tetrus vaporibus, quidquid ligneum erat, consumendo irvasit. Vis vaporantis incendii sidera reverberabat, et densarum favillarum globus ipsi ecclesiæ periculum intentabat; nam et ventus contrarius scintillas in ipsam ecclesiam retorquebat. Allatæ S. Valentini reliquiæ, et ventus confestim tanquam erubuit, et ignis a furore suo descivit, et omnis fervor immanissimus illico siluit.

10. Sancti martyris Valentini virtutem in aliis etiam expertam habemus miraculis. Nam et immoderatam hominum mortalitatem sæpe mansuetavit, et quanti sit apud Deum meriti, manifestis indicibus insinuavit. Ut vero de multis pauca reducamus ad memoriam, adhuc aliquid addam, quatenus et in his glorificetur Deus, beatus quoque magnificetur Valentinus. Modernis temporibus mortalitas horribilis cujusdam villæ, quæ Durclerus videtur, hominibus incubuit, quæ sic mortalibus illis gravis lues irrepsit ut quotidie vel decem vel ad minus septem vel sex offerrentur cadavera, vix a superstitionibus tumultanda. Qui enim aliquando sani putabantur, veloci morbo afflicti, appetebant et subsequebantur quos heri vel perendie humandos extulerant. Sic erat in illa clade ut quicumque parum quid doleret, nihil nisi mortem intempestivam exspectaret. Desierant aliquatenus consuetas exsequias celebrare, quia vel omnis vel unus quilibet sibi timebat in commune. Lacrymas quoque, quas residui solent immolare sepultis, quas a charis suis humanitatis extorquet affectus, ordine præposterato, ex se impendebant vivis, quia jam securi de mortuis; et tanquam eorum exsiccatis lamentis, postquam aliquis suorum morbo percellabatur, ipsi diminueret, mox migraturo duntaxat plorabatur. Luctum suum et lamentationes gens tremula, gens anxia convertunt ad Dominum, et supplicant sibi beatum afferri Valentinum; erat enim et est locus ille fratrum Gemmeticensium. Quid longius morer? Fertur illuc illud ad amplectendum propitiatorium, et sancti Dei sentiunt adiutorium. Qui enim ægrotabant, Deo gratias, confestim convaluere, nec postea nisi naturali morte et diuturniori infirmitate aliqui migraverunt. Lætatur et exultat plebs illa, quia aufugerat pestis iniqua; gratias agunt Deo, seque corde tenus beatissimo commendant Valentino.

11. Quia semel de mortalitatis effugio per divum Valentinum fecimus mentionem, quoniam huic rei interfuimus, aliam per Valentinum hominibus impensam referamus consolationem. In loco, qui dicitur Blinguitutum, mortalitas cœpit desævire, et potestatem illam profligare. Mittitur Gemmeticum; rogat populus, et coloniæ illius majores, illum sanctissimum debere dirigi Valentinum, ut pote vico illi satis conterminum. Valentinus illuc dirigitur et quantum apud Deum valeret confestim ostenditur. Sedata lues tepuit, divus quoque Valentinus ad sua

A rediit magna cum alacritate et ingenti processione cui et nos interesse promeruimus. Quia in nullo inefficax Valentinus invenitur, die tertia subsequuntur illum terræ illius habitatores, gratias agentes, et quod cessavit pestis illa, nuntiantes. Adjiciunt etiam: Qui in lætulis decubabant, et velut in extasi, dum nobiscum essetis, extabuerant, ecce per divum nostrum Valentinum convalescerunt.

12. Unum aliquid, licet multa supersint, scripto adjiciendum autumo, quod nullatenus deputari possit, nisi miraculo. Herbæ marcuerant, segetes exalbuerant, quoniam terram intempesta siccitas siccaverat; omnis ager pulverulentus sterilitatem minabatur et omnis homo timoratus conquerebatur. Indicunt Gemmeticenses processionem, ad quam populorum conspiceres devotionem, nec remanere potuit Valentinus processionem necessariarium (sic) comes opportunus, et idcirco irremotus; perillum siquidem spem omnes habebant in Domino. In honore S. Philiberti quædam est ecclesia, aliquanto interstitio a Gemmetico semota, tamen orantibus idonea: illuc pedem dirigunt, et ad oratorium perveniunt. Sol in nimio fervore suo coruscabat, et nubilum nullum polus ostendebat; imo serenus erat. Ibant interim monachi per B. Valentinum suum collegam, ad Deum conquesturi et pluvias impetraturi; neque super hoc diffidebant. Quis enim diffideret qui Valentinum propter se intercessorem statueret? Intraverunt ecclesiam, et sacrificare accelerabant (tanto dum scribo vel relegeo concutior tripudio ut vix explicem quod sentio), cœlum ex se nubeculis obfuscari cœpit et modicum, et iterum modicum intonuit, statim pluvia copiosa distillare cœpit. Missa celebrata chorus ille monachorum sedit, exspectans si forte pluvia cessabit; non enim poterant ad monasterium redire, nimia disturbati imbrium distillatione. Ea re nudus aer modicum quid exalbuit, et nubium densitas latices suos sustinuit, et tempus illis fratribus redeundi opportunitatem permisit. Revertentur, et pluvias imminentes reverebantur; nec tamen a pluviarum elapsu fatigabantur, videlicet quæ magis stupeas, pluvie a dextra et a læva ipsis videntibus cadebant, nec tamen processionem offendeant. Reversi sunt ad monasterium, et a pluvia pro qua supplicaverant exbirati, et a pluvia illa in nullo læsi.

### CAPUT III.

*Varii ægri, implorato S. Valentini patrocinio, sanati.*

13. Impium est silere de Valentino, pium est autem, sicut coactus fuerit, de Valentino loqui. Taciturnitatis impiæ et ingratitude redarguendi sunt, et præcipue sui [sunt] qui vident hæc et alia, et silent, qui contegunt Valentini gloriam quam decet amplificare, qui offuscant quem decet publice commendare. Corrigant igitur culpam suam et loquantur, adjiciant scriptis scripta, quia summus Opifex

non cessat adicere miraculis miracula. Modo ad pluviam iterum postulandam fratres cum Valentino suo exierant et redibant. Abbatis agaso, quem magistrum equorum intelligimus, jam diu videndi usum amiserat, et jam super hoc in desperationem exciderat. Vident propinqui eui capsam Valentini præsentem, et cucurrerunt, ut adducerent ingemiscientem; quem tenentes manibus generosum quid intonerunt auribus, et sistunt eum coram Valentini occurrentibus. Substitit parumper processio, quoniam suo condolebant mancipio, circumdant famuli colum ligno ad candelam faciendam, et adjungunt ad illud sancti mausoleum. Capsam tangit, et tenerime deosculatur, et pro infirmitate sua singultuosus deprecatur. Subjungebant qui aderant (aderant autem et multi) suas preces ejus precibus, et nullatenus vacabant a supplicationibus. Vovet et immolat pro se ipso Ranulphus (Ranulphus etenim vocabatur), utpote pro se ipso gemebundus. Parvo dierum intervallo postquam de se ipso satisfacit Valentino, utrumque ex integro recuperavit sensum, quia sibi separaverat Valentinum.

14. Hæc quidem pauca sunt, quia plura et ampliora supersunt. Nepos ejusdem agasonis ætate juvenis, nec multo post valetudine gravi detentus, in lecto decubuit, et vehementer ægrotavit; ægrotavit, inquam, quoniam et visum et auditum amisit, insuper et amentis passionem incurrit. Parentes adolescentuli dolebant, et corde et voce pro neciente Valentinum invocabant. Per parentum invocationem visus ei redditus est, seu auditus aliquatenus obstupefactus est. Amentia quoque parum quid siluerat, sed adhuc omnimodis ægrotabat. Per manus ad Valentinum adducitur, et pro eo ingemiscitur. Subjiciunt eum sancti feretro, et quid agere debeat, illi plus indicitur signo, quam verbo, aures siquidem ejus oppilate claudebantur. Parumper obdormivit, et totus illico sanus surrexit.

15. Mulier quædam tempore meridiano ad suas segetes visendas exivit, sed nescio quid vidit, quoniam demerentiam incurrit. Tenta est gratis a suis et alligata vinculis, quoniam aliter nequaquam poterat cohiberi. Adducta est vinota Gemmeticum, ubi non nesciebant dominum cum Deo perennare Valentinum. Adducta est, inquam, et vesano spiritu sauciata, in ecclesiam illam immunda femina inducta est. Pro sua vero immunditia de cœnobio illam emiserunt, et extra in atrio locaverunt; lotum est illud sancti domicilium, et insanæ præbuere loturam ad sorbendum. Sorbuit et extemplo convaluit, et post gratiarum actiones ad proprios lares incolumis repedavit.

16. Quoniam de in amentiam versis et per beatum illum curatis quælibet parvula facta est mentio, aliud haud ei dissimile occurrit animo, quod nec præterire vel dissimulare non audemus, ne forte frustremur ejusdem protectoris patrocinio. Quædam annis [anus] illa, de qua dictum est superius, junior, amens casu accidente effecta est, et ultra modum offerata est, vel pro amicorum inopia, vel pro gravi

A nimis injuria, vel pro vicinorum incuria passim vagabatur, et a nemine compescebatur. Idcirco semper invalescebat furor, quoniam agitabatur vagabunda per compita et per agros, quidam subeequebantur eam illudentes, et super ejus stultitia plerumque ridentes. Talis est enim inscitia sæcularis, et levitas puerilis, ut inde persæpe rideant unde dolere debuerant. Erat jam horrore et timore omnibus timentibus ut malum aliquod singularis hominum inimicus per ipsam ipsis machinaretur, et nox erat nocte et die, quoniam talium insensatorum abdicatur dormire. B. Valentini festinus dies advenerat, et populus aliquantulus confluxerat, adducunt eam, dum missas celebrant, ante sanctum, et dum adhuc celebrarentur, pristinum dementata illa recuperavit sensum. Egerunt Deo gratias, et B. Valentino voluntaria immolavere præconia.

17. Agamus et nos Valentino laudes, qui omnibus Christianis et specialiter Gemmeticensibus semper præsto est promptus exauditor. Quod miracula miraculis nova veteribus proponimus nemo causeatur, quoniam non ignorantur. Tempora temporibus anticipamus, dum et a narrantibus, sed modeste ingrentibus, anticipamur. Quidam præcentor in Gemmeticensi ecclesia, Hugo nomine, gravi corporis in infirmorum domo deprimebatur infirmitate; Valentini solemnitas aderat et de vespertina synaxi fratres Hugoni suggerebant: « Non poteris, inquit, ad ecclesiam pergere, quocirca te oportet hic æorsim vespere celebrare. Hic tecum remanebimus, et prout poterimus, solemnizabimus; infirmus enim a nudius tertius multis anxieris passionibus. — Absit, inquit, ut hic audiam, quia, ut illuc, quod est caput Valentini Domini mei, vadam, me ipsum cogam! » Ibat ut audiret, ibat ut capsam deoscularetur, ibat ut oraret et rediret; non ad usque monasterium pervenit, quia pro devotione sua ei sanitas obviavit, et ut laudibus peractis sanus rediret et ut gustaret famelicus obtinuit, appetitum siquidem comedendi retroactis diebus amiserat quem curatus recuperaverat. Ad matutinos quoque choro fratrum interfuit, et ac si nihil passus fuisset tota nocte, sequenti quoque die præcentoris officium explovit. Hoc ex ipsius ore hausimus, fratribus aliis, qui cum eo illud attestati sunt, audientibus.

18. Frater alius, Turaldus nomine, ætatis aliquantulum provecus, sacerdotalis dignitatis et ipse, in sinistra mamilla graviter patiebatur, multisque diebus affectus affligebatur. Vix tamen stare poterat, vix poterat anhelare, quia corpus et lectus ei versabatur in infirmitate. Tempus adfuit, quo Valentini solemnitatem celebrari oportuit. Turaldus, qui sui ipsius compos non erat, quoniam dominabatur ei infirmitas, ut ad ecclesiam properaret, secum deliberavit, sed per se non potuit, donec infirmario accito, super eum incubuit, et sic ad ecclesiam tremulo gressu maturavit. Spem enim habebat in S. Valentino, nec ab ipsius volebat defraudari festo. Subjucuit feretro, et post septem psalmodum exple-

tionem ac litaniarum consummationem ad capsam deosculandam erigitur, sed quia statura pusillus erat, ipsam minime deosculatur. Strepitum dedit illa tamen quam maximum, ita ut famulus ille, qui longiuscule abscesserat, tinnitum illum, audierit, et expavit monachus, quod aliquod infortunium capse accidisset veritus est; sed postquam omnia solerter perspexit et aliter esse perpendit, factus securior, in seipsum reversus, et sanus factus est. Alluserat enim sibi Valentinus exsultationis signo strependo, non loquendo.

19. Tempora mihi deficient, vel ego temporibus, si recapitulare singula præsumo, quæ per B. Valentinum operari disposuit Dominus. Multis autem prætermisissis, saltem ad pauca succingamur. Frater quidam Ursio magnæ opinionis homo, et prior ecclesiæ Gemmeticensis erat, qui et honestate vitæ et litterarum peritia affatim perlucebat. Sed sicut imperium imperatorem, regnum regem, principatus principem nequaquam defendit a morte, ita honor et littera neminem tuetur ab infirmitate; possumus tamen differre et exinde quodlibet emolumentum habere, sed tandem non omnino possumus aufugere. Passus est itaque prior, quem non satis munierat vel littera vel honor. Jacebat pene per duodecim dies impastus, quoniam privatus ab eo abscesserat appetitus. Imbecillis membris omnibus tabescebat et per momenta singula deficiebat. In mente ei venit Valentini pia recordatio, quia nec erat negligendum etiam insipido de tanti patroni patrocinio. Rogat famulum, ut se ad thecam beati viri ducendo vel bajulando sustentet, quia per se pedes ire non valeret. Discalceatus erat caligis monachilibus, quoniam vehementer imperitabat ei morbus, toto corpore sustentatus, adductus est, et capsam alte sublatam subingressus est. Oravit, vovit, ploravit, sanusque effectus sine sustentante, quo voluit, reversus est. Nemini siquidem Valentinus est inexcusable, qui eum tetigerit unguento pietatis, adest desolato, adest afflicto, adest quibuslibet miseris.

20. Humores mali hominibus aliquoties dominantur, per quorum immoderantiam vapores ignitos patiuntur. Procedit autem hæc passio vel ex inordinato phlegmatis vel sanguinis vitio, multoties vero provenit occulto Dei judicio. Est autem hujusmodi, ut calor ille igneus vix possit extinguere, nisi vel usque in mortem, vel plerumque per misericordiam invocati Dei. Aufert autem illa passionalis infirmitas somnum patientibus, quoniam semper stridentes dentibus, duntaxat ululant. Est autem morbus ille furoris assimilis, quia caro marcida putet, fumat et deficit. Hujusmodi duo patientes, alter homo, mulier altera, beato astiterunt Valentino, horrendum vociferantes, et tamen auxilium ejus efflagitantes. De sua paupertate obtulerunt alter pedem cereum, alter manum, quia et in his auxiliabantur membris: et sani facti uterque ad propria remeavit incolumis. In nullo siquidem Valentinus

impotens est, nisi si quis ei ingratus et inconveniens est.

21. Vere mirabilis Deus in sanctis suis, qui et ipse facit mirabilia magna solus; in quo sane vivit Valentinus, operarius, et ipse per eum non otiosus. Non etenim potest otiosus esse quicumque Deo noscitur adherere. Ecce iterum per B. Valentinum, imo Valentinus per Deum cuidam subvenit misellæ quam prius Dominus Deus percusserat cæcitate. Sanctæ quippe percussiones omnipotentis Dei multæ sunt, et ejusdem sanitates innumeræ. Est tamen in utroque gratia Dei tam multiformis, ut sit etiam indicibilis. Ipse percussit ut sanet, sanat ut salvet, salvat ut coronet et glorificet. Ipse prædictam mulierem orbavit lumine, cui per Dominum Valentinum decreverat subvenire. Et credo, ipsa peccaverat, sed occultum Dei judicium hoc ad laudem suam et ad fidelis sui memoriale futurum esse providebat. Scriptum quippe est: *Neque hic peccavit, neque parentes ejus, sed ut manifestentur opera Dei in illo* (Joan. ix, 3). In illo fuit autem sic. «Uxor cujusdam famuli Gemmeticensis, famuli videlicet monachi eleemosynarii, gravissimam incurrit in valetudinem, ita ut pene omnibus dissoluta membris multo tempore debilis in lectulo quieverit, imo laboraverit; erat namque languor fortissimus, ita ut vix in ea remanserit halitus. Eadem urgente incommoditate, oculorum lumine privata est, magnæque miseriæ irremediabiliter addicta est. Processit tempus et tempus, et mulier inopibiler conquirebatur. In somnis enim vix quolibet somno potiebatur, vel magis semimortuo suo marcebat orba lumine: qualiscunque sua sanitas, infelix erat, quoniam in lamentis tota subsistebat. Tempus diutinum ita processit, et ipsa ab oculis pene desperavit. Locutus est tamen vir ad conjugem, ita blandiloque consolatus est lugentem. Jam quoque stillare incœperant oculorum pupillæ, ut magis desperaretur a salute. « Si, mea, inquit, mulier, te voveres B. Valentino, cujus dies ista festiva, ut sancti te servam illius profiteris, ut ei capitale tuum reddas quotannis, credo convalesces, quia apud Omnipotentem adjutor, efficacissimus est. » Mulier lugubris, cujus specialiter mentem præcordiales corrodebant injuriæ, libenter acquievit, et præambulum gradu maturato subsequens, ad ecclesiam in die festo cucurrit. Vovit, oravit, dormivit, et mirum in modum applaudentibus populis sine duce domum suam illuminata rediit, promissumque capitaneum annuatim B. Valentino reddidit, nec immerito, quoniam Valentinum valens sibi repererat refugium. Luctus ipsius diuturnus diuturnum reversus est in gaudium, quia fugatis tenebris deinceps habuit lucis oculare subsidium. Fratres præ gaudio flentes ad Dei laudem signa pulsaverunt, et quoddam jubilæum cecinerunt canticum, quia super his virtutibus tacuisse autumabant sacrilegium.

22. Frater alius ægrotavit, et pene usque ad ultimum defecit; ab aliis obnixè fratribus amabatur

quoniam bona conversatione decorabatur. Quadragesimalis tempus adfuit, ipsum tamen carnibus sustentari oportuit. Tandem de morte fratris dubitaverunt, et juxta christianitatis consuetudinem, infirmorum oleo delibutus est. Ipse tamen in se

ut unque reversus plus signo quam verbo famulos exhortatus est, quatenus eum coram beato sistere Valentino, si forte ipsius adjuvaretur precario. Factum est, et illico ab infirmitate illa curatus sanus egressus est..

# VITA SANCTI HUGONIS

ROTHOMAGENSIS EPISCOPI (2)

AUCTORE BALDRICO DOLENSI.

(Edidit R. P. Arturus DU MONSTIER, *Neustrii pia*, p. 282, ex ms. codice S. Vedasti Atrebatensis.)

## INCIPIIT PROLOGUS.

I. BALDRICUS, Dei gratia Britannorum archiepiscopus, URSIONI, venerabili Gemmeticensium abbati ejusdemque loci reverendae congregationi, obedientiam et benedictionem.

Omnis materiae nullius politoris artificio commendata, minoris apud intuentes est pretii. Aurum enim et argentum, ebur et lignum, marmor et omne genus lapidum, nulla decusata sculptura, vel colitura, quod esse videbantur, duntaxat sunt; quibus si accesserit manus politoris, statim ex pretiosis pretiosiora fiunt. Haud dissimiliter quaelibet nobilis historia, nisi urbane recitetur, vilesceat; nisi disertus eam coloraverit stylus, a nobilitate sua deperit. Cantilonas etiam nisi commendaverit modulatio lectionem quoque nisi venustaverit sonoritas et facta distinctio, ipsa eam deturpat inconcinnitas, et fastidiosa subripit ei vilitas. Evidens est igitur quia tantum in singulis superaddita valet euphonia, quantum in omnibus nocet negligentia vel imperitia. Vos autem, fratres Gemmeticenses, gemma conobialis, gemma laudabilis, humilitati nostrae imperando et obsecrando injunxistis, quatenus de conversatione et conversatione D. Hugonis, Rothomagen-

sis archiepiscopi, viri pene ab utero matris sanctissimi, aliquid scribam, ex libello qui super hoc ab annis et annis conscriptus est, correctorie censoris oculum adjiciam. Librum autem illum, vel laudare, vel lividare supersedeo, corrigere vero non praesumo, quoniam ad hoc opus et onus nequaquam sufficio. Beatus siquidem Hugo, regale germen eluxit, et ideo regali urbanitate calamoque palatino tanta res deberet praesumi. Nam quis ego qui scribam? Quis, inquam, ego, quem nullus color Tullianus associat, qui ad hoc sufficio? Sed quis ego, qui D. abbati vestro vobisque fratribus nostris et dominis, imo ipsi charitati, non obediam? Totus igitur vester, vobis acquievi, et de gestis domini mei Hugonis, prout potui, paucis absolvam. Forsitan etiam Spiritus sanctus dispensavit quatenus ego Britanorum archiepiscopus, Northmannorum archiepiscopum, monachus monachum praedicem, et veritate servata extollam, et de nobili materia parum quid excerpam, Spiritum autem paraclitum mihi cooperatorem et coadjutorem ipse beatissimus Hugo precesque vestrae, charissimi fratres, implorent. Amen.

## INCIPIIT VITA.

H. Lecturos quod de B. Hugone succincte digessimus, persuasos et obsecratos volo ne nimis invecim nobis insurgant, ne simplicitatem nostram violent;

D qui tanquam praesumptivus nova de veteribus elioi, et scriptis eorum velut occlamavi. Scripta illa non diffiteor simplicia, sed tamen scio veracia. Quod

(2) Vide Notitiam litterariam in Baldrico, supra, col. 1035, n. 7.

autem illuc manum nostram applicui, charitas et obedientia coegit. Nec ego in scribendis quæ Deus per D. Hugonem miraculis operatus est, diutius immoror, cum tamen multa sint; sed sanctitundinem ipsius modumque conversationis prout potero, explicabo. De miraculis autem libando, quasi dissimulabo quæ possunt fidelibus et infidelibus esse communia; sicut scriptum est quia se de miraculis jactantibus, *Nescio vos*, dicturus Dominus. Enimvero Hugo infantiam et adolescentiam, insuper et ætatem suam reliquam, ita sanctificavit, ut quoad vixit longum martyrium duxerit, inter spinas rosa formosa flourit, elemosynis et jejuniis, lacrymisque suis rosoidus, tanquam suo sanguine purpuratus rubuerit, et nihil quod religiositati competeret, neglexerit. Nam juxta sui Jesu eondictum, crucem suam bajulavit, quousque crucifixus, ad Jesum crucifixum migravit.

III. Quibus autem parentibus Hugonis genealogia processerit, illis difficillimum est ignorare qui regum Francorum prosapiam successivam (scriptum est enim) curaverunt legere. Inter siquidem regum illorum nobilissimam computationem, quidam nobilium nobilissimus emersit, Gulliarum et Italiæ imperator, Carolus Magnus, Pipini patricii filius, bellis invictissimus, et tamen incessanter bellicosus. Istius Caroli Magni exercitus quemdam Bajoariæ duce[m], nomine Tassilonem in quodam conflictu devicit et cepit, et captum in Franciam, imperatori præsentavit, quia non sine damno et labore gravi de eo tandem triumphavit. Quem rex exilio damnatum, ut tamen ei vitam concederet, monachum in Gemmetico monasterio fieri permisit; qui locus, et tunc, et multo post, magna rerum copiositate et ordinis rigore effloruit. Anstrudem vero, Tassilonis filiam, thalamis suis imperator ascivit, et exinde filium genuit, quem Hugonem vocari voluit. Anstrudis autem prædictum liberum suum tenerrime dilexit, et suis uberibus educavit, quousque jam in anno quarto regis Caroli eum delegavit in palatio alendum, et ut filium imperatoris ibidem salutandum et honorandum, super quem paterno spiritu ex hilaratus dominus imperator, multum exultavit, et infantulum custodiæ fideli commendavit. Puer autem provehebatur ætate, et apud palatinos magna proficiebat gratia.

IV. Tempus ad fuit quo puer regii germinis litteris imbuedus destinari debuit. Mandatum est de eo, qui curam super hoc impenderet, magistro. Adjunctus est itaque Hugo coætaneo exercitui, quatenus libentius vacaret scholis; ut mos est artis litteratoris, prima videt elementa, quæ illi præsentabantur in membranula. Nondum quinquennis erat, et jam in isto tirocinio desudabat. Exercitium autem illud ultra collegas suos haurire videbatur: et in ejus pectusculo tanquam in molli cera, formabatur quidquid invehebatur. Erat siquidem animus ejus miræ capacitatis, et tenacis vivacitatis, et ultra tempus infantile, industriæ sagacitatis; non tamen sine magistri ipsius admiratione, qui jam aliquid magnum auspiciari cogebatur de Hugone.

A Jam quoque Spiritus sanctus aliquid præsignabat in puerulo, quod olim Galliarum profuturum esset omni populo. Transcendebat siquidem ætatulam puerilem, et anticipabat magistri solliciti curiositatem. Nec tantum erat in litterarum perceptione laudabilis, sed jam aliquatenus facundus erat in colloquiis. Redimebat aliquando magistrum suum promissis et quibusdam hortationibus, quatenus insisteret magis sedulus super eum, studiis scholaribus. Jam enim videbatur agere septennium, et tamen ultra septennis agebat tirocinium.

V. Audivit rex hujuscemodi de filio (neque siquidem genitoris animus a primogenito suo diu poterat esse longinquus) eumque ad se deductum complexatur et deosculatur, et de tam tenelli infantuli sagacibus responsis admiratur, etiam quod magnum quid in filioli pectusculo latitaret. Præter enim perceptionem doctrinæ, venustabat eum quædam honestas vitæ. Neque siquidem jocis puerilibus assidebat, neque spectaculis regalibus inhiabat; sed pedetentim ad provectora maturabat. Imperator de filii sui gavisus indole, ad ecclesiam beatissimæ Dionysii eum direxit, quatenus ibi inter servos Dei educaretur et doceretur; prospiciebat siquidem rex filio suo utile ut ibi nutriretur ubi nulla mali theca macularetur. Susceptus est in scholis, et accurata alebatur filius regis. Tanto autem videbatur capioris ingenii, quanto et altioris erat sanguinis. Nec propter regalem celsitudinem dedignabatur disciplinam, sed deditus scholæ, subditus erat et ferulæ. Diligebat quippe virgam, quo facilius assequeretur disciplinam. Nam nullo mens ejus instabatur supercilio pro eo quod erat oriundus germine regio. Putares illum inter conscholares unum de inferioribus, quia nullatenus extollebatur pro sublimibus utriusque parentelæ discursibus. Magistros et condiscipulos sæpenumero matutinus præveniebat, ut plane daretur intelligi in tam studiosi discipuli novitate discipulatus novitas. Nam quidquid audiebat pectore sitibundo ultra humanum ingenium sibi rapiebat; et de paucis multa conjiciebat. Erubescere enim non mediocriter, si unquam otiosus inveniretur. Mirabantur enim magistri, mirabantur omnes, quoniam nec admirari non poterant quid talis et tanta litterarum abyssus portendebat. Ipse siquidem magistros suos precibus per se redimebat, vel quovis pretio conducebat, seu etiam compellebat quo lectionibus instarent, ipsumque famelicum quoquomodo satiarent. Erat igitur de eo multus et frequentissimus sermo; interim ad annos quindenos Hugo pubescebat et provehebatur; et Ciceronis Varronisque libris decursis, jam in aliis cogitationibus versabatur in ejus pectore, quam olim conceperat, Dei dilectio, et ex [*f. add. tunc*] instabat istius conceptionis parturitio. Nolebat amplius occupari garrulitatis sophismatibus, sed de cætero vacare delibebat divinis occupationibus.

VI. Subintravit autem ejus animum hujusmodi cogitatio, quatenus ad apostolorum limina propera-



ret, ipsorum fulciendus patrociniis; dignum siquidem autumabat tantis doctoribus prius suum propagare desiderium, quos principes noverat apostolorum omnium. Decernebat etiam sibi magistrum ascribendum, Petri, imo Dei specialem vicarium. Arbitrabatur etenim voti sui promereri quodlibet incrementum per ipsos senatores qui totius apostolatus obtinuerant principatum. Accepta igitur a magistro suo ad palatium redeundi licentia (magistris quippe suis semper subditus esse volebat), venit ad patrem ut ei confiteretur voluntatem. Alacri vultu susceptus est, et cum clericis palatinis aliquantulum conversatus est. Die quadam, ad missas clerici sustinebant imperatorem, et interim, ut assolet, de quibusdam divinis ambiguum habuere confabulationem. Dixit unusquisque quod sentiebat; nec tamen quilibet ad sententiæ medullam pertingebat. Audiebat Hugo uniuscujusque taciturnus sensum; nec redarguebat istum vel illum. Elationem vitabat, dum, nondum rogatus, allebat. Tandem ad illum perventum est, et ab illo responsum quæsitum est. Pendebant ab ore sermocinantis, et admirabantur prudentiam exponentis. Non videbatur enim loqui ore hominis, sed loquebatur tanquam plenus Spiritu Dei. Placuit igitur omnibus, nec defuit qui de filii prudentia patri nuntiaret, super quæ in immensum gavisus est. Ex tunc Carolus Magnus cœpit eum habere chariorem eique majorem a suis lateralibus impendi decernebat honorem. Ex tunc vocabat eum familiaris; et si grande quid emergebat, audiebat eum attentius. Dedit ei tunc imperator in duabus abbatibus omnia sua regalia, Resbacensem videlicet locum, et Crucem S. Audoeni, villas videlicet perpulebras, et ad ejus redditum opportunas. Cognovit etiam quod Romam proficisci disponebat, quod statim ei concessit; et evectiones quæ regis filium decerent dapsilliter præparavit. Scripsit etiam Leoni papæ venerabili, quatenus Hugonem susciperet prout competebat filium imperatoris. Erat siquidem ei charissimus et omni acceptione dignus. Si quid etiam Hugo a papa postularet, mandabat rex quatenus ei indifficiliter impertiret; diligeret ipsum paterno affectu, et in omne bonum confirmaret eum charitatis affectu.

VII. Jam vero qualem se conviatoribus suis exhibuerit, quam jucundum, quam dapsilem, quam benignum, quam omnibus indigentibus magnificum, quam sobrius in conviviis, quam indigus sibi inservierit, quam affabilis fuerit, quam rarus in verbositate, quam sedulus in oratione et pernoctatione, non est nostrum edicere, quia non omnia possumus omnes. Ubi quoque Romam ventum est, quam singultuosas lacrymas immolaverit, quanto mœrore se in auribus Dei et B. Petri affecerit, ipse novit melius, cui se totum volebat, bonæ indolis juvenculus. Putares illum carne præmortuum, tanta soliditate deosculabatur solum. Commendabat se suppliciter omnium sanctorum patrociniis in quorum conversabatur domiciliis. A Domino papa tandem Hugo

A solemniter excipitur, et in omnibus tanquam regis filius honoratur. Alloquitur alter alterum spirituali jucunditate, seque sibi communicant reciproca vicissitudine. Inter alia piæ confabulationis colloquia, Hugo domino papæ secretum sui pectoris desiderium aperit, et de se clericando delegit. Audit papa juvenis voluntatem; et dubitat an ipsius debeat favere petitionibus. Veretur imperatorem in utroque: timet enim si, rege inconsulto, filium tondeat; identidem veretur si filii regiam voluntatem offendant. Ascendit tandem in cor apostolici quia melius erat juveni acquiescere, ubi Deo serviretur, quam tantam rem negligere, ubi Deus offenderetur. Regem post offensam providebat sibi reconciliandum, si duntaxat Deum promereretur propitium. Et adjecit: Rex per chartas suas nobis mandavit quatenus in omnibus B filii sui satisfaciamus voluntati. De tonsura non expressit; sed qui dicit in omnibus, nihil excepit. Faciamus igitur in quo Deo lucremur. Nos jaciamus fundamentum, Deus dabit incrementum. Et statim admotis forcipibus, arreptam Hugo suam ipse cæsariem confestim amputavit, ipsamque singultuosus Domino Deo libavit. Videres astantes pia compunctione collaorymantes, et de Hugone altius præsentientes. Factus est itaque Hugo, domini papæ filius adoptivus, cujus se totum bonus adolescens mancipaverat præceptionibus. Promotus itaque clericus, prostravit se Hugo humillimus domini Leonis pedibus, ut ubicunque de cætero specialiter fulciretur ipsius orationibus. Cincinnos autem capitis sui B. Petro obtulit, ut per hoc signum totus dicaretur clericatui. Dixit etiam: « Processu dierum, Deo cooperante, me monachum futurum profiteor, in nostra patria, in quodam Dei contubernio, in Gemeticensi videlicet monasterio. Tempore opportuno usque levitam per manum summi pontificis (diu siquidem cum eo mansit) ordinatus est; et tandem multis sanctorum reliquiis, quas uniceque flagitaverat, honoratus, in Franciam prospero [f. prospero] pede regressus est.

VIII. Non tamen silentio supprimendum est quod, dum Roma exiret, per ipsum Dominus Deus operari dignatus est. Neque siquidem ulterius militem suum volebat abconditum, qui Deum suum jam prædicabat per publice assumptum clericatum. Dæmoniacus quidam, caute catenatus (nam nimio dæmonis furore angebatur), multis suorum comitatus, ante sanctissimum Hugonem adducitur, et pro eo instanter supplicatur. Interim se miser ille dilaniabat, horrendumque clamabat; et si quid attigisset, violenter discerpebat; erat enim furor immensus. Substitit Hugo sanctissimus, instinctu sancti Spiritus afflatus: nec poterat carere misericordiæ prærogativa, in quo Spiritus sancti vivebat affluentia. Quem videns dæmoniosus, confestim tanquam obstupuit, et concitus in terram corruit. Jam enim spiritus malignus commentabatur quod Spiritus sanctus ordiebatur. Rogat Hugo beatissimus episcopus qui aderant, qui eum deducebant,

quatenus benedicant quoniam et præsignare debebant. Ipse autem intrepidus ad furiosum accessit, eique lignum sanctæ crucis supposuit; et in nomine Domini spiritui maligno increpatus imperavit quatenus innoxius discederet, neque denuo illum vexare præsumeret. Dedit ei etiam ad potandum aquam benedictam; ipse quoque illum manu sua signavit, et perturbatorum servi Dei a non propria sede expulit. Mirati sunt universi, neque post hæc de sanctitate Hugonis taceri potuit. Ad confirmationem quoque miraculi, furibundus ille, sui compos effectus, sanus et lætus, cum illo sancto collegio proficiscebatur; et in laudes Dei cum aliis, incolumis gratulabatur.

IX. In redeundo sanctus ille nunquam fuit otiosus. Jugis ei oratio, iuge jejunium, iuge exercitium peallentium, eleemosyna larga, contemplatio crebra. Et quamvis hæc et singula Hugo ante clericatus assecutus tirocinium consuevisset, tamen detonso capite, et ordine suscepto, tanquam immutatus est, quoniam ex tunc in omnibus bonis sedulo spiritus ejus contribulatus est. Eo in tempore Carolus Trevis in palatio suo residebat. Adfuit quispiam qui regi de filii sui adventu nuntiavit, eique ut quantocius ad se maturaret, mandans. Afflictebatur etenim magno videndi eum desiderio. Misit quoque illi obviam magnam domus suæ partem: adjuncti ei et plures, de illius mutatione mirantes. Alii dolebant et flebant; alii quibus mens sanior erat, gaudebant. Erat in regis curia Hugonis frater germanus, Drogo nomine, laudabili et ipse venustus conversatione. Hic fratri festinus obviavit. eumque de osculatus ulnisque fraternis complexatus, uberrime ploravit: ploravit, inquam, tanquam jam videret mortuum, quem videbat clericatum; non quia clericatus derogaret, cum ad idem opus anhelaret: sed fraternus affectus lacrymas extorquebat, singultusque nimios repererat (*sic*). Plorabat igitur et plorando tabescebat. Ad quos Hugo, et ad fratrem præcipue: « Gaudendum est, inquam, de me, tibi, frater, et vobis, quoniam, talis est mutatio dexteræ Excelsi. » Venienti filio pater assurgit, eumque de osculatus sibi consedere fecit: maduerunt oculi regi pro quasi redivivo et reduce filio, hæsitque diu in complexati osculo. Delectabatur filio imperator in utroque, præcipue tamen in Hugone.

X. Sedentibus eis juxta patrem ad mensam, allatæ sunt epistolæ; alia de Rothomagensis, alia de Metensis Ecclesiæ infortunio, unaquæque conquereus, et pastorem illius populi migrasse intimans. Dicebant etiam clerus et populus illius et istius Ecclesiæ: « Rex, concordii supplicatione precantur, ut duos liberos suos pontifices sibi mereantur (nam et Drogo, de quo modo sermo, admodum litteratus erat). Canonice, inquit, eos elegimus, tantummodo non desit nobis magni Cæsaris absensus. » Litteris recitatis, Augustus interim siluit, donec super hoc accitis multis episcopis et optimatibus

A suis, consuluit. Aquisgrani concilium propterea specialiter Carolus celebravit, in quo super Ecclesiis desolatis consilium quæsivit. Non enim tunc temporis reges inclyti super tali re temere vel præcipitanter agebant, sed cum episcopis virisque religiosis considerate et morose conferebant, Deique voluntatem humanis intrusionibus semper præferabant. Et litteræ denuo recitatæ sunt, et legati sapienter distincte locuti sunt. Cognovit sancta synodus quod hujuscemodi rei dux et præambulus extiterat Spiritus sanctus: neque siquidem sensus humanus tam opportunam tanque consonam fecisse potuerat electionem. Adducti sunt duo fratres, duæ olivæ, duo magna luminaria, in medio: et de ipsis, prout Spiritus sanctus dictaverat, est institutum. Rex autem electionem factam et conductum episcoporum nutu suo confirmavit, et Rothomagensibus Hugonem, Metensibus vero Drogonem destinari mandavit. Subdidit etiam Hugoni, qui major natu erat, abbatias, et omnia regalia quæ in diocesi illa rex jure hæreditario possidebat, sumptibus filii sui et usibus pauperum Christi temporibus suis profutura. Drogoni etiam Metensem cum suis regalibus, eodem tenore, subjugavit provinciam. Facta est hæc synodus Aquisgrani tertio decimo Calendar. Octobrium, anno ab Incarnatione Domini 702, regnante Magno rege Carolo. Fratres prædicti, quibus ultra spem et voluntatem contigerat, obstupefacti, dubitabant quid potissimum deberent, acquiescere an reniti: reniti, inobeditioni: acquiescere hujusmodi deputabant vel humanæ ambitioni. Reniti tamen præsumpsissent, nisi ex Deo adjurati coactive fuissent. Nec quilibet poterat refellere rem, tam secunde progredientem, ex divina providentia processisse. Quoniam igitur die crastina Sabbatum illucescebat, et autumnale jejunium erat, eos sancta synodus presbyteros ordinare, et die subsequenti, Dominica videlicet, episcopos consecraverunt. Sciebant equidem dilationem in hujusmodi nocivam. Emisit eos imperator augustus ad sibi prædestinatas a Deo sedes, adjungens unicuique legatos idoneos, sumptusque necessarios et ex thesauris regalibus copiosos.

XI. Suscepit Hugonem Rothomagus cum magno tripudio; et obviaverunt ei omnes cum exultatione et gaudio: successit itaque isdem vir venerandus Hugo in sede Rothomagensis Ecclesiæ vicesimus tertius a Mallone, primo pontifice ejusdem urbis; porro in regimine cænobii Fontanellensis, a S. Wandregesilo, et a B. Phileberto, in regimine cænobii Gemmeticensis, septimus, et a D. Aichardo, sextus. Mensa sua tantæ lætitiæ condigna, die illa, prius refocillavit pusillos pauperes, deinde pavit majores. Neo illa nec aliis diebus mensæ suæ defuit lectio, ne forte loquacitas subreperet in convivio. Dein ecclesiis Dei reedificandis cœpit insistere; et ecclesiam in honore Jacobi apostoli, a fundo diruptam, decrevit reedificare. Tabernæ meretricales lupanar et prostibulum, et omnem abusum, quæ publica erant in civitate, destrui mandavit, ut li-

berius munditiis vacaretur et castitati. Mandavit etiam ad se ex tota diocesi sua Dei servos clericos et monachos, sanctimoniales et viduas, ut sanctam illorum conversationem sigillatim dignosceret, et illorum paupertati subveniret, si quid forte deesset. Commendavit etiam se notitiis singulorum et orationibus. Vocabat certis temporibus Hugo sanctus et disertus plebem suam, et disserens de Scripturarum jucunditate, sæpe docebat eam, et ad cœlestis desiderium eos accendebat. Celebrabat inter episcopos suos concilia, in quibus affluenter et affatim de morali sanctitate disputabat. Nolebat enim ut se quodlibet tempus præteriret quoa divinis operibus otiosus esset. Nec spero quod aliquis a conciliorum conventu discesserit donec in evectio num usibus salutationem et benedictionem illius largituam perceperit. Quippe nolebat aliquid proprium, sed faciebat omnia sua communia, inaxime tamen pauperibus profutura. Nec illud silendum est quod ideo in Hugonis curia copiosa quotidie parabantur convivia, quoniam et Ecclesiæ Rothomagensis dignitas, et regii sanguinis celsitudo illud exposcebat. Quæ convivia pauperibus et supervenientibus communicabat; ipse tamen a mensa copiosa semper vel jejunos vel esuriens surgebat. Mensæ suæ lectionis condimentum non deerat, quoniam suus homo interior ex hac maxime delectabatur et vivebat. Accidit igitur ut quadam die lector in principio lectionis hujusmodi exordium dederit: *Væ vobis divitibus, qui habetis consolationem vestram, quoniam facilius est camelum transire per foramen acus, quam divitem intrare in regno cœlorum*, statimque subjunxit: *Beati pauperes spiritu, quoniam vestrum est regnum Dei*. Et iterum: *Beati qui nunc esuritis, quia saturabimini*. Quæ lectio viro Dei incussit formidinem, ut se vir Dei specialiter increpatum, intellexerit, quatenus a Septuagesima usque in Ramis Palmarum, cum fratribus Gemmeticensibus habitaret, silentio, jejuniis et orationibus vigilaret. Adhuc indutus clericum, jam vivebat monachum (sic).

XII. Deinde, paucis evolutis diebus, mortuo patre, diversarum regionum convocato populo, indignum se esse episcopum, præ humilitate reputans, et proclamans, postquam per viginti sex annos, Rothomagensem rexerat Ecclesiam, licentia a populo suo accepta, Gemmeticum migravit; et ibi factus monachus archiepiscopalem exiit dignitatem. Ubi fere decennio in hoc carnis vixit exterminio, et germen regale seipsum deposuerat in totius utilitatis

sterquilinio. Die quadam, matutinorum expleta solemnitate, beatus ille peculiare ex more celebrans orationes, remansit in ecclesia, lacrymis rigans pavimentum, precibus pulsans cœlum; nudus pedes marmoris et hiemis despiciebat algores. Totus in cœlo, nihil de terreno curabat incommodo. Febres igitur Hugonem aggressæ sunt; quæ illi mortem contiguam nuntiaverunt. Febribus igitur quatiebatur: sed quoniam ab itinere patrum aliquantulum coerceretur adhuc; angustabatur. Desiderabat enim cum Apostolo, *dissolvi et esse cum Christo*. Accereiri tamen ad se mandavit abbatem, et fratres Gemmeticenses: vocavit etiam successorem suum, archiepiscopum Rothomagensem; quibus sui corporis dissolutionem prædixit, seque ipsorum orationibus commendavit. Munitus autem corporis et sanguinis Dominici perceptione, sed primum delibutus olei sancti liquore et aliis Christianæ religionis insignibus, Deo spiritum reddidit: corpusculum quoque, sanctis operibus profligatum, pallida monachorum turba aromatibus condivit. Migravit autem sæpe nominandus Hugo pridie Idus Aprilis, in confessione veræ fidei et in consummatione veræ religionis. Totus vero B. Hugonis conversationis et agonis cursus quædam fuit Deo acceptabilis militia, quæ mox in ipsa rutilare cœpit pueritia. Fuit autem copiosus in elemosynis, in predicatione discretus et subtilis, amator paupertatis, continui conservator jejunii, alumnus, et vas honestum sobrietatis, contemptor totius carnalitatatis. Obedientiam et humilitatem, duas videlicet sorores egregias, sibi conglutinatas præelegit et peculiavit; et inter monachos Gemmeticos monachus mansuetissimus habitavit et dormivit. Multorum autem miraculorum patrator enituit, quæ tamen semper esse abscondita voluit. Nos autem illa stylo celebriori digerenda dimisimus, manumque nostram quieti prospectantes, a tanta falce subtraximus. Vixit autem ille beatus annis septuaginta quatuor, semper militans in procinctu, dum taxat ut togam mereretur. Evolvavit autem ad locum a Deo sibi destinatum senex plenusque dierum. Senectus est enim venerabilis, non diuturna, neque numero annorum computata, sed Deo placens et bene disposita. Fecerunt autem ei exsequias celebres et lugubres, grex flebilis et pupillus Rothomagensis et Gemmeticus, quos omnes paterno educaverat affectu cum tamen scirent rationabiliter de eo magis gaudendum, quem Deus deorum vocaverat ad cœlum, cujus regnum et imperium sine fine permanet in sæcula sæculorum. Amen.

## BALDRICI ITINERARIUM

SIVE

## EPISTOLA AD FISCANNENSES

(Neustria pia, p. 227.)

BALDRICUS, Dolensis archiepiscopus, Fiscannen- A comparationem, Britanniam, quam incolere cœpe-  
sibus. ram, autumavi exsillum. Gavisus sum, inquam,  
quia religionis odore, quo pene illa tota regio fla-  
grabat, exhilaratus sum. Bone Deus! quam olentes  
rosas, quam albicantia lilia ibi persensi! quam di-  
tium aromotum redolentiam ibi hausi; quam amicis  
complexibus astrictus, quam non fletis obscuratio-  
nibus, quatenus cum eorum singulis manerem ad-  
juratus! Non tamen, sicut arbitror, me magnum  
aliquid, præter peregrinum, æstimabant: sed cha-  
ritate, quæ in eis redundabat, cogente, cogebam.  
Paschale siquidem illud responsorium cantabant:  
« Mane nobiscum, quoniam advesperascit, et in-  
clinata dies tua jam ad occasum vergit. Dignum est  
igitur ut amodo in isto Dei requiescas contubernio.»

I. Mentis raptus in culmine, colonias, quas hospes  
aliquando transieram, libuit retractare; et per ea-  
rum singulas cœpi delitanti et deambulare. Descendi  
in hortum pomorum, ut viderem mala punica (*Cant.*  
vi). Videbam cedrum altam Libani, Cluniacum, et  
arridebam; inspiciebam odorem cupressum, Majus-  
Monasterium, et exultabam: admirabar paradisum  
opimam, quæ me inter mala sua granata diu nu-  
trierat, Burgulium, et jucundabar; præsertim,  
quoniam horto illi, ferme sex lustris custos et hor-  
tulanus exstiteram. Occasione autem accepta non  
inhonesta ultroneus minorem migravi ad Britan-  
niam, et præcipue, quia roseto nostro, plerumque ut  
assolet, adulterina suboriebantur fruteta, quæ, cum  
evellerem, vel dissimularem, vel non possem, au-  
fugi: quia malui transmigrare, quam vepribus  
exuendis insistere. Timebam si quidem sub fasce  
laborioso deficere: et jam inquietus Pictaviensis  
turbo inchoaverat nequiter efflare. Altius igitur sub-  
latus, et in cathedra pontificali collocatus, ego  
Guillelmus, olim Burguliensis abbas, et in Dolensi  
sede pallio archiepiscopali decoratus, Britannorum  
citeriorum fines cœpi deambulare; sed rosas Burgu-  
liensibus assimilabilis in campestribus nequaquam  
potui reperire; seu enim aliquantulum emarcuerant,  
seu penitus aruerant, seu radicibus extirpatæ nulla  
signa, quod saltem fuerint, proferebant; sed des-  
erta, inculta, et squalidas salsugines solitudo illa  
prætendebat. Cum Axa, Caleb filia, super usinum  
sedens, cœpi suspirare (*Jos. xv*), non quia migra-  
tionis nostræ me pœnituerit, et ad gazas pristinas  
reverti voluerim; sed quia copiosiores florum uber-  
tatem quam videbam, videre voluerim. Institi pau-  
lisper agris exossandis, oleis plantandis; sed terræ  
maritimæ barbara mephita devictus, substiti; et  
quia incassum laboraveram, vehementer erubui.

II. Rubore confusus, in Angliam velivolus remi-  
gravi, si forte illic possem invenire quod, operibus  
derelictis, haud dissimile rerum amissarum imagine,  
me saltem posset recreare. O quantum auri et ar-  
genti ibi reperi! quantum ciborum crapulatorum  
copiositatis! quantum lætitiæ et exultationis, quam  
dapsiles fratres, quam facundos, quam jucundos,  
quam admirandos! Lætatus sum, et ad *Angliæ*

B Excusationes et excusatiunculas forsitan in paucis  
opposui, et non sine communibus lacrymis reditum  
maturavi.

III. Northmannia quædam provincia est terræ Brit-  
tonum contigua et continua, utpote quas a se qui-  
dam fluviolus Coisnarus duntaxat dirimit et collimi-  
tat; hanc intrare et explorare disposui, et intravi: ibi  
revera mansiones paradisiacas inveni: ibi jam nu-  
bium incolas, cœnobarum choreas vidi: ibi a deico-  
lis illis immensa suscipiebat lætitiæ, et ad pausan-  
dum compellebar. Explorabam singulorum mores,  
si forte per industriam transeunti mihi ad horam  
acti fuissent bilares, an propter personæ nostræ  
reverentiam nobis existerent affabiles, an pure  
propter Deum venerarentur hospites, an ad ocu-  
lum, an ad charitatis experimentum. Quid dicam?  
C prima die adventus nostri boni fuerunt, die vero  
crastina tanto mellorati sunt ut, nisi quos heri vi-  
deram vultus agnovissem, non ipsos sed alteros  
æstimarem. Gratias egi: et quoniam Deus septem  
millia sibi reliquisset, qui non curvassent genua  
ante Baal (*III Reg. xix*), indubitanter recognovi, in  
gratiarum actione et mentis exultatione Northman-  
niam peragrabam; et ad Becci gratissimam cohabita-  
tionem accedere oportuit: et ibi revera totius reli-  
giositatis plenitudinem assistricem inveni: quia  
nullatenus ibi deprehendi poterat, seu stotio, seu  
adulatio, seu mutatio, sed quædam sincera tem-  
peries naturalis honestatis, quo in loco, pro certo,  
dici posset: Ne quid nimis. Ibi postquam perno-  
ctaveram, ab abbate venerabili recedendi licentiam

poposci, sed non accepi : nam illud sancti Spiritus A et charitatis organum illico respondit ; « Pater, et nos legimus, nec oblivioni tradimus, imo ad exemplum duximus : *Et coegerunt eum : Mane nobiscum* (Luc. xxiv). Certe, tua salva reverentia, verba ieta fuere pusillanimitatis, non amplitudinis charitatis. Cogendus es igitur, et cogimus te. » Tanquam divinum responsum, ludicrum, illud accepi, et acquievi : et quia Deus apud homines inhabitaret, et in eis loqueretur, recognovi, meamque pusillanimitatem redargui.

V. Demum tandem avulsus a longe, velut ortum surgentis auroræ, Fiscanum de quo multa per peregrinos audieram, vidi ; et ipso limpidissimi domicilii vestibulo, fateor, obstupui. Præter enim ædificiorum venustatorum composituram decentis- B simam inter parietum lapides, pompis regalibus, condignos in occursum nostrum fratres, parcimonia monachali dediti, prodierunt : parvitatem nostram salutantes, et tanquam charitativo pede saltantes, non tanquam ignotum, sed velut ab ipsis incunabulis familiarem venerabantur atque domesticum. Mirum in modum, quem tunc usque nec viderant, nec audierant, me singuli complexabantur, et gratulabantur ; senes cum junioribus properabant, et unusquisque se ultimum adventare erubescibat. Excusabat se, si quis advenisset ulterior de sua ultimitate : et omnes applaudebant mihi in commune. Venerabilis abbas prius advolaverat, quoniam prior de adventu nostro audierat ; loqueretur pro omnibus, sed singuli pro ipso, et pro se loquebantur. Anticipabat alius alium, ut id ipsum exprimeret, humanitatis affectum. Dulcedo gentis, et plenitudo charitas, ita disponebat : sed nostra gens ferrea tale quid abominaretur, quæ veræ charitatis distillante favo privatur. Siquidem beata simplicitas nescit suspicionem : sed suspiciosa protervitas ignorat simplicitatem. Melior tamen est censura charitatis, quam dispositio humanæ traditionis. Susceptus sum in claustrum, invitatus sum in animarum fornacem, purgatoriam, capitulum, sermocinantis mei dependebant ab ore : quidam autem in lacrymas ciebantur, non quia sermo noster aliquid saporis habuerit, sed charitas omnia sperat, omnia credit, charitas neminem negligit. Quidam nobis seorsim locuti sunt, et super animabus suis suspiciose quæsti sunt ; in omnibus Spiritum sanctum habitatorem inveni : qui (Deus scit) nulli reperti sunt vitiosi. Non enim vitiosus est, qui jam vitii, si quod fuit, reprehensor est.

V. Quædam persona, Adelelmus nomine, litteris liberalibus apprime eruditus, mihi dux et custos deputatus est et minister, qui, quamdiu ibi fui, nobis familiariter lateralis adhæsit. Hunc de rebus monasterii familiaribus segregatim percunctabar ; et ore disertio per singula respondebat. De abbate superstitite, utpote de noviter sublimato, bona multa insinuavit, potiora promisit, et tandem ad eum qui nuper obierat, sermonem suum singultuosus ita di-

vertit : « Ecclesia ista, domine, memorandos habuit rectores ; sed bonæ memoriæ, qui nuper decessit D. abbas Guillelmus, prædecessoribus suisque provincialibus tantum enituit conspectior, quantum cæteris luminaribus sol rutilat eminentior. Iste siquidem, magna litterarum peritia præditus, primus Bajocensis archidiaconus, postea Cadomensis monachus, demum Fiscannensis abbas, reverenda et cauta persona, quondam religionis majestas, domum istam morum suorum extulit censura, parietibus dilatavit, et quod ei specialiter præcipuum fuit, fratrum conventu ditavit. Multi siquidem nobiles laici et clerici, religionis ejus odore provocati, ad conversionem exuti sunt, et ultronei monachum induerunt, et sanctis ipsius institutis informati sunt. Ego ipse qui vobiscum loquor, in longinquo positus, bonam domni nostri Guillelmi opinionem audivi ; quia ille clus, per licentiam nostri abbatis (abbatem siquidem alium habebam et habeo) gratia ei adhærendi, Fiscannum adii, gratanter susceptus sum, licet homuncio nullius momenti. Omnes nos, quos vides, penes ipse aggregavit, sed plures quam modo sumus, fuimus : quoniam ducem suum, post ipsius transitum ; quidam nostrum, pene centum secuti sunt. Domine Pater, conjice et cogita qualis et quanta fuerit mensa, cujus adhuc tales intueris reliquias, Ordinis ipse vigor perstitit ; verbis et exemplis nos instruxit, paterno affectu sibi nos omnes invisceravit. Nam, ne veritatem tacuerim, propter Deum omnibus omnis fuit ; idcirco subsequuntur cum nostræ lacrymæ, propterea comitantur eum suspiria nostra. C Quis enim ejus reminisci potest siccis oculis ? Immolamus tibi, reverende Pater, nos ipsos, quoniam, ut credimus, ad curiam Dei nostri te patronum præmisimus, non amisimus. Quis enim dum noster eras, in lacrymis fuit uberior ! In lectulo tuo suspirando, tecum litigabas ; in turba nobiscum quietus eras : in angulo ecclesiæ, vel in grabati solitudine, totus turbatus eras ; disceptabas siquidem tecum pro nostris excessibus, et, o pater dulcissimæ, crucifigebas te ipsum immisericorditer, si qui contigissent, pro fratrum reatibus. Cujus enim excessum compatiendo non fecisti tuum ? Toties te ipsum mactasti, quoties aliquis vel ego miser peccavi ; in orationibus frequenter pernoctabas, Deumque quietissimum gemebundus inquietabas, sine offensa cum eo litigabas et per amicum litigium, ipsam tibi nobisque, velut alter Salomon, pacificabas ; redimebas cum nobis eleemosynis, quia quod tibi committebat, fideliter erogabas. Cujus enim pauperis necessitas manum tuam sterilem sensit ! quæ Ecclesia non habuit munificentiam ? Circuibas angulos et compita leproso- rum etiam, cum ipsis familiariter locuturus, manus etiam elephantiosas plerumque deosculaturus : turguriola subintrabas, ut omnium necessitatibus adesses, ut te miselli cujuslibet angustia cognovisset : amplitudinem pectoris tui, chare Pater, quis explicet ? Melius igitur fecero, si a modo, de te loqui supersederem. Non enim potest enucleari verbis sanctitas

tus bonæ conversationis. Habemus tamen, Deo gratias, unum de tuis, tus dignitatis hæredem, nobis abbatem, olim tibi familiarem, virum satis industrium, D. Rogerium, ministrum, ut speramus, idoneum, magistrum nobis profuturum. Sed mutata sunt ipsa, mutati sunt principes, mutati sunt et mores: humanum est plangere quod amisimus, quoniam de melioratione omnino diffidimus.» His dictis, heros luculentus siluit; sed a lamentis statim non destitit. Mibi etiam maduerunt oculi, quoniam compatiebar enarranti. Colloquium intermisimus, et alia procuranda festinavimus.

VI. Inspiciebam templi porrecturam, decoram domus Dei capacitatem, copiosam ornamentorum speciositatem; prædiorum etiam enarrabat amplitudinem et per singula mirabar. Gratiam tum actitabam, quia Deo, cujus omnia fuerant, ut tot et tanta fideles contulerant pauperum usibus profutura. Ut autem de fratrum conventu non tacuerim, vidi multos homines unius moris illa in domo, unius animi, unius identitatis, ut ibi jure legeretur: *Multitudinis credentium erat cor unum et anima una* (Act. iv). Si quempiam interrogares, Quis est ille? tantis eum efferebat laudibus, quatenus ei vix alium comparari posse crederes: non quod mentiretur, quoniam in uno quoque erat, unde merito extolleretur. Sed alius alium sibimet præferebat; et hoc totum de mutua dilectione, et de Regulæ monachiis institutione procedebat. Litterarum notitia sic redundabant, ut Scripturæ sanctæ affluentiam pleniter plures attigerint, memoriæ commendaverint: non ob id minus avide alios loquentes audiebant, neque cæteros tanquam minus sciolos aspernabantur; sed humilitatis gratia quoslibet supervenientes complexabantur. Videns illos orationi frequenter deditos, lacrymis sæpius irroratos, parcimoniæ convenienter intentos, silentio ædificationis verba proferentes, conventibus monasticis assistentes, et nihil officii sui negligentes. Dei milites cum antiquo serpente pugnabant, ideoque semper in procinctu erant; togam exspectabant, et idcirco indefessi dimicabant. Talis legio, talis exercitus, tale collegium D. abbatem Guillelmum, ut dominum timuerant, ut magistrum audierant, ut patrem dilexerant; et adhuc omnes pro eo suspirabant.

VII. Illa in ecclesia unum quid erat quod mihi non mediocriter complacuit, quod ad Deum laudandum et excitandum, David canticis suis inseruit: *Laudate*, inquit, *Dominum in chordis et organo* (Psal. cx.), ibi siquidem instrumentum vidi musicum, fistulis æneis compactum, quod follibus excitum fabrilibus suavem reddebat melodiam, et per continuam diapason et per symphoniam sonoritatem, graves, et medias, et acutus voces uniebat, ut quidam concinentium chorus putaretur clericorum, in quo pueri, senes, juvenes, jubilantes convenirent et continerentur: organa illud vocabant, certisque temporibus excitabant. Non tamen ignoro quia sunt multi qui tale quid in suis non habentes ecclesiis, eos qui

A habent, murmurando dilapidant quos non obloquentes et detrahentes audeamus muncupare: qui quod organa nobis innuant, nesciunt exponere. Hi dederunt oblivioni, quoniam psalterium lyrci composuere pedes. Hi forsitan non legerunt David sanctissimum Saul arrepticii chordarum modulatione furorem mitigasse (I Reg. xvi). Hi pro certo didicerunt quod Elisæus ad seipsum, quem graviter rex Israel exacerbaverat, complacendum, suis jussit: *Adducita mihi, psalterem: dum vero psalter caneret, super eum ita mansuetum facta est manus Domini* (IV Reg. iii), videlicet Spiritus sanctus venit; in iracundam enim animam et malivolam spiritus sapientiæ nequibat introire. Intravit igitur in exhilaratum, per psalterii ministerium. Non igitur aberamus, si tantorum patrum vestigia, ut possumus, imitamur: non tamen in his Dominum non oblectari ambigimus, sed hujusmodi multa viscera sunt ecclesiastica, sicut aurea, vel argentea, vel serica ornamenta, ad laudem Dei et ad sollicitandam hebetudinem corporis humani. Ego siquidem in modulationibus organicis non multum delector, sed per hoc ad intelligendum excitator: quod sicut multimodæ fistulæ varii ponderis et diversæ magnitudinis, in unam vento agitatam conveniunt cantilenam; Ita homines in unam debent convenire sententiam, a Spiritu sancto inspirati, in eadem convenire voluntatem. Porro, si ligna indolata dolando: si lapides impolitos potiundo, ad commodum opus compellimus: quid de hominibus autumas agendum intelligibilibus: ut cœniantur, dolendi sunt; ut conveniant, bituminandi sunt charitatis glutino, ne dissideant: id totum me docent organa quæ sistuntur in ecclesia: Nonne et nos organa sumus Spiritus sancti? Denique, qui hæc eliminat ab ecclesia, omnem eliminat ab eadem vocalem strepitum, et cum Moyse immotis ore labiis; sustineat, donec ei dicat Dominus: *Quid clamas ad me?* (Exod. xiv.) Quod ei jubilum, quod si vocum sonum cuncordent non refutamus, dicant æmuli, dicant reprehensores, dicant qui a seipsis dissident, quid agendum est. Nos absoluto dicimus quia bona sunt organa, si intelligamus mystica, si ex eis spirituales hauserimus harmoniam; harmoniam etenim hæc omnium moderator insinuavit nobis, cum elementa a seipsis multum dissona simul associavit, et rythmo consono colligavit. Hoc mihi præstant organa, hoc tympana, hoc cymbala, quod psalterium, quod voces jubilantium: excepto, cum syllabatim et distincte Scripturas proferimus. Si igitur organa habemus, eis uti ecclesiastica consuetudine promittimus; sin autem, sine sacrilegio sis carere possumus. Audientes, organa, interiori uniamur harmonia, et bituminemur, dilectione bifaria.

VII. Porro, in eadem ecclesia vidi rotam, quæ, nescio qua arte conducta, descendebat et ascendebat, semper rotabat; quod prius vanitatem putavi, donec ab hoc intellectu me ratio avocavit. Intellexi tandem per hæc veteranorum indicia pa-

trum, quod fortunæ rota omnium sæculorum adversatrix, nos ad ima plerumque dejicit; iterum blanda decepatrix, ad cacumen altitudinis nos extollere se promittit, sed tamen in circuitu vergit, ut nos de instabili fortunæ vertigine caveamus, neque ardentis, et male blandientis rotæ volubilitate confidamus. Sapientes illi doctores veterani nihil inconsultum egerunt. Sed talia faciendo, nos ad intelligentiam invitaverunt. Sic Moyses insinuavit, cum per enigmata loqueretur, et de pecudibus ruminantibus, et non ruminantibus, manducandis et non manducandis testaretur; id ipsum de adipibus, id ipsum de renunculis, dum scriberet, significavit (*Levit. xi; Deut. xiv*). Quidquid ejusmodi fecerint, et facimus, lectio nobis esse potest, si quis rationis capax est; sollicitamur, in singulis ut provideamus de periculis. Hæc fratres illi sæpe vident, et admirantur, et quid opus facto sit, taliter edocentur; nobiscum autem, qui jam desipimus, ista viluerunt et ideo deo detractamus, quoniam intellectuali oculo caremus. Non cuique difficile dicere: Hoc nigrum est, si nescierit discernere, quod hoc candidum est: plus tamen id insipientiæ presententi deputo, quam imperitiæ inventorum imputo. Projiciam casulam, si nesciero quid sit casula? Quidquid de institutionibus patrum indagationi nostræ residuum est, non illico contemnamus, sed, ut scriptum est (*Levit. xix*) igne comburamus.

IX. Abbas Fiscannensis, inter morulas illas, nobiscum frequens protelabat colloquium, in qua confabulatione mihi satis compertum est illum simpliciter Dei servum esse, qui de animarum salute frequenter volebat disputare. Quærimonia suas in sinum nostrum expendebat, et de multis conquirebatur et gemebat. Onus grave et grande confitebatur abbatiam; et si posset inculpabiliter, et sine pudore, dimitteret libenteream. Omne vitiosum perfecto odio oderat; neque tamen zelotypus erat. Quantum experire potui, largus, non prodigus, erat; et in ipsis conviviis sobrius. Discedendi licentiam postulavi, et vix impetravi, quoniam, ut adhuc multis secum diebus requiescerem, obnixè precabatur. Victus tamen instantia et improbitate nostra, tandem assensum præbuit: et interim seorsim accito cubiculario nostro, manticam nostram largitate sua implevit, et me nesciente, famulo nostro taliter intimavit: « Hæc quidem ad præsens, pauca sunt, sed si Deus vitam præstiterit, nos emendabimus. » Minister noster, apprehensa pecunia, secreto locuturus ad nos accessit; et pium furtum abbatis auri nostræ propalavit. Miratus sum, nec tamen indignatus, sed cur ista fecerit, inquirere cœpi. « Istius, ait, monasterii consuetudo est, et a prædecessoribus nostris ad nos usque manavit, nec persona quælibet a nobis indonata recedat, quin istius Ecclesiæ charitatem sentiat. Sensissetis autem, Pater reverende, largius; sed me disturbat, quod in hac dignitate sum adhuc novus, et ad comparisonem D. abbatis Guillelmi Patris nostri, idiota et nescius.

A Non tamen recedatis jejunos, quia hiems est, et scriptum est: *Si dimisero eos jejunos in domum suam, deficient in via* (*Marc. viii*). Post mensam recedebam, cum forte in itinere reperi birotam onerariam victualis D. abbatis refertam, quæ ad locum, quo hospitandus eram, sulcabat. Ad dictum, inquam, et ipsum hospitium jam abbas mandaverat, et qui comitatu nostro deservirent, nepotem suum, suosque ministros comites nobis adjunxerat; nec etiam, quin quædam indumenta mihi contulisset, prætermiserat. Accurate servitum est nobis, et summo diliculo, vix ab invicem avulsi sumus, et nos ad Britanniam nostram repedavimus.

X. Biennio elapso, Fiscannum reversus sum, nec minori lætitiis, quam ante susceptus sum. Tunc etiam discedenti mihi dedit abbas scyphum Mauzerinum, quem tota aviditate suscepi, quoniam et ita suscepturus erat: quia et tornum, et formam, et materiam decentissimam prætendebat, et lapis pretiosus, scilicet chalcedonius, summum cooperitorii decorabat; adjeoit etiam quædam alia. Neve remitteret manu vacua, Romam ituro, mihi, eodem anno, auream consolationem transmisit; ut sic ostenderet, quod adhuc mei meminerit. Hæc videlicet dixerim, ut largitatem Ecclesiæ Fiscannensis, et liberalitatem prædicaverim, et abbatis meminerim, meque non immemorem accepti beneficii demonstraverim. Reversus sum tertio. et, ut mihi visum est, majori, quam tunc usque nobis obvium est gaudio: et quamvis in proverbio soleat dici: *Pisces et hospites fectent post tres dies*, tertia vice accuratius acceptus sum; tertio accessus, diligentiori studio procuratus sum. Non fatigati sunt Fiscannenses, quin seipsos probaverint alacriores, vultuque jucundiores: testabantur, et jurabant quia quantum ad se, falsum erat proverbium, quod eis ludendo dixeram, quia nunquam eos mei læduerat, quoniam et reditum frequentiore nostrum exorabant. Exoraverunt igitur, quatenus ad dedicationem Ecclesiæ, quam annuam et festivam agere habebant, recurrerem, quæ et proxima erat, et de tædio nullatenus dubitarem. « Plus etenim, inquit, tristamur in nostro abscessu quam in nostro accessu: simpliciter loquimur, quoniam corde et corde loqui erubescimus. Non est nostrum loqui aliquid fictitium, quia puritatem novit Fiscannense collegium. Possessiones nostræ, Deo gratias, dilatæ sunt, res sanctuarii nobis commissi copiosæ sunt; et quid contra hospitalitatem murmuramus, nunquid bilarem datorem non diligit Deus (*II Cor. ix*); et hospitales invicem esse, sine murmuratione jubemur (*I Petr. iv*)? Grande periculum est, si a bono hospitalitatis tepuerimus, quia quod hospitale nostrum sustentat, abundanter Ecclesiæ nostræ suppeditat Deus. Locus noster huc usque neminem novit creditorem; novit dare, sed ignorat fenerare. » Petitionibus poscentium acquievi et dereditu nostro pepigi; abbas autem defuit, quia necessitas inevitabilis eum detinuit; sed ego tot inveni abbates,

pene quot fratres, non quia inorditate se habuerint, sed quia nostro servitio singulo et omnes studuerunt? Erat ibi quidam Robertus, unus ex prioribus, adhuc imberbis, prolixi tamen temporis, canus animo, ingens capillo, capellanus abbatís, via amplectendæ castitatis: qui tanta curiositate ministrabat, et missæ celebrandæ summo mane tanta diligentia præparabat, ut pene quotidie celebrare me coegerit, et ad ecclesiasticas prosecutiones me compulerit.

XI. Ut autem Fiscanni situs, non prætermittam, de loco Fiscannensi paucis absolvam. Locus ille velut quidam paradisi hortus, in formosa connvasistitur, inter duas colles, abhinc agriculturæ, abhinc silvula gratissima circumseptus. Quæ tantæ æqualitatis esse videtur ut vel in eadem die orta putetur, vel a proceritate sua ad æqualitatem recisa intelligatur; brachiorum et frondium et ramusculorum cacumina tantæ sunt densitatis, ut ex obumbratione, et virore suo, terram et visum gratificent, solis ardores repellant, pluviarum ingruentiam sustineant. Arborea a caudicibus aliquantulum eriguntur, non tamen multæ proceritatis, sed amœnæ deambulationis. Mare Oceanum Fiscanno proximum est, non enim distat a loco saltem milliario, piscibus abundat, recessus et accessus quotidianos generat, portum habet tranquillum: vallum aqua dulcis aluid et lympha. Fontes habet, et hortis habilis est, nutritque pomiferas arbores. Rivus, qui ca-

stellum præterfluit, gratiosos et utiles habet excursus: castrum nobilissimum, munitissimis ambitum est mœnibus. A Fiscanno Sequana fluvius naturalis distat quasi quindecim milliariis: piscatura redundat, et Fiscannum præda illa sustentat. Monasterium altis et decentissimis in altum parietibus, et magna ex parte plumbo coopertum est: Porta cœli, et Palatium ipsius Dei aula illa dicitur, et cœlesti Jerusalem assimilatur, auro et argento refulget; sericis honestatur pluvialibus, sanctorum reliquiis, præcipue invocatione sanctæ Trinitatis, et custodia sanguinis Domini Jesu, humati a Nicodemo, ut testatur B. Joannes (*Joan. xix*), de membris recollecti gloriatur: solemniter et cætervatim ad ipsam confluent peregrini, et maxime, quia locus dicatus est in honore summi Dei. Locum illum complector, diligo, extollo, toto meo conatu veneror: vos fratres nostri, commilitones mei, abbas, et monachi, nostra de parte salvete, et n. e. quæso, inter amicos et fideles vestros computate. Non tantum diligo vos quia mihi estis duntaxat munifici; sed quia, ut credo, vera religione polletis, et omnibus, pro Christo, adesse satagitis. Diligo vos propter communitatem vestram, commendo me vobis, propter necessitatem meam: augeat Deus desiderium meum, ad vobis satisfaciendum; serenet mihi benignitatem vestram, ad me diligendum; et nos et vos juvet et excitet ad sibi serviendum. Amen.

## VITA B. ROBERTI DE ARBRISSELLO

AUCTORE BALDRICO.

(Vide Patrologiæ tom. CLXII, in Roberto de Arbrissello.)

## BALDRICI DOLENSIS EPISCOPI CARMINA HISTORICA.

Edidit DUCHESNE, *Script. hist. Franc.*, IV, 151, ex veteri codice ms. bibliothecæ viri et Alexandri Petavii) senatoris Parisiensis.)

*In rotulo Natalis abbatis.*

In rotulo multi cum sollicitudine quædam  
Dicendi seriem semper metantur ab Adam.  
At dum pro primi plasmati crimine plorant,  
Sæpius incassum subnectere multa laborant.  
Sed pro Natali nunc est abbate loquendum.  
Ergo quod prosit scriptis fuit adjiciendum.  
Cultor Natalis monachorum religionis  
Cœli jungatur Christo miserante colonis.

(3) Al. *sit ei cœlestis alumna.*

Hunc Nicolae tuis precibus meritisque tuere,  
Quem sibi patronum vivens delegit habere.  
Nos pro Natali carmen faceremus anheli,  
Si multum carmen posset prodesse fideli.  
Sed quis non prosunt odarum garrulitates,  
Odarum, quæso, æponamus levitates.  
Intenti precibus breviter loca subtitulate,  
Ne calamus vehemens pariat dispendia chartæ.  
Hic fuit Ecclesiæ dum vixit firma columna.  
Ergo Hierusalem vivat mens ejus alumna (3).



*De natali abbate.*

Abbas Natalis has ædes amplificarat,  
 Et noviter factas Urbanus papa sacrarat,  
 Cum, Nicolae, tum Deus accersivit alumnum,  
 Cui dedit æternum solemnem funere somnum.  
 Hic modo Natalis pro carne jacet cineratus,  
 Cui noceat nullus pro carnis sorde reatus.

*Item unde supra.*

Abbas Natalis flos abbatum specialis  
 Signat quid sit homo factus humus sub humo.  
 Vir capitis cani, meriti vir sanctus opimi,  
 Huic vivens late profuit Ecclesiae.  
 Defunctus vero sacris hanc ossibus ornat,  
 Quæ tanquam nutrix confovet iste lapis  
 Hic, Nicolae, tibi servus devotus adhæsit,  
 Idcirco servi nunc memor esto tui.  
 Christo commenda quem mundo Christus ademit,  
 Huncque patrocinii jure ruere tui.

*In rotulo Rainaldi Remensis.*

Si quid defunctos posset mea musa juvare,  
 Debueram Musam revera continuare.  
 Sed pro defunctis potius duo sunt facienda,  
 Usus quæ nobis et jus designat agenda.  
 Nam pro defunctis jus et compassio plorat,  
 Et pro salvandis animabus proximus orat.  
 Ergo brevem Musam ponamus pro monumento,  
 Resque procul nostro sit inutilis a documento.  
 Flentes Rainaldo Remensi compatiatur,  
 Orantes autem patriarchæ subveniamus.  
 Pro te nostra madent, Pater optime, fletibus ora.  
 Oramus pro te, pro nobis, quæsumus, ora.  
 Colligit ultra fas rotularis epistola multa,  
 Quæ quasi parentes nugis transimus inulta.  
 Et fuit exiguæ condignum parcere chartæ.

*In rotulo Cenomannensium.*

Singultus duplices rotularis pagina profert.  
 Primum namque Johel, denique flevit Hoel.  
 Abbas alter erat, alter fuit ordine præsul,  
 Hi Cenomannis sol scilicet exstiterant.  
 Hos quoque morte pari modico Deus attigit ambos,  
 Ut sint translati sidera magna poli.  
 Amorum pariter nobis exempla refulgent,  
 Ambo nunc nostras irradiant tenebras.  
 Si vero maculas dedit illis quilibet error,  
 Erroris veniam Cunctipotens det eis.  
 Interea tantis urbs desolata patronis  
 Pro te funde preces, atque memento tui.  
 Elige quos mavis, tamen elige qui tibi prosint,  
 Quorum subjectis proficiat regimen.  
 Quorum sermo duo tibi testamenta propinet,  
 Cælebs cœlicolis vita coaptet eos.  
 Hæc rescripta tibi transmittunt Burguliani,  
 Pro te præmissis quas decuit precibus.  
 Te quoque fraternæ pietatis viscera cogant.  
 Commendes nostros nosque precando Deo.  
*Epitaphium super Hoelum Cenomannensem.*  
 Intempestivo casu defecit Hoelus,  
 Sol Cenomannorum, pontificumque decus.  
 Alloquio dulcis, nulli pietate secundus,

A Omnibus exemplar religionis erat.  
 Hunc plangit sua plebs et vicinæ regiones,  
 Quem venerabantur jure patrem patriæ.  
 Hic igitur positum solemnem more revisunt,  
 Et coram sancto vota vovent tumulo.

*Aliud*

Ora madent, et corda gemunt, et corpora marcent,  
 Cum tumulo titulus sculptus in hoc legitur.  
 Iste refert titulus quia morte gravatus Hoelus  
 Fecit pupillos morte sua populos.  
 Urbs Cenomannensis flevit specialiter ipsam,  
 Illis pontificem quem dederat Dominus.  
 Pausat in hoc tumulo sanctus pro corpore præsul,  
 Præsulis obtineat spiritus astra poli.

*Epitaphium Simonis Agennensis.*

B Præsul Agennensis vir canus nomine Simon  
 In causis Cicero, moribus ipse Cato.  
 Ad natale solum rediens, ad Biturigenses,  
 Occidit, inque sua subtumulatur humo.  
 Præsulis ossa fovet modo sancta Maria Dolensis,  
 Foverat et puerum terra Dolensis eum.

*In rotulo pro archiepiscopo Biturigensi.*

Cum velut examen rotulorum venerit ad nos,  
 Mortem non vitam rotulus mihi nuntiat omnis.  
 Nuntius ergo ferus qui semper nuntiat illud,  
 Quo semper lacrymis nos impetit atque dolore.  
 Mortem Remensis rotulus dixit Raginaldi.  
 Durandi siquidem pallentes vidimus artus,  
 Cum nos Arvernens Urbanus papa vocasset.  
 Nos Cenomannensis rotulus commovit Hoelis.

C Aurelianensis superest jam charta Joannis.  
 Si tamen abbates his adnumerare velimus,  
 Multos abbates rotularis pagina deflet.  
 Pictava Geraleum, Cenomannisque Joelum,  
 Andegavis vero Natalem deflet obisse.  
 Multos prætereo vel quos incuria tollit,  
 Vel quos res alias curanti oblivio demit.  
 Venit ad extremum rotulus de præsule magno,  
 Quem mihi præcipui res commendabat amoris.  
 Is qua promeruit duplici fulgebat honore,  
 Si pondus geminum geminum dicamus honorem.  
 Abbas ipse Dolis, Biturix et episcopus ipse  
 Sedibus ambabus præerat non ambiciose:  
 Ambarum domum magis utilitate coactus,  
 Et domini papæ sancto moderamine virtus.  
 D Hunc Audebertum validum juvenilibus annis  
 Effera mors rapuit, quæ nulli parcere novit.  
 En mihi dat lacrymas rotularis epistola vivas.  
 Has lacrymas reduces fabiet mea quæstio semper,  
 Audeberte meo nec pectore dimovearis,  
 Nec si quid valeant nostris precibus reproberis.  
 Vos igitur, fratres, de vobis substituendo  
 Procurate viro, Biturix urbs, grexque Dolensis  
 Et pro defunctis offerte precamina nostris,  
 Communemque Patrem communi tangite voto,  
 Ut det pastori sedem super æthera vestro

*Invectio in Bolligerum,*

Obsecro jam parcat tam sæpe venire voratus.

Per nimios usus nimium sua verba veremur.  
 Vivant praelati, pro quorum more vagatur  
 Vultur edax, corvusque niger, volitansque veredus.  
 Necnon hubo canens dirum mortalibus omen.  
 Significant mortes, præsaganturque cadaver.  
 Sic rotulus semper mortem cujuslibet affert.  
 Ergo sit a nostris penitus conventibus exul,  
 Qui semper mortem, qui nuntiat anxietatem.  
 Nam si sæpe venit, nummi mercede carebit.  
 En Audebertum dicit mihi nuper obisse,  
 Et mundi solem sub nube delituisse.  
 Quid facies, Biturix, tanto pastore perempto?  
 Quid facies obito tu grex abbate Dolensis?  
 Arripe lamentum suffusus fleibus ora,  
 Ambo patrono caruistis inæquiperando.  
 Me quoque collegam gemitus superesse velitis  
 Cujus non sapiet vehemens querimonia finem.  
 Participet lacrymis qui participavit amori.  
 Consors viventis, consors essem morientis.

*Epitaphium.*

Pro merito vitæ duplici donatus honore  
 Audebertus erat vir sanctus, præsul et abbas,  
 Pontificem Biturix, abbatem Dolis habebat.  
 Dictis et factis ambobus sufficiebat.  
 In sanctum modico corpus concluditur antro,  
 Muneris nunc duplici, duplici decoratus honore,  
 Audeberte, vale, sit pax tibi luxque perennis.

*De eodem.*

Illa dies felix felici sole refulsit,  
 Qua connexi sunt et Dolis et Biturix.  
 Hæc geminæ sedes tandem pastore sub uno,  
 Unum sunt factæ post mala dissidia.  
 Urbs Audebertum Biturix in pontificatum,  
 Tunc Dolis abbatem, mutuo vix rapuit.  
 Pontificem factum per amicæ jurgia litis,  
 Ipsum detinuit grex suus in quot erat.  
 Hic Audebertus gennino perfunotus honore,  
 Morti succubuit præditus hoc onere.  
 Hic pausat sancti sanctissima gleba patroni.  
 Tu Pater a superis sæpe revise tuos.

*De eodem.*

Audeberte pater, pater et sanctissime præsul,  
 Te Dolis ecce dolet, te dolet urbs Biturix.  
 His Pater, his præsul, loca sic præfata regebas,  
 Ut neuter vacuus esset amore tuo.  
 Ecce jaces, corpus si sit cinis, ossaque corpus,  
 In Domino requiem spiritus inveniat.  
 Ipsum cujus in hac corpus tellure quiescit,  
 Ditarat dives littera pontificem.  
 Abbas ipse Dolis, Biturix simul ipse sacerdos,  
 Unus utrique loco proderat et præerat.  
 Huic Audeberto licet in juvenilibus annis  
 Curam communem mors inopina tulit.  
 Hic igitur positum corpus fovet hoc monumentum,  
 Omnipotens animam pontificis foveat.

*De eodem.*

Audeberte, tuo Biturix pro funere marcet,  
 In te quam vehemens amor excitat, et dolor arcet.  
 Non tamen impetitur gemitu Dolis inferiore,

A Cujus grex in te nimio fervebat amore.  
 Charus eras abbas his, archiepiscopus illis:  
 Nam poteras plenis ambos refovere mamillis  
 Vadis, te Christo per idonea signa vocante,  
 Et velut e merito tibi præmia digna parante.  
 Omni momento nostri, patrone, memento,  
 Et succurre gregi vitali morte redempto.

*Item de eodem.*

Auditor vatum, vatum moderator et ipse,  
 Præsul Bituricas, Dolis autem præsul et abbas.  
 Qui juvenum proprios transcendens moribus annos,  
 Se juvenem vovit monachorum religioni.  
 Hic Audebertus solemniter more sepultus  
 Dormit, qui vitam condigno fine sacravit.  
 Nunc quoque cum Christo nos sæpe revisat ab alto.

*Super Reginaldum clericum.*

B Quem fovet hic tumulus Rainaldus nomine, nulli  
 Novit adulari, clericus egregius.  
 Nemo fidelis plus unquam fuit inter amicos,  
 Utque tenor fidei nunc titulus sit ei.  
 Hic Andis tandem lacrymas in morte relinquens  
 Dormit in Christo, Christus et adsit ei.

*De eodem.*

Secula reformato gaudebant nostra Catone,  
 Donec Rainaldum promerueret sibi.  
 Acer enim verbis, et justis actibus acer,  
 Omnibus exemplum sobrietatis erat.  
 Ad decus hunc morum ditarat littera multa.  
 Copia quam torrens extulit ingenii.  
 Ecce cinis, Rainalde, jaces, cui si quid adhæsit  
 Criminis, id purget gratia summa Dei.

*De eodem.*

C Scripta solent veterum mores efferre Catonum,  
 Mirandos nostris temporibusque suis.  
 At tua magna fides centum, Rainalde, Caton  
 Longe præcessit, justitiæque tenor.  
 In factis alacer, in verbis promptus et acer,  
 Tu decus in clero; tu decus in populo.  
 Ecce jaces modico, Rainalde, solutus in antro:  
 Omnipotens veniam det tibi cujus egess.

*Super Widonem.*

Guido Hierusalem modicum post tempus iturus,  
 Mente gerens sanotæ munia militiæ:  
 Morte bona vir plenus opum, cadis anticipatus,  
 Natalisque soli redderis hic gremio.  
 Illa dies mensem quæ sexta præibat,  
 D Morte tua populum terruit Andegavum.  
 Nunc igitur Wido cœlestis sis duce Christo  
 Cujus Hierusalem pace locatus, amen.

*Super Radulfum.*

Vir dives multum, neque servus divitiarum,  
 Pauperibus largus, compatiens miseris,  
 Radulfus jacet hic factus de divite pulvis,  
 Andegavis olim copla consilii.  
 Morte tua, Radulfe, tuam dolor occupat urbem,  
 Utque Deo vivas suppliciter rogitat.

*Super Radulfum.*

Terra futurus homo quid inaniter ecce superbis,  
 Quid sis Radulfus te docet hic positus.

Civibus Andegavis majoribus iste cœquus  
Eloquio, sensu, cum locuplete penu.  
Quod tamen et multis largus divisit eginis,  
Tunc homo, nunc sit humus, cui miserere Deus.

*Item de eodem.*

Andegavis populus casu concussus acerbo,  
Magnum concivem flebilis hic posuit.  
Hic ergo, Radulfe, jaces, ditissimus olim  
Andegavæ plebis portio non modica.  
Tu tamen in Christo tua largiter exposuisti.  
Quod Deus et melius nunc tibi retribuatur.  
Sol matutinus Maique dies duodenus,  
Heu ! nimium properas intulit exsequias.

*In titulo domus.*

Qui fabricis inhians Romana palatia laudas,  
Hoc potius lauda grande Joannis opus.  
Hic sculptura decet, saxonum convenit ordo.  
Tantum laudatur Pictavis hoc opere,  
Quantum marmoreis laudatur Roma columnis.  
Hoc si quidem rerum copia fecit opus.

*De eadem domo.*

Nosse potest istas quisquis considerat ædes,  
Quam prudens, quam plenus opum fuit ille Joannes.  
Qui disponendo latomis sumptusque pluendo  
Hanc statuit fabricam fabricis regalibus æquam.

*Super Rainaldum abbatem.*

In sibi dilecto requievit philosophia  
Rainaldo, quem vas fecerat esse suum.  
Hic igitur Sancti Cypriani floruit abbas,  
Ecclesiam ditans ordine, rebus, agris.  
Pene loci quæcunque fuit possessio primum,  
Hanc duplicem peperit sollicitudo patris.  
Tandem Rainaldi pars promptior astra petivit :  
Hic quæ terra fuit portio, terra fuit.

*Super Benedictam reclusam.*

Hic latuit multos Benedicta reclusa per annos,  
Contemplativa læta quiete diu.  
Sponsa Dei, sponsique sui complexibus hærens,  
Inter complexus pace quievit ovans.  
Hic modicus carcer, jocunda domus fuit illi,  
Hic modo gleba jacet, spiritus astra tenet.

*Super Clarenbaldum.*

Prudens in causis, miles robustus in armis,  
Ingenuo natus sanguine, plenus opum.  
Nunc ex parte cinis hic Clarenbaude quiescis,  
Tu dolor et gemitus civibus Andegavis.  
Spiritus astra colat, dum terram terra fovebit  
Tandem possideas jam nova terra polum.

*Super Urbanum papam.*

Urbanum papam, quem Francia dixit Odonem,  
Quæ regio tenerum protulerat puerum,  
Vitales auræ morientem deseruere,  
In quo sic orbis lingua diserta ruit.  
Ut simili careat doctore superstite mundus  
Hic igitur posuit flens sua Roma suam.

*Super regem Anglorum.*

Indice qui cælo, qui præagante comete  
Anglos innumeris stragibus obtinuit :  
Qui dux Northmannis, qui Cæsar præfuit Anglis,

A Qui quasi mananti fonte profudit opes :  
Imperio pollens Willelmus, conjugæ, natis,  
Occidit, et simul hæc omnia deseruit.

*Super supradicti filium.*

Nobilitas, regnum, prudentia, copia rerum,  
Tollere Willelmo non potuere mori.  
Belligerando pater Northmannos vicit et Anglos,  
Ambos pacifice filius obtinuit.  
Heu fortuna gravis ! dum cervos insoqueretur  
Intercepit cum jacta sagitta feris.

*De eodem.*

Qui regnum magnus fuit admirabilis orbi,  
Qui probitate sua rexque comesque fuit.  
Consul Northmannis, rex Anglis, filius ejus  
Anglos Northmanno milite qui domuit  
B Dum cervos agitatur, socii stridente sagitta  
Willelmus cecidit, rex fuit, ecce cinis

*Item de eodem.*

Qui legis hunc titulum, subtus agnosce sepultum  
Anglorum regem nunc modicum cinerem.  
Hic Willelme jaces, Willelmi filius, Anglos  
Qui ferus ense fero belliger edomuit.  
Dum sequeris cervos, alter quoque destinatur iotam,  
Cervo directam passus es ipse necem.

*Item de eodem.*

Sub ejus nutu tremuit Northmannus et Anglus,  
Qui locuplete manu sæpe pluebat opes :  
A patre Willelmo neque re neque nomine distans  
Qui consul, qui rex inclutus extiterat :  
C Morte nova cervis intensum pertulit arcum,  
Hac quoque magnus homo subcineratur homo.

*Super Rannulfum.*

Magne pater Rannulfe senex, reverende sacerdos,  
Virtutum thalamus, cella Dei locuples  
Postquam viciati tota probitate malignum,  
Protinus ad superos carne solutus abis.  
Hic tua magne senex solemnitè ossa quiescunt,  
Et datus est tumulus ossibus iste tuis.  
Spiritus ecce tuus gaudens super astra perennat,  
Tu pater a superis sæpe revise tuos.

*De eodem.*

Alter Tobias Rannulfus tempore longe  
Amisissis oculis mente Deum coluit.  
Pauperibus saties, lassus requies, via lapsus,  
D Presbyter ipse fuit victima grata Dei.  
Thuris odor gratus thuris quoque more crematus,  
Dans animam cælo reddidit ossa solo.  
Hic Rannulfe jaces solemnè more sepultus,  
At plus solemnè vivis in arce poli.  
Perpes lamentum mors contulit Andegavinis,  
Martellum juvenem cum tulit a superis.  
Tempora reddiderat princeps bonus aurea mundo,  
Bellis sedatis sæcula pacificans.  
Dum pacem læsam rursus sanare laborat,  
Intentum paci sæva sagitta ferit.  
Hic, Martelle, jaces, Martelli nobilis hæres  
Res a Marte quibus digna dedit titulum.

Pacis amator eras, et eras sic pacis amator,  
 Hector ut ipse tamen belliger exstiteris.  
 Ipse reformabas tempus, gentemque togatam,  
 Si modo vixisses Octavianus eras.  
 Subjectis parcens, et colla superba refrenans  
 Principis egregii culmen adeptus eras.  
 Sæva sagitta tuos successus anticipavit,  
 Quam clam direxit proditor architenens.  
 Martia Martellum te fecit causa vocari,  
 Gosfredum vero nominis impositi.

Hic pausat virgo, quæ scilicet innuba Christo  
 Nupsit, sponsa Dei, nescia conjugii.  
 Pectore constanti Constancia nomine fulsit,  
 Præclaro patrum stemmate nobilium.  
 Ipsius pectus ditavit littera dives,  
 Ut potuit credi dia Sybilla tibi.  
 Ecce sub hoc tumulo cinerascit mortua virgo,  
 Ejus ad astra volans spiritus alta colat.

Post Lugdunensis præsul prius Hugo Diensis.  
 Magnus Romanæ filius ecclesiæ.  
 Quem sibi legatum Romanus papa rogavit,  
 Ad synodum veniens, proh dolor! occubuit.  
 Virtutum cellam, divini nectaris aulam,  
 Hac tumulavit humo Segusiensis homo.  
 Lætatus Justus hospes bonus hospite tanto,  
 Quem Deus eximium misit ei socium  
 Lugdunum luge, solemnia conciliorum  
 Occubitu Patris occubere tibi.

## INSCRIPTIONES

## SUBNOTATIS DEFUNCTIS COMPETENTES.

*Super Joannem Dolensem archiepiscopum.*  
 Splendidus ex atavis, atavorum splendor et ipse,  
 Gente Britannus homo conditur hoc tumulo.  
 Hic armis, patria, natis cum matre relictis,  
 Dux modo, continuo de duce fit monachus.  
 Metropolitanæ sedi, quia vixit honeste,  
 Cui Dolus est nomen, præsul hic eligitur:  
 Ut quibus exaltat consul, de consule præsul,  
 Præsul quam consul consuleret melius.  
 Ad papam venit, sacrari poscit ab ipso:  
 Quod dum differtur in Domino moritur.  
 Ponitur hic cultor et religionis amator,  
 Quemque dolent Britones sancta Sophia fovet.  
 Si quæras nomen, nomen sibi scito Joannem,  
 Sique diem mortis, da decimam decimi.  
*Super Guillelmum de Montesorelli,*  
 Aggregat absque mora non extricabilis hora  
 Servos nobilibus, et pueros senibus.  
 Quod si nobilitas posset producere vitas,  
 Nobilitante domo non moreretur homo.  
 Heu! Willelme, satis fuerat tibi nobilitatis,  
 Attamen a superis nobilis abstraheris.  
 In modica fossa sunt magni stemmatis ossa,  
 Artus ingenuos hæc habet ossa tuos.  
 Si quem læsisti, si quid male promeruisti,  
 Christus adesto tamen; pace fruaris, amen.

**A** *Super domnum Berengarium.*  
 Tota Latinorum facundia marcida floret,  
 Dum Berengario Turoni viguere magistro.  
 Porro Latinorum facundia florida marcet,  
 Invida sors Turonis ubi tantum lumen ademit,  
 Clauditur in Jano tibi doctor janua vitæ,  
 Vel magis in Jano patuit tibi janua vitæ.  
 En tua magne senex jacet hoc sub fornice gleba,  
 Ad reditum propriæ suspirans conditionis,  
 Promittatque licet veniam tibi spes meritorum  
 Hanc tamen acceleret lector pia vota vivendo.

*De Frodone Andegavensi.*

Quod de quadrivio norat trivioque Latinus,  
 Id totum Frodo pleniter audieras.  
 Sollers auditor superaras pene Latinos,  
**B** Cum te morte gravi percussit hora brevis.  
 Raptus ab Andegavis, tumulisque sepultus in Anglis,  
 Anglos Andegavo pulvere lætificas.  
 Frodonis cineres Angli reverenter habete,  
 Ac votis animam lætificata suam.

*Item de eodem.*

Frodo quid prodest te nosse profunda librorum,  
 Nocte dieque tuus tritus Aristoteles?  
 Fabula Nasonis tibi quid tot adhæsit in annis?  
 Quid tibi nunc Cicero, Statius atque Maro  
 Hæc tibi Frodo simul spondebant aurea secla  
 Attamen ista simul abstulit atra dies.  
 Sacra fames auri te duxit ad Anglica regna  
 Littera multa lucri spes tibi multa fuit.  
 Indigetis corpus jubet Angliæ flebilis Andus  
 Lectores jubeant cœlicolis animam.

**C***Item de eodem.*

Frodo labor magnis te vatibus æquiperarat,  
 Quem modo mors umbræ quæ fugit æquiperat.  
 Exul ab Andegavis peragraras impiger orbem  
 Litterulas rapiens, atque vacans studiis.  
 Aurea te tandem spes invitavit ad Anglos.  
 Quo te spemque tuam mors inopina tulit.  
 Frodo te plangent studiis quicunque vacabant,  
 Quorum dum moreris portio summa ruit.  
 Mortuus ecce jaces factus de pulvere pulvis.  
 Quæso propitius sit tibi Frodo Deus.

*Super Petrum Dolensem priorem.*

Petre prioratus decoratus honore Dolensis.  
 Providus in factis, ordinis ipse rigor.  
 Postquam pontificem superaras Biturigensem,  
**D** Hunc ententem dilacerare locum:  
 Pace reformata, re fratrum multiplicata,  
 Tandem præpropere morte gravatus obis.  
 Mors peperit lacrymas nobis tua perpetuandas,  
 At specialis amor œdula vota rogat.  
 Iste lapis Petrum fovet, heu! heu! jam cineratum:  
 Christe lapis vivus tu foveas animam.

*Item de eodem.*

Jure priorarat te cœtus, Petre, Dolensis,  
 Namque sibi probitas te tua prætulera.  
 Prædictum Biturix Richardus ovile fatigans,  
 Succubuit victus ex probitate tua.  
 Emeliorasti subjectos, ordine, rebas,

Pollens consilio, præditus eloquio.  
Ecce lapis nostrum tegit hic pro corpore Petrum  
Tu vero foveas omnipotens animam.

*Item de eodem.*

Petre, decanus eras, et eras, Petre, jure decanus,  
Namque ut debueras omnibus omnia eras.  
Te graviter fratres lugent obisse Dolenses,  
Quorum res nimio munieras studio.  
Taliter obstiteras Richardo Biturigensi,  
Præsul ut ipse tuo cæserit eloquio.  
En, Petre, suffossum tabescens incolis antrum.  
Spiritus alta petens incolat astra tuus.

*De canonico sine proprio.*

Rainaldus cleri vernans rosa Pictaviensis,  
Facundus, verax, relligionis amans.  
Qui promulgavit tibi primus Pictava tellus  
Canonicam, quæ nil proprietatis habet,  
Tam bene dispositæ consummans tempora vitæ,  
Exanimis tandem subditur huic tumulo.  
Cujus spiritui sis mansio, summe sacerdos,  
Atque sacerdotis, Christe, memento tui.

*De Godefrido Remensi.*

Jocundus magnæ thesaurus philosophiæ,  
Magnaque musa perit, cum Godefredus obit.  
Iste decus cleri, sol alter idoneus orbi,  
Orbi sufficeret, viveret ipse diu.  
Sed mors effrenis super hunc sua frena gravavit,  
Et jubar a superis invida grande tulit.  
Remis habet corpus, animæ sit mansio cælum,  
Divitibus dives ossibus urna vale.

*Item super eundem.*

Orbi deflendus tamen et specialiter urbi  
Quam Remis dicunt, hic, Godefrede, jaces.  
Præcipue cleri lacrymis comitatus opimis  
Hic tandem matris redditus es gremio.  
Remensis populi clerique lucerna Latini,  
Omnibus extorques dum moreris lacrymas.  
Gallia te tanto complexabatur amore,  
Ut doleat se non accubuisse simul.  
Nunc igitur pedibus quibus ire licet gemebundæ,  
Te comitatur adhuc planotibus et precibus.

*Item de eodem.*

Quem tegit iste non Tullius æquipararet,  
Si tamen ejusdem temporis ambo forent.  
Hunc etenim vatem sapientia tanta repleat,  
Ut bene Romuleis antefuisse putes.  
Denique tantus erat quantos vulgata per orbem  
Fama volans fecit, quos libet esse viros.  
Mortis livor edax hunc, proh dolor! abstulit orbi.  
Heu! scrobe sub modica nunc, Godefrede, jaces.  
Divinos cineres genitrix sua Remis habeto,  
Tu quoque, Christe, suæ mansio sis animæ.

*Item de eodem.*

Quæ natura potens vix omnia contulit ulli,  
Omnia contulerat hæc, Godefrede, tibi.  
Formam, divitias, mores, monumenta nepotum,  
Discretum pectus, ingenium locuples.  
Os par ingenio, studii florentis amorem,  
Nec tamen ista tibi cuncta tulere mori.

A Egregios artus en parvula continet urna,  
Remis te genuit, te quoque Remis habet.  
Urbs venerare tuum felici pulvere felix,  
Cives concivem cælicolæ foveant.

*Item de eodem.*

Hos apices donec oblitteret ipsa vetustas,  
Aut inimica manus celebri relegetur honore  
Ille Godefredus, quem lucida musa secundum  
Nasoni peperit, quem littera multa replevit,  
Ecce perennis adhuc Godefredum fama perennat,  
Atque perennabit dum fama volare valebit.  
Remis eum genuit, et Remis eum sepelivit:  
Terra colit terram, sed spiritus incolat astra.

*Super Alexandrum Turonensem.*

Fletus innumeros cum mors ingesserit orbi,  
Fletus majores ingerit ipsa modo.  
B Alexander enim juvenum specialis honestas,  
Intempestiva morte gravatus obit.  
Nondum bis denos adolescens vixerat annos,  
Cum rosa formosa marcuit a quod erat.  
Canonicus Turonensis erat puer indolis altæ,  
Flos olim roseus, nunc cinis est luteus.  
Sique sibi maculas species attraxit et ætas,  
Tu tamen indulge rex utriusque dator.

*Super eundem.*

Cum titulos multis dederit mea cura sepulcris,  
Nullum flebilis quam dedit hunc titulum.  
Alexander enim luctus generaliter orbi,  
Præcipueque suis flos juvenum jacet hic.  
Cujus plus juvenum cedebat forma decori,  
Quam salinca rosæ, quam citius violæ.

C Tandem defuncti sic marcida colla videres,  
Tanquam stipitibus lilia trunca suis.  
Hunc plorat clerus Turonensis, plorat et omnis  
Ætati quisquis compatitur teneræ.

*Item de eodem.*

Quidquid majoris potuit natura decoris,  
Illud Alexandro contulerat pariter.  
Contuleritque licet quæcunque decora putantur,  
Mortuus attamen est, ecce cinis jacet hic.  
Supra quindenos vix quatuor attingit annos,  
Illi cum pariter omnia mars rapuit.  
En fœtet vilis speciosæ gloria carnis,  
At, Deus, indulge quod male promeruit.

*Item de eodem.*

D Qui properus properas præsentis ad atria templi,  
Sta si nosse cupis quem tegit iste lapis.  
Hic Alexandri cujusdam gleba quiescit,  
Quem mundo species unica prætulerat  
Hic inter juvenes quasi conspectissima stella  
Gratus erat clero, gratus erat populo.  
Hic cum bis denis vel circiter esset in annis  
Tactus sole gravi flos tener occubuit.  
Qui legis hos apices, si compateris cinerato,  
Dic orans, tenere parco Deus puero.

*Super Guillelmum Engolismensem episcopum.*

Nobile nobilium specimen, Guillelme, decusque,  
Proh dolor! hic propera cineratus morte quiescis,  
Ordine præsul eras, atavorum sanguine consul,

Providus in factis, nuli sermone secundus.  
Engolisma, dole, tanto viduata patrono,  
Langues ecce tui moderamine præsulis orba.  
Interitum timeas, dempto moderamine langues,  
Huic siquidem nullum non nescis æquiparandum.  
Urbs tamen infelix artus venerere paternos.  
Dic quoque, transcendat Guillelmi spiritus astra.

*Super Erilandum.*

Littera quem dives magnum jubar extulit orbi,  
Orbi defendendus hic, Erilande, jaces.  
Magne senex, lingua pariter jocundus et actu,  
Sufficeres orbi si diuturnus eras.  
Nec mors, nec senium quemquam nocuisset, ut ipse  
Nescisset mortem taliter aut senium.  
Sed quoniam commune mori est, et labitur ætas,  
Parcatur lacrymis, sitque locus precibus.  
Dum te terra fovet tua molliter ossa quiescant,  
Sit quoque cum Christo pax, Erilande, tibi.

*Ut supra super Petrum priorem.*

Mors velut effrenis ruptis bacchatur habenis.  
Tollit enim juvenes, tollit et ipsa senes.  
Sed quidquid tulerit, quæcumque nefanda patrarit,  
Est feriendo Petrum grandius ausa nefas.  
Iste quidem Petrus et cœnobita Dolensis,  
Fjusdemque domus ipse decanus erat.  
Qui prudenter agens domui sic præfuit illi,  
Defuncto ut vivas vivus agat lacrymas.  
Hic modo, Petre, jaces, si sint Petrus ossa cinisque,  
Mansio spiritui sit domus ampla Dei.

*Super Geraldum Aurelianensem.*

Egregius doctor magnusque sophista Geraldus,  
Ecclesiæ robur, cleri populique columna.  
Spee pupillorum, vir munificus viduarum,  
Aurelianorum: lux et specialis honestas.  
Vir oani capitis, morum moderamine pollens,  
Cui nihil a sensu tulit antiquata senectus.  
Tandem communis contactus imagine mortis.  
Exiit hoc quod erat, datur hic sua portio terræ,  
Spiritus in tenues vivens elabitur auras,  
Cui tamen e rebus lutulentis si quid inhæsit,  
Expict id totum clemens miseratio Christi,  
His precibus, lector, amen adjiciendo faveto.

*Super Odonem abbatem Engeriacensem.*

Qui properus transis hujus monumenta sepulchri,  
Ut relegas titulum comprime, quæso, gradum.  
Hic jacet abbatum decus et specialis honestas,  
Pauperibus saties, indigus Odo sibi.  
Qui pietatis amans, monachorum forma, decenter  
Ingeriacensi profuit Ecclesiæ,  
Tandem pace bona sopitus morte quievit,  
Ecclesiæ robur, ordinis Odo vigor.

Quis legis hæc duo fac Odoni, fac pia vota  
Deque metu mortis sollicitare tibi.

*Super Radulfum Pictaviensem archidiaconum.*

Archidiaconi perfunctus honore decenter,  
Consilium plebis, lux cleri Pictaviensis,  
Quem satis egregiæ ditarat summa sophiæ,  
Radulfus jacet hic factus de pulvere pulvis.  
Pictavis urbs, luge, tanto viduata ministro.

A Tunde dolens pectus, laceros tibi diripe crines,  
Dummodo persona careas huic æquiparanda.  
Nec tamen in lacrymis unquam tua vota coerce.  
Spiritus ut veniam Radulfi promereatur.  
Id puer, idque senex, lector quoque poscat id ipsum.

*Super præsulem Durandum.*

Nomine Durandus jacet hic præsul venerandus,  
Quem commendavit vita benigna Deo,  
Exsequias celebres, quæ forma fuere triumphi,  
Dispensavit ei gratia summa Dei.  
Urbanus synodo generali papa vocata,  
Patres bis centum movit ad obsequium.  
Tertia quæ decimam lucem præit ante Decembrem  
Vitæ præsentis lumen ademit ei.  
Avernus sanctos cineres reverenter habeto  
Atque patrocinio tutior esto suo.

*Super eundem Durandum.*

Temporibus luteis vir magnæ strenuitatis,  
Aurea Durandus sæcula restituit.  
Arvernus præsul dignissima præsule fecit,  
Fecit digna Deo religiosus homo.  
Ipsius exsequias dicas similasse triumphum,  
Et dispensantis signa fuisse Dei.  
Adfuit Urbanus centeno præsule septus,  
Abbatum vero major erat numerus.  
Tertia cum decima tunc lugubris ante Decembrem,  
In reditu luctus est modo festa dies.

*Super comitem Pictavensem.*

Gloria si mundi pareret monumenta fideli,  
Nulli commodius quam tibi dux pareret.  
Vir generosus eras, decus orbi, dux Aquitanis,  
Hosti terribilis, ipse Pater patriæ.  
Sed tibi sit titulus, Guillelme, tuumque sciatur  
Istius Ecclesiæ qua sepeliris opus.

*Super militem juvenem.*

Nulli Goffredus genio formave secundus,  
Intempestiva sopitus morte quiescit.  
Plus animo validus quam possent membra tenella,  
Militis ante dies, assumpsit militis arma.  
Dormiit in Christo puer altæ nobilitatis.  
Non quindennis erat, sed erat quindennis ut esset,  
Si ter quinque dies sibi vivere plus licuisset.  
In Maio vernante rosa, rosa marcuit ista,  
Quinta dies a fine diem sibi clausit et annos.  
Hunc commendatum sibi continet hoc monumentum,  
Goffredusque suis lacrymabile fit monumentum.

*Super Elpem comitissam.*

Non dempsit metas tibi mortis forma vel ætas,  
Vel proavi reges, quæ sic tibi fata locarant,  
Elpes ut neutrum reginam dedecuisset.

*Super Burchardum bonum militem.*

Si centum linguas pro te, Burcharde, moverem,  
Non possem laudes æquiparare tuas.  
Nam tibi nullius virtus erit æquiparanda,  
Quantoscunque tamen carmina magnificent.  
Tu Taurinenses solus sic edomasti,  
Ut te crediderint mille fuisse viros.  
Agnētis viduæ tutor, domitorque reorum,  
Corruis uxoris ultor adulterii.

Quod genuit Turonus hic pausat nobile corpus,  
Spiritus vero sit domus in Domino.

*Iterum super eundem.*

Si quis Achilleos mirando recenset actus,  
Actus Burchardi pluris habens recolat.  
Corporis aut animi nulli virtute secundus,  
Viveret ipse diu, Julius alter erat.

*Item de eodem.*

Quidquid multarum natura potens prohibitum  
Divisit multis, constituendo probos :  
Id Burcharde, tibi dederat bene prodiga totum,  
Heroas in te quosque simul replicans.  
Quidquid sunt alii sortiti particulatim,  
Tu totum solus pleniter assequeris.  
Providus in verbis, robustus et acer in armis,  
Causidicus Cicero, belliger Hector eras.  
At dum pro parvo Turonus ducis dominatum,  
Ad Langobardos fulmineus properas.  
Quam gentem verbis tibi dum subjungis et armis,  
Gentis et uxoris prodicione cadis.  
Ecce nihil de te superest nisi pulvis et ossa.  
Pax tibi, bella quidem causa fuere necis.

*Super Raherium audacissimum.*

Inscribi tumulis Heroum facta solebant,  
Ut quanti fuerant posteritas legeret.  
Sed tua deberent speciali facta, Raheri,  
Inscribi calamo, nam specialis eras.  
Nam natura tibi nullum sic æquipararat,  
Omnibus ut solus præferis ducibus.  
Insidiosa latus tibi lancea fodit utrumque,  
Militibus tutor dum cupis esse tuis.  
Felix urna fove qui vastum terruit orbem,  
Nec sit ei terror corporis aut animæ.

*Super eundem.*

Alite sis equo properus dum fulminat hostes,  
Se scutum præhens auxiliare suis,  
Raherius cecidit, quo non audacior ullus,  
Hostili telo fixus utrumque latus.  
Emisit flatum subito cum sanguine mixtum,  
Exemplum factus lugubre militibus.  
Militiæ graviter stipendia sæva remisit.  
Propter quam corpus contulit atque animam ;  
Quod si sponsa Dei sponso pro talibus audet,  
Et pro Raherio supplicat ipsa Deo.

*Sicut supra.*

Raherius miles fortis velut alter Achilles,  
Dispar in nullo laudibus Hectoreis.  
Quem natura potens toto decorarat in orbe.  
Militiæ titulis et probitate sua.  
Militis unius, heu ! mortuus occidit ictu,  
Tam grave mercatus militiæ reditus.  
Militibus superest pro tanto inlitate planctus.  
O utinam lacrymæ proficiant animæ !  
Magnanimum modicæ corpus committitur urnæ.  
Spiritus inveniat quam meruit melius.

*Item super eundem.*

Robustum pectus, flavusque per ora capillus,

A Et gena pubescens, rarus et annus adhuc.  
Viveudi leviter tibi causa fuere, Raheri,  
Vivendique diu spem tibi contulerant.  
Nulli contulerat potius natura cor audax,  
Atque manum validam quam tibi contulerat.  
Militis unius totum simul abstulit ictus,  
Quippe coegit te morte mori subita.  
In modico tandem pulvis modo clauderis antro,  
Notus namque Deo nunc locus est animæ.  
Quod si vota fides audax pro talibus offert,  
Offerat et pro te vota benigna fides.

*Ad scutum ejusdem.*

A domino viduata tuo jam parma quiesce,  
Cui par Raherio nullus erit dominus.  
Vive ; dies festos longum visura per ævum,  
Nam metuenda quidem lancea nulla tibi.  
B Nam si Raherius vel par sibi viveret ullus,  
Non deberentur otia tanta tibi.  
Mors ejus requiem, faceret tibi vita laborem.  
Sed labor ille tibi dignus honore foret.  
Posterior nunquam, prior ires semper in hostem,  
Cedere nec scires anxia, nec fugeres.  
Qui te conspiciant pro tanto milite plorent,  
Tuque diu valeas in titulo posita.

*Super quem venerit.*

Qui supra vestros legistis lamenta sepultos,  
Quinque minora premi casu lugere soletis,  
Et mihi dilapso fletus infundite vestros.  
Consuleram magnus, patriæ pater, hostibus hostis,  
Nominis Guillelmus, vitæ status omnibus omnis.  
C At nunc extrema, ceu singula, sorte potitus.  
Occubui non lege mea, sed lege jubentis,  
Omnia cujus lex aliud demutat in esse.  
Hei mihi ! nunc, lector, nil plus de consule restat,  
Quam quod ego feci tua vota quod emolierent.  
Hoc nunc inclusus sub fornice lege sepultus.  
Qua sepelitur homo communi lege resurgam.

*Super Osannam.*

Lector, quid fuerim, quid sum si forte requiris,  
Nata puella fui, sum modo facta oinis.  
Conjugio favi tantummodo proles amore,  
Occubui decimum dum parerem puerum.  
Nec puer antiquo nascendi nascitur usu,  
Cæsa matre quidem filius extrahitur.  
Causaque nubendi mihi causa fuit moriendi.  
Consulis uxor ego, nomen Osanna mihi.

D Sed quid honor, quid opes, quid proles copia prod-  
[est ?

Christe mihi prosis, tu mihi mansio sis.

*Super Guidonem.*

Exsul ab urbe mea dum me velut effugientos  
Insequor ipse libros, dumque vaco studiis,  
Proh dolor ! incubuit mihi lamentabilis hora,  
Quippe supervenit mors inopina mihi.  
Ecce sub hoc tumulo cineratus corpore pauso.  
Spiritus obtineat quam meruit melius.  
Me tamen et fidei tenor, et confessio culpæ,  
Quandoque securum de venia faciunt.  
Quod tamen exspecto poterit mihi turba legentum,

Et votiva simul præproperare cohors.  
Civis eram Turonensis ego de nomine Guido,  
Gentis patriciæ, me modo Remis habet.

*Super Johannem.*

Intempestiva moritur dum morte Johannes,  
A mortis sævo solvitur imperio.  
Nam potius vivit qui sic obiisse videtur.  
Nulla voluptatis techna cohæsit ei.  
Ætas ipsius vix annum dimidiarat,  
Ipsa dies lavacri mortis et ipsa fuit.  
Profuit ergo sibi tantummodo gratia Christi,  
Quæ tamen et juste prævenit immeritos.  
Ergo lætandum satis est in morte Johannis,  
Qui nullis moriens indiguit precibus.

*Super Odonem puerum.*

Urna brevis modicusque lapis super additus urnæ, **B**  
Signant materiam quod foveant modicam.  
Quod premit iste lapis pueri sunt ossa tenelli,  
Si tamen una satis duruit ossa dies.  
Pene fuit natus puer hic simul atque renatus,  
Vivere vix potuit, moxque mori meruit.  
Quod tamen imposuit nomen properantia mortis  
His pateat signis : Otto puer jacet hic.

*Super Buchardum iterum.*

Romuleos Turonus licet exsuperaverit actus,  
Militiæ titulis et probitate sua  
Tu, Burcharde, tamen Turonenses exsuperabas,  
Militiæ titulis et probitate tua.  
At Longobardæ dum tandem proditioni  
Occurris vindex, persequerisque reos.  
Hostibus atque reis te prodit adultera conjux,  
Sicque cadis modico vulnere magnus homo. **C**  
Corpus magnanimum modo contegit hoc monumen-  
[tum,

Spiritui vero parce, benigne Deus.

*Super Troilum.*

Nulla sit immunis ætas a vulnere mortis,  
Hic jaceo juvenis Troilus exanimis.  
*Super Rainaldum Remensem archiepiscopum.*  
Remensi populo lumen firmamque columnam,  
Rainaldum Christi gratia contulerat.  
Hic quoque Martini sublatus ab æde beati,  
Remensi multum profuit ecclesiæ.  
Hunc mors in tanto florentem pontificatu  
Attigit, et vacuam fecit item cathedram.  
Pupilli cives pro tanto præsule flentes,  
Corpus pontificis hic posuere sui.  
Hic populus glebæ dignos dispensat honores,  
Dispenset veniam cunctipotens animæ.  
Hunc duodena dies Februi præeunde kalendas,  
Destituit mundo, substituitque polo.

*In rotula de Guillelmo abbate.*

Guillelmus quoniam verum properavit ad esse,  
Ad non esse licet sit visus primitus esse.  
Si tamen et properans properavit tramite recto.  
Omnibus Ecclesiæ gaudendum censet amicis  
Si vero læsit properantem quilibet error,  
Poscat ei veniam pia fratrum sollicitudo,  
Quæ votiva Deum supplex et sedula pulset.

**A** Diximus ergo sibi, Guillelmo parce, Redemptor,  
Ut nostris itidem concedat, dicite nobis  
Ut procul absentes oratio mutua jungat

*In rotula de Adam abbate.*

Hæc desolatis solatia Burgullani,  
Profuit ex Adam quod vester pertulit Adam.  
Sed quasi pro nihilo fieret de morte querela,  
Præsertim cum sit mors Christi nostra medela.  
Nec deerit medicus nisi desit cui medeatur.  
O felix morbus mors Christi cui medicatur.  
Vos quoque luxistis quia patre bono caruistis.  
Nimirum patri plus quam vobis doluistis.  
Nec mirum, lacrymas extorsit viscus amoris.  
Sed cadat iste dolor. Deus est medicina doloris.  
Patri consulite pia pro Patre vota vovendo,  
Nec non et vobis jam de Patre substituendo

*De magistro suo plangens.*

Doctorum speculum, doctor amandæ,  
Majorum titulis æquiparandæ,  
O Huberte tuis vir venerandæ,  
Immolo perpetuas exequiis lacrymas.

Mors tua dura mihi.

Ablato mihi te, quæ mihi gaudia ?  
Gaudendi subit deficientia.

Lugendi datur, heu ! pessima copia,  
Et perpes querimonia.

Væ mea vita mihi.

Hubertus patriæ cura paterna,  
Magduni cecidit clara lucerna.  
Ex quo mœsta mihi lux hodierna,  
Vix aliquando scio quid faciens facio,  
Mors tua dura mihi.

Urit nostra dolor corda medullitus,  
Vix rarus recreat viscera spiritus.  
Huberti gemitus causa fit exitus.  
Hinc est creber anhelitus.

Væ mea vita mihi.

Quo nos alter ego, sed magis idem.  
Hoc univit amor fœdere pridem,  
Nec sorti modo mors subdit eidem.  
Esset obissem mihi gloria, teque frui.

Mors tua dura mihi.

Ex quo cum lacrymis plus ego lugeo,  
Hinc plus ipse quod est res nova gaudeo.  
Quanto displicuit res lacrymarum,  
Tanto triste placet pondus earum.

**D** Displicet atque placet illud, utrumque placet.

Væ mea vita mihi.

Singultus peperit carmina lubrica.  
Haud arcent elegos claustra poetica  
Te, doctor, replicat nostra querela,  
Hunc morbum leni, ait, nulla medela.  
Mors mihi te tibi me compositura placet.  
Mors, rogo, sera veni.

*De Gerardo Laudunes subrepto.*

Tantum Gerardus laudes dum laudibus anxit,  
Quod dignum magnis laudibus Andas habet :  
Quantum doctrinis Ciceroque, Maroque Latinis,  
Nam nobis alter fulsit Aristoteles.



Lux et laus cleri, sol qui suffecerit orbi,  
Orbi quadrivium paetulit et trivium.  
At fortunatus fuit abbas Burgulianus,  
Qui sibi Gerardum vindicat in proprium.  
Laudsunis obiit, sed vivit Burgulianis,  
Utque diu vivat jam redimunt precibus.  
Hunc igitur terræ speciali mandat honore,  
Quisquis defuncto corpore dives erit.

*Item de eodem.*

Uberibus, Manegaude, tuis lactatus abunde  
Tempore posterior, pene legendo prior :  
Atque tuis sinibus abstractus venit ad Andos,  
Ardua Gerardus plana que dicta gerens.  
Laude sua laudes Lausduni multiplicavit,  
Artes exponens commoditate levi.  
Hunc quoque Lausduni invidit Burguliensis,  
Et quibus invidit blandiloquus rapuit.  
Jam nunc Gerardus pauset cum Burguliensi,  
Donec mandetur alteruter tumulo :  
O utinam neque mors neque casus separet ipsos,  
Donec nigrescat primitus albus olor :  
Et donec pennis corvus niger evolet albis,  
Lausdunum refluis donec eat Ligeris ;  
Et donec querulæ sileant valeantque cicadæ,  
Et noceat senium sive dolor neutrum.  
*Ad eundem ut monachus fiat.*

Ipse locum novi qui floridus otia gignit,  
Libros et cartas et cuncta studentibus apta.  
Burgulius locus est, et Cambio dicitur amnis  
Flumine perpetuo qui vitreus irrigat hortos,  
Hocque loco locus est a turbis pene remotus  
Qui tutat fratres a sollicitudine mundi,  
Et fovet in gremio diuturnos pacis alumnae.  
Prata virent juxta, quibus est contermina silva  
Hunc emat, hunc redimat quisquis probus esse la-  
[borat

*Super abbatem Silvæ Majoris.*

Cum pro defunctis soleant orare fideles,  
Proque sibi caris perpetuent lacrymas.  
Pro patre Geraldo nihil est utriusque necesse,  
Qui cœli civis incola vixit humi.  
Silvam Majorem monachis Dominoque dicavit,  
Exsul sponte sua sinibus a patriis.  
Francia natalis sibi sorduit, hancque reliquit,  
Silvestres saltus Burdegala veniens.  
Pullulat ecce polo silvestris terra colonos,  
Quæ per Geraldum floruit agricolam.  
En felix anima cœli lætatur in aula,  
Artus hic positi lætificent populos.

*Item de eodem.*

Silvæ majoris jacet hic sanctissimus abbas,  
Abbatum splendor, et monachile decus.  
Hic silvas coluit, Christoque novalia fecit,  
Ut saliuca rosam, poma salix generet.  
Iste locus primum silvestris et effera tellus,  
Ipsius exemplis est modo porta poli.  
Vir cani capitis, vir perfectæ probitatis,  
Cœlorum civis dormiit in Domino.

A Plebs Apuitana, Patris corpus complectere tanti,  
Qui tibi vivit adhuc religionis odor.  
Gallia congaude Geraldo quem genuisti,  
Ac cineres sanctos hic venerare suos.

*Item de eodem.*

Mente columbinus, zeli fervore severus,  
Alloquio dulcis, moribus egregius.  
Pauperibus largus, sibi parcus, fronte serenus,  
Cunctis compatiens pectore largifluo.  
Abbas Geraldus jacet hic pro carne sepultus,  
Liber enim cœlos spiritus obtinuit.  
Gallica plebs genitrix plebi dedit hunc Aquitanæ,  
Et silvas veteres Burdegala coluit.  
Qui tantum terræ, genti quoque profuit illi,  
Ut modo gens per eum terraque fructificet.

B Ossibus hic locus est dives decoratus opimis,  
Prosit honor populis ossibus exhibitus.

*De eodem abbate.*

Alba columba Dei maculis rugisque remotis,  
Quem nocuit culpæ nulla nigredo suæ.  
Miles ut emeritus ad regis præmia raptus,  
Spiritus abbatis vindicat astra sibi.  
At qui de terra cinis est adjunctus eidem,  
Hæc requiescit humo jure vocatus homo.  
Hic natale solum, quod erat sibi Francia dulcis,  
Ultrò deseruit pone sequens Abraham.  
Silvæ Majoris probus hospes et incola primus,  
Hos tenuit saltus excoluitque Deo.  
Nomine Geraldus vir strenuus alta sitivit,  
Hic pausat corpus spiritalis alta tenet.

*De eodem abbate.*

C Prudens ut serpens, simplex Geralde columba,  
Angelicus specie, gratus olor capite.  
Vir leo zelando, supplex agnus patiando,  
Mitis, mansuetus, religione probus.  
Hanc ubi divino domuisti vomere terram,  
Ad te collectis fratribus innumeris :  
Tandem communis contactus imagine mortis,  
Das animam cœlo, membra soli gremio.  
Ora pro nobis, Geralde, Pater reverende.  
Non opus est pro te nos aliud petere.

*Audeberto Cenomannensi archidiacono.*

Censeo famosis te vatibus æquiparandum.  
Quamvis præniteas re, fama, vatibus ipsis,  
Nec tu dissideas a commoditate Maronis.  
De Berengario Turonensi pauca locutus,  
D Es nobis visus, nisi fallor, magnus Homerus.

*Ad comitis Stephani fratrem.*

Lampadis os, Philippe, vale, puer indolis altæ,  
Lux olim cleri clara futurus, ave.  
Me tibi quem præfert gradus et provector ætas,  
Ad te compellit scribere solus amor.  
Scribo quod puero surgenti profere possit.  
Quodque dies nostros quodque gradum decsat.  
Tu quod cudit amor, quod amicimore paciscor,  
Sic ut amicus habe, solus habendo lege.  
In triviis siquidem nolo mea dicta vagentur,  
Nemo nisi infelix invidia caruit.  
Sicut nobilitat te linea sanguinis alti,

Sic quoque te morum linea nobilitet.  
 Subditus esto libens virgæ manibusque magistri,  
 Dum vacat, assiduus disce, revolve libros.  
 Tempus erit subito cum te tua provehet ætas,  
 Cum te nobilitas avocet a studiis.  
 Nam si nescieris tunc respondere rogatus,  
 Si Præsul fias, mutus asellus eris.  
 In condiscipulos nimium sævire caveto,  
 Immo magis recolas te fore discipulum.  
 Quod tecum gessit nec cuilibet improperabis,  
 Nec tibi quod soli dixit amicus homo.  
 Si sis iratus, nulli tamen objice crimen,  
 Pacatus siquidem forsitan alter eris.  
 Nobilitas et lingua procaz, moresque protervi,  
 Nec sibi concordant, nec bene conveniunt.  
 Nobilibus siquidem proavis Odonibus ortus.  
 Ortus es Odone ut veteres renoves,  
 Qui sic vixerunt, fuerint ut Julius armis,  
 Augustus pace, divitiis Salomon.  
 Addidit Octodorum sibi scilicet unus eorum,  
 Augustamque suis juribus obtinuit.  
 Iaque Theobaldum generavit pacis alumnum,  
 Quo, Philippe, venis principe progenitus.  
 Ergo quem decorant antiquæ nobilitatis  
 Tot proavique duces, et comites atavi :  
 Da condigna tuæ præsentia nobilitati,  
 Moribus ipse tuis præniteas atavis.  
 An sim jocundo, Philippe, locutus amore,  
 In serie sensus ipse notare potes.  
 Quod si dicta sonant incomptam rusticitatem,  
 Crede mihi melius dicere non potui.  
 Est ignorantis vitium, non culpa volentis :  
 Si bene non dixi, dicere quod volui.  
 Denique quod sentis, quod gestit nostra voluntas,  
 Ac si protulerint carmina nostra puta.  
 Dicta meis votis industria vestra coaptet,  
 Dictaque votorum vis magis appreciet.  
 Appreciet cartam, quod cartam misit amicus,  
 Dilige quod præfert nomen amicitia.  
 Jam memor esto mei, memoris memorabor et ipse,  
 Nec nos a nobis mors etiam dirimat.  
*Adelæ comitissæ.*  
 Vanis ut insolitos videas, mea cartula, fastos,  
 Ut regum thalamos et comitum videas.  
 Vadis ut egregiam mihi gratifices comitissam,  
 Si tamen ipsa prius gratificeris ei.  
 Gratificeris ei, dicens comitissa valet,  
 Regina potius nomine digna vale.  
 Hæc est illius si nescis filia Regis,  
 Anglos indomitos qui domuit gladio.  
 Qui sibi Northmannos inhibentes jura paterna  
 Perculit ense fero, supposuitque jugo.  
 Iste procellosas pro littore duxit abyssos,  
 Et quasi conduxit littora littoribus.  
 Iste leiet sumptus superaverit imperiales.  
 Tantæ plenus erat fertilitatis opum.  
 Ut vix thesauros aliquis perpenderit ejus,  
 Largus militiæ, largus et Ecclesiæ.  
 Denique tantus erat, ut solus fecerit orbem

**A** Nomen ad imperii subtrepidare sul.  
 In dubio tamen est quæ stirps utriusque parentis,  
 Cum mage par fuerit clarior exstiterit.  
**A** patribus proavis pater editus, utpote consul,  
 Extulerat proavos ex probitate sua.  
 Addideratque suis nunc tantum rebus honoris.  
 Quantum res olim patribus addiderant.  
 Sed neque distabat a tanto conjugæ conjux,  
 Quam sublimabat regia nobilitas.  
 Quæ deducta potens a nobilitate potenti,  
 Terræ Flandrensium nobile germen erat.  
 Hosque pares geminos sibimet sic fata dicarant,  
 Ut speciale forent conjugii specimen.  
 Regem regina, reginam rex decorabat,  
 Et decus alter erat, et decor alterius.  
**B** Non virtute minor successit filia patri,  
 Excepto quod non militis arma gerit.  
 Arma tamen gereret nisi mos opus hoc inhiberet,  
 Nec fas est ferro membra tenella premi.  
 Una tamen res est qua præsit filia patri,  
 Versibus applaudit, scitque vacare libris.  
 Hæc etiam novit sua merces esse poetis,  
 A probitate sua nemo redit vacuus.  
 Rursus inest illi dictandi copia torrens,  
 Et præferre sapit carmina carminibus.  
 Ergo ne timeas, nimis est affabilis ipsa,  
 Ipsa dabit tempus, et dabit ipsa locum.  
 Utique reor non te comitissa remittet inanem  
 Sis licet ipsa rudis, more suo faciet.  
 Nec tibi præstabit tantillum quod meruisti,  
 Præstabit quod sit lausque decusque suum.  
**C** Pene sua est orbi jam munificentia nota,  
 Extremos homines jam sua dona vocant.  
 Ipsa mihi nota est, nec ego sum cognitus illi,  
 Occuluit sibi me rustica simplicitas.  
 Nec nunc auderem præmittere carmen ad illam,  
 Sed voluit mandans carmen habere meum.  
 Quidlibet audivit nuper de carmine nostro,  
 Innuvit applaudens quatenus adjiciam.  
 Adjicio non quod par esse suæ probitati  
 Possit, sed vigeat ex probitate sua.  
 Materies grandis mea carmina nobilitavit,  
 Non mea nobilitant carmina materiam.  
 Hanc morum probitas, hanc castum pectus honestat,  
 Nobilis hanc soboles ornat, amorque viri.  
 Sunt tamen et multi, quos commendare puellis  
**D** Et decus et probitas et sua forma queat.  
 Hanc qui tentassent ? sed quid tentasse juvaret ?  
 Servat pacta sui non violanda tori.  
 Hanc decor insolitus, et inæquiparanda venustas,  
 Commendatque simul gratia colloquii.  
 Sed quis tam duram silicem mollire valeret ?  
 Inspiciunt sine re, sed juvat inspicere.  
 Præmia magna putant dum spe pascuntur inani,  
 Irritantque suos hanc inhiando oculos.  
 Nec mirum, quoniam species sua tanta refulget,  
 Debeat ut cunctis præfore virginibus.  
 Hanc ego vidissem nisi rusticus erubuissem,  
 Ipsam quippe loquens inspicere erubui.

Tunc nisi palantes obliquarentur ocelli,  
 Mox exhausisset omnia verba mihi.  
 Gorgone conspecta quamplures destituuntur  
 Taliter a propriis protinus officiis.  
 Et coram Circe sic multi diriguere.  
 Non etenim poterant lumina ferre deæ.  
 Vix ideo vidi, vidisse tamen reminiscor,  
 Ut reminiscor ego somnia visa mihi.  
 Sic me sæpe novam lunam vidisse recorder,  
 Vel dum vix video meve videre puto.  
 Vix ipsam vidi, sed sicut et ipse recorder  
 Dianæ species anteferenda sua est.  
*Ad eandem, pro cappa quam sibi promiserat.*  
 Quam peto, quam petii, si reddas, Adela, cappam,  
 Quæ deceat dantem, deceat simul accipientem :  
 Nulla mihi major, melior mihi femina nulla,  
 Nam Regina mihi tu fles ex comitissa.  
 Te quoque majorem formabant carmina nostra,  
 Carmine tu nostro latum spargeris in Orbem,  
 Ut te nosse queat et Cyprus et ultima Tyle,  
 Æthiopes, Indi, Getulus, et insula quæque.  
 Grandia dico quidem, sed grandia dicere novi,  
 Ex quo materiam mihi sumpsi de comitissa.  
 Ipsa mihi carmen, calamum mihi suggeris ipsa,  
 Ipsa dabis flatus, os ipsa replebis hiulcum.  
 Emeritas solvis mercedes ipsa Poetis,  
 Tu cogis vates taciturnos esse loquaces.  
 Ergo tuum Vatem, Comitissa, revise loquentem,  
 Et refer, o domina, scribenti præmia cappam,  
 Cappam quæ phrygium rutilans circumferat aurum,  
 Cappam quæ gemmis ambitum pectus honestet :  
 Ut te habeat pectus hæc dum super induet artus  
 Cappam quæ pretium comitissæ præferat instar,  
 Quam merito valeam comitissæ dicere cappam.  
 Sicut et excellis reginas et comitissas,  
 Sic Reginarum comitissarumque lacernas  
 Hoc excellat opus, quod te super astra perennet.  
 Magna peto, si non majora rependere nosses.  
 Ipsa pusillanimes fastidis parva petentes.  
 Non minis alta peto, non ad minis alta relabor  
 Quolibet ornatu debes ornare ministros,  
 Et ditare simul thesauros ecclesiarum.  
 Id petiisse meum est, id te præstare tuum sit.  
 Sic mihi responde juri ut faveas utriusque,  
 Et cave ne desit etiam sua simbria cappæ.  
*Cecilie regis Anglorum filie.*  
 Regia virgo, vale, vale, inquam, regia virgo,  
 Virgo Romuleis tunc anteferenda puellis,  
 Virgo virginibus nunc anteferenda cœvis,  
 Quam pater augustus æquavit regibus Angliæ.  
 Quam species formæ cum virginitatis amore,  
 Et morum probitas ingenti laude venustat,  
 Quam satis exornat sua sollicitudo legendi,  
 Quam patre nobilior sponsus sibi gratificavit.  
 Ergo placere tuo virgo contende marito.  
 Nam neque nupsisti quasi cuilibet e grege sponso :  
 Sed magis egregio, cujus te forma perennet.  
 Quod tibi quæ multa est librorum lingua loquetur,  
 Ecce tibi, virgo, si quid tamen ipse valebo,

**A** Offero me pro posse meo, vel si placet ultra.  
 Audivi quamdam te detinuisse sororem,  
 Cujus fama meas aliquando percudit aures  
 Nomen sit elapsum, vidisse tamen reminiscor.  
 Bajocensis erat, sed tunc erat Andegavensis,  
 Quam, tibi si placeat, nostra de parte saluta,  
 Atque mihi nomen rescribe tumque suumque.  
*De duce Rolgerio.*  
 Cui probitas patris peperit bellando ducatum,  
 Quem pax, quem probitas patri sua multa cœquat,  
 Salve, Rogeri, longum dux inclyte, salve,  
 Ut speciale tibi salve fac Burguliani.  
 Attamen anticipant nostros tua facta colonos  
 Namque tuum nomen totum vulgatur in orbem,  
 Vel quia militiæ stipendia fundis opima,  
**B** Vel quia tractas rem consultus homo popularem,  
 Quæ stat firma tuis non concutienda diebus :  
 Sive quod Ecclesias immenso munere ditas,  
 Sive quod invitas hæc tempestate Camœnas  
 Dapsilitate tua, ne possit Apollo tacere.  
*De Hostiensi episcopo.*  
 Odas, o utinam cui mittuntur placituras  
 Odoni magno dirigo parvus ego,  
 Odo pontificum decus et specialis honestas  
 Consilium papæ, regula justitiæ.  
 Ecclesiæ robur, non concutienda columna ;  
 Mittit quod placeat Burgulianus ave.  
 Burgulianus ave magno dicit patriarchæ,  
 Quod mihi notitiam præsulis obtineat  
 Odo Wido mea mihi te celebravit in aure,  
 Pluribus indiciis te mihi significans.  
**C** Guido tuum nomen nostrum devexit in orbem,  
 Utque viri tanti præco vir ille mihi.  
 Te mihi procerum statura significavit,  
 Quæ non excedat effigiata modum.  
 Mores jocundos Wido tibi dixit inesse,  
 Et quod conveniat moribus alloquium.  
 Utque mihi dixit, ditat te littera dives,  
 Et vatium Musas deliciosus amas.  
 Si cantare velis cantas modulamine dulci ;  
 His superest vultus et facies hilaris.  
 Assatu suavis, communis et ornibus omnis,  
 Exhilaras mœstos, et stolidos reprimis.  
 Os Oratorum modo viris Tullius alter ;  
 Callidus in verbis vivis Aristoteles.  
 Tempora quæ modo sunt, quæ sunt sine remige navis  
**D** Rectorem statui te voluere sibi.  
 Qui te fecerunt Odo velut Hostia Romæ ;  
 In modico Romæ te facient dominum.  
 Hic jam cœperunt ordiri provida fata :  
 Hic intelligimus, jamque favemus eis.  
 Odoni factus hæres in pontificatum,  
 Mox in papatum substituendus eris.  
 Hoc locus, hoc nomen, hæc signat copia linguae ;  
 Hoc alti sensus præcinit integritas.  
 Innuit hoc habitus tunicatæ religionis,  
 Vos ambos idem Cluniacus genuit.  
 Ambos vos fovit, vos Hostia sustulit ambos,  
 Alter papa fuit, nec minus alter erit.

O si tunc merear florere superstite vita ;  
 Ut tunc de toto pallidus ore canam  
 Tunc Orpheus nostram nequeat superare Camœnam ;  
 Si pleno flatu buccina nostra sonet.  
 Velis furtivis vehitur modo nostra carina,  
 Namque piratarum perstrepat omne genus.  
 Insoptem lacerant me dentibus obloquiorum,  
 Meque reum mortis clamitat invidia.  
 Objiciunt quod ego tabulas post tempora tango,  
 Quod non demisso vado supercillo.  
 Ipse susurro tamen, mecum quoque rumino psalmos,  
 Atque obliquatis vultibus intueor.  
 Ut fur invidiæ probitati est sæva eodema,  
 Quocirca tepeo sæpius a studio.  
 Quod si me vellet defensio vestra tueri,  
 Ut mea duntaxat carmina diligeres :  
 Repentes hederæ mox serpent uberiores,  
 Si quando audaci fretus ero gladio.  
 Audaci si quando lyras moderamine tangam,  
 Si musas pleno pectine discutiam.  
 Si quando impavidus vates audebo vocari,  
 Si calamos teneam non trepidante manu.  
 Si verbo nostris signisve quibuslibet Odis  
 Illudas, Odo, fulmina non timeo.  
 Fulmina quæ timeat, quem maxima Roma tuetur  
 Quid timeat tua quem proteget Odo manus ?  
 Me sub amore tuo digneris, maxime Pastor,  
 Tutior ut Romam si sit opus videam.  
 Tutior ut duce te Romana palatia cernam,  
 Quem mea rusticitas terreat absque duce.  
 Jam nunc de vestro tanquam securus amore,  
 Vobis commendo quod penitus cupio.  
 Ma præsumtem de te confundere noli,  
 Debita poseo quidem, da mihi, namque potes  
 Si quotcunque modis aures obstruxerit aspis,  
 Ut nolite nostras insinuare preces.  
 Si quæsitæ neges, possisque negata referre,  
 Si tua claudantur corda meis precibus :  
 Ut dare tu nolis sine damno quod dare possis,  
 Non es quem spero, quem tuus ipse cano,  
 O quam sperabam vivis procul et procul alter,  
 Quod Deus avertat ut mihi tu facias.  
 Unicus est Odo mihi filius, imo coabbas,  
 Pro quo devotus asto tuis pedibus.  
 Namque manum super hunc nimis aggravat ille  
 [Remensis  
 Iram qui papæ funditus emeruit.  
 Imposuit siquidem regi diadema Philippo  
 Nunc et in hoc papæ negligit imperium,  
 Propterea fundo mea viscera funditus Odo,  
 Ut mihi perficias hanc tibi rem facilem.  
 Abbatis partem sustentens ordine recto,  
 Ut restauretur filius ille meus,  
 Quod confirmavit in eo Romana potestas,  
 Inconvulsam sit, permaneatque ratum,  
 Et potes et debes, nisi me contempseris, Odo  
 Abbatem sancto reddere Remigio.  
 Non ingratus ero, superaddam gratificandus  
 Munera carminibus, carmina muneribus.

A Ecce fatigatus nimium remeare nequivit,  
 Sed si mandabis ut veniat veniet.  
 Jam securus erit, redeat si scripseris illi,  
 Noverimus quoniam restituendus erit.  
 Si mandare velis quod penses utile nobis,  
 Guidonem nostro noveris esse loco.  
 Guido mihi vivit, magnus, bonus, atque fidelis,  
 Magni momenti, nominis haud modici.  
 Hunc venerare modo quo nos veneramur eodem,  
 Namque bona morum simplicitate viget.  
 Odam dilatat occasio multa precandi,  
 Sed modo sine brevi sis memor, Odo, mei.  
 Item de eodem.  
 Odonem salvere meum sine fine præopto :  
 Odo mi, salve, papa futurus, ave.  
 B Quod te dico meum, præsumptio dicere cogit.  
 Tantum tantillus pontificem monachus.  
 Quem nunquam vidi, quem solis auribus hausi,  
 Dicere præ nimio cogor amore meum.  
 Visceribus totum te nostris insinuavi,  
 Te siquidem novi carmina diligere.  
 Et laudas vates, et præmia vatibus offers,  
 Jocundus, prudens, felle columba carens.  
 Compatiens miseris, peregrinis auxiliator,  
 Morum præ cunctis asperitate cares.  
 Maximus orator, vatium specialis amator,  
 Invitas nostros ad studium calamos.  
 Talem te cupio, mihi te desidero talem,  
 Qualis es, et qualem te volo promereor.  
 Quæso mihi debe quod debet amicus amico,  
 Quos indiscussus consolidavit amor.  
 C Inter quos unquam non est alterna voluntas,  
 Qui sapiunt, vivunt et moriuntur idem.  
 Ecce tibi talem, me si dignare, paciscor,  
 O utinam votis faveris, Odo, meis !  
 Si mihi te dederis, si te dignabere nostrum,  
 Inter cantores Orpheus alter ero.  
 Jam quoque de vestro nimium confusus amore,  
 Audeo pro caris insinuare meis.  
 Burchardum commendo meum, quem diligo multum  
 Tutelæque tuæ, consilioque tuo.  
 Urit Guidonis penuria multa penates.  
 Odo, roriferas cui plus divitias.  
 Dominæ Emmæ.  
 Cœnobarum decus et decor Emma sororum,  
 Suscipe quod mandat Burgulianus ave.  
 D Burgulianus ave tibi mandat, et immolat illud,  
 Quod te contiguet perpetuetque mihi.  
 Utpote quam proprio sic fovit melle sophia,  
 Ut nunc emanent ubera lacte tua.  
 Quod super patuit mihi carmina vestra legenti  
 Quæ tu gratuito nectare condieras.  
 Ad te concurrunt examina discipularum,  
 Ut recreentur apes nulle parentis apis.  
 Quod si discipulos vester concederet ordo,  
 Vellem discipulus ipsemet esse tuus.  
 Amator archiepiscopo.  
 Pontificum lex est veniam præstare roganti,  
 Dissolvit legem qui prohibet veniam.

Optime pontificum. mihi sic applaude roganti,  
 Ut mihi pontificem te tua facta probent.  
 Aures ergo diu pulsatas pande benignus,  
 Quamque rogo supplex inveniam veniam  
 Nubibus ablatis me respice fronte serena,  
 Quidlibet emendo si veniam mereor.  
 Sin autem, certe querimonia nostra coæquos  
 Tanget ut emendent talia pontifices.

*Versus Odonis ad abbatem.*

Hanc, Baldrice, tibi mittit tuus Odo salutem,  
 A te rescribi quam cupit ipse sibi.  
 Nuper, amice, tuum tenui legique libellum,  
 Credere vix potui temporis hujus opus.  
 Tantum pondus erat verbis, facundia tanta,  
 Posset ut hæc credi composuisse Maro.  
 Inter amicorum scribi mea nomina sperans,  
 Devolvi librum terque quaterque tuum.

A Vel levis ulla mei non est tibi mentio facta,  
 Commovit mentem res nimis ista meam.  
 Scilicet indignum me, vir facunde, putasti,  
 Carmine quem velles perpetuare tuo.  
 Attamen urna, lepus, corvus quoque, cancer, aselli,  
 In cælo stellæ te quoque teste nitent.  
 Et post tantorum tot nomina clara virorum.  
 Viles bestiolæ cælica regna tenent.  
 Me quoque multorum post nomina clara virorum,  
 Fac tua cælestis pagina suscipiat.  
 Hæreat in libri, rogo, margine distichon unum,  
 Inscriptus valeat quo tuus Odo legi.  
 Si meritis precibusque meis quæsita negabis,  
 Extorquebo tamen improbitate mea,  
 Hæc mea sæpetibi trivialia carmina mittam,  
 Sic indignanti quod precor excutiam.

## CARMEN BALDRICI DE TABULIS SUIS.

### FRAGMENTUM.

(MABILLON, *De re diplomatica*, Supplem., p. 51, num. 11, *De instrumentis quibus veteres notarii et antiquarii ad scribendum utebantur.*)

Quod attinet ad stylum, eo maxime utebantur veteres ad scribendum in tabulis ceratis. Legimus in veteri codice, modo bibliothecæ Ottobonianæ, carmina Baldrici Burguliensis abbatis, partim edita, partim haud vulgata, in quibus unum est lugubre, imo festivum carmen de graphio fracto, quo Baldricus ad scribendum in tabulis ceratis per annos decem usus fuerat. Ni res parum seria esset ad propositum nostrum, integrum illud carmen referrem, in quo auctor totum styli artificium et usum describit. Hic venit in mentem Leonis Allatii, qui amisso calamo, quo ad græce scribendum unico per annos quadraginta usus fuerat, adeo indoluit, ut vix lacrymas continuerit. In alio carmine Baldricus ludit in tabulas suas, quæ non cera nigra de more, sed viridi oblitæ erant, ad recreandos scilicet oculos: ludit et in stylum eis accommodatum, quem fecerat quidam Lambertus Andegavensis; laudatque abbatem Sagiensem, cujus dono acceperat sacculum, quibus illæ tabulæ, vix semipedales, inclusæ erant. Earumdem vero brevitate et que formam præ cæteris commendat his versibus

*In latum versus vix octo pagina vestra;  
 In longum vero vix capit hexametrum.  
 Attamen in vobis pariter sunt octo tabellæ,  
 Quæ dant bis geminas paginulasque decem.  
 Cera namque carent altrinsecus exteriores,  
 Sic faciunt octo quattuor atque decem.  
 Sic bis sex capiunt, capiunt et carmina centum;  
 Id quoque multiplices paginulæ faciunt.*

Idem versibus suis celebrat Girardum et Hugonem notarios seu scriptores suos, qui carmina sua e tabulis ceratis in membranas referebant.

## OPUSCULA DUBIA.

### DE REVELATIONE ABBATUM FISCANNENSIIUM.

(Vide Patrologiæ tom. CLI, col. 699)

# ACTA S. VALERIANI MARTYRIS

AUCTORE, UT VIDETUR, BALDRIGO.

(CHIFFLET, *Histoire de l'abbaye de Tournus*, preuves, p. 33, ex codicibus ms.. Aceyensi, Cabilonensi, et aliis quibusdam.

Beatissimorum martyrum gloriosa certamina, ob honorem Christi Domini ac Dei nostri assiduis cultibus et solemnitate annua celebrantur, ut dum fidem martyrum plebs devota cognoscit, et illos triumphasse gaudeat, et se patrocinio eorum protegendam esse confidat. Celebre enim habetur, sanctæ recordationis Eusebium historicum, Cæsariensis urbis episcopum, egregiæ vitæ beatissimum sacerdotem, ecclesiastica quoque institutione doctissimum, et præcipua sollicitudine venerandum per omnem orbem, in quantum divino adjuvante Spiritu, ut gestum est rei veritate decursa valuit reperire; prout singularum provinciarum urbes, loca, vel oppida, illustrari triumphis martyrum cælestibus meruerunt, quorumque principum tempore ordinata officiorum instantia innumeræ persecutiones actæ fuerint, declarasse: qui etsi martyrum singulorum integras non explicuit passiones, tamen Christianis devotis atque fidelibus unde scribi vel celebrari debeant, veraciter intimavit. Dei itaque gratiam toto orbe diffusam fidelis cultor excoluit; dum velut exiguo tritici semine copiosæ messes agri fertilitate gignuntur, et multiplicata ubertate proficiunt, ita supradicti viri relatione, ab unius codicis fonte diffusæ scriptis manantibus fidelium, totum orbem celebrandæ passionum martyrum rigaverunt. Nos tamen rei ordinem exsequentes passionem sancti Valeriani martyris ea scribere devotione curavimus, quam triumphante Christo perfectam certissima veritate comperimus.

Igitur Antonini imperatoris temporibus gravissima persecutionis instantia pullulabat; adeo ut cunctis imperii sui provinciis generali fuerit auctoritate vulgatum et decretis imperialibus constitutum, ut ubicunque Christianæ religionis, indiscreto honore, sexu vel genere persona fuisset inventa, diversis afflictis suppliciis capite puniretur. Tunc in Lugdunensi urbe maxima vel præcipua Galliarum, sanctæ recordationis Photinus episcopus, cuius vitæ merita consummatio martyrii declaravit, institutor Christianorum doctissimus habebatur: qui ut præfatus historicus refert, cum aliis quadraginta et octo martyribus, persecutorum instantia comprehensus, ergastularibus, tenebris mancipatur: et quinquaginta animæ Christi gloriam confitentis, in unum carcerem pariter retruduntur. Ex quibus sanctus Marcellus, et sanctus Valerianus nocturno tempore annuntiante angelo evocati pariter et soluti, alter

eorum Sequanorum, alter Æduorum provincias interjecto Arari petierunt: divinæ utique provisionis instinctu, ut eorum institutione et gentilium corda ad cælestis religionis gratiam pervenirent, et nominatæ provinciæ proprio semper martyrum patrocinio munirentur.

Illo in tempore, post sancti Marcelli gloriosum certamen martyrii. Prisci præsidis examinatione confectum, nec longo intervallo, dum ipse præses ad Lugdunensem urbem sub voce præconis, et per aggerem publicum mularibus vehiculis, et per amnem Sagone navali cursu, diviso agmine properaret Trenorchium, quod tunc in erogandis militum annonis castrense horreum vocabatur, die jam vesperternis horis declinante pervenit. Ubi dum de passione sancti Marcelli quæ in Cabilonensi urbe acta fuerant, insana relatione denuntiat, suggestione gentilium cognovit, sanctum ibi Valerianum orationis secretissimam habere cellulam, et multos jam Christicolos effecisse.

Tunc nequissimus præses eadem nocte atroci cogitatione versatus, adventante jam luce ut mentis crudelitas flagitabat, sanctum perquiri Valerianum ab officio, et suis conspectibus statui imperavit. Ad eujus tugurium cum directi milites pervenissent, ille eos æstimans Christianos gratia charitatis, more hospitalitatis invitat. Quem illi primitus intuentes, signum crucis et intra cellulam suam habere, et suis adhibuisse vultibus conspexerunt; statimque comprehensum dixerunt sagaci inquisitione solliciti, quod esset signum illud quod intra suum tugurium invenissent, aut illis venientibus in suam signasse faciem videretur. Tunc sanctus Valerianus respondit: « Hoc est signum salutis, in quo Dominus cæli et terræ Jesus Christus, una cum Patre et Spiritu sancto regnans ante sæcula, et in æternum permanens, nos sua passione redemit, et moriendo contritis mortis vinculis, æternæ vitæ præmia condonavit. » Tunc illi dixerunt: « Ergo et tu, Marcelli socius, Christianum te esse denuntias? » Sanctus Valerianus respondit: « Me et socium sancti Marcelli, et Christianum esse, libera et usque in finem mansura voce profiteor. »

Impositis itaque vinculis, et post tergum manibus vinctis veluti scelerati criminis reus, Prisco præsidi ab officio præsentatur. Quem cum ille intueretur belluini cordis severitate inflammatus sic ait: « Tu es Valerianus, Christi nomen prædicans errore su-

perfluo periturus? An fortasse quæ acta fuerint de socio tuo Marcello, simili errore decepto, ad tuam minime notitiam pervenerunt? Consulētibi, deorum immortalium numina venerando. Cognosce quæ adorari sacratissimi imperatoris decernit auctoritas: quæ et patres nostri viderunt, et nos eorum effigies sanctissimas adoramus, et quorum progenies cœlis manifestissime dominatur. Omnipotentem itaque Jovem, et Junonem ejus conjugem ac sororem: Venerem etiam tanti dei filiam, Vulcanum et Martem fratres ipsius pariter et maritos adora. Quod si non feceris, longe a collega tuo Marcello gravioribus suppliciiis punieris. »

Sanctus Valerianus respondit: « Præsidentem te esse, et judicem provinciarum, circumstans declarat officium; sed omnis scientiæ, error gentilium reddit ignarum. Quomodo imperatoris tui nefaria religione, imperatorum decreta convellis? Quæ sunt numina ista quæ loqueris? Incesta puniri legum præcipiunt statuta; et tu deum esse omnipotentem voce sacrilega profiteris, quem germanæ suæ fuisse conjugem non negasti; filiamque ejus Venerem, fratris uxorem a me aestimas adorandam? Hæc crimina in numinibus veneranda, et in hominibus damnanda pronuntias? Tuo te satis abundeque errore confundis. Et beatissimi fratris mei Marcelli supplicia mihi te illaturum minaris, glorioso certamine superata? Atque utinam te victum et illius virtute, et tua pronuntiatione cognosceres, et Deum cœli ac terræ dominatorem omnium rerum atque factorem, de bonis sensibus adorares; qui sine crimine passus est: ut sua nos morte ab æterno mortis crimine liberaret et sua resurrectione fiduciam nobis perpetuæ salutis ostenderet, cujus regni nec finis nec principium invenitur! Hic est Deus verus, qui non

in metallis, nec in lapidibus, sed in templo fidei æternæ beatitudinis gratia reperitur. »

Priscus præses dixit: Circumstantia puniendi supplicia non pavescis? Et velut justificaturus [al., judicator] judicem vana quædam deliramenta pronuntias? Nunc evidentius approbatis meorum virtutem numinum, aut vanam Dei tui potentiam, in tormenta desiciens. » Sanctus Valerianus respondit: « Tormenta ista quæ nominas, jam a precedentibus meis sunt commilitonibus superata. » Tunc sævissimus præses stipiti appensum sanctum Dei martyrem unguibus jussit ferreis laniari: et cum auxilio Christi nullis fatigatus suppliciis in laude Domini perduraret, ac nequissimus præses, per illius perseverantiam et ad veram Christianæ fidei religionem pervenire plurimos vereretur, solum exinde, in locum quo nunc venerandi corporis reliquias excolimus, gladio feriente jussit interficere.

Tunc sanctus Valerianus primi martyris et levite sancti Stephani habens gratiam et gloriam reminiscens, cœlos intuens illum vidit oculis sibi offerre coronam, cui moriendo non metuit martyrii præbere victoriam. Sic itaque sanctus martyr locum illum corpore consecravit, cœlorum spiritu regna conscendens. Cujus festivitatem annuam celebrantes patrocini de bonis mentibus exoremus, ut fidem plebis augeat, provinciam propriam tueatur, cunctumque populum suis cultibus adhærentem pia intercessione conservet: et qui ejus triumphum devotus ac fidelis scriptor excoluit, in præsentis sæculo, vel in futuro, patrocini ejus æterna gratia muniat, præstante Domino nostro Jesu Christo, cui est imperium et potestas cum Patre et Spiritu sancto in sæcula sæculorum. Amen.

## DE VISITATIONE INFIRMORUM

(In codice bibliothecæ Lambethanæ Londinensis Baldrico vindicatur hoc opusculum, quod esse unum ex illis quæ inter supposita Augustino leguntur jam suspicatus fuerat Oudinus. Hanc conjecturam suo testimonio confirmat D. Pitra, qui nuper codicem Lambethanum evoluit, ex cujus auctoritate libellum hunc ἀδελφικόν hucusque, Baldrico restituentum censet. — Vide Patrologiæ tom. XL, Operum S. Augustini VI, col. 1147.)

## BALDRICI DOLENSIS

### DIPLOMA

Quo omnia bona monasterii S. Florentii confirmat.

(Anno 1109.)

[Spicil. edit de la Barre, t. III, p. 459.]

Quoniam antiquorum benegesta a modernis multoties depravantur, nec sæcularia tantum, sed etiam ecclesiastica jura ignorantium seria sæpe perturbat

cupiditas: non incongruum hinc arbitror juxta rerum necessitudinem, et temporum rationem, præcedentium instituta succedentium consensu quasi

quibusdam fulcire sustentamentis, atque quibusdam munire præsiidiis, ut qua manum inferre possit alieni cupidus appetitor, nihil reperiat. Hac quidem consideratione a monachis S. Florentii res quæ tam ita gesta est. Dum dominus Baldricus Dolenis archiepiscopus, Roma rediens, in secundo ordinationis suæ anno pallium, sui scilicet ordinis perfectionem, secum deferret, pridie Nonas Martii Salmuro apud Sanctum Florentium hospitatus est. Qui in crastina die, quæ tunc Dominica evenit, capitulum ingressus, cum sermonem cum fratribus habuisset, ab ipsis rogatus est ut ea omnia quæ in suo episcopio possidebant, et suæ dignitatis consensu pertinebant, firmissime eis concederet, et eua auctoritate protegeret: quibus ipse se facturum spondit. Post triduum ergo, die scilicet quo discessurus erat, summo mane tabulam pulsare fecit, et fratribus

congregatis capitulum ingressus est, et eis omnia sicut poposcerant concessit, salva tamen querela canonicorum S. Sansonis, et ecclesiæ Sanctæ Mariæ, quæ in castro Dolis sita est. Hujus concessionis testes sunt Joannes episcopus S. Briochi, qui cum eo venerat et præsens aderat; dominus abbas Guillelmus ejusdem cœnobii, Orgerius prior, et omnes alii fratres qui tum in conventu S. Florentii aderant, quos longum est enumerare. Ipse quoque Joannes episcopus concessit nobis et quidquid in episcopio suo habebamus, et quidquid exinde acquirere possemus.

Actum est hoc anno ab Incarnatione Domini 1109, indictione Romanorum II, cyclo lunari VIII, termino Paschali XIV, Kalendas Maii, die ipsius Paschæ, VII Kalendas Maii, luna ipsius diei vicesima prima.

ANNO DOMINI MCXXX

# HONORIUS II

PONTIFEX ROMANUS

## NOTITIA HISTORICA

(MANSI, *Concil.* XXI, 319)

Honorius, dictus ante Lambertus, Bononiæ natus, Ostiensis episcopus, qui Wormatiensi principum conventu resignantem libere investituram episcoporum imperatorem Henricum, auctoritate sedis apostolicæ, cujus legatione fungebatur, vinculo anathematis absolverat, electus est pontifex XIX Kalendas Januarii, anno Christi 1124, tempore Henrici regis Germaniæ V et imperatoris ejusdem nominis IV. Contra eum in schismate creatus est pseudopontifex Theobaldus sanctæ Anastasiæ cardinalis, Cælestini II nomine insignitus. Verum quia cum Honorio pars potior erat, inquit Caronicus Casinense, fautores Theobaldi rerum eventum cernentes ad Honorium se contulerunt. Idem iisdem fere verbis abbas Urspergensis, addens eundem in Romana Ecclesia diutissime probatum, et in ea legatione, qua ipse dudum in reconciliatione regni et sacerdotii Germanicis in partibus strenue laboraverat, eis citraque notificatum, tam illorum qui longe, quam qui prope erant, sacerdotum unanimi favore consecratum, moreque sedis illius vere tanto honore dignum, Honorium appellatum esse. Unus Tyrius lib.

C XIII Belli sacri, cap. 15, de electione hujus pontificis ait: « Eodem anno 1124 dominus Calistus bonæ memoriæ papa secundus vita decessit, cui substitutus est quidam Lambertus, patria Bononiensis, Ostiensis episcopus, qui dictum est Honorius. Hic electus est sub contentione cum quodam Theobaldo presbytero cardinali tituli Sanctæ Anastasiæ; et quia electio ipsius Honorii minus canonice processerat, post duodecim dies in conspectu fratrum mitram et mantum sponte refutavit atque deposuit. Fratres vero tam episcopi quam presbyteri et diaconi cardinales, videntes ipsius humilitatem et prospicientes in posterum ne in Romanam Ecclesiam aliquam inducerent novitatem, quod perperam factum fuerat in melius reformarunt, et eundem Honorium denuo auctorizantes ad ejus vestigia procederunt, et tanquam pastori suo et universali papæ consuetam obedientiam sibi exhibuere. » Hæc de Honorii electione Tyrius. Eadem iisdem fere verbis Pandolphus apud Baronium: « Willelmum Tyri archiepiscopum ex Latinis primum a Guaremundo Hierosolymitano patriarcha consecratum pallio do-



navit, scriptisque ad episcopos et clericos Tyri nec non ad prædictum Guaremundum Hierosolymitanum patriarcham epistolis mandavit, ut suum illi archiepiscopum a se jure pallii donatum benigne accipiant, et religiose observent. » — « Misit etiam cum eodem, inquit Tyrius, dominum Ægidium Tusculanum episcopum, apostolicæ sedis legatum, virum eloquentem et admodum litteratum, per quem Antiocheno patriarchæ Bernardo epistolam scripsit, monens ut domino Tyrensi suos quos detinebat, sub pœna suspensionis, restitueret suffraganeos. Initio pontificatus Oderisium abbatem Cassinensem, ob contemptum sedi apostolicæ iteratis vicibus illatum, excommunicavit, et deposuit. » Petrus Diaconus : « Sanctum Bernardum hac ætate mirabilem ac velut quoddam sidus terris illapsum, Hidelbertum Turonensem archiepiscopum, Norbertum multarum gentium apostolum, Hugonem de S. Victore Parisiensem theologum, aliosque viros ingenio, doctrina, religione ac pietate præstantes, mirifice coluit. Decreta synodi Nannetensis, quibus duo jura Conano comiti Britannicæ consentienti eripiebantur, rescripto quodam velut sancte et legitime constituta confirmavit : pravamque illam corruptelam potius quam consuetudinem, qua, decedente marito vel uxore, universa decedentis mobilia, quæque ex naufragio emergerant, non ad filios vel legitimos heredes, sed ad fiscum transibant, magno beneficio totius Britannicæ plane abrogavit. » Papirius Massonus : « Ottonem Halberstadensem episcopum a suis canonicis accusatum et convictum quod pro consecratione cujusdam ecclesiæ triginta solidos accepisset, deposuit, eique Rodolphum substituit. » Chronicon Hirsaugense : « Wilhelmo duce Apuliæ et Calabriæ sine liberis defuncto, Rogerium Siciliæ comitem ejusdem invasorem, vi et armis coegit ad juramentum fidelitatis more solito Ecclesiæ Romanæ præstandum. Ludovicum Crassum Franciæ regem bonorum et jurium ecclesiasticorum usurpatorem, a Stephano Parisiensi

episcopo justis censuris innodatum, male informatum, ideoque a S. Bernardo binis litteris graviter satis reprehensus, absolvit. Hujus tempore Tanchelinus quidam Adamitarum hæresim condens, multos Antverpiæ sua eloquentia et sedulitate seduxit. Negabat enim corporis et sanguinis Christi perceptionem ad salutem prodesse : nihili faciebat sacerdotes et episcopos : suis hæresibus non assentientes per suos sectatores, habebat enim circiter tria millia militum qui eum ubique sequebantur, occidi jubebat. Ad eam hæresim ex hominum animis eradicandam, illius loci episcopus constitutus est Norbertus Præmonstratensis ordinis : qui suis concionibus adeo profecit, ut fere omnes ad fidem catholicam conversi fuerint, afferentes in ecclesiam corpus Dominicum, quod per decem annos in oïstis et foraminibus secluserant. » Robertus continuator Sigeberti : « Ejusdem temporibus universa fere Pomeranorum natio a Boleslao Polonorum duce subacta, magnusque rex Golthorum prædicatione Ottonis Bambergensis episcopi Christianam fidem complexus, in Christi castra transierunt. » Helm. cap. 41. Olaus lib. II, *De gentibus septentrionalibus* cap 7 : « Cumque tandem Honorius papa post obitum Henrici V, qui sine hærede decesserat, anno Domini 1125, Lotharium duce Saxonie, communi procerum consensu regni et imperii successorem designatum, a rebellantibus contra eum Henrici nepotibus ex sorore, Conrado nimirum et Friderico Suevorum ducibus, ut testatur Frisingensis, sententia excommunicationis in eos prolata, ab intestino bello liberasset, defunctus est xvi. Kalend. Martii, anno 1130 : cum tenuisset pontificatum annis quinque, mense uno, et diebus septemdecim. » — « Hic fecit, inquit Pandolphus apud Baronium, ordinationes in Urbe plures, » etc. Ægrotus deferri se fecit ex Lateranensi palatio ad monasterium S. Andreæ, ibique in pace defunctus est ; sepultus vero in basilica Salvatoris.

## NOTITIA DIPLOMATICA.

(Philippus JAFFÉ, *Regesta pontif, Rom.* pag. 549.)

+ *Honorii sententia hæc est : OCULI DOMINI SUPER JUSTOS* (1, 3, 4, 6, 48, 21, 22, 23, 24, 39, 42, 43, 66.)

*Bullis ejus subscripserunt :*

<i>ep. Albanensis. Vitalis . . . . .</i>	<i>a 7 Mart. 1125 ad 28 Mart. 1126</i>	
<i>« Ostiensis. Joannes . . . . .</i>	<i>d 24 Mart. 1129</i>	
<i>« Portuensis. Petrus . . . . .</i>	<i>a 2 Apr. 1125 ad 7 Mai. 1128</i>	
<i>« Prænestinus. Guilielmus . . . . .</i>	<i>a 2 Apr. 1125 ad 24 Mart. 1129</i>	
<i>« Sabimensis. Crescentius . . . . .</i>	<i>a 2 Apr. 1125 ad 21 Jul. 1126</i>	
<i>« Tiburtinus. Conradus . . . . .</i>	<i>a 7 Mai. 1128 ad 24 Mart. 1129</i>	
<i>« Tiburtinus. Guido . . . . .</i>	<i>a 7 Mart. 1125 ad 21 Jul. 1126</i>	
<i>« Tusculanus. Ægidius . . . . .</i>	<i>a 7 Mart. 1125 ad 24 Mart. 1129</i>	
<i>pr. card. tit. S. Anastasiæ . . . . .</i>	<i>Petrus . . . a 7 Mai. 1128</i>	<i>ad 24 Mart. 1129</i>
<i>« « SS. Apostolorum . . . . .</i>	<i>Gregorius . . a 2 Apr. 1125</i>	<i>ad 24 Mart. 1129</i>
<i>« « SS. Aquilæ. et Priscæ . . . . .</i>	<i>Gerardus . . a 4 Mai. 1125</i>	<i>ad 24 Mart. 1129</i>
<i>« « S. Balbinæ . . . . .</i>	<i>Gregorius . . a 2 Apr. 1125</i>	<i>ad 24 Mart. 1129</i>
<i>« « S. Cæcilie . . . . .</i>	<i>Joannes . . . d 28 Mart. 1126</i>	

			<i>Goselinus</i>	<i>d 24 Mart. 1129</i>
"	"	"	<i>Petrus</i>	<i>a 2 Apr. 1125 ad 24 Mart. 1129</i>
"	"	"	<i>Joannes</i>	<i>a 28 Mart. 1126 ad 24 Mart. 1129</i>
"	"	"	<i>Anastasius</i>	<i>d 7 Mart. 1125</i>
			<i>Ubertus</i>	<i>a 28 Mart. 1126 ad 24 Mart. 1129</i>
"	"	"	<i>Rusticus</i>	<i>d 24 Mart. 1129</i>
"	"	"	<i>Petrus</i>	<i>a 7 Mai. 1128 ad 24 Mart. 1129</i>
"	"	"	<i>Benedictus</i>	<i>a 2 Apr. 1125 ad 21 Jul. 1126</i>
"	"	"	<i>Deusdedit</i>	<i>ab 1125 (bull. 30) ad 24 Mart. 1129</i>
"	"	"	<i>Gregorius</i>	<i>d 2 Apr. 1125</i>
pr. card. tit.	S.	<i>Marcelli</i>	<i>Petrus</i>	<i>ab 1125 (bull. 30) ad 21 Jul. 1126</i>
"	"	SS.	<i>Marcellini et Petri</i>	<i>Crescentius. d 2 Apr. 1125</i>
			<i>(Sigilo?)</i>	<i>d 21 Jul. 1126)</i>
"	"	"	<i>Bonifacius</i>	<i>a 4 Mai. 1125 ad 21 Jul. 1126</i>
"	"	"	<i>Aldericus</i>	<i>d 28 Mart. 1126</i>
"	"	"	<i>Conradus</i>	<i>d 21 Jul. 1126</i>
"	"	"	<i>Desiderius</i>	<i>a 7 Mart. 1125</i>
"	"	"	<i>Gregorius</i>	<i>d 21 Jul. 1126 ad 28 Mart. 1126</i>
"	"	"	<i>Sigiso</i>	<i>a 7 Mart. 1125 ad 24 Mart. 1129</i>
"	"	"	<i>Sazo</i>	<i>a 2 Apr. 1125 ad 24 Mart. 1129</i>
"	"	"	<i>Petrus</i>	<i>a 7 Mart. 1125 ad 7 Mai. 1128</i>
diac. card.	S.	<i>Adriani</i>	<i>Matihæus</i>	<i>a 2 Apr. 1125 ad 4 Mai. 1125</i>
"	"	"	<i>Gregorius</i>	<i>a 2 Apr. 1125 ad 24 Mart. 1129</i>
"	"	SS.	<i>Cozmæ et Damiani</i>	<i>Jonathas. a 2 Apr. 1125 ad 24 Mart. 1129</i>
"	"	"	<i>Rossemanus.</i>	<i>a 2 Apr. 1125 ad 4 Sept. 1128</i>
"	"	"	<i>Stephanus</i>	<i>a 2 Apr. 1125 ad 28 Mart. 1126</i>
"	"	"	<i>Comes</i>	<i>d 2 Apr. 1125</i>
"	"	"	<i>Stephanus</i>	<i>a 28 Mart. 1126 ad 21 Jul. 1126</i>
"	"	"	<i>Angelus</i>	<i>a 2 Apr. 1125 ad 21 Jul. 1126</i>
"	"	"	<i>Romanus</i>	<i>a 2 Apr. 1125 ad 21 Jul. 1126</i>
"	"	"	<i>Petrus</i>	<i>d 28 Mart. 1126</i>
"	"	"	<i>Joannes</i>	<i>a 28 Mart. 1126 ad 21 Jul. 1126</i>
"	"	SS.	<i>Sergii et Bacchi</i>	<i>Gregorius. a 2 Apr. 1125 ad 24 Mart. 1129</i>
"	"	"	<i>Theodori</i>	<i>Hugo. a 7 Mart. 1125 ad 21 Jul. 1126</i>

prior subdiaconorum sacræ basilicæ *Hyacinthus* d. 21 Jul. 1126.

sacræ basilicæ subdiaconi *Joannes, Rodolphus* (d. 7 Mart. 1125), *Hermannus, Nicolaus, Matthæus* (d. 21 Jul. 1126).

prior subdiaconorum de Cruce *Silvius* d. 21 Jul. 1126.

sacri palatii subdiaconus *Bobus, Stephanus* d. 21 Jul. 1126

subdiaconi *Petrus, Caleph, Joannes, Gerardus* d. 21 Jul. 1126

clericus *Bonifacius* d. 21 Jul. 1126

Datæ bullæ sunt p. m.

*Aimerici* (al., *Almerici, Armerici, Imerici, etc.*) S. R. E. diac. card. et cancellarii a 49 Febr. 1125 ad 19 Dec. 1129.

*Aimerici* S. R. E. diac. card. ac bibliothecarii vice domini *Friderici, archicancellarii et Coloniensis archiepiscopi.*

## HONORII II

PONTIFICIS ROMANI

## EPISTOLÆ ET PRIVILEGIA.

1.

*Ecclesiæ S. Vincentii Bergomatis canonicorum protectionem suscipit et possessiones juraque confirmat.*

(Anno 1125, Febr. 19.)

[UGHELLI *Italia sacra*, IV, 450.]

HONORIUS episcopus, servus servorum Dei, dilectis filiis ALBERTO archipresbytero et fratribus in matrice Bergomensi ecclesia S. Vincentii canonice viventibus eorumque successoribus in eadem religione manentibus in perpetuum.

Ad hoc universalis Ecclesiæ cura, etc. Quapropter

A vestris in Domino filii postulationibus clementi pietate annuimus, et B. Vincentii ecclesiam una cum vestræ congregationis collegio, ac omnibus ad ipsum pertinentibus sub tutela apostolicæ sedis recipimus. Per præsentis igitur privilegii paginam apostolica auctoritate statuimus ut quæcunque bona seu possessiones a catholicis episcopis sive religiosis regibus Ecclesiæ vestræ tradita, quæque in præsentiarum jure possidet, et quæcunque in futurum largiente Domino juste et canonice poterit adipisci in ecclesiis, oppidis, villis et decimis, in nundinarum peditibus, sive aliis rebus, tam vobis quam vestris

successoribus regulariter viventibus firma semper A et integra conserventur. Decernimus ergo ut quando in canonicæ disciplinæ obervantia permaneritis, nulli omnino hominum liceat eandem ecclesiam temere perturbare, aut ejus possessiones auferre, vel ablatas retinere, minuere, vel temerariis vexationibus fatigare, sed omnia conserventur eorum pro quorum sustentatione et gubernatione concessa sunt, usibus omnimodis profutura. Interdicimus etiam ut nec episcopo, nec alicui personæ facultas sit communitatis vestræ bona in proprios usus deflectere, sive in beneficium aliis dare, vel modis aliis ad præbenda fratrum, vel communi utilitate alienare; locationes vero, commutationes, vel investitiones prædiorum communi fratrum consilio pertractentur, nec hujusmodi jus ab episcopo vel personis quibuslibet invadatur, salva tamen canonica catholici episcoporum Bergomensis, reverentia. Si quis autem in futurum, etc. Amen.

Dat. Laterani per manum Aimerici S. R. E. diac. card. et cancellarii xi Kal. Martii, ind. iii. Incar. Dominicæ 1125, pontificatus autem domni Honorii secundi papæ anno primo.

## II.

*Bona et privilegia monasterii Rhenaugiensis confirmat.*

(Anno 1123, Febr. 24).

[ZAPP, *Anecdota Monumenta hist. Germaniæ illustrantia* tom. I, p. 471, Aug. Vindel. 1785, in 4<sup>o</sup>]

HONORIUS episcopus, servus servorum Dei, dilecto in Christo filio DIETMARO abbati Rhenaugiensis monasterii, ejusque successoribus regulariter substituendis in perpetuum (1).

Sicut injusta poscentibus nullus est tribuendus effectus, sic legitima desiderantium non est differenda petitio. Eapropter, fili charissime Dietmare, tuis petitionibus annuentes per præsentis privilegii paginam vestro venerabili Rhenaugiensi monasterio confirmamus, quæcunque ad idem monasterium legitimis fidelium donationibus pertinere noscuntur, quæcunque etiam in posterum concessione pontificum, liberalitate principum, vel oblatione fidelium, juste atque canonice poterit adipisci, firma tibi tuisque successoribus et illibata permaneant. Decernimus itaque sub divi interminatione judicii ut nulli omnino hominum liceat idem monasterium temere perturbare, aut ejus possessiones auferre, vel ablatas retinere, minuere, vel temerariis vexationibus fatigare, aut in beneficium dare, sed omnia integre conserventur eorum, pro quorum sustentatione ac gubernatione concessa sunt, usibus omnimodis profutura. Nullus advocatus constituatur, nec aliquis quolibet ingenio se inge-

(1) Duplex inscriptionis clausula in pontificiis rescriptis usu venit, nempe *in perpetuum et salutem et apostolicam benedictionem*: prior quidem in bullis majoris momenti, et quæ in longum tempus valituræ erant: posterior vero in aliis brevioribus rescriptis, quæ in præsens exsequenda. Ita Mabill. *De re diplomatica*, lib. vi.

(2) Substituere indictionem quartam. Qua de re

rat, vel intromittat, nisi quem abbas elegerit. Qui si in aliquo ei resisterit, concessa potestate careat, et alium auctoritate apostolica abbas eligat. Obviente te nunc ejusdem loci abbate, vel quolibet tuo successore, nullus ibi quolibet astutia vel violentia ponatur, nisi quem fratres communi consensu vel pars consilii sanioris elegerint. Si qua igitur in futurum ecclesiastica sæcularisve persona hanc nostræ constitutionis paginam sciens contra eam venire tentaverit, secundo tertiove commonita, si non emendaverit, honoris potestatisque suæ dignitate careat, reamque se divino judicio esse cognoscatur, et a sacratissimo corpore Domini aliena fiat, sitque anathema in die Domini extremo igne comburenda. Amen.

B Ego Honorius catholicæ Ecclesiæ episcopus subscripsi.

Datum Lateranis per manus Aimerici sanctæ Romanæ Ecclesiæ diaconi cardinalis ac bibliothecarii, vice domni Friderici archicancellarii, et Coloniensis archiepiscopi, vi Kal. Martii, anno ab Incarnatione Domini 1126, indict. iii (2), pontificatus domni Honorii papæ II anno i.

## III.

*Confirmatio super abbatiam et electionem abbatum in Salfeld secundum quod institutum est ab Hannone Coloniensi et a Sigefrido archiepiscopo Moguntino: et incorporatio super parochiam Neuhausen et Crölup, et quod nullus in territorio vel jurisdictione domni abbatis ecclesiam fundet seu consecret, neque canes pascantur, nec venatoribus stipendia dentur.*

(Anno 1125, Febr. 24.)

[*Thuringia sacra*, 698.]

HONORIUS episcopus, servus servorum Dei, charissimo in Christo filio WALTHERO Salfeldensi abbati et omnibus post eum promovendis in perpetuum.

Quando dignitas et auctoritas apostolicæ sedis, cui Domino dispensante præsidemus, ad hoc maximum spectat, ut universæ Ecclesiæ per totum mundum inde prospiciatur et cunctæ congregationes et loca sanctorum per illam disponantur, stabiliantur et defensentur, notum facimus omnibus filiis nostris, cunctis scilicet fidelibus Christi, et volumus pro remedio animæ nostræ et pro interesse sanctorum apostolorum Petri et Pauli ut locus eorum et abbatia, quæ vocatur Salfeld, ita permaneat et confirmetur secundum quod eam instituit venerabilis Hanno archiepiscopus Coloniensis constructor ejus et cooperatores ejus Sigefridus Moguntinensis archiepiscopus in cujus parochia sita est super fluvium, qui Sala dicitur. Volumus ergo et sub interminatione perpetui anathematis constituimus et præcipimus ut locus ille perpetua pace sit

Mabill. citat. lib. II, cap. 25, n. 9, scribit: « Inveniuntur quædam bullæ quarum calculus recentiorum nostrum prævertit, » ubi exempla circa hos ipsos annos affert. Aimericus seu Emericus cardinalis sæpius in bullis subscriptus reperitur, nunquam tamen cum titulo bibliothecarii, alias consueto, prout fit in præsentibus bullis.

stabilis et quietus, et ab omni violatione, et ab omni A perturbacione, et in favore tutus et munitus. Monachi qui ibi secundum regulam S. Benedicti vivunt et secundum consuetudinem cœnobii Sigebergensis, et habent liberam electionem de abbate suo, si fuerit inter eos, qui dignus sit esse abbas, eligant eum, sin annon de cœnobio Sigebergensi unde consuetudines habent, abbatem accipiant, quem et constitutum nullus ad aliquod curiale servitium constringat. Res et possessiones istius loci, quæ venerabilis Hanno vel alii episcopi et fideles illic tradiderunt, et ad me tradituri sunt auctoritatis nostræ banno confirmamus. Parochiam, quæ dicitur Neuho-fen, et parochiam quæ dicitur Crolup, et alias omnes parochias et ecclesias quæ sunt in illa terra locus ille sub jure suo firmiter habeat, sicut vene-rabilis Hanno disposuit, et nullus in illa provincia vel ecclesiam construat vel consecret sine abbatis consensu. Et quemadmodum gens illius terræ priusquam venerabilis Hanno archiepiscopus per illud cœnobium et per alias quas construxit ecclesias aggressus est, pagana fuit et adhuc semipagana videtur, concedimus et damus auctoritatem sicut item Hanno episcopus et Sigefridus archiepiscopus testamento sanxerunt, ut abbas illius loci et monachi, quos ad hoc procuravit, habeant ibi potestatem prædicandi verbum Dei, baptizandi, sepeliendi, infirmos visitandi, confessiones percipiendi, ut scintilla Christianitatis quæ per eos adhuc ibi vi-get, nequaquam extinguatur, sed magis ac magis ad honorem sanctæ ac summæ individue Trinitatis accendatur. Montem, qui dicitur Coburg, cum om-nibus prædiis ad eum pertinentibus monachi Sal-feldenses possideant, et villam quæ dicitur Sevrin-veldin et aliam Sidemaresdorff, et mercatum quod est in Moderin (3) et prædia cujusdam Reginaldi, quæ prope ad XII mansos ibi habent, et alibi vil-lam, quæ dicitur Ilmina cum molendino, et om-nibus utilitatibus suis, nemus et silvam quæ quon-dam ad cameram pertinuit, sicut Hanno archiepi-scopus contradidit, ita habeant cum omnibus villis et novalibus ibi elaboratis; et si quis a temporibus ejusdem Hannonis archiepiscopi usque nunc aliquod ibi novale sine abbatis licentia usurpavit, vel deinceps usurpare voluerit, ni resipiscat, et nisi sanctis apostolis Petro et Paulo et eorum monachis sua recognoscat, sit anathema in perpetuum. Simi-liter et de illis censemus qui decimam illam quæ per terram datur de singulis mansis cum duobus tantum modis vel auferre vel subtrahere voluerint monachis illis, quia specialiter *dos monasterii* est, et quotidiana Domino militantium sunt parata sti-pendia. Nullus ergo episcopus, nullus episcopi vil-licus, nullus miles amplius de illa decimatione se intromittat, si voluerit Ecclesiæ matris gremio confoveri. Interdicimus etiam in nomine Patris et Filii et Spiritus sancti, ut in bonis monasterii se-

(3) *Moderin*, Medera dicitur, non longe a Wiesen-felda in Franconia.

cundum consuetudinem provinciæ illius neque ca-nes pascantur, neque stipendia venatoribus dentur, nec episcoporum, nec advocatorum, nec aliorum quorumlibet hominum violentia locus ille gravetur et opprimatur, cum sit ibi vinea Domini Sabaoth quæ per nos et successores nostros munita et septa sit intus et foris, ubi Martha possit ministrare, ubi Mariæ detur pacare et videre quam suavis est Dominus, ubi *Gloria in excelsis Deo et in terra pax hominibus bonæ voluntatis*, et pro omni populo Do-mini et nostro sæpius auditur et præcantatur. His consuetudinibus, et illud adjicimus, et auctoritatis nostræ banno cunctis fidelibus notificamus, quod quidam ingenuus vir nomine Adelbertus de Conize et uxor ejus nomine Christina pro remedio animarum suarum, et parentum et affinium suorum tradiderint Domino et apostolis ejus Petro et Paulo ibi in Sal-feld prædia sua quæcunque habuerint in illa terra, quæ dicitur Orla, videlicet Coniza in Buchio, in Brisunnice, vel in Quezin et alibi ubicunque jacent cum omnibus utilitatibus suis, viis et inviis, exitibus et redivibus, agris et silvis, terris cultis et in-cultis, aquis et aquarum decursibus, molendinis, pratis, pascuis et familiis. Hæc omnia eo jure tra-diderunt ut quicumque est abbas Salfeldensis habeat sub manu sua ipsorum bonorum advocatum, et quicumque voluerit committat eam sine beneficio, et sine alicujus hæredis successione, et ex ipsis bonis nullus habeat beneficium, prætereos homines qui excepti sunt, cum suis beneficiis quando ista facta est delegatio. Qui autem ex familia traditi sunt, ut vocentur *servientes*, qui ex abbacia S. Mi-chaelis in Sigeberge, et ex abbacia S. Pantaleonis in Colonia. Qui autem ita delegati sunt, ut sint sicut fuerunt tantum ex familia tali jure potiantur, ut quicumque eorum culpabilis in judicio pronuntietur, cum xxx tantum denariis emendetur et eorumdem denariorum medietatem, hoc est, xv persolvat. Ipse vero prænominatus miles Adelbertus et conjux ejus Christina habeat advocatiam ipsorum prædiorum, et ipsa prædia cum omni utilitate quandiu vivunt nisi sponte voluerint ea dimittere. Post mortem autem amborum, abbas et fratres sui ea libere et potestative possideant in eleemosynam et utilitatem monasterii, et pauperum et hospitii Christi. Si quis hanc infringere, vel violentiam aliquam his decre-tis inferre voluerit, sciat se per auctoritatem aposto-lorum Christi Petri et Pauli, et per nostrum potes-tatis bannum anathemate et igne perpetuo cum om-nibus iniquis et raptoribus, et invasoribus damnan-dum, nisi cito pœnitentia digna commotus resipis-cere curaverit.

Ego Honorius catholicæ Ecclesiæ episcopus.

Data Laterani vi Kal. Martii per manum Dilmari-cæ cancellarii bibliothecarii sanctæ Romanæ Eccle-siæ; anno ab Incarnatione Domini 1125, indict. III, pontificatus domni Honorii II papæ anno II (4).

(4) Signa chronologica sunt corrupta. JAFFÉ.

## IV.

*Privilegium pro congregatione Camaldulensi.*

(Anno 1125, Mart. 7.)

[MITTARELLI *Annal. Camaldul.* t. III, p. 306, ex codice antiquo S. Michaelis Pisarum ]

HONORIUS episcopus, servus servorum Dei, dilectis filiis JOANNI priori Camaldulensi, et ejus fratribus tam præsentibus quam futuris in perpetuum.

Ad hoc universalis Ecclesiæ cura nobis a provisoro omnium honorum Deo commissa est, ut religiosas diligamus personas, et beneplacente Deo religionem studeamus modis omnibus propagare. Nec enim Deo gratus aliquando famulatus impenditur, nisi ex charitatis radice procedens a puritate religionis fuerit conservatus. Oportet igitur omnes Christianæ fidei amatores religionem diligere, et loca venerabilia cum ipsis personis divino servitio mancipatis attentius confovere. Quapropter, charissimi in Domino filii, justis petitionibus vestris assensum præbentes locum vestrum cum omnibus ad se pertinentibus in beati Petri tutelam, nostramque protectionem suscipimus, et apostolicæ sedis patrocinio communimus. Per præsentis igitur privilegii paginam constituimus, ut Camaldulensis Eremiti status semper in religionis suæ vigore permaneat, et monasticæ observantiæ ordo in tota vestra congregatione statutus a nullius protervia commutetur, et ne cui fratrum vestræ congregationis post monasticam professionem exhibitam, absque prioris et rationabili fratrum licentia egredi liceat, prohibemus; quod si exire præsumperit, et secundo tertiove commonitus redire contempserit, usque ad condignam satisfactionem excommunicationis sententiæ submitatur. Ecclesiis vero ab ejusdem congregationis fratribus rectis a nullo episcoporum absque canonica examinatione divinum interdicitur officium. Liceat et ecclesiarum vestrarum monachis in communi civitatis, seu parochiæ interdicto, clausis januis, et non admissis diocesanis, divina officia celebrare. Porro qui propter obsequium servorum Dei, qui in Camaldulensi Eremito degunt, perrexerint, in eundo et redeundo, et stando a nemine molestantur. Quæcunque vero in præsentiarum juste ac legitime possidetis, apostolica auctoritate vobis vestrisque successoribus in eadem religione permanentibus, confirmamus. In quibus hæc propriis nominibus duximus exprimenda: ecclesiam Sancti Donati, quæ Fons bonus dicitur, cum hospitali et omnibus suis bonis; monasterium Sanctæ Mariæ in Poplena; monasterium Sancti Salvatoris secus civitatem Florentiæ. Monasterium Montis-Muri; monasterium Sancti Petri in Cerreto; monasterium Sanctæ Mariæ in Policiano; monasterium Sancti Petri in Fontiniano; monasterium Sancti Justi in Vulterris; monasterium Sanctæ Mariæ in Morrone; monasterium Sancti Frigidiani et monasterium Sancti Michaelis infra civitatem Pisarum. Monasterium Sancti Savini in territorio ejusdem civitatis. Monasterium Sancti Stephani in Cintoria,

A monasterium Sancti Salvatoris in Cantignano; monasterium Sancti Petri in Puteolis. Monasterium Sancti Salvatoris in Salvamunda; monasterium Sanctæ Mariæ in Agnano. Monasterium Sancti Petri in Rota; monasterium Sancti Salvatoris Berardingorum; monasterium Sancti Vigili, in Burgo Senensi; monasterium Sancti Petri in vivo Montis Armiati; monasterium Sancti Quirici in Rosa. Monasterium Sancti Savini in Clivo. Eremitum de Fleri, cum suo monasterio. Monasterium Sancti Viriani; monasterium Sancti Bartholomæi in Anglari; monasterium Sanctæ Mariæ in Trivio; Eremitum Sancti Petri in Fajolo; monasterium Sanctæ Mariæ in Insula; monasterium Sanctæ Mariæ in Lacu; monasterium Sancti Angeli juxta castrum Bristi; monasterium Sanctæ Christinæ in eadem curte. In Marchia Camerina, monasterium Sancti Georgii; monasterium Sancti Martini in Accole, cum ecclesia; quæ dicitur Heremita. In Sardinia insula monasterium Sanctæ Trinitatis in Zaccari; ecclesia Sanctæ Eugeniæ in Samanar; ecclesia Sancti Michaelis et Sancti Laurentii in Vanari; ecclesia Sanctæ Mariæ et Sancti Joannis in Altazar; ecclesia Sanctæ Mariæ in Contra; ecclesiæ Sancti Joannis et Sancti Simeonis in Salverano; ecclesia Sancti Nicolai in Trulla. Ecclesia Sancti Petri in Scano. Ecclesia Sancti Pauli in Cotroniano. Ad hæc adjicientes statuimus, ut quæcunque in futurum largiente Domino, concessione pontificum, liberalitate principum vel oblatione fidelium juste atque canonicè poterit adipisci, firma vobis vestrisque successoribus et illibata permaneant. Decernimus ergo, ut nulli omnino hominum liceat prædictum eremum et congregationem vestram temere perturbare, aut ejus possessiones auferre, vel ablatas retinere, minuere, vel temerariis vexationibus fatigare, sed omnia integra conserventur religiosorum fratrum, et pauperum usibus omnimodis profutura. Si qua igitur in futurum ecclesiastica sæcularive persona, hanc nostræ constitutionis paginam sciens, contra eam temere venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino judicio existere de perpetrata iniquitate cognoscat, et a sacratissimo corpore et sanguine Dei et Domini Redemptoris nostri Jesu Christi aliena fiat, atque in extremo examine districtæ ultioni subjaceat. Cunctis autem præfatæ eremo vel congregationi justa servantibus, sit pax Domini nostri Jesu Christi, quatenus et hic fructum bonæ actionis percipiant, et apud districtum judicem præmium æternæ pacis inveniant. Amen, amen.

† OCULI DOMINI SUPER JUSTOS.

† Ego Honorius catholicæ Ecclesiæ episcopus.

† Ego Guida Arretinus episcopus SS.

† Ego Egidius Tusulanus episcopus SS.

† Ego Guido Tiburtinus episcopus SS.

† Ego Vitalis Albanensis episcopus SS.

- Petrus cardinalis presbyter tituli Sanctæ A  
 SS.  
 Anastasius presbyter cardinalis tituli S.  
 tis, SS.  
 Desiderius presbyter cardinalis tituli San-  
 xedis, SS.  
 Sigizo presbyter cardinalis tituli Sancti  
 S.  
 Hugo diaconus cardinalis S. Theodori, SS.  
 Joannes sacræ basilicæ subdiaconus SS.  
 Rodolphus sacræ basilicæ subdiaconus SS.  
 n Latorani per manum Aimerici sanctæ  
 Ecclesiæ diaconi cardinalis et cancellarii,  
 fart'i, indictione III, anno Dominicæ Incar-  
 1125, pontificatus autem domni Honorii  
 papæ anno I.

## V.

*ricum Viridunensem episcopum. — Ut Lau-  
 abbat' S. Vitoni ablata restituat aut restitui  
 . Addit se gravari quod vocatus Romam ve-  
 contempserit.*

(Anno 1125, Mart. 11.)

[D. BOUQUET. *Recueil*, t. XV, 257.]

rius episcopus, servus servorum Dei, vene-  
 ratri HENRICO Viridunensi episcopo, salutem  
 tolicam benedictionem.

ens ad nos filius noster Laurentius abbas S.  
 conquestus est mercatum de Monte S. Vitoni,  
 eum cum pugillo frumonti, placitum et cor-  
 am mensurarum, decimas foratici vini civi-  
 uæ amisit tempore discordiæ (5), a prædeces-  
 o sibi ablata fuisse; unde tuæ fraternitati  
 nus ut ei ablata restituas. De Richerio de Bu-  
 lium suum in Baronis curte invasit, et alias  
 ulla molestias intulit, debitam justitiam  
 Quod si jura monasterii sui, quæ a præde-  
 us nostris confirmata sunt reddere negle-  
 obis hoc esse graves non dubites. Gravamur  
 vehementer, quod a prædecessore nostro feli-  
 moriæ papa Calixto et a nobis vocatus, venire  
 , et ad Romanam Ecclesiam contempsisti.  
 m Laterani, XIII Kal. Aprilis.

## VI.

*rum Cluniacensem abbatem. — Privilegium  
 Cluniacense.*

(Anno 1125, April. 2.)

[MANSI, *Concil.*, XXI, 323 ]

ORIUS episcopus servus servorum Dei, dilecto  
 isto filio PETRO abbati venerabilis monasterii  
 censis, ejusque successoribus regulariter sub-  
 dis in perpetuum.

mprehensibilis et ineffabilis divinæ miseratio-  
 nis, nos hac providentiæ ratione in apostolicæ  
 dministratione constituit, ut paternam de om-

discordiæ pro investituris, Viriduni tempore  
 di episcopi agitatæ, longam tenuit historiam  
 tius de Leodio in Historia Viridunensium epi-  
 um, tom. II Spicilegii in-fol., p. 247 et seqq.

PATROL. CLXVI.

nibus Ecclesiis sollicitudinem gerere studeamus.  
 Siquidem sancta Romana Ecclesia, quæ a Deo sibi  
 concessum omnium Ecclesiarum retinet principatum  
 tanquam diligens mater, singulis debet Ecclesiis  
 instanti vigilantia providere. Ad ipsam enim, quasi  
 ad caput et matrem, ab omnibus est concurrendum:  
 ut ejus uberibus nutriantur, auctoritate defendan-  
 tur, et a suis oppressionibus revelentur. Condecet  
 igitur, ut ecclesiæ et venerabilia loca, maxime quæ  
 ad speciale jus et singularem proprietatem sanctæ  
 Romanæ, cui Deo auctore deservimus, spectant Ec-  
 clesiæ, specialioris prærogative sortiantur honorem,  
 et apostolicæ auctoritatis munimine roborentur.  
 Quamobrem, dilecte in Christo filii Petre abbas, ju-  
 stis postulationibus tuis clementius inclinati, quid-  
 quid libertatis, quidquid tuitionis, quidquid aucto-  
 ritatis, prædecessores nostri Ecclesiæ Romanæ pon-  
 tifices, præsertim apostolicæ memoriæ nom. Grego-  
 rius VII, Urbanus, et Paschalis II, discretionis rati-  
 one, vestro monasterio et locis ad id pertinentibus  
 contulerunt: nos quoque præsentis decreto, auctore  
 Dominico, confirmamus. In quibus hæc propriis  
 sunt visa nominibus annotanda: abbatia S. Ægi-  
 dii, etc.

In omnibus autem prioratibus et cellis, quæ nunc,  
 sine proprio abbate, vestro regimini subjectæ sunt,  
 nullus futuris unquam temporibus abbatem ordinare  
 præsumat. Liceat quoque vobis seu fratribus vestris  
 in Ecclesiis presbyteros eligere: ita tamen, ut ab  
 episcopis, vel episcoporum vicariis, animarum cu-  
 ram absque venalitate suscipiant. Quam si commit-  
 tere illi, quod absit, ex pravitate noluerint; tunc  
 presbyteri ex apostolicæ sedis benignitate officia  
 celebrandi licentiam consequentur. Ecclesiarum vero  
 seu altarium consecrationes, ab episcopis, in quo-  
 rum diocesisibus sunt, locorum vestrarum fratres  
 accipiant, si quidem gratis ac sine pravitate vo-  
 luerint exhibere. Alioquin a catholico, quem malue-  
 ritis, episcopo, consecrationum ipsarum sacramenta  
 suscipiant. Neque cuilibet facultas sit aut claustris  
 vestri, aut locorum vestrorum fratres, pro virorum  
 seu defunctorum eleemosynis justis ob solutam datis  
 inquietare: sed tam virorum, quam mulierum obla-  
 tiones, quæ ad eos afferuntur, in usu servorum Dei  
 pauperumque profecturas recipere liceat. Statuimus  
 etiam ne cellarum vestrarum ubilibet positarum  
 fratres, pro qualibet interdictione vel excommuni-  
 catione divinorum officiorum suspensionem patian-  
 tur: sed tam monachi ipsi, quam et famuli eorum,  
 et qui se monasticæ professioni devoverunt, clausis  
 ecclesiarum januis, non admissis dicecesanis, di-  
 vine servitutis officia celebrent, et sepulturæ de-  
 bita peragant. Concedimus etiam vobis, clericos  
 sæculares, seu laicos, nisi qui pro certis criminibus  
 excommunicati sunt, ad conversionem per loca ve-

Vide Laurentii abbatis libellum supplicem ad Adel-  
 bertum Moguntinum archiepiscopum, apostolicæ  
 sedis legatum, apud Martenium, t. I. Anecd. col. 374.

stra succipere. Sane terminos immunitatis loci vestri, qui a præfato antecessore nostro Urbano papa constituti sunt, præsentis decreti nostri pagina confirmamus. Ne videlicet ullus homo cujuscunque conditionis ac potestatis, invasionem, prædam, aut rapinam facere, sive homicidium perpetrare præsumat infra ipsorum limites terminorum. Præterea decernimus, ut nulli omnino hominum liceat vestrum venerabile monasterium, et loca subdita, temere perturbare: sed eorum possessiones et bona cætera, quæ pro animarum salute jam data sunt, vel in futurum Deo miserante dari contigerit, firma vobis, vestrique successoribus et illabata permaneant. Si qua igitur in futurum ecclesiastica sæcularive persona, hanc nostræ constitutionis paginam sciens, contra eam temere venire tentaverit, etc... salvo in omnibus Romanæ Ecclesiæ jure, et aedis apostolicæ reverentia. Amen.

Ego Honorius catholicæ Ecclesiæ episcopus, subscripsi.

Ego Crescentius Sabinensis episcopus, subscripsi.

Ego Petrus Portuensis episcopus subscripsi.

Ego Unalis Albanus episcopus, subscripsi.

Ego Wilhelmus Prænestiensis episcopus, subscripsi.

Ego Ægidius Tusculanus episcopus consensi, subscripsi.

Ego Gregorius presbyt. cardin. tit. Apostol. subscripsi.

Ego Rossemagnus discon. card. S. Gregorii, subscripsi.

Ego Cosmus sanctæ Mariæ in..... subscripsi.

Ego Gregorius S. Angeli diaconus card. subscripsi.

Datum Laterani per manum Aymerici S. R. E. diaconi cardinalis et cancellarii, iv Non. Aprilis, indict. iii, incarnat. Dominicæ anno 1125, pontificatus nostri anno i.

## VII.

*Monachis Cluniacensibus significat Petrum abbatem a sese benigne receptum. Præcipit ne accedant ad Pontium quondam abbatem invito Petro.*

(Anno 1125, April. 2.)

[MABILLON, *Annal. Bened.* VI, 140.]

HONORIUS episcopus, servus servorum Dei, dilectis filiis Cluniacensibus monachis, salutem et apostolicam benedictionem.

Laudes et gratiarum actiones divinæ miserationi persolvimus, quoniam, sua protegente virtute, in unitate concordiæ, vestram permanere constantiam et in vobis religionis observantiam splendere cognovimus. Rogamus autem ut in bono quod inchoastis principio firmiter persistente pervigili studio laboretis quæ Deo placabilia sunt efficaciter operari. Venientem ad nos charissimum filium nostrum Petrum abbatem, pro vestra reverentia et ejus dilectione paterna benignitate suscepimus, et tam ipsius quam vestras postulationes diligenter admi-

simus abbatibus siquidem S. Ægidii, et S. Bertini et S. Benedicti super Padum ad reformandam et conservandam in eis religionem sibi et Cluniacensi monasterio, salvo jure sanctæ Romanæ Ecclesiæ, restituimus. Ipsum igitur cum litterarum nostrarum prosecutione ad vos remittentes, charitatem vestram rogamus ut eum affectione præcipua diligatis et tanquam patrem et a Deo constitutum animarum vestrarum custodem obedientia et humili subjectione unanimiter honoribus. Obsecramus autem in Domino, ut et nos vestris orationibus adjuvetis. Præcipimus autem ut nullus Cluniacensis professionis monachus ad Pontium olim abbatem sine prædicti filii nostri Petri abbatis consensu ire præsumat. Si quis vere id facere seu tentaverit, vel attentare præsumpserit, sententiam quam in eum præfatus abbas dederit, ratam habebimus.

Data Lateranis iv Nonas Aprilis.

## VIII.

*Petro abbati S. Ægidii mandat ut ad obedientiam Cluniacensium redeat.*

(Anno 1125.)

[*Gall. Christ.*, VI, instr., 190.]

HONORIUS episcopus, servus servorum Dei, dilecto filio Petro abbati S. Ægidii et monachis, salutem et apostolicam benedictionem.

Ad hoc universalis Ecclesiæ cura nobis a provisor omnium honorum Deo commissa est, ut religiosas diligamus personas, et beneplacentem Deo religionem studeamus modis omnibus conservare; nec enim Deo gratus aliquando famulatus impenditur, nisi ex charitatis radice procedens a puritate religionis fuerit conservatus. Hoc nimirum charitatis intuitu olim prædecessores nostri apostolicæ memoriæ Romani pontifices Sancti Ægidii monasterium ad instituendum sive conservandum religionis nitorem Cluniacensi cœnobio commiserent. Cæterum moderno tempore, defuncto Hugone abbate vestro, dum locus vester guerrarum incursu oppressus, et multis persecutionibus agitatus sine pastoris solatio stare non posset, prædecessor noster felicitis memoriæ papa Calixtus te, dilecte fili Petre, abbatem constituit, quod profecto, sicut ex ejus voluntatis arbitrio litteris ipsius Cluniacensi abbati missis percipimus salvo Cluniacensis monasterii jure atque reverentia fecisse cognoscitur. Unde universitati vestræ mandamus atque præcipimus ut sine contradictione ad charissimi filii nostri Cluniac. abbatis subjectionem et obedientiam redeatis. Tu vero, Petre abba, infra quadraginta dies post harum acceptionem litterarum supplici devotione ad Cluniacense monasterium pergens abbati obedientiam promittas, et eidem monasterio, remota omni occasione, professionem facias, salvo tamen in omnibus Romanæ Ecclesiæ jure abbatis benedictione et sanctæ aedis apostolicæ reverentia. Quod si contemptor existeris, B. Petri et nostram indignationem incurres.

Datum Laterani.

## IX.

*Ad abbatem et monachos Sancti Bertini. — Mandat ut ad objectionem et obedientiam Petri Venerabilis abbatis Cluniac. redeant.*

(Anno 1125.)

[*Bullar. Cluniac.*, p. 41.]

HONORIUS episcopus, servus servorum Dei dilecto filio abbati Sancti Bertini, et monachis, salutem et apostolicam benedictionem.

Pax Ecclesiæ, fratrum concordia, religionis unitas ima supernis et terrenis sociare cœlestia consuevit. Vos igitur unanimiter divino famulatu mancipatos ex religiosa devotione Deo et hominibus placere paternæ charitatis debito congaudemus. Hoc siquidem non meritis aut vestræ imputandum prudentiæ, sed Deo et sollicitudini Cluniacensis ecclesiæ ascribatur, cui videlicet a nostris antecessoribus est inunctum ut religionem in vestro monasterio institueret et servaret quod divina favente clementia, et in temporalibus et in spiritualibus etiam magnum contulit incrementum. Unde mandamus vobis atque præcipimus, ut sine contradictione ad charissimi filii Petri Cluniacensis abbatis subjectionem et obedientiam humiliter redeatis: tu vero, fili abba, infra quadraginta dies post harum acceptionem litterarum supplici devotione ad Cluniacense monasterium pergens, abbati obedientiam promittas, et eidem monasterio remota omni occasione professionem facias. Quod si contemptor exstiteris, bestii Petri et nostram indignationem incurres.

Datum Laterani, etc.

## X.

*Ad monachos S. Benedicti super Padum. — Mandat ut obedientiam et reverentiam Petro Venerabili Cluniacensi abbati exhibeant, et abbatem quem eis cum consilio Cluniacensis capituli dederit, suscipiant.*

(Anno 1125.)

[*Bullar. Cluniac.*, 41.]

HONORIUS episcopus, servus servorum Dei, dilectis filiis monachis Sancti Benedicti super Padum, salutem et apostolicam benedictionem.

Pax Ecclesiæ, fratrum concordia, religionis unitas ima superas et terrenis sociare cœlestia consuevit. Vos igitur unanimiter divino famulatu mancipatos ex religiosa devotione Deo et hominibus placere paternæ charitatis debito congaudemus. Hoc siquidem non meritis aut vestræ credatis imputandum prudentiæ, sed Deo et sollicitudini Cluniacensis ecclesiæ ascribitur; cui videlicet a nostris antecessoribus est inunctum, ut religionem in vestro monasterio institueret et servaret; quod divina favente clementia, et in temporalibus et in spiritualibus etiam magnum contulit incrementum. Unde mandamus vobis atque præcipimus quatenus charissimo filio nostro Petro Cluniacensi abbati obedientiam et reverentiam sine refragatione aliqua deferatis, abbatem nimirum quem ipse consilio Cluniacensis capituli dederit, reverenter suscipiatis, et ei sicut

Antimarum pastori humiliter obedire curetis, salvo in omnibus jure et reverentia Romanæ Ecclesiæ. Quod si per vos abbatem constituere præsumpsistis, nos factum vestrum ducentes irritum plenam de vobis justitiam faciemus. Ideoque præsentibus vos litteris commonemus, atque præcipimus, ut post earum acceptionem infra quadraginta dies Cluniacense monasterium adeatis, et abbati quem vobis Cluniacensis abbas et fratres dederint irrefragabiliter pareatis.

## XI.

*Ad Turstinum archiepiscopum Eboracensem.*

(Anno 1125, April. 5.)

[*Monastic. Anglic.* tom. III, p. 143.]

HONORIUS episcopus, servus servorum Dei, venerabili fratri TURSTINO archiepiscopo Eboracensi, salutem et apostolicam benedictionem.

Gratias clementiæ divinæ persolvimus, quia sani et incolumes cum pacis tranquillitate in Urbe sumus. Et quia personam tuam diligimus, controversiam illam de primatu inter Eboracensem et Cantuariensem Ecclesias in nostra tantum volumus præsentia terminari.

Data Laterani Nonis Aprilis.

## XII.

*Archiepiscopus, episcopus etc. Joannem legatum apostolicum commendat.*

(Anno 1125, April. 12.)

[*Mansi, Concil.*, XXI, 327.]

HONORIUS episcopus, servus servorum Dei, dilectis fratribus et filiis, archiepiscopis, episcopis, abbatibus, proceribus, et cæteris tam clericis quam laicis per Angliam constitutis, salutem et apostolicam benedictionem.

Quamvis in extremis terrarum positos, ad Petri tamen apostoli curam Christianæ fidei vos facit universalitas pertinere. Cum enim Petro dictum est, *Pasce oves meas, pasce agnos meos* (Joan. XXI), profecto nulla ovium, nullus agnorum exceptus est ad Christi consortium, pertinentium, qui non Petri commissus sit pastioni speciali. Præter hoc, sorte regnum Angliæ B. Petro et Romanæ Ecclesiæ pertinere sanctissimi Patris nostri Gregorii papæ auctoritatis, et B. Augustini prædicatio manifestat. Hoc igitur dispositionis debito provocamur, vobis, scilicet longe positis, sollicitiore diligentia providere. Quamobrem Christianum filium nostrum Joan. cardinalem sanctæ Romanæ Ecclesiæ sacerdotem, in partem nostræ sollicitudinis vigilantem, vices ei nostras in partibus vestris commisimus. Qui nimirum de Ecclesiarum correctione et stabilitate, de religionis augmento, et de cæteris quæ probanda vel improbanda visa fuerint, cum vestræ dilectionis auxilio, cooperantibus sanctorum apostolorum patrocinis, pertractabit. Rogamus ergo vos, et monemus, atque præcipimus, ut eum tanquam S. Petri vicarium reverenter suscipiatis, humiliter audiat, atque ad ipsius vocationem, synodales cum eo conventus solemniter celebretis: quatenus per ipsius et



vestram industriam, in regno vestro quæ corrigenda sunt corrigantur, quæ firmanda sunt, sancto inspirante Spiritu, firmentur.

Data Laterani iv Idibus Aprilis.

## XIII.

*Ad canonicos Turonenses. — Confirmat sententiam excommunicationis in Fulconem comitem Andegavensem.*

(Anno 1123, April. 12.)

[MANSI, *Concil.*, XXI, 322.]

HONORIUS episcopus, servus servorum Dei, dilectis filiis clericis Turonensis matris ecclesiæ S. Mauricii, salutem et apostolicam benedictionem.

Sicut boni et humiles filii sunt paternæ dilectionis nexibus arctius astringendi, ita ingrati et inobedientes, sunt rigore justitiæ coercendi. Siquidem compertum habuimus quod Fulco Andegavensis comes divortium illiciti matrimonii filię suæ et Guillelmi filii Roberti comitis, a dilecto filio nostro I. cardinali presbytero apostolicæ sedis legato, et ab aliis fratribus nostris coepiscopis, et sapientibus viris, accepta idoneorum probatione testium, iudicatum, servare contempsit, præterea quod gravius est, uti accepimus, ad B. Petri et sanctæ atque apostolicæ Romanæ Ecclesiæ injuriam, prædicti legati nuntios ad eum directos capiens, et in arcta custodia per duas septimanas retinens, barbas eorum et capillos flammis exurere, et litteras in conspectu hominum sub dio cremare præsumpsit. Unde legatus idem in propriam comitis terram, interdictionis, et in personam ejus, excommunicationis sententiam promulgavit. Nos ergo habito fratrum consilio, eamdem, usque ad condignam satisfactionem, sententiam ratam habemus. Interdictum autem præcipimus observari.

Datum Laterani pridie Idus Aprilis.

## XIV.

*Joanni apostolicæ sedis legato. — Mandat ut legationem a Calixto II acceptam in Anglia studioso gerat.*

(Anno 1125, April. 3)

[MANSI, *Concil.* XXI, 327.]

HONORIUS episcopus, servus servorum Dei, dilecto filio Joanni presbytero cardinali, apostolicæ sedis legato, salutem et apostolicam benedictionem.

Quemadmodum honorum filiorum est, subjecta devotionis humilitate patribus obedire: ita patrum interest, benigno charitatis affectu filiis providere. Curam igitur et sollicitudinem tibi a prædecessore nostro felicis memoriæ papa Calixto II Angliæ regno commissa providentiæ dilectionis tuæ committimus. Obsecramus autem in Domino, ut tanquam sapiens et discretus Romanæ Ecclesiæ filius, quæ ad honorem Dei et sedis apostolicæ pertinent, honestate studiosus opereris.

Data Laterani, Idibus Aprilis.

## XV.

*David, Scotorum regi, commendat Joannem cardinalem, legatum suum.*

(Anno 1125, April. 13.)

[MANSI, *Concil.*, XXI, 329.]

HONORIUS episcopus, servus servorum Dei, dilecto filio DAVID illustri Scotorum regi, salutem et apostolicam benedictionem.

Oportet devotos et humiles B. Petri discipulos, quæ ad honorem S. R. E. spectare cognoverint, attentius operari. Unde nobilitati tuæ rogando mandamus, ut dilectum filium nostrum Joannem cardinalem, cui vices nostras in partibus illis commisimus, reverenter suscipias, et honores: episcopos etiam terræ tuæ, cum ab eo vocati fuerint, ad concilium suum facias convenire. Controversiam, quæ inter Turstanum Eboracensem archiepiscopum et episcopos terræ tuæ diu agitata est, eidem legato nostro diligentius indagandam discutiendamque committimus. Finitam vero sententiam apostolicæ sedis iudicio reservamus.

Datum Laterani Idibus Aprilis.

## XVI.

*Ecclesiam Monte Feretranam, petente Petro episcopo, tuendam suscipit.*

(Anno 1124, April. 21.)

[UGHELLI, *Italia sacra*, II, 844.]

HONORIUS episcopus, servus servorum Dei, venerabili fratri PETRO Feretrano episcopo, ejusque successoribus canonice promovendis in perpetuum.

Officii nostri nos hortatur auctoritas pro Ecclesiarum statu satagere, et earum quieti, et utilitati salubriter auxiliante Deo providere. Proinde, charissime in domino frater Petre, sanctam Feretranam Ecclesiam, cui Deo auctore præses, in beati Petri tutelam nostramque protectionem suscipimus, statuentes, præsentis privilegii auctoritate ut Ecclesiæ possessiones et bona quæcunque, quæ vestra Feretrana Ecclesia in præsentiarum juste et legitime possidet, sive in futurum largiente Domino juste atque canonice poterit adipisci, firma ei et illibata permaneant. In quibus hæc propriis duximus nominibus exprimenda, videlicet S. Pancratii capellam, S. Martini in Monte, capellam Sanctæ Sophiæ, capellam S. Mariæ in Plebe cum curte sua plebem S. Laurentii in Folia cum pertinentiis suis, capellam S. Michaelis cum curte sua, monasterium S. Mariæ in Scriptino cum omnibus suis pertinentiis, plebem S. Joannis in Carpineo cum suis pertinentiis, capellam S. Martini, et possessionem quæ est in Carpineo, plebem S. Cassiani in Pisino cum omnibus suis pertinentiis, et fundum suum integrum, capellam S. Theodori cum suis pertinentiis, et terram in valle Cava et Molledano, plebem S. Theonisti in loco qui dicitur Corma, cum omnibus pertinentiis suis, plebem S. Marini cum castello, et pertinentiis suis omnibus, plebem S. Agathæ cum omnibus pertinentiis suis, et curte quæ vocatur Farnito in loco qui

dicitur Ovillione, plebem S. Martini in Murisiano cum pertinentiis suis, plebem S. Hilarii cum pertinentiis suis, plebes S. Mariæ in Vico cum pertinentiis suis, plebes S. Stephani in Murlo cum pertinentiis suis, monasterium S. Martini in saltu cum pertinentiis suis, plebes S. Petri in cultu cum pertinentiis suis, plebem S. Petri ad Missam cum pertinentiis suis, fundum Hermannum in integrum, fundum Adinum in integrum, monasterium S. Salvatoris in fundo, cellam Fausti in integrum cum suis pertinentiis, plebem S. Martini in Vivedo cum omnibus suis pertinentiis, cum castello quod vocatur Casale d'Illice, plebem S. Cassiani in campo Juvenici cum pertinentiis suis in integrum, plebem S. Mariæ in Romania cum omnibus suis pertinentiis, plebem S. Mustiolæ cum pertinentiis suis, monasterium S. Severini cum pertinentiis suis, capellam S. Proculi cum pertinentiis suis, et tertiam partem de fundo Atiliano, tertiam partem de fundo Bacuniano, tertiam partem de fundo stabulo, tertiam partem de fundo justorum, cum campo, qui vocatur Martii in integrum, tres petiolas de terra fundi Attiliani, qui vocatur Plegæ, fundum Plegni in integrum, fundum Alfidiarum, qui vocatur campus Planus, fundum frigi in integrum, fundum Antimaria in integrum, fundum Columnella in integrum, fundum post Collina, capellam Sancti Archangeli in integrum, fundum vallis Donatuli, massam Licinianam in integrum, fundum Ausi in integrum, cellam Fausti, Scannullas majores et minores in integrum, capellam Sanctæ Agathæ cum castro, quæ vocatur Petra Anellaria, capellam S. Georgii in integrum, fundum Cervianum in integrum, fundum Capicianum, curtem quæ vocatur Grilena cum omnibus pertinentiis suis in castello felicitatis, capellam Sancti Martini in Castagnolo, capellam S. Sophiæ in Aquatario, capellam Sanctæ Mariæ in Methavistis in integrum, ecclesiam Floræ in Scapinio, fundum Silitianum, fundum campo planum cum omnibus suis pertinentiis, castellum novum, quod vocatur Petrella, salva in omnibus Romanæ Ecclesiæ justitia, et reverentia. Decernimus ergo, ut nulli omnino hominum liceat, etc. Si qua, etc., cunctis autem, etc. Amen.

Ego Honorius catholicæ Ecclesiæ episcopus.

Datum Laterani per manum Americi S. R. E. diaconi cardinalis et cancellarii, xi Kal. Maii, indict. D III, anno Dominicæ Incarnationis 1125, pontificatus autem D. Honorii II papæ anno I.

XVII.

*Ad Didacum archiepiscopum Compostellanum.*

(Anno 1125, Maii 4.)

FLOREZ, *Esp. sagr.* XX, 430.]

HONORIUS episcopus, servus servorum Dei, DIDACO archiepiscopo Compostellanæ Ecclesiæ, salutem apostolicamque benedictionem.

Vestra siquidem, filii (6), præsentia hunc sacer-

(6) *Frater* legerem.

dotem Bernardum nomine, vestris de partibus ad nos ueque pervenisse, et de vobis multa nobis bona quam maxime retulisse, procul dubio noscat, atque eum in præsentia nostri a militibus Salmantinis, imo Dei inimicis, qui quamdam ecclesiam quam ipse pro posse regebat, inhumanus invaserunt, et ei cuncta sua bona rapuerunt, fore conquestum: quocirca obedientiæ jussionem vobis imponimus, vosque utpote nostrum filium rogamus obnixè, quatenus Salmantinum episcopum, qui vobis suffraganeus est apostolica sententia admonere minime recusetis, ut præfatæ ecclesiæ huic clerico bona sua faciat restitui, in eosque raptores quod canonicum est exhibere ne utiquam prætermittat: quod si facere contempserit, canonica justitia feriat. Vos autem rogamus ut huic ad tantam paupertatem perducto aliquantulum pro Dei misericordia succurrere dignemini.

Datum Laterani Kal. Maii.

XVIII.

*Privilegium pro canonica Portuensi.*

(Anno 1125, Maii 4.)

[FANTUZZI, *Monum. Raven.*, tom. VI, p. 41.]

HONORIUS episcopus, servus servorum Dei, dilectis in Christo filiis JOANNI præposito et ejus fratribus in ecclesia S. Mariæ in Portu canonicam vitam professis ejusque successoribus in eadem religione permansuris in perpetuum.

Ad hoc universalis Ecclesiæ cura nobis commissa est a provisorio omnium bonorum Domini ut religiosas diligamus personas, et beneplacentem Deo religionem studeamus omnimodis propagare, nec enim Deo gratus aliquando famulatus impenditur nisi ex charitatis radice procedens a puritate religionis fuerit conservatus. Oportet ergo omnes Christianæ fidei amatores religionem diligere et loca venerabilia cum ipsis personis divino servitio mancipatis attentius confovere, ut nullis pravorum hominum inquietentur molestiis vel importunis angariis fatigantur. Quapropter vestris in Domino, charissimi filii, petitionibus assensum præbentes, tam vos quam ecclesiam vestram cum omnibus ad eam pertinentibus in B. Petri tutelam nostramque protectionem suscipimus. Statuentes ut quæcunque in præsentiarum legitime possidetis, sive in futurum, largiente Domino, juste et canonice poteritis adipisci, firma vobis vestrique successoribus et illibata permaneant. Decernimus ergo ut nulli omnino hominum liceat eandem ecclesiam temere perturbare, aut ejus possessiones auferre, vel ablatas retinere, minuere, vel temerariis vexationibus fatigare, sed omnia integre conserventur, eorum pro quorum sustentatione et gubernatione concessa sunt usibus omnimodis profutura. Ad hæc adjicientes præsentis privilegii auctoritate statuimus, ut præfata ecclesia ab omnibus sit extraordinaria functione immunis, ut videlicet si quando archiepiscopus Ravennatis,

seu, discedente eo, clericos aut laicos ejusdem ecclesie ad Romanum pontificem cujlibet reigratia, vel ad imperatorem proficisci contigerit, nullam eis exactionem in argento aut equitaturis, vel hujusmodi aliquibus de eadem ecclesia liceat facere, aut ibidem hospitando aliquod unquam gravamen inferre. Præterea cum ingruente bello Ravennatis cives, vel pro militibus, vel pro munienda civitate collectam fecerint, sæpe dictam ecclesiam ab omni exactione nihilominus decernimus esse immunem, salva tamen in omnibus Ravennatis Ecclesie justitia per sanctorum Patrum sanctiones stabilita. Si qua igitur in futurum ecclesiastica secularive persona hanc nostram constitutionis paginam sciens, contra eam temere venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino judicio existere de perpetrata iniquitate cognoscat, et a sacratissimo corpore ac sanguine Dei et Domini nostri Jesu Christi aliena fiat, atque in extremo examine districtæ ultioni subjaceat. Cunctis autem eidem ecclesie jura servantibus sit pax Domini nostri Jesu Christi, quatenus et hic fructum bonæ actionis percipiant, et apud districtum judicem præmia æternæ pacis inveniant. Amen, amen, amen.

Ego Honorius catholicæ Ecclesie episcopus, SS.

Ego Crescentius episcopus Sabinensis, SS.

Ego Petrus Portuensis episcopus, SS.

Ego Ægidius Tusculanus episcopus, SS.

Ego Gregorius S. Angeli diaconus cardinalis, SS.

Ego Bonifacius presbyter cardinalis, SS.

Ego Mattheus diaconus cardinalis, SS.

Ego Gerardus SS. Aquilæ et Priscæ, SS.

Ego Gregorius SS. Sergeri et Bacchi diaconus cardinalis, SS.

Ego presbyter cardinalis S. Balbinæ, SS.

Datum Laterani per manum Aimerici sanctæ Romanæ Ecclesie diaconi et cancellarii, iv Nonas Maii, indictione iii, Incarnationis Dom. anno 1125, pontificatus vero D. Honorii secundi papæ anno i.

#### XIX.

*Paschalis II et Calixti II privilegia pro abbacia S. Walburgis renovantur et amplificantur.*

Anno 1125, Jul. 11.)

[WURTWEIN, *Nova subsidia diplom.*, tom. VII, p. 56.]

HONORIUS episcopus, servus servorum Dei, dilecto in Christo filio BERTHOLFO abbati monasterii quod in honores sanctorum apostolorum Philippi et Jacobi et sanctæ Walpurgæ virginis constructum est, in Argentinensi episcopatu, in loco videlicet qui Sacra Silva dicitur, ejusque successoribus regulariter substituentibus in posterum.

Quoniam sine veræ cultu religionis, nec charitatis unitas potest subsistere, nec Deo gratum exhiberi servitium, expedit apostolicæ auctoritatis religiosas personas diligere, et religiosa loca, maxime quæ beati Petri juris existunt, et ad Romanam specialiter spectant Ecclesiam sedis apostolicæ munimine con-

fovere. Ideoque, dilecte in Domino filii Bertholfe abbas, justas postulationes tuas clementius admittentes, monasterium Sacræ Silvæ cui Domino auctore præsidet, quod beato Petro et ejus sanctæ Romanæ Ecclesie sub annuo unius aurei censu oblatum, et ad honorem omnipotentis Dei et sanctorum apostolorum Philippi et Jacobi, et sanctæ Walpurgæ virginis dedicatum est, ad exemplar prædecessorum meorum Paschalis et Calixti secundi Romanorum pontificum beati Petri et sanctæ Romanæ Ecclesie patrocinio communimus. Statuimus enim ut universa quæ a religiosis principibus Friderico duce et Petro ejusdem loci fundatoribus, vel ab aliis fidelibus de suo jure monasterio eidem collata sunt, aut in futurum largiente Deo, dari offerri, vel aliis justis modis acquiri contingerit, quieta vobis ves'risque successoribus et illibata permaneant. Nulli vero omnino hominum liceat eundem locum temere perturbare, aut ejus possessiones auferre, vel ablatas retinere, minuire, vel temerariis vexationibus fatigare, sed omnia integra conserventur, eorum pro quorum sustentatione ac gubernatione concessa sunt usibus omnimodis profutura. Obvante autem ejusdem loci abbate, vel suorum quolibet successorum, nullus ibi qualibet subreptionis astutia, seu violentia præponatur, nisi quem fratres communi consensu, vel fratrum pars consilii sanioris secundum Dei amorem et beati Benedicti regulam elegerint. Ad hæc juxta prædecessoris nostri papæ Calixti definitionem decima animalium sive fructuum vestrorum, quos per totam Sacræ Silvæ terram vestris laboribus sumptibusve colligitis, Salsensium fratrum vel aliorum hominum contradictione qualibet habeatis. Rustici autem vestri decimas suas presbyteris parochiæ suæ contribuant. Confirmamus etiam Deo ibidem servantibus fratribus usum ejusdem silvæ, tam ad ædificandum quam ad calefaciendum ad eorum licitum, et usum aquarum ad ipsiendum et suum commodum faciendum et pascua eorum animalibus per totam silvam, quemadmodum supradicti filii nostri Henrici imperatoris, et nepotis ejus Friderici ducis, necnon et comitis Petri liberalitate concessus est. Si qua igitur in futurum ecclesiastica secularive persona hanc nostram constitutionis paginam sciens contra eam temere venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino judicio existere de perpetrata iniquitate cognoscat, et a sacratissimo corpore ac sanguine Dei et Domini Redemptoris nostri Jesu Christi aliena fiat, atque in extremo examine districtæ ultioni subjaceat. Cunctis autem eadem dicto monasterio justa servantibus, sit pax Domini nostri Jesu Christi, quatenus et hic fructum bonæ actionis percipiant et apud districtum judicem præmium æternæ pacis inveniant. Amen, amen, amen.

Ego Honorius catholicæ Ecclesie episcopus subscripsi.

Datum Beneventi per manum Aimerici sanctæ

Romanæ Ecclesiæ diaconi cardinalis, v Idus Julii, A indictione III, Incarnationis Dominiæ anno 1123, Pontificatus autem domni Honorii II papæ anno primo.

## XX

*Ad Henricum Viridunensem episcopum. — Mandat ut proxima Epiphaniarum festiuitate ad se veniat responsurus de ordinatione Conradi Tullensis episcopi et de querelis abbatis S. Vitoni; interim ab episcopali officio absteineat.*

(Anno 1123, Octobris 3.)

[D. BOUQUET, *Recueil*, tom. XV, p. 258.]

HONORIUS episcopus, servus servorum Dei, venerabili fratri HENRICO Viridunensi episcopo, salutem et apostolicam benedictionem.

Prædecessor noster piæ memoriæ papa Calixtus suis te litteris evocavit, ut ad eum mediante quadragesima præterita venires, et de ordinatione illius Conradi (7) Tullensis intrusi rationabiliter responderes. Nos quoque post ejus obitum pro eadem causa veniendi ad nos tibi terminum dedimus; tu vero elationis tumore inflatus, venire ad nos penitus contempsisti. Præterea, ut abbati S. Vitoni quod juris erat sui monasterii restitueres tibi præcepimus, et ablatas redderes. Postmodum auferre illi ea ipsa et quædam insuper alla præsumpsisti. Pro tantis igitur excessibus per præsentia tibi scripta præcipiendo mandamus, ut proxima Epiphaniarum festiuitate ad nostram præsentiam venias responsurus, interim vero ab episcopali officio prorsus absteineas.

Datum Beneventi v Nonas Octobris.

## XXI

*Monasterii S. Pauli de Argon patrocinium suscipit bonaque confirmat.*

(Anno 1125, Nov. 21.)

[Vide LUPPI, *Cod. diplom. Bergom.*, II, 939.]

## XXII

*Monasterii S. Martini Ahusani primam foundationem confirmat.*

(Anno 1123, Nov. 27.)

[PETRI *Suevia ecclesiastica*, 190.]

HONORIUS episcopus, servus servorum Dei, dilectis in Christo filiis monachis monasterii S. Martini de Ahusen, salutem et apostolicam benedictionem.

Sicut irrationabilia poscentibus negari debet assensio, sic iusta petentium votis benigna debemus assensione concurrere. Ea propter nobilium virorum Adelberti palatini comitis et ejus fratrum Udalrici et Gualteri devotioni duximus annuendum. In Augustensi equidem episcopatu in pago Albæ juris sui prædium, quod Ahusen dicitur, ubi domus fiat beati Martini ecclesia fabricata est... una cum patresuo egregiæ recordationis Manegoldo palatino comite pro salute animæ suæ beato Petro apostolorum principi in alodium proprium cum omnibus ad eundem locum pertinentibus obtulerunt. Quam oblatio-

(7) Conradus electus fuerat anno 1107 Tullensis episcopus a quibusdam canonicis, dum ab aliis Riquinus de Commercio eligeretur, qui mox utriusque

nem nostra postulant auctoritate firmari. Nos igitur præsentis decreti auctoritates sancimus, ut tam præfatus locus, quam omnia ad eum pertinentia sub apostolicæ sedis tutela integra semper et illibata permaneant. Nulli ergo omnino hominum liceat idem monasterium perturbare aut ejus possessiones auferre, vel ablatas retinere, minuere, vel temerariis vexationibus fatigare; sed omnia integre conserventur, eorum pro quorum sustentatione concessa sunt usibus omnimodis profuturo.

Obeunte ipsius loci abbate nullus ibi quilibet subreptionis astutia seu violentia præponatur, nisi quem fratres communi consensu, vel fratrum pars consilii sanioris secundum Dei timorem regulariter providerint intelligendum. In advocati autem vestri electione abbas liberam habeat potestatem cum fratrum suorum consilio talem eligere, quem ad defensionem libertatis monasterii bonum et utilem esse cognoverit.

Sepulturam quoque ejusdem cœnobii omnino liberam esse sancimus, ut eorum qui se illic sepeliri deliberaverint, devotioni et extremæ voluntati, nisi forte excommunicati sint, nullus obsistat.

Pari etiam modo concambium, quod de loco, in quo monasterium vestrum situm est, cum ecclesia Sancti Petri in Tetingen, ad cujus parochiam pertinebat, utriusque partis consensu et fundatorum coniventia factum esse dignoscitur, confirmamus. Ordinationes præterea monachorum, consecrationes altarium sive basilicarum ab episcopo in cujus diocesi estis accipietis, si quidem gratiam atque communionem apostolicæ sedis habuerit, ac sine pravitate postulata voluerit exhibere. Alioquin liceat vobis catholicum, quem malueritis antistitem adire; et ab eo sacramenta ipsa suscipere, qui apostolicæ sedis fultus auctoritate indulgeat. Ad indicium autem perceptæ a Romana Ecclesia libertatis, aureum unum per singulos annos Lateranensi palatio persolvete.

Si qua igitur in futurum ecclesiastica sæcularive persona hanc nostræ constitutionis paginam violaverit, aut sciens, contra eam temere venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino iudicio existere de perpetrata iniquitate cognoscat, et a sacratissimo corpore ac sanguine Dei et Domini Redemptoris nostri Jesu Christi aliena fiat, atque in extremo examine districtæ ultionis subiaceat. Cunctis autem eidem loco juxta servantibus sit pax Domini nostri Jesu Christi, quatenus et hic fructum bonæ actionis percipiant, et apud districtum iudicem præmia æternæ pacis inveniunt. Amen, amen, amen.

Ego Honorius catholicæ Ecclesiæ episcopus subscripsi.

Datum Laterani per manum Aimericis sanctæ Romanæ Ecclesiæ diaconi cardinalis et cancellarii,

partis suffragia sibi conciliavit. Conradus vero absque consecratione mansit usque ad Calixti II tempora, prout ex hac epistola discimus.

quinto Kalendas Decembris, indictione quarta, anno Dominicæ Incarnationis millesimo centesimo vicesimo quinto, pontificatus autem sanctissimi Honorii secundi papæ anno primo.

XXIII.

*Confirmatio foundationis cellæ S. Mariæ Brisaccensis.*

(Anno 1125, Nov. 27.)

[PETRI Suevia ecclesiastica p. 232.]

HONORIUS episcopus, servus servorum Dei, dilectis in Christo, filiis ORTONI abbati ejusque fratribus canonicam regulam professis in ecclesia S. Mariæ, sita in Brisaccensi comitatu, in loco qui Nigra Silva dicitur, eorumque successoribus in eadem religione per omnipotentis Dei gratiam permansuris in perpetuum.

Ad hoc in apostolicæ sedis regimen nos promotos esse Deo disponente conspiciamus, ut aures nostras justis petitionibus commodemus et religionem propagari in quantum dederit Dominus debeamus. Quia igitur vos, filii in Christo charissimi, per divinam gratiam aspirati mores vestros sub regularis vitæ disciplina confirmare et communiter secundum SS. Patrum instituta Deo omnipotenti deservire proposuistis, nos votis vestris paterno congratulamur affectu, unde petitioni vestræ benignitate devota plenissimum impertimus assensum, et tam vos quam locum vestrum in tutelam apostolicæ sedis recipimus, quem videlicet Romanæ Ecclesiæ censualem facere decrevistis consilio et instinctu Argentinensis præpositi Brunonis egregiæ strenuitatis viri, qui ecclesiam vestram in pensis suis in alodio suo construxit, et honorum suorum ac possessionem collatione dotavit, vitæ quoque canonicæ ordinem, quem professi estis, privilegii auctoritate firmamus, et ne cui post professionem exhibitam pro sui quid habere, neve sine abbatis vel congregationis licentia de claustris discedere liceat, interdicimus. Obeunte vero te nunc ejusdem loci abbate, vel tuorum quolibet successorum, nullus ibi qualibet subreptionis astutia, seu violentia præponatur, nisi quem fratres communi consensu, vel fratrum pars consilii sanioris, secundum Dei timorem regulariter providerint eligendum; nullusque ibi electioni se ingerat, nisi quos religiosa congregatio vestra vocaverit. In advocati autem vestri electione abbas liberam habeat potestatem cum fratrum suorum consilio talem eligendi, quem ad defensionem libertatis monasterii bonum et utilem esse cognoverit; qui si calumniator potius quam advocatus existens bona monasterii pervaserit, et non magis ea defenderit, abbas habeat facultatem cum fratrum consilio alium sibi utiliorem statuendi adventum. Ordinationes clericorum, consecrationes altarum sive basilicarum ab episcopo in cujus diocesi estis accipietis, si quidem gratiam et communionem apostolicæ sedis habuerit, et ille sine pravitate ea vobis exhibere voluerit; alioquin liceat vobis catholicum quemcumque mavultis adire antistitem et ab eo sacramenta ipsa suscipere, qui ea sedis apostolicæ auctoritate fretus indulgeat,

Sane circa cœnobii vestri ambitum occasione qualibet assultum fieri prohibemus. Si vero, quod absit, contingit in atrio vestro, vel in effusione sanguinis, vel in verberum elatione, sive in aliqua hujusmodi violentiam irrogari, nequaquam propter hoc a divinis ecclesia vestra prohibeatur officiis, nisi commune fuerit interdictum. Porro laborum vestrorum vel animalium decimas, quæ penes ipsum locum vestris sumptibus et laboribus excoluntur, quietas vobis et illabatas manere debere censemus, nec vos super hoc aut ab episcopo ejusdem diocesis, aut ab aliquo inquietari permittimus. Concambium, quod factum est inter ecclesiam vestram et S. Galli apostolica præcipimus auctoritate in omne dehinc tempus inviolatum fore. Sepulturam quoque ipsius cœnobii omnino liberam esse censemus, ut eorum, qui illic sepeliri desideraverint, devotioni et extremæ voluntati, nisi forte excommunicati sint, nullus adversetur. At hæc adjicientes statuimus, ut quæcumque bona in futurum concessione pontificum, largitione regum, vel oblatione fidelium juste atque canonicè acquirantur, firma vobis vestrisque successoribus et illibata permaneant, quando scilicet illic canonici ordinis tenor Domino præstante vigerit. Decernimus ergo, ut nulli omnino hominum liceat eandem ecclesiam temere perturbare, aut ejus possessiones auferre, vel ablatas relinere, minuere, vel temerariis vexationibus fatigare, sed omnia integre conserventur, eorum pro quorum sustentatione et gubernatione concessa sunt, usibus omnimodis profutura. Ad iudicium autem perceptæ hujus gratiæ a Romana Ecclesia stolam sacerdotalem per singula biennia Romano pontifici persolvatis. Si qua igitur in futurum ecclesiastica sæcularisve persona hanc nostræ constitutionis paginam violaverit, aut sciens contra eam temere venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino iudicio existere de perpetrata iniquitate cognoscat, et a sanctissimo corpore ac sanguine Dei et Domini nostri Jesu Christi aliena fiat. Cunctis autem eidem loco jura sua servantibus, sit pax Domini nostri Jesu Christi, quatenus et hic in futurum fructum beatæ remunerationis percipiant, et apud districtum iudicem præmia æternæ pacis inveniant. Salva justitia episcopali. Amen.

Datum Laterani per manum Almerici Romanæ Ecclesiæ diaconi cardinalis et cancellarii, quinto Kalendas Decembris, indictione quarta, anno Dominicæ Incarnationis millesimo centesimo vicesimo quinto, pontificatus autem domini Honorii secundi papæ anno primo.

XXIV.

*Monasterii S. Udalrici Neresheimensis possessiones et privilegia confirmat.*

(Anno 1125, Nov. 27.)

Vide *Wirtembergisches Urkundenbuch*, Stuttgart, 1849, I, 367.]

XXV.

*Wulfredum abbatem Savignicensem. — Confirmat bona monasterio Savigniensi concessa.*

(Anno 1125, Dec. 9.)

ARTENE, *Thes.* I, 361, ex. ms. Savigniensi.]

HONORIUS episcopus, servus servorum Dei, dilecto WULFRIDO, abbati S. Trinitatis de Savigneio, te successoribus regulariter substituendis in uum.

Hoc nobis a Deo pastoralis officii cura commisit et bene placentem Deo religionem laboratuere, et stabilitam exacta diligentia conservare propter, dilecte in Domino fili Gaufride abnobilis fratris nostri Turstini Eboracensis archiepiscopi precibus inclinatis tuis rationabilibus petitionibus duximus annuendum. Statuimus enim, ut monasterium B. Trinitatis de Savigneio, cui, Deo e, præesse cognosceris, quæcunque imprærum juste et legitime possidet, firma tibi tuis successoribus, et illibata permaneant; quæ e præterea in futurum, largiente Deo, concessio pontificum, liberalitate regum, largitione principum, poteritis adipisci, firma vobis et integra conserventur, salva nimirum diocessani episcopi a et reverentia. Decernimus ergo ut nulli omnium liceat præfatum monasterium temere habere, aut ejus possessiones auferre, vel ablata e, minuere, vel temerariis vexationibus fatidire, sed et omnia integra conserventur eorum pro neustentatione et gubernatione concessa sunt, omnimodis profutura. Si quis autem huic constitutionis sciens temerario ausu contraire rit, anathematis sententiam se noverit incursum Lateranis v Idus Decembris.

XXVI.

*Norwegiæ regem. — Ut Radulphum episcopum Orcadensem in integrum restituat.*

(Anno 1125, Dec. 9.)

[*Monastic. Anglic.* III, 144.]

HONORIUS episcopus, servus servorum Dei, dilecto s o filio S. illustri Norwegiæ regi, salutem et licam benedictionem.

Quibus nostris intimatum est, quod venerabilis noster Thomas Eborum archiepiscopus Radulphum Orchencia ipsum consecravit. Postmodum aut accepimus, alius est ibidem intrusus. In episcopalem cathedram aut unus obtinebit, illud. Ideoque per præsentia scripta nobilitati mandamus, quatenus prænominato Rodulpho episcopalem Orchenciam videlicet, cum patet et cæteris pertinentiis suis, tanquam proprio tui episcopo et pastori restituas. Et de cælicitudo custodiat, ne ob hoc iram Dei incursum Lateranis v Idus Decembris.

A

*Ad episcopum Candidæ Casæ. — Adeat Thomam [leg. Thurstanum] archiepiscopum Eboracensem, a quo consecretur.*

(Anno 1125, Dec. 9.)

[*Ibid.* p. 145.]

HONORIUS episcopus, servus servorum Dei, dilecto filio electo de Candida Casa, salutem et apostolicam benedictionem.

Cui alii a Domino præesse conceditur, nulla suis dignis subesse prælatis superbia communicatur; ideoque per præsentia scripta tibi mandamus, ut ad charissimum fratrem nostrum Thomam Eboracensem archiepiscopum, tanquam ad proprium metropolitani tuum consecrandus accedas; et ab ipsius manu, præente sancti Spiritus gratia, cum humilitatis devotione consecrationem accipias.

Data Laterani quinto Idus Decembris.

XXVIII.

*Ad G. Cantuariensem archiepiscopum, etc., et ad regem Anglorum.*

(Anno 1125, Dec. 9.)

[*Ibid.*, p. 147.]

HONORIUS episcopus, servus servorum Dei, venerabilibus fratribus G. Cantuar. archiepiscopo, sedis apostolicæ legato, et universis episcopis per regnum Angliæ constitutis, et charissimo in Christo filio H. illustri Anglorum regi, salutem et apostolicam benedictionem.

Quemadmodum nostrum... ita dignitatem suam illibatam, vestris debetis fratribus conservare, ideoque vobis mandamus, quatenus charissimo fratri nostro Thomæ [leg. Thurstano] Eborum archiepiscopo, juxta antiquam consuetudinem et Eborum Ecclesiæ prærogativam crucem ante se deferri absque contradictione aliqua permittatis, et regem more solito coronare.

Data Laterani v Idus Decembris.

XXIX.

*Privilegium pro Ecclesia Eboracensi.*

(Anno 1225.)

[*Mansi, Concil.*, XXI, 335.]

HONORIUS episcopus, servus servorum Dei, venerabili fratri THURSTANO, Eboracensi archiepiscopo, ejusque successoribus canonice promovendis in perpetuum.

In eminenti apostolicæ sedis specula, disponente Domino, constituti, injuncto nobis apostolatus officio fratres nostros episcopos intima charitate diligere, et ecclesiis sibi a Deo commissis suam debemus justitiam conservare, pro ipsarum quoque volumus statu satagere, atque earum quieti et utilitati, salubriter, auxiliante Domino, providere. Ideoque charissime frater, Thurstane archiepiscope, tibi tuisque successoribus, et per vos Ebor. Ecclesiæ, cui auctore Deo præes, Eboracensis Ecclesiæ metropol. suffraganeos, et quidquid parochiarum vel episcopali vel metropolitico jure ad eandem cognoscitur Ecclesiam pertinere, in perpetuum confirma-

Antiquam sane Ebor. Ecclesiæ dignitatem integram conservari auctore Deo cupientes, auctoritate apostolica prohibemus, ne ulterius, aut Cantuar. archiepiscopus Eboracen. professionem quamlibet exigat, aut Eboracen. Cantuariensi exhibeat; neque quod penitus a beato Gregorio prohibitum est, ullo modo Ebor. Cantuar. ditioni subiaceat, sed juxta ejusdem patris constitutionem, ista inter eos honoris distinctio in perpetuum conservetur, ut prior habentur, qui prior fuerit ordinatus. Ad hæc si Cantuar. archiepiscopus Ebor. electum gratis, et sine subjectionis exactione consecrare noluerit, electus Ebor. a suffraganeis suis, aut a Romano pontifice libere consecratur. Porro antiquas libertatis consuetudines, et possessiones quas vel in præsentem legitime obtinuit, vel in futuro, largiente Deo, justo poteritis adipisci, Ecclesiæ Ebor. præsentis privilegii auctoritate firmamus, statuentes, ut nullus eas auferre, imminuere, vel temerariis audeat vexationibus intestare, sed omnia integra conserventur eorum, pro quorum sustentatione et gubernatione concessa sunt, usibus omnimodis profutura. Illud quoque capitulo præsentem subjungimus, ut ecclesiæ S. Andreæ Hagulstadens. S. Joh. Beverlac. S. Wilfridi de Ripn, S. Mariæ de Stuthewel. S. Oswaldi de Gloucestr. in omnibus possessionibus et libertatibus, et consuetudinibus vobis vestrisque successoribus, nec non Ebor. Ecclesiæ integre semper et quiete permaneant. Si quæ igitur ecclesiastica secularisve persona, hanc nostram constitutionis paginam sciens, contra eam temere venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino judicio existere de perpetrata iniquitate cognoscat, et a sanctissimo corpore ac sanguine Dei et Domini redemptoris nostri Jesu Christi aliena fiat, atque in extremo examine districtæ ultionis subiaceat. Cunctis autem eidem Ecclesiæ justa servantibus sit pax Domini nostri Jesu Christi, quatenus et hic fructum bonæ actionis percipiant, et apud districtum judicem præmia æternæ pacis inveniant. Amen.

## XXX.

*Ecclesiæ Ravennatis jura confirmat.*

(Anno 1125.)

[UCHELLI, *Italia sacra*, II, 365.]

HONORIUS episcopus, servus servorum Dei, venerabili fratri GUALTERIO Ravennati archiepiscopo, ejusque successoribus canonice promovendis.

Sacrosancta Romana apostolica Ecclesia ab ipso Salvatore nostro Domino Jesu Christo caput et cardo est omnium instituta. Non decet igitur a capite membra discedere, sed eminenti rationi, et superni provisioni capitis obedire: moderatrix autem discretio capitis singulorum membrorum officiosas actione considerans uniuscujusque jus, et ordinem, et natura constitutum distincte reservat, et quibuscumque nobilibus vetustatis suæ dignitatem, sine invidia sociali charitate custodit. Hac igitur inducti ratione

honoris famosæ Ravennatis Ecclesiæ apostolicæ sedis propriæ specialis filiæ sine diminutione aliqua volumus conservare, ideoque, venerabilis frater Gualteri, quem pro Ecclesiæ strenuitate doctrinæ, religionis, et morum honestate plena in Christo charitate diligimus, tuis rationabilibus postulationibus paternæ pietatis affectu annuimus. Per præsentis itaque privilegii paginam confirmamus episcopatus videlicet Æmilie provincie, id est Parmæ, Placentiæ, Regii, Mutinæ, Bononiæ, Ferrariæ, Adriæ, Comacini, Imolæ, Faventiæ, Forolovii, Foripompili, Bobii, Cæsennæ, Ficcolæ. Præterea confirmamus vobis exarchatum Ravennæ, qui Romanæ Ecclesiæ juris est, et monasteria S. Alberti, S. Hilarii, seu cætera monasteria, et possessiones ad vestram Ecclesiam pertinentes per authentica privilegia ab antecessoribus nostris, et catholicis regibus traditas. Pomposiani quoque monasterii curam personæ religionis tuæ, salvo Ecclesiæ nostræ jure, committimus, ut regulari disciplina per suam industriam reformetur. Nulli ergo omnino hominum facultas sit nostram Ravennatem Ecclesiam temere perturbare, aut possessiones ejus auferre, vel ablatas retinere, minuere, vel temerariis vexationibus fatigare, sed omnia integra conserventur tam tuis, quam clericorum et pauperum usibus profutura. Si qua igitur ecclesiastica in futurum secularisve persona hanc nostræ constitutionis paginam sciens contra eam temere venire tentaverit, secundo tertiove commonita, nisi præsumptionem suam satisfactione congrua emendaverit, potestatis honorisque sui dignitate careat, reamque se divino judicio existere de perpetrata iniquitate cognoscat, et a sacratissimo corpore ac sanguine Dei et Domini nostri Jesu Christi aliena fiat, atque in extremo examine districtæ ultionis subiaceat. Cunctis autem eidem Ecclesiæ justa servantibus sit pax Domini nostri Jesu Christi, quatenus et hic fructum bonæ actionis percipiant, et apud districtum judicem præmia æternæ pacis inveniant. Amen, amen, amen.

Ego Honorius catholicæ Ecclesiæ episcopus.

Ego Bonifacius card. S. Marci subsc.

Ego Gregorius Card. SS. Apostolorum ss.

Ego Benedictus cardinalis tit. Eudoxiæ subsc.

Ego Anastatus presb. card. tit. S. Clementis ss.

Ego Conradus presb. card. tit. Pastoris subsc.

Ego Desiderius presb. card. tit. S. Praxedis subsc.

Ego Deusdedit card. presb. tit. S. Laurentii in Damaso ss.

Ego Petrus Pisanus presbyter cardinali S. martyris Susannæ subsc.

Ego Petrus card. tit. S. Callixti subsc.

Ego Petrus presb. card. S. Marcelli subsc.

Ego Vitalis Albanensis episcopus subsc.

Ego Petrus Portuensis episcopus subsc.

Ego Guilidinus Prænestinus episcopus subsc.

Ego Egidius Tusculanus episcopus subsc.

Ego comes S. Mariæ in Agro diac. su. sc.

Ego GG. diac. card. S. Mariæ in Porticu subsc.

Ego Romanus diaconus card. S. Angeli subscr.  
Ego GG. diaconus cardinalis sanctorum Sergii, et  
Bicchi, subscripsi, et alii quamplures.  
Dat. Laterani per manum Aimerici, an. 1125  
Dominicæ Incarnationis.

XXXI.

*Ad episcopos Provinciæ. — Pro Lerinensi monasterio,  
ut ablata restituant, et ab aliis restitui faciant.*

(Anno 1125.)

[D. BOUQUET, *Recueil*, XV, 265.]

HONORIUS episcopus, servus servorum Dei, vene-  
rabilibus fratribus AUGERIO Regiensi, BERENGARIO  
Forojuliensi, PETRO Niciensi, et MANFREDO Antipolli-  
tano, episcopis, salutem et apostolicam benedictio-  
nem.

Filii nostri Lerinensis (Gorinus abbas) et mona-  
chi, ante Saracenorum fauces positi, captiones,  
catenas, et mortis pericula metuentes, de vobis la-  
crymabiliter conqueruntur, quod eis quædam eccle-  
sias violenter auferre præsumitis. Cum enim de vo-  
bis necessarium expectarent præsidium, ordine in  
contrarium verso, importabiles sentiunt detrimentum.  
Unde fraternitati vestræ mandamus quatenus præ-  
fatas ecclesias Lerinensi monasterio sine dilatione  
restituatis in integrum. Conqueruntur etiam satis  
miserabiliter super parochianis vestris, Petro scilicet  
de Alansone, uxore Guillelmi Angeri, et militi-  
bus de Montebrisone, qui villam illorum deprædan-  
tes incendio vastavere et desolaverunt; et super  
eadem uxore Guillelmi, quæ aliam villam cum mo-  
nasterio in solitudinem omnino redegit. Quamobrem  
vobis præcipimus quatenus eos, ut monasterio Leri-  
nensi et fratribus satisfaciant, compellatis. Tu vero,  
Antipolitane episcopo, Fulconem (8) parochianum  
tuum commoneas, ut de pecunia quam Hierosolymita-  
no itineri, quod facturum se devoverat, præparata  
prædecessor noster bonæ memoriæ Paschalis papa  
Lerinensi monasterio dari præcepit, cum ejusdem  
loci fratribus in pace conveniat; pecuniam quam de  
thesauro cœnobii fratres pro ipso a Saracenis redi-  
mendo dederunt, et quam se redditurum juravit, et  
villam quæ juris monasterii est, ab eo ablatam  
restituatur, et de castro Aureiluci [*Arluc*], quod de-  
vastare præsumpsit, abbati et monachis satisfaciat.  
Alioquin nos cessare a nostri officii sententiâ non  
poterimus.

Datum Laterani.

XXXII.

*Ad Gerardum episcopum Teatinum.*

(Anno 1125 1126.)

[MURATORI, *Res. Ital. Scrip.*, II, II, 1007.]

HONORIUS episcopus, servus servorum Dei, vene-  
rabili fratri GE., Teatino episcopo, salutem et apo-  
stolica benedictionem.

Veniens ad nos filius noster Giso abbas monaste-  
rii Sancti Clementis de Piscaria, in præsentia no-  
stra adversus parochianum tuum Rainaldum de

(8) Fulconem de Grassa, Guillelmi fratrem.

A Tocco conquestus est, quod ei ecclesiam Sanctæ  
Mariæ in Pesile violenter auferat. Unde fraternitati  
tuæ mandamus quatenus eundem Rainaldum com-  
moneas, ut abbati prædicto ecclesiam restituat.  
Alioquin, si contemptor extiterit, plenariam de eo  
non differas exercere justitiam. Nos enim, auctore  
Domino, quod a te super hoc canonice factum fue-  
rit, ratum habebimus.

XXXIII.

*Ad Dilacum archiepiscopum Compostellanum.*

(Anno 1126, Jan. 40.)

[FLOREZ, *Espana sagrada*, XX, 442.]

HONORIUS episcopus, servus servorum Dei, vene-  
rabili fratri DIDACO Compostellano archiepiscopo, sa-  
lutem et apost. benedict.

B Nuntios cum litteris a tua fraternitate nobis trans-  
missos, qua debuimus charitate, suscepimus. Cæte-  
rum quoniam multa nobis incumbebant negotia, et  
propter novitatem nostram, tuis postulationibus in  
præsentia non potuimus respondere. Prævident au-  
tem discreta fraternitatis tuæ prudentia, ut digni-  
tate pallii, quod signum humilitatis est, concessa  
tibi a sanctæ matris tuæ Ecclesiæ Romanæ clemen-  
tia, uti studeas non abuti.

Dat. Laterani iv Idus Januarii.

XXXIV.

*Ad eundem.*

(Anno 1126, Jan. 10.)

[*Ibid.*]

HONORIUS episcopus, servus servorum Dei, vene-  
rabili fratri DIDACO Compostellano archiepiscopo,  
salutem et apost. benedict.

C Quamvis de persona tua sinistra quædam et su-  
perstitiosa nostris sint auribus nuntiata, quia tamen  
devotissimum te Romanæ Ecclesiæ filium profiteris,  
nos te vera volumus diligere charitate, et delatori  
alicui facilem de persona tua nolumus præbere au-  
ditum. Tu vero ita humiliter et devote te habeas,  
ut plenariæ gratiam B. Petri et nostram valeas reti-  
nere.

Data Laterani iv Idus Jan.

XXXV.

*Ad Alexandrum episcopum Lincolnensem. — Lincol-  
nensis Ecclesiæ privilegia confirmat.*

(Anno 1126, Jan. 30.)

[WILKINS, *Concilia M. Britann.*, tom. I, p. 406]

D HONORIUS episcopus, servus servorum Dei, venera-  
bili fratri ALEXANDRO, Lincolnensi episcopo,  
ejusque successoribus legitime promovendis, in per-  
petuum.

Pia et diligens maternæ cura sollicitudinis teneros  
filios consuevit dulciter educare, et adultis, unda  
sustentari valeant, sagaciter providere. Proportio-  
naliter itaque sancta Romana Ecclesia in fide Petri  
fundata omnium Ecclesiarum obtinet principatum.  
parvulos et imbecillos lacte sapientiæ suæ nutrit;  
profectis autem et devotis profundioris scientiæ pa-



bula subministrat, et, ut liberius divinis vacare possint obsequiis, apostolicæ sedis munimine ab hostium incursione defendit. Hac igitur inducta ratione, Lincolnensem Ecclesiam, cui Deo auctore, dilecte in Domino frater Alexander episcopo, præses, sub apostolicæ sedis tutelam excipimus, et contra pravorum hominum molestiam, auctoritate ejus, defensione et privilegio communimus. Bona ergo et possessiones quas juste et legitime possidet, vel in futurum largiente Domino, canonice poterit adipisci, firma tibi tuisque successoribus, et per vos Ecclesiæ Lincolnensi et illibata permaneant. In quibus hæc propriis duximus nominibus adnotanda: videlicet in civitate Lincolnis burgum quod vocatur Willingtorp, Hundegatam, ecclesiam omnium sanctorum Netellam, Ludam, Stou, Noritonam, Newercam, Staford, Lidentonam, Spaldewic, Buchendaram, manerium situm juxta Legrecestam civitatem, Chileslei, Eroposeiam, Banebiriam, Tamam, Nundentonam. Dorhecestriam, Woburnam, abbatiam de Egenesham, cum omnium supradictorum pertinentiis, parochiam episcopalem Lindesiam, Nicholasira, Leccestrasira. Hamtonasira, Buchinghamsira, Oxinafordsira, Huntendonasira, Herefordsira pars. Decernimus ergo ut nulli omnino hominum clerico vel laico, præfatam Ecclesiam temere perturbare, aut ejus possessiones auferre, vel ablatas retinere, minuere, vel temerariis vexationibus fatigare, sed omnia integra conserventur usibus ecclesiasticis profutura. Si qua igitur ecclesiastica sæcularisve persona hanc nostræ constitutionis paginam sciens contra eam temere venire tentaverit secundo tertiove commonita: si non satisfactione congrua emendaverit potestatis honorisque sui dignitate careat, reamque se divino judicio existere de perpetrata iniquitate cognoscat, et a sacratissimo corpore ac sanguine Dei et Domini Redemptoris nostri Jesu Christi aliena fiat, atque in extremo examine districtæ ultioni subjaceat. Cunctis autem eidem loco jura servantibus sit pax Domini nostri Jesu Christi, quatenus et hic fructu et bonæ actionis et apud districtum judicem præmia æternæ pacis inveniant. Amen, amen.

Datum Laterani per manus Aimerici sanctæ Romanæ Ecclesiæ diaconi cardinalis et cancellarii, III Kal. Februarii, indictione IV, Incarnationis Dominicæ 1126, pontificatus autem domni Honorii II papæ anno I.

## XXXVI.

*Privilegium confirmationis possessionum et bonorum monasterii S. Theoderici Remensis.*

(Anno 1126, Febr. 10.)

[VARIN, *Archiv. admin. de Reims*, tom. I, p. 279.]

HONORIUS episcopus, servus servorum Dei, dilecto in Christo filio GUILLELMO abbati monasterii Sancti

(9) Un privilège d'Eugène, donné en 1148, et qui se trouve Cart. de Saint-Thierry, fol. 391, ajouté ici de Puteolis. Voir l'indicat. de ce même privilège dans Morlot, n. 358.

(10) Le privilège de 1148 ajoute .... Cum capella

A Theoderici, quod situm est in territorio Remensi, ejusque successoribus regulariter substituendis in perpetuum.

Desiderium quod ad religionis propositum et animarum salutem pertinere monstratur, auctore Deo, sine aliqua est dilatione complendum. Quamobrem, dilecte in Christo fili Guillelme abbas, rationabilibus tuis petitionibus assensum præbentes, monasterium Sancti Theoderici, cui auctore Domino præesse cognosceris, in beati Petri tutelam, nostramque protectionem suscipimus. Universas igitur possessiones et bona omnia quæ locus idem in præsentiarum legitime possidet, tibi tuisque successoribus secundum Dei timorem ibi promotis, præsentis decreti pagina confirmamus. In quibus hæc propriis visa sunt nominibus exprimenda: ipsam videlicet totam villam Sancti Theoderici quietam et liberam, et ab advocatia, comitatu; vel vicecomitatu, sive ab omni exactioe sæculari, secundum præcepta regum Lotharii, Caroli et Henrici absolutam, cum adjacente villula que dicitur villare sub silva; item mansum indominitatum in villa Pullione, mansum indominitatum in villa Tillio cum terris appendentibus, et in his omnibus bannum, et justitiam et furnum cum decima tota; villam Francorum cum decima tota; cumque hæc omnia sub una parochia contineantur, hac ratione est libera ut annua illa obsonia in synodo non persolvat; et presbyteri qui inibi ab abbate statuuntur, ad conventus decanorum quos Kalendas vocant, non accedant nisi sponte voluerint, alios autem canonicam ex eis exhibeant obedientiam; mansum indominitatum in villa Triniaco, vel Mazzella, et justitiam, et bannum, et furnum bannilem in tota villa cum decima tota et quibusdam terris in villa Cavalio jacentibus et ad ipsum Triniacum pertinentibus, decimam villæ Chalon quæ est de parochia ipsius Triniaci; decimam villæ Chanadii quæ est de parochia Sancti Theoderici sicut et villa Francorum. Tres melendinos in Vidula cum tota aqua et piscatione ipsius fluminis, a divisione ipsius fluminis super molendinum Maschot, usque ad molendinum Macele, cum quarta parte ipsius molendini, et paludem adjacentem ipsi aquæ, pro cujus herbaria rustici de Chalon corveiam solvunt Sancto Theoderico in Triniaco; villam Nocturniacum cum banno et justitia; mansum indominitatum in Brimerici curte; terras censuales in villa Mairiaco, similiter in Gaudiaco. In diocesi Remensi, altaria hæc: de Triniaco, de Herimundivilla (9), de Summopi, de Spoia, de Seilisas, de Ida, de Thelina (10). In episcopatu Laudunensi, altaria hæc: de Wreivilla, de Hupenci curte, de Berturi curte, de Agubi curte, de Condeto, de Domnamaria (11), de Ansoldi curte, de Sancto Theodulfo, quod (sic) dicitur Guast. In episcopatu

de Vosiers, cum duabus partibus decimæ et tribus molendinis. »

(11) Le privilège de 1148 ajoute.... « Cum manso indominitato et tribus partibus totius terræ adjacentis ipsi villæ.

Noviomensi altaria duo et ecclesias, et decimas totas de Atheiis et de Emina, septem mansos terræ in ipsa villa Atheiis. In episcopatu Tornacensi, altaria hæc : de Guartengen, de Kercova cum capella Guarnescia (12). In episcopatu Cameracensi, altaria hæc : de Bernis cum capella de Quadromonte (13), de Elefella. Quæcunque præterea futuris temporibus idem monasterium juste atque canonice poterit adipisci, firma ei et illibata permaneant; et prædicta altaria libera sint, et absque personis. Salvo in omnibus jure ac reverentia Remensis archiepiscopi, atque aliorum episcoporum, et consuetudinibus canonicis. Decernimus ergo ut nulli omnino hominum liceat idem monasterium temere perturbare, aut ejus possessiones auferre, vel oblatas retinere, iniungere, vel temerariis vexationibus fatigare, sed omnia integra conserventur, eorum pro quorum sustentatione ac gubernatione concessa sunt, usibus omnimodis profutura. Si qua vero ecclesiastica sæcularisve persona hanc nostræ constitutionis paginam sciens, contra eam tenere venire tentaverit, secundo tertiove commonita, si non satisfactione congrua emendaverit, potestatis honorisque sui careat dignitate, reamque se divino iudicio existere de perpetrata iniquitate cognoscat, et a sacratissimo corpore ac sanguine Dei et Domini Redemptoris nostri Jesu Christi aliena fiat, atque in extremo examine districtæ ultioni subjaceat. Cunctis autem eidem loco justa servantibus sit pax Domini nostri Jesu Christi, quatenus et hic fructum bonæ actionis percipiant, et apud districtum judicem, præmia æternæ pacis inveniant. Amen.

Ego Honorius catholicæ Ecclesiæ episcopus. s.

Data Laterani, per manum Haimerici sanctæ Romanæ Ecclesiæ diaconi cardinalis et cancellarii, IV Idus Februarii, indictione IV, anno Dominicæ Incarnationis 1126, pontificatus autem domini Honorii secundi papæ anno II.

### XXXVII.

*Fratrum S. Mariæ Præmonstratensis disciplinam possessionesque confirmat.*

(Anno 1126, Febr. 16.)

[Hugo, *Annales sacri ord. Præmonstrat.* tom. I, Pr. p. 9.]

Honorius episcopus, servus servorum Dei dilectis filiis NORBERTO fratri in Christo, et canonicis Præmonstratæ ecclesiæ Sanctæ Mariæ, eorumque successoribus regularem vitam in perpetuum professis.

Apostolicæ disciplinæ sectantes vestigia mundanis quidem pompis et possessionibus abrenuntiant, et Domino totis visibus famulantur. Isti ergo si bonum quod incæperint, consummarint, in extremo examine iudicis sunt immortalitatis stolam et perpetuam gloriam adepturi. Quia igitur vos religiose vivere et canonicam vitam secundum beati Augustini institutionem ibidem ducere, inspirante divina gratia decrevistis, propositum vestrum sedis apostolicæ

(12) La bulle de 1148 ajoute : « ... de Dotheniis cum capella de Coengio ; ecclesiam de Petengio. »

Auctoritate confirmamus, et firmos vos in remissionem peccatorum vestrorum in eo persistere adhortamur. Statuimus itaque, ut in ecclesiis vestris, in quibus fratres vitam canonicam professi degunt, nulli omnino hominum liceat secundum beati Augustini regulam ibidem constitutum ordinem commutare, nullus etiam episcoporum futuris temporibus audeat ejusdem religionis fratres ab ecclesiis vestris expellere, nec professionis canonicæ quispiam ex eisdem ecclesiis aut claustris audeat sine communi congregationis permissione discedere : discedentem vero, nullus episcoporum, nullus abbatum, nullus monachorum sine communium litterarum cautione suscipere. Bona etiam et possessiones quas juste et legitime possidetis præsentis nostri scripti pagina confirmamus, in quibus hæc propriis nominibus duximus exprimenda : ecclesiam videlicet Sancti Martini Laudunensis in Laudunensi episcopatu, Variensem ecclesiam Sanctæ Mariæ in Suessionensi episcopatu, Floressiensem ecclesiam Sanctæ Mariæ in Leodiensi, Capenberg ecclesiam Sanctæ Mariæ et beatorum Petri et Pauli in Monasteriensi, Wollar ecclesiam Sanctæ Mariæ in eodem episcopatu, Clostat [Elcostad], ecclesiam Sanctæ Mariæ in Moguntensi, ecclesiam Sancti Annalis in Metensi, Anluerpiæ ecclesiam Sancti Michaelis in Cameracensi; ambitum ejusdem vallis a loco qui dicitur *Haliérpré*, usque ad vallem Rochardi, cum tribus adjacentibus vallibus, et a rivo versus *Vois*, sicut valles propertant. Duas partes decimæ quas in villa de Crespi per Laudunensem episcopum habetis, et cætera quæ in eadem villa largitione dilecti filii nostri Ludovici regis Franciæ possidetis. Alodium Clarifontis, alodium Romengeis cum molendino; tres mansos apud Bolmont; Anisi mansum unum cum molendino; Fraisine mansum unum, Versigny mansum unum, Souppy tres mansos et dimidium; totum alodium quod dicitur Bonnuel. Suessionis domum unam cum cineis et terris; vineas in Laudunensi pago in villa quæ dicitur Broiencourt, et Ursignicourt, et Montarcume. Quæcunque præterea in futurum, concessione pontificum, liberalitate regum vel principum, vel aliis justis modis canonicè poteritis adipisci, firma vobis vestrique successoribus in sanctæ religionis proposito permansuris, et illibata serventur. Decernimus ergo, ut nulli omnino hominum liceat easdem ecclesias temere perturbare, aut eorum possessiones auferre, vel ablatas retinere, minuere, vel temerariis vexationibus fatigare sed omnia integra conserventur, regularium fratrum et pauperum usibus profutura, salva diocesanorum episcoporum canonica justitia. Si qua igitur in futurum ecclesiastica sæcularisve persona hanc nostræ constitutionis paginam sciens, contra eam temere venire tentaverit, secundo tertiove commonita, si non satisfactione congrua emendaverit, potestatis honorisque sui careat dignitate, reamque se divino judi-

(13) La bulle de 1148 ajoute : *de Scalnasia.*

cio existere de perpetrata iniquitate cognoscat, et a sanctissimo corpore ac sanguine Dei et Domini Redemptoris nostri Jesu Christi aliena fiat, atque in extremo examine districtæ ultioni subjaceat. Cunctis autem eisdem ecclesiis jura servantibus sit pax Domini nostri Jesu Christi, quatenus et hic fructum bonæ actionis percipiant, et apud districtum judicem præmia æternæ pacis inveniant. Amen.

Ego Honorius catholicæ Ecclesiæ episcopus.

Datum Laterani per manum Haimerci sanctæ Romanæ Ecclesiæ diaconi cardinalis et cancellarii, decimo quarto Kal. Martii, indictione quarta, anno Dominicæ Incarnationis millesimo centesimo vicesimo sexto pontificatus autem domni Honorii secundi papæ anno secundo.

XXXVIII.

*Confirmatio foundationis ecclesiæ Capenbergensis.*

(Anno 1126, Febr. 27.)

[Hugo, *ibid.* Pr., p. 369.]

HONORIUS episcopus, servus servorum Dei, dilecto in Christo fratri NORBERTO, et ejus fratribus, in ecclesia Sanctæ Mariæ de Capenberg regularem vitam professis, eorumque successoribus in perpetuum.

Ad hoc universalis Ecclesiæ cura nobis a providore omnium bonorum Deo, commissa est, ut religiosas diligamus personas, et bene placentem Deo religionem studeamus modis omnibus propagare. Nec enim Deo gratus aliquando famulatus impenditur, nisi ex charitatis radice procedens, a puritate religionis fuerit conservatus, hoc nimirum charitatis intuitu rationabilibus tuis postulationibus duximus annuendum. Statuimus itaque, et apostolica auctoritate firmamus, ut in ecclesia Capenberg, cujus construendæ fundum comes Godefridus, et fratres ejus atque cohæres Otto, Deo et Sanctæ Mariæ, sanctisque apostolis obtulerunt, et Varlas et Hofstadt, in quibus fratres vitam canonicam professi degunt, nulli omnino liceat secundum B. Augustini regulam in eisdem ecclesiis constitutum ordinem mutare. Nullus etiam episcoporum futuris temporibus audeat ejusdem religionis fratres de eisdem ecclesiis expellere neque professionis canonicæ quispiam ex eisdem ecclesiis, aut claustris audeat sine communi congregationis permissione discedere. Discedentem vero, nullus episcoporum, nullus abbatum, nullus monachorum, nullus omnino hominum sine communium litterarum cautione suscipere; prohibemus igitur et omnino interdiciamus, ut nulla ecclesiastica sæcularisve persona Capenberg et ejus ambitum vi, vel fraude intrare, occupare, vel incastellare præsumat. Bona etiam et possessiones, quas supradicti tres, et alodia, quæ alii fideles eisdem ecclesiis ex justis eleemosynis, in usus canonicorum legitime contulerunt, præsentis scripti pagina confirmamus. In quibus hæc propriis nominibus duximus adnotanda: videlicet, Werne, Nette, Alsteden, Heile, Ca-

penberg, Mangethe, Curete, Sorbeke, Wifecle, Wisheim, Spelchorp, Hæela, Lancklar, cum universis usibus earum, scilicet pratis et pascuis, viis et fviis, rivis et irrigulis, molendinis nemorosis et campestribus, quæcunque præterea in futurum concessione pontificum liberalitate regum, vel principum, vel aliis justis modis canonicè poteritis adipisci firma vobis vestrique successoribus in sanctæ religionis proposito permansuris, et illibata serventur. Decernimus ergo ut nulli omnino hominum liceat eisdem ecclesias temerè perturbare, aut eorum possessiones auferre vel ablatas retinere, minuerè vel temerariis vexationibus fatigare, sed omnia integra conserventur regularium fratrum et pauperum usibus profutura, salva diocesanorum episcoporum canonica justitia. Si qua igitur in futurum ecclesiastica sæcularisve persona, hanc nostræ constitutionis paginam sciens, contra eam temere venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino judicio existere de perpetrata iniquitate cognoscat, et a sacratissimo corpore ac sanguine Dei et Domini Redemptoris nostri Jesu Christi aliena fiat, atque in extremo examine districtæ ultioni subjaceat. Cunctis autem eisdem ecclesiis justa servantibus, sit pax Domini nostri Jesu Christi, quatenus et hic fructum bonæ actionis percipiant, et apud districtum judicem, præmia æternæ pacis inveniant. Amen, amen, amen.

Ego Honorius catholicæ Ecclesiæ episcopus.

Datum Laterani per manum Aimerici sanctæ Romanæ Ecclesiæ diaconi cardinalis, III Kal. Martii, indict. IV. anno Dominicæ Incarnat. 1126, pontificatus domni Honorii II papæ anno II.

XXXIX.

*Privilegium pro monasterio S. Evangelistæ Kallenborniensi.*

(Anno 1126, Febr. 27.)

[*Thuringia sacra*, p. 304.]

HONORIUS episcopus, servus servorum Dei, dilectis in Christo filiis GODESCALCO præposito et ejus fratribus in ecclesia Sancti Joannis evangelistæ de Goldenbrunna canonicam vitam professis, tam presentibus quam futuris in perpetuum.

Apostolici moderaminis clementiæ convenit religiosos diligere, et eorum loca apostolicæ protectionis munimine defendere. prædecessor noster felicitis memoriæ Calixtus, PP., sicut ex ejus scripto comperimus vestram Sancti Joannis ecclesiam quam in Alberstatensi episcopatu vir nobilis Wimannus de prædiis suis ad regularem vitam instituit apostolicæ tuitionis protectione munivit. Et nos itaque vestris postulationibus clementius annuentes, et ejusdem domini vestigiis inhærentes, canonicæ vitæ ordinem quem professi estis apostolica auctoritate firmamus; et ecclesiam vestram presentis scripti pagina confirmamus. Statuimus enim quæcunque possessiones, et quæcunque bona eidem

loco, aut a prædicto Wigmanno, aut a quibusque A fidelibus de suo jure juste collatas sunt, sive in futurum largiente Deo juste et canonice conferri contigerit firma semper vobis vestrisque successoribus, et inconvulsa permaneant. Nullique omnino hominum liceat prædictam ecclesiam temere perturbare, aut ejus possessiones auferre, vel ablatas retinere, minuere, vel temerariis vexationibus fatigare, sed omnia integra conserventur eorum pro quorum sustentatione ac gubernatione concessa sunt, usibus omnimodis profutura. Obeunte vero te ipsius loci præposito, nullus ibi qualibet astutia vel violentia præponitur, nisi quem fratres communi consensu, vel fratrum pars consilii sanioris secundum Deum elegerint. Si quis igitur decreti hujus tenore cognito temere, quod absit, contraire tentaverit, honoris et officii sui periculum patiat, aut excommunicationis ultione plectatur, nisi præsumptionem suam digna satisfactione correxerit. Amen.

Ego Honorius catholicæ Ecclesiæ episcopus.

Datum Laterani per manum Almerioi sanctæ Romanæ Ecclesiæ diaconi card. et cancellarii, 11 Kal. Martii, indict. iv, anno Dominicæ Incarnationis 1126, pontificatus domni Honorii secundi papæ anno 11.

## XL.

*Privilegium pro ecclesia S. Mariæ Placentinæ.*

(Anno 1126, Mart. 9.)

[CAMPI, *Dell. Historia di Piacenza*, tom. I, probationes, p. 528.]

HONORIUS episcopus, servus servorum Dei, dilectis filiis matricis ecclesiæ Placentinæ Sanctæ Mariæ, et Sanctæ Justinæ canonicis, salutem et apostolicam benedictionem.

Ad hoc universalis Ecclesiæ cura nobis a provi- D sore omnium bonorum Deo commissa est, ut de Ecclesiarum statu sollicitè cogitemus, earumque utilitatibus provide paternæ affectionis vigilantia studeamus; quatenus et ipsæ per nostri laboris instantiam in bonis spiritualibus, et temporalibus augeantur, et nos debitam inde mercedem a Deo recipere valeamus: Quapropter vestris, charissimi in Christo filii, per venerabilem fratrem nostrum Arduinum Placentinæ civitatis episcopum supplicationibus clementius inclinati, matricem sanctæ Dei genitricis ac virginis Mariæ, et sanctæ Justinæ martyris Placentinam ecclesiam, in qua Domino deservitis, apostolicæ defensionis auxilio decrevimus communire. Possessiones ergo, et bona, quæ a religiosis Placentinis episcopis, qui de hoc sæculo decesserunt, vel ab eodem fratre nostro episcopo, qui vestræ ad præsens Ecclesiæ præsidet, vobis concessa, sive a fidelibus viris de suo jure oblata, seu modis aliis acquisita juste et legitime possidetis: presentis scripti nostri pagina vobis, vestrisque successoribus confirmamus, salva nimirum episcoporum vestrorum justitia et debita reverentia.

Pari quoque modo firmamus capellam de Goso-

longo, et plebem de Verdeto, cum pertinentiis earum, quas prædictus frater Arduinus episcopus paterna vestris usibus benignitate concessit. Quæcunque præterea in futuris temporibus, largiente Deo juste atque canonice poteritis adipisci, firma vobis vestrisque successoribus, et illibata permaneant. Decernimus ergo ut nulli omnino hominum liceat eandem Ecclesiam temere perturbare; aut ejus possessiones auferre, vel ablatas retinere, minuere, vel temerariis vexationibus fatigare, sed omnia integra conserventur, eorum pro quorum sustentatione et gubernatione concessa sunt usibus omnimodis profutura. Si qua igitur in futurum, ecclesiastica sæcularive persona hanc nostræ constitutionis paginam sciens, contra eam temere venire tentaverit, secundo tertiove communita, si non satisfactione congrua emendaverit, potestatis honorisque sui dignitate careat, reamque se divino judicio existere de perpetrata iniquitate cognoscat, et a sacratissimo corpore ac sanguine Dei et Domini Redemptoris nostri Jesu Christi aliena fiat, atque in extremo examine districtæ ultionis subjaceat. Cunctis autem eidem Ecclesiæ justa servantibus sit pax Domini nostri Jesu Christi, quatenus et hic fructum bonæ actionis percipiant, et apud districtum judicem præmia æternæ pacis inveniant. Amen.

Ego Honorius catholicæ Ecclesiæ episcopus.

Datum Laterani per manum Almerici sanctæ Romanæ Ecclesiæ diaconi cardinalis et cancellarii, vii Idus Martii, indictione iv, anno Dominicæ Incarnationis 1126, pontificatus vero domni Honorii II papæ anno secundo.

## XLI.

*Monasterium S. Blasii in protectionem apostolicam receptum, et confirmat liberam advocatiam.*

(Anno 1126, Mart. 28.)

[GERBERT, *Hist. Nigræ Silvæ*, tom. III, p. 59.]

HONORIUS episcopus, servus servorum Dei dilecto filio BERTOLDO abbati monasterii S. Blasii, quod in Constantiensi episcopatu, in loco videlicet qui Nigra Silva dicitur, situm est, ejusque successoribus regulariter substituendis in perpetuum.

Ad hoc universalis Ecclesiæ cura nobis a provi- D sore omnium bonorum Domino commissa est, ut religiosas diligamus personas, et bene placentem Domino religionem modis omnibus propagemus, nec enim Domino gratus aliquando famulatus impenditur, nisi ex charitatis radice procedens a puritate religionis fuerit conservatus. Proinde nos supplicationi tuæ clementer annuimus, et B. Blasii monasterium, cui Deo auctore præsidet, cum omnibus ad ipsum pertinentibus apostolicæ sedis tuitione munimus. Statuimus enim, ut quæcunque hodie idem monasterium juste et legaliter possidet, sive in futurum concessione pontificum, liberalitate principum, vel oblatione fideiium juste atque canonice poterit adipisci, firma tibi tuisque successoribus, et illibata permaneant. Nulli igitur omnino homi-

num liceat præfatum monasterium temere perturbare, aut ejus possessiones auferre, vel ablatas retinere, minuere, vel temerariis vexationibus fatigare; sed omnia integra conserventur eorum, pro quorum sustentatione et gubernatione concessa sunt, usibus omnimodis profutura. Consecrationes altarium sive basilicarum, ordinationes monachorum, chrisma, oleum sacrum, et cætera ad opus episcopale officium pertinentia, a Constantiensi episcopo, in cujus estis diœcesi, accipiatis, si tamen catholicus fuerit, et gratiam ac communionem apostolicæ sedis habuerit, et si ea gratis ac sine pravitate voluerit exhibere, alioquin liceat vobis catholicum, quem malueritis adire antistitem, et ab eo consecrationis sacramenta percipere, qui apostolicæ sedis auctoritate fultus, quæ postulastis, indulgeat. Sepulturam quoque ejusdem loci omnino liberam esse decernimus, ut eorum qui illic sepeliri deliberaverint, devotioni et extremæ voluntati, nisi forte excommunicati sint, nullus obsistat. Porro laicos sive clericos seculariter viventes ad conversionem suscipere nullius episcopi vel præpositi contradictio vos inhibeat. Ob eundem tamen loci abbate vel tuorum quolibet successorum, nullus ibi quolibet subreptionis astutia seu violentia præponatur, nisi quem fratres communi consensu, vel fratrum pars consilii ænioris secundum Dei timorem, et B. Benedicti regulam elegerint. Ad hæc salva Constantiensis episcopi reverentia, confirmamus vestro monasterio cellam de silva Swarzwalt a S. Reginberto constructam cum omnibus possessionibus, prædiis, et terris ad eam pertinentibus (14). Confirmamus etiam dispositionem illam, quam bonæ recordationis Heinrichus IV imperator de monasterii vestri libertate et advocatia constituit, et prædecessor noster felix memorie papa Calixtus auctoritatis suæ privilegio roboravit, atque dilectus filius noster Lotharius rex præcepti sui firmitate munivit, et nos communi fratrum nostrorum episcoporum et cardinalium deliberatione ratam habuimus, ut videlicet in advocati electione abbas liberam habeat potestatem cum fratrum suorum consilio talem eligere, quem ad defensionem libertatis monasterii bonum et utilem esse cognoverit, qui non pro terreno commodo, sed pro Dei amore ac peccatorum suorum venia, nec non et æternæ benedictionis mercede advocatiam ipsam bene habere cupiat et tractare. Si autem calumniator potius quam advocatus existens monasterii bona pervaserit, et non magis ea defenderit, et semel, secundo tertiove commonitus nullatenus emendaverit, abbas habeat facultatem cum fratrum consilio alium ibi utiliorem statuere advocatum, quatenus sicut a prædicto Heinricho imperatore, et a præfato filio nostro Lothario rege judicio definitum est, cœnobii vestri libertas modis omnibus a jure sit alienata Basilensis ecclesiæ. Ad indicium autem nostræ tuitionis et concessæ

A vestro monasterio libertatis, aureum unum quolibet annis Lateranensi palatio persolvatis. Si quæ igitur in futurum ecclesiastica secularive persona hanc nostræ constitutionis paginam sciens, contra eam temere venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino judicio existere de perpetrata iniquitate cognoscat, et a sacratissimo corpore ac sanguine Dei et Domini Redemptoris nostri Jesu Christi aliena fiat, atque in extremo examine districtæ ultioni subjaceat. Cunctis autem eidem loco justa servantibus, sit pax Domini nostri Jesu Christi, quatenus et hic fructum bonæ actionis percipiant, et apud districtum judicem præmia æternæ pacis inveniant. Amen, Amen.

B Ego Honorius catholicæ Ecclesiæ episcopus.

Ego Crescentius Sabinensis episcopus.

Ego Petrus Portuensis episcopus.

Ego Vitalis Albanus episcopus.

Ego Guilielmus Prænestinus episcopus.

Ego Bonifacius presbyter cardinalis tituli S. Marci.

Ego Gg. presbyter cardin. tit. Apostolorum.

Ego Benedictus presbyter cardinalis tituli Eudoxiæ.

Ego Joannes presbyter cardinalis tituli S. Cecilie.

Ego Desiderius presbyter cardinalis tituli S. Præxedis.

C Ego Petrus cardinalis presbyter tituli S. Sannæ.

Ego Saxo presbyter cardinalis tituli S. Stephani.

Ego Joannes presbyter cardinalis tituli S. Grisogoni.

Ego Sigizo presbyter cardinalis tituli S. Xisti.

Ego Aldericus presbyter cardinalis tituli Pamachii.

Ego Hubertus presbyter cardinalis tituli S. Clementis.

Ego Petrus tituli Calixti presbyter cardinalis.

Ego Petrus presbyter cardinalis tituli S. Marcelli.

D Ego Deusdedit presbyter cardinalis tituli S. Laurentii in Damaso.

Ego Gregorius S. Angeli diaconus cardinalis.

Ego Stephanus diaconus cardinalis S. Mariæ in Cosmedin.

Ego Jonathas diaconus cardinalis SS. Cosmæ et Damiani.

Ego Gregorius diaconus cardinalis SS. Sergii et Bachi.

Ego Joannes diaconus cardinalis S. Nicolai de carcere.

(14) In iteratam cellæ S. Reginberti confirmationem S. Blasii monasterio factam.

Ego Angelus diaconus cardinalis S. Mariæ in A  
Donnica.

Ego Stefanus diaconus cardinalis S. Luciae.

Ego Petrus diaconus cardinalis S. Mariæ in via Lata.

Ego Hugo diaconus cardinalis S. Theodori.

Datum Laterani per manum Aimerici S. Romanæ  
Ecclesiae diaconi cardinalis et cancellarii v Kal.  
Aprilis, indictione iv, Incarnationis Dominicæ anno  
1126, pontificatus autem domni Honorii II papæ  
anno secundo.

## XLI.

*Monasterium Wiblingense ejusque bona confirmat et  
in protectionem apostolicam recipit.*

(Anno 1126, Mart. 28.)

[Ubi supra, p. 55.]

HONORIUS episcopus, servus servorum Dei, dilecto B  
filio WARNERO, abbati monasterii S. Martini, quod  
Wiblingen dicitur, ejusque successoribus regulariter  
promovendis in perpetuum.

Desiderium, quod ad religionis propositum, et  
animarum salutem pertinere monstratur, auctore  
Deo sine aliqua dilatione est complendum. Quam-  
obrem nos, dilecte in Christo filii, tuis per venera-  
bilem fratrem, nostrum Udalricum Constantiensem  
episcopum postulationibus inclinati, B. Martini  
monasterium, cui disponente Deo præsidere cogno-  
sceris, quod videlicet a prædecessore nostro felicis  
memoriæ Urbano papa in speciale sedis apostolicæ  
jus ac tutelam susceptum est apostolicæ auctoritatis  
privilegio communimus, statuentes ut quæcunque  
prædia, et quæcunque bona tam ex fundatorum  
suorum, Hartmani comitis et Othonis fratris ejus  
largitione, quam cæterorum fidelium justa obla-  
tione prædicta ecclesia in præsentiarum possidet,  
sive in futurum jure atque canonice poterit adipisci,  
firma tibi, tuisque successoribus, et illibata perma-  
neant. Decernimus ergo, ut nulli omnino hominum  
liceat idem monasterium temere perturbare, aut  
ejus possessiones auferre, vel ablatas retinere,  
minuere, vel temerariis vexationibus fatigare, sed  
omnia integre conserventur, eorum pro quorum  
sustentatione concessa sunt, usibus profutura, salva  
tamen Constantiensis episcopi canonica reverentia,  
cui tamen omnino non liceat exactionem aliquam  
vel consuetudinem, quæ regularium quiete noceat,  
irrogare. Advocatiam ipsius cænobii post Hartman-  
num religiosum comitem hæres ejus, quem abbas D  
cum fratribus elegerit, administrare debet, qui si  
postmodum monasterio inutilis fuerit, remoto eo  
alium præficiant. Sepulturam ejusdem loci omnino  
liberam esse decernimus, ut eorum qui illic sepe-  
liri elegerint, devotioni et extremæ voluntati, nisi  
excommunicati fuerint, nullus obsistat. Præterea,  
mansuro in perpetuum decreto sancimus, ut nulli  
omnino viventium liceat in vestro monasterio ali-  
quas proprietatis conditiones, non hæreditarii juris,  
non investituræ, nec cujuslibet potestatis, quæ

(15) Ponendus hic est annus 1126, ubi indictio iv et annus secundus pontificatus Honorii II, 24 decemb. an. 1124 electi, currebat.

PATROL. CLXVI.

libertati et quieti fratrum noceat, vindicare Chri-  
stus, oleum sacrum, consecrationes altarium, sive  
basilicarum, ordinationes monachorum qui ad sa-  
cros ordines fuerint promovendi, ab episcopo in  
cujus diocesi estis, accipietis, si quidem gratiam  
atque communionem apostolicæ sedis habuerit, et  
si ea gratis et sine pravitate voluerit exhibere;  
alioquin liceat vobis catholicum, quem malueritis,  
adire antistitem, et ab eo consecrationum sacra-  
menta suscipere, qui apostolicæ sedis fultus aucto-  
ritate, quod postulatur indulgeat. Obeunte te nunc  
ejus loci abbate, vel tuorum quolibet successorum,  
nullus ibi qualibet subreptionis astutia seu violentia  
præponatur, nisi quem fratres communi consensu,  
vel fratrum pars consilii sanioris secundum Dei  
timorem, et B. Benedicti regulam elegerint. Ad  
indictum autem perceptæ a Romana Ecclesia liber-  
tatis bizantium aureum quotannis Lateranensi pa-  
latio persolvatis. Si qua igitur ecclesiastica sæcula-  
risve persona hanc nostræ constitutionis paginam  
sciens, contra eam temere venire tentaverit,  
secundo tertiove commonita, si non satisfactione  
congrua emendaverit, potestatis honorisque sui  
dignitate careat, reamque se divino judicio existere  
de perpetrata iniquitate cognoscat, et a sanctissimo  
corpore et sanguine Dei et Domini nostri Jesu  
Christi aliena fiat, atque in extremo examine di-  
strictæ ultioni subjaceat. Cunctis autem eidem loco  
justa servantibus sit pax Domini nostri Jesu Christi,  
quatenus et hic fructus bonæ actionis percipiant,  
et apud districtum judicem præmia æternæ pacis  
inveniant. Amen, amen.

Data Laterani per manum Hiemerici sanctæ  
Romanæ Ecclesiae diaconi cardinalis et cancellarii,  
v Kalendas Aprilis, Incarnationis Dominicæ 1125  
(15) indictione iv, pontificatus autem domni Hono-  
rii II, papæ anno ii.

## XLIII.

\* *Monasterii S. Lamberti protectionem suscipit pos-  
sionesque ac jura confirmat, annuo bizantii unius  
censu monachis imposito.*

(Anno 1026, Mart. 29.)

[« In tabulario Cæsareo Vindobonensi, ex schedis  
Pertzii. » JAFFÉ, *Regesta Rom. pont.*, p. 553. Inci-  
pit: « Quoniam sine vere. »]

## XLIV.

*Breve ad omnes episcopos et proceres Galliarum, ut Pon-  
tium olim abbatem Cluniacensem coerceant.*

(Anno 1126, April. 24.)

[MANSI, *Concil.*, XXI, 336.]

HONORIUS episcopus, servus servorum Dei, vene-  
rabilibus Patribus, archiepiscopis, episcopis, baro-  
nibus et aliis fidelibus per Franciam, Aquitaniam,  
et Burgundiam constitutis, salutem et apostolicam  
benedictionem.

Universæ bonitatis inimicus diabolus ut religionem  
fratrum Cluniacensium cribraret sicut triticum, ex-  
petivit. Pontium namque ad perturbandos fratres

divino famulatu mancipatos arrogantis spiritu tumidum de ultra marinis partibus unco ambitionis adduxit, et ut ab eo monasterium Cluniacense occuparetur efficit. Quamobrem dilectum filium nostrum Petrum diaconum cardinalem ad vos ex gremio sanctæ Romanæ Ecclesiæ dirigentes, charitati vestræ mandando præcipimus, ut ipsius consilio invasorem Pontium a Cluniacensi monasterio et obedientiis, atque omnibus pertinentiis ejus eliminare summo-pere procuretis; idem enim filius noster Petrus vice nostra in Pontium et in omnes fautores ejus anathematis confirmabit sententiam. Dilecto vero filium nostrum Petrum Cluniacensem abbatem manu tenere et honorare curetis.

Data Lateranis VIII Kal. Maii.

XLV.

*Ad monachos Cluniacenses. — Ut Pontium abbatem rejiciant.*

(Anno 1126, April. 24.)

[MANSI, *ibid.*, p. 337.]

HONORIUS episcopus, servus servorum Dei, universis monachis et conversis ad Cluniacense monasterium pertinentibus, salutem et apostolicam benedictionem.

Gravamur admodum quoniam, sicut accepimus, sacri collegii unitatem et statum religionis Pontius, diabolico agitato spiritu, visus est ausu temerario perturbare. Quamvis ergo vix sit homini illi per quem scandalum venit, ad probationem tamen, et purgationem honorum necesse est scandala provenire; vis enim et audacia militis in bello cognoscitur, et fidei religiosæ constantia in adversis comprobatur. Quocirca dilectum filium nostrum Petrum cardinalem ad vos e gremio sanctæ Romanæ Ecclesiæ dirigentes, mandando præcipimus ut in charitatis unitate firmiter persistentes, eidem Pontio nullum omnino consilium vel auxilium præbeatis; sed potius ab ipso tanquam a schismatico et invasore vos omnimodis abstinete. Idem namque filius noster Petrus, vice nostra, in Pontium et in omnes fautores ejus anathematis confirmabit sententiam. Præcipimus autem, ut dilecto filio nostro Cluniacensi abbati, tanquam pastori vestro, et animarumstrarum rectori, humiliter obedientiam et reverentiam exhibeatis.

Datum Laterani VIII Kal. Maii.

XLVI.

*Ad Humbaldum archiepiscopum Lugdunensem. — Ejusdem argumenti.*

(Anno 1126 April. 24.)

[MANSI, *ibid.*]

HONORIUS episcopus, servus servorum Dei, venerabili Hu..., Lugdunensi archiepiscopo, apostolicæ sedis legato, salutem et apostolicam benedictionem.

Dolemus quoniam, sicut accepimus, religionem Cluniacensem Pontius temere perturbavit. Gratias ergo tuas referimus fraternitati, quod tanquam religionis amator ei viriliter restitisti. Instanti igitur vigilantia tam per Ecclesiæ ministros, quam per

A exteras potestates illum de monasterio trahere, et in carcerem ponere omnibus modis elaboras. Nos autem de latere nostro legatum e vestigio transmittimus, qui tibi ad hoc explendum consilium et auxilium præbeat.

Data Lateranis VIII Kal. Maii.

*Formula excommunicationis in Pontium et Pontianos.*

Hæc est excommunicatio, quam fecit Petrus cardinalis, sanctæ Romanæ Ecclesiæ legatus, in virtute Spiritus sancti et auctoritate domni papæ Honorii, cujus vice fungitur, in Pontium invasorem, et schismaticum, et in burgenses Cluniacenses, et in omnes eorum fautores, in Lugdunensi synodo VII Kal. Junii, in præsentia episcoporum consentientium, et abbatum et presbyterorum multorum, et clericorum.

B Quoniam contra voluntatem Dei, et domni papæ Honorii, totiusque Romanæ Ecclesiæ Pontius Cluniacense monasterium irrationabilis laicorum violentia invasit, Romanæ Ecclesiæ misericordiam magis quam justitiæ severitatem sequentes, tertio tam litteris, quam nuntiis eum ad nos vocavimus, ut voluntatem domni papæ Honorii ex ore nostro super hoc audiret, eique veluti totius orbis universali Patri in omnibus obediret; verum quia domno papæ Honorio, cujus vice fungimur, obedire, et de perpetrato invasionis Ecclesiæ scelere noluit pœnitere, hanc injuriam Deo, et apostolicæ sedi illatam ulterius inultam non ferentes, auctoritate apostolorum Petri et Pauli, et domni papæ Honorii qui nobis plenam, et in hoc negotio sua vice tradidit potestatem, excommunicationis sententiam domni Humberti archiepiscopi Lugdunensis S. R. E. et domni papæ Honorii legati, et ejus suffraganeorum in eundem Pontium et in omnes fautores ejus juste iterum prolatam in præsentia confirmamus synodo, quam iterum renovantes, prædictum Pontium ac monachos ei cohærentes, nec non et burgenses Cluniacenses anathematis vinculo innodamus, quousque resipiscant et ad condignam redeant satisfactionem. Præcipimus etiam sub anathemate ut nullus, in ecclesiis vel in officinis infra ambitum muri Cluniaci, aut deforis infra claustra vel pertinentiam totius burgi constitutis campanas pulsare, vel officia celebrare divina, vel capitulum facere præsumat quousque Pontius inde exeat, et ab hac infestatione quiescat.

D Ejusdem anathematis vinculo insuper eos innectimus, qui de thesauro ecclesiæ Cluniacensis quidquid causa donationis vel venditionis seu pignorationis acceperunt, ac deinceps acceperint, vel dederint. Præterea obedientias, in quibus Pontius suos priores intrusit, scilicet Silviniacum cum Eustorgio priore et suis fautoribus, Massilium cum priore, Laziacum et ejus priorem, Parrona cum priore, ne divina officia ibi celebrentur, interdiximus. Denique omne christianitatis officium supradictis locis interdiximus, excepto baptismate puerorum, et pœnitentiæ morientium, volentium ab hac nequitia converti, data securitate in manibus Lofaldi Vincentii, e<sup>t</sup>

aliorum, qui obedientiam Romanæ Ecclesiæ et Petri abbatis fidelitatem servant. Eodem vinculo ligamus eos qui victualia vel arma burgensibus Cluniaci pretio, vel dono, in defensione hujus sceleris portant.

XLVII.

*Rogerto, archiepiscopo Pisano, restituit jus consecrandorum episcoporum Corsicanorum, palliumque concedit.*

(Anno 1126, Jul. 21.)

(MENS, Consil., XXI, 343.)

HONORIS episcopus, servus servorum Dei, venerabili fratri ROGERTO Pisano archiepiscopo, ejusque successoribus canonice substituendis in perpetuum.

Ad hoc in sancta matre catholica et universali Romana Ecclesia, quæ justitiæ sedes est, nos auctore omnium bonorum Deo cognoscimus constitutos, ut suam Ecclesiis omnibus justitiam conservemus, si quid perperam gestum esse noverimus, rationis consilio ad rectitudinis tramitem reducamus: quatenus et quæ corrigenda sunt, ordine judicario corrigantur, et quæ recte statuta noscuntur, in suo vigoris robore perseverent. Prædecessor equitem noster sanctæ memoriæ Urbanus papa, justitiæ ac charitatis intuitu, consilio episcoporum et cardinalium, et aliorum fidelium assensu Pisanæ Ecclesiæ et Dajaberto, qui ei præsidebat, ejusque successoribus canonice intrantibus, Corsicanæ insulæ episcopatus regendos et disponendos commisit atque subiecit. Eundemque Dajabertum in archiepiscopum insulæ Corsicanæ promovit, et Corsicanis episcopis, ut ei tanquam metropolitano suo obedirent, per obedientiam præcepit. In magna namque et diuturna schismaticorum tempestate, quam Romana tunc temporis patiebatur Ecclesia, Pisanorum civitatem multis laboribus fecit obnoxiam. Corsicana vero tam prolixitate spatiorum, quam negligentia pastorum, dominorum insolentia, et desuetudine legatorum sedis apostolicæ a subiectione, et obedientia Romanæ Ecclesiæ deferbuerat, et dissolutioni ac dissipationi dedita, ecclesiastici ordinis pene deseruerat disciplinam. Proinde idem prædecessor noster tot a Pisanis collatorum beneficiorum meritis digne respondit, et Corsicanæ Ecclesiæ, quæ Pisanis prior est, debita charitate providit. Postmodum successor ejus papa Gelasius ejusdem charitatis respectu, idem juris et dignitatis, quod a domino Urbano papa Pisanæ Ecclesiæ collatum fuerat, auctoritate sui privilegii confirmavit. Quo de hac luce assumpto prædecessor noster Papa Calixtus ejusdem rationis consideratione, et quod ab antecessoribus ejus Urbano, et Gelasio datum, et confirmatum Pisanæ Ecclesiæ fuerat, privilegii sui munimine roboravit. Januenses autem honori Pisani populi invidentes, et eorum incrementum æquo animo non ferentes, hujus rei sumpta occasione guerram contra Pisanos moverunt. Unde cædes, incendia, et multæ Christianorum captivitates, peccatis exigentibus, contigerunt, et debauchandi in Christianos Saracenis multa crevit audacia. Præterea Januenses ad Urbem venientes, Romanum clerum et populum sollicitare attentius

studuerunt, suadentes eis magnum esse Romanæ Ecclesiæ detrimentum, nisi concessa dignitas Pisanæ auferretur Ecclesiæ. Asserebant enim Romanam Ecclesiam hujus guerræ causam, et fomentum existere, et si Corsicanorum episcoporum consecratio ad proprium dominium Romanæ revocaretur Ecclesiæ, indubitanter inter se, et Pisanos pacem, et concordiam provenire. His igitur causis dominus papa Callixtus, pacis amator, inductus, donationem illam Pisanæ Ecclesiæ a sui antecessoribus factam, et a seipso firmatam pacis intuitu revocavit, et scripti sui pagina irritavit. Cæterum neque suis, neque nostris temporibus inter Pisanos et Januenses est adhuc concordia consecuta. Post commissum vero nobis a Deo Romanæ Ecclesiæ regimen, te, frater Rogeri Pisano archiepiscopo, et consules ad nos venientes, ut de consecratione Corsicanorum episcoporum, quæ Pisanæ Ecclesiæ a prædecessoribus nostris Urbano Gelasio, et aliis collata fuerat, et sine præcedente ipsorum Pisanorum culpa, et absque judicio ablatam justitiam faceremus suppliciter rogavistis, præsentibus etiam Pisanis. Januenses postea ad præsentiam venientes, ut eisdem sacræ ablatio a papa Calixto facta per nos firmaretur nihilominus postularunt. Nos autem utrosque ad pacem faciendam dilligenter monuimus, sed pacem ab eis prece vel monitis impetrare nequivimus. Januenses enim, qui ad nos venerant, se ad hoc non esse populo suo missos, neque ejus mandata posse transgredi asserebant. Habito igitur fratrum nostrorum episcoporum et cardinalium consilio, quod uterque populus ad pacem cõgi rationi deberet, convenimus. Legatum ergo nostrum comitem tunc diaconum cardinalem cum scriptis nostris Januam et Pisas misimus, præcipientes ut in manu ejus juramento firmarent, et de sacra Corsicæ et guerra usque ad tunc proximum sancti Michaelis festum nostris jussionibus obedire. Transacto itaque termino utraque pars ad nostram venit præsentiam. Nos autem dilligenti studio ad pacem inter eos statuendam, quamvis non profecerimus, laboravimus: demum cum ab eis quæreremus, ut juramento firmarent se nostris obedire mandatis, Januenses se id implere non posse dixerunt, eo quod sui consulatus terminus esset expletus. Tunc communis deliberatione consilii Pisanorum super hac causa juramentum recepimus, et ne Januenses aliquam rationabilem contra eos occasionem prætenderent secundum eis, et tertium per nostros nuntios, et litteras terminum dedimus. Qui profecto neque venerunt, neque pro se excusationem canonicam direxerunt. Cum ergo inter Romanam Ecclesiam, et Pisanam quæstio remaneret, et Pisani ad requirendam Ecclesiæ suæ justitiam non desisterent, fratres nostros archiepiscopos, episcopos et abbates, qui causam, et modum rei gestæ a prædecessore nostro Calixto plene prænoverant, convocavimus. Quibus in sacro Lateranensi palatio in nomine Domini congregatis regesta prædecessorum nostrorum Urbani, Gelasii, et Calixti tradidimus, et quid inde a nobis post-



quam apostolicæ sedis onus assumpsimus, factum fuerat, et quantum pro pace inter eos componenda laboraveramus, diligenter ostendimus, rogantes in charitate qua venerant, juxta quod eis sancti Spiritus gratia revelaret, nobis consulerent. Postmodum vero, adjurati in fide quam beato Petro et Romanæ debent Ecclesiæ, responderunt se nulla alia causa nisi divina charitate ad id quod dabant consilium fuisse astrictos, quod nimirum consilium per scriptum propriis roboratum manibus ediderunt. Cujus videlicet scripti verba hæc sunt: « Spiritus sancti dictante gratia: Dominus Honorius sacratissimæ, et apostolicæ sedis episcopus, diversarumque provinciarum archiepiscopis, et episcopis ac abbatibus, quid de negotio Pisanæ Ecclesiæ juste canonicæque faciendum foret, petit consilium. Quibus rationabiliter visum est, quatenus et beatæ memoriæ Urbani, Gelasii, Calixti privilegia, et decreta inconcussa permaneant, et Pisanam Ecclesiam debere restitui Corsicanis episcopatibus, absque judiciario proprio ordine spoliata. » Et scripto huic subscribere archiepiscopi Gualterius Ravennas, Romualdus Salernitanus, Otho Capuanus, Rofredus Beneventanus, et episcopi Guillelmus Urbevetanus, Guido Aretinus, Gregorius Terracinensis, Pandulphus Trianensis, Clarissimus Assisiensis, Robertus Aversanus, Richardus Cajetanus, Transmundus Sigiuis, Joannes Calenas, Gualfredus Senensis, Gaufridus Suessanus, Ranulphus Casertanus, Jacobus Faventinus, Otho Sutrinus, Petrus Castellana civitatis, Benedictus Nepesinus, Ildito Sonensis, Utherardus Ameliensis, Benno Cæsenas, et Petrus Tuscanus, et abbates Sancti Laurentii Aversani, Matthæus, et Joannes Sanctæ Sophiæ, atque Joannes Camaldulensis prior: interfuere etiam alii episcopi Benedictus Lucanus, et Andreas Lunensis, Illandus Massanus, Petrus Clusinus, et Otho Tudertinus: Absentes quoque Oldegarius Tarraconæ archiepiscopus, Gualterius Magalona, et Gottefredus Florentinus episcopi assensum et consilium suum per proprias litteras præbuerunt. Præterea collaterales fratres nostri episcopi et cardinales in unum convenientes in Domino, inter se consulere cœperunt, et ab omnibus præter unum diaconum judicatum est, quod papæ Urbano, ex auctoritate Romanæ Ecclesiæ, etiam contra voluntatem episcoporum ipsius insulæ licitum fuit Pisanum episcopum provisorem, et metropolitanum Corsicanæ Ecclesiæ constituere, successoribus autem ipsius domino Gelasio, et domino Calixto id ipsum itidem licuit suis privilegiis confirmare. Et quia Pisanæ Ecclesiæ a tot pontificibus Romanis collata et confirmata dignitas sine manifesta culpa et iudicio auferri non debuit, iterum judicatum est eandem ei dignitatem debere restitui, et facta de donatione illius Romanorum pontificum privilegia inconcussa servari: in hoc etiam honoratorum vivorum Petri præfecti, consulum et aliorum Romanæ urbis sapientium, atque nobilium convenit assensus. Nos ergo quod ab archiepiscopis et abbatibus collaudatum, a

cardinalibus judicatum, et a baronibus approbatum fuerat, justum esse noscentes in conspectu omnium, te, charissime in Christo frater Rogeri Pisane archiepiscopi, de consecratione episcoporum Corsicanæ insulæ per baculum investivimus. Nunc itaque secundum iudicium fratrum nostrorum episcoporum et cardinalium et secundum consilium et collaudationem archiepiscoporum, episcoporum et abbatum, et nobilium Romanorum assensum, prædecessorum nostrorum Urbani, Gelasii et Calixti privilegia Pisanæ Ecclesiæ facta et inconcussa permanere statuimus, et præsentis privilegii paginam consecrationem episcoporum Corsicæ tibi et per te Pisanæ Ecclesiæ restitimus, quatenus secundum jam dictorum privilegiorum tenorem, tanquam proprius ejusdem insulæ metropolitanus episcopus, et episcopus ipsius regendi, ordinandi, consecrandi, atque ad synodum tam in metropolitana Pisana Ecclesia, quam in ipsa insula convocandi ad honorem Dei, et ejusdem Pisanæ Ecclesiæ habeas potestatem. Pallii vero usum, qui prædecessoribus tuis pro ipsius insulæ prælatione a nostris antecessoribus est concessum, nos tam tibi quam tuis successoribus confirmamus his videlicet diebus qui suprascripti sunt, id est Nativitate Domini, Epiphania, Hypopanton, Cæna Domini, Pascha, Ascensione, Pentecoste, tribus solemnitatibus beatæ Genitricis et Virginis Mariæ, natalitiis S. Joannis Baptistæ, et sanctorum Apostolorum, commemoratione Omnium Sanctorum, consecratione basilicarum, suffraganeorum episcoporum, et clericorum, annuo natalitii sui die, et festivitàte S. Sixti, in Inventione et Exaltatione S. crucis in anniversario dedicationis Pisanæ Ecclesiæ, in festivitàte sanctorum martyrum Stephani, et Laurentii, et Ephisi, cujus corpus in eadem ecclesia requiescit, et in solemnitate beatæ Agatæ virginis et martyris, sane per Pisanam parochiam, et insulam Corsicanam crucem ante te, et tuos successores deferri concedimus. Si igitur in futurum ecclesiastica sæcularisve persona hanc nostræ constitutionis paginam sciens, contra eam temere venire tentaverit, secundo tertiove communita, si non satisfactione congrua emendaverit, potestatis honorisque sui dignitate careat, reamque se divino iudicio existere de perpetrata iniquitate cognoscat, et a sanctissimo corpore et sanguine Dei et Domini nostri Jesu Christi aliena fiat, atque in extremo examine districtæ ultioni subjaceat. Cunctis autem eidem Ecclesiæ justis servantibus sit pax Domini nostri Jesu Christi, quatenus et hic fructum bonæ actionis percipiant, et apud districtum iudicem præmia æternæ pacis inveniant. Amen, amen, amen.

Ego Honorius catholicæ Ecclesiæ episcopus ss.

Ego Crescentius Sabinensis episcopus subscripsi.

Ego Guillelmus Prænestinus episcopus ss.

Ego episcopus Guido Tiburtinus subsc.

Ego Bonifacius card. presb. tit. S. Marci ss.

Ego Gregorius card. presb. SS. Apostolorum ss.

Ego Benedictus presb. card. tit. Eudoxiæ ss.

Ego Conradus presb. card. tit. Pastoris inter fui, et ss

Ego Deusdedit presb. card. tit. Damasi ss.

Ego Sasso presb. card. tit. S. Stephani ss.

Ego Petrus presb. card. tit. S. martyris Susan-  
næ ss.

Ego Joannes presb. card. tit. S. Chrysogoni ss

Ego Petrus presb. card. tit. S. Callixti ss.

Ego Petrus presb. card. tit. S. Marcelli ss.

Ego Sigito presb. card. tit. SS. Marcellini et  
Petri ss.

Ego Gregorius presb. card. tit. S. Sabinæ ss.

Ego Gerardus presb. card. tit. SS. Aquilæ, et  
Priscæ ss.

Ego Ubertus presb. card. tit. S. Clementis ss.

Ego Gregorius S. Angeli diac. card. ss.

Ego Romanus diac. card. S. Mariæ in Porticu ss.

Ego Hugo diac. card. S. Theodori ss.

Ego Stephanus diac. card. S. Mariæ in Cosme-  
din ss.

Ego Joannes diac. card. S. Nicolai ss.

Ego Angelus diac. card. S. Mariæ in Domni-  
ca ss.

Ego Hyacinthus prior subdiac. sacræ basili-  
cæ ss.

Ego Hermannus sacræ basilicæ subdiaconus ss.

Ego Nicolaus sacræ basilicæ subdiac. ss.

Ego Silvius prior subdiaconorum de Cruce ss.

Ego Petrus subdiac. subso.

Ego Caleph subdiac. subscripsi.

Ego Matthæus sacræ basilicæ subdiaconus ss.

Ego Joannes qualiscunque subdiaconus ss

Ego Bobus subdiac. sacri palatii ss.

Ego Gerardus subdiac. ss.

Ego Stephanus sacri Palatii subdiac.

Ego Bonifacius clericus ss.

Datum Laterani per manum Almerici S. R. E.  
diac. card. et cancellarii, XII Kal. Augusti, ind. IV.  
Incarnationis Dominicæ an. 1126, pontificatus autem  
D. Honorii papæ II an. II.

XLVIII.

*Petro abbati abbatiam Cluniacensem asserit, Pontium-  
que, » excommunicatum, invasorem, deprædatorem.  
sacrilegum et schismaticum, » damnat.*

(Anno 1126, Oct. 20.)

[MANSI, *Concil.*, XXI, 338.]

HONORIUS episcopus, servus servorum Dei, dilecto D  
in Christo filio PETRO Cluniacensi abbati, salutem et  
apostolicam benedictionem.

Universalis Ecclesiæ sollicitudo nobis a dispensa-  
tore omnium bonorum Deo commissa, mentis inten-  
tionem incessanter urgere non desinit, religionis  
statum incon vulsum servare, et religiosis locis liber-  
tatem debitam custodire. Sancta tamen mater Eccle-  
sia, quæ ad tempus ex parte peregrinatur in terris,  
multarum oppressionum purgatur turbine, et validæ  
persecutionis examinatur fornace, cœlumque inspi-  
ciens, gemebunda suspirat, donec illi cœlesti præsen-  
tialiter uniatur, quæ de immarcessibilis coronæ re-

A munerata præmio, sui creatoris contemplatione læ-  
tatur. Cæterum navis B. Petri cœlorum clavigeri,  
cui Christus præsidet gubernator, quamvis multis  
collidatur procellis, et horrendis ventorum flatibus  
agitetur, nunquam tamen naufragii damnum incur-  
ret; sed ad portum tranquillitatis cum eis qui ei  
adhærent, secura perveniet. Pontius siquidem B.  
Benedicti inimicus, præceptionibus et monastici  
ordinis malleus, qui Cluniacensem abbatiam in manu  
prædecessori nostri felicis memoriæ papæ Calixti  
sine spe recuperationis refutaverat, et se perpetuo  
Jerosolymis victurum voto astrinxerat, contra vo-  
luntatem Dei et nostram, Cluniacense monasterium  
superba obstinatione et præsumptione sacrilega oc-  
cupavit: nitorem vero religionis Cluniacensium fra-  
trum, quæ per totam Galliam claruerat, perturbans,  
B corda simplicium veneno suæ pravitatis infecit. Præ-  
terea sacrilegium et rapacitatis flagitium pœteritis  
superaddens peccatis, vasa sacra, et thesaurum mo-  
nasterii, qui ex voto fidelium ad pauperum usus,  
cum foret opportunum, fuerat destinatus, diripuit, et  
ejus maximam portionem pro retinendis militibus,  
sagittariis et balistariis dissipavit. Quia igitur in  
tanta pertinacia induratus, nequaquam respicere  
voluit, venerabilis frater noster Humbaldus Lugdu-  
nensis archiepiscopus, apostolicæ sedis legatus, in  
eum excommunicationis sententiam promulgavit.  
Cæterum, postquam tantum periculum tantamque  
religionis stragem Cluniacensi monasterio imminere  
veridica relatione cognovimus, dilectum filium no-  
strum Petrum diaconum cardinalem de gremio  
sanctæ Romanæ Ecclesiæ ad partes illas mittendum  
C duximus, qui præcepto et auctoritate nostra Pontium  
invasorem, et fautores ejus vinculo anathematis  
innodavit. Post hæc autem, tu, dilecte filii Petre  
Cluniacensis abbas, et idem Pontius proximis B.  
Michaelis octavis, ad nostram venire præsentiam, et  
de prædicta controversia et excessu nostro et Ro-  
manæ Ecclesiæ obedire judicio statuistis, et ne super  
hoc vestrum aliquis falleretur, utrinque obsides in  
præsentia prænominati dilecti filii Petri cardinalis  
diaconi præbuiistis. Statuto itaque termino, nostro  
te conspectui præsentasti. Pontius vero cum mona-  
chis, et burgensibus, nondum tamen cum suis ab  
excommunicationis vinculo absolutus ad Urbem ve-  
nit. Ut autem secundum usum ecclesiasticum de  
excessu pro quo excommunicatus fuerat, satisfacere  
et postmodum, juxta rationis ordinem, ad cau-  
sam suam permitteretur agendam, a nostris fratribus  
est sæpenumero requisitus; ipse vero spiritu elatio-  
nis tumidus in inficiationes et verborum involu-  
cra assueto more linguam extendens, satisfacere nobis  
et Ecclesiæ Romanæ contempsit: nos siquidem  
quosdam monachos qui cum eo venerant, post  
acceptam satisfactionem recipimus, et ad causam  
suam agendam admisimus. Tunc ergo te in Clunia-  
censem abbatem canonice, et secundum beati Bene-  
dicti regulam electum, ac per prædecessorem no-  
strum felicis memoriæ papam Calistum, et per nos

ipsos confirmatum, modo vero per Pontium in vasorem, et complices suos infideles burgenses fuisse expulsum, bona etiam monasterii, et thesaurum fuisse distractum, per charissimum filium nostrum Matthæum priorem S. Martini de Campis, quem advocatum et causæ tuæ patronum statueras, supplicem allegasti, et ut tibi de abbatis restitutio, et de irrogata injuria justitia fieret postulasti. Cæterum monachi, qui cum Pontio venerant, ex adverso pastorem suum Pontio sibi fraudulenter ablatum, nec unquam eum Cluniacensis monasterii regimen dimisisse acclamabant. Qui statim productis apostolici viri regestorum papæ Calisti voluminibus, et assertione testium, qui tunc præsentis fuerunt, convicti sunt. Ut igitur verba ipsius ad Pontium directa ponamus, hæc sunt: « Tibi præcipimus ut ab hujusmodi levitate desistas, et quam in manu nostra sine recuperationis spe refutasti Cluniacensem abbatiam nullatenus molestare præsumas. Si vero nostri præcepti transgressor exstiteris, gratiam beati Petri, et nostram amittes; et si quando ad nos clamaveris, non exaudieris. » Item ad conventum Cluniacensem inter cætera: « Zelum inter vos et contentiones agitari multorum relatione comperimus, et vehementius aggravamur. Pontius enim qui olim vestro monasterio præfuit, concordem unitatem vestram dividere, et simplicitatem mentium vestrarum sollicitare non desinit: unde universitati vestræ præcipimus, ut sicut per obedientiam beati Petri salvare animas vestras cupitis, protinus abjectis omnino schismatibus charissimo filio nostro Petro Cluniacensi abbati unanimiter et devote humilitatis subjectionem et obedientiam deferatis, et in Pontio illo, qui in nostris manibus sine spe recuperationis abbatiam Cluniacensem penitus refutavit, nullam de cætero spem habeatis; cum quod de eo in causa hac constituimus, nulla prorsus ratione mutabimus. Si quis autem vestrum hujus præcepti nostri temerator exstiterit, si abbatia vel alicujus prelationis nomine insignitus fuerit, vel ordinis promotionem habuerit, dignitatis, et ordinis sui detrimentum sustinebit, et anathematis sententiæ subiacet. » Idem de eodem ad te, Petre fili charissime: « Quod autem de Pontio illo qui olim abbatia Cluniacensi præfuit, quam omnino sine recuperationis spe in manibus nostris refutavit constituimus, nulla volumus ratione mutare. » Quocirca quemadmodum judicis postulabat officium, diligentius indagato negotio, habito consilio, et communi assensu fratrum nostrorum episcoporum et cardinalium, Petro præfecto urbis, et aliis nobilibus Romanis, et legisperitis collaudantibus, ex sententia de Cluniacensi abbatia, de monachorum obedientia, de omnibus tam exterius, quam interius ad eandem abbatiam pertinentibus, plenarie te per abundantem justitiam investivimus: obsides vero quos pro executione justitiæ dederas absolventes, illos quos Pontius et burgenses pro parte sua obligaverant, alligavimus. Burgenses etiam de thesauro Cluniacensi monaste-

rio restituendo, et alio damno restaurando in manu tua, ad quem cura spectare cognoscimus, damnavimus, pœna legali adhibita: verum ipsius pœnæ relaxatio est tuæ discretioni commissa. Præterea Pontium excommunicatum, invasorem, deprædatorem, sacrilegum, et schismaticum condemnantes, sententiam beatæ recordationis prædecessoris nostri domni papæ Calisti in ipsum Pontium datam, ut videlicet nullo tempore Cluniacensem abbatiam recuperet, apostolica auctoritate firmavimus. Si quis autem in posterum hanc nostræ diffinitionis sententiam violare tentaverit, laicus anathematis gladio feriatur, clericus honoris et officii privatione multetur.

Ego Honorius, catholicæ Ecclesiæ episcopus.

B Ego Portuensis interfui.

Datum Laterani per manum Aymerici sanctæ Romanæ Ecclesiæ diaconi cardinalis cancellarii, xiiii Kal. Novembris, indictione iii, anno Dominicæ Incarnationis 1 26, pontificatus autem domini Honorii II papæ secundo.

XLIX.

*Privilegium pro parthenone Fontis Ebraldi.*

(Anno 1126, Nov. 1.)

[PAVILLON, *Vie du B. Robert d'Arbrissel*, preuves, p. 625.]

HONORIUS episcopus, servus servorum Dei, dilectæ in Christo filiæ P., abbatisse monasterii S. Mariæ de Fonte Ebraldo filiabusque succedentibus regulariter substituendis in perpetuum.

C Ad hoc universalis Ecclesiæ cura nobis a provisorum omnium Domino commissa est, ut religiosas personas et beneplacentes Deo religiones studeamus omnibus modis propagare: nec enim Deo gratus aliquando famulatus impenditur, nisi ex charitatis intuitu, dilecta in Domino filia P. abbatissa, rationabilibus postulationibus tuis inclinati misericorditer perhibemus assensum. Monasterium ergo S. Mariæ Fontis Ebraldi cujus regimen tibi a Domino speramus esse commissum, ne aliquibus fatigetur angariis, vel pravorum hominum vexationibus infestetur, et ut mundo corde, et pura mente liberius valeatis Dei servitium exercere, tutela ac defensione sedis apostolicæ duximus muniendum. Quicumque ergo liberorum hominum pro salute animæ suæ apud vestrum monasterium, aut in oratoriis, aut locis ad ipsum pertinentibus Deo servire se voto se titulo professionis astrixerit secundum institutionem felicis recordationis Roberti presbyteri, sine communi conventus assensu, locum ipsum deserere, et ad alium transire nullatenus habeat facultatem. Præterea oratoria quæ a vobis episcopi concessione constructa sunt, vel in posterum construentur, nulli hominum omnino occupare liceat, vel ausu temerario infestare. Sane qui in vestris oratoriis divinis sunt famulatus mancipati, liberam ibidem habeant sepulturam. Porro decimas animalium vestrorum, et frugum quæ vestris propriis sumptibus excoluntur, a vobis exigere nemo præsumat. Statui-

mus autem ut quæcunque bona, quascunque possessiones idem cœnobium hodie legitime possidet, sive in futurum præstante Deo concessione pontificum, liberalitate regum, largitione principum, oblatione fidelium, seu aliis justis modis poterit adipisci, firma vobis et his quæ vobis successerint, et illibata permaneant, salva diœcesani episcopi iustitia. Si qua igitur in futurum ecclesiastica, sæcularisve persona hanc nostræ constitutionis paginam sciens, contra eam temere venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino iudicio existere de perpetrata iniquitate cognoscat, et a sacratissimo corpore ac sanguine Dei et Domini Redemptoris nostri Jesu Christi aliena fiat, atque in extremo examine districtæ ultioni subjaceat. Cunctis autem eidem monasterio justa servantibus sit pax Domini nostri Jesu Christi, quatenus et hic fructum bonæ actionis accipiant, et apud districtum iudicem præmia æternæ pacis inveniant. Amen.

Datum Laterani, per manum Aimerioi sanctæ Romanæ Ecclesiæ diaconi cardin. et cancellarii, Kal. Novembr., indict. v, Incarnat. Dominicæ anno 1126, pontificatus autem domni Honorii II papæ anno II.

L.

*Ad Didacum archiepiscopum Compostellanum.*

(Anno 1126.)

[FLOREZ, *Espana sagrada*, XX, 445.]

HONORIUS episcopus, servus servorum Dei, venerabili fratri DIDACO Compost. archiep., salutem et apost. bened.

Nobilis et famosa Compostellana Ecclesia pro reverentia B. Jacobi apostoli a religionis viris et Christiani nominis amatoribus honoratur. Quia igitur divinæ dispensationis placuit te ad tantæ Ecclesiæ regimen convocare, fraternitatem tuam exhortamur in Domino, ut ita sapienter, mansuete et cum humilitate personam tuam regas, et quæ fuerint agenda perficias, quatenus Deo et B. Petro sanctæque R. E. et populo tibi commisso gratus effici merearis. Litteras et nuntios tuos paterna caritate recepimus. Cæterum quid tuis postulationibus respondeamus, consilium nondum habuimus.

LI.

*Ad Adelbertum archiepiscopum Moguntinum.*

(Intra 1125-1127.)

[MANSI, *Concil.*, XXX, 351.]

HONORIUS episcopus, servus servorum Dei, venerabili fratri A. Moguntino archiepiscopo, salutem et apostolicam benedictionem.

Super causa Gebhardi, de quo nos rogavit tua fraternitas, fratrum nostrorum episcoporum, et cardinalium consilium requisivimus. Ex eorum ergo deliberatione provisum est, quod in Herbipolensi

(16) Sc. in Creuzlingen; cujus collegii canonicorum regularium O. S. A. extra muros urbis Constantiæ memoriæ eorumdem sanctorum ecclesia dedi-

ca ecclesia idem Gebhardus episcopatus apicem non ulterius debeat obtinere.

Datum Lateran. iv Non. Martii.

LII.

*Ad canonicos S. Frigidiani Lucensis.*

(Intra 1125-1127, Mail 17.)

[BALUZ. *Miscell.*, ed. Luc., IV, 588.]

HONORIUS episcopus, servus servorum Dei, dilectis filiis A. priori et fratribus S. Frigidiani, salutem et apostolicam benedictionem.

Quemadmodum ea quæ irrationabiliter acta sunt, nulla debent ratione subsistere, ita ea quæ canonice definita sunt, firma debent stabilitate manere. Concordem itaque sententiam venerabilis fratris nostri B. Lucani episcopi inter vos et hospitale Altipassus de silva de colle Sacci prolatam ratam habemus et irrefragabiliter præcipimus observari.

Dat. Laterani. xvi. Kal. Junii.

LIII.

*Monasterii S. Udalrici et S. Afræ Creuzlingensis disciplinam, possessiones, privilegia confirmat.*

(Intra 1125-1127.)

[NEUGART, *Cod. diplom. Aleman.*, II, 60.]

HONORIUS episcopus, servus servorum Dei, dilectis in Christo filiis HENRICO præposito et fratribus in hospitali et ecclesia S. Udalrici confessoris, et S. Afræ martyris (16) regularem vitam professis tam præsentibus quam futuris in posterum.

Religiosorum fratrum religiosi petitionibus nos annuere tam fraternæ charitatis affectus, quam piæ voluntatis devotio persuadet; quocirca venientibus ad nos dilecti et venerabilis fratris nostri UDALRICI Constantiensis episcopi postulationibus benignum præbentes assensum, vitæ canonicæ ordinem, quem ipse in ecclesia vestra et xenodochio secundum regulam B. Augustini constituit, inviolabilem decernimus futuris temporibus conservari. Beneficia vero quæ ipse vobis de mensa episcopali, pro majori tamen parte de aliis bonis suis pro communis victus sustentatione ac pauperum Christi refectioe concessit, præsentis decreti pagina confirmamus. Confirmamus præterea cœnecambium, quod cum canonicis majoris ecclesiæ S. Mariæ Constantiensis et cum canonicis S. Stephani (17) ejusdem episcopi assensu et collaudatione fecistis. Quæcunque etiam liberalitate principum, oblatione fidelium, aut aliis modis in præsentiarum legitime possederitis, sive in futurum largiente Deo juste atque canonice acquirere poteritis, firma vobis vestrisque successoribus et illibata permaneant. Decernimus ergo ut nulli omnino hominum liceat præfatam ecclesiam perturbare, aut ejus possessiones auferre, vel ablatas retinere, minuere, vel temerariis vexationibus fatigare, sed omnia integra conserventur clericorum et pauperum usibus omnimodis profutura, salva nimirum in omnibus ecclesiasticis Con-

cata est.

(17) Ecclesia S. Stephani, prima post cathedralem Constantiæ.

stantiensis episcopi reverentia. Obeunte vero ecclesiæ vestræ proposito, fratres omnes communi consensu, vel fratrum pars consilii sanioris secundum Dei timorem, personam idoneam sibi provideat regulariter eligendam. Sepulturam sane illius loci liberam esse censemus, ut illorum qui illic sepeliri deliberaverint, devotioni et extremæ voluntati, nisi forte excommunicati sint, nullus obsit. Si qua ergo in futurum ecclesiasticæ sive sæcularis persona hanc nostræ, constitutionis paginam sciens, contra eam temere venire tentaverit, secundo tertiove communita, si non satisfactione congrua emendaverit, postestatis honorisque sui dignitate careat, reamque se divino iudicio existere de perpetrata iniquitate cognoscat, et a sacratissimo corpore ac sanguine Dei et Domini redemptoris nostri Jesu Christi aliena fiat, atque in extremo examine districtæ ultioni subjaceat. Cunctis autem eidem loco justa servantibus sit pax Domini nostri Jesu Christi quatenus et hic fructus bonæ actionis percipiant, et apud districtum iudicem præmia æternæ pacis inveniant. Amen.

## LIV.

A [*delbertum*] archiepiscopum Moguntinum reprehendit quod designatum Ecclesiæ Wirziburgensis episcopum ante dijudicatam causam contra canones excommunicaverit.

(Intra 1126-1127.)

[MANSI, *Concil.*, XX, 349.]

H., servus Dei, A. venerabili fratri Moguntino archiepiscopo et apostolicæ sedis legato, salutem et apostolicam benedictionem.

Scimus quidem zelum Dei vos habere, quem tamen, salva charitate condire debetis, ut nihil indiscrete, sed omnia rationabiliter, et secundum Deum agere valeatis. Wurtzburgensis quippe Ecclesiæ designatus episcopus, se a vobis contra justitiam gravari et præjudicium sustinere querelas nobis deposuit, quod ipsum neque accusatoribus, neque testibus legitimis convictum, neque sponte confessum, neque canonice examinatum, tanquam Ecclesiæ invasorem, in qua se electum asseverat, et Simoniacum pronuntiatum, communionem ecclesiastica privaveritis. Quod si ita est, fraternitatem vestram a canonicis regulis divinitus inspiratis liquido constat deviasse. Ait igitur sacra canonum auctoritas adimi episcopo episcopatum non debere, antequam causæ ejus exitus appareat. Item ex epistola papæ scripta Anastasio, et cæteris episcopis in Alexandrina synodo congregatis: « De judiciis episcoporum, unde nos consultuistis, diversas a Patribus regulas invenimus constitutas. Quidam egit ad repellenda impetitorum machinamenta, et suas præparandas responsiones, et testes confirmandos, et concilia episcoporum querenda, annum et vi menses mandaverunt concedi: quidam autem annum, in quo plurimi concordant. » Minus vero quam vi menses non reperi, quoniam hæc laicis indulta sunt, quanto magis sacerdotibus? Induciæ namque non sub angusto tempore, sed sub longo spatio concedendæ sunt, ut accusati se præpa-

rare atque contra insidiatores pleniter se munire valeant. Iudices autem et accusatores tales esse debent, qui omni careant suspicione, et ex charitatis radice suam desiderent sententiam promere.

## LV.

*Ad Petrum Cluniacensem abbatem. — De Pontii invasoris obitu et sepultura.*

(Anno 1127.)

[MANSI, *Concil.*, XXI, 321.]

HONORIUS episcopus, servus servorum Dei, dilecto filio PETRO Cluniacensi abbati, salutem et apostolicam benedictionem.

Præterito mense Decembri Pontius viam universæ carnis ingressus est. Qui quamvis de malis Cluniaco illatis sæpe communitus pœnitentiam agere noluerit, nos tamen pro reverentia ejusdem monasterii, cujus monachus fuerat, eum honeste sepeliri fecimus.

Data Laterani.

## LVI.

\* *Pandulpho Landonis comitis Aquinensis filio, interdicat ne in possessione B. Petri castrum ædificet.*

(Anno 1127.)

[Vide PETRI *Chron. Cassin.*, l. IV, c. 93.]

## LVII.

*Episcopis, abbatibus, baronibus, etc., per Angliam constitutis significat se Guillelmo archiepiscopo Cantuariensi legationem Angliæ Scotiæque commisisse.*

(Anno 1127, Jan. 25.)

[WHARTON, *Anglia sacra*, I, 729.]

HONORIUS episcopus, servus servorum Dei, dilectis fratribus et filiis episcopis, abbatibus, baronibus, et cæteris clericis et laicis per Angliam et Scotiam constitutis, salutem et apostolicam benedictionem.

Sponsa Christi sacrosancta Ecclesia, in firmamento apostolicæ fidei radicata, tanquam devota mater et propitia, consuevit mitibus et humilibus filiis vitæ pabula ministrare, tam iis qui longe positi sunt quam iis qui prope. Propinqui siquidem per exhibitam sibi nostræ personæ præsentiam, longinqui vero per legatorum nostrorum ministerium visitantur. Cum igitur vos tanquam unicos et speciales B. Petri filios fore cognoscimus, charissimi fratri nostro Guillelmo Cant. archiepiscopo in Anglia et Scotia vices nostras commisimus, quatenus constitutis illic a nobis apostolicæ sedis legatus charitatis vestræ fretus auxilio, ad honorem Dei et S. Romanæ Ecclesiæ, et animarum vestrarum salutem, corrigenda corrigere, et firmanda valeat, operante Domino, confirmare. Quapropter universitati vestræ mandando præcipimus, ut ei sicut legati nostro humiliter obedire, et cum ab eo invitati pro Ecclesiarum statu et Christianæ religionis incremento fueritis, ad ejus vocationem unanimiter convenire, et synodales cum eo studeatis celebrare conventus.

Dat. Laterani viii Kal. Februarii.

## LVIII.

*Privilegium pro cœnobio S. Petri Carnotensis de pluribus ab eo confirmatis ecclesiis.*

(Anno 1127, Mart. 8.)

[*Gall. Chr.*, VIII, 325.]

HONORIUS episcopus, servus servorum Dei, dilecto in Christo filio WILELMO abbati monasterii sanctorum apostolorum Petri et Pauli, quod in suburbio Carnotensis urbis situm est, ejus successoribus regulariter substituendis in perpetuum.

Equitatis et justitiæ ratio persuadet nos ecclesiis perpetuam rerum suarum firmitatem et vigoris inconcussi monumenta conferre. Non enim convenit Christi servos divino famulatu deditos perversis pravorum hominum molestiis agitari, et temerariis quorumlibet vexationibus fatigari, similiter et prædia usibus cœlestium secretorum dedicata, nullas potentium angarias, nihil debent extraordinarium sustinere. Hoc nimirum charitatis intuitu, dilecte in Domino fili Willelme abba, venerabilisque fratris nostri Gaufridi Carnotensis episcopi precibus inclinati, tuis rationabilibus postulationibus annuentes, monasterium beatorum apostolorum Petri et Pauli in Carnotensi suburbio constitutum, cui Domino auctore præses, præsentis scripti nostri pagina communimus; statuimus enim ut quascunque possessiones, quæcunque bona idem monasterium impresentiarum concessione episcoporum Carnotensium, liberalitate regum, largitione principum et oblatione fidelium juste et legitime possidet, sive in futurum largiente Deo justis modis poterit adipisci, firma vobis vestrique successoribus et illibata permaneant: in quibus hæc propriis nominibus duximus exprimenda. Ecclesiam videlicet S. Germani de Alogia, cum capella de Domna petra. Ecclesiam Sancti Leobini de Braiaco. Ecclesiam Sancti Petri de Arro cum capellis suis. Ecclesiam Sanctæ Mariæ de Evorea. Ecclesiam Willævillonis. Ecclesiam Sanctæ Mariæ de Stellionibus. Ecclesiam de Luigniaco. Ecclesiam de Domna petra. Ecclesiam Sancti Leobini de Castrodini. Ecclesiam Sancti Stephani de Spelterol. Ecclesiam de Tornesiaco. Ecclesiam de capella Osane. Ecclesiam de Verrigniaco. Ecclesiam de Billoncellis. Ecclesiam de Sonnenchiis. Ecclesiam de Puteosa cum capella. Ecclesiam de Mansellaria. Ecclesiam de Resuntis. Ecclesiam de Morivillari. Ecclesiam de Mutionisvillari. Ecclesiam de Capella fortini. Ecclesiam de Rivellonio. Ecclesiam de Furonisvillari. Ecclesiam de Vitraico. Ecclesiam de Belchia. Ecclesiam de Rudeto. Ecclesiam de Alneto. Ecclesiam de Monasteriolo. Ecclesiam S. Martini de Firmericuria. Ecclesiam de Nantilliaco. Ecclesiam de Olins. Ecclesiam de Aneto. Ecclesiam de Salecto. Ecclesiam Sanctæ Mariæ de Moncellis, cum capella de Sorel. Ecclesiam de Chalgeto. Ecclesiam de Vi. Redditum præbendæ ecclesiæ S. Martini de Valle. In episcopatu quoque Aurelianensi ecclesiam Sancti Paterni. Ecclesiam de Niz. In Ebrouicensi episcopatu ecclesiam de Bello loco. Ecclesiam Sancti Chri-

stophori. Ecclesiam de Canziaco. Ecclesiam de Illeis. Ecclesiam Sancti Georgii. Ecclesiam de Pur-laico. In episcopatu Sagiensi ecclesiam de Planchis. Ecclesiam Sancti Laurentii. Ecclesiam de Brogilo amaro. Et in Rothomagensi episcopatu ecclesiam de Leoniscuria. Ecclesiam de Guerriaco. Ecclesiam de Aldoenivilla. Ecclesiam de Gundeliouria. Præterea in præfato Carnotensi episcopatu ecclesiam de Treione. Ecclesiam Sancti Germani de Guastina. Ecclesiam de Isis. Hæc vero tres præfatæ Ecclesiæ ab omni exactione et reddito synodi et circadæ immunes salvo jure episcopali in sua permaneant libertate. Decernimus ergo, etc. Ego Honorius catholicæ Ecclesiæ episcopus.

Datum Laterani per manum Aimerici Sanctæ Romanæ Ecclesiæ diaconi cardinalis et cancellarii, VIII Idus Martii, indictione v, Incarnationis Domini anno 1127, pontificatus autem domni Honorii II papæ anno tertio.

## LIX.

*Bulla, seu diploma quo fundatio abbatiæ Sponheimensis confirmatur.*

Anno 1127, Mart. 23

[*Gall. Chr.* V, 448.]

HONORIUS episcopus, servus servorum Dei, dilecto filio BERNHELMO abbati monasterii Sancti Martini in Sponheim, ord. S. Bened. Moguntinensis diœcesis, ejusque successoribus regulariter instituendis in perpetuum.

Religiosis desideriis dignum est facilem præbere consensum. Ea propter, dilecte fili, tuis fratrumque tuorum justis postulationibus annuentes, præfatum monasterium Sponheimense, cui, auctore Deo, præses, sub apostolicæ sedis tutela et protectione suscipimus, atque præsentis scripti pagina communivimus, decernentes et statuentes, ut regularis vita in eodem loco tam noviter instituta secundum regulam S. Benedicti, futuris temporibus inviolabiliter conservetur. Nulli etiam facultas sit post factam apud vos professionem sine abbatis licentia, majoris vel minoris religionis obtentu ad alium locum transmeare. Quod si quis contra hanc prohibitionem nostra quocunque tempore in futurum discesserit, nullus abbas, aut quilibet audeat eum retinere. Quoties, abbate obeunte, de successore fuerit inter ratres ipsius loci tractandum, nullus inibi qualibet subreptionis astutia, seu violentia cujusvis potestatis, sive ecclesiasticæ, sive temporalis, intrudatur, nisi quem fratres communi consensu, aut pars consilii sanioris, secundum Dei timorem et B. Benedicti regulam, de eodem collegio, vel de alio, si quod absit, idoneum inter se non invenerint, duxerint eligendum. Porro altarium consecrationem, chrisma, oleum sanctum, benedictionem abbatum et ordinationem monachorum a diœcesano ejusdem parochiæ archiepiscopo, si quidem gratiam et communionem apostolicæ sedis habuit, et si ea gratis et absque pravitate aliqua voluerit exhibere, suscipiatur. Alioquin liceat vobis et posteris vestris, catholicum,

quem volueritis, adire antistitem, et ab eo consecrationes et sacramenta suscipere. Sepulturam quoque istius loci liberam esse omnino censemus, ut eorum, qui illic sepeliri desideraverint, nisi forte excommunicati fuerint, devotioni et voluntati nemo obsistat. Possessiones quoque omnes quas iusto titulo possidetis; et in futurum quorumcunque oblatione acquiratis, auctoritate apostolica confirmamus, decernentes, quod nulli omnino hominum liceat præfatum cœnobium temere perturbare, aut ejus possessiones auferre, vel quomolibet ablatas retinere, minuere, aut aliquibus vexationibus perturbare, sed omnia integra vestris pauperum usibus conserventur profutura. Si quis autem in posterum archiepiscopus, episcopus, rex, dux, vel comes, vel cujuslibet ordinis princeps, seu quælibet ecclesiastica, sæcularisve persona hanc constitutionis nostræ paginam sciens contra eam temere venire tentaverit, et si non subito satisfactione congrua emendaverit, potestatis honorisque sui careat dignitate, reamque se divino iudicio existere de perpetrata iniquitate cognoscat, et a sacratissimo corpore et sanguine Domini Dei nostri Redemptoris Jesu Christi aliena fiat, atque in extremo examine districtæ ultioni subjaceat. Cunctis autem eidem loco justa servantibus, sit pax Domini nostri Jesu Christi, quatenus et hic fructum bonæ actionis percipiant, et apud districtum iudicem præmia æternæ pacis inveniant. Amen.

Data per manus diaconi sanctæ sedis apostolicæ, x Kalend. Aprilis, Indictione quinta, Incarnat. Dom. 1127, pontificatus nostri anno tertio.

LX.

*Ad Richardum Bajocensem episcopum. — Ne amplius jura monasterii S. Benigni Divionensis infringat.*

(Anno 1127, Mali 5.)

[PÉRARD, *Recueil de pièces pour servir à l'histoire de Bourgogne*, p. 219.]

HONORIUS episcopus, servus servorum Dei, RICHARDO Bajocensi episcopo, salutem et apostolicam benedictionem.

Inter plures correctiones dignas quas audivimus de tua fraternitate querelas, ad augmentum indignationis processit in medium clamor Divionensis Ecclesiæ, quam ideo non possum non audire, quia anterioribus nostris semper existit venerabilis, et religionis suæ merito et dilectionis in nos antiquæ quoddam privilegio causatur. Si quidem et queritur, te transire suos, et transferre terminos præfixos, illi ab antecessoribus tuæ sedis et nostræ, novo cœmeterio suum vetus et antiquum evacuare, præbyteros sui juris in jus contra jus trahere, synodales et consuetudinarios et extraordinarios etiam redditus ab eis exigere, et multa id genus agere, quæ plane videntur justitiæ reclamare. In argumentum itaque fidelis, jussum in medium chartas et decretalia produci, quibus videbatur inniti, in quorum dum versaremur lectione, surrexerunt e latere nostro graves, et fide dignæ personæ dicentes se audisse, se vidisse, quan-

do Bajocensis episcopus illud donum quod significatur in Scriptura, dederit monachis Divionensibus, Arvernensis primo, deinde Romæ, per manum Urbani papæ cum omni moda libertate, absque ulla exceptione, nisi solius obedientiæ quæ debetur universaliter omni pontificali reverentiæ. Quod et ipse me vidisse memini, cum essem tunc temporis in obsequio ejusdem papæ beatissimi. Quæ cum ita sint, et res nondum exciderit memoria, quia recens gesta, et quod gestum est, multis adhuc superstitibus et idoneis comprobatur testibus, et quod testificatum est apostolicis confirmetur apicibus; miror, quæ temeritate tam solemne jus, vel in modico sis ausus infringere; cum etiam, si deesset auctoritas testium et Scripturæ, facile tamen conjici possit ex ingenta viri magnitudine, nil eum tam celebri, tam devoto dono quod dari potuerit, decerpisse. Sciebat enim, elemosynam danti magis quam accipienti prodesse. Si igitur prudens esse poterat ad pietatis opus informare te ratio, si pius pro tanti pastoris recordatio, si timoratus prædecessoris tui Toroldi, præter hoc ipsum in parte justa defectio. Et quia tot æquitatis lineas excedere non pertimescis, nostrum est corrigere quod excedis. Monachis itaque Divionensibus, monasterium S. Vigoris, cum appendiciis suis, et quicquid continet charta pontificali et Roberti ducis Northmanniæ, ea qua possumus auctoritate firmamus, sicut fecerunt sancti Patres nostri, Urbanus scilicet, Paschalis et Calixtus, cum plenaria rerum suarum libertate, ita ut, tam ipsi quam eorum Ecclesiæ, et presbyteri, et quæcumque sunt juris eorum, longe remotissima sint a tua vel tuorum pensione, exactione, actione etiam, justa vel injusta; sed quicquid illud erit, totum persistat ad integrum, penes jus et arbitrium monachorum. Quod etiam semel Ecclesiæ donatum est, a datoris potestate prorsus alienatum est, nec cuiquam quod dedit, repetere licitum est, si fiat sacrilegium est. Nulli etiam pontificum, juxta decretum Hormisdæ, liceat divinum in eorum cœnobiis officium interdiceret, dum eos constiterit apostolicæ sedi communicare. Sic autem monachis suum roboramus tenorem ut tuum abolere non velimus honorem, sed sic enim limitamus, ut ipsi tibi sincere dilectionis exhibeant obsequium, et tu eis gratuitum, non mercenarium impendas patrocinium, sitque inter vos benevolentiam concertatio, non pretii cujusquam licitatio. Nam qui primus eos ascivit amicos, sibi non vectigales esse valuit, et ut ipse dulcium pater fieret filiorum non auctoriator alienorum. Si quis igitur decreti hujus limitem sciens transgressus fuerit, nisi resipuerit, anathemasit. Canonicorum autem, si quis alibi quam in præfixo beati Vigoris cœmeterio tumulari se fecerit, et sepultus, et sepeliens, transgressionis rei fient, ipsi viderint. Omni vero obedienti et cooperanti sit nostra et benedictio, et in cœlestibus æterna mansio.

Datum Laterani xi Nonas Maii, per manus Imerici

sanctæ Romanæ Ecclesie diaconi cardinalis, in A  
dictione v, anno Dominicæ Incarnationis 1127, pon-  
tificatus domni Honorii secundi papæ anno iv.

LXI.

*Ad Ottone[m] Halberstadensem episcopum.*

(Anno 1127, Oct. 18.)

[MANSI, *Concil.*, XXI, 477.]

HONORIUS episcopus, servus servorum Dei, vene-  
rabili fratri OTTONI Halberstadensium episcopo,  
salutem et apostolicam benedictionem.

Gravis ad nos de persona tua querela pervenit.  
Accipimus igitur quod Halberstadensem episcopa-  
tum per violentiam laicalem, et quod detestabilius  
est per Simoniacam hæresim occupasti: quantum  
autem flagitiosam istam pestem simoniacæ hæreseos  
sancta Dei Ecclesia abhorreat, Petrus apostolus in  
principio nascentis Ecclesie manifestat, qui Simonem  
Spiritus sanctum vendere volentem cum sua pecu-  
nia condemnavit. Si ergo hujus sceleris te reum esse  
cognoscis, satius est ut cedas, et delictum tuum  
punias in hac vita per penitentiam, quanta ante  
oculos districti iudicis iudicandus appareas.

Datum B. x Kal. Novemb.

LXII.

*Canonicorum Faventinorum bona confirmat.*

(Anno 1126, April. 4.)

[Ughelli, *Italia sacra*, II, 494.]

HONORIUS episcopus, servus servorum Dei, dile-  
ctis filiis Faventinæ Ecclesie canonicis, salutem et  
apostolicam benedictionem.

Pastoralis officii nos pia sollicitudo constringit  
apostolicæ sedis tutelam postulantibus, et protec-  
tionis suffragia impertiri. Proinde vestris, dilectis-  
simi in Christo filii Ecclesie Faventinæ canonici,  
petitionibus annuentes, tam vos ipsos quam et om-  
nia vestra bona in B. Petri et nostram tutelam sus-  
cipimus, atque præsentis privilegii pagina commu-  
nimus. Statuimus enim, ut bona omnia, quæ in  
præsentiarum cujuscumque largitione personæ habetis,  
vel in futurum quocumque modo divinis, et huma-  
nis legibus cognito poteritis adipisci, firma vobis, et  
illibata permaneant. Decernimus ergo, ut nullus un-  
quam archiepiscopus, episcopus, dux, marchio,  
comes, vicecomes, castaldio, aut alia quælibet ma-  
gna, vel parva, cujuscumque ordinis, aut dignitatis  
persona, vos, seu omnia, quæ habetis, audeat per-  
turbare, aut auferre, vel ablatas retinere, minuire, D  
seu quibuslibet vexationibus fatigare, sed omnia  
integra conserventur, eorum pro quorum sustenta-  
tione, ac gubernatione concessa sunt, usibus pro-  
futura. Si quando autem ab aliqua predictarum  
personarum vos senseritis occasione qualibet præ-  
gravari, tunc vobis liceat sedem apostolicam libere  
appellare. Si qua igitur ecclesiastica secularive  
persona hanc nostræ constitutionis paginam sciens  
contra eam temere venire tentaverit secundo ter-

(18) Controversia erat de cellis Clarimontis et Van-  
gionis rivi (*Vignori*). Qua de re vide notitiam com-  
positionis factam anno 1129 apud Perardum, p. 224,

tive commonita, si non satisfactione congrua emen-  
daverit, officii atque ordinis sui dignitate careat,  
reamque se divino iudicio existere de perpetrata ini-  
quitate cognoscat. Qui vero custos et observator  
extiterit, apostolicæ benedictionis gratia repleatur,  
et æternæ felicitatis præmio glorietur. Amen, amen.

Ego Honorius catholicæ et Ecclesie episcopus  
subscr.

Datum Laterani per manum Aimerici S. R. sedis,  
et universalis curiæ cancellarii pridie Non. Aprilis,  
indictione sexta, Incarnationis Dominicæ anno 1128,  
pontificatus D. Honorii papæ II.

LXIII.

*Ecclesie Trevirensis privilegia possessionesque con-  
firmat, et Mainero archiepiscopo concedit ut pallio  
præferendaque cruce utatur, atque « in constitutis  
ecclesiis stationibus cum nacco albo equitet. »*

(Anno 1127, April. 9.)

[GUNTHER, *Cod. diplom. Rhen. Mosell.*, I, 200.]

LXIV.

*Dioecesis Mutinensis fines et Ecclesie possessiones,  
presenti Diono episcopo, confirmat.*

(Anno 1128, April. 27.)

[TIRABOSCHI, *Memorie storiche Modenesi*, Modena  
1793, 4<sup>o</sup>, II, 99.]

LXV.

*Ad Matthæum Albanensem episcopum, apostolicæ  
sedis legatum. — Pro monasterio Luxoviensi,  
ut ablata eis a Divionensibus monachis resti-  
tuantur.*

(Anno 1128, Maii 4.)

[D. BOUQUET, *Recueil* XV, 266.]

HONORIUS episcopus, servus servorum Dei, vene-  
rabili fratri M[ATTHÆO] Albano episcopo, aposto-  
licæ sedis legato, salutem et apostolicam benedi-  
ctionem.

Animadvertat fraternitatis tuæ discretio quoniam  
Luxoviense monasterium, Divionensibus hoc facien-  
tibus monachis a prædecessorum nostrorum tempo-  
ribus, Urbani videlicet et Paschalis apostolicorum  
virorum, multis est, prout accepimus, oppressioni-  
bus fatigatum. Ipse vero felicissimæ memoriæ papa  
Paschalis, ut Divionenses Luxoviensibus ablata red-  
derent, per apostolica scripta mandavit. Cæterum  
hoc nondum effectui mancipatum est. Experientiæ  
igitur tuæ mandamus, ut causa diligenter cognita (18)  
juxta beatæ reoordationis papæ Paschalis tenorem,  
salva Divionensis monasterii justitia si quam habet  
Luxoviense manasterium investias. Cæterum Divio-  
nenses, ut suam valeant habere justitiam, evocatis  
Luxoviensibus, proxima B. Mariæ Purificatione  
nostro se conspectui representent.

Data Laterani iv Nonas Maii.

et litteras Wilenci Lingonensis episcopi, rei gestæ  
seriem describentis ibid., p. 228.



## LXVI.

*Ecclesie S. Frigidiani Lucensis possessiones et privilegia confirmat.*

(Anno 1128, Maii 7.)

[Vide *Bullarium Lateranense* editum, Romæ 1727 fol., p. 8.]

## LXVII.

*Ad episcopos provincie Turonensis, ut observent statuta concilii Namnetensis.*

(Anno 1128, Maii 20.)

[MANSI, *Concil.* XXI, 354.]

HONORIUS episcopus, servus servorum Dei, venerabilibus fratribus Turonensis metropolis suffraganeis episcopis salutem et apostolicam benedictionem.

Charissimus frater noster Hildebertus, Turonensis episcopus, sicut bonus pastor pro grege suo vigilans, evocatis fratribus et aliis religiosis viris, quemadmodum ex suarum litterarum inspectione cognovimus, in Namnetensi civitate de more metropolitico concilium celebravit. Ibi de incestis nuptiis, et de spuris sacerdotum filiis, et de his qui quasi hæreditaria successione, ecclesiastica petebant beneficia, et de aliis diligenter pertrahens, corrigenda correxit, et statuenda constituit. Universitati ergo vestræ mondamus quatenus ea quæ ab ipso juxta sanctorum Patrum decreta ibi ad honorem Domini et salutem populi statuta esse noscuntur, irrefragabiliter observetis. Sicut enim in humani compage corporis membra famulantur et obediunt capiti, tanquam supremo provisorio, ut sic persona servetur incolomis, ita fidelium mentes, unius effectæ voluntatis, pro custodienda unitate fidei et statu Ecclesie suis debent humiliter parere prælatis. Ad hæc pravas illas consuetudines a comite Britannie clarissimo in manu præfati archiepiscopi [*al. additur in aspectu synodi*] refutatas, quarum una fuit quod maritis, vel uxoribus decedentibus, bona eorum mobilia a potestate sæculari diripiabantur; altera, qua illis qui naufragium evaserant, etiam quæ in portu postmodum inventa erant auferbantur, damnamus, et ne quis eas futuris temporibus renovare præsumat, auctoritate apostolica interdiximus. Iniquum enim censemus esse ut quem divinæ clementia magnitudo a sævientis pelagi voracitate exiit, hominum sæva rapacitas audeat spoliare. Piorum namque imperatorum emanavit auctoritas, ut etiam earum rerum quæ in tempestate maris levandæ navis causa ejiuntur, non amittatur dominium. Non enim eas aliquis eo animo abjicit quod habere nolit, sed quo periculum effugere possit, et qui res ipsas lucrando animo abstulerit, furtum committit.

Datum Laterani xiii Kal. Junii.

## LXVIII.

*Ad Balduinum Hierosolymorum regem.*

(Anno 1128, Maii 29.)

[Eug. de ROZIÈRE, *Cartulaire du Saint-Sépulcre de Jérusalem*, Paris 1849, 4<sup>o</sup>, p. 17.]

HONORIUS episcopus, servus servorum Dei, cha-

A rissimo in Christo filio BALDUINO, illustri Hierosolymorum regi, salutem et apostolicam benedictionem.

Laudes et gratiarum actiones auctori omnium bonorum Domino persolvimus, qui te ex admirabili ordinatione suæ providentiæ regem Hierosolymitanum constituit. Referentibus siquidem fratribus nostris Guillelmo, Tyrensi archiepiscopo, et Rogerio, Ramensi episcopo, sapientibus viris atque discretis nobilitatis tuæ legatis, accepimus te et cultorem esse justitiæ et religionis amatorem; unde magna cordi nostro est innata lætitia. His autem duabus subnixis virtutibus, quæ a prædecessoribus tuis, gloriosis viris duce Godofredo et rege Balduino, per sudores bellicos parta sunt in pace regali prudentia retines, et multa alia præstita tibi de cælo victorio per plurimas fatigationes viriliter acquisisti. Multa namque mortis subeundo pericula, amaritudinem vulnorum et sævientium paganorum tetros carceres, serviles etiam catenas pro Christi nomine, qui, cum sit æqualis Patri, formam servi accepit, sustinuisti. Tu ergo jactata spe tua in Domino atque fiducia, cui nullus inremuneratus servivit, in bono proposito humiliter persevera. Nos vero, qui in cathedra beati Petri sedemus, licet indigni, personam tuam vera in Domino charitate diligimus, et regnum Hierosolymitanum cum dignitate a prædecessore nostro felicis memoriæ, papa Paschali, antecessori tuo, regi Balduino, atque Hierosolymitanæ Ecclesie justo discretionis moderamine tandem concessa apostolica tibi auctoritate concedimus. Præcipimus quatenus honor debitus Hierosolymitani regni et Ecclesie integer conservetur. Ad hæc charissimum filium nostrum Fulconem, Andegavensem comitem, strenuum quidem et sapientem virum, qui, postposito baronum suorum et innumeri populi dominio atque relicta copiosa terræ propriæ ubertate, Deo et tibi servire decrevit, prudentiæ tuæ attentius commendamus.

Datum Laterani, iv Kalendas Junii.

## LXIX.

*Ad Tyrios. — Significat se Willelmum Tyri archiepiscopum lectum, et a patriarcha Hierosolymitano consecratum, pallio donasse.*

(Anno 1128.)

[MANSI, *Concil.*, XXI, 321.]

D HONORIUS episcopus, servus servorum Dei venerabilibus fratribus suffraganeis episcopis, clero et populo Tyri, salutem et apostolicam benedictionem,

Venientem ad nos charissimum fratrem nostrum Willelmum archiepiscopum vestrum debita charitate recepimus: et quem canonicè electum, et a venerabili fratre nostro Guarimundo Hierosolymitano patriarcha consecratum accepimus, pallii dignitate, plenitudine videlicet pontificalis officii, decoravimus. Quia vero de persona sua maximum fructum matri Ecclesie vestræ Tyri, divina suffragante misericordia credimus proventurum, ipsum cum gratia sedis apostolicæ et nostrarum litterarum prosecutione ad vos duximus remittendum. Universitati ergo vestræ

mandando præcipimus quatenus eum benigne recipiatis, et tanquam proprio metropolitano, et animarum vestrarum episcopo, subjectionem, obedientiam, et reverentiam humiliter deferatis.

LXX.

*Ad Guaremundum Hierosolymitanum archiepiscopum — Ejusdem argumenti.*

(Anno 1128.)

[MANSI, *ibid.*]

HONORIUS episcopus, servus servorum Dei venerabili fratri GUAREMUNDO Hierosolymitano patriarchæ, salutem et apostolicam benedictionem.

Susceptis fraternitatis tuæ litteris, fratrem nostrum Willelmum, quem in Ecclesia Tyri consecrasti archiepiscopum, benigne suscepimus: et eum dignitate pallii, plenitudine videlicet pontificalis officii, decoravimus. Suffraganeis etiam ecclesiæ suæ præcepimus, quatenus ei tanquam proprio metropolitano subjectionem et obedientiam deferant.

Data in territorio Barenii, octavo Idus Julii.

LXXI.

*Bernardo, patriarchæ Antiocheno, per Egidium episcopum Tusculanum, apostolicæ sedis legatum, præcipit ut Ecclesiæ Tyriæ restituat quos detineat suffraganeos.*

(Anno 1128. Fragmentum.)

[WILLELM. *Tirensis*, l. XIII, c. 23.]

... Unde per apostolica scripta et venerabilem fratrem nostrum Egidium, Tusculanum episcopum, apostolicæ sedis legatum, tibi mandamus, quatenus suffraganeos Tyrensis Ecclesiæ sibi restituas; quod nisi infra quadraginta dies post earum inspectionem litterarum, quas ad eos direximus, debitam ei subjectionem exhibuerint, nos ex tunc eos ab officio episcopi suspendimus.

LXXII.

*Privilegium pro ecclesia S. Sepulcri Hierosolymitani.*

(Anno 1128, Sept. 4.)

Eug. de ROZIÈRE, *Cartulaire du Saint-Sépulcre*, p. 18.]

Honorius episcopus, servus servorum Dei, dilectis filiis GUILLELMO, priori Dominici Sepulcri, ejusque fratribus canonicam vitam professis, tam præsentibus quam futuris, in perpetuum.

Habitantes in domum Domini, in sinceritate charitatis unanimes, conservant unitatem spiritus in vinculo pacis; puræ namque mentis religio et indissolubili divini amoris glutino confirmata vultum clementissimi Creatoris, ut terrena conjungantur et una supernis socientur, mundis orationibus incessanter profusis inclinat; sicut enim humani compagem corporis spiritus interior regit atque vivificat, ita religiosæ mentis vegetatio et salus existit moderatrix inspirationis divinæ benignitas. Quia igitur, dilecti in Domino filii, gloriosi Dominici Sepulcri canonici, divinis vos mancipatos servitiis vivere religiose cognovimus, interventu etiam charissimi confratris nostri Guarmundi, Jerosolymitani pa-

triarchæ, vestris rationabilibus postulationibus assensum præbentes, personas vestras, possessiones et bona, quæ in præsentiarum juste et legitime possidetis sive in futurum, largiente Deo, justis modis poteritis adipisci, sub beati Petri tutela nostraque protectione suscipimus, et scripti nostri pagina communimus. In quibus hæc propriis nominibus duximus exprimenda: in episcopatu Jerosolymitano videlicet ecclesiam Beati Lazari cum castello et omnibus pertinentiis suis, castrum Maome cum ecclesia et omnibus pertinentiis suis, in episcopatu Cesaræ Palæstinæ castrum Feniculi cum ecclesia et omnibus pertinentiis suis; in civitate Joppe ecclesiam Beati Petri cum omnibus pertinentiis suis; in civitate Tyro ecclesiam Sanctæ Mariæ antiquæ sedis cum omnibus pertinentiis suis; in episcopatu Tripolitano, in castro Montis Peregrini, ecclesiam Sancti Sepulcri cum omnibus pertinentiis suis; in eodem episcopatu ecclesiam Sancti Georgii, quæ est in montanis, cum omnibus pertinentiis suis; item villam quæ dicitur Bivora cum omnibus pertinentiis suis in Apulia, in civitate Brundusina, ecclesiam Sancti Sepulcri et ecclesiam Sancti Laurentii cum omnibus pertinentiis earum; in episcopatu Ebreduensi ecclesiam Sancti Sepulcri de Kayocas, ecclesiam Sancti Sepulcri, Sancti Petri et Sancti Pontii de Sedena; ecclesiam Sancti Joannis de Espinacis et ecclesiam Sancti Petri de Avenzo cum omnibus pertinentiis suis; in episcopatu Magalonensi ecclesiam Sancti Salvatoris de Rubro cum omnibus pertinentiis suis; in episcopatu Albiensi ecclesiam Sanctæ Mariæ de Sepfacta cum omnibus pertinentiis suis, villam etiam quæ dicitur Lugan, mansum qui dicitur Cantol, mansum Lubusreth et mansum Dei, mansum Alaphenazem cum ecclesia [Sanctæ] Mariæ et omnibus pertinentiis suis, mansum Las Cruces de Sancto Amaranti, mansum Castandel, mansum Viarlar, mansum qui dicitur Villa Godor, ecclesiam Sancti Osmerii cum omnibus pertinentiis suis; in episcopatu Santonensi ecclesiam Sancti Petri de Macapzhana cum omnibus pertinentiis suis; in episcopatu Basatensi ecclesiam Sancti Osberti cum omnibus pertinentiis suis; in episcopatu Barchinonensi ecclesiam Sancti Sepulcri de Lathablatha cum omnibus pertinentiis suis; in eodem episcopatu, in Palma ecclesiam Sancti Petri et ecclesiam Sancti Joannis cum omnibus pertinentiis suis, ecclesiam Sanctæ Mariæ de Patris; in episcopatu Ausonensi ecclesiam Sanctæ Mariæ de Coseoliis cum omnibus pertinentiis suis et ecclesiam Sancti Andree cum omnibus pertinentiis suis; in episcopatu Urgellensi medietatem castri Mirabel cum pertinentiis suis; in episcopatu Nagerensi ecclesiam Sanctæ Mariæ de Gronio cum omnibus pertinentiis suis, hospitale de Villa Rubea cum omnibus pertinentiis suis; in episcopatu Burgensi ecclesiam Sancti Clementis de Covas cum omnibus pertinentiis suis, ecclesiam Sancti Michael de Quantana cum omnibus pertinentiis suis; in castro Sorizh ecclesiam Sancti Andree

et ecclesiam Sanctæ Mariæ cum omnibus pertinentiis suis; in villa quæ dicitur Clunia, ecclesiam Sancti Andree cum omnibus pertinentiis suis; in episcopatu Palentino ecclesiam Sanctæ Mariæ de Pisorga cum omnibus pertinentiis suis, ecclesiam Sancti Alexandri de Valtanas cum omnibus pertinentiis suis; in castro Verde ecclesiam Sancti Michaelis et monasterium Sancti Romanicum omnibus pertinentiis suis; in castro Corel ecclesiam Sancti Justii, ecclesiam Sanctæ Mariæ, ecclesiam Sanctæ Eugratie cum omnibus pertinentiis suis; in castro Portel ecclesiam Sancti Michael de Vega cum omnibus pertinentiis suis; apud civitatem Palentie ecclesiam sancti Emiliani de Veruesca cum omnibus pertinentiis suis, ecclesiam Sancti Pelagii de Valle de Pero cum omnibus pertinentiis suis, ecclesiam Sanctæ Mariæ de Sandronas cum omnibus pertinentiis suis, ecclesiam Sanctæ Mariæ de Pilelas cum omnibus pertinentiis suis; in villa Feles ecclesiam Sancti Michaelis cum omnibus pertinentiis suis, in episcopatu Secoviano ecclesiam Sancti Sepulcri in Coca, ecclesiam Sancti Salvatoris et ecclesiam Sanctæ Mariæ, quæ vocatur Bovada, cum omnibus pertinentiis suis; in civitate Avila ecclesiam Sanctæ Mariæ novæ cum omnibus pertinentiis suis; in Arevalo ecclesiam Sancti Petri in villa veteri cum omnibus pertinentiis suis; in episcopatu Salemantico ecclesiam Sancti Christofori, extra civitatem sitam, cum omnibus pertinentiis suis; in Medina ecclesiam Sanctæ Crucis cum omnibus pertinentiis suis; in episcopatu Zemoritano, in castro qui dicitur Thoro, ecclesiam Sancti Sepulcri cum omnibus pertinentiis suis; in villa Lali ecclesiam Sanctæ Eugeniæ cum omnibus pertinentiis suis; in civitate Legionensi ecclesiam Sancti Sepulcri cum omnibus pertinentiis suis; in Rivo Sicco ecclesiam Sancti Justii de Paralelos cum omnibus pertinentiis suis; in Medina ecclesiam Sancti Petri cum omnibus pertinentiis suis, ecclesiam Sancti Laurentii de Oterolo cum omnibus pertinentiis suis; in villa Morel ecclesiam Sancti Pelagii cum pertinentiis suis, ecclesiam Sancti Justii de Villa Vela cum omnibus pertinentiis suis; in episcopatu eodem villam Golpigar cum omnibus pertinentiis suis, villam Versadam cum omnibus pertinentiis suis; in Mazella hospitale cum omnibus pertinentiis suis, ecclesiam Sanctæ Mariæ de Nava cum pertinentiis suis, ecclesiam Sancti Petri de Castro Olfereth cum pertinentiis suis; in episcopatu Astoricensi ecclesiam Sancti Petri de Cabaneros cum omnibus pertinentiis suis, ecclesiam Sanctæ Mariæ de Zohetas cum omnibus pertinentiis suis; in episcopatu Sancti Jacobi ecclesiam Sancti Sebastiani de Tavairoas cum sua eremita et aliis pertinentiis suis, monasterium Sanctæ Mariæ de Nogaria cum pertinentiis suis, monasterium Sancti Salvatoris de Sobradel cum omnibus pertinentiis suis; in episcopatu Tudensi ecclesiam Sancti Petri de Nogaria, quæ dicitur

A Sardoma, cum omnibus pertinentiis suis; salva nimirum diocesanorum episcoporum justitia et reverentia. Ad hæc adjicientes decernimus ut nulli omnino hominum liceat prædictas possessiones et bona auferre vel ablatas retinere, minuere aut temerariis vexationibus fatigare; sed omnia integra et illibata servantur tam vobis quam successoribus vestris canonice substituendis omnimodis profutura. Si qua igitur in posterum ecclesiastica sæcularisve persona, hanc nostræ constitutionis paginam sciens, contra eam temere venire tentaverit, secundo tertiove commonita ei non satisfactione congrua emendaverit, potestatis honorisque sui dignitate careat, reamque se divino judicio existere de perpetrata iniquitate cognoscat, et a sacratissimo corpore et sanguine Dei et Domini nostri Jesu Christi Redemptoris aliena fiat, atque in extremo examine districtæ ultioni subiaceat; cunctis autem vobis justa servantibus sit pax Domini nostri Jesu Christi, quatenus et hic fructum bonæ actionis percipiant, et apud districtum judicem præmia æternæ pacis inveniant. Amen.

B Ego Honorius catholicæ Ecclesiæ episcopus, subscripsi.

Ego Joannes, presbyter cardinalis tituli Sancti Crisogoni, subscripsi.

Ego Ubertus, presbyter cardinalis tituli Sancti Clementis, subscripsi.

Ego Rossemannus, diaconus cardinalis Sancti Georgii ad Velum Aureum, subscripsi.

C Datum Beneventi, per manum Aimerici, sanctæ Romanæ Ecclesiæ diaconi et cancellarii, 11 Nonas Septembris, indictione vi, Incarnationis Dominicæ anno 1128, pontificatus autem domini Honorii II papæ anno iv.

## LXXIII.

*Floreskensem abbatiam suscipit in tutelam sedis apostolicæ, ejusque possessiones confirmat.*

(Anno 1128, Nov. 4.)

[Hugo, S. ord. Præmonstr. Annal., tom. I, præv., p. 52.]

HONORIUS episcopus, servus servorum Dei, dilectis filiis RICHARDO abbati Sanctæ Mariæ de Floressia, ejusque successoribus canonice substituendis in perpetuum.

Cum sine.... religionis nec charitatis unitas potest subsistere, nec Deo gratum exhiberi servitium expedit apostolicæ auctoritati religiosas personas diligere et religiosa loca sedis apostolicæ munimine confovere; ideoque, dilecte in Domino filii Richarde, tuis rationalibus postulationibus annuentes, monasterium Beatæ Mariæ de Floressia, cui, Domino auctore, præsides, in B. Petri tutelam, nostramque protectionem suscipimus, et scripti nostri pagina communimus. Statuentes ut quasunque ecclesias et possessiones idem monasterium in præsentiarum juste et legitime possidet, sive in futurum largiente Domino, concessione pontificum, liberalitate regum, largitione principum, oblatione fidelium seu

justis aliis modis poteritis adipisci, firma tibi, A  
tuisque successoribus, et illabata permaneant. Sta-  
tuimus etiam, ut liberas S.... a discretione vene-  
rabilis fratri nostri Alberonis Leodiensis olim epi-  
scopi attributa, perpetuis temporibus conservetur,  
salva diœcesani episcopi justitia, et reverentia.  
Sane chrisma oleum, consecrationes altarium, sive  
basilicæ, ordinationes clericorum a Leodiensi acci-  
pietis episcopo, si gratiam sedis apostolicæ habuerit,  
et ea vobis gratis, et sine exactione aliqua exhibere  
voluerit. Obeunte vero te, nunc ejus loci abbate,  
nullus ibi qualibet subreptionis astutia, seu vio-  
lencia præponatur; sed quem fratres, omnium con-  
sensu, seu fratrum pars consilii sanioris secundum  
Dei timorem et B. Augustini regulam providerint  
eligendum. Ad hæc adjicientes decernimus ut nulli B  
omnino hominum liceat prædictum monasterium  
temere perturbare, aut ejus possessiones auferre,  
vel ablatas retinere, minuere vel temerariis vexa-  
tionibus fatigare, sed omnia integra conserventur  
eorum pro quorum gubernatione et sustentatione  
concessa fuerunt, usibus omnimodis profutura,  
salva in omnibus sedis apostolicæ auctoritate, et  
diœcesani episcopi justitia. Si qua igitur in futurum  
ecclesiastica, sæcularive persona hanc nostræ  
constitutionis paginam sciens, contra eam temere  
venire tentaverit, secundo tertiove commonita, si non  
satisfactione congrua emendaverit, potestatis hon-  
orisque sui dignitate careat, reamque se divino  
judicio existere de perpetrata iniquitate cognoscat,  
et a sacratissimo corpore ac sanguine Dei et Red-  
emptoris nostri Jesu Christi, aliena fiat, atque in  
extremo examine districtæ ultioni subiaceat. Cunctis  
autem eidem cœnobio justa servantibus, sit pax  
Domini nostri Jesu Christi, quatenus et hic fructum  
bonæ actionis percipiant, et apud districtum  
judicem præmium æternæ pacis inveniant. Amen.

Ego Honorius catholicæ Ecclesiæ episcopus.

Datum Laterani, per manum Aimerici sanctæ  
Romanæ Ecclesiæ diaconi cardinalis et cancellarii,  
11 Nonas Novembris, Indict. vii, anno Incarnatio-  
nis Dominicæ 1128, pontificatus autem domini Ho-  
norii 11 papæ anno iv.

LXXIV.

Ad Alexandrum episcopum et clerum Leodiensem. —  
Damnat summus pontifex pravam consuetudinem  
exigendi pecunias ab his qui recipiuntur in ca-  
nonicos. D

(Anno 1128, Nov. 7.)

[D'ACHERY, *Spicileg.*, t. III, p. 479.]

HONORIUS episcopus, servus servorum Dei, AL-  
XANDRO episcopo et clero Leodiensi, salutem et  
apostolicam benedictionem.

Relatione fratrum vestrorum ad nos venientium  
comperimus hanc in vestra Leodiensi Ecclesia detestabilem ex antiquo fieri consuetudinem, ut qui-  
cunque ibi canonicus fieri voluerit, oporteat eum  
præposito et decano determinatum pecunium exhibere, et hoc de investituris ecclesiarum et altarium

archidiaconos et decanos facere accepimus. Scri-  
ptum est in Evangelio quia Dominus noster venden-  
tes et ementes ejecit de templo. Ideoque per præ-  
sentia scripta firmiter præcipiendo mandamus,  
quatenus tam prava consuetudo de cætero apud vos  
nullatenus conservetur, sed modis omnibus annihili-  
letur. Quod si quis deinceps præsumpserit agere,  
nos et dantem et accipientem jubemus locum in  
Ecclesia ulterius non habere.

Datum Laterani vii Id. Novemb.

LXXV.

Clerum consules et populum Pistoriensem hortatur ut  
II [deprando] episcopo ad ecclesiam B. Petro con-  
struendam pecuniam tribuant.

(Intra 1125-1129, Mart. 29.)

[BALUZ., *Miscell.* ed. Luc., IV, 586.]

HONORIUS episcopus, servus servorum Dei dilectis  
filiis clero, consulibus et populo Pistoriensi, salutem  
et apostolicam benedictionem.

Venerabilis frater noster H, episcopus vester,  
amore religionis quamdam ecclesiam, prout accepti-  
mus ad honorem Dei et B. Petri juxta Pistoriensem  
civitatem construxit, ibique religiosos viros qui  
divinis mancipientur famulatus, dicitur statuisse.  
Ut ergo votum et religiosum desiderium pastoris et  
episcopi vestri integre compleatur, universitati  
vestre rogando mandamus quatenus de facultatibus  
vobis a Deo commissis ad tam salubre opus perfi-  
clendum, opem et consilium charitativo studis præ-  
beatis, ut tam sacrificiorum quam orationum, quæ  
ibi ante conspectum divinum fundentur, participes  
cum Propheta psallere valeatis: *Domine, dilexi deco-  
rem domus tuæ, et locum habitationis gloriæ tuæ;*  
et cum eodem immortalitatis præmio coronari.

Datum Lateran. iv Kal. Aprilis.

LXXVI.

Ad Ludovicum VI Francorum regem. — Henricum  
regis filium clericum in suam protectionem susci-  
pit.

(Intra 1125-1128, Mart. 31.)

[MANSI, *Concil.*, XXI, 322.]

HONORIUS episcopus, servus servorum Dei, charis-  
simo in Christo filio Ludovico Illustri et glorioso  
Francorum regi, salutem et apostolicam benedictio-  
nem.

Internæ charitatis dilectio, qua personam tuam  
paternæ affectionis visceribus amplexamur, aures  
nostras ad admittendas tuas petitiones inclinat.  
Amor enim et piæ reverentia devotionis, quam  
B. Petro et S. R. R. defers, ut ad tuam et regni tui  
utilitatem intendamus, hortatur. Tuum itaque filium  
Henricum, quem divinis mancipare vovisti servitiis,  
et in B. Petri, et in nostram protectionem suscipi-  
mus. Ipsam igitur tanquam specialem sedis apo-  
stolicæ filium, et bona quæ vel regia tua liberalitate,  
vel aliis modis divina præstante gratia poterit ad-  
pisci, auctoritatis nostræ robore communimus: nul-  
lique hominum fas sit personam suam et bona ejus  
temere perturbare: sed omnia quieta ei et libera

sub B. Petri et R. E. patrocinio conserventur. Si quis autem hujus nostræ confirmationis temerator exstiterit, nisi congrua satisfactione correxerit, animadversione sedis apostolicæ feriat.

Datum Laterani pridie Kalendas Aprilis.

## LXXVII.

*Ad Odalricum Constantiensem episcopum. — Monet ut hortetur Rodolphum comitem de Lenzburg, ut a vexatione monasterii Rhenaugiensis desistat.*

(Intra 1125-1129, April. 7.)

[HERGOTT, *Genealogia diplomatica augustæ gentis Habsburgicæ*. Viennæ Austriæ 1737, t. II, 142.]

HONORIUS episcopus, servus servorum Dei, venerabili fratri ODALRICO episcopo Constantiensi salutem et apostolicam benedictionem.

Quemadmodum cultores justitiæ, et religionis amatores, sunt veræ charitatis brachiis amplectandi, ita raptores et persecutores Ecclesiæ Dei dignis sunt animadversionibus coercendi. Ea propter strenuitati tuæ mandamus ut Rodolphum comitem de Lenzburg diligenter admoneas, et quatenus ab infestatione monasterii Rhenaugiæ desistat, et in antiqua et concessa sibi libertate omnino dimittat. Quod si tuis admonitionibus parere contempserit, debitam de eo justitiam facias.

Datæ Lateranis vii Idus Aprilis.

## LXXVIII.

*Ad Burchardum Meldensem episcopum. — Pravam illam consuetudinem diripiendi post episcoporum obitum Ecclesiæ bona, assentiente Tebaldo, comite Blesensi, abolitam nuntiat.*

(Intra 1125-1129, April. 15.)

[D. DU PLESSIS. *Hist. de l'Eglise de Meaux*, II, 24.]

HONORIUS episcopus, servus servorum Dei, venerabili fratri BURCHARDO Meldensi episcopo, salutem et apostolicam benedictionem, etc.

Pravum igitur usum et iniquam consuetudinem, qua in Meldensium episcoporum obitu bona vestra diripiebant Ecclesiæ, a dilecto filio nostro illustri viro Thebaldo Blesensi comite vacuatam et scripti sui firmitate assatam, in præsentis scripti nostri robore abolemus; et ne ulterius in vestra Ecclesia teneatur, omnino præcipimus, etc.

Datum Laterani xvii Kalendas Maii.

## LXXIX.

*Ad parochianos ecclesiæ S. Frigidiani Lucensis.*

(Intra 1125-1129, Apr. 29.)

[BALUZ. *Miscell.* ed. Luc., IV, 588.]

HONORIUS episcopus, servus servorum Dei, universis B. Frigidiani parochianis salutem et apostolicam benedictionem.

Gratias universitati vestræ referimus, quoniam sicut relatione dilecti filii nostri A. prioris vestri comperimus, tam ipsum qua fratres, ibidem divino famulatu mancipatos, diligitis et honoratis, et de facultatibus a Deo vobis præstitis sustentatis. Quapropter rogamus vos et hortamur in Domino, et in remissionem peccatorum vestrorum injungimus

ut in bono quod inchoastis principio firmiter perdetis, nec ab ejusdem ecclesiæ reverentia et dilectione ullatenus declinetis.

Datum Laterani iii Kal. Maii.

## LXXX.

*Bulla pro confirmatione ecclesiæ et bonorum Steinfeldiæ.*

(Infra 1125-1129, April. 29)

HUGO, *sacri ord. Præmonst. Ann.*, tom. II, prob. c. 521.]

HONORIUS episcopus, servus servorum Dei, dilectis filiis BERWINO præposito monasterii Sanctæ Mariæ, quod est situm in loco qui Steinfeldes nuncupatur, ejusque fratribus canonicam vitam professis, salutem et apostolicam benedictionem.

Quoties illud a nobis petitur quod rationi pertinere cognoscitur, animo nos decente libenti concedere, et congruum impertinere suffragium. Ea propter, dilecti in Domino filii, rationabilibus postulacionibus vestris assensum præbentes locum vestrum, qui Steinfeldes dicitur, scripti nostri pagina communimus, statuentes ut quæcunque bona, quascunque possessiones idem locus in præsentiarum juste et legitime possidet, sive in futurum, largiente Domino, justis modis poterit adipisci, firma vobis et illabata permaneant, salva diocesani episcopi justitia et reverentia. Statuimus etiam, ut canonicus ordo, secundum beati Augustini regulam perpetuis ibi temporibus inviolabiliter conservetur. Ad hæc adjicientes decernimus, ut nulli omnino hominum liceat eundem locum temere perturbare, et ejus possessiones auferre, ablatas retinere minuere, vel temerariis vexacionibus fatigare; quod si quis huic nostræ confirmationi contraire tentaverit, apostolicæ sedis animadversionem indubitanter se noverit incursum, nisi præsumptionem suam digna satisfactione correxerit.

Datum Laterani iii Kal. Maii.

## LXXXI.

*Ad Bernardum Melgoriensem comitem. — Præcipit ut Melgoriensis moneta non alibi quam Melgorii fiat.*

(Intra 1125-1129 Maii 23.)

[D. BOUQUET, tom. XV, pag. 265.]

HONORIUS episcopus, servus servorum Dei, dilecto filio BERNARDO illustri Melgoriensi comiti, salutem et apostolicam benedictionem.

Quod irreprehensibile est defendit Ecclesia. Nos autem te tanquam specialem B. Petri filium manutene volumus et juvare, et quod Melgoriensis moneta Melgorii tantum fiat apostolica auctoritate præcipimus. Tua igitur interest ut, si protectionem nostram habere desideras, in fabricanda moneta nihil falsitatis admisceas, et ne aliter quam tempore Calixti constitutum est, eam de cætero facias fabricari.

Datum in territorio de Columna, x Kal. Junii, pontificatus nostri (19) anno tertio.

## LXXXII.

*Hospitalam domum et ecclesiam S. Mariz diœcesis Genetensis sub protectione sedis apostolicæ suscipit.*

(Intra 1125-1129, Nov. 28.)

[CORNELIUS, *Ecclesiæ Venetæ. Venetiis, 1249, 4º, X, III, 29.*]

HONORIUS episcopus, servus servorum Dei, dilectis filiis RAINERIO præposito, et ejus fratribus tam præsentibus quam futuris in perpetuum.

Religiosis desideriis dignum est facilem præbere consensum, ut fidelis devotio celerem sortiatur effectum. Quamobrem, dilecti in Christo filii, petitiones vestras clementer admittimus, et hospitale quod in territorio Cenelensi, in loco qui dicitur Talpone, constructum cum omnibus appendiciis suis, et domum ibidem in honorem beatæ Mariæ sæmpervirginis, ut fiat ecclesia fabricatam, quod sanctæ Romanæ Ecclesiæ per chartulam oblationis contulistis, in jus et proprietatem B. Petri suscipimus, et illud apostolicæ sedis robore communimus. Statuentes ut quæcunque bona idem hospitale in præsentiarum juste possidet, vel in futurum largiente Domino justis modis contigerit adipisci, firma et illibata ei permaneant: ad indicium autem protectionis ipsius hospitalis hanc ei pensionem solvendam statulimus, ut unoquoque anno duas libras unam incensi et alteram ceræ Lateranensi persolvat palatio. Si quis igitur in futurum, ecclesiastica sæcularisve persona hanc nostræ constitutionis paginam sciens contra eam temere venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino iudicio existere de perpetrata iniquitate cognoscat, et a sacratissimo corpore ac sanguine Dei et Domini Redemptoris nostri Jesu Christi aliena fiat, atque in extremo examine districtæ ultioni subiaceat. Cunctis autem eidem loco justa servantibus sit pax Domini nostri Jesu Christi, quatenus et hic fructum bonæ actionis percipiant, et apud districtum judicem præmia æternæ pacis inveniant.

Datum Laterani iv Kalend. Decembris.

## LXXXIII.

*Ad A[dalberonem] archiepiscopum Hamburgensem. — Commendat E., presbyterum cardinalem.*

(Intra 1126-1129, Maii 23.)

[LAPPENBERG, *Hamburg. Urkund.*, I, 130.]

HONORIUS episcopus, servus servorum Dei, venerabili fratri A. Bremensi archiepiscopo, salutem et apostolicam benedictionem.

Quoniam absque quiete et tranquillitate animi nemo potest Deo gratum impendere famulatum, ut controversia, quæ inter te et fratrem nostrum A. Londensem archiepiscopum agitur, valeat, propestante Domino, debito fine concludi, dilectum filium nostrum E. presbyterum cardinalem ad partes ve-

(19) De conjectura additum est: *pontificatus nostri. V. JAFFÉ.*

PATROL. CLXVI.

Astras de nostro latere duximus delegandum, eique negotium ipsum diligenter inquirendum discutendumque commisimus. Ideoque tibi mandamus quatenus ipsum benigne recipias, et loco et tempore quo ab eo vocatus fueris, ad ejus præsentiam venias, de supra nominato negotio tractaturus.

Datum Laterani x Kal. Junii.

## LXXXIV.

*Ad archidiaconum et præcentorem Agathensem.*

(Intra 1126-1129, Maii 31.)

[GABRIEL, *Series præsul, Magalon.*, p. 142.]

HONORIUS episcopus, servus servorum Dei, dilectis filiis archidiacono et præcentori Agathensi, salutem et apostolicam benedictionem.

Significavit nobis frater noster Magalonensis episcopus, quod abbas Anianensis suæ diœcesis, ipsius jurisdictioni subjectus, suis recusat synodis interesse, in ejus et suæ Ecclesiæ præjudicium et gravamen; ideoque discretionis vestræ per apostolica scripta mandamus, quatenus, partibus convocatis et auditis, quæ duxerint proponenda, quod canonicum fuerit, appellatione postposita statuatis, facientes quod censueritis per censuram ecclesiasticam firmiter observari.

Datum Laterani, ii Kalendas Junii, pontificatus nostri v (19).

## LXXXV.

*Ad clerum et populum Tullensem. — Servandam mandat excommunicationis sententiam in Theodericum de Imbercurte prolatam.*

(Intra 1127-1129, Mart. 19.)

[D. BOUQUET, *Recueil*, tom. XV, p. 266.]

HONORIUS episcopus, servus servorum Dei, clero et populo per Tullensem parochiam constituto, salutem et apostolicam benedictionem.

Theodericus de Imbercurte, ad sedem apostolicam veniens, questus est se a venerabili fratre nostro Henrico Tullensi episcopo Romanam audientiam appellentem injuste excommunicatum fuisse. E contra archidiaconi Tullenses, Hugo Gundricurtensis, Hugo Albus et Oldericus presbyteri, assuerunt se in eum, quoniam castrum de Commercio Ecclesiæ Tullensis violenter abstulerat, longo ante tempore excommunicationis sententiam promulgasse. Potestatem autem et licentiam excommunicandi rerum suarum raptos a Richinio Tullensi episcopo sibi concessam, et postmodum a prædecessore nostro felicis memoriæ papa Calixto II scripti pagina confirmatam, in nostra præsentia asseverare cœperunt; et ut nos certiores efficerent, munita in medium protulerunt. Nos igitur auditis et inquisitis utriusque partis rationibus, habito fratrum nostrorum episcoporum et cardinalium consilio, Theodericum, quoniam longe antequam Romanam appellaret audientiam, a canonicis quibus ex apostolica concessione licebat, excommunicatus

fuera, non absolvimus. Universitati ergo vestrae A  
mandamus quatenus ab eolanquam ab excommunicato, donec Ecclesie Tullensi satisfaciat, absteineatis.

Datum Laterani xvi Kalendas Aprilis.

LXXXVI.

*Ad Willelmum archiepiscopum Cantuariensem, apostolicæ sedis legatum.*

(Intra 1127-1129, April. 19.)

[WARTON, *Anglia sacra*, II, 674.]

HONORIUS episcopus, servus servorum Dei, venerabilibus fratribus WILLELMO Cantuariensi archiepiscopo et apostolicæ sedis legato et omnibus episcopis per Angliam constitutis, salutem et apostolicam benedictionem.

Frater noster Urbanus Landavensis episcopus ad A  
sedis apostolicæ clementiam veniens, se in conventu et ante vestram præsentiam super episcopis Bernardo Sancti Dewi et Ricardo Herefordensi de parochia episcopatus sui ab eis detenta querelam deposuisse asseruit. Cæterum fratres ipsi nullum eidem querimonie sue responsum reddentes, ordine transposito, eundem super aliis cœperunt impetere. Quod tam sacrorum statutis canonum quam legalibus sanctionibus obvium esse non exstat ambiguum. In iudicio namque et unius disceptatione negotii reus nisi per exceptionem actor effici nequaquam potest. Ipse vero ordine iudicii postulans, ut prius de his quæ objecerat sibi rationabiliter responsum daretur, a tua discretionem, frater archiepiscopo, qui pro iudice residebas, expetiit. Qui vero quod optabat obtinere non potuit, magnum sibi gravamen sentiens irrogari, Romanam audientiam, quæ oppressis commune suffragium est, appellavit; et prænominatos episcopos Bernardum et Ricardum, ut in nostra præsentia mediante Quadragesima suis responderet querimoniis, invitavit. Verum ipse nobiscum aliquandiu moratus est; invitati vero præfixo termino nec venerunt, nec responsales miserunt. Nos igitur ex communi fratrum nostrorum et episcoporum et cardinalium deliberatione, audita super hoc duorum testium assertionem, eum de parochia unde conquestio fuerat, videlicet Herigin, Histratewi, Goher, Cadwelli, Cantrebocan, salva iustitia ecclesiarum Herefordensis et Sancti Dewi, investimus. Terminum vero tam Urbano Landavensi quam Bernardo et Ricardo episcopis D  
proximam Quadragesimam statuimus: et tunc utraq; pars expositis suis querimoniis in nostra præsentia rationibus, quod iustitiæ ratio dictaverit obtinebit. Interim autem præcipimus ut frater Urbanus parochiam illam, de qua disceptatio fuerat, integre, quiete et absque alicujus contradictione obtineat. Tu ergo, frater archiepiscopo, supradictos episcopos Bernardum et Ricardum parochiam ipsam occupare aut pervadere vel se vel officiales suos nullo modo permittas.

Datum Laterani xiii Kal. Maii.

LXXXVII.

*Regulares canonicos in monasterio Agaunensi constitutos confirmat.*

(Intra 1128-1129, Nov. 7.)

[*Gall. Chr.* XII, instr., 430.]

HONORIUS episcopus, servus servorum Dei, dilectis filiis Agaunensis ecclesie B. Mauriti martiris, salutem et apostolicam benedictionem.

Apostolica doctrina et sanctorum veneranda nos adhortatur auctoritas ut, si Deo vere placere volumus, religiose vivere studeamus. Quis enim Deo absque puritate religionis placere potuit, vel quis ad contemplationem deitatis nisi pudico et mundo corde ascendit? Nos igitur qui in B. Petri cathedra residemus, licet indigni, commissa nobis a Deo administratione sue ecclesie, et religionem statuere et stabilitatem sedis apostolicæ volumus robore communire. Placet ergo nobis, quod per inspirationem divinam in ecclesia vestra canonicos regulares statuere, et vobis obeuntibus semper religiosos subrogare unanimiter, quemadmodum ex litterarum vestrarum inspectione cognovimus, decrevistis. Pia vero desideria vestra et rationabile propositum laudantes, ut canonici regulares ibi de cætero deservientes Deo et ut canonicus ordo futuris ibi temporibus irrefragabiliter conservetur, præcipimus ac auctoritate B. Petri ac nostra firmamus. Statuimus enim ut, postquam regularium virorum in præfata ecclesia sufficiens numerus fuerit, constituatur abbas ibi religiosus et sapiens, qui scientia et moribus sacro noscat digne præesse collegio, invocata divina gratia eligatur.

Datum Laterani vii Idus Novembris.

EXXXVIII.

*Ad Matthæum Albanensem episcopum, apostolicæ sedis legatum.—Litem et dijudicandum committit inter Henricum Virdunensem episcopum, nullis accusationibus impetitum, et ejus accusatores.*

(Anno 1129.)

D. BOUQUET, *Recueil*, tom. XV, p. 269.]

HONORIUS episcopus, servus servorum Dei, venerabili fratri MATTHÆO Albanensi episcopo, apostolicæ sedis legato, salutem et apostolicam benedictionem.

Quemadmodum tua novit fraternitas, Virdunenses canonicos olim ad nostram præsentiam venientes, episcopum suum Henricum de dilapidatione bonorum Ecclesie et thesauri, et de simonia accusarunt. Nos autem quia tantum flagitium silentio præterire non potuimus terminum utrique parti præfiximus; ipsi vero, die statuta, se nostro conspectui præsentarunt. Tandem accusatores per advocatum suum quædam de electione episcopi et vite incontinentia interloquentes, demum inscriptione facta de simonia et dilapidatione bonorum et thesauri Ecclesie, episcopum præsentem per proprias personas accusarunt. Cæterum, pars altera quæ cum episcopo venerat, unum de accusatoribus illis, quod in diaconatu concubinam habuerit per scriptum accusans, repellere nitatur. E converso autem qui cum accusatoribus ve-

nerant, istum ab accusatione, imponendo crimen perjurii, repellabant. Quia igitur in contumeliosa verba nimis irrationabiliter prorumpabant, ne propter tot replicationes accusantium lis extenderetur ad infinitum (20), causam experientiæ fraternitatis tuæ commisimus terminandam. Tu vero tam prædictum episcopum quam partem adversariam ad tuam præsentiam evocans, Catalaunum adeas; ibique adscitis tibi Trevirensi archiepiscopo, et aliis episcopis, sapientibus etiam et religiosis viris, negotium studiose audias, et diligenti indagatione perquiras. Quod si accusatores et testes idonei apparuerint, communicato fratrum consilio, canonice causam definias; alioquin in facie quam læsit Ecclesiæ, juxta tuum et aliorum fratrum qui tecum erunt consilium, innocentiam suam evidenter ostendat; postmodum vero de querimoniis suis per justitiam aut concordiam pacem inter eos componas.

LXXXIX.

*Privilegium pro ecclesia S. Petri Bononiensis.*

(Anno 1129, Mart. 15.)

[SAVIOLI, *Annali Bolognesi*, Appendice, I, II, p. 174.]

HONORIUS episcopus, servus servorum Dei dilectis filiis LAMBERTO archipresbytero et cæteris Bononiensis Ecclesiæ B. Petri canonicis tam præsentibus quam futuris, salutem.

Quoties illud a nobis petitur quod intime pertinere cognoscitur, animo nos decet libenti concedere et optatum impertiri suffragium. Proinde, dilecti in Domino filii, vestris rationabilibus postulationibus inclinati Bononiensem B. Petri ecclesiam in qua divino mancipati estis servitio in B. Petri tutelam nostramque protectionem suscipimus et scripti nostri pagina communimus. Statuentes vobis quæcunque bona juste habetis vel habere debetis tam in terris et vineis quam et in diversis possessionum speciminibus per singula loca et territoria constitutis, undecunque vobis per quemcunque modum vel titulum advenisse noscuntur, vel in antea acquisieritis. Insuper etiam obnoxias constituimus vobis omnes decimationes totius plebis Sanctæ Mariæ quæ vocatur de Buida et ecclesiam Sanctæ Mariæ quæ est sita in monte Palensi cum oblationibus et suis omnibus pertinentiis, et quidquid a Deum timentibus ibidem pro vivorum et defunctorum salute oblatum fuerit. Oliveta quoque quæ sunt in territorio quod vocatur de Garda, domum quoque prope palatium episcopi ejusdem ecclesiæ. Omnes autem domus quæ ubique sunt ejusdem canonici juris seu quidquid de ejusdem ecclesiæ jure nunc habetis, vel ipsi, vel successores vestri jure acquirere deinceps potueritis. Dominicatum etiam ejusdem ecclesiæ totum; ecclesiam quoque Sancti Joannis Baptistæ

(20) Eadem verba in suos commentarios retulit Laurentius a Leodio, qui addit: « Honorius a venerabili Laurentio (abbati S. Vitoni), qui et ipse præsens aderat, requisivit: *Tu pater, quid dicis de criminibus episcopo illatis?* Et ille: *Domine, ait ego non vidi, sed populus clamat.* Rapuit papa verbum ex ore ejus, et quia faventibus episcopo cardinalibus,

A juxta majorem ecclesiam positam; medietatem vero decimarum omnium totius plebis Sancti Petri quæ vocatur in Barbarorum; nec non concedimus vobis cunctas res mobiles quæ vobis aliquo modo pertinere dici et nominari rite videntur. Per hanc decreti nostri vel concessionis paginam ut quiete, pacifice tenere, possidere, remota omnium hominum contradictione aut molestatione secure valeatis. Decernimus ergo ut nullus archiepiscopus, episcopus, dux, marchio, comes, vicecomes, nullaque magna parvaque persona cujuscunque ordinis in rebus et possessionibus vestris placitum tenere, aut injuriam residentibus supra terras vestras facere præsumat, nec illos distringere aut molestare aut pignus tollere, aut flagellare audeat. Sed liceat vobis et successoribus vestris omnibus rebus et possessionibus vestris omni tempore sub tuitionis nostræ munimine quiete frui, remota totius potestatis inquietudine. Si quis autem temerarius contra hoc nostrum confirmationis decretum ire tentaverit, aut aliquam molestationem inferre præsumperit, et supradicta non observaverit, secundo tertiove commonitus, si non satisfactione condigna emendaverit, potestatis honorisque sui dignitate careat, reumque se divino judicio existere de perpetrata iniquitate cognoscat, et a sacratissimo corpore ac sanguine Dei et Domini nostri Jesu Christi aliena fiat, atque in extremo examine districtæ ultioni subjaceat. Cunctis autem prænominatæ Ecclesiæ justis servantibus sit pax Domini nostri Jesu Christi, quatenus et hic fructum bonæ actionis percipiant et apud districtum judicem præmia æternæ pacis inveniant. Amen, amen, amen.

Ego Honorius catholicæ Ecclesiæ episcopus.

Dat. Lat. per manus Aimerioi sanctæ Romanæ Ecclesiæ diaconi cardinalis et cancellarii, Id. Martii, indict. vii, Incarnationis Dominicæ an. 1129, pontificat. autem domni Honorii II papæ an. v.

XC.

*Bulla pro Vindocinensi monasterio.*

(Anno 1129, Mart. 24.)

[MABILON, *Annal. Bened.*, VI, 633, ex authentico.]

HONORIUS episcopus, servus servorum Dei, dilecto filio GAUFRIDO Vindocinensis monasterii abbati ejusque successoribus regulariter substituendis in perpetuum.

Sacrosancta Romana Ecclesia, quæ a Deo sibi concessum omnium Ecclesiarum retinet principatum, tanquam diligens mater singulis debet Ecclesiis instanti vigilantia providere. Justum est igitur et rationale ut ecclesiæ et venerabilia loca, maxime quæ ad speciale jus et proprietatem sanctæ Romanæ, cui Deo auctore servimus, spectant Ecclesiæ, et lite nihil certi sinente, nullam poterat determinare sententiam, causam ipsam discutiendam Matthæo Albanensi episcopo, legato suo in Galliis, mandavit. Porro quid Matthæus in hac causa Catalauni egerit, scriptis mandavit Laurentius idem a Leodio.



spacialioris prærogativæ sortiantur honorem, et apostolicæ auctoritatis munimine roborentur. Quod circa, dilecte in domino fili Gaufrède abbas, tuis rationabilibus postulationibus non immerito annuendum censuimus, ut Vindocinense monasterium cui Deo auctore præsidet, quod videlicet ab ipsis fundatoribus Gaufrèdo Andegavensium comite et Agnete Pictavensium comitiſſa sedi apostolicæ oblatum est, ad prædecessorum nostrorum sanctæ memoriæ Alexandri, Urbani, Paschalis et Calixti Romanorum pontificum exemplar, apostolicæ sedis privilegio muniremus. Possessiones itaque et bona quæ idem monasterium in præsentiarum juste et canonice possidet, firma tibi tuisque successoribus et illibata permaneant, in quibus hæc propriis nominibus duximus adnotanda: ecclesiam videlicet Sanctæ Mariæ de Surgeriis, ecclesiam Sanctæ Mariæ de castro Oleronis, et ecclesiam Sancti Nicolai, ecclesiam Sanctæ Mariæ de Castellis, ecclesiam Sancti Clementis de Credone, ecclesiam Sancti Salvatoris juxta muros Andegavis, et capellam Sancti Eutropii. Quæcunque præterea in futurum largiente Domino concessione pontificum, liberalitate regum, largitione principum, oblatione fidelium seu aliis modis juste et legitime poteritis adipisci, firma vobis vestrisque successoribus et integra conserventur. Ad hæc, sicut iidem fundatores denuntiarunt et in eorum charta continetur sub apostolicæ sedis defensione ac Romana libertate ab omni conditione aliarum personarum absolutum semper et liberum idem monasterium permanere sancimus; ita videlicet ut inter Romanum pontificem et te tuosque successores nulla cujuscunque dignitatis vel ordinis persona sit media habeatur, nec ipse Vindocinensis abbas ad concilium ire ubi papæ persona non aderit, ullatenus cogatur. Porro ecclesiam Beatæ Priscæ in monte Aventinositam, cum universis pertinentiis suis, sicut tempore prædecessorum nostrorum antecessores tui possedisse noscuntur, tibi tuisque successoribus cum omni dignitate quæ ad eandem ecclesiam pertinet, confirmamus, sancti Spiritus judicio decernentes, ut nulla deinceps ecclesiastica sæcularisve persona prædictam Beatæ Priscæ ecclesiam seu ecclesiæ dignitatem tibi tuisve successoribus qualibet astutia vel occasione auferre præsumat. Quod si forte contigerit Romanæ legatum Ecclesiæ prædictam Vindocinense monasterium visitare, charitative ibi suscipiatur, et ei juxta loci possibilitatem diligenter quæ corpori fuerint necessaria ministrentur. Sane legatus ipse in eodem loco per se nihil disponere vel corrigere audeat, neque occasione legationis rectorem loci vel fratres molestare præsumat; sed si quid forte corrigendum cognoverit, papæ notificare licebit. Si quis autem adversus locum illum pro aliquibus rebus causari voluerit, nullatenus abbas vel fratres ei respondeant antequam Romanum pontificem consulant, quia quod sine nostra vel successorum nostrorum judicio distractum vel diffinitum fuerit, irritum erit. Ad indicium vero perceptæ hujus a Romana Ecclesia

A libertatis, duodecim solidos monetæ vestræ quotannis Lateranensi palatio persolvatis. Si quis igitur in posterum ecclesiastica sæcularisve persona, hæc nostræ constitutionis paginam sciens, contra eam temere venire tentaverit, secundo tertiove communita, si non satisfactione congrua emendaverit, potestatis honorisque sui dignitate careat, reamque se divino judicio existere de perpetrata iniquitate cognoscat, et a sacratissimo corpore et sanguine Dei et Domini Redemptoris nostri Jesu Christi aliena fiat, atque in extremo examine districtæ ultioni subjaceat. Cunctis autem eidem loco justa servantibus sit pax Domini nostri Jesu Christi, quatenus et hic fructum bonæ actionis percipiant, et apud districtum judicem præmia æternæ pacis inveniant. Amen, amen, amen.

B Ego Honorius catholicæ Ecclesiæ episcopus subscripsi.

Ego GG. card. tit. Sanctorum Apostolorum subs.

Ego Petrus presbyter card. tit. Calixti subs.

Ego Petrus presbyter card. tit. S. Marcelli subs.

Ego Girardus card. presbyter tit. Fasciolæ subs.

Ego Gregorius presbyter card. tit. S. Balbinii subs.

Ego Rusticus presbyter card. S. Cyriaci subs.

Ego Guilielmus Prænestinus episc. subs.

Ego Egidius Tusculanus episc. subs.

Ego Joannes Ostiensis episc. subs.

Ego Conradus Sabinensis episc. subs.

Ego Joannes presbyter card. tit. S. Grisogoni subs.

Ego Gregorius S. Angeli diaconus card. subs.

Ego Saro card. presbyter tit. S. Stephani subs.

Ego Petrus presbyter card. tit. S. Equitii subs.

Ego Petrus presbyter card. tit. S. Anastasiæ subs.

Ego Goselinus presbyter card. tit. S. Cecilie subs.

Ego Sigizo presbyter card. tit. Sancti Sixti subs.

Ego Eibertus presbyter card. tit. S. Clementis subs.

Ego Deusdedit presb. card. tit. S. Laurentii in Damaso subs.

Ego Jonathas diaconus card. SS. Cosmæ et Damiani subs.

Ego Gregorius diaconus card. SS. Sergii et Bachi subs.

Datum Laterani per manum Aimerici sanctæ Romanæ Ecclesiæ diaconi cardinalis et cancellarii, ix Kal. Aprilis, indict. vii, Incarnationis Dominicæ anno 1129, pontificatus autem domni Honorii II papæ anno v.

XCI.

*Sugerio abbati S. Dionysii mandat ut prospiciat disciplinæ parthenonis Argentoliensis, a Stephano episcopo Parisiensi monasterio S. Dionysii restituti.*

(Anno 1129, April. 23.)

[Gall. Chr. VII, instr., 52.]

HONORIUS, servus servorum Dei, dilecto in Christo filio SUGERIO abbati S. Dionysii, salutem et apostolicam benedictionem.

Tunc religionis amor et charitatis unitas in sui status perfectione servabuntur, si quod a membris Ecclesiæ rationabili dispositione restituitur, a capite roboretur. Nos igitur in sede B. Petri apostoli, cui Christus contulit Ecclesiarum omnium principatum, licet indigna Domino constituti, unitatem spiritus in vinculo pacis conservare volumus, et quæ a fratribus nostris constituta sunt, propensiori studio auctoritate apostolica confirmamus. Venerabilis siquidem frater noster Stephanus Parisiensis episcopus, sicut ex litterarum suarum inspectione cognovimus, monasterium Argentoilum, in quo quædam malæ vitæ, prout dicebatur, mulieres vivebant, quod etiam ex antiquis regum præceptis cognoverat jure monasterio S. Dionysii pertinere, in præsentia venerabilium fratrum nostrorum Matthæi Albanensis episcopi, et apostolicæ selis legati, Rainaldi Remensis archiepiscopi, Gaufridi Carnotensis, Gosleni Suessionensis episcoporum, hortatu etiam charissimi filii nostri Ludovici (21) illustris et gloriosi regis Francorum, dilecte in Domino fili Sugerii abbas, intuitu religionis tibi et monasterio S. Dionysii, salvo jure Parisiensis Ecclesiæ concessit, ita tamen ut mulieribus in religiosis locis ubi animas possint salvare provideas. Quod ergo pro reformando religionis amore de præfato monasterio a prædicto Stephano Parisiensis episcopo statutum est, auctoritate nostra firmamus, et firmum volumus futuris temporibus permanere. Tuæ igitur dilectioni mandamus, ut religionem et monasticam in præfato loco statuere diligenti vigilantia studeas; et ne prædictarum mulierum aliqua in tua culpa deperat, in locis religiosis sollicita cura provideas.

Datum Laterani nono Kalendas Maii.

XCII.

*Pro monasterio S. Martini Nivernensis.*

(Anno 1129, April. 27.)

[*Gall. Chr. XII., 338.*]

HONORIUS episcopus, servus servorum Dei, dilecto filio STEPHANO priori ecclesiæ S. Martini in suburbio Nivernensi constitutæ, et ejus fratribus tam præsentibus quam futuris canonicam vitam ibidem professis, in Domino salutem.

Apostolici moderaminis clementiæ convenit religiosos viros diligere et eorum loca paternæ pietatis munimine defensare. Ideoque, dilecte in Domino filii, Stephane prior, ecclesiam B. Martini Nivernensis, cui Deo auctore præesse dignosceris, sub B. Petri tutelam et apostolicæ sedis protectionem suscipimus, et præsentis scripti nostri pagina roboramus. Possessiones igitur et bona quæ eadem ecclesia in præsentiarum juste et legitime possidet, aut in futurum concessione pontificum, liberalitate regum, largitione principum, oblatione fidelium, seu aliis justis modis largiente Domino poterit adipisci firma vobis vestrisque successoribus, et illibata permaneant, salva Nivernensis episcopi justitia et reverentia; in quibus hæc

(21) Ratam habuit hanc restitutionem an. 1129, indictione vii, apud Remos, in solemnibus unctioe .D. Philippi gloriosi regis, filii Ludovici.

propriis nominibus duximus exprimenda, videlicet duas ecclesias de Luciniaco cum pertinentiis suis, capellam de Bafias, ecclesiam de Buciaco, ecclesiam de Moresca, ecclesiam de Coloncello, ecclesiam de Bazolis, ecclesiam de Spiriaco, ecclesiam de Monte Rumillonis, ecclesiam de S. Audoeno. Confirmamus etiam vobis donationem annonæ quæ in dedicationibus ecclesiarum offertur a Fromundo Nivernensi episcopo ecclesiæ vestræ collatam. Sane ordo canonicus ibi positus futuris perpetuo temporibus inviolabiliter conservetur. Decernimus ergo ut nulli omnino hominum liceat præfata ecclesiam temere perturbare, aut ejus possessiones auferre, vel ablatas retinere, minuere, vel temerariis vexationibus fatigare, sed omnia integra conserventur, tam vestris quam pauperum usibus profutura. Si qua ergo in posterum, etc.

Ego Honorius catholicæ Ecclesiæ episcopus.

Datum Laterani per manum Aimerici S. Romanæ Ecclesiæ diaconi cardinalis et cancellarii, v. Kalendas Maii, indictione vii, anno Incarnationis Dominicæ 1129, pontificatus autem domini Honorii papæ II anno v.

XCIII.

*Monasterium S. Mariæ de Curatio tuendum suscipit, quique diebus quibusdam monasterium adierint, iis centum et quinquaginta annos de injunctis pœnitentiis relaxat.* »

(Anno 1129, Sept. 13.)

[UGHELLI, *Italia, Sacra*, IX, 274.]

HONORIUS episcopus, servus servorum Dei, universis et singulis Christi fidelibus, salutem et apostolicam benedictionem in perpetuum.

Desiderium, quod religionis [amore?] præponitis, et ad animarum salutem pertinere monstratis, auctore Deo, semper est aliqua dilectione complendum. Eapropter, dilecti in Domino filii... monasterii, siti in loco qui dicitur de Curatio, ad honorem Virginis dedicatum, quod quidam filius noster Rogerius de Marturano construxit, et sanctæ Romanæ Ecclesiæ obtulit, ad exemplar antecessorum nostrorum fel. record. Alexandri II, Gregorii VII, Urbani II, Paschalis II, Calixti II, sanctæ apostolicæ sedis auctoritate protegimus, et indulgentiæ privilegio communimus. Eapropter cupientes indulgentiis et gratis spiritualibus ditari, et pro Virginis honoribus frequentari, omnibus et singulis vere pœnitentibus, et confessis, qui eum locum in festivitibus ipsius Virginis gloriosæ, videlicet Nativitatis, Purificationis, Annuntiationis, et Assumptionis ejusdem, et Innocentium visitaverit reverenter, et in reparatione ecclesiæ ipsius eleemosynam tribuerint, manusque porrexerint adjuvantes, de omnipotentis Dei misericordia, et beatorum apostolorum ejus Petri et Pauli auctoritate confisi, centum et quinquaginta annos de injunctis sibi pœnitentiis, et etiam per octavas præ-

dicarum festivitatum misericorditer in Domino relaxamus.

Dat. apud S. Mariam de Curatio per manus Aimerici S. R. E. diac. cardinalis et cancellarii, Idib. Septemb. ind. iii Inc. Dominicæ anno millesimo centesimo tricesimo, pontificatus nostri anno septimo (22).

## XCIV.

*Privilegium pro monasterio S. Mariæ Amelunxbornensis.*

(Anno 1129, Dec. 5.)

[LEUKFELD, *Antiquit. Michaelsteinenses et Amelunxbornenses*, Wolffbüttel 1710, 4<sup>o</sup>, p. 21.]

Honorius episcopus, servus servorum Dei, dilecto filio.... abbati monasterii S. Mariæ in Amelunxgeborno diocesis Hildesheimensis, ejusque successoribus regulariter substituendis in perpetuum.

Pium desiderium, quod ad ampliandæ religionis propositum pertinere monstratur, Deo auctore, sine ulla dilatione est complendum. Ideo, dilecte in Domino fili abbas, tuis justis et rationabilibus postulationibus æquum et gratum præbentes assensum, monasterium cui, Deo auctore, præesse dignosceris, sub B. Petri et nostram protectionem suscipimus, et præsentis scripti privilegio communimus, Sciens ut in eo ordo monasticus, secundum regulam S. Benedicti et reformationem Cisterciensem inibi institutus, perpetuis futuris temporibus inviolabiliter observetur. Statuentes insuper ut quascunque possessiones, et quæcunque bona idem monasterium in præsentiarum juste et rationabiliter possidet, aut in futurum concessione pontificum, largitione regum, vel principum, aut oblatione aliorum fidelium, seu aliis justis modis, præstante Domino, poterit adipisci, firma, quieta et integra, tibi tuisque successoribus maneat, semper salva tamen diocesanæ episcopi canonica justitia et debita reverentia. Obeunte vero te, nunc ejusdem loci abbate, seu tuorum quolibet successorum, nullus ibi qualibet subreptionis astutia vel violentia præponatur, nisi quem fratres communi consensu, seu tamen pars fratrum consilii sanioris, aut de suo seu de alieno, si necessitas postulet, collegio, secundum Dei timorem, et ordinis vestri rigorem, providerint eligendum. Et sicut personæ tuæ specialiter mitram, dalmaticam, san-dalia et annulum portare concedimus, ita omnibus successoribus tuis regulariter electis in omnibus sanctorum solemnitatibus atque in festivis processionibus a synodis, eadem auctoritate apostolica permittimus et confirmamus in perpetuum. Decernimus ergo ut nulli omnino hominum, seu parvæ vel magnæ existimationis vel auctoritatis fuerit, liceat præfatum monasterium temere perturbare, seu ejus possessiones auferre, vel ablatas retinere, minuere, aut aliis temerariis vexationibus fatigare, sed omnia integra, firma, et inconcussa serventur eorum, pro quorum sustentatione et gubernatione concessa sunt usibus omni modo profutura. Si qua igitur in posterum ecclesiastica sæcularive persona hanc nostræ constitutionis paginam sciens temere contra eam venire tentaverit, secundo tertiove commonita, nisi reatum suum congrua satisfactione emendaverit, potestatis honorisque sui dignitate careat, reamque se divino judicio de perpetrata iniquitate existere cognoscat, et a sacratissimo corpore ac sanguine Dei et Domini nostri Jesu Christi aliena fiat, atque in extremo judicio districtæ ultioni subiaceat. Omnibus vero eidem sancto loco jura sua servantibus, sit pax Domini nostri Jesu Christi, quatenus et hic fructum bonæ actionis percipiant, et apud districtum judicem præmia æternæ pacis inveniant. Amen.

Dat. Laterani, Non. Decembris, indict. xiii, anno Incarnationis Dominicæ 1129, pontificatus vero domini Honorii II papæ, anno quinto.

## XCV.

*Privilegium pro ecclesia S. Martini Turonensis.*

(Anno 1129, Dec. 19.)

[*Défense de l'église de Saint-Martin de Tours*, pièces justif., p. 14]

Honorius episcopus, servus servorum Dei, dilectis in Christo filiis Beati Martini Turonensis ecclesiæ canonicis tam præsentibus quam futuris in perpetuum instituendis.

Apostolicæ sedis speculi disponente Domino constituti, ex injuncto nobis officio universas Dei ecclesias debemus diligere et honorare, illas tamen præcipue, quæ specialiter ad jus et proprietatem Sanctæ Romanæ spectant Ecclesiæ. Ideo, dilecti in Domino filii, vestris rationabilibus postulationibus assensum præbentes Ecclesiam beati Martini Turonensis quæ proprio juris beati Petri est, et specialius Sanctæ Romanæ adhæret Ecclesiæ, protectione sedis apostolicæ communimus, et scripti nostri pagina roboramus, statuentes ut quæcunque bona, quascunque possessiones eadem Ecclesia in præsentiarum juste et legitime possidet, firma vobis et illibata permaneant, in quibus hæc propriis nominibus duximus adnotanda: burgum videlicet Sancti Petri Puellaris cum pertinentiis suis a dilecto filio nostro Lodoico illustri Francorum rege vobis concessum; ecclesiam Sancti Pauli Cormariacensis, ecclesiam Sanctæ Mariæ de Bellomonte, ecclesiam Sancti Cosmæ cum appendiciis earum, libertatem etiam et immunitatem, honores et beneficia eidem Ecclesiæ vestræ beati Martini per antecessorum nostrorum Adeodati, Leonis, Adriani, Sergii, Gregorii, Paschalis et Calixti Romanorum pontificum, vel per Turonensium archiepiscoporum Crotberti, Ibonis et Airardi scripta, sive per regnum præcepta collata. Quæcunque præterea in futurum largiente Deo, concessione pontificum, liberalitate regum, largitione principum, oblatione fidelium seu aliis justis modis

poteritis adipisci, integra vobis et inviolata serventur. Sane claustrum vestrum usque ad muri cuneos liberum quietumque permaneat, sicut hactenus cognoscitur permansisse: presbyteri quoque infra Ecclesiæ ambitum in cellulis, in oratoriis vestris, in Ecclesia Sancti Venantii et in ecclesia Sancti Petri quæ de Cardoneto dicitur, commorantes in ea, qua præteritis temporibus mansisse noscuntur, libertate consistent, nulli omnino hominum liceat prædictam beati Martini Ecclesiam temere perturbare, aut ejus possessiones auferre, vel ablatas retinere, minuere, vel temerariis vexationibus fatigare, sed omnia cum integritate serventur, eorum pro quorum sustentatione et gubernatione concessa sunt, usibus omnimodis profutura. Chrisma, oleum sanctum, ordinationes canonicorum qui ad sacros fuerint ordines promovendi, a Turonensi accipientis archiepiscopo, si quidem gratiam atque communionem sedis apostolicæ habuerit, et sic ea gratis ac sine pravitate voluerit exhibere; alioquin liceat vobis catholicum quem malueritis adire antistitem, et eadem ab eo sacramenta suscipere. Porro canonicus vester, si ecclesiarum archiepiscopi canonicus fuerit, beneficio refutato, excommunicandi eum archiepiscopus non habeat facultatem. Si quis igitur in posterum ecclesiastica sæcularive persona hanc nostræ constitutionis paginam sciens, contra eam temere venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino judicio existere de perpetrata iniquitate cognoscat, et a sacratissimo corpore ac sanguine Dei et Domini Redemptoris nostri Jesu Christi aliena fiat, atque in extremo examine districtæ ultionis subjaceat. Cunctis autem eidem ecclesiæ justa servantibus sit pax Domini nostri Jesu Christi, quatenus et hic fructum bonæ actionis percipiant, et apud districtum judicem præmia æternæ pacis inveniant. Amen, amen, amen.

OCULI DOMINI SUPER JUSTOS.

Ego Honorius catholicæ Ecclesiæ episcopus.

Datum Laterani per manum Aimerici sanctæ Romanæ Ecclesiæ diaconi cardinalis et cancellarii, xiv Kalend. Januarii, indictione vii, Incarnationis Dominicæ 1129, pontificatus autem domni Honorii secundi papæ anno quinto.

XCVI.

Ad P[elagium] archiepiscopum Bracarensem. — Proxima Dominica, qua legitur: « Ego sum pastor bonus » ad sese venire jubet.

(Anno 1129.)

[Florez, *España sagrada*, XX, 492.]

Honorius episcopus, servus servorum Dei, venerabili fratri P. Bracarensi archiepiscopo, salutem et apostolicam benedictionem.

Placuit Romano pontifici Compostellanam Ecclesiam honorare, et venerabili fratri nostro Didaco archiepiscopo Emeritanæ metropoli suffraganeo concedere: verum defuncto Colimbriensi episcopo

A G., præfatæ metropolis suffraganeo, episcopum in eadem Ecclesia, posthabita sedis apost. reverentia, tua fraternitas, prout accepimus, consecrare præsumpsit; et quia injuriam venerabili fratri nostro Didaco Comp. archiep. super hoc irrogatam, et contemptum S. R. E. indiscusse præterire non possumus, fraternitati tuæ mandando præcipimus, quatenus proxima Dominica qua legitur *Ego sum pastor bonus*, de tantis excessibus ad nostram præsentiam venias respondere paratus.

XCVII.

Didaco, archiepiscopo Compostellano, gratias agit quod ipsum et S. Romanam Ecclesiam visitaverit, etc.

(Anno 1129.)

[Florez, *ibid.*, p. 491.]

B Honorius episcopus, servus servorum Dei, venerabili fratri Didaco Compostellano archiepiscopo, salutem et apostolicam benedictionem.

Super eo quod nos et sanctam matrem tuam Romanam Ecclesiam visitasti, fraternitati tuæ grates referimus: nuntios autem tuos ad nos directos benigne recepimus, et quod in tuis continebatur litteris diligenter attendimus. Verum nos dilectum filium nostrum Hu. [Humbertus sive Hubertus] cardinalem presbyterum de latere nostro ad partes Hispaniæ missum destinavimus, et ei vices nostras commisimus. Tua ergo fraternitas illum benigne recipiat, honeste pertractet, et in negotiis ecclesiasticis ad honorem Dei et B. Petri ei diligenter assistat. Cæterum cum ad nos Domino præstante redierit, super his quæ dilectus noster filius rex A. et nuntii tui pro te postularunt, consilium habebimus. Bracarensi autem archiepiscopo, ut de presumptione quam in consecratione Colimbriensis episcopi commisit, proxima Dominica quæ legitur: *Ego sum pastor bonus*, ad nostram præsentiam veniat responsurus, per scripta nostra mandavimus.

XCVIII.

A[defonso] Hispaniarum rege commendat legatum suum, Hubertum presbyterum cardinalem.

(Anno 1129.)

[Florez, *ibid.*, p. 491.]

D Honorius episcopus, servus servorum Dei, dilectum in Christo filio A., illustri Hispaniarum regi, salutem et apostolicam benedictionem.

Quanto affectu quantaque devotione avus tuus illustris memoriæ rex A. B. Petrum, et S. R. Ecclesiam dilexerit, interroga seniores tuos, et dicent tibi, quod ob hoc victoria sibi a cælesti numine præstita Saracenos Christiani nominis inimicos sæpe præliando devicit. Quod autem ipsius inherendo vestigiis Ecclesiæ et ecclesiasticas personas veneraris et diligis, gratulamur, et ut de bono in melius proventum percipias, divinæ clementiæ supplicamus. Hubertum cardinalem presbyterum de latere nostro ad partes Hispaniæ delegavimus, et ei vices nostras commisimus: tua ergo nobilitas pro reverentia S. Petri et nostra, benigne recipiat, ut regiæ potestatis

fretus auxilio enormitates regni tui sancti Spiritus A gratia cooperante corrigit, et quæ bene sunt statuta confirmet. Verum cum ad nos (præstante gratia) redierit, super eo quod pro fratre nostro Didaco Compostellano archiepiscopo postulasti, liberius poterimus habere consilium. Pro charitate autem tua præfato legato nostro mandamus, ut Mauriensi archidiacono pro quo rogasti justitiam faciat.

## XCIX.

*Ad Norbertum archiepiscopum Magdeburgensem. — Confirmat substitutionem Præmonstralsium clericis minus religiose viventibus.*

(Anno 1129.)

[Hugo, *Annal. sacri ord. Præmonst.* tom. II, c. 109.]

HONORIUS episcopus, servus servorum Dei, venerabili fratri NORBERTO Magdeburgensi archiepiscopo, salutem et apostolicam benedictionem.

Quæ a fratribus nostris juste et rationabiliter statuta esse cognoscimus, animo libenti auctoritate apostolica confirmamus. Quemadmodum autem ex scriptorum tuorum, quæ ad nos tua direxerit fraternitas, inspectione, et nuntiorum tuorum relatione perceperimus, clericorum, qui in ecclesia Sanctæ Mariæ Magdeburgo minus religiose vivebant, et ob hoc etiam bona ipsius ecclesiæ fuerant imminuta, in locis aliis, necessitatibus suis tanquam pius patet providens posuisti, et in eadem Ecclesia beatæ Mariæ religiosos viros canonicam vitam professos statuisti; quod quia a prudentia tua zelo Dei in religionis intuitu juste factum esse dignoscitur, ratum jubemus.

Datum Laterani, anno 1129.

## C.

*Ad Conradum Salzburgensem archiepiscopum.*

(Anno 1129.)

[MEICHELBECK, *Hist Frising.* t. I, 1, 309.]

HONORIUS episcopus, servus servorum Dei, venerabili fratri CONRADO Salzburgensi archiepiscopo, salutem et apostolicam benedictionem.

Frisi gensis Ecclesia, et Henricus episcopus per litteras et nuntios suos in præsentia nostra adversum te graviter questi sunt, quod videlicet ordinationes ab eo post adeptam gratiam prædecessoris nostri felicitis memoriæ papæ Calixti et Romanæ Ecclesiæ factas, evacuare contendis: altaria etiam, quæ ab ipso sunt consecrata, subvertis, et de parochia sua, non sicut metropolitanus, sed tanquam proprius episcopus judicas et disponis. Nos autem nec sua, nec alterius alicujus peccata, sicut nec debemus ultatenus defendere volumus. Verum si Frisingensem Ecclesiam de prædicta persona, prout zelo justitiæ agere videris, desideras liberari, rationabile est ut in causa ista canonice procedas. Non enim et eam audire, et præstante Domino definire parati sumus. Interim vero ab omni infestatione tam personæ quam parochiæ suæ abstineas.

## CI.

*Monasterii S. Petri (in Nigra Silva) protectionem suscipit et privilegia confirmat.*

(Iutra 1125-1130.)

[SCHANNAT, *Vindiciæ litter.*, I, 1, 162.]

HONORIUS episcopus, servus servorum Dei, dilecto in Christo filio EPPONO abbati monasterii, quod in Nigra Silva, in loco qui cella Sancti Petri dicitur, situm est, ejusque successoribus regulariter substituendis in perpetuum.

Incomprehensibilis et ineffabilis divina miseratio nos hac providentiæ ratione in apostolicæ sedis administratione constituit, ut paternam de omnibus ecclesiis gerere sollicitudinem studeamus, si quidem hæc Romana Ecclesia, quæ a Domino sibi concessum omnium ecclesiarum retinet principatum, tanquam diligens mater singulis debet Ecclesiis instanti vigilantia providere, ad ipsam enim quasi ad caput et matrem ab omnibus concurrentum, ut ejus uberibus nutriantur, et ab oppressionibus releventur; condecet ergo ut ecclesias et alia venerabilia loca, maxime quæ ad speciale jus et ad singularem proprietatem Sanctæ Romanæ Ecclesiæ, cui auctore Domino servimus, spectant, specialioris prærogativæ sortiantur honorem, et apostolicæ auctoritatis communimine roborentur. Quia igitur egregie nobilitatis vir Berchtoldus dux in comitatu Brisaquensi, in Constantiensi episcopatu, in Silva quam dicunt Nigram, ad honorem B. Petri apostolorum principis, monasterium ædificavit, ipsumque alodium Romanæ Ecclesiæ juri mancipavit, nos ejus devotionem apostolica auctoritate firmantes, et tuis, dilecte filii Eppo abbas, postulationibus annuentes, ad exemplar Domini prædecessoris nostri felicitis memoriæ Urbani II papæ, ipsum locum sub apostolicæ sedis tutela specialiter fovendum suscipimus, et præsentis iterum privilegii pagina, apostolica auctoritate statuimus, ut quæcunque prædia sive possessiones præfatus dux Berchtoldus cum sua uxore Agnete, et filiis tradiderit, et alii viri ex suo jure nostro monasterio obtulerint, sive in futurum concessione pontificum, liberalitate principum, seu oblatione fidelium juste et canonice poteritis adipisci, firma vobis et illibata permaneant; decernimus ergo ut nulli hominum liceat idem monasterium temere perturbare, et ei subditas possessiones auferre, minuere, aliquibus temerariis fatigare vexationibus, sed omnia integra conserventur, eorum pro quorum sustentatione et gubernatione concessa sunt usibus omnimodis profutura. Porro.

Sumptibus et laboribus excoluntur vel nutriuntur, quietas et illibatas vobis manere censemus, nec vos super hoc aut ab episcopo ejusdem diocesis aut ejus ministris inquietari permittimus; sepulture ipsius cœnobii omnino liberam sancimus, ut eorum qui illic sepeliri deliberaverint, devotioni et extremæ voluntati nisi forte excommunicati sint nullus obstat; ordinationes monachorum, consecrationem

altarium sive basilicarum ab episcopo in cujus diœcesi estis, accipiatis, siquidem gratiam atque communionem sedis apostolicæ habuerit ac sine pravitate postulata voluerit exhibere, alioquin liceat vobis catholicum quem malueritis adire antistitem et ab eo sacramenta suscipere, qui apostolicæ sedis fultus auctoritate indulgeat. Obeunte te, nunc ejusdem loci abbate, vel tuorum quolibet successorum, nullus ibi qualibet subreptionis astutia seu violentia præponatur, nisi quem fratres communi consensu vel fratrum pars consilii sanioris, secundum Dei timorem regulariter providerint eligendum. Advocatus quem vestris juribus decreveritis nullam in monasterio vestro aliquid disponendi habeat potestatem. . . . .

## CII.

*Ecclesiæ Hadmerslebensis possessiones confirmat.*  
(Intra 1124-1130.)

[LEUCKFELD, *Antiquit. Katalenburgenses*. Loipsig u. Wolfenbüttel 1713, 4<sup>o</sup>, p. 83.]

HONORIUS episcopus, servus servorum Dei, dilecto in Christo filio THIERMARE Hamerslenensis Ecclesiæ præposito ejusque successoribus regulariter substituendis in perpetuum.

Habitanes in domo Domini in sinceritate charitatis unanimes conservant unitatem Spiritus in vinculo pacis, puræ namque mentis clementissimis Creatoris, ut terrena cœlestibus jungantur, et una supernis sociantur, mundis orationibus incessanter profusis inclinati; sic enim humani compaginem corporis spiritus interior regit atque revivificat, ita religiosæ mentis vegetatio et salvus existit moderatrix inspirationis divinæ benignitas (22). Quia ergo te; dilecte in Domino filii Thietmare præposite, divinis mancipatum obsequiis vivere religiose accepimus, tuis rationabilibus postulationibus duximus annuendum. Loca igitur vestra, claustrum videlicet Hamerslevense, claustrum S. Joannis Baptistæ in Halbersladi, claustrum S. Laurentii in Sceninge, claustrum Cöldenburnen, claustrum Richenberg, claustrum S. Georgii in Berk, claustrum Becigeroth, claustrum Ammensleve, necnon personas fratrum Deo ibidem famulantium cum bonis et possessionibus quæ in præsentiarum juste et legitime possidetis, sive in futurum largiente Domino justis modis poteritis adipisci, tutela et protectione sedis apostolicæ communitus, statuentes ut religiosus ordo secundum Deum et sanctos apostolos, et beati Augustini regulam in eisdem claustris institutus, et sacræ institutionis a vobis ad religionis observantiam stabilitæ, futuris perpetuo temporibus inviolabiliter observentur: scilicet ut unusquisque fratrum aut canonicæ prælati, aut regulariter subiectus in locis prædictis religiose vivat, nullus episcopus, sive alia ecclesiastica sæcularive persona personas vestras vel claustra exactione, aliqua violentia aut strepitu violare præsumat, sed ut liberius et absque omni inquietudine divino vacare famu-

(22) Deest aliquid.

latu valeatis, vos et bona vestra sub protectione sedis apostolicæ recepta, in libertate debita persistatis. Facultas præterea vobis sit sæculares clericos undecunque venientes, si excommunicati non fuerint, et petita a propriis prælatis licentia, vobiscum Deo famulari decreverint, in vestra congregatione suscipere. Si quis autem huic nostræ confirmationi ausa temerario contraire præsumperit, nisi digne satisfecerit, tanquam apostolici contemptor præcepti, honoris et officii dignitate privetur.

Ego Honorius catholicæ Ecclesiæ episcopus.

## CIII.

*Ad Bituricensem, Turonensem, Burdegalensem, Auxiensem, et Dolensem archiepiscopos.*

(Intra 1124-1130.)

[MARTENE, *Anecd.*, III, 885.]

Divina disponente clementia nos, licet indigni, in patrum nostrorum Petri et Pauli apostolorum specula constituti, necesse habemus Ecclesiæ filiis paternæ affectionis studio imminere. Ideo de omnibus, quantum possumus, piam cum Deo sollicitudinem gerimus, et quibus vel propter nimiam terrarum marisve distantiam, vel propter emergentia Ecclesiæ Romanæ diversa negotia, nostram offerre præsentiam non valemus, eos missis legatis sedis apostolicæ visitamus. Eapropter dilectum fratrem nostrum G. [Gerardum] Engolismensem episcopum, quem tanquam providum et sapientem virum Domini et prædecessores nostri sanctæ memoriæ Paschalis et Calixtus pontifices et nos ipsi veneratione habendum censuimus, pro quo universitatem vestram rogantes monemus atque præcipimus, ut eum reverenter suscipiatis, eique utpote legato nostro et apostolicæ sedis vicario humiliter obedire curetis, etc.

## CIV.

*Privilegium pro Ecclesia Meldensi.*

(Intra 1124-1130.)

[DU PLESSIS, *Hist. de l'Eglise de Meaux*, tom. III, p. 24, ex tabulario Ecclesiæ Meldensis.]

HONORIUS episcopus, servus servorum Dei, venerabili fratri BURNARDO Meldensi episcopo, ejusque successoribus canonice promovendis in perpetuum, etc.

. . . Statuimus ut omnes tam clerici quam laici in villa Resbacensi et Jotrensi commorantes, Meldensi Ecclesiæ jure parochiali subjaceant, et ex quæ de eis ad jus parochiale pertinent, tibi tuisque successoribus libera et illibata serventur. Decernimus etiam ut abbas Resbacensis et Jotrensis abbatissa canonicam tibi, tuisque successoribus obedientiam persolvant. Benedictio quoque eorum sicut per tuos antecessores hactenus celebrata constitit, sic per te, tuosque successores, deinceps exhibeatur. Promotiones etiam monachorum ad ecclesiasticos ordines per Meldensem administrantur episcopum, si videlicet gratis eas et sine pravitate voluerit exhibere, etc. . . . .

## CV.

*Privilegium pro monasterio S. Georgii Pruefeningensis.*

(Intra 1125-1130, Jan. 21.)

[*Monum. Boica*, tom. XIII, p. 146.]

HONORIUS episcopus, servus servorum Dei, dilecto in Christo filio HERB. abbati monasterii Sancti Georgii Pruefeningensis, quod situm est inter Ratisponam et Danubium, ejusque successoribus regulariter substituendis in perpetuum.

Apostolici moderaminis clementiæ convenit religiosas personas diligere, et earum loca apostolicæ protectionis munimine defensare. Ideoque, dilecte in Domino fili Herb. abbas monasterii Sancti Georgii Pruefeningensis interventu venerabilis fratris nostri Ottonis Babebergensis episcopi, tuis rationabilibus postulationibus annuentes, idem monasterium Sancti Georgii cui auctore Deo præses in tutelam beati Petri, nostramque protectionem suscipimus, et præsentis scripti nostri pagina commuimus. Bona igitur et possessiones, quas præfatum monasterium Sancti Georgii in præsentiarum juste et legitime possidet, sive in futurum largiente Domino liberalitate regum, largitione principum, oblatione fidelium, seu aliis justis modis poterit adipisci, firma vobis vestrisque successoribus regulariter substituendis, et illibata permaneant. Præterea decimam vobis a prænominato fratre nostro Ottone Babebergensi episcopo concessam, quam ab Arthuico (23) Ratisponensi episcopo per gratum concambium obtinuisse cognoscitur, confirmamus. Statuimus etiam ut religiosus ordo secundum beati Benedicti regulam in cœnobio vestro constitutus futuris perpetuo temporibus inviolabiliter obærvetur. Obeunte vero te nunc ejus loci abbate nullus ibi qualibet subreptionis astutia, seu violentia præponatur, sed quem fratres communi consensu vel fratrum pars consilii sanioris, secundum Dei timorem et beati Benedicti regulam providerint eligendum. De laboribus siquidem vestris qui propriis sumptibus excoluntur, et de hortis et pomeriis, decimas a vobis exigere nemo præsumat. Et ne aliquis occasione advocatiæ monasterio vestro exactiones facere, bona vestra dare, vendere, aut inbeneficiare attentet, omnimodis prohibemus. Decernimus ergo ut nulli omnino hominum liceat idem monasterium temere perturbare, aut ejus possessiones auferre, vel ablatas retinere, minuire, vel temerariis vexationibus fatigare, sed omnia integra serventur eorum pro quorum sustentatione et gubernatione concessa sunt usibus omnimodis profutura, salva diocesanæ episcopi reverentia. Si qua igitur in futurum ecclesiastica sæcularive persona, hanc nostræ constitutionis paginam sciens, contra eam temere venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino iudicio existere de perpetrata iniquitate cognoscat, et a

(23) Vide Laurent Hochwart in Catalogo Ratispon. Boic. t. I, p. 186, 6.

A sacratissimo corpore ac sanguine Dei et Domini Redemptoris nostri Jesu Christi aliena fiat, atque in extremo examine districtæ ultioni subjaceat. Cunctis autem eidem loco justa servantibus sit pax Domini nostri Jesu Christi, quatenus et hic fructum bonæ actionis percipiant, et apud districtum iudicem, præmia æternæ pacis inveniant. Amen, amen, amen.

† Ego Honorius catholicæ Ecclesiæ episcopus,  
Data Laterani XII Kal. Februarii.

## CVI.

*Privilegium pro ecclesia Sanctæ Margaretæ Baumburgensis.*

(Intra 1125-1130, Jan. 27.)

[*Monum. Boica*, tom. II, p. 180.]

B HONORIUS episcopus, servus servorum Dei, dilecto filio GODISCALCO præposito ecclesiæ Sanctæ Margaretæ de Baumburg, ejusque successoribus canonicè substituendis in perpetuum.

Quoties illud a nobis petitur, quod rationi convenire cognoscitur, animos decet libenti concedere, et petentium desideriis congruum impertiri suffragium. Proinde, dilecte in Domino fili Godiscalce præposite, ecclesiam Beatæ Margaretæ de Baumburg, cui Deo auctore præesse dignosceris, sub beati Petri tutelam et apostolicæ sedis protectionem suscipimus, et scripti nostri pagina roboramus. Statuimus etenim ut quod a comite Bercngario vestræ prædictæ Ecclesiæ devotionis intuitu collatum est, et quascunque possessiones, quæcunque bona in præsentiarum juste et legitime possidet, firma tibi, tuisque successoribus et illibata permaneant. In quibus hæc propriis nominibus diximus exprimenda, videlicet: Megilingen, cum pertinentiis suis, Perhenmos, Handburt cum molendino et curte una; Hoffstet cum curte una. Quæcunque præterea in futurum concessione pontificum, liberalitate regum, largitione principum, oblatione fidelium, seu aliis justis modis poteritis adipisci, quieti vobis, vestrisque successoribus et integra conserventur, salva diocesanæ episcopi justitia et reverentia. Decernimus ergo ut nulli omnino hominum liceat eandem ecclesiam temere perturbare, aut ejus possessiones auferre, vel ablatas retinere, minuire, vel temerariis vexationibus fatigare, sed omnia integra conserventur, eorum pro quorum sustentatione et gubernatione concessa sunt usibus omnimodis profutura. Ad indicium autem hujus ab apostolica sede perceptæ tuitionis aureum unum quotannis Lateranensi palatio persolveris. Obeunte vero te nunc ejusdem loci præposito, vel quorumlibet tuorum successorum, nullus ibi qualibet subreptionis astutia, seu violentia præponatur, nisi quem fratres communi consensu aut pars fratrum consilii sanioris secundum Dei timorem canonice providerint eligendum. Sane post professionem exhibitam nemini vestrum liceat proprium habere, nec sine præpositi vel con-

episcop. lib. II, cap. 22, apud Oefele *Script. Rer.*

gregationis licentia de claustro discedere. Decimas vero novellium vestrorum vobis vestrisque successoribus habendas remota episcopaliu ministrorum contradictione concedimus, ut quiete in eo, quod assumpsistis, proposito largiente Deo in perpetuum maneatis. Si qua vero in posterum ecclesiastica sæcularive persona hanc constitutionis nostræ paginam sciens contra eam temere venire tentaverit, secundo tertiove comonita, et si non satisfactione congrua emendaverit, potestatis honorisque sui dignitate careat, reamque se divino iudicio existere de perpetrata iniquitate cognoscat, et a sacratissimo corpore et sanguine Dei et Domini Redemptoris nostri Jesu Christi aliena fiat, atque in extremo examine districtæ ultioni subjaceat. Cunctis autem eidem loco justa servantibus sit pax Domini nostri Jesu Christi, quatenus et hic fructum bonæ actionis percipiant, et apud districtum iudicem præmia æternæ pacis inveniant. Amen.

Ego Honorius catholicæ Ecclesiæ episcopus.

Datum Laterani vi Kal. Februarii.

CVII.

*Confirmatio foundationis ecclesiæ Denckendorffensis.*

(Intra 1125-1130, Jan. 27.)

[*Suevia ecclesiastica*, pag. 260.]

HONORIUS episcopus, servus servorum Dei, dilectis filiis suis CONRADO præposito ejusque fratribus in ecclesia Sancti Sepulcri de Denckendorff sita, canonicam vitam professis, tam præsentibus quam futuris in perpetuum.

Injuncti officii nostri hortatur auctoritas pro ecclesiarum statu satagere, et earum quieti et utilitati salubriter auxiliante Domino providere, dignum namque et honestum conveniens esse cognoscitur, ut qui ad Ecclesiarum regimen assumpti sumus, eas et a pravorum hominum nequitia tueamur, et beati Petri atque sedis apostolicæ patrocinio muniamus. Proinde, dilecte in Domino fili Conrade præposite, tuis rationabilibus postulationibus annuentes ecclesiam Sancti Sepulcri de Denckendorff cum bonis suis ab illustrissimo viro Bertholdo comite pro animæ suæ remedio, glorioso Jerosolymitano sepulcro Domini oblata, cui Deo auctore præesse cognosceris, in beati Petri tutela nostraque protectione suscipimus, et scripti nostri pagina communimus, statuentes ut quascunque possessiones, quæcunque bona eadem ecclesia in præsentiarum juste et legitime possidet, sive in futurum concessione pontificum, liberalitate regum, largitione principum et oblatione fidelium, seu aliis justis modis poterit adipisci, firma vobis vestrisque successoribus, et illibata permaneant, salva diocæsani justitia et reverentia. Obeunte vero te, nunc ejus loci præposito, nullus ibi quilibet subreptionis astutia seu violentia præponatur, sed quem fratres communi assensu vel fratrum pars consilii sanioris, secundum Dei timorem et B. Augustini regulam providerint eligendum. Chrisma, oleum, consecrationes altarium, sive basilicarum, ordinationes clericorum a Constantiensibus

accipietis episcopo, siquidem gratiam et communionem sedis apostolicæ habuerit, et ea gratis vobis et absque pravitate voluerit exhibere, alioquin eadem sacramenta a quocunque malueritis, accipietis episcopo, qui Romanæ Ecclesiæ sit fultus auctoritate. Porro in advocati electione præpositus liberam habeat potestatem cum fratrum suorum consilio, talem eligere quem ad defensionem libertatis monasterii bonum et utilem esse cognoverit, qui non pro terreno commodo, sed pro Dei amore peccatorum venia, nec non æternæ beatitudinis mercede advocatiam ipsam bene habere cupiat et tractare. Ad hæc adjicientes decernimus ut nulli omnino hominum liceat eandem Ecclesiam temere perturbare, aut ejus possessiones auferre, vel ablatas retinere, minuere, vel temerariis vexationibus fatigare; sed omnia integra conserventur, eorum pro quorum sustentatione et gubernatione concessa sunt usibus omnimodis profutura. Si qua igitur in futurum ecclesiastica sæcularive persona hanc nostræ constitutionis paginam sciens, contra eam temere venire tentaverit, secundo tertiove comonita, si non satisfactione congrua emendaverit; potestatis honorisque sui careat dignitate, reamque se divino iudicio existere de perpetrata iniquitate cognoscat, et a sacratissimo corpore ac sanguine Dei et Domini Redemptoris nostri Jesu Christi aliena fiat, atque in extremo examine districtæ ultioni subjaceat. Cunctis autem eidem loco justa servantibus sit pax Domini nostri Jesu Christi, quatenus ei hic fructum bonæ actionis percipiant, et apud districtum iudicem, præmia æternæ pacis inveniant. Amen, amen.

Honorius catholicæ Ecclesiæ episcopus subscripsi.

Datum Laterani, septimo Kal. Februarii.

CVIII.

*Ad canonicos ecclesiæ S. Frigidiani Lucensis*

(intra 1125-1130, Jan. 29.)

[BALUZ. *Miscell.* ed. Luc. IV, 538.]

HONORIUS episcopus, servus servorum Dei, dilectis in Christo filiis ecclesiæ S. Frigidiani canonicis, salutem et apostolicam benedictionem.

Veniens ad nostram præsentiam clarissimus filius noster A. prior vester multis visibus, et magna precum instantia laboravit, ut eum et fratres suos a sollicitudine Lateranensis Ecclesiæ solveremus. Nos autem gravi ejusdem Ecclesiæ necessitate commoti, non solum eos solvere ab onere isto nolimus, verum et priorem ipsum invitum et recitentem nobiscum aliquantulum morari coegimus, ut per ejus industriam eidem provideamus ecclesiæ. Mandamus igitur vobis atque præcipimus, ut in Dei, sicut cœpistis, servitio persistatis, et si quem vestrum prædictus prior ad hoc vocaverit, ut Lateranensi canonice præferatur, nullus vestrum resistat. Imo cuicumque hoc injunctum ab eo fuerit, sive de his qui vobiscum sunt, seu de aliis, qui in vestris obedientiis commorantur, omni contradictione remota, obedientiam



istam ad honorem Dei, et præfatæ Ecclesiæ utilita-  
tem suscipiat.

Datum Laterani iv Kal. Februarii.

CIX.

*Ad eosdem.*

(Intra 1125-1130, Febr. 5.)

[*Ibid.*]

HONORIUS episcopus, servus servorum Dei, dilectis filiis A. priori S. Frigidiani, et ejus fratribus, salutem et apostolicam benedictionem.

Quod bonarum intentionum vestrarum puritas et religionis fortitudo Deo et hominibus beneplacens splendere non desinit, gratum nobis esse noveritis; desideramus enim ut de virtute in virtutem fraternæ vestræ charitatis provehatur dilectio, ut de fructu bonorum operum mercedem valeatis accipere, et exemplo bonæ vitæ alios etiam imitatores vestigiorum vestrorum possitis efficere. Obsecramus autem vos in Domino Jesu Christo, ut nos protius Ecclesiæ cura et sollicitudine laborantes vestris orationibus adjuvetis.

Datum Lateran. Nonis Februar., etc.

CX.

*Heinrici quondam imperatoris de jurejurando a clericis non dando legem, die 3 mensis Aprilis Arimini datam, confirmat.*

(Intra 1125-1130.)

[MANSI, *Concil.*, XXII, 362.]

Inherentes vestigiis prædecessorum nostrorum, dicentium graviores per summum pontificem terminari debere quæstiones, nostrorum fratrum consilio diligenter inquisito, hujus causæ spaciem irrefragabiliter Deo opitulante terminantes decidimus. Legibus itaque cautum esse comperimus, ut nullus clericus jurare præsumat: alibi vero reperitur scriptum, ut omnes principales personæ in primo litis exordio jusjurandum de calumnia subeant. Nonnullis legisperitis et aliis sapientibus venit in dubium utrum clericus jusjurandum præstare debeat, an alii personæ liceat hoc officium delegare. Quia [Cum] enim illud constitutionis edictum, ut clerici jurare prohibeantur, a Marco [Marciano] Augusto Constantino præfecto prætorio de Constantinopolitanis clericis constitutum promulgatum fuisset, idcirco ad alios pertinere non creditur. Ut ergo dubietas ista penitus auferatur ab omnibus, secundum decisionem etiam filii nostri H. quondam imperatoris [al., ab omnibus] decisionem quondam clerici filii nostri H. imp., anno sui imperii, ut accepimus, factam tertio: nos ejus, inquam, interpretationem corroboramus, et D. Marci [f., Mariani] constitutionem ita interpretari debere decernimus, ut ad omnium ecclesiarum clericos generaliter pertinere judicetur. Nam cum imperator Justinianus decreverit ut canones Patrum vim legum habere oporteat, et in nonnullis canonibus reperitur, ut jurare clerici omnino non audeant: dignum est ut totus clericalis ordo a præstando juramento immunis esse procul dubio censeatur. Præterea statuti principalis [prim-

cipis] tenor penes nos talis esse dignoscitur: « Nos itaque utriusque legis divinæ et humanæ intentioni servata decernimus, et imperiali auctoritate irrefragabiliter [irretractabiliter] diffinimus, ut non episcopus, non presbyter, non cujuslibet ordinis clericus, non abbas, non monachus, non sanctimonialis, in quacunque causa vel controversia, sive criminali, sive civili, jusjurandum compellatur qualibet ratione subire: sed aliis defensoribus idoneis, si expedire ecclesiæ suæ noverint, hujusmodi officium liceat delegare: verum cum hac moderatione, ut episcopus inconsulto Romano pontifice, vel quilibet clericus inconsulto prælato suo, minime jurare audeat. » Omnibus autem episcopis, ac generaliter cunctis sacerdotibus, ac universo clero, ita custodiri debere mandamus, ut si quis in hanc constitutionem commiserit, veniam sibi deinceps noverit denegari, Non sumentes exemplum sive formam a nobis, quod aliter in causa fratrum et coepiscoporum nostrorum Areanæ et Senonensis Ecclesiæ nuper fecimus, quoniam eorum voluntati et postulationi annuimus.

CXI.

*Confirmatio fundationis Beyronensis canonicæ, item benedictionis abbatialis et investituræ cum virga pastoralis concessio.*

(Anno 1124, Oct. 10.)

[*Suevia ecclesiastica*, p. 243.]

HONORIUS episcopus, servus servorum Dei, dilectis filiis canonicæ vitæ professoribus in ecclesia cui vocabulum est Buron, quæ consecrata est in honorem beatæ Virginis Mariæ Dei Genitricis inter duos Montes ad ripam Danubii fluminis in territorio Constantiensi, eorumque successoribus canonicæ victuris in perpetuum.

Sicut irrationabilia poscentibus negari debet assensus, sic justa petentibus vobis benigna debemus assensione concurrere. Vestris igitur, filiis charissimi in Christo, justis petitionibus annuentes Ecclesiam beatæ Dei Genitricis et semper virginis Mariæ, quam piæ memoriæ Peregrinus illustris et nobilis in proprio fundo suo constructam B. Petro apostolo ejusque sanctæ Romanæ Ecclesiæ in alodium proprium obtulit, in qua vos, filii charissimi, sub regularis vitæ disciplina Deo militatis, sub apostolicæ sedis protectione specialiter confovendam, tanquam jus proprium suscipimus, et contra pravorum omnium nequitiam ejusdem privilegii auctoritate communitimus. Præsenti itaque decreto statuimus ut quæcunque hodie illa vestra ecclesia juste possidet, sive in futurum concessione pontificum, liberalitate principum, vel oblatione fidelium juste atque canonicè poterit adipisci, firma vobis vestrisque successoribus et illibata sub apostolicæ sedis tutela permaneat. Et quoniam ex relatione nuntiorum vestrorum Ecclesiam vestram vacantem modo cognovimus permanere, decernimus ut nullus ibi qualibet subreptionis astutia vel violentia præponatur, nisi quem conventus vester communi consensu, vel con-

ventus vestri pars sanioris concilii secundum Dei A timorem, vel ex vestra congregatione, vel ex alia ejusdem professionis providerit eligendum, quod et deinceps in Ecclesia vestra erit observandum. Electus vero prælatus vester ab episcopo Constantiensi, si tamen catholicus fuerit, et in gratia apostolicæ sedis exstiterit, cura pastoralis investiatur, sed et si vestræ placuerit fraternitati, idem prælatus vester abbatum ordinatione et virgæ pastoralis gestamine ab episcopo vestro nostra auctoritate insigniatur, a quo etiam chrisma, et sacros ordines, et basilicarum dedicationes, siquidem, ut dictum est, catholicus fuerit, sumetis, sin autem ab alio quolibet ea accipietis, salvo tamen per omnia catholici episcopi vestri jure canonico et reverentia. Cæterorum autem quorumlibet hominum obnoxiate B fraternitatem vestram nostra auctoritate emancipamus, liberam etiam sepulturam, id est, ut eos qui ibi sepeliri deliberaverint, devotioni et extremæ petitioni nullus obsistat, ecclesiæ vestræ concedimus. Ad hæc adjicientes sancimus, ut nemini inter vos professione exhibita proprium quid habere, nec sine prælati vestri totiusque congregationis licentia de claustro vestro discedere liberum sit; quod si quis discesserit, et commonitus redire contempserit, præposito vestro facultas sit, ejusmodi transgressores ubilibet a suis officiis et a communione interdicere, interdictum vero nullus episcoporum, abbatum seu præpositorum suscipiat; obeunte vero quolibet tam cœnobii vestri, quam quorumlibet prædiorum vestrorum advocato, nullus sibi advocatiam tanquam jure hæreditario usurpare præsumat, C nisi quem prælatus vester, consilio fratrum utilem et idoneum perspicuus ad id eligat, electoque advocatiam ipse committat. Electus vero advocatus, si negligens et inutilis in negotiis vestris exstiterit, si commissum sibi officium male tractaverit, et si admonitus non emendaverit, ab injuncto officio petente prælato vestro cessare debet, et alius qui Dei amore et pro animæ suæ redemptione id strenue peragat, illi subrogandus erit. Decernimus ergo ut nulli omnino hominum liceat eandem ecclesiam temere perturbare, aut ejus possessiones auferre, ablatasve retinere, minuere, vel temerariis vexationibus fatigare, sed omnia integre conserventur vestris vestrorumque successorum usibus, et pauperum eleemosynis peregrinorumque receptionibus omninodè profutura. Ad indicium autem perceptæ hujus a Romana sede liberalitatis, bizantium aureum aut ejusdem pretii argenteum quotannis Lateranensi palatio persolvatis. Et ut hæc tuitionis nostræ auctoritas firma in perpetuum permaneat et inconvulsa manuscriptum hoc inde fieri et sigilli nostri impressione fecimus insigniri. Si quis igitur in crastinum archiepiscopus, episcopus, imperator aut rex, dux aut princeps, comes aut vicecomes, judex, advocatus, seu cujuscunque ordinis homo hanc nostri decreti paginam violaverit aut sciens contra eam temere venire tentaverit, potesta-

tis honorisque sui dignitate careat, reumque se divino judicio existere de perpetrata iniquitate cognoscat, et a sanctissimo corpore et sanguine Dei et Domini nostri Redemptoris Jesu Christi aliena fiat, atque in extremo examine districtæ ultioni subjaceat. Cunctis autem eidem loco sua jura servantibus sit pax Domini nostri Jesu Christi, quatenus et hic fructum bonæ actionis percipiant, et apud districtum judicem præmia æternæ pacis inveniant. Amen.

Data Romæ per manum Hymmerici vices agentis cancellarii, anno Dominicæ Incarnationis 1124, vi Idus Octobris, indictione iv, luna ii.

CXII.

*Monasterii Altabensis (superioris) libertatem confirmat.*

(Anno 1126, Mart. 22.)

[*Monumenta Boica*, XII, 98.]

Honorius papa II, servus servorum Dei, cunctis fidelibus, apostolicam benedictionem et salutem.

Privilegium libertatis Altabensis monasterii uti scriptum est, nostra auctoritate confirmamus et sub banno sancti Petri et nostri constringimus ne quisquam eidem loco et bonis ad eum pertinentibus aliquam vim injuste inferat, aut mali aliquid faciat; quod si quis hoc transgressus fuerit, æterno anathemate se damnatum sciat.

In nomine sanctæ et individue Trinitatis, ad comprobandam et declarandam bonorum industriam notum facimus, et memoriæ posteris tradimus, ut universi Ecclesiæ filii præsentis et futuri sciant et recognoscant, qualiter locus superior Altaba nominatus, omnipotentis Dei servitio sit institutus, et Romanæ libertati traditus. Anno ab Incarnatione Domini 1125, indictione viii, iii Idus Decembris, imo anno Lotharii regis Saxonici, Deo annuente, et Lindegero ejusdem loci abbate plurimum annitente, convenerunt ad eundem locum cum plurimis amicis, et nobilibus viris, et inclytibus suis, Fridericus advocatus Ratisbonensis Ecclesiæ, cum consensu contectalis suæ, et Albertus comes de Windeberch cum uxore et filiis admodum parvulis, ad quorum ditionem idem locus hæreditario jure pertinebat. Ergo per Spiritum sanctum admoniti, et compuncti eundem locum cum omnibus appendiciis suis, agris, vineis, silvis, pascuis, cultis et incultis, quæ ipsi aut parentes eorum dederant, aut aliquo consanguinitatis et propinquitatis eorum ditionis jure ad eundem locum pertinebant, vel a militibus suis, vel ab ullo antecessorum eorum, vel a quoquam hominum eo collata sunt, omnino usui suo atque potestati abalienaverunt, et absque omnium hominum retractatione et contradictione, et Deo et sancto Petro dederunt, tradiderunt, condonaverunt, et perpetuo liberum esse decreverunt, nimirum pro animarum suarum et parentum suorum salvatione et absolute. Ne ergo hæc traditio et confirmatio ab ullo hominum, vel ab ipsis, vel a posteris nepotibus suis unquam possit infringi, aut adnullari,

communi consilio decreverunt ut eundem locum A in manu prædicti Adelberti comitis pariter delegarent, scilicet ut ipse Romam iens hanc delegationem supra altare sancti Petri in conspectu apostolicæ sedis episcopi, et Romanorum principum confirmaret et stabiliret, ea videlicet conditione, quatenus singulis annis exinde aureus nummus in testimonium persolvatur, et ne cuiquam hominum, regum, principum, episcoporum, locus ipse cujusquam servitii amplius subiaceat. Cæterum hæc traditio eo tenore facta est, ut monachi ibidem Deo servientes habeant potestatem eligendi abbatem secundum regulam sancti Benedicti, quemcunque velint, aut inter se, aut aliunde, qui tamen electus accipiat baculum de altari. Hæc etiam conditio inter eos facta est de advocacione, videlicet ut Fridericus, qui tunc temporis advocatus erat, si filium genuerit, ipsi et posteri ejus jura advocacionis semper retineant; si autem absque liberis excesserit, jura advocatus ad Adelbertum comitem, et ad posteros ejus pertranseat, et quisquis inter eos natus major fuerit, ipse advocatus consistat; qui tamen advocatus nil aliud juris aut potestatis, quam quod subscriptum est, inibi retinebit. Semel in anno rationationem cum familia habere debet, et non alibi nisi in eodem loco hanc exercere valebit. Si autem loci utilitas poposcerit, ut illo adveniat, hæc ei in servitio suppeditabunt: sex urnæ vini, et una mellis; et viginti urnæ cervisiæ; quatuor modii frumenti, et totidem porci, et duodecim modii avenæ; ita tamen, ut si ibi rationem habeat, hæc

ei omnia dentur; nec alicubi alio deferantur, nec habeat potestatem hæc cuiquam in beneficium dare, aut præstare. Qui tamen advocatus si fratribus gravis et monasterio inutilis fuerit, amoto eo, alius substituitur.

Harum rerum omnium testes per aurem attracti sunt: Fridericus advocatus, duo filii Adelberti comitis Perchtoldus et Adelbertus, Dietricus de Pouchusen, Dietmarus et frater ejus Ekkeric de Siliçhigin, Dietmar de Weniggesdorf, Marchwart de Elbermundesdorf, Werigant de Wolfoha, Ratpot de Slippingen; Eberbat de Rota; Willehalm de Guppenheim; Werinheri de Holzen, alius Werinheri et Gotfchalch de Heninchouen; Altman de Welichinberch, Swiker de Perindorf, Ovdalrich de Abahovsen; Liupolt de Uhesigen, Cozpolt de Routenbach. Hi omnes nobiles viri eum militantes: Adelhart de Hiuttæ, Gotpolt de Rovberdorf, Goswin de Hagabach; Engelschalch de Landoldesdorf: Landold de Landoldesberch; Wolchmar de Mennaba; Gozpreth de Harda; Gumpolt de Herimutesdorf; Eppo de Drahfala, Rovdolf de Fremichesberch; Adelbrecht de Houedorf; Megingoz et frater ejus Hiltibolt; Marchuuart et Werinheri de Nuzbach, Perinhart de Gebinchoven, Marchwart de Niuenchirichen; Sigibot de Chounenzhella, Pabo de Geswenta, Hagano de Gerhusen, et alii quamplurimi.

Datum est Laterani in palatio, anno Dominicæ Incarnationis 1126, indictione III, XI Kal. Aprilis, Ottone cancellario sanctæ Romanæ sedis.

## APPENDIX AD EPISTOLAS HONORII II PAPÆ.

(MANSI, *Concil.*, XXI, 325.)

### I.

*Papa Honorius domino Salzburgensi archiepiscopo de rebus quibusdam certis etiam definitis per legatum suum sedem apostolicam consulenti inquit:*

Sunt scripta jam olim super his causis promulgata penes ipsum dominum archiepiscopum. Non illi est necesse de his querere, aut expectare novum ex nostri parte aliquod scriptum. Scriptis antiquis utatur, quia sedem Dei habens, nostrum habebit auxilium, in quibuscumque illi favent antiquæ traditiones Patrum (24).

### II.

*Idem Gerhous hanc narrat traditam ab eodem Honorio fidei definitionem.*

Primum asitit mihi beatæ memoriæ Honorius, cum in ejus curia fuisset magister Luitinus inter magistros Franciæ. Hic dum astruere conaretur, D Christum, secundum quod homo est, hominis qui-

D dem filium esse naturalem, sed Dei Patris Filium adoptivum: et ego e contrario astruerem, non ad hominem assumptum pertinere adoptionem, quod Filius Dei esset, prædictus papa Honorius asitit mihi concitatus ad hoc ipsum per quemdam libellum a quodam canonico Lateranensi, valenter litterato, ipsi porrectum, et a me perlectum, in quo diligenter fuit investigatum, quæ differentia esset inter filios adoptatos, quos etiam proprios et naturales dicit constat, et filios adoptatos filiis naturalibus minime cœquandos. Tunc ergo refutato adoptivis vocabulo in Christo Dei et hominis proprio et naturali filio, ego in petra exaltatus, et in fide Petri firmatus, ab urbe redii cum lætitia, certum tenens, verum esse, quod Petrus de Filio hominis hominibus errantibus ipse non erraverit, dicens: *Tu es Christus Filius Dei vivi.*

(24) Oua de re ageretur vide in sequenti definitione.

## III.

*Decretum Honorii (25).*

Curæ sit omnibus episcopis excommunicatorum omnino nomina tam vicinis episcopis, quam suis parochianis pariter indicare, eaque in celebri loco

A posita pro foribus ecclesiæ cunctis venientibus inculcare, quatenus in utraque diligentia excommunicatis utique ecclesiasticis aditus denegetur, et excusationis causa omnibus auferatur.

## DIVERSORUM AD HONORIUM EPISTOLÆ.

## I.

*Matthæi Albanensis episcopi apostolicæ sedis legati epistola ad Honorium. — Sexagesimæ quintæ Honorii respondet, gesta que in concilio Remensi significat.*

(Anno 1127.)

[Dom Bouquet, *Recueil*. XV, 266.]

Reverendissimo Patri et domino HONORIO, divina disponente clementia sanctæ Romanæ Ecclesiæ summo et universali pontifici, MATTHÆUS Albanensis Ecclesiæ minister, licet indignus, cum salute fidelium orationum instantiam.

Pro causa Luxoviensium, quos investiri secundum tenorem litterarum felicis memoriæ papæ Paschalis nostræ parvitati vestra præceperat paternitas, causa tamen eorum diligenter investigata, atque salva Divionensi justitia si quam habent, utramque partem, Kalend. Augusti, Remis (26) convocavimus; ibique quampluribus illius terræ episcopis et abbatibus, causam istam diligenter in communi fratrum audientia investigare secundum litterarum vestrarum tenorem cœpimus; litterasque (28) quibus præfatus papa Paschalis eos investiri, ut aiebant, præceperat, diligentius inspeximus, ubi de hac investitura denominatim nihil continebatur. Econtrario Divionenses dominorum nostrorum privilegia, ejusdem scilicet papæ Paschalis et bonæ recordationis papæ Calixti (29), in quibus hæc possessiones distincto firmabantur, in medio protulerunt, et quod nunquam de illis quas exigebant possessionibus investiti essent, aliis scriptis et rationibus proponebant. His auditis, fratribus nostris Remensi (Rainaldo) et Senonensi (Henrico) archiepiscopis, Carnotensi (Gaufrido), Parisiensi (Stephano), Belvacensi (Petro), Suessionensi (Josleno), Laudunensi (Bartholomæo), Noviomensi (Simoni), Catalaunensi (Elberto), Trecenti (Attoni) atque Meldensi (Burchardo) episcopis in partem ire præcipimus. Qui communicato ad invicem consilio, secundum illas quas præmisimus rationes et multas alias, investituram Luxoviensibus adjudicaverunt, ita æne quod in eo statu Luxovienses remanerent quo erant

(25) Habet S. Thomas Cantuariensis, *epist.* 97, p. 118.

(26) In hoc concilio Remensi editum fuit decretum Matthæi Albanensis episcopi, quod recitat Marlotus, tom. II, p. 301.

(27) Maxime pro ferali dissidio quod eatenus fue-

B quando sanctitatis vestræ litteras acceperunt. Et ut causam istam termino a vobis constituto in vestra terminetur per Dei gratiam præsentia, ita eos remittimus ad vos. Illud autem vestræ paternitatis prudentiam latere minime volumus, quod omnes pene illius terræ, exceptis Luxoviensibus, justitiam Divionenses habere testantur; quam, charissime Pater, ut manu teneatis attentius rogamus.

## II.

*Adalberti Moguntini archiepiscopi et apostolicæ sedis legati. — Epistolæ quinquagesimæ quartæ Honorii respondet.*

(Anno 1127.)

[Mansi, *Concil.*, XXI, 350.]

H. sanctissimo et universali papæ, A. Dei gratia sanctæ Moguntinæ Ecclesiæ humilis minister et apostolicæ sedis legatus, debitam, ut tanto apostolico, obtemperantiam, et devotissimam, ut tanto Patri reverentiam.

Acceptis sanctitatis vestræ litteris super causa fratris illius, si tamen frater dici debet, qui sanctæ Wrizeburgensis Ecclesiæ episcopatum usurpat, intelleximus totius causæ ordinem longe aliter, quam severitas habet summo apostolatu vestro innotuisse, quoniam multa solent per subreptionem fieri. Idem namque sanctitati vestræ contra nos querelas deposuit, dicens se a nobis præjudicium suscinere, et contra justitiam prægravari. Nos vero in hac causa, Deo teste, et conscientia nostra, nihil egimus, quod canonicis regulis possit obviare, nihil unde sanctitati vestræ suspecti esse debeamus, nihil unde aliquis, qui causam ipsam plenius tractaverit, possit reprehendere; sed quidquid in hac causa egimus, non zelo amaritudinis, sed zelo justitiæ; non aliquo odio permoti, sed officii nostri intuitu; non contra sanctorum Patrum canones, sed secundum canones egimus. Scimus quidem, juxta sanctorum Patrum regulas divinitus inspiratas, episcopo episcopatum non adimi debere, antequam causæ ejus exitus appareat. Sed optime novit sanctissimus apostolatus vester, hanc sanctorum Patrum sententiam de dubiis episcoporum causis, non de manifestis debere intelligi. Ejus vero, quo de agitur, impudentissima causa, et

rat inter Guillelmum Flandriæ comitem et competitorum ejus Theodericum Alsatum.

(28) Eas Paschalis II litteras non habemus.

(29) Litteras Calixti, anno 1124 datas, vide apud Perardum p. 216 (vel *Patrologiæ* t. CLXIII).

certum crimen nullum legitimæ defensionis, nullum A  
 justæ excusationis colorem recipit. Luce tgitur clari-  
 rius patet omnibus, quod nullis meritorum privile-  
 giis, nulla præeunte electione ad tanti sacerdotii  
 gradum est assecutus; sed tyrannica violentia intru-  
 sus in ovile Domini, cum non per ostium intravit,  
 sed aliunde per ambitionem et simoniacam hæresim  
 tanquam fur et latro impudentissime irrupit; et quod  
 sine magno dolore et cordis compunctione dicere non  
 possumus, locum legitimi pastoris sibi usurpavit,  
 quem sibi sancta Wrtzburgensis ecclesia de filiis  
 suis communi voto et consensu cleri, et plebis, no-  
 bisque laudantibus, et consentientibus canonice in-  
 tronizandum elegerat, utpote natalibus, et moribus  
 nobilem, ecclesiastica disciplina adprime eruditum,  
 fide catholicum, natura prudentem, vita castum, so-  
 brium, humilem, affabilem, litteratum, in lege Dei  
 instructum, in sensibus Scripturarum cautum, et per  
 omnia sacerdotali nomine et honore dignissimum.

III.

*Cleri Rothomagensis. — De electione Hugonis in archi-  
 episcopum Rothomagensem.*

(Anno 1130.)

[Spicileg. ed. de Labarre, III, 484.]

Domino et papæ universali Honorato, Rothomagen-

sis Ecclesia, omnem in Christo obedientiam et subje-  
 ctionem.

Elegimus electione communi filium vestrum Hu-  
 gonem abbatem Radingensem nobis in pontificem :  
 super hoc quæсивimus assensum domini nostri Hen-  
 ricus regis Anglorum, et obtinimus; ab episcopo  
 quidem Salesberiensis, sub cuius manu abbatis officio  
 fungebatur, nobis eum reddi liberum et absolutum  
 quæсивimus, et cum libertate suscepimus. Sed quia  
 ipso revelante percepimus, quod sine auctoritatis  
 vestræ assensu eum habere non poteramus, maxime  
 cum et hoc in litteris vestris prædicto regi Anglorum  
 directis ita scriptum legimus: *Ipsam itaque sub pro-  
 prio jure atque dominio nostro tanquam specialem B.  
 Petri et S. R. Ecclesiæ clericum retinemus: ea pro-  
 pter donari eum nobis a sublimitate vestra requiri-  
 mus: quem tanto chariorem habebimus, quanto a ve-  
 stræ celsitudinis sede nobis donatum esse lætabimur.*  
 Quem humili supplicatione nobis ita donari vestra  
 gratia quærimus, ut sub nullius unquam jure vel  
 potestate, nisi sub vestra tantummodo pia protectione  
 eum persistere gaudeamus, charissime Pater et Do-  
 mine (30).

EPISTOLÆ HILDEBERTI CENOMANENSIS AD HONORIUM.

(Vide in Hildeberto, infra.)

(30) Vide epistolam Henrici I, Anglorum regis, ad Innocentium II papam, in Innocentio II, ad an. 1143.

ANNO DOMINI MCXXX

# VIVIANUS PRÆMONSTRATENSIS

## HARMONIA

SIVE

### TRACTATUS DE LIBERO ARBITRIO ET GRATIA.

(MARTENE, *ampl. Collect.* IX, 1073, ex ms. codice collegii regali Navarræ.)

### OBSERVATIO PRÆVIA.

*Ignotus hactenus prodit Vivianus Præmonstratensis, cum Harmonia sua seu Tractatu de libero arbitrio, Ignotus, inquam, utpote cujus nullam mentionem facit Præmonstratensis Joannis Pagii Bibliotheca, nullam Custirius Oudin, Præmonstrati et ipse olim alumnus, qui ordinis sui auctores diligenter perquisitos accurate recensuit in Supplemento ad librum Bellarmini De scriptoribus ecclesiasticis; nullam denique alii bibliothecarum concinnatores. Fuit autem Vivianus, uti conicere licet, unus ex primis S. Norberti discipulis, scripsitque non multo post facta ordinis sui fundamenta; id saltem non obscure indicare videntur hæc ejus verba: « Vivianus pauperum Præmonstratæ Ecclesiæ minimus, » quæ nascentem religionem omnino sapiunt. Fundatum est autem deserto in loco Laudunensis diocesis, divinitus antea præmonstrato, primum S. Norberti cænobium anno Christi 1120, ac proinde Vivianum Harmoniam suam circa annum 1130 scripsisse existimamus, paulo postquam S. Bernardus ejusdem argumenti tractatum, cujus ille meminit, concinnavit, id quod Mabillonio teste contigit ante annum 1128. In hoc autem tractatu Vivianus Clarevullensis abbatis doctrinam secutus est, quam et « aliorum cathedram magisterii nominatorum fuisse asserit. » Cæterum hoc ejus opusculum debemus humanitati clarissimi viri domini Davole bibliothecæ regii Navarræ collegii præfecti, qui codicem auctoris fere ævo exaratum nobiscum communicavit.*

## PROLOGUS.

AD GERARDUM B. QUINTINI DECANUM.

GERARDO ecclesie Beati Quintini decano et magistro, VIVIANUS pauperum Præmonstratæ Ecclesie minimus, futuræ libertatis donativum feliciter expectare.

Inter duos controversiam de libertate arbitrii novisti et novimus; alterius quorum sententiæ vos consensum tribuisse forsitan recolitis et nos recolimus. Postea quemdam librum, quem dominus Bernardus Clarevallensis abbas de libero arbitrio et gratia composuit, inter manus habuimus, ubi prædictam sententiam, quam et ab aliis antea ventila-

tam audieramus, reperimus. Mittimus itaque vobis ipsam secundum verba præmemorati sapientis et quorundam aliorum cathedra magisterii nominatorum in hoc tractatu comprehensam, quatenus inspiciatis eam et attendatis, non quia vos sapiens, audiens, sapientior inde sitis; per vos enim in hujusmodi satis sapitis; sed putamus quod sententiæ quæ in transitu ac semel audita discretioni vestræ complacuit, attentius inspecta et decies repetita placebit.

## HARMONIA.

1. Omne bonum, ut scriptum invenitur, pulchrius **B** elucescit quando in commune deducitur. Hinc est quad Creator noster, qui extrinsecus nullo administrationis adminiculo indigebat, imo qui summum bonum, summa beatitudo, et sibi usquequaque sufficiens est et erat, utpote cujus potentia, sapientia, bonitas, quemadmodum ne crescere, sic nec minui potest vel poterat. Ille, inquam, Dominus tam potenter sapiens, et tam sapienter bonus, creaturam rationalem, videlicet angelum et hominem condidit, quibus rationis et intelligentiæ lumen infudit. Voluit enim his illuminata oculis creatura creatorem suum inspiceret, inspectum cognosceret, cognitum diligeret, dilectum imitaretur quantum posset. Siquidem non hoc voluit, ut pulchrius posset elucescere. Hoc enim impossibile est quantum ad se, nec hoc fecit, quia inde posset ditior esse, cui nihil poterat deesse; sed ut pulchram, divitem, ac beatam rem creatam faceret, cui se pulcherrimum ostenderet, cui divitias ac beatitudinem suæ divinitatis demonstraret. In hac prædicta creatura, in mundiali etiam fabrica, ut ipsi homini tota subservirot præparata, consideratur et noscitur tanti artificis potentia, per ipsarum scilicet magnitudinem, sapientia per earum pulchritudinem, bonitas per earum utilitatem. Quæ omnia etsi in hoc universaliter convenient, quod a bono scilicet Deo bona creatura fieret, secundum quod Deus vidit cuncta quæ fecerat, et erant valde bona: tamen quantum rationalis creatura ab irrationali vel insensibili differat, non est nostrum docere vel dicere, cum omnis qui dote rationis utitur, si attendere velit, hoc discernat. Hæc enim secundum libertatem arbitrii penes quod omne consistit meritum, ad sui Creatoris imaginem creata, sola misera fieri potest

vel beata; misera, peccando, a Deo suo alienata; beata, pœnitendo, confitendo, satisfaciendo, suo principio reformata; secundum hoc quod dixi, diffinitio liberi arbitrii ipsi congruere videtur, quod sic a quibusdam diffinitur: Liberum arbitrium est voluntarius et liber consensus; vel sic: Liberum arbitrium est habitus rationalis voluntatis, quæ bonum eligitur, gratia cooperante, et malum ipsa deserente; ut liberum ad voluntatem, arbitrium referatur ad rationem. In his enim duobus consistit, voluntate scilicet et ratione. Rationis est videre quid sit eligendum vel non; voluntatis est appetere. Et ideo ratio tanquam pedissequa viam docet, illud quod videt faciendum consulendo, suumque contrarium dehortando. Voluntas tanquam domina rationem secum trahit, ad quodcumque declinata fuerit. Non enim trahitur voluntas a ratione, sed solummodo monstrat ratio quid appetere debeat: ratio vero a voluntate trahitur, et in his quæ ipsi rationi contraria sunt ducitur. Et cum ipsius sit naturaliter voluntati in malo contradicere, hoc est non illud esse faciendum judicare, et vinci tamen et consentire. Ipsa enim data est voluntati ut instruat illam, non destruat: destrueret autem si necessitatem ei ullam imponeret, quominus libere pro arbitrio, sive in bonum sive in suum contrarium sese verteret. Quod si horum quodlibet ratione repugnante fieret, scilicet ut quo vellet voluntas seipsam vertere non posset, voluntas ipsa jam non esset. Quippe ubi necessitas, jam non voluntas, nec libertas, et ideo nec meritum. Sola namque voluntas quæ libera semper est, et nunquam cogi potest, apud Deum judicatur, ac beatitudinem sive miseriam promeretur. Sensus vero, ut appetitus, nec beatum nec miserum faciunt; alioquin bruta ani-

malia beatitudinem vel miseriam essent participantia. Ingenium etiam et memoria, vel hujusmodi cætera, nec justum constituunt, nec injustum et sic etiamsi tarditatem vel labilitatem habeant, non habent imputari.

2. Et ut convenientius quod volumus ostendamus, paulo altius repetendum æstimamus. In rebus corporeis non id vita quod consensus, nec consensus quod appetitus, nec ille quod consensus. Est enim in quolibet corpore vita internus ac naturalis motus, vigens tantum intrinsecus: sensus vero vitalis in corpore motus, vigilans et extrinsecus; appetitus autem naturalis vis in animante movendis avide sensibus attributa. Verum consensus nutus est voluntatis spontaneus, vel etiam habitus animi liber sui. Porro voluntas est motus rationalis sensui præsidens et appetitui, habens quocumque se volverit rationem semper comitem, et quodammodo, ut diximus, pedissequam, non quod semper ex ratione, sed quod nunquam absque ratione moveatur: ita ut multa faciat per ipsam contra ipsam. Hoc est per ejus quasi ministerium contra ejus consilium sive judicium; unde est illud: *Prudentiores filii sæculi hujus filiis lucis in generatione sua* (Luc. xvi, 8). Et iterum: *Sapientes sunt ut faciant mala* (ibid.). Neque enim prudentia seu sapientia inesse creaturæ potest vel in malo, nisi per rationem. Itaque nos habentes vitam cum arboribus, sensum et appetitum, et æquam vitam cum volucris, id quod dicitur voluntas ab utroque discernit. Cujus voluntatis consensus utique voluntarius, non necessarius, dum aut justos probat aut injustos, etiam merito facit beatos vel miseros. Is ergo talis consensus ob voluntatis inamissibilem libertatem, et rationis quod secum semper et ubique portat indeclinabile judicium, non incongruum dicitur liberum arbitrium. Ipse liber sui propter voluntatem, ipse iudex sui propter rationem. Ideoque quia nulla vi, nulla necessitate cogitur, merito, ut diximus, apud Deum judicatur, ac bonum vel malum promeretur. Cæterum quod sui liberum non esse agnoscitur, quo pacto ei bonum vel malum imputatur. Excusat namque utrumque necessitas, quæ ubi fuerit, nulla est libertas. Sic nec meritum, ac per hoc nec judicium. Sed in talibus locis semper excipitur originale peccatum, quod aliam constat habere rationem.

3. *Libertas est triplex. Libertas a necessitate.* — Postquam quæ præmittenda orant, quædam præmissimus, aliquid de triplici libertate videamus. Inde quorundam ponemus sententias, aliquantulum quibusdam diversas. Diversa quidem dicunt, sed tamen quasi quamdam harmoniam efficiunt. Cum enim dicatur harmonia diversorum sonorum in unum; redacta concordia, ipsam quasi efficere videntur, qui, etsi diversa sentiant vel proferant, tamen a tramite veritatis recedere nequaquam inveniuntur. Libertas igitur alia a necessitate, alia a peccato, alia a miseria. Libertas a necessitate æque et indifferenter Deo universæque tam bonæ quam malæ

congruit rationali creaturæ, nec peccato nec miseria amittitur vel minuitur, nec major est in justo quam in peccatore, nec in angelo quam in homine. Quomodo itaque ad bonum conversus per gratiam humanæ voluntatis consensus eo libere bonum et in bono liberum hominem facit, quo voluntarius efficitur, non invitus pertrahitur: sic sponte devolutus in malum, in malum nihilominus tam liberum quam spontaneum constituit, sua utique voluntate ductum, non aliunde coactum ut malus sit. Et sicut cælestis angelus aut etiam ipse Deus permanet libere bonus, nec aliqua necessitate extrinseca; sic profecto diabolus æque libere in malum corrumpitur et persistit suo utique voluntario nutu, non alieno impulsu. Et est quidem sciendum quod non ideo dictum sit liberum arbitrium quod æqua inter bonum et malum potestate vel facilitate discurrat aut versetur, cum cadere per se potuerit, et adhuc possit, non autem resurgere nisi per Domini Spiritum. Alioquin nec angelus, nec angeli sancti, cum ita sint boni, ut non possint esse et mali; nec prævaricatores angeli, cum ita sint mali, ut non valeant esse boni, liberi arbitrii esse dicerentur. Sed et nos post resurrectionem illud amissuri sumus, quando utique inseparabiliter alii bonis, alii malis admisti fuerimus. Cæterum nec Deus libero caret arbitrio nec diabolus, quoniam quod non potest ille esse malus, non infirma facit necessitas; sed firma in bono voluntas et voluntaria firmitas: quodque is non valet in bonum respirare, non aliena facit violenta oppressio, sed sua ipsius in malo obstinata voluntas et voluntaria obstinatio. Igitur potius ex eo liberum dicitur arbitrium, quod sive in bono sive in malo æque liberam facit voluntatem, cum nec bonus quispiam, nec item malus dici debeat aut esse valeat, nisi volens. Tali etiam ratione non incongrue dicitur ad bonum se et ad malum habere æqualiter, quod utrobique videlicet par sit ei non in electione facilitas, sed in voluntate libertas. Hac sane dignitatis divinæ prærogativa rationalem creaturam singulariter conditor insignivit, quod quemadmodum ipse sui juris erat, suæque ipsius voluntatis, non necessitatis, quod bonus erat. Ita quoque et sui illa quodammodo juris existeret, quatenus non nisi sua voluntate aut mala fieret, aut juste damnaretur; aut bona maneret et merito salvaretur; non quod ei sufficere posset voluntas ad salutem, sed quod eam nullatenus sine sua voluntate consequeretur. Nemo quippe invitus salvabitur, nam quod legitur in Evangelio: *Compelle intrare* (Luc. xiv, 23), item in alio loco: *Nemo venit ad me, nisi Pater meus traxerit eum* (Joan. vi, 44), nihil impedit; quia profecto quonoscunque compellere et trahere videbatur ad salutem benignus Pater, qui omnes vult salvos fieri, nullum probat salute dignum, quem ante non probaverit voluntarium. Hoc quippe intendit, cum terret ac percutit, ut faciat voluntarios, non ut salvet invitos, quatenus dum malam in bonam mutat voluntatem transferat non auferat libertatem, cum voluntas cui

semper individua comes est libertas, mutari non possit, nisi in aliam voluntatem. Ipsam vero voluntatem ita ubique sequitur liberum arbitrium, ut, nisi illa penitus esse desinat, ipso non careat. Voluntas vero sicut in bono ita et in malo æque perdurat: æque profecto liberum arbitrium tam in malo quam in bono integrum perseverat. Et quomodo voluntas etiam posita in miseria non desinit esse voluntas; sed dicitur et est misera voluntas, sicut et beata voluntas: ita nec liberum arbitrium destruere, sive quantum in se est aliquatenus imminuere poterit quæcunque adversitas vel necessitas. Manet ergo voluntas libertatis, ubi etiam sit captivitas mentis, tam plena quidem in malis quam in bonis; sed in bonis ordinatior: tam integra quoque pro suo modo in creatura quam in suo creatore, sed in illo potentior quod de Deo, quod ipse liberum habeat arbitrium, Ambrosius ostendit sic scribens ad Gratianum: *Spiritus ubi vult spirat* (Joan. III, 8). Apostolus quoque dicit, quia omnia operatur unus atque idem Spiritus, dividens singulis prout vult (I Cor. XII, 11). Prout vult, inquit, id est pro liberæ voluntatis arbitrio, non pro necessitatis obsequio; nec est aliud liberum arbitrium in Deo, nisi voluntas divina, quæ non necessitate, sed sola bonitate omnia facit. Ejus enim natura bonitas est. Ad hoc autem quod diximus angelos non posse peccare, solent quidam opponere hoc quod dicit Hieronymus: « Solus Deus est in quem peccatum cadere non potest, cætera, cum sint liberi arbitrii, in utramque partem suam possunt flectere voluntatem. » Sed qualiter hoc intelligendum sit ex his verbis Isidori conjicere possumus: « Angeli mutabiles natura, immutabiles gratia. » Unde concedendum est, boni angeli possunt peccare ex natura sua, id est eorum natura ad hoc non repugnat; nec tamen concedendum est, boni angeli possunt peccare, sed potius non possunt peccare, id est gratia per quam sunt confirmati ad hoc repugnat.

4. *Libertas a peccato.* — Sequitur de libertate a peccato. Est libertas a peccato, de qua dicit Apostolus: *Ubi spiritus, tibi libertas* (II Cor. III, 17). Et alibi *Cum servi essetis peccati, liberi fuistis justitiæ. Nunc vero liberati a peccato, servi autem facti Deo* (Rom. VI, 18). etc. Et hoc est quod sonat Augustinus: « Homo male utens libero arbitrio, se perdidit et ipsum, non est amissa libertas a necessitate; sed libertas a peccato. Qui enim facit peccatum servus est peccati (Joan. VIII, 34). Hæc libertas a peccato eorum tantum qui dono gratiæ reformantur, non quod penitus sine peccato sint, sed quia non dominatur in eis peccatum, et hæc proprie appellatur libertas. In malo faciendo, ut quibusdam placet, non proprie liberum dicitur arbitrium, cum ratio ibi a voluntate discorde. Voluntas namque appetit quod ratio contradicit. Hinc non est præmittendum, quod ante peccatum, ad bonum nihil impediabat, ad ejus contrarium nihil coercerat; sine difficultatis obice voluntas bonum appetebat. Post pec-

catum vero antequam liberum arbitrium sit restitutum, premi potest a concupiscentia et vinci: post restitutionem ante confirmationem quæ in futuro erit, premi potest, sed non vinci; post confirmationem nec poterit vinci, nec premi. Est qui dicat quod nemo in hoc sæculo sibi libertatem a peccato possit vindicare; sed verum dicit, si levia aut venialia non excipit: *Si enim dicimus quia peccatum non habemus, nos ipsos seducimus* (I Joan. I, 8). Sed qui illam posse vindicare asserit, libertatem a criminibus intendit. »

5. *Libertas a miseria.* — Sequitur de libertate a miseria, de qua dicit Apostolus: *Et ipsa creatura liberabitur a servitute corruptionis in libertatem gloriæ filiorum Dei* (Rom. VIII, 21). De hac, ut aiunt, nam asserunt, [nemo] liberabitur: sed, ut aiunt, semper pœna peccati nos in hac vita comitatur. Sed est qui dicat, sanctos homines, qui jam primitias spiritus acceperunt, qui cum Maria optimam partem elegerunt, quandoque per excessum contemplationis raptos in spiritu quantumcumque de felicitatis supernæ dulcedine, licet raro et raptim, degustare, et tunc a miseria liberos esse. Qui enim jam tenent partem quæ auferenda non est, experiuntur utique quod futurum est. Sed quod futurum est felicitas est. Porro felicitas et miseria eodem tempore simul esse non possunt. Quoties igitur per spiritum illam participant, toties istam nec sentiunt nec degustant. Sed ut mihi videtur, tantummodo in hoc expertis credendum est. Sed quidquid sit de aliis, Filius, qui non a necessitate, sed a peccato et pœna peccati, liberum liberare venit arbitrium, de quo dictum est Judæis: *Si filius vos liberaverit, vere liberi eritis* (Joan. VII, 36). utramque habuit, libertatem videlicet a peccato et a miseria. Illam potentia et actu, quia peccatum non fecit, nec inventus est dolus in ore ejus (Isa. LIII): istam non actu, sed potentia, quia nemo tollebat animam ejus ab eo, sed ipse ponebat eam. Denique teste propheta: *Oblatus est, quia ipse voluit* (Isa. LIII, 7), sicut cum natus ex muliere factus sub lege, videlicet miseriæ, ut eos qui sub eadem lege erant redimeret, et solus liber inter miseros et peccatores, utrumque jugum a fratris cervicibus excuteret. Libertatem, a necessitate ipse etiam ex humana habuit natura, reliquas ex divina potentia. Primam autem nobis contulit in conditione naturæ, in secunda restauramur a gratia, ultima reservatur nobis in patria. Dicatur igitur prima libertas naturæ, secunda gratiæ, tertia vitæ vel gloriæ. Primo quippe in liberam voluntatem, ac voluntariam libertatem conditi sumus nobilis creatura. Secundo, reformamur in innocentia nova in Christo creatura. Tertio, sublimamur in gloria perfecta in spiritu creatura. Prima ergo libertas habet multum honoris, secunda plurimum et virtutis, novissima cumulum jucunditatis. Ex prima quippe præstamus cæteris animantibus, in secunda carnem, per tertiam mortem subijcimus, vel certe in prima subiecit sub pedibus nostris oves et



boves et pecora campi, ita quoque per secundam spirituales bestias hujus aeris, de quibus dicitur: *Ne tradas bestiis animas confitentes tibi (Psal. LXXIII, 19)*, prosternit æque ac conterit sub pedibus nostris. In ultima tandem plenius nos ipsos nobis submissurus per victoriam corruptionis et mortis, quando scilicet novissima mors destruetur, et nos transibimus, ut dictum est, in libertatem gloriæ filiorum Dei: *Qua libertate Christus nos liberabit, cum nos tradet regnum Deo et Patri (Gal. v, 1)*.

6. *Sancti post mortem liberi a peccato et miseria. Homo in hoc sæculo non est liber a peccato et miseria.* — Est etiam indubitanter sciendum libertatem a peccato et miseria perfectam perfectis inesse animabus carne solutis, cum Deo pariter et Christo atque angelis supercælestibus, nam sanctis animabus, etsi nondum corpore receperunt, deest quidem de gloria, sed nihil prorsus inest de miseria. Ab hac autem libertate, scilicet a peccato, vel ab illa quæ a miseria dicitur, liberum arbitrium nequaquam nominatur, sed ab ea prorsus quæ libertas a necessitate nuncupatur, eo scilicet quod voluntarium necessario contrarium esse e converso videatur. Nam ex illa quæ dicitur a peccato congruentius forsitan liberum consilium; et item ex illa quæ dicta est a miseria, liberum potius complacitum posset dici, quam liberum arbitrium. Arbitrium quippe iudicium. Sicut vero iudicii est discernere quid liceat, sic profecto consilii est probare quid expediat vel non expediat. Sic complaciti quoque experiri quid libeat vel non libeat. In hac vita sola plena et integra tam post peccatum quam ante peccatum manet in hominibus libertas arbitrii. Nam libertas consilii ex parte tantum, et in paucis spiritualibus, qui carnem suam crucifixerunt cum vitiis et concupiscentiis, quatenus jam non regnet peccatum in eorum mortali corpore. Porro ut non regnet, libertas facit consilii, ut tamen non desit ex integro, captivitas est liberi arbitrii. Cum autem venerit quod perfectum est, uno evacuabitur quod ex parte est, hoc est cum plena fuerit libertas consilii, nulla jam erit captivitas arbitrii. Et hoc est quod quotidie petimus in oratione, cum dicimus: *Adveniat regnum tuum.* Regnum hoc necdum ex toto pervenit in nos, quotidie tamen paulatim adventat, sensimque magis ac magis dilatat terminos suos, in his dumtaxat, quorum per Dei adjutorium interior homo renovatur de die in diem. Soli vero, ut jam dictum est, contemplativi, quando in excessu mentis penna contemplationis sublevantur, ut eunque libertate complaciti fruuntur et hoc ex parte satis modica, viceque rarissima.

7. *Omniem libertatem habuit primus homo in paradiso, sed in gradu inferiori.* — Deinceps videndum est qualiter vel quatenus primus homo in paradiso totas tres illas quas diximus libertates, id est arbitrii, consilii, complaciti, vel aliis nominibus a necessitate, a peccato, a miseria habuerit. Arbitrii utique libertatem tam post peccatum quam ante pec-

atum semper tenuit inconcussam. Reliquas autem duas, si plenarie habuisset, nunquam a paradiso exsul esset. Habet siquidem unaquæque illarum duos gradus, superiorem et inferiorem. Superior libertas consilii est non posse peccare: inferior posse non peccare. Item superior potestas complaciti non posse turbari, inferior posse non turbari. Itaque inferiorem utriusque libertatis gradum, simul cum plena libertate arbitrii homo in sui conditione accepit, et de utroque corruiit cum peccavit. Corruit autem de posse non peccare in non posse non peccare, amissa ex toto consilii libertate. Itemque de posse non turbari in non posse non turbari, amissa ex toto complaciti libertate. Sola remansit ad pœnam libertas arbitrii, per quam utique cæteras amisit. Ipsam tantum amittere non potuit. Per propriam quippe voluntatem servus factus peccati, merito perdidit libertatem consilii. Porro per peccatum factus debitor mortis, quomodo jam retinere valuit libertatem complaciti? De tribus ergo libertatibus quas accepit, abutendo illa quæ dicitur arbitrii, reliquis sese privavit. In eo autem eo abusus est quod illam, cum accepisset ad gloriam, convertit sibi in contumeliam, juxta testimonium Scripturæ dicentis: *Homo cum in honore esset (Psal. XLVIII, 13)*, etc. Soli inter animantia datum est homini posse peccare ob prærogativam liberi arbitrii; datum autem, non ut inde peccaret, sed ut gloriosior appareret, si non peccaret cum peccare posset. Quid namque gloriosius ei esse poterat, quam si de ipso diceretur quod Scriptura perhibet, dicens: *Quis est hic et laudabimus eum? (Eccli. xxxi, 9)*. Unde ita laudabilis: *Fecit enim mirabilia in vita sua (ibid.)*. Quæ? *Quia potuit transgredi, et non est transgressus (ibid.)*, malum facere et non fecit. Hunc ergo honorem quandiu absque peccato fuit, servavit; cum peccavit, amisit. Peccavit autem, quia liberum ei fuit, nec aliunde profecto liberum, nisi ex libertate arbitrii, de qua utique inerat ei possibilitas peccandi. Nec fuit tamen culpa dantis, sed abutentis, qui ipsam videlicet facultatem convertit in usum peccandi, quam acceperat ad gloriam non peccandi. Nam, etsi peccavit ex posse quod accepit, non tamen quia potuit, sed quia voluit. Nec enim prævaricante diabolo et angelis ejus, etiam alii prævaricati sunt, non quia non potuerunt, sed quia noluerunt. Peccantis ergo lapsus, non dono est ascribendus potestatis, sed vitio voluntatis. Lapsus tamen ex voluntate, non jam tamen ex voluntate liberum habet resurgere, qui etiam ante casum nullo suo conatu sine superapposita gratia in melius poterat proficere. Nempe datum fuit voluntati posse stare ne caderet, non tamen resurgere si caderet. Non enim tam facile quis valet exire de fovea quam facile in eam labi. Cecidit sola voluntate homo in foveam peccati, sed non ex voluntate sufficit et posse resurgere, cum jam, etiamsi velit, non possit non peccare. Quid ergo? Perdidit liberum arbitrium, quoniam non potest non peccare? Nequaquam. Sed liberum consilium perdidit,

per quod prius habuit non posse peccare, quomodo et quod non valet utique non turbari, inde misero accidit quod complaciti quoque libertatem amiserit, per quam habuit et antea posse non turbari. Manet ergo et post peccatum liberum arbitrium, et si miserum, tamen integrum, et quod se per se homo non sufficit excutere a peccato, sive miseria, non liberi arbitrii signat destructionem, sed duarum reliquarum libertatum privationem. Neque enim ad liberum arbitrium, quantum in se est, pertinet, aut unquam pertinuit posse vel sapere, sed tantum velle, nec potentem facit creaturam, nec sapientem, sed tantum volentem. Unde apostolus: *Ut non quæcunque, ait, faciatis (Coloss. iii, 22)*. Velle, ut dixi, inest nobis ex libero arbitrio non dico velle bonum aut velle malum, sed velle tantum; velle enim bonum profectus est, velle malum defectus, velle vero simpliciter ipsum est quod vel proficit, vel quod deficit. Porro ipsum ut esset, creans gratia fecit ut proficiat, salvans gratia facit ut deficiat, ipsum se dejicit. Ipsum liberum arbitrium nos facit volentes, gratia benivolos. Ex ipso nobis est velle, ex ipsa bonum velle. Simples nempè affectiones insunt nobis tanquam ex nobis, ut velle, timere; additamenta ex gratia, ut velle bonum timere et amare Deum. Nec aliud profecto est, nisi quod gratia ordinat quas donavit creatio, ut nihil aliud sint virtutes nisi ordinatæ affectiones. Affectio autem alia ordinata, alia inordinata; inordinata, ut voluntas; unde dictum est: *Nescitis quid petatis (Marc. xi, 33)*. Ordinatam docebat qui dicebat: *Potestis bibere calicem quem ego bibiturus sum? (Matth. xx, 22)*. Hoc tunc quidem verbo, sed postmodum etiam exemplo, dicens ad Patrem: *Non quod ego volo sed quod tu vis (Matth. xxvi, 89)*. Similiter timor inordinatus fuit, quando ibi quidam trepidaverunt, ubi non fuit timor. Timorem ordiuatum docebat qui dicebat: *Timete eum qui potest animam et corpus mittere in gehennam (Matth. v, 29)*. Amor inordinatus; unde dictum est: *Dilexerunt homines magis tenebras quam lucem (Joan. iii, 19)*. Ordinatus, quem sponsa postulat in Canticis dicens: *Ordinate in me charitatem (Cant. ii, 4)*. Ubi simile invenitur, simile dicatur. Tam alias quam prædictas affectiones accepimus in conditione naturæ, ut essemus aliqua creatura. Earum vero ordinationem in visitatione gratiæ, ut simus Dei creatura. Inde est quod libera voluntas nos faciat nostros, mala diaboli, bona Dei. Quamobrem sentiens Apostolus quid ex natura esset, quid ex gratia exspectaret, aiebat: *Velle adjacet mihi, perficere non invenio (Rom. vii, 18)*. Sciebat profecto velle sibi inesse ex libero arbitrio; sed ut ipsum velle perfectum haberet, gratiam sibi necessariam esse. Ad hoc autem duplici gratiæ munere indigemus, videlicet vero sapere quod est voluntatis ad bonum conversio; et etiam pleno posse, quod est ejusdem in bono confirmatio. Porro perfecta conversio est ad bonum, ut nihil libeat nisi quod deceat vel liceat. Perfecta in bono confirmatio, ut

nihil desit jam quod libeat. Tunc demum perfecta erit voluntas, cum plene fuerit bona et bene plena, quod in futura vita exspectamus, ubi erit verum sapere, quantum ad justitiam, verum posse quantum ad gloriam. Verum et plenum addita sunt: alterum ad distinctionem sapientiæ carnis, quæ mors est, itemque sapientiæ mundi, quæ stultitia est apud Deum; alterum ad differentiam illorum de quibus dicitur: *Potentes potenter cruciabuntur (Sap. vi, 6)*. Et quoniam, ut dictum est, homo et libertate arbitrii verum sapere vel plenum posse habere non potest; igitur habet necessarium Dei virtutem et Dei sapientiam Christum, qui ex eo quod sapientia est, verum ei sapere infundat in restauratione liberi consilii; et ex eo quod virtus est, plenum posse restituat in reparatione liberi complaciti, quatenus ex altero perfecte bonus peccatum jam nesciat; ex altero plene beatus adversi nihil sentiat; sed hoc in futuro exspectamus, quando utraque nunc amissa libertas libero arbitrio plenarie restaurabitur: non quomodo justo culvis in hoc sæculo quantumque perfecto, non quomodo vel ipsi primis hominibus datum fuit eas habere in paradiso, sed sicut eam nunc angeli possident in cælo.

8. *In tribus libertatibus continetur creatoris imago et similitudo.* — Puto in his tribus libertatibus, scilicet arbitrii, consilii, complaciti, ipsam ad quam conditi sumus conditoris imaginem atque similitudinem contineri; et imaginem quidem in libertate arbitrii; in reliquis autem duabus bipertitam quamdam consignari similitudinem. Hinc in fortassis quod solum liberum arbitrium sui omnino defectum seu diminutionem non patitur, quod in ipso potissimum æternæ et incommutabilis divinitatis substantiva quædam imago impressa videatur. Nam, etsi haberit initium, nescit tamen occasum, nec de justitia vel gratia capit augmentum, nec de peccato sive miseria detrimentum. Quid æternitati similis? Porro in duabus aliis libertatibus, quoniam non solum ex parte minui, sed etiam ex toto amitti possunt, accidentaliquædam magis similitudo sapientiæ atque divinæ potentiæ imagini superducta cognoscitur. Denique et amissimus illas per culpam, et per gratiam recuperaverimus, et quotidie alii quidem plus, alii minus, aut in ipsis proficimus aut ab ipsis deficimus. Possent etiam sic amitti, ut jam non valeant recuperari. Possunt et ita possideri, ut nec amitti valeant aliquo modo vel minui. Hujus bipertitæ similitudinis sapientiæ et potentiæ Dei, non quidem in gradu summo, sed qui ipsi tamen esset proximior, homo in paradiso conditus est. Quid enim vicinior ad non posse peccare vel turbari, in quo utique jam sanctos angelos stare et Deum semper esse dubium non est, quam posse et non peccare et non turbari, in quo homo profecto creatus est? A quo illo per peccatum, imo nobis in illo et cum illo corruentibus, rursus per gratiam non quidem ipsum, sed pro ipso quemdam inferiorem gradum recepimus. Neque enim hic possumus penitus esse sine peccato

seu miseria; possumus tamen gratia juvante nec peccato superari nec miseria. Divinæ igitur similitudinis summum gradum summi angeli tenent, nos infimum, Adam tenuit medium, porro dæmones nullum. Supernis nempe spiritibus datum est sine peccato et miseria perdurare; Adæ autem absque his quidem esse, sed non etiam permanere: nobis vero nec esse quidem absque his, sed tantum ipsis non cedere. Cæterum diabolus et membra ejus, sicut nunquam volunt reluctari peccato, sic nunquam possunt declinare penam peccati. Cum igitur istæ duæ libertates, consilii scilicet atque complaciti, per quas rationali creaturæ vera sapientia et potentia ministratur, ita Deo, prout vult, dispensante, quibusque pro causis, locis et temporibus varientur, quatenus in terris modice, in cœlestibus plenarie, mediocriter in paradiso, apud inferos nullatenus habeantur. Libertas vero arbitrii de ipso quoque quo condita est statu aliquatenus non mutetur, sed aliquammodo semper, quantum in se est, a cœlis, terris, inferis possidetur; merito duæ illæ similitudini, hæc imagini deputatur. Et quidem apud inferos quod utraque libertas perierit, illæ scilicet quæ ad similitudinem pertinere dicuntur, Scripturarum testatur auctoritas. Nam verum illic sapere, quod utique de consilii libertate concipitur, omnino non esse locus ille manifestat, ubi legitur: *Quodcumque potest manus tua operare, quia nec opus, nec ratio, nec sapientia est apud inferos, quo tu properas* (Eccle. ix, 10). Et alibi: *In multivolam animam non introibit sapientia* (Sap. i, 4). Porro de potentia, quæ per libertatem complaciti datur, Evangelium sic loquitur: *Ligate illi pedes et manus, et projicite illum in tenebras exteriores* (Matth. xxv, 30). Quid nempe manuum podumque ligatio est, nisi omnimoda potestatis ablatio? Sed neque in hoc æculo inveniri etiam posset similitudo, sed adhuc hic fœda et deformis jacuisset imago, si non evangelica illa mulier lucernam accenderet, id est sapientia Dei in carne appareret, everreret domum, videlicet vitiorum; drachmam suam requireret quam perdidit (Luc. xv, 8), hoc est imaginem suam, quæ nativo spoliata decore, sub pelle peccati sordens, tanquam in pulvere latitabat, inventam tergeret, et tolleret de regione dissimilitudinis pristinamque in speciem renovatam, similem faceret illam in gloriam sanctorum, imo sibi ipsi quandoque redderet per omnia conformem, cum illud Scripturæ compleretur: *Scimus quia, cum apparuerit, similes ei erimus, quoniam videbimus eum sicuti est* (I Joan. iii, 2). Et revera cui potius id operis congruebat quam Dei Filio, qui cum sit splendor et figura substantiæ Patris, portans verbo universa, ex utroque facile munitus apparuit, et unde reformaret deformem, et unde debilem confortaret, dum et de splendore figuræ fugans tenebras peccatorum, redderet sapientem, et ex virtute Verbi contra tyrannidem dæmonum potentem efficeret? Venit ergo ipsa forma, cui reformandum erat liberum arbitrium, quia ut pristinam reciperet formam, ex

illa erat reformandum ex qua erat formatum, Forma autem sapientia est, conformatio ut faciat imago in corpore, quod forma facit in orbe. Porro illa *attingit a fine usque in finem fortiter, et disponit omnia suaviter* (Sap. viii, 1). Attingit a fine usque ad finem, hoc est a maximo angelo usque ad minimum vermiculum, a maxima creatura usque ad minimam, vel a summo cœlo usque ad inferiores partes terræ. Attingit autem fortiter, non quidem discursione vel locali diffusionem, sed substantiali quadam et ubique præsentem fortitudine, qua utique universa potentissime movet et ordinat et ministrat. Et hoc suaviter, id est nulla difficultate, sed placida voluntate; vel attingat a fine usque in finem, hoc est ab ortu creaturæ usque ad finem destinatum a Creatore, sive in quem urget natura, sive quem accelerat causa, sive quem concedit gratia. Sic ergo et liberum arbitrium suo conetur præesse corpori, ut præest sapientia orbi, et hoc fortiter faciat vitis resistendo, et suaviter in conscientia quiescendo, hoc est non ex tristitia aut ex necessitate, quod est initium, non plenitudo sapientiæ; sed prompta et alacri voluntate, quod sacrificium facit acceptum, quoniam *hilarem datorem diligit Deus* (II Cor. ix, 7).

9. Est etiam sciendum quod inter divinum Spiritum et carnis appetitum tenet quemdam medium locum id quod dicitur in homine liberum arbitrium, id est humana voluntas, et tanquam in devexo montis latere admodum ardui, inter utrumque pendens; ita in appetitu infirmatur per carnem, ut nisi sedulo Spiritus adjuvet ejus infirmitatem per gratiam, non solum non valet justitiæ, quæ est juxta Prophetam, *sicut montes Dei* (Psal. xxxv, 7), ascendendo de virtute in virtutem, apprehendere culmen; sed etiam de vitio in vitium, sui ipsius pondere devoluta, semper ruat in præceps, non solum lege peccati originaliter membris insita, verum etiam consuetudini terronæ in habitationis usualiter affectationibus inolita. Hoc loco potest opponi de verbis Apostoli dicentis: *Video aliam legem repugnantem in membris meis legi mentis, et captivum me ducentem in lege peccati, quæ est in membris meis* (Rom. viii, 23). Hæc putari possunt cogere voluntatem, et præripere libertatem. At vero quantum quis intus forisve tentationibus urgeatur, libera semper, quantum ad arbitrium spectat, voluntas erit, quippe nihilominus de suo consensu judicabit; quantum autem pertinet ad consilium, sive complacitum, carnis interim concupiscentia vitæque miseria reluctante, minus quidem se liberam sentit, sed prorsus non malam, dummodo non consentit. Simile est quod solent quidam homines conqueri et dicere: *Volo habere bonam voluntatem, sed non possum. Sed hoc nequaquam præscribit libertati arbitrii, ut quasi vim vel necessitatem voluntas in hac parte patiat, sed plane illa libertate, quæ dicitur a peccato se carere testatur. Nam qui vult habere bonam voluntatem, probat se habere voluntatem. Non enim vult habere bonam, nisi per voluntatem; quod si voluntatem et*

libertatem, sed libertatem non a peccato, sed a necessitate : nempe, ut non valeat cum velit habere bonam, sentit quidem deesse libertatem sibi, sed profecto libertatem a peccato ; quo utique dolet premi non perimi voluntatem, quanquam jam procul dubio utcunque bonam habet, ubi habere vult. Bonum quippe est quod vult, nec posset bonum velle, nisi bona voluntate, sicut nec velle malum, nisi mala voluntate. Cum bonum volumus, bona est voluntas ; cum malum volumus, mala est voluntas : utrobique voluntas, utrobique libertas. Cedit namque voluntati necessitas. Cum autem non valemus quod volumus, sentimus quidem ipsam quodammodo libertatem a peccato esse captivam vel miseram, non tamen amissam. Si opponatur de peccato, quod visus sit Petrus liberum amisisse arbitrium, quando pro timore negavit, jam tunc procul dubio talis erat, quando ab illo quam latere nihil poterat, audivit : *Priusquam gallus cantet, ter me negabis* (Matth. xxvi, 75). Illa utique voluntatis infirmitas per incussum timorem nota, non orta, notum fecit qualiter se, qualiter Christum amaverit ; notum autem non Christo, sed Petro. Nam Christus sciebat et ante quid esset in homine. Peccavit non odiendo aut spernendo Christum ; sed seipsum amando. Voluntas siquidem quæ cogi non potest, nisi a seipsa ; nec mutari, ut longe ante dictum est, in aliam voluntatem, ipsa sese coegit. Quod si sese ipsa coegit, compulsiva et compellens, ubi amittere, ibi et recipere visa est libertatem. Vim quippe, quam ipsa sibi intulit, a se pertulit. Porro quod a se voluntas pertulit, ex voluntate fuit : quod ex voluntate fuit, jam non ex necessitate, sed voluntarium fuit, si autem voluntarium, et liberum. Quem sua denique ad negandum voluntas compulsi, compulsus est quia voluit ; imo non compulsus est, sed consensus ; et non alienæ potentiæ, sed voluntati propriæ, illi utique qua mortem omnimodis evadere voluit. Negavit quidem dolens, non tamen nisi volens. De illis in quibus erat sana voluntas, scriptum est : Occidi possunt, flecti autem nequeunt.

10. *Liberum arbitrium quid agat in homine.* — Diximus quod liberum arbitrium, nulla necessitate vel adversitate sua libertate privetur. Sed tamen licet ita stabile permaneat, sciendum est quod ipsum tantummodo salutem hominis operetur, imo Dei gratia in ipso sive per ipsum. Hic forsitan quæret aliquis, quid in homine agat liberum arbitrium, Breviter respondemus : Salvatur. Tolle liberum arbitrium, non erit quod salvetur ; tolle gratiam, non erit unde salvetur. Opus sine duobus effici non potest ; uno, a quo fit : altero, cui vel in quo fit. Deus auctor salutis est, liberum arbitrium tantum capax, nec dare illam nisi Deus, nec capere potest nisi liberum arbitrium. Quod ergo a solo Deo et soli datur libero arbitrio, tam absque consensu non potest esse accipientis quam absque gratia dantis, et ita gratiæ operanti salutem cooperari dicitur liberum arbi-

trium, dum consentit, hoc est dum salvatur. Consentire enim salvari est.

11. *Quid gratia. Deus operatur salutem per creaturas tribus modis.* — Et est considerandum quod gratia liberum excitat arbitrium, cum seminat cogitatum ; sanat, cum mutat affectum ; roborat, cum perducit ad actum ; servat, ne sentiat defectum. Sic autem ista cum libero arbitrio operatur, ut tamen illud in primo præveniat, in cæteris comitetur ; ad hoc utique præveniens, ut jam sibi deinceps cooperetur ; ita tamen quod a sola gratia cœptum est, pariter ab utroque perficiatur, ut mistim, non sigillatim ; simul, non vicissim per singulos profectus operentur ; non partim gratia, partim liberum arbitrium, sed totum singula opere individuo peragunt. Totum quidem hoc et totum illa ; sed ut totum in illo, sic totum ex illa. Itaque faciendum [*f.*, fatendum] est, quod non liberi arbitrii, sed Domini est salus. Ipse tamen ad condenda merita nostra, sibi dignatur adhibere creaturarum ministeria, non quibus egeat, sed per quæ vel de quibus proficiat. Operatur ergo illorum salutem, quorum nomina scripta sunt in libro vitæ : aliquando per creaturam sine ipsa, aliquando per creaturam contra ipsam, aliquando per creaturam cum ipsa. Multa profecto fiunt hominibus salubria per insensibilem creaturam, et item per irrationalem, quæ idcirco dicuntur fieri sine ipsa, quod non queat intellectu carens esse inde conscia. Multa quoque salutis utilia facit Deus per malos sive homines sive angelos ; sed quoniam invitos, ideo contra ipsos. Nam, dum nocere cupientes juvant, quantum aliis valet utilis actio, tantum ipsis nocet perversa intentio. Porro per quos et cum quibus operatur Deus, boni sunt angeli vel homines, qui quod Deus vult, et agunt pariter et volunt ; qui enim bono quod opere complent, voluntate consentiunt, opus omnino quod per eos Deus explicat, ipsis communicat. Creatura per quam et sine qua fit aliquid, quid mereri potest ? Quid autem illa per quam et contra quam fit, nisi iram ? Quid autem illa per quam et cum qua fit, nisi gratiam ? In prima itaque nulla, in sequenti mala, in ultima bona conquiruntur merita. Sed fatendum est hæc in illis fieri, quos gratia prævenit. Deus enim hæc tria operatur in nobis, bonum cogitare, velle, perficere. Primum profecto sine nobis, secundum nobiscum, tertium per nos facit. Cavendum autem est, cum hæc intra nos aut nobiscum cogitari sentimus, ne nobis, sed soli Dei gratiæ attribuamus. Quis aliud nostra sonant verba, nisi quod Apostolus ait : *Neque volentis, neque currentis, sed miserentis est Dei* ? (Rom. ix, 15.) Quod sane non ideo dicit, quasi quis velle aut currere possit in vanum ; sed quod is qui vult aut currit, non in se, sed in eo a quo accepit et velle et currere, debeat gloriari : Quia, o tu homo, quid habes quod non accepisti ? (I Cor. iv, 7.) Crearis, sanaris, salvaris. Quid horum tibi exte, o homo ? quid horum non impossibile libero arbitrio ? nec creare qui non eras, nec justificare peccator, nec

mortuus teipsum poteras suscitare. Igitur si recte sapias, triplicem confiteberis operationem, non quidem liberi arbitrii, sed divinæ gratiæ, in ipso sive de ipso. Prima est creatio, secunda reformatio tertia consummatio. Primo namque, in Christo recreati in libertatem voluntatis. Secundo, reformamur per Christum in Spiritum libertatis, deinde cum Christo confirmandi in statum æternitatis. Siquidem quod non erat, in illo creari oportuit qui erat, per formam reformari deformem, membra non perfici, nisi vel cum capite, quod tunc complebitur, cum omnes occurreremus in virum perfectum, in mensuram ætatis plenitudinis Christi, quando apparente Christo vita nostra, apparebimus et nos cum ipso in gloria. Cum autem consummatio fieri habeat de nobis, sive etiam in nobis, non autem a nobis; creatio vero sit et sine nobis: sola, quæ nobiscum quodammodo fit per consensum voluntarium, immerita reputabitur nobis reformatio. Ipsa sunt jejunia nostra, vigiliæ, continentia, opera misericordiæ, cæteraque virtutum exercitia, per quæ utique constat interiorem homi-

nem nostrum renovari de die in diem. In his nempe tribus interior renovatio consistit, rectitudine scilicet intentionis, puritate affectionis, recordatione bonæ operationis, per quam sibi bene conscia memoria enitescit. Quia vero certum est hæc in nobis fieri divino Spiritu, Dei sunt munera. Sed quia cum nostræ voluntatis consensu, nostra sunt merita, a Deo autem voluntas et meritum. Non est enim dubium quin a Deo et velle et perficere pro bona voluntate. Alioquin si recte appelletur, ea quæ nostra dicimus merita, spei sunt quædam seminaria, charitatis incentiva, occultæ prædestinationis indicia, futuræ felicitatis præsentia, via regni, non causa regnandi. Nec in hac re longa disputatione indigemus, cum humana consummatio sit potius inchoatio nominanda, et Paulus dicat: *Si ex operibus, jam non ex gratia (Rom. xi, 6).*

*Explicit tractatus de libero arbitrio et gratia, qui si placet, inde HARMONIA dicatur, quia in ipso diversorum sonorum in unum redacta concordia colligatur. Amen.*

ANNO DOMINI MCXXX

## EPISTOLA G. ABBATIS

AD

### A. PRIOREM S. VICTORIS MASSILIENSIS

*Arguit Massilienses fratres quod mortuum extumulaverint, queriturque quod debitam sibi non impendant reverentiam.*

(Ex archivis S. Victoris eruit D. Furnerius, edidit D. MARTENE, *ampliss. Collect. t. I, col. 691.*)

A. suo præcordiali amico Massiliensi priori et omni sancto conventui, peccator G. (1), recta sapere intelligere et opere complere.

Scriptis mihi tua dulcis fraternitas se sincero mentis affectu parvitas meæ dilectioni quondam inhæsisse quodque verum esse fateor, multimodas pietati tuæ gratias refero, adjiciens me tibi ejusdem charitatis spontaneam reddidisse vicissitudinem, quod reali argumento facile probari potest, quod nunquam voluntati tuæ contrarius esse volui; imo forsitan contra quorundam persuasiones te semper ad meliora informare atque provehere studui. Quod vero scripsisti me te et alios charissimos fratres nostros quasi despectissimos servos dimisisse salva pace tua dico quod hoc modestius dici posset, quoniam

(1) Is est haud dubium Gausselmus abbas, qui unico duntaxat anno præfuisse dicitur in brevi chronico Massiliensi apud Labbeum, quippe statim studio

nullatenus vos deserens contempsi, imo semper corde et animo vobiscum sum. Verum cogente necessitatis articulo, corpore tantum non longe recessi a vobis, et negotio vobis noto locum præbere volens, quod corpore præsens facere nequirem. Conquesta est tua dilectio quod non transmisi tibi speciales litteras: quod non fuit, charissime frater, charitatis oblivio, sed rei familiaris assidua occupatio, et præcipue quod laboriosum est mihi scribere, cum visus oculorum meorum aliquantulum ex ægritudine capitis obtenebretur. Propterea quod querimoniæ tuæ, charissime frater, rationabiliter respondere curavi, nec, si placet, verbis meis tuæ benignitatis aures accommodare non renuas, sed sicut pro te et pro aliis conquestus es, ita pro te et pro aliis,

perfectionis ad Sanctam Balmam se reclusit, contemplationis exercitiis vacaturus, quod miror haec tenus a scriptoribus prætermisum.

ut universaliter respondeas, justa ratio poposcit. Quæro igitur a te charissime frater, quo peccato merui contra sanctorum decreta pontificum, et contra omnem ecclesiasticam institutionem, tam crudeli a vestra paternitate ferri sententia, ut ad omnipotentis Dei contemptum et beatæ Virginis Mariæ, deinde ad nostrum dedecus, corpus cujusdam miseri paralytici defuncti in cœmeterio hujus speluncæ a vobis sepeliri prohibetur, et post sepulturam multo sudore fabricatam? Quis vestrum, si alicui injuriæ hic imputari posset, infra capitulum vestrum vel extra me appellavit? vel cujus audientiam vel judicium, sive et regularem correctionem subterfugere tentavi? Quis vestrum potest me notare, ut postquam ad hanc veni speluncam, cupiditatis vitio vincutus aliquid exigerem vel acciperem a defunctis? quo igitur commisso tanta multari merui contumelia, ut sepultura vacua hiato suo ridiculum trans-euntibus præbeat? Certe, charissime frater, aut vos quorum præcepto, ut sanctissimus frater noster dominus Guido testatur, neminem vestrum excipiens, hoc factum est manifeste.... mihi canonicam auctoritatem, cujus fulti præsidio hæc fieri præcepistis, aut ego, antequam sopiatur tam contumeliosa injuria, coram metropolitano circumstantibus suffraganeis episcopis, sanctorum auctoritate canonum probabo vos ordinis vestri incurrisse periculum adjiciendo tunc... supersedeo. Præterea die mihi, charissime frater, quis vestrum postquam in hac spelunca pauperrime inclusus sum, excepto W. Biterrensi, proprio compellente negotio, spontanæ visitationis gratia.... sive lætificare sua præsentia voluit? Nescis tu, charissime frater, quod nuper nulla ratione, nullis precibus potui a vestra paternitate impetrare ut transmitteretur mihi Berengarius sacrista citissime reversurus? Breve colloquium valde necessarium fuerat. Et ne... a vestra beatitudine mihi charitatis janua clauderetur, scit vestra sanctitas quod nullo modo a vobis peccatis meis exigentibus impetrare merui, ut in tam sancto B. Joannis festo mitteretur mihi aliquis ex fratribus ad celebrandum tantæ solemnitatis officium: sed vix transmissa est mihi cappa curta, vetus et disrupta sub maxima comminatione ut in crastinum solemnitatis reportaretur, et quod aliquantula, falsa tamen reverentia obstante, per vos ipsos me adhuc ex toto debonestare erubescitis. Elegistis ex vobis qui mihi frequentes inferendo contumelias, desiderio vestro satisfaciatur, domnum videlicet Guidonem, virum illustrissimum, huncque virtutum flore decoratum, cujus vita gloriosa et admirabilis religio non solum nos peccatores circumstantes, verum etiam omne Massiliense monasterium illustrat. Ipsi a vestra laudabili prudentia, ut proprio perhibet ore, injunctum est, ut irritando me ad iram saltem defun-

ctorum corpora.... tumulari prohibeat, quia ut vir clarissimus ac veræ obedientiæ amator, quod vere præceptum est, nullatenus facere negligit, sed ad obedientiæ cumulum adjicit plurima derisoria ac contumeliosa verba. Quid enim, charissime frater, ista mihi innunt, nisi ut dicam cum propheta: *Filios enutrivisti et exultavi, ipsi autem spreverunt me?* Et alibi: Isti labiis me honorant, cor autem eorum longe est a me. Et in Evangelio: Ecce corde quomodo amabant eum. Sed hæc ad præsens omittenda censeo, quod ad reseranda cordis mei arcana tempus meum nondum advenit, tempus autem vestrum ad me floccipendendum, ad me vituperandum, semper est paratum. Verum tamen, nisi vestra sanctitas circa me caute egerit, ego sanctitatis vestræ servus, qui hactenus contemptus lacui, læsus silui, quandoque sicut parturiens loquar, proindeque fraternitatis tuæ laudabilis dulcedo in proximo B. Victoris festo jubet me venire ad se; non recuso venire, si quis honeste me deducere voluerit, paratus ex toto corde puraque mentis devotione ad honorem Dei et B. Virginis Mariæ et præfati gloriosi martyris, necnon et sanctæ matris nostræ Massiliensis utilitatem, remoto omnino totius amaritudinis zelo, corroborare et confirmare quod melior pars, præeunte Spiritus sancti gratia, elegerit, secundum B. Patris nostri Benedicti præceptum et animarum nostrarum desiderabilem salutem. Si vero, quod absit! aliqui sinistrae partis contra B. Benedicti normam, sive contra consilium domnorum et fratrum nostrorum Dominum timentium, pravitates suas fovere cupientes aliquid religioni adversum agere voluerint, scito quod ego qualiscunque peccator monachus quondam a vobis catholice electus, et adhuc a nemine depositus, nulli tradam pastoralis officii virgam, imo fortissimus præliator ascendam ex adverso, opponens me murum pro domo Israel, et stabo in prælio in die Domini, clamans cum Legislatore *Si quis Domini est, jungatur mihi*. Postremo quod laudabilis amicitia tua, sicut quondam fidelis mihi fuit et jucunda, et humiliter obediens, ita in eodem se semper perseveraturam asserit, debitas tibi grates persolvo, et si in aliquo tibi necessarius fuero, necessitudini tuæ ultroncum me offero. Denique reddens vicem tuæ dilectioni, licet tibi specialiter scripserim litteras, tamen si in conspectu omnium fratrum eas legere volueritis, satis mihi placet, hoc tantummodo tuæ discretioni committens, ut simpliciter intelligas et intelligendo prudenter discernas quorum respectu superius scripta querimonia a me sit promulgata, et sicut in prima fronte epistolæ ita et in fine omnes domnos nostros et charissimos fratres per te iterum salvari optamus. Vale valeant et ipsi, et ut pro me servo tuo omnipotentem Dominum exorare dignentur, flexis genibus humiliter imploro.

---

ANNO DOMINI MCXXX

# DOMNIZO

PRESBYTER ET MONACHUS CAMUSINUS

## NOTITIA HISTORICA

(FABRIC. *Biblioth. med. et inf. lat. II.* 55).

Domnizo, aliis Donizo, vel Donnizo, presbyter et monachus Canusinus, ordinis S. Benedicti, scripsit *libris duobus* carmine hexmetro et magnam partem leonimo *Vitam Mathildis* comitissæ, celeberrimæ principis Italiæ, quæ anno Christi 1145 obiit. Edita est primum a Sebastiano Tegnagelio in veterum monumentorum sylloge, Ingolstadii 1612, in-4<sup>o</sup>; deinde emendatior ex codice Romano in G.G. Leibnitii Scriptoribus Brunsvicensibus, tom. I. pag. 629; denique ex codicibus Padolironensi et Regiensi castigatior, et versibus multis locupletior, cum laudati Leibnitii et clarissimi Muratorii notis in tomo quinto *Thesauri Mediolanensis Scriptorum Italiæ* pag. 335. Plerisque eorum quæ scribit Domnizo, ipsum interfuisse, et papæ partibus contra imperatorem Henricum IV impensius favere jam notatum Vossio, pag. 773. Nemo autem adhuc protulit quod memorat Sandius, scriptum Domnizonis soluta oratione in quo de *Theobaldi*, episcopi Aretini, castitate aliisque virtutibus, et nonnulla eadem, quæ in vita Mathildis metro condita leguntur.

[Domnizonis historiam soluta oratione conscriptam ex Lucensi Francisci Mariæ Florentini codice prior evulgavit Leibnitius, tum ex illo Muratorius *Rer. Ital.* tom. V. pag. 389; ibi vero occurrunt ea omnia de virtutibus et castimonia Theobaldi episcopi Aretini, quæ Sandius hic apud Fabricium adnotavit. Hæc est igitur historia Domnizonis soluta oratione conscripta non quidem ipso Domnizone, sed alio quopiam auctore. Quare non est cur Fabricius dicat a nemine memorari opus illud Domnizonis soluta oratione; non enim commemoratum est, ut a Domnizone confectum, sed ex Domnizone petitum perquam notissimum est. MANSI.]

---

# DOMNIZONIS VITA MATHILDIS COMITISSÆ.

(Vide Patrologiæ t. CXLVIII, in append. ad Gregorium VII.)

---

ANNO DOMINI. MCXXX

# ABBAUDUS ABBAS

## NOTITIA

(FABRIC. *Biblioth. med. et inf. lat. I.* 1)

Abbaudus abbas annum 1130, De fractione corporis Christi, contra Petrum Abælardum brevem tractatum edidit. Non aliunde notus.

---

**DOMNI ABBAUDI ABBATIS**  
TRACTATUS  
DE FRACTIONE CORPORIS CHRISTI.

(MABILLON *Analect.* nov. edit., p. 52.)

—  
**MONITUM**

Damnata Berengarii hæresi, ex formula confessionis, ei per Ecclesiam in concilio Romano proposita, de Eucharistiæ sacramento variæ exortæ sunt quæstiones et controversiæ, etiam inter Catholicos, de sensu verborum quibus ista formula proposita est. Una ex his quæstionibus erat circa fractionem corporis Christi. Nonnulli fractionem illam tantum in signo seu symbolo, non in ipso Christi corpore fieri sentiebant, alii contra in ipso corpore fieri contendebant, propter illa verba primæ confessionis Berengarianæ, anathematizantis tanquam hæresim, corpus Christi non posse sensualiter, nisi in solo sacramento, manibus sacerdotum tractari, vel frangi, vel dentibus fidelium atteri. Prioris sententiæ auctores in Eucharistia post substantiæ conversionem panis species seu accidentia, in quibus fractio fieret, superesse asserebant: alii negabant, rati (quod hoc loco dicit Abbaudus) *albedinem seu rotunditatem ab ipso corpore, quod vel album vel rotundum est, separari non posse.*

Inter primos non ultimus erat Petrus Abælardus, quem hoc nomine, tanquam hæreticum, adortus est Walterius abbas Victorinus apud Parisios; cujus auctoris libri quatuor exstant in ms. codice Victorino contra quatuor labyrinthos (sic ipse vocat) *Franciæ, id est Abælardum, Petrum Lombardum, Petrum Pictaviensem, et Gislebertum Porretanum.* Sic vero habet in lib. III, cap. 11, in Abælardum agens: *Demum venit ad Berengarium. Hic enim hæreticus asserebat in figura et in sacramento totum fieri, nihil in veritate. Postea vero convictus coram Nicolao papa et pluribus episcopis confessus est, etiam et juravit, panem scilicet et vinum post consecrationem, non solum sacramentum, sed etiam verum corpus et sanguinem Christi esse; et sensualiter non solum sacramento, sed etiam veritate manibus sacerdotum tractari, et frangi, et fidelium dentibus atteri. Ecce catholica fides. Iste autem scholasticus sic exponit: « Vere quidem, ait, est, sed in sacramento [id est fractio, infra] tantum. » Item ait: « Sane dici potest fractio illa et partitio, non in substantia corporis, sed in ipsa forma panis sacramentali fieri, ut vera fractio et partitio sit sibi, quæ fit non in substantia, sed in sacramento, id est in specie. » Item: « Est tibi vera partitio [fractio?] et partitio quæ fit in pane, id est in forma panis. » Item: « Fractio et partes illæ, quæ ibi videntur fieri in sacramento fiunt, id est in specie visibili. Ideoque illa Berengarii verba ita distinguenda sunt, ut sensualiter, non modo sacramento, sed in veritate dicatur corpus Christi tractari manibus sacerdotum, frangi quoque et atteri dentibus. Vere quidem, sed in sacramento tantum. Vera est igitur ibi attritio et partitio. » Ecce, dum catholicam fidem, nulla prorsus distinctione indigentem, solitis sibi argumentationibus distinguit, alterum se probat Berengarium. Nam, sicut ille asserebat: « Omnia fiunt sed in sacramento tantum, » sic, et hic. Ille vero correctus addidit sacramento et fractioni, attritioni etiam dentium, veritatem quam negabat: iste econtra in omnibus veritatem subtrahit, dum asserit omnia fieri, non in substantia, sed in specie visibili et forma panis et sacramento tantum. At sincera non est hoc in loco Walterii objectio in Abælardum, qui verum Christi corpus in Eucharistia ad mittebat, sed fractionem atque attritionem non in corpore ipso, sed in specie panis fieri asserebat.*

Walterii sententiæ de vera corporis Christi fractione consentit Abbaudus abbas in hoc tractatu, quem ex ms. codice, Christiani abbatis sermones continente, excepimus. Christianus mihi fuisse videtur abbas monasterii S. Petri Carnutensis; at cujus loci abbas fuerit Abbaudus, necdum mihi compertum est, tamen is, eodem quo Abælardus sæculo, id est undecimo, vixit.

Dominus Jesus Christus qua nocte tradebatur, A erat: nunc non posse, quia jam est immortale. accepit panem, benedixit, fregit, dedit discipulis suis, Quid est ergo quod Paulus apostolus ait: *Panis quem frangimus, nonne communicatio corporis Domini est?* Sed movet forte quem, quod non dixit, dicens: *Accipite et comedite. Hoc est corpus meum quod pro vobis tradetur.* Credo itaque quod panem quem accepit, benedicens corpus suum fecit, Corpus quod frangimus, sed panis quem frangimus. Ideoque corpus suum fregit et de eodem corpore suo Attende quid in alio loco dicit: *Probet autem se ipsum homo, et sic de pane illo edat, et de calice bibat;* ubi itaque nemo Christianus dubitat eum de corpore et sanguine dicere Christi. Lucas enim in Actibus apostolorum, *Erant, inquit, perseverantes in doctrina apostolorum et communicatione panis fra-*



*ctionis*. Intende, obsecro. Certe idem panis benedicitur, sumitur, distribuitur. Et tamen Apostolus maluit dicere, *panis quem frangimus*, quam, panis quem benedicimus, sive quem sumimus, sive quem distribuimus. Deinde cum idem panis quotidie Deo in salutem totius mundi offeratur, cum non saltem panem quem offerimus, potius quam panem quem frangimus dixit, cum utique convenientissime dici potuerit? Et evangelista æquo cur non potius panem benedictionis, sive panem communicationis, seu panem distributionis, aut certe panem oblationis, quam panem fractionis posuit? Nempe ubi id potius apostolicus sermo atque evangelicus sua auctoritate roboraret, unde citius dubitari posse constaret: demum fortasse quod et magis congruebat mysterio hujusmodi pronuntiatio.

Namque ipsa Dei sapientia, quæ hoc corpus, unde agimus, animatum sibi in unitate personæ assumpsit, cum in seipsa integerrima maneat, nobis tamen frangitur, cum exponitur: nosque illi spiritualiter communicando, veraciter vivimus Deo. Quo contra de defectu doctorum per Jeremiam plangitur: *Parvuli petierunt panem, et non erat qui frangeret eis*. Sed aliud est, cum de veritate cujuslibet rei secundum proprietatem facti quæritur; aliud, cum facti ejusdem mystica ratio allegorice discutitur. Verbi gratia legitur in Evangelio, quod Dominus post resurrectionem clausis januis ad discipulos ingressus sit. Primo secundum proprietatem facti quæritur, quomodo verum corpus fuit, quod ad discipulos clausis foribus introduxit: deinde mystica ratio ejusdem facti subsequitur, scilicet nisi quod conclusus fuerit hortus, frustra sponsa sponsum exorabit: *Veniat dilectus in hortum suum*. Et, ut apertius atque compendiosius dicatur; nisi contra mundi cupiditates foree cordis tui clausæ fuerint, spiritualis gratia te illustrare non poterit. Verum in hoc loco ubi de proprietate agimus, spiritualem rationem intermiscuimus: quia sapientiam Dei, quæ disponit omnia suaviter, congrue corporalia facta secundum spiritualium rationem ordinare accipimus, Psalmista quoque attestante: *Omnia in sapientia fecisti*. Igitur, secundum fidem Evangelii, quod dixit, *benedixit et fregit*; Apostoli quoque qui dicit, *Panis quem frangimus*; Lucæ etiam evangelistæ qui dicit, *Panis fractionis*: contestante nihilominus spirituali ratione fultus, corde credo, ore confiteor ad salutem, quia veraciter corpus Christi manibus frangitur sacerdotis.

Hic mihi forte insultatur ab illis qui roborunt Christum a dextris Patris sedere non utique dimidium aut debilem, sed totum integrum. Quasi vero Apostolus cum diceret, *panem quem frangimus, communicatio corporis Domini est*, oblitus fuerit de quo toties memoraverit, quod sedet ad dexteram Patris; oblitus fuerit de quo cum tanta constantia dixit, quod *resurgens a mortuis jam non moritur, mors illi ultra non dominabitur*. Quomodo ergo de uno eodemque corpore quæritur, quod integrum ma-

neat in cælo, et frangatur in terra? Hic maxime apparet quod superius dixi, ideo Apostolum et evangelistam verbum fractionis præcipue posuisse, ut hoc sua auctoritate firmaretur, unde facilius cor humanum dubitaret. Valde enim sibi ipsi adversa videtur assertio, cum de uno eodemque corpore prædicatur, quod integrum maneat et frangatur. Sed has angustias non patitur humana inopia: divinæ autem potentiæ metas præfigere non valet humana infirmitas, etsi conetur temeritas. Quæ enim impossibilia sunt apud homines, possibilia sunt apud Deum. Alioquin nunquid hoc solum de Christi corpore asseritur humanæ rationi contrarium, et juxta legem humanorum corporum impossibile? Nonne eodem corpore asseritur, quod per nativitatis sui mysterium ad humanos oculos clauso utero Virginis exivit, et ad discipulos ejus per resurrectionem clausis januis introivit; seque ipsum et palpabile et tamen incorruptibile demonstravit? Ecce tria, ut hoc jam non sit solum, sed quartum eorum quæ ratio non comprehendit; fides tamen divinæ potentiæ concedit. At alii quidem unusquisque quid sentiat, videatur: mihi autem pium et bonum est sentire, quia illud corpus, quod magna illa et nimis incomprehensibilis sublimitas Deitatis suum proprium esse voluit, ineffabili quadam ac singulari atque divina potentia non solum mortalia, sed etiam immortalia ac cælestia corpora longissime excellat. Cæterum de illo corpore secundum legem aliorum corporum rationari velle, viventem cum mortuis quærere est. Desinat ergo homo, qui proprii corporis infirmitates investigare atque enumerare non sufficit, de Dei corpore alta sapere; discat humilibus consentire. Meminerit quod quidam sapiens cum de eo loqueretur, dixit: Et in pluribus operibus ejus non fueris curiosus.

Verumtamen ponamus aliquem concessisse, quod vere non frangatur corpus Christi ut videamus qui fructus inde nascatur. Dic ergo mihi, obsecro te, unde potero scire quod verum loquatur evangelista, cum dicit: *Hoc est corpus meum*, si tesellit quando dixit, *fregit*? Identidem si mentitur Apostolus dicens, *Panis quem frangimus*, unde credam ei quod verum dicat, quando sequitur, *communicatio corporis Christi est*? Itaque qui vere frangi corpus Christi non concedit, totam fidem tanti sacramenti, quantum in se est, fregit. Sed absit, ut evangelica atque apostolica falsa credantur! absit ut impossibile credatur apud Deum omne verbum!

Dicat aliquis non omnia divinæ potentiæ ascribenda; rationis acie multa investiganda. Ego cum Apostolo nunc cognosco ex parte, exspectans, ut cum in Galilæam venero, ibi eum videam facie ad faciem. Si quis tamen humile pusilli consilium non aspernatur, hoc divini corporis mysterium nullatenus ratione discutiat, sed evangelicæ auctoritati sine dubitatione credat. Abscondit hæc a sapientibus Dominus et prudentibus, et revelavit ea parvulis. *Averte, inquit, oculos tuos a me; ipsi me avolare*

*fecerunt.* Putaveram et ego quondam parvulus, nullo unquam intellectu ex quantulacunque parte attingi posse, qualiter panis terrenus in corpus Christi verteret: tantum autem ex divina potentia firmissime credendum, et nullatenus rimandum decreveram. Postea vero Deus meus illuminavit tenebras meas ut viderem, licet per speculum et in ænigmate, quod, antequam vidissem, firmissime credideram. Ait enim propheta: *Nisi credideritis, non intelligetis.* Ita et de hoc quod modo habemus in manibus, non video quomodo unum idemque corpus et frangatur, et integrum maneat: sed tamen certissime credo. Potens est enim Deus facere omnia superabundantius quam petimus aut intelligimus: ut quod non video, et credo, quandoque videam et gaudeam. Beati enim qui non viderunt et crediderunt. Verum tamen, ne cui ad incredulitatem proficiat tam molesta et violenta contrarietatum dissensio, cum unum idemque corpus frangi et integrum manere astruatur, putetque nil tale in Scripturis posse reperiri: attendat quid in Evangelio Lucæ scriptum sit. *Non est, inquit Jesus, mortua puella sed dormit.* Et mox evangelista: *Et deridebant, inquit, eum, scientes, quia mortua est.* Ecce qualis contrarietas. Si enim secundum Jesum mortua non erat, quomodo eam mortuam esse sciebant? Nam si mortuam, cum non esset, putabant, aliud est profecto putare, aliud scire. Quod si pro certo tenebant mortuam esse quæ vivebat, errare hoc erat, non scire: ac per hoc aut mortua erat, et contraria Veritati. Veritas locuta est, dicens: *Non est mortua:* aut Veritas verum dixit, et evangelista falsum, *scientes, inquit, quia mortua est.* Sed neuter horum recipitur. Et certe majorem contrarietatem habet, aliquem mortuum esse et non esse, quam frangi quid et integrum manere. Multo enim facilius est fractum reintegrare, quam mortuum suscitare. Hoc enim hominis aliquoties, illud vero semper solius Dei est.

Recurritur ergo ad alium Evangelii locum, ubi Dominus de mortuis loquens, *Non est, inquit, Deus mortuorum, sed vivorum. Omnes enim vivunt ei.* Nota quod non dixit absolute *vivunt, sed vivunt ei,* scilicet non negans hominibus esse eos mortuos, sed Deo. Eternitas enim cui, quæ futura sunt, facta sunt; cui etiam omnium rerum consummatio jam nota est, cum sibi libet, non secundum eam instabilitatem de rebus loquitur, quam nunc de naturali sua mutabilitate patiuntur: sed, secundum eam statum quæ sunt immutabilitate Creatoris sui in æternum conservantur. Bene ergo de mortuis, si tamen post resurrectionem in æternum cum Deo victuris dicitur: *Omnes vivunt ei,* quia ille immortalitatis status incommutabiliter eos manet: mors vero, quæ eos nunc temporaliter tenet, aliquando non esse habet. Et puellam, quam non morti dimittere, sed vite reddere disponebat, non immerito mortuam negit qui semel et simul omnia fecit, quæ nec semel nec simul fieri temporis ratione permittuntur.

**A** Vide ergo ne forte similiter dici possit, quod nobis frangitur, Deo integrum manere. Qui enim de corporibus servorum suorum locutus est, dicens: *Capilli capitis vestri omnes numerati sunt; et capillus de capite vestro non peribit;* cum secundum nos pene omnes capilli perierint, mirum sit apud eum aliqua proprii corporis particula quamlibet minuta possit perire: cum tamen idem corpus in multas partes frangendo dividatur, et a multis comedatur. Ei ergo corpus suum semper integrum est, cujus providentia nulla ejus particula perire potest. Et apud nos quidem localis divisio fractionis comprobatio est, quia membrum quod a se invicem disjunctum et localiter divisum videmus, fractum esse tenemus. Porro apud Deum, sicut veraciter dictum est, secundum tempus mille anni sicut dies unus, et unus dies sicut mille anni: ita æque veraciter dici potest, secundum locum mille, sive quot vis aut certe omnia loca, apud Deum, quasi unus locus. Ei quippe, qui semper ubique totus præsens est, localis absentia nil absentare, localis longinquitas nil longinquare, localis divisio nil potest dividere. Quod ergo apud nos fractum est, quia localiter divisum est, apud Deum integrum manet, cui omnia loca unus locus est. Quod cum etiam de aliis rebus corporalibus dici possit, quanto magis de illo corpore, quod personaliter illi substantiæ conjunctum est, quæ semper ubique tota præsens est? quod ob id solum, et cum frangitur integrum manere non usquequaque improbabilius possit asseri, quia miro et ineffabili modo unum cum illa substantia factum est, et unum cum illa etiam in ipso tempore fractionis suæ manet, quæ nullam ullo modo fractionem recipiens, semper integerrima manet; qui est ipsa semper infracta et indivisa deitas!

Potest et ob aliud. Apud nos quippe membrum quod fractum et a corpore suo divisum est, mortuum esse constat. Illius vero corporis etiam fracti quælibet particula non modo viva, sed etiam vita est, si quis fideliter accipit. Quod ergo vim et plusquam vim integri obtinet, etiam cum frangitur, integrum jure dici potest. Hæc tamen non ita dixerim, ut per me tantum mysterium revelatum, tanta quæstio soluta videatur: hoc tantum effecerim, ne ipsa fractionis et integritatis assertio omnino absurda judicetur. Dicatur hinc melius a melioribus, et doctius a doctioribus. Utinam audirem ab aliquo certissimam tanti mysterii declarationem.

**D** Superius sane fractionem Dominici corporis evangelica atque apostolica auctoritate defendimus; testimonium oculorum nostrorum interim omisimus. Revera enim certius est testimonium evangelica veritas quam visio oculorum nostrorum. Facilius quippe concedimus ut oculi nostri fallantur, quam ut Evangelium mentiatur. Verum tamen ipse Dominus noster Jesus Christus, quando beatus Thomas de ejus resurrectione dubitavit, non tam propheticiis testimoniis quam propriorum oculorum ei satisfacit. Non igitur penitus mihi videtur contemnendum

oculorum nostrorum testimonium. Urgendus est A igitur qui negat corpus Domini frangi, utrum illud, quod in altari sacramus et frangimus, credat esse corpus Christi. Si concesserit, fractioni corporis Christi non contradicit. Si negaverit, iudicet quisque fidelis, si ille fidelis iudicandus sit: videat ipse cui credere velit, qui in auctoritati evangelicæ, nec propriis oculis credit. Nos vero cum discipulis cognoscamus Dominum in fractione panis.

Cogitavimus de illis aliqua respondere, qui dicunt ipsum corpus non frangi, sed in albedine ejus et rotunditate aliquid factitari; sed recogitans ineptum esse in Evangelio Christi de albedine et rotunditate disputare, amatoris talia auribus dimovens, diale-

cticis aut certe pueris talia permisi, præsertim cum quivis facile videat albedinem seu rotunditatem ab ipso corpore, quod vel album vel rotundum est, separari non posse, ita ut ab ipso non fracto hæc per se singulariter non frangantur. Et revera quid opus cuique fideli in fidesua hac circuitione verborum? Pure et simpliciter profiteatur, quisque quidem credat, utrum vere corpus Christi manibus sacerdotum frangatur necne. Rogo sane ne quis me præsumptionis iudicet, quod de tanta re tantillus scribere præsumserim; qui, cum non recte credere creditus sum, non potui fidem meam qualicumque sermunculo non defendere.

ANNO DOMINI MCCCXX

## BRUNO

### ARGENTINENSIS EPISCOPUS.

#### NOTITIA

(Gall. Christ. nov., V, 797)

Bruno antea præpositus Haunogiensis, quonominè B vini venditionem instituit an. 1104, ex canonico deinde Babenbergensis Ecclesiæ, electus fuit in episcopum Argentineensem an. 1113, loco Cunonis depositi, ex archivo canonicorum Honaugiensium. Subscripsit an. 1125 chartæ Henrici V imperatoris, fortasse pro Luxovio, subscriptus enim legitur B. episcopus Argentinensis chartæ ejusdem imperatoris pro Luxovio, v Kal. Julii, anno 1123, ind. xiii, ubi legendum 1125, indict. iiii. Sane hoc anno, v, vel vi

B Kal. Jan. subscripsit apud Argentinam privilegio quod imperator Henricus S. Blasii monasterio concessit. Anno seq. 1126 Bruno et Eberhardus, qui Brunoni successit, de episcopatu Argenteratensi contendebant, ex charta de fundatione et dedicatione monasterii S. Joannis prope Tabernas diocesis Argenteratensis, nimirum Bruno, incertum qua ratione, depositus fuit, et in ejus locum substitutus ab imperatore Lothario Eberhardus.

## BRUNONIS EPISTOLA

AD GERHOHUM PRÆPOSITUM.

(R. P. Bernardus Pez, *Thesaur. Anecd. nov.*, tom. I, part. II pag. 221.)

Domino G, præposito, viro religioso et erudito, C B. peccator, edere de manna abscondito.

Inter pressuras graves et varios tumultus mundi labentis et suos dilectores secum volentis, quantum licuit, scripta vestra aspexi; zelum vestrum, studia

vestra, agonem et eruditionem adverti, et quod regina Austri de rege Salomone dixit, de vobis veraciter et fiducialiter pronuntiandum iudicavi. Videlicet, quod minor est fama quæ de vestris laudibus loquitur, quam thesaurus sapientiæ qui propius

accedenti et altius fodienti manifestatur. Joannes Baptista Agnum Dei secundum aliquid sciebat et demonstrabat; et secundum aliquid nesciebat quod per columbam descendente et manente super eum cogniturus erat. Utique mihi tale aliquid circa vos accidit, quia vos cognoscebam, sed nec talem, nec totum. Scriptis igitur vestris, quamvis raptim et in superficie gustatis, multo et ardenti desiderio

exopto scriptorum vestrorum mihi gratiam, pariter et vestram præsentiam dulcissimam exhiberi: ut, quæ clausa sunt, vel quæstionem afferre videntur, mutua collatione et amica colloquutione, quasi quibusdam clavibus aperiantur. Incolumitatem vestram et omnium vobiscum id Christo degentium, memorem nostri omnipotens Deus longo tueatur ævo.

ANNO DOMINI MCXXXI

# FRIDERICI COLONIENSIS ARCHIEPISCOPI EPISTOLÆ ET DIPLOMATA

(D. MARTENE, *ampl. Collect.* I, 661, 674, 681)

## I

*Epistola Friderici archiepiscopi Coloniensis ad clerum Leodiensem. — Increpateos, quod præcipiti electione, admissis etiam in suo conventu excommunicatis, in Alexandrum vota sua contulerint, eosque ad summam citat tribunal ad Indam monasterium.*

(Anno 1121.)

[*Ex ms. S. Laurentii Leodiensis.*]

F., gratia Dei sanctæ Coloniensis Ecclesiæ humilis minister, toti cleroqui Leodii est, scrutari testimonia Domini ut in toto corde exquirant eum.

Litteras vestras, ad nos per fratrem Nicolaum directas, paterni affectu recepimus, qui in his et nostram desiderare videntur præsentiam, et tanquam filii obedientiæ nostro corrigendum obtulistis consilio, si quid vestro excessistis arbitrio. Unum vobis notum fieri volumus, quia ad vos descendere et debita pietate vobis consulere parati fuisset, si excessus vestros tam manifestos, tam contrarios decretis sanctorum canonum nostræque auctoritati et vestræ salutis non perspexissemus. Defuncto enim beate memoriæ domno Frederico episcopo vestro, litteras consolatorias vobis direximus, desolationem vestram paternis lacrymis deplorantes, et ut in Domini consolatione spem vestram defigeretis affectu vos exhortantes. Sed, quia tunc temporis occupati tenebamur magnis Ecclesiæ et imperii negotiis, ut vestram ad nostrum consilium et reditum differretis electionem debita auctoritate monuimus, quia vestræ pusillanimitati et temporali pace et nihilominus canonice electione consultum esse voluimus.

(1) Majori præposito, qui postea Trajecti fuit episcopus.

(2) Hic Alexander, ut supra vidimus, mortuo Otherto pecunia episcopatum obtinere voluerat, quem extincto veneno S. Friderico, iterum amb-

**B** Vos autem interim divinæ institutioni, et nostræ admonitioni non acquiescentes, in conventum vestrum multitudinem eorum qui vestra petitione a domno papa, a nobis, a vestro etiam episcopo excommunicati habebantur, admisistis, ibique nostræ auctoritati præjudicantes, communicatio cum excommunicatis consilio, ea quæ destruxeratis reædificando, quod sine gravi dolore loqui non possumus, vos ipsos prævaricatores, excommunicatorum consortio contaminatos constituistis. Habemus quidem hujus miserabilis culpæ evidens argumentum, litteras vestras tam Coloniensi Ecclesiæ quam venerabili filio vestro (1) Andreæ missas, in quibus (2) Alexandrum dominum et episcopum vestrum vos recepisse satis inconsiderate significastis, et ad cumulum inexcusabilitatis vestræ conspirativa, confœderatione subjungendo affirmastis, nullum vos velle vel posse contra eum recipere consilium. Quod si in hoc conspirastis, ut quid queritur descensionis ad vos vel consilii nostri præsentia? Ut quid ore et scriptis vestris frequens et assidua nobis demandatur obedientia, quam destruit conspirationis hujus, ut asseritis, fixa cordibus vestris insolentia? Miramur et non parum miramur quomodo vos scribendo appellatis totam Leodiensem Ecclesiam. Nam, ut taceamus de archiepiscopi dignitate, qua membrum excellentius debemus esse Leodiensis Ecclesiæ, fraternitatis nostræ dilectio, quæ hactenus particeps et socia fuit tribulationum vestrarum, contemptuose videtur repudiata. Si iterum Ecclesia, quorsum

ivit; sed Deus, qui superbis resistit, humilibus autem dat gratiam, non Alexandrum ambitiosum, sed Alberonem humilem, Metensem primicerium, Godofridi ducis Lovaniensis fratrem, in sede Leodiensi sublimavit.

excluditis eam quam tantum cognoscimus et fateamur Leodiensem Ecclesiam? Præpositum Andream, et archidiaconos (3) Henricum et Stepponem, magistrum Stephanum et religiosos abbates (4), aliosque qui, licet locorum diversitatibus disjuncti, tamen in unitate spiritus vobiscum sunt fratres. Hos procul dubio Leodiensem Ecclesiam testatur bonæ simplicitatis obedientia, et persecutio quam passi sunt, et quotidie patiuntur pro justitia. Sed et hoc reticere non possumus, quod contra sanctorum canonum statuta, neglecto, imo contempto chrismate anni præsentis et oleo, de veteri plures annos reservato, per quorundam vestrum archidiaconatus adhuc fiunt unctiones a sacerdotibus, contra canones et nostram auctoritatem, per inobedientiam cum excommunicatis divina celebrare præsumptibus. Longum est enumerare quot et quantis excessibus Domini provocastis longanimitatem, et in nostram præsumptuose egistis auctoritatem; quia non solum ab Ecclesia Dei vos alienastis, sed et eos qui sincere nobiscum usque nunc permanserant, in prævaricationis vestræ consortium pertraxistis. Quia ergo his excessibus tam manifestis et Deo odibilibus non debetur paternæ consolationis visitatio, sed magis infligenda est condignæ severitatis increpatio; ad sedem Coloniensem, cui tam grave intulistis præjudicium vos invitamus, ut si excessus vestros sicut scripsistis nostro corrigere videritis consilio, exemplo Patris evangelici, prolem quæ perierat gratanter recipiamus, sub utriusque, Coloniensis videlicet et Leodiensis Ecclesiæ quæ nobiscum est, testimonio. Verumtamen ex superabundanti, si vestra hæc efflagitat humilitas, apud Sanctum Cornelium Indæ (5) cum filiis prædictarum Ecclesiarum vobis occurremus IV Nonas Septembris, parati misericorditer recipere in spiritu lenitatis et correctos instruere. Et, quoniam Alexander per Godescalcum Trajectensem clericum obedientiam et subjectionem nobis præsentem Ecclesia demandavit, et se velle de omnibus suis excessibus nostro acquiescere consilio per eumdem nobis insinuavit, III Nonas Septembris nos in prædicto commemoratos cœnobio eidem remandavimus, ut si forte velit aliquid rationabiliter deferre, ad aures Ecclesiæ, audiatur. Si quis autem inter vos habet zelum Domini, eumdem admonere,

(3) Hic corrigendus Brusthemius, qui inter perfidos fautores Alexandri Henricum archidiaconum numerat et Repponem sive Stepponem. Hujus loco legendum forte Emmonem, qui ibidem inter Fredericianos collocatur.

(4) Rodolphum S. Trudonis et Heribrandum S. Laurentii Leodiensis.

(5) Monasterium ordinis S. Benedicti duabus horis ab urbe Aquisgrano distans, fundatum a Benedicto abbate Anianensi, Ludovici Pii imperatoris confessore, in quo S. Cornelii papæ caput asservari creditur.

(6) Moguntina nationali anni 888, qua scilicet cautum est: *Ne ecclesiæ antiquitus constitutæ, decimis aut aliis possessionibus priventur, et novis oratoris attribuantur.* Ea in synodo confirmata Corbeiensium et Herivordensium privilegia solemnibus decretis, cui

arguere, increpare, obsecrare, orare non dissimulet, ut sibi ipsi propitius parcat Christi Ecclesiæ, ne incipiat infamie haberi, toties per dominum apostolicum, per nos, per suum episcopum ejectus a sanctæ matris Ecclesiæ liminibus. Plures enim repulsæ personam ejus infamem sicque reddunt Ecclesiæ notabilem, ut non solum id quod male nititur non apprehendat, sed et honoris et ordinis periculum subeat, quod adhuc retinere ex affectu maternæ pietatis Ecclesiæ mansuetudo tolerat. Hæc vobis, fratres charissimi, scribimus in spiritu charitatis, non ut vos confundamus, sed, sicut per priores litteras præmisimus, ut tam spirituali quam temporali pace consolandos ac sinum unitatis Ecclesiæ reducamus.

## II.

*Diploma Friderici Coloniensis archiepiscopi pro Corbeia Nova. — Confirmat ei decimas de mansis dominicatis in suo episcopatu, olim in solemnibus concilio tempore Arnolphi imperatoris concessus.*

(Anno 1120.)

[ *Ex ms. Corbeiz novæ.* ]

In nomine sanctæ et individue Trinitatis. Notum fieri volumus tam præsentis quam futuri ævi fidelibus, quod venerabilis abbas Corbeiensis Erkenbertus pro infestatione quorundam contra se et monasterium suum noviter exorta, patrocinium nostrum adiit, orans ut privilegium ei pro confirmandis decimis quæ monasterio ipsius de dominicatis mansis in episcopatu nostro ab antiquis temporibus solvantur, concederemus juxta consensum et subscriptionem Williberti archiepiscopi Coloniensis ad [f. ac] decem et novem episcoporum, qui in synodo (6) tempore Arnolphi imperatoris convenerant et juxta concessionem omnium successorum ejus, cujus rationabili petitioni ego Fridericus Dei gratia Coloniensis archiepiscopus, tam pium quam justum consensum exhibens, hoc ei auctoritatis nostræ chyrographum, tam ad innovanda quam roboranda priorum auctoritatum instituta fieri præcepi; in quo non solum subscriptionem prænominati archiepiscopi cæterorumque archiepiscoporum in synodo prædicta congregatorum sed etiam omnium antecessorum eorum concessionem ratam esse decrevi, recognoscendo et permittendo Ecclesiæ ipsius deci-

scripsere cum Williberto Coloniensi episcopi novemdecim. Horum nomina quia nec a Labbeo et Cossartio in Conciliis generalibus, nec a Sirmundo, Serrario et aliis reperta sunt, ex ipso decreto in Annalibus Paderbornensibus edito hic producimur. Fulco Rhemensis, Willibertus Agrippinensis, Thiadmarus Salzburgensis, Redbodo Trevirensis, Joannes Rothomagensis archiepiscopus, Hildegimus Halberstadiensis episcopus, Adalarius Namaburgensis archiepiscopus, Arn. Vitzburgensis, Liwardus Vercellensis, Robertus Metensis, Adalhelmus Wurmanensis, Godethaneus Spirensis, Wichertus Hildinshheimensis, Deth. Viridunensis, Dodilo Cameracensis, Honoratus Belvacensis, Herilo Noviomagensis, Baltramnus Stratzburgensis, Waldo Frisingensis, Thiadolphus Curacensis episcopi.

mas quas in episcopatu Coloniensi ante tempora A possedit, præcipue quas Lachem dominicali suo vel in Rheno vel in aliis dominicatis mansis tenuisse dignoscitur, de quibus injustam et insolitam contradictionem adversum se moveri querebatur. Cui auctoritatis nostræ decreto ut amplior fides et reverentia exhibeatur, et ipsorum quibus traditur defensionem magis astipuletur, tam sigilli nostri impressione, quam banni nostri tremenda animadversione, irrefragabile robur addidimus. Sancimus etiam et decernimus in virtute et in nomine Patris, et Filii, et Spiritus sancti, ut ex auctoritate beatissimi Petri apostolorum principis, ut præsens testamentum omnibus sæculis immutabile et inconvulsum permaneat, violatores ejus anathematis et æternæ maledictionis districtione, nisi resipuerint, ferientes, conservatoribus vero et defensoribus ejus perpetuæ remunerationis spem certam promittentes. Actum est hoc et in celebri curia et conventu Goffariæ confirmatum, anno singularis nativitatis millesimo centesimo vigesimo, indictione septima, imperante Heinrico quinto Romanorum imperatore Augusto, præsidente sedi apostolicæ domino Calisto, anno nostri episcopatus nono decimo, Corbeiensis Ecclesiæ curram aurigante Erckenberto reverendissimo abbate feliciter.

## III.

*Diploma Friderici Coloniensis archiepiscopi pro monasterio Groffschiltensi.*

(*Ex autographo.*)

In nomine sanctæ et individuæ Trinitatis. FRIDERICUS, divina favente clementia sanctæ Coloniensis Ecclesiæ archiepiscopus.

Sacrarum Scripturarum commonemur auctoritate, et prædecessorum nostrorum hujus sanctæ sedis Coloniensis archiepiscoporum erudimur exemplis, loca sanctorum et cœnobîa fratrum manu charitatis visitare, ut pio prædecessorum nostrorum fundamento aliquid superædificantes, apud summum pastorem præmii ipsorum inveniamur consortes. Hoc studio cœnobîum Graffcaph a domno Annone felicis memoriæ archiepiscopo fundatum visitantes, quædam de nostris possessionibus ad usus fratrum prædictæ ecclesiæ contulimus, sperantes cum ipso ejusdem loci fundatore portionem in terra viventium obtinere. Unde cum infra terminum curiæ nostræ Badelich quidam Jalen nomine, allodium suum abbati Wichberto prædicti cœnobîi vendidisset, nos idem allodium S. Alexandro (6\*) confirmavimus adjicientes ecclesiæ quidquid ex jure nostro prædictus Jalen habuit in communione omnium ulamini, quibus sub nostra potestate degentes habeat perfui. Præterea cum tres libras et dimidium decimationis Sosatii obtineret ex dono venerabilis

(6\*) Id est monasterio Graffchatensi, quod in honorem S. Alexandri conditum est.

(7) Il est de ecclesia cathedrali S. Petro dicata, quæ hactenus domus Gallice *le Dôme* vocatur.

(8) Hinc emendabis Bucelinum in *Germania sa-*

nostræ prædecessoris domni Annonis sæpedita ecclesia, et locationem ejusdem decimationis usurpasset sibi villicorum injusta violentia, locationem ei resignavimus, et ne amplius ea privetur, debita auctoritate confirmavimus. Sed et decimam de vinea Thielbach, quam prædecessor noster ter domnus Sigewinus in dotem ecclesiæ Grafchapsensi in die consecrationis ejus contulerat, ab ipsa ecclesia per villicos de Bacharach alienatum restituimus, et ut vinea seu decimatio perpetua libertate fratribus conservetur, pari auctoritate stabilivimus. Et ut hæc præscripta sine omni inquietudine possideat præscripta Grafchapsensis ecclesiæ, seu et illa quæ contulit eidem sæpius recolendæ memoriæ domni Annonis munificentia, B. Petro collata potestate, et banni nostri confirmavimus auctoritate. Conservatoribus quæ nec oculus vidit, nec auris audivit pollicentes gaudia, et injustis calumniatoribus seu invasoribus comminantes gehennæ supplicia, ubi vermis eorum non moritur, et ignis non exstinguitur. Et ut hæc nostræ traditionis confirmatio ad posterorum transeat inconvulsa notitia, præsentis privilegii astipulatione et sigilli nostri impressione corroboramus, subscribentes etiam jura et possessiones quas piæ memoriæ domni Anno contulit eidem ecclesiæ, quas itidem confirmamus eadem quam præfati sumus auctoritate. Hæc autem nostra confirmatio Coloniæ est acta præsentibus et assensum præbentibus multis B. Petri fidelibus et honestis personis, quorum nomina in hujus confirmationis testimonium adnotari digoum duximus. C Præpositi Henricus de (7) Domo S. Petri, Ekkebertus decanus ejusdem loci, Godefridus de S. Severino, Henricus de SS. Apostolis, Theodericus de S. Maria in Gradibus. Abbates (8) Gerhardus de S. Pantaleone, Albanus de S. Martino, Rupertus Tuitiensis et Cuno Sigeburgensis. Liberi Hermannus ejusdem ecclesiæ advocatus, et filius ejus Gerhardus, et Thietmarus, Gerhardus comes Juliacensis, Engelbertus de Kent. Ministeriales sancti Petri Herimannus Sancti Petri advocatus, Almarus, Henricus de Aldentorph et multi alii.

Hæc autem sunt possessiones Grafchapsensi cœnobio collatæ a munifico fundatore suo domno Annone, ecclesiæ Worumbach, etc.

## IV.

*Epistola Friderici archiepiscopi Coloniensis ad Mediolanenses. — Hortatur ad resistendum Ecclesiæ inimicis.*

(*Ex ms. S. Germani a Pratis.*)

Consulibus, capitaneis, omni militiæ, universoque Mediolanensi populo, FRIDERICUS Dei gratia Coloniensis Ecclesiæ humilis minister, viriliter agere

*cra*, qui administrationis Gerardi abbatis S. Pantaleonis initium consignat anno 1138. Nam cum Fridericus archiepiscopus, hujus diplomatis conditor, obierit anno 1131, prævertendum est necessario initium abbatialis dignitatis Gerardi.

et confortari in Domino et in potentia virtutis A  
ejus.

Magnus Dominus et laudabilis nimis in hac Dei  
quæ condecoratur gloriosa libertate, ideoque in  
exultatione universæ terræ fundatur, dum quibus-  
libet injustis potestatibus prosterni dedignatur. Hæc  
itaque gloriosa cum per universum orbem de te  
sint dicta, civitas Dei incluta, conserva libertatem,  
ut pariter retineas nominis hujus dignitatem, quia  
quandiu potestatibus ecclesiæ inimicis resistere ni-  
teris, veræ libertatis auctore Christo Domino adju-  
tore perfrueris. Firmet ergo vestram constantiam,  
carissimi, prædicanda æquitas et a patribus vestris  
usque ad nos deducta nominis dignitas, insuper  
nostra omniumque honorum applaudens unanimi-  
tas. Quicumque enim sumus Lotharingæ, Saxonie,  
Thuringie, imo totius Gallie principes ad dilectio-  
nem vestram sumus unanimes : quia sicut in uno  
regni corpore sociamur, ita in eadem justitia, ead-  
em legum libertate, una vobiscum vivere parati  
semper inveniemur. Porro si auxilio vel consilio  
nostro egeritis, qualiter id velitis fieri, discretionis  
vestræ ordinet prudentia, ad quod exsequendum  
promptissima invenietur nostra diligentia. Ergo  
quidquid vobis in commune placuerit, nobis deside-  
ramus rescribi, non quidem vobis diffidentes, sed  
in responsis vestris jocundari volentes, ut quod  
corporali hoc tempore fieri nequit præsentia, saltem,  
tuo beneficio nobis exhibeat epistola, cujus est of-  
ficium absentes quasi præsentem efficere, et inter  
amicos tam dulcia quam secreta colloquia mis-  
cere. Valete. Cæteras civitates quæ vobiscum sunt,  
confortate in Domino.

## V.

*Epistola Frederici Coloniensis archiepiscopi ad Eccle-  
siam Leodiensem. — Mandat ne intrusum per Si-  
moniam nominatione regia in sede Leodiensi reci-  
piani.*

(Ex ms. S. Trudonis.)

F., Dei gratia sanctæ Coloniensis Ecclesiæ humi-  
lis minister, Leodiensis Ecclesiæ archidiaconis,  
præpositis, decanis, scholasticis, cantoribus, om-  
nibusque catholicis, a proposito sancto nullius ne-  
cessitatis occasione declinare.

Ex auctoritate evangelica, necesse est ut veniant  
scandala, ut dum revelatur filius perditionis, mani-  
festi fiant et probati, quotquot præordinati sunt in D  
sortem supernæ retributionis. Unde fraternitatem

(3) *Reverendissimo.* In hac epistola non reperiuntur numeri in sine apponi soliti, in scitia haud dubie scriptoris. Etenim duplex est ordo numerorum in formulis antiquis litterarum ejuscemodi, ut patet in exemplis, tomo II Concil. Gal. a Sirmundo relatis. Primus exprimit litteres verbi AMHN Græce scripti. Secundus ordo, summam numerorum tam communium quam propriorum cujusque epistolæ formatæ : uterque ordo in epistola Friderici vitiatum apparet, uti et quinque elementa Græca, postremo ordine in apographo subjecta, quæ hic præ forma-  
rum typographicarum defectu reddere nequimus.

vestram præmonentes, pia sollicitudine monemus, obtestamur et præcipimus ex debito sanctæ obedien-  
tiæ, ne recipiatis . . . . . regie intrusionis violentia, sub nomine designati episcopi ad vos venientem : quia temeraria invasione sedem nostram, quantum in ipso fuit, privavit archiepiscopali honore, vosque coatepsit, quibus imponi voluit sine canonica electione, non veritus prævenire Simoniaca ambitione inducias electionis vestræ denominata die præordinatas, quas et vestra Ecclesia expetit, et sedis nostræ auctoritatis concessit. Igitur in promptu habentes ulcisci omnem inobedientiam, in ipsum et in omnes ipsius sequaces, vel eidem communicantes paravimus anathematis sententiam a qua liberari desideramus fraternitatis vestræ obedientiam.

## VI.

*Frederici Coloniensis archiepiscopi litteræ formatæ.  
(Spicil. III, 474.)*

Reverendissimo (9) cultuque almifluæ religionis sincerissimo BRUNONI sanctæ Treverensis archiepiscopo, FREDERICUS reverendæ Coloniensis Ecclesiæ ac plebis ipsius humilis famulus in CHRISTO pastorum principe, mansuram cum gaudio prosperitatis et perpetuitatis gloriam.

Decreta sanctorum trecentorum octo decem Patrum Nicææ constitutorum saluberrima servantes, Deo dignam piamque paternitatem vestram canonicè aggredimur, et sub nomine formatæ epistolæ reverenter vestram sanctitatem adimus, vobis videlicet intimando quia præsentem cuidam diacono nostro nomine BALDUINO has dimissorias dedimus litteras, quem in vestra diocesi canonicè educatum, de ordine clericatus ad diaconatus proveximus gradum, ut his canonicis munitus apicibus cum nostra licentia ei in vestra parochia sub defensione ac regimine vestræ charæ dilectionis degere liceat, et ut eum si morum probitas doctrinæ dignitas suppetit, et presbyteratus ordinem promoveatis fideliter annuimus, illumque in sinu sanctæ matris Ecclesiæ canonicè fovendum ad regendum vobis committimus. Hanc ergo epistolam Græcis litteris hinc inde munire decrevimus, et annulo nostræ Ecclesiæ bullare censuimus. Christus pastorum Princeps fraternitatem vestram ad custodiam sui gregis diu conservare dignetur incolumen, I XL VIII I. [DCCC DCCC CCC.]

Erant autem, primo duplex nota, ea quæ ab antiquis *ennacos* dicitur, signatque numerum nongentesimum ; tum litteræ T, II, et Σ, seu C, sic enim antiquitus pingebatur. Attamen ex regulis formatarum hæc subscribi debuerant litteræ : Φ, P, A, O ; nimirum Φ, pro prima littera scribendi Friderici ; P, pro secunda Brunonis cui scribitur ; A, pro tertia accipientis Balduini ; O, pro quarta civitatis Coloniensis de qua scribitur. Et si quinta esset adhibenda, erat E, pro quinta civitatis Treverensis, ad quam scribitur. Quibus omnibus addenda erat indictio

ANNO DOMINI MCKVII

# RICHARDUS

ABBAS PRATELLENSIS

## NOTITIA HISTORICA IN RICHARDUM

(MABILL. *Annal.* lib. LXX, n, 41)

Pratellense monasterium Goisfredus seu Gaufredus abbas, ordine quartus, septem annis administravit, cujus loci ecclesiam dedicari curavit xvi Kal. Novembris, quo die in veteri Calendario notatur *dedicatio ecclesiae Sancti Petri de Prateellis*. In eodem Calendario Gaufredus iii Kal. Septembris obiisse dicitur, non Decembris, ut in *Neustria pia* (1), ubi ejus obitus hoc anno consignatur. Ejus successor Richardus, vir eximiae pietatis et non mediocri pro tempore doctrinae, de Furnellis nuncupatus, in Bajocensi Sancti Vigoris monasterio in monastica disciplina et in litteris primum institutus fuerat sub Roberto Tumbaleniensi, ejus loci ultimo abbate, qui, Odone episcopo monasterii Sancti Vigoris conditore in vinculis detento (2), ad Montem Sancti Michaelis, cujus cœnobita erat, reversus est. Post ejus discessum nova illa monachorum congregatio, rectore orbata, brevi dispersa est. In his Richardus, ut erat sciendi avidus, doctos et religiosos viros in aliis monasteriis quæsit, Anselmum Beccensem, Gerbertum Fontanellensem, et Gontardum Gemeticensem, in quorum contubernio aliquandiu habitavit. Mortuo demum Gaufredo Pratelensi abbate ad regimen illius abbatiae cooptatus, sacrarum litterarum studium non intermisit, ut testantur variae ejus in plerosque divinæ Scripturæ libros commentationes morales necdum editæ, quas composuit inter molestas prælecturæ occupationes, in quibus se his studiis relevari passim testatur. Jam annos viginti octo in sacris illis studiis insumperat, cum suos in Genesim Commentarios dedicavit *Anselmo Cantuariensis Ecclesiae archiepiscopo* quidam, ut se ipse passim dicitur, *Dominicæ crucis servus*, tametsi Ordericus ait, illos commentarios, forte illorum partem, Mauricio S. Launomari Blesensium abbati in scriptos fuisse. In illa ad Anselmum epistola quis fuerit ejus studiorum scopus explicat his verbis; *Cæterum Dominus inopiam meæ scientiæ novit, cui non fide loquitur testimonium meæ conscientiæ vel intentionis. quia nec præsumo viribus meis, nec ad plausum mortalium, nec ad fructum transitoriae remunerationis operam impendo, et explanandum perplexa mysteria Mosaicæ legis; in cujus siquidem amabili contubernio et contuberniali amore, ferme jam sunt transacti viginti et octo anni, totum me retrusi; in cujus nimirum mandatis prosequendis dum desudo, valde requiesco; cumque ab illius amplexibus importunitate negotiorum mundanorum prævalente frequenter avellor, non modicum laborem incurro. Eundem animi sui sensum fusius explicat in prologo commentarii super librum Numerorum, editi post expositionem ab ipso factam Deuteronomii, qui prologus in scriptus est Adelelmo, *eruditissimo presbytero*, ut Ordericus (3) testatur, et *Flaviacensi monacho*, qui cum *Fiscanensibus sanctæ Trinitatis reverenter militans consenuit*. Patiantur lectores, ut illius prologi initium hic referam ad illustrandum pium auctorem, cujus opera nunquam, ut quidem opinor, prodibunt in lucem. *Post sollicitudinem, inquit, curæ pastoralis, post strepitualem dispensationem forensium rerum, post importunissimam altercationem rusticæ multitudinis ferme ratione carentis, vix dum ego revisens penetrabile meæ mentis, et dispendium vitæ meæ perpendens, nec usquam exitum aliquem repertens; valde, fili Adelelme, conqueror atque contristor, quoniam ubi prius tranquillitatem animi et claritatem assidue lectionis solitus fueram intueri, ibi procul dubio in intimo cordis mei tumultuantem cogitationum turbam et pulverem mundanæ commorationis compellor perpeti. Novit enim ille qui renes et corda cunctorum rimatur, quia gestare mallei austeritatem prælati, quam virgam pastoralis regimints, Quod attinet ad alios Richardi commentarios, Proverbia Salomonis Pontio Cluniacensi abbati, expositionem in Cantica canticorum filio suo Mauricio dedicavit. In his porro aliisque commentariis se morosos censors passum esse testatur.**

(1) Page 509.

(2) Orderic. lib. II, p. 709.

(3) Ibid.

## PROLOGUS RICHARDI

### IN LEVITICUM

AD ANSELMUM CANTUARIENSEM ARCHIEPISCOPUM.

(Circa an. 1100).

(MARTENE, *Ampliss. Collect.*, I, 575, ex ms. Vedastino Atrabatensi.)

*Incipit prologus in libro Levitici editus a quodam Cantuariensis Ecclesie archiepiscopo, hostiam vivam, Dominicæ crucis servo.*

Unus ex accolis domus filiorum Israel ANSELMO C

sanctam, rationabilem offerre summo pontifici.

Quoniam quidem in te diversa dona sancti Spiritus



tus non ambigo vigere, amantissime et inter membra Christi plurimum venerando, tum quia positus inter sollicitudines rerum ecclesiasticarum, non solum quotidianis, verum etiam furtivis horis noctium operam sapientiæ perscrutandæ vigilanter impendis; tum etiam quia quæ sentis in lege Domini, luculento sermone, suppeditante quidem facundia, potis es proferre. Item, quia turbam imperitorum atque discolarum mirabiliter muro tuæ patientiæ compecis, et eorum importunis assultibus immobilis permanes. Quia ergo tantam prærogativam virtutum insitam tibi considero, explanationem in librum Levitici experientiæ tuæ committere decrevi. Ne id quidem volo, ut aliquis arbitretur me in tuis laudibus efferendis declamasse, et tuum caput oleo peccatoris oblinisse: quo te tutorem ac defensorem mearum ineptiarum, uti quibusdam videtur, citius quam alio lucro asciscerem; quod si verbis meis non credunt, vel operibus credant. Porro si verus es amator sapientiæ divinæ, nescies parcere cuiquam quem comperis dilaceratorem illius esse: quæ quidam res tanto mihi sit odibilis, quanto magis deludo delectabiles amplexus ejusdem experiri. Cæterum vehementer reverens os loquentium iniqua, qui potius dispendia vitæ dormitando certatim unusquisque amplectuntur, quam circa mysteria sacrarum Scripturarum explananda compendium gratisimi laboris prosequi moliantur, quæso vos, domine mi, ut istud opus animo vigilantissimo transcurratis, et totum quod sanum intellectum offendit, cultro catholicæ fidei amputetis, et sic ubi minus fuerit quam decet, prout vobis placuerit, quæso iterum ut suppleatis, ut postmodum sibilus quorundam reprimatur, et dens lividus atque corrosorius retundatur, et vestra auctoritate, diligenti quoque examine, liber iste commendatus, auribus plurimorum tutius divulgetur. Quod si quando quilibet me præsumptorem et opus vires ingenii mei transcendens aggredientem æstimaverit, unum quidem prorsus abnegans diluo, alterum vero mihi inesse profiteor. Quia vero vitium præsumptionis me incidisse quamplures autumant, dum textum Levitici conatus sum explanare, et stylo scatenti prolixum opus assignare; tandem fatiecat virosa lingua, et potius tela super incudem livoris fabricata retorqueat in quemdam ar-

A chipræselem, et in multitudinem personarum religiosarum, quas munus gratiæ divinæ filiis supernæ Jerusalem præesse voluit. Illorum namque præceptis parui. Stylo currenti atque commentatorio totum opus in decem et septem libris consuminavi. Testimonia vero Scripturarum quibus ea quæ dictando scribebam, cingere frequenter procuraveram, more quidem meo, prout simplex turba fidelium flagitabat, tanquam verba libri exponere studui. Itaque dextram committens dextræ Excelsi, qui suscitavit terra inopem, et destercore elevat pauperem, quod ipse mihi subministravit, totum quidem diutinum laborem pronamente suacipiens, poscentibus libens porrexit. Noverint trutinatores alienorum operum, quia Dominus per infirma vasa suis filiis pleraque bona nonnunquam ministrare soleat, maxime cum quispiam pauper et amator sapientiæ floribus illius incubat, et pectore gemebundo, crebris quoque suspiriis, item rivulo lacrymarum interdum subsequente aures ejusdem pulsant. Quis, quæso, mortaliolum adeo tenax volaticarum rerum posset tolerare importunitatem cujuslibet indigentis, et ante portam illius alimoniam crebro clamore postulantis biennio seu triennio, quin vel micæ a mensa decedentes transmitteret. Profiteor me jacuisse ante portam summæ sapientiæ viginti et quinque annos nocte ac die, quibus poteram desideriis implorans, ut me sitientem in cellam vinariam intramitteret, et vino incomparabilis lætitiæ meam inopiam relevaret. Et quoniam frequenter, sicut Veritas protestatur, dicens: *Pulsate et aperietur vobis*, mihi quoque suum ostium divina clementia pulsanti reseravit, et pro meo affectu plurima propinavit, quæ aliis propinare procuravi. Omnis qui indiget sapientia, postulet a Deo et dabitur illi. Certe nonnunquam viderim pauperem cæteris in postulando stipe corporis necessariam paulisper importuniorum, et ideo persæpe vi clamoris continue id quod desiderabat obtinuisse, et id ipsum quod extorserat collegis suis torpescentibus distribuisset. Hunc itaque ritum imitando perhibeor esse importunus Domino meo Jesu Christo, qui si non dat mihi, eo quod amicus ejus sim, surget tamen propter improbitatem, et dabit mihi panes quotquot habeo necessarios.

## EPITAPHIUM RICHARDI

(*Neustria pta.*, 510.)

Lux, flos, vas, patriæ, monachorum, philosophiæ,  
 Abbas Richardus, tota domus jacet hic.  
 Quidquid contextit lex, ejus lingua retexit,  
 Et veterum quod quis implicat, explicuit.  
 Cui Februi ternas assignat morte Kalendas  
 Qui det perpetuum vivere vita Deus.

# SANCTUS STEPHANUS

ABBAS CISTERCIENSIS III

## NOTITIA HISTORICA

*Acta Sanctorum Bolland.. Aprilis tom, I, pag. 496)*

### CAPUT PRIMUM.

*Ortus, Vita monastica: peregrinatio. Accessus ad Molisium et Cistercium: ejus prioratus.*

1. Præcipui auctores Cisterciensis ordinis fuerunt S. Robertus, B. Albericus, et jam indicatus S. Stephanus, quem Romani Martyrologii tabulæ hoc die memorandum proponunt. Vitam S. Roberti abbatis Molisimensis, et fundatoris habitus ordinis Cisterciensis, dedimus die 29 hujus mensis Aprilis (1), ubi latius primordia ordinis totius examinamus: atque allegamus varia de S. Stephano, hic non nisi obiter attingenda, ad quæ, ne roles operis accrescat, benevolam Lectorem remittimus. Vitam B. Alberici, sed ex Fasciculo sanctorum ordinis Cisterciensis a Chrysostomo Henriquez collecto, dedimus 26 Januarii. Habebat illam lib. 1, distinct. 2, eique subjunxit distinct. 3 Vitam S. Stephani, quam curiosus Lector ibidem reperiet. Nos ex variis, et potissimum ex libro utroque Exordii Cisterciensis, præcipua seligimus.

2. De origine S. Stephani Angelus Manrique, in sua introductione ad *Annales Cistercienses* cap. 2, num. 4, ita loquitur: «Stephanus, cognomento Hardingus, genere nobilis; natione Anglus, professione fuit monachus; quod vitæ genus ab adolescentia sectabatur, ad Shirburnense monasterium induto habitu. Ex Anglia studiorum causa primum Scotiam, inde in Galliam Parisios transfretaverat. Ibi profanis litteris libatis, sacras penitus hausit disciplinas; labore assiduus, ingenio profundus, meditatione præcipuus: et in quo (ut Malmesburiensis lib. 14 *De regibus Anglorum* verbis utar) » scientia litterarum cum religione quadrabat: sermone comis, facie jucundus, animo semper in Domino lætus. His solidioribus jactis fundamentis, post aliquot annos Romam proficiscitur, sacris liminibus visitandis venerandisque, clericis studiorum sibi socio adjuncto. Mirum in juvene, quamvis religioso: quominus integrum Psalterium singulis diebus devotus decantaret, nullis occupationibus distractionibusve, nullis negotiis potuit impediri: inter ipsa etiam viarum

A incommoda, naturæ obsequia, et quæ hominem trahant erga proximos opera pietatis utriusque tabulæ, decantando Psalterio tempus et locus fuit, eodem clerico alternis respondente, fidei socio et prompto ad omne bonum.» Ita Exordium magnum Cisterciense lib. 1. c. 27, sæculo duodecimo a monacho Claravallensi scriptum: ex quo asserit idem Manrique ad an. 1106, cap. 4, n. 5, « S. Stephani historiam summe illustrari. » At n. 5, cap. 2, in Introductione, ista addit:

3. « Post visitata Romæ loca sacra, crediderim et perfectioris adhuc vitæ ab Stephano Hardingus conceptum votum, lætus uterque Gallias repedabat: cum ecce pervium Lingonense territorium, et in eo Molisium recenti fama ad monachos divertendi occasio fuit. Sensit Stephanus se deberi novæ fabricæ, novo cœnobio, sive quod verius dicam futuro ordini: et Roberto Albéricoque deerat tertius, triplici illi funiculo texendo, rumpendo nunquam, tot homines cœlestibus vinculis ligaturo. Non tamen defuit ferventi tunc spiritui, sub validiore pietatis specie, acristentatio: vetus societas solvenda dirimendaque, tum primum clerico ab ipso dissentiente, nec acquiescente remanere apud Molisium. Parentes olim fratresque dimissi relictæque opes, gloria mundi sprete, oblectamenta et deliciæ superata minus negotii facesserunt viro Dei, quam unius probi ac probati amici jactura imminens, vel tot sanctorum convictu compensanda. Sed vicit tandem animum hærentem occulta vis, quæ Stephanum Cistercio præparabat. Auxit Molisimensem conventum recens hospes, lætantibus angelis, tabescentibus dæmonibus, Roberto Albericoque, abbate et priore, et cæteris fratribus suis æque gaudentibus. »

4. Deformatæ postmodum Molisium præabundantia, nec corrigibilis, a S. Roberto deseritur, cura B. Alberico relicta: sed hic, verbera et carcerem perpessus, cum S. Stephano in eremum, cui Unicus nomen erat, secessit. Verum ad Molisium omnes revocati multa reformarunt: quia tamen non possent omnia, novum cœnobium construere meditantur, et

(1) Vide Patrologiæ tom. CLVII.

ad id facultate a legato apostolico impetrata, Cistercium eligunt, actore potissimum S. Stephano: de quo in allegato supra Exordio cap. 10, lib. 1, ista leguntur: « Cum verbum innovandæ religionis motum fuisset, ipse Stephanus primus inter primos ferventissimo studio laboravit, ac modis omnibus institit, ut locus et ordo Cisterciensis institueretur: cujus postmodum, ordinante Deo pastor ac doctor erat instituentus. » Forsan etiam ad Odonem ducem Burgundiæ, auxilium petatum, missus fuit. Quæ omnia ad S. Roberti Vitam deduximus.

5. Cœptum ergo incolæ cœnobium anno millesimo nonagesimo octavo a die 21 Martii, sub S. Roberto primo abbate: sed hoc jussu pontificis sequenti anno reverso Molisium, B. Albericus in abbatem promotus, et S. Stephanus ab eo prior suffectus est: qui simul cum eo vigorem disciplinæ auxit, confirmationemque monasterii apud Paschalem promovit, jovitque in primis Cistercii statutis formandis: etsi initium reformationis Cisterciensis datum, atque vestis alba assumpta est. In obitu B. Alberici, ab hac vita anno 1109 subtracti, habitum a S. Stephano sermonem fuisse, aliqua traditio est: et is, cum reliquis Alberici Actis, habetur 26 Januarii.

#### CAPUT II.

*Abbas creatur: prima ejus statuta. Pauperlas domus divinitus sublevata. Attentio ejus in oratione. Humilitas.*

6. Auctor Exordii magni Cisterciensis, lib. 1, cap. 27, a Manrique citatus ad annum 1109, cap. 2, scribit: « Post mortem vero secundi sui pastoris, Cisterciensis Ecclesia adhuc pauper et modica conventus de electione abbatis sine personarum acceptione tractare. Et mediante gratia Spiritus sancti, elegerunt virum bonum, nomine Stephanum, natione Anglicum, qui cum eis de Molismo exierat; virum conspicuæ sanctitatis; omniumque virtutum gratia decoratum, eremi amatorem et ferventissimum sanctæ paupertatis æmulatorem. Quod cum donante Domino, sicut præfati sumus, factum fuisset, tanquam fidelis et prudens dispensator, cœpit illico devotissima mentis intentione tractare qualiter ordinem suum noviter fundatum, et adhuc in multis vacillantem (quippe nondum perfectis et meram paupertatem redolentibus excultum) in melius proveheret et extolleret, tæique moderatione roboraret, ut Domino Jesu fructum plurimum adferre valeat. Convocatis itaque fratribus suis, et habito cum eis consilio, tam ipse quam fratres ejus interdixerunt ne dux terræ illius seu aliquis alius princeps curiam suam in aliquo tempore in Ecclesia illa teneret, sicut antea in solemnitatibus agere solebant. Deinde ne quid in domo Dei, in qua die ac nocte Deo servire cupiebant, remaneret quod superbiam aut superfluitatem redoleret; aut paupertatem virtutum custodem, quam sponte propter Deum elegerant, aliquando currumperet, confirmaverunt etiam, ne retinerent cruces aureas vel argenteas, sed tantum ligneas coloribus depictas, neque candelabra, præter

unum ferreum: neque thuribula, nisi cuprea vel ferrea; neque casulas, nisi de fustaneo vel lino sive panno, sed sine auro vel argento; neque albas vel amictus, nisi de lino, similiter sine auro vel argento. Pallia vero omnia et cappas atque dalmaticas tunicasque ex toto dimiserunt. Calices non aureos, sed argenteos, et si fieri posset deauratos; fistulam argenteam, et si possibile sit deauratam; stolas quoque ac manipulos de panno tantum, sine auro et argento, haberi voluerunt. Pallæ quoque altarium, ut de lino fierent, et planæ sine pictura, statuerunt: et ut ampullæ ad ministerium altaris sine auro et argento essent. »

7. Hactenus ex citato Exordio, in quo indicati duces terræ illius, erant duces Burgundiæ, a Roberto rege Francorum prognati; ex quibus Roberti ipsius pronepos Odo primus, fundator hujus monasterii, obierat anno 1102, et tunc vivebat filius Odonis Hugo, mortuus anno 1142; cui successit Odo secundus, dicti Hugonis filius, qui superfuit usque ad annum 1152. Horum trium epitaphium exstat Cistercii in sacello ecclesiæ ad dexteram. De sacris vestibus, potissimum rejectis et non admittendis imposterum, varia inquirat Manrique, et pallia videntur potissimum generice sumpta, sub quibus quasi species palliorum sumuntur *cappæ, de choro* scilicet, seu *pluvialia*, pro presbyteris; *dalmaticæ*; pro diaconis et subdiaconis; et *tunicæ*, pro thuribulario et cerofariis. *Fistula* in usu erat pro iis qui præter sacrificantem hauriebant sanguinem Christi. Quem ritum adhuc in solemnibus sacris vidimus observari apud Cluniacenses: et Cajetanus par. 1. quæst. 80, art. 12, qu. 3, indicat, « in ordine Cisterciensi alicubi communionem fieri sub utraque specie: » quod etiam ad sanctimoniales ejusdem ordinis pertinuisse, vidimus 13 Aprilis in Vita Vener. Idæ de Lovanio lib. III, num. 10.

8. De ordinis sub S. Stephano paupertate usque ad mendicitatem, ista habet dictus auctor Exordii l. 1, cap. 23, et ex eo Helinandus monachus Cisterciensis (qui circa annum 1212 in Monte-Frigido floruit) apud Vincentium Bellovacensem, lib. xxvi Speculi historialis, c. 2: « Memini me audivisse magistrum Petrum cantorem Parisiensem, virum justissimum atque doctissimum, referentem de Abbate isto Stephano Cisterciensi, quod cum ei quadam die nuntiatum esset a suo cellario, nihil haberi in monasterio unde vel una die fratrum necessitas sustentari possit, respondit: *Sternite nobis duos asinos*. Qui cum strati essent, fecit secum ascendere conversum unum, et jussit ei ut in quodam vico panem ostialim mendicaret, et ipse similiter in alio faceret: et postquam sic fecissent, ad unum locum, quem ei designaverat, convenirent. In loco prædicto sibi jam redeuntes obviabant, cum ecce abbas vidit sacculum conversi multo pleniorum quam suum; et subridendo ait: « Ubi mendicasti? ut video, in crassiori platea collegisti quam ego. — Respondit Conversus: Presby-

« ter ille, quem vos optime nostis, sacculum meum  
« implevit. Quod audiens abbas, ingemuit et ait :  
« Væ vobis, quare ibi aliquid accepistis? Nesciebatis  
« quod presbyter ille Simoniace ordinatus sit? et  
« quod accepit est lepra et rapina? Vivit Dominus,  
« quia de omni, quod dedit, nihil gustabimus. Absit  
« quod peccatum illius comedamus, et nobis incor-  
« poretur. » Convocatisque pastoribus ovium, qui  
non longe erant, totum conversi sacculum in sinus  
eorum evacuavit. » Hæc ibi, quibus similia plura  
narrat auctor Exordii, et lib. 1, cap. 31, ista dicit :

9. « Instabat sancta solemnitas Pentecostes, et in  
ipsa sacratissima die vix tanti panes in eadem domo  
inveniri poterant, qui fratribus sufficerent. Tum vero  
fratres vehementer exhilarati, tanquam si de ipsa  
paupertate sua, quam propter Deum sustinebant,  
saginarentur, missam tantæ solemnitatis cum summa  
devotione in jubilo cordis cantare cœperunt. Et ecce  
necdum finita missa, de promptuariis gratiæ Dei  
largam benedictionem repente, unde non sperabant,  
sibi transmissam cum multa gratiarum actione sus-  
ceperunt. In his et similibus vir Dei perpendens quam  
veraciter Scriptura dicit, « Quoniam nihil deest ti-  
« mentibus eum ; » largitatem et miserationem Do-  
mini super se et super fratres suos admirans, magis  
ac magis in sancta religione proficiebat et beatæ pau-  
per-tatis angustiis gloriabatur sicut in omnibus divitiis.  
» Dein cap. 34 sequentia, his subnectenda, tra-  
dit idem auctor exordii.

10. « Quodam tempore cum domus Cistercii magna  
fuisset paupertate adstricta, ven. abbas Stephanus  
vocavit unum ex fratribus suis, et loquens ad eum in  
spiritu Dei dixit : « Vides, charissime frater, quia  
« magna coarctati sumus inopia, et prope est ut  
« fratres nostri fame et frigore cæterisque molestiis  
« periclitentur. Vade ergo ad nundinas Vercelliaci,  
« quæ proxime instant : et compares ibi quadrigas  
« tres, et earum singulis ternos equos fortes atque  
« tractores, quibus maxime egemus ad onera nostra  
« portanda. Cumque quadrigas illas pannis et ali-  
« mentis aliisque rebus necessariis oneraveris ; ad-  
« duces eas tecum, cum gaudio et prosperitate re-  
« vertens ad nos. Respondens autem frater dixit :  
« Paratus sum, domine Pater, ut tuis jussionibus  
« obsequar, si pretium dederis ad illa subsidia com-  
« paranda. » Cui venerandus abbas, in paupertate  
sua de misericordia Dei magnifice præsumens, re-  
spondit : « Vere, frater, scias, quia cum sollicitus  
« et anxius quærerem, unde necessitatibus fratrum  
« nostrorum subvenirem, tres tantum denarii isti in  
« domo ista reperti sunt : hos si volueris tolle : reli-  
« qua vero quæcunque defuerint, tibi Domini nostri  
« Jesu Christi misericordia providebit. Securus ita-  
« que vado, quia mittet Dominus angelum suum  
« tecum, et prosperum faciet iter tuum. » Profectus  
itaque Vercelliacum frater ille, a quodam viro fideli  
et timorato hospitio receptus est. Qui dum itineris  
ejus causas et fratrum indigentiam agnovisset, abiit  
in instanti ad quendam locupletissimum virum vici-

num suum, qui desperate languens ac pene jam mor-  
iturus, facultates suas pauperibus erogabat. Cumque  
Cisterciensium monachorum, quorum jam in parti-  
bus illis sanctitas celebris habebatur, eidem infirmo  
penuriam indicasset : vocatus ad domum ejus su-  
pradictus frater, tantam pecuniæ summam ab ipso  
moriente recepit, ut cuncta quæ injunxerat ei abbas  
sufficiens ex ea compararet.

11. « Acceptis itaque tribus rhedis cum novem  
quadrigariis equis, ornavit atque oneravit eas cun-  
ctis quæ fratrum usibus opportuna esse cognovit. Et  
ita qui vacuus venerat, secundum prophetiam abba-  
tis, plenus et gaudens ad suos remeavit. Cumque  
Cistercio appropinquaret, nuntium misit qui abbati  
ejus significaret adventum pariter et proventum.

Quo audito venerabilis pater exultavit in Domino  
vehementer, et convocatis in unum fratribus, ait :  
« Deus miserationum Dominus, Deus miserationum  
« libere ac liberaliter egit. Vere nobiliter, vere ele-  
« ganter fecisti, Procurator et Pastor noster, ape-  
« riens manum tuam, et implens benedictione tua  
« penuriam nostram. » Tunc ordinata processione  
ocurrerunt obviam venienti fratri usque ad por-  
tam, ita ut ipse abbas procederet indutus vestibus  
sacris cum pastoralis virga, ministris præcedentibus  
eum cum cruce et aqua benedicta. Exceperunt ergo  
solemniter et cum multa gratiarum actione eleemo-  
synam, non ut ab homine præstitam, sed tanquam  
cœlitus missam a Domino et misericordiam a Deo  
salutari suo. Porro vir iste prudens et spiritualis,  
sicut intelligi datur, in hac tam celebri susceptione  
beneficii, filios suos tam præsentibus, quam posteros  
admonere voluit, ut hujus miraculi gratiam jugi  
meditatione retinerent, atque ex eo discerent in  
cunctis necessitatibus suis pia confidentia præsumere  
de misericordia Dei ; qui nunquam deserit sperantes  
in se, sed est semper pauperum suorum piissimus  
consolator, atque adjutor in opportunitatibus in tri-  
bulatione. » Hactenus auctor Exordii apud Manrique  
ad annum 1110. Huic annectimus quæ eidem Ste-  
phano ægro post apertam venam contigerunt ac  
referuntur lib. 11 Exordii, cap. 30, his verbis ;

12. « Minuerat aliquando sanguinem propter Chri-  
stum pauper abbas Stephanus, et propter inopiam  
domus cellarius, cui ex præcepto regulæ pauperum  
et infirmorum cura incumbit, nihil ad manum habe-  
bat, unde pauperi et infirmo abbati suo lautius ali-  
quod edulium præpararet. Et sincera charitate abba-  
tem suum diligens, discurrebat si forte alicubi ali-  
quid inveniret : unde charitatem qua intus ardebat,  
etiam foris ostenderet. Cum ecce avis quædam gran-  
dis advolat, non mediocris quantitatatis piscem ungui-  
bus ferens in quem continuo coram mirantium oculis  
projecit et recessit, copiosam prædam cellario  
relinquens, unde abbatis sui minutioni sufficeret ac  
providere. » Sed ex libro 1 ejusdem Exordii adden-  
dum illud, quod cap. 32, narratur :

13. « Cæterum quam non surdus Stephanus fuerit  
auctor sanctæ regulæ, præcipientis, ut sic stemus ad

psallendum, ut mens nostra concordet voci nostræ, A ex eo quod subdimus, liquebit. Mos erat ei, ut lecta collatione cum ecclesiam intraret, ostium ecclesiæ manu teneret, et digitos firmius quasi pro signo premeret: sicut solent homines signum aut modum facere, quatenus per hoc admoniti, memoriæ arctius imprimant, quod oblivisci nolunt. Cumque hoc frequenter faceret, quodam die unus de fratribus, cui familiaritas ausum præbuit, interrogavit eum cur hoc faceret. Cui Pater sanctus: « Omnibus, inquit, cogitationibus meis, quas ex injuncto officio pro dispositione domus per diem admittere cogor, dico « ut foris remaneant, nec prorsus ingredi præsumant, sed expectent usque cras, ut dicta prima hic « eas inveniam. » Hæc ibi, quibus similia de S. Bernardo narrantur; qui potuit illud a S. Stephano suo abbate didicisse. Dein cap. 33, ista adduntur: « Quantæ vero humilitatis fuerit, quamque odio habuerit omnem fastum superbiæ; ferula pastoralis ejus, cum qua in festivis processionibus incedere solebat, satis indicat; quæ usque hodie in Cisterciensi sacrario ob reverentiam tanti Patris conservata, et in magna veneratione habita, non multum a communibus sustentatoriis, quibus senes et debiles inniti fere solent, distare videtur. »

## CAPUT III.

*In tædio deficientis posteritatis consolatio ab apparente Monacho defuncto, et a visione moribundi. Adventus S. Bernardi et aliorum.*

14. Guilielmus abbas S. Theodorici lib. 1 Vitæ S. Bernardi, cap. 3, ista scribit: « Eo tempore novellus C et pusillus grex Cisterciensis, sub abbate viro venerabili Stephano, cum jam graviter ei tædio esse inciperet paucitas sua, et omnis spes posteritatis decideret, in quam sanctæ illius paupertatis hæreditas transfunderetur, venerantibus omnibus in eis vitæ sanctitatem, sed refugientibus austeritatem; repente divina visitatione tam læta, tam imperata lætificatus est, ut in die illa responsum hoc a Spiritu sancto accepisse sibi domus illa videretur: Lætare sterilis quæ non pariebas, et clama quæ non parturiebas, quia multi filii desertæ magis quam ejus quæ habet virum (Isai. LIV, 1), de quibus postmodum visura es filios filiorum usque in multas generationes » Hæc ibi. At quomodo in ea desolatione moribundum monachum sit allocutus S. Stephanus, ita narratur in Exordio magno lib. III, cap. 28: « Vides, charissime, D in quanto tædio et defectione mentis versamur, quia arctam et angustam viam, quam in Regula beatissimus Pater Benedictus proposuit, utcumque ingressi sumus. Sed utrum hæc nostra conversatio, Deo placeat, non satis constat nobis: præsertim cum ab omnibus vicinis monachis, tanquam novarum rerum adinventores, et scandali schismatisque incentores dijudicemur. Super omnia vero mæroris acerbissimi jaculo transfigit cor meum paucitas nostra, quoniam singuli morte interveniente quotidie. Illiur emedio; et sicut valde pertimesco, nobiscum pariter hæc nova cæpta religio finem accipiet: quoniam personas in-

dustrias, et ad humilitatem sanctæ paupertatis idoneas, usque ad præsens Dominus associare nobiscum nequaquam dignatus est, per quas hujus nostræ institutionis formulam ad posteros transmittere valeamus. Quapropter, in nomine Domini nostri Jesu Christi, pro cujus amore arctam et angustam viam, quam in Evangelio sequacibus suis proponit (Matth. VII, 13), ingressi sumus, et in virtute obedientiæ tibi præcipio, quatenus post obitum tuum (tempore et modo quo ejusdem Domini nostri gratia decreverit) ad nos redeas, et de statu nostro, quantum ipsius misericordia voluerit, nos certos facias. » Ad quem infirmus: « Faciam, inquit, libenter, domine Pater, quod præcipis, si tamen tuis præcibus adjuto, mandatum tuum licuerit adimplere. »

15. « Quo mortuo pauci fluxerant dies, et venerabilis abbas cum conventu fratrum in labore positus, sicut moris est, pausandi dederat signum: ipse quoque paululum remotus ab aliis, orationi insistens, caput coopertus caput, sedebat. Et ecce frater ille defunctus, magna claritatis gloria perfusus, coram ipso astitit, ita tamen ut magis in aere levare, quam in terra consistere videretur. Requisitus quomodo se haberet, vel qualiter sibi esset, respondit: « Bene, « optime Pater, bene mihi est: bene sit et tibi, quia « per doctrinam et sollicitudinem tuam, illius interminabilis gaudii, illius incomprehensibilis pacis « Dei quæ exsuperat omnem sensum, particeps esse « merui, pro qua adipiscenda duos novi ordinis nostri labores patienter et humiliter sustinui. Et nunc « juxta tuum præceptum redii, gratiam et misericordiam Domini nostri Jesu Christi tibi Patri et « fratribus tuis annuntians. Quia vera præceperas « de statu vestro vos certificare debere; omni scrupulo dubietatis excluso certum teneatis, quod sancta « et Deo placens est vita et conversatio vestra. Perro « mæror, qui de non relinquenda posteritate præcordia tua nimium depascitur, quantocius a te « repellatur, et in jubilum et exultationem evadet. « Quoniam adhuc dicent filii sterilitatis tuæ in auribus tuis: Angustus est nobis locus, fac spatium « ut habitare possimus. Ecce enim jam ex hoc tempore magnificavit Dominus facere vobiscum mit- « tens vobis personas multas: inter quæserunt nobis « les et litterati viri plurimi, qui ita domum istam « replebunt, ut hinc, tanquam ex æquina apum « æstuantia et redundantia, evolantes, plurimas « mundi partes penetrent; et de semine Domini, « quod in hoc loco coaluit, multiplices sanctarum « animarum manipulos, ex universis mundi partibus collectos, cælestibus granariis inferant. » His auditis abbas sanctus, gaudio et exultatione repletus, divinæ pietati gratias ex intimis medullis cordis retulit, felici experimento probans, quam veraciter Scriptura testatur, « Quoniam non derelinquit Dominus sperantes in se (Psal. XXXIII, 23). »

16. « Parabat interim nuntius cælestis abire; sed sine benedictione Patris spiritualis, quod mirum dictu est, minime præsumpsit. Dixit itaque abbati;

« Tempus est, Domine Pater, ut revertar ad eum, qui me misit; et propterea peto, quatenus benedictione tua firmatum me dimittas. » Cui stupens et pavens abbas, respondit: « Quid est quæso quod loqueris? Tu de corruptione ad incorruptionem, de vanitate ad veritatem, de tenebris ad lucem, de morte ad vitam transisti; et a me, qui sub his omnibus adhuc miserabiliter gemo, benedictionem petis? Hoc contra omnem juris et rationis integritatem esse videtur. Ego potius a te debeo benedici, et propterea obsecro te, ut benedicas mihi. » Cui ille: « Non ita convenit, Pater: tibi enim a Domino collata est benedicendi potestas, utpote in apice dignitatis et spiritualis magisterii constituto. Mihi vero discipulo tuo, qui per salutarem doctrinam tuam hujus mundi inquinamenta devitavi, benedictionem accipere optabile est: neque enim prorsus hinc recedam, nisi benedictionem tuam meruero. Abbas vero stupore et admiratione repletus, neque ausus ultra pertinaciter reniti, elevata manu benedixit ei: sicque illa sancta anima disparens, speciem visibilem quam assumpsit, secretis invisibilibus restituit.

17. « Altera vice, cuidam ex fratribus viam universæ carnis ingressuro, apparuit in visione innumera multitudo hominum, prope oratorium ejusdem ecclesiæ, juxta fontem quemdam lucidissimum, lavans vestimenta sua: et in ipsa visione dictum est ei, quia fons ille fons Ennon vocaretur. Quod cum indicasset abbati, protinus intellexit vir magnificus per hoc divinam consolationem significari. » Hactenus auctor Exordii, ex quibus ultima leguntur in Vita S. Bernardi citata cap. 3, additurque: « E multum quidem tunc abbas de promissione, sed plurimum postea de exhibitione lætatus egit gratias Deo per Jesum Christum S. Hieronymus in locis Hebraicis: Ennon, inquit, ubi baptizabat Joannes, sicut in Evangelio scriptum est (Joan. III), et ostenditur nunc usque locus, octavo lapide Scythopoleos inter Salim et Jordanem. »

18. Guillelmus præfatus ita auspicatur caput 4 Vitæ S. Bernardi: « Anno ab Incarnatione Domini 1113, a constitutione domus Cisterciensis xv, servus Dei Bernardus, annos natus circiter viginti tres, Cistercium ingressus cum sociis amplius quam triginta sub abbate Stephano, suavi jugo Christi collum submisit. Ab illa autem die dedit Dominus benedictionem, et vinea illa Domini Sabaoth dedit fructum suum, extendens palmites suos usque ad mare, et ultra trare propagines suas. » Hæc ibi, quibus consonant quæ in Exordio parvo (quod traditur anno 1120, a primis Patribus Cisterciensibus fuisse compositum) cap. 18 his verbis proferuntur. « Ergo istis temporibus Dominus visitavit locum illum. Nam tot clericos litteratos, et nobiles laicos, etiam in sæculo potentes et æque nobiles, uno tempore ad illam Dei gratia transmisit ecclesiam ut triginta insimul in cellam novitiorum alacriter intrarent, ac bene contra propria vitia et incitamenta

malignorum spirituum fortiterque decertantes cursum suum consummarent. Quorum exemplo senes et juvenes diversæque ætatis homines, in diversis mundi partibus animati (videntes scilicet in istis possibile fore, quod antea impossibile formidabant) illuc concurrere, superba colla jugo Christi suavi subdere, dura et aspera regulæ præcepta ardentem amare, ecclesiamque illam mirabiliter lætificare et indeficienter corroborare cœperunt. »

## CAPUT IV.

*Varia sub eo monasteria constructa. Statuta nova. Charta charitatis dicta.*

19. Quomodo ordo Cisterciensis cœperit extra primum domicilium propagari ita legitur apud Marique, verbis ex Tabulario Firmitatis depromptis: « Tantus erat numerus fratrum apud Cistercium, quod neque substantia quam habebant eis sufficere, nec locus in quo manebant eos convenienter capere posset. Placuit itaque fratribus, ut locum alium quærent, in quo pars ipsorum, ab aliis corpore non anima separata, Deo devote et regulariter deserviret. Quem locum dum abbas Stephanus sollicite ac studiose perquireret, ad notitiam domini Gualteri Cabilonensis episcopi et canonicorum ejusdem civitatis, nec non ad aures duorum comitum, Gaudelrici videlicet et Guilelmi, aliorumque illustrium virorum, ista pervenit discussio. Qui vehementer inde gaudentes, et terram suam undequaque perlustrantes, Deo volente tandem locum idoneum prædictis monachis, ad Deo serviendum et regulariter vivendum, invenerunt. Quibus inibi collocandis duo supradicti comites partem silvæ, quam incolæ loci illius Bragne appellant, læto animo præbuerunt. Piæ posteritati ergo notatum sit quod decimo octavo mensis Maii, anno Domini millesimo centesimo decimo tertio, monasterium Firmitatis supra Grosnan: situm, prima filia ordinis Cisterciensis, in diocesi Cabilonensi, ab illustrissimis comitibus, Gauderico videlicet et Guillelmo, fundatum est. Cujus quidem ecclesia beatissimæ Mariæ Virginis per reverendissimum Gualterum episcopum Cabilonensem, præsentibus Joscelino Lingonensi episcopo, dictis venerabilissimis comitibus, aliisque viris quamplurimis conspicuis pietate, consecrata fuit. Quo decimo sexto Maii, vigilia dedicationis ejusdem, venerabilis Pater Stephanus, abbas tertius Cisterciensis, sese conferens, fratrem Bertrandum cum aliis duodecim religiosis, propagandæ religionis causa, secum adduxit. » Hæc ex Tabulario Firmitatis, quibus similia habentur in Exordio magno lib. 1, cap. 33, et dein ista subjunguntur: « Nec dubitamus quin prius sollicitudine paterna Stephanus eis, non dico pretio, sed virtutum odore locum ipsum cum ædificiis acquisierat, atque etiam ex Cistercii patrimonio reliquias, calices, ornamenta, vestimenta, libros ad divinum officium, ad mensam et ad lectionem claustrum necessarios, cæteraque ad religionis statutum, juxta morem per ipsum in suo ordine institutum requisita, ministraverit. »

Distat hoc cœnobium Cabillone circiter decem passuum milibus.

20. Accessit anno sequente 1114 alterum cœnobium, Pontiniacum dictum, quatuor leucis ab urbe Autissiodorodistans, in cuius diœcesi fundatum est: atque hæc est secunda Cistercii filia, cui circiter centum monasteria traduntur subjecta, uti Firmitati triginta. At tertia filia Claravallis in diœcesi Lingonensi, a qua urbe quinque leucis distat, præesse aut saltem præfuisse traditur octingentis circiter monasteriis. De hujus origine ista habet Guillelmus lib. 1 Vitæ S. Bernardi, cap. 5: « Cum autem complacuit ei qui eum segregavit a sæculo et vocavit, ut ampliore gratia relevaret in eo gloriam suam; et multos filios Dei, qui erant dispersi, per eum congregaret in unum; misit in cor abbatis Stephani, ad ædificandam domum Claræ-vallis mittere fratres ejus. Quibus abeuntibus ipsum etiam dominum Bernardum præfecit abbatem; mirantibus sane illis, tanquam maturis et strenuis tam in religione quam in sæculo viris; et timentibus ei, tum pro tenuiori ætate juventutis, tum pro corporis infirmitate et minori usu exterioris occupationis.» Hæc ibi. Fuimus nos anno 1661 per plures dies Cistercii, et cum veneratione adivimus oratorium in quo S. Bernardus cum aliis novitiis pia exercitia egisse dicebatur. Fuimus tunc etiam in monasteriis Firmitate et Pontiniaco, ubique benelova charitate excepti, et in Vitis sanctorum colligendis adjuti. In veteri monasteriorum chronologia ista leguntur: « Anno ab Incarnatione Domini millesimo centesimo decimo quinto, septimo Kalendas Julii, fundata est abbatia Claræ-vallis: eodem et eodem die, abbatia Morimundi. » Quæ de dimissis a Stephano ex Cistercio ad dicta cœnobia monachis videntur esse intelligenda. Est autem Morimundus quarta Cistercii filia, in Lingonensi etiam diœcesi sita, in confiniis Lotharingiæ et Comitatus Burgundiæ. Subsecutæ sunt constructiones plurimorum monasteriorum, quæ Carolus de Visch in Bibliotheca Scriptorum Cisterciensium, ex antiquissima Chronologia, recenset ultra nonaginta tempore S. Stephani erecta, non solum per omnes Galliarum provincias, sed etiam in Italia et Hispania, in Anglia, Germania et Suetia; atque ita, ut supra dictum est, « Ordo extendit palmites usque ad mare et ultra mare propagine suas. » Verum infra solum erecta fuisse viginti indicatur.

21. Ex istis illustris est Bona-Vallis, a Guidone archiepiscopo Viennensi, postea summo pontifice, Callisto II dicto, fundata, ut ex Chronico Bonavallensi his verbis refertur: « Anno ab Incarnatione Domini millesimo centesimo decimo septimo, cum dominus Guido, sanctæ Romanæ Ecclesiæ legatus, Viennensis Ecclesiæ archiepiscopus, nunc autem papa catholicus, rediret a concilio quod apud Divionense castrum, cum multorum episcoporum et abbatum aliarumque religiosarum personarum conventu celebraverat, veniens ad novum monasterium, quod usitato vocabulo Cistercium nuncupabatur, ro-

gavit Dominum Stephanum abbatem illius loci, ut in Viennensi suo archiepiscopatu monasterium construeret: ubi monachi sub regula et abbate viventes pro se omni Clero et populo sibi commisso misericordiam Dei devote exorarent. Cujus petitioni idem abbas, communicato monachorum sibi commissorum consilio, annuens venit Viennam; et consilio et auxilio præscripti domini papæ Calixti, in valle quadam cœpit cœnobium ædificare, quod Bonam vallem idem papa dictavit vocari. Et sciendum, quod omnes sumptus ad hoc opus necessarii ejusdem papæ providentia seu administratione provenerunt. » Hæc ibi.

22. Cum ita monasteria inciperent fundari et ordo Cisterciensis dilatari, Stephanus capitulo Cistercii celebrato, insignes leges seu statuta (*Chartam charitatis appellant*) suis præscripsit. « Considerans autem (uti in utroque Exordio legitur) hæc statuta nequaquam inconsulta sedis apostolicæ auctoritate firma esse posse, prædecessoris quoque sui imitatus exemplum, cum convenientia abbatum et fratrum suorum, Romam misit: a domino Calisto secundo tunc apostolicæ sedis pontifice, suppliciter petens, quatenus ea quæ cum coabbatibus et fratribus suis ad roborandam monastici ordinis disciplinam stauerat, auctoritate apostolica rata et inconcussa fore decerneret. Cujus petitioni summus pontifex elementer annuens, ad confirmationem ordinis decretum promulgavit, decimo Kalendas Januarii, indictione xiii, Incarnationis Dominicæ anno 1109. Pontificatus anno primo.» Hæc ibi. Continet autem hæc Charta charitatis capitula triginta, quæ ad dictum annum apud Manrique legi possunt, cap. 4, ubi ex manuscripto Clari loci cap. 5 ista adduntur: « Venerabilis Pater Stephanus, sagacitate pervigil ac mire providus, ad præcidendos schismatum surculos, qui succrescentes exoriturum mutus pacis præfocare poterant fructum, eximias leges condidit; et scriptum illud Chartam charitatis competenter voluit vocari, quod ea tantum quæ sunt charitatis, tota ejus series redoleat: ita ut nihil pene aliud nbiq̄ue prosequi videatur, quam nemini quidquam debeatis, nisi ut invicem diligatis. Quæ quidem charta, sicut ab eodem Patre digesta, a præfatis abbatibus confirmata, sigilli quoque apostolici auctoritate munita est. » Hæc ibi. Ipsum pontificis diploma habetur cap. 7. At quæ deinceps a S. Stephano statuta sunt, a morte ejus in unum collecta fuerunt: eademque in capitula 87 distincta edidit idem Manrique ad annum 1134, cap. 6. Quæ omnia apud eum videri possunt.

#### CAPUT V.

*Onus abbatiale depositum: morbus, obitus, cultus.*

23. « Cum beatus Pater Stephanus, uti in Exordio magno lib. 1, cap. 37, legitur, officium sibi commissum, secundum veram humilitatis Domini nostri Jesu Christi regulam, strenue administrasset, longo confectus senio, ita ut caligarent oculi ejus, et videre non posset, curam pastorem deposuit. Suc-

cessit itaque ei quidam indignus, nomine Wido qui donis externis, ad instar sepulcri dealbati, non mediocriter pollens, interius erat putredine vitiorum sordens. Cum in ipso promotionis suæ primordio fratrum de more professionem reciperet, idem Dei famulus Stephanus vidit in spiritu immundum spiritum ad illum venientem, atque in ejus os ingredientem. Vix mensis præterierat unus, et ecce revelante Domino, denudata est impuritas ipsius, et eradicata est mox de paradiso plantatio spuria, quam Pater cœlestis non plantaverat; et substitutus est vir sanctissimus Raynardus.

24. « Instante tempore quo emeritorum laborum senex in gaudium Domini sui introducendus, et de ultimo paupertatis loco, quem secundum consilium Salvatoris in hoc mundo elegerat, ad summi Patris familias convivium ascensurus decumberet; conveniunt fratres quidam, etiam ex abbatibus ordinis sui (quorum numerus eo tempore usque ad viginti excrevisse traditur) ut amicum fidelem et Patrem humillimum repatriantem decotissimis obsequiis et precibus prosequerentur. Cum vero jam in agonia constitutus, morti approximaret, cœperunt fratres inter se loquentes, tanti meriti hominem beatificare, dicentes eum secure posse pergere ad Deum, qui tantum fructum in Ecclesia Dei temporibus suis fecisset. Quo audito, et recollecto prout potuit spiritu, quasi increpantis voce dixit: « Quid est quod loquimini? In veritate dico vobis, quia sic trepidus et sollicitus ad Deum vado, quasi qui nunquam aliquid boni fecerim. Nam si aliquid boni in me fuit, vel si fructus aliquis per parvitatem meam prove- nire potuit, cooperante gratia Dei; timeo et valde contremisco, ne forte minus digne minusve humiliter gratiam apud me detinuerim. » Hoc ergo perfectæ humilitatis scuto, quæ in ore sonabat et in corde vigeat, munitus, hominem exiit: et omnia nequissima adversarii tela, quamvis ignea, quamvis

A sulphurea, potenter repellens, aerias tempestates securus pertransivit, et ad portas paradisi coronatus ascendit. Sacræ corporis ejus exuviæ, juxta prædecessoris ejus reliquias venerabiliter conditæ sunt: ut quibus in hac vita unus fuerat spiritus et una fides, sic etiam in æterna beatitudine non dispar esset gloria. » Hactenus dictum Exordium.

25. Tabulæ antiquæ Cistercienses produnt eum obiisse anno millesimo centesimo tricesimo quarto, die vicesimo octavo Martii: ad quem diem eum referunt Henriquez et Bucelinus in suis Menologiis, et Saussaius in Martyrologio Gallicano, cujus hoc est elogium: « Item ipso die depositio S. Stephani, tertii abbatis Cisterciensis, viri conspicuæ sanctitatis omniumque virtutum gratia decorati; qui sanctæ paupertatis æmulator ferventissimus, et eremi amator cupidissimus, feliciter exacta religiosæ professionis militia; postquam multos in Christi caetra tirunculos, et in his aliorum ducem S. Bernardum transcripsisset, ovans ad supernæ gloriæ evocatus est bravium: cujus beata memoria sacris Ecclesiæ tabulis inscripta, fulget inter sanctorum natalitia insignis, decimo quinto Kalendas Maii. » Ad præsentem diem 17 Aprilis, ista leguntur in Martyrologio Romano: « Cistercii in Gallia S. Stephani abbatis, qui primus eremum Cisterciensem incoluit, et S. Bernardum cum sociis ad se venientem lætus excepit. » Eodem die passim in Martyrologiis monasticis celebratur. Visitur hodie sarcophagum ad ingressum ecclesiæ Cisterciensis, versus claustrum capituli, cum hac inscriptione: « Sancti et venerabiles Patres, abbates monasterii et ordinis Cisterciensis fundatores et amplificatores, hic simul reconditi sunt, D. Albericus, D. Stephanus, D. Raynardus, D. Gozovinus, D. Fastradus, etc., quorum felices animæ, omnipotenti Deo viventes, nostri semper memores existant. »

## SANCTI STEPHANI

ABBATIS CISTERCIENSIS III.

### CENSURA DE ALIQUOT LOCIS BIBLIORUM.

(MABILL., *Opp. S. Bernardi*. III, XI.)

Frater STEPHANUS. Novi monasterii abbas, et D præsentibus et futuris servis Dei salutem.

Hanc historiam scribere disponentes, inter plurimos libros quos de diversis ecclesiis congregavimus ut veraciorem sequeremur, in quemdam fere ab omnibus multum dissonantem impegimus. Et quia illum plenioræ cæteris invenimus, fidem ei accommodantes, hanc historiam, secundum quod in eodem

libro invenimus, scripsimus. Qua digesta, non modice de dissonantia historiarum turbati sumus, quia hoc plena docet ratio, ut quod ab uno interprete, videlicet beato Hieronymo, quem, cæteris interpretibus omissis, nostrates jamjamque susceperant, de uno Hebraicæ veritatis fonte translatum est, unum debeat sonare. Sunt tamen quidam Veteris Testamenti libri, qui non de Hebraico, sed de Chaldaico



sermone ab eodem nostro interprete sunt translati: quia sic eos apud Judæos invenit, sicut ipsemet in prologo super Daniele scribit, nosque illos sicut cæteros libros secundum ejus translationem suscepimus. Unde nos multum de discordia nostrorum librorum, quos ab uno interprete suscepimus, admirantes, Judæos quosdam in sua Scriptura peritos adivimus, ac diligentissime lingua Romana inquisivimus de omnibus illis Scripturarum locis, in quibus illæ partes et versus, quos in prædicto nostro exemplari inveniebamus, et jam in hoc opere nostro inseriebamus, quosque in aliis multis historiis Latinis non inveniebamus. Qui suos libros plures coram nobis revolventes, et in locis illis ubi eos rogabamus, Hebraicam, sive Chaldaicam scripturam Romanis verbis nobis exponentes, partes vel versus, pro

A quibus turbabamur, minime repererunt. Quapropter Hebraicæ atque Chaldaicæ veritatis, et multis libris Latinis, qui illa non habebant, sed per omnia duabus illis linguis concordabant, credentes, omnia illa superflua prorsus abrasimus, veluti in multis hujus libri locis apparet, et præcipue in libris Regum, ubi major pars erroris inveniebatur. Nunc vero omnes qui hoc volumen sunt lecturi rogamus, quatenus nullo modo prædictas partes vel versus superfluos huic operi amplius adjungant. Satis enim iucet in quibus locis erant, quia rasura pergameni eadem loca non celat. Interdicimus etiam auctoritate Dei et nostræ congregationis, ne quis huic librum, magno labore præparatum, in honeste tractare, vel ungula sua per scripturam vel marginem ejus aliquid notare præsumat (2).

(2) Infra legitur :

*Ex actis capituli generalis ord. Cisterc. anni 1196.*

Ad petitionem Domini quondam Lugdunensis archiepiscopi, qua petit emendari lectionem evangelicam de Passione Domini, quæ juxta Matthæum in Ramis Palmarum legitur, injungitur abbati de firmitate, ut in Cluniacensi et Lugdunensi ecclesia quid inde sentiant, diligenter inquirat, et in sequenti Capitulo studeat nuntiare.

Anno 1200.

Scribatur in textu beati Matthæi evangelistæ ubi deest, *Diviserunt sibi vestimenta mea.*

Hæc censura invenitur in codice Bibliorum apud Cisterciense monasterium, cujus abbas secundus Stephanus prædictum codicem exarari curavit, ut testatur hæc clausula : *Anno 1109 ab incarnatione Domini liber iste finem sumpsit scribendi, gubernante Stephano II abbate cænobium Cisterciense.*

## SERMO BEATISSIMI STEPHANI

IN OBITU PRÆDECESSORIS SUI.

(MARRIQUÉ, *Annal Cisterc. ad an. 1109, c. 4. n. 19.*)

Si in amissione tanti boni æquales nos reddidit tristitia, debilis consolator erit, qui indiget consolatione. Amisitis venerabilem Patrem et rectorem animarum vestrarum; amisi ego non solum Patrem et rectorem, sed socium et commilitonem, et in bellis Dei singularem athletam; quem venerabilis Pater Robertus ab incunabilis religionis, unica domo singulari doctrina, pari pietate nutritus. Deest nobis, sed non Deo; et si non Deo, nec nobis deerit. Hoc enim peculiare et proprium sanctorum est dum a vita discedunt, relinquere corpus amicis et amicos in mente deferre Corpusculum et singulare pignus dilectissimi Patris habemus, et ipse nos omnes pio affectu in mente deduxit. Et si ipse deductus ad Deum, inseparabili amore conjunctus est cum eo; et nos qui in eo sumus, similiter conjuncti. Quid amplius dolendum? Felix sors, felicior cui

C taliter contigit, felicissimi nos ad talem præsentiam evecti; nihil enim jucundius evenisse potest Christi athletis, quam trabea carnis relicta ad eum evolare, pro cuius amore tot perpassi sunt labores. Accepit pugator bravium, apprehendit cursor præmium, victor assecutus est coronam, possessor nobis postulat palmam. Quid igitur dolemus? Quid lugemus gaudentem? Quid trista nus super plaudentem? Quid mæstis vocibus queruli coram Domino provolvimus, si evectus ad sidera, dolet de hoc (si dolere possunt beati) ille qui assiduo desiderio similem nobis deprecatur finem. Non doleamus super militem securum, doleamus super nos constitutos in prælio, et tristes mæstasque voces in orationes vertamus, deprecantes triumphatorem Patrem, ne rugientem leonem, et sævum adversarium de nobis triumphare patiatur

## SANCTI STEPHANI EPISTOLÆ.

I.

*Stephani abbatis et Cisterciensium epistola ad Ludovicum regem cognomine Crassum.*  
(Exstat inter epistolas S. Bernardi numero quadragesima quinta. Vide Opera S. Bernardi, infra).

## II.

*Stephani abbatis, Hugonis Pontiniacensis, Bernardi ac Clara-Valle ad Honorium papam.*  
(Est epistola S. Bernardi quadragesima nona.)

## ADMONITIO IN CHARTAM CHARITATIS.

Hanc Cisterciensis ordinis primam constitutionem, CHARTÆ CHARITATIS nomen a suis auctoribus accepisse, testantur in primis omnia illius manuscripta, ac subinde plures Romani pontifices; maxime vero Eugenius III, Anastasius IV, Adrianus IV Alexander III et Clemens IV. Qui dum illam singuli confirmarunt, hoc illi nomen constanter asseruerunt. Nec sane desunt hujus tam honorificæ nuncupationis rationes. Nam præter quam quod Clemens IV hoc eam nomine insignitam ait, a CHARITATE quam undecumque spirant illius decreta, : Calixtus II, qui primus eam singulari diplomate consecravit, eamdem omnium tam abbatum et monachorum ejusdem ordinis, quam episcoporum in quorum parochiis prima illorum monasteria constituta fuerant consensu ac deliberatione communi ac mutua charitate sancitam fuisse declarat. Tantum vero abest ut aliquam illius auctores, terrenæ alicujus, ut ipsi loquuntur, commoditatis seu rerum temporalium exactionem suis fratribus per illam imponere tentaverint, quin potius illis, si quando penuriam aut ruinam eorum aliqui incurrerent, subsidium a cæteris maxima cum charitate suppeditari voluerunt. Adde quod quemadmodum eorum successores in ejusdem constitutionis prologo censuerunt, hac ipsa constitutione mutue pacis præcipientes naufragium, statuerunt quo pacto quove modo, imo qua CHARITATE, monachi eorum per abbatias, in diversis partibus mundi constitutas corporibus divisi, animis indissolubiler conglutinentur. Hæc de nomine hujus constitutionis.

Quod autem spectat ad decreta quæ in illa continentur, omnia illa ad duo potissimum capita referuntur; nempe ad morum institutionem et ad regimen ordinis seu administrationem. Ac primum quidem illius capitulum moribus instituendis Regulam S. Benedicti præscribit, eamque unicam, utpote sufficientem, si accurate et ad litteram observetur. Cætera vero illius capita regimini personarum ac monasteriorum administrationi subserviunt, dum visitationes monasteriorum, electiones abbatum, Patrum abbatum auctoritates, capituli generalis celebrationem et alia id genus sapientissime moderantur; quibus, ut hoc obiter moneam, omnem hujus ordinis jurisdictionem, superioritatem et auctoritatem ad abbates proprios, ad Patres abbates et ad capitulum generale revocare velle videntur.

De auctore vero hujus constitutionis hoc nobis apparet vero similis nimirum S. Stephanum Cistercii tertium abbatem, præcipuum quidem illius fuisse auctorem, non tamen unicum. Nam, ut supra meminimus, eadem constitutio consensu ac deliberatione communi omnium abbatum et monachorum sancita est, quemadmodum Calixtus II, Eugenius III et Clemens IV disertis verbis profitentur.

Cæterum etsi non constet quo præcise anno conscripta sit, certissimum est eam anno millesimo centesimo decimo nono ab eodem summo pontifice Calixto II fuisse confirmatam.

## CHARTA CHARITATIS.

*Nomasticon Cisterc. Paris. 1664, fol.)*

*Antequam abbatia Cisterciensis florere inciperent, dominus Stephanus abbas et fratres sui ordinaverunt, ut nullo modo abbatia in alicujus antistitis Diœcesi fundarentur, antequam ipse decretum inter Cisterciense cœnobium et cætera ex eo nata exaratum et confirmatum, ratum haberet, propter scandalum inter pontificem et monachos devitandum. In hoc ergo decreto prædicti fratres mutue pacis futurum præcipientes naufragium, elucidaverunt et statuerunt, suisque posteris reliquerunt, quo pacto quove modo qua charitate, monachi eorum per abbatias in diversis mundi partibus corporibus divisi, animis indissolubiler conglutinentur. Hoc etiam decretum chartam charitatis vocari censebant, quia ejus statutum omnis exactionis gravamen propulsans, solam charitatem et animarum utilitatem in divinis et humanis exsequitur.*

## INCIPIT CHARTA CHARITATIS.

## CAPUT PRIMUM.

*De singulari inter personas hujus ordinis consensione circa sensum et praxim Regulæ S. Benedicti ceterosque alios usus ac ceremonias.*

Quia unius veri Regis, et Domini, et Magistri, nos omnes servos licet inutiles, cognoscimus, idcirco abbatibus et confratribus nostris monachis,

A quos per diversa loca Dei pietas per nos miserimos homines sub regulari disciplina ordinaverit, nullam terrenæ commoditatis, seu rerum temporalium exactionem imponimus. Prodesse enim illis, omnibusque sanctæ Ecclesiæ filiis cupientes, nihil quod eos gravet, nihil quod eorum substantiam minuat, erga eos agere disponimus: ne dum nos abundantes

de eorum paupertate esse cupimus, avaritiæ malum, quod secundum Apostolum idolorum servitus comprobatur, evitare non possumus. Curam tamen animarum illorum gratia (3-5) charitatis retinere volumus: ut si quando a sancto proposito et observantia sanctæ Regulæ, quod absit, declinare tentaverint, per nostram sollicitudinem ad rectitudinem vitæ redire possint.

I. *Regula servetur sine novo sensu.* — Nunc vero volumus, illisque præcipimus, ut Regulam beati Benedicti per omnia observent, sicut in Novo Monasterio observatur. Non alium inducant sensum in lectione sanctæ Regulæ, sed sicut antecessores nostri sancti Patres, monachi scilicet Novi Monasterii (6) intellexerunt et tenuerunt, et nos hodie intelligimus, et tenemus: ita et isti intelligant et teneant.

II. *Mores idem sint in omnibus cœnobiis.* — Et quia omnes monachos ipsorum ad nos venientes in claustris suis, ideo oportunitum nobis videtur, et hoc etiam volumus, ut mores et cantum et omnes libros ad horas diurnas et nocturnas, et ad missas necessarios, secundum formam mœrum et librorum Novi Monasterii possideant: quatenus in actibus nostris nulla sit discordia, sed una charitate, una regula, similibusque vivamus moribus.

III. *Procul privilegia contra ordinis statuta.* — Nec aliqua Ecclesia vel persona ordinis nostri adversus communia ipsius ordinis instituta privilegium a quolibet postulare audeat, vel obtentum quomodolibet retinere.

#### CAPUT II.

*De visitationibus Patrum abbatum, ac mutua ipsorum ad invicem honoris prosecutione.*

IV. *Abbas Cistercii ut matris ordinis abbas excipiatur.* — Cum vero abbas Novi Monasterii ad aliquod horum cœnobiolorum visitandi gratia venerit, illius loci abbas, ut ecclesiam Novi Monasterii (7) suæ Ecclesiæ esse matrem recognoscat, cedat ei in omnibus locis monasterii, et ipse abbas adveniens locum illius abbatis, quandiu ibi manserit, teneat: excepto, quod non in hospitio, sed in refectorio cum fratribus, propter disciplinam servandam, comedet, nisi abbas illius loci defuerit.

V. *Abbates hospites ut recipiendi.* — Similiter et omnes abbates supervenientes nostri ordinis faciant; quod si plures supervenerint, et abbas loci defuerit, prior illorum in hospitio comedat. Et hoc excipitur, quod abbas loci illius, etiam in præsentia majoris abbatis novitios suos post regularem probationem benedicet.

VI. *D. Cisterciensi quid cavendum in filiationibus.* — Abbas quoque Novi Monasterii caveat, ne quidquam præsumat tractare, aut ordinare, aut contin-

(3-5) Et hæc est prima ratio cur huic constitutioni nomen *Chartæ Charitatis* indiderunt.

(6) Et hinc oritur secunda ratio cur hoc statutum nuncupari possit *Charta Charitatis*.

A gere, de rebus illius loci ad quem venerit, contra abbatis vel fratrum voluntatem.

VII. *Quid possit in eisdem.* — Si autem præcepta Regulæ vel nostri ordinis intellexerit in eodem loco prævaricari, cum consilio præsentis abbatis charitative studeat fratres corrigere. Si vero abbas loci illius non adfuerit, nihilominus quod sinistrum invenerit, corrigeat.

VIII. *Pater abbas visitet filias.* — Semel per annum visitet abbas Majoris ecclesiæ, vel per se, vel per aliquem de coabbatibus suis, omnia cœnobia quæ ipse fundaverit: et si fratres amplius visitaverit, inde magis gaudeant.

B IX. *Cistercium quatuor primi visitent.* — Domum autem Cisterciensem simul per seipsos visitent quatuor primi abbates, de Firmitate, de Pontigniaco de Claravalle, de Morimundo, die quam inter se constituerint, præter annum capitulum, nisi forte aliquem eorum gravis ægrotudo detineat.

X. *Reverentia abbatibus exhibeatur, cum Cistercium venerint.* — Cum autem aliquis nostri ordinis abbas ad Novum Monasterium venerit, reverentia congrua abbati ei exhibeatur; stallum abbatis illius teneat, in hospitio comedat, si tunc abbas defuerit. Si vero præsens fuerit, nil horum agat, sed in refectorio comedat. Prior autem loci negotia cœnobii disponat. Inter abbatias illas quæ se non genuerunt alterutras, ista erit lex. Omnis abbas in omnibus locis sui monasterii coabbati suo cedat advenienti, ut adimpleatur illud: *Honore invicem prævenientes* (Rom. XII).

C XI. *Cum multi convenerint, quis primus.* — Si duo aut eo amplius convenerint, qui prior de advenientibus locum superiorem tenebit. Omnes tamen præter abbatem præsentis loci in refectorio comedent, ut supra diximus. Alias autem ubicunque convenerint, secundum tempus abbatiarum ordinem suum tenebunt; ut cuius ecclesia fuerit antiquior, ille sit prior. Ubicunque vero consederint, humilient sibi mutuo.

#### CAPUT III.

*De institutione, auctoritate et forma capituli generalis.*

XII, XIII. *Abbatia quæ aliam fundavit, in eam jus habet. Abbates ad capitulum generale veniant.* — Cum vero aliqua Ecclesiarum nostrarum Dei gratia adeo creverit, ut aliud cœnobium construere possit, illam definitionem, quam nos inter confratres nostros tenemus, et ipsi inter se teneant, excepto quod annum capitulum inter se non habebunt: sed omnes abbates de nostro ordine singulis annis ad generale capitulum Cisterciense, omni postposita occasione convenient, illis exceptis, quos corporis infirmitas retinuerit; qui tamen idoneum nuntium delegare debent, per quem necessitas remotionis eo-

(7) Tertia ratio cur hæc constitutio *Charta Charitatis* nuncupetur, nempe mutua hæc honoris et reverentiæ quam præcipit exhibitio.

rum capitulo valeat nuntiari. Et illis item exceptis, A qui in remotioribus partibus habitantes, eo termino venerint, qui eis fuerit in capitulo constitutus. Quod si quis quacunque alia occasione quandoque remanere a nostro generali capitulo præsumpserit, sequentis anni capitulo pro culpa veniam petat, nec sine gravi animadversione pertranscat.

XIV. *In capitulo generali quæ agenda.* — In quo capitulo de salute animarum suarum tractent: in observatione sanctæ Regulæ vel ordinis, si quid est emendandum vel augendum, ordinent: bonum pacis et charitatis inter se reforment.

XV. *In eodem capitulo abbatum lapsus corrigantur.*

— Si quis vero abbas minus in Regula studiosus, vel sæcularibus rebus nimis intentus, vel in aliquibus vitiosus repertus fuerit, ibi charitative clametur B (8), clamatus veniam petat, pœnitentiam pro culpa sibi indictam adimpleat. Hanc vero clamationem non nisi abbates faciunt.

XVI. *Si in correctione alicujus sit dissidium, cujus iudicio standum.* — Si forte aliqua controversia inter quoslibet abbates emergerit, vel de aliquo illorum tam gravis culpa pro palata fuerit, ut suspensionem aut etiam depositionem mereatur: quidquid inde a capitulo fuerit definitum, sine retractatione observetur. Si vero pro diversitate sententiarum in discordiam causa devenerit, illud inde irrefragabiliter teneatur, quod abbas Cisterciensis, et hi qui sanioris consilii, et magis idonei apparuerint, iudicabunt: hoc observato, ut nemo eorum, ad quos specialiter causa respexerit, definitioni debeat interesse.

XVII. *Cœnobii penuriam patientia ab aliis juventur.* — Quod si aliqua causa Ecclesia pauperiem intolerabilem incurrerit: abbas illius cœnobii coram omni capitulo hanc causam intimare studeat (9). Tunc singuli abbates maximo charitatis igne succensi, illius Ecclesiæ penuriam rebus sibi a Deo collatis, prout habuerint, sustentare festinent.

#### CAPUT IV.

##### *De electionibus abbatum.*

XVIII. *Mortuo abbate, ut fiat electio successoris.* — Si qua domus ordinis nostri abbate proprio fuerit destituta, major abbas de cujus domo domus illa exivit, omnem curam habeat ordinationis ejus, donec in ea abbas illius eligatur: et præfixa die electionis, etiam ex abbatibus, si quos domus illa genuit, advocentur, et consilio et voluntate patris abbatis, abbatibus et monachi domus illius abbatem eligant.

XIX. *Mortuo D. Cisterciensi, qui successoris electioni interesse debeant.* — Domui autem Cisterciensi, quia mater est omnium nostrum, dum proprio abbate caruerit, quatuor primi abbates, scilicet, de Firmitate, de Pontigniaco, de Claravalle, et de Morimundo, provideant, et super eos sit cura domus

(8) Clametur, idem est hoc loco ac *accusetur* vel *denuntietur*.

(9) En tibi adhuc et nova ratio nominis *Chartæ Charitatis*, nimirum ex subsidio, monasterio penuriam patienti concesso.

illius, donec in ea abbas electus fuerit et statutus. Ad electionem autem Cisterciensis abbatis præfixa et nominata die, ad minus per quindecim dies convocentur ex abbatibus, quorum domus de Cistercio exierunt: et ex aliis, quos prædicti abbates et fratres Cistercienses idoneos noverint: et congregati in nomine Domini abbates et monachi Cistercienses eligant abbatem.

XX, XXI. *Quis in abbatem matris ecclesiæ (10) eligi possit. Nullus in abbatem alterius ordinis eligatur.* — Liceat autem cuique matri ecclesiæ nostri ordinis, non solum de monachis filiarum suarum ecclesiarum, sed de ipsis quoque abbatibus earum, libere sibi si necesse fuerit, assumere abbatem: personam vero de alio ordine nulla de nostris ecclesiis sibi eligat in abbatem: sicut nec nostrarum aliquam liceat aliis monasteriis, quæ non sunt de ordine nostro, dari.

#### CAPUT V.

##### *De cessione et depositione abbatum.*

XXII. *Abbas volens cedere ut sit admittendus.* — Si quis abbas pro inutilitate seu pusillanimitate sua, a patre suo abbate domus illi, unde sua exivit, postulaverit, ut ab onere abbatæ suæ relaxetur: caveat ille, ne facile ei sine causa rationabili et multum necessaria acquiescat. Sed et si tanta fuerit necessitas, nihil inde per se faciat: sed vocatis aliquibus abbatibus aliis nostri ordinis, eorum consilio agat, quod pariter noverint oportere.

XXIII. *Abbas ut deponendus, si culpæ exigant.* — C Si quis vero abbatum contemptor sanctæ Regulæ, aut ordinis esse prævaricator, vel commissorum sibi fratrum vitiis consentiens innotuerit: abbas matris ecclesiæ per seipsum vel per priorem suum, aut quomodo opportunius potuerit, de emendatione eum admoneat usque quater. Quod si nec ita correctus fuerit, nec sponte cedere voluerit: congregato aliquanto numero abbatum nostræ congregationis, transgressorem sanctæ Regulæ ab officio suo amoveant: ac deinceps alter qui dignus sit, consilio et voluntate majoris abbatis a monachis illius Ecclesiæ simul et abbatibus, si qui ad eam pertinent, sicut supra dictum est eligatur.

XXIV. *Depositus si recalcitret, ut puniendus.* — Si autem is qui deponitur, aut monachi ejus, quod Deus avertat, contumaces et rebelles esse voluerint, ut sententiis minime acquiescant, ab ipso abbate matris ecclesiæ, et a cæteris coabbatibus ejus, excommunicationi subdantur: ac deinceps ab eo coercantur, prout potuerit, et noverit expedire.

XXV. *Resipiscentes quo se possint conferre.* — Ex hoc sane si quis illorum ad se reversus, de morte animæ resurgere, et ad matrem redire voluerit tanquam filius pœnitens suscipiatur.

riam patienti concesso.

(10) Per abbatem *Majoris Ecclesiæ* intellige *Patrem abbatem* seu abbatem domus illius quæ alteram genuerit.

XXVI. *Nullus alio mig. et invito abbate.* — Nam A sine hac causa multo semper studio devitanda, nullus abbas monachum alterius cujuscunque abbatis ordinis nostri sine ejus assensu retineat: nullus in domum alterius cujuslibet, sine ejus voluntate, suos ad inhabitandum monachos introducat.

XXVII. *D. Cisterciensis quomodo corrigendus.* — Eodem etiam modo si forte, quod absit, abbates nostri ordinis matrem nostram Cisterciensem Ecclesiam in sancto proposito languescere, et ab observatione Regule vel ordinis nostri exorbitare cognoverint, abbatem ejusdem loci per quatuor primos abbates, scilicet de Firmitate, de Pontiniaco, de Claravalle, de Morimundo, sub cæterorum abbatum nomine, usque quater, ut corrigatur ipse, et alios corrigere curet, admoneant, et cætera quæ de aliis B dicta sunt abbatibus, si incorrigibiles apparuerint, circa eum studiose adimplantur: excepto quod si cedere sponte noluerit, nec deponere, nec contumaci anathema dicere poterunt; donec in generali capitulo, aut si illud forte jam visum fuerit expectari non posse, in conventu alio, convocatis abba-

tibus qui de Cistercio exierunt, et aliquibus aliorum, virum inutilem ab officio suo deponant: et tam ipsi quam monachi Cistercienses idoneum abbatem eligere studeant.

XXVIII. *Quid ipse et ejus monachi non acquiescant.* — Quod si abbas ille et monachi Cistercienses contumaciter recalcitrare voluerint: gladio excommunicationis eos ferire minime vereantur.

XXIX. *Resipiscentes quo possint confugere.* — Postea vero si quis horum prævaricatorum tandem resipiscens, et animam suam salvare cupiens, ad quamlibet quatuor nostrarum ecclesiarum, sive ad Firmitatem, sive ad Pontiniacum, sive ad Claramvallem, seu ad Morimundum, confugerit: sicut domesticus et coheres ecclesiæ cum regulari satisfactione recipiatur, quoadusque propriæ ecclesiæ, sicut justum fuerit, reconciliatæ, quandoque reddatur.

XXX. *Capit. generale ubi tunc habendum.* — Interim annum abbatum capitulum non apud Cistercium, sed ubi a quatuor supra nominatis abbatibus prævisum fuerit, celebrabitur.

## USUS ANTIQUIORES

### ORDINIS CISTERCIENSIS.

(*Nomasticon Cisterciense seu antiquiores ordinis Cisterciensis consuetudines, Paris. 1664.*)

#### ADMONITIO.

Cum ut superius vidimus, primæ constitutionis ordinis Cisterciensis seu Chartæ Charitatis auctores eandem vivendi et agendi rationem omnibus monasteriis ac personis ejusdem ordinis præscripsissent, libellum hunc ex usibus ac cæremoniis quas illuc usque tenuerunt concinnatum singulis monasteriis, iisdem moribus ac ritibus inter se colligandis, imperarunt. Cujus subinde libelli directionem universus ordo ita complexus est, ut de alio sibi comparando, vix ab eo tempore cogitavit. Hunc ergo librum, et si jam semel et iterum in lucem prodierit, pluribus illius manuscriptis inter se collatis, in ea quam primum habuit forma, non nudum tamen ut hactenus, sed notis et observationibus adornatum, ac in quinque veluti partes juxta diversitatem materiæ quam pertractat, majoris perspicuitatis gratia distributum, additis ac notatis iis quæ illi aliquando pro quarundam festivitatum celebratione instituenda identidem accesserunt, sine ulla sive titulorum sive capitulorum immutatione, nova hac editione et accessione in publicum rursus abire permittimus.

Ac ut illius in ipso limine lectori rudem ob oculos panamus imaginem:

I a illius pars Breviarii ac Missalis Cisterciensis dispositionem tradidit, eamque juxta Regulam S. Benedicti.

II a quæ incipit a cap. 52, cæremonias tam in horis canonicis quam in missarum celebratione observandas, usque ad cap. 70, juxta antiquiorem usum Ecclesiæ prosequitur.

III a quæ a cap. septuagesimo usque ad octuagesimum nonum se extendit, modum agendi ac ritus in cæteris exercitiis regularibus tenendos demonstrat.

IV a Quæ ab eodem capite octuagesimo nono usque ad centesimum secundum protenditur, infirmorum curam, mortuorumque suffragia persequitur.

V a Denique, quæ ab eodem capite centesimo secundo usque ad finem ejusdem libri perlingit, hebdomadariorum seu ministrorum sibi invicem in ecclesiasticis regularibusque obsequiis qualibet hebdomada succedentium, superiorum item ac officiorum quorumlibet munia fuse sapienterque describit.

His autem de fine ac ordine libelli hujus utique prælibatis, si quis tempus illius ac ætatem inquiret, antiquitatem illi potius quam certum aliquem annum asseremus. Verosimilius tamen est eum, aut simul cum Charta Charitatis, aut immediate post fuisse concinnatum, ut vel ex eo patet, quod inter libros necessario habendos in prima cujuslibet monasterii fundatione referentur capite duodecimo Institutorum ejusdem ordinis quæ anno millesimo centesimo tricesimo quarto edidit sanctus Raynardus, Cistercii quartus abbas, quindecim circiter annis post confirmationem Chartæ Charitatis. De auctore vero seu conscriptore nihil certum.

## PARS PRIMA.

Breviarii ac Missalis Cisterciensis secundum Regulam S. Benedicti dispositio.

### CAPUT PRIMUM.

#### De Adventu Domini.

In Adventu Domini, Dominica prima *Esayas* incipiat ad Vigiliis, et deinceps totus legatur per Adventum, non solum ad Vigiliis, sed et in refectorio prout tempus expetierit. Eisdem quoque diebus cum post Vesperas et Laudes et ad missam de ipso Adventu et aliquo sancto facienda est commemoratio, prius de Adventu, et postea de sancto fiat commemoratio. In tertia vero septimana ejusdem Adventus, jejunia Quatuor Temporum omni anno sunt agenda; et homilia Evangeliorum ad ipsos tres dies jejuniorum pertinentes ad Vigiliis legendæ: quarum primæ lectiones a diaconis, quos cantor voluerit, pronuntiandæ sunt; et feria quinta ejusdem septimanæ sermones sancti *Augustini* de incarnatione Domini, videlicet *Legimus sanctum Moysen*; et, *Vos, inquam, convenio (o Judæi)* ad Vigiliis sunt recitandi.

Si quando vero festivitas sancti *Thomæ* apostoli in eadem feria quinta evenierit, tertia feria ejusdem septimanæ, prænotati sermones leguntur. Sciendum tamen quod Antiphona illa, quæ quinta die ante diem Nativitatis intitulatur ad *Benedictus*, sicut in Antiphonario notatur, id est *Nolite timere*, etiamsi ipsa dies quinta Dominica evenierit, non obmittitur, sed dicitur ad *Benedictus*. Illa vero de Dominica, scilicet *Ave Maria*, remaneat.

### CAPUT II.

Quomodo per hiemem privatis diebus ad Vigiliis dividuntur Responsoria.

Omnia Responsoria quæ cantantur a Kalendis Novembris usque in Pascha Dominicis diebus, et Responsoria Apparitionis, scilicet *Hodie in Jordane*, dividuntur trina persingulos dies privatis diebus usque ad sextam feriam. Sexta vero feria repetantur a capite, exceptis illis diebus qui habent propria Responsoria: scilicet ante Natale Domini et post, et ante Pascha et dum cantantur Responsoria, *Domine, ne in ira*. Porro *Aspiciens* quod in Dominica cum tribus versibus canitur, quoties privatis diebus repetetur, cum solo ultimo versu cantabitur. Quod si aliqua festivitas duodecim lectionum intervenerit, illa tria Responsoria, quæ dicenda fuerant in ipsa die quam occupavit festivitas, dicantur ea die quæ vacua successerit festivitati.

### CAPUT III.

#### De vigilia Nativitatis Domini.

In Vigilia Nativitatis Domini post Nocturnos more solito Vigiliæ pro defunctis agantur: et cætera omnia sicut aliis privatis diebus persolvantur, cum flexione genuum usque ad Vesperas Natalis Domini; excepto quod missa illius diei post Primam sine flexione genuum, et ea veneratione qua Dominicis die-

bus canitur, sit celebranda. Ad quam una tantum oratio dicatur; nisi forte præsens defunctus fuerit. Et prophetia *Esayæ* ante Epistolam a quolibet fratre rogato a cantore legatur.

In capitulo autem post primum versum primæ lectionis quæ sic incipit, *Jesus Christus filius Dei in Bethlehem Juæ nascitur*, totus conventus pro veneratione sanctæ Nativitatis prostratus, orationem brevem faciat; et abbate vel priore, si Abbas defuerit, surgente, cæteri etiam se erigant et resideant, lectorque tunc reliqua lectionis prosequeatur.

Si autem Vigilia Nativitatis Domini evenierit die Dominica, ita celebretur. Invitatorium, *Levate capita vestra*. In primo nocturno Antiphona, *Domine, in virtute*. Psalmus, *Domine, in virtute*, et *Deus Deus meus, respice*, et cætera ut in Breviariis. Versus, *Hodie sciatis quia venit Dominus*. Lectiones vero dicantur quæ in ipsa Dominica quarta in Adventu Domini in libro Lectionari scriptæ sunt, id est, *Audite me, qui sequimini quod justum est*. Et in eodem primo nocturno legantur Responsoria *Canite tuba. Non auferetur. Me oportet minui. Ecce jam venit*.

In secundo nocturno, Antiphona, *Dominus defensor*. Psalmus, *Dominus, illuminatio*, et *Ad te clamabo*, etc. Versus, *Crastina die delebitur iniquitas terræ*. Responsoria, *Virgo Israel. Juravi, dicit Dominus. Non discedimus a te. Intuemini quantus sit*.

Ad Cantica, Antiphona, *Alleluia*. Canticum, *Domine, miserere nostri*. Versus, *Egredietur virga*. Evangelium, *Cum esset desponsata*. Homelia Origenis; ex qua homelia legantur quatuor Lectiones, sicut designatæ sunt in libro; quarum primam legat die quidem Dominico diaconus hebdomadarius; privatis vero diebus, quem cantor voluerit. Responsoria, *Sanctificamini. Constantes estote. Sanctificamini, filii Israel. Nascetur vobis*. Evangelium post *Te Deum laudamus, Cum esset desponsata mater Jesu*. Collecta, *Deus qui nos Redemptionis*.

In laudibus, *Alleluia*. Psalmus, *Miserere mei, Deus, et, Confitemini Domino*, etc. Capitulum, *Ecce venio cito*. Responsorium, *Hodie sciatis*. Hymnus, *Splendor paternæ gloriæ*. Versus, *Constantes estote*. Ad Canticum de Evangelio: Antiphona, *Orietur sicut sol*. Collecta, *Deus qui nos redemptionis*. Pro commemoratione Dominicæ: Antiphona, *Ave Maria*, Versus, *Emitte agnum, Domine*. Collecta, *Excita, Domine, potentiam*.

Missæ matutinalis de Dominica, id est, *Memento nostri, Domine*, cum sua collecta dicatur, nisi præsens defunctus fuerit. Major vero missa de Vigilia, id est, *Hodie sciatis. Alleluia* dicatur, et *Credo in unum Deum*. Prophetia *Esayæ* ante Epistolam non obmittatur.

Ad horas diei *Alleluia*. Versiculi autem de Vigilia scilicet, Ad Tertiam: versus, *Hodie sciatis*. Ad Sextam: versus, *Crastina die deturbitur iniquitas terræ*: Ad Nonam, versus, *Constantes estote*. In Tertia vero capitulum et Collecta de Vigilia. Ad Sextam et ad Nonam, sicut in aliis tribus Dominicis diebus transeatis.

Ad Vesperas super Psalmos dicatur sola prima antiphona, scilicet, *Antequam convenirent*, Psalmum, *Dixit Dominus. Confitebor. Beatus vir. Laudate, pueri*, quatuor scilicet Psalmi sub una Antiphona. Capitulum, *Paulus servus Christi Jesus*. Responsorium, *O Juda et Jerusalem*. Hymnus, *Intende, qui regis*. Versus, *Benedictus qui venit in nomine Domini*. Ad Magnif. Antiph. *Cum esset desponsata*. Collecta, *Deus qui nos redemptionis*. Post quas Vesperas non fit commemoratio de Dominica.

## CAPUT IV.

*De Nativitate Domini.*

In nocte Nativitatis Domini cellerarius provideat de duobus conversis, qui ignem in calefactorio monachis ad intervallum calefaciendis præparent, si tamen frigus hoc exegerit. Finita namque post Evangelium Collecta, exibat conventus de ecclesia: et lampadibus in claustro et in lavatorio accensis, ab illo fratre qui in capitulo per intervalla post Nocturnos lumen solet deferre, sedebunt fratres in claustro, et qui voluerit calefaciat se.

Dehinc, ut tempus dictaverit, pulsato modice signo a sacrista, præparent se ministri altaris ad missam, *Dominus dixit ad me*. Ad quam missam adjuvent ad induendum et exuendum illi duo fratres qui postea ad missam matutinalem, scilicet post Laudes, hoc iterum facturi sunt. Præparatis vero ministris, iterum signo pulsato ut conveniant fratres in chorum, supradicta missa sicut in natali unius apostoli celebratur. Expleta missa, factoque intervallo atque sedentibus fratribus in claustro, eo ordine quo supra taxavimus signum a sacrista pulsetur, et Matutinorum Laudes inchoentur.

Post Matutinorum Laudes fratres leges suprascripta in claustro sedeant. Secretarius (11) vero signo solito altaris ministros ad præparandos se accersat, temperato sic hoc intervallo post Matutinorum Laudes, ut incipiente diei aurora, incipiatur missa, *Lux fulgebit*. Ad quam missam non contentur missæ privatæ donec Offerenda compleatur, exceptis missis pro communicandis conversis. Porro ista missa in mane sicut in diebus Dominicis agatur, et fratres infirmi et diversis officiis deputati ad communionem eant. Qua missa celebrata mox exeuntibus fratribus de choro, signum pulsetur a sacrista: et uti mos est festivis diebus intervallum custodiri, inter Matutinarum Laudes et Primam: ita teneatur inter hanc missam, *Lux fulgebit*, et Primam. Iterum pulsato signo ad Primam veniant fratres in chorum, et faciant soli-

(11) Secretarius, id est sacrista.

(12) Memoria et festivitas *S. Thomæ Cantuariensis*, non erat in primis Usibus, sed hic addita est anno

tam orationem. Post Primam autem intrent capitulum.

## CAPUT V.

*De octavis Domini.*

In tribus autem sequentibus diebus missa matutinalis erit, *Puer natus est nobis*. In prima die istorum trium dierum scilicet sancti *Stephani*, ad hanc prædictam missam prima Collecta erit, *Concede, quæsumus, omnipotens Deus*. Secunda vero, *Da nobis, quæsumus*. Deinde Epistola, *Apparuit gratia Dei*. Evangelium, *Exiit edictum*.

In secunda autem die, videlicet in die sancti *Joannis evangelistæ*, prima Collecta erit, *Concede, quæsumus, omnipotens Deus*; secunda vero, *Ecclesiam tuam*; tertia, *Da nobis, quæsumus*: Deinde Epistola, *Apparuit benignitas*; Evangelium, *Pastores loquebantur*.

In die sanctorum *Innocentium* prima Collecta erit, *Concede, quæsumus, omnipotens Deus*, secunda: *Deus, cujus hodierna die*; deinde, *Da nobis, quæsumus*; In quarto loco, *Ecclesiam tuam* Epistola, *Apparuit gratia*; Evangelium, *Exiit edictum*.

Notandum tamen quia si in die sancti *Stephani* dies Dominica occurrerit, vel præsens defunctus ad missam matutinalem supervenerit in die sancti *Joannis*: Epistola, *Apparuit gratia*; Evangelium, *Exiit edictum*, dicatur. In die vero *Innocentium* Epistola, *Apparuit benignitas*; Evangelium, *Pastores loquebantur*. Similiter si in die sancti *Joannis* dies occurrerit Dominica, vel præsens defunctus supervenerit in die *Innocentium*: Epistola, *Apparuit benignitas*; Evangelium, *Pastores*.

Ipsa die ad Vesperas prima commemoratio fiat de sancto *Thoma* (12); postea de Nativitate et de octavis sanctorum. Cætera omnia de sancto *Thoma* sicut in libris adnotatum est, fiant. Cujus festivitas tam in nocte quam in die plenarie agatur. Et observatur illa ratio quæ in tribus præcedentibus festivitatibus est assignata: scilicet de commemorationibus faciendis, de matutinalis missæ dispositione de Dominica si occurrerit, de mortuo si præsens fuerit. Ad introitum vero majoris missæ, *Lætabitur justus*. Collecta, *Adesto, Domine*, etc., sicut in festo sancti *Vincentii*. Quod si Dominicus dies fuerit post Laudes fiat primitus commemoratio diei Dominicæ, id est *Dum medium silentium*; postea de Nativitate: deinde de octavis sanctorum per ordinem. Missa matutinalis, *Dum medium silentium*. Prima Collecta, *Omnipotens sempiternæ Deus, dirige*. Secunda, *Adesto, Domine*. Tertia, *Concede*. Postea de octavis sanctorum. Ad Vesperas super Psalmos dicatur una Antiphona, *Iste sanctus pro lege*.

In crastino sancti *Thomæ*, nisi dies Dominicus fuerit, peractis nocturnis mox pergant fratres more solito ad luminare legere, et post Laudes sine in-

D. 1491, quo quidem anno ejus festivitas recepta et imperata est a capitulo generali.

tervallo Prima sequatur. Qua dicta, missa celebretur ut in Dominicis diebus, scilicet *Puer natus est nobis*. Collectæ, *Concede, quæsumus: Da nobis, quæsumus: Ecclesiam tuam: Deus cujus hodie*. Epistola, *Apparuit gratia*: Evangelium, *Exiit edictum*.

Post missam vacant fratres lectioni, usque ad horam secundam. Deinde dicta tertia, eant in capitulum, et postea ad opera manuum. Sed et hoc notandum, quod ad Vigiliis hujusdiei expositio Evangelii, scilicet *Exiit edictum*, legenda sit et pronuntianda a quolibet diacono, ut in duodecim lectionibus. Si dies hæc Dominica fuerit, sicut in libris continetur, ita fiat.

## CAPUT VI.

*Quomodo a Nativitate Domini usque ad Septuagesimam, diebus Dominicis officia missarum disponantur singulis annis.*

Prima semper Dominica quæ post diem Nativitatis Domini evenerit, officium, *Dum medium silentium* ad missam matutinalem dicatur. Similiter prima semper Dominica quæ post diem Apparitionis evenerit, officium, *In excelso throno*, ad missam matutinalem cantetur, excepto quod si eadem Dominica officium *Omnis terra* simul cum historia, *Domine in ira*, propter celeritatem instantis Septuagesimæ fuerit canendum, *In excelso throno*, in crastino Apparitionis dicatur. Et notandum quia cum dies Dominicus tertia die post Epiphaniam, et deinceps usque ad Octavam Apparitionis evenerit, omni die post Octavam Apparitionis, ad Laudes et ad Vesperas, Collecta, *Vota, quæsumus, Domine*, usque in subsequentem Dominicam, qua *omnis terra*, cani debet, continuatur. Eadem quoque missa, id est *In excelso throno* per eosdem dies, videlicet post Octavam Apparitionis secundum quod in sententia (13) de missis diebus privatis dicendis ordinatum est, dicatur: si tamen officium *Omnis terra*, in ipsis Octavis Apparitionis vel ante dictum non fuerit.

Cum autem inter septimanam illam qua cantatur, *In excelso throno*, et Septuagesimam quinque veniunt hebdomadæ, tunc, *Omnis terra*, duabus primis: *Adorate Deum* vero tribus ultimis canatur hebdomadis; ita scilicet ut unaquæque septimanarum illarum, quibus, *Omnis terra* canetur, suam propriam habeat Collectam, cum Epistolis et Evangelii ad eam pertinentibus: et tres ultimæ septimanæ quibus, *Adorate* canetur, similiter; hoc scilicet modo. Prima hebdomada dicitur officium *Omnis terra*. Collecta, *Omnipotens sempiterne Deus, qui cælestia simul*: Epistola, *Habentes donationes*: Evangelium, *Nuptiæ factæ sunt*. Secunda hebdomada item officium, *Omnis terra*: Collecta *Omnipotens sempiterne Deus, infirmitatem*: Epistola, *Nolite esse prudentes apud vosmetipsos*: Evangelium, *Cum descendisset Jesus*. Tertia hebdomada officium, *Adorate Deum*: Collecta, *Deus qui nos in tantis*: Epistola, *Nemini quidquam debea-*

*tis*: Evangelium, *Ascendens Jesu*. Quarta hebdomada item officium, *Adorate Deum*. Collecta, *Familiam*: Epistola, *Induite vos*: Evangelium, *Simile est regnum cælorum homini qui seminavit*. Quinta hebdomada item officium *Adorate* cum suprascripta Collecta, Epistola et Evangelio.

Cum vero infra prædictum terminum quatuor veniunt hebdomadæ, tunc, *Omnis terra* duabus primis: *Adorate* vero duabus ultimis canatur. Cum vero non nisi tres infra prædictum terminum veniunt hebdomadæ: *Omnis terra*, prima trium illarum hebdomada, cum primis duabus collectis, scilicet *Omnipotens sempiterne Deus qui cælestia*: et *omnipotens sempiterne Deus, infirmitatem* cum Epistolis et Evangelii ad ipsas pertinentibus, dicatur: ita scilicet ut feria quinta *Omnipotens sempiterne Deus, infirmitatem*, ad Laudes incipiatur. Ipsaque die Missa *Omnis terra*, cum Epistola et Evangelio ad ipsam pertinentibus cantetur: et usque in Sabbatum tam ad Vesperas quam ad Laudes teneatur; reliquis vero duabus ultimis hebdomadis ut supra in quatuor hebdomadis descriptum est, agatur.

Et cum infra sæpe memoratum terminum ab *In excelso throno* usque ad Septuagesimam, non nisi duæ eveniunt hebdomadæ: in prima quidem, ut in tribus descriptum est, fiat. Secunda vero qua cantabitur, *Adorate Deum*, de duabus Collectis, scilicet *Deus qui nos in tantis*, et, *familiam tuam*: cum Epistolis et Evangelii ad eas pertinentibus, agatur similiter. Cum vero una sola hebdomada inter illam de, *In excelso throno* et Septuagesimam evenerit, tum ambo illa officia cum supra memoratis Collectis, Epistolisque et Evangelii ad eas pertinentibus, illis duabus hebdomadis prima scilicet qua cantatur, *In excelso throno*, et secunda quæ est ante Septuagesimam, Cantor ut melius potuerit exsolvere, procuret: si tamen in eadem secunda hebdomada quæ est ante Septuagesimam propter aliquam solemnitatem duodecim Lectionum, vel propter commemorationem alicujus sancti qui proprietatem (14) habet in graduali persolvi non potuerunt.

Quod vero ob brevitatem temporibus, de duabus Collectis in una septimana dicendis cum suis Epistolis et Evangelii, et de secunda Collecta feria quinta incipienda diximus observandum: si ob præsentem defunctum vel duodecim lectionum solemnitatem, vel commemorationem alicujus sancti, qui proprietatem habet in graduali feria quinta venientem, id impeditum fuerit prima die quam, post illam feriam quintam, ante Dominicam ab hujusmodi expeditam, cantor invenerit totum persolvat. Quod si etiam feria sexta aliquo horum occupata fuerit, tunc quidem Sabbato Dominicalis missa canatur. Itaque feria quinta vel sexta, vel Sabbato ubi prius vacuum a proprietate sancti, locum invenerit: Dominicale Officium persolvatur; nec pro præsentem defuncto differatur, sed utraque missa dicatur. Simili-

(13) *In sententia*, id est in cap. de missis.(14) *Proprietatem*, id est officium proprium.



teretiam observetur quoties aliqua Dominicalis missa A Vigilia in Dominica evenerit, Collecta *Deus qui salutis æternæ* : in nocte post Evangelium ad Laudes et ad Tertiam dicitur : Collecta vero, *Corda nostra* tantum ad majorem missam.

## CAPUT VII.

*De sancto Silvestro.*

Festivitas sancti *Silvestri* tam in nocte quam in die plenarie agatur, et commemoratio Nativitatis Domini teneatur. Missa vero ita agatur. Ad Introitum, *Sacerdotes tui, Domine*. Collectæ, *Da, quæsumus, omnipotens Deus ut beati Silvestri: Concede, quæsumus, omnipotens Deus: Da nobis, quæsumus, Domine: Ecclesiam tuam: Deus cuius hodierna die.*

Quod si Dominicus fuerit dies, post matutinales Laudes fiat primitus commemoratio diei Dominici, id est *Dum medium*, et postea de Nativitate: deinde de octavis sanctorum per ordinem. Missa matutinalis erit, *Dum medium silentium*: Collectæ. I: *Omnipotens sempiternæ Deus, dirige actus nostros*. II: *Da, quæsumus, omnipotens Deus ut beati Silvestri*. III: *Concede, quæsumus, omnipotens Deus, postea de Octava sanctorum.*

Ad Vesperas super Psalmos dicatur una Antiphona de confessore, id est *Cognovit eum Dominus*: Capitulum vero et deinceps usque ad finem, de Octava Dominicæ Nativitatis. Commemoratio fiat in primis de sancto *Silvestro*, postea de Dominica et deinde de Octavis sanctorum.

## CAPUT VIII.

*Quid post Circumcisionem Domini usque ad Septuagesimam ad Vigilias sit legendum.*

Post Circumcisionem Domini privatis diebus legantur Epistolæ Pauli ad Vigilias usque ad Septuagesimam: non tamen Dominicis diebus, sed authenticorum Patrum Sermones de Nativitate Domini, sive de Circumcisione, sive de Epiphania Domini, donec canantur Responsoria *Domine, in ira tua*. Quod si tempus a Circumcisione usque ad Septuagesimam breve fuerit, non solum in ecclesia, sed etiam in refectorio legantur Epistolæ Pauli; quod fiet secundum quod cantor ordinaverit.

## CAPUT IX.

*In vigilia Epiphaniæ.*

In Vigilia Epiphaniæ Domini missa, *Puer natus*: Collecta, *Corda nostra*: et post, *Deus qui salutis et cæteræ usitatæ*. Et sciendum quod Collecta, *Concede nos famulos* inter usitatas non reputatur: quæ etiam a Vigilia Nativitatis Domini usque in crastinum Epiphaniæ intermittenda est. Epistola, *Apparuit benignitas*: Evangelium, *Defunctio Herode*.

Quod si Vigilia Epiphaniæ in Dominica evenerit, hæc suprascripta missa cum sua Collecta, Epistola et Evangelio post Tertiam canatur: Matutinalis vero Missa sit, *Puer natus est*, cum Collecta, *Deus qui salutis*: Epistola, *Apparuit benignitas*: Evangelium, *Pastores loquebantur*: Et notandum quia cum hæc

(15) *Alleluia, etc., usque ad Quadragesimam*. Hoc secundum Regulam S. Benedicti, cap. 15.

(16) *Usque ad Dominicam qua, etc., id est usque ad*

## CAPUT X.

*De « Domine, ne in ira, » et « Benedicam Dominum. »*

Ab Octavis Epiphaniæ usque ad Septuagesimam, Dominicis diebus ad Vigilias dicantur Responsoria, *Domine, ne in ira tua*, et privatis diebus *Benedicam Dominum, etc.*, ut inveniuntur in Antiphonario. Antiphonæ vero de Dominica ad Nocturnos et privatis diebus ad primum Nocturnum usque ad Pascha dicantur, et ad Vesperas super Psalmos usque ad Cœnam Domini, et ab Octava Pentecostes usque ad Nativitatem Domini. Quæ vero privatis diebus secundo Nocturno attuluntur, tantum in Quadragesima dicantur.

*Alleluia* vero ab Octava Pentecostes usque ad Quadragesimam (15). Invitatoria privatis diebus attulata usque ad Passionem Domini, et a Kalendis Novembris usque ad Adventum. Parva Responsoria ad Nocturnos, ab Octava Pentecostes usque ad Kalendas Novembris. Parva Responsoria ad Laudes et ad Vesperas usque Septuagesimam, et ab Octava Pentecostes usque ad Adventum Domini. Antiphonæ ad Benedictus et Magnificat et omnes versiculi usque ad Quadragesimam, et ab Octava Pentecostes usque ad Adventum. Antiphonæ ad Laudes super Psalmos ad Primum, ad Tertiam, Sextam et Nonam usque ad Dominicam in Palmis: et ab Octava Pentecostes usque ad Adventum.

Quod si festivitas duodecim Lectionum intervenerit, post festivitatem nihilominus hæc his quibus attulata sunt diebus dicantur. Similiter fiat post Octavas Assumptionis sanctæ Mariæ. Et notandum quod quando *Domine, ne in ira tua* quinquies canitur: ultimæ Lectiones et ultimæ Antiphonæ, si necesse est, repetuntur: et cum quater canitur, ultima Antiphona repetitur.

## CAPUT XI.

*De Septuagesima.*

Responsoria, *In principio*, dicantur in Septuagesima et Sexagesima tam Dominicis diebus quam privatis hoc tempore. A Septuagesima scilicet usque ad *Dominicam qua libri dividuntur* (16): pars *Genesis* ad Vigilias legatur ea, quæ Vigiliarum lectionibus per totum hoc tempus ad arbitrium cantoris convenienter sufficere possit. Reliqua vero pars si quid ab his Vigiliis residuum est, alique libri qui sequuntur usque ad libros Regum in Refectorio legantur. Ubi hoc sollicitè provideatur ut ante Dominicam qua canitur officium, *Judicame, Deus*, perfecti sint.

Verumtamen in Dominicis diebus legantur prius

Dominicam primam Quadragesimæ, in qua monachis libri dividuntur secundum Reg. S. Ben., ut infra dicitur.

in Refectorio *Homiliæ Evangeliorum Dominicalium* : A diebus se ad celebrandam missam præparent. Tunc sacerdote alba et manipulo induto, signoque pulsato fratres in claustro se discalceent, atque in eodem calceamenta dimittentes loco ecclesiam intrent, et in ordine suo versis vultibus ad altare stent. Altaris itaque hebdomadarii in vestiario se discalceantes in eorum veniant. Post hæc cantor incipiat Antiphonam, *Exsurge*, quam dum incipit vertant vultus ad invicem : et subsequatur versus *Deus auribus nostris*, et *Gloria Patri*. Deinde hebdomadarius missam dicat versum, *Ostende nobis, Domine* : et fratribus super formas (18) prostratis subsequatur, *Kyrie eleison*, et *Pater noster*, et ne nos inducas, atque totus psalmus *Deus misereatur cum Gloria Patri*. Versus, *Et veniat super nos ; Dominus vobiscum : Oramus, Concede nobis, Domine præsidia*. Postea surgant et stent versis vultibus ad altare usque ad introitum missæ.

A prima autem Dominica Quadragesimæ qua scilicet libros dividimus, ad Vigiliis in Ecclesia privatis diebus utimur tractatibus sancti Augustini super Psalmos usque ad Dominicam qua *Hieremias* inchoatur. Si vero Dominica Septuagesimæ, evenerit, Purificatio sanctæ Mariæ, feria secunda inchoetur historia ad Vigiliis, videlicet liber Genesee cum Præfatione et Responsoriis, *In principio Deus* : et sequenti Dominica dicantur Lectiones ad Vigiliis, *Tulit ergo Dominus hominem*.

#### CAPUT XII.

##### *De Tractibus.*

In Septuagesima et exinde omnibus Dominicis diebus et festivitibus duodecim Lectionum, ad majores missas usque ad Pascha omnes Tractus ab utroque choro alternatim cantentur. Et similiter in Parasceve fiat de Tractu, *Eripe me*. In Vigiliis etiam Paschæ et Pentecostes, *Laudate Dominum omnes gentes* ; et in Sabbatis quatuor temporum similiter Tractus, *Benedictus es*, ab utroque choro alternatim canitur. Qui quidem Tractus incipitur a choro Invitatorii : et aliter chorus subjungat. *Et laudabilis*, etc., et sic fiat in singulis versibus. In fine vero, primus versus repetatur ab illo qui incipit : et totus ab utroque choro simul decantetur ; sed et in fine prædictorum Tractuum, ambo chori simul cantent : cæteros Tractus totus simul chorus et conventus cantet.

Non est autem consuetudo ut privatis diebus extra Quadragesima dicatur Tractus, exceptis Sabbatis Quatuor Temporum, et Vigiliis Pentecostes et missis defunctorum præcipuis et privatis ; sed nec in matutinalibus missis Dominico die tam infra Quadragesimam quam extra : nisi matutinalis missa de Dominica fuerit, propter missam de festo ; post Tertiam non repetenda. Nam privatis diebus in Quadragesima *Domine, non secundum*, et Tractus ille, *De necessitatibus meis*, et, *Domine, exaudi orationem* D feria quarta ante Pascha pro qualibet solemnitate non omittuntur. Tractus qui alternatim canuntur, in illo choro in quo est Invitatorium incipiantur. Alios Tractus cantor vel qui ejus ad missam gerit officium in quocunque choro sit incipiat.

#### CAPUT XIII.

##### *De Capite Jejunii.*

Feria quarta in capite jejunii (17) dicta Prima exant fratres in claustro, et altaris ministri ut cæteris

(17) *Caput Jejunii* accipitur pro die Cinerum.

(18) *Super formas* scilicet super partem superiorem inferioris chori.

Postquam ergo abbas accepta à secretario stola et pastoralis virga in presbyterio (19) verso vultu ad Aquilonem benedixerit cineres antea in ipso presbyterio a secretario positos, atque aqua eos benedicta asperserit, cantetur Antiphona, *Exaudi nos, Domine*, et alia ut in libris, habentur. *Exaudi nos, Domine* incepta : abbas, stola deposita, veniens ante gradum et sub illo flexis genibus, ab Hebdomadario missæ prius sacros accipiat cineres. Quibus acceptis erigens se, resumpta stola stet supra gradum ; et versus ad chorum, super singulorum capita mittat cineres benedictos, incipiens a ministris altaris, omnibus flectentibus genua in terra. Et dum mittuntur, sedeat qui voluerit. Si tamen congregatio major fuerit, secundum dispositionem abbatis per diversa loca distribuantur cineres. Cumque omnes per impositionem cinerum suæ corruptionis memores esse admoniti fuerint, tunc abbas stola deposita veniat in chorum.

Quod si abbas hebdomadarius missæ fuerit, cantor alii missam injungat. Absente abbate, hebdomadarius missæ cineres benedicat. Quibus benedictis primus eos a quolibet sacerdotum stola induto a cantore præmonito accipiat cum ministro, et ipse hebdomadarius ei a quo accepit imponat, et post in locum suum revertatur. Et qui ei cineres dedit, de et cæteris omnibus secundum ordinem conversionis suæ accedentibus. Sciendum autem quia dum hoc officium cinerum agitur, ille cui cantor injunxerit, eos ante abbatem tenere debet.

Inchoata vero Antiphona, *Immutemur habitu*, sacerdos et minister calceant se, et signo pulsato accedant ad missam celebrandam. Cæteri vero omnes discalceati remaneant donec missa peragatur, tunc que se recalceant in claustro. Porro cineres hos extra chorum familiæ et hospitibus si affuerint, prior adjuncto sibi aliquo fratre imponat.

Sciendum est quia Tractus *Domine, non secundum*,

(19) *Presbyterium* hic accipitur pro ea parte quæ a primo gradu chori astat ipsi altari.

tam in hac die quam in aliis tribus diebus per Quadragesimam scilicet secunda et quarta et sexta feria, usque ad quartam feriam ante Pascha dicitur: excepta tantummodo feria quarta post primam Dominicam Quadragesimæ, quia in ipsa feria quarta Tractus *De necessitatibus* canitur. Canonialis præfatio videlicet, *Qui corporali jejunio* tam hac die quam aliis omnibus Quadragesimæ diebus ad missam de jejunio, usque ad cœnam Domini dicatur.

## CAPUT XIV.

*De festis sanctorum quæ a Capite Jejuniis usque ad Dominicam in Palmis venerint.*

Si festivitas duodecim Lectionum in qua laboramus privatis diebus a capite jejunii usque ad Dominicam in Palmis venerit, primo dicatur missa de jejunio dimissis usitatis Collectis, quam cantet hebdomadarius hebdomadæ præteritæ: eamque conventus ex toto audiat. Qua finita ac recalceato conventu, si quarta feria in Capite Jejuniis fuerit, sequatur missa de festa canenda a præsentis hebdomadæ hebdomadario. Et post Offerendam privatæ missæ agantur. Ad quam missam ad induendum et exuendum juvent illi qui ad præcedentem hoc idem fecerunt. Huic missæ conversi non intereunt. Id ipsum teneatur de festo sancti *Mauricii*, cum in jejuniis Quatuor Temporum in Septembri venerit.

Conventus ad *Te igitur* prioris missæ in Quadragesima super formas prosternatur: horæ vero totius diei sine flexione genuum peragantur et de festo fiant. Quod si festum in quo non laboramus fuerit; prima missa de jejunio erit, sed non solemniter: et ad *Te igitur* prosternentur fratres. Quod ad missam solemnem post Tertiam non fiet. Sane memoriæ commendandum est, quod flexio genuum ad *Te igitur*, in die duodecim Lectionum non fit, nisi in Quadragesima.

## CAPUT XV.

*De Dominica prima Quadragesimæ et observatione ejusdem temporis.*

Dominica prima Quadragesimæ post Primam cantor adjunctis sibi fratribus, si necesse habuerit, quos ejus petitione prior ei assignaverit, interim dum missa matutinalis cantatur, deferat libros qui dandi sunt in capitulo et ante sedem abbatis aliqua re substrata honeste ordinet: lectio vero regularis de observatione Quadragesimæ, videlicet, *Licet omni tempore* (20), et pars ultima præcedentis sententiæ, scilicet, *In Quadragesimæ vero diebus*, illa die in capitulo legatur. Qua lecta et exposita, cantor jussu abbatis cum solatio suo vel etiam aliis si necesse fuerit libros distribuat; quos monachi duabus manibus præ gaudio divinarum Scripturarum suscipientes, singuli profunde et lætanter inclinent. Et sciendum quod huic capitulo intererunt monachi infirmi, libros cum aliis accepturi. Postea abbas designet fratres qui se-

(20) Ex cap. 49 Reg. S. Ben. et ex cap. 48.

(23) Per *auditoria* intellige locum claustro regulari adjacentem, in quem juxta cap. 72 hujus lib. secedere solebant monachi ut de sibi necessariis

cundum Regulam horis quibus vacant fratres lectioni per totum annum circumeant monasterium: cum tamen necesse esse intellexerint, de his scilicet providentes officinis, *claustro, oratorio, capitulo, dormitorio, calefactorio, refectorio, coquina, auditoriis*, ne forte aliquis inconvenienter se habere inveniatur: et propter hoc officinas prædictas ingredi poterunt exceptis *auditoriis* (21).

Hac die post Completorium cruces cooperiantur et *cortina* (22) ante presbyterium tendatur, quæ ita omnibus diebus privatis per Quadragesimam usque ad quartam feriam ante Pascha post Completorium remanebit. In Sabbatis vero et in Vigiliis sanctorum duodecim Lectionum ante Vesperas a conspectu presbyterii, est *cortina* retrahenda: et in crastino post Completorium est remittenda. Similiter retrahatur ad missam pro præsentis defuncto: et ad exequias, *non intres in iudicium*: donec septem Psalmi finiantur post sepulturam, et ad benedictionem Novitii. Ad missam vero privatis diebus, ut sacerdos libere ab abbate si adfuerit ad Evangelium legendum benedictionem petat, subdiaconus cornu cortinæ in parte abbatis modice retrahat: et data benedictione ut prius erat remittat. Diaconus vero accedat ad cortinam ubi sublevata est, quærens benedictionem.

His vero sanctie diebus Quadragesimæ secundum beati Benedicti Patris nostri monita, orationibus intenti esse debemus peculiaribus. Et ideo omni die unusquisque fratrum certa consuetudine orationem privatam tempore lectionis in Ecclesia Domino offerat; nisi præsens defunctus impederit. Si acciderit per hos dies Quadragesimæ ut crux quæ est retro altare cooperta tollatur inde pro quolibet defuncto, vel infirmo communicando sive inungendo, discoperiatur quoadusque proprio loco, scilicet super altare, restituatur.

## CAPUT XVI.

*De duabus hebdomadis ante Pascha.*

Duabus Dominicis ante Pascha, *Gloria Patri* ad *Asperges me* non dicatur: sed post *Versum* a capite repetatur. Aliis temporibus post *Gloria* fit repetitio ad *Lavabis me*. Per hos quatuordecim dies in quibus, *Gloria Patri*, non dicitur ad Introitum Missæ, exceptis missis solemnitatum et privatis quæ non sunt de Quadragesima, ministri altaris qui quando ille Introitus cantatur, stant ad aditum chori expectantes horam ingrediendi: ubi audierint inchoare *Versum* psalmi post Introitum semel percantatum, statim introeant procedentes ad altare.

Librum *Hieremix* prophetæ his diebus tam in ecclesia quam in refectorio legendum dividat cantor in duas partes, et una pars legatur in ecclesia privatis diebus ad Vigiliis usque ad quintam feriam ante Pascha. Quæ pars inchoetur prope initium

cum priore colloquerentur.

(22) *Cortina*, id est velum, quod inter chorum et presbyterium hoc solo Quadragesimali tempore expanditur.

ipsius libri paulo ante ubi Dominica nocte ad Vigili-  
as octava Lectio finem fecerit, id est *Videte Verbum  
Domini. Nunquid solitudo factus sum.* Et ab eo loco  
designet cantor de illa prophetica secundum longitu-  
dinem vel brevitatem noctium per unumquemque  
annum quantum existimaverit sufficere posse ad hoc  
quod dictum est. Ubi autem partem illam non nisi  
in ecclesia legendam, judicaverit finiendam, faciat  
ipsam die Dominica qua ipsa propheta ad Vigili-  
as incœpta est, in refectorio inchoari: perfecta tamen  
prius homilia beati Gregorii papæ de Evangelio, *Quis  
ex vobis arguet me de peccato,* et percurratur usque  
ad finem libri: procurans ante omnia ut infra istos  
dies totus liber perlegatur.

## CAPUT XVII.

*Ordo in Ramis Palmarum.*

Dominica in Palmis ab abbate exorcismus aquæ  
agatur: deinde tertiam ipse incipiat. Qua finita, ac-  
cepta pastorali virga, super presbyterii gradum ar-  
borum ramos, ante horam tertiam a secretario ibi  
locatos benedicat, et postea aqua benedicta aspergat.  
Quibus peractis, cantor postquam ramum abbati ob-  
tulit, incipiat Antiphonam, *Pueri Hebræorum*:  
moxque secretarius cum solatio suo, et quibus a  
priore jussum fuerit, ramos benedictos monachis ac  
novitiis distribuat, reliquam partem fratribus laicis,  
et familiæ ac hospitibus si adfuerint porrigat. In-  
terim prænotata Antiphona finita, cantetur alia,  
*Pueri Hebræorum.*

His ergo ita ordinatis, incipiente cantore Antiphonam,  
*Occurrunt turbæ,* exeat subdiaconus cum aqua  
benedicta, subsequente diacono cum cruce discoop-  
erta, quem subsequatur conventus eo ordine quo  
stat in choro laicis monachis præeuntibus, ita ut  
abbas vel sacerdos hebdomadarius si abbas defuerit,  
eat posterior, et post ipsum novitii, post novitios  
vero laici fratres: et fiat processio tantum per clau-  
strum. Prior autem provideat ne quid inconueniens  
inveniatur in claustro, dum ista processio vel alia  
in Purificatione vel in Ascensione agitur. Finita An-  
tiphona, *Occurrunt turbæ,* incipitur Antiphona  
*Collegerunt*: Et dum hæc canitur fiat prima statio  
in parte quæ exstat juxta dormitorium. Qua finita  
et æquante mox versu, *Unus autem,* moveant se  
fratres ab illo loco: et agatur juxta refectorium  
statio secunda. Ad repetitionem vero hujus Anti-  
phonæ, scilicet *Quid facimus quia hic homo,* proce-  
datur ad ultimam stationem juxta ecclesiam: et in  
unaquaque statione diaconus et subdiaconus ha-  
beant vultus suos versos et crucem versam ad  
conventum, et in ambulando et in stando subdiaconus  
ante diaconum sit. Porro in ultima statione inci-  
piente cantore, *Ave, rex noster fili David,* inolinet  
ad crucem conventus genibus et manibus in terra  
positis: et omnes erecti deinceps stent conversi ad  
crucem usque dum incipiatur, *Gloria, laus.*

Interea dum hæc Antiphona *Ave rex noster* cani-  
(23) *Jussum* seu *Jussum ponat*, idem est ac in terram  
deponat.

tur, secretarius analogium, quod ipse ante Tertiam  
collocavit in capitulo cum textu Evangeliorum et  
stola, ad locum ubi diaconus Evangelium lecturus  
est, deferat: hoc est ante ostium ecclesiæ. Circa  
finem itaque antedictæ antiphonæ *Ave, rex noster,*  
diaconus crucem sanctam subdiacono porrigat. Qui  
et ipse interim subdiaconus aqua benedictam *jussum  
ponat* (23). Cum vero stola amictus diaconus fuerit  
parum se movendo ab analogio, ab abbate benedi-  
ctionem petat: et postea versus circa orientem Evan-  
gelium legat, subdiacono ante eum cum cruce as-  
tante: et ad conventum vultum suum habente. Quo  
perfecto stolam deponat et crucem recipiat: atque  
subdiaconus aquam benedictam resumat. Tunc  
etiam conventus stet versis vultibus ad invicem. Duo  
autem fratres, qui jam a cantore præmoniti esse  
debent, circa finem Evangelii ecclesiam intrent: et  
clauso ostio stantes versa facie ad processionem,  
Versus *Gloria laus*, uti in libro ordinati sunt can-  
tent. Quibus finitis et ab eisdem fratribus principio  
eorumdem Versuum *Gloria laus* repetito, revertan-  
tur ad processionem: et stent in ordine suo. His  
igitur peractis inchoet abbas Responsorium, *Ingre-  
diente Domino*: et ecclesiam omnes illud cantando  
intrent. Ramos quoque quos manibus gestant in-  
trantes chorum super gradum presbyterii deponant,  
quos secretarius continuo auferat. Ubi vero diaconus  
crucem deposuit, usque post Completorium  
discooperta ibi remaneat.

Postea missa celebretur sicut in natali unius apo-  
stoli. Et sciendum quod ad processiones quæ sunt  
per claustrum, non liceat hospitibus interesse, nec  
ad sermones in capitulum intrare, nisi aliqua fuerit  
tam reverenda persona cui hoc permitti deceat. Et  
hanc septimanam de Evangelio nullus diaconus se-  
cundum ordinem accipiat, nec sacerdos hebdoma-  
dam missæ: sed quibus cantor hæc officia in tabula  
consilio abbatis commendabit. Diaconum tamen in  
Sabbato, si necesse fuerit, mutare licebit.

## CAPUT XVIII,

*Quomodo incipiendæ sunt Passiones.*

Ad Passionem vero hujus missæ, et *Dominus vo-  
biscum,* et *Gloria tibi, Domine,* dicitur. Ad Passiones  
feriæ tertiæ et feriæ quartæ, *Dominus vobiscum* dicitur:  
sed *Gloria tibi, Domine* non dicitur. Feria autem  
sexta nec *Dominus vobiscum,* nec *Gloria tibi, Domine,*  
dicitur. Et quando non dicitur ad Passionem *Gloria  
tibi Domine*: non se muniunt fratres signo crucis.

## CAPUT XIX.

*De feria quarta ante Pascha.*

Feria quarta ante Pascha post Vesperas regulares  
officium pro defunctis cum suis Antiphonis et Col-  
lectis sicut aliis diebus dicatur. Cortina (24) post  
Completorium auferatur.

## CAPUT XX.

*De Cæna Domini et Parasceve et Vigilia Paschæ.*

Feria quinta ante Pascha usque ad feriam secun-  
(24) *Cortina* id est Velum quod tempore Quadra-  
gesimæ ante majus altare expansum pependerit.

dam post octavam Paschæ, nihil agatur pro defunctis; excepta quotidiana missa, quam tamen intermittimus in die Parasceve et sequenti Sabbato et die Paschæ, in qua tamen die hebdomadarius quotidianæ missæ cantans de Resurrectione dicat Collectam, *Inclina, Domine*, et si Tricenarium fuerit, subjungat, *Deus cui proprium est*.

Feria quinta et sexta et Sabbato ante Pascha, postquam nocturna laus peracta fuerit, et fratres ad luminaria in claustro sederint, et sacrista viderit advenisse tempus, quo regulariter (25) circa diem Laudes sunt canendæ: candelam unam accendat, ac in primo gradu presbyterii super candelabrum ponat, sicque, signo feria quinta, Feria vero sexta et Sabbato tabula vocentur fratres ad horam. Interim vero dum hymnus illius horæ canitur omnia luminaria ecclesiæ a secretario (excepta illa prædicta candela) extinguantur. Dum cantor Antiphonam ad *Benedictus* incœperit, etiam candelam illam idem sacrista exstinguat. Et dum abbas, *Pater noster* incœperit candelam ardentem quæ antea quam illa ad *Benedictus* exstinguatur, in absconsa occultari debet: ad Collectam dicendam in chorum deferat.

## CAPUT XXI.

*Item de Cœna Domini.*

Feria quinta ante Pascha, missa celebretur post primam solemniter ut in natali unius apostoli et sine flexione genuum: omnesque tam conversi quam cæteri ad magnum altare communicent; nisi aliter multitudo exegerit. Diaconus autem tot hostias consecrandas apponat, ut et ipsa die fratribus omnibus sacra communio sufficiat: et tam pro officio sequentis diei, quam pro infirmis pars sacræ communionis reservari possit. Post pacem vero corpus Domini de vasculo supra altare sumatur: et super patenam illa hora sumendum ponatur. Linteum etiam mox de eodem vasculo auferatur, aliudque a sacrista illa hora præsentatum in eodem ponatur: illoque mutato ab eodem secretario, mox abbas vel qui cantat missam, partem sacræ Communionis in crastinum servandam in vasculo ante notato honorifice recondat. Et tunc linteum vetus in patena diligenter excussum super piscinam comburatur, cineresque ejus in eam projiciantur. Et sciendum quod hac die, privata missa non sit ab aliquo cantanda: nisi pro conversis communicandis, ubi multitudo exegerit, et ipsa missa de die sit. Missa autem de sancta Maria, ad quam nullus hac die communicet, et quotidiana pro defunctis cantabitur.

Post sextam horam portarius (nisi alteri abbas jusserit) tot pauperes eligat, quot monachi sunt in cœnobio. Hi vero omnes ad orationem non suscipiantur, sed in uno loco maneant donec ad mandatum ducantur, et interim dum Nona cantatur, conversus laicus adjutor monachi hospitalis, et cæteri fratres laici quos cellarius advocaverit, ducant pauperes in claustrum, ibique eos sedere et discalciari

(25) *Regulariter*, id est secundum Regulam S. Benedicti.

A faciant: incipientes ab ostio ecclesiæ quo monachi exire et claustrum intrare solent. Vasa et lintea seu tersoria ad Mandatum necessaria, aquamque calidam illuc deferant, et omnia ordinate disponant, quæ vasa et cætera necessaria cellararius provideat.

Dicta vero Nona exeant fratres de ecclesia, incipientes a prioribus eo ordine quo *privatis diebus et in die Natalis Domini*, scilicet unus post unum, vadunt in capitulum: Ita ut abbas omnes transeat pauperes usque ad ultimum, et mandatum faciant in claustro pauperibus. Porro fratres laici, ut illius sancti Mandati cooperatores existant, aquam et tersoria monachis Mandatum facientibus competenter et diligenter administrent, cellararius autem, qui denarios ad opus pauperum monachis porrigit, extremis in ordine monachis innuat: ut in pauperibus infirmorum et absentium monachorum, et portarii qui in ultimo ordine pauperum collocandi sunt, Mandati officium adimpleant: Infirmis de infirmatorio qui adesse poterunt sedere liceat. Et postquam abluerint, et exterserint et osculati fuerint pauperum pedes, proprias monachi manus lavent. Hoc expleto a singulis fratribus singuli nummi singulis dentur pauperibus. Qui denarii flexis genibus sunt dandi: et manus pauperum osculandæ. Postea vero simul se erigant fratres, iterumque veniam ante pauperes petentes (26) dicant: *Suscepimus, Deus, misericordiam tuam in medio templi tui*: et postea eant ad opus manuum si tempus permiserit. Deinde deducantur pauperes ad cellam hospitem, ubi abbas cum coadjutoribus suis aquam fundat in eorum manibus ac postea reficiant. Et sciendum quod omnes supervenientes hac die pro reverentia Domini Mandati charitative hora competenti pane et pulmento sunt reficiendi.

Expleto pauperum Mandato sacrista mox ascitis sibi fratribus quot necessarios habuerit, altaria discooperiat: et pallas, quas inde tulerit honeste aptet et recondat. Vespera itaque tabula pulsetur lignea, et ipsa hora alte cantetur uti aliis diebus. Abhinc non pulsetur campana in ecclesia usque ad missam in Vigilia Paschæ; sed nec in refectorio nec in horologio. Et illud sciendum quod abhinc versus in refectorio ante cibum et post cibum ac *Benedicite* cum benedictione potus ante collationem: versus quoque in capitulo remissius voce humili usque post Vesperas in Vigilia Paschæ sunt dicendi.

Postquam conventus a mensa surrexerit, fratres, qui in ipso die in capitulo ad Mandatum illius diei sunt per tabulam vocati, aquam calidam quam ipsimet antea calefacere debent, in claustrum deferant. Ubi tamen abbas in trahenda et calefacienda aqua ac in claustrum deferenda, adjutorio conversorum opus esse viderit: cellararius sufficienter per conversos subministret. Et facto parvo intervallo eant

(26) *Veniam petentes*, id est genuflectentes, manus ad terram positas.

fratres more solito in refectorium bibere. Deinde sacrista tabulam ad Mandatum percutiat : monachorum quoque conventu in claustro residente sicut in Sabbatis ad Mandatum, ac priore locum abbatis tenente, incipiat cantor Antiphonam, *Domine Jesus* presentibus infirmis qui adesse poterunt : et conversis hinc inde residentibus : scilicet post ultimos monachos et postremos novitios. Tunc abbas et coadjutores sui, linteis præincti, lavent, tergant, et osculentur pedes omnium ; ita ut abbas duodecim tantum, id est quatuor monachorum, quatuor novitiorum, et quatuor fratrum laicorum pedes lavet. Quod si numerus defuerit novitiorum, de fratribus laicorum suppleatur. Servitores vero lavatoribus deputentur hoc modo : abbati duo, cæteris autem unicuique unus, qui et aquam et linteamina eis sufficienter administret. Quoties vero ante priorem transierint inclinent se, tam abbas quam cæteri. Peracto itaque obsequio, abbas duorum servitorum suorum pedes lavet, cæterique sibi invicem lavent. Novissime vero alter ex sibi deputatis, prior scilicet in eodem loco abbatis pedes lavet, alter vero tergat et osculetur. Post hoc tam abbas quam cæteri sibi vicissim æquam in manibus fundant. Deinde cucullis induti veniant ad locum, in quo septimanarii coquinæ solent inclinare Sabbatis post Mandatum, et ibidem inclinent. Et tunc priore assurgente abbati que cedente, omnes pariter assurgant, eoque residente cuncti sedeant. Ad collationem autem lectio Evangelii, scilicet *Ante diem festum Paschæ* ab illo diacono cui cantor præceperit sedente, sicuti aliis diebus, legatur. Cujus lectionis finis in providentia est abbatis. Hinc Completorium remissius medioori voce dicatur ; ita tamen ut psalmodiæ sonus clare et distincte resonet. Quod etiam abhinc omnibus horis in psalmodia et cantu, exceptis Vigiliis et Laudibus usque ad Vesperam Paschæ fiat.

## CAPUT XXII.

*De Parasceve.*

In Parasceve, parvo (post Laudes) intervallo facto discalciant se fratres in dormitorio, et infirmi in infirmatorio, nisi nimis graventur. Deinde pulsatur tabula, et conventus veniat in chorum, oratioque fiat brevis (27) super formas : solemnibus vero oratio ante Tertiam persolvatur ex more. Dicta autem prima sequantur omnes abbatem eo ordine quo stant in choro et intrent capitulum, sedeatque abbas ad dexteram cum choro suo, priorque ad sinistram cum suo in introitu capituli : et post eos, omnes eo ordine sedeant quo processerunt, ac Psalterium ex integro persolvant. Expleto Psalterio per totam diem vacent fratres lectioni. Post Nonam induant se abbas et ministri ad officium.

Interim autem, secretarius altaris superficiem mundis cooperiat pallis et ab uno ministrorum duo luminaria circa altare accendantur, ut mos est fe-

stivis diebus. Deinde pulsata tabula veniat conventus in chorum et legatur sine titulo lectio, *In tribulatione sua*, a quodam fratre a cantore præmonito. Quam dum incæperit ingrediatur abbas cum ministris ad altare nudis pedibus, orationem solitam prætermittentes ante altare. Lectione autem finita dicatur Tractus, *Domine, audivi*, postea Collecta *Deus a quo et Judas* : sed non *flectamus genua*. Deinde legatur lectio, *Dixit Dominus ad Moysen et Aaron*, a subdiacono cum manipulo similiter absque titulo. Quam non ut Epistolam, sed plane legat ut aliam Lectionem. Qua dicta canatur Tractus, *Eripe me Domine* : et subsequatur Passio et orationes solemnes, id est *Oremus, dilectissimi*.

Et circa finem earumdem orationum secretarius aliquod grossum linteum in presbyterio ante altare sternat, ubi crux est adoranda. Et duo presbyteri vel diaconi a cantore præmoniti albis se induant ad officium crucis ; et antequam, *Per Dominum nostrum* ultimæ Collectæ finiantur, retro altare venientes, crucem coopertam jam ante Nonam a sacrista ibidem depositam, finita oratione accipientes ad gradum altaris portent : abbate et ministris ab altari discedentibus. Postea crucem aliqua re ab hoc convenienti subnixam, unus ad dexteram et alter ad levam tenentes, flexis poplitibus cantent, *Popule meus*. Et duo fratres ante gradum presbyterii ter dicaat *Agius*, semel in primo flectentes genua, finito *O Theos*, et erecti cætera prosequantur. Et chorus *Sanctus* ter repetat. Similiter ad primum flectentes genua, dicto *sanctus Deus* : et hoc tam a choro quam a fratribus tertio similiter fiat. Et dum ultimum *Sanctus Deus* incipitur, qui crucem tenent eam breviter adorent. Qui cantu finito detegentes eam inchoent Antiphonam *Eccce lignum crucis* : moxque omnes veniam petant e contra. Et cruces aliæ a sacristis discooperiantur, Abbas vero solus et post illum insimul diaconus et subdiaconus in albis sine manipulis : ac deinde duo et duo monachi et novitii universique laici toto corpore prostrato in presbyterio crucem adorent et osculentur tantummodo et breviter. Et dum adoratur stent versis vultibus ad altare : sedeat tamen qui voluerit. Portarius vero ipsa hora veniat et adoret, et recedat : moxque ad portam redeat. Et sciendum quod illum ordinem, quem ad pacem et communionem accedentes servant, in adoranda et osculanda cruce servare debeant. Interim autem cantus ad hoc pertinens officium persolvatur. Et sciendum quod liceat plures cruces ad adorandum tam monachis quam conversis ad alia altaria prout abbas ordinaverit exhibere. Et dum hæc aguntur prior aliam crucem cum reverentia comitante illum sacrista, vel alio fratre quem signo vocaverit, hospitibus si affuerint et familiæ extra eorum ad adorandum præsentet. Postquam igitur omnes adoraverint, qui crucem tenent levantes, eam inchoent Antiphonam, *Super omnia* et pro-

(27) *Oratio brevis*, id est *Pater noster*, *Ave Maria*. *Solemnis oratio*, id est *Pater*, *Ave* et *Credo*.

tinus conventus econtra veniam petat. Monachi autem terii. Interim omnia ecclesie luminaria extinguantur : et de igne benedicto postea accendatur. Cum vero de eo candela accensa fuerit, a diacono stola accincto et vultu ad altare verso Paschalis benedicatur cereus : astante ad dexteram ejus subdiacono candelam manu tenente. Cum autem diaconus legendo venerit ad locum illum, *Suscipe, sancte Pater, incensi hujus sacrificium vespertinum* : cantor quinque grana incensi crucem formando in eum imprimere curet. Ubi idem levita hoc prompserit *rutilans ignis accendit*, lumen de manu Subdiaconi sumens cereum flammescere faciat. Deinde subdiacono candela exstincta est in locum suum. Cereus autem ardeat usque post completorium in crastinum, in loco ubi benedictus fuit, usque ad diem Ascensionis Domini permansurus.

Tunc abbas et diaconus resumptis, quæ deposuerant ad altare cum subdiacono sicut erant, nudis pedibus accedant, et orationem faciant, confessionemque dicant. Quo facto diaconus corporale super altare ponat a sacrista prius super ministerium positum. Abbas vero corpus Dominicum cum vasculo in quo est, ad altare deferens juxta corporale ponat : et cum diaconus calicem cum vino aqua misto abbati oblatum super altare, uti ad missam solitum est, ordinaverit, abbas incenso prius adhibito, deinde aperto vasculo digitos suos lavet, et extractam de vasculo sanctam Communionem super corporale ponat. Et tunc nec corpore Domini, nec calice levato, mediocri voce dicat, *Oremus. Præceptis salutaribus moniti et Libera nos, quæsumus, Domine* : illoque dicente, *Per eundem Dominum nostrum*, etc. Corpus Domini in tres partes dividat, ac postea, *Per omnia sæcula sæculorum*, submissa voce dicat, atque cunctis respondentibus, *Amen*, ipse unam partem in calicem mittat nihil dicens. Porro diaconus facta thurificatione, ablatis manibus cum subdiacono stet ubi stare solet ad Collectas, donec communicaturus accedere debeat ad altare. *Pax Domini* nec dicetur, nec dabitur, nec venia a conventu petetur, nec *Agnus Dei* cantabitur. Deinde abbas et ministri communicent. Interim fratres habeant facies versas ad altare. Et postquam ministri communicaverint, conventus exeat, pedesque suos calciamentis muniat. Aqua autem in claustrum cellerario calida sit procurata, ut qui voluerit pedes abluere possit.

Sacrista vero ante Vesperam pallas auferat de altari. Deinde pulsata tabula vespere celebrentur. Et laici fratres refectionis hora ecclesiam mudent. Monachique in refectorio more servitorum gratias reddant : et prædicti fratres laici post Completorium claustrum et capitulum mudent.

#### CAPUT XXIII.

##### *De Vigilia Paschæ.*

In Sabbato Vigiliæ Paschæ, anni Domini et epactæ concurrentes, et indictiones in chartula a cantore præparata cereo benedicendo ipsa die affigantur. Post sextam secretarius altaria omnia adornet. Post Nonam vero tabula ab eo modice pulsata abbas et ministri vestibus se induant sacris, et sacrista deferat Analogium (28) super quod legitur Evangelium et librum Evangeliorum superpositum super gradum presbyterii ; ubi abbas peragere solet benedictiones. Et deferat cereum benedicendum super candelabrum, similiter non excedentem pondus trium liberarum panis regularis, ponens illum in dextera parte Analogii.

Quibus paratis ut in chorum convenient fratres, iterum tabula percutiatur. Tunc ignis in patella carbonibus allatus vivis benedicatur, et aqua benedicta aspergatur ab abbate stante super gradum presby-

terii. Interim omnia ecclesie luminaria extinguantur : et de igne benedicto postea accendatur. Cum vero de eo candela accensa fuerit, a diacono stola accincto et vultu ad altare verso Paschalis benedicatur cereus : astante ad dexteram ejus subdiacono candelam manu tenente. Cum autem diaconus legendo venerit ad locum illum, *Suscipe, sancte Pater, incensi hujus sacrificium vespertinum* : cantor quinque grana incensi crucem formando in eum imprimere curet. Ubi idem levita hoc prompserit *rutilans ignis accendit*, lumen de manu Subdiaconi sumens cereum flammescere faciat. Deinde subdiacono candela exstincta est in locum suum. Cereus autem ardeat usque post completorium in crastinum, in loco ubi benedictus fuit, usque ad diem Ascensionis Domini permansurus.

Benedictione ergo consummata, sequatur lectio, *In principio Deus creavit cælum et terram*, et cætera sine titulo. Levita quoque stolam deponat, et cum manipulo in locum suum revertatur. Et sciendum quod patella cum prædictis carbonibus non sit de presbyterio efferenda, donec cereus accendatur : ut si forte candela accensa exstincta fuerit, de eisdem carbonibus possit reaccendi. Abbas vero casula indutus, jam inchoata lectione, *In principio creavit Deus cælum et terram*, solus accedat ad altare, orationem tamen solitam ante illud minime faciat. Tunc etiam chori habeant vultus suos ad invicem versos, reliquas autem lectiones cum Collectis et Tractibus, uti in codicibus constant, ordinate persolvant. Et sciendum est quia ordo fratrum has lectiones legendum incipitur a prioribus, in Sabbatis vero Quatuor Temporum a minoribus. In quibus tamen a cantore considerandum est, ut hi qui legunt (secundum Regulam) (29) possint edificare audientes. Lectionibus vero cantuque atque Collectis celebratis, abbas regressus ad vestiarius, casulam ibidem relinquat, et sic in locum suum eat. Quo ab altari discedente Letania dicatur a duobus fratribus ante gradum presbyterii, utroque choro simul respondente. Cum autem ventum fuerit ad illum locum, *Peccatores te rogamus, audi nos*, abbas et ministri vestiarius ingressi ad missam se præparent.

Cantore itaque vel succentore, si Invitatorium in choro ejus fuerit, post Letaniam solemniter incipiente *Kyrie eleison* : tres lampades et duæ candelæ cirra altare de igne benedicto accendantur, et abbas cum plenario ministrorum officio ad altare accedat, ac solitam orationem, deinde confessionem faciat. Illoque hymnum *Gloria in excelsis* pronuntiante, ac cantore *pax hominibus* prosequente, campana pulsatur, quousque dicatur *Domine Deus, rex cælestis*. In hac die nulla missa privata ab aliquo est dicenda. Ad hanc missam *Pax Domini* dicatur, sed non *Agnus Dei*. Et post *Pax Domini*, statim unusquisque in loco suos vertant vultus ad altare, donec abbas dicat *Oremus post Dominus vobiscum*. Quod si cantor per-

(28) Analogium, id est pulpitum ad legendum.

(29) Vide Reg. S. Ben., cap. 48.

spexerit tempus diei non sufficerent lumine diei omnia impleantur, procuret ut aliquantulum minus morose quam aliis diebus vespertinales Laudes psallantur. Post refectionem more solito faciant Mandatum.

## CAPUT XXIV.

*De festis sanctorum quæ post Sabbatum ante Dominicam in Palmis usque ad Octavas Paschæ occurrunt.*

Si festivitas beati Benedicti Patris nostri, seu alia festivitas duodecim lectionum qua non laboramus post Sabbatum quod præcedit Dominicam Palmarum usque ad feriam quintam septimanæ Paschæ illuxerit, ipsa feria quinta agatur. Si duæ, quæ prima est, agatur quinta feria, sequens in Sabbato. Quod si post Sabbatum quod præcedit Dominicam in Ramis palmarum usque ad Cœnam Domini, et a quinta feria Paschæ usque post Octavas, festivitas duodecim lectionum in qua laboramus evenit: pro festo duodecim lectionum ad Vesperas in Vigilia, et ad Laudes, ad missam et ad Vesperas illius diei commemoratio fiat. Festum vero de quo commemoratio fieri solet, assueta commemoratione terminetur. Si autem a Cœna Domini usque ad feriam quintam Paschæ festivitas duodecim lectionum occurrerit in qua laboramus, vel unde commemorationem agimus, nulla inde fiat mentio.

## CAPUT XXV.

*De septimana Paschæ.*

Tribus diebus qui Paschæ diem sequuntur, erunt fratres in lectione, nec laborabunt, quia hos tres dies pro veneratione sanctæ Resurrectionis solemnes habemus, sicut festum alicujus apostoli. *Invitatoria* tamen nunquam nisi in duodecim lectionibus a duobus fratribus canentur. Aliis vero tribus diebus qui sequuntur laboramus, sed tamen missam quotidianam solemnem agimus. In qua etiam missa adsunt duo ministri, diaconus videlicet et subdiaconus: et duæ candelæ ardentes juxta altare, et incensum post Offerendam. Sciendum etiam quod die Paschæ et tribus sequentibus diebus *Gloria in excelsis Deo*, et Præfatio, *Te quidem, Domine, omni tempore*: ac *Communicantes*, et *Hanc igitur oblationem*, ad utramque missam repetuntur. Cæteris vero sequentibus diebus quando laboramus, una missa quotidie post Tertiam celebrabitur, ad quam *Gloria in excelsis Deo*, ac prædicta Præfatio, et *Communicantes*, et *Hanc igitur oblationem* quotidie dicentur. *Credo in unum Deum*, tantum in die Paschæ canitur.

Illud memoriæ commendandum, quod feria secunda Paschæ ad matutinalem missam non dicitur Collecta de die sicut in aliis diebus sequentibus, quia Collecta in die Paschæ, et Collecta in feria secunda habent unam secretam, et eandem post Communionem. Cæteris vero diebus, scilicet feria tertia quarta, ad missam matutinalem prima Collecta sit de resurrectione: et secunda de ipsa die. Porro una sola missa tribus diebus sequentibus celebrabitur: per tres dies istos post primam Collectam de feria di-

atur de Resurrectione, *Deus qui hodierna die per Unigenitum tuum.*

## CAPUT XXVI.

*De octavo die Paschæ.*

Dominica autem in Octavis Paschæ, prima missa erit *Resurrexit*, et secunda *Quasi modo geniti*, et Præfatio *Te quidem, Domine, omni tempore*, et *Communicantes*, et *Hanc igitur oblationem* ad utramque missam dicantur. Secunda hujus diei missa ea veneratione agatur, qua sit in festo unius apostoli. Et sciendum est quia Evangelium quod legitur in hac die ad majorem missam, scilicet *Cum esset sero die illa*, postquam ex integro Dominica die lectum fuerit: in cæteris privatis diebus ipsius septimanæ mos est illud in duas partes dividere. Prima autem pars a capite incipiens usque ad, *Thomas unus ex duodecim se extendit*: secunda vero ab eodem loco usque ad finem.

## CAPUT XXVII.

*De tempore resurrectionis.*

Ab Octavis Paschæ usque ad Rogationes *Alleluia* quæ dicta sunt in Dominica ad majorem missam, privatis diebus vicissim repetantur. Similiter per Octavas Ascensionis Domini. Et sciendum quod a Pascha usque ad Ascensionem Domini, omnibus Dominicis diebus missa matutinalis debeat esse de Resurrectione Domini, videlicet *Resurrexit*, nisi festivitas alicujus sancti hoc impedierit. Ad quam missam tamen minime dicatur Præfatio *Te quidem, Domine, omni tempore*, et *Communicantes*, et *Hanc igitur oblationem*. Et si forte fuerit (ut dictum est) de aliquo sancto ipsa missa matutinalis, tunc dicitur Collecta de Resurrectione Domini, id est *Deus qui per unigenitum tuum* post Collectam de sancto, scilicet ante Dominicalem.

Quod si festum duodecim Lectionum in ipsa Dominica evenerit, ipsa missa erit de Dominica, et Collecta de Resurrectione, post illam de festo dicitur. Si tamen dedicatio ecclesiæ, vel Inventio sanctæ crucis hoc tempore die Dominica evenerit, missa Dominicalis differatur. In Dominica tamen ante Ascensionem Domini nullo modo differatur.

Porro hebdomada post Septimanam Paschæ leguntur *Actus apostolorum* in Refectorio. Et dum Responsorium *Dignus es, Domine* in ecclesia cantatur, liber *Apocalypsis* inchoatur. Cum autem Responsorium *Si obtulus fuero tui* incipitur, Epistolæ *Canonicæ* leguntur.

A Sabbato primæ hebdomadæ Paschæ usque ad Octavas Pentecostes non dicitur Responsorium ad missam, nisi pro defunctis Verumtamen privatis diebus et ad matutinales missas dicitur unum *Alleluia*, excepto Sabbato infra Octavas Paschæ, quando in eo duodecim Lectionum festivitas in qua non laboramus evenerit. Ad majores vero missas duo dicantur *Alleluia*.

## CAPUT XXVIII.

*De Rogationibus.*

Post Tertiam in diebus Rogationum pulsato signo



sicut ad missam pulsari solet, duo fratres ante gradum presbyterii stantes cantent *Litaniam*: fratribus in utroque choro insimul respondentibus et stantibus ad invicem versis vultibus sicuti ad missam solent: et ad *Peccatores, te rogamus*, ministri exeant, seque ad missam præparent, diaconus scilicet si affuerit, stolam sumens et sacerdos casulam. Si aliqua autem festivitas duodecim Lectionum in qua non laboramus, in uno trium dierum Rogationum illuxerit, ipsa festivitas plenarie, eadem die agatur. Si festum sancti *Petri Tarentasiensis* (30) his diebus evenerit, duæ missæ canentur post Tertiam. Post Primam vero *Letania*, et postea missa de jejuniis cum commemoratione festi præsentis, et alia post Tertiam de solemnitate. In his tribus diebus mistum non sumitur.

## CAPUT XXIX.

*De Ascensione Domini.*

In Ascensione Domini ad Vesperas cereus paschalis accensus, non extinguatur usque in crastinum post Completorium. Tunc vero ab ecclesia subleventur. Commemorationes vero sanctorum, quæ ea die evenire possunt intermittendæ sunt; nisi in crastino subsequatur alicujus sancti commemoratio. Tunc enim ad Vesperas in die Ascensionis fiet commemoratio. Similiter fiet feria quarta infra Octavas Paschæ et Pentecostes.

Ad processionem quæ fit in claustro, in prima statione dicatur Responsorium *Viri Galilæi* cum versu. In secunda Responsorium *Pater cum essem*. In tertia versus, *Pater sancte* cum repetitione: et ubi necesse fuerit dicatur *Gloria Patri* cum repetitione. Ad Introitum Ecclesiæ Antiphona, *O Rex gloriæ*. Duobus sequentibus diebus post Octavas non dicitur *hodierna die* in Collecta.

## CAPUT XXX.

*De Vigilia Pentecostes.*

In Vigilia Pentecostes vacent fratres lectioni a Tertia usque ad Sextam, et cantent missas qui voluerint: non tamen de Vigilia. Ante Nonam celebratur officium, et cætera ut in Vigilia Paschæ aguntur, excepto quod nec ignis nec cereus benedicuntur, et excepto quod signum ad *Kyrie eleison* missæ non sonatur; et quod *Agnus Dei* canitur.

## CAPUT XXXI.

*De Octavis ejusdem.*

Et sciendum quod post diem Pentecostes, Antiphona scilicet *Filix Hierusalem*, et cætera quæ proprie per Resurrectionem canuntur, dimittantur: et *Alleluia* in nullius cantus sine ponatur, nisi ubi in libris scriptum invenitur. De solemnitatibus autem sanctorum, quæ in hac septimana evenerint, quemadmodum de festis in hebdomada Paschæ ordinavimus, ita teneatur.

Feria quarta infra octavas missa matutinalis de jejuniis: major vero de festo erit, videlicet *Spiritus*

**A** *Domini replevit*, quæ post Tertiam solemniter agatur. Feria quinta et sexta et sabbato ejusdem septimanæ in conventu non celebretur nisi una missa post Tertiam. Tribus autem diebus in quibus jejunamus non dicimus *Gloria in excelsis Deo*, nisi feria quarta ad majorem missam, quæ post Tertiam celebretur: sed tamen Præfatio *Qui ascendens super omnes cælos*: et *Communicantes*, et *Hanc igitur oblationem* omnibus diebus illius septimanæ tenemus. Missa vero per totam septimanam Pentecostes solemniter celebretur, sicuti in hebdomada Paschæ.

Et quidem tribus diebus qui Dominicam sequuntur, ad Missam matutinalem duæ tantum Collectæ dicantur quarum una sit, *Deus qui hodierna die corda fidelium*, et altera de die præsentis. Feria quinta una Collecta dicatur, id est *Deus qui hodierna die*. Feria sexta duæ, prima de die, secunda, *Deus qui hodierna die*, quæ Sabbato intermittatur. In quo Sabbato nihil est ad Vesperas cantandum de festo Pentecostes, sed de sancta Trinitate. Historia vero, *Deus omnium* incipienda est in Dominica secunda post Pentecosten vel in alia, si illa vacua non fuerit.

## CAPUT XXXII.

*De Dominicalibus officiis ab Octavis Pentecostes usque ad Adventum.*

Ab Octavis Pentecostes usque ad primam Dominicam Adventus Domini, sunt Septimanæ viginti octo, quando prolixius est spatium temporis: quando vero brevius, viginti tres. Dominicalia officia sunt viginti quatuor. Proinde in majori spatio temporis quatuor extrema officia singula per binas dicantur hebdomadas, id est *Omnia quæ fecisti*, cum sua collecta Epistola et Evangelio, duabus dicatur hebdomadis. *In voluntate tua*, duabus. *Si iniquitates*, duabus. *Dixit Dominus ego cogito*, duabus. Si tres hebdomadæ numerum excesserint officiorum, similiter fiat de tribus ultimis Officiis; si duæ, de duobus idem fiat; si una, *Dixit Dominus* bis dicatur. Cum vero hebdomadarum numerus minor fuerit numero officiorum, *In voluntate*, et *Si iniquitates*, in una dicantur hebdomada. *Dixit Dominus* bis in ultima: ita tamen quod in Dominica dicatur Collecta, *Deus, refugium nostrum et virtus*; Epistola, *Imitatores mei estote*: Evangelium, *Abeuntes Pharisei*. Infra hebdomadam collecta dicitur, *Excita, Domine*; Epistola *Ecce dies veniunt*: Evangelium, *Cum sublevasset*.

**D** Hoc autem observandum est, quod omnes Dominicales Collectæ quæ binæ dicuntur, per hebdomadam sic disponantur, ut illa quæ Dominica die dicta fuerit, sequentibus feriis repetatur ad Laudes et ad Vesperas usque dum alia incipiatur. Quæ cum incepta fuerit, ad Laudes et ad Vesperas dicatur usque ad sequentem Dominicam. Incipienda autem erit si fieri potest a quinta feria.

(30) Quod hic de S. Petro Tarent. notatur antiquis usibus additum est a capit. generali an D. 1197.

## CAPUT XXXIII.

*De solemnitatibus quibus non laboramus et quæ Dominica non evenerint.*

Omnibus solemnitatibus quibus non laboramus et quæ Dominica non evenerint, etiam si commemoratio alicujus sancti fiat, nihilominus utraque missa de solemnitate sit, præterquam in festo *beati Bernardi* (31), et in Decollatione sancti *Joannis Baptistæ*: et exceptis Festivitatibus quæ a Capite Jejunii usque post octavas Paschæ, et Jejunii Quatuor Temporum, et Rogationum, et in septimana Nativitatis Domini et Pentecostes evenerint. In Inventionem vero et Exaltationem sanctæ Crucis, quia Vigiliæ partim de sanctis sunt, partim de sancta cruce: de sanctis missa matutinalis sit, etiam si Dominica evenerit, et de cruce major. In inventio sanctæ crucis si Dominica ante Ascensionem evenerit, missa matutinalis erit de Dominica, et de cruce major.

## CAPUT XXXIV.

*De solemnitatibus quibus non laboramus et quæ Dominica evenerint.*

In solemnitatibus iterum quibus non laboramus et quæ Dominica evenerint, nisi fuerint illæ festivitates quibus sermo fit in capitulo, missa matutinalis erit de Dominica, nisi propter proprietatem alicujus sancti, vel propter præsentem defunctum differenda sit, et major de solemnitate. In Purificatione tamen beatæ Mariæ, si in Septuagesima vel Sexagesima aut Quinquagesima evenerit: missa matutinalis erit de Dominica, et major de solemnitate. Ante Adventum autem cum unum Dominicale officium duas tenere contingit hebdomadas, illud officium secunda non repetitur Dominica ad Missam matutinalem, si in ea duodecim Lectionum solemnitas celebratur, sed utraque missa erit de festo. Simili modo fiet ante Septuagesimam (32).

## CAPUT XXXV.

*De solemnitatibus quibus laboramus et quæ Dominica evenerint.*

In solemnitatibus quibus laboramus et quæ Dominica evenerint, similiter missa matutinalis erit de Dominica, nisi propter præsentem defunctum differatur, et major de solemnitate præterquam in Octavis Apparitionis Domini, cum in festo Septuagesima coegerit ut in ipsis, *Domine, ne in ira tua cantetur*, et in Adventu, Septuagesima, Quinquagesima et Quadragesima. Dominica tamen in Palmis et in Octava die Paschæ si festivitas sancti *Ambrosii* evenerit, ad missam matutinalem Collecta dicatur de eo.

## CAPUT XXXVI.

*De Dominicis diebus quibus duodecim Lectionum solemnitas non celebratur.*

Dominicis vero diebus quibus duodecim Lectio-

(51) Nomen et memoria S. Bernardi non erant in antiquis usibus, addita sunt autem a capite generali anno D. 1165, post canonizationem illius quæ contigit anno præcedenti, ut patet ex bulla Alexandri III Rom pontif. qui hunc S. P. sanctorum catalogo ascripsit.

A num solemnitas non celebratur, utraque missa erit de Dominica, nisi forte alicujus sancti fuerit commemoratio, qui officium habeat in Graduali designatum, vel Vigilia alicujus sancti hoc impedierit, vel præsens defunctus supervenerit. Dominica tamen in Palmis etiam si alicujus sancti fuerit commemoratio, missa matutinalis erit de Dominica, et in Octava die Paschæ de Resurrectione. In illo vero uno die, qui festum sequitur sancti *Thome martyris* (33), si dies Dominicus evenerit, prima missa erit de Dominica; secunda de Octavis Domini, scilicet *Puer natus est nobis*.

In illis autem tribus diebus qui Circumcisionem Domini sequuntur, si dies Dominicus evenerit, prima missa erit de Octavis sanctorum, secunda de Octavis Domini, scilicet *Puer natus est nobis*. Si vero infra Octavam sanctis *Joannis Baptistæ* vel apostolorum *Petri et Pauli* illis quatuor diebus qui deputati sunt ad missas eorundem sanctorum dies Dominicus evenerit, missa matutinalis erit de Octavis, et major de Dominica, Dominica vero infra Octavam Apparitionis, missa matutinalis erit de Dominica et major de Octava: nisi forte, *Omnis terra*, in eadem Dominica cantandum fuerit. Quod cum acciderit, missa matutinalis erit de Octavis, et missa major de Dominica.

Similiter Dominica infra octavam Ascensionis Domini et Assumptionis beatæ Mariæ, si nulla duodecim Lectionum solemnitas evenerit, missa matutinalis erit de Dominica, et major de Octava. Si vero aliis diebus infra has Octavas duodecim Lectionum solemnitas qua non laboramus evenerit, nisi forte in ipsa sermo fieri debeat in capitulo, missa matutinalis erit de Octava et major de festo.

## CAPUT XXXVII.

*Quo ordine missæ agantur privatis diebus.*

Ab Octavis Theophaniæ usque in Caput Jejunii, et ab Octavis Pentecostes usque ad Adventum Domini, omni feria secunda missa pro *Defunctis* in conventu dicatur. Feria tertia et quinta Dominicalis, Feria quarta pro *familiaribus*. Feria sexta de *sancta cruce* Sabbato de *beata Maria*.

Ab Octavis autem Paschæ usque ad Dominicam ante Ascensionem, et in Adventu usque ad Nativitatem Domini, idem ordo servabitur, excepto quod ab Octava Paschæ usque ad supradictam Dominicam omni feria quarta, missa pro familiaribus omissa, missa *Resurrexit* dicatur. Et in Adventu feria sexta, quia missa de sancta cruce non dicitur, missa Dominicalis repetatur, nisi forte aliqua solemnitas duodecim Lectionum aliquem horum occupaverit diem, aut talis commemoratio alicujus sancti, cui missa in Graduali sit attributa, aut Vigilia alicujus solemnitatis, aut dies Quatuor Temporum sive Rogationum

(32) Simili modo, etc. Hæc ultima verba addita sunt antiquis Usibus, quippe quæ non reperiuntur in omnibus antiquioribus manuscriptis.

(33) Quod hic de B. Thoma martyre præscribitur additum est antiquis usibus an. D. 1191, jussu cap. gen., ut jam supra monuimus.

vel præsens defunctus, aut tales commemorationes defunctorum quas præcipuas agimus, et exceptis illis diebus qui deputati sunt ad illa Dominicalia officia quæ post diem Epiphaniæ, vel post *In voluntate tua*, vel *Dixit Dominus*, aliquando propter instantem Septuagesimam vel Adventum privatis diebus restant persolvenda: et quando aliqua Dominicalis missa in sua propria Dominica dici non poterit pro alicujus solemnitate vel præsentis defuncti necessitate.

Et cum hoc contigerit ut aliqua missa in sua propria Dominica dici non possit, prima die quam post illam Dominicam cantor a supradictis eventibus exoccupatam invenerit, canatur. Infra octavas vero Domini et sanctorum, uti in sententia (34) de octavis eorum scriptum est, teneatur FERIA sexta post octavas Ascensionis de *sancta cruce* missa canatur: nisi illius missæ venerit occasio, propter quam alii temporibus intermitteri solet. Notandum vero quia si missa pro defunctis feria secunda pro aliquibus supradictis eventibus in conventu dici non potuerit; prima ejusdem septimanæ die, quæ vacua fuerit a supradictis eventibus, dicatur.

## CAPUT XXXVIII.

*De numero Collecturarum ad missas.*

Privatis diebus non amplius quam quatuor Collectæ ad missam in conventu dicantur, exceptis octavis Domini et commemorationibus octavisque sanctorum, et illis quatuor diebus qui sequuntur diem Circumcisionis, et feria sexta post octavas Ascensionis: aut si abbas unam tantummodo Collectam dicendam adjunxit vel præsens defunctus fuerit, excipitur etiam Tricenarium quod fit post generale abbatum capitulum, cujus Collecta, id est *Deus veniæ largitor*, per omnes triginta dies, exceptis solemnitatibus duodecim Lectionum, tam ad Vesperas quam ad Laudes et ad Missas continetur.

Verumtamen et si plures in una die missæ fiant, ad unam tantum dicetur. Et notandum quia nunquam in missa Collectam de Dominica vel de *sancta cruce*, id est *Deus qui unigeniti Filii tui*, dicimus nisi illa die missa in conventu de ipsis agatur. In Adventu tamen quotidie dicatur Collecta de Dominica ad missam, exceptis missis pro defunctis et Quatuor Temporum jejuniis et Vigilia Natalis Domini.

Cum tamen Dominicales commemorationes in aliqua solemnitate quæ Dominica venerit post matutinas Laudes cantatæ fuerint in crastino, licet Dominicalis missa forte differri debeat, Collecta tamen ad missam matutinalem dicatur. Et notandum quia ad omnem missam matutinalem, si eadem quæ major missa non fuerit, vel de eodem sancto: Collecta de majori missa prima post Collectam missæ matutinalis dicetur, excepto cum Vigilia Nativitatis Domini vel Apparitionis, seu Vigilia Assumptionis

(34) *In sententia*, id est in cap. 47 hujus libri.(35) *In sua sententia*, id est in cap. 27 hujus libri.

A beatæ Mariæ die Dominica evenerit. Collecta vero *Deus qui per Unigenitum tuum*, sicut in sua sententia (35) ordinata est dicatur.

*In aliquibus manuscriptis additur*, et Collecta de Spiritu sancto non dicatur in missa de Trinitate.

## CAPUT XXXIX.

*De quatuor historiis quæ cantantur a Kalendis Augusti usque in Adventum Domini.*

Si Kalendæ evenerint die Dominica, eadem die inchoetur historia. Si vero Kalendæ in secunda vel tertia aut quarta feria evenerint in Dominica quæ eadem Kalendas præcepit, assumatur Historia. Quod si Kalendæ in quinta vel sexta feria, aut Sabbato apparuerint, Dominica sequenti imponatur historia. Et ideo si festivitas *Omniū Sanctorum* quinta aut sexta feria illuxerit, legendum et cantandum est de libris *Machabæorum* ad Vigiliis usque ad Dominicam sequentem, in qua incipiendum est legere et cantare de *Ezechiele* propheta.

Si autem festivitas *Omniū Sanctorum* evenerit die Dominica, ipsa die celebretur, et sequenti nocte, scilicet feria secunda inchoetur *Ezechiel* propheta, et Responsorium, *Vidi Dominum*. Sequenti vero die Dominico non legantur Lectiones ad initium illius libri pertinentes propter præfationem, quia non est consuetudo ut bis legantur, sed legantur aliæ in libro Lectionarii diei Dominici secundi intitulatæ. Qui propheta legendus est per tres hebdomadas tam privatis quam Dominicis diebus. Quod vero de his restat legendum ad Vigiliis, ex quo ibi legi desierit, legatur in refectorio. Finito *Daniele*, legantur in refectorio duodecim prophetæ.

## CAPUT XL.

*Qua septimana jejunia Quatuor Temporum in mense Septembri agenda sunt.*

Si prima dies Kalendarum mensis Septembris in secunda feria aut tertia vel quarta evenerit, tunc agendi sunt dies jejuniorum hebdomada *Exaltationis* sanctæ crucis. Si vero Kalendæ Septembris in quinta feria vel sexta vel Sabbato sive Dominica evenerint, tunc in illa septimana, in qua festivitas sancti *Malthæi* apostoli evenerit, agendi sunt.

## CAPUT XLI.

*Quomodo legantur libri in refectorio a Pentecoste usque ad Kalendas Novembris.*

D Tempore illo quo canitur, *Deus omnium exauditor est*, usque ad Kalendas Augusti, leguntur quatuor libri *Regum*, et postea duo libri *Paralipomenon*. A Kalendis vero Augusti usque ad Kalendas Septembris interim dum canitur, *In principio Deus*, legimus *Proverbia Salomonis*, et postea *Ecclesiasten*, et deinde *Cantica canticorum*, et librum *Sapientie*, *Diligite justitiam*, et postea librum *Jesu filii Syrach*, id est *Omnis sapientia*.

In Kalendis Septembris quando canitur, *Si bona suscepimus, Job*. In eodem mense mutatur historia

alia, id est, *Peto Domine*, et tunc legitur prius liber *Tobiaz*, deinde *Julith*, postea *Hester*, ac postremo *Esdra*. Hanc autem historiam, id est *Peto Domine*, nec ante pridie Idus Septembris, nec post decimum quartum Kalendas Octobris, sed in his septem diebus ubicunque dies Dominica evenerit incipimus, excepto quod quando solemnitas sanctæ crucis die Dominica evenerit: Dominica præcedente festum, dicatur *Peto Domine*. In Kalendis Octobris leguntur duo libri *Machabæorum* dum canitur, *Adaperiat Dominus*. Et cum perlecti fuerint, legimus quatuor libros Evangeliorum in refectorio tantum usque ad passiones, et dimissis passionibus quod reliquum est legatur. Alii vero libri aliis temporibus perlegendi, superius per diversa capitula dispositi sunt.

Et notandum quod quando renovatur historia, liber ille qui tunc cum Responsorio inchoatur cum sua Præfatione incipiendus sit in ecclesia, legendus tamen in refectorio ubi octava lectio fecit finem. In libro autem *Machabæorum* primo, ibi lector in refectorio incipiat ubi quarta lectio fecit finem. De aliis libris sui eodem tempore in refectorio postquam primus perlectus fuerit, sunt similiter legendi, non est hoc observandum quod de illo primo dicimus in ecclesia primitus inchoando.

Si autem (festo interveniente) differatur historia, liber nihilominus cum sua Præfatione legatur ad mensam, reincipiendus in ecclesia cum historia cantabitur.

Et sciendum quod Responsorium de historia quod intitulatur *ad Vesperas*, quamvis semel aut iterum festo interveniente differatur, ubi prius Sabbatum vacuum invenerit dicetur, nisi forte ipsa historia vel in Dominica vel per septimanam jam decantata fuerit.

## CAPUT XLII.

*De Antiphonis in Sabbatis dicendis.*

Antiphonæ veterum librorum et Epistolarum Pauli quæ ad *Magnificat* dicuntur, id est *Loquere, Domine Cognoverunt omnes, et hæc autem scripta sunt, et Fratres, confortamini*, et consimiles, Sabbatis quibus intitulatæ sunt, vel ad *Magnificat*, vel in commemoratione dicantur. Si quæ superfuerint, eo anno dimittantur. Si quæ defuerint, ultimæ repetantur. Quotiescunque autem aliqua Dominicalis missa, quæ in sua Dominica dici non potest, aliquo privato die solvitur: Antiphonæ eo eodem officio ad *Magnificat* et ad *Benedictus* intitulatæ eodem die dicantur, si tamen in sua Dominica dici non possunt. Quod ante Adventum et Septuagesimam propter brevitate temporis aliquando contingit.

Notandum tamen quod quando pro brevitate temporis Sabbato ante Septuagesimam dicatur ad *Benedictus* Antiphona, *Domine, nonne bonum semen*; ad Vesperas ejusdem diei intermittatur Antiphona, *Colligite primum zizania*. Similiter fiet de Antiphonis *Nuptiæ factæ sunt, et Deficiente vino*, quando Se-

ptuagesima decimo Kalendas Februarii evenerit. Cæteræ omnes Antiphonæ Dominicales, ad *Benedictus* et ad *Magnificat* intitulatæ cum suis Collectis, cum in sua Dominica aliqua duodecim Lectionum solemnitas celebrabitur: post *Benedicamus Domino* de Laudibus et Vesperis ob commemorationem Dominici diei dicantur. In illo tamen Sabbato non dicentur quando in crastino nihil agatur de Dominica: quod ante Adventum contingit, cum unum Dominicale officium duas tenet hebdomadas: tunc enim Antiphonæ illius officii secunda non repetentur Dominica, si in ea duodecim Lectionum solemnitas celebratur.

## CAPUT XLIII.

*De festis sanctorum quæ Dominicis diebus vel in Ascensione Domini evenerint.*

Festivitates sanctorum in quibus non laboramus, si in octavo die Paschæ vel die Ascensionis vel in Septuagesima, vel in Dominica in qua aliqua historia incipienda est quæ sequentem Dominicam non habuerit, evenerint, in crastinum celebrantur. Purificatio tamen beatæ Mariæ nunquam differatur. Et si illa historia duas Dominicas vel plures habuerit, et illæ Dominicæ festivitates fortasse præcipuas habuerint, historia dicatur in illa festivitate quæ minoris videtur auctoritatis, et festivitas in crastino dicatur.

Minores autem festivitates, in quibus duodecim Lectiones habemus et operamur, in tali necessitate intermittantur, et commemoratio ad Vesperas et ad Laudes ac missa matutinalis fiat de sanctis et iterum commemoratio ad Vesperas illius diei. Missa tamen matutinalis non erit de sancto *Ambrosio*, si Dominica in Palmis vel octavo die Paschæ evenerit, sed Collecta dicetur de eo. Ubi vero supradicta necessitas non intervenerit, minores festivitates non omittantur nec differantur: sed suo die celebrentur, etiamsi quælibet historia incipienda est, quæ aliam habeat Dominicam in qua cantari possit, excepto si in Dominica Septuagesimæ hujusmodi evenerit festum.

## CAPUT XLIV.

*De festis sanctorum quæ evenerint Sabbatis.*

In Sabbatis Adventus Domini, et Septuagesimæ, Quinquagesimæ et quadragesimæ si festum fuerit, *Vesperæ* de Dominica dicantur, et fiat de sancto commemoratio. Si festum Purificationis et Annuntiationis beatæ Mariæ, et festum sancti *Benedicti* et Dedicacionis ecclesiæ, et aliquod festum in quo non laboramus Sabbato infra octavam Paschæ evenerit, excipiantur ab ista lege, et habeant festa ista plenarie Vesperas suas, et commemoratio fiat de Dominica. In Sabbatis cæteris habeant omnia festa plenarie Vesperas suas, nisi supervenerint aliæ solemnitates quæ eis debeant anteferri. Et notandum quia festum sancti *Matthæ* (quod secundo die bissexiti semper debet agi) si in aliquo Sabbato præter Sabbatum quod præcedit Sexagesimam eo anno quo

contingit bissextus evenerit, in ipso Sabbato, hoc est prima die bissexti agatur.

## CAPUT XLV.

*De Vigilis sanctorum.*

Cum Vigilia Assumptionis beatæ Mariæ die Dominica evenerit, missa matutinalis de Dominica, et major de Vigilia erit. Nam in Vigilia sancti *Joannis Baptistæ*, sive apostolorum *Petri et Pauli* seu aliorum apostolorum, sancti *Laurentii* aut *Omnium Sanctorum*, si Dominica fuerit, missa matutinalis de vigilia erit, major de Dominica. In Vigilia *Omnium Sanctorum*, prima Collecta erit de ipsa Vigilia, scilicet *Domine Deus noster, multiplica*. Secunda de Dominica, si Dominica fuerit. Tertia de sancto *Quintino*. Si non fuerit Dominica, secunda de sancto *Quintino*; tertia, *Omnipotens sempiternus Deus, qui vivorum.*

## CAPUT XLVI.

*De Octavis Domini et sanctorum.*

Per octavas Apparitionis, Ascensionis Domini, et Assumptionis beatæ Mariæ, quotidie celebretur missa de Octavis, nisi interveniat festum alicujus sancti, quod habeat in Graduali officium designatum, vel aliquo die in Graduali officium designatum, vel Dominica dici non potuit, dicenda evenerit, vel solemnitas duodecim Lectionum quæ id impedire debeat, evenerit: vel præsens defunctus fuerit, aut missa pro defunctis more solito in conventu dicenda occurrerit: sive talis commemoratio defunctorum quam solemnem agimus intervenerit.

Et notandum si Inventio *sanctæ crucis* Dominica infra Octavam Ascensionis evenerit, ad Laudes dicto, *Benedicamus Domino*, fiat primitus commemoratio de martyribus, deinde de Dominica, post de Ascensione Domini. Missa matutinalis erit de martyribus: post quorum Collectam dicetur Collecta de *sancta cruce*: deinde de Dominica, post de Ascensione. Ipsa vero missa Dominicalis, id est *Exaudi, Domine, vocem*, differatur. Dominica infra octavas Assumptionis et nativitatis beatæ Mariæ et Ascensionis Domini totum sicut in libris ordinatum est, tam per diem quam per noctem de octavis dicatur.

Verumtamen si in hac Dominica festivitas beati *Bernardi* (36) evenerit, totum de festo fiet, præter missam matutinalem, quæ de octava erit. Dominicalis vero missa differetur in septimana dicenda. Sabbato tamen ad Vesperas et die Dominica ad Laudes et ad Vesperas post commemorationem de octava, fiet commemoratio de Dominica. Cum autem in octava *sancti Laurentii* hæc ipsa Dominica evenerit, totum de Dominica dicatur, et ad Laudes fiat in primis commemoratio de octava, deinde de sancto *Laurentio*, post de sancto *Mammets*. Missa matutinalis erit de Dominica; post ejus Collectam Collecta de Octava dicetur, deinde de sancto *Laurentio*; post de sancto *Mammets*. Major missa erit de octava.

Infra octavam Nativitatis sancti *Joannis Baptistæ*:

(36) Missa in festivitate S. *Bernardi* dicenda, a generali anni D. 1202 toti ordini imperata est.

A prima die postsolemnitatem, de ipsa Nativitate missa in conventu canatur, nisi præsens defunctus prohibuerit, seu forte Dominicalis missa, quæ sua Dominica dici non potuit, solvenda tunc fuerit. Et cum aliquid horum ea die de sancto *Joanne* missam cantari impedierit: quarta die ab ipsa Nativitate missa de sancto *Joanne* cantetur, nisi forte et hoc ipsum aliqua de prædictis causis impediatur. Si vero prima die post solemnitatem de ipsa Nativitate missa in conventu dicta fuerit, quarta die ab ipsa Nativitate, missa in conventu pro defunctis dicatur nisi forte in eadem septimana ante ipsam Nativitatem dicta fuerit, vel forte ipsa quarta die, dies fuerit Dominicus. Quod si in eadem septimana ante ipsam Nativitatem dicta fuerit, missa iterum de sancto *Joanne* in ipsa quarta die dicatur: nisi forte in ipsa feria secunda evenerit. Quod si feria secunda fuerit, missa pro defunctis dicatur. Quæ tamen non cantetur, nisi prius de octavis semel cantatum fuerit.

B Infra vero octavas apostolorum *Petri et Pauli* quinta vel septima die ab eorumdem solemnitate similiter observetur: ut missa de eisdem apostolis cantetur, nisi forte aliqua de prædictis causis illud prohibeat. Reliquis vero diebus a Nativitate beati *Joannis Baptistæ* usque ad octavam diem apostolorum *Petri et Pauli*, missæ de sanctis qui in Calendario scripti sunt cantatur. Notandum sane in his Octavis, quia in commemoratione sancti *Pauli* dicto *Benedicamus Domino*, ad Laudes fit in primis commemoratio de sancto *Joanne Baptista*, de sancto *Petro* et ad missam in eadem die. Similiter commemoratio de sancto *Stephano*, et beato *Joanne evangelista*, et sanctis *Innocentibus*, atque de sancto *Andrea* apostolo quotidie ad Laudes et ad Vesperas et ad missam per octavas suas agatur, et missa in octava die de eis celebretur. De octavis sanctæ *Agnæ* virginis, et sancti *Laurentii* martyris, nil aliud agatur nisi tantum in octavo die commemoratio ad Vesperas et ad Laudes; et missa quæ ea die proprietatem habet, de his persolvatur.

C Sanctorum commemorationes, scilicet *Joannis et Pauli*, et *Leonis* papæ, necnon et cæterorum sanctorum quæ per octavam sancti *Joannis Baptistæ*, seu apostolorum *Petri et Pauli* sive *Andræ* apostoli plerumque eveniunt, semper debent pronuntiari in primo loco post Vesperas regulares, deinde vero sequentur commemorationes aliæ, quæ pertinent ad istas prædictas sanctorum octavas, Sanctorum *Cæsarii* atque *Benigni* commemoratio non ad Vesperas neque ad Laudes, sed tantum ad missam matutinalem fiat.

D Quando tres Antiphonæ tantum habentur super Psalmos in Vigiliis, et occurrent Psalmi qui dividuntur in quarto loco, ut *Noli æmulari*, et *Attendite popule meus*: sub secunda Antiphona dicantur tertius psalmus et quartus totus. Porro quintus solus,

summo pontifice Innocent. III composita et a cap.

id est *Domine ne*, et similiter *Deus venerunt gentes*, A ad sub tertia Antiphona.

## CAPUT XLVII.

*De Purificatione sanctæ Mariæ.*

In Purificatione sanctæ Mariæ post Tertiam abbas benedicat candelas jam antea a secretario delatas, postea vero aqua benedicta aspergat. Cantor itaque cum abbati candelam accensam obtulerit, imponat Antiphonam *Lumen ad revelationem*, cui etiam subjungat versum *Nunc dimittis* ut in libris invenitur. Interim secretarius suo adjutus solatio et quibus a priore jussum fuerit, reliquas candelas monachis et novitiis, ac conversis laicis, familiæ etiam atque hospitibus si adfuerint, distribuat.

Deinde fiat processio per claustum, ad quam diaconus crucem, subdiaconusque squam benedic- B tam bajulent et sicut in processione Palmarum prænotavimus, ita in hac processione in eundo et in stando se habeant. Porro cantor ad exitum processionis, Antiphonam *Ave gratia plena* imponat. Qua finita sequatur alia Antiphona, *Adorna thalamum tuum*; postquam subrogetur Antiphona *Responsum accepit Simeon*, et fiant tres stationes, per unamquamque scilicet Antiphonam una statio. Ad introitum vero ecclesiæ abbas incipiat Antiphonam *Hodie beata Virgo*. Et omnibus introgressis et prædicta Antiphona finita missa solemniter celebretur.

Igitur postquam diaconus Evangelium legerit, et abbati munus Deo sacrandum obtulerit, ipseque diaconus idem munus more solito super altare ordinaverit: abbas candelam suam reddat sacristæ, C et diaconus abbati suam offerat, et postea subdiaconus. Deinde veniat abbas ad gradum presbyterii, et cæteri offerant candelas suas a prioribus incipientes, manum abbatis vel sacerdotis (si abbas defuerit) osculando. Quas candelas sacrista et solatium ejus a manu abbatis suscipientes extinguant. Deinde abbas ad altare revertens, thurificet illud et manus abluat. Si vero die Dominica festum Purificationis sanctæ Mariæ evenerit, more solito ante Tertiam abbas exorcismum faciat aquæ, et post Tertiam fiat processio.

## CAPUT XLVIII.

*De canticis.*

Cantica de Nativitate Domini, scilicet *Populus qui ambulabat in tenebris* in die Nativitatis Domini, D Circumcisionis, Theophaniæ, et octavo die ipsius Theophaniæ, omnibus etiam Dominicis diebus infra istos dies, nisi in ipsa Dominica festum alicujus sancti duodecim Lectionum agatur, et in Purificatione sanctæ Mariæ dicantur. Cantica vero de Pascha scilicet, *Quis est iste qui venit de Edom* dicantur omnibus diebus Dominicis a Pascha usque

(37) In antiquis Usibus præter hos dies numerabantur et isti, sanctorum scilicet Greg. papæ, Ambrosii episcopi, Petri episcopi, Augustini episcopi, Hieronymi presbyteri et sanctæ Catharinæ virginis et martyris; sublatis autem ex hoc capitulo, cum

ad Pentecosten, nisi aliud festum celebretur, et in die Ascensionis Domini, et octavo die ipsius, et die Pentecostes.

In Dedicacione ecclesiæ dicantur cantica, scilicet *Lætatus sum*, et *Nisi Dominus*, et *Lauda Hierusalem*. In Inventione sanctæ crucis et Exaltatione, *Domine audivi*, *Gloria Patri: Pro iniquitate*, *Gloria Patri: Egressus es in salutem*. In Annuntiatione et Assumptione et Nativitate, et Dominica infra octavam Assumptionis beatæ Mariæ et in octava diei ejusdem, necnon in natali unius Virginis, *Audite me divini fructus*. In festivitate sancti Michaelis archangeli, *Domine miserere nostri*, et in omnibus Dominicis diebus, exceptis illis quos supra diximus. In Nativitate et Decollatione sancti Joannis Baptistæ, et in natali unius martyris et unius confessoris, *Beatus vir cui in sapientia*. In natali apostolorum et evangelistarum et plurimorum martyrum *Vos sancti Domini*.

## CAPUT XLIX.

*De festis in quibus laboramus.*

Dies festi duodecim Lectionum in quibus laboramus, hi sunt: festum sancti Silvestri: Octava Epiphaniæ: festum sanctorum Fabiani et Sebastiani: Agnetis virginis et martyris: festum sanctæ Agathæ martyris: Cathedra sancti Petri: Thomæ confessoris: Octava Ascensionis: Joannis et Pauli: Commemoratio sancti Pauli: Octavæ sancti Joannis Baptistæ, et apostolorum Petri et Pauli: Inventio sancti Stephani: Dominici confessoris Octavæ sanctæ Mariæ: Mauricii cum sociis suis: Remigii episcopi: Cæcilie virginis: Clementis papæ: Lucie virginis (37).

## CAPUT L.

*Quibus temporibus, et quo ordine celebrandum est officium defunctorum.*

Officium defunctorum quotidie agitur, exceptis diebus duodecim Lectionum, et uno die infra octavam Nativitatis Dominicæ, et tribus diebus ante Pascha, et tota septimana Paschæ et Pentecostes. A Kalendis igitur Novembris usque ad primam Dominicam Quadragesimæ in intervallo quod sequitur Vigiliis, privatis diebus agatur officium pro defunctis.

In quo officio dum frater hebdomadarius incipiet Antiphonam stando contra alterum chorum, resideant fratres in sedibus suis, et ipse hebdomadarius incepta Antiphona, postquam inclinaverit versus altare resideat. Cæteras vero Antiphonas incipiant fratres alternatim sicut ad Vesperas regulares, stantes et inclinantes sicut hebdomadarius fecit. Qui hebdomadarius dicturus versiculum post Psalmos surgat, et stans contra altare dicat versiculum. Quo dicto inclinet se et sedeat iterum dum *Pater noster* dici-

in illis duæ missæ conventuales celebrari cœperunt: et ideo sublatis, quia secundum hos Usus his festis duarum missarum monachi lectioni et orationi, non autem operi manuum vacabant.

tur. Postea surgens et levans sedem, et inclinans ad altare incipiat Lectionem. Qua finita iterum inclinēt. Similiter inclinēt ad finem singularum lectionum et singularum versuum. Et versu tertii Responsorii dicto resideat. Finito *Laudate Dominum de cœlis*, dum fratres dixerint *Requiem æternam*, surgant. Similiter faciant ad Vesperas post *Confitebor*, dicentes *Requiem æternam*. Quem versum, id est *Requiem æternam*, semper dicat solus ille chorus cui competit. Dicta autem Antiphona post *Laudate Dominum de cœlis*, hebdomadarius incipiat *Ego sum resurrectio et vita*, et *Benedictus* dicatur aliquantum productus, et *Magnificat* similiter ad Vesperas pro defunctis.

Ergo Antiphona cantata post *Benedictus*, prosternant se fratres super formas, si tempus fuerit prosternendi; sin autem, reclinent se super misericordias (39), et dicant *Pater noster* sub silentio. Deinde incipiat hebdomadarius sacerdos psalmum *De profundis*, qui semper dicatur ad Laudes pro defunctis tam in æstate quam in hieme, quem percurrat uterque chorus alternatim. Quo expleto et dicto *Requiem æternam* sicut ad cæteros primos psalmos, dicat sacerdos *A porta inferi*, et *Dominus vobiscum*, et postea Collectas ordine consueto. Quibus expletis, et *Dominus vobiscum* et *Requiescant in pace*, respondeant omnes, *Amen*, antequam surgant: et tunc surgentes et inclinantes ad altare, discedant. Post Vesperas vero diei dicantur Vesperæ pro defunctis et psalmus *Lauda, anima mea, Dominum*, ante Collectas a sacerdote hebdomadario inceptas.

A prima Dominica Quadragesimæ usque ad festivitatem *Omnium Sanctorum* celebretur officium defunctorum post Vesperas diei: ita scilicet ut prius dicantur Vesperæ pro ipsius defunctis, et deinde subsequatur Vigilia. Et dicto tertio Responsorio, dicat hebdomadarius *Audivi vocem de cœlo dicentem*, habens faciem ad alterum chorum: nec inclinēt ante vel post Et responso a conventu, *Beati mortui qui in Domino moriuntur*, prosternantur aut resideant sicut superius dictum est. Circa vero finem vigiliæ, scilicet post *Pater noster*, dicatur psalmus *Lauda, anima mea, Dominum*, quem incipiat hebdomadarius sacerdos. Laudes vero ipsorum defunctorum peragantur in crastino, inter Matuticas, Laudes et Primam.

Quod totum officium defunctorum eo ordine dicatur in æstate, quo ordinavimus in hieme. Quod officium tali ordine celebratur in hebdomada, ut secunda feria dicantur tres psalmi, id est *Verba mea*, et cæteri nisi in præcedenti Dominica dicti fuerint: et tres primæ Lectiones, id est *Parce mihi, Domine*, et cæteræ. Tertia autem feria tres medii psalmi, id est *Dominus regit me*, et cæteri cum lectionibus, id est *Responde mihi*, et cæteris. Quarta feria tres ultimi psalmi, id est *Expectans expectavi*, et cæteri cum lectionibus, id est *Spiritus meus attenuabitur*,

39) *Reclinent se super misericordias*, scilicet assidendo sedilibus suis cucullarum manicis super genus d'ocussatis.

A et cæteris: et sic repetantur per singulos dies si necesse fuerit.

Quod si aliqua festivitas duodecim Lectionum occupaverit secundam feriam in ea quæ vacua successerit festivitati, iidem primi psalmi dicantur: si autem postquam dicti fuerint iidem psalmi primi, alia festivitas duodecim Lectionum intervenerit, non mutetur ordo, sed ea feria quæ expedita sequetur, dicantur tres medii psalmi, et alia die tres ultimi: in sequenti vero repetantur a capite.

#### CAPUT LI.

*Quo ordine dicantur Collectæ pro defunctis.*

*Omnipotens sempiterna Deus cui nunquam*, pro fratribus congregationis, necnon pro patribus, matribus, sororibus et familiaribus nostris dicatur prius: deinde *Fidelium Deus omnium*. Quæ duæ dicantur assidue tam ad Vesperas quam ad Laudes sive ad Vigiliam Vesperis conjunctam. In Tricenario quod sit post generale capitulum præponatur *Deus veniæ largitor*, et ad missam pro defunctis in conventu nisi præsens defunctus fuerit. Si alio tempore Tricenarium aliud agimus, *Deus cui proprium*; si præsens defunctus fuerit, in primo loco semper dicatur *Inclina* singulariter, exceptis præcipuis officiis defunctorum, in quibus post primam Collectam hæc sola sequi debet.

Ad missam vero tantum duæ, scilicet *Omnipotens sempiterna Deus cui nunquam sine spe* et *Omnipotens sempiterna Deus qui vivorum*. Si præsens defunctus fuerit et missa pro eo dicatur, dicetur Collecta *Inclina, Domine*, et *Omnipotens sempiterna Deus qui vivorum*, nisi fuerit solemne Tricenarium, in quo interponitur, *Deus veniæ largitor*. Si pro eo missa celebrari non potest, dicetur tamen ipsa collecta. Si autem præsens defunctus episcopus fuerit, *Deus qui inter apostolicos*, die tantum sepulturæ ejus dicetur.

Ad missam quotidianam pro omnibus fratribus et familiaribus ordinis nostri defunctis dicetur Collecta *Inclina, Domine*: si defunctus præsens fuerit, dicatur pro eo secunda *Omnipotens sempiterna Deus cui nunquam* singulariter. Deinde si Tricenarium agimus, dicetur *Deus cui proprium est*, vel *Deus veniæ largitor* si fuerit solemne Tricenarium. Ad missam enim in conventu nullum Tricenarium agimus nisi illud solemne quod sit post generale capitulum. Sciendum quia in tribus missis quas pro quolibet defuncto debemus, dicetur Collecta *Inclina, Domine* singulariter, nisi in Capitulo pluraliter dici præcipiatur.

#### CAPUT LII.

*De officiis defunctorum præcipuis.*

In commemoratione omnium fidelium defunctorum, et in commemoratione parentum nostrorum, fratrum et sororum omniumque consanguineorum et benefactorum nostrorum, eo quoque die quo post annum capitulum solemnem facimus me-

mortiam omnium novitiorum monachorum, conversorum et familiarium nostri ordinis præterito anno defunctorum : sed et in anniversario omnium defunctorum ordinis nostri episcoporum et abbatum quod fit quarto Idus Januarii, solemne facimus officium cum Vesperis, Vigiliis et Laudibus, et Psalmi stando cantantur et aliquando morosius, tam ad Vesperas quam ad Vigiliis et ad Laudes.

Dicto autem versu ante Lectiones ab hebdomadario, resideant super misericordias dicentes *Pater noster*, sub silentio, deinde incepta lectione resideant super sedes usque ad tertiam repetitionem *Libera me, Domine, de morte* : quod Responsorium debet cantor stando accipere. Quo incepto statim inclinaret, et subsequentes versus cantet, post ultimum tantum inclinans. Quibus officiis et missis debent interesse omnes monachi qui conventum tenent, nisi gravis causa eos prohibuerit.

Ad officium omnium defunctorum et ad missam

**A** *Fidelium Deus* tantummodo dicitur, nisi præsens defunctus fuerit. In commemoratione autem parentum nostrorum, *Deus cui proprium*, tantum : et in anniversario episcoporum et abbatum, *Præsta, Domine, quæsumus*, tantum. In solemni Tricenario, quod fit post generale capitulum, Prima *Deus veniæ largitor* ; Secunda, *Præsta Domine, quæsumus*, pro rege Francorum (39), ad officia et ad missam dicantur tantum, nisi præsens defunctus fuerit. In anniversario episcoporum et abbatum qui privatim cantare pro eis noluerit, Collectam dicat.

Ad istas igitur missas cantantur Responsorium, *Si ambulem*, Et Responsorium *Absolve*, communiter ab utroque choro in conventu. Qui vero privatim cantat Responsorium *Requiem æternam*, et Tractum *De profundis*, dicat, quod si quilibet horum dierum in secunda feria, sive in crastina die alicujus festivitatis duodecim Lectionum evenerit : post Vesperas regulares Vesperæ defunctorum agentur.

## PARS SECUNDA.

De cæremoniis tam in horis canonicis quam in missarum celebratione observandis.

### CAPUT LIII.

*Quomodo se agant Sacerdos et Ministri ad missas festivas.*

In duodecim Lectionibus sacerdos induat se ad celebrandam missam cum diacono et subdiacono, quos adjuvent ad induendum præterita septimanæ hebdomadarii. Quibus indutis, diaconus et subdiaconus cum manipulis eant præparare altare : petentes veniam ad gradum altaris, et ponentes Textum (40) super analogium, et Missale super altare in dextro cornu. In sinistro vero ponant tersorium sub palla, cui benedicta superponitur. Quatuor enim pallæ absque sudario super altare poni debent. Postea præparent ministerium quod est juxta altare in quo ministratur, ponentes calicem desuper cum corporali et offertorio, et sedes in quibus sedent sacerdos et ipsi ministri, et piscinam. Ad Tertiam ambo manent in presbyterio cum sacerdote ubi eis et sedere ad Psalmos liceat. Finita Tertia exeant, et unus ministrorum qui adjuverunt eos ad induendum pulset signum, et accendat duas candelas quæ solent ardere juxta altare hinc et inde, et abeonsam cum lumine super altare si necesse fuerit præparet. Alter vero deserviat sacerdoti in induenda casula. Postea infundat ei aquam in manibus. Diaconus vero sumat stolam et aspergat manus aqua data sibi a ministro, et subdiaconus similiter. Quas tergant sacerdos et diaconus ad tersorium sibi deputatum : subdiaconus vero ad alterum.

Et pulsato signo a ministro exeant de vestiario et

**C** ordinentur ante altare quod est in prima statione, habentes vultum ad ingressum chori, ita ut subdiaconus prior sit, et diaconus posterior et sacerdos novissimus, et sic maneant usque ad *Gloria Patri*. Et cum inde se moverint, inclinent ante ipsum altare. Deinde ingredientiés inclinent rursus ad gradum presbyterii, et sic ascendentes, divertat diaconus ad dexteram, et subdiaconus ad sinistram. Sacerdos vero inter illos transeat ad altare, et dum transit inclinet ei. Tunc sacerdos incurvus ante medium altaris faciat orationem, et diaconus similiter retro ipsum, et subdiaconus post diaconum. Qua completa, erigant se. Deinde sacerdos, osculato altari, signet se. Diaconus vero signans se inclinaret, et pergat osculari sinistrum cornu altaris. Quo osculato, inclinaret et eat in dexteram partem, stans sub gradu altaris paululum remotus a pariete : et subdiaconus retro ipsum.

Sacerdos autem descendens sub gradu altaris inclinaret circa medium altaris ad dicendam confessionem, diacono existente ad dexteram, subdiacono ad sinistram, et dicant invicem confessionem, sacerdote incipiente. Ministri vocent sacerdotem *patrem*, et sacerdos eos *fratres*, licet sit ordine junior, quod alias non fiat. Qua dicta, erigant se, et sic accedat sacerdos ad librum qui est super dextrum cornu altaris. Quam confessionem si ea hora complere non potuerint, dicant postea cum eis vacuum fuerit. Diaconus vero si spatium habuerit antequam sacerdos dicat *Dominus vobiscum*, ponat corporale super altare, et

(39) *Pro rege*, scilicet Philippo Augusto, Francorum rege, cujus hic memoria antiquis Usibus ad-

data est jussu cap. gen. an. 1223.

(40) Per Textum intellige librum Evangeliorum.



liniens calicem intus aqua, ministret panem super patenam et vinum in calice, subdiacono ei ministrante.

Et notandum quia sive diaconus, sive subdiaconus sit qui ministrat, prius vinum infundat, deinde ampullam cum aqua sacerdoti tradat quando eum viderit magis expeditum, et sacerdos aquam in calicem fundat: deinde posita patena super calicem, cooperiat eam de offertorio: postea descendat sub gradu altaris in dextera parte. Quod si sacerdos dum diaconus ministravit dixerit *Gloria in excelsis Deo*, vel *Dominus vobiscum*, intermittens ministrare eat post sacerdotem: quod si *Gloria in excelsis Deo*, dicitur, dicto illo breviter inclinet et sic revertatur ministrare. Post *Dominus vobiscum*, trahat ei reverenter deorsum medium casulæ (41): et tunc divertens in locum suum inclinet se, et subdiaconus post eum. Quod si restant aliæ Collectæ, redeant ad ministrandum quod restat. Quo completo, revertantur ubi prius steterant, non tamen inclinentes, nisi ad primam Collectam: si autem nulla Collecta super fuerit, subdiaconus descendat legere Epistolam ante gradum presbyterii contra medium altaris, versa facie ad ipsum altare, inclinans priusquam incipiat legere, et postquam legerit. Qui si forte in ipsa Epistola erraverit, perlecta Epistola satisfaciatur ibidem: prius tamen posito libro super formam, ponens manus ad terram sub gradu super albam sine flexione genum, tam festis diebus quam privatis. Interim sacerdos usque ad Evangelium sedere et in Missali legere potest, et diaconus ad nutum ejus sedere, et in textu legere si voluerit. Perlecta Epistola, subdiaconus sedeat juxta diaconum, aut eat in chorum cantare cum aliis si necesse fuerit: quod si sacerdos sederit, et diaconus prævidere Evangelium voluerit, super analogium prævideat.

Cum autem fuerit hora legendi Evangelium surgant, et sacerdos redeat ad dextrum cornu altaris superponens Missale. Diaconus vero ponens textum super analogium vertat se ad abbatem, humiliter petens benedictionem sub silentio dicens, *Domine, jube benedicere*, sive ad sacerdotem si abbas defuerit; ad quem sacerdos conversus, dicat hanc benedictionem: *Dominus sit in corde et in ore tuo, ut digne annunties Evangelium Christi*. Qua data, reducat, vultum suum ad altare sicut erat prius, ita se habens usque post *Gloria tibi, Domine*. Quod dum dicitur signet, et convertat faciem suam ad Evangelium stans cum tremore. Diaconus vero, accepta, benedictione, vertat se ad librum. Qui cum dixerit, *Sequentia sancti Evangelii*, signet se sicut alii se signant quando dicitur *Gloria tibi, Domine*. Perlecto autem Evangelio, si forte erraverit in ipso, vertat se ad orientem satisfaciens eo modo quo subdiaconus. Deinde inclinet se versus orientem. Postea ferat librum apertum sacerdoti ad osculandum, ostendens ei digito initium Evangelii quod legit: quem et ip-

sum osculetur post sacerdotem, et clausum super analogium sub palla reponat. Sacerdos vero post finem Evangelii referens vultum ad altare, ibidem incipiat *Dominus vobiscum*, vel *Credo in unum Deum*. Interim vero dum *Credo in unum Deum* dicitur a conventu, stet in eodem loco donec illo cantato dicat *Dominus vobiscum*, et *Oremus*. Deinde sumens librum ponat ad sinistrum cornu. Diaconus autem post Evangelium displicet corporale habens tres plicatus in latum et quatuor in longum, medium latitudinis ponens in medio altaris. Et statim post *Oremus*, operis manibus de offertorio tenens sinistra manu pedem calicis, dextra autem patenam offerat sacerdoti simul utrumque, manum ejus semel osculans. Sacerdos simul utrumque assumens, deponat juxta corporale ad dexteram partem, relinquens eam diacono præparanda, et postea trahat se ad sinistrum cornu altaris, ibidem consistens donec recipiat thuribulum ad thurificandum calicem. Diaconus vero posito offertorio super altare ponat calicem super corporale in secundo plicatu anterioris, et sinistra dextræque partis, et panem ante calicem, revolvens super eum corporale. Quod si plures hostiæ fuerint, unam separatim, alias insimul mittat: deinde reportet patenam et offeritorium super ministerium. Interim dum hæc aguntur a sacerdote et diacono, unus ministrorum cujus officium est, teneat thuribulum ante abbatem vel ante sacerdotem si abbas deest, subdiacono incensum tenente. Posito itaque incenso in thuribulo, qui thuribulum tenet offerat illud sacerdoti osculans ei manum. Quod sacerdos accipiens, thurificet calicem isto modo. Semel volvat illud circa calicem, semel thurificet dexteram partem altaris desuper, semel et sinistram, semel quoque anteriorem. Quod dum fecerit, diaconus ponat manum suam sub aeilla ipsius tenens ei casulam ut expeditius possit agere. Quo facto, reddat thuribulum diacono. Deinde ablutis digitis aqua, sibi a subdiacono de ampulla data, et in pelvi ad hoc præparata recepta, et torsis ad linteum ad hoc deputatum, incurvus ante altare faciat orationem. Diaconus autem thurificet prius dexteram partem ipsius altaris bis deorsis; deinde elevans manum thurificet bis crucem, et inde transiens per retro altare ad sinistram partem thurificet eam, similiter et crucem. Deinde reddat thuribulum subdiacono qui ponat illud ubi poni solet. Ipse autem retro redeat sub gradu altaris in dextera parte, ut cum sacerdos se verterit ad chorum dicens: *Orate, fratres, pro me*, trahat ei deorsum *medium casulæ*. Deinde supplicans ei sedeat in locum suum, ubi stet donec sacerdos dicat *Per omnia sæcula sæculorum*. Qui sacerdos dicto *Orate, fratres*, mediocriter, ut possit audiri, reducat vultum: ad altare eadem parte qua se vertit ad chorum. Postea trahat se ad librum qui est in sinistro cornu dicens sub silentio *Oremus*, ad primam Secretam et ad secundam si una vel plures sequuntur.

(41) *Medium casulæ*, scilicet partem anteriorem.

Interim autem minister ille qui thuribulum obtulit sacerdoti, deferat diacono et subdiacono aquam ad lavandum manus suas. Sacerdos vero provideat ne disjungat illos digitos quibus debet tractare corpus Domini, postquam eos aqua abluerit, nisi dum fecerit cruces super hostiam et calicem vel quando se signaverit.

Ut autem finierit Secretas, retrahat se contra medium altaris dicens *Per omnia sæcula sæculorum*, sed non elevans manus usque ad *sursum corda*. Diaconus autem audiens *Per omnia sæcula sæculorum*, veniat post ipsum sacerdotem *supplicans* ad altare, et stet habens faciem ad sacerdotem usque ad *Pater noster*. Subdiaconus eadem hora accipiat patenam offeritorio coopertam, et veniat post diaconum *supplicans* (42) circa altare. Deinde erigens se, supponat sinistram manum brachio dextro, ut levius ferat ipsam patenam. Qui subdiaconus signet se ad *Sanctus* de ipsa patena. Diaconus similiter signet se, manens curvus dum ipse dixerit *Sanctus, sanctus, sanctus*, breviter sub silentio. Finita vero Præfatione, sacerdos inclinens se ante altare dicens *Sanctus, sanctus, sanctus*, breviter : et signans se, mox incipiat *Te igitur clementissime Pater* usquequo dicat, *Uti accepta habens* : et tunc se erigat percurrens Canonem sicut habetur in libro. Qui cum pervenerit ad *Qui pridie quam pateretur*, sumat hostiam, et elevans ante calicem paulo altius inter alios digitos quos ad hoc conservavit benedicat eam. Si vero plures fuerint, non deponens ipsam quam tenet simul omnes benedicat, et iterum utraque manu eam teneat usquequo dicat, *Hoc est enim corpus meum* : et tunc *remittat eam* in loco suo. Cum autem dixerit, *Simili modo postquam cœnatum est*, accipiat calicem stringens corporale cum calice inter utramque manum, et sic *elevet eum* paululum usque ad signum faciendum (43), et tunc deponat faciens signum crucis desuper. Quod postquam fecerit, *elevet* sicut superius donec dicat, *In mei memoriam facietis* : et tunc dimittat. Incipiens autem, *Supplices te rogamus omnipotens Deus* : incurvet se ante altare donec dicat, *Ex hac altaris participatione* : et tunc erigat se osculans labium altaris ante calicem signans se, post signatum corpus et sanguinem : quando videlicet dixerit, *Omni benedictione*. Et quando dixerit, *Nobis quoque peccatoribus*, tundat semel leviter pectus suam. Diaconus vero quando viderit eum secundo post incurvationem calicem signare, scilicet quando dixerit, *Sanctificas*, accedat ad dexteram sacerdotis. Et osculans prius altare, componat se honeste ad discooperiendum calicem a dextera parte, dextera manu, sacerdote tamen incipiente a sinistra parte, sinistra manu. Porro ipse diaconus sinistra manu posita sub brachio suo ad constringendam manicam albæ ne contingat corporale, supponat digitus dexteræ suæ digitis Sacerdotis ad tenendum calicem dum sacerdos tres cruces fecerit super calicem dis-

(42) *Supplicans*, id est inclinans.

(43) In capit. gen. an. 1210 et an. 1232 jussi sunt

coopertum dicens, *Per ipsum, et cum ipso, et in ipso* : et quartam ante oram ipsius calicis dum dixerit, *Est tibi Deo*. Cum autem dixerit, *Omnis honor et gloria*, teneat utraque manu corpus Domini super calicem. Quo incipiente cunctis audientibus, *Per omnia sæcula sæculorum*, sublevent calicem ipse et diaconus parum usque post dictum, *Oremus* : tunc deponatur et iterum cooperiatur ab utroque hinc et inde. Et sic diaconus inclinans ante aram, recedat ubi stabat. Et cum sacerdos dixerit, *Panem nostrum quotidianum*, accedens subdiaconus ad diaconum offerat ei patenam discoopertam osculans ei manum. Postea recedat paululum versus parietem in dextera parte. Diaconus autem, accepta patena, offerat eam sacerdoti post *Sed libera nos a malo*, osculans ei manum. Qua oblata, veniat in locum, ubi stetit ante Præfationem, reddens Offeritorium subdiacono. Subdiaconus vero recondat illud plicatum. Quo recondito, revertatur post diaconum. Sacerdos autem accipiens patenam ponat eam sub corporali. Quod si talis missa fuerit, in qua conventus vadit ad pacem, ponat eam super corporale. Et dicto *Libera nos quæsumus, Domine*, priusquam dicat *per eundem Dominum nostrum*, ponat corpus Domini super patenam, amovens eam parumper in dextera parte calicis : et dicendo, *Per eundem Dominum nostrum*, frangat corpus Domini super calicem in tres partes, et dicto, *Per omnia sæcula sæculorum*, faciat ad *Pax Domini* intra calicem unam crucem, aliam ad *Sit semper*, tertiam ad *Vobiscum*. Et postquam ter dixerit *Agnus Dei*, et dimiserit in calicem illam partem Dominici corporis quam tenet in dextera manu dicens *Hæc sacrosancta commistio*, totam orationem sub silentio : divertat os suum ad diaconum osculans illum, et diaconus subdiaconum sibi invicem supplicando, et subdiaconus similiter alium, si pacem quæsierit eundo ad gradum. Sacerdos autem, data pace diacono, eam partem hostiæ de qua ministri communicandi sunt, super patenam ponat : qua posita dicat orationem *Domine Jesu Christe*; qua dicta statim sumens corpus Domini cum calice utraque manu applicet ad se, et sic percipiat corpus Domini super calicem, deinde sanguinem. Itaque, deposito calice super corporale non cooperto, vertat se ad dextrum cornu altaris, et, posita ibi patena cum hostiis, sumat hostiam de vasculo præparato a diacono, quam ponat super patenam : et unam vel plures, ubi necesse fuerit, ex illis quæ ibi sunt recondat in illo vasculo. Hoc autem fiat tantum Dominicis diebus, et in Cœna Domini. Vasculum autem illud super altare dimittatur usque post missam. Quo facto, sacerdos communicet diaconum et subdiaconum de tertia parte. Deinde de aliis hostiis cæteros qui communicaturi sunt. Provideat autem quantum poterit, ne aliqua pars Dominici corporis remaneat.

Diaconus vero accedens ad communionem, non sacerdotes hostiam post consecrationem elevare et omnes astantes *Veniam petere* seu genuflectere.

osculans manum sacerdotis, subleuet albam ab anteriori parte, flectens genua juxta altare, et resupinato capite sub manu sacerdotis convenienter aperto ore percipiat corpus Domini. Quo percepto surgat et supplicet: similiter et subdiaconus quod postquam fecerit sumens fistulam (44), si tunc necessaria est, eat ad sinistram per retro altare. Quod si tunc necessaria non fuerit, sequatur diaconum. Qui diaconus veniens ante calicem inclinet et ad nutum sacerdotis accipiat illum, sumatque sanguinem eadem parte calicis qua et sacerdos: nec tangat eam manu donec vino abluatur, quod si unus vel duo tantum post eum communicaturi sunt, ministret eis sanguinem eadem parte calicis qua ipse recepit, ita ut ipse dextera manu calicem tenens, sinistram mento illorum supponat. Qui vero percepturi sunt diaconi vel subdiaconi sinistra manu pedem calicis tenentes, ad os suum sicut sibi viderint expedire coaptent. Quod si plures fuerint, diaconus percepto sanguine, ibidem ponat calicem super sinistrum cornu altaris, tenens illum, subdiacono sibi assistente, atque adjuvante hoc modo, scilicet ut dextram manum teneat expansam juxta labium calicis de foris: sinistra vero teneat pedem ipsius calicis; diaconus autem teneat utraque manu in calice fistulam a subdiacono antea preparatam. Qui subdiaconus percipiat sanguinem cum fistula priusquam se componat ad tenendum calicem eo modo quo diximus. Dum autem fratres percipiunt sanguinem, infundantur vinum in calice a diacono cum opus fuerit de ampulla a subdiacono antea preparata juxta altare. Si quid autem residuum fuerit de ipso sanguine, bibat illud cum calice postquam fistulam reddiderit subdiacono. Quam fistulam antequam reddat in quantum potuerit ab utraque parte augendo a sanguine Domini evacuet, et calicem reddat sacerdoti: non osculans ei manum. Subdiaconus vero tenens fistulam contra faciem suam in transverso, eat ad sacerdotem per retro altare ministrare ei vinum in calice. Sacerdos autem antequam recipiat calicem, si quæ hostiæ integræ superfuerint communicatis, reponat in vasculo. Qui, recepto calice, respergat digitos suos in ipso calice: quem ponens super altare eat ad piscinam abluere in ipso digitos aqua. Quibus tersis ad medium linteum ad hoc ipsi preparatum, redeat ad altare sumere vinum quod dimisit in calice. Quo sumpto, iterum aspergat calicem vino. Quo hausto, ponat illum non reclinatum super altare juxta patenam. Similiter nec ad privatas missas reclinetur. Ex hinc subdiaconus tenens fistulam, assistat altari,

(44) Per *fistulam*, id est per instrumentum Christi sanguini sumendo, in modum fistulæ preparatum. Hæc porro sub utraque specie communio sublata est quoad ministros altaris et laicos, tum per concilia Ecclesiæ ut infra notabitur ad cap. 38 hujus libri, tum per cap. generalia ordinis, ut patet ex sequenti definitione capit. gen. ann. 1261, quæ sic habet: « Cum ex perceptione sanguinis Domini quem post sanctam communionem in calice solent accipere personæ ordinis pericula gravia jam evenerint et possint evenire in posterum graviora, ordinato cap. gen.

A habens faciem in patena usque ad finem Collectæ. Interim diaconus complicit corporale super altare, et vertens ad post communionem, referat Missale ad dextrum cornu altaris.

Cum autem sacerdos Collectam incœperit post *Dominus vobiscum*, trahens ei casulam incurvet se usque ad *Per omnia sæcula sæculorum*. Tunc erigens se et dicto *Benedicimus Domino*, vel *Ite missa est*, inclinet. Deinde iens ad altare transferat inde calicem et patenam super ministerium, sumens ibi lingua sua si quid de corpore Domini remanserit super patenam. Et postea accipiens fistulam abluat eam vino, et postea patenam; quod bibens infundat aliud vinum circumliniens ipsum calicem intus, quod iterum percipiat. Tertio infundat vinum eo modo circumliniens, quod percipiat subdiaconus. Et adhuc etiam alia vice infundat si necesse fuerit. Quibus lotis et deteris ad linteum, quo sacerdos paulo ante digitos suos deteris, recondat ea et corporalia cum calicibus. Finita missa sacerdos incurvet se ante medium altaris, faciens orationem solus sine diacono. Qua facta erigat se, et osculans altare signet se.

Quod si Dominicus dies fuerit, det *benedictionem lectori mensæ*, quæ in libro continetur (45). Deinde inclinans recedat casula demissa, quam ante missam tulit in brachiis subleuatam ad altare. Si diaconus et subdiaconus tam compleverint quæ complenda erant: præcedent eum eo ordine quo ad altare venerunt ad introitum missæ. Sacerdos autem exutus sacerdotalibus indumentis veniat ad gradum (46) ubi legitur Epistola, et petat veniam sicut in festis diebus. Privatis vero diebus fleat genua mox recedens (47).

#### CAPUT LIV.

*De missis in quibus tantum unus minister fuerit.*

Ad missam si unus tantum minister fuerit, sacerdos indutus stola, et manipulo cum ministro eat preparare altare. Quod si minister diaconus fuerit, officium altaris compleat, quantum ad se et ad subdiaconum pertinet. Perlecta tamen Epistola non egrediatur de choro, sed ipsemet infundat sibi aquam de ampulla in pelvim, et tergat ad mapulam ad quam tergit sacerdos ante Secretas. Quis priusquam communicatus sanguine de calice sumpto ad sinistrum cornu secesserit: ille qui sacerdotem adjuvit ad induendum, accedat cum fistula antea preparata, adjuvans eum in omnibus sicut subdiaconus facere solet. Si autem subdiaconus fuerit, eundo ad altare præcedens sacerdotem divertat ad dexteram

quod monachi conversi et moniales ordinis, exceptis ministris altaris, ad calicem more solito non accedant. »

(45) Vide Reg. S. Ben., cap. 38.

(46) Ad gradum scilicet presbyterii.

(47) Cæterum nota has fere omnes cæremonias inolevisse et in earum locum Ecclesiæ Romanæ ritus a capitulis generalibus ordinis suffectos esse. Nimirum a capitulis generalibus annorum 1618 et 1628, et subsequentiibus.

supplicans sacerdoti. Ad confessionem stet ad dexteram. Missale in dextro cornu altaris, Textum in sinistro ponat, quod post Evangelium auferat. Post Epistolam manus lavet, ubi et diaconus. Panem et vinum ministret, et patenam et calicem offerat. Casulam trahat, pacem et communionem semper accipiat, excepta missa defunctorum, in qua nec pacem sumere, nec communicare licet. Lecturus Epistolam ferat Epistolam in ecclesiam antequam induatur, et post missam inde referat. Sacerdos vero ad legendum Evangelium petat benedictionem ab abbate, non tamen descendens de gradu altaris. Perlecto Evangelio ibidem, dicat *Credo in unum Deum*, si dicendum fuerit. Et mox secedat ad dextrum cornu altaris ibidem dicturus, *Dominus vobiscum*. Quando vero *Credo in unum Deum* non dicitur, ibi dicat *Dominus vobiscum*, ubi legit Evangelium.

Sciendum vero quod omnibus diebus quibus conventus communicat, possunt ubi necesse fuerit, ad missam matutinalem plures hostiæ consecrari, et super patenam communicaturis distribui, et tunc minister si fieri potest diaconus sit, ille scilicet qui præcedenti hebdomada Evangelio fuerat ascriptus. Nam cæteris tam privatis quam festivis diebus ad omnes missas una tantum hostia consecratur, cujus tertiam partem sacerdos super calicem tenens communicaturis distribuat, et postea sanguinem, eo modo quo diaconum facere superius diximus, nisi diaconus adfuerit. Et sciendum quod nunquam osculatur manus abbatis vel sacerdotis nisi ad missam, et hoc tantum in locis supra determinatis, et quando datur in conventu abbati virga pastoralis, et in Purificatione beatæ Mariæ ad oblationem candelarum.

#### CAPUT LV.

##### *Quo ordine benedictura aqua.*

Dominico die pulsato signo ad Tertiam, servitor ecclesiæ præparata formula super gradum presbyterii, ponat sal et aquam desuper cum sparsorio, et indutis ministris et sacerdote, præparatoque altari sicut supra diximus, iterum pulsatur signum ad convocandum conventum. Qui venientes ordinentur sicut ad missam. Quod semper faciant ad Tertiam cum mox secutura est missa. Et dimisso signo ad sonitum prioris fiat oratio. Qua completa, accedat sacerdos ante gradum presbyterii tenens collectaneum. Qui cum ibi advenerit inclinet ad altare. Deinde benedicat sal et aquam similiter: sicut in collectaneo habetur: tenens manum desuper dum exorcismum dixerit. Et misso in modum crucis sale in qua exorcismoque perdicto, reddat librum subdiacono, qui et auferat salinum, ponens illud seorsum super gradum presbyterii. Cantore igitur imponente Antiphonam, sumat sacerdos sparsorium, qui intigens in aqua ascendat ad altare inclinans ad gradum ipsius altaris. Deinde aspergat aquam ante

ipsum altare, et incipiens a dextra parte circumbeat illud aspergendo quousque perveniat in anteriorem: ubi inclinans aspergat presbyterium hinc et inde. Interim vero minister recipiat aquam in quolibet vase de urceolo in quo est aqua benedicta, et habens sparsorium aliud claustrum aspergat, et officinas scilicet capitulum, auditorium, dormitorium et dormitorii necessaria, calefactorium, refectorium: coquinam, cellarium (48). Rediens autem de officinis si quid superest ei de ipsa aqua, infundat in receptaculum quod est ad introitum Ecclesiæ ad hoc deputatum. Vas autem quod tenet et aspersorium reponat in vestiario. Sacerdos vero stans supra gradum presbyterii aspergat prius abbatem, postea seipsum, deinde ministros et cæteros accedentes a superiori parte chori inter formas et sedilia, sicut ea hora stant in choro. Qui revertentes deorsum per medium chorum ascendat unusquisque ad locum suum: et novitii qui ante formas consistunt aspersi aqua revertentur ibidem. Qui vero extra chorum vel in retro chorum fuerint, tam monachi quam novitii, veniant per superiorem introitum chori, et per medium chorum revertantur. De conversis vero unaquæque ecclesia faciat secundum positionem ipsius oratorii.

Finita Antiphona sacerdos intermittens aspersionis officium, versus ad altare dicat Collectam, *Exaudi nos*, in loco quo stat. Et incæpta Tertia post *Gloria Patri*, cæptam subsequatur aspersionem. Quæ si forte ad *Gloria* primi psalmi nondum peracta fuerit, presbyter stans in eodem loco usque post *Gloria Patri* aspersionem intermittat: qua peracta, redeat in locum suum et sedeat cum ministris. Deinde secretarius portet aquam hospitibus et familiæ, et ponat inde in vas unde semper aquam accipere solent, deinde in vas conversorum. Diota autem Tertia tam Dominicis diebus, quam solemnitatibus quibus non laboramus omni tempore et festis quibus laboramus in æstate, mox cantor incipiat Introitum, etiam pulsante tunc tabula pro mortuo. Similiter faciat privatis diebus in ætate, nisi forte talis fuerit missa, quæ pro præsentis defuncto debeat intermitteri.

#### CAPUT LVI.

##### *Quomodo conventus se agat ad missas.*

Omnibus diebus quibus duæ missæ celebrandæ sunt, in secunda missa *Kyrie eleison* incipiat in illo choro in quo est *Invitatorium*: in prima vero missa inchoetur in altero. In Nativitate Domini ad missam de nocte in choro *Invitatorii* incipiat. Quo finito, convertant se ad altare. Si sacerdos dixerit *Gloria in excelsis Deo*, dum cantor incipit, *Et in terra pax hominibus bonæ voluntatis* reducant vultus sicut erant. Cum autem dixerint *Adoramus te*, incurvent se, erigentes se ad *Glorificamus te*, et similiter inclinent ad *Suscipe deprecationem nostram*. Ad *Cum sancto Spiritu* vero signent se et convertantur

(48) Nota antiquitatem usus aquæ bened. non solum in personas, sed in quælibet loca monasteriorum.

ad altare, et cum responderint *Et cum spiritu tuo*, post *Dominus vobiscum*, reclinent se super misericordias donec inchoetur Epistola. Et tunc surgentes stent usque ad Evangelium sicut stabant dum cantabant Introitum. Interim tamen ad majorem missam permissum est sedere simul si voluerint. Ad missam vero matutinalem post primum *Dominus vobiscum* usque ad Evangelium, sedeat qui voluerit, et post *Sanctus* usque ad finem missæ, præter *Agnus Dei*. In omnibus præcipuis festivitibus, sicuti et cæteris diebus, *Responsoria* et *Alleluia* cantantur communiter ab utroque choro. In fine vero Responsoriorum et Versuum ad omnes missas totum *neuma* dicitur propter dissonantias evitandas. Sciendum etiam quia quoties unum solum *Alleluia*, sive dicitur Responsorium sive non, ad missam dicitur: primum *neuma* de *Alleluia* intermittatur, sed post versum in repetitione idem *Alleluia* cum suo *neumate* integro cantatur. Cum vero duo vel plura *Alleluia* in una missa dicuntur, cum suis *neumatibus* integre sine repetitione canantur, excepto eo quod proximum est Evangelio, quia repetitur. Et notandum quod in Vigilia Paschæ et Pentecostes, unum solum *Alleluia* dicitur sed non repetitur.

Ad finem vero cantus ante Evangelium, reducant fratres facies suas ad altare, et signent se cum dixerint *Gloria tibi, Domine*: quod si *Credo in unum Deum* dicendum est, cantore subjungente, *Patrem omnipotentem*, vertat se chorus contra chorum. Et cum venerint ad *Homo factus est*, petant veniam sicut in festis diebus. Et cum dixerint *Adoratur*, inclinent se, erigentes se ad *Et conglorificatur*. Et cum dixerint *Et vitam futuri sæculi*, reducant facies ad altare. Cantore autem incipiente Offerendam, convertant se stantes sicut ante erant. Qua cantata, vertant se iterum ad altare, donec dicat sacerdos *Orate, fratres*, et sic redeant super misericordias usque ad *Per omnia sæcula sæculorum*. Tunc autem surgant et versis vultibus ad altare, stent ita usque ad *Sanctus*. Postea convertantur et inclinent se chorus contra chorum dicentes, *Sanctus, sanctus, sanctus*; et incipientes *Pleni sunt cæli*, erigant se, et signent se cum dixerint *in nomine Domini*: et dicto extremo *Hosanna in excelsis*, versis vultibus ad altare stent ita (49) usque ad *Per omnia sæcula sæculorum*, et tunc reclinent se super misericordias donec respondeant, *Et cum spiritu tuo post Pax Domini sit semper*. Moxque surgentes, stent facie ad faciem usque post primum *Agnus Dei*. Et tunc petant veniam unusquisque in loco suo flectentes genua (50), præter ministros altaris: et facta tanta mora ut dici possit unum *Pater noster*, incipiat cantor secundum

(49) Stent ita, et hoc quia tunc temporis non elevabatur neque hostia neque calix post consecrationem.

(50) Petant veniam flectentes genua. Hic perpetuus ordinis Cisterciensis usus, ut ad recordationem et mentionem peccatorum prosternantur monachi in signum penitentiae et in spem veniæ.

(51) Pacem. Hæc pax sive per instrumentum sive

*Agnus Dei*. Quod si dies fuerit prosternendi, dicto *Sanctus*, incumbant super formas quousque respondeant, *Et cum spiritu tuo post Pax Domini*. Deinde faciant sicut modo diximus.

#### CAPUT LVII.

##### De Pace.

Pacem (51), nisi communicaturus, nemo accipiat, nisi forte prior cum necesse fuerit ut hospitibus porrigat, aut subprior absente priore, aut qui superior tunc fuerit ex omnibus in choro, si uterque defuerit. Diebus vero Dominicis et festis quibus solent ire fratres ad communionem, prior illorum qui communicare voluerit, veniens ad gradum accipiat a subdiacono pacem: quo redeunte ad altare, qui communicaturi sunt ordine suo accedant ad priorem, ita ut prior stet ad gradum ubi pacem accepit, quousque qui post eum primus est pacem ab eo acceperit. Qua data, secedat in dextrum chorum novitiorum, relicto ad gradum cui dedit. Qui et ipse ubi sequenti pacem dederit, manente ibi similiter cui dedit, cedat post priorem. Et istis interim facientibus ad invicem confessionem, cæteri sequantur per ordinem eo modo quo descriptum est de primis, pacem ab invicem accipientes, ordinatim post priorem sese collocantes bini et bini alterutrum confitentes, vultus suos post confessionem ad altare vertentes, nec ad sua stalla usque post perceptam communionem revertentes. Porro novissimus novitio dabit pacem occurrenti sibi in medio chori, qui portabit et converso cum se ad ostium chori ostenderit. Deinde ordinans se ultimus cum penultimo confiteatur.

#### CAPUT LVIII.

##### De communiõne.

Interim qui primi sunt, ordine suo accedant ad communionem. Venientes vero ad gradum altaris proximum, incumbant super articulos manuum: ascensoque gradu, flexoque genu juxta cornu altaris et suscepta Eucharistia, cum se erexerint, inclinent, et sic per retro sacerdotem accedant ad calicem (52), ubi iterum inclinantes hauriant, et rursus inclinent. Regredientibus ab altari, sacrista stans in capita sinistri chori novitiorum vinum propinet inclinans singulis, sicut et ipsi inclinatur a singulis ante et post susceptionem. Quod non solum hic, sed etiam ubique quoties vel dant vel suscipiunt aliquid faciendum est. Quibus peractis, inclinantes ad altare ascendant ad stalla sua. Hic ordo de pace et communiõne ad utramque missam tenebitur.

Quod si quis aliquando solus communicare voluerit, sumpta pace a ministro confiteatur aut abbati si adfuerit, aut illi quem primum in dextro choro stantem invenerit. Dicta communiõne si conventus

per amplexum, semper tamen per osculum communicaturus datur, ut patet ex rubricis Missalis et ex his capitibus.

(52) Ad calicem. Hic usus sacramenti Eucharistiæ sub utraque specie percipiendi, sublatus est ab Ecclesia, sicut jam diximus, ut videre est in concilio Constant., sess. 13 in conc. Basil., sess. 30, et in conc. Trid., sess. 5, sub Pio IV, can. 1.

communicat, sedeant interim qui voluerint usque ad *Dominus vobiscum* : qui vero steterint, reducant facies suas ad altare donec dicatur a sacerdote *Dominus vobiscum* : et tunc resideant super *miseri cordias* usque ad ultimum *Dominus vobiscum*. Tunc vero surgant contra altare, et responso *Deo gratias*, inclinent et recedant. Si autem Dominicus dies fuerit, non inclinent nec recedant usque post benedictionem lectoris.

## CAPUT LIX.

*De privatis missis.*

Per totum annum poesunt fratres cantare missas privatim (53) tempore lectionis : et post offerendam missæ in conventu, etiam in Quadragesima excepta feria quarta in Capite Jejunii. In festis autem Quadragesimæ quibus laboramus, et in festo sancti *Mauricii* quando dies jejunii evenerit, teneatur sicut in decimo quarto capite continetur. Diebus tamen quibus duæ missæ canuntur (54), statim post primam possunt sacerdotes cantare privatim ubi abbati visum fuerit, exceptis missis jejuniorum. Porro in Quadragesima si festivitas in qua non laboramus per septimanam evenerit, non cantant nisi post offerendam : quod si habuerint spatium cantandi ante majorem missam, non permittatur eis ipsam missam dimittere.

Omnibus vero diebus in quibus jejunamus nec laboramus, potest cantare missam usque ad Nonam, et in Quadragesima usque ad Vesperas, qui voluerit et cui vacuum fuerit. Qui quoties dubitaverit ne ab hora præoccupetur si cantaverit, interroget sacristam per signum ; si annuerit, cantet ; si contradixerit, dimittat. Qui autem cantare voluerit duos testes (55) habeat, unum clericum qui ei ministrare possit. Qui si acoluthus tantum fuerit, non præsumat calicem deferre super altare, neque panem et vinum ministrare, neque sacerdoti offerre : cætera vero potest adimplere. Quod si sacerdos vel diaconus vel subdiaconus fuerit, potest panem et vinum in calice ministrare, atque sacerdoti offerre ; aquam tamen non nisi sacerdos qui cantat admisceat. Alter vero frater, si laicus est, nihil horum præsumere debet, nisi aquam afferre et sacerdoti infundere antequam induatur sacerdotalibus vestibus, candelam vel lampadem accendere. Presbyterium potest ascendere tam ipse quam cæteri laici, non solum ad missam, sed quoties necesse fuerit : gradum tamen altaris non ascendunt (56), nisi propter aliquam necessitatem eis præcipiatur, vel quando communicant. Missæ quoque pro defunctis non solent cantari Dominicis diebus et solemnitatibus, quibus sermo fieri solet in capitulo, nisi præsens defunctus fuerit. Missa vero quotidiana quæ solet dici pro fratribus nostris

(53) Nota ab initio hujus ordinis missas privatas in usu fuisse monachis nostris, etiam in Quadragesima.

(54) *Canuntur*, scilicet in conventu.

(55) *Duos testes*, id est duos assistentes.

(56) *Gradum tamen altaris*, etc. Nempe propter reverentiam SS. sacramenti.

defunctis, tantum intermittenda est die Parasceve et sequenti Sabbato, et die Paschæ et Pentecostes, et Natalis Domini : diebus tamen Paschæ, Pentecostes et Natalis Domini hebdomadarius missæ illius quotidianæ cantet de festo ad altare, ubi missa eadem cantari solet, et dicat Collectam *Inclina* et secundo loco : si Tricenarium fuerit, subjungat *Deus cui proprium*. Quod si his tribus diebus præsens defunctus supervenerit, supradictus hebdomadarius dimittat missam de festo et agat missam pro eo, et dicat primam Collectam pro eo, scilicet *Inclina*, secundam vero *Omnipotens sempiterne Deus, cui nunquam*, pro illis quibus *Inclina* dicebatur ; et si Tricenarium fuerit, dicat tertiam *Deus cui proprium*. Ad utramque vero missam in conventu quando præsens fuerit, dicatur Collecta pro eo. Qui cantant privatim, Collectam tantum dicant pro eo tam ante sepulturam quam postea : poterit tamen cantare pro eo qui voluerit.

Qui autem cantant privatas missas moderentur ita voces suas tam ipsi quam adjuutores eorum, ut alii impedimentum non patiantur. Si quis vero viderit thesaurium altari superpositum, non præsumat super illud cantare, nisi ad nutum illius qui ipsum thesaurium ibi posuit, neque faciat apparatus circa altare in quo debet cantare, postquam missa generalis (57) incepta fuerit donec Offerenda sit cantata : nisi ad missam matutinalem quando sacerdotes possunt cantare post Primam. Sacerdos autem indutus et aspersis digitis aqua, dicat confessionem ante gradum altaris, medius inter adjuutores suos, ita quod clericus sit ad dexteram, laicus ad sinistram. Qui cantaverit pro defunctis, potest intermiscere alias Collectas pro qualibet necessitate, ita tamen ut numerum trium Collectarum non excedat, nisi jussu abbatis quartam adjunxerit. Collectæ vero de sancta *Trinitate* vel de *Spiritu sancto* vel de *Sanctis* non dicantur. Sed et ad cæteras missas, exceptis diebus quibus non licet cantare pro defunctis, interponi possunt Collectæ pro defunctis. Pacem non dabit, nisi forte præsentibus fuerint illi missæ hospites vel frater communicaturus. De cætero se agat ut sacerdos in conventu. In omnibus missis tribus tantum vicibus sacerdos osculetur altare, totiesque ei trahatur casula. Notandum vero quod abbates, monachi et conversi quando missas audiunt in ecclesiis quæ non sunt de ordine nostro, sicut cæteri pacem accipiunt, si eis offertur.

## CAPUT LX.

*Quibus diebus duæ missæ canuntur.*

(58) In die *Nativitatis* Domini. In *Circumcisione* et *Epiphania* Domini. In die *Paschæ* et tribus se-

(57) *Generalis*, id est conventualis.

(58) In antiquis n. anucriptis inter hos dies festos non recensentur dies sanctorum Roberti, Bernardi, Augustini, Ambrosii, Hieronymi, undecim millium virginum, Catharinæ nec spinæ Coronæ : imo nec sanctorum Eligii, Edmundi et Malachie. Et ratio est quod nondum instituta, aut eorum ab or-

quentibus diebus. In *Ascensione* Domini. In die *Pen-  
tecostes* et tribus sequentibus diebus. In natalibus  
sancti *Stephani* : et sancti *Joannis*, et sanctorum *In-  
nocentium* : et sancti *Thomæ* martyris : et sancti  
*Guillelmi* episcopi : in omnibus solemnitatibus bea-  
tæ *Mariæ*, in die sancti *Vincentii*, ad cujus *Vesperas*  
Responsorium dicetur duodecimum, scilicet *Glo-  
ria et honore*. In conversione sancti *Pauli* : in die  
S. *Matthiæ* apostoli : in solemnitate sancti *Benedicti*.  
In natali sancti *Marci* evangelistæ : *Augustini*, *Gre-  
gorii*, *Hieronymi*, *Ambrosii*, *Roberti* abbatis, *Philippi*  
et *Jacobi*. In Inventione et Exaltatione sanctæ *cruci-  
sæ*, apostolorum *Petri* et *Pauli*, *Mariæ* *Magdalenæ*,  
*Jacobi* apostoli, sancti *Petri* ad *Vincula*, sancti *Lau-  
rentii* ; sancti *Bernardi* abbatis : *Bartholomæi* apo-  
stoli : *Matthæi* apostoli : *Michaelis* archangeli : *Co-  
ronæ Domini* : *Dionysii* sociorumque ejus : *Undecim*  
*millium virginum* : *Lucæ* evangelistæ : *Simonis* et  
*Judæ* : *Omnium Sanctorum* : sancti *Malachis* epi-  
scopi : *Martini* episcopi : sancti *Elmundi* : *Andræ*  
apostoli : sanctæ *Catharinæ* virginis : *Eligii* episco-  
pi : *Nicolai* episcopi : *Thomæ* apostoli : *Dedicationis*  
*ecclesiæ* : in festis episcopatus, et omnibus Domini-  
cis diebus canuntur duæ missæ, et vacant fratres  
lectioni. Sed nec vestimenta excutiuntur, nec ad so-  
lem extenduntur.

## CAPUT LXI.

Quando sacerdos et ministri debeant ascendere ad  
altare.

Ad missam pro defunctis, et ad matutinalem mis-  
sam quando duæ missæ canendæ sunt, ad initium  
introitus sacerdos et ministri ingrediantur ad ala-  
tare. Ad reliquas autem usque ad *Gloria* sustineant.

## CAPUT LXII.

## De Kyrie eleison.

Ad missam *Kyrie eleison* semper incipitur in illo  
choro in quo est Invitatorium, excepto ad matuti-  
nalem quando duæ missæ canuntur, et hoc alter-  
natim novies : ita ut chorus in quo incipitur, qua-  
ter dicat *Kyrie eleison*, interposito semel *Christe*

*eleison* : alter vero bis dicat *Kyrie eleison*, interpo-  
sito bis *Christe eleison*. Ultimum *Kyrie eleison* uter-  
que simul chorus finiat. Ad horas vero regulares et  
ubique, totus conventus semel dicat *Kyrie eleison* et  
pauset, semel *Christe eleison* et pauset, et iterum  
semel *Kyrie eleison*.

## CAPUT LXIII.

Quando canitur « *Gloria in excelsis Deo* » et « *Ite*  
*Missa est*. »

In Vigiliis Paschæ et Pentecostes, et omnibus Do-  
minicis diebus et festis duodecim Lectionum extra  
Adventum et Septuagesimam et per totam septima-  
nam Natalis Domini et Paschæ et Pentecostes, ad  
omnes missas, *Gloria in excelsis Deo* et *Ite Missa*  
*est* dicitur, exceptis missis jejuniorum, quæ Domi-  
nica non eveniunt.

## CAPUT LXIV.

Quibus diebus intermittendæ sunt usitatæ Collectæ.

In Vigilia Natalis Domini et deinceps usque ad  
Circumcisionem : in Cœna Domini deinceps usque  
ad octavam Paschæ : in Vigilia Pentecostes et deinceps  
usque ad Octavas : Dominicis diebus et festis  
omnibus duodecim Lectionum, etiamsi duæ missæ  
in conventu celebrentur, ad utramque missam in-  
termittendæ sunt usitatæ Collectæ. Item in Sabbato  
quatuor Temporum, et omnibus præcipuis officiis  
defunctorum eadem Collectæ similiter intermittan-  
tur.

## CAPUT LXV.

Quibus diebus « *Credo in unum Deum* » dicatur.

In die *Natalis*, *Circumcisionis* et *Ephiphaniæ* Do-  
mini : in die *Paschæ*, *Ascensionis* et *Pentecostes*, et  
omnibus diebus *Dominicis*, et ad omnes missas,  
nisi sint pro defunctis, *Credo in unum Deum* dica-  
tur. Porro in Inventione et Exaltatione sanctæ *cruci-  
sæ*, et in solemnitate sanctæ *coronæ Domini* (59) :  
in omnibus solemnitatibus sanctæ *Mariæ*, et in om-  
nibus solemnitatibus apostolorum et evangelistarum :  
in festivitate *Omnium Sanctorum*, et *Dedicatione ec-  
clesiæ* tantum ad propriam missam ipsius solemnita-  
tis dicatur.

dine nondum receptæ essent hujusmodi sanctorum  
festivitates cum hi Usus in lucem prodierunt. Cæte-  
rum si quis scire cupiat quibus tandem annis, et a  
quibus capit. generalibus receptæ sint et ordini im-  
peratæ pleræque Sanctorum illorum festivitates.  
Festa S. *Malachis* episcopi et S. *Thomæ* archiepi-  
scopi Cantuariensis recepta et imperata sunt a ca-  
pitulo gen. an. 1191. Festum S. *Juliani* Ceoma-  
nensis a cap. gen. an. 1193. Festum S. *Petri* Tha-  
rentasiensis archiepiscopi a cap. gen. an. 1197.  
Festum S. *Joannis* ante Portam Latinam a cap.  
gen. an. 1222. Festum S. P. nostri *Roberti* Molis-  
mensis fundatoris ord. Cister. a cap. gen. an. 1222  
et 1259. Festum S. *Eligii* a cap. gen. 1230. Festum  
S. *Dionysii* a cap. gen. 1232. Festum susceptionis  
*Coronæ Domini* a cap. gen. an. 1240. Festum S.  
*Edmundi* Cantuariensis archiepiscopi a cap. gen.  
an. 1247. Festum S. *Joannis Chrysostomi* conces-  
sam collegio Bernarditarum ubi præcipua pars cap-  
titis illius asservatur a cap. gen. a 1251. Festum  
B. *Dominici* fundatoris ordinis Prædicatorum a cap.  
gen. an. 1255 Festum S. *Petri* martyris ejusdem

ordinis a capitulo gen. an. 1256. Festum S. *Fran-  
cisci* Institutoris ordinis Fratrum Minorum non nisi  
cap. gen. an. 1259. Receptum legitur : ejus tamen  
commemoratio longe ante fuerat imperata scilicet  
cap. gen. an. 1228. Festum S. *Ursulæ* et sociarum  
ejus concessum fuit scholasticis collegii S. Bernardi  
Parisius an. 1258, ac subinde toto ordini permis-  
sum a cap. gen. an. 1262. Festum autem S. Patris  
nostri *Bernardi* repositum est inter festa quibus so-  
cunum usum ordinis sermo fieri debet in capitulo,  
id est inter festa præcipua ordinis, a cap. gen. an.  
1260, cum longe ante celebrari cœpisset ut supra  
notavimus sed minori cum solemnitate. In hujus au-  
tem capituli textu ubi legitur *millium virginum* me-  
lius forte legeretur *martyrum virginum*. Hoc enim  
festum ab Ecclesia Romana celebratur sub nomine  
sanctæ *Ursulæ* et sociarum ejus, non autem sub  
nomine *undecim millium virginum*.

(59) *Coronæ Domini*, id est susceptionis *coronæ*  
Domini, quod festum ad petitionem S. Ludovici re-  
gis instituit cap. gen. an. 1240.



## CAPUT LXVI :

*Quando debeant fratres ad pacem et communionem ire.*

In die Nativitatis Domini, Cœnæ, Paschæ, Pentecostes, debent fratres pacem sumere et communicare, omni occasione remota, nisi forte abbas aliquem prohibuerit. Omnibus vero Dominicis diebus communicet qui potuerit. Sacerdotes tamen, qui per septimanam cantant, si die Dominico non cantant, in eorum sit potestate communicare vel non. Cæteris vero diebus qui forte Dominica non communicaverit, poterit communicare si voluerit.

## CAPUT LXVII.

*Quibus diebus ardeant tres lampades, et quibus habeantur sermones in capitulo.*

Lampades non habeantur in oratoriis ultra quinque, ex quibus una ponatur ad gradum presbyterii, altera in medio chori, tertia in retro choro. Quæ tres accendi debent ad Vigiliis, ad missam, et ad Vesperas Natalis Domini : *Apparitionis* : in *Ramis Palmarum* : *Paschæ* : *Ascensionis* : *Pentecostes* : *Trinitatis* : omnium solemnitatum sanctæ *Marix* : Nativitatis sancti *Joannis Baptistæ* : natalis apostolorum *Petri* et *Pauli* : in solemnitate sancti *Benedicti* : *Omnium Sanctorum* : sancti *Bernardi* : *Dedicationis ecclesix* : in commemoratione *omnium fidelium defunctorum* : ad Vigiliis eorundem et ad missam tantummodo accenduntur. In his etiam diebus exceptis festis transpositis, et excepta commemoratione defunctorum, habentur sermones in capitulo. Et præter hoc in Dominica prima Adventus Domini, et in Dominica Palmarum. Duas, quæ restant, lampades potest habere qui voluerit propter conversos et hospites, et accendere quando voluerit. Ubi tamen necesse fuerit, licet plures habere propter privatas missas.

## CAPUT LXVIII.

*Qualiter se habeant fratres Dominicis et festis diebus.*

Audito signo ad Vigiliis surgant fratres, præparati intrent ecclesiam inclinantes ad primum altare : quod semper faciant, quoties coram quolibet altari transeant : et rursus inclinantes ad majus altare, intrent chorum a superiori parte. Nam ab inferiori non solent intrare, nec etiam exire, quando priores stant in choro deorsum præter abbatem et priorem, et alios qui ex utraque parte propinquiores astant abbati vel priori. Porro abbate præsentem vel etiam absente tam ab inferiori quam a superiori parte tot intrent vel exeant, et inter stallum abbatis et prioris tam ad suam lectiones legendas, quam ad benedictiones accipiendas eant vel redeant, quot unusquisque abbas pro sui oratorii positione judicaverit expedire. Et notandum quod abbati chorum intranti non inclinatur nisi a duobus, sive abbates sint sive monachi, quorum alter in suo choro, et alter qui in altero est et propinquior. Similiter de choro novitiorum unus hinc et unus inde. Abbati etiam stanti in stallum suo a nullo superveniente inclinabitur, nisi ab his quatuor. Id tamen observandum, ut si, his qui propinquiores abbati stare soleant, nondum ingressis, alii intraverint, inter quos

A et abbatem nullus adhuc medius stet, quod de talibus ex utralibet parte chori intraverint, tot inclinent ei. Cum autem pervenerint ad loca sua, stent versis vultibus ad altare donec signum remaneat. Similiter autem stent ante omnes horas diei et missas. Dimisso autem signo, faciant solitam orationem super *misericordias*, id est *Pater noster*, et *Credo in Deum*, et facto sonitu erigant se omnes, et versi ad altare signent se, et rursus inclinantes stent ibidem. Dicto itaque *Deus in adjutorium meum intende*, morose et trahendo a sacerdote, cancellatis manibus incurventur profunde, donec *Ad adjuvandum me festina*, eadem morositate et gravitate compleatur : quod similiter faciant ubicunque inclinaverint, sed et omni tempore quando conventus est in ecclesia, ad omnes horas reverenter et morose dicatur a sacerdote *Deus, in adjutorium meum intende*, et a conventu subjungatur *Domine, ad adjuvandum me festina*, etc. Facta pausatione ante *Gloria Patri*, et ante *Sicut erat*, etiamsi sequentia citius dicenda sint. Dehinc celebretur opus Dei. *Venite, exultemus Domino* cum invitatorio dicatur ante gradum presbyterii a duobus fratribus, illo videlicet qui præsentem facit hebdomadam invitatorii, et illo qui præteritam fecit. Qui venientes ad gradum inclinent, inceptoque invitatorio rursus inclinent, et sic deinceps ad finem singulorum versuum tantum inclinent. Post repetitionem vero invitatorii iterum inclinent et sic redeant in ordinem suum. Privatis tamen diebus quicunque invitatorium, non inclinet antequam illud incipiat : Fratres vero habeant vultus ad altare ex quo invitatorium incipitur, donec *Gloria Patri* dicatur, et tunc humiliet se chorus contra chorum usque ad *Sicut erat in principio*. Eodemque modo inclinent se quotiescunque dicitur in conventu *Gloria Patri*, excepto ad aquam benedictam, et ad benedictionem novitii, et in Purificatione sanctæ *Marix* dum candelæ distribuuntur, et in capite *Junii* dum cineres dantur, et ad *Gloria et honor Deo* dum crux in Parasceve adoratur.

Abbas vero si acciderit ut ad *Gloria* post *Venite* non occurrat, satisfaciat ante presbyterium sicut solet ad alias horas cum ad *Gloria* primi psalmi non occurrat et ad stallum suum veniat. Post inchoationem vero hymni, nullus exeat de choro donec finiat, excepto pro inevitabili causa. Sed neque ad cæteros hymnos, excepto *Jam lucis orto sidere*, quando post matutinas sine intervallo Prima cantatur. Nec etiam sacerdos matutinas infirmis cantaturus exeat antequam hymnus incipiatur. Sed nec se deat aliquis ex quo incipitur *Deus in adjutorium*, usque post hymnum : et tunc plicatis manibus super genua sedeant simul primum psalmum, et secundum stent, et sic percurrant cæteros, et similiter in secundo Nocturno : quam legem abbas tenere non cogitur. Quod si quis exierit non reversurus ad opus illud, inclinet antequam exeat. Si vero abbas exierit, sequatur eum quilibet de monachis conversis cum lumine in absconsa. Abbas incipiat primam *Antiphonam*, vel *Alleluia* in primo No-



clurno. Qui si defuerit : ille qui prior est in illo choro in quo est *Invitatorium*. Cætera vero *Alleluia*, hebdomadarius. Qui autem incipit Antiphonam aut *Alleluia*, reverenter et paululum a podio (60) semotus, stet usque ad metrum, nec inclinet donec primus versus impleatur. Psalmum autem incipiat et intonet qui juxta eum stat inferior, tam per diem quam per noctem similiter semotus a podio usque ad metrum : illo tamen qui novissimus est clericorum incipiente suam Antiphonam, tunc tantum qui superior ille est psalmum imponat. Similiter observandum est ad omnia defunctorum officia, excepto quod qui psalmum incipit, aliis sedentibus minime se erigit. Et qui Antiphonam imponit non expectato sine versus, inclinet et resideat. Ad officia tamen defunctorum præcipua, expectato sine versus, inclinet. Et notandum quia quotiescunque ille qui novissimus in choro est Antiphonam suam imposuerit, tunc penultimus et alii superiores ordine retrogrado Antiphonas, quotquot supersunt in eodem choro dicendæ, etiam si quis eorum aliam Antiphonam ad idem officium imposuit, incipiat. Id ad officia defunctorum contingere potest vel forsitan ad regulares Vigiliis, aliquando pro paucitate monachorum. Quod si Antiphona ascripta fuerit abbati et ipse defuerit, si *Invitatorium* in dextro choro fuerit, ille qui juxta eum stat, incipiat eam : deinde suam. Si autem in sinistro, similiter faciat, Eodem modo unusquisque incipiat Antiphonam illius, qui superior illo stat, si defuerit. Nullus superveniens præter abbatem, qui primam incipit, incipiat Antiphonam alii in capitulo datam, sed ille cui data fuerit. Ad finem vero ultimæ Antiphonæ primi et secundi et tertii Nocturni, tam festis diebus quam privatis, vertant se fratres ad altare, et dicatur versiculus ab hebdomadario inclinante tantum post versiculum. Et ita fiat ad omnes versus qui dicuntur ad cæteras horas. Porro lector si debet dicere versiculum nominans alium ut dicat, dum dicitur penultimus versus sexti psalmi ante *Gloria Patri*, contra medium altaris inclinans incedat per medium chorum cum gravitate, humilians se ante abbatem. Quod si alter abbas fuerit in sede prioris, inclinet semel inter eos, et accedens ad librum humiliato corpore versus abbatem, non tenens lucernam, plicatis etiam manibus, eadem voce qua lecturus est petat benedictionem tam ibi quam alibi. Qua percepta non legat, donec tumultus residentium conquiescat. Rediens itaque de lectione, humiliet se inter stallum abbatis et prioris vertens paulisper caput versus abbatem : quod si duo abbates fuerint, humiliet se semel inter eos versus altare, et sic veniens ante gradum incurvetur. Festivis quidem diebus super articulos manus, privatis vero super genua prosternatur, ponens cucullam sub manibus, et sic inclinans revertatur ad sedem.

(60) *A podio*, id est ab assere cui pedes psallentium insident.

A Similiter super articulos manuum satisfaciant omnes in loco in quo sunt, quoties fallaciam in oratorio incurrerint, non divertentes dextrorsum vel sinistrorsum. Pro nota cantus tantum non solemus satisfacere. Ita igitur se agat, qui primam, quintam et nonam leget lectionem. Nam qui cæteras legunt, eant legere dum Responsorium canitur ante versum. Provideant autem omnes qui legunt, ut ardens candela sequenti lectori possit sufficere. Qui autem canunt Responsoria tali hora surgant, ut sedile levare antequam incipiant Responsorium possint. Quo incepto inclinent, et similiter post versum: quod si *Gloria* dicendum est, non post versum, sed post *Gloria* inclinent.

B Quando autem Responsorium *Aspiciens* canitur cum tribus versibus, qui cantat post tertium versum tantum inclinet. Nemo legat duas Lectiones, aut cantet duo Responsoria, seu Lectionem et Responsorium infra unum nocturnum, nisi necessitas coegerit : similiter nec prior ante minorem, nisi Evangelium. Quod dum incipit lector, vertant se fratres ad illum stantes sic, donec dicat *Et reliqua*. Qui autem legerit duodecimam lectionem, lecta ea, quæ in Lectionario terminata est, dicat *Tu autem*, nisi forte cantor ei aliquid quod conveniat diei, sive aliud aliquid indixerit ad legendum. Solet enim sacrista cum se viderit temperius quam debuerat surrexisse, cantorem signo præmonere, ut duodecimam lectionem faciat prolongare. Et tunc qui eam legerit, non eam finiat usque ad nutum sacristæ vel sonitum horologii. C Qua lecta, nec candelam exstinguat, nec librum cludat, si Evangelium in eo legendum fuerit. Porro fratres dum cantant *Te Deum laudamus*, humiliet se ad *Sanctus, sanctus, surgentes ad Pleni sunt* : et dum finiunt canticum, vertant se ad altare. Cum vero dixerint *Gloria tibi, Domine*, signantes se vertantur ad legentem Evangelium, quod debet legi super analogium, in quo et Lectiones ad Nocturnos leguntur. Dicto *Te decet laus* vertentes se ad alterutrum inclinent usque post *Cum sancto Spiritu* : et tunc resideant super *misericordias* usque post finem Collectæ. Porro qui Evangelium legit, si fallaciam incurrit, inter sedem abbatis et prioris satisfaciât.

#### CAPUT LXIX

##### *De Laudibus.*

D In Laudibus finito *Deus misereatur nostri* et ad Vigiliis finito hymno, nullus sedeat in choro donec primus versus finiatur sequentis psalmi (61) nec exeat : qui vero exierit, reversus duos versus sustineat antequam sedeat. Similiter sustineat ad Vigiliis et ad Primam duos versus qui de choro exierit. Nam et ad *Primam* omni tempore, excepta Dominica, eo ordine quo ad Vigiliis sedere cunctis permissum est. Ad *Primam* quippe Domini-

(61) *Donec primus versus*, etc. Et hoc notandum, eo quod a multis vel ignoratur vel negligitur.

cis diebus, ad Vesperas omni tempore ad primum et tertium psalmum stamus, et ad cæteros sedemus. Caveant autem qui de choro egrediuntur, ne plus foris quam duos psalmos morentur, et ne amplius quam duo juxta se stantes simul exeant.

Qui cantat Responsorium, antequam illud incipiat inclinet, et post versum iterum inclinet. Ad cuius repetitionem vertat se chorus ad invicem. Si *Invitatorium* fuerit in dextro choro, cantor incipiat hymnos omnibus festis diebus, tam ad Vigilias quam ad cæteras horas, excepta Sexta et Nona, quos inchoet qui solet privatis diebus incipere. Si cantor defuerit, ille cui injunctum est *Benedictus* et *Magnificat* imponere. In sinistro si fuerit succentor incipiat; qui si defuerit, ille cui injunctum est supradicta cantica incipere. Privatis vero diebus tam ad Vigilias quam ad cæteras horas dici, ille hymnos inchoare debet, qui psalmum incipit, quando hebdomadarius incipit Antiphonam. Omni tempore autem quicumque hymnos incipit, stet semotus a podio. Ad *Kyrie eleison* resideant super *miseri cordias* sicut ad cæteras horas. Hebdomadario incipiente *Benedicamus Domino*, erigant se

omnes, quo dicto inclinent. Nam ad cæteras horas non surgunt, nisi post *Deo gratias*, excepto ad Vesperas. Si Dominica fuerit, stent versis vultibus ad altare, donec benedictiones (62) super cocos compleantur: quod si fiat commemoratio, stent ita usque ad *Oremus*, et tunc resideant super *miseri cordias*, nec surgant nisi post *Deo gratias*.

In hieme si dies laboris simul et jejunii fuerit, responso *Amen* statim subsequatur *Prima*: sin autem, post *Deo gratias* inclinent et exeant. Tunc sacrista pulset modice signum, si dies fuerit; si nondum apparuerit, non pulsetur: sed interim fratres sedeant in claustro ad lumen accensum a servitore ecclesiæ, sed non legant. Cumque dies claruerit, pulsetur signum modice et fiat intervallum, ut qui voluerint possint se calciare, vel ad secessum ire: aut infirmitates remutare, aut manus abluere, et qui voluerit peterit in claustro sedere. Revertentes ad *Primam* aspergant se aqua benedicta, excepta Dominica, et stent in stallis suis donec signum remaneat, et tunc faciant eandem orationem quam ad Vigilias fecerunt, et eodem modo cantata *Prima* sequatur missa.

## PARS TERTIA.

### De ritibus in exercitiis regularibus observandis.

#### CAPUT LXX.

##### *De capitulo et confessione.*

Post missam matutinalem sacrista pulset signum ad convocandum fratres in capitulum (63): nec dimittat illud donec data sit benedictio. Fratres autem audito signo conveniant in capitulum, inclinantes ante sedes suas. Et cum sederint, humiliant se mutuo. Veniente vero abbate vel quolibet alio qui capitulum tenere debet, ei omnes assurgant inclinantentes tantum abbati transeunti, eoque sedente resideant. Sed ille qui juxta abbatem sessurus est, humiliet se profunde de loco suo versus abbatem, nec tamen super genua vel articulos, et sic resideat. Et ita faciat in omnibus locis qui juxta eum sedere voluerit, excepto in ecclesia. Nam nec fratres in ecclesia sibi supplicant, neque ad mensas, sed nec nocturno tempore. Lector vero veniens ante analogium, aperiat librum et inclinet se ad benedictionem. Post primam lectionem non dicat *Tu autem, Domine*, sed postquam perdixerit *Et aliorum plurimorum sanctorum* surgant fratres, et vertant se ad orientem dicentes versum qui in collectaneo habetur, id est

(62) *Benedictiones*. De his benedictionibus vide cap. 35. Reg. S. Benedicti, et hujus libri cap. 408.

(63) *In capitulum*: de hoc capitulo intelligendus est S. Bened. cap. 46 eum Regule, cum eum qui in aliquo deliquerit jubet ante congregationem venire,

*C Pretiosa in conspectu Domini*, sacerdote hebdomadario incipiente. Qui dum dixerit *Gloria Patri et Filio*, prosternantur super sedes superiores, aut incurventur super genua secundum tempus dicentes simul *Kyrie eleison*. Illi autem qui sedent juxta ingressum capituli, hinc et inde, prosternant se ad terram versus orientem; incurvi vero sint sicut illi qui sunt in sede abbatis: cæteri autem incurventur ex adverso. Et quando sacerdos dixerit *Et ne nos inducas in tentationem* erigantur, donec sacerdos dicat *Dirigere et sanctificare*, et tunc incurventur. Quæ incurvatio fiat æqualiter omni tempore. Lector quoque ita se incurvet vel prosternat ante analogium, sicut illi qui sunt juxta ingressum capituli. Dicto autem *Qui fecit cælum et terram* resideant, ita tamen ut prius assideat qui tenet capitulum. Qui dum resederint, non humiliant se invicem sicut prius. Postquam omnes resederint, incipiat lector lectionem de Regula. Qua finita dicat *Tu autem, Domine*: et accipiens tabulam legat breve (64), si ipso die legendum fuerit. Quod si subprior capitulum tenet, et qui legit prior ipsius fuerit, si eum pronun-

ibique publice delictum suum prodere ac penam sibi injunctam subire.

(64) *Legat breve*, id est schedulam nomina officiorum subsequenti hebdomadæ continentem.

tiaverit, fratrem eum nominet: et sic etiam seipsum nominet. Et dum breve recitatur, qui nomen suum intellexerit, inclinet. Cui autem hebdomada aliqua ascripta fuerit, si intelligit se illam propter quamlibet incommoditatem non posse complere, potest inde misericordiam in presenti Capitulo querere, nam extra non licet: quod tamen si pro gravi necessitate fieri contigerit, sequenti capitulo veniam petat, et necessitatem intimet. Lecta itaque tabula pronuntietur commemoratio fratrum hoc modo: *Commemoratio omnium fratrum et familiarium defunctorum ordinis nostri*. Deinde dicat qui tenet capitulum, *Requiescant in pace*: et dicto *Amen*, inclinet lector et offerat librum abbati. Abbas vero vel accipiat et exponat, vel alii innuat deferendum. Cui lector ostendat sententiam quam exponere debet, et sic eat in locum suum. Ubi cum advenerit, non inclinet ante sedem, sed postquam resederit, humiliet se sicut alii fecerunt quando primo consederunt. Quod si a sinistra parte ad dexteram, vel a dextra ad sinistram transiturus est, cum venerit ante analogium humiliet se ad orientem, et tunc transeat ad locum suum. Et dicto *Benedicite* ab illo qui capitulum tenet, exponatur sententia etiam in *Parasceve*. Quod si aliquis advenerit antequam *Benedicite* dicatur, humiliet se ante sedem suam. Et cum resederit, inclinet sicut faceret si primæ confessioni interesset: si autem post occurrerit dum assidens inclinaverit, dicat *Benedicite* submissa voce, ita ut illi possint respondere *Dominus* qui circa eum sedent.

Exposita vero sententia nemo loqui præsumat, neque veniam petat, donec ille qui capitulum tenet dicat *Loquamur de ordine nostro*. Et tunc si absolvendus est defunctus, ad admonitionem cantoris absolvatur. Postea si dies ultimus Tricenarii commemorandus fuerit, cantor cum commemoret. Deinde si aliquid breve (65) pro defuncto legendum fuerit, legatur a cantore, ipso tamen jubente qui capitulum tenet. Quo pronuntiato dicat abbas *Requiescat in pace*. Et dicto *Amen* ab omnibus, instituat quod ei visum fuerit pro anima ejus. Postea vero petat veniam qui se in aliquo reum noverit. Deinde fiant clamations (66) si faciendæ sunt. Qui autem clamaverit, non quærat circuitiones in clamatione sua, sed aperte dicat: ille fecit hoc. Sed qui clamatus fuerit, mox ut audierit nomen suum, non respondens, in sede sua petat veniam (67). Tenenti capitulum eumque interroganti, *Quid dicitis?* Respondeat prostratus *Mea culpa*: et ad jussum illius crectus, si reus fuerit humiliter culpam suam confiteatur, et de reliquo emendationem promittat. Si autem culpabilem se non intelligit, qui eum clamaverit ipsam clamationem non repetat, nisi interrogatus: alius tamen si novit quod culpabilis sit, potest illud dicere. Et sciendum quod qui clamatus

(65) Breve hoc loco sumitur pro schedula nomen alicujus recenter defunctis continente.

(66) Clamationes, id est accusationes seu denuntiationes, de quibus vide cap. 46 Reg. S. Bened.

fuerit, non faciat clamationem ipsa die super illum qui eum clamavit: quando autem aliquis surgit in iudicium clamatus ab alio, quoties clamabitur in ipso iudicio toties satisfaciat. Qui dum in terra jacuerit, nemo loquatur. Sed postquam erectus fuerit dicatur de eo in ipso iudicio quod dicendum est, ne compellatur surgere postquam resederit, nisi aliqua rationabilis causa in capitulo contra eum postea succreverit. Si quis sponte sua in iudicium venerit, sub una venia constiteatur omnes negligentias quas confessurus est: quod si alius eum clamando surgere compulerit illo clamore pertractato si de seipso aliquid dicere voluerit, iterum petat veniam. Porro si plures insimul fuerint in iudicio, qui prior fuerit stet in medio et prius loquatur. Et cum locutus fuerit statim iudicetur, et de iudicio dimittatur: nisi forte abbas eum ibi remanere fecerit vel quemlibet ex ipsis, cæteris dimissis, ut majus iudicium sustineat, si majorem quam cæteri culpam habeat. Similiter iudicentur cæteri singulariter et singulariter dimittantur, nisi eandem causam omnes habuerint ut simul dimittantur.

Dimissi vero de iudicio, per post stantes redeant ad sedes suas. Nemo etiam amplius quam a tribus clametur, nisi forte ab eo qui capitulum tenet: et nisi etiam postea in ipso capitulo aliquid deliquerit. Nec pro uno clamante quis plus quam unam veniam petat, licet plures super eo culpas loquatur, nisi rursus sicut exceptum est in eodem aliquid excesserit capitulo. Nemo præsumat loqui in ipso capitulo, nisi clamando alium, aut clamatus ab alio: vel quando quis aliquid perdidit, præter abbatem et priorem, et quosdam de senioribus quibus abbas consenserit: nisi forte jussus vel interrogatus ab abbate, aut ipse aliquid de ordine quæsiturus.

Quod si forte aliquis jussu abbatii salutationem *Domini papæ* capitulo præsentaverit, assurgendo conventus inclinet profunde. Ad salutationem *regis, episcopi, abbatii* et aliarum quarumlibet similium personarum, sedendo profunde inclinatur: similiter inclinatur quando abbas indicit eis facere aliquam communem orationem. Similiter quos voluerit promovere vel degradare, vel in gradum suum restituere, seu quos decernit ligare per pœnitentiam vel solvere (68). Et similiter omnes quibus aliquid jusserit facere.

Nullus faciat clamationem super aliquem ex sola susceptione: nisi de hoc quod audierit, vel viderit, vel referri audierit. Quando clamatio facta fuerit de aliquo, si in ipso iudicio verberandus fuerit, caveat ille qui capitulum tenet ne ab eo verberetur, qui super eum clamavit (69). Qui verberandus postquam ab abbate exui jussus fuerit, mox assideat in eodem loco in quo stat, et exuens cucullam ponat eam ante se super genua sua: per caputium vero tunica

(67) Petat veniam, id est prosternat se in terram.

(68) Vide cap. 2 Reg. S. Ben.

(69) Ibid. et cap. 28.

exerat brachia et totum corpus usque ad ingsulum, **A** et consistens inclinato capite nihil dicat nisi tantum, *mea culpa, ego me emendabo*, quod crebrius repetat. Sed neque alius interim loquatur, nisi forte aliquis de prioribus pro eo humiliter intercedat. Qui autem eum verberat, non cesset a verbere usque ad jussionem abbatis; qui dum quieverit, adjuvet illum fratrem ad induendum: qui indutus et erectus, non se moveat donec abbas dicat, *ite sessum*, et tunc inclinans eat in locum suum. Hoc quoque sciendum est, quod ille qui inferioris gradus est, non debet verberare superiorem, id est diaconus sacerdotem, sed æqualis æqualem, vel superior inferiorem. Hoc etiam caveatur ne aliquis extra capitulum loquatur alicui, vel significet de culpis, seu de secretis quæ in capitulo pertractantur. **B**

Quod si episcopus vel abbas monachorum seu clericorum regularium, vel etiam rex aliquando capitulum intraverit, assurgentes ei omnes inclinent cum ante eos transierit; quod si societatem quæserit, assurgentibus omnibus concedatur ei per librum (70): et responso *Amen*, similiter abbas quærat ab eo partem beneficii sui. Qui postquam demoratus fuerit quantum tenenti capitulum placuerit, deducat eum ad hospitium prior vel cui jusserit abbas, antequam conventus egrediatur, nisi abbas usque ad finem capituli eum retinere voluerit. Quod si monachus vel clericus, vel etiam laicus fuerit, sedendo concessa ei societate a quolibet fratre deducatur.

Si quis ex quo fratres ingressi sunt capitulum **C** inde exierit nisi iussus, aut sanguinem de naribus fluens, vel etiam vomens, sive pro tabula ad legendum afferenda, satisfacere debet. Sed nec licentiam exeundi quis quærat, nisi cocus aut obediens fuerit, aut necessitas naturæ compulerit, vel cui abbas ante indixerit, aut qui in via dirigendus fuerit. Isti itaque cum necesse habuerint, solent pro officio suo signo exeundi licentiam quærere. Tractatis igitur quæ tractanda sunt, surgentes omnes vertant se ad orientem, et sic qui tenet capitulum dicat, *Adjuvatorium nostrum in nomine Domini*: et responso ab omnibus *Qui fecit cælum et terram*, inclinent ad orientem et exeant omnes, nisi aliquis remoretur causa confessionis vel infirmitatis. Quandiu tamen aliquis constitetur, nullus ibi remaneat, nisi qui simili occupatur opere. Nam omni tempore lectionis, **D** non tamen nisi ante prandium et etiam in intervallo ante Primam, possunt ibi constiteri.

Postquam ergo resederint, dicat prior *Benedicite*: et responso *Dominus*, subsequatur prior, *Deus sit nobiscum*: et responso *Amen*, confiteatur breviter

(70) *Per librum*, id est per Regulam S. Bened., cum ea fere cæremonia quæ in libello antiq. def. describitur dist. 15, cap. ultimo.

(71) Juxta hoc caput licitum erat monachis nostris, tempus omne quod illis ab officio divino et opere manuum supererat, vel lectioni vel orationi insumere, idque secundum Reg. S. Bened. cap. 48, et cap. 53.

culpam pro quibus veniam petiit. Quibus dictis, statim subsequatur, *De his et omnibus aliis meis peccatis me reum confiteor et veniam deprecor*. Tunc prior facta super cum absolutione injungat pœnitentiam. Deinde potest eum confortare, vel monere, vel increpare prout viderit ei expedire si voluerit, breviter tamen. Si quis causa confessionis aliquem eorum qui confessiones audivit, post signum missæ detinuerit, vel de missa evocaverit in capitulo, utroque stante breviter confiteatur.

#### CAPUT LXXI.

*Qualiter se habeant fratres tempore lectionis.*

(17) Fratres egressi de capitulo sedeant ad lectionem, exceptis illis quibus procurantibus officia legere non vacat. Quæ tamen postquam expleverint, redeant ad lectionem. Ad orationem vero ire possunt in Ecclesiam, non solum tunc, sed et omni tempore lectionis, et ad omnia intervalla ubi non sedeant, nec caputia in capitibus habeant, nec legant, nec librum teneant. Similiter cum opus Dei in ecclesia celebratur, nec caputia habeant in capitibus, nec legant præter illos qui Psalterium nesciunt, et qui ad præsens opus prævidere, legere aut cantare aliquid necesse habuerint. Qui vero in claustro sederint, religiose se habeant, singuli in singulis libris legentes, exceptis illis qui in Antiphonariis, Hymnariis, Gradualibus cantaverint, et illis qui lectiones suas præviderint, quas auscultet cantos vel quilibet frater ad hoc idoneus ab ipso monitur. Neque inquietent se invicem in quæstionibus faciendis nisi de productis et correptis accentibus, et de dictione quam legere ignoraverint, et de principiis lectionum ad mensam, et collationem, et ad Vigiliis cum necesse fuerit, quæ brevissime fiant. Si quis habuerit caputium in capite dum legerit, taliter habeat se ut possit perpendi si dormiat. Quod si aliquis necesse habuerit divertere alicubi, librum suum in armario (72) reponat; aut si sede sua eum dimittere voluerit, faciat signum fratri juxta sedenti ut illum custodiat. Quod signum etiam post Vesperas facere licet. Porro si quis ab aliquo librum in quo legit vel cantat accipere voluerit, necesse habens in eo videre, tradat ei alium, et ille cui tradiderit, in pace ei dimittat. Quem si ei accommodare noluerit, illo qui petit in pace ferat, donec super eo in capitulo inde proclamationem faciat. Ita se habeant dum sedent.

Dum vero ambulant humiliter incedant, et discoperto capite suppliantes (73) invicem obviando: quod si abbati obviaverint, divertant se in partem supplicantes ei. Quæ supplicatio ubique fiat extra dormitorium, quoties abbati vel sibi invicem obvia-

(72) *Amarium* erat cella seu locus inter ecclesiam et capitulum libris conservandis præparatus.

(73) *Supplicantes*. Hæc supplicatio eadem est ac benedictio de qua S. Benedictus loquitur cap. 63, suæ Regulæ. Utraque autem sit capitis apertione et corporis inclinatione. In qua Petrus Venerabilis constituit 15 discrimen Cisterciensium a Cluniacensibus.

verint. In labore tamen cum sibi obviant, nec mutuo sibi supplicant, nec *Benedicite* dicunt. Et notandum quod nulli supervenientium abbatum in claustro inclinatur, nisi sicuti monacho: nisi illi tantum qui sedem abbatis tenet, et proprios abbati. Nemo per caputium signum faciat, nec quis vocet aliquem de longe per vocem vel per sonitum. Et notandum quod omni tempore lectionis possunt esse fratres in nocturnalibus (74). Si quis aliquo modo fratrem suum scandalizaverit cum quo loqui non solet, dicat priori: et tunc si prior jusserit, vocato illo tandiu ante pedes ejus prostratus jaceat (75), quousque ille placatus erigat cum.

## CAPUT LXXII.

*Quas officinas ingredi fratres debeant, et quando.*

§ I. *De coquina.* — Nullus ingrediatur coquinam, excepto cantore et scriptoribus ad planandam tabulam: ad liquefaciendum incaustum (76): et exsicandum pergamenum: et sacrista vel quolibet alio pro accendendo lumine in ecclesia, vel prunis in thuribulo vel patella imponendis, vel sale benedicendo: sed nec isti intrare debent, si in calefactorio ignem sufficienter invenerint. Exceptis etiam cocis abbatis et infirmatio pro officio suo, et ille quem cocus vocaverit, ad ponendam super ignem caldariam vel deponendam.

§ II. *De refectorio.* — In refectorium similiter nullus ingrediatur, excepto infirmario et cocis utriusque coquinæ, abbatis scilicet et fratrum, pro officio ministerii sui: et cum a refectorio ad se adjuvandum vocati fuerint, et cæteris omnibus qui bibere indigerint, et servitore ecclesiæ pro salino.

§ III. *De calefactorio.* — Calefactorium possunt ingredi et ad illa quæ superius diximus facienda, et ad subalares ungendos, ad se minuendum, ad calefaciendum. Quod honeste et non nudis pedibus præsentate aliquo faciendum est. Notandum tamen quia has tres supradictas officinas ingredi poterunt fratres illi, qui secundum Regulam (7) per annum circumvent claustra monasterii.

§ IV. *De auditoriis.* — Auditoria nunquam ingrediuntur; quod si aliquod opus habuerint, querant signum vel sonitu ad ostium, et tunc si concessum fuerit, ingrediuntur. Ubi non loquantur plures quam duo simul cum priore tempore lectionis, nisi forte prior pro aliquo necessitate plures sibi convocandos judicaverit. Completo pro quo ingressi sunt, cito exeant nisi detineantur.

§ V. *De dormitorio.* — Dormitorium ingrediuntur quoties opus habuerint, in quod ingredientes ponant caputia in capitibus suis. Intrantes autem do-

(74) *In nocturnalibus*, id est in calceamentis et indumentis quibus nocte utuntur.

(75) *Prostratus jaceat* secundum cap. Reg. S. Ben. 91.

(76) *Incaustum*, id est atramentum.

(77) Cap. 48.

(78) *Sponsa*, id est suppedaneum de quo supra, aut si malueris latus lecti anterius cui assiderent et

num necessariam quantum possunt abscondant vultus in capitiis suis, et ita assideant manicis ante se plicatis, et cuculla ad pede demissa. Si quando vero sederint in scapularibus, nihilominus quantum potuerint se ab anteriori parte cooperiant. In dormitorio non sedeant, nisi quando se calciant vel discalciant, vel quando mutant tunicas si sedendo hoc facere voluerint, et tunc in lectis suis vel in suppedaneis. Exeuntes et induentes se, honeste et caute faciant, ne nudi appareant: quod non extra dormitorium, sed a lectum suum facere solent. Et qui extra jacent, similiter ad lectos suos hoc faciant. Cucullas autem et scapularia deponere scriptoribus, cellerariis, infirmariis, cocis utriusque coquinæ, abbas licentiam dare potest, quibus et ubi visum fuerit. Hoc etiam provideant, ut ad minus quam poterunt sine cuculla vel scapulari sint. Nam sine altero horum vel cingere se cuiquam non licet. Nullus in lectum ascendat rectus, sed de sponsa (78) divertat pedes in ipsum lectum. Nec jaceant super cotos, præter minulos et infirmos qui extra chorum sunt, quos possunt omnes in æstate in perticis ponere si voluerint. Nullus ibi excutiat indumenta vel faciat signa, nisi forte cum abbate vel priore, seu quando quis vocat alium ex parte abbatis vel prioris.

## CAPUT LXXIII.

*De misto.*

Si dies fuerit prandii ad mistum (79) percutiatur signum in ecclesia tribus ictibus ante Sextam. Si autem jejunii, totidem post Sextam. Quo audito mensæ lector et cocus veniant in refectorium: quod si alter defuerit, qui præsens est non eum expectet. Si ambo aderint, qui inferioris gradus est dicat *Benedicite*: qui majoris, benedicens dicat *Largitor omnium bonorum benedicat cibum et potum servorum suorum*. Post mistum dicat sub silentio, *Retribuere dignare, Domine, omnibus nobis bona facientibus propter nomen tuum vitam æternam*. Similiter faciant adolescentes qui ante Tertiam mistum sumunt. *Mensura misti sit quarta pars libræ panis et tertia pars heminæ vini*. Sumpto itaque misto si quid residuum fuerit, referant panem in arcam et vinum in vas. Et sciendum quod a Capite Jejunii usque ad Pascha (exceptis Dominicis diebus) et tribus diebus Rogationum, et quatuor Temporum, et Vigiliis et Domini et sanctorum, mistum non sumitur.

## CAPUT LXXIV.

*Qualiter se habeant fratres in hieme privatis diebus a Vigiliis usque ad Tertium.*

A Kalendis Novembris usque ad Pascha, excepto a Nativitate usque ad Octavam Epiphaniæ privatis

ex quo subinde in lectum monachi pedes suos colligerent.

(79) Quid sit *mistum* de quo hic et in cap. 38 Reg. S. Bened. fit mentio, intra describitur; est enim *quarta pars libræ panis et tertia pars heminæ vini* et nihil aliud. Huic enim *misto* seu jentaculo nihil aliud S. Benedictus permittit quam *biberes et panem* ut patet ex cap. Reg. 35.

diebus ad Vigiliis prosternantur (80) fratres ad orationem et ad Domine, ad adjuvandum me festina, super formas, et ad Kyrie eleison sicut ad cæteras horas. Cætera compleantur secundum Regulam (81), sicut superius diximus. Post Vigiliis vero, vel post Officium Defunctorum si dicendum fuerit, accenso lumine a servitore ecclesiæ ante armarium et in capitulo, sedeant fratres in ipso capitulo, et legant qui voluerint: nec sedeant in angulis nisi legentes. Qui taliter habeant caputia in capitibus, ut possit agnoscere si dormiant, an non. Audito horologio eant ad necessaria qui necesse habuerint, ut dum signum pulsaverit, omnes ingredi chorum parati sint. Servitor vero Ecclesiæ providere debet, ut per omne spatium illud lumen ardeat ante armarium. Si autem abbas voluerit in claustro lumen ardere, dum fratres in ecclesia noctibus opus Dei agunt, licet ei. Sacrista vero non dimittat signum quousque abbas faciat sonitum ad faciendam orationem (82). Sed nec ad cæteras horas, nisi ad Vigiliis et ad Primam omni tempore, et ad Tertiam ab Idibus Septembris usque ad Pascha, quando laboramus et jejunamus.

Quicumque autem ad orationes, quæ ante regulares horas fiunt, non adfuerint, veniam petant in capitulo, excepto priore, vel alio qui conventum tenuerit, et exceptis cellerariis et monacho hospitali, et cantore tempore lectionis, et his qui missas audiunt. Omnes tamen interesse debent orationibus quibus Pater noster et Credo in Deum dicitur. Sed nec aliquis horum excipitur ab illis orationibus, quæ fiunt ad utrasque Vesperas in festivitibus: quod si forte post matutinas, dies nondum claruerit, accenso lumine a sacrista fiat intervallum, et fratres qui voluerint sedeant in claustro, sed non legant.

Apparente autem die (83) pulsetur signum: et facta oratione, super formas aut misericordias, si tale tempus fuerit, signantes se inclinent: et similiter faciant omnibus horis post factam orationem. Dum autem sacerdos finierit Deus in adiutorium, ad Gloria Patri incumbant super formas aut incurventur, sicut tempus dictaverit: et similiter ad omnes horas diei faciant. Dicta itaque Prima, cantetur missa. Post missam pulsato signo ad Tertiam, fratres intrantes ecclesiam aspergant se aqua benedicta, et dimisso signo fiat oratio sicut ad Vigiliis. Cantata tertia eant in capitulum, sicut superius diximus, et si-

(80) Prosternantur, scilicet super formas chori. Ad orationem id est, ad Pater noster et Credo in Deum.

(81) Secundum Regulam, id est secundum cap. 8. et 9. Reg. S. Ben.

(82) Ad faciendam orationem, id est ad Pater et Ave dicendum.

(83) Apparente, etc., ut nimirum secundum cap. 8. Reg. incipiente luce matutini seu laudes exsolventur. Itaque Laudes excipiebat Prima, et Primam missa et missam tertia, post quam capitulum ingrediebantur: et hoc a Kalendis Novembris usque ad Pascha, diebus scilicet privatis et festis quibus labori seu operi manuum vacabant.

(84) Finito capitulo, id est circa horam fere sextam, secundum Reg. S. Bened. cap. 48

A militer fiat diebus festivis quibus laboramus. Monacho liceat portare scapulare cum una vel pluribus tunicis, sub una vel duabus cucullis cum necesse fuerit.

#### CAPUT LXXV.

##### De labore.

Finito capitulo (84) et præparatis fratribus ad laborem (85), pulsetur tabula a priore vel a subpriori, vel certe ab alio si prior jusserit: ipsis tamen majori utilitate forsitan occupatis. Ad cujus sonitum conveniant omnes (86), exceptis infirmis et variis officiis deputatis. Servitor tamen infirmorum, nisi apparatu infirmorum detentus fuerit, et cantor, et sacrista, et hospitalis, et magister novitorum, sicut et alii conveniant, nisi aliquos horum pro majori forte occupatione abbas in capitulo inde absolverit. Prior si domi fuerit, semper tabulam (87) pulset, et ordinet laborem suum in auditorio. Si vero ex chorum fuerit, subprior vel cui injunctum fuerit pulset tabulam: prior tamen nihilominus residens in auditorio ordinet laborem suum. Tunc si quis pro qualibet necessitate remanere voluerit, ostendat ei causam suam et quod priori visum fuerit, faciet: quod si concesserit remanere, provideat ipse, illo fratre commone, quid facere debeat, postquam illud compleverit pro quo remanserit. Quod si aliqua gravi necessitate impediens tabulam pulsare, et laborem, sicut dictum est, ordinare non poterit; subprior vel cui injunctum fuerit idem faciat, signo (88) si potest universa ordinans: quod si signo non potuerit, verbum faciat omnino brevium, et de labore tantum. Si vero abbas vel prior aliquem retinere voluerit: qui retinetur, signum faciat ei qui tabulam percutit: si ante laborem facere non potuerit, post laborem innuat. Ferramenta et alia instrumenta ad laborem necessaria prior devidat prout viderit expedire.

Exeuntes autem sequantur priorem, vel quem prior jusserit: similiter post laborem. Egressus ad laborem initium et finis pausationis et reditus a labore, sonitu cujuscunque rei potius significetur quam voce. Provideat autem abbas aliquem maturum fratrem qui conventum subsequatur cum ad laborem ierit, vel inde redierit. Pervenientes vero ad laborem non multiplicent inter se signa: nec presumant loqui, nisi forte de ipso labore breviter et necessario

D

(85) Ad laborem. Hoc nostrorum a Cluniacensibus octavum discrimen, quod nostri non illi, operi manuum vacarent juxta Reg. S. Ben. Vide Petrum Clun. epist. 47. lib. iv Epistol.

(86) Conveniant omnes, etc. Vide prædict. cap. Regl.

(87) Tabula, id est instrumentum ligneum ad convocandos fratres destinatum.

(88) Signo, etc. His signis quæ ad longum et fusa R. P. Julianus Varnier transcripsit in suo super S. Benedicti Regulam Commentario, occasionem dedit S. Benedictus, tum jure silentium suis monachis imperando, tum forte permittendo ut necessaria comedentibus signo potius peterentur quam voce. (cap. 38).

et silenter cum priore seorsum a fratribus. Sed et prior raro loquatur absente abbate, præsentem vero ob reverentiam ipsius rarissime. Notandum tamen quia prior absente abbate ibi confessionem recipere poterit, si necesse fuerit. Subpriori vero etiam abbate et priore absentibus confessionem ibi recipere non liceat, nisi de aliqua re, utpote de illusionem somnii, vel cum ibi quis aliquid deliquerit, et hoc tamen breviter stando: nam illis præsentibus nullo modo se intromittet. Non repausent nec digrediantur alicubi quacunque necessitate sine licentia. Sed si contigerit digredi, expleta necessitate ad laborem citius revertantur. Si lector vel cocus vel refectorarius ibi fuerint, audito signo ad mistum vel antequam signum pulsatur, secundum quod longius a monasterio vel propius laboraverint, quærant a priore licentiam eundi: quid etiam post mistum facere debeant. Cum repausaverint secundum quod qualitas aeris et situs loci permiserit, circa priorem repausent. Quoad autem repausaverint, inter se non significant. Et sciendum quod tempore laboris nec legere, nec etiam ad laborem librum deferre cuiquam liceat. Nullus etiam sine cuculla vel scapulari, vel ibi vel alibi loquatur vel significet. Audito signo ad horam (89) intermittant opus, etiamsi ibi horam cantaturi sunt. Et qui in ecclesia fuerint, citius contentent, servato tamen moderamine gravitatis. Similiter fiat quando conventus in claustro vel infra terminos laborat. Si prior signum non audierit, qui audit tam tempore secationis quam alio significet ei. Qui laborem servat etiamsi sacerdos non fuerit, orationes ante horas semper ipse terminet. Versiculos et responsoria ipse per se dicat aut alii injungat: si vero sacerdos fuerit, absente hebdomadario, etiam horas incipiat, *Capitula Pater noster et Collectas* aut ipse suppleat aut alii injungat. Prior tamen et subprior, si diaconi fuerint, *Pater noster* sibi reservent: si infra, qui cantat horam totum compleat. Cum conventus infra terminos laboraverit et forte bajulaverit ligna vel tale quid quod sine damno relinqui possit: quando audierit signum quod ante horam pulsatur, dimittant ibi quod bajulant, et festinent ad horam venire. Si intra auditorium vel clastrum fuerint quando prædictum signum audierint, onera sua ad destinatum locum bajulent, et sic se ad horam præparare festinent. Et si quid portaverint quod sine damno negligenter relinqui non possit, sicut panem vel vinum vel annonam vel cætera hujusmodi, aptum locum quærant et ibi dimittant. Si extra terminos laboraverint, et ad horam in monasterium occurrere

(89) *Ad horam*, scilicet tam Sextæ quam Nonæ.

(90) *Ad gradum*, scilicet presbyterii, ad quem se sistere nostri jusserunt eos qui tardius ad opus Dei occurrerent, idque juxta Regulam S. Benedicti, cap. 43 quæ hujusmodi negligentem vult in ultimo loco consistere aut in alio loco seorsum ab aliis in penam suæ negligentis. Huic ergo penitentis seu satisfactionis exsolvendæ nostri Cistercienses gradum presbyterii assignarunt, tanquam locum ad id ma-

non debuerint, dicant ibi horam, et postea onera resument.

Revertentes autem de ipso labore, ponant instrumenta quæ detulerant, ubi ad laborem præparari solent, aut priori reddant, exceptis forcibus, sarculis, furcis, rastris et facillis, quæ per totum tempus tonsionis, sarculationis, secationis, vel mesionis unusquisque sua, circa lectum custodire solent. Quod si tunc hora operis Dei in oratorio celebratur, omnes festinent se ad Opus Dei prævesire. Si autem *Gloria* primi Psalmi dicta fuerit, nisi *Kyrie eleison* jam inceptum est, si fieri potest in unum congregati, priore præeunte, venient ad gradum (90), prioribus ordinatis in medio: ubi absente abbate et priore, custos laboris in medio sit. Et tunc petant veniam antegradum aut flexis genibus in terra, aut tantum manibus super cucullam in terra demissis secundum tempus. Ad *Kyrie eleison* prosternantur super genua vel incurventur secundum tempus usque ad finem horæ. Quod si licentiam eundi in stalla habuerint, inclinent prius deferenti, et postea versus altare; et sic pergant in stalla ibi satisfaciendo super articulos manuum. Hoc enim modo semper debent satisfacere inter stalla: excepto illo qui pro gravi culpa satisfacit. Et notandum quod licentiam deferens non inclinet ad altare priusquam signum licentiæ fecerit: sed dextra manu extensa atque resupinata, ducat eam a sinistra sua per ante pectus suum in dexteram: et tunc sibi mutuo inclinent, deinde versus altare. Qui in claustro remanent, ex quo conventus egressus est foras laborare, quando conventus foris est, inter se non significant. Coci tamen et qui refectorium faciunt et qui libros emendant, de sibi necessariis inter se significare poterunt. Similiter etiam ii quibus ob aliquod sibi injunctum officium significandi licentia data fuerit, ubi et cum quibus eis ordinabitur significare poterunt.

#### CAPUT LXXVI.

##### *De refectio.*

Post Horam (91) prior pulsatur signum, vel cui injunxerit ipse; quod si forte per negligentiam cibus nondum paratus fuerit, non pulsatur donec paratus sit: nec fratres abluant manus, sed interim se deant in lectione donec signum pulsatur. Quod et ad omnes refectioes similiter teneatur. Ablutis igitur manibus et deteris intrent refectorium, et venientes ante sedes suas inclinent se versus principalem mensam: deinde erigantur, et sic stent donec prior veniat. Si autem prior diu moratus fue-

xime idoneum in quo seorsum ab aliis et omnium ultimi starent et ex quo ab omnibus facile videri possent hujusmodi negligentem, quod utrumque postulat S. Benedictus.

(91) *Post horam*. Nota nostros solitos immediate post horam officii divini ad mensam accedere: ut non nisi per orationem et post cibum spiritualem, ad corporis refectioem transirent.

rit, quod omnino debet cavere prior, sedeat interim **A** vel a cellerario. Qui aliquid apponit, et cui apponitur, invicem sibi inclinent. Cui autem prior aliquid miserit, prius inclinet deferenti, deinde assurgens humiliet se versus priorem. De cibo communi (95) nemo dividat alicui. Quod si cui aliquid superadditum fuerit, nisi pro minutione vel infirmitate ei datum fuerit a cellerario, tantum potest dare juxta sedenti ad dexteram et ad sinistram: illi vero nulli dare debent. Si autem uni tantum dederit, ille potest dare juxta se posito, sed ultra non procedat. Hanc legem pitantiarum omnino teneat prior, sicut et cæteri. Verumtamen hospites de potu suo generali alii non dent, nec alius accipiat. Si quis de comedentibus vel de servitoribus offenderit aliquo modo, petat veniam ante gradum. Et facto sonitu a

Porro Cellerarius et coci provideant ut ambo pulmentaria (92) priusquam campana pulsetur (si scilicet tamen abbas viderit expedire) per mensas disponant. Ex quo autem campana pulsatur, si quid adhuc de pulmentis deferendum est, non feratur donec lector incipiat legere. At si lectore incipiente legere totum unum adhuc pulmentum per mensas deferendum est, hoc feratur ordine; scilicet ut duæ scutellæ prius deferantur, una scilicet priori vel abbati, si adfuerit, et post *Defunctis tres* (93). Deinde duæ in dextera parte, et duæ in sinistra, et sic duæ hinc, et duæ inde usque ad ultimum. Apposito itaque communi cibo, si cellerarius voluerit superaddere (94) misericordiam illis, de quibus indictum est et ab abbate, ipsemet deferat eis, et sicut voluerit distribuatur; hoc idem faciat et minutis. Incœpta ergo lectione fratres discooperiant panes, priore tamen prius hoc faciente. Ex hinc nullus exeat de refectorio, nullus etiam incedat comedendo. Nullus ibi abluat scyphum manu, sed liniat qui voluerit. Nullus tergat manus vel cultellum ad mapulam, nisi prius terserit cum pane. Qui voluerit sal accipere, cum cultello accipiat. Qui bibit, duabus manibus teneat scyphum. Si quis viderit alicui deesse quod habere debet, requirat a coco

(92) *Ambo pulmentaria*. In hoc fuit constitutum quintum discrimen nostrorum a Cluniacensibus, quod nostri, non illi, duobus pulmentis regularibus contenti essent juxta cap. 39 Reg. S. Bened.

(93) *Defunctis tres*. En pietatem nostrorum erga defunctos. Dabantur autem hæc eorum pulmenta pauperibus.

(94) *Superaddere*. Hoc intellige de pitantiis quæ ex pietate et misericordiam minutis et infirmioribus ultra regularia pulmenta permittebantur, de quibus in sequentibus sæpius recurret mentio.

(95) *De cibo communi*, hoc est de pulmentis regularibus. Cæterum ut de victu nostrorum antiquorum monachorum quotidiano nonnulla hoc in loco perstringam. 1° Constat ut patet ex pluribus libri hujus capitibus et maxime ex cap. 76, 84 et 90. Libram panis communis et heminam vini ad quotidianum victum eos habuisse, idque juxta Regulam S. Bened. cap. 39 et cap. 40. 2° Constat eos sive his sive semel tantum refoceret, singulis diebus, coacta duo pulmentaria habuisse, quæ, teste Stephano episcopo Tornacensi, in epistola ad Robertum Pontigniacensem, *ager ex leguminibus aut ex oleribus hortus illis subministraret*. 3° Constat eos minutis, debilibus et

vel a cellerario. Qui aliquid apponit, et cui apponitur, invicem sibi inclinent. Cui autem prior aliquid miserit, prius inclinet deferenti, deinde assurgens humiliet se versus priorem. De cibo communi (95) nemo dividat alicui. Quod si cui aliquid superadditum fuerit, nisi pro minutione vel infirmitate ei datum fuerit a cellerario, tantum potest dare juxta sedenti ad dexteram et ad sinistram: illi vero nulli dare debent. Si autem uni tantum dederit, ille potest dare juxta se posito, sed ultra non procedat. Hanc legem pitantiarum omnino teneat prior, sicut et cæteri. Verumtamen hospites de potu suo generali alii non dent, nec alius accipiat. Si quis de comedentibus vel de servitoribus offenderit aliquo modo, petat veniam ante gradum. Et facto sonitu a priore cum cultello, surgat et inclinet, et redeat ad locum suum. Remotis scutellis, colligat cocus cœlearia prius a dextera parte, incipiens a priore: debino ad sinistram, incipiens juxta priorem.

Cum prior finiri voluerit lectionem, lectori dicat: *Tu autem*: et responseo *Deo gratias*, cooperiant quod superest de pane. Inclinato lectore, pulset prior campanam, et mox surgentes stent ante mensas eo ordine quo ante refectionem steterunt, dicentes versum quem cantor incipiat campana dimissa: quo dicto inclinent, et exeant cantantes *Miserere mei, Deus*, quem incipiat cantor, illis cum eo cantantibus qui stant in dextro choro in Ecclesia: secundum vero versum dicat sinister chorus. Et sic content cæteros alternatim, bini et bini euntes, junioribus scilicet præeuntibus: ita tamen ut prior, vel quilibet conventum tenens, solus eos in medio utriusque chori sequatur. Sed si abbas aliquis adfuerit, eat prior cum socio, abbas autem solus: si duo abbates fuerint, eant simul. Fratribus itaque intrantibus ecclesiam, qui prior clericorum chorum intraverit, si hoc convenienter implere possit, pulset signum. Ingressos vero chorum ordinantur sicut ad missas versis vultibus ad altare usque ad *Gloria Patri*: et tunc prosternantur super formas: vel, si tale tempus

infirmitas pitantias aliquas ex pietate et misericordia aliquando indulsisse easque teste Jacobo cardinali de Vitriaco in sua *Historia Occidentis*, capite decimo quarto ex piscibus, ovis, lacte et caseo præparari solitas. 4° Constat eos in æstate, messis tempore, diebus quibus laborabant unum pulmentum ad prandium et alterum ad cœnam illudque coctum habuisse ut patet ex cap. 84 hujus libri. Ac consequenter aliis diebus si quando cœnarent, non nisi fructus, olera aut nascentia leguminum, eaque cruda accepisse. Ut vel ex his appareat hos pauperes Christi non solum labore manuum suarum, rusticano more, sibi victum comparasse, sed in victu pauperum alimenta æmulatos esse, et, quod majus est, eos, eodem Cardinali de Vitriaco teste, *tanquam boves de armento Domini paleam manducantes, grana supervenientibus reservasse*, quippe qui hospitibus panem album apponerent, cibarium et secundarium sibi reservantes. Quod si cui durius videatur, sciat ex S. P. nostro Bernardo quod *sapores rebus reddit exercitium quos tulit inertia. Ovis enim, ut ipse ait in epistola ad Nep., faba, pultes, panisque cibarius cum aqua, quiescenti quidem fastidio sunt, sed exercitatio magnæ videntur delicæ*.



fuerit, inclinent et post resideant super *miseri-* A *cordias*. Finitis gratiis surgentes inclinent, et sic recedant, tamen cum reverentia.

## CAPUT LXXVII.

*De servitoribus.*

Tunc pulsetur campana ad convocandos servito- res : qui congregati dicant versum voce mediocri. Absente abbate et priore, qui prior est ordine conversionis, nisi ibi sit aliquis superioris gradus, cibum semper benedicat. Ab eo autem qui superioris vel æqualis gradus fuerit mensæ lector petat benedictionem, et dicat lectionem. *Deus charitas est, et qui manet, in charitate, in Deo manet, et Deus in eo*, ante refectiōnem. Et post, *Deus pacis et dilectionis semper maneat cum omnibus nobis*. Quod si ipse lector superioris gradus fuerit, aliquis clericorum ab eo petat benedictionem, et dicat utramque lectionem : si vero nullus clericus ibi fuerit, laicus petat benedictionem, et ipse lector dicat lectionem. De pitantiis, sicut supra ordinavimus, fiat : si tamen in ea parte rectorii nullus præter eum fuerit, licebit eum transire in aliam partem, et dare cui voluerit. Post refectiōnem, dicta lectione, versum dicant ibidem voce mediocri adjungentes *Miserere mei, Deus*, versis vultibus ad invicem, nullo tempore se ibidem prosternentes. Sicque finitis gratiis, lector mensæ omni tempore post refectiōnem servitorum, excepto quando fratres in æstate post prandium dormierint, nolam tandiu pulset, ut unum *Pater noster* peritici possit. Quo expleto non pulsentur *Vesperæ*, donec ad necessaria ire, et lectiones prævidere, si hora permiserit, possint.

## CAPUT LXXVIII.

*De Vesperis.*

Ad *Vesperas* incipit hebdomadarius primam Antiphonam, secundam qui ante omnes stat in altero choro, exceptis abbatibus : tertiam ille qui stat post hebdomadarium : quartam vero qui est secundus in altero choro. Absente vero hebdomadario quicumque primam Antiphonam inceptit, sive sit superior hebdomadario sive inferior : si alius juxta se inferior supervenerit, tertiam Antiphonam ei imponendam nominet (96). Si nullus inferior fuerit, et alius post primam Antiphonam juxta se superius advenerit, tertiam Antiphonam ei incipiendam nominet ; similiter faciat qui secundam Antiphonam incipit in alio choro. Qui autem cantat Responsorium, antequam D illud incipiat, inclinet ; et post versum iterum inclinet. Quando vero canitur Responsorium de aliqua historia, postquam inceptum fuerit vertant vultus ad invicem, tam ille qui incipit quam cæteri : hymnus sic incipiatur, ut ad Laudes diximus. Si bene-

(96) *Imponendam nominet*. Nimirum fratri hospiti seu supervenienti, idque evitandæ confusionis causa in officio divino.

(97) *De bibere*, id est de potu.

(98) *Recite ad bibendum*, quia nihil præter potum accipiebant.

(99) *Percutiat*. Nimirum ut data per hoc signum bibendi licentia, non nisi simul et post superiorem

dictio de via regressis danda fuerit, ante commemoraciones, si adfuerint, detur : et stent fratres versis vultibus ad altare, donec benedictio compleatur. Quod similiter ad omnes horas, sive euntibus sive regressis fiat, præter Completorium quando super formas jacemus.

## CAPUT LXXIX.

*Quomodo se habeant fratres post Vesperas omni tempore.*

Post *Vesperas* sedentes in claustro omni tempore, non alte legant vel cantent, non significent nisi de mandato hospitem vel de petenda licentia bibendi : aut quando quis ex parte abbatis vel prioris aliquem vocat, sive cum aliquis facit signum juxta sedenti ut librum suum custodiat : nec jungantur simul, nec vestimenta virga excutiant, nisi tempore secationis et messationis, quando tempus lectionis ante Sextam non habuerint.

## CAPUT LXXX.

*De bibere (97) post Vesperas.*

Sacrista autem pulsante in ecclesia signum, conveniant in rectorium ad bibendum (98), et inclinantes ante sedes resideant, priore tamen prius residente : a quo pulsata campana, dicit prius *Benedicite* a cantore, dicat benedictionem hebdomadarius : qui vero postea occurrerit veniens ante gradum quærat licentiam bibendi ; qua percepta inclinet ibi, et eat ad sedem amplius non inclinans : nec se admisceat his qui in superioribus sedibus sedent, sed in sedibus quæ ante mensas sunt assideat, et ibi bibat, nisi forte ad caput alicujus mensæ sedere debeat. Deinde C prior percutiat (99) campanam uno ictu, post quem nemo ingrediatur rectorium, et facto intervallo sequantur tres alii ictus, ad quos surgentes et ante mensas vel ad capita mensarum inclinantes, exeant. Qui vero huic bibere defuerit, in capitulo satisfaciatur, exceptis cellerariis, infirmariis, hospitali, portario, his etiam qui in suscipiendis occupantur hospitibus, sed et illis quos certis ex causis abbas hinc absolvendos judicaverit. Qui tamen omnes competenter adesse poterunt, deesse non debent. Ad hos biberes, sicut et ad illos qui fiunt in æstate post Nonam, si quis ante ictum nolæ aliquid deliquerit, ibi satisfaciatur : si vero post, in crastino capitulo veniam petat.

## CAPUT LXXXI.

*De collatione.*

Accedentes vero ad collationem (100) inclinent : et sic resideant, licet nondum signum pulsetur. Frater autem ibi lecturus ex quo venerit eat sessum ad analogium, et aperto codice usque ad abbatis adventum, ibi sub silentio si voluerit, legat. Sabbatis quandiu pedes lavantur, quamvis interim in illa sede sedeat,

bibere inciperent.

(100) *Ad collationem*, id est ad lectionem collationum Joan. Cass. juxta cap. 42. reg. S. Ben., qui has collationes aut vitas SS. Patrum hac ipsa hora, id est ante Completorium legi voluit, in præsentia totius conventus potius quam alios sacræ Scripturæ libros, utpote intellectu faciliores.

legere tamen ibi non solet. Adveniente abbate assurgant omnes et inclinent illi ante quos transierit : priori vero assurgant tantum, vel illi qui conventum tenuerit, quo residente resideant. Tunc lector accepta benedictione legat. Huic benedictioni intersint omnes : exceptis priore, vel alio qui conventum tenuerit, cellerariis, rectorario et adjutoribus ejus, grangiario, hospitali, magistri novitiorum, servitoribus abbatis, et his qui signum pulsant ad collationem. Interim qui bibere defuerit, solus et sine licentia in refectorio potest bibere, etiam in scapulari. Abbas autem si expedire judicaverit, provideat maturum aliquem fratrem, qui tempore lectionis post prandium prope ostium refectorii sedeat jugiter, ut si quis bibere voluerit, signum ei faciat, et ille eat cum eo ad solatium ejus : si forte ille defuerit (quod tamen cavere debet) sine signo aliquo eat bibere qui necesse habuerit. In illis autem abbatibus ubi talis frater non fuerit constitutus, ab aliquo de maturioribus fratribus signo licentiam petat, et sic intret et bibat. Abbas non querat licentiam bibendi vel minuendi, nec prior nisi ab abbate ; sed nec subprior, nisi ab abbate vel priore. Lectione igitur finita surgant omnes, et stantes versi ad orientem dicat abbas, *Adjutorium nostrum in nomine Domini* : et conventus respondeat, *Qui fecit cælum et terram* ; et inclinant omnes ingrediantur ecclesiam. Quod si quis ad collationem non occurrerit, ita ut antequam *Tu autem* dicatur, sedeat : cum incipietur hymnus Completorii, eat ante gradum presbyterii, et versus ad altare ibi permaneat, de cætero se habens sicut illi qui sunt in choro usque ad finem orationis post Completorium. Si vero alicui de via reverso benedictio datur, ille qui hujusmodi facit satisfactionem in partem prope gradum divertat, et data benedictione ibidem solitam orationem faciat.

## CAPUT LXXXII.

*Qualiter se agant fratres post Completorium.*

Dicto Completorio, cum sacerdos direxit, *Benedictio Dei omnipotentis*, signent se fratres, et dicto *Amen*, dicent orationem *Pater noster*, et *Credo in Deum*. Quod si reverso de via benedictio danda fuerit, si conventus super *formas* prostratus fuerit, nequaquam surgat, sed nec sacerdos qui benedictionem dederit. Si vero super *misericordias* sederint, erigant se et stent versi ad altare dum dicitur benedictio ; qua dicta iterum residentes super *misericordias* solitam orationem faciant. Ipse autem frater quo loco benedictionem accepit et orationem faciat : si tamen cum aliis in choro ad Completorium fuerit. Completa autem oratione exiens abbas aspergat singulos aqua benedicta post se ordinatim egredientes : qui mox mittentes caputia in capitibus, et nusquam divertentes præter sacristam, et eos qui extra Dormitorium jacent : et eos qui ad vigiliam remanent presentis defuncti omnes ingrediantur dormitorium, unde nullus, excepto sacrista, cellerario hospitali,

(101) *Sine cuculla, tunica, etc.*, scilicet ut juxta, cap. 22 Regule vestiti dormirent.

A custode infirmorum, et ad faciendum mandatum, exeat. Sine cuculla vero, tunica, caligis (101), jacere non debent.

## CAPUT LXXXIII.

*Qualiter se agant fratres in æstate, de vigiliis et usque post Vesperas.*

A Pascha usque ad Octavas Pentecostes privatis diebus cantatur *Venite exsultemus Domino* ab uno fratre cum invitatorio : et ab Octava Pentecostes usque ad Kalendas Novembris alternatim ab utroque choro, sicut *Domine, quid multiplicati sunt* : quo tempore scilicet, ab Octava Pentecostes usque ad Kalendas Novembris, prosternantur fratres super formas ad orationem, exceptis Octavis Assumptionis sanctæ *Mariæ*. Cætera vero, sicut superius diximus, secundum Regulam compleantur. In intervallo vero post nocturnos sedeant in claustro qui voluerint, lumine accenso a servitore ecclesiæ, si necesse fuerit. Post Matutinas dicant Laudes pro defunctis, quibus dicta et facto intervallo sicut festis diebus calcient se diurnalibus et sumant cultellos : quod et faciant quoties calciant se diurnalibus consuete. Deinde aspersi aqua benedicta et facta oratione secundum tempus dicant Primam. Deinde eant in capitulum, post hæc in laborem usque ad primum signum Tertiæ, quo audito præparent se qui missam cantaturi sunt. Interim possunt ire ad confessionem in capitulo, possunt et orare et legere (102). Indutis ministris cantetur Tertia. Si vero aliquis ministrorum hebdomadarius Invitatorii fuerit officium ejus impleat, qui eo absent : implere debet. Post Tertiam cantetur missa, post missam sedeant in claustro : quod si dies jejunii fuerit omnibus (ordine prædicto) celebratis, post Sextam laicis fratribus præeuntibus intrantes dormitorium pausent in lectis suis usque ad horam octavam, et tunc sacrista ad sonitum horologii excitatus pulset campanam, sicut aliis diebus fieri solet : ad quam fratres excitati, scapularibus induti, abluant qui voluerint manus suas ; deinde tabula pulsata laborent usque ad primum signum horæ Nonæ. Quod si dies fuerit, quod debeant hebdomadarii mistum sumere, sacrista in illo spatio quantum viderit competere, pulset mistum : refectio autem paracta reliquum diei peragant sicut privatis diebus per hiemem. In vigilia vero Pentecostes dormitionis spatium post Sextam sacrista sic debet temperare, ut subsequens intervallum officio quod ante Nonam celebrandum est, sufficere possit : fratribus vero solito signo excitatis, statim ministri altaris ad officium se præparent : interim autem conventus vacet lectioni, et ministris indutis pulsetur signum. Quod si dies jejunii non fuerit, post Tertiam cum hora fuerit ad percipiendum mistum, pulsetur signum a sacrista modo quo diximus. Post Sextam eant in refectorium : post refectionem ad orationem pergantibus, nullus fiat obivus, nec quando post versum exierint, vel quando

(102) *Possunt orare et legere*, quia utrumque illis promissum in his intervallis licitum erat.

post Nonam in refectorium, vel quando post Completorium in dormitorium, seu etiam quando capitulum ingrediuntur. Exeuntibus omnibus de ecclesia et sequentibus priorem eo ordine quo stant in choro, nullus se disjungat a conventu, donec intrent dormitorium: præter sacristam et eos qui extra dormitorium jacent; unde nullus exeat sine licentia, excepto sacrista, cellerario, hospitali, solatio (103). Cocis abbatis, custode infirmorum, subportario vel portario, si tunc adfuerit causa officii sui. Servitores vero post refectionem cantantes *Miserere mei, Deus*, verum ibidem compleant, nullo tempore se prosternentes. Deinde intrent dormitorium. Porro cellerarius referat scutellas servitorum in coquinam, ne post Nonam a fratribus in refectorio inveniantur. Moxque ut expeditus fuerit, collocet se in dormitorio sicut et alii: facto vero signo ad surgendum, cocis festinent parare aquam in lavatorio ad lavandum, et in refectorio ad potandum. Cæteri vero præparati et manus abluti, aut intrent chorum, aut se deant in clauastro donec signum pulseur.

## CAPUT LXXXIV.

*De bibere post Nonam.*

Dicta Nona eant in refectorium, præeuntibus junioribus eo ordine quo stant in choro, bini et bini incedentes. Prior vero sequatur solus, vel subprior, si prior defuerit: qui venientes ante sedes inclinent, et sic ingrediantur mensas stantes donec prior assideat. Cocis vero præteritæ septimanæ mox ut ingressi fuerint circumlinientes scyphos interius aqua impleant ipsos: et stant versi ad principalem mensam donec prior pulseur campanam. Quo pulsante veniant ad gradum. Dimissa campana, et dicto *Benedicite*, hebdomadarius det benedictionem, responsoque *Amen*, ille qui prior est ad dexteram prioris offerat ei scyphum. Qui vero ad sinistram offerat illi qui est in eadem parte juxta priorem. Et qui voluerint, bibant de potu justitiæ suæ (104). Ubi vero necesse fuerit ut etiam cocis præsentis septimanæ cum istis serviant: priores in medio ordinati quibus diximus deferant. Juniores vero a junioribus ultimo loco positos incipiant. Qui interim, dum fratres bibunt, parumper semoti habeant facies ad bibentes. Qui postquam biberint, quisquis ministrorum bibere voluerit apponat sibi met scyphum quo aliis ministravit. Dehinc venientes ad gradum inclinent ante priorem. Quo percussente uno ictu campanam, recedant non inclinantes ante sedes suas et bibant si voluerint ad capita mensarum vel ante mensas. Qui postquam biberint repercutiat prior campanam tribus continuis ictibus: Et tunc surgentes et iterum supplicantes recedant. Ministri autem recondant scyphos quibus aquam porrexe-

(103) *Solatio*. Per solatium intellige eum qui juxta Regulam S. Bened. debet concedi cuilibet officialium adjuvando, in vis quæ ad ejus officium pertinent, cum opus fuerit.

(104) *Qui voluerint bibant, etc.* Nihil igitur, ut plurimum, nisi aquam puram hac ipsa hora accipiebant aut si quis aliquid aliud bibere voluisset, tantumdem sibi de suo potu consueto præripiebat. *Justitia*

runt, ubi reponendi sunt. Mox venientes in dormitorium si necesse habent ire ad necessaria, eant antequam exuantur cucullis. Quod et post laborem observandum est, ne scilicet eant ad necessaria antequam induantur cucullis. Qui ordo semper et ante et post laborem teneatur. Qui tamen post Completorium de mandato hospium redeunt, possunt ire ad necessaria antequam resumant cucullas. Quibus preparatis ad laborem pulseur tabula.

Post Vesperas expleto officio defunctorum, et pulsat signo, sicut superius diximus, accedant ad cœnam. Quod si poma, vel herbæ crudæ vel aliud tale quid fratribus generaliter distribuendum est, potest cellerarius deferre per mensas aut versus, quando ei vacuum fuerit. Si vero post versum distribuierit, feratur a cocis vel ab aliis eos adjuvantibus. Deinde recolligentes scutellas ponant super ministerium.

## CAPUT LXXXV.

*De tempore secationis et messionis.*

In tempore secationis et messionis sacerdos et ministri præparent se statim post capitulum ad canendam missam: ad quam conventus tempore secationis potest interesse, et missas privatas cantare dum illa cantatur, si abbati vel priori visum fuerit. In vigiliis autem et festis duodecim Lectionum qui privatim cantare debent, non nisi post offerendam incipiant. Et missa in conventu cantata statim exeant ad laborem. Tempore vero messionis ad hanc missam quando conventus non adest, adjuvare debent minuti et infirmi extra chorum, et de infirmitorio per omnia secundum gradus suos sicut necesse fuerit.

Qua cantata ipsi ministri insimul congregati sequantur alios ad laborem. Prior autem provideat quomodo sciant quo conventum sequi debeant et quis eo illuc ducat. Utroque vero tempore mane missa eantata si pluit, licet monachis post Tertiam esse in lectione: et missas privatas celebrare, si tamen abbati vel priori visum fuerit. Et sciendum quod in omnibus duodecim Lectionum solemnitatibus quibus laboramus et vigiliis sanctorum, conventus missam audire debet. Illis temporibus solet conventus usque ad Sextam laborare. Et ante Primam si opus fuerit exire, et extra monasterium prandere et dormire, si necesse fuerit, cocis et lector mistum sumere. Qui autem in abbata remanent et in refectorio comedunt, semper in Ecclesia gratias referant præter servitores.

Unicuique in die libra panis communis et dimidia dari potest ubi opus fuerit, et distribui singulis prout tempus et locus exegerit. Hoc tempore exceptis diebus, quibus fratres vacant lectioni, unum pulmentum habeant ad prandium, et alterum ad cœnam

autem de qua hic fit mentio, sumitur pro mensura et quantitate potus secundum Regulam cuilibet concessi; seu pro hemina de qua S. Ben. in cap. 40. Regulæ loquitur, quæ *Justitiæ* nomen adepta sit a justa moderatione qua idem sanctus monachorum suorum potum sic temperavit, ut non usque ad satietatem vinum biberent sed parcius.

si fieri potest. Lac si habuerit conventus sive coetum sive crudum, pro uno generalium pulmentorum reputabitur. De melle autem nunquam et nusquam fiat generale, nisi id abbati visum fuerit pro pulmentorum penuria, et mellis abundantia. Et notandum quod hoc tempore quando unum pulmentum datur in cœna ad jussum abbatis: hebdomadarius coquina: cellerarium adjuvare poterit et cum servitoribus reficere. Ubi vero sunt quatuor hebdomadarii coquinæ, duo serviant per diem integrum: ubi duo, unus similiter serviat. Si longe fuerint ab oratorio, possunt, si necesse fuerit, laborare post signum ad Vesperas seu ad quamlibet horam pulsatum: quod nunquam alio tempore fieri debet. Vesperis ibi cantatis, eant ad monasterium. Quod si necesse fuerit, poterit prior quosdam ibi relinquere; qui tamen a cœna servitorum deesse non debent: quod tunc quidem raro, sed alio tempore nunquam fiat.

Qui monachos suos ad grangias dirigit, videat omnibus modis quatenus illic eundo vel inde redeundo, maximeque ibi remorando silentium servent. Videat etiam ut præparatas habeant domos ubi possint honeste ordinateque simul comedere: simul etiam dormire: et singuli per singula lecta secundum Regulam. Candela ardeat ubi dormiunt. Caveant etiam ne cum conversis vel cum familia significant. Inter se etiam horis et locis incompetentibus signa non faciant. Nullus positas metas absque licentia transeat, nec vagando et diverticula quaerendo incedat: mensæ eorum cui prior jusserit, legat. Dominicis et festis diebus lectioni vacent. Nullus abbas monachorum conventum aliquem ad grangiam mittat, nisi pro frugibus colligendis. Hæc et cætera huic tempori congrua, quia ubique æqualiter observari non possunt: unaquæque abbatia faciat secundum positionem locorum et dispositionem abbatis vel prioris sui. In abbatia tamen cum conventus adfuerit, si mane festinare ad laborem debuerint, ad arbitrium abbatis citius cantare licebit.

## CAPUT LXXXVI.

*De r. usuris (105).*

In Natali Domini: ad Dominicam *Quinquagesimæ*, sive ad *Pascha*: ad *Pentecosten*: ad festum *S. Mariæ Magdalenæ*: ad Nativitatem sanctæ *Mariæ*: ad festivitatem *Omnium Sanctorum* tondendi et radendi sunt fratres. Coci calefaciant et deferant aquam in claustrum, pectines, forcipes, rasoria et affilatorias custos eorum acuat et præparet. Fratres tondeant quibus jusserit abbas. Tonsi alterutrum radant et in

(105) Petito rever. Patris nostri D. Joannis S. Laurentii in Lucina presbyteri cardinalis qui ad mandatum domini papæ requisivit a capitulo generali ut propter reverentiam sacramenti altaris percipiendi augetur numerus rasurarum in ordine, exauditur hunc modum: quod duodecim sint rasuræ, scilicet in Natali Domini, in Purificatione B. Mariæ, prima Dominica mensis Martii, in Pascha, in Ascensione, in Vigilia S. Joannis Baptistæ, in Vigilia sanctæ Mariæ Magdalenæ, in Vigilia Assumptionis B. Mariæ in Vigilia Nativitatis ejusdem, in Vigilia sancti Dio-

clastro, præter infirmos qui in infirmitorio sunt. Rasura coronæ fiat non exigua tonsura per desuper aures. Nullus nisi invitatus aliquem radere præsumat, vel se vellet facere signet: nullus vero invitatus audeat refutare. Signum autem radendi alter alteri non faciat, nisi post tabulam pulsatam.

## CAPUT LXXXVII.

*De processione episcoporum.*

Ad suscipiendum *episcopum* convocentur fratres in chorum campana (106). Tunc sumat aliquis aquam benedictam nutu cantoris, quæ præcedente sequatur abbas, deinde conventus et novitii bini, et bini sacerdotibus præeuntibus eo ordine quo in choro stant. Cunctisque egressis et stantibus ordinatim ante fores monasterii, portarius vel alius quilibet ad hoc idoneus ab abbate jussus, interim obvium eis adducat episcopum, quo appropinquante flectant omnes genua ante eum: quibus erectis porrigat abbas episcopo sparsorium, osculans ei manum. Et incipiente cantore Responsorium *Audi Israel* si unus, vel *Sint tumbi* si plures fuerint episcopi Introeant primum novitii, deinde cæteri, laicis monachis præeuntibus, ita ut abbas eat posterior, manu tenens episcopum. Cum autem venerint in chorum episcopo incumbente orationi, abbas veniat in locum suum, cæteris post eum sicut ad missam ordinatis. Percantato vero Responsorio, abbas erigens episcopum ducat in capitulum, ubi cunctis ordinatim residentibus, accepta benedictione ab episcopo, legat lectionem (107) cui cantor innuerit: qua finita dicto *Benedicite*, osculetur abbas episcopum et comites ejus, nisi prius episcopus voluerit aliquid dicere pro ædificatione. Deinde surgentes omnes et inclinantes ad benedictionem episcopi, quam abbas debet requirere, nisi antea in oratorio dederit: responso *Amen*, egrediantur, et deducatur episcopus ad hospitium. Sciendum autem quod ad nullum recipiendum vadit conventus, nisi ad proprium episcopum et archiepiscopum, et sedis apostolicæ legatos, et regem, et dominum papam, et proprium abbatem. Nulli horum omnium, nisi domino papæ, plusquam semel hæc fiet processio.

## CAPUT LXXXVIII.

*De hospitibus suscipiendis.*

Hospites abbati præsentis loci, sive priori, si abbas defuerit, nuntiandi sunt. Quod si dum sedent ad collationem nuntiandus hospes fuerit, quicumque tenuerit collationem illi nuntietur, et ad ejus nutum portarius uni de fratribus ad hoc opus ab abbate monasterii sibi designatis signum faciat. Abbas

nysii, in Vigilia omnium sanctorum, et prima Dominica Adventus. Rasura conversorum in suo antiquo statu permanente. Ex cap. Gen. an. 1257.

(106) Nota ex sancto Petro Mauricio abbate Cluniacensi in hoc positum fuisse discrimen decimum nostrorum a Cluniacensibus: quod nostri, non illi proprium episcopum agnoscerent (ep. 17, lib. v).

(107) *Legat lectionem*, scilicet sacræ Scripturæ juxta cap. 53 Reg. S. Bened., præcipientis ut *coram respicite legatur lex divina ut ædificetur*.

namque quilibet in suo monasterio portario suo aliquos quos ad hoc idoneos perspexerit, designare debet. Si hospes supervenerit dum Completorium cantatur, portarius sumpto libro et lumine in absconsa: si opus fuerit circa finem Completorii præsens sit ad stallum abbatis, et ei hospitem nuntiet, ad cuius nutum signum alicui de sibi designatis faciat: qui, Portario secum accepto, hospitem recipiat. Aliis vero horis, cui signum factum fuerit hospitem recipere, sumens librum ducat secum alium fratrem. Occurrentes vero hospitibus deponant caputia de capitibus, si tunc superposita fuerint, et sic prostrati super genua (108) ducant ad orationem. Ingressi vero ecclesias aspergat illos aqua benedicta ille cui officium illud inunctum est: postea faciant orationem incurvi vel prostrati, sicut tempus exigit. Sed si episcopus vel abbas fuerit qui eum suscipit, offerat ei sparsorium osculando manum, et ducto eo ad locum ubi orare debet, subtrahat se paululum cum socio post ipsum orantem, faciens orationem sicut supra dictum est, qua completa signent se et exeant. Dicat *Benedicite* qui sententiam debet legere: deinde flectant semel coram omnibus genua, et erecti osculentur eos, et postmodum resideant. Et lecta sententia si expositione indiget hospes, exponatur ei: deinde ducatur ad hospitium, vel præsenteretur hospitali: Fratres autem redeant in claustrum. Et sciendum quod missi ad hospites suscipiendos, si tempestive redire non potuerint, nec versum amittant, nec collationem. Ii etiam non amittent, qui infirmos communicant vel inungunt, sive confessionem eorum audiunt cum in extremis agunt.

## CAPUT LXXXIX.

*De dirigendis in via.*

Nullus in via dirigatur nisi pro utilitate monasterii. Dirigendus vero ad Laudes, nisi quando statim subsequitur Prima, et ad cæteras horas præter Completorium privatis etiam diebus ad Nocturnos potest accipere benedictionem, quam accepturus surgat pergens ad gradum, et circumvolvens se secundum tempus, vel se inclinet vel prosternatur. Reversus vero non circumvolvat se, sed omni tempore prosternatur. Si cum abbate fuerit exiens sive revertens, ad benedictionem seu ad orationem post Completorium, sive ad satisfactionem post *Gloria* psalmi primi, post abbatem semper se collocet. Qui si majorem missam expectare nequiverit, ad matutinalem communicare poterit. Quem si intra monasterii portam primum horæ canonicæ signum, vel capituli sive collationis præoccupaverit, revertatur (109). Egre diens de monasterio non comedat ante portam monasterii, nec alicubi infra dimidiam leu-

(108) *Prostrati super genua.* In hoc fuit nonum discrimen nostrorum a Cluniacensibus quod nostri non illi in salutatione hospitem prosternerentur juxta cap. 64 Reg. S. Bened.

(109) *Revertitur*, ut nimirum nihil operi Dei præponeretur secundum cap. 43 Regul.

(110) *Genua flectat.* Hoc etiam fuit nostrorum a

cam a monasterio: transeunti autem, et eadem die non regressuro liceat. Egre diens vero sive etiam regrediens intra monasterium nemini sine licentia loquatur.

Dicturus horas per diem si dies prosternendi fuerit, in terram orationi incumbat dicens *Gloria Patri*, rursus genua flectat (110), silentium tenens quousque locatus ceptam prosequatur horam. Tam die quam nocte dum non æquitaverit, stans horas si non multum gravatur, dicat. Qui vero ad grangias vel ad cellaria, sive ad aliquam habitationem domus illius de qua exit, vadit, nisi se extra pernoctaturum crediderit, benedictionem non accipiat. Similiter et qui inde redit, nisi extra pernoctatus fuerit sive in villa comederit. Benedictiones autem dandæ super egredientes in via et revertentes, dicantur eadem voce, qua collecta horæ canonicæ dicta fuerit præter ad Laudes et ad Vesperas. Et sciendum quod solis hospitibus accepta benedictione egrediendi licet missam cantare ante Evangelium missæ conventus. Abbati quoque egressuro in viam ante Tertiam in æstate, aut revertenti post Tertiam usque ad Nonam in hieme, licet missam cantare vel audire in diebus jejuniorum et festis duodecim Lectionum, et in septimana Paschæ et Pentecostes, et Nativitate Domini, et præcipuis defunctorum officiis.

Jejunia consuetudinaria tam æstate quam hieme juxta consuetudinem teneant, nisi forte abbas quispiam eum secum prandere fecerit, et hoc in suis tantummodo monasteriis, aut quilibet episcopus vel archiepiscopus: seu etiam sedis apostolicæ legatus. At jejunia præcipua quibus videlicet in ordine nostro cibis tantum quadragesimalibus vesci mos est, juxta morem custodiat: ad mensam non loquatur: sagmine non vescatur: in plumis non jaceat, nisi forte stramen vel aliud tale quid super quod jaceat sine magno labore aut sumptu habere non possit. Et sciendum quod tam abbates quam monachi sagum, quod vulgo dicitur stratum, secum possunt deferre (111) et cervical. Qui autem prostrato sagum portare voluerit, liceat ei: tantum observet ne sint pretiosa vel curiosa. Porro rediens domum, nisi eadem qua exiit die redierit, mox ad orationem eat. Ingressurus oratorium aqua se benedicta aspergat: orationem in choro (si conventum non invenerit) pronus vel prostratus secundum tempus faciat; quod si invenerit, non tamen canonicam horam dicentem, oret extra chorum: nam ad horam regularem mox ut venerit intrare debet, vel sociandas psallentibus, si ante *Gloria* venerit: vel si post, ad gradum satisfactorius, nisi jam *Kyrie eleison* dici invenerit. Si ostium oratorii obseratum invenerit, ibidem oret. Si intra curiam monasterii fuerit dum

Cluniacensibus discrimen undecimum, quod nostri non illi, ipso etiam Petro Cluniacens. teste, ad horas canonicas genua flecterent in via constituti juxta cap. Reg. S. Bened. 50.

(111) *Possunt deferre.* Hoc eis concessum ut secundum Reg. etiam in via constituti super matrem et sagum dormirent. Vide c. ejusdem Reg. 55.

signum pulsatur in ecclesia ad refectionem, versum A perdet si non occurrerit. Si mensæ campanam pulsari invenerit, divertat in refectarium, ut cum aliis versum incipiat: quem si jam inceptum invenerit, oratum vadat. Post orationem facto signo coco vel cellerario an intrare debeat, si annuerit, intret et versum dicat sub silentio, stans et inclinas sicut in conventu fieri solet, benedictionem dicat, nec tamen signum crucis faciat. Hoc autem ad utrumque prandium et ad utramque cœnam æque semper custodiat, exceptio quod ad servitorum refectionem intrandi signum non faciat. Quod si ad refectionem ipsorum servitorum tardius venerit, non eum expectent, nec eis discedentibus ipse se moveat. Similiter propter conventum si ad *biberes* venerit, vel propter signum collationis, non se moveat: sic tamen ut ad collationem ante finem veniat. Quod si ad signum collationis vel ad ipsam collationem venerit, statim conventui se jungat, cum eis compleat,

et post Completorium comedat. Si ad Completorium venerit, similiter faciat: si post completorium, similiter comedat, et sic ibi in capitulo compleat. Quod vero de refectione diximus, etiam ipsi teneant qui ea die redeunt quæ egressi sunt: qui tamen solliciti provideant ut ad primam æsemper refectionem veniant.

Et sciendum quod in quacunque abbatiarum nostri ordinis monachus vel conversus nostri ordinis venerit, per omnia sicut in monasterio suo ordinem tenebit. In ecclesia tamen psalmum aut Antiphonam non imponat, lectionem vel responsorium non dicat, nec quidquam de officio sacerdotis hebdomadarii, invitatorii, seu hebdomadarii, quousque abbas jubeat. Quod si prioratum vel aliam obedientiam habuerit, pro obedientia sua nihil faciat. Prior tamen post priorem illius loci primum locum tenebit.

## PARS QUARTA.

De cura infirmorum et suffragiis mortuorum.

### CAPUT XC.

*De vomitibus et sanguinem fluentibus, et servitoribus eorum.*

Si sacerdoti ad missam sanguis de naribus fluxerit, afferatur ei aqua in presbyterium a servitoribus ad sanguinem recipiendum et ad selavandum: quod si ministris contigerit, extra chorum eis similiter serviat. Alias autem quoties alicui hoc vel etiam vomitus contigerit, frater, cui hoc opus injunctum est, sequatur eum euntem in Clastrum: et si nox fuerit, cum lumine assistat ei et serviat: donec ablutus in chorum revertatur. Quod si *Venite, exsultemus* vel primus psalmus alterius horæ tunc in ecclesia canitur, ad *Gloria* revertatur in chorum. Qua dicta citius ad eum redeat. Ille vero si ad *Gloria* non fuerit, et in conventu hoc ei contigerit, non satisfaciens eat in stallum suum. Quod si extra conventum ei contigerit, non quidem ad gradum satisfaciat: sed veniens per medium chorum ante abbatem facto signo necessitatis suæ, in stallum suum redeat. Quod si in refectorio contigerit, servitor ejus non inde redeat: sed coco vel cellerario ut eum adjuvent significet. Ille vero si antequam conventus exeat, ad mensam redierit: quod comesturus erat comedat; quem nec conventus expectet, nec ipse si surrexerit propter hoc comedere desinat. Quod si postquam conventus exierit, revertitur non servitores expectet, sed statim comedat et dicto versu sub silentio, discedat. Si contigerit ut aliquem vomentem, aut sanguinem fluentem servitor eorum non viderit: significet ei quicumque viderit.

(112) *Minutio*, vel a sanguine minuendo vel a minuendis viribus dicitur.

### CAPUT XCI.

*De minutione (112).*

Fratres tempore messonis et in Adventu et in Quadragesima et per tres primos dies Nativitatis Domini, Paschæ et Pentecostes, et quando secunda vel tertia die præcipuum jejunium evenerit, minui non debent: similiter qui extra chorum pro infirmitate est, donec chorum intraverit. Hebdomadarii quoque missæ autoquinæ vel lectionis mensæ non se minuunt, nisi pro gravi necessitate misericordiam in capitulo petentibus concessum fuerit. Reversus vero de via eadem die non se minuat, nisi de concilio abbatis. Et notandum quia quater in anno minui possunt, et si fieri convenienter potest, his minuuntur mensibus: Februario, Aprili, Septembri. Quarta vero minutio circa festivitatem sancti *Joannis Baptistæ* fiat. Cum autem pars conventus minui debuerit, dicat prior in capitulo: Illi qui sedent ad illam vel ad illam tabulam. minuantur: caveatur ne secunda vel tertia, seu etiam quarta die duodecim Lectionum veniat dies. Erit tamen in abbatis arbitrio propter hoc non dimittere quin illi de quibus judicaverit, minuantur. Observet tamen ut in minuantur, sine quibus possunt vigiliæ competenter celebrari.

Si tempus prandii fuerit inter Tertiam et Sextam, scilicet post Evangelium vel ante si necesse fuerit: Si dies jejunii, inter Sextam et Nonam, utroque etiam tempore post Nonam, si necessitas exegerit: accenso igne in calefactorio ab eo cui prior jusserit præparent se ad minuendum: interim veniat minuter jussu prioris. Qui minuti fuerint pergant præ-

gestare in refectorium, si voluerint et spatium habuerint. Ex hinc omni tempore lectionis vel laboris potest minutus aut jacere in lecto suo, aut sedere in capitulo et in claustro donec ingrediatur chorum: similiter dum extra chorum fuerit non legat nec cantet. Et notandum quod minuti et infirmi qui extra chorum sunt, privatas venias non petunt in Ecclesia donec chorum intraverint: excepta oratione Quadragesimæ. Minuti in æstate, quando conventus jejunit post Evangelium comedant. Similiter in hieme festis conventus vacat lectione, claustrum non egrediatur, nec aliud quid faciat aliquis de obedientia sua: prior, aut sacrista, aut cellerarius, vel magister novitiorum: sed, si cocus fuerit, priori de coquina suggerat: si obedientiam habuerit, solatium ejus vicem ejus suppleat. Quod si cantare aut in ecclesia aut extra ecclesiam legere, vel mandatum pauperum, vel aliud quid facere, debet significet de eo alicui, et ille faciat quandiu extra chorum fuerit. Hebdomadarium tamen invitatorii de officio suo nullum signum facere oportebit, nec hebdomadarium missæ de suo, nisi de missa tantum. De cætero minutus quandiu extra chorum fuerit: et quando lectioni vacat die tertia tempore laboris non significet: nisi de confessione: de missa auscultanda, vel etiam de bibere. Ad horas ingrediatur ecclesiam assidens statim ut venerit in primo ingressu, et post orationem signet se sedens. Deinde non prosternat se nec inclinet ad *Gloria*, nec stet nisi ad *Magnificat*, et ad *Te Deum laudamus*, ad *Evangelium*, ad *Benedictus*. Ad privatas tamen missas si necesse fuerit potest rogatus adjuvare, et ad hoc in aliam partem per ante chorum transire. Ad missas etiam communes, quando conventus deerit, potest adjuvare. Post horam vero ante alios egrediatur. Prima et secunda die absente conventu, si necesse fuerit, chorum ingrediatur: et sedeat ad Psalmos tantum. De cætero sicut sanus ibidem se habeat. Hoc etiam infirmus de infirmitorio: et qui extra chorum est tempore seactionis et messonis faciat, excepto quod nec Antiphonam incipiat, nec psalmum imponat nec officium hebdomadarii missæ vel invitatorii agat: si adsit alius qui hoc facere possit et debeat. In refectorio vero sicut cæteri se agat minutus: de cibo suo (113) nihil distribuatur. Nam in hieme prima die dabitur ei dimidia libra panis albi præter communem panem cum una pitantia. Si autem Dominica fuerit detur ei sicut in æstate. In secunda et tertia die ad mistum post Tertiam dabitur ei una pitantia (114) cum integra libra panis albi et pane communi. In quarta autem die tam hieme quam æstate una cum pulmentis detur ei pitantia. In æstate vero per tres dies dabuntur ei ad prandium pulmenta communia et libra panis albi, præter communem panem cum una pitantia.

(113) *De cibo suo*, id est de pitantia sua quæ illi ultra pulmenta regularia concedebatur.

(114) *Pitantia*, a pietate dicitur, est autem ferculum melius quam pulmentum regulare.

A Ad cœnam vero per tres dies qualiscunque dabitur ei pitantia. Cui panem incidere (105) et alia ministrare servitor vel qui juxta eum sedet potest si necesse fuerit, et hoc tantum prima die. Post refectionem vero cum cæteris pergat ad ecclesiam: et divertens (sicut diximus) in primo membro stet, donec conventus ingrediatur chorum, et tunc residens persolvat quod restat de gratiarum actione: quod si ecclesia unius altaris tantum fuerit, et tunc et ad horas diei divertat in capitulum. Si æstas fuerit, post Nonam præcedat fratres euntes in refectorium ad biberes, et intrante priore stet, donec ille resideat.

Post collationem vero intrantibus fratribus in chorum in loco solito, divertens statim sedeat, et signans se post orationem egrediatur si voluerit in capitulum cantare Completorium: quo cantato et oratione finita, signans se et aspergens aqua benedicta, revertatur ad lectum vel ad oratorium si voluerit: ante eos tamen ingrediatur dormitorium. Pulsato vero signo ad vigiliam ingrediens ecclesiam resideat, et facta oratione signans se eat in infirmitorium sive in capitulum cantare vigiliam. In his vigiliis possunt breviores quam in conventu lectiones fieri, et sub una benedictione tres, si tres tantum dicendæ sunt, vel quatuor in duodecim Lectionum legi. Qui prior sacerdotum ordine conversionis ibi fuerit, totum officium, si complere potest, compleat, excepto quod ministerium abbatis vel prioris attingit, si quis horum adfuerit: lectiones tamen alii, si fuerit qui legere possit, injungat. Totum etiam officium si complere non potuerit, compleat cui ipse innumerit. Absentibus sacerdotibus, aliorum graduum clerici idem inter se observent.

Et sciendum quod officium defunctorum, vel aliud quid cantari hic non permittitur, nisi sint præcipua officia defunctorum, et pro præsentibus defuncto diebus quibus conventus celebrat. Si vero solus sive in capitulo sive in infirmitorio fuerit, si fieri potest, solatium quod eum adjuvare ad officium compleandum possit, provideatur: quo completo eat dormitum. Nam cæteras horas diei non extra cantare, sed intus ex integro auscultare debet. Ad primam minuti revertantur in ecclesiam. Diebus vero festis dum signum capituli pulsatur, ingrediantur capitulum sicut cæteri: aliis vero diebus intrent per retro chorum inter sedem abbatis et prioris ordinantes se ordine suo non ubi petant veniam nisi quis fuerit clamatus. Si dies jejunii fuerit, secundo et tertio die accipiant post Tertiam mistum in refectorio.

Tertia die ingrediuntur in chorum omnibus diebus ad Primam tam in æstate quam in hieme. Ipso die possunt sedere in choro duos psalmos, primum scilicet et secundum ad omnes horas diei: ad Vesperas tamen et ad Primam non sedeant, nisi quomodo conventus. Tempore etiam laboris in claustro

(105) *Panem incidere*, etc., quia nempe tunc temporis usque ad deliquium fere minuebantur. Hinc tot illis indulgentiæ quæ hoc capite leguntur.

cantare aut legere, nec tamen in oratorio ire ad orationem. Tempore etiam laboris et lectionis calciati, et super cotos in lecto quiescere : quod semper facere possunt, nisi quando conventus in dormitorio dormierit. Tertia nocte remanebunt a vigiliis, nisi præcipuum festum scilicet cum sit sermo in capitulo. Quarto die sicut cæteri ad laborem se præparent ; quibus tamen prior pro minutione sua, aliquem minorem laborem detet injungere, vel laborem omnino remittere.

## CAPUT XCII.

*De infirmis extra chorum.*

Quoties aliquis exierit de choro pro infirmitate, in subsequenti capitulo petat inde veniam, etiam si juseus fuerit remanere, et dicat causam exitus sui. Quod si septimanarius coquinæ fuerit, Dominica die benedictionem egressionis cum socio suo recipiat : ad horas diei privatis diebus sicut cæteri prosternatur. In chorum redeat ad quamlibet horam noctis vel diei si voluerit, sive etiam ad missam. Cætera vero per omnia sicut minutus dum extra chorum est agat, excepto quod mistum non sumat et in capitulo sponte veniam petat : quod si aliquis talem et tam apertam infirmitatem habuerit, ut videri vel intelligi evidenter possit, quod nec conventum tenere, nec in infirmitario valeat proficere, ejus infirmitas in capitulo manifestetur, et ex tunc in ecclesia ubi et quomodo abbas providerit, cantet legat et operetur, prout infirmitas ejus permiserit, et abbas constituerit. Cæterum qui certam non habet infirmitatem, si post unum aut duos dies non convaluerit, ad arbitrium abbatis ingrediatur infirmitarium. Et sciendum quod qui de via redierit, si coram omnibus ejiciatur : in capitulo inde veniam petere non debet. Qui autem de via veniunt, inde benedictionem accipere non tenentur, veniam tamen petant.

## CAPUT XCIII.

*De infirmis qui sunt in infirmitario.*

Infirmi de infirmitario possunt loqui cum infirmario : sed non nisi in certo loco ad hoc determinato : et hoc silenter et tantum de necessariis. In quem qui ingredi voluerit, signo ab infirmario licentia postulata et accepta ingrediatur. Ubi quando unus aliquis cum infirmario fuerit, alius ingrediendi non habeat licentiam. Qui autem ita infirmus fuerit ut continue jaceat, aut subita infirmitate gravatus, utpote febrium aut aliqua alia gravi lecto jacere compellitur : interim ibi cum infirmario et infirmarius cum eo, si opus fuerit, loqui poterunt : et hoc ipsum silenter. At ubi melioratus huc et illuc deambulare poterit : silentium more solito teneat, nisi forte alicui magna adhuc infirmitate detento abbas loqui ad lectum amplius judicaverit expedire.

Ad mensam non loquantur, neque ex quo signum

A canonicæ horæ dimissum fuerit donec ipsum opus perficiatur, præter eos qui per se nequeunt de lecto surgere. Vigiliis, sicut supra diximus, cum in ecclesia incipiuntur, in infirmitario cantent : et præcipua defunctorum officia tantum ibi dicantur. Horas diei simul congregati cantent. Dehinc qui voluerit eat in ecclesiam ad horas : ad missam vero quotidie, nisi multum graventur. Notandum tamen quod illi quos gravat infirmitas, neque in Ecclesia, neque in infirmitario, neque ad horas, sive ad missam, nisi ad *Agnus Dei* genua flectant : ad benedictionem vero novitii in ordine suo in choro sint et sedeant qui voluerint. Qui communicare voluerit extra chorum, pacem accipiat ab aliquo de conventu communicaturo. Quod si forte defuerit ille qui hospitibus pacem dare debet, infirmis primum deferat, et sic ad communionem ordine suo accedant, et hoc tantum ad missam matutinalem. Ad missas non auxilientur nec serviant, nisi tempore messionis. Non licet ingredi ecclesiam, nisi quando in ea opus Dei celebratur, nec in claustro demorari ; nec cum monachis qui conventum tenent significare, sed quantum possunt, ne ab ipsis vel ab aliis hominibus videantur, observent. Si quis tamen habet infirmitatem, quæ nec multum eum debilitet, nec comedendi turbet appetitum, ut puta inflatura vel incisio membrorum, aut aliquid hujusmodi, hic talis nec super culcitram jaceat nec jejunia consueta solvat, nec cibos refectorii mutet. Non apparentem quis habens infirmitatem, nec legat (116) nec operetur. Nam cujus infirmitas evidens fuerit, legat et operetur, non ad suum tamen arbitrium, sed horis quibus ei constituetur.

Quod si quis talis fuerit, qui cæteros inquietare, aut de ista infirmorum institutione murmurare, aut in aliquo transgredi præsumat, corripiatur : quod si sæpe correptus non emendaverit, si ita videtur abbati, indicetur ejus perversitas in capitulo, ubi vocatus coram omnibus arguatur : quod si nec sic se correxerit, si ejus permittit infirmitas, regulari etiam disciplinæ subjaceat. Non redeant in conventum, nisi prius indicaverint abbati, cujus accepta licentia, qua voluerint hora chorum ingrediatur, jejuni tamen, nisi in via dirigendi sint. Quod si abbas hospes nostri ordinis in infirmitario fuerit, vel cum duobus tantum, vel cum singulis loqui poterit, exceptis servitoribus qui ei deputantur. Abbas vero quicumque in infirmitario fuerit, postquam tantum convaluerit ut jam non decumbat lectulo sed egrediatur et ingrediatur, a *Gloria* primi psalmi regularis Completorii, monachorum regulam debet observare silentii. Si autem gravi infirmitate tenetur, liceat ei secundum necessitatem suam agere, servata tamen in omnibus honestate et gravitate : quod si episcopus nostri ordinis in infirmitario fuerit, cum eo post Completorium loqui poterit.

(116) *Nec legat*, scilicet in refectorio vel in ecclesia, nam privatim legere poterat.



## CAPUT XCIV.

## Quo ordine inungantur infirmi.

Ad inungendum infirmum pulsetur signum tandiu donec unum *Pater noster* dici possit. Et facto parvo intervallo iterum pulsetur signum eadem mora: et tunc induatur abbas alba, stola et manipulo, Virgam sumens pastorem. Qui si defuerit, aut cantor faciat, aut cui innuerit. Quo induto et signo semel pulsato, veniat conventus in chorum: et sic incipientes psalmum *Beatus qui intelligit*, deinde *Judica me, Deus*, et post *Voce mea* 2. unicuique psalmo adjungentes *Gloria Patri*, procedant eo ordine quo stant in choro, sacerdotibus sequentibus abbatem post crucem, et lumen in absconsa et aquam benedictam. Si autem necesse fuerit, psalmus ultimus repetatur. Sacrista vero pergens in ordine suo, ferat oleum et stupas vel pannum ad detergendum uncturam. Quoties dicitur *Per istam sanctam unctionem*, stupæ mittentur vel pannus, quas postea in piscinam ad hoc deputatam comburat. Et cum pervenerint ad infirmum finitis psalmis, qui unctionis agit officium dicat *Pax huic domui*: et conventus respondeat, *Amen*. Et statim sacerdos subsequatur *Dominus vobiscum*, et dicat hanc orationem, *Omnipotens sempiternus Deus, qui per beatum Jacobum*. Qua finita et responso *Amen*, dicat infirmus suum *Confiteor*: et si illud dicere nescierit vel non quiverit, tundens pectus dicat *Mea culpa, de omnibus peccatis meis, precor vos, orate pro me*: tunc dicatur ei ab omni conventu, *Misereatur tui*, etc. Et post abbas si adfuerit dicat hanc absolutionem, *Dominus Jesus Christus*, etc. Si vero abbas defuerit, dicat ipse qui inungit *Indulgentiam et remissionem*: quo dicto qui inunxerit offerat ei crucem ad osculandum. Quo facto et cruce reddita, dicat *Per istam sanctam unctionem*, etc. Et sic inunctionis impleat officium: et inuncto infirmo, dicat conventus psalmum *Benedic* primum: deinde dicantur *Pater noster* et preces, ut in *Collectaneo* scriptæ sunt et postea orationes; prima quidem *Oremus Dominum nostrum Jesum Christum, fratres*: secunda, *Propitius Dominus*: tertia, *Da veniam, Domine, famulo tuo*: quarta: *Benedicat te Deus Pater sanctus*: quinta, *Benedicat te Deus cæli*: sexta, *Benedicat te Deus Pater, qui in principio*, etc.

Quibus expletis, omnes exeant: quod si statim communicari debuerit, eat cum ministris ad ecclesiam qui eum perunxit, aut alius pro eo, si necesse fuerit. Et ablutis manibus in piscina, deferat sanctam communionem cum calice offertorio cooperto, præeunte cruce, lumine, aqua benedicta. Alius etiam inter lumen et aquam deferat ampullam vinariam ad conspergendum digitos in calice. Cum ad infirmum veniunt, qui fert aquam aspergat eum. Sacerdos vero dicat ei. *Ecce, frater, corpus Domini nostri Jesu Christi quod tibi deferimus; credis hoc illud esse, in quo est salus, vita et resurrectio nostra?* quo respondente, *Credo*, moneat dicere *Confiteor*, si monachus est. Quo dicto sacerdos cum his qui

A aderunt, dicat: *Misereatur tui*, et postea solus subjungat *Indulgentiam*: deinde communicet eum dicens, *Corpus Domini nostri Jesu Christi custodiat te in vitam æternam*. Si conversus est vel monachus qui non intelligit litteras idem illi Romanæ exponat sacerdos: et conversus romane confiteatur se peccasse cogitatione, locutione et opere. Similiter monachus romane confiteatur, si suum nescierit *Confiteor*. Idem quoque fiat, quoties gravi necessitate quis tenetur. Quod enim de fide sua infirmus interrogari præcipitur, non de omnibus infirmis: sed tantum de inunctis et de his qui in extremis videntur agere, intelligimus. Similiter etiam aliis vicibus quando communicant infirmi monachi vel conversi, non permittat sacerdos aliquam evenire negligentiam, sed de his quæ ad hoc necessaria sunt loquatur: quo communicato, discedant.

## CAPUT XCV.

## Quomodo agatur circa defunctum.

Cum aliquis morti penitus appropinquaverit, ponatur ad terram supersagum, supposito prius cinere in modum crucis, et aliqua matta, vel straminis aliquanto. Dehinc percussa crebris ictibus tabula in claustro, et pulsato signo in ecclesia ubicunque conventus fuerit quater, quomodo bis fieri ad inungendum infirmum determinatum est: si conventus intra claustrum fuerit, occurrant omnes velociter ad morientem, *Credo in Deum* dicentes bis vel ter, tam alte ut possint audiri. Si vero extra, quam citius poterit, cum gravitate tamen occurrat: nisi forte tempore secationis vel messionis tantum, pro aliqua gravi necessitate abbati deferat *Collectaneum*: et sacrista stolam et baculum duceus secum qui deferat crucem, lumen, thuribulum et aquam benedictam.

Si ad collationem sederint, audita tabula dicat lector, *Tu autem, Domine*, et abbas, *Adfuturum nostrum*. Qui tunc forte præsens non fuerit, non satisfaciat ad gradum, sed in crastino veniam petat in capitulo: si in oratorio ad missas vel ad canonicas horas vel Sabbato ad *Mandatum* fuerint, abbas aut prior et quos abbas jusserit, eant. Si autem viderit cantor quod pro festinatione possint cæteri ad defunctum convenienter occurrere, solito citius impleant opus inceptum et alios subsequantur. Quod si præcipua fuerit solemnitas, propter hoc *Vesperæ* vel *Nocturni* celerius non dicantur. Quod maxime in præcipuis solemnitatibus observetur. Et sciendum quia Dominicis et festis diebus *Laudes* sive *Matutini*, qui secundum *Regulam* post *Nocturnos* statim debent subsequi, licet ea hora tabula pulsaverit, non intermittentur; similiter nec *Prima* privatis diebus post *Laudes* in hieme. Officium quoque defunctorum ubicunque sequi debuerit, quamvis pulsset tabula, non intermittetur. Dicta itaque *Litania* si adhuc vixerit, dicantur *septem Psalmi penitentiales*: quod si nondum obierit, discedant, relinquentes ibi crucem et aquam benedictam.

Egressa anima incipiat cantor, *Subvenite*, cæteris

eumdem cantum subsequentibus et deinde *Kyrie eleison, Christe eleison, Kyrie eleison*. Dehinc *Oremus, Tibi, Domine, commendamus*. Post illam Collectam deferatur mortuus ad lavandum: provideat autem prior a quibus et quomodo abluatur et involvatur. Interim fratribus seorsum a defuncto ordinatis circa abbatem sicut in choro prout locus permiserit et quisque abbas in suo dictaverit monasterio, conversis laicis seorsum existentibus, abbas cæteras quæ sequuntur subsequatur Collectas: scilicet, *Deus pietatis, et diri vulneris, viam tuam, Omnipotens sempiternæ Deus, qui humanæ: Suscipe, Domine, animam servi tui*, adjuncta ei illa, *Partem beatæ resurrectionis*, et post hanc responso a conventu *Amen*, incipiatur mox Psalterium *Beatus vir*.

Post lavationem corporis allato corpore abbas aspergens illud aqua benedicta et thurificans, dicat omnibus audientibus *Pater noster*. Dicto igitur ab abbate. *Et ne nos inducas*, et responso a cæteris, *Sed libera nos a malo*, dicat abbas, *A porta inferi*: deinde, *Nihil proficiat inimicus in eo*: et post *Dominus vobiscum. Oremus, Deus cui soli competit*: quam cum inceperit, procedant ad caput processionis ministri cum cruce, absconsa, thuribulo et aqua benedicta. Dicta itaque Collecta, et responso a conventu *Amen*, imponat cantor Responsorium *Libera me, Domine, de morte*: et sic efferant corpus in ecclesiam sequentes crucem eo ordine quo stant in choro, ita ut laici monachi præcedant clericos, post quos incedat abbas cum stola et baculo, vel quicumque officium fecerit: postea Novitii, deinde defunctus a quatuor vel pluribus quibus prior jusserit, sublatus, quos et conversi subsequantur. Dum vero defunctus effertur ad ecclesiam, si cantatur hora canonica, videat cantor quid canitur. Si dicitur *Evangelium*, vel *Te Deum laudamus*, vel aliquod Responsorium, subsistant parumper in claustrum donec finitum sit, et tunc intrent cantantes. Si vero aliud chorus cantaverit, non differant intrare: et chorus intermisso quod cantabat, cantet cum eis donec post Collectam resumant quod fuerat intermissum. Qui venientes ad ecclesiam deponant corpus in choro, nisi ita sit fetidum, ut in ecclesia poni non possit. Abbas autem provideat ubi corpus ponatur. Finito cantu et fratribus ordinatis ad caput defuncti cum cruce, et thuribulo, et aqua benedicta eo ordine quo in ecclesia venerunt, et lumine supercandelabrum posito ad caput defuncti, abbas stans post eos faciat commendationem. Interim fratres habeant vultus ad alterutrum, facta commendatione, deponant ibi aquam benedictam et crucem. Quo facto qui ab hora exierant eant in capitulum, et reincipiant horam et compleant. Vigilias, Laudes et Vesperas non incipiant a capite, sed ubi dimiserunt. Et quod omissum erat implentes usque ad id quod cantatur in Choro, redeant in conventum, sine satisfactione tamen, quandoque exierint.

Porro, si tabula pulsatur quando dicitur officium

pro defunctis, relictis paucis in choro quibus cantor innuerit, conventus exiet ad defunctum, nisi forte officium præcipuum fuerit, quod intermiti non licet: de quo faciendum est sicut diximus de horis canonicis. Si capitulum intermiserant, revertentur illuc complentes quod remanserat, et ibi præsens defunctus absolvatur: quod si abbas tunc defuerit in primo Capitulo cui adfuerit absolvat eum. Si refectorium intermiserant, revertantur ad refectionem, etiam in Quadragesima, ita ut nec signum in ecclesia campana in refectorio pulsetur, nec versus repetatur, nec Lector benedictionem petat, sed incipiat, ubi finierat: qui vero nondum inceperant comedere, manentes ad corpus, postea comedant. Porro omnino, dis abbas provideat, ut corpus nunquam solum remaneat. Statim autem finita commendatione residentes in choro eo ordine quo intraverunt, et quo ad omnia intervalla æqualiter se debent habere, ibi incipiant psalterium ubi in infirmitorio dimiserant, si tamen incæptum fuit: quod si incæptum non fuit, incipiant a capite semper dicentes: *Requiem æternam* totum versum, dum signum pulsatur ad horam. Quod si psalterium finierint antequam corpus sepelatur, dicant plenarium officium defunctorum ab hora prandii usque ad noctem, *Placebo et Verba*: post secundum psalterium: *Placebo et Dominus regit*: post tertium *Placebo et Expectans*. Ex quo nox fuerit usque post Sextam sequentis diei, *Verba mea*, et *Exsultabunt, Dominus regit me*, et *Exsultabunt, Expectans, et Exsultabunt*, hebdomadario lectiones legente (si dies fuerit) legat eas cui cantor injunxerit: quo percantato iterum incipiant psalterium: quod si et ipsum finierint, eodem modo secundum officium, id est *Dominus regit me*, persolvant: quod si adhuc defunctus supererit, iterum incipiant psalterium, quo finito eodem modo tertium officium compleant. Hæc autem officia omnia cantando dicantur voce mediocri, et Responsorium *Libera me, Domine*, non dicatur, nisi in tertio officio, et cum primo tantum Versa et una Collecta singulariter dicatur scilicet *Inclina, Domine*, et Psalteria cum *Requiem æternam* singulariter dicto terminentur. Et quidquid pro eo dicitur, quando insepultum fuerit, singulariter dicatur.

Cum præsens defunctus est in ecclesia, si conventus officium defunctorum post Laudes et Vesperas celebrat similiter celebrent qui sunt in infirmitorio: et qui in Capitulo vigilias dixerint, dicant officium defunctorum quale est dicendum in choro. Qui vigilant circa defunctum, nisi prius finito psalterio dixerint officium defunctorum post Vigilias et Laudes regulares, quas ibidem dixerint, idem officium non omittant. In consuetudinario vero officio quod agitur post Vesperas sive post Nocturnos, dicatur prima Collecta pro eo: deinde consuetæ, nisi fuerit solemne officium defunctorum, in quo solemniori officio post primam Collectam hæc tantum debet sequi tam ad Vesperas et ad Laudes, quam ad missam. Si vero

missa fuerit pro eo, in conventu dicatur ejus Collecta prima, id est *Inclina, et Omnipotens sempiterna Deus qui vivorum*, quod si fuerit solemne Tricearium, interponatur *Deus veniæ*.

## CAPUT XCVI.

*Item de defunctis postquam sunt in ecclesia.*

Omni die quo jejunamus tam æstate quam hieme si ab initio Nonæ usque ad principium Laudum obierit aliquis, dicta missa post Primam sepeliatur. Si ab initio Laudum usque ad finem Primæ transierit, post Tertiam tumuletur. Si inde usque ad Tertiam mortuus fuerit, post Sextam sepeliatur. Si ab initio Tertiam usque ad Sextam, ita ut ante Sextam missam habere possit, ante Nonam sepeliatur. Si ante Sextam missam habere non potest post Sextam eam habeat, et inter Nonam et Vesperas sepeliatur. Si inter Sextam et Nonam, dicatur missa ante Nonam, et Nona si necesse est, differatur, et post secundam refectionem sepeliatur. Tempore Quadragesimæ post Nonam poterit dici missa pro defuncto, et post primam refectionem sepeliatur. Tempore autem quo non jejunamus, si a prandio usque ad Laudes sequentis diei obierit, post Primam dicta missa sepulturæ mandetur. Si a Laudibus usque ad finem Primæ, dicta missa post Tertiam tumuletur. Si inde ad usque Tertiam, ante Sextam sepeliatur. Si a Tertia usque ad Sextam, dicta missa post Nonam sepeliatur. Si vero a signo Sextæ horæ usque ad refectionem, hora et missa celerius dicantur, et post missam reficiant fratres: post Nonam vero mortuus sepeliatur. Si duo mortui diversis horis sepeliendi supervenerint, et missam simul habere potuerint, hora qua secundus sepeliendus est, simul sepeliantur, si convenienter fieri potest.

## CAPUT XCVII.

*De vigiliis circa defunctum.*

Cum agendæ sunt vigilie circa defunctum, si spatium suppetit, cantor designet in tabula qui vigilaturi sunt. Quibus in duas partes divisus pars prima vigilet dimidium spatium quod est a Completorio usque ad Nocturnos, aliis interim dormientibus: et secundum quod opportunum viderit agat sibi matutinas. Circa primi spatii finem eat cui a priore injunctum est: et inspecta hora in horologio secundum quod sacrista indicaverit, si tempus est, eat ad lecta singulorum qui vigilare debent et excitet eos. Quibus chorum ingressis primi recedant: et ipsi matutinas agant sibi, et sic vigilant usque ad Nocturnos. Et veniente conventu, designato cantori psalmo ubi dimiserant, ad lecta redeant dormituri.

Si vero ad conscribendum vigilaturos cantori spatium defuerit: manu designet in choro qui primi vigilare debent: secundos conscribat, et conscriptos alicui de primis ostendat qui eos excitet: et ab utraque sic agatur ut dictum est. Si prope vigilias conventus ad defunctum surrexerit: vigilet usque ad vigilias. Hora vero prandii qui ad corpus

remanserant, conventu veniente ad gratias, denuntiant intrantibus psalmum ubi dimiserant, et exeuntes per retro chorum eant in refectorium cum servitoribus reficiendi. Si autem in æstate post prandium vigilandum est, qui ante Nonam vigilaverint post Nonam dormiant. Nullus dirigatur in via ex quo frater mortuus fuerit usque post reconditum corpus, nisi gravis necessitas urgeat, quod et ipsum sine abbatis licentia non fiat. Qui officii deputati sunt, assistant defuncto quantum ratio dictaverit. In conventu, si fieri potest, missa pro eo solemniter dicatur cum Responsorio *Si ambulem* et Tractu *Absolve, Domine*.

## CAPUT XCVIII.

*Quo ordine missæ vel Collectæ pro præsentis defuncto dicantur.*

Omnibus diebus quibus duæ missæ in conventu canuntur, si præsens defunctus fuerit, prima dicatur pro eo solemniter cum duabus Collectis, scilicet *Inclina, Domine, et Omnipotens sempiterna Deus qui vivorum*: secunda vero cum Collectis, quæ ad primam missam dici debuerunt. In Quadragesima tamen et jejuniis Quatuor Temporum: et Dominicis in quibus de aliqua vigilia mane dicenda est missa: et Dominicis diebus: et a Septuagesima usque ad Pascha, et in octavo die Paschæ: et in Adventu Domini cum solemnitas duodecim Lectionum, in qua laborare solemus, in Dominica evenerit: et cum vigilia Nativitatis Domini die Dominica fuerit: et Dominica quando dicitur *Dum melium silentium*: et tribus Dominicis diebus ante Quadragesimam: et Dominica ante Ascensionem cum solemnitas ferianda supervenerit: et Dominica quando aliqua historia incipitur: et sexta die a Nativitate Domini: et illis tribus diebus in quibus laboramus in hebdomada Paschæ et Pentecostes: et Dominicalibus officiis, quæ differri non possunt: in jejuniis etiam præcipuis, et præcipuis defunctorum officiis: et Octavis sanctorum, et proprietatibus eorum, qui in Graduali designatum habent officium, præter *Alexandri, Eventii et Theoduli*, cum in Dominica ante Ascensionem evenerint: et in octava sancti *Laurentii* cum in ea dies Dominica fuerit: In omnibus, inquam, his diebus missa de die et Collecta propria pro præsentis defuncto dicatur, et nihilominus pro præsentis defuncto in conventu dicatur. Tribus tamen diebus ante Pascha, nec privatim nec in conventu missa pro præsentis defuncto celebretur. In Cæna tamen Domini et Sabbato, si præsens defunctus fuerit, Collecta pro eo ad missam dicatur. In die vero Nativitatis Domini, Paschæ et Pentecostes omnes missæ in conventu de festo fiant, et Collecta dicatur pro præsentis defuncto: privatim autem qui ex devotione voluerit cantare, licebit pro eo. Qui de festo cantaverint, Collectam dicant pro defuncto, tam post sepulturam quam ante.

Quia vero cavendum est omnimode, ne sine propria missa quisquam fratrum sepulturæ mandetur, si convenienter fieri potest, præsens defunctus mis-

sam habeat in conventu, etiãmsi eadem die una vel duæ missæ cantatæ fuerint aut cantandæ. Quod si necessitas temporis aut solemnitatis præcipuæ non permiserit, saltem privata missa pro eo dicatur, si hora non impedierit, et secundum distinctiones horarum, quas diximus, sepeliatur. Sciendum autem quod pro hac necessitate omnibus diebus jejuniorum extra Quadragesimam usque ad Nonam, in Quadragesima usque ad Vesperas, tempore quo non jejunamus usque ad prandium poterit missa dici pro defuncto.

Si defuerit in conventu qui hanc more solito cantare valeat, frater de via veniens (si est) hoc adimpleat. Si ille defuerit, aliquis de infirmitorio. Si et iste non aderit, frater quamvis illusionem (117) passus hoc faciat. Si vero et iste defuerit, liceat abbati vel uni de fratribus sacerdotibus monasterii secundam missam cantare. Præsente nihilominus defuncto vel ante sepulturam vel post, eadem die, exceptis supradictis tribus, diebus nullus nisi pro eo missam cantare præsumat : nisi secundum dispositionem abbatis, quando fratres communicare debent aut officiales audire convenit missam in aliqua præcipua festivitate.

#### CAPUT XCIX.

##### *Quo ordine efferatur ad tumulum.*

Dum efferendus fuerit ad tumulum, induatur abbas alba, stola, manipulo cum baculo : et pulsato signo sicut ad missam, qui psalmos cantant, finito psalmo vertant se ad altare. Abbas vero et qui crucem, lumen, incensum, cum thuribulo et aquam benedictam ferunt : ordinentur ad caput defuncti hoc modo. Prius aqua, postea lumen : deinde crux, ultimus abbas. Thuriferarius vero juxta abbatem : ut quoties abbas corpus thurificaverit ad finem uniuscujusque Collectæ, paratum tribuat ei thuribulum, Cantor vero vel cui ipse injunxerit, teneat ei *Collectaneum*. Interim fratres vertant se ad alterutrum. Expleto itaque officio, eat thuriferarius in ordinem suum, scilicet inter lumen et aquam. Et tunc imposita Antiphona a cantore, exeant cantando Psalmos, scilicet *In exilu Israel ; Confitemini 4. Quemadmodum ; Memento, Domine, David ; Domine, probasti ; Domine, clamari ; Voce mea 2.* Et post Psalmos dicatur Versus *Requiem æternam*, et Antiphona *Chorus angelorum*, et statim *Clementissime Domine*, cantando, et dum dicitur, *Domine, miserere super peccatore*, omnes petant veniam. Incedant autem eo ordine quo stant in choro sacerdotibus præeuntibus : ita ut abbas eat primus scilicet post crucem, novitii vero post monachos. Sed et quatuor fratres vel plures a priore provisi, induti scapularia subtus cucullas sustollant corpus. Aliquis autem remaneat qui ei ecclesiam et claustrum custodiat. Dum ad tumulum pervenerint, abbas et ministri ordinentur ad caput fossæ. Qui vero corpus deferunt

(117) *Illusionem*, ergo excepta hujusmodi necessitate non solebant illusionem passi missam celebrare.

ponentes illud a parte meridiana, exuant cucullas et sint parati ad corpus sepeliendum. Quo tumulato reinduti cucullas, revertantur ad chorum in ordine suo. Fratres vero vertentes facies ad alterutrum seorsum ab abbate post eos cantantes ita ordinentur, ut priores sint a parte defuncti.

Interim abbas officium peragens, solis ministris sibi respondentibus, si tumulus nondum paratus est cum ad *Temeritatis quidem* venerit, dicat de sequentibus Collectis, hac reservata. Quo præparato antequam inchoet ipsam Collectam, aspergat corpus, postea fossam. Deinde thurificato corpore, tradat thuribulum illi qui est in fossa, ut eam thurificet. Moxque deponatur corpus, et iterum aspergatur ab abbate, et ab illo qui in fossa est thurificetur. Quo opero, abbas super eum terram semel projiciat. Quo facto, retrahat se contra sepulcrum, incipiens *Temeritatis quidem* ordinatis ante eum cruce, lumine, thuribulo, aqua benedicta, et sic consummet cætera quæ restant. Quibus consummatis, incipientes *septem Psalmos Pænitentiales*, revertantur ad ecclesiam verso ordine, scilicet laicis monachis præeuntibus, et si fuerint novitii, eant primi : et ingressi medium chorum, stent eo ordine quo venerunt, donec sacerdotes a superiori parte prosternantur. Interim abbas exutus veste sacerdotali prosternat se in presbyterio ante altare, et priores post eum. Quod si alius fecit obsequium, exutus veste sacerdotali prosternatur in primo ordine inter priores. Post psalmos dictos *Requiem æternam* et quod in *Collectaneo* habetur, discedant.

Fratres qui extra chorum sunt pro infirmitate, et minuti ad exitum morientis et ad sepulturam, et ad septem Psalmos post sepulturam si possint, ordine suo consistant. Sin autem, impossibilitatem suam abbati suggerant : ab his vero quæ in ecclesia pro eo aguntur, permittantur abesse. Qui in infirmitorio sunt, si potuerint, similiter ordine suo exeant ad tumulum. Reversi vero in ecclesiam extra chorum, se prosternant sicut et novitii. Conversi autem in suo choro vel in retrochoro. Dehinc fiant plura brevvia (118), quæ dentur portario distribuenda peregrinis. Quidquid vero pro eo sit antequam terræ tradatur, erit extra debitum quod ei debetur. Hoc est autem debitum, ut Collecta pro eo dicatur in conventu ad officium defunctorum, in Vesperis et Laudibus usque ad tricesimum diem : scilicet *Deus cui proprium est*, et hæc eadem in missa quotidiana diebus totidem repetatur. Quibus finitis, tricesima die commemorante cantore absolvatur in capitulo, et tunc jungatur in Collectam, scilicet *Omnipotens sempiterne Deus cui nunquam*. Et ab unoquoque sacerdote *tres Missæ* privatim, et ab unoquoque clerico *Psalterium*, et qui ipsum ignorant, centies quinquagies *Miserere moi, Deus*. Qui etiam ipsum ignorant, toties *Pater noster* dicant. Si qui nostri ordinis

(118) *Brevvia*, id est schedulæ, orationes et suffragia pro defuncto ab aliis monasteriis postulantes.

supervenerit et ibi obierit : tantum pro eo agatur, ac si illius domus professus fuisset, nihilominus tamen pro eo in proprio domo agatur.

Tempore Cisterciensis capituli sequenti die post Exaltationem sanctæ crucis, post sermonem habitum in capitulo, cum devotione stantibus omnibus, ab eo qui capitulum tenet, absolvantur defuncti nostri, ita dicente, *Animæ fratrum et familiarium nostrorum hoc anno defunctorum requiescant in pace*, et respondentes omnes *Amen*, dicant *De profundis* : et post flectentes genua, etiam Dominicis diebus, dicant *Pater noster*, et qui præsidet, dicat : *Et ne nos inducas in tentationem : A porta inferi : Dominus vobiscum : Oremus, Deus veniæ largitor*, etc., in fine post *Dominus vobiscum, Requiescant in pace, Amen*. Eodem modo fiat absolutio decimo quinto Kalendis Octobris in unaquaque abbacia ordinis nostri commemorante cantore, et eodem die ad Vesperas incipiatur solemne Tricenarium, nisi forte in crastino dies præcipui jejunii vel Dominica dies occurrerit. Quod cum contigerit, absolutio quidem non differetur, sed in die sancti *Mauricii*, nisi forte et ipsum dies Dominica sequi debuerit, ad Vesperas incipietur solemne Tricenarium, et sequens dies quæ tunc prima erit Tricenarii, solemniter agetur. Post absolutionem defunctorum prosequatur qui capitulum tenet, et dicat quid amplius pro eis fieri debeat, et hoc est debitum. *Tres præbendæ* omni die in unaquaque nostri ordinis abbacia : ab unoquoque etiam sacerdote *viginti missæ* infra annum : a cæteris *decem psalteria* : ab iis qui Psalterium neciunt, mille quingentis vicibus *Miserere mei, Deus*, vel toties *Pater noster*.

In quibus omnibus, si priusquam persoluta fuerint, de parentibus seu de familiaribus nostris, vel etiam de fratribus nostri ordinis aliqui obierit, recipi poterit, nisi forte ea aliquis per negligentiam suam nondum persolverit. Si qui tamen, quamvis adhuc debito teneatur capituli : vel etiam aliis temporibus, quamdiu debet aliquam missam pro defunctis, de præsentis solemnitate ex devotione cantare voluerit : non ei reputabitur pro negligentia. Et ex quo hæc absolutio facta est, unusquisque quod fratribus suis debet, non exspectato reditu abbatum de capitulo, devote, ut Dominus cuique dederit, solvere satagat.

Et cum abbates de Cisterciensi capitulo venerint, prima die qua in suo quisque fuerit capitulo, ad admonitionem cantoris iterum absolvantur cum flexione genum, etiam Dominicis et festis diebus. Omnibus quoque Tricenarii diebus Collecta Tricenarii pro eis in conventu (exceptis duodecim lectionum diebus) tam ad missas quam ad officia dicatur. Super hæc omnia, missa una quotidie, excepto *Natali Domini, Parasceve, Sabbato Paschæ*, et ipso die *Paschæ* et *Pentecostes* tam pro eis quam pro aliis omnibus de ordine nostro, qui ab hoc sæculo migraverunt vel quotidie migrant, dicatur.

*Forma Brevium pro Defuncto scribendorum.*

*Prima Augusti obiit in monasterio N. Nonnus N. de N. sacerdos et sacrista ejusdem monasterii : pro cuius anima, vestras precamur orationes ex charitate, et orabimus pro vestris. Et sic de similibus, mutatis mutandis ; die scilicet, loco, nomine, ordine et officio, prout continget.*

#### CAPUT C.

##### *De parentibus nostris.*

Patres, matres, fratres, sorores et consanguinei defuncti fratrum ordinis nostri, in Cisterciensi capitulo in conventu abbatum extremo die nominatim absolvi debent. Similiter fiet in omnibus abbatibus ordinis nostri decimo quinto Kalendas Octobris post solemnem absolutionem fratrum nostrorum, et prima die qua quisque abbas a Cistercio rediens, suum ingreditur capitulum : in quibus tamen absolutionibus dicetur tantum *Requiescant in pace*. Participes quoque fiant omnium eorum, quæ in generali capitulo statuntur facienda pro fratribus. Pro eis quoque semel in anno communiter duodecimo Kalendas Decembris per omnes abbatias nostras præcipuum officium fiet solemniter. Quando vero monachus misericordiam quærit pro patre, matre, fratre et sorore, quia pro aliis parentibus petere non licet, absolvitur defunctus, et unusquisque sacerdos in missa privata Collectam pro eo dicet : reliqui fratres septem *Psalmos penitentiales*, vel totidem *Miserere mei, Deus*, aut *Pater noster* totidem.

#### CAPUT CI.

##### *Quomodo communicentur hospites infirmi.*

Quando hospitalis viderit hospitem debere communicari, dicat priori, qui provideat qui sacerdos hoc faciat, et qui cum ea eant. Sacerdos vero ablutis manibus, indutus alba, stola et manipulo, sumat partem Dominici corporis de vasculo in quo reservatur, quam tenens super calicem utraque manu offertorio cooperta, eat ad infirmum, fratribus præeuntibus hoc modo : primus cum aqua benedicta et igne in absconsa : secundus cum vino in ampulla : tertius vero cum cruce discooperta. Porro illi ante quos transeunt, prosternantur super genua : redeuntibus vero, inclinent tantum.

Cum autem pervenerint ad infirmum, inquirens fidem ejus, communicet eum sacerdos, postea aspergat digitos suos vino in calice, quod ministret ei, tenens sinistram manum sub mento illius, et iterum liniens calicem vino, det ei. De sibi autem ad hoc opus necessariis loqui poterit. Quod si viderint eum nondum propinquare morti, dimittentes ibi crucem et aquam benedictam, redeant eo ordine quo venerunt.

#### CAPUT CII.

##### *Quomodo hospes sepeliatur.*

Cum hospes nuntiatus fuerit obiisse, provideat prior qualiter anima commendetur, hospitalis qualiter apte præparetur. Prior vero quando viderit comperere, mittat sacerdotem cum collectaneo et stola, et duos fratres cum cruce et aqua benedicta et lumine in absconsa, et thuribulo, et quod voluerit ad

deferendum eum in ecclesiam, cantando voce mediocri. Prior vero provideat, ne corpus solum vel sine lumine remaneat. Si interim Officium pro defunctis vel missa cantatur, pro eo Collecta secundo loco dicatur. Ad aliam vero missam eo loco dicatur, quo solent dici Collectæ pro defunctis. Quacunque hora sepulcrum paratum fuerit, potest sepeliri, etiam post refectioem. Tunc signo pulsato, ordinentur fratres circa defunctum. Quando vero conventus est in labore, ad sepeliendum mortuum non tenetur occurrere; minor campana bis tantum pulsetur.

Sacerdos vero cui cantor injunxerit, habens stolum super cucullam, et cæteri quos ipse providerit, cum cruce et aqua benedicta, et igne in absconsa, et thuribulo, ordinati more solito, compleant officium plane, scilicet non cantando, nisi forte abbati visum fuerit pro reverentia personæ debere cantari. Quo expleto, sicut mos est, effertur ad tumulum. Quo tumulato, si cantor viderit expedire, interrumpat psalmodiam et dicat *Requiem æternam*, deinde *Chorus angelorum*, postea *Clementissime*. Quo finito, sacerdos, expleta Collecta quam dicit, dicat alte *Pater noster*, deinde *Et ne nos: Requiem æternam: A porta inferi: Ne tradas, Domine, bestiis animas: Domine, exaudi orationem: Dominus vobiscum: Collectam, Absolve, Domine*, et post eam, *Deus cujus miserationes*. Qua dicta discedant.

Ab hoc obsequio possunt remanere infirmi et minuti, et qui diversis officiis deputati sunt, cum necesse fuerit. Et sciendum quod omnes presbyteri et omnes religiosi qui in hospitio moriuntur, deferuntur in chorum, et nullus alius, nisi abbati visum fuerit, et eorum exequiæ cantando fiunt: venia tamen ad *Clementissime*, non petitur, nec *septem Psalmi* post sepulturam dicuntur; eo quod hæc tantum pro monacho vel converso, aut novitio nostri ordinis facienda sunt. Fugitivis vero tam monachis quam conversis, in infirmitorio pauperum decumbentibus, detur habitus cum in extremis agere videbuntur, et deportentur in infirmitorium monachorum, si monachi fuerint si conversi in infirmitorium conversorum (119).

#### CAPUT CIII.

##### *De novitiis.*

Monachus quis fieri volens, facta petitione, non nisi post quatuor dies ducatur in capitulum: qui dum adductus fuerit, prosternat se ante Analogium (120). Interrogatus ab Abbate, quid quærat, respondeat, *Misericordiam Dei et vestram*. Cui ad jussum abbatis erecto, exponat abbas asperitatem ordinis, voluntatem ejus exquirens: quod si responderit se velle cuncta servare, dicat abbas post cætera: *Qui cæpit*

(119) Nota fugitivos tunc corporis in infirmitorio duntaxat pauperum recipi solitos, nisi ante infirmitatem ad monasterium rediissent. Quanquam hæc forte de fugitivis plusquam tertio a monasterio profugis intelligi possunt quibus nostri secundum Regulam S. Benedicti, cap. 29 reversionem negabant nisi in extremis agerent. Et hoc est teste Petro Venerabili sextum nostrorum a Cluniacensibus discrimen (Ep. 17 lib. iv Epistolarum ejusdem).

PATROL. GLXVI.

*A in te, Deus ipse perficiat*, et responso a conventu *Amen*, inclinēt, recedens ad hospitium. Eodem modo se agat quoties post lectam Regulam venerit in capitulum. Tertio vero die ducatur in cellam novitiorum. Et abhinc annus incipiatur probationis.

In ecclesia, in labore, ad collationem ordine suo, sicut monachi, conventum teneat. Ante monachos de choro post horam exeat, post Completorium orationem extra chorum faciat. Iisdem horis quibus monachi, laboret, quiescat, legat, dormiat. Iisdem cibis vescatur, iisdem pannis induatur, excepto habitu monachali, pro quo cappam et mantellum vel pelles habeat: cum monachis non significet, nec coronam, nec ordines accipiat. Si contigerit ut aliquis conjugali nexu ligatus, monachis hoc ignorantibus suscipiatur, dum cognitum fuerit, ejiciatur: quod si postea sigillum episcopi sui, vel certum testem adduxerit, quod uxor ejus castitatem vovens eum absolverit, recipi poterit, anuum integrum in probatione denovo peracturus: quod si habitum monachi jam accipit, similiter recedat. Si in cella moritur, de eo sicut de monacho fiat. Si novitius laicus monachalem habitum non ausus suscipere, conversum se fieri petierit, potest recipi.

Qui vero monachus fieri voluerit, completo anno probationis (121), vocatus in Capitulo coram omnibus, quid de rebus suis, si quas habet, fieri debeat disponat. Postea benedicatur ei corona ab abbate in ecclesia si laicus fuerit assistente ei cantore et sacrista, compleatque benedictionem sicut in Collecta neo habetur. Capillos vero comburat sacrista in piscinam ad hoc deputatam. Deinde tondetur in monachum: quod si missa ea die postea celebranda est, statim post Evangelium accedens ad gradum presbyterii legat professionem, si legere scit (122); sin autem, magister suus pro eo legat: qua lecta ipse novitius crucem faciat in ipsa, et tunc inclinans accedat ad altare, petens veniam ad gradum ipsius. Deinde erectus ponat professionem super dextrum cornu altaris osculans illud; et iterum inclinans, revertatur ad gradum.

Abbas vero interim stans in dextro cornu altaris, tollat inde chartulam: interim novitius ter dicat, *Suscipe me, Domine*, totum versum, petens veniam, manibus et genibus in terra positis, tam festis diebus quam cæteris, quæties finierit ipsum. Et conventus eundem versum ter respondeat adjungens *Gloria Patri*, et *Kyrie eleison*, et *Pater noster*. Abbas autem dicat, *Et ne nos*, fratribusque respondentibus *Sed libera nos a malo*, incipiat cantor psalmum *Miserere mei, Deus*, decantandum alternatim ab utroque choro

(120) Vide cap. 58 Reg. S. Ben.

(121) *Completo anno*, etc. Ille primum nostrorum a Cluniacensibus discrimen teste Petro Venerabili in sua Epist. 17, lib. iv Epist. ejusdem, quod illi suos, ante completum probationis annum, novitios ad professionem admitterent.

(122) *Si legere scit*. Ergo et a nostris tunc illiterati nonnunquam recipiebantur, idque juxta Regulam S. Benedicti (*ibid.*).

cum *Gloria*, ad quam non est inclinandum, sicut nec ad illam quæ dicitur post *Suscipe me, Domine*. Novitius vero ter petita venia post *Suscipe me, Domine*, statim *humiliet se ad pedes* abbatis (123), et abbatum, si plures fuerint, et ministrorum. Postea humiliet se ante priorem et percurrat chororum ipsius, humilians se ad pedes singulorum : et iterum rediens per medium chororum, percurrat dextrum sicut fecit et sinistrum. Porro absente priore, nisi abbas in sinistro choro fuerit, prius percurrat dextrum chororum quam sinistrum : et inde exiens in retrochorum, prosternat se ad pedes infirmorum, si adfuerint : quo facto revertens per medium chororum, prosternatur sub gradu.

A Circa finem vero psalmi, abbas cum baculo accedens ad gradum, dicat *Salvum fac servum tuum*, etc., et sequantur quatuor Collectæ, quibus expletis, erigatur novitius. Deinde benedicta cuculla et aqua benedicta aspersa, exuens abbas propriis vestibus novitium, dicat *Exuat te Dominus*, etc., et fratribus respondentibus *Amen*, induat eum cucullam, dicens *Induat te Dominus*, etc., fratribus respondentibus *Amen*, et sic statuatur in chorum. Post hæc abbas revertens ad altare, dicat *Credo in unum Deum*, vel *Dominus vobiscum*. Porro si ad missam benedicendus non fuerit, statim post Sextam benedicatur. Et sciendum quod quilibet abbas, etiam in præsentia majoris abbatis proprium novitium benedicet (124).

## PARS QUINTA.

De hebdomadarios, superiorum et officialium munitis.

### CAPUT CIV.

*De Hebdomadario sacerdote et ministris ejus.*

Hebdomadarius sacerdos horas incipit et omnia capitula ; ad Laudes, et ad Vesperas *Dominus vobiscum*, *Oremus* et Collectas : et in commemorationibus, versiculos, *Oremus* et Collectas. Ad nullius autem commemorationis Collectam dicit *Dominus vobiscum*, nec *Per Christum Dominum nostrum*, nisi post ultimam quando nihil subsequitur. Cum vero Prima vel *Exsultabunt* subsequitur, dicit quotidie *Per Dominum*, sed non *Dominus vobiscum*, nec *Benedicamus Domino*. Dat autem cocis et in via euntibus et red-euntibus benedictiones, sicut in libro habentur : hæc omnia dicit stando, nec inclinatur nisi post capitula. Ad cæteras vero horas prostratus, vel residens super *miseri cordias*, dicit *Dominus vobiscum*, *Oremus* et *Benedicamus Domino* ; et ad officium defunctorum Psalmos, scilicet *De profundis* et *Lauda, anima mea, Dominum* inchoat : *A porta inferi*, etc., dicat. In Capitulo et in refectorio versus et benedictiones dicat. Absente etiam abbate, priore, subpriori, per omnia subprioris officium in ecclesia suppleat, excepto quod nec fratres excitabit, nec de loco suo se movebit. Quod si defuerit, sacerdos qui supra eum stat in choro, hæc omnia pro eo compleat : si nullus supra eum fuerit, qui subtus juxta eum steterit. Quod si in illo choro nullus sacerdos extiterit, qui prior fuerit in altero choro hæc eadem faciat. Qui ordo non tenebitur, si in via directus aut in infirmitorio fuerit.

In labore horas, si adfuerit, incipiat. Candela in Purificatione sanctæ *Mariæ* : cineres in Capite jejunii : ramos in Palmis : ignem in sancto Sabbato benedicat, et missas solemnes cantet. In sua septimana missas generales, et in sequenti cum duæ missæ fuerint matutinales cantet, et ad generales ad in-

(123) *Humiliet se ad pedes*, scilicet ut per hanc ceremoniam secundum Regulam congregationi so-

B duendum et exuendum et ad cætera ibi necessaria adjuvet. In tertia vero septimana, cum duæ missæ fuerint, ad matutinalem similiter faciat. Cum diaconus solus sanguinem fratribus distribuerit, sicut longe superius diximus, loco subdiaconi eum adjuvet : minister, si subdiaconus fuerit, Epistolam ; si diaconus, Epistolam et Evangelium in sua septimana ad generalem missam legat, et in sequenti ad matutinalem. In secunda et tertia hebdomada ad missas, sicut diximus de sacerdote, adjuvet.

### CAPUT CV.

*De hebdomadario invitatorii.*

Eo tempore quo privatis diebus *Invitatorium* canitur, debet hebdomadarius quotidie in sua hebdomada, *Venite exsultemus Domino* solus privatis diebus cantare, et in eadem atque in sequenti in duodecim Lectionibus cum socio. In sequenti si extra chorum fuerit, alii commendet officium suum. Versus per omnes horas et Responsoria in Laudibus et in Vesperis in ecclesia cantet. In secundo Nocturno *Alleluia* : ad cantica, et ad horas diei Antiphonas et *Alleluia* : ad Vesperas vero primam Antiphonam debet imponere : ad Laudes et ad Vesperas *Benedicamus Domino* dicere : in capitulo legere. Ad officium vero defunctorum primam Antiphonam incipere : versiculos, lectiones, Responsorium versus dicere : ad *Benedictus* et ad *Magnificat* Antiphonas imponere.

Qui si defuerit, qui juxta eum superius steterit, hæc omnia pro ipso compleat, nisi in via directus aut in infirmitorio fuerit : si superiorem non habet, inferior faciat. Quod si forte ille qui superior hebdomadario est, hebdomadarius missæ fuerit, vel horas pro alio cantare debuerit : innuat alicuiqui Responsoria et versus loco hebdomadarii compleat. Similiter faciat qui inferior illo est, si hebdomadarius

ciaretur.

(124) Vide *Charlæ Charitatis* cap. 2.

missæ fuerit, et ad eum aliquo casu officium *invitatorii* venerit.

Semper autem ille qui inferior hebdomadario *invitatorii* est, Psalmos et cantica intonet, hebdomadario incipiente Antiphonam. In æstate ad Nocturnos privatis diebus post lectionem Responsorium cantet, *Domine, labia; Deus misereatur nostri, Quicumque vult, Cum invocarem*, et omnes hymnos privatis diebus, et in festis ad Sextam et Nonam incipiat. Notandum tamen quia, cum ultimus clericorum hebdomadarius *Invitatorii* fuerit, qui supra juxta eum est, hæc omnia complere debet.

## CAPUT CVI.

*De servitore ecclesiæ.*

Servitor ecclesiæ in Nocturnis ad lectiones et Responsorias, et in Laudibus ad *Kyrie eleison*, nisi clarus dies fuerit, ad Collectas candelas accendere debet. Similiter ad intervalla in claustris et in capitulis, et lampadem ad Completorium quando necesse est accendere. Ad ipsum etiam pertinet lampades in ecclesia quoties expedierit reficere: lumen si deerit: carbones in patella: aquam ad manus abluendas ante missas: sal et aquam ad benedictionem Dominica die ante Tertiam: prunas in thuribulo ante Evangelium vel post, si *Credo in unum Deum* dicitur, in ecclesiam deferre. Salinum quoque in Refectorium unde sumpserat, post missam referre. Et pro his omnibus si intra claustrum non invenerit, foras exire poterit.

## CAPUT CVII.

*De hebdomadario lectore.*

Mensæ lector Dominico die post majorem missam provolvens se ante gradum presbyterii incipiens a dextra parte, dicat *Domine, labia mea* totum versum, et accepta benedictione inclinet. Qui significet cantori, quid et ubi legere debeat. Mistum, audito signo, sicut superius diximus, sumat: librum antequam Prior refectorium ingrediatur super analogium ponens, proviso conventi principio, adveniente Priore apertum habeat. Dum versus dicitur ibidem sedet: quo finito, surgat, et versus ad priorem simplex de eodem loco benedictionem petat: qua percepta, si homiliam lecturus est, incipiat *In illo tempore*: et intermisso *et reliqua*, subsequatur, *homilia lectionis ejusdem*. Dum legit, aurem accommodet priori, ut, si quando eum emendaverit, intelligere possit. Si intelligit quid emendet, humiliter dicat: si non intelligit, versum reincipiat, et hoc toties faciat, quoties priorem propter hoc grunnire cognoverit. Finita lectione, ferens librum non firmatum, sine mora descendat, et posito libro inclinet: quo resumpto, in tali loco discedat ubi a conventu non videat. Quando Biblia leguntur in refectorio, nominetur capitulorum numerus ab eodem. Finitis gratiis in ecclesia pulset nolam, nisi aliquis abbas aut prior loci illius, aut subprior, absente priore, cum servitoribus comesturus est. In sequendi hebdomada ad

(125) In hoc humilitatis et charitatis officio teste Petro Cluniacensi positum fuit nonnum discrimen

collationem leget: si autem extra chorum, vel in infirmitorio, vel in via directus fuerit, ut ad mensam legere non possit, cantor alii injungat, qui, quando ille abæns est legat et mistum sumat.

## CAPUT CVIII.

*De hebdomadariis ad Mandatum hospitum.*

Percussa tabula ad Mandatum post Completorium, fratres qui die Dominica ad hoc pronuntiati sunt in capitulo, induentes scapularia sequantur ordine suo hospitalem, et venientes ad hospites deponant caputia. Qui prior est, prima die abluat pedes (125), junior tergat, sed non osculentur: secunda die fiat e converso, et sic percurrant cæteros dies alternatim: quo facto abluant manus et tergant. Deinde ordinati, ita ut priores sint in medio, flexis poplitibus, et manibus in terra demissis ante hospites dicant, *Suscipimus Deus misericordiam*, et sic surgentes inclinent et discedant, retractis caputiis in capitibus.

## CAPUT CIX.

*De hebdomadariis coquinæ.*

Dominico die post matutinos egressi de coquina, provolvant se ante gradum presbyterii incipientes a parte dextra: deinde incurviter dicant *Benedictus es, Domine*: et accepta benedictione erigentes se, iterum inclinent, et sic revertantur in chorum. Quos subsequantur ingredienti eo modo se provolventes, et incurvi ter suum: versum dicentes. Qui benedictione accepta, et sicut anteriores, inclinantes exeant, nisi commemoratio dicenda fuerit. Et ubi abbati visum fuerit, in illo intervallo induti diurnalibus et scapularibus suis, si spatium habuerint, hauriant aquam ad manus lavandas, ubi necesse fuerit: et ingredienti coquina agant si quid tunc agendum est. Cum duæ missæ canendæ sunt, si ambo clerici vel laici fuerint, qui ipso die servituri est, audiat primam, alter vero secundam, et communicet si voluerit: si clericus et laicus, laicus primam, clericus secundam. Quod si quis horum missam aut Evangelium aut Epistolam habet dicere, ipsam ad quam pertinet suum officium audiat, et alter alteram: in præcipuis jejuniis ambo missam audiant.

Quod si in præcipuis jejuniis feriendus dies evenerit, ad majorem missam eat in coquinam qui eadem die est serviturus. Prima die illorum prior mistum sumens serviat: secunda, junior: et sic cæteris diebus vicissim serviant. Tempore lectionis ambo simul in coquina operentur, nisi ille cujus dies est, scilicet qui primus serviturus est, alteri signam, ut legat, fecerit. In Quadragesima ante Tertiam non vadunt in coquinam, excepta Dominica. Ad ipsos pertinet in refectorio ad bibendum, ad utramque refectionem. et ad utrosque biberes, et in lavatorio ad abluendum manus, aquam præparare. Et cum acre gelu imminet, aquam calidam cum

nostrorum a Cluniacensibus, quod nostri, non illi, pedes hospitibus lavarent.



scutellis in claustrum, juxta lavatorium ubi necesse fuerit ministrare : aquam ad rasuram fratrum præparare.

Qui ad refectionem servit novitiis, priusquam monachis pulmenta deferat sonitu eos advocans, fratribus qui propter negligentiam versus extra refectionarium comedunt necessaria præparet : et quæ supererunt, postquam comederint, iterum colligat. Si quid sibi deerit, a cellerario per signum requirat. Alter vero post refectionem indutus scapulari in coquinam veniens, scutellas novitiorum, si in claustrum cum reliquiis eorum invenerit, cum scutellis servitorum mundet et custodiat : quod tamen in æstate non faciat usque post Nonam.

Ubi autem quatuor hebdomadarii coquinæ fuerint, duo una die, et duo alia vicissim serviant. Die vero qua in coquina non laborant, cum conventu eant in laborem, ubi abbati visum fuerit. Sabbato vero tersoria manuum ac pedum prius aqua calida, post, frigida lavent. Lavatorium quoque et receptaculum aquæ quod est in coquina debent ablueri, necessaria scopare, et quod ibi opus est ponere. Coquinam scopare, et quisquilias in locum designatum deferre. Aquam ad *Mandatum*, cum opus fuerit, calefacere. Ligna incisa ad ignem in crastino accendendum præparare. Statim post Vesperas, si dies jejunii fuerit : aut post refectionem servitorum, si Quadragesima : vel post coronationem, si dies fuerit prandii : vasa et cætera quæ in coquina receperunt, cellerario reddant, et cellerarius intranti. Quod si aliqua de his quæ reddenda sunt desunt, in capitulo satisfaciant, et quæ defuerint notificent.

Quibus redditis, præparent quæ ad *Mandatum* necessaria sunt. Mox autem ut signum pulsaverit, induti scapularibus deponant cucullas in capitulo, et sic veniant in claustrum. Incipiente ergo abbate Antiphonam, scilicet *Postquam*, vel cantore, absente abbate, prior intrantium in coquinam abluat pedes abbatis, et junior tergat, hoc modo percurrentes cæteros in sinistra parte ; junior vero exeuntium pedes lavet, et prior tergat, similiter percurrentes cæteros in dextra parte. Et ne hic ordo perturbetur, si duo abbates fuerint, minor abbas in dextra parte sedeat. Qui citius percurrerint, in alteram partem transeuntes, alios adjuvent. Qui quoties ante eum qui collationem tenet, transeunt ; reverenter inclinent. Qui pedes lavat, et cui lavantur, post ablutionem invicem sibi inclinent. Similiter qui tergit, et cui terguntur. Porro nemo se discalciet, donec abbas se discalciet. Discalciet vero observent quantum possunt, ne pedes nudi appareant : sed sub cuculla recondantur. Nec sedentibus manicæ defluant, sed septem ante se componant. Ante lectionem, omnes sint recalcietati.

Expleto itaque *Mandato* et ablutis manibus et vasibus, reponant vasa et tersoria ubi poni solent ; et sic

in capitulo cucullas resumentes, et scapularia in claustrum super sedes deponentes : tali ordine veniant ante abbatem, ut qui ultra abbatem ultimus sessurus est, sit primus in eundo : et sic succedant cæteri in ordine quo sessuri sunt : ita ut qui ultimus sessurus est in ea parte qua venerunt, incedat et tunc insimul ante abbatem inclinantes veniant ad sedes suas non inclinantes, sed, postquam resederint, caput humilient. Quod si alter eorum aliqua necessitate coactus, officium suum complere non poterit, quandiu necessitas durat, aliquid aliud pro eo serviat, et mistum sumat. Ipse tamen, etiamsi extra chorum fuerit, Dominica benedictionem accipiat : quod si infirmiterium intraverit, ille accipiat qui pro eo complevit.

#### CAPUT CX.

##### *De cocis abbatis.*

Coci abbatis coquinam per septimanas vicissim faciant. Si quando vero solus implere nequiverit, socium suum in auxilium vocare poterit : sed ad refectionem ambo non serviant, silentium more solito teneant. In coquinam nullum intromittant, cujus clavem custodiant. Neonon et laicus hospitalis alteram habeat, qui ipsos in omnibus debet adjuvare, et utensilia illius coquinæ sicut et monachi custodire. Coquinam monachorum et refectionarium pro officio suo licet eis intrare. Missas, sicut superius de cocis ordinavimus, audiant. Qui septimanarius est, mane post Primam, scapulari et diurnalibus indutus, tantum leguminis (126) accipiat ut abbati et supervenientibus sufficere possit.

Ante horam refectionis mensam abbatis præparet ; si hospites defuerint, duos quos abbas secum comedere voluerit monachos, per signum advocet, eorumque scyphos et justitias deferat : quod si forte pro aliqua causa redire contigerit, non eis imputabitur quod versum perdidit. Qui monachi mox ut versum post refectionem compleverint, inclinantes et licentiam non expectantes discedant, nisi abbas eos retinuerit. Quod si relectio abbatis ultra fratrum refectionem producta fuerit, cognito quod conventus ad ecclesiam ierit, accepta ab abbate licentia revertantur in claustrum.

Porro socius ejus mox ut a conventu ordinate divertere potuerit, ad ostium refectionarii veniens socio suo se præsentet, et nutu ejus remaneat ad servendum abbati, si necesse fuerit ; exiens postquam perfecit mappulas et vasa recolligat, scyphos et justitias monachorum, si adfuerint, in refectionarium referat, et cætera quæ socius ejus faceret, omnia compleat. Ante collationem vero vel refectionem potum abbati hebdomadarius in refectionario præparet, aut si jusserit abbas, in hospitio. Sabbato eadem hora qua generales cocis, clavem et utensilia coquinæ intranti socio reddat. Et sciendum quod ad lectio-

(126) *Tantum leguminis*, quia nempe iisdem pulmentis utebantur abbates quibus et monachi.

nem mensæ tam absente quam præsentis abbate A scribantur.

## CAPUT CXI.

*De abbate.*

Abbas debet primum et proprium locum in choro dextro habere : orationes terminare : primam Antiphonam ad Nocturnos imponere : benedictiones legentibus dare : duodecimum Responsorium cantare : *Te Deum laudamus* incipere : Evangelium legere : per totam septimanam Nativitatis Domini, Paschæ et Pentecostes, et in duodecim Lectionibus ad *Benedictus* et ad *Magnificat* Antiphonam imponere : ad processiones in Purificatione sanctæ Mariæ, *Hodie beata Virgo* : in Palmis, *Ingre-diente Domino* : et in Ascensione Domini, *O Rex gloriæ* incipere : *Pater noster* ad Matutinas et ad B Vesperas cunctis audientibus dicere : de missis sicut alii hebdomadam facere, et etiam in Vigilia Nativitatis Domini, et ipso die : in Epiphania : Dominica in Palmis : tribus diebus ante Pascha, et in ipsa die : in Ascensione : in vigilia Pentecostes, et in ipso die : in omnibus solemnitatibus sanctæ Mariæ, et in Vigilia Assumptionis ejus : in die sancti Benedicti : in Nativitate sancti Joannis Baptistæ : et apostolorum Petri et Pauli : et *beati Bernardi* : in Dedicatione ecclesiæ : in festivitate Omnium Sanctorum : et in omnibus præcipuis officiis defunctorum, et pro præsentis defuncto, missas solemnes debet cantare, etiam si nocturno somnio illusus fuerit.

In Purificatione sanctæ Mariæ candelas : in Capite C Jejunii cineres : Dominica in Palmis ramos : in Sabbato Paschæ ignem : coronas novitiorum, et ipsos novitios benedicere : Capitulum et Collationem tenere. Prioris et subprioris et cantoribus officia : et penitentias levis et gravioris culpæ debet in capitulo fratribus injungere, et ab eis absolvere : similiter et quem voluerit promovere et degradare. Cætera potest intus et foris injungere et absolvere : confessiones recipere : aquam benedictam post Completorium de ecclesia exeuntibus dare : in dormitorio jacere : in *hospitio comedere* (107). Si jejunium propter hospitem fregerit, nihilominus hora solita, scilicet post Nonam comedat. Cum hospites defuerint, duos ad minus monachos ad mensam debet habere, silentium ad mensam teneat in quantum rationabiliter poterit. Cum post Completorium deforis venerit in Refectorio comedat, nisi hospites adsint. Similiter et post Tertiam cum minutus fuerit : in ipso etiam potest bibere quoties voluerit.

Et sciendum quia, cum abbas alicui aliquid negaverit, ab alio id petere vel recipere non præsumat. Si quis vero a cellerario aliquid petierit quod ei dare noluerit, si illud idem postea a priore postulaverit, videat ne illi celaverit cellerarium id sibi negasse. Similiter qui Abbatem super aliqua re conve-

(107) *In hospitio comedere*, hoc fuit duodecimum discrimen Cisterciensium a Cluniacensibus : quod abbates Cisterciensis ordinis cum hospitibus com-

nerit, quam ei prior dare noluerit : nullatenus omittat quin in ipsa petitione abbati dicat priorem id sibi denegasse. Qui aliter præsumpserit, dolere se esse noverit.

Et notandum quia, quando monachi osculantur abbatem, coram eo genua flectent, et post osculum profunde inclinent. Hujusmodi pacis osculum intra abbatias nostri ordinis venienti de via non porrigimus, nisi prius oraverit. Qui cum in infirmitorio fuerit, non cantet missas nec privatim nec in conventu, nisi forte pro devotione, cum præsens defunctus fuerit : et hoc qui poterit et voluerit. Qui vero assidue in infirmitorio fuerit, per capitulum Cisterciense cantare poterit, tam privatim quam in conventu. Et sciendum quod abbas in levi culpa constitutus, totum officium suum implere poterit tantum ne impediatur satisfactio ejus.

## CAPUT CXII.

*De priore.*

Prior in ecclesia in primo loco sinistri chori debet stare : in capitulo vero et ad collationem juxta abbatem in dextra parte sedere : hebdomadam invitatorii facere, nec tamen in capitulo legere : duodecimam lectionem legere : tabulam ad laborem pulsare, et fratres illuc, si abbas non ierit, ducere, nec quando non ierit, nisi subpriori, si subprior ad laborem ierit, committere : ad convocandos in capitulo fratres, cum necessitas exegerit, tabulam percutere, et signum ad lavandum pulsare : nolam rectorii in conventu et ad servitores cum adfuerit, pulsare. Si vero contigerit ut deforis veniens nolam pulsari vel versum dici invenerit, ingrediatur, subpriori nola sufficiens pulsata in locum suum revertente. Quod si subprior jam resederit, ingrediatur ut ceteri monachi, et retrahente paululum se subpriori, ad nolam sedeat, et suum officium deinceps exequatur : quod etiam ad capitulum et ad collationem faciat. Septimanam de coquina faciat, si major utilitas non impedit, et suo die serviat. Si in infirmitorio jacuerit, restrictius se agat, nec loquatur cum pluribus simul quam cum duobus, et hoc in loco determinato, nisi forte absente abbate necesse fuerit aliquando pro aliquo consilio pluribus loqui, aut pro tenendo capitulo infirmis. Nam et ad tenendum commune capitulum, conventus poterit ire, si magna necessitas emerit, absente abbate. Confessiones in capitulo etiam, si abbati visum fuerit, recipiat.

De cætero præsentis et absente abbate intus et foris de omnibus et in omnibus pro voluntate abbatis se agat, excepto quod locum ejus in ecclesia non occupabit : nec missas solemnes pro eo cantabit : nec candelas, cineres, ramos, ignem, coronam et novitium benedicet : nec ad Evangelium benedictionem dabit. Infirmum non unget : mortuum non sepe-

derent juxta cap. Reg. S. Ben. 56, non autem Cluniacenses.

liet : nullum promovebit vel degradabit, nec ordinare faciet : nullum in gravi culpa mittet aut inde absolvet : monachum de monasterio non ejiciet, nec novitium recipiet, nisi jusserit abbas : nec confessionem de criminalibus, nisi in extremis positi, recipiet. Non ei committetur cura operum vel gregum aut grangiarum, sufficit enim ei officium suum. Quod si sacerdos non fuerit sed tantum diaconus, liceat ei benedictionem dare lectori in capitulo, in refectorio, ad Collationem ; quod in ecclesia facere non debet. Licet etiam ei in ecclesia *Pater noster* dicere, *Te Deum laudamus* incipere, et lectionem de Evangelio dicere.

## CAPUT CXIII.

*De subprioro.*

Ad subpriorem pertinet fratres in choro excitare, præsente etiam priore, et cætera quæ ad cantorem et sacristam pertinent, cum necesse fuerit, emendare. In claustro tempore lectionis, et in capitulo ad intervalla, ut fratres se ordinate habeant, sollicitè procurare. Confessiones, si ei jussum fuerit, tempore lectionis recipere, monachorum scilicet in capitulo, novitiorum vero et laicorum fratrum et infirmorum de infirmitorio, ubi ei constitutum fuerit. Quando prior ad refectionem servierit, ad nolam sedere : ad gratias solus posterior ire : in choro superior stare, et absente abbate etiam ad *mandatum* sedere. Sed post *mandatum* inclinante ante eum cum sociis suis priore, paulisper cedit.

Egresso priore de monasterio, subprior nec loquatur, nec quidquam faciat de officio ejus, nisi ad *mandatum* ipsius, donec aliquid eorum quæ nominatim pertinent ad officium prioris occurrat : ut est tenere capitulum, si defuerit abbas : pulsare tabulam ad laborem : pulsare signum ad refectionem, vel nolam ad *biberes*. In absentia vero ejus nihil det vel disponat, nisi in quo prior convenienter expectari non potest, vel casu aliquid acciderit quod differri non debeat, nec possit. Quod si forte prior in infirmitorio fuerit, pro arbitrio abbatis vel consilio prioris, si abbas defuerit, intus et foris se agat.

In ecclesia locum suum mutare, duodecimam lectionem legere, ad ejus non pertinet officium. Similiter nec in capitulo, nec ad Collationem locum mutabit, si abbas præsens, fuerit. Si quando prior de via regressus cum servitoribus comederit, interim intus et foris loqui poterit. Si in infirmitorio fuerit, nihil plus cæteris præsumat. Si prior extra monasterium vel in infirmitorio fuerit, subprior ad vigiliis et in capitulo vicem prioris agat, et cum servitoribus comedens, vel cum minutis in hieme *mistum* sumens ad nolam sedeat.

## CAPUT CXIV.

*De magistro novitiorum.*

Magister novitiorum debet novitios suos ordinem suum docere : in ecclesia excitare, et ubicunque se negligenter habuerint verbo vel signo, quantum po-

tuerit, emendare. In labore tamen nisi tunc prior conventus fuerit, non lequatur cum eis, nisi prius accepta licentia, nec in cella ipsorum cantet aut legat. Necessaria eis, quantum potuerit, debet procurare. In capitulum ad audiendum sermones adducere. De apertis negligentibus, cum ante eum veniam petierint, pœnitentiam dare. Diem primum ingressionis in cella scriptum habere : et quando eis legenda sit Regula abbati pronuntiare, quam quisquis legerit, tempore lectionis et laboris seorsum ab aliis legat. Et cum lecta fuerit, abbati in capitulo debet dicere, et ad jussum ejus vocare. Et anno evoluta ad benedictionem adducere, etiam ipsa die qua intravit, si tamen ante capitulum Regulam audierit. Quod si in audienda Regula capitulum prævenerit non potuerit, in crastino vel deinceps ex quo Regulam audierit, benedicatur. Pro ipsis novitiis qui legere nesciunt professiones in ecclesia legere, ad crucem apponendam, incaustum præparatum habere, sicut et peregrinis monachorum, si necesse fuerit, eum ducere et reducere : aquam benedictam et cucullam præparare : et ad eum ibi exuendum et induendum adjuvare. Post hæc scyphum ejus et justitiam in refectorium deferre, et lectum ei quem prior jusserit ostendere, et ipsa die ibi cum eo de necessariis significare. Deinde per duos menses in auditorio juxta capitulum, sicut et cum peregrinis monachis, cum eo loqui.

## CAPUT CXV.

*De sacrista et solatio ejus.*

Sacrista debet horologium temperare, et ipsum in hieme ante Laudes privatis diebus (nisi dies fuerit) facere sonare, et ante vigiliis ad se excitandum quotidie. Qui postquam surrexerit, lumen dormitorii et ecclesiæ clarescere faciat, et in claustro si necesse fuerit ponat : ostia ecclesiæ reseret ; ad ipsum enim pertinet omnia ipsius ecclesiæ ostia quoties necesse fuerit, firmare, claudere et aperire : Capitulum, *mistum*, *biberes*, Collationem et omnes horas sonare, nec nisi ad sonitum prioris dimittere, præter *mistum* et *biberes* et excepto ad Vigiliis, et ad Primam omni tempore, et ad Tertiam in hieme quando jejunamus et laboramus. Capitulum tamen et Collationem non intermittere sonare, nisi post datam benedictionem. Quæ si citius vel tardius quam debent, sonuerit, vel ad Collationem lumen fuerit : in sequenti capitulo satisfaciatur. Quod si in Vigiliis duodecim lectionum tantum tardaverit, ut citius cantare et lectiones abbreviare necesse sit, ante gradum presbyterii satisfaciatur stans incurvus a *Kyrie eleison*, usque post *Deo gratias*. Ipse etiam debet duodecimam lectionem, si ultra quam in Breviario terminata est, prolongata fuerit, signo vel horologio terminare. Quando Vigiliis vel horæ citius canendæ fuerint, cantori significare : candelas et cereos facere, et in diversis locis ecclesiæ sufficienter ponere. Ad mensas ad collationem, cum negligentia venerit, portare. Cellerario et infirmario, et quibus opus fuerit distri-

buere, necnon et candelas de sepo habere et distribuere. Stolum et baculum abbati quoties necesse fuerit, præparare. Candelas, cineres, ramos, ignem ad benedicendum super gradum presbyterii convenienter aptare. Candelas et ramos post benedictionem cum solatio suo, et cum quibus jussum fuerit, omnibus distribuere. Ramos post processionem tollere : candelas post offerendam de manu abbatis suscipere.

Ad inungendum infirmum oleum sacratum, ad tergendum stupas vel pannum lineum portare, et post tersionem in piscina comburere. Ad benedictionem coronæ abbati adesse, et capillos in aliquo loco secreto ecclesiæ comburere. Textum, Missale, vasa, vestimenta, linteamina, et cætera utensilia in ecclesia et ad altare necessaria servare, parare, et quoties expedit, mutare. Corporalia, offeroria, tersoria, quibus digiti sacerdotis post communionem terguntur, et pallam altaris super quam extenditur corporale, in vase ad hoc deputato separatim lavans, singulas lavaturas in piscinam projiciat. Pallam quidem cum cæteris linteis lavandam cellerario reddat, cætera vero in olla ad hoc deputata, aqua cinericia calefacta, ipsemet abluat. Quibus lotis et diligenter exsiccatis, indutus alba cum petra, quæ vulgo *lisca* vocatur, corporalia poliat : quæ complicans, latitudinem in tres partes dividat, et sinistram partem mediæ superducens dextram superponat, cætera plicata recondat.

Similiter alba indutus, hostias faciat in loco mundis linteis cooperto, etiam extra terminos, si necesse fuerit in silentio tamen. Cui duo fratres scapularibus induti ita subministrent, ne aliud quam ipsas hostias manibus tractare cogatur. Quorum unus ignem sollicitè faciat : alter vero instrumentum ferreum ad coquendas hostias teneat, et cum eas faciunt, non loquantur. Quæ cum peractæ fuerint, sacrista convenientes ab inconvenientibus studiosè secernens, in repositoio mundissimo conservet. Quæ si forte aliquando humectatæ fuerint, in clauastro convenienter exsiccantur.

Semel in hebdomada calices, si sacerdos fuerit vel diaconus, digitis suis intus et foris cum solatio suo, prius tamen manibus ablutis, honestè lavare studeat, et lavaturas in piscinam projiciat. Postea digitos suos super piscinam abluens, ipsos et calices ad tersorium quod inter duo linteas desuper pendet, tergat, et hoc tempore lectionis. Quod si sacerdos vel diaconus non fuerit, priorem moneat, ut hæc alii facere jubeat. Similiter semel in hebdomada ampullas et justitias ministerii sui debet abluere. Pavimentum presbyterii, quoties expedit, scopare : ecclesiæ negligentias extinguere.

#### CAPUT CXVI.

##### *De cantore et solatio ejus.*

Cantor debet stare in dextro choro, et succentor in sinistro. Et unusquisque in choro suo fratres ad vigilandum et cantandum excitare. Negligentias de

Antiphonis, Psalmis, Responsoriis parvis, hymnis, atque versiculis imponendis, unusquisque in choro suo et in altero, si alter non emendaverit, corrigere : ut fratres ordinate stent vel sedeant, providere : ad missas *Kyrie eleison* et festis diebus, excepto ad Sextam et Nonam incipere. Porro cantor pro qualibet negligentia, succentor vero pro intolerabili, in alterum chorum possunt transire, et etiam de suo in altero negligentias, si necesse fuerit, emendare. Cætera ad cantorem pertinentia, cantore præsentè et exoccupato facere succentor non præsumat. Qui si defuerit vel occupatus fuerit, cuncta pro illo compleat.

Cantoris enim est libros in ecclesiam ferre et referre : infirmis et quibus necesse fuerit præparare : operi Dei in oratorio ante omnes providere : ad nutum sacristæ citius cantare et lectiones abbreviare : quod utrumque tamen cum opportunum fuerit, sine signo sacristæ facere poterit. *Alleluia* et Antiphonas post Psalmos : ad commemorationes et repetitiones invitatorii et Responsoriorum : et Responsoriorum mortuorum, et repetitiones eorum : et post Psalmos Antiphonas, incipere. Libros in ecclesia, prout oportuerit, distribuere : legenti duodecimam lectionem, quod dici conveniat ad legendum, præparare : Antiphonam ad *Benedictus* et ad *Magnificat* imponere et abbati quam incepturus est, cantando pronuntiare : et tunc canticum incipere. Ad Missas Introitum, Responsoriorum, Alleluia, Tractus, Offertorium, Sanctus, ter Agnus Dei, et Communionem incipere. Ad *Gloria in excelsis Deo*, et ad *Credo in unum Deum* post sacerdotem : *Et in terra pax hominibus et Patrem omnipotentem* subjungat. Omnes qui in ecclesia falluntur, exceptis illis qui lectione super analogium ad nocturnos legunt, per omnia emendare. Extra vero nusquam præsumat, nisi in capitulo lunam et breve pronuntiantes, nisi jussum. Lectiones ad missas in jejuniis : *Gloria, laus et honor et Popule meus*, et *Agnus* : et quando bini et bini cantant, *lianas* illos qui dicturi sunt, in tabula scribere. Cum vero una tantum ad missam legenda est lectio, signo præmonere.

Ad cætera vero officia, id est ad missam de sancta Maria : ad missam pro defunctis : ad missam in conventu : ad Evangelium : ad Epistolam : ad Invitatorium : ad servitium ecclesiæ : ad lectionem mensæ : ad faciendam coquinam : ad faciendum *mandatum* hospitum, fratres in tabula designabit. Qui si per quatuor dies lecerint officia sua, pro Hebdomada reputabitur : si minus, iterum faciant Hebdomadam. In cæna quoque Domini ad *mandatum* monachorum : ad lectiones legendas in Ecclesia et Responsoriorum canenda : ad missas in die Natalis Domini : in Vigilia Paschæ et Pentecostes : et ad illa quæ ad ipsas missas dicuntur, in tabula scribere debet. Quod si quid horum, postquam in capitulo recitatum breve fuerit, mutare opus sit : et illi quem delat, et illi quem scribit debet indicare. Horum negligentias (excepto de coquina) vel per se vel per

alium debet extinguere (128). Officia vero illorum qui A in via directi vel in infirmitorio fuerint, ex toto providere, præter coquinam. Qui antequam in viam dirigantur vel in infirmitorium ingrediantur, si quid habent officii, priori debent suggerere, et ille cantori.

Lectiones in claustro terminare: legentibus monstrare, et per se aut per alium auscultare. Professiones de manu abbatis recipere et servare. De chartis et libris faciendis et custodiendis provideat abbas, cui hanc curam injungat. Pro libris dandis et accipiendis usque ad ostia scriptorum ire, sed non introire. Similiter pro communibus libris, scilicet Antiphonariis, Hymnariis, Gradualibus, Lectionario, Collectaneo, Calendario, et illis qui in refectorio et ad collationem leguntur, potest usque ad ostium novitiorum et infirmorum et scriptorum B ire, et illic signo quærere, sed non ultra procedere, nisi ei ab abbate jussum fuerit. Post Collationem armarium debet firmare, et tempore laboris, dormitionis et refectionis, et dum Vesperæ cantantur obseratum tenere. Ad aquam benedictam: ad *mandatum*: in Capite Jejunii: ad omnes processiones: omnes versus et Antiphonas incipere, excepto quod si abbas adfuerit. *Postquam surrexit* incipiat ipse abbas, et etiam *Hodie beata Virgo*, et Responsorium *Ingrédiente* et Antiphonam *O Rex gloriæ*, quæ tria ipse cantor ei pronuntiet.

In prima Dominica Quadragesimæ, dum missa matutinalis canitur, libros in capitulo ponere, et ad nutum Abbatis Fratibus cum solatio suo postea distribuere. In Vigilia Paschæ annos Domini, epactas concurrentes, indictiones in chartula scripta, et C quinque grana incensi cereo affligere. Ad communicandum vel inungendum infirmum, quis aquam, quis ignem, quis crucem ferre debet, providere. Si abbas defuerit, infirmum inungat, mortuum sepeliat, aut cui injunxerit. Ad officium defunctorum *Kyrie eleison* quoties ibi dicitur debet incipere. Cum abbas hebdomadam de missis fecerit, in refectorio versus et benedictiones pro eo dicere. Ad benedictiones et infirmorum inunctionem Collectaneum ei præparare, et ante eum apertum tenere. *Kyrie eleison* quoties ibi dicitur incipere. Tricesimum diem defunctorum a sequenti die post sepulturam eorum computare, et in capitulo dicere, *Brevia* pro ipsis mittenda scribere, et in capitulo etiam *Brevia* legere. Et sciendum quod, si ante finem Completorii defunctus abierit, in D *Brevibus* pro eo mittendis præsens designanda est dies. Si vero a fine Completorii transierit, in *Brevibus* sequens dies designabitur. Si quando abbas, monacho vel converso moriente, monasterio defuerit: in primo capitulo quo adfuerit eum commonere faciat, ut defunctum absolvat.

(128) *Horum negligentias extinguere*. Per negligentias hoc in loco aliqui candelas intelligi volunt sic dictas a negligentia significandæ horæ divini officii. Sed qui attentè legerit prima hujus cap. verba quibus cantori injungitur negligentias de Psalmis, Antiphomis, Responsoris parvis, hymnis atque versiculis im-

## CAPUT CXVII.

## De infirmario.

Servitor infirmorum solet matutinalem missam audire, et ad eam communicare. Et quando infirmus vadit in infirmitorium, debet afferre scyphum, *justitiam* (129), stramenta lecti ejus in infirmitorium. Exinde loqui cum eo de necessariis ejus potest in loco determinato, sicut supra dictum est. Ad matutinas candelam accendere, libros ad hoc necessarios ferre, et in ecclesiam debet referre. Diebus Dominicis dicta Tertia in infirmitorio, debet illuc aquam benedictam afferre. Qui expeditius ibi horas cantare et lectiones logere possit, debet providere et illi injungere. Libros qui in infirmitorio fuerint ante Completorium in armarium referre.

Orationes quæ in capitulo pro vivis et mortuis generaliter cunctis injunctæ fuerint, vel si quid statutum vel mutatum in communi fuerit, vel in ipsos clamatum fuerit, hæc prima hora ad quam post capitulum cantatum convenerint percantata, eis recitare: illis tamen silentium tenentibus. Cætera vero quæ ibi dicta vel acta fuerint, omnino tacere. Legere ibi non debet, nec laborare, nisi apparatu vel gravi infirmitate eorum detentus fuerit. Necessaria a cellerario signo requirere, vel etiam verbo, ubi et quandiu abbati visum fuerit.

Si plures fuerint comedentes et omnia parata ante se habentes ministrare sibi mutuo potuerint, pergat ad horam vel ad refectionem: quod si unus tantum, si ipse infirmus voluerit, cum eo remaneat, non solum quando reficitur, sed etiam ad Collationem et Completorium, si prope noctem peracta fuerint: et ad vigiliis, nisi prior ipso annuente, alium miserit. Post *Gloria* primi psalmi ad horas, nisi pro omnino infirmis, silentium teneat. Coquinam et refectorium pro servitio eorum ingredi potest. Sabbato pedes illorum qui voluerint lavet et indumenta excutiat. Cum in chorum redierint, quæ detulerat in refectorium et in dormitorium referat.

Cum vero morti penitus propinquaverit, ad terram super sagum ponat, et mox tabulam crebris ictibus ante ostium in claustro feriat. Aquam ad lavandum corpus calefaciat, feretrum præparet, de fossa reportet et custodiat. Ad ipsum etiam pertinet, nisi alii injunctum fuerit, minorum sanguinem condere: D vasa ab ipso sanguine mundare: ignem in calefactorio per hiemem post vigiliis vel post matutinas vel Primam facere. Et sciendum quod infirmarius ex quo ire cœperit ad refectionem non revertetur, quamvis ante versum non possit occurrere, sed versum perdet, nisi forte causa supervenientium hospitum redire cogatur. Qui vero serviunt abbatibus vel

*nendis emendare*: per has negligentias nihil aliud quam defectus occurrentes in hujusmodi rebus, intelligendas esse judicabit.

(129) *Justitiam*, id est vas in quo potus regularis infundatur.

episcopis nostri ordinis, extra conventum post A completorium in conventu cantatum, possunt habere aquam in refectorio vel ante refectorium.

## CAPUT CXVIII.

*De cellerario et solatio ejus.*

Cellerarius potest loqui omnibus præter monachos et novitios nostri ordinis. Ad ipsum etiam pertinet, præparare pulmenta cocis utriusque coquinæ, et mittere sal in pulmentis generalibus, et hæc per scutellas dividere, nisi ubi abbati aliquando visum fuerit, quod non possit fieri. Nulli, nisi minutis communem cibum vel potum mutare, vel ei aliquid addere debet, nisi jussu prioris. Qui tamen prior in hoc ipso, sicut et in omnibus pro voluntate abbatis, ut supra dictum est, se agat. Excipiuntur etiam hospites ordinis nostri (130), quibus prima die tantum potest pitantiam facere cellerarius. Et quando fecerit, ipsemet debet portare.

Panem et vinum vel siceram hora competenti, in Refectorio ad distribuendum præparare. Illis qui ad prandium usque ad tertiam partem panis comedunt, ad cœnam de grossiori pane ubi habetur superraddere. Comedentes fratres tam ad prandium quam ad cœnam, semel ad minus invisere. De dormitorio quoties voluerit, et cum servitoribus comedens, de refectorio potest exire. De reliquiis ciborum, si necesse habuerit, accipere potest: cætera vero portario relinquat. Quando fratres post Sextam dormiunt, servitorum scutellas de refectorio auferat. Sabbato vasa et utensilia coquinæ ab exeuntibus de Coquina numerando recipiat, et ingredientibus reddat. Nec quidquam horum absque nutu cocorum de coquina transferat.

Si aliquis eorum qui officium coquinæ compleverunt, ad benedictionem post Matutinas deerit, benedictionem pro eo debet suscipere. Diebus quibus fratres lectioni vacant, in coquina duos conversos qui eos adjuvant, tam in scutellis lavandis quam in cæteris necessariis, et in nocte Nativitatis Domini in calefactorium ad faciendum ignem, duos similiter mittat. In Parasceve post Vesperas ecclesiam, et post Completorium claustrum et capitulum conversos mundare faciat. In capitulum novitios conversos ad petitionem, et post annum ad professionem faciendam adducat; et hoc ipsum tenenti capitulum denuntiet prius. Ad missam matutinalem communicet. In Cœna Domini conversos ad calefaciendum aquam, vasa et lintea ad *mandatum* pauperum necessaria præparet, et ad *mandatum* monachorum, conversos in claustrum deducat. In Parasceve post officium aquam calidam in claustro ponat.

Hæc omnia faciat ille qui assidue servit ad primam refectionem; nam ubi cellerarius majoribus

(130) *Ordinis nostri*. Quia nempe non licebat tunc alios, maxime laicos, in refectoria nostra introducere. Processu tamen temporis id monachis

utilitatibus occupatus est, quantum abbas utile judicaverit, poterit subcellerarius, præsertim etiam cellerario servire, et tunc laicis fratribus et familiaribus loqui. Ipsi etiam cellerario tantum in auditorio juxta coquinam, et in cellario hospitibus, si cellerarius in monasterio fuerit, non loquatur. Infirmario ille tantum qui servit loquatur, ubi et quandovis Abbati visum fuerit. Quod si cellerarius defuerit, officium illius per omnia peragat. Caveat autem omnino ne quidquam contra voluntatem cellerarii faciat, sed de omnibus eum consulat, et ad consilium ejus cuncta distribuatur. Et notandum quia cum cellerario vel ejus solatio non loquantur intra abbatiam conversi amplius quam duo simul, nisi forte ab ipso, aliqua necessitate cogente, vocati.

## CAPUT CXIX.

*De refectorario.*

Refectorarius potest ad matutinalem missam communicare. Ad cujus officium pertinet quando fratres bis comedunt ante Sextam; et quando semel comedunt ante Nonam vel ante Vesperas, novitiis panem et vinum vel siceram in loco designato præparare. In refectorio mapulas, coclearia, panem et vinum vel siceram per mensas distribuere. Ad quod faciendum cocum poterit vocare. Reliquias panis novitiorum et potus cum in claustro reperit, reservet. Quando fratres semel comedunt, ante *biberes* mapulas, et post *biberes* potum recolligat. Si tempus fuerit cœnæ, post cœnam servitorum, hæc faciat. Claustrum non exeat, nisi cellerarius fuerit.

## CAPUT CXX.

*De hospitali monacho.*

Monachus hospitalis potest loqui cum hospitali converso et omnibus hospitibus, et qui manducant, vel dormiunt in hospitio: extra portam vero neque cum hospitali converso neque cum hospitibus loquatur. Ad ipsum pertinet quid vel quando comedant hospites, quomodo vel ubi jaceant providere, ad refectionem servire: sed dum conventus comedit, non poterit, nisi jussus. *Mandatum* autem per se aut per alium debet præparare. Et cum paratum fuerit, tabulam in claustro tribus ictibus tractim percutere, et monachos vel etiam abbatem eundo et redeundo præire, et si nox fuerit, cum lumine ad *mandatum* faciendum, si necesse fuerit, adjuvare. Hospitum infirmorum tam pauperum quam aliorum sollicitudinem debet gerere. Si postquam monachi in lectis pausaverint *mandatum* oportuerit fieri, cum cellerario faciat ut poterit. In Cœna Domini, ut pauperes ad *mandatum* in claustro bene se præparent, provideat.

## CAPUT CXXI.

*De portario et solatio ejus.*

Portarius post Laudes eat ad portam. Quod si quorundam monasterium nigri ordinis et Carthusianis concessum fuisse legitur in lib. Antiquar. Institutionum et in libello DeAn.

quando fit ut per negligentiam Prima dicatur antequam lux diei clarescat, post Primam eat. Cum hospes pulsaverit, responso *Deo gratias* januam aperiat. Et postquam *Benedicite* dixerit (131), humiliter quis sit vel quid velit, ab eo requirat. Et cum recipiendum intellexerit, genua flectens intra januam recipiat. Deinde faciens eum juxta cellam sedere, dicat ei: *Expectate me paululum hic, donec vos abbati nuntiem, et postea revertar ad vos.* Pergens igitur ad abbatem si eum non invenerit, potest per omnes officinas monasterii quærere, excepto quod in infirmitorium non intrabit, sed ad ostium sonitu vel signo quærat. Qui hospite nuntiato, tam abbati quam ei qui recepturus est, ad hospitem citius redeat: et qualiter se agat, cum ei fratres obviam venerint, doceat. Cui ulterius non loquatur, nisi discedenti.

Cum autem hospes discedens januam egredi voluerit, humiliet se ad eum, eo modo quo ad ingressum diximus. Quod si de vicinis vel notis aliquis ad portam venerit, postquam quid velit cognoverit, extra portam eum demorari faciat, donec ab abbate quid de eo agatur agnoscat. Si autem talis fuerit quem nec nuntiare nec ibi remanere deceat, intrare et quo voluerit ire permittat. Cum monachis et conversis nostri ordinis postquam cognoverit, non loquatur. Quod si, dum hora in ecclesia celebratur hospes ad portam pulsaverit, more solito *Deo gratias* et *Benedicite* dicat: et postquam receperit, si necesse fuerit, dicat non esse ei consuetudinis dum hora celebratur loqui, rogans eum ut expectet donec ei post horam respondeat. Hospites possunt usque ad secundum signum nuntiari.

Pueri parvuli non solent duci ad orationem. Sed nec qui cum mulieribus veniunt intra claustrum recipi, sed foris cum mulieribus victus datur eis. Vicinis vero mulieribus nihil ibi datur, nisi tempore famis, si abbas hoc præceperit. Portarius vero debet habere panes in cella sua ad distribuendum transeuntibus. Qui etiam operetur ad portam scapulari indutus, et mox ut ad horam signum audierit, induat se cucullam, manens ibi cum reverentia dum hora celebratur, agens se, ut potuerit, sicut Fratres in Ecclesia. Qua die duæ missæ habentur, eat subportarius ad portam ante Primam, et portarius audiat primam missam et communicet, si voluerit et talis dies fuerit, et tunc sit in capitulo. Interim vero subportarius sit ad portam: diebus tamen quibus habetur sermo in capitulo, viciseim eant ad sermones. In Parasceve cum cæteris portarius adoret crucem in ecclesia.

Cum servitoribus solet comedere, et solatium ejus interim portam servare, et eleemosynam transeuntibus dare, qui solet etiam vasa sua ad colligendas reliquias ciborum in coquinam deferre, et palmenta defunctorum et cætera quæ cellerarius

(131) In hac benedictione et salutatione positum fuit duodecimum discrimen Nostrorum a Clunia-

A dederit in ipsis recipere. Qui postquam a refectioe surrexerit, debet ad portam pauperibus distribuere. Quam distributionem non debet propter subsequens opus Dei dimittere sed paucis utens verbis et moderatis citius quod Incæperat perficere: et postquam perfecerit, opus Dei quod distulerat, prout poterit persolvere. In æstate post Primam vel Nonam, si voluerit, in dormitorio dormiat, et solatium ejus interim portam custodiat. Usque post Completorium ad portam moneat, et tunc in claustrum veniens si ostium ecclesiæ obseratum invenerit, deforis orationem faciat, quam fratres finito Completorio fecerunt in choro; deinde aspergens se aqua benedicta intret dormitorio. Qui si quando minutus vel infirmus vel ad officium coquinæ, sive alio aliquo negotio detentus fuerit, hæc omnia, quæ supra diximus, solatium ejus pro eo compleat. Cui etiam subportarius cum missam audierit vel in refectorio comederit, prior provideat qui pro eo portam custodiat. Subportarius præsentem portario cum hospite non loquatur.

#### CAPUT CXXI.

##### *De versu refectiois.*

Quando fratres his comedunt, dicitur ad prandium post *Benedicite*, *Oculi omnium* totus versus. *Gloria Patri*, *Kyrie eleison*, *Pater noster*, et postea a sacerdote dicto, *Et ne nos*, et responso ab omnibus *Sed libera nos a malo*, subsequatur sine *Domine vobiscum*, *Oremus*, *Benedic*, *Domine, dona tua, quæ de tua largitate sumus sumpturi*: *Per Dominum*, etc. Postea lectori det prior benedictionem, scilicet *Mensæ celestis participes faciat nos rex æternæ gloriæ*. Post prandium dicatur *Confiteantur* totus versus, *Gloria Patri et Filio*, et tunc sacerdos dicat, *Agimus tibi gratias, omnipotens Deus, pro universis beneficiis tuis, qui vivis*, etc. Deinde cantato psalmo *Miserere mei*, *Deus*, dicatur *Gloria*, *Kyrie eleison*, *Pater noster*. Et dicto a sacerdote, *Et ne nos inducas*, responsoque *Sed libera nos a malo*, subsequantur ii quinque versus, sacerdos primam partem dicente, et conventu ultimam respondente, scilicet *Dispersit dedit pauperibus*, *Benedicam Dominum*, *In Domino*, *Magnificate*, *Sit nomen Domini benedictum*. Et tunc sacerdos absque *Dominus vobiscum* et *Oremus* dicat, *Retribuere dignare, Domine, omnibus nobis bona facientibus propter nomen tuum vitam æternam*, et *Benedicamus Domino*, conventu respondente *Amen* et *Deo gratias*.

Ante cœnam vero dicatur, *Edent pauperes* totus versus, et benedictio super lectorem, *Ad cœnam perpetuam perducatur nos rex æternæ gloriæ*. Post cœnam versus *Memoriam* totus, et postea *Benedictus Deus in donis suis*, et *sanctus in omnibus operibus suis, qui vivit*, etc., sicut superius diximus. Quando vero semel reficimur, dicitur ante refectioem, *Edent pauperes*, et post *Memoriam*. Cætera sicut ad prandium diximus.

censibus, teste Petro Cluniacensi ep. 17, lib. iv.

Hæc benedictio in capitulo lectori datur, *Divi A potens et misericors Dominus. Hæc ad bïoeres, num auxilium maneat semper nobiscum. Hæc ad Largitor omnium bonorum benedicat potum servorum suorum. Amen.*

ADMONITIO IN EXORDIUM COENOBII ET ORDINIS CISTERCIENSIS.

(*Nomasticon Cisterciense.*)

*Hæc nascentis ordinis Cisterciensis historia brevis quidem, sed certa et antiqua, quippe ipsi ordini cœva, et ab iisdem, a quibus ipse ordo conditus est, et eodem tempore conscripta. Hanc igitur, jam olim ab Auberto Miræo in suo Chronico traditam, et a nobis quibusdam in locis illustratam, intueri lubenter hoc in loco, et inter legendum attende non solum primam hujus ordinis simplicitatem ac humilitatem, verumetiam primum ejus institutorum ætatem ac religionem erga sinceram ac litteralem Regulæ sanctissimi Patris nostri Benedicti praxim et observantiam.*

PRIMA NASCENTIS COENOBII ET ORDINIS CISTERCIENSIS.

HISTORIA

VULGO INSCRIPTA

EXORDIUM COENOBII ET ORDINIS CISTERCIENSIS.

PROLOGUS.

Nos Cistercienses primi hujus ecclesiæ fundatores, successoribus nostris stylo præsentis notificamus quam canonicè, quanta auctoritate, a quibus etiam personis, quibusque temporibus cœnobium et tenor vitæ illorum exordium sumpserit, ut hujus rei propalata sincera veritate, tenacius et locum et observantiam sanctæ Regulæ in eo a nobis, per gratiam Dei, utcunque inchoatam ament; pro nobisque, qui pondus diei et æstus indefesse susinimus, orent; in arcta et angusta via quam Regula demonstrat usque ad exhalationem spiritus desudent; quatenus, deposita carnis sarcina, in requie sempiterna feliciter pausent.

CAPUT PRIMUM.

*Quo primum tempore S. Robertus abbas Molismensis fundamenta jecit sive cœnobii sive ordinis Cisterciensis.*

Anno ab Incarnatione Domini millesimo nonagesimo octavo, beatæ memoriæ Robertus Molismensis Ecclesiæ (132) in episcopatu Lingonensi fundatæ primus abbas, et quidam ejusdem cœnobii fratres, ad venerabilem Hugonem tunc apostolicæ sedis legatum, ac Lugdunensis Ecclesiæ archiepiscopum venerunt, vitam suam sub custodia sanctæ Regulæ Patris Benedicti se ordinaturos pollicentes: et idcirco ad hoc liberius exsequendum, ut eis sui juvenis apostolicæque auctoritatis robor porrigeret, constanter flagitantes; quorum voto legatus lætan-

ter favens, tali epistola exordii eorum fundamentum jecit.

CAPUT II.

*Epistola Hugonis legati ad Robertum abbatem Molismensem.*

« Hugo (133) Lugdunensis archiepiscopus, et apostolicæ sedis legatus, Roberto Molismensi abbati, et fratribus cum eo secundum Regulam sancti Benedicti, servire Deo cupientibus. Notum sit omnibus de sanctæ matris Ecclesiæ profectu gaudentibus, vos et quosdam filios vestros Molismensis cœnobii fratres, Lugduni in nostra præsentia astitisse, ac Regulæ beatissimi Benedicti, quam illic huc usque tepide ac negligenter in eodem monasterio tenueratis, arctius deinceps atque perfectius inherere velle professos fuisse. Et primum quidem ipsam Regulam, monachorum instituta et mores honestos et religioni convenientes vos velle imitari, in Dei et nostro conspectu statuistis. Quod quia in loco prædicto, pluribus impediens causis, constat adimpleri non posse: Nos utriusque partis salutem, videlicet inde recedentium atque illic remanentium providentes, in locum alium quem vobis divina largitas designaverit, vos declinare, ibique salubrius atque quietius Domino famulari, utile duximus fore.

« Vobis ergo tunc præsentibus, videlicet Roberto abbati, fratribus quoque Alberico, Odoni, Joanni, Stephano, Letaldo et Petro, sed et omnibus quos regulariter et communi consilio vobis sociare decre-

(132) Est Molismus cœnobium ordinis sancti Benedicti, in ducatu Burgundiæ et episcopatu Lingonensi, a S. Roberto fundatum.

(133) Hugo iste, antea episcopus Diensis et Gregorii septimi legatus in Galliis sub eodem factus est

archiepiscopus Lugdunensis anno D. 1080, ac rursus sub Urbano II eodem legati munere fungens in iisdem partibus, has S. Roberto et fratribus ejus litteras concessit, quibus novi cœnobii Cisterciensis fundandi facultatem fecit.



veritis, hoc sanctum propositum servare et tunc A regulariter firmare fecit; sicque Ecclesia illa in consuluimus, et ut in hoc perseveretis precipimus, et auctoritate apostolica per sigilli nostri impressionem in perpetuum confirmamus.

« Illam vero professionem quam feci in præsencia vestra in Molismensi monasterio, eandem professionem et stabilitatem confirmo coram Deo et sanctis ejus, in manu vestra me servaturum, in hoc loco qui vocatur Novum Monasterium (134) sub obedientia vestra et successorum vestrorum vobis regulariter substituendorum. »

## CAPUT III.

*Egressus monachorum Cisterciensium de Molismo, et eorum ad Cistercium adventus.*

Post hæc, tali ac tanta, antedictus abbas et sui, auctoritate freti, Molisimum redierunt, et de illo religioso fratrum collegio socios votum in Regula habentes elegerunt, ita ut inter eos qui legato Lugdunni fuerant locuti, et illos qui de cœnobio vocati sunt, viginti et unus monachi essent, talique stipati comitatu ad eremum quæ Cistercium dicebatur, alacriter tetenderunt. Qui locus in episcopatu Cabilonensi situs, et præ nemoris spinarumque tunc temporis opacitate, accessus hominum insolitus, a solis feris inhabitabatur. Ad quem viri Dei venientes, locumque illum tanto religioni quam animo jam jam conceperant, et propter quam illuc advenerant habiliorem, quanto sæcularibus despicabiliorem et inaccessibilem, intelligentes: nemoris spinarumque densitate præcisa ac remota, monasterium ibidem voluntate Cabilonensis episcopi, et consensu ipsius cujus ipse locus erat, construere cœperunt.

Nam isti viri apud Molisimum adhuc positi, sæpius inter se Dei gratia aspirati, de transgressione Regulæ beati Benedicti Patris monachorum loquebantur, conquerebantur, contristabantur, videntes se cæterosque monachos hanc Regulam solemnem professionem servaturos promississe, eamque minime custodisse, et propter hoc, uti prælibavimus, apostolicæ sedis legati auctoritate ad hanc solitudinem, ut professionem suam observantia sanctæ Regulæ adimplerent, veniebant. Tunc Dominus Odo (135), dux Burgundiæ, sancto fervore eorum delectatus, sanctæque Romanæ Ecclesiæ præscripsi legati litteris rogatus, monasterium ligneum quod incœperant, de suis totum consummavit, illosque inibi in omnibus necessariis diu procuravit, et terris ac pecoribus abunde sublevavit.

## CAPUT IV.

*Quomodo locus ille in abbatiam surrexit.*

Eodem tempore abbas qui advenerat, ab episcopo diœcesis illius virgam pastorem cum cura monachorum, jussu prædicti legati suscepit, fratresque qui secum advenerant, in eodem loco stabilitatem

(134) *Novum Monasterium*, id est Cistercium.

(135) Hic Odo quadriennio post, cum in Asiam ire cogitasset et expeditionem adornasset, jam jam exercitum traducturus, inquit Paradinus, immatura morte interceptus est, et in Cistercio sepultus, ubi

regulariter firmare fecit; sicque Ecclesia illa in abbatiam canonicæ et apostolicæ auctoritate crescendo surrexit.

## CAPUT V.

*Quod Molismenses monachi aures domini papæ pro reditu Roberti abbatis inquietarunt.*

Igitur haud multo elapso temporis spatio, Molismenses monachi voluntate domini Godefridi abbatis sui qui Roberto successerat, Dominum Urbanum papam Romæ adeuntes postulare cœperunt, ut sæpeditus Robertus in locum pristinum restitueretur: quorum importunitate motus papa mandavit legato suo, venerabili scilicet Hugoni, ut si fieri posset, idem abbas reverteretur, et monachi eremitum diligentes in pace consisterent.

## CAPUT VI.

*Epistola domini papæ pro reditu Roberti abbatis.*

« Urbanus (136) episcopus, servus servorum Dei, venerabili fratri et coepiscopo Hugoni apostolicæ sedis vicario, salutem et apostolicam benedictionem. Molismensium fratrum magnum clamorem accepimus in concilio, abbatis sui reditum vehementius exostulantium, Dicebant enim religionem in suo loco eversam, seque pro abbatis illius absentia, odio apud principes et cæteros vicinos haberi. Coacti tandem a fratribus nostris dilectioni tuæ per præsentia scripta mandamus, significantes gratum nobis existere, ut, si fieri possit, abbas ille ab eremo ad suum monasterium reducat. Quod si implere nequiveris, curæ tibi sit, ut et qui eremum diligunt conquiescant, et qui in cœnobio sunt regularibus disciplinis inserviant. » His apostolicis litteris lectis, legatus viros authenticos et religiosos convocavit, et de præsentis negotio quæ subter sunt exarata definivit.

## CAPUT VII.

*Decretum legati de toto negotio Molismensium atque Cisterciensium.*

« Hugo Lugdunensis Ecclesiæ servus, charissimo fratri Roberto Lingonensi episcopo, salutem. Quid de negotio Molismensis Ecclesiæ in colloquio apud portum Ansillæ nuper habito, definierimus, » etc. *Vide in Hugone Lugdunensi, Patrologiæ t. CLVII, col. 524.*

Hæc omnia abbas ille laudavit et fecit, absolvendo Cistercienses ab obedientia quam ei in illo vel in Molismensi loco promiserant, et dominus Galterus Cabilonensis episcopus abbatem a cura illius Ecclesiæ liberum dimisit; sicque reversus est, et quidam monachi cum eo, qui eremum non diligebant. Hac ergo ratione apostolicaque dispensatione, istæ duæ abbatiae in pace et libertate summa remanserunt. Rediens vero abbas secum pro sculo defensionis, has litteras episcopo suo detulit.

et Henricus ejus filius secundo genitus monachus effectus est.

(136) Is est Urbanus II, anno D. 1088 ex ordine Cluniacensi assumptus.

## CAPUT VIII.

*Commendatio abbatis Roberti.*

« Dilectissimo fratri et coepiscopo Roberto Lingo-  
nensi episcopo, Galterus Cabilonensis Ecclesiæ ser-  
vus salutem. Notum sit vobis fratrem Robertum,  
cui abbatiam illam in nostro episcopatu sitam,  
quæ Novum Monasterium dicitur, commiseramus, a  
professione quam Cabilonensi Ecclesiæ fecit, et ab  
obedientia quam nobis promisit, secundum domini  
archiepiscopi Hugonis definitionem a nobis esse ab-  
solutum. Ipse autem monachos illos qui in præfato  
Novo Monasterio remanere decreverunt, ab obedi-  
entia quam sibi promiserant, absolvit et liberos di-  
misit. Illum igitur amodo suscipere et honorifice  
tractare ne vereamini. Valet. »

## CAPUT IX.

*De electione Alberici primi abbatis Cisterciensis  
Ecclesiæ.*

Viduata igitur suo pastore Cisterciensis Ecclesia,  
convenit ac regulari electione quemdam fratrem,  
Albericum (137) nomine, in abbatem sibi promo-  
vit : virum scilicet litteratum, in divinis et huma-  
nis satis gnarum, amatorem Regulæ et fratrum,  
quique prioris officium, et in Molismensi et in illa  
diutius gerebat Ecclesia, multumque diu nitendo  
laboraverat, ut ad illum de Molismo transmigra-  
rent locum ; et pro hoc negotio, multa opprobria,  
carcerem et verbera perpassus fuerat.

## CAPUT X.

*De privilegio Romano.*

Præfatus Albericus cura postorali, licet multum  
renitens, suscepta, cogitare cœpit, veluti vir mira-  
bilis prudentiæ, quæ tribulationum procellæ, domum  
sibi creditam aliquando concutientes, vexare pos-  
sent : et præcavens in futurum, cum consilio fra-  
trum transmisit monachos duos, Joannem et Ilbo-  
dum Romam, dominum papam Paschalem per eos  
exorans, ut Ecclesia sua sub apostolicæ protectionis  
alis quieti et tuta, ab omnium ecclesiasticarum sæ-  
culariumve pressura personarum perpetuo sederet.  
Qui fratres prædicti Hugonis archiepiscopi, Joan-  
nisque et Benedicti Romanæ Ecclesiæ cardinalium,  
Galterique Cabilonensis episcopi litteris sigillatis  
freti, Romam prospere ierunt et redierunt, antequam  
ipse Paschalis papa (133) in captione positus impe-  
ratoris peccaret, reportantes ejusdem apostolici pri-  
vilegium juxta votum abbatis sociorumque ejus per  
omnia exaratum. Has epistolas, privilegium etiam  
Romanuum congruum duximus in hoc opusculo re-  
linquere, ut posteri nostri intelligant, quam magno  
consilio et auctoritate eorum Ecclesia sit fundata.

(137) Etsi hic Albericus dicitur primus abbas Ci-  
stercii, nihilominus non nisi secundus dicendus est,  
saltem si pro primo illius loci abbate S. Robertum  
numeres, ut vel ex contextu capitis numerandum  
esse patet. Porro electus est Albericus ann. D. 1099,  
ita ut ad annum et tres aut quatuor ductaxat men-  
ses præfuerit Cistercio sanctus Robertus.

(138) Paschalis papa, hujus nominis II, ex ordine

A

## CAPUT XI.

*Epistola Joannis et Benedicti (139) cardinalium.*

« Domino Patri Paschali et undique laude exi-  
mia prædicando, Joannes et Benedictus seipsos  
per omnia. Quia nostri moderaminis est omnibus  
Ecclesiis providere, et justis poscentium votis ma-  
num porrigere, vestræque justitiæ adjumento reli-  
gio Christiana fulta, debet incrementa sumere,  
vestram sanctitatem obnixius deprecamur, quate-  
nus harum litterarum bajulie, nostro consilio, a  
quibusdam religiosis fratribus paternitati vestræ  
missis, aures vestræ pietatis flectere dignemini.  
Petunt enim ut præceptum quod de quiete et suæ  
religionis stabilitate a prædecessore vestro domino  
nostro beatæ memoriæ papa Urbano accēperunt, et  
quod secundum ejusdem præcepti tenorem, archi-  
episcopus Lugdunensis tunc legatus et alii coepi-  
scopi et abbates inter eos et Molismensium abba-  
tiam, a qua religionis causa discesserunt, defini-  
runt, vestræ auctoritatis privilegio in perpetuum  
maneat inconvulsam ; ipsi enim vidimus, eorum-  
que veræ religioni testimonium perhibemus. »

## CAPUT XII.

*Epistola Hugonis Lugdunensis.*

« Reverendissimo Patri et Domino suo Paschali  
papæ, Hugo Lugdunensis Ecclesiæ servus, per om-  
nia seipsum. Fratres isti præsentium geruli, » etc.  
*Vide ubi supra, col. 525.*

## CAPUT XIII.

*Epistola Cabilonensis episcopi.*

« Venerabili Patri papæ Paschali, Valterus Cabi-  
lonensis episcopus, salutem et debitam subjectio-  
nem. Sicut sanctitas vestra, ut fideles in vera reli-  
gione proficiant, ardentem desiderat, sic eisdem ve-  
stræ protectionis umbram, et vestræ consolationis  
fomentum deesse non expedit. Suppliciter ergo peti-  
mus quatenus quod factum est de fratribus illis qui  
arctioris vitæ desiderio a Molismensi Ecclesia san-  
ctorum virorum consilio recesserunt, quos in nostro  
episcopatu divina pietas collocavit, a quibus trans-  
missi præsentium bajuli vobis præsentibus adsunt, se-  
cundum prædecessoris vestri præceptum, et Lug-  
dunensis archiepiscopi apostolicæ sedis tunc lega-  
ti, et coepiscoporum et abbatum definitionem et  
scriptum ; cui rei nos præsentibus et ejus auctores  
cum aliis existimus, vos approbare, et ut locus ille  
abbatia libera in perpetuum maneat (salva tamen  
personæ nostræ successorumque nostrorum cano-  
nica reverentia) auctoritatis vestræ privilegio cor-  
roborare dignemini. Sed et abbas quem in eodem  
loco ordinavimus et cæteri fratres, totis viribus  
hanc confirmationem in suæ quietis tutelam a ves-  
tra flagitant pietate. »

item Cluniacensi in summum pontificem electus  
an. Dom. 1099, dicitur peccasse, ob investituræ  
beneficiorum, quas ultro citroque imperatori Hen-  
rico IV, vel at aliis placet V, concessit.

(139) Hi duo cardinales agebant tunc in Galliis,  
illuc missi a Paschali II, ut Bertam reginam Phi-  
lippo I Francorum regi reconciliarent.

## CAPUT XIV.

*Privilegium Romanorum.*

« Paschalis episcopus, servus servorum Dei, venerabili Alberico Novi Monasterii abbati, quod in Cabilonensi parochia situm est, ejusque successoribus regulariter substituendis in perpetuum. Desiderium quod ad religiosum propositum et animarum salutem pertinere monstratur, » etc. Vide in Paschali, *Patrologiæ t. CLXIII.*

## CAPUT XV.

*Instituta monachorum Cisterciensium de Molismo venientium.*

Dehinc abbas ille et fratres ejus non immemores sponsonis suæ, Regulam beati Benedicti in illo loco ordinare, et unanimiter statuerunt tenere, rejicientes a se quidquid Regulæ a se quidquid Regulæ refragabatur, froccos videlicet et pellicias, stamina lectorum ac diversa ciborum in refectorio fercula, sagimen etiam et cætera omnia quæ puritati Regulæ adversabantur. Sioque rectitudinem Regulæ super cunctum vitæ suæ tenorem ducentes tam in Ecclesiasticis quam in cæteris observationibus, Regulæ vestigiis sunt adæquati seu conformati. Exuti ergo veterem hominem, novum se induisse gaudebant. Et quia nec in Regula, nec in Vita Sancti Benedicti, eundem doctorem legebant possedisse ecclesias vel altaria, seu oblationes, aut sepulturas vel decimas aliorum hominum, seu furnos, vel molendina, aut villas, vel rusticos, nec etiam feminas monasterium ejus intrasse, nec mortuos ibidem, excepta sorore sua, sepelivisse. Ideo hæc omnia abdicarunt dicentes, ubi S. Pater Benedictus docet, *ut monachus a sæcularibus actibus se faciat alienum* (140), ibi liquido testatur, hæc non debere versari in actibus vel cordibus monachorum, qui nominis sui etymologiam, hæc fugiendo, sectari debent.

Decimas quoque aiebant a sanctis Patribus, qui organa erant Spiritus sancti, quorumve statuta transgredi sacrilegium est committere, in quatuor partes distributas: unam scilicet episcopo, alteram presbytero, tertiam hospitibus ad illam ecclesiam venientibus, seu viduis et orphanis, seu pauperibus aliunde victum non habentibus, quartam denique restorationi ecclesiæ. Et quia in hoc computo personam monachi, qui terras possidet suas unde et per se et per pecora sua laborando vivat non reperiebant, ideo hæc veluti aliorum jus sibi usurpare detrectabant.

Ecce hujus sæculi divitiis spretis cœperunt novi milites Christi, cum paupere Christo pauperes, inter se tractare quo ingenio, quove artificio, seu quo exercitio in hac vita se, hospites, divites ac pauperes supervenientes, quos ut Christum suscipere præ-

(140) S. Bened. in Reg. cap. 4, de instrum. honorum operum.

(141) De his conversis seu fratribus laicis agitur plenius in eorum Usibus.

(142) Reg. S. Bened., cap. 66.

(143) Vide Guillelm. Sancti Theodorioi abbatem in

capit Regula, sustentarent. Tuncque definierunt se conversos laicos (141) barbatos ex licentia episcopi sui suscepturos, eosque in vita sua et in morte, excepto monachatu, ut semetipsos tractaturos, et homines etiam mercenarios; quia sine adminiculis istorum non intelligebant se plenarie sive die sive nocte, præcepta Regulæ posse servare; suscepturos quoque terras ab habitatione hominum remotas, et vineas et prata et silvas, aquasque, ad faciendam molendina ad proprios tantum usus et ad piscationem, et equos, pecoraque diversa necessitati hominum utilia, et cum alicubi curtes ad agriculturas exercendas instituissent, decreverunt, ut prædicti conversi domos illas regerent non monachi, quia habitatio monachorum secundum Regulam (142) debet esse in claustris ipsorum.

Quia etiam beatum Benedictum non in civitatibus, nec in castellis aut in villis, sed in locis a frequentia populi semotis cœnobis construxisse, sancti viri illi sciebant, idem se sæulari promittebant. Et sicut ille monasteria constructa per deos monachos adjuncto patre abbate disponebat, sic se acturos confirmabant.

## CAPUT XVI.

*De mœstitia eorum.*

Illud virum Dei prædictum, scilicet abbatem et suos, aliquantulum mœstitiæ subdidit, quod raro quis illis diebus illuc ad eos imitandos veniret. Viri enim sancti thesaurum virtutum cœlitus inventum, successoribus ad multorum salutem profuturum committere gestiebant. (143) Sed fere omnes videntes et audientes vitæ eorum asperitatem insolitam, et quasi inauditam, plus corde et corpore elongare, quam eis approximare se festinabant, et de perseverantia ipsorum titubare non cesebant. Sed Dei misericordia, qui hanc militiam spiritalem suis inspiravit, ad multorum profectum, egregie eam amplificare et consummare non cessavit, sicuti sequentia declarabunt.

## CAPUT XVII.

*De morte primi abbatis (144) et promotione secundi, et de institutis eorum.*

Vir autem Domini Albericus in schola Christi per novem annos et dimidium regulari disciplina feliciter exercitatus, migravit ad Dominum, fide et virtutibus gloriosus, et ideo in vita æterna a Deo merito beandus. Huic succedit quidam frater, Stephanus nomine (145), Anglicus natione, qui et ipse cum aliis de Molisto illuc advenerat, quique amator Regulæ et loci erat. Hujus temporibus interdixerunt fratres una cum eodem abbate, ne dux illius terræ seu alius aliquis princeps curiam suam aliquo tempore in ecclesia illa tenerent, sicuti antea

libro primo Vitæ S. Bernardi cap. 8.

(144) Nota iterum hic non numerari sanctum Robertum inter abbates Cistercii.

(145) Vocabatur Stephanus Hardingus, S. Almerico suffectus an. D. circiter 1109, cum abbas esset, inquit Guillel. Malmesb.

in solemnitatibus agere solebant. Deinde ne quid in domo Dei in qua die ac nocte Deo servire devote cupiebant remaneret, quod superbiam aut superfluitatem redoleret, aut paupertatem virtutum custodem quam sponte elegerant, aliquando corrumpere. Confirmaverunt etiam ne retinent cruces aureas seu argenteas, sed tantummodo ligneas coloribus depictas, neque candelabra nisi unum ferreum, neque thuribula nisi cuprea vel ferrea, neque casulas nisi de fustaneo vel lino sine pallio auroque, et argento, neque albas vel amictus nisi de lino, similiter sine pallio, auro vel argenteo. Pallia vero atque dalmaticas, cappas, tunicasque ex toto dimiserunt. Sed et calices argenteos non aureos, sed si fieri poterit deauratos, et fistulam argenteam, et si possibile fuerit deauratam: stolas quoque ac manipulos de pallio tantum, sine auro et argento retinuerunt. Palliæ autem altarium, ut de lino fierent et sine pictura plene præcipiebant, et ut ampullæ vinarie sine auro et argento fierent.

Illis diebus in terris et vineis ac pratis curtibusque eadem ecclesia crevit, nec religione decrevit. Ergo istis temporibus visitavit Dominus locum illum viscera misericordiæ suæ effundens super se petentes, ad se clamantes, coram se lacrymantes, die ac

(146) Hæc duodecim cœnobîa ex Cistercio nata, his nominibus indigitantur. Firmitas, Pontigniacum, Claravallis, Morimundus, Prulliacum, Tres

nocte longa profundaque suspiria trahentes, et fere ostio desperationis appropinquantes, pro eo quod successoribus pene carerent. Nam tot clericus litteratos et nobiles, in sæculo potentes æque et nobiles uno tempore ad illam Dei gratia transmisit ecclesiam, ut triginta simul in cellam novitiorum alacriter intrarent, ac bene contra propria vitia et incitamenta malignorum spirituum fortiter decertando, cursum suum consummarent. Quorum exemplo senes et juvenes, diversæque ætatis homines in diversis mundi partibus animati, videntes scilicet in istis possibile fore, quod antea impossibile in custodienda Regula formidabant, illuc concurrere, superba colla jugo Christi suavi subdere, dura et aspera Regulæ præcepta ardentè amare, ecclesiamque illam mirabiliter lætificare et corroborare cœperunt.

#### CAPUT XVIII.

##### *De abbatibus quas extruxerunt.*

Abhinc abbatias in diversis episcopatibus ordinarunt, quæ tam larga potentique benedictione Domini in dies crescebant, ut infra octo annos, inter illos qui de Cisterciensi cœnobio specialiter fuerant egressi, et cæteros qui ex eisdem fuerant exorti, duodecim cœnobîa (146) constructa fuerint inventa.

Fontes, Curia Dei, Bonavallis, Bonus radius, Cadunium, Fontanetum, Mansus Adæ seu Mansiada.

CIRCA ANNUM MCXXXII.

# JOANNIS MONACHI

## EPISTOLA

AD ADALBERONEM TREVIRENSEM ARCHIEPISCOPUM

*De tribus missis in Nativitate Domini celebrandis, deque festis infra ipsius octavam recolendis*

(D. MARTENE, *Ampl. Collect.*, I, 712, ex ms. Epternacensi)

Archiepiscopo Trevirorum et apostolicæ sedis legato ADALBERONI (1), JOANNES, æternam salutem et gloriam.

Quoniam ante hos annos edidi ad quosdam amicos libellum de missali officio Dominici Adventus, non est cordi repetere ea quæ dixi; ea potius explanabo quæ ab inde sequuntur, et quæ neodum tetigi. Primum scilicet de missali officio Dominici Nativitatis. Ubi primum quæstio agitur cur in ipsa die tria officia missarum celebrantur, una scilicet

(1) Trevirenses archiepiscopi Adalberonis nomine extitere duo; unus, qui anno 1005 sedem Trevirensem invasit, alter anno 1132 ex primicerio Me-

C missa in galli cantu, altera in summo diluculo, tertia jam plena die. Cur enim tunc fit, quod per totum annum nusquam agitur, ut Ecclesia duas generaliter missas in nocte una solemnizet, quod nunquam in alia nocte consuevit. Sunt qui ita solvunt, quod istæ tres missæ tria tempora significant, unum ante legem et gratiam, et ideo totum in tenebris; secundum sub lege, quæ obscura per ænigmata, demum in lucem gratiæ finivit, unde et in tenebris jam tamen inclinatis inchoatur, sed in luce jam aspi-

tensi assumptus, vir pius, Himerodensis monasterii fundator, ad quem potius quam ad primum scriptam fuisse epistolam hanc existimamus.

rante finitur; tertium vero in plenitudine diei, quod nunc præsens tempus est splendentis gratiæ. Sed hac eadem ratione et eodem ordine tres missæ similiter debuerant celebrari in Pascha maxime, quæ est solemnitas solemnitatum, vel in omni festo Domini, vel etiam singulis diebus. Alia alii dicunt, et unusquisque in suo sensu abundat.

At nos, salvo sensu omnium aliorum, dicimus omne officium trium missarum agere de ipsa Domini Nativitate. Et quod duæ missæ in nocte peraguntur, significari duas natiuitates Jesu Christi, unam sempiternam de Patre, aliam temporalem de Matre, utramque nobis incomprehensibilem, et oculos nostræ infirmitatis quasi sub quibusdam tenebris latentem. Nam si ad divinam generationem de Patre respiciamus, quis posset ad plenum sentire vel exprimere quid sit Filium hominis de Patre Deo gigni, ut ait propheta: *Generationem ejus quis enarrabit?* ut subintelligas, nullus. Dicit enim B. Ambrosius. quod hæc natiuitas super scientiam sit angelorum et archangelorum, principatum et dominationum, et omnium cœlestium virtutum, et eorum qui inhabitant in domos luteas et terrenum habent fundamentum. Merito igitur prima missa hanc natiuitatem Christi plenam innuens, tota agitur in tenebris, quia cum supernis spiritibus omnia scientibus incomprehensibilis sit, maxime nos terrenis tenebris involutos per omnia pene latet, nisi quantum luminaria Scripturarum in medio radiantia cum oculis nostris revelant, quæ luminaria a toto ipsius missæ officio procedentia, nostris cordibus insplendent, ut sempiterna Verbi Dei natiuitas sicut ipso noctis tempore, ut diximus, innuitur, ita et testimoniis ipsius missæ officialibus declaretur.

Nam ut breuiter singula ventilemus, Introitus qui est: *Dominus dixit ad me: Filius meus es tu, ego genui te*, nonne luce manifestius modum tantæ generationis ex ore ipsius nati de Patre Filii protestatur? Quid enim dicit aliud *Dominus dixit ad me*, nisi Deus Pater me Verbum bonum eructavit de suo corde? Et quid aliud *Filius meus es tu*, quam *in principio erat Verbum*; Deus Filius apud Deum Patrem de ipso Patre genitus. *Ego hodie genui te*, quid sibi vult, nisi quod illa generatio inenarrabilis, nec principium, nec finem habet, et semper perfectissima est. Nam *hodie*, quod est præsentis temporis, declarat in illa summa generatione nihil præteritum aut futurum esse, cui omne suum semper in præsentiarum adest. Et *genui*, quod est perfecti temporis, insinuat illam semper esse sui plenissimam, cujus perfectipni in omnibus integerrimæ nihil majus aut minus unquam possit accidere semper idem permanenti. Graduale quoque quod est: *Tecum principium, in die virtutis*, etc., vox ex Patris ad eundem Filium de ipsa sui generatione testantis,

(2) In pervetusto Calendario Epternacensi, ante annos mille exarato, consignatur viii Kal. Julii *Receptio S. Joannis apostoli ad Ephesum*. Similiter in veteri Martyrologio sancti Hieronymi Spicilegii tomo IV,

A quod Filius sit semper consempternus sibi Patri pari virtute divinitatis, et ad perfectum æternæ beatitudinis omnium sanctorum processerit, genitus ex substantia Patris, ante omnem angelorum seu mundi creaturam. *Alleluia, Dominus dixit*, unde in introitu diximus. Evangelium quamvis humanati Verbi generationem contexit, tamen uno verbo, et divinam maxime complectitur, dum dicit de beata Virgine: *Et peperit Filium suum primogenitum*. Bene *primogenitum*, ut prudens lector intelligat, quia quem Virgo peperit, jam primogenitus a Patre. Offeritorium et versus ejus, omnibus esse lætandum et cantandum prædicant, quia Dominus in mundum venerit, qui est annuntiandus dies de die, id est Filius de Patre, et salutare Dei Patris. Communio est *In splendoribus*, sed superius expositum est. Ita hæc missa primam Christi natiuitatem et ipso tempore, et ipsius sui officii omnibus membris denuntiat. Missas secundam et diu require in Ammulario.

Nunc ad officium missale trium subsequentium dierum articulum divertamus. Nam ibi quoque quæstio est, quæ expositione indiget, cur scilicet natalitia S. Stephani protomartyris, itemque sancti Joannis evangelistæ, et demum sanctorum Innocentium in suis singulis diebus præferantur natalitiis Christi Salvatoris, cum per quatuor dies natalitiis dominicis nulla servorum natalitia, cujuslibet dignitatis sint, debeant præferri. Verbi gratia si infra Paschæ et Pentecostes quatuor primos dies occurrat natale alicujus sancti, cujusunque meriti sit, intermittitur, aut in alium diem transfertur, et celebras Domini in omnibus præfertur. Eadem lege natalitia istorum sanctorum non præferri, sed supponi Dominico natali debuerant, nisi certa ratio mysterii in eis lateret. Præterea assumptio sancti Joannis apud Ephesum, ubi jacet, vii Kalendas (2) Julii celebratur, et facta traditur. Protomartyr est quoque Stephanus, et sanctos Innocentes in ipsis diebus fuisse passos nulla certitudine historiarum probatur. Sed ut proposita quæstio solvatur, dicimus mysterium inesse in his solemnitatum ordinibus. Est autem hoc mysterium, quod in Christi Nativitate nobis datum est, ut Christus et Ecclesia in Christo renata sint unum corpus et unus spiritus, et sint duo in carne una. Ecclesia igitur Christo incarnato est renata et concorporata, celebrat pariter Nativitatem Christi propter se factam, et suam in Christo, id est capitis et membrorum suorum. Primo die celebratur natale Christi, qui est caput Ecclesiæ, cujus tres ordines sunt, martyrurum unus, aliter doctorum, tertius omnium fidelium et subjectarum plebium. Sed ne aliqua fieret ex innumera multitudine indiscreta confusio, ideo innumeri martyres honorantur omnes sub celebrato nomine unius protomartyris Stephani, qui primus calicem pas-

svii Kal. Julii, *In Epheso S. Joannis apostoli et evangelistæ*. Et in veteri Gellonensi: *Festum dormitionis S. Joannis apostoli*.

sionis, quam Salvator Christus pro omnibus gustaverat, reddidit eidem Salvatori, et cujus exemplum sequuntur omnes alii. Similiter innumerabilis ordo omnium doctorum glorificatur sub nomine unius dilecti Christo Joannis, qui apostolus evangelista primus et præcipuus doctor est Ecclesiarum. Innumera quoque multitudo omnium subjectorum fidelium commemorantur sub nomine Infantium et lactentium, qui sua innocentia jam præimaginabant simplicem fidem justorum.

Quia igitur sancta Dei Ecclesia, sicut jam in Adam portaverat imaginem terreni, ita et nunc in Christo portat imaginem cœlestis: et quæ in primo Adam, qui erat de terra terrenus, sordebat terrena, nunc in secundo Adam qui de cœlo cœlestis venit, cœlestis facta est, merito in natali capitis sui felicitia cœlestia omnium membrorum suorum natalitia concelebrat, ut totius ecclesiastici corporis nativitas ad æternam vitam simul solemnizetur. Nam etiam hanc hujusmodi nativitatem totius ecclesiastici corporis divina lex Moysi sub figura innuit, quæ omnia Ecclesiæ sacramenta continens, dum trium solemnitatibus, quæ præcipuè in anno celebrantur, id est Paschæ, Pentecostes atque Tabernaculorum ritus et cæremonias per singula describeret, demum festi Tabernaculorum cultum tradens, ita inter cætera ait: *Assumtisque vobis die primo fructum arboris pulcherrimæ, spatulasque palmarum, et ramos ligni densarum frondium, et salices de torrente, et lætabimini coram Domino.* Luce quidem manifestus est, quod illud in lege Pascha et Pentecosten jam prætendebant sub figura nostrum Pascha et Pentecosten in Evangelii gratia. Solemnitas quoque Tabernaculorum præimaginabat natale Christi, quando in sole posuit tabernaculum suum, dum visibilis mundo apparuit sub tegmine carnis, et nos omnes in se credentes sub ipsis incarnationis sive tentoriis per fidem introductos ab insidiis spiritualis nequitiæ semper protexit ac proteggit. Unde et in ipsa lege ita admonet dicens: *Discant posteri vestri, quod in tabernaculis habitaverunt filii Israel, ut omnes fideles pro certo teneant, quod sub fide incarnati Verbi, cui per aquam renati concorporamur, protegimur a facie maligni hostis,*

A qui circuit quærens quem devoret. Ad hæc igitur tabernacula construenda, primo die sumitur fructus arboris pulcherrimæ, id est primo die celebratur Incarnatio Christi, qui carne et sanguine suo, qui sunt fructus vitæ nostræ, nos pascit. Ipse enim est arbor nostræ salutis, quæ in primo psalmo et in Apocalypsi describitur super fluentia aquarum. Post assumptionem arboris pulcherrimæ assumuntur ad constructionem tabernaculorum et spatulæ palmarum, hoc est post celebrationem noti Salvatoris ad consummationem ecclesiasticorum ordinum celebrantur et coronæ victoriosorum martyrum, quod innuitur in commemoratione protomartyris ipsorum, Deinde assumuntur rami ligni densarum frondium, id est doctores qui de ipso Christo, qui est lignum vitæ cum multiplici doctrina veritatis, quasi rami cum densis frondibus progrediuntur, quod imaginatur in solemnio beati Joannis summi doctoris. Sequuntur salices de torrente, quæ quamvis infructuosæ sint, frondent tamen et virent, quæ sunt vulgares plebiculæ, quæ licet in mundo positæ, vix ullum justitiæ fructum ferant, tamen vivunt et salvantur in fide, quæ designatur in celebritate Innocentium, qui nec loqui nec cooperari adhuc novant.

His finitis, rationem Dominicæ diei, quæ infradias Dominici Natalis occurrit, breviter in calce scripti attingamus, ut de missali officio hujus festi nihil prætermittamus. Hæc missa incerto die occurrit et agitur, et significat fidem Synagogæ in fine, incertum est quando, in Christum credituræ, ut cum reliquo corpore Ecclesiæ et futura assumptio Synagogæ jam celebratur in Christi natale. Introitus *Dum medium silentium*, vox est ipsius Synagogæ testantis quod cæcata sit infidelitate quando Christus natus est. Graduale *Speciosus forma et Eructavit* vox Patris est, quasi ipsis Judæis testantis quod Christus Deus et Filius ejus est, quod illi modo non credunt Evangelium et communio sumpta de Evangelio dum puerum Jesum narrant de Ægypto relatum. Judæam innuunt fidem Christi in fine mundi ab ipsis gentibus fore ad Judæos reversuram exstincta infidelitate eorum.

ANNO DOMINI MCXXXVI ET MCXXXVIII

## DROGO CARDINALIS

ASTIENSIS EPISCOPUS

### NOTITIA HISTORICO-LITTERARIA

FABRIC. *Biblioth. med. et inf. lat.*, II, 65)

Drogo, ex monacho Benedictino monasterii Nicasiani apud Remenses priore et abbate Laudunensi, episcopus Ostiensis et cardinalis ab anno 1130 ad 1138, scripsit *De sacramento Dominicæ Passionis* librum, sive sermonem, obvium in Orthodoxographis utrisque, et in Bibliothecis Patrum: in novissima

autem Lugdunensi tomo XXI. Huic subjungitur, pag. 341, liber *De creatione et redemptione primi hominis*, editus primum an. 1622 e ms. codice bibliothecæ Elnensis: nec non, pag. 344 *De septiformi gratia Spiritus sancti ac de beatitudinibus*, et pag. 345 *De divinis officiis seu horis canonicis*.

## DROGONIS CARDINALIS

### SERMO

#### DE SACRAMENTO DOMINICÆ PASSIONIS.

(*Biblioth. Patr. Lugdun., XXI, 329.*)

*Noli timere, filia Sion; ecce rex tuus venit tibi mansuetus, et sedens super pullum filium subjugalis* (*Matth. xxi; Zach. ix*). Veni, Domine Jesu, veni, desiderate cunctis gentibus, quia dormitavit anima mea præ tædio moræ tuæ; et oculi mei languerunt præ inopia luminis tui. Orere, solamabilis, ut exeat homo ad opus suum et ad operationem suam usque ad vesperam, et operetur non cibum qui perit, sed qui permanet in æternum. *Noli timere, filia Sion*. Timere pusillorum est; ideo adhuc filia, quia times. Nondum Jerusalem, sed filia Sion; hoc est, specula. Ergo, disce speculari; noli timere, quia timor oculum turbat. Hilaris pupilla lucide speculatur. Fides, pupilla est oculi tui. Quomodo pupilla oculi est subtilissima: et nisi impigre ac sollicitè custodiatur a palpebris, levissimi et tenuissimi pulveris tactu confunditur; sic acie fidei, nisi pervigilem semper habeat custodiam, nihil citius conturbatur. Sed noli timere, filia Sion; ecce rex tuus venit tibi: oritur tibi sol, qui te et custodiat et illuminet et perducatur ubi pulvis non est. *Venit tibi mansuetus*: qualis ipse est, talem te esse vult; mansuesce jugum ejus portare. Et ipse sedeat super te asinam suam, et pullum filium subjugalis. Et quæ est hæc asina? Ipsa quæ caro vocatur et mulier, et virago quia de viro sumpta est. Et quis est pullus ejus? Masculus vir. Et quomodo pullus ejus est? Quia *non prius quod spirituale sed quod animale, deinde quod spirituale* (*I Cor. xv*). Sedet prius rex mansuetus super asinam, postea super pullum: prius caro domatur ut jugo habilis sit, deinde nascitur pullus et nutritur et roboratur ut sessorem suum portare possit. Et quare filius subjugalis? Quia sub viro est mulier, et *mulieris caput vir* (*I Cor. xi*), et tamen filius est subjugalis, quia per mulierem vir, sed in dolore ipsa pariet. Sedeat super utrumque rex mansuetus faciens pacem, nec hæc sibi invicem adversentur. Venit tibi mansuetus, et tu non vadis ei? *Egredere de terra* (*Gen. xii*) carnis tuæ, de cognatione matris tuæ: *et de domo* (*ibid.*) id est, memoria patris tui. *Pater tuus Amorrhæus est, et mater tua Chanæa* (*Ezech. xvi*). Hujus patris obliviscere, et tu concupiscet rex decorem tuum. Decor magnus est, si audis et vides, et inclinas aurem tuam. Audis per obedientiam, vides per intelligentiam, inclinas aurem tuam per humilitatem. Hic decor, hic omnis gloria ab intus est *in fimbriis aureis* (*Psal. xlii*): hunc decorem tuum rex mansuetus concupiscit. Egredere ergo de civitate; quia vidit, inquit, *iniquitatem et contradictionem in civitate* (*Psal. lvi*). Egredere cum pueris Hebræis, qui transeunt simpliciter in occursum Domini. Sterne in via *ramos olivarum* (*Matth. xxi*), et opera misericordiæ pedibus ejus accommodes. Accipe frondes palmarum, ut triumphes de principibus tenebrarum. Nihil in te resideat quod in occursum Jesu non prodeat, quia nec ungula in Ægypto, Pharaoni relinquenda est. Manus et cor, linguæ concinant *Osanna in excelsis*. Videns vidisti, Domine Deus, afflictionem populi tui qui est in Ægypto, et inclinasti cælos tuos et descendisti liberare nos. Indulta est mihi, Domine, modica quies ab operibus tenebrarum durissimis, quibus mentem meam vehementer afflixit importunus exactor. Pharaonis, et Sabbati tui præparatio jam lætificavit animam meam. Verumtamen nondum usque ad speluncam perveni, ubi plenius intelligam pustulas et nævos qui maculant faciem meam, quæ valde displicent in oculis tuis; quoniam et si laverò me *nitro* (*Jer. ii*), et multiplicaverò mihi *herbam Borith* (*ibid.*), maculata sum iniquitate mea. Et nunc, Domine, passionis tuæ dies urgere nos debent magis quam præpositi Pharaonis: quoniam in operibus tuis justitia est et pax et gaudium in Spiritu sancto. Nos autem dormitamus te, Domine, pro nobis orante, quia *oculi* nostri tempore nostro *gravati* (*Matth. xxvi*) sunt. Suscita nos ut vigilemus et oremus, ne incidamus in tentationem; quoniam tribulatio proxima est nobis. Quam cito clauditur oculus ne te videat, collabatur pes noster in hoc mare magnum et spatiosum manibus [navibus], ubi sunt reptilia quorum non est numerus; quæ somniorum suorum phantasiis intentam ludificant animam, et trahunt in cor maris, unde non facilis ad superiora reditus est, nisi tu omittas manum tuam de alto et liberares nos de aquis multis. Suscita nos, Domine, ut tecum *vel una hora* vigilemus et oremus,

Quis autem est qui tecum una hora vigilet? *Avulsus* enim es a nobis *quantum jactus est lapidis*, et agonizas prolixius, ita ut gutta *sanguinis* tui decurrat *in terram* (Luc. xxii). Longe avulsus es a nobis quia lapis est abscissus de monte sine manibus, et jactus est lapis, et percussit Goliath in fronte, et statuum in pedibus. Iste est jactus tuus longe a nobis, quia etiam adusque interiora velaminis præcursor introisti pro nobis, ubi semper interpellas Patrem. Sed utinam gutta sanguinis qui de agone tuo sudat, usque ad terram decurrat; et aperiat terra os suum, et bibat illum et clamet ad te, et tecum ad Patrem, melius quam *sanguis Abel*! (Gen. iv.) Quis autem, est, Domine, qui tecum una hora vigilet? Etiam *in cælo non est factum silentium* (Apoc. viii), nisi quasi media hora; quanto minus in terra, *una hora* (Math. xxvi), vigilabimus tecum? Quoties et redis ad nos, et invenis *dormientes* (Ibid.), et tamen benigne suscitās nos, et iterum abis *secundo et tertio eundem sermonem dicens*? (Ibid.) Statim autem ut recesseris, iterum somnus occupat nos, nec vigilare possumus nisi quoad nobiscum es et suscitās nos. Venis *in secunda et tertia vigilia* (Luc. xii), sed *beatus ille servus quem tunc inveneris vigilantem* (Ibid.). Jam primæ et quartæ vigiliæ nulla mentio fit; quia nec primæva ætas sensum recipit vigilandi, nec ultima spem prolixius dormiendi. Et quid est, Domine, quod tertio rediens, copiam dormiendi præstas? *Dormite jam, inquis, et requiescite* (Math. xxvi). Nunquid alium concedis somnum, ubi requiescitur; et alium prohibes in quo oculi gravantur? Ita est: qui enim vigilat in te, suaviter dormit, et silet, et sommo suo requiescit; qui autem dormit, a te, *sicut ebrius nocte* (Jer. xxiii) nesciens graviter agitur. *Tristis est, inquis, anima mea usque ad mortem* (Math. xxvi). Anima tristis est quæ exspectat mortis tribulationem: quis enim sciat utrum ad sinistram an ad dextram eat? Quis enim sciat quomodo respondeat ad arguentem se, quando iudex *sicut parturiens* (Isai. xlii) loquitur? Ideo tristis anima, similis fiat pellicano solitudinis, qui odit civitatem, conventicula eorum de sanguinibus, et macie solitudinis pallet, et sicut nycticorax in parietinis Scripturæ quærat sibi escam tota nocte, et evolet in passerem super tectum vigilantem et caventem quando veniat fur. Vel Judam non videtis, quomodo non dormit? Quam pervigiles habet oculos avaritia! Quomodo circuit orbem terræ! Non cessat manus ejus, non cessat pes, et coacervat sibi iram in die iræ. Et tamen dormit Simon, dormit Jacobus et Joannes. Quare? Quia non attendunt quid post paululum futurum sit; periculi magnitudo somnum fugat! Nunquid dormivit Petrus in atrio? Nunquid dormierunt qui relicto eo fugerunt? Nunquid dormivit adolescens quando tenuerunt eum, et ille, rejecta *sindone, nudus* (Marc. xiv) profugit? Et tamen *frigus erat, quia stabat Petrus et calefaciebat se* (Joan. xviii): magnitudo periculi, et frigus et famem facit oblivisci. Evigila tandem, evigila, misere-

rabilis anima; si non amore, saltem timore. Cogita saltem cruciatum quem jam passura es in morte; certe nulla crux est durior quam mors. Mors, inquam, ipsa est durissima crux quæ tibi paratur; ad quam quotidie tu festinas, et non attendis: vide quomodo te mors crucifigit, corpus rigescit, crura distenduntur, manus et brachia decidunt, pectus anhelat, cervix languescit, labia spumant, oculi stupescunt, facies exsudat, vultus horrescit, et velut testa pallescit. Ista te manet crux, nescie utrum in lectulo molli, an in cruce rigida suavius moriatur, nisi quod crux citius dolorem abscindit. Quæ videmus et sentimus levia sunt ad ea quæ intus anima jam prægustat. Nam sensus a corpore cito recedit, animam sua mors semper comitatur. *Cum ambularent animalia, ambulabant pariter et rotæ juxta ea* (Ezech. i). Si vita nostra proficeret, tota sanctæ Scripturæ nobiscum ambularet, sed quia per paludes et saxa pedibus euntes offendimus vix rotæ nos sequuntur. Passio Domini celebratur, et nos voluptati operam damus! Clamat nobis de cruce: *O vos omnes qui transitis per viam, attendite et videte si est dolor similis sicut dolor meus* (Thren. i), et nemo est qui audiat, nemo est qui consoletur, nemo est qui respondeat. *Sitio* (Joan. xix), inquit. Domine, quid sitis, Ergone plus cruciat sitis quam crux? de cruce siles, et de siti clamas? *Sitio*: Quid? Vestram fidem, vestram salutem, vestrum gaudium; plus animarum vestrarum quam corporis mei cruciatus me tenet. *O vos omnes qui transitis per viam, attendite et videte si est dolor similis sicut dolor meus*. Attendite dolorem meum, ut in dolore meo videatis dolorem vestrum; dolor meus imago vestri doloris est. Quod attenditis in corpore meo, attendite et vos si similis dolor non est in corde vestro, transit a vobis ad me; transite a me in vos, et videte si similis dolor in vobis sit sicut dolor meus. *Nolite flere super me, sed super vos ipsas flete, filie Jerusalem* (Luc. xxiii). Nam ille dolor, quem transitis et non attenditis, magis est flendus quam dolor meus: propter scelus enim vestrum percussus sum. Hæc nobis de cruce tua clamas, o benigne Jesu; et si non verbis, tamen ipsa re: quid tibi respondeam? quid loquar? aut quid retribuam? fecisti ergo mihi de corpore tuo speculum animæ meæ. Nesciebam contumelias et terrores, et colaphizantem me incessanter Satanam, nisi viderem artem medicinæ tuæ similia similibus curantem, et appenderem *in statera* (Job. vi) hinc calamitatem tuam, illinc iniquitatem meam. *Dedisti corpus tuum percutientibus, et genas tuas vellentibus, faciem tuam non avertisti a conspuentibus in te* (Isa. l), ut alapas tuæ alapas meas removeant, et flagella flagellis expientur, et opprobria exprobrantium quæ ceciderunt super te auferant a me opprobrium sempiternum. Hæc sunt lintamenta mundissima carnis tuæ, quibus vulnera mea alligasti, o Samaritane misericors, ut imponeres me super jumentum tuum et perduceres in stabulum, quoniam *vere languores nostros ipse tulisti*,



et dolores nostros ipse portasti, *cujus livore sanati sumus* (Isa. LIII). In domo ergo principis sacerdotum, velata facie colaphizatur Christus, quia in domo conscientiae cæcata mente colaphizatur Christianus. Quod enim Christus in publico, ego patior in occulto; quod ille foris a ministris Caiphæ, ego intus a negotiis Satanæ; quia *super dorsum meum fabricaverunt peccatores* (Psal. CXXVIII): faciem mihi velaverunt, faciem meam in terra defixerunt, et dorsum incudem suam fecerunt, et super dorsum meum fabricaverunt peccatores: sed adhuc intra domum contineor, ubi puella moritur et suscitatur, nam et ibidem Petrus negavit, dicens: O homo, *non sum* (Matth. IX); hominem attendo, non Deum; hominem timeo, non Deum cujus veritatem nego. Nonne tibi Petrus in his verbis velatam habuisse faciem videtur? Unde tertio colaphizatus est? qui tertio negavit, Et Paulus tertio rogavit *Dominum ut auferret a se angelum Satanæ qui* (II Cor. XII) eum colaphizabat. Uterque ergo apostolus colaphizatus est, uterque naufragium passus; ille intus, iste foris. Voluisset quidem Satanæ (Si tamen licuisset) tandiu Petrum colaphizando cribrare *sicut triticum* (Luc. XXII), donec omnem ab eo fidei medullam excussisset, sed *ego*, inquit, *Petre, rogavi pro te, ut non deficiat fides tua* (Matth. XXVI), unde respexit Christus, et egressus foras flevit amare. Tandiu faciem habuit velatam Petrus, donec respexit eum Christus. Sed nunquid non etiam prius respiciebat? etiam, sed Petrus respicientem se Christum non respiciebat, quia velatam faciem habebat. Unde bene alius evangelista, *et recordatus est*, inquit, *Petrus* (ibid.); recordatus Petri, respectus fuit Christi. Ergo cum peccatorum flendo, recordaris, a Christo videris; imo sublato velamine Christum vides. *Et egressus foras* (ibid.): propterea negabat, quia intus esse volebat; et tamen quando negavit, foras egressus est. Unde foras? de domo Christi, de domo fidelium. At ubi de domo Caiphæ foras egressus est, in domum Christi intromissus est. Quot sunt hodie qui dicunt: Nos sumus de domo Christi, nos sumus de domo Ecclesiæ; et sunt de domo Caiphæ: hoc est, hypocrisis? Quod Petrus negando, hoc isti faciunt affirmando, sed nisi confitendo exeant foras et amare fleant, non intrant in Ecclesiam Christi. Amaritudo fletuum velamen diluit oculorum. In domo ergo Caiphæ colaphizatus est Christus, quia in domo Caiphæ colaphizatur Petrus, et quod Petrus a Satana intus passus est, hoc Christus a ministris Satanæ foris pertulit. Attende et vide *si est dolor similis sicut dolor meus* (Thren. I) Vide quis graviora pertulit opprobria, Christus foris in corpore, an Petrus intus in corde? Sed jam ad Pilatum eatur. *Mane autem facto* (Matth. XXVII), vinotus adducitur ad Pilatum: quandiu culpa latet, nox est, at ubi coperit innotescere, mane fit. Tunc jam ligatur a principibus sacerdotum, et traditur Pilato, hoc est principi tenebrarum: sicut et apostolus jubet *hujusmodi tradere Satanæ in interi-*

*tum carnis* (I Cor. V). Effertur adolescens de domo ad portam civitatis (Luc. VII), ubi sedet Pilatus pro tribunali, in porta enim civitatis iudicium solebat fieri. Pilatus autem apprehensum flagellavit. Sæpe dum culpa retegitur per impudentiam peccatorum effrenatur; augentur flagella, plagæ multiplicantur, *multo enim flagella peccatorum* (Psal. XXXI). His *flagellis* (Exod. V) sæculi Pharaeo cædebat filios Israel. Post hæc traditur militibus *ad illudendum* (Matth., XX), ipsa est malitia spiritualis nequitiae. Vide ordinem miseræ: A principibus sacerdotum traditur principi tenebrarum, qui flagellis suis sibi mancipatum, militibus suis exposuit altius illudendum, et postea novissime crucifigendum: post crucem enim non restat supplicium, quia peccatum morte terminatur, sed vitata jam morte, majori dæmonum ludibrio peccator agitur. Exuentes quippe eum veste totius Christiani decoris, quasi pro regio splendore ohlamydem coccineam (hoc est, vestimentum mistum sanguine) circumdant, cum propter crudelem sanguinolentiam a plerisque et honoratur et circumdatur: unde et *plectentes coronam de spinis* (Matth. XXVII), ponunt super caput ejus, cum de rapina pauperum spineas ei divitias coacervantes, caput ejus ad regnum elationis efferunt. Vindicat enim pecunia, quod Sapientia sibi dicere solebat: *Per me reges regnant et conditores legum justa discernunt* (Prov. VIII); ubi pecunia, ibi rex, ibi clientium copia. Unde et arundinem in dextra ejus ponunt (Matth. XXVII). Potestas enim et regnum impiorum arundo est, vento agitata; regnum autem Christi, virga ferrea. Et bene in dextera arundo ponitur: quia *dextera eorum, dextera iniquitatis* (Psal. XLIII). Jam quod sequitur luce clarius est, quia genu flexo talibus illuditur potius quam servitur. *Ave, rex Judæorum et exspuentes in eum* (Marc. XV), laudibus supervacuis [laudatur enim peccator in desiderii animæ suæ, et iniquus benedicitur (Psal. X)]. Acceperunt arundinem et percutiebant caput ejus (Marc. XV). A talibus rectoribus, milites eorum potestatem accipiunt nocendi et devorandi pauperes, quod totum tamen redundabit in caput ejus, cujus auctoritate se tuentur. Hæc tertia mors est, quando sedet fetens in *cathedra pestilentiae* (Psal. I): his mortibus infelix anima, ante extremam crucem morte afficitur, et quod miserabilius est, talibus opprobriis quasi pro magnis honoribus delectatur, et talis quotidie ducitur ad crucem, bajulus ipse sibi suæ damnationis supplicium. Sed quid est quod post illusionem, chlamyde exiit, et suis vestibus reinduitur; nisi quod sæpe superbus Adam, cum per dolorem carnis confinia mortis ingreditur, deposita elatione, ad putredinis suæ considerationem revertitur? ubi videlicet vel miseratione divina pœnitentiæ fructus invenit, vel post tremendum iudicium duplici contritione conteritur. Sic Herodes cum veste regia præfulgidus, plusquam decuit a populo ei acclamaretur, mox percussus ab angelo, exutus chlamyde vestem suam reinduit, et consumptus a vermibus,

expiravit. Rectene illusus est? *Ave, Rex Judæorum*, (Marc. xv), *quid superbis terra et cinis?* (Eccl. x.) quid veste nitida gloriaris? Subter testernetur tinea, et operimentum tuum vermibus est (Machab. ix); hæc tua vestis est; illuserunt tibi qui chlamyde coccinea circumdederunt. Sic Antiochus et Domini natalis hostis Herodes, alienis vestibus depositis, in suis vermibus expirarunt. Redi ad cortuum tandem aliquando; redi, vetus Adam; vide ubi et quomodo te requisivit et invenit novus Adam, ostendam tibi in corpore ejus ignominias animæ tuæ. Non satis fuit quod per colaphos et nova irrisionum genera, post te fugientem, clamitans et miserans percurrit, et usque ad novissimum crucis supplicium, te animam efflantem consecutus invenit et apprehendit? Quis enim latro ille nisi Adam fuit? Qui ex quo primum in paradiso sui ipsius homicidium perpetravit; tandiu a Christo fuit reus et abscondit se, donec in crucis articulo novissime consumptus et comprehensus fugere et latere amplius non potuit. Ibi tandem comprehensus ad te, bone Jesu, conversus est; culpam suam confessus est, pœnam libenter amplexus est: tu enim admonebas ne pati abhorreret, quod te quoque secum pati videret. Ille ergo tibi de toto hoc mundo solus et unus adhæsit, et ideo solus de toto hoc mundo tecum in paradysum intravit, ubi et tam firmiter non jam custos paradysi sed civis et domesticus Dei collocatus est, ut amplius inde cadere jam non possit. O beatissimum latronem, imo non latronem sed martyrem et confessorum necessitatem enim vertit in voluntatem, et pœnam commutavit in gloriam et crucem in triumphum. In te, beatissime confessor, martyr, de totius mundi sterilitate, fidei reliquias tollit Christus: tu, fugientibus discipulis et Petro negante, socius et comes passionis ejus fieri gavisus es; tu, Petrus in cruce fuisti; et Petrus in domo Caiphæ, latro. Tandiu hic Petrus latro fuit, quandiu intus latitans Christum foris negavit: et ideo et Petrum præcessisti in paradysum, quia qui te cruce complexus est dux et rector tuus, eadem die qua ipse ingressus est, fidelem et gloriosum militem secum te pariter introduxit.

*Egenus et pauper ego sum* (Psal. lxxix), Domine, et *claudus ex utero matris meæ* (Act. xiv), et ecce *sedeo ad portam templi tui quæ dicitur speciosa* (Act. iii), non valens nec volens introire, quin potius egestate honorum tuorum mendicans foris alimoniam carnis meæ, æreas et falsas imagines hominum, ubi coarvum mibi talentum iniquitatis, fasciculos deprimentes. Et ecce *hora orationis nona* (ibid.) est; ascendunt Petrus et Joannes. (ibid.) apostoli tui ut orent ad templum sanctum tuum, ego hæreo terræ et luto, terrena et vana sapiens, et aliis introeuntibus ego foris remaneo non quærens cum eis ea quæ Patris tui sunt, sed quæ primi patris mei, quæ me sive foras quotidie ponunt, et male concupierunt. Ecce jam hora orationis nona est, inclinata est dies, prope est nox; cum surrexero mane diluculo, de

A his quæ nunc mendico nihil in manibus meis reperiam. Hora, inquam, orationis nona est; orasti hæc hora pendens in cruce; orasti, *inclinato capite clamans voce magna* (Joan. xix), et expirasti; orasti, inclinato capite in spiritu humilitatis, et clamans voce magna, altissimo et secretissimo affectu paterno et nostræ charitatis; in illo, Domine, clamore valido expirasti, et eundem quem de nobis tunc habebas compassionis animum tecum adhuc reservas, quia charitas tua refrigescere nescit. Erat autem hora orationis nona. Et quare nona orationis erat hora? quia circa horam nonam tenebræ factæ sunt [tenebræ factæ sunt usque in horam nonam]. Repellendus erat horror tenebrarum, qui universam operuerat terram; repellenda caligo populorum, quæ ex tunc cœperat abundare ex quo tu cœpisti ad auram post meridiem deambulare; ex quo tunc non cessasti clamans, *ubi es Adam?* (Gen. iii.) Sequens post tergum fugientis et abscondentis se quantum in ipso fuit qui et dimissus est de paradiso voluptatis, et pervenit usque ad condignum suæ cruciatum iniquitatis. Sed nos, inquit, *digna factis recipimus, hic autem quid fecit?* (Luc. xxiii.) O Adam, quam sero in hæc verba prorupisti! Modo te primum inveni. *Amen amen dico tibi, hodie mecum eris in paradiso* (ibid.): ideo est hora orationis nona. Nona oravit: nam decima paradysum intravit. Propterea non introibat claudus in templum, quia nondum usque ad decimam generationem pervenerat, sed Petrus ad eum: *In nomine*, inquit, *Jesu Christi surge et ambula* (Act. iii) Vere vos estis montes ad quos levavi oculos meos, unde veniet auxilium mihi: sed *auxilium meum a Domino* (Psal. cxx), quia dixisti: *In nomine Jesu Christi surge et ambula*. In verbo Christi laxas rete, et in verbo Christi claudum levans. In verbo Christi solidantur bases ejus et plantæ. Quæ sunt bases ejus? Fides et timor: et quæ plantæ? Spes et charitas: ideo bene Petrus et Joannes simul ascendebant; quorum alter fidei alter charitatis insigne ferebat. Ascendebant ad templum tuum, Domine, tecum simul oraturi ut et ipsi tecum simul introeant in paradysum sanctuaril tui. Quia scissum est in morte tua velamentum quod erat super faciem Moysi (Exod. iv). Sed noluerunt introire soli, quia nec tu, Domine, solus paradysum introisti. Tu latronem, isti claudum introducent. Sed neque jam latro in paradiso est, neque claudus in templo: quomodo enim claudus est qui stat et ambulat, exsilit et Dominum laudat? Aut quomodo latro est, si cum Christo in paradiso? *Non enim juxta te habitabit malignus* (Psal. v). Latro fuerat quando latebat ante confessionem; justus autem post orationem, quid enim oravit? *Memento mei dum veneris in regnum tuum* (Luc. xxiii). O magna fides, o magna charitas! orat pro futuris, non præsentibus; non vult de cruce deponi, sed in regno Christi reponi: quid enim est aliud dicere quam, *cupio dissolvi et cum Christo esse* (Philip. i), Nescio quid Paulus magis isto latrone cupierit. *Memento mei!* O cor contritum et humiliatum! Quid minus vel hu-

milius potuit rogare, quam ut sui memor esset? *Memento mei!* Cujus mei, inquam, tam indigni, tam peccatoris: iniquitatem meam ego cognosco et peccatum meum contra me est, confundor oculos meos ad te levare; tibi soli peccavi, tu solus potes a peccato meo me mundare: malum contra te feci, cum me tibi volui celare; latro sum animæ meæ, homicidium quidem feci; volui occultare, sed malum coram te feci; memento mei, miserere mei, merito in hanc miseriam deveni, qui tuam beatitudinem deserui; dives eram, et ecce quam pauper factus sum! De omni ligno paradisi poteram comedere et delectari, et ecce crucior et morior in hoc ligno, memento mei, tui oblitus eram, sed tu, cum iratus fueris, misericordiæ memor eris. *Miserere mei secundum magnam misericordiam tuam (Psal. l.)*: video in te, magnam et tuam; hoc est competentem tibi misericordiam, quæ te mihi, ad mei consimilem condescendere fecit miseriam. Ego *digna factis (Luc. xxiii)* recipio; tu autem quid fecisti? Video te mihi in pœna similem, quem in actu video tam dissimilem! Non potuisti me longius sequi. Unde venisti? *A summo cœlo (Psal. xviii)* egressus es, et de utero Virginis, speciosus forma processisti, et tecum pendes in ligno! Quis huc te adduxit? sola misericordia. *Secundum hanc magnam misericordiam tuam miserere mei, Deus.* Deus es, non homo tantum: Deus es, ego homo, ego plasma tuum, ego quem fecisti ad imaginem et similitudinem tuam; imaginis tuæ. Deus, miserere. Sed in quo te agnoscam misereri? in eo quod imaginem meam in te video similem, et eandem tecum miseriam pati; quid ergo restat nisi ut sperem de tanta misericordia? Quis, inquam, possit desperare? Ergo memento mei dum veneris in regnum tuum. Vadis ad regnum tuum, implesti negotium tuum! ad hoc venisti ut me reducas tecum; tecum ire concupisco, et hanc amarissimam mortem pati non contremisco, non erubesco. Quomodo enim contremiscerem, ubi te mecum esse viderem? etiamsi ambulavero in medio umbræ mortis, non timebo mala, quoniam tu tecum es, aut quomodo erubescerem quod te Dominum cœli portare viderem? Qui enim te erubuerit et tuos sermones, hunc erubesces cum veneris in majestate tua, et Patris et sanctorum angelorum. *Qui non bajulat crucem suam (Luc. xiv)*, et sequitur me, non est meus discipulus; hic est sermo tuus: qui hunc sermonem erubuerit, hunc tu erubesces: qui enim erubescit crucem tuam, erubescit gloriam tuam; mihi autem absit gloriari nisi in cruce Domini nostri Jesu Christi. Crux gloria tua est, crux imperium tuum est; ecce imperium tuum super humerum tuum; portas portantem te. Qui portat crucem tuam, portat gloriam tuam: qui portat gloriam tuam portat te; portantem autem te, tu portas super humerum tuum, quia *imperium tuum super humerum tuum (Isai. ix)*: ergo qui te portant imperium tuum sunt: in ipsis enim tu regnas. O maxime imperator! *sed quomodo, aut quo portas imperium tuum super*

*A* humerum tuum? humerus tuus altus est, humerus tuus fortis, humerus tuus perlingit usque ad Patris consessum super omnem principatam et potestatem et virtutem. Illuc perducis ovem centesimam, illuc *deducis ovem Joseph (Psal. lxxix)*. Ad dexteram Patris deducitur ovis Joseph. Valde jam secuta ovis Joseph; Christus te portat super humerum suum; fortis est humerus ejus, noli timere; altus est, noli ad ima respicere, quia *nemo multens manum suam ad aratrum, et respiciens retro, aptus est regno Dei (Luc. ix)*. *Grave jugum super filios Adam a die nativitalis eorum, usque ad diem reversionis in matrem omnium! (Eccl. xl.)* Quandiu sum filius veteris Adam, grave jugum porto. Si essem filius novi Adam, leve jugum portarem. Quod est jugum grave? talentum plumbi; et quod est onus leve? crux Christi. Illud sicut scriptum est, *submergitur in aquis vehementibus (Exod. xv)*; istud enatat super aquas. Mira res; nihil formidolosius homini quam crucem pati. Sed quare timent homines crucem? Quia latrones sunt: si latrones non essent, crucem non timerent; ergo qui timet, latro est. Quomodo, inquis, latro est? audi Christum: *Vos autem, inquit, fecistis eam id est, domum meam speluncam latronum (Matth. xxi)*. Templum Dei sanctum est, quod estis vos; faciunt ergo homines se ipsos speluncam latronum: jugulant homines et trahunt in speluncam suam. Quod enim majus homicidium, quam ut se ipsum interficiat homo? vel quod gravius homicidium, corpus occidere an spiritum? O quoties homo spiritum suum interficit! quoties homicidia in semetipso perficit? quoties voluntarie et ex studio peccatum perpetrat, quid aliud quam se ipsum jugulat? *Omnis enim qui acciperit gladium, gladio peribit! (Matth. xxvi)*. Gladius animæ peccatum est; peccatum animæ mors est; qui hunc gladium manu propriæ deliberationis acceperit; hoc est acceptum habet et gratum; primus in se ipsum manum mittit, primus semetipsum interficit: *Gladius, inquit, eorum intret in corda illorum (Psal. xxxvi)*. Nec satis est semel occidere et quiescere; millies et millies crudeles in se manus convertunt; et veloces sunt pedes eorum ad effundendum sanguinem suum viri sanguinum et dolosi. Quomodo dolosi? Quia congerunt cadavera mortuorum in speluncam suam, et operiunt aggere terræ ne vel ipsa videant, vel ab aliis videantur. Nolunt ipsi videre, ne horrorem vel pudorem ingerant eis in faciem, morticina fetentia; nolunt videri, ne forte deprehensi tanquam latrones homicidæ ad horrenda supplicia pertrahantur. Quid autem in omnibus suppliciis tam horrendum quam crux? Ideo timent crucem latrones, quia crux scelerum vindex est, crux impiorum pœna est, crux æqua lance judicat et remunerat, hinc nocentes, illinc innocentes, ideo crux impiis formidolosa, piis autem super omnia ligna paradisi gratiosa est. Nunquid enim Christus crucem timuit? nunquid Petrus? nunquid Andreas? imo et optavit, *exsullavit enim ut gigas ad currendam viam (Psal. viii)*: Et, *desideria, inquit, deside-*

ravi hoc pascha manducare vobiscum antequam patriar (Luc. xxii). Manducavit pascha cum discipulis, manducavit et pascha cum passus est, quando transivit ex hoc mundo ad Patrem: Ego, inquit, habeo cibum manducare quem vos nescitis; meus cibus est ut faciam voluntatem Patris mei (Joan. iv), et voluntas Patris est ut calicem bibam. Ergo in cruce manducavit et bibit, et ebriatus est, et dormivit. Risit verenda ejus maledictus Cham; et filii, avum referentes, altissimi soporis mysterium pallio contexerunt: Immisit quippe Dominus soporem in Adam et tulit unam de costis ejus, et edificavit in mulierem et adduxit eam ad Adam (Gen. ii). Manifesta res est, qui dormitavit Christus, et soporatus est Christus, et de latere ejus quotidie edificatur, et pascitur, et nutritur Ecclesia, et adducitur a finibus terræ, ut assistat Regina a dextris in vestitu deaurato circumdata varietate. In cruce ergo pascha manducavit, quia ascendit in palmam, et collegit fructus ejus. Cum exaltatus, inquit, fuero, omnia traham ad me (Joan. xii), quæ omnia? cælum, terram, et inferos. Traxit ad se Patrem, quia clamor ejus introivit in conspectum ejus, in aures ejus; et contraivit terra, et petreæ scissæ sunt, et monumenta aperta sunt, quia vocem Filii Dei audierunt. Sic Mediator Dei et hominum, medius inter cælum et terram, pascha manducabat, et fructus arboris undique colligebat, quos in corpus suum trajiciebat; quia confluebant omnia ad arborem vitæ, quæ erat in medio paradisi: restincta enim erat frama, quæ viam intercluserat. Quis ergo amplius crucem timeat? in cruce enim pendet omnis fructus vitæ, quia ipsa est arbor vitæ quæ est in medio paradisi; ipsa est altitudo, latitudo, sublimitas et profundum; ipsa bonos colligit et remunerat; ipsa malos disperdit et condemnat; ipsa est mœstorum consolatio, esurientium refectio, perfectorum gloriatio. Circuire possum, Domine, cælum, et terram, et mare et aridam, et nusquam te inveniam nisi tantum in cruce; ibi dormis, ibi pascis, ibi cubas in meridie (Cant. ii). Crux enim tua fides est cujus latitudo charitas, longitudo longanimitas, altitudo spes, profundum timor. In hac cruce te invenit quicumque te invenit, in hac cruce anima suspenditur a terra, et dulcia poma de ligno vitæ decerpit; in hac cruce Domino suo adhærens dulciter decantat: *Susceptor meus es tu, gloria mea et exaltans caput meum* (Psal. lxxviii).

Nullus ergo te quærit, nullus te invenit, nisi crucifixus. O gloriosa crux, radicare in me, ut ascendam in te! Sed ubi crucifixæ eum? (Joan. xix.) in Calvariæ loco. Beatus vero locus in quo ligitur crux. Bona calvitie quæ tali fronde vestitur. Ad hanc calvitiam Elisæus ascendebat: *Ascende, calve. Ascende, calve* (IV Reg. ii). Vide si non calvus est et noster Elisæus: *Filius hominis*, inquit, *non habet ubi reclinet caput suum* (Luc. ix). Ecce quam calvus est qui non habet ubi caput reclinet! calvus est, quia regnum ejus non est de hoc mundo; calvus est noster Elisæus, quia discipuli ejus relicto eo omnes fuge-

runt (Matth. xxvi), quid enim discipuli, nisi capilli capitis, qui omnes numerati sunt? (Matth. x.) Ergo in Calvariæ loco vexillum crucis erigitur. Pro eo, inquit, quod ambulaverunt filie Sion extento collo et nutibus colorum, decalvabit Dominus verticem filiarum Sion (Isa. lxxviii). Decalvet Dominus verticem capilli perambulantium in delictis suis (Psal. lxxviii). Decalvabit, inquit, verticem filiarum Sion, et faciet ibi Calvariæ locum, ut ibi figatur gloriosa Christi crux, ubi sedem sibi superbia locaverat. Dilata, inquit, calvitium tuum sicut aquila (Mich. i). Aquila decalvata, perspicuo sole fruitur; sic animæ calvitie quanto dilatatur, tanto se purius in eam vera lux infundit; qui autem sibi comam nutriunt cæcitate et gravitate sibi damnationem acquirunt. Propterea lucis hujus beatæ visionem perdidit Absalon, quia gravabat eum cæsaries, et non nisi semel in anno tondebatur, et crines suos ponderabat ducentis siclis pondere publico (II Reg. xiv), unde in eodem crine suspensus ad arborem interiit. Absalon, patris pax, ipse est et Judas, et quicumque in pace, Christo est amaritudo amarissima (Isa. xxxviii). Ave, Rabbi (Matth. xxvi); voce et osculo, Patri pacem ferebat, ore suo benedicebant, et corde suo maledicebant (Psal. lxxi). Homo, inquit, pacis meæ, in quo speravi, qui edebat panes meos, magnificavit super me supplantationem (Psal. xl). Unus est et multi sunt. Ecce Absalon, ecce Judas, ecce corpus Satanæ. Sed quomodo comam nutriebat? sur erat, et oculos habebat (Joan. xii). Ista eum cæsaries gravabat, et semel in anno tonsus, quando semel retulit triginta argenteos et projecit eos in templo; quos ponderavit ducentis siclis, qui numerus immundorum est, et hoc, pondere publico, non pondere sanctuarii; poenitentia enim ductus peccatum suum valde ponderavit. Peccavi tradens sanguinem justum (Matth. xxvii). Singula verba plena sunt ponderibus, sed pondere publico, non pondere sanctuarii, quia plus erubuit infamiam quam conscientiam, plus suam nequitiam quam Dei misericordiam ponderavit. Audi pondus sanctuarii: Peccavi, malum coram te feci, dele iniquitatem meam (Psal. l). Hinc iniquitatem meam ego agnosco (ibid.), illino misericordiam tuam magnam attendo; miserere mihi, Deus (ibid.). Audi et pondus publicum: Major est, ait Cain, iniquitas mea quam ut veniam merear (Gen. iv). Retulit ergo triginta argenteos, et projecit in templo (Matth. xxvii). Vide quam magni ponderabat eos, non projecit eos in sterquilinio, sed in templo, nimirum talibus semper diis templum suum devoverat: Avaritia enim, simulacrorum servitus est (Gal. v), et avaritia excæcat oculos sapientum (Deut. i). Ecce infelix qualiter excæcatus est! maluit seipsum perdere, quam denarios perire. Denarios templo, seipsum laqueo addixit; amabat hæredes suos qui eosdem denarios exinde colligerent, qui etiam nunc reservant in suo Corban. Projecit eos in templo, et abiens laqueo se suspendit. Jamdiu erat quidem quod a Christo recesserat et avaritiæ laqueo se suspenderat: sed quod

fecerat, *in oculo*, palam, omnibus innotuit (*Matth. x*). A

Exterioris pœnæ qualitas, supplicii modum aperuit ; quia *per quæ peccaverit homo, per hæc punietur* (*Sup. xi*). *Suspensus crepuit medius* (*Act. i*), plenus erat venter, et ruptus est. Uter crepuit medius ubi sedes erat Satanæ, crepuit ergo vas contumeliæ, quia non erat de vasis figuli quæ probantur *in fornace* (*Eccli. xxvii*) : propter quod in agro figuli in sepultura peregrinorum (*Matth. xxvii*) sortem non habuit : sed velut testa crepitans per inane dissolvitur, et diffusa sunt omnia viscera ejus (*Act. i*). Pecuniæ viscera sunt avari ; illa diffunduntur et perduntur, sed viri misericordiæ colliguntur. Pendet adhuc Judas et Absalon per comam capitis sui, et mulus cui sederat pertransiit (*II Reg. xviii*). Nolite fieri sicut equus et mulus, quia mundus transit et concupiscentiæ ejus. Crinis Absalon quo suspenditur, radix omnium malorum avaritia est (*I Tim. vi*), ubi hæc radicaverit, omnium malorum cæsaries abundabit. Mulus vero ex equo et asino mistus est duplex animus qui foris ostentat quod intus non servat. Talis erat Judas, talis Absalon : foris pietas intus malitia ; duplex iniquitas. Equus manifeste tumet, asinus simpliciter ambulat, mulus nequam et subdolos, incautum præcipitat.

Aperi nobis, Domine, aperi nobis ostium lateris tui quod est in arca tua, ut introducas nos cum mundis animalibus septena et septena. Tu es verus Noe quem solum invenit Deus Pater tuus justum coram se (*Gen. vi*). Hic est, inquit, *Filius meus dilectus in quo complacui* (*Matth. iv*) : Tu cognoscis oves tuas, et ipsæ te agnoscunt, quia sunt animalia munda septena et septena qui septiformi gratia et operibus lucis. Sabbatum ex Sabbato adepti jam digni sunt octavæ conscribi ; qui numerus tantum in arca salvatus est.

Introduc et nos ad te per ostium lateris tui, quod est fides Ecclesiæ, et claude ostium a foris (*Gen. vii*) donec pertranseat iniquitas. Et cessante diluvio, iterum nobis aperias ostium, non jam fidei sed spei ; ostium contra ostium quod in montis ædificio Ezechielii prophete monstratum est (*Ezech. xl*). Interim tamen et fenestram habes in arca, per quam dilectus mittit manum suam (*Cant. v*), et columbam suam excitat : Surge, inquit, *amica mea, speciosa mea, et veni* (*ibid.*). Et cum evolat post te ut apprehendat te, tu effugis et ascendis super, cherubin, et volas, super pennas ventorum (*Psal. xvii*), ut non inveniat pes columbæ tuæ solidum quid de te ubi requiescat, nisi iterum ad arcam tuam revertatur, et tu manu apprehensam iterum in sua mansiuncula reponas (*Gen. viii*). Tutius est enim in portu fidei interim præstolari et quiescere, quam te nimis et frustra insequendo in aquas diluvii intransmeabiles decidere et submergi. Aquæ enim quæ a dextro templi lateris effluunt (*Ezech. xlvii*), mille passus mensuratæ, usque ad talos veniunt ; et post alios mille passus, usque ad genua ; iterum post alios mille, usque ad renes ascendunt ; post alios autem mille passus, in

tantum crescit et intumescit fluvius ut transvadari non possit (*ibid.*) ; sed oporteat retro potius redire ad solidum ripæ, ideo sancta animalia ibant et revertantur (*Ezech. i*). Columba quoque cum non inveniret ubi pes ejus requiesceret, ad arcam reversa est (*Gen. viii*). At vero corvus semel emissus nescit reverti (*ibid.*), quia non simplici oculo persequens vanitatis diluvio interceptus est, et merito. Quid enim columbæ et corvo ? Quid candido et nigro ? Quid Judæ et Joanni ? Quid Christo et Belial ? (*II Cor. vi*.) Et tamen Christus inter Judam et Joannem medius sedet inter electum et reprobum latronem medius, et Noe inter corvum et columbam ; sed corvus semel emissus non est reversus, quia Judas egressus in aere submersus est. Sed quid, o Domine, quod unus ex militibus lancea latus tuum aperit ? (*Joan. xix*.) Quis est ille unus ex militibus, nisi forte ille qui tunicam tuam inconsutilem sorte accepit ; ipsa est nimirum unitas fidelium, quæ tibi soli militat ; cujus lancea prædicationis cunctis credentibus latus tuum aperuit. Vivus est enim sermo Dei et efficax, et penetrabilior omni gladio ancipiti (*Hebr. iv*). Hæc est illa lancea quam Habacuc propheta fulgurantem hastam nominat (*Habac. iii*) ; hanc hastam cum urceo aquæ tulit David a capite Saulis inimici sui dormientis (*I Reg. xxvi*), quia superbis et invidis ac negligentibus sermo sapientiæ simul cum gratia subtrahitur ; sed dormientem, filius Sarviæ confodere voluit semel, ut secundo opus non esset, nisi hunc David benigne prohibuisset ; quia peccatorem pigrum et contemnentem nisi misericors et longanimis patientia Dei sustineret, gladius Satanæ (hoc est, iniquitas sua) in æternum interficeret : Vult enim improbus Satan, quatenus qui dormit, non adjiciat ut resurgat (*Psal. xlix*). At vero misericors David de longinquo vertice sæpius inclamat ; *nonne respondebis, Abner ?* (*I Reg. vi*.) Retribuis enim peccatori mala pro bonis, mitissime David, et admones et expectas diutius ut respondeat tibi unum pro mille ; illis autem vox tua improba videtur, quia inquietum eorum somnum inquietas. *Quis es tu, inquit, qui clamas et inquietas regem ?* (*I Reg. xxvi*.) *Ab increpatione tua, Domine, dormitaverunt qui ascenderunt equos* (*Psal. lxxv*), nec evigilare eos vult auriga ipsorum, donec præcipitet in profundum. Rex enim impiorum superbia, *in umbra dormit, in secreto callami, in locis humentibus, et protegunt umbræ umbram ejus* (*Job xl*). Ipse est Abner qui protegit Saul. Cur, inquit, inquietas regem ? Compungitur tamen aliquando et superbum cor, ad vocem David, sed non usque ad correptionem. Flectitur humillimis sermonibus superbus Saul, dicente David : *quem persequeris, rex Israel ; quem persequeris ? canem mortuum et pulicem unum, sicut perdix in montibus* (*I Reg. xxiv*). Non sine causa, vel cani mortuo vel pulci se comparat David, *melior est enim canis vivus leone mortuo* (*Eccli. ix*) : melior est canis vivens Deo, mortuus mundo, quam leo superbus et reprobus, mortuus Deo, vivens sæculo. Pulex parvulus

et mordet et salit, sic hinc milis justus, carnalium vitia mordet confidenter, et salit in montibus ubi tutissimum habet refugium, ut non timeat perdicem adulteram quæ persecuta est Eliam (*III Reg. xix*), et Joannem Baptistam interfecit (*Matth. xiv*). Da mihi, Domine, portionem in terra viventium, in sepultura peregrinorum in agro Acedama (*Matth. xxxii*), qui pretio magno sanguinis tui emptus est; ibi enim sepulti sunt omnes Patres nostri, qui super terram hanc advenæ fuerunt et peregrini; ibi Abraham, pulcherrimam conjugem suam Saram in spelunca duplici sepelivit (*Gen. xxiii*). Sed quid est quod nec gratis agrum ipsum accipere voluit, nec in electis eorum sepulcris mortuum sepelire? Quia nec sine pretio sanguinis Christi, gratis se per seipsum salvandum credidit, nec bonum sibi æstimavit esse, si in fetentibus mundi sepulcris habitaret. *In electis*, ait, *sepulcris, nostris sepeli mortuum tuum (ibid.)*. Habet mundus electa sepulcra; illos utique quos elationis fastigium, vel superstitionis operositas perspicuos reddit. Tota Ægyptus sepulcris plena est, neque enim erat domus in qua non jaceret mortuus (*Exod. xii*). Illa sepulcra in deserto desiderabant filii Israel: *Deerant nobis*, inquit, *in Ægypto sepulcra (Exod. xiv)*, ut cadavera nostra jaceant in deserto nuda et inhumata. In talibus sepulcris noluit mortuum suum sepelire sanctissimus patriarcha, sed ubi in spelunca duplici; ubi spes bonorum operum, et amor contemplativæ requiescit; ibi enim et Lia condita jacet: ergo Sara et Lia in spelunca duplici, simul absconditæ sunt. Illa prius sterilis, postmodum jam senex, filium gaudii unum tantummodo peperit; hæc post sex filios parere cessavit, nisi quod novissime filiam (sacri generis ignominiam) peperit. Mira res! hæc quæ sex habuit filios, *parere cessare* dicitur (*Gen. xxix*); illa quæ unum tantummodo, parere cessare non memoratur. Sed activa finem habet, contemplativa semper parit; illa in dolore, ista in gaudio parturit, et tamen utraque in eodem agro sepulta est. Nam Rachel juxta Bethlehem subter silicem crucis superposita est (*Gen. xxxv*), nimirum sedet ad pedes Jesu, ut de domo panis semper fecunda pariat. Ergo Sara et Rachel nunquam parere cessabunt. Lia vero, post sex filios, aut omnino parere cessat, aut filiam parit; ipsa est carnalis voluptas, quæ sub specie discretionis nonnunquam subrepat activæ; sed tamen si vere vidua fuerit, salvabitur; non per filiam, sed per generationem filiorum (*I Tim. ii*).

In spelunca itaque duplici patriarchæ nobiles una cum suis conjugibus sepulti sunt; habitaverunt enim in tabernaculis sicut advenæ et peregrini super terram; ideo sepulturam peregrinorum, tam ipsi quam tota eorum successio, hæreditate possident. Sed quid est quod Jacob grandævus, majore quam cæteri ambitione, suavitate, et gloria ibidem a filio suo Joseph sepultus est? (*Gen. l.*) Per Jacob grandævum, perfecta charitas exprimitur: in qua Pater a Filio, imo cum Filio consepelitur, dicente ipso, quia si

*A quis diligit me sermonem meum servabit, et Pater meus diligit eum, et ad eum veniemus et mansionem apud eum faciemus (Joan. xiv)*. Hæc est illa gloriosa et suavis sepultura Patris. Antiqui dierum, qui diligentes se sibi consepelivit, et abscondit eos in abscondito faciei suæ a contradictione hominum. Illud et ossa Joseph (Salvatoris nostri memoria) ex Ægypto, quotidie referuntur a filiis Israel (*Exod. xiii*). Non enim in Ægypto ossa Joseph Deus reliquit, qui fetentia et dealbata sepulcra detestatur. (*Matth. xxiii*). Et Moysen Deus sepelivit; sed *sepulcrum ejus usque in hodiernum diem* ab homine non invenitur (*Deut. xxxiv*). Denique quis poterit illuc ascendere ubi ille ascendit per modium nebulae in altissimum montem; et fuit ibi quadraginta diebus et quadraginta noctibus, et vidit, et perscrutatus est exemplar tabernaculi admirabilis quod fixerat Deus et non homo? Propterea usque hodie dum legitur Moyses (*II Cor. iii*), velatam habet faciem, quia ab homine mortali sepulcrum ejus non invenitur. In eodem agro et sanguinis, et gloriosa regum linea sortem recepit, qui sepulti sunt in sepulcro patrum suorum in Jerusalem. Illic et prophetarum visio, et Machabæorum bellicosa virtus gloriose decorata est. Comparetur jam, si placet, huic sepulturae peregrinorum (*Isai. xlii*), illa quondam gloriosa in regnis, incluta in superbia, Chaldæorum turris Babel. Quid simile huic nostræ sepulturæ reperitur? Ibi, in plures lingua discinditur; hic, quinque civitates Ægypti non jam lingua Ægyptia nec Chananitide loquuntur, sed civitas solis vocatur una. De illa siquidem turre Babel projecta est meretrix Jezabel, fortificationum mater, idolorum cultrix, avaritiæ artifex (*IV Reg. ix*); et cum eam sepelire vellent, quia erat filia regis, non invenerunt nisi tantum calvariam et manuum summitates, et sanguine respersum parietem. Hæc sane est impiorum sepultura, hæc digna retributio; quod ex eis non nisi, manuum summitates, hoc est operum vix extrema vestigia, remanent, et calvaries, qui fuerat locus superbiæ, spoliatus capillorum gloria, *quia vidi impium superexaltatum, et elevatum sicut cedros Libani, et transivi et ecce non erat (Psal. xxxvi)*. Hæc est calvaries Jezabel, quæ vestita erat decore meretricio et perunxerat oculos suos stibio (*IV Reg. ix*). Decalvatus est superbiæ vertex, non est qui jam dignetur aspicere nisi qui voluerit nefas ejus abhorre, ut lavet manus suas in sanguine peccatoris, et, velut equus fortis et velox, meretricem projectam ungula sua confodiat et conculcet et prætereat. Hic et paries adhuc sanguineus relictus est, ut terreat viros sanguinum et dolosos, qui propter avaritiam suam lapidant humilem Naboth. Sed canes impudentissimi, amatores cadaverum, carnes sibi fornicarias incorporant, unde et sanguinem ejus consequenter lambunt, quia sicut libidinis, ita et ultionis participes erunt. Alii vero sunt canes qui flunt ex inimicis abyssi, qui famam justitiæ patiuntur, qui circumeunt civitatem, non Babylonis sed Eo-

clesiæ; et quod mortuum a vitis ibidem reperiunt, A comedunt, et sibi consepeliunt. Unde autem hi quos extra civitatem mortuos, volucres, hoc est dæmones, per inane volantes comedunt, quales fuerunt Achitofel, et Absalon, et Jezabel, et Judas, qui accipientes in vano animam suam, in vano etiam efflaverunt eam. Sed redeamus ad agrum Aceldema, ut admiremur et æmulemur potius beatorum mansionum gloriam, quoniam memoria impiorum cum sonitu, memoria vero justorum vivet in sæcula sæculorum, quales fuerunt *Joseph, qui erat decurio vir justus et bonus* (Luc. xxiii) et *Nicodemus*, qui quondam noctis, sed jam diei minister, ad perungendum corpus Dominicum, ferebat *misturam myrrhæ et aloes quasi libras centum* (Joan. ixi). Tales sepulturæ suæ ministros amabat Jesus, qui corpus ejus audacter eripiant de potestate tenebrarum, et sibi vindicent, *ut sciat unusquisque vas suum possidere in sanctificatione et honore* (I Thess. vi), ligantes illud castitatis legibus et disciplinæ linteis, et a vermium putredine conservantes per *misturam myrrhæ et aloes*. Sunt enim hæ species amaræ quidem, sed corruptelam removentes: laboriosa quidem est castigatio carnis, sed aliter neque mens, neque ipsa caro servatur imputribilis. *Quasi libras centum*. O mensuram bonam et confertam! librandum sane est inter corpus et animam, discretionem subtilissimam, et unumquodque plenum sinum se habere gaudeat, ut sit pax et æqualitas inter carnem et spiritum, quatenus et mensura teneatur, et non deseratur perfectio. Hæ sunt quasi libras centum quæ corpus Jesu in sepulcro fidelium, integrum semper et suave custodiunt. *En lectulus Salomonis sexaginta fortes ambiunt, omnes tenentes gladium et ad bella doctissimi* (Cant. iii). Lectulus tuus, Jesu Christe, plusquam Salomon; sepultura tua est, in qua Sabato requiesci ab omni opere quod patraisti. Est autem *monumentum tuum in horto novum* (Joan. xix) et in petra excisum; quia amica tua fidelis anima, hortus conclusus est, et renovatur quotidie in agnitione tua, et solidatur in petra amoris tui consepeliens seipsam tibi in interiore homine, in secreto tabernaculi tui; ibi te ambiunt sexaginta fortes ex fortissimis Israel, in quibus opera sex dierum, opera bona et valde perfecta sunt, ut in senario et denario legis, imaginem ei similitudinem tuam conservent. Isti melius te custodiunt quam fallax impiorum custodia, qui sunt ad bella doctissimi, non solum carnis illecebras, sed etiam potestates aereas, nocturnosque timores abigere. Illi autem qui nocte sicut ebrii sepulcrum obsident, illi trepidaverunt timore ubi non est timor, quoniam potestas tenebrarum lucem non est sustinens, ad nuntium vilæ facti sunt *veluti mortui* (Malach. xxviii). Non ergo te custodiunt filii noctis, sed filii diei: illis enim horrorem incutit splendor tuus, ut fugiant a te: istis autem gaudium ne approximent ad te. *Nobis, aiunt, dormientibus venerunt discipuli ejus, et furati sunt eum* (Matth. xxviii). O mendaces! verum dixistis, sed

*mentita est iniquitas sibi* (Psal. xxvi). Dormientes enim, Christum custodire non possunt: sed *qui mane, inquit, vigilaverint ad me, invenient me* (Prov. viii).

Vobis quippe dormientibus, quid nisi somnia apparent? Ecce habetis copiosam in manibus pecuniam; illam, si potestis, custodite ne fures effodiant vel furentur: nam discipuli Christi suum thesaurum diligenter custodient: unusquisque quod amat, hoc servare studet. Certe Michol amabat David magis quam patrem suum Saul, ideo per fenestram demisit eum et servavit (I Reg. xix). Quid est hoc? Michol filia Saul, filia quondam superbæ; postquam nupserat specioso David, incipit odisse patrem suum, cui dicitur in psalmo: *Audi, filia, et vide, et inclina aurem tuam obliviscere domum patris tui, et concupiscet rex decorem tuum* (Psal. xliiv). Unde per fenestram demittit David: illam intellige *fenestram per quam dilectus mittit manum suam* (I Reg. x); per hanc fenestram dimittitur, ab amica sua ad amicam suam, hoc est ad seipsam, et absconditur in interiore homine, ubi et securus vivat, et iniquos lateat. Abscondit enim se et exiit de templo perfidiæ; quoniam dum citharizat coram Saul, ut spiritum Domini malum faciat ab eo recedere, ille impius hasta eum cum pariete tentat configere. Sed declinante David (I Reg. xvi), quid est quod parieti hasta infigitur, nisi quod recedente Christi gratia, mens indurata, suæ malitiæ telo confoditur? Quid autem ita hodieque perosum habet rex tenebrarum Saul, quam David generum suum? Propter quod, absente David, filiam suam tulit, et dat alteri marito C ignobili (I Reg. v) sed manu fortis, cum redierit, et acceperit regnum, rursus suam: sibi vindicat, quia desponderat sibi eam ducentis præputiis, a qua non solum carnis sed et mentis immunditias abscederat. Væ peccatoribus, Domine, sepulcrum tuum obsidentibus; quoniam vere declinas ab eis, et non inveniunt te in lectulo tuo suavi et florido, sed potius offendunt statuum cordis sui tenebris involutam, habentes ad caput suum pellem caprinam (I Reg. xix), peccatorum suorum memoriam fetentem. Beatus autem qui vigilat ad monumentum tuum, et custodit te, et luctatur mane cum angelo resurrectionis, nec dimittit eum donec audiat aliquid de nomine ejus quod est mirabile: ut et nomen Jacob commutetur in Israel (Gen. xxxv), et transmissio amne doloris, statim oriatur ei sol justitiæ. *Quis revolvat nobis lapidem ab ostio monumenti?* (Matth. xxvii.) Clausum est, Domine, ostium mentis meæ, et premit intellectum meum: lapis mortalitatis prægravatus pondere iniquitatis meæ: nec humane prorsus vires valent amovere, nisi omnipotens sermo tuus a regalibus sedibus veniat, angelus consilii, qui diruat maceriam inimicitiarum, et aperiat nobis sensum ut intelligamus Scripturas, et videamus linteamina posita ante nos, humilitatis et resurrectionis tuæ verissima testimonia: in quibus qui scrutari, te adjuvante, potuerit prægustabit aliquid de gloria resurrectionis quam præparasti



diligentibus te; cujus primitias in sinu tuo jam collegisti, offerens eas semper in conspectu Patris tui tostas igni Spiritus sancti. Et ille quidem angelus tanti gaudii prænuntius, qui revolvit lapidem et impias mentes perterritus, piæ autem blandeloniens timere prohibuit: ille, inquam, angelus non tantum verbo, sed et vultu, habitu vel tactu, beatæ resurrectioni testimonium perhibuit. *Revolvitur enim lapidem et super eum sedit* (Matth. xxviii): lapidem, inquam, qui et nunc advolutus est super nos, et faciem nostram deprimit: quod in prima resurrectione quæ est animæ, fieri non dubium est, ut prementem se corruptionis sarcinam versa vice spiritus subjiciat, et velut iudex ac Dominus inferioris sui regimen accipiat. Quid autem per candorem nivis, et vestimentorum speciem, nisi corporis nostri frigida et mundissima castitas signatur, quæ præsendenti in se angelicæ claritati similis, et testimonium præbet et obsequium? Porro aspectus ejus interior, ubi subsignatum est lumen vultus tui, Domine, sicut fulgur terribilis est et lucidus: terribilis ut inimicos animæ scindat medios et perterreat; lucidus autem, ut tibi vero lumini, cum justitia semper appareat. Talis erat facies Moysi (Exod. iii) ex consortio sermonis tui: hoc est, luminosa et terribilis, quia cornuta erat ad ventilandum inimicos, et velata propter splendorem, quem carnales oculi ferre non poterant. Et nunc, Domine, scimus et gaudemus quia resurrexisti vere a mortuis, et longe divisus es a nobis adhuc mortalibus, quia ascendisti *super equos tuos* (Habac. ii) igneos et currum igneum, qui *decem millibus multiplex* (Psal. lxxvii) est: verum tamen cecidit nobis a te, et apud nos usque hodie remansit pallium tuum quæ sunt linteamina corporis tui, quibus potentis tuæ opem experiamur in tempore opportuno, ut spiritus tuus duplex fiat in visceribus nostris, quatenus in te et Deum et proximum diligamus. Circumdederunt nos dolores mortis, et tribulationes inferni conturbaverunt nos; circumdederunt nos, mortalitatis nostræ vestimentum scaturiens vermibus, qui me assidue comedunt et non dormiunt, qui sunt dolores prænuntii doloris illius maximi, qui venit super nos velut armatus, et improvisos molitur obruere. Et quis tam providus, ut terrorem illius possit sustinere? At tamen velimus nolimus, certe sustinendus est, certe transmeandus. Sed noli oblivisci pallium Eliæ, alioquin D torrens tibi sine illo non dividetur. Sunt et alii torrentes iniquitatis (pelagus peccatorum meorum) qui conturbant me; atque utinam sic conturbarent, ut cum dolore clamarem: *Pater mi, pater mi, currus Israel et auriga ejus!* (IV Reg. ii.) Conturbant enim me torrentes iniquitatis, auferentes mihi lumen oculorum meorum, ut non possim videre piissimum Eliam, quando tollitur a me: si enim viderem, profecto spiritus ejus duplex fieret in me, et clamarem: *Pater mi, pater mi? Misit Deus spiritum filii sui in corda nostra*, ait Apostolus, *clamantem: Abba, Pater* (Galat. iv). Duplex spiritus, duplo cla-

mat: *Pater mi, pater mi*; pater mi, creator; pater mi, reformator. Pater mi, pater mi! o vox affectuosa! *currus Israel et auriga ejus* (IV Reg. xiii); portas et regis, sustines et gubernas: quem? Israel credentem in te, sperantem in te, suspirantem ad te. Ecce sublatus es, amplius te tuus non videbit Eliseus: remansit tamen ei pallium tuum in memoriam tui, ut præsentia absentiae tuæ dolorem ejus semper et augendo leniat, et leniendo augeat. *Hoc sumite*, ait, *in meam commemorationem* (Luc. xxii): hoc est sacramentum corporis tui, quod sumimus in tui commemorationem corporis tui donec venias. Pallium tuum est caro tua qua vestitus ad nos præcessisti; et latuisti quidem perfidos, sed fidelibus tuis te ipsum ostendisti sicut et usque hodie. Sub hoc pallio *abscondita est maxima fortitudo tua* (Habac. iii), o fortissime Samson, quam etiam dilectæ et non diligenti te, ad ultimum non celasti; ut inimicam verteres in amicam. In tantum amasti mulierem non amantem te, sed persequentem, ut propter amorem ejus sapientia tua stultesceret, et fortitudo tua infirmaretur. Sed *quod stultum est Dei sapientius factum est hominibus, et quod infirmum Dei fortius hominibus* (I Cor. i), quoniam voluntarie te ipsum Patri sacrificans, et ex potestate tua moriens concussisti principes tenebrarum et regnum eorum attrivisti; facta est crux tua, Judæis quidem scandalum, gentibus autem stultitia, his autem qui credunt, Dei virtus et Dei sapientia. Quamdiu sumus in hoc corpore, peregrinamur a te, Domine; ambulas quidem cum his qui diligunt te, et loquuntur et tristantur super te; sed famen peregrina est facies tua, et cum cognoscas eos, non tamen cognosceris ab eis. Vere tu es ille Joseph (Gen. xlii), qui ad fratres tuos quasi ad alienos durius loquebaris, non indignatione, sed miseratione, dum illos duos in via ambulantes, et dolebas, et arguebas: *O stulti et tardi corde ad credendum!* (Luc. xxiv.) Veniunt ergo ad te quasi alieni fratres tui, sed tu benigne appropinquas eis: veniunt ad te cum asinis stultitiæ et tarditatis suæ, et cum saccois vacuis præ inopia; sed non solo frumento reple eos, quia et pecuniam reddis ligatam in ore sacculi, *Aperto*, inquit, *unus sacco, ut daret jumento pabulum, invenit pecuniam in ore sacculi: reddita est, ait, mihi pecunia, en habetur in sacco, quidnam est quod fecit nobis Deus?* (Gen. xlii.) Vacui et stulti veniunt ad te, sed tu remittis eos onustos et abundantes frumento sapientiæ tuæ, insuper et eloquentiæ pecuniam reddis ligatam auctoritate Scripturæ; quia linguas infantium facis disertas, ut dent jumentis nondum intelligentibus te, pabulum, et mensuram tritici in tempore suo. Gradere nunc et nobiscum, Domine, ne desolemur et tristemur in via hac qua ambulamus, quoniam tu ipse quondam præcedebas filios Israel *in columna nubis per diem, et in columna ignis per noctem* (Exod. xiii), et ad nutum tuum deponebant tentoria, et rursus erigebant. Quæ est nubes quæ præcedit veros Israe-



litas, nisi verissimum et sanctissimum corpus tuum, quod in altari sumimus, in quo velatur nobis altitudo Dei, immensitas majestatis tuæ, cujus et calorem et splendorem mortalis infirmitas sustinere non posset, nisi mediatrix nubes interposita, et ardorem temperaret desuper, et tutam subtus te viam præmonstraret? Hanc nubem totus exercitus tuus sequitur, Domine rex Sabaoth; qui autem non sequitur eam in tenebris est, et in tenebris ambulat, et nescit quo eat: relucet enim de hac semita quæ ducit ad vitam, semita humilitatis et patientiæ, semita mansuetudinis et misericordiæ, et quidquid humani generi per Incarnationis tuæ mysterium revelare dignatus es. Relucet nobis ex hac luce, legis et prophetiæ gloria, quoniam Moyses et Elias tecum apparuerunt in monte, sed *nubes lucida obumbravit eos* (Matth. xvii): nec enim ipsi sicut et nos, sine tua protectione salvari potuissent; verum tamen illis sicut amicis et domesticis (imo domesticorum et amicorum tuorum præcipuis) sacramenti tui nubes erat perlucida quæ nobis jacentibus et projectis a facie oculorum tuorum valde subobscura est, sed imperfectum meum viderunt oculi tui, et in libro tuo omnes scribentur, quoniam sub nube tua nutritis et perficis, et deducis velut ovem Joseph. Hæc est columna nubis, quæ per diem præcedebat filios Israel; columna vero ignis per noctem, Spiritus sanctus est qui super apostolos in igneis linguis apparuit, qui cæcitatibus nostræ caliginem illuminat et sursum erigit, ut sapiamus ea quæ sursum sunt, non quæ super terram. Nubes ergo per diem et columna ignis per noctem, quia et caro tua divinitatis æstum temperat et Spiritus sancti lux tenebras nostræ mentis illustrat. Igitur dum loquereris in via duobus discipulis tecum pariter euntibus, et nubes peregrina faciem tuam tegeret: *Nonne*, inquit, *cor nostrum ardens erat in nobis, dum nobis loqueretur in via et aperiret nobis Scripturam?* (Luc. xxiv.) Ardebat nimirum intus columna ignis, quia foris columna nubis loquebatur ad eos. Sed ubi tandem cognoverunt? *in fractione panis* (ibid.); et vere non cognosceris, Domine, nisi in fractione panis: panis, caro tua est; fregisti manibus tuis corpus tuum, quia potestatem habebas ponendi animam tuam, et iterum sumendi eam: fregisti corpus quod foris apparebat, et ostendisti medullam quæ intus latebat; nisi enim patiaris, non cognosceris: *ibi*, inquit, *abscondita est fortitudo ejus* (Habac. iii). Quæ est autem fortitudo tua, nisi mansuetudo, nisi humilitas, nisi sapientia et obedientia? Has virtutes fortissimas et suavissimas, in fractione panis, hoc est, in passione tua, nobis ostendisti. His virtutibus caro tua (quod nos sumus nutritur paulatim et perficitur et perficitur. Et primum quidem inter duas molas spei et timoris, molitur sicut frumentum, ut fiat nova conspersio: deinde cum in formam panis transierit, coquitur in clibano passionum, postea cum benedixeris ei omni benedictione spirituali, et dixeris, *Consummatum est* (Joan.

A xix), frangis et ipsum corpus nostrum, quod in manibus tuis est, et in manus tuas committimus: et ibi agnosceris, non specie peregrina, sed in facie propria, ut jam non lancea nobis latus tuum aperiat, sed digito palpate et videre possimus, quia tu es, Domine, Deus noster, pater orphanorum et iudex viduarum. Nunquid non vides viduam hæc pauperulam, et desolatam animam meam non habentem aliquos, neque fratres, neque amicos, neque vicinos, a quibus mutua accipiam vasa vacua, non pauca, quæ mihi filii mei suggerant, et ego infundam de modico olei, quod mihi de te residuum est, ut tu benedictionis tuæ plenitudinem omnibus exhibeas? Intellego enim, Domine, vasa vacua esse literales quosdam et historicos sensus Scripturæ tuæ, quæ non pauca sunt, ut totus mundus ea capere non possit. Quæ quidem vasa sanctissimi templi tui, Babylonius rex, hoc est, superbiæ principatus captiva sibi ducit, suisque conviviis, non ad gloriam, ad ignominiam suam servire cogit (IV Reg. ii); usurpans sibi scientiam legis tuæ, et bibens in vasis sanctarii vinum prostitutionis suæ, unguentisque meretricis donaria tua commaculans. Propter quod et ex adverso parietis, crudelis, sed justa contra eos sententia conscribitur (Dan. v), quia omne regnum in seipsum divisum desolabitur, et tradetur Medis et Persis qui argentum non quærant, nec aurum velint, sed venenatis et ardentibus sagittis parvulos et stultos eorum sensus interficiant. Tu autem Domine, pauperis et desolatæ viduæ misereberis, ne pessimus, et importunus fœnerator, quod ad usuram perditionis meæ, multa mihi iniquitatis suæ talenta credidit, duos filios meos interioris animæ sensus ad serviendum sibi tollat. Bonum est salutare tuum, ut petam mutuo vasa non pauca, et benedictione superabundantis olei redimam peccata mea, de reliquo autem vivam cum filiis meis.

Sed quia nec vicinos habeo nec liberos a quibus commodum exercitium mentis meæ, statim ut remiserò manus, invadit me creditor ille improbus, et duos filios meos, hoc est intellectum et affectum, inertis vanisque illusionibus suis deservire cogit. Tu ergo misericors, ut viduarum defensor, quoniam dives es nimis, et das omnibus affluentior: tu, inquam, ipse mihi commoda, et vasa quæ nosti ad hoc esse utilia, et oleum, ut tua sint omnia, et omnia serviant tibi: quia nolo in Ægyptum oleum tuum deferre ut non pecem tibi, sed tantummodo ne panem otiosa comedam, quin potius tota die exercear in justificationibus tuis et vivam. Et ecce quod filius memoriæ meæ mihi obtulit, sicut primum inter manus meas incidit, arripiam. Stabat Elias in vertice montis, et mittitur ad eum quinquagenarius primus, qui igni consumptus est, et secundus similiter, tertius tamen, humilitatis et devotionis merito reservatus est (IV Reg. i). Ecce vas, sed vacuum, quia potius sic acceptum crudelitatem resonat, impleatur oleo, et gravis ex eo sonus cessabit. Quis enim Elias stans in vertice montis nisi tu, De-

mine Jesu, qui sursum Patri assistis, venit ad te **A** quinquagenarius primus, quem tibi aridus præ nimia siccitate mundus transmittit, et clamat ad te: *Homo Dei, descende de monte?* (*ibid.*) Mundus enim cognoscit, quia salvari sine te non potest. Homo Dei et Deus homo, moveat te quem quæris homo, ut homini condescendas. *Descende de monte*, nullus tibi potest appropinquare, nisi tu appropinquaveris ei, nullus ad te potest ascendere, nisi tu descendas ad eum. *Homo Dei, descende de monte*: tu es mons elevatus super verticem montium, descende et compare nobis in convalle lacrymarum. *Si homo*, inquit, *Dei sum, descendat ignis de cælo* (*ibid.*), etc. — *Ignem enim veni mittere in terram* (*Luc. xii*), quem volo, ut accendat et devoret te et quinquaginta tuos. Obsecro, Domine, et super me descendat ignis ille, et devoret in me veterem hominem cum actibus suis. Hic est quinquagenarius primus quem tuus ignis devorat, ut ab omni opere servili requiescere faciat. Quinquagenarius autem secundus ipsa est activa vita quæ similiter finem habet, Sabbatum ex Sabbatho; hanc quoque in holocaustum, ignis tuus absomit, et in primo quidem quinquagenario crematur hircus, in secundo aries incenditur; tertius autem qui est resurrectionis vel contemplationis, finem non habet, sed cum Elia semper vivit. Unde bene lectum est in Evangelio, de magnis piscibus centum et quinquaginta tribus, qui omnes in unum piscem redacti sunt, quem super prunas positum septem discipuli viderunt, et una cum Jesu qui octavus erat, pransi sunt (*Joan. xxi*). Ipse numerus, hoc est centum et quinquaginta, qui sunt tres quinquagenarii et septem discipuli, requiem concorditer sonat, et sicut singuli quinquagenarii, ad unitatem; ita septem, ad octavam, hoc est ad Christum, tendunt, et in uno omnes consentiunt. Sicut autem unum corpus, unus panis, unus homo vel unus piscis Christus et omnes electi: ita diabolus cum omnibus reprobis unum corpus et unus hostis. Est enim *aquila grandis, magnarum alarum*, etc. (*Ezech. xvii*). *Aquila*, propter nimiam naturæ spiritualis perspicaciam; *grandis*, propter superbiam altitudinem; *magnæ alæ adherentes sibi et extollentes eum*, malignorum spirituum potestates; *longo membrorum ductu*, pessimi homines, quorum ministerio fungitur ad pugandum contra bonos. Et bene, *longo*: quia adhuc quotidie veniunt, et durant usque in finem sæculi, ductum superbiam sequentes: *plena plumis*, fallaciæ dolis, et avaritiæ, quia easdem artes variis modis ad decipiendum transfigurant. *Venit ad Libanum*, animam semel fidei et vitæ merito candidatam. *Tulit medullam cedri*: cedrus impubilis, altitudo spei, cujus medulla est charitas, quam singulariter nititur expugnare diabolus. *Summitatem frondium ejus avellit*, et sermonem sapientiæ qui excellentissimus est, evellit ab amore Dei. *Et transportavit in terram Sennaar*: hoc est fetoris eorum, quod significat inanem gloriam. *In die illa sibilabit Dominus muscæ, quæ est in extremo fluminum terræ Egypti, et api quæ est in*

*terra Assur* (*Isa. vii*). Sibila, Domini, et huic muscæ immundæ, animæ meæ peccatrici, ut spiritus tuus bonus deducat me in viam rectam, ut vadam ad excelsam et montuosam promissionis terram, quæ de superioribus tuis irrigatur, et de cælo expectat pluviam, non sicut terra Egypti, quam fluvius de terra ebulliens totam cooperit. Non est enim mons oppositus; non est aliquid obstaculum concupiscentiis Egypti; sed sicut de terrena mente ebulliant super delectam animæ superficiem, sine mora decurrunt. Habet enim septem ostia fluvius Egyptius, quæ de uno capite, id est superbia, derivantur. Horum extremum intelligitur luxuria carnis, de qua muscæ immunditiæ semper amatrices nascuntur: nec istam despicit superabundantia gratiæ, sed sibilat et evocat eam de extremo fluminum, et jungit api quæ erat in terra Assur: *Et venient et requiescent simul in torrentibus vallium: et in cavernis petrarum, et in omnibus frutetis, et in universis foraminibus* (*ibid.*). Apis virgo est, sed quandiu est in terra Assur, hoc est elationis, mel non potest operari; sola enim repromissionis terra lacte et melle fluit: sibilante ergo gratia, musca et apis conveniunt, et simul requiescunt in torrentibus vallium. In illis torrentibus, et apis de superbiæ, et musca de luxuriæ sordibus emundantur. Torrentes vallium, disciplinæ sunt humilitatis. Quare torrentes? Quia si quis mæror, si qua gravitas in corrigendis vitiis, cito prætereunt: unde *mulier cum parit, tristitiam habet; cum vero peperit, jam non meminit pressuræ* (*Joan. xvi*): nam labor vertitur in amorem, et tædium in desiderium, et amaritudo in dulcedinem; sicque de torrentibus vallium proficiunt ad cavernas petrarum. Petræ, firmissimi atque fortissimi in fide patres sunt, in quorum passionibus valut suis exemplaribus, musca et apis quasi columbæ nidificantes requiescunt, unde non cessat manus eorum, non cessat pes; sed in omnibus frutetis bonorum operum jugiter exercitatæ, sic demum ad contemplationis foramina perveniunt. Hæc sunt opera tua, Domine Jesu, quia sunt bona valde. Sic Mariæ Magdalenæ sibilasti, de qua non unum, sed septem Egypti flumina ejecisti. Vide quomodo requievit in torrentibus vallium; intravit inter epulas discumbentium, cucurrit ad pedes Jesu; effundebat super eos torrentes lacrymarum: ad lavanda sui Domini vestigia, non alias quam oculorum suorum undas attulit, capillis suis pro linteis usa est, tum vero ubi affectus vehementer incanduit et ubera vit, carbo lacrymarum imbre respersus fortius exarsit (*Matth. xxvi; Luc. vii*). Videres ab illa sacratis vestigiis celeberrima et insatiabilia oscula infigi: videres effusæ orationis suavitate totam domum compleri.

Quid igitur illa nisi in torrentibus vallium requiescebat, de qua tot et tanti gratiæ torrentes effuebant? unde et dimissis ei peccatis multis, quia multum dilexerat, jam, sicut columba quæ lacte est lota, residebat ad pedes Jesu juxta fluentia plenissima;

cum quidem soror ejus Martha satageret circa frequens ministerium. Quid memorem de sepulturæ officio quod prævenit: de pedibus ascendens ad unctionem capitis, cum in ea fremeret illud avaritiæ sepulcrum fetens, odorem pietatis ferre non sustinens? Non potuit amor tantus, Christo etiam moriente mori: fugientibus et latentibus viris (hoc est apostolis) mulier imperterrita *stabat ad monumentum, plorans* (Joan. xx). Non habebat vinum, et tota super mortuum ardebat. Corpus erat sublatum, et a monumento recedere non valebat; quo plus de manibus et oculis auferebatur, eo ardentius animus insequeretur. Si fieri potuisset, redimendo corpori sepulcrum lacrymis impleisset; *stabat*, inquit, *plorans*, id solum ei de te residebat; corpus erat sublatum, sed quis auferat ei ploratum? Indulge domina, indulge totis habenis, et effundere procurrens in infatigabiles lacrymas, donec sublatum, imoresurgentem, Dominum tuum consequaris; iterum et iterum inelinare, vel locum vacuum ubi positus fuerat sæpius intuere; amplius et amplius ipse te ad plorandum locus irritat, dum ejus quem quæris absentiam tibi præsentat. *Vidit*, inquit, *duos angelos in albis sedentes, unum ad caput, et unum ad pedes, ubi fuerat positum corpus Jesu; mulier*, inquit, *quid ploras? quem quæris?* (*Ibid.*) Equidem bene noveratis, o piissimi angeli, quid ploraret et quem quæreret; quare illam commemorando iterum in fletus excitastis? Sed prope erat insepulta consolationis gaudium, ideo tota vis doloris et plorationis excurrat. *Conversa retrorsum vidit Jesum stantem, et nesciebat quia Jesus est* (*ibid.*). O pium, o delectabile pietatis spectaculum! Ipse qui quæritur et desideratur, et occultat se et manifestatur: occultat se ut ardentius requiratur, et requisitus cum gaudio inveniatur, inventus cum sollicitudine teneatur, et tentus non dimittatur, donec in amoris sui cubiculo mansionem facturum introducatur. Ilac arte ludit sapientia in orbe terrarum, et deliciae ejus esse cum filiis hominum. *Mulier, quid ploras? quem quæris?* (*Ibid.*) habes quem quæris, et ignores? habes vorum et æternum gaudium, et ploras? habes intus quem foris requiris? Vere stas *ad monumentum foris plorans* (*Ibid.*): mens tua monumentum meum est, illic non mortuus, sed in æternum vivens requiesco, mens tua hortus meus est. Bene existimasti quia hortulanus sum, secundus Adam ego sum, operor cum custodio paradisi meum. Fletus tuus, pietas tua, desiderium tuum, opus meum est: habes me intra te, et nescis; ideo quæris foris, et ecce ego foris apparebo, ut te intro reducam, et invenias intus quem foris quæris. Maria, novi te ex nomine, discite me cognoscere ex fide. *Rabboni*, id est, *Magister*: quod est dicere, doce me quærerere te, doce me tangere et ungere te. *Noli*, ait, *me tangere* sicut hominem, nec sicut prius tetigisti et unxisti mortalem: *nondum ascendi ad Patrem meum*; nōdum credidisti me Patri cōqualem, cōæternum et consubstantialem: *hæc igitur crede*, et tetigisti me. Hominem vides,

A ideo non credis: quod enim videtur, non creditur. Deum non vides, crede et videbis, credendo me tanges, sicut illa mulier quæ vestimenti mei fimbriam tetigit, et confestim sanata est (*Matth. ix*); quare? quia fide sua tetigit me. Hac manu tange me, his oculis quære me, his pedibus festina currens ad me, nec longe a te sum, Deus enim appropinquans ego sum, verbum in ore tuo et in corde tuo sum, quid propinquius homini quam cor suum? Illic intus invenior a quibuscunque invenior, nam quæ foris videntur, opera quidem mea sunt, sed transitoria sunt, sed caduca sunt, ego autem, horum artifex, in secretissimis et mundissimis cordibus inhabito. *Data est tibi, Domine Jesu, omnis potestas in celo et in terra* (*Psal. viii*), rex magno, rex virtutum; quia factus es obediens Patri usque ad mortem, mortem autem crucis. *Ecce elevata est magnificentia tua super celos* (*I Reg. ii*), et omnia subjecta sunt sub pedibus tuis. Regnavit David prius in Hebron septem annis super Judam, postea vero unctus est super universum Israel, et regnavit in Israel triginta tribus annis. Cum autem super Judam tantum ungereris, fortissime David, in Hebron, jam mortuus erat in eis Saul rex superbiæ: alioquin vivente illo, et dominante eis peccato, non dicerent tibi, *Os nostrum et caro nostra es*. Quis enim membrum Christi, et membrum simul potest esse membris? *aut quæ conventio Christi ad Belial? Ecce nos* (inquit) *os tuum et caro tua sumus* (*II Cor. vi*); sed et heri et nudius tertius cum esset Saul rex super nos, tu eras educens et reducens Israel, et vere sic est: regnante adhuc principe tenebrarum super nos, tu sustines in multa patientia vasa iræ apta in interitum, et exis ante nos provocans ad bellum contra vitia, et liberas, et educis indignos de manu peccatorum. Idcirco primus Judas, id est, confessio, ungit te super se regem in Hebron; mortuo quippe Saule, beneficiorum tuorum reminiscitur, et errorem suum confitendo, transitum facit de peccatis ad te, rex justitiæ? Regnas autem super Judam septem annis in Hebron, quoniam reddis eis septuplum in sinu eorum, et septuplum vitiis expiatis quibus præerat superbus Saul, tua virtute septemplioi reformas. Postea transitus regni tui fit in Jerusalem super universum Israel, quia per negotium confessionis, illuminatis jam sensibus pervenitur ad visionem pacis, in qua factus est locus, et ipse est mons quem constitueras discipulis, ut irent in Galilæam, ut viderent et adorarent te ibi post resurrectionem tuam, quia jam unxerat te Deus tuus oleo lætitiæ præ participibus tuis, istam despicit superabundantia gratiæ, sed sibila regum terræ. Porro in Jerusalem regnas triginta tribus annis: triginta tres habet decades, lex quæ decem præceptis consistit, in ternario triplex animæ profectus accipitur, quævivendo, meditando, vel amando legem Dei custodit. De primo dicitur: *Laudabo Deum in vita mea* (*Psal. cxlv*); de secundo: *Læx tua meditatio mea est* (*Psal. cxvii*); de tertio;

Quomodo dilexi legem tuam, Domine (ibid.). Tres A vero qui super triginta sunt, quosdam contemplativorum excellentissimos indicant, qui puritate conscientiae, plenitudine sapientiae, perfectione charitatis, summæ Trinitati approximant. Hic est etiam numerus fortissimorum, qui sunt in exercitu tuo potentissimi; quorum tamen eminentissimi usque ad sapientiam et fortitudinem tuam non perveniunt, quoniam quis in nubibus æquabitur Domino, similis erit Domino in filiis Dei? (Psal. LXXXVIII.) Tu es quasi tenerrimus ligni vermiculus (II Reg. XXIII); qui virginaliter editus, humilitate et charitate tua omnem perforas duritiam, imo impetu Spiritus tui octingentos interficis principes malitiæ. Quis ita fortis, ut tu? quis ita misericors, qui flesti super Jerusalem, planctum fecisti super interitu inimicorum tuorum? Et nunc, Domine, doles tu super Saul et Jonathan filium ejus, qui occumbunt quotidie super montes Gelboe. Nisi enim doleres, non clamares de cælo: Saule, Saule quid me persequeris? (Act. IX.) quos enim, Saul, nisi superbos in Ecclesia tua prælatos significat, qui ab humero et sursum eminere sibi videntur super universum populum? Quid vero per Jonathan, nisi dociles et elegantis ingenii adolescentes, qui moribus et colloquiis majorum depravati, amicitiam suam non possunt excolere cum David, nisi furtim et quasi caventes ab insidiis detrahentium et illudentium sibi? Merito ergo ploras, o benigne David, super Jonathan filium ejus, plorandi enim non essent, si bene occubuissent. Sed super montes Gelboe qui decurrunt in profundum, nec ros gratiæ, nec pluvia doctrinæ venit amplius, quia ibi abjectus est clypeus fortium (II Reg. I), clypeus Saul. Clypeus fortium, spes est divinæ protectionis, quo ignita diaboli jacula repelluntur, quibus graviter vulneratus est Saul a sagittariis, in tantum ut seipsum desperatione interficeret. Clypeus autem Saul, propriæ virtutis confidentia est, quæ non valet resistere sagittis incircumcisorum: væ autem his qui amiserunt sustentiam! hoc est, clypeum fortium. Et, maledictus homo qui confidit in homine, quod est, clypeus Saul, erit enim sicut myricæ in deserto, quia nec ros, nec pluvia veniunt super vos, montes Gelboe. Quomodo ceciderunt fortes? Etenim si fortes, quomodo ceciderunt? et, si ceciderunt quomodo fortes? sed: Non gloriatur sapiens in sapientia sua, neque fortis in fortitudine sua (Jer. IX; I Cor. I); sed: D Qui gloriatur, in Domino gloriatur (II Cor. X), et qui stat, videat ne cadat (I Cor. X). Nam etsi sint aquilæ velociores, ut contemplativos velocitate intellectus supervolent: etsi leonibus fortiores, ut in fortitudine operis veros prædicatores superent, tamen si de se præsumentes, clypeum salutis abjiciunt: erunt corruentes coram inimicis suis; qui autem confidit in Domino, sicut mons Sion non commovebitur in æternum. Sed maluit Saul incumbere super hastam suam, quam inniti super Dominum, idcirco baculus Ægypti arundineus perforavit manum ejus. Sua eum hasta, et suus auriga, qui currum insolentia

ejus agitabat, interfecit. Sciebam inquit, quod vivere non posset (II Reg. I). Necit enim humiliari arrogantis obstinatio, ut vivere possit. Jube, rex justissime David, jube puero tuo (id est spiritui puræ discretionis) ut interficiat in me Amalechitam hunc armigerum Saulis, qui ausus est etiam nunc quotidie manum mittere in Christum Domini. Ne pluas super nos, coturnices, Domine, desideria carnis nostræ, quæ non nisi duobus cubitis levantur a terra, quia non attingunt dona Spiritus sancti. Ne pluas super nos sicut pulverem, carnes, quia caro pulvis est, et in pulverem deducit. Omne quod intrat in os, in ventrem vadit, et in secessum emittitur (Matth. XV): talis est omnium voluptatum carnalium finis, et sicut arena maris, volatilia pennata (Psal. LXXIII): gaudet edacitas, pennulas movet, sed mox in arenam maris convertitur: gaudet luxuria, modicum volitat, sed mox in arenam maris transit: omnis dulcedo carnis in amaritudinem finit; modicum levant infelicem animam, sed mox aggravant in arenam. Tu autem, Domine, manna nimirum es sicut semen coriandri (Exod. XVI), quod fractum mola candorem producit, et dulcedinem quasi panis oleati: hic est sanis angelorum, quem manducavit homo. Dicunt adhuc increduli: Manhu, quid est hoc? (Ibid.) quia minutum et humilem vident, et quasi despectum sermonem tuum, et ideo redeunt et concupiscunt carnes magnas Ægyptias, quia nesciunt, neque gustaverunt absconditum intus mannæ saporem, habentem omne suavitatis delectamentum (Sap. XVI), redeunt ad carnes, exsiccant eas ad solem in circuitu castrorum. Mira res, uno eodemque sole, et carnes indurantur, et manna liquescit! (Exod. XVI.) siccantur carnes, ut amplius durabiles sint; indurantur iniqui, ut suas diutius expleant voluptates: tuum autem manna liquebat, cum sol incalesceret, quia anima mea liquefacta est, ut dilectus locutus est (Cant. V). Incalesce super nos, sol, meridiane, ut liqueat manna, et fluant aromata illius sicut torrens in austro (Psal. CXXV). Colligite, filii Israel, colligite manna, et frangite mola, et replebitur sicut adipe et pinguedine anima nostra. Molestus est labor, sed fructuosus: Labores manuum tuarum manducabis, et jam beatus es, et bene tibi erit (Psal. CXXV) in futuro: frangite, inquam, mola, corpus et animam, et invenietis medullatum corpus, jejuniis, laboribus, vigiliis; animam, divinæ legis studiis. Non excidat tibi lex de ore cordis tui, volve, revolve, versa et reversa, et tunc intelliges quid sapiat manna. Si faciebat ille qui dicebat: Quam dulcia faucibus meis eloquia tua, super mel et favum ori meo (Psal. CXXVIII). Esto apis virginea, collige de floeculis man: habes hortum voluptatis plenum rosis et liliis, mira varietate depictum; quidquid illic invenies, suave est et odoriferum; conde abundanter alveolo tuo: et quid amplius dicam? unus idemque cibus et api mel, et cervo fons aquæ, et panis qui cor hominis confirmat; hic est panis oleatus: sanat ægrotum, roborat sanatum, faciem exhilarat omne delectamentum et om-

nem saporem suavitalis habet. Ubi sunt coturnices? ubi sunt carnes exsiccatæ? certe putruerunt in dentibus edentium. Si in dentibus putruerunt, quanto magis in ventribus? imo etiam computruerunt iumenta in stercore suo, panis autem angelorum quem manducavit homo, putrescere nescit; non vadit in necessum, sed tendit in excelsum; illuc reducit hominem, unde traxit imaginem. Dives es, Domine, et indeficiens est horreum tuum; ciba hodie pauperem tuum de micis quæ cadunt de mensa filiorum tuorum: clamat egenus tuus ad fores tuas, quia non habet hodie quod manducet. Domine, sic infirmus etiam sum, quod os meum aperire non possum. O quam sanus erat qui dicebat: *Os meum aperui, et attraxi spiritum!* (*Ibid.*) Ergo, Domine, aperi labia mea, et ciba me laude tua, verus est cibus: de alio cibo non vivit tota civitas tua Jerusalem, quoniam tu adipe frumenti satias, et torrente voluptatis tuæ inebrias. Væ his qui jejulant a laude tua, nimirum sedent super stercore sua, ut bibant urinam peccatorum suorum, hoc est, temporalibus inbiant, ut carnis illecebras expleant: talibus enim das terram æneam et cælum ferreum, ut non pluat eis annos tres et menses sex, quia nec fidei, nec bonorum operum fructum faciunt. Terram habent æneam, quia labia eorum sicut cymbalum tinniunt, et cælum ferreum, quia cor durum et inflexibile gerunt. De quibus Psalmista: *Peccatori autem dixit Deus, quare tu enarras justitias meas, et assumis testamentum meum per os tuum* (*Psal. LXIX*); non vivunt isti de laude tua, Domine, sed moriuntur fame, non panis et aquæ, sed verbi tui. Non autem interficies fame animam iusti, quia in tempore siccitatis præcepisti corvo et viduæ Sareptanæ, ut pasceret servum tuum Eliam (*III Reg. xvii*). Tu enim pascis, Domine, pascentes te: unde etiam hydria farinæ et lecythus olei non deficit viduæ pascenti te. Pascit te corvus, pascit et vidua, sed vidua, pane subcinericio; corvus, carne vespertina. Peccator, corvus est: corvus erat Zachæus publicanus; unde volavit in arborem sycomororum. *Hodie*, inquit, *oportet me apud te manere* (*Luc. xix*), hodie corvus pascet Eliam. Quomodo pavit? *Ecce dimidium bonorum meorum do pauperibus* (*ibid.*). ergo pavit Christum, et pauperes cum Christo; imo in pauperibus, Christum. Unde? de carnis: hoc est, de temporalibus: temporalia enim et carnalia pro Christo relinquere, hoc est, Christum D

Operum nostrorum primitias requirit Christus, et non ut alta sapiamus, sed humilibus consentiamus, caventes a fermento Phariseorum, *quod est hypocrisis* (*Matth. xvi*). Iste simplex et humilis intellectus subcinericius panis est parvulus, quem a nobis exigit Christus: nec sine farina vel modico olei debet esse bona mulier, quia *hilarem datorem diligit Deus* (*I Cor. ix*). Sed quisquis habet farinam vel olei paululum, sibi videtur, quia esurit et sitit justitiam. *Non habeo*, inquit, *nisi quantum pugillus capere potest farinæ in hydria, et paululum olei in lecytho* (*III Reg. xvii*). Pugillus, exigua est capacitas; farina, mundus et subtilis fidei candor; hydria, humilitatis circumspecta custodia, ne ventos superbiæ tantam gloriam in pulverem deducat et dispergat. Quia modicum in se habet, intelligit, quibus armis debet custodire, ne et hoc ipsum amittat. Ergo, Domine, corvus et vidua pascunt te in Sarepta Sidoniorum, cui ficus maledicta aruit in terra Judæorum. Publicani, meretrices, et peccatores præcedunt Phariseos in regnum cælorum. In domo Pharisei foris discumbis, in domo peccatricis intus epularis. Pasce, Domine, *pullum corvorum* (*Psal. cxlvi*), filium peccatorum olamantem ad te, *quoniam pater meus et mater mea dereliquerunt me* (*Psal. xxvi*), tu autem non relinquis sperantem in te. Indurasti, Domine, cor nostrum, indurasti cor nostrum, ne timeamus te, opposuisti nubem, ne transiret oratio. Aufer a nobis, Domine, sicut et promisisti *cor lapideum* (*Ezech. xxxvi*), et da nobis carneum, ut spiritum tuum ponas in medio nostri. Spiritus tuus adveniens, initium sapientiæ, timorem Domini quasi basim et fundamentum ponit: timor autem Domini stabile cor facit, ut domus septemplex gratiæ super ædificata perseveret immobilis. Tu nosti, Domine, quam inquietum est cor meum, et instabile sicut pulvis et velut arena maris, ut quidquid moliar superædificare, potius in ruinam capitis videar coacervare. Quam bene dictum est: *Peccatum peccavit Hierusalem, propterea instabilis facta est* (*Thren. i*). Peccatum peccavit, scelus coacervavit, propterea instabilis facta est, nunc foris, nunc intus, nunc in angulis platearum garrula et vaga, quietis impatiens nec valens in domo consistere pedibus suis. Ecce quam bene depicta est meretricialis recordia animæ meæ, et quid faciam? Revertere ad priorem virum tuum, et noli divariicare pedes tuos omni transeunti; propterea instabilis et vilis facta es, nimis iterans vias tuas: peccatum peccavit Hierusalem; vias suas nimium iteravit! Redi ergo ad virum tuum priorem, et dic ei: *Confuge timore tuo carnes meas* (*Psal. cxviii*): et ille tibi: *Prohibe linguam tuam a malo* (*Psal. xxxiii*), coerce gulam, jugula luxuriam, omnes corporis tui illicitos motus amputa. *Quicunque sunt Christi, carnem suam crucifixerunt* (*Gal. v*): non satis est hoc; fecerunt hoc philosophi, fecerunt hoc inanis gloriæ cupidi, faciunt hypocritæ; carnem suam crucifixerunt, sed mercedem a Christo non acceperunt: quare? quia timorem Domini non habuerant

*Confite timore tuo carnes meas*, multi carnes confixerunt, non tui timore, sed vanitatis tumore: non satis est hoc; *confite timore tuo*, non solum carnis, sed animæ luxuriam. Animæ luxuria, est inanis gloria: *Perdidisti omnes qui fornicantur abs te* (Psal. LXXII). Quid refert perire carnis immunditia, an animæ luxuria? Ergo non solum carnis, sed et animæ crux tollenda est. Membrorum mortificatio, crux carnis est; crux animæ, timor Domini: timor Dei configit animam, ut non respiciat ad dexteram neque ad sinistram. Est et tertiæ crux Spiritus, quæ est charitas. Christo, ait Apostolus, *confixus sum* (Gal. II), *quis me separabit a charitate Christi* (Rom. VIII)? illa crux (hoc est, charitas) cor meum carneum et molle et tenerum fecit, unde et per vitulum tenerrimum Christum intelligamus, præ nimia charitate crucifixum. Ad illam ergo crucem qui pervenit, compositam nubem transit, et in conspectu Dei orationem effundit. Unde etiam Moysen in monte Sinai sex diebus nubes operuit, *septimo autem die vocavit eum Dominus de medio caliginis. Erat autem, inquit, species gloriæ Domini, quasi ignis ardens super verticem montis, in conspectu filiorum Israel. Ingressusque Moyses medium nebulæ, ascendit in montem* (Exod. XXIV). Quid enim per sex dies, quibus nube tegitur Moyses, intelligitur, nisi sex illæ virtutes quibus ascenditur ad sapientiam? in solo autem vertice sapientiæ, ignis charitatis ardentissimæ speciem divinæ gloriæ declarat: quidquid infra septimum sapientiæ gradum est, caligo reputatur et nubes. Prima igitur crux, per timorem et pietatem, et scientiam, carnem crucifigat: secunda crux, animæ fortitudinem, consilium et intellectum possideat; ut fortitudine terreat diabolum, consilio derigat proximum, intellectu custodiat semetipsum: nam tertia crux, hæc omnia transcendit, et collecta in unitate charitas, in pace in idipsum dormiens requiescit. In principio, Domine, *cælum et terram* (Gen. I), hoc est, angelicam et humanam naturam creasti, sed facta hac brevi mentione de angelis, ad solum hominem sermo tuus convertitur: *Terra autem erat inanis et vacua, et tenebræ super faciem abyssi* (ibid.). Videmus, Domine, et præsto est sensibus nostris, magna et mirabilis hæc machina mundi, quæ sua pulchritudine et magnitudine, sapientiam, et virtutem, et bonitatem immensam, et incomprehensibilem et æternam prædicare non cessat. Verum et hæc quamvis omnium et sensum et facundiam mortalium superent, ad novum potius cælum et terram novam, quæ tu modo creare te asseris, aciem mentis intendere libet. Dicis enim in Evangelio, quia *Pater meus usque modo operatur, et ego operor* (Joan. V): quid nisi novum cælum et novam terram? De abyssis enim terram formas, et de terra cælos: peccator, abyssus est: sed cum de tenebris facis lumen splendescere, ut abjiciant opera tenebrarum, et induantur arma lucis (Rom. XIII); novam terram, et novum cælum creasse cognosceris. Ecce animadverto, Domine, quia terra mentis meæ adhuc inanis

A et vacua est, et tenebræ super faciem abyssi; inanis est, quia fluitat misera inquietudine, per inania nugarum, et phantasmatum suorum, vacua bonorum operum fructibus. Vel, sicut habet alia Translatio, *invisibilis et incomposita*. Est enim velut quoddam chaos, confusione sua toterrimum et involutum, ignorans tam finem suum quam principium, et naturæ suæ modum, nisi quod a summo Creatore de nihilo mirabiliter factam se credit, et post hanc vitam, vel ad inferos pro suis meritis, vel ad cælos pro misericordia sui auctoris transferendam. Incomposita sane est, quæ virtutum decorem et divinæ imaginis, cui assimilata est, speciem non servat. Ideo in abyssum cæcitatæ suæ retunditur, et tenebris illusionum suarum facies illius obscuratur. Talis est anima mea, Deus meus, talis est anima mea; terra est inanis et vacua, invisibilis et incomposita, et tenebræ super faciem abyssi. Verum tamen ait: *Abyssus dedit vocem suam* (Habac. III), et: *Abyssus inferior et obscura, invocat abyssum superiorem* (Psal. XLII); te qui exsuperas omnem sensum. Invocat te, Domine, abyssus mentis meæ, ut etiam de me novam terram et novum cælum crees. Hoc invocabat David, et nos cum David invocamus: *Cor mundum crea in me, Deus, et spiritum rectum innova in visceribus meis* (Psal. L). Jam aliquid se factum esse sciebat, sed nova creatura, novum cælum et terram fieri se poscebat. *Auribus nostris audivimus, et patres nostri narraverunt nobis opus quod operatus es in diebus eorum* (Psal. XLIII): hoc opus est in diebus, unde dicit: *Pater meus usque modo operatur, et ego operor* (Joan. V). Finxisti enim sigillatim corda eorum, creans in eis lucem, et dividens lucem a tenebris, appellans lucem diem, et tenebras noctem: hoc est quod operatus es in diebus eorum, et in diebus antiquis; horum dierum, senex Abraham, et alii quamplures pleni fuisse commemorantur, sicut et illi quibus dicebat Apostolus: *Finxisti aliquando tenebræ; nunc autem lux in Domino* (Ephes. V). O Creator optime, si usque modo operaris opus hoc quod operatus es in diebus antiquis, quare et in anima mea opus hoc non operaris? Anima enim mea inanis et vacua est, et tenebræ super faciem abyssi, dic ut fiat lux (Gen. I), et fiet! Jam creasti eam, ut aliquid sit, crea eam, ut lux sit. Dic ut fiat lux, et fiet lux. D Hoc opus et in Lazaro et in Paulo operatus es; illius facies sudario ligata erat, quia tenebræ erant super faciem abyssi. Hujus ab oculis (cum baptizaretur) *tanquam squamæ ceciderunt* (Act. IX), ut revelata facie gloriæ Domini specularetur; quæ cor meum assidue coram te faciunt dormire, per has, apostoli et in agone tuo dormitabant: *erant enim, inquit, oculi eorum gravati* (Marc. XIV). Sed jam hora est, Domine, *de somno surgere* (Rom. XXIII), tuba tua crebrius intonante, *Surge, qui dormis, et exsurge a mortuis, et illuminabit te Christus* (Ephes. V). Illumina, Christe, tenebras meas; dic animæ meæ: Fiat lux, et fiet lux.

# DROGONIS CARDINALIS

## LIBER

### DE CREATIONE ET REDEMPTIONE PRIMI HOMINIS.

(*Biblioth. Patr. ibid.*, p. 341.)

Beata illa et sempiterna Trinitas, Pater et Filius A et Spiritus sanctus, unus Deus, scilicet summa potentia, summa sapientia, summa benignitas, creavit quamdam trinitatem ad imaginem et similitudinem suam, animam videlicet rationalem, quæ in eo præfert vestigium quoddam illius summæ Trinitatis, quod ex memoria, ratione, et voluntate consistit. Creavit autem hoc modo, ut manens in illo, participatione ejus esset beata, avera ab illo, quocumque se conferret, remaneret misera. Sed hæc trinitas elegit potius per motum propriæ voluntatis cadere, quam ex gratia Conditoris per arbitrium stare. Cecidit ergo per suggestionem, delectationem consensum ab illa summa et pulchra Trinitate, scilicet potentia, sapientia, puritate, in quamdam contrariam, et sædam trinitatem, infirmitatem, cæcitatem, immunditiam. Memoria enim facta est impotens et infirma ratio imprudens et tenebrosa voluntas impura.

Porro memoria quæ simplicis divinitatis potentiam stans cogitabat, ab illa cadens, et velut super saxa corruens, in tres partes contracta dissiliit, scilicet in cogitationes affectuosas, onerosas, otiosas. Affectuosas voco illas in quibus illa afficitur, ut in curis rerum necessariorum, edendi, bibendi, cæterarumque innumerabilium; onerosas, ut in exterioribus administrationibus; otiosas, quibus nec afficitur, nec oneratur, et tamen ab æternorum contemplatione per illas distenditur, ut si cogitem equum currentem, aut avem volantem. Rationis quoque triplex casus est, ejus siquidem est examinare bonum et malum, verum et falsum, commodum et C incommodum. In quibus discernendis tanta caligine cæcatur, ut sæpe in contrarium ducat judicium, capiens malum pro bono, falsum pro vero, noxium pro commodo, et e converso. Nunquam vero in his falleretur, si nunquam lumine quo creata est privaretur, sed quia ipsa inde cecidit, procul dubio nihil aliud quam tenebras suæ cæcitatatis invenit. Unde factum est ut etiam instrumentum perderet, quo illa administraret, scilicet illud trivium sapientiæ, ethicam, logicam, physicam, quas nos possumus aliis nominibus nuncupare, moralem, inspectivam, naturalem scientiam. Si quidem per ethicam eligitur bonum, id est virtutes; reprobat malum, id est vitia. Per logicam cognoscitur verum et falsum. Per physicam commodum et incommodum, id est quid

in usum aseumendum sit, quid respuendum. Sequitur voluntas, cujus ruina similiter tripartita est. Quæ enim summæ benignitati et puritati inbærere, et eam solam diligere debuit, per propriam iniquitatem a supernis in hæc infirma lapsa; concupiscentiam carnis, ei concupiscentiam oculorum, et ambitionem sæculi dilexit. Quid hoc infelicis casu potest æstimari? ubi pereunte memoria, ratione, voluntate, tota animæ substantia pariter perit. Verum tamen hunc tam gravem, tam sordidum, tam tenebrosam lapsum nostræ naturæ reparavit illa beata Trinitas, memor misericordiæ suæ, immemor culpæ nostræ. Venit ergo a Patre missus Dei Filius, et dedit fidem. Post filium missus est Spiritus sanctus, et docuit, deditque charitatem. Itaque per hæc duo, id est fidem et charitatem, facta est spes redeundi ad patriam. Et hæc est trinitas, scilicet fides, spes, charitas, per quam, velut per tridentem, reduxit de limo profundi ad amissam beatitudinem illa incommutabilis et beata Trinitas, mutabilem, lapsam, et miseram trinitatem. Et fides quidem illuminavit rationem, spes erexit memoriam, charitas vero purgavit voluntatem. Cum igitur venit, ut dictum est, Filius Dei factus homo, qui erat Deus, tanquam bonus medicus dedit præcepta, quibus observatis reformaretur salus amissa. Ut ergo præceptis fidem faceret, exhibuit signa, ut eorumdem præceptorum persuaderet utilitatem, promisit beatitudinem. Est autem fides, alia præceptorum, alia signorum, alia promissorum, id est qua credimus in Deum, qua credimus Deum, qua credimus Deo. Per fidem præceptorum credimus in Deum. Credere autem in Deum est in eum sperare, et eum diligere. Per fidem signorum credimus Deum qui talia potest, et omnia potest. Per fidem promissorum credimus, qui quidquid promittit, veraciter complet. Similiter quoque spes triplex est, et procedit de prædicta triplici fide; nam de fide præceptorum oritur spes veniæ, de fide signorum, spes gratiæ, de fide promissorum, spes gloriæ. Charitas itidem ternario numero colligitur, de corde puro, de conscientia bona, de fide non ficta. Puritatem debemus proximo, conscientiam nobis, fidem Deo. Puritas autem est, ut quidquid agitur, aut ad utilitatem proximi, aut ad honorem fiat Dei, maxime tamen exhibenda est proximo, quia Deo omnino manifesti sumus; proximo, aulem non possumus, nisi quantum nos illi cor nostrum aperimus. Con-



scientiam bonam in nobis faciunt duo, pœnitentia et continentia, quoniam scilicet per pœnitentiam commissa peccata punimus, et per continentiam deinceps punienda non committimus, et hanc debemus nobis. Post hæc sequitur fides non ficta, quæ Deo vigilanter exhibenda est, ut nec propter proximum, cui nos impendimus, offendamus Deum, nec propter conscientiam, quam per pœnitentiam, et continentiam in humilitate custodire volumus, minus exsequamur mandatorum Dei obedientiam, et hæc est fides non ficta. Non ficta autem ponitur ad differentiam mortuæ fidei, et factæ. Mortua fides est, quæ sine operibus est. Fides ficta est, quæ ad tempus credit, et tempore tentationis recedit. Unde et fides ficta, id est fragilis dicitur.

Est præterea et alius resurgendi modus sub eodem numero comprehensus, primi hominis casui compositus. Adam quippe in paradiso positus, primo perdidit circumspersionem Dei. Testatur enim beatus Augustinus quod nequaquam hominem tentator de paradiso eiecisset, nisi aliqua elatio in anima hominis præceisset, cum verissime scriptum sit. *Ante ruinam exaltatur cor* (Prov. xvi). Secundo perdidit justitiam, quoniam uxoris voci plus quam divinæ obedivit. Justitia enim est virtus, quæ sua cuique reddit. Tertio amisit iudicium, cum post peccatum correptus, oblique per mulierem retorsit propriam culpam in actorem dicens: *Mulier quam dedisti mihi sociam, dedit mihi de ligno, et comedi* (Gen. iii). Eisdem ergo virtutum gradibus redeundum est homini in exsilio posito, quibus privatus expelli meruit de paradiso. Primum itaque faciendum est iudicium; deinde exercenda justitia, tandem circumspersio adhibenda. Et iudicium quidem nobis, ut nos ipsos iudicemus, et accusemus justitiam proximo; circumspersionem vero debemus Deo. Hanc redeundi viam ostendit nobis Michæas propheta, dicens: *Indicabo tibi, o homo, quid sit bonum, et quid Dominus requirat a te: utique facere iudicium, et diligere misericordiam, ambulare sollicitum cum Deo tuo* (Mich. vi). Hanc salutis viam testatur Apostolus docuisse Christum, dicens: *Apparuit gratia Dei Salvatoris nostri omnibus hominibus, erudiens nos, ut abnegantes impietatem et sæcularia desideria, sobrie, et iuste, et pie vivamus in hoc sæculo* (Tit. ii). Sobrie scilicet quantum ad nos, iuste ad proximum, pie ad Deum. Qui etiam manifestius intulit circumspersionem Dei subjungens: *Expectantes adventum gloriæ magni Dei, et Salvatoris nostri Jesu Christi* (ibid.). Et in multis aliis sacre Scripturæ locis hic ordo vitæ, et institutio, si diligenter quærat, potest inveniri, ut illud: *Beatus vir qui in sapientia morabitur, et qui in justitia sua meditabitur, et in sensu cogitabit circumspersionem Dei* (Eccli. xiv). Moratur quippe in sapientia, et sapiens est, qui semetipsum hic semper dijudicat ut æternum Dei iudicium evadat. Si enim ait Apostolus, *nosmetipsos dijudicemus, non utique iudicemur; cum iudicamur autem a Domino, corripimur, ut non cum hoc mundo damnemur*

(1 Cor. ii). Sapiens est enim non secundum sapientiam hujus sæculi, sed secundum illam sapientiam quæ trahitur de occultis, per quam utique miro Dei opere agitur, ut electi quique tunctionibus et paucis hic attriti in ædificio veri Salomonis sine sonitu mallei postea construantur.

*Haurietis aquas in gaudio de fontibus Salvatoris* (Isa. xi. Pro paradiso, quem perdidimus, restitutus est nobis Salvator Christus. Sicut ergo de uno fonte paradisi quatuor flumina ad irrigandum paradisum derivantur, ita de peccatoris ejus arcano procedunt quatuor fontes, ex quibus oriuntur quatuor genera aquarum, unde tota per universum mundum irrigatur Ecclesia. Sunt autem quatuor fontes veritas, sapientia, virtus, et charitas. Ex his ergo fontibus hauriuntur aquæ, ex singulis scilicet singulæ. Nam de fonte veritatis sumuntur aquæ iudiciorum; de fonte sapientiæ, aquæ consiliorum; de fonte virtutis, aquæ præsidiorum; de fonte charitatis, aquæ desideriorum. In aquis iudiciorum cognoscimus quid liceat vel non liceat; in consiliis discernimus quid expediat vel non expediat. Sed quia electis viris recte per hæc gradientibus non desunt tentationes: tentantur autem de duobus: aut enim terroribus concutiuntur, aut blandimentis seducuntur. Idcirco armandi sunt contra terrores præsidii divinæ virtutis contra blandimenta desiderii supremæ charitatis. Desideriis enim meliorum superantur, ut ait quidam sanctus, desideria deteriorum; vel sic possumus procedere. Quid prodest nosse quid liceat et expediat, quod utique docent iudicia atque consilia, si posse perfici minime contingat? Idcirco post aquas iudiciorum et consiliorum quærendæ sunt aquæ præsidiorum. Rursum et nosse et posse quid valeat, si horum omnium non est finis charitas? Recte itaque post iudicia, post consilia, post præsidia hauriuntur de fonte charitatis desideria, ut videlicet quidquid sapimus et loquimur, quidquid operamur aut patimur, finis vitæ æternæ concludat. Sed ut hæc quæ dicta sunt de fontibus et aquis clarius eluceant, Scripturarum exemplis esse comprobanda puto, aurique similitudines, quas protulimus vermiculandas argento. Ac primum quod dictum est, quatuor illos fontes de pectore Jesu manare, nullum arbitror ambigere. Quomodo autem ex eisdem fontibus hauriuntur prædictæ aquæ, id elaborandum est. Veniat ergo David et dicat: *Ut quid ex fonte veritatis procedant iudicia. Hoc certe videtur: sensisse, cum diceret: De vultu tuo iudicium meum prodeat* (Psal. xvi). Neque enim vir sanctus iudicium suum diceret, quod de vultu Dei, id est de veritate non prodiret. Noverat enim electos veritatis iudicia, tanquam virga ferrea regi, quia sub eorum regimine se esse sentiebat, exultans psallebat: *Iudicia Domini vera, justificata in semetipsa, desiderabilia super aurum et lapidem pretiosum multum, et dulciora super mel et favum* (Psal. xvii). A quibus, ne forte per incuriam deviant, audiant vocem Patris, per eundem Prophetam comminantis. Si in



judiciis, inquit, *meis non ambulaverint, et mandata mea non custodierint, visitabo in virga iniquitates eorum, et in verberibus peccata eorum* (Psal. lxxxviii). Hæc mysteria divini iudicii reserabat cœlestis regni clavicularius, cum diceret: *Tempus est ut iudicium incipiat de domo Dei* (I Petr. iv). Si autem primum a nobis quis finis illorum qui non credunt Dei Evangelio? et hoc de electis dictum est. Cæterum est aliud de reprobis iudicium, quod nihilominus ab ipsa veritate procedit; unde et per Paulum dicitur: *Scimus enim quoniam iudicium Dei est secundum veritatem in eos qui talia agunt* (Rom. ii). Et utrumque quidem iudicium complectitur ipsa Veritas, dicens: *In iudicium ego veni in hunc mundum, ut qui non vident videant, et qui vident cæci fiant* (Joan. ix). Utrumque autem discernit, cum item dicit: *Et ibunt hi in supplicium æternum, justi autem in vitam æternam* (Matth. xxv). Si vidimus quomodo de fonte veritatis hauriantur iudicia, videamus quomodo de fonte sapientiæ propinentur consilia. Quis dubitet apostolum Paulum esse sapientem, cum et Petrus ejus coepostolus sapientiam ei datam astruat (II Petr. iii), et ejusdem apostoli tota verborum series nihil aliud quam sapientiam redoceat? Proferat igitur consilia, et per ipsa nos doceat, quid peregrinantibus et ad cœlestem patriam festinantibus expediat. De virginibus, inquit, *præceptum Domini non habeo: consilium autem do, tanquam misericordiam consecutus a Deo, ut sim fidelis. Existimo ergo hoc bonum esse propter instantem necessitatem; quoniam bonum est homini sic esse* (I Cor. vii). Si de virginibus præceptum haberet, nihil aliud quam quod præciperetur liceret. Nunc vero cum utrumque liceat, vel nubere vel non nubere, quid compendiosius dici potuit, quam *bonum est homini sic esse*, hoc est in virginitate manere; præsertim cum et necessitatis instantia frequenter opprimere soleat; et cito mori ipsa temporis brevitatis urgeat, totiusque mundi figura prætereat? Item cum de vidua loqueretur: *Beattior, inquit, erit si sic*, id est, innupta *permanserit secundum meum consilium* (I Cor. vii); ac ne de proprio corde, quin potius de fonte sapientiæ videretur hoc ipsum consilium deprompsiere, subjecit dicens: *Puto autem quod et ego spiritum Dei habeo* (ibid.). Sed cur ego paucis immoror exemplis? cum in ejus verbis omnis sexus, omnis ætas, omnis conditio consilium inveniat, si diligenter quærat, salutis? Quod si quis curiosius velit prospicere utrum verum sit quod dictum est de sapientia consilia manare, legat libros qui inscribuntur *Sapientiæ*, ubi totus orationis contextus consilia videtur spirare. Si vero consultius et utilius studeat inde vitam elicere, audiat ipsam ealubriter invitantem Sapientiam: *Si vis, inquit, ad vitam venire, serva mandata* (Matth. xix). Quæris cujus? *Deum, inquit, time, et mandata ejus observa* (Eccl. xii). Audiat, inquam, eandem ipsam materno affectu inclamantem: *Da mihi, fili, cor tuum* (Prov. xxiii). O quantum vellem et ego cor meum in ejus verbum suspendere, de cujus ore mirifico tam dulcia vitæ consilia

audio personare! O utinam et linguæ meæ calamum in ejus fonte posseni intingere, quod idoneus essem ea quæ restant de duobus fontibus, id est *virtutis et charitatis*, utiliter exarare. Et quoniam quatuor isti fontes ita sibi invicem saporem suum transfundunt, ut qui de uno biberit, quadam ineffabili dilectionis dulcedine invitetur ad alium, libet jam de Sapientia ad virtutem transire, et qualiter illinc hauriantur aquæ præsidiorum, quantum ab ipsa virtute adjuvor, ostendere. Sicut autem superius dixi, gemina esse veritatis iudicia: quia scilicet decernunt quid liceat vel non liceat; itidemque sapientiæ consilia duo docere, hoc est quid expediat vel non expediat, ita et hic agnoscimus de fonte virtutis hauriendas duplices aquas præsidiorum, quæ vel abluant electos a culpis, vel refrigerent in tormentis. De utrisque sumamus exemplum. Refert Lucas evangelista quod quædam mulier quæ fluxum sanguinis patiebatur, erogata in medicis tota substantia sua, cum minime curari potuisset, accessit retro, et tetigit simbriam vestimenti Domini, et confestim stetit fluxus sanguinis. Jesum vero dixisse: *Quis me tetigit?* cumque discipuli responderent: *Turbæ te comprimunt et affligunt, et dicis: Quis me tetigit?* rursum respondiisse: *Tetigit me aliquis; nam ego novi virtutem de me exisse* (Luc. viii). Ecce quas aquas præsidii hauserit mulier illa de fonte virtutis Salvatoris; quibus abluta est a profluvio sanguinis, quæ nulla medicorum arte poterat sanari. Quod si quis objiciat prolatum testimonium nihil ad rem præsentis operis pertinere, eo quod illa mulier nequaquam abluta esse videatur a culpis, sed tantum ab ægritudine carnis; noverit moris esse Divinæ virtutis prius eordi mederi quam corpori. Unde et alibi cum quidam ei paralyticus offerretur curandus, tanquam bonus et pius medicus, volens sanare prius quod erat potius, id est *mentem quam carnem*, ait eidem paralytico: *Confide, fili, remittuntur tibi peccata tua* (Matth. ix). Itaque sanata conscientia, consequenter etiam sanatur corpus, cum dicitur: *Surge, tolle lectum tuum, et vade in domum tuam* (ibid.). Sic ergo et ejus cor mulieris prius abluit intus donum fidei, per quam meruit exterius impetrare salutem corporis. Hoc enim innuit ipse Dominus cum dicit: *Filia, fides tua te salvam fecit, vade in pace* (Luc. viii). Quod autem de hoc ipso fonte virtutis hauriantur aquæ præsidii in tormentis, ostendunt et illi tres pueri in fornacis æstuantis incendio positi, quibus ipsa flamma frigit (Dan. iii): et præcipue ille inclytus martyr *Vincentius*, qui cum graviter torqueretur, non solum tolerasse, verum etiam tortorem suum constanter provocasse fertur his verbis: *Insurge, inquit, et toto malignitatis spiritu debacchare, videbis me Dei virtute plus possedum torqueor, quam possis ipse qui torques*. Possent plura de hoc fonte virtutis copiosius dici, sed eum succincte prætereo: quia jam de fonte Charitatis bibere potius, quam scribere, inhiante desidero. Ad hunc enim fontem invitatur Redemptoris nostri voce dicentis: *Si quis sitit, veniat, et bibat*.

et de ventre ejus fluent aquæ vivæ (Joan. vii). Et secutus evangelista exposuit, ad quem potum nos invitaret, dicens : *Hoc autem dixit de spiritu quem accepturi erant credentes in eum (ibid.)*. Quem, nisi spiritum charitatis, quem mundus non potest accipere, sed soli accipiunt qui vere credunt in eum ? Ex hoc ergo fonte hauriamus nobis aquas desideriorum, ipsasque partiamur in geminos rivulos ; ut, sicut unius ejusdemque charitatis sunt duo præcepta, ita sint et gemina desideria, quibus impleantur ipsa præcepta. Aliud est enim desiderium, quo Deus propter seipsum, aliud quo proximus diligitur in Deo, vel propter Deum. In illo nullus modus, sed ex toto corde, tota anima, tota virtute diligitur Deus : in hoc autem præscribitur modus quidam, cum dicitur : *Diliges proximum tuum sicut te ipsum (Matth. xix)*. Illo flagrabat Propheta, cum diceret : *Sicut cervus desiderat ad fontes aquarum, ita desiderat anima mea ad te, Deus (Psal. xli)* ; et item : *Concupiscit, et deficit anima mea in atria Domini (Psal. lxxxiii)*. Illo exhibebat Paulus Romanis, quibus scribebat : *Desidero enim videre vos, aliquid ut impertiar vobis gratiæ spiritualis (Rom. i)*. Et Dominus in Evangelio discipulis suis : *Desiderio desideravi hoc Pascha manducare*

*vobiscum antequam patiar (Luc. xxii)*. Et notandum quod ad illud excoitatur mens humana spiritualiter tribus affectionibus, ac provehitur. Unde etiam Deum diligere toto corde, tota anima, tota virtute jubetur, et quidem prima dulcis, secunda prudens, tertia est fortis. Primam habebat Petrus, cum Domino mori dissuaderet, ex corde enim dulciter diligebat, cujus passionem expavescebat ; sed cum audiret *Vade retro, Satana, non sapis ea quæ Dei sunt, sed quæ hujus mundi (Marc. viii)*, bis verbis correptus, et intelligens quid boni haberet mors Christi, cœpit tota anima prudenter diligere, quem prius tantum dulciter diligebat ex toto corde : necdum vero diligebat tota virtute, quod si faceret, nec propter mortis discrimen eum negaret. At vero post resurrectionem et ascensionem dato desuper Spiritu, tunc demum tota virtute dilexit ; pro quo etiam horrendum crucis supplicium postmodum subire non expavit. Erga charitatem quoque proximi exercemur tripliciter, ut vel ædificetur ipsa charitas, ubi non est ; vel augeatur ubi est ; vel certe caveamus ne pereat, aut minuat ubi est. Quisquis autem hanc puro affectu erga proximum operabitur, illam procul dubio, quæ Dei est uberius promerebitur.

# DROGONIS CARDINALIS

## OPUSCULUM

### DE SEPTEM DONIS SANCTI SPIRITUS

SRU

De septiformi gratia Spiritus sancti, ac de beatitudinibus

(Biblioth. Patr. ibid., p. 344.)

Prima gratia est *timor Domini* ; qui hanc habet, omnem odit iniquitatem, juxta illud Psalmistæ : *Iniquitatem odio habui et abominatus sum, omnem viam iniquitatis odio habui (Psal. cxviii)*. Scriptum namque est : *Timor Domini odit malum (Prov. viii)* ; et item : *Time Deum, ei recede a malo (Prov. iii)*. Et de Job dicitur : *Vir timens Deum, et recedens a malo (Job i)*. Sine hac gratia, gratiarum prima, quæ totius religionis exordium est, nullum bonum pullulare vel manere potest. Sicut enim securitas, vel desidia, causa et mater est omnium delictorum ; sic timor Domini radix et custos est omnium honorum : unde scriptum est : *Si non in timore Domini tenueris te instanter, cito subvertetur domus tua (Eccli. xxvii)*. Omnium namque virtutum ædificium illico vergit in præcipitum, si hujus gratiæ amiserit præsidium : unde Salomon ait : *In timore Domini esto tota die, quia habebis spem in novissimo, et præ-*

*stolatio tua non auferetur (Prov. xiiii)*. Hinc et Apostolus dicit : *Cum metu et timore vestram salutem operamini (Philipp. ii)*. Et quid plura ? Connexa sunt simul timor et religio ; non manere potest alterum sine altero. Unde Simeon est dictus *vir justus, et timoratus (Luc. ii)*. Hinc etiam in lege scriptum est : *Dominum Deum tuum timebis, et illi soli servies ; ipsi adhærebis (Deut. vi)*. Unde Salomon ait : *Deum time, et mandata ejus observa (Eccli. xii)*. Hæc autem taliter habere debemus ; qualiter se asserit habuisse Job beatissimus : *Semper quasi tumentes fluctus super me Dominum timui (Job xxxi)*. Per hunc Dei timorem universa deserimus, mundo abrenuntiamus, nosque ipsos, sicut Dominus ait, abnegamus : *Si quis vult post me venire, abneget semetipsum (Matth. iv)*. Iste ergo divinus timor, qui eum quem perfecte imbuat, paupertati subicit, et a malo dividit, ita est primus in ordine gratiarum, sicut paupertas in serie beati-

itudinum. De qua Dominus eam in cæterarum fundamento virtutum ponens, ait : *Beati pauperes spiritu, quoniam ipsorum est regnum cælorum (Matth. v.)*

Secundum charisma est *spiritus pietatis*, illi secundæ quæ in Evangelio ponitur beatitudini consimilis : De qua Dominus sic ait : *Beati mites, quoniam ipsi possidebunt terram (Matth. v.)* : De talibus Dominus in Isaia dicit : *Spiritus Domini super me, ad annuntiandum mansuetis misit me (Isa. vi.)*. Moyses quoque mitissimus erat super omnes homines qui morabantur in terra (*Num. 311*) : de talibus Job dicit : *Dominus ponit humiles in sublime, et mærentes erigit sospitate (Job v.)*. Hinc Salomon ait : *Gloriam præcedet humilitas, et humilem spiritum suscipiat gloria (Prov. xv.)*. Unde illud de Domino dicitur : *Humiles spiritu salvabit (Psal. xxxiii)* ; contra de superbis dicitur : *Deus superbis resistit (Jac. iv.)*. — *Ante ruinam exaltabitur spiritus : superbum sequitur humilitas (Prov. 11)*. Superbia de supernis ad ima præcipitat : humilitas de imis ad superna elevatur. Angelus enim in cælo superbiens ad tartara corruiat : homo in terra se humilians ad cælos ascendit. Tanto vero quisque debet esse humilior, quanto est sublimior ; unde scriptum est : *Quanto magnus es, humilia te in omnibus, et coram Deo invenies gratiam (Eccli. 111)*. Hinc ipse Dominus ait : *Qui voluerit inter vos esse primus, erit vester servus (Matth. 22)*. Item : *Cum feceritis omnia quæ præcepta sunt vobis, dicite : Servi inutiles sumus (Luc. xvii)*. Iterum ipse ait *Discite a me quia mitis sum et humilis corde (Matth. xv.)*. Sine hac humilitatis virtute, et reliquæ virtutes nequeunt prodesse : unde beatus ait Gregorius : *Qui virtutes sine humilitate congregat est quasi qui in vento pulverem portat*. Sicut enim pulvis venti validi dispergitur flatu : sic omne bonum inanis vento gloriæ rapitur. Multo etiam melius est peccatorem esse humilem, quam justum arrogantem : quod a Domino evidenter ostenditur, ubi Publicanus et Pharisæus in exemplum adducitur (*Luc. xviii*). Sicut enim quidam sapiens ait : *Melior est in malis factis humilis confessio, quam in bonis superba gloriatio*.

Tertium donum est *spiritus scientiæ*, de qua legitur in Salomone : *Qui addit scientiam, addit et dolorem (Eccl. 1)*. Vera namque scientia est, scire nos mortales et caducos et fragiles esse, et in hoc exilio, in hoc ergastulo, in hac peregrinatione, in hac valle lacrymarum, in hoc loco miseriarum dolere atque lugere. Unde dicitur in tertia beatitudine, huic tertio dono congruente : *Beati qui lugent quoniam ipsi consolabuntur (Matth. v.)*. Item : *Væ vobis qui nunc ridetis, quia lugebitis (Luc. vi)* ! Hinc Salomon ait : *Risus dolori miscbitur, et extrema gaudii luctus occupat (Prov. xiv.)*. — *Risum reputavi errorem et gaudium dixi : Quid frustra deciperis ? (Eccl. xxii.)* — *Cor sapientiam ubi tristitia, et cor stultorum ubi lætitia (Eccl. vii)*. Vera igitur scientia est scire omnia mundana caduca ac momentanea et incerta esse, *juxta id quod legitur in Salomone : Cuncta subjacent*

*vanitati, de terra facta sunt, et in terram pariter revertentur (Eccl. 111)*. Item : *Vidi quæ sunt cuncta sub sole, et ecce universa vanitas, et afflictio spiritus (Eccl. 1)*.

Quarta est *gratia spiritus fortitudinis* quartæ in Evangelio beatitudini similis, de qua dicitur : *Beati qui esuriunt et sitiunt justitiam quoniam ipsi saturabuntur (Matth. v.)*. Qui enim justitiam esurit, et sitit, contra quælibet adversa factus est insuperabilis, et imperterritus existit. Unde Salomon ait : *Justus quasi leo confidens absque terrore erit (Prov. xxviii)*. Item : *Non contristabit justum quidquid ei acciderit (Prov. 11)*. Hoc spiritu fortitudinis pleni fuere omnes prædicti illi, de quibus Apostolus loquitur sic : *Sancti ludibria et verbera experti, insuper et vincula et carceres, lapidati sunt, secti sunt, tentati sunt, in occisione gladii mortui sunt. Circueverunt in melotis, in pellibus caprinis, egentes, angustioti, afflicti : quibus dignus non erat mundus, in solitudinibus errantes, in montibus, et in speluncis, et in cavernis terræ (Hebr. xi)*. Hoc spiritu præditus confidenter aiebat Apostolus : *Quis nos separabit a charitate Christi ? Tribulatio, an angustia, an persecutio, an fames, an nuditas, an periculum, an gladius (Rom. viii) ?* etc. Iste spiritus omnem Ecclesiam sustinet et regit, atque adversus hostiles insidias instruit ac munit. Unde sponsus in sponsæ preconio sic dicit : *Pulchra es, amica mea, suavi et decora sicut Hierusalem : terribilis ut castrorum acies ordinata (Cant. vi)*.

Quintum donum est *spiritus consilii*, qui aliis facit compati ac misereri, illi competens de qua dicitur quintæ beatitudini : *Beati misericordes, quoniam ipsi misericordiam consequentur (Matth. v)*. Hinc et Salomon ait : *Qui pronus est ad misericordiam, benedictetur (Prov. 11)*. Hanc autem principaliter trifariam exerceamus : vel quando sex ejus, quæ in Evangelio leguntur, opera implemus, vel quando delinquentes corrigere et ad bonum reducere studemus : vel quando injurias nobis illatas facillime indulgemus. Iste secundus clementiæ modus, sive consilii spiritus, Deum fecit semetipsum exinanire, et formam servi accipere (*Philipp. 11*) : scilicet ut sic posset ovem errantem corrigere, et ad proprium ovile reducere ; unde Apostolus ait : *Semetipsum dedit pro peccatis nostris ut nos eriperet de præsentis sæculo nequam (Gal. 1)*. Huic vero consulendi modo sic oportet insistere, ut injungitur ab Apostolo monente : *Insta opportune, importune ; argue, increpa, obsecra (I Tim. iv)*. Et est alius consulendi modus, scilicet discretionis virtus, qua veras a palliatis vel simulatis virtutibus discernimus : qua etiam ipsum Satanam hypocrisis auctorem caute dignoscimus : *Ipsæ enim Satanas, ut ait Apostolus, transfiguratur se in angelum lucis (II Cor. xi)* ; et juxta beati Cypriani dictum ; Ministros suos subornat, velut ministros justitiæ, noctem asserentes pro die interitum pro salute. Ista quidem virtus, cæterarum virtutum magistra ac domina, omnes alias proinde temperat ac superne

gubernat, et ne citra vel ultra licenter evagentur, A imperialiter ac discrete conservat. Unde Boetius ait : Virtutes medium tenent ; si vel infra vel ultra quam oportuerit fiat, a virtute disceditur.

Sexta gratia est *spiritus intellectus*. Ille sextæ beatitudini, de qua in Evangelio dicitur, congruus : *Beati mundo corde, quoniam ipsi Deum videbunt* (Matth. v). Nisi enim mentis intuitus diligenter purificatus fuerit, mystica, ac divina liquide intelligere nequit. Nam sicut scriptum est : *Spiritus sanctus disciplinæ effugiet factum, et auferet se a cogitationibus quæ sunt sine intellectu* (Sap. i) ; unde Salomon ait : *Abominatio Domini, cogitationes malæ* (Prov. xv). Hinc alibi dicitur : *Perversæ cogitationes separant a Deo* (Sap. i). Qui ergo vult sincerum ac lucidum intellectum habere, pravaram cogitationum phantasias ac nebulas B studeat effugare, omni diligentia et cautela cor suum servare. Unde Salomon ait : *Omni custodia serva cor tuum ; quia ex ipso vita procedit* (Prov. iv).

Septimum donum est *spiritus sapientiæ*, scilicet quidam internus sapor ac suavissimus gustus ; unde

in Ecclesia psallitur : *Gustate, et, videte quoniam suavis est Dominus ; vacate, et videte : Accedite ad eum et illuminamini* (Psal. xxxiii, xlv). Hoc divinæ sapientiæ interno gustu superna prælibamus, videlicet contemplantes quam amœnum, quam jucundum sit cœlicolis interesse ? ubi nil poterit quod displiceat, adesse, nil quod placeat abesse. Ista septima gratia illi septimæ beatitudini congruit, de qua Dominus dicit : *Beati pacifici, quoniam filii Dei vocabuntur* (Matth. v). Qui enim mentem pacificam et serenam habent, de supernis dulcius sapiunt et subtilius vident. Nam quo quisque est potentior, eo probatur esse et sapientior. Unde Salomon ait : *Doctrina viri per patientiam noscitur* (Prov. xix). De talibus alibi dicitur : *Pax multa diligentibus legem tuam, et non est illis scandalum* (Psal. cxviii). Hæ septem gratiæ sunt septem mulieres virum unum apprehendentes, septem spiritus super florem requiescentes, septem in candelabro lucernæ lucentes, septem in lapide oculi, septem spiritus ante thronum Dei.

# DROGONIS CARDINALIS

## LIBER

### DE DIVINIS OFFICIIS

SKU

HORIS CANONICIS.

(Biblioth. vet. Patr. ibid., p. 345.)

*Cur matutinæ laudes a fidelibus celebrantur.*

Dominus filios Israel dura de servitute Ægypti, et de sub manu Pharaonis educturus, post multa miracula quibus induratum cor Pharaonis emollire non potuit, unum et hoc nocte potenter operatus est ; primogenita Ægyptiorum angelo percussente interficiens ; quo et Pharaonem cum suis vehementer exterruit, et populum suum mirabiliter liberavit. Præcepit enim per Moysen populo Israel, ut omnes singuli per familias et domos suas agnum immaculatum tollerent, ejusque carnibus, juxta id quod eis mandatum est, comestis, de sanguine ipsius super postes domorum suarum ponerent ; ut hoc signo angelus percussens, quæ ipsorum erant intacta præteriret. Media vero nocte vastator angelus adveniens ubi signa sanguinis in postibus conspiciebat, pertransiens, domosque Ægyptiorum ingrediens, per singulas earum necabat primogenita, primogenitis filiorum Israel reservatis omnibus. Hac virtute miraculi compulsus est rex Ægyptius dimittere populum Domini (Exod. xii, xiiii). Quo in facto liberatio nostra

C figurabatur, quam in nobis quotidie Dominus spiritaliter operatur ; per quam viri filii Israel efficiuntur. Israel enim *videns Dominum* interpretatur. Filii autem qui a sanctis Patribus Dominum videntibus in fide, et cæteris quibus Deus videtur, generati sumus. Quia igitur miraculum illud medio noctis actum est, nos quoque ad nocturnas vigiliis cum Propheta dicente : *Media nocte surgebam ad confitendum tibi* (Psal. cxviii), consurgere debemus, ut ab invisibili Pharaone, id est diabolo, et ab Ægypti servitute, a tenebrarum scilicet operibus, cooperante Divina gratia, liberemur. Nocturnis ergo vigiliis orandum est Dominus, ut gladio verbi sui invisibiliter penetrantis, opera vitæ nostræ prioris tenebræ in nobis percussat et adnihilat, quæ per Ægyptiorum primogenita significari novimus : in quibus etiam Pharaoni, id est regi tenebrarum, captivati servivimus. *Qui enim facit peccatum, servus est peccati* (Joan. viii). Dum enim propriis obediremus voluptatibus, sicut ait Apostolus, *Fuistis aliquando tenebræ* (Ephes. v), malignis spiritibus excæcati obedivimus ; nunc autem conversi, et

facti lux in Domino, ante ipsum intuitu vigili pernoctantes, id etiam postulemus ut ipsum fidecernamus, quæ per Israelis primogenita signabatur, quia prima est et fundamentum omnium virtutum; in nobis sanguine veri agni conservet inviolabilem, ne vastator ille angelus, qui *tanquam leo rugiens circumquærens quem devoret* (1 Petr. v), aut per errorem pravæ opinionis eam in nobis feriat, aut, per desidiæ a bene operando torpescere faciens, eam occidat. *Fides enim sine operibus mortua est* (Jac. ii). Ab illo autem sic tuti esse poterimus, si adhibito studio per vestigia Dominicæ humilitatis, patientiæ atque mansuetudinis incedentes, imitationem passionis sanguine agni designatæ, vita et moribus ubique teneamus. Hæc enim signa si diabolus in nobis prospexerit veraciter, nulla in nobis prævalens virtute, B exterritus disparebit.

*De eodem.*

Celebraturî laudes matutinas, quæ ob honorem et reverentiam Dominicæ resurrectionis, quæ primo mane facta est, aurora diei institutæ sunt celebrari, ad memoriam revocemus etiam transitum filiorum Israel per mare Rubrum, primam resurrectionem nostram, quæ in baptismo nobis datur, significantem, cum eos Dominus a servitute Ægypti, et de manu Pharaonis liberaret; ut inde per deserta transientes terram promissionis tandem ingrederentur, Transitus autem ille in vigilia matutina, cujus extrema pars aurora diei est, factus esse perhibetur. Quæ omnia cum in figura illis contingerent, veritatem nobis adventuram præsignabant: Quia enim per mare Rubrum baptismus noster sanguine Christi consecratus intelligitur, competenter per transitum populi Dei ablutio nostra in baptismo figuratur; ubi et veteris erroris tenebrosa exuentes contagia, et a maligno emancipati pervasore, Domino commersi commorimur, et a morte prima educti, reviviscentes ipsi consurgimus, ut resurrectionis ejus, quæ primo mane facta est participes existamus. Nemo autem in secunda resurrectione ad claritatem resurgere poterit, nisi primam in hac vita habuerit. Est autem sicut prima mors sordere vitiis, et propriis involvi cupiditatibus; secunda vero perpetuis subjacere doloribus. Ita quoque prima resurrectio a vitiis in hac vita resurgere, secunda vero de corruptela ad incorruptionem, de exilio ad patriam, de tenebris ad lucem, de pœnis ad requiem introire. Patet ergo quia, sicut secunda mors primam inevitabiliter sequitur, sic etiam secunda resurrectio primam misericordiam comitatur. Meditemur itaque cum David in matutinis in Domino, præveniamusque eum diluculo, meditantes in eloquio ejus, ut ipse nos sua misericordia, sic a prima morte resurgere concedat, quatenus sibi configuratos, suæ resurrectionis, cum secundo advenit, participes faciat; sicque per hujus vitæ deserta immaculato calle transeamus, ut ad terram veræ promissionis, celestem scilicet Hierusalem, ipso ducente pervenire valeamus.

*De hora Prima.*

Horæ primæ laudatio, hymno ipsius attestante, quo dicimus: *Jam lucis orto sidere*, a sanctis patribus ex oriente sole constituta est celebrari; quæ si aliquando tardius aut celerius, negotiis exigentibus, celebretur, nobis horæ debitæ congruo tempore persolvantibus officium, hujus similiter et cæterarum statutus terminus penes eum cui cuncta sunt præsentia, relinquatur. Ad hanc igitur horam convenientes celebrandam, Creatori nostro benedicamus, et referamus gratias, qui etiam exterioribus nostris necessitudinibus providet et procurat, in tantum ut, præter cætera quæ multa sunt suæ benignitatis beneficia, solem istum visibilem, tam spectabilem videlicet sua pulchritudine creaturam, corporis quæ visibus nostris et sensibus illustrandis tot modis necessariam, nobis accommodare dignatus est. Sol etenim iste corporeus, (ut plura taceam, quæ per eum operatur divina providentiâ) mundum purgans a tenebris, accessu suo cæli plagam hanc quam incolimus, depulso frigore, clementiorem reddit, terram quoque fecundans, arbores fructificare facit. Quæ cum admiratione digna sint, non debet tamen vel utentes retinere hujus utilitas, vel pulchritudo intuentes. In his enim corporalibus, quæ ad modicum proficiunt, etsi plura sint in suo genere, remanere non debemus; sed sicut scriptum est: *Invisibilia ipsius a creatura mundi per ea quæ facta sunt intellecta conspiciuntur* (Rom. i); per creaturam ipsum invitantem Creatorem, Solem Justitiæ, videlicet Dominum Christum fide ac dilectione inquiremus; quem ad ostium mentis nostræ pulsantem invenire quotidie poterimus. Ipse enim per corporalia beneficia nobis præstita, quæ motibus subjacent, et transeunt, summum bonum, quod ipse est, incommutabile semperque manens admonet inquirendum, fideliterque quærentibus et amore pulsantibus veraciter promittit invenendum. Scriptum est enim: *Quærite et invenietis; pulsate et aperietur vobis* (Matth. vii). Ut igitur a nobis valeat inveniri, sincero corde quæramus, dilectione pulsemus, piissimam ejus exorantes clementiam, ut, qui verus est Sol Justitiæ, cæcitatibus et ignorantiam depellens tenebras, dignetur in nostris exorari et inhabitare mentibus; et, quia mediator et advocatus noster fieri dignatus est pro nobis, accedens ad Patrem, eum nobis clementiorem, et, vitiorum depulso frigore, faciat esse propitium: et terram nostram (corda ipsa videlicet) sanctarum cogitationum radicibus germinare, exteriusque per opera Deo suaviter redolentia faciat infatigabiliter fructificare; quatenus veram justitiam per omnia sitientes, ad seipsum ipse nos, per seipsum indeclinabiliter perducatur, et ad illam felicem et plenam satisfactionem nos pertrahat; quoniam fidelibus suis promittit dicens. *Beati qui esuriunt et sitiunt justitiam, quoniam ipsi saturabuntur* (Matth. v).

*De hora Tertia.*

Christus Agnus innocens pro nobis peccatoribus ante Pilatum vilissimum mancipium hora diei tertia

ad judicandum stare dignatus est, ne nos in extremi A  
 iudicii terrore, peccatis accusantibus, rei judicemur. Ipse enim crudelem sententiam sustinuit a Judæis, qui et ob id eum hora ipsa crucifixisse ab Evangelistis dicuntur, clamantibus, *Crucifige, Crucifige eum* (Joan. xix) : ne super nos caderet illa ultima valde terribilis sententia, qua dicitur reprobis : *Ita, maledicti, in ignem æternum* (Matth. xxv). Ipse a lapas, sputa, flagella, coronam spineam, irrisionesque patientissime pertulit, ut suo nos exemplo ad patientiam invitaret ; quatenus, in hac vita probati, spem per patientiam haberemus vitæ æternæ. Ad sacramentum etiam hujus horæ attinere probatur, quod Spiritus sanctus hora tertia a cælo missus ad illuminandam Ecclesiam, discipulorum cordibus infusus est. Nos itaque in ista hora Salvatorem nostrum, gratias agentes, adoremus, qui tam necessaria nobis et tam mirifica voluit beneficia præparare. Eandem etiam gratuitam bonitatem, qua sic voluit, exoremus, ut, eodem Spiritu nos vivificante interior, ipse, qui caput est suorum, per bona opera exterius sua nos membra faciat ; sicque, pro modulo nostro, sui nos imitatores, his quæ pertulit, communicare concedat, ut ab auditione mala, ubi justa non timere promittitur, liberati, auditum bonum et suavem audire mereamur, quoniam dicturus est : *Venite, benedicti Patris mei, percipite regnum quod vobis paratum est a patre meo* (Matth. xxv).

*De hora Sexta.*

Testatur evangelicæ veritatis historia quod salus nostra Christus hora sexta crucem ascenderit, et a carnifice sævissimo manus innoxias pedesque transforari permiserit, ut vulneribus suis, nostris mederetur vulneribus, atque crucis, patibulo cruciatus a nobis auoveret æternos. Equum est igitur et nobis salutare, hora qua Dei Filius membra, quæ ipsius summa divinitas pro nobis assumpserat, pro nobis etiam doloribus passionum atque crucis ignominie supposuit, tantæ Majestati reparatrici nostræ naturæ gratias referre. Et quia, ut ipse asserit, sine ipso facere nihil possumus ; in hora suæ sanctæ crucifixionis, laudibus ejus assistentes, ipsius pietatis nulli negare auxilium efflagitemus : ut, quia duo sunt crucis genera, cum aut caro cum vitiis crucifigitur et concupiscentiis, aut menset voluntas a vanis cogitationibus et illicitis, divinitus adjuta refrenetur, nos faciat homines crucifixos corpore et anima : quatenus sic ipsius timore configamur, ne nos insidiator callidus immanitate vitiorum superet, sed amoris ejus igne, meridiano fervore succensi, ad bene operandum juxta mandatorum ipsius obedientiam informemur et perficiamur : ut, qui per lignum vetitum a vita decideramus, per lignum obedientie redire valeamus.

*De hora Nona.*

Non sine lacrymis atque singultibus semper, et nostra sufficeret fragilitas, ad horæ nonæ mysteria celebranda convenire deberemus. Hæc est enim hora illa qua Christus, vita viventium, in quo quidquid

factum est vita erat, pro nobis pendens in cruce, consummatis omnibus quæ de ipso usque ad horam mortis ejus prædicta fuerant, inclinato capite, in manus Patris commendans, tradidit spiritum. Revoemus ita quotidie in hac hora ante mentis oculos illud salutiferum et venerabile crucis, et crucifixi spectaculum, et animam ejus a corpore exeuntem cum gratiarum actione pronis mentibus adorantes, ejus plam et indeficientem deprececur misericordiam ; ut qua charitate propter peccata nostra mori, et propter justificationem resurgere voluit : ea ipsa nos faciat in hac vita peccato mori, et vivere justitiæ ; ac in summa nostra necessitate cum anima corpus reliquerit, nobis subveniens, et interpositione suæ mortis unicæ nos a morte animæ protegens, vitæ nos illi beatæ tandem restituat, quam de ovibus suis loquens promittit : *Et ego vitam æternam do cis* (Joan. x).

*De hymnis vespertinis.*

Post peracta horæ nonæ mysteria, jam spe divini misericordie confidentiores, alacrioribus animis ad hymnos vespertinos festivius convenimus celebrandos. Credimus enim et confitemur propitiationem totius dispensationis, quam Dominus Jesus pro nobis in corpore gesserat usque ad mortem, mortem autem crucis (Philipp. 11), ad conspectum Patris, die qua passus est, hora ipsa ascendisse : per quam humano generi, universaliter pax apud eum restituta est. Omnes enim quantum ad largam Salvatoris nostri misericordiam salvati sunt, nec aliquis, nisi sponte sua perire malit, a tanto beneficio secluditur. Eadem quoque hora pridie quam pateretur, duo nobis beneficia, minime tucenda et valde necessaria præparavit, et actu ipso imitanda reliquit. Unum cum a cœna surgens pedes discipulis lavit, in quo figuravit nostram conversationem terrenam, quæ pedum nomine designatur, ut cum eo partem habeamus ab ipso quotidie necessario abluendam, et detergendam ab offensarum pulvere, quas indesinenter contrahimus. Alterum autem est, cum sui corporis et sanguinis sacramentum, quod nobis hora ipsa consecrationis in sui commemorationem faciendum dimisit : quatenus Ecclesia sua in hujus mundi peregrinatione, ne deficeret, vitale habens viaticum, eo confortata interim alteretur, donec illi occurramus omnes in virum perfectum, in mensuram ætatis plenitudinis Christi (Ephes. iv), cum scilicet capiti membris suis cohærentibus universis Christi corpus adimplebitur, et erit Deus omnia in omnibus (1 Cor. xv). Quod ergo tantis et tam universalibus vespertina hora decorata est sacramentis, eam promptioribus et dilatatis frequentantes affectibus, propitiatori omnium debitas persolventes gratias oris et cordis instemus precibus, ut quidquid terrenæ fœcis hic conversando contrahimus, fonte pietatis abluat, et suam in nobis perficiens bonitatem, sic sui nos sacrosancti corporis viatico in hac vita pascat et vegetet, ut migrantes hinc, in illorum conscribi numero mereamur pro quibus reconcl-

inter manus filii sui Hugonis, qui ipsi unctionem et sacrum viaticum ministraverat, animam Deo reddidit. Non minus pia fuit Hugonis mater, quæ post mariti sui excessum, cum sæculum itidem deserere vellet, filii sui consilio, quia tunc rara erant feminarum religiosa monasteria, in privata domo reliquum vitæ suæ in pietatis officiis impendit. His parentibus ortus est Hugo, in pagi Valentinensis loco, cui Castrum nomen est, juxta Isaram sito. Scholis Valentiniæ adhibitus, studiis expletis, cum ab omni contaminatione se immunem servare vellet, ab Hugone Diensi episcopo et sedis apostolicæ legato, in ejus familiam adoptatur, et ad extirpandas simoniæ aliorumque ejus temporis vitiorum tum in clericis, tum in laicis propagines adjutor adhibetur. Interim contigit ab eodem legato concilium Avenione celebrari, ad quod Gratianopolitani canonici, qui præsule destituti erant, pastorem postulaturi convenerunt. His oblatus a legato Hugo, nihil non tentavit ut hanc dignitatem declinaret. Sed tandem eam subire coactus, cum a Guarundo Viennensi archiepiscopo, qui simoniæ in simulatus erat, consecrari nollet, cum legato Romam profectus est, ut a Gregorio papa ordinaretur. Inde pontificis consiliis gravi, qua vexabatur, tentatione relevatus, et Mathildis comitissæ, quæ ei pastorem baculum et quosdam sacros codices dono dedit, benevolentia honoratus, ad Ecclesiam suam venit, in qua clerum et populum valde incompositum, sacerdotes incontinentes et Simoniacos, laicos usuræ addictos et ecclesiarum invasores invenit, ex negligentia ejus antecessorum episcoporum, qui domus episcopalis substantiam devoraverant. His corruptelis emendandis quantum laboris et sollicitudinis impenderit Lugo, non facile est edicere. Verum, cum forte votis suis fructum non respondere animadvertisset, vitæ quietioris studio, necdum duobus post consecrationem expletis annis, ad Casam Dei secessit: ubi factus monachus, sanctorum, quorum ibidem aderat copia, virorum succensus exemplis, suisque eos vicissim succendens, cunctorum imitatione pariter et veneratione dignum se præbuit. Verum, post unius anni spatium, jussu Gregorii pontificis ad Ecclesiam redire coactus est cum multo fenore virtutis ac fervoris; sicque deinceps vitam instituit, ut monachi vitam in episcopatu retineret, viris religiosus suo contubernio adjunctis, quos inter unus fuit vir venerabilis Guilielmus, tunc prior Sancti Theofredi abbas. In episcopatu eum modestiam et sensuum, maxime oculorum, castigatione præ se tulit, ut oculos in mulieres nunquam defigeret; eam devotionem, ut excipiendis confessionibus pœnitentes profusis lacrymis ad compunctionem provocaret.

Juvat ad rerum consequentium illustrationem hoc loco disquirere quo præcise anno Hugo factus et consecratus sit episcopus. Hujus nodi solutio ex duplici capite pendet: ex anno scilicet habiti concilii Avenionensis, in quo electus fuit ad episcopatum; et anno fundatæ Carthusiæ Majoris, quæ anno ejus episcopatus fere sexto facta est. Ad primum quod attinet, Avenionense concilium celebratum fuit post scriptam a Gregorio papa epistolam ad Arelatenses (1) quos ad eligendum sibi episcopum hortatur, qui in prædicto concilio electus fuit, uti et Hugo, ut constat ex Chronico Hugonis Flaviniacensis. Atqui hæc epistola scripta est; Kalendis Martii, indictione 11, adeoque anno 1079. Non ergo ante hunc annum aut insequentem utraque electio facta est. Ut vero potius anno 1079 factam existimem, mihi duo persuadent argumenta: unum est, quod pro comperto habeam Carthusiæ fundationem, quæ anno Hugonis episcopatus fere sexto facta est, collocandam esse anno 1084. Alterum est quod Hugo decesserit, teste Guigone, anno 1133, Kalendis Aprilis, « ætatis suæ anno ad minus octogesimo (erat autem annorum fere viginti septem quando electus fuit), consecrationis autem suæ ad minus quinquagesimo secundo. » Quos calculos si compares, ejus electionem anno 1079, consecrationem ineunte anno sequenti factam admittas necesse est.

(1) Greg., Registr. lib VI, ep. 21.

## VITA S. HUGONIS

AUCTORE

### GUIGONE CARTHUSIÆ MAJORIS PRIORI V.

(Vide Patrologiæ tom. CLIII, col. 759, in Guigone.)

## EXCERPTA

### E CHARTULARIO ECCLESIE GRATIANOPOLITANÆ.

(MABILLON, Opera posthuma, t. III, p. 358.)

#### I.

*De injuriis quas fecit Guido Viennensis archiepiscopus Ecclesie Gratianopolitanæ et ejusdem Ecclesie episcopo Hugoni de pago Salmoriacensi.*

Ego Hugo, Gratianopolitanus episcopus, posterorum notitiæ trado qualiter Viennensis archiepiscopus Guido calumniam movit de Salmoriacensi pago

**A** adversus Gratianopolitanam Ecclesiam præfatum pagum injuste possidere, quoniam juris erat Viennensis Ecclesie. Ad quam querimoniam diffinitionem Viennam convenimus, sed causa tunc indiscussa diem aliam placito constituimus, in qua diem apud Rotmanos iterum convenerunt cum eo Gontardus Valentinensis et Guido Genevensis, nobiscum

Pontius Bellicensis et Landricus Matisconensis episcopi; ubi et scriptis et aliis testimoniis ostendimus quod pagum illum Ecclesia Gratianopolitana per centum annos et eo amplius possederat. Ex quo vero primum possederit penitus ignorare. E contra Viennenses objecerunt quod eo tempore in quo Gratianopolitana Ecclesia a paganis desolata erat, ejusdem civitatis episcopo ab archiepiscopo Viennensi ad tempus concessum est. A quibus cum requisissent præfati episcopi si super hac responsione aliqua chartarum monumenta haberent, responsum est nullum exinde scriptum habere, sed solum vulgi rumorem sufficere. At Gratianopolitani canonici postulaverunt ut præfati episcopi super hoc judicarent utrum nuda et sola Viennensium verba Gratianopolitanam Ecclesiam a possessione tam antiqua excluderent. Sed Viennensis archiepiscopus noluit audire judicium, quoniam eo tempore milites illius terræ ad pacem faciendam conjuratos in manu sua tenebat, quod iudicio non potuit opportunitate accepta violenter abstulit, pro qua invasione domino papæ Urbano secundo proclamationem fecimus. Unde Lugdunensi archiepiscopo Hugoni, qui tunc legatus Romanæ Ecclesiæ erat, litteras destinavit. Lugdunensis itaque archiepiscopus, fretus apostolica auctoritate, utrumque nostrum ad tantam diffiniendam apud Barnem ante præsentiam suam ex præcepto domini papæ venire fecit. Qui utrinque audita ratione, plenam investituram Gratianopolitanæ Ecclesiæ, quæ, sicut diximus, violenter exspoliata fuerat, judicavit, et primo concilio in Galliis celebrando calumniam se determinaturum promisit. Investituram autem Viennensis archiepiscopus, spreto apostolici legati iudicio, reddere nobis noluit, quoniam eo tempore Romam ad dominum papam Urbanum legatum cum litteris suis miserat, postulans ab eo ut quæ juris erant Viennensis Ecclesiæ privilegio confirmaret, pro cujus impetratione, sicut ipse nobis postea confessus est, quingentos solidos in Romana curia dispensavit. In quo inter Salmoriacensem pagum quem noviter arripuerat, fraudulentè et per subreptionem scribi fecit, domino papa ipsius pagi querimoniam prorsus ignorante. Quam privilegii fraudem ubi persensimus, cum summa festinatione Romam misimus apud dominum papam conquerentes, et de contemptu super investitura legati sui iudicio, et de fraudulenta privilegii subreptione. Unde dominus papa Urbanus Lugdunensi archiepiscopo Hugoni legato suo litteras mandavit, quarum exemplum infra scriptum est.

« Urbanus... dilecto fratri et episcopo Ugoni Lugdunensi, etc.

« Sollicitudinis nostræ, » etc. *Vide in Urbano II, Patrologiæ tom. CLI.*

Nobis vero per eundem legatum litteras in hunc modum misit:

(2) Sic in exemplo nostro.

« Urbanus.. Hugoni Gratianopolitano episcopo, etc.

« Pro negotio tuo, » etc. *Vide ubi supra, sub num. 117.*

Interea Lugdunensis archiepiscopus Hugo apud Æduensem civitatem concilium disposuit celebrare, ubi nos interesse præcepit, paratos ad dirimendam totius concilii iudicio querimoniam. Tandem in concilio ad causam nostram ventum est. Ubi post multa verba, ut causam nostram injustam esse Viennensis archiepiscopus comprobaret cum insultatione scripturarum quasi multa vetustate contritam protulit, quæ continebat quod Barnuinus Viennensis archiepiscopus, Isarno Gratianopolitano episcopo ecclesiam Sancti Donati et Salmoriensem pagum concessisset, donec Gratianopolitanæ Ecclesiæ pax a persecutione paganorum qua tunc vastabatur, redderetur. Qua perlecta, a timore quem nobis incusserant, respiravimus, rogantes apostolicum legatum ut chartam illam ipse servaret, quæ sine dubio falsum testimonium dabat, quoniam Barnuinus Viennensis archiepiscopus et Isarnus Gratianopolitanus pontifex non contemporanei fuerunt, sicut ex catalogo Lugdunensi, et ex aliis multis scriptis collegimus. Præterea chartam illam infirmavimus et cassavimus, ex eo quod Alcherius Gratianopolitanus episcopus, antecessor Isarni episcopi, prædictum pagum Salmoriacensem possedisse multis chartarum testimoniis cognoscitur, et ecclesiam Sancti Donati Gratianopolitana Ecclesia non per Barnuinum obtinisset, sed largitione regum, videlicet Bosonis et Lodovici filii sui, quod præceptis eorum regalibus declaratum est. Cognita autem a nobis ipsius scripturæ falsitate, et ejus taliter infirmato, Viennensis archiepiscopus iudicium, quod primum quadam importunitate requirebat, suffugere cœpit, et charta illa e conspectu concilii et ipsius legati repente sublata, ad præfati privilegii auctoritatem spreto iudicio recurrit, quod nihil ei suffragari potuit, quoniam dominus papa illud privilegium per subreptionem sibi extortum litteris suis intinaverat, et causam nostram canonico iudicio diffiniendam legato suo commiserat. Et ita hoc refugio qui injustitiam suam defendere moliebatur Viennensis destitutus est. Tentaverunt autem archiepiscopi præfati et episcopi rogatu apostolici legati, qui concilii turbationem formidabat, pacem inter nos et concordiam reformare; sed quoniam nostra quæ invaserat ex integro nobis restituere noluit, satius intellexit (2) synodale iudicium, quam inutilem concordiam recipere. Quod ille plurimum formidans, et quasi imminentem iudicii sententiam evadere cupiens, jus Ecclesiæ nobis commissæ sicut cum antecessoribus nostris melius possederat Viennæ consilio canonicorum suorum nobis restituere promisit. Igitur die constituta Viennam veni, sed quod, ipse promiserat, minime implevit. Interea dominus



papa Urbanus Placentiæ disposuit celebrare concilium, ubi Gallicanos episcopos præcepit interesse; qui super tanta injuria querimoniam facturus cum pergerem, Viennensem archiepiscopum in Italiam apud Sanctum Ambrosium reperi, quod ut me ab incepto itinere revocaret hebdomada qua concilium Placentinum papa celebrare disposuerat, consilio Lugdunensis archiepiscopi se obediturum de causa nostra spondit. Hac intentione ab itinere domum regressus, cum Lugdunum venire determinata die præpararem, Viennensis placitum renuntiavit. Et sic ab illo turpiter illusus, dolos ipsius cognoscens, iter quod intermiseram statim arripui, et ultima die concilii summa cum festinatione Placentiam veni, ubi coram papa et universo concilio, violentiam quam nobis Viennensis intulerat, et dolos ejus, et apostolicæ sedis contemptum exposui, et qualiter apostolici legati judicio de investitura nostra obedire noluerat. Quo audito, totius concilii judicio, plenam investituram Salmoriacensis pagi papa nobis reddidit, privilegium quod, sicut supra positum est, per subreptionem Viennensis extorserat, cassavit, et super hoc ei litteras destinavit, quarum exemplum infra scriptum est.

« Urbanus episcopus... Guidoni Viennensi archiepiscopo, etc.

« Necessitati et utilitati, » etc. *Vide ubi supra, sub num. 134.*

Quibus litteris Viennensis noluit obedire, imo litterarum portitorem minis atque conviciis debonestavit. Unde ad papam sub brevi tempore Mediolanum accedens præsumptionem et contumaciam archiepiscopi Viennensis contra sedem apostolicam ostendi. Apostolicus itaque me ab ipsius subjectione subtraxit, et clericis ac laicis in pago Salmoriacensi commorantibus, ne Viennensi archiepiscopo obedirent interdixit litteris quas hic subungere curavimus.

« Urbanus, etc., dilectis filiis tam clericis quam laicis in pago Salmoriacensi commorantibus, etc. Quoniam frater Viennensis, » etc. *Vide in Urbano.*

Contigit interea domnum apostolicum Gallicanam Ecclesiam visitare, qui Valentiam ad dedicandam majorem ecclesiam veniens ibique Viennensem archiepiscopum allocutus, ad dirimendam litem quæ inter nos erat apud Rotmanos utrumque ante præsentiam suam die constituta adesse præcepit. Cumque juxta præceptum ipsius, antiquis chartarum testimoniis onustus, episcoporum et clericorum laicorum quoque consilio sufficienter munitus, illuc adventassem, archiepiscopus Viennensis, spiritu superbis afflatus, arcem loci et munitionem cum armatis occupavit militibus, ut si quid contra voluntatem suam papa loqueretur, ipse apud se in sua potestate permaneret. Et ideo papa suo etiam jure, abbatia videlicet Romanensi taliter exspoliatus, cau-

sam nostram diffinire non potuit. Ego autem, injuriæ propriæ non immemor, in Arvernensi concilio, quod papa eodem anno celebravit, querimoniam nostram adversus archiepiscopum jam diu agitatam papæ et universo conventui representare curavi. Apostolicus vero injuriæ nostræ et labori compatiens, Salmoriacensem pagum Gratianopolitanæ Ecclesiæ ex integro restituit, et me et Gratianopolitanam Ecclesiam ab ipsius obedientia subtraxit, quando super hac restitutione apostolico præcepto obedire contemneret, et exinde comiti et parochianis nostris litteras hujusmodi delegavit.

« Urbanus episcopus... Guigoni comiti, clero et populo Gratianopolitano, etc.

« Quereiam venerabilis, » etc. *Vide ubi supra.*

Guigo quidem comes, apostolicis litteris excitatus, archiepiscopum adire, et apud eum minis ac precibus effecit quatenus Salmoriacensem pagum, secundum præceptum apostolici nobis et Gratianopolitanæ Ecclesiæ restitueret. Cui restitutioni apud Capellam arearum interfuerunt Gualterius Albanensis, et Leodegarius Vivariensis episcopi, Viennensis Ecclesiæ, et Gratianopolitanæ canonici, Guigo prædictus comes, necnon et principes ipsius terræ; quam investituram, quoniam corporis infirmitas fere per biennium in Apulia me detinuit, archiepiscopus iterum præsumpsit invadere. Quod postquam per legatum nostrum papæ nuntiatum est, litteris suis legatum suum Lugdunense archiepiscopum commonuit ut ab injuria Gratianopolitanæ Ecclesiæ et nostræ archiepiscopum Viennensem auctoritate apostolica omnino coerceret, quarum litterarum exemplum infra subposui.

« Urbanus episcopus... Hugoni apostolicæ sedis vicario, etc.

« Quam arroganter, » etc. *Vide ubi supra, sub num. 223.*

Innotuit eodem tempore, divina nobis favente clementia, chartam illam quam in Augustodunensi concilio archiepiscopus Viennensium adversum nos de Salmoriacensi pago protulerat, certioribus indiciis falsam esse, ille enim cui scriptor ejusdem chartæ infirmitate detentus confessus fuerat, nobis patefecit, quem scriplorem nomine Sigibodum, Sancti Ragnaberti monachum, per amicos nostros ejusdem cœnobii monachos evocatum apud monasterium quod Granarium dicitur, ante altare beatæ Mariæ sub invocatione divinæ præsentis excommunicationem intendendo adjuravi.

*Finita tandem est controversia, diviso communi partium consensu in duas æquales partes pago Salmoriacensi, quarum una archiepiscopo Viennensi, altera Gratianopolitano episcopo cessit, quod Lugduni iv Kalendas Februarii factum est anno 1107, in presentia multorum antistitum, confirmatumque est paulo post a Pausulo II, cujus ea de re bulla ex chartario Gratianopolitano edita est post Theodori Penitentiale tomo II, pag. 538 (Patrologiæ t. CLXIII).*

# SANCTI HUGONIS

## EPISTOLÆ ET DIPLOMATA.

## I.

*Ad archiepiscopum et canonicos Ecclesie Turonensis.— Epistolam Cruciferorum de rebus in Oriente.*

(Exstat hoc S. Hugonis epistolium ad calcem epistolæ Cruciferorum ducum, quæ est inter litteras Godefridi regis quarta. Vide Patrologiæ tom. CLV.)

## II.

*Charta Hugonis episcopi Gratianopolitani, vetantis ne mulieres Carthusiam accedant.*

(MABILLON, *Annal. Bened.*, t. V, p. 646, ex archivo Carthusiæ Majoris.)

Hugo Gratianopolitanæ Ecclesiæ vocatus episcopus, presbyteris et laicis in Gratianopolitano episcopatu commorantibus, æternam in Domino salutem.

Quomodo fratres nostri Chartusiæ monachi Deo placere desiderent, mundus quem fugiunt, et loci in quo habitant asperitas et solitudo satis probant. Quorum desiderio, quoniam pax et quies maxime necessariæ sunt, supra pontem, qui terminus possessionis eorum est, ad removenda ea quæ proposito eorum contraria sunt, domum ædificari consulimus et præcepimus. Rogamus itaque dilectionem vestram, et auctoritate divina injungimus ut feminae per terram eorum nullatenus transeant, neque viri arma portantes. Præter ea infra terminos ipsorum possessionis, piscationem et venationem et avium captionem, ovium vel caprarum, atque omnium domesticorum animalium pascua et transitum prohibemus. Obedientes monitis nostris divina clementia in gratia sua multiplicet, et in omnibus bonis quæ ibidem a servis Dei geruntur, vel usque in sæculi finem gerenda sunt, eandem, quam habere ipsi cupiunt, partem tribuat. Inobedientes vero divino iudicio reos relinquimus, et sæculari potestate puniri faciemus.

Datum mense Julii, anno 1084.

## III.

*Charta Leotardi filii Willelmi pro feudo cellarariæ episcopalis.*

(*Ibid.* ex tabular. Ecclesiæ Gratianopolitanæ.)

Ego Hugo Gratianopolitanus episcopus, notum facio omnibus, quod Humbertus Pilosi, et Dodo de Gratianopoli, et Guigo Lacensis, et Rostagnus fuerunt mecum in placito quod primum fecit mihi Willelmus Leotardus; dereliquit igitur mansum unum, quem sicut ibidem testibus comprobatum fuit, mentitus fuerat se habere pro feudo cellarariæ; et quia mansum dereliquerat, et nihil aliud se habere pro cellaria dicebat, prædictis viris laudantibus, dedi ei

A quoque anno pro feudo cellarariæ decem solidos, et victum sibi soli in domo mea quamdiu ego ibi manerem, et prorsus nihil aliud dedi vel conveni ei. Postea vero Guigo Geraldus fecit ei fori factum in cabanaria quam habebat Miseriaci, et in placito quod habuit cum Guigone Geraldo, ante me confessus est istam cabanariam esse feudum antiquum cellarariæ quam celaverat, in primo placito, cum reliquit mansum, et cum mentitus est nihil habere pro feudo cellarariæ; et cum injuste et per subreptionem extorsit nobis decem solidos in unoquoque anno, post mortem vero ejusdem Willelmi fecerunt mihi placitum filii sui Beto, Leotardus et alii fratres eorum, et dedi eis antiquum et verum feudum, scilicet cabanariam Miseriaci quam celaverat pater eorum, et quam sub testimonio honorum virorum confessus fuit esse antiquum et verum feudum episcopalis cellarariæ, ipsam dedi eis pro feudo cellarariæ, et casa-menta et cortilia quæ habent Gratianopoli, et unum furnum qui est juxta Calomentum illorum, sive juxta domum Stephani Coaiz, et in domo mea quamdiu ego ibi manerem victum uni soli, decem vero solidos quos pater eorum extorserat, mihi retinui, et prorsus nihil aliud dedi eis, et hoc fuit in placito et conventionem constitutum, ut Leotardus in officio cellarariæ nullum alium prorsus per se vel sub se habeat, sed si Leotardus in suam personam claves tenere noluerit, vel si tenuerit, et res episcopales de feudaverit, ego committam eas cuicumque voluero, similiter omnes successores mei; ipse vero habeat feudum, et alii utilitati nostræ domus deserviant. Testes sunt istius chartæ, Rostagnus, Guigo de Lanz, Odolricus, Gualdinus, Fulco, canonici Gratianopolitanæ Ecclesiæ, et Guigo conversus, et alii plures, postea reddidi eis in feudum decem solidos quos retinueram.

## IV.

*Chartæ guirpilonis factæ per Leodegarium de Clariaco et alios, Hugoni episcopo Gratianopolitano, de tota terra de Fabriis.*

(*Mémoires pour l'histoire du Dauphiné* tom. I, p. 134.)

In nomine Patris, etc.

Ego Leodegarius de Clariaco, et Petrus Mallenus, et Jarento Ruffus, et mater et uxor ipsius, et Langerius presbyter frater ejus, et Silvius de Clavaissone nos omnes per fidem et sine enganno guirpivimus, et donavimus totam terram de Fabriciis Deo et B. Mariæ, et S. Vincentio, et B. Donato, et Hugoni Gratianopolitano episcopo cui pro jure episcopatus Rotmanis adjudicata fuerat, et omnibus successoribus suis in perpetuum tenendam et possidendam. Et

nos Juravimus quod prædictam terram, neque bona A  
quæ ex terra procedunt, tollamus episcopis Gratiano-  
polititanis, nec aliquis consilio vel consensu nostro:  
hujus guirpilionis sunt testes, ipse Hugo Gratiano-  
polititanus episcopus, in cuius manu fuit factum, et  
Villemus de Clariaco, et Obrias Gratianopolitanus  
Ecclesiæ decanus, Guigo prior S. Donati, Vilellmus  
monachus S. Gotfredi, Petrus Stephanus Magalono-  
nensis Ecclesiæ canonicus, qui hanc chartam scrip-  
psit, Oldricus procurator episcopi, Ademarus Cab-  
iscolus S. Donati, Atanulphus Guaniola, Bortellus  
episcopalis et duo filii ejus Hugo et Petrus Vilell-  
mus Bruno. Petrus de sancto Andrea, marescallus  
episcopi, Rodulphus de Alavardo nepos prædicti  
decani.

Facta est charta ista in mense Maio anno ab In- B  
carnatione Domini 1128, feria v, luna xxi.

## V.

*Guerpilio de decima facta a Petro Gorga Hugoni  
episcopo Gratianopolitano.*

(*Ibid.* p. 135, ex tabulario Ecclesiæ Gratianopolitanæ.)

Notum sit filiis Gratianopolitanæ Ecclesiæ præ-  
sentibus et futuris quod Petrus Gorga, et ejus  
uxor, et soror uxoris ejus reddiderunt et guerpive-  
runt Deo et beatæ Mariæ, et S. Vincentio, et epis-  
cupo Hugoni, et successoribus suis decimam quam  
ipsi habebant in cabanaria quam tenent de Aimone  
vetulo, sicut ipse Hugo melius intellexit ad utili-  
tatem suam et successorum suorum. Hæc guerpilio  
facta est in manu ejusdem, in præsentia Petri  
de Visilia, et Geraldii de Savoia, et Guidonis con-  
versi et Malleni cellarii comitis.

# ORDO RERUM

## QUÆ IN HOC TOMO CONTINENTUR.

### COSMAS PRAGENSIS.

CHRONICA BOHEMORUM.	
Prolegomena.	9
Prologus ad severum Melvicensem.	55
Item ad magistrum Gervasium præfatio.	55
LIBER PRIMUS.	57
Proœmium libri II.	121
LIBER SECUNDUS.	121
Apologia in librum tertium.	187
LIBER TERTIUS.	187
CANONICI WISSEGRADENSIS CONTINUATIO	CO-
SMÆ.	245
MONACHI SAZAVENSIS CONTINUATIO.	273
De chronica sancti Jheronimi et compositione anno-	rum.
	273
De exordio Sazavensis monasterii.	273
De probitate Wladislai regis et fratris ejus Theobaldi	ducis.
	295
CANONICORUM PRAGENSIIUM CONTINUATIONES	
	299
— Wenceslai I regis historia.	309
II. — Annalium Pragensium pars I.	313
III. — Annales Otokariani.	325
IV. — Annalium Pragensium pars II.	359
V. — Annalium Pragensium pars III.	365

### ALBERICUS AQUENSIS.

Notitia.	387
HISTORIA HIERSOLYMITANÆ EXPEDITIONIS.	389
LIBER PRIMUS.	
CAPUT PRIMUM. — Proœmium operis.	389
CAP. II. — Quomodo Petrus eremita primus auctor existi-	terit expeditionis in Jerusalem.
	389
CAP. III. — Quomodo patriarcham adierit.	390
CAP. IV. — Quid patriarcha Petro responderit, et quomodo	auxilia Christianorum invitaverit.
	390
CAP. V. — Quomodo majestas Domini Jesu in somnis	Petro apparuerit eumque allocuta sit.
	391
CAP. VI. — Quomodo Petrus Romam venerit, legationem	apostolicam retulerit, et de terræmotu.
	391
CAP. VII. — De quodam Waltero eunte Hierosolymam,	quid egerit vel quid pertulerit.
	392
CAP. VIII. — Quomodo Petrus, cum copioso exercitu	tendens Jerusalem, vindictam sociorum in Hungaria fe-
	cerit.
	393
CAP. IX. — Quomodo Maroam fluvium cum difficultate	

transierit.	394
CAP. X. — Quomodo duci Bulgarum obsides dantur :	quibus receptis gravis contentio cum Bulgaris oritur.
	395
CAP. XI. — Quomodo dux exercitum insecutus plu-	rima diripuerit.
	398
CAP. XII. — Quomodo, Petro cum exercitu causa pacis	obviam duci regresso, plurima juvenus prostrata sit.
	396
CAP. XIII. — Qualiter exercitus ex magna parte di-	spersus sit, et iterum ad triginta millia adunatus.
	397
CAP. XIV. — Quomodo imperator Petro legatos di-	rexit, ut veniret Constantinopolim.
	398
CAP. XV. — Quomodo Petrus secundam imperatoris le-	gationem acceperit, ut Constantinopolim maturaret iter.
	399
CAP. XVI. — Quomodo Petrus et exercitus ab impera-	tore benigne susceptus sit, et deinde mare transierit.
	399
CAP. XVII. — Quomodo in terra urbis Nicææ juvenus	prædam fecerit, et castellum quoddam Solymani cepit.
	400
CAP. XVIII. — Quomodo Solymanus dux, congregatis	Turcis, prædictum castrum expugnauerit, quosdam capti-
	vos duxerit, reliquos occiderit.
	401
CAP. XIX. — Quomodo exercitus per dies octo Petrum	exspectaverit, et quomodo quosdam Turci de exercitu
	decollaverunt.
	402
CAP. XX. — Quomodo exercitibus, ad ultionem socio-	rum armatis. Solymanus cum multa manu occurrerit
	pugnaturus.
	402
CAP. XXI. — Quomodo Turci cum Christianis graviter	conflixerint.
	403
CAP. XXII. — Quomodo Turci infinitam multitudinem	Christianorum peremerunt.
	404
CAP. XXIII. — Quomodo tria millia Christianorum qui	evaserant, a Turcis obsessi, imperatoris auxilio liberaban-
	tur.
	404
CAP. XXIV. — Quomodo quidam Godescalcus magnam	manum in eandem expeditionem contraxerit.
	405
CAP. XXV. — Qualiter omnis exercitus Godescalci in-	solenter agens in Hungaria peremptus sit.
	406
CAP. XXVI. — Quomodo ex diversis regnis copiosa gens	in eandem expeditionem adunata sit.
	407
CAP. XXVII. — De strage Judæorum Colonis.	407
CAP. XXVIII. — De simili strage facta Moguntis.	407

- CAP. XXIX. — Quomodo exercitus, negato transitu, cum Hungaris conflixerit. 408
- CAP. XXX. — Qualiter subito disturbato exercitu innumerabilis multitudo perierit. 409
- CAP. XXXI. — De superstitione anseris et capillæ. 410
- LIBER SECUNDUS.**
- CAPUT PRIMUM. — Cum quibus et quo tempore dux Godfridus secundam interit profectionem. 409
- CAP. II. — Principes per internuntios conveniunt Pannoniæ regem, quare perdidit populum Domini 411
- CAP. III. — Responsio regis, quomodo ducem accersierit. 411
- CAP. IV. — Dux Pannoniam ingrediens quam decenter susceptus sit, et quid inter eum et regni primores conveniit. 412
- CAP. V. — Ubi exercitus jussu ducis castra posuerit 413
- CAP. VI. — Obsedibus datis, qualiter Hungariam transierint. 413
- CAP. VII. — Ubi rex obsides reconsignat, et qualiter rex Græciæ ducem per internuntios interpellaverit. 414
- CAP. VIII. — Quid dux resalutato regi mandaverit, et pro retentis principibus quid egerit. 415
- CAP. IX. — Rex Græcorum quomodo captivis principibus absolutis, regno suo consuluerit, ducem simul accersens. 415
- CAP. X. — Post aliquantas utrinque animositates tandem dux cum imperatore pacem componit. 416
- CAP. XI. — Causa imperatoris dux castrorum loca mutat: benevolentiam nuntios ad eum mittit, rogatus venire dissimulat. 416
- CAP. XII. — Imperator alimenta emenda subtrahit, exercitus partes Græciæ invadit. 417
- CAP. XIII. — Frater ducis cum periculo populum ducis transduxit, dimicantes inter se partes dirimit. 417
- CAP. XIV. — Imperator, promissis obsidibus, ducem ad se invitat, et quid ipse dux legis Boemundi responderit. 418
- CAP. XV. — Filio imperatoris obside accepto, dux curiam ingreditur, 419
- CAP. XVI. — Quam gloriose dux ab imperatore susceptus sit et exhibitus, et quid inter eos conveniit. 419
- CAP. XVII. — Monitu imperatoris populus Domini in Cappadociam migrat. Dux imperatorem pro necessariis rebus sæpius interpellat. 420
- CAP. XVIII. — Boemundus adveniens ægre persuasus est imperatoris homo fieri. 420
- CAP. XIX. — Nepos Boemundi clanculo digreditur. Dux cum suis decenter ab imperatore dimittitur Robertus comes. 421
- CAP. XX. — Exercitus versus Nicæam iter dirigit; de Raymundo comite et Petro Eremita et de quibusdam aliis principibus. 421
- CAP. XXI. — De obsidione urbis Nicææ. 422
- CAP. XXII. — Item dispositio obsidionis; quibus principibus quæ partes civitatis delegatæ sint. 422
- CAP. XXIII. Item de eadem. 423
- CAP. XXIV. — De viris sacri ordinis et vulgo inermi et de lacu civitatis. 424
- CAP. XXV. — De principe urbis Nicææ et de exploratoribus ejus. 324
- CAP. XXVI. — Item de uno exploratorum illorum, et quam sollicitè populus Domini gentiliū præstoleratur adventum. 425
- CAP. XXVII. — Adventus Solymani: exhortatio Podiensis episcopi: conflictus et victoria populi Christiani. 426
- CAP. XXVIII. — De munificentia imperatoris in principes et de Turco falsi nominis Christiano. 427
- CAP. XXIX. — De viris capitaneis in eadem obsidione occumbentibus. 428
- CAP. XXX. — Item de aliis ibidem perentibus. 428
- CAP. XXXI. — De murorum et præcipue cujusdam turris oppugnatione. 428
- CAP. XXXII. — Populus Domini supradictum laevam navali obsidione circumdat. 429
- CAP. XXXIII. — Profani resistentes valde Christicolis defatigant. Ubi dux ipse Turcorum bellicosissimum sagitta trajecit. 430
- CAP. XXXIV. — De occiso Christiano bellatore qui ad ludibrium fidelium in muro suspenditur. 430
- CAP. XXXV. — Quomodo Longabardus quidam novum *genus machinæ* operatus sit. 431
- CAP. XXXVI. — De everione immanissimæ turris, et *domina civitatis* quomodo capta sit, 432
- CAP. XXXVII. — Deditio civitatis Nicææ et de quadam sanctimoniali femina captiva. 433
- CAP. XXXVIII. — Qualiter ex consultu principum populus Dei in duas partes divisus sit. 434
- CAP. XXXIX. — De immanissima cæde Christianorum per insidias principis Nicæni. 434
- CAP. XL. — De nuntio fidelium Christi ad ducem. 435
- CAP. XLI. — Ubi dux et qui cum eo erant subveniant pereuntibus. 435
- CAP. XLII. — Ubi dux et alii puidam procerum ex nomine notantur, qui tunc fortiter pro Deo egerunt. 436
- CAP. XLIII. — Post victoriam quid inter fideles Domini conveniit, et quomodo sacer ordo curaverit cadavera prostratorum. 437
- LIBER TERTIUS.**
- CAPUT PRIMUM. — Post victoriam Christi fideles ubi castra locaverint, et miserabili siti cruciati, quanti expiraverint. 437
- CAP. II. — Item de eodem. 437
- CAP. III. — Ultra prægrediuntur: exercitus in geminas partes dividitur primores venatui vacant. 438
- CAP. IV. — Dux cum urso confliens, graviter caecatur; sed auxilio alterius militis perempta beatia vivus eripitur. 439
- CAP. V. — Tankradus fixis juxta Tarsum civitatem tentoriis, apud cives de urbis traditione nunc minis nunc blanditiis agit. 440
- CAP. VI. — Cives deditioem pollicentur; viri exercitus Dei longe a se divisi, hostes adesse de alterutris suspiciantur. 441
- CAP. VII. — Obsides fœdus rompunt; Tankradus et Baldwinus mistis copiis obsidionem reparant, et de situ urbis. 441
- CAP. VIII. — De mutua quorundam principum altercatione, ubi et Tarsenses Tankradum sibi præesse desiderant. 442
- CAP. IX. — De eadem re. 442
- CAP. X. — De eodem et qualiter Tankradus urbem Azaram intraverit. 443
- CAP. XI. — Ubi Baldwinus princeps civitatis factus, Christianos partis Sankradi intromittere non vult. 443
- CAP. XII. — Christiani extra portam civitatis manentes, noctu a gentilibus extincti sunt. 444
- CAP. XIII. — Hujus necis populus Dei Baldwinum iusimulans, ad arma ruit, cui satisfaciens, contra reliquos Dei inimicos vehementer insurgit. 444
- CAP. XIV. — Ubi viri Baldwinus cum piratis Christianis fœdus ineunt, et Tarsum simul petunt. 445
- CAP. XV. — Tankradus Mamistram civitatem armis capit, et de instinctu cujusdam Richardi castra Baldwinus hostiliter invadit. 446
- CAP. XVI. — Baldwinus et Tankradus bellum consequuntur, in quo Tankradus inferior inventus est. 446
- CAP. XVII. — Tankradus et Baldwinus pacem inter se reformant. 447
- CAP. XVIII. — De prospero eventu Baldwinus in expugnandis munitionibus, et de perfidia cujusdam Armenii, Jam invitus idem Armenius commissum sibi præsidium reddit. 448
- CAP. XIX. — Dux civitatis Rohas-Baldwinum in auxilium vocat; Baldwinus vocatus, ire perrexit; a Turcis velitus iterato repropertat. 448
- CAP. XX. — Baldwinus qualiter in nrbe Rohas exceptus sit, etquam magnanime ducis illius dona respuerit: et petitio seniorum. 449
- CAP. XXI. — A duce urbis Rohas Baldwinus in filium adoptatus, petitione ipsius Samusart civitatem impugnat; sed infecto negotio reversus est inanis. 450
- CAP. XXII. — Conspiratæ plebis consilium in ducem suum Baldwinus volens reprimere, nihil proficit. 450
- CAP. XXIII. — Quam misere idem dux interfectus sit. 451
- CAP. XXIV. — Occiso duce, Baldwinus subrogatus eandem arcem Samus temere primo contempsit, postmodo consilio suorum rebus pretiosissimis comparavit. 451
- CAP. XXV. — Præsilium Sororgia in manus Baldwinus non sine labore traditur, et Balduc fraudulentia notatur. 452
- CAP. XXVI. — Tankradus damnosa Christianis præsidia destruit, et oblata sibi ad hostibus munera prudenter reponit. 453
- CAP. XXVII. — De civitate Maresch, ubi et uxor Baldwinus obiit. 453
- CAP. XXVIII. — De civitate Arthusia, ubi Christiani Armenii secum manentibus Turcis capita desecantes fratres benigne recipiunt. 454
- CAP. XXIX. — Populus Dei profana multitudo circumplexi, ferro sibi vicium aperuat, et vix evadunt, obsec-

- si fiducialiter agunt. 454  
 CAP. XXX.— Profani Arthesiam obsidentes, de adventu Christiani exercitus per exploratores edocti, nequaquam, usque in noctem, obsidionem solvunt. 455  
 CAP. XXXI.— Exorcitu Dei adveniente, Arthesia fidelium tuitione munitur; Baldewinustriumphis clarus novis nuptiis illustratur. 455  
 CAP. XXXII.— Christi populus adunatus non ultra dividitur, quem l'odiensis episcopus circumspexit fore, paterne alloquitur. 456  
 CAP. XXXIII.— R. dicta Romania, præelectos sequentes signiferos ad pontem usque fluvii Farfar perveniunt, ubi a Turcis bellicose excepti sunt. 457  
 CAP. XXXIV.— Dura conflictio fidelium et Turcorum pro transitu pontis. 457  
 CAP. XXXV.— Monitu Podiensi episcopi pontem superant; commisso prælio bellatores Christi victores redeunt, principem Antiochiæ nuntia duca percillant. 458  
 CAP. XXXVI.— Iter Antiochiam indicitur; antistes populum alloquitur et per eum qui principes exercitus præcedere, qui extremas custodias observare debeant, ordinantur. 459  
 CAP. XXXVII.— Antiochiam pervenientes quid egerint et quantum æstimatus sit exercitus Dei. 459  
 CAP. XXXVIII.— Descriptio qualiter obsessa sit urbs. 460  
 CAP. XXXIX.— Item de eadem re. 460  
 CAP. XL.— De ponte fluminis ad cuius destructionem machinæ exquisitæ componuntur. 461  
 CAP. XLI.— Congressio valida pontis, ubi machina Christianorum in favillam redigitur, et instaurantur alia instrumenta. 462  
 CAP. XLII.— De navali ponte fidelium ad evitandas Turcorum insidias. 462  
 CAP. XLIII.— Qualiter Turci Christianos, ad eorum pabula missos, clam invaserunt. 462  
 CAP. XLIV.— Fideles in ultionem suorum consurgentes, post mutuam cædem partium gladiis consumpti, partim in flumine submersi sunt. 463  
 CAP. XLV.— Custodia portæ pacto pecuniæ Tankrado mandatur. 463  
 CAP. XLVI.— De clerico et matrona, qui dum aleis luderent, insidiose perempti sunt. 464  
 CAP. XLVII.— De milite propria incuria prostrato et de pomario, quod fidelibus nocuum succiditur. 465  
 CAP. XLVIII.— De Hugone comite qui fidelium neces dolens, Turcorum fraudibus prudenter occurrit. 465  
 CAP. XLIX.— Ubi comitis ejus filius Turcorum sævisimum post nonnulla vitæ discrimina prosternit victorque regreditur. 466  
 CAP. L.— Deficientibus victui necessariis, principes in hoc electi de circumpositis terris prædas innumeras abducunt. 467  
 CAP. LI.— Ubi a gentilibus præda excutitur. 467  
 CAP. LII.— De præda Roberti comitis, et, in valescente fame, minores quid egerint, vel quid passi sint. 468  
 CAP. LIII.— Mors atrocissima cujusdam archidiaconi et comitum ejus. 468  
 CAP. LIV.— De morte filii regis Danorum, et Florinæ cujusdam matronæ, et eorum, qui in balneis occisi sunt. 469  
 CAP. LV.— Porta Christiadis mortifera; Reymundus comes profanos aliquantum a fidelium invasione coercet. 470  
 CAP. LVI.— Pro redemptione cujusdam captivi juvenis, parentes ejus volentes turrin suam Christianis tradere, expulsi sunt, et juvenis a Christianis occisus est. 470  
 CAP. LVII.— Decretum populi Dei, et denotatio duorum qui in adulterio deprehensi sunt. 471  
 CAP. LVIII.— Dux Godefridus jam recuperata salute, et Reymundus comes, per regiones, divisi, ad contrahendas prædaram copias destinantur. 472  
 CAP. LIX.— Legatio Babylonici regis ad populum Dei, et quomodo Winemarum Laodiceam et strenue ceperit, et stulte amiserit. 472  
 CAP. LX.— Consilium obessæ Antiochiæ catholicis proditur; episcopus Podiensi et dux Godefridus populum Dei verbis consolatoriis adhortantur. 473  
 CAP. LXI.— Electi milites hostilia castra invadere, multitudine gravi superveniente, non terrentur. 473  
 CAP. LXII.— Pontificia sermone peregrini roborati, septingentos hostium palam triumphant, sectisque cervicibus dehonstant. 474  
 CAP. LXIII.— Boemundus et comites ejus dum pontem hostibus incommensabilem facere nituntur, pertim cæsi partim læsi sunt, et hoc duci Godefrido flebiliter nuntiantur. 475  
 CAP. LXIV.— Fidelibus in ultionem suorum consurgentibus, anceps utrinque pugna diutius agitur. 476  
 CAP. LXV.— Ubi dux loriceatum Turcum uno ictu medium dividit, et post cruentam pugnam fideles victoria comitatur. 477  
 CAP. LXVI.— Quidam obsessorum Antiochiæ ad Christianos clanculo confugerunt, et præsidium juxta pontem exstructum custodiæ Reymundi delegatum est. 478  
 LIBER QUARTUS.  
 CAP. I.— Audiens princeps Antiochiæ Christianorum victoriam, quid facto opus sit, a suis fidelibus sciscitat. 479  
 CAP. II.— Innotatio nuntiorum Darsiani, et qui sint quos ad auxilium invitat. 479  
 CAP. III.— Allegatio causæ apud regem Corrozan. 479  
 CAP. IV.— Qualiter ipse rex accepit verba nuntiorum. 480  
 CAP. V.— Insultatio Corbahan contra populum Dei in conspectu vocatorum regis. 481  
 CAP. VI.— Expugnatus Nicææ princeps virtutem prædicat Christiani exercitus. 481  
 CAP. VII.— Corbahan in superbia magna minatur se in brevi Christianam fortitudinem experturum. 483  
 CAP. VIII.— Rex Corrozan de belli eventu magos consulit, et Turcorum principes ex nomine vocantur. 483  
 CAP. IX.— De munificentia Baldewini in principes, et de tentorio duci transmissio. 484  
 CAP. X.— De conventu nationum, ad obsidionem Christianorum festinantium, et de accusatione Baldewini. 485  
 CAP. XI.— Profanis Rohas obsidere parantibus Baldewinus obviat, dimicat et triumphat. 485  
 CAP. XII.— Corbahan triduo Rohas frustra obsidet; Baldewinus recedentem bellicose insequitur. 485  
 CAP. XIII.— Christiani exercitus quidam castris se subtrahunt et viri industrii in occursum gentilium exploratum pergunt. 486  
 CAP. XIV.— Percepto nationum apparatu, quod principes inierunt consilium. 487  
 CAP. XV.— Mysterium arcani consilii Boemundi de traditione Antiochiæ. 487  
 CAP. XVI.— Quam prudenter ipsum consilium inter primates ventilatum sit, cæteris ignorantibus. 488  
 CAP. XVII.— Quam caute sibi convenerint fidelium interpretes et traditor civitatis. 489  
 CAP. XVIII.— Godefridus et Robertus electos in hoc bellones, ne primum murorum ascensum horreant, adhortantur. 489  
 CAP. XIX.— Viri cordati qualiter per coriaceam scalam intromissi sint. 490  
 CAP. XX.— Scala dirupta, nonnulli perierunt, sed de novo reparata fiducialiter ascendunt. 490  
 CAP. XXI.— Immissi stragem custodum operantur: gentiles alii sommo expergefati Christianos impugnant. 491  
 CAP. XXII.— Tumultuantibus hinc inde partibus, principes primum traditam esse civitatem multitudini indicant. 491  
 CAP. XXIII.— Fideles portas urbis aperiunt: vexillum Boemundi in arce præeminet: prima luce geritur bellicosissimus Mars. 492  
 CAP. XXIV.— Pagani, quo quisque poterat, fugam ineunt: aliqui de altissimis rupibus cadentes elasi sunt et extincti. 492  
 CAP. XXV.— De opibus inventis in civitate, et qua die capta sit urbs. 493  
 CAP. XXVI.— De fuga et nece regis Antiochiæ. 493  
 CAP. XXVII.— De Rotgero qui gentiles, exercitum præcedentes, bellator excipiens, insperata morte præventus est. 494  
 CAP. XXVIII.— Excusatio fratrum, quare non subvenerint coram se pereunti. 494  
 CAP. XXIX.— Obsidio nationum circa Antiochiam. 495  
 CAP. XXX.— Dux Godefridus bellans in fugam vertitur, et plurimi comitum ejus diversis mortibus profugantur. 496  
 CAP. XXXI.— Boemundus acriter impugnatur; sed auxilio fratrum superior efficitur: at qua necessitate profani remotius castra locantur. 496  
 CAP. XXXII.— Ubi Corbahan hos et illos per singulas portas distribuit, et Tankradus mœnia oppugnat: autem agreditur. 497  
 CAP. XXXIII.— Christiani præsidium se retinere posse desperantes demoluntur incendio. 497  
 CAP. XXXIV.— De magnitudine famis in populo Dei,

et quam care vendebantur vitissima.	498
CAP. XXXV. — Turci urbem latenter recuperare volentes, dejecti sunt; qui post diutnam colluctationem muro depulsi, misera perierunt.	499
CAP. XXXVI. — De quibusdam Christianis victum extramuros quærentibus, et de nece nautarum obsessis alimenta vendentium.	500
CAP. XXXVII. — Quomodo primorum quidam desperationis vivendi de civitate clam fugerint.	500
CAP. XXXVIII. — Verba consolatoria clerici cujusdam ad populum.	501
CAP. XXXIX. — Item exhortatio principalium virorum, et fugitivi principes quomodo Consantiuopolin navigare cœperint.	502
CAP. XL. — Quomodo prædicti viri Græcum imperatorem ab auxilio fratrum revocaverint.	503
CAP. XLI. — Alii quidam principes fugam meditantibus bonorum virorum exhortationibus retinentur.	503
CAP. XLII. — De milite Christiano cujus equus cum fugiente cecidit.	504
CAP. XLIII. — De inventione Dominicæ lanceæ.	505
CAP. XLIV. — Ubi Petrus legatione fungitur apud Corbaban, principem obsidionis.	505
CAP. XLV. — Item de eodem et quam tumida princeps verba legationis acciperit.	505
CAP. XLVI. — Petrus revertitur, responsio majoribus aperitur, et quid facto opus sit in commune discutitur.	506
CAP. XLVII. — Bellum indicitur, omnes quasi morituri in crastinum præparantur, et distributæ acies sub ducibus ordinantur.	506
CAP. XLVIII. — Relicto in urbe Reymundo comite, fideles portas erumpunt, quibus gentiles a magistra arcesigno accepto occurrunt.	507
CAP. XLIX. — Christi populus in prima acie victor gentilium fumo impeditur.	508
CAP. L. — Peregrini multifarie dissipantur; acies Boemundi in mortis articulo posita Godefrido duci nuntiantur.	509
CAP. LI. — Dux hostes fugat et proterit, fratres a porta mortis educit.	509
CAP. LII. — Item de eodem.	510
CAP. LIII. — Corbaban, victis suis, spem vivendi ponit in fuga, quem Podiænsis episcopus insectatur.	511
CAP. LIV. — Ubi notantur principes qui præ inopia mendicant.	511
CAP. LV. — De eadem re, et fuga et cæde hostium.	511
CAP. LVI. — De disceptione castrorum et diversitate vinculorum.	512
LIBER QUINTUS.	
CAP. I. — De divinarum mysteriorum restitutione et de patriarchæ recollatione.	513
CAP. II. — Quibus principibus subjecta sit Antiochia.	513
CAP. III. — De duobus principibus directis, quorum unus perit, alter vix evasit.	514
CAP. IV. — De plaga mortalitatis, quæ facta est in populo Dei.	515
CAP. V. — De insidiis Turcorum et de quodam Folkere et uxore ejus.	515
CAP. VI. — De inimicitis inter Brodoan de Alapia et principem Hasart.	516
CAP. VII. — Concilium Turci Christianæ mariti de adipiscenda Christianorum amicitia.	516
CAP. VIII. — Legatio principis Hasart ad Godefridum ducem, et quomodo dux hæstat cum Turcis fœdus iura.	516
CAP. IX. — Mahumet, filius principis, duci Godefrido datur obses; columbæ fœderis nuntie emittuntur.	517
CAP. X. — Brodoan Hasart obsidet; Christianorum supervenit exercitus.	517
CAP. XI. — Boemundus et Reymundus duci Godefrido associantur: obsidio solvitur sed per insidias quidam de Christianis occiduntur.	518
CAP. XII. — A principe Hasart cum magna gratiarum actione suscipitur dux Godefridus: fœdus renovatur.	519
CAP. XIII. — Dux, invalescente pestilentia, coactus necessitate temporis recessit ab Antiochia.	519
CAP. XIV. — Dux ipse cum paucis Christianis præsidia inimica subvertit.	519
CAP. XV. — Baldewinus confluentes ad se Christianos donis plurimis munerat, Turcos edomat.	520
CAP. XVI. — Baldewinus conspirantes adversus se proscribit, et custodiæ mancipat.	520
CAP. XVII. — Baldewinus nimia datione exhaustus pro redemptione captivorum munera suscipit, quosdam ex-cruciat, et urbe depellit.	521
CAP. XVIII. — De socio Baldewini et de dolo Balas in	

præsidio Amacha.	521
CAP. XIX. — Quomodo quidam viri sensati Baldewinum contra perfidiam muniunt.	522
CAP. XX. — Quomodo Baldewinus perfidiam Turci in captione suorum experitur.	522
CAP. XXI. — Baldewinus graviter torquetur de captione suorum militum.	523
CAP. XXII. — Balduc capite truncatur; sex de sociis Baldewini restituntur.	523
CAP. XXIII. — Multitudo Teutonicorum superveniens prædicta mortalitate consumitur.	523
CAP. XXIV. — Sansadonia matrem cum filiis redimit; Wincmarus reducitur; Mahumet obses diligenter custoditur; navigia reparantur.	524
CAP. XXV. — De prodigio cœlitus ostenso, et de variis super hoc conjecturis.	524
CAP. XXVI. — De gestis principum, et Boemundi dominio in Antiochia.	525
CAP. XXVII. — Quomodo dux Godefridus Turcorum deprehendit insidias, et in paucis prostravit plurimos.	526
CAP. XXVIII. — De murmure Christianorum et colloquio principum.	526
CAP. XXIX. — De horrenda famis angustia in obsidione Marræ.	527
CAP. XXX. — Quomodo comes Reymundus castellum dejecerit et Marram cepit.	527
CAP. XXXI. — Quomodo Reymundus, Turcorum et Sarracenorum præsidia expugnatis, præsidium Archas obsederit, et de difficultate ejusdem obsidionis.	528
CAP. XXXII. — Quomodo questio facta est de lancea Dominica, et quomodo puer Mahumet obses mortuus, et a Godefrido duce patri honorifice remisus.	528
CAP. XXXIII. — Quomodo dux Godefridus et Robertus Flandrensium civitatem Gybel obsederunt, et quomodo Reymundus comes, pecunia corruptus, eosdem principes dolosa legatione ab obsidione revocavit.	529
CAP. XXXIV. — Quomodo principes ab obsidione Gybel castra moverunt, et Reymundo in auxilium properaverunt.	530
CAP. XXXV. — Prædicti principes falsa legatione seducti, a societate Reymundi se separant, quos ille blanditiis et donis revocat ad concordiam.	530
CAP. XXXVI. — Quomodo crevit murmur in populo Dei, quod tam diu differret viam in Jerusalem.	531
CAP. XXXVII. — Obsidio ab Archas solvitur; principes procul ab urbe Tripolis agunt tentoria; calamellos milites per plana repertos suxit populus.	532
CAP. XXXVIII. — Inito fœdere, præses civitatis Tripolis ductorem viæ populo Dei concessit, cujus ductu loca difficillima pertransiit.	532
CAP. XXXIX. — De difficultate itineris et quomodo fœdus inierint cum incolis urbis Baurim.	533
CAP. XL. — Quomodo a serpentibus multi perierunt in regione Sidonis, et de amissione cujusdam Walteri.	534
CAP. XLI. — Quomodo transierint civitates Tyrum, Ptolemaida, Cayphas Cæsaream, hincque Pentecosten celebraverint.	534
CAP. XLII. — Quomodo civitatem Romam invenerunt et possederunt, ac episcopum in ea constituerunt.	535
CAP. XLIII. — Dum ad montana progreditur exercitus, nocte eclipsis lunæ apparuit.	536
CAP. XLIV. — Quomodo Christiani incolæ urbis Bethlehæm duci Godefrido legatos dirigunt, ut maturaret ad subveniendum, et de gratulabunda susceptione sociorum.	536
CAP. XLV. — Qualiter exercitus maturaverit Jerusalem comperta legatione a Bethlehæm, et de præda a finitimis urbis abducta, et qualiter ante muros Jerusalem in laudibus et hymnis constiterint.	537
CAP. XLVI. — Qualiter et a quibus principibus civitas obsessa sit.	538
LIBER SEXTUS.	
CAP. I. — Prima die congressionis diversi varie affiguntur.	539
CAP. II. — Consilium primorum, quomodo civitas capiosit.	539
CAP. III. — De instrumentis vincendæ urbi apposis.	539
CAP. IV. — Quidam e populo, dum victum longius quærent, mortem incurrunt.	540
CAP. V. — Ubi unus gentiliū illustris, et duo nobiles Christianorum trucidantur.	540
CAP. VI. — Quando obsessa sit urbs, et de raritate potus.	540
CAP. VII. — Consilium inclusi cujusdam super negotio incepto.	541
CAP. VIII. — De indicta processione et quæ tunc gesta	541

- CAP. IX.** — Machinis muro applicitis, ingenia partium inter se confligunt. 542  
**CAP. X.** — Arietem muros perforantem obsessi dissipare moliantur. 543  
**CAP. XI.** — Qui undique machinæ præsent, disponuntur. 543  
**CAP. XII.** — Quanta instantia cives a machinis fornicæ fatigentur. 543  
**CAP. XIII.** — Ubi portæ, quæ Babylonicis nuntiis perviæ erant, custodiæ deputantur. 544  
**CAP. XIV.** — De duobus regis Babyloniæ nuntiis diverso montis genere pereuntibus. 544  
**CAP. XV.** — De instrumentis profanorum contra machinas fidelium. 545  
**CAP. XVI.** — De crucifixo, cui perfidorum insaniam nocere non potuit. 545  
**CAP. XVII.** — Item de diversis perfidorum machinis. 545  
**CAP. XVIII.** — Ubi ignis aceto sopitur, et catena gentilium vi extorquetur. 546  
**CAP. XIX.** — Qui sanctam civitatem obtinuerunt primi. 547  
**CAP. XX.** — De diffugio et interitu proditorum. 547  
**CAP. XXI.** — Quid factum sit per portas toto irruente populo. 548  
**CAP. XXII.** — De cisterna regii palatii. 548  
**CAP. XXIII.** — Item de generali cæde civium et directione templi Domini. 548  
**CAP. XXIV.** — Relatio de templo Domini. 549  
**CAP. XXV.** — De oratoris sanctæ civitatis, et quam devote dux sepulcrum Domini visitaverit. 550  
**CAP. XXVI.** — Visio cujusdam de duce. 550  
**CAP. XXVII.** — Interpretatio somnii. 551  
**CAP. XXVIII.** — De avaritia Reymundi et Tankradi, et de nece quorundam gentilium. 551  
**CAP. XXIX.** — Ubi consilio majorum ira Tankradi sedatur. 552  
**CAP. XXX.** — Interuocio superstitum gentilium. 552  
**CAP. XXXI.** — De anteriore Turcorum dominio in urbe Jerusalem. 552  
**CAP. XXXII.** — Quomodo Turci eliminati sint, et de mendaci Babylonicæ regis promissione. 553  
**CAP. XXXIII.** — Promotio gloriosi ducis in Jerusalem. 553  
**CAP. XXXIV.** — Somnium cujusdam militis de duce. 554  
**CAP. XXXV.** — Solutio somnii. 554  
**CAP. XXXVI.** — Item visio cujusdam Aquensis clerici de duce. 555  
**CAP. XXXVII.** — Explanatio visionis. 555  
**CAP. XXXVIII.** — Qualiter inventa sit portio ligni salutaris. 555  
**CAP. XXXIX.** — De obitu patriarchæ Hierosolymitani. 556  
**CAP. XL.** — De clericis et campanarum signis apud Dominicum sepulcrum institutis. 556  
**CAP. XLI.** — Quomodo dux copiam hostium occurrerit. 557  
**CAP. XLII.** — Populus a præda gentilium præmunus abstinet. 557  
**CAP. XLIII.** — Præfecto gentili dux exponit cur populus pergat ad prælium. 558  
**CAP. XLIV.** — Plebs Christianorum cruce signata in occursum pergit armatis. 559  
**CAP. XLV.** — Qualiter fuerit eorum acies ordinata. 559  
**CAP. XLVI.** — Post altera discrimina pars inimica diffugit. 560  
**CAP. XLVII.** — De nece et spoliis occisorum. 560  
**CAP. XLVIII.** — Populus rapinis inhians et cernitur, manus continens superior efficitur. 561  
**CAP. XLIX.** — Item de nece proditorum. 561  
**CAP. L.** — Quando prælium hoc commissum sit, et de ibidem gestis. 562  
**CAP. LI.** — Comes Reymundus Ascalonem et Assur contra Christianos consilio suo obfirmat. 562  
**CAP. LII.** — Dux et comes Reymundus pacificantur. 563  
**CAP. LIII.** — Principibus repatriare cupientibus dux valedicit, et cives Assur duci confederantur. 563  
**CAP. LIV.** — De cæteris fidelibus repatriantibus. 564  
**CAP. LV.** — Boemundus Laodiceam, Christianorum urbem obsedit. 564  
**CAP. LVI.** — Episcopus Pisanus redeuntes peregrinos humiliter salutavit. 566  
**CAP. LVII.** — Mutua collocutio episcopi et peregrinorum. 566  
**CAP. LVIII.** — Boemundus, nolens obsidionem solvere, deseritur ab omnibus. 567  
**CAP. LIX.** — Armati fideles Laodiceam pervenientes, Boemundum fugisse reperiunt. 567  
**CAP. LX.** — Boemundus Laodicænsibus reconciliatur, et quibusdam aliis. 567  
**LIBER SEPTIMUS.**  
**CAP. I.** — Cives Assur transgressores fœderis dux obsidet iterato. 567  
**CAP. II.** — Lacrymosa narratio de Gerardo milite. 569  
**CAP. III.** — Ubi, ducis machina procumbente, plurimi Christianorum pariter conflagarunt. 569  
**CAP. IV.** — Exhortatio ducis ad milites. 570  
**CAP. V.** — Populo penitentia indicitur, sed concremata simili machina, iterum plectitur. 571  
**CAP. VI.** — Soluta obsidione, Assur, Boemundus et Baldewinus sanctam civitatem ingrediuntur. 571  
**CAP. VII.** — De ambitione patriarchatus Pisani episcopi. 572  
**CAP. VIII.** — Principes cum duce Jordanem adierunt. 572  
**CAP. IX.** — Ubi cives Assur gravi membrorum abscessione multantur. 573  
**CAP. X.** — Milites decem Christiani triginta equites gentilium fugant et necant. 573  
**CAP. XI.** — Apud Assur iterum Babylonicæ ducis militibus decurritur. 574  
**CAP. XII.** — Assur civitas facta est tributaria, et Joppe instauratur. 574  
**CAP. XIII.** — Principes circumjacentium civitatum numerarios se duci sponte afferunt. 575  
**CAP. XIV.** — De eodem, et quod dux pacem statuerit per terram. 575  
**CAP. XV.** — Supradictus Gerhardus in columis remissus beneficis honoratur. 576  
**CAP. XVI.** — De pertinacia Grossi Rustici. 576  
**CAP. XVII.** — Tankradi nuntius princeps Damascenus perdidit; terram ejus dux invadens, Grossum Rusticum ad fœdus coegit. 577  
**CAP. XVIII.** — Ubi dux gloriosus cepit ægrotare. 578  
**CAP. XIX.** — Venetorum muneribus dux honoratur ac deinde vehementius ægritudine premitur. 578  
**CAP. XX.** — Consilio ducis castelli Caiphæ obsidio præparatur. 579  
**CAP. XXI.** — Obitus gloriosi ducis et Weneri militis. 579  
**CAP. XXII.** — Obsidio castelli Caiphæ. 580  
**CAP. XXIII.** — Tankradi hortatu obsidio tentata paululum reparatur. 580  
**CAP. XXIV.** — Quanta pertulerint illic fortissimi milites. 580  
**CAP. XXV.** — Oppidum Caiphæ expugnatur. 581  
**CAP. XXVI.** — Gelmarus expulsus, et Tankradus castellum obtinuit. 582  
**CAP. XXVII.** — Consilio majorum Boemundus ad regnandum in Jerusalem vocatur, sed in itinere capitur. 582  
**CAP. XXVIII.** — Dominanus princeps Turcorum obsessis Melanitæ Christianis contemnitur. 583  
**CAP. XXIX.** — Baldewinus liberare volens Boemundum, nihil proficit. 583  
**CAP. XXX.** — Baldewinus per legatos convenitur ut fratris loco regnum Hierosolymitanum suscipiat. 584  
**CAP. XXXI.** — Baldewinus Jerusalem profecturus, æquivoce suam civitati Robas præfecit. 584  
**CAP. XXXII.** — Baldewinus, diro imminenti prælii novotio pulsatus, cum paucis obviam pergit. 585  
**CAP. XXXIII.** — De eodem. 586  
**CAP. XXXIV.** — Ipee fugam simulans, reversus gloriosam adeptus est victoriam. 587  
**CAP. XXXV.** — Quam sagaciter Baldewinus veritatem Tankradi prævenit. 588  
**CAP. XXXVI.** — Tankrado solo adventu Baldewini perterritus, Baldewinus sanctam ingressus est civitatem. 588  
**CAP. XXXVII.** — Perquisitis rebus defuncti fratris a viris fortibus tentare fortia suadetur. 589  
**CAP. XXXVIII.** — Urbem Ascalonem obsidens, post aliquot dies infecto negotio obsidionem solvit. 589  
**CAP. XXXIX.** — Quam ingeniose vicerit gentem Azopart sub terra latentem. 590  
**CAP. XL.** — De eadem re. 591  
**CAP. XLI.** — Cum perdifficilia loca militem agit, plures frigore extinguuntur. 591  
**CAP. XLII.** — Civitas Susumus igne deletur. 592  
**CAP. XLIII.** — In natali Domini apud Bethlehem Baldewinus unctus est in regem. 592  
**CAP. XLIV.** — Prima sessione regis, Tankradus accusatur, vocatur et adesse dedignatur. 593  
**CAP. XLV.** — Rege cum Tankrado pacificato, Tankradus, dux electus, Antiochiam proficiscitur. 593



- CAP. XLVI.**— Rex contra patriarcham sedem apostolicam appellat. 591
- CAP. XLVII.**— Dominus apostolicus cardiualem Mauritium comitorem Hierosolimam mittit. 594
- CAP. XLVIII.**— Patriarcha multis et gravibus a rege capitulis impetitus, ab officio suspensus est. 595
- CAP. XLIX.**— In cœna Domini dolens patriarcha se eodie officio suo privari, regem donis promissis placat. 595
- CAP. L.**— Rex cardiualem alloquitur de restituendo patriarcha. 595
- CAP. LI.**— De amicitia inter cardiualem et patriarcham, et regie concordia et de conventionem gentilium cum rege. 596
- CAP. LII.**— De mutuis legationibus gentilium. 596
- CAP. LIII.**— De redemptione Turcorum. 597
- CAP. LIV.**— Quomodo civitas Assur subjugatur. 597
- CAP. LV.**— Cæsarea civitas obsidetur. 597
- CAP. LVI.**— Tandem civitas Cæsarea superatur. 598
- CAP. LVII.**— Quomodo rex, audita fama Babyloniorum, eorum præstolatur adventum. 599
- CAP. LVIII.**— Quomodo rex patriarcham convenerit, ut vel ipse milites procuraret, vel ad procurandum eos, sibi aliquid pecuniæ impetiret. 599
- CAP. LIX.**— Qualiter orta sit contentio inter regem et patriarcham. 600
- CAP. LX.**— Contentio inter regem et patriarcham præsentem cardiualem Mauritio. 600
- CAP. LXI.**— Patriarcha ratione victus, milites se procurare promisit, quod tamen implere contempsit. 601
- CAP. LXII.**— Patriarcha potestate et oblatione sepulcri Domini privatur. Pecunia patriarchæ regi aperitur. 601
- CAP. LXIII.**— Rex pecuniam militibus dividit, crudelis legatio a Babylonia venit. 601
- CAP. LXIV.**— Tres regie acies a Babyloniis attritæ deficiunt. 602
- CAP. LXV.**— Rex a pontificibus admonitus, coram cruce Dominica prosternitur. 602
- CAP. LXVI.**— Post confessionem delictorum, episcopo Gerharo crucem Domini præferente, rex per medios hostes irrupit. 603
- CAP. LXVII.**— Mira Domini Jesu et sanctæ crucis ejus victoria. 603
- CAP. LXVIII.**— Renovato bello, catholici regis ad suos hortatio. 604
- CAP. LXIX.**— De gloriosa regis victoria et reditu in Jerusalem. 604
- CAP. LXX.**— De obitu Wickeri militis Alemanni egregii. 604
- LIBER OCTAVUS.**
- CAP. I.**— Quod, primo Baldewini regis anno, innumera Longobardorum multitudo per Bulgariam profecta sit Hierosolimam. 605
- CAP. II.**— Ubi Constantinopolitanus imperator eosdem Longobardos vendere et emere per castella Bulgarorum permittit, et eis rapinam interdixit. 605
- CAP. III.**— Longobardi regis edictum negligentes, Græcos et Bulgaros invadunt: sed mox ab imperatore convocati, Constantinopolim tendunt. 606
- CAP. IV.**— Imperator a Longobardis injuriatus, vendere eos et emere inibi prohibet: illi palatium ejus unanimiter obsident. 607
- CAP. V.**— Imperator tandem per episcopum Mediolanensium pacificato, Longobardi Constantinopolim relinquentes, Nicomediam applicuerunt civitatem. 607
- CAP. VI.**— Conradus, imperatoris Henrici stabularius, cum nonnullis occidentalis Franciæ principibus Nicomediam Longobardis associatur. 608
- CAP. VII.**— Quod in diebus Pentecostes innumeras Christianorum ab urbe Nicomedia exercitus egressus, versus regionem Flaganis iter suum direxit. 609
- CAP. VIII.**— Ubi populus in itinere suo illicite luxuriatur, præsidium Andreas funditus diruens, eata et segetes vicinas Turcorum succidens. 609
- CAP. IX.**— Reymundus comes, donis Turcorum corruptus, exercitum duxit per viam solitudinis: et Christiani per vires agunt custodiam in exercitu. 610
- CAP. X.**— Turci cum Reymundo prælio decertant et turmas Christianorum propter hostes in unum conglobatas mistum per solitudinem gradiuntur. 610
- CAP. XI.**— Qualiter exercitus in solitudine quindecim diebus vagando, siti et inedia miseras pertulerit gravissimas. 611
- CAP. XII.**— De mille peditibus Christianorum, qui in valle hordeum colligentes, circumventi sunt et combusti igne Turcorum. 611
- CAP. XIII.**— Turci in viginti millibus cum duobus suis, Donimano et Solymano, cum Christianis dimicantes, ad septingentos corruerunt. 612
- CAP. XIV.**— Ubi Christiani quoddam præsidium Turcorum comminuerunt sed insidiis eorum excepti, ad septingentos perierunt. 612
- CAP. XV.**— Episcopus Mediolanensium omnem exercitum ad confessionem delictorum suorum cohortatur, et universa multitudo ad bellandos hostes in quinque acies cum ducibus suis ordinatur. 613
- CAP. XVI.**— Longobardi, in prima fronte pugnantes, deficiunt, post quos reliquæ acies cum ducibus fugientes, diffugiunt. 613
- CAP. XVII.**— Reymundus comes prælio victus, versus montana fugiens cum decem militibus, silicem quamdam præcelsam occupat: de qua per socios liberatus, nocte cum suis omnibus fugam inicit. 614
- CAP. XVIII.**— Post fugam Reymundi universi duces exercitus, cum reliqua multitudine tentoria et uxoris suis in via relictis, celerem fugam arripiunt. 615
- CAP. XIX.**— Quomodo Turci fugientium tentoria diruperunt, et uxores eorum quasdam jugularint, quasdam captivarunt. 615
- CAP. XX.**— Quod post deprædationem mulierum Turci fugientes Christiani insecuti, diversa eos cæde laceraverunt, plurima eorum spolia in itinere relicta colligentes. 616
- CAP. XXI.**— Quod Christiani exercitus centum et sexaginta millia siti ac fame, fuga et sanguine a Turcis in bello occisa sunt. 616
- CAP. XXII.**— Qualiter residuus Christianorum populus vagus et profugus cum ducibus suis Constantinopolim repedaverit. 617
- CAP. XXIII.**— De quadringentis Christianis qui Turcos insequentes evaserunt, et de aliis mille militibus quos, in regressione Turcorum, gladiis eorum jugulati ceciderunt. 617
- CAP. XXIV.**— Quomodo duces ac comites exercitus dispersi, ad Constantinopolim fugientes, imperator benigne susceperit: et quod Reymundo infestus, postea eisdem amicus extiterit, et quod ibi Mediolanensis episcopus obierit. 618
- CAP. XXV.**— Qualiter eodem tempore nobilissimus princeps Willhelmus, de regno occidentalis Franciæ egressus, quindecim millibus peditum adjunctis, per aridam Bulgariam descenderit. 618
- CAP. XXVI.**— Quod idem comes cum omni apparatu suo Constantinopolim veniens, susceptus ab imperatore donariis multis sit honoratus. 618
- CAP. XXVII.**— Quomodo comes et exercitus ejus Constantinopolim relinquentes, ad Stauconiam, civitatem Turcorum, pervenerunt. 619
- CAP. XXVIII.**— Ubi Turci eis occurrentes, bello eos vexabant, comitem unum Longobardorum sagitta peremerunt. 619
- CAP. XXIX.**— Christiani Turcis resistentes, et Stauconiam frustra oppugnantes, Reclæ urbem applicuerunt, ubi siti æstuantes ad trecentos perierunt. 619
- CAP. XXX.**— Turci cum Christianis decertantes, victum fugientemque Willhelmum insecuti sunt; et de fuga Roberti et alterius Willhelmi. 620
- CAP. XXXI.**— Quomodo post fugam ducis Turci residuos Christianos occiderunt, uxores eorum captivantes. 620
- CAP. XXXII.**— Qualiter Willhelmus comes a Turcopolis deceptus, cum magno discrimine Antiochiam pervenerit. 621
- CAP. XXXIII.**— Tankradus, novus princeps Antiochiæ, Willhelmum profugum remunerat. 621
- CAP. XXXIV.**— Quomodo Willhelmus, princeps Pictaviæ, et Welfo dux Bawariorum, et Ida comitissa, cum militia Bulgariam intraverunt. 621
- CAP. XXXV.**— Quod in prælio pontis Rudolphus obierit, et quod dux Bulgarorum se dederit. 621
- CAP. XXXVI.**— Bulgarorum dece placato, Willhelmus Constantinopolim rediens, ab imperatore donis subornatus est. 622
- CAP. XXXVII.**— Exercitu Willhelmi Stauconiam urbem veniente, Turci fontes et cisternas obscurant. 622
- CAP. XXXVIII.**— Willhelmus et Welfo cum ducibus Turcorum ante urbem Reclæ præliantur, et Christiani fugam ineunt. 622
- CAP. XXXIX.**— De fuga Arvernensis episcopi et ducis Welfonis, et de interitu Idæ comitissæ. 623
- CAP. XL.**— Quomodo Willhelmum per montana fugientem Tankradus princeps Antiochiæ receperit. 623
- CAP. XLI.**— Quomodo principes bello dispersi, collecto exercitu Antiochiæ convenerunt. 623
- CAP. XLII.**— Reymundus, precibus principum a Tan-



krado vinculis absolvitur, et expugnatae urbi Tortosæ præficitur. 624

CAP. XLIII. — Welfo dux Hierosolymis adorato sepulcro Domini, in Cyprum reversus obiit. 624

CAP. XLIV. — Quomodo principes, devicta urbe Tortosa, cum Baldewino rege Palmas Joppe celebraverint. 624

CAP. XLV. — Principes Pascha Hierosolymis celebrato inter imperatorem et regem pacem componunt. 625

CAP. XLVI. Fama volat in populo imperatoris consilio Longobardos fuisse occisos. 625

CAP. XLVII. — Baldewinus imperatori munera mittit se de perfidia excusanti. 626

CAP. XLVIII. — Imperator regi Baldewino dona dirigens, Romæ de perfidia sua apud papam incensatur. 626

LIBER NONUS.

CAP. I. — Quod quidam de Christianis principibus ad propria repedaverint, quibusdam cum rege in Jerusalem remanentibus. 626

CAP. II. — De incendio a Babylonis templo S. Georgii, et de fuga Roberti, episcopi urbis Rames. 626

CAP. III. — Rex Baldewinus contra Babylonios militiam congregat. 627

CAP. IV. — Rex Baldewinus contra Babylonios congregatur, quibusdam ex suis optimatibus in bello occumbentibus. 627

CAP. V. — De obsidione urbis Rames et de fuga vel salvatione regis Baldewini. 627

CAP. VI. — Ubi Sarraceni, expugnata turri urbis Rames, quosdam Christianorum principum interficiunt, Conradum stabularium captivantes. 628

CAP. VII. — Quomodo cives Jerusalem propter fugam Baldewini regis conterriti, consolationem receperint. 629

CAP. VIII. Ubi, Conrado stabulario carcerato, Babylonii Japhet civitatem et Baldewini regis uxorem obsidione terruerunt. 629

CAP. IX. — Baldewinus rex navigio applicans Japhet, cum gaudio suscipitur a civibus. 629

CAP. X. — Sarraceni Baldewinum regem regressum paululum declinantes, ad obsidionem Japhet denuo revertuntur. 630

CAP. XI. — De classe Christianorum. 630

CAP. XII. — Qualiter Baldewinus rex cum Sarracenis dimicans tria millia ex eis prostravit. 631

CAP. XIII. — Quomodo Baldewinus cum triumpho Jerusalem redierit, et post primam suorum interfectionem auxilia Christianorum principum per legatos impetraverit. 631

CAP. XIV. — Quod Baldewinus rex advenientibus principibus necessaria subministrans, eis pro Dagoberto patriarcha intercedentibus annuerit. 632

CAP. XV. — Qualiter Baldewinus rex cum principibus ab eo susceptis Ascalonem obsidens, ammiraldum Babyloniorum bello exstinxerit. 632

CAP. XVI. — De investitura Dagoberti patriarchæ, et de concilio super ipso Hierosolymis habito. 633

CAP. XVII. — De depositione patriarchæ præfati, et de ordinatione Evermeri, in locum ejus subrogati. 633

CAP. XVIII. — Qualiter principibus cum centum et quadraginta militibus Christianorum in sua de Jerusalem navigantibus, trecentæ ex ipsis naves partim ab hostibus, partim fluctibus interierunt. 634

CAP. XIX. — Qualiter tertio regni sui anno Baldewinus rex urbem Accaron obsedit, sed minime devicerit. 634

CAP. XX. — Quod Reinoldo, sagittario regis, in bello pereunte, ipse rex ab obsidione urbis Accaron recesserit. 635

CAP. XXI. — Baldewinus rex venationi aliquantulum vacans cum decem sociis Sarracenos sexaginta aggreditur. 635

CAP. XXII. — Baldewinus rex a quodam Sarraceno laute inter fruteta vulneratus, et Jerusalem reportatus, curatur. 636

CAP. XXIII. — Qualiter a Babylonis obsessa urbs Japhet, et quod Christiani navigio appulsi contra Sarracenos præliati sunt. 636

CAP. XXIV. — De altera nave Christianorum, quæ naufragium faciens, penitus ab hostibus consumpta sit. 636

CAP. XXV. — Quomodo Sarraceni, adveniente Baldewino, obsidionem urbis Japhet dimiserint, et utrinque agros suos excoluerint. 637

CAP. XXVI. — Quod civitas Gibelot, a Pisanis expugnata, Reynundo comiti subjugata sit. 638

CAP. XXVII. — Pisani regis precibus evocati cum eo urbem Accaron obsidione vexant. 638

CAP. XXVIII. — Ammiraldus urbis Accaron consulens civibus suis, Baldewino regi urbem tradere decrevit, rex et patriarcha de obseseis, et dextris petentibus, consulant. 638

CAP. XXIX. — Qualiter Pisani Sarracenos urbe egressos injusta occiderint. 639

CAP. XXX. — De quingentis Arabibus qui, Joppam bello aggressi, Othonem jugulaverunt. 640

CAP. XXXI. — De sexaginta Arabibus, urbem Cassaream deprædantibus, quos Baldewidus rex superavit. 640

CAP. XXXII. — Quod Reymundus contra Tripolin novum præsidium exstruxerit, in quo moriens sepultus sit. 641

CAP. XXXIII. — Ubi Alexius imperator pro redemptione Boemundi copiosam promisit pecuniam. 642

CAP. XXXIV. — Solymanus propter pecuniam ab imperatore promissam Donimanum bello fatigat. 642

CAP. XXXV. — Ubi Boemundus de omnibus his consilium dedit. 642

CAP. XXXVI. — Donimanus accepto consilio amicorum, Boemundum sub promissione pecuniæ pristinæ restituit libertati. 643

CAP. XXXVII. — Solymanus propter redemptionem Boemundi principis inimicas Donimano litteras mittit. 644

CAP. XXXVIII. — Ubi, Boemundo Antiochiam reverso, Turci Rohas urbem obsidere conantur. 645

CAP. XXXIX. — Baldewinus comes, Boemundus et Tankradus peccata sua confitentes, exercitum congregant, et contra Turcos acies ordinant. 645

CAP. XL. — De decollatione octodecim clericorum et de captivitate Baldewini comitis principis Rohas. 646

CAP. XLI. — Boemundus et Tankradus, captivato Baldewino, fugiunt, et Tankradus in locum Baldewini præficitur. 647

CAP. XLII. — Turci Rohas urbem obsidione cingunt, quibus Tankradus pro viribus resistit. 647

CAP. XLIII. — Tankradus litteras Boemundo mittit pro redemptione Rohas, ad quem ille cum trecentis properat. 648

CAP. XLIV. — Tankradus, nondum veniente Boemundo, ante solis ortum castra Turcorum cum omnibus suis in fugam vertit. 648

CAP. XLV. — Ubi Boemundo Turcis fugientibus obviam facto, nobilissima matrona a sociis Tankradi capta est. 649

CAP. XLVI. — Qualiter Turcorum principes et rex Baldewinus pro matrona interpellaverint Boemundum et Tankradum et quid responderint illi. 649

CAP. XLVII. — Quomodo Boemundo contra regem Græcorum in Italiam profecto, Tankradus Turcos bello devicerit. 650

CAP. XLVIII. — De præparatione belli inter Baldewinum regem et ammiraldum Babyloniorum, 651

CAP. XLIX. — Quod, advocato patriarcha Jerusalem, rex Baldewinus in Domino confortatus de Babylonis triumphaverit. 652

CAP. L. — De septem millibus gentilium cæsis, et de Wilhelmo comite. 653

CAP. LI. — Quomodo rex Baldewinus, devictis Babylonis, sata Ascalonia succenderit, bestiis silvorum clamore exercitus perterritis. 653

CAP. LII. — De Arnolfo, nobilissimo juvene, in montibus interempto, cujus caput Ascalonitæ cum litteris regi Baldewino remiserunt. 654

LIBER DECIMUS.

CAP. I. — Qualiter anno septimo regni Baldewini regis gens multa Hierosolymam navigans conductum ejusdem regis petierunt. 655

CAP. II. — Rex cum magno gaudio peregrinos suscipiens, cum suis consulit qualiter eorum auxilio contra Sarracenos utatur. 655

CAP. III. — Rex suorum usus consilio, ad obsidendam Sidoneum Anglos in Japhet jubet expectare. 656

CAP. IV. — Ubi rege machinas præparante, Sidonii regi copiosam pecuniam, ne obsiderentur, promiserunt. 657

CAP. V. — Quod, Hugone comite regionem Suet deprædante, Sarraceni prædam sociis ejus excusserunt: et qualiter Hugo eadem cæde sagittatus, animam exhalaverit; et de obitu fratris ejus. 657

CAP. VI. — Quomodo rex pecuniam a Sidoniis perciperit, et Anglicum exercitum ad propria remisit. 658

CAP. VII. — Rex pecunia Sidoniorum sublevatus, Tabariam rediit, et Gervasium loco Hugonis restituit. 658

- CAP. VIII.** — Rege Tabariæ commorante, Ascalonitæ quingentos Christianos juxta flumen Rames peremerunt. 559
- CAP. IX.** — Ubi Ascalonitis Rames expugnantibus Rotgerus cum militibus obviavit in pugnam. 559
- CAP. X.** — De insidiis Ascalonitarum, et de virtute Rotgeri et militum ejus in prælio. 560
- CAP. XI.** — De Gerharo equite, cujus instinctu fuga pervenit ad urbem Japhet Christianus exercitus. 560
- CAP. XII.** — Sarraceni Rotgerum fugientem insecuti, quadraginta Christianos ante urbem necaverunt. 561
- CAP. XIII.** — Quomodo Sarraceni castellum Aruoldi obsidione diruerunt, præpositum ipsius arcis captivantes. 561
- CAP. XIV.** — Ubi Sarraceni victoria potiti, cum octo Galeidis navibus unam navem Dromonem Christianorum in portu Japhet invaserunt. 561
- CAP. XV.** — Quod rex istorum malorum fama excitatus, cum sex milibus de Tabaria contra Ascalonita profectus. 562
- CAP. XVI.** — Quod rex suorum consilia sine bello Jerusalem redierit, et Rogius de Caipha obierit. 562
- CAP. XVII.** — De quodam principe urbis Femiam occiso per socium suum Botherum, quem cives sui persequuntur. 562
- CAP. XVIII.** — Bothero auxilium Brodoan implorante, Tankradusa civibus invitatus non tamen intronissuseest. 563
- CAP. XIX.** — Tankradus ad tempus recedens post Pascha urbem Femiam obsidione vallavit. 563
- CAP. XX.** — Quomodo Tankrado Femiam expugante, duo filii principis occisi auxilium illi dederunt contra Botherum. 563
- CAP. XXI.** — Ubi a Christianis urbe vallata, Botherus cum civibus suis se tradidit manibus Tankradi. 564
- CAP. XXII.** — Ubi filii principis occisi Tankradum rogant ut Botherus occidatur. 564
- CAP. XXIII.** — Quomodo Tankrado victore Antiochiam reverso, filii principis occisi persecuti sicut amicos Botheri. 565
- CAP. XXIV.** — Qualiter Baldwinus rex exercitum Turcorum contra se venientium cum quindecim armatis exploraverit. 565
- CAP. XXV.** — De quinque Turcis a rege Baldwinio honorificatis, quorum instinctu tria milia Turcorum in fugam versa sunt. 565
- CAP. XXVI.** — Rex, Turcis fuga dispersis, convocato exercitu, Hierosolymam tendit, et in capite j. junii morem civeris implevit. 566
- CAP. XXVII.** — Quomodo rex contra tria milia Turcorum properans, conductum habuerit sacerdotis Christianorum Syrorum. 566
- CAP. XXVIII.** — Quomodo sacerdos Syrorum in castra veniens Turcorum, suasionibus suis omnes fugere compulerit. 566
- CAP. XXIX.** — De Arabibus in cavernis montium absconditis, quos rex igne et fumo exire coegit. 567
- CAP. XXX.** — Rex adeptus victoriam, præda onustus, Jerusalem revertitur, et loca regni sui visitans consolatur. 567
- CAP. XXXI.** — Quomodo Ascalonitis Joppem obsidentibus, cives urbis a rege consolati, contra eos portis egressi prævaluerunt. 568
- CAP. XXXII.** — Ubi Ascalonitas contra Christianos præsidium ædificare, volentes, rex in fugam coegit. 568
- CAP. XXXIII.** — Christianis prælia intentis, et ab hostibus: eue præventis, rex adfuit auxilio, hostibus plurimum spoliatis. 568
- CAP. XXXIV.** — Ascalonitæ ante Jerusalem assultus facientes, ad quinque corruerunt. 568
- CAP. XXXV.** — Quod rex Baldwinus negotiatores Babylonis juxta Jordanem invaserit et expoliaverit. 569
- CAP. XXXVI.** — Ubi Baldwinio comite per Gozelinum de captivitate redempto, Tankradus inimicus ejus factus est. 569
- CAP. XXXVII.** — Baldwinus a Tankrado victus obsidetur, sed Gozelini industria, et Geigremich, principis Turcorum, instantia liberatur. 569
- CAP. XXXVIII.** — Qualiter Heuricus, Romanorum imperator, Conradum stabularium suum per regem Græcorum rec. perit. 570
- CAP. XXXIX.** — Quod Boemundus de Italia cum exercitu reversus, Dyrrhachium, Græcorum urbem, obsedit. 570
- CAP. XL.** — Qualiter Conrado in Italia commorante, Boemundus mœnia Dyrrhachii urbis impugnavit. 570
- CAP. XLI.** — Quomodo regi Græcorum advenit Boemundus in bello occurrerit. Dyrrhachium amplius impugnavit. 571
- CAP. XLII.** — De trecentis militibus Boemundi occisis a Turcopolis. 571
- CAP. XLIII.** — Ubi principes Italæ, donis Græcorum correpti, Boemundum ab obsidione averterunt. 571
- CAP. XLIV.** — De reconciliatione Boemundi cum rege Græcorum, data per ipsum licentia Jerusalem tendentibus. 572
- CAP. XLV.** — Baldwinus rex, contractis copiis, Sidonem obsedit. 572
- CAP. XLVI.** — De nobilissima matrona gentilium, quam Baldwinus rex per milites suos cepit cum quatuor milibus camelorum. 572
- CAP. XLVII.** — De duabus turribus Sidonis, quarum altera divino nutu subversa est. 573
- CAP. XLVIII.** — Quod Christiani navale certamen iniierunt contra Babylonios in auxilium Sidoniis missos. 573
- CAP. XLIX.** — Rex cum Babylonis dimicans victoriam obtinuit, plurimis sociorum occisis. 574
- CAP. L.** — Rex propter Turcos tentoria sua incendens et ab obsidione recedens, venaticum paulisper indulsit. 574
- CAP. LI.** — Populus Christianus de reditu regis lætitia perfunditur. 574
- CAP. LII.** — Requisitio Turcorum a Sidoniis de promissione pecuniarum taxatarum. 574
- CAP. LIII.** — De quatuor milibus Turcorum, quos Gervasius, princeps Tabariæ, cum octoginta loricatis insecutus est. 574
- CAP. LIV.** — Gervasius, suis in bello cæsis, vivus captus, rege Baldwinio multum mœrente. 575
- CAP. LV.** — Legatio Turcorum ad regem Baldwinum pro Gervasio, et pro civitatibus Caipha et Ptomelaide. 576
- CAP. LVI.** — Damasceni, non impetratis a rege civitatibus, Gervasium in medio urbis illudentes interficiunt. 576
- CAP. LVII.** — Qualiter Evermerus a Romana synodo litteras apostolice pro restitutione sua detulerit regi Baldwinio. 576
- CAP. LVIII.** — Rege suam sententiam confirmante, Evermerus deponitur, Gobelino sedem illius obtinente. 577
- CAP. LIX.** De patriarchæ peculatu. 578
- LIBER UNDECIMUS.**
- CAP. I.** — Quod Wilhelmus, comes de Sartanis, rege Damascenorum devicto, præsidium Archas obsedit. 577
- CAP. II.** — Quod idem præsidium fame superatum Wilhelmus obtinuerit. 577
- CAP. III.** — Qualiter Bertramus cum Pisanis Amiroth, urbem, Græcorum occupaverit. 578
- CAP. IV.** — Quomodo Bertrannus a rege Græcorum evocatus, homo illius factus, et ab eo remuneratus sit. 579
- CAP. V.** — Tankradus a Bertranno invitatus, ad colloquium illius festinavit. 579
- CAP. VI.** — Postulatio Bertranni pro restitutione partis Antiochiæ et responsio Tankradi. 579
- CAP. VII.** — Tankradus Bertranno indignatus monet eum quantocius ab Antiochia discedere. 580
- CAP. VIII.** — Quomodo Bertrannus pro terra patris sui Wilhelmum interpellaverit, et quomodo Tankradus Wilhelmum adjuverit. 580
- CAP. IX.** — Legatio Bertranni ad Baldwinum regem contra præfatos principes, et quod Tripolim obsederit. 580
- CAP. X.** — Quod rex Baldwinus Wilhelmum et Tankradum apud Tripolim occurrere mandavit. 580
- CAP. XI.** — Ibi rex Tripolim adveniens, Bertrannum suscepit in hominem. 581
- CAP. XII.** — Qualiter apud Tripolim rex quatuor principes pacificavit. 581
- CAP. XIII.** — Quod Tripolitæ post reconciliationem principum se manibus regis dederunt. 581
- CAP. XIV.** — De quingentis Babylonis subterraneo specu absconditis et a muliere detectis. 582
- CAP. XV.** — Ubi Wilhelmus comes ab armigero suo occiditur, et urbs Baurim a rege obsidetur. 582
- CAP. XVI.** — Legatio Baldwinii comitis ad regem Baldwinum, quod Elessa urbs consilio Tankradi fuerit obsesa. 583
- CAP. XVII.** — Rege Baldwinio Baurim fortiter oppugnante, cives ultro se dederunt. 583
- CAP. XVIII.** — Rex, capta urbe Baurim, Jerusalem

proficiscitur, et pro liberatione Rohas principes hortatur. 684

CAP. XIX. — Ubi exhortante rege Bertrannus cum reliquis ad urbem Rohas profectus est. 684

CAP. XX. — Quomodo reze adveniente, Turci Rohas dimiserunt, et quomodo Baldwinus comes Tankradum incusaverit. 685

CAP. XXI. — Legatio regis Baldwinii ad Tankradum et collatio. 685

CAP. XXII. — Allocutio regis ad Tankradum de reconciliationis gratia cum principibus. 685

CAP. XXIII. — Ubi rex principibus pacificatis, Turcos effugavit, Christianos omnes in circuitu reconcilians. 686

CAP. XXIV. — Rex et Tankradus flumen Euphratem evagant, quinque milibus Christianorum ex altera parte ab hostibus occisis. 686

CAP. XXV. — Quod rex Baldwinus comitem, de bello fugientem, sanum in Rohas reduxerit. 687

CAP. XXVI. — De Magno, rege Norwegiæ, qui venit adorare regem Jerusalem. 687

CAP. XXVII. — De Babylonis contra Baurium navigationibus, et de navibus Christianorum cum eis decertantium. 687

CAP. XXVIII. — Qualiter Ascalonitæ Jerusalem debellantes, a Christianis superati sunt. 688

CAP. XXIX. — Ubi navalis exercitus Babyloniorum Ptolemaïem impugnat, reze civibus succurrens. 688

CAP. XXX. — Ubi rex Baldwinus regem Magnum Hierosolymam gloriose perduxit. 689

CAP. XXXI. — Qualiter hi duo reges Sidonem obsederunt, Babylonis in sua reveria. 689

CAP. XXXII. — Rex Baldwinus et sui Sidonios corripentes machinas plures apposuerunt. 690

CAP. XXXIII. — Sidonii obscura cavatione machinam regis moluntur incendere et ab ipso callide præveniuntur. 690

CAP. XXXIV. — Sidonii post longam obsidionem regi Baldwinio se dedentes, ad quinque milia urbem egressi sunt. 690

CAP. XXXV. — Quomodo ammiraldus Ascalonis occulte Jerusalem venerit, et Ascalonem tradiderit. 690

CAP. XXXVI. — Legatio Baldwinii comitis ad regem Baldwinium de adventu Turcorum, et fama filii Babylonii regis Ascalonem descendens. 691

CAP. XXXVII. — Rege Baldwinio Ascalonem descendente, regis Babylonii filius a civibus intronissus Christianos ibi reperiens occidit. 691

CAP. XXXVIII. — Qualiter ducenta milia Turcorum Turbayet obsidentes, et Antiochiam tendentes, Gozelinus comes insecutus sit. 692

CAP. XXXIX. — De centum milibus Turcorum, qui flumen Brodoan, principis Alapiæ, obsidem nequiter jugulaverunt. 692

CAP. XL. — Congregatio Baldwinii regis et Christianorum principum facta Antiochiæ contra Turcos. 692

CAP. XLI. — Quod sedecim milia Christianorum contra Turcos acies direxerint, multa fame periclitati. 693

CAP. XLII. — Quod sæpius utriusque ordinatis aciebus Turci fugam inierint. 693

CAP. XLIII. — Ubi Tankradus post discessum Turcorum præsidium Gerez multis diebus obsedit. 694

CAP. XLIV. — Ubi Tankradus urbe Gerez tandem multis artibus devicta, regionem illius totam obtinuit. 694

CAP. XLV. — Qualiter Tankradus aliud præsidium, nomine Vetule, obsederit, ammiraldo quodam sibi confœderato. 695

CAP. XLVI. — Ammiraldus idem cum Tankrado Vetule obsidione cingens, civibus urbe erumpentibus, vix fuga elapsus est. 695

CAP. XLVII. — Quod Tankradus obsidione longa urbem Vetule et omnem illius regionem obtinuit. 696

CAP. XLVIII. — De obitu Boemundi ducis. 696

#### LIBER DUODECIMUS.

CAP. I. — Qualiter rex Baldwinus super obsidione Tyri consilium inierit. 695

CAP. II. — Quod Tyrii contra regem cum principe Damascenorum fœdus inierunt et papigerunt. 696

CAP. III. — De Reinfrido milite Christiano, cujus conductu nobiles Tyriorum a rege cateuati sunt. 697

CAP. IV. — Quomodo princeps Damascenorum Tyriis subvenerit, et qualiter eisdem rex obsederit. 697

CAP. V. — Quod rege urbem vallante, Tyrii portis egressi, sex mox mirabiliter a rege repressi, quosdam recum intrantes occiderunt. 697

CAP. VI. — Tyrii duas machinas Christianorum pice et sulphure mirabiliter combusserunt. 698

CAP. VII. — Legatio Tyriorum ad principem Damascenorum, et reversio regis in Jerusalem post adventum eorum. 699

CAP. VIII. — Qualiter rex Baldwinus Idumæos mercatores spoliaverit, et quod Tankradus, princeps Antiochiæ obierit. 699

CAP. IX. — De adventu Turcorum contra Jerusalem et quod rex e contrario militiam adunarit. 700

CAP. X. — De mille quingentis peregrinis Christianorum, propter quos rex attrivit in pugna ducentos Turcorum. 701

CAP. XI. — Rex cum Turcis congregiendis, fuga difflabitur, quibusdam suorum in bello cadentibus. 701

CAP. XII. — Rex, sedecim milibus congregatis, in secundo congressu Turcos a Jordane potenter effugavit. 702

CAP. XIII. — Quomodo conjux ducis Siciliæ ad thalamum regis Baldwinii cum magno apparatu properavit. 702

CAP. XIV. — Cum quali gloria rex eandem matronam sibi copulaverit, militibus ab ea largiter remuneratis. 703

CAP. XV. — Ubi post reditum Christianorum Turci, devastantes terram Græcorum, urbem Stamiariam subverterunt. 703

CAP. XVI. — De septem milibus Christianorum qui mare transeuntes, omnes navigio perierunt. 704

CAP. XVII. — Quod milites Baldwinii regis navali prælio contra Babylonios gloriose decertaverunt. 704

CAP. XVIII. — Quomodo princeps Damascenorum fraude occiderit alium principem Turcorum. 705

CAP. XIX. — De copioso apparatu gentilium versus Antiochiam, quem Baldwinus rex disperdidit per suam militiam. 706

CAP. XX. — Ubi Baldwinio rege redeunte Hierosolymam, Turci readunatis viribus funstantur. 707

CAP. XXI. — Quod Baldwinus rex cum manu parva profectus sit in montem Sina. 707

CAP. XXII. — Rex Baldwinus suorum monitionibus a monte Sina revertitur Jerusalem provius. 708

CAP. XXIII. — Quomodo rex Baldwinus Ptolemaïde aggravatus, per multas elemosynas de infirmitate sit alleviatus. 708

CAP. XXIV. — Qualiter eundem regem patriarcha corripserit, et quod ipsas illicitas nuptias repudiaverit. 709

CAP. XXV. — Quomodo Pharamia civitas capta sit. 709

CAP. XXVI. — Rex Baldwinus, capta Pharamia, usque ad montem ægrotavit. 710

CAP. XXVII. — Consolatio et jessio regis ad milites habita de morte et sepultura ejus. 710

CAP. XXVIII. — Inquisitio militum, qui post eum debeant tenere coronam: et corporis ipsius reportatio in Jerusalem. 711

CAP. XXIX. — Quod regali sepulchro regem condierunt, et quod statim dominus patriarcha infirmatus obierit. 712

CAP. XXX. — Quomodo sepulto rege Baldwinio nepos illius, Baldwinus de Burg, ab omnibus in regem sit electus et unctus, Germano novo patriarcha consecrato. 715

CAP. XXXI. — De quatuor milibus Idumæorum pastorum, quos in die sancto Paschæ Christiani milites dum insequuntur, passim occiduntur. 715

CAP. XXXII. — Rex Baldwinus secundus, in ultionem inimicorum militiam congregavit, quem Idumæi pecunia placant. 715

CAP. XXXIII. — De septuaginta Christianis peregrinis, qui post visitationem Domini sepulchri in redeundo occisi sunt a nequissimis Sarracenis. 716

#### FRANCO ABBAS AFFLIGEMENSIS.

Notitia. 715

DE GRATIA DEI LIBRI XII. 715

Epistola abbatis Fulgentii ad Franconem monachum. 717

Registrum Frauconis monachi ad abbatem Fulgentium. 717

LIBER PRIMUS. 719

Præfatio in librum secundum. 723

LIBER SECUNDUS. 723

Præfatiuncula in librum tertium. 727

LIBER TERTIUS. 727

Præfatio in librum quartum. 731

LIBER QUARTUS. 731

Præfatiuncula in librum quintum. 735

LIBER QUINTUS. 737

Præfatio in librum sextum. De gratia Novi Testamenti. 741

LIBER SEXTUS. 743

Præfatio in librum septimum. 749

LIBER SEPTIMUS. 749

Præfatio in librum octavum. 751

- LIBER OCTAVUS.** 757  
Præfatio in librum nonum. 763  
**LIBER NONUS.** 763  
Præfatio in librum decimum. 771  
**LIBER DECIMUS.** 771  
Præfatio in librum undecimum. 779  
**LIBER UNDECIMUS.** 781  
Præfatio in librum duodecimum. 789  
**LIBER DUODECIMUS.** 791  
**FRANCONIS EPISTOLA.** Quod monachus abjecto habitu non possit salvari. 807  
**EPISTOLA** ejusdem ad moniales ac sorores in Bigardis ad Forestam consolatoria. 809  
Appendix ad Franconem. 813  
Chronicon Affligemense. 813  
Monitum. 813  
Incipit Chronicon. 813  
**HUGO DE RIBODIMONTE.**  
Notitia. 831  
**EPISTOLA AD G. Andegavensem.** An anima primi hominis facta fuerit ex nihilo; et quomodo contrahatur peccatum. 833  
**PONTIUS ABBAS CLUNIACENSIS.**  
Notitia. 835  
Statuta. 839  
**PRÆCEPTIONES PIÆ.** 841  
I. — Concessio quam Pontius abbas Cluniacensis fecit Bernardo archiepiscopo Toletano. 841  
II. — Alia concessio facta Eskilo archiepiscopo Lundensi. 842  
Hugonis monachi Cluniacensis epistola ad Pontium. 843  
**DONATIONES PIÆ.** 845  
I. — Petrus Burgensis episcopus Cluniaco cunctis et confirmat ecclesiam de Carandigna. 845  
II. — Epistola Balduini comitis Flandrensis ad Pontium abbatem Cluniacensem. — Confirmat ei abbatiam Sancti Bertini. 846  
III. — Charta Guillelmi Bisuntinensis archiepiscopi de Alta Petra. 847  
IV. — Charta Amelii episcopi Tolosani, de ecclesia Sanctæ Columbæ. 848  
V. — Charta Riquini provisorii Tullensium, de Frondonensi cella. 849  
VI. — Villhelmus Petragoricus episcopus dat Cluniaco et Pontio abbati Ecclesiam S. Theodori de Rocaboucort.  
**PETRUS LEONIS ET GREGORIUS S. R. E. LEGATI.**  
**EPISTOLÆ.** 851  
I. — Epistola Petri Leonis presbyteri, et Gregorii S. Angeli diaconi, cardinalium ad Angelrannum episcopum Ambianensem. — Ut curet S. Vedasto Attrebatensi restitui altare de Campanioliis. 851  
II. — Epistola Petri Leonis presbyteri et Gregorii sancti Angeli diaconi, cardinalium, ad A. Aquicinctensem abbatem. — De hospitibus a relicta Balduini ecclesie beatæ Mariæ concessis. 852  
**JOANNES MICHAËLENSIS.**  
Notitia. 853  
Prolegomena. 855  
**REGULA TEMPLARIORUM**  
Prologus. 857  
**INCIPIIT REGULA.** 859  
I. Qualiter divinum officium audiant. 859  
II. — Quot Orationes Dominicas, si Dei servitium audire nequiverint, dicant. 859  
III. — Quid agendum pro fratribus defunctis. 860  
IV. — Capellani victum et vestitum tantum habeant. 861  
V. — De militibus defunctis qui sunt ad terminum. 861  
VI. — Ut nullus frater remanens oblationem faciat. 861  
VII. — De immoderata statione. 861  
VIII. — De refectioe conventus. 862  
IX. — De lectione. 862  
X. — De carnis refectioe. 862  
XI. — Qualiter manducare milites debeant. 862  
XII. — Ut aliis diebus duo aut tria leguminum fercula sufficiant. 862  
XIII. — Quo cibo sexta feria reficere oportet. 862  
XIV. — Post refectioem semper gratias referant. 862  
XV. — Ut decimus panis semper eleemosynario detur. 863  
**XVI. — Ut collatio sit in arbitrio magistri** 863  
**XVII. — Ut finitio Completis silentium teneatur.** 863  
XVIII. — Ut fatigati ad Matutinas non surgant. 863  
XIX. — Ut communitas victus inter fratres servetur. 863  
XX. — De qualitate et modo vestimenti. 864  
XXI. — Quod famuli vestimenta alba, hoc est pallia, non habeant. 864  
XXII. — Quod milites remanentes tantum alba habeant. 864  
XXIII. — Ut pellibus agnorum utantur. 864  
XXIV. — Ut vetusta armigeris dividantur. 865  
XXV. — Cupiens optima deteriora habeat. 865  
XXVI. — Ut quantitas et qualitas vestimentorum servetur. 865  
XXVII. — Ut dator patronorum in primis æqualitatem servet. 865  
XXVIII. — De superfluitate capillorum. 865  
XXIX. — De rostris et laqueis. 865  
XXX. — De numero equorum et armigerorum. 865  
XXXI. — Nullus armigerum gratis servientem feriat. 865  
XXXII. — Qualiter ad tempus remanentes recipiantur. 865  
XXXIII. — Quod nullus juxta propriam voluntatem incedat. 866  
XXXIV. — Si licet ire per villam sine jussu magistri. 866  
XXXV. — Si licet eum ambulare solum. 866  
XXXVI. — Ut nullus nominum quod et necessarium erit querat. 866  
XXXVII. — De frenis et calcaribus. 867  
XXXVIII. — Tegimen in hastis et clypeis non habeatur. 867  
XXXIX. — De licentia magistri. 867  
XL. — De mala et succo. 867  
XLI. — De legatione litterarum. 867  
XLII. — De sabulatione propriarum culparum. 867  
XLIII. — De questu et acceptione. 867  
XLIV. — De manducariis equorum. 868  
XLV. — Ut cambiare vel querere nullus audeat. 868  
XLVI. — Ut nullus avem cum ave capiat, nec cum capiente incedat. 863  
XLVII. — Ut nullus feram arcu vel balista percussat. 868  
XLVIII. — Ut leo semper feriat. 868  
XLIX. — De omni re super vos quesita iudicium audite. 868  
L. — Ut hæc regula in omnibus teneatur. 869  
LI. — Quod licet omnibus militibus professis terram et homines habere. 869  
LII. — Ut de male habentibus cura pervigil habeatur. 869  
LIII. — Ut infirmis necessaria semper dentur. 869  
LIV. — Ut alter alterum ad iram non provocet. 869  
LV. — Quomodo fratres conjugati habeantur. 869  
LVI. — Ut amplius sorores non habeantur. 869  
LVII. — Ut fratres Templi cum excommunicatis non participant. 870  
LVIII. — Qualiter milites sæculares recipiantur. 870  
LIX. — Ut omnes fratres ad secretum consilium non vocentur. 870  
LX. — Quod cum silentio orare debeant. 870  
LXI. — Ut fidem servientium accipiant. 870  
LXII. — Ut pueri quandiu sunt parvi non accipiantur inter fratres Templi. 870  
LXIII. — Ut senes semper venerentur. 871  
LXIV. — De fratribus qui per diversas provincias proficiuntur. 871  
LXV. — Ut victus æqualiter omnibus distribuatur. 871  
LXVI. — Ut milites Templi decimas habeant. 871  
LXVII. — De levibus et pravibus culpis. 871  
LXVIII. — Qua culpa frater non amplius recipiatur. 872  
LXIX. — Ut a Paschali solemnitate usque ad festum Omnium Sanctorum unam camisiam lineam tantum sumere habeat. 872  
LXX. — Quot et quales panni in lecto sint necessarii. 872  
LXXI. — De vitanda murmuratione. 872  
LXXII. — Ut omnium mulierum fugiantur oscula. 874  
**GUALTERUS TAVARNENSIS ECCLESIAE CANONICUS ET GALBERTUS BRUGENSIS.**  
**DE VITA ET MARTYRIO B. CAROLI BONI. FLANDRIÆ COMITIS.** 873  
Commentarius prævius. 873  
§ I. — Vita B. Caroli ab auctoribus cœvis aliisque scripta. Nomen martyrologiis inscriptum. Ossa elevata. 873  
§ II. — Fabella de nece B. Caroli in Annalibus vernaculis Flandrorum reperta, et posteriorum scriptorum

historiis inventa.	879	CAP. XVII. — Inquisitio in complices et adjuutores tradito:um,et raptores pecuniæ B. Caroli. Varii conscii traditionis mortui.	1020
§ III. — Fabella eadem de nece B. Caroli ulterius discussa.	883	CAP. XIX. — Occasio defectionis Flandrorum a Guillelmo Northmanno comite.	1024
§ IV. — Cædes B. Caroli ab Ereimbaldinis patrata perperam Stratiannæ familiæ tributa.	889	CAP. XX. — Electio Theodorici Alsatii in comitem Flandriæ. Interitus Lamberti Reddenburgii.	1028
§ V. — Gesta utriusque familiæ Ereimbaldinæ et Stratiannæ post necem B. Caroli	893	CAP. XXI. — Pugnæ et irruptiones bellicæ inter Guillelmum Northmannum et Theodoricum Alsatum.	1034
§ VI. — Series castellanorum urbis Brugensis et præpositorum S. Donatiani, ad hanc historiam spectans, recte ordinata.	897	CAP. XXII. — Mors Guillelmi Northmanni. Regimen pacificum Theodorici.	1042
§ VII. — Cædes B. Caroli ex Actis Lodovici Grossi regis Francorum, auctore Suggestio abbate.	899	RHYTMUS ANTIQUUS.	1045
VITA PRIOR, AUCTORE GUALTERO.	901	§ I. — Lamentatio de morte B. Caroli comitis Flandriæ.	1045
Prologus.	901	§ II. — Lamentatio alia.	1046
PARS PRIMA. — Acta B. Caroli in juventute sub Flandriæ comitibus Roberto Frisio, et Roberto Juniore : iter Hierosolymitanum.	903	§ III. — Vindicta de morte ejusdem comitis.	1047
PARS II. — A Balduino comite Flandriæ oblata B. Carolo ejusque susceptio.	907	Epitaphia antiqua.	1047
PARS III. — B. Caroli animus generosus, in malos severus, in bonos et miseros benevolus, maxime temporis famis.	909	BALDRICUS DOLENSIS ARCHIEPISCOPUS	
PARS IV. — Occasio odii in B. Carolum concitati.	914	Notitia historica.	1049
PARS V. — Publica latrocinia e consilio baronum a B. Carolo compressa.	917	Notitia litteraria.	1051
PARS VI. — Beati Caroli ultima pia opera. Cædes illata.	920	HIEROSOLYMITANÆ HISTORIÆ LIBRI QUATUOR.	
PARS VII. — B. Caroli fautores occisi. Corpus feretro illatum. Miracula, veneratio, sepultura.	923	Epistola nuncupatoria ad Patrum abbatem Malleacensem.	1057
PARS VIII. — Vindicta impiis malefactoribus; tres illorum occisi.	926	Petrus abbas Malleacensis Baldrico.	1059
PARS IX. — Supplicium sumptum de Bertulpho præposito et Guidone de Stenfordo.	929	Prologus in historia Hierosolymitana.	1061
PARS X. — Supplicium inflictum Burchardo occisori B. Caroli.	933	LIBER PRIMUS.	1063
PARS XI. — De successore B. Caroli in comitatu Flandriæ variæ concertationes. Guillelmus Northmannus constitutus.	935	LIBER SECUNDUS.	1063
PARS XII. — Ecclesiæ Burgensis reconciliata. Corpus B. Caroli repositum. Miracula. Flandria pacata.	937	LIBER TERTIUS.	1107
PARS XIII. — Reliqui complices cædis S. Caroli puniti; duo fuga elapsi.	940	LIBER QUARTUS.	1131
Epilogus.	942	ACTA TRANSLATIONIS capitis S. Valentini martyris Gemmeticum in Gallia.	1151
VITA ALTERA AUCTORE GALBERTO.	943	Monitum.	
Prologus.	943	CAP. I. — S. Valentini caput Roma Gemmeticum delatum. Agris incursum bestiarum liberatis, veneratio accessit.	1153
CAP. I. — Illustria in comitatu gesta B. Caroli. Imperium Romanum et regnum Hierosolymitanum oblatum.	944	CAP. II. — Ope S. Valentini incendia extincta. Pestis et siccitas sublata.	1156
CAP. II. — Odii in S. Carolum concitati occasio.	949	CAP. III. — Varii ægri, implorato S. Valentini patrocinio, sanati.	1158
CAP. III. — Conspiratio nocturna in cædem S. Caroli. Huius enormæ scelus p.nderatum.	953	VITA SANCTI HUGONIS ROTHOMAGENSIS EPISCOPI.	1163
CAP. IV. — Cædes S. Caroli et quatuor et aliorum. Aliquorum fuga aut captivitas.	957	Prologus.	1163
CAP. V. — Sepultura B. Caroli et aliorum. Miraculum claudi sanati. Direptiones bonorum.	962	Incipit vita.	1163
CAP. VI. — Insolentia proditorum accrescens, cæpta imprimis a Gervasio Comerario comitis.	967	ITINERARIUM SIVE EPISTOLA AD FISCANNENSES.	1173
CAP. VII. — Obsidio castri Brugensis cæpta. Copiæ militares adjunctæ. De aliquot proditoribus captis supplicium sumptum.	974	VITA B. ROBERTI DE ARBRISSELLO.	1181
CAP. VIII. — Vires obsidentium auctæ. Accessus comitiessæ Hollandiæ. Reliquiæ e templo delatæ. Castrum ab obsessis munitum.	975	CARMINA HISTORICA.	1184
CAP. IX. — Colloquia inter partes de compositione irrita. Interceptum castrum. Fuga obsessorum in templum.	979	Carmen de tabulis suis (Fragmentum).	1207
CAP. X. — Fuga præpositi. Obsidentium dissidia. Templum inferius captum. Turris ab obsessis detenta, cum solaro templi.	983	ACTA S. VALERIANI MARTYRIS.	1209
CAP. XI. — B. Carolo successor in comitatu Flandriæ datus Guillelmus Northmannus; alii competitores. Ejus de corpore Gaudavum transportando insidiæ dispositæ.	988	DE VISITATIONE INFIRMORUM.	1211
CAP. XII. — Adventus Guillelmi comitis cum rege in Flandriam et Brugas, Juramenta utrinque facta.	993	DIPLOMA quo omnia bona monasterii S. Florentii confirmat.	1211
CAP. XIII. — Supplicium sumptum de Bertulpho præposito et Guidone de Stenfordo, Tumultus civium Brugensium sedatus.	996	HONORIUS II PONTIFEX ROMANUS.	
CAP. XIV. — Obsidio promotæ. Solarium templi occupatum. Veneratio sepulcri B. Comitis.	1001	Notitia historica.	1213
CAP. XV. — Novus comes Audomaropoli susceptus. Jus competitorum. Posteritas Balduini Insulensis comitis, indicata. Familia Bertulphi præpositi adulterio et homicidio infamis.	1006	Notitia diplomatica.	1215
CAP. XVI. — Deditio obsessorum in Turri. Reconciliatio ecclesiæ S. Donatiani. Exsequiæ B. Caroli. Ipsa intercepta.	1012	EPISTOLÆ ET PRIVILEGIA.	1217
CAP. XVII. — Supplicium sumptum de plurimis reis. Vasa B. Caroli restituta. Nova inquisitio in complices.	1016	I. — Ecclesiæ S. Vincentii Bergomalis canonicorum protectionem suscipit et possessiones confirmat.	1217
		II. — Bona et privilegia monasterii Rhenaugiensis confirmat.	1219
		III. — Privilegium.	
		IV. — Privilegium pro congregatione Camaldulensi.	1223
		V. — Ad Henricum Viridunensem episcopum. — Ut Laurentio abbati S. Vitoni ablata restituat aut restitui faciat. Addit se gravari quod vocatus Romam venire contempserit.	1225
		VI. — Ad Petrum Cluniacensem abbatem.	1225
		VII. — Monachis Cluniacensibus significat Petram abbatem a sese benigne receptam. Præcipit ne accedant ad Pontium quondam abbatem invito. Petro accedere.	1228
		VIII. — Petro abbati S. Egidii mandat ut ad obedientiam Cluniacensem redeat.	1228
		IX. — Ad abbatem et monachos Sancti Bertini. — Mandat ut ad subjectionem et obedientiam Petri Venerabilis abbatis Cluniacensis redeant.	1229
		X. — Ad monachos S. Benedicti super Padum. — Mandat ut obedientiam et reverentiam Petro Venerabili Cluniacensi abbati exhibeant, et abbatem quem eis cum consilio Cluniacensis capituli dederit, suscipiant.	1229
		XI. — Ad Turstinum archiep. Eborac.	1230
		XII. — Archiepiscopis, episcopis, etc. — Joannem legatum apostolicum commendat.	1230
		XIII. — Ad canonicos Turonenses. — Confirmat sententiam excommunicationis in Fulconem comitem Andegavensem.	1231
		XIV. — Joanni apostolicæ sedis legato. — Mandat ut legationem a Calixto II acceptam in Puglia studiose gerat.	1232
		XV. — David, Scotorum regi, commendat Joannem cardinalem, legatum suum.	1232

- XVI. — Ecclesiam Monte-Feretranam, petente Petro episcopo, tuendam suscipit. 1232
- XVII. — Ad Didacum archiep. Compostel. 1233
- XVIII. — Privilegium pro canonico Portuensi. 1234
- XIX. — Paschalis II et Calixti II privilegia pro abbata S. Walburgis renovantur et amplificantur. 1235
- XX. — Ad Henricum Virdunensem episcopum. — Mandat ut proxima Epiphaniarum festivitate ad se veniat responsurus de ordinatione Conradii Tullensis episcopi et de querelis abbatiss. Vitoni; interim ab episcopali officio absteat. 1237
- XXI. — Monasterii S. Pauli de Argon patrocinium suscipit bonaque confirmat. 1237
- XXII. — Monasterii S. Martini Almesani primam fundationem confirmat. 1237
- XXIII. — Confirmatio foundationis cellæ S. Marie Briscacensis. 1238
- XXIV. — Monasterii S. Udalrici Neresheimensis possessiones et privilegia confirmat. 1240
- XXV. — Ad Gaufridum abbatem Savignensem. — Confirmat bona monasterio Savigniensi concessa. 1241
- XXVI. — Ad S. Norwegiæ regem. — Ut Radulphum episcopum Orcadensem in integrum restituat. 1241
- XXVII. — Ad episcopum Candidæ-Casæ. — Adeat Thomam [ep. Thurstanum] archiepiscopum Eboracensem, a quo consecratur. 1142
- XXVIII. — Ad G. Cantuariensem archiepiscopum, etc., et ad regem Anglorum. 1242
- XXIX. — Privilegium pro Ecclesia Eboracensi. 1242
- XXX. — Ecclesie Ravennatis jura confirmat. 1243
- XXXI. — Ad episcopos Provincie. Pro Lerinensi monasterio, ut ablata restituant, et ab aliis restitui faciant. 1245
- XXXII. — Ad Gerardum episcopum Teatinum. 1245
- XXXIII. — Ad Didacum archiep. Compostel. 1246
- XXXIV. — Ad eundem. 1246
- XXXV. — Ad Alexandrum episcopum Lincolniensem. — Lincolnienis Ecclesie privilegia confirmat. 1246
- XXXVI. — Privilegium confirmationis possessionum et honorum monasterii S. Theoderici Remensis. 1247
- XXXVII. — Fratrum S. Marie Præmonstratensis disciplinam possessionesque confirmat. 1249
- XXXVIII. — Confirmatio foundationis ecclesie Capenbergensis. 1249
- XXXIX. — Privilegium pro monasterio S. Evangelistæ Kaltenborniensi. 1252
- XL. — Privilegium pro ecclesia S. Marie Placentina. 1253
- XLI. — Monasterium S. Blasii in protectionem apostolicam recipit, et confirmat liberam advocatiam. 1254
- XLII. — Monasterium Wiblingense ejusque bona confirmat et in protectionem apostolicam recipit. 1259
- XLIII. — Monasterii S. Lamberti protectionem suscipit, possessionesque ac jura confirmat, annuo bizantii numis censu monachis imposito. 1258
- XLIV. — Breve ad episcopos et proceres Gallie, ut Pontium olim abbatem Cluniacensem coerceant. 1258
- XLV. — Ad monachos Cluniacenses. — Ut Pontium abbatem rejiciant. 1259
- XLVI. — Ad Humbaldum archiepiscopum Lugdunensem. — Eiusdem argumenti. 1259
- XLVII. — Rogerto, archiepiscopo Pisano, restituit jus consecrandorum episcoporum Corsicavorum, palliumque concedit. 1261
- XLVIII. — Petro abbati abbatiam Cluniacensem arripit, Pontiumque, « excommunicatum, invasorem, deprædatorem, sacrilegum et schismaticum, » damnat. 1265
- XLIX. — Privilegium pro Fontes Ebraldi. 1268
- L. — Ad Didacum archiep. Compostel. 1269
- LI. — Ad Albertum archiep. Mogunt. 1269
- LII. — Ad canonicos S. Frigidiani Lucensis. 1270
- LIII. — Monasterii S. Udalrici et S. Afræ Cronzlingensis disciplinam, possessiones, privilegia confirmat. 1270
- LIV. — Al[delbertum] archiepiscopum Moguntinum reprehendit quod designatum Ecclesie Wirziburgensis episcopum ante dijudicatam causam contra canones excommunicaverit. 1271
- LV. — Ad Petrum Cluniacensem abbatem. — De Pontii invasoris obitu et sepultura. 1272
- LVI. — Paululpho, Londonis comitis Aquinensis filio, interdicit ne in possessione B. Petri castrum ædificet. 1272
- LVII. — Episcopis, abbatibus, baronibus, etc., per Angliam constitutis significat se Guillelmo archiepiscopo Cantuariensi legationem Angliæ Scythique commisisse. 1272
- LVIII. — Privilegium pro cœnobio S. Petri Carnot., de pluribus ab eo confirmatis ecclesiis. 1273
- LIX. — Bulla seu diploma quo fundatio abbatie Sponheimensis confirmatur. 1274
- LX. — Ad Richardum Bajocensem episcopum. — Ne amplius jura monasterii S. Benigni Divion. infringat. 1275
- LXI. — Ad Ottonem Halberstad. eplec. 1277
- LXII. — Canonie Faventin. bona confirmat. 1277
- LXIII. — Ecclesie Trevirensis privilegia, possessionesque confirmat, et Mainero archiepiscopo concecit ut pallio præferendaque cruce utatur, atque « in constitutis ecclesiis stationibus cum naco albo equitet. » 1278
- LXIV. — Diocesis Mutinensis fines et ecclesie possessiones, petente Dodone episcopo, confirmat. 1278
- LXV. — Ad Matthæum Albonensem episcopum, apostolicæ sedis legatum. — Pro monasterio Luxoviensi, ut ablata eis a Divionensibus monachis restituantur. 1278
- LXVI. — Ecclesie S. Frigidiani Lucensis possessiones et privilegia confirmat. 1279
- LXVII. — Ad episcopos provincie Turonensis, ut observent statuta Concilii Nampetensis. 1279
- LXVIII. — Ad Balduinum Hierosolymorum regem. 1280
- LXIX. — Ad Tyrios. — Significat se Willelmum Tyri archiepiscopum lectum, et patriarcha Hierosolymitano consecratum, pallio donasse. 1281
- LXX. — Ad Gaucemundum Hierosolymitanum archiepiscopum. — Eiusdem argumenti. 1281
- LXXI. — Bernardo, patriarchæ Antiocheno per Adridium episcopum Tusulanum, præcipit ut Ecclesie Tyriæ restituat quos delinquent suffraganeos. 1281
- LXXII. — Privilegium pro ecclesia S. Sepulcri Hierosolymitani. 1281
- LXXIII. — Florellensem abbatiam suscipit in tutam sedis apostolicæ, ejusque possessiones confirmat. 1281
- LXXIV. — Ad Alexandrum episcopum et clerum Laudensem. — Damnat pontifex pravam consuetudinem exigendi pecunias ab his qui recipiuntur in canonicis. 1285
- LXXV. — Clerum, consules et populum Pistorie, cum hortatur ut il[li] [deprando] episcopo ad ecclesiam B. Petri construendam pecuniam tribuant. 1285
- LXXVI. — Ad Ludovicum VI Francorum regem. — Henricum regis filium clericum in suam protectionem suscipit. 1286
- LXXVII. — Ad Odalricum Constantiensem episcopum. — Monet ut hortetur Rodolphum comitem de Leuzburg, ut a vexatione monasterii Rhenangiensis desistat. 1287
- LXXVIII. — Ad Burchardum Meldensem episcopum. — Pravam illam consuetudinem diripiendi post episcoporum obitum Ecclesie bona, assente Tebaldo, comite Blesensi, abolitam nuntiat. 1287
- LXXIX. — Ad parochianos ecclesie S. Frigidiani Lucensis. 1287
- LXXX. — Bulla pro confirmatione ecclesie honorum Steinfeldæ. 1288
- LXXXI. — Ad Bernardum Melgoriensem comitem. — Præcipit ut Melgoriensis moneta non alibi quam Melgorii fiat. 1288
- LXXXII. — Hospitalem domum et ecclesiam S. Marie diocesis Cenetensis, sub protectione sedis apostolicæ suscipit. 1289
- LXXXIII. — Ad Adalberonem archiep. Hanburg. — Commendat E., presbyterum cardinalem. 1289
- LXXXIV. — Ad archidiaconum et præcentorem Agathensem. 1289
- LXXXV. — Ad clerum et populum Tullensem. — Servandam mandat excommunicationis sententiam in Theodorico de imbercure prolatum. 1290
- LXXXVI. — Ad Willelmum archiepiscopum Cantuariensem, apostolicæ sedis legatum. 1291
- LXXXVII. — Regulares canonicos in monasterio Aganensi constitutos confirmat. 1292
- LXXXVIII. — Ad Matthæum Albanensem episcopum, apostolicæ sedis legatum. Litem ei dijudicandam committit inter Henricum Virdunensem episcopum, multis accusationibus impetitam, et ejus accusatores. 1292
- LXXXIX. — Privilegium pro ecclesia S. Petri Bannensis. 1293
- XC. — Bulla pro Viudocinensi monasterio. 1294
- XCI. — Sugerio abbati S. Dionysii mandat ut prospiciat discipline parthenonis Argentoliensis, a Stephano episcopo Parisiensi S. Dionysii restituti. 1296
- XCI. — Pro monasterio S. Martini Nivernensis. 1297
- XCI. — Monasterium S. Marie de Curatio tuendum suscipit, quique diebus quibusdam monasterium adierint, sic « annos octo de injunctis penitentibus relaxat. » 1298
- XCI. — Privilegium pro monasterio S. Marie Aulxhornensis. 1299
- XCV. — Privilegium pro ecclesia S. Martini Turonensis. 1300

XCVI. — Ad P[se]lagium archiepiscopum Bracarensem — Proxima Dominica, qua legitur: « Ego sum pastor bonus » ad sese venire jubet.	1301	Prologus in Leviticum.	1357
XCVII. — Didaco archiepiscopo Compostellano gratias agit quod ipsum et S. Romanam Ecclesiam « visitaverit, » etc.	1302	Epitaphium Richardi.	1359
XCVIII. — A [defonso] Hispaniarum regi commendat legatum suum, Hubertum presbyterum cardinalem.	1302	STEPHANUS ABBAS CISTERCIENSIS III.	
XCIX. — Ad Norbertum archiepiscopum Magdeburgensem — Confirmat substitutionem Præmonstratensium clericis minus religiose viventibus.	1303	Notitia historica.	1361
C. — Ad Conradum Salzburgensem archiep.	1303	CENSURA DE ALIQUOT LOCIS BIBLIORUM.	1375
CI. — Monasterii S. Patri (in Nigra Silva) protectionem suscipit et privilegia confirmat.	1304	SERMO IN OBITU PRÆDECESSORIS SUI.	1375
CII. — Ecclesie Hadmerslebensis possessiones confirmat.	1305	EPISTOLÆ.	
CIII. — Ad Bituricensem, Turonensem, Burdegalensem, Auxiensem et Dolensem archiepiscopos.	1306	I. — Ad Ludovicum regem cognomine Crassum.	1375
CIV. — Privilegium pro Ecclesia Meldensi.	1306	II. — Stephani abbatis, Hugonis Pontiniacensis, Bernardi de Clara-Valle ad Honorium papam.	1378
CV. — Privilegium pro monasterio S. Georgii Pruefeningensis.	1307	CHARTA CHARITATIS.	
CVI. — Privilegium pro ecclesia Sanctæ Margaretæ Baumburgensis.	1308	CAP. I. — De singulari inter personas hujus ordinis consensione circa sensum et praxim Regulæ S. Benedicti cæterosque alios usus ac cæremonias.	1577
CVII. — Confirmatio foundationis ecclesie Denekendolfensis.	1309	CAP. II. — De visitationibus Patrum abbatum, ac mutua ipsorum ad invicem honoris prosecutione.	1379
CVIII. — Ad canonicos ecclesie S. Frigidiani Lucensis.	1310	CAP. III. — De institutione, auctoritate et forma capituli generalis.	1380
CIX. — Ad eosdem.	1311	CAP. IV. — De electionibus abbatum.	1381
CX. — Heinrici quondam imperatoris de jurejurando a clericis non dando legem, die 3 mensis Aprilis Arimini datum, confirmat.	1311	CAP. V. — De cessione et depositione abbatum.	1382
CXI. — Confirmatio foundationis Beyronensis canonicæ, item benedictionis abbatialis et investituræ cum virga pastoralis concessio.	1312	USUS ANTIQUIORES ORDINIS CISTERCIENSIS.	1383
CXII. — Monasterii Altahensis (superioris) libertatem confirmat.	1314	Admonitio.	1383
Appendix ad epistolas Honorii II papæ.	1315	PARS PRIMA. — Breviarii ac Missalis Cisterciensis secundum Regulam S. Benedicti dispositio.	1385
DIVERSORUM AD HONORIUM EPISTOLÆ.	1317	CAP. I. — De adventu Domini.	1385
I. — Matthæi Albanensis episcopi apostolicæ sedis legati epistola ad Honorium. — Sexagesimæ quintæ Honorii respondet gesta que in concilio Remensi significat.	1317	CAP. II. — Quomodo per hiemem privatis diebus ad Vigiliis dividuntur Responsoria.	1385
II. — Adalberti Moguntini archiepiscopi et apostolicæ sedis legati. — Epistolæ 54 Honorii respondet.	1318	CAP. III. — De vigilia Nativitatis Domini.	1385
III. — Cleri Rothomagensis. — De electione Augonis archiepiscopum Rothomagensem.	1319	CAP. IV. — De Nativitate Domini.	1387
HARMONIA SIVE TRACTATUS DE LIBERO ARBITRIO ET GRATIA.	1319	CAP. V. — De octavis Domini.	1388
Observatio prævia.	1319	CAP. VI. — Quomodo a Nativitate Domini usque ad Septuagesimam, diebus Dominicis officia missarum disponantur singulis annis.	1389
Prologus ad Gerardum Quintini decanum.	1321	CAP. VII. — De sancto Silvestro.	1391
INCIPIO HARMONIA.	1321	CAP. VIII. — Quid post Circumcisionem Domini usque ad Septuagesimam ad Vigiliis sit legendum.	1391
G. ABBAS.		CAP. IX. — In Vigilia Epiphaniæ.	1391
EPISTOLA ad A. priorem S. Victoris Massiliensis.	1335	CAP. X. — De « Domine, ne in ira » et « Benedicam Dominum. »	1392
DOMNIZO PRESBYTER ET MONACHUS CANUSINUS.		CAP. XI. — De Septuagesima.	1392
Notitia historica.	1339	CAP. XII. — De Tractibus.	1393
VITA MATHILDIS COMITISSÆ.	1339	CAP. XIII. — De Capite jejunii.	1393
ABBAUDUS ABBAS.		CAP. XIV. — De festis sanctorum quæ a Capite jejunii usque ad Dominicam in Palmis evenierint.	1395
Notitia.	1339	CAP. XV. — De Dominica prima Quadragesimæ et observatione ejusdem temporis.	1395
TRACTATUS DE FRACTIONE CORPORIS CHRISTI.	1341	CAP. XVI. — De duobus hebdomadis ante Pascha.	1396
BRUNO ARGENTINENSIS EPISCOPUS.		CAP. XVII. — Ordo in Ramis Palmarum.	1397
Notitia.	1347	CAP. XVIII. — Quomodo incipiendæ sunt Passiones.	1398
Epistola ad Gerbohum præpositum.	1347	CAP. XIX. — De feria quarta ante Pascha.	1398
FRIDERICUS COLONIENSIS ARCHIEPISCOPUS		CAP. XX. — De Cœna Domini et Parasceve et vigilia Paschæ.	1398
EPISTOLA ET DIPLOMATA.	1349	CAP. XXI. — Item de Cœna Domini.	1399
I. — Epistola Friderici archiepiscopi Coloniensis ad cleum Leodiensem. Incepat eos, quod præcipiti electione, admissis etiam in suo conventu excommunicatis, in Alexandrum vota sua contulerint, eosque ad suum citat tribunal ad Indam monasterium.	1349	CAP. XXII. — De Parasceve.	1401
II. — Diploma Friderici Coloniensis archiepiscopi pro Corbeia Nova. — Confirmat ei decimas de mansis dominicatis in suo episcopatu, olim in solemnibus concilio tempore Arnolphi imperatoris concessas.	1352	CAP. XXIII. — De vigilia Paschæ.	1403
III. — Diploma Friderici Coloniensis archiepiscopi pro monasterio Groffschatensi.	1353	CAP. XXIV. — De festis sanctorum quæ post Sabbatum ante Dominicam in Palmis usque ad Octavas Paschæ occurrunt.	1405
IV. — Epistola Friderici archiepiscopi Coloniensis ad Mediolanenses. — Hortatur ad resistendum Ecclesie inimicis.	1354	CAP. XXV. — De Septimana Paschæ.	1405
V. — Epistola Friderici Coloniensis archiepiscopi ad Ecclesiam Leodiensem. — Mandat ne intrusum per Simoniam nominatione regia in sede Leodiensi recipiant.	1355	CAP. XXVI. — De octavo die Paschæ.	1406
VI. — Friderici Coloniensis archiepiscopi litteræ formatæ.	1356	CAP. XXVII. — De tempore Resurrectionis.	1406
RICHARDUS ABBAS PRATELLENSIS.		CAP. XXVIII. — De Rogationibus.	1406
Notitia historica.	1357	CAP. XXIX. — De Ascensione Domini.	1307
		CAP. XXX. — De Vigilia Pentecostes.	1407
		CAP. XXXI. — De Octavis ejusdem.	1407
		CAP. XXXII. — De Dominicis officii ab Octavis Pentecostes usque ad Adventum.	1408
		CAP. XXXIII. — De solemnitatibus quibus non laboramus et quæ Dominica non evenierint.	1409
		CAP. XXXIV. — De solemnitatibus quibus non laboramus et quæ Dominica evenierint.	1409
		CAP. XXXV. — De solemnitatibus quibus laboramus et quæ Dominica evenierint.	1409
		CAP. XXXVI. — De Dominicis diebus quibus duodecim Lectionum solemnitas non celebratur.	1409
		CAP. XXXVII. — Quo ordine missæ agantur privatis diebus.	1410
		CAP. XXXVIII. — De numero Collectarum ad missas	1411
		CAP. XXXIX. — De quatuor historis quæ cantantur a Kalendis Augusti usque in Adventum Domini.	1412
		CAP. XL. — Quæ septimana jejunia Quatuor Temporum in mense Septembri agenda sunt.	1412
		CAP. XLI. — Quomodo legantur libri in refectorio a Pentecoste usque ad Kalendas Novembris.	1412



- CAP. XLII.** — De Antiphonis in Sabbatis dicendis. 1413  
**CAP. XLIII.** — De festis sanctorum quæ Dominicis diebus vel in Ascensione Domini venerint. 1414  
**CAP. XLIV.** De festis sanctorum quæ venerint sabbatis 1414  
**CAP. XLV.** — De Vigilis sanctorum. 1415  
**CAP. XLVI.** — De Octavis Domini et sanctorum. 1415  
**CAP. XLVII.** — De purificatione Sanctæ Mariæ. 1417  
**CAP. XLVIII.** — De canticis. 1417  
**CAP. XLIX.** — De festis in quibus laboramus. 1418  
**CAP. L.** — Quibus temporibus et quo ordine celebrandum est officium defunctorum. 1418  
**CAP. LI.** — Quo ordine dicantur collectæ pro defunctis. 1420  
**CAP. LII.** — De officiis defunctorum præcipuis. 1420  
**PARS SECUNDA.** — De cæremoniis tam in horis canonicis quam in missarum celebratione observandis. 1421  
**CAP. LIII.** — Quomodo se agant sacerdos et ministri ad Missas festivas. 1421  
**CAP. LIV.** — De missis in quibus tantum unus minister fuerit. 1428  
**CAP. LV.** — Quo ordine benedicatur aqua. 1429  
**CAP. LVI.** — Quomodo conventus se agat ad missas. 1430  
**CAP. LVII.** — De Pace. 1432  
**CAP. LVIII.** — De Communione. 1432  
**CAP. LIX.** — De privatis missis. 1433  
**CAP. LX.** — Quibus diebus dæ missæ canuntur. 1434  
**CAP. LXI.** — Quando sacerdos et ministri debeant ascendere ad altare. 1435  
**CAP. LXII.** — De « Kyrie eleison. » 1435  
**CAP. LXIII.** — Quando canitur « Gloria in excelsis Deo » et « Ite missa est. » 1436  
**CAP. LXIV.** — Quibus diebus intermittendæ sunt usitatæ Collectæ. 1436  
**CAP. LXV.** — Quibus diebus « Credo in unum Deum » dicatur. 1436  
**CAP. LXVI.** — Quando debeant fratres ad Pacem et Communionem ire. 1437  
**CAP. LXVII.** — Quibus diebus ardeant tres lampades, et quibus habeantur sermones in capitulo. 1437  
**CAP. LXVIII.** — Qualiter se habent fratres Dominicis et festis diebus. 1437  
**CAP. LXIX.** — De laudibus. 1440  
**PARS TERTIA.** — De ritibus in exercitiis regularibus observandis. 1440  
**CAP. LXX.** — De capitulo et confessione. 1439  
**CAP. LXXI.** — Qualiter se habeant fratres tempore lectionis. 1446  
**CAP. LXXII.** — Quas officinas ingredi fratres debeant, et quando. 1447  
**CAP. LXXIII.** — De misto. 1448  
**CAP. LXXIV.** Qualiter se habeant fratres in hieme privatis diebus a Vigilis usque ad Tertiam. 1448  
**CAP. LXXV.** — De labore. 1450  
**CAP. LXXVI.** — De refectioe. 1452  
**CAP. LXXVII.** — De servitoribus. 1455  
**CAP. LXXVIII.** — De Vesperis. 1455  
**CAP. LXXIX.** — Quomodo se habeant fratres post Vesperas omni tempore. 1456  
**CAP. LXXX.** — De bibere post Vesperas. 1456  
**CAP. LXXXI.** — De collatione. 1456  
**CAP. LXXXII.** — Qualiter se agant fratres post Completorium. 1457  
**CAP. LXXXIII.** — Qualiter se agant fratres in æstate, de vigilis et usque post Vesperas. 1458  
**CAP. LXXXIV.** — De bibere post Nonam. 1459  
**CAP. LXXXV.** — De tempore secationis et messonis. 1460  
**CAP. LXXXVI.** — De rasuris. 1461  
**CAP. LXXXVII.** — De processione episcoporum. 1462  
**CAP. LXXXVIII.** — De hospitibus suscipiendis. 1462  
**CAP. LXXXIX.** — De dirigendis in via. 1463  
**PARS QUARTA.** — De cura infirmorum et suffragiis mortuorum. 1465  
**CAP. XC.** — De vomentibus et sanguinem fluentibus, et servitoribus eorum. 1465  
**CAP. XCI.** — De minutione. 1466  
**CAP. XCII.** — De infirmis extra chorum. 1469  
**CAP. XCIII.** — De infirmis qui sunt in infirmitorio. 1469  
**CAP. XCIV.** — Quo ordine inungantur infirmi. 1471  
**CAP. XCV.** — Quomodo agatur circa defunctum. 1472  
**CAP. XCVI.** — Item de defunctis postquam sunt in ecclesia. 1475  
**CAP. XCVII.** — De vigilis circa defunctum. 1475  
**CAP. XCVIII.** — Quo ordine missæ vel collectæ pro præsentis defuncto dicantur. 1476  
**CAP. XCIX.** — Quo ordine efferatur ad tumulum. 1477  
**CAP. C.** — De parentibus nostris. 1480  
**CAP. CI.** — Quomodo communicantur hospites infirmi. 1480  
**CAP. CII.** — Quomodo hospes sepeliatur. 1480  
**CAP. CIII.** — De novitiis.  
**PARS QUINTA.** — De hebdomadariorum, super officialium muniis.  
**CAP. CIV.** — De hebdomadario sacerdote et m ejus.  
**CAP. CV.** — De hebdomadario Invitatorii.  
**CAP. CVI.** — De servitore ecclesiæ.  
**CAP. CVII.** — De hebdomadario lectore.  
**CAP. CVIII.** — De hebdomadariis ad Mandatum.  
**CAP. CIX.** — De hebdomariis coquinæ.  
**CAP. CX.** — De cocis abbatibus.  
**CAP. CXI.** — De abbate.  
**CAP. CXII.** — De priore.  
**CAP. CXIII.** — De subpriore,  
**CAP. CXIV.** — De magistro novitiorum.  
**CAP. CXV.** — De sacrista et solatio ejus.  
**CAP. CXVI.** — De cantore et solatio ejus.  
**CAP. CXVII.** — De infirmario.  
**CAP. CXVIII.** — De cellerario et solatio ejus.  
**CAP. CXIX.** — De refectorio.  
**CAP. CXX.** — De hospitali monacho.  
**CAP. CXXI.** — De portario et solatio ejus.  
**CAP. CXXII.** — De versu refectiois.  
**EXORDIUM COENOBII ET ORDINIS CISTERCIENSIS.**  
**CAP. I.** — Quo primum tempore S. Robertus abbas molismensis, fundamenta jecit Cisterciensis.  
**CAP. II.** — Epistola Hugonis legati ad Robertum tem Molismensem.  
**CAP. III.** — Egressus monachorum Cisterciensis Molismo, et eorum ad Cistercium adventus.  
**CAP. IV.** — Quomodo locus ille in abbatiam sursum.  
**CAP. V.** — Quod Molismenses monachi aures d papæ pro reditu Roberti abbatis inquietarunt.  
**CAP. VI.** — Epistola papæ pro reditu Roberti abbatis.  
**CAP. VII.** — Decretum legati de toto negotio Molisium atque Cisterciensium.  
**CAP. VIII.** — Commendatio abbatis Roberti.  
**CAP. IX.** — De electione Alberici primi abbatis Cisterciensis ecclesiæ.  
**CAP. X.** — De privilegio Romano.  
**CAP. XI.** — Epistola Joannis et Benedicti cardinalium.  
**CAP. XII.** — Epistola Hugonis Lugdunensis.  
**CAP. XIII.** — Epistola Cabilonensis episcopi.  
**CAP. XIV.** — Privilegium Romanum.  
**CAP. XV.** — Instituta monachorum Cisterciensis Molismo venientium.  
**CAP. XVI.** — De mœstitia eorum.  
**CAP. XVII.** — De morte primi abbatis et promissione secundi, et de institutis eorum.  
**CAP. XVIII.** — De abbatibus quas extruxerunt.  
**JOANNES MONACHUS.**  
**EPISTOLA** ad Adelberonem Trevirensis archiepiscopi de tribus missis in Nativitate Domini celebrandis que festis infra ipsius octavam recolendis.  
**DROGO CARDINALIS ASTIENSIS EPISCOPUS.**  
**Notitia historico-litteraria.**  
**SERMO DE SACRAMENTO DOMINICÆ PASSIONIS.**  
**LIBER DE CREATIONE ET REDEMPTIONE HOMINIS.**  
**DE SEPTEM DONIS SPIRITUS.**  
**LIBER DE DIVINIS OFFICIIS,**  
**SANCTUS HUGO GRATIANOPOLITANUS EPISCOPUS.**  
**Notitia.**  
**Notitia altera**  
**VITA,** auctore Guigone.  
**EXCERPTA E CHARTULARIO ECCLESIE GRATIANOPOLITANÆ.** — De injuriis quas fecit Guido Viennensis archiepiscopus Ecclesiæ Gratianopolitanæ et ejus Ecclesiæ episcopo Hugoni de Salmoriacensi.  
**EPISTOLÆ ET DIPLOMATA.**  
**I.** — Ad archiepiscopum et canonicos Ecclesiæ Tonsinensis. — Epistolam Cruciferorum de rebus in Orgeis transmittit.  
**II.** — Charta Hugonis episcopi Gratianopolitani, in qua ne mulieres Carthusiam accedant.  
**III.** — Charta Leotardi filii Willelmi pro feudo cellæ episcopalis.  
**IV.** — Charta Guirpilonis factæ per Leodegariu Clariaco et alios Hugoni episcopo Gratianopolitano tota terra de Fabriis.  
**V.** — Guerpilio de decima facta a Petro Gorga Hugoni episcopo Gratianopolitano.

FINIS TOMI CENTESIMI SEXAGESIMI SEXTI.





THIS VOLUME  
DOES NOT CIRCULATE  
OUTSIDE THE LIBRARY



3 2044 054 760 236

THIS VOLUME  
DOES NOT CIRCULATE  
OUTSIDE THE LIBRARY